


ସତ୍ତିଅର୍ ବାଣ୍



The New Testament in the Desiya language of India: ସତ୍ତିଅର୍
ବାଣ୍ (Bible)

ସତ୍ତ୍ୱ ବାବ୍

The New Testament in the Desiya language of India: ସତ୍ତ୍ୱ ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱ ବାବ୍
ନୂଆ ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2023-04-08

PDF generated using Haiola and XeLaTeX on 18 Apr 2025 from source files dated 9 Apr 2023

cd4d7c1f-dc97-5fb4-a0ba-ab968fde9cde

Contents

ମାତିତ	1
ମାରକ	55
ଲୁକ୍	91
ଜଅନ୍	148
ଫେରିତ୍	189
ରମିଅ	239
୧ମ କରନ୍ତିୟ	262
୨ୟ କରନ୍ତିୟ	284
ଗାଲାତିୟ	300
ଏପିସିୟ	309
ପିଲିପିୟ	317
କଲସିଅ	324
୧ମ ଡେସଲନିକିୟ	330
୨ୟ ଡେସଲନିକିୟ	335
୧ମ ତିମତି	338
୨ୟ ତିମତି	345
ତିତସ୍	350
ପିଲିମନ୍	354
ଏବ୍ରି	356
ଜାକୁବ	374
୧ ମ ପିତର	381
୨ ଯ ପିତର	388
୧ ମ ଜଅନ୍	392
୨ ଯ ଜଅନ୍	399
୩ ଯ ଜଅନ୍	401
ଜିଉଦା	403
ପର୍କାସିତ	405

ଯୀଶୁ ଖ୍ରୀଷ୍ଟଙ୍କ ବିଷୟରେ ମାଥୁର ଲେଖିଥିବା ସୁସମାଚାର ଜିସୁକ୍ରିଷ୍ଟ ବିଷୟ ନେଇକରି ମାଡ଼ିତ ଲେଖିରଇବା ନିମନ୍ତ କବଚ ଏ ବଇ ବିଷୟ ଜାନ୍‌ବାଟା

ମସିଅକେ ରାଇଜ୍ ସାସନ୍ କରବା ରାଜା ଆଇସି ବଲି ବିସ୍‌ବାସ୍ କର୍ତ୍ତେରଇଲା । ମାଡ଼ିତ ସେମନ୍ ବିସ୍‌ବାସ୍ କରିରଇବାଟା ବାଦ୍‌ଲାଇ ଦେଲା । ପର୍ମେସରର୍ ରାଇଜ୍ ଅଇଲାନି ଆଡ଼ମାର୍ ରାଇଜ୍, ଏ ଜଗତର୍ ରାଇଜ୍ ନଏଁ ବଲି ସେଟା ଗୁରୁତୁସଙ୍ଗ ସିକାଇତେରଇଲା ।

ମାଡ଼ିତ ଲେକ୍‌ଲା ସୁବ୍‌କବର୍ ନୁଆ ନିଅମର୍ ପର୍ତୁମର୍ ବଇ ଇସାବେ ମିସାଇଲେ ନିକ । କାଇକେ ବଇଲେ ପୁରନା ନିୟମର୍ ବାକିଅମନ୍ ଅଦିକ୍ ମିସି କରି ଆଚେ । ଏ ବଇ ପୁରନା ନିୟମକେ ଆରି ନୁଆ ନିୟମକେ ମିସାଇସି । ପଣ୍ଡିତମନ୍ ମିସା କଇବାଇ ମାଡ଼ିତ ତାର୍ ଲେକାଟାନେ ମସାର୍ ନିୟମ୍ ବଇମନର୍ ପାରା କରବାକେ ଚେସ୍‌ଟା କରିଆଚେ । ଜିସୁ ତଙ୍ଗର୍ ଉପ୍‌ରେ ସିକିଆ ଦେବା ବିଷୟ ମାଡ଼ିତ ୫:୭ ପର୍ମେସର୍ ମସାର୍ ନିୟମ୍ ଦେବା ବିଷୟ ସଙ୍ଗ୍ ମିସା ତୁଲ୍‌ନା କରିଅଇସି ୨ୟ ବିବରଣି ୧୯:୩;୨୩-୩୩

ଏ ବଇବିତ୍‌ରେ ରଇଲାଟା

- ୧. ଜିସୁର୍ ଜନମ୍ ଆରି ତାର୍ ସେବାକାମ୍ । ୧-୪
- ୨. ଜିସୁର୍ ସେବାକାମ୍ ଆରି ସିକିଆ । ୫-୨୫
- ୩. ଜିସୁ କିରିସ୍‌ଟର୍ ମରନ୍ ଆରି ମରିକରି ଉଟ୍‌ବାଟା । ୨୬-୨୮

ଜିସୁର୍ ଆନିଦାଦିମନର୍ ନାଉଁ ତାଲିକା
(ଲୁକ୍ ୩:୨୩-୩୮)

୧ ଏଟା ଅଇଲାନି ଜିସୁକ୍ରିଷ୍ଟର୍ ଆନିଦାଦିମନର୍ ନାଉଁ ତାଲିକା । ସେ ଦାଉଦ୍ ବଂସର୍ ରଇଲା ଆରି ଦାଉଦ୍ ଅବ୍ରାଆମ୍ ବଂସର୍ ରଇଲା ।

- ୨ ଅବ୍ରାଆମର୍ ପଅ ଇସାକ୍, ଇସାକର୍ ପଅ ଜାକୁବ୍, ଜାକୁବର୍ ପଅ ଜିଉଦା ଆରି ତାର୍ ବାଇମନ୍ ।
- ୩ ଜିଉଦା ପେରସ୍ ଆରି ଜେରଥର୍ ବାବା ରଇଲା, ତାକର୍ ମାଆ ଅଇଲାନି ତାମର୍ । ପେରସର୍ ପଅ ଏସ୍‌ରନ୍ ।
- ୪ ଏସ୍‌ରନ୍‌ର୍ ପଅ ଆରାମ୍, ଆରାମର୍ ପଅ ଅମିନାଦବ୍ ଅମିନାଦବର୍ ପଅ ନଅସନ୍, ନଅସନ୍‌ର୍ ପିଲା ସଲ୍‌ମନ୍
- ୫ ସଲ୍‌ମନ୍‌ର୍ ପଅର୍ ନାଉଁ ବୟଜ୍, ବୟଜର୍ ମାଆ ରାଅବ୍ । ବୟଜର୍ ପଅର୍ ନାଉଁ ଅବେଦ୍ ଆରି ଅବେଦର୍ ମାଆର୍ ନାଉଁ ରୁଡ୍ । ଅବେଦର୍ ପଅ ଜସୟ୍,
- ୬ ଦାଉଦ୍ ରାଜାର୍ ସାସନ୍ ବେଲେ ଅନି ଜେଡେବଲ୍ ଇସ୍ରାଏଲ୍ ଲକ୍‌ମନ୍‌କେ ବାବିଲନ୍ ଦେସେ ବାନ୍ଦି ନେଇରଇଲା ଜାକ ସେଡକି ଆନିଦାଦିମନର୍ ତାଲିକା ଆଚେ । ଜସୟର୍ ପଅ ଦାଉଦ୍ ରାଜା । ଉରିୟର୍ ମାଇଜିର୍ ପେଟେ ଅନି ସଲ୍‌ମନ୍‌କେ ଜନମ୍ ଦେଲା,
- ୭ ସଲ୍‌ମନ୍‌ର୍ ପଅ ରିଅବିୟାମ୍ ରିଅବିୟାମର୍ ପଅ ଅବିୟ ।
- ୮ ଅବିୟର୍ ପଅ ଆସା, ଆସାର୍ ପଅ ଜିଅସାପଟ୍, ଜିଅସାପଟର୍ ପଅ ଜରାମ୍, ଜରାମର୍ ପଅ ଉଜିୟ ।
- ୯ ଉଜିୟର୍ ପଅ ଜତାମ୍, ଜତାମର୍ ପଅ ଆଅସ୍, ଆଅସର୍ ପଅ ଇଜକିୟ ।
- ୧୦ ଇଜକିୟର୍ ପଅ ମନସେଅ, ମନସେଅର୍ ପଅ ଆମନ୍, ଆମନ୍‌ର୍ ପଅ ଜସିୟ ।
- ୧୧ ଜସିୟ ବାବିଲନ୍ ନଅରେ ବାସା ଅଇରଇଲା ବେଲେ, ଜିକନିୟ ଆରି ତାର୍ ବାଇମନ୍ ଜନମ୍ ଅଇଲା ।
- ୧୨ ବାବିଲନେ ବନ୍ଦିଅଇ ସାର୍‌ଲା ପଚେଅନି ଜିସୁର୍ ଜନମ୍ ଜାକ ଏଡକି ଆନିଦାଦିମନର୍ ତାଲିକା ଆଚେ । ଜିକନିୟ ବାବିଲନେ ବାସାଅଇରଇଲା ବେଲେ, ସଲ୍‌ଟିଏଲ୍ ଜନମ୍ ଅଇଲା, ସଲ୍‌ଟିଏଲ୍‌ର୍ ପଅ ଜିରୁବାବେଲ୍,
- ୧୩ ଜିରୁବାବେଲ୍‌ର୍ ପଅ ଅବିଉଦ୍, ଅବିଉଦର୍ ପଅ ଏଲିୟାକିମ୍, ଏଲିୟାକିମର୍ ପଅ ଅଜୁର୍ ।
- ୧୪ ଅଜୁର୍ ପଅ ସାଦକ୍, ସାଦକର୍ ପଅ ଆକିମ୍, ଜାକିନର୍ ପଅ ଏଲିଉଦ୍, ଏଲିଉଦର୍ ପଅ ଏଲାଜାର୍, ଏଲାଜାର୍‌ର୍ ପଅ ମଡ୍‌ତାନ୍ ।
- ୧୫ ମଡ୍‌ତାନ୍‌ର୍ ପଅ ଜାକୁବ୍, ଜାକୁବର୍ ପଅ ଜସେପ୍ ।
- ୧୬ ଏ ଜସେପ୍ ମରିୟମ୍‌କେ ବିବା ଅଇରଇଲା । ମରିୟମର୍ ପେଟେଅନି ଜିସୁ ଜନମ୍ ଅଇରଇଲା । ଜିସୁ କିରିସ୍‌ଟକେ ମସିଅ ବଲି ମିସା ନାଉଁ ଆଚେ ।
- ୧୭ ଏନ୍ତାରି ଅବ୍ରାଆମର୍‌ଡେଇ ଅନି ଦାଉଦ୍ ରାଜାର୍ ଜାକ ଚଉଦ ଉତାର୍, ଦାଉଦର୍‌ଡେଇ ଅନି ବାବିଲନ୍ ବନ୍ଦିରଇଲା ଜାକ ଚଉଦ ଉତାର୍, ଆରି ବାବିଲନେ ବନ୍ଦିଅଇରଇଲା ବେଲେଅନି ଜିସୁକ୍ରିଷ୍ଟର୍ ଜନମ୍ ଜାକ ଚଉଦ ଉତାର୍ ।

ଜିସୁର ଜନମ୍ ବିସଇ
(ଲୁକ୍ ୨:୧-୭)

୧୮ ✨ଏଗା ଅଇଲାନି ଜିସୁ କିରିସ୍ତର୍ ଜନମ୍ ବିସଇ । ଜିସୁର୍ ମା ମରିୟମର୍ ସଙ୍ଗ୍ ଜସେପ୍ ନାଉଁର୍ ଗଟେକ୍ ଦାଙ୍ଗ୍ଡାର୍ ପାଇ ବିବା ମାଙ୍ଗ୍ନି ଅଇରଇଲା । ମାତର୍ ସେମନର୍ ବିବା ନ ଅଇତେ ସୁକଲ୍ ଆଡ଼ମାଇ ଅନି ଗାଗ୍ତେ ଅଇରଇବାଟା ମରିୟମ୍ ଜାନିପାରଲା ।

୧୯ ଜସେପ୍ ଗଟେକ୍ ଦରମ୍ ଲକ୍ ରଇଲା ଆରି ସବୁବେଲେ ସତ୍ କାମ୍ କର୍ତେରଇଲା । ଆରି ମରିୟମ୍‌କେ ଲକ୍‌ମନର୍ ଟାନେ ନିନ୍ଦା କାତା ସୁନାଇବାକେ ମନ୍ ନ କର୍ତେ ରଇଲା । ସେଟାପାଇ କେ ନାଜାନ୍ତେ ତାର୍ ବିବା ମାଙ୍ଗ୍ନି ପିଟାଇଦେବାକେ ଉପାଇ ପାଁର୍ତେ ରଇଲା ।

୨୦ ସେ ଏକ୍ତି ଉପାଇ ପାଁର୍ଲା ବେଲେ, ଜସେପ୍‌କେ ଗଟେକ୍ ପର୍ମେସରର୍ ଦୁଡ୍ ସପ୍‌ନେ ଦେକାଇ ଅଇ କଇଲା, ଏ ଦାଉଦର୍ ନାତିର୍ ତିତି ଜସେପ୍, ତରନାଇ । ମରିୟମ୍‌କେ ମାଇଜି କରି ସଙ୍ଗ୍‌ଅ । କାଇକେବଇଲେ ସୁକଲ୍ ଆଡ଼ମାଇ ଅନି ସେ ଗାଗ୍ତେ ଅଇଲାଆଟେ ।

୨୧ ✨ତାର୍‌ଟାନେଅନି ଗଟେକ୍ ପିଲା ଜନମ୍ ଅଇସି, ତମେ ତାକେ ଜିସୁ ବଲି ନାଉଁ ଦିଆସ୍, କାଇକେବଇଲେ ସେ ତାର୍ ଲକ୍‌ମନ୍‌କେ ସେମନର୍ ପାପେଅନି ଉଦାର୍ କର୍ସି ।

୨୨ ଆଇବା ଦିନମନକେ କାଇଟା ଅଇସି ବଲି, ପର୍ମେସର୍ ଗଟେକ୍ ବବିସତ୍‌ବକ୍ତାକେ ପାଟାଇ ଜନ୍ କାତା ସୁନାଇରଇଲା, ସେଟା ପୁରାପୁରନ୍ ଅଇବାକେ ଏ ସବୁ ଅଇଲା ।

୨୩ ଗଟେକ୍ ଦାଙ୍ଗ୍ଡି ଗାଗ୍ତେ ଅଇ ପିଲା ଜନମ୍ କର୍ସି, ଆରି ସେ ପିଲା ଲକ୍‌ମନର୍ ଟାନେ ଇମାନୁଏଲ୍ ବଲି ନାମାଇ ଅଇସି, ଏ ନାଉଁର୍ ଅରଡ୍ ଅଇଲାନି, ପର୍ମେସର୍ ଆମର୍ ସଙ୍ଗ୍ ଆଟେ ।

୨୪ ଜସେପ୍ ସଇଲା ଟାନେଅନି ଉଟି, ପର୍ମେସରର୍ ଦୁଡ୍ ଜେକ୍ତି କଇରଇଲା, ସେକ୍ତି କଲା । ମରିୟମ୍‌କେ ବିବା ଅଇଲା ।

୨୫ ✨ମାତର୍ ସେ ପିଲା ଜନମ୍ ନ ଅଇବା ଜାକ ମରିୟମ୍ ସଙ୍ଗ୍ ସୁଆବସା କରେନାଇ । ଜସେପ୍ ସେ ପିଲାକେ ଜିସୁ ବଲି ନାଉଁ ଦେଲା ।

୨

ପୁରୁବ୍ ଦେସର୍ ପଣ୍ଡିତମନ୍ ଆଇବାଟା

୧ ଏରଦ୍ ରାଜାର୍ ସାସନ୍ ବେଲେ, ଜିଉଦା ରାଇଜର୍ ବେଡ୍‌ଲିଇମେ ଜିସୁ ଜନମ୍ ଅଇଲା । ଜନମ୍ ଅଇ ଚନେକ୍ ଜିବାକେ ପୁରୁବ୍ ଦେସର୍ କେତେଟା ତାରାର୍ ବିସଇ ପଡ୍‌ତେ ରଇବା ପଣ୍ଡିତମନ୍ ଜିରୁସାଲାମେ ଆସି ପାଗାରଲାଇ,

୨ “ଜନ୍ ପିଲା ଜିଉଦିମନର୍ ରାଜା ଅଇବାକେ ଜନମ୍ ଅଇଲାଆଟେ, ସେ କକ୍ତି ଆଟେ ? କାଇକେବଇଲେ ଆମେ ପୁରୁବ୍ ଦେସେ ତାର୍ ତାରା ଦେକି ତାକେ ପୂଜା କର୍ବାର୍ ଆସିଆରୁ ।”

୩ ପଣ୍ଡିତମନର୍ କାତା ସୁନି ଏରଦ୍ ରାଜା ଆରି ତାର୍ ସଙ୍ଗ୍ ରଇବା ଜିରୁସାଲାମର୍ ଲକ୍‌ମନ୍ ସବୁ କିଲ୍‌ବିଲ୍ ଅଇଗାଲାଇ ।

୪ ଆରି ଏରଦ୍ ସବୁ ମୁକିଅ ପୂଜାରିମନକେ ଆରି ସାସ୍‌ତର୍ ସିକାଉମନକେ ତାକାଇ କରି, “ମସିଅ ଜେ କି କିରିସ୍ତ୍ କନ୍ ଜାଗାଇ ଜନମ୍ ଅଇଆଟେ ?” ସେଟା ସେମନର୍‌ତେଇ ଅନି ବୁଜ୍‌ବାକେ ଚେସ୍‌ଟା କଲା ।

୫ ପଣ୍ଡିତମନ୍ ଏରଦ୍ ରାଜାକେ କଇଲାଇ, ଜିଉଦା ରାଇଜର୍ ବେଡ୍‌ଲିଇମ୍ ଗତେ, ଜନ୍‌ଟାକି ଗଟେକ୍ ବବିସତ୍‌ବକ୍ତା ଏନ୍ତାରି ଲେକିଆଟେ ।

୬ ଏ ଜିଉଦା ଦେସର୍ ବେଡ୍‌ଲିଇମ୍,
ତୁଇ ଜିଉଦା ରାଇଜର୍ ମୁକିଅ ଗଡ଼ମନର୍‌ତେଇ ଅନି ସାନ୍ ନଉଁସ୍,
କାଇକେବଇଲେ ମର୍ ଇସ୍ରାଏଲର୍ ଲକ୍‌ମନକେ ବାଟ୍ ଦେକାଇସି,
ଏନ୍ତାରି ଗଟେକ୍ ସାସନ୍‌କାରିଆ ତର୍‌ତେଇଅନି ଉବଜ୍‌ସି ।

୭ ଏଗା ସୁନି କରି ଏରଦ୍ ରାଜା ସେ ପଣ୍ଡିତମନକେ ଲୁଟ୍‌ତେ ତାକାଇ, ତାରା କନ୍ ବେଲାଇ ଉଦିରଇଲା, ସେମନର୍‌ତେଇ ଅନି ଟିକ୍ ସଙ୍ଗ୍ ବୁଜିନେଲା ।

୮ ତାର୍‌ପଟେ ସେମନକେ କଇ ପାଟାଇଲା, “ତମେ ଜାଆ ଆରି ବେଡ୍‌ଲିଇମେ ସେ ପିଲାକେ ନିମାନ୍ କରି କଜିଦେକା, ଆରି ପିଲା ମିଲ୍‌ଲେସରି ମକେ ଜାନାଆ ମୁଇ ମିସା ଜାଇ ତାକେ ଦର୍‌ସନ୍ କର୍ବି ।”

୯ ପଣ୍ଡିତମନ୍ ରାଜାର୍ କାତା ସୁନି ସେ ଜାଗାଇଅନି ବାରିଗାଲାଇ । ଗାଲାବେଲେ ଏଦେ ଦେକା ! ସେମନ୍ ପୁରୁବ୍ ଦେସେ ଜନ୍ ତାରା ଦେକି ରଇଲାଇ, ସେ ତାରା ଆରି ତରେକ୍ ଡିସ୍‌ଲା ।

୧୦ ସେମନ୍ ତାରା ଦେକି ବେସି ସାର୍‌ଦା ଅଇଗାଲାଇ । ତାରା ସେମନର୍ ଆଗେ ଜାଇକରି ଜିସୁ ରଇଲା ଜାଗାର୍ ଉପ୍‌ରେ ଅଟ୍‌କିଗାଲା ।

☆ ୧:୧୮ ଲୁକ୍ ୧:୨୭ ☆ ୧:୨୧ ଲୁକ୍ ୧:୩୧ ☆ ୧:୨୫ ଲୁକ୍ ୨:୨୧

୧୧ ପଣ୍ଡିତମନ୍ ସେ ଗର୍ ବିତ୍ରେ ପୁରି ପିଲାକେ ତାର୍ ମା ମରିୟମ୍ ସଙ୍ଗ୍ ରଇଲାଟା ଦେକି, ତାକେ ମାଣ୍ଡିକୁଟା ଦେଇ ଜୁଆର୍ କଲାଇ, ଆରି ଆନିରଇବା ସୁନା, କୁନ୍ଦୁରୁ ଆରି ଗନ୍ଧରସ୍ ବେଟି, ପିଲାକେ ଦେଲାଇ ।

୧୨ ପଚେ ସେମନ୍ ଏରଦର୍ ଲଗେ ଆରିତରେକ୍ ନ ଜାଇକରି ବିନ୍ ବାଟେ ନିଜର୍ ଦେସେ ବାଉଡି ଗାଲାଇ । କାଇକେବଇଲେ ଏରଦର୍ ଟାନେ ଆରିତରେକ୍ ବାଉଡି ନ ଜିବାକେ ପର୍ମେସର୍ ସେମନ୍କେ ସପ୍ନେ ଆଦେସ୍ ଦେଇରଇଲା ।

ମିସର୍ ଦେସେ ଜିବାଟା

୧୩ ପଣ୍ଡିତମନ୍ ଗାଲାପଚେ, ପର୍ମେସରର୍ ଗଟେକ୍ ଦୁଡ୍ ଜସେପ୍କେ ସପ୍ନେ ଦର୍ସନ୍ ଦେଇ କଇଲା, “ଉର୍, ପିଲାକେ ଆରି ତାକର୍ ଆୟାକେ ଦାରି ମିସର୍ ଦେସେ ଦାପ୍ରେ ଉଟିଜା । ଏରଦ୍ ପିଲାକେ ମରାଇବାକେ କଜିବୁଲ୍ଲସି । ମୁଇ ସେ ଜାଗା ଚାଡା ବଲି ନ କଇବା ଜାକ ତେଇସେ ରୁଆ ।”

୧୪ ଏ କାତା ସୁନି ଜସେପ୍ ସେ ରାଡି, ପିଲାକେ ଆରି ତାର୍ ମାକେ ଦାରି ମିସର୍ ଦେସେ ଉଟିଗାଲା ।

୧୫ ଏରଦ୍ ରାଜା ମର୍ବା ଜାକ ମିସର୍ ଦେସେସେ ରଇଲାଇ, ଜେନ୍ତାର୍ କି ବବିସଡ୍ବକ୍ତା କଇରଇଲା ମାପ୍ପୁରୁ ବାକିଅ ସିଦ୍ ଅଇଲା, ମର୍ ପିଲାକେ ମୁଇ ମିସର୍ ଦେସେଅନି ତାକି ଆନ୍ଲି ।

ପିଲାମନ୍କେ ମରାଇବାଟା

୧୬ ପୁରୁବ୍ ଦେସେଅନି ଆସିରଇଲା ପଣ୍ଡିତମନ୍ ତାକେ ନାଡାଇ କରି ଉଟିଗାଲାଇ ଆତଡ୍ ବଲି ଜାନି, ଏରଦ୍ ବେସି ରିସା ଅଇଗାଲା । ବେଡ୍ଲିଇମ୍ ଆରି ସେ ଲଗେ ପାକେ ରଇବା ଦୁଇ ବରସ୍ ଅନି ତଲେ ରଇଲା ସବୁ ପିଲାମନ୍କେ ମରାଇବାକେ ଆଦେସ୍ ଦେଲା । ପଣ୍ଡିତମନ୍ ଟାନେଅନି ତାରା ଡିସ୍ତେ ରଇବା ବେଲା ସେ ଜାନିରଇଲା । ସେ ଇସାବେ ପିଲାମନ୍ ବରସ୍ ଟିକ୍ କରିରଇଲା ।

୧୭ ଏକ୍ତି ଅଇଲାଜେ ଜିରିମିୟ ବବିସଡ୍ବକ୍ତା କଇଲା ଏ ବାକିଅ ପୁରାପୁରୁନ୍ ଅଇଲା । ସେ ଏକ୍ତି କଇରଇଲା, ୧୮ ରାମା ନାଉର୍ ସଅରେ

ମାର୍ଚପ୍ ଅଇ କାନ୍ଦବାଟା ସୁନି ଅଇଲାନି,
ରାଏଲ୍ ତାର୍ ପିଲାମନ୍ ପାଇ କାନ୍ଦଲାନି ।
ତାକେ ଜେତେକ୍ ବୁଜାଇଲେ ମିସା ବୁଜେନାଇ ।
କାଇକେବଇଲେ ତାର୍ ପିଲାମନ୍ ସବୁ ମରିଜାଇରଇଲାଇ ।

ମିସର୍ ଦେସେଅନି ବାଅଡ୍ବାଟା

୧୯ ଏରଦ୍ ମଲାପଚେ, ଏଦେ ଦେକା ! ମାପ୍ପୁରୁ ଗଟେକ୍ ଦୁଡ୍ ମିସର୍ ଦେସେ ଜସେପ୍କେ ଦର୍ସନ୍ ଦେଇ କଇଲା,
୨୦ “ଉର୍ ଆରି ବାରଇକରି, ଦୁଇ ମାଆ ପିଲାକେ ଇସ୍ରାଏଲ୍ ଦେସେ ଦାରିଜା । କାଇକେବଇଲେ ଜନ୍ ଲକ୍ମନ୍ କି ପିଲାର୍ ଜିବନ୍ ନେବାକେ ଚେସ୍ଟା କରତେରଇଲାଇ, ସେମନ୍ ମରିଗାଲାଇ ଆତଡ୍ ।”

୨୧ ଜସେପ୍ ଏ କାତା ସୁନି ଜିସୁ ଆରି ତାର୍ ମାଆ ମରିୟମ୍ ସଙ୍ଗ୍ ବାରଇକରି ଇସ୍ରାଏଲ୍ ଦେସେ ବାଉଡି ଆଇଲାଇ ।

୨୨ ମାତର୍ ଜସେପ୍, ଏରଦର୍ ପଚେ ତାର୍ ପଅ ଆର୍କିଲାୟ ଜିଉଦା ରାଇଜର୍ ରାଜା ଅଇଆଚେ ବଲି ସୁନିକରି ତେଇ ଜିବାକେ ଡର୍ଲା ।

୨୩ *ମାତର୍ ଆରିଗଟେକ୍ ବିନ୍ ସପନ୍ ଇସାବେ ଗାଲିଲି ଦେସେ ଜାଇକରି ନାଜରିତ୍ ନାଉର୍ ଗଡେ ବାସା ଅଇ ରଇଲା । ଜେନ୍ତାର୍ କି ବବିସଡ୍ବକ୍ତା କଇଲା ଏ ବାକିଅ ସିଦ୍ ଅଇଲା । ସେ ଏକ୍ତି ବଲି କଇରଇଲା, “ସେ ନାଜରିତ୍ୟା ବଲି ତାକ୍ପୁଟା ଅଇସି ।”

୩

**ଡୁବନ୍ ଦେଉ ଜଅନର୍ ବିସଇ
(ମାର୍କ ୧:୧-୮; ଲୁକ୍ ୩:୧-୧୮; ଜଅନ୍ ୧:୧୯-୨୮)**

୧ ସେବେଲେ ଡୁବନ୍ ଦେଉ ଜଅନ୍ ଜିଉଦା ରାଇଜର୍ ମରୁବାଲି ବୁଏଁ ଆସି ଜାନାଇବାର୍ ଦାର୍ଲା ।
୨ *ସେ ଏକ୍ତି ବଲି କଇତେରଇଲା, “ପାପ୍ଟାନେଅନି ବାଉଡା, କାଇକେବଇଲେ ସରଗ୍ ରାଇଜ୍ ଲଗେ କେଟ୍ଲାନି ।”

୩ ଜିସାଇୟ ବବିସଡ୍ବକ୍ତା ଜନ୍ ଲକ୍ମର୍ ବିସଇନେଇ ଏ ବାକିଅ କଇରଇଲା, ଜଅନ ସେ, ସେ ଲକ୍ ।
ମରୁବାଲି ବୁଏଁ ଗଟେକ୍ ଲକ୍ ଆକ୍ମାରି କଇଲାନି,

“ମାପ୍ପୁରୁ ବାଟ୍ ତିଆର୍ କରା,
ସେ ଆଇବାକେ ଗଟେକ୍ ସଲକ୍ ବାଟ୍ କରା ।”

୪ ଜଅନ୍ ପିନ୍ଦବାଟା ଉର୍ ଚାମ୍ ସଙ୍ଗ୍ ତିଆର୍ ଅଇ ରଇଲା । ଆରି ଚାମ୍ ଆଁଟାବେଡା ବାନ୍ଦିଅଇତେ ରଇଲା । ସେ ଚିଟ୍କା ଆରି ବନେ ରଇବା ମୁଉ କାଇତେରଇଲା ।

☆ ୨:୨୩ ମାର୍କ ୧:୨୪; ଲୁକ୍ ୨:୩୯; ଜଅନ୍ ୧:୪୫ ☆ ୩:୨ ମାତ୍ରିକ ୪:୧୭; ମାର୍କ ୧:୧୫

୫ ସେ ବେଳେ ଜିରୁସାଲମ୍ ଅନି ଗୁଲାଇ ଜିଉଦା ଦେସ୍ ଆରି ଜର୍ଦଦନ୍ ପାକର୍ ସବୁଟାନର୍ ଲକ୍ମନ୍ ବାରଇ ଜଅନ୍ ଲଗେ ଆଇତେରଇଲାଇ ।

୬ ଆରି ନିଜର୍ ନିଜର୍ ପାପ୍ କଲାଟା ମାନିଅଇକରି ଜଅନ୍ ଟାନେ ଜାଇ ଜର୍ଦଦନ୍ ଗାଡେ ହୁବନ୍ ନେଇତେ ରଇଲାଇ ।

୭ *ମାତର୍ ପାରୁସି ଆରି ସାଦୁକି ମନର୍ ବିତ୍ତରେ ଅନି ମିସା କେତେକ୍ ଲକ୍ ହୁବନ୍ ନେବାକେ ଆଇବାଟା ଦେକି ଜଅନ୍ ସେମନ୍ କେ କଇଲା, “ଏ ବେସି ବିସରଇବା ସାପର୍ ପାରା ବସର୍ ଲକ୍ମନ୍, ପର୍ମେସରର୍ ଟାନେଅନି ଆଇବା ଡଣ୍ଡେଇ ଅନି ପାଲାଇବାକେ ତମ୍ କେ କେ ତେଡନା ଦେଲା ?

୮ ତେବର୍ ପାଇ, ଜଦି ପାପ୍ କାମ୍ କରବାଟା ଚାଡିଆଟାସ୍, ସେନ୍ତାର୍ଆଲେ ନିକ୍ କାମ୍ କରି ଦେକାଆ ।

୯ *ଅବରାଆମ୍ ଆମର୍ ପୁରବର୍ ଆନିଦାଦି ବଲି କଇଲେ ତମ୍ କେ ପର୍ମେସର୍ ଦେବା ଡଣ୍ଡ ନ ମିଲେ ବଲି ବାବା ନାଇ । ମୁଇ ତମ୍ କେ କଇଲିନି, ପର୍ମେସର୍ ପାକ୍ନାତେଇ ଅବରାଆମର୍ ବସ୍ ତିଆର୍ କରସି ।

୧୦ *ଆରି ଏବେ ମିସା ଗର୍ମନର୍ ବୁନ୍ଦେ ଟେଙ୍ଗିଆ ଲାଗିଆଟେ । ଜନ୍ ଗର୍ ନିକ୍ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗା ଅଇସି ।

୧୧ ମୁଇ ସିନା ତମ୍ କେ ପାପେଅନି ମନ୍ ବଦ୍ଲାଇଲାଟା ଦେକାଇଅଇବାକେ ବଲି ପାନିତେଇ ହୁବନ୍ ଦେଲିନି, ମାତର୍ ମର୍ ପଟେ ଜେ ଆଇଲାନି, ସେ ମର୍ତେଇ ଅନି ଅଦିକ୍ ବପୁଟା । ତାର୍ ପାଦର୍ ପାଣ୍ଡୁଇ ମିସା ଦାରି ନେବାର୍ ମର୍ ଅଦିକାର୍ ନାଇ, ସେ ତମ୍ କେ ସୁକଲ୍ ଆଡ଼ମାଇ ଆରି ଜଇଟାନେ ହୁବନ୍ ଦେଇସି ।

୧୨ ଉଡାଲି କରି ପର୍ ବେଗଲାଇ ନିକଟାକେ ସଙ୍ଗଇବାକେ ତାର୍ ଆଡେ କୁଲା ଆଟେ । ନିକଟା ତାର୍ କଲ୍ କିତେଇ ସଙ୍ଗଇସି ଆରି ବେଗଲଲା ପର୍ ସବୁଦିନେ ଲାଗ୍ତେରଇବା ଜଇଟାନେ ପିଙ୍ଗିଦେଇସି ।”

ଜିସୁର୍ ହୁବନ୍

(ମାର୍କ ୧:୧୨-୧୩; ଲୁକ୍ ୪:୧-୧୩)

୧୩ ସେଡକିବେଲେ ଜିସୁ ଜଅନ୍ ଲଗେ ହୁବନ୍ ନେବାକେ ଗାଲିଲି ଅନି ଜର୍ଦଦନ୍ ଗାଡେ ଆଇଲା,

୧୪ ମାତର୍ ଜଅନ୍ ଜିସୁକେ ମନାକରି କଇଲା, “ମୁଇ ସିନା ତମ୍ ଲଗେ ହୁବନ୍ ନେବାର୍ ଆଟେ, ମାତର୍ ତମେ ମର୍ଲଗେ ଆଇଲାସିନି ?”

୧୫ ମାତର୍ ଜିସୁ ତାକେ କଇଲା, “ମର୍ କାତାଇ ରାଜି ଅଇ ଜା । କାଇକେବଇଲେ ଏଟାର୍ ଲାଗି ଆମେ ପର୍ମେସର୍ ମନ୍ କରିରଇବା କାମ୍ କରିଅଇସି ।” ସେଟାର୍ପାଇ ଜଅନ୍ ତାକେ ହୁବନ୍ ଦେବାକେ ରାଜି ଅଇଲା ।

୧୬ ଜିସୁ ହୁବନ୍ ନେବାକେ ପାନି ବିତ୍ତରେ ବୁଡି ବାରଇଲା ଦାପ୍ରେ ଏଦେ ଦେକା ! ସରଗ୍ ଉଗାଡି ଅଇ ରଇଲାଟା ଦେକଲା । ଆରି ପର୍ମେସରର୍ ଆଡ଼ମା ପରୁଆ ପାରା ଅଇ ଜିସୁର୍ ଉପ୍ରେ ଉଡର୍ଲା ।

୧୭ *ଆରି ଦେକା ଆକାସେ ଅନି ଏନ୍ତି କାତା ଆଇଲା “ଏ ମର୍ ଆଲାଦର୍ ପିଲା, ତର୍ଟାନେ ମୁଇ ବେସି ସାର୍ଦା ।”

୪

ସଇତାନ୍ ଜିସୁକେ ପରିକା କରବାଟା

(ମାର୍କ ୧:୧୨-୧୩; ଲୁକ୍ ୪:୧-୧୩)

୧ *ତାର୍ପଟେ ସୁକଲ୍ ଆଡ଼ମା ଜିସୁକେ ମରୁବାଲି ବୁର୍ଦ୍ଧି ଡାକିନେଲା । ତେଇ ସଇତାନ୍ ତାକେ ପରିକା କଲା ।

୨ ଜିସୁ ଚାଲିସ୍ ଦିନ୍ ଚାଲିସ୍ ରାତି ଉପାସ୍ ରଇକରି ବିତାଇଲା ପଟେ, ତାକେ ବେସି ବୁକ୍ କଲା ।

୩ ସେଡକିବେଲେ ସଇତାନ୍ ତାର୍ ଲଗେ ଆସି କଇଲା “ତୁଇ ଜଦି ପର୍ମେସରର୍ ପଅ, ତେବେ ଏ ପାକ୍ନାମନ୍ ‘ରୁଟି ଅଇଜା’ ବଲି ଆଦେସ୍ ଦେସ୍ ।”

୪ ମାତର୍ ଜିସୁ କଇଲା, “ସାସ୍ତରେ ଲେକାଆଟେ ମୁନ୍ସ ଅବକା ରୁଟି କାଇକରି ନ ବଟେ, ମାତର୍ ପର୍ମେସରର୍ ଟଣ୍ଡେ ଅନି ବାରଇବା ସବୁ ବାକିଅ ଟାନେ ବଟସି ।”

୫ ତେଇଅନି ସଇତାନ୍ ଜିସୁକେ ସୁକଲ୍ ଗଡ୍ ଜିରୁସାଲମ୍ ଡାକିନେଲା । ତେଇ ତାକେ ମନ୍ଦିର୍ ଟିପେ ଟିଆ କରାଇ କଇଲା,

୬ “ତୁଇ ଜଦି ପର୍ମେସରର୍ ପଅ, ତେବେ ଇତିଅନି ତଲେ ଡେଗଇ ଦେସ୍, ସାସ୍ତରେ ଲେକା ଆଟେ,

“ପର୍ମେସର୍ ତାର୍ ହୁଡ଼ମନ୍ କେ ତର୍ ବିସଇନେଇ ଆଦେସ୍ ଦେଇସି,

ଆରି ସେମନ୍ ତକେ ଆଡେ ଦାରି ଟେକ୍ ବାଇ ।

ତେବେ ତର୍ ଗଡେ ପାକ୍ନା ନ ପାଏ ।”

୭ ଜିସୁ ସଇତାନ୍ କେ କଇଲା, “ ପର୍ମେସରର୍ ସାସ୍ତରେ ଏନ୍ତି ଲେକାଆଟେ, ତୁଇ ତର୍ ମାପ୍ ରୁ ପର୍ମେସର୍କେ ପରିକା କରନାଇ ।”

* ୩:୨ ମାତୃତ ୧୨:୩୪; ୨୩:୩୩ * ୩:୯ ଜଅନ୍ ୮:୩୩ * ୩:୧୦ ମାତୃତ ୭:୧୯ * ୩:୧୭ ମାତୃତ ୧୨:୧୮; ୧୭:୫; ମାର୍କ ୧:୧୧; ଲୁକ୍ ୯:୩୫ * ୪:୧ ଏବ୍ରି ୨:୧୮; ୪:୧୫

୮ ତାର ପତେ ସଇତାନ୍ ଜିସୁକେ ବେସି ଉର୍ ରଇବା ଗଟେକ୍ ଡଙ୍ଗର୍ ଟିପେ ତାକି ଦାରିଗାଲା । ଆରି ଦୁନିଆର୍ ସବୁ ରାଇଜର୍ ଦନ୍ ସପତି ଦେକାଇ କଇଲା,

୯ “ତୁଇ ଜଦି ମକେ ମାଣ୍ଟିକୁଟା ଦେଇ ଜୁଆର୍ କର୍ସୁ ବଇଲେ ମୁଇ ଏ ସବୁ ତକେ ଦେଇପାକାଇବି ।”

୧୦ ତେଇ ଜିସୁ ତାକେ କଇଲା “ମର୍ଟାନେଅନି ଦୁର୍ ଅ ସଇତାନ୍, ସାସ୍ତରେ ଲେକା ଆଟେ, ତୁଇ ପର୍ମେସର୍କେ ଜୁଆର୍ କର୍ସୁ, ଆରି ତାକେସେ ସେବା କର୍ସୁ ।”

୧୧ ତାରପତେ ସଇତାନ୍ ଜିସୁକେ ଚାଡ଼ି ବାରିଗାଲା, ଆରି ଏଦେ ଦେକା ! ସରଗର୍ ଦୁର୍ମନ୍ ଆସି ଜିସୁକେ ସେବା କର୍ବାର ଦାରଲାଇ ।

ଜିସୁ ଗାଲିଲି ରାଇଜେ ତାର କାମ୍ ଆରାମ୍ କଲା

(ମାର୍କ ୧:୧୪-୧୫; ଲୁକ୍ ୪:୧୪-୧୫)

୧୨ *ତାରପତେ ତୁବନ୍ ଦେଉ ଜଅନ୍ ବନ୍ଦି ଅଇଲାଆଟେ ବଲି ଜିସୁ ସୁନିକରି ଗାଲିଲି ଉଟି ଗାଲା ।

୧୩ *ତାର ପତେ, ସେ ନାଜରିତ୍ ଚାଡ଼ି କରି ସବ୍ଲୁନର୍ ଆରି ନପ୍ତାଲିନ୍ ନାଉର୍ ଜାଗା ଲଗେ ରଇବା ଗାଡ଼ କଣ୍ଟି ରଇଲା, କପରନାଉମେ ଜାଇ ବାସା କଲା ।

୧୪ ଜେନ୍ତାର୍ କି ଜିସାୟ ବବିସ୍ତବକ୍ତାର ଏ କାତା ପୁରୁନ୍ ଅଇଲା । ସେ କଇରଇଲା,

୧୫ “ଜର୍ଦ୍ଦନ୍ ଗାଡ଼ ସେପାଟେ ସମଦୁରେ ଜିବା ବାଟେ

ରଇଲା ସବ୍ଲୁନ୍ ଆରି ନାପ୍ତାଲି ନାଉର୍

ଦୁଇଟା ଦେସ୍, ଅବିସ୍ବାସି ମନର୍ ଗାଲିଲି !

୧୬ ଆନ୍ଦାରେ ରଇବା ଲକ୍ମନ୍ ବଡ଼ ଉଜଲର୍ ଦର୍ସନ୍ ଦେକ୍ବାଇ

ଆରି ମରନର୍ ଆନ୍ଦାରେ ରଇଲା

ଲକ୍ମନର୍ ଉପରେ ସେ ଉଜଲ୍ ଉଦ୍ସି ।”

୧୭ *ସେ ବେଲାଇ ଅନି ଜିସୁ କଇବାର୍ ଆରାମ୍ କରି ଜାନାଇବାର୍ ଦାରଲା । ପାପ୍ କର୍ବାତେଇଅନି ମନ୍ ବଦ୍ଲାଆ, ସରଗ୍ ରାଇଜ୍ ଲଗେ କେଟ୍ଲା ।

ଜିସୁ ଚାର୍ଟା କେଉଟ୍ମନକେ ଡାକ୍ଲା

(ମାର୍କ ୧:୧୬-୨୦; ଲୁକ୍ ୫:୧-୧୧)

୧୮ ଜିସୁ ଗାଲିଲି ସମ୍ପଦୁର୍ ପାଲି ରଇବା ଜାଗାମନକେ ବୁଲ୍ବାବେଲେ ସିମନ୍ ଜାକେ କି ପିତର୍ ବଲି କଇବାଇ, ଆରି ତାର ବାଇ ଆନ୍ଦିୟ, ଏ ଦୁଇ ଲକ୍ମକେ ବେଟ୍ ଅଇଲା । ଏ ଦୁଇ ବାଇ ଗାଡ଼େ ବଇଜାଲ୍ ମାରି ମାଟ୍ ଦାଡ଼ତେରଇଲାଇ ।

୧୯ ଜିସୁ ସେ ଦୁଇ ବାଇକେ ଡାକି କଇଲା, “ମର୍ ସଙ୍ଗ୍ ଆସା, ମୁଇ ତମ୍କେ ଲକ୍ମନକେ ମାପ୍ପୁର୍ବାଟେ ଆନ୍ଦାଟା ସିକାଇବି ।”

୨୦ ସେଦାପ୍ରେ ସେମନ୍ ଜାଲ୍ ଚାଡ଼ି, ଜିସୁର୍ ପତେ ପତେ ଗାଲାଇ ।

୨୧ ଜିସୁ ଆରି ତେଇଅନି କଣ୍ଟେକ୍ ଦୁର୍ ଆଗେ ଜାଇ ଜେବଦିର୍ ପଅ ଜାକୁବ୍ ଆରି ତାର ବାଇ ଜଅନ୍କେ ବେଟ୍ ଅଇଲା । ସେଡ଼କିବେଲେ ଏ ଦୁଇବାଇ ତାକର୍ ବାବା ସଙ୍ଗ୍ ଡଙ୍ଗାଇ ଜାଲ୍ ସାଜାଡ଼ତେ ରଇଲାଇ ।

୨୨ ଜିସୁ ସେମନକେ ମିସା ଡାକ୍ଲା ଆରି ସେମନ୍ ଦାପ୍ରେ ଡଙ୍ଗା ଆରି ତାକର୍ ବାବାକେ ଚାଡ଼ିକରି ଜିସୁର୍ ସଙ୍ଗ୍ ଗାଲାଇ ।

ଜିସୁ ପର୍ମେସରର୍ ବିସଇ ଜାନାଇ ନିମାନ୍ କର୍ବାଟା

(ଲୁକ୍ ୬:୧୭-୧୯)

୨୩ *ଜିସୁ ଗାଲିଲିର୍ ଗୁଲାଇବାଟେ ବୁଲି ବୁଲି ଜିଉଦିମନର୍ ସବୁ ପାର୍ତନା ଗର୍ମନକେ ସିକିଆ ଦେଇ, ପର୍ମେସରର୍ ରାଇଜର୍ ବିସଇ ଜାନାଇଲା । ଆରି ବିନ୍ ବିନ୍ ରଗେ ରଇବା ଲକ୍ମନକେ ସବୁ ରକାମର୍ ରଗ୍ ଆରି ସବୁ ଦୁକ୍ କସ୍ଟ, ନିମାନ୍ କଲା ।

୨୪ ସିରିଆ ଦେସର୍ ଗୁଲାଇବାଟେ ତାର ନାଉଁ ଜାନଲାଇ ଆରି ଲକ୍ମନ୍ ତୁମା ଦାରିରଇବା, ମୁର୍ଟା ଅଇରଇବା, ରେରେଙ୍ଗ୍ ଦାରି ରଇବା ଆରି ବିଆଦି ଦାରିରଇଲା ଲକ୍ମନକେ ତାରଲଗେ ଆନ୍ଦଲାଇ । ସେ ସବୁକେ ନିକ କଲା ।

୨୫ ଆନି ରଇବା ସବୁ ଲକ୍ମନକେ ଜିସୁ ନିକ କଲା । ଗାଲିଲି ଅନି ଆରି ଦସ୍ଟା ସଅରେଅନି, ଆରି ଜିରୁସାଲାମ୍, ଜିଉଦା ଆରି ଜର୍ଦ୍ଦନ୍ ସେବାଟେ ରଇଲା ଜାଗାମନର୍ତେଇଅନି ବେସି ଲକ୍ମନ୍ ଜିସୁର୍ ସଙ୍ଗ୍ ଗାଲାଇ ।



ଜିସୁ ଡଙ୍ଗର୍ ଉପରେଅନି ସିକାଇବାଟା

୧ ଜିସୁ ଜବର ଲକ୍ଷ୍ମୀନ୍ ତାରଟାଣେ ଆଇବାଟା ଦେକି ଡଙ୍ଗର ଉପରେ ଜାଇ ବସଲା । ସିସ୍ତାନ୍ ତାକେ ଚାରିବେଡ଼ି ଗେରି ରଇଲା ।

୨ ସେବେଲେ ଜିସୁ ସେମନ୍‌କେ ସିକିଆ ଦେଇ କଇବାର ଦାରଲା ।

କେନ୍ଦ୍ରୀୟ ଲକ୍ଷ୍ମୀନ୍ ନିକ କରମ୍
(ଲୁକ୍ ୬:୨୦-୨୩)

୩ “ଜନ୍ ଲକ୍ଷ୍ମୀନ୍ ଆଡ଼ମାଇ କାକୁଡ଼ି ଅଇଆଡ଼ି, ସେମନ୍‌ କେଡେକ୍ ନିକ କରମ୍, କାଇକେବଇଲେ ସରଗ୍ ରାଇଜ୍ ତାକରଟା ।”

୪ ଦୁକେ ରଇବା ଲକ୍ଷ୍ମୀନ୍ କେଡେକ୍ ନିକ କରମ୍, କାଇକେବଇଲେ ପର୍ମେସର୍ ସେମନ୍‌ ଦୁକ୍ ସାରାଇସି ।

୫ ସୁଆଲେ ରଇବା ଲକ୍ଷ୍ମୀନ୍ କେଡେକ୍ ନିକ କରମ୍, କାଇକେବଇଲେ ସେମନ୍ ପର୍ମେସର୍ ସପଡ଼ କରିରଇବା ବିସଇ ମିଲାଇବାଇ ।

୬ ଜନ୍ ଲକ୍ଷ୍ମୀନ୍ ପର୍ମେସର୍‌ର ମନ୍ କଲା ଇସାବେ କାମ୍ କରବାକେ ଆସା କରବାଇ, ତାକର୍ କେଡେକ୍ ନିକ କରମ୍, କାଇକେବଇଲେ ପର୍ମେସର୍ ସେମନ୍‌କେ ସାରଦା କରାଇସି ।

୭ ବିନ୍ ଲକ୍ଷ୍ମୀନ୍‌କେ ଦୟା ଦେକାଇବା ଲକ୍ଷ୍ମୀନ୍ କେଡେକ୍ ନିକ କରମ୍, କାଇକେବଇଲେ ସେମନ୍‌କେ ପର୍ମେସର୍ ଦୟା କରସି ।

୮ ମନ୍ ବିଡ଼ରେ ନିର୍ମାଲ୍ ରଇଲା ଲକ୍ଷ୍ମୀନ୍ କେଡେକ୍ ନିକ କରମ୍, କାଇକେବଇଲେ ସେମନ୍‌କେ ପର୍ମେସର୍ ଦରସନ୍ ମିଲ୍‌ସି ।

୯ ସାନ୍ତିର୍ ପାଇ କାମ୍ କରବା ଲକ୍ଷ୍ମୀନ୍ କେଡେକ୍ ନିକ କରମ୍, କାଇକେବଇଲେ ସେମନ୍ ପର୍ମେସର୍‌ର ପିଲାଟକି ବଲି ନାମାଇ ଅଇବାଇ ।

୧୦ *ଜନ୍ ଲକ୍ଷ୍ମୀନ୍ ପର୍ମେସର୍‌ର ମନ୍ କଲା ଇସାବେ କାମ୍ କରି ଦୁକ୍ କସ୍‌ଟ ପାଇବାଇ, ସେମନ୍‌ କେଡେକ୍ ନିକ କରମ୍, କାଇକେବଇଲେ ସରଗ୍ ରାଇଜ୍ ତାକରଟା ।

୧୧ *“ମକେ ବିସ୍‌ବାସ୍ କରବାର ଲାଗି ତମକେ ଲକ୍ଷ୍ମୀନ୍ ନିୟା ଆରି କସ୍‌ଟ ଦେବାଇ, ଆରି ରୁଗାଇ ତମର୍ ବିରୁଦେ ମିର୍ କାତା କଇବାଇ, ନିଜ୍‌କେ କେଡେ କରମର୍ ଲକ୍ଷ୍ମୀ ବଲି ମନେ କରା ।

୧୨ *ସାରଦା ଅଇ ସାରଦାଇ ରୁଆ, କାଇକେବଇଲେ ସର୍ଗେ ତମର୍ ପାଇ ବଡ଼ ପୁରୁସ୍କାର୍ ସଙ୍ଗଇଲା ଆଟେ । ମନେରକା ସେନ୍ତାରି ତମର୍ ଆଗ୍‌ତୁ ରଇଲା ବବିସ୍‌ତବକ୍‌ତାମନ୍ ମିସା ଦୁକ୍‌ପାଇ ରଇଲା ।”

ନୁନ୍ ଆରି ଉଜଲ୍
(ମାର୍କ ୯:୫୦; ଲୁକ୍ ୧୪:୩୪-୩୫)

୧୩ *“ତମେ ସବୁ ମୁନ୍‌ସ୍ ଜାତିର୍‌ପାଇ ନୁନ୍ ପାରା । ମାତର୍ ନୁନ୍ ଜଦି ସୁଆଦ୍ ଆରାଇସି, ତେବେ ସେଟା କେନ୍ତ୍ର କିରିଆ ଅଇସି ? ସେଟା ଆରି କାଇ କାମେ ନ ଆସେ, ତେବେ ତାକେ ବାଇରେ ପିଙ୍ଗି ଦେବାଇ ଆରି ସେଟା ଲକ୍ଷ୍ମୀନ୍ ମାଣ୍ଡି ପାକାଇବାଇ ।”

୧୪ *ତମେ ଗୁଲାଇ ଜଗତର୍ ପାଇ ଉଜଲ୍ ପାରା । ଜନ୍ ଗଡ଼ ଡଙ୍ଗର ଉପରେ ତିଆର୍ ଅଇଲାଆଟେ, ସେଟା କେବେ ମିସା ଲୁଟି ରଇ ନାପାରେ ।

୧୫ *କେ ମିସା ବଡ଼ି ତସାଇକରି ଆଣ୍ଡିତାବି ନ ସଙ୍ଗଅଡ଼ । ସେଟା ବଡ଼ିକୁଦରା ଉପରେ ସଙ୍ଗଇବାଇ ଆରି ଗରେ ରଇଲା ସବୁ ଲକ୍ଷ୍ମୀନ୍ ଉଜଲ୍ ଦେଇସି ।

୧୬ *ସେନ୍ତାରିସେ ତମର୍ ଉଜଲ୍ ଲକ୍ଷ୍ମୀନ୍‌ଟାଣେ ଉଜଲ୍ ତିସ । ସେନ୍ତାରିଆଲେ ତମର୍ ସଡ଼କାମ୍ ଦେକି ସେମନ୍ ସର୍ଗେ ରଇବା ବାବା ପର୍ମେସର୍‌ର ଡାକ୍‌ପୁଟା କରବାଇ ।

ରିତି ନିତି

୧୭ “ମୁଇ ମିସା, କରିରଇବା ନିୟମ୍ କି ବାବବାଦିମନ୍‌ର ଦରମ୍ ସାସ୍‌ତର୍ ରୁଡ଼ାଇବାକେ ଆସିଆତି ବଲି ବାବା ନାଇ । ମୁଇ ସେଟା ରୁଡ଼ାଇବାକେ ଆସିନାଇ ମାତର୍ ସିଦ୍ କରବାକେ ଆସିଆତି ।

୧୮ *ମନେରକିରୁଆ, ମୁଇ ତମକେ ସଡ଼ କଇଲିନି ସରଗ୍ ଆରି ଦରତନି ତବିର୍ ଅଇ ରଇବା ଜାକ ମସାର୍ ନିୟମର୍ ଗଟେକ୍ ଚିନ୍ ମିସା ନ ରୁଡେ । ସବୁ ବିସଇ ପୁରାପୁରୁନ୍ ନ ଅଇତେ ଏ ସବୁ ନ ଗଟେ ।

୧୯ ତେବର୍‌ପାଇ ଜେ ମିସା ନିୟମ୍ ତେଇ ରଇବା ସବୁଟାଣେଅନି ସାନ୍ ଆଦେସ୍ ନ ମାନେ ଆରି ସେନ୍ତ୍ର କରବାକେ ବିନ୍ ଲକ୍ଷ୍ମୀନ୍‌କେ ସିକାଇସି, ସେ ସରଗ୍ ରାଇଜେ ସବୁଟାଣେଅନି ସାନ୍ ଲକ୍ଷ୍ମୀ ବଲି ଏଜାଇଅଇସି । ମାତର୍ ଜେ ନିୟମର୍

* ୫:୧୦ ୧ ମ ପିତର୍ ୩:୧୪ * ୫:୧୧ ୧ ମ ପିତର୍ ୪:୧୪ * ୫:୧୨ ପେରିଡ଼ ୭:୫୨ * ୫:୧୩ ମାର୍କ ୯:୫୦; ଲୁକ୍ ୧୪:୩୪,୩୫ * ୫:୧୪ ଜଅନ୍ ୮:୧୨,୯:୫ * ୫:୧୫ ମାର୍କ ୪:୨୧; ଲୁକ୍ ୮:୧୭;୧୧:୩୩ * ୫:୧୬ ୧ ମ ପିତର୍ ୨:୧୨ * ୫:୧୮ ଲୁକ୍ ୧୭:୧୭

ସବୁ ବିସଇର୍ ସାନ୍ ଆଦେସ୍ ମାନ୍ସି ଆରି ସେଟା ବିନ୍ ଲକ୍ମନ୍ଦକେ ସିକାଇସି, ସେ ସରଗ୍ ରାଇଜେ ବଡ଼ ଲକ୍ ବଲି ଏଜାଇଅଇସି ।

୨୦ କାଇକେବଇଲେ ମୁଇ ତମ୍ବକେ କଇଲିନି, ସାସ୍ତର୍ ସିକାଉମନ୍ ଆରି ପାରୁସିମନ୍ତେତେଇଅନି ଅଦିକ୍ ବିସ୍ବାସ୍ ରଇ, ପର୍ମେସରର୍ ମନ୍ କଲା ଇସାବେ, କାମ୍ କଲେସେ ସରଗ୍ ରାଇଜେ ଜାଇପାରାସ୍ ।”

ରିସା ଅଇବା ବିସଇ ନେଇ ସିକିଆ

୨୧ “ତମେ ସୁନି ଆଗାସ୍ ଜେ, ପୁରବେଅନି ଲକ୍ମନ୍ଦକେ କୁଆଅଇଲା ଆଚେ, ଲକ୍ମକେ ମରାଇବାର୍ ନାଇ । ଆରି ଜେ ମରାଇସି ବଇଲେ ସେ ବିଚାର୍ କରାଇଅଇସି ।

୨୨ ମାତର୍ ମୁଇ କଇଲିନି, ଜେ ମିସା ବାଇକେ ରିସା ଅଇସି, ତାକେ ସବାଟାନେ ବିଚାର୍ନା କରାଇଅଇସି । ଜେ ବାଇକେ ଏ ବେକାର୍ଟାସେ ବଲି କଇସି, ତାକେ ବଡ଼ ସବାଟାନେ ବିଚାର୍ନା କରବାକେ ଆନ୍ବାଇ, । ଆରି ଜେ ବାଇକେ ଏ ବକୁଆଟାସେ ବଲି କଇସି, ତାର୍ପାଇ ନରକର୍ ଜଇଟାନେ ପିଙ୍ଗାଇଅଇବା ବିପଦ୍ ଆଚେ ।

୨୩ ସେଟାର୍ପାଇ ତମେ ପର୍ମେସର୍କେ ବେଦି ଟାନେ ନିଜର୍ ଦାନ୍ ଦେଲା ବେଲେ, ତେଇ ତମର୍ ବିରୁଦେ ତମର୍ ବାଇର୍ କାଇମିସା କାତା ଆଚେ ବଲି ମନେ ଏତାଇଲୁସ୍,

୨୪ ସେନ୍ତି ବଇଲେ ବେଦିଲଗେ ବଲିଦେବାଟା ସଙ୍ଗଇଦେଇ ବାରିଜା, ଆଗେ ନିଜର୍ ବାଇ ସଙ୍ଗ୍ ମିସା, ତାର୍ ପଚେ ଆସି ତମର୍ ବଲି ଦିଆସ୍ ।”

୨୫ ଜଦି କେ ତମର୍ ବିରଦେ ତମ୍ବକେ ବିଚାର୍ କରବା ଜାଗାଇ ଜିବାକେ ବାଦିଅ କରସି ବଇଲେ, ବିଚାର୍ ଜାଗାଇ ଜିବା ଆଗତୁ, ବେଲ୍ ରଇତେସେ ତାର୍ ସଙ୍ଗ୍ ରାଜି ଅ । ନଇଲେ ବିଚାର୍ କରବା ଜାଗାଇ କେଟିଗାଲେ, ସେ ତମ୍ବକେ ବିଚାର୍କରୁକେ ସର୍ପି ଦେଇସି ଆରି ଅଇପାରେ ବିଚାର୍ କରୁ ତମ୍ବକେ ବନ୍ଦି ଗରେ ନେବାକେ ଜମାନ୍ଦକେ ସର୍ପି ଦେଇସି ।

୨୬ ମୁଇ ତମ୍ବକେ ସଡ଼ କଇଲିନି, ତମର୍ ଉପ୍ରେ ଟିକ୍ ଅଇଲା ଜରିମନାର୍ ସାରାସାରି ଅଣା ମିସା ନ ଦେବା ଜାକ, ତେଇଅନି କୁଲାସ୍ ନ ଉଆସ୍ ।

ବେସିଆ କାମ୍ ବିସଇ ନେଇ ସିକିଆ

୨୭ “ବେସିଆ କାମ୍ କରାନାଇ, ତମେ ପୁରୁବେ ଅନି ଏ ଆଦେସ୍ ସୁନି ଆସିଆଗାସ୍ ।

୨୮ ମାତର୍ ମୁଇ ତମ୍ବକେ କଇଲିନି, ଜେ ମିସା ବିନ୍ ମାଇଜିକେ ବେସିଆକାମ୍ ଇସାବେ ଆଁକି ଦେକ୍ସି, ସେ ତାର୍ ସଙ୍ଗ୍ ମନେ ମନେ ବେସିଆ କାମର୍ ଅପ୍ରାଦ୍ କଲାଆଚେ ।

୨୯ *ସେଟାର୍ପାଇ ତମର୍ ଉଜାବାଟର୍ ଆଁକିର୍ ଲାଗି ତମେ ପାପକରିଆଗାସ୍, ତେବେ ସେଟା ବେଟି ପିଙ୍ଗି ଦିଆସ୍, କାଇକେ ବଇଲେ ତମର୍ ସବୁ ଗାଗଡ଼ ନରକେ ଜିବା ବାଦୁଲେ ଗଟେକ୍ ଆଁକି ନସ୍ଟ ଅଇବାଟା ତମର୍ପାଇ ନିକ ।

୩୦ *ଜଦି ତମର୍ ଉଜା ଆଡ଼ ତମ୍ବକେ ପାପ୍ କାମ୍ କରାଇଲାନି ବଇଲେ, ସେଟା କାଟି ପିଙ୍ଗି ଦିଆସ୍, କାଇକେ ବଇଲେ ତମର୍ ସବୁ ଗାଗଡ଼ ନରକେ ଜିବା ବାଦୁଲେ ଗଟେକ୍ ଆଡ଼ ନସ୍ଟ ଅଇବାଟା ନିକ ।”

ଚାଡ଼ାମେଲା ବିସଇ ନେଇ ସିକିଆ

(ମାତ୍ରିକ ୧୯:୯; ମାର୍କ ୧୦:୧୧, ୧୨; ଲୁକ୍ ୧୭:୧୮)

୩୧ *ଜଦି କେ ମିସା ନିଜର୍ ମାଇଜିକେ ଚାଡ଼ିଦେବାକେ ମନ୍ କଲାନି, ସେ ତାକେ ରାଜିନାମା ପତର୍ ଲେକି ଚାଡ଼ିଦେଅ । ଏ ସିକିଆ ତମେ ଆଗତୁ ପାଇଆଗାସ୍ ।

୩୨ *ମାତର୍ ମୁଇ କଇଲିନି, ଜେକି ନିଜର୍ ମାଇଜିକେ ବେସିଆ କାମ୍ ଚାଡ଼ି ଅଲ୍ଗା ଦସ୍ ଦାରି ଚାଡ଼ସି, ସେ ତାକେ ପାଦ୍ରି କରାଇବା ଅପରାଦେ ଦସିଅଇସି, ଆରି ଜେକି ଚାଡ଼ଲା ମାଇଜିକେ ବିବା ଅଇସି, ସେ ପାଦ୍ରି ଅଇସି ।”

ପର୍ମାନ୍ ବିସଇ ନେଇ ସିକିଆ

୩୩ “ତମେ ପୁରୁବ୍ କାଲେଅନି ଏ ସିକିଆ ସୁନି ଆଇଲାସ୍ନି, ପର୍ମାନ୍ ବାଙ୍ଗା ନାଇ । ପର୍ମେସରର୍ ମୁଆଟେ ଜନ୍ ପର୍ମାନ୍ କରିଆଗାସ୍ ସେଟା ପୁରାପୁରୁନ୍ କରା ।

୩୪ *ମାତର୍ ମୁଇ ତମ୍ବକେ କଇଲିନି ସପଡ଼ କରବା ବେଲେ ପର୍ମାନ୍ ନିୟମ୍ ପାକାଆ ନାଇ । ସରଗ୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ ସେଟା ପର୍ମେସରର୍ ବସ୍ବା ଜାଗା ।

୩୫ ଦର୍ତ୍ତନିର୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ, ସେଟା ପର୍ମେସରର୍ ପାଦ୍ ସଙ୍ଗଇବା ଜାଗା । ଜିରୁସାଲାମ୍ ଗଡ଼ର୍ ନାଉଁ ଦାରି ମିସା ରାନ୍ ପାକାଇବାଟା ଟିକ୍ ନାଇ, କାଇକେବଇଲେ ସେଟା ରାଜାମନ୍ଦ୍ ରାଜା ରଇବା ଜାଗା ।

୩୬ ଆରି ନିଜର୍ ମୁଣ୍ଡ୍ ଚିଇ କରି ପର୍ମାନ୍ କରାନାଇ, କାଇକେବଇଲେ ତମେ, ତେଇର୍ ଗଟେକ୍ ଚେଣ୍ଡି ଦବ୍ଲା କି କାଲିଆ କରିନାପାରାସ୍ ।

☆ ୫:୨୯ ମାତ୍ରିକ ୧୮:୯; ମାର୍କ ୯:୪୭ ☆ ୫:୩୦ ମାତ୍ରିକ ୧୮:୮; ମାର୍କ ୯:୪୩ ☆ ୫:୩୧ ମାତ୍ରିକ ୧୯:୭; ମାର୍କ ୧୦:୪ ☆ ୫:୩୨ ମାତ୍ରିକ ୧୯:୯; ମାର୍କ ୧୦:୧୧, ୧୨; ଲୁକ୍ ୧୭:୧୮; ୧୮ କରନ୍ତିୟ ୭:୧୦, ୧୧ ☆ ୫:୩୪ ଜାକୁବ ୫:୧୨; ମାତ୍ରିକ ୨୩:୨୨

୩୭ ମାତୃତ ତମେ ପରମାନ ନିୟମ୍ ନ କରି, ତର୍ ଉଁ କାତା ଉଁ ଅ, ନାଇ କାତା ନାଇ ଅ, ଇତିଅନି ଆରି ଅଦିକ୍ କାତା କଇ ପରମାନ କର୍ବାଟା ସଇତାନର୍ଟାନେଅନି ଆଇଲାଟା ।”

ଇସାତଲା ବିସଇ ନେଇ ସିକିଆ
(ଲୁକ୍ ୭:୩୦)

୩୮ “ଏ କାତା ତମେ ସୁନିଆଟାସ୍, ଆଁକିର୍ ବାଦୁଲେ ଆଁକି ଆରି ଦାଁତର୍ ବାଦୁଲେ ଦାଁତ୍,

୩୯ ମାତୃତ ମୁଇ ତମ୍‌କେ କଇଲିନି, ତମର୍ ବିରଦେ କେ ଅନିଆଇ କାମ୍ କଲେ, ତାକେ ସୁଜାଇବାକେ ଚେସ୍ଟା କରା ନାଇ, ଜେ ତମର୍ ଉଜା ଗାଲେ ଚାପଡ଼ ମାର୍‌ସି, ତାକେ ଆରି ଗଟେକ୍ ଚାପଡ଼ା ମାର୍‌ବାକେ ଡେବ୍‌ରି ଗାଲ୍ ମିସା ଦେକାଇ ଦିଆସ୍ ।

୪୦ କେ ଜଦି ତମର୍‌ସଇ ବିରଦ୍ କରି ବିଚାର୍ ଲଗେ ଦାବିକରି ତମର୍ କାମିଜ୍ ନେବାକେ ମନ୍ କର୍‌ସି, ତାକେ ଚାଦର୍ ମିସା ଦେଇ ପାକାଆ ।

୪୧ ସନିଅମନର୍ ବିତ୍‌ରେ ଅନି, କେ ମିସା ତମ୍‌କେ ତାର୍ ବଜ୍ ରୁଆଇ କରି ଗଟେକ୍ କିଲମିଟର୍ ଜୁ ଆକା ବଇଲେ, ତମେ ତାର୍ ସଇ ଦୁଇ କିଲମିଟର୍ ଜା ।

୪୨ କେ ଜଦି ତମ୍‌କେ କାଇଆଲେ ଜିନିସ୍ ମାଙ୍‌ସି ବଇଲେ, ମନା ନ କରି ତାକେ ଦିଆସ୍ । କେ ମିସା କାଇଆଲେ ଉଦାର୍ ମାଙ୍‌ଲେ ତାକେ ଦିଆସ୍ ।”

ସତ୍‌ରୁକେ ଆଲାଦ୍ କରା
(ଲୁକ୍ ୭:୨୭-୨୮, ୩୨-୩୬)

୪୩ “ମଇତ୍‌ରୁକେ ଆଲାଦ୍ କରା ଆରି ତମର୍ ସତ୍‌ରୁକେ ଗିନ୍ କରା । ଏ ସିକିଆ ତମେ ପୁରବେଅନି ସୁନି ଆଟାସ୍ ।

୪୪ ମାତୃତ ମୁଇ ତମ୍‌କେ କଇଲିନି, ସତ୍‌ରୁମନ୍‌କେ ଆଲାଦ୍ କରା, ଜନ୍ ଲକ୍ ତମ୍‌କେ କସ୍‌ଟ ଦେଲାଇନି, ତାକର୍‌ପାଇ ପାର୍‌ତନା କରା ।

୪୫ ଏଟା କଲେ ସରଗର୍ ପର୍‌ମେସରର୍ ପିଲା ବଲି ଚିନାପଡ଼ିଆ । କାଇକେ ବଇଲେ ପର୍‌ମେସର ବଲ୍ କାରାପ୍ ଦୁଇ ଲକ୍‌ର୍ ପାଇ ମିସା ବେଲର୍ ଉଜଲ୍ ଦେଲାନି, ଆରି ଦରମ୍ ରଇବା, ଦରମ୍ ନ ରଇବା ସବୁର୍ ଉପରେ ବର୍‌ସା ମାରାଇଲାନି ।

୪୬ ତେବେ, ତମ୍‌କେ ଆଲାଦ୍ କର୍‌ବା ଲକ୍‌କେ ଆଲାଦ୍ କଲେ, ପର୍‌ମେସର୍ ତମ୍‌କେ କାଇକେ ପୁରୁସ୍‌କାର୍ ଦେଇସି ? ସିସ୍‌ତୁ ମାଙ୍‌ବା ଲକ୍‌ମନ୍ ମିସା ସେକ୍ତି କର୍‌ବାଇ ।

୪୭ ତମେ ଜଦି ନିଜର୍ ନିଜର୍ ବାଇମନ୍‌କେସେ ଜୁଆର୍ କର୍‌ସା, ତେବେ ଆରି ଅଦିକ୍ କାଇଟା କଲାସ୍‌ନି ? ବିସ୍‌ବାସ୍ ନକଲା ଲକ୍‌ମନ୍ ମିସା ସେଟା କର୍‌ବାଇ ।

୪୮ ସେଟାର୍ ପାଇ ତମର୍ ସରଗର୍ ବାବା ଜେନ୍ତାର୍ ସିଦ୍, ତମେ ମିସା ସେନ୍ତାର୍ ସିଦ୍ ଅଇବା ଦରକାର୍ ।”



ଦାନ୍ ବିସଇନେଇ ସିକିଆ

୧ *ଲକ୍‌ମନ୍‌କେ ଦେକାଇଅଇବାକେ ସବୁର୍ ମୁଆଟେ ନିକ କାମ୍ କରାନାଇ । ସେଟା କଲେ ସର୍‌ଗେ ରଇବା ତମର୍ ବାବାର୍ ଟାନେଅନି ପୁରୁସ୍‌କାର୍ ନ ପାଆସ୍ ।

୨ ତେବେ ଗଟେକ୍ ଗରିବ୍ ଲକ୍‌କେ ଦାନ୍ ଦେବା ବେଲେ କୁଟିଆଲ୍‌ମନର୍ ପାରା ଦେକାଇ ନ ଉଆ । ସେମନ୍ ଲକ୍‌ମନର୍‌ତେଇ ଅନି ତାକ୍‌ପୁଟା ପାଇବାକେ ପାର୍‌ତନା ଗରେ ଆରି ସାଇ ମଜାଇ ଦାନ୍‌ଦରମ୍ ଦେକାଇବାଇ । ମୁଇ ସତ୍ କଇଲିନି ଜେ, ସେମନ୍ ଇତିଅନି ସେମନର୍ ରୁଡି ପୁରାପୁରୁନ୍ ପାଇସାରି ଆଟଡ୍ ।

୩ ମାତୃତ ତମେ ଅବାବେ ରଇଲା ଲକ୍‌କେ ସାଇଜ କଲାବେଲେ, ଏନ୍ତାରି କରା, ଜେନ୍ତିକି ତମର୍ ଲଗର୍ ମଇତର୍ ମିସା ଏ କାତା ନାଜାନ ।

୪ ତମର୍ ଏ ଦାନ୍ ଲୁଟ୍‌ତେ ଅଇରଇଲେ ମିସା ସବୁ ଦେକ୍‌ବା ବାବା ପର୍‌ମେସର୍ ସେଟା ଦେକି ତମ୍‌କେ ପୁରୁସ୍‌କାର୍ ଦେଇସି ।

ପାର୍‌ତନା ବିସଇ ନେଇ ସିକିଆ
(ଲୁକ୍ ୧୧:୨-୪)

୫ *ପାର୍‌ତନା କର୍‌ବା ବେଲେ କୁଟିଆଲ୍ ବିସ୍‌ବାସିମନର୍ ପାରା ଉଆନାଇ । କାଇକେ ବଇଲେ ସେମନ୍ ଲକ୍‌ମନ୍‌କେ ଦେକାଇ ଅଇବାକେ ପାର୍‌ତନା ଗର୍‌ମନ୍‌କେ ଆରି ଗାଉର୍ ମଜା ତାଣ୍ଡେ ଟିଆ ଅଇକରି ପାର୍‌ତନା କର୍‌ବାକେ ମନ୍ କର୍‌ବାଇ । ମୁଇ ତମ୍‌କେ ସତ୍ କଇଲିନି, ସେମନ୍ ନିଜର୍ ନିଜର୍ ପୁରୁସ୍‌କାର୍ ପାଇଲାଇବେ ।

୬ ମାତୃତ ତମେ ପାର୍‌ତନା କର୍‌ବାକେ ତମର୍ ବାକ୍‌ରାଇ ଜାଇ, କାକେ ନ ଦେକାଇଅଇତେ ପୁରିକରି କାପାଟ୍ ଡାବିଅଇଦିଆସ୍ ଆରି ନ ଡିସାଇ ଅଇବା ତମର୍ ସର୍‌ଗର୍ ବାବାର୍ ଲଗେ ପାର୍‌ତନା କରା । ତମେ ଲୁଟ୍‌ତେ ଜାଇଟା କର୍‌ସା, ସେଟା ଦେକି ତମର୍ ବାବା ତମ୍‌କେ ପୁରୁସ୍‌କାର୍ ଦେଇସି ।

୭ ପାର୍ତନା କରବା ବେଳେ ପରମେସ୍ୱରକେ ବିସ୍ୱାସ୍ ନ କରବା ଲକ୍ଷ୍ମୀନର ପାରା ଅରତ୍ ନଇଲା କାତା ତର୍କେ ତର୍କ କଇ ଆଉଲି ନ ଉଆ, ବେସି ପର ପାର୍ତନା କଲେ ସେ ପରମେସ୍ୱର ସୁନ୍ଦସି ବଲି, ସେମନ୍ ମନେ ବାବ୍ବାଇ ।

୮ ସେମନ୍ ପାରା ଉଆ ନାଇ । ତମେ ମାଙ୍ଗ୍ବା ଆଗ୍ତୁ ଜାଇଟା ଦରକାର୍, ତମର ସରଗର୍ ବାବା ପରମେସ୍ୱର ସେଟା ସବୁ ଜାନ୍ସି ।

୯ ସେଟାର ପାଇ ତମେ ଏନ୍ତାରି ପାର୍ତନା କରବାର୍ ଆତେ ।
ଏ ଆମର ସରଗର୍ ବାବା,

ତମର ସୁକଲ୍ ନାଉଁ ଡାକ୍ପୁଟା ପାଅ ।

୧୦ ତମର ସାସନ୍ ଆସ । ସରଗେ ତମର ମନ୍ କଲାଟା ଜେନ୍ତାରି ସିଦ୍ ଅଇଲାନି,

ଏ ରାଇଜେ ମିସା ସେନ୍ତାରି ତମେ ମନ୍ କଲାଟା ସିଦ୍ ଅ ।

୧୧ ଆଜି ଆମ୍ବକେ ଦରକାର୍ ରଇଲା କାଦି କାଇବାକେ ଦିଆ ।

୧୨ ଆମର ବିରଦେ ଦସ୍ କରିରଇବା ଲକ୍ଷ୍ମୀନକେ

ଆମେ ଜେନ୍ତାରି କେମା କଲୁନି, ସେନ୍ତାରି ଆମର ସବୁ ଦସ୍ କେମା କରା ।

୧୩ ବେସି କସ୍ଟ ରଇବା ପରିକା ଆମ୍ବକେ ମୁରତ୍ବାକେ ଦିଆ ନାଇ,

ମାତର କାରାପ୍ କାମେଅନି ରକିଆ କରା

ଜେନ୍ତାରି ତମର ରାଇଜ, ତମର ବପୁ,

ଆରି ଡାକ୍ପୁଟା ସବୁ ଜୁଗେଜୁଗେ ତମର ଅଇକରି ରଅ* । ଆମେନ୍ !

୧୪ *“ତମର ବିରଦେ ଦସ୍ କରିରଇବା ବିନ୍ ଲକ୍ଷ୍ମୀନକେ ଜଦି ତମେ କେମା କରସା, ତମର ସରଗର୍ ବାବା ପରମେସ୍ୱର ମିସା ତମ୍ବକେ କେମା କରସି ।

୧୫ ମାତର ତମେ ଜଦି ବିନ୍ ଲକ୍ଷ୍ମୀନକେ କେମା ନ କରସା, ସରଗର୍ ବାବା ମିସା ତମେ କରିରଇବା ପାପ୍ଦସ୍ କେମା ନ କରେ ।”

ଉପାସ୍ ରଇବା ବିସଇ ନେଇ ସିକିଆ

୧୬ “ଉପାସ୍ କରବା ବେଳେ ଦରମ୍ ବଲି ଦେକାଇଅଇଲା ଲକ୍ଷ୍ମୀ ପାରା ବାଇରେ ସପାସୁତର୍ ଅଇବାଟା ଚାଡିଦେବାର୍ ନାଇ । ସେମନ୍ ଉପାସ୍ କଲୁନି ବଲି ଲକ୍ଷ୍ମୀ ଲଗେ ଦେକାଇ ଅଇବାକେ ସେନ୍ତାରି କରବାଇ । ମୁଇ ତମ୍ବକେ ସଡ୍ କଇଲିନି, ସେମନ୍ ଏନ୍ତି କରବାର୍ ଲାଗି ନିଜର୍ ପୁରୁସ୍କାର୍ ସବୁ ପାଇଲାଇବେ ।

୧୭ ମାତର ତମେ ଉପାସ୍ କରବା ବେଳେ, ମୁଣ୍ଡେ ଚିକନ୍ଲାଗାଇ ଅଇ ସପା ସୁଡରା ରୁଆ ।

୧୮ ଜେନ୍ତାରି ଉପାସ୍ କଲାସ୍ନି ବଲି ବିନ୍ ଲକ୍ଷ୍ମୀନ ନାଜାନଡ୍ । ମାତର ତମର ନ ଡିସ୍ବା ବାବା ସବୁ କାତା ଜାନେ । ତମେ ଲୁଚ୍ତେ ଜାଇଟା କରସା, ସେଟା ଦେକି ତମ୍ବକେ ପୁରୁସ୍କାର୍ ଦେଇସି ।”

କରିରଇବା କାମ୍

(ଲୁକ୍ ୧୨:୩୩-୩୪)

୧୯ *“ଏ ଦୁନିଆଇ ନିଜରପାଇ ଦନ୍ ଅର୍ଜା ନାଇ । ଇତି ସଙ୍ଗଇଲା ଦନ୍ ଅଲ୍ମା କାଇ ଚିଲମ୍ ଦାରସି ଆରି ଚରମନ୍ କଡି କାଣା କି ଚରାଇନେବାଇ ।

୨୦ ସରଗେ ତମର ପାଇ ଏନ୍ତାରି ଦନ୍ ଅର୍ଜି ସଙ୍ଗୁଆ । ତେଇ ଅଲ୍ମା ଆରି ଚିଲମ୍ ନ ଦାରେ । ଆରି ଚରମନ୍ ମିସା କଡି କାଣାକରି ଚରାଇ ନେଇ ନାପାରଡ୍ । ଜାଗ୍ଡତ୍ !

୨୧ କାଇକେବଇଲେ ଜନ୍ମାନେ ତମର ଦନ୍, ତେଇସେ ତମର ମନ୍ ।”

ଗାଗଡର୍ ଉଜଲ୍

(ଲୁକ୍ ୧୧:୩୪-୩୬)

୨୨ “ତମର ଆଁକି ଅଇଲାନି ଗାଗଡର୍ ବଡି । ଜେଡେବେଲା ଆଁକି ନିର୍ମଲ୍ ରଇସି, ତେବେ ତମର ଗୁଲାଇ ଗାଗଡ୍ ମିସା ଉଜଲ୍ ବଡି ଅଇରଇସି ।

୨୩ ମାତର ଜେବେ ତମର ଆଁକି ନସିରଇସି, ତେବେ ସବୁ ଗାଗଡ୍ ଆନ୍ଦାର୍ ଅଇସି । ତେବରପାଇ ତମର ମନ୍ ବିଡ୍ଡରର୍ ଉଜଲ୍ ଜେବେ ଆନ୍ଦାର୍ ଅଇସି, ତେବେ ସେ ଆନ୍ଦାର୍ କେଡେକ୍ ବଡ୍ ବିପଦ୍ ।”

ପରମେସ୍ୱର ଆରି ଦନ୍

(ଲୁକ୍ ୧୨:୧୩; ଲୁକ୍ ୧୨:୨୨-୩୧)

୨୪ “କେ ମିସା ଗଟେକ୍ ଲକ୍ ଦୁଇଟା ସାଉକାର୍ ସେବାକରି ନାପାରେ । ସେ ଗଟେକ୍ ଲକ୍ବକେ ମାନ୍ସି ଆରି ଗଟେକ୍ ଲକ୍ବକେ ଗିନ୍ କରସି । ନଇଲେ ଗଟେକ୍ ଲକ୍ବକେ ବିସ୍ବାସ୍ କରସି ଆରି ଗଟେକ୍ ଲକ୍ବକେ ବିସ୍ବାସ୍ ନ କରେ । ତମେ ଏକାତର ପରମେସ୍ୱରକେ ଆରି ଡାବୁକାସୁକେ ସେବାକରି ନାପାରାସ୍ ।”

* ୭:୧୩ ଏ ବାକିଅ ପୁରନା ପାଣ୍ଡୁ ଲିପି ଟାନେ ନାଇ ☆ ୭:୧୪ ମାର୍ଚ୍ଚ ୧୧:୨୫,୨୬ ☆ ୭:୧୯ ଜାକୁବ ୫:୨,୩

୨୫ ଏଠାରୁପାଇ ମୁଇ ତମ୍ଭେ କଇଲିନି, ବଞ୍ଚିବାକେ କାଇଟା କାଇବୁବେ ? ଆରି ଗାଗଡ଼ର୍ ପାଇ କାଇଟା ପିନ୍ଦୁ ? ବଲି ବାବି ଚିନ୍ତା କରାନାଇ । କାଦିର୍ତେଇଅନି ଜିବନ୍, ଆରି ବସ୍ତର୍ ତେଇଅନି ଗାଗଡ଼ ମୁକିଅ ଆଟେ ।

୨୬ ଚତଇମନକେ ଦେକା, ସେମନ୍ ନ ବୁନଡ଼ କି ନ କାଟଡ଼, କି କଲକିତେଇ ନ ସଙ୍ଗଅଡ଼, ଅଇଲେ ମିସା ସରଗର୍ ବାବା ସେମନ୍କେ କାଇବାପାଇ ଜାଗାଇଲାନି । ତମେ କାଇ ସେମନ୍ତେଇଅନି ମୁକିଅ ନୁଆସ୍ କି ?

୨୭ ବଞ୍ଚିବା ପାଇ ବଲି ନିଜେ ଚିନ୍ତାକରି ବିକଲ୍ ଅଇ ଜେ ତାର୍ କଣ୍ଠେକ୍ ମିସା ବଞ୍ଚିବା ଦିନ୍ ପାର୍ସି କି ? ନାଇ ନାପାରେ ।

୨୮ ବସ୍ତର୍ ପାଇ କାଇକେ ବିକଲ୍ ଅଇଲାସ୍ନି ? ଦେକା, ବନର୍ ପୁଲ୍ମନ୍ କେନ୍ତ୍ର ବଡ଼ଲାଇନି, ସେମନ୍ କାମ୍ଦାମ୍ କରଡ଼ ନାଇ କି ନିଜର୍ ପାଇ ବସ୍ତର୍ ତିଆର୍ କରଡ଼ ନାଇ,

୨୯ ମାତର୍ ମୁଇ ତମ୍ଭେ କଇଲିନି, ରାଜା ସଲ୍ମନ୍ ତାର୍ ସବୁ ଦନ୍ ସପତି ସଙ୍ଗ ମିସା ଏ ପୁଲ୍ ପାରା ସୁନ୍ଦର୍ ବସ୍ତର୍ କେବେ ପିନ୍ଦି ନ ରଇଲା ।

୩୦ ଆଜି ପଦାଇ ରଇଲା ଗାଁସ୍ କାଲିକେ ନ ମିସା ରଏ । କାଟିକରି ଜଇଟାନେ ପଡ଼ାଇଦେବାଇ । ଏଲେମିସା ତାକେ ପର୍ମେସର୍ ଏନ୍ତ୍ର ସୁନ୍ଦର୍ ବେସ୍ ଦେଇସି, ତେବେ ଏ ଅଲପ୍ ବିସ୍ବାସିମନ୍, ସେ ବାଇଦରେ ତମ୍ଭେ ଅଦିକ୍ ନିମାନ୍ ବସ୍ତର୍ ନ ଦେଏ କି ? ଦେଇସିସେ ।

୩୧ ଏଠାରୁ ପାଇ କାଇଟା କାଇବି ? ଆରି କାଇଟା ପିଇବି ? ଆରି କାଇଟା ଅଡ଼ବି ବଲି ଚିନ୍ତା କରାନାଇ ।

୩୨ କାଇକେବଇଲେ ପର୍ମେସର୍କେ ନାଜାନ୍ଲା ଲକ୍ମନ୍ ଏ ସବୁ କଜିବୁଲ୍ବାଇ । ଆରି ଏ ସବୁ ବିସଇ ଜେ ତମ୍ଭେ ଲତା, ସେଟା ତମର୍ ସରଗର୍ ବାବା ଜାନେ ।

୩୩ ମାତର୍ ତମେ ତାର୍ ରାଇଜ୍ ଆରି ସେ ତମର୍ଟାନେଅନି କାଇଟା ମନ୍ କଲାନି, ସେ ବିସଇ କଜା । ସେନ୍ତ୍ରା କଲେ, ସେ ତମ୍ଭେ ଲତାକେ ଆଇବା ସବୁ ବିସଇ ଜାଗାଇ ଦେଇସି ।

୩୪ ଆରି, କାଲିକର୍ ପାଇ ଚିନ୍ତା କରାନାଇ, କାଇକେବଇଲେ କାଲିକର୍ ଚିନ୍ତା କାଲିକେ କରା । ଜନ୍ ଦିନର୍ କସ୍ଟ, ସେଦିନର୍ପାଇ ଅଦିକ୍ ଅଇସି ।



ବିନ୍ ଲକ୍ମକେ ଦସ୍ ଦାର୍ବାଟା
(ଲୁକ୍ ୭:୩୭-୩୮, ୪୧-୪୨)

୧ ବିନ୍ ଲକ୍ମର୍ ଦସ୍ କଜି ବୁଲାନାଇ । ତାକର୍ ବିଚାରର୍ ଦସ୍ ନ ଦାର୍ଲେ, ପର୍ମେସର୍ ତମର୍ ଦସ୍ ନ ଦାରେ ।

୨ *କାଇକେବଇଲେ ତମେ ବିନ୍ ଲକ୍ମର୍ ଦସ୍ ଜେନ୍ତ୍ର ବିଚାର୍ କର୍ତେଇସା, ସେନ୍ତ୍ରାରିସେ ପର୍ମେସର୍ ତମର୍ ବିଚାର୍ କରସି । ତମେ ବିନ୍ ଲକ୍ମନ୍କେ ଜନ୍ ନିୟମ୍ କରସା, ପର୍ମେସର୍ ତମ୍ଭେ ସେ ନିୟମ୍ କରସି ।

୩ ତମର୍ ଆଁକିତେଇ ବଡ଼ କାର୍ତ୍ତା ରଇଲେ ମିସା, କାଇକେ ତମର୍ ବାଇର୍ ଆଁକିଟାନେ ରଇବା କାର୍ତ୍ତା, ନିକସଙ୍ଗ୍ ଦେକ୍ଲାସ୍ନି ?

୪ ନିଜର୍ ଆଁକିତେଇ ବଡ଼ କାର୍ତ୍ତା ରଉରଉ ତମେ କାଇ ସାଆସେ ତମର୍ ବାଇର୍ ଆଁକିତେଇ ରଇବା କାର୍ତ୍ତା ବାର୍କରାଇ ଦେବି ବଲି କଇଲାସ୍ନି ?

୫ ଏରେ କୁଟିଆଲ୍ମନ୍ ! ଆଗେ ନିଜର୍ ଆଁକିତେଇ ରଇଲା କାର୍ତ୍ତା ବାର୍କରାଇ ପାକା, ତାର୍ ପଟେ ନିଜର୍ ବାଇର୍ ଆଁକିତେଇ ରଇବା କାର୍ତ୍ତା ବାର୍କରାଇବାକେ ନିମାନ୍ କରି ଦେକି ପାରାସ୍ ।

୬ ସୁକଲ୍ ଦିନ୍ସୁ କୁକୁର୍ମନ୍କେ ଦିଆସ୍ ନାଇ, ସେମନ୍ ପାସଲିକରି ତମ୍ଭେ ଚାବିପାକାଇବାଇ । ଗୁସ୍ରି ମନର୍ ମୁଆଟେ ମୁକ୍ତା ପାକାଆ ନାଇ, ସେମନ୍ ମୁକ୍ତାର୍ ମୁଲିଅ ନ ବୁଜିକରି ମାଣ୍ଡିପାକାଇବାଇ ।

ମାଙ୍ଗା, କଜା ଆରି କାପାଟେ ମାରା
(ଲୁକ୍ ୧୧:୯-୧୩)

୭ ମାଙ୍ଗା, ତେବେ ତମ୍ଭେ ଦିଆଅଇସି । କଜା, ତେବେ ମିଲାଇସା, କାପାଟେ ମାରା କାପାଟ୍ ଉଗାଡ଼ି ଅଇସି ।

୮ ଜେ ମାଙ୍ଗସି, ତାକେ ଦିଆଅଇସି, ଜେ କଜସି, ସେ ମିଲାଇସି, ଜେ କାପାଟେ ମାରସି ତାର୍ପାଇ କାପାଟ୍ ଉଗାଡ଼ି ଦିଆଅଇସି ।

୯ ତମର୍ ବିଡ଼ରେ ଏନ୍ତ୍ରାରି ବାବା କେ ଆଟେ କି ? ତମର୍ ପିଲା ଜଦି ରୁଟି ମାଙ୍ଗଲେ, ତାକେ ପାକ୍ନା ଦେଇସା ?

୧୦ ନଇଲେ ସେ ମାର୍ ମାଙ୍ଗଲେ ତାକେ ସାଁପ୍ ଦେଇସା ?

୧୧ ତମେ କାରାପ୍ ଲକ୍ ଅଇରଇଲେ ମିସା ନିଜର୍ ପିଲାମନ୍କେ ନିକନିକ ଜିନିସ୍ ଦେଇସା । ସେନ୍ତ୍ରାରିସେ ଜନ୍ ଲକ୍ମନ୍ ସରଗର୍ ବାବାକେ ମାଙ୍ଗିବାଇ ସେ ସେମନ୍କେ ଆରି କେତେ ନିକନିକ ଜିନିସ୍ ଦେଇସି ।

୧୨ *“ତମର୍ ପାଇ ବିନ୍ ଲକ୍ମନ୍ ଜାଇଟା କରଡ଼ ବଲି ମନ୍ କଲାସ୍ନି, ସେନ୍ତ୍ରାରି ତମେ ବିନ୍ ଲକ୍ମର୍ ପାଇ କରା । ଏଟା ଅଇଲାନି ମସା ଦେଇରଇବା ନିୟମ୍ ଆରି ବବିସଡ଼ବକ୍ତାମନର୍ ସିକିଆର୍ ଅରଡ଼ ।”

☆ ୭:୨ ମାର୍କ ୪:୨୪ ☆ ୭:୧୨ ଲୁକ୍ ୭:୩୧

ଚିପଞ୍ଜା ଦୁଆର୍
(ଲୁକ୍ ୭:୪୩, ୪୪)

୧୩ “ଚିପଞ୍ଜା ଦୁଆର୍ ବାଟେ ଜାଆ । କାଈକେବଈଲେ ବିନାୟ୍ କର୍ବାକେ ନେବା ନର୍କକେ ଜିବା ବାଟ୍ ଅସାର୍ ଆରି ସୁବିଦାର୍ଟା । କେତେ କେତେ ଲକ୍ ସେ ବାଟେ ଜିବାଇ ।

୧୪ ମାତର୍ ନ ସାର୍ବା ଜିବନେ ମିସି ରଇଲା ବାଟ୍, ଚିପଞ୍ଜା ଆରି ଜିବାଟା ବେସି କସ୍ଟ । ଉନା ଲକ୍ ସେ ବାଟ୍ କଜି କଜି ମିଲାଇବାଇ ।”

ଗର୍ ଆରି ତାର୍ ପଲ୍
(ଲୁକ୍ ୭:୪୩-୪୪)

୧୫ “ଟକାବଣ୍ଡା କର୍ବା ବବିସତ୍ବକ୍ତାମନର୍ ତେଇଅନି ଜାଗର୍ତା ଅଇରୁଆ, ସେମନ୍ ବାଇରେ ମେଣ୍ଡା ପାରା ଡିସ୍ବାଇ ମାତର୍ ତାକର୍ ମନ୍ ବିତ୍ରେ ବାଲିଆଡୁରକାମନର୍ ପାରା ।

୧୬ ସେମନର୍ କର୍ବା କାମ୍ ଦେକି ତମେ ସେମନ୍କେ ଚିନିପାରାସ୍ । କାଟା ବୁଟାଇ ଅଙ୍ଗୁର୍ ନ ପଲେ କି କାଟାକଲି ବୁଟାଇ ତୁମ୍ରି ପଲ୍ ନ ଦାରେ ।

୧୭ ନିକ ଗଟେ ନିକ ପଲ୍ ଦାର୍ସି, ବାନିଆ ଗଟର୍ ପଲ୍ ବାନିଆ ସେ ।

୧୮ ନିକ ଗଟେ ବାନିଆ ପଲ୍ ନ ପଲେ କି ବାନିଆ ଗଟେ ନିକ ପଲ୍ ଅଇନାପାରେ ।

୧୯ ନିକ ପଲ୍ ନ ଦାର୍ଲେ ସେ ଗର୍ କାଟି କରି ଜଇଟାମେ ପାକାଇଅଇସି ।

୨୦ ସେନ୍ତାରି ସେ ଟକାବଣ୍ଡା କର୍ବା ବବିସତ୍ବକ୍ତାମନର୍ କାମ୍ କର୍ବାଟାମେ ଅନି ତମେ ସେମନ୍କେ ଚିନିପାରାସ୍ ।”

ମୁଇ ତମ୍ବେ ନାଜାନି
(ଲୁକ୍ ୧୩:୨୫-୨୭)

୨୧ ମକେ ମାପ୍ତୁ, ମାପ୍ତୁ ବଲି ଡାକ୍ବା ଲକ୍ମନର୍ତେଇ ଅନି ସବୁ ଲକ୍ ସରଗ୍ ରାଇଜେ କେଟିନାପାରତ୍ । ମାତର୍ ଜନ୍ ଲକ୍ମନ୍ ସରଗର୍ ବାବା ମନ୍ କଲା ଇସାବେ ଚଲାଚଲ୍ଡି କର୍ବାଇ, ସେମନ୍ସେ ସରଗ୍ ରାଇଜେ କେଟ୍ବାଇ ।

୨୨ ମାପ୍ତୁର୍ ବିଚାର୍ କର୍ବା ଦିନ୍ କେଟ୍ଲେ କେତେ କେତେ ଲକ୍ ମକେ କଇବାଇ, ଏ ମାପ୍ତୁ, ତମର୍ ନାଉଁ ଦାରି ଆମେ ପର୍ମେସରର୍ ସୁବ୍ବବର୍ ଜାନାଇ ଆତୁ । ତମର୍ ନାଉଁ ଦାରି ତୁମାମନ୍କେ କେଦି ଆତୁ ଆରି କେତେକ୍ କାବାଅଇଜିବା କାମ୍ମନ୍ କରିଆତୁ ।

୨୩ ସେଡକି ବେଲେ ମୁଇ ସେମନ୍କେ କଇବି, ନାଇ, ମୁଇ ତମ୍ବେ ନାଜାନି । କରାପ୍କାମ୍ କର୍ବା ଲକ୍ମନ୍, ମର୍ଲଗେ ରୁଆନାଇ ।

ଦୁଇଟା ଗର୍ ବାନ୍ତୁମନ୍
(ଲୁକ୍ ୭:୪୭-୪୯)

୨୪ “ଜେ ମର୍ କାତା ସୁନି, ସେ ଇସାବେ ଚାଲ୍ସି, ସେ ବଡ୍ ରାଇନି ପାକ୍ନା ଉପ୍ରେ ଗର୍ କର୍ବା ଗିଆନ୍ଲକର୍ ପାରା ।

୨୫ ଅପର୍ବଲ୍ ବରସା ମାର୍ଲାଇକେ ଗାଡ୍ ଉଚ୍ଲି ଗାଲା ଆରି ସେ ଗର୍ ଉପ୍ରେ ବେସି ପବନ୍ ଦାର୍ଲା । ମାତର୍ ସେ ଗର୍ ବସ୍ଲେ ନାଇ । କାଈକେ ବଇଲେ ସେଟା ପାକ୍ନା ଉପ୍ରେ ତିଆର୍ ଅଇରଇଲା ।”

୨୬ “ମାତର୍ ଜନ୍ ଲକ୍ମନ୍ ମର୍ କାତା ସୁନିକରି ମିସା ସେ ଇସାବେ ଚଲାଚଲ୍ଡି ନ କରତ୍, ସେମନ୍ ବାଲି ଗାଦି ଉପ୍ରେ ଗର୍ ତିଆର୍ କରି ରଇବା ବକ୍ତୁଆ ଲକ୍ ପାରା ।

୨୭ ଅପର୍ବଲ୍ ବରସା ଅଇଲାକେ ଗାଡ୍ ପୁରି ଉଚ୍ଲଲା, ଜବର୍ ବାଉଦୁକା ଆଇଲା ଆରି ଗର୍ କୁରୁପ୍ନାସ୍ ଅଇଗାଲା । ସେ କୁରୁପ୍ନାସ୍ ଅଇଲାଟା କେତେ ଇନସ୍ତା ରଇଲା !”

ଜିସୁର୍ ଅଦିକାର୍ ବିସଇ ନେଇ ସିକିଆ

୨୮ ସାରାସାରି ଜାକ ଜିସୁ ସିକିଆ ଦେବାଟାମେ ଏ ସବୁ କାତା ସୁନିକରି ଲକ୍ମନ୍ କାବା ଅଇଗାଲାଇ ।

୨୯ ସେ ବିନ୍ବିନ୍ ସାସ୍ତର୍ ସିକାଉମନର୍ ପାରା ନ ସିକାଇକରି ନିଜର୍ ଅଦିକାର୍ ସଙ୍ଗ୍ ସିକାଇତେ ରଇଲା ।



ଜିସୁ ଗଟେକ୍ ବଡ୍ ରଗିକେ ନିକ କଲା
(ମାର୍କ ୧:୪୦-୪୫; ଲୁକ୍ ୫:୧୨-୧୬)

୧ ଜିସୁ ଡଙ୍ଗ୍ରେ ଅନି ଉଡ୍ରି ଆଇଲା ଦାପ୍ରେ, ବେସି ଲକ୍ମନ୍ ତାର୍ ପଟେ ପଟେ ଇଣ୍ଡୁଲାଇ ।

୨ ସେବେଲେ ଗଟେକ୍ ବଡ୍ ରଗି ଜିସୁର୍ ମୁଆଟେ ଆସି ମାଣ୍ଡିକୁଟା ଦେଇ କଇଲା, “ଏ ମାପ୍ତୁ, ତମେ ଜଦି ମନ୍ କଲାସ୍ନି ବଇଲେ ମକେ ସୁକଲ୍ କରି ପାରାସ୍ ।”

☆ ୭:୧୯ ମାତୃତ ୩:୧୦; ଲୁକ୍ ୩:୯ ☆ ୭:୨୦ ମାତୃତ ୧୨:୩୩ ☆ ୭:୨୮ ମାର୍କ ୧:୨୨; ଲୁକ୍ ୪:୩୨

୩ ତେଇ ଜିସୁ ଆଡ଼ ଲାମାଇ ତାକେ ଚିଇ କଇଲା, “ମୁଇ ମନ୍ କଲିନି, ସୁକଲ୍ ଅ ।” ଜିସୁ ଏଡ଼କି କଇଲା ଦାପ୍ରେ ସେ ଲକ୍ ବଡ଼ ରଗେଅନି ନିକ ଅଇଲା ।

୪ ଜିସୁ ତାକେ କଇଲା, “ସୁନ୍, ତୁଇ କେନ୍ତ୍ରୁଅଇ ନିକ ଅଇଲୁସ୍, ଏ କାତା କାକେ ମିସା କ ନାଇ, ମାତର୍ ସିଦା ପୁଜାରିର୍ ଲଗେ ଜାଇକରି ନିଜ୍ଜକେ ଦେକାଇ ଅ, ଆରି ତୁଇ ନିକ ଅଇ ଆତୁସ୍ ବଲି ସବୁ ଲକର୍ ଟାନ୍ଦେ ଜାନାଇଅଇବାକେ ମସାର୍ ନିୟମ୍ ଇସାବେ ପର୍ମେସର୍କେ ସର୍ପିଦେସ୍ ।”

**ଜିସୁ ରମିୟ୍ ସନିଅମନର୍ ମୁକିଅର୍ ଗତିଦାଙ୍ଗ୍ତାକେ ନିକ କଲା
(ଲୁକ୍ ୭:୧-୧୦)**

୫ ଜିସୁ କପର୍ନାଉମ୍ ସଅରେ କେଟ୍ଲା । ସେଦାପ୍ରେ ଗଟେକ୍ ରମିୟ୍ ସନିଅମନର୍ ମୁକିଅ ତାକେ ବେଟ୍ ଅଇକରି ବାରୁଜିଆ କରି କଇଲା ।

୬ “ଏ ମାପ୍ଟୁ, ମର୍ ଗଟେକ୍ ଗତିଦାଙ୍ଗ୍ତା ଅନ୍ଦାଇ ତୁଲିକରି ବେସି କସ୍ଟ ପାଇଲାନି ଉଟେ ନାଇ, ବସେ ନାଇ ।”

୭ ଜିସୁ ତାକେ କଇଲା, “ମୁଇ ଆସି ତାକେ ନିକ କର୍ବି ।”

୮ ମାତର୍ ମୁକିଅ କଇଲା, “ନାଇ ମାପ୍ଟୁ ତମେ ଜେ ମର୍ଗରେ ପାଦ୍ ପାକାଇସା, ଏଟାର୍ପାଇ ମର୍ ଅଦିକାର୍ ନଇ । ତମେ ପଦେକ୍ କଇଦିଆ, ମର୍ ଗତିଦାଙ୍ଗ୍ତା ନିକ ଅଇଜାଇସି ।

୯ କାଇକେବଇଲେ ମୁଇ ମର୍ ଉପ୍ରେ ଅଦିକାରିର୍ ତଲେ କାମ୍ କଲିନି, ଅଇଲେ ମିସା ମର୍ ତଲେ କେତେ କେତେ ସନିଅମନ୍ ଆଟ୍ । ସେମନ୍ ବିଡ଼ରେଅନି ଜଦି ମୁଇ ଗଟେକ୍ ଲକ୍କେ ଜାଆ ବଲି ଆଦେସ୍ ଦେଲେ, ସେ ଜାଇସି । ବିନ୍ଟାକେ ଆଉ ବଲି କଇଲେ ସେ ଆଇସି । ସେନ୍ତ୍ରୁସେ ମର୍ ଗତି ଦାଙ୍ଗ୍ତାକେ ଏଟା କର୍ ବଲି କଇଲା ଦାପ୍ରେ ସେ ସେଟା କର୍ସି ।”

୧୦ ଜିସୁ ଏଟା ସୁନି କାବା ଅଇଗାଲା, ଆରି ତାର୍ ସଙ୍ଗ୍ ଆଇବା ଲକ୍ମନ୍କେ କଇଲା, “ମୁଇ ସଡ଼ କଇଲିନି, ଇସ୍ରାଏଲ୍ ବିଡ଼ରେ କନ୍ ଲକ୍ଟଟାନ୍ଦେ ମିସା ଏ ଲକ୍ଟ ପାରା ବିସ୍ବାସ୍ ମୁଇ ଦେକିନାଇ ।

୧୧ *ଏ କାତା ତମର୍ ମନେ ର, ପୁରୁର୍ ଆରି ପସ୍ଟିମ୍ ବାଟର୍ ଦେସେଅନି କେତେ କେତେ ଲକ୍ ସରଗ୍ ରାଇଜେ ଆସି ଅବ୍ରାଆମ୍ ଇସାକ୍ ଆରି ଜାକୁବର୍ ସଙ୍ଗ୍ ବଜିତେଇ ଗଟେକ୍ଟାନ୍ଦେ କାଇବାକେ ବସ୍ବାଇ ।

୧୨ *ମାତର୍ ଜନ୍ ଲକ୍ମନ୍ ସରଗ୍ ରାଇଜେ ପୁରବାର୍ ରଇଲାଇ, ସେମନ୍କେ ବାଇରର୍ ଆନ୍ଦାରେ ପିଙ୍ଗା ଅଇସି । ତେଇ ସେମନ୍ ଦାଡ଼ ମୁଣ୍ଟ୍ କାଡ଼ରି ମାରିଟପିଅଇ କାନ୍ଦ୍ବାଇ ।”

୧୩ ଜିସୁ ସନିଅମନର୍ ମୁକିଅକେ କଇଲା, “ତୁଇ ଏବେ ଗରେ ଜା । ତୁଇ ଜେନ୍ତ୍ରୁ ବିସ୍ବାସ୍ କଲୁସ୍ନି ସେନ୍ତ୍ରୁସେ ଅଇସି ।” ସମାନ୍ ସେ ବେଲାଇସେ ତାର୍ ଗତିଦାଙ୍ଗ୍ତା ପୁରାପୁରୁନ୍ ନିକ ଅଇଗାଲା ।

**ଜିସୁ କେତେ କେତେ ଲକ୍ମନ୍କେ ନିକ କଲା
(ମାର୍କ ୧:୨୯-୩୪; ଲୁକ୍ ୪:୩୮-୪୧)**

୧୪ ଜିସୁ ପିତରର୍ ଗରେ ଜାଇ ତାର୍ ସାଡ଼ରି ଜର୍ଅଇକରି ଅନ୍ଦାଇ ତୁଲି ରଇବାଟା ଦେକ୍ଲା ।

୧୫ ସେ ପିତରର୍ ସାଡ଼ରି ଆତେ ଚିଇଲା ଦାପ୍ରେ ତାର୍ ଜର୍ ଗାଡ଼ିଗାଲା । ଆରି ସେ ଉଡ଼ିକରି ଜିସୁର୍ ସେବା କର୍ବାର୍ ଦାର୍ଲା ।

୧୬ ସଞ୍ଜ୍ ଅଇଲାକେ ଲକ୍ମନ୍, କେତେକ୍ କେତେକ୍ ତୁମା ଦାରିରଇଲା ଲକ୍ମନ୍କେ ଜିସୁର୍ ଲଗେ ଆନ୍ଲାଇ । ତାର୍ ପଦେକ୍ କାତା କଇଲା ଦାପ୍ରେସେ ତୁମା ଆଡ଼ମାମନ୍କେ ବାର୍କରାଇଦେଲା ଆରି ରଗି ଲକ୍ମନ୍କେ ନିକ କଲା ।

୧୭ ଏଟା କଲାର୍ ଲାଗି ଜିସୁ ଜିସାଇୟ୍ ବବିସଡ଼ବକ୍ତା ଜାନାଇ ରଇଲାଟା ପୁରାପୁରୁନ୍ ସିଦ୍ କଲା । ବବିସଡ଼ବକ୍ତା କଇରଇଲା “ଆମର୍ ଦୁକାସୁକା ସବୁ ନିଜେ ନେଲା ଆରି ଆମର୍ ଜର୍ଦୁକା ବଇଲା ।”

**ଜିସୁର୍ ସଙ୍ଗ୍ ଜିବା ବିସଇ
(ଲୁକ୍ ୯:୫୭-୬୨)**

୧୮ ଜିସୁ ତାର୍ ଚାରିବେଟ୍ଟି ରଇଲା ବେସି ଲକ୍ମନ୍କେ ଦେକିକରି ତାର୍ ସିସ୍ମନ୍କେ ଗାଡ଼ ସେପାଟ୍ ଜିବାକେ କଇଲା ।

୧୯ ତେଇ ଗଟେକ୍ ଜିଉଦିମନର୍ ସାସ୍ତର୍ ସିକାଉ ତାର୍ ଲଗେ ଆସି କଇଲା, “ଏ ଗୁରୁ ତମେ ଜନ୍ ଜାଗାଇ ଗାଲେ ମିସା ମୁଇ ତମର୍ ସଙ୍ଗ୍ ଆଇବି ।”

୨୦ ମାତର୍ ଜିସୁ ତାକେ କଇଲା, “କଲିଆ ରଇବାକେ ପାଆର୍ ଆଟେ, ଆରି ଉଡ଼ିବୁଲ୍ବା ଚତଇମନ୍ ରଇବାକେ ଗୁଡା ଆଟେ, ମାତର୍ ନର୍ପିଲା ମୁଇ, ମକେ ରଇବାକେ ଜାଗା ନାଇ ।”

୨୧ ଆରି ସିସ୍ମନ୍ ବିଡ଼ରେଅନି ଗଟେକ୍ ସିସ୍ କଇଲା, “ଏ ମାପ୍ଟୁ, ମକେ ପର୍ଡୁମ୍ ମର୍ ବାବାକେ ଜାଇ ତପି ଆଇବାକେ ମୋଲାନି ଦିଆ ।”

୨୨ ମାତର୍ ଜିସୁ ତାକେ କଇଲା, “ମରିଗାଲା ଲକ୍ମନ୍ ମଲା ଲକ୍ମନ୍କେ ତପଡ଼, ତୁଇ ମର୍ ପଟେ ପଟେ ଆଉ ।”

* ୮:୧୧ ଲୁକ୍ ୧୩:୨୯ * ୮:୧୨ ମାତ୍ରିକ ୨୨:୧୩;୨୫:୩୦; ଲୁକ୍ ୧୩:୨୮

ଜିସୁ ବାଉ ପବନକେ ଡବିର୍ କଲା
(ମାର୍କ ୪:୩୫-୪୧; ଲୁକ୍ ୮:୨୨-୨୫)

୨୩ ତାର ପଟେ ଜିସୁ ଗଟେକ୍ ଡଙ୍ଗା ରଗଲାକେ ତାର ସିସମନ୍ ମିସା ତାର ସଙ୍ଗ ଗାଲା ।

୨୪ ସେ ବେଲା ଅଟାଡ୍ ସମ୍ବୁରେ ଏନ୍ତି ବାଉପବନ୍ ଆଇଲା ଆରି ଉଲ୍‌କାର୍ ଲାଗି ଡଙ୍ଗା ପାନିତେଇ ବୁଡିଜିବା ପାରା ଅଇଲା । ମାତର୍ ଜିସୁ ଡଙ୍ଗା ସଇଦେଇ ରଇଲା ।

୨୫ ଆରି ସିସମନ୍ ଜିସୁର୍ ଲଗେ ଜାଇକରି ତାକେ ଉଟାଇ କଇଲା, “ଏ ମାପ୍‌ରୁ ଆମ୍‌କେ ରକିଆ କର୍ । ନଇଲେ ଆମେ ବୁଡି ମରିଜିବୁବେ ।”

୨୬ ଜିସୁ ସେମନ୍‌କେ କଇଲା, “ଏ ବିସ୍‌ବାସେ ତାଟ୍ ନ ରଇଲା ଲକ୍‌ମନ୍, ତମେ କାଇକେ ଏତେକ୍ ଡରିଗାଲାସ୍‌ନି ?” ଜିସୁ ବାଉପବନକେ ଆରି ଲଅଡିକେ ଦମ୍‌କାଇଲା । ତେବର୍‌ପାଇ ବାଉପବନ୍ ଆରି ଲଅଡି ଡବିର୍ ଅଇଗାଲା ।

୨୭ ଏଟା ଦେକି ସିସମନ୍ ବେସି କାବାଅଇଜାଇ ତାକର୍ ତାକର୍ ବିଡ୍‌ରେ କୁଆବଲା ଅଇଲା, “ଏ କେନ୍ତାର୍ ଲକ୍ ଜେ ବାଉପବନ୍ ଆରି ଲଅଡି ମିସା ଆର୍ କାତା ମାନ୍‌ଲାଇନି ।”

ଜିସୁ ଦୁଇଟା ଡୁମା ଡସାଇଅଉମନ୍‌କେ ନିକ କଲା
(ମାର୍କ ୫:୧-୨୦; ଲୁକ୍ ୮:୨୬-୩୯)

୨୮ ଜିସୁ ଆରି ତାର ସିସମନ୍ ଗାଡ୍ ସେପାଟର୍ ଗଦ୍‌ରିୟ ନାଉର୍ ଜାଗାଇ କେଟ୍‌ଲା ଦାପ୍‌ରେ, ଦୁଇଟା ଡୁମା ଡସଲା ଲକ୍ ତାକେ ବେଟ୍ ଅଇଲା । ସେମନ୍ ମସନ୍ ବିଡ୍‌ରେ ରଇତେରଇଲା । ଆରି ସେମନ୍ ଏନ୍ତି ରଇଲା ଜେ, ସେ ବାଟେ କେ ମିସା ଆସ୍ ଜା ନ ଅଇତେ ରଇଲା ।

୨୯ ସେ ଲକ୍‌ମନ୍ ବେସି କିର୍‌କିରି କରି କଇଲା, “ଏ ପର୍‌ମେସରର୍ ପିଲା ଆମର୍ ଟାନେ ତର୍ କାଇ କାମ୍ ଆଟେ ? ବେଲ୍ କାଲ୍ ନ କେଟ୍‌ତେ ତୁଇ କାଇ ଡଣ୍ଡ ଦେବାକେ ଇତି ଆଇଲୁସ୍ କି ?”

୩୦ ସେବେଲା ସେ ଜାଗାଇଅନି କଣ୍ଟେକ୍ ଦୁରିକେ ଗଟେକ୍ ବଡ୍ ଗୁସ୍‌ରି ମାନ୍‌ଟା ଚାରାଇତେରଇଲା ।

୩୧ କାରାପ୍ ଆଡ୍‌ମାମନ୍ ଜିସୁକେ ଗୁଆରି କରି କଇଲା, “ତୁଇ ଜଦି ଆମ୍‌କେ ଏ ଲକ୍‌ମନ୍‌ତେଇ ଅନି ବାର୍‌କରାଇ ଦେଇସୁ ବଇଲେ ସେ ଗୁସ୍‌ରି ମାନ୍‌ଟା ବିଡ୍‌ରେ ଜିବାକେ, ଆଦେସ୍ ଦେ ।”

୩୨ ଜିସୁ ସେମନ୍‌କେ ଜା ! ବଲି କଇଲାକେ କାରାପ୍ ଆଡ୍‌ମାମନ୍ ସେ ଲକ୍‌ମନ୍‌ତେଇଅନି ବାରଇକରି ଗୁସ୍‌ରିମନ୍‌ର୍ ବିଡ୍‌ରେ ପୁରୁଲା । ତେବର୍ ପାଇ, ଗୁସ୍‌ରିମନ୍ ଟିପେଅନି ଗସ୍‌ରି ସମ୍‌ବୁରେ ବୁଡି ମଲା ।

୩୩ ଆରି ତେଇ ଗୁସ୍‌ରି ଚାରାଇତେ ରଇବା ଲକ୍‌ମନ୍ ପାଲା କରି ଡୁମା ଡସି ରଇଲା ଲକ୍‌ମନ୍‌କେ କାଇକାଇଟା ଅଇଲା ସେଟା ସବୁ କଇଦେଲା ।

୩୪ ଆରି ସେ ଗଡ୍‌ର୍ ସବୁ ଲକ୍‌ମନ୍ ଜିସୁକେ ଦେକ୍‌ବାକେ ଆଇଲା । ସେମନ୍ ତାକେ ଦେକିକରି ସେ ଜାଗା ଚାଡି ଜା ବଲି ଗୁଆରି କଇଲା ।



ଜିସୁ ଚେରେଙ୍ଗ୍ ରଗିକେ ନିକ କର୍‌ବାଟା
(ମାର୍କ ୨:୧-୧୨; ଲୁକ୍ ୫:୧୭-୨୬)

୧ ଜିସୁ ଡଙ୍ଗା ବସି ଗାଡ୍ ସେପାଟେ ରଇଲା ନିଜର୍ ଗଡେ ବାଉଡି ଗାଲା ।

୨ ଆରି ତେଇ ଲକ୍‌ମନ୍ ଗଟେକ୍ ଚେରେଙ୍ଗ୍ ରଗିକେ ବଇକରି ତାର ଲଗେ ଆନ୍‌ଲା । ଚେରେଙ୍ଗ୍ ରଗି ଅଟ୍‌ନାଇ ସଇରଇଲା । ସେ ଲକ୍‌ମନ୍‌ର୍ ବିସ୍‌ବାସ୍ ଦେକି ରଗିକେ କଇଲା, “ସାଆସ୍ ଦାର୍, ତର୍ ସବୁ ପାପ୍ କେମା ଅଇଗାଲା ।”

୩ ଏ କାତା ସୁନି କେତେଟା ସାସ୍‌ତର୍ ସିକାଉମନ୍ ତାକର୍ ତାକର୍ ବିଡ୍‌ରେ କାତା ଅଇଲା, “ଏ ଲକ୍ କାଇକେ ପର୍‌ମେସରର୍ ନିନ୍‌ କଲାନି ?”

୪ ଜିସୁ ତାକର୍ ମନ୍‌ର୍ ଚିନ୍ତା ଜାନି କଇଲା, “ତମେ ନିଜର୍ ନିଜର୍ ମନେ କାଇକେ କାରାପ୍ ଚିନ୍ତା କଲାସ୍‌ନି ?

୫ 'ତମର୍ ପାପ୍‌ସବୁ କେମା ଅଇଗାଲା ବଲି କଇବାଟା ସଅଜ୍ କି 'ଉଟିକରି, ଇଣ୍ଡିଜା ବଲି କଇବାଟା ଅଦିକ୍ ସଅଜ୍ ?

୬ ମାତର୍ ଜଗତର୍ ପାପ୍ କେମା କର୍‌ବାକେ ନର୍‌ପିଲା, ମର୍ ଅଦିକାର୍ ଆଟେ, ମୁଇ ଏଟା ତମର୍ ମୁଆଟେ ଦେକାଇବି ।” ତାର ପଟେ ଜିସୁ ଚେରେଙ୍ଗ୍ ରଗିକେ କଇଲା, “ଉଟ୍, ନିଜର୍ ଟାଟି ଦାରି ଗରେ ଉଟିଜା ।”

୭ ଆରି ସେ ଲକ୍ ଉଟିକରି ଗରେ ବାରିଗାଲା ।

୮ ଲକ୍‌ମନ୍ ସେଟା ଦେକି କାବା ଅଇଜାଇ ଡରିଗାଲା । ମାତର୍ ନର୍ ଲକ୍‌କେ ଏନ୍ତାରି ଅଦିକାର୍ ଦେଲାର୍ ପାଇ ପର୍‌ମେସର୍କେ ଡାକ୍‌ପୁଟା କଲା ।

ଜିସୁ ମାତୃତ୍ୱକେ ଡାକ୍‌ଲା
(ମାର୍କ ୨:୧୮-୨୨; ଲୁକ୍ ୫:୩୩-୩୯)

୯ ଜିସୁ ତେଇଅନି ଉଚି ଜିବାବେଲେ ମାତ୍ରିକ ନାଉଁର୍ ଗଟେକ୍ ସିସ୍ତୁ ମାଜୁକେ, ତାର୍ ସିସ୍ତୁମାଜୁମନ୍ ମାଜ୍ବା ଜାଗାଇ ବସିରଇଲାଟା ଦେକି କଇଲା, “ମର୍ ସଙ୍ଗ୍ ଆଉ ।” ମାତ୍ରିକ ସିସ୍ତୁମାଜୁମନ୍ ମାଜ୍ବା ଜାଗାଇଅନି ଉଚି ଜିସୁର୍ ସଙ୍ଗ୍ ଗାଲା ।

୧୦ *ଜିସୁ ମାତ୍ରିକ୍ ଗରେ କାଇବାବେଲେ ବେସି ସିସ୍ତୁମାଜୁମନ୍, ଆରି ପାପି ଲକ୍ମନ୍ ତେଇ ଜିସୁ ଆରି ତାର୍ ସିସ୍ତୁମନ୍ ସଙ୍ଗ୍ ବସି କାଇତେ ରଇଲାଇ ।

୧୧ ଏଟା ଦେକି ପାରୁସି ଲକ୍ମନ୍ ଜିସୁର୍ ସିସ୍ତୁମନ୍ କେ ପାଚାରୁଲାଇ, “କାଇକେ ତମର୍ ଗୁରୁ ସିସ୍ତୁମାଜୁମନ୍ ସଙ୍ଗ୍ ଆରି ପାପି ଲକ୍ମନ୍ ସଙ୍ଗ୍ ବସି କାଇଲାନି ?”

୧୨ ଜିସୁ କଇଲା, “ନିକ ରଇଲା ଲକ୍ମନ୍ ପାଇ ଡାକ୍ଦର୍ ଲତା ନାଇ । ମାତର୍ ଜର୍ଦୁକାର୍ ଲକ୍ମନ୍ ପାଇ ଡାକ୍ଦର୍ ଲତା ଆଟେ ।

୧୩ *ସାସ୍ତରେ ଲେକାଅଇଆଟେ, 'ମୁଇ ପସୁ ପୁଜ୍ବା ବିରୁଟାନେଅନି, ଲକ୍ମନ୍ କେ ଦୟା ଦେକାଇବାଟା ମନ୍ କଲିନି । ଏ କାତାର୍ ଅରଡ୍ କାଇଟା ? ଜାଇକରି ବୁଜ୍ବାକେ ଚେସ୍ଟା କରା । ମୁଇ ଦରମ୍ ଲକ୍ମନ୍ କେ ଡାକ୍ବାକେ ଆସି ନାଇ, ପାପିମନ୍ କେ ଡାକ୍ବାର୍ ଆସିଆଟି ।”

**କାଇକେ ଉପାସ୍ କରବାର୍
(ମାର୍କ ୨:୧୮-୨୨; ଲୁକ୍ ୫:୩୩-୩୯)**

୧୪ ତାର୍ ପଟେ ଦିନେକ୍ ତୁବନ୍ ଦେଉ ଜଅନର୍ ସିସ୍ତୁମନ୍ ଜିସୁର୍ ଲଗେ ଆସି ପାଚାରୁଲାଇ, “ଆମେ ଆରି ପାରୁସିମନ୍ ବେସି ତର୍ ଲାକା ଉପାସ୍ କଲୁନି, ମାତର୍ ତମର୍ ସିସ୍ତୁମନ୍ କାଇକେ ଉପାସ୍ କରଡ୍ ନାଇ ?”

୧୫ ଜିସୁ ସେମନ୍ କଇଲା, “ବିବା ଦାଙ୍ଗ୍ତା ଜେଡେବେଲେ ଜାକ ଦାଙ୍ଗ୍ତାମନ୍ ସଙ୍ଗ୍ ବିବାଗରେ ରଇସି, ସେ ଦିନ୍ ଜାକ ସଙ୍ଗ୍ ଦାଙ୍ଗ୍ତାମନ୍ ଦୁକ୍ ନ କରଡ୍ । ମାତର୍ ଜେଡେବଲ୍ ବିବା ଅଇବା ଦାଙ୍ଗ୍ତାକେ ସଙ୍ଗ୍ ଦାଙ୍ଗ୍ତାମନ୍ ଗାନେଅନି ଦାରିଜିବାଇ, ସେମନ୍ ଦୁକ୍ କରି ଉପାସ୍ କରବାଇ ।”

୧୬ କେ ମିସା ପୁରନା ଲୁଗା କାଣା ଅଇଲାଟାନେ, ନୁଆ ଲୁଗାର୍ ଗର୍ଣ୍ଣା ନ ସିଲାଅଡ୍, କାଇକେ ବଇଲେ ନୁଆ ଗର୍ଣ୍ଣା ପୁରନା ଲୁଗାକେ ବେସି ଚିରି ଦେଇସି ।

୧୭ ଆରି, କେ ମିସା ନୁଆ ଅଙ୍ଗୁର୍ ରସ୍, ଚାମ୍ ସଙ୍ଗ୍ ତିଆର୍ ଅଇଲା ପୁରନା ମୁନାଇ ବେସି ଦିନ୍ ନ ସଙ୍ଗ୍ ଅଡ୍, ସଙ୍ଗ୍ ଲେ ମୁନା ପାଟିଜାଇସି ଆରି ରସ୍ ଚିଡ୍ଡେ ତାଲି ଅଇଜାଇସି । ସେଟାର୍ ପାଇ ନୁଆ ରସ୍ ନୁଆ ମୁନାଇ ସଙ୍ଗ୍ ଲବାଇ । ଏଡ୍ଟି ସଙ୍ଗ୍ ଲେ ମୁନା ଆରି ରସ୍ ଦୁଇଟା ଜାକ ନସ୍ଟ ନ ଅଏ ।

**ଜାଇରସର୍ ଟକି ଆରି ଜିସୁର୍ ପଟିଆ ଜାଲି ଚିଇଲା ମାଇଜି
(ମାର୍କ ୫:୨୧-୪୩; ଲୁକ୍ ୮:୪୦-୫୬)**

୧୮ ଜିସୁ ସେମନ୍ କେ ଏ ସବୁ କାତା କଇଲା ବେଲେ, ଦେକା ଗଟେକ୍ ଜିଉଦିମନ୍ ପାର୍ତନା ଗରର୍ ନେତା ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା, “ମର୍ ଟକି ଏବେସେ ମରିଗାଲା ଆଟେ, ମାତର୍ ତୁଇ ଆସି ତାର୍ ଉପରେ ଆଡ୍ ସଙ୍ଗ୍ ଲେ ସେ ବର୍ସି ।”

୧୯ ଜିସୁ ଦାପ୍ରେ ଉଚିକରି ତାର୍ ସିସ୍ତୁମନ୍ ସଙ୍ଗ୍ ଗାଲା ।

୨୦ ତେଇ ଗଟେକ୍ ମାଇଜି ଜିସୁର୍ ପର୍ବାଟେ ଆଇଲା । ତାକେ ବାର ବରସ୍ ଜାକ ବନି ଜାଇଡେ ରଇବା ରଗ୍ ଅଇରଇଲା । ସେ ମାଇଜି ପଟେ ଜାଇ ଜିସୁର୍ ଲୁଗା ଚିଇଲା ।

୨୧ ସେ ମନେ ମନେ ବାବ୍ଲା ମୁଇ ତାର୍ ପିନ୍ଦ୍ଲାଟା ଚିଇଲେ ନିମାନ୍ ଅଇଜିବି ।

୨୨ ମାତର୍ ଜିସୁ ପାସଲି କରି ତାକେ ଦେକି କଇଲା, “ଏ ନୁନି, ତର୍ନାଇ ସାଆସ୍ ଦାର୍, ତର୍ ବିସ୍ବାସ୍ ତକେ ନିମାନ୍ କରିଆଟେ ।” ଏଡ୍ଟି କଇଲା ଦାପ୍ରେ ସେ ମାଇଜି ନିମାନ୍ ଅଇଗାଲା ।

୨୩ ତାର୍ ପଟେ ଜିସୁ ଜିଉଦିମନ୍ ପାର୍ତନା ଗରର୍ ମୁକିଆର୍ ଗରେ କେଟ୍ଲା । ତେଇ ଦନ୍କର୍ବାକେ ଆସି ରଇଲା ଲକ୍ମନ୍, ଆରି ବାଜ୍ନିଆମନ୍ କାନ୍ଦାବୁବା ଅଇବାଟା ଦେକି,

୨୪ ଜିସୁ କଇଲା, “ସବୁ ଲକ୍ ଇତିଅନି ବାରଇଜା । ଏ ଟକିତା ମରେନାଇ, ସଇଆଟେ ।” ତାର୍ କାତା ସୁନି ତେଇ ରଇଲା ଲକ୍ମନ୍ ତାକେ କିଜାଇବାର୍ ଦାରୁଲାଇ ।

୨୫ ମାତର୍ ଲକ୍ମନ୍ କେ ବାରକଲା ପଟେ ଜିସୁ ବାକ୍ରାଇ ଜାଇ ଟକିର୍ ଆଡେ ଦାରି ତାକେ ଉଟାଇଲା । ଟକି ଦାପ୍ରେ ଉଚିକରି ଚିଆଅଇଲା ।

୨୬ ଏ ଗଟ୍ନାର୍ କବର୍ ସେ ଜାଗାର୍ ଗୁଲାଇ ବାଟର୍ ଲକ୍ ସୁନ୍ଲାଇ ।

ଜିସୁ ଦୁଇଟା କାଣାକେ ନିକ କଲା

୨୭ ଜିସୁ ସେ ଜାଗାଇଅନି ବାରଇ ଜିବାବେଲେ ଦୁଇଟା କାଣା, ତାର୍ ପଟେ ପଟେ ଇଣ୍ଡି ଆଇଲାଇ । ସେମନ୍ ଆଉଲି ଅଇକରି କଇବାର୍ ଦାରୁଲାଇ । “ଏ ଦାଉଦ୍ ରାଜାର୍ ପଅ ! ଆମ୍ବେ ଦୟା କରା ।”

☆ ୯:୧୦ ଲୁକ୍ ୧୫:୧,୨ ☆ ୯:୧୩ ମାତ୍ରିକ ୧୨:୭

୨୮ ଜିସୁ ଗଟେକ୍ ଗରେ ଗାଲା ଆରି କାଣାମନ୍ ମିସା ତାର୍ ପର୍ ପର୍ ପୁରଲାଇ । ପୁରଲାକେ ଜିସୁ ସେମନ୍‌କେ ପାଚାରଲା, “ମୁଇ ତମର୍ ଆଁକି ନିକ କରି ପାର୍‌ବି ବଲି ତମେ ବିସ୍‌ବାସ୍ କଲାସ୍‌ନି କି ?” ସେମନ୍ କଇଲା “ଉଁ ମାପୁରୁ ।”

୨୯ ତାର୍ ପଟେ ଜିସୁ ସେମନ୍‌ର୍ ଆଁକି ଚିଇକରି କଇଲା, “ମକେ ବିସ୍‌ବାସ୍ କଲାର୍ ଲାଗି ତମର୍ ଆଁକି ତ୍ରିସ ।”

୩୦ ଜିସୁ କଇଲା ଦାପ୍‌ରେ କାଣାମନ୍ ଆଁକି ଦେକିପାରଲାଇ । ଆରି ଜିସୁ, ସେମନ୍‌କେ ଡାଟ୍‌କରି, “ଏ ବିସଇ କାକେ ମିସା କୁଆ ନାଇ ।” ବଲି କଇଲା ।

୩୧ ମାତର୍ ସେମନ୍ ବାରଇ ଜାଇ ଜିସୁର୍ ଏ କରିରଇବାଟା ଗୁଲାଇ ଦେସେ ଜାନାଇଲାଇ ।

ଗଟେକ୍ ଗୁଲା ଅଇଲା ଲକ୍ କାତା ଅଇ ପାରଲା

୩୨ ଜିସୁ ଆରି ତାର୍ ସିସ୍‌ମନ୍ ସେ ଗରେଅନି ବାରଇ ଗାଲାବେଲେ କେତେଟା ଲକ୍‌ମନ୍ ଗଟେକ୍ ଗୁଲା ଲକ୍‌କେ ତାର୍ ଲଗେ ଆନ୍‌ଲାଇ । ତାକେ ତୁମାଦାରିରଇଲାକେ ସେ ଗୁଲା ଅଇଜାଇରଇଲା ।

୩୩ ଜିସୁ ତୁମାକେ ସେ ଲକ୍‌ଟେକ୍‌ଅନି କେଦ୍‌ଲା ପଟେ ସେ କାତାଅଇବାର୍ ଦାରଲା । ଆରି ତେଇ ରଇଲା ଲକ୍‌ମନ୍ କାବାଅଇଜାଇ କଇଲାଇ । “ଇସ୍‌ରାଏଲ୍ ଦେସେ ଏନ୍ତାରି ଗଟ୍‌ନା ଆମେ କେବେ ଦେକି ନ ରଇଲୁ ।”

୩୪ *ମାତର୍ ପାରୁସିମନ୍ କଇଲା, “ସେ ତୁମାମନ୍‌ର୍ ନେତାର୍ ବପୁ ସଙ୍ଗ୍ ବିନ୍ ତୁମାମନ୍‌କେ କେଦ୍‌ଲାନି ।”

ଲକ୍‌ମନ୍‌କେ ଜିସୁର୍ ଦୟା

୩୫ *ଜିସୁ ଗାଉଁ ଗାଉଁ ବୁଲି ବୁଲି ଜିଉଦିମନ୍‌ର୍ ପାର୍‌ତନା ଗର୍‌ମନ୍‌କେ ଜାଇ ସିକାଇ ଦେଇତେ ରଇଲା । ଆରି ପରୁମେସରର୍ ରାଇଜର୍ ନିମାନ୍ କାତା କଇତେରଇଲା । ବିନ୍ ବିନ୍ ଜର୍ ଆରି ରଗ୍ ଦାରଲା ଲକ୍‌ମନ୍‌କେ ସବୁ ନିକ କରିଦେଲା ଆରି ପାର୍‌ତନା ଗରେ ସିକିଆ ଦେଲା ।

୩୬ *ଆରି ତେଇ ରଇଲା ଜବର୍ ଲକ୍‌ମନ୍‌କେ ଦେକିକରି ସେ ଦୟା କଲା । କାଇକେ ବଇଲେ ସେମନ୍ ବେସି ତାକିଜାଇରଇଲା ଆରି ସାଇଜ ପାଇବାକେ କନ୍ ବାଟେ ଜିବାର୍ ଆଟେ, ଜାନିନାପାର୍‌ତେ ରଇଲାଇ । ସେମନ୍ ଗଉଡ୍ ନଇଲା ମେଣ୍ଡାରିସି ପାରା ଅଇଜାଇରଇଲାଇ ।

୩୭ *ସେଡ୍‌କିବେଲେ ସେ ସିସ୍‌ମନ୍‌କେ କଇଲା, “ତାସ୍ ସିନା ବୁଡେକ୍ । ମାତର୍ ସେଟା କାଟ୍‌ବାକେ, ଲକ୍‌ମନ୍ ଉନା ଆତଡ୍ ।

୩୮ ତେବର୍‌ପାଇ ‘କେଡ୍ ରଇଲା ପଦାଇ କାଟ୍‌ବାକେ ବେସି ଲକ୍‌କେ ପାଟାଆ’ ବଲି ତାସ୍ କଲା ସାଉକାର୍‌କେ ପାର୍‌ତନା କରା ।”

୧୦

ବାର୍‌ଟା ସିସ୍‌ମନ୍

(ମାର୍‌କ ୩:୧୩-୧୯; ଲୁକ୍ ୬:୧୨-୧୬)

୧ ଜିସୁ ତାର୍ ବାର୍‌ଟା ପେରିଡ୍‌ମନ୍‌କେ ଲଗେ ତାକି ତୁମା କେଦ୍‌ବାକେ, ସବୁ ରକାମର୍ ରଗ୍ ଆରି ଜର୍‌ବୁକା ନିମାନ୍ କର୍‌ବାକେ ଅଦିକାର୍ ଦେଲା ।

୨ ସେ ବାର୍‌ଟା ପେରିଡ୍‌ମନ୍‌ର୍ ନାଉଁ ଅଇଲାନି, ସିମନ୍ ଜାକେକି ପିତର୍ ବଲି ଡାକ୍‌ବାଇ, ଆରି ତାର୍ ବାଇ ଆନ୍‌ରିୟ୍, ଜେବଦିର୍ ପଅ ଜାକୁବ୍ ଆରି ତାର୍ ବାଇ ଜଅନ୍,

୩ ପିଲିପ୍ ଆରି ବାର୍‌ତଲମି, ତମା ଆରି ସିସ୍‌ତୁମାଙ୍ଗୁମନ୍ ମାତିଉ, ଆଲ୍‌ପିର୍ ପଅ ଜାକୁବ୍ ଆରି ତଦିୟ୍,

୪ କିଶାନିୟ୍ ସିମନ୍ ଜେ କି ଇସ୍‌ରାଏଲ୍ ଲକ୍‌ମନ୍‌ର୍ ମୁକ୍‌ଡିର୍ ପାଇ ଚେସ୍‌ଟା କର୍‌ତେରଇଲା । ଆରି ଇସ୍‌କାରିୟ୍‌ଡ୍ ଜିଉଦା, ଜେ ଜିସୁକେ ସଡ୍‌ରୁମନ୍‌କେ ସର୍‌ପିଦେଇ ରଇଲା ।

ବାର୍‌ଟା ସିସ୍‌କେ ଦିଆଅଇରଇଲା କାମ୍

(ମାର୍‌କ ୬:୭-୧୩; ଲୁକ୍ ୯:୧-୬)

୫ ଜିସୁ ବାର୍‌ଟା ସିସ୍‌ମନ୍‌କେ ପାଟାଲଲାବେଲେ କାଇଟା କର୍‌ବାର୍ ଆଟେ କାଇଟା ନାଇ ବଲି ଆଦେସ୍ ଦେଇ କଇଲା, “ତମେ ଜିଉଦି ନଇଲା ଲକ୍‌ମନ୍‌ର୍ କନ୍ ଜାଗାଇ ମିସା ଜାଆନାଇ କି ସ୍‌ମିରଣିୟ୍ ଗଡେ ମିସା ପୁରାନାଇ ।

୬ ମାତର୍ ଆଜିଗାଲା ମେଣ୍ଡାମନ୍‌ର୍ ପାରା ରଇବା ଇସ୍‌ରାଏଲ୍‌ମନ୍‌ର୍ ଲଗେ ଜା ।

୭ ସେମନ୍‌ର୍ ଲଗେ ଜାଇ ଜାନାଇକରି କୁଆ, ସରଗ୍ ରାଇଜ୍ ଲଗେ ଆଇଲା ଆଟେ !

୮ ଜରର୍ ଲକ୍‌ମନ୍‌କେ ନିମାନ୍ କରା, ମଲା ଲକ୍‌ମନ୍‌କେ ଉଟାଆ, ବଡ୍ ରଗିମନ୍‌କେ ନିମାନ୍ କରା, ତୁମାମନ୍‌କେ କେଦିଦିଆସ୍ । ଏ ସବୁ ସରଗର୍ ମାପୁରୁର୍ ତେକ୍‌ଅନି ତିନ୍‌ପଲିଆରେ ମିଲାଇ ଆଟାସ୍ । ସେନ୍ତି ବିନ୍ ଲକ୍‌ମନ୍‌କେ କାଇଟା ନ ମାଙ୍ଗ୍‌ତେ ଦିଆସ୍ ।

୯ ତାରୁ ମିସା ନିଆନାଇ ।

* ୯:୩୪ ମାତ୍ରିକ ୧୦:୨୫;୧୨:୨୪; ମାର୍‌କ ୩:୨୨; ଲୁକ୍ ୧୧:୧୫ * ୯:୩୫ ମାତ୍ରିକ ୪:୨୩; ମାର୍‌କ ୧:୩୯; ଲୁକ୍ ୪:୪୪ * ୯:୩୬ ମାର୍‌କ ୬:୩୪ * ୯:୩୭ ଲୁକ୍ ୧୦:୨

୧୦ *ଆରି ବୁଲ୍‌ବା ବେଳେ ମୁନା ଦାରି ବୁଲାନାଇ । ଗଟେକ୍ ଉତ୍‌କା ପିନ୍‌ବା ପଟିଆ, ପାଣ୍ଡୁଇ, ଡାଙ୍ଗ୍ ନିଆ ନାଇ । ପାଇଟି କରୁ ତାର ବୁଡି ପାଇସିସେ ।”

୧୧ “ଗଟେକ୍ ଗଡେ କି ଗାଏଁ କେଟ୍‌ସା ବଇଲେ, ତେଇ କେ ତମ୍‌କେ ନିଜର୍ ଗରେ ଡାକ୍‌ସି, ସେ ଲକ୍‌କେ କଜା, ଆରି ବିନେ ଜିବା ଜାକ ତାକର୍ ଗରେସେ ରୁଆ ।

୧୨ ଗରେ କେଟ୍‌ଲା ବେଳେ ତେଇ ରଇଲା ଲକ୍‌ମନ୍‌କେ ଜୁଆର୍ କରି କୁଆ, ‘ତମ୍‌କେ ସାନ୍ତି ମିଲ’ ।

୧୩ ସେମନ୍ ଜଦି ତମ୍‌କେ ଗତିଆ କରି ଡାକ୍‌ବାଇ, ତମେ କଇଲା ସାନ୍ତିର୍ କାତା ପୁରୁନ୍ ଅଇସି । ମାତର୍ ସେମନ୍ ଜଦି ତମ୍‌କେ ଗତିଆ କରି ନ ଡାକ୍‌ତ୍ ବଇଲେ, ତମେ କଇଲାଟା ତମର୍ ଲଗେ ବାଉଡି ଆଇସି ।

୧୪ *ଜଦି କେ ମିସା ତମ୍‌କେ ନ ଡାକ୍‌ତ୍ କି ତମେ କଇଲା କାତା ନ ସୁନତ୍ ବଇଲେ, ‘ଏ ଜାଗା ଚାଡ୍‌ଲୁ’ ବଲି ଗଟେକ୍ ଚିନ୍ ପାରା ଦେକାଇବାକେ, ପାଦର୍ ଦୁଲି ପାପଡି, ସେ ଜାଗା ଚାଡି ଉଟିଜା ।

୧୫ **ମୁଇ ତମ୍‌କେ ସତ୍ କଇଲିନି, ବିଚାରନା ଦିନେ ସଦମ୍ ଗମରାକେ ପର୍‌ମେସର୍ ଅଦିକ୍ ଦୟା ଦେକାଇସି ।”

**ଆଇବା ଦୁକ୍‌କସ୍‌ଟ
(ମାର୍‌କ ୧୩:୯-୧୩; ଲୁକ୍ ୨୧:୧୨-୧୫)**

୧୬ *ସୁନା, ବାଲିଆଡୁରକାମନ୍‌ ବିତ୍‌ରେ ମେଣ୍ଡାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି । ସାଁପର୍ ପାରା ଚାଲକି ଅଇ ପରୁଆପାରା ସୁଆଲ୍ ଉଆ ।

୧୭ *ମାତର୍ ଜାଗ୍‌ରତ୍ ଅଇରୁଆ, କାଇକେ ବଇଲେ ଲକ୍‌ମନ୍ ସେମନ୍‌ର ବିଚାର କର୍‌ବା ଜାଗାମନ୍‌ତେଇ ତମ୍‌କେ ସର୍‌ପିଦେବାଇ ଆରି ପାର୍‌ତନା ଗର୍‌ମନ୍‌କେ ତମ୍‌କେ କର୍‌ତା ମାର୍‌ବାଇ ।

୧୮ ଆରି ତମେ ମର୍ ସିସ୍ ଅଇଲାର ଲାଗି, ରାଜା ଆରି ସାସନ୍ କର୍‌ବା ଲକ୍‌ମନ୍ ଲଗେ ନିଆଅଇ ବିଚାର କରାଇଅଇସା । ଇତିଅନି ସେମନ୍‌କେ ଆରି ଜିଉଦି ନଇଲା ଲକ୍‌ମନ୍‌ର ତେଇ ମର୍ ବିସଇନେଇ କଇବାକେ ତମେ ବେଲା ପାଇସା ।

୧୯ ତମର୍ ବିଚାରନା ଅଇବାବେଳେ ‘କାଇଟା କଇବି, କେନ୍ତ୍ର କଇବି’ ବଲି ଚିନ୍ତା କରି ତେରେପେଡେ ନ ଉଆ । ଟିକ୍ ସେବେଲାଇ ସେଟା ତମ୍‌କେ ଜାନାଇ ଦିଆଅଇସି ।

୨୦ କାଇକେ ବଇଲେ ତମେ ନିଜେ କାଇଟା କଇବାକେ ନ ପଡେ । ବାବା ପର୍‌ମେସର୍ ସୁକଲ୍ ଆଡ୍‌ମାଇ ତମର୍ ଗଣ୍ଡେଅନି କାତା କଇସି ।”

୨୧ *ଲକ୍‌ମନ୍ ନିଜର୍ ବାଇକେ ମରନ୍‌ର ଡଣ୍ଡ ବର୍‌ବାକେ ଦାରାଇଦେବାଇ । ବାବା ମିସା ନିଜର୍ ପିଲାମନ୍‌କେ ସେନ୍ତାରି କର୍‌ସି । ପିଲା ଟକିମନ୍ ବାବାମାଆର୍ ବିରଦେ ଉଟି ସେମନ୍‌କେ ମରାଇବାଇ ।

୨୨ *ମକେ ବିସ୍‌ବାସ୍ କଲାର ଲାଗି ତମ୍‌କେ ସବୁ ଲକ୍ ଚିନ୍ କର୍‌ବାଇ । ମାତର୍ ଜନ୍ ଲକ୍ ସାରାସାରି ଜାକ ସାଆସ୍ ଦାରି ରଇସି, ସେ ମୁକ୍ତି ପାଇସି ।

୨୩ ଗଟେକ୍ ନଅରେ ଦୁକ୍ କସ୍‌ଟ ଦେଲେ, ତମେ ଆରି ଗଟେକ୍ ନଅରେ ଉଟି ପାଲାଆ । ମୁଇ ତମ୍‌କେ ସତ୍‌କାତା କଇଲିନି, ତମେ ଇସ୍‌ରାଏଲ୍ ଦେସେ ରଇବା ସବୁ ଗଡେ ବୁଲି ନ ସାର୍‌ଡେ, ନର୍‌ପିଲା ମୁଇ ଆରି ତରେକ୍ ବାଉଡି ଆସିରଇବି ।

୨୪ *କନ୍ ସିସ୍ ମିସା ଗୁରୁର୍ ତେଇଅନି ବଡ୍ ନଏଁ । ଗତିଦାଙ୍ଗ୍‌ତା ସାଉକାର୍‌ତେଇଅନି ବଡ୍ ନଏଁ ।

୨୫ *ସିସ୍ ତାର ଗୁରୁର୍ ପାରା ଆରି ଗତିଦାଙ୍ଗ୍‌ତା ନିଜର୍ ସାଉକାର୍ ପାରା ଅଇଲେ ସେମନ୍ ସାର୍‌ଦା ଅଇବାର୍ ଆଡେ । ଗଟେକ୍ ଗରର୍ ମୁକ୍‌ଆ ମକେ, ବାଲ୍‌ଜିବୁଲ୍ ବଲି ଡାକ୍‌ଲାଇନି ବଇଲେ, ଗରର୍ ଆରି ଅଦେକ୍ ଲକ୍‌ମନ୍‌କେ ବାଇଦରେ ଅଦିକ୍ କାରାପ୍ ନାଉଁ ଦାରି ଡାକ୍‌ବାଇ ।”

**କାକେ ଡର୍‌ବାର୍
(ଲୁକ୍ ୧୨:୨-୭)**

୨୬ *ସେଟାର୍‌ପାଇ ଲକ୍‌ମନ୍‌କେ ଡରାନାଇ । ଜନ୍ ବିସଇ କି ଲୁଚ୍‌ଡେ ଆଡେ, ସେଟା କେବେ ନଇଲେ କେବେ ଡିସ୍‌ସି ଆରି ସବୁ ଲୁଚ୍‌ଲା କାତାମନ୍ ଜାନା ପଡ୍‌ସି ।

୨୭ ଜନ୍‌ଟା ମୁଇ ତମ୍‌କେ ଆନ୍ଦାର ବେଲାଇ କଇଲିନି ସେଟା ତମେ ଉଜ୍‌ଲେ କୁଆ, ଆରି ଜନ୍‌ଟା ଲୁଚ୍‌ଡେ ସୁନିଆଗାସ୍ ସେଟା ଗରର୍ ଚାଉନି ଉପ୍‌ରେ ଚିଆଅଇ କୁଆ ।

୨୮ ଜନ୍‌ଲକ୍‌ମନ୍ ତମର୍ ଗାଗଡ୍ ନସ୍‌ଟ୍ କର୍‌ବାଇ ମାତର୍ ତମର୍ ଆଡ୍‌ମାକେ କାଇଟା କରିନାପାରତ୍ ସେମନ୍‌କେ ଡରାନାଇ । ମାତର୍ ଜନ୍ ପର୍‌ମେସର୍ ତମର୍ ଗାଗଡ୍ ଆରି ଆଡ୍‌ମାକେ ନରକ୍ କୁଣ୍ଡେ ପିଙ୍ଗ୍‌ସି, ତାକେ ଡରା ।

୨୯ ଡାରୁଦେଇ ଦୁଇଟା ଚେଟିଆ ଚଡଇ ଗେନିପାରାସ୍, ମାତର୍ ତମର୍ ବାବା ପର୍‌ମେସର୍ ନାଜାନ୍‌ଡେ ସେ ଚଡଇମନ୍‌ତେଇଅନି ଗଟେକ୍ ମିସା ନ ମରତ୍ ।

* ୧୦:୧୦ ୧ମ କରନ୍ତିୟ ୯:୧୫; ୧ମ ଡିମ୍‌ଡି ୫:୧୮ * ୧୦:୧୫ ପେରିଡ୍ ୧୩:୫୧ * ୧୦:୧୫ ମାତ୍ରିକ ୧୧:୨୪ * ୧୦:୧୫ ଲୁକ୍ ୧୦:୪-୧୨ * ୧୦:୧୬ ଲୁକ୍ ୧୦:୩ * ୧୦:୧୭ ମାର୍‌କ ୧୩:୯-୧୧; ଲୁକ୍ ୧୨:୧୧, ୧୨:୨୧-୧୨-୧୫ * ୧୦:୨୧ ମାର୍‌କ ୧୩:୧୨; ଲୁକ୍ ୨୧:୧୭ * ୧୦:୨୨ ମାତ୍ରିକ ୨୪:୯; ମାର୍‌କ ୧୩:୧୩; ଲୁକ୍ ୨୧:୧୭; ମାତ୍ରିକ ୨୪:୧୩; ମାର୍‌କ ୧୩:୧୩ * ୧୦:୨୪ ଲୁକ୍ ୬:୪୦; ଜଅନ୍ ୧୩:୧୭; ୧୫:୨୦ * ୧୦:୨୫ ମାତ୍ରିକ ୯:୩୪; ୧୨:୨୪; ମାର୍‌କ ୩:୨୨; ଲୁକ୍ ୧୧:୧୫ * ୧୦:୨୬ ମାର୍‌କ ୪:୨୨; ଲୁକ୍ ୮:୧୭

୩୦ ଆରି ପରମେସର୍ ତମର୍ ମୁଣ୍ଡର୍ ଚେଣ୍ଡି ମିସା ଗଟେକ୍ ଗଟେକ୍ କରି ଏଜିଆଚେ ।
୩୧ ତରାନାଇ, ବେସି ଚେଟିଆ ଚଡ଼ଇମନର୍ ତେଇ ଅନି ତମର୍ ଦାମ୍ ଅଦିକ୍ ।”

ଜିସୁକେ ନାମବାଟା
(ଲୁକ୍ ୧୨:୮-୯)

୩୨ “ଜେ ମକେ ସବୁର୍ ମୁଆଟେ ‘ମର୍ ଲକ୍’ ବଲି ନାମସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ସେମନ୍‌କେ ‘ମର୍ ଲକ୍’ ବଲି କଇବି ।

୩୩ ☆ମାତର୍ ଜନ୍ ଲକ୍ ମକେ ସବୁର୍ ମୁଆଟେ ‘ତାକେ ନାଜାନି’ ବଲି କଇସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ‘ତାକେ ନାଜାନି’ ବଲି କଇବି ।”

ସାନ୍ତିର୍ ବାଦୁଲେ କାଣ୍ଡା
(ଲୁକ୍ ୧୨:୫୧-୫୩; ଲୁକ୍ ୧୪:୨୭-୨୭)

୩୪ “ମୁଇ ଏ ଦୁନିଆଇ ସାନ୍ତି ଦେବାର୍ ଆସିଆତି ବଲି ତମେ ବାବା ନାଇ । ନାଇ, ସାନ୍ତି ଦେବାକେ ଆସି ନାଇ, କାଣ୍ଡା ଦେବାକେ ଆଇଲିଆତି ।

୩୫ ମର୍ ଲାଗି ପିଲା ବାବାକେ ବିରଦ୍ କରସି, ଟକି ଆୟାକେ ବିରଦ୍ କରସି ଆରି ବୁଆରି ସାଡ଼ରିର୍ ବିରଦେ ଉର୍ସି ।

୩୬ ନିଜର୍ ଗରର୍ ଲକ୍‌ମନ୍‌ସେ ନିଜର୍ ସଡ଼ରୁ ଅଇବାଇ ।”

୩୭ “କେମିସା ଜଦି ନିଜର୍ ମାବାବାକେ ମର୍ତ୍ତେଇଅନି ଅଦିକ୍ ଆଲାଦ୍ କରସି, ସେ ମର୍ ସିସ୍ ଅଇନାପାରେ । ଆରି ଜନ୍ ଲକ୍ ମକେ ଆଲାଦ୍ କରବାଟାମେ ଅନି ନିଜର୍ ପିଲାଟକିକେ ଅଦିକ୍ ଆଲାଦ୍ କରସି ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ ।

୩୮ ☆ଜନ୍ ଲକ୍ ନିଜର୍ କୁରୁସ୍ ବଇ ମର୍ ସଙ୍ଗ୍ ନ ଆସେ ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ ।

୩୯ ☆ଜନ୍‌ଲକ୍ ନିଜର୍ ଜିବନ୍ ରକିଆ କରବାକେ ଚେସ୍ଟା କରସି ବଇଲେ ସେ ସେଟା ଆରାଇସି । ମାତର୍ ଜେ ମର୍ ଲାଗି ତାର୍ ଜିବନ୍ ଆରାଇସି ବଇଲେ, ସେ ସତଇସେ ସେଟା ରକିଆ କରସି ।”

ପୁରୁସକାର୍
(ମାର୍କ ୯:୪୦)

୪୦ ☆“ଜନ୍ ଲକ୍ ତମକେ ଡାକିନେଇସି, ସେ ମର୍‌ପାଇ ସେଟା କଲାନି । ଆରି ଜନ୍ ଲକ୍ ମକେ ଡାକିନେଇସି ସେ ମକେ ପାଟାଇଲା ବାବା ପରମେସରର୍ ପାଇ ସେଟା କଲାନି ।

୪୧ ଜେ ମିସା ଗଟେକ୍ ବବିସଡ଼ବକ୍‌ତାକେ ‘ପରମେସରର୍ କାତା ସୁନାଉ’ ବଲି ଡାକ୍‌ସି, ବବିସଡ଼ବକ୍‌ତାକେ ମିଲ୍‌ବା ପୁରୁସକାର୍‌ତେଇ ସେ ମିସା ମିସ୍‌ସି । ଆରି ଜେ ଦରମ୍ ଲକ୍‌କେ ଗରେ ଡାକ୍‌ସି, ଦରମ୍ ଲକ୍‌କେ ମିଲ୍‌ବା ପୁରୁସକାର୍‌ତେଇ ସେ ମିସା ମିସ୍‌ସି ।

୪୨ ଆରି ଜନ୍ ଲକ୍ ମର୍ ପଚେ ପଚେ ଆଇବା ମୁକିଅ ନଇଲା ଗଟେକ୍ ସାନ୍ ସିସ୍‌କେ, ଗିଲ୍‌ସେକ୍ ପାନି ଦେଇସି, ସେ ମର୍ ସିସ୍ । ସେ ପୁରୁସକାର୍ ପାଇସି ଆକା ।”



ଜିସୁ ଆରି ତୁବନ୍ ଦେଉ ଜଅନ୍
(ଲୁକ୍ ୭:୨-୭)

୧ ଜିସୁ ବାର୍‌ଟା ସିସ୍‌ମନ୍‌କେ ସିକାଇ କରି କଇ ପାଟାଇ ସାର୍‌ଲା ପଚେ, ସେ ଜାଗା ଚାଡ଼ିକରି ଲଗେ ରଇଲା ଗଡ଼ମନର୍ ଲକ୍‌ମନ୍‌କେ ଜାଇ ସିକାଇଲା ଆରି ମାପୁରୁର୍ କାତା ସୁନାଇବାର୍ ଦାର୍‌ଲା ।

୨ ସେ ବେଲା ତୁବନ୍‌ଦେଉ ଜଅନ୍ ବନ୍ଦିଗରେ ରଇଲା । ଜିସୁ ଜନ୍ କାମ୍‌ମନ୍ ସବୁ କର୍ତ୍ତେ ରଇଲା, ତାର୍ କବର୍ ସୁନି ତାର୍ କେତେଟା ସିସ୍‌ମନ୍‌କେ ଜିସୁର୍ ଲଗେ ପାଟାଇଲା ।

୩ ସେମନ୍ ଜାଇ ଜିସୁକେ ପାଟାର୍‌ଲାଇ, “ଜନ୍ ଲକ୍ ଆଇସି ବଲି ଜଅନ୍ କଇରଇଲା, ସେ ଲକ୍ ତମେ କି ? ନଇଲେ, ଆମେ ଆରି ବିନ୍ ଲକ୍‌କେ ଜାଗୁ କି ?”

୪ ଜିସୁ ସେମନ୍‌କେ କଇଲା, “ତମେ ବାଉଡ଼ି ଜାଇ ଜନ୍‌ଟା ସବୁ ଦେକଲାସ୍ ଆରି ସୁନ୍‌ଲାସ୍, ଜଅନ୍‌କେ କଇଦିଆସ୍ ।

୫ କାଣାମନ୍ ଦେକିପାର୍‌ଲାଇନି, ଚଟାମନ୍ ଇଣ୍ଡୁଲାଇନି, ବଡ଼ ରଗିମନ୍ ନିମାନ୍ ଅଇଲାଇନି, ବଇରାମନ୍ ସୁନ୍‌ଲାଇନି, ମଲା ଲକ୍‌ମନ୍ ଜିବନ୍ ଅଇଲାଇନି ଆରି ଗରିବ୍ ଲକ୍‌ମନର୍ ଲଗେ ନିମାନ୍ କବର୍ କେଟ୍‌ଲାନି ।

୬ ଜେ ମର୍ ବିସଇ ନେଇକରି, ‘ସେ କି ନର୍‌ସ୍ ଆଲେ’ ବଲି ନ ବାବେ, ସେ କେତେ ନିକ କରମର୍ ଲକ୍ । ଜେ ମକେ ନାମସି ଆରି ମକେ ସବୁ ବେଲା ବିସ୍‌ବାସ୍ କରସି ତାକେ ପରମେସର୍ ଆସିର୍‌ବାଦ୍ କରସି ।” ବଲି କଇଲା ।

☆ ୧୦:୩୩ ୨ୟ ତିମତି ୨:୧୨ ☆ ୧୦:୩୮ ମାଡ଼ିତ ୧୭:୨୪; ମାର୍କ ୮:୩୪; ଲୁକ୍ ୯:୨୩ ☆ ୧୦:୩୯ ମାଡ଼ିତ ୧୭:୨୫; ମାର୍କ ୮:୩୫; ଲୁକ୍ ୯:୨୪; ୧୭:୩୩; ଜଅନ୍ ୧୨:୨୫ ☆ ୧୦:୪୦ ଲୁକ୍ ୧୦:୧୭; ଜଅନ୍ ୧୩:୨୦; ମାର୍କ ୯:୩୭; ଲୁକ୍ ୯:୪୮

୭ ଜଅନର୍ ସିସ୍‌ମନ୍ ବାଉଡ଼ି ଗାଲାବେଲେ ଜିସୁ ଲକ୍‌ମନ୍‌କେ ଜଅନର୍ ବିସଇ କଇଲା, ତମେ ଜଅନ୍କେ ଦେକ୍‌ବାକେ ଜେଡେବଲ୍ ମରୁବାଲିବୁଏଁ ଜାଇରଇଲାସ୍, କାଇଟା ଦେକ୍‌ବାକେ ଆସା କରିରଇଲାସ୍ ? ପବନ୍ ମାର୍‌ଲେ ଜୁଲ୍‌ବା ଗାଁସ୍ ପତର୍ ?

୮ କାକେ ଦେକ୍‌ବାକେ ଜାଇ ରଇଲାସ୍ ? କାଇ ସୁନ୍‌ର ବସ୍‌ତର୍ ପିନ୍‌ରଇବା ଲକ୍‌କେ ଦେକ୍‌ବୁ ବଲି ଜାଇ ରଇଲାସ୍ କି ? ସେନ୍ତି ବସ୍‌ତର୍ ପିନ୍‌ବା ଲକ୍ ରାଜାର୍ ଗରେ ରଇବାଇ ।

୯ ମକେ କୁଆ, କାଇଟା ଦେକ୍‌ବାକେ ଜାଇ ରଇଲାସ୍ ? ଗଟେକ୍ ବବିସ୍‌ତ୍‌ବକ୍‌ତାକେ ଦେକ୍‌ବୁ ବଲିକରି କି ? ସେଟା ତ ସତ୍, ମାତର୍ ଅବକା ବବିସ୍‌ତ୍‌ବକ୍‌ତା ଟାନେଅନି ଗଟେକ୍ ଅଦିକ୍ ବଡ଼ ଲକ୍‌କେ ବେଟ୍‌ପାଇଆଟାସ୍ ।

୧୦ କାଇକେ ବଇଲେ ଏ ଜଅନର୍ ବିସଇ ସାସ୍‌ତରେ ଲେକାଅଇଲା ଆଟେ । ପର୍‌ମେସର୍‌ କଇଲା, “ତମର୍ ପାଇ ବାଟ୍ ଡିଆର୍ କର୍‌ବାକେ ମୁଇ ପର୍‌ତୁମ୍ ମର୍ ଦୁଡ଼କେ ପାଟାଇବି ।”

୧୧ ମୁଇ ତମକେ ସତ୍ କଇଲିନି, ଏ ଦୁନିଆଇ ପୁରବେ ଅନି ଆଜିକେ ଜାକ ଜେଡେକ୍ ଲକ୍ ସବୁ ଜନମ୍ ଅଇଲାଆଟଡ଼, ସବୁ ଲକ୍‌ମନର୍ ବିଡ଼ରେଅନି ହୁବନ୍ ଦେଉ ଜଅନ୍ ବଡ଼ । ମାତର୍ ସରଗ୍ ରାଇଜେ ଜେ ସବୁଟାନେଅନି ସାନ୍, ସେ ଜଅନର୍‌ଡେଇ ଅନି ବଡ଼ ।

୧୨ ✨ହୁବନ୍ ଦେଉ ଜଅନ୍ ପର୍‌ମେସର୍‌ର ନିକ କାତା ଜାନାଇବାଟା ଆରାମ୍ କଲାବେଲେ ଅନି ଆଜିକେ ଜାକ ସରଗ୍ ରାଇଜ୍ ନେଇକରି ବେସି ଜୁଇଦ୍ ଚାଲୁଲାଆଟେ । ଦୟା ମାୟା ନଇଲା ଲକ୍‌ମନ୍ ତାକର୍ ବପୁସକ୍ ସରଗ୍ ରାଇଜ୍ ଅଦିକାର୍ କର୍‌ବାକେ ଚେସ୍‌ଟା କଲାଇନି ।

୧୩ ଜଅନ୍ ଆଇବା ଜାକ ମସାର୍ ନିୟମ୍ ଆରି ବବିସ୍‌ତ୍‌ବକ୍‌ତାମନ୍ ସରଗ୍ ରାଇଜର୍ ବିସଇ କଇଡେ ରଇଲାଇ ।

୧୪ ✨ଜଦି ସେମନର୍ କାତା ତମେ ବିସ୍‌ବାସ୍ କର୍‌ସା, ତେବେ ଜଅନ୍ ଅଇଲାନି ସେ ଏଲିୟ, ଜେ କି ପର୍‌ତୁମ୍ ଆଇବାର୍ ରଇଲା ।

୧୫ ଜାକେ କାନ୍‌ଆଟେ, ସେ ସୁନ ।

୧୬ ଏ ଜୁଗର୍ ଲକ୍‌ମନ୍‌କେ କାର୍ ସଙ୍ଗ୍ ସମାନ୍ କର୍‌ବି ? ସେମନ୍ ଆଟ୍ ମଜାଇ ବସିକରି କେଲ୍‌ବା ପିଲାମନର୍ ପାରା । ଗଟେକ୍ ଦଲର୍ ପିଲାମନ୍ ଆରି ଗଟେକ୍ ଦଲ୍‌କେ କଇବାଇ,

୧୭ “ଆମେ ବିବା ବାଜା ବାଜାଇଲୁ, ମାତର୍ ତମେ ନାଟ୍ କରାସ୍ ନାଇ । ଦୁକର୍ ଗିଡ଼ ଗାଇଲୁ ତମେ କାନ୍‌ସା ନାଇ ।

୧୮ ଜଅନ୍ ତରକେ ତର୍ ଉପାସ୍ କର୍‌ଡେ ରଇଲା ଆରି କେବେ ମିସା ମଦ୍ ନ କାଇଡେ ରଇଲା, ମାତର୍ ତମେ ତାକେ ହୁମା ଦାରଲା ଲକ୍ ବଲି କଇଲାସ୍‌ନି ।

୧୯ ମାତର୍ ନର୍‌ପିଲା ମୁଇ କାଇଲେ କି ପିଇଲେ ମକେ କାଉରାଟା ଆରି ମଦୁଆଟା ବଲି କଇଲାସ୍‌ନି । ସିସ୍‌ତୁ ମାଙ୍ଗୁମନର୍ ଆରି ପାପି ଲକ୍‌ମନର୍ ମଇତର୍ ବଲି କଇଲାସ୍‌ନି । ସେଟା ଜନ୍‌ଟା ଅବେ ଚାତା, ପର୍‌ମେସର୍‌ର ବିଚାର୍ ସତ୍ ଆକା । ଏଟା ତାର୍ କାମେଅନି ଜାନାପଡ଼ସି ।”

ବିସ୍‌ବାସ୍ ନକଲା ଗତର୍ ଲକ୍
(ଲୁକ୍ ୧୦:୧୩-୧୫)

୨୦ ଜନ୍ ଗଡ଼ମନ୍‌କେ ଜିସୁ ତାର୍ ବେସି କାବାଅଇଜିବା କାମ୍‌ମନ୍ କରିରଇଲା, ସେ ଗତର୍ ଲକ୍‌ମନ୍ ନିଜେ କରିରଇବା ପାପଲାଗି ମନ୍ ନ ବାଦ୍‌ଲାଇଲାଟା ଦେକି, ଜିସୁ ସେ ଗତର୍ ଲକ୍‌ମନ୍‌କେ ନିନ୍ଦା କରି କଇଲା,

୨୧ “ଏ କରାଜିନର୍ ଲକ୍‌ମନ୍, ତମେ କେଡେ ଇନସ୍‌ତା ଅଇ ତଣ୍ଟ୍ ପାଇସା ! ଏ ବେଡ଼ସାଇଦାର୍ ଲକ୍‌ମନ୍, ତମର୍ ଦସା ମିସା ସେନ୍ତିସେ । ତମର୍ ବିତରେ ଜନ୍ କାବାଅଇଜିବା କାମ୍‌ମନ୍ କରାଅଇଲାଆଟେ, ସେଟା ସବୁ ଜଦି ମୁଇ ସର ଆରି ସିଦନ୍ ଗଡେ କରି ରଇଲେ, ସେ ଗତର୍ ଲକ୍‌ମନ୍ ପାପେଅନି ବାଅଡ଼ଲୁ ବଲି ଦେକାଇବାକେ ଗାଗ୍‌ଡେ ଚାର୍ ତାଲିଅଇ, ବାସ୍‌ତା ପିନ୍‌କରି ମନ୍ ବାଦ୍‌ଲାଇତାଇ ।”

୨୨ “ମୁଇ ତମକେ ସତ୍ କଇଲିନି, ପର୍‌ମେସର୍‌ର ବିଚାର୍ ଦିନେ ତମର୍‌ଡେଇଅନି ସର୍ ଆରି ସିଦନ୍ ଗତର୍ ଲକ୍‌ମନ୍‌କେ ସେ ଅଦିକ୍ ଦୟା ଦେକାଇସି ।”

୨୩ ଏ କପର୍‌ନାଉମର୍ ଲକ୍‌ମନ୍ ! ତମେ କାଇ ନିଜେ ସର୍‌ଗେ ଜିବାକେ ଚେସ୍‌ଟା କଲାସ୍‌ନି ? ତମେ ନର୍‌କେ ପିଙ୍ଗା ଅଇସି । ତମର୍ ବିଡ଼ରେ ମୁଇ ଜନ୍ କାବାଅଇଜିବା କାମ୍‌ମନ୍ କରିରଇଲି, ସେଟା ଜଦି ସଦମ୍ ଗଡେ କରି ରଇଲେ, ସେ ଗଡ଼ ଆଜିକେ ଜାକ ରଇତା ।

୨୪ ✨“ମୁଇ ତମକେ ସତ୍ କାତା କଇଲିନି, ପର୍‌ମେସର୍‌ର ବିଚାର୍‌ନା ଦିନେ ତମର୍‌ଡେଇଅନି ସଦମର୍ ଲକ୍‌ମନ୍‌କେ ସେ ଅଦିକ୍ ଦୟା ଦେକାଇସି ।”

ମର୍ ଲଗେ ଆସି ପୁଣ୍ଡା
(ଲୁକ୍ ୧୦:୨୧-୨୨)

୨୫ ଜିସୁ ସେବେଲାଇ ପାର୍ତନା କରି କଇଲା, “ଏ ବାବା, ତମେ ସରଗ୍ ଆରି ମର୍ପୁରର୍ ମାପୁରୁ । ଏ ସବୁ ବିସଇ ସିକଲା ଲକ୍ ଆରି ଗିଆନି ରଇବା ଲକ୍ତେଇଅନି ଲୁଚାଇ ସଙ୍ଗଇ, ନସିକଲା ଲକ୍ମନର୍ ତେଇ ଜାନାଇ ଆରୁସ୍ ବଲି ମୁଇ ତମକେ ଦନିଅବାଦ୍ ଦେଲିନି ।

୨୬ ଓଁ ବାବା, ତମର୍ ମନ୍ କଲା ଇସାବେ ଏ ସବୁ ଗଟ୍ଲାନି ।”

୨୭ * “ମର୍ ବାବା ମକେ ସବୁ ବିସଇ ଦାନ୍ କଲାଆତେ । ବାବାକେ ଚାଡି କେ ମିସା ତାର୍ ପିଲା, ମକେ ନାଜାନଡ୍ । ଆରି ତାର୍ ପିଲା, ମକେ ଚାଡି କେ ମିସା ବାବାକେ ନାଜାନଡ୍ । ତାର୍ ପିଲା ମୁଇ, ଜନ୍ ଲକ୍ମନର୍ ଲଗେ ବାବାକେ ଦେକାଇବି, ସେମନ୍ସେ ବାବାକେ ଚିନି ପାରଡ୍ ।

୨୮ “ବେସି ବନ୍ଦ ବଇକରି ତାକଲା ଲକ୍ମନ୍, ମର୍ ଲଗେ ଆସା । ମୁଇ ତମକେ ପୁଣ୍ଡାଇବି ।

୨୯ ମର୍ ଜୁଆଡି ବଇ ମର୍ଟାନେଅନି ସିକା । କାଇକେବଇଲେ ମୁଇ ନିଜେ ସୁଆଲ୍ ଆରି ମର୍ ମନ୍ କୁଓଁଲ୍ ଅଇଲାଟ୍ ଲାଗି ତମେ ମର୍ଲଗେ ପୁଣ୍ଡସା ।

୩୦ ମୁଇ ତମର୍ ଉପରେ ଜନ୍ ଜୁଆଡି ସଙ୍ଗଇବି ସେଟା ତମକେ ବଇବାକେ ସଅଜ୍ ଅଇସି । ଆରି ତମକେ ଜନ୍ ବନ୍ଦ ଦେବି, ସେଟା ମିସା ବେସି ଉସାସ୍ ।”

୧୨

ବିସ୍ତରାମ୍ବାର୍ ବିସଇନେଇ ପାଚାର୍ବାଟା (ମାର୍ଚ୍ଚ ୨:୨୩-୨୮; ଲୁକ୍ ୬:୧-୫)

୧ ତାର୍ କେତେ ଦିନ୍ ପଚେ ଜିସୁ ଗଟେକ୍ ବିସ୍ତରାମ୍ବାର୍ ତାସ୍ପଦାର୍ ବାଟେ ଜାଇତେରଇଲା । ଜିବାବେଲେ ତାର୍ ସିସ୍ମନ୍କେ ବୁକ୍ ଲାଗ୍ଲାଜେ କେଡ୍ ଚିତାଇ କାଇବାର୍ ଦାର୍ଲାଇ ।

୨ ସେଟା ଦେକି ପାରୁସିମନ୍ ଜିସୁକେ ପାଚାର୍ଲାଇ, “ଦେକ୍ ବିସ୍ତରାମ୍ବାର୍ ତର୍ ସିସ୍ମନ୍ କେନ୍ତାରି ସାସ୍ତରେ ରଇବା ରିତିନିତି ବିରଦ୍ କାମ୍ କଲାଇନି ।”

୩ ଜିସୁ ସେମନ୍କେ କଇଲା, “ଦିନେକ୍ ଦାଉଦ୍ ଆରି ତାର୍ ସଙ୍ଗ୍ ରଇଲା ଲକ୍ମନ୍ ବୁକେ ରଇଲା ବେଲେ, ଦାଉଦ୍ କାଇଟା କରି ରଇଲା, ତମେ ସାସ୍ତରେ ପତାସ୍ ନାଇ କି ?

୪ ସେଦିନେ ସେମନ୍ ମନ୍ଦିର୍ ବିଡ୍ରେ ପୁରି, ମାପୁରୁରପାଇ ସର୍ପି ଅଇରଇବା ରୁଟି କାଇଲାଇ । ନିୟ୍ମ୍ ଇସାବେ ପୁଜାରିକେ ଚାଡି, ସେ ରୁଟି କେ ମିସା କାଇବାର୍ ଅଦିକାର୍ ନ ରଇଲା ।

୫ ତମେ କାଇ ପତାସ୍ ନାଇ କି ? ମସାର୍ ନିୟ୍ମ୍ ଇସାବେ ସବୁ ବିସ୍ତରାମ୍ବାର୍ ପୁଜାରିମନ୍ ନିୟ୍ମ୍ ନ ମାନ୍ଲେ ମିସା, ସେଟାର୍ ପାଇ, ସେମନ୍ ଦସି ବଲି ବିଚାର୍ନା ନ ଅଅଡ୍ ।

୬ ମୁଇ ତମକେ କଇଲିନି, ଆଜି ଏ ମନ୍ଦିର୍ଟାନେଅନି ମୁକିଅ ବିସଇ ଇଡି ଆତେ ।”

୭ * “ସାସ୍ତର୍ କଇଲାନି, ପସୁ ପୁଜ୍ବା ବିରୁ ନ କରି, ଲକ୍ମନ୍କେ ଦୟା କର୍ବାଟା, ମୁଇ ମନ୍ କଲିନି । ଏ କାତାର୍ ଅରଡ୍ ଜଦି ସଡ୍ ଇସାବେ ବୁଜିରଇତାସ୍ବଇଲେ, ଏ ଦସ୍ ନ କଲା ଲକ୍ମନ୍କେ ତମେ ଦସି ନ କର୍ତାସ୍ ।

୮ ଜାନିରୁଆ, ନର୍ପିଲା ମୁଇ ନିଜେ ବିସ୍ତରାମ୍ବାର୍ ମାପୁରୁ ।”

ସୁକ୍ଲା ଆଡ୍ ନିମାନ୍ ଅଇଲା (ମାର୍ଚ୍ଚ ୩:୧-୬; ଲୁକ୍ ୬:୬-୧୧)

୯ ଜିସୁ ସେ ଜାଗାଇଅନି ବାରଇ ଜାଇ ପାର୍ତନା ଗରେ ପୁରୁଲା ।

୧୦ ତେଇ ଆଡ୍ ସୁକିଜାଇରଇଲା ଗଟେକ୍ ଲକ୍ ରଇଲା । ଜିସୁର୍ ଦସ୍ ଦାର୍ବାକେ ପାରୁସିମନ୍ ଗଟେକ୍ ଦଲଅଇ ତେଇ ଜାଗି ରଇଲାଇ । ସେଟାର୍ପାଇ ସେମନ୍ ଜିସୁକେ ପାଚାର୍ଲାଇ, “ବିସ୍ତରାମ୍ବାର୍ ନିମାନ୍ କର୍ବାଟା ଆମର୍ ନିୟ୍ମର୍ ବିରଦ୍ ନଏଁ କି ?”

୧୧ * ଜିସୁ କଇଲା, “ଜଦି ବିସ୍ତରାମ୍ବାର୍ ତମର୍ ବିଡ୍ରେ କାର୍ଆଲେ ମେଣ୍ଡା ଗଟେକ୍ ତେଙ୍ଗ୍ କାଲେ ଅଦର୍ଲେ, ତମେ ତାକେ ଜିକି ନ ଆନାସ୍ କି ?

୧୨ ମେଣ୍ଡାତେଇଅନି ଗଟେକ୍ ଲକ୍ମନ୍ ମୁଲିଅ କେତେକ୍ ଅଦିକ୍ । ସେଟାର୍ ପାଇ ଆମେ ବିସ୍ତରାମ୍ବାର୍ ବିନ୍ ଲକ୍କେ ସାଇଜ୍ କର୍ବାଟା ସାସ୍ତରେ ରଇବା ରିତିନିତି ବିରଦ୍ ଅଇବା କାମ୍ ନଏଁ ।”

୧୩ ଏଡ୍ କଇକରି ସେ ଆଡ୍ ସୁକିଜାଇରଇଲା ଲକ୍କେ କଇଲା, “ଆଡ୍ ସଲକ୍ କର୍ ।”

ସେ ଲକ୍ ଆଡ୍ ସଲକ୍ କଲା ଦାପ୍ରେ, ସେ ଆଡ୍ ନିକ ଲକ୍ମନ୍ ଆଡ୍ ପାରା ଅଇଗାଲା ।

୧୪ ତାର୍ପଚେ ପାରୁସିମନ୍ ସେ ଜାଗାଇଅନି ବାରଇ ଉଟିଜାଇ ଜିସୁକେ ମରାଇବାକେ ଜଜ୍ନା କଲାଇ ।

ମାପୁରୁ ବାଟିରଇବା ସେବା କାରିଆ

☆ ୧୧:୨୭ ଜଅନ୍ ୩:୩୫; ଜଅନ୍ ୧:୧୮; ୧୦:୧୫ ☆ ୧୨:୬ ମାତ୍ରିକ ୯:୧୩ ☆ ୧୨:୧୧ ଲୁକ୍ ୧୪:୫

୧୫ ତାର ବିରୁଦ୍ଧେ ପାଁଦବାଟା ସୁନିକରି, ଜିସୁ ସେ ଜାଗା ଚାଡ଼ି ବିନେ ଉଠିଗଲା । କେତେକ୍ କେତେକ୍ ଲକ୍ ତାର ପଟେ ପଟେ ଗାଲାଇ । ଆରି ସେ ସବୁ ରଗି ଲକ୍ମନକେ ନିକ କଲା ।

୧୬ ତାର ନିଜର ବିସଇ ବିନ୍ ଲକ୍ମନକେ କାଇ ବଲି ନ କୁଆ ବଲି ସେମନକେ ଆଦେସ୍ ଦେଇତେରଇଲା ।

୧୭ ଜିସାୟ ବବିସତ୍ବକ୍ତାର ଟାନେଅନି ପର୍ମେସର୍ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ କର୍ବାକେ ଏଟା କଲା,

୧୮ “ଏ ମର୍ ବାଟିରଇବା ସେବାକାରିଆ ।

ଆକେ ମୁଇ ଆଲାଦ୍ କଲିନି,

ତାର ଲଗେ ମର୍ ସାରଦା । ମର୍ ଆତ୍ମା ତାର ଉପରେ ଆସି ଡାବି ଅଇସି,

ସେ ସବୁ ଜାତିର ଲଗେ ଜାଇ ମର୍ ଟିକ୍ ବିଚାରନା ଜାନାଇସି ।

୧୯ ସେ କାକେ କିରଜାଟି ନ କରେ । ସେ ବେସି ଆଉଲି ନ ଅଏ ।

ସାଇର ମଜାଇ ଟିଆ ନ ଅଏ ଆରି ଜବର୍ ଅଇତେ କାତା ନ କଏ ।

୨୦ ଦୁର୍ବଲ୍ ଲକ୍ମନକେ ସେ ଆଲାଦର୍

ଚଲାଚଲ୍ତି କର୍ସି,

ଆରି ଆକା ସାକା ନଇଲା ଲକ୍ମନକେ ଦୟା କର୍ସି ।

ସେମନ୍ ନିଆଇ ନ ପାଇବାଜାକ ସେ

ତାର କାମ୍ ବନ୍ଦ୍ ନ କରେ ।

୨୧ ତାକେ ସବୁ ଦେସର୍ ଲକ୍ ଆସା କର୍ବାଇ ।”

ଜିସୁ ଆରି ବାଲ୍ଜିରୁଲ୍

(ମାର୍ଚ୍ଚକ ୩:୨୦-୩୦; ଲୁକ୍ ୧୧:୧୪-୨୩)

୨୨ ତାର ପଟେ ଦିନେକ୍ ଲକ୍ମନ ଗଟେକ୍ କାଣା ଅଇ ଗୁଲା ଅଇଜାଇରଇଲା ଲକ୍ମନକେ ଜିସୁର୍ ଲଗେ ଆନୁଲାଇ । ତାକେ ତୁମା ଦାରିରଇଲାଜେ କାତାଅଇ ନାପାରତେ ରଇଲା । ଜିସୁ ତାକେ ନିମାନ୍ କଲା । ଏଦେ ଦେକା ! ସେ ଦେକ୍ଲା ଆରି କାତା କଇପାରଲା ।

୨୩ ଜିସୁର୍ ଏ କାମ୍ ଦେକି ସବୁ ଲକ୍ କାବା ଅଇଜାଇ ପାଚାର୍ ଉଚାର୍ ଅଇଲାଇ, “ଏ କାଇ ସେ ଦାଉଦର୍ ପଅ କି ?”

୨୪ ☆ଏଟା ସୁନି ପାରୁସିମନ୍ କଇଲାଇ, “ସେ ତୁମାମନର୍ ମୁକିଅ ବାଲ୍ଜିରୁଲ୍ ଟାନେଅନି ବପୁ ପାଇ ତୁମା ଚାଡ଼ାଇଲାନି ।”

୨୫ ଜିସୁ ତାକର୍ ମନର୍ କାତା ଜାନି ସେମନକେ କଇଲା, ଗଟେକ୍ ରାଇଜର୍ ଲକ୍ ବିନ୍ବିନ୍ ଦଲେ ବାଗ୍ ଅଇ ନିଜର୍ ନିଜର୍ ବିତରେ ଲାଗାଲଗି ଅଇଲେ, ସେ ଦେସ୍ ବେସି ଦିନ୍ ନ ରଏ । କନ୍ଥାଲେ ସଅର୍ ନଇଲେ ଗର୍ ବିତରେ ବିନ୍ ବିନ୍ ଦଲ୍ ଗଡ଼ିକରି ଲାଗାଜଡ଼ା ଅଇଲେ ସେମନ୍ ଦାପରେସେ କୁରୁପନାସ୍ ଅଇଜିବାଇ ।

୨୬ ସେନ୍ତାରିସେ, ସଇତାନର୍ ରାଇଜେ ଜଦି ଗଟେକ୍ ଦଲ୍ ବିନ୍ ଦଲ୍ ବିରୁଦ୍ଧେ ଲାଗ୍ଲାନି ବଇଲେ, ସେଟା କୁଟ୍କୁଟା ଅଇ ବିଲିଜାଇସି । ଏଟା ଜାନ୍ବାର୍ ଆଟେ ।

୨୭ ମୁଇ ବାଲ୍ଜିରୁଲ୍ ବପୁ ପାଇ ତୁମାମନକେ ଚାଡ଼ାଇଲିନି ବଲି ତମେ କଇଲାସ୍ନି ତେବେ, ସେମନକେ କେଦବାକେ ତମର୍ ସିସ୍ମନକେ କେ ବପୁ ଦେଲାନି ? ତମର୍ ସିସ୍ମନର୍ ଏ କାମର୍ ଲାଗି, ତମେ ଦାବି କଲାଟା ମିଟ୍ ବଲି ଜାନାପଡ଼ଲାନି ।

୨୮ ତୁମା ଚାଡ଼ାଇବା ବପୁ ମୁଇ ବାଲ୍ଜିରୁଲ୍ ଟାନେଅନି ପାଇନାଇ । ସେଟା ମୁଇ ପର୍ମେସରର୍ ଆତ୍ମାଟାନେଅନି ପାଇଆଟି । ଏଟାର୍ ପାଇ ଆରି ଗଟେକ୍ ବିସଇ ଜାନାପଡ଼ି ଗାଲାନିଜେ ସରଗ୍ ରାଇଜ୍ ତମର୍ ଲଗେ ଆସି କେଟିଗାଲାବେ ।

୨୯ ଆଗେ ଗଟେକ୍ ବପୁର୍ ଲକ୍ମନକେ ନ ବାନ୍ଦ୍ତେ କେ ମିସା ତାର୍ ଗରେ ପୁରିକରି ଗରେ ରଇଲାଟା ଚରାଇ ନେଇ ନାପାରତ୍ ।

୩୦ ☆ଜେ ମର୍ ବାଟେ ନ ରଏ, ବାଇଦରେ ସେ ମର୍ ବିରୁଦ୍ଧେ ଆଟେ । ଆରି ଜେ ମର୍ ସଙ୍ଘ୍ ମିସିକରି ନ ଟୁଲିଆଏ, ସେ ବିଚିଦେଲାନି ।

୩୧ ସେଟାର୍ପାଇ ମୁଇ ତମକେ କଇଲିନି, ଜଦି କେ ଆଲେ ପାପ୍ କଲେ କି ନିନ୍ଦା କାତା କଇଲେ ମିସା, ତାର୍ ଲାଗି ତାକେ କେମା ଦିଆଅଇସି । ମାତର୍ କେ ଜଦି ସୁକଲ୍ ଆତ୍ମା ବିରୁଦ୍ଧେ କାଇ ବଲି କଇସି ବଇଲେ, ତାକେ କେମା ନାଇ ।

୩୨ ☆ଜଦି କେ ନର୍ପିଲା, ମର୍ ବିରଦେ ନିନ୍ଦା କାତା କଇଲେ, ତାକେ କେମା ମିଲ୍ସି, ମାତର୍ ଜେ ଜଦି ସୁକଲ୍ ଆତ୍ମା ବିରୁଦ୍ଧେ ନିନ୍ଦା କାତା କଇଲେ ତାକେ ଏବେ କି ପର୍ତ୍ତେ ମିସା କେମା ନ ମିଲେ ।

ଗର୍ ଆରି ତାର୍ ପଲ୍

(ଲୁକ୍ ୬:୪୩-୪୫)

୩୩ ☆“ନିକ ପଲ୍ ଦାର୍ଦ୍ଦରୁଆଲେ ଗଟେକ୍ ଗର୍ ନିକ ଅଇବାର୍ ଆଚେ । ବାନିଆ ଗଟେ ବାନିଆ ପଲ୍ ଅଇସି । ଗର୍ କେନ୍ଦ୍ରିଟା, ତାର୍ ପଲେ ଅନି ଜାନାପଡ଼ସି ।

୩୪ ☆ଏ ସାଁପ୍ ପାରା କାରାପ୍ ଲକ୍ମନ୍ ! ତମେ କାରାପ୍ ଅଇ ନିମାନ୍ କାତା କଇପାରାସ୍ କି ? ମନେ ଚିନ୍ତାକଲ୍ୟାଣା ଟଣ୍ଟୁବାଟେ ବାରଇସି ।

୩୫ ଗଟେକ୍ ନିମାନ୍ ଲକ୍ ତାର୍ ମନ୍‌ବିତ୍‌ରେ ଅନି ନିମାନ୍ କାତା ଆନ୍‌ସି । ଗଟେକ୍ କାରାପ୍ ଲକ୍ ତାର୍ ମନ୍ ବିତ୍‌ରେ ବରୁଡ଼ିଅଇ ରଇବା ବାଦ୍‌ଲ୍ୟାପାରା କାତା ବାର୍‌କରାଇ ଆନ୍‌ସି ।”

୩୬ “ତମେ କଇରଇଲ୍ୟା କାଇ ଲତାକେ ନଇବା ସବୁ କାତା, ବିଚାର୍‌ନା ଦିନେ ତମ୍‌କେ ଇସାବ୍ ଦେବାକେ ଅଇସି ।

୩୭ ତମ୍‌ର୍ କାତାଅନି ତମେ ବିଚାର୍ କରାଇଅଇ, ଦସି ନଇଲେ ଦସ୍ ନ କଲ୍ୟା ଲକ୍ ବଲ୍ୟାଇଅଇସା ।”

**କାବାଅଇଜିବା କାମ୍ କର୍‌ବାକେ ଦାବି
(ମାର୍‌କ୍ ୮:୧୧-୧୨; ଲୁକ୍ ୧୧:୨୯-୩୨)**

୩୮ ☆ଗଟେକ୍ ଦିନେ ଜିଉଦି ମନର୍ ନିୟମ୍ ସିକାଇଦେବା ଲକ୍ମନ୍ ଆରି ପାରୁସି ଲକ୍ମନ୍‌ର୍ ବିତ୍‌ରେଅନି କେତେଲକ୍ ଜିସୁକେ କଇଲାଇ, “ଏ ଗୁରୁ, ତମ୍‌ର୍ ଗଟେକ୍ କାବାଅଇଜିବା ତିନ୍ ଦେକ୍‌ବାକେ ଆମେ ମନ୍‌କଲୁନି ।”

୩୯ ☆ଜିସୁ ସେମନ୍‌କେ କଇଲ୍ୟା, “ଏ ଜୁଗର୍ ବିସ୍‌ବାସ୍ ନ କରୁମନ୍ କେତେ କାରାପ୍, ଆରି ପର୍‌ମେସର୍‌କେ ବିସ୍‌ବାସ୍ କରନ୍‌ନାଇ । ତମେ ମକେ ଗଟେକ୍ କାବାଅଇଜିବା କାମ୍ ଦେକାଇବାକେ କଇଲ୍ୟାସି ? ନାଇ, ଅବ୍‌କା ବାବଦାଦି ଜୁନସର୍ ଜିବନେ ଗଟିରଇଲ୍ୟା କାବାଅଇଜିବାଟା ତମ୍‌କେ ଦେକାଇଦେଇ ଅଇସି ।”

୪୦ “ଜୁନସ୍ ଜେନ୍ଦ୍ରି ମାଟ୍ ପେଟେ ତିନ୍ ଦିନ୍ ତିନ୍ ରାତି ରଇଲ୍ୟା, ସେନ୍ଦ୍ରି ନର୍‌ପିଲ୍ୟା ମୁଇ ମିସା ମାଟି ତଲେ ତିନ୍ ଦିନ୍ ତିନ୍ ରାତି କାଟାଇବି ।

୪୧ ଜନ୍ ଦିନେ ପର୍‌ମେସର୍ ଲକ୍ମନ୍‌ର୍ ବିଚାର୍ କର୍‌ସି, ସେ ଦିନେ ନିନିବିର୍ ଲକ୍ମନ୍ ତମ୍‌ର୍ ବିରୁଦ୍‌ଦେ ଦାବି କର୍‌ବାକେ ଚିଆ ଅଇବାଇ । କାଇକେ ବଇଲେ ସେମନ୍ ଜୁନସର୍ କାତା ସୁନି ପାପ୍ ବାଟେଅନି ବାଅଡ଼ଲାଇ । ମୁଇ ତମ୍‌କେ କଇଲିନି, ଜୁନସର୍ ଟାନେଅନି ବଡ଼ ଲକ୍ ଇତି ଆଚେ ।

୪୨ ବିଚାର୍ କର୍‌ବାବେଲେ ଦକିନ୍ ଦେସେ ରଇବା ସେବା ନାଉର୍ ଗଟେକ୍ ଜାଗାର୍ ରାନି, ତମ୍‌ର୍ ଦସ୍ ଦେକାଇବାକେ ଚିଆ ଅଇସି, କାଇକେ ବଇଲେ ସଲ୍‌ମନ୍‌ର୍ ଗିଆନର୍ କାତା ସୁନ୍‌ବାକେ ବେସି ଦୁର୍ ଦେସେଅନି ସେ ଆସି ରଇଲ୍ୟା । ମାତର୍ ମୁଇ ତମ୍‌କେ ସଡ଼ କଇଲିନି, ସଲ୍‌ମନ୍‌ର୍ ଟାନେ ଅନି ଗଟେକ୍ ବେସି ବଡ଼ ଲକ୍ ଇତି ଆଚେ ।”

**ତୁମା ବାଅଡ଼ଲ୍ୟା
(ଲୁକ୍ ୧୧:୨୪-୨୬)**

୪୩ ଜିସୁ ଆରି କଇଲ୍ୟା, ଜେଡେବଲ୍ କାରାପ୍ ଆଡ଼ମା ଗଟେକ୍ ଲକ୍ ଗାଗ୍‌ଡେଅନି ବାରଇ ଜାଇସି, ସେବେଲ୍ୟା, ସେ ରଇବାକେ ମରୁବାଲିରୁଏଁ ଜାଗା କଜି ବୁଲ୍‌ସି । ମାତର୍ ସେନ୍ଦ୍ରି ଜାଗା ତାକେ ନ ମିଲ୍‌ଲେ ।

୪୪ ସେ ବେଲ୍ୟା ସେ କଇସି, “ମୁଇ ଜନ୍ ଲକ୍‌ଡେଇଅନି ବାରଇ ଆଇଲି ଆରି, ତେଇସେ ଆରିତରେକ୍ ଜିବି” ବଲି ବାଉଡ଼ି ଉଚିଜାଇସି । ସେତିକି ବେଲେ ସେ ଆସିକରି ବିତ୍‌ରେ ସପାୟୁତର୍ ଅଇ ପରିଚଲ୍ ରଇବାଟା ଦେକ୍‌ଲେ, ସେ ଜାଇ ତାର୍‌ଡେଇଅନି ଅଦିକ୍ କାରାପ୍ ରଇବା ସାଡ଼ଟା ଆଡ଼ମାମନ୍‌କେ ଡାକିଆନ୍‌ସି ।

୪୫ ତାର୍ ପଚେ ସବୁ କାରାପ୍ ଆଡ଼ମାମନ୍ ଜାଇକରି ସେ ଲକ୍ ବିତ୍‌ରେ ବାସାକରି ରଇବାଇ । ସେ ବେଲ୍ୟା ସେ ଲକ୍ ଆଗ୍‌ଡୁର୍‌ଡେଇଅନି ଅଦିକ୍ କରାପ୍‌ଅଇଜାଇସି । ଏନ୍ଦ୍ରିସେ ଆଜିକାଲି ଜିଇବା କାରାପ୍ ଲକ୍ମନ୍‌କେ ଅଇସି । ବଲି କଇଲ୍ୟା ।

**ଜିସୁର୍ ଗରର୍ ଲକ୍ମନ୍
(ମାର୍‌କ୍ ୩:୩୧-୩୫; ଲୁକ୍ ୮:୧୯-୨୧)**

୪୬ ଜିସୁ ଜେଡେବେଲ୍ୟା ତେଇ ରୁଣ୍ଡିରଇଲ୍ୟା ଲକ୍ମନ୍‌କେ କାତା ସୁନାଇତେ ରଇଲ୍ୟା, ତାର୍ ଆୟା ଆରି ବାଇମନ୍ ଆସି ତାଣ୍ଡେ ଚିଆଅଇରଇଲ୍ୟାଇ । ସେମନ୍ ଜିସୁର୍ ସଙ୍ଗ୍ କାତାଅଇବାକେ ମନ୍ କର୍‌ଡେ ରଇଲ୍ୟାଇ ।

୪୭ ସେତିକି ବେଲେ ଗଟେକ୍ ଲକ୍ ଜିସୁକେ କଇଲ୍ୟା, “ତର୍ ଆୟା ଆରି ବାଇମନ୍ ତାଣ୍ଡେ ଜାଗ୍‌ଲାଇ ଆଚଡ଼, ସେମନ୍ ତର୍ ସଙ୍ଗ୍ କାତା ଅଇବାକେ ମନ୍ କଲ୍ୟାଇନି ।”

୪୮ ଜିସୁ ସେମନ୍‌କେ କଇଲ୍ୟା, “କାକେ ମର୍ ଆୟା ଆରି ବାଇମନ୍ ବଲି ବାବ୍‌ଲ୍ୟାସି ?”

୪୯ ତାର୍ ସିସ୍‌ମନ୍‌ର୍ ବାଟେ ଆଡ଼ ଦେକାଇ କଇଲ୍ୟା, “ଏ ଲକ୍ମନ୍‌ସେ ମର୍ ଆୟା ଆରି ବାଇମନ୍ ଅଇବାଇ ।

୫୦ ଜେ ସର୍‌ଗେ ରଇବା ମର୍ ବାବାର୍ ମନ୍ କଲ୍ୟା ଇସାବେ କାମ୍ କର୍‌ସି, ସେମନ୍ ଆକା ମର୍ ବାଇ, ବଇନି ଆରି ଆୟା ଅଇବାଇ ।”

☆ ୧୨:୩୩ ମାଡ଼ିତ ୭:୨୦; ଲୁକ୍ ୬:୪୪ ☆ ୧୨:୩୪ ମାଡ଼ିତ ୩:୭; ୨୩:୩୩; ଲୁକ୍ ୩:୭; ମାଡ଼ିତ ୧୫:୧୮; ଲୁକ୍ ୬:୪୫ ☆ ୧୨:୩୮ ମାଡ଼ିତ ୧୭:୧; ମାର୍‌କ୍ ୮:୧୧; ଲୁକ୍ ୧୧:୧୭ ☆ ୧୨:୩୯ ମାଡ଼ିତ ୧୭:୪; ମାର୍‌କ୍ ୮:୧୨

୧୩

ବିଅନ୍ ବୁନ୍‌ବା ଲକ୍ଷ୍ମୀ କାତା

(ମାର୍ଚ୍ଚକ ୪:୧-୯; ଲୁକ୍ ୮:୪-୮)

୧ ଦିନେକ୍ ଜିସୁ ତାର୍ ସିସ୍‌ମନର୍ ସଙ୍ଗ୍ ଗରେ ଅନି ବାରଇ ସମ୍‌ଦୁର୍ କଣ୍ଡି ଗାଲା । ତେଇ ସେ ବସିକରି ସିକାଇବାର୍ ଦାର୍‌ଲା ।

୨ *ଲକ୍ଷ୍ମୀନ୍ ତାର୍ ଚାରିବେଡ଼ି ଜବର୍ ଅଇ ରୁଣ୍ଡିରଇଲାଇଜେ ସେ ଗଟେକ୍ ଡଙ୍ଗାଇ ଜାଇ ବସ୍‌ଲା । ଲକ୍ଷ୍ମୀନ୍ ଚିଆ ଅଇ ତାର୍ କାତା ସୁନ୍‌ବାର୍ ଦାର୍‌ଲାଇ ।

୩ ଆରି ସେ କେତେକ୍ କେତେକ୍ ବିସଇ, ଉଦାଅରଣ୍ ଦେଇ, ସିକାଇତେ ରଇଲା । ସେ କଇଲା,

“ଗଟେକ୍ ଚାସି ତରେକ୍ ବିଅନ୍ ବୁନ୍‌ବାର୍ ବାରଇଲା ।

୪ ଚାସି ସେ ଜମିଟାନେ ବିଅନ୍ ବୁନ୍‌ବା ବେଲେ କେତେଟା ମୁଞ୍ଚି ମଜା ବାଟେ ଅଦର୍‌ଲାଜେ ସେଟା ଚତଇମନ୍ ଆସି କାଇଦେଲାଇ ।

୫ ଆରି ଅଦେକ୍ ମାଟି ଉନାରଇ ଜବର୍ ପାକ୍‌ନା ରଇବା ପଦାଇ ଅଦର୍‌ଲା । ତେଇ ମାଟି ବଉଲ୍ ନ ରଇଲାଜେ ଦାପ୍‌ରେ ଆଁକ୍‌ରି ଗାଜା ଅଇଲା ।

୬ ମାତର୍ ଗାଜାର୍ ଚେର୍ ବିଡ଼ରେ ଜାଏ ନାଇଜେ, କାରା କଲାକେ ସେଟା ସୁକିଗାଲା ।

୭ ଆରି କେତେଟା ବିଅନ୍ କାଟାବୁଟା ବିଡ଼ରେ ଅଦର୍‌ଲା, ଆରି କାଟାବୁଟା ଆଁକ୍‌ରି ଗାଜା ଅଇଲା । ବିଅନ୍‌ର୍ ଚାରିବେଡ଼ି ବରଡ଼ି ଜାଇ ସେଟା ସବୁ ଗିଲିଦେଲା ।

୮ ମାତର୍ ଆରି ବାକି ସବୁ ବିଅନ୍ ନିକ ବୁଏଁ ଅଦ୍‌ରି ବୁଟା ଅଇ ବଡ଼ିକରି ପଲ୍ ଦାର୍‌ଲା । କେତେଟା ବୁଟାଇ ତିରିସ୍ ବାଗ୍, ସାଟେ ବାଗ୍, ଆରି ସଏ ବାଗ୍ ଅନି ଅଦିକ୍ ପଲ୍‌ଦାର୍‌ଲା ।”

୯ ଜିସୁ ଉଦାଅରଣ୍ ସାରାଇକରି କଇଲା, “ଜାକେ ସୁନ୍‌ଲା ପାରା କାନ୍ ଆତେ, ସେ ସୁନ୍ ।”

ଉଦାଅରଣ୍ କାତାର୍ ଆଦେସ୍

(ମାର୍ଚ୍ଚକ ୪:୧୦-୧୨; ଲୁକ୍ ୮:୯-୧୦)

୧୦ ପଟେ ସିସ୍‌ମନ୍ ଜିସୁର୍ ଲଗେ ଆସି ପାଗାର୍‌ଲାଇ, “ତମେ ଲକ୍ଷ୍ମୀନ୍‌କେ ସିକାଇଲା ବେଲେ କାଇକେ ଉଦାଅରଣ୍ ଇସାବେ କଇଲାସ୍‌ନି ?”

୧୧ ଜିସୁ କଇଲା, “ସରଗ୍ ରାଇଜର୍ ଟିକି ନିକି କାତା ବୁଜ୍‌ବାକେ ତମେ ଗିଆନ୍ ପାଇଆଟାସ୍ । ମାତର୍ ସେମନ୍ ପାଅଡ଼ ନାଇ ।

୧୨ *ଜାକେ ଆତେ, ତାକେ ଦିଆଅଇସି । ତେଇଅନି ସେ ଅଦିକ୍ ଅଦିକ୍ ଲାଭ୍ କର୍‌ସି । ମାତର୍ ଜାକେ ନାଇ, ତାର୍‌ଟାନେ ଜେଡ଼କି ଆତେ, ସେଟା ମିସା ନିଆଅଇସି ।”

୧୩ ସେମନ୍‌କେ ମୁଇ କାତାନି ଇସାବେ ସିକାଇଲିନି । କାଇକେବଇଲେ ସେମନ୍ ଦେକି ଦେକି ରଇବାଇ, ମାତର୍ ନ ଦେକ୍‌ଲା ପାରା । ସୁନ୍‌ତେ ରଇବାଇ, ମାତର୍ ନ ସୁନ୍‌ଲା ପାରା ଆରି ନ ବୁଜ୍‌ଡ଼ ।

୧୪ ଜିସାୟ୍ ବବିସଡ଼ବକ୍‌ତା କଇରଇବା ବାକିଅ ପୁରାପୁରୁନ୍ ଅଇଲା ।

ଏ ଲକ୍ଷ୍ମୀନ୍ ସୁନି ସୁନି ମିସା କାଇଟା ନ ବୁଜ୍‌ଡ଼

ଦେକ୍‌ତେରଇବାଇ, ମାତର୍ ନ ଦେକ୍‌ଲା ପାରା ।

୧୫ କାଇକେ ବଇଲେ ସେମନ୍‌ର୍ ବୁଦି ଉନା ।

ସେମନ୍ କାନେ ବୁଟିଅଇ ଦେଇଆଟଡ଼

ଆରି ଆଁକି ଲିମିଦେଇ ଆଟଡ଼ ।

ସେନ୍ତାର୍ ନ ଅଇରଇଲେ ସେମନ୍ ଦେକିପାର୍‌ତାଇ,

ସୁନିପାର୍‌ତାଇ ଆରି ମର୍ ଲଗେ ବାଉଡ଼ି ଆଇତାଇ ।

ସେମନ୍‌କେ ମୁଇ ନିକ କରଦେଇଡ଼ି ।

୧୬ *“ତମେ କେତେକ୍ ନିକ କରମର୍ ଲକ୍ ! ତମେ ଦେକି ପାର୍‌ଲାସ୍‌ନି ଆରି ସୁନି ପାର୍‌ଲାସ୍‌ନି !

୧୭ ମୁଇ ତମ୍‌କେ ସଡ଼ କଇଲିନି, କେତେକ୍ କେତେକ୍ ବବିସଡ଼ବକ୍‌ତା ଆରି ପର୍‌ମେସରର୍ ଲକ୍ଷ୍ମୀନ୍ ତମେ ଜନ୍‌ଟା ଦେକ୍‌ଲାସ୍‌ନି, ସେଟା ଦେକ୍‌ବାକେ, ଆରି ଜାକେଟା ସୁନ୍‌ଲାସ୍‌ନି, ସେଟାମନ୍ ସୁନ୍‌ବାକେ ମନ୍ କର୍‌ତେରଇଲାଇ, ମାତର୍ ନାପାର୍‌ଲାଇ ।”

ବିଅନ୍ ବୁନ୍‌ବା କାତାର୍ ଅରଡ଼

(ମାର୍ଚ୍ଚକ ୪:୧୩-୨୦; ଲୁକ୍ ୮:୧୧-୧୫)

୧୮ “ତେବେ ସୁନା, ବିଅନ୍ ବୁନ୍‌ବା କାତାର୍ ଅରଡ଼ କଇଲିନି । ତମେ ବୁଜ୍‌ବାକେ ଚେସ୍‌ଟା କରା ।

୧୯ ଜନ୍ ଲକ୍ଷ୍ମୀନ୍ ସରଗ୍ ରାଇଜର୍ ବାକିଅ ସୁନି ନ ବୁଜଡ଼, ସଇତାନ୍ ଆସି ସେମନ୍‌ର ମନ୍ ବିଡ଼ରେ ଅନି ଜନ୍‌ଟା ବୁନାଅଇ ରଇସି, ସେଟା ଜିକି ଦାରିଜାଇସି । ଏଟା ଅଇଲାନି ବାଟେ ଅଦରି ରଇବା ବିଅନର୍ ଅରଡ଼ ।”

୨୦ “ଜନ୍ ଲକ୍ଷ୍ମୀନ୍ ବାକିଅ ସୁନି ଦାପ୍‌ରେ ସାର୍‌ଦା ସଙ୍ଗ୍ ମାନ୍‌ବାଇ, ସେଟା ପାକ୍‌ନାବାଡ଼ି ଜାଗାଇ ଅଦରିରଇବା ବିଅନ୍ ପାରା ।

୨୧ ବାକିଅ ପୁରାପୁରୁନ୍ ଡାକର୍ ମନ୍ ବିଡ଼ରେ ଜାଇ ନ ରଏ ଜେ, ସେମନ୍ ସେଟା ବେସି ଦିନ୍ ମାନିକରି ରଇ ନାପାରଡ଼ । ବାକିଅର୍ ଲାଗି କସ୍‌ଟ କି ବେମ୍‌ଜା ଆଇଲେ, ସେମନ୍ ଦାପ୍‌ରେସେ ସେଟା ଚାଡ଼ିଦେବାଇ ।

୨୨ କାଟାବୁଟା କେନ୍ତାରିକି ସାନ୍ ବୁଟାମନ୍‌କେ ଚାପି ଗିଲିଦେଇସି, ସେନ୍ତାରି ଏ ଜଗତର୍ ପାଇଟି କାବାଡ଼ ଆରି ଦନ୍‌କେ ଲବ୍ ଅଇକରି, କେତେକ୍ ଲକ୍ଷ୍ମୀନ୍‌ର ଟାନେ କେଟିରଇବା ବାକିଅ ନସାଇଦେଇସି । ସେମନ୍ କାଟାବୁଟାଇ ଅଦରୁଲ୍ ବିଅନ୍ ପାରା । ସେମନ୍‌ର କାଇ ପସଲ୍ ନ ପାଟାଅଡ଼ ।

୨୩ ଜନ୍‌ଲକ୍ଷ୍ମୀନ୍ ବାକିଅ ସୁନି ନିକକରି ବୁଜ୍‌ବାଇ, ନିକ ପଦାଇ ଅଦରିରଇବା ବିଅନର୍ ପାରା । ସେମନ୍ ନିକ ପସଲ୍ ଲାବ୍ କର୍‌ବାଇ କେ ସଏ ପୁଟିଅନି ଅଦିକ୍, କେ ସାଟେ ପୁଟିଅନି ଅଦିକ୍, କେ ତିରିସ୍ ପୁଟିଅନି ଅଦିକ୍ ପସଲ୍ ପାଟାଇବାଇ ।”

ଜୁଡ଼ ଗାଁସର୍ କାତା

୨୪ ଜିସୁ ତାର୍ ସିସ୍‌ମନ୍‌କେ ଆରି ଗଟେକ୍ ବିସଇ କାତାନି ଇସାବେ କଇଲା, ସରଗ୍ ରାଇଜ୍ ଏନ୍ତାରି ଗଟେକ୍ ଲକ୍‌ର ପାରା । ସେ ଲକ୍ ତାର୍ ଜମିଟାନେ ନିକ ବିଅନ୍ ବୁନିଲା ।

୨୫ ସେ ଦିନେକ୍, ରାତିଆ ସଇଲା ବେଲେ, ତାର୍ ଗଟେକ୍ ବିରଡ଼ ଲକ୍ ଆସି ସେ ଜମିଟାନେ ଗାଁସ୍ ମୁଞ୍ଜି ବୁନି ଦେଇ, ଉଟିଗାଲା ।

୨୬ ଜେତେବେଲେ ଗର୍ ବଡ଼ି କେଡ଼ ଦାରୁଲା, ମଜାଇମଜାଇ ଜୁଡ଼ ଗାଁସ୍ ଡିସଲା ।

୨୭ ସେ ଲକ୍‌ର ଦାଙ୍ଗ୍‌ତାମନ୍ ଆସି କଇଲା, “ଏ ସାଉକାର୍ ତମେ ଜମିଟାନେ ନିକ ବିଅନ୍ ବୁନିରଇଲାସ୍, ଏତେକ୍‌ମାଣ୍ ଜୁଡ଼ ଗାଁସ୍ କନ୍ତିଅନି ଆଇଲା ?”

୨୮ ଜମି ସାଉକାର୍ କଇଲା, ମର୍ ବିରଦି ଲକ୍ ଗଟେକ୍ ଏନ୍ତି କଲାଆତେ । ସେମନ୍ ପାଟାରିଲା, “ତେବେ ଆମେ ଜାଇ ସେ ଜୁଡ଼ ଗାଁସ୍‌ମନ୍‌କେ ଜିକି ପିଙ୍ଗିଦେବୁ କି ?”

୨୯ ସାଉକାର୍ କଇଲା, “ନାଇ, ଜୁଡ଼ ଗାଁସ୍ ଜିକ୍‌ବାବେଲେ କେତେବଲ୍ ଦାନ୍‌ବୁଟା ମିସା ଜିକିଅଇଜାଇସି ।

୩୦ କାଟ୍‌ବା ଜାକ ଦାନ୍ ଆରି ଜୁଡ଼ ଗାଁସ୍ ମିସ୍‌ତେ ବଡ଼ । କାଟ୍‌ବା ଲକ୍‌ମନ୍‌କେ କର୍‌ ସେମନ୍ ପର୍‌ତୁମ୍ ଜୁଡ଼ ଗାଁସ୍ କାଟି ବାରା ବାନ୍ଦି ପଡ଼ାଇ ଦେଅଡ଼ । ତାର୍ ପଟେ ଦାନ୍ କାଟି ମାଣ୍ଡାଇ କଲ୍‌କିଟାନେ ସଙ୍ଗ୍‌ଉ ।”

ସର୍‌ସୁ ମୁଞ୍ଜିର୍ ଉଦାଅରଣ୍

(ମାର୍‌କ ୪:୩୦-୩୨; ଲୁକ୍ ୧୩:୧୮-୧୯)

୩୧ ଜିସୁ ଆରି ଗଟେକ୍ ବିସଇ କଇଲା, “ସରଗ୍ ରାଇଜ୍ ଏନ୍ତାରି ଗଟେକ୍ ଲକ୍ ତାର୍ ଜମିଟାନେ ସର୍‌ସୁ ମୁଞ୍ଜି ତପିଦେଲା ।

୩୨ ସେ ମୁଞ୍ଜି ସବୁଟାନେଅନି ସାନ୍ ଅଇଲେ ମିସା ତେଇଅନି ଜନ୍ ଗର୍ ଅଇଲା, ଜମିଟାନେ ରଇଲା ବିନ୍ ଗର୍‌ମନ୍‌ତେଇଅନି ଅଦିକ୍ ତେଙ୍ଗ୍ ଅଇ ଜୁଜୁରା ଅଇଲା । ଆରି ସେ ଗଟେ ଚଡ଼ଇମନ୍ ବାସା ଅଇଲା ।”

କମିରର୍ ଉଦାଅରଣ୍

(ଲୁକ୍ ୧୩:୨୦-୨୧)

୩୩ ଜିସୁ ଆରି ତରେକ୍ ଏନ୍ତାରି କାତା କଇଲା, “ଗଟେକ୍ ମାଇଜି କଣ୍ଡେକ୍ କମିର୍ ନେଇ ଅଦ୍‌ବାସ୍‌ତା ଗୁଣ୍ଟାଟାନେ ମିସାଇଦେଲା । ସମାନ୍ ବେଲାଇ ସବୁଜାକ ଗୁଣ୍ଟ୍ କମିର୍‌ତେଇ ମିସି ପୁଲ୍‌ଲା । ସରଗ୍ ରାଇଜ୍ ବଡ଼୍‌ବାଟା ମିସା ଏନ୍ତାରିସେ ।”

ଉଦାଅରଣ୍ ବିସଇର୍ ସିକିଆ

(ମାର୍‌କ ୪:୩୩-୩୪)

୩୪ ଜିସୁ ଏନ୍ତାରି ଉଦାଅରଣ୍ ଦେଇ ସିକାଇତେ ରଇଲା । ଉଦାଅରଣ୍ ନ ଦେଇ ସେ କାଇଟା ମିସା ନ ସିକାଇତେ ରଇଲା ।

୩୫ ଏଟାପାଇ ବବିସଡ଼ବକ୍‌ତାର୍ ଏ ବାକିଅ ପୁରାପୁରୁନ୍ ଅଇଲା । ମୁଇ ଉଦାଅରଣ୍ ଦେଇ

ସେମନ୍‌କେ କାତା କଇବି, ଏନ୍ତାରିସେ କାଇଟା ତିଆର୍ ନ ଅଇବା ଆଗତୁଅନି ନାଜାନି ରଇବା ସବୁ ବିସଇ ମୁଇ ସେମନ୍‌କେ ବୁଜାଇଦେବି ।

ଜିସୁ ଜୁଡ଼ ଗାଁସର୍ ଅରଡ଼ ବୁଜାଇଲା

୩୬ ଜିସୁ ଲକ୍ ଗଅଲି ବିତ୍ରେଅନି ବାରଇ ଆସି ଜେଡେବେଲେ ଗର୍ ବିତ୍ରେ ପୁରଲା, ସେଡକି ବେଲେ ତାର୍ ସିସ୍ମନ୍ ଆସି ପାଟାରଲାଇ, “ଆମ୍‌କେ ଜୁଡ୍ ଗାଁସର୍ ଅରଡ୍ ବୁଜାଇ ଦିଆ ।”

୩୭ ଜିସୁ କଇଲା, “ଜନ୍ ଲକ୍ ନିକ ବିଅନ୍ ବୁନ୍‌ଲା, ସେ ନର୍ପିଲା ମୁଇ ।

୩୮ ଏ ଦୁନିଆ ଅଇଲାନି ଜମି । ଜେମନ୍ ସରଗ୍ ରାଇଜର୍ ଲକ୍, ସେମନ୍ ନିକ ବିଅନ୍ । ଜୁଡ୍ ଗାଁସ୍ ଅଇଲାନି ସଇତାନର୍ ବାଟେ ଜିବା ଲକ୍ ।

୩୯ ଜନ୍ ବିରଦି ଲକ୍ ଜୁଡ୍ ଗାଁସ୍ ମୁଞ୍ଜି ବୁନ୍‌ଲା, ସେ ସଇତାନ୍ । କାଟାବେଟାର୍ ବେଲା ଅଇଲାନି ଜୁଗ୍ ସାର୍‌ବା ଦିନ୍ । ତାସ୍ କାଟ୍‌ବା ଲକ୍‌ମନ୍ ଅଇଲାଇନି ସରଗର୍ ଦୁଡ୍‌ମନ୍ ।

୪୦ ଜୁଡ୍ ଗାଁସ୍‌ମନ୍ ଜେଡ୍ଟି ଟୁଲିଆଇକରି ପତାଇଲାଇ, ଜୁଗର୍ ସାରାସାରି ବେଲେ ସେନ୍ତାରି ଅଇସି ।

୪୧ ନର୍ପିଲା ମୁଇ ମର୍ ରାଇଜେଅନି ସବୁ ପାପ୍ କାମ୍ କଲା ଲକ୍‌ମନ୍‌କେ ଆରି ଜେଜେମନ୍ ବିନ୍ ଲକ୍‌ମନ୍‌କେ ପାପ୍ କରବାକେ ଉସ୍‌କାଇଲାଇନି, ସେମନ୍‌କେ ଟୁଲିଆଇବାକେ ସରଗର୍ ଦୁଡ୍‌ମନ୍‌କେ ପାଟାଇବି ।

୪୨ ସେମନ୍ ଏ ସବୁ ଲକ୍‌ମନ୍‌କେ ଲାଗି ରଇବା ଜଇଟାମେ ପିଙ୍ଗ୍‌ବାଇ । ତେଇ ସେମନ୍ କିଲ୍‌ବିଲ୍ ଅଇ କାନ୍‌ବାଇ ଆରି ଦାଡ୍ କାଡ୍‌ରିଅଇବାଇ ।

୪୩ ସେବେଲେ ପର୍‌ମେସର୍‌କେ ମାନ୍‌ବା ଲକ୍‌ମନ୍ ତାକର୍ ସରଗର୍ ବାବାର୍ ରାଇଜେ ବେଲ୍‌ପାରା ଜକ୍‌ମକିଜିବାଇ । ସୁନ୍‌ଲା ପାରା କାନ୍ ରଇଲେ ସୁନା ।”

ତପିଅଇଲା ଦନର୍ ଉଦାଅରଣ୍

୪୪ “ଦିନେକ୍ ଗଟେକ୍ ଲକ୍ ଜମିଟାମେ କୁନି ନେଉନେଉ ତପିଅଇରଇଲା ଦନ୍ ମିଲାଇଲା । ସେଟା ସେ ଗୁଡାଇପାକାଇଲା ଆରି ସାର୍‌ବା ସଙ୍ଗ୍ ନିଜର୍ ସବୁ ଦନ୍ ବିକି ଦେଇ, ସେ ଜମି ଗେନ୍‌ଲା । ସରଗ୍ ରାଇଜ୍ ମିସା ଏନ୍ତାରି ତପିଅଇରଇବା ଦନ୍ ପାରା ।”

ମୁକ୍ତାର୍ ଉଦାଅରଣ୍

୪୫ ଆରି ସରଗ୍ ରାଇଜ୍ ଏନ୍ତାରି, ଗଟେକ୍ ସୁନାରି ବେସି ମୁଲିଅର୍ ମୁକ୍ତା କଜି କଜି ରଇଲା ।

୪୬ ଗଟେକ୍ ବେସି ମୁଲିଅର୍ ମୁକ୍ତା ରଇଲାଟା ସୁନି, ସେ ତାର୍ ସବୁ ଦନ୍ ସଁପତି ବିକି ସେଟା ଗେନ୍‌ଲା । ସରଗ୍ ରାଇଜ୍ ମିସା ସେ ମୁକ୍ତା ପାରା ।

ମାର୍ ଜାଲର୍ କାତା

୪୭ ସରଗ୍ ରାଇଜ୍ ଗଟେକ୍ ମାର୍ ଦାର୍‌ବା ଜାଲ୍ ପାରା । କେଉଟ୍‌ମନ୍ ଗାଡେ ଜାଲ୍ ପାକାଇ ବିନ୍‌ବିନ୍ ରକାମର୍ ମାର୍ ଦାର୍‌ବାଇ ।

୪୮ “ଜାଲ୍ ବରଡି ଅଇଗାଲେ କଣ୍ଡିତେଇ ଜିକିଆନି ନିକନିକ ମାର୍ ବାଟି କରି ମୁରଡିତେଇ ସଙ୍ଗାଇବାଇ ଆରି ବେଙ୍ଗ୍‌ଟିମାର୍ ପାରାଟାମନ୍ ପିଙ୍ଗ୍ ଦେବାଇ ।

୪୯ ଜୁଗ୍ ସାର୍‌ବା ବେଲେ ଏନ୍ତାରି ଅଇସି । ସରଗର୍ ଦୁଡ୍‌ମନ୍ ଦରମ୍ ଲକ୍‌ର୍ ଟାମେଅନି ପାପିମନ୍‌କେ ବେଗ୍‌ଲାଇବାଇ ।

୫୦ ସେମନ୍‌କେ ଲାଗ୍‌ବା ଜଇଟାମେ ପିଙ୍ଗ୍‌ଦେବାଇ । ତେଇ ସେମନ୍ ମାରିତପିଅଇ କାନ୍‌ କସ୍‌ଟେ ମସ୍‌ଟେ ଦାଡ୍ କାଡ୍‌ରିଅଇବାଇ ।”

ପୁରନା ସିକିଆ ଆରି ନୁଆ ସିକିଆ

୫୧ ଜିସୁ ସିସ୍‌ମନ୍‌କେ ପାଟାରଲା, “ଏ ସବୁ ବିସଇ ବୁଜି ପାରଲାସ୍‌ନି କି ?” ସେମନ୍ “ଉଁ ମାପୁରୁ ।” ବଲି କଇଲାଇ ।

୫୨ ଜିସୁ ସେମନ୍‌କେ କଇଲା, “ଜେନ୍ତାରିକି ଗଟେକ୍ ଗରର୍ ଲକ୍, ତାର୍ ବାଣ୍ଡାର୍ ଗରେଅନି ତାକେ ଦର୍‌କାର୍ ଅଇବା ଇସାବେ ନୁଆ ଦିନ୍‌ସୁ ଆରି ପୁରନା ଦିନ୍‌ସୁ ବାର୍‌କରାଇସି । ସରଗ୍ ରାଇଜେ ସିସ୍ ଅଇରଇବା ଗଟେକ୍ ଦରମ୍ ଗୁରୁ ସମାନ୍ ସେନ୍ତାରିସେ କର୍‌ସି ।”

ଜିସୁ ନାଜରିତେ କେଟ୍‌ଲା

(ମାର୍‌କ ୭:୧-୭; ଲୁକ୍ ୪:୧୭-୩୦)

୫୩ ଜିସୁ ଏ ଉଦାଅରଣ୍ କଇସାରାଇ, ସେ ଜାଗା ଚାଡି ଉଟିଗାଲା ।

୫୪ ଆରି ନିଜର୍ ଜାଗାଇ ବାଅଡ୍‌ଲା । ସେ ଜାଗାର୍ ପାର୍‌ତନା ଗରେ ତାର୍ ସିକାଇବାଟା ସୁନି ଲକ୍‌ମନ୍ କାବା ଅଇଜାଇ କଇଲାଇ, “ଏଡେକ୍ ଗିଆନ୍ ଏ କନ୍ତିଅନି ମିଲାଇଲା ? ଏ କାବା ଅଇଜିବା କାମ୍‌ମନ୍ କରବାକେ ଆକେ କେ ବପୁ ଦେଲା ?

୫୫ ଏ କାଇ ସେ ବାଡଇର୍ ପିଲା ! ମରିୟ୍‌ମ୍ ତାର୍ ମାଆ ! ଜାକୁର୍, ଜସେପ୍, ସିମନ୍ ଆରି ଜିଉଦା ତାର୍ ବାଇମନ୍ !

୫୬ ତାର୍ ବଇନିମନ୍ ଇତି ଆଚଡ୍ ! ତେବେ ଏ ସବୁ ବପୁ ସେ କନ୍ତିଅନି ମିଲାଇଲା ?”

୫୭ ☆ଏନ୍ତାରି କଇ, ସେମନ୍ ଜିସୁକେ ନାମଡ୍ ନାଇ ।

☆ ୧୩:୫୭ ଜଅନ୍ ୪:୪୪

ଜିସୁ ସେମାନଙ୍କେ କଇଲା “ଗଟେକ୍ ବବିସତ୍‌ବକ୍ତା ନିଜର ଗରେ ଆରି ଗାଏଁ ଚାଡ଼ିଦେଲେ, ସବୁଟାନେ ବଲ୍ ବଲାଇଅଇସି ।”

୫୮ କାଇକେବଇଲେ ସେମାନ ଜିସୁକେ ବିସ୍‌ବାସ୍ କରତ୍ ନାଇଜେ ସେ ତେଇ ଆରି ଅଦିକ୍ କାବା ଅଇଜିବା କାମ୍‌ମନ୍ କରେ ନାଇ ।

୧୪

ତୁବନ୍ ଦେଉ ଜଅନର୍ ମରନ୍

(ମାର୍ଚ୍ଚକ ୬:୧୪-୨୯; ଲୁକ୍ ୯:୭-୯)

୧ ସେବେଲେ ଗାଲିଲି ଦେସର୍ ସାସନ୍ କାରିଆ ଏରଦ୍, ଜିସୁର୍ ବିସଇ ସୁନ୍‌ଲା ।

୨ ସେ ତାର୍‌ଟାନେ କାମ୍ କର୍‌ବା ଲକ୍‌ମନ୍‌କେ କଇଲା, “ସତଇସେ ଏ ତୁବନ୍ ଦେଉ ଜଅନ୍‌ସେ । ସେ ଆରିତରେକ୍ ଜିବନ୍ ଅଇ ଉଟି ବାଉଡ଼ି ଆଇଲାଆଚେ । ସେଟାର୍‌ପାଇ ତାର୍‌ଟାନେ କାବା ଅଇଜିବା କାମ୍ କର୍‌ବା ବପୁ ଆଚେ ।”

୩ *ଆର୍ ଆଗ୍‌ତୁ ଏରଦ୍ ଜଅନ୍‌କେ ବାନ୍‌ବାକେ ଆଦେସ୍ ଦେଇରଇଲା ଆରି ତାକେ ସିଲିଲି ସଙ୍ଗ୍ ବାନ୍‌ସି, ବନ୍‌ସି ଗରେ ସଙ୍ଗିରଇଲା । ତାର୍ ବାଇ, ପିଲିପର୍ ମାଇଜି ଏରଦିଆର୍ ଲାଗି, ସେ ଏନ୍ତି କରିରଇଲା ।

୪ ଜଅନ୍ ତାକେ କଇରଇଲା “ତମର୍ ବଉ ଏରଦିଆକେ ବିବା ଅଇବାଟା ତମର୍ ଟିକ୍ ଅଏନାଇ ।”

୫ ସେଟାର୍‌ପାଇ ଏରଦ୍ ଜଅନ୍‌କେ ମରାଇବାକେ ଜଜ୍‌ନା କର୍‌ତେରଇଲା, ମାତର୍ ସେ ଜିଉଦି ଲକ୍‌ମନ୍‌କେ ତରତେରଇଲା । କାଇକେବଇଲେ ଜିଉଦି ଲକ୍‌ମନ୍ ଜଅନ୍ ଗଟେକ୍ ବବିସତ୍‌ବକ୍ତା ବଲି ମାନ୍‌ତେରଇଲାଇ ।

୬ ମାତର୍ ଏରଦର୍ ଜନମ୍ ପୁରତି ଦିନେ ଏରଦିଆର୍ ଟକି, ତାକାଇରଇବା ଲକ୍‌ମନ୍‌ର୍ ମୁଆଟେ ନାଟ୍ କରିରଇଲା ।

୭ ଏରଦ୍ ତାର୍ ଉପରେ ଏତେକ୍ ସାର୍‌ଦା ଅଇଲାଜେ, ସାର୍‌ଦା ଅଇ ପର୍‌ମାନ୍ ନିୟମ୍ କରି କଇଲା “ତୁଇ ଜାଇଟା ମାଙ୍ଗ୍‌ଲେ, ସେଟା ଦେବି !”

୮ ତାର୍ ଆୟାର୍ କାତା ଦାରି ଟକି କଇଲା “ମକେ ଏବେଆକା ତୁବନ୍ ଦେଉ ଜଅନର୍ ମୁଣ୍ଟ୍ ଗଟେକ୍ ତାଲାଇ ସଙ୍ଗିଇ କରି ଦିଆ ।”

୯ ଏଟା ସୁନିକରି ରାଜା ଦୁକ୍ ଅଇଗାଲା । ଏଲେମିସା ସବୁର୍ ମୁଆଟେ ନିଜେ ପର୍‌ମାନ୍ ନିୟମ୍ କରିରଇଲାଜେ ଟକିର୍ ମନ୍ କରିରଇବାଟା ପୁରୁନ୍ କର୍‌ବାକେ ଆଦେସ୍ ଦେଲା ।

୧୦ ସେଟାର୍‌ପାଇ ବନ୍‌ସି ଗରେ ଜଅନର୍ ମୁଣ୍ଟ୍ କାଟା ଅଇଲା ।

୧୧ ଗଟେକ୍ ତାଲାଟାନେ ମୁଣ୍ଟ୍ ସଙ୍ଗିଇ ଟକିକେ ଦେଲାଇ । ସେ ସେଟା ନେଇକରି ତାର୍ ମାକେ ଦେଲା ।

୧୨ ତାର୍‌ପଚେ ଜଅନର୍ ସିସ୍‌ମନ୍ ଆସି ମଲା ଗାଗଡ୍ ନେଇ ତପ୍‌ବାକେ ଦାରିଗାଲାଇ । ସେମନ୍ ଜାଇକରି ଜିସୁକେ ଏ ବିସଇ ଜାନାଇଲାଇ ।

ଜିସୁ ପାଁର୍‌ଅଜାର୍ ଲକ୍‌କେ କୁଆଇବାଟା

(ମାର୍ଚ୍ଚକ ୬:୩୦-୪୪; ଲୁକ୍ ୯:୧୦-୧୭; ଜଅନ୍ ୬:୧-୧୪)

୧୩ ଜିସୁ ଜଅନର୍ କବର୍ ସୁନ୍‌ଲା ଦାପରେ ତଙ୍ଗାଇ ଚଗଲା ଆରି ଗଟେକ୍ କିନରା ଜାଗାଇ ଗାଲା । ତେଇ ସେ ଜିବାଟା ଜାନିକରି ଲଗର୍ ପାକର୍ ସଅରେ ଅନି କେତେକ୍ କେତେକ୍ ଲକ୍‌ମନ୍ ଗାଡ୍ କଣ୍ଡିକଣ୍ଡି ଇଣ୍ଡି ଜିସୁର୍ ପଚେ ପଚେ ଗାଲାଇ ।

୧୪ ଜେତେବେଲେ ଜିସୁ ତଙ୍ଗାଇଅନି ଉଡ୍‌ରି ଏତେକ୍‌ମାଣ୍ଟ୍ ଲକ୍‌ମନ୍‌କେ ଦେକ୍‌ଲା, ସେ ଦୟା କଲା । ତେଇ ଜେଡ୍‌କି ରଗିମନ୍ ରଇଲାଇ, ସବୁକେ ନିକ କଲା ।

୧୫ ସେଦିନେ ସଞ୍ଜବେଲାଇ, ସିସ୍‌ମନ୍ ଆସି ତାକେ କଇଲାଇ, “ବେସି ଅଲ୍‌ସମ୍ ଅଇଗାଲାନ୍ତି । ଆରି ଏଟା ଗଟେକ୍ କିନରା ଜାଗା, ଲକ୍‌ମନ୍‌କେ କଇଦିଆସ୍, ସେମନ୍ ଗାଉଁମନ୍‌କେ ଜାଇ କାଦି ମିଲାଇବାଇ ।”

୧୬ ମାତର୍ ଜିସୁ ସେମାନଙ୍କେ କଇଲା, “ସେମନ୍ ଇଡିଅନି ନ ଜାଅତ୍ । ତମେ ସେମନ୍‌କେ କାଇଟାଆଲେ କାଇବାକେ ଦିଆସ୍ ।”

୧୭ ସିସ୍‌ମନ୍ କଇଲାଇ, “ଆମର୍ ଟାନେ ଏକାଇ ପାଁର୍‌ଟା ରୁଟି ଆରି ଦୁଇଟା ମାଟ୍‌ସେ ଆଚେ ।”

୧୮ ଜିସୁ କଇଲା, “ସେଟା ମର୍‌ଟାନେ ଦାରିଆସା ।”

୧୯ ଜିସୁ ସବୁଲକ୍‌କେ ଗାଁସ୍ ଉପରେ ବସାଇବାକେ କଇଲା । ସେ ପାଁର୍‌ଟା ରୁଟି ଆରି ଦୁଇଟା ମାଟ୍ ଦାରି ସରଗ୍‌ବାଟେ ଦେକି ପର୍‌ମେସର୍‌କେ ଦନିଅବାଦ୍ ଦେଲା, ଆରି ରୁଟି ବାଙ୍ଗାଇ କରି ସିସ୍‌ମନ୍‌କେ ଦେଲା । ସିସ୍‌ମନ୍ ସବୁଲକ୍‌କେ ବାଟାକରି ଦେଲାଇ ।

୨୦ ସେଟା ସବୁଲକ୍‌କେ କାଇକରି ସାନ୍ତି ଅଇଲାଇ । ତାର୍‌ପଚେ ସିସ୍‌ମନ୍ ଅଗ୍‌ଲି ରଇବା ରୁଟି ଆରି ମାଟ୍ ଚୁଲିଆଇ ବାର୍‌ଟା ତାଲାଇ ବର୍‌ଡି କଲାଇ ।

୨୧ ତେଇ ମାଇଜିମନ୍ ଆରି ପିଲାମନ୍‌କେ ଚାଡ଼ି, ସେ କାଦି ପାଁର୍ ଅଜାର୍ ଲକ୍ କାଇରଇଲାଇ ।

ଜିସୁ ପାନି ଉପରେ ଇଣ୍ଡିଆ

(ମାର୍କ ୬:୪୫-୫୨; ଜଅନ୍ ୬:୧୫-୨୧)

୨୭ ତାର୍ପରେ ଜିସୁ ସିସ୍ତମନକେ ଡଙ୍ଗା ଉପରେ ଗାଡ଼ି ସେପାଟେ ଜିବାକେ କଲଲା । ସେ ନିଜେ ପଟେ ରଇଜାକକରି ଲକ୍ଷ୍ମୀନକେ ପାଟାକତେ ରଇଲା ।

୨୮ ସେ ଏକଲାସେ ପାର୍ତନା କରବାକେ ଗଟେକ୍ ଡଙ୍ଗର୍ ଉପରେ ଗାଲା ଆରି ସଞ୍ଜ ଅଇବା ଜାକ ଜିସୁ ଗଟେକ୍ ଲକ୍ଷ୍ମୀ ସେ ତେଇ ରଇଲା ।

୨୯ ସେଡ଼କି ବେଲେ ଡଙ୍ଗା କଣ୍ଡିଅନି ବେସି ଦୁର୍ ଗାଡ଼ି ବିଡ଼ରେ ଉଟିଜାକରଇଲା । ଆରି ଜବର୍ ପବନ୍ କଲାଜେ, ଲଅଡି ଚଲ୍ଲମି ଜାକତେରଇଲା ।

୩୦ କୁକ୍ତା ତାକେ, ଏଦେ ଦେକା ! ଜିସୁ ପାନି ଉପରେ ଇଣ୍ଡି ଇଣ୍ଡି ସିସ୍ତମନର୍ ଲଗେ ଆଇଲା ।

୩୧ ସିସ୍ତମନ ତାକେ ଦେକି କିଲ୍ଲିଲ୍ ଅଇଗାଲା । ତରର୍ମାତେ ତୁମା ବଲି କିରକିରଲା ।

୩୨ ସେ ଦାପ୍ରେସେ ଜିସୁ ସେମନକେ ସାଆସ୍ ଦେଇ କଲଲା, “ମୁଇ କାକକି, ତରାନାଇ ।”

୩୩ ଜିସୁର୍ ଏ କାତା ସୁନି ପିତର୍ କଲଲା, “ମାପୁରୁ ଜିଦି ସତଇସେ ତମେ ଅଇରଇସା ବଇଲେ, ମକେ ପାନି ଉପରେ ଇଣ୍ଡି ଇଣ୍ଡି ତମର୍ ଲଗେ ଆଇବାକେ ଆଦେସ୍ ଦିଆ ।”

୩୪ ଜିସୁ କଲଲା, “ଇଣ୍ଡି ଇଣ୍ଡି ଆଉ ।” ପିତର୍ ଡଙ୍ଗାକଅନି ବାରଇ, ପାନି ଉପରେ ଇଣ୍ଡି ଇଣ୍ଡି ଜିସୁର୍ ବାଟେ ଆଇବାର୍ ଦାରଲା ।

୩୫ ମାତର୍ ପବନ୍ ଜବର୍ ଆଇବାଟା ଦେକିକରି ତରିଗାଲା ଆରି ପାନିଟାନେ ବୁଡିଜିବାର୍ ଦାରଲା । ତେବେ ଆକ୍ମାରି କରି ଡାକଲା ଏ ମାପୁରୁ ମକେ ରକିଆ କର୍ !

୩୬ ଜିସୁ ସେ ଦାପ୍ରେ, ଆଡ଼ ଲାମାକକରି ତାକେ ଦାରିକରି କଲଲା, “ଏ ଅଲପ୍ ବିସ୍ବାସ୍ କରୁ, କାକକେ ଦୁଇମନିଆ ଅଇଲୁସନି ?”

୩୭ ମାତର୍ ସେମନ ଡଙ୍ଗାକ ଚଗଲାକେ ପବନ୍ ବନ୍ଦୁଅଇ ଗାଲା ।

୩୮ ଡଙ୍ଗାକ ରଇଲା ଲକ୍ଷ୍ମୀ ଜିସୁକେ ଜୁଆର୍ କରି କଲଲା, “ତମେ ସତ୍ସେ ମାପୁରୁର୍ ପିଲା ।”

ଜିସୁ ଗିନେସରତେ ରଗିମନକେ ନିକ କରବାଟା

(ମାର୍କ ୬:୫୩-୫୬)

୩୯ ଜିସୁ ଆରି ତାର୍ ସିସ୍ତମନ ଗାଡ଼ଲକ୍ଷ୍ମୀକରି ଗିନେସରତ୍ ଜାଗାଇ କେଟ୍ଲାଇ ।

୪୦ ଆରି ତେଇର୍ ଲକ୍ଷ୍ମୀ ଜିସୁକେ ଚିନିକରି ଲଗେ ପାକେ ରଇବା ଚାରିବେଡ଼ିର୍ ସବୁ ଜାଗାଇ କବର୍ ପାଟାକଲା । ଆରି ରଗି ଲକ୍ଷ୍ମୀନକେ ତାର୍ ଲଗେ ଆନଲା ।

୪୧ ରଗିମନ ଜିସୁର୍ ପିନ୍ଦଲା ଲୁଗାର୍ ଜାଲି ଚିଇବାକେ, ଆଦେସ୍ ଦେବାକେ, ଲକ୍ଷ୍ମୀ ତାକେ ବାବୁଜିଆକରି କଲଲା । ମାତର୍ ଜେତେକ୍ଲକ୍ ସେଟା ଚିଇଲା, ସବୁଲକ୍ ନିକଅଇଲା ।

୧୫

ଆନିଦାଦି ମନର୍ ରିଡିନିଡି

(ମାର୍କ ୬:୧-୧୩)

୧ ଦିନେକ୍ କେତେଟା ପାରୁସିମନ ଆରି ଦରମ୍ ଗୁରୁମନ ଜିରୁସାଲାମ୍ ଅନି ଆସି ଜିସୁକେ ପାଟାକଲା,

୨ “ଆମର୍ ଆନିଦାଦିମନ ଜନ୍ ରିଡିନିଡି ଦେଇଆତଡ଼, ସେଟା ସବୁ କାକକେ ତମର୍ ସିସ୍ତମନ ମାନଡ଼ନାଇ ? ବିଦି ଇସାବେ କାକବା ଆଗତୁ ନିକ କରି ଆଡ଼ ନ ଦଅଡ଼ ।”

୩ ଜିସୁ କଲଲା, “ତମେ କାକକେ ପର୍ମେସରର୍ ଆଦେସ୍ ନ ମାନି ନିଜର୍ ରିଡିନିଡି ଇସାବେ କାମ୍ କଲାସନି ?”

୪ ପର୍ମେସର ଆଦେସ୍ ଦେଲାଆଟେ, ମା ବାବାକେ ଆଲାଦ୍‌କରା । ଆରି କେ ମିସା ନିଜର୍ ବାବା ମାକେ ସାଇପ୍ ଦେଇକରି କାକବଲି କଇସି ବଇଲେ, ସେ ମରନର୍ ଡ଼ଣ୍ଡ ପାଇସି ।

୫ ମାତର୍ ତମେ ସିକିଆ ଦେଲାସନି ଜେ, ଗଟେକ୍ ଲକ୍ ଜନ୍ ଦନ୍ ସଙ୍ଗ୍ ବାବା ମାକେ ସାଇଜ କରିପାର୍ତା, ସେଟା ପର୍ମେସରକେ ଦାନ୍ କଲିଆଡି ବଲି କଲଲେ,

୬ “ସେ ଆରି ତାର୍ ବାବା ମାଆର୍ ଦାଇଡ଼ ନେବାର୍ ଲଡାନାଇ । ଏନ୍ତାରି ତମେ ପର୍ମେସରର୍ ଆଦେସ୍ ନ ମାନିକରି ନିଜର୍ ରିଡିନିଡି ଇସାବେ ଚାଲ୍ଲାସନି ।

୭ ଏରେ ଦରମ୍ ଲକ୍ ବଲାଅଇବା କୁଟିଆଲ୍‌ମନ, ତମର୍ ବିସଇ ନେଇ ଜିସାଇୟ୍ ବବିସଡ଼ବକ୍ତା କଇରଇବାଟା ଚିକ୍ ଆକା ।”

୮ ପର୍ମେସର କଲଲାନି,

ଏ ଲକ୍ଷ୍ମୀ କାତାଇସେ ମକେ ସନ୍‌ମାନ ଦେଲାକନି,

ମାତର୍ ସେମନର୍ ମନ ମର୍ତ୍ତେକଅନି ବେସି ଦୁରିକେ ।

୯ ସେମନ ମକେ ଡାକ୍‌ବାଟାନେ କାଇ ଅରଡ଼ ନାଇ,

କାଲକେ ବଇଲେ ସେମନ୍ ଲକ୍ମନ୍ ତିଆରକରି ରଇବା ରିତିନିତି ମର୍ ଆଦେସ୍ ବଲି ସିକାଇଲାଇନି ।

ଗଟେକ୍ ଲକ୍ମକେ କାଇଟା ଅସୁକଲ୍ କର୍ସି

- ୧୦ ତାର୍ପତେ ଲକ୍ମନ୍କେ କଇଲା, “ମନ୍ ଦେଇ ସୁନା ଆରି ବୁଜ୍‌ବାକେ ଚେସ୍‌ଟା କରା ।
- ୧୧ ଲକ୍ମନ୍ ଟଣ୍ଡେଅନି ଜାଇଟା ବିତ୍‌ରେ ଗାଲାନି, ସେଟା ତାକେ ଅସୁକଲ୍ ନ କରେ, ମାତର୍ ଜାଇଟା, ତାର୍ ବିତ୍‌ରେଅନି ବାରଇଆଇସି, ସେଟା ତାକେ ଅସୁକଲ୍ କର୍ସି ।”
- ୧୨ ସିସ୍‌ମନ୍ ଜିସୁର୍ ଲଗେ ଆସି ପାଟାରଲାଇ, “ତମେ କଇଲା କାତା ପାରୁସିମନ୍‌କେ ବେସି ବାଦ୍‌ଲା, ଏଟା କାଇ ତମେ ନାଜାନାସ୍ କି ?”
- ୧୩ ଜିସୁ କଇଲା, “ଜନ୍ ଗଟମନ୍ ମର୍ ସରଗର୍ ବାବା ରପେ ନାଇ, ସେ ସବୁ ଜିକା ଅଇସି ।
- ୧୪ *ସେମନ୍‌ର୍ ବିସଇନେଇ ତେରେପେତେ ଉଆନାଇ । ସେମନ୍ କାଣାମନ୍‌କେ ବାଟ୍ ଦେକାଉ କାଣାମନ୍ । ଗଟେକ୍ କାଣା ଆରି ଗଟେକ୍ କାଣାକେ ବାଟ୍‌ଦେକାଇଲେ ଦୁଇ ଲକ୍ ଜାକ କାଲେ ଅଦର୍‌ବାଇ ।”
- ୧୫ ପିତର୍ କଇଲା, “ଏ କାତା ଆମକେ ନିକ କରି ବୁଜାଇଦେ ।”
- ୧୬ ଜିସୁ କଇଲା, “ଆଜିକେ ଜାକ ବିନ୍‌ଲକ୍‌ମନ୍‌ରେତେଇ ଅନି ତମର୍ ବୁଜ୍‌ବା ବସୁ କଣ୍ଡେକ୍ ମିସା ଅଦିକ୍ ଅଏନାଇ ।
- ୧୭ ତମେ ଏଡକି ବୁଜାସ୍ ନାଇ କି ? ଜନ୍ ଦିନ୍‌ସୁ ମୁନ୍‌ସର୍ ଟଣ୍ଡେବାଟେ ପୁରସି, ସେଟା ପେଟ୍ ବିତ୍‌ରେ ଜାଇସି ଆରି ଗାଗ୍‌ତେଅନି ବାରଇ ଜାଇସି ।
- ୧୮ *ମାତର୍ ଜନ୍‌ଟା ସବୁ ମୁନ୍‌ସର୍ ଟଣ୍ଡେଅନି ବାରଇସି, ସେଟା ତାର୍ ମନ୍‌ବିତ୍‌ରେଅନି ଜନମ୍ ଅଇସି ଆରି ସେଟାସେ ତାକେ ଅସୁଚି କର୍ସି ।
- ୧୯ କାଲକେବଇଲେ ତାର୍ ମନେ ଜନମ୍ ଅଇଲା କାରାପ୍ ଟିନ୍ତାଇଅନି ସେ ନର୍‌ମାର୍‌ବାଟା, କାରାପ୍ କାମ୍ କର୍‌ବାଟା, ବେସିଆ କାମ୍ କର୍‌ବାଟା, ଚର୍‌ବାଟା, ମିଟ୍‌କାତା କଇବାଟା ଆରି ବିନ୍‌ଲକ୍‌ର୍ କୁଟ୍‌କାତା କଇବା ପାରା, ବିନ୍ ବିନ୍ ରକାମର୍ ନିୟମ୍ ନଇଲା କାମ୍‌ମନ୍ କର୍ସି ।”
- ୨୦ “ଏସବୁ କାମ୍ ଲକ୍‌କେ ଅସୁକଲ୍ କର୍ସି । ମାତର୍ ସେମନ୍ କଇଲା ଇସାବେ ଆଡ୍ ନ ଦଇକରି କାଇଲେ, କେ ଅସୁକଲ୍ ନଅଅଡ୍ ।”

ଗଟେକ୍ ମାଇଜିର୍ ବିସ୍‌ବାସ୍ (ମାର୍‌କ ୭:୨୪-୩୦)

- ୨୧ ଜିସୁ ସେ ଜାଗା ଚାଡିକରି ସର ଆରି ସିଦନର୍ ସଅରେ ଗାଲା ।
- ୨୨ ଆରି ଦେକା, ତେଇ ବାସାକରି ରଇଲା ଗଟେକ୍ କିଣାନିୟ୍ ମାଇଜି ଜିସୁର୍ ଲଗେ ଆସି କଇଲା, “ଏ ଦାଉଦ୍ କୁଟୁମର୍ ମାପୁରୁ, ମକେ ଦୟାକରା । ମର୍ ଟକିକେ ତୁମା ଦାର୍‌ଲା ଆଟେ ଆରି ସେ ବଡେ କସ୍‌ଟ ପାଇଲାନି ।”
- ୨୩ ମାତର୍ ଜିସୁ ତାକେ ପଦେକ୍ କାତା ମିସା କଏ ନାଇ । ସିସ୍‌ମନ୍ ତାର୍ ଲଗେ ଆସି ବାବୁଜିଆ କଲାଇ, “ତାକେ ବିଗି ପାଟାଇ ଦିଆସ୍ । ଦେକା ସେ କେଡି ଆଉଲିଅଇ ଆମକେ କେଦିଆନ୍‌ଲାନି ?”
- ୨୪ ଜିସୁ କଇଲା, “ଆଜିରଇବା ମେଣ୍ଡାପାରା ବାଟ୍ ବାନା ଅଇଲା ଇସ୍ରାଏଲ୍ ଲକ୍‌ମନ୍‌ର୍ ଲଗେସେ ମୁଇ ଆଇଲି ଆତି ।”
- ୨୫ ସେ ମାଇଜି ଆସି ଜିସୁର୍ ଗଡ୍‌ତଲେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମାପୁରୁ ମକେ ଦୟା କରା ।”
- ୨୬ ଜିସୁ କଇଲା, “ପିଲାମନ୍‌ର୍ କାଦି ନେଇ କୁକୁରର୍ ମୁଆଟେ ପିଙ୍‌ବାଟା ଟିକ୍ ନାଇ ।”
- ୨୭ ସେ ମାଇଜି କଇଲା, ଏଟା ସଡ୍ କାତା ମାପୁରୁ, ମାତର୍ କୁକୁରମନ୍ ମିସା ସାଉକାରର୍ ଅଦର୍‌ଲା ସକ୍ତି କାଇବାକେ ପାଇବାଇ ।
- ୨୮ ଜିସୁ ତାକେ କଇଲା, “ତମେ ଗଟେକ୍ ତାଟ୍‌ସଙ୍ ବିସ୍‌ବାସ୍ କର୍‌ବା ମାଇଜି । ତୁଇ ମନ୍‌କଲାଟା ପୁରୁନ୍ ଅଇସି ।” ସେଦାପ୍‌ରେ ତାର୍ ଟକି ନିମାନ୍ ଅଇଲା ।

ଜିସୁ ବେସି ଲକ୍‌ମନ୍‌କେ ନିକ କଲା

- ୨୯ ଜିସୁ ତେଇଅନି ବାରଇ ଗାଡ୍ କଣ୍ଡି କଣ୍ଡି ଜାଇ ଗଟେକ୍ ଡଙ୍ଗର୍ ଉପ୍‌ରେ ବସିଲା ।
- ୩୦ ବେସି ଲକ୍‌ମନ୍ ତାର୍ ଲଗେ ରୁଣ୍ଡିଲାଇ । ସେମନ୍‌ର୍ ବିତ୍‌ରେ ଟଟା, କାଣା, ଆଡ୍‌ଗଡ୍ ସୁକିଗାଲାଟା ଆରି ବେସି ଜରର୍ ଲକ୍‌ମନ୍‌କେ ଆନି, ଜିସୁର୍ ପାଦ୍ ତଲେ ତୁଲାଇଲାଇ । ଆରି ସେ ସେମନ୍‌କେ ନିକ କଲା ।
- ୩୧ ଗୁଲା କାତା ଅଇବାଟା, ସୁକ୍‌ଲା ଆଡ୍ ନିକ ଅଇବାଟା, ଟଟା ଇଣ୍ଡିବାଟା, କାଣା ଦେକିପାରବାଟା ଦେକି ଲକ୍‌ମନ୍ କାବା ଅଇଗାଲାଇ ଆରି ଇସ୍ରାଏଲର୍ ମାପୁରୁକେ ଜୁଆର୍ କଲାଇ ।

ଜିସୁ ଚାରିଅଜାର୍ ଲକ୍‌କେ କୁଆଇଲା (ମାର୍‌କ ୮:୧-୧୦)

୩୨ ଜିସୁ ସିସ୍ତମନ୍‌କେ ଡାକି କଇଲା, “ଏ ଲକ୍‌ମନ୍‌କେ ଦେକି ମକେ ଦୁକ୍ ଲାଗୁଲାନି, କାଇକେ ବଇଲେ ସେମନ୍ ମର୍ ସଙ୍ଗ୍ ତିନ୍ ଦିନ୍ ଅଇଲାନି ଆତଡ୍ ଆରି ସେମନ୍‌ର ଲଗେ କାଇଟା ମିସା ନାଇ । ସେମନ୍ ନ କାଇ ଇତିଅନି ଉଟିଜାଅଡ୍, ଏଟା ମୁଇ ମନ୍ କରି ନାଇ; କାଇକେ ବଇଲେ ବାଉଡ଼ିଗାଲାବେଲେ ବାଟେ ସେମନ୍ ଡାକି ଜାଇ ଅଦର୍ ପଡ୍ ଅଇଜିବାଇ ।”

୩୩ ସିସ୍ତମନ୍ ତାକେ କଇଲା, “ଏ ମରୁବାଲିରୁଏଁ ଏଡେକ୍ ଲକ୍‌କେ କୁଆଇବାକେ ଆମେ କନ୍ତିଅନି ଏଡେକ୍‌ମାଣ୍ଟ୍ କାଦି ଆନ୍‌ରୁ ?”

୩୪ ଜିସୁ ପାଟାରଲା, “ତମର୍ ଲଗେ କେଡେଟା ରୁଟି ଆଟେ ?” ସେମନ୍ କଇଲା, “ସାଡ଼ଟା ରୁଟି ଆରି କେଡେଟା ସାନ୍ ମାଟ୍ ଆଟେ ।”

୩୫ ଜିସୁ ଲକ୍‌ମନ୍‌କେ ବୁଏଁ ବସ୍‌ବାକେ କଇଲା ।

୩୬ ତାଟପଟେ ସେ ସାଡ଼ଟା ରୁଟି ଆରି ମାଟ୍ ନେଇ ପର୍‌ମେସର୍‌କେ ଦନିଅବାଦ୍ ଦେଲା ଆରି ବାଟାକରି କରି ସିସ୍ତମନ୍‌କେ ଦେଲା । ସିସ୍ତମନ୍ ସେଟା ଲକ୍‌ମନ୍‌କେ ବାଟାକରି ଦେଲା ।

୩୭ ସବୁ ଲକ୍ ପେଟ୍‌ପୁରତେ କଇଲା । ଆରି ସିସ୍ତମନ୍ ଅଗଲ୍‌ଲାଟା ସାଡ଼ଟାଡାଲାଇ ବର୍ଡ଼ି କଲା ।

୩୮ ମାଇଜିଟକି ଆରି ପିଲାମନ୍‌କେ ଚାଡ଼ି ଚାରି ଅଜାର ଲକ୍ ଏ କାଦି କାଇରଇଲା ।

୩୯ ଏଟାର ପଟେ ଜିସୁ ଲକ୍‌ମନ୍‌କେ ପାଟାଇ ଦେଇ ଡଙ୍ଗାଇ ଚଗି ମଗ୍‌ଦାନ୍ ଜାଗାର୍ ସନ୍ଦିଲଗେ ଗାଲା ।



କାବାଅଇଜିବା କାମର୍ ପାଇ ଦାବି
(ମାର୍‌କ ୮:୧୧-୧୩; ଲୁକ୍ ୧୨:୫୪-୫୬)

୧*ଦିନେକ୍ କେଡେଟା ପାରୁସିମନ୍ ଆରି ସାଦୁକିମନ୍ ଜିସୁର୍ ଦସ୍ ଦାର୍‌ବାକେ ତାର୍ ଲଗେ ଆଇଲା । ସେମନ୍ ତାକେ କଇଲା, “ପର୍‌ମେସର୍ ତକେ ବାର୍‌ଲା ଆଟେ ବଲି ଆମେ ଜାନ୍‌ବାକେ, ତୁଇ ଗଟେକ୍ ସରଗର୍ କାବାଅଇଜିବା ତିନ୍ ଦେକା ।”

୨ ଜିସୁ କଇଲା, “ତମେ ସଞ୍ଜ୍ ବେଲାଇ ବାଦଲ୍ ରଙ୍ଗ୍ ତିସ୍‌ଲେ ପାଗ୍ ବଲ୍ ଅଇସି ବଲି କଇସା,

୩ ଆରି ସାକାଲ୍ ବେଲାଇ ରଙ୍ଗ୍ ଆରି ଆନ୍ଦାର୍ ତିସ୍‌ଲେ ପାନି ମାର୍‌ସି ବଲି ଜାନ୍‌ସା । ବାଦଲ୍ ଦେକି ପାଗର୍ କାତା ଆଗଡୁ ଜାନ୍‌ସା । ମାତର୍ ଆଜିକାଲିର୍ ତିସ୍‌ବା ତିନ୍ ତମେ ବୁଜିନାପାରାସ୍ ।

୪*ଏ ଜୁଗର୍ ଲକ୍‌ମନ୍ କେଡେ କାରାପ୍ ଆରି ପର୍‌ମେସର୍‌କେ ବିସ୍‌ବାସ୍ ନ କରୁମନ୍ ! ତମେ ଗଟେକ୍ କାବାଅଇଜିବା କାମ୍ ଦେକ୍‌ବାକେ କଇଲାସ୍‌ନି ? ମାତର୍ ନାଇ, ଜୁନସର୍ ଜିବନେ ଗଟ୍‌ଲାଟା ଚାଡ଼ି ଆରି ଗଟେକ୍ ମିସା କାବାଅଇଜିବା କାମ୍, ତମେ ମର୍‌ଡେଇ ଦେକିନାପାରାସ୍ ।” ଏଟା କଇ ଜିସୁ ସେମନ୍‌କେ ଚାଡ଼ି ଉଟିଗାଲା ।

ପାରୁସି ଆରି ସାଦୁକିମନ୍‌ର ସିକିଆ

୫ ସିସ୍ତମନ୍ ଗାଡ୍ ସେପାଟେ ଜିବାବେଲେ ରୁଟି ନେବାକେ ପାସ୍‌ରି ଜାଇରଇଲା ।

୬*ଜିସୁ ସେମନ୍‌କେ କଇଲା, “ଜାଗ୍‌ରଡ୍, ପାରୁସି ଆରି ସାଦୁକିମନ୍‌ କମିର୍‌ଡେଇଅନି ତରିକ୍‌ନା ଅଇ ରୁଆ ।”

୭ ସେମନ୍ ନିଜର୍ ନିଜର୍ ବିଡ୍‌ରେ କୁଆ ବଲା ଅଇଲା, “ଆମେ ରୁଟି ଆନି ନ ରଇଲାର୍ ପାଇ ସେ ଏନ୍ତାରି କଇଲାନି ।”

୮ ସେମନ୍ କାଇଟା କଇତେ ରଇଲା ସେଟା ଜାନି ଜିସୁ ସେମନ୍‌କେ କଇଲା, “ତମର୍ ଲଗେ ରୁଟି ନାଇ ବଲି କାଇକେ କୁଆବଲା ଅଇଲାସ୍‌ନି ? ତମର୍ ବିସ୍‌ବାସ୍ କେଡେ ଦୁର୍‌ବଲ୍ ।

୯*ଏବେ ଜାକ ତମେ ବୁଜାସ୍ ନାଇ କି ? ପାଁର୍ ଅଜାର୍ ଲକ୍‌ମନ୍‌ର ବିଡ୍‌ରେ ମୁଇ ପାଁର୍‌ଟା ରୁଟି ବାଟାକରି ରଇବା କାତା ତମେ କାଇ ପାସ୍‌ରି ଗାଲାସ୍ କି ? ସେଡ୍‌କିବେଲେ ତମେ କେଡେଟା ଡାଲାଇ ବର୍ଡ଼ି କରି ରଇଲାସ୍ ?

୧୦*ଆରି ଚାରି ଅଜାର୍ ଲକ୍‌କେ ସାଡ଼ଟା ରୁଟିର୍ କାତା ମନେ ନାଇ କି ? ସେଡ୍‌କିବେଲେ କେଡେ ଡାଲା ବର୍ଡ଼ି କରି ରଇଲାସ୍ ?

୧୧ “ମୁଇ ରୁଟିର୍ ବିସଇ ନ କଇତେ ରଇଲି, ତମେ କେନ୍ତ୍ର ବୁଜାସ୍ ନାଇ ? ମୁଇ କଇଲିନି, ପାରୁସି ଆରି ସାଦୁକିମନ୍‌ କମିର୍ ପାରା ସିକିଆ ତେଇଅନି ତରିକ୍‌ନା ଅଇ ରୁଆ ବଲି ।”

୧୨ ସେଡ୍‌କିବେଲେ ସିସ୍ତମନ୍ ବୁଜି ପାରଲା ଡେ, ଜିସୁ ରୁଟିର୍ କମିର୍‌ର କାତା ନ କଇତେ ରଇଲା, ମାତର୍ ପାରୁସି ଆରି ସାଦୁକିମନ୍‌ର ସିକିଆ ତେଇ ତରିକ୍‌ନା ଅଇ ରୁଆ ବଲି କଇରଇଲା ।

ପିତର୍ ଜିସୁକେ ମସିଅ ବଲି ଜାନାଇବାଟା
(ମାର୍‌କ ୮:୨୭-୩୦; ଲୁକ୍ ୯:୧୮-୨୧)

☆ ୧୭:୧ ମାଡ଼ିତ ୧୨:୩୮; ଲୁକ୍ ୧୧:୧୨ ☆ ୧୭:୪ ମାଡ଼ିତ ୧୨:୩୯; ଲୁକ୍ ୧୧:୨୯ ☆ ୧୭:୬ ଲୁକ୍ ୧୨:୧ ☆ ୧୭:୯ ମାଡ଼ିତ ୧୪:୧୭-୨୧ ☆ ୧୭:୧୦ ମାଡ଼ିତ ୧୫:୩୪-୩୮

୧୩ ଜିସୁ କାଈସେରିଆ ପିଲିପି ଗଡ଼ ପାକାପାକି ଜାଗାଇ ଗାଲା ପତେ ସିସ୍ତମନ୍‌କେ ପାଚାରଲା, “ନର୍ପିଲା କେ ବଲି ଲକ୍‌ମନ୍ କାଈଟା କଇଲାଈନି ?”

୧୪ ✨ସେମନ୍ କଇଲାଈ, “କେତେ ଲକ୍ କଇଲାଈନି, ସେ ତୁବନ୍ ଦେଉ ଜଅନ୍ । ଆରି କେତେ ଲକ୍ ‘ସେ ଏଲିୟ’, ବିନ୍ ଲକ୍‌ମନ୍ କଇଲାଈନି, ‘ସେ ଜିରିମିୟ ନଇଲେ ବବିସଡ଼ବକ୍ତାମନର୍ତେଇଅନି ଗଟେକ୍ ଲକ୍’ ।”

୧୫ ଜିସୁ ପାଚାରଲା, “ମୁଇ କେ ବଲି ତମେ କାଈଟା ବଇଲାସ୍‌ନି ?”

୧୬ ✨ସିମନ୍ ପିତର୍ କଇଲା, “ତମେ କିରିସ୍ତ, ମସିଅ, ଜିବନ୍ ରଇବା ପରମେସରର୍ ପିଲା ।”

୧୭ ଜିସୁ କଇଲା, “ନିମାନ୍, ଜୁନସର୍ ପିଲା, ପିତର୍ ! ଏଟା ସଡ଼, ତୁଇ ମୁନୁସର୍‌ଟାନେ ଅନି କଉସ୍ ନାଇ । ମର୍ ସରଗର୍ ବାବା ତକେ ଜାନାଇଲାକେ ତୁଇ କଇଲୁସ୍ ।

୧୮ ସେଟାରପାଇ ମୁଇ ତକେ କଇଲିନି, ତୁଇ ପିତର୍, ଜାର୍ ଅରଡ଼ କି ପାକ୍‌ନା । ଏ ପାକ୍‌ନା ଉପ୍‌ରେ ମୁଇ ମର୍ ମଣ୍ଡଲି ତିଆର୍ କର୍ବି । ଜେଡ଼ିକି ମରନ୍ ପାରା ବପୁ ମିସା ତାକେ କାଈ କରିନାପାରେ ।

୧୯ ✨“ମୁଇ ତକେ ସରଗ୍ ରାଇଜର୍ କୁଟିକାଡ଼ି ଦେବି । ତୁଇ ଜାଈଟା ଜଗତେ ନାଇ ବଲ୍‌ସୁ, ସେଟା ସରଗେ ମିସା ନାଇ ଅଇସି । ତୁଇ ଜଗତେ ଜାଈଟା କରା ବଲି କଇସୁ ସେଟା ସରଗେ ମିସା କରାଅଇସି ।”

୨୦ ସେ ମସିଅ ବଲି କାକେ ନ କଇବାକେ, ସିସ୍ତମନ୍‌କେ ଡାଟ୍‌କଲା ।

ଜିସୁ ନିଜର୍ ଦୁକ୍ ଡଣ୍ଡ ବିସଇ ଜାନାଇଲା
(ମାର୍‌କ ୮:୩୧; ମାତୃତ ୯:୧; ଲୁକ୍ ୯:୨୨-୨୭)

୨୧ ସେବେଲେଅନି ଜିସୁ ସିସ୍ତମନ୍‌କେ ବୁଜ୍‌ଲାପାରା କଇବାର୍ ଦାରଲା, “ମୁଇ ଜିରୁସାଲାମ୍ ଜାଇ ଦରମ୍‌ଗୁରୁମନ୍, ମୁକିଅ ପୁଜାରିମନ୍ ଆରି ପାର୍‌ତିନମନର୍‌ଟାନେ ବେସି କସ୍‌ଟ ପାଇବି । ସାରାସାରି ମକେ ମରାଇବାଇ, ମାତର୍ ତିନ୍ ଦିନ୍ ଗାଲାପତେ ମୁଇ ଆରି ତରେକ୍ ଜିବନ୍ ଅଇ ଉଟ୍‌ବି ।”

୨୨ ପିତର୍ ଜିସୁକେ ଅଁଡ଼ରେ ଡାକିନେଇ ସେଡ଼ି ନ ଅ ବଲି ଦମ୍‌କାଇଲା । “ପର୍ମେସର୍ ତମ୍‌କେ କାଈଟା ନ କର, ମାପରୁ, ତମ୍‌କେ ଏ ସବୁ କେବେ ମିସା ନଅ ।”

୨୩ ଜିସୁ ପାସଲି କରି କଇଲା, “ମର୍ ମୁଆଟେଅନି ଦୁରିକେ ଜା ସଇତାନ୍ । ତୁଇ ମର୍ ବାଟ୍ ରୁଟିଦେଲୁସ୍‌ନି । ମକେ ନିତୁ ବଲି କଅ ନାଇ । କାଈକେ ବଇଲେ ତମର୍ ଚିନ୍ତା ମୁନୁସ୍‌ମନର୍‌ତେଇଅନି, ପର୍ମେସରର୍‌ତେଇ ଅନି ନାଇ ।”

୨୪ ✨ଡାଟ୍‌ପତେ ଜିସୁ ସିସ୍ତମନ୍‌କେ କଇଲା, “କେ ମିସା ମର୍ ସଙ୍ଗ୍ ଆଇବାକେ ମନ୍ କଲେ, ନିଜର୍ ମନ୍ କଲାଟା ସବୁ ଚାଡ଼ିଦେଇ, ନିଜର୍ କୁର୍ସ ବଇବାକେ ଅଇସି, ଆରି ମର୍ ପତେ ପତେ ଈଶ୍ଟୁବାକେ ଅଇସି ।

୨୫ ✨କାଈକେ ବଇଲେ କେ ମିସା ନିଜର୍ ଜିବନ୍ ରକିଆ କରବାକେ ମନ୍ କର୍ସି ବଇଲେ, ସେଟା ସେ ଆରାଇସି, ମାତର୍ ଜେ ମର୍ ଲାଗି ଜିବନ୍ ଦେଇସି, ସେ ସତଇସେ ସେଟା ରକିଆ କର୍ସି ।

୨୬ ଜଦି ଗଟେକ୍ ଲକ୍, ଗୁଲାଈ ଜଗଡ଼ ଜିଡିକରି ନିଜର୍ ଜିବନ୍ ଆରାଇଦେଇସି ବଇଲେ ସେଟା କାଈ ଲାବ୍ ? ଜିବନ୍ ବାଉଡାଇ ପାଇବାକେ ଆଲେ ସେ କାଈଟା ମିସା ଦେଇ ନାପାରେ ।

୨୭ ✨ନର୍ପିଲା ମୁଇ ବାବା ପର୍ମେସରର୍ ଡାକ୍‌ପୁଟା ପାଇ ସରଗ୍ ଦୁଡ଼ମନ୍‌ର୍ ସଙ୍ଗ୍ ଆରି ତରେକ୍ ଆଇବି । ସେଡ଼ିକି ବେଲେ ମୁଇ ସବୁ ଲକ୍‌କର୍ କରିରଇବା କାମ୍ ଦେକି ପୁରୁସ୍‌କାର୍ ଦେବି ।

୨୮ ମୁଇ ତମ୍‌କେ ସଡ଼ କଇଲିନି, ନର୍ପିଲା ମୁଇ ମର୍ ରାଇଜେ ରାଜା ଅଇ ଆଇବା ଜାକ, ଈଡି ରଇଲା କେତେ ଲକ୍ ନ ମରଡ଼ ।”



ଜିସୁ ରୁପ୍ ବାଦ୍‌ଲାଈବାଟା
(ମାର୍‌କ ୯:୨-୧୩; ଲୁକ୍ ୯:୨୮-୩୬)

୧ ତଅ ଦିନ୍‌ପତେ ଜିସୁ ପିତର୍, ଜାକୁବ୍ ଆରି ଜଅନ୍ ଦୁଇ ବାଈକେ ନେଇ ଗଟେକ୍ ଡେଙ୍ଗ୍ ଡଙ୍ଗ୍‌ରେ ଗାଲା । ତେଇ କେ ମିସା ନ ରଇଲାଈ ।

୨ ସିସ୍ତମନ୍ ଦେକ୍‌ଲା ଦାପ୍‌ରେ ଜିସୁ, ଗଟେକ୍ ଦେକ୍‌ଲେ କାବା ଅଇଜିବା ରୁପ୍ ଅଇ ବାଦ୍‌ଲି ଗାଲା । ତାର୍ ମୁ ବେଲ୍ ପାରା ଉଜଲ୍ ଅଇଲା ଆରି ପଟିଆର୍ ଉଜଲ୍ ପୁଲ୍‌ପାରା ଦବ୍ ଡିସ୍‌ଲା ।

୩ ସିସ୍ତମନ୍ ମସା ଆରି ଏଲିୟ ଜିସୁର୍ ସଙ୍ଗ୍ କାତାବାର୍ତା ଅଇବାଟା ଦେକ୍‌ଲାଈ ।

୪ ପିତର୍ ଜିସୁକେ କଇଲା, “କେତେ ସୁକର୍ କାତା, ଆଜି ଆମେ ଈଡି ଆରୁ । ତମେ ଜଦି ମନ୍ କର୍ସା, ଈଡି ମୁଇ ତିନ୍‌ଟା କୁଡିଆ ତିଆର୍ କର୍ବି । ତମର୍ ପାଇ ଗଟେକ୍, ମସା ଆରି ଏଲିୟର୍ ପାଇ ଦୁଇଟା ।”

✨ ୧୭:୧୪ ମାତୃତ ୧୪:୧,୨; ମାର୍‌କ ୬:୧୪,୧୫; ଲୁକ୍ ୯:୬,୮ ✨ ୧୭:୧୭ ଜଅନ୍ ୬:୨୮,୨୯ ✨ ୧୭:୧୯ ମାତୃତ ୧୮:୧୮; ଜଅନ୍ ୨୦:୨୩ ✨ ୧୭:୨୪ ମାତୃତ ୧୦:୩୮; ଲୁକ୍ ୧୪:୨୭ ✨ ୧୭:୨୫ ମାତୃତ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫ ✨ ୧୭:୨୬ ମାତୃତ ୨୫:୩୧; ରମିୟ ୨:୭

୫ ✠✠ପିତର ଏଟା କଇବାବେଳେ ଏଦେ ଦେକା ! କଣ୍ଠେକ୍ ବାଦଲ୍ ଉଜଲ୍ ଅଇ ସେମନ୍ ଉପରେ ଉଡ଼ି ଆଇଲା ଆରି ତେଇଅନି ଗଟେକ୍ ସର୍ ଆଇଲା “ଏ ମର୍ ଆଲାଦର୍ ପଅ, ଆର୍ ଲଗେ ମୁଇ ବେସି ସାର୍ଦା । ତାର୍ କାତା ମନ୍ ଦେଇ ସୁନା ।”

୬ ସିସ୍ମନ୍ ସେ ସର୍ ସୁନି ଏତେକ୍ ତରି ଗାଲାଇ ଜେ ସେମନ୍ ଉମ୍ତାଡ଼ିଅଇ ଅଦ୍ରିଗାଲାଇ ।

୭ ଜିସୁ ସେମନ୍ ଲଗେ ଆସି ସେମନ୍ କେ ଚିଇ କରି କଇଲା, “ଉଟା, ତରା ନାଇ ।”

୮ ସେଟାର୍ ପାଇ ସେମନ୍ ଉପରେ ଦେକ୍ଲାଇଜେ ଜିସୁକେ ଚାଡ଼ି ଆରି କେ ଡିସଡ଼ ନାଇ ।

୯ ସେମନ୍ ତଙ୍ଗରେଅନି ଉଡ଼ରି ଆଇଲା ବେଲେ ଜିସୁ ସେମନ୍ କେ ଆଦେସ୍ ଦେଇ କଇଲା, “ନର୍ପିଲା ମୁଇ ମଲାଟାନେଅନି ଆରିତରେକ୍ ନ ଉର୍ବା ଜାକ ଏ ଦେକ୍ଲା କାତା ତମେ କାକେ କୁଆ ନାଇ ।”

୧୦ ସିସ୍ମନ୍ ତାକେ ପାଟାର୍ଲାଇ “ଆମର୍ ଦରମ୍ ଗୁରୁମନ୍ ଏଲିୟ ପର୍ତୁମ୍ ଆଇସି ବଲି କାଇକେ କଇଲାଇ ଆଚଡ଼ ?”

୧୧ ଜିସୁ କଇଲା, “ଉଁ ଏଲିୟ ପର୍ତୁମ୍ ଆସିକରି ସବୁ ବିସଇ ତିଆର୍ କରି ରଇବା କାତା ।

୧୨ ✠ମାତର୍ ମୁଇ ତମ୍ କେ କଇଲିନି, ଏଲିୟ ତା ଆସି ସାର୍ଲା ଆତେ ଆରି ଲକ୍ମନ୍ ତାକେ ନ ଚିନି ଜନ୍ତା ମନ୍ କଲା ସେଟା ତାକେ କଲାଇ ଆଚଡ଼ । ସେନ୍ତାରିସେ ନର୍ପିଲା ମକେ ମିସା ସେମନ୍ ସେନ୍ତା କାରାପ୍ ଚଲାଚଲ୍ଡି କର୍ବାଇ ।”

୧୩ ସେଡ଼କି ବେଲେ ସେମନ୍ ବୁଜି ପାର୍ଲାଇ ଜେ, ଜିସୁ ତୁବନ୍ ଦେଉ ଜଅନର୍ ବିସଇ କଇଲାନି ବଲି ।

ଜିସୁ ତୁମା ଦାରଲା ପିଲାକେ ନିକ କଲା / (ମାର୍କ ୯:୧୪-୨୯; ଲୁକ୍ ୯:୩୭-୪୩)

୧୪ ଜିସୁ ଆରି ତାର୍ ସିସ୍ମନ୍ ଲକ୍ ଗଉଲି ବିଡ଼ରେ ବାଉଡ଼ି ଆଇଲା ପତେ, ଗଟେକ୍ ଲକ୍ ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା,

୧୫ “ମାପୁରୁ, ମର୍ ପିଲାକେ ଦୟା କରା । ମୁର୍ତା ବେମାର୍ ଲାଗି କସ୍ଟ ପାଇଲାନି । ସେ ବେସି ତର୍ ଜଇତେଇ ଆରି ପାନିତେଇ ଅଦ୍ରି ଦେଲାନି ।

୧୬ ତାକେ ମୁଇ ତମର୍ ସିସ୍ମନ୍ ଲଗେ ଆନି ରଇଲି, ମାତର୍ ସେମନ୍ ନିକ କରି ନାପାର୍ଲାଇ ।”

୧୭ ଜିସୁ କଇଲା, “ତମର୍ କେତେ ତାର୍ ନ ରଇବା ବିସ୍ବାସ୍ ଆରି ବୁଲ୍ ! ତମର୍ ସଙ୍ଗ୍ ଆରି ମୁଇ କେତେ ଦିନ୍ ରଇବି ? ଆରି କେତେ ଦିନ୍ ତମର୍ ଚଲାଚଲ୍ଡିଟା ସୁନି ସୁନି ତୁମ୍ ପୁଡ଼ି ରଇବି ? ସେ ପିଲାକେ ମର୍ ଲଗେ ଆନା ।”

୧୮ ପିଲା ବିଡ଼ରେ ରଇଲା କାରାପ୍ ଆଡ଼ମାକେ ଜିସୁ ଦମ୍ କାଇଲା । କାରାପ୍ ଆଡ଼ମା ଚାଡ଼ି ଉଟିଗାଲା ଆରି ସେ ଦାପରେସେ ପିଲା ନିକ ଅଇଗାଲା ।

୧୯ ତାର୍ ପତେ ସିସ୍ମନ୍ ଜିସୁ ଏକ୍ଲା ରଇଲା ବେଲେ ଆସି ତାକେ ପାଟାର୍ଲାଇ, “ଆମେ କାଇକେ ସେ କାରାପ୍ ଆଡ଼ମାକେ କେଦି ନାପାର୍ଲୁ ?”

୨୦ ✠ଜିସୁ ସେମନ୍ କେ କଇଲା, “ତମର୍ ବିସ୍ବାସ୍ ବେସି ଦୁର୍ବଲ୍ । ମୁଇ ତମ୍ କେ ସଡ଼ କଇଲିନି, ଜଦି ଗଟେକ୍ ସର୍ସୁ ମୁଞ୍ଜି ଏଡ଼କି ତମର୍ ବିସ୍ବାସ୍ ରଇଲେ, ଏ ତଙ୍ଗର୍, ଇତିଅନି ତେଇ ଗୁଟି ଜିବାକେ କଇଲେ, ସେଟା ଗୁଟି ଜାଇସି । ବିସ୍ବାସ୍ ଲାଗି ତମେ ସବୁ ବିସଇ କରିପାରାସ୍ ।”

ଜିସୁ ନିଜର୍ ମରନ୍ ବିସଇ ଆରି ତରେକ୍ କଇଲା

୨୧ ମାତର୍ ଉପାସ୍ ରଇକରି ପାର୍ତନା ନ କଲେ, କାଇ ବିନ୍ ଉପାଇ ନେଇ ମିସା ଏନ୍ତାରି ତୁମା ବାରଇ ନ ଜାଏ * ।

୨୨ ସିସ୍ମନ୍ ଗାଲିଲିତେଇ ରୁଣ୍ଡିଲା ପତେ ଜିସୁ ସେମନ୍ କେ କଇଲା, “ନର୍ପିଲା ମୁଇ ଲକ୍ମନ୍ କେ ସର୍ପି ଅଇବାର୍ ଗାଲିନି ।

୨୩ ତେଇ ସେମନ୍ ମକେ ମରାଇବାଇ, ମାତର୍ ତିନ୍ ଦିନ୍ ପତେ ମୁଇ ଆରି ତରେକ୍ ଜିବନ୍ ଅଇ ଉର୍ବି ।” ଜିସୁର୍ କାତା ସୁନି ସିସ୍ମନ୍ ବେସି ଦୁକ୍ ଅଇଗାଲାଇ ।

ଜିସୁ ମନ୍ଦିରର୍ ସିସ୍ତୁମାଙ୍ଗୁମନ୍ କେ ଦେଲା

୨୪ ଜିସୁ ଆରି ତାର୍ ସିସ୍ମନ୍ କପର୍ନାତମେ କେଟ୍ଲା ପତେ ମନ୍ଦିର୍ ପାଇ ସିସ୍ତୁମାଙ୍ଗୁମନ୍ ପିତର୍ କେ ପାଟାର୍ଲାଇ, “ତମର୍ ଗୁରୁ ମନ୍ଦିରର୍ ପାଇ ସିସ୍ତୁ ଦେଇସି କି ନାଇ ?”

୨୫ ପିତର୍ କଇଲା, “ଦେଇସି ।” ପିତର୍ ଗର୍ ବିଡ଼ରେ ପୁରୁପୁରୁ ଜିସୁ ତାକେ ପାଟାର୍ଲା, “ସିମନ୍, ତମେ କାଇଟା ବାବ୍ଲାସ୍ନି ? ଏ ଜଗତର୍ ରାଜାମନ୍ କାର୍ଟାନେଅନି ସିସ୍ତୁ ନେବାଇ ? ତାକର୍ ନିଜର୍ ଦେସର୍ ଲକ୍ମନ୍ ଚାନେଅନି କି ବିନ୍ ଦେସର୍ ଲକ୍ମନ୍ ଚାନେଅନି ?”

୨୬ ପିତର୍ କଇଲା, “ବିନ୍ ଦେସର୍ ଲକ୍ମନ୍ ଚାନେଅନି ।” ଜିସୁ କଇଲା, “ସେନ୍ତା ବଇଲେ ରାଇଜର୍ ଲକ୍ମନ୍ ସିସ୍ତୁ ନ ଦେଅଡ଼ ?”

✠ ୧୭:୫ ମାତୃତ ୩:୧୭;୧୭:୧୮; ମାର୍କ ୧:୧୧; ଲୁକ୍ ୩:୨୨ ✠ ୧୭:୫ ୨ ଯ ପିତର୍ ୧:୧୭,୧୮ ✠ ୧୭:୧୭ ମାତୃତ ୧୧:୧୪ ✠ ୧୭:୨୦ ମାତୃତ ୨୧:୨୧; ମାର୍କ ୧୧:୨୩; ୧ମ କରନ୍ତିୟ ୧୩:୨ * ୧୭:୨୧ ଏ ପଦ୍ ସବୁ

୨୭ ମାତର୍ ଆମେ ଏବେ ସେମନ୍ତେ ଇନ୍ କରବାକେ ମନ୍ କରୁ ନାଇ । ତୁଇ ଗାତେ ଜାଇ ବଡ଼ସି ପାକାଆ ଆରି ଜନ୍ ମାତ୍ ପରତୁମ୍ ଲାଗସି, ତାର ଟଣ୍ଡେଅନି ଗଟେକ୍ ଅଦଲି ମିଲାଇସୁ । ସେଟା ନେଇ ମର୍ ପାଇ ଆରି ତମର୍ ପାଇ ମନ୍ଦିରର୍ ସିସ୍ତୁମାଙ୍ଗୁମନ୍ତେ ଦେଇଦେସ୍ ।”

୧୮

ସରଗ୍ ରାଇଜେ ସବୁର୍ଟାନେଅନି କେ ବଡ଼
(ମାର୍କ ୯:୩୩-୩୭; ଲୁକ୍ ୯:୪୭-୪୮)

୧ * ସେ ବେଲେ ସିସ୍ତମନ୍ ଜିସୁକେ ପାଚାରଲାଇ, “ସରଗ୍ ରାଇଜେ ସବୁର୍ଟାନେଅନି କେ ବଡ଼ ?”

୨ ଜିସୁ ଗଟେକ୍ ସାନ୍ ପିଲାକେ ଡାକି ସେମନ୍ତର୍ ଲଗେ ଟିଆକରାଇ କଇଲା,

୩ * “ମୁଇ ତମ୍ତକେ ସଡ଼ କଇଲିନି, ତମର୍ ମନ୍ ବାଦ୍ଲାଇ ସାନ୍ ପିଲାମନ୍ତର୍ ପାରା ନ ଅଇଲେ ସରଗ୍ ରାଇଜେ କେବେ ପୁରି ନାପାରାସ୍ ।

୪ ଜେ ନିଜକେ ସୁଆଲ୍ କରି ସାନ୍ ପିଲାପାରା ଅଇସି, ସେ ସରଗ୍ ରାଇଜେ ସବୁର୍ଟାନେଅନି ବଡ଼,

୫ ଆରି, ଜେକି ମର୍ ନାଉଁ ଦାରି ଏ ସାନ୍ ପିଲାକେ ନାମ୍ସି, ସେ ମକେ ମିସା ନାମ୍ସି ।”

ବିସ୍ବାସେ ବିସ୍
(ମାର୍କ ୯:୪୨-୪୮; ଲୁକ୍ ୧୭:୧-୨)

୬ “ମରତେଇ ବିସ୍ବାସ୍ କରତେ ରଇବା ଏ ସାନ୍ ପିଲାମନ୍ତର୍ ବିଡ଼ରେଅନି ଗଟେକ୍ ଲକ୍ କେ ଆଲେ ବିସ୍ବାସେ ବାଦା ଗଟାଇସି ବଇଲେ, ତାର ଗାଲାଇ ଜତା ପାକ୍ନା ବାନ୍ଦିକରି ତାକେ ସମ୍ତୁରେ ବୁଡ଼ାଇଦେବାଟା ନିକ୍ ଅଇସି ।

୭ ଲକ୍ମନ୍ତର୍ ବିସ୍ବାସେ ବାଦା ଗଟାଇବାକେ ବେସି ବିସଇ ଆତେ । ସେଟାର୍ ପାଇ ଏ ଜଗତର୍ ଦସା ବଡେ ଇନସ୍ତା । ସବୁ ବେଲେ ଏଡ଼ି ବାଦା ଆଇସି, ମାତର୍ ଜେ ବାଦା ଗଟାଇସି, ତାର ଦସା କେତେ ଇନସ୍ତା ଅଇସି !”

୮ * “ଜଦି ତମେ ତମର୍ ଆଡ଼ ନଇଲେ ପାଦର୍ ଲାଗି ବିସ୍ବାସ୍ ଆରାଇଲାସ୍ନି, ତେବେ ସେଟା କାଟି ପିଙ୍ଗି ଦିଆସ୍ । ଜଡେକ୍ ପାଦ୍ ଆରି ଜଡେକ୍ ଆଡ଼ ରଇ ସବୁବେଲେ ଲାଗି ରଇବା ଜଏ ପିଙ୍ଗାଇ ଅଇବା ବାଦୁଲେ ଗଟେକ୍ ପାଦ୍ ନଇଲେ ଗଟେକ୍ ଆଡ଼ ନ ରଇ, ନ ସାର୍ବା ଜିବନେ ପୁର୍ବାଟା କେତେ କରମର୍ କାତା ।

୯ * ଜଦି ତମର୍ ଆଁକିର୍ ଲାଗି ତମେ ବିସ୍ବାସ୍ ଆରାଇଲାସ୍ନି ବଇଲେ ତାକେ ବେଟି ପିଙ୍ଗି ଦିଆସ୍ । ଜଡେକ୍ ଆଁକି ରଇ ନରକେ ପିଙ୍ଗାଇଅଇବା ବାଦୁଲେ ଗଟେକ୍ ଆଁକି ରଇ ନ ସାର୍ବା ଜିବନେ ପୁର୍ବାଟା କେତେ କରମର୍ କାତା ଅଇସି ।”

ଆଜିରଇବା ମେଣ୍ଡା
(ଲୁକ୍ ୧୫:୩-୭)

୧୦ * ଏ ସାନ୍ ପିଲାମନ୍ତର୍ ବିଡ଼ରେ ଅନି ଗଟେକ୍ତେ ମିସା ଇନ୍କରା ନାଇ । ମୁଇ ତମ୍ତକେ କଇଲିନି, ଏ ମନ୍ତର୍ ଜଡନ୍ ନେଇତେ ରଇବା ସରଗର୍ ଦୁଡ଼ମନ୍ ସବୁ ବେଲା ମର୍ ବାବାର୍ ଲଗେ ଆଟଡ଼ ।

୧୧ କାଇକେ ବଇଲେ ବାଟ୍ ବାନା ଅଇଲା ଲକ୍ମନ୍ତକେ କଜି ରକିଆ କରବାକେ ନରପିଲା ମୁଇ ଆଇଲିଆଟି * ।

୧୨ ତମେ କାଇଟା ବାଦ୍ଲାସ୍ନି, ଜଦି ଗଟେକ୍ ଲକ୍ତର୍ ସଏଟା ମେଣ୍ଡା ରଇସି ଆରି ସିଡିଅନି ଗଟେକ୍ ଆଜି ଜାଇସି, ତେବେ ସେ କାଇଟା କରସି ? ନବେ ନଅଟା ମେଣ୍ଡାକେ ଡଙ୍ଗରେ ଚାର୍ବାକେ ଚାଡ଼ିଦେଇ ସେ ଆଜିଲା ମେଣ୍ଡାକେ କଜ୍ବାର୍ ବାରଇସି । †

୧୩ ମୁଇ ତମ୍ତକେ ସଡ଼ କଇଲିନି, ଜେତେବଲ୍ ସେ ମେଣ୍ଡା ମିଲାଇସି, ଆଜି ନ ରଇଲା ନବେ ନଅଟା ମେଣ୍ଡାର୍ ପାଇ ତାର୍ ଜେଡ଼କି ସାର୍ଦା, ଏ ଗଟେକ୍ ମେଣ୍ଡାର୍ ପାଇ ସେ ଅଦିକ୍ ସାର୍ଦା ଅଇସି ।

୧୪ ସମାନ୍ ସେଡ଼ି ସେ, ଏ ସାନ୍ ପିଲାମନ୍ତର୍ ତେଇ ଅନି ଗଟେକ୍ ଲକ୍ ମିସା ବାଟ୍ ବାନା ଅଅଡ଼, ଏଟା ତମର୍ ସରଗର୍ ବାବା ମନ୍ କରେ ନାଇ ।

ଗଟେକ୍ ବାଇ ତମର୍ ବିରୁଦେ ପାପ୍ କଲେ

୧୫ * “ଜଦି ତମର୍ ବାଇ ତମର୍ ବିରୁଦେ ପାପ୍ କରସି, ତାର୍ ଲଗେ ଜାଇ ତାର୍ ପାପ୍ ତାକେ ଦେକାଇ ଦିଆସ୍ । ମାତର୍ ତମେ ଦୁଇ ଲକ୍ ରଇଲା ବେଲେ ଏଟା ଲୁଡ଼ତେ କରା । ଜଦି ସେ ତମର୍ କାତା ସୁନ୍ସି, ତମର୍ ବାଇକେ ତମେ ଆରି ତରେକ୍ ପାଇସା ।

୧୬ ଆରି ଜଦି ସେ ନ ସୁନ୍ଲେ, ଗଟେକ୍ ଲକ୍ତେ ନଇଲେ ଦୁଇ ଲକ୍ତେ ଡାକି ନେଇ ତାର୍ ଲଗେ ଜାଆ । ଆମର୍ ସାସ୍ତର୍ ନିୟମ୍ ଇସାବେ, ଦୁଇଟା ନଇଲେ ତିନ୍ଟା ସାକିର୍ ମୁଆଟେ ତମର୍ ଦାବି ସଡ଼ ବଲି ଜାନା ପଡ଼ସି ।

* ୧୮:୧ ଲୁକ୍ ୨୨:୨୪ * ୧୮:୩ ମାର୍କ ୧୦:୧୫; ଲୁକ୍ ୧୮:୧୭ * ୧୮:୮ ମାତ୍ରିକ ୫:୩୦ * ୧୮:୯ ମାତ୍ରିକ ୫:୨୯ * ୧୮:୧୦ ଲୁକ୍ ୧୯:୧୦
* ୧୮:୧୧ ଏ ପଦ୍ ସବୁ ପୁରନା ପାଣ୍ଡୁ ଲିପି ଗନେ ନାଇ † ୧୮:୧୨ ଏ ପଦ୍ ସବୁ ପୁରନା ପାଣ୍ଡୁ ଲିପିଗନେ ନାଇ * ୧୮:୧୫ ଲୁକ୍ ୧୭:୩

୧୭ ଏଲେ ମିସା ଜଦି ସେ ତମର କାତା ନ ସୁନେ, ମଣ୍ଡୁଲିତେଇ ଜାନାଇ ଦିଆସ୍ । ସାରାସାରି ଜଦି ମଣ୍ଡୁଲିର କାତା ମିସା ନ ସୁନେ ବଇଲେ, ତାକେ ଗଟେକ୍ ସିସ୍ତୁମାଙ୍ଗୁ, ବିସ୍ତବାସ୍ ନ କର୍ବା ଲକ୍ ବଲି ବାବିକରି, ତାର୍ ସଙ୍ଗ୍ ମିଲାମିସା କର୍ବାଟା ଚାଡ଼ି ଦିଆସ୍ ।

ଜଗତର୍ ଆରି ସରଗର୍ ବିସଇ

୧୮ ☆ “ମୁଇ ତମକେ ସତ୍ କଇଲିନି, ତମେ ଏ ଜଗତେ ଜାଇଟା ନାଇ ବଲ୍‌ସା, ସେଟା ସର୍ଗେ ମିସା ନାଇ ଅଇସି । ଆରି ଜନ୍‌ଟା ପାଇ ତମେ ଜଗତେ ଉଁ କଇସା, ସେଟା ସର୍ଗେ ମିସା ଉଁ ଅଇସି ।

୧୯ କାଲି ସେଡକି ନଏଁ, ମୁଇ ତମକେ ସତ୍ କଇଲିନି, ଜେତେବେଲେ ମିସା ଏ ଜଗତେ ତମେ ଦୁଇ ଲକ୍ ଜନ୍ ବିସଇ ନେଇକରି ଗଟେକ୍ ମନ୍ ଅଇକରି ପାର୍ତନା କଲେ, ମର୍ ସରଗର୍ ବାବା ତମେ ମାଙ୍ଗ୍‌ଲାଟା ପୁରୁନ୍ କର୍ସି ।

୨୦ କାଇକେ ବଇଲେ ଜନ୍ତି ଦୁଇ କି ତିନ୍ ଲକ୍ ରୁଣ୍ଡିକରି ମର୍ ନାଉଁ ଦାର୍‌ବାଇ, ତେଇ ମୁଇ ଆତି ।”

କେମା ନ ଦେଇରଇଲା ଦାଙ୍ଗ୍‌ତା

୨୧ ☆ ଦିନେକ୍ ପିତର୍ ଜିସୁର୍ ଲଗେ ଆସି ପାଚାରୁଲା, “ମାପରୁ, ଗଟେକ୍ ବାଇ ମର୍ ବିରଦେ ତର୍‌କେ ତର୍ ଦସ୍ କର୍ତେ ରଇଲେ, ତାକେ ମୁଇ କେତେ ତର୍ କେମା କର୍ବି ? କାଇ ସାଡ୍ ତର୍ କି ?”

୨୨ ଜିସୁ କଇଲା, “ନାଇ ସାଡ୍ ତର୍ ନାଇ । ସାଡ୍ ତରର୍ ସତୁରି ଗୁନ୍ ।

୨୩ ସରଗ୍ ରାଇଜର୍ ଆରି ଗଟେକ୍ କାତା ସୁନ୍ । ଗଟେକ୍ ରାଜା ଦିନେକ୍ ତାର୍‌ଟାନେ କାମ୍‌କରୁମନ୍ ରୁନ୍ ନେଇରଇବାଟା ଇସାବ୍ କିତାବ୍ କର୍ବାକେ ମନ୍ କଲା ।

୨୪ ସେ ଇସାବ୍ କର୍ବାବେଲେ ତାର୍‌ଟାନେ ଗଟେକ୍ କାମ୍ କରୁ ଲାକ୍ ଲାକ୍ ଟାଙ୍ଗା ରୁନ୍ ନେଇରଇଲା ଲକ୍‌କେ ରାଜାର୍ ଲଗେ ଆନ୍‌ଲାଇ ।

୨୫ ରୁନ୍ ସୁଜ୍‌ବାକେ ସେ ଲକ୍‌ଟାନେ ସେଡକି ବପୁ ନ ରଇଲା । ତେବର୍‌ପାଇ ରୁନ୍ ବାନ୍‌ବାକେ ବଲି ତାର୍‌ଟାନେ ଜେଡକି ରଇଲାଟା ବିକିକରି ତାକେ, ତାର୍ ମାଇଜିକେ ଆରି ତାର୍ ପିଲାଟକିମନ୍‌କେ ଗତି ଇସାବେ ବିକିଦେବାକେ ରାଜା ଆଦେସ୍ ଦେଲା ।”

୨୬ କାମ୍ କରୁ ରାଜାର୍ ପାଦ୍‌ତଲେ ଅଦ୍‌ରି ଗୁଆରି କରି କଇଲା “ଆଗିଆଁ ଆରି କେତେଦିନ୍ ଜାଗା, ମୁଇ ତମର୍ ସବୁଜାକ ରୁନ୍ ସୁଜିଦେବି ।”

୨୭ ରାଜା ତାକେ ଦୟା କଲା । ତେବର୍‌ପାଇ ତାକେ କେମା କରି ରୁନ୍ ନ ବାନ୍‌ଦାଇ ଚାଡ଼ିଦେଲା ।

୨୮ ମାତର୍ ସେ ଗତି ବାରଇ ଜାଇ ତାର୍‌ତେଇ ଅନି ପଚାସ୍ ଟାଙ୍ଗା ରୁନ୍ କରି ରଇବା ଗଟେକ୍ ମିସ୍‌ତେ ରଇବା ଗତିଦାଙ୍ଗ୍‌ତାକେ ଦାରି ତାର୍ ଟର୍‌ଟି ପିଟକ୍‌ବାର୍ ଦାରୁଲା, “ମର୍‌ତେଇଅନି ନେଇ ରଇଲା ସବୁ ତାରୁ ବାଉଡାଇ ଦେ ।”

୨୯ ସେ ଗତି ଦାଙ୍ଗ୍‌ତା ତାର୍ ଗଡେଦାରି ବାବୁଜିଆ କରି କଇଲା, “ସାଆସ୍ ଦାରା, ତମର୍ ସବୁ ତାରୁ ସୁଜି ଦେବି ।”

୩୦ ମାତର୍ ପର୍‌ତୁମ୍ ଲକ୍, ସେ ଗୁଆରି କଲାଟା ସୁନେ ନାଇ, ରୁନ୍ ସୁଜ୍‌ବା ଜାକ ତାକେ ବନ୍ଦି ଗରେ ପୁରାଇ ସଙ୍ଗ୍‌ବାକେ ଡିଆରୁଲା ।

୩୧ ଏଟା ଅଇଲାଟା ଦେକି ବିନ୍ କାମ୍ କରୁମନ୍ ଦୁକ୍ କଲାଇ । ସେମନ୍ ରାଜାର୍ ଲଗେ ଜାଇ ଜନ୍ ଜନ୍‌ଟା ଅଇରଇଲା, ସବୁ ଜାନାଇଲାଇ ।

୩୨ ରାଜା ପର୍‌ତୁମ୍ କାମ୍ କରୁକେ ଡାକାଇ କଇଲା, “ଅଇରେ ମୁରକ ଦାଙ୍ଗ୍‌ତା, ତୁଇ ଗୁଆରି କଲୁସ୍ ଜେ ମୁଇ ତର୍ ସବୁ ରୁନ୍ ଚାଡ଼ି ଦେଲି ।

୩୩ ମୁଇ ଜେନ୍ତି ତକେ ଦୟା କଲି, ତୁଇ ମିସା ତର୍ ସଙ୍ଗ୍ କାମ୍ କରୁକେ ଦୟା କର୍‌ବାର୍ ରଇଲା ।”

୩୪ ରାଜା ବେସି ରିସା ଅଇଗାଲା ଆରି ସବୁ ଜାକ ରୁନ୍ ନ ସୁଜ୍‌ବା ଜାକ ତଣ୍ଡ ପାଅ ବଲି ତାକେ ବନ୍ଦି ଗରେ ପାଟାଇ ଦେଲା ।

୩୫ ଜିସୁ ଏ କାତା କଇସାରାଇ କଇଲା, “ତମର୍ ବିରୁଦେ ଦସ୍ କରି ରଇବା ବାଇମନ୍‌କେ ମନ୍ ବିଡ୍‌ରେଅନି ଜଦି କେମା ନ ଦିଆସ୍, ତେବେ ମର୍ ସରଗର୍ ବାବା ମିସା ତମ୍‌କେ ଏନ୍ତାରିସେ କର୍ସି ।”

୧୯

ଚାତାମେଲା ବିସଇ ନେଇ ସିକିଆ (ମାର୍‌କ ୧୦:୧-୧୨)

୧ ଜିସୁ ଏ ସବୁ କଇସାରୁଲା ପଟେ ଗାଲିଲି ଚାଡ଼ିକରି ଜର୍‌ଦନ୍ ଗାଡ୍ ସେପାଟେ ରଇଲା ଜିଉଦା ଜାଗାଇ କେଟ୍‌ଲା ।

୨ ବେସି ଲକ୍‌ମନ୍ ତାର୍ ସଙ୍ଗ୍ ଗାଲାଇ ଆରି ସେ କେତେକ୍ କେତେକ୍ ରଗିମନ୍‌କେ ନିକ କଲା ।

୩ କେତେଟା ପାରୁସିମନ୍ ଜିସୁକେ ବୁଲ୍ ଦାର୍‌ବାକେ ଚେସ୍‌ଟା କଲାଇ । ସେମନ୍ ତାର୍ ଲଗେ ଆସି ପାଚାରୁଲା, “ମସାର୍ ରିତିନିତି ଇସାବେ ଗଟେକ୍ ଲକ୍ କାଇଆଲେ ବୁଲର୍ ପାଇ ବଲି ତାର୍ ମାଇଜିକେ ଚାଡ଼ି ଦେଇ ପାରେ କି ?”

☆ ୧୮:୧୮ ମାତ୍ରିକ ୧୭:୧୯; ଜଅନ୍ ୨୦:୨୩ ☆ ୧୮:୨୧ ଲୁକ୍ ୧୭:୩,୪

୪ ଜିସୁ କଇଲା, “ସାସ୍ତରେ ପତାସ୍ ନାଇ କି ? ଆଦିପୁରବେ ପରମେସର୍ ନର୍ ଲକ୍‌କେ ମୁନୁସ୍ ଆରି ମାଇଜି କରି ତିଆର୍ କଲା ।

୫ ସେତେବେଲେ ମାପୁରୁ କଇରଇଲା, ଏଟାର୍ ପାଇ ବଲି ମୁନୁସ୍, ତାର୍ ଆୟା ବାବାର୍‌ତେଇ ଅନି ବିନେ ଅଇସି ଆରି ସେମନ୍ ଦୁଇ ଲକ୍ ଗଟେକ୍ ଅଇବାଇ ।

୬ ଆରି ସେମନ୍ ଅଲଗା ନ ଅଅଡ୍, ମିସି ରଇବାଇ । ସେମନ୍ ଦୁଇଲକ୍ ଇସାବେ ନ ରଅଡ୍ । ଜନ୍ ଲକ୍‌ମନ୍‌କେ ପରମେସର୍ ଜଡିଆତେ, ଲକ୍‌ମନ୍ ସେମନ୍‌କେ ବେଗ୍‌ଲାଇବାଟା ଟିକ୍‌ନାଇ ।”

୭ ପାରୁସିମନ୍ ଆରି ପାଚାର୍‌ଲାଇ, “ସେନ୍ତାର୍ ଆଲେ ମାଇଜିକେ ରାଜିନାମା ପତର୍ ଲେକି ଚାଡି ଦେବାକେ ମସା କାଇକେ ନିୟମ୍ କଲାଆତେ ?”

୮ ଜିସୁ କଇଲା, “ତମର୍ ମନ୍‌ବିତ୍‌ରର୍ ବୁଜ୍‌ବା ବପୁ ଦୁର୍‌ବଲ୍ ରଇଲାଟା ଦେକି ମସା ତମର୍ ମାଇଜିମନ୍‌କେ ଚାଡ୍‌ବାକେ ରାଜି ଅଇଲା । ମାତର୍ ଆଦିପୁରବେ ତିଆର୍ ଅଇଲା ବେଲେ ଏନ୍ତାରି ନିୟମ୍ ନ ରଇଲା ।

୯ ମାତର୍ ମୁଇ ତମ୍‌କେ କଇଲିନି, କେ ମିସା ତାର୍ ମାଇଜିକେ ବେସିଆ କାମ୍ ଅପ୍‌ରାଦ୍‌କେ ଚାଡି, ବିନ୍ କାଇଆଲେ କାମର୍ ପାଇ ଚାତାମେଲା କରି, ବିନ୍ ମାଇଜିକେ ସଙ୍ଗଲେ, ସେ ସେ ନିଜେ ଦାରିଆ ଅଇସି ।”

୧୦ ଜିସୁର୍ ସିସମନ୍ କଇଲାଇ, “ଜଦି ମାଇଜି ମୁନୁସର୍ ବିତ୍‌ରେ ଏନ୍ତାରି ଆତେ ବଇଲେ, ବିବା ନ ଅଇବାଟା ନିକ ।”

୧୧ ଜିସୁ କଇଲା, “ଏ ସିକିଆ ସବୁ ଲକ୍ ନ ମାନଡ୍ । ପରମେସର୍ ଟାନେଅନି ଜନ୍‌ଲକ୍‌ମନ୍‌କେ ଏଟା ଦିଆଅଇଆତେ ସେମନ୍‌ସେ ଏଟା ମାନବାଇ ।

୧୨ ବିନ୍ ବିନ୍ କାମର୍‌ପାଇ ଲକ୍‌ମନ୍ ବିବା ନ ଅଇ ରଇଜିବାଇ । କେତେ ଲକ୍ ଜନମେ ଅନି ବେଜୁ ଅଇ ବିବାଅଇ ନାପାରଡ୍ । କେତେ ଲକ୍‌କେ ମୁନୁସ୍‌ମନ୍ ସେନ୍ତାରି କରି ଆଚଡ୍, ଆରି କେତେ ଲକ୍ ସରଗ୍ ରାଇଜର୍ ପାଇ କାମ୍ କର୍‌ବାକେ ବିବା ନ ଅଇକରି ଆଚଡ୍ । ଜନ୍ ଲକ୍‌ମନ୍ ଏ ସିକିଆର୍ ଅରଡ୍ ବୁଜିପାର୍‌ଲାଇନି, ସେମନ୍ ସେଟା ମାନଡ୍ ।”

ଜିସୁ ସାନ୍ ପିଲାମନ୍‌କେ ଆସିର୍‌ବାଦ୍ କଲା
(ମାର୍‌କ ୧୦:୧୩-୧୬; ଲୁକ୍ ୧୮:୧୫-୧୭)

୧୩ କେତେ ଲକ୍ ପିଲାମନ୍‌ର ଉପ୍‌ରେ ଆଡ୍ ସଙ୍ଗଇ ପାର୍‌ତନା କର୍‌ବାକେ, ସେମନ୍‌କେ ଜିସୁର୍ ଲଗେ ଆନ୍‌ଲାଇ । ମାତର୍ ସିସମନ୍ ସେମନ୍‌କେ ଦମ୍‌କାଇଲାଇ ।

୧୪ ମାତର୍ ଜିସୁ କଇଲା, “ସାନ୍ ପିଲାମନ୍‌କେ ମର୍ ଲଗେ ଆଇବାକେ ବାଟ୍ ଦିଆସ୍ । ସେମନ୍‌କେ ମନା କରା ନାଇ । କାଇକେ ବଇଲେ ଏମନ୍ ଆକା ସରଗ୍ ରାଇଜେ ରଇବା ଲକ୍ ।”

୧୫ ଜିସୁ ପିଲାମନ୍‌ର ଉପ୍‌ରେ ଆଡ୍ ସଙ୍ଗଇ ଆସିର୍‌ବାଦ୍ କଲା । ପତେ ସେ ତେଇଅନି ଉଟିଗାଲା ।

ଗଟେକ୍ ସାଉକାର୍ ପିଲା
(ମାର୍‌କ ୧୦:୧୭-୩୧; ଲୁକ୍ ୧୮:୧୮-୩୦)

୧୬ ଦିନେକ୍ ଗଟେକ୍ ସାଉକାର୍ ପିଲା ଜିସୁର୍ ଲଗେ ଆସି ପାଚାର୍‌ଲା, “କାଇ ନିକ କାମ୍‌କଲେ, ନ ସାର୍‌ବା ଜିବନ୍ ମିଲ୍‌ସି ?”

୧୭ ଜିସୁ ତାକେ କଇଲା, “ନିକ କାମ୍ ବିସଇ ନେଇକରି ମକେ କାଇକେ ପାଚାର୍‌ଲୁସ୍‌ନି ? ପରମେସର୍‌ସେ ସଡ୍ । ତାର୍ ଆଦେସ୍ ମାନ୍‌ଲେ, ନ ସାର୍‌ବା ଜିବନ୍ ମିଲାଇସୁ ।”

୧୮ ସେ ପାଚାର୍‌ଲା, “କାଇ କାଇ ଆଦେସ୍ ?”

ଜିସୁ କଇଲା, “ନର୍ ଲକ୍‌ମନ୍‌କେ ମରାଇବାର୍ ନାଇ, ବେସିଆ କାମ୍ କର୍‌ବାର୍ ନାଇ, ଚରାଇବାର୍ ନାଇ, କାର୍ ବିରୁଦେ ମିର୍ ସାକି ଦେବାର୍ ନାଇ ।

୧୯ ଆୟା ବାବାର୍ ସେବା କରା ଆରି ତମର୍ ପଡିସାର୍ ଲକ୍‌ମନ୍‌କେ ନିଜର୍ ପାରା ଆଲାଦ୍ କରା ।”

୨୦ ସେ ବେଣ୍ଟିଆ କଇଲା, “ମୁଇ ଏ ସବୁ ଆଦେସ୍ ମାନି ଆଇଲିନି । ଆରି କାଇଟା କର୍‌ବାର୍ ଆତେ ?”

୨୧ ଜିସୁ ତାକେ କଇଲା, “ତୁଇ ଜଦି ସିଦ୍ ଅଇବାକେ ମନ୍ କଲୁସ୍‌ନି ବଇଲେ, ଜାଆ ତର୍‌ଟାନେ ରଇବା ସବୁଜାକ ବିକି ଦେଇ, ସେ ତାବୁ ଗରିବ୍ ଲକ୍‌ମନ୍‌କେ ଦାନ୍ କରିଦେସ୍ । ଏଟା ସବୁ କରି ସାରାଇ ମର୍ ସଙ୍ଗ୍ ଆଉ । ସେନ୍ତାର୍ କଲେ ତକେ ସର୍‌ଗେ ଦନ୍ ମିଲ୍‌ସି ।”

୨୨ ଏଟା ସୁନି କରି ସେ ବେଣ୍ଟିଆ ମୁ ଉଡ୍‌ରାଇଦେଇ ତେଇଅନି ଉଟିଗାଲା । କାଇକେ ବଇଲେ ସେ ଲକ୍ ବେସି ସାଉକାର୍ ରଇଲା ।

୨୩ ଜିସୁ ସିସମନ୍‌କେ କଇଲା, “ମୁଇ ତମ୍‌କେ ସଡ୍ କଇଲିନି, ସାଉକାର୍ ଲକ୍‌ମନ୍ ସରଗ୍ ରାଇଜେ ସଲ୍‌କେ କେଟ୍‌ବାଟା ବଡେ ଆବଡ୍ ।

୨୪ ଆରି ତରେକ୍ କଇଲିନି, ଗଟେକ୍ ବଡ୍‌ଟା ପସୁ ଜେନ୍ତି ସୁଜି କାଣାବାଟେ ଚିଙ୍ଗି ଜିବାକେ ଆବଡ୍, ସାଉକାର୍ ଲକ୍ ସରଗ୍ ରାଇଜେ କେଟ୍‌ବାଟା ଅଦିକ୍ ଆବଡ୍ ।”

୨୫ ସିସମନ୍ ଏ କାତା ସୁନି କାବାଅଇଜାଇ ପାଚାର୍‌ଲାଇ, “ଏନ୍ତି ବଇଲେ କେ ତେବେ ମୁକ୍ତି ପାଇପାର୍‌ସି ?”

☆ ୧୯:୭ ମାତୃତ୍ୱ ୫:୩୧ ☆ ୧୯:୯ ମାତୃତ୍ୱ ୫:୩୨; ୧ମ କରନ୍ତିୟ ୭:୧୦,୧୧

୨୬ ଜିସୁ ସେମାନର ବାଟେ ଦିରେକରି ଦେକି କଇଲା, “ମୁନୁସ୍‌ମାନରଟାନେ ଏଟା ଅଇନାପାରେ, ମାତର ପରମେସରର ଟାନେ ସବୁଟା ଅଇପାରସି ।”

୨୭ ଏ କାତା ସୁନି ପିତର କଇଲା, “ଦେକା, ଆମେ ସବୁଜାକ ଚାଡ଼ିକରି ତମର ସଙ୍ଗେ ଆସିଆରୁ । ତେବେ ଆମ୍ଭେ କାଇଟା ମିଲ୍‌ସି ?”

୨୮ ✱ଜିସୁ ସେମାନଙ୍କେ କଇଲା, “ଏ କାତା ସତ୍ତ୍ୱେ ବଲି ଜାନସା, ଜେତେବେଲେ ନୁଆ ଜୁଗେ ନରପିଲା ମୁଇ ମର ତାକ୍‌ପୁଟା ଅଇବା ବସ୍‌ବାଟାନେ ବସ୍‌ବି । ମର ବାରଟା ସିସ, ତମେ ମିସା, ବାରଟା ବସ୍‌ବାଟାନେ ବସି ଇସରାଏଲର ବାରଟା କୁଟୁମ୍‌କେ ସାସନ୍ କରସା ।

୨୯ ଜନ୍ ଲକ୍‌ମନ୍ ମରଲଗି ନିଜର ଗର, ବାଇ ବଇନି, ଆୟା ବାବା, ପିଲାଟକି ଆରି ଜମିବାଡ଼ି ଚାଡ଼ି ଆଚଡ଼, ସେମନ୍ ତାର ସଏ ଗୁନ୍ ଆସିରବାଦ୍ ପାଇବାଇ, ଆରି ନ ସାରବା ଜିବନ୍ ମିସା ପାଇବାଇ ।

୩୦ ✱ଏବେ ଜନ୍ ଲକ୍‌ମନ୍ ଆଗତୁ ଆଚଡ଼, ସେମାନର ବିତ୍‌ରେଅନି ବେସି ଲକ୍ ପତେ ଅଇଜିବାଇ । ଆରି ଜନ୍ ଲକ୍‌ମନ୍ ପତେ ଆଚଡ଼, ସେମାନର ବିତ୍‌ରେ ଅନି ବେସି ଲକ୍ ଆଗତୁ ଅଇଜିବାଇ ।”

୨୦

ଅଜ୍ଞୁର ବାତର ବୁଡ଼ିଆରମନ୍

୧ ସରଗ୍ ରାଇଜ୍ କେନ୍ଦ୍ରିଟା, ଏଟାର ପାଇ ଆରି ଗଟେକ୍ କାତା ସୁନା । ଦିନେକ୍ ଗଟେକ୍ ଲକ୍ ସାକାଲ୍ ସାକାଲ୍ ତାର ଅଜ୍ଞୁର ବାତେ କାମ୍ କରାଇବାକେ କୁଲିଆରମନ୍‌କେ କଜ୍‌ବାର ବାରଇଲା ।

୨ ସେ ଜନ୍ ଲକ୍‌ମନ୍‌କେ ମିସଲା, ସେମନ୍‌କେ ଗଟେକ୍ ଦିନକେ, ଗଟେକ୍ ଲାକା ରୁପାଟାଙ୍ଗା କୁଲି ଦେବାକେ ରାଜି କରି ତାର ବାତେ ପାଟାଇଲା ।

୩ ତାର ପତେ ସାକ୍‌ଲିଆ ନଅଟା ବେଲେ ଆଟେ ଜାଇ, ଗଟେକ୍ ଦଲର ଲକ୍ କାଇ କାମ୍ ନ କରି ଟିଆଅଇ ରଇଲାଟା ଦେକ୍‌ଲା ।

୪ ସେ ଲକ୍ ସେମନ୍‌କେ କଇଲା, “ତମେ ମିସା ମର ଅଜ୍ଞୁର ବାତେ ଜାଇ କାମ୍ କରା, ତମ୍‌କେ ମିସା ସମାନ୍ ଇସାବେ ବୁଡ଼ି ଦେବି ।”

୫ ସେମନ୍ ଜାଇ କାମ୍ କରବାର ଦାରଲାଇ । ସେନ୍ତାରିସେ ମୁଣ୍ଡବେଲାଇ, ଆଡ଼ବେଲାଇ ମିସା ଆରି କେତେଟା କୁଲିଆରମନ୍‌କେ ଆନି କାମେ ମିସାଇଲା ।

୬ ସଞ୍ଜୁଆ ପାଁଟା ବେଲା ଆରି ତରେକ୍ ଆଟେ ଜାଇ ଆରି କେତେ ଲକ୍ ରୁଟାଇ ଟିଆଅଇରଇବାଟା ଦେକ୍‌ଲା । ସେମନ୍‌କେ ପାଟାରଲା “ଗୁଲାଇ ମୁଇଦାନ୍ କାମ୍ ନ କରି କାଇକେ ଇତି ଉଜେ ଉଜେ ଆତାସ୍ ?”

୭ ସେମନ୍ ତାକେ କଇଲା, “ଆମ୍‌କେ ତା କେ ମିସା କାମେ ମିସାଅଡ଼ ନାଇ ।” ସାଉକାର ସେମନ୍‌କେ କଇଲା “ସେନ୍ତାରିଆଲେ ତମେ ସବୁ ଲକ୍ ମର ଅଜ୍ଞୁର ବାତେ ଜାଇ କାମ୍ କରା ।”

୮ ସେ ଦିନେ ସଞ୍ଜୁ ଅଇଲାକେ ଅଜ୍ଞୁର ବାତର ସାଉକାର ଗୁମ୍‌ସତାକେ କଇଲା, “କୁଲିଆରମନ୍‌କେ ତାକ୍ । ଜନ୍ ଲକ୍‌ମନ୍ ସବୁର ପତେ କାମ୍ ଦାରଲାଇ, ସେମନ୍‌କେ ଆଗେ ବୁଡ଼ି ଦେଇଦେସ୍ । ଜନ୍ ଲକ୍‌ମନ୍ ସବୁରତେଇଅନି ପରତୁମ୍ କାମେ ମିସି ଆଚଡ଼, ସେମନ୍‌କେ ତାକର ବୁଡ଼ି ସାରାସାରି ପତେ ଦେସ୍ ।”

୯ ଜନ୍ ଲକ୍‌ମନ୍ ସଞ୍ଜୁଆ ପାଁଟା ବେଲେ କାମେ ମିସି ରଇଲାଇ ସେମନ୍‌କେ ସବୁ ଲକ୍‌କେ ଗଟେକ୍ ଗଟେକ୍ ରୁପା ଟାଙ୍ଗା ଦେଲାଇ ।

୧୦ ଜନ୍ ଲକ୍‌ମନ୍ ପରତୁମ୍ କାମ୍ ଆରାମ୍ କରି ରଇଲାଇ, ସେମନ୍‌କେ ଅଦିକ୍ ବୁଡ଼ି ମିଲ୍‌ସି ବଲି ଆସା କଲାଇ । ମାତର ସେମନ୍ ମିସା ଗଟେକ୍‌ସେ ରୁପା ଟାଙ୍ଗା ମିଲାଇଲାଇ ।

୧୧ ସେମନ୍ ସେଡ଼କି ନେଇ ମୁରମୁରା ଅଇକରି ସାଉକାରର ବିରୁଦ୍ଧେ କଇଲାଇ,

୧୨ “ସଞ୍ଜୁଆ ପାଁଟା ବେଲେ କାମ୍ ଆରାମ୍ କଲା କୁଲିଆରମନ୍ ଏକାଇ ଗଟେକ୍ ଗାଁଟାସେ କାମ୍ କଲାଇ ଆଚଡ଼ । ଆମେ ଟାଇ ଟାଇ କାରାଇ, ଦିନଜାକ କଟ୍‌ଲୁ, ଏଲେ ମିସା ବୁଡ଼ି ଦେବା ବେଲେ ଆମ୍‌କେ ମିସା ସେମାନର ସଙ୍ଗେ ସମାନ୍ କରିଦେଲାସ୍ ।”

୧୩ ସାଉକାର ସେମାନର ବିତ୍‌ରେଅନି ଗଟେକ୍ ଲକ୍‌କେ କଇଲା, “ମଇତର ମୁଇ ତମ୍‌କେ ନାତାଇ ନାଇ । ଗଟେକ୍ ଦିନର ବୁଡ଼ି ପାଇ ଗଟେକ୍ ରୁପା ଟାଙ୍ଗା ନେଇ କାମ୍‌କରବାକେ ତମେତା ସବୁ ଲକ୍ ରାଜି ଅଇରଇଲାସ୍ ।

୧୪ ତମର ସେଡ଼କି ବୁଡ଼ି ଦାରି ଗରେ ଜାଆ । ତମ୍‌କେ ଜେଡ଼କି ଦେଲି ଆଟି, ଗଟେକ୍ ଗାଁଟା କାମ୍ କରିରଇବା ଲକ୍‌ମନ୍‌କେ ମିସା ସେଡ଼କିସେ ଦେବାକେ ମର ମନ୍ ।

୧୫ ମର ନିଜର ଦନ୍, ମୁଇ ଜେଡ଼ି ମନ୍ କଲିନି, ସେଡ଼ି କରତ କରବାକେ ମରକାଇ ଅଦିକାର ନାଇ କି ? କି ମୁଇ ଦାନ୍ ଇସାବେ ଦେଲିନି ବଲି ଆକାର ଅଇଲାସିନି ?”

୧୬ ଧିସୁ ଏ କାତା କଇସାରାଇ କଇଲା, “ଜନ୍ ଲକ୍ମନ୍ ଏବେ ପତେ ଆଚଡ଼ ସେମନ୍, ଆଗତୁ ଅଇବାଇ । ଆରି ଜନ୍ ଲକ୍ମନ୍ ଆଗତୁ ଆଚଡ଼ ସେମନ୍ ପତେ ସେ ରଇଜିବାଇ ।”

ଜିସୁ ତାର୍ ମରନ୍ ବିସଇ ଏଟାସଙ୍ଗ୍ ତିନ୍ତର୍ ଜାନାଇଲା
(ମାର୍କ ୧୦:୩୨-୩୪; ଲୁକ୍ ୧୮:୩୧-୩୪)

୧୭ ଜିସୁ ଜିରୁସାଲମ୍ ଜିବା ବାଟେ ତାର୍ ବାରଟା ସିସମନ୍କେ ଗଟେକ୍ ଲଗେ ଡାକି ନେଇ, କେ ନଇଲା ବେଲେ କଇଲା,
୧୮ “ସୁନା, ଆମେ ଜିରୁସାଲମେ ଗାଲୁନି । ତେଇ ନର୍ପିଲା ମୁଇ, ମୁକିଅ ପୁଜାରି ଆରି ଦରମ୍ ଗୁରୁମନ୍କେ ସର୍ପି ଅଇବି । ସେମନ୍ ମକେ ମରନ୍ ଡଣ୍ଟ ଦେବାଇ ।

୧୯ ତାର୍ପତେ ସେମନ୍ ମକେ, ଜିଉଦି ନ ଅଇଲା ଲକ୍ମନ୍କେ ସର୍ପି ଦେବାଇ । ଜିଉଦି ନ ଅଇଲା ଲକ୍ମନ୍, ମକେ କିଜାଇବାଇ, କର୍ତ୍ତା ସଙ୍ଗ୍ ମାର୍ବାଇ ଆରି କୁର୍ସେ ଚଗାଇବାଇ । ମାତର୍ ତିନ୍ତର୍ ପତେ ମୁଇ ଆରି ତରେକ୍ ଜିବନ୍ ଅଇ ଉର୍ବି ।”

ଗଟେକ୍ ମାଆର୍ ଗୁଆରି
(ମାର୍କ ୧୦:୩୫-୪୫)

୨୦ ସେତିକିବେଲେ ଜେବଦିର୍ ମାଇଜି ତାର୍ ଦୁଇଟା ପିଲାମନର୍ ସଙ୍ଗ୍ ଜିସୁରଲଗେ ଆସି ତାକେ ଜୁଆରକରି, ଗଟେକ୍ ବିସଇ ମାଇଲା ।

୨୧ ଜିସୁ ତାକେ ପାଚାରଲା, “ତୁଇ କାଇଟା ମନ୍ କଲୁସ୍ନି ?” ସେ କଇଲା, “ଜେତେବଲ୍ ତମେ ତମର୍ ରାଇଜେ ରାଜା ଅଇସା, ମର୍ ଏ ଦୁଇଟା ପିଲାମନ୍କେ ତମର୍ ଡେବ୍ରି ବାଟେ ଆରି ଉଜା ବାଟେ ବସାଇବି ବଲି ମକେ କାତା ଦିଆ ।”

୨୨ ଜିସୁ ଜେବଦିର୍ ପିଲାମନ୍କେ କଇଲା, “ତମେ କାଇଟା ମାଗଲାସ୍ନି ସେଟା ବୁଜି ନାପାରଲାସ୍ନି । ମୁଇ ଜନ୍ ଦୁକ୍ପୁରୁନ୍ ମୁତାର୍ ପାନି କାଇବାର୍ ଗାଲିନି, ତମେ କାଇ ପାରାସ୍ କି ?” ସେମନ୍ “ଉଁ” ବଲି କଇଲାଇ ।

୨୩ ଜିସୁ ସେମନ୍କେ କଇଲା, “ତମେ, ମର୍ ମୁତାର୍ ପାନି କାଇଲେ କାଇପାରାସ୍ । ମାତର୍ ମର୍ ଉଜା ବାଟେ ଆରି ଡେବ୍ରି ବାଟେ କେ ବସିପାରେ ସେଟା ବାବୁବାକେ ମର୍ ଅଦିକାର୍ ନାଇ । ଜନ୍ ଲକ୍ମନ୍ ପାଇ ମର୍ ବାବା ସେ ଜାଗା ତିଆର୍ କଲା ଆଟେ, ସେଟା ସେମନ୍ ପାଇ ଆକା ।”

୨୪ ବିନ୍ ସିସମନ୍ ଜେତେବେଲ୍ ଏ କାତା ସୁନ୍ଲାଇ, ସେ ଦୁଇ ବାଇର୍ ଲାଗି ବେସି ରିସା ଅଇଗାଲାଇ ।

୨୫ ଧିସୁ ସିସମନ୍କେ ଗଟେକ୍ଟାନେ ଚୁଲକରି କଇଲା, “ତମେତା ଜାନାସ୍ ଏ ଦୁନିଆର୍ ରାଜାମନ୍ ବିନ୍ ଲକ୍ମନ୍କେ ନିଜର୍ ଅଦିକାର୍ କରିରଇବାଇ । ବଡ଼ ବଡ଼ ନେତାମନ୍ ମିସା ବିନ୍ ଲକ୍ମନ୍କେ ସାସନ୍ କର୍ବାଇ ।

୨୬ ମାତର୍ ତମେ ସେନ୍ତାର୍ ଉଆନାଇ । ତମର୍ ବିଡ଼ରେ ଗଟେକ୍ ଲକ୍ ବଡ଼ ଅଇବାକେ ମନ୍ କଲାନି ବଇଲେ, ସେ ସବୁଲକର୍ ସେବା କର୍ବାର୍ ଆଟେ ।

୨୭ ତମର୍ ବିଡ଼ରେ ଜେ ମୁକିଅ ଅଇବାକେ ମନ୍ କଲାସ୍ନି, ସେ ବିନ୍ ଲକ୍ ଗତିଦାଙ୍ଗ୍ତା ପାରା ଅଇ ସେମନ୍ ସେବା କର୍ ।

୨୮ ଜେନ୍ତାରି କି ପର୍ମେସର୍ ପାଟାଇଲା ନର୍ପିଲା ମୁଇ ମିସା ସେବା ମିଲ ବଲି ଆସି ନାଇ, ମାତର୍ ବିନ୍ ଲକ୍ମନ୍ ସେବା କରି ସେମନ୍କେ ମୁକ୍ତି ମିଲ ବଲି ନିଜର୍ ଜିବନ୍ ଦେବାକେ ଆଇଲି ଆଟି ।”

ଜିସୁ ଦୁଇଟା କାଣାମନ୍କେ ଦେକ୍ବା ବପୁ ଦେଲା
(ମାର୍କ ୧୦:୪୬-୫୨; ଲୁକ୍ ୧୮:୩୫-୪୩)

୨୯ ଦିନେକ୍ ଜିସୁ ସିସମନ୍ ସଙ୍ଗ୍ ଜିରିଅ ସଅର୍ ଚାଡ଼ିକରି ଜିବାବେଲେ କେତେ କେତେ ଲକ୍ମନ୍ ତାର୍ ପତେ ପତେ ଇଣ୍ଟୁବାର୍ ଦାଉଲାଇ ।

୩୦ ଆରି ଏଦେ ଦେକା ! ବାଟ୍ପାଲି ବସି ରଇବା ଦୁଇଟା କାଣା, ଜିସୁ ସେ ବାଟେ ଆଇଲାନି ବଲି ସୁନି, ଆକ୍ମାରି ଡାକ୍ଲାଇ, “ଏ ମାପ୍ପୁ ଦାଉଦର୍ ପଅ ! ଆମ୍ବେ ଦୟା କର ।”

୩୧ ଲକ୍ମନ୍ ସେମନ୍କେ ଦମକାଇ କରି ଚୁପ୍ଅଇ ରଇବାକେ କଇଲାଇ । ମାତର୍ ସେମନ୍ ଅଦିକ୍ ଅଦିକ୍ ଆକ୍ମାରି କଇଲାଇ, “ଏ ମାପ୍ପୁ, ଦାଉଦର୍ ପଅ ! ଆମ୍ବେ ଦୟା କର ।”

୩୨ ଜିସୁ ତେଇ ଚିଆଅଇ ସେମନ୍କେ ଡାକି ପାଚାରଲା, “ମୁଇ ତମର୍ ପାଇ କାଇଟା କର୍ବି ବଲି ମନ୍ କଲାସ୍ନି ?”

୩୩ ସେମନ୍ କଇଲାଇ, “ମାପ୍ପୁ ଆମ୍ବେ ଦେକ୍ବା ବପୁ ଦିଆ ।”

୩୪ ଜିସୁ ସେମନ୍ ପାଇ ଦୟା ଅଇ, ତାକର୍ ଆକି ଚିଇଲା । ସେ ଦାପ୍ରେସେ ସେମନ୍ ଦେକିପାରଲା ଆରି ଜିସୁର୍ ପତେ ପତେ ଗାଲାଇ ।

୨୧

ଜିରୁସାଲମ୍ ଜିସୁ ଡାକ୍ପୁଟାରେ ଜିବାଟା
(ମାର୍କ ୧୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

☆ ୨୦:୧୭ ମାତୃତ୍ୱ ୧୯:୩୦; ମାର୍କ ୧୦:୩୧; ଲୁକ୍ ୧୩:୩୦ ☆ ୨୦:୨୫ ଲୁକ୍ ୨୨:୨୫,୨୬ ☆ ୨୦:୨୭ ମାତୃତ୍ୱ ୨୩:୧୧; ମାର୍କ ୯:୩୫; ଲୁକ୍ ୨୨:୨୭

୧ ଜିସୁ ଆରି ତାର ସିସ୍ତାମନ୍ ଜିରୁସାଲମ୍ ଲଗାଲଗି ଅଇ କଣ୍ଟେକ୍ ଦୁର୍ ଜାଇ ଡଙ୍ଗାଲଗେ ରଇଲା ବେଡ଼ପାଗି ଆରି ବେଡ଼ିନିଆ ନାଉଁର୍ ଗାଏଁ କେଟ୍ଲାଇ । ତାର ଦୁଇଟା ସିସ୍ତାମନ୍କେ ଆଦେସ୍ ଦେଇ କଇଲା,

୨ “ତମେ ମୁଆଟେ ରଇଲା ସେ ଗାଏଁ ଜାଆ । ତେଇ କେଟ୍ଲା ଦାପ୍ରେ, ଗଟେକ୍ ଗଦ ବାନ୍ଧିଅଇ ରଇବାଟା ଦେକ୍ସା ଆରି ତାର ଲଗେ ତାର ପିଲା ଆଟେ । ସେମନ୍କେ ମେଲି ମରଲଗେ ଦାରି ଆସା ।

୩ କେ ଜଦି କାଇ ବଲି ପାଚାରଲେ କଇସା, ‘ଏଟା ସାଉକାରକେ ଦରକାର ଆଟେ ।’ ସେଡ଼କି ଦାପ୍ରେ ସେ ଗଦମନ୍କେ ଚାଡ଼ିଦେଇସି ।”

୪ ଏ ଗଟ୍ନାଅନି ବାବବାଦିମନ୍ ଲେକି ରଇଲା କାତା ସିଦ୍ ଅଇଲା ।

୫ “ସିଅନ୍ ଗଡେ କୁଆ !

ଦେକା, ତମର ରାଜା ତମର ଲଗେ ଆଇଲାନି,

ସେ କେଡେ ସୁଆଲ୍ ଗଦପିଲାଟ୍ ପିଟିତେଇ ବସ୍ଲାଆଟେ

ଦେକା, ସେ ଗଦପିଲା ଉପ୍ରେ ବସିଆଇଲାନି ।”

୬ ସିସ୍ତାମନ୍ ଜାଇ ଜିସୁ କଇବା ଇସାବେ କଲାଇ ।

୭ ଗଦ ଆରି ତାର ପିଲାକେ ଦାରି ଆସି ତାକର୍ ଉପ୍ରେ ଲୁଗାମନ୍ ଅଟାଇ ଦେଲାଇ ଆରି ଜିସୁ ଗଦ ଉପ୍ରେ ବସ୍ଲା ।

୮ ତେଇ ରଇଲା ଲକ୍ମନ୍ ଜିସୁ ଜିବା ବାଟେ ନିଜର୍ ନିଜର୍ ପଟିଆମନ୍ ଅଟାଇ ଦେଲାଇ ଆରି କେଡେକ୍ ଲକ୍ମନ୍ କଜ୍ଜରି ତାଲ୍ ଆନି କରି ସେ ବାଟେ ଅଟାଇଦେଲାଇ ।

୯ ଜିସୁର୍ ଆଗ୍ତୁବାଟେ ଆରି ପଟୁବାଟେ ଜାଇତେ ରଇଲା ଲକ୍ମନ୍ ଆକ୍ମାରି କରି କଇଲାଇ, “ଦାଉଦର୍ ପଅକେ ଡାକ୍ପୁଟା କରା, ଜେ ମାପ୍ପୁରୁ ନାଉଁ ଦାରି ଆଇଲାନି ତାକେ ପର୍ମେସର୍ ଆସିର୍ବାଦ୍ କର । ପର୍ମେସରର୍ ଡାକ୍ପୁଟା କରା ।”

୧୦ ଜିସୁ ଜିରୁସାଲମ୍ କେଟ୍ଲାଦାପ୍ରେ ସେ ଗଡ଼ର୍ ଲକ୍ମନ୍ ଜିସୁ କେ ? ବଲି କରି ଗୁଲାଇ ବାଟେ ଉଡ଼ରା ଅଇଗାଲା ।

୧୧ ଲକ୍ମନ୍ ପାଚାରଲାଇ, “ସେ କେ ?” ବିନ୍ ଲକ୍ମନ୍ କଇଲାଇ, “ସେ ଅଇଲାନି ଗାଲିଲି ରାଇଜେ ରଇବା ନାଜରିଡ଼ ଗଡ଼ର୍ ବସିସ୍ତବକ୍ତା ଜିସୁ ।”

ଜିସୁ ମନ୍ଦିରେ ଗାଲା

(ମାର୍ଚ୍ଚକ ୧୧:୧୫-୧୯; ଲୁକ୍ ୧୯:୪୫-୪୮)

୧୨ ଜିସୁ ମନ୍ଦିର୍ ବିଡ଼ରେ ପୁରିକରି ତେଇ ଗେନା ବିକା କର୍ତେ ରଇବା ସବୁ ଲକ୍ମନ୍କେ ବାରକରାଇ ଦେଲା । ତାବୁ ବାଦ୍ଲାଉମନର୍ ଟେବୁଲ୍ ଆରି ପରୁଆ ବିକ୍ମନର୍ ବସ୍ବାଟା ପାସ୍ଲାଇ ଦେଲା ।

୧୩ ଜିସୁ ସେମନ୍କେ କଇଲା, “ଦରମ୍ ସାସ୍ତରେ ଲେକା ଆଟେ, ମର୍ ମନ୍ଦିର୍ ପାର୍ତନା ଗର୍ ବଲି ନାଉଁ ଅଇସି । ମାତର୍ ତମେ ତାକେ ଚର୍ମନର୍ ଆକାତା ସାଲ୍ ପାରା କରିଆଟାସ୍ ।”

୧୪ ଜିସୁ ମନ୍ଦିରେ ରଇଲାବେଲେ କାଣାମନ୍ ଆରି ମେଟାମନ୍ ତାର ଲଗେ ଆଇଲାଇ ଆରି ସେ ସେମନ୍କେ ନିକ କଲା ।

୧୫ ମୁକିଅ ପୁଜାରିମନ୍ ଆରି ଦରମ୍ ଗୁରୁମନ୍ ତାର କାବା ଅଇଜିବା କାମ୍ ସବୁ ଦେକି ଆରି ପିଲାମନ୍ ଦାଉଦର୍ ପଅର୍ ଜୟ ଜୟ ଅ, ବଲି କଇବାଟା ସୁନି ରିସା ଅଇଗାଲାଇ ।

୧୬ ସେମନ୍ ଜିସୁକେ ପାଚାରଲାଇ, “ଏମନ୍ କାଇବଲି କଇଲାଇନି ତୁଇ ସୁନି ପାର୍ଲୁସ୍ନି ?” ଜିସୁ କଇଲା, “ଉଁ ସୁନ୍ଲିନି । ଦରମ୍ ସାସ୍ତରେ କାଇ ଏ କାତା ପଟାସ୍ ନାଇ କି ? ‘ତମେ ପିଲାମନ୍କେ ଆରି କଅଁଲା ପିଲାମନ୍କେ ଟିକ୍ ଇସାବେ ଆରାଦନା କର୍ବାକେ’ ସିକାଇଆଟାସ୍ ?”

୧୭ ଏ କାତା କଇକରି ଜିସୁ ସେମନ୍କେ ଚାଡ଼ି ଜିରୁସାଲମ୍ମେଅନି ବେଡ଼ିନିଆଇ ଗାଲା । ସେ ତେଇ ଗଟେକ୍ ରାଡ଼ି ବିତାଇଲା ।

ଜିସୁ ତୁମ୍ବରି ଗଟ୍ଟକେ ସାଇପ୍ ଦେଲା

(ମାର୍ଚ୍ଚକ ୧୧:୧୭-୧୪, ୨୦-୨୪)

୧୮ ତାର ଆରକର୍ ଦିନେ ଜିସୁ ସାକାଲ୍ ସାକାଲ୍ ଜିରୁସାଲମ୍ ବାଉଡ଼ଲା ବେଲେ ତାକେ ବୁକ୍ କଲା ।

୧୯ ବାଟ୍ପାଲି ଗଟେକ୍ ତୁମ୍ବରି ଗଟ୍ଟ ରଇଲା । ଜିସୁ ସେ ଗଟ୍ଟ ଲଗେ ଜାଇ ତେଇ ପତର୍ ରଇବାଟା ଚାଡ଼ି, ଆରି କାଇଟା ଦେକେ ନାଇ । ତେବେ ସେ ଗଟ୍ଟକେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ !” ସେ ଦାପ୍ରେ ସେ ତୁମ୍ବରି ଗଟ୍ଟ ସୁକିଗାଲା ।

୨୦ ଏଟା ଦେକିକରି ସିସ୍ତାମନ୍ କାବା ଅଇଜାଇ ପାଚାରଲାଇ, “ଏ ଗଟ୍ଟ ଏଡେକ୍ ଦାପ୍ରେ କେନ୍ତ୍ର ସୁକିଗାଲା ?”

୨୧ ✨ଜିସୁ କଇଲା, “ମୁଇ ତମ୍ଭକେ ସତ୍ କଇଲିନି, ତମ୍ଭ ମନେ ଅଇସି କି ନ ଅଏ ବଲି ଅଲପ୍ ମିସା ନ ବାବିକରି ଜଦି ପୁରାପୁରୁନ୍ ବିସ୍ବାସ କରସା ବଇଲେ ମୁଇ ଏ ତୁମ୍ଭରି ଗଟକେ ଜେନ୍ତି କରିଆତି, ତମେ ମିସା ସେନ୍ତି କରିପାରାସ୍ । ସେତ୍ ଆକା ନଏ, ଏ ତଙ୍ଗର୍ ଉଲଟିକରି ସମଦୁରେ ଜାଇ ଅଦର୍ ବଲି କଇଲେ ମିସା ସେଟା ଅଇସି ।

୨୨ ତମେ ବିସ୍ବାସ କରି ପାର୍ତନାଇ ଜନ୍ଟା ମାଙ୍ଗ୍‌ସା, ସେଟା ମିଲ୍‌ସି ।”

ଜିସୁର୍ ଅଦିକାର ବିସଇ ପାଟାର୍‌ବାଟା
(ମାର୍‌କ ୧୧:୨୭-୩୩; ଲୁକ୍ ୨୦:୧-୮)

୨୩ ଜିସୁ ମନ୍ଦିରେ ବାଉଡି ଆସି ତେଇ ସିକିଆ ଦେଇତେ ରଇଲା ବେଲେ ମୁକିଅ ପୁଜାରିମନ୍ ଆରି ପାର୍ତିନ୍‌ମନ୍ ତାକେ ପାଟାର୍‌ଲାଇ, “କାଇ ଅଦିକାରେ ତୁଇ ଏ ସବୁ କାମ୍ କଲୁସି ? ତକେ ଏ ଅଦିକାର୍ କେ ଦେଲା ?”

୨୪ ଜିସୁ କଇଲା, “ମୁଇ ମିସା ତମ୍ଭକେ ଏକାଇ ଗଟକେ ସେ ପର୍‌ସନ୍ ପାଟାର୍‌ବି । ତାର୍ ଉତର୍ ଦେଇ ପାର୍‌ଲେ ମୁଇ କାଇ ଅଦିକାରେ ଏ ସବୁ କାମ୍ କଲିନି, ତମ୍ଭକେ କଇଦେବି ।

୨୫ ଜଅନ୍ ତୁବନ୍ ଦେବା ଅଦିକାର୍ କାର୍‌ଟାନେଅନି ମିଲାଇ ରଇଲା ? ସର୍‌ଗେଅନି କି ମୁନ୍‌ସ୍ ମନର୍‌ଟାନେଅନି ?”

ସେମନ୍ ତାକର୍ ତାକର୍ ବିତ୍‌ରେ କୁଆବଲା ଅଇଲାଇ “ଏ ବିସଇ ନେଇ କାଇବଲି କଉଁ ? ଜଦି ପର୍‌ମେସରର୍ ଟାନେଅନି ବଲି କଇଲେ, ତେବେ ସେ ଆମ୍‌କେ ‘ଜଅନ୍‌କେ କାଇକେ ବିସ୍ବାସ କରାସ୍ ନାଇ ?’ ବଲି କଇସି ।

୨୬ ଜଦି ଲକ୍‌ମନ୍ ଟାନେଅନି ବଲି କଇଲେ, ତେବେ ଲକ୍‌ମନ୍‌କେ ତର୍ ଲାଗ୍‌ଲାନି । କାଇକେ ବଇଲେ ଜଅନ୍ ଗଟକେ ବବିସତ୍‌ବକ୍ତା ବଲି ସେମନ୍ ସବୁଲକ୍ ବିସ୍ବାସ କଲାଇନି ।”

୨୭ ସେଟାର୍‌ପାଇ ସେମନ୍ ଜିସୁକେ କଇଲାଇ, “ଆମେ ନାଜାନୁ ।”

ଜିସୁ ସେମନ୍‌କେ କଇଲା, “କନ୍ ଅଦିକାରେ ଏ ସବୁ କଲିନି ସେଟା ମୁଇ ମିସା ତମ୍ଭକେ ନ କଇ ।”

ଦୁଇଟା ପିଲାଟା କାତାନି

୨୮ ଆଲେ ଏ ବିସଇ ତମେ କାଇ ବଲି ବାବ୍‌ଲାସ୍‌ନି କଇଦେକା ପନି ? ଗଟକେ ଲକ୍‌ର୍ ଦୁଇଟା ପଅମନ୍ ରଇଲାଇ । ଦିନେକ୍ ସେ ଲକ୍ ତାର୍ ବଡ୍ ପଅକେ କଇଲା, “ନୁନାରେ, ଆଜି ଆମର୍ ଅଙ୍ଗୁର୍ ବାଡେ ଜାଇ ପାଇଟି କର୍ ।

୨୯ ‘ନାଇ ମୁଇ ନ କରି’ ବଲି ବଡ୍ ପଅ କଇଲା । ମାତର୍ ପଟେ ମନ୍ ବାଦ୍‌ଲାଇ ପାଇଟି କର୍‌ବାର୍ ଗାଲା ।

୩୦ ସେ ଲକ୍ ସାନ୍ ପଅକେ ମିସା ସେ କାମ୍ କର୍‌ବାକେ କଇଲା । ‘ଉଁ ବାବା ଗାଲିନି’ ବଲି ସାନ୍ ପଅ କଇଲା । ମାତର୍ ସେ କାମ୍‌ଟାନେ ମୁଲ୍‌କେ ଜାଏ ନାଇ ।

୩୧ କଇଦେକା ପନି, ଏ ଦୁଇଟା ପଅର୍ ବିତ୍‌ରେ କେ ତାର୍ ବାବା ତିଆର୍‌ଲାଟା ମାନିରଇଲା ?” ସେମନ୍ କଇଲାଇ, “ବଡ୍ ପଅ ।”

ଜିସୁ ସେମନ୍‌କେ କଇଲା, “ମୁଇ ସତ୍ କଇଲିନି ସିସ୍ତୁ ମାଙ୍ଗୁମନ୍ ଆରି ବେସିଆମନ୍ ତମ୍ଭଟାନେଅନି ପରମେସରର୍ ରାଇଜେ ଆଗ୍‌ତୁ କେଟ୍‌ବାଇ ।

୩୨ ✨ତୁବନ୍ ଦେଉ ଜଅନ୍ ତମ୍ଭଟାନେ ଆସି ଦରମର୍ ବାଟ୍ ଦେକାଇ ଦେଇରଇଲା, ମାତର୍ ତମେ ତାକେ ବିସ୍ବାସ କରାସ୍ ନାଇ, ମାତର୍ ସିସ୍ତୁ ମାଙ୍ଗୁମନ୍ ଆରି ବେସିଆମନ୍ ତାର୍ କଇଲା କାତା ବିସ୍ବାସ କଲାଇ । ଏଟା ଦେକିକରି ମିସା ପଟେ ତମେ ପାପ୍ କାମ୍‌କର୍‌ବାଟା ଗାଡି ମନ୍ ବାଉଡାଇ ତାକେ ବିସ୍ବାସ କରାସ୍ ନାଇ ।”

ଆଦିବାଗ୍ ଚାସ୍ କରୁମନ୍‌ର୍ ବିସଇ
(ମାର୍‌କ ୧୨:୧-୧୨; ଲୁକ୍ ୨୦:୯-୧୯)

୩୩ ଜିସୁ କଇଲା, “ଆରି ଗଟକେ କାତା ସୁନା, ଗଟକେ ସାଉକାର୍ ତାର୍ ଜମିଟାନେ ଅଙ୍ଗୁର୍ ଚାସ୍ କରିରଇଲା । ତେଇ ଚାରିବେଟ୍‌ତି ବାଡ୍ ବୁନ୍‌ଲା ଆରି ଅଙ୍ଗୁର୍ ପିଲ୍‌ବାକେ ଗଟକେ କୁଣ୍ଡି ତିଆର୍‌କଲା । ଆରି ଜାଗୁଆଲିର୍ ପାଇ ଗଟକେ ମାଟା ମିସା ତିଆର୍ କରିଦେଲା । ତାର୍ ପଟେ ସେ ଜମି, ଚାସିମନ୍‌କେ ଆଦିବାଗ୍ ଇସାବେ ଦେଇକରି, ସାଉକାର୍ ବିଦେସେ ଉଟିଗାଲା ।”

୩୪ ଅଙ୍ଗୁର୍ ତଲ୍‌ବାବେଲେ ସେ ସାଉକାର୍ ତାର୍ ଦାଙ୍ଗ୍‌ତାମନ୍‌କେ ନିଜର୍ ଆଦିବାଗ୍ ମାଙ୍ଗ୍‌ବାକେ ଚାସିମନ୍‌ର୍ ଲଗେ ପାଟାଇଲା ।

୩୫ ଚାସିମନ୍ ସେ ଦାଙ୍ଗ୍‌ତାମନ୍‌କେ ଦାରି, ଗଟକେ ଲକ୍‌କେ ମାର୍‌ଲାଇ, ଆରି ଗଟକେ ଲକ୍‌କେ ମରାଇଲାଇ, ଆରି ଗଟକେ ଲକ୍‌କେ ପାକ୍‌ନାସଙ୍ଗ୍ ମାରିପାକାଇଲାଇ ।

୩୬ ଏଟାର୍ ପାଇ ଜମି ସାଉକାର୍ ଆଗର୍‌ତେଇଅନି ଅଦିକ୍ ଗତିଦାଙ୍ଗ୍‌ତାମନ୍‌କେ ପାଟାଇଲା । ବାଗ୍ ଚାସିମନ୍ ସେମନ୍‌କେ ମିସା ସେନ୍ତାରିସେ କଲାଇ ।

୩୭ ସାରାସାରି ପଟେ ପଦା ସାଉକାର୍ ଚାସିମନ୍‌ଟାନେ ତାର୍‌ପିଲାକେ ପାଟାଇଲା । ସେ ବାବ୍‌ଲା, ସେମନ୍ ମର୍ ପିଲାକେ ବାଦିଅରେ ନାମ୍‌ବାଇ ।

✨ ୨୧:୨୧ ମାଡ଼ିତ ୧୭:୨୦; ୧୮ କରନ୍ତିୟ ୧୩:୨ ✨ ୨୧:୩୨ ଲୁକ୍ ୩:୧୨;୭:୨୯,୩୦

୩୮ ମାତର ଚାସିମନ୍ ସାଉକାରର ପଥକେ ଦେକିକରି ତାକର ତାକର ବିତ୍ରେ କୁଆବଲା ଅଇଲାଇ, “ଏଦେ ଦେକା, ସାଉକାରର ପିଲା ! ଆସା ଆକେ ମିସା ମାରିପାକାଉ । ଏନ୍ତାର କଲେ ଆକା ସାଉକାରର ଦନ୍ ଆମରଟା ଅଇସି ।”

୩୯ ଏନ୍ତାରି କଇକରି ସେମନ୍ ତାକେ ଜମିତେଇଅନି ଦାରି ବାରକରାଇ, ବାଇରେ ନେଇ ମାରି ମରାଇଦେଲାଇ ।

୪୦ ଜିସୁ ପାଚାରଲା, “ଜେତେବେଲ୍ ଜମି ସାଉକାର ଆଇସି ସେ ଚାସିମନ୍‌କେ କାଇଟା କରସି ?”

୪୧ ସେମନ୍ କଇଲାଇ “ବଦ୍‌ମାସ୍‌ମନ୍‌କେ ମାରି ମରାଇସି । ଆରି ଜନ୍ ଚାସିମନ୍ ସମାନ୍ ବେଲାଇ ତାର ଆଦିବାଗ୍ ଦେବାଇ, ସେ ଜମି ସେମନ୍‌ର ଆତେ ଜିମା ଦେଇସି ।”

୪୨ ଜିସୁ ସେମନ୍‌କେ କଇଲା, “ଏ ସାସ୍‌ତରର୍ କାତା କାଇ କେବେ ତମେ ପଡାସ୍ ନାଇ କି ?

“ଗର୍ବାନ୍ତୁମନ୍ ଜନ୍ ପାକ୍‌ନା ଲତାକେ ନ ଅଏ ବଲି ଚାଡିଦେଇ ରଇଲାଇ,

ସେଟାସେ ଗର୍ କନର୍ ମୁକିଅ ପାକ୍‌ନା ଅଇଲା ।

ନିଜେ ମାପ୍‌ରୁଆକା ଏଟା କଲା ଆତେ ।

ତାର କାମ୍ କେତେକ୍ କାବାଅଇଜିବା କାମ୍ !”

୪୩ ଜିସୁ ଆରି କଇଲା, “ସେଟାର ପାଇ ତମ୍‌କେ କଇଲିନି, ପର୍ମେସରର୍ ରାଇଜେ ପୁରବା ଅଦିକାର୍ ତମ୍‌ତେଇଅନି ଦାରିଜିବାଇ ଆରି ଜନ୍ ଦଲ୍ ଏ ରାଇଜର୍ ନିମାନ୍ ପଲ୍ ଦେକାଇ ପାର୍‌ବାଇ, ସେମନ୍‌କେ ସେଟା ଦିଆଅଇସି ।”

୪୪ ଆରି ଜେ ଏ ପାକ୍‌ନା ଉପରେ ଅଦରସି, ସେ କଣ୍ଟୁ କଣ୍ଟୁ ଅଇଜାଇସି । ଆରି ଏ ପାକ୍‌ନା ଜାର୍ ଉପରେ ଅଦରସି, ସେଟା ତାକେ ଚାପି କରି ଗୁଣ୍ଟୁ କରି ଦେଇସି* ।

୪୫ ମୁକିଅ ପୁଜାରିମନ୍ ଆରି ପାରୁସିମନ୍ ଏ କାତା ସୁନି, ଜିସୁ ସେମନ୍‌କେ ଦେକାଇ କରି କଇଲାନି ବଲି ବୁଜିପାର୍‌ଲାଇ ।

୪୬ ସେଟାର ପାଇ ସେମନ୍ ତାକେ ବାନ୍ଦାଇ ନେବାକେ ଚେସ୍‌ଟା କଲାଇ, ମାତର ଲକ୍‌ମନ୍‌କେ ଡରି ସେମନ୍ ସେଟା କରି ନାପାର୍‌ଲାଇ, କାଇକେବଇଲେ ଲକ୍‌ମନ୍ ଜିସୁକେ ଗଟେକ୍ ବସିସ୍‌ତ୍‌ବକ୍‌ତା ବଲି ମନେ ବାବ୍‌ତେରଇଲାଇ ।

୨୨

ବିବା ବଜିର୍ କାତା

(ଲୁକ୍ ୧୪:୧୫-୨୪)

୧ ଜିସୁ ଆରିତରେକ୍ ଉଦାଅରଣ୍ ଦେଇ ଲକ୍‌ମନ୍‌କେ ସିକିଆ ଦେଲା ।

୨ ପର୍ମେସରର୍ ସରଗ୍ ରାଇଜ୍ ଏନ୍ତାରି । ତରେକ୍ ଗଟେକ୍ ରାଜା ତାର ପିଲାପାଇ ବଜି କରାଇଲା ।

୩ ଜନ୍ ଲକ୍‌ମନ୍‌କେ ବିବା ବଜିଟାନେ କବର୍ ଦେଇରଇଲା, ସେମନ୍‌କେ ଡାକିଆନ୍‌ବାକେ ଦାଙ୍ଗ୍‌ତାମନ୍‌କେ ପାଟାଇଲା । ମାତର ସେମନ୍ ନିବ୍‌ଲାଇ ।

୪ ବିବାଟାନେ ଗାଗଡ୍ ଚେଲିମନ୍‌କେ ମାରି ବଜି ଅଇଲା ଆତେ । ଦାପ୍‌ରେ ଆସା ବଲି ରାଜା ଆରି ତରେକ୍ ବିନ୍ ଦାଙ୍ଗ୍‌ତାମନ୍‌କେ କଇପାଟାଇଲା ।

୫ ମାତର କବର୍ ପାଇରଇଲା ଲକ୍‌ମନ୍ ଏ କାତା ନ ମାନିକରି ନିଜର୍ ନିଜର୍ ପାଇଟି କର୍‌ବାର୍ ଦାର୍‌ଲାଇ । କେତେ ଲକ୍ ବାରଇକରି ପଦାଇ ଉଟିଗାଲାଇ । ଆରି କେତେକ୍ ଲକ୍ ତାକର ଦୁକାନେ ଉଟିଗାଲାଇ ।

୬ ଆରି କେତେ ଲକ୍ ରାଜାର ଦାଙ୍ଗ୍‌ତାମନ୍‌କେ ଦାରି ମାରି ମରାଇଲାଇ ।

୭ ରାଜା ରିସାଅଇଜାଇ କରି ସଇନମନ୍‌କେ ପାଟାଇଲା । ସଇନମନ୍ ଜାଇକରି ସେ ମାରୁମନ୍‌କେ ମରାଇ ପାକାଇଲାଇ ଆରି ସେମନ୍ ରଇଲା ସଅର୍ ପଡାଇ ପାକାଇଲାଇ ।

୮ ତାର ପଚେ ରାଜା ଗଡିଦାଙ୍ଗ୍‌ତାମନ୍‌କେ ଡାକି କଇଲା, ବିବା ବଜିର୍ ରାନ୍ଦାବାଡା ସାର୍‌ଲାବେ ମାତର ମୁଇ କବର୍ ଦେଇରଇଲା ଲକ୍‌ମନ୍ ଏ ବଜି କାଇବାକେ ବାଗ୍ ନାଇ ।

୯ ଏବେ ତମେ ଜାଇକରି ଗାଉଁପାଲିର୍ ଗୁଡା ଆରି ପୁର୍‌ମନ୍‌କେ, ଜେଡ୍‌କି ଲକ୍‌କେ ବେଟ୍ ଅଇସା ସେ ସବୁ ଲକ୍‌ମନ୍‌କେ ଆମର୍ ବଜିଟାନେ ଡାକିଆନା ।

୧୦ ତେବେ ଦାଙ୍ଗ୍‌ତାମନ୍ ଲଗର୍ ପାକର୍ ଗାଉଁମନ୍‌କେ ବୁଲି ନିକ ଲକ୍ ଅଅଡ୍ କି ବାନିଆ ଲକ୍ ଅଅଡ୍ ଜେଡ୍‌କି ଲକ୍‌କେ ବେଟ୍ ଅଇଲାଇ, ସବୁକେ ଡାକି ଆନ୍‌ଲାଇ । ଆରି ବିବା ଗରେ ଲକ୍‌ମନ୍ ମାଣ୍ଡାବୁଣ୍ଡା ଅଇଗାଲାଇ ।

୧୧ ପଚେ ରାଜା ଡାକାଇଲା ଲକ୍‌ମନ୍‌କେ ଦେକ୍‌ବାର୍ ଆଇଲା । ସେ ଲକ୍‌ମନ୍‌ର ବିତ୍ରେ ଅନି ଗଟେକ୍ ଲକ୍ ଡିଆର୍‌ପିଆର୍ ନ ଅଇକରି ନିକଟା ପିନ୍ ନ ଆସିରଇଲାଟା ରାଜା ଦେକ୍‌ଲା ।

୧୨ ରାଜା ତାର ଲଗେ ଜାଇ ପାଚାରଲା, “ମଇତର୍, ତୁଇ ଡିଆର୍ ପିଆର୍ ନ ଅଇତେ କେନ୍ତ୍ରି ଏ ବଜିଟାନେ ଆଇଲୁସ୍” ସେ ଲକ୍ ଡିମ୍‌ରା ଅଇଦେଲା ।

୧୩ ✨ରାଜା ଦାଙ୍ଗ୍‌ତାମନ୍‌କେ କଇଲା, “ତାର ଆଡ୍ ଗଡ୍ ବାନ୍ଦି ବାଇରେ ନେଇ ଆନ୍ଦାରେ ପିଜିଦିଆସ୍ । ତେଇ ସେ ଦାଁଡ୍‌ମୁଣ୍ଟୁ କାଡ୍‌ରିଅଇ କାନ୍ଦି କାନ୍ଦି ରଅ ।”

* ୨୧:୪୪ ଏ ବାକିଅ ପୁରନ ପାଣ୍ଡୁ ଲିପିଗାନେ ଲେକାଅଏନାଇ ✨ ୨୨:୧୩ ମାତୃତ୍ୱ ୮:୧୨;୨୫:୩୦; ଲୁକ୍ ୧୩:୨୮

୧୪ ଜିସୁ କାତାନି କଇସାରାଇ କଇଲା, ବେସି ଲକ୍‌କେ ଡାକ୍‌ବାଇ, ମାତର୍ ଉନାଲକ୍‌କେ ବାବ୍‌ବାଇ ।

ସିସ୍ତୁ ବାନ୍ଦ୍‌ବାକେ ପାଚାର୍‌ବାଟା

(ମାର୍‌କ ୧୨:୧୮-୨୭; ଲୁକ୍ ୨୦:୨୭-୪୦)

୧୫ କେତେଟା ପାରୁସିମନ୍ ଜାଇକରି ଜିସୁକେ ପର୍‌ସନ୍ ପାଚାରି ପାନ୍ଦେ ପାକାଉଁ ବଲି ବାବ୍‌ଲାଇ ।

୧୬ ସେମନ୍ ତାକର୍ କେତେଟା ସିସ୍‌ମନ୍‌କେ ଆରି ଏରଦର୍ ଦଲେଅନି କେତେଟା ଲକ୍‌ମନ୍‌କେ ଜିସୁର୍ ଲଗେ ପାଚାଇଲାଇ । ଏମନ୍ ଆସି ଜିସୁକେ ପାଚାର୍‌ଲାଇ, “ଗୁରୁ, ତମେ ସତ୍ କଇସା ଆରି ପର୍‌ମେସରର୍ ସତ୍ ବିସଇ ସିକିଆ ଦେବାଟା ଆମେ ଜାନୁ । ତମେ ମୁନୁସ୍‌ମନ୍‌ର୍ ମରଜିତାକେ କାତୁର୍ କରାସ୍ ନାଇ । ଲକ୍‌ମନ୍ କାଇ ବଲି ବାବ୍‌ବାଇ ବଲି ଚିନ୍ତା କରାସ୍ ନାଇ ।

୧୭ ତେବେ କଇଦେକା ପନି, ଏ ବିସଇ ତମେ କାଇବଲି କଇଲାସ୍‌ନି ? ରମିୟ୍ ସର୍‌କାର୍‌କେ ସିସ୍ତୁ ଦେବାଟା ଆମର୍ ଦରମ୍ ସାସ୍‌ତରର୍ ଇସାବେ ଚିକ୍ କି ନାଇ ?”

୧୮ ମାତର୍ ଜିସୁ ସେମନ୍‌ର୍ କୁଟ୍‌କାତା ଜାନି କରି କଇଲା, “ଏ କୁଟିଆଲ୍‌ମନ୍, କାଇକେ ମକେ ପାନ୍ଦେ ପାକାଇବାକେ ଚେସ୍‌ଟା କଲାସ୍‌ନି ?

୧୯ ଜନ୍ ଅଦ୍‌ଲି ତାବୁ ସିସ୍ତୁ ଦେଲାସ୍‌ନି, ତେଇଅନି ଗଟେକ୍ ଆନିକରି ମକେ ଦେକାଆ ।” ସେମନ୍ ଗଟେକ୍ ଅଦ୍‌ଲି ଆନି ତାକେ ଦେଲାଇ ।

୨୦ ଜିସୁ ସେମନ୍‌କେ ପାଚାର୍‌ଲା “ଏ ଅଦ୍‌ଲି ତାବୁଟାନ୍‌େ କାର୍ ମୁଉ ଆରି ନାଉଁ ଆଚେ ?”

୨୧ ସେମନ୍ କଇଲା, “ରମିୟ୍ ରାଜାର୍ ମୁଉ ଆରି ନାଉଁ ଆଚେ ।” ଜିସୁ ସେମନ୍‌କେ କଇଲା, “ତେବେ ଜନ୍‌ଟା ରମିୟ୍ ରାଜାର୍‌ଟା, ସେଟା ତାକେ ଦିଆସ୍ ଆରି ଜନ୍‌ଟା ପରମେସରର୍‌ଟା, ସେଟା ପରମେସର୍‌କେ ଦିଆସ୍ ।”

୨୨ ଏ କାତା ସୁନି ସେମନ୍ କାବାଅଇଗାଲାଇ ଆରି ତେଇଅନି ଉଟିଗାଲାଇ ।

ମରିକରି ଉର୍‌ବା ବିସଇନେଇ ପର୍‌ସନ୍

(ମାର୍‌କ ୧୨:୧୮-୨୭; ଲୁକ୍ ୨୦:୨୭-୪୦)

୨୩ *ସେ ଦିନେ ସାଦୁକି ଦଲର୍ କେତେ ଲକ୍ ଜିସୁର୍ ଲଗେ ଆଇଲାଇ । ସାଦୁକିମନ୍ ମରିଗାଲେ ଆରି ତରେକ୍ ଉଟି ନିର୍‌ ବଲି ବିସ୍‌ବାସ୍ କର୍‌ତେ ରଇଲାଇ ।

୨୪ ସେମନ୍ ଜିସୁକେ ପାଚାର୍‌ଲା, “ଏ ଗୁରୁ, ଜଦି ଗଟେକ୍ ଲକ୍ ପିଲାଟକି ନ ଅଇତେ ମରିଜାଇସି, ତେବେ ମରିଜାଉର୍ ବାଇ ସେ ରାଣ୍ଡି ମାଇଜିକେ ସଙ୍ଗଇସି । ଆରି ତାକର୍ ଟାନ୍‌େଅନି ଅଇଲା ପିଲାଜିଲା ସେ ମଲା ଲକ୍‌ପାଇ ଅଇସି ବଲି ମସା ନିୟ୍‌ମ୍ କଲା ଆଚେ ।

୨୫ ଗଟେକ୍ କାତା ସୁନା । ଇତି ଆମର୍ ବିତ୍‌ରେ ସାତ୍‌ବାଇ ରଇଲାଇ । ବତ୍ ବାଇ ପିଲାଜିଲା ନ ଅଇତେ ମରିଗାଲାକେ ତାର୍ ପିଟିର୍ ବାଇ ତାର୍ ବଡକେ ସଙ୍ଗଇଲା ।

୨୬ ମାତର୍ ବଡ୍‌ମଜିଆ, ମଜିଆ, ସାନ୍‌ମଜିଆ ଏନ୍ତି ଅଇକରି ସାରାସାରି ସାନର୍ ଦସା ମିସା ଏନ୍ତି ଅଇଲା ।

୨୭ ସାରାସାରି ପଚେ ସେ ମାଇଜି ମିସା ମରିଗାଲା ।

୨୮ ଜେବେ ମଲା ଲକ୍‌ମନ୍‌ର୍ ଉର୍‌ବା ଦିନ୍ ଆଇସି, ତେବେ ଏ ମାଇଜି କାର୍ ମାଇଜି ଅଇସି ? ସବୁ ଲକ୍‌ସେ ତାକେ ସଙ୍ଗଇ ରଇଲାଇ ।”

୨୯ ଜିସୁ ସେମନ୍‌କେ କଇଲା, “ତମେ କେତେକ୍ ବୁଲ୍ ବିସଇ ବାବ୍‌ବା ଲକ୍‌ମନ୍ ! ଦରମ୍ ସାସ୍‌ତରେ ପର୍‌ମେସରର୍ ବପୁ ବିସଇ ସମାନ୍ ଇସାବେ ଚିନ୍‌ତା କରାସ୍ ନାଇଜେ, ତମେ ଏ କାତା ପାଚାର୍‌ଲାସ୍‌ନି ।”

୩୦ ମରିକରି ଉର୍‌ଲା ପଚେ, ମଲା ଲକ୍‌ମନ୍ ସରଗର୍ ଦୁଡ୍‌ମନ୍‌ର୍ ପାରା ଅଇଜିବାଇ । ସେମନ୍ ଆରି ବିବା ନ ଅଅଡ୍ କି ନ କରଡ୍ ।

୩୧ ମଲା ଲକ୍‌ମନ୍ ଆରି ତରେକ୍ ଉର୍‌ବା ବିସଇ, ପରମେସର୍ ଜନ୍‌ଟା କଇଲା ଆଚେ, ତମେ କାଇ ସାସ୍‌ତରେ କେବେ ପଡାସ୍ ନାଇ କି ?

୩୨ ପର୍‌ମେସର୍ କଇଲା ଆଚେ “ଆମେ ଅବ୍‌ରାଆମର୍, ଇସାକର୍ ଆରି ଜାକୁବର୍ ମାପୁରୁ ।”

“ପର୍‌ମେସର୍ ତା ଜିବନ୍ ରଇଲା ଲକ୍‌ମନ୍‌ର୍ ମାପୁରୁ, ମଲା ଲକ୍‌ମନ୍‌ର୍ ଅଇନାପାରେ ।”

୩୩ ଲକ୍‌ମନ୍ ଜିସୁର୍ ସିକାଇବାଟା ସୁନିକରି କାବାଅଇଗାଲାଇ ।

ମୁକିଅ ଆଦେସ୍

(ମାର୍‌କ ୧୨:୨୮-୩୪; ଲୁକ୍ ୧୦:୨୫-୨୮)

୩୪ ଜିସୁ ସାଦୁକିମନ୍‌କେ ଚୁପ୍‌କରାଇ ରଇବାଟା ଜାନିକରି ପାରୁସିମନ୍ ସବୁଲକ୍ ଗଟେକ୍ ଅଇ ତାର୍ ଲଗେ ଆଇଲାଇ ।

୩୫ ଆରି ସେମନ୍‌ର୍ ବିତ୍‌ରେଅନି ଗଟେକ୍ ନିୟ୍‌ମ୍ ସିକାଇବା ଦରମ୍ ଗୁରୁ ଜିସୁକେ ପାନ୍ଦେ ପାକାଇବାକେ ଗଟେକ୍ ପର୍‌ସନ୍ ପାଚାର୍‌ଲା ।

୩୬ “ଏ ଗୁରୁ ମସାର୍ ଦରମ୍ ସାସ୍‌ତରର୍ ନିୟ୍‌ମ୍ ଇସାବେ ସବୁଟାନ୍‌େଅନି କନ୍ ଆଦେସ୍ ମୁକିଅ ?”

☆ ୨୨:୨୩ ପେରିଡ୍ ୨୩:୮

୩୭ ଜିସୁ ତାକେ କଇଲା, “ତମର ମାପୁରୁ, ପରମେସରକେ ପୁରାପୁରୁନ୍ ମନ୍ଦେଇ, ପୁରାପୁରୁନ୍ ଜିବନ୍ ଦେଇ, ପୁରାପୁରୁନ୍ ଚିନ୍ତା ସଙ୍ଗ୍ ତାକେ ମାନା ଆରି ଆଲାଦ୍ କରା ।

୩୮ ଏଟା ଅଇଲାନ୍ ସବୁଟାଣେଅନ୍ ଆଗତୁ ଆରି ମୁକିଅ ଆଦେସ୍ ।”

୩୯ ତାରୁ ପଚର୍ ମୁକିଅ ଆଦେସ୍ ଅଇଲାନ୍, ତମର ଲଗର୍ ପାକର୍ ଗରର୍ ଲକ୍ମନ୍‌କେ ନିଜ୍‌କେ ଆଲାଦ୍ କଲା ପାରା ଆଲାଦ୍ କରା ।

୪୦ *ଏ ଦୁଇଟା ଆଦେସ୍ ଆକା ମସା କରିରଇବା ସବୁ ରିତିନିତି ଆରି ବବିସତ୍‌ବକ୍‌ତାମନର୍ ସିକିଆ ଜାନାଇଲାନ୍ ।

କିରିସ୍‌ଟ ଆକା ମସିଅ
(ମାର୍କ ୧୨:୩୫-୩୭; ଲୁକ୍ ୨୦:୪୧-୪୪)

୪୧ କେତେଟା ପାରୁସିମନ୍ ଜିସୁର ଲଗେ ରଇଲା ବେଲେ, ଜିସୁ ସେମନ୍‌କେ ପାଚାରଲା ।

୪୨ “କିରିସ୍‌ଟ ମସିଅର୍ ବିସଇ, ତମେ କାଇଟା ବାବ୍‌ଲାସନ୍ ? ସେ କାର୍ ପଅ ?” ସେମନ୍ କଇଲାଇ, “ସେ ଦାଉଦର୍ ପଅ ।”

୪୩ ଜିସୁ ପାଚାରଲା, “ସେନ୍ତାର ଆଲେ ଦାଉଦ୍ ମସିଅକେ ‘ମର୍ ମାପୁରୁ !’ ବଲି କାଇକେ ଜାନାଇ ଆତେ ?” କାଇକେବଇଲେ ଆତ୍‌ମା ଚାଲ୍‌ନା ଦେଲାକେ, ସେ ଲେକିଆତେ,

୪୪ ପରମେସର୍ ମର୍ ମାପୁରୁକେ କଇଲା,
“ଆମେ ତର୍ ସତ୍‌ରୁମନ୍‌କେ ତମର୍ ପାଦ୍ ତଲେ ନ ଆନ୍‌ବା ଜାକ
‘ତୁଇ ମର୍ ଉଜା ବାଟେ ବସି ରଅ ।’

୪୫ “ଜଦି ଦାଉଦ୍ ମସିଅକେ ‘ମର୍ ମାପୁରୁ’ ବଲି ନାମି ଆତେ, ତେବେ ମସିଅ କେନ୍ତ୍ର ତାର୍ ପଅ ଅଇପାରସି ?”

୪୬ ଜିସୁକେ ଇତର୍ ଉତର୍ କେ ମିସା ଦେଇ ନାପାରଲାଇ । ସେ ଦିନେଅନ୍, ଆରି ତାକେ କେ ମିସା କାଇ ପର୍‌ସନ୍ ପାଚାରବାକେ ସାଆସ୍ କରତ୍ ନାଇ ।

୨୩

ପାରୁସି ଆରି ଦରମ୍ ଗୁରୁମନର୍ ବିରୁଦ୍‌ଦେ ଜାଗରତ୍ କରାଇବାଟା
(ମାର୍କ ୧୨:୩୮-୩୯; ଲୁକ୍ ୧୧:୪୩-୪୬; ୨୦:୪୫-୪୬)

୧ ଜିସୁ ସିସମନ୍‌କେ ଆରି ତେଇ ରୁଣ୍ଡି ରଇବା ଲକ୍ମନ୍‌କେ କଇଲା,

୨ “ପାରୁସି ଆରି ଦରମ୍ ଗୁରୁମନ୍‌କେ ମସାର ନିୟମର୍ ଅରତ୍ ବୁଜାଇ ଦେବାର୍ ଅଦିକାର୍ ଆତେ ।

୩ ସେମନ୍ ଜାଇଟା କର୍‌ବାକେ କଇଲାଇନ୍, ସେଟା କରା, ମାତର୍ ସେମନ୍ ଜାଇ ଜାଇଟା କଲାଇନ୍, ସେଟା ଦେକି ସେନ୍ତାରି କରାନାଇ । କାଇକେ ବଇଲେ ସେମନ୍ ନିଜେ ଜନ୍ ସିକିଆ ଦେବାଇ, ତାର୍ ଉଲ୍‌ଟା କର୍‌ବାଇ ।

୪ ସେମନ୍ ତାକର୍ ସିକିଆ ସବୁ ଲକ୍ମନର୍ ପିଟି ଉପ୍‌ରେ ବେସି ବଜ୍ ପାରା ଲାଦିଦେବାଇ । ମାତର୍ ସେ ସବୁ ବଜର୍ ନିୟମ୍, ତିନି ଆଙ୍ଗଟିତେଇ ଉଟାଇବା ଏତ୍‌କି ମିସା ସାଇଜ ନ କରତ୍ ।

୫ *ସେମନ୍ ଲକ୍‌କେ ଦେକାଇଅଇବାକେ ସବୁ କାମ୍ କର୍‌ବାଇ । ସାସ୍‌ତର୍ ପଦ୍ ଲେକାଅଇଲା କେତେ କେତେ ବଡ୍ ବଡ୍ ତଅଁରାମନ୍ କାପାଲେ ଆରି ପଡିଆଇ ବାନ୍ଦିଅଇ ଆତତ୍ । ଆରି ଦେକା, ସେମନ୍‌ର୍ ବସ୍‌ତରର୍ ଜାଲି କେତେକ୍ ତେଙ୍ଗ୍ ।

୬ ସେମନ୍ ବଜିମନ୍‌କେ ମୁକିଅ ଜାଗାଇ ଆରି ପାର୍‌ତନା ଗରେ ବାଟିଅଇରଇଲା ଜାଗା ଅଦିକାର୍ କର୍‌ବାକେ ମନ୍ କର୍‌ବାଇ ।

୭ ଆଟେ ବାଟେ ଆରି ଦୁକାନେ ଲକ୍ମନ୍ ସେମନ୍‌କେ ମାନିକରି ଜୁଆର୍ କରତ୍ ଆରି ‘ଗୁରୁ’ ବଲି ତାକତ୍, ଏନ୍ତାରି ସେମନ୍ ମନ୍ କର୍‌ବାଇ ।

୮ ମାତର୍ ତମ୍‌କେ କେ ଗୁରୁ ବଲି ଡାକ୍‌ବାର୍ ଦର୍‌କାର୍ ନାଇ । କାଇକେ ବଇଲେ ସବୁ ଲକ୍ ନିଜର୍ ନିଜର୍ ବିତ୍‌ରେ ବାଇ, ଆରି ତମର୍ ଗୁରୁ ଗଟେକ୍ ସେ ।

୯ ଆରି ଜଗତେ ତମେ କାକେ ବାବା ବଲି ଡାକ୍‌ବାକେ ଦର୍‌କାର୍ ନାଇ । କାଇକେ ବଇଲେ ତମର୍ ଗଟେକ୍‌ସେ ବାବା, ସେ ସର୍‌ଗେ ଆତେ ।

୧୦ ତମ୍‌କେ ନେତା ବଲି ମିସା କେ ନ ଡାକତ୍, କାଇକେ ବଇଲେ ଗଟେକ୍ ସେ ନେତା, ସେ ଅଇଲାନ୍ ମାପୁରୁ ମସିଅ ।

୧୧ *ତମର୍ ବିତ୍‌ରେ ଜେ ସବୁଟା ଗାନେଅନ୍ ମୁକିଅ, ସେ ତମର୍ ସେବା କର ।

୧୨ *ଜେ ନିଜ୍‌କେ ବଡ୍ ବଲି କଇସି, ତାକେ ସାନ୍ କରାଅଇସି ଆରି ଜେ ନିଜ୍‌କେ ସାନ୍ ବଲି ବାସ୍‌ସି, ତାକେ ବଡ୍ କରାଅଇସି ।”

ଜିସୁ ଟକାବଣ୍ଡା ଗୁରୁମନ୍‌କେ ନିନ୍ଦା କଲା
(ମାର୍କ ୧୨:୪୦; ଲୁକ୍ ୧୧:୩୯-୪୨, ୪୪-୫୨; ୨୦:୪୭)

☆ ୨୨:୪୦ ଲୁକ୍ ୧୦:୨୫-୨୮ ☆ ୨୩:୫ ମାଡ଼ିତ ୬:୧ ☆ ୨୩:୧୧ ମାଡ଼ିତ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ୍ ୨୨:୨୭ ☆ ୨୩:୧୨ ଲୁକ୍ ୧୪:୧୧; ୧୮:୧୪

୧୩ “ଅଇରେ ଦରମ୍ ଗୁରୁମନ୍ ଆରି ପାରୁସିମନ୍ ! ସେସବେଲେ ତମର ଦସା କେତେ ଅଦିକ୍ ଅଇସି ! ଏଇ ଟକାବଣ୍ଡା ଦଲ୍ଲ, ସରଗ୍ ରାଇଜେ କେଟ୍‌ବା ଦୁଆର୍ ତମେ ତାବିଦେଇଆଚାସ୍ ! ନିଜେ ତେଇ କେଟାସ୍ ନାଇ ଆରି ଜନ୍‌ଲକ୍‌ମନ୍ ତେଇ କେଟ୍‌ବାକେ ମନ୍ କଲାଇନି, ସେମନ୍‌କେ ବାଟ୍ ଚାଡାସ୍ ନାଇ ।”

୧୪ “ଏ କୁଟିଆଲ୍ ଦରମ୍‌ଗୁରୁମନ୍ ଆରି ପାରୁସିମନ୍ ! ତମର ଇନସ୍‌ତା କେତେକ୍ କାକୁର୍ତି ଅଇସି । ତମେ ଚାଲାକି ଅଇକରି ଜବର ପର୍ ପାର୍ତନା କରସା । ମାତର୍ ରାଣ୍ଡି ମାଇଜିମନ୍‌ର ଗର୍ମନ୍ ସବୁ ଦାପ୍‌ରେ ଗିଲିଦେଇସା । ତେବେ ତମ୍‌କେ ଅଦିକ୍ ଡଣ୍ଡ ଦିଆଅଇସି ।”

୧୫ ଏ ଟକାବଣ୍ଡା ଦରମ୍‌ଗୁରୁମନ୍ ଆରି ପାରୁସିମନ୍ ! ତମେ କେତେ ଇନସ୍‌ତା ଅଇ କାକୁର୍ତି ଅଇସା । ସମ୍‌ଦୁର ଲକ୍‌ସି ବିନ୍ ବିନ୍ ଦେସ୍‌ମନ୍‌କେ ଜାଇ ଗଟେକ୍ ଲକ୍‌କେ ତମର୍ ଦରମ୍‌ଟାନେ ମିସାଇବାକେ କଜି ବୁଲ୍‌ଲାସ୍‌ନି । ମାତର୍ ସେନ୍ତାର୍ ଗଟେକ୍ ଲକ୍‌କେ ମିଲାଇଲେ, ତାକେ ତମର୍ ଚାନେଅନି ଅଦିକ୍, ନରକର୍ ଡଣ୍ଡ ପାଇବାକେ ବାଟ୍‌ଲାସ୍‌ନି ।

୧୬ ଏଇ ବାଟ୍ ଦେକାଉ କାଣାମନ୍ ! ତମର୍ ଦସା କେତେକ୍ ଇନସ୍‌ତା ଅଇସି । କେ ମନ୍‌ରର୍ ନାଉଁ ଦାରି ପର୍ମାନ୍ କଲେ, ସେଟା ସେମନ୍ ମାନ୍‌ବାର୍ ବାଦିଅ ନାଇ, ମାତର୍ ମନ୍‌ରେ ରଇଲା ସୁନାର୍ ନାଉଁ ଦାରି ଜେ ପର୍ମାନ୍ କରସି, ତାକେ ସେଟା ମାନ୍‌ବାକେ ପଡ଼ସି ବଲି ତମେ ସିକାଇତେ ରଇସା ।

୧୭ ଏଇ ବୁଦି ନ ରଇବା କାଣାମନ୍ ! ସୁନା ବଡ଼, କି ସୁନାକେ ସୁକଲ୍ କରତେ ରଇବା ମନ୍‌ର ବଡ଼ ?

୧୮ ଗଟେକ୍ ଲକ୍ ବେଦିର୍ ନାଉଁ ଦାରି ପର୍ମାନ୍ କଲେ ସେ ସେଟା ମାନ୍‌ବାର୍ ଆକା ଆତେ ବଲି ନଏଁ, ମାତର୍ ବେଦି ଉପ୍‌ରେ ସଙ୍ଗାଇ ରଇବା ମାପ୍‌ରୁକେ ଦେଲାଟା ନାଉଁଦାରି ପର୍ମାନ୍ କଲେ, ସେଟା ମାନ୍‌ବାଟା ବଲି ତମେ ସିକାଇତେ ରଇସା ।

୧୯ ତମେ କେତେବଡ଼ କାଣାମନ୍ ! କନ୍‌ଟା ମୁକିଅ ? ମାପ୍‌ରୁକେ ଦେଲାଟା କି, ମାପ୍‌ରୁକେ ଦେଲାଟା ସୁକଲ୍ କରତେ ରଇବା ବେଦି ?

୨୦ ତେବର୍ ପାଇ କେ ମିସା ବେଦିର୍ ନାଉଁ ଦାରି ପର୍ମାନ୍ କଲେ, ସେ ବେଦି ଆରି ତାର୍ ଉପ୍‌ରେ ରଇବା ମାପ୍‌ରୁକେ ଦେଇ ରଇବା ସବୁ ଜିନିସ୍ ନାଉଁ ଦାରି ପର୍ମାନ୍ କରସି ।

୨୧ କେ ମିସା ମନ୍‌ରର୍ ନାଉଁ ଦାରି ପର୍ମାନ୍ କଲେ, ସେ ମନ୍‌ର ଆରି ତେଇ ବାସା ଅଇରଇବା ପର୍ମେସରର୍ ନାଉଁ ଦାରି ପର୍ମାନ୍ କରସି ।

୨୨ *କେ ମିସା ସରଗର୍ ନାଉଁ ଦାରି ପର୍ମାନ୍ କଲେ, ସେ ପର୍ମେସରର୍ ବସ୍‌ବା ଜାଗା ଆରି ସେ ବସ୍‌ବା ଜାଗାଇ ବସି ରଇବା ପର୍ମେସରର୍ ନାଉଁ ଦାରି ପର୍ମାନ୍ କରସି ।

୨୩ ଏଇ କୁଟିଆଲ୍ ଦରମ୍‌ଗୁରୁମନ୍ ଆରି ପାରୁସିମନ୍, ତମର୍ ଦସା କେତେ ଇନସ୍‌ତା ଆରି କାକୁର୍ତି ଅଇସି ! ତମେ ପର୍ମେସରର୍ ପାଇ ବଲି ସାନ୍ ସାନ୍ ଜିନିସ୍ ଅଇଲେ ମିସା ଦସ୍‌ବାଗ୍ ଅନି ବାଗେକ୍ ଦାନ୍ କରସା, ମାତର୍ ନିଆଇ, ଦୟା, ବିସ୍‌ବାସ୍ ଏକ୍ତି ମୁକିଅ ମୁକିଅ ବିସଇର୍ ନିୟମର୍ ସିକିଆ ଏଲା କଲାସ୍‌ନି । ପୁର୍ବର୍ ମୁକିଅ ବିସଇ ଏଲା ନ କରି, ଏ ସବୁଜାକ ଆଗ୍‌ତୁଅନିସେ ଅବିଆସ୍ କରବାର୍ ରଇଲା ।

୨୪ ଏଇ ବାଟ୍‌ଦେକାଇବା କାଣା ଲକ୍‌ମନ୍ ! ତମେ କାଇବାବେଲେ କେତେବଲ୍ ତେଇ କାଇଆଲେ କିତା ଅଦ୍‌ରି ରଇସି ବଲି ସେଟା ଚାନି ପାକାଇତେ ରଇସା । ମାତର୍ ତମେ ଗଟେକ୍ ଗଟେକ୍ ବଡ଼ ପସୁକେ ମିସା ଗିଲି କାଇପାକାଇସା ।

୨୫ ସାରାସାରି ଦିନେ ତମେ କେତେ କାକୁର୍ତି ଅଇସା, ଏଇ କୁଟିଆଲ୍ ଦରମ୍ ଗୁରୁ ଆରି ପାରୁସିମନ୍ ! ତମେ ଉପ୍‌ରେ ଉପ୍‌ରେ ତାଲାଗିନା ମାଜି ପରିଚଲ୍ କରିରଇସା, ମାତର୍ ସେ ବିଡ଼ରେ ଝିଆ ଆରି ନିଜର୍ ବିସଇ ଚିନ୍ତା କରବାଟା ବର୍ତ୍ତି ଅଇରଇସି ।

୨୬ ଏଇ କାଣା ପାରୁସିମନ୍ ! ମୁତାର୍ ବିଡ଼ରେ ରଇବାଟା ଆଗ୍‌ତୁ ପରିଚଲ୍ କରା, ସେନ୍ତାର୍ କଲେ ଉପ୍‌ରର୍ଟା ମିସା ପରିଚଲ୍ ଅଇଜାଇସି ।

୨୭ *ଏଇ ଦରମ୍ ଗୁରୁମନ୍ ଆରି ପାରୁସିମନ୍ ! ତମ୍‌କେ କେତେ ବଡ଼ ଡଣ୍ଡ ମିଲ୍‌ସି । ଏଇ କୁଟିଆଲ୍‌ମନ୍ ! ତମେ ଉପ୍‌ରେ ଉପ୍‌ରେ ଚୁନ୍‌ସଙ୍ଗ୍ ସାରଇ ରଇବା ଗୁଡାମ୍ ପାରା । ଏଟାମନ୍ ଉପ୍‌ରେ ସୁନ୍‌ର ଡିସ୍‌ସି, ମାତର୍ ବିଡ଼ରେ କୁଇଲା ମଡ଼ ଆରି ଆଡ଼ଗଡ଼ ବର୍ତ୍ତି ଅଇରଇସି ।

୨୮ ସେନ୍ତାରିସେ ତମେ ମିସା ବାଇରେ ଲକ୍‌ମନ୍‌ର ଦେକ୍‌ତେ ଦରମ୍ ପାରା ଡିସ୍‌ତେରଇସା, ମାତର୍ ତମର୍ ବିଡ଼ରେ କୁର୍ କାତା, ଆଁକାର୍, ଆରି ପାପ୍ ବର୍ତ୍ତି ଅଇଆତେ ।

ଜିସୁ ସେମନ୍‌ର ଡଣ୍ଡ ପାଇବାଟା ଜାନାଇଲା
(ଲୁକ୍ ୧୧:୪୭-୫୧)

୨୯ ଏଇ ଦରମ୍‌ଗୁରୁମନ୍ ଆରି ପାରୁସିମନ୍ ! ଏ ଟକାବଣ୍ଡା କରୁମନ୍ ! ତମର୍ ପାଇ ଏଟା କେତେକ୍ ଇନସ୍‌ତାର୍ ବିସଇ । ତମେ ବବିସ୍‌ତୁବକ୍‌ତାମନ୍‌ର ପାଇ ସୁନ୍‌ର ସୁନ୍‌ର ସମାଦି ତିଆର୍ କଲାସ୍‌ନି ଆରି ଦରମ୍ ଲକ୍‌ମନ୍‌କେ ସବୁ ଦିନ୍ ଏତାଇବାକେ ନାଉଁ ଲେକି ତସାଇଲାସ୍‌ନି ।

୩୦ ଆରି ତମେସେ କଇଲାସ୍ତନି ଜଦି ତମର ଆନିଦାଦିମନର ବେଲେ, ତମେ ରଇତାସ୍ ବଇଲେ, ସେମନର ପାରା ଚଲାଚଲ୍ଲତି ନ କରତାସ୍, କି ବବିସତ୍ତବକ୍ତାମନକେ ନ ମରାଇତାସ୍ ।

୩୧ ଏ କାତା କଇଲାର ପାଇ ତମେ ବବିସତ୍ତବକ୍ତାମନକେ ମରାଉମନର ନାତି ତିଡିର ଲକ୍ ବଲି ଏବେ ମାନଲାସ୍ତନି ।

୩୨ ତେବେ ତମେ ଆଗତୁ ଉଆ । ତମର ଆନିଦାଦିମନ କରଇରଇବା କରତା କାମ୍ ପୁରାପୁରୁନ୍ ସାରାଇ ଦିଆସ୍ ।

୩୩ ✨ଏଇ ସାଁପମନ୍ ! ବିସ୍ତରଇବା ସାଁପର କୁଟୁମର ପାରା ଲକ୍ମନ, ତମେ କେନ୍ତ୍ର ନରକର ତଣ୍ଡେଅନି ରକିଆ ମିଲ୍ଲସି ବଲି ଆସା କଲାସ୍ତନି ?

୩୪ ସେଟାର ପାଇ ମୁଇ ତମକେ କଇଲିନି, ତମର ଲଗେ ବବିସତ୍ତବକ୍ତାମନକେ, ସିକାଇବା ଗୁରୁମନକେ ଆରି ଗିଆନ୍ ରଇବା ବଡ଼ ଲକ୍ମନକେ ମୁଇ ପାଟାଇବି । ତାକର ବିତ୍ତରେଅନି ତମେ କେତେ ଲକ୍ମକେ ମରାଇସା, କେତେ ଲକ୍ମକେ କୁରସେ ଚଗାଇସା, ଆରି ବାକି ଲକ୍ମନକେ ପାରତନା ଗରେଅନି କରତା ସଙ୍ଗ୍ ମାରି ମାରି ଗଟେକ୍ ନଅରେ ଅନି ଆରିଗଟେକ୍ ନଅରେ କେଦି ଦେଇସା ।

୩୫ ଜେନ୍ତ୍ରକି ଏବଲର ବେଲେଅନି ଆରାମ୍ କରି ବରକିଆର୍ ପ ଜିକରିୟର୍ ଜାକ, ଜାକେ କି ତମେ ମନ୍ଦିର୍ ଆରି ବେଦିର୍ ମଜାଇ ମରାଇରଇଲାସ୍, ଦସ୍ ନ କରଇରଇବା ସବୁ ଲକ୍ମନକେ ମରାଇଲା ପାଇ ତମେ ଦସିଅଇ ତଣ୍ଡ ପାଇସା ।

୩୬ ମୁଇ ସତ୍ କଇଲିନି, ଏ ସବୁ ଲକ୍ମନକେ ମରାଇଲା ପାଇ ଏ ଜୁଗର ଲକ୍ମନ ତଣ୍ଡ ପାଇବାଇ ।

**ଜିରୁସାଲାମର ପାଇ ଜିସୁର ଆଲାଦ୍
(ଲୁକ୍ ୧୩:୩୪-୩୫)**

୩୭ ଏ ଜିରୁସାଲାମ୍, ଏ ଜିରୁସାଲାମ୍, ତୁଇ ବବିସତ୍ତବକ୍ତାମନକେ ମରାଇଲୁସ୍ତନି ଆରି ପର୍ମେସର୍ ପାଟାଇରଇଲା କବର୍ ଆନୁମନକେ ପାକନା ମାରି ମରାଇଲୁସ୍ତନି । ମାଇ କୁକ୍ତା ତାର ଚିଅଁମନକେ ତେନା ବିତ୍ତରେ ଦାରି ଅଲଣ୍ଡଲାପାରା, ତର ଲକ୍ମନକେ ମୁଇ ପାଟାଲି ରକିଆ କରବାକେ କେତେ କେତେ ତର ଚେସ୍ଟା କଲି । ମାତର ମକେ ସେନ୍ତାରି କରବାକେ ଦେଉସ୍ ନାଇ ।

୩୮ ସେଟାର ପାଇ ତର ମନ୍ଦିର୍ ବାଙ୍ଗିରୁଜି ଚିନ୍ଦିନ୍ ଅଇଜାଇସି ।

୩୯ ମାତର ମୁଇ କଇଲା କାତା ରଇସି, ମାପରୁର୍ ନାଉଁ ଦାରି ଜେ ଆଇଲାନି, ସେ କେତେ କରମର୍ ଲକ୍ ବଲି ଏଟା ଜେବେ ଜାକ ନ କୁଆସ୍, ଆଜିଅନି ଆରି କେବେ ମକେ ଦେକି ନାପାରାସ୍ ।

୨୪

**ମନ୍ଦିର୍ କୁରୁପନାସ୍ ଅଇବା ବିସଇ ଜାନାଇବାଟା
(ମାର୍କ ୧୩:୧-୨; ଲୁକ୍ ୨୧:୫-୬)**

୧ ଜିସୁ ମନ୍ଦିରେଅନି ବାରଇ ଇଣ୍ଡିଜାଇତେ ରଇବାବେଲେ ସିସ୍ମନ ମନ୍ଦିର୍ ପିଣ୍ଡା ଦୁଆରେ ରଇବା ବଡ଼ ବଡ଼ ପାକନା ବାଟେ ଦେକାଇଲାଇ ।

୨ ଜିସୁ କଇଲା, “ଏବେ ସିନା ଏ ସବୁ ଦେକ୍ଲାସ୍ତନି । ମୁଇ ତମକେ ସତ୍ କଇଲିନି ଏ ମନ୍ଦିରର ଗଟେକ୍ ମିସା ପାକନା ତାର ଜାଗାଇ ନ ରଏ । ସବୁଜାକ ଅଦ୍ରି ବିଲିଜାଇସି ।”

**ଦୁକ୍ ଆରି କସଟ
(ମାର୍କ ୧୩:୩-୧୩; ଲୁକ୍ ୨୧:୭-୧୯)**

୩ ଜିସୁ ଜିଡ଼ ନାଉଁର ତଙ୍ଗର୍ ଉପ୍ରେ ବସିରଇଲା ବେଲେ, ତେଇ କେ ନ ରଇଲା ବେଲେ, ସିସ୍ମନ ଆସି ତାକେ ପାଟାରଲାଇ, “ଏ ସବୁଜାକ କେବକେ ଅଇସି ଆମ୍ବକେ କୁଆ କାଇ ଗଟ୍ନା ଗଟ୍ଲେ ଆମେ ଜାନିପାରୁ ଜେ ତମର ଆଇବା ବେଲା ଅଇଲାନି ଆରି ଏ ଜୁଗ୍ ସେସ୍ ଅଇସି ବଲି ?”

୪ ଜିସୁ କଇଲା, “ଜାଗ୍‌ରଡ଼ଅଇକରି ରୁଆ, ଜେନ୍ତ୍ରକି କେ ମିସା ତମକେ ନ ନାତାଅଡ଼ ।

୫ କେତେ କେତେ ଲକ୍ମନ ମର୍ ନାଉଁ ଦାରି ଆସି କଇବାଇ, ‘ମୁଇ ଆକା କିରିସ୍ଟ ମସିଅ ।’ ସେମନ୍ ଏନ୍ତାର କଇ କେତେ କେତେ ଲକ୍ମନକେ ନାତାଇବାଇ ।

୬ ତମର ଲଗେ ଅଇତେ ରଇବା ଜୁଇଦର୍ କିଲ୍‌ବିଲ୍ ଅଇବାଟା ସୁନ୍‌ସା ଆରି ଦୁରିକେ ଅନି ଅଇତେ ରଇବା ଜୁଇଦର୍ କବର୍ ଜାନସା । ମାତର ତରାନାଇ, ବାଇଦରେ ଏନ୍ତ୍ର ଗଟ୍ନା ଅଇସି । ମାତର ଏଟାର ଅରଡ଼ ନଏଁ ଜେ, ଜୁଗକାଲ୍ କେଟିଗାଲା ।

୭ ଦେସ୍ ଦେସ୍ ବିତ୍ତରେ ଜୁଇଦ୍ ଅଇସି, ଗଟେକ୍ ରାଇଜ୍ ଆରି ଗଟେକ୍ ରାଇଜ୍ ଉପ୍ରେ ଜୁଇଦ୍ କରସି । ସବୁ ବାଟେ ମରଡି ଆରି ଦରତନି ଚୁଲ୍‌ଚୁଲ୍‌ସି ।

୮ ମାତର ଏଟାମନ୍ ସବୁ ମାଇଜିମନର ଆଡ଼ଗଡ଼ ସୁକ୍‌ଅଇବା ବେଲେ ପର୍‌ତୁମ୍ ପର୍‌ତୁମ୍ ଅଇବା ଦୁକାସୁକା ପାରା ।

୯ ✨ତମେ ଦାରାଇ ଅଇ ମାଡ଼ କାଇବାକେ ଆରି ମରନର୍ ତଣ୍ଡ ପାଇବାକେ ସର୍ପି ଅଇସା । ତମେ ମକେ ବିସ୍‌ବାସ୍

କଲାର ପାଇ ବଲି ସବୁ ଲକ୍ ଗିନ୍ କରବାଇ ।

୧୦ ସେଡକିବେଲେ କେତେ କେତେ ଲକ୍ ତାକର ବିସ୍ବାସ୍ ଆରାଇବାଇ, ତାକର ତାକର ବିଡରେ ଗିନ୍ ଅଇକରି ତାକର ତାକର ବିଡରେ ବିସ୍ବାସେ ବିସ୍ ଦିଆ ଦିଇ ଅଇବାଇ ।

୧୧ ସେବେଲେ କେତେ କେତେକ୍ ଟକାବଣ୍ଡା ବବିସଡବକ୍ତା ଆସିକରି ଲକ୍ମନ୍କେ ନାଡାଇବାଇ ।

୧୨ ଏନ୍ତାରି ଅଇ ପାପ୍ ଅଦିକ୍ ଅଦିକ୍ ଅଇସି ଆରି ପରମେସର୍ ପାଇରଇବା ଲକ୍ମନର ଆଲାଦ୍ ସିତଲ୍ ଅଇଜାଇସି ।

୧୩ ଫାତର ଜେ ସାରାସାରି ଜାକ ମୁରଟିକରି ରଇସି, ସେ ମୁକ୍ତି ପାଇସି ।

୧୪ ରାଇଜର ସବୁ ବାସାର ଲକ୍ମନର ଲଗେ, ମାପ୍ପୁର ସାକିଦେବାକେ ଦୁନିଆର୍ ଗୁଲାଇବାଟେ ତାର କାତା ସୁନାଇବାଇ । ତାରପଟେ ସେ ଜୁଗ୍ ସାରସି ।”

ସାରାସାରି ଦିନର କସଟ

(ମାରକ୍ ୧୩:୧୪-୨୩; ଲୁକ୍ ୨୧:୨୦-୨୪)

୧୫ ଦାନିଏଲ୍ ବବିସଡବକ୍ତା ଟିକି ନିକି ଇସାବେ ଲେକିରଇବା ସେ ବାୟାବିକଲର ଦିନ୍ ତମେ ଆରି ତରେକ୍ ଦେକ୍ସା । ସେଟା ସୁକଲ୍ ଜାଗାକେ ଅସୁକଲ୍ କରିଦେଇସି । ଇତିର୍ ଅରଡ୍ କାଇଟା, ପଡ୍ଲା ଲକ୍ ବୁଜା ।

୧୬ ସେବେଲେ ଜନ୍ ଲକ୍ମନ ଜିଉଦା ରାଇଜେ ରଇବାଇ, ସେମନ୍ ଡକ୍ରେ ପାଲାଅଡ୍ ।

୧୭ ଜନ୍ ଲକ୍ମନ ଚାଉନି ଉପ୍ରେ ରଇବାଇ, ସେମନ୍ ଗର୍ବିଡ୍ରେ ଜିନିସ୍ ପଡ୍ରେ ନେବାକେ ତଲେ ଆସି ତୁଚାଇ ତୁଚାଇ ବେଲା ନ ଗଡାଅଡ୍ ।

୧୮ ଜନ୍ ଲକ୍ମନ ପଦାଇ ଜାଇତେ ରଇବାଇ, ସେମନ୍ ତାକର ଲୁଗା ପଟିଆ ନେବାକେ ଗରେ ନ ବାଉଡଡ୍ ।

୧୯ ସେଡକିବେଲେ ଗାଗ୍ଡେ ରଇବା ମାଇଜିମନ୍ ଆରି ପିଲାକେ ଦୁଦ୍ କୁଆଇତେ ରଇବା ମାମନର୍ ଦସା କେତେ ଇନସ୍ତା ଅଇସି ।

୨୦ ଏ ସବୁ ଗଟନା ସିଡ୍ ଦିନେ ନ ଅ । ସେଟାରପାଇ ପରମେସର୍କେ ପାର୍ଡନା କର୍ଡେ ରୁଆ, ଜେନ୍ତାରି କି ସିଡ୍ମାସେ ନଇଲେ ବିସ୍ତରାମ୍ବାରେ ତମକେ ପାଲାଇବାକେ ନ ପଡେ ।

୨୧ ସେବେଲେ ଜନ୍ ଦୁକ୍ ପାଇବାକେ ପଡ୍ସି, ଦୁନିଆ ତିଆର୍ ଅଇଲାଟାନେଅନି ଆଜିକେ ଜାକ ଅଇ ରଇବା ସବୁ କସ୍ଡେତେଇଅନି ଅଦିକ୍ ଅଇଜାଇସି । ସେନ୍ତାରି ଦୁକ୍ ଆଗ୍ଡକେ ଆରି କେବେ ନ ଆସେ ।

୨୨ ମାତର ପରମେସର୍ ଦୁକର ବେଲା ଉନାକରି ଦେଇଆଟେ । ସେନ୍ତାରି ନ କରିରଇଲେ କେ ମିସା ନ ରଇତାଇ । ମାତର ସେ ବାଟିରଇବା ଲକ୍ମନ୍କେ ଜିଆଇବାପାଇ ପରମେସର୍ ସେ ବେଲା ଉନାକରି ଦେଇଆଟେ ।

୨୩ ସେବେଲେ କେ ଜଦି ତମକେ ଇତି କିରିସ୍ଟ ଆଟେ ନଇଲେ ତେଇ ସେ ଆଟେ ବଲି କଇସି, ତାକେ ବିସ୍ବାସ୍ କରା ନାଇ ।

୨୪ କାଇକେ ବଇଲେ ମୁଇ ନିଜେ ମସିଅ କି ମୁଇ ନିଜେ ବବିସଡବକ୍ତା ବଲାଅଇତେ ରଇବା ଟକାବଣ୍ଡାକରୁମନ୍ ସେବେଲେ ଦେକାଇଅଇବାଇ । ସେମନ୍ କାବା ଅଇଜିବା କାମ୍ମନ୍ ଦେକାଇ ପରମେସର୍ ବାଟି ରଇବା ଲକ୍ମନ୍କେ ମିସା ନାଡାଇବାଇ ।

୨୫ ଦେକା, ସେ ବେଲା ନ ଆଇବା, ଆଗ୍ଡୁ ମୁଇ ତମକେ ଜାନାଇଦେଲିନି ।

୨୬ “ଦେକା, ଜଦି ଲକ୍ମନ ସେ ମରୁବାଲି ରଇବା ଜାଗାଇ ଆଟେ ବଲି କଇବାଇ, ତମେ ତେଇ ଜାଆ ନାଇ । କି ସେମନ୍ ଇତି ଦେକିଦେକା ସେ ଲୁଟିଆଟେ ବଲି କଇବାଇ, ସେମନ୍କେ ବିସ୍ବାସ୍ କରା ନାଇ ।

୨୭ ଉଦିଆନ୍ ଦିଗେଅନି ବୁଡ୍ଡି ଦିନ୍ ଜାକ ଜେନ୍ତାରି ବିଜ୍ଲି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତାରି ଅଇକରିସେ ନରପିଲା ମୁଇ ଆଇବି ।”

୨୮ “ଜନ୍ତୁ ମତା ପିଜି ରଇବାଇ, ତେଇ ମଡକାଉ ଗିଦ୍ମନ୍ ରୁଣ୍ଡିରଇବାଇ ।”

ନରପିଲା ଆଇବାଟା

(ମାରକ୍ ୧୩:୨୪-୨୭; ଲୁକ୍ ୨୧:୨୫-୨୮)

୨୯ ସେ ଦୁକ୍ରେବେଲା ସାର୍ବା ବେଲେ, ବେଲ୍ ଜାଉଲି ଜାଇସି, ଜନ୍ ଆରି ଉଜଲ୍ ନ ତିସାଏ, ବାଦ୍ଲେଅନି ତାରାମନ୍ ଅଦର୍ବାଇ ଆରି ବାଦ୍ଲେ ଉଜଲ୍ ଦେବାଟାମନ୍ ସବୁ ବାଟ୍ ବାନା ଅଇଜିବାଇ ।

୩୦ ତାର ପଟେ ନରପିଲା ମୁଇ ବାଦ୍ଲେ ଆଇବାଟା ଦେକ୍ସା । ଆରି ତାକ୍ପୁଟାଅଇ ପାନି ବାଦ୍ଲେ ବପୁ ସଙ୍ଗ୍ ଆଇବାଟା ଦେକି ଦରଡନିର୍ ଲକ୍ମନ କାନ୍ଦାବୁବା ଅଇଜିବାଇ ।

୩୧ ବଡ୍ ପଇରି ବାଜ୍ସି । ଆରି ଗୁଲାଇ ସରଗର୍ ଗଟେକ୍ କନେ ଅନି ବିନ୍ ବିନ୍ କନେ ରଇବା ମର୍ ବାବା ବାଟି ରଇବା ଲକ୍ମନ୍କେ ଚୁଲିଆଇବାକେ ମୁନୁସ୍ ପିଲା ମୁଇ ମର୍ ଦୁଡ୍ମନ୍କେ ପାଟାଇବି ।

☆ ୨୪:୧୩ ମାତ୍ରିକ ୧୦:୨୨ ☆ ୨୪:୧୭ ଲୁକ୍ ୧୭:୩୧ ☆ ୨୪:୨୧ ପରକାସିତ ୭:୧୪ ☆ ୨୪:୨୭ ଲୁକ୍ ୧୭:୨୩,୨୪ ☆ ୨୪:୨୮ ଲୁକ୍ ୧୭:୩୭
☆ ୨୪:୨୯ ପରକାସିତ ୭:୧୨; ପରକାସିତ ୭:୧୩ ☆ ୨୪:୩୦ ପରକାସିତ ୧:୭

ତୁମ୍ଭରି ଗଟେଅନି ସିକିଆ
(ମାର୍କ ୧୩:୨୮-୩୧; ଲୁକ୍ ୨୧:୨୯-୩୩)

୩୨ ତୁମ୍ଭରି ଗଟେଅନି ସିକା । ଜେତେବେଳେ ତାର୍ କେନ୍ଦିଅନି ପତର୍ ପାଲୁଆନି କର୍ସି, ଆରି କାଁଚାପତ୍ତରିଆ ଡିସ୍‌ଲେ କାରାଦିନ୍ କେଟ୍‌ଲା ବଲି ତମେ ଜାନସା ।

୩୩ ସମାନ୍ ସେନ୍ତାରିସେ ଏ ସବୁ ଜାକ ଅଇବାଟା ଦେକ୍‌ଲେ, ସାରାସାରି ଦିନ୍‌କାଲ୍ ଆରାମ୍ ଅଇଲା ବଲି ତମେ ଜାନା ।

୩୪ “ଏତାଇରୁଆ, ମୁଇ ସତ୍ କଇଲିନି, ଏବେ ଜିବନ୍ ରଇଲା ଲକ୍‌ମନର୍ ବିତ୍‌ରେଅନି ସବୁ ଲକ୍ ମର୍ବା ଆଗ୍‌ତୁ, ଏସବୁ ବିସଇ ଗର୍ସି ।

୩୫ ସରଗ୍ ଆରି ମତ୍‌ପୁର୍ କୁରୁପ୍‌ନାସ୍ ଅଇଜାଇସି, ମାତର୍ ମର୍ ସବୁ ବାକିଅ କେବେ ମିଟ୍ ନ ଅଏ ।

ସେ ଆଇବା ବେଲା କେ ମିସା ନାଜାନତ୍
(ମାର୍କ ୧୩:୩୨-୩୬; ଲୁକ୍ ୧୭:୨୭-୩୦, ୩୪-୩୬)

୩୬ “ସେ ଦିନ୍, ସେ ବେଲା କେବେ ଆଇସି, କେ କଇନାପାରତ୍ । ପର୍‌ମେସରର୍ ପିଲା ମୁଇ ମିସା କି ସରଗର୍ ଦୁତ୍‌ମନ୍ ମିସା ସେ କାତା ନାଜାନତ୍, ବାବା ପର୍‌ମେସର୍ ଆକା ଜାନିଆଟେ ।

୩୭ ନଅର୍ ବେଳେ ଜେନ୍ତାରି ଗଟିରଇଲା, ସମାନ୍ ସେନ୍ତାରିସେ ନର୍‌ପିଲା ମୁଇ ଆଇବା ବେଲା ମିସା ।

୩୮ ପୁର୍‌ତିବି ଉପରେ ପାନି ବର୍‌ତି ଅଇବାବେଳେ ଅନି ନଅ ପାନିଜାଜେ ପୁର୍‌ବା ଜାକ, ଲକ୍‌ମନ୍ କାଆ ପିଇ ଅଇ ବିବା କାମେ ତେରେପେତେ ଅଇରଇଲାଇ ।

୩୯ ପାନିତେଇ ସେମନ୍ ବଅଁଲି ଜିବା ଜାକ, କାଇଟା ଅଇଲାନି, ଜାନି ନ ରଇଲାଇ । ନର୍‌ପିଲା ମୁଇ ଆଇବା ବେଳେ ସମାନ୍ ସେନ୍ତାରି ଅଇସି ।

୪୦ ସେ ବେଲାଇ ପଦାଇ ପାଇଟି କର୍‌ତେ ରଇବା ଦୁଇ ଲକ୍‌ର୍ ବିତ୍‌ରେ ଅନି ଗଟେକ୍ ଲକ୍‌କେ ବାଟ୍‌ବାଇ ଆରି ଗଟେକ୍ ଲକ୍‌କେ ଚାଡିଦେବାଇ ।

୪୧ ଗର୍‌ତେରଇବା ଦୁଇଟା ମାଇଜି ମନର୍ ବିତ୍‌ରେ ଅନି ଗଟେକ୍ ଲକ୍ ବାଟି ଅଇସି ଆରି ଗଟେକ୍ ଲକ୍ ରଇଜାଇସି ।

୪୨ ସେନ୍ତି ବଇଲେ ତମେ ଜାଗ୍‌ରତ୍ ଅଇ ରୁଆ, କାଇକେ ବଇଲେ ତମର୍ ମାପ୍‌ରୁ କେତେବେଲା ଆଇସି, ତମେ ନାଜାନାସ୍ ।

୪୩ ☆କେତେବଲ୍ ଚର୍ ପୁର୍‌ସି ବଲି ଜାନିରଇଲେ, ଗର୍ ସାଉକାର୍ ଜାଗ୍‌ରତ୍ ରଇ ଚର୍‌କେ ଗରେ ପୁର୍‌ବାକେ ନ ଦେଏ ।

୪୪ ତମେ ମିସା ସବୁବେଳେ ଜାଗ୍‌ରତ୍ ରଇକରି ତିଆର୍ ଅଇ ରୁଆ । କାଇକେ ବଇଲେ ତମେ ଜାଗି ନ ରଇଲା ବେଲେସେ ନର୍‌ପିଲା ମୁଇ ଉଟିଆଇବି ।

ବିସ୍‌ବାସ୍ ରଇବା ଆରି ବିସ୍‌ବାସ୍ ନ ରଇବା ଦାଙ୍ଗ୍‌ତା
(ଲୁକ୍ ୧୨:୪୧-୪୮)

୪୫ “ସେନ୍ତି ବଇଲେ କେ ତେବେ ନିମାନ୍ ଆରି ବୁଦି ରଇବା ଦାଙ୍ଗ୍‌ତା ? ଜାର୍ ଉପ୍‌ରେ ସାଉକାର୍ ବିନ୍ ଦାଙ୍ଗ୍‌ତାମନର୍ ଟିକ୍ ବେଲାଇ, କାଇବା କାଦି ଦେବା ଦାଇତ୍ ଦେଇରଇସି ।

୪୬ ସାଉକାର୍ ବାଉଡି ଆଇଲା ବେଲେ ସେ ଦାଙ୍ଗ୍‌ତା ଜଦି ଟିକ୍ ସଙ୍ଗ୍ କାମ୍ କରିରଇସି ବଇଲେ, ତାର୍ କେତେକ୍ ନିକ କରମ୍ !

୪୭ ମୁଇ ସତ୍ କଇଲିନି, ସେନ୍ତାରି ଦାଙ୍ଗ୍‌ତାକେ ସାଉକାର୍ ଗଟେକ୍ ଦିନେ ତାର୍ ସବୁ ଦନ୍ ସାଁପତିର୍ ଦାଇତ୍ ଦେଇ ଦେଇସି ।

୪୮ ମାତର୍ ସେ ଦାଙ୍ଗ୍‌ତା ଜଦି ‘ସାଉକାର୍ ନ ଆସେତା’ ବଲି ବାସ୍‌ସି ଆରି

୪୯ ବିନ୍ ଦାଙ୍ଗ୍‌ତାମନ୍‌କେ ମାଟ୍‌ପିଟ୍ କରି ମଦୁଆମନର୍ ସଙ୍ଗ୍ କିଆପିଆ କର୍‌ତେ ରଇସି,

୫୦ ସେ ଜାଗ୍‌ରତ୍ ନ ରଇଲା ବେଲେ ଆରି ଜନ୍ ବେଲାଇ ସେ ନାଜାନି ରଏ, ସେ ଦିନେ ଆରି ସେ ବେଲାଇସେ ସାଉକାର୍ ବାଉଡିଆଇସି ।

୫୧ ତାକେ ସେଡ୍‌କି ବେଲେ କଣ୍ଟ୍ କଣ୍ଟ୍ କରି କାଟି ଦେଇସି । ସେ ନାଡାଉମନର୍ ଦସାର୍ ତଣ୍ଟ୍ ପାଇସି । ଆରି ସାରାସାରି ଦାଁଡ୍ କାଡ୍‌ରି ମାଟ୍‌ଚପ୍ ଅଇ କାନ୍‌ସି ।”

୨୫

ଦସ୍‌ଟା ଦାଙ୍ଗ୍‌ଡିମନର୍ କାତା

୧ ☆“ସେଡିକିବେଲେ ସରଗ୍ ରାଇଜେ କେଟ୍‌ବା ବାଟ୍ ଏନ୍ତି ଅଇସି । ଦସ୍‌ଟା ଦାଙ୍ଗ୍‌ଡିମନ୍ ସବୁ ଲକ୍ ଗଟେକ୍ ଗଟେକ୍ ବଡି ଦାରି ବାଟେ, ବର୍ ଦାଙ୍ଗ୍‌ଡାକେ ଜାଗ୍‌ବାର୍ ଜାଇରଇଲାଇ ।

୨ ସେମନର୍ ବିତ୍‌ରେଅନି ପାଁଟ୍‌ଟା ଦାଙ୍ଗ୍‌ଡି ଚତୁର୍ ରଇଲାଇ, ଆରି ପାଁଟ୍‌ଟା ଦାଙ୍ଗ୍‌ଡି ବକୁଆ ରଇଲାଇ ।

୩ ବକୁଆ ରଇଲା ଦାଙ୍ଗ୍‌ଡିମନ୍ ଅଦିକ୍ ଟିକନ୍ ନେଇ ନ ରଇଲାଇ ।

☆ ୨୪:୪୩ ଲୁକ୍ ୧୨:୩୯,୪୦ ☆ ୨୫:୧ ଲୁକ୍ ୧୨:୩୫

୪ ମାତୃତ ଚତୁର୍ ରଇବା ଦାଙ୍ଗୁଡ଼ିମନ୍ ନିଜର୍ ନିଜର୍ ବଡ଼ି ଟାନ୍ନେ ରଇବାଟା ଚାଡ଼ି ଆରି କାଁଟେ ମିସା ଚିକନ୍ ବରଡ଼ି କରି ନେଇରଇଲା ।

୫ ବର୍ ଦାଙ୍ଗୁଡ଼ି ଆଇବାଟା ଅଲ୍‌ସମ୍ ଅଇଲାକେ ଦାଙ୍ଗୁଡ଼ିମନ୍ ଜୁମ୍‌ରି ଜୁମ୍‌ରି କରି ସଇଦେଲା ।”

୬ ମଜା ରାତିବେଲା ଆଉଲି ସୁନି ଅଇଲା, “ଏଦେ ଦେକା ! ବର୍ ଦାଙ୍ଗୁଡ଼ି ଆଇଲାବେ ! ଆସା ସେମନ୍‌କେ ଡାକିଆନ୍ !”

୭ ଦାଙ୍ଗୁଡ଼ିମନ୍ ଉଚିକରି ନିଜର୍ ନିଜର୍ ବଡ଼ିମନ୍ ସାଜାଡ଼ିଲା ।

୮ ସେଡ଼ିକି ବେଲେ ବକୁଆ ଦାଙ୍ଗୁଡ଼ିମନ୍ ଚତୁର୍ ରଇଲା ଦାଙ୍ଗୁଡ଼ିମନ୍‌କେ କଇଲା “ଆମ୍‌କେ କଣ୍ଡେକ୍ ଚିକନ୍ ଦିଆ । ଆମ୍‌ର ବଡ଼ି ଲିବିଗାଲାନି ।”

୯ ଚତୁର୍ ଦାଙ୍ଗୁଡ଼ିମନ୍ କଇଲା, “ତମ୍‌କେ ଦେଲେସରି ଆମ୍‌ର ପାଇ ଚିକନ୍ ନ ଅଏ । ତମେ ଦୁକାନେ ଜାଇ ନିଜର୍ ନିଜର୍ ପାଇ ଚିକନ୍ ଗେନିଆନା ।”

୧୦ ସେଟାରପାଇ ବୁଦି ନଇଲା ଦାଙ୍ଗୁଡ଼ିମନ୍ ଚିକନ୍ ଗେନବାକେ ବାରଇଲା । ସେମନ୍ ଗାଲା, ପଟେ ବର୍ ଦାଙ୍ଗୁଡ଼ି ଆସି କେଟଲା । ଜାଗରଡ଼ ଅଇରଇଲା ପାଁଟା ଚତୁର୍ ଦାଙ୍ଗୁଡ଼ିମନ୍ ତାକର୍ ସଙ୍ଗି ବିବା ବଜିତେଇ ଗାଲା ପଟେ କାପାଟ୍ ଡାବିଅଇଗାଲା ।

୧୧ *ସେ ବୁଦି ନ ରଇଲା ଦାଙ୍ଗୁଡ଼ିମନ୍ ପଟେ ସେ ଜାଗାଇ ଆଇଲା, ଏ ମାପୁରୁ, ଏ ମାପୁରୁ କାପାଟ୍ ଉଗାଡ଼ା, ଆମେ ବିଡ଼ରେ ଜିବୁ ବଲି ସେମନ୍ ଆଉଲି ଅଇଲା ।

୧୨ ବର୍ଦାଙ୍ଗୁଡ଼ି କଇଲା, “ମୁଇ ସଡ଼ କଇଲିନି, ତମେ କେ, ମୁଇ ନାଜାନି ।”

୧୩ କାତା କଇବାଟା ସାରାଇ, କରି ଜିସୁ କଇଲା, “ଜାଗରଡ଼ ଅଇ ରୁଆ । ସେ ଦିନ୍ କି ବେଲା କେ ମିସା ନାଜାନାସ୍ ।”

ଡିନଟା ଚାକରର୍ କାତା

(ଲୁକ୍ ୧୯:୧୧-୨୭)

୧୪ *ସରଗ୍ ରାଇଜ୍ ଏନ୍ତାରି, ସେ ବିସଇର୍ ଆରି ଗଟେକ୍ କାତା ସୁନା । ତରେକ୍ ଗଟେକ୍ ଲକ୍ ତାର୍ ଚାକରମନ୍‌କେ, ତାର୍ ସଁପତି ଚାଡ଼ିଦେଇ ବିଦେସେ ଉଚିଗାଲା ।

୧୫ ସେମନ୍‌ର ପାର୍‌ବା ଇସାବେ ସେମନ୍‌କେ କେଡେକ୍ କେଡେକ୍ ତାରୁ ଜିମା ଦେଲା । ଗଟେକ୍ ଲକ୍‌କେ ପାଁଟ୍ ଅଜାର୍ ରୁପା ଟାଙ୍ଗା ଦେଲା, ଗଟେକ୍ ଲକ୍‌କେ ଦୁଇ ଅଜାର୍, ଆରି ଗଟେକ୍‌ଲକ୍‌କେ ଅଜାର୍ ରୁପା ଟାଙ୍ଗା ଦେଲା । ଆରି ବିଦେସେ ଉଚିଗାଲା ।

୧୬ ପାଁଟ୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ସେ ତାରୁ ବେବାର୍ କରି ଆରି ପାଁଟ୍ ଅଜାର୍ ଲାବ୍‌କଲା ।

୧୭ ସେନ୍ତାରି ଦୁଇ ଅଜାର୍‌ଟା ନେଇରଇଲା ଚାକର୍ ମିସା ଆରି ଦୁଇ ଅଜାର୍ ଲାବ୍‌କଲା ।

୧୮ ମାତୃତ ଜନ୍ ଚାକର୍ ଅଜାର୍‌ଟା ପାଇରଇଲା, ସେ ଗଟେକ୍ କାଲ୍‌କୁନି ସାଉକାର୍ ଦେଇରଇବା ସେ ରୁପା ଟାଙ୍ଗା ଲୁଗାଇ ସଙ୍ଗିଲା ।

୧୯ “ବେସିଦିନ୍ ଗାଲା ପଟେ ସାଉକାର୍ ବାଅଡ଼ିଲା ଆରି ଚାକରମନ୍‌ର ସଙ୍ଗି ଇସାବ୍‌କିତାବ୍ କଲା ।”

୨୦ ପାଁଟ୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ଆସି ଆରି ପାଁଟ୍ ଅଜାର୍ ଦେଇ କଇଲା, “ସାଉକାର୍ ତମେ ମକେ ପାଁଟ୍ ଅଜାର୍ ଦେଇରଇଲାସ୍, ଏଦେ ଦେକା, ମୁଇ ଆରି ପାଁଟ୍ ଅଜାର୍ ଲାବ୍ କଲିଆଟି ।”

୨୧ ସାଉକାର୍ ସାର୍‌ଦା ଅଇ ତାକେ କଇଲା, “ଚିକ୍ କରିଆରୁସ୍, ତୁଇ ମର୍ କେଡେକ୍ ନିକ ଆରି ବିସ୍‌ବାସ୍ ରଇବା ଚାକର୍ ! ତମେ ବିସ୍‌ବାସ୍ ସଙ୍ଗି ଉନା ଦନ୍ କାର୍‌ବାର୍ କରି ରଇଲାର୍ ପାଇ ତମ୍‌କେ ବେସି ଦନ୍ ଚାଡ଼ିଦେବି । ଆଉ ମର୍ ସଙ୍ଗି ସାର୍‌ଦା କର୍ ।”

୨୨ “ଦୁଇ ଅଜାର୍ ରୁପାଟାଙ୍ଗା ନେଇ ରଇଲା ଚାକର୍ ଆସି କଇଲା, ସାଉକାର୍ ତମେ ମକେ ଦୁଇ ଅଜାର୍ ଦେଇ ରଇଲାସ୍, ମୁଇ ଆରି ଦୁଇ ଅଜାର୍ ଲାବ୍ କଲିଆଟି ।”

୨୩ ସାଉକାର୍ କଇଲା, କେଡେକ୍ ନିକ ! ତୁଇ ମିସା ମର୍ ବଡ଼ିଆ ଚାକର୍ । ଉନା ତାରୁ ମିସା ନିକକରି କାମେ ଲାଗାଇଲୁସ୍ । ଏବେ ତର୍ ଜିମାରେ ମୁଇ ବୁଡେକ୍ ଦନ୍ ଦେବି । ଆଉ ମର୍ ସଙ୍ଗି ସାର୍‌ଦା କର୍ ।

୨୪ ସାରାସାରି ଅଜାର୍ ରୁପାଟାଙ୍ଗା ପାଇରଇଲା ଚାକର୍ ଆସି କଇଲା, “ଏ ସାଉକାର୍ ମୁଇ ଜାନି, ତମେ ଗଟେକ୍ ବେସି ରିସା ଅଇବା ଲକ୍ । ବୁନି ନ ରଇବା ପଦାଇ କାଟ୍‌ସା ଆରି ବିଅନ୍ ନ ବୁନିକରି ତାସ୍ ବାରା ବାନ୍‌ସା ।

୨୫ ସେଟାର୍ ପାଇ ମୁଇ ଉଚିକରି ତମର୍ ଦନ୍ ମାଟିତେଇ କାଲ୍‌କୁନି ତପି ରଇଲି । ଏଦେ ଦେକା ! ତମର୍ ସେ ଟାଙ୍ଗା !”

୨୬ ସାଉକାର୍ କଇଲା, “ଅଇରେ କାମ୍‌କେ ନଇଲା ବାଡୁ ! ତୁଇତା ଜାନିରଇଲୁସ୍, ମୁଇ ଜନ୍ତି ବୁନି ନ ରଇ, ତେଇ ତାସ୍ ରୁଲିଆଇବି ।

୨୭ ତେବେ ମର୍ ଟାଙ୍ଗାନେଇ ବିନ୍ ଲକ୍‌ମନ୍‌କେ କଲନ୍ତର୍ ଇସାବେ ଦେଇରଇଲେ ମିସା ତେଇଅନି ମକେ କଲନ୍ତର୍ ମିଲ୍‌ତା ।”

୨୮ ଏନ୍ତାରି କଇ ସାଉକାର୍ ଆଦେସ୍ ଦେଲା, ଏ ଚାକରରଟାନେ ଅନି ସବୁ ଟାଙ୍ଗା ନେଇ, ଜାର୍ ଆତେ ଦସ୍‌ଅଜାର୍ ଆଚେ, ତାକେ ଦେଇଦିଆସ୍ ।

୨୯ ✽କାଇକେ ବଇଲେ ଜାକେ ଆଚେ, ତାକେ ଅଦିକ୍ ଦିଆଅଇସି । ଆରି ସେ ଅଦିକ୍ ଅଦିକ୍ ଲାବ୍ କର୍ସି । ମାତର୍ ଜାକେ ନାଇ ତାରଲଗେ ଜାଇଟା ଆଚେ, ସେଟା ମିସା ତାରତେଇଅନି ଚାତାଇ ନିଆଅଇସି ।

୩୦ ✽ଏ କାମ୍‌କେ ନଇଲା ଚାକରକେ ବାଇରେ ଦାରିଜା ଆରି ଆନ୍ଦାରେ ପଞ୍ଜିଦିଆସ୍ । ତେଇ ସେ କିଲିବିଲିଅଇ ଦାଡ୍ କାଡ୍‌ରି ମାରି ଚପି ଅଇ କାନ୍‌ସି ।

ସାରାସାରିର୍ ବିଚାର୍

୩୧ ✽ଜେତେବେଲା ନର୍‌ପିଲା ମୁଇ ରାଜାଅଇ ମର୍ ସରଗର୍ ଦୁଡ୍‌ମନର୍ ସଙ୍ଗ୍ ଆଇବି, ଆରି ମର୍ ଡାକ୍‌ପୁଟା ବସ୍‌ବା ଜାଗାଇ ବସ୍‌ବି,

୩୨ ସବୁ ଜାତିର୍ ଲକ୍ ମର୍ ମୁଆଟେ ଚୁଲ୍ ଅଇବାଇ । ସେଡ୍‌କି ବେଲା ଗଉଡ୍ ଜେନ୍ତି ମେଣ୍ଡା ଆରି ଚେଲିମନ୍‌କେ ବେଗ୍‌ଲାଇସି, ସେନ୍ତି ନର୍‌ପିଲା ମୁଇ ଲକ୍‌ମନ୍‌କେ ଦୁଇ ଦଲ୍ କରି ବାଗ୍ କର୍ବି ।

୩୩ ଦରମ୍ ଲକ୍‌ମନ୍‌କେ ଉଜା ବାଟେ ଆରି ବିନ୍ ଲକ୍‌ମନ୍‌କେ ମର୍ ତେବ୍‌ରି ବାଟେ ସଙ୍ଗ୍‌ଇବି ।

୩୪ ତାର୍ ପଚେ ମର୍ ଉଜାବାଟେ ରଇଲା ଲକ୍‌ମନ୍‌କେ ମୁଇ କଇବି, “ଆସା, ତମ୍‌କେ ମର୍ ବାବା ଆସିର୍‌ବାଦ୍ କଲାଆଚେ । ଦୁନିଆ ତିଆର୍‌ଅଇଲା ବେଲେଅନି ଜନ୍ ରାଇଜ୍ ତମର୍ ପାଇ ତିଆର୍ ଅଇଲା ଆଚେ, ଆସା, ତେଇ ଜାଇ ପୁରା ।

୩୫ ମୁଇ ବୁକେ ରଇଲି, ତମେ ମକେ କୁଆଇଲାସ୍ । ମକେ ସସ୍ କଲା, ତମେ ମକେ କାଇବାକେ ଦେଲାସ୍ । ମୁଇ ଚିନାର୍ ଜାନାର୍ ନ ରଇଲି, ମକେ ତମର୍ ଗରେ ଗତିଆ କରି ଡାକ୍‌ଲାସ୍ ।

୩୬ ମୁଇ ହୁମ୍‌ଣ୍ଡା ରଇଲି, ମକେ ବସ୍‌ତର୍ ପିନ୍‌ଆଇଲାସ୍ । ମୁଇ ଜର୍‌ଦାରାଇ ଅଇରଇଲି, ମକେ ଜତନ୍ କଲାସ୍ । ମୁଇ ବନ୍ଦି ଗରେ ରଇଲି ମକେ ଦେକ୍‌ବାର୍ ଆସିରଇଲାସ୍ ।”

୩୭ ଦରମ୍ ଲକ୍‌ମନ୍ କଇବାଇ, “ମାପୁରୁ ! କେବେ ତମେ ବୁକେ ରଇଲାଟା ଦେକି ତମ୍‌କେ କାଇବାକେ ଦେଇରଇଲୁ ? କେବେ ତମ୍‌କେ ସସ୍ କଲାଜେ ପାନି କାଇବାକେ ଦେଇ ରଇଲୁ ?

୩୮ କେବେ ତମେ ଚିନାର୍ ଜାନାର୍ ନ ଅଇରଇଲାସ୍ ଜେ ଆମେ ତମ୍‌କେ ଗତିଆ କରି ଗରେ ଡାକି ରଇଲୁ ? ଆରି କେବେ ହୁମ୍‌ଣ୍ଡା ରଇଲାସ୍ ଜେ ପିନ୍‌ବାକେ ବସ୍‌ତର୍ ଦେଇ ରଇଲୁ ?

୩୯ କେବେ ତମେ ଜର୍ ଦାରାଇ ଅଇରଇଲାସ୍‌ଜେ ଆମେ ତମ୍‌କେ ଜତନ୍ କଲୁ ? ଆରି କେବେ ତମେ ବନ୍ଦି ଗରେ ରଇଲାସ୍‌ଜେ ଆମେ ଦେକ୍‌ବାର୍ ଆସିରଇଲୁ ?”

୪୦ ପଚେ, ମୁଇ ସେମନ୍‌କେ କଇବି, ମୁଇ ତମ୍‌କେ ସଡ୍‌କଇଲିନି, ଏ ମର୍ ବାଇମନର୍ ବିଡ୍‌ରେ ସବୁଟାନେଅନି ଗଟେକ୍ ସାନ୍ ଲକ୍‌ର୍ ପାଇ, ଜାଇଟା ସବୁ କରିଆଚାସ୍, ସେଟା ମର୍ ପାଇ କରାଆଚାସ୍ ।

୪୧ ତାର୍‌ପଚେ ତେବ୍‌ରିବାଟେ ବସି ରଇବା ଲକ୍‌ମନ୍‌କେ ମୁଇ କଇବି “ଏଇ ସାଇପ୍ ପାଇରଇବା ଦଲ୍‌ର୍ ଲକ୍‌ମନ୍ ! ମର୍ ମୁଆଟେ ରୁଆନାଇ । ସଇତାନ୍ ଆରି ତାର୍ ସଙ୍ଗ୍ ରଇଲା ଦୁଡ୍‌ମନର୍ ପାଇ, ସବୁବେଲେ ଲାଗି ରଇବା ଜଇକୁଣ୍ଡ ତିଆର୍ ଅଇଲାଆଚେ । ତେଇ ଜାଆ !

୪୨ ମୁଇ ବୁକେ ରଇଲି, ତମେ ମକେ କାଇବାକେ ଦିଆସ୍ ନାଇ, ମକେ ସସ୍ କଲାଜେ ପାନି ଗୁଡିକ୍ ଦିଆସ୍ ନାଇ ।

୪୩ ମୁଇ ଅଚିନାର୍ ଅଇ ରଇଲା ବେଲେ ମକେ ଡାକାସ୍ ନାଇ । ମୁଇ ହୁମ୍‌ଣ୍ଡା ରଇଲା ବେଲେ ମକେ ବସ୍‌ତର୍ ପିନ୍‌ଆସ୍ ନାଇ । ଜର୍ ଦାରାଅଇ ଆରି ବନ୍ଦି ଅଇ ରଇଲା ବେଲେ, ମକେ ଜତନ୍ କରାସ୍‌ନାଇ ।”

୪୪ ସେମନ୍ ସେଡ୍‌କିବେଲେ ମକେ କଇବାଇ, “ମାପୁରୁ, ତମ୍‌କେ ଆମେ କେବେ ବୁକେ ରଇଲା ବେଲେ, ସସେ ରଇଲା ବେଲେ, ଅଚିନାର୍ ରଇଲା ବେଲେ, ହୁମ୍‌ଣ୍ଡା ରଇଲା ବେଲେ ଆରି ଜର୍ ଦାରାଇଅଇ ବନ୍ଦି ରଇବାଟା ଦେକି ତମ୍‌କେ ସାଇଜ କରୁ ନାଇ ?”

୪୫ ସତଇସେ ମୁଇ କଇବି, “ଏ ସାନ୍ ଲକ୍‌ମନର୍ ବିଡ୍‌ରେଅନି ଗଟେକ୍ ଲକ୍‌କେ ସାଇଜ କର୍‌ବାକେ ମନାକର୍‌ବା ବେଲେ, ତମେ ମକେ ସାଇଜ କରାସ୍ ନାଇ ।

୪୬ ଏନ୍ତାରି ଲକ୍‌ମନ୍‌କେ ସବୁ ଦିନର୍ ପାଇ ଡଣ୍ଡ ମିଲ୍‌ସି ଆରି ଦରମ୍ ଲକ୍‌ମନ୍ ନ ସାର୍‌ବା ଜିବନ୍ ପାଇବାଇ ।”

୨୭

ଜିସୁର୍ ବିରୁଦେ ପାଁର୍‌ବାଟା

(ମାର୍‌କ ୧୪:୧-୨; ଲୁକ୍ ୨୨:୧-୨; ଜଅନ୍ ୧୧:୪୫-୫୩)

୧ ଜିସୁ ଏ ସବୁ ସିକିଆ ଦେଇ ସାରାଇଲା ପଚେ ସିସ୍‌ମନ୍‌କେ,

୨ “ନିସ୍‌ତାର୍ ପରବ୍ ଅଇବାକେ ଆରି ଦୁଇ ଦିନ୍ ଆଚେ । ସେଟା ତମେ ଜାନାସ୍ । ସେଡ୍‌କିବେଲେ ନର୍‌ପିଲା ମୁଇ କୁର୍‌ସେ ମର୍‌ବାକେ ଲକ୍‌ମନ୍‌କେ ସର୍‌ପି ଅଇବି ।”

୩ ସେବେଲେ ମୁକ୍ତି ପୁଜାରିମନ୍ ଆରି ପାର୍ବତୀମନ୍ ବଡ଼ ପୁଜାରି କୟାପାର୍ ଗରେ ରୁଣ୍ଡ ଅଇଲା ।
 ୪ ସେମନ୍ କେ ନାଜାନଲାପାରା ଜିସୁକେ ଦାରି ମରାଇବାକେ ପାଁନା କଲା ।
 ୫ ମାତର୍ ସେମନ୍ କଇଲା, “ଆମେ ପରବ୍ ବେଲେ ଏ କାମ୍ କରବାଟା ଟିକ୍ ନଏ । ସେ ବେଲେ ଲକ୍ମନ୍ ଗଣ୍ଡଗଲ୍ ମିସା କରିପାରତ୍ ।”

ଜିସୁକେ ବେଡ଼ନିଆଇ ଟିକନ୍ ଲାଗାଇଲା
 (ମାର୍କ ୧୪:୩-୯; ଜଅନ୍ ୧୨:୧-୮)

୬ ଜିସୁ ଦିନେକ୍ ବେଡ଼ନିଆଇ, ଆଗେଅନି ବଡ଼ରଗ୍ ଅଇ ରଇବା ସିମନ୍ ଗରେ ରଇଲା ।
 ୭ *ସିମନ୍ ଗରେ ସେ କାଇବାକେ ବସି ରଇଲା ବେଲେ, ଏଦେ ଦେକା ! ଗଟେକ୍ ମାଇଜି ଆଲାବାସ୍ତା ନାଉଁର୍ ପାକନାସଙ୍ଗ୍ ତିଆରକଲା କଣ୍ଡିତେଇ ବେସି ଦାମର୍ ବାସନା ଟିକନ୍ ବଡ଼ି କରି ଆନି ତାର୍ ମୁଣ୍ଡେ ତାଲି ଦେଲା ।
 ୮ ଏଟା ଦେକିକରି ତାର୍ ସିମନ୍ ରିସା ଅଇଗାଲା । ସେମନ୍ ତାକେ ପାଟାରଲା, “ଏଡେକ୍ପାରା ଟିକନ୍ କାଇକେ ରୁଟାଇ ରୁଟାଇ ତାଲିପାକାଇଲୁସ୍ ?
 ୯ ଏ ବାସନା ଟିକନ୍ ବିକଲେ ସରି, ବେସି ତାରୁ ମିଲ୍ତା ଆରି ସେଟା ଗରିବ୍ ଲକ୍ମନ୍କେ ଦାନ୍ ଦେବାର୍ ଅଇତା ।”
 ୧୦ ସେମନ୍ କାଇଟା ବଲି କଇଲା, ଏଟା ଜାନିକରି ଜିସୁ କଇଲା, “ତାକେ କାଇକେ ତମେ ଅଇରାନ୍ କଲାସ୍ନି ? ସେ ମର୍ ପାଇ ଗଟେକ୍ ନିକ ଆରି ସୁନ୍ଦର୍ କାମ୍ କଲାଆଟେ ।”
 ୧୧ “ତମେ ସବୁବେଲେ ଗରିବ୍ ଲକ୍ମନ୍ ସଙ୍ଗ୍ ମିସା । ମାତର୍ ମର୍ସଙ୍ଗ୍ ସବୁବେଲେ ରଇ ନାପାରାସ୍ ।
 ୧୨ ସେ ମର୍ ଉପରେ ବାସନା ଟିକନ୍ ରକଇକରି, ମକେ ସମାଦି ଦେବା ଆଗତୁ, ତିଆର୍ କରି ଦେଲାଆଟେ ।
 ୧୩ ମୁଇ ତମ୍କେ ସଡ଼କାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପୁରୁ ନିକ କବର୍ ଜାନାଇଅଇସି, ଏ ମାଇଜି ଜାଇଟା କଲାଆଟେ, ତାକେ ଏତାଇକରି ସେଟା ମିସା କଇବାଇ ।”

ଜିସୁକେ ଦାରାଇଦେବାକେ ଜିଉଦାର ରାଜି
 (ମାର୍କ ୧୪:୧୦-୧୧; ଲୁକ୍ ୨୨:୩-୬)

୧୪ ଜିସୁର୍ ବାରଟା ସିମନ୍ ବିଡ଼ରେଅନି ଇସ୍କାରିୟତ୍ ଜିଉଦା ନାଉଁର୍ ଗଟେକ୍ ସିସ୍ ମୁକ୍ତି ପୁଜାରିମନ୍ ଲଗେ ଜାଇ ପାଟାରଲା ।
 ୧୫ “ଜିସୁକେ ଦାରାଇଦେଲେ ମକେ କାଇଟା ଦେଇସା ?” ସେମନ୍ ତାକେ ଡିରିସ୍ତା ରୁପାଟାଙ୍ଗା ଏଜିକରି ଦେଲା ।
 ୧୬ ସେ ଦିନେଅନି ଜିଉଦା ଜିସୁକେ ଦାରାଇ ଦେବାକେ ବେଲା କଡ଼ତେରଇଲା ।

ନିସ୍ତାର୍ ପରବର୍ ବଜି
 (ମାର୍କ ୧୪:୧୨-୨୧; ଲୁକ୍ ୨୨:୭-୧୪, ୨୧-୨୩; ଜଅନ୍ ୧୩:୨୧-୩୦)

୧୭ ନିସ୍ତାର୍ ପରବର୍ ପରତୁମ୍ ଦିନେ ସିମନ୍ ଆସି ଜିସୁକେ ପାଟାରଲା, “ତମର୍ ପାଇ ଆମେ କନ୍ତି ନିସ୍ତାର୍ ପରବର୍ ବଜି ତିଆର୍ କରୁ ?”
 ୧୮ ଜିସୁ କଇଲା, “ନଅରେ ଜାଇ ସେ ଲକ୍ମକେ କଇସା, ତାର୍ ଦିନକାଲ୍ କେଟି ଆଇଲାନି ବଲି ଗୁରୁ କଇଲା ଆଟେ । ତାର୍ ସିମନ୍ ସଙ୍ଗ୍ ତମର୍ ଗରେ ସେ ନିସ୍ତାର୍ ପରବର୍ ମାନସି ।”
 ୧୯ ସିମନ୍, ଜିସୁ କଇଲା ଇସାବେ ନିସ୍ତାର୍ ପରବର୍ ବଜି ତିଆରକଲା ।
 ୨୦ ସଙ୍ଗ୍ ଅଇଲାକେ ଜିସୁ ଆରି ତାର୍ ବାରଟା ସିମନ୍ କାଇବାର୍ ବସଲା ।
 ୨୧ କାଇବା ବେଲେ ଜିସୁ କଇଲା, “ମୁଇ ତମ୍କେ ସଡ଼ କଇଲିନି, ତମର୍ ବିଡ଼ରେଅନି ଗଟେକ୍ ଲକ୍ ମକେ ବିସ୍ବାସେ ବିସ୍ଦେଲା ପାରା କରସି ।”
 ୨୨ ଏ କାତା ସୁନି ସିମନ୍ କାବା ଅଇଗାଲା । ଆରି ଗଟେକ୍ ଗଟେକ୍ ଲକ୍ ଜିସୁକେ ପାଟାରଲା “ମାପୁରୁ ସେ ଲକ୍ ମୁଇ କି ?”
 ୨୩ ଜିସୁ କଇଲା, “ଜନ୍ ଲକ୍କି ମର୍ସଙ୍ଗ୍ ଗିନାତେଇ ରୁଟି ଚବାଲ୍ଲା, ସେ ଆକା ।” ସେ ମକେ ବିସ୍ବାସେ ବିସ୍ ଦେଲାପାରା କରସି ।
 ୨୪ ସାସ୍ତରର୍ ଲେକା ଇସାବେ ମୁନ୍ସପିଲା ମୁଇ ମରିଜିବି, ମାତର୍ ଜେ ମକେ ଦାରାଇ ଦେଇସି, ତାର୍ ଦସା କେଡେ ଇନସ୍ତା ଅଇସି ! ସେ ଜନମ୍ ନ ଅଇରଇଲେ ନିକ ଅଇତା ।
 ୨୫ ବିସ୍ବାସେ ବିସ୍ ଦେଉ ଜିଉଦା ଉଟି ପାଟାରଲା, “ଗୁରୁ ତମେ ମକେ ଦେକାଇକରି କୁଆସନାଇ ତ ?” ଜିସୁ ତାକେ କଇଲା, “ସେଟା ତୁଇସେ କଇଲୁସ୍ନି ।”

ମାପୁରୁ ବଜି
 (ମାର୍କ ୧୪:୨୨-୨୬; ଲୁକ୍ ୨୨:୧୪-୨୦; ୧ମ କରନ୍ତିୟ ୧୧:୨୩-୨୫)

୨୬ ସେମନ୍ କାଈବା ବେଲେ ଜିସୁ ଗଟେକ୍ ରୁଟି ଦାରି ପର୍ମେସର୍‌କେ ଦନିଅବାଦ୍ ଦେଲା, ଆରି ସେଟା ବାଞ୍ଚାଇ ସିସ୍‌ମନ୍‌କେ ଦେଇ କଇଲା, “ଏଟା ମର୍ ଗାଗଡ୍ । ନିଆ ଆରି କାଆ ।”

୨୭ ତାର୍‌ପଟେ ଅଙ୍ଗୁରରସ୍ ରଇଲା ମୁତା ଦାରି ପର୍ମେସର୍‌କେ ଦନିଅବାଦ୍ ଦେଲା ଆରି ତାର୍ ସିସ୍‌ମନ୍‌କେ କଇଲା, “ତମେ ସବୁ ଲକ୍ ଏ ମୁତାରଟା କାଆ ।

୨୮ ଏଟା ମର୍ ବନି । ମୁନୁସ୍‌ମନ୍‌ର୍ ପାପ୍‌କେମାର୍ ଲାଗି ମୁଇ ମର୍ ଜନ୍ ବନି ତାଲି ଦେବି ବଲି ଗାଲିନି, ସେଟା ପର୍ମେସର୍ ନୁଆ ନିୟମ୍ ଟିକ୍ କରସି ।

୨୯ ମୁଇ ତମ୍‌କେ କଇଲିନି, ମର୍ ବାବାର୍ ରାଇଜେ ତମର୍ ସଙ୍ଗ୍ ନୁଆ ଅଙ୍ଗୁର୍ ରସ୍ କାଈବା ଜାକ ମୁଇ ଆରି କେବେ ଏ ରସ୍ ନ କାଇ ।”

୩୦ ତାର୍‌ପଟେ ସେମନ୍ ଦନିଅବାଦର୍ ଗିଡ୍ ଗାଇ ଗାଇ କରି ଜିଡ୍‌ନାଉର୍ ପର୍‌ବଡେ ଗାଲାଇ ।

ପିତର୍ ନାଜାନି ବଲ୍‌ବା ବିସଇ ଜିସୁ କଇବାଟା
(ମାର୍‌କ ୧୪:୨୭-୩୧; ଲୁକ୍ ୨୨:୩୧-୩୪; ଜଅନ୍ ୧୩:୩୬-୩୮)

୩୧ ସେବେଲେ ଜିସୁ ସେମନ୍‌କେ କଇଲା, “ଆଜି ରାତି ତମେ ସବୁ ଲକ୍ ମକେ ଚାଡ଼ିକରି ଉଟିଜାଇସା । ସାସ୍‌ତର୍ କଇଲାଲି, ମୁଇ ମେଣ୍ଟା ଚାରାଉକେ ମରାଇବି ଆରି ମେଣ୍ଟାମନ୍ ତିନ୍‌ବିନ୍ ଅଇଜିବାଇ ।

୩୨ *ମାତର୍ ମୁଇ ମରିକରି ଆରି ତର୍ ଉଟ୍‌ଲା ପଟେ, ତମର୍ ଆଗ୍ରୁ ଆଗ୍ରୁ ଗାଲିଲି ରାଇଜେ ଜିବି ।”

୩୩ ପିତର୍ ଜିସୁ‌କେ କଇଲା, “ତମ୍‌କେ ବିନ୍ ଲକ୍‌ମନ୍ ସବୁ ଚାଡ଼ିକରି ଉଟିଗାଲେ ମିସା ମୁଇ ଚାଡ଼ି ନ ଜାଇ ।”

୩୪ ଜିସୁ ପିତର୍‌କେ କଇଲା, “ମୁଇ ସଡ୍ କଇଲିନି ଆଜି ରାତି କୁକ୍‌ତା ନ ଡାକ୍‌ଡେ, ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

୩୫ ପିତର୍ କଇଲା, “ଜଦି ମୁଇ ତମର୍ ସଙ୍ଗ୍ ମର୍‌ବାର୍ ରଇଲେ ମିସା, ମୁଇ ତମ୍‌କେ କେବେ ନାଜାନି ବଲି ନ କଇ ।” ବିନ୍ ସିସ୍‌ମନ୍ ମିସା ସେନ୍ତାର୍ କଇଲାଇ ।

ଗେଡ୍‌ସିମନି ବାଡେ ଜିସୁର୍ ପାର୍‌ତନା
(ମାର୍‌କ ୧୪:୩୨-୪୨; ଲୁକ୍ ୨୨:୩୯-୪୬)

୩୬ ତାର୍ ପଟେ ଜିସୁ ତାର୍ ସିସ୍‌ମନ୍‌ର୍ ସଙ୍ଗ୍ ଗେଡ୍‌ସିମନି ନାଉର୍ ଗଟେକ୍ ଜାଗାଇ ଜାଇ ସେମନ୍‌କେ କଇଲା, “ତମେ ଇତି ଚନେକ୍ ବସି ରୁଆ । ମୁଇ ସେ ଲଗେ ଜାଇ ପାର୍‌ତନା କରବି ।”

୩୭ ସେ ପିତର୍‌କେ ଆରି ଜେବଦିର୍ ଦୁଇଟା ପିଲାମନ୍‌କେ ତାର୍ ସଙ୍ଗ୍ ଡାକିନେଲା । ସେଡ୍‌କି ବେଲେ ସେ ବେସି ଦୁକ୍ କସ୍‌ଟ ଆରି କିଲ୍‌ବିଲ୍‌ଅଇ,

୩୮ ସେମନ୍‌କେ କଇଲା, “ଦୁକ୍ ଅଇ ମର୍ ଜିବନ୍ ଚିଡିଗାଲା ପାରା ଲାଗ୍‌ଲାଲି । ଇତି ତମେ ମକେ ଜାଗିରୁଆ ।”

୩୯ ଜିସୁ ଡାକର୍ ଗାନେଅନି କଣ୍ଠେକ୍ ଦୁରିକେ ଜାଇ ବୁର୍ଷି ଉମତାଡିଅଇ ପାର୍‌ତନା କଲା, “ବାବା ଜଦି ଅଇସି ବଇଲେ ଏ ଦୁକ୍ ପୁରୁନର୍ ମୁତା ମର୍‌ଟାନେଅନି ଦାରି ଜା, ମାତର୍ ମୁଇ ମନ୍ କଲାଟା ନର୍ଷି, ତମେ ମନ୍ କଲାଟା ପୁରାପୁରୁନ୍ ଅ ।”

୪୦ ତାର୍‌ପଟେ ସେ ତିନ୍‌ଟା ସିସ୍‌ମନ୍‌ର୍ ଲଗେ ବାଉଡି ଆସି ଦେକ୍‌ଲା, ସେମନ୍ ସଇଦେଇଆଡ୍ । ଜିସୁ ପିତର୍‌କେ କଇଲା, “ତମେ ଗଟେକ୍ ଗଟା ମିସା ଜାଗି ନାପାର୍‌ଲାସ୍ ?

୪୧ ଜେଡ୍‌କି ପରିକାର୍ ବେଲାଇ ନ ଆରିଜିବାକେ, ଜାଗିରଇ ପାର୍‌ତନା କରା । କାଇକେ ବଇଲେ ଆଡ୍‌ମା କରବି ବଲି ମନ୍ କଲାଲି, ମାତର୍ ଗାଗଡ୍ ନିଚି ବଇଲାଲି ।”

୪୨ ଜିସୁ ଆରି ତରେକ୍ ଜାଇ ପାର୍‌ତନା କଲା, “ଏ ମର୍ ବାବା ଜଦି ଏ ଦୁକ୍ ମୁତା ମର୍‌ଟାନେଅନି ନ ନେଲେ, ମୁଇ ସେଟା କାଈବାକେ ସେ ପଡ୍‌ସି । ମାତର୍ ମୁଇ ମନ୍ କଲାଟା ନାଇ, ତମେ ମନ୍ କଲାଟା ପୁରାପୁରୁନ୍ ଅ ।”

୪୩ ସେ ଆରି ତରେକ୍ ବାଉଡି ଆସି ସିସ୍‌ମନ୍ ସଇରଇଲାଟା ଦେକ୍‌ଲା । ସେମନ୍‌କେ ଗୁନ୍ ଡାବି ଆନ୍‌ଡେ ରଇଲାଜେ ଆଁକି ଦେକି ନାପାର୍‌ଡେ ରଇଲାଇ ।

୪୪ ଏଟାସଙ୍ଗ୍ ତିନ୍‌ତର୍ ଅଇଲା ଜିସୁ ସେମନ୍‌କେ ଚାଡ଼ିକରି କଣ୍ଠେକ୍ ଦୁରିକେ ଜାଇ ସେନ୍ତାରି ପାର୍‌ତନା କଲା ।

୪୫ ତାର୍ ପଟେ ସିସ୍‌ମନ୍‌ର୍ ଲଗେ ଆସି କଇଲା, “ଏବେ ଜାକ ତମେ ସଇଆରାସ୍ ? ଦେକା ପର୍‌ମେସର୍‌ର୍ ନର୍‌ପିଲା ମୁଇ ପାପିମନ୍‌କେ ସର୍‌ପି ଅଇବା ବେଲା କେଟିଆଟେ ।

୪୬ ଉଟା, ଜୁ । ଏଦେ ଦେକା ! ମକେ ଦାରାଇ ଦେବା ଲକ୍ ଆସି କେଟ୍‌ଲାବେ ।”

ଜିସୁ‌କେ ଦାରି ବାନ୍‌ଲାଇ
(ମାର୍‌କ ୧୪:୪୩-୫୦; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

୪୭ ଜିସୁ ତାର୍ ସିସ୍‌ମନ୍‌କେ ଏ କାତା କଇବା ବେଲେ ତାର୍ ବାର୍‌ଟା ସିସ୍‌ମନ୍‌ର୍ ବିଡ୍‌ରେ ଅନି ଜିଉଦା ନାଉର୍ ସିସ୍ ଆସି କେଟ୍‌ଲା । ତାର୍ ସଙ୍ଗ୍ କାଡି କାଣ୍ଟା ଆରି ଟେଙ୍ଗ୍ ଡାଙ୍ଗ୍ ଦାରି ବେସି ଲକ୍ ତେଇ ଟୁଲ୍ ଅଇଲାଇ । ସେମନ୍‌କେ ମୁକ୍‌ଅ ପୁଜାରିମନ୍ ଆରି ପାର୍‌ତିମନ୍ ପାଟାଇରଇଲାଇ ।

* ୨୨:୩୨ ମାତ୍ରିକ ୨୮:୧୭

୪୮ ବିସ୍‌ବାସେ ବିସ୍ ଦେଉ ଜିଉଦା ସେମନ୍‌କେ ଜାନାଇ ରଇଲା । ସେ ସେମନ୍‌କେ କଇରଇଲା ମୁଇ ଜନ୍ ଲକ୍‌କେ ରୁମ୍‌ବି ତାକେ ତମେ କଜ୍‌ଲ୍ୟାସ୍‌ନି, ତାକେ ଦାରା ।

୪୯ ଜିଉଦା ସଲ୍‌କେ ଜିସୁରଲଗେ ଜାଇ ତାକେ “ଏ ଗୁରୁ ଜୁଆର୍ !” ବଲିକରି ରୁମ୍‌ଲା ।

୫୦ ଜିସୁ ଜିଉଦାକେ କଇଲା, “ମଇତର୍ ତର୍ କାମ୍ ଦାପ୍‌ରେ ସାରାଇଦେସ୍ ।” ତାର୍ ପଟେ ସେମନ୍ ଜିସୁକେ ଦାରି ବାନ୍ଦି ପାକାଇଲା ।

୫୧ ଜିସୁର୍ ବାଟର୍ ଗଟେକ୍ ଲକ୍ ତାର୍ ନିଜର୍ କାଣ୍ଡା ବାଟ୍‌କରାଇ ମୁକିଅ ପୁଜାରିର୍ ଗତିଦାଙ୍‌ତାକେ ମାର୍‌ଲା । ସେ ଲକ୍‌କର୍ କାନ୍ ଚିତି ଗାଲା ।

୫୨ ଜିସୁ ତାକେ କଇଲା, “ତର୍ କାଣ୍ଡା ପୁରାଇକରି ସଙ୍ଗ । ଜନ୍ ଲକ୍‌ମନ୍ କାଣ୍ଡା ଉଟାଇବାଇ, ସେମନ୍ କାଣ୍ଡାଇସେ ମର୍‌ବାଇ ।

୫୩ ତୁଇ କାଇ ନାଜାନୁସ୍ କି ? ମୁଇ ମର୍ ବାବାକେ ସାଇଜ ମାଙ୍‌ଲେ, ସେ ମର୍‌ପାଇ ଦାପ୍‌ରେସେ, ବାଟ୍‌ଟା ଦଲେଅନି ଅଦିକ୍ ସରଗର୍ ଦୁଡ଼ମନ୍‌କେ ପାଟାଇପାରେ ।

୫୪ ମାତର୍ ସେନ୍ତାନ୍ ଆଲେ ଏଟାମନ୍ ସବୁ ଗର୍‌ସି ବଲି ସାସ୍‌ତରେ ଜାଇ ଜାଇଟା ଲେକା ଅଇଲା ଆଟେ, ସେଟା କେନ୍ତି ପୁରାପୁରୁନ୍ ଅଇସି ?”

୫୫ ☆ତାର୍ ପଟେ ଜିସୁ ତେଇ ରୁଲ୍‌ଅଇରଇବା ଲକ୍‌ମନ୍‌କେ କଇଲା, “ମୁଇ କାଇ ଗଟେକ୍ ପାଲାଇବା କାଙ୍‌ମ୍‌ରେ ଟେଙ୍ଗ ଡାଙ୍ଗ୍ ଆରି କାଣ୍ଡା ଦାରି ମକେ ଦାଟ୍‌ବାର୍ ଆସିଆଟାସ୍ ? ମୁଇ ସବୁ ଦିନ୍ ମନ୍‌ଦିରେ ବସି ସିକିଆ ଦେଇତେ ରଇଲି, ସେବେଲେଟା ମକେ ଦାରାସ୍ ନାଇ !

୫୬ ଜାଇଟା ଅବେ, ବବିସ୍‌ତବକ୍‌ତାମନ୍ ସାସ୍‌ତରେ ଜାଇଟା ଲେକ୍‌ଲାଆଟ୍, ସେ ସବୁ ସିଦ୍ ଅଇବାକେ ଏଟା ଗର୍‌ଲା ।” ସେଡ଼କିବେଲେ ସିସ୍‌ମନ୍ ସବୁଲକ୍ ଜିସୁକେ ଚାଡି ପାଲାଇଲା ।

ବଡ଼ ସବାଇ ଜିସୁର୍ ବିଚାରନା

(ମାର୍‌କ ୧୪:୩୫-୬୫; ଲୁକ୍ ୨୨:୪୫-୫୫, ୬୩-୭୧; ଜଅନ୍ ୧୮:୧୩-୧୪, ୧୯-୨୪)

୫୭ ଜିସୁକେ ବନ୍ଦି କରୁମନ୍ ତାକେ ବଡ଼ ପୁଜାରି କାୟାପାଟ୍ ଗରେ ନେଲା । ସିତି ଦରମ୍ ଗୁରୁ ଆରି ପାର୍‌ଚିନ୍‌ମନ୍ ରୁଲ୍ ଅଇରଇଲା ।

୫୮ ପିତର୍ କଣ୍ଡେକ୍ ଦୁରିକେ ରଇକରି ଜିସୁକେ ଦେକ୍‌ତେ ରଇଲା । ଆରି ସେ କାୟାପା ଗରର୍ ଡାଣ୍ଡୁଜାକ ଗାଲା । ଏ ସବୁ ଗଟ୍‌ନା କାଇଟା ଅଇସି ବଲି ସେଟା ଦେକ୍‌ବାକେ ପିତର୍ ମନ୍‌ଦିର୍ ଜାଗୁଆଲ୍‌ମନ୍‌ର୍ ସଙ୍ଗ୍ ତେଇ ବସଲା ।

୫୯ ମୁକିଅ ପୁଜାରିମନ୍ ଆରି ବଡ଼ ସବାଇ ରଇଲା ସବୁ ଲକ୍‌ମନ୍ ଜିସୁକେ ମରନ୍ ଡଣ୍ଡୁ ଦେବାକେ ତାର୍ ବିରୁଦେ ମିର୍ କାତା କଜ୍‌ବାକେ ଚେସ୍‌ଟା କଲା ।

୬୦ କେତେ କେତେ ଲକ୍‌ମନ୍ ଜିସୁର୍ ବିରୁଦେ ମିର୍ କାତା କଇଲା । ମାତର୍ ସେନ୍ତାରି କାଇ ରୁଲ୍ କାତା ମିସା ମିଲେ ନାଇ । ପଟେ ଦୁଇଲକ୍ ଉଟିକରି,

୬୧ ☆“ଏ ଲକ୍ ମୁଇ ପର୍‌ମେସରର୍ ମନ୍‌ଦିର୍ ବାଙ୍‌ମାଇ ଦେଇ, ସେଟା ତିନ୍ ଦିନ୍ ବିଡ଼ରେ ଆରି ତରେକ୍ ଉଟାଇ ଦେଇପାରି ।” ବଲି କଇରଇଲା ।

୬୨ ବଡ଼ ପୁଜାରି ଚିଆଅଇକରି ଜିସୁକେ କଇଲା, “ତୁଇ କାଇକେ କାଇଟାବଲି କଉସ୍ ନାଇ ? ଏମନ୍ କଇବା କାତା ଚାପ୍‌ବାକେ ତୁଇ ଆରି କାଇଟା କଇବାର୍ ଆଟେ କି ?”

୬୩ ମାତର୍ ଜିସୁ ଚିମ୍‌ରାଅଇ ରଇଲା । ବଡ଼ ପୁଜାରି କଇଲା, “ମୁଇ ତମକେ ଜିବନ୍ ରଇବା ପର୍‌ମେସରର୍ ନାଉଁ ଦାରି ପର୍‌ମାନ୍ କରାଇ ପାଟାରିଲିନି, ସଡ଼ କଅ, ତୁଇ କାଇ ପର୍‌ମେସରର୍ ପିଲା ମସିଅ କି ?”

୬୪ ଜିସୁ କଇଲା, “ତୁଇ ସମାନ୍ କାତା କଇଆରୁସ୍ । ମାତର୍ ମୁଇ ତମକେ ସବୁ ଲକ୍‌କେ କଇଲିନି, ପର୍‌ମେସର୍ ପାଟାଇଲା ନର୍‌ପିଲା ମୁଇ, ଦାପ୍‌ରେ ସେ ସବୁର୍ ଉପ୍‌ରର୍ ମାପ୍‌ରୁର୍ ଉଜା ବାଟେ ବସ୍‌ବାକେ ଗାଲିନି, ଆରି ମକେ ତମେ ସର୍‌ଗେଅନି ବାଦଲ୍ ସଙ୍ଗ୍ ଉଡ଼ି ଆଇବାଟା ଦେକ୍‌ସା ।”

୬୫ ଏ କାତା ସୁନି ବଡ଼ ପୁଜାରି ତାର୍ ପିନ୍ ରଇବାଟା ଚିରିପାକାଇ କଇଲା, “ଏଟା ସେ ପର୍‌ମେସର୍‌କେ ନିନ୍ଦା କର୍‌ବାଟା ! ଆରି ବିନ୍ ସାକି ଦର୍‌କାର୍ ନାଇ । ତମେ ଏବେସେ ଏ ଲକ୍ ପର୍‌ମେସର୍‌କେ ନିନ୍ଦା କର୍‌ବାଟା ସୁନ୍‌ଲାସ୍ ।

୬୬ ଏ ବିସଇନେଇ କରି ତମେ କାଇଟା ବାବ୍‌ଲାସିନି ?”

ସେମନ୍ ସବୁ ଲକ୍ କଇଲା, “ସେ ଦସ୍ କିଆଟେ, ମରନ୍ ଡଣ୍ଡୁ ପାଇବାର୍ ଦର୍‌କାର୍ ଆକା ।”

୬୭ ତାର୍ ପଟେ ସେମନ୍ ଜିସୁର୍ ମୁର୍‌ ଡୁକ୍‌ଲାଆ ଆରି ମାର୍‌ଲା । କେତେ ଲକ୍ ତାକେ ଚାପଡ଼ ସଙ୍ଗ୍ ମାରି କଇଲା,

୬୮ “ଏ କିରିସ୍ ! ବବିସ୍‌ତ କାତା ଅଲପ୍ କଅ । ତକେ କେ ମାର୍‌ଲା କଇଦେକ୍ ପନି !”

ପିତର୍ ଜିସୁକେ ନାଜାନି ବଲି କଇଲା

(ମାର୍‌କ ୧୪:୬୬-୭୨; ଲୁକ୍ ୨୨:୫୬-୬୨; ଜଅନ୍ ୧୮:୧୫-୧୮, ୨୫-୨୭)

☆ ୨୨:୫୫ ଲୁକ୍ ୧୯:୪୭, ୨୧:୩୭ ☆ ୨୨:୬୧ ଜଅନ୍ ୨:୧୯

୨୯ ପିତର ବଡ଼ ପୁତ୍ରାରିର ଦୁଆର ମୁଆଟେ ବସି ରଇଲା ବେଲେ ଗଟେକ୍ ବଡ଼ ପୁତ୍ରାରିର ପାଇଟିକାରିଆନି ଲଗେ ଆସି କଇଲା, “ତୁଇ ମିସା ଗାଲିଲିର ଜିସୁର ସଙ୍ଗ୍ ରଇଲୁସ୍ କାଇକି ?”

୩୦ ମାତର ପିତର ସବୁର୍ ମୁଆଟେ ନାତାଇ କରି ଏ କାତା କଇଲା, “ତୁଇ କାଇ ବଲି କଇଲୁସ୍ ମୁଇ ନାଜାନି ।”

୩୧ ଏକ୍ତି କଇକରି ପିତର ଦୁଆର ମୁଆଟ୍ ଲଗେ ଉଟିଗାଲା । ଆରି ଗଟେକ୍ ବିନ୍ ପାଇଟିକାରିଆନି ତାକେ ଦେକି ତେଇ ରଇବା ଲକ୍ମନକେ କଇଲା, “ଏ ନାଜରିତର୍ ଜିସୁର ସଙ୍ଗ୍ ରଇଲା ।”

୩୨ ପିତର ଆରି ତରେକ୍ କଇଲା, “ମୁଇ ପର୍ମାନ୍ କରି କଇଲିନି, ସେ ଲକ୍ମକେ ନାଜାନି ।”

୩୩ କେତେପର୍ ଗାଲାପତେ ତେଇ ରଇଲା ଲକ୍ମନ ପିତରର୍ ଲଗେ ଆସି କଇଲା, “ବାଇଦରେ ତୁଇ ମିସା ସେମନର୍ ବିଡ୍ରେଅନି ଗଟେକ୍ ଲକ୍ । ତର୍ କାତାବାର୍ତାଇଅନି ଏଟା ଜାନା ପଡିଗାଲାନି ।”

୩୪ ପିତର କଇଲା, “ମୁଇ ପର୍ମାନ୍ କରି କଇଲିନି, ମର୍ କାତା ସଡ୍ ଆକା । ନଇଲେ ପର୍ମେସର୍ ମକେ ଡଣ୍ଡ ଦେଅ । ସେ ଲକ୍ମକେ ମୁଇ ନାଜାନି ।” ସେଦାପ୍ରେ କୁକ୍ତା ଡାକଲା ।

୩୫ ଆରି ଜିସୁ ଜନ୍ ଜନ୍ କାତା କଇରଇଲା, କୁକ୍ତା ନ ଡାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ । ସେ ସବୁ ପିତର ଏତାଇଲା ଆରି ସେ ବାଇରେ ଜାଇ ବେସି ଦୁକ୍ ଅଇ କାନ୍ଦଲା ।

୨୭

ପିଲାତର୍ ମୁଆଟେ ଜିସୁ
(ମାର୍କ ୧୫:୧; ଲୁକ୍ ୨୩:୧-୨; ଜଅନ୍ ୧୮:୨୮-୩୨)

୧ ତାର୍ ଆରକର୍ ଦନର୍ ସାକାଲ୍ ସାକାଲ୍ ଜିସୁକେ ମରାଇଦେବାକେ ମୁକିଅ ପୁତ୍ରାରିମନ୍ ଆରି ପାର୍ଟିନମନ୍ ରାଜି ଅଇଲା ।

୨ ସେମନ୍ ଜିସୁକେ ସିକିଲି ସଙ୍ଗ୍ ବାନ୍ଦି ରମ୍ଭରାଇଜର୍ ରାଜା ପିଲାତର୍ ଲଗେ ଦାରିଗାଲା ।

ଜିଉଦାର୍ ମରନ୍
(ପେରିଡ୍ ୧:୧୮-୧୯)

୩ *ଜେତେବେଲେ ବିସବାସେ ବିସ୍ ଦେଉ ଜିଉଦା ଜିସୁକେ ମରନ୍ ତଣ୍ଡ ଆଦେସ୍ ଅଇଲା ଆତେ ବଲି ସୁନ୍ଲା, ସେ ଦୁକ୍ ଅଇ ଏତାଇଲା ଆରି ମୁକିଅ ପୁତ୍ରାରିମନ୍କେ ଆରି ପାର୍ଟିନମନ୍କେ ତିରିସ୍ଟା ରୁପାଟାଙ୍ଗା ବାଉତାଇଦେଇ କଇଲା,

୪ “ଗଟେକ୍ କାଇ ଦସ୍ ନ ରଇଲା ଲକ୍ମକେ ମୁଇ ବିସବାସେ ବିସ୍ ଦେଲାପାରା କରି ବଡ୍ ପାପ୍ କରିଆଟି ।” ସେମନ୍ କଇଲା, “ତେଇ ଆମର୍ କାଇଟା ଆତେ ? ସେଟା ତର୍ ନିଜର୍ କାତା ।”

୫ ଜିଉଦା ସେମନ୍ ଦେଇରଇବା ରୁପାଟାଙ୍ଗା ମନ୍ଦିର୍ ବିଡ୍ରେ ପିଙ୍ଗିଦେଇ ଉଟିଗାଲା । ତାର୍ପତେ ସେ ଜାଇକରି ଗାଲାଜ ତର୍ ବାନ୍ଦି ଉଡ୍କିଅଇ ମରିଗାଲା ।

୬ ମୁକିଅ ପୁତ୍ରାରିମନ୍ ଜିଉଦା ପିଙ୍ଗି ରଇଲା ରୁପାଟାଙ୍ଗାମନ୍ ଟୁଲିଆଇ କଇଲା, “ଏଟା ବନିର୍ ମୁଲିଅ, ଏଟା ମନ୍ଦିର୍ କାନ୍ଦଦେବା ଜାଗାଇ ସଙ୍ଗାଇବାଟା ନିୟମ୍ ବିରୁଦ୍ କାମ୍ ।”

୭ ସେ ତାରୁ କେନ୍ତାରି କର୍ଚ୍ଚ କରିଅଇସି, ଏ ବିସଇର୍ କାତାବାର୍ତା ଅଇ କୁମାର୍କେଡ୍ ନାଉର୍ କଣ୍ଡେକ୍ ଜମି ଗେନ୍ଲାଇ । ଏଟା ବିନ୍ ଦେସର୍ ମଲା ଲକ୍ମନର୍ ପାଇ କବର୍ ଦେବା ଜାଗା ଅଇଲା ।

୮ ତେବର୍ ପାଇ ଆଜିକେ ଜାକ ସେ ଜାଗାକେ ବନିର୍ ଜାଗାବଲିକରି କଇଲା ।

୯ ଏ ବିସଇ ନେଇକରି ଜିରିମିୟ୍ ବବିସଡ୍ବକ୍ତା ଜେକ୍ତି କଇରଇଲା, ସେଟା ପୁରାପୁରୁନ୍ ଅଇଲା । ଜନ୍ଟା ତିରିସ୍ ଟାଙ୍ଗାକେ ବିକ୍ବାକେ ଇସ୍ରାଇଲର୍ ପିଲାମନ୍ ରାଜି କରିରଇଲା ସେଟା ନେଲା ।

୧୦ ଆରି ତିରିସ୍ଟା ଅଦ୍ଲି ତାରୁ ନେଇ ସେମନ୍ କୁମାର୍ କେଡ୍ ଗେନ୍ଲାଇ । ଏଟା କର୍ବାକେ ମକେ ମାପ୍ପୁ ଆଦେସ୍ ଦେଇରଇଲା ।

ପିଲାଡ୍ ଜିସୁକେ ଆଡୁଆ ତାଡୁଆ ପାଟାର୍ଲା
(ମାର୍କ ୧୫:୨-୫; ଲୁକ୍ ୨୩:୩-୫; ଜଅନ୍ ୧୮:୩୩-୩୮)

୧୧ ଜିସୁର୍ ମୁଆଟେ ଦେକି ରମ୍ଭ ରାଇଜର୍ ସାସନ୍କାରିଆ ପିଲାତ ପାଟାର୍ଲା, “ତୁଇ କାଇ ଜିଉଦି ମନର୍ ରାଜା କି ?” ଜିସୁ ତାକେ କଇଲା, ତୁଇ ସେଟା କଇଲୁସ୍ନି ।

୧୨ ମାତର୍ ମୁକିଅ ପୁତ୍ରାରିମନ୍ ଆରି ପାର୍ଟିନମନ୍ ଜିସୁର୍ ବିରୁଦେ ଆନିରଇବା ନିୟା କାତାର୍ କାଇମିସା ଉଡ୍ବ ଦେଏ ନାଇ ।

୧୩ ତେବର୍ ପାଇ ପିଲାଡ୍ ତାକେ କଇଲା, ତର୍ ବିରୁଦେ ସେମନ୍ ଜାଇ ଜାଇଟା କଇଲା । ସେଟା କାଇ ତୁଇ ସୁନି ନାପାର୍ଲୁସ୍ନି କି ?

୧୪ ମାତର୍ ଜିସୁ ପଦେକ୍ ମିସା କଏନାଇ ଜେ ପିଲାଡ୍ କାବାଅଇଗାଲା ।

☆ ୨୭:୩ ପେରିଡ୍ ୧:୧୮,୧୯

ଜିସୁକେ ମରନର ଡଣ୍ଡ ଦେଲା

(ମାର୍ଚ୍ଚ ୧୫:୬-୧୫; ଲୁକ୍ ୨୩:୧୩-୨୫; ଜଅନ୍ ୧୮:୩୯;୧୯:୧୬)

୧୫ ନିସ୍ତାଡ଼ ପରବ୍ ବେଲେ ରମିୟ ସାସନକାରିଆ ଲକ୍ମନର୍ ମନ୍ କଲା ଇସାବେ କାକେ ମିସା ଗଟେକ୍ ବନ୍ଦି ଲକ୍ମକେ ବନ୍ଦିଗରେଅନି ମୁକ୍ତଲାଇଦେବା ରିତିନିତି ରଇଲା ।

୧୬ ସେବେଲେ ବାର୍ତ୍ତା ନାଉର୍ ଗଟେକ୍ ବଡ଼ ଟାଉଟରିଆ ନରମାରୁ ବନ୍ଦି ଅଇରଇଲା ।

୧୭ ତେଇ ଆସି ରଇଲା ଲକ୍ମନକେ ପିଲାଡ଼ ପାଚାରଲା, “ମୁଇ କାକେ ମୁକ୍ତଲାଇ ଦେବି ବଲି ତମେ ମନ୍ କଲାସ୍ନି ? ବାର୍ତ୍ତାକେ କି ଜିସୁକେ, ଜାକେ କିରିସ୍ଟ ବଲି କଇବାଇ ?”

୧୮ ପିଲାଡ଼, ଜିଉଦି ନେତାମନ୍ ଆକାର୍ ଅଇ ଜିସୁକେ ତାର୍ତ୍ତାମେ ସରପିଦେଇ ଆତଡ଼ ବଲି ନିକ ସଙ୍ଗ୍ ଜାନିରଇଲା ।

୧୯ ପିଲାଡ଼ ବିଚାରନା ଜାଗାଇ ବସି ରଇଲାବେଲେ ତାର୍ ମାଇଜି ଗଟେକ୍ କବର୍ କଇଲା, “କାଇ ଦସ୍ପାପ୍ ନ କଲା ସେ ଲକ୍ମକେ କାଇଟା କରା ନାଇ । କାଲି ରାତି ସପ୍ନେ ତାର୍ ଲାଗି ମୁଇ ବେସି କସ୍ଟ ପାଇଲି ।”

୨୦ ମୁକ୍ତିଅ ପୁଜାରିମନ୍ ଆରି ପାର୍ତ୍ତିନମନ୍ ବାର୍ତ୍ତାକେ ମୁକ୍ତଲାଇ ଦେଇକରି, ଜିସୁକେ ମରନ୍ ଡଣ୍ଡ ଦେବାକେ ଲକ୍ମନକେ ପିଲାଡ଼ର୍ ଲଗେ ଜାଇ ଦାବି କରବାକେ ଉସ୍ତକାଇଲାଇ ।

୨୧ ପିଲାଡ଼ ଆରି ତରେକ୍ ଲକ୍ମନକେ ପାଚାରଲା, “ମୁଇ ଏ ଦୁଇ ଲକ୍ମର୍ ବିଡ଼ରେଅନି କାକେ ମୁକ୍ତଲାଇ ଦେବି ବଲି ତମେ ମନ୍ କଲାସ୍ନି ?”

ସେମନ୍ କଇଲାଇ, “ବାର୍ତ୍ତାକେ ”

୨୨ ପିଲାଡ଼ ପାଚାରଲା, “ତେବେ ସବୁ ଲକ୍ମ ମସିଅ ବଲି ଜାନିରଇଲା ଜିସୁକେ ମୁଇ କାଇଟା କରବି ?” “ତାକେ କୁର୍ସେ ଚଗାଆ” ବଲି ସବୁଲକ୍ ଆଉଲି ଅଇଲାଇ ।

୨୩ ପିଲାଡ଼ ପାଚାରଲା, “ମାତର୍ ସେ କାଇ ଦସ୍ କଲା ଆଚେ ?”

ସେମନ୍ ଆରି ଅଦିକ୍ ଆଉଲିଅଇ କଇବାର୍ ଦାରଲାଇ “ତାକେ କୁର୍ସେ ଚଗାଆ ।”

୨୪ ଜେଡେବେଲେ ପିଲାଡ଼ ଦେକ୍ଲା ଜେ ସେମନକେ ଆରି କାଇଟା କଇକରି ମିସା ଲାବ୍ ନାଇ, ନଇଲେ ଗଣ୍ଡଗଲ୍ ଅଇବାର୍ ଉପ୍ରେ ଆଚେ, ସେ ପାନି ଗୁଡ଼ିକ୍ ନେଇ, ସବୁ ଲକ୍ମନର୍ ମୁଆଟେ ଆଡ଼ ଦଇପାକାଇ କଇଲା, “ଏ ଲକ୍ମର୍ ମରନର୍ ପାଇ ମୁଇ ଦାଇ ନାଇ । ଏଟା ତମର୍ କାମ୍ ।”

୨୫ ଲକ୍ମନ କଇଲାଇ, “ତାର୍ ମରନର୍ ଡଣ୍ଡର୍ ଦସ୍ ପାଇବାର୍ ରଇଲେ, ସେ ଦସ୍ ଆମ୍‌କେ ଆରି ଆମ୍‌ର୍ ପିଲାଜିଲାକେ ପଡ଼ ।”

୨୬ ସାରାସାରି ପିଲାଡ଼ ବାର୍ତ୍ତାକେ ମୁକ୍ତଲାଇଦେଇ ଜିସୁକେ କର୍ତ୍ତା ସଙ୍ଗ୍ ମାର୍ତ୍ତାକେ ଆଦେସ୍ ଦେଲା, ତାର୍ ପଟେ କୁର୍ସେ ମରାଇବା ପାଇ ସନିଅମନକେ ସରପି ଦେଲାଇ ।

ସନିଅମନ୍ ଜିସୁକେ କିଜାଇଲାଇ

(ମାର୍ଚ୍ଚ ୧୫:୧୬-୨୦; ଜଅନ୍ ୧୯:୨-୩)

୨୭ ପିଲାଡ଼ର୍ ସନିଅମନ୍ ଜିସୁକେ ରମିୟ ସାସନକାରିଆର୍ ଗରେ ଦାରି ଗାଲାଇ ଆରି ତାର୍ ଚାରିବେଟ୍ଟି ଟିଆଅଇଲାଇ ।

୨୮ ସେ ପିନ୍ଦି ରଇବାଟା ବେଟି ନେଇକରି ତାକେ ଗଟେକ୍ ଜାମ୍‌କଲି ରଙ୍ଗର୍ ବସ୍ତର୍ ପିନ୍ଦାଇ ଦେଲାଇ ।

୨୯ କାଚାର୍ ମୁକୁଟ୍ ତିଆର୍ କରି ତାର୍ ମୁଣ୍ଡେ ପିନ୍ଦାଇ ଦେଲାଇ ଆରି ତାର୍ ଉଜା ଆଡେ ଗଟେକ୍ ତାଙ୍ଗ୍ ଦାରାଇ ଦେଲାଇ । ତାର୍ ପଟେ, ତାର୍ ମୁଆଟେ ମାଣ୍ଡିକୁଟା ଦେଇ କିଜାଇକରି କଇଲାଇ, “ଏ ଜିଉଦିମନ୍ ରାଜା ! ବେସି ଦିନ୍ ବର୍ଟି ରଅ ।”

୩୦ ସେମନ୍ ଜିସୁର୍ ଉପ୍ରେ ତୁକି ପାକାଇଲାଇ ଆରି ସେ ଦାରି ରଇବା ତାଙ୍ଗ୍‌ସଙ୍ଗ୍ ତାର୍ ମୁଣ୍ଡେ ମାର୍‌ଲାଇ ।

୩୧ ତାକେ ଏନ୍ତାରି କିଜାଇ ସାରଲା ପଟେ ରାଜା ପିନ୍ଦା ବସ୍ତର୍ ବେଟିଦେଇ ତାର୍ ନିଜର୍ ବସ୍ତର୍ ପିନ୍ଦାଇଦେଲାଇ ଆରି ତେଇଅନି ତାକେ କୁର୍ସେ ଚଗାଇବାକେ ଦାରିଗାଲାଇ ।

ଜିସୁକେ କୁର୍ସେ ଚଗାଇଲାଇ

(ମାର୍ଚ୍ଚ ୧୫:୨୧-୩୨; ଲୁକ୍ ୨୩:୨୬-୪୩; ଜଅନ୍ ୧୯:୧୭-୨୭)

୩୨ ସେମନ୍ ଜିବାବାଟେ କୁରିଣି ସଅରର୍ ସିମନ୍ ନାଉର୍ ଗଟେକ୍ ଲକ୍ମକେ ବେଟ୍‌ଅଇଲାଇ ଆରି ସନିଅମନ୍ ତାକେ ଜିସୁର୍ କୁର୍ସ ବଇ ନେବାକେ ବାଦିଅ କଲାଇ ।

୩୩ ସେମନ୍ ଗଲ୍‌ଗତା ନାଉର୍ ଗଟେକ୍ ଜାଗାଇ କେଟ୍‌ଲାଇ । ଗଲ୍‌ଗତାର୍ ଅରଡ଼ ଅଇଲାନି, ମୁଣ୍ଡଗିଡ଼ି ପାରା ରଇବା ଜାଗା ।

୩୪ ତେଇ ସେମନ୍ ଜିସୁକେ ପିତା ରଇବା ଅଙ୍ଗୁର୍ ରସ୍ କାଇବାକେ ଦେଲାଇ । ସେଟା ଜିସୁ ଅଲପ୍ ଚାକିକରି ଆରି କାଏନାଇ ।

୩୫ ସେମନ୍ ଜିସୁକେ କୁର୍ସେ ମାରି କରି ସେ ପିନ୍ଦିରଇବା ବସ୍ତର୍ ତାକର୍ ତାକର୍ ବିଡ଼ରେ କେଡ଼ପୁଟାଇ ବାଟାକରି ନେଲାଇ ।

୩୬ ତାର୍‌ପଟେ ସେମନ୍ କୁର୍ସେ ଚଗାଇଲା ଜିସୁକେ, ତେଇ ଜାଗି ରଇଲାଇ ।

୩୭ ତାର ବିରୁଦ୍ଧେ ଲେକାଅଇରଇବା ଗଟେକ୍ ବରତ୍ ଲେକି ତାର ମୁଣ୍ଡ ଉପରେ, ଜୁଲାଇ ରଇଲା । ସେ ବରତ୍ ଲଗେ ଏନ୍ତି ଲେକାଅଇରଇଲା, ଏ ଅଇଲାନି ଜିଉଦିମନର୍ ରାଜା, ଜିସୁ ।

୩୮ ତାରପଟେ ସେମନ୍ ତେଇ ଦୁଇଟା ଚର୍ମନକେ ଆନ୍ଲାଇ । ଗଟେକ୍ କେ ଜିସୁର୍ ଉଜା ବାଟେ ଆରି ଗଟେକ୍ କେ ତାର ଡେବ୍ରି ବାଟେ କୁର୍ସେ ଚଗାଇଲା ।

୩୯ ସେବାଟେ ଜାଇତେ ରଇବା ଲକ୍ମନ୍ ମୁଣ୍ଡ ଜୁଲାଇ ଜୁଲାଇ ଜିସୁକେ କିଜାଇ କିଜାଇ କଇଲା,

୪୦ ☆ “ତୁଇସେ କାଇକି ମନ୍ଦିର ବସଲାଦେଇ ତିନ୍ ଦିନକେ ଆରି ତରେକ୍ ତିଆର୍ କରିଦେଇତେ ରଇଲୁସ ? ତୁଇ ଜଦି ପର୍ମେସରର୍ ପଅ, ନିଜକେ ରକିଆ କର୍ ଆରି କୁର୍ସେଅନି ଉଡ୍ରି ଆଉ ।”

୪୧ ମୁକିଅ ପୁଜାରି, ଦରମ୍ ଗୁରୁ ଆରି ଜିଉଦି ଜାତିର୍ ପାର୍ଟିନ୍ ନେତାମନ୍ ମିସା ଜିସୁକେ କିଜାଇକରି କଇଲା,

୪୨ “ସେ ବିନ୍ ଲକ୍ମନ୍ କେ ରକିଆ କର୍ତେ ରଇଲା, ମାତର୍ ନିଜକେ ରକିଆ କରିନାପାରଲାନି । ସେ ଇସ୍ରାଏଲର୍ ରାଜା କାଇକି ? ଏବେ ଜଦି ସେ କୁର୍ସେଅନି ଉଡ୍ରି ଆସି ପାର୍ସି ବଇଲେ ଆମେ ତାକେ ବିସ୍ବାସ୍ କର୍ବୁ ।

୪୩ ସେ ନିଜେ ମୁଇ ପର୍ମେସରର୍ ପଅ ବଲି କଇ, ପର୍ମେସରଟାମେ ଆସା କଲାଆଟେ । ଆଲେ ଦେକୁ ତେବେ, ପର୍ମେସର୍ ତାକେ ଏବେ ରକିଆ କର୍ବାକେ ମନ୍ କଲାନି କି ନାଇ ।”

୪୪ ଜିସୁର୍ ସଙ୍ଘ୍ କୁର୍ସେ ଚଗିରଇବା ଦୁଇଟା ଚର୍ମନ୍ ମିସା ତାକେ ସେନ୍ତାରି କିଜାଇଲା ।

ଜିସୁର୍ ମରନ୍

(ମାର୍କ ୧୫:୩୩-୪୧; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୪୫ ସେ ଦିନେ ମୁଣ୍ଡବେଲାଇ ଅନି ଆଡ୍ବେଲାଇ ଜାକ ଗୁଲାଇ ଜଗତ୍ ଆନ୍ଦର୍ ଅଇଗାଲା ଆରି ସେଟା ତିନ୍ ଗନ୍ତାଜାକ ରଇଲା ।

୪୬ ଆଡ୍ବେଲାର୍ ତିନ୍ଟା ବେଲେ ଜିସୁ ଆକ୍ମାରି କଇଲା, “ଏଲି, ଏଲି, ଲାମାସବକ୍ତାନି, ବଇଲେ ଏ ମର୍ ପର୍ମେସର୍, ଏ ମର୍ ପର୍ମେସର୍, ମକେ ତମେ କାଇକେ ଚାଡିଦେଲାସ୍ ?”

୪୭ ଲଗେ ଚିଆ ଅଇରଇବା କେତେ ଲକ୍ ଏଟା ସୁନିକରି କଇଲା, “ସେ ଏଲିୟକେ ଡାକ୍ଲାନି ।”

୪୮ ଗଟେକ୍ ଲକ୍ ପାଲାଇ ଜାଇ ପିତା ରଇଲା ଅଙ୍ଗୁରରସ୍ତାମେ ଗଟେକ୍ ସୁତାର୍ ଗର୍ଣ୍ଣା ବୁଡାଇଲା । ଆରି ସେଟା ଲାଟି ଚିପେ ବାନ୍ଦି କାଅ ବଲି ଜିସୁର୍ ମୁଆଟେ ଲାମାଇଦେଲା ।

୪୯ ବିନ୍ ଲକ୍ମନ୍ କଇଲା “ଚନେକ୍ ଜାଗା, ତାକେ ଏଲିୟ ରକିଆ କର୍ବାକେ ଆଇଲାନି କି ନାଇ ଦେକିଦେକୁ ।”

୫୦ ଜିସୁ ଆରି ତରେକ୍ ଆକ୍ମାରିକରି, ସାରାସାରି ଜିବନ୍ ଚାଡିଗାଲା ।

୫୧ ସେଡକି ବେଲେ ମନ୍ଦିରେ ଜୁଲତେ ରଇବା ପାର୍ଦା ଉପ୍ରେଅନି ତଲେ ଜାକ ଦୁଇ ଗନ୍ଦାଅଇ ଚିରିଅଇଗାଲା । ଦର୍ତନି ଚୁଲ୍ବୁଲି ପାକ୍ନାମନ୍ ସବୁ ପୁଟିଗାଲା

୫୨ ଆରି କବର୍ ଦେଇରଇବା କାଲ୍ମନ୍ ଉଗାଡିଅଇ କେତେକ୍ କେତେକ୍ ପର୍ମେସରର୍ ଦରମ୍ ଲକ୍ମନ୍ ଆରିତରେକ୍ ଜିବନ୍ ଅଇ ଉଡ୍ଲାଇ ।

୫୩ ସେମନ୍ କବର୍ ଦେଇରଇବା କାଲେଅନି ଉଚି ଆଇଲା । ଜିସୁ ଆରିତରେକ୍ ଉଡ୍ଲା ପଟେ ଲକ୍ମନ୍, ଏମନ୍ କେ ସୁକଲ୍ ଜାଗା ଜିରୁସାଲମେ ଜିବାଟା ଦେକ୍ଲା ।

୫୪ ଦର୍ତନି ଚୁଲ୍ବୁଲି ବିନ୍ ବିନ୍ ଗର୍ନା ଅଇବାଟା ଦେକି, ଜିସୁକେ ଜାଗିରଇବା ସନିଅମନ୍ ମୁକିଅ ଆରି ବିନ୍ ସନିଅମନ୍ ଡରିଗାଲା । ସେମନ୍ କଇଲା, “ସତଇସେ ଏ ନିଜେ ପର୍ମେସରର୍ ପଅ ଆକା !”

୫୫ ☆ଗାଲିଲିଅନି ଜିସୁର୍ ସଙ୍ଘ୍ ରଇକରି ତାକେ ସାଇଜ କରିରଇବା କେତେଟା ମାଇଜି ଦୁରିକେ ରଇକରି ଏଟା ସବୁ ଦେକ୍ତେ ରଇଲା ।

୫୬ ସେମନ୍ ବିଡ୍ରେ ମଗ୍ଦଲିନି ମରିୟମ୍, ଜାକୁବ୍ ଆରି ଜସେପର୍ ମାଆ ମରିୟମ୍ ଆରି ଜେବଦିର୍ ମାଇଜି ରଇଲା ।

ଜିସୁକେ କବର୍ ଦେଲା

(ମାର୍କ ୧୫:୪୨-୪୬; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୫୭ ସଙ୍ଘ୍ବେଲାଇ ଆରାମାଡିଆ ସଅରର୍ ଜସେପ୍ ନାଉର୍ ଗଟେକ୍ ସାଉକାର୍ ଆସି କେଟ୍ଲା । ସେ ମିସା ଗଟେକ୍ ସିସ୍ ରଇଲା ।

୫୮ ସେ ପିଲାଡକେ ବେଟ୍ଅଇକରି ଜିସୁର୍ ମଲାମଡ୍ ଦାରିଜିବାକେ ଗୁଆରି କଲା । ଜସେପ୍ ଗୁଆରଲାକେ ପିଲାଡ୍ ମଡ୍ ନେବାକେ ଆଦେସ୍ ଦେଲା ।

୫୯ ସେ ଜିସୁର୍ ଗାଗଡ୍ ଦାରିଗାଲା ଆରି ଗଟେକ୍ ନୁଆ ଚାଦର୍ ଗର୍ଣ୍ଣାଇ ଗୁଡିଆଇ ଦେଲା ।

୬୦ ପାକ୍ନାଇ ତାକର୍ ନିଜର୍ ପାଇ କୁନି ରଇବା ଗଟେକ୍ ନୁଆ କବର୍ ଦେବା ପାଆରେ ସେଟା ନେଇ ସଙ୍ଘ୍ଲା ଆରି ସେ ପାଆର୍ ମୁଆଟେ ଗଟେକ୍ ବଡ୍ଟା ଚାତଡା ପାକ୍ନା ଡାବିଦେଇ ଉଟିଗାଲା ।

୬୧ ମଗ୍ଦଲିନି ମରିୟମ୍ ଆରି ବିନ୍ ମରିୟମ୍ ଜିସୁକେ କବର୍ ଦେଲା ପାଆର୍ ମୁଆଟେ ବସି ରଇଲା ।

☆ ୨୭:୪୦ ମାଡ଼ିତ ୨୭:୨୧; ଜଅନ୍ ୨:୧୯ ☆ ୨୭:୫୫ ଲୁକ୍ ୮:୨,୩

ମସନ୍ ଜାଗୁଆଲ୍‌ମନ୍

୨୭ ତାର ଆରକର ଦିନର ବିସରାମ୍‌ବାରେ ମୁକିଅ ପୁଜାରିମନ୍ ଆରି ପାରୁସିମନ୍ ପିଲାଡ଼କେ ବେଟ୍‌ଅଇ କଇଲାଇ,
 ୨୩ ✨“ଆରିଆଁ, ସେ ବେସି ମିଟୁଆଟା । ବଠିରଇଲାବେଲେ ‘ମୁଇ ତିନ୍‌ଦିନ୍ ପତେ ଆରିତରେକ୍ ଉଟ୍‌ବି’ ବଲି କଇତେ
 ରଇଲା । ଏଟା ଆମର୍ ମନେ ଆଟେ ।
 ୨୪ ତେବର୍ ପାଇ ତିନ୍ ଦିନ୍ ଜାକ ତାକେ କବର୍ ଦେଲାଟାନେ ଜାଗୁଆଲ୍ ଦାରବାକେ ଆଦେସ୍ ଦିଆସ୍ । ସେନ୍ତି କଲେ
 ତାର ସିସ୍‌ମନ୍ ତାର ଗାଗଡ଼ ଚରାଇନେଇ ସେ ଜିବନ୍ ଅଇକରି ମଲାତେଇଅନି ଉଟ୍‌ଲା ବଲି କଇନାପାରଡ଼ ।” ସେମନ୍‌ର
 ଏନ୍ତାରି ମିର୍ କାତା ଜାନାଇବାଟା ସବୁଟାଟାନେଅନି ଅଦିକ୍ କେଡି ଅଇସି ।
 ୨୫ ପିଲାଡ଼ କଇଲା, “ଗଟେକ୍ ଦଲ୍ ଜାଗୁଆଲ୍‌ମନ୍‌କେ ନିଆ ଆରି ତାକେ କବର୍ ଦେଲାଟାନେ କାଇଟା ନ ପୁରଲା ପାରା
 ଜାଗାଆ ।”
 ୨୬ ସେମନ୍ ଜାଇକରି ଜିସୁକେ କବର୍ ଦେଲାଟାନେ ଜାଗୁଆଲ୍‌ମନ୍‌କେ ସନିଅମନ୍ ଟିକ୍ କଲାଇ । କବର୍ ମୁଆଟେ ଡାବି ରଇବା
 ପାକନା ଉପରେ ସିଲ୍‌ମାରି ଜାଗୁଆଲ୍‌ମନ୍‌କେ ଜାଗାଇଲାଇ ।

୨୮

ଜିସୁ ମରିକରି ଆରିତରେକ୍ ଉଟ୍‌ବାଟା

(ମାର୍ଚ୍ଚ ୧୭:୧-୧୦; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

୧ ବିସରାମ୍‌ବାରର ଆରକର ଦିନେ, ରଇବାର୍ ସାକାଲେ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଜିସୁକେ
 ସଙ୍ଗିରଇବା କବର୍ ଦେକ୍‌ବାର୍ ଗାଲାଇ ।
 ୨ ସେଡ଼କିବେଲେ ଅଟାଡ଼ ଦରତନି ତୁଲ୍‌ବୁଲିଗାଲା । ଏଦେ ଦେକା ! ମାପ୍‌ରୁର୍ ଗଟେକ୍ ସରଗ୍ ଦୁଡ଼ ଉଡ଼ରି ଆସି,
 କବର୍ ମୁଆଟେ ଡାବିରଇଲା ପାକନା ତୁଲ୍‌ଗୁଡ଼ାଇଦେଇ ତାର ଉପରେ ବସି ରଇଲା ।
 ୩ ତାର୍ ଗୁଲାଇ ଗାଗଡ଼ ବିଜୁଲି ପାରା ଜଟକ୍‌ତେରଇଲା ଆରି ସେ ପିନ୍‌ରଇବାଟା ବରପ୍ ପାରା ଟିଟ୍ ଦବ୍ ରଇଲା ।
 ୪ ଜାଗୁଆଲ୍‌ମନ୍ ଦୁଡ଼କେ ଦେକି ତରି ତରତରି ଗାଲାଇ ଆରି ମଲା ଲକର୍‌ପାରା ଅଇଗାଲାଇ ।
 ୫ ସରଗର୍ ଦୁଡ଼ ମାଇଜିମନ୍‌କେ କଇଲା, “ତରା ନାଇ । ମୁଇ ଜାନି, ତମେ କୁର୍‌ସେ ମରିରଇବା ଜିସୁକେ ଦେକ୍‌ବାର୍
 ଆସିଆଟାସ୍ ।
 ୬ ସେ ଇଡି ନାଇ । ସେ କଇଲା ଇସାବେ ଆରି ତରେକ୍ ଉଟି ଆଟେ । ଆସି ଦେକା, ଇଡି ତାର୍ ମଲା ଗାଗଡ଼
 ସଙ୍ଗିରଇଲାଇ ।”
 ୭ “ତମେ ଦାପ୍‌ରେ ଜାଇ ତାର୍ ସିସ୍‌ମନ୍‌କେ କୁଆ, ସେ ଆରି ତରେକ୍ ଜିବନ୍ ଅଇଆଟେ ଆରି ତମର୍ ଆଗେ ଆଗେ
 ଗାଲିଲି ଗାଲା ଆଟେ । ତମେ ତେଇ ତାକେ ଦେକ୍‌ସା । ମୁଇ ଜାଇଟା କଇଲି ମନେ ରକିରୁଆ ।”
 ୮ ଏ କାତାସୁନି ସେମନ୍ ଦାପ୍‌ରେ କବର୍‌ଦେଲା ଟାନେଅନି ସିସ୍‌ମନ୍‌ର ଲଗେ ପାଲାଇଲାଇ । ଡରିକରି ରଇଲେ ମିସା,
 ତାକର୍ ମନେ ବେସି ସାର୍‌ଦା ଜାନିପାରତେ ରଇଲାଇ ।
 ୯ ସେଦାପ୍‌ରେ ଜିସୁ ସେମନ୍‌କେ ବେଟ୍‌ଅଇ କଇଲା, “ତମ୍‌କେ ସାନ୍ତି ମିଲ !” ସେମନ୍ ଜିସୁର୍ ଲଗେ ଜାଇ ତାର୍ ପାଦ୍
 ଦାରି ଜୁଆର୍ କଲାଇ ।
 ୧୦ ଜିସୁ ସେମନ୍‌କେ କଇଲା, “ତରା ନାଇ । ମର୍ ବାଇମନ୍‌କେ କୁଆ, ସେମନ୍ ଗାଲିଲି ଆସଡ଼ । ତେଇ ସେମନ୍ ମକେ
 ଦେକ୍‌ବାଇ ।”

ଜାଗୁଆଲ୍‌ମନ୍ ଜାନାଇବାଟା

୧୧ ମାଇଜିମନ୍ ତେଇଅନି ଇଣ୍ଡିଜାଇତେ ରଇଲାଇ । ଜିବାବେଲେ ଜିସୁକେ କବର୍ ଦେଇ ରଇବାଟାନେ ଜାଗି ରଇଲା
 କେତେଟା ସନିଅମନ୍ ନଅରେ ବାଉଡି ଗାଲାଇ । ଜାଇକରି ମୁକିଅ ପୁଜାରିମନ୍‌କେ ଏ ସବୁ ଅଇଲାଟା ଜାନାଇଲାଇ ।
 ୧୨ ମୁକିଅ ପୁଜାରିମନ୍ ପାର୍‌ଚିନ୍‌ମନ୍‌ର ସଙ୍ଗ୍ ମିସି କୁର୍ ପାଁର୍‌ଲାଇ । ସେମନ୍ ସନିଅମନ୍‌କେ ବେସି ତାରୁ ଲାଁର୍‌ଦେଇ
 କଇଲାଇ,
 ୧୩ ତମେ କୁଆ “ଆମେ ରାତିଆ ସଇଦେଇ ରଇଲା ବେଲେ ତାର୍ ସିସ୍‌ମନ୍ ଆସି ତାର୍ ମଲା ଗାଗଡ଼ ଚରାଇ
 ଦାରିଗାଲାଇ ।
 ୧୪ ଜିଦି ସାସନ୍‌କାରିଆ ଏ କାତା ନ ସୁନ୍‌ସି, ବଇଲେ ତମର୍ ଦସ୍ ନାଇ ବଲି ଆମେ ବୁଜାଇ ଦେବୁ । ଏ ବିସଇନେଇ
 ତମେ ଦାଦା ଉଆନାଇ ।”
 ୧୫ ସନିଅମନ୍ ତାରୁ ନେଇକରି, ସେମନ୍‌କେ କଇରଇଲା ଇସାବେ କାମ୍ କଲାଇ । ସେମନ୍ ସେବେଲେ ଜେନ୍ତି
 କଇରଇଲାଇ, ଜିଉଦିମନ୍ ଆଜିକେ ଜାକ ସେ କାତା ଜାନାଇଲାଇନି ।

ଜିସୁ ସିସ୍‌ମନ୍‌କେ ଦେକାଇ ଅଇଲା /

(ମାର୍ଚ୍ଚ ୧୬:୧୪-୧୮; ଲୁକ୍ ୨୪:୩୬-୩୯; ଜଅନ୍ ୨୦:୧୯-୨୩; ପେରିଡ଼ ୧:୬-୮)

୧୭ ✨ଜିସୁ କଇବା ଇସାବେ ତାର୍ ଏଗାର୍‌ଟା ସିସ୍‌ମନ୍ ଗାଲିଲିର୍ ଗଟେକ୍ ଡଙ୍ଗର୍ ଉପରେ ଗାଲାଇ ।

✨ ୨୭:୨୩ ମାଡ଼ିତ ୧୭:୨୧;୧୭:୨୩;୨୦:୧୯; ମାର୍ଚ୍ଚ ୮:୩୧;୯:୩୧;୧୦:୩୩,୩୪; ଲୁକ୍ ୯:୨୨;୧୮:୩୧-୩୩ ✨ ୨୮:୧୭ ମାଡ଼ିତ ୨୭:୩୨; ମାର୍ଚ୍ଚ ୧୪:୨୮

୧୭ ଜିସୁକେ ଡଙ୍ଗାର ଉପରେ ଦେକି ସେମନ୍ ତାକେ ଜୁଆର କଲାଇ । କେତେ ଲକ୍ ବିସ୍ବାସ କରତ୍ ନାଇ ।

୧୮ ଜିସୁ ସେମନ୍ର ଲଗେ ଜାଇ କଇଲା, “ସରଗ୍ ଆରି ମର୍ପୁରର୍ ସବୁ ଅଦିକାର୍ ମକେ ଦିଆଅଇଲା ଆଚେ ।

୧୯ ଧେବେ ତମେ ଦେସମନ୍କେ ରଇବା ସବୁ ବାସାର୍ ଲକ୍ମନ୍ର ଲଗେ ଜାଇ, ସେମନ୍କେ ମର୍ ସିସ୍ କରାଆ । ବାବା, ପଥ ଆରି ସୁକଲ୍ ଆଡ଼ମାର୍ ନାଉଁଦାରି ସେମନ୍କେ ତୁବନ୍ ଦିଆସ୍ ।

୨୦ ଆରି ମୁଇ ଜନ୍ ସବୁ ସିକିଆ ଦେଇଆଚି, ସେଗା ମାନା ବଲି ସିକାଆ । ଆରି ମନେ ରଅ, କାଲ୍ କାଲ୍ ଜୁଗ୍ ଜୁଗ୍ ମୁଇ ସବୁବେଲେ ତମର୍ ସଙ୍ଗ୍ ରଇବି ।”

ଯୀଶୁଖ୍ରୀଷ୍ଟଙ୍କ ବିଷୟରେ ମାର୍କ ଲେଖିଥିବା ସୁସମାଚାର ଜିସୁକିରିସ୍ଟର ବିଷୟରେ ମାର୍କ ଲେଖିଲା ନିମନ୍ତ କବଚ ଏ ବଇ ବିଷୟରେ ଜାନ୍‌ବାଟା

ଜିସୁ ମାପୁରୁର୍ ଜିବନ୍ ବିଷୟର୍ ଚିକି ନିକି କାତା କରିରଇବା ନୁଆ ନିୟମର୍ ଚାରିଟା ବଇ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ଗଟେକ୍ । ସେ ଚାଟା ବଇକେ ସୁସମାଚାର ବଲି କଇବାଇ । ଜନ୍‌ଟାର ଅରଡ୍ କି “ସୁବ୍‌କବର୍ ।” ସେଟା ସବୁ ଜିସୁର୍ ମରନ୍ ପଟେ ମାଡିଉ, ମାର୍କ, ଲୁକ୍ ଆରି ଜଅନର୍ ଲାଗି ଲେକା ଅଇଲା ଆଟେ । ଚାରିଟା ସୁବ୍‌କବର୍ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ସବୁର୍ଟାନେଅନି ସାନ୍‌ଟା । ଏଟାକେ ଏକ୍ତି ମିସା ବିସ୍‌ବାସ୍ କର୍ବାଇ ଜେ ଏଟା ସୁବ୍‌କବର୍‌ମନର୍ ବିତ୍‌ରେ ଅନି ସବୁର୍ ଆଗ୍‌ତୁ କିରିସ୍‌ଟାଦ୍ ୬୫-୭୦ ବିତ୍‌ରେ ଲେକାଅଇଲା । କେତେକ୍ ବାଇବଲ୍ ପଣ୍ଡିତ୍‌ମନ୍ ବିସ୍‌ବାସ୍ କର୍ବାଇ ଜେ ରମ୍ ଦେସେ ରଇବା କିରସ୍‌ତାନି ମନ୍‌କେ ସାର୍‌ଦା କରାଇବାପାଇ ବଲି ରମ୍‌ଦେସେ ଏଟା ଲେକାଅଇଲାଆଟେ । ମାର୍କ, ଜେ କି ଜଅନ୍ ମାର୍କ ବଲି ଜାନିରଇଲାଇ । ସେ ପାଉଲ୍ ଆରି ବର୍‌ନବାସର୍ ସଙ୍ଗାରି ରଇଲା, ମାତର୍ ଜେତେବେଲେ ସେ ସେମନ୍‌କେ ମାପୁରୁର୍ ସେବା କାମର୍ ଲାଗି ଜିବାକେ ଚାଡି ଆଇଲା, ସେତେବେଲେ ସେମନର୍ ନାଉଁ ବଡି ବଡି ଆଇଲାବେଲେ, ଦୁକର୍ ବେଲା କେଟ୍‌ଲା ପେରିଡ୍ ୧୩:୧୩ କେତେ ବରସ୍ ଗାଲାପଟେ ମାର୍କ ଆରିତରେକ୍ ବର୍‌ନବାସର୍ ସଙ୍ଗ୍ ଜିବାକେ ଆରାମ୍ କଲାଇ ପେରିଡ୍ ୧୫:୩୭-୩୯ । ମାର୍କ ମିସା ପିତରର୍ ଗଟେକ୍ ନିଜର୍ ମଇତର୍ ପାରା ବଲି ଜାନିରଇଲାଇ ୧ ମ ପିତର୍ ୫:୧୩ । ମାର୍କ ଜିସୁର୍ ଜିବନେ ଅଇରଇବା ସବୁ ବିଷୟର୍ ସାକି ନ ରଇଲେ ମିସା, ପଣ୍ଡିତ୍‌ମନ୍ ତାକେ ବିସ୍‌ବାସ୍ କର୍ବାଇ । ସେ ପିତର୍ ସାକିଦେଇରଇବା ବିଷୟ ନିଜର୍ ସୁବ୍‌କବର୍ ତେଇ ଲେକିଆଟେ । ମାର୍କ ସିସ୍‌ଅଇଲାଟା ଆରି ସାରାସାରି ବେଲେ ଅଇରଇଲା କାତା ଜିସୁର୍ ସିକିଆ ତେଇ ଜାନାଇଲାଆଟେ । ଏ ମାର୍କ ବଇଟାନେ ଜିସୁ କିରିସ୍‌ଟକେ ଗଟେକ୍ ଦରମ୍ ଚାକର୍ ଆରି ପର୍‌ମେସର୍ ଜଜନା କଲାଟା ପୁରାପୁରୁନ୍ କର୍ବାକେ, ସବୁବେଲେ ତିଆର୍ ଅଇରଇବା ଆଲାଦର୍ ପିଲାପାରା ଜାନାଇଆଟେ । ସେଟାପାଇ ମାର୍କ ଜିସୁ କିରିରଇବା କାବାଅଇଜିବା କାମର୍ ବିଷୟ ଅଦିକ୍ ଲେକିଲା । ସାରାସାରି ସେ ଗୁଲାଇ ଜଗତେ ମାପୁରୁର୍ କାତା ସୁନାଇବା ଗଟେକ୍ ମଆନ୍ ଆଦେସ୍ ସଙ୍ଗ୍ ଏ ସୁବ୍‌କବର୍ ଲେକା ତେବାଇଆଟେ ।

ବିତ୍‌ରେ ରଇବାଟା

- ୧. ତୁବନ୍ ଦେଉ ଜଅନ୍ ଆରି ଜିସୁର୍ ତୁବନ୍ । ୧:୧-୧୩
- ୨. ଗାଲିଲିତେଇ ଜିସୁର୍ ସେବାକାମ୍ । ୧:୧୪;୯:୫୦
- ୩. ଜିସୁ ଜିରୁସାଲାମ୍ ଜିବାଟା ଆରି ପାର୍‌ତନା ଗରେ ପୁର୍‌ବାଟା । ୧୦:୧;୧୨:୪୪
- ୪. ପଡ୍‌କେ ଗଟ୍‌ବା ବିଷୟ ଜାନାଇବାଟା । ୧୩:୩୧-୩୭
- ୫. ଜିସୁର୍ ମରନ୍ ଆରିତରେକ୍ ଉଟ୍‌ବାଟା ଆରି ମୁକିଅ ଆଦେସ୍ । ୧୪:୧-୧୬:୨୦

ତୁବନ୍ ଦେଉ ଜଅନ୍ ପର୍‌ଗାର୍
(ମାଡିଉ ୩:୧-୧୨; ଲୁକ୍ ୩:୧-୧୮; ଜଅନ୍ ୧:୧୯-୨୮)

୧ ଏଟା ଅଇଲାନି ପର୍‌ମେସରର୍ ପଅ ଜିସୁ କିରିସ୍‌ଟର ନିମନ୍ତ କବରର୍ ଆରାମ୍ ।
 ୨ ଏଟା ଏକ୍ତାରି ଆରାମ୍ ଅଇଲା । ଜିସାୟ ବବିସ୍‌ତ୍‌ବକ୍‌ତାର୍ ସାସ୍‌ତରେ ଜେଡ୍‌ଡାର ଲେକାଅଇଲା ଆଟେ,
 ପର୍‌ମେସର୍ କଇଲା, ଦେକା ମୁଇ ମର୍ କବର୍ ଜାନାଉକେ ତମର୍ ଆଗେ ପାଟାଇଲିନି,
 ସେ ତମର୍ ବାଟ୍ ତିଆର୍ କର୍ସି ।
 ୩ ତାର୍ ସର୍ ମରୁବାଲି ବୁର୍‌ଏ ଆଉଲିଅଇକରି ସୁନାଇଲାନି
 ମାପୁରୁର୍ ବାଟ୍ ତିଆର୍ କରା,
 ତାର୍‌ପାଇ ବାଟ୍ ସଲ୍‌କାଆ ।

୪ ତାର୍‌ପଟେ ଏ ସବୁ କାତା ପୁରାପୁରୁନ୍ ଅଇଲା, ଜେତେବେଲେ, ତୁବନ୍ ଦେଉ ଜଅନ୍ ମରୁବାଲିବୁର୍‌ଏ ଆସି ପାପ୍ କେମାର୍ ଲାଗି ବଲି ପାପ୍‌ଟାନେଅନି ବାଉଡାଇବା ବିଷୟ କଇବାର୍ ଦାରଲା । “ତମର୍ ପାପ୍ କେମା ଅଇବାକେ ପାପ୍‌ଟାନେ ମନ୍ ବାଦ୍‌ଲାଇ ତୁବନ୍ ନିଆ । ପର୍‌ମେସର୍ ତମର୍ ପାପ୍ କେମା କର୍ସି ।”

୫ ସେଡ୍‌କିବେଲେ ଜିଉଦାଦେସର୍ କେତେକ୍ ଲକ୍ ଆରି ଜିରୁସାଲାମ୍ ରାଇଜର୍ ସବୁ ଲକ୍‌ମନ୍ ବାରଇକରି ଜଅନର୍ କାତା ସୁନ୍ ବଲି ଆଇବାର୍ ଦାରଲାଇ । ଆରି ନିଜର୍ ନିଜର୍ ପାପ୍‌କଲାଟା ମାନିକରି ଜର୍‌ଦନ୍ ଗାଡେ ତାର୍‌ତେଇଅନି ତୁବନ୍ ନେଲାଇ ।

୬ ଜଅନ୍ ଉଟ୍‌ର୍ ଚେଣ୍ଡିସଙ୍ଗ୍ ତିଆର୍ ଅଇଲା ଲୁଗା ପିନ୍ଦି, ପସୁ ଚାମର୍ ଆଁଟାବେଡା ଆଁଟାଇ ବାନ୍ଦି ଅଇତେରଇଲା । ତାର୍ କାଦି ଅଇଲା ଚିଟ୍‌କା ଆରି ବନର୍ ମୁ ।

୭ ସେ ଜାନାଇକରି କଇବାର ମୁଲିଆଇଲା, “ମର ପତେ ଗଟେକ୍ ବେସି ବପୁର ଲକ୍ ଆଇସି, ତାର ଗତିଦାଙ୍ଗ୍ତା ଆଇକରି ତାର ଗତର୍ ପାଣ୍ଡୁଇ ବେଟ୍‌ବାର ମିସା ମର୍ ଅଦିକାର ନାଇ ।

୮ ମୁଇ ତମ୍‌କେ ପାନିତେଇ ତୁବନ୍ ଦେଲିନି, ମାତର୍ ସେ ତମ୍‌କେ ସୁକଲ୍‌ଆଡ଼ମାଇ ତୁବନ୍ ଦେଇସି ।”

ଜିସୁର୍ ତୁବନ୍ ଆରି ପରିକା
(ମାଡ଼ିଉ ୩:୧୩;୪:୧୧; ଲୁକ୍ ୩:୨୧;୨୨;୪:୧-୧୩)

୯ ସେଡ଼କିବେଲେ ଜିସୁ ଗାଲିଲି ଜାଗାର ନାଜରିତ୍ ଗଡେ ଅନି ଆସି ଜର୍ଦଦନ୍ ଗାଡେ ତୁବନ୍ ଦେଉ ଜଅନର୍ ଗାନେ ତୁବନ୍ ନେଲା ।

୧୦ ସେ ପାନିତେଇ ଅନି ବାରଇ ଆଇବାବେଲେ, ସରଗ୍ ଉଗାଡି ଅଇ ପର୍‌ମେସରର୍ ଆଡ଼ମା ପରୁଆ ପାରା ଅଇ ଜିସୁର୍ ଉପ୍‌ରେ ଉଡ଼ରି ଆଇବାଟା ସେ ଦେକଲା ।

୧୧ ✨ଆରି ସର୍‌ଗେଅନି ଗଟେକ୍ ସର୍ ସୁନିଅଇଲା, “ତୁଇ ମର୍ ଆଲାଦର୍ ପିଲା, ତର୍‌ଗାନେ ମୁଇ ବେସି ସାର୍‌ଦା ।”

୧୨ ସେଦାପ୍‌ରେ ସୁକଲ୍ ଆଡ଼ମା ଜିସୁକେ ମରୁବାଲି ବୁର୍‌ ପାଟାଇଲା ।

୧୩ ମରୁବାଲି ବୁର୍‌ ଚାଲିସ୍ ଦିନ୍ ରଇଲାବେଲେ, ସଇତାନ୍ ତାକେ ପାପ୍‌କରାଇବାକେ ଚେସ୍‌ଟା କର୍‌ତେରଇଲା । ସେ ଜାଗାଇ ବନର୍ ଜଡ଼ମନ୍ ରଇଲାଇ, ଆରି ସରଗର୍ ଦୁଡ଼ମନ୍ ଆସି ତାର ସେବା କର୍‌ତେରଇଲାଇ ।

ଜିସୁ ଚାରିଟା କେଉଟ୍‌ମନ୍‌କେ ଡାକ୍‌ଲା
(ମାଡ଼ିଉ ୪:୧୨-୨୨; ଲୁକ୍ ୪:୧୪,୧୫;୫:୧-୧୧)

୧୪ କେତେଦିନ୍ ଗାଲାପତେ ଏରଦ୍‌ରାଜା ତୁବନ୍ ଦେଉ ଜଅନ୍କେ ବନ୍ଦି ଗରେ ସଙ୍ଗଇଲା ପତେ ଜିସୁ ଗାଲିଲି ଗାଏଁ ବାଉଡିଆସି, ପର୍‌ମେସରର୍ ନିମାନ୍ କବର୍ ସୁନାଇବାର୍ ଦାରଲା ।

୧୫ ✨“ସେମାନ୍ ବେଲା ଆଇଲା, ପର୍‌ମେସରର୍ ରାଇଜ୍ ଲଗେ କେଟ୍‌ଲା ଆଟେ । ତମେ ପାପେ ଅନି ମନ୍ ବାଉଡାଇକରି ନିମାନ୍ କାତାଇ ବିସ୍‌ବାସ୍ କରା ।”

୧୬ ଜିସୁ ଗାଲିଲି ସମ୍‌ଦୁର୍ କଣ୍ଡିବାଟେ ଜିବା ବେଲେ ସିମନ୍ ଆରି ତାର ବାଇ ଆନ୍‌ରିଅକେ ସମ୍‌ଦୁରେ ବଇଜାଲ୍ ପାକାଇବାଟା ଦେକଲା, ସେମନ୍ ମାର୍ ଦାରୁ କେଉଟ୍‌ମନ୍ ରଇଲାଇ ।

୧୭ ଜିସୁ ସେମନ୍‌କେ କଇଲା, “ମର୍ ସଙ୍ଗ୍ ଆସା, ମୁଇ ତମ୍‌କେ ଲକ୍‌ମନ୍‌କେ ପର୍‌ମେସରର୍ ବାଟେ ଆନ୍‌ବା ବିସଇ ସିକାଇବି ।”

୧୮ ସେଦାପ୍‌ରେ ସେମନ୍ ଜାଲ୍ ଚାଡି ଜିସୁର୍ ପତେ ପତେ ଗାଲାଇ ।

୧୯ ପତେ କଣ୍ଡେକ୍ ଦୁର୍ ଜାଇ ଜେବଦିର୍ ପଅମନ୍ ଜାକୁବ୍ ଆରି ତାର ବାଇ ଜଅନ୍କେ ଡଙ୍ଗାଇ ଜାଲ୍ ସାଜାଡ଼ବାଟା ଦେକଲା ।

୨୦ ଜିସୁ ସେମନ୍‌କେ ଦେକଲା ଦାପ୍‌ରେ ଡାକ୍‌ଲା, ଆରି ସେମନ୍ ଡାକର୍ ବାବା ଜେବଦିକେ ଆରି କୁଲିଆର୍‌ମନ୍‌କେ ଡଙ୍ଗାଇ ଚାଡି ତାର ସଙ୍ଗ୍ ଗାଲାଇ ।

ଜିସୁ ତୁମା ଦାରଲା ଲକ୍‌କେ ନିକ କଲା
(ଲୁକ୍ ୪:୩୧-୩୭)

୨୧ ପତେ ଜିସୁ ଆରି ତାର ସିସମନ୍ କପର୍‌ନାଉମେ ଗାଲାଇ, ଆରି ବିସ୍‌ରାମ୍‌ବାର୍ କେଟ୍‌ଲାକେ ସେ ଜିଉଦିମନ୍‌ର ପାର୍‌ତନା ଗରେ ପୁରି, ଲକ୍‌ମନ୍‌କେ ସିକାଇବାର୍ ଦାରଲା ।

୨୨ ✨ଲକ୍‌ମନ୍ ତାର ସିକିଆ ସୁନି କାବା ଅଇଗାଲାଇ, ସେ ସାସ୍‌ତର୍ ସିକାଉପାରା ନ ସିକାଇ, ନିଜର୍ ଅଦିକାର୍ ସଙ୍ଗ୍ ସିକିଆ ଦେଇତେ ରଇଲା ।

୨୩ ସେ ଦାପ୍‌ରେ ସେମନ୍‌ର ପାର୍‌ତନା ଗରେ ଗଟେକ୍ ତୁମା ଦାରଲା ଲକ୍ କିର୍‌କିରି କରି ଜିସୁକେ କଇଲା,

୨୪ “ଏ ନାଜରିତ୍ ଗତର୍ ଜିସୁ, ତୁଇ କାଇକେ ଆମ୍‌କେ ଅରିଆନ୍ କଲୁସ୍‌ନି ? ତୁଇ କାଇ ଆମ୍‌କେ ବିନାସ୍ କର୍‌ବାକେ ଆଇଲୁସ୍ କି ? ତୁଇ କେ, ସେଟା ମୁଇ ଜାନି, ତୁଇ ଅଇଲୁସ୍‌ନି ପର୍‌ମେସରର୍ ସୁକଲ୍ ଲକ୍ ।”

୨୫ ଜିସୁ ତୁମାକେ ଦମ୍‌କାଇ କରି କଇଲା, “ତୁପ୍ ଅ, ଆରି ଏ ଲକ୍‌ର୍‌ତେଇ ଅନି ବାରଇ ଜା ।”

୨୬ ସେଡ଼କି ବେଲେ ତୁମା ତାକେ ମଡ଼ିପିଙ୍ଗି ବେସି କିର୍‌କିରି କରି ତାରଲଗେ ଅନି ବାରଇଗାଲା ।

୨୭ ତେବର୍‌ପାଇ ପାର୍‌ତନା ଗରେ ରଇବା ସବୁ ଲକ୍ କାବା ଅଇଗାଲାଇ ଆରି ଡାକର୍ ଡାକର୍ ବିଡ଼ରେ କୁଆବଲା ଅଇଲାଇ । “ଏଟା କେନ୍ତା ? ଏଟାଟା ଅଦିକାର୍ ସଙ୍ଗର୍ ନୁଆ ସିକିଆ । ତୁମା ଆଡ଼ମାମନ୍ ମିସା, ସେ ତିଆର୍‌ଲାଟା ମାନ୍‌ଲାଇନି ।”

୨୮ ସେଡ଼କିବେଲେ ଜିସୁର୍ କାତା ଗାଲିଲିର୍ ଚାରିବେଡ଼ତିର୍ ଗାଉଁମନ୍‌କେ କେଟିଗାଲା ।

✨ ୧:୧୧ ମାଡ଼ିଉ ୩:୧୭;୧୨:୧୮; ମାର୍ଚ୍ଚ ୯:୭; ଲୁକ୍ ୩:୨୨ ✨ ୧:୧୫ ମାଡ଼ିଉ ୩:୨ ✨ ୧:୨୨ ମାଡ଼ିଉ ୭:୨୮,୨୯

ଜିସୁ ବେସି ଲକ୍ଷ୍ମୀନକେ ନିକ କଲ୍ଲା
(ମାତିଉ ୮:୧୪;୧୭; ଲୁକ୍ ୪:୩୮-୪୧)

୨୯ ତାର ପତେ ଜିସୁ ଆରି ତାର ସିସ୍ତାନ୍ ପାର୍ତନା ଗରେ ଅନି ବାରଇ ଜାକୁବ୍ ଆରି ଜଅନର୍ ସଙ୍ଘ୍ ସିମନ୍ ଆରି ଆନ୍ଦ୍ରିୟର୍ ଗରେ ଗାଲାଇ ।

୩୦ ତେଇ ରଇଲା ଲକ୍ଷ୍ମୀନ ସିମନ୍ ଯାଡ୍ରି ଜର୍କେ ସଇରଇଲା ବିସଇ ଜିସୁକେ କଇଲା ।

୩୧ ସେଟାରପାଇ ଜିସୁ ଜାଇ ସିମନ୍ ଯାଡ୍ରି ଆତେ ଦାରି ଉଟାଇଲା, ସେଦାପ୍ରେ ତାର ଜର୍ ଚାଡ଼ିଗାଲା, ଆରି ସେ ଜାଇ ସେମନ୍କେ ସେବା କରବାର ଦାରଲା ।

୩୨ ସଞ୍ଜ୍ ବେଲାଇ ବେଲ୍ ବୁଡ଼ିଗାଲା ପତେ, ଲକ୍ଷ୍ମୀନ ଜରର୍ ଲକ୍ଷ୍ମୀନକେ ଆରି ତୁମାଦାରି ରଇବା ସବୁଲକ୍ଷ୍ମୀନକେ ଜିସୁର୍ ଲଗେ ଆନ୍ଦାର ଦାରଲା,

୩୩ ଆରି ଗାଉଁର୍ ଲକ୍ଷ୍ମୀନ ସେ ଗରର୍ ଦୁଆରେ ରୁଣ୍ଡୁଲା ।

୩୪ ସେଡ଼କିବେଲେ ସେ ବିନ୍ ବିନ୍ ରକାମର୍ ରଗ୍ ଅଇରଇବା ଜବର୍ ରଗି ଲକ୍ଷ୍ମୀନକେ ନିମାନ୍ କଲା ଆରି ଜବର୍ ତୁମାମନ୍କେ ଚାଡ଼ାଇଲା, ମାତର୍ ସେ ତୁମାମନ୍କେ କାତା କଇବାକେ ଦେଏନାଇ । କାଇକେବଇଲେ ତୁମାମନ୍ ଜିସୁ ପର୍ମେସରର୍ ଟାନେଅନି ଆଇଲାଆତେ ବଲିକରି ଜାନି ରଇଲା ।

ଜିସୁ ଗାଲିଲି ରାଇଜେ ମାପ୍ତୁର୍ କାତା ସୁନାଇଲା
(ଲୁକ୍ ୪:୪୨-୪୪)

୩୫ ଆରକର୍ ସାକାଲେ କୁକ୍ତା ଡାକ୍ ବେଲାଇ ଜିସୁ ଉଟି ଗରେଅନି ବାରଇ ଜାଇ ଗଟେକ୍ କିନରା ରଇବା ଚିମ୍ବରା ଜାଗାଇ, ଜାଇ ପାର୍ତନା କରବାର ଦାରଲା ।

୩୬ ସେଡ଼କିବେଲେ ସିମନ୍ ଆରି ତାର ସଙ୍ଘର୍ଲକ୍ ତାକେ କର୍ବାର ଗାଲାଇ,

୩୭ ଜେଡେବଲ୍ ସେମନ୍ ଜିସୁକେ ବେଟ୍ ଅଇଲା, ଆରି କାବାଅଇ ତାକେ କଇଲା, “ସବୁ ଲକ୍ ତମ୍କେ କର୍ଲାଇନି ।”

୩୮ ସେଡ଼କିବେଲେ ଜିସୁ ସେମନ୍କେ କଇଲା, “ଆସା, ଆମେ ରଇବା ବିନ୍ ବିନ୍ ଗାଉଁମନ୍କେ ଜୁ, କାଇକେବଇଲେ ସେ ଜାଗାମନ୍କେ ମିସା ମୁଇ ପର୍ମେସରର୍ କାତା କଇବି । କାଇକେବଇଲେ ସେଟାରପାଇସେ ମୁଇ ଆଇଲିଆଟି ।”

୩୯ ☆ଆରି ଗାଲିଲିର ସବୁଟାନେ ବୁଲି ବୁଲି ସେମନ୍ ସବୁ ପାର୍ତନା ଗରେ, ମାପ୍ତୁର୍ କାତା ସୁନାଇଲା, ଆରି ତୁମା ଦାରଲା ଲକ୍ଷ୍ମୀନକେ ଚାଡ଼ାଇଲା ।

ଜିସୁ ବଡ଼ ରଗିକେ ନିକ କଲ୍ଲା
(ମାତିଉ ୮:୧୪; ଲୁକ୍ ୫:୧୨;୧୬)

୪୦ ସେଡ଼କି ବେଲେ ଗଟେକ୍ ବଡ଼ ରଗି* ତାର ଲଗେ ଆସି ମାଣ୍ଡିକଟା ଦେଇ ତାକେ ବାରୁଜିଆ କରି କଇଲା, “ତମେ ଜଦି ମନକଲେ ମକେ ସୁକଲ୍ କରି ପାରସା ।”

୪୧ ତେଇ ସେ ତାକେ ଜିବନ୍ ଦୁକାଇଲା ଆରି ଆଡ଼ ଲାମାଇ କରି ତାକେ ଚିଇକରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।”

୪୨ ସେଦାପ୍ରେ ବଡ଼ ରଗ୍ ତାର ଲଗେ ଅନି ଦୁର୍ଅଇଲା ଆରି ସେ ସୁକଲ୍ ଅଇଗାଲା ।

୪୩ ଆରି, ଜିସୁ ସେ ଲକ୍କେ ଡାଟ୍‌ସଙ୍ଘ୍ ଆଦେସ୍ ଦେଇ ସେଦାପ୍ରେ କଇ ପାଟାଇଲା ।

୪୪ “ଜାଗରଡ଼, ମୁଇ ତକେ ସୁକଲ୍ କଲି ବଲି କାକେ ମିସା କ ନାଇ, ମାତର୍ ଜା ଆରି ନିଜେ ପୁଜାରିକେ ଦେକାଇ ଅ ଆରି ମସା ଜନ୍ ଜନ୍ ବିରୁ ପର୍ମେସରକେ ଦେବାକେ ଆଦେସ୍ ଦେଲାଆତେ, ସେ ଇସାବେ ଦେସ୍ । ଏଟାର ଲାଗି ତୁଇ ସୁକଲ୍ ଅଇଜାଇଆରୁସ୍ ବଲିକରି ପୁଜାରି ସବୁଲକ୍ ମୁଆଟେ ସାକି ଦେଅ ।”

୪୫ ମାତର୍ ସେଲକ୍ ବାରଇ ଜାଇ ଜିସୁ ସୁକଲ୍ କରିରଇବା କବର୍ ଏଡେକ୍ ରାଟୁକରି କଇବୁଲୁଲା ଜେ, ଜିସୁ ଲକ୍ଷ୍ମୀନର୍ ଦେକ୍‌ଡେ କନ୍ ଗାଉଁମନ୍କେ ମିସା ଜାଇ ପୁରି ନାପାରଲା । ମାତର୍ ବାଇରେ ଜାଇ ଚିମ୍ବରା ଜାଗାମନ୍କେ ରଇଲା । ଅଇଲେ ମିସା ଲକ୍ଷ୍ମୀନ ଚାରିଦିଗେ ଅନି ତାର ଲଗେ ଆଇବାରଦାରଲା ।

9

ଚେରେଙ୍ଘାଡ଼ ରଗି ନିମାନ୍ ଅଇଲା
(ମାତିଉ ୯:୧-୮; ଲୁକ୍ ୫:୧୭-୨୬)

୧ କେଡେଦିନ୍ ଗାଲା ପତେ ଜିସୁ ଆରି ତରେକ୍ କପର୍ନାତମେ ବାଅଡ଼ଲାକେ, ସେ ଗରେ ଆତେ ବଲି ଆଲା ଅଇଗାଲା ।

☆ ୧:୩୯ ମାତିଉ ୪:୨୩;୯:୩୫ * ୧:୪୦ ବଡ଼ ରଗ୍ ଅଇରଇଲାର୍ ପାଇ ଗଟେକ୍ ଲକ୍ ପର୍ମେସରକେ ପାର୍ତନା କର୍ଡେରଇଲା, କାଇକେବଇଲେ ବଡ଼ ରଗିକେ ଜିଉଦିମନ୍ ଅସୁଚି ବଲି ବାବ୍‌ଡେ ରଇଲା ।

୨ ସେ ଗରେ ଏତେମାଣ୍ଡ ଲକ୍ ଜମ୍ଲାଲ ଜେ, ଦୁଆରେ ମିସା ଟାନ୍ ଦାରିନାପାରଲା, ଆରି ଜିସୁ ସେମନ୍ତ ଲଗେ ପରମେସରର୍ ବାକିଅ ସୁନାଇବାର୍ ଦାରଲା ।

୩ ସେଡକି ବେଲେ କେତେକ୍ ଲକ୍ମନ୍ ଗଟେକ୍ ଚେରେଙ୍ଗ୍ ରଗିକେ ବଇକରି ତାର୍ ଲଗେ ଦାରିଆଇଲାଲ । ତାକର୍ ବିଡ୍ରେ ଅନି ଚାର୍ଲକ୍ ରଗିକେ ବଇରଇଲାଲ ।

୪ ମାତର୍ ଲକ୍ମନ୍ ଚିପାଟେଲା ଅଇରଇଲାଲକେ, ତାକେ ଜିସୁର୍ ଲଗେ ନେଇ ନାପାରଲାଲ । ନାପାରିକରି, ଜିସୁ ଜନ୍ମଟାନେ ରଇଲା, ତେଇର୍ ଚାନି ବଡ଼ଟା କାଣାକରି, ରଗିକେ କଟ୍ ମିସ୍ତେ ତାର୍ ମୁଆଟେ ସିଦା ଉଡ଼ରାଇଦେଲାଲ ।

୫ ଜିସୁ ସେମନ୍ତ ବିସ୍ବାସ୍ ଦେକି ଚେରେଙ୍ଗ୍ ରଗିକେ କଇଲା, “ବାବୁରେ ମୁଇ ତର୍ ପାପ୍ କେମା କରିଦେଲି ।”

୬ ମାତର୍ ସେ ଗର୍ ବିଡ୍ରେ କେତେଟା ସାସ୍ତର୍ ସିକାଇବା ଲକ୍ମନ୍ ବସି ନିଜର୍ ନିଜର୍ ମନ୍ ବିଡ୍ରେ ବାବିଅଇତେରଇଲାଲ,

୭ “ଏ ଲକ୍ ଚେରେଙ୍ଗ୍ ରଗିକେ ‘ତର୍ ପାପ୍ କେମା କରିଦେଲି ।’ ବଲି କେନ୍ତ୍ର କଇପାରଲା ? ଏ ପରମେସର୍କେ ନିନ୍ଦା କରସିଆଟେ, ସେ ଗଟେକ୍ ମାପ୍ତୁକେ ଚାଡ଼ିଦେଲେ, ଆରି କେ ମିସା ପାପ୍ କେମା କରି ପାରଡ୍ କି ?”

୮ ସେଦାପ୍ରେ ଜିସୁ ସେମନ୍ ମନେ ମନେ ଏନ୍ତାରି ବାବିଅଇଲାଟା, ନିଜର୍ ଆଡ଼ମାଇ ଜାନି ସେମନ୍କେ କଇଲା, “ତମେ କାଇକେ ନିଜର୍ ନିଜର୍ ମନେ ଏ ସବୁଜାକ ବାବିଅଇଲାସ୍ନି ?

୯ କନ୍ଟା କର୍ବାଟା ସଅଜ୍ ଅଇଲାନି ? ବାବୁରେ ‘ମୁଇ ତର୍ ପାପ୍ କେମା କରିଦେଲି ।’ ବଲି କଇବାଟା, କି ‘ଉଟ୍ ତର୍ କଟ୍ ବଇ ଇଣ୍ଡିଜା ।’ ବଲ୍ଲବାଟା ?

୧୦ ମାତର୍ ଗୁଲାଲ ଜଗତର୍ ପାପ୍ କେମା କର୍ବାକେ ପରମେସର୍ ପାଟାଇଲା ନରପିଲା ମର୍ ଅଦିକାର୍ ଆଟେ ବଲି ଏବେ ମୁଇ, ଏ ଲକ୍କେ ନିକ କରି ଦେକାଇବି ।” ସେ ଚେରେଙ୍ଗ୍ ରଗିକେ କଇଲା,

୧୧ “ମୁଇ ତକେ କଇଲିନି ଉଟ୍, ତର୍ କଟ୍ ବଇ, ନିଜର୍ ଗରେ ବାରିଜା ।”

୧୨ ସେଦାପ୍ରେ ସେ ରଗି ଉଟି କଟ୍ ବଇକରି ସବୁ ଲକ୍ମନ୍ ଦେକ୍ତେ ବାରଇ ଗାଲା । ସେବେଲାଲ ସବୁଲକ୍ କାବା ଅଇ ପରମେସରର୍ ମଇମା କରି କରି କଇଲାଲ, “ଆମେ ଏନ୍ତାରିଟା କେବେ ମିସା ଦେକି ନ ରଇଲୁ ।”

ଜିସୁ ଲେବିକେ ଡାକ୍ଲା

(ମାତିଉ ୯:୯-୧୩; ଲୁକ୍ ୫:୨୭-୩୨)

୧୩ ସେ ଆରିତରେକ୍ ସମ୍ବୁରର୍ କଣ୍ଡିବାଟେ ବାରଇଗାଲା । ବେସି ଲକ୍ମନ୍ ତାର୍ ଲଗେ ଆଇଲାକେ, ଜିସୁ ସେମନ୍କେ ସିକିଆ ଦେବାର୍ ଦାରଲା ।

୧୪ ଆରି ସେ ଜାଉ ଜାଉ ଆଲ୍ପିଅର୍ ପଅ ଲେବିକେ ରମିୟ୍ ସର୍କାରର୍ ପାଇ ସିସ୍ତୁମାଙ୍ଗ୍ମନ୍ ମାଙ୍ଗ୍ବା ଜାଗାଇ ବସି ରଇବାଟା ଦେକି ତାକେ କଇଲା, “ମର୍ ସଙ୍ଗ୍ ଆଉ ।” ତେଇଅନି ସେ ତାର୍ ସିସ୍ତୁମାଙ୍ଗ୍ମନ୍ ମାଙ୍ଗ୍ବାଟା ଚାଡ଼ି ଉଟିକରି ଜିସୁର୍ ସଙ୍ଗ୍ ଗାଲା ।

୧୫ ପଟେ ଜିସୁ ଲେବିର୍ ଗରେ ଜାଇ କାଇବା ବେଲେ ବେସି ସିସ୍ତୁମାଙ୍ଗ୍ବା ଲକ୍ ଆରି ଜନ୍ ଲକ୍ମନ୍କେ ପାପି ବଲି କଇତେରଇଲାଲ, ତାର୍ ସିସ୍ମନ୍ତର୍ ସଙ୍ଗ୍ ମିସି କାଇତେରଇଲାଲ । କାଇକେବଇଲେ ଏନ୍ତାରି ବେସି ଲକ୍ ତାର୍ ସଙ୍ଗ୍ ଜାଇତେ ରଇଲାଲ ।

୧୬ ଜିସୁ ପାପି ଆରି ସିସ୍ତୁମାଙ୍ଗ୍ମନ୍ତର୍ ସଙ୍ଗ୍ କଇଲାନି, ଏଟା ଦେକିକରି ପାରୁସି ଦଲ୍ଲର୍ ସାସ୍ତର୍ ସିକାଉମନ୍ ତାର୍ ସିସ୍ମନ୍ତକେ କଇବାର୍ ଦାରଲାଲ, “ସେ କାଇକେ ସିସ୍ତୁମାଙ୍ଗ୍ମନ୍ତର୍ ଆରି ପାପିମନ୍ତର୍ ସଙ୍ଗ୍ କାଇଲାନି ?”

୧୭ ସେଟା ସୁନି ଜିସୁ ସାସ୍ତର୍ ସିକାଉମନ୍କେ କଇଲା, “ ନିମାନ୍ ଲକ୍ମନ୍ତର୍ପାଇ ଡାକ୍ତରର୍ ଲଡା ନାଇ, ମାତର୍ ନିମାନ୍ ନ ରଇଲା ଲକ୍ମନ୍ତକେ ଲଡା ଆଟେ । ଜେ ନିଜେ ‘ମୁଇ ଦରମ୍ ଲକ୍ ।’ ବଲି ବାବିଅଇବା ଲକ୍ତର୍ପାଇ ମୁଇ ଆସିନାଇ, ମାତର୍ ପାପିମନ୍ତକେ ପାପ୍ଟାନେଅନି ବାଉଡାଇବାକେ ଆସିଆଟି ।”

ଉପାସ୍ ବିସଇ

(ମାତିଉ ୯:୧୪-୧୭; ଲୁକ୍ ୫:୩୩-୩୯)

୧୮ ତୁବନ୍ ଦେଉ ଜଅନର୍ ସିସ୍ମନ୍ ଆରି ପାରୁସିମନ୍ ଉପାସ୍ କର୍ତେ ରଇଲାଲ । ସେବେଲାଲ କେତେଲକ୍ ଆସି ଜିସୁକେ କଇଲାଲ, “ତୁବନ୍ ଦେଉ ଜଅନର୍ ସିସ୍ମନ୍ ଆରି ପାରୁସିମନ୍ତର୍ ସିସ୍ମନ୍ ଉପାସ୍ କର୍ବାଇ, ମାତର୍ ତର୍ ସିସ୍ମନ୍ କାଇକେ ଉପାସ୍ ନ କରଡ୍ ?”

୧୯ ଜିସୁ ସେମନ୍ତକେ କଇଲା, “ବଜିଟାନେ ବିବା ଦାଙ୍ଗ୍ତା ରଇବା ଜାକ ବିବା ଦାଙ୍ଗ୍ତାର୍ ସଙ୍ଗ୍ ରଇବା ଦାଙ୍ଗ୍ତାମନ୍ ଉପାସ୍ତେ ରଇବାଇ କି ? ନାଇ ନ ରଅଡ୍ । ବିବା ଦାଙ୍ଗ୍ତା ଜେତେବେଲାଜାକ ରଇସି, ସେ ବେଲାଜାକ ସେମନ୍ ଉପାସ୍ତେ ନ ରଅଡ୍ ।

୨୦ ମାତର୍ ବେଲା ଆଇସି, ଜେତେବେଲେ ଲକ୍ମନ୍ ଆସି ତାକର୍ ଲଗେ ଅନି ବିବା ଦାଙ୍ଗ୍ତାକେ ଦାରିଜିବାଇ, ସେଦିନେ ସେମନ୍ ଉପାସ୍ କର୍ବାଇ ।

୨୧ “କେ ନୁଆ ଲୁଗାର୍ ଗର୍ଣ୍ଣା ପୁର୍ନା ଲୁଗାଇ ନ ସିଲ୍ୟା, ସିଲ୍ୟାଇଲେ ନୁଆ ଗର୍ଣ୍ଣା ପୁର୍ନା ଲୁଗାକେ ଅଦିକ୍ ଚିରି ପାକାଇସି, ଆରି ଅଦିକ୍ ବଡ଼ଟା କାଣା କରିଦେଇସି ।

୨୨ ଆରି କେ ନୁଆ ଅଙ୍ଗୁର ରସ ପୁରନା ଚାମ୍ ସଙ୍ଗ ତିଆର କଲା ମୁନାଇ ନ ସଙ୍ଗଅଡ଼, ସଙ୍ଗଲଲେ ସେ ଅଙ୍ଗୁର ରସ ଆରି ଚାମ୍ ମୁନା ନସିଜାଇସି । ନାଇ ନୁଆ ଅଙ୍ଗୁର ରସ ନୁଆ ଚାମ୍ ମୁନାଇ ସଙ୍ଗଇବାର୍ ଆଚେ ।”

ଜିସୁ ବିସରାମ୍ ବାରର ମାପୁରୁ
(ମାତିଉ ୧୨:୧-୮; ଲୁକ୍ ୬:୧-୫)

୨୩ ଜିସୁ ତରେକ୍ ବିସରାମ୍‌ବାରେ ତାସ୍ ରଇବା କେଡ଼ ବାଟେ ଜାଇତେ ରଇଲା, ଆରି ଜିବାବେଲେ ତାର୍ ସିସ୍‌ମନ୍ ଦାନ କେଡ଼ ଚିତାଇତେ ଗାଲାଇ ।

୨୪ ସେ ଜାଗାଇ ରଇବା ପାରୁସିମନ୍ ଜିସୁକେ କଇଲା, “ଦେକ୍ ବିସରାମ୍‌ବାରେ ଜନ୍‌ଟା କର୍‌ବାର୍ ଆମର୍ ବିଦି ନଏଁ । ତର୍ ସିସ୍‌ମନ୍ କାଇକେ ସେଟା କଲାଇନି ?”

୨୫ ଜିସୁ ସେମନ୍‌କେ କଇଲା, “ଆମର୍ ଡାକ୍‌ପୁଟା ଆନିଦାଦି ଦାଉଦର୍ ଅବାବ୍ ବେଲେ, ସେ ଆରି ତାର୍ ସଙ୍ଗର୍ ଲକ୍‌ମନ୍ ବୁକେ ରଇଲା, ସେଡ଼କିବେଲେ ସେ କାଇଟା କରି ରଇଲା, ସେଟା କାଇ ତମେ କେବେ ପତାସ୍ ନାଇ କି ?

୨୬ ବଡ଼ ପୁଜାରି ଅବିୟାତର୍ ବେଲେ ସେ କେନ୍ତ୍ର ପର୍‌ମେସରର୍ ମନ୍ଦିରେ ପୁରିକରି ମାପୁରୁକେ ସର୍‌ପିଦେଲା ଜନ୍ ଦର୍‌ସନି ରୁଟି, ପୁଜାରିମନ୍‌କେ ଚାଡ଼ିଦେଲେ ଆରି କେ ମିସା କାଇବାର୍ ବିଦି ନଏଁ, ସେଟା ସେ କାଇଲା, ଆରି ସେ ରୁଟି ନିଜର୍ ସଙ୍ଗର୍ ଲକ୍‌ମନ୍‌କେ ମିସା ବାଟାକରି ଦେଇରଇଲା ।”

୨୭ ଜିସୁ ସେମନ୍‌କେ କଇଲା, “ ବିସରାମ୍‌ବାର୍ ଲକ୍‌ମନ୍‌ର ସାଇଜର୍‌ପାଇ ଅଇଲା ଆଚେ, ସେଟା ଲକ୍‌ମନ୍‌କେ ବିଜାର୍ କର୍‌ବାକେ ଅଏନାଇ ।

୨୮ ତେବର୍‌ପାଇ ପର୍‌ମେସର୍ ପାଟାଇଲା ନର୍‌ପିଲା ମୁଇ ବିସରାମ୍‌ବାରେ ଲକ୍‌ମନ୍ କାଇଟା କର୍‌ବାର୍ ଆଚେ, କାଇଟା କର୍‌ବାର୍ ନାଇ, ସେଟା କଇବାର୍ ମର୍ ଅଦିକାର୍ ଆଚେ ।”

୩

ଜିସୁ ଗଟେକ୍ ଆଡ଼ ସୁକ୍‌ଲା କଲା ଲକ୍‌କେ ନିକ କଲା
(ମାତିଉ ୧୨:୯-୧୪; ଲୁକ୍ ୬:୬-୧୧)

୧ ପଚେ ଜିସୁ ଆରି ଗଟେକ୍ ତର୍ ଜିଉଦିମନ୍‌ର ପାର୍‌ତନା ଗରେ ଗାଲା । ତେଇ ଗଟେକ୍ ଲକ୍ ରଇଲା । ତାର୍ ଗଟେକ୍ ଆଡ଼ ସୁକିଜାଇରଇଲା ।

୨ ଜିସୁ କେଜାନେ ବିସରାମ୍ ବାରେ ନିମାନ୍ କର୍‌ସି ବଲି, ସେମନ୍ ଆଁକି ନ ମରାଇତେ ଦେକ୍‌ତେରଇଲା, କାଇକେବଇଲେ ଜେନ୍ତ୍ରକି ତାର୍ ବିରୁଦେ ଦସ୍ ଦାରିପାର୍‌ବାଇ ।

୩ ଜନ୍ ଲକ୍‌ର ଆଡ଼ ସୁକି ଜାଇରଇଲା, ତାକେ ଜିସୁ କଇଲା, “ଆଉ ମଜାଇ ଚିଆ ଅ ।”

୪ ଆରି ଜିସୁ ଲକ୍‌ମନ୍‌କେ ପାଟାରୁଲା, “ ବିସରାମ୍‌ବାରେ କାଇଟା କର୍‌ବା ନିଅମ୍ ? ନିକ କର୍‌ବାର୍ କି ଆସାର୍ କର୍‌ବାର୍ ? ଜିବନ୍ ବଂଚାଇବାର୍ କି ମରାଇଦେବାର୍ ?” ମାତର୍ ସେମନ୍ କାଇଟା ନ କଇ ଚିମ୍‌ରାଅଇ ରଇଲା ।

୫ ସେବେଲେ ତାକର୍ ମନ୍ ଡାଟ୍ ରଇବାଟା ଦେକିକରି ଜିସୁ ଦୁକ୍‌ଅଇ ରିସାସଙ୍ଗ, ଚାରିବେଡ଼ି ଦେକ୍‌ଲା । ଆରି ସେ ଲକ୍‌କେ କଇଲା, “ଆଡ଼ ଲାମା ।” ସେ ଲକ୍ ଆଡ଼ ଲାମାଇଲା, ଆରି ତାର୍ ଆଡ଼ ନିମାନ୍ ଅଇଗାଲା ।

୬ ତେଇଅନି ପାରୁସିମନ୍ ସେ ଜାଗାଇଅନି ଦାପ୍‌ରେ ବାରଇ ଜାଇ ଜିସୁକେ ମରାଉ ବଲି ତାର୍ ବିରୁଦେ ଏରଦ୍ ରାଜାର୍ ଲକ୍‌ମନ୍‌ରସଙ୍ଗ ଉପାଇ ପାଁର୍‌ବାର୍ ଦାରୁଲା ।

୭ ସେଡ଼କିବେଲେ ଜିସୁ ସିସ୍‌ମନ୍‌ର ସଙ୍ଗ ଲକ୍‌ମନ୍‌ରଟା‌ନେଅନି ବେଗଲି କରି, ସମ୍‌ଦୁର୍ କଣ୍ଡିବାଟେ ବାରଇ ଗାଲା । ଆରି ଗାଲିଲି ଅନି ବେସି ଲକ୍ ତାର୍ ପଚେ ପଚେ ଆଇଲା, ଆରି ଜିଉଦା,

୮ ଜିରୁସାଲାମ୍, ଇଦମ୍, ଜର୍‌ଦନ୍‌ର ଉପର୍ ବାଟେ ରଇବା ସର ଆରି ସିଦନ୍‌ର ଚାରିବେଡ଼ିର୍ ଲକ୍ ସେ କରିରଇବା ସବୁ କାମର୍ କାତା ସୁନି ତାର୍ ଲଗେ ଆଇଲା ।

୯ *ସେଡ଼କିବେଲେ ଚିପାଟେଲା ରଇଲାକେ, ଲକ୍‌ମନ୍ ଜେନ୍ତ୍ରକି ଉପ୍‌ରେ ଡାବି ନ ଅଅଡ଼, ତେବର୍ ପାଇ ଜିସୁ ସିସ୍‌ମନ୍‌କେ ତାର୍‌ପାଇ ଗଟେକ୍ ସାନ୍‌ଟା ଡଙ୍ଗା ଆନି ଜାଗାଇବାକେ ତିଆର୍‌ଲା ।

୧୦ କାଇକେବଇଲେ ସେ ବେସି ଲକ୍‌ମନ୍‌କେ ନିମାନ୍ କଲାଜେ ଜର୍‌ଦୁକା ଅଇରଇବା ଲକ୍‌ମନ୍ ତାକେ ଚିଉଁ ବଲି ଉପ୍‌ରେ ଡାବିଅଇ ଜାଇତେରଇଲା ।

୧୧ ଆରି ଜେତେବେଲେ ଜିସୁକେ କରାପ୍ ଆଡ଼ମାମନ୍ ଦେକ୍‌ତେ ରଇଲା, ସେ ଆଡ଼ମାମନ୍ ତାର୍ ମୁଆଟେ ଅଦ୍‌ରି ଆଉଲିଅଇ କଇତେରଇଲା, “ତୁଇ ଆକା ପର୍‌ମେସରର୍ ପଅ ।”

୧୨ ମାତର୍ ଜିସୁ ଡୁମାମନ୍‌କେ ତାର୍ ବିସଇନେଇ ବିନ୍ ଲକ୍‌ମନ୍‌କେ କାଇ ବଲି ନ କୁଆ ବଲି ଡାଟ୍‌ସଙ୍ଗ୍ ଆଦେସ୍ ଦେଇତେରଇଲା ।

☆ ୩:୯ ମାର୍ଚ୍ଚ ୪:୧; ଲୁକ୍ ୫:୧-୩

ଜିସୁ ବାର୍ତ୍ତା ସିସ୍ତମନ୍ତକେ ବାଚ୍ଲା
(ମାତିଉ ୧୦:୧-୪; ଲୁକ୍ ୬:୧୨-୧୬)

୧୩ ଜିସୁ ପର୍ବତ ଉପରେ ଜାଇ, ଜନ୍ ଲକ୍ମନ୍ତକେ ସେ ମନ୍ କଲା, ସେମନ୍ତକେ ଲଗେ ତାକ୍ଲା, ଆରି ସେମନ୍ ତାର୍ ଲଗେ ଆଇଲାଇ ।

୧୪ ସେ ବାର ଲକ୍ମକେ ବାଚ୍ଲା ଆରି ସେମନ୍ତକେ ତାର୍ କବର୍ ନେଉ ବଲି ତାକ୍ଲା । ଜେନ୍ତ୍ର ସେମନ୍ ତାର୍ ସଙ୍ଘ୍ ରଇପାରତ୍ ଆରି ସେମନ୍ ତାର୍ କବର୍ ଜାନାଇବାଇ,

୧୫ ଆରି ତୁମାଚାତାଇବାକେ ଅଦିକାର୍ ଦେଲା ।

୧୬ ଜିସୁ ବାର ଲକ୍ମକେ ବାଚ୍ଲା, ଜନ୍ ଲକ୍ମନ୍ତ କି ସିମନ୍, ଜାକେ ସେ ପିତର୍ ବଲି ନାଉଁ ଦେଲା,

୧୭ ଜେବଦିର୍ ପ ଜାକୁବ୍ ଆରି ତାର୍ ବାଇ ଜଅନ୍ତକେ ସେ ବିନେରିଗସ୍ ବଲି ନାଉଁ ଦେଲା, ଆର୍ ଅରତ୍ ଅଇଲାନି ମେଗ୍ନାଦର୍ ପଅମନ୍,

୧୮ ଆନ୍ଦରିୟ, ପିଲିପ୍, ବାର୍ତଲମି, ମାତିଉ, ତମା, ଆଲ୍ପିର୍ ପଅ ଜାକୁବ୍, ତଦିୟ, କିଶାନିୟ ସିମନ୍, ଜେ କି ରମିୟ ସର୍କାରର୍ ବିରୁଦେ ଉଚିରଇଲା ।

୧୯ ଆରି ଇସ୍କାରିୟତିୟ ଜିଉଦା, ଜେ କି ଜିସୁକେ ସତ୍ତରୁକେ ସର୍ପି ଦେଇରଇଲା ।

(ମାତିଉ ୧୨:୨୨-୩୨; ଲୁକ୍ ୧୧:୧୪-୨୩; ୧୨:୧୦)

୨୦ ପଟେ ଜିସୁ ଗଟେକ୍ ଗରେ ପୁରଲା । ସେତ୍ତକି ବେଲେ ଲକ୍ମନ୍ତ ଆରି ତରେକ୍ ଏତେକ୍ ରୁଣ୍ଡଲାଇ ଜେ, ସେ ଆରି ତାର୍ ସିସ୍ତମନ୍ କାଇବାର୍ ମିସା ନାପାରଲାଇ ।

୨୧ “ ଜିସୁକେ କାଇବାକେ ମିସା ବେଲା ନାଇ ।” ବଲି କଇ ତାକର୍ ଗରର୍ ଲକ୍ ସୁନି, ତାକେ ଗରେ ତାକିନେବାକେ ଆଇଲାଇ । କାଇକେବଇଲେ ସେମନ୍ କଇଲାଇ, “ତାର୍ ବୁଦି ବାନାଅଇଗାଲାନି ।”

ଜିସୁ ଆରି ବାଲ୍ଜିବୁଲ୍

୨୨ ✨ଆରି, ଜିରୁସାଲାମ୍ ଅନି ଆସିରଇବା ସାସ୍ତର୍ ସିକାଉମନ୍ କଇଲାଇ, “ଆକେ ତୁମାମନ୍ତ ନେତା ବାଲ୍ଜିବୁଲ୍ ଦାରିଆଟେ, ଆରି ତୁମାମନ୍ତ ନେତାର୍ ବପୁସଙ୍ଘ୍ ତୁମା ଚାତାଇଲାନି ।”

୨୩ ସେତ୍ତକିବେଲେ ଜିସୁ ସାସ୍ତର୍ ସିକାଉମନ୍ତକେ ଲଗେତାକି ଉଦାଅରନ୍ ଦେଇ କଇଲା, “ସଇତାନ୍ କେନ୍ତ୍ର ସଇତାନ୍ତକେ ଚାତାଇ ପାର୍ସି ?

୨୪ ଜଦି ଗଟେକ୍ ରାଇଜ୍ ଦୁଇ ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ରାଜିଅ ବେସିଦିନ୍ ନ ରଏ ।

୨୫ ଗଟେକ୍ ଗର୍ ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ଗର୍ ବେସି ଦିନ୍ ନ ରଏ ।

୨୬ ସେନ୍ତାସେ ସଇତାନ୍ ଜଦି ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ତବିର୍ ଅଇ ରଇ ନାପାରେ, ମାତର୍ ତାର୍ ବିନାସ୍ ଗର୍ସି ।

୨୭ “ମାତର୍ କେ ମିସା ବପୁ ରଇବା ଲକ୍ମକେ ପର୍ତୁମ୍ ନ ବାନ୍ଦେ, ତାର୍ ଗରେ ପୁରିକରି ସେଲକର୍ ନିଜର୍ ସବୁ ଚରାଇ ନେଇ ନାପାରେ, ମାତର୍ ସେ ବପୁ ରଇବା ଲକ୍ମକେ ଆଗେ ବାନ୍ଦଲେ ସିନା ସେ ତାର୍ ଗରେ ପୁରି ଚରିପାର୍ସି ।

୨୮ “ମୁଇ ତମ୍ତକେ ସତ୍ କଇଲିନି, ଲକ୍ମନ୍ତ ସବୁ ପାପ୍, ଆରି ସେମନ୍ ଜେତେକ୍ ନିନ୍ଦା କାତା କଇ ପର୍ମେସର୍ ନିନ୍ଦା କଲେ ମିସା, ସେ ସବୁଜାକ କେମା କରାଅଇସି ।

୨୯ ✨ଜେକି ସୁକଲ୍ ଆତ୍ମାର୍ ବିରୁଦେ ନିନ୍ଦା କାତା କଇସି, ତାକେ କନ୍ କାଲେ ମିସା ପର୍ମେସର୍ କେମା ନ ଦେଏ, ଆରି ସେ ନ ସାର୍ବା ପାପର୍ ଦସି ଅଇସି ।”

୩୦ ତାକେ କାରାପ୍ ଆତ୍ମା ଲାଗିଆଟେ ବଲି ସାସ୍ତର୍ ସିକାଉମନ୍ କଇଲାଇକେ, ଜିସୁ ଏନ୍ତାରି କଇଲା ।

ଜିସୁର୍ ମାଆ ଆରି ବାଇବଇନିମନ୍
(ମାତିଉ ୧୨:୪୬-୫୦; ଲୁକ୍ ୮:୧୯-୨୧)

୩୧ ସେତ୍ତକିବେଲେ ଜିସୁର୍ ମା ଆରି ବାଇମନ୍ ଆସି ବାଇରେ ଚିଆ ଅଇ ଜିସୁକେ ତାକାଇପାଟାଇଲାଇ ।

୩୨ ତେଇ ତାର୍ ଚାରିବେତ୍ତି ବସି ରଇବା ଲକ୍ମନ୍ତ ତାକେ କଇଲାଇ, “ଦେକା, ତମର୍ ମାଆ ଆରି ବାଇ ବଇନି ବାଇରେ ରଇ ତମ୍ତକେ କଇଲାଇନି ।”

୩୩ ଜିସୁ ସେମନ୍ତକେ କଇଲା, “କେ ମର୍ ମା ଆରି ବାଇବଇନିମନ୍ ?”

୩୪ ସେ ତାର୍ ଚାରିବେତ୍ତି ବସିରଇବା ଲକ୍ମନ୍ତକେ ଦେକିକରି କଇଲା, “ଏମନ୍ ମର୍ ମାଆ ଆରି ମର୍ ବାଇ ବଇନି ।

୩୫ ଜନ୍ ଲକ୍ମନ୍ତ ପର୍ମେସର୍ ମନ୍ କଲାଟା ପୁରାପୁରନ୍ କର୍ବାଇ, ସେ ମର୍ ବାଇ, ବଇନି ଆରି ମା ।”

୪

ବିଅନ୍ ବୁନ୍‌ବା ବିସଇର୍ କାତା
(ମାତିଉ ୧୩:୧-୯; ଲୁକ୍ ୮:୪-୮)

୧* ଜିସୁ ଆରିତରେକ୍ ଗାଲିଲି ସମୁଦ୍ର କଣ୍ଠିଟାନ୍ ସିକିଆ ଦେବାର୍ ଦାରଲା, ଆରି ଏତେକ୍ ମାଣ୍ଟ ଲକ୍‌ମନ୍ ତାର୍ ଲଗେ ଚୁଲ୍‌ଅଇଲାକଜେ, ସେ ସମୁଦ୍ରରେ ରଇବା ଗଟେକ୍ ଡଙ୍ଗାକ ଜାକ ବସଲା, ଆରି ଗୁଲାକ ଲକ୍‌ମନ୍ ସମୁଦ୍ର ପାଲିକେ ରଇଲାକ ।

୨ ଜିସୁ ସେମନ୍‌କେ ବେସି ବିସଇ ଉଦାଅରନ୍ ଦେଇ ସିକାଇଲା । ଆରି ସିକାଇବାବେଲେ ସେମନ୍‌କେ କଇଲା,

୩ “ସୁନା ଗଟେକ୍ ଚାସି ତାର୍ ବିଅନ୍ ବୁନ୍‌ବାର୍ ବାରଇଲା ।

୪ ସେ ବୁନ୍ ବୁନ୍ କେତେକ୍ ବିଅନ୍ ବାଟେ ଅଦର୍ଲା, ଆରି ଚଡ଼ଇମନ୍ ଆସି ସବୁଜାକ ବିଅନ୍ କାଇଦେଲାକ ।

୫ ଆରି କେତେକ୍ ବିଅନ୍ ଉନା ମାଟିରଇ ତଲେ ପାକ୍‌ନା ରଇଲା ବୁର୍‌ଅଦର୍ଲା, ଆରି ମାଟି ଉନା ରଇଲାକେ ଦାପ୍‌ରେ ଗାଜା ଅଇଲା ।

୬ ମାତର୍ ବେଲ୍ ଉଦ୍‌ଲାକେ ଗାଜା ଅଇଲାଟା ପଡ଼ି ମସ୍‌ରିଗାଲା, ଆରି ଚେର୍ ବେଦି ନ ରଇଲାକେ ସୁକିଗାଲା ।

୭ ଆରି କେତେକ୍ ବିଅନ୍ କାଟା ବୁଟା ମଜାଇ ଅଦର୍ଲା, ଆରି କାଟା ବୁଟାମନ୍ ଉଟି ବଡ଼ିକରି ଗାଜା ଅଇ ସବୁକେ ଚାପି ପାକାଇଲାକ । ଚାପିଦେଲାକେ କାଇ ଦାନ୍ ମିସା ଅଏ ନାଇ ।

୮ ମାତର୍, ଆରି କେତେକ୍ ବିଅନ୍ ନିକ ବୁର୍‌ଅଦର୍ଲା ଆରି ଗାଜା ଅଇ ଉଟି ବଡ଼ିକରି ତିରିସ୍ ଗୁଣ୍ ସାଟେ ଗୁଣ୍ ଆରି ସଏ ଗୁଣ୍ ଜାକ ପସଲ୍ ଦେଲା ।”

୯ ଆରି ଜିସୁ କଇଲା, “ଜାକେ ସୁନ୍‌ବାକେ କାନ୍ ଆଟେବଇଲେ, ସେ ମନ୍‌ଦେଇ ସୁନ୍ ।”

ଜିସୁ ସେ ଉଦାଅରନ୍ କାଇକେ କଇଲା
(ମାତିଉ ୧୩:୧୦-୧୭; ଲୁକ୍ ୮:୯-୧୦)

୧୦ ଜିସୁ ଗଟେକ୍‌ଲକ୍ ରଇଲା ବେଲେ ତାର୍‌ସଙ୍ଗ୍ ରଇଲା ଲକ୍‌ମନ୍ ଆରି ବାର୍‌ଟା ସିସ୍‌ମନ୍ ତାକେ ପାଚାର୍‌ଲାକ, “ତମେ କାଇକେ ଉଦାଅରନ୍ ଦେଇ ସିକାଇଲାସ୍‌ନି ?”

୧୧ ଜିସୁ ସେମନ୍‌କେ କଇଲା, “ପର୍‌ମେସରର୍ ରାଇଜେ ଲୁଟିକରି ରଇଲା ବିସଇ ତମେ ବୁଜିପାର୍‌ଲାସ୍‌ନି, ମାତର୍ ବାଇରେ ରଇବା ବିନ୍ ଲକ୍‌ମନ୍‌କେ ଉଦାଅରନ୍ ଦେଇ କୁଆ ଅଇଲାନି ।”

୧୨ ଜେନ୍ତାର୍‌କି

“ମୁଇ କର୍‌ବା କାମ୍‌ମନ୍ ଦେକ୍‌ତେ ରଇଲେ ମିସା ବୁଜି ନାପାର୍‌ତ୍, ଆରି କଇଲାଟାମନ୍ ସୁନି ସୁନି ମିସା ନ ବୁଜ୍‌ତ୍, ବୁଜ୍‌ତାଇଆଲେ ସେମନ୍ ପର୍‌ମେସରର୍ ଲଗେ ବାଅଡ଼ତାଇ ଆରି ପାପ୍ କେମା ପାଇତାଇ ।”

ଜିସୁ କାତାନିର୍ ଅରଡ଼ ବୁଜାଇଲା
(ମାତିଉ ୧୩:୧୮-୨୩; ଲୁକ୍ ୮:୧୧-୧୫)

୧୩ ଜିସୁ ସେମନ୍‌କେ କଇଲା, “ଏ ଉଦାଅରନ୍ ଅରଡ଼ ତମେ ବୁଜାସ୍ ନାଇ କି ? ତେବେ ବିନ୍ ଉଦାଅରନ୍ ଅରଡ଼ କେନ୍ତ୍ର ବୁଜିସା ?

୧୪ ଚାସି ପର୍‌ମେସରର୍ ବାକିଅ ବୁନ୍‌ସି,

୧୫ ଜନ୍‌ଲକ୍‌ମନ୍ ସୁନ୍‌ବାଇ ଆରି ସୁନ୍‌ଲା ଦାପ୍‌ରେ, ସଇତାନ୍ ଆସି ସେମନ୍‌ର୍ ଟାନ୍‌ଅନି ବୁନିରଇବା ବାକିଅ ଜିକି ନେଇସି, ସେମନ୍ ବୁନିରଇବା ବାଟ୍‌ଲଗର୍ ବିଅନ୍ ପାରା ।

୧୬ ସେନ୍ତାର୍ ସେ, ଜନ୍‌ଲକ୍‌ମନ୍ ବାକିଅ ସୁନ୍‌ଲା ଦାପ୍‌ରେ ସାର୍‌ଦା ଅଇ ସେଟା ମାନ୍‌ବାଇ, ସେଲକ୍ ପାକ୍‌ନା ରଇବା ଜାଗାଇ ଅଦର୍ଲା ବିଅନ୍ ପାରା ।

୧୭ ମାତର୍ ସେମନ୍‌ର୍ ଟାନ୍‌ ଚେର୍ ନ ବେଦିରଏଜେ ଚନେକ୍‌ପାଇ ବିସ୍‌ବାସ୍ କରି ରଇବାଇ, ପଟେ ବାକିଅର୍‌ଲାଗି କସ୍‌ଟ୍ କି ତାଡ଼ନା ଆଇଲେ, ସେ ଦାପ୍‌ରେ ବିସ୍‌ବାସ୍ ଚାଡ଼ି ଦେବାଇ ।

୧୮ ଆରି ଜନ୍‌ଲକ୍‌ମନ୍ ବାକିଅ ସୁନ୍‌ବାଇ, ମାତର୍ ତାର୍ ଦିନ୍‌କର୍ ବିସଇର୍ ଚିନ୍ତା, ଦନର୍ ମାୟା ଆରି ବିନ୍ ବିନ୍ ବିସଇର୍ ଲାଲ୍‌ସାଟାନ୍ ପୁରିକରି ମାପ୍‌ରୁର୍ ବାକିଅକେ ଚାପିପାକାଇସି, ତେଇ ମାପ୍‌ରୁର୍ ବାକିଅ ନିକ କାମ୍ ନ କରେ ।

୧୯ ସେନ୍ତାରି ଅଦେକ୍ ଲକ୍‌ମନ୍ ବିଅନ୍ ବୁନିରଇବା କାଟାଲାଟା ବୁଇଁ ପାରା ।

୨୦ ବାକିଲକ୍‌ମନ୍ ବାକିଅ ସୁନି ସେଟା ମାନ୍‌ବାଇ ଆରି ତିରିସ୍ ଗୁଣ୍, ସାଟେ ଗୁଣ୍ ଆରି ସଏ ଗୁଣ୍ ପଲ୍ ଦେବାଇ, ସେମନ୍ ବିଅନ୍ ଅଦ୍‌ରି ରଇବା ନିକ ବୁଇଁ ପାରା ।”

☆ ୪:୧ ଲୁକ୍ ୫:୧-୩

ବଢ଼ି କୁନ୍ଦରା
(ଲୁକ୍ ୮:୧୭-୧୮)

୨୧ ✨ଜିସୁ ଆରିତରେକ୍ ସେମନ୍ତକେ କଇଲା, “ବଢ଼ି ତସାଇ ମାନ୍ ତଲେ କି କର୍ ତଲେ ସଙ୍ଗଇବାକେ ନ ଆନଡ଼ । ବଢ଼ି, କୁନ୍ଦରାଇ ସଙ୍ଗଇବାକେ ତସାଇବାଇ ।

୨୨ ✨କାଇକେବଇଲେ ଲକ୍ମନ୍ତକେ ଏବେଜାକ ନାଜାନି ରଇବା ବିସଇ ଜାନାଇ ଦିଆଅଇସି, ଆରି ଜନ୍ ବିସଇ ସବୁ ଲୁଟି ରଇସି, ସେଟା ମେଲାକରି ଦିଆଅଇସି ।

୨୩ ଜଦି ଜାକେ ନିକ ସଙ୍ଗ୍ ସୁନ୍ଦରା ଆଚେ, ସେ ନିକ ସଙ୍ଗ୍ ସୁନ୍ ।”

୨୪ ✨ଆରି ଜିସୁ ସେମନ୍ତକେ କଇଲା, “କାଇଟା ସୁନ୍ଲସନ୍ତି, ସେ ବିସଇ ଏତାଇକରି ଜାଗରଡ଼ ରୁଆ । ଜନ୍ ନାପେ ତମେ ନାପସା, ସେ ନାପେ ପର୍ମେସର୍ ତମ୍ତକେ ନାପସି, ଆରି ତାର୍ତେକଅନି ଅଦିକ୍ ।

୨୫ ✨କାଇକେବଇଲେ ଜାକେ ରଇ, କାମେ ଲାଗାଇରଇସି ତାକେ ଅଦିକ୍ ଦିଆଅଇସି, ଆରି ଜାକେ ରଇ, କାମେ ନ ଲାଗାଏ, ତାର୍ଟାନେ ଅନି ସେ ଅଲପ୍ ରଇଲାଟା ମିସା ନିଆଅଇସି ।”

୨୬ ଆରି ସେ କଇଲା, “ପର୍ମେସରର୍ ରାଇଜ୍ ଏନ୍ତାରି । ଗଟେକ୍ ଲକ୍ ନିଜର୍ ପଦାଇ ବିଅନ୍ ବୁନ୍ସି ।

୨୭ ଆରି, ସେ ଦିନ୍‌ବେଲେ କି ରାତିବେଲେ, ସଇଲେ କି କାମ୍ କଲେ ମିସା ବିଅନ୍ କେନ୍ତି ଆଁକ୍‌ରି ବଡ଼ସି, ସେଟା ନାଜାନେ,

୨୮ ଜମି ତାର୍ମନ୍ତକେ ପଲ୍ ଉଦ୍‌ଜାଇସି, ପର୍ତୁମ୍ ପତର୍, ପଚେ କେଡ଼, ତାର୍‌ପଚେ ମୁଞ୍ଜି ପୁରୁନ୍ ରଇବା କେଡ଼ ।

୨୯ ମାତର୍ ଚାସ୍ ପାଟ୍‌ଲା ଦାପ୍‌ରେ କାଟ୍‌ବା ବେଲା କେଟିଆଇଲେ, ଚାସି କାଟ୍‌ବାକେ ଇଲା ଲାଗାଇସି ।”

ସରସୁ ମୁଞ୍ଜିର୍ କାତାନି
(ମାତିଉ ୧୩:୩୧, ୩୨, ୩୪; ଲୁକ୍ ୧୩:୧୮-୧୯)

୩୦ ସେ ଆରି ତରେକ୍ କଇଲା, “ଆମେ ପର୍ମେସରର୍ ରାଇଜ୍ କାଇଟା ସଙ୍ଗ୍ ସମାନ୍ କରୁ ? ନଇଲେ କାଇ ଉଦାଅରନ୍ ସଙ୍ଗ୍ ବୁଜାଇଦେଉ ?

୩୧ ସେଟା ଗଟେକ୍ ସରସୁ ମୁଞ୍ଜି ପାରା, ବୁର୍ବୁ ବୁନ୍‌ବା ବେଲେ ସେଟା ପୁରୁତିବିର୍ ସବୁ ମୁଞ୍ଜିତେକ ଅନି ସାନ୍‌ଟା,

୩୨ ମାତର୍ ବୁନ୍‌ଲେ, ସେଟା ବଢ଼ିକରି ସବୁ ସାଗର୍ ଟାନେଅନି ବଡ଼ ଅଇସି, ଆରି ତାର୍ କେନ୍ତି ଏନ୍ତି ବଡ଼ ବଡ଼ ଅଇଜାଇସି ଜେ, ସରଗର୍ ଚିତ୍‌ଇମନ୍ ତାର୍ କେନ୍ଦାଇ ବାସା ଅଇବାଇ ।”

୩୩ ଜିସୁ ଏନ୍ତି କେତେକ୍ କେତେକ୍ ଉଦାଅରଣ୍ ସଙ୍ଗ୍ ସେମନ୍ତର୍ ବୁଜ୍‌ବା ବପୁ ଇସାବେ ବାକିଅ ସୁନାଇତେ ରଇଲା,

୩୪ ଆରି ଉଦାଅରନ୍ ନଇତେ ସେ ତାକର୍ ଲଗେ କାଇ କାତା ନ କଇତେରଇଲା । ମାତର୍ ଜିସୁ ବିନ୍ ଲକ୍ମନ୍ତ କେ ନ ରଇଲାବେଲେ ନିଜର୍ ସିସ୍‌ମନ୍ତକେ ସବୁ ବିସଇ ବୁଜାଇ ଦେଇତେ ରଇଲା ।

ଜିସୁ ପବନ୍ତକେ ତବିର୍ କଲା
(ମାତିଉ ୮:୨୩-୨୭; ଲୁକ୍ ୮:୨୨-୨୫)

୩୫ ସେଦିନେ ସଞ୍ଜ୍ ଅଇଲାକେ ଜିସୁ ସେମନ୍ତକେ କଇଲା, “ଆସା, ଗାଡ଼ ସେପାଟେ ଢୁ ।”

୩୬ ସେଡ଼କିବେଲେ ସେମନ୍ତ ଲକ୍ ଗଅଲି ଚାଡ଼ିକରି, ଜିସୁ ବସି ରଇଲା, ଗଟେକ୍ ତଙ୍ଗାଇ ଜାଇ ବସ୍‌ଲାଇ । ଆରି ବିନ୍ ବିନ୍ ତଙ୍ଗା ମିସା ତାକର୍ ସଙ୍ଗ୍ ରଇଲା ।

୩୭ ପଚେ ଅଗାଡ଼ ବେସି ବାଉପବନ୍ ଆଇଲା, ଆରି ଲଅଡିର୍ ମାଡ଼କେ ତଙ୍ଗାଇ ପାନି ପୁରୁନ୍ ଅଇବାର୍ ଦାର୍‌ଲା ।

୩୮ ସେଡ଼କିବେଲେ ଜିସୁ ତଙ୍ଗାର୍ ପର୍ ଚଟୁ ମାର୍‌ବା ଲଗେ ମର୍‌ଲା ମୁଣ୍ଡିସାକରି ସଇଦେଇ ରଇଲା । ସିସ୍‌ମନ୍ତ ତାକେ ଉଟାଇ କଇଲା, “ଏ ଗୁରୁ, ଆମେ ବୁଡ଼ିଜିବୁବେ, ତମ୍ତକେ କାଇ ଚେଡ଼ନା ନାଇ ?”

୩୯ ସେଡ଼କିବେଲେ ଜିସୁ ଉଟି ପବନ୍ତକେ ଦମ୍‌କାଇ ଦେଇ ଲଅଡିକେ କଇଲା, “ତବିର୍ ଅଇ ରୁପ୍ ର ।” ସେଡ଼କି ବେଲେ ପବନ୍ତ ବସ୍ ଅଇଲା, ଆରି ସବୁ ତବିର୍ ଅଇଲା ।

୪୦ ଆରି ସେ ସିସ୍‌ମନ୍ତକେ କଇଲା, “କାଇକେ ଏତେକ୍ ଡରଲାସନ୍ତି ? ତମ୍ତକେ ଏବେଜାକ ମର୍‌ଲଗେ ବିସ୍‌ବାସ୍ ନାଇ କି ?”

୪୧ ସେମନ୍ତ ବେସି ଡରି ଜାଇକରି ତାକର୍ ତାକର୍ ବିଡ଼ରେ କୁଆବଲା ଅଇଲା, “ତେବେ ଏ କେ ଜେ, ପବନ୍ତ ଆରି ଲଅଡି ମିସା ତାର୍ ଆଦେସ୍ ମାନ୍‌ଲାଇନି ?”



ତୁମାଦାର୍‌ଲା ଲକ୍‌କେ ଜିସୁ ନିମାନ୍ କଲା
(ମାତିଉ ୮:୨୮-୩୪; ଲୁକ୍ ୮:୨୬-୩୯)

୧ ଜିସୁ ଆରି ତାର୍ ସିସ୍‌ମନ୍ତ ସମ୍‌ଦୁର୍ ସେପାଟେ ରଇବା ଗରାସିୟମନ୍ତର୍ ଜାଗାଇ କେଟ୍‌ଲାଇ ।

✨ ୪:୨୧ ମାତିଉ ୫:୧୫; ଲୁକ୍ ୧୧:୩୩ ✨ ୪:୨୨ ମାତିଉ ୧୦:୨୬; ଲୁକ୍ ୧୨:୨ ✨ ୪:୨୪ ମାତିଉ ୭:୨; ଲୁକ୍ ୬:୩୮ ✨ ୪:୨୫ ମାତିଉ ୧୩:୧୨; ୨୫:୨୯; ଲୁକ୍ ୧୯:୨୭

୨ ଜିସୁ ତଜାଅନି ଉତରଲା ଦାପ୍ରେ ଗଟେକ୍ ତୁମା ଦାରିରଇବା ଲକ୍ ମସ୍ନେ ଅନି ବାରଇ ତାକେ ବେଟ୍‌ଅଇବାକେ ଆଇଲା ।

୩ ସେ ଲକ୍ ମସ୍ନେ ବାସାଅଇରଇଲା, ଆରି କେ ମିସା ତାକେ ସିକିଲି ସଙ୍ଗ୍ ବାନ୍ଦି ନାପାରତେ ରଇଲା ।

୪ ତାକେ କେତେକ୍ ତର୍ ଗଡେ କଡୁ ଆରି ଆତେ ସିକିଲି ସଙ୍ଗ୍ ବାନ୍ଦିଲେ ମିସା, ସେ ସିକିଲି ସବୁ ଚିତାଇ ଦେଇ, କଡୁ ସବୁ ବାଜାଇ ପାକାଇତେ ରଇଲା । ତାକେ ବାନ୍ଦି ସଙ୍ଗାଇବାକେ କାର୍ ମିସା ବପୁ ନ ରଇଲା ।

୫ ସେ ଦିନ ରାତି ସବୁବେଳେ ମସ୍ନେ ଆରି କୁପ୍‌ଲିତେଇ ରଇ କିରକିରତେ ରଇଲା, ଆରି ପାକନା ସଙ୍ଗ୍ ଗାଗ୍‌ତେ ମୁଣ୍ଡେ ମାରିଅଇ କଣ୍ଡିଆ ବଣ୍ଡିଆ ଅଇଜାଇତେରଇଲା ।

୬ ସେ ଜିସୁକେ ଦୁରିକେ ଅନି ଦେକି ପାଲାଅ ଆସି ତାର୍ ମୁଆଟେ ଅଦରଲା ।

୭ ଆରି ଆଉଲି ଅଇ କିରକିରି କରି କଇଲା, “ଏ ସବୁର୍ ଟାନ୍‌ନେଅନି ବଡ୍ ପର୍‌ମେସରର୍ ପ ଜିସୁ, ମର୍ ଟାନ୍‌ନେ ତମର୍ କାଇ କାମ୍ ଆଟେ ? ମୁଇ ତମ୍‌କେ ପର୍‌ମେସରର୍ ନାଉଁ ଦାରି ଗୁଆରି କରି କଇଲିନି, ମକେ କସ୍‌ଟ ଦିଆନାଇ ।”

୮ କାଇକେବଇଲେ ଜିସୁ ତାକେ ଆଗତୁ କଇତେରଇଲା, “ଏରେ ତୁମା, ଏ ଲକ୍‌ଟାନ୍‌ନେଅନି ବାରଇ ଜା ।”

୯ ଆରି, ଜିସୁ ତାକେ ପାଚାରଲା, “ତର୍ ନାଉଁ କାଇ ନାଉଁ ?” ସେ ତାକେ କଇଲା, “ମର୍ ନାଉଁ ବାଇନି ତୁମା, ଏନ୍ତି ଆମେ ଜବର୍ ଆରୁ ।”

୧୦ ଆରି, ସେ ଲକ୍ ଜେନ୍ତିକି ସେମନ୍‌କେ ସେ ଜାଗାଇ ଅନି ବାଇରେ ନ ପାଟାଅ ବଲି, ଜିସୁକେ ତରକେ ତର୍ ଜୁଆର୍ ବିଆର୍ କଲା ।

୧୧ ସେ ଲଗର୍ କୁପ୍‌ଲି ପାଲିକେ ବେସି ଗୁସ୍‌ରି ମାନ୍ଦା ଚାଟେରଇଲା ।

୧୨ ଆରି ତୁମାମନ୍ ଜିସୁକେ ଜୁଆର୍ ବିଆର୍ କରି କଇଲା, “ସେ ଗୁସ୍‌ରିମନ୍‌ର ବିଡ୍‌ରେ ପୁର୍‌ବାକେ ଆମ୍‌କେ ପାଟାଆ ।”

୧୩ ଜିସୁ ସେମନ୍‌କେ ଆଦେସ୍ ଦେଲାଦାପ୍ରେ, ସେ ଲକ୍‌ର ଲଗେଅନି ତୁମାମନ୍ ବାରଇକରି ଗୁସ୍‌ରିମନ୍‌ର ବିଡ୍‌ରେ ପୁର୍‌ଲା । ସେଡ୍‌କିବେଲେ, ସେ ଆତାର ବିଡ୍‌କିକରି ପାଲାଅଲା ଆରି କୁପ୍‌ଲି ଅନି ଗସ୍‌ରିକରି ସମ୍‌ଦୁରେ ଜାଇ ରୁଡି ମରିଗାଲା । ଆତାରେ ଗୁସ୍‌ରି ମାନ୍ଦା ପାକାପାକି ଦୁଇଅଜାରଟା ରଇଲା ।

୧୪ ଗୁସ୍‌ରିମନ୍‌କେ ଚାରାଇତେରଇବା ଲକ୍‌ମନ୍ ପାଲାଅ ଜାଇ ଗାଉଁ ଆରି ଗୁଡାମନ୍‌କେ ସେଟା ଜାନାଇଲା । ଜାନାଇଲାଟା ସୁନି ଲକ୍‌ମନ୍ “ତେଇ କାଇଟା ଅଇଲାଆଟେ ?” ବଲି ଦେକ୍‌ବାର୍ ଆଇଲା ।

୧୫ ଆରି ଲକ୍‌ମନ୍ ଜିସୁର୍ ଲଗେ ଆସିକରି ସେ ତୁମା ଦାରି ରଇଲା ଜନ୍‌ଲକ୍‌କେ କି ଆଗତୁ ବାଇନି ତୁମା ଦାରିରଇଲା, ସେ ଲକ୍ ନିମାନ୍ ଲୁଗା ପିନ୍ଧିକରି ନିକ ଲକ୍‌ପାରା ବସିରଇବାଟା ଦେକି ଡରିଗାଲା ।

୧୬ ଆରି ଜନ୍ ଲକ୍‌ମନ୍ ଦେକିରଇଲା, ସେମନ୍ ସେ ତୁମା ଦାରିରଇବା ଲକ୍‌କେ କାଇଟା ଅଇରଇଲା, ସେଟା ଆରି ଗୁସ୍‌ରିମନ୍‌କେ ଅଇଲା ବିସଇ ସେମନ୍‌କେ କଇଦେଲା ।

୧୭ ତେଇ ଲକ୍‌ମନ୍ ଜିସୁକେ ସେମନ୍‌ର ସନ୍ଦିଅନି ଚାଡି ଜିବାକେ ବାବୁଜିଆ କଲା ।

୧୮ ପଟେ ଜିସୁ ତଜାଅ ଚଗ୍‌ବା ବେଲେ ଜନ୍‌ଲକ୍‌କେ ଆଗତୁ ତୁମା ଦାରିରଇଲା, ସେ ଲକ୍ ତାର୍ ସଙ୍ଗ୍ ରଇବାକେ ବାବୁଜିଆ କଲା ।

୧୯ ମାତର୍ ଜିସୁ ତାକେ ତେବାଇକରି କଇଲା, “ତମର୍ ଗରେ, ତମର୍ ନିଜର୍ ଲକ୍‌ମନ୍‌ର ଟାନ୍‌ନେ ଜା, ଆରି ପର୍‌ମେସର୍ ତର୍‌ପାଇ ଜନ୍ ବଡ୍ କାମ୍ କଲା ଆଟେ ଆରି ତକେ ଜନ୍ ଦୟା ଦେକାଇ ଆଟେ, ସେଟା ସବୁ ସେମନ୍‌କେ ଜାନାଇଦେସ୍ ।”

୨୦ ତେଇଅନି ସେ ଲକ୍ ଜାଇକରି, ଜିସୁ ତାର୍‌ପାଇ ଜନ୍ ବଡ୍ କାମ୍ କରିରଇଲା, ସେ ସବୁ ଦେକାପଲି ନଅରେ, ଗାଉଁମନ୍‌କେ କଇବୁଲଲା । ତେଇ ସବୁଲକ୍ କାବା ଅଇଗାଲା ।

ଜିସୁ ଗଟେକ୍ ମଲା ଟକିକେ ଜିବନ୍ ଦେଲା ଆରି ଗଟେକ୍ ରଗି ମାଇଜିକେ ନିମାନ୍ କଲା
(ମାଡିଉ ୮:୨୩-୨୭; ଲୁକ୍ ୮:୨୨-୨୫)

୨୧ ଜିସୁ ତଜା ଲକ୍ ଜାଇ ଆରିତରେକ୍ ବାଉଡି ଆଇଲାଦାପ୍ରେ, ଜବର୍‌ଲକ୍ ତାର୍ ଲଗେ ରୁଣ୍ଡିଲା, ଆରି ସେ ସମ୍‌ଦୁର୍ କଣ୍ଡି ରଇଲା ।

୨୨ ସେଡ୍‌କିବେଲେ ଜିଉଦିମନ୍‌ର ପାର୍‌ତନା ଗରର୍ ମୁକିଅ, ଜାଇରସ୍ ନାଉଁର୍ ଗଟେକ୍ ଲକ୍ ଆସି ଜିସୁକେ ଦେକି ତାର୍ ଗଡ୍‌ତଲେ ଅଦରଲା ।

୨୩ ଆରି ବେସି ବାବୁଜିଆ କରି କଇଲା, “ମର୍ ଟକି ମର୍‌ବା ଉପ୍ରେ ଆଟେ, ସେ ଜେନ୍ତି ନିକ ଅଇ ବ୍‌ସି, ତେବର୍ ପାଇ ତମେ ଆସି ତାର୍ ଉପ୍ରେ ଆଡ୍ ସଙ୍ଗାଇଦିଆସ୍ ।”

୨୪ ଜିସୁ ତାକର୍ ସଙ୍ଗ୍ ଗାଲା, ଆରି ଗାଦିଲକ୍ ତାର୍ ପଟେ ପଟେ ଜିବାର୍ ଦାରଲା, ଆରି ଲକ୍‌ମନ୍ ତାକେ ଡାବାଡାବି ଅଇତେ ରଇଲା ।

୨୫ ତେଇ ଗଟେକ୍ ବାର ବରସ୍ ଜାକ ଗାଗ୍‌ତେଅନି ବନି ଜିବା ମାଇଜିଟକି ରଇଲା ।

୨୬ ଜେ କି କେତେ କେତେ ତାକ୍‌ଟାନ୍‌ନେ ଜାଇକରି ମିସା ସାସ୍‌ତି ବଗି ସବୁ ବିକିଦେଇ ରଇଲା । ମାତର୍ ଅଲପ୍‌ମିସା ନିକ ନ ଅଇ ଅଦିକ୍ ଅଦିକ୍ ଅଇଜାଇତେରଇଲା ।

୨୭ ଜେଡେବେଲେ ସେ ଜିସୁର ବିସଇ ସୁନି, ଲକ୍ ଗଅଲି ବିଡ୍ରେ ପର୍ବାଟେ ଆସି ଜିସୁର ଲୁଗା ଚିଇଲା, କାଇକେବଇଲେ ସେ କଇଡେ ରିଇଲା,

୨୮ “କେନ୍ତ୍ରି ମିସା ମୁଇ ତାର୍ ଲୁଗାଜାଲି ଅଲପ୍ ଚିଇଲେ ନିମାନ୍ ଅଇବି ।”

୨୯ ସେ ଦାପ୍ରେ ତାର୍ ବନି ଜିବାଟା ବନ୍ଦୁଅଇଗାଲା, ସେଟା ସେ ନିଜେ ଜାନି ପାର୍ଲା ।

୩୦ ସେ ଦାପ୍ରେ ଜିସୁ ନିଜର୍ ଟାନେଅନି ସକ୍ତି ବାରଇବାଟା ଜାନିକରି ଲକ୍ମାନର୍ ବାଟେ ବୁଲି ଦେକି କଇଲା, “କେ ମର୍ ଲୁଗା ଚିଇଲା ?”

୩୧ ତାର୍ ସିସ୍ମାନ୍ ତାକେ କଇଲା, “ତମେତା ଦେକ୍ଲାସ୍ନି, ଲକ୍ମାନ୍ ତମର୍ ଉପ୍ରେ ତାବା ତାବି ଅଇଗାଲାଜନି ଆରି ତମେ କେନ୍ତ୍ରି କଇଲାସ୍ନି, କେ ମକେ ଚିଇଲା ବଲି ?”

୩୨ ମାତର୍ ଜେ ଏଟା କରିଇଲା, ତାକେ ଦେକ୍ବାକେ ସେ ଚାରିବେଡ୍ଡି ଆଁକି ବୁଲାଇବାର୍ ଦାର୍ଲା ।

୩୩ ସେଡ୍ଡକି ବେଲେ ସେ ମାଇଜିଟକି ତାକେ ଜନ୍ ଜନ୍ଟା ଗଟିଆଟେ, ସେଟା ଜାନି, ଡରିକରି ତର୍ତରି ତର୍ତରି ଆସି ଜିସୁର ଗଡ୍ଡଲେ ଅଦ୍ରି ସବୁ ସଡ୍‌କାତା କଇଲା ।

୩୪ ଜିସୁ ତାକେ କଇଲା, “ନୁନି, ମର୍ଟାନେ ବିସ୍ବାସ୍ କଲାକେ ତୁଇ ନିମାନ୍ ଅଇ ଆରୁସ୍, ସାନ୍ତିଅଇ ଜା ଆରି ତର୍ ଗରେଅନି ନିମାନ୍ ଅଇ ର ।”

୩୫ ସେ ଏ କାତା କଇଲା ବେଲେ ଜିଉଦି ମନର୍ ପାର୍ତନା ଚାଲାଉ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ନୁନି ମରିଗାଲାବେ, କାଇକେ ଗୁରୁକେ ଆରି କସ୍ତ ଦେଲାସ୍ନି ?”

୩୬ ମାତର୍ ଜିସୁ ସେମନ୍ କାତା ଅଇଲାଟା ନ ସୁନ୍‌ଲାପାରାଅଇ ପାର୍ତନା ଚାଲାଉକେ କଇଲା, “ତରାନାଇ, ଆବ୍‌କା ବିସ୍ବାସ୍ କରା ।”

୩୭ ଆରି ପିତର୍, ଜାକୁବ ଆରି ତାର୍ ବାଇ ଜଅନକେ ଚାଡି ଆରି କାକେ ନିଜର୍ ସଙ୍ଗ୍ ଜିବାକେ ଦେଏ ନାଇ ।

୩୮ ସେମନ୍ ପାର୍ତନା ଚାଲାଉର୍ ଗରେ ଆଇଲା ଦାପ୍ରେ, ଜିସୁ, ଆଉଲି ଅଇବାଟା ଆରି ବେସି ମାର୍ଚ୍ଚପ୍ ଅଇ କାନ୍ଦ୍‌ବାଟା ଦେକ୍ଲା ।

୩୯ ମାତର୍ ବିଡ୍ରେ ଜାଇ ଲକ୍ମାନ୍‌କେ କଇଲା, “କାଇକେ ଆଉଲି ଅଇ କାନ୍ଦ୍‌ଲାସ୍ନି ? ଏ ନୁନି ମରେ ନାଇ, ଅବ୍‌କା ସଇଦେଇଆଟେ ।” ସେଡ୍ଡକି ବେଲେ ସେମନ୍ ଜିସୁକେ ଲାଜ୍ କରାଇ କଇବାର୍ ଦାର୍ଲା ।

୪୦ ମାତର୍ ସେ ସବୁକେ ବାରକରି ଟକିର୍ ଆୟାବାବାକେ ଆରି ନିଜର୍ ସିସ୍ମାନ୍ ସଙ୍ଗ୍, ତାକେ ଜନ୍ ଲଗେ ତୁଲାଇ ରଇଲା, ସେ ଜାଗାଇ ଗାଲା ।

୪୧ ଆରି ଟକିର୍ ଆଡେଦାରି ତାକେ କଇଲା, “ଟଲିଡାକୁମ୍ !” ବଇଲେ “ଏ ନୁନି ମୁଇଁ ତକେ କଇଲିନି ଉର୍ !”

୪୨ ଏଡ୍ଡକି କଇଲା ଦାପ୍ରେ ଟକି ଉଟି ବୁଲ୍‌ବାର୍ ଦାର୍ଲା, ତାକେ ବାର ବରସ୍ ଅଇରଇଲା । ସେଡ୍ଡକିବେଲେ ସବୁଲକ୍ମାନ୍ ଦେକି ଅଦିକ୍ କାବାଅଇଗାଲା ।

୪୩ ଜେନ୍ତ୍ରି ଆରି, କେ ମିସା ଟକିକେ ଗଟ୍‌ଲା ବିସଇ ନାଜାନଡ୍, ତେବର୍ ପାଇ ସେ ଟକିର୍ ଆୟାବାବାକେ ଅଦିକ୍ ତାଟ୍ ସଙ୍ଗ୍ ଆଦେସ୍ ଦେଲା, ଆରି “ଟକିକେ କାଇଟା ଆଲେ କାଇବାକେ ଦିଆସ୍ ।” ବଲି କଇଲା ।



ନିଜର୍ ଗାଏଁ ଜିସୁକେ ନାମଡ୍ ନାଇ
(ମାଡିଉ ୧୩:୫୩-୫୮; ଲୁକ୍ ୪:୧୬-୩୦)

୧ ଜିସୁ ସେ ଜାଗା ଚାଡି, ସାନ୍‌ବେଲେ ଅନି ବଡିଆଇଲା ନଅରେ ଆଇଲା, ଆରି ତାର୍ ସିସ୍ମାନ୍ ମିସା ତାର୍ ସଙ୍ଗ୍ ଗାଲାଇ ।

୨ ବିସ୍‌ରାମ୍‌ବାର୍ ଆଇଲାକେ, ସେ ଜିଉଦିମନର୍ ପାର୍ତନା ଗରେ ସିକିଆ ଦେବାର୍ ଦାର୍ଲା, ଆରି କେଡେ କେଡେ ଲକ୍ ତାର୍ କାତା ସୁନି କାବା ଅଇ କଇଲା, “ଏ ଲକ୍ ଏ ସବୁଜାକ କନ୍ତ୍ର ଅନି ସିକ୍ଲା ? ଆରି, ଆକେ ଏନ୍ତାରି ଗିଆନ୍ କେ ଦେଲା ? ଆରି କେବେ ନ ଅଇବା କାମର୍ ବପୁ କନ୍ତ୍ର ଅନି ପାଇଲା ?

୩ ଏ ଲକ୍‌ତା ସେ ବାଡଇ । ସେ ମରିୟମର୍ ପଅ, ଜାକୁବ୍, ଜସି, ଜିଉଦା ଆରି ସିମନ୍ ତାର୍ ବାଇ ଅଇବାଇ । ଆର୍ ବଇନିମନ୍ ତା ଇଡି ଆମର୍ ସଙ୍ଗ୍ ଆଟଡ୍ ।” ଏନ୍ତାରି କଇକରି ସେମନ୍ ତାକେ ମାନଡ୍ ନାଇ ।

୪ ଡେଇ ଜିସୁ ସେମନ୍‌କେ କଇଲା, “ନିଜର୍ ନଅରର୍ କୁଟୁମର୍ ଲକ୍ମାନ୍‌କେ ଆରି ନିଜର୍ ଗରର୍ ଲକ୍‌କେ ଚାଡି ବାକି ସବୁ ଜାଗାଇ ବାବଦାଦିମନ୍‌କେ ସନ୍‌ମାନ୍ ମିଲ୍‌ସି ।”

୫ ସେଜାଗାଇ ଆରି କେଡେଟା ରଗିମନ୍‌କେ ସେ ଆଡ୍ ସଙ୍ଗ୍‌କରି ନିକ କର୍‌ବାଟା ଚାଡି ଆରି କାଇ ନ ଅଇବା କାମ୍ କରିନାପାର୍ଲା । କାଇକେବଇଲେ ଡେଇର୍ ଲକ୍ମାନ୍ ତାକେ ବିସ୍ବାସ୍ କରଡ୍ ନାଇ ।

୬ ଆରି ଡେଇର୍ ଲକ୍ମାନ୍ ତାକେ ବିସ୍ବାସ୍ ନ କର୍‌ବାଟା ଦେକି ଜିସୁ କାବାଅଇଗାଲା ।

☆ ୬:୪ ଜଅନ୍ ୪:୪୪

ଜିସୁ ବାରଟା ସିସ୍ତମନ୍‌କେ ପାଟାଇଲା
(ମାତିଉ ୧୦:୫-୧୫; ଲୁକ୍ ୯:୧-୬)

୭ ପଚେ ସେ ଚାରିବେଡ଼ିର ଗାଉଁ ମନ୍ ବୁଲି ବୁଲି ସିକିଆ ଦେବାର ଦାରଲା । ଏଡ଼କି ବିଡ଼ରେ ସେ ବାରଟା ସିସ୍ତମନ୍‌କେ ଲଗେ ଡାକି, ଦୁଇ ଦୁଇ ଲକ୍‌କେ ପାଟାଇବାର ଆରାମ୍ କଲା, ସେମନ୍‌କେ ତୁମାମନ୍‌କେ ଚାଡ଼ାଇବାକେ ଅଦିକାର୍ ଦେଲା ।

୮ ଜିବାବେଲେ ଗଟେକ୍ ଡାଙ୍ଗ୍ ଚାଡ଼ି ବାଟ୍ କରର ପାଇ ରୁଟି କି ବେସ୍‌ନିଟାନ୍‌କେ ତାରୁ ନ ନିଆ ବଲି ଆଦେସ୍ ଦେଲା ।

୯ ମାତର୍ ସେମନ୍‌କେ ପାଣ୍ଡୁଇ ପିନ୍‌ବାକେ କଇଲା, ପିନ୍‌ରଇବା ଚକା ଚାଡ଼ି ଆରି ଗଟେକ୍ ଚକା ନିଆନାଇ ବଲି କଇଲା ।

୧୦ “ଜେଡେବେଲେ ତମ୍‌କେ ଜାର୍ ଗରେ ଡାକ୍‌ବାଇ ସେ ନଅର୍ ଚାଡ଼ିଜିବା ଜାକ ତେଇସେ ରୁଆ ।
୧୧ ✠ଜଦି କନ୍ ନଅରର୍ ଲକ୍‌ମନ୍ ତମ୍‌କେ ନ ନାମଡ଼, ଆରି ତମର୍ କାତା ନ ସୁନଡ଼, ସେ ଜାଗାଇ ଅନି ଆଇବା ବେଲେ ସେମନର୍ ବିରଦେ ସାକି ଇସାବେ, ତମର୍ ପାଦର୍ ବୁଲି ପାପ୍‌ଡ଼ିଆସ୍ । ଏଟାର୍‌ଲାଗି ସେ ନଅରର୍ ଲକ୍‌ମନ୍ ଜାନବାଇ ଜେ, ପର୍‌ମେସର୍ ସେମନ୍‌କେ ଡଣ୍ଡ ଦେଇସି ।”

୧୨ ସିସ୍ତମନ୍ ବାରଇ ଜାଇ ଲକ୍‌ମନ୍‌କେ “ତମର୍ ପାପ୍ ଟାନ୍‌ଅନି ବାଡ଼ତା ।” ବଲି ଜାନାଇଲା ।
୧୩ ✠କେଡେକ୍ କେଡେକ୍ ଲକ୍‌ମନର୍ ଟାନ୍‌ଅନି ତୁମା ଚାଡ଼ାଇଲା, ଆରି କେଡେକ୍ ରଗି ଲକ୍‌ମନ୍‌କେ ଚିକନ୍ ଲାଗାଇ ନିମାନ୍ କଲା ।

ତୁବନ୍ ଦେଉ ଜଅନର୍ ମରନ୍
(ମାତିଉ ୧୪:୧-୧୨; ଲୁକ୍ ୯:୭-୯)

୧୪ ✠ଜିସୁର୍ ନାଉଁ ସବୁବାଟେ ଉଡ଼ରା ଅଇଗାଲାକେ, ଏରଦ୍ ରାଜା ଜିସୁର୍ ବିସଇ ସୁନ୍‌ଲା, ଆରି ଲକ୍‌ମନ୍ କଇତେରଇଲା, ତୁବନ୍ ଦେଉ ଜଅନ୍ ମରିକରି ଉଟି ଆଟେ, ତେବର୍‌ପାଇ ଏ ସବୁ ନ ଅଇବା କାମର୍ ସକ୍ତି ତାର୍‌ଟାନ୍‌କେ କାମ୍ କଲାନି ।

୧୫ ମାତର୍ ବିନ୍ ବିନ୍ ଲକ୍‌ମନ୍ କଇତେ ରଇଲା, ଏ ଏଲିୟ, ଆରି କେ କେ କଇତେ ରଇଲା, ଆଗର୍ ବାବବାଦି ମନର୍‌ପାରା ଗଟେକ୍ ଲକ୍ ।

୧୬ ମାତର୍ ଏରଦ୍ ଏଟା ସୁନି କଇଲା, “ମୁଇ ଜନ୍ ଜଅନର୍ ମୁଣ୍ଡ କାଟାଇଲି, ସେ ମଲାତେଇଅନି ଉଟିଆଟେ !”
୧୭ ✠ଡେବେ ଏରଦ୍ ନିଜର୍ ବାଇ ପିଲିପର୍ ମାଇଜି ଏରଦିଆକେ ବିବା ଅଇ ରଇଲା । ତାକେ ସାରଦା କର୍‌ବାକେ ନିଜେ ଏରଦ୍ ଲକ୍‌ମନ୍‌କେ ପାଟାଇ ତୁବନ୍ ଦେଉ ଜଅନ୍‌କେ ଦାରି, ବାନ୍ଦିକରି ବନ୍ଦି କର୍‌ବାକେ ଆଦେସ୍ ଦେଲା ।

୧୮ କାଇକେବଇଲେ ଜଅନ୍ ଏରଦ୍‌କେ ତର୍‌କେତର୍ କଇତେରଇଲା “ମସାର୍ ନିୟମ୍ ଇସାବେ ନିଜର୍ ବାଇର୍ ମାଇଜିକେ ସଙ୍ଗାଇବାର୍ ତର୍ ବିଦି ନାଇ ।”

୧୯ ଏନ୍ତାରି କଇଲାକେ ଏରଦିଆ ଜଅନ୍‌କେ ରିସା ଅଇ ତାକେ ମରାଇବାକେ ମନ୍ କର୍‌ତେରଇଲା, ମାତର୍ ନାପାର୍‌ତେ ରଇଲା ।

୨୦ କାଇକେବଇଲେ ଏରଦ୍ ଜଅନ୍‌କେ ଗଟେକ୍ ଦରମ୍ ଆରି ସୁକଲ୍ ଲକ୍ ବଲି ଜାନି ତର୍‌ତେ ରଇଲା, ଆରି ତାକେ ରକିଆ କର୍‌ବାକେ ଚେସ୍‌ଟା କର୍‌ତେରଇଲା । ଜେଡେବେଲେ ମିସା ତାର୍ କାତା ସୁନ୍‌ତେରଇଲା, ବେସି କିଲ୍‌ବିଲ୍ ଅଇତେରଇଲା । ଏଲେମିସା ସେଟା ସାରଦା ସଙ୍ଗ୍ ସୁନ୍‌ତେରଇଲା ।

୨୧ ପଚେ ଏରଦିଆର୍ ଜାଗତେ ରଇବା ଦିନ୍ କେଟିଆଇଲା । ଏରଦର୍ ଜନମ୍ ଦିନେ, ନିଜର୍ ମନ୍ତ୍ରି ମନ୍‌କେ ଆରି ମୁକିଅ ମୁକିଅ ସେନାପତି ଆରି ଗାଲିଲିର୍ ବଡ଼ବଡ଼ ଲକ୍‌ମନ୍‌କେ ଡାକି, ରାଡିଆ ଗଟେକ୍ ବଜିକଲା ।

୨୨ ତେଇ ଏରଦିଆର୍ ଟକି ବିଡ଼ରେ ପୁରି ଏରଦ୍ ଆରି ତାର୍ ସଙ୍ଗ୍ ବସି କାଇବା ଲକ୍‌ମନ୍‌କେ ନାଟ୍‌କରି ମନ୍‌ଚାଇ ଦେଲା । ରାଜା ଟକିକେ କଇଲା, “ତୁଇ ଜାଇଟା ମନ୍ କଲୁସ୍‌ନି ସେଟା ମାଙ୍ଗ୍, ମୁଇ ତକେ ଦେବି ।”

୨୩ ଆରି ଏରଦ୍ ତାର୍ ଲଗେ ପର୍‌ମାନ୍ କଲା, “ତୁଇ ଆମ୍‌କେ ଜାଇଟା ମାଙ୍ଗ୍‌ଲେ ମିସା, ମୁଇ ରାଇଜର୍ ଅଦ୍ ବାଗ୍ ଜାକ ତକେ ଦେଇ ଦେବି ।”

୨୪ ତେଇଅନି ସେ ବାରଇଜାଇ ତାର୍ ମାଆକେ ପାଟାରଲା, “ମୁଇ କାଇଟା ମାଙ୍ଗ୍‌ବି ?” ତାର୍ ମାଆ କଇଲା, “ତୁବନ୍ ଦେଉ ଜଅନର୍ ମୁଣ୍ଡ ମାଙ୍ଗ୍ ।”

୨୫ ସେଦାପ୍‌ରେ ଟକି ରାଜାର୍ ଲଗେ ଆସି ଏଟା କଇ ମାଙ୍ଗ୍‌ଲା, “ତୁଇ ମକେ ଏବେ ତୁବନ୍ ଦେଉ ଜଅନର୍ ମୁଣ୍ଡ ଗଟେକ୍ ତାଲାଇ କାଟି ଦେ ।”

୨୬ ସେକାତା ସୁନି ରାଜା ବେସି ଦୁକ୍ କଲା ମାତର୍ ନିଜେ କାତା ଦେଇରଇଲାଟା ଆରି କାଇବାକେ ବସି ରଇବା ଲକ୍‌ମନର୍‌ମୁଆଟେ ମାଙ୍ଗ୍‌ଲାଟା ନାଇ ବଲି କଇବାକେ ମନ୍ କରେନାଇ ।

୨୭ ଡେବେ ରାଜା ସେଦାପ୍‌ରେ ଗଟେକ୍ ସଇନକେ ପାଟାଇ ତାର୍ ମୁଣ୍ଡ ଆନ୍‌ବାକେ ଆଦେସ୍ ଦେଲା, ତେଇ ସଇନ ବନ୍ଦି ଗରେ ଜାଇ, ତୁବନ୍ ଦେଉ ଜଅନର୍ ମୁଣ୍ଡ କାଟ୍‌ଲା ।

✠ ୨:୧୧ ପେରିଡ଼ ୧୩:୫୧ ✠ ୨:୧୧ ଲୁକ୍ ୧୦:୪-୧୧ ✠ ୨:୧୩ କାକୁବ ୫:୧୪ ✠ ୨:୧୪ ମାତିଉ ୧୨:୧୪; ମାର୍ଚ୍ଚକ ୮:୨୮; ଲୁକ୍ ୯:୧୯ ✠ ୨:୧୭ ଲୁକ୍ ୩:୧୯, ୨୦

୨୮ ଆରି ସେ ମୁଣ୍ଡ ଗଟେକ୍ ତାଲାଇ ଆନି ଟକିକେ ଦେଲା, ଆରି ଟକି ତୁବନ୍ ଦେଉ ଜଅନର୍ ମୁଣ୍ଡ ନେଇ ତାର୍ ମାକେ ଦେଲା ।

୨୯ ଜଅନର୍ ସିସ୍‌ମନ୍ ତେଇର୍ କବର୍ ସୁନି ଆଇଲାଇ, ଆରି ମଲା ମଡ଼କେ ନେଇ ମସ୍‌ନେ ତପ୍‌ଲାଇ ।

ଜିସୁ ବେସି ଲକ୍‌ମନ୍‌କେ କୁଆଇଲା
(ମାଡିଉ ୧୪:୧୩-୨୧; ଲୁକ୍ ୯:୧୦-୧୭; ଜଅନ୍ ୬:୧-୧୪)

୩୦ ପଚେ *ପେରିଡ଼ମନ୍ ଜିସୁର୍ ଲଗେ ରୁଣ୍ଡିଲାଇ, ଆରି ସେମନ୍ ଜନ୍ ଜନ୍‌ଟା କରି ରଇଲାଇ, ଆରି ଜାଇ ଜାଇଟା ସିକାଇ ଦେଇରଇଲାଇ, ସେସବୁ ତାକେ ଜାନାଇଲାଇ ।

୩୧ ସେଡ଼କି ବେଲେ ଜିସୁ ସେମନ୍‌କେ କଇଲା, “ତମେମନ୍ ମର୍‌ସଙ୍ଗ୍ ଆସା ଆମେ ଗଟେକ୍ କିନରା ଜାଗାଇ ଜାଇ ଚନେକ୍ ବିସ୍‌ରାମ୍ କରୁ ।” କାଇକେବଇଲେ କେତେକ୍ କେତେକ୍ ଲକ୍ ଆସ୍ ଜା ଅଇତେରଇଲାଇଜେ ସେମନ୍‌କେ କାଇବାକେ ମିସା ସୁଜଗ୍ ନ ମିଲ୍‌ତେ ରଇଲା ।

୩୨ ତେବେ ଜିସୁ ଆରି ତାର୍ ସିସ୍‌ମନ୍ ବାରଇ ବେଗ୍‌ଲି ଜାଇ ଡଙ୍ଗାଇ ବସି ଗଟେକ୍ କିନରା ଜାଗାଇ ଗାଲାଇ ।

୩୩ ମାତର୍ ସେମନ୍ ବାରଇ ଜିବାଟା ବେସିଲକ୍ ଦେକି ଚିନ୍‌ଲାଇ, ଆରି ସବୁ ନଅରେ ଅନି ଲକ୍‌ମନ୍ ପାଲାଇ ପାଲାଇ ଜାଇ ସେମନ୍‌ର୍ ଆଗ୍‌ତୁ କେଟ୍‌ଲାଇ ।

୩୪ ☆ଜିସୁ ଡଙ୍ଗାଅନି ବାରଇ, ବେସି ଲକ୍‌ମନ୍‌କେ ଦେକି ତାର୍ ଜିବନ୍ ଦୁକାଇ ଦୟାକଲା । କାଇକେବଇଲେ ସେମନ୍ ଗଉଡ଼ ନ ରଇଲା ମେଣ୍ଡାଋସି ପାରା ରଇଲାଇ ଆରି ସେ ସେମନ୍‌କେ କେତେକ୍ ବିସଇ ସିକିଆ ଦେବାର୍‌ଦାର୍‌ଲା ।

୩୫ ଏଡ଼କି ବିଡ଼ରେ ବେଲ୍ ବସି ଆଇବାକେ ସିସ୍‌ମନ୍ ଆସି ଜିସୁକେ କଇଲା, “ଏ ଜାଗା ତା ଚିମ୍‌ରା ଜାଗା ଆରି ବେଲ୍ ମିସା ବସିଆଇଲାନି,

୩୬ ତେବର୍‌ପାଇ ଲକ୍‌ମନ୍‌କେ ପାଟାଇ ଦିଆସ୍ । ଜେଡ଼ି କି ସେମନ୍ ଚାରିବେଡ଼ିର୍ ଗାଉଁ ମନ୍‌କେ ଜାଇ ନିଜର୍ ନିଜର୍ ପାଇ କାଇବାକେ କାଇଟା ମିସା ଗେନଡ଼ ।”

୩୭ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇଟା ମିସା କାଇବାକେ ଦିଆସ୍ ।” ସେମନ୍ ତାକେ କଇଲା, “ଆମେ ଜାଇ ଆଟ୍ ମାସର୍ କୁଲି ତାରୁ ନେଇ ଏମନ୍‌କେ ରୁଟି ଗେନିଆନି କୁଆଇବୁ କି ?”

୩୮ ଜିସୁ ସେମନ୍‌କେ କଇଲା, “ତମର୍ ଲଗେ କେତେଟା ରୁଟି ଆଟେ ? ଜାଇ ଦେକା ।” ସେମନ୍ ଦେକିଆସି ତାକେ କଇଲା, “ପାଁଟା ରୁଟି ଆରି ଦୁଇଟା ମାଟ୍ ।”

୩୯ ତେଇ ସବୁଲକ୍ ଜେଡ଼ି ଦଲ୍‌ଦଲ୍ ଅଇ କଅଁଲି ଗାଁସ୍ ଉପ୍‌ରେ ବସ୍‌ବାଇ, ଏଟାପାଇ ଜିସୁ ତାର୍ ସିସ୍‌ମନ୍‌କେ ତିଆରଲା ।

୪୦ ସେମନ୍ ସଏ ସଏ ଆରି ପଟାସ୍ ପଟାସ୍ ଲକ୍ ଦାଡ଼ି ଦାଡ଼ି ଅଇ ବସ୍‌ଲାଇ ।

୪୧ ପଚେ ଜିସୁ ପାଁଟା ରୁଟି ଆରି ଦୁଇଟା ମାଟ୍ ଦାରି ସରଗ୍ ବାଟେ ଦେକି ପର୍‌ମେସର୍‌କେ ଦନିଅବାଦ୍ ଦେଲା, ଆରି “ରୁଟି ବାଙ୍ଗାଲ ଲକ୍‌ମନ୍‌କେ ଦିଆସ୍ ।” ବଲି ସିସ୍‌ମନ୍‌କେ ଦେଲା । ଆରି, ସେ ଦୁଇଟା ମାଟ୍ ସବୁକେ ବାଟାକରି ଦେଲା ।

୪୨ ତେଇ ସବୁଲକ୍ କାଇକରି ପେଟ୍ ପୁରାଇଲାଇ,

୪୩ ଆରି ସେମନ୍ ବାଙ୍ଗାଲ ରୁଟି ଆରି ମାଟ୍ ରୁଣ୍ଡାଇ ବାର୍‌ଟା ତାଲାଇ ପୁରୁନ୍ କଲାଇ ।

୪୪ ତେଇ କାଇଲା ଲକ୍‌ମନ୍‌ର୍ ବିଡ଼ରେ ଅକ୍‌କା ମନସ୍ ପିଲାମନ୍ ପାଁଟ୍ ଅଜାର୍ ରଇଲାଇ ।

ଜିସୁ ପାନିତେଇ ଇଣ୍ଡିଲା
(ମାଡିଉ ୧୪:୨୨-୩୩; ଜଅନ୍ ୬:୧୫-୨୧)

୪୫ ସେଦାପ୍‌ରେ ଜିସୁ ନିଜର୍ ସିସ୍‌ମନ୍‌କେ ଡଙ୍ଗାଇ ବସି ଗାଡ଼ ସେପାଟର୍ ବେଡ଼ିଆଇଦାଇ ତାର୍ ଆଗ୍‌ତୁ ଜିବାକେ କଇଲା, ଆରି ତେଇ ରଇଲା ଲକ୍‌ମନ୍‌କେ ନିଜର୍ ନିଜର୍ ଗର୍‌ମନ୍‌କେ ପାଟାଇ ଦେଲା ।

୪୬ ଜିସୁ ଲକ୍‌ମନ୍‌କେ ପାଟାଇଲା ପଚେ, ପାର୍‌ତନା କର୍‌ବାକେ କୁପ୍‌ଲିଉପ୍‌ରେ ଗାଲା ।

୪୭ ରାତି ଅଇଲାକେ ଡଙ୍ଗା ସମ୍‌ଦୁର୍ ମଜାଇ ରଇଲା, ଆରି ସମ୍‌ଦୁର୍ ପାଲି ଜିସୁ ଗଟେକ୍ ଲକ୍‌ସେ ରଇଲା ।

୪୮ ମୁଆଟ୍ ବାଟେ ଅନି ପବନ୍ ଆଇତେ ରଇଲାଜେ ତାର୍ ସିସ୍‌ମନ୍ ଡଙ୍ଗା ଗାଟ୍‌ବାକେ କସ୍‌ଟ ଅଇବାଟା ଜିସୁ ଦେକ୍‌ଲା । କୁକ୍‌ତା ତାକେ ଜିସୁ ସମ୍‌ଦୁର୍ ଉପ୍‌ରେ ଇଣ୍ଡି ଇଣ୍ଡି ସେମନ୍‌ର୍ ଲଗେ ଗାଲା, ଆରି ସେମନ୍‌କେ ବାଟ୍ ଦେଇ ଜିବାଟା ସିସ୍‌ମନ୍ ଦେକ୍‌ଲାଇ ।

୪୯ ମାତର୍ ସେମନ୍ ଜିସୁ ପାନିତେଇ ଇଣ୍ଡିବାଟା ଦେକି ତୁମା ବଲି ବାବି କିର୍କିରୁଲାଇ ।

୫୦ କାଇକେବଇଲେ ସବୁଲକ୍ ତାକେ ଦେକି କିଲ୍‌ବିଲ୍ ଅଇଜାଇତେ ରଇଲାଇ । ସେଦାପ୍‌ରେ ଜିସୁ ସେମନ୍‌ର୍ ସଙ୍ଗ୍ କାତା ବାର୍‌ତା ଅଇ ସେମନ୍‌କେ କଇଲା, “ତରାନାଇ ସାଆସ୍ ଦାରା, ଏଟାତା ମୁଇ ।”

୫୧ ଆରି, ସେ ସେମନ୍‌ର୍ ଲଗେ ଜାଇ ଡଙ୍ଗାଇ ଚଗ୍‌ଲା, ଆରି ପବନ୍ ବନ୍ଦ୍ ଅଇଲା । ତେଇ ସେମନ୍ ମନେ ମନେ କାବା ଅଇଗାଲାଇ,

* ୨:୩୦ ମାପୁରୁର୍ କାତା କଇବାକେ ପାଟାଇଲା ଲକ୍‌ମନ୍ ☆ ୨:୩୪ ମାଡିଉ ୯:୩୭

୫୨ କାଲକେବଇଲେ ପାଁଟା ରୁଟିର ଗଟ୍‌ନାଅନି ଜିସୁ କେ ବଲି ବୁଜି ନ ରଇଲାଇଜେ ସେମନ୍‌ର ବୁଦି ଗୁପିଜାଇରଇଲା ।

ଜିସୁ ଗିନେସରତେଇ ବେସି ଲକ୍‌ମନ୍‌କେ ନିକ କଲା

(ମାତିଉ ୧୪:୩୪-୩୬)

୫୩ ଜିସୁ ଆରି ତାର ସିସ୍‌ମନ୍‌ ଗାଡ଼ ଲଜି ଗିନେସରତ୍‌ ବାଟେ ଜାଇକରି କେଟ୍‌ଲାଇ ଆରି ଗାଡ଼ପାଲି ତଙ୍ଗା ବାନ୍ଧିଲା ।

୫୪ ଆରି, ତଙ୍ଗାଅନି ଉତ୍‌ରଲା ଦାପ୍‌ରେ, ଲକ୍‌ମନ୍‌ ଜିସୁକେ ଚିନ୍‌ଲା ।

୫୫ ଆରି ସେମନ୍‌ ଜିସୁ ଆଇଲା କବର ସୁନାଇବାକେ ସବୁ ଗାଏଁ ପାଲାଇଲା । ସେ ଜନ୍‌ ଜନ୍‌ ଜାଗାଇ ଆଟେ ବଲି ସୁନ୍‌ଲା, ସେ ଜାଗାଇ ଜରର୍‌ ଲକ୍‌ମନ୍‌କେ କଟ୍‌ ମିସ୍‌ତେ ବଇ ଆନ୍‌ବାର୍‌ ଦାର୍‌ଲା ।

୫୬ ଆରି ସେ ଜେତେକ୍‌ ଜେତେକ୍‌ ଗାଉଁ, ସଅର୍‌ ଆରି ପୁର୍‌ ମନ୍‌କେ କେଟ୍‌ଲା, ଲକ୍‌ମନ୍‌ ସେ ସବୁ ଜାଗାଇ ଆଟ୍‌ ବଜାର୍‌ମନ୍‌କେ ରଗିମନ୍‌କେ ସଙ୍ଗାଇଦେଇ, ସେମନ୍‌ ତାର ଲୁଗା ଅଁଟିଟାନ୍‌େ ଚିଇରୁ ବଲି ଜୁଆର୍‌ବିଆର୍‌ କଲା । ଜେତେକ୍‌ ଲକ୍‌ ତାକେ ଚିଇଲା, ସବୁଲକ୍‌ ନିକ ଅଇଲା ।



ସୁଚି ଆରି ଅସୁଚି ବିସଇରେ ସିକିଆ

(ମାତିଉ ୧୫:୧-୯)

୧ ପଟେ ପାରୁସିମନ୍‌ ଆରି ଜିରୁସାଲାମ୍‌ ଅନି ଆସିରଇବା କେତେଟା ସାସ୍‌ତର୍‌ ସିକାଉ ପଣ୍ଡିତ୍‌ମନ୍‌ ଜିସୁର ଲଗେ ରୁଣ୍ଡିଲା ।

୨ ତାର ସିସ୍‌ମନ୍‌ର ବିତ୍‌ରେ ଅନି କେତେକ୍‌ ସିସ୍‌ମନ୍‌ ଜିଉଦିମନ୍‌ର ରିତିନିତି ଇସାବେ ଆଡ଼ ନ ଦଇତେ କାଇବାଟା ଦେକ୍‌ଲା ।

୩ ପାରୁସିମନ୍‌ ଆରି ସବୁ ଜିଉଦିଲକ୍‌ର ପାର୍‌ଚିନ୍‌ମନ୍‌ ନିୟମ୍‌ ମାନି ରିତିନିତି ଇସାବେ ଆଡ଼ ନ ଦଇତେ ନ କାଇତେରଇଲା ।

୪ ଆରି ଆଟ୍‌ବାଟ୍‌ କରିଆସି ରିତିନିତି ଇସାବେ ପାନି ନ ଚିଟି ଅଇତେ ନ କାଇତେ ରଇଲା । ଗିନା, ମୁତା, ପିତଲ୍‌ ତାଲା ଆରି ସଇବା କଟ୍‌ କେନ୍ଦ୍ରି ଦଇବାର୍‌, ସେଟା ସଙ୍ଗ୍‌ ଅଲ୍‌ଗା ରିତିନିତି ମିସା ମାନ୍‌ତେରଇଲା ।

୫ ତେବେ ପାରୁସି ଆରି ସାସ୍‌ତର୍‌ ସିକାଉମନ୍‌ ଜିସୁକେ ପାଟାର୍‌ଲା, “କାଲକେ ତର୍‌ ସିସ୍‌ମନ୍‌ ପାର୍‌ଚିନ୍‌ମନ୍‌ର ରିତିନିତି ନ ମାନି ଆଡ଼ ନ ଦଇ କାଇଲାଇନି ?”

୬ ଜିସୁ ସେମନ୍‌କେ କଇଲା, “ଏରେ କୁଟିଆଲ୍‌ମନ୍‌, ତମର୍‌ ବିସଇନେଇ ଜିସାୟ୍‌ ବବିସ୍‌ତ୍‌ବକ୍‌ତା ନିକସଙ୍ଗ୍‌ ଜାନାଇଆଟେ, ସେ ଏନ୍ଦ୍ରି କଇଲା ଆଟେ ।”

ପର୍‌ମେସର୍‌ କଇଲାନି “ଏ ଜାତି, ମକେ ମୁଏ ସନ୍‌ମାନ୍‌ ଦେବାଇ, ମାତର୍‌ ତାକର୍‌ ମନ୍‌ ମରଟାନ୍‌େଅନି ଦୁରିକେ ରଇସି ।

୭ ସେମନ୍‌ ଲକ୍‌ମନ୍‌ କଲା ନିୟମ୍‌

ମାପରୁର୍‌ ନିୟମ୍‌ ବଲି ସିକାଇବାଇ

ମାତର୍‌ ସେ ଉପାସନାର୍‌ କିଟି ମୁଲିଅ ନାଇ ।

୮ “ତମେ ପର୍‌ମେସର୍‌ର ଆଦେସ୍‌ ଇନ୍‌କରି ନରଲକ୍‌ର ରିତିନିତି ଦାରି ବସିଆଟାସ୍‌ ।”

୯ ଆରି ଜିସୁ ସେମନ୍‌କେ କଇଲା, ତମେ ଚତୁର୍‌ ଅଇ ନିଜର୍‌ ରିତିନିତି ମାନ୍‌ବାକେ ବଲି ପର୍‌ମେସର୍‌ର ଆଦେସ୍‌ ନିରୁ ବଇଲାସିନି ।

୧୦ କାଲକେବଇଲେ ମସା ସିକିଆ ଦେଇଆଟେ, ମା ବାବାକେ ମାନା, ଆରି ଜେ କି ତାର୍‌ ବାବାକେ କି ମାକେ ସାଇପ୍‌ ଦେଇସି, ସେ ମରନ୍‌ ତଣ୍ଡ ପାଇସି ଆକା ।

୧୧ ମାତର୍‌ ତମେ ସିକାଇଲାସିନି କି ଜେବେ ବାବାକେ କି ମାକେ କଇସା, “ଜନ୍‌ଟା ମୁଇ ତମ୍‌କେ ଦେବାର୍‌ ରଇଲା ସେଟା କର୍‌ବାନ୍‌ ।” କର୍‌ବାନ୍‌ ବଇଲେ ମାପରୁକେ ଆକା ମାନତ୍‌ କର୍‌ବାଟା ।

୧୨ ତେବେ ତମେ ତାର୍‌ ବାବାର୍‌ କି ମାଆର୍‌ କାଇ ଉପକାର୍‌ କର୍‌ବାଟାକେ ତେବାଇଲାସିନି ।

୧୩ ଏନ୍ତାରି ତମେ ନିଜର୍‌ ଆନିଦାଦିମନ୍‌ର ବେଲେ ଅନି ଆଇବା ରିତିନିତି ମାନିକରି ପର୍‌ମେସର୍‌ର ବାକିଅ ଏଡାଇ ଦେଲାସିନି, ଆରି ଏନ୍ତାରି କେତେକ୍‌ କେତେକ୍‌ କାମ୍‌ମନ୍‌ କଲାସିନି ।

ଗଟେକ୍‌ ଲକ୍‌କେ କାଇଟା ଅସୁକଲ୍‌ କର୍‌ସି

(ମାତିଉ ୧୫:୧୦-୨୦)

୧୪ ଜିସୁ ଆରି ତରେକ୍‌ ଲକ୍‌ମନ୍‌କେ ଲଗେଡାକି କଇଲା, “ତମେ ସବୁଲକ୍‌ ମର୍‌ କାତା ସୁନା ଆରି ବୁଜା ।

୧୫ ଲକ୍‌ର ଟଣ୍ଡେଅନି ଏନ୍ତାରି କାଇ ବିସଇ ନାଇ, ଜନ୍‌ଟା ତାର୍‌ ବିତ୍‌ରେ ପୁରି ତାକେ ଅସୁକଲ୍‌ କରି ପାରେ, ମାତର୍‌ ଜନ୍‌ ଜନ୍‌ଟା ମୁନ୍‌ସ୍‌ମନ୍‌ଟାନ୍‌େଅନି ବାରଇସି ସେ ସବୁ ତାକେ ଅସୁକଲ୍‌ କର୍‌ସି ।

୧୬ *ଜଦି ଜାକେ ସୁନ୍ଦର କାନ୍ ଆଚେ, ସେ ସୁନ୍ ।”

୧୭ ଆରି ଜିସୁ ଲକର ମାନ୍ଦା ଚାଡ଼ି ଗରେ ପୁରଲାଇଚେ ତାର ସିସ୍ତମନ୍ ସେ ଉଦାଅରନର୍ ଅରଡ଼ କାଇଟା ବଲି ପାଚାର୍‌ବାର୍ ଦାରିଲାଇ ।

୧୮ ଜିସୁ ସେମନ୍‌କେ କଇଲା, “ତମେ ମିସା କାଇ ବୁଜାସ୍ ନାଇ ? ଜନ୍ ଜିନିସ୍ ମିସା ବାଇରେ ଅନି ମୁନ୍‌ସ୍‌ମନ୍ ବିଡ଼ରେ ପୁରସି, ସେଟା ତାକେ ଆସାର ନ କରେ ।

୧୯ କାଇକେବଇଲେ ସେଟା ତାର ମନ୍ ବିଡ଼ରେ ପୁରେନାଇ, ମାତର୍ ପେଟ୍ ବିଡ଼ରେ ପୁରି କରି ବାଇରେ ବାରଇ ଆଇସି ।” ଏନ୍ତାରି କଇଲାକେ ସବୁ କାଦି ସୁକଲ୍ ଆକା ବଲି ଜିସୁ ଜାନାଇଲା ।

୨୦ ଆରି ସେ କଇଲା, “ମୁନ୍‌ସର୍ ମନ୍‌ବିଡ଼ରେ ଅନି ଜନ୍‌ଟା ବାରଇସି, ସେଟାସେ ତାକେ ଆସାର କରସି ।

୨୧ କାଇକେବଇଲେ ମୁନ୍‌ସର୍ ମନ୍ ବିଡ଼ରେ ଅନି କରାପ୍ ଚିନ୍ତା ବାରଇସି । ସେଟାମନ୍ ଅଇଲାନି, ପାଦ୍‌ରା ପାଦ୍‌ରି କାମ୍, ଚରକାମ୍, ଲକ୍‌ମନ୍‌କେ ମିରାଇବା କାମ୍ ।

୨୨ ବିବା ଅଇ କରବା ବେସିଆ କାମ୍, ବିବା ନଇଡେ କରବା ବେସିଆ କାମ୍, ଲବାଇବାଟା, ମିର୍ କଇବାଟା, ଅଲ୍‌ସୁଆ ଅଇବାଟା, ଆଁକାର୍ ଅଇବାଟା, ନିନ୍ଦା କାତା କଇବାଟା, ବଡ଼ପନ୍ ଅଇବାଟା, ବକୁଆ ଅଇବାଟା ।

୨୩ ଏ ସବୁ କରାପ୍ ବିସଇମନ୍ ବିଡ଼ରେଅନି ବାରଇ ଲକ୍‌କେ ନସାଇଦେଇସି ।”

ଗଟେକ୍ ମାଇଜିର୍ ତାଟ୍ ବିସବାସ୍
(ମାଡ଼ିଉ ୧୫:୨୧-୨୮)

୨୪ ତାର୍‌ପଚେ ଜିସୁ ସେ ଜାଗା ଚାଡ଼ିକରି ସର ଆରି ସିଦନର୍ ସଅରେ ଗାଲା । ତେଇ ଗଟେକ୍ ଗରେ ପୁରଲା । ଜେନ୍ତି କେ ମିସା ସେଟା ନାଜାନଡ଼, ଏଟା ସେ ମନ୍ କରଡେ ରଇଲା, ମାତର୍ ସେ ନ ଜାନାଇ ଅଇଡେ ରଇନାପାରଲା ।

୨୫ ଜିସୁ ଆଇଲାଆଚେ ବଲି ସୁନ୍‌ଲା ଦାପ୍‌ରେ, ଗଟେକ୍ ମାଇଜି ଜାର୍ ସାନ୍ ଟକିକେ ଡୁମା ଦାରିରଇଲା, ତାର୍ ଗଡ଼ତଲେ ଆସି ଅଦରଲା ।

୨୬ ସେ ସୁର ଦେସର୍ ପଇନିକିଆ ଜାଗାଇ ଜନମ୍ ଅଇ ଜିଉଦି ଜାତିର୍ ନ ରଇଲା, ତାର୍ ଟକିକେ ଡୁମା ଚାଡ଼ାଇବାକେ ସେ ଜିସୁକେ ବାରୁଜିଆ କଲା ।

୨୭ ତେବେ ଜିସୁ ତାକେ କଇଲା, “ଆଗ୍‌ତୁ ପିଲାମନ୍‌କେ ପେଟ୍ ପୁରନ୍ କାଇବାକେ ଦେସ୍, କାଇକେବଇଲେ ପିଲାମନ୍‌ କାଦି ନେଇ କୁକୁରମନ୍‌ ଟାନେ ପାକାଇବାଟା ଟିକ୍‌ନାଇ ।”

୨୮ ମାତର୍ ମାଇଜି ତାକେ କଇଲା, “ଉଁ ମାପ୍‌ରୁ, କୁକୁରମନ୍ ମିସା ପିଲାମନ୍‌ ଅଦ୍‌ରି ରଇଲା ସକ୍ତି କାଇବାଇ ।”

୨୯ ସେଡ଼କି ବେଲେ ଜିସୁ ତାକେ କଇଲା, “ଏନ୍ତାରି କଇଲାର୍‌ପାଇ ଜା, ତର୍ ଟକିଡେଅନି ଡୁମା ବାରଇଗାଲାବେ ।”

୩୦ ଆରି ସେ ମାଇଜି ଗରେ ଜାଇ, ଟକି କଟେ ସଇରଇବାଟା ଆରି ତାର୍‌ଟାନେଅନି ଡୁମା ବାରଇଜାଇ ରଇବାଟା ଦେକ୍‌ଲା ।

ଜିସୁ ଗଟେକ୍ ଗୁଲା ବଇରାକେ ନିକ କଲା

୩୧ ଜିସୁ ଆରିତରେକ୍ ସର ସଦିଅନି ଜାଇ ସିଦନ୍ ଦେଇ ଦେକାପଲି ଦସ୍‌ଟା ସଅରେ ଉଡ଼ରି ଗାଲିଲି ସମ୍‌ଦୁରେ ଗାଲା ।

୩୨ ଆରି ତେଇ କେଡେକ୍ ଲକ୍‌ମନ୍ ଗଟେକ୍ କସ୍‌ଟସଙ୍ କାତା ଅଇବା ବଇରାକେ ଜିସୁର୍ ଲଗେ ଆନି ତାର୍ ଉପ୍‌ରେ ଆଡ଼ ସଙ୍ଗାଇବାକେ ବାରୁଜିଆ କଲାଇ ।

୩୩ ଜିସୁ ସେ ବଇରାକେ ଲକ୍‌ମନ୍‌ ଟାନେଅନି ବେଗ୍‌ଲାଇ କରି, ତାକିନେଇ ତାର୍ ଦୁଇଟା କାନେ ଆଙ୍ଗ୍‌ଟି ପୁରାଇଲା ଆରି ଡୁକିକରି ଆଡ଼ସଙ୍ଗ୍ ସେ ଲକ୍‌ର ଜିବେ ଲାଗାଇଲା,

୩୪ ଆରି ସରଗ୍ ବାଟେ ଦେକିକରି ତେଙ୍ଗ୍ ପୁଣ୍ଡା ଦାରି ବଇରାକେ କଇଲା, “ଇପ୍‌ପତା !” ବଇଲେ ପୁଟିଅ ।

୩୫ ସେ ଦାପ୍‌ରେ ତାର୍ କାନ୍ ଉଗାଡ଼ି ଅଇଲା, ଆରି ଜିବର୍ ବନ୍ଦ୍ ପିଟିଗାଲା, ଆରି ସେ ନିମାନ୍ ସଙ୍ଗ୍ କାତା ଅଇବାର୍ ଦାରିଲା ।

୩୬ ଜିସୁ ଲକ୍‌ମନ୍‌କେ ଏ ବିସଇ କାକେ ନ କଇବାକେ ଆଦେସ୍ ଦେଲା, ମାତର୍ ସେ ଲକ୍‌ମନ୍‌କେ ଜେଡେକ୍ ନିରୁବଇଲେ ମିସା ସେମନ୍ ଆରି ଅଦିକ୍ ଅଦିକ୍ ସେଟା ଜାନାଇଲାଇ ।

୩୭ ଆରି ଲକ୍‌ମନ୍ ଅଦିକ୍ କାବା ଅଇ କଇଲାଇ, “ସେ ସବୁ କାମ୍ ନିମାନ୍ ସଙ୍ଗ୍ କରିଆଚେ, ସେ ବଇରାମନ୍‌କେ ସୁନ୍‌ବା ବପୁ ଆରି ଗୁଲାମନ୍‌କେ କଇବା ବପୁ ମିସା ଦେଇଆଚେ ।”



ଜିସୁ ଚାରିଅଜାର୍ ଲକ୍‌କେ କୁଆଇଲା
(ମାଡ଼ିଉ ୧୫:୩୨-୩୯)

* ୭:୧୭ କେଡକ୍ ପୁରନା ଲେକାଇ ଏ ପଦ୍ ଲେକାଅଏ ନାଇ

୧ ସେବେଲେ ଆରି ତରେକ୍ ବେସି ଲକ୍ମନନ୍ ମିସ୍ଲାଇ, ଆରି ସେମନର୍ ଲଗେ କାଇବା ପିଇବାକେ କାଇଟା ନ ରଇଲାଜେ ଜିସୁ ସିସ୍ମନକେ ଲଗେଡାକି କଇଲା,

୨ “ଏ ଲକ୍ମନକେ ଦେକି ମକେ ଦୁକ୍ ଲାଗୁଲାନି, କାଇକେବଇଲେ ଏମନ୍ ତିନ୍ଦିନ୍ ଅଇଲାନି ମର୍ ସଙ୍ଗ୍ ଆଚଡ୍ ଆରି ଏମନର୍ ଲଗେ କାଇବାକେ କାଇଟା ମିସା ନାଇ ।

୩ ତେବେ ମୁଇ ସେମନକେ ନ କୁଆଇତେ ଗରେ ପାଟାଇଲେ, ବାଟେ ସେମନର୍ ଚେତା ଆଜିଜାଇସି, ସେମନର୍ ବିତ୍ରେ କେତେକ୍ ଲକ୍ ଦୁରେଅନି ଆସି ଆଚଡ୍ ।”

୪ ସିସ୍ମନ୍ ତାକେ କଇଲା, “ଇତି ଏ ଚିମ୍ବରା ଜାଗାଇ ଲକ୍ ନ ରଇବାଟାନେ କନ୍ତିଅନି ରୁଟି ଆନି ଏମନକେ ପେଟ୍ ପୁରାଇବାର୍ ?”

୫ ଜିସୁ ସେମନକେ ପାଟାରୁଲା, “ତମରଲଗେ କେତେଟା ରୁଟିଆଚେ ?” ସେମନ୍ କଇଲା, “ସାଡ଼ଟା ।”

୬ ତେଇ ଜିସୁ ସେ ସବୁ ଲକ୍ମନକେ ରୁଏଁ ବସ୍ବାକେ କଇଲା, ଆରି ସେ ସାଡ଼ଟା ରୁଟି ଦାରିକରି ପର୍ମେସର୍କେ ଦନିଅବାଦ୍ ଦେଇ ସେଟା ସବୁ ବାଙ୍ଗାକରି ବାଟାକରିଦେବାକେ ତାର୍ ସିସ୍ମନକେ ଦେଲା । ଆରି ସେମନ୍ ଲକ୍ମନକେ ସେଟା ବାଟାକଲା ।

୭ ସେମନର୍ ଲଗେ ଜେତେକ୍ ପାରା କେତେଟା ସାନ୍ ମାଟ୍ ରଇଲା, ସେଟା ମିସା ସେ ପର୍ମେସର୍କେ ଦନିଅବାଦ୍ ଦେଇ ବାଟାକରବାକେ କଇଲା ।

୮ ତେଇ ସେମନ୍ ସବୁ ଲକ୍ ପେଟ୍ପୁର୍ତେ କାଇଲା ଆରି ଅଗଲ୍ଲୁଲୁଟା ସାଡ଼ତାଲା ବେଟ୍ଲାଲ ।

୯ ତେଇ ଚାରିଅଜାର୍ ଲକ୍ମନ ରଇଲା ।

୧୦ ତାର୍ପଚେ ଜିସୁ ଲକ୍ମନକେ ପାଟାଇ ଦେଲା ଆରି ନିଜର୍ ସିସ୍ମନର୍ ସଙ୍ଗ୍ ଡଙ୍ଗାଇ ଚଗି ଦଲ୍ଲମନୁତା ନାଉଁର୍ ଗଟେକ୍ ଜାଗାଇ ଆଇଲା ।

ପାରୁସିମନ୍ ଜିସୁକେ ପରିକା କଲା

(ମାତିଉ ୧୭:୧-୪)

୧୧ *ପଚେ ପାରୁସିମନ୍ ବାରଇ ଆସି ଜିସୁର୍ ସଙ୍ଗ୍ ଦଦାପେଲା ଅଇବାର୍ ଦାରୁଲା । ତାକେ ପରିକା କରବାକେ ପାନ୍ଦେ ପାକାଉଁ ବଲି ମନକରି, ସେ ଜେ ପର୍ମେସର୍ଗାନେଅନି ଆସିଆଚେ, ଏଟା ଦେକାଇବାକେ ଆକାସେଅନି ଗଟେକ୍ କାବାଅଇଜିବା ଚିନ୍ ଦେକାଆ ବଲି କଇଲା ।

୧୨ *ଜିସୁ ଗଟେକ୍ ଡେଙ୍ଗ୍ପୁଣ୍ଡା ପୁଣ୍ଡିକରି କଇଲା, “ଏବର୍ ଲକ୍ମନ କାଇକେ କାବା ଅଇବା ଚିନ୍ ମାଙ୍ଗୁଲାଇନି ? ମୁଇ ତମକେ ସଡ଼ କଇଲିନି, ଆଜିକାଲିର୍ ଏ ଲକ୍ମନକେ କାବା ଅଇବା କାଇ ଚିନ୍ ମିସା ଦେକାଇ ନଏଁ ।”

୧୩ ତାର୍ପଚେ ଜିସୁ ଆରି ତାର୍ ସିସ୍ମନ୍ ସେମନକେ ତେଇ ଚାଡ଼ି ଡଙ୍ଗାଇ ଚଗି ଆରି ତରେକ୍ ଗାଡ଼ ସେପାଟେ ଗାଲା ।

ପାରୁସିମନର୍ ସିକିଆ ବିରୁଦେ ଜିସୁର୍ ଚେଡ଼ନା

(ମାତିଉ ୧୭:୫-୧୨)

୧୪ ଜିସୁର୍ ସିସ୍ମନ୍ ଡଙ୍ଗାଇ ଗାଲାବେଲେ କାଇବାକେ ରୁଟି ନେବାକେ ପାସ୍ରିଜାଇରଇଲା । ସେମନର୍ଗାନେ ଏକାଇ ଗଟେକ୍ ସେ ରୁଟି ରଇଲା ।

୧୫ *ଜିସୁ ସେମନକେ ଜାଗରଡ଼ କରାଇ କଇଲା, “ପାରୁସିମନର୍ ଆରି ଏରଦର୍* କମିର୍ ଅନି ତରିକ୍ନା ଅଇ ରୁଆ ।”

୧୬ ଏଟା ସୁନି ସିସ୍ମନ୍ ନିଜର୍ ନିଜର୍ ବିତ୍ରେ କାତାବାର୍ତା ଅଇକରି କଇଲା, “ଆମରଲଗେ କାଇବାକେ ରୁଟିନାଇ ବଲି ସେ ଏନ୍ତାରି କଇଲାଇନି ।”

୧୭ ସେମନ୍ କାଇ ବିସଇନେଇ କାତାବାର୍ତା ଅଇଲାଇନି ବଲି ଜିସୁ ଜାନିକରି ସେମନକେ କଇଲା, “ତମର୍ ଲଗେ ଜେଡ଼କି ଦର୍କାର୍ ଆଚେ, ସେଡ଼କି ରୁଟିନାଇ ବଲିକରି ତମେ କାଇକେ କାତାବାର୍ତା ଅଇଲାସ୍ନି ? ଏବେଜାକ ତମେ କାଇ ଦେକାସ୍ ନାଇ କି ବୁଜାସ୍ନାଇ ? ତମର୍ ମନ୍ କାଇ ଆର୍ଟ୍ ଅଇଗାଲା ଆଚେ କି ?

୧୮ *ଆଁକି ରଉ ରଉ ଦେକାସ୍ ନାଇ ? ଆରି, କାନ୍ ରଉ ରଉ ସୁନାସ୍ ନାଇ ? ଆମରଗାନେ ଜେତେବେଲେ କାଇବାକେ ଉନା ରଇଲା, ସେ ବେଲେ ମୁଇ କାଇଟା କିରିରଇଲି ? ସେ ବିସଇ ତମେ ଏତାଆସ୍ ନାଇକି ?

୧୯ ମୁଇ ଜେତେବେଲେ ପାଟ୍ ଅଜାର୍ ଲକ୍ମନ୍ ବିତ୍ରେ ପାଟ୍ଟା ରୁଟିବାଙ୍ଗାଇ ରଇଲି, ସେଡ଼କି ବେଲେ ତମେମନ୍ ସବୁ କେତେକ୍ ତାଲା ବାଙ୍ଗୁଲା କଣ୍ଟ ବେଟି ନେଇ ରଇଲାସ୍, ସେଟାକାଇ ତମର୍ ମନେ ନାଇ ?” ସେମନ୍ ତାକେ କଇଲା, “ବାର ତାଲା ।”

୨୦ “ଆରି, ସେ ଚାରି ଅଜାର୍ ଲକ୍ମନ୍ ବିତ୍ରେ ମୁଇଁ ଜେତେବେଲ୍ ସାଡ଼ଟା ରୁଟି ବାଙ୍ଗାଇ ରଇଲି, ସେଡ଼କିବେଲେ ତମେମନ୍ ସବୁ କେତେକ୍ ତାଲା ବାଙ୍ଗୁଲା କଣ୍ଟ ରୁଲିଆଇ ରଇଲାସ୍ ?” ସେମନ୍ କଇଲା “ସାଡ଼ ତାଲା ।”

୨୧ ଆରି ଜିସୁ ସେମନକେ ପାଟାରୁଲା, “ମୁଇ କାଇଟା କଇଲିନି, ତମେ କେନ୍ତି ବୁଜାସ୍ ନାଇ ?”

* ୮:୧୧ ମାତିଉ ୧୨:୩୮; ଲୁକ୍ ୧୧:୧୭ * ୮:୧୨ ମାତିଉ ୧୨:୩୯; ଲୁକ୍ ୧୧:୨୯ * ୮:୧୫ ଲୁକ୍ ୧୨:୧ * ୮:୧୫ କମିର୍କେ ଗାଉଁ ଗୁଣ୍ଡେ ପାକାଇଲେ ଏଟା ରୁଟିକେ ପୁଲାଇସି, ସେମନର୍ ଅଇପର୍ ସିକିଆ ଜବର୍ ଲକ୍ମକେ ବୁଲ୍ ବାଟେ ଦାରିଜାଇସି * ୮:୧୮ ମାର୍ଚ୍ଚକ ୪:୧୨

ଜିସୁ ଗଟେକ୍ କାଣାକେ ଆଁକି ଦେକାଇଲା

୨୨ ପଚେ ସେମନ୍ ବେତସାଇଦାଇ ଉଟି ଆଇଲାଇ, ଆରି ତେଇ କେତେକ୍ ଲକ୍ମନ୍ ଗଟେକ୍ କାଣାଲକ୍‌କେ ଜିସୁର୍ ଲଗେ ଆନିକରି ତାକେ ଚିଇକରି ନିକ କର୍ବାକେ କଇଲାଇ ।

୨୩ ଜିସୁ ତାକେ ଆତେଦାରି ଗାଉଁ ବାଇରେ ଡାକିନେଲା, ଆରି ତୁକିକରି ତାର୍ ଲାଲ୍ ସେ କାଣାର୍ ଆଁକିତେଇ ଲାଗାଇଲା । ତାର୍‌ମୁଣ୍ଡେ ଆଡ଼ ସଙ୍ଗକକରି “ତୁଇ ଅଲପ୍ ମିସା ଦେକି ପାର୍‌ଲୁସ୍‌ନି କି ?” ବଲି ପାଚାର୍‌ଲା ।

୨୪ ସେ ଚାରିବେଡ଼ି ଦେକିକରି କଇଲା, “ମୁଇ ଲକ୍ମନ୍ ଇଣ୍ଡୁବାଟା ଦେକିପାର୍‌ଲିନି, ମାତର୍ ସେମନ୍ ଗର୍‌ପାରା ତିସ୍‌ଲାଇନି” ବଲିକରି କଇଲା ।

୨୫ ଜିସୁ ଆରିତରେକ୍ ସେ କାଣାଲକ୍‌ର୍ ଆଁକିତେଇ ଆଡ଼ସଙ୍ଗ୍ ଚିଇଲା । ସେଦାପ୍‌ରେ ଅନି ତାର୍ ଆଁକି ନିମାନ୍ ଅଇଗାଲା ଆରି ପୁରାପୁରୁନ୍ ନିମାନ୍ ଦେକିପାର୍‌ଲା ।

୨୬ ଆରି ଜିସୁ ତାକେ କଇଲା, “ଏବେ ତୁଇ ଗାଏଁ ନ ଜାଆ, ମାତର୍ ତର୍ ନିଜର୍ ଗରେ ଉଟିଜା” ବଲିକରି ପାଟାଇଦେଲା ।

**ପିତର୍ କଇଲା ଜିସୁ ଅଇଲାନି କିରିସ୍‌ଟ୍
(ମାଡିଉ ୧୭:୧୩-୨୦; ଲୁକ୍ ୯:୧୮-୨୧)**

୨୭ ତାର୍‌ପଚେ ଜିସୁ ଆରି ତାର୍ ସିସ୍‌ମନ୍ କାଇସେରିଆ ପିଲିପ୍ ନାଉର୍ ଗଡ଼ଲଗେ ରଇବା ଚାରିବେଡ଼ିର୍ ଗାଉଁ ମନ୍‌କେ ଗାଲାଇ । ବାଟେ ଜିସୁ ତାର୍ ସିସ୍‌ମନ୍‌କେ ପାଚାର୍‌ଲା, “ଲକ୍ମନ୍ ମକେ କେ ବଲିକରି ବାବ୍‌ଲାଇନି ?”

୨୮ *ସେମନ୍ ତାକେ କଇଲାଇ, “କେତେ ଲକ୍ମନ୍ ତମ୍‌କେ ତୁବନ୍ ଦେଉ ଜଅନ୍ ବଲିକରି କଇଲାଇନି, ଆରି ଅଦେକ୍ ଲକ୍ମନ୍ ତମ୍‌କେ ଆଗର୍ ଏଲିୟ ବଲି କଇଲାଇନି ଆରି କେତେଲକ୍ ତମ୍‌କେ ପର୍‌ମେସର୍‌ଗାନେଅନି ଆଦେସ୍ ପାଇ ଆସି, କାତାଅଇବା ବବିସଡ଼ବକ୍ତା ମନର୍‌ଗାନେଅନି ଗଟେକ୍‌ଲକ୍ ବଲି କଇଲାଇନି ।”

୨୯ *ଆରି ତମେ ମକେ କେ ବଲିକରି ବାବ୍‌ଲାସ୍‌ନି ? ବଲି ଜିସୁ ସେମନ୍‌କେ ପାଚାର୍‌ଲା । ପିତର୍ କଇଲା, “ତୁଇ ପର୍‌ମେସର୍ ପାଟାଇରଇବା ଉଦାକ୍‌କାରିଆ କିରିସ୍‌ଟ୍” ବଲି କଇଲା ।

୩୦ ତେଇ ଜିସୁ ସେମନ୍‌କେ ଡାଡ଼ସଙ୍ଗ୍ ଜାଗ୍‌ରତା କରାଇ କଇଲା, “ମୁଇ କେ ବଲି କାକେ ନ କୁଆ ।”

**ନିଜର୍ ମରନ୍ ବିସଇନେଇ ଜିସୁର୍ କାତା
(ମାଡିଉ ୧୭:୨୧-୨୮; ଲୁକ୍ ୯:୨୨-୨୭)**

୩୧ ତାର୍‌ପଚେ ଜିସୁ, ପର୍‌ମେସର୍ ଅନି ଆଇଲା ନର୍‌ପିଲାକେ କାଇ କାଇଟା ଅଇସି ବଲି ତାର୍ ସିସ୍‌ମନ୍‌କେ ସିକାଇଦେବାର୍ ଦାର୍‌ଲା । ସେ କଇଲା, “ପର୍‌ମେସର୍‌ଗାନେଅନି ଆଇଲା ନର୍‌ପିଲା ମୁଇ ବେସି ଦୁକ୍ କସ୍‌ଟ୍ ପାଇବାର୍ ଆଚେ । ମୁକିଅ ନେତାମନ୍, ମୁକିଅ ପୁଜାରିମନ୍, ଆରି ନିୟ୍‌ମ୍ ସିକାଇଦେବା ଲକ୍ମନ୍ ମକେ ନ ନାମଡ଼ । ସେମନ୍ ମକେ ମରାଇବାଇ ଆରି ତିନ୍‌ଦିନ୍ ଗାଲାପଚେ ମୁଇ ଆରି ତରେକ୍ ମଲାତେଇଅନି ଜିବନ୍ ଅଇ ଉଟ୍‌ବି ।”

୩୨ ଏ ସବୁ ବିସଇର୍ କାତା ଜିସୁ ତାର୍ ସିସ୍‌ମନ୍‌କେ କାଇଟାମିସା ନ ଲୁଟାଇକରି କୁଲାକୁଲି ବାବେ କଇଦେଲା । ସେ ବେଲା ପିତର୍ ଜିସୁକେ ଅଁଡ଼ରେ ଡାକିନେଇକରି କଇଲା, “ତମେ କଇବା କାତା ସବୁ ସେଣ୍ଡି ନ ଅ ।”

୩୩ ଜିସୁ ପିଟିବାଟେ ପାସ୍‌ଲି ତାର୍ ସିସ୍‌ମନ୍‌କେ ଦେକ୍‌ଲା ଆରି ପିତର୍‌କେ କଇଲାଇ, “ତୁଇ ଏ କାତା ସଇତାନେଅନି କଇଲୁସ୍‌ନି, ତୁଇ ମର୍‌ଗାନେଅନି ଉଟି ଜା । ତୁଇ ପର୍‌ମେସର୍ ପାରା ଚିନ୍ତା ନ କରି ଲକ୍ମନ୍‌ର୍ ପାରା ଚିନ୍ତା କଲୁସ୍‌ନି ।” ବଲି କଇଲାଇ ।

୩୪ *ତାର୍‌ପଚେ ଜିସୁ ସିସ୍‌ମନ୍‌କେ ଆରି ଲକ୍ମନ୍‌କେ ତାର୍‌ଲଗେ ଡାକିକରି କଇଲାଇ “କେ ମର୍ ସିସ୍ ଅଇବାକେ ମନ୍ କଲାନି ବଇଲେ, ସେ ତାର୍ ନିଜର୍ ମନ୍ କଲାଟା ଚାଡ଼ିଦେଇକରି କୁର୍‌ସଡେଇ ମର୍‌ବା ଲକ୍ମନ୍ ପାଇବା ଦୁକ୍ କସ୍‌ଟ୍ ପାଇବାକେ, ତିଆର୍ ଅଇକରି ମର୍‌ସଙ୍ଗ୍ ଆଇବାର୍ ଆଚେ ।

୩୫ *ମାତର୍ କେ ନିଜର୍ ଜିବନ୍ ରକିଆ କର୍‌ବାକେ ମନ୍ କର୍‌ସି, ସେ ସେଟା ଆରାଇସି, ମାତର୍ ଜେ ମର୍ ଲାଗି ଆରି ସୁବ୍‌କବର୍ ଜାନାଇବାକେ ତାର୍ ଜିବନ ଆରାଇସି ବଇଲେ, ସେ ତାର୍ ଜିବନ୍ ରକିଆ କର୍‌ସି ।

୩୬ ଜଦି ଗଟେକ୍ ଲକ୍ ଦୁନିଆର୍ ସବୁ ଜିନିସ୍ ପାଇକରି, ନିଜର୍ ଜିବନ୍ ଆରାଇସି, ସେଟା ତାର୍‌ପାଇ କାଇ ଲାବ୍ ନାଇ ।

୩୭ ଆରି ତାର୍ ଆଡ଼ମାର୍ ବାଦୁଲେ କାଇଟା ଦେଲେ ମିସା ସମାନ୍ ନ ଅଏ ।

୩୮ ପର୍‌ମେସର୍‌କେ ଚାଡ଼ିକରି ରଇବା ଏ କାରାପ୍ ଦୁନିଆଇ, ଲକ୍ମନ୍ ଜଦି ମର୍ ଲାଗି ଆରି ମର୍ କାତାର୍ ଲାଗି ଲାଜ୍ ଅଇବାଇ, ପର୍‌ମେସର୍‌ର୍ ଗାନେଅନି ଆଇଲା ନର୍‌ପିଲା ମୁଇ ମିସା ମର୍ ବାବାର୍ ବେସି ଉଜଲ୍ ଆରି ଡାକ୍‌ପୁଟା ସଙ୍ଗ୍ ଆରି ସରଗର୍ ସୁକଲ୍ ଦୁଡ଼ମନ୍‌ର୍ ସଙ୍ଗ୍ ଆଇଲାବେଲେ, ସେମନ୍‌କେ ମର୍‌ଲକ୍‌ମନ୍ ବଲି କଇବାକେ ମୁଇ ମିସା ଲାଜ୍ ଅଇବି ।”

☆ ୮:୨୮ ମାର୍ଚ୍ଚକ ୬:୧୪,୧୫; ଲୁକ୍ ୯:୭,୮ ☆ ୮:୨୯ ଜଅନ୍ ୬:୬୮,୭୯ ☆ ୮:୩୪ ମାଡିଉ ୧୦:୩୮; ଲୁକ୍ ୧୪:୨୭ ☆ ୮:୩୫ ମାଡିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫



୧ ଆରିତରେକ୍ ଜିସୁ ସେମନ୍‌କେ କଇଲା, ମୁଇ ତମ୍‌କେ ସତ୍ କାତା କଇଲିନି । ସେଟାର୍‌ପାଇ ସୁନା, ଏବେ ଇତି ରଇବା କେତେ ଲକ୍‌ମନ୍, ପର୍‌ମେସର୍ ରାଜା ଅଇକରି ତାର୍ ରାଇଜ୍ ସାସନ୍ କର୍‌ବାଟା ନ ଦେକ୍‌ବା ଜାକ ନ ମରାସ୍ ।

ଜିସୁର୍ ସଙ୍ଗ୍ ମସା ଆରି ଏଲିୟ
(ମାତିଉ ୧୭:୧-୧୩; ଲୁକ୍ ୯:୨୮)

୨ *ତଅ ଦିନ୍ ପଟେ ଜିସୁ ପିତର୍ ଜାକୁବ୍ ଆରି ଜଅନକେ ତାର୍ ସଙ୍ଗ୍ ମିସ୍‌ତେ ଡାକିକରି କେ ନଇବା ଗଟେକ୍ ଡେଙ୍ଗ୍ ପରବତ୍ ଉପରେ ଗାଲା । ସିତି ସେମନ୍‌ର୍ ମୁଆଟେ ତାର୍ ରୁପ୍ ବଦ୍‌ଲିଗାଲା ।

୩ ଆରି ତାର୍ ପଟିଆ ବେସି ଜଗ୍‌ଜଗି ଜାଇ, ଦବ୍ ଅଇଗାଲା । ଆରି ଏ ଦୁନିଆ ଇସାବେ କେ ମିସା ସେନ୍ତି ଦବ୍ କରି ଦଇନାପାରତ୍ ।

୪ ଆରି ମସାର୍ ସଙ୍ଗ୍ ଏଲିୟ ଆରି ଜିସୁ ମିସ୍‌ତେ କାତାବାର୍‌ତା ଅଇବାଟା ସେମନ୍‌କେ ତିସ୍‌ଲା ।

୫ ତେଇ ପିତର୍ ଜିସୁକେ କଇଲା, “ଏ ଗୁରୁ ଆମେ ଇତି ରଇବାଟା ନିକ । ଇତି ତିନ୍‌ଟା କୁଡିଆ ତିଆର୍ କରୁ । ତମ୍‌ର୍‌ପାଇ ଗଟେକ୍, ମସାର୍‌ପାଇ ଗଟେକ୍ ଆରି ଏଲିୟର୍ ପାଇ ଗଟେକ୍ ।”

୬ ପିତର୍ କଇବା ବିସଇ କାଇଟା ବଲି ନିଜେ ନାଜାନି ରଇଲା । କାଇକେବଇଲେ ସେମନ୍ ବେସି ଡରିଜାଇରଇଲାଇ ।

୭ *ଆରି ସେମନ୍‌କେ ମେଗର୍ ଚାଇ ଡାବିଅଇଦେଲା । ସେ ମେଗେଅନି ଏନ୍ତାରି କାତା ଅଇଲା, “ଏ ମର୍ ଆଲାଦର୍ ପ, ଆର୍ କାତା ସୁନା ।”

୮ ଆରି ଅଟାଡ୍ ସେମନ୍ ଚାରିବେଡ୍‌ତି ଦେକ୍‌ଲାଇ, ତାକର୍ ସଙ୍ଗ୍ ଜିସୁକେ ଚାଡି ଆରି କାକେ ମିସା ଦେକ୍‌ତ୍ ନାଇ ।

୯ ସେମନ୍ ପରବତେ ଅନି ଉତରଲାବେଲେ ଜିସୁ ସେମନ୍‌କେ ତାଟ୍ ସଙ୍ଗ୍ ଆଦେସ୍ ଦେଇ ଏନ୍ତି ବଲି କଇଲା, “ପର୍‌ମେସର୍‌ର୍ ଚାନେଅନି ଆସିରଇବା ନର୍‌ପିଲା ମୁଇ, ମଲାଟାନେଅନି ଆରିତରେକ୍ ନ ଉର୍‌ବା ଜାକ ଇତି କାଇକାଇଟା ତମେ ଦେକ୍‌ଲାସ୍, ସେ ବିସଇ କାକେମିସା ନ କୁଆ ।”

୧୦ ସେଟାର୍‌ପାଇ ପରବତ୍ ଉପରେ ଜାଇଟା ସେମନ୍ ଦେକ୍‌ଲାଇ, ସେ ବିସଇ କାକେମିସା କଅଡ୍ ନାଇ । ମାତର୍ ମଲାଟାନେଅନି ଆରିତରେକ୍ ଉର୍‌ବା ଅରଡ୍ କାଇଟା ବଲିକରି ସେମନ୍ କାତାବାର୍‌ତା ଅଇତେରଇଲାଇ ।

୧୧ *ସିସ୍‌ମନ୍ ଜିସୁକେ ପାଚାର୍‌ଲାଇ, “ଏଲିୟ ପର୍‌ତୁମ୍ ଆଇବାର୍ ଆଟେ ବଲି ନିୟ୍‌ମ୍ ସିକାଇଦେବା ଲକ୍‌ମନ୍ କାଇକେ କଇଲାଇନି ?”

୧୨ ଜିସୁ ତାର୍ ସିସ୍‌ମନ୍‌କେ କଇଲା, “ଉଁ ପର୍‌ମେସର୍‌ର୍ ବଇତେଇ ଏଲିୟ ଆଗ୍‌ତୁ ଆଇସି ବଲି ଲେକା ଅଇଲାକାତା ସତ୍‌ସେ । ଏଲିୟ ପର୍‌ତୁମ୍ ଆସିକରି ସରୁ ବିସଇ ଟିକ୍ କର୍‌ସି, ମାତର୍ ପର୍‌ମେସର୍ ଅନି ଆସିରଇବା ନର୍‌ପିଲା ମୁଇ ବେସି ବେସି କସ୍‌ଟ ପାଇବି ଆରି ଲକ୍‌ମନ୍ ମକେ ନ ନାମତ୍ ବଲି ମିସା କାଇ ପର୍‌ମେସର୍‌ର୍ ବଇଟାନେ ଲେକା ଅଏନାଇ କି ?

୧୩ ମୁଇ ତମ୍‌କେ ସତ୍ କଇଲିନି, ଏବେ ଏଲିୟ ଆସି ସାର୍‌ଲା ଆଟେ । ଆରି ତାର୍ ବିସଇ ପର୍‌ମେସର୍ ଚାନେ କାଇଟା ଲେକା ଅଇଲା ଆଟେ, ସେ ସେନ୍ତିସେ ଲକ୍‌ମନ୍ ମିସା ତାକର୍ ନିଜର୍ ମନ୍ କଲା ଇସାବେ କରାପ୍ ଚଲାଟଲ୍‌ତି କଲାଇ ।”

ଜିସୁ ଗଟେକ୍ ପିଲାକେ ତୁମା ଚାଡାଇଲା
(ମାତିଉ ୧୭:୧୪-୨୦; ଲୁକ୍ ୯:୩୭-୪୩)

୧୪ ତାର୍‌ପଟେ ଜିସୁ, ପିତର୍, ଜାକୁବ୍ ଆରି ଜଅନ୍ ବିନ୍ ସିସ୍‌ମନ୍‌ର୍ ଲଗେ କେଟ୍‌ଲାବେଲେ ତେଇ ବେସି ଲକ୍‌ମନ୍ ରୁଣ୍ଡିରଇବାଟା ଦେକ୍‌ଲାଇ । ଆରି ନିୟ୍‌ମ୍ ସିକାଇଦେବା ଲକ୍‌ମନ୍ ସିସ୍‌ମନ୍‌ର୍ ସଙ୍ଗ୍ ଦଦାପେଲା ଅଇତେରଇଲାଇ ।

୧୫ ଲକ୍‌ମନ୍ ଜେତେବେଲ୍ ଜିସୁ ତେଇ ଆଇବାଟା ଦେକ୍‌ଲାଇ, ସାର୍‌ଦାରେ କାବା ଅଇଗାଲାଇ ଆରି ଜିସୁକେ ଦୁକ୍ ସୁକ୍ ପାଚାର୍‌ବାକେ ତାର୍‌ଲଗେ ପାଲାଇ ଆସି ଜୁଆର୍ କର୍‌ବାର୍ ଦାର୍‌ଲାଇ ।

୧୬ ଜିସୁ ତାର୍ ସିସ୍‌ମନ୍‌କେ ପାଚାର୍‌ଲା, “ତମେ ନିୟ୍‌ମ୍ ସିକାଇବା ଲକ୍, ମର୍ ସିସ୍‌ମନ୍‌ର୍ ସଙ୍ଗ୍ କାଇ ବିସଇନେଇ ଦଦାପେଲା ଅଇତେରଇଲାସ୍ ?”

୧୭ ସେ ମାନ୍ଦା ଲକ୍‌ମନ୍‌ର୍ ବିଡ୍‌ରେଅନି ଗଟେକ୍ ଲକ୍ ଜିସୁକେ ଡାକି କଇଲା, “ଏ ଗୁରୁ, ମୁଇ ମର୍ ପିଲାକେ ନିକ କର୍‌ବାକେ ତମର୍ ଚାନେ ଆନିରଇଲି । ତାର୍ ବିଡ୍‌ରେ ଗଟେକ୍ କାରାପ୍ ଆଡ୍‌ମା ପୁରିକରି ତାକେ କାତା ଅଇବାକେ ଦେଏ ନାଇ ।

୧୮ ସେ କରାପ୍ ଆଡ୍‌ମା ପିଲାକେ ଦାର୍‌ଲାବେଲେ, ତାକେ ମଡିକରି ଅଦ୍‌ରାଇଦେଲାନି ଆରି ତାର୍ ଟଣ୍ଡେଅନି ପେପୁଲ୍ ବାରଇଲାନି ଆରି ସେ ଦାଡ୍ କାତର୍‌ସି । ଆରି ତାର୍ ଗାଗଡ୍ ସିଦା ଅଇଜାଇସି । ମୁଇ ତାର୍‌ତେଇ ଅନି କାରାପ୍ ଆଡ୍‌ମାକେ ବାର୍‌କରାଇ କେଦିଦେବାଇ ବଲି ତମର୍ ସିସ୍‌ମନ୍‌ର୍ ଲଗେ ଆନିରଇଲି । ମାତର୍ ତମର୍ ସିସ୍‌ମନ୍ ନାପାର୍‌ଲାଇ ।”

☆ ୯:୨ ୨ ଯ ପିତର୍ ୧:୧୭,୧୮ ☆ ୯:୭ ମାତିଉ ୩:୧୭; ମାର୍ଚ୍ଚକ ୧:୧୧; ଲୁକ୍ ୩:୨୨ ☆ ୯:୧୧ ମାତିଉ ୧୧:୧୪

୧୯ ଜିସୁ ସେମାନଙ୍କେ କଇଲା, “ଏ ପର୍ଯ୍ୟନ୍ତକେ ବିସ୍ବାସ ନ ରଇବା ଆଜିକାଲିର ଲକ୍ଷ୍ମଣ, ତମେ ବିସ୍ବାସ କରବାକେ ଆରି କେତେ ଦିନ ମୁଇ ତମର ସଙ୍ଗେ ରଇବାର ଆତେ ? ଆରି କେତେଦିନ ମୁଇ ସାଥାସ୍ ଦାରି ତମର ସଙ୍ଗେ ରଇବାର ଆତେ ? ସେ ପିଲାକେ ମରଲଗେ ଆନା ।”

୨୦ ଆରି ଲକ୍ଷ୍ମଣ ସେ ପିଲାକେ ଜିସୁରଲଗେ ଆନଲା । ସେ କରାପ୍ ଆତ୍ମା ଜିସୁକେ ଦେକଲା ଦାପ୍ରେ ପିଲାକେ ତଲେ ମଡିକରି ଅଦରାଇଲା । ଆରି ଗୁଣ୍ଡୁଲି ଗୁଣ୍ଡୁଲି କରି ତାର ଟଣ୍ଡେଅନି ପେପୁଲ୍ ବାରଇ ଜାଇତେରଇଲା ।

୨୧ ଜିସୁ ସେ ପିଲାର ବାବାକେ ପାଚାରଲା, “ଏ ପିଲା ଏଡି ଅଇ କେତେଦିନ ଅଇଲା ?” ପିଲାର ବାବା କଇଲା, “ସାନ୍ବେଲେଅନି” ବଲି ।

୨୨ ଆରି ସେ କଇଲା, “ସେ କାରାପ୍ ଆତ୍ମା ପିଲାକେ ମରାଇବାକେ ବେସିତର୍ ପାନିଟାନେ ଆରି ଜଇଟାନେ ମଡିକରି ଅଦରାଇ ଆତେ । ମାତର୍ ତୁଇ ଜଦି କାଇଟା କରବାକେ ପାରୁସ୍ ବଇଲେ ଆମର୍ ପାଇ ଦୟାକରି ସାଇଜ କର୍ ।”

୨୩ ଜିସୁ ତାକେ କଇଲା, “କାଇକେ ଜଦି ପାରୁସ୍ ବଇଲେ ନିମାନ୍ କର୍ ବଲିକରି କଇଲୁସ୍ନି ? କାଇକେବଇଲେ ପର୍ଯ୍ୟନ୍ତକେ ବିସ୍ବାସ କରବା ଲକ୍ଷ୍ମଣର ତେଇ ସବୁ ଅଇସି ।”

୨୪ ସେ ଦାପ୍ରେ ପିଲାର ବାବା ଆଉଲିଅଇକରି, “ମୁଇ ବିସ୍ବାସ କଲିନି, ଆରି ଅଦିକ୍ ବିସ୍ବାସ କରବାକେ ମକେ ସାଇଜ କର୍ ।” ବଲିକରି କଇଲା ।

୨୫ ଏ ଗଟ୍ଟନାର କାମ୍ ଦେକବାକେ ଲକ୍ଷ୍ମଣ ଏକାତରେ ପାଲାଆଇବାଟା ଜିସୁ ଦେକିକରି ସେ କାରାପ୍ ଆତ୍ମାକେ ଦମ୍ଭକାକି କଇଲା, “ଏ କରାପ୍ ଆତ୍ମା, ତୁଇ ଏ ପିଲାକେ ଗୁଲା ଆରି ବଇରା କରାଇଆତୁସ୍ । ଏ ପିଲାର ଗାଗ୍ଡେଅନି ବାରଇ ଉଟିଜା ଆରି କେବେ ମିସା ତାର ଗାଗ୍ଡେ ନ ପୁର୍, ବଲି ମୁଇ ତକେ ଆଦେସ୍ ଦେଲିନି ।”

୨୬ ଆରି କାରାପ୍ ଆତ୍ମା ବେସି ଆଉଲିଅଇକରି ପିଲାକେ ମଡିକରି ଅଦରାଇ, ତାରଟାନେଅନି ବାରଇଗାଲା । ଆରି ପିଲା ମରିଗାଲା ଲକ୍ଷ୍ମଣ ପାରା ଡିସ୍ଲା, ଏଡି କେତେକ୍ ଲକ୍ଷ୍ମଣ “ସେ ମରିଗାଲା ।” ବଲିକରି କଇଲା ।

୨୭ ମାତର୍ ଜିସୁ ସେ ପିଲାକେ ଆତେଦାରି ଉଟାଇକରି ତାକେ ଚିଆ କରାଇଲାକେ ସେ ଚିଆଅଇଲା ।

୨୮ ଜିସୁ ଆରି ତାର ସିସ୍ମାନ୍ ଗଟେକ୍ ଗର୍ ବିତ୍ରେ ଗାଲାପତେ, ଲକ୍ଷ୍ମଣ କେ ନଇଲାବେଲେ ତାକେ ପାଚାରଲା, “ଆମେ କାଇକେ ସେ କାରାପ୍ ଆତ୍ମାକେ କେଦି ନାପାରଲୁ ?”

୨୯ ଏ କାତା ସୁନି ଜିସୁ ସେମାନଙ୍କେ କଇଲା, “ଏଡି କାରାପ୍ ଆତ୍ମା ପର୍ଯ୍ୟନ୍ତକେ ପାର୍ତନା କରିସେ କେଦ୍ବାର୍ ଅଇସି, ଆରି କାଇ ବାଟ୍ ନାଇ ।”

ନିଜର୍ ମରନ୍ ବିସଇ ଜିସୁ ଆରିତରେକ୍ କଇଲାନି

(ମାଡିଉ ୧୭:୨୨-୨୩; ଲୁକ୍ ୯:୪୩-୪୫)

୩୦ ତାର୍ପତେ ଜିସୁ ଆରି ତାର ସିସ୍ମାନ୍ ସେ ଜାଗା ଚାଡିକରି ଉଟିଗାଲା । ସେମନ୍ ଗାଲିଲି ଦେସର୍ ବାଟ୍ଦେଇକରି ଜାଇତେରଇଲା । ସେମନ୍ କନ୍ ଜାଗାଇ ଆତ୍ମ ବଲିକରି ଲକ୍ଷ୍ମଣ ନ ଜାନତ୍ ବଲି ଜିସୁ ମନ୍ କର୍ତେରଇଲା ।

୩୧ କାଇକେବଇଲେ ସେ ତାର ସିସ୍ମାନ୍କେ ସିକାଇ ଦେବାକେ ମନ୍ କର୍ତେରଇଲା । ଜିସୁ ତାର ସିସ୍ମାନ୍କେ କଇଲା, “ସତ୍ ପର୍ଯ୍ୟନ୍ତକେ ଟାନେଅନି ଆସିରଇବା ନର୍ପିଲା ମକେ, ଲକ୍ଷ୍ମଣର ଆତେ ସର୍ପି ଦେବାଇ ଆରି ସେମନ୍ ମକେ ମରାଇଦେବାଇ । ମାତର୍ ମୁଇ ମରିକରି ତିନିଦିନ ଗାଲାପତେ ଆରି ତରେକ୍ ମଲାଟାନେଅନି ଜିବନ୍ ଅଇ ଉଟ୍ବି ।”

୩୨ ମାତର୍ ଜିସୁ କଇବା ଏ କାତାର୍ ଅରତ୍ ସିସ୍ମାନ୍ ବୁଜତ୍ ନାଇ ଆରି ସେମନ୍ ସେ କାତାର୍ ଅରତ୍ ପାଚାରବାକେ ତରଲାଇ ।

ସବୁଟାନେଅନି କେ ବଡ୍

(ମାଡିଉ ୧୮:୧-୫; ଲୁକ୍ ୯:୪୬-୪୮)

୩୩ ଜିସୁ ଆରି ତାର ସିସ୍ମାନ୍ କପର୍ନାତମେ ଆଇଲା ଆରି ସେମନ୍ ଗର୍ ବିତ୍ରେ ଗାଲା । ତାର୍ପତେ ଜିସୁ ସେମାନଙ୍କେ ପାଚାରଲା, “ତମେ ବାଟେ କନ୍ ବିସଇନେଇ ଦଦାପେଲା ଅଇତେରଇଲାସ୍ ?”

୩୪ ☆ମାତର୍ ତାର ସିସ୍ମାନ୍ ଚିମ୍ବରା ଅଇଦେଲା । କାଇକେବଇଲେ ସେମନ୍ ବାଟେ, ଆମର୍ ବିତ୍ରେ ସବୁଟାନେଅନି କେ ବଡ୍ ବଲି ଦଦାପେଲା ଅଇତେରଇଲା ।

୩୫ ☆ଜିସୁ ବସ୍ଲା ଆରି ତାର ବାଟା ସିସ୍ମାନ୍କେ ତାରଲଗେ ତାକାଇ ସେମାନଙ୍କେ କଇଲା, “ଜଦି କେ ମୁକିଆ ଅଇବାକେ ମନ୍ କଲେ, ସେ ସବୁଟାନେଅନି ସାନ୍ ଅଇବାର୍ ଆତେ, ଆରି ସବୁଲକର୍ ସେବା କର୍ବାର୍ ଆତେ ।”

୩୬ ତାର୍ପତେ ଜିସୁ ଗଟେକ୍ ସାନ୍ଟା ପିଲାକେ ନେଇକରି ସେମନ୍ ମୁଆଟେ ଚିଆ କରାଇ ସେମାନଙ୍କେ କଇଲା,

୩୭ ☆“କେ କେ ମର୍ ଲାଗି ଏଡି ଗଟେକ୍ ସାନ୍ଟା ପିଲାକେ ନାମ୍ବାଇ, ସେମନ୍ ମକେ ନାମ୍ଲାଇନି, ଆରି କେ କେ ମକେ ନାମ୍ଲାଇନି, ସେମନ୍ ମକେ ନାଇ, ମାତର୍ ମକେ ପାଟାଇରଇବା ମର୍ ବାବାକେ ନାମ୍ଲାଇନି ।”

☆ ୯:୩୪ ଲୁକ୍ ୨୨:୨୪ ☆ ୯:୩୫ ମାଡିଉ ୨୦:୨୭,୨୭:୨୩:୧୧; ମାର୍ଚ୍ଚକ ୧୦:୪୩,୪୪; ଲୁକ୍ ୨୨:୨୭ ☆ ୯:୩୬ ମାଡିଉ ୧୦:୪୦; ଲୁକ୍ ୧୦:୧୭; ଜଅନ୍ ୧୩:୨୦

ଜେ ଆମକେ ବିରଦ୍ ନ କରେ ସେ ଆମର ନିଜର ଲକ୍ଷ
(ଲୁକ୍ ୯:୪୯-୫୦)

୩୮ ଜିସୁ କହଲେ, “ଏ ଗୁରୁ, ଗଟେକ୍ ଲକ୍ଷ ତରନାଉଁ ଦାରି ଲକ୍ଷମନରୁଟାନେଅନି କାରାପ୍ ଆଡ଼ମାକେ ବାରକରାଇ କେଦିଦେବାଟା ଆମେ ଦେକିକରି, ତାକେ ସେନ୍ତି ନ କର୍ ବଲି କଇଲୁ, କାଇକେବଇଲେ ସେ ଆମର ନିଜର ଲକ୍ଷ ନର୍ଏ ।”

୩୯ ମାତର୍ ଜିସୁ କଇଲା, “ତାକେ ଏନ୍ତି ନ କର୍ ବଲି ତେବାଆ ନାଇ କାଇକେବଇଲେ, ମର୍ ନାଉଁର୍ ବପୁ ପାଇକରି କାବା ଅଇଜିବା କାମମନ୍ କରପାରବା ଲକ୍ଷ, ମର୍ ବିରୁଦେ କାରାପ୍ କାତା ନ କଏ ।

୪୦ *କାଇକେବଇଲେ ଜେ ଆମକେ ବିରଦ୍ ନ କରେ, ସେ ଆମର ନିଜର ଲକ୍ଷ ।

୪୧ *ଆରି ମୁଇ ତମକେ ସଡ଼ କଇଲିନି, କେ ତମକେ ମର୍ନାଉଁ ଦାରି ଗଟେକ୍ ଗିଲାୟ୍ ପାନି କାଇବାକେ ଦେଇସିବଇଲେ, ସେଟାରପାଇ ସଡ଼ସେ ତାକେ ପୁରୁସକାର୍ ମିଲ୍ସି ।”

ବିନ୍ ଲକ୍ଷକେ ପାପ୍ ନ କରାଇବାକେ ସିକିଆ
(ମାତିଉ ୧୮:୬-୯; ଲୁକ୍ ୧୭:୧-୨)

୪୨ ଜିସୁ କଇବାର୍ ଦାରଲା “ଜଦି କେ ମର୍ତେଇ ବିସ୍ବାୟ୍ କିରିରଇବା ଗଟେକ୍ ଲକ୍ଷକେ, ସେ କିରିରଇବା ବିସ୍ବାୟ୍ ଚାଡ଼ିଦେବାକେ ପାପକାମ୍ କରାଇଲାଜିନି ବଇଲେ, ସେ ଲକ୍ଷ ଗାଲାଜି ଜତା ପାକ୍ନା ବାନ୍ଧିକରି ତାକେ ସମ୍ପୁରେ ପିଙ୍ଗିଦେବାଟା ତାରପାଇ ନିକ ଅଇତା ।

୪୩ *ଜଦି ତମର୍ ଆଡ଼ ତମକେ ପାପ୍ କରାଇଲାନି ବଇଲେ, ସେ ଆଡ଼ କାଟିପାକାଆ । କାଇକେବଇଲେ ଜତେକ୍ ଆଡ଼ ରଇକରି ସବୁଦିନର୍ପାଇ ଜଇଲାଗ୍ବା ନର୍କେ ପେଲାଅଇବା ବାଦୁଲେ ଗଟେକ୍ ଆଡ଼ ନ ରଇକରି ସର୍ଗେ କେଟ୍ବାଟା ନିକ ଅଇସି ।

୪୪ କାଇକେବଇଲେ ନର୍କେ ସେମନର୍ କିତା ନସଟ ନ ଅଅଡ଼ ଆରି ଜଇ ନ ଲିବେ । *

୪୫ ଜଦି ତମର୍ ପାପ୍ ତମକେ ପାପକାମ୍ କରାଇଲାନି ବଇଲେ, ସେ ପାପ୍ କାଟି ପିଙ୍ଗିଦିଆସ୍ । ଜତେକ୍ ପାପ୍ ରଇକରି ନର୍କେ ପେଲାଅଇବା ବାଦୁଲେ ଚଟା ଅଇକରି ସର୍ଗେ କେଟ୍ବାଟା ତମର୍ପାଇ ନିକଅଇସି ।

୪୬ କାଇକେବଇଲେ ନର୍କେ ସେମନର୍ କିତା ନସଟ ନ ଅଅଡ଼ ଆରି ଜଇ ନ ଲିବେ । †

୪୭ *ଜଦି ତମର୍ ଆଁକିର୍ ଲାଗି ତମେ ବିସ୍ବାୟ୍ ଆରାଇଲାସିନି ବଇଲେ, ସେ ଆଁକି ବେଟି ପିଙ୍ଗିଦିଆସ୍ । କାଇକେବଇଲେ ଜତେକ୍ ଆଁକି ରଇ ନର୍କେ ପେଲାଅଇବା ବାଦୁଲେ, ଗଟେକ୍ ଆଁକି ରଇକରି ସର୍ଗେ ରାଇଜେ କେଟ୍ବାଟା ତମର୍ପାଇ ନିକରଇସି ।

୪୮ କାଇକେବଇଲେ ନର୍କେ ସେମନର୍ କିତା ନସଟ ନ ଅଅଡ଼ ଆରି ଜଇ ନ ଲିବେ ।”

୪୯ “ଜେନ୍ତିକି ସୁନା ଜଇଟାନେ ପତାଇକରି ନିର୍ମାଲ୍ କଲାପାରା ସବୁ ଲକ୍ଷମନକେ ଜଇସଙ୍ଗ୍ ନିର୍ମାଲ୍ କର୍ବାଇ ।”

୫୦ *“ନୁନ୍ ଗଟେକ୍ ନିମାନ୍ ଜିନିସ୍ । ମାତର୍ ନୁନ୍ ଜଦି ତାର୍ କିଆ ଅଇବାଟା ଆରାଇସି ବଇଲେ ସେ ଆରି ତରେକ୍ କେନ୍ତାର୍ କିଆ ଅଇପାରସି ? ତମେ ନୁନ୍ ପାରା ନିମାନ୍ ଗୁନେ ପୁରାପୁରୁନ୍ ଅଇ ସବୁଲକ୍ଷମନର୍ ସଙ୍ଗ୍ ମିସି ବିଡ଼ି କରି ସୁଆଲେ ରୁଆ” ବଲି କଇଲା ।

୧୦

ବିବାଅଇ ଚାଡ଼ାଚାଡ଼ି ଅଇବା ବିସଇ ଲାଗ ଜିସୁର ସିକିଆ
(ମାତିଉ ୧୯:୧-୧୨; ଲୁକ୍ ୧୭:୧୮)

୧ ତାରପଚେ ଜିସୁ ସେ ଜାଗା ଚାଡ଼ିକରି ଜିଉଦା ରାଇଜର୍ ସନ୍ଧି ଆରି ଜର୍ଦନର୍ ଆରି ଗଟେକ୍ ବାଟେ ଆଇଲା । ଆରି ସବୁ ବେଲାର୍ ପାରା ଲକ୍ଷମନ୍ ତାର୍ ଲଗେ ରୁଣ୍ଡିଲାଇ । ଆରି ଜିସୁ ସେମନକେ ପର୍ମେସରର୍ କାତା ସିକାଇଦେଲା ।

୨ କେତେଟା ପାରୁସିମନ୍ ଜିସୁର ଲଗେ ଆସିକରି ତାକେ ବୁଲ୍ ଦାରବାକେ ଏନ୍ତାରି ପର୍ସନ୍ ପାଚାରଲାଇ । “ଗଟେକ୍ ମୁନୁସ୍ ତାର୍ ମାଇଜିକେ ଚାଡ଼ିଦେବାଟା ଆମର୍ ନିୟମେ ଆତେ କି ?”

୩ ଜିସୁ ସେମନକେ କଇଲା, “ମସା ତମକେ କାଇ ଆଦେସ୍ ଦେଲା ଆତେ ?”

୪ *ସେମନ୍ କଇଲା, “ଗଟେକ୍ ମୁନୁସ୍ ତାର୍ ମାଇଜିକେ ଚାଡ଼ିଦେବାର୍ ରାଜିନାମା ପତର୍ ଲେକି ତାକେ ଦେଲାପଚେ ତାକେ ପାଟାଇଦେଇ ଅଇସି ବଲି ମସା କଇଲା ଆତେ ।”

୫ ଜିସୁ ସେମନକେ କଇଲା, “ମସା କାଇକେ ଏନ୍ତି ଲେକିରଇଲା ବଇଲେ, ତମର୍ ମନ୍ବିଡ଼ରର୍ ବୁଜ୍ବା ବପୁ ତାର୍ ରଇଲାଟା ଦେକିକରି ସେ, ଏ ଆଦେସ୍ ଲେକିଦେଲା ଆତେ ।

* ୯:୪୦ ମାତିଉ ୧୨:୩୦; ଲୁକ୍ ୧୧:୨୩ * ୯:୪୧ ମାତିଉ ୧୦:୪୨ * ୯:୪୩ ମାତିଉ ୫:୩୦ * ୯:୪୪ କେତକ୍ପୁରୁନା ଲେକାଇ ଏ ପଦ୍ ନାଇ † ୯:୪୬ କେତକ୍ପୁରୁନା ଲେକାଇ ଏ ପଦ୍ ନାଇ * ୯:୪୭ ମାତିଉ ୫:୨୯ * ୯:୫୦ ମାତିଉ ୫:୧୩; ଲୁକ୍ ୧୪:୩୪,୩୫ * ୧୦:୪ ମାତିଉ ୫:୩୧

୭ ଜେଡ଼ି ସାସ୍ତର କଇଲାନି, ପରମେସର୍ ଜେଡେବେଲେ ଏ ଦୁନିଆ ତିଆରକଲା, ସେବେଲେ ସେ ମାଇଜିମୁନୁସ୍ କରି ତିଆରକଲା ଆଚେ ।

୮ ସେଟାରପାଇ ଗଟେକ୍ ମୁନୁସ୍ ତାର ବାବା ମାକେ ଚାଡ଼ିକରି ତାର ମାଇଜି ସଙ୍ଗ୍ ମିସ୍ସି ।

୯ ସେ ଦୁଇଲକ୍ ଗଟେକ୍ ଅଇବାଇ, ଆରି ସେମନ୍ ଦୁଇଲକ୍ ଇସାବେ ନ ରଅଡ଼, ମାତର୍ ଗଟେକ୍ ଲକ୍ ଇସାବେ ରଇବାଇ ।

୧୦ ସେଟାରପାଇ ପରମେସର୍ ଜନ୍ ଦୁଇଲକ୍‌କେ ମିସାଇଆଚେ, କେ ମିସା ସେମନ୍‌କେ ବିନେ ନ ବେଗଲାଅଡ଼ ।”

୧୧ ଜିସୁ ଆରି ତାର ସିସ୍‌ମନ୍ ଗରେ ବାଉଡ଼ିଗାଲା ପଚେ, ସିସ୍‌ମନ୍ ଆରିତରେକ୍ ଏ ବିସଇ ତାକେ ପାଚାରଲାଇ ।

୧୨ *ଜିସୁ ସେମନ୍‌କେ କଇଲା, “ଗଟେକ୍ ମନସ୍ ତାର ମାଇଜିକେ ଚାଡ଼ପତର୍ ଦେଇ ବିନ୍ ମାଇଜିକେ ବିବା ଅଇସି ବଇଲେ, ସେ ମନସ୍ ପର୍ତୁମ୍ ମାଇଜିର୍ ବିରୁଦେ ପାଦ୍‌ରା କାମ୍ କଲାମି ।

୧୩ ଆରି ସେଡ଼ି ସେ ଜନ୍ ମାଇଜିଟକି ତାର ମୁନୁସ୍‌କେ ଚାଡ଼ ପତର୍ ଦେଇ, ବିନ୍ ମୁନୁସ୍‌କେ ବିବା ଅଇସି ବଇଲେ ସେ ମିସା ପର୍ତୁମ୍ ମନସ୍ ବିରୁଦେ ପାଦ୍‌ରି କାମ୍ କଲାମି ।” ବଲିକରି କଇଲା ।

ଜିସୁ ସାନ୍ ପିଲାମନ୍‌କେ ଆସିର୍‌ବାଦ୍ କଲା

(ମାଡ଼ିଉ ୧୯:୧୩-୧୫; ଲୁକ୍ ୧୮:୧୫-୧୭)

୧୩ ଗଟେକ୍ ଦିନ୍ କେଡେକ୍ ଲକ୍‌ମନ୍ ତାକର୍ ପିଲାଟକିମନ୍‌କେ ଜିସୁ ଆଡ଼ ସଙ୍ଗ୍ ଆସିର୍‌ବାଦ୍ କର ବଲି ତାରଲଗେ ଆନ୍‌ଲାଇ । ମାତର୍ ତାର ସିସ୍‌ମନ୍ ଲକ୍‌ମନ୍‌କେ, ଦମ୍‌କାଲାଇ ।

୧୪ ଜିସୁ ଏଟା ଦେକି ବେସି ରିସାଅଇ ସିସ୍‌ମନ୍‌କେ କଇଲା, “ସାନ୍ ପିଲାମନ୍‌କେ ମର୍ ଲଗେ ଆଇବାକେ ବାଟ୍ ଦିଆସ୍, ସେମନ୍‌କେ ମନା କରାନାଇ । କାଇକେବଇଲେ ପର୍ମେସର୍‌ର ରାଇଜ୍ ଏଡ଼ି ପିଲାଟକିମନ୍‌ ପାରା ରଇବା ଲକ୍‌ମନ୍‌ ପାଇସେ ।

୧୫ *ମୁଇ ତମ୍‌କେ ସଡ଼ କାତା କଇଲିନି, କେ ମିସା ଗଟେକ୍ ସାନ୍ ପିଲାର ପାରା ନ ଅଇ, ପର୍ମେସର୍‌ର ରାଇଜ୍ ନ ନାମଡ଼, ସେମନ୍ କେବେ ମିସା ତାର ରାଇଜେ କେଟି ନାପାରଡ଼ ।”

୧୬ ତାରପଚେ ଜିସୁ ସାନ୍ ସାନ୍ ପିଲାଟକିମନ୍‌କେ ଉଟାରି ତାକର୍ ମୁଣ୍ଡେ ଚିଇକରି ଆସିର୍‌ବାଦ୍ କଲା ।

ସାଉକାର୍ ଗର୍ ପିଲାର୍ କାତ

(ମାଡ଼ିଉ ୧୯:୧୭-୩୦; ଲୁକ୍ ୧୮:୧୮-୩୦)

୧୭ ଜିସୁ ଆରି ତାର ସିସ୍‌ମନ୍ ତେଇଅନି ବାରଇ ଜିବାବେଲେ ବାଟେ ଗଟେକ୍ ଲକ୍ ପାଲାଇ ଆସି ତାର ଲଗେ କେଟ୍‌ଲା ଆରି ତାର ମୁଆଟେ ମାଣ୍ଡିକୁଟା ଦେଇ ପାଚାରଲା, “ଏ ନିମାନ୍ ଗୁରୁ, ନ ସାର୍‌ବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍‌ବାର୍ ଆଚେ ?”

୧୮ ଜିସୁ ତାକେ କଇଲା, “ତୁଇ ମକେ କାଇକେ ନିମାନ୍ ଲକ୍ ବଲି କଇଲୁସ୍‌ନି ? କାଇକେବଇଲେ ପର୍ମେସର୍‌କେ ଚାଡ଼ିକରି ଆରି ବିନ୍‌ଟା କେ ମିସା ନିମାନ୍ ଲକ୍ ନାଇ ।

୧୯ ଆରି ତୁଇ ନିଅମ୍‌ତା ଜାନିଆରୁସ୍, ମାର୍‌ବାର୍ ନାଇ, ପାଦ୍‌ରାପାଦ୍‌ରି କାମ୍ କର୍‌ବାର୍ ନାଇ, ଚର୍ କାମ୍ କର୍‌ବାର୍ ନାଇ, ମିର୍ ସାକି ଦେବାର୍ ନାଇ, ଆୟା ବାବାକେ ସନ୍‌ମାନ୍ ଦିଆସ୍ ।” ବଲି କଇଲା ।

୨୦ ସେ ଲକ୍ ଜିସୁକେ କଇଲା, “ଏ ଗୁରୁ, ମୁଇତା ଏସବୁ ଆଦେସ୍ ସାନ୍ ବେଲେ ଅନି ମାନ୍‌ଲିନି ।”

୨୧ ଜିସୁ ତାକେ ନିକକରି ଦେକ୍‌ଲା ଆରି ତାକେ ଆଲାଦ୍ କରି କଇଲା, “ତୁଇ ଏବେ ମିସା ଗଟେକ୍ ବିସଇତେଇ ଉନା ଆରୁସ୍ । ତୁଇ ଜାଇ ତର୍ ଦନ୍‌ସ୍‌ପତି ବିକି, ସେ ତାରୁ ଗରିବ୍ ଲକ୍‌ମନ୍‌କେ ବାଟାକରି ଦେସ୍, ତୁଇ ସର୍‌ଗେ ଦନ୍ ପାଇସୁ । ଏଡ଼ିକରି ମର୍ ପଚେ ପଚେ ଆଉ ।” ବଲିକରି କଇଲା ।

୨୨ ଜିସୁ କଇଲା ଏ କାତା ସୁନିକରି ସେ ଲକ୍ ମୁ ସୁକାଇ କରି, ଗରେ ଉଟିଗାଲା । କାଇକେବଇଲେ ସେଲକ୍ ବେସି ସାଉକାର୍ ରଇଲା ।

୨୩ ଜିସୁ ଚାରିବେଡ଼ି ଦେକିକରି ସିସ୍‌ମନ୍‌କେ କଇଲା, “ସାଉକାର୍ ଲକ୍‌ମନ୍ ପର୍ମେସର୍‌ର ରାଇଜେ ଜିବାଟା ବେସି କସ୍‌ଟ ଆଚେ ।”

୨୪ ଜିସୁର୍ କାତା ସୁନିକରି ସିସ୍‌ମନ୍ କାବା ଅଇଗାଲାଇ । ମାତର୍ ଜିସୁ ସେମନ୍‌କେ ଆରିତରେକ୍ କଇଲା, “ଏ ମର୍ ପିଲାମନ୍ ପର୍ମେସର୍‌ର ରାଇଜେ ଜିବାଟା ଲକ୍‌ମନ୍‌କେ କେଡେକ୍ କସ୍‌ଟ !

୨୫ ଜେଡ଼ି ଗଟେକ୍ ବଡ଼ ଜୁଡ଼ି ବାଟେ ଚିଙ୍ଗି ଜିବାକେ କସ୍‌ଟ, ସାଉକାର୍ ଲକ୍ ପର୍ମେସର୍‌ର ରାଇଜେ କେଟ୍‌ବାଟା ତାର୍‌ତେଇଅନି ଅଦିକ୍ କସ୍‌ଟ ।”

୨୬ ସିସ୍‌ମନ୍ ଆରିତରେକ୍ ବେସି କାବା ଅଇଗାଲାଇ ଆରି ନିଜର୍ ନିଜର୍ ବିଡ଼ରେ କାତା ଅଇଲାଇ, “ଏଡ଼ି ବଇଲେ କେ ତେବେ ରକିଆ ପାଇସି ?”

୨୭ ଜିସୁ ସେମନ୍‌କେ ଦେକିକରି କଇଲା, “ଏ ବିସଇ ଲକ୍‌ମନ୍ ଟାନେ ଅଇନାପାରେ, ମାତର୍ ପର୍ମେସର୍‌ର ଟାନେ ସବୁଟା ଅଇପାର୍‌ସି ।”

* ୧୦:୧୧ ମାଡ଼ିଉ ୫:୩୨; ୧ମ କରନ୍ତିୟ ୭:୧୦,୧୧ * ୧୦:୧୫ ମାଡ଼ିଉ ୧୮:୩

୨୮ ପିତର ଜିସୁକେ କଇଲା, “ଦେକା ଆମେ ଆମର ସବୁ ଚାଡ଼ିଦେଇ ତମର ସଙ୍ଗେ ଆଇଲୁଆରୁ ।”

୨୯ ଜିସୁ ସେମାନଙ୍କେ କଇଲା, “ମୁଇ ତମଙ୍କେ ସତ୍ କାତା କଇଲିନି, ଜେ ମର ସଙ୍ଗେ ଆଇବାକେ ଆରି ପର୍ମେସରର୍ ନିମାନ୍ କାତା ଜାନାଇବାକେ ଗର୍ ଦୁଆର୍, ବାଇ ବଇନି, ମା ବାବା, ପିଲାଟକି ଆରି ଜମିବାଡ଼ି ଚାଡ଼ିକରି ଆଚେ,

୩୦ ସେ ସତ୍‌ସେ, ନିଜର୍ ଚାଡ଼ିରଇଲା ସବୁ ବିସଇତେଇଅନି ସଏ ବାଗ୍ ଅଦିକ୍ ଏ ଜୁଗେ ପାଇସି । ଗର୍ ଦୁଆର୍, ବାଇ ବଇନି, ମାଆ ବାବା, ପିଲାଟକି ଆରି ଜମିବାଡ଼ି ଏ ସବୁ ଦିନସୁ ଅଦିକ୍ ପାଇସି ଆରି ତାର୍ ସଙ୍ଗେ ଗେଞ୍ଜନା ମିସା ପାଇସି । ମାତର୍ ଆଇବା ଜୁଗେ ପର୍ମେସରର୍ ରାଇଜେ, ସେ ନ ସାର୍‌ବା ଜିବନ୍ ପାଇସି ।

୩୧ ✨ମାତର୍ ଜନ୍ ଲକ୍‌ମନ୍ ଆଗତୁ ଅଇତେରଇବାଇ, ସେମନ୍ ପଚେ ରଇବାଇ । ଆରି କେ କେ ପଚେ ରଇବାଇ, ସେମନ୍ ଆଗତୁ ରଇବାଇ ।”

ଜିସୁ ତାର୍ ମରନର୍ ବିସଇ ଏଟା ସଙ୍ଗେ ତିନ୍ ପାଲି କଇଲା
(ମାଡ଼ିଉ ୨୦:୧୭-୧୯; ଲୁକ୍ ୧୮:୩୧-୩୪)

୩୨ ସେମନ୍ ଜିରୁସାଲମେ ଗାଲାବେଲେ, ଜିସୁ ସେମନ୍ ଆଗତୁ ଆଗତୁ ଜାଇତେ ରଇଲା । ସେବେଲା ସିସ୍‌ମନ୍ କାବାଅଇଜାଇତେ ରଇଲାଇ । ଆରି ଜିସୁର୍ ପଚେ ପଚେ ଜିବା ଲକ୍‌ମନ୍ ସବୁ ସେ ଜିରୁସାଲମେ ଗାଲାନି ବଲି ତରିଜାଇତେ ରଇଲାଇ । ଜିସୁ ତାର୍ ବାର୍‌ଟା ସିସ୍‌ମନ୍‌କେ ବିନେ ଡାକିନେଇକରି ନିଜ୍‌କେ କାଇକାଟା ଅଇସି, ସେ ବିସଇ କଇବାର୍ ଦାରଲା ।

୩୩ ଜିସୁ ତାର୍ ସିସ୍‌ମନ୍‌କେ କଇଲା, “ସୁନା ଆମେ ଜିରୁସାଲମେ ଗାଲୁନି । ତେଇ ପର୍ମେସରର୍‌ଟାନେଅନି ଆସିରଇବା ନର୍‌ପିଲା, ମକେ ବିସ୍‌ବାସେ ବିସ୍ ଦେଲାପାରା କରି ମୁକିଅ ପୁଜାରିମନ୍ ଆରି ନିୟ୍‌ମ୍ ସିକାଇ ଦେବା ଲକ୍‌ମନ୍‌କେ ସର୍‌ପି ଦେବାଇ । ସେମନ୍ ମକେ କିଜାଇକରି ବିଚାର୍ କରି ‘ଆକେ ମରାଇବାର୍ ଆଚେ ।’ ବଲି ରମିୟ୍ ଲକ୍‌ମନ୍‌କେ ସର୍‌ପି ଦେବାଇ ।

୩୪ ସେମନ୍ ମକେ ଟାପରା କର୍‌ବାଇ, ମର୍ ଉପରେ ତୁକ୍‌ବାଇ । ମକେ କର୍‌ଡା ସଙ୍ଗେ ମାର୍‌ବାଇ, ଆରି ସାରାସାରି ମରାଇବାଇ । ମାତର୍ ମରିକରି ତିନ୍‌ଦିନ୍ ଗାଲାପଚେ, ମୁଇ ଆରି ତରେକ୍ ମଲାଟାନେଅନି ଉର୍‌ବି ।”

ଜାକୁବ୍ ଆରି ଜଅନ୍ ମାଙ୍ଗ୍‌ବାଟା
(ମାଡ଼ିଉ ୨୦:୨୦-୨୮)

୩୫ ଜେବଦି ନାଉର୍ ଗଟେକ୍ ଲକ୍‌ର୍ ପିଲାମନ୍ ଜାକୁବ୍ ଆରି ଜଅନ୍ ଜିସୁର୍‌ତେଇ ଆସି ତାକେ କଇଲାଇ, “ଏ ଗୁରୁ, ଆମେ ତର୍‌ତେଇ ଜାଇଟା ମାଙ୍ଗ୍‌ବୁ, ତୁଇ ସେଟା କର୍ ବଲି ଆମେ ମନ୍ କଲୁନି ।”

୩୬ ଜିସୁ ପାଚାରଲା, “ମୁଇ ତମର୍ ପାଇ କାଇଟା କର୍‌ବି ବଲି ମନ୍ କଲାସ୍‌ନି ?”

୩୭ ସେମନ୍ ଜିସୁକେ କଇଲାଇ, “ତୁଇ ତର୍ ଡାକ୍‌ପୁଟା ପାଇବା ବସ୍‌ବା ଜାଗାଇ ବସ୍‌ଲା ବେଲେ ଆମର୍ ଦୁଇଲକ୍‌ର୍ ବିତ୍‌ରେ ଅନି ଗଟେକ୍ ଲକ୍‌କେ ତର୍ ଉଜା ବାଟେ ଆରି ଗଟେକ୍ ଲକ୍‌କେ ତେର୍‌ରି ବାଟେ ବସାଅ ବଲି ମନ୍ କଲୁନି ।”

୩୮ ✨ଜିସୁ ସେମନ୍‌କେ କଇଲା, “ତମେ କାଇ ବିସଇ ମାଙ୍ଗ୍‌ଲାସ୍‌ନି ସେ ବିସଇ ନାଜାନାସ୍ । ମକେ ଜନ୍ ମୁତାଇ ଦୁକ୍‌କସ୍‌ଟ ପାଇବାକେ ଆଚେ, ସେ ମୁତାର୍ ଦୁକ୍‌କସ୍‌ଟ ପାଇପାରାସ୍ କି ? ଆରି ମୁଇ ଜନ୍ ତୁବନ୍ ନେବାର୍ ଆଚେ, ସେ ତୁବନ୍ ନେଇ ପାରାସ୍ କି ?”

୩୯ ସେମନ୍ ଜିସୁକେ କଇଲାଇ, “ଉଁ ଆମେ ପାରୁ ।” ଜିସୁ ସେମନ୍‌କେ କଇଲା, “ଏଟା ସତ୍‌ସେ । ମୁଇ ଜନ୍ ମୁତାର୍ ଦୁକ୍‌କସ୍‌ଟ ପାଇବି ଆରି ଜନ୍ ତୁବନ୍ ନେବି ତମେମିସା ସେ ମୁତାର୍ ଦୁକ୍‌ କସ୍‌ଟ ଆରି ତୁବନ୍ ପାଇସା ।

୪୦ ମାତର୍ ମର୍ ଉଜାବାଟେ କି ତେର୍‌ରିବାଟେ ବସ୍‌ବାକେ ଦେବାର୍, ମର୍ ଅଦିକାର୍ ନାଇ, ମାତର୍ ମର୍ ବାବା ବାଟ୍‌ସି ।”

୪୧ ଜାକୁବ୍ ଆରି ଜଅନ୍ କଇଲା କାତା ବିନ୍ ସିସ୍‌ମନ୍ ଜେତେବେଲ୍ ସୁନ୍‌ଲାଇ, ଜାକୁବ୍ ଆରି ଜଅନ୍‌କେ ବେସି ରିସା ଅଇଗାଲାଇ ।

୪୨ ✨ମାତର୍ ଜିସୁ ତାର୍ ସିସ୍‌ମନ୍‌କେ ଗଟେକ୍‌ଟାନେ ଡାକି କରି ସେମନ୍‌କେ କଇଲା, “ଏ ଦୁନିଆର୍ ରାଜାମନ୍ ଆରି ନେତାମନ୍ ଲକ୍‌ମନ୍‌କେ ନିଜର୍ ଅଦିକାରେ ରକ୍‌ବାକେ ମନ୍ କର୍‌ବାଇ । ଆରି ସର୍‌କାର୍ ମିସା ଡାକ୍‌ର୍ ତଲେ ରଇଲା ଲକ୍‌ମନ୍‌କେ ନିଜର୍ ଅଦିକାରେ ରକି ରଇବାକେ ମନ୍ କର୍‌ବାଇ । ଏ ବିସଇ ତମେ ଜାନିଆଚାସ୍ ।

୪୩ ✨ମାତର୍ ତମର୍ ବିତ୍‌ରେ ଏକ୍ତି ନ ରଇକରି ବିନ୍‌ବାବେ ରଇବାର୍ ଆଚେ । ତମର୍ ବିତ୍‌ରେଅନି କେ ବଡ଼ ଲକ୍ ପାରା ଦେକାଇଅଇବାକେ ମନ୍ କଲାନି ବଇଲେ, ସେ ତମର୍ ସବୁ ଲକ୍‌ର୍ ଗଟେକ୍ ଗତିଦାଙ୍ଗ୍‌ଡା ପାରା ରଅ ।

୪୪ ଜଦି କେ ତମର୍ ବିତ୍‌ରେ ଅନି ପର୍ମେସରର୍ ମୁଆଚେ ମୁକିଅ ଲକ୍ ଅଇବାକେ ମନ୍ କଲାନି ବଇଲେ, ସେ ଗଟେକ୍ ଗେନ୍‌ଲା ଗତିଦାଙ୍ଗ୍‌ଡା ପାରା ସେବା କର ।

☆ ୧୦:୩୧ ମାଡ଼ିଉ ୨୦:୧୭; ଲୁକ୍ ୧୩:୩୦ ☆ ୧୦:୩୮ ଲୁକ୍ ୧୨:୫୦ ☆ ୧୦:୪୨ ଲୁକ୍ ୨୨:୨୫, ୨୬ ☆ ୧୦:୪୩ ମାଡ଼ିଉ ୨୩:୧୧; ମାର୍ଚ୍ଚ ୯:୩୫; ଲୁକ୍ ୨୨:୨୭

୪୫ କାଈକେ ବଇଲେ ପର୍ଯ୍ୟେସର୍ତ୍ତାନେଅନି ଆସିରଇବା ନର୍ପିଲା ମୁଇ, ବିନ୍ ଲକ୍ମନର୍ତ୍ତାନେଅନି ମକେ ସେବା ମିଲ ବଲି ଆସି ନାଇ, ମାତର୍ ସେବା କର୍ବାକେ ଆସି ଆଟି । ଆରି ମୁଇ ଜିବନ୍ ଦେବାର୍ ଲାଗି, ବେସି ଲକ୍ ଦସି ବଲି ଏଜାଇ ନ ଅଇ, ପାପେଅନି ରକିଆ ପାଇବାଇ ।”

ଜିସୁ ବାର୍ତ୍ତିମୟ କାଣାକେ ନିକ କଲା
(ମାତିଉ ୨୦:୨୯-୩୪; ଲୁକ୍ ୧୮:୩୫-୪୩)

୪୬ ତାର୍ପତେ ଜିସୁ ଆରି ତାର୍ ସିସ୍ତମନ୍ ଜିରିଅ ନାଉର୍ ଗଡେ କେଟ୍ଲାଇ । ସେ ଗଡ଼ ଚାଡ଼ିକରି ଗାଲାବେଲେ, ତିମାୟ ନାଉର୍ ଲକ୍ ପିଲା ବାର୍ତ୍ତିମୟ ବଲି ଗଟେକ୍ କାଣା ଲକ୍ ବାଟ୍ପାଲି ବସି ବିକ୍ ମାଙ୍ଗ୍ତେରଇଲା ।

୪୭ ନାଜରିତର୍ ଜିସୁ ଏବାଟେ ଆଇଲାନି ବଲି ସୁନି, ସେ ବେସି ଆଉଲି ଅଇକରି କଇଲା, “ଏ ଦାଉଦର୍ ପଅ ଜିସୁ, ମକେ ଦୟାକରା !”

୪୮ ବେସି ଲକ୍ମନ ତାକେ ଚିମ୍ପରାଇଅଇ ରଇବାକେ କଇଲା, ମାତର୍ ସେ କାଣାଲକ୍ ଅଦିକ୍ ଅଦିକ୍ ଆଉଲିଅଇକରି କଇଲା, “ଏ ଦାଉଦର୍ ପଅ ! ମକେ ଦୟା କରା ।”

୪୯ ଜିସୁ ତେବିକରି କଇଲା, “ତାକେ ମର୍ ଲଗେ ଆଇବାକେ କୁଆ ।” ଲକ୍ମନ କାଣାକେ ଡାକିକରି କଇଲା, “ସାଆସ୍ ଦାରିକରି ଉଟ୍, ଜିସୁ ତକେ ଡାକ୍ଲାନି ।”

୫୦ କାଣା ଲକ୍ ତାର୍ ଚାଦର୍ ତେଇ ପିଙ୍ଗିଦେଇକରି ଚିକାଲ୍ନା ତେଗଇ ଉଟ୍ଲା ଆରି ଜିସୁର୍ ଲଗେ ଗାଲା ।

୫୧ ଜିସୁ ତାକେ ପାଚାରଲା “ମୁଇ ତରପାଇ କାଇଟା କର୍ବି ବଲି ତୁଇ ମନ୍ କଲୁସ୍ନି ?” ସେ କଇଲା, “ଏ ଗୁରୁ, ମୁଇ ଜେଡ୍ଡିକି ଦେକି ପାର୍ବି ସେଟା ମନ୍ କଲିନି ।”

୫୨ ଜିସୁ ତାକେ କଇଲା, “ଜା, ତୁଇ ନିମାନ୍ ଅଇଜାଇ ଆରୁସ୍ । କାଈକେବଇଲେ ତୁଇ ମକେ ବିସ୍ବାସ୍ କରି ଆଁକି ଦେକି ପାର୍ଲୁସ୍ନି ।” ସେଦାପ୍ରେସେ କାଣା ଆଁକି ଦେକି ବାଟେ ବାଟେ ଜିସୁର୍ ପତେ ଜିବାର୍ ଦାରଲା ।

୧୧

ଜିସୁ ଡାକ୍ପୁଟାଅଇ ଜିରୁସାଲାମ୍ କେଟ୍ଲା
(ମାତିଉ ୨୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

୧ ଜିସୁ ଆରି ତାର୍ ସିସ୍ତମନ୍ ଜିରୁସାଲାମ୍ ଲଗାଲଗି ଅଇକରି ଜିଡ଼ ନାଉର୍ ଡଙ୍ଗର୍ଲଗେ ରଇଲା ବେଡ଼ପାଗି ଆରି ବେଡ଼ନିଆ ନାଉର୍ ଗାଏଁ କେଟ୍ଲାଇ । ଜିସୁ ସିସ୍ତମନ୍ ବିଡ଼ରେଅନି ଦୁଇଲକ୍କେ ଡାକିକରି ସେମନ୍କେ କଇଲା,

୨ ତମେ ଆମର୍ ମୁଆଟେ ରଇଲା ଗାଏଁ ଜା । ତମେ ଗାଉଁ ବିଡ଼ରେ ଜିବାବେଲେ, ଗଟେକ୍ ଗଦ ପିଲା ବାନ୍ଦିରଇଲାଟା ଦେକ୍ସା । ସେ ଗଦ ପିଲାର୍ ଉପ୍ରେ ଏବେଜାକ କେ ମିସା ଚଗଡ଼ ନାଇ । ତାକେ ମେଲିକରି ମର୍ଲଗେ ଦାରିଆସା ।

୩ ଜଦି କେ ତମ୍କେ କାଈକେ ମେଲିକରି ନେଲାସ୍ନି ? ବଲି ପାଚାରଲେ, ମାପ୍ପୁକେ ଦର୍କାର୍ ଆଟେ ଆରି ସେ ତମ୍କେ ଦାପ୍ରେସେ ବାଉଡାଇଦେଇସି । ବଲି ସେମନ୍ ଜିବା ଆଗ୍ଡୁ ସେମନ୍କେ ପାଟାଇଦେଲା ।

୪ ସେ ଗାଏଁ ଗାଲାଇ ଜେ ଗଟେକ୍ ଗରର୍ ଡାଣ୍ଡୁର୍ ତିଆଗଡିଲଗେ ଗଦ ପିଲା ବାନ୍ଦିଅଇ ରଇଲାଟା ଦେକିକରି ତାକେ ଜାଇ ମେଲ୍ଲାଇ ।

୫ ତେଇ ଚିଆଅଇରଇଲା କେତେଲକ୍ମନ୍ କଇଲା, “ତମେ କାଇଟା କଲାସ୍ନି ? ଆରି କାଈକେ ଏ ଗଦ ପିଲାକେ ମେଲ୍ଲାସ୍ନି ?”

୬ ସେମନ୍କେ ଜିସୁ ଜେଡ୍ଡି କଇବାକେ କଇରଇଲା, ସେନ୍ତାରିସେ ସିସ୍ତମନ୍ ଲକ୍ମନକେ କଇଲା । ତାର୍ପତେ ସେ ଲକ୍ମନ୍ “ଗଦ ପିଲାକେ ନିଆ ।” ବଲି କଇଲା ।

୭ ସେମନ୍ ଗଦ ପିଲାକେ ଜିସୁର୍ ଲଗେ ଆନ୍ଲାଇ ଆରି ନିଜର୍ ନିଜର୍ ପଟିଆମନ୍ ଗଦ ପିଲାର୍ ପିଟି ଉପ୍ରେ ପାକାଇଲା । ଆରି ଜିସୁ ଗଦ ଉପ୍ରେ ବସ୍ଲା ।

୮ ବେସି ଲକ୍ମନ୍ ଜିସୁକେ ସନ୍ମାନ୍ ଦେବାକେ ନିଜର୍ ନିଜର୍ ପଟିଆମନ୍ ବାଟେ ଅଟାଇଦେଲା ଆରି ବିନ୍ଲକ୍ମନ୍ ଗଟର୍ ଡାଲ୍ପତର୍ ଆରି କେନ୍ଦାମନ୍ କାଟିଆନିକରି ବାଟେ ଅଟାଇଦେଲା ।

୯ ଜିସୁର୍ ଆଗ୍ଡୁବାଟେ ଆରି ପର୍ବାଟେ ଜିବା ଲକ୍ମନ୍ ବେସି ଆଉଲିଅଇ ଏନ୍ତି କଇତେରଇଲା, “ଅସାନା, ପର୍ଯ୍ୟେସର୍ତ୍ତକେ ଡାକ୍ପୁଟା କରା । ପର୍ଯ୍ୟେସର୍ ତାକେ ଆସିର୍ବାଦ୍ କଲାଆଟେ ।

୧୦ ଆମର୍ ଆନିଦାଦି ଦାଉଦ୍ ରାଜାର୍ ରାଇଜ୍ ଆଇଲାନି, ତାର୍ ରାଇଜ୍ ପର୍ଯ୍ୟେସର୍ ଆସିର୍ବାଦ୍ କର । ସର୍ଗେ ରଇବା ବାବା ପର୍ଯ୍ୟେସର୍ ସନ୍ମାନ୍ ପାଇଲାପାରା କାତା କୁଆ” ବଲି କଇଲା ।

୧୧ ତାର୍ପତେ ଜିସୁ ଜିରୁସାଲାମ୍ ଆସିକରି ପର୍ଯ୍ୟେସର୍ ଗର୍ ବିଡ଼ରେ ପୁରଲା । ଆରି ଚାରିବେଡ଼ି ରଇଲା ସବୁ ଜିନିସ୍ତମନ୍ ନିମାନ୍ କରି ଦେକ୍ଲା । ସେ ବେଲା ବେସି ଅଲ୍ସମ୍ ଅଇଗାଲାଜେ, ସେ ବାର୍ଟା ସିସ୍ତମନ୍ ସଙ୍ଗ୍ ବେଡ଼ନିଆ ନାଉର୍ ଗାଏଁ ଉଟିଜାଇକରି ତେଇ ରଇଲା ।

ଜିସୁ ତୁମ୍ଭରି ଗର୍ବକେ ସାଇପ୍‌ଦେଲା
(ମାତିଉ ୨୧:୧୮-୧୯)

^{୧୭} ତାର୍ ଆର୍କର୍ ଦିନେ ଜିସୁ ଆରି ତାର୍ ସିସ୍‌ମନ୍ ବେଡ୍‌ନିଆଇଅନି ଜିରୁସାଲାମ୍ ଆଇବାବେଲେ ଜିସୁକେ ବେସି ବୁକ୍ କଲା ।

^{୧୮} ଜିସୁ ଦୁରିକେ ଅନି ବେସି ପତର୍ ରଇବା ଗଟେକ୍ ତୁମ୍ଭରିଗର୍ ଦେକ୍‌ଲା । ଆରି ସେ ଗଟେ କେତେଟା ପଲ୍ ଦାରିରଇସି ବଲି ବାବିକରି ଗର୍ବୁଦେ ଗାଲା । ମାତର୍ ଗର୍ଲଗେ ଜାଇକରି ଦେକ୍‌ଲାଜେ, ଗଟେକ୍ ମିସା ପଲ୍ ମିଲେ ନାଇ । କାଇକେବଇଲେ, ସେଟା ତୁମ୍ଭରିପଲ୍ ଦାର୍‌ବା ଦିନ୍ ନ ରଇଲା ।

^{୧୯} ଜିସୁ ଗର୍ବକେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ ।” ସେ କାତା ତାର୍ ସିସ୍‌ମନ୍ ସୁନ୍‌ଲାଲ ।

ଜିସୁ ଜିରୁସାଲାମର୍ ପାର୍‌ତନା ଗର୍ ପରିଚଲ୍ କଲା
(ମାତିଉ ୨୧:୧୨-୧୭; ଲୁକ୍ ୧୯:୩୯-୪୮; ଜଅନ୍ ୨:୧୩-୨୨)

^{୧୫} ତାର୍‌ପଟେ ଜିସୁ ଜିରୁସାଲାମର୍ ଗଡେ ଜାଇ, ମନ୍ଦିରେ ପୁରିକରି ତେଇ ଗେନାବିକା କର୍‌ବା ଲକ୍‌ମନ୍‌କେ ଡାଣ୍ଡେ ବାର୍‌କରାଇଦେଲା । ବିନ୍ ଦେସର୍ ତାରୁ ବାଦ୍‌ଲାଇବା ଲକ୍‌ମନ୍‌ର୍ ଟେବୁଲ୍ ଆରି ବିରୁ କର୍‌ବା ପରୁଆ ବିକ୍‌ବା ଲକ୍‌ମନ୍‌ର୍ ବସ୍‌ବା ପିତା ପାସ୍‌ଲାଲ ପାକାଇଲା ।

^{୧୬} ମନ୍ଦିରର୍ ଡାଣ୍ଡେ ଗେନା ବିକା କର୍‌ବାକେ ସେ କାକେମିସା ଦେଏ ନାଇ ।

^{୧୭} ତାର୍ ପଟେ ସେ ଲକ୍‌ମନ୍‌କେ ସିକାଇଦେବାବେଲେ ଏକ୍ତି କଇଲା, “ମର୍ ମନ୍ଦିର୍ ସବୁ ଜାତିର୍ ଲକ୍‌ମନ୍‌ର୍ ପାର୍‌ତନା ଗର୍ ବଲି ନାମ୍‌ବାଇ ବଲି ପର୍‌ମେସରର୍ ବଇଟାନେ ଲେକା ଅଇଆଟେ, ମାତର୍ ତମେ ସେ ଗର୍ ଚର୍‌ମନ୍‌ର୍ ପାଆର୍ କରିଆଟାସ୍ ।”

^{୧୮} ତେଇ ମୁକିଅ ପୁଜାରିମନ୍ ଆରି ନିୟ୍‌ମ୍ ସିକାଉମନ୍ ଏ କାତା ସୁନି, ଜିସୁକେ କେକ୍ତି ମରାଇବାର୍ ଅଇସି ବଲି ଚେସଟା କର୍‌ତେରଇଲାଲ । ମାତର୍ ଲକ୍‌ମନ୍‌କେ ଡର୍‌ତେରଇଲାଲ । କାଇକେବଇଲେ ଲକ୍‌ମନ୍‌ ସେ ସିକାଇଦେବା ବିସଇ କାବା ଅଇକରି ବେସି ମନ୍ କରି ସୁନ୍‌ତେରଇଲାଲ ।

^{୧୯} ଆରି ସେଦିନର୍ ସଞ୍ଜ୍ ଅଇଲାକେ ଜିସୁ ଆରି ତାର୍ ସିସ୍‌ମନ୍ ଜିରୁସାଲାମ୍ ନଅରେଅନି ବାରଇକରି ଉଟିଗାଲାଲ ।

ତୁମ୍ଭରି ଗର୍‌ତେଇ ଅନି ସିକିଆ
(ମାତିଉ ୨୧:୨୧-୨୨)

^{୨୦} ତାର୍ ଆର୍କର୍ ଦିନର୍ ସାକାଲେ ବାଉଡି ଆଇବାବେଲେ, ଏଦେ ଦେକା ! ସେ ତୁମ୍ଭରିଗର୍ ବୁଦେଅନି ଟିପେଜାକ ସୁକି ଜାଇରଇଲାଟା ଦେକ୍‌ଲାଲ ।

^{୨୧} ସେବେଲା ଜିସୁ ଆଗ୍‌ତୁ କଇରଇଲା କାତା ପିତର୍ ଏତାଇକରି ତାକେ କଇଲା, “ଏ ଗୁରୁ ଜନ୍ ତୁମ୍ଭରି ଗର୍‌କେ ତମେ ସାଇପ୍ ଦେଇରଇଲାସ୍, ସେ ଗର୍ ସୁକିଗାଲା ଆଟେ ।”

^{୨୨} ଜିସୁ ସେମନ୍‌କେ କଇଲା, “ତମେ ପର୍‌ମେସରର୍ ତେଇ ବିସ୍‌ବାସ୍ କରିରୁଆ ।

^{୨୩} *ମୁଇ ତମ୍‌କେ ସର୍ କାତା କଇଲିନି, ଜେ ନିଜର୍ ମନେ ଅଇସି କି ନଏ ବଲିକରି ଏନେ ତେନେ ନ ଅଇ, ସେ କଇବା କାତାଇ ବିସ୍‌ବାସ୍ କରି, ‘ଏ ଡଙ୍ଗର୍ ଉଲ୍‌ଟିକରି ସମ୍‌ଦୁରେ ଜାଇ ଅଦର୍ ।’ ବଲି କଇଲେ ସେଟା ସେନ୍ତାରି ଅଇସି ।

^{୨୪} ସେଟାପାଇ ମୁଇ ତମ୍‌କେ କଇଲିନି, ତମେ ପାର୍‌ତନାଇ ଜନ୍‌ଟା ମିଲ୍‌ସି ବଲି ବିସ୍‌ବାସ୍ କରି ମାଙ୍ଗ୍‌ଲେ, ସେଟା ତମ୍‌କେ ମିଲ୍‌ସି ।

^{୨୫} *ମାତର୍ ତମେ ପାର୍‌ତନା କର୍‌ବା ବେଲେ ତମର୍ ମନେ କାର୍ ବିରଦେ ମିସା କାଇ କାତା ରଇଲେ, ତାକେ କେମା ଦିଆସ୍ । ଏକ୍ତି କଲେ ତମର୍ ସରଗର୍ ବାବା ମିସା ତମ୍‌କେ ତମର୍ ପାପେଅନି କେମା ଦେଇସି ।

^{୨୬} ମାତର୍ ତମେ କେମା ନ କଲେ, ତମର୍ ସରଗର୍ ବାବା ମିସା ତମ୍‌କେ କେମା ନ ଦେଏ ।” *

ଜିସୁର୍ ଅଦିକାର୍ ବିସଇନେଇ ପର୍‌ସନ୍
(ମାତିଉ ୨୧:୨୩-୨୭; ଲୁକ୍ ୨୦:୧-୮)

^{୨୭} ସେମନ୍ ଆରିତରେକ୍ ଜିରୁସାଲାମେ ଆଇଲାଲ । ଜିସୁ ମନ୍ଦିରର୍ ଦୁଆରେ ବୁଲ୍‌ବାବେଲେ ମୁକିଅ ପୁଜାରିମନ୍, ନିୟ୍‌ମ୍ ସିକାଉମନ୍ ଆରି ପାର୍‌ତିନ୍‌ମନ୍ ତାର୍ ଲଗେ ଆସି ପାଟାର୍‌ଲାଲ,

^{୨୮} “ତୁଇ କାଇ ଅଦିକାରେ ଏ ସବୁ କାମ୍‌ମନ୍ କଲୁସ୍‌ନି ? ଆରି ଏ ସବୁ କାମ୍‌ମନ୍ କର୍‌ବାକେ ତକେ କେ ଅଦିକାର୍ ଦେଲାଆଟେ ?”

^{୨୯} ମାତର୍ ଜିସୁ ସେମନ୍‌କେ କଇଲା, “ମୁଇ ମିସା ତମ୍‌କେ ଏକାଇ ଗଟେକ୍ ସେ ପର୍‌ସନ୍ ପାଟାର୍‌ବି, ସେ ପର୍‌ସନ୍‌ର୍ ଉତର୍ ତମେ କଇଲେ, ମୁଇ ଏ ସବୁ କାମ୍ କନ୍ ଅଦିକାରେ କଲିନି, ସେଟା ତମ୍‌କେ କଇବି ।

^{୩୦} ଜଅନ୍ ତୁବନ୍ ଦେବା ଅଦିକାର୍ ସରଗର୍ ପର୍‌ମେସରର୍‌ଟାନେଅନି ଆସିରଇଲା କି ଲକ୍‌ମନ୍‌ର୍ ଟାନେଅନି ଆସିରଇଲା ? ଏଟା ମକେ କୁଆ ।” ବଲି କଇଲା ।

* ୧୧:୨୩ ମାତିଉ ୧୭:୨୦; ୧୮ କରନ୍ତିୟ ୧୩:୨ * ୧୧:୨୫ ମାତିଉ ୬:୧୪, ୧୫ * ୧୧:୨୬ କେତକ୍ ପୁରନା ଲେକାଇ ଏ ପଦ୍ ନାଇ

୩୧ ତେଜ ସେମନ୍ ନିଜର ନିଜର ବିତ୍ତରେ କୁଆବଲା ଅଇଲା, “ଆମେ ଜଦି ସରଗର ପର୍ଯ୍ୟେସରର ଟାନେଅନି ବଲି କଇରୁ ବଇଲେ, ସେନ୍ତାର ଆଲେ ତମେ ଜଅନ୍ ଜନ୍ଟା କଇଲା ସେଟା କାଇକେ ବିସ୍ବାସ କରାସ୍ ନାଇ ? ବଲିକରି ଜିସୁ ଆମକେ କଇସି ।

୩୨ ମାତର ଲକ୍ମନଟାନେଅନି ବଲି କଇବାକେ ଆମ୍ବକେ ଡର ଲାଗୁଲାନି । କାଇକେ ବଇଲେ ଜଅନ୍ ଗଟେକ୍ ବସିସତ୍ତବକ୍ତା ବଲି ସେମନ୍ ସବୁଲକ୍ ବିସ୍ବାସ କଲାଜନି ।”

୩୩ ସେଟାରପାଇ ସେମନ୍ ଆମେ ନାଜାନୁ । ବଲି ଜିସୁକେ କଇଲା । ତାରପତେ ଜିସୁ ସେମନ୍କେ କଇଲା, “ଏନ୍ତି ବଇଲେ ମୁଇ ମିସା କନ୍ ଅଦିକାରେ ଏସବୁ କାମ୍ କଲିନି, ସେଟା ତମ୍ବକେ ନ କଇ ।”

୧୨

ଅଙ୍ଗୁର ଚାସ୍ ଆରି ଆଦିବାଗ୍ କରବା ଚାସିମନ୍ (ମାତିଉ ୨୧:୩୩-୪୬; ଲୁକ୍ ୨୦:୯-୧୯)

୧ ତାରପତେ ଜିସୁ ଲକ୍ମନକେ ବୁଜାଇବାକେ କେତେଟା କାତାନି କଇବାର୍ ଦାରଲା । ପରୁତୁମ୍ କାତାନି ଅଇଲାନି, ଗଟେକ୍ ଲକ୍ ଗଟେକ୍ ଅଙ୍ଗୁରବାଡ୍ ତିଆରକରି, ତାର ଚାରିବେଡ୍ଡି ବାଡ୍ ବୁନ୍ଲା, ଆରି ଅଙ୍ଗୁର ପିଲ୍ବାକେ ଗଟେକ୍ କୁଣ୍ଡ ତିଆରକଲା । ବାଡ୍ ଜାଗ୍ବାକେ ଗଟେକ୍ ଚାଙ୍ଗ୍ ତିଆରକଲା । ଚାସ୍ କରବା ଲକ୍ମନକେ ବାଡ୍ ଆଦିବାଗ୍ କରବାକେ ଦେଇକରି, ସେ ଗଟେକ୍ ବିନ୍ ଦେସେ ଉଟିଗଲା ।

୨ ତାରପତେ ଅଙ୍ଗୁର ତଲ୍ବା ବେଲା ଆଇଲାକେ, ସାଉକାର୍ ତାର ଗଟେକ୍ ଗତିଦାଙ୍ଗ୍ଡାକେ ଅଙ୍ଗୁରପଲର୍ ବାଗ୍ ବାଟା ପାଇବାକେ ଚାସିମନ୍ଲଗେ ପାଟାଇଲା ।

୩ ମାତର ଚାସି ଲକ୍ମନ, ସାଉକାର୍ ପାଟାଇଲା ଗତିଦାଙ୍ଗ୍ଡାକେ ଦାରିକରି ମାରିପାକାଇଲା ଆରି କାଇଟା ନ ଦେଇ ବୁଟା ଆଡେ ପାଟାଇଦେଲା ।

୪ ସାଉକାର୍ ତାର ଆରିଗଟେକ୍ ଗତି ଦାଙ୍ଗ୍ଡାକେ ଚାସିମନ୍ଲଗେ ପାଟାଇଲା । ଚାସି ଲକ୍ମନ ସେ ଗତିଦାଙ୍ଗ୍ଡାକେ ମିସା ମୁଣ୍ଡ ପୁଟ୍ତେ ମାରୁଲା ଆରି ଇଜଡ୍ ଜିକ୍ଲା ।

୫ ସାଉକାର୍ ଆରି ଗଟେକ୍ ଗତିଦାଙ୍ଗ୍ଡାକେ ପାଟାଇଲା ଜେ, ଚାସିଲକ୍ମନ ତାକେ ମରତେ ମାରିଦେଲା । ତାରପତେ ସାଉକାର୍ ଆରି ଗାଦି ଗତିଦାଙ୍ଗ୍ଡାମନ୍କେ ପାଟାଇଲା ଜେ କେତେଟା ଗତିଦାଙ୍ଗ୍ଡାମନ୍କେ ମାରୁଲା ଆରି କେତେଟାକେ ମରତେ ମାରିପାକାଇଲା ।

୬ ଏବେ ସାଉକାର୍ ଲଗେ ଗଟେକ୍ ଲକ୍ସେ ରଇଲା, ତାର ନିଜର ଆଲାଦର୍ ପିଲା । ମର୍ ପିଲାକେ ଚାସିଲକ୍ମନ ନାମବାଇ ଆକା ଆରି ମର୍ ବାଗ୍ ପାଟାଇଦେବାଇ । ବଲି ବାବିକରି ସେ ସାରାସାରି ତାର ପିଲାକେ ଚାସିମନ୍ଲଗେ ପାଟାଇଲା ।

୭ ମାତର ଚାସିମନ୍ ନିଜର ନିଜର ବିତ୍ତରେ କାତା ଅଇଲା, “ଏ ଲକ୍ ତା ଆମର୍ ସାଉକାର୍ ଗଟେକ୍ ବଲି ପିଲା, ଆସା ଆମେ ଆକେ ମରତେ ମାରୁଲେ ଏ ବାଡ୍ ଆମର୍ ଅଇଜାଇସି ।”

୮ ଆରି ଚାସିମନ୍ ସାଉକାର୍ ପିଲାକେ ଦାରିକରି ମରତେ ମାରି ଅଙ୍ଗୁର ବାଡ୍ ସେପାଟେ ପିଙ୍ଗିଦେଲା ।

୯ ଏ କାତାନି କଇସାରାଇଲା ପତେ, ଜିସୁ ସେମନ୍କେ ପାଟାରୁଲା, “ଏନ୍ତି ବଇଲେ ଅଙ୍ଗୁର ବାଡ୍ ସାଉକାର୍ କାଇଟା କରସି ? ସେ ଆସିକରି ଚାସିମନ୍କେ ମରତେ ମାରସି । ଆରି ଅଙ୍ଗୁର ବାଡ୍ ବିନ୍ ଲକ୍ମନକେ ଆଦିବାଗ୍ କରବାକେ ଦେଇସି ।

୧୦ “ଗର୍ ବାନ୍ଦ୍ବା ଲକ୍ମନ ଜନ୍ ପାକ୍ନା ନଏଁ ବଲି ଚାଡ୍ଲାଇ,
ସେ ପାକ୍ନା ମୁକିଆ ପାକ୍ନା ଅଇଲା ବଲିକରି
ତମେ ପର୍ଯ୍ୟେସରର ବଇତେଇ ପଡାସ୍ ନାଇ କି ?”

୧୧ ଏ ବିସଇ ମାପୁରୁ କରିଆଟେ,
ଏଟା ଆମର୍ ପାଇ କାବାଅଇଜିବା ବିସଇ ।

୧୨ ତେଜ ଜିଉଦି ଲକ୍ମନ୍ ମୁକିଅ ପୁଜାରିମନ୍ ଜିସୁକେ ବାନ୍ଦିନେବାକେ ବାଟ୍ କଇଲା । କାଇକେବଇଲେ ଜିସୁ ଆମର୍ ବିରଦେ ଏ କାତାନି କଇଲାଜନି ବଲିକରି ସେମନ୍ ଜାନିରଇଲା । ମାତର ଲକ୍ମନ୍ ଆମ୍ବକେ କାଇ କାଇଟା କରବାଇ । ବଲିକରି ଡରି, ତାକେ ଚାଡିକରି ଉଟିଗଲା ।

ସିସ୍ତୁମାଙ୍ଗୁମନ୍ ବାନ୍ଦ୍ବା ବିସଇ ନେଇ ସିକିଆ (ମାତିଉ ୨୨:୧୫-୨୨; ଲୁକ୍ ୨୦:୨୦-୨୬)

୧୩ ତାରପତେ ଜିସୁକେ ତାର କାତାଇ ବୁଲ୍ ଦାରବାକେ ଜିଉଦି ନେତାମନ୍ କେତେଟା ପାରୁସି ଦଲର୍ ଲକ୍ମନକେ ଆରି ଏରଦ୍ ରାଜାର୍ କେତେଟା ଲକ୍ମନକେ ତାର ଲଗେ ପାଟାଇଲା ।

୧୪ ସେମନ୍ ଜିସୁର ଲଗେ ଆସିକରି, “ଏ ଗୁରୁ ତମେ ସତ୍ କାତା କଇଲାସ୍ନି ଆରି କାକେ ମିସା ନ ଡରାସ୍, ସବୁ ଲକ୍ମନକେ ସମାନ୍ ଇସାବେ ଦେକ୍ଲାସ୍ନି ବଲି ଆମେ ଜାନିଆରୁ । କାଇକେବଇଲେ ତମେ ଲକ୍ମନର୍ ଇସାବେ ନାଇ, ମାତର୍ ସତ୍ ବାବେ ସିକାଇଲାସ୍ନି । ଏବେ ଆମ୍ଭକେ କୁଆ, ରମିଅ ରାଜାକେ ସିସ୍ତୁ ଦେବାଟା ନିୟମ୍ କି ନାଇ ?”

୧୫ “ଆମେ ସିସ୍ତୁ ବାନ୍ଦୁ କି ନାଇ ?” ଜିସୁ ସେମନ୍‌ର ମନ୍‌ବିଡ଼ରର୍ କୁଟ୍ କାତା ବୁଜିକରି ସେମନ୍‌କେ କଇଲା, “କାଇକେ ତମେ ମକେ ପାନ୍ଦେ ପାକାଇବାକେ ଚେସ୍ଟା କଲାସ୍ନି ? ରମିୟ ସରକାରର୍ ଗଟେକ୍ ଅଦ୍ଲି ତାରୁ ମର୍ ଲଗେ ଆନା, ମୁଇ ସେଟା ଦେକ୍‌ବି ।”

୧୬ ସେମନ୍ ଗଟେକ୍ ଅଦ୍ଲି ତାରୁ ଆନଲାକେ ଜିସୁ ପାଚାରୁଲା, “ଏ ତାରୁ ଉପ୍ରେ କାର୍ ମୁର୍ତି ଆରି ନାଉଁ ଲେକା ଅଇଆତେ ?” ସେମନ୍ କଇଲା, “ରମିୟ ରାଜାର୍ ମୁର୍ତି ଆରି ତାର୍ ନାଉଁ ଲେକା ଅଇଲାଆତେ ।”

୧୭ ଜିସୁ କଇଲା, “ଏନ୍ତି ବଇଲେ ଜନ୍‌ଟା ରମିୟ ରାଜାର୍, ସେଟା ରମିୟ ରାଜାକେ ଆରି ଜନ୍‌ଟା ପର୍ମେସରର୍, ସେଟା ପର୍ମେସରକେ ଦିଆସ୍ ।” ଏ କାତା ସୁନିକରି ସେମନ୍ କାବା ଅଇଗାଲାଇ ।

ମଲାଟାନେଅନି ଉଟ୍‌ବା ବିସଇ
(ମାତିଉ ୨୨:୨୩-୩୩; ଲୁକ୍ ୨୦:୨୭-୪୦)

୧୮ *ତାର୍‌ପଟେ ମଲାଟାନେଅନି ଉଟ୍‌ବା ବିସଇ, ବିସ୍‌ବାସ୍ ନ କର୍‌ବା ସାଦୁକି ଦଲର୍ ଲକ୍ମନ୍ ଜିସୁର ଲଗେ ଆସିକରି ଏ ପର୍‌ସନ୍ ପାଚାରୁଲାଇ ।

୧୯ “ଏ ଗୁରୁ, ଜଦି ଗଟେକ୍ ଲକ୍ ବିବାଅଇକରି ପିଲାଜିଲା ନ ଅଇତେ ମରିଜାଇସି ବଇଲେ, ତାର୍ ବାଇ ସେ ମାଇଜିକେ ବିବାଅଇ ପିଲାଜିଲା ପାଇବାର୍ ଆତେ । ଏନ୍ତି କଲେ ମରିଗାଲା ବାଇର୍ ପାଇ ସେ ପିଲାଟକିମନ୍ ତାର୍ ନାଉଁ ଦାର୍‌ବାଇ ବଲି ମସା ଆମର୍‌ପାଇ ନିଅମ୍ ଲେକିଦେଲା ଆତେ ।

୨୦ ଏନ୍ତି ସାତ୍ ବାଇ ରଇଲାଇ, ସବୁର୍‌ଟାନେଅନି ବଡ୍ ବାଇ ବିବା ଅଇଲା । ମାତର୍ ପିଲାଟକି ନ ଅଇତେ ମରିଗାଲା ।

୨୧ ସେଟାର୍‌ପାଇ ତାର୍ ପଟର୍ ବାଇ ସେ ମାଇଜିକେ ସଙ୍ଗଇଲା । ସେ ମିସା ପିଲାଟକି ନଇତେ ମରିଗାଲା । ତାର୍‌ପଟର୍ ବାଇ ମିସା ବିବା ଅଇ ପିଲାଟକି ନଇତେ ମରିଗାଲା ।

୨୨ ସାତ୍‌ବାଇ ଜାକ ସେ ମାଇଜିକେ ଗଟେକ୍ ଲକ୍‌ର୍ ପଟେ ଗଟେକ୍ ଲକ୍ ବିବା ଅଇରଇଲାଇ । ସାରାସାରି ସାତ୍ ବାଇ ଜାକ ପିଲାଟକି ନ ଅଇତେ ମରିଗାଲାଇ । ତାର୍‌ପଟେ ସେ ମାଇଜି ମିସା ମରିଗାଲା ।

୨୩ ସାତ୍‌ବାଇ ଜାକ ତାକେ ବିବା ଅଇରଇଲାଇ, ତେବେ ମରିକରି ଉଟ୍‌ଲା ବେଲେ, ସେ କାର୍ ମାଇଜି ଅଇସି ? ସାତ୍‌ବାଇ ଜାକ ତାକେ ବିବା ଅଇରଇଲାଇ ।”

୨୪ ଜିସୁ ସେମନ୍‌କେ କଇଲା, “ଦରମ୍ ସାସ୍‌ତରେ ପର୍‌ମେସରର୍ କାଇଟା ଲେକା ଅଇଲା ଆତେ ସେ ବିସଇ, ଆରି ତାର୍ ବପୁର୍ ବିସଇ ତମେ ନାଜାନି କରି ବୁଲ୍ ବାବ୍‌ଲାସ୍ନି ।

୨୫ ଜେତେବେଲେ ଲକ୍ମନ୍ ମରିକରି ଆରି ତରେକ୍ ଉଟ୍‌ବାଇ, ସେବେଲେ ମୁନ୍‌ସ୍‌ପିଲାମନ୍ ବିବା ନ ଅଅଡ୍, କି ମାଇଜି ଟକିମନ୍‌କେ ବିବା ଅଇବାକେ ନ ଦେଅଡ୍ । ସେମନ୍ ସବୁଲକ୍ ସରଗର୍ ଦୁଡ୍‌ପାରା ଅଇବାଇ ।

୨୬ ମଲାଟାନେଅନି ଉଟ୍‌ବା ବିସଇ ମସା ଲେକ୍‌ଲା ବଇଟାନେ ପତାସ୍ ନାଇ କି ? ପର୍‌ମେସର୍ ଜଇଲାଗ୍‌ବା ବୁଟାଇ ମସାକେ ଦେକାଇରଇଲାଜେ, ‘ମୁଇ ଅବ୍‌ରାଆମର୍, ଇସାକର୍ ଆରି ଜାକୁବର୍ ପର୍‌ମେସର୍ ।’ ବଲି କଇଲାଟା, ଲେକା ଅଇଲାଆତେ । ମାତର୍ ଏ ଲକ୍ମନ୍ ସବୁ ମରିଗାଲାଇ ଆତଡ୍ ।

୨୭ ପର୍‌ମେସର୍ ମଲାଲକ୍ମନର୍ ମାପୁରୁ ନଏ । ସେ ଜିବନ୍ ରଇଲା ଲକ୍ମନର୍ ମାପୁରୁ । ଏ ବିସଇ ତମେ ବେସି ବୁଲ୍ ବୁଜ୍‌ଲାସ୍ନି ।” ବଲି କଇଲା ।

କନ୍ ଆଦେସ୍ ବେସି ମୁକିଅ
(ମାତିଉ ୨୨:୩୪-୪୦; ଲୁକ୍ ୧୦:୨୫-୨୮)

୨୮ ଜିସୁ ଆରି ସାଦୁକି ଦଲର୍ ଲକ୍ମନ୍ ଦଦା ପେଲା ଅଇବାବେଲେ ଗଟେକ୍ ନିୟମ୍ ସିକାଉ ତାର୍ ଲଗେ ଆଇଲା । ଜିସୁ ଲକ୍ମନର୍ ପର୍‌ସନର୍ ଉତର୍ ନିମାନ୍‌ସଙ୍ଗ୍ କଇବାଟା ସୁନିକରି, ତାକେ ପାଚାରୁଲା, “କନ୍ ଆଦେସ୍ ସବୁର୍‌ଟାନେଅନି ଅଦିକ୍ ମୁକିଅ ?”

୨୯ ଜିସୁ କଇଲା, “ସବୁର୍‌ଟାନେଅନି ପର୍‌ତୁମର୍ ମୁକିଅ ଆଦେସ୍ ଅଇଲାନି, ସୁନା ଏ ଇସ୍‌ରାଏଲର୍ ଲକ୍ମନ୍ ମାପୁରୁ ଆମର୍ ପର୍‌ମେସର୍ ଗଟେକ୍‌ସେ ମାପୁରୁ ।

୩୦ ତମେ ତମର୍ ପୁରାପୁରୁନ୍ ମନ୍ ସଙ୍ଗ୍, ପୁରାପୁରୁନ୍ ଆଡ୍‌ମା ସଙ୍ଗ୍, ପୁରାପୁରୁନ୍ ଚିତ୍ତାର୍ ସଙ୍ଗ୍ ଆରି ପୁରାପୁରୁନ୍ ବପୁସଙ୍ଗ୍ ତାକେ ଆଲାଦ୍ କର୍‌ବାର୍ ଆତେ ।

୩୧ ଆରି ପଟର୍ ମୁକିଅ ଆଦେସ୍ ଅଇଲାନି, ତମେ ନିଜକେ ଆଲାଦ୍ କଲାପାରା ପଡିସାର୍ ଲକ୍‌କେ ମିସା ଆଲାଦ୍ କରା । ଏ ଦୁଇଟା ଆଦେସ୍ ଚାଡିକରି ଆରି କାଇ ମିସା ମୁକିଅ ଆଦେସ୍ ନାଇ” ବଲି କଇଲା ।

* ୧୨:୧୮ ପେରିଡ୍ ୨୩:୮

୩୨ ଏ କାତା ସୁନି ସେ ଲକ୍ ଜିସୁକେ କଇଲା, “ଏ ଗୁରୁ, ପରମେସର୍ ଗଟେକ୍ ସେ, ତାକେ ଚାଡ଼ିଦେଲେ ଆରି କେ ମିସା ନାଇ । ଏ କାତା ତମେ ଟିକ୍ ବାବେ କଇଆଟାସ୍ ।

୩୩ ପରମେସର୍‌କେ ସବୁ ମନ୍‌ଦେଇକରି ସବୁ ଚିନ୍ତା ଦେଇକରି ଆରି ସବୁ ବସ୍ତୁ ଦେଇ ଆଲାଦ୍ କର୍‌ବାର୍ ଆତେ ଆରି ନିଜ୍‌କେ ଆଲାଦ୍ କଲା ପାରା ବିନ୍ ଲକ୍‌କେ ମିସା ଆଲାଦ୍ କର୍‌ବାର୍‌ଆତେ ବଲିକରି ତମେ କଇଲା କାତା ଟିକ୍ ସେ । ଆମେ ପରମେସର୍‌କେ ଜେତେକ୍ ଅମ୍ କଲେ ମିସା ଆରି ଜେତେକ୍ କାଇଟା ପୁଜ୍‌ଲେ ମିସା, ଏ ଦୁଇଟା ଆଦେସ୍ ବେସି ମୁକିଅ ।” ବଲି କଇଲା ।

୩୪ ☆ସେଲକ୍ ବେସି ବୁଦି ସଙ୍ଗ୍ ଉତର୍ ଦେଲା ଆତେ ବଲି ଜିସୁ ଦେକି, ତାକେ କଇଲା, “ତୁଇ ପରମେସର୍‌ର ରାଇଜେ ପୁରବା ଲଗେସେ ଆରୁସ୍ ।” ତାର୍‌ପତେ ଆରି କେ ମିସା ଜିସୁକେ ପରସନ୍ ପାଟାର୍‌ବାକେ ସାଆସ୍ କରି ନାପାର୍‌ଲାକ ।

ଜିସୁ ଦାଉଦର୍ ପିଲା

(ମାଡ଼ିଉ ୨୨:୪୧-୪୬; ଲୁକ୍ ୨୦:୪୧-୪୪)

୩୫ ଜିସୁ ଜିଉଦିମନ୍ ରୁଣ୍‌ବା ଗରର୍ ତାଣ୍ଟେ ସିକିଆ ଦେବାବେଲେ ଲକ୍‌ମନ୍‌କେ ପାଟାର୍‌ଲା, “ପରମେସର୍ ବାଟିକରି ପାଟାଇଲା ରାଜା ଦାଉଦର୍ ନାଡ଼ିଡ଼ି ବଲିକରି ନିୟମ୍ ସିକାଇଦେବା ଲକ୍‌ମନ୍ କେନ୍ତ୍ର କଇଲାକନି ?”

୩୬ ଦାଉଦ୍ ସୁକଲ୍ ଆଡ଼ମାଇ ଅନି ଏନ୍ତ୍ର କଇଲା,
ପରମେସର୍ ମର୍ ମାପୁରୁକେ କଇଲା,
“ମୁଇ ତର୍ ସତ୍‌ରୁମନ୍‌କେ ତର୍ ପାଦ୍ ତଲେ ନ ଆନ୍‌ବା ଜାକ
ତୁଇ ମର୍ ଉଜାଆଡ଼ବାଟେ ବସି ର ।”

୩୭ “ଜଦି ଦାଉଦ୍ ରାଜା ନିଜେ ମାପୁରୁବଲି କଇରଇଲା ବଇଲେ ପରମେସର୍ ବାଟିକରି ପାଟାଇରଇବା ମସିଅ କେନ୍ତ୍ର ଦାଉଦର୍ ପିଲା ଅଇସି ?” ତେଇ ରଇଲା ବେସି ଲକ୍‌ମନ୍ ସାର୍‌ଦା ସଙ୍ଗ୍ ଏ କାତା ସୁନ୍‌ଲାକ ।

ଜିସୁ ନିୟମ୍ ସିକାଇମନ୍‌କେ ଜାଗ୍‌ରଡ଼ କରାଇଲା

(ମାଡ଼ିଉ ୨୩:୩୬; ଲୁକ୍ ୨୦:୪୫-୪୭)

୩୮ ଜିସୁ ଆରି କେତେଟା ବିସଇ ସିକାଇଦେବା ବେଲେ କଇଲା, “ତମେ ନିୟମ୍ ସିକାଇଦେବା ଲକ୍‌ମନ୍‌ପାରା ଚଲାଚଲ୍‌ତି ନ ଅଇକରି ଜାଗ୍‌ରଡ଼ ସଙ୍ଗ୍ ରୁଆ । ସେମନ୍ ସନ୍‌ମାନ୍ ପାଇବାକେ ବେସି ତେଙ୍ଗ୍ ପଟିଆ ପିନ୍‌କରି ଏନେ ତେନେ ବୁଲ୍‌ବାଇ । ଆଟେ ବାଟେ ଲକ୍‌ମନ୍‌ରଟାନେଅନି ଜୁଆର୍ ପାଇକରି ସନ୍‌ମାନ୍ ପାଇବାକେ ମନ୍ କର୍‌ବାଇ ।

୩୯ ଜିଉଦିମନ୍‌ର ପାର୍‌ତନା ଗରେ ମୁକିଅ ଜାଗାଇ, ବଜିଟାନର୍ ମୁକିଅ ଜାଗାଇ ବସ୍‌ବାକେ ମନ୍ କର୍‌ବାଇ ।

୪୦ ଆରି ସେମନ୍ ରାଣ୍ଡି ମାଇଜିମନ୍‌କେ ନାଡ଼ାଇକରି ସେମନ୍‌ର ଦନ୍‌ସ୍‌ପତି ଜୁରି ନେବାଇ । ସେମନ୍ ନିମାନ୍ ଲକ୍ ବଲିକରି ଦେକାଇଅଇବାକେ ବେସି ପର୍ ପାର୍‌ତନା କର୍‌ବାଇ । ଏନ୍ତ୍ର ଲକ୍‌ମନ୍‌କେ ପରମେସର୍ ବିନ୍ ଲକ୍‌ମନ୍‌ରଟାନେଅନି ବେସି ବଡ଼ ଡଣ୍ଡ ଦେଇସି ।”

ଗଟେକ୍ ରାଣ୍ଡିମାଇଜିର୍ ଦାନ୍ ଦେବାଟା

(ଲୁକ୍ ୨୧:୧-୪)

୪୧ ଜିସୁ ମନ୍‌ଦିର୍ ବିଡ଼ରେ ଜାଇକରି ଚାନ୍ଦାଦେବା ପେଡ଼ିଲଗେ ବସିକରି ଲକ୍‌ମନ୍ ପରମେସର୍‌କେ କେନ୍ତ୍ର ଚାନ୍ଦା ଦେଲାକନି ବଲି ଦେକ୍‌ତେରଇଲା । ସାଉକାର୍ ଲକ୍‌ମନ୍ ଲଟେକ୍ ଲଟେକ୍ ତାରୁ ଦେବାଟା ଦେକ୍‌ଲା ।

୪୨ ସାରାସାରି ଗଟେକ୍ ଗରିବ୍ ରାଣ୍ଡି ମାଇଜି ଦାନ୍ ଦେବା ପେଡ଼ିଲଗେ ଆସିକରି ଦୁଇଟା ସାନ୍ ତାମା କାସୁ ପୁରାଇଦେଲା । ସେ ଦୁଇଟା ତାରୁର୍ ଦାମ୍ ଗଟେକ୍ ଟାଙ୍ଗାଇ ଅନି ମିସା ଉନା ।

୪୩ ତାର୍‌ପତେ ଜିସୁ ତାର୍ ସିସ୍‌ମନ୍‌କେ ଲଗେ ଡାକି କଇଲା, “ମୁଇ ତମ୍‌କେ ସତ୍ କାତା କଇଲିନି, ଏ ସବୁ ସାଉକାର୍ ଲକ୍‌ମନ୍ ଦେଲା ତାରୁତେଇଅନି, ଏ ଅର୍‌କିଡ଼ ରାଣ୍ଡି ମାଇଜି ଅଦିକ୍ ଦେଲାଆତେ ।

୪୪ କାଇକେବଇଲେ ସବୁ ଲକ୍‌ମନ୍ ସେମନ୍‌କେ ଦରକାର୍ ଅଇକରି ଅଗଲ୍‌ଲା ତାରୁ ଦେଲାଆତଡ଼ । ମାତର୍ ଏ ଗରିବ୍ ରାଣ୍ଡି ମାଇଜି, ସେ ବର୍‌ବାପାଇ ଜେଡ଼କି ତାରୁ ରଇଲା, ସେ ସବୁ ଦେଲାଆତେ” ବଲିକରି କଇଲା ।

୧୩

ପାର୍‌ତନା ଗର୍ ବାଙ୍ଗାଇବା ବିସଇନେଇ ଜିସୁ କଇଲା କାତା

(ମାଡ଼ିଉ ୨୪:୧-୨; ଲୁକ୍ ୨୧:୫-୬)

୧ ଜିସୁ, ଜିଉଦିମନ୍‌ର ପାର୍‌ତନା ଗରେଅନି ବାରଇକରି ଜିବାବେଲେ ତାର୍ ଗଟେକ୍ ସିସ୍ ତାକେ କଇଲା, “ଏ ଗୁରୁ ଏଦେ ଦେକା ! ବଡ଼ ବଡ଼ ପାକ୍‌ନାଇ ମନ୍‌ଦିର୍ କେତେକ୍ ସୁନ୍‌ଦର୍ ଅଇ ତିଆର୍ ଅଇଲାଆତେ !”

☆ ୧୨:୩୪ ଲୁକ୍ ୧୦:୨୫-୨୮

୨ ଜିସୁ ତାକେ କଇଲା, “ତୁଇ ଏ ବଡ଼ ବଡ଼ ପାକ୍‌ନାଇ ତିଆର୍ ଅଇଲା ପର୍‌ମେସରର୍ ଗର୍ ଦେକ୍‌ଲୁସ୍‌ନି ? ଏ ସବୁ ଗର୍ ନସ୍‌ଟ ଅଇଜାଇସି । ସବୁ ପାକ୍‌ନାମନ୍ ତୁଲିକରି ମାଟିତେଇ ଏନେତେନେ ଅଇଜାଇସି, ଗଟେକ୍ ପାକ୍‌ନା ଆରି ଗଟେକ୍ ପାକ୍‌ନାର୍ ଉପ୍‌ରେ ନ ରଏ ।”

ଜିସୁ ସାରାସାରି ଦିନେ ଗଟ୍‌ବା ବିସଇ କଇଲା
(ମାତିଉ ୨୪:୩-୧୪; ଲୁକ୍ ୨୧:୭-୧୯)

୩ ତାଉପତେ ଜିସୁ ପର୍‌ମେସରର୍ ଗରର୍ ମୁଆଟେ ରଇଲା ଜିଡ଼ ନାଉର୍ ଗଟ୍‌ମନ୍ ରଇବା ଡଙ୍ଗ୍‌ରେ ବସିରଇଲା । ସେବେଲା ପିତର୍, ଜାକୁବ୍, ଜଅନ୍ ଆରି ଆନ୍‌ରିୟ୍, କେ ନ ରଇଲାବେଲେ ତେଇ ଆସିକରି ତାକେ ପାଚାରୁଲାଇ ।

୪ “ଏ ସବୁ ଗଟ୍‌ନା କେବେ ଅଇସି ଆରି ସବୁ ଅଇବା ଚିନ୍‌ମନ୍ କାଇଟା, ଆମ୍‌କେ କଇଦେ ।” ବଲି କଇଲାଇ ।

୫ ଜିସୁ ସେମନ୍‌କେ କଇଲା, “ତମେ ଜାଗ୍‌ରଡ଼ ଅଇକରି ରୁଆ, ତମ୍‌କେ କେ ମିସା ନ ନାଡାଅଡ଼ ।

୬ କାଇକେବଇଲେ ବେସି ଲକ୍‌ମନ୍ ମର୍ ନାଉଁ ଦାରି, ସେମନ୍ କିରିସ୍‌ଟ ବଲି ବେସି ଲକ୍‌ମନ୍‌କେ ବୁଲ୍‌କାଇବାଇ ।

୭ ମାତର୍ ଜେତେବେଲେ ତମେ ଜୁଇଦର୍ ବିସଇ ନଇଲେ ଜୁଇଦ୍ ଇତି ଅଇସି ନଇଲେ ସିତି ଅଇସି ବଲିକରି ଲକ୍‌ମନ୍ କଇବାଟା ସୁନ୍‌ଲେ, କିଲ୍‌ବିଲ୍ ନ ଉଆ । ଏ ସବୁ ଗଟ୍‌ନା ଅଇସି, ମାତର୍ ସେଦାପ୍‌ରେ ଆକା ଜୁଗ୍ ସେସ୍ ନଏ ।

୮ କାଇକେବଇଲେ, ଗଟେକ୍ ଦେସର୍ ଲକ୍‌ମନ୍ ଆରି ଗଟେକ୍ ଦେସର୍ ଲକ୍‌ମନ୍‌ର୍ ବିରଦେ ଜୁଇଦ୍ କର୍‌ବାଇ । ଗଟେକ୍ ରାଇଜ୍ ଆରିଗଟେକ୍ ରାଇଜର୍ ବିରଦେ ଉଟ୍‌ବାଇ । ବେସି ଜାଗାଇ ଦର୍‌ତନି ବୁଲ୍‌ବୁଲ୍‌ସି, ଆରି ବେସି ଜାଗାଇ ମର୍‌ତି ଅଇସି । ଏସବୁ ଗଟ୍‌ନା ଗଟେକ୍ ପିଲା ଜନମ୍ ଅଇବା ଆଗ୍‌ତୁ ଆଇବା ଦୁକାସୁକା ପାରା ଅଇସି ।”

୯ “ଏନ୍ତି ସବୁ ଅଇବା ବେଲା ତମେ ଜାଗ୍‌ରଡ଼ ରୁଆ । ଲକ୍‌ମନ୍ ତମ୍‌କେ ବାନ୍ଦିକରି ବିଚାର୍ କର୍‌ବା ଲକ୍‌ମନ୍‌କେ ସର୍‌ପିଦେବାଇ । ସେମନ୍ ନିଆଇ କର୍‌ବା ଜାଗାଇ ତମ୍‌କେ ମାରିପାକାଇବାଇ । ତମେ ମର୍ ସିସ୍ ଅଇରଇବା ଲାଗି, ସାସନ୍ କର୍‌ବା ଲକ୍‌ମନ୍‌ରଟାନେ ଆରି ରାଜାମନ୍‌ର୍ ମୁଆଟେ ଟିଆ କରାଇବାଇ । ତମେ ମର୍‌ଟାନେ ବିସ୍‌ବାସ୍ କଲା ବିସଇ ତେଇ ସାକି ଦେଇସା ।

୧୦ ଏ ସବୁ ଗଟ୍‌ନା ଅଇଜିବା ଆଗ୍‌ତୁ, ସବୁ ଦେସର୍ ଲକ୍‌ମନ୍‌ର୍ ଲଗେ, ଏ ନିମାନ୍ କବର୍ କେଟ୍‌ବାର୍ ଆଟେ ।

୧୧ ସେମନ୍ ତମ୍‌କେ ବାନ୍ଦିକରି ବିଚାର୍ କର୍‌ବା ବେଲେ ତେଇ କାଇଟା କଇବୁ ବଲିକରି ଆଗ୍‌ତୁ ଚିନ୍ତା କରାନାଇ । ତମେ କାଇଟା କଇବାର୍ ଆଟେ, ସେ କାତା ପର୍‌ମେସର୍ ତମ୍‌କେ ସମାନ୍ ବେଲାଇ ଦେଇସି । କାଇକେବଇଲେ ସେ ବେଲାଇ ତମେ ନିଜେ ନ କୁଆସ୍ ମାତର୍ ସୁକଲ୍‌ଆଡ଼ମା ତମର୍‌ଟାନେଅନି କାତା କଇସି ।

୧୨ ବାଇ ବାଇକେ ମରାଇବାତେଇ ସର୍‌ପିଦେବାଇ ଆରି ବାବା ପିଲାକେ ମରାଇବାତେଇ ସର୍‌ପି ଦେବାଇ ଆରି ପିଲାଟକିମନ୍ ତାକର୍ ମାଆ ବାବା ବିରୁଦେ ଉଟିକରି ସେମନ୍‌କେ ମରାଇବାକେ ସର୍‌ପିଦେବାଇ ।

୧୩ “ତମେ ମର୍ ସିସ୍ ଅଇରଇଲାଟ୍ ଲାଗି ସବୁ ଲକ୍‌ମନ୍ ତମ୍‌କେ ଗିନ୍ କର୍‌ବାଇ । ମାତର୍ ଜେ ସାରାସାରି ଜାକ ମୁର୍‌ଟି କରି ରଇସି, ସେ ରକିଆପାଇସି ।”

ଜିସୁ ନାସ୍ କର୍‌ବା ଅସୁକଲ୍ ବିସଇ କଇଲା
(ମାତିଉ ୨୪:୧୫-୨୮; ଲୁକ୍ ୨୧:୨୦-୨୪)

୧୪ “ମାତର୍ ତମେ ଜେତେବେଲା କେ ମନ୍ ନ କର୍‌ବାଟା ଆରି ନାସ୍ ଅଇବା ଦିନ୍‌ସୁ ଜନ୍‌ଟାକି ସୁକଲ୍ ଜାଗାଇ ସଙ୍ଗାଇବାର୍ ନଏ, ସେ ଜାଗାଇ ସଙ୍ଗାଇବାଟା ଦେକ୍‌ଲେ, ତମେ ସେ ଜାଗାଇଅନି ପାଲାଇବାର୍ ଆଟେ । ଏ ବିସଇ ପଡ଼ବା ଲକ୍‌ମନ୍, ତମେ ଏ କାତା ବୁଜା । ସେବେଲେ ଜନ୍ ଲକ୍‌ମନ୍ ଜିଉଦା ରାଇଜେ ରଇବାଇ, ସେମନ୍ ଡଙ୍ଗ୍‌ରେ ପାଲାଅଡ଼ ।

୧୫ “ଜଦି କେ ଗରର୍ ଚାଉନି ଉପ୍‌ରେ ରଇସିବଇଲେ, ସେ ଗର୍ ବିଡ଼ରେ ତାର୍ କାଇମିସା ଦିନ୍‌ସୁ ଆନ୍‌ବି ବଲିକରି ନ ଜାଅ ।

୧୬ ଜଦି କେ ଚାସ୍ ରଇବା ପଦାଇ ରଇସି, ସେ ତାର୍ ଚାଦର୍ ଆନ୍‌ବାକେ ଗରେ ବାଉଡ଼ି ନ ଜାଅ ।

୧୭ ଗାଗଡେ ରଇଲା ମାଇଜିମନ୍‌ର୍‌ପାଇ ଆରି ଦୁଦ୍ କୁଆଇବା ମାଇଜିମନ୍‌ର୍ ପାଇ ସେବେଲେ ପାଲାଇବାକେ ବେସି କସ୍‌ଟ ଅଇସି ।

୧୮ ଏ ସବୁ ଗଟ୍‌ନା ସିଡ଼ ଦିନେ ନ ଅଇବାକେ ପାର୍‌ତନା କରା ।

୧୯ “କାଇକେବଇଲେ ପର୍‌ମେସର୍ ଏ ଦୁନିଆ ତିଆର୍‌କଲା ଦିନେଅନି ଆଜିକେ ଜାକ ସେନ୍ତାରି ଦୁକ୍ କସ୍‌ଟ ଅଏନାଇ ଆରି ପତେ କେବେମିସା ନ ଅଏ । ସେନ୍ତି ବେସି ଦୁକ୍ କସ୍‌ଟର୍ ଗଟ୍‌ନା ସେ ଦିନ୍‌ମନ୍‌କେ ଅଇସି ।

୨୦ ଜଦି ପର୍‌ମେସର୍ ଅପର୍‌ବଲ୍ ଦୁକର୍ ଦିନ୍‌ମନ୍ ଉନା ନ କରି ରଇଲେ, ତେବେ ଦୁନିଆର୍ କେ ମିସା ରକିଆ ନ ପାଇକରି ମରି ଜିବାର୍ ଅଇତା । ମାତର୍ ସେ ଜନ୍ ଲକ୍‌ମନ୍‌କେ ବାଟିଆଟେ ସେ ଲକ୍‌ମନ୍‌ର୍‌ପାଇ ସେ ଦୁକର୍ ଦିନ୍‌ମନ୍ ଉନା କଲାଆଟେ ।”

୨୧ ସେବେଲେ କେ ଜଦି ତମ୍‌କେ ଇତି କିରିସ୍‌ଟ ଆଟେ । ନଇଲେ ତେଇ ସେ ଆଟେ । ବଲି କଇସି, ତାକେ ବିସ୍‌ବାସ୍ କରା ନାଇ ।

☆ ୧୩:୯ ମାତିଉ ୧୦:୧୭-୨୦; ଲୁକ୍ ୧୨:୧୧,୧୨ ☆ ୧୩:୧୩ ମାତିଉ ୧୦:୨୨ ☆ ୧୩:୧୫ ଲୁକ୍ ୧୭:୩୧ ☆ ୧୩:୧୯ ପର୍‌କାସିତ ୭:୧୪

୨୨ ସେଦିନମାନଙ୍କେ ମୁଇଆକା କିରିସ୍ତ । ବଲିକରି ମିର୍ କଇବା ବବିସତ୍ କଇବାଲକ୍, ବିନ୍ ବିନ୍ ରକାମର୍ ଚିନ୍ ଆରି କାବା ଅଇଜିବା କାମ୍ମାନ ଦେକାଇବାଇ । ପର୍ମେସର୍ ବାଟ୍ଲା ଲକ୍ମନ୍ ତମ୍ମକେ ମିସା ନାଡାଇବାକେ ଚେସ୍ଟା କର୍ବାଇ ।

୨୩ ସେଦିନମାନଙ୍କେ କାଇ କାଇଟା ଅଇସି ସେ ବିସଇନେଇ ତମେ ଜାଗ୍‌ରତ୍ ଅଇ ରୁଆ । ସେଟାପାଇ, ଦେକା ସେ ବେଲା ନ ଆଇବା ଆଗ୍ତୁ ମୁଇ ତମ୍ମକେ ଜାନାଇଦେଲିନି ।

ଜିସୁ ଆରି ତରେକ୍ ଆଇବା ବିସଇ
(ମାଡିଉ ୨୪:୨୯-୩୧; ଲୁକ୍ ୨୧:୨୫-୨୮)

୨୪ *ସେଦିନମାନଙ୍କେ, ସେ ଦୁକର୍ ଗଟ୍‌ନା ଅଇଲାପତେ ବେଲ୍ ଉଜଲ୍ ନ ଦେଇକରି ଆନ୍ଦାର୍ ଅଇଜାଇସି ଆରି ଜନ୍ ମିସା ଉଜଲ୍ ନ ଦେଏ ।

୨୫ *ତାରାମନ୍ ବାଦ୍‌ଲେଅନି ଅଦରବାଇ ଆରି ବାଦ୍‌ଲେ ଉଜଲ୍ ରଇବାଟାମନ୍‌କେ ପର୍ମେସର୍ ଆଲାଇଦେଇସି ।

୨୬ *“ସେବେଲା ନର୍‌ପିଲା ମୁଇ, ବେସି ବପୁତେଇ ଆରି ଡାକ୍‌ପୁଟା ସକ୍ ବାଦ୍‌ଲଟାନେ ଆଇବାଟା ଲକ୍ମନ୍ ଦେକ୍‌ବାଇ ।

୨୭ ସେବେଲା ମର୍ ଦୁଡ୍‌ମନ୍‌କେ ପାଟାଇକରି ଦୁନିଆ ସାରଲାଅନି ଆରି ସରଗ୍ ଚିଡ୍‌ଲା ତେଇଅନି ପର୍ମେସର୍ ବାଟ୍‌ଲା ଲକ୍ମନ୍‌କେ ଚୁଲିଆଇବି ।”

ତୁମ୍ମରି ଗଟ୍‌ର ସିକିଆ
(ମାଡିଉ ୨୪:୩୨-୩୫; ଲୁକ୍ ୨୧:୨୯-୩୩)

୨୮ “ଏବେ ତୁମ୍ମରି ଗଟ୍‌ର ଉଦାଅରନ୍ ଅନି ଏ ବିସଇ ସିକା । ଜେତେବେଲେ ତାର୍ କେନ୍ଦିଅନି ପତର୍ ପାଲୁଆନି କରି, କାଟାପଡ୍‌ରିଆ ଡିସଲେ, କାରାଦିନ୍ କେଟ୍‌ଲା ବଲିକରି ତମ୍ମକେ କେ ନ କଇଲେମିସା ଜାନାସ୍ ।

୨୯ ସେକ୍ତିସେ ତମେ ଏ ସବୁ ଗଟ୍‌ନା ଦେକ୍‌ବାବେଲେ, ମୁଇ ଆଇବା ଦିନ୍ କେଟ୍‌ଲା, ବଲିକରି ଜାନ୍‌ସା ।

୩୦ ମୁଇ ତମ୍ମକେ ସତ୍‌କାତା କଇଲିନି, ଏ ଗଟ୍‌ନା ନ ଅଇବାଜାକ, ଏବେ ରଇଲା ଲକ୍ମନ୍ ନ ମରତ୍ ।

୩୧ ବାଦ୍‌ଲ୍ ଆରି ତେଇ ଉଜଲ୍ ଅଇ ରଇବାଟାମନ୍, ଦୁନିଆଇ ଆରି ତେଇରଇବା ସବୁ ଦିନ୍‌ସୁ ନାସ୍ ଅଇବା ସାରାସାରି ଦିନ୍ ଆଇସି, ମାତର୍ ମର୍ ବାକିଅ କେବେ ମିସା ନ ସାରେ ।”

ଜିସୁ ଆଇବା କବର୍ କେ ନାଜାନତ୍
(ମାଡିଉ ୨୪:୩୬-୪୪)

୩୨ *“ମାତର୍ ସବୁ ଗଟ୍‌ନା କେବେ ଆରି ଜେତେବେଲା ଅଇସି ବଲିକରି କେ ମିସା ନାଜାନତ୍ । ସରଗର୍ ଦୁଡ୍ କି ସତ୍ ମାପ୍‌ରୁର୍ ପିଲା ମୁଇ ମିସା ନାଜାନି । ମର୍ ବାବା ପର୍ମେସର୍ ଗଟ୍‌କ୍ ଲକ୍‌ସେ ଜାନିଆତେ ।

୩୩ ସେ ଦିନ୍ କି ବେଲା କେବେ ଆଇସି, ସେଟା ତମେ କେ ନାଜାନାସ୍ । ସେଟାପାଇ ତମେ ଜାଗ୍‌ରତ୍ ଅଇ ତିଆର୍‌ଅଇ ରୁଆ ।

୩୪ *ମୁଇ ଆଇବା ଦିନ୍, ଏକ୍ତି ଗଟ୍‌କ୍ ଲକ୍ ତାର୍ ଗର୍ ଚାଡି ବିନ୍ ଦେସେ ଜିବା ବିସଇ ସମାନ୍ କରୁଅଇସି । ସେ ନିଜର୍ ଗତିଦାଙ୍ଗ୍‌ତାମନ୍‌କେ ଡାକିକରି ସେମନ୍ କାଇ କାଇ କାମ୍ କର୍‌ବାର୍‌ଆତେ, ସେ ସବୁ ବିସଇ ସେମନ୍‌କେ କଇଲା । ବାଟ୍ ତିଆଗତି ଜାଗ୍‌ବା ଗତିଦାଙ୍ଗ୍‌ତାକେ ଡାକିକରି ସେ ବାଉଡି ଆଇବା ଜାକ ଜାଗିକରି ରଇବାକେ କଇକରି ଗାଲା ।

୩୫ ତମେମିସା ଜାଗୁଆଲର୍ ପାରା ଜାଗ୍‌ରତ୍ ଅଇ ରୁଆ । କାଇକେବଇଲେ ସାଉକାର୍ ସଞ୍ଜ୍‌ବେଲା, କି ମଜାରାଡି, କି କୁକ୍‌ତାତାକେ କି ସାକ୍‌ଲିଆ ଆଇସି ସେଟା ତମେ ନାଜାନାସ୍ ।

୩୬ ଜଦି ସେ ଅଟାଡ୍ ଆସିକରି ଦେକ୍‌ଲାବେଲେ, ତମେ ଇସ୍‌ରାଇଲର୍ ଲକ୍ମନ୍‌ର୍ ପାରା ରଇବାଟା ସେ ଦେକ୍‌ବାର୍‌ନାଇ ।

୩୭ ମୁଇ ତମ୍ମକେ କାଇଟା କଇଲିନି, ସେ ବିସଇସେ ସବୁ ଲକ୍‌କେ କଇଲିନି । ମୁଇ ଆଇବା ଦିନ୍‌ପାଇ ତିଆର୍ ଅଇକରି ସବୁବେଲା ଜାଗ୍‌ରତ୍ ଅଇକରି ରୁଆ ।”

୧୪

ଜିସୁକେ ମରାଇବାକେ ଜିଉଦି ନେତାମନ୍‌ର୍ ଜଜ୍‌ନା
(ମାଡିଉ ୨୬:୧-୫; ଲୁକ୍ ୨୨:୧-୨; ଜଅନ୍ ୧୧:୪୫-୫୩)

୧ ନିସ୍‌ତାର୍ ପରବ୍ ଆରି କମିର୍ ନ ମିସାଇ ରୁଟି କାଇବା ପରବ୍ ଅଇବାକେ ଆରି ଦୁଇଦିନ୍ ବାକିରଇଲା । ସେବେଲେ ମୁକ୍ତିଅ ପୁଜାରିମନ୍ ଆରି ନିୟମ୍ ସିକାଉମନ୍ କେ ନାଜାନତେ ଜିସୁକେ କେକ୍ତି ବନ୍ଦିକରି ମରାଇଅଇସି ବଲିକରି ବୁଦି ପାଟ୍‌ତେରଇଲାଇ ।

* ୧୩:୨୪ ପର୍‌କାସିତ ୬:୧୨ * ୧୩:୨୫ ପର୍‌କାସିତ ୬:୧୩ * ୧୩:୨୬ ପର୍‌କାସିତ ୧:୭ * ୧୩:୩୨ ମାଡିଉ ୨୪:୩୬ * ୧୩:୩୪ ଲୁକ୍ ୧୨:୩୬-୩୮

୨ ମାତର ସେମନ୍ କଇଲା, “ପରବ୍ ଦିନମନ୍‌କେ ତାକେ ବନ୍ଦିକରି ନଏ । କାଇକେବଇଲେ ଲକ୍‌ମନ୍ ଗଣ୍ଡଗଲ୍ କରବାଇ ।”

ଗଟେକ୍ ମାଇଜି ଜିସୁକେ ନାମ୍‌ଲା
(ମାତିଉ ୨୭:୬-୧୩; ଜଅନ୍ ୧୨:୧-୮)

୩ ଜିସୁ ବେଡ୍‌ନିଆ ଗଡେ ଆଗ୍‌ତୁ ବଡ୍ ରଗ୍ ଅଇଲା ସିମନ୍‌ର ଗରେ କାଇବାକେ ବସ୍‌ଲାବେଲେ, ଗଟେକ୍ ମାଇଜି କାଁରେ ବେସି ଦାମ୍ ଦେବା ବାସ୍‌ନା ଚିକନ୍ ଆନିକରି କାଁତର୍ ଗାଲା ବାଜାଲ, ଜିସୁର୍ ମୁଣ୍ଡେ ରକଇଦେଲା ।

୪ ମାତର ତେଇ ରଇବା କେତେକ୍ ଲକ୍‌ମନ୍ ରିସାଅଇ ନିଜର୍ ନିଜର୍ ବିଡ୍‌ରେ କାତା ଅଇଲା, “ଏ ଚିକନ୍ କାଇକେ ବେକାର୍ ବେକାର୍ ନସ୍‌ଟ କରି ପାକାଇଲାନି ?

୫ ଏଟା ବରସେକର୍ କାମାଇଲାତେଇଅନି ଅଦିକ୍ ତାରୁକେ ବିକି ଗରିବ୍ ଲକ୍‌ମନ୍‌କେ ଦେବାର୍ ଅଇତା ।” ବଲିକରି ସେମନ୍ ସେ ମାଇଜିକେ ବେସି କଇପାକାଇଲା ।

୬ ମାତର ଜିସୁ ସେମନ୍‌କେ କଇଲା, “ସେ ମାଇଜିକେ ଚାଡିଦିଆସ୍, କାଇକେ ତାକେ ଲାଗିକରି କସ୍‌ଟ ଦେଲାସ୍‌ନି ? ସେ ମର୍‌ପାଇ ନିକ କାମ୍ କଲାଆତେ ।

୭ କାଇକେବଇଲେ, ଗରିବ୍ ଲକ୍‌ମନ୍ ସବୁବେଲା ତମର୍‌ସଙ୍ଗ୍ ଆଚଡ୍ । ତମେ ଜେତେବେଲା ମନ୍‌କଲେ, ସେତେବେଲା ସେମନ୍‌କେ ସାଇଜ କରିପାରାସ୍ । ମାତର ମୁଇ ଆରି ବେସିଦିନ୍ ତମର୍ ସଙ୍ଗ୍ ନ ରଇ ।

୮ ଏ ମାଇଜି ଜେଡକି ପାରଲା, ସେଡକି କଲାଆତେ । ସେ ମର୍ ମଲା ଗାଗଡ୍ ମସ୍‌ନେ ତପ୍‌ବା ଆଗ୍‌ତୁ ଚିକନ୍ ଲାଗାଇଦେଲା ଆତେ ।

୯ ମୁଇ ତମ୍‌କେ ସଡକାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପ୍‌ରୁର୍ ନିକ କବର୍ ଜାନାଇଅଇସି । ଏ ମାଇଜି ଜାଇଟା କଲାଆତେ, ତାକେ ଏତାଇକରି ସେଟା ମିସା କଇବାଇ ।”

ଜିସୁକେ ସଡ୍‌ରୁମନ୍‌କେ ସର୍‌ପି ଦେବାକେ ଜିଉଦାର୍ ରାଜି
(ମାତିଉ ୨୭:୧୭-୨୫; ଲୁକ୍ ୨୨:୩-୬)

୧୦ ତାର୍‌ପଚେ ଜିସୁର୍ ବାର୍‌ଟା ସିସ୍‌ମନ୍‌ର ବିଡ୍‌ରେଅନି ଇସ୍‌କାରିୟଡ୍ ଜିଉଦା ନାଉର୍ ଗଟେକ୍ ସିସ୍ ଜିସୁକେ ମୁକିଅ ପୁଜାରିମନ୍‌ ଆତେ ଦାରାଇଦେବାକେ ରାଜିଅଇକରି ସେମନ୍‌ର ଲଗେ ଗାଲା ।

୧୧ ସେ ମୁକିଅ ପୁଜାରିମନ୍ ଜିଉଦାର୍ କାତା ସୁନିକରି ବେସି ସାର୍‌ଦା ଅଇଗାଲା । ଏ କାମ୍ କଲେ ସେମନ୍ ଇସ୍‌କାରିୟଡ୍ ଜିଉଦାକେ ତାରୁ ଦେବୁ ବଲିକରି ପର୍‌ମାନ୍ କରି କଇଲା । ସେଟାମ୍‌ପାଇ ଇସ୍‌କାରିୟଡ୍ ଜିଉଦା ଜିସୁକେ ମୁକିଅ ପୁଜାରିମନ୍‌କେ ଦାରାଇ ଦେବାକେ ବେଲା କଇଲା ।

ରକିଆ ପାଇବା ପରବର୍ ବଜି
(ମାତିଉ ୨୭:୧୭-୨୫; ଲୁକ୍ ୨୨:୬-୧୪; ୨୧-୨୩; ଜଅନ୍ ୧୩:୨୧-୩୦)

୧୨ କମିର୍ ନ ମିସାଇକରି ରୁଟି ତିଆରକରି କାଇବା ବଜିର୍ ପରବର୍ ପର୍‌ତୁମ୍ ଦିନେ, ରକିଆ ପାଇବା ପରବେ ମେଣ୍ଡାପିଲା ପୁଜବାଇ । ସେଦିନେ ଜିସୁର୍ ସିସ୍‌ମନ୍ ତାକେ “ତର୍‌ପାଇ ରକିଆ ପାଇବା ପରବର୍ ବଜି ସବୁ ଚିକ୍ କରବାକେ ଆମେ କନ୍ ଜାଗାଇ ଜିବୁ ବଲିକରି ତୁଇ ମନ୍ କଲୁସ୍‌ନି ?”

୧୩ ସେଟାମ୍‌ପାଇ ଜିସୁ ତାର୍ ଦୁଇଟା ସିସ୍‌ମନ୍‌କେ ଡାକିକରି କଇଲା ତମେ ଗଡେ ଜା । ତେଇ ଗଟେକ୍ ବଡ୍‌ଟା ଆଣ୍ଡିତେଇ ପାନି ନେବା ଲକ୍‌କେ ଦେକ୍‌ସା । ତମେ ତାର୍ ପଚେ ପଚେ ଜା ।

୧୪ ସେ ପାନିନେବା ଲକ୍ ଗଟେକ୍ ଗରେ ପୁରସି । ତମେ ମିସା ସେ ଗର୍ ବିଡ୍‌ରେ ପୁରିକରି ସେ ଗରର୍ ସାଉକାର୍‌କେ କୁଆ, “ଆମର୍ ଗୁରୁ ପାଚାରଲାନି, ମୁଇ ମର୍ ସିସ୍‌ମନ୍‌ର ସଙ୍ଗ୍ ରକିଆ ପାଇବା ପରବର୍ ବଜି କରବା ବାକ୍‌ରା କନ୍ତି ଆତେ ?

୧୫ ସେ ଗରର୍ ସାଉକାର୍ ତମ୍‌କେ ଗର୍ ଉପରେ ରଇବା ନିମାନ୍ ସଜାଇଅଇରଇଲା ଗଟେକ୍ ବଡ୍‌ଟା ବାକ୍‌ରା ଦେକାଇଦେଇସି । ତେଇ ଆମର୍‌ପାଇ କାଇବା କାଦି ତିଆରକରା ।” ବଲି ପାଟାଇଲା ।

୧୬ ତାର୍ ପଚେ ଦୁଇଟା ସିସ୍‌ମନ୍ ସେ ଗରେ ଗାଲା । ତେଇ ଜିସୁ ସେମନ୍‌କେ ଜେନ୍ତି କଇରଇଲା, ସବୁ ସେନ୍ତି ଦେକ୍‌ଲା । ସେଟାମ୍‌ପାଇ ସେମନ୍ ତେଇ ନିସ୍‌ତାର୍ ପରବର୍ ବଜି ତିଆରକଲା ।

୧୭ ସଞ୍ଜ୍ ଅଇଲାକେ ଜିସୁ ତାର୍ ସିସ୍‌ମନ୍‌କେ ଡାକିନେଇ ତେଇ କେଟ୍‌ଲା ।

୧୮ ସେମନ୍ ବସି କାଇବାବେଲେ ଜିସୁ କଇଲା, “ମୁଇ ତମ୍‌କେ ସଡକାତା କଇଲିନି, ଏବେ ତମର୍ ବିଡ୍‌ରେଅନି ଗଟେକ୍ ଲକ୍ ଜେକି ଆମର୍ ସଙ୍ଗ୍ କାଇଲାନି, ସେ ମକେ ସଡ୍‌ରୁମନ୍‌କେ ଦାରାଇଦେଇସି ।”

୧୯ ଏ କାତା ସୁନିକରି ସିସ୍‌ମନ୍ ବେସି ମନ୍‌ଦୁକ୍ ଅଇଲା । ସବୁଲକ୍ ଗଟେକ୍ ଗଟେକ୍ ଅଇକରି ଜିସୁକେ ସେଲକ୍ ମୁଇ କି ? ବଲିକରି ପାଚାରଲା ।

୨୦ ଜିସୁ ସେମନ୍‌କେ କଇଲା, “ତମର୍ ବାର ଲକ୍‌ର ବିଡ୍‌ରେଅନି ଜନ୍ ଲକ୍ ମର୍‌ସଙ୍ଗ୍ ଗିନାତେଇ ରୁଟି ଚବାଲିଆତେ, ସେ ଆକା ।”

☆ ୧୪:୩ ଲୁକ୍ ୭:୩୭,୩୮

୨୧ “ମର ବିସଇ ପରମେସରର ସାସ୍ତରେ କେନ୍ତ୍ର ଲେକା ଅଇଲାଆତେ, ସେନ୍ତ୍ରସେ ସବୁ ଅଇଲାନି, ସେଟା ସତ୍ତସେ, ମାତର ଜାର୍ଟାନେଅନି ନରପିଲା ମୁଇ ସତ୍ତରୁମନର୍ ଆତେ ଦାରାଇଅଇବି, ସେ ବେସି ବଡ଼ ଡଣ୍ଟ ପାଇବାଲକ୍ ଆରି ସେ ଜନମ୍ ନ ଅଇରଇଲେ ନିକ ଅଇତା ।”

ଜିସୁ ତାର୍ ସିସ୍ତମନର୍ ସଙ୍ଗ୍ ବଜି କାଇବା ବିସଇ
(ମାତିଉ ୨୬:୨୬-୩୦; ଲୁକ୍ ୨୨:୧୪-୨୦; ୧ମ କରନ୍ତିୟ ୧୧:୨୩-୨୫)

୨୨ ସିସ୍ତମନ୍ କାଇବାକେ ବସ୍ତାବେଲେ, ଜିସୁ ରୁଟିଦାରିକରି ପରମେସରକେ ଜୁଆରକଲା ଆରି ସେଟା ବାଙ୍ଗାଇ ସେମନକେ ଦେଇକରି କଇଲା, “ ନିଆ ଏଟା ମର ଗାଗଡ଼ ।”

୨୩ ତାର୍ପତେ ଅଙ୍ଗୁର୍ ରସ୍ ଦାରି ପରମେସରକେ ଜୁଆର୍ କରି ସବୁ ଲକ୍ତକେ କାଇବାକେ ଦେଲାଜେ ସେମନ୍ କାଇଲା ।

୨୪ ଆରି ସେ ତାର୍ ସିସ୍ତମନକେ କଇଲା, ଏଟା ଅଇଲାନି ବେସି ଲକ୍ତପାଇ ଜରାଇଲା ମର ବନି । ଏ ବନି ସଙ୍ଗ୍ ପରମେସର ଲକ୍ତମନର୍ ସଙ୍ଗ୍ ରାଜିନାମା କଲାନି ।

୨୫ ମୁଇ ତମକେ ସତ୍ତ କାତା କଇଲିନି, “ମୁଇ ପରମେସରର ରାଇଜେ ଜୁଆ ଅଙ୍ଗୁର୍ ରସ୍ କାଇବା ଦିନ୍ ନ ଆଇବାଜାକ, ଏଟା ଆରି କେବେ ମିସା ନ କାଇ ।”

୨୬ ସବୁ ସିସ୍ତମନ୍ ମିସିକରି ପରମେସରକେ ଦନିଅବାଦର୍ ଗିଡ଼ ଗାଇ ଗାଇ କରି ଜିଡ଼ ନାଉଁର୍ ପରବତେ ଗାଲା ।

ଜିସୁର ବବିସତ୍ତ କାତା
(ମାତିଉ ୨୬:୩୧-୩୫; ଲୁକ୍ ୨୨:୩୧-୩୫; ଜଅନ୍ ୧୩:୩୬-୩୮)

୨୭ ସେବେଲେ ଜିସୁ ସିସ୍ତମନକେ କଇଲା, “ତମେ ସବୁଲକ୍ ମକେ ଚାଡ଼ିକରି ଉଟିଜାଇସା । ସେଟା ପରମେସରର ସାସ୍ତରେ ଏନ୍ତ୍ର ଲେକାଅଇଲାଆତେ,

“ମୁଇ ମେଣ୍ଡା ଗଉଡ଼କେ ମରାଇବି ।

ତେଇର୍ ମେଣ୍ଡାମନ୍ ଚିନ୍ତତର୍ ଅଇଜିବାଇ ।”

୨୮ ☆“ମାତର ମୁଇ ମଲାଟାନେଅନି ଆରିତରେକ୍ ଉଟ୍ଟଲାପତେ, ତମେ ଗାଲିଲି ଦେସେ ଜିବା ଆଗଡୁ, ମୁଇ ତମର୍ ଆଗଡୁ ଆଗଡୁ ଗାଲିଲି ରାଇଜେ ଜିବି ।”

୨୯ ମାତର ପିତର ଜିସୁକେ କଇଲା, “ସବୁ ସିସ୍ତମନ୍ ତମକେ ଚାଡ଼ିକରି ଗାଲେ ମିସା ମୁଇ ତମକେ କେବେ ନ ଚାଡ଼ି ।”

୩୦ ଜିସୁ ତାକେ କଇଲା, “ମୁଇ ତକେ ସତ୍ତକାତା କଇଲିନି, ଆଜି ରାତି ଦୁଇତର୍ କୁକ୍ତା ତାକ୍ତା ଆଗଡୁ, ତୁଇ ମକେ ତିନ୍ତର୍ ଚିନିନାଇ ବଲିକରି କଇସୁ ।”

୩୧ ଏ କାତା ସୁନି ପିତର ଜିସୁକେ ଆରିତରେକ୍ ଡାଟ୍ସଙ୍ଗ୍ କଇଲା, “ମୁଇ ତମର୍ ସଙ୍ଗ୍ ମରବାର୍ ଆଲେ ମିସା କେବେ ତମକେ ନାଜାନି ବଲି ନ କଇ ।” ଆରି ବାକି ସିସ୍ତମନ୍ ମିସା ସେନ୍ତ୍ରସେ କଇଲା ।

ଗେଡ଼ସିମନି ବାତେ ଜିସୁର ପାର୍ତନା
(ମାତିଉ ୨୬:୩୬-୪୬; ଲୁକ୍ ୨୨:୩୯-୪୬)

୩୨ ତାର୍ପତେ ଜିସୁ ତାର୍ ସିସ୍ତମନର୍ ସଙ୍ଗ୍ ଗେଡ଼ସିମନି ନାଉଁର୍ ଗଟେକ୍ ଜାଗାଇ ଆଇଲା । ତେଇ ଜିସୁ ସିସ୍ତମନକେ କଇଲା, “ମୁଇ ପାର୍ତନା କରବାବେଲେ ତମେ ଇତି ବସିରୁଆ ।”

୩୩ ପିତର, ଜଅନ୍ ଆରି ଜାକୁବ୍ କେ ତାର୍ ସଙ୍ଗ୍ ମିସ୍ତେ ଡାକିନେଲା । ସେ ଦୁକ୍ତଅଇ କିଲ୍ବିଲ୍ ଅଇବାର୍ ବସିଲା ।

୩୪ ଆରି ଜିସୁ, ପିତର, ଜାକୁବ୍ ଆରି ଜଅନ୍ କଇଲା, “ମର ମନେ ବେସି ଦୁକ୍ ଅଇଗାଲା ଆତେ । ଜିବନ୍ ଚିତିଗାଲା ପାରା ଲାଗୁଲାନି । ତମେ ଇତି ବସିରଇ ଜାଗିରୁଆ ।”

୩୫ ଜିସୁ ତାକରଟାନେଅନି କଣ୍ଡେକ୍ ଦୁରିକେ ଇଣ୍ଡିଜାଇ ଉମ୍ତାଡ଼ିଅଇ ବୁଏଁ ଅଦ୍ରିକରି ପରମେସରକେ ଏନ୍ତ୍ର ପାର୍ତନା କଲା, “ଏନ୍ତ୍ର କରିଅଇସି ବଇଲେ, ଏ କସ୍ତର୍ ବେଲା ମକେ ନ ଆସ ।

୩୬ ଏ ମର ବାବା ତୁଇ ମନ୍କଲୁସ୍ ବଇଲେ କାଇ କାମ୍ ମିସା କରିପାରୁସ୍ । ସେଟାପାଇ ଏ ଦୁକ୍ କସ୍ତର୍ ମୃତା ମରଟାନେଅନି ଦାରି ଜା । ମାତର ମର ମନ୍ କଲା ଇସାବେ ନ କରି ତମର୍ ମନ୍ କଲା ଇସାବେ କରା” ବଲି ପାର୍ତନା କଲା ।

୩୭ ତାର୍ପତେ ଜିସୁ ତାର୍ ସିସ୍ତମନର୍ ଲଗେ ବାଡ଼ଡ଼ି ଆଇଲାଜେ, ସେମନ୍ ସଇରଇବାଟା ଦେକ୍ଲା । ସେ ପିତରକେ କଇଲା, “ ସିମନ୍ ପିତର, ତମେ ସଇଦେଲାସ୍ନି କି ? ଗଟେକ୍ ଗଟା ମିସା ତେତା ରଇ ଜାଗି ନାପାରୁଲାସ୍ନି ?

୩୮ ତମେ ଜେନ୍ତ୍ରକି ପରିକାର୍ ପାନ୍ଦେ ନ ଅଦ୍ରିବାପାଇ ଜାଗି ରଇକରି ପାର୍ତନା କରା । ମନ୍ କର୍ବି ବଲି ମନ୍ କଲାନି ମାତର ଗାଗଡ଼ ନିଚ୍ଲାନି ।”

୩୯ ଜିସୁ ଆରିତରେକ୍ ଜାଇକରି ଆଗଡୁର୍ ପାରା କଇକରି ପାର୍ତନା କଲା ।

୪୦ ତାର୍ପତେ ସେ ସିସ୍‌ମନର୍ ଲଗେ ଆରି ତରେକ୍ ବାଉଡି ଆସି ଦେକ୍‌ଲା । ସେମନ୍ ଆରିତରେକ୍ ସଇଦେଇରଇଲା । ସେମନର୍ ଆକିତେଇ ଗୁନ୍ ଡାବି ଆଇତେରଇଲାଜେ ସେମନ୍ ଜିସୁକେ କାଇବଲି ମିସା କଇବାକେ ଜାନି ନାପାରୁଲା ।

୪୧ ଏନ୍ତି ତିନ୍ତର୍ ପାରତନା କରି ସାରାଇଲାପତେ ଜିସୁ ସିସ୍‌ମନର୍‌ଲଗେ ଆରିତରେକ୍ ବାଉଡି ଆଇଲା ଆରି ସେମନ୍କେ କଇଲା, “ଏବେଜାକ ତମେ ପୁଣ୍ଡିକରି ସଇଦେଇ ଆଚାସ୍ ? ଏଡକି ଅଇସିବେ, ଏବେ ନର୍ପିଲା ମକେ, ପାପି ଲକ୍‌ମନର୍ ଆତେ ଦାରାଇଦେବା ବେଲା ଆସି କେଟ୍‌ଲା ।

୪୨ ଉଟା ଆମେ ଜୁବେ । ଏଦେ ଦେକା ! ମକେ ସତ୍‌ରୁମନ୍କେ ଦାରାଇ ଦେବା ଲକ୍ ଆଇଲାଆତେ ।” ବଲି କଇଲା ।

ଜିସୁ ବନ୍ଦି ଅଇଲା

(ମାତିଉ ୨୭:୪୭-୫୨; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

୫୩ ସେ ଦାପ୍‌ରେ ଜିସୁ ଏ କାତା କଇବାବେଲା, ବାରଟା ସିସ୍‌ମନର୍ ବିଡ୍‌ରେଅନି ଗଟେକ୍ ଲକ୍ ଜେକି ଇସ୍କାରିୟଡ୍ ଜିଉଦା ଆସି କେଟ୍‌ଲା । ଆରି ତାର୍ ସଙ୍ଗ୍ ବେସି ଲକ୍‌ମନ୍ ରଇଲା । ସେ ଲକ୍‌ମନର୍ ଆତେ କାଣ୍ଡା ଆରି ଟେଙ୍ଗ୍ ଦାରିରଇଲା । ସେ ଲକ୍‌ମନ୍କେ ମୁକିଅ ପୁଜାରିମନ୍, ନିୟମ୍ ସିକାଇବା ଲକ୍‌ମନ୍ ଆରି ମୁକିଅ ଜିଉଦି ନେତାମନ୍, ପାଟାଇ ରଇଲା ।

୫୪ ସତ୍‌ରୁମନର୍ ଆତେ ଦାରାଇଦେବା ଇସ୍କାରିୟଡ୍ ଜିଉଦା ଜିସୁକେ ଦେକାଇଦେବାକେ ଏନ୍ତି ଗଟେକ୍ ଚିନ୍ କଇରଇଲା, “ମୁଇ ଜନ୍ ଲକ୍‌କେ ରୁମ୍‌ବି, ସେ ଆକା ଜିସୁ । ତମେ ତାକେ ବନ୍ଦିକରି ଜାଗରଡ୍ ସଙ୍ଗ୍ ଦୁରିକେ ଦାରିଜାଇସା ।”

୫୫ ସେମନ୍ ତେଇ ଆସିକରି କେଟ୍‌ଲା ଦାପ୍‌ରେ, ଇସ୍କାରିୟଡ୍ ଜିଉଦା ଜିସୁର୍ ଲଗେ ଜାଇକରି “ଏ ଗୁରୁ, ଜୁଆର୍ !” ବଲିକରି ରୁମ୍‌ଲା ।

୫୬ ସେବେଲା ସେଲକ୍‌ମନ୍ ଜିସୁକେ ଦାରି ବନ୍ଦିକରି ନେବାବେଲେ,

୫୭ ସେ ଲଗେ ଚିଆଅଇରଇଲା ଜିସୁର୍ ଗଟେକ୍ ସିସ୍ ତାର୍ କାଣ୍ଡା ବେଟି ମୁକିଅ ପୁଜାରିର୍ ଗତି ଦାଙ୍ଗ୍‌ତାର୍ ଉଜା କାନ୍ କାଟିଦେଲା ।

୫୮ ଜିସୁ ସେ ଲକ୍‌ମନ୍କେ ପାଟାରୁଲା, “ମୁଇ କାଇ ଗଟେକ୍ ଅପ୍‌ରାଦି ଲକ୍ କି, ତମେ କାଣ୍ଡା ଆରି ଟେଙ୍ଗ୍‌ମନ୍ ଦାରି ମକେ ନେବାର୍ ଆସିଆଚାସ୍ ?

୫୯ *ସବୁ ଦିନ୍ ମୁଇ ପାରତନା ଗର୍ମନ୍କେ ସିକାଇଦେବା ବେଲେ ମୁଇ ତମର୍ ସଙ୍ଗ୍ ରଇଲି । ମାତର୍ ସେବେଲେ ମକେ ଦାରାସ୍‌ନାଇ । ମାତର୍ ପର୍ମେସରର୍ ସାସ୍‌ତରେ ଜେନ୍ତି ଲେକାଅଇରଇଲା ସେଟା ସବୁ ସତ୍ ଅଇବାକେସେ ଏନ୍ତି ଅଇଲାଆତେ ।”

୬୦ ସେବେଲା ଜିସୁର୍ ସିସ୍‌ମନ୍ ତାକେ ଚାଡି ଉଟିପାଲାଇଲା ।

୬୧ ମାତର୍ ସେବେଲା ଗଟେକ୍ ଦାଙ୍ଗ୍‌ତା ଅବ୍‌କା ପାତଲ୍ ଚାଦର୍ ଡାବିଅଇ ଜିସୁର୍ ପତେ ପତେ ଜାଇତେରଇଲା । ଲକ୍‌ମନ୍ ତାକେ ବନ୍ଦିକର୍‌ବାକେ ଚେସ୍‌ଟା କଲାକେ

୬୨ ସେ ଦାଙ୍ଗ୍‌ତା ପାତଲ୍ ଚାଦର୍ ଚାଡିକରି ହୁମ୍‌ଣ୍ଡା ଉଟିପାଲାଇଲା ।

ଜିଉଦିମନର୍ ବଡ୍‌ସବା ତେଇ ଜିସୁର୍ ବିଚାର୍

(ମାତିଉ ୨୭:୫୭-୬୮; ଲୁକ୍ ୨୨:୫୪-୫୫, ୬୩-୭୧; ଜଅନ୍ ୧୮:୧୩-୧୪)

୬୩ ପତେ ସେ ଲକ୍‌ମନ୍ ଜିସୁକେ ସବୁର୍‌ଗାନେଅନି ବଡ୍‌ପୁଜାରିତେଇ ଦାରିଗାଲା । ମୁକିଅ ପୁଜାରିମନ୍, ପାର୍‌ଚିନ୍‌ମନ୍ ଆରି ନିୟମ୍ ଗୁରୁମନ୍ ସବୁଲକ୍ ଗଟେକ୍ ତେଇ ରୁଣ୍ଡିଲା ।

୬୪ ପିତର୍ ଜିସୁର୍ ଟାନେଅନି ଦୁରିକେ ରଇ ତାର୍ ପତେ ପତେ ଗାଲା ଆରି ମୁକିଅ ପୁଜାରିର୍ ତାଣ୍ଡିବିଡ୍‌ରେ ଗାଲା । ଜାଗୁଆଲ୍‌ମନର୍ ସଙ୍ଗ୍ ବସିକରି ଜଇ ଟେକ୍‌ତେରଇଲା ।

୬୫ ତେଇ ମୁକିଅ ପୁଜାରିମନ୍ ଆରି ବିଚାର୍ କର୍‌ବା ଜିଉଦି ନେତାମନ୍ ଜିସୁକେ ମର୍‌ବା ଡଣ୍ଡ ଦେବାକେ ତାର୍ ବିରଦେ ସାକି କଜ୍‌ତେରଇଲା । ମାତର୍ ସାକି ଦେବାକେ କେ ମିସା ମିଲଡ୍‌ନାଇ ।

୬୬ ବେସି ଲକ୍‌ମନ୍ ଆସିକରି ଜିସୁର୍ ବିରଦେ ମିର୍ ସାକି କଇଲା, ମାତର୍ ସେମନ୍ ସବୁଲକ୍ ବିନ୍ ବିନ୍ ରକାମର୍ କାତା କଇଲା ।

୬୭ ସାରାସାରି କେତେ ଲକ୍ ଉଟିକରି ତାର୍ ବିରଦେ ମିର୍ ସାକି ଦେଇ ଏନ୍ତି କଇଲା ।

୬୮ * “ଲକ୍‌ମନ୍ ତିଆର୍‌କଲା ଏ ପର୍ମେସରର୍ ମନ୍ଦିର୍ ମୁଇ ବାଙ୍ଗାଲ ଦେଇ, ସେଟା ତିନ୍ ଦିନ୍ ବିଡ୍‌ରେ ଆରି ତିଆର୍‌କରିଦେବି, ଜନ୍‌ଟାକି ଲକ୍‌ମନ୍ ତିଆର୍ ନ କରିଅଡ୍ ବଲି ସେ କଇବା ଏ କାତା ଆମେ ସୁନିଆରୁ ।”

୬୯ ମାତର୍, ଏନ୍ତି ବଇଲେମିସା ଏ ଲକ୍‌ମନ୍ କାଇ କାଇ ବିସଇ ସବୁ କଇତେରଇଲା, ସେଟା, ଗଟେକ୍ ଲକ୍‌ର୍ କାତା ଆରି ଗଟେକ୍ ଲକ୍‌ର୍ କାତା ସଙ୍ଗ୍ ନ ମିସ୍‌ତେରଇଲା ।

☆ ୧୪:୪୯ ଲୁକ୍ ୧୯:୪୭, ୨୧:୩୭ ☆ ୧୪:୫୮ ଜଅନ୍ ୨:୧୯

୭୦ ତାର୍ପତେ ସବୁଲକର୍ ଆଗତୁ ବଡ଼ ପୁଜାରି ଟିଆଅଇକରି ପାଚାରଲା, “ଏ ଲକ୍ମନ୍ ତର୍ ବିରଦେ କେତେ କାତା କଇଲାକନି, ସେ ବିସଇନେଇ ତକେ କାଇଟା ମିସା କଇବାର୍ ଆଟେ କି ?”

୭୧ ମାତର୍ ଜିସୁ ଟିମ୍ବରା ଅଇକରି ରଇଲା, କାଇଟା ମିସା କଏନାଇ । ବଡ଼ପୁଜାରି ଜିସୁକେ ଆରି ତର୍ ପାଚାରଲା, “ତୁଇ କାଇ ପୁଜା ପାଇବା ପର୍ମେସରର୍ ପଅ କିରିସ୍ଟ କି ?”

୭୨ ଜିସୁ କଇଲା, “ଉଁ, ମୁଇ ସେ । ଆରି ନର୍ପିଲା ମୁଇ, ପର୍ମେସରର୍ ବେସି ବପୁର୍ ଉଜା ଆଡ଼ ବାଟେ ବସିରଇଲାଟା ଆରି ସରଗର୍ ମେଗେ ଆଇବାଟା ଦେକସା ।”

୭୩ ବଡ଼ ପୁଜାରି ଏ କାତା ସୁନିକରି ବେସି ରିସାଅଇଜାଇ ତାର୍ ନିଜର୍ ପଟିଆ ଚିରିପାକାଇଲା ଆରି ସବୁଲକ୍ମନ୍‌କେ କଇଲା, “ଆମକେ ଆରି କାଇ ସାକି ଦରକାର୍ ?”

୭୪ “ସେ ପର୍ମେସରର୍ ପିଲା ବଲିକରି କଇଲାଟା ତମେ ସୁନିଆରାସ୍ । ଏବେ ତମେ କାଇଟା ବଲି ବାବ୍‌ଲାସ୍‌ନି ?” ତେଇ ସବୁ ଲକ୍ମନ୍ ଜିସୁକେ ଦସି କରାଇ, ତାକେ ମର୍ବା ତଣ୍ଡୁ ମିଲ ବଲି କଇଲା ।

୭୫ ତେଇ ରଇଲା କେତେ ଲକ୍ମନ୍ ତାର୍ ଉପ୍ରେ ତୁକ୍‌ବାର୍ ଦାରଲା । କେତେଲକ୍ମନ୍ ତାର୍ ମୁର୍ଦ୍ଦାବିକରି ତାକେ ବିଦାସଙ୍ଗ୍ ମାରଲା । ତାକେ କିଜାଇକରି କଇଲା, “ତୁଇ ଜିଦି ପର୍ମେସରର୍ କାତା କଇବା ବସିସ୍‌ତବକ୍ତା ବଇଲେ, ତକେ କେ ମାରଲା କି ?” ପଟେ ସନିଅମନ୍ ତାକେ ଦାରିଜାଇକରି ମାରଲା ।

ପିତର୍ ଜିସୁକେ ନାଜାନି ବଲି କଇଲା

(ମାତିଉ ୨୬:୨୯-୩୫; ଲୁକ୍ ୨୨:୫୬-୬୨; ଜଅନ୍ ୧୮:୧୫-୧୮, ୨୧-୨୫)

୭୬ ପିତର୍ ମଜାତାଣ୍ଡେ ଟିଆଅଇଲାବେଲେ ବଡ଼ ପୁଜାରିର୍ ଗତି ଦାଙ୍ଗ୍‌ତି ତେଇ ଆଇଲା ।

୭୭ ପିତର୍ ଜଇ ଟେକ୍‌ବାବେଲେ ତାକେ ନିମାନ୍ ଦେକିକରି କଇଲା, “ତୁଇମିସା ନାଜରିତର୍ ଜିସୁର୍ ସଙ୍ଗ୍ ରଇଲୁସ୍ ।”

୭୮ ମାତର୍ ପିତର୍ ତାକେ କଇଲା, “ସେଟା ମୁଇ ନଇ, ମୁଇ କେବେ ମିସା ଜିସୁର୍ ସଙ୍ଗ୍ ରଇନାଇ, ତମେ କାଇଟା କଇଲାସ୍‌ନି ମୁଇ ନାଜାନି ।” ତାର୍‌ପତେ ପିତର୍ ତାଣ୍ଡେ ପୁର୍ବା ବାଟେ ଉଟିଗାଲା ।

୭୯ ଆରି ତରେକ୍ ଗତିଦାଙ୍ଗ୍‌ତି ପିତର୍‌କେ ଦେକି ତେଇ ଟିଆଅଇଲା ଲକ୍ମନ୍‌କେ କଇଲା, “ଏ ଲକ୍ ମିସା ଜିସୁର୍ ଦଲେଅନି ଗଟେକ୍ ଲକ୍ ।”

୮୦ ମାତର୍ ପିତର୍ ଆରିତରେକ୍ କଇଲା, “ଏ କାତା ମୁଲ୍‌କେ ସଡ଼ ନାଇ ।” ଆରି କେତେପର୍ ଗାଲା ପଟେ, ତେଇ ରଇଲା ଲକ୍ମନ୍ “ତୁଇ ସେମନ୍‌ର୍ ମାନ୍ଦାଇ ରଇଲୁସ୍ ଆକା, ତୁଇ ଗଟେକ୍ ଗାଲିଲି ଅନି ଆଇଲା ଲକ୍ ପାରା ତିସ୍‌ଲୁସ୍‌ନି ।” ବଲି କଇଲା ।

୮୧ ମାତର୍ ପିତର୍ ସାଇସ୍ ଦେଇ ରାନ୍ ପାକାଇ କଇଲା, “ମୁଇ ପର୍ମେସରର୍ ନାଉଁ ଦାରି ପର୍ମାନ୍ କରି କଇଲିନି, ତମେ କାର୍ କାତା କଇଲାସ୍‌ନି, ମୁଇ ତାକେ ମୁଲ୍‌କେ ନାଜାନି ।”

୮୨ ପିତର୍ ଏ କାତା କଇଲା ଦାପ୍ରେ କୁକ୍‌ତା ଦୁଇତର୍ ତାକ୍‌ଲା । ଜିସୁ କଇରଇବା ସବୁ କାତା ପିତର୍ ଏତାଇଲା । ଜିସୁ କଇରଇଲା, କୁକ୍‌ତା ଦୁଇତର୍ ତାକ୍‌ବା ଆଗତୁ ତୁଇ ମକେ ତିନ୍ ତର୍ ନାଜାନି ବଲିକରି କଇସାରାଇରଇସୁ ବଲି । ତାର୍‌ପତେ ପିତର୍ ବେସି ଦୁକ୍‌କରି କାନ୍‌ବାର୍ ଦାରଲା ।

୧୫

ପିଲାତର୍ ମୁଆଟେ ଜିସୁର୍ ବିଚାର୍

(ମାତିଉ ୨୭:୧-୨, ୧୧-୧୪; ଲୁକ୍ ୨୩:୧-୫; ଜଅନ୍ ୧୮:୨୮-୩୮)

୧ ସାକାଲ୍ ସାକାଲ୍ ପାର୍ତନା ଗରର୍ ମୁକିଅ ପୁଜାରିମନ୍, ମୁକିଅ ନେତାମନ୍, ଜିଉଦି ନେତାମନ୍, ନିୟମ୍ ସିକାଇବା ଲକ୍ମନ୍ ଆରି ଜିଉଦି ଲକ୍ମନ୍‌କେ ସାସନ୍ କର୍ବା ସବୁ ରକାମର୍ ନେତାମନ୍ ଜିସୁକେ କାଇଟା କର୍ବାର୍ ଆଟେ ? ବଲି ଗଟେକ୍ ବଡ଼ ପିଟାଦି କଲା । ସେମନ୍ ତାକେ ବାନ୍ଧିକରି ସାସନ୍ କର୍ବା ପିଲାତ୍‌କେ ସର୍ପିଦେଲା ।

୨ ପିଲାତ୍ ଜିସୁକେ ପାଚାରଲା, “ତୁଇ କାଇ ଜିଉଦି ମନ୍‌ର୍ ରାଜା ?” ଜିସୁ ତାକେ କଇଲା, “ତୁଇ ଜନ୍‌ଟା ପାଚାରଲୁସ୍‌ନି, ସେଟା ସଡ଼ସେ ।”

୩ ମୁକିଅ ପୁଜାରିମନ୍ ଜିସୁକେ ଦସ୍ ଦେଇ କଇବାର୍ ଦାରଲା ।

୪ ସେବେଲା ପିଲାତ୍ ତାକେ ଆରିତରେକ୍ ପାଚାରଲା, “ତୁଇ କାଇକେ ଟିମ୍ବରା ଅଇଦେଲୁସ୍ ? କାଇଟା ମିସା କଉସ୍ ନାଇ । ଦେକା ସେମନ୍ ତର୍ ବିରଦେ କେତେକ୍ ନିନ୍ଦା କାତା କଇଲାକନି ।”

୫ ମାତର୍ ଜିସୁ କାତା ଅଏ ନାଇ । ସେଟା ଦେକିକରି ପିଲାତ୍ ବେସି କାବା ଅଇଗାଲା ।

ପିଲାତ୍ ଜିସୁକେ ମୁକ୍‌ଲା ନାପାରଲା

(ମାତିଉ ୨୭:୧୫-୨୬; ଲୁକ୍ ୨୩:୧୩-୨୫; ଜଅନ୍ ୧୮:୩୯; ୧୯:୧୬)

୬ ରକିଆ ପାଇବାର୍ ପରର୍ କଲାବେଲେ ସବୁ ବରସର୍ ରିଡିନିଡି ଇସାବେ ପିଲାତ୍, ଜନ୍ ଆଲେ ବନ୍ଧି ଲକ୍‌କେ, ଲକ୍ମନ୍ ବାର୍‌କରାଇ ଦେବାକେ ମନ୍ କରତେରଇଲା, ତାକେ ବାର୍‌କରାଇ ଦେଇତେରଇଲା ।

୭ ସେବେଲେ ସରକାରର ବିରୁଦ୍ଧେ ଦାବିକରି ବାରବା ନାଉଁର ଗଟେକ୍ ଲକ୍ ବନ୍ଦି ଅଇରଇଲା । ଏ ଲକ୍ ଆରି କେତେଟା ଲକ୍ମନର ସଙ୍ଗେ, ଲକ୍ମନକେ ମରାଇ ବନ୍ଦି ଅଇରଇଲା ।

୮ ଲକ୍ମନ ପିଲାତରୁଟାନେ ଆସି, କଇଲା, “ସବୁ ବରସର୍ ରିତିନିତି ଇସାବେ ଏ ତରେକ୍ ମିସା ଗଟେକ୍ ବନ୍ଦି ଲକ୍ମନକେ ମୁକ୍ତଲା କରି ବାରକରାଇଦେସ୍ ।”

୯ ପିଲାତ୍ ଲକ୍ମନକେ ପାଚାରଲା, “ତମେ କାକେ ମନ୍ କଲାସ୍ନି ? ମୁଇ ତମର୍ ଲାଗି ଜିଉଦିମନର୍ ରାଜାକେ ଚାଡ଼ିଦେବି କି ?”

୧୦ ପିଲାତ୍ ରାଜା କାଇକେ ଏନ୍ତି କଇଲା ବଇଲେ, ମୁକ୍ତି ପୁଜାରିମନ୍ କୁଟ୍ ପାଁଟି ଜିସୁକେ ତାର୍ ଆତେ ସର୍ପିଦେଇ ଆତଡ଼ ବଲିକରି ସେ ଜାନିରଇଲା ।

୧୧ ମାତର୍ ମୁକ୍ତି ପୁଜାରିମନ୍ ଲକ୍ମନକେ ଉସକାଇ କରି, “ଜିସୁର୍ ବାଦୁଲେ ବାରବାକେ ଆମର୍ପାଇ ବନ୍ଦି ଗରେଅନି ମୁକ୍ତଲାବାକେ କୁଆ ।” ବଲି କଇଲା ।

୧୨ ମାତର୍ ପିଲାତ୍ ଆରିତରେକ୍ ପାଚାରଲା, “ସେନ୍ତିଆଲେ ତମେ ଜନ୍ ଲକ୍ମନକେ ଜିଉଦିମନର୍ ରାଜା ବଲି କଇଲାସ୍ନି, ତାକେ ମୁଇ କାଇଟା କର୍ବି ବଲି ତମେ ମନ୍ କଲାସ୍ନି ?”

୧୩ ଲକ୍ମନ ବେସି ରାଟୁକରି କଇଲା, “ତାକେ କୁର୍ସେ ମରାଆ ।”

୧୪ ତେଇଅନି ପିଲାତ୍ ଆରିତରେକ୍ ଲକ୍ମନକେ ପାଚାରଲା, “କାଇକେ, ସେ କାଇ ଦସ୍ କଲାଆତେ ଜେ ?” ମାତର୍ ଲକ୍ମନ ଅଦିକ୍ ଅଦିକ୍ ରାଟୁଅଇକରି କଇଲା, “ତାକେ କୁରୁସ୍ କାଟେ ମରାଆ ।”

୧୫ ସେଟାରପାଇ ପିଲାତ୍ ଲକ୍ମନକେ ସାର୍ଦା କରାଇବାକେ ମନକରି ବାରବାକେ ବନ୍ଦି ଗରେଅନି ମୁକ୍ତଲାକେଦେଇ ଜିସୁକେ କର୍ତ୍ତା ସଙ୍ଗେ ମାରି, କୁରୁସ୍ କାଟେ କୁଟିମାରି ମରାଇଦେବାକେ ସନିଅମନକେ ସର୍ପିଦେଲା ।

ସନିଅମନ ଜିସୁକେ କିଜାଇଲା

(ମାତିଉ ୨୭:୨୭-୩୧; ଜଅନ୍ ୧୯:୨-୩)

୧୬ ସନିଅମନ ଜିସୁକେ ରମିୟ ସରକାରର ସାସନକାରିଆ ପିଲାତର୍, ମୁକ୍ତି ଗରର୍ ତାଣ୍ଡେ ଦାରିଗାଲା ଆରି ସେମନ୍ ବିନ୍ ସନିଅମନକେ ଗଟେକ୍ ଟାନେ ତାକି ରୁଣ୍ଡାଇଲା ।

୧୭ ସେମନ୍ ଜିସୁକେ କିଜାଇବାକେ ଜାମ୍ବଲି ରଙ୍ଗର୍ ବସ୍ତର୍ ପିନ୍ଧାଇଲା ଆରି ଗଟେକ୍ କାଟାର୍ ମୁକୁଟ୍ ତିଆରକରି ତାର୍ ମୁଣ୍ଡେ ପିନ୍ଧାଇଦେଲା ।

୧୮ ସେମନ୍ ଜିସୁକେ କିଜାଇ କରି କଇଲା, “ଏ ଜିଉଦିମନର୍ ରାଜା ତକେ ଜୁଆର୍, ତୁଇ ବେସି ଦିନ୍ ବର୍ ।”

୧୯ ସେମନ୍ ତରକେତର୍ ବେଡ଼ ତାଙ୍ଗ୍ ସଙ୍ଗ୍ ତାର୍ ମୁଣ୍ଡେ ମାର୍ତେରଇଲା ଆରି ତାର୍ ଉପ୍ରେ ତୁକି କିଜାଇକରି ମାଣ୍ଡିକୁଟା ଦେଇ ଜୁଆର୍ କଲା ।

୨୦ ସେମନ୍ ଜିସୁକେ କିଜାଇ ସାରାଇଲାପରେ, ଜାମ୍ବଲି ରଙ୍ଗର୍ ବସ୍ତର୍ ତାର୍ ଗାଗଡେଅନି ବେଟିକରି, ନିଜର୍ ବସ୍ତର୍ ପିନ୍ଧାଇଦେଲା । ତାର୍ପରେ ସେମନ୍ ତାକେ କୁର୍ସକାଟେ ମରାଇବାକେ ଗଡ଼ ବାଇରେ ଦାରିଗାଲା ।

କୁର୍ସେ ଜିସୁର୍ ମରନ୍

(ମାତିଉ ୨୭:୩୨-୪୪; ଲୁକ୍ ୨୩:୨୭-୪୩; ଜଅନ୍ ୧୯:୧୭-୨୭)

୨୧ *ସେବେଲା ଆଲେକ୍ଜାଣ୍ଡାର୍ ଆରି କୁର୍ନିୟ ଜାଗାର୍ ରୁପ୍ଅର୍ ବାବା ସିମନ୍ ନାଉଁର ଗଟେକ୍ ଲକ୍, ପଲିଗାରାମ୍ ଅନି ଆସିକରି ସେ ବାଟେ ଜାଇତେରଇଲା । ସେ ସନିଅମନ୍ ତାକେ ଜିସୁର୍ କୁର୍ସ ବଇବାକେ ବାଦିଅ କଲା ।

୨୨ ତାର୍ପରେ ସେମନ୍ ଜିସୁକେ ଗଲ୍ଗତା ନାଉଁର ଗଟେକ୍ ଜାଗାଇ ଦାରିଗାଲା । ଗଲ୍ଗତାର୍ ଅରଡ଼ ଅଇଲାନି, କାପାଲ୍ ଜାଗା ।

୨୩ ସେମନ୍ ଜିସୁକେ ଅସ ମିସାଇଲା ଅଙ୍ଗୁର୍ ରସ୍ କାଅ ବଲିକରି ଦେଲା, ମାତର୍ ସେ ନିର୍ଲା ।

୨୪ ତାର୍ପରେ ଜିସୁକେ କୁର୍ସେ ଚଗାଇଲା ଆରି ତାର୍ ବସ୍ତର୍ କାର୍ବାଟେ କାଇଟା ମିଲ୍ସି ବଲି ବାଟାକରି ନେବାକେ, କେଡ଼ ପୁଟାଇକରି ନିଜର୍ ନିଜର୍ ବିଡ଼ରେ ବାଟାକରି ନେଲା ।

୨୫ ସେମନ୍ ସାକ୍ଲିଆ ନ ଗାଁଟା ବେଲାଜି ଜିସୁକେ କୁର୍ସେ ଚଗାଇଲା ।

୨୬ ଆରି “ଏଟା ଜିଉଦିମନର୍ ରାଜା । ” ବଲି ନିନ୍ଦା କାତା ଲେକି କୁରୁସ୍ ଉପ୍ରେ ଡସାଇଲା ।

୨୭ କୁର୍ସେ ଜିସୁର୍ ସଙ୍ଗ୍ ଆରି ଦୁଇଟା ଚର୍ମନକେ, ତାର୍ ଉଜାବାଟେ ଗଟେକ୍କେ, ଡେବ୍ରି ବାଟେ ଆରିଗଟେକ୍କେ ଚଗାଇରଇଲା ।

୨୮ ସେ ବୁଲ୍ କଲା ଲକ୍ମନର୍ ବିଡ଼ରେଅନି ଗଟେକ୍ ଲକ୍ ବଲି, ଇସାବ୍ ଅଇଲା ବଲିକରି *ପର୍ମେସରର୍ ସାସ୍ତରେ ଲେକାଅଇରଇବା ବିସଇ ସିଦ୍ ଅଇଲା ।

୨୯ *ସେ ବାଟ୍ ଦେଇ ଜିବା ଲକ୍ମନ ନିଜେ ନିଜେ ମୁଣ୍ଡ୍ ଜୁଲାଜି ଜିସୁକେ ନିନ୍ଦାକରି କଇଲା, “ପାର୍ତନା ଗର୍ ବାଙ୍ଗାଇ କରି ତିନ୍ଦିନ୍ ବିଡ଼ରେ ତିଆର୍ କର୍ବାଲକ୍ ଏ ସେ କି ?” ବଲି କିଜାଇଲା ।

☆ ୧୫:୨୧ ରମିୟ ୧୭:୧୩ * ୧୫:୨୮ କେତେକ୍ ପୁରନା ଲେକାଇ ଏଟା ଲେକାଅସନାଇ ☆ ୧୫:୨୯ ମାର୍ଚ୍ଚ ୧୫:୫୮; ଜଅନ୍ ୨:୧୯

୩୦ “ତୁଇ ଏବେ କୁରସେ ଅନି ଉତ୍ତରି ନିଜ୍ଜକେ ରକିଆ କର୍ ।”

୩୧ ମୁକିଅ ପୁଜାରିମନ୍ ଆରି ନିୟମ୍ ସିକାଇବା ଲକ୍ମନ୍ ମିସା ନିଜର୍ ନିଜର୍ ବିତ୍ତରେ କାତାଅଇକରି କିଜାଇଲା । ସେମନ୍ କଇତେରଇଲା, “ବିନ୍ ଲକ୍ମନ୍କେ ରକିଆ କର୍ତେରଇଲା, ମାତର୍ ସେ ନିଜେ ରକିଆ ଅଇ ନାପାର୍ଲା ।”

୩୨ “ତମେ ସତଇସେ ଇସ୍ତରାଏଲର୍ ରାଜା କିରିସ୍ଟ ଅଇରଇଲେ, କୁରସେ ଅନି ଉତ୍ତରି ଆତ । ସେନ୍ତି ଅଇଲେ ଆମେ ଦେକିକରି ବିସ୍ତବାସ୍ କର୍ତ୍ତୁ ।” ବଲି କଇଲା । ଜନ୍ ଲକ୍ମନ୍କେ ଜିସୁର୍ ସଙ୍ଗ୍ କୁରସେ ଚଗାଇରଇଲା, ସେମନ୍ ମିସା ଜିସୁକେ ନିନ୍ଦା କଲା ।

ଜିସୁର୍ ମରନ୍

(ମାତିଉ ୨୭:୪୫-୫୬; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୩୩ ମୁଇଦାନିଆ ବାର୍ଟା ବେଲାଅନି ତିନ୍ଟା ଜାକ ଗୁଲାଇ ଦେସ୍ ଆନ୍ଦାର୍ ଅଇଗଲା ।

୩୪ ଦିନ୍ ତିନ୍ଟା ବେଲେ ଜିସୁ ଆଉଲିଅଇ କଇଲା, “ଏଲଇ ଏଲଇ ଲାମା ସବକ୍ତାନି ।” ଆର୍ ଅରତ୍ ଅଇଲାନି, “ଏ ମର୍ ପର୍ମେସର୍ ଏ ମର୍ ପର୍ମେସର୍, ତମେ ମକେ କାଇକେ ଚାଡ଼ିଦେଲାସ୍ ?”

୩୫ ଏ କାତା ସୁନି ସେଲଗେ ଚିଆ ଅଇରଇବା କେତେ ଲକ୍ କଇଲା, “ସେ ଏଲିୟକେ ଡାକ୍ଲାନି ।”

୩୬ ତେଇଅନି ଗଟେକ୍ ଲକ୍ ପାଲାଇ ଜାଇ ଅଙ୍ଗୁର୍ ରସେ, ତୁଲା ବୁଡାଇ ଡାଙ୍ଗେ ବାନ୍ଦି ଉପ୍ରେ ଲାମାଇଦେଲା । ସେ ଲକ୍ କଇଲା, “ଏବେ ଏଲିୟ ଆସିକରି ଆକେ କୁରସେ ଅନି ଉତ୍ତରାଇଦେଇସି କି ନାଇ ଦେକୁ ।”

୩୭ ମାତର୍ ଜିସୁ ଆଉଲିଅଇଲା ଦାପ୍ରେ ତାର୍ ଜିବନ୍ ଚାଡ଼ିଗଲା ।

୩୮ ସେବେଲା ମନ୍ଦିରର୍ ସୁକଲ୍ ଜାଗା ବିନେ କର୍ବା ପାର୍ଦା ଉପ୍ରେଅନି ତଲେ ଜାକ ଦୁଇ ଡାଡ୍ ଅଇ ଚିରିଅଇଗଲା ।

୩୯ ତେଇ ଜିସୁର୍ କୁରସ ମୁଆଟେ ଚିଆଅଇରଇଲା ସଏଟା ସନିଅମନ୍ ମୁକିଅ, ଜିସୁ ସାରାସାରି ଆଉଲି ଅଇଲାଟା ଆରି ସେ କେନ୍ତି ଅଇକରି ମଲା, ଦେକିକରି କଇଲା, “ସତଇସେ ଏ ପର୍ମେସର୍ ପିଲା ରଇଲା ।”

୪୦ *ତେଇ କେତେଟା ମାଇଜିମନ୍ ମିସା କୁରସେ ଅନି ଦୁରିକେ ଚିଆଅଇ ଦେକ୍ତେରଇଲା । ସେମନ୍ ଅଇଲାଇନି, ମଗ୍ଦଲିନି ମରିୟମ୍, ସାନ୍ଟା ଜାକୁବ୍ ଆରି ଜସିର୍ ମା ମରିୟମ୍ ଆରି ସଲମି ।

୪୧ ଜିସୁ ଗାଲିଲିତେଇ ରଇଲାବେଲେ ଏ ମାଇଜିମନ୍ ଜିସୁର୍ ସଙ୍ଗ୍ ଜାଇତେରଇଲା । ଆରି ତାକେ ଦର୍କାର୍ ରଇଲା ବିସଇ ସାଇଜ କର୍ତେରଇଲା । ଜିସୁର୍ ସଙ୍ଗ୍ ଜିରୁସାଲାମେ ଆସିରଇଲା ବିନ୍ ମାଇଜିମନ୍ ମିସା ତେଇ ରଇଲା ।

ଜିସୁର୍ ମଲା ମଡ୍ ରାଙ୍ଗ୍ନି କାଟି ତିଆର୍ କଲା ପାଆର୍ ବିତ୍ତରେ ସଙ୍ଗ୍ଇଲା

(ମାତିଉ ୨୭:୫୭-୬୧; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୪୨ ସେ ଦିନ୍ ବିସରାମ୍ ଦିନ୍ ପାଇ ତିଆର୍ ଅଇବା ଦିନ୍ ଅଇରଇଲା । ସେଦିନେ ସଞ୍ଜବେଲା,

୪୩ ଆରାମାତିଆ ଗାଉର୍ ବିଚାରକର୍ବା ମୁକିଅ ଲକ୍ ବିତ୍ତରେ ରଇଲା ଜସେପ୍ ନାଉର୍ ଗଟେକ୍ ଲକ୍, ପର୍ମେସର୍ ସାସନ୍ କର୍ବା ରାଇଜର୍ ବେଲା ଆସ ବଲି ଜାଗିରଇବା ଗଟେକ୍ ଲକ୍ । ବେସି ସାଆସଅଇ ପିଲାତର୍ ଲଗେ ଜାଇକରି ଜିସୁର୍ ମଲାମଡ୍ ମାଙ୍ଗ୍ଲା ।

୪୪ ଜିସୁ ଏତେକ୍ ଦାପ୍ରେ ମରିଗଲା ବଲି ସୁନି ପିଲାଡ୍ କାବା ଅଇଗଲା । ତାର୍ ସନିଅମନ୍ ନେତାକେ ଡାକି “ଜିସୁ ମଲାବେ କି ?” ବଲି ପାଚାର୍ଲା ।

୪୫ ସେ ସନିଅମନ୍ ନେତା, ଜିସୁ ମରିଗଲା ବିସଇ ପିଲାଡ୍କେ କଇଲା । ତାର୍ପଟେ ଜସେପ୍କେ ପିଲାଡ୍ କଇଲା, “ତୁଇ ମଡ୍ ନେଇ ପାରୁସ୍ ।”

୪୬ ସେଟାର୍ପାଇ ଜସେପ୍ ଜିସୁର୍ ଗାଗଡ୍ କୁରସ ଉପ୍ରେଅନି ଉତ୍ତରାଇ ଆନ୍ଲା ଆରି ଗଟେକ୍ ନୁଆ ଲୁଗା ସଙ୍ଗ୍ ଗୁଡିଆଇକରି ରାଙ୍ଗ୍ନି କାଟି ତିଆର୍ କରି ରଇଲା ଗଟେକ୍ ପାଆରେ ନେଇକରି ସଙ୍ଗ୍ଇଲା । ଗଟେକ୍ ବଡ୍ ଚାତଡା ପାକ୍ନା ନେଇ ପାଆର୍ ମୁଆଟେ ଡାବିଦେଲା ।

୪୭ ଜିସୁକେ ଜନ୍ ଜାଗାଇ ନେଇ ସଙ୍ଗ୍ଇ ରଇଲା, ସେ ଜାଗା ମଗ୍ଦଲିନି ମରିୟମ୍ ଆରି ଜସିର୍ ମା ମରିୟମ୍ ଦେକିରଇଲା ।

୧୭

ଜିସୁ ମରିକରି ଉଟ୍ଲା

(ମାତିଉ ୨୮:୧-୮; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

୧ ବିସରାମ୍ବାର୍ ସାର୍ଲା ତାର୍ ଆର୍କର୍ ଦିନେ ମଗ୍ଦଲିନି ମରିୟମ୍, ଜାକୁବ୍ ମାଆ ମରିୟମ୍ ଆରି ସଲମି, ଜିସୁର୍ ମଲା ଗାଗ୍ଡେ ଲାଗାଇବାକେ ବାସ୍ନା ଚିକନ୍ ଗେନିଆନ୍ଲା ।

୨ ରଇବାର୍ ଦିନର୍ ସାକାଲ୍ ସାକାଲ୍ ସେମନ୍ ତାର୍ ଗାଗଡ୍ ସଙ୍ଗ୍ଇଲା ଜାଗାକେ ଜାଇତେରଇଲା । ସେବେଲେ ବେଲ୍ ଉଦି ଆଇତେରଇଲା ।

* ୧୫:୪୦ ଲୁକ୍ ୮:୨,୩

୩ ସେମନ୍ ନିଜର ନିଜର ବିତ୍ତରେ “ଜିସୁର ଗାଗଡ଼ ସଙ୍ଗଈରଇଲା ମୁଆଟର୍ ବଡ଼ ଚାଚଡ଼ା ପାକ୍ନା ଆମର୍ ପାଇ କେ ଗୁରାକଦେଇସି ତେବେ ?” ବଲି କାତା ଅଇତେରଇଲା ।

୪ ସେମନ୍ ସେ ଜାଗାଇ କେଟିକରି ଦେକ୍ଲାବେଲେ, ଏଦେ ଦେକା ! ସେ ବଡ଼ ଚାଚଡ଼ା ପାକ୍ନା ଗୁଟିଜାଇରଇଲା ।

୫ ସେବେଲା ସେମନ୍ ସେ ଜାଗା ବିତ୍ତରେ ପୁରିକରି ଦେକ୍ଲାବେଲେ ଗଟେକ୍ ବିଜ୍ଲି ପାରା ଜଗ୍ଜଗି ଜାଇତେରଇବା ଦର୍ ପଟିଆ ପିନ୍ଦିରଇବା ଦାଙ୍ଗଡ଼ା, ଜିସୁର ମଡ଼ ସଙ୍ଗଈରଇଲା ଜାଗାର ଉଜାବାଟେ ବସିରଇଲା । ସେଟା ଦେକି ସେମନ୍ ବେସି ତରିଜାଇ କାବା ଅଇଗାଲା ।

୬ ମାତର୍ ସେ ଲକ୍ ସେମନ୍‌କେ କଇଲା, “ତରାନାଇ, ତମେ କୁରସେ ମଲା ନାଜରିତ୍ ଗତର୍ ଜିସୁ କିରିସ୍‌କେ କଜ୍‌ଲାସ୍‌ନି କି ? ସେ ଇତି ନାଇନି, ଏବେ ମଲାଟାନେଅନି ଉଟ୍‌ଲା ଆଟେ । ତାର୍ ମଡ଼ ସଙ୍ଗଈଲା ଜାଗା ଦେକା ।” ବଲି କଇଲା ।

୭ “ତମେ ଜାଇକରି ତାର୍ ସିସ୍‌ମନ୍‌କେ ଆରି ପିତର୍‌କେ ବାଇଦରେ କୁଆ, ତମେ ଜିବା ଆଗ୍‌ତୁ ଜିସୁ ଗାଲିଲି ଗଡେ ଗାଲା ଆଟେ । ସେ ତମକେ ଜେନ୍ତି କଇରଇଲା, ସେନ୍ତିସେ ଗାଲିଲି ଗଡେ ତାକେ ଦେକ୍‌ସା ।” ବଲି କଇଲା ।

୮ ସେ ମାଇଜିମନ୍ ବେସି କାବା ଅଇଜାଇ, ତର୍ତ୍ତରି ଜାଇକରି ସେ ଜାଗାଇଅନି ବାରଇକରି ପାଲାଇଲା ଆରି ସେମନ୍ ବେସି ତରିଜାଇକରି କାକେ ମିସା କାଇବଲି କଅଡ଼ନାଇ ।

ଜିସୁ ବେସି ଲକ୍‌ମନ୍‌କେ ଦେକାଇଅଇଲା

(ମାତିଉ ୨୮:୯-୧୦; ଜଅନ୍ ୨୦:୧୧-୧୮)

୯ ଜିସୁ ମଲାଟାନେଅନି ଉଟ୍‌ଲା ଆଟର୍ ପରତୁମ୍ ଦିନର୍ ସାକାଲେ ଜନ୍ ମାଇଜିଟାନେଅନି ଜିସୁ ସାଡ଼ଟା ତୁମାମନ୍‌କେ କେଦିରଇଲା, ମଗ୍‌ଦଲିନି ନାଉର୍ ମରିୟମ୍‌କେ ପରତୁମ୍ ଦେକାଇଅଇଲା ।

୧୦ ସେ ମାଇଜି ତେଇଅନି ଜାଇକରି, ଦୁକ୍‌ଅଇ କରି କାନ୍‌ଡେ ରଇଲା ଜିସୁର ସିସ୍‌ମନ୍‌କେ କଇଲା,

୧୧ “ଜିସୁ ମଲାତେଇଅନି ଉଟ୍‌ଲା ଆଟେ ଆରି ମୁଇ ତାକେ ନିଜେ ଦେକିଆଟି ।” ବଲି କଇଲା । ସିସ୍‌ମନ୍ ତାକେ ମୁଲ୍‌କେ ବିସ୍‌ବାସ୍ କରଡ଼ ନାଇ ।

ଜିସୁ ଦୁଇଟା ସିସ୍‌ମନ୍‌କେ ଦେକାଇ ଅଇଲା

(ଲୁକ୍ ୨୪:୧୩-୩୫)

୧୨ ତାର୍‌ପଟେ ଦୁଇଟା ସିସ୍‌ମନ୍ ଗଟେକ୍ ଗାଏଁ ଜିବାବେଲେ ଜିସୁ ସେମନ୍‌କେ ବିନ୍ ରୁପେ ଦେକାଇଅଇଲା । ସିସ୍‌ମନ୍ ତାକେ ଚିନି ନାପାରୁଲା ।

୧୩ ସେ ଦୁଇଟା ସିସ୍‌ମନ୍ ବାଉଡିଆସିକରି ବିନ୍ ସିସ୍‌ମନ୍‌କେ ଏ କାତା କଇଲା । ଏନ୍ତି କଇଲେ ମିସା ସିସ୍‌ମନ୍ ତାକର୍ କାତା ବିସ୍‌ବାସ୍ କରଡ଼ ନାଇ ।

ଜିସୁ ବେସି ଲକ୍‌ମନ୍‌କେ ଦେକାଇଅଇଲା

(ମାତିଉ ୨୮:୧୭-୨୦; ଲୁକ୍ ୨୪:୩୬-୪୯; ଜଅନ୍ ୨୦:୧୯-୨୩; ପେରିଡ଼ ୧:୬-୮)

୧୪ ତାର୍‌ପଟେ ଏଗାରଟା ସିସ୍‌ମନ୍ କାଇବାବେଲେ ଜିସୁ ସେମନ୍‌କେ ଦେକାଇଅଇଲା । ଜିସୁ ମଲାଟାନେଅନି ଉଟ୍‌ଲାଟା ଦେକିରଇଲା ଲକ୍‌ମନ୍ କଇଲା କାତା ବିସ୍‌ବାସ୍ ନ କରି, ସେମନ୍‌ର୍ ମନ୍ ଆର୍ଟ୍ କଲାର୍ ଲାଗି ସେମନ୍‌କେ ଲାଗୁଲା ।

୧୫ “ଜିସୁ ସେମନ୍‌କେ କଇଲା, “ତମେ ଏ ଦୁନିଆର୍ ଗୁଲାଇବାଟେ ଜାଇକରି ସବୁ ଲକ୍‌ମନ୍‌କେ ମର୍ ନିମାନ୍ କାତା କୁଆ ।

୧୬ ଜେ ଜେ ଏ ନିମାନ୍ କାତା ବିସ୍‌ବାସ୍ କରି ତୁବନ୍ ନେବାଇ, ସେମନ୍ ପାପେଅନି ରକିଆ ପାଇବାଇ, ମାତର୍ ଜେ ଜେ ଏ ନିମାନ୍ କାତା ବିସ୍‌ବାସ୍ ନ କରଡ଼, ପରମେସର୍ ସେମନ୍‌କେ ତଣ୍ଟ ଦେଇସି ।

୧୭ ଆରି ବିସ୍‌ବାସି ଲକ୍‌ମନ୍ ମର୍ ନାଉଁ ଦାରି ତୁମାମନ୍‌କେ ବାଟ୍‌କରାଇ କେଦିଦେବାଇ ଆରି ନାଜାନିରଇବା ବାସାଇ କାତା ଅଇବାଇ । ଏନ୍ତି ବିସ୍‌ବାସ୍ କର୍ବା ଲକ୍‌ମନ୍‌ଟାନେ ଗଟେକ୍ ଚିନ୍ ପାରା ଅଇସି ।

୧୮ ସେମନ୍ ନାଜାନିକରି ସାପ୍ ଆଡେ ଦାରଲେ କି ବିସ୍ କାଇଲେ ନ ମରଡ଼ । ଜର୍‌ତୁକାର୍ ଲକ୍‌ମନ୍‌କେ ଆଡ଼ ଚିଇ କରି ପାର୍‌ତନା କଲେ, ସେଲକ୍‌ମନ୍ ନିମାନ୍ ଅଇଜିବାଇ” ବଲି କଇଲା ।

ଜିସୁ ସର୍‌ଗେ ଗାଲା

(ଲୁକ୍ ୨୪:୫୦-୫୩; ପେରିଡ଼ ୧:୯-୧୧)

୧୯ *ମାପୁର୍ ଜିସୁ ଏ ସବୁ କାତା ସେମନ୍‌କେ କଇ ସାରାଇଲା ପଟେ, ପରମେସର୍ ତାକେ ସର୍‌ଗେ ଦାରିଗାଲା ଆରି ପରମେସର୍ ସନ୍‌ମାନ୍ ଜାଗାଇ ବସ୍‌ଲା ।

☆ ୧୭:୭ ମାତିଉ ୨୭:୩୨; ମାର୍ଚ୍ଚକ ୧୪:୨୮ ☆ ୧୭:୧୫ ପେରିଡ଼ ୧:୮ ☆ ୧୭:୧୯ ପେରିଡ଼ ୧:୯-୧୧

୨୦ ତାରପଟେ ତାର ସିସ୍ତମନ୍ ଜାଇକରି ଏ ଦୁନିଆର ଗୁଲାଇବାଟେ ମାପରୁ ଜିସୁର ନିମାନ୍ କାତା କଇଲାଇ ଆରି ମାପରୁ ତାକର ସଙ୍ଗ ରଇକରି କାବାଅଇଜିବା ବିନ୍ ବିନ୍ କାମ୍ କଲା । ଏନ୍ତାରି ସେମନ୍ କଇବା କାତା ସତ୍ ବଲି ଦେକାଇଦେଲା ।*

* ୧୭:୨୦ କେତେଟା ପୁରନା ଲେକାଇ ମାର୍ଚ୍ଚ ୧୭, ୯-୨୦ ନ ମିଲେ

ଯୀଶୁଖ୍ରୀଷ୍ଟଙ୍କ ବିଷୟରେ ଲୁକ୍ ଲେଖିଥିବା ସୁସମାଚାର ଜିସୁକ୍ରିସ୍ଟର ବିଷୟ ନେଇକରି ଲୁକ୍ ଲେଖିରଚିବା ନିମନ୍ତ କବର ଏ ବଇ ବିଷୟ ଜାନ୍‌ବାଟା

ଲୁକ୍ ଲେଖିରଚିବା ନିମନ୍ତ କବର ଅଇଲାନ୍ତି, ଜିସୁକ୍ରିସ୍ଟର ଜିବନେ ଅଇରଇବା ଚିକିନିକି ବିଷୟର କାତା । ନୁଆ ନିଅମର୍ ଚାଟା ବଇ ବିତ୍ରେ ଅନି ଏଟା ଗଟେକ୍ । ସେ ବିତ୍ରେ ଅନି ସବୁକେ ନିମନ୍ତ କବର କଇବାଇ । ଜାର୍ ଅରଡ୍ ଅଇଲାନ୍ତି ସୁବ୍ କବର । ସେଟା ସବୁ ଜିସୁର୍ ମରନର୍ ପଟେ ମାଡିଉ, ମାରକ୍, ଲୁକ୍ ଆରି ଜଅନର୍ ଲଗେ ଅନି ଲେକା ଅଇଆଟେ । ଲୁକ୍ ଲେକଲା ବଇଟାନ୍ତେ ଜିସୁର୍ ଜିବନେ ଗଟଲା ଲେକବା ସଙ୍ଗ୍ ତାର୍ ମରନ୍ ଆରି ମଲାଟାନ୍ତେ ଅନି ଉଟ୍ଲା ବିସଇ ମିସା ଆଟେ । ତାର୍ ସିସମନ୍ ଜନ୍ ଜନ୍ ବିସଇ ସବୁ କରିରଇଲାଇ, ସେଟାମନ୍‌ମିସା ଏ ବଇଟାନ୍ତେ ଆଟେ । ବଇକେ ପେରିଡ୍‌ମର କାମର୍ ବିସଇ ବଲି କଇବାଇ । ଲୁକ୍ ସୁବ୍‌କବରର୍ ବଇ କେତେବେଲେ ଆରି କନ୍‌ଟାନ୍ତେ ଲେକାଅଇ ରଇଲା, ସେ ବିସଇ କେମିସା ନିକସଙ୍ଗ୍ ନାଜାନଡ୍ । ମାତର୍ ପଣ୍ଡିଡ୍‌ମନ୍ ଜେନ୍ତିକି ଏଟା ଜିସୁକ୍ରିସ୍ଟ ଜନମ୍ ଅଇ ୭୦ ବରସ୍ ପଟେ ଲେକା ଅଇଲାଆଟେ ବଲି ବିସ୍‌ବାସ୍ କରବାଇ ।

ଲେକଲା ଲକ୍ ଅଇଲାନ୍ତି ଲୁକ୍ । ସେ ଗଟେକ୍ ଡାକ୍‌ଦର୍ । ତାର୍ ଲେକା ସଇଲି ଆରି କାତା ଆରି ଚାଲିଚଲନ୍ ଜାନାଇ ଦେଲାନ୍ତି, ସେ ଗଟେକ୍ ସିକିଡ୍‌ଲକ୍ ରଇଲା । ଜିସୁର୍ ଜିବନେ ଗଟିରଇବା ସବୁ ଗଟନାର୍ ଲେକା, ନିୟମ୍ ଇସାବେ ଟିକ୍ ବାବ୍‌ନା କରବାକେ ଇଟା କଲାନ୍ତି । ଜେନ୍ତିକି ସେଟା ବିନ୍‌ଲକ୍‌ମନ୍ ପଡିକରି ଉପକାର୍ ପାଇବାଇ ୧:୧-୩ । ସେ ଗଟେକ୍ ଜିଉଦି ଲକ୍ ନ ରଇଲା ମିସା କଲସିଅ ୪:୧୦-୧୪ ସେ ଏ ରକାମ୍ ବାବ୍‌ନାକରି ଲେକଲା । ଜିଉଦି ନଇଲା ଲକ୍‌ମନ୍ ଜେନ୍‌ଡିକି ବୁଜିପାରବାଇ । ସେ ଜିଉଦିର୍ ନିତିନିୟମ୍ କଇବାଟା ଇତି ଆମେ ସଅଜେ ଦେକ୍‌ବାର୍ ଅଇସି ୧:୮ ।

ଲୁକ୍ ଲେକଲା ସୁସମାଚାର୍, ମାଡିଉ ଆରି ମାରକ୍ ବଇସଙ୍ଗେ ସମାନ୍ । କାଇକେ ବଇଲେ ସେମନ୍ ସମାନ୍ ବିସଇ ଆରି ସମାନ୍ ବାବ୍‌ନାଇ କଇବାଟା ଲେକିଆଟଡ୍ । ତିନ୍‌ଟା ବଇବିଡ୍‌ରେଅନି ଲୁକ୍ ତୁବନ୍ ଦେଉ ଜଅନର୍ ଜନମ୍ ବିସଇ ତିଆର୍ କଲାଆଟେ । ଆରି ଲୁକ୍ ପାର୍‌ତନା ଉପ୍‌ରେ ଦିଆନ୍ ଦେଇଆଟେ ୩:୨୧;୫:୧୭;୬:୧୨;୧୧:୧-୧୨;୨୨:୩୨; ଆରି ସେ କେମା ଉପ୍‌ରେ ମିସା ଦିଆନ୍ କରିଆଟେ । ୩:୩, ୧୧:୪, ୧୭:୩-୪, ୨୩:୩୪, ୨୪:୪୭

ଏ ବଇବିଡ୍‌ରେ ରଇବା ବିସଇ

- ୧. ଲୁକ୍ ସୁବ୍‌କବର ଉପକରମ୍ ଆର୍ ଲେକା ଉଦେସେ ବରନା କରସି । ୧:୧-୪
- ୨. ଜିସୁର୍ ଜନମ୍ ଆରି ସେ କେନ୍ତି ସେବାକାମର୍ ପାଇ ତିଆର୍ ଅଇଲା । ୧:୫-୪:୧୩
- ୩. ଜିସୁର୍ କାମ୍ ପୁରାପୁରୁନ୍ ବିସଇର୍ ବେଲେ ସେ ସବୁକରି ରଇଲା ଚକିଡ୍ କାମ୍ ଆରି ତାର୍ ସିକିଆ ବିସଇ କଇଲା ଆଟେ । ଏଟା ଅଇଲାନ୍ତି ସୁବ୍‌କବରର୍ ବଡ୍ ବାଗ୍ । ୪:୧୪-୨୧:୩୮
- ୪. ତାର୍‌ପଟେ, ପଟର୍ ବାଗ୍ ଟାନ୍ତେ, ଜିସୁ କେନ୍ତି ମରିରଇଲା ମସ୍‌ନେ ତପି ଅଇରଇଲା ଆରି ମଲାଟାନ୍ତେ ଅନି ଉଟ୍ଲା ସେଟାମନ୍ ଆଟେ । ୨୨:୨୪

୧ ଏ ତିଅପିଲ୍ ମଆସୟ, ଆମର୍ ବିଡ୍‌ରେ ଜନ୍ ସବୁ ଗଟନା ଗଟଲା, ସେସବୁ ଲେକ୍‌ବାକେ ବେସି ଲକ୍ ଚେସ୍‌ଟା କଲାଇ ।

୨ ଆରାମ୍ ଅଇଲା ମୁଲେ, ଜେଜେ ଏ ସବୁ ଦେକିରଇଲାଇ ଆରି ସୁବ୍ କବର ବିନ୍ ଲକ୍‌ମନ୍‌କେ ଜାନାଇଲାଇ, ସେମନ୍ ଆମ୍‌କେ କଇଲା ଇସାବେ ଲେକଲାଇ ।

୩ ତେବର୍‌ପାଇ ଏ ମାନନିୟ୍ ତିୟ୍‌ପିଲ୍. ପୁର୍‌ବେଅନି ଚିକିନିକି କଜ୍‌ଲଡ୍‌କରି ତେଇ ସବୁଜାକ ରିତିନିତି ସଙ୍ଗ୍ ଅଇଲାଟା ତମର୍‌ପାଇ ମୁଇ ଲେକ୍‌ବିଆକା ବଲି ମନ୍‌କଲି ।

୪ ଜେନ୍ତି ତୁଇ ସବୁ ବିସଇର୍ ସିକିଆ ପାଇଆରୁସ୍, ସେ ସିକିଆର୍ ପୁରାପୁରୁନ୍ ସଡ୍ ପାଇପାରୁସ୍ ।

ତୁବନ୍ ଦେଉ ଜଅନର୍ ଜନମ୍

୫ ଜିଉଦା ଦେସର୍ ରାଜା ଏରଦର୍ ବେଲେ, ଅବିୟ ପୁଜାରି ଦଲେ ଜିକରିୟ୍ ନାଉର୍ ଗଟେକ୍ ପୁଜାରି ରଇଲା । ତାର୍ ମାଇଜି ଏଲିସାବେଡ୍ । ସେ ଆରଣ୍ ବସ୍‌ର୍ ରଇଲା ।

୬ ପର୍‌ମେସରର୍ ଦେକ୍‌ବା ଇସାବେ ସେମନ୍ ଦୁଇଲକ୍ ଜାକ ମାପ୍‌ରୁର୍ ସବୁ ଆଦେସ୍, ବିଦି ଇସାବେ କରତେରଇଲାଇ ।

୭ ମାତର୍ ସେମନ୍‌କେ ପିଲାଜିଲା ନ ରଇଲା । କାଇକେ ବଇଲେ ଏଲିସାବେଡ୍ ବାଞ୍ଜି ରଇଲା । ଆରି ସେମନ୍ ଡକ୍‌ରା ଡକ୍‌ରି ଅଇଜାଇରଇଲାଇ ।

୮ ଦିନେକ୍ ଜିକରିୟ୍ ନିଜର୍ ଦଲର୍ ପାଲି ଇସାବେ, ଜିଉଦିମର ମନ୍‌ରେ ପୁଜାରି କାମ୍ କରବାବେଲେ,

୯ ରିତିନିତି ଇସାବେ ଜିକରିୟ୍ ନାଉର୍ କେଡ୍ ପୁର୍‌ଲାଜେ ତାକେ ମାପ୍‌ରୁର୍ ମନ୍‌ରେ ଜାଇକରି ବେଦିଟାନ୍ତେ ଦୁପ୍ ଦେବାକେ ପଡ୍‌ଲା ।

୧୦ ଆରି ଦୁଫ୍ ଦେବାବେଳେ ଲକ୍ମନ ବାଇରେ ପାର୍ତନା କର୍ତ୍ତେ ରଇଲା ।

୧୧ ସେତକିବେଳେ ଏଦେ ଦେକା ! ମାପୁରୁର୍ ଗଟେକ୍ ଦୁଡ୍ ଦୁଫ୍ ଦେବା ବେଦିର୍ ଉଜାବାଟେ ଚିଆଅଇ ତାକେ ଦର୍ସନ୍ ଦେଲା ।

୧୨ ଜିକରିୟ୍ ତାକେ ଦେକି କିଲ୍ବିଲ୍ ଅଇ ଡରିଗାଲା ।

୧୩ ମାତର୍ ଦୁଡ୍ ତାକେ କଇଲା, “ଜିକରିୟ୍ ଡର୍ନାଇ, କାଇକେବଇଲେ ତମେ ଗୁଆରି କଲାଟା ପର୍ମେସର୍ ସୁନିଆଟେ । ତର୍ ମାଇଜି ଏଲିସାବେଡ୍ ଗଟେକ୍ ପିଲା ଜନମ୍ ଦେଇସି । ତମେ ତାକେ ଜଅନ୍ ବଲି ନାଉଁ ଦିଆସ୍ ।

୧୪ ସେ ତମର୍ ପାଇ ବେସି ସାରଦା ଆନ୍ସି ଆରି କେତେ କେତେ ଲକ୍ମନ ତାର୍ ଜନମେ ସାରଦା କର୍ବାଇ ।

୧୫ ମାପୁରୁର୍ ଦେକବା ଇସାବେ ସେ ଗଟେକ୍ ଡାକ୍ପୁଟା ଲକ୍ ଅଇସି । ସେ ଆମଟ୍ ଅଇଜାଇରଇବା ଅଙ୍ଗୁର୍ ରସ୍ କି ନିସା ଜିନିସ୍ ମୁଲକେ ନ କାଏ ଆରି ମାଆର୍ ଗର୍ବେ ଅନି ସୁକଲ୍ ଆଡ଼ମାଇ ପୁରାପୁରୁନ୍ ଅଇ ଆଇସି ।

୧୬ ଆରି ଇସରାଏଲ୍ ଲକ୍ମନର୍ ବିଡ଼ରେ ଅନି କେତେ କେତେ ଲକ୍ମନକେ ମାପୁରୁ ତାର୍ ପର୍ମେସର୍ ଟାନେ ବାଉଡାଇସି ।

୧୭ ସେ ବବିସଡ଼ବକ୍ତା ଏଲିୟର୍ ଆଡ଼ମାଇ ବପୁଅଇ ପର୍ମେସର୍ ଆଗୁ ଜାଇସି । ବାବାମନର୍ ମନ୍ ପିଲାମନର୍ଗାନେ ବାଉଡାଇସି । ପର୍ମେସର୍ କାତା ନ ମାନବା ଲକ୍ମନକେ ଦରମ୍ ଲକ୍ମନ ଚିନ୍ତା କର୍ବା ଟାନେ ବାଉଡାଇସି । ଆରି ପର୍ମେସର୍ ଲକ୍ମନକେ ତାର୍ ପାଇ ଜାଗ୍ରେଡ୍ କରାଇସି ।”

୧୮ ତେଇ ଜିକରିୟ୍ ଦୁଡ଼କେ କଇଲା, “ତମେ କଇବାଟା ସଡ୍ ଅଇସି ବଲି ମୁଇ କେନ୍ତ୍ର ଜାନ୍ବି ? କାଇକେବଇଲେ ମୁଇତା ଡକ୍ତରା ଅଇଗାଲିବେ, ଆରି ମର୍ ମାଇଜି ମିସା ଡକ୍ତରି ଅଇଗାଲାନି ।”

୧୯ ଦୁଡ୍ ତାକେ କଇଲା “ମୁଇ ଗାବ୍ରିଏଲ୍, ମୁଇ ପର୍ମେସର୍ ମୁଆଟେ ଚିଆ ଅଇରଇବା ଦୁଡ୍, ତମ୍ କେ ଏ କବର୍ ଜାନାଇବାକେ ମକେ ପାଟାଇଆଟେ ।

୨୦ ଦେକ୍, ଏ ସବୁ ନ ଅଇବା ଦିନ୍ ଜାକ ତୁଇ ଗୁଲାଅଇ ରଇସୁ । କାଇକେବଇଲେ ମର୍ ସବୁ ବାକିଅ ସମାନ୍ ବେଲାଇସେ ପୁରାପୁରୁନ୍ ଅଇସି । ସେଟା ସବୁ ତୁଇ ବିସବାସ୍ କୁରୁସ୍ ନାଇ ।”

୨୧ ଏଡ଼କି ଅଇବା ବିଡ଼ରେ ଲକ୍ମନ ଜିକରିୟ୍କେ ବାଇରେ ଜାଗିରଇଲା ଆରି ଦେଉଲେ ତାର୍ ଅଲ୍ସମ୍ ଅଇଲାଜେ ସେମନ୍ କାବାଅଇ ଜାଇତେରଇଲା ।

୨୨ ମାତର୍ ଜିକରିୟ୍ ବାରଇ ଆସି ଲକ୍ମନର୍ ସଙ୍ଗ୍ କାତାଅଇ ନାପାର୍ଲା, ତେଇ ସେ ଦେଉଲେ ଦର୍ସନ୍ ପାଇଆଟେ ବଲି ଲକ୍ମନ ବୁଢ଼ଲା ଆରି ସେ ଲକ୍ମନକେ ଆଡ୍ ସଗିଆ କରି ଜାନାଇବାର୍ ଦାର୍ଲା ଆରି ଗୁଲାଅଇକରି ରଇଲା ।

୨୩ ଜିକରିୟ୍ ତାର୍ ସେବା କର୍ବା ପାଲି ଦିନ୍ ସବୁ ସାର୍ଲା ପଟେ ତାର୍ ଗରେ ଉଟିଗାଲା ।

୨୪ ଏଡ଼କି ଅଇ କେତେକ୍ ଦିନ୍ ଗାଲା ପଟେ ତାର୍ ମାଇଜି ଏଲିସାବେଡ୍ ଗାଗ୍ଡେ ଅଇଲା ଆରି ସେ ପାଁର୍ ମାସ୍ ଜାକ କାକେ ନ ଜାନାଇ ଗରେସେ ରଇଲା ।

୨୫ ତାର୍ପଟେ ଏଲିସାବେଡ୍ କଇଲା, “ଲକ୍ମନର୍ ଜେଞ୍ଜେଟ୍ କର୍ବାଟା ଦୁର୍ କର୍ବାକେ ସାରାସାରି ମକେ ଦୟା କରି ମାପୁରୁ ଏନ୍ତାରି କଲାଆଟେ ।”

ଜିସୁର୍ ଜନମ୍ ବିସଇ

୨୬ ଏଲିସାବେଡ୍ ଗାଗ୍ଡେଅଇ ଚ ମାସ୍ ଅଇଲାକେ, ପର୍ମେସର୍ ଗାବ୍ରିଏଲ୍ ଦୁଡ଼କେ ଗାଲିଲି ରାଇଜର୍ ନାଜରିଡ୍ ନାଉଁର୍ ନଅରେ ଗଟେକ୍ ଦାଙ୍ଗ୍ଡିର୍ ଟାନେ ପାଟାଇଲା ।

୨୭ *ସେ ଦାଙ୍ଗ୍ଡିର୍ ନାଉଁ ମରିୟମ୍, ଦାଉଦ୍ ବଂସର୍ ଜସେପ୍ ନାଉଁର୍ ଗଟେକ୍ ଦାଙ୍ଗ୍ଡା ସଙ୍ଗ୍ ତାର୍ ମାଙ୍ଗ୍ନି ଅଇରଇଲା ।

୨୮ ଦୁଡ୍ ମରିୟମର୍ ଲଗେ ଆସି କଇଲା, “ଏ ନୁନି, ମାପୁରୁ ତକେ ଦୟାକଲା ଆଟେ, ଆରି ତର୍ସଙ୍ଗ୍ ଆଟେ ।”

୨୯ ମରିୟମ୍ ସରଗର୍ ଦୁଡ଼ କଇଲା ବାକିଅ ସୁନ୍ଲା ଆରି କାଇଟା ବୁଜିନାପାରି ଉଡୁକ୍ ଦୁଡ଼କ୍ ଅଇଜାଇକରି, ବାବିବାବି ରଇଲା ।

୩୦ ଦୁଡ୍ ତାକେ କଇଲା, “ମରିୟମ୍ ତର୍ ନାଇ, ତୁଇ ମାପୁରୁର୍ ଦୟା ପାଇଆରୁସ୍ ।

୩୧ *ଦେକ୍ ତୁଇ ଗାଗ୍ଡେ ଅଇ ପିଲା ଗଟେକ୍ ଜନମ୍ କର୍ସୁ ଆରି ତାର୍ ନାଉଁ ଜିସୁ ଦେଇସା ।

୩୨ ସେ ଗଟେକ୍ ଡାକ୍ପୁଟା ଲକ୍ ଅଇସି ଆରି ସବୁର୍ ଉପରେ ରଇବା ପର୍ମେସର୍ ପଅ ବଲି କଇବାଇ, ସରଗର୍ ମାପୁରୁ ତାକେ, ତାର୍ ଆନିଦାଦି ଦାଉଦର୍ ପାରା ରାଜା କରାଇସି ।

୩୩ ସେ କାଲକାଲ୍ ଜୁଗ୍ଜୁଗ୍ ଇସରାଏଲ୍ ଲକ୍ମନକେ ସାସନ୍ କର୍ସି । ତାର୍ ରାଇଜ୍ କେବେ ନ ସାରେ ।”

୩୪ ମରିୟମ୍ ଦୁଡ଼କେ କଇଲା, “ଏଟା କେନ୍ତ୍ର ଅଇସି ? ମୁଇତା ମୁନୁସ୍କେ ନାଜାନି !”

୩୫ ଦୁଡ୍ ତାକେ କଇଲା, “ସୁକଲ୍ ଆଡ଼ମା ଆସି ତକେ ଡାବି ଅଇସି, ଆରି ସବୁର୍ ଉପରେ ରଇବା ପର୍ମେସର୍ ବପୁ ତକେ ଗୁଡ଼ିଆଇ ଅଇସି, ତେବର୍ପାଇ ଜେ ଜାଡ୍ ଅଇସି, ସେ ସୁକଲ୍ ପର୍ମେସର୍ ପଅ ବଲି ଡାକ୍ପୁଟା ଅଇସି ।”

୩୬ ଆରି ଦେକ୍, ତର୍ ଲାଗାର୍ ଲିତାର୍ ଏଲିସାବେଡ୍ ମିସା ଡକ୍ତରି ବେଲେ ଗାଗ୍ଡେ ଆଟେ, ଜାକେ ଲକ୍ମନ ବାଞ୍ଜି ବଲି କଇତେରଇଲା । ତାକେ ଏବେ ଚ ମାସ୍ ଅଇଲା ।

☆ ୧:୨୭ ମାଡିଉ ୧:୧୮ ☆ ୧:୩୧ ମାଡିଉ ୧:୨୧

୩୭ କାଇକେବଇଲେ ପର୍ଯ୍ୟେସରର୍ଟାନେ କାଇଟା ମିସା ନ ଅଇବା କାମ୍ ନାଇ, ବଲି କଇଲା ।

୩୮ ତେଇ ମରିୟମ୍ କଇଲା, “ଦେକା, ମୁଇ ଗଟେକ୍ ମାପୁରୁର୍ ଦାସି, ତମେ କଇବା ଇସାବେ ମକେ ଅ ।” ତାର୍ପଟେ ଦୁଡ୍ ତାର୍ଟାନେଅନି ଉଟିଗାଲା ।

ଏଲିସାବେତ ଆରି ମରିୟମ୍ ବେଟ୍‌ଗାଟ୍

୩୯ ସେଡ୍‌କିବେଲେ ମରିୟମ୍ ବାରଇକରି ଜିଉଦା ରାଇଜର୍ ଡଙ୍ଗର୍ ଜାଗାର୍ ଗଟେକ୍ ନଅରେ ଉଟିଗାଲା ।

୪୦ ତେଇ ଜିକରିୟର୍ ଗରେ ପୁରିକରି ସେ ଏଲିସାବେତ୍‌କେ ଜୁଆର୍ କଲା ।

୪୧ ମରିୟମ୍ ଜୁଆର୍‌କଲାଟା ସୁନ୍‌ଲା ଦାପ୍‌ରେ ଏଲିସାବେତ୍‌ର ଗର୍‌ବେ, ପିଲା ସାର୍‌ଦା ଅଇ ତେଗଇଲା ଆରି ଏଲିସାବେତ୍ ସୁକଲ୍ ଆଡ଼ମାଇ ପୁରାପୁରୁନ୍ ଅଇଲା ।

୪୨ ଏଲିସାବେତ୍ ଆଉଲି ଅଇକରି କଇଲା, “ତୁଇ ସବୁ ମାଇଜିମନର୍ ବିତ୍‌ରେ ଅନି କେତେକ୍ ନିକ କରମର୍ ଲକ୍ ! ତର ଗରବର୍ ପିଲାର୍ ମିସା କେତେକ୍ କରମ୍ !

୪୩ ମୁଇ କେ ଜେ ମର୍ ମାପୁରୁର୍ ମାଆ, ମକେ ଦେକ୍‌ବାର୍ ଆଇଲା ଆଟେ ?

୪୪ କାଇକେବଇଲେ, ଦେକ୍, ତୁଇ ଜୁଆର୍‌କଲାଟା ସୁନ୍‌ଲା ଦାପ୍‌ରେ ମର୍ ଗରବର୍ ପିଲା ସାର୍‌ଦା ଅଇ ତେଗଇଲା ।

୪୫ ଜେ ବିସ୍‌ବାସ୍ କରସି ତାର୍ କେତେକ୍ ନିମାନ୍ କରମ୍, କାଇକେବଇଲେ ମାପୁରୁ ତାକେ ଜାଇଜାଇଟା କୁଆଅଇଲାଆଟେ, ସେ ସବୁଜାକ ଅଇସି ଆକା ।”

ମାପୁରୁକେ ମରିୟମ୍ ମଇମା ଗିଡ୍

୪୬ ତେଇ ମରିୟମ୍ କଇଲା,

“ମର୍ ଜିବନ୍ ମର୍ ମାପୁରୁର୍ ମଇମା କଲାନି ।

୪୭ ଆରି ମର୍ ଆଡ଼ମା ମର୍ ରକିଆକାରି ପର୍ଯ୍ୟେସରର୍ଟାନେ ସାର୍‌ଦା କଲାନି ।

୪୮ କାଇକେବଇଲେ ସେ ମର୍‌ପାରା କାକୁର୍‌ତିଆନିକେ ନିଜର୍ ଗତିଦାଙ୍ଗ୍‌ତି ବଲି ଏତାଇଲା ଆଟେ ।

ଆରି ଦେକା ଆଜିଅନି କାଲ୍‌କାଲ୍ ଜୁଗ୍‌ଜୁଗ୍, ସବୁ ଲକ୍ ମକେ ପର୍ଯ୍ୟେସରର୍ ତେଇଅନି ଆସିର୍‌ବାଦ୍ ମିଲ୍‌ଲା ଲକ୍ ବଲି କଇବାଇ ।

୪୯ କାଇକେବଇଲେ ସବୁର୍‌ଟାନେଅନି ବପୁର୍ ମାପୁରୁ, ମର୍‌ପାଇ କାବାଅଇଜିବା କାମ୍ କଲାଆଟେ, ତାର୍ ନାଉଁ ସୁକଲ୍ ।

୫୦ ଆରି ଜନ୍ ଲକ୍‌ମନ୍ ତାକେ ଡରିକରି ରଇବାଇ, ଜୁଗେ ଜୁଗେ ସେ ସେମନ୍‌କେ ଦୟା କରସି ।

୫୧ ସେ ତାର୍ ନିଜର୍ ବପୁର୍ ଆଡ୍ ଦେକାଇଆଟେ,

ସେ ଆଁକାର୍ ଲକ୍‌ମନ୍‌କେ ସେମନ୍‌ର୍ ମନେ ବାବ୍‌ନା କଲାଟା ଚିନ୍‌ତତ୍‌ର କଲା ଆଟେ ।

୫୨ ସେ ବଡ୍ ବଡ୍ ରାଜାମନ୍‌କେ ସେମନ୍ ରଇବାଟାନେଅନି ଉଡ୍‌ରାଇ ଦେଲା ଆଟେ,

ଆରି କାକୁର୍‌ତିଆମନ୍‌କେ ଉପ୍‌ରେ ଉଟାଇ ଆଟେ ।

୫୩ ସେ ବୁକର୍ ଲକ୍‌ମନ୍‌କେ ନିକ ନିକ ବିସଇ ଦେଇ ସାର୍‌ଦା କରାଇ ଆଟେ,

ସାଉକାର୍‌ଲକ୍‌ମନ୍‌କେ ତୁଟା ଆଟେ ବାଉଡାଇଦେଇ ଆଟେ ।

୫୪ ଆମର୍ ଆନିଦାଦିମନ୍‌କେ ଜନ୍ କାତା ଦେଇରଇଲା,

ସେଟା ପୁରାପୁରୁନ୍ କଲା ଆରି ତାର୍ ନିଜର୍ ଚାକର୍ ଇସ୍‌ରାଏଲର୍ ଉପ୍‌କାର୍ କରି ଆଟେ ।

୫୫ ସେ ଅବ୍‌ରାଆମ୍ ଆରି ତାର୍ ନାତିମନ୍‌କେ ତାର୍ ଦୟା କାଲ୍‌କାଲ୍ ଜୁଗ୍‌ଜୁଗ୍ ଏତାଅଡ୍‌ବଲି ଦେକାଇଲା ଆଟେ ।”

୫୬ ଆରି ମରିୟମ୍ ତିନ୍ ମାସ୍ ପାରା ଏଲିସାବେତ୍‌ର ସଙ୍ଗ୍ ରଇ ନିଜର୍ ଗରେ ବାଉଡି ଗାଲା ।

ତୁବନ୍ ଦେଉ ଜଅନର୍ ଜନମ୍

୫୭ ପଟେ ଏଲିସାବେତ୍‌ର ଆଡ଼ଗଡ୍ ସୁକ୍ ଅଇବା ଦିନ୍ କେଟି ଆଇଲାଜେ, ସେ ଗଟେକ୍ ପିଲା ଜନମ୍ ଦେଲା ।

୫୮ ଆରି ମାପୁରୁଜେ ତାକେ ଦୟା କଲାଆଟେ, ଏଟା ସୁନି ଜିକରିୟର୍ ଲାଗାରିଲିତାର୍ ଲକ୍ ଆରି ଗତିଆ କୁଟୁମ୍ ତାକର୍ ସଙ୍ଗ୍ ସାର୍‌ଦା କର୍‌ବାର୍ ଦାର୍‌ଲାଇ ।

୫୯ ଆଡ୍ ଦିନ୍ ଗାଲାପଟେ ଲକ୍‌ମନ୍ ପିଲାର୍ ସୁନଡ୍‌ଟାନେ ଆଇଲାଇ* ଆରି ତାର୍ ବାବାର୍ ନାଉଁ ଇସାବେ ପିଲାର୍ ନାଉଁ ମିସା ଜିକରିୟ୍ ଦେବାକେ ମନ୍‌କଲାଇ ।

୬୦ ମାତର୍ ଏଲିସାବେତ୍ କଇଲା, “ନାଇ ତାର୍ ନାଉଁ ଜଅନ ଦିଆ ଅ ।”

୬୧ ଲକ୍‌ମନ୍ ତାକେ କଇଲାଇ “ତମର୍ ବସ୍ ବିତ୍‌ରେ ତା ଏନ୍ତାରି ନାଉଁର୍ ଲକ୍ କେ ମିସା ନାଇ ।”

୬୨ ତେଇ ସେମନ୍ ପିଲାକେ କାଇ ନାଉଁ ଦେଉଁ ବଲି ମନ୍ କଲୁସ୍‌ନି ? ସେଟା ଜିକରିୟ୍‌କେ ଆଡ୍ ଦେକାଇକରି ପାଟାର୍‌ବାର୍ ଦାର୍‌ଲାଇ ।

* ୧:୫୯ ମନସ୍ ପିଲାର୍ ଜର୍‌ଟ୍‌ଟାନର୍ ଚିପର ଚାମ୍ କାଟ୍‌ବାଟା ଅଇଲାନି ସୁନଡ୍

୨୩ ସେତୁକିବେଳେ ଜିକରିୟ ଲକ୍ଷ୍ମୀଙ୍କୁ ଗଟେକ ଲେକ୍‌ବା ପାଟା ମାଙ୍ଗୁଲା ଆରି “ଏଦେ ଦେକା ! ତାର ନାଉଁ ଜଅନ୍ !” ବଲି ଲେକ୍‌ଲା । ତେଇ ସବୁଲକ୍‌ କାବା ଅଇଗାଲା ।

୨୪ ସେତୁକି ଦାପ୍‌ରେ ଜିକରିୟର୍ ଟଣ୍ଟୁ ପୁଟୁଲା, ସେ ଆରି ତରେକ୍ କାତା ଅଇ ପର୍‌ମେସର୍‌କେ ମଇମା କର୍‌ବାର୍ ଦାରୁଲା ।

୨୫ ତାର ଲଗର୍ ପାକର୍ ଲକ୍‌ମନ୍ ଡରିଗାଲା, ଆରି ଏସବୁ କାତା ଜିଉଦା ରାଇଜର୍ ତଙ୍ଗର୍ ଜାଗାର୍ ସବୁ ବାଟର୍ ଲକ୍‌ମନ୍ କୁଆବଲା ଅଇଲା ।

୨୬ ଆରି ସୁନିରଇବା ସବୁ ଲକ୍‌ମନ୍ କାବା ଅଇକରି, ମନେ ମନେ ବାବୁଲା, ତେବେ ଏ ପିଲା କାଇଟା ଅଇସି ? କାଇକେବଇଲେ ମାପୁରୁର୍ ବପୁ ପିଲାସଙ୍ଗ୍ ଆଟେ ବଲି ସବୁକେ ଜାନାପଡୁଲା ।

ଜିକରିୟ ବବିସତ୍‌ବକ୍‌ତାର କାତା

୨୭ ଆରି ଜଅନ୍‌ର୍ ବାବା ଜିକରିୟ ସୁକଲ୍ ଆଡ଼ମାଇ ପୁରାପୁରୁନ୍ ଅଇ ପର୍‌ମେସର୍‌ର୍ କବର୍ କଇବାର୍ ଦାରୁଲା ।

୨୮ “ଆସା ଆମେ ଇସରାଏଲର୍ ମାପୁରୁକେ ଦନିଅବାଦ୍ ଦେଉ କାଇକେବଇଲେ ସେ ତାର ନିଜର୍ ଲକ୍‌ମନ୍‌କେ ଦୟାକରି ମୁକ୍‌ଲାଅସି ।

୨୯ ତାର ନିଜର୍ ଗତିଦାଙ୍ଗତା ଦାଉଦର୍ କୁଟୁମେ ଅନି ଆମର୍ ପାଇ ଗଟେକ୍ ବପୁ ସଙ୍ଗର୍ ଉଦାରକାରିଆକେ ଦେଲା ଆଟେ ।

୩୦ ପୁରବ୍ କାଲେଅନି ସୁକଲ୍ ରଇବା ନିଜର୍ ବବିସତ୍‌ବକ୍‌ତାମନ୍ ଟଣ୍ଟୁଅନି କାତା ଦେଇ ଜେନ୍ତି କଇରଇଲା, ସେତୁକି ଆମ୍‌କେ ଇନ୍ କର୍‌ବା ସବୁ ସତ୍‌ରୁମନ୍ ଟାନେଅନି ମୁକ୍‌ଲାଅ ଆଟେ ।

୩୧ ଜେନ୍ତି ସେ ଆମର୍ ଆନିଦାଦିମନ୍‌ପାଇ ଦୟା ଦେକାଇଆଟେ, ଆରି ସେମନ୍‌ର୍ ସଙ୍ଗ୍ କରଇରଇବା ନିଜର୍ ସୁକଲ୍ ନିୟମ୍ ଏତାଇ ଆଟେ,

୩୨ ଆମର୍ ପୁର୍‌ବର୍ ବାବା ଅବରାଆମ୍‌କେ ଜନ୍ କାତା ଦେଇରଇଲା । ଆରି ଜେନ୍ତାରିକି ସତ୍‌ରୁର୍ ଆଡେଅନି ଉଦାର ପାଇ ଆରୁ ।

୩୩ ଜେନ୍ତାରିକି ଆମେ ଜିବନ୍‌ସାରା ଦରମ୍ ସଙ୍ଗ୍, ସୁକଲ୍ ସଙ୍ଗ୍ ତାର ସେବା କର୍‌ବାକେ, ଆମ୍‌କେ ଦୟା କର୍‌ସି ।

୩୪ ଏ ମର୍ ନୁନା, ତୁଇ ସବୁର୍ ଉପ୍‌ରେ ରଇବା ପର୍‌ମେସର୍‌ର୍ ଗଟେକ୍ ବବିସତ୍‌ବକ୍‌ତା ବଲି ତାକ୍‌ପୁଟା ଅଇସୁ । ତୁଇ ସେ ପାଟାଇରଇବା ଗଟେକ୍ ଦୁଡ଼ପାରା, ତାରପାଇ ବାଟ୍ ତିଆର୍ କର୍‌ସୁ ।

୩୫ ପାପ୍‌ଟାନେଅନି କେମା ପାଇକରି ଜେନ୍ତି କି ଉଦାର ଅଇବାଇ, ସେ କାତା ଜାନାଇବାକେ ଜାଇସୁ ।

୩୬ ଆମର୍ ପାଦ୍ ସାନ୍ତିର୍ ବାଟେ ଆନ୍‌ବାକେ, ଆମର୍ ପର୍‌ମେସର୍‌ର୍ ଆଲାଦର୍ ଦୟାରୁଲାଗି, ଆମର୍‌ପାଇ ସର୍‌ଗେଅନି ବେଲ୍ ତାରାସି ।

୩୭ ସେ ପୁରାପୁରୁନ୍ ଆଲାଦର୍ ଦୟାରୁଲାଗି ମାପୁରୁର୍ ଲକ୍‌ମନ୍‌କେ, ସେମନ୍‌ର୍ ପାପ୍‌ଟାନେଅନି ମୁକ୍‌ଲାଅବା ଗିଆନ୍ ଦେଇସୁ । ତାର ବାଟ୍ ତିଆର୍ କର୍‌ବାକେ ମୁଲିଆଇସୁ ।”

୩୮ ଆରି ଜଅନ୍ ବଡ଼ିକରି ଆଡ଼ମାଇ ବପୁ ଅଇଲା ଆରି ଲକ୍‌ମନ୍‌ର୍ ଟାନେ ଜାନାଇ ନ ଅଇକରି କିନରା ଜାଗାମନ୍‌କେ ରଇତେ ରଇଲା । ପଟେ ସେ ଇସରାଏଲର୍ ଲକ୍‌ମନ୍‌ର୍‌ଟାନେ ବାକିଅ ସୁନାଇବାର୍ ଦାରୁଲା ।

୨

ଜିସୁର୍ ଜନମ୍ (ମାଡିଉ ୧:୧୮-୨୫)

୧ ସେବେଲେ ରମିୟ ରାଇଜର୍ ବଡ଼ ସାସନ୍ କାରିଆ ଅଗସ୍‌ଟ କାଇସର୍‌ର୍ ଆଦେସ୍ ଇସାବେ ସବୁଲକ୍‌କେ ନାଉଁ ଲେକାଇବାର୍ ଅଇଲା ।

୨ କିରିଣିୟ ନାଉଁର୍ ସାସନ୍ କାରିଆ ସିରିଆ ରାଇଜ୍ ସାସନ୍ କର୍‌ବା ବେଲେ ପର୍‌ଡୁମ୍ ତର୍ ଏନ୍ତାରି ନାଉଁ ଲେକା ଅଇରଇଲା ।

୩ ସେଟାରପାଇ ବଲି ସବୁଲକ୍ ନାଉଁ ଲେକାଇବାକେ ନିଜର୍ ନିଜର୍ ନଅରେ ଗାଲା ।

୪ ଆରି ଜସେପ୍ ମିସା ନାଉଁ ଲେକାଇବାକେ ମରିୟମର୍ ସଙ୍ଗ୍ ଗାଲିଲି ରାଇଜର୍ ନାଜରିତ୍ ନାଉଁର୍ ଗଟେକ୍ ନଅରେ ଅନି ଜିଉଦା ରାଇଜର୍ ବେଡ଼ଲିଇମ୍ ବଲି ଦାଉଦ୍ ରାଜାର୍ ଜନମ୍ ନଅରେ ଗାଲା । କାଇକେବଇଲେ, ଜସେପ୍ ଦାଉଦ୍ ବର୍‌ସର୍ ଆରି ସେ କୁଟୁମର୍ ଲକ୍ ରଇଲା ।

୫ ତାରସଙ୍ଗ୍ ମରିୟମର୍ ବିବା ମାଙ୍ଗୁନି ଅଇରଇଲା, ଆରି ମରିୟମ୍ ଗାଗତେ ଅଇରଇଲା ।

୬ ଜସେପ୍ ଆରି ମରିୟମ୍ ବେଡ଼ଲିଇମେ ରଇଲାବେଲେ, ମରିୟମ୍ ଆଡ଼ଗଡ଼୍ ସୁକ୍ ଅଇବା ଦିନ୍ କେଟି ଆଇଲା ।

୭ ଆରି ମରିୟମ୍ ତାର ପଣ୍ଡା ପିଲାକେ ତେଇ ଜନମଦେଲା, ଆରି ତାକେ ଲୁଗାସଙ୍ଗ୍ ଗୁଡ଼ିଆଇକରି ଗରୁସାଲର୍ ତଙ୍ଗାକୁଣ୍ଡେ ତୁଲାଇରଇଲା, କାଇକେବଇଲେ ସେମନ୍‌କେ ରଇବାପାଇ ବାସାଗରେ ଟାନ୍ ନ ରଇଲା ।

ମେଣ୍ଡା ଗଉଡ଼ମନ୍ ଜିସୁର୍ ଜନମ୍ କବର୍ ସୁନ୍‌ଲାଇ

୮ ବେତଲିଇମ୍ ଲଗେ କେତେଟା ମେଣ୍ଡା ଚାରାଉ ଗଉଡ଼ମନ୍ ସେ ରାତିଆ ପଦାଇ ରଇ ତାକର୍ ମେଣ୍ଡା ଗଟାନ୍ତି ଜାଗତେରଇଲା ।

୯ ଆରି ଏଦେ ଦେକା ! ମାପ୍ତୁର ଦୁଡ଼ ଗଟେକ୍ ଆସି ସେମନ୍ ଲଗେ ଟିଆଅଇଲା, ଆରି ମାପ୍ତୁର ମଇମାର୍ ଉଜଲ୍ ତାକର୍ ଚାରିବେଡ଼ି ଜଲ୍ ସିଗାଲାଜେ ଗଉଡ଼ମନ୍ ବେସି ତରିଗାଲା ।

୧୦ ତେଇ ଦୁଡ଼ ସେମନ୍ କେ କଇଲା, “ତରାନାଇ ! ଦେକା ମୁଇ ସବୁଲକର୍ ପାଇ ଗଟେକ୍ ବେସି ସାର୍ଦାର୍ କବର୍ ତମ୍ କେ ଜାନାଇଲିନି, ଜନ୍ ଟାକି ସବୁଲକର୍ ପାଇ ସାର୍ଦାର୍ ବିସଇ ଅଇସି ।

୧୧ କାଇକେବଲେ, ଆଜିସେ ଦାଉଦ୍ ରାଜାର୍ ଜନମ୍ ନଅରେ ତମର୍ ପାଇ ଗଟେକ୍ ଉଦାର୍ କାରିଆ ଜନମ୍ କଲା ଆତେ, ସେ କିରିସ୍ଟ ମାପ୍ତୁର ।

୧୨ ଆରି ତମର୍ ପାଇ ବଲି ଏଟା ଗଟେକ୍ ଚିନ୍ ପାରା ଅଇସି, ତମେ ଲୁଗା ଗୁଡ଼ିଆଇକରି ଗଟେକ୍ ପିଲା ଗରୁସାଲର୍ ତଙ୍ଗାଇ ହୁଲା ରଇବାଟା କଜି ମିଲାଇସା ।”

୧୩ ସେଡ଼ିକିବେଲେ ଅଟାଡ଼ ସରଗେ ଅନି ଦୁଡ଼ମନ୍ ମାନ୍ଦାଅଇ, ସେ ସରଗର୍ ଦୁଡ଼ମନ୍ କେଟି ପର୍ମେସରକେ ସୁମର୍ ନା କରବାର୍ ଦାରଲା ।

୧୪ “ସରଗେ ରଇବା ପର୍ମେସରର୍ ଜୟ ଜୟ କରୁ,

ଆରି ଦର୍ତନିଟାନେ ରଇବା ଜନ୍ ଲକ୍ ମନ୍ କେ ପର୍ମେସର୍ ବାଟଲାଆତେ ସେମନ୍ କେ ସାନ୍ତି ମିଲ ।”

୧୫ ଦୁଡ଼ମନ୍ ମେଣ୍ଡା ଚାରାଉ ଗଉଡ଼ମନ୍ କେ ଚାଡ଼ି ସରଗେ ଉଟିଗାଲା ପରେ, ଗଉଡ଼ମନ୍ ତାକର୍ ତାକର୍ ବିଡ଼ରେ କୁଆବଲା ଅଇବାର୍ ଦାରଲା, “ଆସା ଆମେ ସବୁ ବେତଲିଇମ୍ ଜାକ ଜାଇକରି, ପର୍ମେସର୍ ଜାନାଇରଇଲା ବିସଇ ଦେକୁ ।”

୧୬ ତେଇଅନି ସେମନ୍ ଦାପ୍ତରେ ଜାଇ କଜିକରି ମରିୟମ୍, ଜସେପ୍ ଆରି ଗରୁସାଲର୍ ତଙ୍ଗାଇ ପିଲା ହୁଲିରଇଲାଟା ଦେକଲା ।

୧୭ ସେମନ୍ ପିଲାକେ ଦେକିକରି, ଦୁଡ଼ ଜାଇ ଜାଇଟା କଇରଇଲା, ତେଇ ରଇଲା ସବୁଲକ୍ କେ କଇଲା ।

୧୮ ଆରି ଜେଡ଼ି ଲକ୍ ତେଇ ରଇଲା ଗଉଡ଼ମନ୍ ଟାନେ ଅନି ସେ ସବୁ କାତା ସୁନି କାବା ଅଇଗାଲା ।

୧୯ ମାତର୍ ମରିୟମ୍ ଏ ସବୁ କାତା ନିଜର୍ ମନେ ସଙ୍ଗଇ, ସେ ବିସଇସେ ଚିନ୍ତା କରବାର୍ ଦାରଲା ।

୨୦ ଆରି ମେଣ୍ଡା ଚାରାଉମନ୍ କେ ଦୁଡ଼ ଜେଡ଼ି କଇରଇଲା, ସେନ୍ତା ସୁନ୍ଲା ଅରି ଦେକଲା । ସେ ସବୁର୍ଲାଟି ପର୍ମେସରର୍ ମଇମା କରି କରି ବାଅଡ଼ଲା ।

ଜିସୁକେ ପର୍ମେସରର୍ ଗରେ ନେଲା

୨୧ ✠ଆର୍ ଦିନ୍ ଅଇଲାପରେ ଜିଉଦିମନ୍ ନିୟମ୍ ଇସାବେ ପିଲାକେ ସୁନଡ଼ କରବାକେ ମନ୍ଦିରେ ନେଲା । ଆରି ପିଲାର୍ ନାଉଁ ଜିସୁ ବଲି ଦିଆଅଇଲା । ଏ ନାଉଁ ମରିୟମ୍ ଗାଗ୍ତେ ନ ଅଇତେ, ସରଗର୍ ଦୁଡ଼ କଇରଇଲା ।

୨୨ ପରେ ଜେଡେବଲ୍ ମସାର୍ ବିଦି ଇସାବେ, ଜସେପ୍ ଆରି ମରିୟମ୍ ସୁତକ୍ ଅଇରଇବା ବେଲା ପୁରୁନ୍ ଅଇଆଇଲା, ପିଲାକେ ପର୍ମେସରକେ ସର୍ପି ଦେବାକେ ଜିରୁସାଲାମ୍ ମନ୍ଦିରେ ନେଲା ।

୨୩ ମାପ୍ତୁର ଲେକା ଅଇରଇବା ସାସ୍ତର୍ ଇସାବେ, ସେ ବେଲେ ଜନ୍ ଗରେ ମିସା, ପର୍ତୁମ୍ ଜନମ୍ ଅଇଲା ପଶୁଆ ପିଲାମନ୍ ପର୍ମେସରର୍ ସେବାର୍ ପାଇ ସର୍ପି ଅଇବାଇ ବଲି ମାନ୍ତେ ରଇଲା ।

୨୪ ଜସେପ୍ ଆରି ମରିୟମ୍ ଜିସୁକେ ଲେକା ଅଇରଇବା ସାସ୍ତର୍ ଇସାବେ ପର୍ମେସରକେ ସର୍ପି ଦେବାକେ ଆରି ସୁକଲ୍ ଅଇବା ବିରୁପାଇ ଦୁଇଟା ପରୁଆ ପିଲା ଦାରି ଜିରୁସାଲାମ୍ ଗାଲା ।

ସିମିୟନ୍ ଆରି ଆନା ଜିସୁକେ ଦେକଲା

୨୫ ସେବେଲେସେ ଜିରୁସାଲାମେ ସିମିୟନ୍ ନାଉଁର୍ ଗଟେକ୍ ଦରମ୍ ଲକ୍ ରଇଲା । ସେ ମାପ୍ତୁ ଦେକ୍ବା ଇସାବେ ନିମାନ୍ ଲକ୍ । ଇସ୍ରାଏଲ୍ ଦେସେ ଉଦାର୍ କାରିଆ ଆସି ସାନ୍ତି ଦେଅ ବଲି ଜାଗିରଇଲା । ଆରି ତାର୍ଟାନେ ସୁକଲ୍ ଆଡ଼ମା ବାସାଅଇରଇଲା ।

୨୬ ସୁକଲ୍ ଆଡ଼ମା ତାକେ ଜାନାଇଦେଇରଇଲା ଜେ, ପର୍ମେସର୍ ପାଟାଇରଇବା ଉଦାର୍ କାରିଆର୍ ଦର୍ସନ୍ ନ ମିଲ୍ବାଜାକ ତାର୍ ମରନ୍ ନ ଅଏ ।

୨୭ ତାକେ ଆଡ଼ମା ଚାଲା ଅନ୍ଲାଜେ ସେ ଦେଉଲର୍ ଡାଣ୍ଡେ ଆଇଲା, ଆରି ଜେଡେବଲ୍ ସାନ୍ପିଲା ଜିସୁର୍ ଆୟା ବାବା ତାକେ ବିଡ଼ରେ ଆନ୍ଲାଇ,

୨୮ ସେଡ଼ିକିବେଲେ ସିମିୟନ୍ ସାନ୍ପିଲାକେ କଲେ ଦାରି ପର୍ମେସରର୍ ମଇମା କରି କଇଲା,

୨୯ “ଏ ମାପ୍ତୁ ! ଏବେ ତୁଇ ନିଜର୍ ବାକିଅ ଇସାବେ

ତର୍ ନିଜର୍ ଦାସ୍ ମକେ ସାନ୍ତିସଙ୍ଗ୍ ଜିବାକେ ଦେଲୁସ୍ନି !

୩୦ କାଇକେବଲେ ମର୍ ଆକି ତର୍ ଉଦାର୍ ଦେକି ଆତେ,

୩୧ ଜନ୍ ଉଦାର୍ କାରିଆକେ ତମେ ସବୁଲକର୍ ମୁଆଟେ ପାଟାଇ ଆଟାସ୍ ।

୩୨ ଆରି ବିଜାତି ଲକ୍ଷ୍ମଣନରପାଇ ବଲି ଜାନାଇଅଇଲା ସତର ଉଜଲ୍
ଆରି ତମର ଲକ୍ଷ୍ମଣନ୍ ଇସରାଏଲର ମଇମା କରି ଆଗାସ୍ ।”

୩୩ ସିମିୟନରଗାନେଅନି ଜିସୁର ବିସଇର କାତା ସୁନି ଜସେପ୍ ଆରି ମରିୟମ୍ କାବାଅଇ ଜାଇତେ ରଇଲାଇ ।

୩୪ ଆରି ସିମିୟନ୍ ସେଲକ୍‌କେ ଆସିରବାଦ୍ ଦେଇ ଜିସୁର ମାକେ କଇଲା, “ଏ ପିଲା ଇସରାଏଲ୍ ଦେସର୍ କେତେ କେତେ ଲକ୍ ଉବଜବାଟା ଆରି କେତେ କେତେ ଲକ୍ ବୁଢ଼ିଜିବାରପାଇ ବଲି ପର୍ମେସର ବାଟି ପାଟାଇଲା ଲକ୍ ଅଇସି । କେତେ କେତେ ଲକ୍‌ମନ୍ ତାର ବିରୁଦ୍ଧେ କଇବା, ଗଟେକ୍ ଚିନ୍ ପାରା ଅଇସି ।

୩୫ କେତେ କେତେ ଲକ୍ ତାକେ ବିରଦ୍ କରି ନିଜର୍ ମନ୍ ବିତ୍ତର କାତା ସବୁ ଜାନାଇବାଇ । ଆରି ତମର ଜିବ୍‌ନେ ଗଟେକ୍ କାଣ୍ଡା ବୁସିଅଇରଇଲାପାରା ତମକେ ବେସି ଦୁକ୍ ଆଇସି ।”

୩୬ ସେ ଦାପ୍‌ରେ, ଏଦେ ଦେକା ! ଆନା ନାଉର୍ ଗଟେକ୍ ମାଇଜି ବବିସତ୍‌ବକ୍ତା ତାକର୍ ଲଗେ ଆଇଲା । ସେ ଆସେର୍ ବସର୍ ପିନୁଏଲ୍‌ର ଟକି, ସେ ବେସି ଡକ୍‌ରି ଅଇଜାଇରଇଲା । ବିବା ଅଇ ମୁନୁସ୍ ସଙ୍ଗ୍ ସାତ୍ ବରସ୍ ରଇକରି, ରାଣ୍ଡି ଅଇଗାଲା । ଆରି ତାକେ ଚାରିକତିଚାରି ବରସ୍ ଅଇରଇଲା ।

୩୭ ସେ ଦେଉଲେଅନି କେନେ ନ ଜାଇ, ଉପାସ୍ ରଇକରି ଦିନ୍ ରାତି ମାପୁରୁ ଉପାସନା କର୍ତେରଇଲା ।

୩୮ ପିଲାକେ ମାପୁରୁଟାନେ ସର୍ପି ଦେବାବେଲେ ସେ ଦେଉଲର ଡାଣ୍ଡେ କେଟି, ପର୍ମେସରର୍ ମଇମା କରିକରି ଜନ୍ ଲକ୍‌ମନ୍ ଜିରୁସାଲାମର୍ ମୁକ୍ତି ମିଲ ବଲି ଜାଗ୍‌ତେରଇଲାଇ, ସେ ଲକ୍‌ମନ୍‌କେ ପିଲାର ବିସଇ କଇବାର୍ ଦାରଲା ।

ଜସେପ୍ ଆରି ମରିୟମ୍ ନାଜରିତେ ବାଅଡ଼ଲାଇ

୩୯ ☆ପଟେ ଜସେପ୍ ଆରି ମରିୟମ୍ ମାପୁରୁ ରିତିନିତି ଇସାବେ କର୍ବା ସବୁ କାମ୍ ସାରାଇ, ଗାଲିଲି ନିଜର୍ ନଅର୍ ନାଜରିତେ ବାଅଡ଼ଲାଇ ।

୪୦ ଆରି ପିଲା ଦିନକେ ଦିନ୍ ବଡ଼ିକରି ବପୁଅଇଲା, ଆରି ଗିଆନେ ପୁରାପୁରୁନ୍ ଅଇଲା । ତାକେ ପର୍ମେସରର୍ ଦୟା ରଇଲା ।

ସାନ୍ ପିଲା ଜିସୁ ଦେଉଲେ ରଇବାଟା

୪୧ ଜିସୁର୍ ବାବା, ମା ସବୁବର୍‌ସେ ଜିଉଦିମନର୍ ନିସ୍ତାର ପରବ୍ ପାଇ ଜିରୁସାଲାମେ ଜାଇତେରଇଲାଇ ।

୪୨ ତରେକ୍ ଜିସୁକେ ବାର ବରସ୍ ଅଇଲାବେଲେ ସେମନର୍ ରିତିନିତି ଇସାବେ ଜିରୁସାଲାମେ ପରବ୍ ମାନ୍‌ବାର୍ ଗାଲାଇ ।

୪୩ ସେମନ୍ ପରବ୍ ସାରାଇ ବାଉଡ଼ି ଆଇଲାବେଲେ, ପିଲା ଜିସୁ ଜିରୁସାଲାମେ ରଇଗାଲା । ମାତର୍ ତାର୍ ବାବା ମାଆ ମିସା ସେ ତେଇ ରଇଲାଟା ଜାନି ନ ରଇଲାଇ ।

୪୪ ତାର୍ ସଙ୍ଗର୍ ଲକ୍‌ମନର୍ ସଙ୍ଗ୍ ଆଟେ କାଇକି ବଲି ବାବିକରି ସେମନ୍ ଗଟେକ୍ ଦିନର୍ ବାଟେ ଇଣ୍ଡି ଉଟି ଜାଇରଇଲାଇ । ସେମନ୍ ସାଇପଡ଼ିସା, ଚିନାର୍ ଜାନାର୍ ଲକ୍‌ମନ୍‌କେ ପାଟାରି କଜ୍‌ଲାଇ ।

୪୫ ତିସେନାଇକେ ଆରି କଜି କଜି ଜିରୁସାଲାମେ ବାଉଡ଼ିଗାଲାଇ ।

୪୬ ତିନ୍‌ଦିନ୍ ପଟେ ସେମନ୍ ତାକେ ମନ୍‌ରେ ଦେକ୍‌ଲାଇ, ସେ ସାସ୍‌ତର୍ ସିକାଉମନର୍ ମଜାଇ ବସି, ତାକର୍ କାତା ସୁନ୍‌ତେରଇଲା, ଆରି ପର୍‌ସନ୍ ପାଟାଟେରଇଲା ।

୪୭ ଆରି ତେଇ ଜେଡକି ଲକ୍ ତାର୍ କାତା ସୁନ୍‌ତେରଇଲାଇ, ସବୁଲକ୍ ସେ କାତା ଅଇବାଟା ଆରି ତାର୍ ବୁଦି ଦେକି କାବାଅଇ ଜାଇତେରଇଲାଇ ।

୪୮ ଜସେପ୍ ଆରି ମରିୟମ୍ ମିସା ଜିସୁକେ ଦେକି କାବା ଅଇଗାଲାଇ, ଆରି ତାର୍ ମାଆ ତାକେ କଇଲା, “ତୁଇ କାଇକେ ନୁନା ଆମ୍‌କେ ଏନ୍ତାରି କଲୁସ୍ ? ଦେକ୍‌ନି ତର୍ ବାବା ଆରି ମୁଇ କେତେକ୍ କିଲ୍‌ବିଲ୍ ଅଇ କଜ୍‌ଲୁନି ।”

୪୯ ତେଇ ଜିସୁ ସେମନ୍‌କେ କଇଲା, “କାଇକେ ମକେ କଜ୍‌ତେରଇଲାସ୍ ? ମର୍ ବାବାର୍ ଗରେ ମୁଇ ରଇବାର୍ ଆଟେଆକା, ଏଟା ନାଜାନି ରଇଲାସ୍ କି ?”

୫୦ ମାତର୍ ଜିସୁ ସେମନ୍‌କେ ଜନ୍ କାତା କଇଲା, ସେଟା ସେମନ୍ ବୁଜିନାପାର୍‌ଲାଇ ।

୫୧ ପଟେ ଜିସୁ ତାର୍ ବାବା ମାଆ ସଙ୍ଗ୍ ନାଜରିତେ ବାଉଡ଼ି ଆଇଲା ଆରି ତାକର୍ କାତା ମାନ୍‌ତେରଇଲା, ମରିୟମ୍ ମିସା ଏ ସବୁ କାତା ନିଜର୍ ମନ୍ ବିତ୍ତରେ ସଙ୍ଗଇ ଚିନ୍ତା କଲା ।

୫୨ ଜିସୁ, ଗିଆନେ, ଗାଗ୍‌ତେ, ପର୍ମେସର ଆରି ଲକ୍‌ମନର୍ ଦୟାଇ ବଡ଼ିଆଇଲା ।

୩

ତୁବନ୍ ଦେଉ ଜଅନ୍ କଇବା ନିକ କାତା
(ମାତିଉ ୩:୧-୧୨; ମାର୍କ ୧:୧-୮; ଜଅନ୍ ୧:୧୯-୨୮)

☆ ୨:୩୯ ମାତିଉ ୨:୨୩

୧ ବଡ଼ ସାସନକାରିଆ ଡିବିରିଆ କାଇସର୍ ସାସନ କରବା ପନ୍ଦର ବରଷ ଅଇଲାବେଳେ, ପାଣ୍ଡିୟ ପିଲାଡ଼ ଜିଉଦା ରାଇଜ୍ ସାସନ କରତେରଇଲା । ଆରି ଏରଦ୍ ଗାଲିଲିର୍ ସାସନକାରିଆ ରଇଲା । ଏରଦର୍ ବାଇ ପିଲିପ୍ ଇଡୁରିଆ ଆରି ତାକ୍ନିଡ଼ ରାଇଜର୍ ସାମନ୍ତ ରାଜା ରଇଲା । ଲୁସାନିଆ ନାଉର୍ ଗଟେକ୍ ଲକ୍ ଅବିଲିନି ରାଇଜର୍ ସାମନ୍ତ ରାଜା ରଇଲା ।

୨ ଆନାନ୍ ଆରି କୟାପ୍ ନାଉର୍ ଦୁଇ ଲକ୍ ବଡ଼ ପୁଜାରି ରଇଲା । ସେବେଲେ ଜିକରିୟର୍ ପଅ ଜଅନ୍, ମରୁବାଲି ବୁର୍ଷ ରଇଲାବେଳେ ପର୍ମେସରର୍ କାତା ସେ ସୁନ୍ଲା ।

୩ ଜର୍ଦଦନ୍ ଗାଡ଼ ଲଗେ ରଇବା ଲଗର୍ ପାକର୍ ଗାଉଁଗଣ୍ଡାଇ ଜାଇ ଜଅନ୍ ପାପ୍ କେମାର୍ ଲାଗି, ପାପ୍କାମ୍ ଚାଡ଼ିକରି ମାପରୁର୍ ବାଟେ ଆସି ତୁବନ୍ ନେବାକେ ଜାନାଇବାର୍ ଦାରଲା ।

୪ ଜେନ୍ତାରି ଜିସାୟ ବବିସଡ଼ବକ୍ତା ସୁନାଇରଇବା ସାସ୍ତରେ ଲେକା ଅଇଲାଆଟେ,

“ମରୁବାଲିବୁର୍ଷ ଆଉଲିଅଇ କଇବା ଗଟେକ୍ ଲକ୍ ସବଦ୍ କରି କଇଲାନି,

ମାପରୁ ଆଇବାଟା ଡିଆରକରା,

ତାର୍ ଆଇବା ବାଟ୍ ସଲ୍‌କାଆ ।

୫ ବଡ଼ ବଡ଼ ଡଙ୍ଗର୍ ପର୍ବଡ଼ ସବୁ ସଦରମ୍ ଅଇକରି

ଗାଡ଼ କଣ୍ଡି କଣ୍ଡି ରଇବା ଆଁଟାଲ୍ ବୁଟାଲ୍ ସାର୍ଦି ଅଇସି,

ବାଁକ୍ ଟେକ୍ ବାଟ୍ ସଲ୍‌କ୍ ଅଇସି,

ଆରି କାଲ୍ ଡେପ୍ ଜମି ସଦରମ୍ ଅଇଜାଇସି ।

୬ ମର୍ପୁରର୍ ସବୁଲକ୍ ପର୍ମେସରର୍ ଉଦାରକାରିଆକେ ଦେକ୍‌ବାଇ ।”

୭ *ଜଅନ୍‌ଟାନେ ତୁବନ୍ ନେବାର୍‌ଲାଗି ବାରଇ ଆଇବା ଲକ୍‌ମନ୍‌କେ ସେ କଇଲା, “ଏ ବିସ୍ ରଇଲା ସାଁପର୍ ବସ୍‌ର୍ ଲକ୍‌ମନ୍, ଆଇବା ପର୍ମେସରର୍ କପେଅନି ପାଲାଇବାକେ ତମ୍‌କେ କେ ଚେଡ଼ନା ଦେଲା ?

୮ *ଡେବର୍‌ପାଇ ପାପ୍‌କାମ୍ ଚାଡ଼ି ନିକ କାମ୍ କରା, ଅବ୍ରାଆମ୍‌ତା ଆମର୍ ଆନିଦାଦି ବଲି ମନେ ମନେ ବାବାନାଇ, କାଇକେବଇଲେ ମୁଇ ତମ୍‌କେ କଇଲିନି, ପର୍ମେସର୍ ଏ ପାକ୍‌ନାମନର୍‌ଟାନେଅନି ମିସା ଅବ୍ରାମର୍ ପିଲାଜିଲା ଉବ୍‌ଜାଇ ପାର୍‌ସି ।

୯ *ଏବେମିସା ଗର୍ମନର୍ ବୁନ୍ଦେ କୁରାଡ଼ି ଲାଗିଆଟେ, ଡେବର୍‌ପାଇ ଜନ୍ ଗର୍ ନିମାନ୍ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗାଅଇସି ।”

୧୦ ତେଇ ଲକ୍‌ମନ୍ ଜଅନ୍‌କେ ପାଚାର୍‌ଲାଇ, “ସେନ୍ତାରି ଆଲେ ଆମେ କାଇଟା କର୍‌ବୁ ?”

୧୧ ଜଅନ୍ ସେମନ୍‌କେ କଇଲା “ଜାର୍‌ଟାନେ ଦୁଇଟା ପିନ୍‌ଦା ଲୁଗା ଆଟେ, ଜାକେ ନାଇ, ତାକେ ସେ ଗଟେକ୍ ଦେଅ, ଆରି ଜାର୍‌ଟାନେ କାଦି ଆଟେ, ସେ ମିସା ସେନ୍ତାରି ବାଟା କରି ଦେଅ ।”

୧୨ *ସିସ୍‌ଡୁମାଙ୍ଗୁମନ୍ ମିସା ତୁବନ୍ ନେବାକେ ଆସି ତାକେ ପାଚାର୍‌ଲାଇ “ଏ ଗୁରୁ ଆମେ କାଇଟା କର୍‌ବୁ ?”

୧୩ ଜଅନ୍ ସେମନ୍‌କେ କଇଲା, “ତମର୍ ଜେଡ଼କି ନେବାର୍ ଅଦିକାର୍ ଆଟେ, ତାର୍‌ଡେଇଅନି ଅଦିକ୍ ମାଙ୍ଗା ନାଇ ।”

୧୪ ସନିଅମନ୍ ମିସା ତାକେ ପାଚାର୍‌ବାର୍ ଦାର୍‌ଲାଇ, “ଆରି ଆମେ କାଇଟା କର୍‌ବୁ ?”

ଜଅନ୍ ସେମନ୍‌କେ କଇଲା, “ବପୁ ଦେକାଇ କାଇଟା ମିସା ଜିକି ଆନା ନାଇ କି ନାଡ଼ାଇକରି କାର୍ ଦନ୍‌ସପତି ଆନା ନାଇ, ତମ୍‌କେ ଜେଡ଼କି କୁଲି ମିଲ୍‌ଲାନି ସେଡ଼କି ନେଇକରି ସାର୍‌ଦା ସଙ୍ଗ୍ ରୁଆ ।”

୧୫ ଲକ୍‌ମନ୍ ଆସାଅଇ କିରିସ୍‌ଟକେ ଜାଗ୍‌ଡେ ରଇଲାଇ ଜେ, କେଡେବେଲେ ଏ ମିସା କିରିସ୍‌ଟ ଅଇରଇସି ବଲି ବାବି, ଜଅନର୍ ବିସଇ ଚିନ୍ତା କରତେରଇଲାଇ ।

୧୬ ତେବେ ଜଅନ୍ ସବୁଲକ୍‌ମନ୍‌କେ କଇଲା, “ମୁଇସିନା ତମ୍‌କେ ପାନିଟାନେ ତୁବନ୍ ଦେଲିନି, ମାଡର୍ ମରୁଟାନେଅନି ଅଦିକ୍ ବପୁରଲକ୍ ଆଇଲାନି, ମୁଇ ତାର୍ ଗଡ଼ିଦାଙ୍ଗ୍‌ତା ଅଇ ପାଦର୍ ପାଣ୍ଡୁଇ ମିସା କୁସ୍‌ଲାଇବାକେ ମର୍ ଅଦିକାର୍ ନାଇ । ସେ ତମ୍‌କେ ଜଇସଙ୍ଗ୍ ଆରି ସୁକଲ୍ ଆଡ଼ମାଇ ତୁବନ୍ ଦେଇସି ।

୧୭ ତାର୍ ଆଡେ କୁଲାଆଟେ, ତେବେ ସେ କଟାରେ ରଇଲା ଦାନ୍ ପରିଟଲ୍ କରି ଚୁଲିଆଇ କଲ୍‌କିଟାନେ ସଙ୍ଗାଇସି । କାଇ କାମେ ନ ଆଇବାଟା ଜାକ ସବୁବେଲେ ଲାଗିରଇବା ଜଇଟାନେ ପଡ଼ାଇଦେଇସି ।”

୧୮ ଜଅନ୍ ଏନ୍ତାରି କେଡେକ୍ କେଡେକ୍ ଉପଦେସ୍ ଦେଇକରି ଲକ୍‌ମନ୍‌କେ ମାପରୁର୍‌ବାଟେ ଆଇବାକେ ମନ୍ କରାଇଡେରଇଲା ଆରି ମାପରୁର୍ ନିକ କାତା ସୁନାଇଡେରଇଲା ଆରି ପାପ୍ କର୍‌ବାଟାନେଅନି ବାଅଡ଼ବାକେ ବୁଜାଇଡେରଇଲା ।

୧୯ *ମାଡର୍ ସାମନ୍ତ ରାଜା ଏରଦ୍ ନିଜର୍ ବାଇର୍ ମାଇଜି ଏରଦିଆକେ ସଙ୍ଗାଇଲାକେ ତାର୍ କରିରଇବା ବିନ୍ ବିନ୍ ପାପ୍‌କାମର୍ ବିସଇ ଜାନି ଜଅନ୍ ତାକେ ଦମକାଇଡେରଇଲା ।

୨୦ ଏରଦ୍ ଜଅନ୍‌କେ ବନ୍ଦିକରି ସେ କରିରଇବା ସବୁ ପାପ୍‌କାମର୍ ସଙ୍ଗ୍ ଏ ବଡ଼ ପାପ୍ ମିସା ଜଡ଼ଲା ।

☆ ୩:୭ ମାଡ଼ିଉ ୧୨:୩୪; ୨୩:୩୩ ☆ ୩:୮ ଜଅନ୍ ୮:୩୩ ☆ ୩:୯ ମାଡ଼ିଉ ୭:୧୯ ☆ ୩:୧୨ ଲୁକ୍ ୭:୨୯ ☆ ୩:୧୯ ମାଡ଼ିଉ ୧୪:୩,୪; ମାର୍କ ୭:୧୭,୧୮

ଜିସୁର ଡୁବନ୍

(ମାତିଉ ୧୩:୧୭; ମାର୍କ ୧:୯-୧୧)

୨୧ ସବୁଲକ୍ ଡୁବନ୍ ନେଲା ପତେ ଜିସୁ ମିସା ଡୁବନ୍ ନେଲା । ଆରି ପାର୍ତନା କର୍ବାବେଲେ, ଏଦେ ଦେକା ! ବାଦଲ୍ ଉଗାଡିଅଇଗାଲା,

୨୨ *ଆରି ସୁକଲ୍ ଆଡ଼ମା ପରୁଆର୍ ଗାଗଡ଼ ଦାରି ଉଡ଼ରି ଆସି, ଜିସୁର ଉପରେ ବସିଲା । ସର୍ଗେଅନି ଗଟେକ୍ ଏନ୍ତାରି ସବଦ୍ ଆଇଲା, “ତୁଇସେ ମର୍ ଆଲାଦର୍ ପିଲା, ତର୍ଗାନେ ମୁଇ ବେସି ସାର୍ଦା ଅଇଲିନି ।”

ଜିସୁର ଆନିଦାଦିମନର୍ ଇସାବ୍

(ମାତିଉ ୧:୧-୧୭)

୨୩ ଜିସୁ ପର୍ମେସରର୍ କାମ୍ ଆରମ୍ କଲାବେଲେ ତାକେ ଡିରିସ୍ ବରସ୍ ଅଇରଇଲା । ଲକ୍ମନର୍ ବାଦ୍ନା ଇସାବେ, ଜିସୁ ଜସେପର୍ ପଅ, ଜସେପ୍ ଏଲିର୍ ପଅ ।

୨୪ ଏଲି ମଡ଼ତାତର୍ ପଅ, ମଡ଼ତାଡ଼ ଲେବିର୍ ପଅ, ଲେବି ମଲ୍କିର୍ ପଅ, ମଲ୍କି ଜନୟର୍ ପଅ, ଜନୟ ଜସେପର୍ ପଅ,

୨୫ ଜସେପ୍ ମତିଡିଆର୍ ପଅ, ମତିଡିଆ ଅମସର୍ ପଅ, ଅମସ୍ ନାଉମର୍ ପଅ, ନାଉମ୍ ଏସ୍ମିର୍ ପଅ, ଏସ୍ମି ନଗୟର୍ ପଅ,

୨୬ ନଗୟ ମଅତର୍ ପଅ, ମଅଡ଼ ମତିଡିଆର୍ ପଅ, ମତିଡିଆ ସମଇର୍ ପଅ, ସମୟି ଜସେକର୍ ପଅ, ଜସେକ୍ ଜଦାର୍ ପଅ,

୨୭ ଜଦା ଜଅନର୍ ପଅ, ଜଅନ୍ ରେସାର୍ ପଅ, ରେସା ଜିରୁବାବେଲର୍ ପଅ, ଜିରୁବାବେଲ୍ ସିଅଲ୍ଡିଏଲର୍ ପଅ, ସଅଲ୍ଡିଏଲ୍ ନେରିର୍ ପଅ,

୨୮ ନେରି ମଲ୍କିର୍ ପଅ, ମଲ୍କି ଅଦିର୍ ପଅ, ଅଦି କସାମର୍ ପଅ, କସାମ୍ ଏଲୁଦାନର୍ ପଅ, ଏଲୁଦାନ୍ ଏରର୍ ପଅ,

୨୯ ଏର ଜିୟସୁଅର୍ ପଅ, ଜିୟସୁଅ ଏଲିଏଜର୍ ପଅ, ଏଲିଏଜ୍ ଜରିମର୍ ପଅ, ଜରିମ୍ ମଡ଼ତାତର୍ ପଅ, ମଡ଼ତାଡ଼ ଲେବିର୍ ପଅ,

୩୦ ଲେବି ସିମିୟନର୍ ପଅ, ସିମିୟନ୍ ଜିଉଦାର୍ ପଅ, ଜିଉଦା ଜସେପର୍ ପଅ, ଜସେପ୍ ଜନାମର୍ ପଅ, ଜନାମ୍ ଏଲିଆକିମର୍ ପଅ,

୩୧ ଏଲିଆକିମ୍ ମଲାଅର୍ ପଅ, ମଲାଅ ମନାର୍ ପଅ, ମନା ମତତାର୍ ପଅ, ମତତା ନାତନର୍ ପଅ, ନାତନ୍ ଦାଉଦର୍ ପଅ,

୩୨ ଦାଉଦ୍ ଜିୟସୁଅର୍ ପଅ, ଜିୟସୁଅ ଆବେଦର୍ ପଅ, ଆବେଦ୍ ବୟଜର୍ ପଅ, ବୟଜ୍ ସେଲଅର୍ ପଅ, ସେଲଅ ନଅସନର୍ ପଅ,

୩୩ ନଅସ୍ ଅମିନାଦାବର୍ ପଅ, ଅମିନାଦାବ୍ ଅଦ୍ମିନର୍ ପଅ, ଅଦ୍ମିନ୍ ଅର୍ନିର୍ ପଅ, ଅର୍ନିର୍ ଏସ୍ରନର୍ ପଅ, ଏସ୍ରନ୍ ପେରସର୍ ପଅ, ପେରସ୍ ଜିଉଦାର୍ ପଅ,

୩୪ ଜିଉଦା ଜାକୁବର୍ ପଅ, ଜାକୁବ୍ ଇସାକର୍ ପଅ, ଇସାକ୍ ଅବ୍ରାମର୍ ପଅ, ଅବ୍ରାଆମ୍ ତେରଅର୍ ପଅ, ତେରଅ ନଅର୍ ପଅ,

୩୫ ନଅର୍ ସରୁଗର୍ ପଅ, ସରୁଗ୍ ରଗୁର୍ ପଅ, ରଗୁ ପେଲଗର୍ ପଅ, ପେଲଗ୍ ଏବର୍ ପଅ, ଏବ ସେଲଅର୍ ପଅ,

୩୬ ସେଲା କଇନାନର୍ ପଅ, କଇନାନ୍ ଆର୍ପାକ୍ସତର୍ ପଅ, ଆର୍ପାକ୍ସେତର୍ ସେ ମର୍ ପଅ, ସେମ ନଅର୍ ପଅ, ନଅ ଲାମେକର୍ ପଅ,

୩୭ ଲାମେକ୍ ମିତୁସେଲଅର୍ ପଅ, ମିତୁସେଲଅ ଅନକର୍ ପଅ, ଅନକ୍ ଜାରେଦର୍ ପଅ, ଜାରେଦ୍ ମଅଲେଲର୍ ପଅ, ମଅଲେଲ୍ କେନାନର୍ ପଅ

୩୮ କେନାନ୍ ଏନସର୍ ପଅ, ଏନସ୍ ସେତର୍ ପଅ, ସେତ ଆଦମର୍ ପଅ, ଆଦମ୍ ପର୍ମେସରର୍ ପଅ ।

୪

ଜିସୁକେ ସଇତାନର୍ ପରିକା

(ମାତିଉ ୪:୧-୧୧; ମାର୍କ ୧:୧୨-୧୩)

୧ ଜିସୁ ସୁକଲ୍ ଆଡ଼ମା ପୁରାପୁରୁନ୍ ଅଇକରି ଜର୍ଦନ୍ ଗାଡେଅନି ବାଉଡି ଆଇଲା । ଆରି ସଇତାନର୍ ଟାନେ ପରିକା କରାଇବାକେ ତାକେ ଆଡ଼ମା ଚାଲାଇ ନେଲା । ତେଇ ଚାଲିସ୍ ଦିନ୍ ଜାକ ସଇତାନ୍ ତାକେ ପରିକା କର୍ତେରଇଲା ।

୨ ସର୍ତେ ଦିନ୍ ସାରଲା ପତେ ସେ ବୁକ୍କେ ବାୟାରୁରା ଅଇଗାଲା ।

୩ ତେଇ ସଇତାନ୍ ଜିସୁକେ କଇଲା, “ତୁଇ ଜଦି ପର୍ମେସରର୍ ପ, ତେବେ ଏ ପାକ୍ନା କାଦି ଅ ବଲି ଆଦେସ୍ ଦେସ୍ ।”

୪ ଜିସୁ ତାକେ କଇଲା, “ପର୍ମେସରର୍ ସାସ୍ତରେ ଲେକାଅଇ ଆରେ, ମୁନ୍ସ୍ ଅକ୍ କାଦି କାଇ ନ ବୁଟେ ।”

☆ ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ୍ ୯:୩୫

୫ ତାରପରେ ସଇତାନ୍ ଜିସୁକେ ଗଟେକ୍ ଉର୍ ଜାଗାଇ ତାକି ଦାରିଜାଇ କରି ଆଁକିମିଟ୍ଟା ମାର୍ବା ଏଡକି ପର୍କେ ଜଗତର୍ ସବୁ ରାଇଜ୍ ଦେକାଇଲା ।

୬ ଆରି ଜିସୁକେ କଇଲା, “ମୁଇ ତକେ ଏ ସବୁ ଦନ୍ ସଁପତିର୍ ଅଦିକାର୍ ଆରି ମଇମା ଦେବି । କାଇକେବଇଲେ ସେଟା ସବୁ ମକେ ସର୍ପିଦେଲାଆରେ, ଆରି ମୁଇ ଜାକେ ମନ୍ କର୍ବି, ତାକେ ଦେବି ।

୭ ତେବର୍ପାଇ, ଜେବେ ତୁଇ ମକେ ଜୁଆର୍ କର୍ସୁ, ତେବେ ସେ ସବୁଜାକ ତର୍ ଅଇସି ।”

୮ ଜିସୁ ତାକେ କଇଲା, “ପର୍ମେସର୍ ସାସ୍ତରେ ଲେକାଅଇଆରେ, ତୁଇ ତର୍ ପର୍ମେସର୍କେସେ ଜୁଆର୍ କର୍ସୁ, ଆରି ତାକେସେ ସେବା କର୍ସୁ ।”

୯ ପରେ ସଇତାନ୍ ଜିସୁକେ ଜିରୁସାଲାମେ ତାକିଦାରିଜାଇ, ମନ୍ଦିରର୍ ଚାଉନି ଟିପେ ଟିଆକରାଇ କଇଲା, “ତୁଇ ଜଦି ପର୍ମେସର୍ ପ, ତେବେ ଇତିଅନି ତଲେ ଡେଗଇଦେସ୍,

୧୦ କାଇକେବଇଲେ ସାସ୍ତରେ ଲେକାଆରେ ତକେ ରକିଆ କର୍ବାକେ ପର୍ମେସର୍ ତାର୍ ନିଜର୍ ଦୁର୍ମନକେ ଆଦେସ୍ ଦେଇସି ।

୧୧ ଆରି ମିସା ଲେକା ଆରେ, ‘ଜେଡ୍ରିକି ତର୍ ପାଦ୍ ପାକ୍ନାଇ ନ ପାଏ, ସେଟାପାଇ ଦୁର୍ମନ ତକେ ଆଡେଦାରି ଟେକି ନେବାଇ ।’”

୧୨ ଜିସୁ ସଇତାନ୍କେ କଇଲା, “ଏଟା ମିସା ଲେକାଆରେ, ତୁଇ ତର୍ ମାପୁରୁ ନିଜର୍ ପର୍ମେସର୍କେ ପରିକା କର୍ ନାଇ ।”

୧୩ ସଇତାନ୍ ସବୁ ରକାମର୍ ପରିକା ସାରାଇଲା ପରେ, ଆରି ତରେକ୍ ବେଲା ମିଲ୍ବାଜାକ କେତେ ଦିନର୍ ପାଇ ଜିସୁକେ ଚାଡି ଉଟିଗାଲା ।

ଜିସୁର୍ ସେବା କାମ୍ ଆରାମ୍
(ମାତିଉ ୪:୧୨-୧୭; ମାର୍କ ୧:୧୪-୧୫)

୧୪ ତାରପରେ ଜିସୁ ଆଡ଼ମାଇ ବପୁଅଇକରି ଗାଲିଲି ରାଇଜେ ବାଉଡିଗାଲା । ଆରି ତାର୍ କବର୍ ଗାଲିଲି ରାଇଜର୍ ଗୁଲାଇ ଗାଉଁମନ୍ ଜାନ୍ଲାଇ ।

୧୫ ପରେ ଜିସୁ ଜିଉଦିମନ୍ ପାର୍ତନା ଗର୍ମନକେ ବୁଲି ବୁଲି ସିକିଆ ଦେଇକରି ସବୁ ଲକର୍ଟାନେ ଅନି ତାକ୍ପୁଟା ପାଇବାର୍ ଦାର୍ଲା ।

ଜିସୁକେ ନାଜରିତର୍ ଲକ୍ ନାମଡ଼ନାଇ
(ମାତିଉ ୧୩:୫୩-୫୮; ମାର୍କ ୬:୧-୬)

୧୬ ଏଡକିବିଡରେ ନାଜରିତେ, ଜନ୍ ଜାଗାଇ କି ଜିସୁ ସାନ୍ବେଲେ ଅନି ବଡ଼ ଅଇରଇଲା, ସେ ଜାଗାଇ ଗାଲା । ଆରି ନିଜର୍ ରିତିନିତି ଇସାବେ, ବିସ୍ତାମ୍ ବାରେ ଜିଉଦିମନ୍ ପାର୍ତନା ଗରେ କେଟି ଦରମ୍ ସାସ୍ତର୍ ପଡ଼ବାକେ ଟିଆ ଅଇଲା ।

୧୭ ସେଡକିବେଲେ ତାକେ ଜିସାୟ୍ ବବିସଡ଼ବକ୍ତା ଲେକିରଇଲା ଦରମ୍ ସାସ୍ତର୍ ଦିଆଅଇଲା, ଆରି ଜିସୁ ସେ ଜିସାୟ୍ ବଇଟାନେ ଲେକାଅଇରଇଲା ଏନ୍ତାରି ବାକିଅ ମେଲାକରି ପାଇଲା ।

୧୮ “ମାପୁରୁ ଆଡ଼ମା ମର୍ ସଙ୍ଗ୍ ଆରେ,
ତେବର୍ପାଇ ନଇଲା ମଇଲା ଲକ୍ମନର୍ଟାନେ ସୁବ୍ କବର୍ ଜାନାଇବାକେ, ପର୍ମେସର୍ ମକେ ବାଟିକରି ପାଟାଇଲା,

ବନ୍ଦି ଗରେ ରଇବା ଲକ୍ମନକେ ମୁକ୍ଲାଇବାକେ,
କାଣା ଲକ୍ମନକେ ଦେକାଇବା ବିସଇ ଜାନାଇବାକେ ଆରି
ଦୁକର୍ ଲକ୍ମନକେ ମୁକ୍ଲାଇବାକେ,

୧୯ ଆରି ମାପୁରୁ ତାର୍ ଲକ୍ମନକେ ରକିଆ କର୍ବା ବେଲା ଆସିଆରେ, ବଲି ଜାନାଇବାକେ ସେ ମକେ ପାଟାଇଆରେ ।”

୨୦ ପରେ ସେ ସାସ୍ତର୍ ତାବି, ପାର୍ତନା ଚାଲାଇବା ଗଟେକ୍ ଲକ୍ମକେ ବାଉଡାଇଦେଇ ବସିଦେଲା । ପାର୍ତନା ଗରେ ରଇଲା ଲକ୍ମନ ତାକେସେ ଦେକ୍ତେରଇଲାଇ ।

୨୧ ଜିସୁ ଲକ୍ମନକେ କଇବାର୍ ଦାର୍ଲା, “ଆଜି ତମେ ସୁନ୍ଲା ଏ ଦରମ୍ ସାସ୍ତର୍ ବାକିଅ ପୁରାପୁରୁନ୍ ଅଇଲା ।”

୨୨ ଜିସୁର୍ ବିସଇ ନେଇକରି ସବୁଲକ୍ ନିକ ସାକି ଦେବାର୍ ଦାର୍ଲାଆରି ଆରି ସେ କଇବା, ମନକେ ପାଇଲା ବାକିଅ ସୁନି କାବାଅଇଲା, ଆରି ସେମନ୍ “ଏଟାକାଇ ଜସେପର୍ ପ ନଏଁ ଜେ ?” ବଲି କଇବାର୍ଦାର୍ଲାଇ ।

୨୩ ଜିସୁ ଲକ୍ମନକେ କଇଲା, “ତମେ ସେ ଗାଲା କାତା ଆରିତରେକ୍ କଇସା ବଲି ମୁଇ ଜାନିରଇଲି, ଏ ଅସ ଦେଉ, ନିଜେ ତୁଇ ନିକ ଅ, ଆରି କପର୍ନାଉମେ ଜାଇ ଜାଇଟା ଗଟିଆରେ ବଲି ଆମେ ସୁନିଆରୁ, ସେଟା ସବୁ ଏ ଜାଗାଇ, ତର୍ ନିଜର୍ ଜନମ୍ ନଅରେ ମିସା କର୍ ।”

୨୪ “ମାତର୍ ମୁଇ ତମକେ ସଡ଼ କଇଲିନି, ବବିସଡ଼ବକ୍ତା ଅଇରଇବା କାକେମିସା ନିଜର୍ ଗାଏଁ ନ ନାମଡ଼ ।”

☆ ୪:୨୪ ଜଅନ୍ ୪:୪୪

୨୫ “ମାତର ମୁଠା ତମ୍ଭେ ସତ୍‌କାତା କଲଲିନି, ଜେତେବେଳେ ବବିସତ୍‌ବକ୍ତା ଏଲିୟର୍ ବେଳେ ତିନବରସ୍ ଚ ମାସ୍ ଜାକ ବାଦଲେଅନି ପାନିମାରେ ନାଲକେ ଗୁଲାଇ ଦେସେ ମର୍ତ୍ତି ଅଇରଇଲା, ସେବେଲେ ଇସ୍ରାଏଲ୍ ଦେସେ କେତେ କେତେ ରାଣ୍ଡିମାଇଜିମନ୍ ରଇଲା ।

୨୬ ରଇଲେ ମିସା ପର୍ଯ୍ୟେସର୍ ଏଲିୟର୍ କାର୍ଲଗେ ମିସା ନ ପାଟାଇ ସିଦନ୍ ଦେସର୍ ସାରିପତ୍ ବଲି ଗଟେକ୍ ଜାଗାଇ, ଗଟେକ୍ ରାଣ୍ଡିମାଇଜିମନ୍ ଲଗେ ପାଟାଇଲା ।

୨୭ ଆରି ମାପରୁର୍ ବବିସତ୍‌ବକ୍ତା ଏଲିୟର୍ ବେଳେ ଇସ୍ରାଏଲ୍ ଦେସେ କେତେ କୁସ୍ତି ରଗି ରଇଲା, ଏଲେ ମିସା ତାକର୍ ବିତ୍‌ରେ କାକେମିସା ନିକକରି ନ ରଇଲା, ସୁରିଆ ଦେସର୍ ନାମାନ୍ ନାଉର୍ ଲକ୍‌କେ ସେ ନିକକରି ରଇଲା ।”

୨୮ ଜିଉଦିମନ୍ ପାର୍ତନା ଗରେ ଏ କାତା ସୁନି ଲକ୍‌ମନ୍ ବେସି ରିସାଅଇଗାଲା ।

୨୯ ଆରି ସେମନ୍ ଉଟିକରି ଜିସୁକେ ନଅରେଅନି ବାର୍‌କରାଇଦେଲା । ତାକର୍ ନଅରର୍ ଜନ୍ ପର୍‌ବତ୍ ଉପ୍‌ରେ ତିଆର ଅଇରଇଲା, ସେ ପର୍‌ବତ୍‌ର ଦାରେଅନି ତଲେ ପିଙ୍ଗିଦେଉଁ ବଲି, ତାକେ ତେଇ ଦାରିଗାଲା ।

୩୦ ମାତର୍ ଜିସୁ ସେମନ୍ ବିତ୍‌ରେ ପୁରି ଉଟିଗାଲା ।

**ଜିସୁ ଗଟେକ୍ ତୁମା ଡସିରଇବା ଲକ୍‌କେ ନିମାନ୍ କଲା
(ମାର୍‌କ ୧:୨୧-୨୮)**

୩୧ ଜିସୁ ଗାଲିଲି ରାଇଜର୍ କପର୍‌ନାଉମ୍ ନାଉର୍ ଗଟେକ୍ ନଅରେ ଆଇଲା, ଆରି ବିସ୍ରାମ୍‌ବାରେ ଲକ୍‌ମନ୍‌କେ ସିକିଆ ଦେବାର୍ ଦାର୍‌ଲା ।

୩୨ ଲକ୍‌ମନ୍ ତାର୍ ସିକାଇବାଟା ଦେକି କାବାଅଇଗାଲା, କାଇକେବଇଲେ ତାର୍ ବାକିଅ ଅଦିକାର୍ ସଙ୍ଗ୍ ରଇଲା ।

୩୩ ଦିନେକ୍ ଜିଉଦିମନ୍ ପାର୍ତନା ଗରେ ଗଟେକ୍ ତୁମା ଡସିରଇବା ଲକ୍ ରଇଲା । ସେ ଆଉଲିଅଇ କିର୍କିରି କଇଲା,

୩୪ “ଏ ନାଜରିତର୍ ଜିସୁ, ଆମର୍‌ଟାନେ ତର୍ କାଇ କାମ୍ ଆଟେ ? ତୁଇ କାଇ ଆମ୍‌କେ ମରାଇବାକେ ଆସିଆରୁସ୍ ? ତୁଇ କେ ସେଟା ମୁଠା ଜାନି, ତୁଇ ପର୍‌ମେସରର୍ ସୁକଲ୍ ଲକ୍ ।”

୩୫ ଜିସୁ ତାକେ ଦମ୍‌କାଇ କରି କଇଲା, “ତୁପ୍ ର, ଆମ୍‌ଟାନେଅନି ବାରଇ ଜା ।” ତେଇଅନି ସେ ତୁମା ସେ ଲକ୍‌କେ ସବୁର୍ ମୁଆଟେ ଅଦ୍‌ରାଇଲା ଆରି, ତାକେ କାଇଟା ନ କରି ତାର୍ ଗାଗ୍‌ଡେଅନି ବାରଇ ଉଟିଗାଲା ।

୩୬ ତେଇ ସବୁଲକ୍ କାବାଅଇକରି ତାକର୍ ତାକର୍ ବିତ୍‌ରେ କୁଆବଲା ଅଇଲା, “ଏଟା କାଇ କାତା, ସେ ବପୁ ଆରି ଅଦିକାର୍ ସଙ୍ଗ୍ ତୁମାମନ୍‌କେ ମିସା ଆଦେସ୍ ଦେଲାନି । ସେମନ୍ ମିସା ବାରଇ ଗାଲାଇନି ।”

୩୭ ଜିସୁର୍ ଏ କବର୍ ସେ ଜାଗାର୍ ଗୁଲାଇବାଟର୍ ଲକ୍ ଜାନିଲା ।

**ଜିସୁ କେତେ କେତେ ଲକ୍‌ମନ୍‌କେ ନିମାନ୍ କଲା
(ମାତ୍‌ଥ ୮:୧୪-୧୭; ମାର୍‌କ ୧:୨୯-୩୪)**

୩୮ ପଟେ ଜିସୁ ଜିଉଦିମନ୍ ପାର୍ତନା ଗରେଅନି ଉଟି ସିମନ୍ ଗରେ ଗାଲା । ସିମନ୍ ସାତ୍‌ରିକେ ବେସି ଜର୍ ଅଇରଇଲାଜେ ସେମନ୍ ତାର୍ ବିସଇ ନେଇ ଜିସୁକେ କଇଲା ।

୩୯ ତେଇ ସେ ସିମନ୍ ସାତ୍‌ରିର୍ ଲଗେ ଚିଆଅଇ ଜର୍‌କେ ଦମ୍‌କାଇଲା ଆରି ତାକେ ଜର୍ ଚାଡିଗାଲା । ସେଦାପ୍‌ରେ ସେ ଉଟିକରି ସେମନ୍‌କେ ସେବା କର୍‌ବାର୍ ଦାର୍‌ଲା ।

୪୦ ବେଲ୍‌ବସି ସଞ୍ଜ୍ ଅଇଲାଜେ ଜର୍‌ଦୁକା ଅଇରଇଲା ଲକ୍‌ମନ୍‌କେ ଜିସୁର୍ ଲଗେ ଆନ୍‌ଲା, ଆରି ସେ ଜର୍‌ଦୁକାର୍ ଲକ୍‌ମନ୍‌କେ ଗଟେକ୍ ଗଟେକ୍ ଲକ୍‌ର ଉପ୍‌ରେ ଆଡ୍ ସଙ୍ଗି ନିକ କଲା ।

୪୧ ତୁମା ଦାରିରଇବା ବେସି ଲକ୍‌ମନ୍ ମିସା କିର୍କିରି କରି “ତୁଇ ପର୍‌ମେସରର୍ ପଅ !” ବଲି ଲକ୍‌ର ଟାନେଅନି ଚାଡି ପାଲାଇଲା । ଜିସୁ ସେମନ୍‌କେ ଦମ୍‌କାଇ କରି କାତାଅଇବାକେ ମିସା ଦେଏନାଇ, କାଇକେବଇଲେ ସେମନ୍ ତାକେ କିରିସ୍‌ଟ ବଲି ଜାନିରଇଲା ।

**ପାର୍ତନା ଗରେ ଜିସୁର୍ ସିକିଆ
(ମାର୍‌କ ୧:୩୫-୩୯)**

୪୨ ସାକାଲ୍ ପାଇଲାଜେ ଜିସୁ ନଅରେ ଅନି ବାରଇ ଗଟେକ୍ କିନରା ଜାଗାଇ ଗାଲା । ଲକ୍‌ମନ୍ କଜି କଜି ତାର୍ ଲଗେ ଆଇଲା, ଆରି ସେ ଜେଡ୍‌କି ତାକର୍ ଲଗେଅନି ଉଟିନଜାଅ ବଲି ଅଟ୍‌କାଇବାକେ ଚେସ୍‌ଟା କଲା ।

୪୩ ମାତର୍ ଜିସୁ ସେମନ୍‌କେ କଇଲା, “ବିନ୍ ବିନ୍ ନଅରେ ମିସା ମୁଠା ପର୍‌ମେସରର୍ ରାଇଜର୍ ନିକ କବର୍ ଜାନାଇବାର୍ ଆଟେ, କାଇକେ ବଇଲେ ସେଟାର୍‌ପାଇ ପର୍‌ମେସର୍ ମକେ ପାଟାଇଆଟେ ।”

୪୪ ଆରି ସେ ଜିଉଦା ଦେସର୍ ଜିଉଦି ଲକ୍‌ମନ୍ ପାର୍ତନା ଗର୍‌ମନ୍‌କେ ବାକିଅ ସୁନାଇବାର୍ ଦାର୍‌ଲା ।

☆ ୪:୩୨ ମାତ୍‌ଥ ୭:୨୮,୨୯



ଜିସୁ ପର୍ତ୍ତୁମ୍ ସିସ୍ତମନକେ ଡାକ୍ତା
(ମାତିଉ ୪:୧୮-୨୨; ମାର୍କ ୧:୧୩-୨୦)

^୧ *ଦିନେକ୍ ଜିସୁ ଗିନେସରତ୍ ଗାଡ଼କଣ୍ଡି ଚିଆଅଇରଇଲା ବେଲେ ଲକ୍ମନ୍ ମାଣ୍ଡାଚୁଣ୍ଡା ଅଇ ପର୍ତ୍ତମେସରର୍ ବାକିଅ ସୁନ୍ତେରଇଲା ।

^୨ ସେଡ଼କିବେଲେ ସେ ଗାଡ଼କଣ୍ଡି ଦୁଇଟା ଡଙ୍ଗା ରଇଲାଟା ଦେକ୍ଲା, କେଉଟ୍ ମନ୍ ଡଙ୍ଗାଅନି ଉଡ଼ରି ଜାଲ୍ ଦଇତେରଇଲା ।

^୩ ସେ ଡଙ୍ଗାମନ୍ ବିଡ଼ରେଅନି ଜନ୍ଟା କେଉଟ୍ ସିମନ୍ଟା ରଇଲା, ଜିସୁ ତେଇ ଚଗିକରି “କଣ୍ଡିତେଇଅନି କଣ୍ଡେକ୍ ଦୁର୍ ପାନିତେଇ ଚାଲାଇନେ ।” ବଲି ସିମନ୍ଟେ କଇଲା, ଆରି ଡଙ୍ଗାଇ ବସିକରି ସିକିଆ ଦେବାର୍ ଦାରଲା ।

^୪ ଜିସୁ କାତା ସାରାଇକରି ସିମନ୍ଟେ କଇଲା, “ତେଙ୍ଗ୍ ପାନିଟାନେ ଜାଇକରି ମାଟ୍ ଦାର୍ବାକେ ତମର୍ ଜାଲ୍ ପାକାଆ ।”

^୫ *ତେଇ ସିମନ୍ କଇଲା, “ଏ ଗୁରୁ ଆମେ ସବୁଲକ୍ ଗୁଲାଇରାତି କସ୍ଟ କରି ଗଟେକ୍ ମିସା ଦାରୁନାଇ, ମାତର୍ ତମର୍ କାତା ଦାରି ମୁଇ ଜାଲ୍ ପାକାଇବି ।”

^୬ *ଆରି ଜାଲ୍ ପାକାଇଲାକେ, ଏଦେ ଦେକା ! ଏକ୍ତି ମାଟ୍ ଲାଗୁଲାଇଜେ ତାକର୍ ଜାଲ୍ ଚିରିଅଇବାର୍ ଦାରଲା ।

^୭ ଡଙ୍ଗାଇ ମାଟ୍ ବରତି କଲାଇଜେ ସେ ଦୁଇଟା ଡଙ୍ଗା ବୁଡ଼ଲା ପାରା ଅଇଗାଲା ।

^୮ ଏଟା ଦେକି ସିମନ୍ ପିତର୍ ଜିସୁର୍ ପାଦେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମର୍ଟାନେଅନି ଜାଆ ମାପୁରୁ, କାଇକେବଇଲେ ମୁଇ ଗଟେକ୍ ପାପି ମୁନ୍ସ ।”

^୯ କାଇକେବଇଲେ ତେଇ ସେମନ୍ ଏତେକ୍ ମାଟ୍ ଦାରିରଇଲାଇଜେ, ସେଟା ଦେକି ସିମନ୍ଟ୍ ସଙ୍ଗାରିମନ୍ କାବାଅଇଗାଲା ।

^{୧୦} ଆରି ଜେବଦିର୍ ଦୁଇଟା ପ ଜାକୁବ୍ ଆରି ଜଅନ୍ ଜନ୍ଲକ୍ମନ୍ ସିମନ୍ଟ୍ ସଙ୍ଗାରି ରଇଲା, ସେମନ୍ ମିସା ସେନ୍ତାରିସେ କାବା ଅଇଗାଲା । ଆରି ଜିସୁ ସିମନ୍ଟେ କଇଲା, “ଡରାନାଇ, ଆଜିଅନି ତମେ ମାଟ୍ ନ ଦାରି, ଲକ୍ମନ୍ଟେ ମର୍ଟାନେ ଆନ୍ସା ।”

^{୧୧} ତେଇ ସେମନ୍ ସବୁ ତାକର୍ ଡଙ୍ଗା କଣ୍ଡି ଆନି ଚାଡ଼ିଦେଇକରି ଜିସୁର୍ ପଟେ ପଟେ ଗାଲା ।

ଜିସୁ ଗଟେକ୍ ବଡ଼ ରଗିକେ ନିମାନ୍ କଲା
(ମାତିଉ ୮:୧-୪; ମାର୍କ ୧:୪୦-୪୫)

^{୧୨} ତରେକ୍ ଜିସୁ ଗଟେକ୍ ନଅରେ ରଇଲାବେଲେ ଗଟେକ୍ ଗୁଲାଇ ଗାଗତେ ବଡ଼ରଗ୍ ଅଇରଇବା ଲକ୍ ତେଇ ରଇଲା । ସେ ଡାଣ୍ଡାସନ୍ ପତି ମୁ ବୁର୍ ଚିଆଇ ଜିସୁକେ ବାବୁଜିଆ କରି କଇଲା, “ଏ ମାପୁରୁ, ତମେ ଜଦି ମନ୍କଲୁସ୍ନି ବଇଲେ, ମକେ ନିକ କରିପାରୁସ୍ ।”

^{୧୩} ତେଇ ଜିସୁ ଆଡ଼ ଲାମାଇ ତାକେ ଚିଇ କରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ଦାପ୍ରେସେ ତାର୍ ବଡ଼ ରଗ୍ ଚାଡ଼ିଗାଲା ।

^{୧୪} ଆରି ଜିସୁ ତାକେ ଆଦେସ୍ ଦେଇ କଇଲା, “ଏ କାତା କାକେ କ ନାଇ । ମାତର୍ ପୁଜାରିର୍ ଲଗେ ଜା ଆରି ସେ ତକେ ପରିକା କରି ଦେକ । ତୁଇ, ‘ନିକ ଅଇଲିଆତି’ ବଲି ବିନ୍ ଲକର୍ ଟାନେ ସାକିଦେବାକେ ମସାର୍ ଆଦେସ୍ ଇସାବେ ବିରୁ ଦେସ୍ ।”

^{୧୫} ମାତର୍ ଜିସୁର୍ କବର୍ ଗୁଲାଇ ଚାରିବେଡ଼ିରଲକ୍ ଜାନ୍ଲା । ତାର୍ କାତା ସୁନ୍ବାପାଇ ଆରି ନିଜର୍ ନିଜର୍ ରଗେଅନି ନିକ ଅଉବଲି ଗାଦି ଲକ୍ମନ୍ ଟୁଲ୍ ଅଇବାର୍ ଦାରଲା ।

^{୧୬} ମାତର୍ ଜିସୁ କିନରା ଜାଗାମନ୍ଟେ ଜାଇ ପାର୍ତନା କର୍ତେରଇଲା ।

ଜିସୁ ଗଟେକ୍ ଚେରେଙ୍ଗ୍ ରଗିକେ ନିମାନ୍ କଲା
(ମାତିଉ ୯:୧-୮; ମାର୍କ ୨:୧-୧୨)

^{୧୭} ଦିନେକ୍ ଜିସୁ ସିକିଆ ଦେଇତେରଇଲା । ତେଇ ଗାଲିଲିର୍ ସବୁ ଗାଏଁଅନି, ଜିଉଦା ଆରି ଜିରୁସାଲମେଅନି ଆସିରଇବା ପାରୁସିମନ୍ ଆରି ନିଅମ୍ ସିକାଉମନ୍ ତେଇ ବସିରଇଲା । ଆରି ରଗିମନ୍ଟେ ନିକ କର୍ବାକେ ମାପୁରୁର୍ ବପୁ, ଜିସୁକେ ରଇଲା ।

^{୧୮} ଆରି ଏଦେ ଦେକା ! ଗଟେକ୍ ଚେରେଙ୍ଗ୍ ବାଡ଼ ଦାରଲା ମୁନ୍ସକେ, କେତେଲକ୍ କର୍ ମିସ୍ତେ ବଇଆନିକରି, ଗର୍ ବିଡ଼ରେ ନେଇ ଜିସୁର୍ ମୁଆଟେ ସଙ୍ଗାଉବଲି, ତେସ୍ଟା କରତେରଇଲା ।

^{୧୯} ମାତର୍ ଚିପାଟେଲାର୍ଲାଗି, ତାକେ ବିଡ଼ରେ ନେବାକେ ବାଟ୍ ମିଲେନାଇ । ଏଦେ ଦେକା ! ସେମନ୍ ରଗିକେ ଗର୍ ଉପ୍ରେ ଚଗାଇ ଚାଉନି ଉଜାଡ଼ି, କର୍ ମିସ୍ତେ ଲକ୍ମନ୍ ମଜାଇ ଜିସୁର୍ ମୁଆଟେ ଉଡ଼ରାଇଦେଲା ।

^{୨୦} ଜିସୁ ସେମନ୍ଟ୍ ବିସ୍ବାସ୍ ଦେକି କଇଲା, “ଏ ବାବୁ, ତମର୍ ସବୁ ପାପ୍ କେମା ଅଇଗାଲାବେ ।”

* ୫:୧ ମାତିଉ ୧୩:୧,୨; ମାର୍କ ୩:୯,୧୦;୪:୧ * ୫:୫ ଜଅନ୍ ୨୧:୩ * ୫:୭ ଜଅନ୍ ୨୧:୬

୨୧ ସାସ୍ତର ସିକାଇବା ଲକ୍ଷ୍ୟନ୍ ଆରି ପାରୁସି ଲକ୍ଷ୍ୟନ୍ ମନେ ମନେ କୁଆବଲା ଅଇ, ଏନ୍ତି କଇବାର ଦାରଲାଇ, “ଏ କେ ଜେ ପରମେସରର୍ ନିନ୍ଦାକଲାନି ? ପରମେସର୍କେ ଚାଡ଼ି ଆରି କେ ପାପ୍ କେମା କରିପାରସି ?”

୨୨ ତେଇ ସେମନ୍ ମନେ ମନେ କୁଆବଲା ଅଇବାଟା ଜାନିକରି ସେମନ୍‌କେ ଜିସୁ କଇଲା, “ତମେ କାଇକେ ସବୁଲକ୍ ନିଜର୍ ମନେ ମନେ ଏନ୍ତାରି କୁଆବଲା ଅଇଲାସ୍‌ନି ?

୨୩ କାଇଟା ଉପାସ୍ କାତା ? ତର୍ ସବୁ ପାପ୍ କେମା ଅଇଗାଲା ବଲି କଇବାଟା, କି ଉଟିକରି ଇଣ୍ଡି ଜା ବଲି କଇବାଟା ?

୨୪ ମାତର୍ ପୁରତିବିର୍ ସବୁ ପାପ୍ କେମା କରବାକେ ପରମେସରର୍ ଚାନେଅନି ଆଇଲା ନର୍ପିଲା ମର୍ ଅଦିକାର୍‌ଆଟେ ।” ଏଟା ତମେ ଜେନ୍ତି ଜାନିପାରାସ୍ । ଏଟାରପାଇ ଜିସୁ ଚେରେଙ୍ଗ୍‌ବାଡ଼ ଦାରଲା ରଗିକେ କଇଲା, “ମୁଇ ତକେ କଇଲିନି, ଉଟ୍ ନିଜର୍ ବିଚ୍‌ନା ଦାରି ଗରେ ଜା ।”

୨୫ ସେଦାପରେ ଚେରେଙ୍ଗ୍ ଦାରଲା ଲକ୍ ସବୁଲକ୍‌ର୍ ଦେକ୍‌ତେ ଉଟିକରି ଜନ୍ କଟେ ସଇରଇଲା, ସେଟା ବଇ ପରମେସରର୍ ମଇମା କରି କରି ତାର ଗରେ ଉଟିଗାଲା ।

୨୬ ତେଇ ରଇଲା ସବୁଲକ୍ କାବା ଅଇଜାଇକରି ପରମେସରର୍ ମଇମା କରବାର ଦାରଲାଇ ଆରି ମାପ୍‌ରୁର୍ ଚକିଡ଼ କାମ୍ ଦେକି, “ଆଜି ଆମେ କେବେ ନ ଅଇଲାଟା ଦେକ୍‌ଲୁ !” ବଲି କଇଲାଇ ।

ଜିସୁ ଲେବିକେ ଡାକ୍‌ଲାଇ

(ମାତିଉ ୯:୯-୧୩; ମାର୍କ ୨:୧୩-୧୭)

୨୭ ତାରପରେ ଜିସୁ ବାରଇଜାଇ ଲେବି ନାଉଁର୍ ଗଟେକ୍ ସିସ୍ତୁମାଞ୍ଜୁ, ସିସ୍ତୁମାଞ୍ଜୁମନ୍ ମାଙ୍ଗ୍‌ବାଟାନେ ବସିରଇବାଟା ଦେକି, ତାକେ କଇଲା, “ମର୍‌ସଙ୍ଗ୍ ଆଉ ।”

୨୮ ତେଇ ଲେବି ସବୁଜାକ ଚାଡ଼ିଦେଇ ଉଟିକରି ଜିସୁର୍ ସଙ୍ଗ୍ ଜିବାର୍‌ଦାରଲା ।

୨୯ ଆରି ଲେବି ଜିସୁର୍‌ପାଇ ନିଜର୍ ଗରେ, ଗଟେକ୍ ବଡ଼ ବଜିକଲା । ତେଇ ସିସ୍ତୁମାଞ୍ଜୁମନ୍, ଅଦିକ୍ ଲକ୍ ଆରି ବିନ୍ ବିନ୍ ଲକ୍‌ମନର୍ ସଙ୍ଗ୍ ସେ କାଇବାକେ ବସଲା ।

୩୦ ✨ତେଇ ପାରୁସିମନ୍ ଆରି ତାକର୍ ଦଲର୍ ସାସ୍ତର ସିକାଉମନ୍ ଜିସୁର୍ ମୁଆଟେ ତାର ସିସ୍‌ମନ୍‌କେ ଦସ୍ ଦେକାଇ କଇଲାଇ, “ତମେ କାଇକେ ସିସ୍ତୁମାଞ୍ଜୁମନର୍ ସଙ୍ଗ୍ ଆରି ପାପିମନର୍ ସଙ୍ଗ୍ ମିସି କିଆ ପିଆ କଲାସ୍‌ନି ?”

୩୧ ଜିସୁ ସେମନ୍‌କେ କଇଲା, “ଜାକେ ଦୁକାଦାରି ରଇସି, ସେସେ ଅସ କାଇସି, ଜାକେ ଦୁକା ଦାରେ ନାଇ ତାକେ ଅସ ଲଡ଼ାନାଇ ।

୩୨ ମୁଇ ଦରମ୍ ଲକ୍‌ବଲି ନିଜ୍‌କେ ବାବ୍‌ବା ଲକ୍‌ମନର୍ ପାଇ ଆସିନାଇ, ମାତର୍ ପାପି ଲକ୍‌ମନ୍‌କେ ପାପେଅନି ମନ୍ ବାଦ୍‌ଲାଇବାକେ ଆଇଲିଆଟି ।”

ଉପାସ୍ ବିସଇନେଇ ସିକିଆ

(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେକ୍ ଲକ୍ ଜିସୁକେ ପାଚାରଲାଇ, “ତୁବନ୍ ଦେଉ ଜଅନର୍ ସିସ୍‌ମନ୍ ତର୍କେତର୍ ଉପାସ୍ କରି ପାର୍‌ତନା କରବାଇ । ପାରୁସିମନର୍ ସିସ୍‌ମନ୍ ମିସା ସେନ୍ତାରି ସେ କରବାଇ । ମାତର୍ ତମର୍ ସିସ୍‌ମନ୍ କିଆ ପିଆ କରବାଇ ।”

୩୪ ଜିସୁ ସେମନ୍‌କେ କଇଲା, “ବର୍‌ବାଟର୍ ଲକ୍‌ମନର୍‌ସଙ୍ଗ୍ ବର୍ ରଇଲାବେଲେ, ତମେ କାଇ ସେମନ୍‌କେ ଉପାସ୍ କରାଇପାରାସ୍ ? ନାଇ, ନାପାରାସ୍ ।

୩୫ ମାତର୍ ବେଲା ଆଇସି, ଜେତେବେଲେ ତାକର୍‌ଚାନେଅନି ବର୍‌କେ ଡାକିଦାରିଜିବାଇ, ସେଡ଼କିବେଲେ ସେମନ୍ ଉପାସ୍ କଇବାଇ ।”

୩୬ ଜିସୁ ସେମନ୍‌କେ ଆରି ଗଟେକ୍ ଉଦାଅରନ୍ ଦେଇ କଇଲା, “କେ ମିସା ପୁରନା ଲୁଗା ପାଟିରଇଲାଟାନେ ନୁଆଲୁଗା ଚିରି ଚାପ୍ ନ ଦେଅଡ଼, ଚାପ୍ ଦେଲେ ନୁଆଟା ମିସା ନସିଜାଇସି, ନୁଆ ଲୁଗାର୍ ଚାପ୍ ପୁରନାଟାନେ ନ ମିସେ ।

୩୭ ବେସି ଦିନର୍ ପୁରନା ଗାଗ୍‌ରିଟାନେ କେ ମିସା ଏବେ ଉଡ଼ରାଇଲା ମଦ୍ ନ ରକଅଡ଼, ତେଇ ଜଦି ସେ ମଦ୍ ରକଇ ତାବିଦେଲେ, ଗାଗ୍‌ରି ପୁଟିକରି ପଡ଼ାଅଇଜାଇସି ।

୩୮ ତେବେ ମଦ୍ ଉଡ଼ରାଇଲା ଦାପ୍‌ରେ ନୁଆ ଗାଗ୍‌ରିଟାନେ ରକଇ ସଙ୍ଗ୍‌କାର୍‌ଆଟେ ।

୩୯ ଆରି କେ ମିସା ପୁରନା ମଦ୍ କାଇକରି ଏବେ ଉଡ଼ରାଇଲା ମଦ୍ କାଇବାକେ ମନ୍ ନ କରଡ଼, କାଇକେବଇଲେ, ସେ ବାସିଟା ଆକା ନିକ ବଲି କଇସି ।”



ବିସ୍‌ରାମ୍ ଦିନ୍ ବିସଇ ନେଇ ପର୍‌ସନ୍

(ମାତିଉ ୧୨:୧-୮; ମାର୍କ ୨:୨୩-୨୮)

୧ ତରେକ୍ ବିସ୍‌ରାମ୍ ବାରେ ଜିସୁ ତାସ୍ ରଇଲା ପଦାବାଟେ ଜିବାବେଲେ ତାର ସିସ୍‌ମନ୍ କେଡ଼ ଚିଡ଼ାଇ ଆଡେ ରମ୍‌ଦି କାଇଡେରଇଲାଇ ।

☆ ୫:୩୦ ଲୁକ୍ ୧୫:୧,୨

୨ ସେମାନଙ୍କେ ଦେଖତେରଇବା ପାରୁସି ଲକ୍ଷ୍ମୀନନ୍ଦ ବିତ୍ତରେଅନି କେତେଲକ୍ କଇଲାଇ, “ବିସ୍ଵାମ୍ ବାରେ ଜନ୍ତା କରବାର ବିଦି ନଏଁ, ସେଟା ତମେ କାଇକେ କଲାସ୍ତନି ?”

୩ ଜିସୁ ସେମାନଙ୍କେ କଇଲା, “ଦାଉଦ୍ ଆରି ତାର ସଙ୍ଗର ଲକ୍ଷ୍ମୀନନ୍ ବୁକେ ରଇଲାବେଲେ, ଦାଉଦ୍ କାଇଟା କରିରଇଲା, ସେଟା କାଇ ତମେ ପତାସ୍ ନାଇ କି ?

୪ ସୁନା, ଦାଉଦ୍ ପର୍ଯ୍ୟେସରର୍ ଗରେ ପୁରି, ପର୍ଯ୍ୟେସର୍କେ ସର୍ପି ଅଇରଇଲା ଜନ୍ ରୁଟି, ପୁଜାରିମନ୍‌କେ ଚାଡି ଆରି କେ ମିସା କାଇବାର ବିଦି ନ ରଇଲା, ସେଟା ନେଇକରି କାଇଲା ଆରି ତାର ସଙ୍ଗର ଲକ୍ଷ୍ମୀନନ୍‌କେ ମିସା ଦେଇରଇଲା ।”

୫ ଆରି ଜିସୁ କଇଲା, “ପର୍ଯ୍ୟେସର ପାଟାଇରଇବା ନର୍ପିଲା ମୁଇ ବିସ୍ଵାମ୍ ବାରେ ଲକ୍ଷ୍ମୀନନ୍ କାଇଟା କରବାର ଆଟେ କାଇଟା କରବାର ନାଇ, ସେଟା କଇବାର ମର୍ ଅଦିକାର୍ ଆଟେ ।”

ଆଡ଼ ସୁକିଜାଇରଇଲା ଲକ୍ ନିକ ଅଇଲା

(ମାତିଉ ୧୨:୯-୧୪; ମାର୍କ ୩:୧-୬)

୬ ଆରି ଜିସୁ ବିନ୍ ଗଟେକ୍ ବିସ୍ଵାମ୍‌ବାରେ, ଜିଉଦି ଲକ୍ଷ୍ମୀନନ୍ ପାର୍ତନା ଗରେ ଜାଇକରି ସିକାଇତେରଇଲା । ତେଇ ଗଟେକ୍ ଲକ୍ ରଇଲା । ତାର ଉଜା ଆଡ଼ ସୁକିଜାଇରଇଲା ।

୭ ଆରି ଜିସୁ ବିସ୍ଵାମ୍‌ବାରେ ମିସା କେ ଜାନେ ନିକ କର୍ସି, ଏଟା ଦେକୁ ବଲି ପାରୁସି ଲକ୍ଷ୍ମୀନନ୍ ଆରି ସାସ୍ତର୍ ସିକାଉମନ୍ ତାକେସେ ଦେକି ଦେକି ରଇଲାଇ, କାଇକେବଇଲେ ତାର ବିରୁଦେ ଦସ୍ ଦାରବାକେ ।

୮ ମାତର୍ ଜିସୁ ତାକର୍ ମନେ ବାବ୍‌ଲାଟା ଜାନିକରି, ଜନ୍ ଲକ୍ ଆଡ଼ ସୁକିଜାଇରଇଲା, ତାକେ କଇଲା, “ଉଟ୍ ଆରି ସବୁଲକ୍ ମୁଆଟେ ଚିଆ ଅ ।” ଆରି ସେଲକ୍ ଉଟି ଚିଆଅଇଲା ।

୯ ତେଇ ଜିସୁ ସେମାନଙ୍କେ କଇଲା, “ମୁଇ ତମ୍‌କେ ପାଟାରୁଲିନି, ବିସ୍ଵାମ୍‌ବାରେ ବିଦି ଇସାବେ କାଇଟା କରବାର ? ନିକ କରବାର କି କାରାପ୍ କରବାର ? ଜିବନ୍ ବଞ୍ଚାଇବାର କି ମରାଇବାର ?”

୧୦ ଆରି ସେ ଚାରିବେଡ଼ି ସବୁକେ ଦେକି ସେ ଲକ୍‌କେ କଇଲା, “ତମର୍ ଆଡ଼ ଲାମାଆ ।” ତେଇ ସେ ସେନ୍ତାର୍ କଲା, ଆରି ତାର ଆଡ଼ ପୁରାପୁରୁନ୍ ନିକ ଅଇଗାଲା ।

୧୧ ମାତର୍ ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି ରିସା ଅଇଗାଲା ଆରି ଜିସୁର୍ ବିରୁଦେ “କାଇଟା କରୁ ?” ବଲି ତାକର୍ ତାକର୍ ବିତ୍ତରେ ନିଆଇ କଲାଇ ।

ଜିସୁ ବାର୍ଟା ସିସ୍‌ମନ୍‌କେ ବାଟ୍‌ଲା

(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ସେବେଲେ ଦିନେକ୍ ଜିସୁ ପାର୍ତନା କରବାକେ ବାରଇ, ପର୍ବତେ ଗାଲା ଆରି ଗୁଲାଇରାଡି ପର୍ଯ୍ୟେସର୍କେ ପାର୍ତନା କରି କରି ରଇଲା ।

୧୩ ସାକାଲ୍ ପାଇଲାକେ, ଜିସୁ ସିସ୍‌ମନ୍‌କେ ଲଗେ ଡାକି ସେମାନର୍ ବିତ୍ତରେଅନି ବାର ଲକ୍‌କେ ବାଟ୍‌ଲା, ଆରି ସେମାନଙ୍କେ ପେରିଡ଼ ବଲି ନାଉଁ ଦେଲା ।

୧୪ ସେମନ୍ ରଇଲା, ସିମନ୍ ଜାକେ କି ସେ ପିତର୍ ବଲି ମିସା ନାଉଁ ଦେଲା, ଆରି ସିମନ୍ ବାଇ ଆନ୍‌ରିୟ୍, ଜାକୁବ୍ ଆରି ଜଅନ୍, ପିଲିପ୍ ଆରି ବାର୍ତଲମି ।

୧୫ ମାତିଉ ଆରି ତମା, ଆଲ୍‌ପିର୍ ପ ଜାକୁବ୍ ଆରି ସିମନ୍, ଜାକେ କି କାଇ କାମ୍ କରବାକେ ମିସା ଆଗ୍ତୁ ଅଇସି ବଲି କଇବାଇ ।

୧୬ ଜାକୁବର୍ ପ ଜିଉଦା ଆରି ଇସ୍କାରିତ ଜିଉଦା, ଜେ କି ଜିସୁକେ ସର୍ତ୍ତୁମନ୍‌କେ ସର୍ପିଦେଇ ରଇଲା ।

ଜିସୁ ସିକିଆ ଦେଲା ଆରି ନିକ କଲା

(ମାତିଉ ୪:୨୩-୨୫)

୧୭ ଆରି ଜିସୁ ପେରିଡ଼ମନ୍‌ର ସଙ୍ଗ ଉଡ଼ିକରି, ଗଟେକ୍ ସଦ୍‌ରମ୍ ରଇଲା ଜାଗାଇ ଚିଆଅଇଲା । ଆରି ତେଇ ତାର ବେସି ସିସ୍‌ମନ୍, ଜିଉଦା ରାଇଜର୍ ବେସି ଲକ୍, ଜିରୁସାଲାମ୍ ଆରି ସମ୍‌ପୁର୍ ପାଲି ରଇବା ସର ଆରି ସିମନ୍ ସଅରେଅନି ବେସି ଲକ୍‌ମନ୍ ରୁଣ୍ଡିରଇଲାଇ ।

୧୮ ଲକ୍‌ମନ୍ ତାର ବାକିଅ ସୁନ୍‌ବାକେ ଆରି ନିଜର୍ ନିଜର୍ ରଗେଅନି ନିକ ଅଇବାକେ ଆସିରଇଲାଇ । ଜନ୍ ଲକ୍‌ମନ୍ ତୁମା ଦାରାଇଅଇ ଦୁକ୍ କସ୍‌ଟ ପାଇତେରଇଲାଇ, ସେମାନଙ୍କେ ଜିସୁ ନିକ କଲା ।

୧୯ ସବୁଲକ୍‌ମନ୍ ଜିସୁକେ ଚିକିବାକେ ଚେସ୍‌ଟା କର୍ତେରଇଲାଇ । କାଇକେବଇଲେ ତାର ଗାଗ୍‌ତେଅନି ମାପ୍‌ରୁର୍ ବପୁ ବାରଇତେରଇଲା ଆରି ସବୁଲକ୍‌ମନ୍‌କେ ନିକ କର୍ତେରଇଲା ।

ସୁକ୍ ଆରି ଦୁକ୍

(ମାତିଉ ୫:୧-୧୨)

୨୦ ସେବେଲେ ଜିସୁ ନିଜର୍ ସିସ୍‌ମନ୍‌ର ବାଟେ ଦେକି କଇଲା,

“ତମେ ଏବେ କାକୁରୁତି ଅଇଆଚାସ୍ ତମର କେତେକ୍ ନିକ କରମ୍,
କାଇକେବଇଲେ ପର୍ମେସରର୍ ରାଇଜ୍ ତମରଟା ।

୨୧ ତମେମନ୍ ଏବେ ବୁକେ ଆଚାସ୍, ତମର କେତେକ୍ ନିକ କରମ୍,
କାଇକେବଇଲେ, ତମକେ ପର୍ମେସର୍ ପୁରାପୁରୁନ୍ ଦେଇସି ।

ତମେମନ୍ ଏବେ କାନ୍ଦୁଲାସ୍ନି, ତମର କେତେକ୍ ନିକ କରମ୍,
କାଇକେବଇଲେ ତମେମନ୍ ସାରଦା ଅଇକରି ଆସ୍ସା ।”

୨୨ ✨ଲକ୍ମନ୍ ଜେବେ ପର୍ମେସର୍ ପାଟାଇରଇବା ନର୍ପିଲା ମର୍ ଲାଗି ତମକେ ଇନ୍ କର୍ବାଇ, ଆରି ବେଗ୍ଲାଇ
ଦେବାଇ, ନିନ୍ଦାକରି ତମର ନାଉଁ ମନ୍ ବଲି ଦାରବାଇ, ତମର କେତେକ୍ ନିକ କରମ୍ ।

୨୩ ✨ସେ ଦିନେ ସାରଦା ଅଇ ନାଟ୍ କର୍ସା । କାଇକେବଇଲେ ଦେକା, ସର୍ଗେ ତମର୍ ପୁରୁସ୍କାର୍ ଅଦିକ୍ ଆରି ସେନ୍ତାରି
ତା ସେମନର୍ ଆନିଦାଦିମନ୍, ବବିସଦ୍ବକ୍ତାମନକେ କର୍ତେରଇଲାଇ ।

୨୪ ମାତର୍ ଏ ଡଣ୍ଡ ପାଉମନ୍, ତମେମନ୍ ଏବେ ସାଉକାର୍ ଆଚାସ୍,
କାଇକେବଇଲେ ତମେ ନିଜେ ନିଜେ ସୁକ୍ ପାଇଲାସ୍ବେ ।

୨୫ ଏ ଡଣ୍ଡପାଉମନ୍, ଏବେ ତମେ ନିକସଙ୍ଗ୍ କାଇଲାସ୍ନି,
କାଇକେବଇଲେ, ତମେ ବୁକେସେ ରଇସା ।

ଏ ଡଣ୍ଡପାଉମନ୍, ତମେମନ୍ ଏବେ ଆସ୍ଲାସ୍ନି,
କାଇକେବଇଲେ ପତେ ଦୁକେ ରଇକରି କାନ୍ଦୁସା ।

୨୬ “ଜେତେବେଲେ ତମକେ ଲକ୍ମନ୍ ବଲ୍ ବଲିକରି ବାବ୍ଲାଇନି, ଏ ଡଣ୍ଡପାଉମନ୍, ତାକର୍ ଆନିଦାଦି ତା ମାପୁରୁର୍
କାତା ବୁଲ୍କାଉମନର୍ପାଇ ସେନ୍ତାରି କର୍ତେରଇଲାଇ ।”

**ସତ୍ତୁମନକେ ମିସା ଆଲାଦ୍ କରା
(ମାଡିଉ ୫:୩୮-୪୮,୭:୧୨)**

୨୭ “ମାତର୍ ତମେମନ୍ ସୁନି ଆଚାସ୍ଜେ ମୁଇ ତମକେ କଇଲିନି, ତମର୍ ସତ୍ତୁମନକେ ଆଲାଦ୍ କରା, ଜନ୍ ଲକ୍ମନ୍
ତମକେ ଇନ୍ କର୍ବାଇ, ସେମନର୍ ମଙ୍ଗଲ୍ କରା ।

୨୮ ଜନ୍ ଲକ୍ମନ୍ ତମକେ ସାଇପ୍ ଦେବାଇ, ସେମନକେ ଆସିର୍ବାଦ୍ କରା । ଜନ୍ ଲକ୍ମନ୍ ତମକେ ଇଜଡ୍ ଜିକ୍ବାଇ,
ସେମନର୍ପାଇ ପାର୍ତନା କରା ।

୨୯ ଜେ ତମକେ ଗଟେକ୍ ଗାଲେ ଚାପଡ୍ ମାର୍ସି, ତାକେ ଆରିଗଟେକ୍ ଗାଲ୍ ମିସା ଦେକାଇଦିଆସ୍ । ଜେ ତମର୍ ଚାଦର୍
ଦାରିଜାଇସି, ତାକେ ତମର୍ ପିନ୍ଦୁଲାଟା ନେବାକେ ମିସା ମନା କରାନାଇ ।

୩୦ ଜେ ତମକେ ମାଙ୍ଗ୍ସି, ତାକେ ଦିଆସ୍ । ଆରି ଜେ ତମର୍ ଦନ୍ ସିମ୍ପତି ଉଦାର୍ ନେଇସି, ତାର୍ଟାନେଅନି ସେଟା
ଆରିତରେକ୍ ମାଙ୍ଗାନାଇ ।

୩୧ ✨ଲକ୍ମନ୍ ତମକେ ଜେନ୍ତ୍ରି କରଡ୍ ବଲି ମନ୍ କଲାସ୍ନି, ତମେମିସା ସେମନର୍ଟାନେ ସେନ୍ତାର୍ କରା ।”

୩୨ “ଆରି ଜନ୍ ଲକ୍ମନ୍ ତମକେ ଆଲାଦ୍ କଲାଇନି, ଜଦି ସେମନକେସେ ତମେ ଆଲାଦ୍ କର୍ସା ବଇଲେ କାଇ
ଆସିର୍ବାଦ୍ ପାଇସା ? କାଇକେବଇଲେ ପାପିମନ୍ ମିସା ସେନ୍ତାରି କର୍ବାଇ ।

୩୩ ଜଦି ଜନ୍ ଲକ୍ମନ୍ ତମର୍ ମଙ୍ଗଲ୍ କଲାଇନି, ସେମନକେସେ ମଙ୍ଗଲ୍ କର୍ସା ବଇଲେ, କାଇ ଆସିର୍ବାଦ୍ ପାଇସା
? କାଇକେବଇଲେ ପାପିମନ୍ ମିସା ସେନ୍ତାରି କର୍ବାଇ ।

୩୪ ଆରି ଜନ୍ ଲକ୍ମନର୍ଟାନେଅନି ତମର୍ ମିଲାଇବାର୍ ଆସା ରଇସି, ଜଦି ସେମନକେସେ ଉଦାର୍ ଦେଇସା ବଇଲେ,
ତମେ କାଇ ଆସିର୍ବାଦ୍ ପାଇସା ? ପାପିମନ୍ ମିସା ସମାନ୍ ଇସାବେ ବାନ୍ଦୁଲାଟା ମିଲବଲି, ରୁନ୍ ଦେବାଇ ।

୩୫ ମାତର୍ ତମର୍ ସତ୍ତୁମନକେ ଆଲାଦ୍ କରା । ଆରି ସେମନର୍ ମଙ୍ଗଲ୍ କରା । ରୁନ୍ ବାନ୍ଦୁ ବଲି ଆସା ନ କରି, ରୁନ୍
ଦିଆସ୍ । ସେନ୍ତାରିକଲେ ତମର୍ ପୁରୁସ୍କାର୍ ଅଦିକ୍ ଅଇସି । ଆରି ତମେ ପର୍ମେସରର୍ ପ ଅଇସା । କାଇକେବଇଲେ
ସେ ନ ମାନ୍ଦା ଲକର୍ ଆରି କରାପ୍ ଲକର୍ ମିସା ଦୟାକାରିଆ ।

୩୬ ତମର୍ ସରଗର୍ ବାବା ଜେନ୍ତାରି ଦୟା କଲାନି, ସେନ୍ତାରି ତମେ ମିସା ଦୟା କରା ।”

**ବିନ୍ ଲକ୍ମନକେ ବିଚାର୍ କରାନାଇ
(ମାଡିଉ ୭:୫-୭)**

୩୭ “ବିନ୍ଲକ୍ମର୍ ବିଚାର୍ କରାନାଇ, ସେନ୍ତାରିକଲେ ପର୍ମେସର୍ ତମକେ ବିଚାର୍ କର୍ସି । ଦସ୍ ନ ଦିଆସ୍,
ସେନ୍ତାରିକଲେ ପର୍ମେସର୍ ତମକେ ଦସ୍ ନ ଦାରେ । କେମା କରା, ସେନ୍ତାରିକଲେ ତମକେ କେମା ମିଲ୍ସି ।

୩୮ ବିନ୍ ଲକ୍ମକେ ଦାନ୍ କରା, ସେନ୍ତାରିକଲେ ପର୍ମେସର୍ ତମକେ ଦାନ୍ ଦେଇସି, ଲକ୍ମନ୍ ମାନ୍ଟାନେ କାଦି
ପୁରୁନକରି ତାକେ ଚାପି ଜୁଲାଇ, ଉର୍ଲାଇକରି, ତମର୍ ଅଟିତେଇ ଦେବାଇ, କାଇକେବଇଲେ ଜନ୍ ଇସାବେ ତମେ
ନାପ୍ସା, ସେ ଇସାବେ ସେ ତମକେ ନାପି ଦିଆଅଇସି ।”

✨ ୭:୨୨ ୧ ମ ପିତର୍ ୪:୧୪ ✨ ୭:୨୩ ପେରିଡ୍ ୭:୫୨ ✨ ୭:୩୧ ମାଡିଉ ୭:୧୨

୩୯ ✨ଜିସୁ ସେମାନଙ୍କେ ଉଦାଅରନ୍ ଦେଇ କଇଲା, “କାଣା କାଇ କାଣାକେ ବାଟ୍ ଦେକାଇପାରେକି ? ନାଇ, ନାପାରେ । ଜଦି ସେମନ୍ ସେନ୍ତାରି କରବାଇ ବଇଲେ ଦୁଇଲକ୍ତାକ କାଲେ ନ ଅଦରଡ୍ କି ?

୪୦ ✨ଗୁରୁଗାନେଅନି ସିସ୍ ବଡ୍ ନାଇ । ମାତର୍ ସିସ୍ମନ୍ ସିକିଆ ପାଇ ସାରାଇଲେ ସିଦ୍ଅଇ ଗୁରୁର୍ ସମାନ୍ ଅଇବାଇ ।”

୪୧ “ଆରି କାଇକେ ତମର୍ ବାଇର୍ ଆଁକିଟାନେ ରଇବା ସାନ୍ କାଟ୍‌ରା ଦେକ୍‌ଲାସ୍‌ନି ? ମାତର୍ ତମର୍ ନିଜର୍ ଆଁକିଟାନେ ଜନ୍ ବଡ୍ କାଟ୍‌ରା ଆଟେ, ସେଟା ବାବିଦେକାସ୍‌ନାଇ ।

୪୨ ତମେ ନିଜର୍ ଆଁକିଟାନେ ରଇବା ବଡ୍‌ଟା କାଟ୍‌ରା ନ ଦେକିକରି, ନିଜର୍ ବାଇର୍ ଆଁକି ଟାନେ ରଇବା ସାନ୍ କାଟ୍‌ରା ଦେକି କେନ୍ତ୍ର କଇପାରାସ୍, ଆଉ ବାଇ ତମର୍ ଆଁକିଅନି କାଟ୍‌ରା ବାଟ୍‌କରାଇଦେବି ? ଏ କୁଟିଆଲ୍‌ମନ୍, ପର୍ତୁମ୍ ନିଜର୍ ଆଁକିଅନି କାଟ୍‌ରା ବାଟ୍‌କରାଇପାକା, ତାଟ୍‌ପଟେ ନିଜର୍ ବାଇର୍ ଆଁକିଟାନେ ରଇବା କାଟ୍‌ରା ସବୁ ବାଟ୍‌କରାଇବାକେ, ନିକକରି ଦେକିପାରାସ୍ ।”

ଗର୍ ଆରି ତାଟ୍ ପଲ୍
(ମାତିଉ ୭:୧୭-୨୦:୧୨:୩୩-୩୫)

୪୩ “ନିକ ଗଟେ କାରାପ୍ ପଲ୍ ନ ପଲେ, କାରାପ୍ ଗଟେ ନିକ ପଲ୍ ନ ପଲେ ।

୪୪ ✨କାଇକେବଇଲେ ଗର୍ମନକେ ତାଟ୍ ପଲ୍‌ରଲାଗି ଜାନିଅଇସି । କାଟା ଗଟେଅନି ଲକ୍‌ମନ୍ ତୁମ୍‌ଟି ପଲ୍ ନ ତଲଡ୍, କି କାଟା ବୁଟାଅନି ଅଙ୍ଗୁର୍ ପଲ୍ ନ ତଲଡ୍ ।

୪୫ ✨ନିକ ଲକ୍ ନିଜର୍ ମନ୍ ବିଡ୍‌ରର୍ ଗରବ୍‌ବିଡ୍‌ରେ ଅନି ନିକଟା ବାଟ୍‌କରାଇସି । ଆରି କାରାପ୍ ଲକ୍‌ମନ୍ ନିଜର୍ ମନ୍ ବିଡ୍‌ରର୍ ଗରବ୍‌ଟାନେ ଅନି କାରାପ୍‌ଟା ବାଟ୍‌କରାଇବାଇ । କାଇକେବଇଲେ, ମନ୍‌ବିଡ୍‌ରେ ଚିନ୍ତା କରବାଟା, ଟଣ୍ଟୁ କାତା କଇସି ।”

ଦୁଇଟା ରକାମର୍ ଗର୍‌ବାଦ୍‌ବା ଲକ୍
(ମାତିଉ ୭:୨୪-୨୭)

୪୬ “ଆରି ତମେ କାଇକେ ମକେ ଏ ମାପରୁ ଏ ମାପରୁ, ବଲି ତାକିକରି ମର୍ ଆଦେସ୍ ମାନାସ୍ ନାଇ ?

୪୭ ଜେ ମିସା ମର୍‌ଲଗେ ଆସି, ମର୍ କାତା ସୁନି, ସେଟା ସବୁ ମାନ୍‌ସି, ସେ କାଟ୍ ସମାନ୍ ରଇସି, ସେଟା ମୁଇ ତମ୍‌କେ ଦେକାଇବି ।

୪୮ ସେ ଏନ୍ତାରି ଗଟେକ୍ ଗର୍ ଉଟାଇବା ଲକ୍‌ପାରା । ଜେ ଗଇର୍ କରି କୁନି, କୁନାଦି ପାକ୍‌ନା ଉପ୍‌ରେ ବସାଇଲା । ବନିଆ ପାନି ଆସି ସେଟା ଉଲ୍‌କା ମାର୍‌ଲା ମିସା ସେଟା ବସ୍‌ଲାଇ ନାପାର୍‌ଲା । କାଇକେବଇଲେ ସେଟା ନିମାନ୍‌କରି ଉଟାଇରଇଲା ।

୪୯ ମାତର୍ ଜନ୍ ଲକ୍‌ମନ୍ ମର୍‌କାତା ସୁନିକରି ମିସା ସେ ଇସାବେ ଚଲାଟଲ୍‌ତି ନ କରଡ୍, ସେ କୁନାଦି ନ କରି, ବାଲି ଉପ୍‌ରେ ଗର୍‌କଲା ଲକ୍‌ପାରା । ଜବର୍ ଅଇତେ ଉଦ୍‌କାମାର୍‌ଲା ଦାପ୍‌ରେ ସେ ଗର୍ ବସ୍‌ଲିଗାଲା ଆରି ସେଟା ଅପର୍‌ବଲ୍ ବିନାସ୍ ଅଇଲା ।”



ଜିସୁ ଗଟେକ୍ ରମିୟ ଲକ୍‌ର ଗତି ଦାଙ୍ଗ୍‌ତାକେ ନିକ କଲା
(ମାତିଉ ୮:୫-୧୩)

୧ ଜିସୁ ଲକ୍‌ମନକେ ସବୁ କାତା କଇ ସାରାଇକରି କପର୍‌ନାଉମ୍ ସଅରେ କେଟ୍‌ଲା ।

୨ ସେବେଲେ ସଏଟା ସନିଅମନର୍ ମୁକିଆର୍ ଗଟେକ୍ ଗତିଦାଙ୍ଗ୍‌ତା, ଜର୍ ଅଇକରି ମଲାପାରା ଅଇଜାଇରଇଲା । ସେ ତାକେ ନିଜର୍‌ଲକ୍ ପାରା ଆଲାଦ୍ କର୍‌ତେରଇଲା ।

୩ ସେ ଜିସୁର୍ ବିସଇର୍ କବର୍ ସୁନି, ଜିସୁ ଜେନ୍ତ୍ରକି ଆସି ତାଟ୍ ଗତିଦାଙ୍ଗ୍‌ତା ଜିବନ୍ ରକିଆ କର୍‌ସି ବଲି ବାବ୍‌ଲା । ସେଟାପାଇ ଜିସୁର୍ ଲଗେ କେତେଟା ଜିଉଦି ପାଟ୍‌ଟିନ୍‌ମନକେ ପାଟାଇ ତାକେ ବାବୁଜିଆ କଲାଇ ।

୪ ପାଟ୍‌ଟିନ୍‌ମନ୍ ଜିସୁର୍‌ଲଗେ କେଟିକରି ତାକେ ଜୁଆର୍ ବିଆର୍ କରି କଇବାର୍ ଦାର୍‌ଲାଇ, “ତାଟ୍‌ପାଇ ତମେ ଏନ୍ତାରି କରଇଲେ, ନିକରଇସି ।

୫ କାଇକେବଇଲେ ସେ ଆମର୍ ଲକ୍‌ମନକେ ଆଲାଦ୍ କର୍‌ସି ଆରି ନିଜେ ସେ ଆମର୍ ସବୁଲକ୍‌କର୍ ପାଇ ପାଟ୍‌ତନାଗର୍ ତିଆର୍‌କରି ଦେଇଆଟେ ।”

୬ ତେଇ ଜିସୁ ତାକର୍ ସଙ୍ଗ୍ ଗାଲା । ସେ ଗରେ କେଟ୍‌ବାକେ କଣ୍ଟେକ୍ ଦୁର୍ ରଇଲାକେ, ସଏଟା ସନିଅମନର୍ ମୁକିଆ ଲକ୍‌ମନକେ ପାଟାଇ ତାକେ କଇଲା, “ମାପରୁ, କସ୍‌ଟ ଉଆନାଇ, କାଇକେବଇଲେ ତମେ ଜେ ମର୍ ଗରେ ପାଦ୍ ପାକାଇସା, ମର୍ ଏନ୍ତାରି ବାଗିଅ ନାଇ ।

☆ ୭:୩୯ ମାତିଉ ୧୫:୧୪ ☆ ୭:୪୦ ମାତିଉ ୧୦:୨୪,୨୫; ଜଅନ୍ ୧୩:୧୭;୧୫:୨୦ ☆ ୭:୪୪ ମାତିଉ ୧୨:୩୩ ☆ ୭:୪୫ ମାତିଉ ୧୨:୩୪

୭ ଏଠାରପାଇଁ ମୁଁ ତମରଠାଣେ ଆଇବାକେ ମନ୍ କରନିଲାଇ । ମାତର୍ ଗଟେକ୍ ପଦ୍ ଆଦେସ୍ କରା, ମର୍ ଗତିଦାଙ୍ଗ୍ତା ନିକ ଅଇଜାଇସି ।

୮ ମୁଁ ଗଟେକ୍ ଲକ୍ ଡଲେ କାମ୍ କର୍ତେରଇଲେ ମିସା ମର୍ ତଲେ ସନିଅମନ୍ ଆଚଡ୍ । ଆରି ମୁଁ ଗଟେକ୍ ଲକ୍ କେ ଜା ବଲି କଇଲେ, ସେ ଜାଇସି । ବିନ୍ ଲକ୍ କେ ଆଉ ବଇଲେ ସେ ଆଇସି । ମର୍ ଗତିଦାଙ୍ଗ୍ତାକେ ଏଟା କର୍ ବଇଲେ, ସେ ସେଟା କର୍ସି ।”

୯ ଜିସୁ ତାର୍ ଏ ସବୁ ବିସଇ ସୁନି କାବା ଅଇଗାଲା, ଆରି ବୁଲିକରି ତାର୍ ପଟେ ଆଇତେରଇବା ଲକ୍ ମନ୍ କେ କଇଲା, “ମୁଁ ତମକେ କଇଲିନି, ଇସ୍ରାଏଲ୍ ବିତ୍ରେ ମିସା ଏତେକ୍ ବଡ୍ ବିସ୍ବାସି ନ ମିଲଡ୍ ।”

୧୦ ଆରି ଜିସୁକେ ଡାକ୍ବାକେ ଜାଇରଇଲା ଲକ୍ ମନ୍ ଗରେ ବାଉଡି ଆସି ଗତିଦାଙ୍ଗ୍ତା ନିକ ଅଇରଇବାଟା ଦେକ୍ଲାଲ ।

ଜିସୁ ଗଟେକ୍ ରାଣ୍ଡିମାଇଜିର୍ ମରିଜାଇରଇଲା ଦାଙ୍ଗ୍ତା ପିଲାକେ ଉଟାଇଲା

୧୧ ତେଇଅନି ଜିସୁ ନାଇନ୍ ନାଉର୍ ନଅରେ ଗାଲା । ତାର୍ ସଙ୍ଗ୍ ସିସ୍ ମନ୍ ଆରି ଲକ୍ ମନ୍ ବେସି ଜାଇତେରଇଲାଲ ।

୧୨ ସେ ନଅରର୍ ଦୁଆରଲଗେ କେଟୁ କେଟୁ, ଏଦେ ଦେକା ! ଲକ୍ ମନ୍ ଗଟେକ୍ ମଲା ଲକ୍ କେ ବଇଆନତେ ରଇଲାଲ । ସେ ନିଜର୍ ମାଆର୍ ଗଟେକ୍ ସେ ପିଲା, ଆରି ସେ ମାଇଜି ରାଣ୍ଡିଟା । ନଅରର୍ ବେସିଲକ୍ ମନ୍ ତାର୍ ସଙ୍ଗ୍ ରଇଲାଲ ।

୧୩ ସେ ରାଣ୍ଡି ମାଇଜିକେ ଦେକି ଜିସୁ ଦୁକ୍ କଲା ଆରି ତାକେ କଇଲା, “ଏ ମାଆ କାନ୍ ନାଇ ।”

୧୪ ଆରି, ଜିସୁ ଜାଇକରି ତାଣ୍ଡିଆ ଚିଇଲାକେ ବଇ ଆନତେରଇବା ଲକ୍ ମନ୍ ଚିଆଅଇଲାଲ । ଆରି ସେ କଇଲା, “ମୁଁ ତକେ କଇଲିନି, ନୁନା ଉଟ୍ !”

୧୫ ତେଇ ସେ ଦାଙ୍ଗ୍ତା ଉଟିବସ୍ଲା ଆରି କାତା କଇବାର୍ ଦାର୍ଲା । ଆରି ଜିସୁ ସେ ଦାଙ୍ଗ୍ତାକେ ତାର୍ ମାକେ ସର୍ପିଦେଲା ।

୧୬ ତେଇ ସବୁଲକ୍ ଡରିଗାଲାଲ, ଆରି ପର୍ମେସରର୍ ମଇମା କରି କରି କଇଲାଲ “ଆମର୍ ବିତ୍ରେ ଗଟେକ୍ ମଆନ୍ ବବିସଡ୍ ବକ୍ତା ଆଇଲାଆରେ, ଆରି ପର୍ମେସର୍ ନିଜର୍ ଲକ୍ ମନ୍ କେ ଉଦାର୍ କର୍ବାକେ ଆସିଆରେ ।”

୧୭ ଜିସୁର୍ ଏ ବିସଇର୍ କାତା ଗୁଲାଲ ଜିଉଦା ଦେସେ ଆରି ଚାରିବାଟର୍ ଗାଉଁଗଣ୍ଡା ଲକ୍ ମନ୍ ଜାନ୍ ଲାଇ ।

ଡୁବନ୍ ଦେଉ ଜଅନର୍ ଦୁଇଟା ସିସ୍ (ମାତିଉ ୧୧:୨-୧୯)

୧୮ ପଟେ ଡୁବନ୍ ଦେଉ ଜଅନର୍ ସିସ୍ ମନ୍ ଏ ସବୁ କାତା ଜଅନକେ ଜାନାଇଲାଲ ।

୧୯ ତେଇ ଜଅନ୍ ନିଜର୍ ସିସ୍ ମନ୍ ବିତ୍ରେ ଅନି ଦୁଇଲକ୍ କେ ତାକି ମାପ୍ ରୁର୍ ଲଗେ ଏନ୍ତାରି କଇ ପାଟାଇଲା, “ଜେ ଆଇବାର୍ ରଇଲା, ସେ ଲକ୍ ତମେସେ କି ? କି କାଇ ବିନ୍ ଲକ୍ କେ ଆମେ ଜାଗ୍ତୁ ?”

୨୦ ସେ ଲକ୍ ମନ୍ ଜିସୁରଲଗେ କେଟିକରି କଇଲାଲ, “ଡୁବନ୍ ଦେଉ ଜଅନ୍ ଆମ୍ କେ ଏନ୍ତାରି କଇ ତମରଲଗେ ପାଟାଇଆରେ, ଜେ ଆଇବାର୍ ରଇଲା, ସେ ଲକ୍ ତମେ କି ? କି କାଇ ଆମେ ଆରି ବିନ୍ ଲକ୍ କେ ଜାଗ୍ତୁ ?”

୨୧ ସେବେଲେ ଜିସୁ ଜର୍ ଦୁକା, ଆରି ଡୁମା ଦାର୍ଲା ଲକ୍ ମନ୍ କେ ନିକ କଲା । ଆରି କେତେଟା କାଣାମନ୍ କେ ମିସା ଆକି ଡିସାଇଲା ।

୨୨ ଜିସୁ ଜଅନର୍ ସିସ୍ ମନ୍ କେ କଇଲା, “ତମେମନ୍ ଜନ୍ ଜନ୍ ଟା ଦେକ୍ଲାସ୍ ଆରି ସୁନ୍ଲାସ୍, ସେଟା ସବୁ ଜାଇ ଜଅନକେ ଜାନାଆ, କାଣା ଲକ୍ ମନ୍ ଦେକିପାର୍ଲାଇନି, ଚଟାମନ୍ ଇଣ୍ଡିବୁଲ୍ଲାଇନି, ବଡ୍ ରଗିମନ୍ ନିକ ଅଇଲାଇନି, ବଇରା ଲକ୍ ମନ୍ ସୁନ୍ଲାଇନି, ମଲାଲକ୍ ମନ୍ ଜିବନ୍ ଅଇ ଉଟ୍ଲାଇନି, ଆରି ଦୁକର୍ ଲକ୍ ମନ୍ କେ ମାପ୍ ରୁର୍ ବାକିଅ ସୁନାଇଅଇଲାନି ।

୨୩ ଜନ୍ ଲକ୍ ମକେ ‘କିରିସ୍ଟ’ ସେ କି ନର୍ ?’ ବଲି ନ ବାବିକରି ବିସ୍ବାସ୍ କର୍ସି, ତାର୍ କେତେକ୍ ନିକ କରମ୍ ।”

୨୪ ଜଅନର୍ ସିସ୍ ମନ୍ ବାଉଡିଗାଲାପଟେ ଜିସୁ ଲକ୍ ମନ୍ କେ ଜଅନର୍ ବିସଇ କଇବାର୍ ଦାର୍ଲା, “କାଇଟା ଦେକ୍ବାକେ ତମେ ମରୁବାଲି ବୁର୍ ବାରଇ ଜାଇରଇଲାସ୍ ? କାଇ ପବନେ ଜୁଲ୍ ତେରଇବା ବାଉଁସ୍ ନାଲା ?

୨୫ ସେଟା ନଇଲେ ତମେ କାଇଟା ଦେକ୍ବାକେ ବାରଇଜାଇ ରଇଲାସ୍ ? କାଇ ଜବର୍ ତାବୁଦେଇ ବସ୍ତର୍ ଗେନି ପିନ୍ ରଇବା ଗଟେକ୍ ଲକ୍ କେ ଦେକ୍ବାକେ ? ଦେକା, ଜନ୍ ଲକ୍ ମନ୍ ଜେ କି ସୁନ୍ଦର୍ ବସ୍ତର୍ ପିନ୍ କରି, ସୁକର୍ ସଙ୍ଗ୍ ଦିନ୍ ବିତାଇବାଇ, ସେମନ୍ ତା ରାଜାର୍ ନଅରେ ରଇବାଇ ।

୨୬ ସେନ୍ତାର୍ ନଇଲେ କାଇକେ ବାରଇ ଜାଇରଇଲାସ୍ ? କାଇ ଗଟେକ୍ ବବିସଡ୍ ବକ୍ତାକେ ଦେକ୍ବାକେ ? ମୁଁ ତମକେ ସଡ୍ କଇଲିନି, ଜଅନ୍ ବବିସଡ୍ ବକ୍ତାମନ୍ ତେଇଅନି ମିସା ଅଦିକାର୍ ରଇବା ଲକ୍ ।”

୨୭ ଜାର୍ ବିସଇ ନେଇକରି ଦରମ୍ ସାସ୍ତରେ ଲେକାଆରେ । ପର୍ମେସର୍ କଇଲା, “ଆମେ ନିଜର୍ ଦୁଡ୍ କେ ତମର୍ ଆଗେ ପାଟାଇଲୁନି, ସେ ତମର୍ ମୁଆଟେ ତମର୍ ପାଇ ବାଟ୍ ତିଆର୍ କର୍ସି, ଏ ସେ ଲକ୍ ।

୨୮ ମୁଁ ତମକେ ସଡ୍ କଇଲିନି, ମାଇଜିମନ୍ ଟାଣେଅନି ଜାଡ୍ କରଇରଇବା ସବୁର୍ ବିତ୍ରେ, ଜଅନର୍ ଟାଣେଅନି ଆରି ମୁକିଅ କେ ମିସା ନାଇ, ଏଲେମିସା ପର୍ମେସରର୍ ରାଇଜେ ଜେ ସାନ୍, ସେ ଜଅନର୍ ଟାଣେଅନି ବଡ୍ ।”

୨୯ ✨ ଜନ୍ମଲକ୍ଷ୍ମୀ ଏ ସବୁ କାତା ସୁନ୍ଦେରଇଲା, ସେମନ୍, ଜେନ୍ତରିକି ସିସ୍ତୁମାଙ୍ଗୁମନ୍ ମିସା ପର୍ମେସରର୍ ଦାବିକଲ୍ଲାଟା ମାନି ଜଅନର୍ ଟାନ୍ନେ ତୁବନ୍ ନେଇରଇଲା ।

୩୦ ମାତର୍ ପାରୁସିମନ୍ ଆରି ନିଅମ୍ ସିକାଉମନ୍ ତାକର୍ ଜିବନର୍ପାଇ ପର୍ମେସର୍ କରିରଇବା ଜନ୍ମା ମାନତ୍ନାଇ, ଆରି ଜଅନର୍ଟାନ୍ନେ ତୁବନ୍ ନେଅତ୍ନାଇ ।

୩୧ ଜିସୁ ଆରିତରେକ୍ କଇଲା, ଏବର୍ ଲକ୍ଷ୍ମୀକେ ମୁଇ କାର୍ ସଙ୍ଗ୍ ସମାନ୍ କରବି ? ଆରି ସେମନ୍ କାର୍ ପାରା ?

୩୨ ଜନ୍ ପିଲାମନ୍ ତାଣ୍ଡେବାଟେ ବସି ସେମନ୍ ସେମନ୍ ତାକାତାକିଅଇ କୁଆକୁଇ ଅଇବାଇ, “ ଅଇରେ, ଆମେ ତମର୍ଲଗେ ବାଉଁସି ପୁକ୍ଲୁ, ତମେ ନାଟ୍ କରାସନାଇ, ଦୁକର୍ ଗିଡ୍ ଗାଇଲୁ, ତମେ କାନ୍ଦାସନାଇ, ସେମନ୍ ତାକର୍ପାରା ।

୩୩ କାଇକେବଇଲେ, ତୁବନ୍ ଦେଉ ଜଅନ୍ ଆସି ଉପାସେ ରଇ, ଆମଟ୍ ଅଇଲା ପଲ୍ଲରସ୍ ମିସା କାଏନାଇ, ଆରି ତମେ ତାକେ କଇଲାସିନି ତୁମା ଦାରିଆଟେ ବଲି ।

୩୪ ପର୍ମେସର୍ ପାଟାକରଇବା ନର୍ପିଲା ମୁଇ ଆସି କିଆପିଆ କଲିନି, ଆରି ତମେମନ୍ କଇଲାସିନି, ଦେକା ଅ ! ଏ ଗଟେକ୍ କାଉରାଟା ଆରି ମଦୁଆଟା, ସିସ୍ତୁମାଙ୍ଗୁମନ୍ ଆରି ପାପିମନ୍ ମଇତର୍ ।

୩୫ ମାତର୍ ଜନ୍ମଲକ୍ଷ୍ମୀ ପର୍ମେସରର୍ ଗିଆନ୍ ମାନ୍ବାଇ, ସେମନ୍ଟାନ୍ନେ ମାପରୁ ସଡ୍ ଇସାବେ ଡିସିସି ।”

ପାରୁସି ସିମନ୍ ଗରେ ଜିସୁ

୩୬ ଆରି ପାରୁସିମନ୍ ବିଡ୍ରେଅନି ଗଟେକ୍ ଲକ୍ ଜିସୁକେ କାଇବାକେ ତାକ୍ଲା । ତେଇ ଜିସୁ ପାରୁସିର୍ ଗରେ ଜାଇକରି କାଇବାକେ ବସିଲା ।

୩୭ ✨ଆରି ଦେକା, ସେ ନଅରେ ଗଟେକ୍ ପାପି ମାଇଜି ରଇଲା । ଜିସୁ ପାରୁସିର୍ ଗରେ କାଇବାକେ ବସିଆଟେ ବଲି ଜାନିକରି, ସେ ଗଟେକ୍ କଣ୍ଡିତେଇ ବାସନା ଚିକନ୍ ଆନ୍ଲା ।

୩୮ ପର୍ବାଟେ ଜିସୁର୍ ପାଦ୍ଲଗେ ଚିଆଅଇ ଆଁସୁ ଜରାଇ ଜରାଇ ତାର୍ ଆଁସୁ ପାନି ସଙ୍ଗ୍ ଜିସୁର୍ ପାଦ୍ ବିଜାଇକରି ତାର୍ ଚେଣ୍ଡିସଙ୍ଗ୍ ସେଟା ପୁର୍ବାର୍ ଦାରଲା । ଆରି ତାର୍ ପାଦେ ଚୁମି ଚୁମି କରି ସେ ଚିକନ୍ ଲାଗାଇବାର୍ ଦାରଲା ।

୩୯ ସେଟା ଦେକିକରି ଜନ୍ ପାରୁସି ତାକେ ତାକିରଇଲା, ସେ ମନେ ମନେ ବାବ୍ଲା, “ଜଦି ଏ ଲକ୍ ବସିସଡ୍ବକ୍ତା ଅଇରଇତା ବଇଲେ, ଆକେ ଜେ ଚିଇଲାନି, ସେ କେ ଆରି ସେଟା କେନ୍ତାର୍ ମାଇଜି, ବଲି ଜାନ୍ତା । କାଇକେବଇଲେ ସେ ଗଟେକ୍ ପାପି ମାଇଜି ।”

୪୦ ଜିସୁ ତାକେ କଇଲା, “ସିମନ୍ ତକେ ମୁଇ ଅଲପ୍ କଇବାର୍ ଆଟେ ।” ସେ କଇଲା, “ଗୁରୁ କୁଆ ତେବେ ।”

୪୧ “ଗଟେକ୍ ସାଉକାର୍ ରୁନ୍ ନେଇରଇବା ଦୁଇଲକ୍ ରଇଲା, ଗଟେକ୍ଲକ୍ ପାଁର୍ସ ରୁପାଟାଙ୍ଗା ଆରି ଗଟେକ୍ଲକ୍ ପଟାସ୍ ରୁପାଟାଙ୍ଗା ରୁନ୍ କରିରଇଲା ।

୪୨ ରୁନ୍ ବାନ୍ଦବାକେ ସେମନ୍କେ କାଉଟା ନ ରଇଲାଜେ, ସାଉକାର୍ ଦୁଇଲକ୍ ଜାକ ରୁନ୍ ଚାଡିଦେଲା । ତେବେ ସେମନ୍ ବିଡ୍ରେ କେ ତାକେ ବେସି ଆଲାଦ୍ କରସି ?”

୪୩ ସିମନ୍ କଇଲା, “ମୁଇ ବାବ୍ଲିନି, ସାଉକାର୍ ଜାକେ ଅଦିକ୍ ରୁନ୍ ଚାଡିଦେଲା, ସେ ।” ଜିସୁ ତାକେ କଇଲା, “ତମେ ଚିକ୍ ବିଟାର୍ କଲାସ୍ ।”

୪୪ ଆରି ଜିସୁ ସେ ମାଇଜିର୍ବାଟେ ମୁ ବୁଲାଇକରି ସିମନ୍କେ କଇଲା, “ଏ ମାଇଜିକେ ଦେକ୍ଲୁସିନି ? ମୁଇ ତମର୍ ଗରେ ଆଇଲି, ମକେ ଗଡ୍ ଦଇବାକେ ପାନି ଦିଆସନାଇ, ମାତର୍ ଏ ତାର୍ ଆଁସୁପାନି ସଙ୍ଗ୍ ମର୍ ପାଦ୍ ବିଜାଇ ତାର୍ ଚେଣ୍ଡିସଙ୍ଗ୍ ସେଟା ପୁରିଦେଲା ।

୪୫ ତମେ ମକେ ଚୁମାସନାଇ, ମାତର୍ ମୁଇ ବିଡ୍ରେ ଆଇଲା ବେଲେଅନି ଏ ମର୍ ପାଦେ ଚୁମି ଚୁମି, ତାକେନାଇ ।

୪୬ ତମେ ମକେ ସନ୍ମାନର୍ ସଙ୍ଗ୍ ମୁଣ୍ଡେ ଚିକନ୍ ଲାଗାଆସନାଇ, ମାତର୍ ଏ ମର୍ ପାଦେ ବାସନା ଚିକନ୍ ଲାଗାଇଲା ।

୪୭ ତେବର୍ପାଇ ମୁଇ ତକେ କଇଲିନି, ଏ ମାଇଜିର୍ କେତେ କେତେ ପାପ୍ କେମାଅଇଲାଆଟେ, କାଇକେବଇଲେ ସେ ବେସି ଆଲାଦ୍ କଲା, ମାତର୍ ଜାକେ ଅଲପ୍ କେମା ଦିଆଅଇସି, ସେ ଅଲପ୍ ଆଲାଦ୍ କରସି ।”

୪୮ ଆରି ଜିସୁ ସେ ମାଇଜିକେ କଇଲା, “ତର୍ ସବୁ ପାପ୍ କେମା ଅଇଲା ଆଟେ ।”

୪୯ ତେଇ ଜିସୁର୍ସଙ୍ଗ୍ କାଇବାକେ ବସିରଇବା ଲକ୍ଷ୍ମୀ ମନେ ମନେ କଇବାର୍ ଦାରଲା, “ପାପ୍ ମିସା କେମାକଲାନିଜେ, ଏ କେ ?”

୫୦ ମାତର୍ ଜିସୁ ସେ ମାଇଜିକେ କଇଲା, “ତୁଇ ମକେ ବିସ୍ବାସ୍ କଲାର୍ପାଇ ବଲି ରକିଆ ପାଇଆରୁସ୍, ସାନ୍ତିସଙ୍ଗ୍ ଉଚିଜା ।”



ସିମନ୍ ସଙ୍ଗ୍ ଜିସୁ

୧ ତେଇଅନି ଚନେକ୍ ଗାଲାପରେ, ଜିସୁ ନଅରେ ନଅରେ ଆରି ଗାଏଁ ଗାଏଁ ପର୍ଯ୍ୟେସରର୍ ରାଇଜର୍ ସୁବକବର୍ କଇ ବୁଲ୍‌ବାର୍ ଦାରଲା, ଆରି ବାରଟା ସିସ୍‌ମନ୍ ତାର୍ ସଙ୍ଗ୍ ରଇଲା ।

୨ ✨ ଜନ୍ ମାଇଜିମନ୍ ତୁମାଦାରଲା ଟାନେଅନି ଆରି ଜର୍‌ତୁକା ଟାନେଅନି ନିକ ଅଇରଇଲା, ସେମନ୍ ମିସା ତାର୍ ସଙ୍ଗ୍ ରଇଲା । ମାଇଜିମନ୍‌ର ବିତ୍ତରେ ଅନି ମରିୟମ୍ ଜାକେ କି ମଗ୍‌ଦଲିନି ମରିୟମ୍ ବଲି କଇବାଇ । ଜାର୍‌ଟାନେଅନି ସାଡ଼ିଟା ତୁମା ବାରଇ ଜାଇରଇଲା ।

୩ ଏରଦ୍ ରାଜାର୍ ଗୁମସ୍‌ତା କୁଜାର୍ ମାଇଜି ଜଆନା, ସସନା, ଆରି କେତେକ୍ କେତେକ୍ ମାଇଜିମନ୍, ଜିସୁର୍ ସଙ୍ଗ୍ ରଇ ନିଜର୍ ନିଜର୍ ଦନ୍ ସାରାଇ ତାକେ ସେବା କର୍ତ୍ତେରଇଲା ।

ବିଅନ୍ ବୁନ୍‌ବା ଚାସିର୍ କାତା
(ମାତିଉ ୧୩:୧-୯; ମାର୍କ ୪:୧-୯)

୪ ଜେତେବେଲେ ଲକ୍‌ମନ୍ ଗଟେକ୍ ଜାଗାଇ ବୁଲ୍‌ଅଇଲା, ଆରି ନଅରେ ନଅରେ ଅନି ତାର୍‌ଲଗେ ଆଇଲାଜେ ଜିସୁ ଏକ୍ତି ଉଦାଅରନ୍ ଦେଇ କଇଲା,

୫ “ଗଟେକ୍ ଚାସି ତାର୍ ବିଅନ୍ ବୁନ୍‌ବାକେ ବାରଇଲା । ସେ ବୁନ୍ ବୁନ୍ କେତେଟା ବିଅନ୍ ବାଟେ ଅଦର୍ଲା । ଲକ୍‌ମନ୍ ସେଟା ମାଣ୍ଡୁଣ୍ଡୁ କରିଦେଲା ଆରି ଚତ୍ତଇମନ୍ ଆସି କାଇଦେଲା ।

୬ କେତେଟା ପାକ୍‌ନା ବାଡ଼ି ରଇଲା ବୁଏଁ ଅଦର୍ଲା, ସେଟା ଆଁକ୍‌ରି ଗାଜା ଅଇଲା, ମାତର୍ ମାଟି ନ ବିଜିରଇଲାଜେ ସୁକିଗାଲା ।

୭ କେତେଟା କାଟାବୁଟାମନ୍‌ର ମଜାଇ ଅଦର୍ଲା । କାଟାବୁଟାମନ୍ ଦାପ୍‌ରେ ବଡ଼ିକରି ଆଁକ୍‌ରଲାଟାମନ୍‌କେ ଚାପିଦେଲା ।

୮ ଆରି ବାକି କେତେଟା ନିକ ଜମିଟାନେ ଅଦର୍ଲା ଆରି ସଏ ଗୁନ୍ ପଲ୍ ପଲ୍‌ଲା ।” ଏଟା କଇସାରାଇ ଜିସୁ ଆଉଲିଅଇକରି କଇଲା, “ଜାକେ ସୁନ୍‌ଲାପାରା କାନ୍ ଆରେ, ସେ ସୁନ୍ ।”

ଉଦାଅରନର୍ ଅରଡ଼
(ମାତିଉ ୧୩:୧୦-୧୭; ମାର୍କ ୪:୧୦-୧୨)

୯ ତାର୍ ସିସ୍‌ମନ୍ ଏ ଉଦାଅରନ୍ ଦେଇରଇବାଟା କାଇଟା ଅଇରଇସି ବଲି ତାକେ ପାଟାର୍‌ବାର୍ ଦାରଲା ।

୧୦ ତେଇ ଜିସୁ ସେମନ୍‌କେ କଇଲା, “ପର୍ଯ୍ୟେସରର୍ ରାଇଜର୍ ଚିକିନିକି ବିସଇ ଜାନଡ଼ ବଲି ତମ୍‌କେ ଗିଆନ୍ ଦିଆଅଇଲାଆରେ, ମାତର୍ ବିନ୍‌ଲକ୍‌ମନ୍‌କେ ଉଦାଅରନ୍ ଦେଇ କଇଅଇସି, ଜେନ୍ତାରିକି ସେମନ୍ ଦେକି ଦେକି ନ ଦେକଡ଼ କି ସୁନି ସୁନି ମିସା ନ ବୁଜଡ଼ ।”

ବିଅନ୍ ବୁନ୍‌ବାଟାର୍ ଅରଡ଼
(ମାତିଉ ୧୩:୧୮-୨୩; ମାର୍କ ୪:୧୩-୨୦)

୧୧ “ଉଦାଅରନର୍ କାତା ଏନ୍ତାରି, ବିଅନ୍ ଅଇଲାନି ପର୍ଯ୍ୟେସରର୍ ବାକିଅ ।

୧୨ ବାଟ୍‌ଲଗେ ଅଦର୍ଲା ବିଅନ୍, ଏନ୍ତାରି ଲକ୍‌ମନ୍‌ରପାରା, ଜେମନ୍ ବାକିଅ ସୁନ୍‌ବାଇ । ତାର୍‌ପଟେ ସଇତାନ୍ ଆସି, ଜେନ୍ତାରିକି ସେମନ୍ ବିସ୍‌ବାସ୍ କରି ରକିଆ ନ ପାଅଡ଼, ସେ ଲକ୍‌ମନ୍‌ର ମନ୍‌ବିତ୍ତରେଅନି ବାକିଅ ଜିକିନେଇସି ।

୧୩ ପାକ୍‌ନାବାଡ଼ି ବୁଏଁ ଅଦର୍ଲା ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ସେମନ୍ ବାକିଅ ସୁନି ସାର୍‌ଦାସଙ୍ଗ୍ ମାନ୍‌ବାଇ, ମାତର୍ ସେମନ୍‌କେ ଚେର୍ ନ ରଇଲାର୍‌ପାଇ ବଲି ଚନେକ୍ ବିସ୍‌ବାସ୍ କର୍‌ବାଇ ଆରି କାଇଆଲେ ପରିକା ବେଲାଇ ବିସ୍‌ବାସ୍ ଚାଡ଼ିଦେବାଇ ।

୧୪ ଆରି କାଟାବୁଟାମନ୍‌ର ମଜାଇ ଅଦର୍ଲା ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ଜନ୍‌ଲକ୍‌ମନ୍ ବାକିଅ ସୁନ୍‌ବାଇ, ମାତର୍ ଜଗତର୍ ଚିନ୍ତା, ଦନ୍ ସଁପଡ଼ିର୍ ଚିନ୍ତା କରି କରି ଚାପିଅଇଜିବାଇ । ତେଇ ନିକ ଦାନ୍ ନ ଅଏ ।

୧୫ ଆରି ନିମାନ୍ ବୁଏଁ ଅଦର୍ଲା, ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ଜନ୍ ଲକ୍‌ମନ୍ କି ନିମାନ୍ ଆରି ଦରମ୍ ମନେ ବାକିଅ ସୁନିକରି ସେଟା ଡାଟ୍ ସଙ୍ଗ୍ ଦାରି ସଙ୍ଗିବାଇ ଆରି ଜାଗିରଇକରି ପଲ୍‌ପଲ୍‌ବାଇ ।”

ମାନ୍ ତଲେ ବଡ଼ି
(ମାର୍କ ୪:୨୧-୨୫)

୧୬ ✨ “ବଡ଼ି ଡସାଇ କରି କେ ମିସା ଡାଲାଡାବି ନ ସଙ୍ଗାଅଡ଼ । କି କର୍ ତଲେ ନ ସଙ୍ଗାଅଡ଼ । ମାତର୍ ବଡ଼ି କୁଦ୍‌ରା ଉପ୍‌ରେ ସଙ୍ଗିବାଇ । ଜେନ୍ତାରିକି ଆଇଲା ଲକ୍‌ମନ୍ ଉଜଲ୍ ଦେକିପାରଡ଼ ।”

୧୭ ✨ “କାଇକେବଇଲେ, ଏନ୍ତାରି ଲୁଚିରଇବା ବିସଇ କାଇଟା ନାଇ, ଜନ୍‌ଟା ଜାନ୍‌ ନ ପଡ଼େ । ଡାବିଅଇରଇବା ବିସଇ କାଇଟା ନାଇ ଜନ୍‌ଟା ଉଗାଡ଼ି ନଏଁ ।”

☆ ୮:୨ ମାତିଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ୍ ୨୩:୪୯ ☆ ୮:୧୭ ମାତିଉ ୫:୧୫; ଲୁକ୍ ୧୧:୩୩ ☆ ୮:୧୭ ମାତିଉ ୧୦:୨୬; ଲୁକ୍ ୧୨:୨

୧୮ “ସେଟାର ପାଇ, ଜେନ୍ତାରି ସୁନ୍ଦା, ସେ ବିସଇ ନେଇକରି ଜାଗରତ୍ ରୁଆ । କାଇକେବଇଲେ ଜାକେ ଆଚେ ତାକେ ଅଦିକ୍ ଦିଆଅଇସି । ଆରି ଜାକେ ନାଇ, ସେ ଜେଡକି ନିଜରଟା ଆଚେ ବଲି ବାବ୍ସି, ସେ ଅଲପଟା ମିସା ତାରଟାନେଅନି ନିଆଅଇସି ।”

ଜିସୁର୍ ମାଆ ଆରି ବାଇମନ୍

(ମାତିଉ ୧୨:୪୭-୫୦; ମାର୍କ ୩:୩୧-୩୫)

୧୯ ଜିସୁର୍ ମାଆ ଆରି ବାଇମନ୍ ତାର ଲଗେ ଆଇଲାଇ । ମାତର୍ ଲକ୍ମନ୍ ଜବର୍ ରଇଲାଇକେ ତାର ସଙ୍ଗ୍ ମିସିନାପାର୍ତେ ରଇଲାଇ ।

୨୦ ତେଇ ଜିସୁକେ ଏ କବର୍ ଦେଲାଇ, “ତମର୍ ମାଆ ଆରି ବାଇମନ୍ ତକେ ଦେକ୍ବାକେ ମନ୍କରି ବାଇରେ ଚିଆଅଇଲାଇ ଆଚତ୍ ।”

୨୧ ମାତର୍ ଜିସୁ ଲକ୍ମନ୍କେ କଇଲା, “ଜନ୍ ଲକ୍ମନ୍ ପର୍ମେସରର୍ ବାକିଅ ସୁନ୍ବାଇ ଆରି ମାନ୍ବାଇ ସେମନ୍ ମର୍ ମାଆ ଆରି ବାଇମନ୍ ।”

ଜିସୁ ବାଉପବନ୍କେ ତେବାଇଲା

(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଦିନେକ୍ ଜିସୁ ଆରି ତାର ସିସମନ୍ ଗଟେକ୍ ତଙ୍ଗାଇ ଚଗ୍ଲାଇ, ଆରି ସେ ସିସମନ୍କେ କଇଲା, “ଆସା, ଗାଡ୍ ସେପାଟେ ହୁ ।” ତେଇ ସେମନ୍ ତଙ୍ଗା ମେଲ୍ଲାଇ ।

୨୩ ମାତର୍ ତଙ୍ଗାଗାଟି ଗାଲାବେଲେ ଜିସୁ ସଇଦେଲା । ସେଡକିବେଲେ ଗାଡେ ଅଟାଡ୍ ବାଉପବନ୍ ଆଇଲା ଆରି ତଙ୍ଗାଇ ପାନିପୁରି ବର୍ତ୍ତି ଅଇବାର୍ ଦାରଲା । ସେମନ୍ ବଡ୍ ବିପଦେ ପଡିଗାଲାଇ ।

୨୪ ତେଇ ସିସମନ୍ ଜିସୁର୍ଲଗେ ଆସି ତାକେ ଉଟାଇ କଇଲା “ଏ ଗୁରୁ, ଏ ଗୁରୁ, ଆମେ ମରିଜିବୁବେ !” ତେଇ ଜିସୁ ଉଟିକରି ପବନ୍ ଆରି ବଡ୍ ଲଅଡିକେ ଦମ୍କାଇଲା, ଆରି ସେଟା ସବୁ ଚିମ୍ପାଇଅଇ ତବିର୍ ଅଇଲା ।

୨୫ ସେ ସିସମନ୍କେ କଇଲା, “ତମର୍ ବିସ୍ବାସ୍ କେନେ ଅଇଲା ?” ମାତର୍ ସେମନ୍ ଡରିକରି କାବାଅଇ ନିଜେ ନିଜେ କଇବାର୍ ଦାରଲାଇ । “ତେବେ ଏ କେ ଜେ ପବନ୍ ଆରି ପାନିକେ ମିସା ଆଦେସ୍ ଦେଲା ଦାପ୍ରେ, ସେଟା ସବୁ ତାର୍ ଆଦେସ୍ ମାନ୍ବାଇ ।”

ଜିସୁ ଗଟେକ୍ ତୁମା ଦାରିରଇବା ଲକ୍କେ ନିକକଲା

(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ପଚେ ଜିସୁ ଆରି ତାର ସିସମନ୍ ଗାଲିଲି ମୁଆଟର୍ ସେପାଟେ ଗରାସିୟମନ୍ ଜାଗାଇ କେଟ୍ଲାଇ ।

୨୭ ଜିସୁ ତଙ୍ଗାଅନି ଉତରଲା ଦାପ୍ରେ, ସେ ନଅରର୍ ଗଟେକ୍ ତୁମାଦାରଲା ଲକ୍ ତାକେ ବେଟ୍ଅଇଲା । ସେ ବେସି ଦିନେଅନି କାଇଟା ନ ପିନ୍ଦିକରି ଗରେ ନ ରଇ, ମସ୍ନେ ରଇତେ ରଇଲା ।

୨୮ ସେ ଜିସୁକେ ଦେକି କିରକିରି ତାର୍ ପାଦେ ଅଦ୍ରି, ଆଉଲିଅଇ କଇଲା, “ଏ ବେସି ବପୁର୍ସଙ୍ଗ୍ ରଇବା ପର୍ମେସରର୍ ପଅ ଜିସୁ, ମର୍ ଲଗେ ତମର୍ କାଇ କାମ୍ ଆଚେ ? ମୁଇ ତମ୍କେ ବାବୁଜିଆ କରି କଇଲିନି, ମକେ କସ୍ଟ ନ ଦିଆ ।”

୨୯ କାଇକେ ବଇଲେ ଜିସୁ ତୁମାକେ ସେ ମୁନ୍ସର୍ ଟାନେଅନି ବାରଇଜାଅ ବଲି ଆଦେସ୍ ଦେଇରଇଲା । ସେ ତୁମା ସେଲକ୍କେ ଦାରିଲାଗିରଇଲା, ଆରି ଲକ୍ମନ୍ ତାକେ ସିକିଲି ସଙ୍ଗ୍ ବାନ୍ଦି ଜାଗ୍ତେ ରଇଲାଇ । ମାତର୍ ସେ ବାନ୍ଦିଲାଟା ସବୁ ଚିତାଇ ପାକାଇତେରଇଲା ଆରି ତୁମା ତାକେ କିନରା ଜାଗାମନ୍କେ ଦାରିଜାଇତେରଇଲା ।

୩୦ ଜିସୁ ତାକେ ପାଚାରଲା, “ତର୍ ନାଉଁ କାଇ ନାଉଁ ?” ସେ କଇଲା, ବାଇନି, କାଇକେ ବଇଲେ ତାକେ ଗାଦା ତୁମାମନ୍ ଦାରି ରଇଲାଇ ।

୩୧ ଆରି ଜିସୁ ଜେନ୍ତକି ସେମନ୍କେ ପାତାଲେ ଜିବାକେ ଆଦେସ୍ ନ ଦେଏ, ଏଟାର୍ ପାଇ ସେମନ୍ ତାକେ ବାବୁଜିଆ କର୍ବାର୍ ଦାରଲାଇ ।

୩୨ ତେଇ କୁପ୍ଲି ଲଗେ ଗଟେକ୍ ମାନ୍ଦା ଗୁସ୍ରି ରାସି ଚାର୍ତେ ରଇଲାଇ । ଆରି ସେ ଜେନ୍ତାରି ସେମନ୍କେ ସେ ଗୁସ୍ରି ମାନ୍ଦାର୍ ମଜାଇ ପୁର୍ବାକେ ଆଦେସ୍ ଦେଇସି, ଏଟାର୍ ପାଇ ସେମନ୍ ଜିସୁକେ ବାବୁଜିଆ କଲାଇ ।

୩୩ ଜିସୁ ସେମନ୍କେ ଆଦେସ୍ ଦେଲା ଦାପ୍ରେ ତୁମାମନ୍ ସେ ମୁନ୍ସର୍ଟାନେଅନି ବାରଇ ଗୁସ୍ରି ରାସିର୍ ମଜାଇ ପୁର୍ଲାଇ । ପୁର୍ଲାକେ ଗୁସ୍ରି ମାନ୍ଦା ଜବର୍ ପାଲାଇକରି ଗଟଗଡାବାଟେ ଜାଇ ଗାଡେ ଅଦ୍ରି ମରିଗାଲାଇ ।

୩୪ ଗୁସ୍ରି ଚାରାଇତେ ରଇଲା ଲକ୍ମନ୍ ସେ ଗଟ୍ନା ଦେକି ପାଲାଇକରି ନଅରେ ଆରି ଗାଉଁମନ୍କେ ଜାଇ ସେ କାତା ଜାନାଇଲାଇ ।

୩୫ ତେଇ ଲକ୍ମନ୍ ସେ ଗଟ୍ନା ଦେକ୍ବାକେ ବାରଇ ଆଇଲାଇ ଆରି, ସେମନ୍ ଜିସୁର୍ ଲଗେ ଆସି ଜନ୍ ମୁନ୍ସର୍ ଟାନେଅନି ତୁମାମନ୍ ବାରଇଲାଇ, ସେ ଲକ୍ ଲୁଗା ପିନ୍ଦି ନିକ ମନର୍ ସଙ୍ଗ୍ ଜିସୁର୍ ପାଦ୍ ତଲେ ବସି ରଇବାଟା ଦେକି ଡରିଗାଲାଇ ।

☆ ୮:୧୮ ମାତିଉ ୨୫:୨୯; ଲୁକ୍ ୧୯:୨୭

୩୬ ଆରି ଜନ୍ମଲକ୍ଷ୍ମୀନ୍ ଏଟା ସବୁ ଦେକି ରଇଲା, ସେମନ୍ ସେ ତୁମା ଦାରଲା ଲକ୍ କେନ୍ଦ୍ରାରି ନିକ ଅଇଲା, ସେଟା ବିନ୍ ଲକ୍ଷ୍ମୀନ୍ କେ ଜାନାଇଲା ।

୩୭ ତେଇ ଗରାସିୟମନ୍ ଚାରିବେଡ଼ିର୍ ଜାଗାର ଲକ୍ଷ୍ମୀନ୍ ଜିସୁକେ ତାକର୍ଚାନେଅନି ଜିବାକେ ଗୁଆରି କଲା । କାଇକେବଲେ ସେମନ୍ ବେସି ଡରିଜାଇ ରଇଲା ଆରି, ଜିସୁ ଗଟେକ୍ ଡଙ୍ଗା ବସି ବାଉଡି ଆଇଲା ।

୩୮ ମାତର୍ ଜନ୍ ଲକ୍ଷ୍ମୀନ୍ ବାରଇଜାଇ ରଇଲା, ସେ ଜିସୁର୍ ସଙ୍ଗ୍ ରଇବି ବଲି ଗୁଆରି କର୍ବାର୍ଦାରଲା ।

୩୯ ମାତର୍ ସେ ତାକେ କଇକରି ପାଟାଇଲା । “ତର୍ ଗରେ ବାଉଡି ଜା ଆରି ପର୍ମେସର୍ ତର୍ଲାଗି ଜନ୍ ଜନ୍ କାମ୍ କଲାଆଚେ ସେ ସବୁ କଇଦେସ୍ ।” ତେଇ ସେ ଲକ୍ ଇଣ୍ଡିଜାଇ ଜିସୁ ତାର୍ ପାଇ ଜନ୍ ଜନ୍ କାମ୍ କରଇଲା, ଗୁଲାଜ ନଅରେ ଜାନାଇବାର୍ ଦାରଲା ।

ଜାଇରସର୍ ଟକି ଆରି ବନି ଜିବା ମାଇଜି ନିକ ଅଇଲା

(ମାଡିଉ ୯:୧୮-୨୬; ମାର୍କ ୫:୨୧-୪୩)

୪୦ ଜିସୁ ଗାଡ଼ ସେପାଟେ ଅନି ଏ ପାଟେ ଆରିତରେକ୍ ବାଉଡି ଆଇଲା ପଚେ, ଲକ୍ଷ୍ମୀନ୍ ତାକେ ସାର୍ଦା ସଙ୍ଗ୍ ମାନଲା । କାଇକେ ବଲେ ସେମନ୍ ତାକେ ଜାଗି ରଇଲା ।

୪୧ ଆରି ଏଦେ ଦେକା ! ଜାଇରସ୍ ନାଉର୍ ଗଟେକ୍ ଲକ୍ ଆଇଲା । ସେ ଜିଉଦି ଲକ୍ଷ୍ମୀନ୍ ପାର୍ତନା ଗରର୍ ମୁକିଆ ରଇଲା । ସେ ଜିସୁର୍ ପାଦ୍ ତଲେ ଅଦ୍ରି ତାର୍ ଗରେ ଆଇବାକେ ଗୁଆରି କଲା ।

୪୨ କାଇକେ ବଲେ ତାଉଁକେ ଗଟେକ୍ସେ ବାର ବରସର୍ ଟକି ରଇଲା ଆରି ସେ ମଲାପାରା ଅଇଜାଇରଇଲା । ମାତର୍ ଜିସୁ ଜାଇତେ ରଇବାବେଲେ ଲକ୍ଷ୍ମୀନ୍ ତାର୍ ଉପ୍ରେ ମାଣ୍ଡାଟୁଣ୍ଡାଅଇଜାଇତେ ରଇଲା ।

୪୩ ସେଡ଼କିବେଲେ ବାର ବରସ୍ ଦାରି ବନି ଜାଇତେ ରଇବା ଗଟେକ୍ ରଗିନି ମାଇଜି ରଇଲା । ନିଜର୍ ସବୁଡାବୁ ସାରାଇକରି ମିସା* କାର୍ ଲଗେ ଜାଇ ନିକ ଅଇ ନାପାରଲା ।

୪୪ ସେ ପର୍ବାଟେଅନି ଆସି ଜିସୁର୍ ଲୁଗା ଜାଲି ଚିଇଲା । ଚିଇଲା ଦାପ୍ରେ ତାର୍ ବନି ଜିବାଟା ତେବ୍ଲା ।

୪୫ ତେଇ ଜିସୁ କଇଲା, “କେ ମକେ ଚିଇଲା ?” ମାତର୍ ସବୁ ଲକ୍ ନାଇ ବଲି କଇଲାଜେ, ପିତର୍ କଇଲା, “ଏ ଗୁରୁ ଲକ୍ଷ୍ମୀନ୍ ମାଣ୍ଡାଟୁଣ୍ଡାଅଇ ତମର୍ ଉପ୍ରେ ତାବିଅଇଆଇଲାଜନି ।”

୪୬ ମାତର୍ ଜିସୁ କଇଲା, “କେ କି ଗଟେକ୍ ଲକ୍ ମକେ ଚିଇଲା, କାଇକେ ବଲେ ମର୍ ବିତ୍ରେଅନି ବପୁ ବାରଇଲା ବଲି ମୁଇ ଜାନଲି ।”

୪୭ ଜେଡେବଲ୍ ମାଇଜି ଦେକ୍ଲାଜେ ମୁଇ ଲୁଚିନାପାରି, ସେ ତର୍ତରି ତର୍ତରି ଆସି ଜିସୁର୍ ପାଦେ ଅଦ୍ରି, କାଇଟାର୍ ପାଇ ତାକେ ଚିଇଲା, ଆରି କେନ୍ଦ୍ରାରି ଦାପ୍ରେ ନିକ ଅଇଲା, ସେଟା ସବୁ ଲକ୍ ମୁଆଟେ ଜାନାଇଲା ।

୪୮ ତେଇ ଜିସୁ ତାକେ କଇଲା, “ନୁନି ତର୍ ବିସ୍ବାସ୍ ତକେ ନିମାନ୍ କଲାଆଚେ ସାନ୍ତିଅଇ ଉଟିଜା ।”

୪୯ ସେ ଏ କାତା କଇବା ବେଲେ ଜିଉଦିମନ୍ ପାର୍ତନା ଗରର୍ ମୁକିଆ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ଟକି ମରିଗାଲାବେ, ଗୁରୁକେ ଆରି କସର୍ ଦିଆସ୍ ନାଇ ।”

୫୦ ମାତର୍ ଜିସୁ ଏଟା ସୁନି ଜାଇରସ୍ କଇଲା, “ତରାନାଇ ଅବ୍କା ବିସ୍ବାସ୍ କରା, ସେ ବୁଝିସି ।”

୫୧ ଜିସୁ ଜାଇରସର୍ ଗରେ ଆସି ପିତର୍, ଜଅନ୍ ଆରି ଜାକୁବ୍ ଆରି ଟକିର୍ ବାବା ମାଆ କେ ଚାଡିକରି କାକେ ମିସା ବିତ୍ରେ ତାକିନେଏ ନାଇ ।

୫୨ ମାତର୍ ସବୁ ଲକ୍ ଟକିର୍ ଲାଗି କାନ୍ଦି କାନ୍ଦି କରି ବୁକେ ମାରିଅଇତେ ରଇଲା । ତେଇ ଜିସୁ କଇଲା “କାନ୍ଦା ନାଇ, ସେ ମରେ ନାଇ, ମାତର୍ ସଇ ଦେଲାଆଚେ ।”

୫୩ ମାତର୍ ଟକି ମରିଗାଲାଆଚେ ବଲି ଜାନି ରଇଲାଜେ ଲକ୍ଷ୍ମୀନ୍ ଜିସୁକେ କିଜାଇବାର୍ ଦାରଲା ।

୫୪ ମାତର୍ ଜିସୁ ଟକିର୍ ଆତେ ଦାରି କଇଲା, “ଏ ନୁନି ଉର୍ ।”

୫୫ ତେଇ ଟକିର୍ ଜିବନ୍ ବାଉଡି ଆଇଲା, ଆରି ସେ ସେଡ଼କି ବେଲେସେ ଉର୍ଲା । ଜିସୁ ତାକେ କାଇଟା ଆଲେ କାଇବାକେ ଦିଆସ୍ ବଲି ଆଦେସ୍ ଦେଲା ।

୫୬ ତେଇ ଟକିର୍ ବାବା ମା କାବା ଅଇଗାଲା, ମାତର୍ ଜିସୁ ସେ ଗର୍ନାର୍ କାତା କାକେ ଜାନାଆ ନାଇ ବଲି ଆଦେସ୍ ଦେଲା ।



ଜିସୁ ବାର୍ଚା ସିସ୍ମାନ୍ କେ ପାଟାଇଲା

(ମାଡିଉ ୧୦:୫-୧୫; ମାର୍କ ୬:୬-୧୩)

୧ ପଚେ ଜିସୁ ବାର୍ଚା ସିସ୍ମାନ୍ କେ ରୁଣ୍ଡାଇକରି, ସେମନ୍ କେ ସବୁ ତୁମା ଚାଡାଇବାକେ, ରଗ୍ ନିକ କର୍ବାକେ ବପୁ ଆରି ଅଦିକାର୍ ଦେଲା ।

* ୮:୪୩ କେତେଟା ପାଣ୍ଡା ଲିପିଗନେ ଏ ପଦ ଲେକାଅଏନାଇ

୨ ଆରି ସେମନ୍‌କେ ପର୍ଯ୍ୟେସରର୍ ରାଇଜ୍ ଜାନାଇବାକେ ଆରି ରଗ୍‌ଦୁକା ଅଇରଇବା ଲକ୍‌ମନ୍‌କେ ନିକ କର୍‌ବାକେ ପାଟାଇଲା ।

୩ ସେମନ୍‌କେ କଇଲା, “ତମେ ଜିବାବେଲେ ଡାକ୍ କି ମୁନା କି ରୁଟି, କି ଡାବୁ କାଇଟା ମିସା ନିଆନାଇ । ପିନ୍‌ଲାଟା ଚାଡ଼ିକରି ଆରି ଉଟ୍‌କା ନିଆନାଇ ।

୪ ଜେଡେବେଲେ ତମ୍‌କେ ଜାର୍ ଗରେ ଡାକିନେବାଇ, ସେ ନଅର୍ ଚାଡ଼ି ଜିବାଜାକ ତେଇସେ ରୁଆ ।

୫ ଆରି ଜେଡେଲକ୍ ତମ୍‌କେ ନ ମାନଡ୍, ସେ ନଅରେଅନି ବାରଇ ଆଇବା ବେଲାଇ, ତାକର୍ ବିରୁଦେ ସାକି ଇସାବେ ତମର୍ ପାଦେଅନି ଦୁଲି ପାପ୍‌ତି ଦିଆସ୍ ।”

୬ ତେଇଅନି ସିସମନ୍ ଜାଇକରି ଗାଉଁ ଗାଉଁ ବୁଲି ଗୁଲାଇ ଜାଗାଇ ସୁବ୍ କବର୍ କଇ କଇ ଆରି ଜର୍‌ଦୁକାର୍ ଲକ୍‌ମନ୍‌କେ ନିମାନ୍ କର୍‌ବାର୍ ଦାରିଲାଇ ।

ଏରଦ୍ ଚିନ୍‌ତାରେ ପଡ଼ିଗାଲା
(ମାତିଉ ୧୪:୧-୧୨; ମାର୍କ ୬:୧୪-୨୯)

୭ ଏଡ଼କିବିଡ଼ରେ ଗାଲିଲିର୍ ମୁକିଅ ରାଜା ଏରଦ୍ ଏ ସବୁ ଅଇରଇବା ବିସଇ ଜାନି କାନାବାନା ଅଇଗାଲା । କାଇକେବଇଲେ ହୁବନ୍ ଦେଉ ଜଅନ୍ ମଲାତେଇଅନି ଉଟ୍‌ଲାଆଚେ ବଲି କେ କେ କଇତେରଇଲାଇ ।

୮ ଆରି, କେ କେ ଏଲିୟ୍ ଦରସନ୍ ଦେଲାଆଚେ ବଲି କଇଲାଇ । ବିନ୍ ଲକ୍‌ମନ୍ ପୁର୍‌ବକାଲର୍ ବବିସଡ଼ବକ୍‌ତାମନ୍‌ର ବିଡ଼ରେଅନି ଗଟେକ୍‌ଲକ୍ ଉଟି ଆସିଆଚେ ବଲି କଇତେ ରଇଲାଇ ।

୯ ମାତର୍ ଏରଦ୍ କଇଲା, “ମୁଇ ତା ହୁବନ୍ ଦେଉ ଜଅନ୍‌ର୍ ମୁଣ୍ଡ କାଟାଇଆଟି, ମାତର୍ ଜାର୍ ବିସଇ ଆମେ ଏନ୍ତାର୍ କାତା ସୁନ୍‌ଲୁନି, ଏ କେ ?” ଆରି ସେ ତାକେ ଦେକ୍‌ବିବଲି ଚେସ୍‌ଟା କର୍‌ତେରଇଲା ।

ଜିସୁ ପାଁର୍ ଅଜାର୍ ଲକ୍‌ମନ୍‌କେ କୁଆଇଲା ବିସଇ
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଜଅନ୍ ୬:୧-୧୪)

୧୦ ପଚେ ବାର୍‌ଟା ସିସମନ୍ ବାଉଡ଼ି ଆସି ଜାଇ ଜାଇଟା କରିରଇଲାଇ, ସେ ସବୁ ଜିସୁର୍ ଲଗେ ବାତାଇଦେଲାଇ । ତେଇଅନି ଜିସୁ ଜେନ୍ତ୍ରକି ଲକ୍‌ମନ୍‌ର୍‌ଟାନେଅନି ବିନେ ରଇବାକେ ସେମନ୍‌କେ ବେଡ଼ସାଇଦା ନାଉଁର୍ ନଅରେ ଡାକିନେଲା ।

୧୧ ମାତର୍ ଲକ୍‌ମନ୍ ସେଟା ଜାନିକରି ତାକର୍ ପଚେ ପଚେ ଗାଲାଇ । ଜିସୁ ସେମନ୍‌କେ ମିସା ଆଲାଦ୍‌କରି ଡାକି ପର୍‌ଯ୍ୟେସରର୍ ରାଇଜର୍ ବିସଇ କଇବାର୍ ଦାରିଲା । ଆରି ଜନ୍ ଲକ୍‌ମନ୍ ନିକ ଅଇବାର୍ ରଇଲା, ସେମନ୍‌କେ ନିକକଲା ।

୧୨ ଏଡ଼କିବିଡ଼ରେ ଦିନ୍ ସାରି ରାତିଅଇବାର୍ ଆରାମ୍ ଅଇଲା, ତେଇ ପାଟାଇରଇବା ବାର୍‌ଟା ସିସ୍ ଜିସୁର୍‌ଲଗେ ଆସି କଇଲା, “ଲକ୍‌ମନ୍ ଜାଇକରି ତାକର୍‌ପାଇ ବାସା ଆରି କାଦିର୍‌ପାଇ ଚାରିବେଡ଼ଡ଼ିର୍ ଗାଉଁ ଆରି ଗୁଡ଼ାମନ୍‌କେ କଜଡ଼ । ସେଟାପାଇ ତମେ ସେମନ୍‌କେ ମେଲାନି ଦିଆସ୍ । କାଇକେବଇଲେ ଆମେ ଇତି ମେଲାନ୍ ଜାଗାଇ ଆବୁ ।”

୧୩ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇବାକେ ଦିଆସ୍ ।” ସେମନ୍ କଇଲା, “ଆମର୍‌ଲଗେ ଏକାଇ ପାଁର୍‌ଟା ରୁଟି ଆରି ଦୁଇଟା ମାଟ୍ ଚାଡ଼ି ଅଦିକ୍ ନାଇ । ସେନ୍ତାଆଲେ ଆମେ ଜାଇକରି ଏ ସବୁଲକର୍‌ପାଇ କନ୍ତିଅନି କାଦି ଗେନ୍‌ବୁ ?”

୧୪ କାଇକେବଇଲେ ସେମନ୍ ଅବ୍‌କା ମୁନ୍‌ସପିଲାମନ୍‌ସେ ପାଁର୍ ଅଜାର୍ ରଇଲାଇ । ଜିସୁ ସିସମନ୍‌କେ କଇଲା, “ଗଟେକ୍ ଗଟେକ୍ ଦାଡ଼ି, ପଚାସ୍ ଲକ୍‌କେ ଲାକା ବସାଆ ।”

୧୫ ତେଇ ସେମନ୍ ସେନ୍ତାରିକରି ଲକ୍‌ମନ୍‌କେ ବସାଇଲାଇ ।

୧୬ ଆରି, ଜିସୁ ପାଁର୍‌ଟା ରୁଟି ଆରି ଦୁଇଟା ମାଟ୍ ଦାରି, ସରଗ୍‌ବାଟେ ମୁ କରି ଦନିଅବାଦ୍ ଦେଲା ଆରି ବାଙ୍ଗାଇକରି ସିସମନ୍‌କେ ବାଟାକଲା ।

୧୭ ତେଇ ସବୁଲକ୍ ପେଟ୍ ପୁର୍‌ତେ କାଇଲାଇ ଆରି ସାନ୍ତି ଅଇଲାଇ । ପଚେ ସିସମନ୍ ତେଇ ଅଗ୍‌ଲି ରଇବା ବାଙ୍ଗାଇଲାଟାମନ୍ ବାର ତାଲା ଉର୍‌ରାଇଲାଇ ।

ଜିସୁକେ ପିତର୍ ମାନ୍‌ଲା
(ମାତିଉ ୧୬:୧୩-୧୯; ମାର୍କ ୮:୨୭-୨୯)

୧୮ ତରେକ୍ ଜିସୁ ଗଟେକ୍ ଲକ୍‌ସେ କିନରା ଜାଗାଇ ବସି ପାର୍‌ତନା କର୍‌ବାବେଲେ ସିସମନ୍ ତାର୍‌ଲଗେ ଆଇଲାଇ, ଆରି ସେ ସିସମନ୍‌କେ ପାଟାରିଲା, “ମୁଇ କେ ବଲି ଲକ୍‌ମନ୍ କଇଲାଇନି ?”

୧୯ ସେମନ୍ କଇଲା, “କେ କେ ହୁବନ୍ ଦେଉ ଜଅନ୍, ଆରି କେ କେ ଏଲିୟ୍, ଆରି କେ କେ ପୁର୍‌ବର୍ ବବିସଡ଼ବକ୍‌ତାମନ୍‌ର ବିଡ଼ରେଅନି ଗଟେକ୍‌ଲକ୍ ମଲାତେଇଅନି ଜିବନ୍ ଅଇଲାଆଚେ ବଲି କଇଲାଇନି ।”

☆ ୯:୫ ପେରିଡ଼ ୧୩:୫୧ ☆ ୯:୫ ଲୁକ୍ ୧୦:୪-୧୧ ☆ ୯:୬ ମାତିଉ ୧୬:୧୪; ମାର୍କ ୮:୨୮; ଲୁକ୍ ୯:୧୯ ☆ ୯:୧୯ ମାତିଉ ୧୪:୧,୨; ମାର୍କ ୬:୧୪,୧୫; ଲୁକ୍ ୯:୭,୮

୨୦ ✨ସେ ସିସ୍ତମନ୍ତକେ ପାଟାରଲା, “ମାତର ତମେ ମୁଇ କେ ବଲି ବାବଲାସ୍ତନି ?” ପିତର କଇଲା “ତମେ ପରମେସର ପାଟାଇଲା କିରିସଟ ।”

ଜିସୁ ତାର ମରନର ବିସଇ ଜାନାଇଲା
(ମାତିଉ ୧୭:୨୦-୨୮; ମାର୍କ ୮:୩୦; ୯:୧)

୨୧ ତେଇ ଜିସୁ ଏଟା କାକେ ନ କଇବାପାଇ ସେମନ୍ତକେ ଜାଗରତ୍ତକରି ତିଆରଲା ।

୨୨ ସେ ସେମନ୍ତକେ କଇଲା, “ପରମେସର ପାଟାଇଲା ନର୍ପିଲା ମୁଇ ବେସି ଦୁକ୍ କସ୍ଟ ଅଇବାରଆତେ । ପାର୍ତିନମନ୍, ସାସ୍ତର ସିକାତମନ୍ ଆରି ମୁକିଅ ପୁଜାରିମନ୍ ମକେ ନ ନାମଡ୍ । ସେମନ୍ ମକେ ମରାଇବାଇ । ଆରି ତିନଦିନ ପତେ ମୁଇ ଆରିତରେକ୍ ମଲାତେଇଅନି ଜିବନ୍ ଅଇ ଉଟ୍ଟି ।”

୨୩ ✨ସେଡକିବେଲେ ଜିସୁ ସବୁଲକ୍ତକେ କଇଲା, “ତେବେ କେ ମିସା ମରସଙ୍ଗ୍ ଆଇବାକେ ମନ୍ କର୍ସି, ସେ ନିଜର ମନକଲାଟା ସବୁ ଚାଡିଦେବାର ଆତେ, ଆରି ସବୁଦିନ ତାର ନିଜର କୁରସ ବଇ ମର ସଙ୍ଗ୍ ଆସ ।

୨୪ ✨କାଇକେବଇଲେ, ଜେ ନିଜର ଜିବନ୍ ବୁଟାଇବାକେ ମନ୍ କର୍ସି, ସେ ସେଟା ଆରାଇସି । ମାତର ଜେ ମରପାଇବଲି ଜିବନ୍ ଆରାଇସି, ସେ ସେଟା ରକିଆ କର୍ସି ।

୨୫ ଆରି ଜଦି ଗଟେକ୍ ମୁନୁସ୍ ଗୁଲାଇ ଦୁନିଆ ଜିତିକରି ନିଜେ ବିନାସ୍ ଅଇସି, କି ଆରାଇସି, ତେବେ ତାର କାଇ ଲାବ୍ ?

୨୬ ତେବେ କେ ମିସା ମରପାଇ ଆରି ମର ବାକିଅର୍ ଲାଜ୍ ଅଇସି, ଜେଡକିବେଲେ ପରମେସର ପାଟାଇରଇବା ନର୍ପିଲା ମୁଇ ନିଜର ଆରି ବାବାର, ଆରି ସୁକଲ୍ ଦୁଡମନର୍ ମଇମାସଙ୍ଗ୍ ବାଉଡି ଆଇବି, ସେଡକିବେଲେ ତାର ବିସଇ ନେଇ ଲାଜ୍ ଅଇବି ।

୨୭ ମାତର ମୁଇ ତମକେ ସଡ୍ କଇଲିନି, ପରମେସରର ରାଇଜ୍ ନ ଦେକ୍ବାଜାକ ଇତି ଟିଆଅଇରଇବା ଲକ୍ମନର୍ ବିଡରେଅନି କେତେଲକ୍, ପରମେସରର ରାଇଜ୍ ଦେକ୍ବାଇ ।”

ଜିସୁ ବିନ୍ ରକାମ୍ ତିସଲା
(ମାତିଉ ୧୭:୧-୮; ମାର୍କ ୯:୨-୮)

୨୮ ଜିସୁ ଏ ସବୁ କଇ ପାକାପାକି ଆଟ୍ଡିନ୍ ଗାଲାପତେ, ଜଅନ୍, ପିତର ଆରି ଜାକୁବର୍ ସଙ୍ଗ୍ ପାର୍ତନା କର୍ବାକେ ପରବଡ୍ ଉପରେ ଗାଲା ।

୨୯ ଆରି, ସେ ପାର୍ତନା କର୍ବାବେଲେ ତାର ମୁ ବିନ୍ ଅଇଗାଲା ଆରି ସେ ପିନ୍ଦ୍ଲା ଲୁଗା ଦବ୍ ଅଇ ବିଜ୍ଜିପାରା ଜିକ୍ମିକିଗାଲା ।

୩୦ ଆରି ଏଦେ ଦେକା ! ସେଦାପରେ ମସା ଆରି ଏଲିୟ୍ ତାରସଙ୍ଗ୍ କାତାବାର୍ତା ଅଇବାର ଦାରଲାଇ ।

୩୧ ସେମନ୍ ସରଗର୍ ମଇମାସଙ୍ଗ୍ ତିସ୍ତେ ରଇଲାଇ । ସେ କେନ୍ତ୍ର ଜିରୁସାଲାମେ ଦୁକ୍ କସ୍ଟ ପାଇ ମରିକରି ପରମେସରର ଜଜନା ସିଦ୍ କର୍ବାର୍ ଆତେ ବଲି ସେମନ୍ ଜିସୁର୍ସଙ୍ଗ୍ କାତା ଅଇଲାଇ ।

୩୨ ସେଡକିବେଲେ ପିତର ଆରି ତାର ସଙ୍ଗର୍ ଲକ୍ମନ ଚାଟିଅଇତେ ସଇଦେଇରଇଲାଇ, ମାତର ସେମନ୍ ତେତାଅଇ ଜାଗରଡ୍ ଅଇବାକେ, ଜିସୁର୍ ମଇମା ଆରି ତାରସଙ୍ଗ୍ ଦୁଇଲକ୍ ଟିଆଅଇରଇବାଟା ଦେକ୍ଲାଇ ।

୩୩ ମସା ଆରି ଏଲିୟ୍ ବାରଇ ଜିବା ବେଲେ ପିତର ଜିସୁକେ କଇବାର ଦାରଲା, “ଏ ଗୁରୁ, ଆମେ ତା ଏ ଜାଗାଇ ଆରୁ, ଏଟା ନିକ ଜାଗା, ଇତି ତିନଟା କୁଡିଆ ତିଆର୍ କରୁ । ତମରପାଇ ଗଟେକ୍, ମସାରପାଇ ଗଟେକ୍ ଆରି ଏଲିୟ୍ରପାଇ ଗଟେକ୍ ।” ମାତର ସେ କାଇଟା କଇଲାନି, ସେଟା ସେ ଜାନିନାପାରଲା ।

୩୪ ସେ ଏନ୍ତ୍ର କଇବାବେଲେ ବାଦଲ୍ ଆସି ସେମନ୍ତକେ ଡାବିଅଇଦେଲା । ବାଦଲ୍ ଡାବିଦେଲାକେ ସେମନ୍ ଡରିଗାଲାଇ ।

୩୫ ✨ଆରି, ବାଦଲେଅନି ଏନ୍ତ୍ର ବାକିଅ ଅଇଲା, “ଏଟାସେ ମର ପିଲା, ଆକେ ମୁଇ ବାଟିଆତି, ସେ କଇବାଟା ସୁନା ।”

୩୬ ସେ ସବଦ୍ ଅଇଲାପତେ ଜିସୁ ଗଟେକ୍ଲକ୍ସେ ତିସଲା । ଆରି, ସେମନ୍ ଚିମ୍ତା ଅଇରଇଲାଇ, ତେଇ ଜାଇଜାଇଟା ଦେକିରଇଲାଇ, ସେବେଲେ ସେ କାତା କାକେ ନ କଇ, ମନେ ଦାରିରଇଲାଇ ।

ଜିସୁ ତୁମା ତସଲା ପିଲାକେ ନିକ କଲା
(ମାତିଉ ୧୭:୧୪-୨୭; ମାର୍କ ୯:୧୪-୧୭)

୩୭ ଆରକର୍ ଦିନେ ଜିସୁ ଆରି ତିନଟା ସିସ୍ତମନ୍ ତଙ୍ଗରେଅନି ଉଡ୍ଡରି ଆଇଲାଇ । ଆରି ସେ ଜାଗାଇ ବେସି ଲକ୍ମନ୍ ତାକର୍ସଙ୍ଗ୍ ବେଟ୍ ଅଇଲାଇ ।

୩୮ ଆରି ଦେକା ଲକ୍ମନର୍ ବିଡରେଅନି ଗଟେକ୍ ଲକ୍ ଆଉଲିଅଇ କଇଲା, “ଏ ଗୁରୁ ମୁଇ ତମକେ ବାବୁଜିଆ କଲିନି, ମର ପିଲାକେ ଅଲପ୍ ଦେକି ଦୟାକରା, କାଇକେବଇଲେ ସେ ମର ଗଟେକ୍ ବଲି ପଅ ।

☆ ୯:୨୦ ଜଅନ୍ ୬:୬୮, ୬୯ ☆ ୯:୨୩ ମାତିଉ ୧୦:୩୮; ଲୁକ୍ ୧୪:୨୭ ☆ ୯:୨୪ ମାତିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫ ☆ ୯:୩୫ ମାତିଉ ୩:୧୭; ୧୨:୧୮; ମାର୍କ ୧:୧୧; ଲୁକ୍ ୩:୨୨ ☆ ୯:୩୫ ୨ ଯ ପିତର ୧:୧୭, ୧୮

୩୯ ଦେକା, ତାକେ ଗଟେକ୍ ଡୁମା ଦାଋସି, ଆରି ସେ ଅଟାଡ୍ କିରକିରି ଉଟ୍ସି, ତାକେ ସେ ଏନ୍ତି ମଡ଼ିପାକାଇସିଜେ, ତାର୍ ମୁଏଅନି ପେପୁଲ୍ ବାରଇଜାଇସି, ଆରି ସେ ତାକେ କଣ୍ଡିଆବଣ୍ଡିଆ କରି ତାର୍ଟାନେଅନି କସ୍ଟେ ବାରଇଜାଇସି ।

୪୦ ତାକେ ଡୁମା ଚାଡାଇବାକେ ବଲି ମୁଇ ତମର୍ ସିସ୍ମାନର୍ ଲଗେ ଆନି ଗୁଆରି କରିରଇଲି, ମାତର୍ ସେମନ୍ ନାପାରୁଲାଇ ।”

୪୧ ଜିସୁ କଇଲା, “ଏରେ କରାପ୍ବାଟେ ଜାଇ ବିସ୍ବାସ୍ ନ କଲା ଲକ୍ମନ୍, କେତେ କାଲ୍ ଆରି ମୁଇ ତମର୍ସଙ୍ ମୁରଟି ରଇବି, ପିଲାକେ ଇତି ଦାରିଆସା ।”

୪୨ ପିଲା ଆଇବାବେଲେ କାର୍ ଆଡ଼ମା ତାକେ ବୁଏଁ ଆପ୍ଟିଦେଇ ମଡ଼ିପାକାଇଲା, ସେ ଆଡ଼ମାକେ ଜିସୁ ଦମ୍କାଇଲା ଆରି ପିଲାକେ ନିକକରି ତାର୍ ବାବାକେ ସର୍ପିଦେଲା ।

୪୩ ତେଇ କେବେ ଦେକି ନ ରଇବା ପର୍ମେସରର୍ ବପୁ ଦେକି ସବୁଲକ୍ କାବା ଅଇଗାଲାଇ ।

ଜିସୁ ତାର୍ ମରନର୍ ବିସଏ ଜାନାଇଲା

(ମାଡ଼ିଉ ୧୭:୨୨-୨୩; ମାର୍କ ୯:୩୦-୩୨)

୪୪ ତାର୍ କରିରଇବା ସବୁ କାମରଲାଗି ସବୁଲକ୍ ଚକିଡ୍ ଅଇବାବେଲେ ସେ ସିସ୍ମାନକେ କଇଲା, “ଏବେ ମୁଇ କାତା ନିମାନ୍କରି କଇଦେଲିନି, ସୁନା । କାଇକେବଇଲେ ପର୍ମେସର୍ ପାଟାଇରଇବା ନର୍ପିଲା ମୁଇ ବିସ୍ବାସେ ବିସ୍ଦେଲାପାରା ଲକ୍ମନ୍କେ ସର୍ପି ଅଇବାର୍ ଗାଲିନି ।”

୪୫ ମାତର୍ ସିସ୍ମନ୍ ସେ କାତା ବୁଜିନାପାରୁଲାଇ, ଆରି ସେଟା ତାକର୍ଟାନେଅନି ଲୁଚିରଇଲା । ତେବର୍ପାଇ ସେମନ୍ ଏଟା ବୁଜିନାପାରୁଲେ ମିସା ଜିସୁକେ ପାଟାର୍ବାକେ ଡର୍ଡେରଇଲାଇ ।

ସରଗ୍ ରାଇଜେ କେ ବଡ଼

(ମାଡ଼ିଉ ୧୮:୧-୫; ମାର୍କ ୯:୩୩-୩୭)

୪୬ *ତରେକ୍ ସିସ୍ମାନର୍ ବିଡ଼ରେ କେ ମୁକିଆ, ସେ ବିସଇ ନେଇ ଦଦାପେଲା ଅଇଲାଇ ।

୪୭ ମାତର୍ ଜିସୁ ତାକର୍ ମନ୍ବିଡ଼ରର୍ କାତା ଜାନିକରି, ଗଟେକ୍ ସାନ୍ ପିଲାକେ ଦାଋଲା ଆରି ତାକର୍ ମୁଆଟେ ଟିଆକରି ସେମନ୍କେ କଇଲା,

୪୮ * “କେ ମିସା ମର୍ ନାଉଁଦାରି ଏ ପିଲାକେ ନାମ୍ସି, ସେ ମକେ ନାମ୍ସି । ଜେ ମକେ ନାମ୍ସି, ସେ ମର୍ ପାଟାଇରଇବା ବାବାକେ ନାମ୍ସି । ସେଟାପାଇ ତମର୍ ବିଡ଼ରେ ଜେ ସବୁର୍ ଟାନେଅନି ସାନ୍, ସେ ପର୍ମେସର୍ ତେଇ ମୁକିଆ ।”

ଜନ୍ ଲକ୍ ତମର୍ ବିରଦ୍ ନଏଁ, ସେ ତମର୍ ବାଟେ

(ମାର୍କ ୯:୩୮-୪୦)

୪୯ ତେଇ ଜଅନ୍ କଇଲା, “ଏ ଗୁରୁ, ଆମେ ଗଟେକ୍ ଲକ୍, ତମର୍ ନାଉଁ ଦାରି ଡୁମା ଚାଡାଇବାଟା ଦେକ୍ଲୁ ଆରି ତାକେ ନ କର୍ ବଲି ତେବାଇଲୁ କାଇକେବଇଲେ ସେ ଆମର୍ ଦଲର୍ ଲକ୍ ନଏଁ ।”

୫୦ ମାତର୍ ଜିସୁ ସେମନ୍କେ କଇଲା, “ତେବାଆ ନାଇ, ଜନ୍ଲକ୍ ତମର୍ ବିରଦେ ନାଇ, ସେମନ୍ ତମର୍ ବାଟେ ।”

ଗଟେକ୍ ସମିରଣିୟ ଗାଉଁ ଜିସୁକେ ନାମଡ଼ ନାଇ

୫୧ ପରେ ଜେତେବେଲେ ଜିସୁର୍ ସର୍ଗେ ଜିବାର୍ ବେଲା କେଟିଆଇଡେରଇଲା, ସେତେବେଲେ ସେ ଜିରୁସାଲାମ୍ ଜିବାକେ ମନ୍କଲା ।

୫୨ ସେ ଜିବା ଆଗ୍ଡୁ କେତେଟା ଲକ୍ମନ୍କେ ପାଟାଇଲା । ସେମନ୍ ଜାଇକରି ଜିସୁର୍ପାଇ ସବୁ କର୍ବାକେ ସମିରଣିୟମନର୍ ଗଟେକ୍ ଗାଏଁ କେଟ୍ଲାଇ ।

୫୩ ମାତର୍ ଜିସୁ ଜିରୁସାଲାମ୍ ଜିବାକେ ମନ୍କଲାଆଟେ ବଲି ଜାନିକରି, ତାକେ ତାକି ବସାଅଡନାଇ ।

୫୪ ଏଟାଦେକି ଜାକୁବ୍ ଆରି ଜଅନ୍ କଇଲା, “ମାପୁରୁ ଏଲିୟ ମିସା ଜେନ୍ତି କରିରଇଲା, *ସେନ୍ତାସେ ଆମେ ବାଦ୍ଲେଅନି ଜଇ ଅଦରାଇ ସେମନ୍କେ ନାସ୍କର୍ବାକେ ତମେ ମନ୍ କଲାସ୍ନି କି ?”

୫୫ ମାତର୍ ଜିସୁ ବୁଲିକରି ସେମନ୍କେ ଦମ୍କାଇକରି କଇଲା, “ତମେମନ୍ କେନ୍ତାରି ଆଡ଼ମାର୍ ଲକ୍, ଏଟା ନାଜାନାସ୍ । ମାପୁରୁ ପାଟାଇରଇବା ନର୍ପିଲା ମୁଇ ମୁନ୍ସ୍ମାନର୍ ଜିବନ୍ ନାସ୍ କର୍ବାକେ ନ ଆସି, ରକିଆ କର୍ବାକେ ଆସିଆଟେ ।”

୫୬ ତାର୍ପରେ ସେମନ୍ ଆରିଗଟେକ୍ ଗାଏଁ ଉଟିଗାଲାଇ ।

ଜିସୁର୍ ସିସ୍ ଅଇବାକେ ମନ୍ କର୍ବା ଲକ୍ମନ୍

(ମାଡ଼ିଉ ୮:୧୯-୨୨)

୫୭ ସେମନ୍ ଜିବାବେଲେ ବାଟେ ଗଟେକ୍ ଲକ୍ ଜିସୁକେ କଇଲା, “ତମେ ଜନ୍ ଜାଗାଇ ଜାଇସା, ମୁଇ ତମର୍ସଙ୍ ଆଇବି ।”

☆ ୯:୪୭ ଲୁକ୍ ୨୨:୨୪ ☆ ୯:୪୮ ମାଡ଼ିଉ ୧୦:୪୦; ଲୁକ୍ ୧୦:୧୨; ଜଅନ୍ ୧୩:୨୦ * ୯:୫୪ କେତେଟା ପାଣ୍ଡୁଲିପିଟାନେ ଏନ୍ଦାରି ଲେକା ଅଏ ନାଇ

୫୮ ଜିସୁ ତାକେ କଇଲା, “କକପାନ୍ଦିର ପାଆର୍ ଆଚେ, ଚଡ଼ଇମନ୍‌କେ ଗୁଡ଼ା ଆଚେ, ମାତର୍ ମାପୁରୁ ପାଟାଇରଇବା ନରପିଲା ମକେ ବସବାକେ ନିଜର୍ ଗର୍ ନାଇ ।”

୫୯ ତାର୍‌ପଚେ ଜିସୁ ଆରିଗଟେକ୍ ଲକ୍‌କେ କଇଲା, “ମର୍‌ସଙ୍ଗ୍ ଆଉ ।” ମାତର୍ ସେ କଇଲା, “ପର୍‌ତୁମ୍ ଜାଇ ମର୍ ବାବାକେ ଦନ୍ କରିଆଇବାଜାକ ମକେ ଆଦେସ୍ ଦିଆ ।”

୬୦ ମାତର୍ ଜିସୁ ତାକେ କଇଲା, “ମଲାଲକ୍‌ମନ୍ ମଲାଲକ୍‌ମନ୍‌କେ ଦନ୍ କର୍‌ବାକେ ଚାଡ଼ିଦିଆସ୍, ମାତର୍ ତମେ ଜାଇ ପର୍‌ମେସରର୍ ରାଇଜ୍ ଜାନାଆ ।”

୬୧ ଆରିଗଟେକ୍ ଲକ୍ କଇଲା, “ମାପୁରୁ ମୁଇ ତମର୍‌ସଙ୍ଗ୍ ଆଇବି, ମାତର୍ ଗରର୍ ଲକ୍‌ମନ୍‌କେ ଗାଲିନି ବଲି କଇକରି ଆଇବାକେ ଆଦେସ୍ ଦିଆ ।”

୬୨ ମାତର୍ ଜିସୁ ତାକେ କଇଲା, “ଜେ କସ୍‌ବାବେଲେ ନଙ୍ଗ୍‌ଲଦାରି ପଚେ ଦେକିଲାଗିରଇସି, ସେ ପର୍‌ମେସରର୍ ରାଇଜର୍ ସେବା କର୍‌ବାକେ ଅଦିକାର ନ ପାଏ ।”

୧୦

ଜିସୁ ସତୁରି ଦୁଇଟା ସିସ୍‌ମନ୍‌କେ ପାଟାଇଲା

୧ ତାର୍‌ପଚେ ମାପୁରୁ ଆରି ସତୁରିଦୁଇ ଲକ୍‌କେ ମିସାଇଲା ଆରି ସେ ଜନ୍ ଜନ୍ ଜାଗାଇ ଆରି ଜନ୍ ଜନ୍ ନଅରେ ଜିବାକେ ମନ୍ କରିରଇଲା, ସେ ଜାଗାମନ୍‌କେ ଦୁଇ ଦୁଇ ଲକ୍‌କରି, ସେ ଜିବା ଆଗ୍‌ତୁ ପାଟାଇଲା ।

୨ ✽ଆରି ଜିସୁ ସେମନ୍‌କେ କଇଲା, ଜମିତେଇ ପସଲ୍ ସିନା ଅଦିକ୍, ମାତର୍ କାମ୍‌କରୁମନ୍ ଉନା । ତେବର୍‌ପାଇ ତାର୍ ଚାସ୍‌କେତେ, ଅଦିକ୍ ଲକ୍‌ମନ୍‌କେ ପାଟାଇ ଦେବାକେ ଜମି ସାଉକାର୍‌ଟାନେ ଜାନାଆ ।

୩ ✽ତମେ ଜାଆ । ଦେକା, ବାଲିଆତୁରକାମନର୍ ବିତ୍‌ରେ ମେଣ୍ଟାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି ।

୪ ତାଲା, ମୁନା କି ପାଣ୍ଡୁଇ ମିସା ନିଆନାଇ, ଆରି ବାଟେ କାକେ ଜୁଆର୍ କରାନାଇ ।

୫ ଜାର୍ ଗରେ ତମେ କେଟ୍‌ଲେ, ପର୍‌ତୁମ୍ କରା, ଏ ଗରେ ସାନ୍ତି ମିଲ ।

୬ ଜଦି ସେ ଜାଗାଇ ଗଟେକ୍ ସାନ୍ତିର୍ ଲକ୍ ରଇସି, ସେନ୍ତାଆଲେ ତମର୍ ଆସିରବାଦ୍ ତାକେ ମିଲସି ।

୭ ✽ ତାକର୍‌ଲଗେ ଜନ୍‌ଟା ରଇସି, ସେଟା କାଇକରି, ସେ ଗରେ ରୁଆ । କାଇକେବଇଲେ, ପାଇଟିକରୁ ନିଜର୍ ରୁତି ପାଇବାଇଆକା । ଗର୍ ଗର୍‌କେ ଜାଆନାଇ ।

୮ ଜନ୍ ନଅରେ ତମେ କେଟ୍‌ଲେ, ଆରି ଲକ୍‌ମନ୍ ତମ୍‌କେ ଡାକିନେଲେ, ତେଇ ତମ୍‌କେ ଜନ୍‌ଟା କାଇବାକେ ଦେଲେ ସେଟା କାଆ ।

୯ ସେ ଜାଗାଇ ଜର୍ ଦୁକା ଅଇରଇଲା ଲକ୍‌ମନ୍‌କେ ନିକ କରା, ଆରି ସେମନ୍‌କେ କୁଆ ପର୍‌ମେସରର୍ ରାଇଜ୍ ତମର୍‌ଲଗେ ସେ ।

୧୦ ✽ମାତର୍ ଜନ୍ ନଅରେ ତମେ କେଟ୍‌ସା, ତେଇର୍ ଲକ୍ ତମ୍‌କେ ନ ଡାକିନେଲେ, ସେ ଡାଣ୍ଡେଅନି, ସେ ସାଇ ଅନି ବାରଇ କୁଆ,

୧୧ ✽ତମର୍ ନଅରର୍ ଜନ୍ ଦୁଲି ଆମର୍ ପାଦେ ଲାଗିଆଚେ, ସେଟାମିସା ତମର୍‌ପାଇ ପାପ୍‌ଡିଦେଲୁନି, ଅଇଲେମିସା ପର୍‌ମେସରର୍ ରାଇଜ୍ ଲଗେସେ, ଏଟା ତମେ ଜାନିରୁଆ ।

୧୨ ✽ମୁଇ ତମ୍‌କେ ସତ୍ କଇଲିନି, ବିଚାର୍ ଅଇବାଦିନେ ସେ ନଅରର୍ ଦସା, ଡଣ୍ଡୁରଲାଗି ସଦମର୍ ଦସାତେଇଅନି ଅଦିକ୍ ରଇସି ।

ବିସ୍‌ବାସ୍ ନ କର୍‌ବା ନଅର୍ ମନ୍‌କେ ଜିସୁର୍ ଚେଡ୍‌ନା

(ମାତିଉ ୧୧:୨୦-୨୪)

୧୩ ଅଇରେ ଡଣ୍ଡୁପାଇବାକେ ଜାଗିରଇବା କରାଜିନ୍ ! ଅଇରେ ଡଣ୍ଡୁପାଇବାକେ ଜାଗିରଇବା ବେଡ୍‌ସାଇଦା ! ତମର୍‌ଟାନେ ବପୁର୍‌ସଙ୍ଗ୍ ଜନ୍ ଜନ୍ ନ ଅଇବା କାମ୍‌ମନ୍ ଅଇଲାଆଚେ, ସେ ସବୁ ସର ଆରି ସିଦନେ ଅଇରଇତା ବଇଲେ, ସେମନ୍ କେତେକାଲ୍ ପୁରବେ ବାସ୍‌ତା ପିନ୍, ଚାରେ ବସି, ମାପୁରୁଟାନେ ମନ୍ ବାଉତାଇତାଇ ।

୧୪ ଅଇଲେମିସା ବିଚାର୍‌ଦିନେ ତମର୍ ଦସା ସର ଆରି ସିଦନର୍ ଦସାଟାନେଅନି ଅଦିକ୍ ଅଇସି ।

୧୫ ଆରି ଏ କପର୍‌ନାଉମ୍, ସରଗ୍ ଜେଡ୍‌କି ଉର୍, ତୁଇ କାଇ ସେଡ୍‌କିଜାକ ଉର୍ ଅଇସୁ କି ? ପାତାଲ୍ ଜେଡ୍‌କି ତଲେ ଆଚେ, ସେଡ୍‌କି ତଲେ ତକେ ଆନାଅଇସି ।

୧୬ ✽ଜେତେବେଲେ ଜନ୍ ଲକ୍‌ମନ୍ ତମର୍ କାତା ସୁନ୍‌ବାଇ, ସେମନ୍ ମର୍ କାତା ସୁନ୍‌ବାଇ । ଜନ୍ ଲକ୍‌ମନ୍ ତମ୍‌କେ ନ ମାନଡ୍, ସେମନ୍ ମକେ ନ ମାନଡ୍, ଆରି ଜନ୍ ଲକ୍‌ମନ୍ ମକେ ନ ମାନଡ୍, ସେମନ୍ ମକେ ପାଟାଇରଇବା ପର୍‌ମେସର୍‌କେ ମିସା ନ ମାନଡ୍ ।

✽ ୧୦:୨ ମାତିଉ ୯:୩୭,୩୮ ✽ ୧୦:୩ ମାତିଉ ୧୦:୧୭ ✽ ୧୦:୬ ୧ମ କରନ୍ତିୟ ୯:୧୪; ୧ମ ତିମତି ୫:୧୮ ✽ ୧୦:୧୦ ପେରିଡ୍ ୧୩:୫୧ ✽ ୧୦:୧୧ ମାତିଉ ୧୦:୬-୧୪; ମାର୍କ ୬:୮-୧୧; ଲୁକ୍ ୯:୩-୫ ✽ ୧୦:୧୨ ମାତିଉ ୧୧:୨୪; ମାତିଉ ୧୦:୧୫ ✽ ୧୦:୧୬ ମାତିଉ ୧୦:୪୦; ମାର୍କ ୯:୩୭; ଲୁକ୍ ୯:୪୮; ଜଅନ୍ ୧୩:୨୦

୧୭ ତାରପଟେ ସେ ସତୁରି ଲକ୍ ବାଉଡି ଆଇଲାଇ ଆରି ସାରଦାଅଇକରି କଇଲାଇ, “ମାପରୁ, ତମର୍ ନାଉଁ ଦାରି ଆଦେସ୍ ଦେଲେ ତୁମାମନ୍ମିସା ଆମର୍ କାତା ମାନ୍ଲାଇନି ।”

୧୮ ମାତର୍ ଜିସୁ ସେମନ୍କେ କଇଲା, “ସଇତାନ୍ ବାଦ୍ଲେଅନି ବିଜ୍ଞୁଲି ପାରା ଅଇ ଅଦର୍ବାଟା ମୁଇ ଦେକ୍ଲି ।

୧୯ ଦେକା, ମୁଇ ତମ୍କେ ସାଁପ୍ ଆରି ବିସ୍କାକ୍ତା ଉପ୍ରେ ଇଣ୍ଟୁବାକେ ବପୁ ଦେଲିଆଟି, ଆରି ସତ୍ତୁର୍ ଉପ୍ରେ ରଇବା ବପୁ ମିସା ଦେଲିଆଟି । ତମ୍କେ କେ ମିସା କାଇଟା କରିନାପାରତ୍ ।

୨୦ ଏଲେମିସା ଆତ୍ମାମନ୍ ଆମର୍ କାତା ମାନ୍ଲାଇନି ବଲି ସାରଦା ଉଆନାଇ । ତମର୍ ନାଉଁମନ୍ ସର୍ଗେ ଲେକାଅଇଆଟେ ବଲି ସାରଦାଉଆ ।”

ଜିସୁ ପର୍ମେସର୍କେ ପାର୍ତନା କଲା

୨୧ ଜିସୁ ସେ ତାଣ୍ଡେ ସୁକଲ୍ଆତ୍ମାଲ ପୁରୁନ୍ଅଇ କଇଲା, “ଏ ବାବା ! ସରଗ୍ ଆରି ମର୍ପୁରର୍ ମାପରୁ ! ତୁଇ ଗିଆନି ଆରି ବୁଦିରଇବା ଲକ୍ମାନର୍ଟାନେଅନି ଏ କାତା ଲୁଟାଇରଇଲେ ମିସା, ସାନ୍ ପିଲାମନର୍ ପାରା ଲକ୍ମାନେ ଜାନାଇଲାସ୍ । ଏଟାର୍ପାଇ ତମ୍କେ ସୁମର୍ନା କଲିନି । ଉଁ ବାବା, କାଇକେବଇଲେ ତମେ ଏନ୍ତାଟା ଦେକ୍ବାକେ ମନ୍କରତେ ରଇଲାସ୍ ।

୨୨ *ମର୍ ବାବାର୍ ସବୁ ବିସଇ ମକେ ସର୍ପି ଅଇଲାଆଟେ, ଆରି ପଅ କେ, ଏଟା ବାବାକେ ଚାଡି ଆରି କେ ନାଜାନତ୍, ଆରି ବାବା କେ, ଏଟା ପଅକେ ଚାଡି କେ ନାଜାନତ୍ । ପଅ ଜାର୍ଲଗେ ମର୍ ବାବାକେ ଜାନାଇବି ବଲି ମନ୍କରିରଇସି, ସେସେ ଜାନିରଇସି ।”

୨୩ ଜିସୁ ସିସ୍ମାନର୍ବାଟେ ମୁ ବୁଲାଇ ସେମନ୍କେ କଇଲା, “ତମେ ଜନ୍ ଜନ୍ଟା ଦେକ୍ଲାସ୍ନି, ସେ ସବୁ ଜେ ଦେକ୍ସି, ସେଟା ନିକ ।

୨୪ କାଇକେବଇଲେ ମୁଇ ତମ୍କେ କଇଲିନି, ତମେ ଜନ୍ ଜନ୍ଟା ଦେକ୍ଲାସ୍ନି, ସେ ସବୁଜାକ ଦେକ୍ବାକେ କେତେ କେତେ ରାଜାମନ୍ ଆରି ମାପରୁ କବର୍ ଜାନାଉମନ୍ ମନ୍କଲାଇ, ମାତର୍ ଦେକିନାପାରଲାଇ । ଆରି ତମେ ଜନ୍ ଜନ୍ଟା ସୁନ୍ଲାସ୍ନି, ସେ ସବୁ ସୁନ୍ବାକେ ସେମନ୍ ମନ୍କଲାଇ, ମାତର୍ ସୁନିନାପାରଲାଇ ।”

ସମିରଣିୟ ଗତର୍ ନିକ ଲକ୍

୨୫ *ତାରପଟେ ଗଟେକ୍ ଦରମ୍ ସାସ୍ତର୍ ସିକାଉ ତାକେ ପରିକାକରି ପାଟାରଲା, “ଏ ଗୁରୁ କେବେ ନ ସାର୍ବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍ବାର୍ ଆଟେ ?”

୨୬ ଜିସୁ ତାକେ କଇଲା, “ନିୟମ୍ ସାସ୍ତରେ କାଇଟା ଲେକାଆଟେ ? ତୁଇ କେନ୍ତାରି ପଡ୍ଲୁସ୍ନି ?”

୨୭ ସେ କଇଲା, “ତମେ ନିଜର୍ ସବୁ ଗାଗଡ୍, ମନ୍, ଆତ୍ମା ଆରି ବପୁ ଦେଇ ପର୍ମେସର୍କେ ଆଲାଦ୍ କରା । ଆରି ପଡିସାର୍ ଲକ୍ମନ୍କେ ନିଜର୍ ସମାନ୍ ଆଲାଦ୍ କରା ।”

୨୮ ତାରପଟେ ଜିସୁ ତାକେ କଇଲା, “ତମେ ଟିକ୍ କଇଲାସ୍ । ଏନ୍ତାର୍ କର୍, ତେବେ ଜିବନ୍ ମିଲାଇସୁ ।”

୨୯ ମାତର୍ ସେ ନିଜେ ଦରମ୍ଲକ୍ ବଲି ଦେକାଇବାକେ ମନ୍କରି ଜିସୁକେ ପାଟାରଲା, “ତେବେ କେ ମର୍ ପଡିସାର୍ ଲକ୍ ?”

୩୦ ଜିସୁ ତାକେ କଇଲା, ଗଟେକ୍ ଲକ୍ ଜିରୁସାଲମେଅନି ଜିରିଅ ଜିବାବେଲେ ଚର୍ମନର୍ ମୁଆଟେ ପଡ୍ଲା । ଚର୍ମନର୍ ତାର୍ ଲୁଗାପଟିଆ ଚାଡାଇ, ତାକେ ମାର୍ଲାଇ ଆରି ମରିଗାଲାପାରା ଅଇଲାକେ ଚାଡି ଉଟିଗାଲାଇ ।

୩୧ ସେଟା ଅଇସାରି କେତେପର୍ ଜିବାକେ ଗଟେକ୍ ପୁଜାରି ସେ ବାଟେ ଜାଇତେରଇଲା ଆରି ତାକେ ଦେକି, ବାଟ୍ ପିଟାଇଅଇ ଉଟିଗାଲା ।

୩୨ ସେନ୍ତାରିସେ ଗଟେକ୍ ଲେବିୟ ଲକ୍ ମିସା ସେ ଜାଗାଇ ଆସି ତାକେ ଦେକି ବାଟ୍ ପିଟାଇଅଇ ଉଟିଗାଲା ।

୩୩ ମାତର୍ ସମିରଣିୟର୍ ଗଟେକ୍ ଲକ୍ ତାର୍ଲଗେ ଆସି, ଦେକ୍ଲା ଆରି ବେସି ମନ୍ଦୁକ୍ କଲା ।

୩୪ ଆରି ତାର୍ଲଗେ ଜାଇ ମାଡ୍ଅଇ କଣ୍ଡିଆ ବଣ୍ଡିଆ ଅଇଲାଟାନେ, ଚିକନ୍ ଆରି ଆମର୍ ଅଜ୍ଞୁରସ୍ ଲାଗାଇଦେଲା । ତାକେ ଗର୍ଣ୍ଣା ବାନ୍ଧି, ଗଦ୍‌ଉପ୍ରେ ବସାଇ, ଲକ୍ମନ୍ ବସି ମିଟିଙ୍ଗ୍ କର୍ବା ଗରେ ନେଇ ସେବାଜତନ୍ କଲା ।

୩୫ ତାର୍ ଆରକର୍ ଦିନେ ସମିରଣିୟ ଲକ୍ ଦୁଇଟା ରୁପାଟା ବାରକରାଇ, ମିଟିଙ୍ଗ୍ ଗରର୍ ମୁକିଆକେ ଦେଇ କଇଲା, “ଆର୍ ସେବା ଜତନ୍ କରା, ଆରି ଅଦିକ୍ କର୍ତ ଅଇଲେ, ସେଟା ମୁଇ ବାଉଡିଆଇବା ବେଲେ ତମ୍କେ ସୁଜିଦେବି ।”

୩୬ ଏ ଦିନ୍ଲକର୍ ବିତ୍ରେଅନି କେ ଚର୍ମନର୍ ଟାନେ ମାଡ୍‌କାଉ ଲକ୍ ପଡିସାର୍ ଲକ୍ ବଲି ବାବ୍ଲୁସ୍ନି ?

୩୭ ସାସ୍ତର୍ ସିକାଉ କଇଲା, “ଜନ୍ ଲକ୍ ତାକେ ଦୟାକଲା, ସେ ଆକା ।” ଜିସୁ ତାକେ କଇଲା, “ଜା ତୁଇ ମିସା ସେନ୍ତାରି କର୍ ।”

ଜିସୁ ମାର୍ତା ଆରି ମରିୟମର୍ ଗରେ ଗାଲା

୩୮ *ଜିସୁ ଆରି ତାର୍ ସିସ୍ମାନ୍ ଜିବାବେଲେ ଗଟେକ୍ ଗାଏଁ କେଟ୍ଲାଇ । ତେଇ ମାର୍ତା ନାଉଁର୍ ଗଟେକ୍ ମାଇଜି ଜିସୁକେ ତାର୍ ଗରେ ଡାକି ବସାଇଲା ।

☆ ୧୦:୨୨ ଜଅନ୍ ୩:୩୫; ଜଅନ୍ ୧୦:୧୫ ☆ ୧୦:୨୫ ମାଡିଉ ୨୨:୩୫-୪୦; ମାର୍କ ୧୨:୨୮-୩୪ ☆ ୧୦:୩୮ ଜଅନ୍ ୧୧:୧

୩୯ ମାର୍ତ୍ତାକେ ମରିୟମ୍ ନାଉଁର୍ ଗଟେକ୍ ବଇନି ରଇଲା । ସେ ମାପ୍ତରୁର୍ ପାଦେ ବସି ତାର୍ ବାକିଅ ସୁନ୍ତେରଇଲା ।
 ୪୦ ମାତର୍ ମାର୍ତ୍ତାକେ ବେସି ପାଇଟି ରଇଲାଜେ ଦାନ୍ଦା ଅଇଜାକତେ ରଇଲା । ତେବର୍ପାଇ ସେ ଜିସୁର୍ଲଗେ ଆସି କଇଲା, “ଏ ମାପ୍ତରୁ, ମର୍ ବଇନି ଗରର୍ ସବୁ ପାଇଟି ମକେ ସେ କରାଇଲାନି, ସେବାଟେ କାଇ ତମର୍ ମନ୍ ନାଇ କି ? ସେଟାର୍ପାଇ ତାକେ କୁଆ, ସେ ମକେ ଆସି ସାଇଜ କର ।”
 ୪୧ ମାତର୍ ମାପ୍ତରୁ ତାକେ କଇଲା, “ଏ ମାର୍ତ୍ତା, ତୁଇ ବେସି ବିସଇ ଚିନ୍ତା କରି, ଦାନ୍ଦାଅଇଗାଲୁସ୍ନି,
 ୪୨ ମାତର୍, ଗଟେକ୍ ବିସଇ ଆକା ସବୁର୍ଟାନେଅନି ମୁକିଅ । ସେଟା ମରିୟମ୍ ବାଟିକରି ନେଇଆଟେ । ସେଟା ତାର୍ଟାନେଅନି କେ ନେଇ ନାପାରତ୍ ।”

୧୧

ପାର୍ତନା ବିସଇ ନେଇ ସିକିଆ (ମାତିଉ ୨:୯-୧୩; ୭:୧-୧୧)

୧ ତରେକ୍ ଜିସୁ ଗଟେକ୍ ଜାଗାଇ ପାର୍ତନା କର୍ତେରଇଲା । ସେ ପାର୍ତନା କରି ସାରାଇଲା ପଟେ, ତାକର୍ ସିସ୍ମନର୍ ବିତ୍ତରେଅନି ଗଟେକ୍ ଲକ୍ ତାକେ କଇଲା, “ଏ ମାପ୍ତରୁ ତୁବନ୍ ଦେଉ ଜଅନ ଜେନ୍ତାରି ନିଜର୍ ସିସ୍ମନକେ ପାର୍ତନା କର୍ବାକେ ସିକାଇଲା, ତମେମିସା ଆମ୍ବକେ ପାର୍ତନା କର୍ବାକେ ସିକାଆ ।”
 ୨ ଜିସୁ ସେମନକେ କଇଲା, ଜେତେବେଲେ ତମେ ପାର୍ତନା କର୍ସା, ସେଡ୍କିବେଲେ କୁଆ,
 “ବାବା ତମର୍ ନାଉଁ ସୁକଲ୍ବଲି ସବୁଲକ୍ ମାନତ୍ ।
 ତମର୍ ରାଇଜ୍ ଆସ ।
 ୩ ସବୁଦିନ୍ ଆମ୍ବକେ ଆମର୍ ଦରକାର୍ ରଇଲା କାଦି କାଇବାକେ ଦିଆ ।
 ୪ ଆମର୍ ସବୁ ପାପ୍ କେମା କରିଦିଆସ୍,
 କାଇକେବଇଲେ ଆମେ ମିସା ଆମର୍ ବିରୁଦେ ବୁଲ୍ କଲା ଲକ୍ମନକେ କେମା କଲୁନି ।
 ଆମ୍ବକେ ପାପ୍ ଦସ୍ କରାଇବା ସବୁର୍ତେଇଅନି ରକିଆ କରା ।”
 ୫ ପଟେ ଜିସୁ ତାର୍ ସିସ୍ମନକେ କଇଲା, “ତମର୍ ଏନ୍ତାରି କାର୍ ମଇତର୍ ଆଟେ କି, ଜାର୍ଲଗେ କି ତମେ ମଜାରାତି ଜାଇ କଇପାରାସ୍, ଏ ମଇତର୍, ମକେ ତିନ୍ଟା ରୁଟି ଉଦାର୍ ଦେଇରୁଆ,
 ୬ କାଇକେବଇଲେ, ମର୍ ଗଟେକ୍ ବେସି ଦୁରର୍ ସାଙ୍ଗ୍ ଆସିଆଟେ, ତାକେ କାଇବାକେ ଦେବାକେ ମର୍ଲଗେ କାଇଟାମିସା ନାଇ ।
 ୭ ଆରି ବିତ୍ତରେଅନି ସେ କଇସି, ମକେ କସ୍ଟ ଦିଆନାଇ, କାପାଟ୍ ଡାବ୍ଲୁବେ, ଆରି ମର୍ସଙ୍ଗ୍ ମର୍ ପିଲାମନ୍ ସଇଆତତ୍ । ତମ୍ବକେ ଉଟିକରି ଦେଇନାପାରି ।
 ୮ ମୁଇ ତମ୍ବକେ କଇଲିନି, ତମର୍ ମଇତର୍ ଅଇରଇଲେ ମିସା ସେ ଉଟିକରି ରୁଟି ନ ଦେଏ, ମାତର୍ ତମେ ଲାଜ୍ ନ ଅଇ ମାଙ୍ଗିଲାଗିରଇଲେ, ସେ ଉଟିକରି ତକେ ଜେଡ୍କି ଲତା, ସେଡ୍କି ଦେଇସି ।”
 ୯ ମୁଇ ତମ୍ବକେ କଇଲିନି, ମାଙ୍ଗା ତେବେ ତମ୍ବକେ ଦିଆଅଇସି । କଜା, ତେଇ ତମେ ମିଲାଇସା । କାପାଟେ ବାଜାଆ, ତେଇ ତମର୍ପାଇବଲି ଉଗାଡି ଦିଆଅଇସି ।
 ୧୦ କାଇକେବଇଲେ, ଜେ ମାଙ୍ଗ୍ସି, ସେ ପାଇସି । ଜେ କଜ୍ସି, ସେ ମିଲାଇସି । ଜେ କାପାଟେ ବାଜାଇସି, ତାର୍ପାଇ କାପାଟ୍ ଉଗାଡି ଦିଆଅଇସି ।
 ୧୧ “ଆରି ତମର୍ ବିତ୍ତରେ ଏନ୍ତାରି ବାବା କେ ଆଟେ, ଜେ କି ଜନ୍ ବାବାକେ ତାର୍ ପଅ ମାଟ୍ ମାଙ୍ଗ୍ଲେ, ତାକେ ମାଟ୍ ନ ଦେଇ ସାଁପ୍ ଦେଇସି ?
 ୧୨ କି ଗାର୍ ମାଙ୍ଗ୍ଲେ, ସେ ତାକେ ବିସ୍କାକ୍ତା ଦେଇସି ?
 ୧୩ ତେବେ ତମେ କରାପ୍ ଲକ୍ ଅଇଲେ ମିସା, ନିଜର୍ ନିଜର୍ ପିଲାମନକେ ନିକ ନିକ ବିସଇ ଦେବାର୍ ଜାନାସ୍ । ତେବେ ଜନ୍ ବାବା ସର୍ଗେଅନି ଦାନ୍ କଲାନି, ସେ ଜାନେ, ସେ ତାକେ ମାଙ୍ଗ୍ବା ଲକ୍ବକେ କେତେକ୍ ଅଦିକ୍ ସୁକଲ୍ ଆଡ୍ମା ଦେଇସି ।”

ଜିସୁ ଆରି ବାଆଲ୍ଜିବୁଲ୍ (ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ତରେକ୍ ଜିସୁ ଗଟେକ୍ ଲକ୍ବକେଅନି ତୁମା ଚାଡାଇତେରଇଲା । ସେ ତୁମା ଗୁଲାଟା । ତୁମା ବାରଇଗାଲା ପଟେ ଗୁଲା ଲକ୍ କାତା କଇଲା । କାତାକଇଲାକେ ତେଇ ରଇବା ଲକ୍ମନ୍ କାବାଅଇଗାଲାଇ ।
 ୧୫ *ମାତର୍ ସେମନର୍ ବିତ୍ତରେ କେ କେ କଇଲାଇ, “ସେ ତୁମାମନର୍ ନେତା ବାଲ୍ଜିବୁଲର୍ ସାଇଜ ନେଇ ତୁମା ଚାଡାଇସି ।”

☆ ୧୧:୧୫ ମାତିଉ ୯:୩୪; ୧୦:୨୫

୧୬ *ବିନ୍‌ଲକ୍‌ମନ୍ ଜିସୁକେ ପରିକାକରି ପାନ୍ଦେ ପାକାଇବାକେ ବାବ୍‌ତେ ରଇଲା । ତେବର୍‌ପାଇ ପର୍‌ମେସର୍‌ ତାର୍‌ ରକିଆକାରି ବଲି ସବୁକେ ଜାନାଇବାକେ ଗଟେକ୍‌ କାବାଅଇଜିବା ତିନ୍‌ ଦେକାଇବାକେ କଇଲା ।

୧୭ ମାତର୍‌ ଜିସୁ ତାକର୍‌ ମନର୍‌ କାତା ଜାନି, ସେମନ୍‌କେ କଇଲା, “ଗଟେକ୍‌ ରାଇନ୍‌ ଦୁଇ ବାଗ୍‌ ଅଇକରି, ନିଜର୍‌ ନିଜର୍‌ ବିରୁଦ୍‌ଦେ ଜୁଇଦ୍‌ କଲେ, ସେଟା କୁରୁପ୍‌ନାସ୍‌ ଅଇଜାଇସି । ଗଟେକ୍‌ ଗରର୍‌ ଲକ୍‌ ନିଜର୍‌ ନିଜର୍‌ ବିରୁଦ୍‌ଦେ ଲାଗ୍‌ଲେ, ସେ ଗର୍‌ ମିସା ବାଜିଜାଇସି ।

୧୮ ଆରି ସଇତାନ୍‌ ମିସା ବାଗ୍‌ ବାଗ୍‌ ଅଇ, ନିଜର୍‌ ବିରୁଦ୍‌ଦେ ଉର୍‌ଲାନି ବଇଲେ, ତାର୍‌ ରାଇଜ କେନ୍ତ୍ରି ତବିର୍‌ ଅଇକରି ରଇସି ? ନାଇ ନ ରଏ । ମୁଇ କାଇକେ ଏଟା କଇଲିନି ବଇଲେ, ବାଲ୍‌ଜିବୁଲର୍‌ ସାଇଜ ନେଇ ତୁମା ଚାଡାଇଲିନି ବଲି ତମେ ତା କଇଲାସିନି ।

୧୯ ତମର୍‌ ପଅମନ୍‌ ବାଲ୍‌ଜିବୁଲର୍‌ ବପୁ ପାଇ ସେମନ୍‌କେ ଚାଡାଇବାଇ, ତେବର୍‌ପାଇ ସେମନ୍‌ସେ ତମ୍‌କେ ବିଚାର୍‌ କର୍‌ବାଇ ।

୨୦ ନାଇ, ମୁଇ ପର୍‌ମେସର୍‌ ବପୁସଙ୍ଗ୍‌ ତୁମା ଚାଡାଇବି । ତେବେ ତା ଏଟା ଜାନାଇ ଦେଲାନି, କି ପର୍‌ମେସର୍‌ ରାଇଜ୍‌ ତମର୍‌ ଲଗେ କେଟ୍‌ଲାବେ ବଲି ।”

୨୧ “ଜେଡେବେଲେ ଗଟେକ୍‌ ବପୁର୍‌ ଲକ୍‌ ଆଡ୍‌ଅଡିଆର୍‌ ଦାରି ନିଜର୍‌ ଗର୍‌ ଜାଗ୍‌ସି, ସେଡେବେଲାଜାକ ତାର୍‌ ଦନ୍‌ କାଇଟା ନ ଅଏ ।

୨୨ ମାତର୍‌ ଜେଡେବେଲେ ତାର୍‌ ଗାନେଅନି ଅଦିକ୍‌ ବପୁର୍‌ଲକ୍‌ ଆସି, ତାକେ ଲାଗିକରି ଜିଡ୍‌ସି । ଗରର୍‌ ସାଉକାର୍‌ ଜନ୍‌ ଆଡ୍‌ଆଡିଆର୍‌ ଦାରି ନିଜେ ରକିଆ ପାଇଡେରଇଲା , ସେ ସବୁଜାକ ବପୁର୍‌ ଲକ୍‌ ଚାଡାଇନେଇସି । ଆରି ଚାଡାଇ ନେଲାଟା ସେ ମନ୍‌କଲା ପାରା କାକେ ମିସା ବାଟା କରିଦେଇସି ।

୨୩ * “ଜେ ଆମ୍‌କେ ବିରଦ୍‌ ନ କରେ, ସେ ଆମ୍‌ର୍‌ ନିଜର୍‌ ଲକ୍‌ । ଜେ ମର୍‌ ସଙ୍ଗ୍‌ କୁଡାଏନାଇ, ସେ ବିଚିପାକାଇସି ।”

**ଗଟେକ୍‌ ତୁମା ବାରଇଗାଲା
(ମାତିଉ ୧୨:୪୩-୪୫)**

୨୪ “ଗଟେକ୍‌ କରାପ୍‌ ଆଡ୍‌ମା ମୁନ୍‌ସର୍‌ଟାନେଅନି ବାରଇଗାଲାପଡେ, ସେ ଆଡ୍‌ମା ବିସ୍‌ରାମ୍‌ କର୍‌ବାକେ ସୁକ୍‌ଲା ଜାଗାଇ କନ୍‌ଆଲେ ଲକ୍‌ର୍‌ଟାନେ ରଇବାକେ କଜି ବୁଲ୍‌ସି । ଆରି ଜାଗା ନ ମିଲ୍‌ଲେ କଇସି, ମୁଇ ଜନ୍‌ ଲକ୍‌ର୍‌ ଟାନେଅନି ବାରଇଆସି ରଇଲି, ସେ ଲକ୍‌ର୍‌ଟାନେସେ ବାଉଡି ଜିବି ।

୨୫ ଜେଡେବେଲେ ସେ ତୁମା ଚାଡ୍‌ଲା ମୁନ୍‌ସର୍‌ଲଗେ ଆସି ପରିଚଲ୍‌ରଇ ନିମାନ୍‌ ସଜାଇଅଇରଇଲାଟା ଦେକ୍‌ସି ।

୨୬ ତାର୍‌ପଡେ ସେ ତୁମା ଜାଇକରି ତାର୍‌ଟାନେଅନି ବାନିଆରଇବା ବିନ୍‌ ବିନ୍‌ ସାଡ୍‌ଟା ତୁମାମନ୍‌କେ ଡାକିଆନ୍‌ସି । ସେମନ୍‌ କେଟିକରି ତେଇ ବାସା ଅଇବାଇ, ଆରି ସେ ଲକ୍‌ ଆଗ୍‌ତୁ ଜେଡ୍‌ଡ୍‌ ଅଇରଇଲା, ତାର୍‌ଡେଅନି ସାରାସାରି ଅଦିକ୍‌ କରାପ୍‌ ଅଇଜାଇସି ।”

ସଡ୍‌ ସାର୍‌ଦା

୨୭ ଜିସୁ ଏନ୍ତାରି ସବୁ କାତା କଇବାବେଲେ ଲକ୍‌ମନ୍‌ର୍‌ ବିଡ୍‌ରେଅନି ଗଟେକ୍‌ ମାଇଜିଟକି ଆଉଲିଅଇ କଇଲା, “କେଡେକ୍‌ କରମର୍‌ ମାଆ ଜେ କି ତମ୍‌କେ ଜନମ୍‌ ଦେଲା ଆରି ନିଜର୍‌ ଦୁଦ୍‌ କୁଆଇଲା ।”

୨୮ ମାତର୍‌ ଜିସୁ କଇଲା, “ନାଇ, ଜନ୍‌ ଲକ୍‌ମନ୍‌ ପର୍‌ମେସର୍‌ର୍‌ ବାକିଅ ସୁନ୍‌ବାଇ ଆରି ସେଟା ମାନ୍‌ବାଇ, ସେମନ୍‌ ନିକ୍‌ କରମର୍‌ ଲକ୍‌ ।”

**କାବାଅଇ ଜିବାପାରା କାମର୍‌ ଲାଗି ଦାବି
(ମାତିଉ ୧୨:୩୮-୪୨)**

୨୯ * ଲକ୍‌ମନ୍‌ ଦଲ୍‌ ଦଲ୍‌ ଅଇ ଜିସୁର୍‌ଲଗେ ଚୁଲ୍‌ ଅଇବାବେଲାଇ ସେ କଇବାର୍‌ ଦାର୍‌ଲା । “ଏବର୍‌ ଜୁଗର୍‌ ମୁନ୍‌ସମନ୍‌ କରାପ୍‌, ଏମନ୍‌ କାବା ଅଇଜିବା କାମର୍‌ ତିନ୍‌ କଜ୍‌ଲାଇନି । ମାତର୍‌ ଜୁନସ୍‌କେ ଗଟ୍‌ଲା ତିନ୍‌ ଚାଡିକରି ଆରି କାଇ ବିନ୍‌ ତିନ୍‌ ମିସା ଦିଆ ନ ଅଏ ।

୩୦ କାଇକେବଇଲେ ଜୁନସ୍‌ ଜେନ୍ତ୍ରି ନିନିବିୟ୍‌ ଲକ୍‌ମନ୍‌ର୍‌ପାଇ ତିନ୍‌ପାରା ଅଇଲା, ପର୍‌ମେସର୍‌ ପାଟାଇରଇବା ନର୍‌ପିଲା ମୁଇ ମିସା ଏବର୍‌ ଲକ୍‌ମନ୍‌ର୍‌ପାଇ ତିନ୍‌ ପାରା ଅଇବି ।

୩୧ ବିଚାର୍‌ନା ଦିନେ ଦକିନ୍‌ ଦେସେ ରଇବା ସେବା ନାଉର୍‌ ରାନି, ଏବର୍‌ ଲକ୍‌ମନ୍‌ର୍‌ ବିରଦ୍‌ଦେ ଉଟି, ଏମନ୍‌କେ ଦସି କରାଇସି, କାଇକେବଇଲେ ସେ ରାନି, ସଲ୍‌ମନ୍‌ ରାଜା ସିକାଇରଇବା ଗିଆନର୍‌ କାତା ସୁନ୍‌ବାକେ ବେସି ଦୁର୍‌ଅନି ଆସିରଇଲା । ଆରି ଦେକା ! ସଲ୍‌ମନ୍‌ର୍‌ଟାନେଅନି ଅଦିକ୍‌ ବଡ୍‌ ଲକ୍‌ ଇତି ଆଡେ ।

୩୨ ବିଚାର୍‌ନାଦିନେ ନିନିବିର୍‌ ଲକ୍‌ମନ୍‌ ଏବର୍‌ ମୁନ୍‌ସମନ୍‌ର୍‌ ବିରୁଦ୍‌ଦେ ଚିଆଅଇ ଏମନ୍‌କେ ଦସି କର୍‌ବାଇ । କାଇକେବଇଲେ ସେମନ୍‌, ଜୁନସ୍‌ ମାପ୍‌ରୁର୍‌ କାତା ଜାନାଇଲାକେ, ପାପ୍‌କାମେଅନି ବାଉଡିରଇଲାଇ, ଆରି ଦେକା ! ଜୁନସର୍‌ ଟାନେଅନି ବଡ୍‌ ଲକ୍‌ ଇତି ଆଡେ ।

* ୧୧:୧୭ ମାତିଉ ୧୨:୩୮; ୧୨:୧; ମାର୍‌କ୍‌ ୮:୧୧ * ୧୧:୨୩ ମାର୍‌କ୍‌ ୯:୪୦ * ୧୧:୨୯ ମାତିଉ ୧୨:୪; ମାର୍‌କ୍‌ ୮:୧୨

୩୩ ☆“କେ ମିସା ବଡ଼ି ଡସାଇ ମାନୁତଲେ ଡାବିକରି ନ ସଙ୍ଗାଅଡ଼ । ମାତର୍ ବଡ଼ି ସଙ୍ଗାକବା କୁଦରାଇ ସଙ୍ଗାକବାଇ, ଜେନ୍ତାରିକି ଗର୍ବିତ୍ତରେ ଜିବାଲକ୍ମନ୍ ଉଜଲ୍ ଦେକିପାରବାଇ ।

୩୪ ତମର୍ ଆକି, ଗାଗଡ଼ ବଡ଼ି । ଜେଡେବଲ୍ ତମର୍ ଆକି ନିକ ରଇସି, ସେଡେବେଲେ, ତମର୍ ଗୁଲାଇ ଗାଗଡ଼ ମିସା ଉଜଲ୍ ଅଇସି । ମାତର୍ ଜେଡେବେଲେ ସେଟା ମୁର୍କି ରଇସି, ସେଡକିବେଲା ତମର୍ ଗାଗଡ଼ ମିସା ଆନ୍ଦାର୍ ଅଇଜାଇସି ।

୩୫ ତେବେ ମନେ ରଅ, ଜାଗରଡ଼ଅଇ ରୁଆ, ଜେନ୍ତୁକି ତମର୍ ବିତ୍ତରର୍ ଉଜଲ୍ କେବେ ଆନ୍ଦାର୍ ନ ଅଏ ।

୩୬ ଏଟାର୍ପାଇ ତମର୍ ଗୁଲାଇ ଗାଗଡ଼ ଜଦି ଉଜଲ୍ ଅଇସି ଆରି ତେଇର୍ କଣ୍ଠେକ୍ ମିସା ଆନ୍ଦାର୍ ନ ରଏ, ସେନ୍ତାରିଅଇଲେ, ବଡ଼ି ଜେନ୍ତୁ ଜଗ୍ଜଗି ଜାଇ ଉଜଲ୍ ଦେଇସି, ସେନ୍ତାରି ତମର୍ ଗୁଲାଇ ଗାଗଡ଼ ଉଜଲ୍ ଅଇସି ।”

ଜିସୁ ପାରୁସିମନ୍‌କେ ଆରି ସାସ୍ତର୍ ସିକାଉମନ୍‌କେ ଦସ୍ ଦେଲା

(ମାତିଉ ୨୩:୧-୩୬; ମାର୍କ ୧୨:୩୮-୪୦)

୩୭ ଜିସୁ କାତା କଇସାରାଇଲା ପତେ ଗଟେକ୍ ପାରୁସିଲକ୍ ତାକେ ନିଜର୍ ଗରେ କାଇବାକେ ଡାକ୍ଲା, ଆରି ଗରେ ବସାଇଲା ।

୩୮ ମାତର୍ ଜିସୁ ଜିଉଦି ରିତିନିତି ଇସାବେ ଦୁଆପୁଟା ନ ଅଇରଇଲାକେ ଏଟା ଦେକି ସେ ପାରୁସି ଲକ୍ କାବା ଅଇଗାଲା ।

୩୯ ଜିସୁ ତାକେ କଇଲା, “ତମେ ପାରୁସିମନ୍ ଗିନା ଆରି ତାଲାର୍ ବାଇରେ ମାଞ୍ଜିରଇସା, ମାତର୍ ତମର୍ ବିତ୍ତରର୍ ସକ୍ତି ବେନବେନା ରଇସି । କରାପୁଟା ଆରି ଲବ୍ କରବାଟା ସବୁ ପୁରୁନ୍ ଅଇଆତେ ।

୪୦ ଏ ବକୁଆମନ୍ ! ଜେ ଗାଗଡ଼ ବାଇରଟା ତିଆର୍ କଲା ଆତେ, ସେ କାଇ ବିତ୍ତରଟା ମିସା ତିଆର୍ କରେନାଇ କି ?

୪୧ ତେବର୍ପାଇ ତମେ ଜନ୍‌ଟା କଟିକରି ସଙ୍ଗାଇ ଆଟାସ୍, ସେଟା ଦୁକିରୁକି ଲକ୍ମନ୍‌କେ ଦାନ୍‌କରା, ଆରି ଦେକା, ତମେ ପୁରାପୁରୁନ୍ ପରିଚଲ୍ ଅଇଜାଇସା ।”

୪୨ “ଅଇରେ ପାରୁସିମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମର୍ ବାଡେଅନି କାମାଇଲାଟା ଦସ୍‌ବାଟା ଅନି ବାଗେକ୍ ଦେଲାସ୍ନି । ମାତର୍ ତମେ ନିଆଇ ଆରି ଦୟା ଏଲା କଲାସ୍ନି । ଏଟାସଙ୍ଗ୍ ବାଗେକ୍ ଦେବାଟା ମିସା ଚାଡ଼ବାର୍ ନାଇ ।”

୪୩ “ଅଇରେ ପାରୁସିମନ୍, ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମେ ପାର୍ତନାଗରେ ମୁକିଅ ଜାଗାଇ ବସ୍‌ବାକେ ମନ୍ କରସା ଆରି ଆଟେବାଟେ ଲକ୍ମନ୍‌ରଟାନେଅନି ଜୁଆର୍ କରାଇଅଇବାକେ ବଲ୍ ବଲାଅଇଅଇସା ।

୪୪ ଅଇରେ ପାରୁସିମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ । କାଇକେବଇଲେ, ତମେ ନ ତିସ୍‌ବା ସମାଦି ପାରା । ତାର୍ ଉପ୍ରେ ଆସା ଜା କରବା ଲକ୍ମନ୍ ସେଟା ସମାଦି ବଲି ନାଜାନଡ଼ ।”

୪୫ ତେଇ ସାସ୍ତର୍ ସିକାକବା ଦରମ୍ ଗୁରୁମନର୍ ବିତ୍ତରେଅନି ଗଟେକ୍ ପଣ୍ଡିତ୍ ଜିସୁକେ କଇଲା, “ଏ ଗୁରୁ ତମେ ପାରୁସିମନ୍‌ ବିସଇ କଇକରି ଆମ୍‌କେ ଲାଜ୍ କରାଇଲାସ୍ନି ।”

୪୬ ଜିସୁ କଇଲା, “ଅଇରେ ସାସ୍ତର୍ ସିକାଉ ପଣ୍ଡିତ୍‌ମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମେ ଲକ୍ମନ୍‌କେ ବେସି ଆବଡ଼ ନିୟମ୍ ମାନ୍‌ବାକେ କଇଲାସ୍ନି, ଆରି ସେ ନିୟମ୍ ମାନ୍‌ବାକେ ମୁଲ୍‌କେ ଆଙ୍ଗିତେଇ ଉଟାଇବା ଏଡ଼କି ମିସା ସାଇଜ କରାସ୍ ନାଇ ।

୪୭ ଅଇରେ, ଡଣ୍ଡ ପାଉମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ । କାଇକେବଇଲେ, ତମେ ବବିସଡ଼ବକ୍‌ତାମନ୍‌ର ମସ୍‌ନେ ସମାଦି ତିଆର୍ କରଡେରଇସା, ମାତର୍ ତମର୍ ଆନିଦାଦିମନ୍ ସେମନ୍‌କେ ମରାଇରଇଲାଇ ।

୪୮ ତେବେ ତମର୍ ଆନିଦାଦିମନ୍‌ର ଦରମ୍ କରମ୍ ବିସଇର୍ ତମେ ସାକି ଆଟାସ୍ । ଆରି ସେଟା ମାନ୍‌ଲାସ୍ନି କାଇକେବଇଲେ ସେମନ୍ ସିନା ବବିସଡ଼ବକ୍‌ତାମନ୍‌କେ ମରାଇରଇଲାଇ, ମାତର୍ ତମେ ସେମନ୍‌ର ସମାଦିର୍ କାମ୍ ତିଆର୍ କଲାସ୍ନି ।

୪୯ ତେବେ ପର୍ମେସର୍ ମିସା ନିଜର୍ ବୁଦିରେ କଇଲାଆତେ, ମୁଇ ବବିସଡ଼ବକ୍‌ତାମନ୍‌କେ ଆରି କବର୍ ନେଉମନ୍‌କେ ସେମନ୍‌ର ଲଗେ ପାଟାଇବି । ସେମନ୍‌ର ବିତ୍ତରେ କେଡେଲକ୍‌କେ ସେମନ୍ ମରାଇବାଇ ଆରି କେଡେଲକ୍‌କେ ନିନ୍ଦାକରି କସ୍‌ଟ ଦେବାଇ ।

୫୦ ସେଟାର୍ପାଇ ଜଗଡ଼ ତିଆର୍ଅଇଲାଟାନେଅନି, ଏବଲର୍ ବେଲେଅନି ଆରାମ୍ କରି ବର୍କିଆର୍ ପ ଜିକରିୟର୍ ଜାକ, ଜାକେ କି ତମେ ମନ୍ଦିର୍ ଆରି ବେଦିର୍ ମଜାଇ ମରାଇରଇଲା ଜେଡକି ବବିସଡ଼ବକ୍‌ତାମନ୍‌କେ ମରାଇଆଟାସ୍ ସେ ସବୁ ଡଣ୍ଡ ଏ ଆଜିକାଲିର୍ ଲକ୍ମନ୍ ପାଇବାର୍ ଆତେ ।

୫୧ ସେ ସବୁର୍ ମୁଲିଅ, ଏବର୍ ଲକ୍ମନ୍‌ର ଟାନେଅନି ନିଆ ଅଇସି ।”

☆ ୧୧:୩୩ ମାତିଉ ୫:୧୫; ମାର୍କ ୪:୨୧; ଲୁକ୍ ୮:୧୭

୫୨ “ଅଇରେ, ଦରମ୍ପଗୁରୁମନ୍ ! ତମର ଉପରେ ଗଟେକ୍ ବଡ଼ ଡ଼ଣ୍ଡ ଲାଦିଅଇସିବେ ! କାଇକେବଇଲେ, ତମେ ପରମେସରର ଗିଆନର୍ କାପାଟ୍ ଡାବିଦେଇ ଆଚାସ୍ । ନିଜେ ପରମେସରର ଗିଆନଟାନେ ନ ଜାଇକରି ତେଇ ଜିବାକେ ମନକଲା ଲକ୍ମନକେ ମିସା ବାଦାଦେଲାସ୍ ।”

୫୩ ଆରି ଜିସୁ ତେଇଅନି ବାରଇଗାଲାପଚେ, ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି ଡାଟ୍‌ସଙ୍ଗ୍ ଜିସୁକେ ବିରଦ୍ କରବାକେ ଆରାମ୍ କଲାଇ ।

୫୪ ଡାଟ୍‌ଟାନେଅନି ବୁଲ୍ ଦାରବାକେ କାଇ କାଇ ପରସନ୍ ପାଟାର୍‌ବାର୍ ଦାରଲାଇ ।

୧୨

ପାରୁସିମନ୍‌ର ପାରା ଉଆନାଇ

(ମାତିଉ ୧୦:୨୭-୨୭)

୧ *ଏଡ଼କି ବିତ୍ତରେ ଅଜାର୍ ଅଜାର୍ ଲକ୍ ଟୁଲ୍‌ଅଇକରି, ତାକର୍ ତାକର୍ ବିତ୍ତରେ ମାଣ୍ଡାଚୁଣ୍ଡା ଅଇଜାଇତେ ରଇଲାଇ, ସେଡ଼କିବେଲେ ଜିସୁ ପରତୁମ୍ ନିଜର୍ ସିସ୍‌ମନ୍‌କେ କଇବାର୍ ଦାରଲା, “ପାରୁସିମନ୍‌ କମିର୍ ପାରା କପଟ୍ ତେଇଅନି ଜାଗରଡ଼ ଅଇରୁଆ ।

୨ *ଡାବିଅଇରଇବା ସବୁ ବିସଇ ଜାନାପଡ଼ସି, ଆରି ଲୁଚିରଇବା ବିସଇ ସବୁ ଦେକାଅଇସି ।

୩ ତେବର୍‌ପାଇ, ତମେମନ୍ ଜନ୍ ଜନ୍‌ଟା ଆନ୍ଦାରେ କଇଆଚାସ୍, ସେ ସବୁଜାକ ଉଜଲେ ସୁନ୍‌ବାଇ, ଆରି ଜନ୍ ଜନ୍‌ଟା ବିତର୍‌ଗରେ, କେ ନ ସୁନ୍‌ତେ କଇଆଚାସ୍, ସେଟା ଗରର୍ ଚାନିଉପ୍‌ରେ ଅନି ସୁନାଇଅଇସି ।”

ପରମେସରକେସେ ଡରା

(ମାତିଉ ୧୦:୨୮-୩୧)

୪ “ମାତର୍ ତମେ ମର୍ ମଇତର୍, ତମକେ ମୁଇ କଇଲିନି, ଜନ୍ ଲକ୍‌ମନ୍ ଗାଗଡ଼କେ ମରାଇବାଇ, ମାତର୍ ଡାଟ୍‌ପଚେ ତମର୍ ଆଡ଼ମାକେ କାଇଟା କରନାପାରଡ଼, ସେମନ୍‌କେ ଡରାନାଇ ।

୫ ମାତର୍ କାକେ ଡରସା, ସେଟା ମୁଇ ତମକେ ଜାନାଇବି, ମରାଇଲାପଚେ ନରକେ ପିଙ୍ଗ୍‌ବାକେ ଜାର୍ ଅଦିକାର୍ ଆଚେ, ତାକେ ଡରା, ଓଁ ମୁଇ ତମକେ ସଡ଼ କଇଲିନି, ପରମେସରକେ ଡରା ।

୬ “ପାଁଟ୍‌ଟା ଚେଟିଆ ଚଡ଼ଇ କାଇ ଅଲପ୍ ଡାବୁକେ ବିକା ନଅଏ କି ? ଏଲେ ମିସା ସେମନ୍‌ର ବିତ୍ତରେଅନି ଗଟେକ୍‌କେ ମିସା ପରମେସର ନ ପାସ୍‌ରେ ।

୭ ମାତର୍ ତମର୍ ମୁଣ୍ଡର୍ ସବୁ ଚେଣ୍ଡି ମିସା ଏଜା ଅଇଲାଆଚେ । ଡରାନାଇ, ତମେମନ୍ କେଡେକ୍ କେଡେକ୍ ଚେଟିଆ ଚଡ଼ଇର୍ ଟାନେଅନି ମୁକିଅ ।”

ଜିସୁକେ ନାମି କରି ଚାଡ଼ବାଟା

(ମାତିଉ ୧୦:୩୨-୩୩; ୧୨:୩୨; ରମିୟ ୧୦:୯-୧୦)

୮ “ଆରି ମୁଇ ତମକେ କଇଲିନି, ଜେ ଜଦି ମକେ ଲକ୍‌ମନ୍‌ର ମୁଆଟେ ନାମ୍‌ସି ଆରି ବିସ୍‌ବାସ୍ କରସି, ପରମେସର ପାଟାଇରଇବା ନରପିଲା ମୁଇ ମିସା ପରମେସରର୍ ଦୁଡ଼ମନ୍‌ର ମୁଆଟେ ତାକେ ନାମ୍‌ବି ।

୯ ମାତର୍ ଜେ ଲକ୍‌ମନ୍‌ର ମୁଆଟେ ମକେ ନ ନାମି, ବିସ୍‌ବାସ୍ ନ କରେ, ତାକେ ପରମେସରର୍ ଦୁଡ଼ମନ୍‌ର ମୁଆଟେ ମୁଇ ଇନ୍ କରବି ।”

୧୦ *ଆରି ଜେ ପରମେସର ପାଟାଇରଇବା ନରପିଲାର୍ ବିରୁଦେ କଇଲେ, ତାକେ କେମା ଦିଆଅଇସି, ମାତର୍ ଜେ ସୁକଲ୍ ଆଡ଼ମାର୍ ବିରୁଦେ କଇସି, ତାକେ କେମା ନ ଦିଆଅଏ ।

୧୧ *ଆରି ଜେଡେବେଲେ ସେମନ୍ ତମକେ ଜିଉଦି ଲକ୍‌ମନ୍‌ର ପାର୍‌ତନା ଗରେ, ସାସନ୍ କରବା ଲକ୍‌ମନ୍‌ରଟାନେ କି ବିନ୍ ବିନ୍ ଅଦିକାରି ମନର୍‌ଟାନେ ବାନ୍ଦିନେଲେ, ସେଡ଼କିବେଲେ କାଇଟାବଲି କଇସା, ସେ ବିସଇ ନେଇକରି ଚିତ୍ରା କରାନାଇ ।

୧୨ କାଇକେବଇଲେ କାଇଟା କଇବାକେ ଅଇସି, ସେବେଲାଇ ସୁକଲ୍‌ଆଡ଼ମା ତମକେ ସିକାଇସି ।”

ବକୁଆ ସାଉକାରର୍ କାତା

୧୩ ଲକ୍‌ମନ୍‌ର ଗଅଲି ବିତ୍ତରେଅନି ଗଟେକ୍ ଲକ୍ ଜିସୁକେ କଇଲା, “ଏ ଗୁରୁ, ମର୍ ବାବାର୍ ସଁପତି ବାଗ୍‌ବାଟା କରବାକେ ମର୍ ବାଇକେ କୁଆ ।”

୧୪ ଏଟା ସୁନି ଜିସୁ ତାକେ କଇଲା, “ଏ ମଇତର୍, ତମର୍ ବିତ୍ତରେ ନିଆଇ କରବାକେ ଆରି ଦନ୍‌ସଁପତି ବାଗ୍‌ବାଟା କରଦେବାକେ ମକେ କେ ଅଦିକାର୍ ଦେଲାଆଚେ ?”

୧୫ ଆରି ଜିସୁ ସେମନ୍‌କେ କଇଲା, “ଜାଗରଡ଼ା, ସବୁରକାମର୍ ଲବ୍ କରବାଟାନେଅନି ନିଜେ ନିଜେ ଦୁରେ ରୁଆ । କାଇକେବଇଲେ ଗଟେକ୍ ଲକ୍‌ର ଜିବନ୍‌ଟାନେଅନି ଦନ୍‌ସଁପତି ବଡ଼ ବିସଇ ନଏ ।”

☆ ୧୨:୧ ମାତିଉ ୧୭:୬; ମାର୍କ ୮:୧୫ ☆ ୧୨:୨ ମାର୍କ ୪:୨୨; ଲୁକ୍ ୮:୧୭ ☆ ୧୨:୧୦ ମାତିଉ ୧୨:୩୨; ମାର୍କ ୩:୨୯ ☆ ୧୨:୧୧ ମାତିଉ ୧୦:୧୯,୨୦; ମାର୍କ ୧୩:୧୧; ଲୁକ୍ ୨୧:୧୪,୧୫

୧୬ ଆରି ସେ ଲକ୍ଷ୍ମୀନକେ ଗଟେକ୍ ଉଦାଅରନ୍ ଦେଇ କଇଲା, ଗଟେକ୍ ସାଉକାରକେ ତାର୍ ଜମିଟାନେଅନି ବେସି ତାସ୍ ପାବ୍ଲା ।

୧୭ ସେ ଲକ୍ଷ୍ମୀ ମନେ ମନେ ବାବ୍ନାକରି କଇଲା, “କାଇଟା କରବି ? ମର୍ କାଦି ଆନି ସଙ୍ଗାଇବାକେ ଜାଗାନାଇ ।”

୧୮ ଆରି ସେ କଇଲା, “ଏନ୍ତାରି କରବି, ମର୍ କାଦି ସଙ୍ଗାଇବା ଗରର୍ କତି ବାଙ୍ଗାଇକରି ବଡ଼ ବଡ଼ କରି ତିଆରକରବି ଆରି ତେଇ ମର୍ ସବୁ କାଦିକଣ୍ଡା ଜାଗରଡ଼ କରି ସଙ୍ଗାଇବି ।

୧୯ ଆରି ମର୍ ଜିବନ୍କେ କଇବି, ର ଜିବନ୍, ତରପାଇବଲି ବେସି ବରସର୍ କାଦିକଣ୍ଡା ସଙ୍ଗାଇ ଅଇଲାଆଚେ, ପୁଣ୍ଡ, କାଆ ଆରି ଆରାମ୍ବଙ୍ଗ ର ।”

୨୦ ମାତର୍ ପର୍ମେସର୍ ତାକେ କଇଲା, “ଏରେ ବକ୍ତୁଆ ଜଦି ଆଜି ରାତି ପର୍ମେସର୍ ତର୍ ଜିବନ୍ ମାଙ୍ଗସି ବଇଲେ, ତୁଇ ତରପାଇ ଜେଡ଼କି ସଙ୍ଗାଇଆରୁସ୍, ସେ ସବୁ କାରଟା ଅଇସି ?

୨୧ ଜେ ନିଜରପାଇ ଦନ୍ ଜତନ୍ କରି ସଙ୍ଗାଇସି, ସେ ପର୍ମେସରର୍ ମୁଆଟେ ସାଉକାର ନଏଁ, ତାରପାଇ ଏନ୍ତାରି ଗଟସି ।”

ମାପୁରୁଟା ଟାନେ ବିସ୍ବାସ୍ କରବାର୍

(ମାତିଉ ୬:୨୫-୩୪)

୨୨ ଜିସୁ ନିଜର୍ ସିସ୍ତମକେ କଇଲା, “ଏଟାରପାଇ ମୁଇ ତମ୍କେ କଇଲିନି, କାଇଟା କାଇକରି ଜିବନ୍ ବଞ୍ଚାଉ ଆରି ଗାଗତରପାଇ କାଇଟା ପିନ୍ଦୁ ବଲି ଚିନ୍ତା କରାନାଇ ।

୨୩ କାଇକେବଇଲେ କାଦିଟାନେଅନି ଜିବନ୍ ଆରି ବସ୍ତୁଟାନେଅନି ଗାଗଡ଼ ଆକା ମୁକ୍ତିଅ ।

୨୪ ଚତଇମନର୍ ବିସଇନେଇକରି ବାବିଦେକା, ସେମନ୍ ନ ବୁନଡ଼ କି ନ କାଟଡ଼, ଆରି ସେମନର୍ ବାଣ୍ଟାରଗର୍ କି କାଦି ସଙ୍ଗାଇବା ଆମାର୍ ଗର୍ ନାଇ । ଅଇଲେ ମିସା ମାପୁରୁ ସେମନ୍କେ କାଦି ଜାଗାଇଦେଇସି । ତମେ ଚତଇମନର୍ ଟାନେଅନି କେତେକ୍ ଅଦିକାରର୍ ଲକ୍ ।

୨୫ ତମର୍ ବିଡ଼ରେ ଏନ୍ତାରିଲକ୍ ନ ରଅଡ଼, ଜେ କି ଚିନ୍ତାକରି ତାର୍ କଣ୍ଡେକ୍ ମିସା ଆଇସ୍ ବଡ଼ାଇ ପାରସି ।

୨୬ ତେବରପାଇ ତମେମନ୍ ଗଟେକ୍ ସାନ୍ ବିସଇ ମିସା କରିନାପାରୁଲାସିନି ବଇଲେ ବଡ଼ ବଡ଼ ବିସଇ କାଇକେ ଚିନ୍ତା କଲାସିନି ?

୨୭ ପୁଲ୍ମନର୍ ବିସଇ ବାବିଦେକା, ସେମନ୍ କେନ୍ତ୍ର ପୁଟ୍ଲାଇନି, ସୁତା ନ କାଟଡ଼ କି ଲୁଗା ନ ବୁନଡ଼ । ଏଲେମିସା ମୁଇ ତମ୍କେ କଇଲିନି, ସବୁଟାନେଅନି ମଆନ୍ ଆରି ଦନି ରାଜା ସଲ୍ମନ୍ ମିସା ସେ ପୁଲ୍ମନର୍ ବିଡ଼ରେଅନି ଗଟେକ୍ ପୁଲ୍ମର୍ ଏଡ଼କି ସଜାଇ ନ ଅଇରଇଲା ।

୨୮ ଆଜି ଜନ୍ ଗାଁସ୍ ପଦାଇ ଆଚେ, କାଲିକେ ସେଟା ରୁଣ୍ଡାଇ ଜଇ ଲାଗାଇବାଇ । ସେଟାକେ ପର୍ମେସର୍ ଏନ୍ତାରି ବେସ୍ ଦେଲାନି ବଇଲେ, ଏ ଅଲପ୍ ବିସ୍ବାସ୍ କରବା ଲକ୍ଷ୍ମୀନ୍, ସେ ତମ୍କେ ପିନ୍ଦୁବାକେ କେତେକ୍ ଅଦିକ୍ ଦେଇସି !”

୨୯ “ଆରି କାଇଟା କାଇବୁ ? ବଲି ଚିନ୍ତାକରି ଲାଗିରୁଆନାଇ,

୩୦ କାଇକେବଇଲେ ପର୍ମେସର୍କେ ନାଜାନ୍ଲା ଲକ୍ଷ୍ମୀନ୍ ଏ ସବୁ ବିସଇ କଜିବୁଲୁବାଇ । ମାତର୍ ଏ ସବୁ ବିସଇ ତମ୍କେ ଦରକାର୍, ସେଟା ତମର୍ ବାବା ଜାନିରଇସି ।

୩୧ ମୁଇ କଇଲିନି ତମେ ପର୍ମେସରର୍ ସରଗ୍ ରାଇଜ୍ କଜା, ଆରି ଏ ସବୁ ବିସଇ ସେ ତମ୍କେ ଦେଇସି ।”

ସରଗ୍ ରାଇଜେ ଦନ୍

(ମାତିଉ ୬:୯-୨୧)

୩୨ ଏ ଉନା ମେଣ୍ଡୁରାସି, ତରାନାଇ, କାଇକେବଇଲେ ତମର୍ ବାବା ତମ୍କେ ତାର୍ ରାଇଜ୍ ଦେବାକେ ମନ୍କଲାଆଚେ ।

୩୩ ତମ୍କେ ଜନ୍ ଜନ୍ଟା ଆଚେ, ସେଟା ବିକିଦେଇ ଗରିବ୍ମନ୍କେ ଦାନ୍ କରା । ଜନ୍ଟା କି କେବେ ନ ସାରେ, ନିଜର୍ ନିଜରପାଇ ଏନ୍ତାରି କାଣା ନ ଅଇବା ବେସି ତିଆରକରା । ଜନ୍ଟାନେ ତର୍ ନ ଆସେ କି କିଡାମନ୍ ମିସା ନ ନସାଅଡ଼ । ସରଗେ ଏନ୍ତାରି ନ ସାରବା ଦନ୍ ସଙ୍ଗାଇରୁଆ ।

୩୪ କାଇକେବଇଲେ ଜନ୍ଟାନେ ତମର୍ ଦନ୍, ତେଇସେ ତମର୍ ମନ୍ ।

ତରିକ୍ନା ରଇବା ଗତି ଦାଙ୍ଗଡ଼ା

୩୫ ☆“ତମର୍ ଆଟର୍ ତୁଆଲ୍ ବାନ୍ଧିଅଇ ସେବା କରବାକେ ଜାଗିରୁଆ, ଆରି ବଡ଼ି ଲାଗ୍ତେରଅ ।

୩୬ ☆ ମାପୁରୁ ବିବା ବଜିଟାନେଅନି ବାଉଡ଼ିଆସି କାପାଟେ ବାଜାଉ ବାଜାଉ ଜନ୍ଲକ୍ଷ୍ମୀନ୍ ଦାପୁରେ କାପାଟ୍ ଉଗାଡ଼ବାକେ ଜାଗିରଇବାଇ, ତମେ ସେମନର୍ପାରା ଅଇରୁଆ ।

୩୭ ମାପୁରୁ ଆସି ଜନ୍ ଦାଙ୍ଗଡ଼ାମନ୍କେ ଜାଗରଡ଼ ରଇବାଟା ଦେକ୍ସି, ସେମନ୍ କେତେ ନିକ କରମର୍ ଲକ୍ । ମୁଇ ତମ୍କେ ସଡ଼ କଇଲିନି, ସେ ନିଜର୍ ଆଁଟାଇ ତୁଆଲ୍ ବାନ୍ଧିକରି, ସେମନ୍କେ କାଇବାକେ ବସାଇ, ତାକର୍ଲଗେ ଜାଇ ସେବାକରସି ।

☆ ୧୨:୩୫ ମାତିଉ ୨୫:୧-୧୩ ☆ ୧୨:୩୬ ମାର୍କ ୧୩:୩୪-୩୬

୩୮ ଆରି ସେ ଜଦି ମଜାରାତି କି କୁକ୍ତାତାକେ ମିସା ଆସି ସେମନ୍‌କେ, ସେନ୍ତାରି ରଇବାଟା ଦେକ୍‌ସି, ସେନ୍ତାରିଆଲେ ସେ ଦାଙ୍ଗ୍‌ତାମନ୍ କେଡେ ନିକ କରମର୍ ଲକ୍ ।

୩୯ *ମାତର୍ ଏଟା ଜାନିରୁଆ, କେଡେବେଲେ ଚର୍ ଆଇସି, ଏଟା ଗରର୍ ସାଉକାର୍ ଜେବେ ଜାନସି, ସେନ୍ତାରିଆଲେ ସେ ନିଜର୍ ଗରର୍ ପେଡି ବାଙ୍ଗାଲବାକେ ନ ଦେଏ ।

୪୦ ତମେ ମିସା ଜାଗରଡ଼ଅଇ ରୁଆ, କାଲକେବଇଲେ, କେବେ ତମେ ବାବି ନ ରୁଆସ୍, ସେ ବେଲେ ପର୍‌ମେସର୍ ପାଟାଲରଇବା ନର୍‌ପିଲା ମୁଇ ଆଇବି ।”

ବିସ୍‌ବାସ୍ କର୍‌ବା ଗତି ଦାଙ୍ଗ୍‌ତା କି ବିସ୍‌ବାସ୍ ନକର୍‌ବାଟା
(ମାତିଉ ୨୪:୪୫-୫୧)

୪୧ ସେଟାସୁନି ପିତର୍ କଇଲା, “ଏ ମାପ୍‌ରୁ ତମେ ଆମ୍‌କେସେ କି ସବୁଲକ୍‌କେ ଏନ୍ତାରି କାତା ଦେକାଇ କଇଲାସିନି ?”

୪୨ ଜିସୁ କଇଲା, “ବିସ୍‌ବାସେ ରଇବା ଲକ୍ ଆରି ବୁଦିମାନ୍ ଲକ୍ କେ ଆତଡ଼ ? ତାକେ ସେ ସାଉକାର୍ ଗର୍ ଚାଲାଇବା ଦାଇଡ଼ ଦେଇସି । ସେ ସମାନ୍ ବେଲାଇ ବିନ୍ ଦାଙ୍ଗ୍‌ତାମନ୍‌କେ କାଦି ଜାଗାଇ ଦେଇସି ।

୪୩ ସାଉକାର୍ ଆସି, ତାର୍ ନିଜର୍ ଦାଙ୍ଗ୍‌ତା ଏନ୍ତାରି କର୍‌ବାଟା ଦେକ୍‌ସି ବଇଲେ ସେ କେଡେ ନିକ କରମର୍ ଲକ୍ ।

୪୪ ମୁଇ ତମ୍‌କେ ସଡ଼ କଇଲିନି, ସେ ତାକେ ନିଜର୍ ସବୁର୍ ଉପ୍‌ରେ ଅଦିକାର୍ ଦେଇସି ।

୪୫ ଜଦି ସେ ଦାଙ୍ଗ୍‌ତା, ମର୍ ସାଉକାର୍ ଆଇବାଟା ଅଲ୍‌ସମ୍ ଅଇସି ବଲି ମନେକରି, ମାଡୁଆଲ୍ ଅଇ ବିନ୍ ଦାଙ୍ଗ୍‌ତାମନ୍‌କେ ଲାଗ୍‌ମାର୍ କର୍‌ବାର୍ ଆରାମ୍ କର୍‌ସି,

୪୬ ସେନ୍ତାରିଆଲେ ଜନ୍ ଦିନେ ସେ ଜାଗି ନ ରଏ, ଆରି ସେ କେଡେବେଲେ ଆଇବାଟା ଜାନି ନ ରଏ, ସେ ସାଉକାର୍ ଆସି ତାକେ ବେସି ବଡ଼ ଡଣ୍ଡ ଦେଇସି । ଆରି ବିସ୍‌ବାସ୍ ନ କର୍‌ବା ଲକ୍ ସଙ୍ଗ୍ ମିସାଇ ଦେଇସି ।”

୪୭ “ଆରି ଜନ୍ ଦାଙ୍ଗ୍‌ତା ନିଜର୍ ସାଉକାର୍ ମନ୍ ଜାନିକରି ଜାଗରଡ଼ ନ ଅଇରଏ, କି ସାଉକାର୍ ମନ୍‌କଲା ଇସାବେ ପାଇଟି ନ କରେ, ତାକେ କର୍‌ତା ସଙ୍ଗ୍ ଅପର୍‌ବଲ୍ ମାଡ଼ ଅଇସି ।

୪୮ ମାତର୍ ଜେ ତାର୍ ମନ୍‌କଲାଟା ନାଜାନିକରି, ଡଣ୍ଡିଲିବା କାମ୍ କର୍‌ବାର୍ ଦାର୍‌ସି, ତାକେ ଅଲପ୍ ମାଡ଼ ଅଇସି । ଜନ୍ ଲକ୍‌କେ ଅଦିକ୍ ଦିଆଅଇରଇସି, ତାକେ ଅଦିକ୍ ଦାବି କରାଅଇସି । ଆରି ଲକ୍‌ମନ୍ ତାକେ ଜାର୍‌ଲଗେ ଅଦିକ୍ ସର୍‌ପି ଦେଲାଇଆତଡ଼, ଅଦିକ୍ ଅଦିକ୍ ଦାବି କର୍‌ବାଇ ।”

ଜିସୁର୍ ଲାଗି ବାଗ୍ ବାଗ୍ ଅଇବାଟା

୪୯ ଜିସୁ କଇଲା, “ମୁଇ ଏ ଦୁନିଆଇ ଜଇ ଲାଗାଇବାର୍ ଆଇଲିଆତି । ସେଟା ଜଦି ଲାଗ୍‌ବାକେ ଆରାମ୍ ଅଇଲାନି, ସେନ୍ତାରିଆଲେ ମୁଇ ମନ୍‌କଲାଟା ପୁରାପୁରୁନ୍ ଅଇଗାଲାବେ ।

୫୦ *ମାତର୍ ମକେ ଆରି ଗଟେକ୍ ଡୁବନେ ଡୁବନ୍ ନେବାକେ ପଡ଼୍‌ସି, ଆରି ସେଟା ନ ସାର୍‌ବାଜାକ, ମର୍ ମନ୍‌ବିଡ଼ରେ କେନ୍ତ୍ର କସଟ ଲାଗ୍‌ଲାନି ।

୫୧ ଜଗତେ ସାନ୍ତି ଦେବାକେ ଆସିଆତେ ବଲି ତମେ କାଇ ମକେ ବାବ୍‌ଲାସିନି କି ? ନାଇ ମୁଇ ସାନ୍ତି ଆନ୍‌ବାକେ ନାଇ, ମାତର୍ ବିଚାର୍‌ନା କର୍‌ବାକେ ଆସିଆତି ।

୫୨ ଏବେଅନି ଗଟେକ୍ ଗରେ ପାର୍ ଲକ୍ ରଇଲେ, ଦୁଇଲକ୍‌ର୍ ବିରୁଦେ ତିନ୍‌ଲକ୍ ଆରି ତିନ୍‌ଲକ୍‌ର୍ ବିଡ଼ରେ ଦୁଇ ଲକ୍ ବାଗ୍ ଅଇବାଇ ।

୫୩ ପଅର୍ ବିରୁଦେ ବାବା, ବାବାର୍ ବିରୁଦେ ପଅ, ଜିଇର୍ ବିରୁଦେ ମା, ମାଆର୍ ବିରୁଦେ ଜିଇ, ବୁଆରିର୍ ବିରୁଦେ ସାଡ଼ରି, ସାଡ଼ରିର୍ ବିରୁଦେ ବୁଆରି ବିନେ ଅଇବାଇ ।”

ବେଲା ଦେକି ଜାନ୍‌ବାଟା
(ମାତିଉ ୧୨:୨-୩)

୫୪ ଆରି ଜିସୁ ଲକ୍‌ମନ୍‌କେ କଇଲା, “ବୁଡ଼ି ଦିଗେ ବାଦଲ୍ ଚଗ୍‌ବାଟା ଦେକ୍‌ଲେ, ପାନି ଆଇସିବେ ବଲି କଇସା । ଆରି ସେନ୍ତାରି ସେ ଅଇସି ।

୫୫ ଆରି ଦକ୍‌ଶିନ୍‌ର୍ ବାଟେଅନି ପବନ୍ ମାର୍‌ବାଟା ଜାନ୍‌ଲେ କାରା ଅଇସି ବଲି କଇସା । ଆରି ସେଟା ସେନ୍ତାରି ଅଇସି ।

୫୬ ଏ କୁଟିଆଲ୍‌ମନ୍, ତମେ ଜଗତର୍ ଆରି ସରଗର୍ କାତା ଜାନି ପାଗ୍ କେନ୍ତ୍ର ଅଇସି ବଲି ଆଗ୍‌ତୁ କଇଲାସିନି, ମାତର୍ ଏବେ କାଇଟା ଗର୍‌ସି, ସେଟା କାଇକେ ନାଜାନ୍‌ଲାସିନି ?”

ସଡ଼ରୁ ସଙ୍ଗ୍ ମିସ୍‌ବାଟା
(ମାତିଉ ୫:୨୫-୨୬)

୫୭ “ଆରି ନିଜେ ନିଜେ କାଇକେ ଟିକ୍ ବିଚାର୍ କରାସ୍ ନାଇ ?

☆ ୧୨:୩୯ ମାତିଉ ୨୪:୪୩,୪୪ ☆ ୧୨:୫୦ ମାର୍କ ୧୦:୩୮

୫୮ ଜଦି ତମର ବିରଦିସଙ୍ଗ ବିଚାରକାରିଆରଲଗେ ଗାଲାସ୍‌ନି, ମଜାବାଟେ ତାରସଙ୍ଗ ବୁଜାମାନା ଅଇବାକେ ଚେସ୍‌ଟା କରା । ନଇଲେ କେତେବେଲେ ସେ ତମକେ ବିଚାରକାରିଆର୍ ଟାନେ ଜିକିନେଇସି, ବିଚାରକାରିଆ ସନିଅମନର୍ ଆତେ ସରପଦେଇସି, ସନିଅମନର୍ ତମକେ ବନ୍ଦି ଗରେ ନେଇ ପୁରାଇଦେବାଇ ।”

୫୯ ମୁଇ ତମକେ କଇଲିନି, “କେନ୍ଦ୍ରିକଲେ ମିସା ସବୁ ତାରୁ ନ ସୁଜ୍‌ବାଜାକ ସେ ଜାଗାଇଅନି ବାରଇ ଆସିନାପାରାସ୍ ।”

୧୩

ନିଜର୍ ପାପକାମେଅନି ବାଉଡା, ନଇଲେ ମର୍ସା

୧ ଗାଲିଲିଅନି କେତେ ଲକ୍ ଆସି ପାର୍ତନା ଗରେ ବଲି ଦେଇତେରଇଲାବେଲେ ପିଲାଡ଼ ତାର ସଇନମନକେ ପାଟାଇ ଗାଲିଲିଅ ମନକେ ମରାଇଲା । ତେଇ ମଲାଲକର୍ ବନି ପୁଜ୍‌ଲା ପସୁର୍ ବନି ସଙ୍ଗ ମିସ୍‌ଲା । ଏ ବିସଇ କେତେଲକ୍ ଆସି ଜିସୁକେ ଜାନାଇଲାଇ ।

୨ ତେଇ ଜିସୁ ସେମନକେ କଇଲା, “ଏ ସବୁ କସ୍‌ଟ ପାଇବାକେ, ଏ ଗାଲିଲିୟମନ୍ ବିନ୍ ସବୁ ଗାଲିଲିୟମନର୍ ଟାନେଅନି ଅଦିକ୍ ପାପ କଲାଇ ଆତଡ଼ ବଲି ବାବଲାସ୍‌ନି କି ?

୩ ମୁଇ ତମକେ କଇଲିନି, ଜେତେବେଲେ ଜାକ ପାପେଅନି ମନ୍ ନ ବାଦ୍‌ଲାଆସ୍, ତମେ ସବୁ ଲକ୍ ସେନ୍ତାରି କୁରୁପ୍‌ନାସ୍ ଅଇଜାଇସା ।

୪ ନଇଲେ ସିଲଅତେଇ ରଇଲା ଜନ୍ ଅର୍‌ର ଲକର୍ ଉପରେ ବଡ଼ ଗର୍ ଅଦ୍‌ରି ମରିଜାଇ ରଇଲା, ସେମନ୍ ତେବେ ? ତମେ ସେମନକେ ଜିରୁସାଲାମର୍ ବିନ୍ ଲକ୍‌ମନର୍ ଟାନେଅନି ଅଦିକ୍ ପାପ କଲାଇ ଆତଡ଼ ବଲି ବାବଲାସ୍‌ନି କି ?

୫ ନାଇ, ମୁଇ ତମକେ କଇଲିନି, ପାପେଅନି ମନ୍ ନ ବାଦ୍‌ଲାଲେ ତମେସବୁ ଲକ୍ ସେନ୍ତାରି କୁରୁପ୍‌ନାସ୍ ଅଇଜାଇସା ।”

ପଲ୍ ନ ପଲ୍‌ବା ତୁମ୍‌ରି ଗଟର୍ କାତା

୬ ଆରି ଜିସୁ ଏ କାତାନି କଇଲା, ଗଟେକ୍ ଲକର୍ ଅଙ୍ଗୁର୍ ବାତେ ଗଟେକ୍ ତୁମ୍‌ରି ଗଟ୍ ରପିରଇଲା । ସେ ସାଉକାର୍ ଆସି ତେଇ ପଲ୍ କଜ୍‌ଲା, ମାତର୍ ମିଲେନାଇ ।

୭ ସେଟାର୍‌ପାଇ ସାଉକାର୍ ଅଙ୍ଗୁର୍ ବାତର୍ ଜାଗୁଆଲ୍‌କେ କଇଲା, “ଦେକା, ଏଟା ତିନ୍ ବରସ୍ ଅଇଲା ମୁଇ ଆସି ଏ ତୁମ୍‌ରି ଗଟେ ପଲ୍ କଜ୍‌ଲିନି ମାତର୍ ମିଲାଇ ନାଇ, ଏଟା କାଟି ପାକା । ଏଟା କାଇକେ ବେକାର୍ ମାଟିକେ ମିସା କାରାପ୍ କର୍‌ସି ?”

୮ ମାତର୍ ଜାଗୁଆଲ୍ ସାଉକାର୍‌କେ କଇଲା, “ସାଉକାର୍ ଏଟାକେ ବର୍‌ସେକ୍ ମିସା ଚାଡ଼ିଦେଉଁ, ମୁଇ ଏ ବିଡ଼ରେ ଗଟର୍ ଚାରିବେଡ଼ି କୁନିକରି କଡ଼ ଦେବି,

୯ ତାର୍ ପଟେ ଜଦି ପଲ୍ ଦାର୍‌ଲେତା ନିକ, ନଇଲେ ତାକେ କାଟି ପାକାଉଁ ।”

ଜିସୁ ବିସ୍‌ରାମ୍‌ବାରେ ଗଟେକ୍ କୁବ୍‌ଡି ମାଇଜିକେ ନିକ କଲା

୧୦ ତରେକ୍ ଜିସୁ ବିସ୍‌ରାମ୍‌ବାରେ ଗଟେକ୍ ପାର୍ତନା ଗରେ ସିକିଆ ଦେଇତେରଇଲା ।

୧୧ ତେଇ ଗଟେକ୍ ମାଇଜି ରଇଲା । ତାକେ ତୁମା ଦାରି ଅର୍‌ର ବରସ୍ ଜାକ କୁବ୍‌ଡି ଅଇରଇଲା । ସେ ବିଲ୍‌କୁଲ୍ ସିଦା ଅଇ ଇଣ୍ଡି ନାପାର୍‌ତେ ରଇଲା ।

୧୨ ଜିସୁ ତାକେ ଦେକି ଲଗେ ଡାକି କଇଲା, “ଏ ନିନି ତକେ ମୁଇ, ଏ କୁବ୍‌ଡି ରଗେଅନି ନିକ କଲିନି ।”

୧୩ ଜିସୁ ସେ ମାଇଜିର୍ ଉପରେ ଆଡ଼ ସଙ୍ଗଇଲା । ସେ ମାଇଜି ସେ ଦାପ୍‌ରେସେ ସଲକ୍ ଅଇ ପର୍‌ମେସର୍‌କେ ମଇମା କର୍‌ବାର୍ ଲାଗଲା ।

୧୪ ଜିସୁ ବିସ୍‌ରାମ୍‌ଦିନେ ସେ ମାଇଜିକେ ନିକ କଲାଟା ଦେକି ଜିଉଦିମନର୍ ପାର୍ତନା ଗରର୍ ମୁକିଆ ବେସି ରିସା ଅଇଗାଲାଇ । କାଇକେ ବଇଲେ ଲକ୍‌ମନକେ ନିକ କର୍‌ବାଟା ଗଟେକ୍ କାମ୍ ବଲି ଜିଉଦି ଲକ୍‌ମନ୍ ବାବ୍‌ତେ ରଇଲାଇ । ସେଟାର୍ ପାଇ ପାର୍ତନା ଗରର୍ ମୁକିଅ କଇଲା, “ଗଟେକ୍ ଆଟେ କାମ୍ କର୍‌ବାକେ ତଅ ଦିନ୍ ଆଟେ, ସେ ଦିନ୍ ମନକେ ତମେ ନିକ ଅଇବାକେ ଆସା । ମାତର୍ ବିସ୍‌ରାମ୍‌ବାରେ ନିକ ଅଇବାକେ କେବେ ମିସା ଆସାନାଇ ।”

୧୫ ମାତର୍ ଜିସୁ ତାକେ ଆରି ତେଇ ରଇଲା ଲକ୍‌ମନକେ କଇଲା, “ଏ କୁଟିଆଲ୍‌ମନ୍ ! ତମେ ତମର୍ ଗରୁମନକେ ମେଲି ପାନି କୁଆଇବାକେ ନିଆସ୍ ନାଇ କି ? ସେଟା ମିସା ଗଟେକ୍ କାମ୍‌ସେ ।”

୧୬ “ମୁଇ ତାକେ ନିକ କଲି ଆଟି । ଏ ମାଇଜି ଅବ୍‌ରାଆମ୍‌ର୍ କୁଟୁମର୍ ଲକ୍ । ସଇତାନ୍ ତାକେ ଅର୍‌ର ବରସ୍ ଜାକ ଦାରି ରଇଲା । ସେ ମାଇଜି ବିସ୍‌ରାମ୍‌ ବାରେ ନିକ ଅଇବାଟା ଟିକ୍ ନର୍‌ କି ?”

୧୭ ଜିସୁ କଇଲା କାତା ସୁନି ତାର୍ ବିରଦି ଲକ୍‌ମନ୍ ଲାଜ୍ ଅଇଲାଇ । ମାତର୍ ବିନ୍ ଲକ୍‌ମନ୍ ସେ କର୍‌ବା ସବୁ କାବାଅଇଜିବା କାମ୍ ଦେକି ସାର୍‌ଦା ଅଇଗାଲାଇ ।

ସର୍‌ସୁ ମୁଞ୍ଜିର୍ ଉଦାଅରନ୍ (ମାଡ଼ିଉ ୧୩:୩୧-୩୨; ମାର୍କ ୪:୩୦-୩୨)

୧୮ ତାର୍ ପଟେ ଜିସୁ କଇଲା, “ପର୍‌ମେସରର୍ ରାଇଜ୍ କେନ୍ତାଟା, ଆରି ମୁଇ କାଇଟା ସଙ୍ଗ୍ ସେଟା ସମାନ୍ କର୍‌ବି ?

୧୯ ପର୍ଯ୍ୟନ୍ତ ରାଜା ଗଣେକ ବଡ଼ ବର ଗରବ୍ ସାନ୍ତା ମୁଞ୍ଚି ପାରା । ଗଣେକ ଲକ୍ ଗଣେକ ସାନ୍ତା ମୁଞ୍ଚି ରପିଦେଲା । ସେ ମୁଞ୍ଚି ତେଜ ଗାଜା ଅଇ ବଡ଼ ଗର୍ପାୟା ଅଇଲା ଆରି ଚତୁର୍ଦ୍ଦଳ ଆସି ତାର କେନ୍ଦା ଗୁଡ଼ା ବାନ୍ଧିଲା ।”

କମିରର ଉଦାଅରନ୍
(ମାତିଉ ୧୩:୩୩)

୨୦ ଜିସୁ ଆରି କଇଲା, “ପର୍ଯ୍ୟନ୍ତ ରାଜା କେନ୍ଦିଟା ଆରି କାଇଟା ସଙ୍ଗ୍ ସମାନ୍ କରିଅଇସି ?”

୨୧ ସେଟା କମିର ପାରା । ଜନ୍ତା କି ଗଣେକ ମାଜି ମାନେକ୍ ଗୁଣ୍ଟାଣେ କଣ୍ଠେକ୍ କମିର ପାକାଇ ଚକଟଲା ଆରି ସାରାସାରି ସେ କମିର, ଗୁଲାଇ ଗୁଣ୍ଟା ଆମଟ୍ କରିଦେଲା ।

ଚିପୁଞ୍ଚି ବାଟେ ଜିବା ବିସଇ
(ମାତିଉ ୭:୧୩-୧୪; ୨୧:୨୩)

୨୨ ତାର ପଟେ ଜିସୁ ତାର ସିସ୍ତାମନ୍ ସଙ୍ଗ୍ ଜିରୁସାଲମେ ଗାଲାବେଲେ ଗାଉଁମନ୍ଦେ ଆରି ଗଡ଼ମନ୍ଦେ ପର୍ଯ୍ୟନ୍ତ ରାଜା ବିସଇ ସିକାଇ ଦେଲା ।

୨୩ ସେବେଲେ ଲକ୍ମନ୍ଦ ବିତ୍ରେଅନି ଗଣେକ ଲକ୍ ଜିସୁକେ କଇଲା, “ଏ ମାପୁରୁ, ଉନା ଲକ୍ମନ୍ଦେ ପାପେ ଅନି ରକିଆ ପାଇବାଇ କି ?”

ଜିସୁ ସେମନ୍ଦେ କଇଲା,

୨୪ “ଚିପୁଞ୍ଚି ଦୁଆର୍ ବାଟେ ପୁରବାକେ ଚେସ୍ଟା କରା । କାଇକେ ବଇଲେ ବେସି ଲକ୍ମନ୍ଦ ସେ ଚିପୁଞ୍ଚିବାଟଦେଇ ଜିବାକେ ଚେସ୍ଟା କରବାଇ ମାତର୍ ଜାଇ ନାପାରଟ୍ ।

୨୫ ମୁଇ ଗଣେକ ଗରବ୍ ସାଉକାର ପାରା । ଜେଡେବଲ୍ ସେ ସାଉକାର କାପାଟ୍ ଡାବି ଦେଇସି । ସେଡ଼କି ବେଲେ ତମେ ଦୁଆରେ ଚିଆ ଅଇ ରଇସା ଆରି କାପାଟ୍ ଡକ୍ ଡକ୍ କରି ଏ ମାପୁରୁ ଆମଟ୍ ପାଇ କାପାଟ୍ ଉଗାଡା ! ବଲି ଜୁଆର୍ ବିଆର୍ କରସା । ମାତର୍ ସେ କାପାଟ୍ ନ ଉଗାଡି ସେମନ୍ଦେ କଇସି, ‘ତମେ କନ୍ତିଅନି ?’ ମୁଇ ତମ୍ଦେ ମୁଲ୍ଦେ ନାଜାନି ।

୨୬ ମାତର୍ ତମେ କଇସା ‘ଏ ମାପୁରୁ ଆମେ ତମଟ୍ ସଙ୍ଗ୍ କାଇପିଇ ଅଇରଇଲୁ, ତୁଇ ଆମଟ୍ ଦୁଆର୍ ମନ୍ଦେ ସିକିଆ ଦେଇଡେରଇଲୁସ୍ ବଲି କଇସା’

୨୭ ଆରି ସେ ତମ୍ଦେ କଇସି, ତମେ କନ୍ ଜାଗାର ଲକ୍ମନ୍ ମୁଇ ତମ୍ଦେ ମୁଲ୍ଦେ ନାଜାନି, ଏ କରାପ୍ କାମ୍ କରବା ଲକ୍ମନ୍, ‘ତମେ ସବୁ ମର୍ ମୁଆଟେ ଅନି ଉଟି ଜା ।’

୨୮ ✨ଆରି ସେ ତମ୍ଦେ ପାଟାଇଦେବା ଜାଗାଇଅନି ଅବ୍ରାଆମ୍ ଇସାକ୍, ଜାକୁବ୍, ଆରି ପର୍ଯ୍ୟନ୍ତ ଗାଣେଅନି ଆସି ରଇଲା ବବିସଡ଼ ବକ୍ତାମନ୍ ରଇବାଟା ଦେକ୍ସା । ମାତର୍ ପର୍ଯ୍ୟନ୍ତ ତାର ରାଇଜେ ତମ୍ଦେ ଜାଗା ନ ଦେଏ । ଜେଡେବଲ୍ ଏଟା ଅଇସି, ସେ ବେଲା ସେଟା ଦେକି, ତମେ କାଇକାଇ କାରାପ୍ କାମ୍ମନ୍ କରି ରଇଲାସ୍ ସେଟା ସବୁ ଏତାଇ କରି ମାରିଚିଅଇ କାନ୍ଦ୍ସା ଆରି ଦାଡ଼ ମୁଣ୍ଟ କାଡ଼ି ଅଇସା ।

୨୯ ଆରି ଜିଉଦି ନଇଲା ଲକ୍ମନ୍ ଏ ଦୁନିଆର୍ ସବୁ କନ୍ଦିବିକନ୍ଦି ଅନି ଆସି ପର୍ଯ୍ୟନ୍ତ ରାଇଜେ କାଇବାକେ ବସ୍ତାଇ ।

୩୦ ✨ଆରି ଦେକା, ସାରାସାରି ରଇଲା ଲକ୍ ଆଗତୁ ଅଇବାଇ ଆରି ଆଗତୁ ରଇବା ଲକ୍ମନ୍ ପଟେ ଅଇଜିବାଇ ।”

ଜିସୁ ଜିରୁସାଲମକେ ଦେକିକରି କାନ୍ଦ୍ଲାଇ
(ମାତିଉ ୨୩:୩୭-୩୯)

୩୧ ସେଡ଼କିବେଲେ କେଡେଟା ପାରୁସି ଲକ୍ମନ୍ ଜିସୁର୍ ଲଗେ ଆସି କଇଲା, “ତମେ ଏ ଜାଗା ଚାଡ଼ି ଉଟି ଜା, କାଇକେ ବଇଲେ ଏରଦ୍ ତମ୍ଦେ ମରାଇବାକେ ମନ୍ କଲାନି ।”

୩୨ ଜିସୁ ସେମନ୍ଦେ କଇଲା, “ତମେ ଜାଇ ସେ କଲିଆପାରା ଲକ୍ମନ୍ କୁଆ, ଦେକ୍ ଆଜି ଆରି କାଲି ମୁଇ ତୁମା ଚାଡ଼ାଇଲିନି ଆରି ନିକ କଲିନି । ଆରି ପର୍ଯ୍ୟନ୍ତେ ମୁଇ ମର୍ କାବା ଅଇଜିବା କାମ୍ କଲିନି । ପର୍ଯ୍ୟନ୍ତେ ଜିଜ୍ଜନାଇ ରଇଲା ବେଲା କେଟ୍ଟା ଆଗତୁ, ମୁଇ ଏକ୍ତି କାମ୍ କରି ସାରାଇବି ।

୩୩ କାଇଟା ମିସା ଅ, ମୁଇ ଆଜି, କାଲିକେ ଆରି ପର୍ଯ୍ୟନ୍ତେ ଜାଇଡେ ରଇବାର ଆଟେ, କାଇକେ ବଇଲେ ପର୍ଯ୍ୟନ୍ତେ ଗାଣେଅନି ଆଇଲା ସବୁ ବବିସଡ଼ ବକ୍ତାମନ୍ଦେ ଜିରୁସାଲମେସେ ମରାଇଆଟ୍ ।”

୩୪ ଜିସୁ କଇଲା, “ଏ ଜିରୁସାଲମର୍ ଲକ୍ମନ୍ ! ପର୍ଯ୍ୟନ୍ତେ ତମ୍ଦେ ଗାଣେ ଜେଡ଼କି ପାଟାଇରଇଲା ବବିସଡ଼ ବକ୍ତାମନ୍ଦେ ମାରି ମରାଇଲାସ୍ ! ଆରି ପେରିଡ଼ମନ୍ଦେ ତର୍ଦେ ତର୍ ପାକ୍ନା ମାରି ମରାଇଲାସ୍ । ତେବେ ତମ୍ଦେପାଇ ମର୍ ଲଗେ ଗଣେକ କାତା ଆଟେ । ମାଇ କୁକୁଡ଼ା ଜେଡ଼ି ତାର ଚିଅମନ୍ଦେ ତେନା ତଲେ ରୁଣ୍ଡାଇସି, ମୁଇ ସେକ୍ତି କେଡେ ତର୍ ତମ୍ଦେ ରକିଆ କରବାକେ ମନ୍ କଲି । ମାତର୍ ସେକ୍ତି କରବାକେ ତମେ ନ ଦିଆସ୍ ।

☆ ୧୩:୨୮ ମାତିଉ ୨୨:୧୩; ୨୫:୩୦ ☆ ୧୩:୨୮ ମାତିଉ ୮:୧୧, ୧୨ ☆ ୧୩:୩୦ ମାତିଉ ୧୯:୩୦; ୨୦:୧୭; ମାର୍କ ୧୦:୩୧

୩୫ ଦେବା, ତମର ମନ୍ଦିର ଚାଡ଼ିଦେଇ ଆଚଡ଼ । ସେଟାର ପାଇ ପରମେସର ଏବେ ତମକେ ‘ପାରତନା ଗରୁ ଆରି ତମର ଗଡ଼ ନିଜେ ରକିଆ କରା’ ବଲି ଚାଡ଼ି ଦେଲାଆଚେ । ମୁଇ ତମକେ କଇଲିନି, ପରମେସର ଜନ୍ ଲକ୍‌କେ ଆସିରବାଦ୍ କରି ଆମର ଲଗେ ପାଟାଇଲାଆଚେ ବଲି ମର ବିସଇ ନେଇ, ତମେ ନ କଇବାଜାକ ମକେ ଦେକିନାପାରାସ୍ ।”

୧୪

ଜିସୁ ଗଟେକ୍ ରଗିକେ ନିକକଲା

୧ ତରେକ୍ ଜିସୁ ବିସରାମ୍‌ବାରେ ବଜି କାଇବାକେ ଗଟେକ୍ ପାରୁସି ନେତାର ଗରେ ଗାଲା । ଆରି ସେମନ୍ ଜିସୁକେ କାଇଆଲେ ବୁଲ୍ ଦାର୍‌ବାକେ ଆକିମରାଇ ଦେକ୍‌ତେ ରଇଲାଇ ।

୨ ତେଇ ଜିସୁ ତାର ମୁଆଟେ ଗଟେକ୍ ପୁଲାରଗ୍ ଅଇରଇଲା ଲକ୍‌କେ ଦେକ୍‌ଲା ।

୩ ତାର ପଟେ ଜିସୁ ସେ ପାରୁସି ଆରି ମସାର ନିୟମ୍ ସିକାଇଦେବା ଲକ୍‌ମନ୍‌କେ ପାଟାରଲା । “ମସାର ନିୟମ୍ ଇସାବେ ବିସରାମ୍‌ବାରେ ଗଟେକ୍ ରଗ୍ ଅଇଲା ଲକ୍‌କେ ନିକ କରବା ବିଦି ଆଚେ କି ନାଇ ?”

୪ ମାତର ସେମନ୍ କାଇଟାବଲି ମିସା ନ କଇ ରୁପ୍‌ପାଦ୍ ଅଇ ରଇଲାଇ । ସେଟାର ପାଇ ଜିସୁ ସେ ରଗିକେ ଚିଇଲା ଆରି ନିକ କରି ପାଟାଇ ଦେଲା ।

୫ ତାର ପଟେ ଜିସୁ ସେମନ୍‌କେ ପାଟାରଲା, “ ବିସରାମ୍‌ବାରେ ତମର ବିଡ଼ରେଅନି ଗଟେକ୍ କାରୁଆଲେ ନିଜର୍ ପିଲା ନଇଲେ ଗଟେକ୍ ଗରୁ କୁଇସାଲେ ଅଦ୍‌ରି ରଇଲେ ତାକେ ଦାପ୍‌ରେ ଜିକି ନ ଆନାସ୍ କି ?”

୬ ଏତର୍ ମିସା ସେମନ୍ ଏ କାତାର ଉତର୍ ଦେଇ ନାପାରଲାଇ ।

ସଡ଼ଦରମ୍ ରଇ ସେବାକରୁବାର୍

୭ ଆରି ତେଇ କାଇବାର୍ ଆସି ରଇଲା ଲକ୍‌ମନ୍ ନିଜର୍ ନିଜର୍ ପାଇ ମୁକିଅ ଜାଗା ବାଟି ରଇଲାଇ । ସେଟା ଜିସୁ ଦେକି କରି ସେମନ୍‌କେ ଏ ଉଦାଅରନ୍ ଦେଇ କଇଲା,

୮ “ଜେଡେବେଲା ତମକେ କାରୁଆଲେ ବିବାଗରେ ଜିବାକେ ଡାକ୍‌ବାଇ, ସେବେଲା ମୁକିଅ ଲକ୍‌ମନ୍ ବସବା ଜାଗାଇ ଜାଇ ବସାନାଇ । କାଇକେ ବଇଲେ ସେମନ୍ ତମରଡେଇଅନି ବଡ଼ ଲକ୍‌କେ ମିସା ବିବାଟାନେ ଜିବାକେ ଡାକି ରଇବାଇ ।

୯ କେ ତମକେ ଆରି ବଡ଼ ଲକ୍‌କେ ଡାକ୍‌ଲା ଆଚେ ସେ ଆସିକରି ତମକେ କଇସି, ‘ଆକେ ଏ ନିକ ଜାଗା ଦେସ୍’ ବଲି । ତେଇ ତମେ ଉଟି ମୁକିଅ ନଇଲା ଜାଗାଇ ଜାଇ ବସ୍‌ବାର୍ ଆଚେ । ସେବେଲାଇ ତମକେ ବେସି ଲାଜ୍ ଲାଗ୍‌ସି ।

୧୦ ମାତର ଜେଡେବଲ୍ ତମକେ ଡାକ୍‌ବାଇ, ସେଡ଼କିବେଲେ ତମେ ଜାଇ ମୁକିଅ ନଇଲା ଜାଗାଇ ବସା । ସେବେଲା ତକେ ଡାକ୍‌ଲା ଲକ୍ ଆସି କଇସି, ‘ଏ ମଇତର୍ ତୁଇ କାଇକେ ଇଡି ବସିଆରୁସ୍ ? ଆଉ ଏ ନିମାନ୍ ଜାଗାଇ ବସ୍’ । ସେବେଲା ତମର ସଙ୍ଗ୍ ବସ୍‌ଲା ସବୁ ଲକ୍‌ମନ୍‌ର ମୁଆଟେଅନି ଡାକିନେଇ ନିକ ଜାଗାଇ ବସାଇ ଦେଇସି । ଆରି ସବୁ ଲକ୍‌ର ମୁଆଟେ ତମେ ସନ୍‌ମାନ୍ ପାଇସା ।

୧୧ କେ ନିଜ୍‌କେ ବଡ଼ ଲକ୍ ବଲି ବାବ୍‌ଲାନି ତାକେ ପରମେସର ସାନ୍ କରାଇସି । ଆରି କେ ନିଜ୍‌କେ ସାନ୍ ଲକ୍ ବଲି ବାବ୍‌ସି ତାକେ ପରମେସର ବଡ଼ କରାଇସି ।” ବଲି କଇଲା ।

୧୨ ତାରପଟେ ଜିସୁ ବଜିତେଇ ଡାକ୍‌ଲା ଲକ୍‌କେ କଇଲା, “ତୁଇ ଲକ୍‌ମନ୍‌କେ ବଜିତେଇ ଡାକ୍‌ବା ବେଲାଇ ତର୍ ମଇତର୍‌ମନ୍‌କେ, ବାଇମନ୍‌କେ, ନିଜର୍ ଲକ୍‌ମନ୍‌କେ ଆରି ସାଉକାର୍ ଲକ୍‌ମନ୍‌କେ ଡାକ୍ ନାଇ । କାଇକେବଇଲେ ସେମନ୍ କେଡେବଲ୍ ମିସା ତକେ ଡାକିକରି ତୁଇ ଦେଲାପାରା ବଜି ବାଉଡାଇ ଦେଇପାରଡ଼ ।

୧୩ ତେବେ ତୁଇ ବଜି କଲେ ଗରିବ୍, କାଣା, ଚଟା ଆରି ଚେରେଙ୍ଗ୍‌ରଗି ଏନ୍ତାରି ଲକ୍‌ମନ୍‌କେ ଡାକି ଦେସ୍ ।

୧୪ ସେନ୍ତି କଲେ ପରମେସର ତକେ ଆସିରବାଦ୍ କରସି । କାଇକେ ବଇଲେ ଏନ୍ତାରି ଲକ୍‌ମନ୍ ତୁଇ ଦେଲା ବଜି ବାଉଡାଇ ଦେଇ ନାପାରଡ଼ । ପରମେସର ଦରମ୍ ଲକ୍‌ମନ୍‌କେ ମଲାଟାନେଅନି ଉଟାଇଲା ବେଲେ ତକେ ପୁରୁସ୍‌କାର୍ ମିଲ୍‌ସି ।”

ବଡ଼ ବଜିର୍ ଉଦାଅରନ୍

(ମାଡ଼ିଉ ୨୨:୧-୧୦)

୧୫ ଜିସୁ କଇଲା ବିସଇ ସୁନିକରି ତାର ସଙ୍ଗ୍ ବଜିତେଇ କାଇବାକେ ବସି ରଇଲା ଲକ୍‌ମନ୍‌ର ବିଡ଼ରେଅନି ଗଟେକ୍ ଲକ୍ କଇଲା, “କେ କେ ପରମେସରର୍ ରାଇଜେ ତାର ସଙ୍ଗ୍ ବଜି କାଇବାକେ ବସ୍‌ବାଇ, ସେଟା ତାକର୍ ପାଇ ଗଟେକ୍ ବଡ଼ ଆସିରବାଦ୍ ।”

୧୬ ଜିସୁ ସେ ଲକ୍‌କେ କଇଲା, “ତରେକ୍ ଗଟେକ୍ ଲକ୍ ବେସି ବଡ଼ ବଜି କଲା ।” ସେ ବଜିତେଇ ବେସି ଗତିଆମନ୍‌କେ ଡାକି ରଇଲା ।

୧୭ ଆରି ରାନ୍‌ବାଟା ଟିକ୍ ଅଇଲା ପଟେ ସାଉକାର୍ ତାର ଗତିଦାଙ୍ଗ୍‌ତାକେ ଡାକି କଇଲା, “ମୁଇ ବଜିର୍ ପାଇ ଡାକ୍‌ଲା ଲକ୍‌କେ ଜାଇ କଅ, କାଇବାଟା ଅଇଗାଲାବେ କାଇବାକେ ଆସଡ଼ ।”

☆ ୧୪:୫ ମାଡ଼ିଉ ୧୨:୧୧ ☆ ୧୪:୧୧ ମାଡ଼ିଉ ୨୩:୧୨; ଲୁକ୍ ୧୮:୧୪

୧୮ ମାତର ଲକ୍ଷ୍ମୀ ଗଟେକ ରକାମ୍ କଲଲା, “ମକେ କାମ୍ ଆତେ, ନ ଆସୁ” ବଲି । ଗଟେକ ଲକ୍ କଲଲା “ମୁଇ ନୁଆ ବେତା ଗେନଲି ଆତି ସେ ବେତା ଦେକ୍‌ବାକେ ଜିବି । ଆସି ନାପାରି, ଦୟାକରି ତର ସାଉକାର୍‌କେ ଅଲପ୍ କଇଦେସ୍ ।”

୧୯ ଆରି ଗଟେକ ଲକ୍ କଲଲା, “ମୁଇ ପାଁର୍‌ମୁଣ୍ଡ ଗରୁ ଗେନଲି ଆତି, ଗରୁମନ୍‌କେ କସିକରି ଦେକ୍‌ବାକେ ଗାଲିନି । ଆସିନାପାରି ଦୟାକରି ତର ସାଉକାର୍‌କେ ଅଲପ୍ କଇଦେସ୍ ।”

୨୦ ଆରି ଗଟେକ ଲକ୍ କଲଲା, “ମୁଇ ନୁଆରେ ବିବା ଅଇଆତି, ତେବେ ମୁଇ ଆସି ନାପାରି ।”

୨୧ ତାର୍ ପଚେ ସେ ଗତିଦାଙ୍ଗଡା ଆସି ସାଉକାର୍‌କେ ଏ ସବୁ କାତା ଜାନାଇଲା । ସେଟା ସୁନି ସାଉକାର୍ ବେସି ରିସାଅଇଜାଇ ତାକେ କଲଲା, “ଦାପ୍‌ରେ ଜାଇକରି ନଅରେ ଆରି ଗାଉଁ ମନ୍‌କେ ରଇଲା ଗରିବ୍, କାଣା, ଚଟା, ବଇରା ଆରି ଚେରେଙ୍ଗ୍‌ରଗିମନ୍‌କେ ଇତି ଡାକି ଆନ୍ ।”

୨୨ ସେ ଗତିଦାଙ୍ଗଡା ଜାଇକରି ସାଉକାର୍ କଲଲାପାରା ଲକ୍‌ମନ୍‌କେ ଆନ୍‌ଲା । ତାର୍ ପଚେ ଗତିଦାଙ୍ଗଡା ତାର୍ ସାଉକାର୍‌କେ କଲଲା, “ଏ ସାଉକାର୍ ତୁଇ କଲଲା ଇସାବେ ମୁଇ ଡାକିଆନ୍‌ଲି । ଏଲେ ମିସା ଆରି କେତେ ଲକ୍‌ର ପାଇ ଜାଗା ଆଚେ ।”

୨୩ ଆରି ସାଉକାର୍ ସେ ଗତିଦାଙ୍ଗଡାକେ କଲଲା, “ଗତର୍ ସତକ୍ ପାଲି ରଇଲା ଲକ୍‌ମନ୍‌କେ ଆରି ଗାଏଁ ରଇଲା ଗରିବ୍ ଲକ୍‌ମନ୍‌କେ ଜାଇକରି ଡାକିଆନ୍ । ମର୍ ଗରେ ଲକ୍ ପୁରୁନ୍ ଅଅଡ୍ ବଲି ମୁଇ ମନ୍ କଲିନି ।”

୨୪ ତାର୍‌ପଚେ ଜିସୁ କଲଲା, “ମୁଇ ଜନ୍ ଲକ୍‌ମନ୍‌କେ ପର୍‌ତୁମ୍ ଡାକିରଇଲି, ସେମନ୍ କଣ୍ଟେକ୍ ମିସା ଚାକି ନାପାରଡ୍ ।”

**ସିସ୍ ଅଇବାର୍ ମୁଲିଅ
(ମାତିଉ ୧୦:୩୭-୩୮)**

୨୫ ତରେକ୍ ବେସି ଲକ୍‌ମନ୍ ଜିସୁର୍ ସଙ୍ଗ୍ ଜାଇତେ ରଇଲା । ଆରି ସେ ପର୍‌ବାଟେ ବୁଲିକରି ସେମନ୍‌କେ କଲଲା ।

୨୬ *ଜେ ମର୍ ଲଗେ ଆସିକରି ନିଜର୍ ବାବା, ମାଆ, ମାଉଜି ପିଲା, ବାଇ ବଇନି ଆରି ନିଜ୍‌କେ ମର୍‌ତେଇଅନି ଅଦିକ୍ ଆଲାଦ୍ କରସି, ସେ ମର୍ ସିସ୍ ଅଇନାପାରେ ।

୨୭ *ଗଟେକ୍ ଲକ୍ ମର୍ ପଚେ ପଚେ ଇଣ୍ଡିବାର୍‌ଆଲେ, ତାକେ ଦିଆଅଇଲା କୁରୁସ୍ ବଇକରି ନ ଇଣ୍ଡେ ବଇଲେ, ସେ କେବେ ମର୍ ସିସ୍ ଅଇନାପାରେ ।

୨୮ ତମେ ଜଦି ଗଟେକ୍ ବଡ୍ ଗର୍ ବାନ୍‌ବାକେ ମନ୍ କଲାସ୍‌ନି ବଇଲେ, ବାନ୍‌ବା ଆଗତୁ କେତେକ୍ କର୍‌ତ ଅଇସି ସେଟା ବସି କରି ଇସାବ୍ କରସା । ଆରି ସେ ଗରର୍ ସବୁ କାମ୍ କରିସାରାଇବାକେ ତମର୍ ଲଗେ ସେଡ୍‌କି ଡାବୁ ଆଚେକି ନାଇ ବଲି ଇସାବ୍ କରିଦେକ୍‌ସା ।

୨୯ ତମେ ଜଦି ଇସାବ୍ କରି ନ ଦେକ୍‌ଲେ ଗର୍ କାମ୍ ଆରାମ୍ କରି ସାରାଇ ନାପାରାସ୍ । ସେ କାମ୍ କରି ନ ସାରାଇଲେ ତମ୍‌କେ ଦେକ୍‌ବା ଲକ୍‌ମନ୍ ଆସିକରି ଲାଜ୍‌କରି ଦେବାଇ ।

୩୦ ସେମନ୍ କଇବାଇ, ଏ ଲକ୍ ବଡ୍‌ଟା ଗର୍ ବାନ୍‌ବାର୍ ଆରାମ୍ କଲା, ମାତର୍ ସାରାଇବାର୍ ନାପାରଲା ।”

୩୧ ଆରି ଜିସୁ କଲଲା, “ଗଟେକ୍ ରାଜା ଦସ୍‌ଅଜାର୍ ସନିଅ ଦାରି, କତେଅଜାର୍ ସନିଅ ରଇଲା ରାଜାସଙ୍ଗ୍ ଜୁଇଦ୍ କରବାର୍ ଆଇଲେ, ପର୍‌ତୁମ୍ ତାର୍ ସନିଅମନ୍ ସଙ୍ଗ୍ ବସିକରି ତାର୍ ଦସ୍‌ଅଜାର୍ ସନିଅମନ୍ ସଙ୍ଗ୍ ଜୁଇଦ୍ କଲେ ଜିତି ଅଇସି କି ନାଇ ବଲି ଜଜ୍‌ନା ନ କରେକି ?

୩୨ ଜଦି ସେ ରାଜା ଜିତି ନଏଁ ବଲି ବାବ୍‌ଲେ ସେମନ୍ ଦୁରିକେ ରଇଲା ବେଲେସେ, ଏ ରାଜା ତାର୍ କେତେଟା ଲକ୍‌କେ ପାଟାଇ କରି, ଜୁଇଦ୍ ନ କରି ସାନ୍ତିର୍ ରାଜିନାମା କରବାକେ କଇସି ।

୩୩ ତମେମିସା ସେନ୍ତାରିସେ ମର୍ ସିସ୍ ଅଇବାକେ ମନ୍ କଲେ ତମର୍‌ତେଇ ରଇଲା ସବୁଟା ଚାଡିଦେବାକେ ମନ୍ କରବାର୍ ଆଚେ । ନଇଲେ ତମେ ମର୍ ସିସ୍ ଅଇ ନାପାରାସ୍ ।”

**ଚପ୍‌ରା ରଇବା ନୁନ୍
(ମାତିଉ ୫:୩; ମାର୍କ ୯:୫୦)**

୩୪ “ନୁନ୍ ଗଟେକ୍ ବଡିଆ ଦିନ୍‌ସୁ । ନୁନ୍ ଜଦି ନୁନ୍ ପାରା କରିଆ ନ ଅଇଲେ ସେଟା ଆରିତରେକ୍ କେନ୍ତ୍ର ନୁନ୍‌ପାରା କରିଅଇସି ।

୩୫ ସେଟା ମାଟି କି କଡ୍ କରବାକେ ମିସା କାମେ ନ ଆସେ । ସେଟା ପିଙ୍ଗି ଦେବାର୍‌ସେ ଅଇସି । ଜାକେ ସୁନ୍‌ଲାପାରା କାନ୍ ଆଚେ ସେ ସୁନ୍ ।”



**ଆଜ୍‌ଲା ମେଣ୍ଡା
(ମାତିଉ ୧୮:୧୨-୧୪)**

* ୧୪:୨୭ ମାତିଉ ୧୦:୩୭ * ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ୍ ୯:୨୩

୧୧ *ଦିନେକ୍ ଜିସୁ କଇବା କାତା ସୁନ୍‌ବାକେ ସିସ୍ତୁ ମାଙ୍ଗ୍‌ବା ଲକ୍‌ମନ୍ ଆରି ଏନ୍ତି ବେସି ପାପିଲକ୍‌ମନ୍ ତାର୍ ଲଗେ ଆଇତେ ରଇଲା ।

୧୨ ତେଇ ପାରୁସି ଲକ୍‌ମନ୍ ଆରି ନିୟମ୍ ସିକାଇ ଦେବା ଲକ୍‌ମନ୍, ଏଟା ଦେକି ତାର୍ ବିରଦେ ଏନ୍ତି କଇବାର୍ ବସ୍‌ଲା । “ଏ ଲକ୍‌କେ ଦେକା, ସେ ପାପି ଲକ୍‌ମନ୍‌ର୍ ସଙ୍ଗ୍ ମଇତର୍ ପାରା ଅଇ ତାକର୍ ସଙ୍ଗ୍ ମିସ୍ତେ କାଇଲାନି ।”

୧୩ ସେଟାର୍ ପାଇ ଜିସୁ ସେମନ୍‌କେ ଏ ଉଦାଅରନ୍ କଇଲା ।

୧୪ “ଜଦି ତମର୍ ବିତ୍‌ରେ ଗଟେକ୍ ଲକର୍ ସଏଟା ମେଣ୍ଟା ରଇସି ଆରି ସେ ବିତ୍‌ରେଅନି ଗଟେକ୍ ଆଜିଜାଇସି ବଇଲେ ତମେ କାଇଟା କରସା ? ସେ ନବେ ନଅଟା ମେଣ୍ଟାମନ୍‌କେ ଚାରତ୍‌ବଲି ଚାଡ଼ିଦେଇ, ଆଜିଗାଲା ଗଟେକ୍ ମେଣ୍ଟା ମିଲ୍‌ବାଜାକ ନ କଜାସ୍ କି ?

୧୫ ଆରି ଜେତେବଲ୍ ସେ ମେଣ୍ଟା ମିଲାଇସି, ବେସି ସାର୍‌ଦା ଅଇ ମେଣ୍ଟାକେ କନ୍ଦେ ବଇକରି ଗରେ ଦାରିଆଇସା ।

୧୬ ତମେ ଗରେ କେଟ୍‌ଲା ପଟେ, ତମର୍ ମଇତର୍‌ମନ୍‌କେ ଆରି ଗର୍ ଲଗର୍ ଲକ୍‌କେ ଡାକିକରି ‘ମର ସଙ୍ଗ୍ ସାର୍‌ଦା କରା, କାଇକେବଇଲେ ମର୍ ଆଜିଗାଲା ମେଣ୍ଟା ମିଲ୍‌ଲା’ ବଲି କଇସା ।

୧୭ ସେନ୍ତାରି ମୁଇ ତମ୍‌କେ କଇଲିନି, ‘ଆମେ ପାପି ଲକ୍‌ମନ୍ ନଉଁ’ ବଲି ବାବ୍‌ତେରଇବା ନବେ ନଅଟା ଦରମ୍ ଲକ୍‌ମନ୍ ରଇଲେମିସା ଗଟେକ୍ ପାପି ଲକ୍ ନିଜେ ‘ମୁଇ ଗଟେକ୍ ପାପି’ ବଲି ଏତାଇସି । ପଟେ ମନ୍‌ବାଦ୍‌ଲାଇ କରି ପର୍‌ମେସରର୍ ଲଗେ ଆଇସି । ସେ ନବେ ନଅଟା ଦରମ୍ ଲକ୍‌ମନ୍‌ର୍‌ତେଇ ଅନି ଏ ଗଟେକ୍ ଲକର୍ ପାଇ ସର୍‌ଗେ ଅଦିକ୍ ସାର୍‌ଦା କରବାଇ ।”

ଆଜିରଲା ରୁପା ଟାଙ୍ଗା

୧୮ ଏ କାତା ସୁନାଇ ଦେବାକେ ଜିସୁ ଆରି ଗଟେକ୍ କାତାନି ସେମନ୍‌କେ କଇଲା, “ଜଦି ଗଟେକ୍ ମାଇଜିର୍ ଦସଟା ରୁପାଟାଙ୍ଗା* ରଇଲା । ତେଇଅନି ଗଟେକ୍ ଅଦ୍‌ଲି ଆଜିଗାଲେ ସେ କାଇଟା କରସି ? ସେ ବଡ଼ି ଲାଗାଇ ଗୁଲାଇ ଗର୍ ସେଟା ନ ମିଲ୍‌ବାଜାକ ବାତାନ୍ ତୁଡାନ୍ କରି କଇସି ।

୧୯ ଆରି ସେଟା ମିଲ୍‌ଲା ଦାପ୍‌ରେ ତାର୍ ମଇତର୍‌ମନ୍‌କେ ଆରି ଗର୍ ଲଗେ ରଇଲା ଲକ୍‌ମନ୍‌କେ କଇସି ‘ତମେ ମର୍‌ସଙ୍ଗ୍ ସାର୍‌ଦା କରା, କାଇକେ ବଇଲେ ଆଜିଗାଲା ରୁପାଅଦ୍‌ଲି ତାରୁ ମକେ ମିଲ୍‌ଲା ଆଟେ’ ।

୨୦ ମୁଇ ତମ୍‌କେ କଇଲିନି, ସେନ୍ତୁସେ ଗଟେକ୍ ପାପି ଲକ୍ ମାପ୍‌ରୁର୍‌ତେଇ ମନ୍‌ବାଦ୍‌ଲାଇସି ବଇଲେ, ପର୍‌ମେସରର୍ ଦୁତ୍‌ମନ୍ ବେସି ସାର୍‌ଦା କରବାଇ ।”

ଆଜଲା ପିଲା

୨୧ ଏ କାତା ରୁଜାଇ ଦେବାକେ ଜିସୁ ସେମନ୍‌କେ ଆରି ଗଟେକ୍ କାତାନି କଇଲା । ଗଟେକ୍ ଲକ୍‌କେ ଦୁଇଟା ପିଲାମନ୍ ରଇଲା ।

୨୨ ଦିନେକ୍ ସାନ୍ ପଅ ତାର୍ ବାବାକେ କଇଲା, “ଏ ବାବା ତର୍ ଦନ୍ ମର୍‌ବାଗେ ଜେଡ୍‌କି ଅଇସି, ସେଟା ଏବେ ମକେ ଦେଇପାକା ।” ସେଟାର୍ ପାଇ ତାର୍ ବାବା ତାର୍ ଦନ୍ ଦୁଇବାଗ୍ କରି ତାର୍ ପିଲାମନ୍‌କେ ଦେଲା ।

୨୩ ଅଲପ୍ ଦିନ୍ ଗାଲା ପଟେ ସାନ୍ ପିଲା ତାର୍ ବାଗର୍ ସବୁ ଦନ୍ ବିକିଦେଇ ମିଲ୍‌ଲା ତାରୁ ଟୁଲିଆଇ ଗଟେକ୍ ଦୁର୍ ଦେସେ ଉଟିଗାଲା । ଆରି ତାର୍ ସବୁ ତାରୁ ନିଜେ ମନ୍‌କଲା ଇସାବେ କର୍‌ଚ କଲା ।

୨୪ ତାର୍‌ଲଗେ ରଇଲା ସବୁ ତାରୁ ସାରାଇଦେଲା । ପଟେ ସେ ଦେସର୍ ଗୁଲାଇ ବାଟେ ମର୍‌ଡ଼ି ଅଇଲା । ଆରି କାଇଟା ମିସା ଗେନି କାଇବାକେ ତାର୍‌ଲଗେ ତାରୁ ନ ରଇଲା ।

୨୫ ତେବେ ସେ ଗଡେ ଗଟେକ୍ ଲକର୍ ଗରେ କୁଲି ମିଲ୍‌ସି କାଇକି ବଲି କାମ୍ କଇବାର୍ ଗାଲା । ସେ ଲକ୍ ତାକେ ଗୁସ୍‌ରି ଚାରାଇବା କାମ୍ ଦେଲା ।

୨୬ ଆରି ତାକେ ବେସି ବୁକ୍ ଲାଗ୍‌ତେ ରଇଲା । ତାକେ ଗୁସ୍‌ରିମନ୍‌ର୍ କାଦି କାଇବାକେ ମନ୍‌ଲାଗ୍‌ଲା ମାତର୍ ସେ କାଦି ମିସା ଦେଅଡ୍ ନାଇ ।

୨୭ ସେବେଲେ ତାକେ ଚେଡ୍‌ନା ଆଇଲାଜେ ସେ ମନେ ମନେ ଏନ୍ତି ବାବ୍‌ଲା । ମର୍ ବାବାର୍ ଗରେତା କାମ୍ କରବା ଗଡ଼ିଦାଙ୍ଗ୍‌ତାମନ୍‌ର୍ କେତେ କାଦି ଉର୍‌ରି ଗାଲାନି । ମାତର୍ ମୁଇ ଇତି ବୁକେ ମରିଜିବିବେ ।

୨୮ ସେଟାର୍‌ପାଇ ମୁଇ ଏ ଜାଗା ଚାଡ଼ିକରି ମର୍ ବାବାର୍ ଲଗେ ବାଉଡ଼ି ଜିବି । ଆରି ତାକେ କଇବି, “ଏ ବାବା ମୁଇ ପର୍‌ମେସର୍ ଆରି ତର୍ ବିରଦେ ପାପ୍ କରାଆଟି ।

୨୯ ମୁଇ ଆରି ତର୍ ପିଲା ଅଇବାର୍ ଅଦିକାର୍ ନାଇ ଆରି ତର୍ ଗଡ଼ିଦାଙ୍ଗ୍‌ତାମନ୍‌ର୍ ବିତ୍‌ରେ ଗଟେକ୍ ଗଡ଼ିଦାଙ୍ଗ୍‌ତା ଅଇ ରଇବି” ବଲି କଇବି ।

୩୦ ଆରି ସେ ଜାଗା ଚାଡ଼ି ବାବାର୍ ଲଗେ ଜିବାକେ ବାରଇଲା ।

ମାତର୍ ସେ ପିଲା ଦୁରିକେ ରଇଲାବେଲେ ବାବା ତାକେ ଦେକ୍‌ଲା । ତାକେ ଦେକି ବେସି କଲିକରମ୍ ଅଇ, ତାର୍ ଲଗେ ପାଲାଇ ଆସି ପାଟାଲିକରି ରୁମ୍‌ଲା ।

* ୧୫:୧ ଲୁକ୍ ୫:୨୯, ୩୦ * ୧୫:୮ ଗଟେକ୍ ରୁପା ଟାଙ୍ଗା ଦାମ୍, ଗଟେକ୍ ଦିନର୍‌କୁଲି ତାରୁର୍ ଏଡ୍‌କି

୨୧ ସେ ପିଲା ତାର ବାବାଙ୍କେ କଇଲା, “ଏ ବାବା ମୁଇ ପର୍ଯ୍ୟେସରର୍ ବିରଦେ ଆରି ତର୍ ବିରଦେ ପାପ୍ କଲିଆଡି ସେଟାର୍ପାଇ ତର୍ ପିଲା ଅଇବାର୍ ମର୍ ଅଦିକାର୍ ନାଇ ।”

୨୨ ମାତର୍ ତାର ବାବା ନିଜର୍ ଗତିଦାଙ୍ଗ୍ତାମନ୍ଦେ କଇଲା, “ତମେ ବେଗି ଜାଇକରି ସବୁଟାନ୍ଦେଅନି ନିମାନ୍ ଚକାପଟିଆ ତାକେ ପିନ୍ଦାଇଦିଆସ୍ । ଆରି ତାର ଆଙ୍ଗ୍ଟି ମୁନ୍ଦି ପିନ୍ଦାଆ । ତାର ଗଡେ ପାଣ୍ଡୁଇ ପିନ୍ଦାଇଦିଆସ୍ ।”

୨୩ ଆରି ତାର ଗତିଦାଙ୍ଗ୍ତାମନ୍ଦେ କଇଲା, “ଆମର୍ତେଇ ରଇଲା ସବୁଟାନ୍ଦେଅନି ଗଟେକ୍ ଗାଗଡ୍ ରଇବା ପସୁ ଆନି ମାରା, ଆରି ଆମେ ସାର୍ଦା ଅଇକରି ବଜି କରୁ ।

୨୪ କାଇକେ ବଇଲେ ମର୍ ପିଲା ମରିଜାଇରଇଲା, ଆରି ଏବେ ଜିବନ୍ ଅଇଲା ଆଚେ । ସେ ଆଜିଜାଇ ରଇଲା ଏବେ ମିଲ୍ଲା ଆଚେ ।” ସେଟାର୍ପାଇ ସେମନ୍ ବଜି କର୍ବାର୍ ବସଲାଇ ।

୨୫ ସେ ବେଲା ତାର ବଡ୍ ପଅ ତାସ୍ପଦାଇ ରଇଲା । ସେ ବାଉଡି କରି ଗର୍ ଲଗେ ଆଇବା ବେଲାଇ ବାଜାବାଇଦ୍ କରି ନାଟ୍ଗିଡ୍ କର୍ବାର୍ ସୁନ୍ଲା ।

୨୬ ସେ ଗଟେକ୍ ଗତିଦାଙ୍ଗ୍ତାକେ ଡାକିକରି ପାଚାର୍ଲା, “ଇଡି କାଇଟା ଅଇଲାନି ?”

୨୭ ଗତିଦାଙ୍ଗ୍ତା ତାକେ କଇଲା, “ତର୍ ବାଇ ଗରେ ବାଉଡି ଆଇଲା ଆଚେ । ଆରି ତର୍ ବାବା, ତର୍ ବାଇ ଜର୍ଦ୍ଦୁକା ନ ଅଇ ଜିବନ୍ଅଇ ଆଇଲାକେ ଗଟେକ୍ ଗାଗଡ୍ ପସୁକେ ମାର୍ଲା ଆଚେ ।”

୨୮ ଏ କାତା ସୁନି ବଡ୍ ପଅ ବେସି ରିସା ଅଇଗାଲା । ସେ ଗର୍ ବିଡ୍ରେ ପୁରେ ମିସା ନାଇ । ମାତର୍ ତାର ବାବା ବଡ୍ ପଅର୍ ଲଗେ ଜାଇ ଗରେ ଜିବାକେ ବୁଜାଇବାର୍ ଦାର୍ଲା ।

୨୯ ମାତର୍ ବଡ୍ ପଅ ତାର ବାବାଙ୍କେ କଇଲା, “ଦେକ୍, ମୁଇ ଏତେକ୍ ବରସ୍ ଜାକ ଗଟେକ୍ ଗତିଦାଙ୍ଗ୍ତା ପାରା ତର୍ ସେବା କଲିନି ଆରି ତର୍ କାତା ମାନି କରି ରଇଲି । ତୁଇ ମକେ କାଇଟା ଦେଇଆରୁସ୍ ? ମର୍ ମଇତର୍ମନର୍ ସଙ୍ଗ୍ ବଜି କରା ବଲି ଗଟେକ୍ ସାନ୍ଟା ପସୁ ମିସା ଦେଉସ୍ ନାଇ ।

୩୦ ମାତର୍ ତର୍ ଏ ସାନ୍ ପଅ ସବୁ ଦନ୍ ଦାରିଜାଇ ବେସିଆମନ୍ଦେ ଦେଇ ସାରାଇଦେଲା ଆରି ସେ ଗରେ ବାଉଡି ଆଇଲାକେ ତୁଇ ତାର ପାଇ ଗଟେକ୍ ଗାଗଡ୍ଟା ପସୁକେ ମାର୍ଲୁସ୍ !”

୩୧ ସେବେଲେ ତାର ବାବା ବଡ୍ ପଅକେ କଇଲା, “ଏ ନୁନା ତୁଇତା ସବୁ ବେଲା ମର୍ ସଙ୍ଗ୍ ରଇଲୁସ୍ନି ଆରି ମର୍ ଜେଡ୍କି ଦନ୍ ଆଚେ ସେଟା ସବୁ ତର୍ଟାସେ ।

୩୨ ମାତର୍ ତର୍ ବାଇ ମରିଜାଇରଇଲା । ଏବେ ସେ ଜିବନ୍ ଅଇଆଚେ ସେ ଆଜିଜାଇରଇଲା ମାତର୍ ଏବେ ମିଲ୍ଲା ଆଚେ । ସେଟାର୍ପାଇ ଆମେ ସାର୍ଦା କର୍ବାର୍ ରଇଲା ।”



ବିସ୍ବାସ୍ କର୍ବା ଗୁମସ୍ତା

୧ ଜିସୁ ତାର ସିସ୍ମାମନ୍ଦେ ଗଟେକ୍ କାତାନି ବୁଜାଇ କଇଲା । “ଗଟେକ୍ ସାଉକାର୍ ଲକ୍ ରଇଲା । ତାର ଦନ୍ ଇସାବ୍କିତାବ୍ କର୍ବାକେ ଗଟେକ୍ ମୁକିଅ ଗତିଦାଙ୍ଗ୍ତା ରଇଲା । ଆରି ସେ ସବୁ ଦନ୍ ଏନେତେନେ କରିଦେଲାନି ବଲି ଗଟେକ୍ ଲକ୍ଟେଇ ଅନି ସାଉକାର୍ ସୁନ୍ଲା ।”

୨ ସେଟାର୍ ପାଇ ସାଉକାର୍ ମୁକିଅ ଗତିଦାଙ୍ଗ୍ତାକେ ଡାକି କଇଲା, “ତୁଇ ଟିକ୍ ସଙ୍ଗ୍ ଇସାବ୍ପତର୍ କରୁସ୍ ନାଇ ବଲି ମୁଇ ବେସି କାତା ସୁନ୍ଲିନି । ମର୍ ସବୁ ତାରୁର୍ ଇସାବ୍ ମକେ ଦେ । କାଇକେ ବଇଲେ ତୁଇ ଆରି ମର୍ ମୁକିଅ ଗତିଦାଙ୍ଗ୍ତାର୍ କାମେ ନ ରଉସ୍ ।”

୩ ସେବେଲା ସେ ମୁକିଅ ଗତିଦାଙ୍ଗ୍ତା ମନେ ମନେ ଏତାଇଲା । ଏବେ ମୁଇ କାଇଟା କର୍ବି ? ମର୍ ସାଉକାର୍ କାମେ ଅନି ବାର୍କରିଦେବି ବଲି କଇଲା ଆଚେ । ମାଟି ମାର୍ବାକେ ମକେ ବପୁ ନାଇ ଆରି ବିକ୍ ମାଗ୍ବି ବଇଲେ ମିସା ଲାଜ୍ ଲାଗ୍ଲାନି ।

୪ ମୁଇ କାଇଟା କର୍ବାର୍ ଆଚେ ବଲି ଜାନି ଆଟି । ମକେ ଏ କାମେଅନି ବାର୍ କରିଦେଲା ପଚେ କାଇଟା କଲେ ଲକ୍ମନର୍ ଗରେ ମକେ ଡାକି ନିକକରି ଦେକ୍ବାଇ ବଲି ବାବ୍ଲା ।

୫ ତେବେ ସେ ମୁକିଅ ଗତିଦାଙ୍ଗ୍ତା ତାର ସାଉକାର୍ତେଇଅନି ଉଦାର୍ ନେଲା ସବୁ ଲକ୍କେ ଡାକ୍ଲା । ପର୍ତୁମ୍ ଗଟେକ୍ ଲକ୍କେ ଡାକି ପାଚାର୍ଲା, “ତୁଇ ମର୍ ସାଉକାର୍କେ କେତେକ୍ ଦେବାର୍ ଆଚେ ?”

୬ ସେ ଲକ୍ ତାକେ “ଏଏ ତାବା ଟିକନ୍ ।” ବଲି କଇଲା । ମୁକିଅ ଗତିଦାଙ୍ଗ୍ତା ତାକେ କଇଲା, “ତମେ ଉଦାର୍ ନେଲା ପଡିଲଗେ ଉନା କରି ପଚାସ୍ ତାବା ବଲି ଲେକିଦେସ୍ ।”

୭ ତାର ପଚେ ସେ ଆରି ଗଟେକ୍ ଲକ୍କେ ପାଚାର୍ଲା, “ତମେ କେତେକ୍ ଦେବାର୍ ଆଚେ ?” ଉଦାର୍ ନେଲା ଲକ୍ କଇଲା, “ଅଜାର୍ ବାସ୍ତା ଦାନ୍ ।” ମୁକିଅ ଗତିଦାଙ୍ଗ୍ତା ତାକେ କଇଲା “ତୁଇ ଉଦାର୍ ନେଲା ପଡିତେଇ ଉନାକରି ଆର୍ ସଅ ବାସ୍ତା ବଲି ଲେକିଦେସ୍ ।”

୮ ଏଟାର ପାଇ ସେ ମିରୁଆ ମୁକିଅ ଗତିଦାଙ୍ଗତାକେ ତାର ସାଉକାର କଇଲା, “ତୁଇ ବେସି ଚାଲାକି ଅଇକରି ଏନ୍ତି କାମ କରିଆରୁସ୍ । କାଇକେ ବଇଲେ ଏ ଦୁନିଆର୍ ଲକ୍ମନ୍ ଦିଜର୍ କାମ୍ କରବାକେ ପର୍ମେସରର୍ ଲକ୍ମନ୍ ଟାନେଅନି ଅଦିକ୍ ଚାଲାକି ।”

୯ ଆରି ଜିସୁ କଇଲା, “ସେଟାର ପାଇ ମୁଇ ତମ୍ କେ କଇଲିନି, ଲକ୍ମନ୍ କେ ଏ ଦୁନିଆର୍ ଦନ୍ ଦେଇ କରି ନିଜର୍ ନିଜର୍ ପାଇ ମଇତର୍ କରା । ସେନ୍ତାରି କଲେ ଜେଡେବଲ୍ ତମ୍ ଦୁନିଆର୍ ଦନ୍ ସାରିଜାଇସି, ପର୍ମେସର୍ ତମ୍ କେ କାଲ୍ କାଲ୍ ଜୁଗ୍ଜୁଗ୍ ରଇବା ଗରେ ତାକି ନେଇସି ।

୧୦ କେ ସାନ୍ ବିସଇ ସଡ଼ସଙ୍ଗ୍ କରସି, ସେ ବଡ଼ ବିସଇ ସଡ଼ସଙ୍ଗ୍ କରସି । ସେନ୍ତାସେ କେ ସାନ୍ ବିସଇ ନେଇକରି ସଡ଼ କାମ୍ ନ କରେ ସେ ବଡ଼ ବିସଇତେଇ ମିସା ସଡ଼ କାମ୍ ନ କରେ ।

୧୧ ପର୍ମେସର୍ ତମ୍ କେ ଏ ଦୁନିଆଇ ଦେଲା ତାରୁ ଆରି ଦନ୍ ବିସଇ ସତଇସେ ନ କରାସ୍ ବଇଲେ ସରଗର୍ ଦନ୍ ତମ୍ କେ ମିଲ୍ବାକେ ନ ଦେଏ ।

୧୨ ତମେ ବିନ୍ ଲକ୍ମନ୍ ଦନ୍ ସଡ଼ବାବେ ନ ସଙ୍ଗଇଲେ ନିଜର୍ ଦନ୍ କେ ତମ୍ କେ ଦେଇସି ?

୧୩ *ଗଟେକ୍ ଗତିଦାଙ୍ଗତା ଦୁଇଟା ସାଉକାରର୍ ଦାଇଡ଼ ସମାନ୍ ବାବେ କରିନାପାରେ । କାଇକେବଇଲେ ସେ ଗଟେକ୍ ସାଉକାରକେ ଆଲାଦ୍ କରସି ଆରି ଗଟେକ୍ ସାଉକାରକେ ଗିନ୍ କରସି । ଗଟେକ୍ ସାଉକାରକେ ନାମ୍ ସି ଆରି ଗଟେକ୍ କେ ନ ନାମେ । ସେନ୍ତାସେ ଗଟେକ୍ ଲକ୍ ଏକାତରେକ୍ ଏ ଦୁନିଆର୍ ଦନ୍ ଆରି ପର୍ମେସର୍ କେ ସମାନ୍ବାବେ ସେବା କରିନାପାରେ ।”

ଜିସୁର୍ କେଡେଟା କାତା
(ମାତିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ପାରୁସି ଦଲର୍ ଲକ୍ମନ୍ ଏ ସବୁ କାତା ସୁନି ଜିସୁକେ ଚାପ୍ ରା କଲାଇ, କାଇକେ ବଇଲେ ତାରୁ ଆକା ସେମନ୍ ଡିବର୍ ଦନ୍ ବଲି ବାବ୍ତେ ରଇଲାଇ ।

୧୫ ଜିସୁ ସେମନ୍ କେ କଇଲା, “ତମେ ଲକ୍ମନ୍ ମୁଆଟେ ନିକ ବଲି ଦେକାଇ ଅଇଲାସିନି । ମାତର୍ ତମ୍ ମନ୍ବିଡ଼ରେ କାଇଟା ଆଟେ ସେଟା ପର୍ମେସର୍ ଜାନିଆଟେ । ଜନ୍ ଦିନ୍ସୁ ଲକ୍ମନ୍ ବେସି ମୁଲିଅ ବଲି ବାବ୍ଲାଇନି ସେଟା ପର୍ମେସର୍ ଦେକ୍ବା ଇସାବେ ବେସି ଗିନ୍ ବିସଇ ।”

୧୬ * “ତୁବନ୍ ଦେଉ ଜଅନ୍ ଆସି ନିକ କାତା କଇବାଟା ଆରାମ୍ କରବା ଜାକ, ମସାର ନିୟମ୍ ଆରି ବବିସଡ଼ବକ୍ତାମନ୍ ଲକ୍ମନ୍ ତମ୍ କେ କାତାଇ ନେଇତେ ରଇଲା । ଜଅନ୍ ଆଇଲା ପଟେ, ପର୍ମେସରର୍ ରାଇଜର୍ ସୁବ୍ କବର୍ ଜାନାଇଲାଇନି । ଆରି ନିଜର୍ ବପୁସଙ୍ଗ୍ ପର୍ମେସରର୍ ରାଇଜେ ଜିବାକେ ବେସି ଲକ୍ମନ୍ ଚେସ୍ଟା କଲାଇନି ।

୧୭ * ସରଗ୍ ଆରି ଦୁନିଆ ନସିଗାଲେ ମିସା ନିୟମେ ଲେକା ଅଇରଇଲାଟା ଗଟେକ୍ ମିସା ଅଇକର୍ ନ ନସେ ।”

୧୮ * “କେମିସା ନିଜର୍ ମାଇଜିକେ ଚାଡ଼ି ବିନ୍ଟା ଆନ୍ଲେ, ସେ ଦାଙ୍ଗ୍ଡିସଙ୍ଗ୍ ବେସିଆ କାମ୍ କଲା ଲକ୍ ଅଇଜାଇସି । ଆରି କେ, ସେ ଚାଡ଼ିଲା ଦାଙ୍ଗ୍ଡିକେ ବିବା ଅଇସି ବଇଲେ ସେ ମିସା ଦାଙ୍ଗ୍ଡିସଙ୍ଗ୍ ବେସିଆ କାମ୍ କଲା ଆଟେ ।” ବଲି କଇଲା ।

ଗଟେକ୍ ସାଉକାର୍ ଆରି ଲାଜାର୍

୧୯ ଜିସୁ ସେମନ୍ କେ ଗଟେକ୍ କାତାନି ବୁଜାଇକରି କଇଲା, “ଗଟେକ୍ ସାଉକାର୍ ଲକ୍ ରଇଲା । ସେ ଲଟେକ୍ ମଲ୍ ଦେଇ ଗେନ୍ଲା ନିକ ନିକ ଚକା ପଟିଆ ପିନ୍ତେ ରଇଲା । ସେ ସବୁଦିନ୍ ବଜି କରି ନିଜେ ସାର୍ଦା ଅଇତେରଇଲା ।

୨୦ ତେଇ ଲାଜାର୍ ନାଉର୍ ଅରକିଡ଼ ଲକ୍ ଗଟେକ୍ ରଇଲା । ତାର୍ ଗୁଲାଇ ଗାଗଡ଼ ଗାଉ ଅଇରଇଲା । ତାକେ ଆନିକରି ସାଉକାରର୍ କାପାଟ୍ ଲଗେ ତୁଲାଇତେ ରଇଲାଇ ।

୨୧ ତେଇ ରଇ, ସେ ସାଉକାରର୍ ତାଲିଅନି ଅଦର୍ଲା ସକ୍ତି ବାଡ଼ସିତା ବେଟି କାଇବାକେ ମନ୍ କର୍ତେ ରଇଲା । କୁକୁର୍ମନ୍ ତାର୍ ଗାଗଡ଼ ଗାଉ ଚାଟ୍ତେ ରଇଲାଇ ।”

୨୨ କେତେ ଦିନ୍ ଗାଲାପଟେ ସେ ଅରକିଡ଼ ଲକ୍ ମରିଗାଲା । ଆରି ପର୍ମେସରର୍ ଦୁଡ଼ମନ୍ ଆସି ତାକେ ସରଗ୍ପୁରର୍ ବଜିତେଇ ଅବ୍ରାଆମର୍ ଲଗେ ବସ୍ବାକେ ଦାରି ଗାଲାଇ । ଆରି କେତେ ଦିନ୍ ଗାଲାପଟେ ସେ ସାଉକାର୍ ମିସା ମରିଗାଲା । ତାକେ ନେଇ ତପିଦେଲାଇ ।

୨୩ ଆରି ସେ ନରକ୍ କୁଣ୍ଡେ ଗାଲା । ତେଇ ସେ ବେସି କସ୍ଟ ପାଇବାବେଲା ଉପରେ ସରଗ୍ପୁରେ ଦେକ୍ଲେ ଲାଜାର୍ ଅବ୍ରାଆମର୍ ଲଗେ ବସି ଆଟେ ।

୨୪ ସେ ଆଉଲି ଅଇ କଇଲା, “ଏ ବାବା ଅବ୍ରାଆମ୍, ମକେ ଦୟା କର୍ । ଲାଜାର୍ କେ ମର ଲଗେ ପାଟାଇଦେସ୍ । ସେ ଆସିକରି ନିଜର୍ ଆଙ୍ଗଟି ସଙ୍ଗ୍ ପାନି ଦେଇ, ମର୍ ଜିବ୍ କାକର୍ କର । କାଇକେ ବଇଲେ ମୁଇ ଏ ନରକ୍ପୁରର୍ ଜଇଲଗେ ବେସି କସ୍ଟ ପାଇଲିନି ।”

* ୧୭:୧୩ ମାତିଉ ୭:୨୪ * ୧୭:୧୭ ମାତିଉ ୧୧:୧୨, ୧୩ * ୧୭:୧୭ ମାତିଉ ୫:୧୮ * ୧୭:୧୮ ମାତିଉ ୫:୩୨; ୧୮ କରକ୍ତିୟ ୭:୧୦, ୧୧

୨୫ ମାତର ଅବରାଆମ୍ କଇଲା, “ବାବୁରେ, ତୁଇ ଜିବନ୍ ରଇଲାବେଲାଟ୍ କାତା ମନେ ଏତାଇ ଦେକ୍ । ତର୍ ଜିବ୍ନେ ସବୁ ନିମାନ୍ ବିସଇ ପାଇରଇଲୁସ୍ । ଆରି ଲାଜାର୍ ସବୁ କାରାପ୍ ବିସଇ ପାଇଲା । ମାତର୍ ସେ ଏବେ ଏ ଜାଗାଇ ସାର୍ଦାଅଇ ଆଟେ । ଆରି ତୁଇ ବେସି କସଟ୍ ପାଇଲୁସନ୍ ।

୨୬ ଆରି ଗଟେକ୍ ବିସଇ ଅଇଲାନ୍ତି, ତର୍ ଆମର୍ ମଜାଇ ଗଟେକ୍ ବଡେଟା ପାଗଡ୍ ଆଟେ । ଇତିର୍ ଲକ୍ ସିତି ଜାଇ ନର୍ଏ ଆରି ସିତିର୍ ଲକ୍ ଇତି ଆସି ନର୍ଏ” ବଲି କଇଲା ।

୨୭ ସେ ବେଲା ସେ ସାଉକାର୍ କଇଲା, “ଏ ବାବା ଏନ୍ତି ବଇଲେ ମୁଇ ତକେ ବାବୁଜିଆ କଲିନି ଲାଜାର୍‌କେ ଦୟାକରି ମର୍ ବାବାର୍ ଗରେ ପାଟାଇଦେସ୍ ।

୨୮ କାଇକେ ବଇଲେ ତେଇ ମର୍ ପାଁଟା ବାଇମନ୍ ଆଟଡ୍ । ଲାଜାର୍ ଜାଇ ସେମନ୍‌କେ ଜାଗ୍ରତ୍ କରାଅ । ସେମନ୍ ସେ କାତା ସୁନି ପାପେଅନି ମନ୍ ବାଦ୍‌ଲାଅଡ୍ । ସେମନ୍ ମଲେ ମୁଇ ଏବେ ବେସି କସଟ୍ ପାଇବା ଏ ଜାଗାଇ ନ ଆସଡ୍” ବଲି କଇଲା ।

୨୯ ମାତର ଅବରାଆମ୍ ତାକେ କଇଲା, “ସେମନ୍ ଜାଗ୍ରତ୍ ଅଇ ରଇବାକେ ମସାର୍ ନିୟମ୍ ଆରି ବବିସଡ୍‌ବକ୍‌ତାମନ୍ କଇଲା କାତା ସବୁ ତାକର୍ ଲଗେ ଆଟେ । ସେଟା ସେମନ୍ ପଡିକରି ସିକଡ୍ ।” ବଲି କଇଲା ।

୩୦ ଆରି ସେ ସାଉକାର୍ ଅବରାଆମ୍‌କେ କଇଲା, “ସେଡକି ନର୍ଏ ବାବା, ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ସେମନ୍ ବିସ୍‌ବାସ୍ କରି ପାପେଅନି ମନ୍ ବାଉଡାଇବାଇ ।” ବଲି କଇଲା ।

୩୧ ଅବରାମ୍ ତାକେ କଇଲା, “ତର୍ ବାଇମନ୍ ମସାର୍ ଆରି ବବିସଡ୍‌ବକ୍‌ତାମନ୍‌ର କାତା ନ ସୁନଡ୍ ବଇଲେ ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ମିସା ସେମନ୍ ନ ମାନଡ୍ ।”



ପାପ୍

(ମାତିଉ ୧୮:୨-୭,୨୧;୨୨; ମାର୍କ ୯:୪୨)

୧ ଦିନେକ୍ ଜିସୁ ତାର୍ ସିସ୍‌ମନ୍‌କେ କଇଲା, “ଏ ଦୁନିଆଇ ସବୁ ବେଲା ଲକ୍‌ମନ୍‌କେ ପାପ୍ କରାଇବାକେ କାଇଆଲେ ପରିକା ଆଇସି । ମାତର୍ ଜନ୍ ଲକ୍ ଏନ୍ତି ବିନ୍ ଲକ୍‌କେ ପାପ୍ କରାଇସି, ସେମନ୍‌କେ କେତେକ୍ କସଟ୍‌ର୍ ଦସା ଅଇସି । କାଇକେବଇଲେ ପର୍‌ମେସର୍ ସେମନ୍‌କେ ବେସି ବଡ୍ ଡଣ୍ ଦେଇସି ।

୨ ସେନ୍ତାରି ଲକ୍, ଦରମ୍ ଲକ୍‌ମନ୍‌କେ ପାପ୍‌କରାଇବା ବାବୁଲେ ଗାଲାଇ ଗଟେକ୍ ବଡ୍‌ଟା ଜଡା ପାକ୍‌ନା ବାନ୍ଧିକରି ଡେଙ୍ଗ୍ ପାନିତେଇ ପିଙ୍ଗି ଦେବାପାରା ଡଣ୍ ତାର୍‌ପାଇ ନିକ ଅଇତା ।

୩ *ଡେବର୍‌ପାଇ ତମର୍ ଚଲାଟଲ୍‌ଡିତେଇ ବେସି ଜାଗ୍ରତ୍‌ଅଇ ରୁଆ । ଜଦି ତମର୍ ବାଇ କି ବଇନି ପାପ୍ କଲେ, ସେଟା ନିକ କାମ୍ ନର୍ଏ ବଲି ଟିକ୍ କରା । ଆରି ସେ କରିରଇବା ବୁଲ୍ ଏତାଇ କରି ମନ୍ ବାଦ୍‌ଲାଇସି ବଇଲେ, ତାକେ କେମା ଦିଆସ୍ ।

୪ ଜଦି ସେ ଗଟେକ୍ ଦିନେ ସାଡ୍‌ପାଲି ଜାକ ତମର୍ ବିରଦେ ପାପ୍ କରି, ପଟେ ନିଜର୍ ବୁଲ୍ କଲାଟା ଏତାଇ ମନ୍ ବାଦ୍‌ଲାଇକରି ତମର୍ ତେଇ ଆସି ଜେତେପାଲି କେମା ମାଗ୍‌ଲେ, ସେଡକିପାଲି ତାକେ କେମା ଦିଆସ୍ ।”

ବିସ୍‌ବାସ୍

୫ ଆରି ପେରିଡ୍‌ମନ୍ ଜିସୁକେ କଇଲା, “ଆମର୍ ବିସ୍‌ବାସ୍ ଅଦିକ୍ କରାଦିଆସ୍ ।”

୬ ଜିସୁ ସେମନ୍‌କେ କଇଲା, “ଗଟେକ୍ ସର୍‌ସୁ ମୁଞ୍ଜି ପାରା ତମର୍ ବିସ୍‌ବାସ୍ ରଇସି ବଇଲେ ତମେ ବଡ୍ ଗଟ୍‌କେ ଜିକିଅଇ ସମ୍‌ଦୁରେ ଜାଇ ରପିଅ ବଲି କଇଲେ ସେ ଗଟ୍ ତମର୍ କାତା ମାନ୍‌ସି ।”

ଗଟେକ୍ ଗତିଦାଙ୍ଗ୍‌ତାର୍ କାମ୍

୭ “ଜଦି ତୁଇ ଗଟେକ୍ ସାଉକାର୍ ଅଇରଇସୁ ବଇଲେ ତର୍ ଗତିଦାଙ୍ଗ୍‌ତା କସ୍‌ବାଟାନେଅନି ନଇଲେ ଗରୁଟାରାଇବାଟାନେଅନି ଆସି ତାର୍ ନିଜର୍ କାମ୍ ନ ସାରାଇବା ଆଗ୍‌ତୁ ତୁଇ ତାକେ ‘କାଇବାକେ ବସ୍‌ବେ’, ବଲି କଇସୁ କି ? ନାଇ, ସେନ୍ତି ନ କଉସ୍ ।

୮ ମାତର୍ ସେ ନିଜର୍ କାଦି କାଇବା ଆଗ୍‌ତୁ ତର୍‌ପାଇ ରାନ୍ଦି ନ ଦେବା ଜାକ, ତୁଇ ତାକେ କାଇବାକେ ନ ଦେଉସ୍ ।

୯ ଆରି ତୁଇ ସେ ଗତିଦାଙ୍ଗ୍‌ତାକେ ‘ସବୁ କାମ୍ କରି ସାରାଇଲୁସ୍ !’ ବଲି ଦନିଅବାଦ୍ ଦେଇସୁ କି ? ନାଇ ନ ଦେଉସ୍ ।

୧୦ ସେନ୍ତାରି ତମ୍‌କେ କଇରଇଲା ସବୁ ବିସଇ କରିସାରାଇଲା ପଟେ ତମେ କଇବାର୍ ଆଟେ । ଆମେ ଅବ୍‌କା ଗତିଦାଙ୍ଗ୍‌ତାମନ୍, ଆମର୍ ଜେଡକି କର୍‌ବାର୍ ରଇଲା, ସେଡକିସେ ଆମେ କରିଆରୁ ।”

ଦସ୍‌ଟା ବଡ୍‌ରଗ୍ ଅଇଲା ଲକ୍‌ମନ୍ ନିକ ଅଇଲାଇ

୧୧ ଜିସୁ ତାର୍ ସିସ୍‌ମନ୍‌ର ସଙ୍ଗ୍ ଜିରୁସାଲମେ ଜିବା ବେଲେ ସେ ଗାଲିଲି ଆରି ସମିରଣ ଜିଲାଟ୍ ମଜାଇ କେଟ୍‌ଲା ।

☆ ୧୭:୩ ମାତିଉ ୧୮:୧୫

୧୨ ଆରି ସେ ଗାଈଁ ବିତ୍ରେ ପୁରବା ବେଲେ ବଡ଼ରଗ୍ ଅଇରଇଲା ଦସ୍ତା ଲକ୍ମନ୍ ତାକେ ଦୁରିକେଅନି ଦେକ୍ଲା । ସେମନ୍ ନିୟମେ ବଡ଼ରଗ୍ ରଇଲା ଲକ୍ମନ୍, ବିନ୍ ଲକ୍ମନ୍ ଲଗେ ଆସି ନାପାରତ୍ । ସେଟାର୍ ପାଇ ସେମନ୍ ଜିସୁର୍ ଲଗେ ନ ଆସି ଦୁରିକେ ରଇକରି,

୧୩ ବେସି ଆଉଲିଅଇ କଇଲା, “ଜିସୁ ! ଏ ଗୁରୁ ! ଆମ୍ବକେ ଦୟାକରା ।”

୧୪ ଜିସୁ ସେମନ୍କେ ଦେକି କରି କଇଲା, “ତମେ ଜାଇକରି ପର୍ମେସରର୍ ପୁଜାରିମନ୍କେ ତମର୍ ଗାଗଡ଼ ଦେକାଆ । ତମେ ନିମାନ୍ ଅଇଲାସ୍ କି ନାଇ ବଲି ସେମନ୍ ଦେକତ୍ ।” ପଚେ ସେ ଦସ୍ ଲକ୍ ପର୍ମେସରର୍ ପୁଜାରିମନ୍ ଲଗେ ଜିବା ବେଲେ, ବାଟେ ନିମାନ୍ ଅଇଗାଲା ।

୧୫ ଏଦେ ଦେକା ! ସେମନ୍ ବିତ୍ରେଅନି ଗଟେକ୍ ଲକ୍ ନିଜର୍ ଗାଗଡ଼ ନିମାନ୍ ଅଇଲାଟା ଦେକି, ଜିସୁର୍ ଲଗେ ବାଉଡ଼ି ଆଇଲା । ଆରି ସେ ବେସି ଆଉଲି ଅଇ ପର୍ମେସରର୍ ତାକ୍ପୁଟା କଲା ।

୧୬ ସେ ପାଇଲା ଆସି ଜିସୁର୍ ପାଦେ ଅଦରଲା “ତମେ ମକେ ନିମାନ୍ କରିଆଟାସ୍” ବଲି ଦନିଅବାଦ୍ କଲା । ସେ ଜିଉଦି ଲକ୍ ନର୍ସ । ସେ ସମିରଣିୟ ବଲି ଗଟେକ୍ ଜାଗାର୍ ଲକ୍ ।

୧୭ ଜିସୁ ତାକେ କଇଲା, “ମୁଇତା ଦସ୍ଲକ୍କେ ନିମାନ୍ କରି ରଇଲି । ତକେ ଗଟେକ୍ ଲକ୍କେ ଚାଡ଼ି ଆରି ନଅ ଲକ୍ କେନେ ଗାଲା ?

୧୮ ନିମାନ୍ ଅଇଲା ପଚେ ବାଉଡ଼ି ଆସି ପର୍ମେସରକେ ଦନିଅବାଦ୍ କରବାକେ ଏ ଗଟେକ୍ ସମିରଣିୟ ଲକ୍ସେ ରଇଲା କି ?”

୧୯ ତାର୍ ପଚେ ଜିସୁ ତାକେ କଇଲା, “ତୁଇ ଏବେ ଉର୍ ଆରି ଜାଆ, କାଇକେ ବଇଲେ ମୁଇ ତକେ ନିମାନ୍ କରିପାରବି ବଲି ବିସ୍ବାସ୍ କରିରଇଲୁସ୍ ।”

ପର୍ମେସରର୍ ରାଇଜ୍ ଆଇଲାନି
(ମାଡ଼ିଉ ୨୪:୨୩-୨୮, ୩୭-୪୧)

୨୦ କେତେଟା ପାରୁସି ଲକ୍ମନ୍ ଜିସୁକେ “କେବେଅନି ପର୍ମେସର ଲକ୍ମନ୍କେ ସାସନ୍ କରସି ?” ବଲି ପାଚାରଲା । ଜିସୁ ସେମନ୍କେ କଇଲା, “ପର୍ମେସର କେନ୍ତ୍ର ସାସନ୍ କରସି, ସେ ରାଇଜ୍ ତମର ଆଁକିଡେଇ ନ ତିସେ ।

୨୧ ଆରି ପର୍ମେସର ଇତି ସାସନ୍ କଲାନି ନଇଲେ ସିତି ସାସନ୍ କଲାନି ବଲି କଇବାର୍ ନାପାରାସ୍ । କାଇକେ ବଇଲେ, ଲକ୍ମନ୍ ଫନ୍ ବିତ୍ରେ ପର୍ମେସର ସାସନ୍ କରସି ।”

୨୨ ପଚେ ତାର୍ ସିସମନ୍କେ କଇଲା, ଏନ୍ତ୍ର ବେଲା ଆଇସି ତମେ ପର୍ମେସରଟାନେଅନି ଆଇଲା ନର୍ପିଲା ମର୍ସଜ୍ ଗଟେକ୍ ଦିନ୍ ରଇବାକେ ବେସି ମନ୍ କରସା । ମାତର୍ ସେବେଲା ମକେ ଦେକି ନାପାରାସ୍

୨୩ ଲକ୍ମନ୍ ତମ୍ବକେ କଇବାଇ, ପର୍ମେସରର୍ ଟାନେଅନି ଆଇଲା ନର୍ପିଲା ଇତି ଆଚେ ସିତି ଆଚେ ବଲି । ତମେ ସେଟା ଦେକ୍ବାକେ ନ ଜାଆ । ତମେ କନ୍ତ୍ର ଆଟାସ୍ ତେଇସେ ରୁଆ ।

୨୪ କାଇକେବଇଲେ ପର୍ମେସରର୍ ଟାନେଅନି ଆଇଲା ନର୍ପିଲା ମୁଇ, ବାଉଡ଼ବାଟା ତମେ ଦେକସା । ସେଟା କେନ୍ତ୍ର ବଇଲେ, ଆକାସେ ଜେନ୍ତ୍ର ଗଟେକ୍ ବାଟେଅନି ଆରି ଗଟେକ୍ ବାଟେ ବିଜ୍ଲି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତ୍ରାରିସେ ସବୁ ଲକ୍ମନ୍ ଦେକିଅଇସି ।

୨୫ ମାତର୍ ସେଟା ଅଇବା ଆଗତୁ ପର୍ମେସରର୍ ଟାନେଅନି ଆଇଲା ନର୍ପିଲା ମୁଇ ବେସି ଦୁକ୍ କସ୍ଟ ପାଇବାର୍ ଆଚେ । ଆରି ମର୍ ସବୁ କାମ୍ ଦେକ୍ଲା ଲକ୍ମନ୍ ମକେ ନ ନାମତ୍ ।

୨୬ ନଅ ରଇଲା ବେଲା ଲକ୍ମନ୍ ଜେନ୍ତ୍ରାରି ରଇଲାଇ ସେନ୍ତ୍ରାରିସେ ପର୍ମେସରର୍ ଟାନେଅନି ଆଇଲା ନର୍ପିଲା ମୁଇ ବାଉଡ଼ି ଆଇବାବେଲେ ଲକ୍ମନ୍ ରଇବାଇ ।

୨୭ ସେବେଲାଇ ନଅ ବଡେଟା ପାନିଜାଜେ ପୁରବା ଦିନ୍ ଜାକ ଲକ୍ମନ୍ ଅବ୍କାସେ ରଇଲାଇ । ସେମନ୍ ବଜି କରବାର୍, ଦାଙ୍ଗୁଡ଼ି ଆନ୍ବାର୍, ଆରି ଦାଙ୍ଗୁଡ଼ି ଦେବାର୍ କର୍ତେ ରଇଲାଇ । ପଚେ ବେସି ପାନିଅଇ ସବୁ ଡାବିଅଇଲା । ନଅ ଆରି ତାର୍ କୁଟୁମର୍ ଲକ୍କେ ଚାଡ଼ି ସବୁ ଲକ୍କେ ପାନି ବୁଡାଇ ପାକାଇଲାଇ ।

୨୮ ଲଡ଼ ନାଉଁର୍ ଗଟେକ୍ ଲକ୍ ବେଲେ ମିସା ସେନ୍ତ୍ରାର୍ ପାରା ଅଇରଇଲା । ଲକ୍ମନ୍ ସବୁ ଦିନର୍ ପାରାସେ କାଆ ପିଇ, ବିକାବିକ୍ରି, ଗର୍ପା ଆରି ଗର୍ବାନ୍ଦାତେଇ ଲାଗିରଇଲାଇ ।

୨୯ ମାତର୍ ଲଡ଼ ସଦମ୍ ନାଉଁର୍ ଗଡେଅନି ବାରଇକରି ଜିବା ଦିନେ ସେ ବାଦ୍ଲେଅନି ଜଇ ଆରି ଗନ୍ଦ୍ଗୁଲା ଆସି ଲଡ଼ ଆରି ତାର୍ କୁଟୁମର୍ ଲକ୍କେ ଚାଡ଼ି ସେ ଗଡର୍ ସବୁ ଲକ୍କେ ମରାଇ ଦେଲା ।

୩୦ ପର୍ମେସରର୍ ଟାନେଅନି ଆଇଲା ନର୍ପିଲା ମୁଇ ବାଉଡ଼ି ଆଇବା ଦିନେ ମିସା ସେନ୍ତ୍ରାରିସେ ଅଇସି ।

୩୧ *“ସେ ଦିନେ ନିଜର୍ ଗର୍ ଉପ୍ରେ ରଇଲେ ତୁଇ ଉଡ଼ି ତର୍ ଦିନ୍ସୁ ଆନ୍ବାକେ ଗର୍ ବିତ୍ରେ ନ ଜାଆ । ସେନ୍ତ୍ରାରି ତାସ୍ ପଦାଇ ରଇଲେ, ଦିନ୍ସୁ ବେଟି ନେବାକେ ଗରେ ନ ଆଉ ।

୩୨ ଲତର୍ ମାଇଜିକେ କାଇଟା ଅଇରଇଲା ସେଟା ଏତାଇ ଦେକା । ତାର୍ ଦନ୍ ସଁପତି କେନ୍ତ୍ରା ଅଇଲା ବଲି ପାସ୍ଲି ଦେକ୍ଲାଜେ ସେ ନୁନ୍ କୁମ୍ ପାସ୍ଲି ଗାଲା ।

☆ ୧୭:୩୧ ମାଡ଼ିଉ ୨୪:୧୭,୧୮; ମାର୍କ ୧୩:୧୫,୧୬

୩୩ ☆କେ କେ ଏ ଦୁନିଆଇ ଜିଇବା ଜିବନ୍ ମନ୍ କଲେ ତାକେ ନ ସାର୍‌ବା ଜିବନ୍ ନ ମିଲେ । ଆରି କେ କେ ଏ ଦୁନିଆଇ ଜିଇବା ଜିବନ୍ ଆରାଇସି, ତାକେ ନ ସାର୍‌ବା ଜିବନ୍ ମିଲୁସି ।

୩୪ ମୁଇ ବାଉଡ଼ି ଆଇବା ସେ ରାତି, ତମେ ଦୁଇ ଲକ୍ ଗଟେକ୍ ବାକରାଇ ସଇରଇସା । ଗଟେକ୍ ଲକ୍‌କେ ଡାକି ନେବି, ଆରି ଗଟେକ୍ ଲକ୍‌କେ ଚାଡ଼ି ଦେବି ।

୩୫ ଦୁଇଟା ମାଇଜିମନ୍ ଗର୍ତ୍ତେ ରଇବାଇ, ତେଇଅନି ଗଟେକ୍ ମାଇଜିକେ ନେବି ଆରି ଗଟେକ୍‌କେ ଚାଡ଼ି ଦେବି ।

୩୬ ଦୁଇ ଲକ୍ ପଦାଇ ରଇବାଇ, ଗଟେକ୍ ଲକ୍‌କେ ନେବି, ଆରି ଗଟେକ୍ ଲକ୍‌କେ ଚାଡ଼ିଦେବି ।”

୩୭ ତାର୍‌ପଟେ ସିସମନ୍ ଜିସୁକେ ପାଚାରୁଲାଇ, “ଏ ମାପୁରୁ ଏଟା କନ୍ତି ଗର୍ସି ?” ଜିସୁ ସେମନ୍‌କେ କଇଲା, “ଜନ୍ତି ମତା ରଇସି, ତେଇ ମଡ଼କାଉ ଗିଦ୍‌ମନ୍ ରୁଣ୍ଡିରଇବାଇ ।”

୧୮

ରାଣ୍ଡି ମାଇଜି ଆରି ବିଚାର୍ କାରିଆ

୧ ଜିସୁ ଦିନେକ୍ ତାର୍ ସିସମନ୍‌କେ ପର୍‌ମେସର୍‌କେ ମାଙ୍‌ବାବେଲେ ନ ତାକି ପାର୍‌ତନା କରକରି ରଇବାକେ, ଗଟେକ୍ କାତାନି ବୁଜାଇ କଇଲା,

୨ ଗଟେକ୍ ଗଡେ ଗଟେକ୍ ବିଚାର୍ କାରିଆ ଲକ୍ ରଇଲା । ସେ ପର୍‌ମେସର୍‌କେ ନ ଡର୍‌ତେ ରଇଲା, କି ଲକ୍‌ମନ୍‌କେ ନ ନାମତେ ରଇଲା ।

୩ ସେ ଗଡେ ଗଟେକ୍ ରାଣ୍ଡି ମାଇଜି ମିସା ରଇଲା । ସେ ସବୁ ବେଲେ ବିଚାର୍ କାରିଆର୍ ଲଗେ ଜାଇ ଏନ୍ତି କଇତେ ରଇଲା, ଗଟେକ୍ ଲକ୍ ମର୍ ବିରଦି ଅଇଲା ଆଟେ । ଏ ବିସଇନେଇକରି ତମେ ମର୍ ବିରଦିକେ ବିଚାର କରା । ଜେନ୍ତିକି, ସେ ମକେ ନିଆଇ ଇସାବେ ଚଲାଚଲ୍‌ତି କର୍‌ସି ।

୪ ଏନ୍ତି ବେସି ଦିନ୍ ସେ ବିଚାର୍‌କାରିଆ ନିଆଇ କର୍‌ବାକେ ମନ୍ ନ କଲେ ମିସା, ସେ ଦିନ୍‌କେ ଆସି ବେମ୍‌ଜା କର୍‌ତେରଇଲା । ମାତର୍ ସେ ବିଚାର୍‌କାରିଆ ଲକ୍ ମନେ ମନେ ବାବ୍‌ଲା, “ମୁଇ ପର୍‌ମେସର୍‌କେ ଡରି ନାଇକି ଲକ୍‌ମନ୍‌କେ ନାମି ନାଇ ।

୫ ମାତର୍ ଏ ରାଣ୍ଡିମାଇଜି ସବୁ ବେଲା ଆସି ବେମ୍‌ଜା କଲାନି । ସେଟାର୍‌ପାଇ ତାକେ ନିଆଇ ମିଲ୍‌ଲା ପାରା ବିଚାର୍ କର୍‌ବି । କାଇକେ ବଇଲେ ଏନ୍ତି ବିଚାର୍ ନ କଲେ ସେ ସବୁଦିନ୍ ଆସି ମକେ ବେମ୍‌ଜା କର୍‌ତେ ରଇସି ।”

୬ ତେଇ ମାପୁରୁ କଇଲା, “ଏ ଅନିଆଇ ବିଚାର୍‌କାରିଆ କାଇଟା କର୍‌ବାକେ ବାବ୍‌ଲା, ସେଟା ତମେ ସିକା ।

୭ ସେନ୍ତି ଲାରୁଆଁ ବିଚାର୍‌କାରିଆ ସେ ରାଣ୍ଡିମାଇଜିର୍ ବିଚାର୍ କଲା । ସେନ୍ତାର୍ ଆଲେ, ତାର୍‌ତେଇଅନି କେତେ ନିମାନ୍ ଇସାବେ ପର୍‌ମେସର୍ ସେ ବାଚଲା ଲକ୍‌ମନର୍ ଦିନ୍‌ରାତିର୍ ପାର୍‌ତନା ସୁନି ନିମାନ୍ ନିଆଇ ବିଚାର୍ କର୍‌ସି । ସେମନ୍‌କେ ସାଇଜ କର୍‌ବାକେ ସେ ଅଲ୍‌ସମ୍ ନ କରେ ।

୮ ମୁଇ ତମ୍‌କେ କଇଲିନି, ସେ ଦାପ୍‌ରେସେ ତାର୍ ଲକ୍‌ମନର୍‌ପାଇ ନିମାନ୍ ନିଆଇବିଚାର୍ କର୍‌ସି । ମାତର୍ ପର୍‌ମେସର୍ ଟାନେଅନି ଆଇଲା ନର୍‌ପିଲା ମୁଇ ଆରିତରେକ୍ ଆଇବାବେଲେ ଏ ଦୁନିଆଇ, ମକେ ବିସ୍‌ବାସ୍ କର୍‌ବା ଲକ୍‌ମନ୍‌କେ ଦେକ୍‌ବି କି ନାଇ ?”

ପାରୁସି ଆରି ସିସ୍‌ତୁମାଙ୍‌ମନର୍ କାତା

୯ ତେଇ ରଇଲା କେତେକ୍ ଲକ୍‌ମନ୍ ନିଜ୍‌କେ ମୁଇ ନିକ ଆଟି ବଲି ବାବିଅଇ ବିନ୍‌ଲକ୍‌କେ ଗିନ୍ କର୍‌ତେ ରଇଲାଇ । ସେନ୍ତି ଲକ୍‌ମନର୍ ବିସଇ ବୁଜାଇବାକେ ଜିସୁ ସେମନ୍‌କେ ଏ କାତାନି କଇଲା ।

୧୦ ଦିନେକ୍ ଦୁଇଲକ୍ ପାର୍‌ତନା କର୍‌ବାକେ ଗଟେକ୍ ମନ୍‌ରେ ଗାଲାଇ । ଗଟେକ୍ ଲକ୍ ପାରୁସି ଦଲର୍ ଲକ୍ ଆରି ଗଟେକ୍ ସିସ୍‌ତୁମାଙ୍ ।

୧୧ ପାରୁସି ଲକ୍ ନିଜେ ଅଲ୍‌ପ୍ ଦୁରିକେ ଟିଆଅଇ ଏନ୍ତି ପାର୍‌ତନା କର୍‌ବାର୍ ବସ୍‌ଲା, “ଏ ପର୍‌ମେସର୍ ମୁଇ ତମ୍‌କେ ଦନିଅବାଦ୍ ଦେଲିନି । ମୁଇ ବିନ୍‌ଲକ୍‌ପାରା ଲବ୍‌ରା ନାଇ କି ମିର୍‌ମାୟା ନାଇ କି ବେସିଆ କାମ୍ କରି ନାଇ । ଆରି ତକେ ଜୁଆର୍ କଲିନି ମୁଇ ଏ ସିସ୍‌ତୁମାଙ୍ ପାରା ନଇ ।”

୧୨ ଆରି ସେ କଇଲା, “ମୁଇ ଜିଉଦିମନର୍ ନିୟମ୍ ଇସାବେ ଆଟ୍‌କେ ଦୁଇ ଦିନ୍ ଉପାସ୍ ରଇ ପାର୍‌ତନା କଲିନି । କାମାଇଲାଟାନର୍ ଦସ୍‌ବାଗର ବାଗେକ୍ ତମ୍‌କେ ଦେଲିନି ।” ବଲି ପାର୍‌ତନା କଲା ।

୧୩ ମାତର୍ ସେ ସିସ୍‌ତୁମାଙ୍ ଦୁରିକେ ଟିଆଅଇ ପାର୍‌ତନା କର୍‌ବା ବେଲେ ସରଗ୍‌ବାଟେ ଦେକ୍‌ବାକେ ମିସା ମନ୍ ନକରି ନିଜର୍ ବୁକେ ମାରିଅଇ ଏନ୍ତି ପାର୍‌ତନା କଲା । “ଏ ପର୍‌ମେସର୍ ମୁଇ ଗଟେକ୍ ପାପି ଲକ୍ ମକେ ଦୟା କରା !”

୧୪ ☆ଜିସୁ ତାର୍ ସିସମନ୍‌କେ କଇଲା, “ସେ ଦୁଇଲକ୍ ପାର୍‌ତନା ସାରାଇ ବାଅଡ଼ଲାକେ, ସିସ୍‌ତୁମାଙ୍‌ସେ ପର୍‌ମେସର୍ ଦେକ୍‌ବା ଇସାବେ ଦରମ୍ ରଇଲା । ପାରୁସି ନାଇ । ଜେ ବଡ଼ପନ୍ ଦେକାଇ ଅଇସି ଆରି ବଡ଼ ବଲି ବାବ୍‌ସି, ତାକେ

☆ ୧୭:୩୩ ମାଡ଼ିଉ ୧୦:୩୯;୧୭:୨୫; ମାର୍କ ୮:୩୫; ଲୁକ୍ ୯:୨୪; ଜଅନ୍ ୧୨:୨୫ ☆ ୧୮:୧୪ ମାଡ଼ିଉ ୨୩:୧୨; ଲୁକ୍ ୧୪:୧୧

ପରମେସର ସାନ୍ ଲକ୍ କରସି । ମାତର ଜେ ନିଜ୍ଜକେ ସାନ୍ ଲକ୍ପାଠା ବାବସି ତାକେ ପରମେସର ବଡ଼ ଲକ୍ କରସି, ଏ କାତା ଏତାଇ ରୁଆ ।”

ଜିସୁ ସାନ୍ପିଲାମନ୍‌କେ ଆସିରବାଦ୍ କଲା

୧୫ ଆରି ଗଟେକ୍ ଦିନେ ଲକ୍‌ମନ୍ ତାକର୍ ସାନ୍‌ସାନ୍ ପିଲାମନ୍‌କେ “ଜିସୁ ଚି କରି ଆସିରବାଦ୍ କର ।” ବଲି ଆନ୍‌ତେ ରଇଲାଇ । ସିସ୍‌ମନ୍ ସେଟା ଦେକି ଲକ୍‌ମନ୍‌କେ ଲାଗିଲାଇ ।

୧୬ ମାତର ଜିସୁ ପିଲାମନ୍‌କେ ଲଗେ ଡାକି, ସିସ୍‌ମନ୍‌କେ କଇଲା, “ପିଲାମନ୍‌କେ ମର୍ ଲଗେ ଆନ୍‌ବାକେ ମନାକରା ନାଇ । କାଇକେ ବଇଲେ ସରଗ୍ ରାଇଜ୍ ଏନ୍ତି ସାନ୍ ସାନ୍ ପିଲାମନ୍‌ର ପାଠା ବିସ୍‌ବାସ୍ କରବା ଲକ୍‌ମନ୍‌ରପାଇସେ ।

୧୭ ଏତାଇ ରୁଆ ! ମୁଇ ତମ୍‌କେ ସଡ଼କାତା କଇଲିନି । କେ ମିସା ଏ ସାନ୍‌ଲକ୍ ବିସ୍‌ବାସ୍ କଲାପାଠା ମକେ ବିସ୍‌ବାସ୍ ନ କଲେ, ସେ ପରମେସରର ରାଇଜେ ଜାଇ ନାପାରେ ।”

ଗଟେକ୍ ସାଉକାର୍ ଲକ୍

(ମାତିଉ ୧୯:୧୭-୩୦; ମାର୍କ ୧୦:୧୭-୩୧)

୧୮ ଦିନେକ୍ ଗଟେକ୍ ଜିଉଦି ନେତା ଜିସୁକେ ପାଚାରଲା, “ଏ ନିମାନ୍ ଗୁରୁ ! ନ ସାରବା ଜିବନ୍ ମିଲାଇବାକେ ମୁଇ କାଇଟା କରବାର୍ ଆଚେ ?”

୧୯ ଜିସୁ ତାକେ କଇଲା, ମକେ କାଇକେ ନିମାନ୍ ବଲି କଇଲୁସ୍‌ନି ? କାଇକେ ବଇଲେ ପରମେସର ଗଟେକ୍ ଲକ୍‌ସେ ନିମାନ୍ ।

୨୦ ମାତର ମୁଇ ତମ୍‌କେ କଇଲିନି “ବେସିଆ କାମ୍ କରା ନାଇ, କାକେ ମରାଆ ନାଇ, ବିନ୍ ଲକ୍‌ର ଦିନ୍‌ସୁ ଚରାଆ ନାଇ, ମିର୍ ସାକି କୁଆ ନାଇ, ଆରି ତମର ମାଆବାବାର୍ କାତା ମାନା । ପରମେସର ମସାକେ ଏନ୍ତି ନିୟମ୍ ଦେଲାଆଚେ ଜାନି ଆରୁସ୍ ।”

୨୧ ସେ ଲକ୍ ଜିସୁକେ କଇଲା, “ଏ ସବୁ ନିୟମ୍ ତା ମୁଇ ପିଲାବେଲେ ଅନି ମାନ୍‌ଲିନି । ମୁଇ ଆରି କାଇଟା କରବାର୍ ଆଚେ ?”

୨୨ ଜିସୁ ଏଟା ସୁନି ତାକେ କଇଲା, ତରଟାନେ ଆରି ଗଟେକ୍ ବିସଇ ଉନା ଆଚେ । ତର୍ ସବୁ ଦନ୍ ସ୍‌ପତି ବିକି ଗରିବ୍ ଲକ୍‌ମନ୍‌କେ ବାଟାକରିଦେସ୍ । ଏନ୍ତି କଲେ ତକେ ସର୍ଗେ ଦନ୍ ରଇସି । ଏଟା ସବୁ କଲା ପଚେ ତୁଇ ମର୍ ସଙ୍ଗ୍ ଆଉ ।

୨୩ ମାତର ସେ ଲକ୍ ଏ କାତା ସୁନି ମନ୍ ଦୁକ୍ ଅଇ ଉଟିଗାଲା । କାଇକେ ବଇଲେ ସେ ବେସି ସାଉକାର୍ ରଇଲା ।

୨୪ ସେ ଲକ୍ ମନ୍‌ଦୁକ୍ ଅଇଲାଟା ଦେକି ଜିସୁ ତାର୍ ସିସ୍‌ମନ୍‌କେ କଇଲା, “ସାଉକାର୍ ଲକ୍‌ମନ୍ ସରଗ୍ ରାଇଜେ ଜିବାଟା କେଡେ କସ୍‌ଟର୍ ବିସଇ !

୨୫ ସେ ଲକ୍‌ମନ୍ ସରଗ୍ ରାଇଜେ ଜିବାଟାନେଅନି ଗଟେକ୍ ବଡ଼ ଜୁଡ଼୍ ସୁଜିକାଣାବାଟେ ଚିଙ୍ଗିଲି ଜିବାକେ ସଅଜ୍ ଅଇସି ।”

୨୬ ଏକାତା ସୁନ୍‌ତେ ରଇଲା ଲକ୍‌ମନ୍ କଇଲା, “ଏନ୍ତି ବଇଲେ କେ ତେବେ ଉଦାର୍ ପାଇସି ?”

୨୭ ଜିସୁ କଇଲା, “ପରମେସରର୍ ଟାନେ ନାପାରଲା ବିସଇ କାଇଟା ନାଇ ।”

୨୮ ପିତର୍ ଜିସୁକେ କଇଲା, “ଦେକା ଆମର୍ ଗରର୍ ସବୁ ଚାଡ଼ିକରି ତମର୍ ସଙ୍ଗ୍ ଆଇଲୁଆରୁ ।”

୨୯ ଜିସୁ ସେମନ୍‌କେ କଇଲା, “ଉଁ ମୁଇ ତମ୍‌କେ ସଡ଼କାତା କଇଲିନି । ଜନ୍ ଲକ୍ ପରମେସରର୍ ରାଇଜ୍ ପାଇ ନିଜର୍ ଗର୍‌ଦୁଆର୍, ମାଇଜିପିଲା, ବାଇବଇନି, ମାଆବାବା ଆରି ପିଲାଟକିକେ ଚାଡ଼ି ଆଚେ ବଇଲେ,

୩୦ ତାକେ ଏ ଦୁନିଆର୍ ଜିବନେ, ସେ ଜେଡ଼କି ଚାଡ଼ି ରଇଲା ତାର୍ ତେଇ ଅନି ଅଦିକ୍ ମିଲ୍‌ସି । ଆରି ପଚେ ତାକେ ନ ସାରବା ଜିବନ୍ ମିଲ୍‌ସି ।”

ଜିସୁ ଏଟାସଙ୍ଗ୍ ତିନ୍‌ତର୍ ଅଇଲା ତାର୍ ମରନର୍ କାତା କଇଲା

(ମାତିଉ ୨୦:୧୭-୧୯; ମାର୍କ ୧୦:୩୨-୩୪)

୩୧ ତାର୍ ପଚେ ଜିସୁ ତାର୍ ବାର୍ଟା ସିସ୍‌ମନ୍‌କେ ବିନେ ଡାକିନେଇ କଇଲା, “ସୁନା ! ଆମେ ଜିରୁସାଲମେ ଗାଲୁନି, ଜନ୍‌ବେଲା ଆମେ କେଟ୍‌ରୁ ସେବେଲା ପରମେସର ଟାନେଅନି ଆଇଲା ନର୍‌ପିଲା, ମର୍ ବିସଇ ନେଇ ବବିସଡ଼୍‌ବକ୍‌ତାମନ୍ ଲେକି ରଇଲା ସବୁ ବିସଇ ପୁରାପୁରୁନ୍ ଅଇସି ।

୩୨ ସେଟା କାଇଟା ବଇଲେ, ଜିରୁସାଲମେ ମକେ ରମିୟ୍ ଲକ୍‌ମନ୍‌କେ ସର୍‌ପିଦେବାଇ ଆରି ସେମନ୍ ମକେ କିଜାଇବାଇ ଆରି ଲାଜ୍ କରାଇ, ମର୍ ଉପରେ ତୁକ୍‌ବାଇ ।

୩୩ ତାର୍‌ପଚେ କର୍ତ୍ତା ସଙ୍ଗ୍ ମାର୍‌ବାଇ, ପଚେ ମକେ ମରାଇବାଇ । ମାତର୍ ତିନ୍‌ଦିନ୍ ପଚେ ମୁଇ ଆରି ତରେକ୍ ଜିବନ୍ ଅଇ ଉଟ୍‌ବି ।”

୩୪ ମାତର୍ ସିସ୍‌ମନ୍ ଏ ସବୁ କାତା ଅଲପ୍ ମିସା ବୁଜିନାପାରଲା, ସେ ବିସଇ ସେମନ୍‌ଟାନେଅନି ଲୁଚିରଇଲା ।

ଆଁକି ନ ଡିସ୍‌ବା ବିକାରିକେ ଜିସୁ ନିକକଲା

(ମାତିଉ ୨୦:୨୯-୩୪; ମାର୍କ ୧୦:୪୬-୫୨)

୩୫ ଜିସୁ ଜିରିଅ ଗତେ କେଟାକେଟି ଅଇଲାବେଲେ ଗଟେକ୍ କାଣା ବାଟ୍‌ପାଲି ବସି ବିକ୍‌ ମାଙ୍ଗ୍‌ତେ ରଇଲା ।
 ୩୬ ଜିସୁର୍ ସଙ୍ଗ୍‌ ଜିବା ଲକ୍‌ମନ୍ କାତା ସୁନି, “ଏଟା କାଇଟା ଅଇଲାନି ?” ବଲି ତେଇ ରଇଲା ଲକ୍‌ମନ୍‌କେ ପାଟାରିଲା ।
 ୩୭ ସେ ଲକ୍‌ମନ୍ କାଣାକେ କଇଲା, “ନାଜରିତ୍ ଗାଉଁର୍ ଜିସୁ ଏ ବାଟେ ଗାଲାନି ।”
 ୩୮ ତେଇ ସେ ଆଉଲିଅଇ କଇଲା, “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ ! ତମେ ମକେ ଦୟା କରା ।”
 ୩୯ ଆଗେ ଜିବା ଲକ୍‌ମନ୍ କାଣାକେ ଦମ୍‌କାଇ କରି ତୁପ୍‌ଅଇ ରଇବାକେ କଇଲା । ମାତର୍ ସେ ଅଦିକ୍ ଅଦିକ୍ ଆଉଲି ଅଇ “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ ! ମକେ ଦୟା କରା !” ବଲି କଇଲା ।
 ୪୦ ଜିସୁ ତାର୍ କାତା ସୁନି ଚିଆ ଅଇଲା ଆରି, “ତାକେ ମର୍ ଲଗେ ଆନା” ବଲି ଆଦେସ୍ ଦେଲା ।
 ୪୧ କାଣା ବିକାରି ଜିସୁର୍ ଲଗେ ଆଇଲାଜେ, ଜିସୁ ତାକେ ପାଟାରିଲା, “ମୁଇ ତରପାଇ କାଇଟା କର୍‌ବି ବଲି ମନ୍ କଲୁସ୍‌ନି ?” ସେ ଜିସୁକେ “ଏ ମାପ୍‌ରୁ, ମକେ ଦେକ୍‌ବା ବପୁ ଦିଆ । ସେନ୍ତି ମକେ ନିମାନ୍ କରିଦେ ।” ବଲି କଇଲା ।
 ୪୨ ତେବେ ଜିସୁ ତାକେ କଇଲା, “ତୁଇ ଦେକ୍‌ବାକେ ପାଆ ! ମୁଇ ତର୍ ଆଁକି ନିକ କର୍‌ବି କାଇକେ ବଇଲେ, ତୁଇ ମରତେଇ ବିସବାସ୍ କରି ଆତୁସ୍ ।”
 ୪୩ ସେ ଦାପ୍‌ରେ, ସେ କାଣା ଦେକି ପାରଲା । ଆରି ପର୍‌ମେସର୍‌କେ ଦନିଅବାଦ୍ କରିକରି ଜିସୁର୍ ସଙ୍ଗ୍ ଗାଲା । ଏ ଗଟ୍‌ନା ଦେକ୍‌ଲା ସବୁ ଲକ୍‌ମନ୍ ପର୍‌ମେସର୍‌ର ଡାକ୍‌ପୁଟା କଲା ।

୧୯

ଜିସୁ ଆରି ଜକିୟ

୧ ଜିସୁ ଆରି ତାର୍ ସିସ୍‌ମନ୍ ଜିରିଅ ବାଟେ ଜାଇତେ ରଇଲା ।
 ୨ ତେଇ ଜକିୟ ନାଉଁର୍ ଗଟେକ୍ ମୁକିଅ ସିସ୍‌ତୁମାଙ୍ଗ୍ ରଇଲା । ସେ ବେସି ସାଉକାର୍ ରଇଲା ।
 ୩ ଜିସୁ କେନ୍ତାର୍ ଲକ୍ ବଲି ଦେକ୍‌ବାକେ ଜକିୟ ମନ୍ କର୍‌ତେ ରଇଲା । ମାତର୍ ଜିସୁର୍ ସଙ୍ଗ୍ ବେସି ଲକ୍‌ମନ୍ ଜାଇତେ ରଇଲାକେ ତାକେ ଦେକିନାପାଟେ ରଇଲା । କାଇକେବଇଲେ ସେ ବୁଟି ରଇଲା ।
 ୪ ସେଟାର୍ ପାଇ ସେ, ଲକ୍‌ମନ୍ ଆଗତୁ ପାଲାଜ ଜାଇ ଜିସୁକେ ଦେକ୍‌ବାକେ ଗଟେକ୍ ତୁମ୍‌ରି ଗଟେ ଚଗ୍‌ଲା । କାଇକେ ବଇଲେ ଜିସୁ ସେ ବାଟ୍‌ଦେଇ ଜିବାର୍ ରଇଲା ।
 ୫ ଜିସୁ ସେ ଜାଗାଇ କେଟି ଉପ୍‌ରେ ଦେକିକରି ଜକିୟକେ କଇଲା, “ଜକିୟ ବିଗି ଉତ୍‌ରି ଆଉ, ଆଜି ମୁଇ ତମର୍ ଗରେ ରଇବି ।”
 ୬ ତାର୍ ପଟେ ଜକିୟ ଦାପ୍‌ରେ ଉତ୍‌ରି ଆସି ବେସି ସାର୍‌ଦାଅଇ ଜିସୁକେ ତାର୍ ଗରେ ଡାକିନେଲା ।
 ୭ ସେଟା ଦେକି ତେଇ ରଇଲା ଲକ୍‌ମନ୍ ଜିସୁ ଗଟେକ୍ ପାପି ଲକ୍‌ମନ୍ ଗରେ କାଇବାକେ ଗାଲାନି ବଲି ଗୁର୍‌ମୁରି ଜାଇତେରଇଲା ।
 ୮ ଜକିୟ ଚିଆଅଇ ଜିସୁକେ କଇଲା, “ଏ ମାପ୍‌ରୁ, ସୁନା ! ମର୍ ସଁପତିଅନି ଅଦାବାଗ୍ ଗରିବ୍ ଲକ୍‌ମନ୍‌କେ ଦାନ୍ କରିଦେବି । ଆରି ସିସ୍‌ତୁ ମାଙ୍ଗ୍‌ବା ବେଲାଇ କାର୍‌ଟା ଅନିଆଇକରି ଆନି ରଇଲାଟା ମୁଇ ଚାର୍‌ଗୁନ୍ ଅଦିକ୍ ବାଉଡାଇ ଦେବି ।”
 ୯ ଜିସୁ ଜକିୟକେ କଇଲା, “ଆଜି ଏ ଗରେ ମୁକ୍ତି ମିଲ୍‌ଲା । କାଇକେବଇଲେ ଏ ମିସା ଗଟେକ୍ ଅର୍‌ରାଆମର୍ ନାଡିଡିଡି ।
 ୧୦ *ପର୍‌ମେସର୍ ଟାନେଅନି ଆସିରଇବା ନର୍‌ପିଲା ମୁଇ ପାପେ ରଇଲା ଲକ୍‌ମନ୍‌କେ ସେମନ୍‌ର୍ ପାପେଅନି ରକିଆ କର୍‌ବାକେ ଆସିଆତି ।”

ସୁନା ଟାଙ୍ଗାର୍ କାତାନି

(ମାଡିଉ ୨୫:୧୪-୩୦)

୧୧ ସେମନ୍ ଜିରୁସାଲାମ୍ ଲଗେ ଆଇଲା ବେଲାଇ ଜିସୁର୍ ସଙ୍ଗ୍ ଜିବା ଲକ୍‌ମନ୍ ତାର୍ କଇବା ସବୁ କାତା ସୁନ୍‌ତେ ରଇଲା । କାଇକେବଇଲେ ତାର୍ କାତା ସୁନ୍‌ଲା ଲକ୍‌ମନ୍ ପର୍‌ମେସର୍‌ର ରାଇଜର୍ ସାସନ୍ ଦାପ୍‌ରେ ଅଇସି ବଲି ବାଟ୍‌ତେ ରଇଲା ।
 ୧୨ ସେଟାର୍‌ପାଇ ସେ ଏ କାତାନି କଇଲା, ଗଟେକ୍ ବଡ୍ ଗରେ ଜନମ୍ ଅଇଲା ଲକ୍ ଦୁର୍ ଦେସେ ଜିବାକେ ତିଆର୍ ଅଇଲା । କାଇକେ ବଇଲେ ତେଇ ତାକେ ରାଜା କରାଇବାଇ । ସମାନ୍ ବେଲାଇ ତାର୍ ଦେସେ ସେ ବାଉଡି ଆଇସି ।
 ୧୩ ତାର୍ ଆଗତୁ ସେ ତାର୍ ଦସ୍‌ଟା ଦାଙ୍ଗ୍‌ତାମନ୍‌କେ ଡାକି, ଗଟେକ୍ ଗଟେକ୍ ଲକ୍‌କେ ଗଟେକ୍ ଗଟେକ୍ ସୁନାର୍ ଡାବୁ ଦେଇ କରି କଇଲା, “ମୁଇ ବାଉଡି ଆଇବାଜାକ ଏ ଡାବୁ ବେବାର୍ କରି ବୁଡେକ୍ କରି ରୁଆ ।”
 ୧୪ ମାତର୍ ତାର୍ ଦେସର୍ ଲକ୍‌ମନ୍ ତାକେ ଇନ୍ କର୍‌ତେରଇଲା । ଆରି ସାସନ୍ କର୍‌ବା ଲକ୍‌ମନ୍ ଲଗେ କବର୍ କଇ ପାଟାଇଲା, “ଏ ଲକ୍ ଆମ୍‌କେ ସାସନ୍ କର ବଲି ଆମେ ମନ୍ କରୁନାଇ ।”

☆ ୧୯:୧୦ ମାଡିଉ ୧୮:୧୧

୧୫ ଏହି ବଲି କଲଲେ ମିସା, ସେ ରାଜାଅଇ ଗରେ ବାଉଡ଼ି ଆଇଲା । ଆରି ସେ କାକେ କାକେ ସୁନାର୍ ତାରୁ ଦେଇ ରଇଲା, ସେମନ୍ କେତେକ୍ ଲାକା ଲାବ୍ କଲାଇ ଆଚତ୍ ବଲି ଜାନ୍‌ବାକେ ତାକାଇ ପାଟାଇଲା ।

୧୬ ତେଇ ପର୍ତୁମର୍ ଲକ୍ ଆସି କଇଲା, “ଏ ଆଗିଆଁ, ତମେ ଦେଲା ଗଟେକ୍ ସୁନାର୍ ତାରୁ ନେଇ ଆରି ଦସ୍‌ଟା କଲିଆଟି ।”

୧୭ ସେ ରାଜା ସାର୍‌ଦା ଅଇ ତାକେ କଇଲା “ତୁଇ ନିକ ଦାଙ୍ଗ୍‌ତା, ଅଲପ୍ ବିସଇ ଦାଇଡ୍ ନେଇ କାମ୍ କଲୁସ୍ । ସେଟାର୍‌ପାଇ ମୁଇ ତକେ ଦସ୍‌ଟା ଗଡ୍ ଉପ୍‌ରେ ସାସନ୍ କରବାକେ ସର୍‌ପି ଦେଲିନି ।”

୧୮ ଆରି ଗଟେକ୍ ଲକ୍ ଆସି କଇଲା, “ଆଗିଆଁ, ତୁଇ ଦେଇରଇଲା ସୁନାର୍ ତାରୁ ନେଇ ଆରି ପାଁଟ୍‌ଟା ଲାବ୍ କଲିଆଟି ।”

୧୯ ସେ ରାଜା ତାକେ ମିସା କଇଲା “ତକେ ସାସନ୍ କରବାକେ ପାଁଟ୍‌ଟା ଗଡ୍ ସର୍‌ପିଦେଲିନି ।”

୨୦ ମାତର୍ ଆରି ଗଟେକ୍ ଦାଙ୍ଗ୍‌ତା ରାଜାର୍ ଲଗେ ଆସି କଇଲା, “ଏ ଆଗିଆଁ, ତମେ ଦେଇରଇଲା ସୁନାର୍ ତାରୁ ଏଦେ ଦେକା, ଗଟେକ୍ ଗର୍‌ଣ୍ଡାଇ ଗୁଡ଼ିଆ ବାନ୍ଦି ସଙ୍ଗଇ ଦେଇରଇଲି ।

୨୧ ତୁଇ ସାସନ୍ କରବା ଲକ୍ ବଲି ଡରିକରି ମୁଇ ସେଟା ନେଇ ବେବାର୍ କରନାଇ । କାଇକେବଇଲେ ଜାକେ ଦେଇ ନ ରଉସ୍ ତାର୍‌ତେଇଅନି ମାଜିନେଇସୁ । ଆରି ଜନ୍ତି ବୁନି ନ ରଉସ୍ ତେଇଅନି କାଟି ନେଇସୁ ।”

୨୨ ସେ ରାଜା ରିସାଅଇ କଇଲା, “ଅଇରେ ଦାଙ୍ଗ୍‌ତା, ତର୍ କାତା ଇସାବେ ଆକା ତକେ ବିଚାର୍ କର୍‌ବି । ମୁଇ ଲକ୍‌ମନ୍ ଜନ୍‌ଟା ଦେଇ ନ ରଇ ସେଟା ମାଗିନେବି, ଆରି ଜନ୍‌ତେଇ ବୁନି ନ ରଇ ତେଇଅନି କାଟ୍‌ବି, ସେଟା ଜାନିରଇଲୁସ୍ ।

୨୩ ସେନ୍ତାର୍‌ଆଲେ ମର୍ ସୁନାର୍ ତାରୁ କାଇକେ ବେକେ ସଙ୍ଗଊସ୍ ନାଇ ? ସଙ୍ଗଇ ରଇଲେ ତେଇଅନି ମକେ କଲନ୍ତର୍ ମିଲ୍‌ତା ।”

୨୪ ଆରି ସେ ଲଗେ ଚିଆଅଇଲା ଲକ୍‌ମନ୍‌କେ ରାଜା କଇଲା, “ତାର୍ ତେଇଅନି ଏ ଅଦ୍‌ଲି ମାଗିନେଇ ଜେ ଦସ୍‌ଟା ଅଦ୍‌ଲି ଲାବ୍‌କଲା ଆଚେ, ତାକେ ଦିଆସ୍ ।”

୨୫ ମାତର୍ ସେ ଲକ୍‌ମନ୍ ରାଜାକେ ପାଟାର୍‌ଲାଇ, “ଏ ଆଗିଆଁ ତାର୍‌ଟାନେ ଦସ୍‌ଟା ଆଚେ ଆରି ତାକେ କାଇକେ ଦେଉଁ ?”

୨୬ ✨ସେ କଇଲା, “ମୁଇ ତମ୍‌କେ କଇଲିନି, ଜାକେ ଆଚେ ତାକେ ଅଦିକ୍ ଦିଆଅଇସି, ମାତର୍ ଜାର୍ ନାଇ, ତାର୍‌ତେଇ ରଇଲା ଅଲପ୍ ମିସା ଚାତାଇ ନିଆଅଇସି ।

୨୭ ✨ମାତର୍ ଜେମନ୍ ମୁଇ ତାକର୍ ରାଜା ଅଇବାକେ ମନ୍ ନ କର୍‌ତେ ରଇଲାଇ, ସେମନ୍‌କେ ତାକି ଆନି ମର୍ ମୁଆଟେ ମରାଇଦିଆସ୍ ।”

ଜିସୁ ଜିରୁସାଲାମ୍ ଜିତିକରି ଜିବାଟା
(ମାତିଉ ୨୧:୧-୧୧; ମାର୍କ ୧୧:୧-୧୧; ଜଅନ୍ ୧୨:୧୨-୧୯)

୨୮ ଜିସୁ ଏ ସବୁ କାତା କଇସାରାଇ ସିସ୍‌ମନ୍‌ର୍ ଆଗ୍‌ତୁ ଆଗ୍‌ତୁ ଜିରୁସାଲାମ୍ ବାଟେ ଗାଲା ।

୨୯ ଜେତେବଲ୍ ଜିସୁ ଆରି ତାର୍ ସିସ୍‌ମନ୍ ଜିଡ୍‌ଗର୍‌ମନ୍ ରଇଲା ତଙ୍ଗର୍ ପାଲି ଆରି ବେଡ୍‌ପାଗି ଆରି ବେଡ୍‌ନିଆ ଗଡେ କେଟ୍‌ଲାଇ, ସେ ସିସ୍‌ମନ୍‌ର୍ ବିଡ୍‌ରେ ଅନି ଦୁଇ ଲକ୍‌କେ, ସେମନ୍ ଜିବା ଆଗ୍‌ତୁ ଏନ୍ତାରି କଇପାଟାଇଲା ।

୩୦ ତମର୍ ମୁଆଟେ ରଇବା ଗାଏଁ ଜାଆ । ସେ ଗାଏଁ ଗାଲେ, କେ କେବେ ମିସା ଚଗିନରଇବା ଗଦ୍‌ପିଲା ବାନ୍ଦିଅଇରଇଲାଟା ଦେକ୍‌ସା । ତାକେ ମେଲି ଦାରିଆସା ।

୩୧ ଜେ ଜଦି ତମ୍‌କେ “କାଇକେ ମେଲି ନେଲାସିନି ?” ବଲି କଇଲେ “ଏଟା ଗୁରୁକେ ଦର୍‌କାର୍ ଆଚେ ବଲି କୁଆ ।”

୩୨ ପଟେ ସିସ୍‌ମନ୍ ସେ ଗାଏଁ ଜାଇ, ଜିସୁ ଜେନ୍ତି କଇରଇଲା ସେନ୍ତି ଦେକ୍‌ଲାଇ ।

୩୩ ଆରି ସେମନ୍ ସେ ଗଦ୍‌ପିଲାକେ ମେଲ୍‌ବାବେଲେ ଗଦ୍ ପିଲାର୍ ସାଉକାର୍ ସେମନ୍‌କେ ପାଟାର୍‌ଲା, “କାଇକେ ଗଦ୍‌ପିଲାକେ ମେଲ୍‌ଲାସିନି ?”

୩୪ ସିସ୍‌ମନ୍ କଇଲାଇ, “ଏ ଗଦ୍‌ପିଲା ଗୁରୁକେ ଦର୍‌କାର୍ ଆଚେ ।”

୩୫ ସିସ୍‌ମନ୍ ଗଦ୍ ପିଲାକେ ଜିସୁର୍ ଲଗେ ଆନି ନିଜର୍ ନିଜର୍ ଲୁଗା ଗଦର୍ ଉପ୍‌ରେ ତାବି ଜିସୁକେ ତାର୍ ଉପ୍‌ରେ ବସାଇଲାଇ ।

୩୬ ଆରି ଜିସୁ ଗାଲା ବାଟେ ଲକ୍‌ମନ୍ ନିଜର୍ ନିଜର୍ ପଟିଆମନ୍ ଅଟାଇ ଦେଲାଇ ।

୩୭ ଜିସୁ ଜେତେବଲ୍ ଜିଡ୍‌ଗର୍‌ମନ୍ ରଇଲା ଗଡ୍‌ଗଡା ଜାଗା ଲଗେ କେଟ୍‌ଲା, ସେବେଲା ତେଇ ରଇଲା ତାର୍ ଜେଡ୍‌କି ସିସ୍ ମାନ୍ଦା ସେ କରିରଇଲା କାବାଅଇଜିବା କାମ୍ ଏତାଇ, ସାର୍‌ଦାଅଇ ଆଉଲିଅଇକରି ପର୍‌ମେସର୍‌କେ କୁଆର୍ କରି କଇଲାଇ,

୩୮ “ପର୍‌ମେସରର୍ ନାଉଁ ନେଇକରି ଜନ୍ ରାଜା ଆଇଲାନି ତାକେ ସେ ଆସିର୍‌ବାଦ୍ କର । ସର୍‌ଗେ ସାନ୍ତି ଅ, ଆରି ସବୁର୍‌ଟାନେ ଅନି ବଡ୍ ପର୍‌ମେସରର୍ ମଇମା ଅ ।”

☆ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ୍ ୮:୧୮ ☆ ୧୯:୨୭ ମାତିଉ ୨୫:୧୪-୩୦

୩୯ ସେ ସିସ୍ ମାନ୍ଦାର ବିତ୍ତରେ କେତେଟା ପାରୁସିମନ୍ ଜିସୁକେ କଇଲା, “ଏ ଗୁରୁ ତରସଙ୍ଗ୍ ଆଇବା ସିସ୍ମନ୍‌କେ ଚିମ୍‌ରାଅଇ ରଇବାକେ କଅ ।”

୪୦ ମାତର ଜିସୁ ସେମନ୍‌କେ କଇଲା, “ମୁଇ ତମ୍‌କେ କଇଲିନି, ଏ ଲକ୍‌ମନ୍ ଚିମ୍‌ରାଅଇ ରଇଲେ ପାକ୍‌ନାମନ୍ ତାକର୍ ନିଜେ ନିଜେ ଆଉଲି ଅଇବାଇ ।”

ଜିସୁ ଜିରୁସାଲାମର୍ ପାଇ କାନ୍‌ଲା

୪୧ ଜିସୁ ଜିରୁସାଲାମ୍ ଲଗେ କେଟ୍‌ଲା ବେଲେ ସେ ଗଡ୍ ଦେକି କାନ୍‌କରି କଇଲା,

୪୨ “ସାନ୍ତି ପାଇବାକେ କାଇଟା ଦରକାର୍, ସେଟା ଜଦି ତମେ ଆଜି ଜାନିରଇତାସ୍ ଆଲେ, କେତେ ନିକ ଅଇତା ! ମାତର ସେସବୁ ଏବେ ତମେ ଦେକି ନାପାରଲାସ୍ନି ।

୪୩ ସେଟାରପାଇ ବଲି ଏନ୍ତି ବେସି ବାଦା ଅଇଜିବା ଦିନ୍ ଆଇସି । ତମର୍ ସତ୍‌ରୁମନ୍ ତମର୍ ଚାରିବେଟ୍ତି ପାରୁରି ବାନ୍ଦି ଅଟ୍‌କାଇବାଇ ଆରି ଚାରିବେଟ୍ତି ଅନି ତମର୍ ଉପରେ ମାଣ୍ଡି ଆଇବାଇ ।

୪୪ ସେମନ୍ ତମକେ ଆରି ତମର୍ ପାରୁରି ତେଇ ରଇବା ଲକ୍‌ମନ୍‌କେ ପୁରାପୁରୁନ୍ ନସାଇ କୁଟ୍‌କୁଟା କରିଦେବାଇ । ଗଟେକ୍ ପାକ୍‌ନା ମିସା ନିଜର୍ ଜାଗାଇ ନ ଚାଡ୍‌ତ । କାଇକେବଇଲେ ପର୍‌ମେସର୍ ତମ୍‌କେ ରକିଆ କର୍‌ବାକେ ଆସିରଇଲା, ସେବେଲା ତମେ ଜାନି ନାପାରଲାସ୍ ।”

ଜିସୁ ମନ୍‌ହରେ ଗାଲା

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜଅନ୍ ୨:୧୩-୨୨)

୪୫ ଆରି ଜିସୁ ଜିରୁସାଲାମ୍ ମନ୍‌ହରେ ବିତ୍ତରେ ପୁରିକରି ତେଇ ଗେନାବିକା କର୍‌ବା ଲକ୍‌ମନ୍‌କେ ବାର୍‌କରାଇଦେବାର୍ ଦାରଲା ।

୪୬ ସେମନ୍‌କେ କଇଲା, “ଦରମ୍ ସାସ୍‌ତରେ ଏନ୍ତାରି ଲେକାଅଇଲା ଆଟେ, ମର୍ ଗର୍ ପାର୍‌ତନା ଗର୍ ଅଇସି । ମାତର ତମେ ସେଟା ଚର୍‌ମନର୍ ଲୁଟ୍‌ବା ଜାଗା କରିଆଟାସ୍ ।”

୪୭ *ତାର ପଟେ ଜିସୁ ସବୁଦିନେ ଜିରୁସାଲାମ୍ ମନ୍‌ହରେ ସିକିଆ ଦେଇତେ ରଇଲା । ମାତର ମୁକିଅ ପୁଜାରିମନ୍, ସାସ୍‌ତର୍ ସିକାଉମନ୍ ଆରି ନେତାମନ୍ ମିସି ଜିସୁକେ ମରାଇବାକେ ଚେସଟା କର୍‌ତେ ରଇଲାଇ ।

୪୮ କାଇକେ ବଇଲେ ଗୁଲାଇ ଲକ୍, ଜିସୁ ସିକାଇଦେବା କାତା ଆରି ସେ କଇତେରଇବା ପର୍‌ମନ୍ ମନ୍‌ଦିଆନ୍ ଦେଇ ସୁନ୍‌ତେ ରଇଲାଇ । ତେବର୍ ପାଇ ସେମନ୍ କେନ୍ତାର୍ କର୍‌ବାର୍ ବଲି ବାଟ୍ ମିଲାଇ ନାପାର୍‌ତେ ରଇଲାଇ ।

୨୦

ଜିସୁର୍ ଅଦିକାର୍ ବିସଏ ପର୍‌ସନ୍

(ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଦିନେକ୍ ଜିସୁ ମନ୍‌ହରେ ଲକ୍‌ମନ୍‌କେ ମାପରୁର୍ ନିମାନ୍ କାତାର୍ ସିକିଆ ଦେଇତେରଇଲା । ସେବେଲାଇ ମୁକିଅ ପୁଜାରିମନ୍, ନିୟମ୍ ସିକାଇଦେବା ଲକ୍‌ମନ୍ ଆରି ପାର୍‌ଚିନ୍‌ମନ୍ ଜିସୁର୍ ଲଗେ ଆସି ପାଟାରଲାଇ ।

୨ “ତୁଇ କାର୍ ଅଦିକାର୍ ମିଲାଇକରି ଏସବୁ ବିସଇ କଲୁସ୍ନି ? କେ ତକେ ଏ ଅଦିକାର୍ ଦେଲା ? ଆମ୍‌କେ କ ।”

୩ ମାତର ଜିସୁ କଇଲା, “ମୁଇ ମିସା ତମକେ ଗଟେକ୍ କାତା ପାଟାରବି, ତମେ ମକେ କୁଆ ।

୪ ଜଅନ୍ କାର୍ ଅଦିକାର୍ ମିଲାଇ ଲକ୍‌ମନ୍‌କେ ତୁବନ୍ ଦେଇତେ ରଇଲା ? ସରଗର୍ ପର୍‌ମେସର୍ ଦେଲାଟାନ୍‌ନେ ଅନି କି, ଲକ୍‌ମନ୍‌ଚଟାନ୍‌ନେ ଅନି ?”

୫ ସେବେଲାଇ ସେମନ୍ ନିଜର୍ ନିଜର୍ ବିତ୍ତରେ ଦଦାପେଲା ଅଇଲାଇ । ଜଦି ଜଅନ୍‌ର୍ ତୁବନ୍ ସର୍‌ଗେଅନି ବଲି କଇଲେ, କାଇକେ ତାକେ ବିସ୍‌ବାସ୍ କରାସ୍ ନାଇ ? ବଲି କଇବାଇ ।

୬ ମାତର ଆମେ ଲକ୍‌ମନ୍‌ଚଟେଅନି ବଲି କଇଲେ ସବୁ ଲକ୍ ଆମ୍‌କେ ପାକ୍‌ନା ମାର୍‌ବାଇ । କାଇକେ ବଇଲେ, ଜଅନ୍ ସତଇସେ ପର୍‌ମେସର୍‌ଚଟେଅନି ଆଇଲା ବବିସତ୍‌ବକ୍ତା ବଲି ଆମର୍ ଜିଉଦି ଲକ୍‌ମନ୍ ବିସ୍‌ବାସ୍ କଲାଇନି ।

୭ ଏଟା ବାବିକରି ସେମନ୍ “ଆମେ ନାଜାନୁ ।” ବଲି କଇଲାଇ ।

୮ ଆରି ଜିସୁ ସେମନ୍‌କେ କଇଲା, “ଏନ୍ତି ବଇଲେ ମୁଇ ମିସା କାର୍ ଅଦିକାର୍ ମିଲାଇକରି ଏସବୁ ବିସଇ କଲିନି, ସେଟା ତମ୍‌କେ ନ କଇ ।”

ଅଙ୍ଗୁର୍ ବାତର ଆଦିବାଗ୍ ନେବା ତାସିମନ୍

(ମାତିଉ ୨୧:୩୩-୪୪; ମାର୍କ ୧୨:୧-୧୨)

୯ ତାର ପଟେ ଜିସୁ ଲକ୍‌ମନ୍‌କେ ବୁଜାଇବାକେ ଗଟେକ୍ କାତାନି କଇଲା । “ଗଟେକ୍ ଲକ୍ ତାର୍ ପଦାଇ ଅଙ୍ଗୁର୍ ତାସ୍ କରି, କେତେଟା ତାସିକେ ଆଦିବାଗ୍ କର୍‌ବାକେ ଦେଲା । ଦେଇକରି ସେ ବେସି ଦିନର୍ ପାଇ ଗଟେକ୍ ଦୁର୍ ଦେସେ ରଇବାକେ ଉଟିଗାଲା ।

☆ ୧୯:୪୭ ଲୁକ୍ ୨୧:୩୭

୧୦ ଆରି ଅଛୁର୍ ତଲ୍‌ବାବେଲା କେଟ୍‌ଲାକେ ସାଉକାର୍ ତାର୍ ଗଟେକ୍ ଦାଙ୍ଗ୍‌ତାକେ ତାର୍ ବାଗ୍ ମାଙ୍ଗି ଆନ୍‌ବାକେ ପାଟାଇଲା । ମାତର୍ ସେ ଲକ୍‌ମନ୍ ତାର୍ ବାଗ୍ ନ ଦେଇ ତାର୍ ଦାଙ୍ଗ୍‌ତାକେ କ୍ଳୁଟ୍‌କ୍ଳୁଟା ମାରି ରୁଟା ଆତେ ପାଟାଇଦେଲାଇ ।

୧୧ ତାର୍ ପଟେ ସେ ଆରି ଗଟେକ୍ ଦାଙ୍ଗ୍‌ତାକେ ପାଟାଇଲା । ସେମନ୍ ତାକେ ମିସା ମାରିକରି ନିନ୍ଦା କାତା କଇ, ଲାଜ୍ କରାଇକରି ରୁଟା ଆତେ ପାଟାଇ ଦେଲାଇ ।

୧୨ ତାର୍ ପଟେ ସାଉକାର୍ ଆରି ଗଟେକ୍ ଦାଙ୍ଗ୍‌ତାକେ ସେମନ୍‌ର୍ ଲଗେ ପାଟାଇଲା । ମାତର୍ ସେ ଦାଙ୍ଗ୍‌ତାକେ ମିସା ରଗ୍‌ରଗା ଅଇତେ ମାରି କେଦିଦେଲାଇ ।”

୧୩ ତାର୍ ପଟେ ସାଉକାର୍ ମନେ ମନେ ବାବ୍‌ଲା, “ଏବେ ମୁଇ କାଇଟା କରବି ? ମୁଇ ବେସି ଆଲାଦ୍ କରବା ମର୍ ପିଲାକେ ପାଟାଇବି । ବାଇଦରେ ସେମନ୍ ତାକେ ମାନ୍‌ବାଇ ।”

୧୪ ମାତର୍ ସେମନ୍ ସେ ପିଲା ଆଇବାଟା ଦେକିକରି ତାକର୍ ବିତ୍‌ରେ କାତାଅଇଲାଇ, “ଏଟାସେ ସେ ସାଉକାର୍‌ର୍ ପିଲା, ଆମେ ଆକେ ମରାଇଦେଲେ ଏ ସବୁ ଦନ୍ ଆମର୍ ଅଇଜାଇସି ।

୧୫ ଆରି ସେମନ୍ ସାଉକାର୍‌ର୍ ପିଲାକେ ବାଇରେ ନେଇ ମାରି ମରାଇଦେଲାଇ । ଏନ୍ତି ବଇଲେ ସାଉକାର୍ ସେ ଲକ୍‌ମନ୍‌କେ କାଇଟା କରିରଇସି ?

୧୬ ମୁଇ ତମ୍‌କେ କଇଲିନି, ସେ ଆସିକରି ସେ ଲକ୍‌ମନ୍‌କେ ମରାଇ ଦେଇସି । ଆରି ବଡ଼୍ ବିନ୍‌ଲକ୍‌ମନ୍‌କେ ଆଦିବାଗ୍ କରବାକେ ଦେଇସି ।” ମାତର୍ କାତାନି ସୁନ୍‌ତେ ରଇଲା ଲକ୍‌ମନ୍ କଇଲାଇ, “ଏନ୍ତାର୍ କେବେ ମିସା ନଅ ।”

୧୭ ମାତର୍ ଜିସୁ ଲକ୍‌ମନ୍‌କେ ନିକ ଦେକିକରି କଇଲା,
“ଏନ୍ତି ବଇଲେ ପର୍‌ମେସରର୍ ସାସ୍‌ତରେ ଲେକାଅଇଲା ଅରଡ଼ କାଇଟା ?
ଗରବାନ୍‌ବା ଲକ୍‌ମନ୍ ଜନ୍ ପାକ୍‌ନା ‘ନଏ’ ବଲି ଚାଡ଼ି ଦେଇରଇଲାଇ
ସେ ପାକ୍‌ନାସେ ଗର୍ କନର୍ ମୁଲ୍ ପାକ୍‌ନା ଅଇଲା ।

୧୮ ଜନ୍ ଲକ୍‌ମନ୍ ସେ ପାକ୍‌ନା ଉପ୍‌ରେ ଅଦର୍‌ବାଇ, ସେମନ୍ କଣ୍ କଣ୍ ଅଇଜିବାଇ, ଆରି ସେ ପାକ୍‌ନା ଜାର୍ ଉପ୍‌ରେ ଅଦର୍‌ସି, ସେ ବିଲି ଆଜିଜାଇସି ।”

ସିସ୍‌ତୁମାଙ୍ଗ୍‌ମନ୍ ଦେବା ବିସଇ ପାଟାର୍‌ବାଟା
(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ସେବେଲା ସାସ୍‌ତର୍ ସିକାଉମନ୍ ଆରି ମୁକିଅ ପୁଜାରିମନ୍ ଜିସୁର୍ କାତାନି ସୁନି, ତାକେ ଦାପ୍‌ରେ ବନ୍ଦି କରବାକେ ବାଟ୍ କଜ୍‌ତେ ରଇଲାଇ । କାଇକେ ବଇଲେ ଜିସୁ କଇବା ଅଛୁର୍ ବାତର୍ କାତା, ସେମନ୍‌ର୍ ବିସଇନେଇ କଇଲାନି ବଲି ବୁଜ୍‌ଲାଇ । ମାତର୍ ସେମନ୍ ଲକ୍‌ମନ୍‌କେ ଡର୍‌ତେ ରଇଲାଇ ।

୨୦ ସେଟାର୍‌ପାଇ ସେମନ୍ ତାର୍ ବୁଲ୍ ଦାର୍‌ବାକେ ଗଟେକ୍ ସୁଜଗ୍ କଜ୍‌ତେ ରଇଲାଇ । ସେମନ୍ କେତେଟା ଚର୍‌ମନ୍‌କେ ଲାଟ୍‌ଦେଇ ଦରମ୍ ଲକ୍‌ପାରା ଦେକାଇ ଅଇବାକେ ପାଟାଇଲାଇ । କାଇକେ ବଇଲେ ଜିସୁର୍ ଟଣ୍ଡେଅନି ବୁଲ୍‌କାତା ବାର୍‌କରାଇ, ଦସ୍ ଦାରି, ରମିୟ୍ ସାସନ୍‌କାରିଆକେ ସର୍‌ପି ଦେବାକେ ମନ୍‌କର୍‌ତେ ରଇଲାଇ ।

୨୧ ସେଟାର୍‌ପାଇ ସେ ଚର୍‌ମନ୍ ଜିସୁକେ ପାଟାର୍‌ଲାଇ, “ଏ ଗୁରୁ, ତମେ ଟିକ୍ କଇଲାସ୍‌ନି ଆରି ଟିକ୍ ସିକାଇଲାସ୍‌ନି ବଲି ଆମେ ଜାନିଆରୁ । କାର୍‌ବାଟେ ନ ଅଇ ଲକ୍‌ମନ୍‌ର୍ ଜିବନ୍‌ପାଇ ପର୍‌ମେସରର୍ ସତ୍ ବିସଇସେ ସିକାଇଲୁସ୍‌ନି ।

୨୨ ଏବେ ତୁଇ ଆମ୍‌କେ କଅ, ରମିୟ୍ ସର୍‌କାର୍‌ର୍ ରାଜା କାଇସର୍‌କେ ସିସ୍‌ତୁ ଦେବାଟା ଆମର୍ ନିୟ୍‌ମ୍ ଇସାବେ ଟିକ୍ କି ନାଇ ?”

୨୩ ମାତର୍ ଜିସୁ ସେମନ୍‌ର୍ ମନ୍‌ବିତ୍‌ରର୍ କାତା ଜାନିକରି କଇଲା,

୨୪ “ମକେ ଗଟେକ୍ ରମିୟ୍ ସର୍‌କାର୍‌ର୍ ଅଦ୍‌ଲି ତାରୁ ଦେକାଆ । ତେଇ କାର୍ ମୁର୍‌ତି ଆରି କାର୍ ନାଉଁ ଆଟେ ?”
“କାଇସରର୍ ମୁର୍‌ତି ଆରି ନାଉଁ ଆଟେ ।” ବଲି ସେମନ୍ କଇଲାଇ ।

୨୫ “ସେନ୍ତାର୍ ରଇଲେ ଜନ୍‌ଟା କାଇସରର୍‌ଟା ସେଟା କାଇସର୍‌କେ ଦିଆସ୍, ଜନ୍‌ଟା ପର୍‌ମେସରର୍‌ଟା ସେଟା ପର୍‌ମେସର୍‌କେ ଦିଆସ୍ ।” ବଲି କଇଲା ।

୨୬ ଏ କାତା ସୁନି ସବୁଲକ୍‌ର୍ ମୁଆଟେ ସେମନ୍ ଜିସୁର୍ ବୁଲ୍ ଦାର୍‌ବାର୍ ନାପାର୍‌ଲାଇ । ଆରି ଜିସୁର୍ କାତା ସୁନି ସେମନ୍ କାବାଅଇଜାଇ, ରୁପ୍‌ଅଇ ରଇଲାଇ ।

ଆରିତରେକ୍ ଜିବନ୍ ଅଇ ଉଟ୍‌ବା ବିସଇ ନେଇ ପର୍‌ସନ୍
(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ✨ତାର୍ ପଟେ କେତେଟା ସାଦୁକି ଲକ୍‌ମନ୍ ଜିସୁର୍ ଲଗେ ଗାଲାଇ । ସେମନ୍, ମଲା ଲକ୍‌ମନ୍ ଆରି ତରେକ୍ ଜିବନ୍‌ଅଇ ଉଟ୍‌ବା ବିସଇ ବିସ୍‌ବାସ୍ ନ କର୍‌ତେ ରଇଲାଇ ।

☆ ୨୦:୨୭ ପେରିଡ଼ ୨୩:୮

୨୮ ସେମନ୍ ଜିସୁକେ ପାଚାରଲା, “ଏ ଗୁରୁ, ମସା ଆମର୍ ପାଇ ଏନ୍ତି ନିୟମ୍ ଲେକିଆଚେ ଜେ, ଗଟେକ୍ ଲକ୍ ବିବାଅଇ ପିଲାଟକି ନ ଅଇତେ ମରିଗାଲେ ତାର୍ ବାଇ ସେ ରାଣ୍ଡିମାଜଜିକେ ସଙ୍ଗଇସି । ଆରି ପିଲାଟକି ଅଇଲେ ତାର୍ ବଡ଼ବାଇର୍ କୁଟୁମ୍ ରକିଆ ଅଇସି ।

୨୯ ଏନ୍ତି ସାଡ଼ବାଇ ରଇଲା । ପର୍ତୁମ୍ ବାଇ ବିବା ଅଇ ପିଲାଟକି ନଇତେ ମରିଗାଲା ।

୩୦ ତାର୍ ପଚେ ବଡ଼ମଜିଆ ରାଣ୍ଡିମାଜଜିକେ ସଙ୍ଗଇଲା । ମାତର୍ ସେ ମିସା ପିଲାଟକି ନଇତେ ମରିଗାଲା ।

୩୧ ତାର୍ ପଚେ ମଜିଆବାଇ ରାଣ୍ଡିମାଜଜିକେ ସଙ୍ଗଇଲାକେ ପିଲାଟକି ନଇତେ ମରିଗାଲା । ସେନ୍ତି ସେ ରାଣ୍ଡିମାଜଜିକେ ସାଡ଼ ବାଇ ଜାକ ସଙ୍ଗଇ ପିଲାଟକି ନଇତେ ମରିଗାଲା ।

୩୨ ସାରାସାରି ପଚେ ସେ ମିସା ମରିଗାଲା ।

୩୩ ଏନ୍ତି ବଇଲେ ମଲାଡେଇଅନି ଉଟ୍ଲା ପଚେ ସେ କାର୍ ମାଇଜି ଅଇସି ? କାଇକେ ବଇଲେ ସେମନ୍ ସାଡ଼ ଲକ୍ଜାକ ତାକେ ସଙ୍ଗଇ ରଇଲା ।”

୩୪ ଜିସୁ ସେମନ୍କେ କଇଲା, “ଏ ଜୁଗର୍ ମାଇଜି ମନସ୍ ବିବା ଅଇବାଇ,

୩୫ ମାତର୍ ଜନ୍ ମାଇଜିମନସ୍ ମଲାଟାନେଅନି ଉଟି, ଆଇବା ଜଗତେ ଜିଇବା କାଇବାକେ ବାଟିଅଇଆଚଡ଼, ସେମନ୍ ବିବା ନ ଅଅଡ଼ ।

୩୬ ସେମନ୍ ପର୍ମେସରର୍ ଦୁଡ଼ମନର୍ପାରା ଅଇ ଆରି କେବେମିସା ନ ମରଡ଼ । ପଚେ ମଲାଟାନେଅନି ଉଟି ପର୍ମେସରର୍ ପିଲାଟକି ଅଇ ରଇବାଇ ।

୩୭ ମସା ବଲ୍ କରି ବୁଜାଇ ଦେକାଇଦେଇ ଆଚେ । ମଲା ଲକ୍ମନ୍ ଜିବନ୍ ଅଇ ଉଟ୍ବାଇ । ଲାଗ୍ତେ ରଇବା ବୁଟାର୍ କାତାଇ, ମସା ଅବ୍‌ରାଆମର୍ ପର୍ମେସର୍, ଇସାକର୍ ପର୍ମେସର୍ ଆରି ଜାକୁବର୍ ପର୍ମେସର୍ ବଲି ପର୍ମେସର୍କେ ଜାନାଇ ଆଚେ ।

୩୮ ପର୍ମେସର୍ ମଲା ଲକ୍ମନ୍ର୍ ମାପୁରୁ ନଏଁ, ଜିବନ୍ ରଇଲା ଲକ୍ମନ୍ର୍ ମାପୁରୁ । ପର୍ମେସରର୍ ଦେକ୍‌ବା ଇସାବେ ତେଇ ସେମନ୍ ସବୁ ଲକ୍ ଜିବନ୍ ଅଇଆଚଡ଼ ।”

୩୯ ତାର୍ ପଚେ କେତେଟା ସାସ୍ତର୍ ସିକାଉମନ୍ “ଏ ଗୁରୁ ତୁଇ ବଡେ ନିକସଙ୍ ଉତର୍ ଦେଇଆରୁସ୍ !” ବଲି ଜିସୁକେ କଇଲା ।

୪୦ କାଇକେବଇଲେ ଜିସୁକେ ଆରି କେ ମିସା ପର୍ସନ୍ ପାଚାର୍‌ବାକେ ସାଆସ୍ କରଡ଼ ନାଇ ।

ମସିଅ କାର୍ ପିଲା ?

(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ତାର୍ ପଚେ ଜିସୁ ତାର୍ କାତା ସୁନ୍‌ବା ଲକ୍ମନ୍କେ ପାଚାରଲା, “ପର୍ମେସର ବାଟିପାଟାଇଲା କିରିସ୍ଟ ଦାଉଡ଼ ରାଜାର୍ ନାତିତିତି ବଲି ଲକ୍ମନ୍ କାଇକେ କଇଲାଇନି ?”

୪୨ କାଇକେ ବଇଲେ ଦାଉଡ଼ ରାଜା ଗିଡ଼ସଙ୍ଗିତା ବଇତେଇ ନିଜେ ଏନ୍ତି ଲେକି ଆଚେ, ପର୍ମେସର୍ ମର୍ ମାପୁରୁକେ କଇଲା,

୪୩ ମୁଇ ତର୍ ବିରଦିମନ୍କେ ଆରାଇକରି ତର୍ ପାଦ୍‌ତଲେ ସଙ୍ଗଇବା ପିତାପାରା ନ କର୍‌ବା ଜାକ,

ତୁଇ ମର୍ ଉଜାବାଟେସେ ବସି ର ।

୪୪ ଜଦି ଦାଉଡ଼ ରାଜା କିରିସ୍ଟକେ ମାପୁରୁ ବଲି ଡାକି ରଇଲେ ଆରି କିରିସ୍ଟ କେନ୍ତି ଦାଉଡ଼ ରାଜାର୍ ନାତିତିତି ଅଇସି ? ବଲି ପାଚାରଲା ।

ଜିସୁ ସାସ୍ତର୍ ସିକାଇବା ଲକ୍ମନ୍କେ ଜାଗ୍‌ରଡ଼ କରାଇଲା

(ମାତିଉ ୨୩:୧-୩୬; ମାର୍କ ୧୨:୩୮-୪୦)

୪୫ ସେବେଲା ସବୁ ଲକ୍ମନ୍ ଜିସୁ ସିକାଇବା ବିସଇ ସୁନ୍‌ତେ ରଇଲାବେଲେ, ସେ ତାର୍ ସିସ୍‌ମନ୍କେ କଇଲା,

୪୬ “ନିୟମ୍ ସିକାଇବା ଲକ୍ମନ୍‌ତେଇଅନି ଜାଗ୍‌ରଡ଼ ରୁଆ । ସେମନ୍ ନିମାନ୍ ପଟିଆ ପିନ୍ଦି ବୁଲ୍‌ବାକେ ମନ୍ କର୍‌ବାଇ । ଆଟେବାଟେ ଜୁଆର୍ ପାଇବାକେ, ପାର୍‌ତନା ଗରର୍ ମୁକିଆ ଜାଗାଇ ବସ୍‌ବାକେ, ଆରି ବଜିତେଇ ସବୁ ଲକ୍‌ଗାନେଅନି ଆଗତୁ ବସ୍‌ବାକେ ମନ୍ କର୍‌ବାଇ ।

୪୭ ସେମନ୍ ଲାଜ୍ ନଅଇ ରାଣ୍ଡି ମାଇଜିମନ୍କେ ନାଡାଇକରି ସେମନ୍ର୍ ଦନ୍‌ସ୍‌ପତି ଜୁରି ନେବାଇ । ମାତର୍ ସେମନ୍ ନିମାନ୍ ଲକ୍‌ପାରା ଦେକାଇଅଇବାଇ । ଆରି ଲକ୍‌ମନ୍ର୍ ମୁଆଟେ ବେସି ଲମାଇକରି ପାର୍‌ତନା କର୍‌ବାଇ । ଏନ୍ତାରି ଲକ୍‌ମନ୍କେ ପର୍ମେସର ବେସି ବଡ଼ ଡଣ୍ଡ ଦେଇସି ।”



ଗଟେକ୍ ରାଣ୍ଡିମାଜଜିର୍ ଚାନ୍ଦା

୧ ତାର୍ ପଚେ ଜିସୁ ଚାରିବେଡ଼ି ଦେକ୍‌ଲା ଆରି ସାଉକାର୍ ଲକ୍ମନ୍ ମନ୍ଦିରର୍ ପେଟିଆଟାନେ ଦାନ୍ ଦେବାଟା ଦେକ୍‌ଲା ।

୨ ସେବେଲା ଗଟେକ୍ ଅରକିଡ଼ ରାଣ୍ଡି ମାଇଜି ମିସା ଜଡେକ୍ ତାମାକାସୁ ଦେବାଟା ଜିସୁ ଦେକ୍‌ଲା ।

୩ “ମୁଁ ତମ୍ଭଙ୍କ ସତ୍ତ୍ୱେ କାତା କଲିନି, ସବୁ ଲକ୍ଷ୍ମୀମାନେ ଅନି ଏ ରାତ୍ରିମାଲି ଅଦିକ୍ ଦେଲା ଆଚେ ।

୪ କାଲକେ ବଇଲେ ସାଉକାର୍ ଲକ୍ଷ୍ମୀମନ୍ ନିଜର୍ ନିଜର୍ ଅଗଲ୍ଲା ଦନ୍ତେକଅନି ଅଲପ୍ ଅଲପ୍ ଦେଲା ଆଚତ୍ । ମାତର୍ ଏ, ନିଜେ ବର୍ତ୍ତ୍ତା ପାଇ ତାର୍ ଜେଡ୍ କି ରଇଲା ସବୁ ଦେଲା ଆଚେ ।”

ମନ୍ଦିର ବସଲ୍ଲାଟା

(ମାତିଉ ୨୪:୩-୧୪; ମାର୍କ ୧୩:୩-୧୩)

୫ କେତେଟା ସିସ୍ତାମ୍ ମନ୍ଦିରର୍ ବିସଇ ନେଇକରି ନିଆଇ କରତେ ରଇଲା । “ତେଇ ଲାଦିରଇବା ସୁନ୍ଦର୍ ସୁନ୍ଦର୍ ପାକ୍ନା ଆରି ପର୍ଯ୍ୟେସର୍କେ ସର୍ପି ଦେଲା ଦାନ୍ ସଙ୍ଗ୍ କେତେକ୍ ସୁନ୍ଦର୍ ଗର୍ ବାନ୍ଦ୍ଲା ଆଚତ୍” ବଲି କାତାଅଇତେ ରଇଲା ।

୬ “ଏକ୍ତି ଦିନ୍ ଆଇସି, ଏବେ ତମେ କାଇ କାଲଟା ଦେକ୍ଲାସ୍ନି ସେଟା ସବୁ କୁରୁପ୍ନାସ୍ ଜାଇସି । ଗଟେକ୍ ପାକ୍ନା ମିସା ତାର୍ ଜାଗାଇ ନ ରଏ । ସବୁ ମାଟିତେଇ ମିସି ଜାଇସି ।”

ଦୁକ୍ ଆରି ତାଡ୍ନା

(ମାତିଉ ୨୪:୩-୨୪; ମାର୍କ ୧୩:୩-୧୩)

୭ ତାର୍ ପଚେ ସେମନ୍ ଜିସୁକେ ପାଚାର୍ଲାଇ, “ଏ ଗୁରୁ, ଏଟା ସବୁ କେବେ ଅଇସି ? ଆରି ଏ ସବୁ ଗଟ୍ନା କେଟ୍ଟା ଆଗତୁ ସେଟା କେତେବଲ୍ ଅଇସି ବଲି କେକ୍ତି ତିନି ଅଇସି ?”

୮ ଜିସୁ ସେମନ୍କେ କଇଲା, “ଜାଗ୍ରତ୍ ଅଇକରି ରୁଆ, ନାତାଇ ଉଆ ନାଇ । ବେସି ଲକ୍ ମର୍ ନାଉଁଦାରି ଆସି କଇବାଇ, ‘ମୁଁକ୍ ସେ ଆକା ।’ ବେଲା କେଟ୍ଲା ଆଚେ, ମାତର୍ ତମେ ସେମନ୍ ପଚେ ଜାଆ ନାଇ ।

୯ ଆରି କେବେ ତମେ ଜୁଇଦ୍ ଆରି କିରମାର ଅଇବାଟା ସୁନ୍ସା, ସେବେଲା ଡରା ନାଇ । କାଲକେ ବଇଲେ ଏ ସବୁ ଗଟ୍ନା ଆଗତୁ ଅଇସିସେ । ମାତର୍ ଏ ଦୁନିଆର୍ ସେସ୍ ଦିନ୍ ସେଦାପ୍ରେ ନ ଆସେ ।”

୧୦ ଆରି ଜିସୁ କଇଲା, “ଦେସ୍ ବିରୁଦେ ଦେସ୍ ଆରି ଜାତି ବିରୁଦେ ଜାତି ଉଟ୍ସି ।

୧୧ ଦରତନି ରୁଲ୍ଲୁଲ୍ସି । ବଡ୍ ରଗମନ୍ ଅଇସି ଆରି ଆକାସେ କେବେ ନ ଅଇବା କାବା ଅଇଜିବା ତିନିମନ୍ ଡିସ୍ସି ।

୧୨ ମାତର୍ ଏ ସବୁ ବିସଇ ନ ଅଇବା ଆଗତୁ, ତମ୍ଭଙ୍କେ ବାନ୍ଦିକରି ନେଇ ସାସ୍ତି ଦେବାଇ, ପାର୍ତନା ଗର୍ମାନ୍କେ ବିଚାର୍ କରି ବନ୍ଦିଗରେ ପାକାଇବାକେ ସର୍ପିଦେବାଇ । ମର୍ପାଇ ତମେ ରାଜା ଆରି ସାସନ୍ କାରିଆମନ୍ ମୁଆଟେ ଚିଆ ଅଇସା ।

୧୩ ମର୍ ବିସଇ ତମେ ଦିନ୍ ଲକ୍ଷ୍ମୀମନ୍କେ କଇବାକେ ଗଟେକ୍ ସମାନ୍ ବେଲା ଅଇସି ।

୧୪ *ତେବର୍ ପାଇ ‘ମୁଁକ୍ ନିଜ୍ଜେ କେକ୍ତି ରକିଆ କର୍ବି ?’ ସେ ବିସଇ ବାବିକରି ଆଗେଅନି ଚିନ୍ତା କରା ନାଇ ।

୧୫ କାଲକେ ବଇଲେ ମୁଁକ୍ ତମ୍ଭଙ୍କେ ଚିକ୍ପଦ୍ କଇବାକେ ଗିଆନ୍ ଦେବି । ତମ୍ଭଙ୍କେ ବିରଦ୍ କର୍ବା ଲକ୍ଷ୍ମୀମନ୍ ସେ ଗିଆନ୍ ବାଦୁଲେ କାଲଟା କଇନାପାରତ୍ ।

୧୬ ଆରି ତମର୍ ମାଆ ବାବା, ବାଇ, ନିଜର୍ ଲାଗାର୍ ଲିତାର୍ ଲକ୍, ମଇତର୍ମନ୍ ଆରି କୁଟୁମର୍ ଲକ୍ଷ୍ମୀମନ୍, ତମ୍ଭଙ୍କେ ବିରଦିମନ୍କେ ସର୍ପି ଦେବାଇ ଆରି ତମର୍ ବିତ୍ରେ ଅନି କେତେ ଲକ୍କେ ମରାଇଦେବାଇ ।

୧୭ ତମେ ମର୍ତେଇ ବିସ୍ବାସ୍ କଲାସ୍ନି ବଲି ଗୁଲାଇ ଲକ୍ଷ୍ମୀମନ୍ ତମ୍ଭଙ୍କେ ଇନ୍ କର୍ବାଇ ।

୧୮ ମାତର୍ ତମର୍ ମୁଣ୍ଡର୍ ଚେଣ୍ଟି ମିସା ଗଟେକ୍ ନ ନସେ ।

୧୯ ତମେ ତାଟ୍ ଅଇ ରଇଲେ ଏ ସବୁ ବିସଇ ମୁରଟିକରି, ତମର୍ ଆତ୍ମାକେ ରକିଆ କର୍ସା ।”

ଜିରୁସାଲମ୍ ନସ୍ଟ ଅଇଜାଇସି

(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ “ମାତର୍ ଜେତେବଲ୍ ତମେ ଜିରୁସାଲମ୍ ଗତେ ବିରଦି ସନିଅମନ୍ ଚାରିବେଡ୍ଡି କିନ୍ଦି ରଇବାଟା ଦେକ୍ସା ବଇଲେ, ସେବେଲା ଜିରୁସାଲମ୍ ନସ୍ଟ ଅଇବା ବେଲା ଲଗେ କେଟ୍ଲା ବଲି ଜାନା ।

୨୧ ସେବେଲା କେ କେ ଜିଉଦା ଦେସେ ରଇବାଇ, ସେମନ୍ ଡଙ୍ଗର୍ ବିତ୍ରେ ପାଲାଅଡ୍ । କେ କେ ଗଡ୍ ବିତ୍ରେ ରଇବାଇ ସେମନ୍ କେନେ ମିସା ବର୍ତ୍ତାକେ ପାଲାଅଡ୍ । କେ କେ ଗଡ୍ ବାଇରେ ରଇବାଇ ସେମନ୍ ଗଡ୍ ବିତ୍ରେ ନ ପୁରତ୍ ।

୨୨ କାଲକେ ବଇଲେ ସେଟା ସାସ୍ତରର୍ ସବୁ ବିସଇ ଜେକ୍ତିକି ସିଦ୍ ଅଇସି, ସେଟାର୍ ପାଇ ସେ ଦିନ୍ମନ୍ ବେସି ଡଣ୍ଡ ପାଇବା ଦିନ୍ମନ୍ ଅଇସି ।

୨୩ ସେ ଦିନ୍ମନ୍କେ ଗାଗ୍ତେ ରଇବା ମାଇଜିମନ୍ ଆରି ଦୁଦ୍ କୁଆଇତେରଇବା ମାଆମନ୍ କେତେକ୍ ଦୁକର୍ ଦିନ୍ ଅଇସି । ଏ ଦେସ୍ ଲକ୍ଷ୍ମୀମନ୍କେ ଅପର୍ବଲ୍ ଦୁକ୍ ଆଇସି ଆରି ସେମନ୍ ଡଣ୍ଡ ପାଇବାଇ ।

୨୪ କେତେ ଲକ୍କେ କାଣ୍ଡାର୍ଦ୍ଦାର୍ ସଙ୍ଗ୍ ମରାଇବାଇ ଆରି କେତେ ଲକ୍ଷ୍ମୀମନ୍କେ ବନ୍ଦିକରି ବିନ୍ଦିନ୍ ଦେସେ ଦାରିଜିବାଇ । ଜିଉଦି ନଇଲା ଲକ୍ଷ୍ମୀମନ୍ ବେଲା ନ ସାର୍ବାଜାକ ଜିରୁସାଲମ୍ ବିନାସ୍ କର୍ବାକେ ଚାଡିଦେବାଇ ।”

☆ ୨୧:୧୪ ଲୁକ୍ ୧୨:୧୧,୧୨

ନରପିଲା ଆଇବାଟା

(ମାତ୍ରି ୨୪:୨୯-୩୧; ମାର୍କ ୧୩:୨୪-୨୭)

୨୫ * “ବାଦ୍‌ଲେ, ବେଲ୍‌ଟାନେ, ଜନ୍‌ଟାନେ ତାରାମନରଟାନେ କେବେ ନ ଡିସ୍‌ବା ଚିନ୍‌ମନ୍ ଡିସ୍‌ସି । ଦୁନିଆର୍ ସବୁ ଦେସର୍ ଲକ୍, ବେସି ଦୁକ୍ କସ୍‌ଟ ପାଇବାଇ । ଜେଡେବେଲା ସମ୍‌ଦୁରର୍ ବଡ଼ ଲଅଡି ଗରଜ୍‌ଲେ ଲକ୍‌ମନ୍ କାଇଟା କରବାର୍ ଆଟେ କାଇଟା ନାଇ ବଲି ବାୟାବିକଲ୍ ଅଇଜିବାଇ ।

୨୬ ଆରି ଲକ୍‌ମନ୍ ଦୁନିଆଇ ଆଇବା ସବୁ ଗଟ୍‌ନା ଦେକିକରି ‘କାଇକେ ଏନ୍ତି ଅଇଲାନି ?’ ବଲି ଡରିକରି କେଡେ ଲକ୍ ମୁରଟା ଅଇଜିବାଇ । କାଇକେ ବଇଲେ ଆକାସେ ରଇଲା ସବୁ ବିସଇ ପର୍‌ମେସର୍ ଚୁଲ୍‌ବୁଲାଇ ଦେଇସି ।

୨୭ * ସେବେଲାଇ ଲକ୍‌ମନ୍ ପର୍‌ମେସର୍ ଡେଇଅନି ଆସିରଇବା ନରପିଲା ମୁଇ, ବେସି ବପୁସଜ୍ ଆରି ଡାକ୍‌ପୁଟାଅଇକରି ବାଦ୍‌ଲେ ଆଇବାଟା ଦେକ୍‌ବାଇ ।

୨୮ ମାତର୍ ଏ ସବୁ ଗଟ୍‌ନା ଆରାମ୍ ଅଇଲେ ତମେ ଡାଟ୍‌ସଜ୍ ଚିଆଅଇ ଉପ୍‌ରେ ଦେକା । କାଇକେ ବଇଲେ ତମର୍ ରକିଆ ପାଇବା ଦିନ୍ ଲଗେ ଆଟେ ।”

ଡୁମ୍‌ରି ଗଟ୍‌ ସିକିଆ

(ମାତ୍ରି ୨୪:୩୨-୩୫; ମାର୍କ ୧୩:୨୮-୩୧)

୨୯ ଆରି ଜିସୁ ସେମନ୍‌କେ ଗଟେକ୍ ଉଦାଅରନ୍ କଇଲା, “ଡୁମ୍‌ରି ଗଟ୍ ଆରି ବିନ୍ ସବୁ ଗଟର୍ କାତା ଚିନ୍ତା କରା ।

୩୦ ଜେଡେବେଲେ ତାର୍ କେନ୍‌ଅନି ପଡର୍ ପାଲୁଆନି କର୍‌ସି, ଆରି କାଁଗାପଡ୍‌ରିଆ ଡିସ୍‌ଲେ କାରାଦିନ୍ କେଟ୍‌ଲା ବଲି ତମେ ଜାନ୍‌ସା ।

୩୧ ସେନ୍ତାରିସେ ଏ ସବୁ ବିସଇ ଅଇବାଟା ଦେକ୍‌ଲେ ପର୍‌ମେସର୍‌ର ରାଇଜ୍ କେଟି ଆଇଲା ବଲି ଜାନ୍‌ସା ।”

୩୨ “ମୁଇ ତମ୍‌କେ ସଡ଼କାତା କଇଲିନି । ମନେ ରକା, ଏବେ ଜିବନ୍ ରଇବା ସବୁ ଲକ୍‌ମନର୍ ମରନ୍ ଅଇବା ଆଗ୍‌ତୁ ଏ ସବୁ ଗଟ୍‌ସି ।

୩୩ ସରଗ୍ ଆରି ମଟ୍‌ପୁର୍ ନସି ଜାଇସି, ମାତର୍ ମର୍ ବାକିଅ କେବେ ନ ନସେ ।”

ସବୁବେଲା ଜାଗ୍‌ରଡ଼ ରୁଆ

୩୪ “ମାତର୍ ତମେ ନିଜର୍ ନିଜର୍ ବିସଇ ନେଇକରି ଜାଗ୍‌ରଡ଼ ରୁଆ । ତମର୍ ମନ୍ ସବୁବେଲାଇ ବଜିବାଡ଼ କରି ମଦ୍ ପେଣ୍ଡୁମ୍ କାଇବା ବିସଇ ଆରି କେନ୍ତାର୍ ଜିଇବାର୍ ଅଇସି କେନ୍ତାର୍ ନାଇ ବଲି ଚିନ୍ତାକରି ରଇଲାବେଲେ, ସେ ଦିନ୍ ଅଟାଡ଼ ପାନ୍ ପାରା ଆସି ଲାଗିଜାଇସି ।

୩୫ ସେନ୍ତାରିସେ ଏ ଦୁନିଆର୍ ସବୁ ଲକ୍‌କେ ସେଟା ଗଟ୍‌ସି ।

୩୬ ସେ ଦିନମନ୍‌କେ ଗଟ୍‌ବା ସବୁ ବିସଇ ଦେଇ, କାଇ ବିପଦ୍ ନ ଅଇ ଜିବାକେ ଆରି ପର୍‌ମେସର୍ ପାଟାଇରଇବା ନରପିଲା ମର୍ ମୁଆଟେ ଚିଆ ଅଇବାକେ, ପାର୍‌ତନା କରି ଜାଗ୍‌ରଡ଼ ଅଇରୁଆ ।”

୩୭ * ଜିସୁ ସେ ଦିନମନ୍‌କେ ମନ୍‌ରେ ଜାଇ ନିମାନ୍ କାତା ସିକାଇ ଦେଇଡେ ରଇଲା । ଆରି ତାର୍ ସିସ୍‌ମନର୍ ସଜ୍ ସବୁ ରାଡି ବାରିଜାଇ ଜିଡ଼ ନାଉର୍ ଡକ୍‌ରେ ବିତାଇଡେ ରଇଲା ।

୩୮ ବେସି ଲକ୍ ଜିସୁର୍ କାତା ସୁନ୍‌ବାକେ ସବୁ ଦିନ୍ ସାକାଲେ ମନ୍‌ରେ ଜାଇଡେରଇଲାଇ ।

୨୨

ଜିସୁର୍ ବିରଦେ ସଡ଼ଜ୍‌ତର୍

(ମାତ୍ରି ୨୨:୧-୫; ମାର୍କ ୧୪:୧-୨; ଜଅନ୍ ୧୧:୪୫-୫୩)

୧ କମିର୍ ନ ପାକାଇ ରୁଟି ତିଆର୍ କର୍‌ବା ପରବ୍ ଜାକେକି ନିସ୍‌ତାର୍ ପରବ୍ ବଲି ମିସା କଇବାଇ, ସେ ପରବ୍ ଲଗାଲଗି କେଟି ଆଇଡେ ରଇଲା ।

୨ ଆରି ମୁକିଅ ପୁଜାରିମନ୍, ସାସ୍‌ତର୍ ସିକାଉମନ୍ ଲକ୍‌ମନ୍‌କେ ଡର୍‌ଡେ ରଇଲାଇ । ଜିସୁକେ କେନ୍ତି ଲୁଡ଼େ ମରାଉ ? ବଲି ବାଟ୍ କଜ୍‌ଡେ ରଇଲାଇ ।

ଜିସୁକେ ଦାରାଇ ଦେବାକେ ଜିଉଦା ରାଜି ଅଇଲା

(ମାତ୍ରି ୨୨:୧୪-୧୬; ମାର୍କ ୧୪:୧୦-୧୧)

୩ ଆରି ଜିସୁର୍ ବାର୍‌ଟା ସିସ୍‌ମନର୍ ବିଡ଼ରେଅନି ଇସ୍‌କାରିୟଡ଼ ଜିଉଦା ନାଉର୍ ଗଟେକ୍ ସିସ୍ ରଇଲା । ସେବେଲାଇ ତାର୍ ମନ୍ ବିଡ଼ରେ ସଇତାନ୍ ପୁରିଦେଲା ।

୪ ଆରି ସେ ମୁକିଅ ପୁଜାରିମନ୍ ଆରି ମନ୍‌ର୍ ଜାଗି ରଇବା ସେନାପତିମନର୍ ଲଗେ, କେନ୍ତିକରି ଜିସୁକେ ବିସ୍‌ବାସେ ବିସ୍ ଦେଲା ପାରା କରି, ତାକେ ଦାରାଇଦେବି ବଲି ସେମନର୍ ସଜ୍ କାତାବାର୍‌ତା ଅଇବାର୍ ଗାଲା ।

୫ ସେଟାର୍‌ପାଇ ସେ ଲକ୍‌ମନ୍ ବେସି ସାର୍‌ଦା ଅଇକରି ତାକେ ତାବୁ ଦେବାକେ ରାଜି ଅଇଲାଇ ।

* ୨୧:୨୫ ପର୍‌କାସିତ ୬:୧୨,୧୩ * ୨୧:୨୭ ପର୍‌କାସିତ ୧:୭ * ୨୧:୩୭ ଲୁକ୍ ୧୯:୪୭

୬ ଜିଉଦୀ ମିସା ରାଜି ଅଇଲା ଆରି ଲକ୍ମାନର୍ ନ ଜାନ୍ତେ ଜିସୁକେ ଦାରାଇଦେବାକେ ସୁଜଗ୍ କଜ୍ତେରଇଲା ।

ନିସ୍ତାର୍ ପରବର୍ ବଜିର୍ପାଇ ଜିସୁ ଜାଗ୍‌ରତ୍ ଅଇଲା
(ମାତିଉ ୨୬:୧୭-୨୫; ମାର୍କ ୧୪:୧୨-୨୧; ଜଅନ୍ ୧୩:୨୧-୩୦)

୭ ତାର୍‌ପଟେ ନିସ୍ତାର୍ ପରବର୍ ବଜି କରି ମେଣ୍ଟାପିଲା ମାର୍‌ବା ଦିନ୍ ଆଇଲା ।

୮ ଜିସୁ, ପିତର୍ ଆରି ଜଅନ୍‌କେ ଏ କାତା କଇ ପାଟାଇଲା । “ଜା ଆରି ଆମର୍‌ପାଇ ନିସ୍ତାର୍ ପରବର୍ ବଜି କାଇବାକେ ଟିକ୍ କରା ।”

୯ ସେମନ୍ ଜିସୁକେ ପାଟାରଲାଇ, “ଆମେ କନ୍ ଜାଗାଇ ବଜି ତିଆରକର୍‌ବୁ ବଲି ତମେ ମନ୍ କଲାସ୍‌ନି ?”

୧୦ ଜିସୁ ସେମନ୍‌କେ କଇଲା, ଦେକା, ତମେ ଗଡ୍ ବିତ୍‌ରେ ପୁର୍‌ବା ବେଲେ ଗଟେକ୍ ଆଣ୍ଡିତେଇ ପାନିନେଇ ଜିବା ଲକ୍‌କେ ବେଟ୍‌ପାଇସା । ସେ ଜନ୍ ଗରେ ପୁର୍‌ସି, ତାର୍ ପଟ୍‌ପଟ୍ ଜାଇ ସେ ଗରର୍ ସାଉକାର୍‌କେ କୁଆ,

୧୧ “ଆମର୍ ଗୁରୁ ତମ୍‌କେ ଏ କବର୍ କଇ ପାଟାଇଆଟେ, ମୁଇ ଆରି ମର୍ ସିସ୍‌ମନ୍ କନ୍ ବାକ୍‌ରାଇ ରକିଆ ପାଇବା ପରବର୍ ବଜି ମାନ୍‌ବୁ ?

୧୨ ତାର୍‌ପଟେ ସେ ଲକ୍ ତମ୍‌କେ ଗର୍ ଉପରେ ରଇବା ମଅଲା ତିଆର୍ ଅଇରଇଲା ଗଟେକ୍ ବଡ୍ ବାକ୍‌ରା ଦେକାଇ ଦେଇସି । ତେଇ ତମେ କାଦି ତିଆର୍ କରା ।”

୧୩ ସେମନ୍ ଜାଇକରି ଜିସୁ ସେମନ୍‌କେ ଜେନ୍ତି କଇରଇଲା ସେନ୍ତିସେ ଦେକ୍‌ଲାଇ । ଆରି ନିସ୍ତାର୍ ପରବର୍ ବଜି ତିଆର୍ କଲାଇ ।

ପରବୁ ବଜି
(ମାତିଉ ୨୬:୨୬-୩୦; ମାର୍କ ୧୪:୨୬-୨୯; ୧ମ କରନ୍ତିୟ ୧୧:୨୩-୨୫)

୧୪ ସମାନ୍ ବେଲା କେଟ୍‌ଲାକେ ଜିସୁ ପେରିତ୍‌ମନ୍‌ର୍ ସଙ୍ଗ୍ କାଇବାକେ ମିସ୍‌ତେ ବସ୍‌ଲାଇ ।

୧୫ ସେବେଲା ଜିସୁ ସେମନ୍‌କେ କଇଲା, “ମୁଇ ଦୁକ୍ କସ୍‌ଟ୍ ପାଇବା ଆଗ୍‌ତୁ ନିସ୍ତାର୍ ପରବ୍ ତମର୍‌ସଙ୍ଗ୍ ମିସ୍‌ତେ କରବାକେ ବେସି ମନ୍ କରିରଇଲି ।

୧୬ ମୁଇ ତମ୍‌କେ କଇଲିନି, ପର୍‌ମେସରର୍ ରାଇଜେ ଏଟା ପୁରାପୁରୁନ୍ ନ ଅଇବାଜାକ, କେବେ ମିସା ଏଟା ନ କାଇ ।”

୧୭ ଆରି ସେ ଅଙ୍ଗୁର୍ ରସ୍ ଦାରି ପର୍‌ମେସର୍କେ ଜୁଆର୍ କରି କଇଲା, “ଏଟା ନେଇ ତମର୍ ନିଜର୍ ନିଜର୍ ବିତ୍‌ରେ ବାଟା କରା ।

୧୮ ମୁଇ ତମ୍‌କେ କଇଲିନି ପର୍‌ମେସରର୍ ରାଇଜ୍ ନ ଆଇବା ଜାକ, ଏ ରସ୍ କେବେ ମିସା ନ କାଇ ।”

୧୯ ଆରି ରୁଟି ଦାରିକରି ପର୍‌ମେସର୍କେ ଦନିଅବାଦ୍‌ଦେଇ ବାଙ୍ଗାଇ ସେମନ୍‌କେ ଦେଇକରି କଇଲା, “ଏଟା ମର୍ ଗାଗଡ୍, ଜନ୍‌ଟା ତମର୍ ପାଇ ଦିଆଅଇଲା ଆଟେ । ମକେ ଏତାଇବା ପାଇ ଏଟା କରା ।”

୨୦ ସେନ୍ତାରିସେ କାଇଲା ପଟେ ସେ ମୁତାଇ ଅଙ୍ଗୁର୍ ରସ୍ ଦାରି କଇଲା, “ଏ ମୁତା ମର୍ ବନିତେଇ, ପର୍‌ମେସର୍ ଲକ୍‌ମନ୍‌ର୍ ସଙ୍ଗ୍ କଲା ନୁଆ ରାଜିନାମା । ଏଟା ତମର୍‌ପାଇ ଜର୍‌ଲା ମର୍ ବନି ।”

୨୧ “ମାତର୍ ଦେକା ଇତି ମର୍‌ସଙ୍ଗ୍ ବସି କାଇବା ଗଟେକ୍ ଲକ୍‌ସେ ବିରଦି ଲକ୍‌ମନ୍‌ର୍ ଆତେ ମକେ ଦାରାଇ ଦେଇସି ।

୨୨ ପର୍‌ମେସରର୍‌ଟାନେଅନି ଆଇଲା ନର୍‌ପିଲା ମୁଇ, ସେ ଜେନ୍ତି ଜନ୍‌ନା କଲାଆଟେ, ସେନ୍ତାରିସେ ମର୍‌ବାକେ ଅଇସି । ମାତର୍ ଜନ୍ ଲକ୍ ମକେ ବିସ୍‌ବାସେ ବିସ୍ ଦେଲାପାରା ବିରଦିମନ୍‌ର୍ ଆତେ ଦାରାଇ ଦେଇସି, ତାକେ ବେସି ତଣ୍ଡ ମିଲ୍‌ସି ।”

୨୩ ସେବେଲାଇ ସିସ୍‌ମନ୍ ସେମନ୍‌ର୍ ବିତ୍‌ରେ କାତା ଅଇଲାଇ, “ଏନ୍ତି ବଇଲେ ଆମର୍ ବିତ୍‌ରେ କେ ଜିସୁକେ ସେନ୍ତି କରସି ?”

କେ ବଡ୍‌ବଲି କାତାବାର୍‌ତା ଅଇଲାଇ

୨୪ ✠ତାର୍ ପଟେ ସେମନ୍‌ର୍ ବିତ୍‌ରେଅନି କେ ବଡ୍ ବଲି ଦଦାପେଲା ଅଇଲାଇ ।

୨୫ ଜିସୁ ସେମନ୍‌କେ କଇଲା, “ଏ ଦୁନିଆର୍ ରାଜାମନ୍ ସେମନ୍‌ର୍ ଲକ୍‌ମନ୍‌କେ ନିଜର୍ ଅଦିକାର୍ ଦେକାଇ ସାସନ୍ କରବାଇ । ଆରି ସେମନ୍, ଆମେ ଲକ୍‌ମନ୍‌କେ ଦରମ୍ କରବା ଲକ୍ ବଲି ତାକ୍‌ପୁଟା ଅଇବାଇ ।

୨୬ ✠ମାତର୍ ତମର୍ ବିତ୍‌ରେ ଏନ୍ତି ନ ଉଆ । କେ ବଡ୍ ସେ ସାନ୍ ଅ । ଆରି କେ ନେତା ରଇସି ସେ ସବୁଲକ୍‌ର୍ ସେବା କରବାର୍ ଆଟେ ।

୨୭ ✠ଏ ଦୁନିଆର୍ ଇସାବେ, ବସିକରି କାଇବା ଲକ୍ ବଡ୍ କି, ବାଟାକରି ଦେବା ଲକ୍ ବଡ୍ ? ବସିକରି କାଇବା ଲକ୍ ସେ ବଡ୍ ଅଇସି । ମାତର୍ ମୁଇ ସେନ୍ତି ନଇ । ମୁଇ ତମର୍ ବିତ୍‌ରେ ବାଟାକରି ଦେବା ଲକ୍‌ର୍ ପାରା ।

୨୮ ତମେ ମର୍ ସବୁ ପରିକାଟାନେ ମର୍‌ସଙ୍ଗ୍ ରଇ ଆଇଲାସ୍‌ନି ।

୨୯ ମର୍ ବାବା ପର୍‌ମେସର୍ ଜେନ୍ତି ସାସନ୍ କରବାକେ ମକେ ତାର୍ ରାଇଜର୍ ଅଦିକାର୍ ଦେଲା ଆଟେ, ସେନ୍ତି ମୁଇ ମିସା ତମ୍‌କେ ଅଦିକାର୍ ଦେବି ।

✠ ୨୨:୨୪ ମାତିଉ ୧୮:୧; ମାର୍କ ୯:୩୪; ଲୁକ୍ ୯:୪୬ ✠ ୨୨:୨୬ ମାତିଉ ୨୩:୧୧; ମାର୍କ ୯:୩୫ ✠ ୨୨:୨୭ ମାତିଉ ୨୦:୨୫-୨୬; ମାର୍କ ୧୦:୪୨-୪୪ ✠ ୨୨:୨୭ ଜଅନ୍ ୧୩:୧୨-୧୫

୩୦ ✠ଆରି ତମେ ମର ରାଇଜେ ମରସଙ୍ଗ ବସି କାଆପିଆ କରସା । ରାଜଗାଦି ବସି ଇସରାଏଲର ବାରଟା ଜାତିର ଲକ୍ଷମନ୍ଦକେ ସାସନ କରସା ।”

ଜିସୁ ପିତରକେ ମକେ ନାଜାନି ବଲି କଇସୁ ବଲି କଇଲା
(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜଅନ୍ ୧୩:୩୬-୩୮)

୩୧ “ଏ ସିମନ୍, ସିମନ୍ ! ସୁନ୍ ! ତାସି ଜେନ୍ତି ଦାନ୍ ଉଡାଲିକରି ପଟ୍ ବିନେ କରସି, ସେନ୍ତାରି ସଇତାନ୍ ତମକେ ତେରେପେତେ କରବାକେ ଆଦେସ୍ ପାଇଲା ଆଚେ ।

୩୨ ମାତର ତର ବିସ୍ବାସ୍ ଉନା ନ ଅ ବଲି ମୁଇ ପାର୍ତନା କଲିଆଚି । ସେ ପରିକାଇ, ବିସ୍ବାସେ ତାଟ୍ ଅଇ, ଜିତି ଆଇଲେ ତର ବାଇମନ୍ଦକେ ମିସା ସେନ୍ତି ତାଟ୍ କରାଇସୁ ।”

୩୩ ସେବେଲାଇ ସିମନ୍ ଜିସୁକେ କଇଲା, “ଏ ମାପୁରୁ ମୁଇ ତରସଙ୍ଗ ବସି ଗରେ ଜିବାକେ ଆରି ମରବାକେ ମିସା ରାଜି ଆଚି ।”

୩୪ ତାର ପଚେ ଜିସୁ କଇଲା, “ଏ ପିତର ମୁଇ ତକେ କଇଲିନି, ତୁଇ ଏବେ ଏନ୍ତି କଇଲୁସ୍ନି, ମାତର ଆଜି ରାତି କୁକ୍ତା ନ ତାକ୍ବା ଆଗୁତୁ ମକେ ତିନ୍ତର ନାଜାନି ବଲି କଇସୁ ।”

ବେସ୍ନି, ମୁନା ଆରି କାଣ୍ଡା

୩୫ ✠ଜିସୁ ତାର ସିସ୍ମନ୍ଦକେ ପାଚାରଲା । “ମୁଇ ତମକେ ପାଚାଇଲାବେଲେ ବେସ୍ନି, ମୁନା ଆରି ପାଣ୍ଡୁଇ ନ ନେବାକେ କଇରଇଲି । ସେବେଲାଇ ତମକେ କାଇ ଅବାବ୍ ଅଇଲା କି ?” “ନାଇ, କାଇଟା ମିସା ଅବାବ୍ ଅଏ ନାଇ ।” ବଲି କଇଲାଇ ।

୩୬ ଆରି ସେ କଇଲା, “ମାତର ଏବେ ତମକେ କଇଲିନି, ବେସ୍ନି କି ମୁନା ରଇଲେ ନିଆ । ଆରି ଜାକେ କାଣ୍ଡା ନାଇ, ସେ ପିନ୍ଦବାଟା ବିକି କାଣ୍ଡା ଗେନ ।

୩୭ ମୁଇ ତମକେ କାଇକେ କଇଲିନି ‘ସେ ଅପରାଦିମନ୍ଦର୍ ସଙ୍ଗ୍ ସମାନ୍ ଦସା ପାଇଲା’ ବଲି ସାସ୍ତରେ ଲେକା ଅଇଲା କାତା ସିଦ୍ ଅଇବାକେ ଗାଲାନି ।”

୩୮ ସିମନ୍ ଜିସୁକେ କଇଲା, “ଏ ମାପୁରୁ, ଦେକା ଆମର୍ ବିତ୍ରେ ଜଡେକ୍ କାଣ୍ଡା ଆଚେ ।” ଜିସୁ କଇଲା, “ସେଡ୍‌କି ଅଇସି ।”

ଜିସୁ ଜିଡ୍ ତଙ୍ଗ୍ରେ ପାର୍ତନା କରବାକେ ଗାଲା
(ମାତିଉ ୨୬:୩୬-୪୨; ମାର୍କ ୧୪:୩୨-୪୨)

୩୯ ତେଇଅନି ଜିସୁ ଗଡ୍ ଚାଡି ଆଗୁତୁର୍ ଅବିଆସ୍ ଇସାବେ ଜିଡ୍‌ନାଉର୍ ତଙ୍ଗ୍ରେ ପାର୍ତନା କରବାକେ ଗାଲା । ସିସ୍ମନ୍ ମିସା ତାର ସଙ୍ଗ୍ ରଇଲାଇ ।

୪୦ ଆରି ସେ ଜାଗାଇ କେଟିକରି ସିସ୍ମନ୍ଦକେ କଇଲା, “ତମେ ପରିକାର୍ ପାନ୍ଦେ ନ ଲାଗାଇ ଅଇବାକେ ପାର୍ତନା କରା ।”

୪୧ ତାର ପଚେ ଜିସୁ ତାକର୍ତେଇଅନି କଣ୍ଡେକ୍ ଦୁର୍ ଜାଇ ମାଣ୍ଡିକୁଟା ଦେଇକରି ପାର୍ତନା କରବାର୍ ଦାରଲା ।

୪୨ “ଏ ବାବା, ତୁଇ ମନ୍ଦକଲେ ଏ କସ୍ତର୍ ମୁତା ମର୍ତେଇଅନି ଦୁରିକେ ନେ । ମାତର ମୁଇ ମନ୍ କଲା ଇସାବେ ନାଇ, ତର ମନ୍ଦକଲା ଇସାବେ ସିଦ୍ ଅ ।”

୪୩ ସେଡ୍‌କିବେଲେ ଏଦେ ଦେକା ! ପର୍ମେସରର୍ ଗଟେକ୍ ଦୁଡ୍ ଆସି ଜିସୁକେ ଦେକାଇଅଇଲା ଆରି ତାଟ୍‌ସଙ୍ଗ୍ ରଇବାକେ ବପୁଦେଲା ।

୪୪ ମାତର ଜିସୁ ଅଦିକ୍ ବିକଲ୍ ଅଇ, ମନ୍ଦିଆନ୍ ଦେଇ ପାର୍ତନା କରବାର୍ ଦାରଲା । ତାର ଗାଗୁଡ୍ ଜାଲ୍ ପାନି, ବନିପାରା ଜର୍ଜର୍ ଅଇ ବୁର୍ଷି ତିପିଗାଲା ।

୪୫ ଆରି ଜିସୁ ପାର୍ତନା କରିସାରାଇ ସିସ୍ମନ୍ଦର୍ ଲଗେ ଗାଲା । ସେମନ୍ ସବୁ ଲକ୍ ଦୁକ୍‌ଅଇକରି ତାକିଜାଇ ସଇରଇଲାଟା ସେ ଦେକ୍ଲା ।

୪୬ ତେଇ ସେମନ୍ଦକେ କଇଲା, “ତମେ କାଇକେ ସଇଦେଇ ଆଚାସ୍ ? ଉଟା ପରିକାର୍ ପାନ୍ଦେ ନ ଲାଗାଇ ଅଇବାକେ ପାର୍ତନା କରା ।”

ଜିସୁକେ ସଡ୍‌ରୁମନ୍ ବସି କଲାଇ
(ମାତିଉ ୨୬:୪୬-୫୨; ମାର୍କ ୧୪:୪୩-୫୦; ଜଅନ୍ ୧୮:୩-୧୧)

୪୭ ଜେଡେବଲ୍ ଜିସୁ ଏ କାତା କଇତେରଇଲା ଗାଦି ଲକ୍‌ମନ୍ ତେଇ ଆଇଲାଇ । ଜିସୁର୍ ବାରଟା ସିସ୍ମନ୍ଦର୍ ବିଡ୍‌ରେଅନି ଜିଉଦା ନାଉର୍ ସିସ୍, ସେମନ୍ଦର୍ ଆଗୁତୁ ଅଇ ସେମନ୍ଦକେ ତାକିଆନ୍ଲା, । ଆରି ଜିସୁକେ ତୁମିକରି ସେମନ୍ଦକେ ଚିନାଇଦେଲା ।

୪୮ ଜିସୁ ଜିଉଦାକେ ପାଚାରଲା, “ଏ ଜିଉଦା ପର୍ମେସର୍ତେଇଅନି ଆଇଲା ନର୍ପିଲା ମକେ, ତୁଇ ବିରଦି ଲକ୍‌ମନ୍ଦକେ ତୁମିକରି ଦାରାଇଦେଲୁସ୍ନି କି ?”

✠ ୨୨:୩୦ ମାତିଉ ୧୯:୨୮ ✠ ୨୨:୩୫ ମାତିଉ ୧୦:୯,୧୦; ମାର୍କ ୬:୯; ଲୁକ୍ ୯:୩;୧୦:୪

୪୯ ସେ ବିରଦି ଲକ୍ଷ୍ମୀନ ଜିସୁକେ ବନ୍ଦିକରି ଦାରିଜିବାଇ ବଲି ସିସ୍ତାନ୍ ଜାନ୍‌ଲାଇ । ସେବେଲାଇ ସିସ୍ତାନ୍ ଜିସୁକେ ପାଚାରଲାଇ, “ଏ ମାପ୍‌ରୁ, ଆମ୍‌ର କାଣ୍ଡା ବେଟ୍‌ରୁ କି ?”

୫୦ ସିସ୍ତାମନ୍‌ର ବିତ୍‌ରେଅନି ଗଟେକ୍ ଲକ୍, ବଡ଼ ପୁଜାରିର୍ ଗତିଦାଙ୍ଗ୍‌ଡାର ଉଜା କାନ୍ ଚିଡ଼ତେ କାଟିପାକାଇଲା ।

୫୧ ଏଟା ଦେକି ଜିସୁ କଇଲା, “ନିରୁ” । ସେ ଚିଡ଼ଲା କାନ୍ ଚିଇକରି ନିକ କଲା ।

୫୨ ଜିସୁ ତାକେ ବନ୍ଦି କରବାକେ ଆଇଲା ମୁକିଅ ପୁଜାରିମନ୍‌କେ, ମନ୍ଦିର୍ ଜାଗି ରଇବା ସେନାପତିମନ୍‌କେ ଆରି ପାର୍‌ଚିନ୍‌ମନ୍‌କେ କଇଲା, “ମୁଇ କାଇ ତାକୁ କି ? ମକେ ଦାରବାକେ ବଡ଼ ବଡ଼ ଟେଙ୍ଗ୍ ଆରି କାତିକାଣ୍ଡା ଦାରି ଆସି ଆଚାସ୍ ।

୫୩ ✱ସବୁ ଦିନେତା ମୁଇ ମନ୍ଦିରେ ତମର୍ ସଙ୍ଗ୍ ରଇଲି, ମାତର୍ ତମେ ମକେ ବାନ୍ଦାସ୍ ନାଇ । ଏବେ ବେଲା କେଟ୍‌ଲା ଆରେ । ମକେ କାଇଟାମିସା କରବାକେ ପର୍‌ମେସର୍ ସଇତାନ୍‌କେ ଅନୁମତି ଦେଲାଆରେ ।”

ଜିସୁକେ ପିତର୍ ନାଜାନି ବଲି କଇଲା

(ମାତିଉ ୨୬:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୭-୭୨; ଜଅନ୍ ୧୮:୧୨-୧୮, ୨୫-୨୭)

୫୪ ତାର୍ ପରେ ସେମନ୍ ଜିସୁକେ ବାନ୍ଦିକରି ବଡ଼ ପୁଜାରିର୍ ଗରେ ଦାରିଗାଲାଇ । ପିତର୍ ଦୁରିକେ ରଇ ସେମନ୍‌ର ପଟେପଟେ ଗାଲା ।

୫୫ ସନିଅମନ୍ ଜଇଲାଗାଇ ଚାରିବେଡ଼ି ବସ୍‌ଲାଇ । ପିତର୍ ମିସା ସେମନ୍‌ର ସଙ୍ଗ୍ ବସ୍‌ଲା ।

୫୬ ଗଟେକ୍ ଗତିଦାଙ୍ଗ୍‌ତି ପିତର୍‌କେ ଜଇପାଲି ବସ୍‌ଲାଟା ନିକକରି ଦେକି କଇଲା, “ଏ ଲକ୍ ମିସା ଜିସୁର୍ ସଙ୍ଗ୍ ରଇଲା !”

୫୭ ମାତର୍ ପିତର୍ ରାଜି ନ ଅଇ କଇଲା, “ଏ ଗତିଦାଙ୍ଗ୍‌ତି, ତାକେ ମୁଇ ମୁଲ୍‌କେ ନାଜାନି ।”

୫୮ ଚନେକ୍ ରଇଲା ପରେ ଆରି ଗଟେକ୍ ଲକ୍ ପିତର୍‌କେ ଦେକି କଇଲା, “ତୁଇ ମିସା ତାର୍ ସଙ୍ଗ୍ ରଇଲୁସ୍ ।” ମାତର୍ ପିତର୍ ତାକେ କଇଲା, “ମୁଇ ନଇ ।”

୫୯ ଗଟେକ୍ ଗଟା ଗାଲାପରେ ଆରି ଗଟେକ୍ ଲକ୍ ପିତର୍‌କେ ଦେକି କଇଲା, “ଏ ଲକ୍‌ମିସା ନିଜେ ତାର୍ ସିସ୍ତାମନ୍‌ର ସଙ୍ଗ୍ ରଇଲା । ଆକେ ମୁଇ ନିକକରି ଜାନି । କାଇକେ ବଇଲେ ସେ ଗଟେକ୍ ଗାଲିଲିର୍ ଲକ୍ ।”

୬୦ ଏଟା ସୁନି ପିତର୍ ସେ ଲକ୍‌କେ କଇଲା, “ଏ ବାଇ ତୁଇ କାଇଟା କଇଲୁସ୍‌ନି ? ମୁଇ ବିଲ୍‌କୁଲ୍ ନାଜାନି ।” ସେ କାତା ପିତର୍ କଇଲା ଦାପ୍‌ରେ, କୁକ୍‌ତା ଡାକ୍‌ଲା ।

୬୧ ସେବେଲେ ଜିସୁମାପ୍‌ରୁ ପିତର୍‌କେ ପାସ୍‌ଲି ନିମାନ୍ କରି ଦେକ୍‌ଲା । ଜିସୁ ଆଗତୁ କଇଲା କାତା ସେ ଏତାଇଲା । ସେ ତାକେ କଇରଇଲା ତୁଇ ମକେ ଆଜି କୁକ୍‌ତା ଡାକ୍‌ବା ଆଗତୁ ତିନ୍‌ତର୍ ନାଜାନି, ବଲି କଇସୁ ।

୬୨ ସେଗାର୍‌ପାଇ ପିତର୍ ସେଟା ଏତାଇ, ଦୁକ୍ ଅଇ ତାଣ୍ଡେଅନି ବିନେ ଜାଇ ବେସି କାନ୍‌ଲା ।

ଜିସୁକେ ମାର୍‌ଲାଇ

(ମାତିଉ ୨୬:୬୭-୬୮; ମାର୍କ ୧୪:୬୫)

୬୩ ଜିସୁକେ ଦାରିକରି ସଙ୍ଗ୍‌ରଇଲା ଲକ୍‌ମନ୍ ତାକେ ମାରିମାରି କିଜାଇଲାଇ ।

୬୪ ଆରି ତାର୍ ଆଁକି ବାନ୍ଦିକରି ତାକେ ପାଚାରଲାଇ, “ତକେ କେ ମାର୍‌ଲା, କଅ ?”

୬୫ ଆରି କେତେଟା କାତା କଇ ତାକେ ନିନ୍ଦା କଲାଇ ।

ଜିସୁକେ ବଡ଼ ସବାତେଇ ଆନ୍‌ଲାଇ

(ମାତିଉ ୨୬:୫୯-୬୬; ମାର୍କ ୧୪:୫୫-୬୪; ଜଅନ୍ ୧୮:୧୯-୨୪)

୬୬ ତାର୍ ଆର୍‌କର୍ ଦିନେ ଜୁଲ୍‌ପୁଲ୍ ଉଜଲ୍ ବେଲାଇ, ପାର୍‌ଚିନ୍‌ମନ୍, ମୁକିଅ ପୁଜାରିମନ୍ ଆରି ସାସ୍‌ତର୍ ସିକାଇଦେବା ଲକ୍‌ମନ୍ ଗଟେକ୍‌ଟାନ୍‌ରେ ରୁଣ୍ଡିଲାଇ । ଆରି ଜିସୁକେ ବିଚାର କରବା ବଡ଼ଟା ଜାଗାଇ ନେଲାଇ ।

୬୭ “ତୁଇ ସତଇସେ ପର୍‌ମେସର୍ ବାଟିପାଟାଇଲା କିରିସ୍‌ଟ କି ? ଆମ୍‌କେ କଅ ।” ମାତର୍ ଜିସୁ ସେମନ୍‌କେ କଇଲା, “ମୁଇ କଇଲେ ମିସା ତମେ ବିସ୍‌ବାସ୍ ନ କରାସ୍ ।

୬୮ ମୁଇ ତମ୍‌କେ ପାଚାରଲେ ମିସା ନ କୁଆସ୍ ।

୬୯ ମାତର୍ ଏବେ ଅନି, ପର୍‌ମେସର୍‌ଟାନ୍‌ନେଅନି ଆଇଲା ନରପିଲା ମୁଇ ତାର୍ ଉଜାବାଟେ ବସିରଇବି ।”

୭୦ ସେ କାତା ସୁନି ଗୁଲାଇ ଲକ୍‌ମନ୍ ଆଉଲିଅଇ ଜିସୁକେ ପାଚାରଲାଇ, “ଏନ୍ତି ବଇଲେ ତୁଇକାଇ ପର୍‌ମେସର୍‌ର ପିଲା କି ?” ଜିସୁ ସେମନ୍‌କେ କଇଲା “ମୁଇସେ ବଲି ତମେ କଇଲାସ୍‌ନି ।”

୭୧ ଆରି ସେମନ୍ କଇଲା, “ଆମ୍‌କେ ଆରି କାଇ ସାକି ଦର୍‌କାର୍ ତା ? ଆମେ ନିଜେ ତାର୍ ଟାଣ୍ଡେଅନି ସୁନ୍‌ଲୁ ଆରୁ ।”

୨୩

ଜିସୁକେ ପିଲାତର୍ ଲଗେ ନେଲାଇ

(ମାତିଉ ୨୭:୧-୨, ୧୧-୧୪; ମାର୍କ ୧୫:୧-୫; ଜଅନ୍ ୧୮:୨୮-୩୮)

୧ ତାର ପତେ ବିଚାର କରବା ବଡ଼ ସବାର ଜାଗାଇ ବସିରଇଲା ସବୁ ଲକ୍ମନ୍ଦ ଉଚିକରି ଜିସୁକେ ପିଲାତର ଲଗେ ଦାରିଗାଲାଇ ।

୨ ସେ ଲକ୍ମନ୍ଦ ଜିସୁକେ ନିନ୍ଦା କରି ଏନ୍ତି କଇବାର ବସିଲାଇ, “ଏ ଲକ୍ ଆମର ଲକ୍ମନ୍ଦକେ ବୁଲ୍ ସିକିଆ ଦେଇତେ ରଇଲା ଆରି କାଇସର ସମରାଟକେ ସିସୁତୁ ଦିଆସ୍ ନାଇ ବଲି ସିକାଇଲା ବେଲେ ତାକେ ଦାରଲୁ । ଆରି ସେ ନିଜକେ ମୁଇ ପରମେସର ବାଟି ପାଟାଇଲା ରାଜା କିରିସ୍ଟ ବଲି କଇଲାନି ।”

୩ ସେଟାର ପାଇ ପିଲାତୁ ଜିସୁକେ ପାଟାରଲା, “ତୁଇ କାଇ ଜିଉଦି ଲକ୍ମନ୍ଦର ରାଜା କି ?” ଜିସୁ ତାକେ କଇଲା, “ତମେତା କଇଲାସ୍ନି ।”

୪ ତାର ପତେ ପିଲାତୁ ମୁକିଅ ପୁଜାରିମନ୍ଦକେ ଆରି ତେଇ ରଇଲା ସବୁ ଲକ୍ମନ୍ଦକେ କଇଲା, “ମୁଇ ଏ ଲକ୍ ଦସି ବଲି କାଇ ବୁଲ୍ ଦେକି ନାଇ ।”

୫ ମାତର ସେମନ୍ ତରକେତର ଆଉଲିଅଇ କଇଲାଇ, “ତାର ସିକିଆର ଲାଗି ସେ ଜିଉଦାର ସବୁବାଟର ଲକ୍ମନ୍ଦର ବିତ୍ରେ କଲି ଲାଗାଇଲାନି । ସେଟା, ସେ ଗାଲିଲିତେଇ ଆରାମ୍ କରି, ଏବେ ଇତି ଜାକ ଆଇଲା ଆଟେ ।”

ଜିସୁକେ ଏରଦର ଲଗେ ପାଟାଇଲାଇ

୬ ଏ କାତା ସୁନି ପିଲାତୁ ଲକ୍ମନ୍ଦକେ ପାଟାରଲା, “ଏଟା ଗଟେକ୍ ଗାଲିଲି ଦେସର ଲକ୍ କି ?”

୭ ପିଲାତୁ ଜିସୁକେ ଗାଲିଲି ଦେସର ଲକ୍ ବଲି ଜାନି, ତାକେ ଗାଲିଲି ଦେସ୍ ସାସନ୍ କରବା ଏରଦରଲଗେ ପାଟାଇ ଦେଲା । କାଇକେ ବଇଲେ, ସେ ବେଲେ ଏରଦ୍ ମିସା ଜିରୁସାଲମେ ରଇଲା ।

୮ ଏରଦ୍ ଜିସୁକେ ଦେକି କରି ବେସି ସାରଦା ଅଇଲା । କାଇକେ ବଇଲେ ଜିସୁର ବିସଇ ଆଗତୁ ସୁନି ରଇଲା ଆରି ତାର ମୁଆଟେ କାବା ଅଇଜିବା କାମ୍ ଦେକ୍ବାକେ ମନ୍ କରତେରଇଲା ।

୯ ସେଟାର ପାଇ ଏରଦ୍ ତାକେ କାଇ କାଇ ବିସଇ ପାଟାରବାର ଦାରଲା । ମାତର ଜିସୁ ତାକେ କାଇବଲି ମିସା କଏ ନାଇ ।

୧୦ ସେତିକି ବେଲେ ତେଇ ଟିଆଅଇରଇଲା ମୁକିଅ ପୁଜାରିମନ୍ ଆରି ନିୟମ୍ ସିକାଉମନ୍ ସବୁ ମିସି କରି ଜିସୁର ବିରୁଦେ ଆଉଲିଅଇ କଇବାର ଦାରଲାଇ ।

୧୧ ଏରଦ୍ ଆରି ତାର ସନିଅମନ୍ ଜିସୁକେ କିଜାଇଲାଇ ଆରି ନିନ୍ଦା କଲାଇ । ଜିସୁକେ ରାଜାମନ୍ ପିନ୍ଦ୍ବା ନିମାନ୍ ପଟିଆ ପିନ୍ଦାଇ ପିଲାତୁଟାନେ ପାଟାଇ ଦେଲାଇ ।

୧୨ ସେ ଦିନେଅନି ପିଲାତୁ ଆରି ଏରଦ୍ ମଇତର ଅଇଲାଇ । ତାର ଆଗତୁ ସେମନ୍ ଦୁଇ ଲକ୍ ସତରୁ ଅଇରଇଲାଇ ।

ଜିସୁକେ ମରବା ଦଣ୍ଡଦେଲାଇ

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜଅନ୍ ୧୮:୩୯-୧୯:୧୬)

୧୩ ତାରପତେ ପିଲାତୁ ମୁକିଅ ପୁଜାରିମନ୍ଦକେ, ନେତାମନ୍ଦକେ ଆରି ସବୁ ଲକ୍ମନ୍ଦକେ ଗଟେକ୍ଟାନେ ରୁଣ୍ଡାଇକରି ସେମନ୍ଦକେ କଇଲା,

୧୪ ଏ ଲକ୍ ଲକ୍ମନ୍ଦକେ ସରକାରର ବିରୁଦେ ବୁଲ୍ ସିକିଆ ଦେଲାନି ବଲି ମର ଲଗେ ଆନିଆରାସ୍ । ଆରି ଦେକା ମୁଇ ତମର ମୁଆଟେ ତାକେ ପରିକା କଲି, ତାର ବିରଦେ ତମେ ସବୁଲକ୍ ନିନ୍ଦାକଲାଟା ମିଲେନାଇ ।

୧୫ ଏରଦ୍ ମିସା ତାରଟାନେ କାଇ ବୁଲ୍କଲାଟା ନ ଦେକି ଆମ୍ଦକେ ବାଉତାଇଦେଲା ଆଟେ । ଏ ଲକ୍ ମରନ୍ ତଣ୍ଡ ପାଇବାପାରା ବୁଲ୍ କାମ୍ କରେ ନାଇ ।

୧୬ ସେଟାରପାଇ ମୁଇ ଆକେ କରତା ମାତୁ ମାରିକରି ଚାଡିଦେବି ।

୧୭ ଆରି ଦେକା ସବୁ ବରସେ ରକିଆ ପାଇବା ପରବ୍ ବେଲାଇ ଜିଉଦି ଜାତିକେ ସମ୍ମାନ୍ ଦେବାକେ ଗଟେକ୍ ବନ୍ଦିକେ ମୁକ୍ତଲାଇ ଦେବା ନିୟମ୍ ରଇଲା ।

୧୮ ମାତର ସବୁଲକ୍ମନ୍ଦ ଆଉଲିଅଇ କଇଲାଇ, “ଆକେ ମରାଆ ଆରି ଆମର ପାଇ ବାର୍ବାକେ ଚାଡିଦିଆସ୍ ।”

୧୯ ଏ ବାର୍ବା ବଲ୍ବା ଲକ୍, ସରକାରର ବିରଦେ ବୁଲ୍ କରିରଇଲା ଆରି ଗଟେକ୍ ଲକ୍କେ ମାରି ରଇଲା । ସେଟାରପାଇ ତାକେ ବନ୍ଦି କରିରଇଲାଇ ।

୨୦ ମାତର ପିଲାତୁ ଜିସୁକେ ଚାଡିଦେବାକେ ମନ୍ଦକରି ତାର ଲଗେ କାଇ ବୁଲ୍କଲାଟା ଡିସେନାଇ ବଲି ସେମନ୍ଦକେ ତରକେ ତର ବୁଜାଇଲା ।

୨୧ ମାତର ଲକ୍ମନ୍ଦ ବେସି ଆଉଲି ଅଇ, “ତାକେ କୁରସେ ଚଗାଇ ମରାଆ ! ତାକେ କୁରସେ ଚଗାଇ ମରାଆ !”

୨୨ ତାରପତେ ପିଲାତୁ ସେମନ୍ଦକେ ଆଗେ ଦୁଇତର ପାଟାରଲାଟା ଚାଡି ଆରିତରେକ୍ ସମାନ୍ଦଟାସେ କଇଲା, “କାଇକେ ? ସେ କାଇ ବୁଲ୍ କଲାଆଟେ ଜେ ? ତାରଟାନେ କାଇମିସା ମରନ୍ ପାଇବା ତଣ୍ଡ ଏଡକି ଦସ୍ ମିଲେ ନାଇ । ଏନ୍ତି ବଇଲେ ମିସା ତାକେ କରତା ମାତୁ ମାରି ଚାଡି ଦେବି ।”

୨୩ ମାତର ଲକ୍ମନ୍ଦ ଆରି ବେସି ଆଉଲିଅଇ ତରକେ ତର “ତାକେ କୁରସେ ଚଗାଇ ମରାଆ !” ବଲି ବାଦିଅ କଲାଇ । ସାରାସାରି ପତେ ସେମନ୍ ଆଉଲିଅଇଲାଟା ଜିତ୍ଲା ।

୨୪ ତାର ପତେ ପିଲାଡ଼ ଲକ୍ମନର ଜାଇଟା କରବାକେ ମନ୍ କଲାଇ, ସେ ଇସାବେ ଜିସୁକେ ମରନର ଡଣ୍ଡ ଦେବାକେ ରାଜି ଅଇଲା ।

୨୫ ପତେ ପିଲାଡ଼ ଲକ୍ମନର କଇବା ଇସାବେ, ବାରବା ନାଉଁର ଲକ୍ ଜେ କି, ଆଗତୁ ଗଟେକ୍ ଲକ୍ କେ ମରାଇରଇଲା ଆରି ସରକାରର ବିରୁଦେ ବୁଲ୍ କାମ୍ କରି ବନ୍ଦି ଅଇରଇଲା, ତାକେ ମୁକ୍ ଲାଇଲା । ଜିସୁକେ ତାକ୍ ମନ୍ କଲା ଇସାବେ ଡଣ୍ଡ ଦେବାକେ ସର୍ପିଦେଲା ।

ଜିସୁକେ କୁରସେ କୁଟିମାରଲାଇ

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜଅନ୍ ୧୯:୧୭-୨୭)

୨୬ ସନିଅମନ୍ ଜିସୁକେ ଦାରିଜିବା ବେଲେ କୁରିଣିୟ ସିମନ୍ ନାଉଁର ଲକ୍ କେ ବେଟ୍ ପାଇଲାଇ । ଜେ କି ଗାଏଁଅନି ଜିରୁସାଲମେ ଆଇତେରଇଲା । ତାକେ ଅଟ୍ କାଇକରି ଜିସୁ ବଇଲା କୁରସ ଲାଦିଦେଲାଇ ଆରି ତାର ପତେ ଜିବାକେ ବାଦିଅ କଲାଇ ।

୨୭ ଆରି ବେସି ଲକ୍ମନ୍ ଜିସୁର ପତେ ପତେ ଜାଇତେ ରଇଲାଇ । ତେଇ କେତେଟା ବୁକେ ପିଟିଅଇ କାନ୍ଦିବା ମାଇଜିମନ୍ ମିସା ରଇଲାଇ ।

୨୮ ମାତର ଜିସୁ ସେମନ୍ ବାଟେ ପାସ୍ଲିକରି କଇଲା, ଏ ଜିରୁସାଲମ୍ ଗତର୍ ମାଇଜିମନ୍, ମରପାଇ କାନ୍ଦା ନାଇ । ମାତର ନିଜର୍ ପାଇ ଆରି ନିଜର୍ ପିଲାମନ୍ ପାଇ କାନ୍ଦା ।

୨୯ କାଇକେବଲେ ଦେକା “ଜନ୍ ମାଇଜି ବାଞ୍ଜି ଆରି କେବେ ମିସା ଗାଗତେ ନ ଅଇକରି ଆଟ୍, ଆରି ଜେ କି କେବେ ମିସା ଦୁଦ୍ କୁଆଏ ନାଇ, ସେମନ୍ କେତେକ୍ ନିକ କରମର୍ ଲକ୍ !” ବଲି କଇବା ଦିନ୍ ଆଇଲାନି ।

୩୦ ✨ ସେବେଲାଇ ଲକ୍ମନ୍ ଡଙ୍ଗର୍ମନ୍ କେ କଇବାର୍ ଦାର୍ବାଇ, ଆମର୍ ଉପ୍ରେ ଅଦ୍ରି ଦିଆସ୍ । କୁପ୍ଲିମନ୍ କେ କଇବାର୍ ଦାର୍ବାଇ, ଆମ୍ କେ ତପିଦିଆସ୍ ।

୩୧ କାଇକେ ବଇଲେ ଗଟ୍ କାଁଟାପଡ଼ିଆ ରଇଲା ବେଲେ, ଜଦି ଏ ସବୁ ଗଟ୍ ନା ଗଟ୍ ଲାନି ବଇଲେ ସେଟା ସୁକିଗାଲେ ଆରି କାଇଟା ଅଇସି ।

୩୨ ଜିସୁର ସଙ୍ଗ୍ ଆରି ଦୁଇଟା ବଡ଼ ବୁଲ୍ କରିରଇବା ଲକ୍ମନ୍ କେ ମିସା ମରାଇବାକେ ନେଲାଇ ।

୩୩ ଆରି ସେମନ୍ କପ୍ରି ନାଉଁର ଗଟେକ୍ ଜାଗାଇ କେଟିକରି ଜିସୁକେ ଆରି ଚର୍ମନ୍ କେ, ତାର ଡେବ୍ରି ବାଟେ ଗଟେକ୍ ଲକ୍ କେ ଆରି ଉଜାବାଟେ ଗଟେକ୍ ଲକ୍ କେ ଆତେ, ପାଦେ କୁଟିମାରି ଟେକିଦେଲାଇ ।

୩୪ ସେବେଲା ଜିସୁ କଇଲା, “ଏ ବାବା ଏମନ୍ କେ କେମା କରିଦିଆସ୍, କାଇକେ ବଇଲେ ଏମନ୍ କାଇଟା କଲାଇନି ସେଟା ନାଜାନଡ଼ ।” ସେମନ୍ ଜିସୁର ପଟିଆ ନେଇ କାକେ ମିଲ୍ସି ବଲି କେଡ଼ ପୁଟାଇଲାଇ ।

୩୫ ସବୁ ଲକ୍ମନ୍ ଚିଆଅଇ ଦେକ୍ ବାବେଲେ ଜିଉଦି ନେତାମନ୍ ଜିସୁକେ କିଜାଇକରି ଆଁସ୍ ଲାଇ ଆରି କଇଲା “ସେ ବିନ୍ ଲକ୍ମନ୍ କେ ରକିଆ କଲା, ଜଦି ତୁଇ ପର୍ମେସର୍ ବାଟିପାଟାଇଲା କିରିସ୍ଟ ବଇଲେ ନିଜ୍ କେ ରକିଆ କର ।”

୩୬ ଆରି ସନିଅମନ୍ ଜିସୁର ଲଗେ ଆସିକରି ତାକେ ଗନ୍ଦା ରସ୍ ଦେଇ କିଜାଇକରି କଇଲାଇ, ।

୩୭ “ତୁଇ ଜଦି ଜିଉଦି ଲକ୍ମନ୍ ରାଜା, ନିଜ୍ କେ ରକିଆ କର ।”

୩୮ ଆରି ତାର କୁରସର୍ ଟିପେ ଏଟା ଜିଉଦିମନ୍ ରାଜା, ବଲି ଲେକି ଅଲାଇଦେଲାଇ ।

୩୯ ତେଇ ବଡ଼ ବୁଲ୍ କରି କୁରସେ ଚଗାଇଅଇରଇବା ଗଟେକ୍ ଲକ୍ ଜିସୁକେ ନିନ୍ଦା କରି କଇଲା, “ତୁଇ ଜଦି ପର୍ମେସର୍ ବାଟି ପାଟାଇଲା କିରିସ୍ଟ ରାଜା ଜିସୁ ବଇଲେ, ନିଜ୍ କେ ରକିଆ କରି ଆମ୍ କେ ମିସା ରକିଆ କର ।”

୪୦ ମାତର ଆରି ଗଟେକ୍ ଲକ୍ ତାକେ ଦମକାଇ କରି କଇଲା, “ତୁଇ କାଇ ପର୍ମେସର୍ କେ ତରୁସ୍ ନାଇ କି ? ତୁଇ ମିସା ତାରପାରା ସମାନ୍ ଡଣ୍ଡ ପାଇଲୁସ୍ନି କି ନାଇ ?

୪୧ ଆରି ଆମେ ବୁଲ୍ କରି ନିୟ୍ ଇସାବେ ଡଣ୍ଡ ପାଇଲୁନି । ମାତର ସେଟା କାଇ ବୁଲ୍ କରେ ନାଇ ।”

୪୨ ଆରି ସେ ଜିସୁକେ, “ଏ ଜିସୁ, ତୁଇ ନିଜର୍ ରାଇଜେ ରାଜା ଅଇ ଆଇଲେ ମକେ ଏତାଆ ।”

୪୩ ଜିସୁ ତାକେ କଇଲା, “ମୁଇ ତକେ ସଡ଼ କଇଲିନି, ଆଜିସେ ତୁଇ ମର୍ସଙ୍ଗ୍ *ପାରଦେସେ ରଇସୁ ।”

ଜିସୁ ମର୍ସାଟା

(ମାତିଉ ୨୭:୪୫-୫୨; ମାର୍କ ୧୫:୩୩-୪୧; ଜଅନ୍ ୧୯:୨୮-୩୦)

୪୪ ସେବେଲେ ଆଡ଼ବେଲା ଅଇରଇଲା । ଆରି ବେଲର୍ ଉଜଲ୍ ଜାଉଁଲିଜାଇକରି, ତିନ୍ ଗାଁଟା ଜାକ ଗୁଲାଇ ଦେସ୍ ଆନ୍ଦାର୍ ଅଇଗାଲା

୪୫ ଆରି ଏଦେ ଦେକା ! ମନ୍ଦିରର୍ ସୁକଲ୍ ଜାଗା, ବିନେ କରବା ପାର୍ଦା ମଜାଇ ଦୁଇପଡା ଅଇ ଚିରିଅଇଲା ।

୪୬ ଆରି ଜିସୁ ଆଉଲିଅଇ କଇଲା, “ଏ ବାବା, ମର୍ ଆଡ଼ମା ତକେ ସର୍ପିଦେଲିନି ।” ଏଡ଼କି କଡ଼ କଡ଼ ତାର ଜିବନ୍ ଚାଡ଼ିଗାଲା ।

☆ ୨୩:୩୦ ପର୍କାସିତ ୬:୧୬ * ୨୩:୪୩ ଜିସୁକେ ବିସ୍ବାସ୍ କରି ମଲା ଲକ୍ମନ୍ ରଇବା ସାର୍ଦାର୍ ଜାଗା

୪୭ ରମିୟ ସନିଅମନର୍ ସେନାପତି ଏ ଗର୍ନା ଦେକି, ପର୍ଯ୍ୟେସରର୍ ମଇମା କରି କଇଲା, “ସତଇସେ ଏ ଗଟେକ୍ ଦରମ୍ ଲକ୍ ରଇଲା ।”

୪୮ ଆରି ଜନ୍ ଲକ୍ମନ୍ ଏ ଗର୍ନା ଦେକ୍ବାକେ ରୁଣ୍ଡିରଇଲାଇ ସେମନ୍ ସେଟା ସବୁ ଦେକି ଦୁକ୍କରି ରୁକେ ମାରିଅଇ ଗରେ ବାଅଡ଼ଲାଇ ।

୪୯ *ମାତର୍ ଜିସୁର୍ ଚିନାରଜାନାର୍ ଲକ୍ମନ୍ ଆରି ଗାଲିଲିଅନି ଆସି ତାର୍ ପର୍ପର୍ ଆଇତେରଇବା ମାଇଜିମନ୍ ଦୁରିକେ ଚିଆଅଇ ଏ ସବୁ ଦେକ୍ତେ ରଇଲାଇ ।

ଜିସୁର୍ ମତା ସଙ୍ଗଇବା ଜାଗା
(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜଅନ୍ ୧୯:୩୮-୪୨)

୫୦ ଆରି ଦେକା, ଆରାମାତିଆ ଗଡର୍ ଜିଉଦିମନର୍ ନେତା ଜସେପ୍ ନାଉର୍ ଗଟେକ୍ ଦରମ୍ ଆରି ମର୍ଜିତାର୍ ଲକ୍ ରଇଲା । ସେ ପର୍ଯ୍ୟେସରର୍ ରାଇଜ୍ ଆସ ବଲି ଜାଗିରଇଲା ।

୫୧ ମାତର୍ ଆରାମାତିଆ ଗାଉର୍ ସେ ଲକ୍ ବଡ଼ସବାର୍ ଗଟେକ୍ ମେମର୍ ରଇଲେ ମିସା, ସେମନର୍ ନିଆଇ ଆରି କାମ୍ ସଙ୍ଗ ରାଜିଅଇ ନ ରଇଲା । ଆରି ପର୍ଯ୍ୟେସରର୍ ରାଇଜ୍ ଜାଗ୍ତେରଇଲା ।

୫୨ ସେ ପିଲାତର୍ ଲଗେ ଜାଇ ଜିସୁର୍ ମଲା ମଡ଼ ମାଙ୍ଗଲା ।

୫୩ ଜିସୁର୍ ମଡ଼ କୁର୍ସେଅନି ଉଡ଼ରାଇ ଉଲ୍ତଲା ପଟିଆଇ ଗୁଡ଼ିଆଇକରି ଜେକ୍ଟିକି କେବେ କାକେ ନ ସଙ୍ଗଇରଇଲା, ଗଟେକ୍ ରାଙ୍ଗିନି କାଟି ତିଆରକରି ରଇଲା ପାଆରେ ନେଇ ସଙ୍ଗଇଲାଇ ।

୫୪ ସେ ଦିନ୍ ବିସରାମ୍ବାର୍ ଦିନ୍ ନ ଅଇରଇଲା, ସେ ଦିନ୍ କେଟି ଆଇତେରଇଲା ।

୫୫ ଆରି ଗାଲିଲିଅନି ଜିସୁର୍ ସଙ୍ଗ ରଇଲା ମାଇଜିମନ୍ ଜସେପର୍ ସଙ୍ଗ ଜାଇକରି ପାଆର୍ ବିଡ଼ରେ ଜିସୁର୍ ଗାଗଡ଼ କେନ୍ଦ୍ରି ସଙ୍ଗଇଲା ଆଟେ ବଲି ଦେକ୍ଲାଇ ।

୫୬ ସେମନ୍ ବାଉଡ଼ିଜାଇ ବାସ୍ନା ଚିକନ୍ ଆରି ବାସ୍ନା ଦିନ୍ସୁ ତିଆର୍ କରତେ ରଇଲାଇ । ସେ କାମ୍ ସାର୍ବାକେ ବିସରାମ୍ବିନ୍ କେଟ୍ଲା । ଆରି ସେ ଦିନେ ମସାର୍ ନିୟମ୍ ଇସାବେ, ସେମନ୍ ବିସରାମ୍ କଲାଇ ।

୨୪

ଜିସୁ ଆରି ତରେକ୍ ଜିବନ୍ ଅଇ ଉର୍ଲା
(ମାତିଉ ୨୮:୧-୧୦; ମାର୍କ ୧୬:୧-୮; ଜଅନ୍ ୨୦:୧-୧୦)

୧ ଆଟର୍ ପର୍ତୁମ୍ ଦିନର୍ ସାକାଲେ, ମାଇଜିମନ୍ ସେମନ୍ ତିଆର୍ କରିରଇବା ବାସ୍ନା ଦିନ୍ସୁ ଆରି ବାସ୍ନା ଚିକନ୍ ଦାରି ଜିସୁର୍ ମଡ଼ ରଇଲା ପାଆରେ ଗାଲାଇ ।

୨ ଆରି ପାଆରର୍ ମୁଆଟେ ରଇଲା ପାକ୍ନା ଗୁଣ୍ଡିରଇଲାଟା ଦେକ୍ଲାଇ ।

୩ ସେଟା ଦେକି ପାଆର୍ ବିଡ଼ରେ ଜାଇ ଦେକ୍ଲାଇ, ତେଇ ଜିସୁର୍ ଗାଗଡ଼ ନ ରଇଲା ।

୪ କାଇଟା ଅଇଲାବେ, ବଲି, ବାବିକରି ରଇଲାବେଲେ, ଏଦେ ଦେକା ! ବିଜ୍ଜି ପାରା ଜଗ୍ଜଗି ଜାଇତେରଇବା ଲୁଗା ପିନ୍ଦି ଦୁଇ ଲକ୍ ସେମନର୍ ମୁଆଟେ ଚିଆ ଅଇଲାଇ ।

୫ ମାଇଜିମନ୍ ସେ ଦୁଇ ଲକ୍କେ ଦେକି ଡରିକରି ଉଡ଼ାଡ଼ିଅଇ ତୁଲିଦେଲାଇ । ସେ ଦୁଇଲକ୍ ସେମନ୍କେ କଇଲାଇ, “ଜିବନ୍ ରଇଲା ଲକ୍କେ କାଇକେ ମଲା ଲକ୍କେ ସଙ୍ଗଇଲାଟାନେ କଜ୍ଲାସ୍ନି ?

୬ *ଜିସୁ ଇତି ନାଇ, ପର୍ଯ୍ୟେସର୍ ତାକେ ଉଟାଇଲାଆଟେ । ସେ ତମର୍ ସଙ୍ଗ ଗାଲିଲିତେଇ ମିସ୍ତେ ରଇଲା ବେଲେ ତମ୍କେ କାଇବଲି କଇରଇଲା, ସେଟା ତମର୍ ମନେ ନାଇ କି ?

୭ ନର୍ପିଲା ପାପି ଲକ୍ମନର୍ ଆତେ ସର୍ପାଇ ଅଇସି ଆରି ସେମନ୍ ତାକେ କୁର୍ସେ କୁଟିମାରି ମରାଇ ଦେବାଇ । ମାତର୍ ତିନ୍ଦିନ୍ ଗାଲାପଟେ ସେ ଆରି ତରେକ୍ ଜିବନ୍ ଅଇ ଉର୍ସି ।”

୮ ସେଡ଼କି ବେଲେ ମାଇଜିମନ୍ ଜିସୁ ଏନ୍ତି କାତା କଇରଇଲା ବଲି ଏତାଇଲାଇ ।

୯ ସେଟାର୍ ପାଇ ସେମନ୍ ତେଇଅନି ଦାପ୍ରେ ବାଉଡ଼ି ଆସିକରି ଏଗାର୍ଟା ସିସ୍ମନ୍କେ ଆରି ତେଇ ରଇଲା ଲକ୍ମନ୍କେ ସେ ଜାଗାଇ ଅଇଲା ଗର୍ନା ସବୁ କଇଲାଇ ।

୧୦ ମଗ୍ଦଲିନି ମରିୟମ୍, ଜଆନା, ଜାକୁବର୍ ମାଆ ମରିୟମ୍ ଆରି ତାକର୍ସଙ୍ଗ ରଇଲା ବିନ୍ ମାଇଜିମନ୍ ମିସା କାଇ କାଇଟା ଗର୍ଲା, ସେ ସବୁ ବିସଇ ପେରିଡ଼ମନ୍କେ କଇଲାଇ ।

୧୧ ମାତର୍ ପେରିଡ଼ମନ୍ ମାଇଜିମନର୍ କାତା ଟଣ୍ଡେ ପାନ୍ଦି କଇଲାଇନି ବଲି ବିସ୍ବାସ୍ କରଡ଼ ନାଇ ।

୧୨ ମାତର୍ ପିତର୍ ଅଦର୍ପଡ଼ ଅଇ ପାଲାଇ ପାଆରେ ଜାଇ ଏରି ଦେକ୍ଲା । ପାଆର୍ ବିଡ଼ରେ ଏରି ଦେକ୍ଲାକେ ତେଇ ଜିସୁକେ ଗୁଡ଼ିଆଇଲା ଉଲ୍ତଲା ପଟିଆ ଚାଡ଼ି ଆରି କାଇଟା ନ ରଇଲା । ପିତର୍ ସେ ଗର୍ନା ଦେକି କାବାଅଇ ଜାଇକରି, ଗରେ ବାଉଡ଼ି ଆଇଲା ।

☆ ୨୩:୪୯ ଲୁକ୍ ୮:୨, ୩ ☆ ୨୪:୭ ମାତିଉ ୧୬:୨୧; ୧୭:୨୨, ୨୩; ୨୦:୧୮, ୧୯; ମାର୍କ ୮:୩୧; ୯:୩୧; ୧୦:୩୩, ୩୪; ଲୁକ୍ ୯:୨୨; ୧୮:୩୧-୩୩

ଦୁଇଟା ସିସ୍ତମନ୍ ଇମାୟୁ ଗାଏଁ ଗାଲାଇ
(ମାର୍ଚ୍ଚକ ୧୭:୧୨-୧୩)

୧୩ ସେ ଦିନେସେ ଜିସୁର୍ ଦୁଇଟା ସିସ୍ତମନ୍ ଜିରୁସାଲମେଅନି ଏଗାର କିଲମିଟର୍ ଦୁର୍ବେ ରଇଲା ଇମାୟୁ ନାଉର୍ ଗାଏଁ
ଇଣ୍ଡିକରି ଜାଇତେ ରଇଲାଇ ।

୧୪ ଜିସୁକେ କାଇକାଇଟା ଅଇରଇଲା ଆରି ସେ ସବୁ ବିସଇନେଇ ସେମନ୍ କାତାଅଇ କାତାଅଇ ଇଣ୍ଡିତେ ରଇଲାଇ ।

୧୫ ସେମନ୍ ଏନ୍ତି କାତାବାରତା ଅଇ ଆଇବାବେଲେ ଏଦେ ଦେକା ! ଜିସୁ ନିଜେ ଆସି ସେମନ୍ ସଙ୍ଗ୍ ଇଣ୍ଡିବାର ଦାରଲା
।

୧୬ ସେମନ୍ ତାକେ ଦେକଲାଇ, ମାତର୍ ତିନି ନାପାରଲାଇ ।

୧୭ ସେତିକିବେଲେ ଜିସୁ ସେମନ୍ କେ କଇଲା, “ତମେ ଇଣ୍ଡି ଇଣ୍ଡି କାର ବିସଇନେଇକରି ଏତେକ୍ କାତା ଅଇଲାସ୍ତି ?”
ସେବେଲାଇ ସେମନ୍ ମନ୍ଦୁକକରି ମୁଁ ସୁକାଇ ଟିଆଅଇଲାଇ ।

୧୮ “ଗାଲା କେତେଦିନ୍ ବିତ୍ରେ ଜିରୁସାଲାମ୍ ଜନ୍ ଗର୍ନା ଗଟିଗାଲା ଆତେ ? ସେଟା ନାଜାନ୍ଲାଟା ତୁଇ ଗଟେକ୍
ଲକ୍ଷେ କି ?”

୧୯ ଜିସୁ ସେମନ୍ କେ ପାଚାରଲା, “କାଇଟା ଅଇରଇବା ବିସଇ ତମେ କଇଲାସ୍ତି ?” ସେମନ୍, “ନାଜରିତର୍ ଜିସୁକେ
ଜାଇଟା ସବୁ ଗର୍ଲା । ସେ ଗଟେକ୍ ବବିସତ୍ବକ୍ତା ରଇଲା । ପର୍ମେସରର୍ ମୁଆଟେ ଆରି ଲକ୍ମନର୍ଟାନେ ଗଟେକ୍
ବପୁସଙ୍ଗର୍ ଲକ୍ ରଇଲା । ତାର୍ ସବୁକାମ୍ ଆରି କାତାଇଅନି ଏ ସବୁ ଜାନାପତ୍ତେ ରଇଲା ।

୨୦ ଆମର୍ ମୁକ୍ତି ପୁଜାରିମନ୍ ଆରି ସାସନ୍ କାରିଆମନ୍ ତାକେ ମରନ୍ ତଣ୍ଡ ପାଇବାକେ ସତ୍ତୁମନ୍ କେ ସର୍ପିଦେଲାଇ
ଆରି ତାକେ କୁର୍ସେ ଚଗାଇ ମରାଇଲାଇ ।

୨୧ ସେ ଆକା ଇସ୍ରାଏଲର୍ ଲକ୍ମନ୍ କେ ରକିଆ କର୍ସି ବଲି ଆସା କରି ରଇଲୁ । ମାତର୍ ତାକେ ମରାଇ ତିନ୍ଦିନ୍
ଅଇଲାନ୍ତି ।

୨୨ ଆମର୍ ଦଲର୍ କେତେଟା ମାଇଜିମନ୍ ଆମ୍ କେ କାବାଅଇଜିବା କାତା କଇଲାଇ । ସେମନ୍ ଆଜି ସାକାଲ୍ ସାକାଲ୍
ତାର୍ ମତ୍ତ ରଇବା ପାଆରେ ଗାଲାଇ ।

୨୩ ମାତର୍ ତେଇ ତାର୍ ଗାଗତ୍ ନ ରଇଲା । ସେମନ୍ କଇଲାଇ, ପାଆରେଅନି ବାଉଡୁଲାବେଲେ ସରଗର୍ ଦୁତ୍ତମନ୍
ଦର୍ସନ୍ ପାଇରଇଲା ଆରି ସେ ଦୁତ୍ତମନ୍ ଜାନାଇଲାଇଜେ, ସେ ଏବେ ଜିବନ୍ ଅଇଆତେ ।

୨୪ ଆମର୍ ସଙ୍ଗାରିମନ୍ ବିତ୍ରେଅନି ଜେ ଜେ ସେ ପାଆରେ ଜାଇ ଦେକଲାଇ ମିସା ମାଇଜିମନ୍ ଜେନ୍ତି କଇରଇଲାଇ,
ସେ ସମାନ୍ ଇସାବେ ଦେକଲାଇ । ମାତର୍ ସେମନ୍ ଜିସୁକେ ଦେକତ୍ ନାଇ ।”

୨୫ ସେବେଲେ ଜିସୁ ସେମନ୍ କେ କଇଲା, “ତମେ କେତେକ୍ ବକୁଆ ଲକ୍ମନ୍, ବବିସତ୍ବକ୍ତାମନ୍ କଇଲା କାତା
ବିସ୍ତାସ୍ କର୍ବାକେ କାଇକେ ଜାଗରତ୍ ଉଆସ୍ ନାଇ ?

୨୬ ଏ ସବୁ ଦୁକ୍ଷ୍ଟ ପାଇଲା ପରେସେ ପର୍ମେସର୍ ବାଟିପାଟାଇଲା କିରିସ୍ଟକେ ମଇମା ପାଇବାକେ ଅଇସି ।

୨୭ ଜିସୁ ମସାର୍ ବଇତେଅନି ଆରି ବିନ୍ ବିନ୍ ବବିସତ୍ବକ୍ତାମନ୍ ଲେକିରଇଲା କାତାଇ ଅନି ଆରାମ୍ କରି ସବୁ
ଦରମ୍ ସାସ୍ତରେ ତାର୍ ଜେଡ୍ ବିସଇ ଲେକା ଅଇରଇଲା, ସେ ସବୁ ସେମନ୍ କେ ବୁଜାଇଦେଲା ।”

୨୮ ଆରି ସେମନ୍ ଜନ୍ ଗାଉଁ ଜିବାର୍ ରଇଲା, ସେ ଗାଉଁ ଲଗାଲଗି ଅଇବାକେ ଜିସୁ ଆଗ୍ତୁ ଗାଲାପାରା ଅଇ ଇଣ୍ଡିବାର୍
ଦାରଲା ।

୨୯ ମାତର୍ ସେ ଲକ୍ମନ୍ ଜିସୁକେ ସୁତ୍ତରାଇ କରି କଇଲାଇ, “ଆମର୍ ସଙ୍ଗ୍ ର, କାଇକେ ବଇଲେ ବେଲ୍ ବସିଗାଲା
ଆରି ରାତି ଅଇଗାଲାନ୍ତି ।” ସେଟାର୍ ପାଇ ଜିସୁ ସେମନ୍ ସଙ୍ଗ୍ ରଇବାକେ ଗର୍ବିତ୍ରେ ଗାଲା ।

୩୦ ଆରି ସେମନ୍ ସଙ୍ଗ୍ କାଇବାକେ ବସ୍ଲା । ରୁଟି ଦାରି ପର୍ମେସର୍ କେ ଦନିଅବାଦ୍ ଦେଇକରି ସେଟା ବାଙ୍ଗାଇକରି
ସେମନ୍ କେ ଦେଲା ।

୩୧ ସେ ବେଲାଇ ସେମନ୍ ତାବିଅଇ ଜାଇରଇଲା ଆଁକି ପିଟିଗାଲାଜେ ତାକେ ତିନି ପାରଲାଇ । ମାତର୍ ସେ ଦାପ୍ରେ
ଜିସୁ ସେମନ୍ ତେଅନି ମାୟା ଅଇଗାଲା ।

୩୨ ସେବେଲାଇ ସେମନ୍ ସେମନ୍ ବିତ୍ରେ କାତା ଅଇଲାଇ, “ଜେତେବଲ୍ ସେ ଆମର୍ ସଙ୍ଗ୍ ବାଟେ କାତା ଅଇତେ
ରଇଲା, ଆରି ପର୍ମେସରର୍ ସାସ୍ତରେ କାତା ବୁଜାଇ ଦେଇତେ ରଇଲା, ଆମର୍ ମନ୍ ବିତ୍ରେ ଉଡୁକ୍ ଦୁଡୁକ୍ ନ
ଅଇତେ ରଇଲା କି ?”

୩୩ ସେଦାପ୍ରେ ସେମନ୍ ଦୁଇଲକ୍ ଉଟିକରି ଜିରୁସାଲାମେ ବାଉଡି ଉଟିଗାଲାଇ । ତେଇ ଜିସୁର୍ ଏଗାର୍ଟା ସିସ୍ତମନ୍
ଆରି ବିନ୍ଲକ୍ମନ୍ କାତାବାରତା ଅଇତେରଇଲାଟା ଦେକଲାଇ ।

୩୪ ସେ ଲକ୍ମନର୍ତେଅନି ସେମନ୍ ଜିସୁମାପୁରୁ ଆରି ତରେକ୍ ଜିବନ୍ ଅଇ ଉର୍ଲା ଆତେ ଆରି ସିମନ୍ କେ
ଦେକାଇଅଇଲା ଆତେ ବଲି ଜାନ୍ଲାଇ ।

୩୫ ତାର୍ ପଟେ ଦୁଇଲକ୍ ଇମାୟୁ ଗାଉଁ ଆଇବା ବାଟେ କାଇକାଇଟା ଅଇରଇଲା ସେଟା ସବୁ କଇଲାଇ । ଆରି ସେମନ୍
ଜିସୁ ରୁଟି ବାଙ୍ଗାଇ କରି ଦେଲାବେଲେ କେନ୍ତି ତାକେ ତିନି ଦେଇରଇଲାଇ ସେଟା ମିସା ସେମନ୍ କେ କଇଲାଇ ।

ଜିସୁ ତାର ସିସ୍ତାମାନଙ୍କେ ଦେକା ଅଇଲା

(ମାତ୍ରି ୨୮:୧୭-୨୦; ମାର୍କ ୧୬:୧୪-୧୮; ଜଅନ୍ ୨୦:୧୯-୨୩; ପେରିଡ୍ ୧:୭-୮)

୩୭ ସେ ଦୁଇଲକ୍ ଏକ୍ତି କଇବା ବେଲେ ଏଦେ ଦେକା ! ମାପରୁ ନିଜେ ସେମାନର୍ ମଜାଇ ଚିଆଅଇଦେଲା । ଆରି ସେମାନଙ୍କେ କଇଲା, “ତମ୍ଭେକେ ସାକ୍ତି ଅ ।”

୩୮ ମାତର ସେମାନ ସବୁ ଲକ୍ ଏଟା ଗଟେକ୍ ବୁଡ୍ ଦେକ୍ଲୁନି ବଲି ଡରିଗାଲା ।

୩୯ ଜିସୁ ସେମାନଙ୍କେ କଇଲା, “ତମେ କାଇକେ ଡରଲାସ୍ନି ? ଆରି ଦେକି କରି ମିସା କାଇକେ ବିସ୍ବାସ୍ କରାସ୍ ନାଇ ?

୪୦ ମର୍ ଆତେ ଆରି ଗତେ ଦେକା, ଏଟା ମୁଇ ନିଜେ । ମକେ ଚିଇକରି ଦେକା । ଏଟା ମକେ ଜେନ୍ତାରି ଆଡ୍ ଆରି ମାଉଁସ୍ ଆତେ ସେକ୍ତି ବୁଡ୍‌କେ ନ ରଏ ।”

୪୧ ଜିସୁ ଏଟା କଇକରି, ତାର ଆଡ୍ ଆରି ଗଡ୍ ସେମାନଙ୍କେ ଦେକାଇଲା ।

୪୨ ସେଟା ଦେକି ସେମାନ ସାରଦା ଅଇକରି କାବାଅଇ ଗାଲାଲ ମିସା ତାକେ ବିସ୍ବାସ୍ କରଡ୍ ନାଇ । ସେଟାର ପାଇ ଜିସୁ ସେମାନଙ୍କେ ପାଟାରଲା, “ତମର୍ ଲଗେ କାଇଟା କାଇବାଟା ଆତେ କି ?”

୪୩ ସେବେଲାଲ ସେମାନ ତାକେ କଣ୍ଟେକ୍ ବାଜ୍‌ଲା ମାଟ୍ ଦେଲା ।

୪୪ ସେଟା ଜିସୁ ଦାରିକରି ସେମାନର୍ ମୁଆଟେ କାଇଲା ।

୪୫ ଜିସୁ ସେମାନଙ୍କେ କଇଲା, “ମସାର ନିୟମ୍ ଆରି ବବିସଡ୍‌ବକ୍‌ତାମନ୍ କଇଲା କାତା ଆରି ଗିଡ୍‌ସକ୍ତିତା ବଇଟାନେ କାଇକାଇଟା ଲେକା ଅଇଲାଆତେ ସେ ସବୁ, ସଡ୍ ଅଇବାର ରଇଲା । ମୁଇ ତମର୍ ସକ୍ ରଇଲାବେଲେ ଏ ସବୁ କାତା ତମ୍ଭେକେ କଇରଇଲି ।”

୪୬ ତାରପତେ ଦରମ୍ ସାସ୍ତରର୍ ଅରଡ୍ ବୁଜ୍‌ବାକେ ଜିସୁ ସେମାନର୍ ବୁଜ୍‌ବା ବପୁ ଉଗାଡି ଦେଲା ।

୪୭ ଆରି ସେମାନଙ୍କେ କଇଲା, “ପର୍ମେସର୍ ବାଟି ପାଟାଇଲା କିରିସ୍ଟ ରାଜା ମୁଇ, ଏକ୍ତି ଦୁକ୍ କସ୍ଟ ପାଇକରି ମର୍ବି । ପତେ ତିନ୍‌ଦିନ୍ ଗାଲେ ଆରି ତରେକ୍ ଉର୍ବି ବଲି ଲେକା ଅଇଲା ଆତେ ।

୪୮ ଆରି ଜିରୁସାଲମେଅନି ଆରାମ୍ କରି ସବୁ ଦେସର୍, ସବୁ ଜାତିର୍ ଲକ୍‌ମାନଙ୍କେ ମର୍ ନାଉଁଦାରି ପାପ୍ କେମା କରାଇ, ମନ୍ ବଦ୍‌ଲାଇବାକେ କଇବାର୍ ଆତେ ।

୪୯ ତମେ ଏ ସବୁ ବିସଇର୍ ସାକି ଆଟାସ୍ ।

୫୦ ଆରି ମର୍ ବାବା ଜନ୍ ଜିଦ୍ କରିରଇଲା, ମୁଇ ନିଜେ ସେଟା ପାଟାଇବି । ମାତର୍ ତମେ ପର୍ମେସରର୍ ଟାନେଅନି ବପୁ ନ ମିଲ୍‌ବା ଜାକ, ଏ ଜିରୁସାଲମେସେ ରୁଆ ।”

ଜିସୁ ସର୍ଗେ ବାଉଡି ଗାଲା

(ମାର୍କ ୧୬:୧୯-୨୦; ପେରିଡ୍ ୧:୯-୧୧)

୫୦ ତାରପତେ ଜିସୁ ସେମାନଙ୍କେ ବେଡ୍‌ନିଆ ନାଉଁର୍ ଜାଗାଇ ଜିବା ବାଟ୍‌ଜାକ ଡାକିନେଲା । ଆରି ସେମାନଙ୍କେ ଆଡ୍ ଟେକି ଆସିର୍ବାଦ୍ କଲା ।

୫୧ ସେ ଏକ୍ତି ସେମାନଙ୍କେ ଆସିର୍ବାଦ୍ କର୍ବାବେଲେ ପର୍ମେସର୍ ତାକେ ସରଗ୍‌ପୁରେ ଦାରିଗାଲା ।

୫୨ ସେମାନ ତାକେ ଜୁଆର୍ କଲାଲ ଆରି ସାରଦାଅଇ ଜିରୁସାଲମେ ବାଉଡି ଆଇଲା ।

୫୩ ସବୁବେଲା ମନ୍‌ଦିରେ ରଇକରି ପର୍ମେସରର୍ ଡାକ୍‌ପୁଟା କର୍ବାର୍ ଦାରିଲା ।

ଯୀଶୁ ଖ୍ରୀଷ୍ଟଙ୍କ ବିଷୟରେ ଯୋହନ ଲେଖିଥିବା ସୁସମାଚାର ଜିସୁକ୍ରିଷ୍ଟର୍ ବିସଇ ନେଇକରି ଜଅନ୍ ଲେକିରଇବା ନିମାନ୍ କବର୍ ଏ ବଇ ବିସଇରେ ଜାନ୍ବାଟା

ଜଅନ ବଇର୍ ସୁର୍ କବର୍ କାତା ମାପୁରୁ ପାଟାଈରଇବା ଜେବଦିର୍ ପ ଜଅନ୍ ଲେକିରଇଲା । ଏଟା କିରିସ୍ତାଦ ୭୦ ଅନି ୯୦ ବିତ୍ରେ ଲେକାଅଇରଇଲା ବଲି କେତେକ୍ ବାଇବଲ୍ ପଣ୍ଡିତମନ୍ ବିସ୍ବାସ୍ କରବାଇ, ମାତର୍ ଏଟା କେବେ ଅଇଲାଆଟେ, ନିକସଙ୍ଗେ କେ ମିସା ନାଜାନତ୍ । ଜିସୁର୍ ସବୁ ସିସ୍ମାନର୍ ବିତ୍ରେଅନି ଜଅନ୍ ଆକା ଗଟେକ୍ ମୁକିଅ ସିସ୍ ପାରା ବଲି ଲକ୍ମନ୍ ଜାନିରଇଲା । ବିନ୍ ସିସ୍ମାନର୍ ଟାନେଅନି ଜଅନ୍ ଜିସୁର୍ ମନର୍ ବିସଇ ନିକସଙ୍ଗେ ଜାନିରଇଲା । ସେଟାପାଇ ଏ ସୁର୍ କବର୍ଟାନେ ଜିସୁ ମନ୍ ବିତ୍ରେଅନି ଚିନ୍ତାକରିରଇବାଟା ଆରି ତାର୍ କେତେକ୍ କେତେକ୍ କାତାମନ୍ ଆମର୍ପାଇ ଲେକିଦେଇଆଟେ । ଜଅନ୍ କୁଲ୍କୁଲା ଡକ୍ଟରା ଅଇବାଜାକ ବଠିରଇଲା । ସେ ଏପିସିୟ ଡେଇ ବେସି ବରସ୍ ବାସା କରିରଇଲା । ତେଇ ବାସାକରି ରଇଲାବେଲେ ଆକା ଏ ସୁର୍ କବର୍ ଲେକ୍ଲା ଆଟେବଲି କଇବାଇ । ନୁଆ ନିୟମେ ରଇବା ପର୍ତୁମ୍, ଦୁଇପାଲି ଆରି ତିନ୍ପାଲିର୍ ଚିଟିର୍ ବଇମନ୍ ମିସା ଜେବଦିର୍ ପ ଜଅନ୍ ଲେକିରଇଲା । ଜଅନର୍ ଜିବନ୍ ସାର୍ବା ବେଲାଇ, ରୁମ୍ ସାଗରେ ରଇବା ପାତ୍ମ ନାଉର୍ ଗଟେକ୍ ଚାରିବେଟ୍ତି ପାନି ରଇ ମଜାର୍ ସୁକ୍ଲା ଜାଗାର୍ ଦେସେ ତାକେ ପାଟାଈରଇଲା । ତେଇ ରଇଲାବେଲେ ସେ ଜିସୁର୍ ଗଟେକ୍ ଦରସନ୍ ପାଇରଇଲା । ଏ ଦରସନ୍ ବିସଇର୍ ଚିକିନିକି କାତା ଜଅନ୍ ନୁଆ ନିୟମର୍ ସାରାସାରି ବଇ, ପର୍କାସିତ୍ ବାକିଅ ଟାନେ ଗଟେକ୍ ଗଟେକ୍ କରି ଲେକିଆଟେ । ଜଅନର୍ ସୁର୍ କବର୍ ମାଡିତ୍, ମାର୍କ ଆରି ଲୁକ୍ ସୁସମାଚାର୍ ଟାନେଅନି ପୁରାପୁରୁନ୍ ବିନ୍ ଆଟେ । ଜଅନର୍ ସୁସମାଚାରେ ଆମେ ଜିସୁର୍ ମନ୍ ବିତ୍ରେ ରଇବାଟା ଆରି ଆଡ୍ମାର୍ ବିସଇ ଅଦିକ୍ ଦେକିପାର୍ବାର୍ ଅଇସି । ଜଅନ୍ ଜିସୁ କେନ୍ତିରଇଲା, ତାର୍ ଅବସ୍ତା କାଇଟା, କେନ୍ତି ସବୁ ଚିକିନିକି ଲେକ୍ଲା ଆଟେ । ଜିସୁ ନିଜର୍ ବିସଇରେ ଦେଇରଇବା ସିକିଆ ସବୁ ଲେକିଆଟେ । ଜେନ୍ତାରିକି ମୁଇ ଜିବନ୍ ଦେବା କାଦି, ମୁଇ ଜଗତର୍ ଉଜଲ୍, ମୁଇ ନିମାନ୍ ମେଣ୍ଡା ଚାରାଉ ଗଉଡ୍, ମୁଇ ଆକା ଦୁଆର୍, ମୁଇ ସେ ସତ୍ ଅଙ୍ଗୁର୍ମାଲ୍, ମୁଇ ବାଟ୍, ସତ୍ ଆରି ଜିବନ୍ ।

ଏ ବଇବିତ୍ରେ ରଇବା ବିସଇ

- ୧. ସୁସମାଚାରେ ଅନି ଆରାମ୍ ଅଇଲା ଜଅନ୍ । ୧:୧-୧୮
- ୨. ଜିସୁ କରିରଇବା କେତେଟା କାବାଅଇଜିବା କାମ୍ ଜଅନ୍ । ୧:୧୯-୧୨:୫୦
- ୩. ଜିସୁ ମରିକରି ଆରିତରେକ୍ ଉର୍ବାଟା ଜଅନ୍ । ୧୩:୧-୨୦:୩୧
- ୪. ଜିସୁ ଆରିତରେକ୍ ଜିବନ୍ ଅଇକରି ଲକ୍ମନ୍କେ ଦେକାଇ ଅଇବାଟା ଜଅନ୍ । ୨୧:୧-୨୫

ଜିବନ୍ ବାକିଅ

- ୧ କାଈଟା ତିଆର୍ ନ ଅଇରଇଲା ପୁର୍ବେ ବାକିଅ ରଇଲା । ସେ ବାକିଅ ପର୍ମେସର୍ ସଙ୍ଗେ ରଇଲା । ସେ ଆରି ପର୍ମେସର୍ ଗଟେକ୍ ରଇଲା ।
- ୨ କାଈଟା ତିଆର୍ ନ ଅଇବା ଆଗ୍ତୁ ଏ ବାକିଅ ପର୍ମେସର୍ ସଙ୍ଗେ ରଇଲା ।
- ୩ ପର୍ମେସର୍ ସେ ବାକିଅ ଦେଇ ସବୁ ବିସଇ ତିଆର୍ କଲାଆଟେ । ଏ ଦୁନିଆଇ ତିଆର୍ ଅଇଲା ଗଟେକ୍ ବିସଇ ମିସା ତାର୍ଟାନେଅନି ତିଆର୍ ନ ଅଇଲାଟା ନ ରଇଲା ।
- ୪ ସେ ବାକିଅ ନ ସାର୍ବା ଜିବନ୍ ଦାନ୍ ଦେଲା ଆରି ସେ ଜିବନ୍ ଦୁନିଆର୍ ଲକ୍ମନ୍କେ ଉଜଲ୍ ଦେକାଇଦେଲା ।
- ୫ ସେ ଉଜଲ୍ ଆନ୍ଦାର୍ ବିତ୍ରେ ସବୁବେଲେ ଉଜଲ୍ ଦେଇସି । ଆନ୍ଦାର୍ କେବେ ମିସା ସେ ଉଜଲ୍ ଲିବାଇ ନାପାରେ ।
- ୬ ପର୍ମେସର୍, ଜଅନ୍ ନାଉର୍ ଗଟେକ୍ ଲକ୍ମନ୍କେ ତାର୍ କବର୍ନେଉ କରି ପାଟାଈଲା ।
- ୭ ସେ ଲକ୍ମନ୍କେ ଉଜଲ୍ ବିସଇ କଇବାର୍ ଆସିରଇଲା । ଜେନ୍ତାରିକି ଗୁଲାଇ ଜଗତର୍ ଲକ୍ମନ୍ ତାର୍ତେଇଅନି ସେ ଉଜଲ୍ ବିସଇ ସୁନ୍ବାଇ ଆରି ବିସ୍ବାସ୍ କରବାଇ ।
- ୮ ଜଅନ୍ ନିଜେ ସେ ଉଜଲ୍ ନ ରଇଲା, ମାତର୍ ଲକ୍ମନ୍କେ ସେ ଉଜଲ୍ ବିସଇର୍ ସାକି ଦେବାକେ ଆସିରଇଲା ।
- ୯ ସେ ସତ୍ ଏବେ ଉଜଲ୍ ଅଇଲା, ଏ ଉଜଲ୍ ଦୁନିଆଇ ଆଇଲା ଆରି ସବୁ ଲକ୍ମନର୍ ମନ୍ବିତ୍ରେ ରଇବା ଆକି ତିଆଇଲା ।
- ୧୦ ବାକିଅ ଏ ଦୁନିଆଇ ରଇଲା । ତାର୍ଟାନେଅନି ପର୍ମେସର୍ ଏ ଦୁନିଆ ତିଆର୍ କରିରଇଲେ ମିସା ଏ ଦୁନିଆର୍ ଲକ୍ମନ୍ ତାକେ ଚିନ୍ତ ନା ।
- ୧୧ ସେ ତାର୍ ନିଜର୍ ଲକ୍ମନର୍ ଟାନେ ଆଇଲା, ମାତର୍ ତାର୍ ନିଜର୍ ଲକ୍ ଇସ୍ତରାଏଲର୍ ପିଲାଜିଲା ତାକେ ନାମାଡ୍ନାଇ ।

☆ ୧:୨ ମାଡିତ୍ ୩:୧; ମାର୍କ ୧:୪; ଲୁକ୍ ୩:୧,୨

୧୨ ମାତର୍ ଜେ ଜେ ତାକେ ନାମ୍ଲାଇ, ଆରି ତାକେ ବିସ୍ବାସ୍ କଲାଇ, ସେ ଲକ୍ମନ୍‌କେ ପର୍ମେସରର୍ ପିଲାଜିଲା ଅଇଜିବାକେ ସେ ଅଦିକାର୍ ଦେଲା ।

୧୩ ସେମନ୍ ମୁନ୍‌ସମନ୍ ମନକଲା ଇସାବେ ଜନମ୍ ଅଅଡ୍‌ନାଇ, କି ଗାଗଡ୍‌ର୍ ବନି ଇସାବେ ଅଅଡ୍‌ନାଇ । ନିଜେ ପର୍ମେସର୍ ସେମିନର୍ ବାବା ।

୧୪ ଆରି ସେ ବାକିଅ ନର୍ ଲକ୍ ଅଇକରି ଆମର୍ ସଙ୍ଗ୍ ଜିଇଲା । ତାର୍ ସଡ୍ ଆରି ଜିବନ୍ ଦୁକାଇବାଟା ପୁରାପୁରୁନ୍ ରଇଲା । ତାର୍ ବାବାର୍ ଗଟେକ୍‌ସେ ପିଲା ବଲି ସେ ମଇମା ପାଇରଇଲା । ତାର୍ ମଇମା ଆମେ ଦେକିଆରୁ ।

୧୫ ତୁବନ୍ ଦେଉ ଜଅନ୍ ଜିସୁର୍ ବିସଇ ଲକ୍ମନ୍‌କେ ଆକ୍‌ମାରି କରି ଏନ୍ତାରି କଇଲା, “ଏ ଲକ୍‌ର୍ ବିସଇ ମୁଇ ଏନ୍ତି କଇରଇଲି, ଜେ ମର୍‌ପଟେ ଆଇଲାନି, ସେ ମର୍‌ତେଇଅନି ବେସି ମୁକିଅ, କାଇକେବଇଲେ ମୁଇ ଜନମ୍ ଅଇବା ଆଗ୍‌ତୁଅନି ସେ ଆଟେ ।”

୧୬ “ତାର୍ ମନ୍ ବିଡ୍‌ରେ ରଇଲା ପୁରାପୁରୁନ୍ ଜିବନ୍ ଦୁକାଇବା ତେଇଅନି ଆମେ ସବୁ ଆସିର୍‌ବାଦ୍ ପାଇଆରୁ । ଓଁ, ଆସିର୍‌ବାଦର୍ ପଟେ ଆସିର୍‌ବାଦ୍ ପାଇଆରୁ ।

୧୭ କାଇକେ ବଇଲେ ପର୍ମେସର୍ ଆମକେ ମସାର୍‌ଟାନେଅନି ନିୟମ୍ ଦେଲା ଆଟେ । ମାତର୍ ଜିସୁ କିରିସ୍‌ଟର୍‌ଟାନେଅନି ଆମକେ ଜିବନ୍ ଦୁକାଇ ସଡ୍ ବାଟ୍ ଆଇଲା ଆଟେ ।

୧୮ କେ ମିସା କେବେ ପର୍ମେସର୍‌କେ ଦେକଡ୍‌ନାଇ । ମାତର୍ ତାର୍ ଗଟେକ୍ ବଲି ପିଲା ଜେ କି ପର୍ମେସରର୍ ସମାନ୍ ଆଟେ ଆରି ତାର୍ କଲେ ଆଟେ, ସେ ଆକା ଆମକେ ତାର୍ ବିସଇ ଜାନାଇ ଦେଲା ଆଟେ ।”

**ତୁବନ୍ ଦେଉ ଜଅନ୍‌ର୍ ସାକି ଦେବାଟା
(ମାତିଉ ୩:୧-୧୨; ମାର୍କ ୧:୧-୮; ଲୁକ୍ ୩:୧-୧୮)**

୧୯ ଜିରୁସାଲମର୍ ଜିଉଦି ନେତାମନ୍, କେତେଟା ଦରମ୍ ଗୁରୁମନ୍‌କେ ଆରି ଲେବି ଦଲର୍ ଲକ୍ମନ୍‌କେ ତୁବନ୍ ଦେଉ ଜଅନ୍‌ର୍ ଲଗେ “ତମେ କେ ?” ବଲି ପାଚାର୍‌ବାକେ ପାଟାଇଲାଇ ।

୨୦ ସେ ସଡ୍ ବିସଇ କଇବାକେ ନ ନିଚିକରି, ସବୁ ଲକ୍ ବୁଢ଼ଲା ପାରା କଇଲା, “ମୁଇ କିରିସ୍‌ଟ ନଇ ।”

୨୧ ତେଇ ସେମନ୍ ପାଚାର୍‌ଲାଇ, “ସେନ୍ତି ବଇଲେ ତମେ କେ ତେବେ ? ବବିସଡ୍‌ବକ୍‌ତା ଏଲିୟ କି ?”

ଜଅନ୍ କଇଲା, “ନଇ, ମୁଇ ଏଲିଅ ନଇ ।”

ଆରି ସେମନ୍ ପାଚାର୍‌ଲାଇ, “ତୁଇ ସେ ବବିସଡ୍‌ବକ୍‌ତା କି ?”

ଜଅନ୍ କଇଲା, “ମୁଇ ସେ ନଇ ।”

୨୨ ତାର୍ ପଟେ ସେମନ୍ ପାଚାର୍‌ଲାଇ, “ସେନ୍ତାଆଲେ ତମେ କେ ? ଆମକେ ପାଟାଇଲା ଲକ୍ମନ୍‌କେ ଆମେ ଜାଇ, କାଇଟା ବଲି କଇବୁ, ସେଟାର୍‌ପାଇ ତମର୍ ନିଜର୍ ବିସଇ ଅଲପ୍ କଇଦିଆ ।”

୨୩ ଜିସାୟ ବବିସଡ୍‌ବକ୍‌ତା ଜେନ୍ତି କଇରଇଲା, ଜଅନ୍ ସେମନ୍‌କେ ସେନ୍ତି କଇଲା ।

“ମୁଇ ମରୁବାଲି ବୁଏଁ ଆକ୍‌ମାରି ବୁଲ୍‌ବା ଗଟେକ୍ ସବଦ୍
ମାପରୁ ଜିବାକେ ଗଟେକ୍ ସଲକ୍ ବାଟ୍ ତିଆର୍ କରା !”

୨୪ ତାର୍ ପଟେ ପାରୁସିମନ୍ ପାଟାଇ ରଇଲା କବର୍ ନେଉମନ୍ ଜଅନ୍‌କେ ପାଚାର୍‌ଲାଇ ।

୨୫ “ତମେ ଜଦି କିରିସ୍‌ଟ ନୁଆସ, ଏଲିୟ ନୁଆସ, ଆରି ବବିସଡ୍‌ବକ୍‌ତା ନୁଆସ, କାଇକେ ଲକ୍ମନ୍‌କେ ତୁବନ୍ ଦେଲାସନି ?”

୨୬ ଜଅନ୍ ସେମନ୍‌କେ କଇଲା, “ମୁଇ ଲକ୍ମନ୍‌କେ ପାନିତେଇ ତୁବନ୍ ଦେଲିନି, ଜନ୍ ଲକ୍‌କେ କି ତମେ ନାଜାନାସ, ମାତର୍ ସେ ତମର୍ ସଙ୍ଗ୍ ଆଟେ ।

୨୭ ସେ ମର୍ ପଟେ ଆଇଲାନି । ଆରି ତାର୍ ଗତିଦାଙ୍ଗ୍‌ତା ଅଇ ତାର୍ ପାଣ୍ଡୁଇର୍ ପିତା ବେଟ୍‌ବାର୍ ମିସା ମର୍ ଅଦିକାର୍ ନାଇ ।”

୨୮ ଏ ଗଟ୍‌ନା ଜର୍‌ଦନ୍ ଗାଡ୍‌ର୍ ସେପାଟେ ବେଡ୍‌ନି ନାଉର୍ ଜାଗାଇ, ଜଅନ୍ ଲକ୍ମନ୍‌କେ ତୁବନ୍ ଦେଲା ବେଲା ଅଇରଇଲା ।

ପର୍ମେସରର୍ ମେଣ୍ଡା ପିଲା

୨୯ ତାର୍ ଆରକର୍ ଦିନେ ଜିସୁ ତାର୍ ଲଗେ ଆଇବାଟା ଦେକିକରି ଜଅନ୍ କଇଲା, “ଏଦେ ଦେକା ! ପର୍ମେସରର୍ ମେଣ୍ଡାପିଲା ଜେ କି, ଏ ଦୁନିଆର୍ ସବୁ ଲକ୍ମନ୍‌ର୍ ପାପର୍ ତଣ୍ଡ ବଇକରି ନେଇସି ।

୩୦ ଏ ଲକ୍‌ର୍ ବିସଇ ମୁଇ ଆଗ୍‌ତୁ ଏନ୍ତି କଇରଇଲି, ମୁଇ ଆଇଲା ପଟେ ଜନ୍ ଲକ୍ ଆଇଲାନି ସେ ମର୍‌ତେଇଅନି ବେସି ବଡ୍‌ଲକ୍ ଆରି ମୁଇ ଜନମ୍ ଅଇଲା ବେସି ଆଗ୍‌ତୁଅନି ଆଟେ ।

୩୧ ମୁଇ ନିଜେ ମିସା ସେ କେ ଅଇରଇସି ବଲି ନାଜାନିରଇଲି । ମାତର୍ ଇସ୍ରାଏଲର୍ ଲକ୍ମନ୍ ତାର୍ ବିସଇ ଜାନଡ୍ ବଲି ମୁଇ ପାନିତେଇ ତୁବନ୍ ଦେବାକେ ଆସିଆଟି ।”

୩୨ ତାର୍ ପଟେ ଜଅନ୍ ଆରି ଏ ସାକି ଦେଇ କଇଲା, “ସୁକଲ୍ ଆଡ୍‌ମା ପରୁଆପାରା ଅଇକରି ସର୍‌ଗେଅନି ଉଡ୍‌ରି ଆସି ତାର୍ ଉପ୍‌ରେ ବସ୍‌ବାଟା ମୁଇ ଦେକିଆଟି ।

୩୩ ଏଲେନିସା ସେଡକିବେଲା ଜାକ ଏ ଲକ୍ ସେ ଆକା ବଲି ମୁଇ ଜାନି ନ ରଇଲି । ମାତର ପାନିତେଇ ତୁବନ୍ ଦେବାକେ ପାଟାଇରଇଲା ପର୍ମେସର୍ ମକେ କଇରଇଲା, ଜେଡେବେଲା ଗଟେକ୍ ଲକର୍ ଉପ୍ରେ ସୁକଲ୍ ଆଡ଼ମା ଉଡ଼ରି ଆଇବାଟା ତୁଇ ଦେକ୍ସୁ, ସେସେ ଅଇଲାନି ତୁଇ କଜ୍ବା ଲକ୍ । ସେ ଲକ୍ ସୁକଲ୍ ଆଡ଼ମାଇ ତୁବନ୍ ଦେଇସି ।

୩୪ ଏକ୍ତି ସୁକଲ୍ ଆଡ଼ମା ତାର୍ ଉପ୍ରେ ଉଡ଼ରି ଆଇବାଟା ମୁଇ ଦେକ୍ଲି ଆରି ସେ ପର୍ମେସର୍ ପିଲା ବଲି ମୁଇ ତମ୍ବକେ ସାକିଦେଲିନି” ବଲି ଜଅନ୍ କଇଲା ।

ଜିସୁର୍ ପର୍ତୁମ୍ ସିସମନ୍

୩୫ ତାର୍ ଆରକର୍ ଦିନେନିସା ଜଅନ୍ ସେ ଜାଗାଇସେ ରଇଲା । ଆରି ତାର୍ ଦୁଇଟା ସିସମନ୍ ସଙ୍ଗ୍ ଚିଆ ଅଇରଇଲା ।

୩୬ ଆରି ଜିସୁ ସେ ବାଟେ ଜିବାଟା ଜଅନ୍ ଦେକିକରି କଇଲା, “ଏଦେ ଦେକା ! ପର୍ମେସର୍ ମେଣ୍ଡାପିଲା ଗାଲାନି ।”

୩୭ ଜଅନ୍ ଦୁଇଟା ସିସମନ୍ ତାର୍ କାତା ସୁନି, ଜିସୁର୍ ପଟେ ପଟେ ଗାଲାଇ ।

୩୮ ଜିସୁ ପାସ୍ଲିକରି ଦେକ୍ବା ବେଲେ ସେ ଦୁଇଟା ସିସମନ୍ ତାର୍ ପଟେ ପଟେ ଜିବାଟା ଦେକି ସେମନ୍କେ ପାଟାରଲା ତମେ କାଇଟା କଜ୍ଲାସ୍ନି ? ସେମନ୍ ଜିସୁକେ କଇଲା, “ରାବି ତମେ କନ୍ ଜାଗାଇ ରଇଲାସ୍ନି ?” ରାବିର୍ ଅରଡ଼ ଅଇଲାନି ସିକାଇ ଦେବା ଗୁରୁ ।

୩୯ ଜିସୁ ସେମନ୍କେ କଇଲା, “ମର୍ ସଙ୍ଗ୍ ଆସା ମୁଇ ରଇବା ଜାଗା ଦେକ୍ସା ।” ସେଟାର୍ ପାଇ ସେମନ୍ ତାର୍ ସଙ୍ଗ୍ ଜାଇ ସେ ରଇବା ଜାଗା ଦେକ୍ଲାଇ । ଆରି ସେ ଦିନେ ତାର୍ ସଙ୍ଗ୍ ରଇଲାଇ । ସେବେଲା ସଞ୍ଜୁଆ ଚାଟା ଅଇରଇଲା ।

୪୦ ତାକର୍ ବିଡ଼ରେଅନି ଗଟେକ୍ ଲକ୍ ଅଇଲାନି ସିମନ୍ ପିତରର୍ ବାଇ, ଆନ୍ରିୟ ।

୪୧ ସେ ଦାପ୍ରେ ସେ ତାର୍ ବାଇ ସିମନ୍ ପିତର୍କେ କଜିକରି ବେଟ୍ ପାଇ କଇଲା, “ପର୍ମେସର୍ ବାଟି ପାଟାଇଲା ମସିଅକେ* ଆମେ ବେଟ୍ପାଇଲୁ ।”

୪୨ ତାର୍ ପଟେ ଆନ୍ରିୟ ସିମନ୍ପିତର୍କେ ଜିସୁର୍ ଲଗେ ଡାକି ଆନ୍ଲା । ଜିସୁ ତାକେ ଦେକି କଇଲା, “ତମେ ସିମନ୍, ଜଅନ୍ ପିଲା ଏବେଅନି ତକେ କେପା ବଲି ଡାକ୍ବାଇ ।” କେପାର୍ ଅରଡ଼ ଅଇଲାନି ପିତର୍ ଆରି ପିତରର୍ ଅରଡ଼ ଅଇଲାନି ରାଙ୍ଗିନି ପାକ୍ନା ।

ଜିସୁ ପିଲିପ୍ ଆରି ନିତନିଏଲ୍କେ ଡାକ୍ବାଟା

୪୩ ତାର୍ ଆରକର୍ ଦିନେ ଜିସୁ ଗାଲିଲି ଦେସେ ଜିବାକେ ମନ୍ କଲା । ଆରି ସେ ଜିବା ବେଲେ ପିଲିପ୍କେ ବେଟ୍ପାଇ ତାକେ କଇଲା, “ମର୍ ସଙ୍ଗ୍ ଆଉ ।”

୪୪ ଆନ୍ରିୟ ଆରି ପିତର୍ ପାରା ପିଲିପ୍ ମିସା ବେଟ୍ସାଇଦା ଗତର୍ ଲକ୍ ରଇଲା ।

୪୫ ପିଲିପ୍ ନିତନିଏଲ୍କେ ବେଟ୍ ପାଇ କଇଲା, “ଜନ୍ ଲକର୍ ବିସଇ ମସାର୍ ନିୟମେ ଲେକିରଇଲା ଆରି ବବିସଡ଼ବକ୍ତାମନ୍ ଲେକି ଆଟଡ଼, ଆମେ ତାକେ ଦେକ୍ଲୁ ଆରୁ । ସେ ଜସେପର୍ ପିଲା ନାଜରିଡ଼ ଗତର୍ ଜିସୁ ।”

୪୬ ନିତନିଏଲ୍ ପିଲିପ୍କେ ପାଟାରଲା, “ନାଜରିଡ଼ ଗତେଅନି କାଇଆଲେ ନିକ ବିସଇ ଆଇସି କି ?”

ପିଲିପ୍ ତାକେ କଇଲା, “ତୁଇ ଆସିକରି ଦେକ୍ !”

୪୭ ଜିସୁ ନିତନିଏଲ୍କେ ତାର୍ ଲଗେ ଆଇବାଟା ଦେକି ତାର୍ ବିସଇ ନେଇ କଇଲା, “ଏଦେ ଦେକା ! ଏ ଗଟେକ୍ ଇସ୍ରାଏଲର୍ ସଡ଼ ଲକ୍, ଏ ଲକ୍ରେତେଇ କାଇମିସା କୁଟ୍କପଟ୍ ନାଇ ।”

୪୮ ନିତନିଏଲ୍ ଜିସୁକେ ପାଟାରଲା “ମକେ କେକ୍ତି ଜାନୁସ୍ ?” ଜିସୁ କଇଲା, “ପିଲିପ୍ ତମ୍ବକେ ଡାକ୍ବା ଆଗ୍ତୁ ମୁଇ ତକେ ତୁମ୍ବି ଗର୍ ତଲେ ଦେକି ରଇଲି ।”

୪୯ ତାର୍ ପଟେ ନିତନିଏଲ୍ ଜିସୁକେ କଇଲା, “ଏ ଗୁରୁ, ତମେ ପର୍ମେସର୍ ପିଲା ଆରି ଇସ୍ରାଏଲର୍ ରାଜା !”

୫୦ ଜିସୁ ତାକେ କଇଲା, “ମୁଇ ତକେ ତୁମ୍ବି ଗର୍ ତଲେ ଚିଆଅଇଲାଟା ଦେକ୍ଲି ବଲି କଇଲାକେ ବିସ୍ବାସ୍ କଲୁସ୍ନି କି ? ଇତିଅନି ଆରି ଅଦିକ୍ ବଡ଼ ବଡ଼ କାବା ଅଇଜିବା ବିସଇମନ୍ ଦେକ୍ସୁ ।”

୫୧ ଜିସୁ ଆରି ତରେକ୍ କଇଲା, “ମୁଇ ତକେ ସଡ଼କାତା କଇଲିନି, ସରଗ୍ ଉଗାଡ଼ି ଅଇଜାଇ ନର୍ପିଲା ମର୍ ଉପ୍ରେ, ପର୍ମେସର୍ ଦୁଡ଼ମନ୍ ଚଗି ଜିବାଟା ଆରି ଉଡ଼ରି ଆଇବାଟା ତମେ ଦେକ୍ସା ।”

୨

କାନା ଗତେ ବିବା

୧ ଦୁଇ ଦିନ୍ ପଟେ ଗାଲିଲି ଦେସର୍ କାନା ନାଉର୍ ଗତେ ଗଟେକ୍ ବିବା ଅଇତେ ରଇଲା । ସେ ବିବାତେଇ ଜିସୁର୍ ମାଆ ମରିୟମ୍ ରଇଲା ।

୨ ଜିସୁ ଆରି ତାର୍ ସିସମନ୍କେ ମିସା ସେ ବିବାତେଇ ଡାକି ରଇଲାଇ ।

୩ ବଜି ନ ସାର୍ତେ ଅଙ୍ଗୁର୍ ରସ୍ ସାରିଗାଲାକେ ଜିସୁର୍ ମାଆ ଆସି ତାକେ କଇଲା, “ସେମନ୍ ଅଙ୍ଗୁର୍ ରସ୍ ସାରିଗାଲାବେ ।”

* ୧:୪୧ ମସିଅକେ ମସିଅର୍ ଅରଡ଼ ଅଇଲାନି କିରିସ୍

୪ ଜିସୁ ତାଙ୍କେ କଇଲା, “ଏ ମାଆ, ମରଚାନେ ତର କାଇଟା ଆଚେ ? ତୁଇ ମକେ କାଇଟା ମିସା କରବାକେ କଅ ନାଇ । ମର ବେଲା ଏବେ ଜାକ ଆସେ ନାଇତା ।”

୫ ଜିସୁର ମା ବାଣ୍ଟାଗରିଆମନ୍‌କେ କଇଲା, “ଜିସୁ ତମ୍‌କେ ଜାଇଟା କଇସି ସେଟା କରା ।”

୬ ସେ ଜାଗାଇ ବଡ଼ ବଡ଼ ପାକ୍‌ନା ସଙ୍ଗ୍ ତିଆର କଲା ଚଅଟା କୁଣ୍ଡ ରଇଲା । ଜିଉଦି ଲକ୍‌ମନ୍ ସୁକଲ୍ ଅଇବାକେ ସେମନର୍ ରିତିନିତି ଇସାବେ ଏ କୁଣ୍ଡର ପାନି କାମେ ଲାଗାଇତେ ରଇଲା । ଗଟେକ୍ ଗଟେକ୍ କୁଣ୍ଡେ ସଏ ଲିଟର୍ ଲାକା ପାନି ଦାର୍‌ତେ ରଇଲା ।

୭ ଜିସୁ ବାଣ୍ଟାଗରିଆମନ୍‌କେ “ସେ କୁଣ୍ଡମନ୍‌କେ ପାନି ବରତି କରା” ବଲି କଇଲା ଆରି ସେମନ୍ ସେ ସବୁ କୁଣ୍ଡେ ପାନି ବରତି କଲା ।

୮ ତାର ପଚେ ଜିସୁ ସେମନ୍‌କେ ତେଇର୍ ପାନି ତୁମିନେଇ ବଜି ଦାଇତେ ରଇଲା ଲକ୍‌କେ ଦିଆସ୍ ବଲି କଇଲା । ସେମନ୍ ତେଇର୍ ପାନି ତୁମି ନେଇ ତାକେ ଦେଲା ।

୯ ମାତର୍ ସେ ସବୁ ପାନି ଅଙ୍ଗୁର୍ ରସ୍ ଅଇଜାଇରଇଲା । ବଜି ଦାଇତେ ରଇଲା ଲକ୍ ଅଙ୍ଗୁର୍ ରସ୍ କନ୍ତିଅନି ବଲି ଜାନି ନ ରଇଲା । ମାତର୍ ସେ ପାନି ତୁମି ନେଲା ଲକ୍‌ମନ୍ ଜାନି ରଇଲା, ପଚେ ସେ ଲକ୍ ଚାକି କରି ଏ ରସ୍ କନ୍ତିଅନି ଆନଲା ବଲି ବିବା ଅଇବା ଦାଙ୍ଗ୍‌ତାକେ ଡାକି ପାଚାରଲା,

୧୦ “ଲକ୍‌ମନ୍ ସବୁ ବେଲା ପର୍‌ତୁମ୍ ପର୍‌ତୁମ୍ କାଇବାକେ ନିମାନ୍ ଅଙ୍ଗୁର୍ ରସ୍ ଦେବାଇ । ଆରି ଗତିଆ ଲକ୍‌ମନ୍ କାଇ ପୁରୁନ୍ ଅଇଲା ପଚେ ଚପରାଟା ଦେବାଇ । ମାତର୍ ତମେ ଏବେ ସାରାସାରି ଜାକ ନିମାନ୍ ଅଙ୍ଗୁର୍ ରସ୍ କନ୍ତି ସଙ୍ଗ୍ ରଇଲାସ୍ ?”

୧୧ ଏଟା ଜିସୁ ପର୍‌ତୁମ୍ କଲା କାବାଅଇଜିବା କାମ୍ । ସେଟା ଗାଲିଲି ଦେସର୍ କାନା ନଅରେ କରିରଇଲା । ଏନ୍ତି କରି ତାର ମଇମା ଦେକାଇଲା ଆରି ତାର ସିସମନ୍ ତାକେ ବିସବାସ୍ କଲା ।

୧୨ ତାର ପଚେ ଜିସୁ, ତାର ମାଆ ତାର ବାଇମନ୍ ଆରି ତାର ସିସମନ୍‌ର ସଙ୍ଗ୍ କପରନାଉମ୍ ଗତେ ଜାଇ ତେଇ କେତେ ଦିନ୍ ପାରା ରଇଲା ।

ଜିସୁ ଜିରୁସାଲମ୍ ମନ୍ଦିରେ ଗାଲା
(ମାତିଉ ୨୧:୧୨-୧୩; ମାର୍କ ୧୧:୧୫-୧୬; ଲୁକ୍ ୧୯:୪୫-୪୬)

୧୩ ସେ ବେଲା ଜିଉଦି ଲକ୍‌ମନ୍‌ର ନିସ୍‌ତାର ପରବ୍ କେଟି ଆଇତେ ରଇଲା । ସେଟାରପାଇ ଜିସୁ ଜିରୁସାଲମେ ଗାଲା ।

୧୪ ତେଇ ସେ ମନ୍ଦିର୍ ବିତ୍‌ରେ, ଲକ୍‌ମନ୍ ଗରୁଗାଇ ମେଣ୍ଟା, ଆରି ପାରୁଆମନ୍ ବେବାର୍ କରବାଟା, ଆରି ବିନ୍ ଦେସର୍ ତାରୁ ବାଦ୍‌ଲାଉମନ୍ ସେମନର୍ ଟେବୁଲେ ବସିରଇଲାଟା ଦେଲା ।

୧୫ ତେଇ ଜିସୁ କସିରା ସଙ୍ଗ୍ କରତା ତିଆର୍ କରି ମେଣ୍ଟା ଆରି ଗରୁମନର୍ ସଙ୍ଗ୍ ସବୁ ଲକ୍‌ମନ୍‌କେ ମନ୍ଦିରେଅନି ବାର୍‌କରାଇ ଦେଲା । ଆରି ଲକ୍‌ମନ୍‌ତେଇ ଅନି ବାଦ୍‌ଲାଇ ନେବା ତାରୁ ସବୁ ବିଚିଦେଇ ସେମନର୍ ଟେବୁଲ୍ ପାସ୍‌ଲାଇ ଦେଲା ।

୧୬ ପରୁଆ ବିକ୍‌ବା ଲକ୍‌ମନ୍‌କେ କଇଲା, “ଏ ସବୁ ଦିନ୍‌ସୁ ଇତିଅନି ଦାରିଜା । ମର୍ ବାବାର୍ ଗରେ ଗେନା ବିକା ଜାଗା ପାରା କରାନାଇ ।”

୧୭ ଏ ସବୁ ଗଟନା ଅଇବାବେଲେ ଜିସୁର ସିସମନ୍ ପରମେସରର୍ ସାସ୍‌ତରେ ଲେକାଅଇଲା ଗଟେକ୍ ବାକିଅ ଏତାଇଲା । ତମର୍ ଗରର୍ ପାଇ ରଇବା ମର୍ ବକ୍‌ତି, ମର୍ ମନ୍ ବିତ୍‌ରେ ଜଇ ଲାଗ୍‌ଲା ପାରା ଲାଗ୍‌ଲାନି ।

୧୮ ତେଇ ଜିଉଦି ନେତାମନ୍ ଜିସୁର ଲଗେ ବାଉଡି ଆସି ଏନ୍ତାରି କଇଲା । “ତୁଇ ଏନ୍ତାରି ସବୁ କାମ୍ କରବାକେ ଅଦିକାର୍ ପାଇଆତୁସ୍ ବଲି ଆମେ କେନ୍ତି ଜାନବୁ ଆରି କାଇ ଚିନର୍‌ଲାଗି ଆମ୍‌କେ ସେଟା ଦେକାଇଲୁସ୍‌ନି ?”

୧୯ ଜିସୁ ସେମନ୍‌କେ କଇଲା, “ତମେ ଏ ମନ୍ଦିର୍ ବସ୍‌ଲାଇ ଦିଆସ୍ । ସେଟା ମୁଇ ତିନ୍‌ଦିନ୍ ବିତ୍‌ରେ ଆରିତରେକ୍ ତିଆର୍ କରିଦେବି ।”

୨୦ ଜିସୁର୍ ଏ କାତା ସୁନି ସେମନ୍ କଇଲା, “କାଇଟା ! ତିନ୍‌ଦିନ୍ ବିତ୍‌ରେ ତୁଇ ତିଆର୍ କରି ପାରୁସ୍ କି ? ଏ ମନ୍ଦିର୍ ତିଆର୍ କରବାକେ ଚାଲିସ୍ ଚଅ ବରସ୍ ଲାଗିରଇଲା ।”

୨୧ ମାତର୍ ଜିସୁ ତାର ନିଜର୍ ଗାଗଡର୍ ବିସଇ ମନ୍ଦିର୍‌କେ ଦେକାଇ କରି ଏ କାତା କଇରଇଲା ।

୨୨ ସେ ମରିକରି ଆରିତରେକ୍ ଜିବନ୍ ଅଇ ଉଟ୍‌ଲା ପଚେ ସିସମନ୍‌ର ମନେ ପଡ଼ଲା ଜେ, ସେ ଏନ୍ତାରି କଇରଇଲା । ତେବର୍‌ପାଇ ସେମନ୍ ଦରମ୍ ସାସ୍‌ତର୍ ଆରି ଜିସୁର୍ ବାକିଅ ବିସବାସ୍ କଲା ।

ଜିସୁ ମୁନୁସମନର୍ ଗୁନ୍ ଜାନେ

୨୩ ନିସ୍‌ତାର ପରବ୍‌ବେଲେ ଜିସୁ ଜିରୁସାଲମ୍ ରଇଲାବେଲେ କେତେକ୍ କେତେକ୍ ଲକ୍ ସେ କରିରଇବା କାବା ଅଇଜିବା କାମ୍‌ମନ୍ କଲାଟା ଦେକି ତାକେ ବିସବାସ୍ କଲା ।

☆ ୨:୧୨ ମାତିଉ ୪:୧୩ ☆ ୨:୧୯ ମାତିଉ ୨୨:୨୧;୨୨:୪୦; ମାର୍କ ୧୪:୫୮;୧୫:୨୯

୨୪ ମାତର ଜିସୁ ସେ ଲକ୍ଷ୍ମୀନ୍ ବିସ୍ବାସ କରିରଇବାଟା ସତ୍‌ବଳି ବାବେନାଇ । କାଇକେ ବଇଲେ ସେ ସବୁ ଲକ୍ଷ୍ମୀନ୍ ବିସଇ ସେ ନିକସଙ୍ଗ ଜାନି ରଇଲା ।

୨୫ ଲକ୍ଷ୍ମୀନ୍‌ର ବିସଇନେଇକରି ତାକେ, କେ ମିସା କାଇଟାବଲି କଇବାର୍ ଦର୍କାର୍ ନ ରଇଲା, କାଇକେବଇଲେ ସେ ତାକର୍ ମନ୍ ବିତ୍‌ରର୍ କାତା, ନିଜେ ଜାନି ରଇଲା ।

୩

ଜିସୁ ଆରି ନିକଦିମ

୧ ପାରୁସିମନର୍ ବିତ୍‌ରେଅନି ନିକଦିମ ନାଉର୍ ଗଟେକ୍ ଲକ୍ ରଇଲା । ସେ ଜିଉଦି ମନର୍ ଗଟେକ୍ ନେତା ।

୨ ସେ ଦିନେକ୍ ରାତିଆ ଜିସୁର୍ ଲଗେ ଆସି କଇଲା, “ଏ ଗୁରୁ ଆମେ ଜାନୁ, ତମେ ପର୍ମେସର୍ ପାଟାଇରଇବା ଗଟେକ୍ ଗୁରୁ । କାଇକେ ବଇଲେ ଜିଉ ଗଟେକ୍ ଲକ୍‌ର ସଙ୍ଗ୍ ପର୍ମେସର୍ ନ ରଇଲେ, ତମେ ଜନ୍ ସବୁ କାବାଅଇଜିବା କାମ୍‌ମନ୍ କଲାସ୍‌ନି, ସେତକି କାମ୍‌ମନ୍ କେ ମିସା କରିନାପାରତ୍ ।”

୩ ଜିସୁ ତାକେ କଇଲା, “ମୁଇ ତକେ ସତ୍ କାତା କଇଲିନି, ଆରିତରେକ୍ ଜନମ୍* ନ ଅଇଲେ କେ ମିସା ପର୍ମେସରର୍ ରାଇଜ୍ ଦେକି ନାପାରତ୍ ।”

୪ ନିକଦିମ ତାକେ ପାଟାରୁଲା, “ଡକ୍‌ରା ଅଇଲା ଲକ୍ କେନ୍ତ୍ର ଆରି ତରେକ୍ ଜନମ୍ ଅଇସି ? ସେ ଆରି ତରେକ୍ ମାଆର୍ ପେଟ୍ ବିତ୍‌ରେ ଜାଇକରି ଜନମ୍ ଅଇସି କି ? ନାଇ ଅଇ ନଏଁ ।”

୫ ଜିସୁ ତାକେ କଇଲା, “ମୁଇ ତକେ ସତ୍‌କାତା କଇଲିନି, ଗଟେକ୍ ଲକ୍ ପାନି ଆରି ଆତ୍‌ମାଇଅନି ଜନମ୍ ନ ଅଇଲେ, ପର୍ମେସରର୍ ରାଇଜେ ଜାଇ ନାପାରେ ।

୬ ଗଟେକ୍ ନର୍ ଲକ୍ ତାର୍ ନର୍ ମାଆ ବାବାର୍‌ତେଇଅନି ଜନମ୍ ଅଇସି । ମାତର୍ ସୁକଲ୍ ଆତ୍‌ମା ତାର୍ ଆତ୍‌ମାଇ ନୁଆ ଜିବନ୍ ଦେଇସି ।

୭ ସେଟାର୍‌ପାଇ ମୁଇ ତକେ ଆରିତରେକ୍ ଜନମ୍ ଅଇବାକେ ଅଇସି ବଲି କଇବା ବିସଇ ସୁନି କାବାଅଇଜାଆ ନାଇ ।

୮ ପବନ୍ ଜନ୍ ବାଟେ ଜିବାକେ ମନ୍ କର୍‌ସି ସେ ବାଟେସେ ଜାଇସି, ଆରି ତମେ ତାର୍ ସବଦ୍ ସୁନ୍‌ସା । ମାତର୍ ସେଟା କନ୍ତ୍ରଅନି ଆଇସି ଆରି କନ୍ ବାଟେ ଜାଇସି ସେଟା ନାଜାନାସ୍ । ଆତ୍‌ମାଇ ଜନମ୍ ଅଇଲା ସବୁ ଲକ୍‌ମନ୍ ମିସା ସେନ୍ତାରିସେ ।”

୯ ନିକଦିମ ଜିସୁକେ ପାଟାରୁଲା, “ଏବେ ତୁଇ କଇବା କାତା କେନ୍ତ୍ର ଅଇପାରସି ?”

୧୦ ଜିସୁ ତାକେ କଇଲା, “ତୁଇ ଇସ୍‌ରାଏଲର୍ ଗଟେକ୍ ବଡ୍ ଗୁରୁ ଅଇକରି ମିସା କେନ୍ତ୍ର ଏ ସବୁ କାତା ବୁଜି ନାପାରୁଲୁସ୍‌ନି ?

୧୧ ମୁଇ ତକେ ସତ୍‌କାତା କଇଲିନି, ଆମେ ଜନ୍‌ଟା ଜାନୁ ସେଟା କଇଦେବୁ, ଜନ୍‌ଟା ଦେକିରଇବୁ ସେଟା ସାକି ଦେବୁ, ଅଇଲେ ମିସା ତୁଇ କାଇକେ ବିସ୍ବାସ୍ କରୁସ୍‌ନାଇ ?

୧୨ ମୁଇ ତକେ ଏ ଦୁନିଆର୍ ବିସଇ କଇବାବେଲେ ବିସ୍ବାସ୍ କରୁସ୍ ନାଇ । ଆରି ସରଗର୍ ବିସଇ କଇବି ବଇଲେ କେନ୍ତ୍ର ମକେ ବିସ୍ବାସ୍ କରୁସ୍ ?

୧୩ ସର୍‌ଗେଅନି ଉତ୍‌ରି ଆଇଲା ନର୍‌ପିଲା ମୁଇ, ମକେ ଚାଡ଼ିକରି ଆରି କେ ମିସା ସର୍‌ଗେ ଜାଅତ୍ ନାଇତା ।”

୧୪ “ଆରି ମସା କେନ୍ତ୍ର ମରୁବାଲି ବୁଏଁ ପିତଲ୍ ସାଁପ୍‌କେ ଡେଲି ଉପ୍‌ରେ ଟେକି ରଇଲା, ସମାନ୍ ସେନ୍ତାରିସେ ପର୍ମେସର୍ ଡେଇଅନି ଆଇଲା ନର୍‌ପିଲା ମକେ ମିସା, ଗଟେକ୍ ଦିନେ ଉପ୍‌ରେ ଟେକ୍‌ବାଇ ।

୧୫ ତେବେ, ତାକେ ବିସ୍ବାସ୍ କର୍‌ବା ସବୁ ଲକ୍‌ମନ୍ ନ ସାର୍‌ବା ଜିବନ୍ ପାଇବାଇ ।

୧୬ ପର୍ମେସର୍ ଏ ଦୁନିଆର୍ ଲକ୍‌ମନ୍‌କେ ଏତେକ୍ ଆଲାଦ୍ କଲାଜେ, ତାର୍ ଗଟେକ୍ ବଲି ପିଲାକେ ସର୍‌ପିଦେଲା । ଜେ ମିସା ତାକେ ବିସ୍ବାସ୍ କର୍‌ବାଇ ବଇଲେ, ସେମନ୍ ନସ୍‌ଟ ନ ଅଇକରି, ନ ସାର୍‌ବା ଜିବନ୍ ମିଲାଇବାଇ ।

୧୭ ପର୍ମେସର୍ ତାର୍ ପିଲାକେ ଏ ଦୁନିଆଇ ବିଚାର୍ କର୍‌ବାକେ ପାଟାଏନାଇ, ମାତର୍ ତାର୍ ଲାଗି ଦୁନିଆ ରକିଆ ପାଅ ବଲି ପାଟାଇ ଆଟେ ।

୧୮ କେ ପର୍ମେସରର୍ ପିଲାକେ ବିସ୍ବାସ୍ କଲାନ୍ ତାର୍ ବିଚାର୍‌ନା ନଏଁ । ମାତର୍ ଜେ ପର୍ମେସରର୍ ପିଲାକେ ବିସ୍ବାସ୍ କରେନାଇ ତାର୍ ବିଚାର୍‌ନା ଅଇସାରୁଲାବେ । କାଇକେବଇଲେ ସେ ଗଟେକ୍ ବଲି ପିଲାକେ ବିସ୍ବାସ୍ କରେନାଇ ।

୧୯ ଆରି ସେ ବିଚାର୍‌ନା ଏନ୍ତ୍ର ଅଇସି, ସର୍‌ଗେ ଅନି ଉଜଲ୍ ଏ ଦୁନିଆଇ ଆସିରଇଲା । ମାତର୍ ଏ ଦୁନିଆର୍ ଲକ୍‌ମନ୍ ସେ ଉଜଲେଅନି ଆନ୍ଦାର୍‌କେ ବେସି ମନ୍ କଲାଇ । କାଇକେବଇଲେ ସେମନ୍ କର୍‌ବା କାମ୍ ସବୁ ବେସି କାରାପ୍ ।

୨୦ ଜନ୍‌ଲକ୍‌ମନ୍ କାରାପ୍ କାମ୍ କଲାଇନି ସେମନ୍ ଉଜଲ୍‌କେ ଗିନ୍ କଲାଇନି । ଆରି ସେ ଉଜଲେ ନ ଆସତ୍ । କାଇକେବଇଲେ ସେମନ୍‌ର ସବୁ କାରାପ୍ କାମ୍ ସେ ଉଜଲେ ତିସ୍‌ସି ।

୨୧ ମାତର୍ ଜନ୍‌ଲକ୍ ସତ୍ ଆରି ଟିକ୍ ଇସାବେ କାମ୍ କରି ଚଲାଚଲ୍‌ତି କଲାନ୍, ସେ ଉଜଲ୍ ଲଗେ ଆଇସି । ତେବେ, ସେ କର୍‌ବା କାମ୍ ପର୍ମେସରର୍ ମନ୍ କର୍‌ବା ଇସାବେ ଅଇଲାନ୍ ।”

* ୩:୩ ଆରିତରେକ୍ ଜନମ୍ ପର୍ମେସରର୍ ଗନେ ଜାତ୍ ଅଇବାଟା

ଜିସୁ ଆରି ତୁବନ୍ ଦେଉ ଜଅନ୍

୨୨ ତାର ପଚେ ଜିସୁ ଆରି ତାର ସିସ୍ତାନ୍ ଜିଉଦା ଦେସେ ଗାଲାଇ ଆରି ସେ ଜାଗାଇ ରଇକରି ଲକ୍ମନ୍‌କେ ତୁବନ୍ ଦେଲାଇ ।

୨୩ ସେ ବେଲାଇ ଜଅନ୍ ମିସା ସାଲମ୍ ଗଡ଼ଲଗେ ଏନନ୍ ନାଉର୍ ଗଟେକ୍ ଗାଏଁ ତୁବନ୍ ଦେଇତେ ରଇଲା । କାଇକେ ବଇଲେ ସେ ଜାଗାଇ ବେସି ପାନି ରଇଲା । ଆରି ଲକ୍ମନ୍ ଆସିକରି ତୁବନ୍ ନେଇତେ ରଇଲାଇ ।

୨୪ *ସେଡ଼କି ଦିନ୍ ଜାକ ଜଅନ୍ ବନ୍ଦି ନ ଅଇରଇଲା ।

୨୫ ସେବେଲା ଗଟେକ୍ ଜିଉଦି ଲକ୍ ଆରି ଜଅନ୍‌ର ସିସ୍ତାନ୍ ଅସୁକଲ୍‌ଅନି ରିତିନିତି ଇସାବେ ସୁକଲ୍ ଅଇବା ବିସଇ ନେଇ ତାକର୍ ବିଡ଼ରେ ଦଦାପେଲା ଅଇତେ ରଇଲାଇ ।

୨୬ ଆରି ଜଅନ୍‌ର ସିସ୍ତାନ୍ ତାର ଲଗେ ଆସି କଇଲାଇ, “ଏ ଗୁରୁ, ତମେ ଜର୍ଦନ୍ ଗାଡ଼ ସେପାଟେ କାର୍‌ସଙ୍ଗ୍ ବେଟ୍ ଅଇରଇଲାସ୍ ଆରି ତାର ବିସଇ ତମେ ସାକି ଦେଇତେରଇଲାସ୍, ସେ ଲକ୍ ଏବେ ଲକ୍ମନ୍‌କେ ତୁବନ୍ ଦେଲାନ୍ ଆରି ସବୁ ଲକ୍ମନ୍ ତାର ଲଗେ ଗାଲାଇନି ।”

୨୭ ଜଅନ୍ କଇଲା, “ପର୍ମେସର୍ ନ ଦେଲେ, କେ ମିସା କାଇଟା ନ ପାଅଡ଼ ।

୨୮ *ମୁଇ କଇରଇଲି ପର୍ମେସର୍ ପାଟାଇଲା ମସିଅ ମୁଇ ନଇ ବଲି । ମୁଇ ଅବକା ପାଟାଇରଇବା ଗଟେକ୍ ଦୁଡ଼ ପାରା ଅଇ ଆସିଆଟି ।

୨୯ ଜେ ବିବା ଅଇସି, ସେ ବର୍ ଦାଙ୍ଗଡ଼ା । ମାତର୍ ବର୍ ଦାଙ୍ଗଡ଼ାର ଲଗେ ବରର୍ ସଙ୍ଗାରି ଚିଆଅଇ ତାର କାତା ସୁନ୍‌ସି । ସେ ବର୍ ଦାଙ୍ଗଡ଼ାର କାତା ସୁନି, ବେସି ସାର୍‌ଦା ଅଇସି । ସେନ୍ତାରିସେ ମର୍ ସାର୍‌ଦା ମିସା ପୁରାପୁରୁନ୍ ଅଇଲାଆଟେ ।

୩୦ ସେ ମଆନ୍ ଅଇତେ ଜଅ ଆରି ମୁଇ ସାନ୍ ଅଇତେ ଜିବି ।”

ସର୍ଗେଅନି ଆଇବା ଗଟେକ୍ ଲକ୍

୩୧ “ଜେ ସର୍ଗେଅନି ଆଇଲା ଆଟେ, ସେ ସବୁ ଲକ୍ମନ୍‌ରତେଇଅନି ମଆନ୍ । ଜେ ଜଗତେ ଅନି ଜନମ୍ ଅଇଆଟେ, ସେ ଜଗତର୍ କାତାସେ କଇସି । ମାତର୍ ଜେ ସର୍ଗେଅନି ଆସିଆଟେ, ସେ ସବୁକଲ୍‌ରତେଇ ଅନି ମଆନ୍ ।

୩୨ ସେ ଜନ୍‌ଟା ଦେକ୍‌ଲା ଆଟେ ଆରି ସୁନ୍‌ଲା ଆଟେ ସେ ବିସଇ ସେ ଜାନାଇଲାନ୍ । ମାତର୍ ସେ କଇରଇବା କାତା କେ ମିସା ନାମଡ଼ ନାଇ ।

୩୩ ଜେ ତାର କଇରଇବା କାତା ନାମସି, ସେ ପର୍ମେସର୍ ସଡ଼ଟା ବଲି ନାମସି ।

୩୪ ଜାକେ ପର୍ମେସର୍ ପାଟାଇଲା ଆଟେ, ସେ ପର୍ମେସର୍ ବାକିଅ କଇସି । କାଇକେ ବଇଲେ ତାକେ ପର୍ମେସର୍ ଆଡ଼ମା ପୁରାପୁରୁନ୍ ଦିଆଅଇଲାଆଟେ ।

୩୫ *ବାବା ପିଲାକେ ଆଲାଦ୍ କରି ସବୁ ବିସଇ ତାର ଆଟେ ସର୍ପି ଦେଲାଆଟେ ।

୩୬ ଆରି କେ ପର୍ମେସର୍ ପିଲାକେ ବିସ୍ତାସ୍ କରସି, ସେ ନ ସାର୍‌ବା ଜିବନ୍ ପାଇସି । ମାତର୍ ଜେ ପର୍ମେସର୍ ପିଲାକେ ନାମେ ନାଇ, ସେ ନ ସାର୍‌ବା ଜିବନ୍ ନ ପାଏ । ଆରି ପର୍ମେସର୍ ତଣ୍ଟ ପାଇବାକେ ସେ ରଇସି ।”

୪

ଜିସୁ ଆରି ସମିରଣିୟ ମାଇଜି

୧ ଜଅନ୍‌ରତେଇଅନି ଜିସୁକେ ଅଦିକ୍ ସିସ୍ ଅଇବାଟା ଆରି ତୁବନ୍ ଦେବା କାତା ପାରୁସିମନ୍ ସୁନ୍‌ଲାଇ ।

୨ ଜିସୁ ସତଇସେ ନିଜେ କାକେ ମିସା ତୁବନ୍ ନ ଦେଇତେ ରଇଲା, ମାତର୍ ତାର ସିସ୍ତାନ୍ ତୁବନ୍ ଦେଇତେ ରଇଲାଇ ।

୩ ତାର ବିସଇ ନେଇ ଲକ୍ମନ୍ ଏନ୍ତାରି କାତା ଅଇବାଟା ସୁନି, ଜିସୁ ଜିଉଦା ରାଇଜ୍ ଚାଡ଼ିକରି ଆରି ତରେକ୍ ଗାଲିଲି ଦେସେ ଉଟିଗାଲା ।

୪ ମାତର୍ ତାକେ ସମିରଣ୍ ଗଡ଼ ବାଟେ ଜିବାକେ ପଡ଼ଲା ।

୫ ଆରି ଜାକୁବ୍ ତାର ନିଜର୍ ପିଲା ଜସେପ୍‌କେ ଜନ୍ ଜାଗା ଦାନ୍ ଦେଇରଇଲା, ସେ ଲଗେ ସମିରଣ୍ ଗଡ଼ ଗଟେକ୍ ସୁକାର୍ ନାଉର୍ ଜାଗାଇ ଜିସୁ ଆସି କେଟ୍‌ଲା ।

୬ ସେ ଜାଗାଇ ଜାକୁବର୍ ଗଟେକ୍ କୁଇସାଲ୍ ରଇଲା । ଜିସୁ ଇଣ୍ଟି ଇଣ୍ଟି ତାକି ଜାଇକରି କୁଇସାଲ୍ ଲଗେ ବସି ରଇଲା । ସେବେଲା ଚିଆମୁଇଦାନ୍ ଅଇରଇଲା ।

୭ ଗଟେକ୍ ସମିରଣିୟ ମାଇଜି କୁଇସାଲେ ପାନି ନେବାକେ ଆଇଲା । ଆରି ଜିସୁ ସେ ମାଇଜିକେ କଇଲା, “ଏ ମା ମକେ ଗୁଡ଼ିକ୍ ପାନି କାଇବାକେ ଦେ ।”

୮ ସେଡ଼କିବେଲେ ତାର ସିସ୍ତାନ୍ କାଦି ଗେନ୍‌ବାକେ ଗଡ଼ ବିଡ଼ରେ ଜାଇରଇଲା ଆରି ଜିସୁ ଗଟେକ୍ ଲକ୍ ସେ ରଇଲା ।

* ୩:୨୪ ମାଡ଼ିଉ ୧୪:୩; ମାର୍କ ୬:୧୭; ଲୁକ୍ ୩:୧୯,୨୦ * ୩:୨୮ ଜଅନ୍ ୧:୨୦ * ୩:୩୫ ମାଡ଼ିଉ ୧୧:୨୭; ଲୁକ୍ ୧୦:୨୨

୯ ତେଇ ସମ୍ପରଣିୟ ମାଇଜି କାବାଅଇ ଜିସୁକେ କଇଲା, “ତୁଇ ଗଟେକ୍ ଜିଉଦି ଲକ୍ ଆରି ମୁଇ ଗଟେକ୍ ସମ୍ପରଣିୟ, ତୁଇ କେନ୍ତ୍ରି ମର୍ ଆତର୍ ପାନି କାଇବାକେ ମାଙ୍ଗ୍ଲୁସ୍ନି ?” କାଇକେ ବଇଲେ, ଜିଉଦି ଲକ୍ମନ୍ ସମ୍ପରଣିୟ ଲକ୍ମନ୍ ବଇଲେ ନ କାଇତେ ରଇଲାଇ ।

୧୦ ଜିସୁ ତାକେ କଇଲା, “ପର୍ମେସର୍ ଦେବା ଦାନର୍ ବିସଇ, ତୁଇ ଅଲପ୍ ଆଲେ ଜାନି ରଇଲେ ଆରି ମୁଇ କେ ବଲି ଜାନ୍ତୁସ୍ ବଇଲେ ମକେ ମାଙ୍ଗ୍ତୁସ୍ । ଆରି ମୁଇ ତକେ ଜିବନ୍ ଦେବା ପାନି ଦେଇତି ।”

୧୧ ମାଇଜି କଇଲା, “ଆଗିଆଁ, ତମର୍ ଲଗେତା ପାନି ଜିକ୍ବାକେ ବାଲ୍ଟିନାଇ, ଆରି ଏ କୁଇସାଲ୍ ବେସି ତେଙ୍ଗ୍ ଆଚେ । କନ୍ତିଅନି ତମେ ଜିବନ୍ ଦେବା ପାନି ମିଲାଇସୁ ?

୧୨ ତୁଇ କାଇ ଆମର୍ ଆନିଦାଦି ଜାକୁବର୍ତେଇ ଅନି ବଡ଼ କି ? ଜାକୁବ୍ ଆମ୍ବକେ ଏ କୁଇସାଲ୍ ଦେଇରଇଲା । ସେ ନିଜେ ମିସା ଏ କୁଇସାଲ୍ ପାନି କାଇତେରଇଲା । ତାର୍ ଗରର୍ ଲକ୍ମନ୍ ଆରି ସେ ପସିରଇଲା ଗରୁଗାଲମନ୍ ଇତିର୍ ପାନି କାଇଲାଇ” ବଲି କଇଲା ।

୧୩ ଜିସୁ ତାକେ କଇଲା, “ଏ କୁଇସାଲ୍ ପାନି କାଇବା ସବୁ ଲକ୍ମନ୍କେ ଆରିସେ ସସ୍ ଲାଗ୍ସି ।

୧୪ ମାତର୍ ମୁଇ ଜନ୍ ପାନି ଦେବି, ସେ ପାନି ଜେ କାଇସି ବଇଲେ, ତାକେ କେବେ ମିସା ସସ୍ ନ ଲାଗେ । ମୁଇ ଜନ୍ ପାନି ଦେବି, ସେଟା ଜିବନ୍ ଦେବା ପାନି ପାରା ଉଚ୍ଚି କାଇତେରଇସି । ତେଇ ଅନି ଜେ କାଇଲେ, ସେ ନ ସାର୍ବା ଜିବନ୍ ପାଇସି ।”

୧୫ ସେ ମାଇଜି ଜିସୁକେ କଇଲା, “ଏ ଆଗିଆଁ ମକେ ସେ ପାନି ଦେ, ଜେନ୍ତ୍ରିକି କେବେ ମିସା ମକେ ସସ୍ ନ ଲାଗ ଆରି ମୁଇ ଏତେକ୍ ଦୁର୍ ପାନି ନେବାକେ ନ ଆସି ।”

୧୬ ଜିସୁ ସେ ତାକେ କଇଲା, “ତୁଇ ଜାଇକରି ତର୍ ମୁନୁସ୍କେ ଇତି ତାକିଆନ୍ ।”

୧୭ ସେ ମାଇଜି “ମକେ ମୁନୁସ୍ ନାଇ” ବଲି କଇଲା । ଜିସୁ ତାକେ କଇଲା, “ମକେ ମୁନୁସ୍ ନାଇ ବଲି ସତ୍ କାତା କଇଆରୁସ୍ ।

୧୮ କାଇକେ ବଇଲେ ତର୍ ପାଁଟ୍ଟା ମୁନୁସ୍ ରଇଲାଇ ଆରି ଏବେ ତୁଇ ଜନ୍ ଲକ୍ମନ୍ ସଙ୍ଗ୍ ଆରୁସ୍, ସେ ମିସା ତର୍ ମୁନୁସ୍ ନଏଁ । ଏଟା ସତ୍ କଇଆରୁସ୍ ।”

୧୯ ସେ ମାଇଜି କଇଲା, “ଏ ଆଗିଆଁ ତୁଇ ଗଟେକ୍ ବବିସତର୍ କାତା କଇବା ଲକ୍ ବଲି, ଏବେ ମୁଇ ଜାନିପାରଲିନି ।

୨୦ ଆମର୍ ସମ୍ପରଣିୟ ଆନିଦାଦିମନ୍ ପର୍ମେସର୍କେ ଏ ଡଙ୍ଗ୍ରେ ଉପାସନା କର୍ତେ ରଇଲାଇ । ମାତର୍ ତମେ ଜିଉଦି ଲକ୍ମନ୍ କଇଲାଇନି ଜିରୁସାଲମ୍ବେ ପର୍ମେସର୍କେ ଉପାସନା କର୍ବା ଟିକ୍ ଜାଗା ।”

୨୧ ଜିସୁ ତାକେ କଇଲା, “ଏ ମାଆ ମରକାତା ବିସ୍ବାସ୍ କର୍ । ଏନ୍ତାରି ବେଲା ଆଇଲାନି ତମେ ପର୍ମେସର୍କେ ଏ ଡଙ୍ଗ୍ରେ କି ଜିରୁସାଲାମେ ମିସା ଉପାସନା ନ କରାସ୍ ।

୨୨ ତମେ ସମ୍ପରଣିୟ ଲକ୍ମନ୍ ଜାକେ ଉପାସନା କଲାସ୍ନି ତାକେ ସତଇସେ ନାଜାନାସ୍ । ମାତର୍ ଆମେ ଜିଉଦି ଲକ୍ମନ୍ ତାକେ ଜାନିକରି ଉପାସନା କଲୁନି । କାଇକେ ବଇଲେ ମୁକ୍ତି ଜିଉଦି ଲକ୍ମନ୍ ତେଇଅନି ଆଇସି ।

୨୩ ବେଲା ଆଇଲାନି ଆରି ସେ ବେଲା କେଟ୍ଲାବେ, ଜେତେବେଲା କି ସୁକଲ୍ଆତ୍ମାର୍ ବପୁସଙ୍ଗ୍ ଲକ୍ମନ୍, ବାବା ପର୍ମେସର୍କେ ନିକସଙ୍ଗ୍ ଚିନ୍ବାଇ । ସେବେଲେ ସେମନ୍ ତାକର୍ ମନେ ସତ୍ସଙ୍ଗ୍ ଉପାସନା କର୍ବାଇ । ସେନ୍ତ୍ରି ଉପାସନା କର୍ବା ଲକ୍ମନ୍କେ ବାବା ମନ୍ କଲାନି ।

୨୪ ପର୍ମେସର୍ ଅଇଲାନି ଆତ୍ମା । ଆରି ଜନ୍ଲକ୍ମନ୍ ତାକେ ଉପାସନା କଲାଇନି, ସେମନ୍ ସତ୍ସଙ୍ଗ୍ ଆତ୍ମାଇ ଉପାସନା କର୍ବାର୍ଆଚେ ।”

୨୫ ସେ ମାଇଜି କଇଲା, “ମୁଇ ଜାନି, ମସିଅ ଜାକେ କି କିରିସ୍ଟ ବଲ୍ବାଇ । ସେବେଲାଇ ଆସି ଆମ୍ବକେ ସବୁ ବିସଇ ବୁଜାଇ ଦେଇସି ।”

୨୬ ଜିସୁ ତାକେ କଇଲା, “ଏବେ ତର୍ ସଙ୍ଗ୍ ଜେ କାତା ଅଇଲାନି, ମୁଇ ସେ ।”

୨୭ ସେବେଲା ଜିସୁର୍ ସିସ୍ମନ୍ ଗତେଅନି ବାଉଡି ଆଇଲାଇ । ଜିସୁ ଗଟେକ୍ ମାଇଜିସଙ୍ଗ୍ କାତା ଅଇବାଟା ଦେକି କାବାଅଇଗାଲାଇ । ମାତର୍ ତାକେ କେ ମିସା ତୁଇ କାଇକେ ତାର୍ ସଙ୍ଗ୍ କାତା ଅଇଲୁସ୍ନି, କି କାଇ ବିସଇ ତମେ କାତା ଅଇତେ ରଇଲାସ୍ ? ବଲି ପାଟାର୍ବାକେ ସାଆସ୍ କରଡନାଇ ।

୨୮ ତାର୍ ପଚେ ସେ ମାଇଜି ତାର୍ ଆଣ୍ଡିର୍ ପାନି, ତେଇ ଚାଡିକରି ସଅର୍ ବିଡ୍ରେ ଉଟିଗାଲା ଆରି ଜାଇକରି ସବୁ ଲକ୍ମନ୍କେ କଇଲା,

୨୯ “ଆସା ଗଟେକ୍ ଲକ୍ମକେ ଦେକ୍ସା । ଆଗେ ମୁଇ ଜାଇଜାକଟା କିରିରଇଲି, ସେ ସବୁ କାତା ସେ ମକେ କଇଦେଲା । ସେ ପର୍ମେସର୍ ବାଟି ପାଟାଇଲା ରାଜା ମସିଅ ଅଇଲେ ଅଇରଇସି କାଇକି ।”

୩୦ ସେଟାପାଇ ଲକ୍ମନ୍ ସଅରେ ଅନି ବାରଇକରି ଜିସୁକେ ଦେକ୍ବାକେ ଗାଲାଇ ।

୩୧ ଏଡକି ବିଡ୍ରେ ସିସ୍ମନ୍ ଜିସୁକେ “ଏ ଗୁରୁ କାଇଟା ଆଲେ ଅଲପ୍ କାଆ ।” ବଲି ବାବୁଜିଆ କଲାଇ ।

୩୨ ମାତର୍ ଜିସୁ ସେମନ୍କେ କଇଲା, “ମର୍ ଲଗେ ଜନ୍ କାଦି ଆଚେ, ସେ କାଦିର୍ ବିସଇ ତମେ ନାଜାନାସ୍ ।”

୩୩ ସେଟାର୍ ପାଇ ସିସ୍ମନ୍ ନିଜର୍ ନିଜର୍ ବିଡ୍ରେ କୁଆବଲା ଅଇଲାଇ, “ତାର୍ପାଇ କେ କାଦି ଆନିଦେଲାଇ ଆଚଡ଼ କି ?”

୩୪ ଜିସୁ ସେମାନଙ୍କେ କଇଲା, “ମନେ ପାଟାଉରଇବା ପର୍ଯ୍ୟନ୍ତ ମନକଲାଟା ମାନିକରି ଆରି ସେ ଦେଇରଇବା କାମ ପୁରାପୁରୁନ୍ କରବାଟାସେ ମର କାଦି ।

୩୫ ଚାରି ମାସ୍ ଗାଲେ କାଟାବେଟା ଦିନ୍ ଆଇସି ବଲି ତମେ କଇତେରଇସା । ମାତର୍ ମୁଇ ତମକେ କଇଲିନି କେତମନକେ ନିକ କରି ଦେକିଦେକା । ଏବେ ତେଇର୍ ତାସ୍ ପାଟିଗାଲା ଆତେ ଆରି କାଟ୍‌ବା ବେଲା ସମାନ୍ ଅଇଲା ଆତେ ।

୩୬ ଏବେ ମିସା ଜନ୍ ଲକ୍ ତାସ୍ କାଟ୍‌ଲାନ୍ ତାକେ ବୁଡି ଦିଆ ଅଇଲାନ୍, ସେ ନ ସାର୍‌ବା ଜିବନ୍‌ର୍ ପାଇ ତାସ୍ ଚୁଲିଆଇଲାନ୍ । ସେଟାର୍ ପାଇ ବୁନ୍‌ଲା ଲକ୍ ଆରି କାଟ୍‌ବା ଦୁଇ ଲକ୍‌ଜାକ ମିସି ସାର୍‌ଦା କରବାଇ ।

୩୭ କାଇକେବଇଲେ ଗଟେକ୍ ଲକ୍ ବିଅନ୍ ବୁନ୍‌ଲେ ସେଟା ବିନ୍ ଲକ୍ କାଟ୍‌ସି । ଏ କାତା ପୁରାପୁରୁନ୍ ସତ୍ ।

୩୮ ତମେ ଜନ୍ତ୍ର ବୁନ୍ ନ ରଇଲାସ୍ ତେଇ କାଟ୍‌ବାକେ ପାଟାଆତି । ବିନ୍ ଲକ୍‌ମନ୍ କାମ୍‌କଲା ଆରି ତମେ ସେମନ୍ କଲା କାମେଅନି ଲାବ୍ ପାଇଲାସ୍‌ନି ।”

୩୯ ସେ ସଅରର୍ କେତେକ୍ କେତେକ୍ ସମିରଣିୟମନ୍ ଜିସୁକେ ବିସ୍‌ବାସ୍ କଲାଇ । କାଇକେବଇଲେ, ସେ ମାଇଜି ସେମନକେ କଇରଇଲା । ଆଗେ ମୁଇ ଜାଇଜାଇଟା କରିରଇଲି, ସେ ସବୁ କାତା ସେ ମକେ କଇଦେଲା ।

୪୦ ଆରି ସମିରଣିୟ ଲକ୍‌ମନ୍ ଜିସୁର୍ ଲଗେ ଆସି ତାର୍ ସଙ୍ଗ୍ କେତେ ଦିନ୍ ରଇବାକେ ଗୁଆରି କଲାଇ, ସେଟାପାଇ ସେ ତେଇ ଦୁଇ ଦିନ୍ ରଇଲା ।

୪୧ ଜିସୁର୍ କାତା ସୁନି ତାକେ ବେସି ଲକ୍‌ମନ୍ ବିସ୍‌ବାସ୍ କଲାଇ ।

୪୨ ଲକ୍‌ମନ୍ ସେ ମାଇଜିକେ କଇଲାଇ, “ତୁଇ କଇଲାକେ ଆମେ ବିସ୍‌ବାସ୍ କରୁନାଇ, ଆମେ ନିଜେ ତାର୍ କାତା ସୁନି କରି ଏ ଆକା ଦୁନିଆର୍ ରକିଆକରୁ ବଲି ବିସ୍‌ବାସ୍ କଲୁ ।”

ଜିସୁ ଗଟେକ୍ ରାଜାର୍ ମୁକିଅ ଲକ୍‌ର୍ ପିଲାକେ ନିମାନ୍ କଲା

୪୩ ଜିସୁ ତେଇ ଦୁଇ ଦିନ୍ ରଇଲା ପତେ ଗାଲିଲି ରାଇଜେ ଗାଲା ।

୪୪ ✨ଆରି ଗଟେକ୍ ବବିସତ୍‌ବକ୍‌ତା ନିଜର୍ ଦେସେ ସନ୍‌ମାନ୍ ନ ପାଏ ବଲି ଜିସୁ ଆଗତୁସେ ତାର୍ ସିସ୍‌ମନକେ କଇରଇଲା ।

୪୫ ✨ସେଟାପାଇ ସେ ଜେତେବେଲା ଗାଲିଲି ଦେସେ କେଟ୍‌ଲା, ସେବେଲା ଲକ୍‌ମନ୍ ଆଲାଦ୍ ସଙ୍ଗ୍ ଡାକିନେଲାଇ । କାଇକେବଇଲେ ଆଗେ ଜିରୁସାଲାମେ ନିସ୍‌ତାର୍ ପରବ୍‌ଟାନେ ସେମନ୍ ସେ କରିରଇବା କାମ୍ ସବୁ ଦେକିରଇଲାଇ ।

୪୬ ✨ଜିସୁ ଗାଲିଲିର୍ କାନା ନାଉର୍ ଗତେ ଆରି ତରେକ୍ ଗାଲା । ସେ ଗତେସେ ପାନି ଅଙ୍ଗୁର୍ ରସ୍ କରିରଇଲା । ତେଇ ରମିଅ ସାସନ୍‌କାରିଆର୍ ଗଟେକ୍ ମୁକିଅ ଲକ୍‌ର୍ ପଅ କପର୍‌ନାତମେ ଜର୍ ଅଇରଇଲା ।

୪୭ ଜିସୁ ଜିଉଦାଇ ଅନି ଗାଲିଲି ଆଇଲା ଆତେ ବଲି ସୁନିକରି ଜର୍ ଅଇଲା ପିଲାର୍ ବାବା ତାର୍ ଲଗେ ଗାଲା । ମର୍‌ବା ସମାନ୍ ଅଇରଇବା ପିଲାକେ ନିମାନ୍ କରବାକେ କପର୍‌ନାତମେ ଜୁ ବଲି ଜିସୁକେ ଜୁଆର୍ ବିଆର୍ କଲା ।

୪୮ ଜିସୁ ତାକେ କଇଲା, “ତମେ କାବା ଅଇଜିବାଟା ଆରି କେବେ ନ ଅଇଲା ପାରା କାମ୍‌ର୍ ଚିନ୍‌ମନ୍ ନ ଦେକ୍‌ଲେ କେବେ ମିସା ମକେ ବିସ୍‌ବାସ୍ ନ କରାସ୍ ।”

୪୯ ସେ ଲକ୍ ତାକେ କଇଲା, “ଏ ଗୁରୁ, ମର୍ ପିଲା ନ ମର୍‌ବା ଆଗତୁ ତମେ ମର୍ ସଙ୍ଗ୍ ଆସା ।”

୫୦ ଜିସୁ ତାକେ କଇଲା, “ଏବେ ତୁଇ ତର୍ ଗରେ ଜା, ତର୍ ପିଲା ଜିବନ୍ ଅଇଗାଲାବେ ।” ସେ ଲକ୍ ଜିସୁ କଇରଇବା କାତା ବିସ୍‌ବାସ୍ କରି ବାଉଡିଗାଲା ।

୫୧ ସେ ଗରେ ଗାଲାବେଲେ ତାର୍ କେତେଟା ଗତି ଦାଙ୍ଗ୍‌ଡାମନ୍ ତାକେ ବେଟ୍‌ପାଇକରି, “ତର୍ ପିଲା ନିମାନ୍ ଅଇଲାବେ” ବଲି କଇଲାଇ ।

୫୨ ସେ ଲକ୍ ତାର୍ ଗତିଦାଙ୍ଗ୍‌ଡାମନ୍‌କେ ପାଚାର୍‌ଲା, “ପିଲା କେତେବେଲେ ନିମାନ୍ ଅଇଲା ?” ଗତିଦାଙ୍ଗ୍‌ଡାମନ୍, “କାଲି ଗଟେ ବେଲେ ନିମାନ୍ ଅଇଲା” ବଲି କଇଲାଇ ।

୫୩ ଜିସୁ ଟିକ୍ ସେବେଲାସେ ତର୍ ପିଲା ନିମାନ୍ ଅଇଲାବେ ବଲି କଇରଇଲାଟା ସେ ମୁକିଅ ଲକ୍ ମନେପାକାଇଲା । ସେଟାପାଇ ସେ ଲକ୍ ଆରି ତାର୍ ଗରର୍ ସବୁ ଲକ୍ ଜିସୁକେ ବିସ୍‌ବାସ୍ କଲାଇ ।

୫୪ ଜିସୁ ଜିଉଦାଇ ଅନି ଗାଲିଲି ଦେସେ ଆଇଲା ପତେ ଏଟାସଙ୍ଗ୍ ଦୁଇପାଲି କାବାଅଇଜିବା କାମ୍ କରି ରଇଲାଟା ।



ଜିସୁ ବନ୍‌ଟାନେ ଗଟେକ୍ ରଗିକେ ନିକ କଲା

୧ ତାର୍ ପତେ ଜିଉଦିମନ୍‌ର୍ ଗଟେକ୍ ମୁକିଅ ପରବ୍ ରଇଲା । ସେଟାପାଇ ଜିସୁ ଜିରୁସାଲାମ୍ ଗାଲା ।

୨ ଜିରୁସାଲାମର୍ ମେଣ୍ଡା ଦୁଆର୍ ଲଗେ ଗଟେକ୍ ବନ୍ ରଇଲା । ସେଟାକେ ଏବ୍‌ରି ବାସାଇ ବେତେସ୍‌ଦା ବଲି କଇବାଇ । ତେଇ ପାଁଟା ମଣ୍ଡପ୍ ରଇଲା ।

☆ ୪:୪୪ ମାଡିଉ ୧୩:୫୭; ମାର୍‌କ ୭:୪; ଲୁକ୍ ୪:୨୪ ☆ ୪:୪୫ ଜଅନ୍ ୨:୨୩ ☆ ୪:୪୬ ଜଅନ୍ ୨:୧-୧୧

୩ ସେ ମଣ୍ଡପ ମନରଚାଣେ କେତେକ କେତେକ ଜରଦୁକା ଅଇଲା ଲକ୍ମନ୍ ରଇତେ ରଇଲା । ରଗିମନର ବିତ୍ତରେଅନି କାଣା, ଚଟା, ଆରି କେତେକ ଅଦୁଆ ରଗିମନ ରଇଲା ।

୪ କାଇକେବଇଲେ କେତେ କେତେବଲ୍ ପରମେସରର୍ ଗଟେକ ଦୁଡ଼ ଆସିକରି ସେ ବନ୍ଦୁ ପାନି ଅଲ୍ଲକା କର୍ତ୍ତେ ରଇଲା । ଆରି ସେ ଅଲ୍ଲକା ଅଇଲାପତେ, ଜନ୍ ଲକ୍ ପରଦୁମ୍ ଜାଇତେ ରଇଲା, ତାକେ କାଇ ରଗ୍ ଅଇରଇଲେ ମିସା ନିମାନ୍ ଅଇଜାଇତେରଇଲା ।

୫ ତାକର୍ ବିତ୍ତରେ ତିରିସ୍ ଆଟ୍ ବରସ୍ ଜାକ ତୁଲିରଇବା ଗଟେକ ରଗି ଲକ୍ ରଇଲା ।

୬ ତେଇ ଜିସୁ ସେ ରଗି ତୁଲିରଇବାଟା ଦେକି, ଏ ଲକ୍ ବେସି ବରସର୍ ରଗି ବଲି ଜାନି ତାକେ ପାଟାରୁଲା “ତମେ କାଇ ନିମାନ୍ ଅଇବାକେ ମନ୍ କଲାସ୍ନି କି ?”

୭ ସେ ରଗି ଲକ୍ ଜିସୁକେ କଇଲା, “ଏ ଆଗିଆଁ ପାନି ଅଲ୍ଲକା କଲାବେଲେ, ସେ ବନ୍ଦୁ ବିତ୍ତରେ ମକେ ନେବାକେ କେ ନାଇ । ଆରି ବନ୍ଦୁ ବିତ୍ତରେ ଜିବାକେ ଚେସ୍ଟା କଲାବେଲେ ବିନ୍ ଲକ୍ ମର୍ ଆଗୁ ଉଟିଜିବାଇ ।”

୮ ଜିସୁ ତାକେ କଇଲା, “ଉଟି ଚିଆଅ, ଆରି ତର୍ ଟାଟି ଦାରି ଇଣ୍ଡିଜା ।”

୯ ସେ ଦାପ୍ତରେ ସେ ଲକ୍ ନିମାନ୍ ଅଇଗାଲା ଆରି ନିଜର୍ ଟାଟି ଦାରିକରି ଇଣ୍ଡିବାର୍ ଦାରୁଲା । ସେ ଦିନ୍ ବିସ୍ତରାମ୍ବାର୍ ରଇଲା ।

୧୦ ସେଟାର୍ପାଇ ଜିଉଦି ନେତାମନ୍, ନିମାନ୍ ଅଇଲା ରଗିକେ କଇବାର୍ ଦାରୁଲା, “ଆଜି ବିସ୍ତରାମ୍ ଦିନେ, ତୁଇ ଟାଟି ଦାରି ଜିବାଟା ଆମର୍ ନିୟମ୍ ନାଇ ।”

୧୧ ମାତର୍ ସେ ଲକ୍ ସେମନ୍କେ କଇଲା, “ଜେ ମକେ ନିମାନ୍ କଲା ସେ ମକେ ତମର୍ ଟାଟିଦାରିକରି ଜା ବଲି କଇଲାଆତେ ।”

୧୨ ସେମନ୍ ତାକେ ପାଟାରୁଲା, “ଜେ ତକେ ଟାଟି ଦାରି ଜା ବଲି କଇଲା, ସେ ଲକ୍ କେ ?”

୧୩ ମାତର୍ ସେ ନିମାନ୍ ଅଇଲା ଲକ୍ ଜିସୁ କେ ବଲି ଚିନି ନରଇଲା, କାଇକେ ବଇଲେ ସେ ଜାଗାଇ ବେସି ଲକ୍ମନ୍ ରଇଲାଇଜେ, ଜିସୁ ତେଇଅନି ବିନେ ପିସ୍ଲି ଉଟିଜାଇରଇଲା ।

୧୪ ତାର୍ ପତେ ଜିସୁ ସେ ନିକ ଅଇଲା ଲକ୍କେ ମନ୍ଦିର୍ ବିତ୍ତରେ ଦେକିକରି କଇଲା, “ଦେକ୍ ଏବେ ତୁଇ ନିକ ଅଇଜାଇଆରୁସ୍ । ତୁଇ ଆରି ପାପ୍ କାମ୍ କରନାଇ । ନଇଲେ ତକେ ଆରି ଅଦିକ୍ ଦୁକ୍ କସ୍ଟ ଆଇସି ମିସା ।”

୧୫ ତାର୍ ପତେ ସେ ନିକ ଅଇଲା ଲକ୍ ଜିଉଦି ନେତାମନ୍ ଲଗେ ଜାଇକରି, “ଜେ ତାକେ ନିକ କରିରଇଲା, ସେ ଜିସୁ” ବଲି କଇଲା ।

୧୬ ଏ ନିମାନ୍ କାମ୍ କଲାଟା, ବିସ୍ତରାମ୍ ବାରେ ଅଇରଇଲା ଜେ, ଜିଉଦି ନେତାମନ୍ ଜିସୁକେ ଦୁକ୍‌କସ୍ଟ ଦେବାର୍ ବସୁଲା ।

୧୭ ମାତର୍ ଜିସୁ ସେମନ୍କେ କଇଲା, “ମର୍ବାବା ପରମେସର୍ ସବୁବେଲା କାମ୍‌କଲାନି, ମୁଇ ମିସା ସେକ୍ତି କାମ୍ କଲିନି ।”

୧୮ ଜିସୁ ଏକ୍ତି କଇରଇଲାଜେ ଜିଉଦି ନେତାମନ୍ ତାକେ ମରାଇବାକେ ଅଦିକ୍ ଚେସ୍ଟା କଲା । କାଇକେ ବଇଲେ ଜିସୁ ବିସ୍ତରାମ୍ ବାର୍ ନିୟମ୍ ମାନେ ନାଇ ବଲି ନାଇ, ମାତର୍ ସେ ପରମେସର୍‌କେ ମର୍ ବାବା ବଲି କଇ, ନିଜ୍‌କେ ପରମେସର୍ ସଙ୍ଗ୍ ସମାନ୍ କରି ରଇଲା ।

ପଅର୍ ଅଦିକାର୍

୧୯ ଜିସୁ ସେମନ୍କେ କଇଲା, “ମୁଇ ତମ୍‌କେ ସଡ଼ କଇଲିନି, ପରମେସରର୍ ପିଲା ମୁଇ ନିଜେ କାଇଟା ମିସା କରିନାପାରି । ମର୍ ବାବା ଜନ୍ ଜନ୍‌ଟା ସବୁ କର୍ବାଟା ମୁଇ ଦେକ୍‌ଲିନି ସେଟାସେ ମୁଇ କରିପାରି । କାଇକେ ବଇଲେ ବାବା ଜନ୍ ଜନ୍‌ଟା ସବୁ କଲାନି ତାର୍‌ପିଲା ମୁଇ ମିସା ସେଟା ସବୁ ସେକ୍ତିସେ କଲିନି ।

୨୦ ବାବା ମକେ ଆଲାଦ୍ କର୍ସି ଆରି ନିଜେ ଜନ୍‌ଟା କର୍ସି, ସେ ସବୁ ମକେ ଦେକାଇସି । ଆରି ଏବେ ଜାଇଟା ଗଟୁଲା ଆତେ, ତାର୍‌ତେଇଅନି ଅଦିକ୍ ବଡ଼ ବଡ଼ କାବାଅଇଜିବା କାମ୍‌ମନ୍ ମକେ ଦେକାଇସି । ସେଟା ସବୁ ଦେକି ତମେ ସବୁଲକ୍ କାବାଅଇଜାଇସା ।

୨୧ ବାବା ପରମେସର୍ ଜେକ୍ତି ମଲାଲକ୍‌ମନ୍‌କେ ଜିବନ୍ କରି ଉଟାଇସି, ସମାନ୍ ସେକ୍ତି ମୁଇ ମିସା ତାର୍ ପିଲା ଜାକେ ଜାକେ ମନ୍ କର୍ବି, ସେମନ୍‌କେ ମଲାତେଇଅନି ଉଟାଇବି ।

୨୨ ବାବା ପରମେସର୍ କାକେ ମିସା ତାର୍ ପାପ୍ କାମ୍‌ଲାଗି ବିଚାର୍ ନ କରେ । ମାତର୍ ସବୁ ଲକ୍‌ମନ୍ ବିଚାର୍ କର୍ବା ପୁରାପୁରୁନ୍ ଅଦିକାର୍ ତାର୍ ପିଲା ମକେ, ଦେଲା ଆତେ ।

୨୩ ତେବେ ସବୁ ଲକ୍‌ମନ୍ ବାବାକେ ଜେକ୍ତି ସମ୍‌ମାନ୍ ଦେଲାଇନି, ସେକ୍ତିସେ ତାର୍ ପିଲା ମକେ ମିସା ସମ୍‌ମାନ୍ ଦେବାଇ । ଜଦି ଜନ୍ ଲକ୍‌ମନ୍ ତାର୍ ପିଲା ମକେ ସମ୍‌ମାନ୍ ଦେଅଡ଼ ନାଇ, ସେମନ୍ ମକେ ପାଟାଇଲା ବାବାକେ ମିସା ସମ୍‌ମାନ୍ ଦେଅଡ଼ ନାଇ ।

୨୪ “ମୁଇ ତମ୍‌କେ ସଡ଼ କଇଲିନି, ଜେ ମର୍ କାତା ସୁନି ମକେ ପାଟାଇଲା ପରମେସର୍‌କେ ବିସ୍ତରାସ୍ କର୍ସି, ସେ ନ ସାରବା ଜିବନ୍ ପାଇସି । ଆରି ସେ ବିଚାର୍‌ନା କରାଇ ନ ଅଏ । କାଇକେବଇଲେ ସେ ମରନ୍‌କେ ଜିତି କରି ଜିବନ୍ ପାଇଆତେ ।

୨୫ ମୁଁ ତମ୍ଭଙ୍କ ସତ୍ତ୍ୱ କରୁଅଛୁ ଏହି ଗଟେକ୍ ବେଲା ଆଇଲାନ୍ତି, ସେ ବେଲା ଏବେ କେଟିଆଟେ । ଜେତେବେଲା ମଲା ଲକ୍ମନ୍ ପର୍ଯ୍ୟନ୍ତ ପିଲା ମରୁ କର୍ତ୍ତ୍ତ୍ୱ ସର୍ ସୁନ୍ଦର, ସେମନ୍ ଜିବନ୍ ଅଇ ଉର୍ବର ।

୨୬ ବାବା ଜେନ୍ତିକି ଜିବନ୍ ମୁଲ୍, ସେନ୍ତାରିସେ ତାର ପିଲା ମୁଁ ମିସା ଜିବନ୍ ମୁଲ୍ ।

୨୭ ଆରି ମୁଁ ପର୍ଯ୍ୟନ୍ତ ଟାନ୍ନେଅନି ଆଇଲା ନରପିଲା ଅଇଲାଋଲାଗି, ସବୁ ଲକ୍ମନ୍ଙ୍କେ ବିଚାର କରବା ଅଦିକାର୍ ସେ ମକେ ଦେଲାଆଟେ ।

୨୮ ତମେ ଏଟାପାଇ କାବା ଉଆନାଇ, ଏହି ବେଲା ଆଇଲାନ୍ତି, ମରିକରି ତପିଅଇଲା ସବୁ ଲକ୍ମନ୍ ମରୁ କର୍ତ୍ତ୍ୱ ସର୍ ସୁନ୍ଦର ।

୨୯ ଆରି ସେମନ୍ ସମାଦି ଅନି ଆରି ତରେକ୍ ଉର୍ବର । କେ କେ ନିକ କାମ୍ କରିଆଟେ, ସେମନ୍ ମଲାଟାନ୍ନେଅନି ଜିବନ୍ ଅଇକରି ଉର୍ବର । କାରାପ୍ କାମ୍ କରୁମନ୍ ମିସା ମଲାଟାନ୍ନେଅନି ଉର୍ବର ଆରି ଦସି ବଲାଅଇବାଇ ।”

ଜିସୁର ବିସଇର କଇବା ସାକି

୩୦ ମୁଁ ମରୁ ନିଜର୍ ଅଦିକାରେ କାଇଟା ମିସା କରନାଇ, ବାବା ମକେ କେନ୍ତି କଇଲା ଆଟେ, ସେନ୍ତିସେ ବିଚାର କରବି । ଆରି ମୁଁ କରବାଟା ଟିକ୍ସେ । କାଇକେବଇଲେ ମୁଁ ନିଜେ ମନ୍କଲାଟା ପୁରାପୁରୁନ୍ କରବାକେ ନାଇ, ମାତର୍ ମକେ ପାଟାଇଲା ପର୍ଯ୍ୟନ୍ତ ମନ୍କଲାଟା ପୁରାପୁରୁନ୍ କଲିନି ।

୩୧ ମରୁ ନିଜର୍ ପାଇ ଜଦି ମୁଁ ସାକି ଦେବି, ସେଟା ସତ୍ତ୍ୱ ବଲି ଦାରା ନ ଜାଏ ।

୩୨ ମାତର୍ ମରୁ ପାଇ ଆରି ଗଟେକ୍ ଲକ୍ ସାକିଦେଲାନ୍ତି, ଆରି ସେଟା ମୁଁ ଜାନି । ସେ ମରୁ ବିସଇ କାଇଟା ସବୁ କଇଲାନ୍ତି ସେଟା ସବୁ ସତ୍ତ୍ୱେ ।

୩୩ ☆ତମେ ଜଅନ୍ ଲଗେ କବର୍ ନେଉମନ୍ଙ୍କେ ପାଟାଇ ରଇଲାସ୍, ଆରି ସେ ତମ୍ଭଙ୍କ ସତ୍ତ୍ୱ ବିସଇ ସାକି ଦେଲାଆଟେ ।

୩୪ ମରୁ ବିସଇ କେ ମିସା ସାକି ଦେଅତ୍ ବଲି ମୁଁ ମନ୍ କରନାଇ । ଜେନ୍ତିକି ତମେ ପାପେଅନି ରକିଆ ପାଇସା ସେଟା ପାଇ ମୁଁ ଏ ସବୁ କଇଲିନି ।

୩୫ ଜଅନ୍ ଗଟେକ୍ ବଡ଼ିପାରା ଲାଗିକରି ଅଲପର୍ ପାଇ ଉଜଲ୍ ଦେଇତେରଇଲା । ଆରି ତମେ ସେ ଉଜଲ୍, ଅଲପ୍ ଦିନର୍ ପାଇ ପାଇକରି ସାର୍ଦା ଅଇରଇଲାସ୍ ।

୩୬ ମାତର୍ ମରୁଲଗେ, ଜଅନ୍ ତେଇଅନି ଅଦିକ୍ ବପୁର୍ ଗଟେକ୍ ସାକି ଆଟେ । ପର୍ଯ୍ୟନ୍ତ ଆଦେସ୍ ଇସାବେ ମୁଁ ଜନ୍ ସବୁ କାମ୍ କଲିନି, ସେଟା ସବୁ ମରୁ ପାଇ ନିକ ସାକି । ସେ ସବୁ କଇଲାନ୍ତି, ମକେ ପର୍ଯ୍ୟନ୍ତ ପାଟାଇଲା ଆଟେ ବଲି ।

୩୭ ☆ଆରି ମକେ ପାଟାଇଲା ବାବା ପର୍ଯ୍ୟନ୍ତ ମିସା ମରୁ ବିସଇ ସାକି ଦେଲାନ୍ତି । ତମେ କେବେ ମିସା ତାରୁ କର୍ତ୍ତ୍ୱ ସୁନାସ୍ ନାଇ, କି ସେ କେନ୍ତାଟା ଦେକାସ୍ ନାଇ ।

୩୮ ଆରି ତାରୁ କାତା ତମର୍ ମନ୍କିତ୍ରେ ରଏନାଇ । କାଇକେବଇଲେ ସେ ଜାକେ ପାଟାଇଲା ଆଟେ ତାକେ ତମେ ବିସ୍ବାସ୍ କରାସ୍ ନାଇ ।

୩୯ ତମେ ଜତନ୍ସକ୍ ସାସ୍ତର୍ମନ୍ ପଡ଼ି କଇଲାସ୍ନି । ତେଇଅନି ନ ସାର୍ଦା ଜିବନ୍ ପାଇଅଇସି ବଲି ସେ ସବୁ ପଡ଼ିଲାସ୍ନି । ସେ ସବୁ ସାସ୍ତର୍ ମରୁ ବିସଇସେ ସାକି ଦେଲାନ୍ତି ।

୪୦ ଏଲେମିସା ତମେ ନ ସାର୍ଦା ଜିବନ୍ ପାଇବାକେ ମରୁ ଲଗେ ଆଇବାକେ ନିର୍ଲ୍ୟାସ୍ନି ।

୪୧ “ମୁଁ ମୁନ୍ସ ଲକ୍ମନ୍ ଟାନ୍ନେଅନି ଡାକ୍ପୁଟା କଜି ନାଇ ।

୪୨ ମୁଁ ଜାନି, ତମେ କେନ୍ତି ରକାମର୍ ଲକ୍, ତମର୍ ମନ୍ ବିତ୍ରେ ପର୍ଯ୍ୟନ୍ତ ଆଲାଦ୍ କରବାଟା ନାଇ ।

୪୩ ମୁଁ ମରୁ ବାବା ପର୍ଯ୍ୟନ୍ତ ଅଦିକାର୍ ପାଇ ଆଇଲିଆଟି । ମାତର୍ ତମେ ମକେ ନାମାସ୍ ନାଇ । ମାତର୍ ଜେତେବେଲା କେ ମିସା ବିନ୍ ଲକ୍ ନିଜେ ମନ୍କରି ଆଇଲେ ତାକେ ଡାକିନେଲାସ୍ନି ।

୪୪ ତମେ ନିଜର୍ ନିଜର୍ ବିତ୍ରେ ସନ୍ମାନ୍ ପାଇବାକେ ମନ୍କଲାସ୍ନି । ମାତର୍ ପର୍ଯ୍ୟନ୍ତ ଆଲାଦ୍ ପାଇବାକେ ମନ୍ କରାସ୍ ନାଇ । ସେନ୍ତି ବଇଲେ ତମେ କେନ୍ତି ମକେ ବିସ୍ବାସ୍ କରିପାରାସ୍ ?

୪୫ ମୁଁ ତମର୍ ବିରଦେ ପର୍ଯ୍ୟନ୍ତ ତେଇ ଦସି କରବି ବଲି ତମେ ବାବାନାଇ । ତମେ ଜନ୍ଟା ମସାର୍ ତେଇ ଆସା କରିଆଟାସ୍ ସେ ସେ ତମର୍ ବିରଦେ ଦସି କଲାନ୍ତି ।

୪୬ ଜଦି ତମେ ମସାକେ ସତ୍ତ୍ୱେ ବିସ୍ବାସ୍ କଲାସ୍ନି ବଇଲେ ମକେ ମିସା ବିସ୍ବାସ୍ କର୍ତ୍ତେ ରଇସା । କାଇକେବଇଲେ ମସା ମରୁ ବିସଇସେ ଲେକିଆଟେ ।

୪୭ ମାତର୍ ସେ ଜନ୍ଟା ଲେକିଆଟେ, ତେଇ ଜଦି ତମର୍ ବିସ୍ବାସ୍ ନାଇ ବଇଲେ, ମୁଁ ଜନ୍ଟା କଇଲିନି, ସେଟା କେନ୍ତି ବିସ୍ବାସ୍ କରସା ?”



ଜିସୁ ପାଁଟ୍ ଅଜାଟ୍ ଲକ୍ମନକେ କୁଆଇଲା

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ୍ ୯:୧୦-୧୭)

୧ ତାର୍ ପଟେ ଜିସୁ ଗାଲିଲି ଗାଡ୍ ସେପାଟେ ସେ ଗାଡ୍‌କେ ଡିବିରିଆ ଗାଡ୍ ବଲି ମିସା କଇବାଇ, ସେ ଜାଗାଇ ଗାଲା ।

୨ ଆରି ବେସି ଲକ୍ମନ ତାର୍ ପଟେ ପଟେ ଗାଲାଇ । କାଇକେ ବଇଲେ ସେ ରଗି ଲକ୍ମନକେ ତାର୍ କାବାଅଇଜିବା ବପୁ ସଙ୍ଗ୍ ନିମାନ୍ କର୍ବାଟା ସେମନ୍ ଦେକି ରଇଲାଇ ।

୩ ଜିସୁ ତାର୍ ସିସ୍‌ମନ୍‌ର ସଙ୍ଗ୍ ଗଟେକ୍ ଡଙ୍ଗର୍ ଉପରେ ଜାଇ ବସ୍‌ଲା ।

୪ ସେବେଲେ ଜିଉଦି ମନର୍ ନିସ୍‌ତାର୍ ପରବ୍ କେଟି ଆଇତେରଇଲା ।

୫ ତାର୍ ଲଗେ ବେସି ଲକ୍ମନ ଆଇବାଟା ଦେକିକରି ଜିସୁ ପିଲିପ୍‌କେ ପାଗାର୍‌ଲା, “ଏତେକ୍‌ମାଣ୍ଟ୍ ଲକ୍ମନର୍ ପାଇ କକ୍ତିଅନି ଜାଇ କାଦି ଗେନିଆନି ଅଇସି ?”

୬ ମାତର୍ ପିଲିପ୍‌କେ ପରିକା କର୍ବାଟାକେ ଜିସୁ ଏଡ୍‌ରି ପାଗାରି ରଇଲା । କାଇକେ ବଇଲେ ଜିସୁ କାଇଟା କର୍ବାଟାକେ ଗାଲାନି ବଲି ସେ ନିଜେ ଜାନିରଇଲା ।

୭ ପିଲିପ୍ ଜିସୁକେ କଇଲା, “ଇତି ରଇଲା ସବୁ ଲକ୍ମନକେ ଦୁଇସ ତେଇ ଅନି ଅଦିକ୍ ରୁପାଟାଙ୍ଗାର୍ *ରୁଟି ଗେନ୍‌ବାକେ ପଡ୍‌ସି ।”

୮ ତେଇ ଆନ୍‌ରିୟ ନାଉର୍ ଗଟେକ୍ ସିସ୍ ରଇଲା, ସେ ସିମନ୍ ପିତରର୍ ବାଇ । ସେ କଇଲା, “ଇତି ଗଟେକ୍ ପିଲାଟ୍ ଗାନେ ପାଁଟ୍‌ଟା ରୁଟି ଆରି ଦୁଇଟା ବାଜ୍‌ଲା ସାନ୍ ମାଟ୍ ଆଟେ ।

୯ ମାତର୍ ଏଡ୍‌କି ଲକ୍‌ପାଇ ସେଟା ନ ଅଏ ।”

୧୦ ଜିସୁ ତାର୍ ସିସ୍‌ମନ୍‌କେ କଇଲା, “ଲକ୍ମନକେ ଗାଁସ୍ ଉପରେ ବସାଆ ।” ସେ ପଡିଆଇ ବେସି ଗାଁସ୍ ରଇଲା । ଗାଁସ୍ ଉପରେ ସବୁଲକ୍ ବସ୍‌ଲାଇ । ଆରି ତେଇ ଅବ୍‌କା ମୁନୁସ୍ ପିଲାସେ ପାଁଟ୍ ଅଜାଟ୍ ଲକ୍ ରଇଲାଇ ।

୧୧ ଜିସୁ ରୁଟି ଦାରି ପର୍‌ମେସରକେ ଦନିଅବାଦ୍ ଦେଲା ଆରି ତେଇ ବସିରଇବା ଲକ୍ମନକେ ବାଟାକରି ଦେଲା । ସେକ୍ତିସେ ମାଟ୍ ମିସା ବାଟାକରି ଦେଲା । ତେଇ ସେମନ୍‌କେ ପେଟ୍ ପୁରତେ କାଇବାକେ ମିଲ୍‌ଲା ।

୧୨ ସବୁ ଲକ୍ମନ ପେଟ୍ ପୁରତେ କାଇଲା ପଟେ, ଜିସୁ ତାର୍ ସିସ୍‌ମନ୍‌କେ କଇଲା, “ଅଗଲ୍‌ଲା ମାଟ୍ ଆରି ରୁଟି ଗଟେକ୍‌ଟାନେ ଟୁଲିଆଉ, ତେବେ କଣ୍ଟେକ୍ ମିସା ନସ୍‌ଟ ନ ଅଏ ।”

୧୩ ଲକ୍ମନ କାଇସାରାଇଲା ପଟେ, ସେ ପାଁଟ୍‌ଟା ରୁଟିଅନି ଜେଡ୍‌କି ଅଗଲ୍‌ଲା, ସିସ୍‌ମନ୍ ସେଟା ଟୁଲିଆଇ କରି ବାଟାଟା ତାଲାଇ ବରଡି କଲାଇ ।

୧୪ ଜିସୁ କଲା ଏ କାବାଅଇଜିବା କାମ୍ ଦେକିକରି ତେଇ ରଇଲା ଲକ୍ମନ କଇଲା “ଏ ଦୁନିଆଇ ପର୍‌ମେସରର୍ ଜନ୍ ବବିସ୍‌ଡବକ୍‌ତା ଆଇବାଟ୍ ରଇଲା, ସତଇସେ ଏ ଆକା ।”

୧୫ ସେଦାପ୍‌ରେସେ ଲକ୍ମନ ଜିସୁକେ ରାଜା କରାଇବାକେ ତିଆର୍ ଅଇବାଟା ଜାନି, ତେଇଅନି ସେ ଗଟେକ୍ ଲକ୍ ଡଙ୍ଗର୍ ଉପରେ ଉଟିଗାଲା ।

ଜିସୁ ପାନି ଉପରେ ଇଣ୍ଟିଲା

(ମାତିଉ ୧୪:୨୨-୨୬; ମାର୍କ ୬:୪୫-୫୨)

୧୬ ସେ ଦିନେ ସଞ୍ଜ୍ ଅଇଗାଲାକେ ଜିସୁର୍ ସିସ୍‌ମନ୍ ତେଇଅନି ଉଡ୍‌ରିକରି ଗାଡେ ଗାଲାଇ ।

୧୭ ସିସ୍‌ମନ୍ ଡଙ୍ଗାଇ ବସି ଗାଡ୍ ସେପାଟେ ରଇଲା କପର୍‌ନାଉମ୍ ଜାଗାଇ ବାଉଡ୍‌ବାର୍ ଦାର୍‌ଲାଇ । ସେଡ୍‌କିବେଲେ ଆନ୍‌ଦା ଅଇ ଆଇତେ ରଇଲା । ମାତର୍ ସେ ବେଲା ଜାକ ଜିସୁ ତାକର୍ ଲଗେ ଆସି ନ ରଇଲା ।

୧୮ ଆରି ତେଇ ବେସି ବାଉ ପବନ୍ ଅଇବାଟ୍ ଦାର୍‌ଲାଜେ ଗାଡେ ବେସି ବଡ୍ ବଡ୍ ଲଅଡି ଅଇତେ ରଇଲା ।

୧୯ ସେମନ୍ ଚଟୁ ଗାଟି ଗାଟି ପାଁଟ୍ କି ଚଅ କିଲମିଟର୍ ଗାଲା ପଟେ, ଜିସୁ ପାନି ଉପରେ ଇଣ୍ଟି ଇଣ୍ଟି ଡଙ୍ଗା ଲଗେ ଆଇବାଟା ଦେକିକରି ସେମନ୍ ବେସି ଡରିଗାଲାଇ ।

୨୦ ମାତର୍ ଜିସୁ ସେମନ୍‌କେ କଇଲା, “ଡରାନାଇ, ଏଟା ମୁଇସେ ।”

୨୧ ଜିସୁ ଏ କାତା କଇଲା ପଟେ, ସିସ୍‌ମନ୍ ତାକେ ବେସି ସାର୍‌ଦା ସଙ୍ଗ୍ ଡଙ୍ଗାଇ ଚଗାଇଲାଇ । ଆରି ସେମନ୍ ଜନ୍ ଜାଗାଇ ଜାଇତେରଇଲାଇ, ସେ ଜାଗାଇ ଦାପ୍‌ରେ ଜାଇ କେଟ୍‌ଲାଇ ।

ଲକ୍ମନ ଜିସୁକେ କଇଲା

୨୨ ତାର୍ ଆର୍କର୍ ଦିନର୍ ସାକାଲେ, ଗାଡ୍ ସେପାଟେ ରଇଲା ଲକ୍ମନ ଜାନିପାର୍‌ଲାଇ ଜେ, ତେଇ ଗଟେକ୍‌ସେ ଡଙ୍ଗା ରଇଲା । ଆରି ସିସ୍‌ମନ୍ ଜିସୁକେ ମିସ୍‌ତେ ଡାକି ନ ନେଇ, ଡଙ୍ଗାଇ ବସି ମଜାଗାଡେ ଉଟିଗାଲାଇ ଆଡ୍‌ ବଲି । ସେମନ୍ ତାକେ ଚାଡିକରି ଜାଇରଇଲାଇ ।

* ୬:୭ ରୁପାଟାଙ୍ଗାଟ୍ ଗଟେକ୍ ରୁପାଟାଙ୍ଗାଟ୍ ମୁଲିଅ ଗଟେକ୍ ଦିନର୍ ଆଜ୍‌ରି

୨୩ ଜନ୍ ଜାଗାଇ ମାପରୁ ଜିସୁ ପାରତନା କରି ଲକ୍ମନଙ୍କେ ରୁଟି କାଇବାକେ ଦେଇରଇଲା, ସେ ଜାଗା ଲଗେ ଡିବିରିଆ ଗାଡେଅନି ଆରି କେଡେଟା ଡଙ୍ଗା ଆସି କେଟ୍ଲା ।

୨୪ ସେ ଜାଗାଇ ଲକ୍ମନ ଜିସୁକେ ଆରି ତାର ସିସ୍ତାଙ୍କେ ବେଟ୍ ନ ଅଇଲାକେ, ଡଙ୍ଗାମନ୍କେ ଚଗି ତାକେ କଜି କଜି କପରନାଉମ୍ ଜାଗାବାଟେ ଜିବାକେ ବାରଇଲା ।

ଜିସୁ ଅଇଲାନି ଜିବନର୍ କାଦି

୨୫ ଲକ୍ମନ ଜିସୁକେ ଗାଡ୍ ସେପାଟେ ବେଟ୍ ଅଇକରି ପାଟାରୁଲା, “ଏ ଗୁରୁ ତମେ ଇତି କେଡେବଲ୍ ଆସି କେଟ୍ଲାସ୍ ?”

୨୬ ଜିସୁ ସେମନ୍କେ କଇଲା, ମୁଇ ତମକେ ସଡ୍ କଇଲିନି, ମୁଇ କରିରଇବା କାବାଅଇଜିବା କାମ୍ ବୁଜିକରି ମକେ କଜାସ୍ ନାଇ । ମାତର୍ ତମେ ପେଟ୍ ପୁରତେ ରୁଟି କାଇରଇଲାସ୍ ବଲି ଆସିଆଟାସ୍ ।

୨୭ ଜନ୍ କାଦି ନସିଜାଇସି, ସେ କାଦିର୍ ପାଇ ଏଡେକ୍ କସ୍ଟ କରାନାଇ, ମାତର୍ ଜନ୍ତା ନ ନସେ, ସେଟା ନ ସାର୍ବା ଜିବନ୍ ଦେଇସି, ସେଟାର୍ ପାଇ କସ୍ଟ କରା । ଏ କାଦି ନର୍ପିଲା ମୁଇ ଦେବି । କାଇକେ ବଇଲେ, ସେଟାର୍ପାଇ ବାବା ପରମେସର୍ ମକେ ଅଦିକାର୍ ଦେଲାଆଟେ ।

୨୮ ସେବେଲେ ଲକ୍ମନ ଜିସୁକେ ପାଟାରୁଲା, “ଜନ୍ତା ପରମେସର୍ ମନ୍ କଲାନି, ସେଟା ଆମେ କର୍ବାର୍ ଆଲେ କାଇଟା କର୍ବାର୍ ଆଟେ ?”

୨୯ ଜିସୁ ସେମନ୍କେ କଇଲା, “ତାକେ ପରମେସର୍ ପାଟାଇଲା ଆଟେ, ତାକେ ତମେ ବିସ୍ବାସ୍ କଲେ ସେଟା କରିପାରାସ୍ ।”

୩୦ ସେବେଲା ସେମନ୍ ଜିସୁକେ ପାଟାରୁଲା, “ଏନ୍ତି ବଇଲେ ଆମେ ଜେନ୍ତି ବିସ୍ବାସ୍ କର୍ବୁ, ସେଟାର୍ ପାଇ ଆମ୍ବକେ କାଇଆଲେ କାବାଅଇଜିବା କାମ୍ କରି ଦେକାଇପାରୁସ୍ କି ? କ କାଇଟା କରିପାରୁସ୍ ?”

୩୧ ଆରି ସେମନ୍ କଇଲା, “ଆମର୍ ଆନିଦାଦିମନ୍ ମରୁବାଲି ବୁର୍ସ୍ ମାନା କାଦି କାଇରଇଲା, ସେଟା ଆମର୍ ଦରମ୍ ସାସ୍ତର୍ ଇସାବେ ପରମେସର୍ ସେମନ୍କେ ସର୍ଗେ ଅନି ଦେଇରଇଲା ।”

୩୨ ଜିସୁ ସେମନ୍କେ କଇଲା, “ମୁଇ ତମକେ ସଡ୍ କଇଲିନି, ଜନ୍ତା ମସା ତମକେ ଦେଇରଇଲା, ସେଟା ସର୍ଗେଅନି ଆସିରଇଲା କାଦି ନର୍ସ୍ । ମାତର୍ ମର୍ ବାବା ତମକେ ସର୍ଗେଅନି ସଡ୍ କାଦି ଦେଇସି ।

୩୩ ପରମେସର୍ କାଦି ଅଇଲାନି ଗଟେକ୍ ଲକ୍ ଜେ କି ନ ସାର୍ବା ଜିବନ୍ ଦେବାକେ ସର୍ଗେଅନି ଦୁନିଆଇ ଆସିରଇଲା” ବଲି କଇଲା ।

୩୪ ଲକ୍ମନ ଜିସୁକେ କଇଲା, “ଆଗିଆଁ ସବୁବେଲେ ଆମ୍ବକେ ଏ କାଦି ଦିଆ ।”

୩୫ ତାର୍ ପଟେ ଜିସୁ ସେମନ୍କେ କଇଲା, “ମୁଇ ସେ ଜିବନର୍ କାଦି । ଜନ୍ ଲକ୍ ମର୍ ଲଗେ ଆଇସି, ସେ କେବେ ମିସା ବୁକେ ନ ରଏ । ଆରି କେ ମକେ ବିସ୍ବାସ୍ କର୍ସି ତାକେ କେବେ ମିସା ସସ୍ ନ ଲାଗେ ।

୩୬ ମୁଇ ତମକେ କଇଲିନି, ତମେ ମକେ ଦେକିକରି ମିସା ବିସ୍ବାସ୍ କରାସ୍ନାଇ ।

୩୭ ମର୍ ବାବା ପରମେସର୍ ଜନ୍ ଲକ୍ମନଙ୍କେ ମକେ ଦେଲା ଆଟେ, ସେ ଲକ୍ମନ ମର୍ ଲଗେ ଆଇବାଇ । ଆରି ମର୍ ଲଗେ ଆଇବା ଲକ୍ମନଙ୍କେ କେବେ ମିସା ନ ବାଉଡାଇ ।

୩୮ କାଇକେବଇଲେ ମୁଇ ନିଜେ ମନ୍ କଲାଟା ପୁରାପୁରୁନ୍ କର୍ବାକେ ଆସି ନାଇ, ମାତର୍ ମକେ ପାଟାଇରଇବା ପରମେସର୍ ମନ୍କଲାଟା ପୁରାପୁରୁନ୍ କର୍ବାକେ ସର୍ଗେଅନି ଆସିଆଟି ।

୩୯ ଜନ୍ ଲକ୍ମନଙ୍କେ ସେ ମକେ ଦେଲାଆଟେ, ସେମନର୍ ବିଡ୍ରେଅନି ମୁଇ ଗଟେକ୍ ଲକ୍ମକେ ମିସା ନ ଆଜାଇ । ସାରାସାରି ଦିନେ ସେ ସବୁ ଲକ୍ମକେ ଆରିତରେକ୍ ଜିବନ୍ କରି ଉଟାଇବି । ଏଟା ଆକା ସେ ମନ୍ କର୍ବାଟା ।

୪୦ ପରମେସର୍ ପିଲା ମୁଇ କେ କେ ମକେ ଦେକ୍ବାଇ ଆରି ବିସ୍ବାସ୍ କର୍ବାଇ, ସେମନ୍ ନ ସାର୍ବା ଜିବନ୍ ପାଇବାର୍ ଆଟେ ବଲି ପରମେସର୍ ମନ୍ କଲାନି । ଆରି ମୁଇ ସେମନ୍କେ ସାରାସାରି ଦିନେ ମଲାଟାନେଅନି ଜିବନ୍ ଅଇକରି ଉଟାଇ ଦେବାର୍ ଆଟେ ବଲି ମିସା ପରମେସର୍ ମନ୍ କଲାନି” ବଲି କଇଲା ।

୪୧ ଏଟା ସୁନିକରି ଜିଉଦି ନେତାମନ୍ ଜିସୁର୍ ବିରଦେ ସେମନର୍ ବିଡ୍ରେ ଦଦାପେଲା ଅଇଲା । କାଇକେ ବଇଲେ, ଜିସୁ ମୁଇ ସର୍ଗେ ଅନି ଆସିରଇବା କାଦି ବଲି କଇଲାର୍ ପାଇ ସେମନ୍ ଏନ୍ତି ଅଇଲା ।

୪୨ ସେମନ୍ କଇଲା “ଏଟା ଜସେପର୍ ପିଲା ଜିସୁ ନର୍ସ୍ କି ? ଆମେ ତାର୍ ଆୟା ବାବାକେ ଜାନି ଆରୁ । ସେ କେନ୍ତି ‘ମୁଇ ସର୍ଗେଅନି ଆସିଆଟି’ ବଲି କଇଲାନି ?”

୪୩ ଜିସୁ ସେମନ୍କେ କଇଲା, ତମେ ଦଦାପେଲା ଉଆନାଇ, ଚିମ୍ବାଇଅଇ ରୁଆ ।

୪୪ ମକେ ପାଟାଇରଇବା ପରମେସର୍ ମର୍ ଲଗେ ତାକି ନ ଆନଲେ, କେ ମିସା ମର୍ ଲଗେ ଆସିନାପାରଡ୍ । ଆରି ଜେ ଜେ ଆଇବାଇ, ସେମନ୍କେ ମୁଇ ସାରାସାରି ଦିନେ ମଲାଟାନେଅନି ଜିବନ୍ କରି ଉଟାଇବି ।

୪୫ ବବିସଡ୍ ବକ୍ତାମନ୍ ଦରମ୍ ସାସ୍ତରେ ଲେକିଆଟଡ୍, ପରମେସର୍ଟାନେଅନିସେ ସବୁଲକ୍ ସିକ୍ବାଇ । କେ ମିସା ବାବାର୍ କାତା ସୁନି ତାର୍ ସିକିଆ ପାଇସି, ସେ ମର୍ଲଗେ ଆଇସି ।

୪୬ କେ ମିସା ବାବାକେ ଦେକଡ୍ନାଇ । ମୁଇ ପରମେସର୍ ତେଇଅନି ଆସିଆଟେ, ମୁଇସେ ବାବାକେ ଦେକିଆଟି ।

୪୭ ମୁଞ୍ଚ ତମ୍ଭେକେ ସତ୍ କଇଲିନି, ଜନ୍ ଲକ୍ ମକେ ବିସ୍ବାସ୍ କରସି, ସେ ନ ସାର୍ବା ଜିବନ୍ ପାଇସି ।

୪୮ ଉ, ମୁଞ୍ଚସେ ଜିବନ୍ ଦେବା କାଦି ।

୪୯ ତମ୍ଭେ ଆନିଦାଦିମନ୍ ମରୁବାଲିବୁଏଁ ମାନା କାଦି କାଇରଇଲାଇ, ଏଲେମିସା ସେମନ୍ ମଲାଇ ।

୫୦ ମାତର୍ ଜନ୍ କାଦି ସର୍ଗେଅନି ଆଇସି, ସେଟା ଜେ କାଇଲେ ମିସା, ନ ମରତ୍ ।

୫୧ ମୁଞ୍ଚସେ ସର୍ଗେଅନି ଆଇଲା ଜିବନ୍ ଦେବା କାଦି । ଏ କାଦି କାଇଲା ଲକ୍ମନ୍ ସବୁ ଦିନର୍ ପାଇ ବଠି ରଇବାଇ । ଏ କାଦି ଅଇଲାନି ମର୍ ଗାଗତ୍ । ଏ ଦୁନିଆର୍ ଲକ୍ମନ୍ କାଲ୍କାଲ୍ ଜୁଗଜୁଗ୍ ବଠି ରଇବାକେ ମର୍ଗାଗତ୍ ଦେବି ବଲି କଇଲା ।

୫୨ ଜିସୁ କଇଲା କାତା ସୁନି ଜିଉଦି ନେତାମନ୍ ରିସାଅଇ ଆଉଲିଅଇକରି “ଏ ଲକ୍ କେନ୍ତ୍ର ନିଜର୍ ଗାଗତ୍ ଆମ୍ଭେକେ କାଇବାକେ ଦେଇ ପାରେ ?” ବଲି ଦଦାପେଲା ଅଇ କଇଲାଇ ।

୫୩ ଜିସୁ ସେମନ୍କେ କଇଲା, “ମୁଞ୍ଚ ସତ୍କାତା କଇଲିନି, ପର୍ମେସର୍ ପାଟାଇ ରଇବା ନର୍ପିଲା ମୁଞ୍ଚ, ମର୍ ଗାଗତ୍ ଆରି ବନି ନ କାଇଲେ, ଜିବନ୍ ମିଲାଇ ନାପାରାସ୍ ।

୫୪ ମାତର୍ ଜନ୍ ଲକ୍ ମର୍ ଗାଗତ୍ ଆରି ବନି କାଇସି ସେ ନ ସାର୍ବା ଜିବନ୍ ପାଇସି । ମୁଞ୍ଚ ସେ ଲକ୍କେ ସାରାସାରି ଦିନେ ମଲାଟାନେଅନି ଉଟାଇବି ।

୫୫ କାଇକେବଇଲେ, ମର୍ ଗାଗତ୍ ଅଇଲାନି ସତ୍ କାଦି ଆରି ମର୍ ବନି ଅଇଲାନି ସତ୍ ପାନି ।

୫୬ ଜନ୍ ଲକ୍ ମର୍ ଗାଗତ୍ ଆରି ବନି କାଇସି, ସେ ମର୍ଗାନେ ରଇସି ଆରି ମୁଞ୍ଚ ତାର୍ଗାନେ ରଇବି ।

୫୭ ଜିବନ୍ ରଇବା ବାବା ମକେ ପାଟାଇଆଚେ, ଆରି ତାର୍ଲାଗି ମୁଞ୍ଚ ବଠିଆଟି । ସେନ୍ତାରିସେ ଜେ ମକେ କାଇସି, ମର୍ଲାଗି ବଠିରଇସି ।

୫୮ ଏଟାସେ ସର୍ଗେଅନି ଆସିରଇବା କାଦି । ଜନ୍ କାଦି ତମ୍ଭେ ଆନିଦାଦିମନ୍ କାଇକରି ପଚେ ମଲାଇ, ଏଟା ସେନ୍ତାରି କାଦି ନଏଁ । ଏ କାଦି ଜେ କାଇସି ସେ କାଲ୍କାଲ୍ ଜୁଗଜୁଗ୍ ବଠିରଇସି ।”

୫୯ ଜିସୁ କପର୍ନାଉମେ ଜିଉଦିମନ୍ ପାର୍ତନା ଗରେ ସିକିଆ ଦେବାବେଲେ ଏ ସବୁ କାତା କଇରଇଲା ।

ନ ସର୍ବା ଜିବନ୍ ବାକିଅ

୬୦ ଜିସୁର୍ ସିସମନ୍ ବିତ୍ରେ ଅନି କେତେକ୍ ଲକ୍ ଏ କାତା ସୁନିକରି କଇଲା, “ଏ ସିକିଆ ମୁଲ୍କେ ବୁଜି ନଇଲାନି । ସେଟାର୍ପାଇ କେ ଏଟା ନାମ୍ସି ?”

୬୧ ଜିସୁକେ ଏ ବିସଇ ନେଇକରି କେ କାଇବଲି ନ କଇରଇଲେ ମିସା, ସିସମନ୍ କୁଆବଲା ଅଇଲାଇନି ବଲି ଜାନିକରି, ସେ ସେମନ୍କେ କଇଲା, “ତମେ ଏ କାତା ସୁନି ମନ୍ଦୁକ୍ କଲାସ୍ନି କି ?

୬୨ ଏନ୍ତି ବଇଲେ, ନର୍ପିଲା ମୁଞ୍ଚ ଜନ୍ ଜାଗାଇଅନି ଆସିରଇଲି, ସେ ଜାଗାଇ ଆରି ତରେକ୍ ବାଉଡି ଜିବାଟା ଦେକ୍ଲେ ତମେ କାଇଟା ବଲି କଇସା ?

୬୩ ପର୍ମେସରର୍ ଆଡ଼ମାସେ ଜିବନ୍ ଦେଇପାରେ । ମୁନ୍ସର୍ ବପୁ କାଇଟା କରିନାପାରେ । ପର୍ମେସରର୍ ଜିବନ୍ ଦେବା ଆଡ଼ମା ତମେ ଜେନ୍ତାରିକି ଜାନି ପାରସା ? ସେଟାର୍ପାଇ ମୁଞ୍ଚ ଏ କାତା କଇଲିଆଟି ।

୬୪ ମାତର୍ ତମ୍ଭେ ବିତ୍ରେଅନି କେତେକ୍ ଲକ୍ମନ୍ ମକେ ବିସ୍ବାସ୍ କରାସ୍ ନାଇ ।” କାଇକେବଇଲେ ବିସ୍ବାସ୍ ନ କରବା ଲକ୍ମନ୍କେ ଜିସୁ ଆଗେଅନି ଜାନିରଇଲା । ଆରି ପଚେ ଜନ୍ ଲକ୍ ତାକେ ସତ୍ତୁକେ ସର୍ପି ଦେଇସି, ତାକେ ମିସା ଜାନି ରଇଲା ।

୬୫ ଆରି ଜିସୁ କଇଲା, “ସେଟାର୍ ପାଇସେ ମୁଞ୍ଚ ତମ୍ଭେକେ କଇଲିନି, ଜଦି ବାବା ନ ପାଟାଇଲେ, କେ ମିସା ମର୍ ଲଗେ ଆସିନାପାରେ ।”

୬୬ ଜିସୁ ଏ କାତା କଇଲାକେ ତାର୍ ସଙ୍ଗ୍ ଜାଇତେରଇବା ଲକ୍ମନ୍ତେଅନି ବେସିଲକ୍ ତାର୍ ସଙ୍ଗ୍ ଜିବାକେ ମନ୍ ନ କରି ଚାଡି ଉଟିଗାଲାଇ ।

୬୭ ସେବେଲେ ଜିସୁ ତାର୍ ବାର୍ଟା ସିସମନ୍କେ ପାଟାରଲା, “ତମେ ମିସା ମକେ ଚାଡିକରି ଉଟିଜିବାକେ ମନ୍ କଲାସ୍ନି କି ?”

୬୮ ✠ସିମନ୍ ପିତର୍ ତାକେ କଇଲା, “ମାପୁରୁ ତମ୍ଭେକେ ଚାଡି ଆମେ କାର୍ଲଗେ ଜିବୁ ? ତମ୍ଭେଟାନେତା ନ ସାର୍ବା ଜିବନ୍ ବାକିଅ ଆଚେ ।

୬୯ ତମେତା ପର୍ମେସରର୍ ଟାନେଅନି ଆଇଲା ସୁକଲ୍ ଲକ୍ ବଲି, ଏବେ ଆମେ ବିସ୍ବାସ୍ କରି ଜାନୁଲୁ ।”

୭୦ ଜିସୁ ସେମନ୍କେ କଇଲା, “ମୁଞ୍ଚ କାଇ ତମ୍ଭେକେ ବାର ଲକ୍କେ ବାଟି ନାଇ କି ? ଏଲେମିସା ତମ୍ଭେ ବିତ୍ରେଅନି ଗଟେକ୍ ଲକ୍ ସଇତାନର୍ ।”

୭୧ ଇସ୍କାରିୟତର୍ ପିଲା ଜିଉଦାକେ ଦେକାଇକରି ସେ ଏନ୍ତି କଇରଇଲା । କାଇକେ ବଇଲେ ବାର୍ଟା ସିସମନ୍ ବିତ୍ରେ ଅନି ଜିଉଦା ଗଟେକ୍ ଲକ୍ ଅଇମିସା, ଜିସୁକେ ବିସ୍ବାସେ ବିସ୍ ଦେଲାପାରା ସତ୍ତୁମନ୍କେ ସର୍ପି ଦେବାକେ ମନ୍ କର୍ତେ ରଇଲା ।

✠ ୨:୨୮ ମାତିଉ ୧୭:୧୭; ମାର୍କ ୮:୨୯; ଲୁକ୍ ୯:୨୦



ଜିସୁ ଆରି ତାର୍ ବାଇମନ୍

^୧ ତାର୍ ପଟେ ଜିସୁ ଗାଲିଲି ବାଟେ ବୁଲୁବାର୍ ଗାଲା । ସେ ଜିଉଦା ଦେସେ ଜିବାକେ ମନ୍ କରେନାଇ । କାଇକେ ବଇଲେ ଜିଉଦି ନେତାମନ୍ ତାକେ ମରାଇବାକେ ଚେସ୍ଟା କର୍ତେ ରଇଲାଟା, ସେ ଜାନି ରଇଲା ।

^୨ ସେ ବେଲେ ଜିଉଦିମନ୍ ଗଟେକ୍ କୁଡିଆ ପରବ୍ ଲଗେ କେଟି ରଇଲା ।

^୩ ସେଟାର୍ପାଇ ଜିସୁର୍ ବାଇମନ୍ ତାକେ କଇଲାଇ, “ତୁଇ ଏ ଜାଗା ଚାଡିକରି ଜିଉଦା ଦେସେ ପରବ୍ କାଇବାର୍ ଜା, ତେବେ ତୁଇ କର୍ବା କାବାଅଇଜିବା କାମମନ୍ ତର୍ ସିସ୍ମନ୍ ଦେକି ପାରତ୍ ।”

^୪ ଜେ ତାକ୍ପୁଟା ବଲି ଜାନାଇ ଅଇବାକେ ମନକଲାନି, ସେ ନିଜର୍ କାମ୍ ଲୁଚାଇକରି ନ ସଙ୍ଗ ରଏ । ଜେତେବେଲା ତମେ ଏସବୁ କରିପାରଲାସ୍ନି ବଇଲେ, ଦୁନିଆର୍ ସବୁଲକ୍ ତମ୍‌କେ ଜାନ୍‌ବାଇ ।

^୫ କାଇକେ ବଇଲେ ଜିସୁର୍ ନିଜର୍ ବାଇମନ୍ ମିସା ତାକେ ବିସ୍‌ବାସ୍ ନ କର୍ତେ ରଇଲାଇ ।

^୬ ଜିସୁ ତାର୍ ବାଇମନ୍‌କେ କଇଲା, “ଏବେ ଜାକ ମର୍ ସମାନ୍ ବେଲା ଆସେ ନାଇତା । ମାତର୍ ତମର୍ପାଇ ସବୁ ବେଲା ସମାନ୍‌ସେ ।

^୭ ଏ ଦୁନିଆର୍ ଲକ୍‌ମନ୍ ତମ୍‌କେ ଗିନ୍ ନ କରତ୍, ମାତର୍ ମକେ ଗିନ୍ କର୍‌ବାଇ । କାଇକେ ବଇଲେ ସେମନ୍ କର୍ବା କାମମନ୍ କାରାପ୍ ବଲି ମୁଇ ଜାନାଇଲିନି ।

^୮ ତମେ ପରବ୍ କର୍ବାକେ ଜାଆ, ମୁଇ ଜାଇ ନାପାରି । କାଇକେ ବଇଲେ ଏବେ ଜାକ ମର୍ ସମାନ୍ ବେଲା ଆସେ ନାଇତା ।”

^୯ ଜିସୁ ସେମନ୍‌କେ ଏ ସବୁ କାତା କଇକରି ଗାଲିଲିତେଇସେ ରଇଗାଲା ।

କୁଡିଆ ପରବ୍‌ଟାନେ ଜିସୁ

^{୧୦} ତାର୍ ବାଇମନ୍ ପରବ୍ ଟାନେ ଗାଲାପଟେ, ଜିସୁ ମିସା ତେଇ ଗାଲା । ସେ ସବୁଲକ୍ ଦେକ୍‌ଲାପାରା ନ ଜାଇକରି ଲୁଚ୍‌ତେ ଗାଲା ।

^{୧୧} ତେବେ ପରବ୍‌ତେଇ ଜିଉଦି ନେତାମନ୍, “ଜିସୁ କନ୍ତି ଆଟେ ?” ବଲି ପାଚାରି ପାଚାରି କଇଲାଇ ।

^{୧୨} ତେଇ ରଇଲା ବେସି ଲକ୍‌ମନ୍ ନିଜର୍ ନିଜର୍ ବିତ୍‌ରେ ଜିସୁର୍ ବିସଇ କାତା ଅଇତେ ରଇଲାଇ । କେତେ ଲକ୍ ଜିସୁ ବେସି ନିକ ଲକ୍, ବଲି କଇତେ ରଇଲାଇ ମାତର୍ ଆରି ଅଦେକ୍ ଲକ୍‌ମନ୍ ତାକେ ନାଇ, ସେ ଲକ୍‌ମନ୍‌କେ ବୁଲ୍ ସିକିଆ ଦେଲାନି, ବଲି କଇତେ ରଇଲାଇ ।

^{୧୩} ମାତର୍ ଜିଉଦି ନେତାମନ୍‌କେ ଡରିକରି କେ ମିସା ଜିସୁର୍ ବିସଇ ସବୁଲକ୍ ଜାନ୍‌ତେ ସବୁର୍ ମୁଆଁଟେ କଅଡ୍ ନାଇ ।

^{୧୪} ଆରି ପରବ୍ ଅଦାଅଦି ସାରିଗାଲା ପଟେ, ଜିସୁ ମାନ୍‌ର୍ ବିତ୍‌ରେ ଜାଇକରି ଲକ୍‌ମନ୍‌କେ ସିକିଆ ଦେବାର୍ ଦାର୍‌ଲା ।

^{୧୫} ତେଇ ଜିଉଦି ନେତାମନ୍ କାବାଅଇଜାଇ କରି କଇଲାଇ, “ଏ ଲକ୍ ପାଟ୍ ନ ପଡି ମିସା କେନ୍ତି ଏଡକି ବିସଇ ଜାନିଆଟେ ?”

^{୧୬} ଜିସୁ ସେମନ୍‌କେ କଇଲା, “ମୁଇ ସିକାଇଦେବା ଏ ସିକିଆ ମର୍ ନିଜର୍‌ଟାନେ ଅନି ନଏଁ, ମାତର୍ ମକେ ପାଟାଇରଇବା ପର୍‌ମେସରର୍ ତେଇଅନି ଆସିଆଟେ ।

^{୧୭} ଜେ ଜଦି ପର୍‌ମେସର୍ ମନକଲାଟା ପୁରୁନ୍ କର୍ବାକେ ମନ୍ କର୍‌ସି ବଇଲେ ସେ ଜାନିପାର୍‌ସି, ମୁଇ ଦେଇତେରଇବା ସିକିଆ ପର୍‌ମେସରର୍ ଟାନେ ଅନି ଆଇଲାନି କି ସେଟା ମର୍ ନିଜର୍ ବପୁର୍ ସଙ୍ଗ୍ କଲିନି ବଲି ।

^{୧୮} ଜନ୍ ଲକ୍ ନିଜର୍ ଅଦିକାରେଅନି କାତା କଇସି ସେ ନିଜେ ମଇମା ପାଇ ଅଇବାକେ କଇସି । ମାତର୍ ଜନ୍‌ଲକ୍ ମକେ ପାଟାଇଲା ଲକ୍ ସନ୍‌ମାନ୍ ପାଅ ବଲି ମନ୍ କର୍‌ସି ବଇଲେ, ସେ ମିର୍ ନ କଇ ସଡ୍ କାତା କଇସି । ଆରି ତାର୍‌ଟାନେ କାଇ ବୁଲ୍ ବିସଇ ନ ରଏ ।

^{୧୯} ମସା ତମ୍‌କେ ନିୟ୍‌ମ୍ ଦେଲା ଆଟେ, ଏଟା ସଡ୍ । ମାତର୍ ତମର୍ ବିତ୍‌ରେ କେ ମିସା ଏ ନିୟ୍‌ମ୍ ମାନାସ୍ ନାଇ । ତମେ କାଇକେ ମକେ ମରାଇବାକେ ଚେସ୍ଟା କଲାସ୍ନି ?”

^{୨୦} ଲକ୍‌ମନ୍ ତାକେ କଇଲାଇ, “ତକେ ତୁମା ଦାର୍‌ଲା ଆଟେ । କେ ତକେ ମରାଇବାକେ ଚେସ୍ଟା କଲାନି ?”

^{୨୧} ଜିସୁ ସେମନ୍‌କେ କଇଲା, “ମୁଇ ଗଟେକ୍ ଚକିଡ୍ ଅଇଜିବା କାମ୍ କଲି, ସେଟା ଦେକି ତମେ କାବା ଅଇଗାଲାସ୍ ।

^{୨୨} ‘ତମର୍ ପିଲାଜିଲାମନ୍‌କେ ସୁନଡ୍ କରାଆ’ ବଲି ମସା ଆଦେସ୍ ଦେଇରଇଲା । ଅଇଲେମିସା ମସା ଏ ନିୟ୍‌ମ୍ ଆରାମ୍ କରି ନ ରଇଲା । ତମର୍ ଆନିଦାଦିମନ୍‌ ବେଲେଅନି ଏଟା ଚଲିଆଇତେରଇଲା ଆରି ତମର୍ ପିଲାମନ୍‌କେ ବିସ୍‌ରାମ୍‌ବାରେ ସୁନଡ୍ କରାଇଲାସ୍ନି ।

^{୨୩} ✨ଜଦି ବିସ୍‌ରାମ୍‌ବାରେ ଗଟେକ୍ ପିଲାକେ ସୁନଡ୍ କରାଇବାକେ ମସାର୍ ନିୟ୍‌ମ୍ ମାନାସ୍ ନାଇ, ମୁଇ ଜଦି ବିସ୍‌ରାମ୍‌ବାରେ ଗଟେକ୍ ଲକ୍‌କେ ପୁରାପୁରୁନ୍ ନିକ କଲେ, କାଇକେ ରିସା ଅଇଗାଲାସ୍ନି ?

^{୨୪} ବାଇରର୍ ବିସଇ ଦେକିକରି କାଇ ବିଚାର୍ କରାନାଇ । ଜନ୍‌ଟା ଟିକ୍, ସେ ଇସାବେ ବିଚାର୍ କରା ।”

ଜିସୁ କାଇ ମସିଅ କି ?

✧ ୭:୨୩ ଜଅନ୍ ୫:୯

୨୫ ଜିରୁସାଲମାମର କେତେକ ଲକ୍ କଇଲା, “ସେ ଜିଉଦି ନେତାମନ୍ ଜନ୍ ଲକ୍ କେ ମରାଇବାକେ ଚେଷ୍ଟା କଲାକିନି, ଏ କାଇ ସେ ଲକ୍ ନ-ଏଁ କି ?

୨୬ ଦେକା, ସବୁଲକରଗାନେ ଏଡକି ସବୁ କଇପାକାଇଲାନି, ମାତର୍ ତାକେ ର ବଲିକରି କେ ମିସା ପଦେକ୍ କଅଡନାଇ । ସତଇସେ ଏ ପର୍ମେସର୍ ପାଟାଇଲା ମସିଅ ବଲି ନେତାମନ୍ ଜାନିଆଚଡ୍ କି ?

୨୭ ଜେଡେବେଲେ ପର୍ମେସର୍ ପାଟାଇଲା ମସିଅ ଆଇସି, ସେଡକିବେଲେ ସେ କନ୍ତି ଅନି ଆସିଆଚେ ବଲି କେ ମିସା ନାଜାନଡ୍ । ମାତର୍ ଏ ଲକ୍ କନ୍ତିଅନି ଆସିଆଚେ, ସେଟା ଆମେ ସବୁ ଜାନ୍ତୁ ।”

୨୮ ଜିସୁ ମନ୍ଦିରେ ସିକିଆ ଦେବାବେଲେ ବେସି ଆଉଲିଅଇ କଇଲା, “ଉଁ ତମେ ମକେ ନିକ ସଙ୍ ଜାନିଆଚାସ୍ । ସତଇସେ ମୁଇ କେ ଆରି କନ୍ତିଅନି ଆସିଆଚି ଜାନିଆଚାସ୍ କି ? ମାତର୍ ମୁଇ ମର୍ ନିଜର୍ ଅଦିକାରେ ଆସିନାଇ, ମକେ ଜେ ପାଟାଇ ଆଚେ ସେ ସଡ୍ । ତମେ ତାକେ ନାଜାନାସ୍ ।

୨୯ ମାତର୍ ମୁଇ ତାକେ ଜାନି ଆଚି । କାଇକେ ବଇଲେ ମୁଇ ତାର୍ଡେଇଅନି ଆଇଲି ଆଚି ଆରି ସେ ମକେ ପାଟାଇଲା ଆଚେ ।”

୩୦ ଜିସୁ ଏ କାତା କଇବାବେଲେ, ସେମନ୍ ସୁନିକରି ତାକେ ଦାର୍ବାକେ ଚେଷ୍ଟା କଲା । ମାତର୍ କେ ମିସା ଚିଇ ନାପାରଲା । କାଇକେ ବଇଲେ ସେଡକି ବେଲା ଜାକ ତାର୍ ବେଲା କେଟି ନ ରଇଲା ।

୩୧ ମାତର୍ ତେଇ ରଇଲା ଲକ୍ମନର୍ ବିଡ୍ରେଅନି କେତେକ୍ ଲକ୍ ଜିସୁକେ ବିସ୍ବାସ୍ କରି କଇଲା, “ମସିଅ ଆଇଲେ ଆର୍ଟାଗନେଅନି ସେ କାଇ ଅଦିକ୍ କାବା ଅଇଜିବା କାମ୍ କର୍ସି କି ? ନାଇ ନ କରେ ।”

ଜିସୁକେ ବନ୍ଦି କର୍ବାକେ ଚେଷ୍ଟା କଲା

୩୨ ଲକ୍ମନ ଜିସୁର୍ ବିସଇ ତାକର୍ ବିଡ୍ରେ ଏନ୍ତାରି କାତା ଅଇଡେ ରଇଲାଟା ପାରୁସି ଦଲର୍ କେତେକ୍ ଲକ୍ମନ ସୁନ୍ଲା । ତେବେ ମୁକିଅ ପୁଜାରିମନ୍ ଆରି ପାରୁସି ଲକ୍ମନ ଜିସୁକେ ବନ୍ଦି କର୍ବାକେ କେତେଟା ମନ୍ଦିର୍ ଜାଗୁଆଲ୍ମନକେ ପାଟାଇଲା ।

୩୩ ପଚେ ଜିସୁ କଇଲା, “ମୁଇ ଚନେକ୍ସେ ତମର୍ ସଙ୍ ରଇବି । ତାର୍ ପଚେ ମକେ ଜେ ପାଟାଇଲା ଆଚେ, ତାର୍ ଲଗେ ବାଉଡି ଜିବି ।

୩୪ ତମେ ମକେ କଜ୍ସା, ମାତର୍ ବେଟ୍ ନ ଉଆସ୍ । ଆରି ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ଆସି ନାପାରାସ୍ ।”

୩୫ ଜିଉଦି ନେତାମନ୍ ନିଜର୍ ନିଜର୍ ବିଡ୍ରେ କାତା ଅଇଲା “ଏନ୍ତି ବଇଲେ ଏ ଲକ୍ କନ୍ତି ଜାଇସିଜେ ଆମେ ତାକେ କଜି ନାପାରୁ । ସେ କାଇ ଗିରିକ୍ ନଅରେ ଜାଇକରି ଏନେ ତେନେ ଅଇରଇବା ଆମର୍ ଲକ୍ମନକେ ସିକିଆ ଦେଇସି କି ?

୩୬ ସେ କଇଲାନି, ତମେ ମକେ କଜ୍ସା ମାତର୍ ବେଟ୍ ଅଇ ନାପାରସା ବଲି । ଆରି ଏନ୍ତି ମିସା କଇଲାନି, ‘ମୁଇ ଜନ୍ ଜାଗାଇ ଜିବି, ତେଇ ତମେ ଆସିନାପାରାସ୍’ ବଲି । ଏନ୍ତି ବଇଲେ ସେ କଇବା କାତାର୍ ଅରଡ୍ କାଇଟା ?”

ଜିବନ୍ ଦେବା ପାନି

୩୭ ପରବର୍ ସାରାସାରି ଦିନେ, ଜନ୍ଟାକି ମୁକିଅ ଦିନେ, ଜିସୁ ଚିଆଅଇ ଆକ୍ମାରି କଇଲା, “ଜଦି କାକେ ସସ୍ କଲାନି, ସେ ମର୍ ଲଗେ ଆସ ।

୩୮ ଜେ ମକେ ବିସ୍ବାସ୍ କର୍ସି, ସେ ଆସି କାଅ । କାଇକେବଇଲେ ପର୍ମେସର୍ ସାସ୍ତରେ ଏନ୍ତି ଲେକା ଆଚେ, ଜେ ମର୍ଟାଗେ ବିସ୍ବାସ୍ କର୍ସି ତାର୍ ମନ୍ ବିଡ୍ରେଅନି ନ ସାର୍ବା ଜିବନ୍ ଦେବା ପାନି ଉଡ୍ଲି କରି ବାରଇସି ।”

୩୯ ଜିସୁ ଜିବନ୍ ଦେବା ପାନି ବଲି ସୁକଲ୍ ଆଡ୍ମାର୍ ବିସଇ କଇଡେ ରଇଲା । ତାକେ ବିସ୍ବାସ୍ କର୍ବା ଲକ୍ମନକେ ପଚେ ପର୍ମେସର୍ ଏ ସୁକଲ୍ ଆଡ୍ମା ଦେଇସି । ମାତର୍ ଏବେ ଜାକ, କାକେ ଦେଇ ନ ରଇଲା । କାଇକେବଇଲେ ଜିସୁ ସେବେଲା ଜାକ ମଇମାଇ ପୁରାପୁରନ୍ ନ ଅଇରଇଲା ।

ଲକ୍ମନର୍ ବିଡ୍ରେ ବାଟ୍ ବିଚାର୍

୪୦ ଜିସୁର୍ ଏ କାତା ସୁନିକରି କେତେକ୍ ଲକ୍ କଇଲା, “ ସଡକାତା, ଏ ଲକ୍ ଗଟେକ୍ ପର୍ମେସର୍ ଟାଗନେଅନି ଆସିରଇବା ବବିସଡ୍ବକ୍ତା !”

୪୧ ଆରି ଅଦେକ୍ ଲକ୍ କଇଲା, “ସେ ପର୍ମେସର୍ ବାଟି ପାଟାଇଲା ମସିଅ” ବଲି । ଆରି ଅଦେକ୍ ଲକ୍ମନ ପାଟାରଲା, “ପର୍ମେସର୍ ବାଟି ପାଟାଇଲା ରାଜା ମସିଅ କାଇ ଗାଲିଲି ଦେସେଅନି ନ ଆସେ କି ?

୪୨ ସାସ୍ତରେ ଏନ୍ତି ଲେକା ଅଇଲା ଆଚେ, ପର୍ମେସର୍ ବାଟି ପାଟାଇଲା ରାଜା ମସିଅ, ଦାଉଡ୍ ରାଜାର୍ ଜାଗାଇ, ତାର୍ କୁଟୁମେ ବେଡ୍ଲିଇମ୍ ଗଡେ ଜନମ୍ ଅଇ ଆଇସି ।” ବଲି କଇଲା ।

୪୩ ଏନ୍ତି ସେମନର୍ ବିଡ୍ରେ ଜିସୁର୍ ବିସଇନେଇ ବାଗ୍ ବାଗ୍ ଅଇଲା ।

୪୪ ଆରି ଲକ୍ମନର୍ ବିଡ୍ରେଅନି କେତେ ଲକ୍ ଜିସୁକେ ବାନ୍ଦାଇ ଅ ବଲି ମନ୍ କର୍ଡେରଇଲା । ମାତର୍ କେ ମିସା ତାକେ ଦାରି ନାପାରଲା ।

ଜିଉଦି ନେତାମନ୍

୪୫ ଜିସୁକେ ବନ୍ଦି କର୍ବାକେ ଜାଇରଇବା ଜାଗୁଆଲ୍‌ମନ୍, ବାଉଡ଼ିଆଇଲାକେ ମୁକିଅ ପୁଜାରି ଆରି ପାରୁସିମନ୍ ସେମନ୍‌କେ ପାଚାରଲାଇ, “ତମେ କାଇକେ ଜିସୁକେ ବନ୍ଦି କରି ଆନାସ୍ ନାଇ ?”

୪୬ ଜାଗୁଆଲ୍‌ମନ୍ କଇଲାଇ, “ଏ ଲକ୍ କଇଲା ପାରା କାତା ଆଜିକେଜାକ କେ ମିସା କଅଡ଼ ନାଇ ।”

୪୭ ପାରୁସିମନ୍ ସେମନ୍‌କେ କଇଲାଇ, “ଏଡ଼ି ବଇଲେ ତମ୍‌କେ ମିସା ସେ ବକୁଆ କରିଦେଲା କି ?”

୪୮ ଆରି ପାଚାରଲାଇ, “ଗଟେକ୍ ନେତା ନଅଇଲେ ଗଟେକ୍ ପାରୁସି ତାକେ ବିସ୍‌ବାସ୍ କରିଆତଡ଼ ବଲି ତମେ ସୁନିଆରାସ୍ କି ?

୪୯ ମାତର୍ ଏ ଲକ୍‌ମନ୍, ମସାର୍ ନିୟ୍‌ମ୍ ନାଜାନଡ଼ । ତେବର୍ ପାଇ ଏମନ୍ ସବୁ ଅବିସାପ୍ ପାଇରଇବା ଲକ୍ ।”

୫୦ ତେଇ ସେ ଦଲେଅନି ନିକଦିମ ନାଉର୍ ଗଟେକ୍ ନେତା ରଇଲା । ସେ ତରେକ୍ ଜିସୁକେ ଦେକ୍‌ବାର୍ ଜାଇରଇଲା । ସେ କଇଲା,

୫୧ “ଆମର୍ ନିୟ୍‌ମ୍ ଇସାବେ ଗଟେକ୍ ଲକ୍‌କେ ଦସି କର୍ବା ଆଗ୍‌ତୁ ତାର୍ କାତା ସୁନ୍‌ବାକେ ପଡ଼ସି ଆରି କାଇଟା କଲାଆତେ କଜ୍‌ବାକେ ପଡ଼ସି ।”

୫୨ ବିନଲକ୍‌ମନ୍ କଇଲାଇ, “ଏଡ଼ି ବଇଲେ ତୁଇ ମିସା କାଇ ଗଟେକ୍ ଗାଲିଲିର୍ ଲକ୍ କି ? କେ ମିସା ପର୍‌ମେସରର୍ ତେଇଅନି ବବିସଡ଼କାତା କଇବା ଲକ୍ ଗାଲିଲିଅନି ଆସଡ଼ ନାଇ ।”

୫୩ ତାର୍ ପତେ ତେଇ ରଇଲା ଲକ୍‌ମନ୍ ସେ ଜାଗା ଚାଡ଼ିକରି ନିଜର୍ ନିଜର୍ ଗରେ ବାଉଡ଼ି ଗାଲାଇ ।

୮

ଗଟେକ୍ ଦାରିଆନି ମାଇଜି

୧ ଜିସୁ ଜିଡ଼ ନାଉର୍ ଗର୍‌ମନ୍ ରଇଲା ପର୍‌ବତେ ଉଟିଗାଲା ।

୨ ତାର୍ ଆରକର୍ ଦିନର୍ ସାକାଲେ ସେ ମନ୍‌ରେ ବାଉଡ଼ି ଆଇଲା ଆରି ତେଇ ସବୁଲକ୍ ତାର୍‌ଲଗେ ରୁଣ୍ଡିଲାଇଜେ, ସେ ବସିକରି ସେମନ୍‌କେ ସିକାଇବାର୍ ଦାରଲା ।

୩ ସେଡ଼କିବେଲେ କେତେଟା ସାସତର୍ ସିକାଉମନ୍ ଆରି ପାରୁସିମନ୍, ଗଟେକ୍ ବେସିଆନି ମାଇଜିକେ ବେସିଆ କାମ୍ କର୍ବାବେଲେ ଦାରିକରି ଜିସୁର୍ ଲଗେ ଆନ୍‌ଲାଇ । ତାକେ ସବୁ ଲକ୍‌ର୍ ମୁଆଟେ ଟିଆ କରାଇ ଜିସୁକେ ପାଚାରଲାଇ,

୪ “ଏ ଗୁରୁ, ଏ ମାଇଜିକେ ବେସିଆ କାମ୍ କଲାବେଲେ ଦାରିଆତୁ ।

୫ ଏଡ଼ାରି ମାଇଜିକେ ପାକ୍‌ନା ସଙ୍ଗ୍ ମାରି ମରାଆ ବଲି ମସାର୍ ନିୟ୍‌ମେ ଲେକା ଅଇଲା ଆତେ । ଏଡ଼ି ବଇଲେ ତୁଇ କାଇଟା ବଲି କଇଲୁସ୍‌ନି ?”

୬ ସେମନ୍ ଜେନ୍ତୁକି ଜିସୁ କଇବା ଉତ୍‌ରତେଇଅନି ବୁଲ୍ ଦାରି ତାକେ ଦସି କର୍ବାକେ ଏ କାତା କଇଲାଇ । ମାତର୍ ଜିସୁ ଲକ୍ କରି ଆଙ୍ଗଟି ସଙ୍ଗ୍ ବୁର୍‌ ଲେକ୍‌ବାର୍ ଦାରଲା ।

୭ ମାତର୍ ସେମନ୍ ତାକେ ତର୍‌କେ ତର୍ ପାଚାରିଲାଗି ରଇଲାଇ ଜେ ସେ ଟିଆଅଇ କଇଲା, “ ଇତି ମୁଲ୍‌କେ ପାପ୍ ନ କଲା ଲକ୍ କେ ଆରାସ୍ ବଇଲେ ସେ ଆଗ୍‌ତୁ ଆସିକରି ତାକେ ପାକ୍‌ନା ମାର ।”

୮ ତାର୍‌ପତେ ସେ ଆରି ତରେକ୍ ଲକ୍‌କରି ବୁର୍‌ ଲେକ୍‌ବାର୍ ଦାରଲା ।

୯ ଜିସୁର୍ ଏ କାତା ସୁନି ମାଇଜିକେ ଆନିରଇବା ସବୁଲକ୍ ସେ ଜାଗାଇଅନି ଗଟେକ୍ ଗଟେକ୍ ଲକ୍ ବାରଇ ଉଟିଗାଲାଇ । ପର୍‌ତୁମ୍ ତକ୍‌ରାମନ୍ ଗାଲାଇ । ତେଇ ସାରାସାରି ଜାକ ଜିସୁ ଆରି ସେ ମାଇଜିସେ ରଇଲାଇ ।

୧୦ ଜିସୁ ଟିଆଅଇ ତାକେ ପାଚାରଲା, “ସେ ଲକ୍‌ମନ୍ କେନେ ଗାଲାଇ ? ଇତି କେ ମିସା ତକେ ଦସ୍ ଦାରବାକେ ନାଇ କି ?”

୧୧ ସେ କଇଲା, “ନାଇ ମାପୁରୁ କେ ମିସା ମକେ ଦସି ବଲି ବିଚାର୍ କରଡ଼ ନାଇ ।” ଜିସୁ ତାକେ କଇଲା, “ମୁଇ ମିସା ତକେ ଦସି ବଲି ବିଚାର୍ ନ କରି । ମାତର୍ ଜା ଆରି ପାପ୍ କର୍ ନାଇ ।”

ଜିସୁ ଦୁନିଆର୍ ଉଜଲ୍

୧୨ ଜିସୁ ଆରିତରେକ୍ ପାରୁସିମନ୍‌କେ କଇଲା, “ମୁଇସେ ଏ ଦୁନିଆର୍ ଉଜଲ୍ । ଜନ୍ ଲକ୍ ମର୍ ପତେ ପତେ ଆଇସି, ସେ ଜିବନର୍ ଉଜଲ୍ ପାଇସି । ଆରି କେବେ ମିସା ଆନ୍‌ରେ ନ ରଏ ।”

୧୩ ପାରୁସିମନ୍ ତାକେ କଇଲାଇ, “ତୁଇ ନିଜେ ନିଜର୍ ବିସଇ ସାକି ଦେଲୁସ୍‌ନି, ସେଟାର୍‌ପାଇ, ତର୍ ସାକି ଦେଲାଟା ସଡ଼ ନଏ ।”

୧୪ ଜିସୁ ସେମନ୍‌କେ କଇଲା, “ନାଇ, ମୁଇ ମର୍ ନିଜର୍ ପାଇ ସାକି ଦେଲେ ମିସା, ମୁଇ ଜନ୍‌ଟା କଇଲିନି ସେଟା ସଡ଼ସେ । କାଇକେ ବଇଲେ ମୁଇ କନ୍ତ୍ରୁଅନି ଆଇଲି ଆତି ଆରି କନ୍ତ୍ରୁ ଗାଲିନି, ସେଟା ମୁଇସେ ଜାନି । ମାତର୍ ମୁଇ କନ୍ତ୍ରୁଅନି ଆଇଲିଆତି ଆରି କନ୍ତ୍ରୁ ଜିବି, ସେଟା ତମେ ନାଜାନାସ୍ ।

୧୫ ଆରି ତମେ ମକେ ଲକ୍‌ମନ୍‌ର୍ ଇସାବେ ବିଚାର୍ କଲାସ୍‌ନି । ମାତର୍ ମୁଇ କାକେ ବିଚାର୍ ନ କରି ।

☆ ୭:୫୦ ଜଅନ୍ ୩:୧,୨ ☆ ୮:୧୨ ମାତିଉ ୫:୧୪; ଜଅନ୍ ୯:୫ ☆ ୮:୧୩ ଜଅନ୍ ୫:୩୧

୧୬ ଜଦି ମୁଁ ବିଚାର କରୁଛି ବଲ୍ଲେ ମର ବିଚାର ପୁରାପୁରୁନ୍ ଟିକ୍ ଅଇତା । କାଲକେ ବଲ୍ଲେ ମୁଁ ଗଟେକ୍ ଲକ୍ ନାଇ, ମାତର୍ ମକେ ପାଟାଇରଇବା ମର ବାବା ମିସା ମର ସଙ୍ଗ୍ ମିସ୍ତେ ଆତେ ।

୧୭ କାଲଆଲେ ଗଟ୍‌ନାର ବିସଇ ରଇଲେ, ଦୁଇ ଲକ୍‌ର ସାକି ସମାନ୍ ଅଇଲାନି ବଲ୍ଲେ, ସେମନ୍ କଇଲା କାତା ସତ୍‌ସେ । ତମର୍ ଦରମ୍ ସାସତରେ ଏନ୍ତି ଲେକା ଅଇଲା ଆତେ ।

୧୮ ମୁଁ ନିଜେ ନିଜର୍ ବିସଇ ସାକି ଦେଲିନି, ଆରି ମକେ ପାଟାଇଲା ପର୍ମେସର୍ ମିସା ମର ସାକି ଦେଲାନି ।”

୧୯ ଲକ୍‌ମନ୍ ଜିସୁକେ ପାଟାରୁଲାଇ “ତର୍ ବାବା କନ୍ତି ଆତେ ?” ଜିସୁ ସେମନ୍‌କେ କଇଲା, “ତମେ ମକେ ନାଜାନାସ୍ ଆରି ମର ବାବାକେ ମିସା ନାଜାନାସ୍ । ତମେ ଜଦି ମକେ ଜାନିରଇତାସ୍ ବଲ୍ଲେ ମର ବାବାକେ ମିସା ଜାନ୍‌ତାସ୍ ।”

୨୦ ଜିସୁ ମନ୍ଦିରର୍ ଦାନ୍ ସଙ୍ଗାଇବା ପେଡିମନ୍ ରଇବା ଆକ୍ରାଇ ଏ ସବୁ ବିସଇ ସିକିଆ ଦେଇତେରଇଲା । ଆରି କେ ମିସା ତାକେ ବନ୍ଦି କରି ନାପାରୁଲାଇ । କାଲକେବଲ୍ଲେ ତାର୍ ବେଲା କେଟି ନ ରଇଲା ।

ଜିସୁ ତାର୍ ଜିବା ବିସଇ ବବିସତ୍‌କାତା କଇବାଟା

୨୧ ଜିସୁ ଲକ୍‌ମନ୍‌କେ ଆରି ତରେକ୍ କଇଲା, “ମୁଁ ଗାଲିନି ଆରି ତମେ ମକେ କଜ୍‌ସା । ମାତର୍ ନିଜର୍ ନିଜର୍ ପାପ୍ କେମା ନ କରାଇଅଇ ମର୍‌ସା । ଆରି ମୁଁ ଜନ୍ ଜାଗାଇ ଜିବି ତମେ ତେଇ ଆସି ନାପାରାସ୍ ।”

୨୨ ଜିସୁ ଏନ୍ତି କଇଲାକେ ଜିଉଦି ନେତାମନ୍ ନିଜର୍ ନିଜର୍ ବିତ୍‌ରେ କୁଆବଲା ଅଇଲାଇ, “ସେ କାଲକେ ମୁଁ ଜନ୍ ଜାଗାଇ ଗାଲିନି, ତମେ ତେଇ ଜାଇନାପାରାସ୍ ବଲି କଇଲାନି ? ଜିସୁ କାଲ ନିଜେ ଉଡ୍‌କି ଅଇ ମର୍‌ବାକେ ମନ୍ କଲାନି କି ?”

୨୩ ଜିସୁ ସେମନ୍‌କେ କଇଲା, “ତମେ ଏ ଦୁନିଆଇଅନି ଆସିଆଟାସ୍ । ମାତର୍ ମୁଁ ସର୍‌ଗେଅନି ଆସିଆଟି । ତମେ ଏ ଦୁନିଆର୍ ଲକ୍, ମାତର୍ ମୁଁ ଏ ଦୁନିଆର୍ ଲକ୍ ନଇ ।

୨୪ ତମେ ନିଜର୍ ନିଜର୍ ପାପ୍ କେମା ନ କରାଇଅଇତେ ମର୍‌ସା ବଲି ମୁଁ ତମ୍‌କେ କଇରଇଲି । ନିଜେ ମୁଁ ସେ । ଏଟାକେ ବିସବାସ୍ ନ କଲେ, ତମେ ନିଜର୍ ପାପେ ସେ ମର୍‌ସା ।”

୨୫ ଜିଉଦି ନେତାମନ୍ ପାଟାରୁଲାଇ, “ତୁଇ କେ ? ଆମ୍‌କେ କି ?” ଜିସୁ ସେମନ୍‌କେ କଇଲା, “ଆରାମେ ଅନି ମୁଁ କେ ବଲି କଇଆଇଲିନି ।

୨୬ ତମେ ପାପ୍ କରିରଇବାଟା ଆରି ଦସ୍ କରିରଇବା ବିସଇ ମର ଟାନେ ବେସି ଆତେ । କାଲକେବଲ୍ଲେ, ଜେ ମକେ ପାଟାଇ ଆତେ, ତାର୍‌ତେଇ ଅନି ମୁଁ ଜାଇଟା ସୁନି ଆଟି, ସେଟା ସେ ଜାନାଇଲିନି ।”

୨୭ ମାତର୍ ଜିସୁ ତାର୍ ବାବାର ବିସଇ ଏନ୍ତାରି କଇଲାନି ବଲି ସେମନ୍ ମୁଲ୍‌କେ ବୁଜି ନାପାରୁଲାଇ ।

୨୮ ସେଟାର୍‌ପାଇ ସେ ସେମନ୍‌କେ କଇଲା, “ତମେ ନର୍‌ପିଲା ମକେ କୁର୍‌ସେ କୁଟି ମାରି ଉଟାଇଲାବେଲେ ଜାନ୍‌ସା, ସେ ନିଜେ ମୁଁ ସେ । ମୁଁ ନିଜର୍ ଅଦିକାରେ କାଲଟା କରି ନାପାରି, ମର ବାବାର୍ ଟାନେଅନି ଜାଇଟା ସିକ୍‌ଲି ଆଟି, ସେଟାସେ କଇଲିନି, ସେଟା ତମେ ବୁଜ୍‌ସା ।

୨୯ ଜେ ମକେ ପାଟାଇଆତେ, ସେ ମର ସଙ୍ଗ୍ ଆତେ । ସେ ମକେ ଏକ୍‌ଲା ଚାଡି ଦେଏନାଇ, କାଲକେବଲ୍ଲେ ସେ ଜାଇଟା ମନ୍‌କଲାନି, ମୁଁ ସେଟାସେ କଲିନି ।”

୩୦ ଜିସୁର୍ ଏ ସବୁ କାତା ସୁନି, ବେସି ଲକ୍‌ମନ୍ ତାକେ ବିସବାସ୍ କଲାଇ ।

ସତ୍ ବିସଇ ତମ୍‌କେ ମୁକ୍‌ଲାଇସି

୩୧ ଜିସୁ ତାର୍‌ଟାନେ ବିସବାସ୍ କରିରଇବା ଜିଉଦି ଲକ୍‌ମନ୍‌କେ କଇଲା, “ଜଦି ତମେ ମର ସିକିଆ ମାନିକରି ତବିର୍ ଅଇ ରଇସା, ବଲ୍ଲେ ସତ୍‌ଇସେ ମର ସିସ୍ ଅଇସା ।

୩୨ ଆରି ତମେ ସତ୍ ବିସଇ ଜାନ୍‌ସା, ସେ ସତ୍ ତମ୍‌କେ ମୁକ୍‌ଲାଇସି ।”

୩୩ ☆ଜିଉଦି ଲକ୍‌ମନ୍ ତାକେ କଲାଇ, “ଆମେ ଅବ୍ରାଆମର୍ ନାତିତିମନ୍, ଆରି ଆମେ କେବେ ମିସା କାର୍ ଗତିଅଇ ରଉନାଇ, ଏନ୍ତି ବଲ୍ଲେ ତମେ କେନ୍ତି ମୁକ୍‌ଲୁସା ବଲି କଇଲୁସିନି ? ଏ କାତାର୍ ଅରଡ୍ କାଲଟା ?”

୩୪ ଜିସୁ କଇଲା, “ମୁଁ ତମ୍‌କେ ସତ୍ କାତା କଇଲିନି, ଜେ ପାପ୍ କର୍‌ସି, ସେ ପାପର୍ ଗତିଦାଙ୍ଗ୍‌ତା ।

୩୫ ଗତିଦାଙ୍ଗ୍‌ତା ଗଟେକ୍ ଗରେ ସବୁ ଦିନର୍‌ପାଇ ନ ରଏ । ମାତର୍ ସେ ଗରର୍ ପିଲାସେ ସବୁଦିନର୍‌ପାଇ ରଇସି ।

୩୬ ସେଟାର୍‌ପାଇ ମୁଁ ଜଦି ତମ୍‌କେ ମୁକ୍‌ଲାଇବି ବଲ୍ଲେ, ସତ୍‌ଇସେ ତମେ ମୁକ୍‌ଲୁସା ।

୩୭ ତମେ ଅବ୍ରାଆମ୍ କୁଟୁମର୍ ଲକ୍‌ମନ୍ ବଲି ମୁଁ ଜାନିଆଟି, ଅଇଲେ ମିସା ତମର୍ ବିତ୍‌ରେଅନି କେତେ ଲକ୍‌ମନ୍ ମକେ ମରାଇବାକେ ଚେସ୍‌ଟା କଲାସିନି । କାଲକେ ବଲ୍ଲେ ମର ସିକିଆ ତମେ ମାନାସ୍ ନାଇ ।

୩୮ ମୁଁ ମର ବାବା ସଙ୍ଗ୍ ରଇଲାବେଲେ ମକେ ସେ ଜାଇଟା ଦେକାଇଆତେ, ସେଟା ତମ୍‌କେ କଇଲିନି । ମାତର୍ ତମର୍ ବାବା ତମ୍‌କେ ଜାଇଟା ସିକାଇଆତେ, ସେଟା କଲାସିନି ।”

୩୯ ଜିଉଦି ଲକ୍‌ମନ୍ ତାକେ କଇଲାଇ, “ଆମର୍ ବାବା ଅବ୍ରାଆମ୍ ।” ଜିସୁ କଇଲା, “ତମେ ଜଦି ସତ୍‌ଇସେ ଅବ୍ରାଆମର୍ ନାତିତିତି ଅଇରଇତାସ୍ ବଲ୍ଲେ, ଅବ୍ରାଆମ୍ କରିରଇଲା କାମ୍‌ମନ୍ କର୍‌ତାସ୍ ।

☆ ୮:୩୩ ମାତିଉ ୩:୯; ଲୁକ୍ ୩:୮

୪୦ ପରମେସର ତେଇଅନି ସୁନ୍‌ଲା ସତ୍ କାତା ଚାଡ଼ି ମୁଇ ଆରି ତମ୍‌କେ କାଇଟା କଇନାଇ । ଅଇଲେ ମିସା ତମେ ମକେ ମରାଇବାକେ ଚେସଟା କଲାସ୍‌ନି । ମାତର୍ ଅବ୍ରାଆମ୍ ଏନ୍ତାରି କାଇ କାମ୍ କରି ନ ରଇଲା ।

୪୧ ତମର୍ ବାବାମନ୍ ଜନ୍ କାମ୍‌ମନ୍ କରି ରଇଲାଇ, ତମେ ସେଟା କଲାସ୍‌ନି ।” ମାତର୍ ଜିଉଦିମନ୍ କଇଲାଇ, “ଆମର୍ ବାବା ପରମେସରସେ । ଆମେସେ ତାର୍ ପିଲାଟକିମନ୍ ।”

୪୨ ଜିସୁ ସେମନ୍‌କେ କଇଲା, “ଜଦି ପରମେସର ତମର୍ ବାବା ଅଇରଇଲେ, ତମେ ମକେ ଆଲାଦ୍ କର୍ତାସ୍ । କାଇକେ ବଇଲେ ମୁଇ ପରମେସର ତେଇଅନି ଆସି ଏବେ ଇତି ଆତି । ମାତର୍ ନିଜର୍ ଅଦିକାରେ ଆସିନାଇ । ସେ ମକେ ଏ ଦୁନିଆଇ ପାଟାଇଲା ଆତେ ।

୪୩ ତମେ କାଇକେ ମର୍ କାତା ବୁଜି ନାପାରଲାସ୍‌ନି ? କାଇକେ ବଇଲେ ତମେ ମର୍ ସିକିଆ ସୁନି ତବିର୍‌ଅଇ ରଇ ନାପାରଲାସ୍‌ନି ।

୪୪ ସଇତାନ୍ ଅଇଲାନି ତମର୍ ବାବା । ଆରି ତମେ ସେ କର୍ବା କାରାପ୍ କାମ୍‌ମନ୍ କର୍ବାକେ ମନ୍ କଲାସ୍‌ନି । ସେ ଆଗତୁଅନି ଲକ୍‌ମନ୍‌କେ ନସ୍‌ଟ କଲାନି, ଆରି ସେ ସତ୍ ବିସଇ ଗିନ୍ କଲାନି । ତାର୍‌ତେଇ ସତ୍ ବିସଇ ନାଇ । ଜେତେବେଲା ସେ ମିର୍ କଇଲାନି, ସେବେଲା ସେ ନିଜର୍ ଗୁନ୍ ଚଲନ୍‌ଅନି ସେନ୍ତ୍ର କଇଲାନି । କାଇକେ ବଇଲେ ସେ ମିର୍ କଇବା ଲକ୍, ଆରି ମିର୍ କଇବା ଲକ୍‌ମନ୍‌ର୍ ବାବା ।

୪୫ ଏବେ ମୁଇ ସବୁବେଲା ସତ୍‌କାତା କଇଲିନି ମିସା ତମେ ମକେ ବିସ୍‌ବାସ୍ କରାସ୍‌ନାଇ ।

୪୬ ତମର୍ ବିତ୍‌ରେ ଅନି କେମିସା ଗଟେକ୍ ଲକ୍ ମୁଇ ପାପ୍ କଲିଆତି ବଲି ମକେ ଦସି କରାଇପାରେ କି ? ଆରି ମୁଇ ଜଦି ସତ୍‌କାତା କଇଲିନି ବଇଲେ, ତମେ କାଇଜେ ବିସ୍‌ବାସ୍ କରାସ୍ ନାଇ ?

୪୭ ଜେଡକି ଲକ୍ ପରମେସରର୍ ଅଇଲାଇ ଆତଡ୍, ସେମନ୍ ପରମେସରର୍ କାତା ସୁନ୍‌ବାଇ । ଆରି ତମେ ପରମେସରର୍‌ତେଇଅନି ଆଇଲା ଲକ୍ ନୁଆସ୍ । ସେଟାର୍‌ପାଇ ତମେ ମର୍ ବାକିଅ ସୁନାସ୍ ନାଇ ।”

ଜିସୁ ଆରି ଅବ୍ରାଆମ୍

୪୮ ଜିଉଦିମନ୍ ଜିସୁକେ ପାଚାରଲାଇ, “ତୁଇ ଗଟେକ୍ ସମିରଣିୟ୍ ଲକ୍, ତକେ ଗଟେକ୍ ତୁମା ଦାରଲା ଆତେ ବଲି ଆମେ କଇଲା କାତା ସତ୍ ନଏଁ କି ?”

୪୯ ଜିସୁ ସେମନ୍‌କେ କଇଲା, “ନାଇ ! ମକେ ତୁମା ଦାରେ ନାଇ । ମୁଇ ମର୍ ବାବାକେ ସନ୍‌ମାନ୍ ଦେଲିନି । ମାତର୍ ତମେ ମକେ ନିନ୍ଦାକାତା କଇ ଲାଜ୍ କରାଇଲାସ୍‌ନି ।

୫୦ ମୁଇ ନିଜେ ଡାକ୍‌ପୁଟା ପାଇବାକେ ଚେସଟା କରିନାଇ । ମାତର୍ ଆରି ଗଟେକ୍ ଲକ୍ ମକେ ଡାକ୍‌ପୁଟା କରାଇବାକେ ମନ୍ କଲାନି । ସେ ଟିକ୍ ବାବେ ବିଚାର୍ କର୍ବା ମାପୁର ।

୫୧ ମୁଇ ତମ୍‌କେ ସତ୍‌କାତା କଇଲିନି, ଜେ ମୁଇ ସିକାଇବା କାତା ମାନ୍‌ସି, ସେ କେବେ ମିସା ନ ମରେ ।”

୫୨ ସେମନ୍ ଜିସୁକେ କଇଲା, “ଏବେ ଆମେ ଜାନ୍‌ଲୁ ତକେ ଗଟେକ୍ ତୁମା ଦାରଲା ଆତେ । ଅବ୍ରାଆମ୍ ଆରି ବବିସତ୍‌ବକ୍‌ତାମନ୍ ମରିଗାଲାଇ ଆତଡ୍, ମାତର୍ ତୁଇ କଇଲୁସ୍‌ନି ଜଦି କେ ମିସା ମର୍ କାତା ମାନ୍‌ସା ବଇଲେ ସେ କେବେ ମିସା ନ ମରେ ବଲି ।”

୫୩ ସେମନ୍ ପାଚାରଲାଇ “ତୁଇକାଇ ଆମର୍ ବାବା ଅବ୍ରାଆମ୍‌ଟାନେଅନି ବଡ୍ ଲକ୍‌କି ? ସେମନ୍ ମିସା ମରିଗାଲାଇ ଆତଡ୍ ଆରି ବବିସତ୍‌ବକ୍‌ତାମନ୍ ମିସା ମରିଜାଇଆତଡ୍ । ତୁଇ ନିଜ୍‌କେ କେ ବଲି ବାବ୍‌ଲୁସ୍‌ନି ?”

୫୪ ଜିସୁ ସେମନ୍‌କେ କଇଲା, “ମୁଇ ଜଦି ନିଜ୍‌କେ ଡାକ୍‌ପୁଟା କର୍ବି ବଲି ଚେସଟା କର୍ତି ବଇଲେ, ସେ ଡାକ୍‌ପୁଟାର୍ କାଇ ମୁଲିଅ ନାଇ । ମର୍ ବାବା ଜାକେ କି ତମେ ତମର୍ ପରମେସର ବଲି କଇଲାସ୍‌ନି, ସେ ସେ ମକେ ଡାକ୍‌ପୁଟା କରାଇଲାନି ।

୫୫ ତମେ ତାକେ ନାଜାନାସ୍, ମାତର୍ ମୁଇ ଜାନି । ଜଦି ମୁଇ ତାକେ ନାଜାନି ବଲି କଇବି, ସେନ୍ତାର୍‌ଆଲେ ମୁଇ ମିସା ତମର୍‌ପାରା ମିର୍ କଇବା ଲକ୍ ଅଇବି । ମାତର୍ ମୁଇ ତାକେ ଜାନିଆତି ଆରି, ତାର୍ କାତା ମାନ୍‌ଲିନି ।

୫୬ ମୁଇ ଆଇବା ଦିନ୍ ଦେକ୍‌ବି ବଲି ତମର୍ ବାବା ଅବ୍ରାଆମ୍, ବେସି ଆସା କରି ସାର୍‌ଦା ଅଇତେ ରଇଲା । ଆରି ସେ ଦିନ୍‌କେ ଦେକି କରି ସାର୍‌ଦା ଅଇଲା” ବଲି କଇଲା ।

୫୭ ତାର୍ ପଚେ ଜିଉଦିମନ୍ ଜିସୁକେ କଇଲା, “ତକେ ପଚାସ୍ ବରସ୍ ମିସା ଅଏ ନାଇତା, ତୁଇ କାଇ ଅବ୍ରାଆମ୍‌କେ ଦେକି ଆତୁସ୍ କି ?”

୫୮ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସତ୍‌କାତା କଇଲିନି, ଅବ୍ରାଆମ୍ ଜନମ୍ ଅଇବା ଆଗତୁଅନି ମୁଇ ଆତି ।”

୫୯ ଜିସୁ ଏ କାତା କଇବାବେଲେ ସେମନ୍ ତାକେ ମାର୍‌ବାକେ ପାକ୍‌ନା ବେଟ୍‌ଲାଇ, ମାତର୍ ଜିସୁ ମନ୍‌ରେ ଅନି ବାରଇ ଲକ୍‌ମନ୍‌ର୍ ବିତ୍‌ରେ ପୁରି ଉଟିଗାଲା ।



ଜିସୁ ଗଟେକ୍ ଜନ୍‌ମେଅନି କାଣା ରଇଲା ଲକ୍‌କେ ନିମାନ୍ କଲା

୧ ଦିନେକ୍ ଜିସୁ ଜିବାବେଲେ ଗଟେକ୍ ଜନ୍ମେଅନି କାଣା ରଇଲା ଲକ୍‌କେ ଦେକ୍‌ଲା ।

୨ ଆରି ତାର୍ ସିସ୍‌ମନ୍ ତାକେ ପାଚାରୁଲାଇ, “ଏ ଗୁରୁ କେ ପାପ୍ କଲାଇଜେ ଏ ଲକ୍ କାଣାଅଇ ଜନମ୍ ଅଇଲା ? ସେ ନିଜେ କି ତାର୍ ବାବା ମାଆର୍ ପାପର୍ ଲାଗି ?”

୩ ଜିସୁ କଇଲା, “ତାର୍ କି ତାର୍ ବାବା ମାଆର୍ କାଇ ପାପ୍‌ଦସ୍ ନାଇ । ପର୍‌ମେସରର୍ ବପୁ ତାର୍‌ଟାନେ ଜାନାପଡ଼ସି ବଲି, ସେ କାଣା ଅଇ ଜନମ୍ ଅଇଲା ଆଚେ ।

୪ ବେଲ୍ ରଇତେସେ ମକେ ପାଟାଇରଇବା ପର୍‌ମେସରର୍ କାମ୍ ଆମେ କର୍‌ବାର୍ ଆଚେ । ଏନ୍ତି ଆନ୍ଦାର୍ ଆଇଲାନି ସେ ବେଲାଇ କେ ମିସା କାଇ କାମ୍ କରି ନାପାରତ୍ ।

୫ *ମୁଇ ଜେତେ ଦିନ୍ ଜାକ ଏ ଦୁନିଆଇ ରଇବି ସେଡ଼କି ଦିନ୍ ଜାକ ଏ ଦୁନିଆର୍ ଉଜଲ୍ ।”

୬ ଜିସୁ ଏ କାତା କଇଲା ପଚେ, ମାଟିତେଇ ତୁକି ସେ ତୁକ୍ ସଙ୍ଗ୍ କାଦ ଚକଟ୍‌ଲା । ଆରି ସେ କାଦ ନେଇକରି କାଣାର୍ ଦୁଇଟା ଆଁକିତେଇ ଲିପିଦେଲା ।

୭ ଆରି ତାକେ କଇଲା, “ତୁଇ ଜା ଆରି ସିଲଅ ନାଉଁର୍ ବନ୍ଦେ ଜାଇକରି ମୁ ଦଇ ଆଉ ।” ସିଲଅର୍ ଅରତ୍ ଅଇଲାନି ପାଚାଇଲାଟା । ତାର୍ ପଚେ ସେ ଲକ୍ ବନ୍ଦେ ଜାଇକରି ମୁ ଦଇଲାଜେ, ଦେକିପାରୁଲା ଆରି ଆଇଲା ।

୮ କେତେକ୍ ଲକ୍‌ମନ୍ ଏ ଲକ୍‌କେ ଆଗ୍‌ତୁ ବିକ୍ ମାଙ୍ଗ୍‌ବାଟା ଦେକି ରଇଲାଇ । ସେଟାର୍ ପାଇ ଏ ଲକ୍‌ମନ୍ ଆରି କାଣାର୍ ଗର୍ ଲଗର୍ ଲକ୍‌ମନ୍ ତାକେ ଦେକି କଇଲାଇ, “ଜନ୍ ଲକ୍‌କି ସବୁବେଲା ବସିକରି ବିକ୍ ମାଙ୍ଗ୍‌ତେ ରଇଲା ସେ କାଇ ଏ ଲକ୍ ନଏଁ କି ?”

୯ କେତେ ଲକ୍‌ମନ୍ କଇଲାଇ, “ଉଁ ଏତାଉ ସେ ଲକ୍‌ସେ ।” ମାତର୍ ଆରି ଅଦେକ୍ ଲକ୍ କଇଲାଇ, “ନାଇ ଏ ସେ ଲକ୍ ନଏଁ ମାତର୍ ତାର୍ ପାରା ଡିସ୍‌ଲାନି ।” ମାତର୍ କାଣା କଇଲା, “ମୁଇସେ ଆଗ୍‌ତୁ କାଣା ଅଇରଇଲି ।”

୧୦ ଲକ୍‌ମନ୍ ତାକେ ପାଚାରୁଲାଇ, “ଏନ୍ତି ବଇଲେ ତୁଇ କେନ୍ତି ଦେକିପାରୁଲୁସି ?”

୧୧ କାଣା ସେମନ୍‌କେ କଇଲା, “ଲକ୍‌ମନ୍ ଜନ୍ ଲକ୍‌କେ ଜିସୁ ବଲି କଇଲାଇନି, ସେ କାଦ କରି ମର୍ ଆଁକିତେଇ ଲିପିଦେଲା । ତାର୍‌ପଚେ ସେ ମକେ ‘ସିଲଅ ନାଉଁର୍ ବନ୍ଦେ ଜାଇକରି ଦ’ ବଲି କଇଲା । ପଚେ ମୁଇ ଜାଇକରି ବନ୍ଦେ ମୁ ଦଇଲା ଦାପ୍‌ରେ ଦେକି ପାରୁଲି ।”

୧୨ ଆରି ଲକ୍‌ମନ୍ ତାକେ କଇଲାଇ, “ସେ କେନ୍ତି ଆଚେ ?” ସେ “ମୁଇ ନାଜାନି” ବଲି କଇଲା ।

ପାରୁସିମନ୍ ନିକ ଅଇ ରଇବା ବିସଇ ଜାନ୍‌ବାକେ ଚେସ୍‌ଟା କଲାଇ

୧୩ ତାର୍ ପଚେ ଲକ୍‌ମନ୍ ଆଗେଅନି କାଣା ଅଇରଇଲା ଲକ୍‌କେ ପାରୁସିମନ୍‌ର ଲଗେ ଡାକିନେଲାଇ ।

୧୪ ଜିସୁ ଜନ୍ ଦିନେ କାଦ ଲିପିକରି ତାର୍ ଆଁକି ନିକ କରିରଇଲା, ସେ ଦିନ୍ ବିସ୍‌ରାମ୍‌ବାର୍ ରଇଲା ।

୧୫ ପାରୁସି ଲକ୍‌ମନ୍ ତାକେ ଆରିତରେକ୍ ପାଚାରୁଲାଇ, “ତୁଇ କେନ୍ତାର୍ ଦେକିପାରୁଲୁସି ?” ତେଇ ସେ ସେମନ୍‌କେ କଇଲା, “ଜିସୁ ମର୍ ଆଁକିଟାନେ କାଦ ଲାଗାଇଦେଲା । ପଚେ ମୁଇ ମୁ ଦଇ ଆଇଲି ଆରି ଏବେ ଦେକି ପାରୁଲିନି ।”

୧୬ କେତେଟା ପାରୁସିମନ୍ କଇଲାଇ, “ଏ ଲକ୍ ପର୍‌ମେସରର୍ ତେଇଅନି ଆସେ ନାଇ । ସେଟାର୍ ପାଇଁ ସେ ବିସ୍‌ରାମ୍ ଦିନର୍ ନିୟମ୍ ମାନେନାଇ ।”

ଆରି ଅଦେକ୍ ଲକ୍‌ମନ୍ କଇଲାଇ, “ଗଟେକ୍ ପାପି ଲକ୍ କେବେ ମିସା ଏନ୍ତି କାବାଅଇଜିବା କାମ୍ କରିନାପାରେ ।” ଏନ୍ତି ଜିଉଦି ଲକ୍‌ମନ୍ ଦୁଇ ବାଗ୍ ଅଇଗାଲାଇ ।

୧୭ ସେଟାର୍ ପାଇ ସେମନ୍ ସେ ଲକ୍‌କେ ଆରି ତରେକ୍ ପାଚାରୁଲାଇ, “ତକେ ଜିସୁ ନିମାନ୍ କଲାଜେ ଦେକି ପାରୁଲୁସିନି । ଏନ୍ତି ବଇଲେ ତୁଇ ତାକେ କେ ବଲି ବାବ୍‌ଲୁସି ?”

ସେ ଲକ୍ ସେମନ୍‌କେ କଇଲା, “ସେ ଗଟେକ୍ ବବିସ୍‌ଡ଼ବକ୍‌ତା ।”

୧୮ ଜିଉଦି ନେତାମନ୍ ସେ ନିମାନ୍ ଅଇଲା ଲକ୍ ଆଗ୍‌ତୁ କାଣା ରଇଲା ଜେ ଏବେ ସେ ଦେକିପାରୁବା ବିସଇ ମୁଲ୍‌କେ ବିସ୍‌ବାସ୍ କରନ୍‌ନାଇ । ପାରୁସିମନ୍ ସେ ଲକ୍‌ର୍ ମାଆ ବାବାକେ ନ ଡାକ୍‌ବା ଜାକ ମୁଲ୍‌କେ ବିସ୍‌ବାସ୍ କରନ୍‌ନାଇ ।

୧୯ ସେମନ୍ ତାର୍ ମାଆ ବାବାକେ ପାଚାରୁଲାଇ, “ଏଟା ତମର୍ ପିଲା କି ? ସେ ଜନ୍‌ମେ ଅନି କାଣାଟା ବଲି ତମେ କଇଲାସିନି, ଏନ୍ତି ବଇଲେ ସେ କେନ୍ତି ଦେକିପାରୁଲାନି ?”

୨୦ ତାର୍ ମାଆ ବାବା କଇଲାଇ, “ଉଁ ଏଟା ଆମର୍ ପିଲା । ସେ ଜନ୍‌ମେଅନି କାଣା ରଇଲା ବଲି ଆମେ ଜାନି ଆଚୁ ।

୨୧ ମାତର୍ ଏବେ ସେ କେନ୍ତି ଦେକିପାରୁଲାନି ଆରି କେ ତାକେ ନିମାନ୍ କଲା ସେଟା ଆମେ ନାଜାନୁ । ସେ ଏବେ ବଡ଼ ଅଇଲା ଆଚେ ତାକେ ପାଚାରା ସେ ନିଜେ କଇସି ।”

୨୨ ତାର୍ ମାଆ ବାବା ଜିଉଦି ନେତାମନ୍‌କେ ଡରି ଏନ୍ତି ବଲି କଇଦେଲାଇ । କାଇକେ ବଇଲେ ଜିସୁକେ ଜଦି ମସିଅ ବଲି କଇସି ବଇଲେ ତାକେ ପର୍‌ମେସର୍‌କେ ଉପାସନା କର୍‌ବା ଗର୍ ବିଡ଼ରେ ଜିବାକେ ନ ଦେଅଡ଼ ବଲି ଆଗ୍‌ତୁସେ କଇରଇଲାଇ ।

୨୩ ସେଟାର୍‌ପାଇ ସେ ମାଆ ବାବା କଇଲାଇ, “ସେ ତ ବଡ଼ ଅଇଲା ଆଚେ, ତାକେ ପାଚାରା ।”

☆ ୯:୫ ମାତିଉ ୫:୧୪; ଜଅନ୍ ୮:୧୨

୨୪ ସେମନ୍ ସେ ଲକ୍ଷ୍ମୀଙ୍କେ ଆରି ତରେକ୍ ବିତ୍ତରେ ତାକି କରି ପାଚାରଲାଇ, “ପର୍ଯ୍ୟେସର୍‌କେ ରାନ୍ ପାକାଇ କ । ଜିସୁ ଗଟେକ୍ ପାପି ଲକ୍ଷ୍ମୀ ବଲି ଆମେ ଜାନୁ ।”

୨୫ ତାର ପତେ ସେମନ୍‌କେ ସେ କଇଲା, “ସେ ପାପି ଲକ୍ଷ୍ମୀ ନିଏଁ ସେଟା ମୁଇ ଜାନି ନାଇ । ମାତର୍ ମୁଇ ଗଟେକ୍ ବିସଇ ଜାନି ଆଟି ସେଟା ଅଇଲାନି, ମୁଇ ଆଗତୁ କାଣା ରଇଲି, ଏବେ ଦେକି ପାରଲିନି ।”

୨୬ ଜିଉଦି ନେତାମନ୍ ତାକେ ପାଚାରଲାଇ, “ସେ ତକେ କାଇଟା କଲା ? କେନ୍ତ୍ର ତର୍ ଆଁକି ପିଟାଇଦେଲା ?”

୨୭ ସେ ସେମନ୍‌କେ କଇଲା, “ମୁଇ ଆଗତୁସେ କଇ ସାରାଇଆଟି, ମାତର୍ ତମେ ମାନ୍‌ବାକେ ମନ୍ କରାସ୍ ନାଇ । ଏବେ ଆରି ତରେକ୍ କାଇକେ ପାଚାରଲାସ୍‌ନି ? ତମେ ମିସା କାଇ ତାର୍ ସିସ୍ ଅଇବାକେ ମନ୍‌କଲାସ୍‌ନି କି ?”

୨୮ ସେମନ୍ ସାଇପ୍ ଦେଇ କଇଲା, “ତୁଇ କାଇ ତାର୍ ସିସ୍ ଅଇସ୍, ଆମେ ନଉଁ, ଆମେ ମସାର୍ ସିସ୍‌ମନ୍ ।

୨୯ ପର୍ଯ୍ୟେସର୍ ମସାର୍‌ତେଇ କାତା ଅଇରଇଲାଟା ଆମେ ଜାନିଆତୁ, ମାତର୍ ଏ ଲକ୍ଷ୍ମୀ କନ୍ତ୍ରଅନି ଆଇଲାଆତେ, ସେଟା ନାଜାନୁ ।”

୩୦ ତାର ପତେ ସେ ଲକ୍ଷ୍ମୀ ଜିଉଦି ନେତାମନ୍‌କେ କଇଲା, “ଏଟା ଗଟେକ୍ ବେସି ବଡ଼ କାବାଅଇଜିବା ବିସଇ । ସେ ଲକ୍ଷ୍ମୀ ମର୍ ଆଁକି ନିମାନ୍ କଲାଆତେ, ମାତର୍ ସେ କନ୍ତ୍ରଅନି ଆଇଲା ଆତେ, ସେଟା ତମେ ନାଜାନୁ ବଲି କଇଲାସ୍‌ନି ।”

୩୧ ପାପି ଲକ୍ଷ୍ମୀମନ୍ ପାର୍ତନା ପର୍ଯ୍ୟେସର୍ ନ ସୁନେ ବଲି ସବୁ ଲକ୍ଷ୍ମୀମନ୍ ଜାନିଆତୁ । ମାତର୍ ଜନ୍ ଲକ୍ଷ୍ମୀ ପର୍ଯ୍ୟେସର୍‌କେ ଜୁଆର୍ କରି ସେ ମନ୍‌କଲା ଇସାବେ ଚଲାଚଲୁଡି କଲାନି, ସେ ତାର୍ କାତା ସୁନ୍‌ସି ।

୩୨ ଦୁନିଆ ଆରାମେଅନି, ଜନ୍‌ମେ ଅନି କାଣା ରଇଲା ଗଟେକ୍ ଲକ୍ଷ୍ମୀଙ୍କେ ଆଁକି ଡିସାଇବାଟା ଏବେ ଜାକ ମିସା ନ ସୁନିରଇଲାଇ ।

୩୩ ଏ ଲକ୍ଷ୍ମୀ ଜିଉଦି ପର୍ଯ୍ୟେସର୍‌ର ଟାନେଅନି ଆସି ନ ରଇଲେ, କେବେ ମିସା ଏ କାମ୍ କରିନାପାରତା ।

୩୪ ସେବେଲା ଜିଉଦି ନେତାମନ୍ କଇଲା, “ତୁଇ ପାପେ ଜନମ୍ ଅଇକରି ପୁରାପୁରୁନ୍ ପାପେ ବୁଡି ଆରୁସ୍ । ତେଇଅନି ତୁଇ ବାଅଡ଼ । ଆମ୍‌କେ ସିକାଇଲୁସ୍‌ନି ?” ଏନ୍ତ୍ର କଇକରି ସେମନ୍ ତାକେ ଜିଉଦିମନ୍ ପାର୍ତନା ଗରେଅନି ବାର୍‌କରାଇଦେଲାଇ ।

ଆଡ଼ମା ଇସାବେ କାଣା ରଇବାଟା

୩୫ ଜିସୁ ସେ ଲକ୍ଷ୍ମୀଙ୍କେ ପାର୍ତନା ଗରେ ଅନି ବାର୍ କରାଇ ଦେଲାଟା ସୁନି ଆରିତରେକ୍ ତାକେ ଦେକାଇଅଇ, ପାଚାରଲା, “ତୁଇ ପର୍ଯ୍ୟେସର୍ ତେଇଅନି ଆଇଲା ନର୍‌ପିଲାକେ ବିସ୍‌ବାସ୍ କଲୁସ୍‌ନି କି ?”

୩୬ ସେ କାଣା ଲକ୍ଷ୍ମୀ କଇଲା, “ଏ ଆଗିଆଁ ସେ ଲକ୍ଷ୍ମୀ କେ ? ମୁଇ ତାକେ ବିସ୍‌ବାସ୍ କରବି ।”

୩୭ ଜିସୁ ତାକେ କଇଲା, “ତୁଇ ତାକେ ଦେକିଆରୁସ୍, ଆରି ଏବେ ଜନ୍ ଲକ୍ଷ୍ମୀ ସଙ୍ଗ୍ କାତା ଅଇଲୁସ୍‌ନି, ସେ ଆକା ସେ ଲକ୍ଷ୍ମୀ ।”

୩୮ ସେବେଲା ସେ କଇଲା, “ମାପୁରୁ ମୁଇ ତକେ ବିସ୍‌ବାସ୍ କଲିନି ।” ଆରି ଜିସୁର୍ ମୁଆଟେ ମାଣ୍ଡିକୂଟା ଦେଇ ଜୁଆର୍ କଲା ।

୩୯ ଜିସୁ କଇଲା, “ମୁଇ ଏ ଦୁନିଆର୍ ଲକ୍ଷ୍ମୀଙ୍କେ ବିଚାର୍ କରବାର୍ ଆସିଆଟି । ସେଟାର୍ ପାଇ କାଣା ଲକ୍ଷ୍ମୀମନ୍ ଦେକିପାରବାଇ, ଆରି ଦେକିପାରବା ଲକ୍ଷ୍ମୀମନ୍ କାଣା ଅଇଜିବାଇ ।”

୪୦ ଜିସୁ ଏନ୍ତ୍ର କଇବା କାତା, ଲଗେ ରଇଲା କେତେଟା ପାରୁସି ଲକ୍ଷ୍ମୀମନ୍ ସୁନିକରି ତାକେ ପାଚାରଲାଇ, “ଏନ୍ତ୍ର ବଇଲେ ଆମ୍‌କେ କାଇ କାଣା ଲକ୍ଷ୍ମୀମନ୍ ବଲି ବାର୍‌ଲୁସ୍‌ନି କି ?”

୪୧ ଜିସୁ ସେମନ୍‌କେ କଇଲା, “ତମେ କାଣା ଅଇରଇତାସ୍ ଆଲେ ଦସି ନ ଅଇତାସ୍ । ମାତର୍ ଦେକି ପାରଲୁନି ବଲି କଇଲାସ୍‌ନିଜେ ଅଦିକ୍ ଦସି ।”

୧୦

ମେଣ୍ଡା ଗଉଡ଼ କାତା

୧ ଜିସୁ କଇଲା, “ମୁଇ ତମ୍‌କେ ସଡ଼ କଇଲିନି, ଜେ ଦୁଆର୍ ବାଟେ ନ ଜାଇ ବିନ୍‌ବାଟେ ଜାଇ ମେଣ୍ଡାସାଲେ କେଟ୍‌ସି, ସେ ଚର୍ ଆରି କାଙ୍ଗାର୍ ।

୨ ମାତର୍ ଜେ ଦୁଆର୍ ବାଟେ ଜାଇ ମେଣ୍ଡାସାଲେ କେଟ୍‌ସି, ସେ ମେଣ୍ଡା ରାସିର୍ ଗଉଡ଼ ।

୩ ଜାଗୁଆଲ୍ ଦୁଆର୍ ଉଗାଡି ଦେଇସି ଆରି ନାଉଁ ଦାରି ତାକ୍‌ସି । ମେଣ୍ଡାମନ୍ ତାର୍ ତାକ୍‌ଲାଟା ସୁନ୍‌ବାଇ, ଆରି ସେମନ୍‌କେ ବାର୍‌କରାଇ ଦାରିଜାଇସି ।

୪ ନିଜର୍ ସବୁ ମେଣ୍ଡାମନ୍‌କେ ବାଇରେ ଆନ୍‌ବା ବେଲେ, ସେ ଆଗେ ଆଗେ ଇଣ୍ଡିଆ ଆରି ମେଣ୍ଡାମନ୍ ତାର୍ ପତେ ପତେ ଜିବାଇ । କାଇକେବଇଲେ ମେଣ୍ଡାମନ୍ ତାର୍ ତାକ୍‌ଲାଟା ଜାନଡ଼ ।

୫ ମାତର୍ ମେଣ୍ଡାମନ୍ କେବେ ମିସା ନ ଚିନ୍‌ଲା ଲକ୍ଷ୍ମୀ ପର୍ ପର୍ ନ ଜାଅଡ଼, ତାର୍‌ଲଗେଅନି ପାଲାଇବାଇ । କାଇକେବଇଲେ ସେମନ୍ ଅଚିନାର୍ ଲକ୍ଷ୍ମୀ ତାକ୍‌ଲେ ନ ଜାଅଡ଼ ।”

୬ ଜିସୁ ସେମନ୍‌କେ ଏନ୍ତ୍ର ଉଦାଅରଣ୍ ଦେଇ କଇଲା, ମାତର୍ ସେମନ୍ ତାର୍ ଅରଡ଼ କାଇଟା ବଲି ବୁଜି ନାପାରଲାଇ ।

ଜିସୁ ନିମାନ୍ ମେଣ୍ଡା ଗଉଡ଼

୭ ସେଟାର ପାଇଁ ଜିସୁ ଆରିତରେକ୍ କଇଲା, “ମୁଇ ତମକେ ସତ୍ କଇଲିନି ମୁଇ ମେଣ୍ଡାମନ୍ ତିଆଗତି ।

୮ ମର୍ ଆଗତ୍ ଜେତେଲକ୍ ଆସିଆଚଡ଼, ସେମନ୍ ସବୁଲକ୍ ଜାକ ଚର୍ ଆରି କାଙ୍ଗାମନ୍, ସେଟାରପାଇଁ ମେଣ୍ଡାମନ୍ ତାକର୍ କାତା ମୁଲକେ ସୁନଡ଼ନାଇ ।

୯ ମୁଇ ଦୁଆର୍, ଜଦି କେ ମିସା ମର୍ ବାଟେ ଆସି କେଟ୍ସି ବଇଲେ, ସେ ରକିଆପାଇସି, ଆରି ସେ ବିଡ଼ରେ ଆରି ବାଇରେ ଜାଇ ଚାରି ପାର୍ସି ।

୧୦ ଚର୍, ଚରାଇବାକେ, ମରାଇବାକେ, ଆରି ନାସ୍ କର୍ବାକେସେ ଆଇସି, ମାତର୍ ମୁଇ ଜେନ୍ତିକି ସେମନ୍କେ ପୁରାପୁରୁନ୍ ଜିବନ୍ ଦେବାକେ ଆଇଲି ଆତି ।”

୧୧ ମୁଇ ନିମାନ୍ ମେଣ୍ଡା ଚାରାଉ ଗଉଡ଼ । ନିମାନ୍ ଗଉଡ଼ ମେଣ୍ଡାମନ୍ ଲାଗି ନିଜର୍ ଜିବନ୍ ମିସା ଦେଇସି ।

୧୨ ଜେ ମେଣ୍ଡା ଚାରାଉ ନସ୍, ମାତର୍ ବୁଡି ପାଉ, ମେଣ୍ଡାମନ୍ ତାର୍ ନିଜର୍ଟା ନଅଡ଼, ସେଟାରପାଇଁ ତୁରକା ଆଇବାଟା ଦେକି ମେଣ୍ଡାମନ୍କେ ଚାଡି ପାଲାଇସି । ଆରି ତୁରକା ମେଣ୍ଡାମନ୍କେ ଦାରି ଚିନ୍ ଚତର୍ କରିଦେଇସି ।

୧୩ ଜେ ବୁଡି ମିଲବଲି ମେଣ୍ଡା ଚାରାଇସି, ସେ ମେଣ୍ଡାମନ୍କେ ଚାଡି ଉଟିଜାଇସି । କାଇକେବଇଲେ ସେ ମେଣ୍ଡାମନ୍ ପାଇ ଚିନ୍ତା ନ କରେ ।

୧୪ *ମୁଇ ନିକ ମେଣ୍ଡା ଚାରାଉ । ବାବା ଜେନ୍ତାରି ମକେ ଜାନେ, ମୁଇ ମିସା ସେନ୍ତି ବାବାକେ ଜାନି,

୧୫ ସେନ୍ତାରିସେ ମୁଇ ମର୍ ନିଜର୍ ମେଣ୍ଡାମନ୍କେ ଜାନି । ଆରି ମେଣ୍ଡାମନ୍ ମିସା ମକେ ଜାନଡ଼ । ମୁଇ ସେମନ୍ ଲାଗି ମର୍ ଜିବନ୍ ଦେବାକେ ମିସା ରାଜି ।

୧୬ ଏନ୍ତାରି ମର୍ ବିନ୍ ମେଣ୍ଡାମନ୍ ଆଚଡ଼ । ସେମନ୍ ଏ ରାସି ଟାନେ ନାଇ, ମକେ ସେମନ୍କେ ମିସା ଆନ୍ବାକେ ପଡ଼ସି । ସେମନ୍ ମୁଇ ଡାକ୍ବାଟା ସୁନ୍ବାଇ ଆରି ତେଇର୍ ଗଟେକ୍ ରାସି ଅଇ ରଇବାଇ । “

୧୭ “ମର୍ ବାବା ମକେ ଆଲାଦ୍ କଲାନି, କାଇକେବଇଲେ ମୁଇ ମର୍ ଜିବନ୍ ଦେବାକେ ମନ୍ କଲିନି । ଆରି ମର୍ ଜିବନ୍ ଦାନ୍ କର୍ବି ବଇଲେ ଆରିତରେକ୍ ସେଟା ପାଇବି ।

୧୮ ମର୍ ଜିବନ୍ ବିନ୍ ଲକ୍ ନେଇ ନାପାରଡ଼ । ସେଟା ମୁଇ ନିଜେ ମନ୍କରି ଦାନ୍ କର୍ବି କି ଆରିତରେକ୍ ଆନ୍ବାକେ ମିସା ମର୍ ଅଦିକାର୍ ଆଚେ । ମର୍ ବାବା ମକେ ଏ ଅଦିକାର୍ ଦେଇଆଚେ ।”

୧୯ ଜିସୁର୍ ଏ ସବୁ କାତାର୍ ଲାଗି ଜିଉଦିମନ୍ ବାଗ୍ ବାଗ୍ ଅଇଗାଲାଇ ।

୨୦ ସେମନ୍ ବିଡ଼ରେ କେତେକ୍ ଲକ୍ କଇବାର୍ ଦାର୍ଲାଇ, “ତାକେ ତୁମା ଦାରିଆଚେ, ସେ ବାୟାଟା, କାଇକେ ତାର୍ କାତା ସୁନ୍ଲାସନି ?”

୨୧ ମାତର୍ ବିନ୍ଲକ୍ମନ୍ କଇଲାଇ, “ଏ ସବୁ କାତା ତା ତୁମା ଦାରି ରଇବା ଲକ୍ କଇନାପାରେ । ତୁମା କାଇ କାଣା ଲକ୍ ଆକି ନିମାନ୍ କରିଦେଇପାରେ କି ?”

ଜିସୁକେ ନାମଡ଼ ନାଇ

୨୨ ସେ ବେଲେ ସିଡ଼ ଦିନ୍ ଅଇରଇଲା ଆରି ଜିରୁସାଲାମ୍ ମନ୍ଦିର୍ ତିଆର୍ କଲା ପରବ୍ ଅଇତେରଇଲା ।

୨୩ ତେଇ ଜିସୁ ମନ୍ଦିରେ ସଲ୍ମନର୍ ମଣ୍ଡପେ ବୁଲ୍ତେରଇଲା ।

୨୪ ତେଇ ଜିଉଦିମନ୍ ତାକେ ଚାରିବେଟ୍ଟିଅନି ଡାବିଅଇ ପାଚାର୍ବାର୍ ଦାର୍ଲାଇ, “ଆରି କେତେ ଦିନ୍ ଜାକ ଆମ୍କେ ନାଡାଇସୁ ? ତମେ ଜଦି ପର୍ମେସର୍ ବାଟି ପାଟାଇଲା ରାଜା ମସିଅ ଅଇରଇଲେ ଆମ୍କେ ସତ୍ କାତା କ ।”

୨୫ ଜିସୁ ସେମନ୍କେ କଇଲା, “ମୁଇ ତମକେ ପର୍ତୁମ୍ କଇଆତି, ମାତର୍ ମକେ ବିସ୍ବାସ୍ କରାସ୍ନାଇ । ମର୍ ବାବାର୍ ଅଦିକାରେ ମୁଇ ଜନ୍ ଜନ୍ କାମ୍ମନ୍ କଲିଆତି, ସେ ସବୁଜାକ ମର୍ ବିସଇର୍ ସାକି ଦେଲାନି ।

୨୬ ମାତର୍ ତମେ ମକେ ବିସ୍ବାସ୍ କରାସ୍ନାଇ, କାଇକେବଇଲେ ତମେ ମର୍ ମେଣ୍ଡାମନ୍ ନୁଆସ୍ ।

୨୭ ମର୍ ସବୁ ମେଣ୍ଡାମନ୍ ମୁଇ ଡାକ୍ବାଟା ସୁନ୍ବାଇ, ମୁଇ ସେମନ୍କେ ଜାନି, ଆରି ସେମନ୍ ମର୍ ପଚେ ପଚେ ଆଇବାଇ ।

୨୮ ଆରି ମୁଇ ସେମନ୍କେ ନ ସାର୍ବା ଜିବନ୍ ଦେବି । ସେମନ୍ କେବେମିସା ନସ୍ଟ ନ ଅଅଡ଼ । ସେମନ୍କେ ମର୍ ଆତେଅନି କେ ମିସା ଚାଡାଇ ନେଇ ନାପାରଡ଼ ।

୨୯ ମର୍ ବାବା ମକେ ଜନ୍ଟା ଦେଲାଆଚେ, ସେଟା ସବୁର୍ଟାନେଅନି ଅଦିକ୍ ମୁଲିଅ । ବାବାର୍ ଆତେଅନି ସେଟା କେ ମିସା ଚାଡାଇ ନେଇ ନାପାରଡ଼ ।

୩୦ ବାବା ଆରି ମୁଇ ଗଟେକ୍ ସେ ।”

୩୧ ଏ କାତା ସୁନି ଲକ୍ମନ୍ ତାକେ ଆରିତରେକ୍ ମାର୍ବାକେ ପାକ୍ନା ବେଟ୍ଲାଇ ।

୩୨ ଜିସୁ ସେମନ୍କେ କଇଲା, “ମୁଇ ବାବାର୍ ଆଦେସ୍ ଇସାବେ ତମକେ କେତେକ୍ କେତେକ୍ ନିମାନ୍ କାମ୍ ଦେକାଇ ଆତି, ସେ ସବୁ ନିମାନ୍ କାମ୍ ବିଡ଼ରେଅନି, କନ୍ କାମ୍ପାଠାଇ ମକେ ମାର୍ବାକେ ପାକ୍ନା ବେଟିଆଚାସ୍ ?”

* ୧୦:୧୪ ମାଡିଉ ୧୧:୨୭; ଲୁକ୍ ୧୦:୨୨

୩୩ ସେମନ୍ ତାକେ କଇଲା, “ନିମାନ୍ କାମର୍ ଲାଗି ତକେ ଆମେ ମାର୍ବାକେ ପାକ୍ନା ବେଟୁନାଇ, ମାତର୍ ପର୍ମେସର୍କେ ନିନ୍ଦା କଲୁସ୍ନି ବଲିକରି, ଆରି ତୁଇ ମନସ୍ ଅଇକରି ନିଜ୍ଜକେ ପର୍ମେସର୍ ବଲାଅଇବାର୍ ଲାଗି ।”

୩୪ ଜିସୁ ସେମନ୍କେ କଇଲା, “ତମର୍ ରିତିନିତି ଗାନେ କାଇ ଏଟା ଲେକାନାଇ କି ? ପର୍ମେସର୍ କଇଲା ତମେ ପର୍ମେସର୍ ।

୩୫ ଆମେ ଜାନୁ ସାସ୍ତରର୍ ବାକିଅ ସବୁ ଦିନର୍ ପାଇ ସତ୍ । ପର୍ମେସରର୍ ବାକିଅ ଜନ୍ଲକ୍ମନ୍ ଜାନିଆତ୍, ସେମନ୍କେ ପର୍ମେସର୍ ବଲି କୁଆ ଅଇଲାଆଟେ ।

୩୬ ବାବା ମକେ ବାଟିକରି ଏ ଦୁନିଆଇ ପାଟାଇଆଟେ, ସେନ୍ତାର୍ ଆଲେ ମୁଇ ନିଜ୍ଜକେ ପର୍ମେସରର୍ ପ ବଲି କଇଲାକେ, ତମେ ମକେ କେନ୍ତ୍ର ପର୍ମେସର୍କେ ନିନ୍ଦା କଲୁସ୍ନି ବଲି କଇଲାସ୍ନି ?

୩୭ ମୁଇ ଜଦି ମର୍ ବାବାର୍ କାମ୍ ନ କରି, ସେନ୍ତାର୍ଆଲେ ମକେ ବିସ୍ବାସ୍ କରାନାଇ ।

୩୮ ଜଦି ମୁଇ ସେ ମନକଲାଟା ପୁରାପୁରୁନ୍ କର୍ବି ବଇଲେ, ମକେ ବିସ୍ବାସ୍ ନ କଲେମିସା ମୁଇ କର୍ବା କାମ୍ ବିସ୍ବାସ୍ କରା । ସେଟାର୍ ପାଇ ତମେ ଜାନିପାରାସ୍ ଜେ, ମର୍ ବାବା ପର୍ମେସର୍ ମର୍ ସଙ୍ଗ୍ ଆଟେ ଆରି ମୁଇ ତାର୍ଟାନେ ଆଟି ।”

୩୯ ସେମନ୍ ଆରିତରେକ୍ ଜିସୁକେ ଦାର୍ବାକେ ଚେସ୍ଟା କଲା, ମାତର୍ ଜିସୁ ସେମନ୍କେ ଦାରାଇ ନ ଅଇକରି କସ୍ବି ଉଟିଗାଲା ।

୪୦ ତାର୍ପଟେ ସେ ଆରିତରେକ୍ ଜର୍ଦନ୍ ଗାତର୍ ସେପାଟେ ଉଟିଜାଇକରି ଆଗେ ଜଅନ୍ ଜନ୍ ଜାଗାଇ ତୁବନ୍ ଦେଇ ରଇଲା, ସେ ଜାଗାଇ ଜାଇକରି ରଇଲା ।

୪୧ ଆରି ବେସିଲକ୍ମନ୍ ତାର୍ଲଗେ ଆସିକରି କଇଲା, “ଜଅନ୍ ସିନା କାଇ କାବାଅଇ ଜିବା କାମ୍ କରି ନ ରଇଲା, ମାତର୍ ଏ ଲକ୍ମନ୍ ବିସଇନେଇ ଜଅନ୍ ଜେଡ୍ କି କାତା କଇରଇଲା, ସେ ସବୁ ସତ୍ ଆକା ।”

୪୨ ଆରି ସେ ଜାଗାଇ ବେସି ଲକ୍ମନ୍ ଜିସୁକେ ବିସ୍ବାସ୍ କଲା ।

୧୧

ଲାଜାର୍ ମରନ୍

୧ *ବେଡ୍ନିଆ ଗଡେ ଲାଜାର୍ ନାଉର୍ ଗଟେକ୍ ଲକ୍ମକେ ଜର୍ ଅଇରଇଲା । ମରିୟ୍ ଆରି ତାର୍ ବଇନି ମାର୍ତା ସେ ଗାଏଁ ରଇଲା ।

୨ *ଏ ମରିୟ୍ ଅଇଲାନି, ଜନ୍ ମାଇଜି କି ବେସି ଦାମ୍ଦେବା ବାସ୍ନା ଚିକନ୍ ଜିସୁର୍ ପାଦେ ରକଇକରି ତାର୍ ଚେଣ୍ଡିସଙ୍ଗ୍ ପୁଟିଦେଇରଇଲା । ତାର୍ ବାଇ ଲାଜାର୍କେ ଆକା ଜର୍ ଅଇରଇଲା ।

୩ ସେଟାର୍ପାଇ ତାର୍ ବଇନିମନ୍ ଜିସୁର୍ ଲଗେ କବର୍ ପାଟାଇଲା, “ମାପୁରୁ ତମେ ଜାକେ ଆଲାଦ୍ କଲାସ୍ନି, ସେ ବେସି ଜର୍ ଅଇଲାଆଟେ ।”

୪ ମାତର୍ ଜିସୁ ଏ କାତା ସୁନିକରି କଇଲା, “ଏ ଜର୍ ମର୍ବାପାଇ ଅଏ ନାଇ, ମାତର୍ ପର୍ମେସରର୍ ମଇମାର୍ ପାଇ । ସେଟାର୍ ଲାଗି, ତାର୍ ପଅ, ମୁଇ ମିସା ମଇମା ପାଇବି ।”

୫ ଜିସୁ, ମାର୍ତା, ତାର୍ ବଇନି ଆରି ଲାଜାର୍କେ ବେସି ଆଲାଦ୍ କର୍ତେରଇଲା ।

୬ ସେଟାର୍ପାଇ ଲାଜାର୍ ନିକ ନ ରଇବା କବର୍ ପାଇ ଜିସୁ ଜନ୍ ଜାଗାଇ ରଇଲା, ସେ ଜାଗାଇ ଆରି ଦୁଇଦିନ୍ ରଇଲା ।

୭ ତାର୍ ପଟେ ସେ ସିସମନ୍କେ କଇଲା, “ଆସା, ଆମେ ଆରିତରେକ୍ ଜିଉଦା ଦେସେ ବାଉଡି ଜୁ ।”

୮ ସିସମନ୍ ତାକେ କଇଲା, “ଏ ଗୁରୁ, ତମ୍କେତା କେତେ ଦିନ୍ ଆଗେ, ଲକ୍ମନ୍ ପାକ୍ନା ସଙ୍ଗ୍ ମାର୍ବାକେ ଚେସ୍ଟା କର୍ତେରଇଲା, ତମେ ଆରିତରେକ୍ ତେଇ ଜିବାକେ ମନ୍ କଲାସ୍ନି କି ?”

୯ ଜିସୁ କଇଲା “ଗଟେକ୍ ଦିନେ କାଇ ବାର ଗଟା ଉଜଲ୍ ନ ରଏ କି ? ଜନ୍ ଲକ୍ମନ୍ ଦିନ୍ବେଲାର୍ ଉଜଲେ ରଇବାଇ, ସେମନ୍ ଜଟିଆଇ ନ ଅଅଡ୍, କାଇକେବଇଲେ ସେମନ୍କେ ଏ ଜଗତର୍ ଉଜଲ୍ ଡିସ୍ସି ।

୧୦ ମାତର୍ ରାତିଆ ଇଣ୍ଡଲେ ଜଟିଆଇ ଅଇବାଇ । କାଇକେବଇଲେ ସେମନ୍ଟାନେ ଉଜଲ୍ ନ ରଏ ।”

୧୧ ଜିସୁ ଏ ସବୁ କାତା କଇଲା ପଟେ, ସିସମନ୍କେ କଇଲା, “ଆମର୍ ସବୁଲକ୍ମର୍ ମଇତର୍ ଲାଜାର୍ ଏବେ ସଇଆଟେ, ତାକେ ମୁଇ ଉଟାଇବାର୍ ଗାଲିନି ।”

୧୨ ତେଇ ସିସମନ୍ ଜିସୁକେ କଇଲା, “ମାପୁରୁ, ଜଦି ସେ ସଇଲାଆଟେ ବଇଲେ ନିକ ଅଇସି ।”

୧୩ ଜିସୁ ଲାଜାର୍ ମରନ୍ ବିସଇ ନେଇକରି କଇରଇଲା, ମାତର୍ ସିସମନ୍ ଲାଜାର୍କେ ଗୁନର୍ଲାଗି ସଇଲା ବିସଇ କଇଲାନି ବଲି ବାବ୍ଲାଇ ।

୧୪ ସେଟାର୍ପାଇ ଜିସୁ ସେମନ୍କେ ନିକ ସଙ୍ଗ୍ ବୁଜ୍ଲା ପାରା କଇଲା, “ଲାଜାର୍ ମରିଗାଲାଆଟେ ।

୧୫ ଆରି ମୁଇ ତେଇ ନ ରଇଲି, ସେଟାର୍ପାଇ ତମର୍ ସଙ୍ଗ୍ ସାର୍ଦା କଲିନି, ଜେନ୍ତାରିକି ତମେ ବିସ୍ବାସ୍ କର୍ସା । ମାତର୍ ଆସା, ଏବେ ଆମେ ତାକେ ଜାଇ ଦେକୁ ।”

☆ ୧୦:୪୦ ଜଅନ୍ ୧:୨୮ ☆ ୧୧:୧ ଲୁକ୍ ୧୦:୩୮, ୩୯ ☆ ୧୧:୨ ଜଅନ୍ ୧୨:୩

୧୬ ତେଜ ତମା ନାଉଁର ଜାକେ କି ବିଦୁମ୍ ବଲି କଇବାଇ, ସେ ତାର ସଙ୍ଗର୍ ସିସ୍‌ମନ୍‌କେ କଇଲା, “ତୁ ଆମେ ମିସା ଗୁରୁର ସଙ୍ଗ ଜାଇ ତାରସଙ୍ଗ ମରୁ ।”

ଜିସୁ ଜିବନ୍ ଆରି ମରନେଅନି ଉଟ୍‌ବା ଲକ୍

୧୭ ଜିସୁ ବେଡ୍‌ନିଆଇ କେଟିକରି ସୁନ୍‌ଲା ଜେ ଲାଜାରକେ ସମାଦି ଦେଇ ଚାର୍‌ଦିନ୍ ଅଇରଇଲା ।

୧୮ ଜିରୁସାଲାମ୍ ଅନି ବେଡ୍‌ନିଆ ତିନ୍ କିଲମିଟର ତେଇଅନି ଉନାର ବାଟ୍ ।

୧୯ ଆରି ଜିଉଦିମନର୍ ତେଇଅନି କେତେକ୍ କେତେକ୍ ଲକ୍‌ମନ୍ ମାର୍‌ତା ଆରି ମରିୟମ୍ ଲଗେ ତାର ମରିଜାଇରଇବା ବାଇର ବିସଇ ସାଁତାଇବାକେ ଆସିରଇଲାଇ ।

୨୦ ଜିସୁ ଆଇଲାନି ବଲି ସୁନ୍‌ଲା ଦାପ୍‌ରେ ମାର୍‌ତା ତାକେ ବେଟ୍‌ଅଇବାର୍ ଗାଲା । ମାତର୍ ମରିୟମ୍ ଗରେସେ ବସିରଇଲା ।

୨୧ ମାର୍‌ତା ଜିସୁକେ କଇଲା, “ମାପୁରୁ ତମେ ଜଦି ଇତି ରଇତାସ୍ ବଇଲେ, ମର୍ ବାଇ ନ ମର୍ତା ।

୨୨ ମାତର୍, ମୁଇ ଜାନି ଆଟି । ଏବେ ମିସା ତମେ ପର୍‌ମେସର୍‌କେ ଜାଇଟା ମାଙ୍ଗ୍‌ଲେ, ସେଟା ଦେଇସି ।”

୨୩ ଜିସୁ ତାକେ କଇଲା, “ତର୍ ବାଇ ଆରି ଜିବନ୍ ଅଇ ଉଟ୍‌ସି ।”

୨୪ ମାର୍‌ତା ଜିସୁକେ କଇଲା, “ସେ ସାରାସାରି ଦିନେ ଆରିତରେକ୍ ଉଟ୍‌ବା ବେଲାଇ ଉଟ୍‌ସି, ଏଟା ମୁଇ ଜାନି ।”

୨୫ ଜିସୁ ତାକେ କଇଲା, “ମୁଇ ଜିବନ୍ ଆରି ମରିକରି ଆରିତରେକ୍ ଉଟ୍‌ବା ଲକ୍ । ଜେ ମକେ ବିସ୍‌ବାସ୍ କରସି, ସେ ମଲେ ମିସା, ବର୍‌ସି ।

୨୬ ଆରି ଜେ ଜଦି ବର୍‌ଟି ରଇକରି ବିସ୍‌ବାସ୍ କରସି, ସେ କେବେ ମିସା ନ ମରେ । ଏ କାତା ବିସ୍‌ବାସ୍ କଲାସ୍‌ନି କି ?”

୨୭ ମାର୍‌ତା ଜିସୁକେ କଇଲା, “ଉଁ ମାପୁରୁ, ମୁଇ ବିସ୍‌ବାସ୍ କଲିନି । ତମେ ସେ ପର୍‌ମେସର୍‌ ପ । ଜନ୍ ମସିଅ ଏ ଜଗତେ ଆଇବାର୍ ରଇଲା, ତମେ ସେ ଆକା ।”

ଜିସୁ କାନ୍‌ଲା

୨୮ ଏ ସବୁ କାତା କଇସାରଲାପତେ ମାର୍‌ତା ଜାଇକରି ନିଜର୍ ବଇନିକେ କେ ନ ସୁନ୍‌ଲାପାରା ତାକି କଇଲା, “ଆଉ ଗୁରୁ ଆସିଆଟେ ଆରି ତକେ ଡାକ୍‌ଲାନି ।”

୨୯ ମରିୟମ୍ ଏ କାତା ସୁନିକରି ଦାନ୍‌ ପାନ୍‌ ଅଇ ଜିସୁକେ ବେଟ୍‌ ଅଇବାର୍ ଗାଲା ।

୩୦ ଜିସୁ ସେଡ୍‌କିବେଲା ଗାଉଁ ବିଡ୍‌ରେ ଆସି ନ ରଇଲା, ମାତର୍ ମାର୍‌ତା ତାକେ ଜନ୍ ଜାଗାଇ ବେଟ୍‌ ଅଇରଇଲା, ତେଇସେ ରଇଲା ।

୩୧ ମରିୟମ୍ ଉଟିକରି ଦାନ୍‌ ପାନ୍‌ ଅଇ ବାଇରେ ସାଁତାଇବାକେ ଆସିରଇଲା ଲକ୍‌ମନ୍ ଦେକ୍‌ଲାଇ, ସେମନ୍ ମିସା ତାର ପତେ ପତେ ଗାଲାଇ । ସେମନ୍ ବାବ୍‌ଲାଇ, ସେ କବର୍ ଲଗେ କାନ୍‌ବାର୍ ଗାଲାନି ।

୩୨ ତେଇ ଜିସୁ ଜନ୍ ଜାଗାଇରଇଲା, ମରିୟମ୍ ସେ ଜାଗାଇ କେଟ୍‌ଲା ଆରି ଜିସୁକେ ଦେକିକରି ତାର ପାଦେ ଡାଣ୍ଡାସନ୍ ପଡି କଇଲା, “ମାପୁରୁ ତମେ ଜଦି ଇତି ରଇତାସ୍‌ଆଲେ ମର୍ ବାଇ ନ ମର୍ତା ।”

୩୩ ମରିୟମ୍ ତାକେ ଆରି ତାର ସଙ୍ଗ୍ ରଇବା ଲକ୍‌ମନ୍ କାନ୍‌ତେରଇବାଟା ଦେକି ଜିସୁ ଆଡ୍‌ମାଇ ବେସି ମନ୍‌ଦୁକ୍ ଅଇଗାଲା ।

୩୪ ସେ ପାଚାରଲା, “ତାକେ କନ୍ତି କବର୍ ଦେଇଆଚାସ୍ ?”

ସେମନ୍ ତାକେ କଇଲାଇ, “ମାପୁରୁ ଆସିଦେକା ।”

୩୫ ଜିସୁ କାନ୍‌ଲା ।

୩୬ ତେଇ ଜିଉଦି ଲକ୍‌ମନ୍ କଇଲାଇ, “ଦେକା, ସେ ଲାଜାରକେ କେନ୍ତି ଆଲାଦ୍ କର୍‌ତେରଇଲା ।”

୩୭ ମାତର୍ ସେମନ୍‌ର ବିଡ୍‌ରେଅନି କେତେକ୍ ଲକ୍ କଇଲାଇ, “ଏ ଲକ୍ ଜନ୍ କାଣାକେ ଆଁକି ଡିସାଇରଇଲା, ସେ ମନ୍‌କଲେ କାଇ ଏ ଲାଜାରର୍ ମରନ୍ ମିସା ତେବାଇ ନାପାର୍‌ତା କି ?”

ଜିସୁ ଲାଜାରକେ ମଲାତେଇ ଅନି ଉଟାଇଲା

୩୮ ତେଇ ଆରିତରେକ୍ ଜିସୁ ମନ୍ ବିଡ୍‌ରେ କିଲ୍‌ବିଲ୍ ଅଇ ସମାଦି ଲଗେ ଗାଲା । ସମାଦିଟାମେ ଗଟେକ୍ ପାଆର୍ ଆରି ପାଆର୍ ମୁଆଟେ ଗଟେକ୍ ବଡ୍ ପାକ୍‌ନା ଡାବିଅଇରଇଲା ।

୩୯ ଜିସୁ ତିଆରଲା, “ଏ ପାକ୍‌ନା ଗୁଟାଇଦିଆସ୍ ।” ମରିଜାଉ ଲାଜାରର୍ ବଇନି ମାର୍‌ତା କଇଲା, “ମାପୁରୁ ସେଟା କୁଇକରି ଗନ୍‌ ଗାଲାବେ, କାଇକେବଇଲେ, ତାକେ କବର୍‌ଦେଇ ଚାର୍‌ଦିନ୍ ଅଇଗାଲା ।”

୪୦ ଜିସୁ ମାର୍‌ତାକେ କଇଲା, “ତୁଇ ଜଦି ବିସ୍‌ବାସ୍ କରସୁ ବଇଲେ ପର୍‌ମେସର୍‌ର ମଇମା ଦେକ୍‌ସୁ ବଲି ମୁଇ ତକେ କଇ ନ ରଇଲି କି ?”

୪୧ ତେଇ ସେମନ୍ ପାକ୍‌ନା ଗୁଟାଇଲାଇ । ଜିସୁ ସରଗ୍‌ବାଟେ ମୁ କରି କଇଲା, “ବାବା ତମେ ମର୍ ପାର୍‌ତନା ସୁନ୍‌ଲାସ୍ ବଲି ମୁଇ ତମ୍‌କେ ଦନିଆଦ୍ ଦେଲିନି ।

୪୨ ତମେ ଜେଡେବେଲେ ମିସା ମର୍ ପାର୍ତନା ସୁନ୍ସା, ଏଟା ମୁଇ ଜାନି, ମାତର୍ ଜନ୍ ଲକ୍ମନ୍ ଏ ଚାରିବେଡ଼ି ଚିଆଅଇ ଆତଡ଼, ସେମନ୍ ଜେଡ଼ିକି ତମେଆକା ମକେ ପାଟାଲଆଚାସ୍ ବଲି ବିସ୍ବାସ୍ କର୍ବାଇ, ଏଟାର ପାଇ ମୁଇ ଏଡ଼ିବଲି କଇଲି ।”

୪୩ ଏଡ଼ି କଇ ସାରାଇ ଜିସୁ ଆକ୍ମାରି ତାକ୍ଲା, “ଲାଜାର୍ ତୁଇ ବାରଇ ଆଉ ।”

୪୪ ତାକ୍ଲା ଦାପ୍ରେ ମଲା ଲାଜାର୍ ବାରଇ ଆଇଲା । ତାର୍ ଆତେ ଗଡେ ମତା ଲୁଗା ବାନ୍ଧାଅଇରଇଲା । ମୁଏ ମିସା ଗର୍ଣ୍ଣା ଗୁଡ଼ିଆଇ ଅଇରଇଲା । ଜିସୁ ସେମନ୍କେ କଇଲା “ତାକେ ବାନ୍ଧାଟା କୁସ୍ଲାଇ କରି, ଜିବାକେ ଦିଆସ୍ ।”

ଜିସୁର୍ ବିରୁଦେ କୁଟ୍ ପାଁର୍ବାଟା
(ମାଡ଼ିଉ ୨୬:୧-୫; ମାର୍କ ୧୪:୧-୨; ଲୁକ୍ ୨୨:୧,୨)

୪୫ ଜିଉଦି ଲକ୍ମନ୍ ବିଡ଼ରେଅନି, ବେସି ଲକ୍ ମରିୟମର୍ ଲଗେ ଆସିରଇଲା, ଆରି ଜିସୁର୍ ଏ କାମ୍ ଦେକି, ତାକେ ବିସ୍ବାସ୍ କଲାଇ ।

୪୬ ଆରି ସେମନ୍ ବିଡ଼ରେଅନି କେତେଲକ୍ ପାରୁସିମନ୍ ଲଗେ ଜାଇକରି ଜିସୁ କରି ରଇବା କାମ୍ ଲକ୍ମନ୍କେ ଜାନାଇଲା ।

୪୭ ପଟେ ମୁକିଅ ପୁଜାରିମନ୍ ଆରି ପାରୁସିମନ୍ ଗଟେକ୍ ବଡ଼ ପାଁଟାଦି ତାକାଇ କଇଲା, “ଆମେ କାଇଟା କରୁ ? ଦେକା ଏ ଲକ୍ ତା କେତେକ୍ କେତେକ୍ କାବାଅଇଜିବା କାମ୍ମନ୍ କଲାନି ।

୪୮ ଆମେ ଜଦି ଆକେ ଏନ୍ତାରି ଚାଡ଼ିଦେଉଁ ବଇଲେ ସବୁଲକ୍ ତାର୍ଟାନେ ବିସ୍ବାସ୍ କର୍ବାଇ ଆରି ରମିୟ ଅଦିକାରି ଆସିକରି ଆମର୍ ଏ ମନ୍ଦିର୍ ଆରି ଆମର୍ ବିସ୍ବାସ୍ କର୍ବା ଦରମ୍ ସବୁ କୁରୁପ୍ନାସ୍ କରିପାଇସି ।”

୪୯ ମାତର୍ ସେମନ୍ ବିଡ଼ରେଅନି ଗଟେକ୍ କୟାପା ନାଉଁର୍, ସେ ବରସର୍ ପାଇ ବାଟିରଇବା ବଡ଼ ପୁଜାରି, କଇଲା “ତମେ କେତେ ବକୁଆ ଲକ୍ମନ୍ !

୫୦ ତମେ କାଇ ବୁଜି ନାପାରଲ୍ୟାସ୍ନି ? ଗୁଲାଇ ଜାତି ନାସ୍ ଅଇବା ବାଦୁଲେ ଗଟେକ୍ ଲକ୍ ମର୍ବାଟା ନିକ ।”

୫୧ କୟାପା ସତଇସେ ତାର୍ ନିଜର୍ଟାନେ ଅନି ଏଡ଼ି କଇ ନ ରଇଲା, ମାତର୍ ସେ ବରସର୍ ବଡ଼ ପୁଜାରି ଅଇରଇଲାର୍ ଲାଗି ପଟର୍ ଗଟ୍ନା ସବୁ ବବିସଡ଼କାତା ତାର୍ ମୁଏଁ ଅନି ବାରଇରଇଲା । ସେ ଜାନିଦେଇ ରଇଲା ଜେ,

୫୨ ଚିନ୍ ଚତର୍ ଅଇଜାଇରଇବା ପର୍ମେସରର୍ ଲକ୍ମନ୍କେ ଚୁଲିଆଇ, ଗଟେକ୍ କୁଟ୍ମ୍ କରାଇବାକେ ଜିସୁ ମର୍ବାକେ ଗାଲାନି ।

୫୩ ତେବର୍ପାଇ ସେ ଦିନେଅନି ଜିଉଦିନେତାମନ୍ ଜିସୁକେ ମରାଇବାକେ ପାଁର୍ନା କଲାଇ ।

୫୪ ତେବେ ଜିସୁ ଜିଉଦି ଲକ୍ମନ୍ ବିଡ଼ରେ ସବୁଲକ୍ ଜାନ୍ଲା ପାରା ବୁଲାଟାଲା ନ କର୍ତେ ରଇଲା । ସେ ଜାଗାଇଅନି ବାରଇଜାଇକରି, ମରୁବାଲି ବୁଏଁ ରଇବା କିନରା ଜାଗାଇ ରଇଲା ଏପ୍ରେମ୍ ନାଉଁର୍ ଗଟେକ୍ ଗଡେ ଜାଇ ସିସ୍ମନ୍ ସଙ୍ଗ୍ ତେଇ ରଇଲା ।

୫୫ ଜିଉଦିମନ୍ ନିସ୍ତାର୍ ପରବ୍ କେଟିଆଇଲା । ସେ ପରବ୍ ଅଇବା ଆଗତୁ ନିଜେ ନିଜେ ସୁକଲ୍ ଅଇବାକେ ଗୁଲାଇ ରାଇଜର୍ ଲକ୍ମନ୍ ନିସ୍ତାର୍ ପରବ୍ ଆଗତୁ ଜିରୁସାଲାମ୍ ଜିବାକେ ବାଟ୍ଦାରଲାଇ ।

୫୬ ସେମନ୍ ଜିସୁକେ କଇଲା ଆରି ମନ୍ଦିର୍ ଚିଆଅଇଲାବେଲେ ତାକର୍ ତାକର୍ ବିଡ଼ରେ କୁଆବଲା ଅଇଲା, “ସେ ପରବଟାନେ ନ ଆସେବଲି କାଇ ତମେ ବାକ୍ଲାସ୍ନି କି ?”

୫୭ ମୁକିଅ ପୁଜାରି ଆରି ପାରୁସି ଲକ୍ମନ୍ ଜିସୁକେ ଦାର୍ବାକେ ସେ କନ୍ତି ଆତେ ଜାନିରଇବାଇ ବଲି, ସେଟା ଆଦେସ୍ ଦେଇରଇଲା ।

୧୨

ଜିସୁକେ ବେଡ଼ନିଆଇ ଚିକନ୍ ଲାଗାଇଲା
(ମାଡ଼ିଉ ୨୬:୬-୧୩; ମାର୍କ ୧୪:୩-୯)

୧ ଏଡ଼ିକି ବିଡ଼ରେ ଜିସୁ ନିସ୍ତାର୍ ପରବ୍ ଅଇବାକେ ଚ ଦିନର୍ ଆଗତୁ ବେଡ଼ନିଆ ଗାଲା । ତେଇ ଲାଜାର୍ ଗର୍ । ଜିସୁ ଏ ଲାଜାର୍କେସେ ମଲାଟାନେଅନି ଉଟାଇରଇଲା ।

୨ ସେ ରାତି ତେଇ ଜିସୁର୍ପାଇ ଗଟେକ୍ ବଜି ଚିକ୍ କଲାଇ । ଆରି ମାର୍ତା ସେମନ୍କେ କୁଆପୁଟା କରାଇତେରଇଲା । ଲାଜାର୍ ଜିସୁର୍ ସଙ୍ଗ୍ ବଜିତେଇ ବସି ରଇଲା ।

୩*ସେଡ଼ିକିବେଲେ ମରିୟମ୍ ଜଟାମାଉଁସ୍ ନାଉଁର୍ ବେସି ଦାମେ ତିଆର୍ ଅଇଲା ଅଦ୍ ଲିଟର୍ ବାସ୍ନା ଚିକନ୍ ଆନି ଜିସୁର୍ ପାଦେ ରକଇ ନିଜର୍ ଚେଣ୍ଟିସଙ୍ଗ୍ ପୁଟିଦେଲା । ଆରି ସେ ଚିକନ୍ ଯୁନ୍ ବାସ୍ନା ଗୁଲାଇ ଗର୍ ଗମ୍କିଗାଲା ।

୪ ଜିସୁର୍ ସିସ୍ମନ୍ ବିଡ଼ରେ ଅନି ଇସ୍କାରିୟଡ଼ ଜିଉଦା ନାଉଁର୍ ସିସ୍, ଜେ କି ଜିସୁକେ ସଡ଼ୁମନ୍କେ ସର୍ପିଦେବାକେ ଜାଇତେ ରଇଲା, ସେ କଇଲା,

୫ “ଏ ବାସ୍ନା ଚିକନ୍ ତିନ୍ ସଅ ରୁପା ଟାଙ୍ଗାକେ ବିକିକରି ସେ ତାରୁ ଗରିବ୍ ଲକ୍ମନ୍କେ ଦେଲେ ନଇତା କି ?”

☆ ୧୨:୩ ଲୁକ୍ ୭:୩୭,୩୮

୭ ଇସ୍କାରିୟତ୍ ଜିଉଦା ଗରିବ୍ ଲକ୍ମନପରପାଇ ଚିନ୍ତା କରତେରଇଲାଜେ ଏନ୍ତି କଇଲା ବଲି ନାଇ, ମାତର୍ ସେ ଗଟେକ୍ ରର୍ । ତାର୍ ଦାଇତେ ରଇଲା ଟାଙ୍ଗାମୁନା ଟାନେଅନି ସେ ନିଜର୍ ପାଇ କେତେକ୍ କେତେକ୍ ଲୁଟାଇ ନେଇତେରଇଲା ।

୮ ମାତର୍ ଜିସୁ କଇଲା, “ତାକେ କାଇଟା ବଲି କୁଆ ନାଇ, ତାର୍ଟାନେ ଜେଡ୍‌କି ଆରେ, ସେଟା ଜେନ୍ତିକି ମର୍ ସମାଦି ଦିନର୍ପାଇ ସଙ୍ଗିଆରେ ।

୯ ଗରିବ୍ ଲକ୍ମନ ତା ସବୁବେଲେ ତମର୍ ସଙ୍ଗି ରଇଲାଜନି, ମାତର୍ ମୁଇ ସବୁବେଲେ ନ ରଇ ।”

ଲାଜାର୍ ବିରୁଦେ କୁର୍ ପାଁଟବାଟା

୧୦ ଏଡକିବିଡ୍ରେ ଜିସୁ ବେଡନିଆଇ ଆରେ ବଲି ଜାନିକରି ବେସି ଜିଉଦି ଲକ୍ମନ ଆଇଲାଇ । ଅବ୍‌କା ଜିସୁକେ ସେ ଦେକ୍‌ବାକେ ନାଇ, ମାତର୍ ଜନ୍ ଲାଜାର୍‌କେ ଜିସୁ ମଲାଟାନେଅନି ଉଟାଇରଇଲା ତାକେ ମିସା ଦେକ୍‌ବାର୍ ଆସିରଇଲାଇ ।

୧୧ ମାତର୍ ମୁକିଅ ପୁଜାରିମନ୍ ଲାଜାର୍‌କେ ମିସା ମରାଇବାକେ ଜଜ୍‌ନା କଲାଇ ।

୧୨ କାଇକେବଇଲେ ତାର୍‌ଲାଗି ବଲି କେତେକ୍ କେତେକ୍ ଜିଉଦି ଲକ୍ମନ ନେତାମନ୍‌କେ ଚାଡି ଜିସୁକେ ବିସ୍‌ବାସ୍ କରତେରଇଲାଇ ।

ଜିସୁ ଜିରୁସାଲାମ୍ ପୁରବାଟା

(ମାତିଉ ୨୧:୧-୧୧; ମାର୍କ ୧୧:୧-୧୧; ଲୁକ୍ ୧୯:୨୮-୪୦)

୧୩ ତାର୍ ଆରକର୍ ଦିନେ ରକିଆପାଇବା ପରବେ ଆସିରଇବା ବେସି ଲକ୍ମନ ଜିସୁ ଜିରୁସାଲାମ୍ ଆଇଲାନି ବଲି ସୁନ୍‌ଲାଇ ।

୧୪ ସେଟାର୍ ପାଇ ସେମନ୍ କଜ୍‌ରିଡାଲ୍ ଦାରି ଜିସୁକେ ବେଟ୍‌ଅଇବାର୍ ଗାଲାଇ, ଆରି ଆଉଲିଅଇକରି କଇଲାଇ, “ଅସାନା, ଜେ ମାପ୍‌ରୁର୍ ନାଉଁଦାରି ଆଇଲାନି ତାର୍ ମଙ୍ଗ୍ ଅ, ପର୍‌ମେସର୍ ତାକେ ଆସିର୍‌ବାଦ୍ କର । ସେ ଇସ୍ରାଏଲର୍ ରାଜା ଡାକ୍‌ପୁଟା ପାଅ ।”

୧୫ ଆରି ଜିସୁ ଗଟେକ୍ ଗଦ ପିଲାର୍ ଉପ୍ରେ ବସି ଆଇତେ ରଇଲା । ଜେନ୍ତିକି ସାସ୍‌ତରେ ଲେକାଅଇଲା ଏ ବବିସଡ୍ କାତା ସିଦ୍ ଅଇଲା ।

୧୬ “ଏ ସିୟନ୍ ନଅରର୍ ଲକ୍ମନ, ତମେ ତରାନାଇ

ଦେକା ତମର୍ ରାଜା ଗଟେକ୍ ଗଦ ପିଲାର୍

ଉପ୍ରେ ବସି ଆଇଲାନି ।”

୧୭ ପର୍‌ତୁମ୍ ପର୍‌ତୁମ୍ ଜିସୁର୍ ସିସ୍‌ମନ୍ ଏ ବିସଇ ରୁଜି ନ ରଇଲାଇ । ମାତର୍ ଜିସୁ ଜେତେବେଲା ମଲାଟାନେଅନି ଉଟ୍‌ଲା ପଟେ ଏ ସବୁଜାକ ଲେକା ଏତାଇଲାଇଜେ, ସାସ୍‌ତରେ ତାର୍ ବିସଇସେ ଲେକା ଅଇରଇଲା । ଆରି ସେମନ୍ ତାର୍ ପାଇ ସବୁ କାମ୍ କରିରଇଲାଇ ।

୧୮ ଜିସୁ ଲାଜାର୍‌କେ ମଲାଟାନେଅନି ଉଟାଇକରି ସମାଦିଅନି ବାରଇବାକେ କଇଲାବେଲେ ଜନ୍ ଲକ୍ମନ ଜିସୁର୍ ସଙ୍ଗି ରଇଲାଇ, ସେମନ୍ ସେ ଗଟ୍‌ନା ବିସଇର୍ ସାକି ଦେବାର୍ ଦାର୍‌ଲାଇ ।

୧୯ ସେଟାର୍‌ପାଇ ଲକ୍ମନ ତାକେ ବେଟ୍‌ଅଇବାକେ ଜାଇରଇଲାଇ । କାଇକେବଇଲେ ସେ ଆକା ଏ କାବା ଅଇବା କାମ୍‌ମନ୍ କଲାନି ବଲି ସେମନ୍ ସୁନିରଇଲାଇ ।

୨୦ ତେଇ ପାରୁସିମନ୍ ତାକର୍ ତାକର୍ ବିଡ୍ରେ କୁଆବଲା ଅଇଲାଇ, “ଦେକ୍‌ଲାସ୍‌ନି କାଇକି, ଆମେ ତେସ୍‌ଟା କଲାଟା ଗଟେକ୍ ମିସା ଅଏନାଇ, ଦେକାନି ଗୁଲାଇ ଦୁନିଆଜାକ ତାର୍ ପଟେ ଗାଲାନି ।”

କେତେଟା ଗିରିକ୍ ଲକ୍ମନ ଜିସୁକେ କଜ୍‌ବାଟା

୨୧ ନିସ୍‌ତାର୍ ପରବ୍ କରବାକେ ଆସିରଇବା ଲକ୍ମନର୍ ବିଡ୍ରେ ଗିରିକ୍ ଲକ୍ମନ ମିସା କେତେଲକ୍ ରଇଲାଇ ।

୨୨ ସେମନ୍ ପିଲିପର୍ ଲଗେ ଆସି ତାକେ କଇଲାଇ, “ଏ ଆଗିଆଁ ଆମେ ଜିସୁକେ ଦେକ୍‌ବାକେ ମନ୍ କଲୁନି ।” ପିଲିପ୍ ବେଡ୍‌ସାଇଦାର୍ ଲକ୍ ରଇଲା ।

୨୩ ପିଲିପ୍ ଜାଇ ଆନ୍‌ରିୟକେ ଏ କବର୍ ଜାନାଇଲାକେ ସେମନ୍ ଜାଇ ଜିସୁକେ କଇଲାଇ ।

୨୪ ଜିସୁ ସେମନ୍‌କେ କଇଲା, “ପର୍‌ମେସର୍‌ତେଇ ଅନି ଆଇଲା ନର୍‌ପିଲା ମୁଇ ଡାକ୍‌ପୁଟା ପାଇବା ବେଲା ଆସି କେଟି ଆଟେ ।

୨୫ ମୁଇ ତମ୍‌କେ ସଡ୍‌କାତା କଇଲିନି ଜଦି ଗଅମ୍ ମୁଞ୍ଜି ବୁର୍‌ଅଦ୍‌ରି ନ ମର୍‌ବା ଜାକ ସେନ୍ତିସେ ରଇସି । ସେଟା ମଲେ ସେ ବେସି ମୁଞ୍ଜି ଦାର୍‌ସି ।

୨୬ ✠ଜେ ନିଜର୍ ଜିବନ୍‌କେ ବେସି ଆଲାଦ୍ କର୍‌ସି, ସେ ସେଟା ଆରାଇସି । ଜେ ନିଜର୍ ଜିବନ୍ ଗିନ୍ କରତେରଇସି, କାଲ୍ କାଲ୍ ଜୁଗ୍ ଜୁଗ୍ ଜାକ ତାର୍ ଜିବନ୍ ରକିଆ କର୍‌ସି ।

୨୭ ଜନ୍ ଲକ୍ ମର୍ ସେବା କରବାକେ ମନ୍ କଲାନି, ସେ ମର୍ ସଙ୍ଗି ଆସ । ମୁଇ ଜନ୍ ଜାଗାଇ ରଇବି, ମର୍ ସେବା କାମ୍ କରବା ଲକ୍‌ମନମିସା ସେ ଜାଗାଇ ରଇବାଇ । ଆରି ସେ ମର୍ ଆରି ମର୍ ବାବା ପର୍‌ମେସର୍‌ର୍ ସନ୍‌ମାନ୍ ପାଇସି ।”

✠ ୧୨:୨୫ ମାତିଉ ୧୦:୩୯; ୧୭:୨୫; ମାର୍କ ୮:୩୫; ଲୁକ୍ ୯:୨୪; ୧୭:୩୩

ଜିସୁ ତାର୍ ମରନ୍ ବିସଇ ନେଇ କଇବାଟା

୨୭ ଏବେ ମର୍ ଜିବନ୍ ବେସି ବାୟାବିକଲ୍ ଅଇଗାଲାନି । କାଇଟା କଇବି ? ଏ ବାବା ମକେ ଏ ଦୁକର୍ ବେଲାଇଅନି ରକିଆ କର୍ ବଲି ଗୁଆରି କର୍ବି କି ? ନାଇ ସେନ୍ତି ନ କଇ । ଦୁକ୍ କସ୍ଟ ମୁରବ୍ବାକେ ସେ ମୁଇ ଆଇଲିଆଟି ।

୨୮ ଏ ବାବା ତର୍ ନାଉଁ ଡାକ୍ପୁଟା କର । ସେ ବେଲା ସର୍ଗେଅନି ଏ କାତା କଇବା ସବଦ୍ ଆଇଲା, “ମର୍ ନାଉଁ ଡାକ୍ପୁଟା କଲିଆଟି, ଆରି ତରେକ୍ ଡାକ୍ପୁଟା କର୍ବି ।”

୨୯ ତେଇ ଟିଆଅଇ ରଇଲା ଲକ୍ମନ୍ ଏ ସବଦ୍ ସୁନି କରି “ଏଟା ବାଦଲ୍ ଗୁଡ୍‌ଗୁଡ୍‌ଲା” ବଲି କଇଲାଇ । ମାତର୍ ଅଦେକ୍ ଲକ୍ମନ୍, “ସର୍ଗେଅନି ଗଟେକ୍ ଦୁଡ୍ ତାର୍ ସଙ୍ଗ୍ କାତା ଅଇଲାନି” ବଲି କଇଲାଇ ।

୩୦ ଜିସୁ ସେ ଲକ୍ମନ୍‌କେ କଇଲା, “ଏ ସବଦ୍ ମର୍ ପାଇ ଅଏନାଇ, ମାତର୍ ତମର୍ ପାଇସେ ଅଇଲା ।

୩୧ ଏବେ ଏ ଦୁନିଆର୍ ବିଚାର୍ କର୍ବା ଦିନ୍ କେଟ୍‌ଲା ଆଟେ, ଏ ଦୁନିଆର୍ ସାସନ୍ କରୁକେ ମୁଇ ବାଇରେ ପିଙ୍ଗିଦେବି ।

୩୨ ଆରି ମକେ କୁର୍ସେ ଟେକ୍‌ଲେ, ସବୁ ଲକ୍ମନ୍‌କେ ମର୍ବାଟେ ଜିକ୍‌ବି ” ବଲି କଇଲା ।

୩୩ ସେ କେନ୍ତୁଅଇ ମର୍ବାକେ ଗାଲାନି, ସେଟା ଜାନାଇବାକେ ଏନ୍ତି କଇରଇଲା ।

୩୪ ସେବେଲା ସବୁ ଲକ୍ମନ୍ ତାକେ କଇଲାଇ, “ମସିଅ ସବୁ ଦିନର୍ ପାଇ ବ୍‌ଟି ରଇସି ବଲି ଆମର୍ ସାସ୍ତରେ ଲେକା ଆଟେ । ତୁଇ କେନ୍ତୁ ପର୍ମେସରର୍ ପିଲାକେ କୁର୍ସେ ଟେକ୍‌ବାଇ ବଲି କଇଲୁସ୍‌ନି ? ଏନ୍ତିବଇଲେ ପର୍ମେସରର୍ ଟାନେଅନି ଆଇଲା ନର୍ପିଲା କେ ତେବେ ?”

୩୫ ଜିସୁ ସେମନ୍‌କେ କଇଲା, “ଏବେ ତମର୍ ମୁଆଟେ ଜନ୍ ଉଜଲ୍, ଉଜଲ୍ ଦେଲାନି, ସେଟା ଚନେକର୍‌ପାଇସେ ରଇସି । ଜନ୍ ଜାଗାଇ ଜିବାର୍ ଆଟେ, ଉଜଲ୍ ରଇତେ ଆକା ଇଣ୍ଡା । ସେନ୍ତାଆଲେ ତମ୍‌କେ ଆନ୍ଦାର୍ ନ ତାବେ । ଆନ୍ଦାରେ ରଇବା ଲକ୍ କେନେ ଗାଲାନି ସେଟା ନାଜାନେ ।

୩୬ ସେଟାର୍ ପାଇ ତମର୍ ଲଗେ ଉଜଲ୍ ରଇତେସେ ଉଜଲ୍ ପାରା ରଇବା ମର୍କାତା ବିସ୍‌ବାସ୍ କରା । ତେବେ ତମେ ଉଜଲ୍‌ର୍ ଲକ୍ ଅଇସା ” ବଲିକରି କଇଲା । ଜିସୁ ଏ କାତା କଇକରି ଉଟିଗାଲା ଆରି ସେମନ୍‌କେ ନ ଦେକାଇଅଇକରି ରଇଲା ।

ଲକ୍ମନ୍ ବିସ୍‌ବାସ୍ ନ କର୍ବାଟା

୩୭ ଜିସୁ ସେମନ୍‌ର୍ ଦେକ୍‌ତେ କେତେକ୍ କେତେକ୍ କାବା ଅଇଜିବା କାମ୍‌ମନ୍ କରିରଇଲେ ମିସା, ସେମନ୍ ତାକେ ବିସ୍‌ବାସ୍ କରନ୍‌ନାଇ ।

୩୮ ଜେନ୍ତାରି ଜିସାୟ୍ ବବିସ୍‌ତବକ୍‌ତା କଇଲା କାତା ସଡ୍ ଅଇଲା । ସେ ଏନ୍ତି କଇରଇଲା, “ଏ ମାପୁରୁ, ଆମେ କଇଲା କାତା ସୁନିକରି କେ ବିସ୍‌ବାସ୍ କଲାଆଟେ ?

ଆରି ମାପୁରୁ କାର୍‌ଲଗେ ତାର୍ ରକିଆ କର୍ବା ବପୁ ଦେକାଇଲା ?”

୩୯ ସେଟାର୍‌ପାଇ ସେମନ୍ ବିସ୍‌ବାସ୍ ନ କର୍ତେରଇଲାଇ । ତେବେ ଜିସାୟ୍ ଆରିତରେକ୍ କଇଲାଆଟେ,

୪୦ ପର୍ମେସର୍ ଜେନ୍ତିକି ତାକର୍ ଦେକ୍‌ବା ଆଁକି କାଣା କରଦେଇଆଟେ

ଆରି ସେମନ୍‌ର୍ ବୁଜ୍‌ବା ବପୁ ନସାଇଦେଇଆଟେ

ସେଟାର୍‌ପାଇ ସେମନ୍ ଦେକି ନାପାର୍‌ଲାଇନି

କି ମୁଲ୍‌କେ ବୁଜି ନାପାର୍‌ଲାଇନି ।

ସେମନ୍ ନିକ୍ ଅଇବାକେ ମର୍‌ଟାନେ ବାଉଡି ଆସନ୍‌ନାଇ ।

ଏଟା ପର୍ମେସର୍ କଇଲାନି । ଆମେ ସେମନ୍‌କେ ନିକ୍ ନ କରୁ ।

୪୧ ଜିସାୟ୍ ବବିସ୍‌ତବକ୍‌ତା ପୁର୍ବେ ଜିସୁ ମାପୁରୁର୍ ଏ ସବୁ ମଇମା ଜାନିରଇଲାଜେ ଏନ୍ତି ବଲି କଇରଇଲା ।

୪୨ ଏଲେ ମିସା ଜିଉଦି ନେତାମନ୍‌ର୍ ବିଡ୍‌ରେଅନି କେତେ ଲକ୍ ତାକେ ବିସ୍‌ବାସ୍ କଲାଇ । ମାତର୍ ସେମନ୍ ପାରୁସି ମନର୍‌ଲାଗି ପାର୍‌ତନା ଗରେ ଅନି ବାର୍‌କରାଇଦେବାଇ ବଲି ତରିକରି କାତାବାର୍‌ତା ନ ଅଇତେ ରଇଲାଇ ।

୪୩ ସେମନ୍ ପର୍ମେସର୍‌କେ ମାନାଇବା ଟାନେଅନି ଲକ୍ମନ୍‌କେ ମାନାଇବାଟା ଅଦିକ୍ ନିକ୍ ବଲି ବାବ୍‌ତେରଇଲାଇ ।

ଜିସୁର୍ ବାକିଅ ନେଇ ଲକ୍ମନ୍‌ର୍ ବିଚାର୍

୪୪ ଜିସୁ ଆଉଲିଅଇ କଇଲା, “ଜନ୍ ଲକ୍ ମକେ ବିସ୍‌ବାସ୍ କର୍ସି, ସେ ମକେସେ ବିସ୍‌ବାସ୍ କରେନାଇ, ମକେ ଜେ ପାଟାଇଲା ଆଟେ, ତାକେ ମିସା ବିସ୍‌ବାସ୍ କଲାନି ।”

୪୫ ଜେ ମକେ ଦେକି ଆଟେ, ସେ ମକେ ପାଟାଉକେ ମିସା ଦେକି ଆଟେ ।

୪୬ ମୁଇ ଜଗତର୍ ଉଜଲ୍ ଅଇ ଆଇଲିଆଟି । ଜେ ମକେ ବିସ୍‌ବାସ୍ କର୍ସି, ସେ ଆରି ଆନ୍ଦାରେ ନ ରଏ ।

୪୭ ଜେ ମର୍ ବାକିଅ ସୁନି ନ ମାନେ, ମୁଇ ତାର୍ ବିଚାର୍ ନ କର । କାଇକେବଇଲେ ମୁଇ ଜଗତର୍ ଲକ୍ମନ୍‌କେ ବିଚାର୍ କର୍ବାର୍ ଆସିନାଇ, ମାତର୍ ସେମନ୍‌କେ ରକିଆ କର୍ବାର୍ ଆସିଆଟି ।

୪୮ ଜେ ମକେ ନିତି କର ମର୍ ବାକିଅ ନ ମାନେ, ମର୍ ଟଣ୍ଡର୍ ବାକିଅ ତାର୍ ବିଚାର୍ କାରିଆ ଅଇସି । ସାରାସାରି ଦିନେ ସେ ବାକିଅସେ ତାକେ ବିଚାର୍ କର୍ସି ।

୪୯ ମୁଈ ନିଜର ମନେ ଅନି କାଇଟା ମିସା କଇନାଇ, ଏ କାତା ସତ୍ । ମାତର୍ ମୁଈ କଇବାଟା ମକେ ପାଟାଇରଇବା ବାବା ଆଦେସ୍ ଦେଇଆଟେ ।

୫୦ ଆରି ମୁଈ ଜାନିଆଟି, ତାର୍ ଆଦେସ୍ ନ ସାର୍ବା ଜିବନ୍ ଦେଇସି । ମର୍ ବାବା ମକେ ଜନ୍ କାତା କଇବାକେ ଆଦେସ୍ ଦେଇଆଟେ, ସେଟାସେ ମୁଈ କଇଲିନି ।

୧୩

ଜିସୁ ତାର୍ ସିମନର୍ ପାଦ୍ ଦଇଦେଲା

୧ ନିସ୍ତାତ୍ ପରବର୍ ଆଗ୍ତୁର୍ ଦିନ୍ ଅଇରଇଲା । ଜିସୁ, ଏ ଜଗତ୍ ଚାଡ଼ି ବାବା ପର୍ମେସରର୍ ଲଗେ ଜିବାକେ ତାର୍ ବେଲା କେଟ୍ଲାବେ ବଲି ଜାନିରଇଲା । ଦୁନିଆଇ ରଇବା ତାର୍ ସବୁ ଲକ୍ମନ୍‌କେ ସାରାସାରି ଜାକ ବେସି ଆଲାଦ୍ କରତେରଇଲା ।

୨ ସେଦିନର୍ ରାତି ଜିସୁ ଆରି ତାର୍ ସିମନ୍ କାଇବାକେ ବସିରଇଲା । ଜିସୁକେ ବିସ୍‌ବାସେ ବିସ୍ ଦେଲାପାରା କରାଇବା ଚିନ୍ତା, ସଇତାନ୍ ସିମନ୍ ଇସ୍କାରିୟତର୍ ପିଲା ଜିଉଦାର୍ ମନେ ପୁରିକରି ଦେଲା ।

୩ ବାବା ପର୍ମେସର୍, ତାକେ ସବୁ ବିସଇର୍ ଅଦିକାର୍ ଦେଇ ଆଟେ, ସେ ପର୍ମେସରର୍ ଟାନେଅନି ଆସିଆଟେ ଆରି ତାର୍ ଲଗେସେ ଜାଇସି, ବଲି ଜିସୁ ସବୁ ବିସଇ ଜାନିରଇଲା ।

୪ ତେବର୍ପାଇ ସେ କାଇବା ଜାଗାଇଅନି ଉଟିକରି ଅତି ରଇବା ବସ୍ତର୍ ବେଟି ସଙ୍ଗଇ, ଆଁଟାଇ ଗଟେକ୍ ତୁଆଲ୍ ବାନ୍ଧିଅଇଲା ।

୫ ତାର୍ ପଟେ ସେ ଗଟେକ୍ ମୁତାଇ ପାନିନେଲା ଆରି ନିଜର୍ ସିମନ୍‌ର ପାଦ୍ ଦଇକରି ବାନ୍ଧିଅଇଲା ତୁଆଲ୍ ବେଟି ପୁଟି ଦେବାର୍ ଦାରଲା ।

୬ ଜେତେବେଲେ ଜିସୁ ସିମନ୍ ପିତରର୍ ଲଗେ ଆଇଲା, ପିତର୍ ତାକେ କଇଲା, “ମାପୁରୁ ତମେ ମର୍ ପାଦ୍ ଦଇସା କି ?”

୭ ଜିସୁ ତାକେ କଇଲା, “ମୁଈ ଏବେ ଜାଇଟା କଲିନି, ସେଟା ତମେ ବୁଜି ନାପାରାସ୍, ମାତର୍ ପଟେ ବୁଜ୍‌ସା ।”

୮ ପିତର୍ ତାକେ ମନାକରି କଇଲା, “ନିରୁ, ତମେ ମର୍ ପାଦ୍ ଦୁଆନାଇ ।” ଜିସୁ ତାକେ କଇଲା, “ମୁଈ ଜଦି ତର୍ ପାଦ୍ ନ ଦଇଲେ, କେବେ ମିସା ମର୍ ସିସ୍ ଅଇ ନାପାରୁସ୍ ।”

୯ ସିମନ୍ ପିତର୍ ତାକେ କଇଲା, “ମାପୁରୁ ସେନ୍ତାର୍‌ଆଲେ କାଇକେ ମର୍ ପାଦ୍‌ସେ ଦଇ ଦେଇସୁ ? ମର୍ ମୁଣ୍ଟୁ ଆରି ଆଡ୍ ମିସା ଦଇଦିଆସ୍ ।”

୧୦ ଜିସୁ ପିତର୍‌କେ କଇଲା, “ଜନ୍ ଲକ୍ମନ୍ ଗାଦଇ ସାରିଆତଡ୍, ସେମନ୍ ପୁରାପୁରୁନ୍ ସୁକଲ୍ । ପାଦ୍ ଦଇବାଟା ଚାଡ଼ି, କାଇଟା ଦଇବାର୍ ଲତାନାଇ । ଗଟେକ୍ ଲକ୍ମକେ ଚାଡ଼ି, ତମେ ସବୁଲକ୍ ସୁକଲ୍ ଆଟାସ୍ ।”

୧୧ କାଇକେ ବଇଲେ ଜନ୍ ସିସ୍ ଜିସୁକେ ସତ୍‌ରୁମନ୍‌କେ ଦାରାଇଦେଇସି ତାକେ ଜିସୁ ଜାନି ରଇଲା । ସେଟାର୍ ପାଇ ସେ ଗଟେକ୍ ଲକ୍ମକେ ଚାଡ଼ି ସବୁଲକ୍ ସୁକଲ୍ ଆଟାସ୍ ବଲି କଇଲା ।

୧୨ *ଜିସୁ ସିମନ୍‌ର ପାଦ୍ ଦଇଲା ପଟେ ବେଟିରଇଲା ବସ୍ତର୍ ପିନ୍ଧିକରି ବସି ସେମନ୍‌କେ ପାଟାରଲା, “ଏବେ ମୁଈ ତମର୍ ପାଇ କଲା କାମ୍ ବୁଜ୍‌ଲାସିନି କି ?”

୧୩ ଆରି ସେ କଇଲା, “ତମେ ମକେ ଗୁରୁ ଆରି ମାପୁରୁ ବଲି ଡାକ୍‌ଲାସିନି, ସେଟା ଟିକ୍‌ସେ । କାଇକେ ବଇଲେ ଗୁରୁ ଆରି ମାପୁରୁ ମୁଈସେ ।”

୧୪ ମୁଈ ତମର୍ ଗୁରୁ ଆରି ମାପୁରୁ ଅଇକରି, ତମର୍ ପାଦ୍ ଦଇଦେଲି ଆଟି ବଇଲେ ତମେ ମିସା ତମର୍ ତମର୍ ବିତ୍‌ରେ ପାଦ୍ ଦଇବାର୍ ଆଟେ ।

୧୫ ମୁଈ ଏଟା ତମର୍ ପାଇ ଗଟେକ୍ ଉଦାଅରଣ୍ ପାରା କଲିଆଟି, ତମେ ମିସା ବିନ୍ ଲକ୍ମନ୍‌କେ ଏନ୍ତ୍ରି କରା ।

୧୬ *ମୁଈ ତମ୍‌କେ ସତ୍ କାତା କଇଲିନି, ଗତିଦାଙ୍ଗ୍‌ତା ନିଜର୍ ସାଉକାର୍‌ର ତେଇଅନି ବଡ୍ ନର୍ଏ । ଆରି କବର୍ ନେଉଁ କବର୍ ପାଟାଇଲା ଲକ୍ମଟେଇଅନି ବଡ୍ ନର୍ଏ ।

୧୭ ଜଦି ତମେ ଏ ସବୁ ବିସଇ ଜାନିଆଟାସ୍, ଆରି ସେ ଇସାବେ କର୍‌ସା ବଇଲେ ବେସି ସାର୍‌ଦା ଅଇସା ।

୧୮ ମୁଈ ତମର୍ ସବୁ ଲକ୍ମର୍ ବିସଇ ନେଇକରି କଇନାଇ, ଜନ୍ ଲକ୍ମନ୍‌କେ ବାଟି ଆଟି, ସେମନ୍ କେନ୍ତ୍ର ବଲି ଜାନିଆଟି । ମାତର୍ ସାସ୍‌ତରେ ଲେକା ଅଇଲା କାତା ସିଦ୍ ଅଇବାକେ ଏନ୍ତ୍ରି ଗର୍‌ନା ଅଇଲାନି । ସାସ୍‌ତରେ ଲେକା ଅଇଲା ଆଟେ ଜେ ମର୍ ସଙ୍ଗ୍ କାଇଲାନି ସେ ମର୍ ବିରଦେ ଉଟ୍‌ସି ।

୧୯ ଏବେ ଏ ଗର୍‌ନା ଅଇବା ଆଗ୍ତୁସେ ମୁଈ ତମ୍‌କେ ଏ କାତା କଇଲିନି । ଜେତେବେଲା ଏ ଗର୍‌ନା ଗର୍‌ସି, ତମେ ମୁଈ ମସିଅ ବଲି ବିସ୍‌ବାସ୍ କର୍‌ସା ।

୨୦ *“ତମ୍‌କେ ସତ୍ କାତା କଇଲିନି, ଜନ୍ ଲକ୍ମନ୍ ମର୍ କବର୍ ନେବା ଲକ୍ମନ୍‌କେ ନାମ୍‌ବାଇ, ସେମନ୍ ମକେ ମିସା ନାମ୍‌ବାଇ, ଆରି ମକେ ପାଟାଇଲା ପର୍ମେସର୍‌କେ ମିସା ନାମ୍‌ବାଇ ।”

☆ ୧୩:୧୨ ଲୁକ୍ ୨୨:୨୭ ☆ ୧୩:୧୭ ମାତିଉ ୧୦:୨୪; ଲୁକ୍ ୬:୪୦; ଜଅନ୍ ୧୫:୨୦ ☆ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ୍ ୯:୪୮; ୧୦:୧୨

ବିସ୍ବାସେ ବିସ୍ ଦେବା ବିସଇ ଜାନାଇବାଟା
(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ୍ ୨୨:୨୧-୨୩)

୨୧ ଜିସୁ ଏ ସବୁ କାତା କଇସାରାଇଲା ପତେ, ଆଡ଼ମାଇ ବାୟାବିକଲ୍ ଅଇ ପୁଟକାର୍ କରି କଇଲା, “ମୁଇ ତମ୍ବେ ସତ୍ କାତା କଇଲିନି, ତମର୍ ବିତ୍ରେଅନି ଗଟେକ୍ ଲକ୍ ମକେ ବିସ୍ବାସେ ବିସ୍ ଦେଲାପାରା କର୍ସି ।”

୨୨ ସେ ଏ କାତା, କାର୍ ବିସଇ ନେଇକରି କଇଲାନି ବଲି ସିସ୍ମନ୍ ବୁଜିନାପାରି ନିଜର୍ ନିଜର୍ ବିତ୍ରେ ଆର୍ ମୁଏ ସେ ତାର୍ ମୁଏ ଏ, ଦେକାଦେକି ଅଇବାର୍ ଦାରଲାଇ ।

୨୩ ଜିସୁର୍ ସିସ୍ମନ୍ ବିତ୍ରେଅନି ଜଅନ୍, ଜାକେକି ଜିସୁ ମୁକିଅ ଇସାବେ ଆଲାଦ୍ କର୍ତେ ରଇଲା, ସେ ଜିସୁର୍ ଲଗେ ବସିକରି କାଇତେ ରଇଲା ।

୨୪ ସିମନ୍ ପିତର୍ ଜଅନ୍କେ ସଗିଆ କରି କଇଲା, “ସେ କାର୍ ବିସଇ ନେଇକରି କଇଲାନି, ତାକେ ପାଟାର୍ ।”

୨୫ ସେଟାର୍ ପାଇ ଜଅନ୍ ଜିସୁର୍ ଉପ୍ରେ ଆଉଜି ଅଇକରି ପାଟାରୁଲା, “ଏ ମାପୁରୁ, ସେ ଲକ୍ କେ ?”

୨୬ ଜିସୁ କଇଲା, “ମୁଇ ଏ ରୁଟି ଜଲେ ଚବାଲି ଜାକେ ଦେବି, ସେ ଲକ୍ ସେ ।” ସେବେଲେ ସେ ରୁଟି ଜଲେ ଚବାଲି କରି ସିମନ୍ ଇସକାରିୟତର୍ ପିଲା ଜିଉଦାକେ ଦେଲା ।

୨୭ ଇସକାରିୟତ୍ ଜିଉଦା ରୁଟି ମାଙ୍ଗା ଦାପ୍ରେ ସଇତାନ୍ ତାର୍ ମନ୍ ବିତ୍ରେ ଜାଇକରି ଚାଲାଇବାର୍ ଦାରଲା । ଜିସୁ ସେ ବେଲାଇ ତାକେ କଇଲା, “ତୁଇ ଜାଇଟା କର୍ବାକେ ଗାଲୁସ୍ନି ବେଗି କର୍ ।”

୨୮ ଜିସୁ ଏ କାତା ଇସକାରିୟତ୍ ଜିଉଦାକେ କାଇକେ କଇଲା, ତେଇ କାଇବାକେ ବସି ରଇଲା ଲକ୍ମନ୍ ବିତ୍ରେଅନି କେମିସା, ବୁଜି ନାପାରୁଲାଇ ।

୨୯ ଇସକାରିୟତ୍ ଜିଉଦାର୍ ଲଗେ ତାରୁ ପେଡି ରଇଲାଜେ କେତେଟା ସିସ୍ମନ୍ ପାଟାରୁଲାଇ, “ପରବ୍ ପାଇ କାଇକାକାଟା ଦର୍କାର୍ ଆଟେ, ସେଟାର୍ପାଇ ନଇଲେ ଗିରିବ୍ ଲକ୍ମନ୍କେ ଦାନ୍ଦେବାକେ ଜିସୁ ତାକେ କଇଲାଆଟେ ।”

୩୦ ତାର୍ ପତେ ଇସକାରିୟତ୍ ଜିଉଦା ରୁଟି ମାଙ୍ଗି ଦାପ୍ରେ ବାରଇକରି ଉଟିଗାଲା । ସେ ବେଲେ ରାତି ଅଇରଇଲା ।

ନୁଆ ନିୟମ

୩୧ ଇସକାରିୟତ୍ ଜିଉଦା ବାରଇକରି ଉଟିଗାଲା ପତେ ଜିସୁ କଇଲା, “ଏବେ ପର୍ମେସରର୍ ତେଇଅନି ଆଇଲା ନର୍ପିଲା ମୁଇ ତାର୍ଟାନେଅନି ତାକ୍ପୁଟା ପାଇବା ବେଲା ଆସିଆଟେ । ଆରି ମର୍ ଲାଗି ପର୍ମେସର୍ ମିସା ତାକ୍ପୁଟା ପାଇସି ।

୩୨ ଜଦି ପର୍ମେସର୍ ମର୍ତେଇଅନି ତାକ୍ପୁଟା ଅଇଲେ, ନିଜର୍ ମଇମାସଙ୍ ନର୍ପିଲା ମକେ ମିସା ତାକ୍ପୁଟା କରାଇସି । ଦାପ୍ରେସେ ମକେ ସେନ୍ତି କରାଇସି ।

୩୩ ☆ଏ ମର୍ ପିଲାମନ୍ ମୁଇ ତମର୍ ସଙ୍ଗ୍ ଚନେକର୍ପାଇ ରଇବି । ତାର୍ ପତେ ତମେ ମକେ କଜ୍ସା, ଆରି ମୁଇ ଜନ୍ତି ଗାଲିନି ତମେ ତେଇ ଜାଇନାପାରାସ୍ । ଏ ବିସଇ ଜିଉଦି ନେତାମନ୍କେ ଜେନ୍ତି କଇରଇଲି, ସେନ୍ତି ଏବେ ତମ୍ବେ ଆରିତରେକ୍ କଇଲିନି ।

୩୪ ☆ମୁଇ ତମ୍ବେ ଗଟେକ୍ ନୁଆ ଆଦେସ୍ ଦେଲିନି, ତମେ ତମର୍ ନିଜର୍ ନିଜର୍ ବିତ୍ରେ ଆଲାଦ୍ କରା । ମୁଇ ଜେନ୍ତି ତମ୍ବେ ଆଲାଦ୍ କଲିଆଟି, ତମେ ମିସା ନିଜର୍ ନିଜର୍ ବିତ୍ରେ ଆଲାଦ୍ କର୍ବାରୁଆଟେ ।

୩୫ ତମର୍ ନିଜର୍ ନିଜର୍ ବିତ୍ରେ ଆଲାଦ୍ ରଇଲେ, ତମେ ମର୍ ସିସ୍ ବଲି ସବୁଲକ୍ ଜାନ୍ବାଇ ।”

ପିତର୍କେ ଜିସୁ ନାଜାନି ବଲି କଇବାଟା ଜାନାଇଲାନି
(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ୍ ୨୨:୩୧-୩୫)

୩୬ ସିମନ୍ ପିତର୍ ଜିସୁକେ ପାଟାରୁଲା, “ଏ ମାପୁରୁ ତମେ କନ୍ତି ଗାଲାସ୍ନି ?” ଜିସୁ କଇଲା, “ମୁଇ ଜନ୍ତି ଗାଲିନି ସେ ଜାଗାଇ ଏବେ ତୁଇ ଆସି ନାପାରୁସ୍ ମାତର୍ ପତେ ଆଇସୁ ।”

୩୭ ପିତର୍ ଜିସୁକେ କଇଲା, “ଏ ମାପୁରୁ ଏବେ କାଇକେ ତମର୍ ପତେ ପତେ ଆସିନାପାରି ? ମୁଇ ତମର୍ପାଇ ମର୍ବାକେ ମିସା ରାଜିଆଟି ।”

୩୮ ଜିସୁ ତାକେ କଇଲା, “ତୁଇ କାଇକେ ମର୍ପାଇ ମର୍ସୁ ? ମୁଇ ତକେ ସତ୍ କାତା କଇଲିନି କୁକୁଡା ନ ତାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

୧୪

ଜିସୁ ବାବାର୍ ଲଗେ ଜିବା ବାଟ୍

୧ ଆରି ଜିସୁ କଇଲା, “ତମେ କିଲ୍ବିଲ୍ ନ ଉଆ, ପର୍ମେସରର୍ଟାନେ ବିସ୍ବାସ୍ କରା । ଆରି ମର୍ଟାନେ ମିସା ବିସ୍ବାସ୍ କରା ।

☆ ୧୩:୩୩ ଜଅନ୍ ୭:୩୪ ☆ ୧୩:୩୪ ଜଅନ୍ ୧୫:୧୨,୧୭; ୧ ମ ଜଅନ୍ ୩:୨୩; ୨ ଯ ଜଅନ୍ ୧:୫

୨ ମର ବାବାର ଗରେ ରଇବାକେ ବେସି ବାକରା ଆଚେ । ଆରି ତେଇ ମୁଇ ତମର ପାଇ ଜାଗା ଚିକ୍ କରବାର ଗାଲିନି । ଜଦି ଏଟା ସତ୍ ନଇତା ଆଲେ, ମୁଇ ତମକେ ଏନ୍ତି ବଲି ନ କଇତି ।

୩ ଆରି ମୁଇ ଜାଇ ତମର ପାଇ ଜାଗା ଚିକ୍ କଲା ପଚେ, ଆରି ତରେକ୍ ବାଉଡି ଆସି ତମକେ ମର ସଙ୍ଗ୍ ଡାକିନେବି । ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ମର ସଙ୍ଗ୍ ରଇସା ।

୪ ମୁଇ ଜନ୍ ଜାଗାଇ ଗାଲିନି, ତମେ ସେ ଜାଗାଇ ଜିବା ବାଟ୍ ଜାନିଆଟାସ୍ ।”

୫ ତମା ଜିସୁକେ କଇଲା, “ଏ ମାପରୁ ତମେ କନ୍ ଜାଗାଇ ଗାଲୁସ୍ନି, ସେଟା ଆମେ ନାଜାନୁ, ଆରି ତେଇ ଜିବା ବାଟ୍ କେନ୍ତି ଜାନୁ ?”

୬ ଜିସୁ ତାକେ କଇଲା, “ମୁଇ ସତ୍, ବାଟ୍ ଆରି ଜିବନ୍ । ମରବାଚେ ନ ଗାଲେ ବାବା ପର୍ମେସର ଲଗେ କେ ମିସା ଜାଇନାପାରେ ।”

୭ ସେ କଇଲା, “ଜଦି ତମେ ମକେ ଜାନିରଇତାସ୍ ବଇଲେ, ମର ବାବାକେ ମିସା ଜାନୁତାସ୍ । ଏବେ ମିସା ତମେ ତାକେ ଜାନୁଲାସ୍ନି ଆରି ଦେକ୍ଲାସ୍ନି ।”

୮ ପିଲିପ୍ ଜିସୁକେ କଇଲା, “ଏ ମାପରୁ ଆମକେ ବାବାକେ ଦେକାଇ ଦେ, ସେତ୍‌କିସେ ଆମରପାଇ ବେସି ।”

୯ ଜିସୁ ତାକେ କଇଲା, “ପିଲିପ୍ ଏତ୍‌କି ଦିନ୍ ମୁଇ ତମର ସଙ୍ଗ୍ ରଇଲି, ତୁଇ ମକେ ଚିନି ନାପାରୁଲୁସ୍ କି ?” ଜେ ମକେ ଦେକ୍ଲା ଆଚେ ସେ ମର ବାବା ପର୍ମେସରକେ ଦେକ୍ଲା ଆଚେ । କେନ୍ତି ଆମକେ ତର ବାବାକେ ଦେକାଇ ଦେ ବଲି କଇଲୁସ୍ନି ?

୧୦ ତୁଇ ବିସ୍‌ବାସ୍ କୁରୁସ୍ ନାଇ କି ପିଲିପ୍ ? ମୁଇ ବାବାର ତେଇ ଆଚି ଆରି ବାବା ମରଟାନେ ଆଚେ । ମୁଇ ତମକେ ଜନ୍ କାତା ସବୁ କଇଲିଆଚି, ସେ ସବୁ କାତା ମର ନିଜତେଇଅନି କଇନାଇ । ମାତର୍ ବାବା ମରତେଇ ରଇକରି ତାର୍ କାମ୍, ମରଟାନେଅନି କଲାନି ।

୧୧ ମୁଇ ବାବାରତେଇ ଆଚି ଆରି ବାବା ମରଟାନେ ଆଚେ ବଲି ମୁଇ କଇବା ଏ କାତା ବିସ୍‌ବାସ୍ କରା । ନଇଲେ ମୁଇ କରବା କାମ୍ ଦେକି ବିସ୍‌ବାସ୍ କରା ।

୧୨ ମୁଇ ତମକେ ସତ୍ କଇଲିନି, ଜେ ମକେ ବିସ୍‌ବାସ୍ କରସି ସେ, ମୁଇ କରବା ଏନ୍ତି କାମ୍‌ମନ୍ କରସି ଆରି ମରତେଇଅନି ଅଦିକ୍ ବଡ୍ ବଡ୍ କାମ୍‌ମନ୍ ମିସା କରସି । କାଇକେ ବଇଲେ ମୁଇ ମର ବାବାର ଲଗେ ଗାଲିନି ।

୧୩ ତମେ ମର ନାଉଁଦାରି ଜାଇଟା ମାଙ୍ଗ୍‌ସା ସେଟା ସବୁ ମୁଇ ତମକେ ଦେବି । ଇତିଅନି ବାବାର ଡାକ୍‌ପୁଟା ମରତେଇ ଜାନାପଡୁସି ।

୧୪ ତମେ ଜଦି କାଇ ବିସଇ ମିସା ମର ନାଉଁଦାରି ମାଙ୍ଗ୍‌ସା ବଇଲେ ମୁଇ ସେଟା ଦେବି ।

ସୁକଲ୍ ଆଡ଼ମାର୍ ଦାନର ସପତ୍

୧୫ ତମେ ଜଦି ମକେ ଆଲାଦ୍ କରସା, ମର ଆଦେସ୍ ମିସା ମାନସା ।

୧୬ ମୁଇ ମର ବାବାକେ ଗୁଆରି କରବି । ଆରି ତମର ସଙ୍ଗ୍ ସବୁବେଲା ରଇବା ପାଇ, ସେ ଗଟେକ୍ ସାଇଜକାରିଆକେ ପାଟାଇସି ।

୧୭ ସେ ଅଇଲାନି ସତ୍ ଆଡ଼ମା, ଜେକି ସତ୍‌ସଙ୍ଗ୍ ପର୍ମେସରର୍ ବିସଇ ଦେକାଇସି । ଏ ଦୁନିଆର୍ ଲକ୍‌ମନ୍ ତାକେ ନ ନାମଡ୍, କାଇକେ ବଇଲେ ତାକେ ଦେକଡ୍ ନାଇ କି ଜାନଡ୍ ନାଇ । ମାତର୍ ତମେ ତାକେ ଜାନି ଆଟାସ୍ । କାଇକେ ବଇଲେ ସେ ତମର ସଙ୍ଗ୍ ଆଚେ ଆରି ତମର ମନ୍ ବିତ୍‌ରେ ରଇସି ।

୧୮ ମୁଇ ଜେତେବଲ୍ ଜିବି, ତମକେ ତୁରା ପିଲାମନର୍ ପାରା କରି ଚାଡି ନ ଜାଇ । ଆରିତରେକ୍ ତମର ଲଗେ ବାଉଡି ଆଇବି ।

୧୯ ଚନେକ୍ ଗାଲେ ଦୁନିଆ ଆରି ମକେ ଦେକିନାପାରେ । ମାତର୍ ତମେ ଦେକ୍‌ସା, କାଇକେ ବଇଲେ ମୁଇ ସବୁବେଲେ ଜିବନ୍ ରଇବି, ଆରି ତମେ ମିସା ଜିବନ୍ ରଇସା ।

୨୦ ସେ ଦିନ୍ ଆଇଲେ ତମେ ଜାନସା, ମୁଇ ବାବାର ଲଗେ, ତମେ ମର ଲଗେ, ଆରି ମୁଇ ତମର ଲଗେ ସବୁବେଲେ ରଇବି ।

୨୧ “ଜେ ମର ଆଦେସ୍ ମାନସି, ସେ ଆକା ମକେ ଆଲାଦ୍ କରସି । ଜେ ମକେ ଆଲାଦ୍ କରସି, ମର ବାବା ତାକେ ଆଲାଦ୍ କରସି । ମୁଇ ମିସା ତାକେ ଆଲାଦ୍ କରି ନିଜ୍‌କେ ତାରଟାନେ ଦେକାଇଅଇବି ।”

୨୨ ତାର୍ ପଚେ ଜିଉଦା, ଇସ୍କାରିୟୁଡ୍ ଜିଉଦା ନଏଁ, କଇଲା “ଏ ମାପରୁ ଏଟା କେନ୍ତି ଅଇସି ? ତମେ ନିଜ୍‌କେ ଦୁନିଆଇ ଦେକାଇ ନ ଅଇ ଆମର ଲଗେ କେନ୍ତି ଦେକାଇଅଇସା ?”

୨୩ ଜିସୁ ତାକେ କଇଲା, “ଜନ୍ ଲକ୍ ମକେ ଆଲାଦ୍ କରସି ସେ ମୁଇ ସିକାଇବା ବାକିଅ ମାନସି । ସେନ୍ତି କଲେ ମର ବାବା ପର୍ମେସର୍ ତାକେ ଆଲାଦ୍ କରସି । ବାବା ଆରି ମୁଇ ଆସି ସେ ଲକ୍‌ର ଟାନେ ରଇବୁ ।

୨୪ ଜେ ମକେ ଆଲାଦ୍ ନ କରେ, ସେ ମର ବାକିଅ ନ ମାନେ । ଆରି ମୁଇ କଇବା ଏ କାତା ସବୁ ମରତେଇ ଅନି ନଏଁ, ମାତର୍ ମକେ ପାଟାଇଲା ମର ବାବାର ତେଇଅନି କଇଲିନି ।”

୨୫ ମୁଇ ତମର ଲଗେ ରଇକରିସେ ଏ ସବୁ କାତା କଇଲିନି ।

୨୬ ମାତର୍ ପର୍ଯ୍ୟନ୍ତ ଜନ୍ ସାଜକାରିଆ ସୁକଲ୍ ଆଡ଼ମାକେ ମର୍ ନାଉଁ ଦାରି ତମର୍ ଲଗେ ପାଟାଇସି, ସେ ତମ୍ବେ ସବୁ ବିସଇ ସିକାଇଦେଇସି ଆରି ମୁଇ ଜନ୍ ଜନ୍ କାତା କଇଲିଆତି ସେଟା ସବୁ ତମ୍ବେ ଏତାଇ ଦେଇସି ।

୨୭ “ମୁଇ ତମ୍ବେ ସାନ୍ତି ଦେଇକରି ଗାଲିନି । ମର୍ ନିଜର୍ ସାନ୍ତି ତମ୍ବେ ଦାନ୍ ଦେଇକରି ଗାଲିନି । ଏଟା ଦୁନିଆ ଦାନ୍ ଦେଲାପାରା ସାନ୍ତି ନଏଁ । ସେଟାର ପାଇ ଚିନ୍ତା କରା ନାଇ କି କିଲବିଲ୍ ଅଇ ଡରା ନାଇ ।

୨୮ ମୁଇ ଜାଇଟା କଇରଇଲି, ସେଟା ସୁନିଆଟାସ୍ । ମୁଇ ଗାଲିନି ମାତର୍ ଆରି ତରେକ୍ ବାଉଡି ଆଇବି । ମକେ ଜଦି ଆଲାଦ୍ କର୍ତାସ୍ ବଇଲେ, ମୁଇ ବାବାର୍ ଲଗେ ଗାଲିନି ବଲି ସୁନି ସାର୍ଦା ଅଇତାସ୍, କାଇକେ ବଇଲେ ମର୍ ବାବା ମର୍ତେଇଅନି ବଡ଼ ।

୨୯ ଜାଇଟା ସବୁ ଗର୍ବାର୍ ଆତେ ସେଟା ସବୁ ମୁଇ ତମ୍ବେ ଆଗ୍ତୁ ଜାନାଇଦେଲି । ଜେନ୍ତିକି ସେଟା ସବୁ ଗର୍ଲେ, ତମେ ମକେ ବିସ୍ବାସ କରସା ।

୩୦ ମୁଇ ତମର୍ ସଙ୍ଗ୍ ଆରି ଅଦିକ୍ ପର୍ କାତାବାର୍ତା କରି ନାପାରି । କାଇକେ ବଇଲେ, ଏ ଦୁନିଆର୍ ସାସନ୍କାରିଆ ଆଇଲାନି । ଆରି ମର୍ତେନେ ତାର୍ କାଇ ଅଦିକାର୍ ନାଇ ।

୩୧ ମୁଇ ମର୍ ବାବାକେ ଆଲାଦ୍ କଲିନି ଆରି ବାବାର୍ ଆଦେସ୍ ଇସାବେ କାମ୍ କଲିନି, ଏଟା ଦୁନିଆର୍ ଲକ୍ମନ୍ ଜାନଡ଼ ବଲି ଏନ୍ତି ଗର୍ନା ଅଇଲାନି । ଜୁ, ଆମେ ଏ ଜାଗାଇଅନି ବାରଇ ଉଟି ଜୁ ।”

୧୫

ଜିସୁ ସଡ଼ ଅଙ୍ଗୁର୍ ମାଲ୍

୧ “ମୁଇ ଅଇଲିନି ସଡ଼ ଅଙ୍ଗୁର୍ ମାଲ୍ ଆରି ମର୍ ବାବା ଅଇଲାନି ଚାସି ।

୨ ମର୍ତେନେ ରଇବା ପିଲକା ମାଲେ ପଲ୍ ନ ଦାର୍ଲେ, ସେ କାଟି ପାକାଇସି । ଆରି ଜନ୍ ମାଲେ ପଲ୍ ଦାର୍ସି ସେ ମାଲ୍ ଅଦିକ୍ ପଲ୍ ଦାର୍ବାକେ ପରିଚଲ୍ କର୍ସି ।

୩ ମର୍ତେଇ ଅନି ପାଇରଇବା ସିକିଆଇ ଅନି ତମେ ପରିଚଲ୍ ଅଇସାରି ଆଟାସ୍ ।

୪ ତମେ ମର୍ସଙ୍ଗ୍ ମିସିକରି ରୁଆ । ସେନ୍ତି ବଇଲେ ମୁଇ ମିସା ତମର୍ ସଙ୍ଗ୍ ରଇବି । କେନ୍ଦା ଜଦି ବୁନ୍ଦସଙ୍ଗ୍ ମିସିକରି ନ ରଇଲେ ନିଜେ ପଲ୍ ନ ଦାରେ, ସେନ୍ତି ତମେ ମିସା ମର୍ତେଇ ମିସି ନ ରଇଲେ, ପଲ୍ ଦାରିନାପାରାସ୍ ।”

୫ “ମୁଇ ଅଇଲିନି ମୁଲ୍ ଅଙ୍ଗୁର୍ ମାଲ୍, ତମେ ଅଇଲାନି ପିଲକା ମାଲ୍ । ଜେ ମର୍ତେଇ ରଇସି ଆରି ମୁଇ ଜାର୍ତେଇ ରଇବି ସେ ବେସି ପଲ୍ ଦାର୍ସି, କାଇକେ ବଇଲେ ମକେ ଚାଡ଼ିକରି ତମେ କାଇଟା କରି ନାପାରାସ୍ ।

୬ ଜେ ମର୍ତେଇ ନ ରଏ, ତାକେ ଗଟେକ୍ ଗର୍ଭି କରି ପିଙ୍ଗା ମାଲ୍ପାରା ବାଇରେ ପିଙ୍ଗି ଦେବାଇ ଆରି ସେଟା ସୁକି ଜାଇସି । ଏନ୍ତାରି ମାଲ୍ମନ୍ତେ ଟୁଲିଆଇ ଜଇତେଇ ପିଙ୍ଗି ଦେବାଇ ଆରି ସେଟା ପଡ଼ି ଜାଇସି ।

୭ ଜଦି ତମେ ମର୍ସଙ୍ଗ୍ ମିସିକରି ରଇସା ଆରି ମର୍ ବାକିଅ ତମର୍ ମନେ ରଇସି, ତମେ ମନ୍କରି କାଇ ବିସଇ ମାଙ୍ଗ୍ସା ବଇଲେ ସେଟା ମିଲାଇସା ।

୮ ତମେ ବେସି ପଲ୍ ଦାର୍ଲେ, ମର୍ ବାବା ତାକ୍ପୁଟା ପାଇସି, ଆରି ଇଡିଅନି ତମେ ମର୍ ସଡ଼ ସିସ୍ମନ୍ ବଲି ଜାନ୍ବାଇ ।

୯ ମର୍ ବାବା ଜେନ୍ତି ମକେ ଆଲାଦ୍ କଲା ଆତେ, ସେନ୍ତି ମୁଇ ମିସା ତମ୍ବେ ଆଲାଦ୍ କଲିନି । ମର୍ ଆଲାଦେ ତବିର୍ ଅଇରୁଆ ।

୧୦ ମୁଇ ଜେନ୍ତି ମର୍ ବାବାର୍ ଆଦେସ୍ ମାନିକରି ତବିର୍ ଅଇଆତି । ସେନ୍ତି ତମେ ମର୍ ଆଦେସ୍ ମାନ୍ସା ବଇଲେ ମର୍ ଆଲାଦେ ତବିର୍ ଅଇକରି ରଇସା ।”

୧୧ “ଜେନ୍ତିକି ମର୍ ସାର୍ଦା ତମର୍ ଟାନେ ରଇକରି, ସେ ସାର୍ଦା ପୁରାପୁରୁନ୍ ଅଇବାକେ ତମ୍ବେ ଏ ସବୁ କାତା କଇଲିଆତି ।

୧୨ *ମୁଇ ତମ୍ବେ ଜେନ୍ତି ଆଲାଦ୍ କଲିଆତି, ସମାନ୍ ସେନ୍ତି ତମେ ମିସା ନିଜର୍ ନିଜର୍ ବିଡ଼ରେ ଆଲାଦ୍ ଅଇକରି ରୁଆ । ଏଟାସି ମର୍ ଆଦେସ୍ ।

୧୩ ନିଜର୍ ମଇତର୍ମନ୍ ଲାଗି ଜିବନ୍ ଦେବାଟା ଅଇଲାନି ସବୁର୍ତେନଅନି ବଡ଼ ଆଲାଦ୍ ।

୧୪ ମୁଇ ତମ୍ବେ ଜନ୍ ଆଦେସ୍ ଦେଇଆତି, ସେଟା ମାନ୍ସା ବଇଲେ ତମେ ମର୍ ମଇତର୍ମନ୍ ।

୧୫ ଏବେ ମୁଇ ତମ୍ବେ ଗତିଦାଙ୍ଗ୍ଡାମନ୍ ବଲି ନ ଡାକି, କାଇକେ ବଇଲେ, ଗତିଦାଙ୍ଗ୍ଡା ତାର୍ ସାଉକାର୍ କାଇଟା କର୍ସି ସେଟା ନାଜାନେ । ମାତର୍ ମୁଇ ତମ୍ବେ ମଇତର୍ ବଲି ଡାକ୍ବି, କାଇକେ ବଇଲେ ମୁଇ ବାବାର୍ତେଇ ଅନି ଜନ୍ ଜନ୍ ବିସଇ ସୁନି ଆତି, ସେଟା ତମ୍ବେ କଇଦେଲିଆତି ।

୧୬ ତମେ ମକେ ବାଟାସ୍ ନାଇ, ମାତର୍ ମୁଇ ତମ୍ବେ ବାଟ୍ଲି ଆତି । ଆରି ଜାଇକରି ଅଦିକ୍ ଅଦିକ୍ ପଲ୍ ଦାର୍ବାକେ ତମ୍ବେ ଦାଇଡ଼ ଦେଲି । ତମର୍ ପଲ୍ ସବୁ ଦିନର୍ ପାଇ ରଇସି । ତେବେ ତମେ ମର୍ ନାଉଁ ଦାରି ବାବାକେ କାଇଟା ମାଙ୍ଗ୍ଲେ ମିସା ସେ ତମ୍ବେ ଦେଇସି ।

୧୭ ତମର୍ ତମର୍ ବିଡ଼ରେ ଆଲାଦ୍ କରା । ଏଟା ଅଇଲାନି ମର୍ ଆଦେସ୍ ।”

* ୧୫:୧୭ ଜଅନ୍ ୧୩:୩୪; ୧୫:୧୭; ୧ ମ ଜଅନ୍ ୩:୨୩; ୨ ଯ ଜଅନ୍ ୧:୫

ଜଗତର ଗିନ୍

୧୮ “ଜାନିରୁଆ, ତମ୍ଭଙ୍କେ ଜଦି ଏ ଦୁନିଆ ଗିନ୍ କରସି, ତେବେ ତମ୍ଭଙ୍କେ ଗିନ୍ କରବା ଆଗ୍ତୁସେ ମକେ ଗିନ୍ କଲାଆତେ ।

୧୯ ତମେ ଜଦି ଏ ଦୁନିଆର ଲକ୍ଷ୍ମୀନ୍ ଅଇରଇତାସ୍ ଆଲେ ଏ ଦୁନିଆ ତମ୍ଭଙ୍କେ ନିଜର ବାବି ଆଲାଦ୍ କରତା, ମାତର ମୁଇ ତମ୍ଭଙ୍କେ ବାବି ଦୁନିଆଇଅନି ବେଗ୍‌ଲାଇ ଦେଇଆତି । ସେଟାର ପାଇ ଏ ଦୁନିଆ ତମ୍ଭଙ୍କେ ଗିନ୍‌କରସି ।

୨୦ *ମୁଇ ଜନ୍‌ଟା କଇରଇଲି ଏତାଇଦେକା, ଗତିଦାଙ୍ଗ୍‌ତା ତାର୍ ସାଉକାର୍‌ତେଇଅନି ବଡ୍ ନର୍‌ସ୍ ବଲି ମୁଇ ତମ୍ଭଙ୍କେ କଇରଇଲି । ସେମନ୍ ମକେ ସାଦି ଆତଡ୍ ଆରି ତମ୍ଭଙ୍କେ ମିସା ସାଦ୍‌ବାଇ । ଜଦି ସେମନ୍ ମର୍ ସିକିଆ ମାନିଆତଡ୍ ବଇଲେ ତମର୍ କାତା ମିସା ମାନ୍‌ବାଇ ।

୨୧ ମାତର ତମେ ମର୍ ଲକ୍ ଅଇରଇବାର୍ ଲାଗି ସେମନ୍ ତମ୍ଭଙ୍କେ ଏନ୍ତାରି କରବାଇ । କାଇକେ ବଇଲେ ମକେ ଜେ ପାଟାଇଲା ଆତେ, ସେଟା ସେମନ୍ ନାଜାନଡ୍ ।

୨୨ ଜଦି ମୁଇ ଆସି ଏ ସବୁ ବିସଇ ସେମନ୍‌କେ ବୁଜାଇ ନ ରଇତି ବଇଲେ, ସେମନ୍ ଦସି ନ ଅଇତାଇ, ମାତର ଏ ପାପର୍ ଚଲାଟଲ୍‌ତି ପାଇ କାଇ ଚାଲାକି ଦେକାଇ ନାପାରଡ୍ ।

୨୩ ଜେ ମକେ ଗିନ୍ କରସି, ସେ ମର୍ ବାବା ପରମେସର୍‌କେ ମିସା ଗିନ୍ କରସି ।

୨୪ ଜଦି ମୁଇ ତାକର୍ ବିଡ୍‌ରେ କାବା ଅଇଜିବା କାମ୍ ନ କରି ରଇଲେ, ସେମନ୍ ପାପି ବଲି ଦସି ନ ଅଇତାଇ । ମାତର ସେମନ୍ ମୁଇ କଲା କାବାଅଇଜିବା କାମ୍‌ମନ୍ ଦେକ୍‌ଲାଇ ଆତଡ୍ । ଏନ୍ତି ବଇଲେ ମିସା ସେମନ୍ ମକେ ଆରି ମର୍ ବାବା ପରମେସର୍‌କେ ଗିନ୍ କଲାଇ ଆତଡ୍ ।

୨୫ ମାତର ଏସବୁ ଗଟ୍‌ବାର୍ ରଇଲା । କାଇକେବଇଲେ ସେଟାର୍ ଲାଗି ସେମନ୍‌ର୍ ସାସ୍‌ତରେ ଜାଇଟା ଲେକାଅଇଲା ଆତେ, ସେଟା ସିଦ୍ ଅଇଲା । କାଇ ଦସ୍ ନ ରଇତେ ସେମନ୍ ମକେ ଗିନ୍ କଲାଇ ।

୨୬ ସତଇସେ ସାଇଜକାରିଆ ଆଡ୍‌ମା ଆଇସି । ସେ ବାବାଟେଇ ଅନି ଆସି, ପରମେସର୍‌ର୍ ସବୁ ବିସଇର୍ ସଡ୍ ଦେକାଇଦେଇସି । ମୁଇ ତାକେ ବାବାଟେଇଅନି, ତମର୍ ଲଗେ ପାଟାଇବି । ଆରି ସେ ମର୍ ବିସଇ ତମ୍ଭଙ୍କେ କଇସି ।

୨୭ ଆରି ତମେ ମିସା ମର୍ ବିସଇସେ କଇସା, କାଇକେବଇଲେ ଆରାମେଅନି ତମେ ମର୍ ସଙ୍ଗ୍ ଆଟାସ୍ ।”

୧୭

୧ “ତମେ ମକେ କରିରଇବା ବିସ୍‌ବାସ୍ ନ ଚାଡି, ତାର୍ ସଙ୍ଗ୍ ରଇବାକେ, ମୁଇ ଏ ସବୁ କାତା କଇଲିଆତି ।

୨ ସେମନ୍ ତମ୍ଭଙ୍କେ ପାର୍‌ତନା ଗରେଅନି ବାର୍‌କରାଇ ଦେବାଇ । ଊଁ ଏନ୍ତାରି ବେଲା ଆଇଲାନି, ଜେ ମିସା ତମ୍ଭଙ୍କେ ମରାଇବାଇ, ସେଟା ପରମେସର୍‌କେ ସେବା କଲାପାରା ରଇସି ।

୩ ତମ୍ଭଙ୍କେ ସେମନ୍ ଏନ୍ତି ସବୁ କାମ୍‌ମନ୍ କରବାଇ । କାଇକେ ବଇଲେ ସେମନ୍ ମକେ ଆରି ମର୍ ବାବାକେ ନାଜାନଡ୍ ।

୪ ଏବେ ମୁଇ ଏ ସବୁ କାତା କଇଲିନି । ସେଟାର୍ ପାଇ ଏ ସବୁ ଗଟ୍‌ନାମନ୍ ଗଟ୍‌ବା ବେଲା କେଟ୍‌ଲେ ମୁଇ କଇଲା କାତା ଏତାଇସା । ଆରାମେ ଅନି ମୁଇ ତମର୍ ସଙ୍ଗ୍ ରଇଲି ଜେ ଏ ସବୁ କାତା କଇ ନ ରଇଲି ।”

ସୁକଲ୍ ଆଡ୍‌ମାର୍ କାମ୍

୫ “ମାତର ମୁଇ ଏବେ ମର୍ ପାଟାଉର୍ ଲଗେ ଗାଲିନି । ଏଲେମିସା ତମର୍ ବିଡ୍‌ରେ ଅନି କେ ମିସା ମକେ କେନେ ଜାଇସୁ ବଲି ପାଟାରାସ୍ ନାଇ ।

୬ ମାତର ଏବେ ମର୍ ଏ ସବୁ କାତା ସୁନିକରି ଦୁକ୍ ଅଇକରି ଆଟାସ୍ ।

୭ ମୁଇ ତମ୍ଭଙ୍କେ ସଡ୍‌କାତା କଇଲିନି, ମୁଇ ଉଟିଜିବା ବିସଇ ତମର୍ ପାଇ ଗଟେକ୍ ମଙ୍ଗ୍‌ଲର୍ ବିସଇ ଅଇସି । କାଇକେ ବଇଲେ ମୁଇ ନ ଗାଲେ ସାଇଜକାରିଆ ତମର୍‌ଟାନେ ନ ଆସେ, ମୁଇ ଗାଲେ ତାକେ ତମର୍‌ଟାନେ ପାଟାଇଦେବି ।

୮ ସେ ଆସିକରି ଦୁନିଆର୍ ଲକ୍‌ମନ୍‌କେ ପାପ୍, ଦରମ୍ ଆରି ନିଆଇ ବିସଇର୍ ସାକି ଦେଇସି ।

୯ ଏ ଦୁନିଆର୍ ଲକ୍‌ମନ୍ ପାପ୍ ବିସଇ ବୁଲ୍ ବୁଜ୍‌ଲାଇ ଆତଡ୍ । ସେ ଦେକାଇ ଦେଇସି ଜେ, ମକେ ବିସ୍‌ବାସ୍ ନ କରବାଟାସେ ପାପ୍ ।

୧୦ ଟିକ୍ ଇସାବେ ଚଲାଟଲ୍‌ତି କରବା ବିସଇ, ଦୁନିଆର୍ ଲକ୍‌ମନ୍ ବୁଲ୍ ବୁଜିଆତଡ୍ । ମୁଇ ମର୍ ବାବାର୍ ଲଗେ ବାଉଡି ଗାଲିନି, ଆରି ତମେ ମକେ ଦେକିନାପାରାସ୍ । ସେଟା ମୁଇ ମାନ୍‌ବା ଦରମ୍ ବିସଇ ସାକି ଦେଲାନି ।

୧୧ ଦୁନିଆର୍ ଲକ୍‌ମନ୍ ବିଚାର୍ କରବା ବିସଇ ବୁଲ୍ ବୁଜ୍‌ଲାଇ ଆତଡ୍ । କାଇକେବଇଲେ ଏ ଦୁନିଆର୍ ସାସନ୍‌କାରିଆ ଦସି ବଲି ବିଚାର୍ ଅଇ ସାରାଇ ଆତେ ।”

୧୨ “ମୁଇ ତମ୍ଭଙ୍କେ କେଡେକ୍ କେଡେକ୍ କାତା କଇବାର୍ ଆତେ । ମାତର ଏବେ ତମେ ସେ ସବୁ କାତା ଦାରିନାପାରାସ୍ ।

୧୩ ମାତର ସଡ୍ ଆଡ୍‌ମା ଆଇଲେ, ସେ ତମ୍ଭଙ୍କେ ସବୁ ସଡ୍ ବିସଇର୍ ବାଟେ ଡାକିନେଇସି । କାଇକେ ବଇଲେ, ସେ ନିଜର୍ ଅଦିକାରେ କାଇ କାତା ନ କଏ । ମାତର ସେ ବାବାଟେଇଅନି ଜନ୍ ଜନ୍ କାତା ସୁନ୍‌ସି, ସେ ସବୁ କଇସି । ଆରି ଆଇବା ଦିନ୍‌ମନ୍‌କେ କାଇଟା ଅଇସି ସେ ସବୁ ବିସଇ ମିସା କଇସି ।

* ୧୫:୨୦ ମାତିଉ ୧୦:୨୪; ଲୁକ୍ ୭:୪୦; ଜଅନ୍ ୧୩:୧୭

୧୪ ସେ ମୁଞ୍ଚ କଇବାଟାନେ ଅନି ନେଇକରି ଆକା ତମ୍ବକେ କଇସି । ଆରି ମକେ ଡାକ୍ପୁଟା କରାଇ ଦେକାଇସି ।

୧୫ ଜନ୍ମଟା ବାବାରଟା, ସେ ସବୁ ମରଟା । ସେଟାରପାଇ ମୁଞ୍ଚ ତମ୍ବକେ କଇଲିନି, ସୁକଲ୍ ଆତ୍ମା ମରଟାନେଅନି ନେଇକରି ସେ ତମ୍ବକେ କଇସି ।”

ଦୁକର୍ ବିସଇ ଆରି ସାର୍ଦଦା ବିସଇ

୧୬ “ଚନେକ୍ ଗାଲା ପଟେ ତମେ ଆରି ମକେ ଦେକି ନାପାରାସ୍ । ଆରି ଚନେକ୍ ଗାଲେ ଦେକ୍ସା ।”

୧୭ ସେବେଲେ ତାର୍ ସିସ୍ମାନର୍ ବିତ୍ତରେଅନି କେତେ ଲକ୍ ଡାକର୍ ବିତ୍ତରେ କୁଆବଲା ଅଇଲାଇ । “ସେ ଆମ୍ବକେ କଇଲାନି, ଚନେକ୍ ଗାଲାପଟେ ତମେ ଆରି ମକେ ଦେକି ନାପାରାସ୍, ଆରି ଚନେକ୍ ଗାଲେ ମକେ ଦେକ୍ସା । ମୁଞ୍ଚ ଏବେ ବାବାର୍ ଲଗେ ଗାଲିନି ବଲି କଇବା ଅରଡ୍ କାଇଟା ?”

୧୮ ତେବେ ସେମନ୍ କଇଲାଇ, “ଏ ଚନେକ୍ ପଟେ ବଲି କାଇକେ କଇଲାନି ? ସେ କାଇଟା ବଲି କଇଲାନି, ଆମେ ବୁଜି ନାପାରୁଲୁନି ।”

୧୯ ସେମନ୍ ମକେ ପାଟାର୍ବାକେ ମନ୍ କଲାଇନି ବଲି ଜିସୁ ଜାନିକରି ସେମନ୍କେ କଇଲା, “ଚନେକ୍ ଗାଲେ ତମେ ଆରି ମକେ ଦେକି ନାପାରାସ୍ ଆରି ଚନେକ୍ ଗାଲାପଟେ ମକେ ଦେକ୍ସା ବଲି କଇଲା ଏ କାତା ନେଇକରି ତମର୍ ତମର୍ ବିତ୍ତରେ କାଇକେ କୁଆବଲା ଅଇଲାସ୍ନି ?

୨୦ ମୁଞ୍ଚ ତମ୍ବକେ ସଡ୍ କାତା କଇଲିନି, ତମେ ସାତାରି ସାତାରି କାନ୍ଦ୍ସା, ମାତର୍ ଦୁନିଆର୍ ଲକ୍ମନ୍ ସାର୍ଦଦା ଅଇବାଇ । ତମେ ପର୍ତୁମ୍ ଦୁକ୍ ଅଇରଇସା ମାତର୍ ତମର୍ ଦୁକ୍ ସାର୍ଦଦା ପୁରୁନ୍ ଅଇଜାଇସି ।

୨୧ ଗଟେକ୍ ମାଇଜି ନିକ ଅଇବା ବେଲା କେଟ୍ଲେ ବେସି ଦୁକ୍ ଅଇସି । କାଇକେବଇଲେ ତାର୍ ଦୁକ୍ କସ୍ଟର୍ ବେଲା କେଟିଆଟେ । ମାତର୍ ନିମାନ୍ ଅଇସାର୍ଲା ପଟେ ତାର୍ ଦୁକ୍ କସ୍ଟ ପାସ୍ରିଜାଇସି । କାଇକେ ବଇଲେ ତାର୍ତେଇଅନି ଗଟେକ୍ ପିଲା ଦୁନିଆଇ ଜନମ୍ ଅଇଲା ଆଟେ ।

୨୨ ସେନ୍ତାରିସେ ତମ୍ବକେ ମିସା ଅଇସି । ଏବେ ତମେ ଦୁକ୍ଅଇ ଆଟାସ୍, ମାତର୍ ଆରି ତରେକ୍ ମୁଞ୍ଚ ତମ୍ବକେ ଦେକାଇଅଇବି, ତାର୍ ପଟେ ତମେ ବେସି ସାର୍ଦଦା ଅଇସା । ଆରି କେମିସା ତମର୍ ସାର୍ଦଦା ତମର୍ଟାନେଅନି ଚାଡାଇ ନେଇ ନାପାରଡ୍ ।

୨୩ “ସେବେଲା ତମେ ମକେ ମୁଲ୍କେ ନ ପାଟାରାସ୍ । ମୁଞ୍ଚ ତମ୍ବକେ ସଡ୍ କାତା କଇଲିନି, ତମେ ମର୍ ନାଉଁ ଦାରି ବାବାକେ କାଇଟା ମିସା ମାଙ୍ଗ୍ସା ବଇଲେ ସେଟା ଦେଇସି ।

୨୪ ତମେ ଏବେ ଜାକ ମର୍ ନାଉଁ ଦାରି କାଇଟା ମିସା ମାଙ୍ଗାସ୍ ନାଇତା । ଏବେ ମାଙ୍ଗା, ତେବେ ତମ୍ବକେ ମିଲ୍ସି । ଆରି ତମର୍ ସାର୍ଦଦା ପୁରାପୁରୁନ୍ ଅଇସି ।”

ଦୁନିଆକେ ଜିତ୍ତବା ବିସଇ

୨୫ “ମୁଞ୍ଚ ତମ୍ବକେ କାତା ମଲ୍କାଇ କରି ଏ ସବୁ କଇଲିନି, ଏନ୍ତି ବେଲା ଆଇସି, ତମ୍ବକେ ଆରି ମୁଞ୍ଚ କାତା ନ ମଲ୍କାଇ, ସଲ୍କେ ବାବାର୍ ବିସଇ କଇଦେବି ।

୨୬ ତମେ ସେ ଦିନ୍ମନ୍କେ ମର୍ ନାଉଁ ଦାରି ପର୍ମେସର୍କେ ବେସି ବିସଇମନ୍ ମାଙ୍ଗ୍ସା । ଆରି ମୁଞ୍ଚ ତମର୍ ପାଇ ବାବା ପର୍ମେସରର୍ ତେଇ ଗୁଆରି କର୍ବାର୍ ଦରକାର୍ ନ ରଏ ।

୨୭ କାଇକେବଇଲେ ବାବା ତମ୍ବକେ ଆଲାଦ୍ କଲାନି, ସେ ତମ୍ବକେ ଆଲାଦ୍ କଲାନି କାଇକେବଇଲେ ତମେ ଜେନ୍ତିକି ମକେ ଆଲାଦ୍ କରି ଆଟାସ୍, ଆରି ମୁଞ୍ଚ ପର୍ମେସରର୍ ତେଇଅନି ଆଇଲି ଆଟି ବଲି ବିସ୍ବାସ୍ କରିଆଟାସ୍ ।

୨୮ ମୁଞ୍ଚ ବାବାର୍ଟାନେଅନି ଏ ଦୁନିଆଇ ଆସିଆଟି, ଆରି ଏବେ ମୁଞ୍ଚ ଏ ଦୁନିଆ ଚାଡିକରି ବାବାର୍ ଲଗେ ବାଉଡି ଗାଲିନି ।”

୨୯ ଜିସୁର୍ ସିସ୍ମାନ୍ କଇଲାଇ, “ଏବେ ତମେ ଆମ୍ବକେ କାତା ମଲ୍କାଇ ନ କଇକରି ସଲ୍କେସେ କଇଲାସ୍ନି ।

୩୦ ତମେ ସବୁ ବିସଇ ଜାନିଆରୁସ୍, ଏଟା ଏବେ ଆମେ ଜାନ୍ଲୁ । ଆରି କେ ତମ୍ବକେ ଜାନେ କି ନାଇ ବଲି, ପାଟାର୍ବାର୍ ଲଡା ନାଇ । ଏଟାରପାଇ ତମେ ପର୍ମେସରର୍ଟାନେ ଅନି ଆସିଆରୁସ୍ ବଲି ଆମେ ବିସ୍ବାସ୍ କଲୁନି ।”

୩୧ ଜିସୁ ସେମନ୍କେ କଇଲା, “ଏବେ କାଇ ତମେ ବିସ୍ବାସ୍ କଲାସ୍ନି ?

୩୨ ଦେକା, ଏନ୍ତି ବେଲା ଆଇଲାନି, ଉଁ ସେ ବେଲା କେଟ୍ଲା ଆଟେ, ତମେ ମକେ ଗଟେକ୍ ଲକ୍ କେ ଚାଡି, ଏନେ ତେନେ ଅଇକରି ନିଜର୍ ନିଜର୍ ଗରେ ଉଟିପାଲାଇସା । ଏଲେମିସା ମୁଞ୍ଚ ଗଟେକ୍ ଲକ୍ ନାଇ, ସବୁବେଲା ମର୍ ସଙ୍ଗ୍ ବାବା ଆଟେ ।

୩୩ ଜେନ୍ତାରି କି ତମେ ମର୍ତେଇ ରଇକରି ସାନ୍ତି ପାଇସା, ସେଟାରପାଇ ମୁଞ୍ଚ ତମ୍ବକେ ଏ ସବୁ ବିସଇ କଇଆଟି । ଏ ଦୁନିଆଇ ତମର୍ପାଇ ବେସି ଦୁକ୍ କସ୍ଟ ଆଟେ, ମାତର୍ ତାଟ୍ସଙ୍ଗ୍ ରୁଆ, ମୁଞ୍ଚ ଦୁନିଆର୍ କାରାପ୍ ବପୁ ନସାଇକରି ଜିତିଆଟି ।”



୧ ଜିସୁ ଏ ସବୁ କାତା କଇସାରାଇଲା ପଚେ, ସରଗ ବାଟେ ଦେକି କଇଲା, “ଏ ସରଗର୍ ବାବା, ଏବେ ବେଲା କେଟଲା ଆଚେ । ତମର୍ ପିଲା ମକେ ଡାକ୍ପୁଟା କରା । ଜେନ୍ତିକି ତମର୍ ପିଲା ମୁଇ ତମକେ ଡାକ୍ପୁଟା କରବି ।

୨ ତମେ ମକେ ସବୁ ମୁନୁସ୍ ଜାତି ଉପରେ ଅଦିକାର୍ ଦେଇଆଚାସ୍ । ଆରି ଜନ୍‌ଲକ୍‌ମନକେ ମକେ ସର୍ପି ଦେଇଆଚାସ୍, ସେମନ୍‌କେ ମୁଇ ନ ସାରବା ଜିବନ୍ ଦେବି ।

୩ ତମେସେ ଗଟେକ୍ ପର୍‌ମେସର୍, ତମକେ ଆରି ତମେ ପାଟାଇରଇବା ଜିସୁ କିରିସ୍‌ଟକେ ଜାନ୍‌ବାଟା ଅଇଲାନି ନ ସାରବା ଜିବନ୍ ।

୪ ତମେ ମକେ ଜନ୍ କାମ୍‌ମନ୍ କରବାକେ ଦେଇଆଚାସ୍, ସେଟା ମୁଇ ସାରାଇ କରି, ଏ ଦୁନିଆଇ ତମକେ ଡାକ୍ପୁଟା କରିଆଚି ।

୫ ଏ ବାବା, ଏ ଦୁନିଆ ତିଆର୍ ନ ଅଇତେ, ତମର୍ ସଙ୍ଗ୍ ରଇଲାବେଲେ, ମର୍ ଜନ୍ ଡାକ୍ପୁଟା ରଇଲା, ଏବେ ତମେ ରଇତେ ଆକା, ମକେ ଡାକ୍ପୁଟା କର୍ ।

୬ “ଏ ଜଗତର୍ ଜନ୍ ଲକ୍‌ମନକେ ତମେ ମକେ ସର୍ପି ଦେଇରଇଲାସ୍, ସେମନ୍‌ର୍ ଲଗେ ମୁଇ ତମକେ ଜାନାଇଆଚି । ସେମନ୍ ତମର୍ ଅଇରଇଲାଇ, ଆରି ମକେ ସେମନ୍‌କେ ସର୍ପିଦେଲୁସ୍ । ସେମନ୍ ତମର୍ ବାକିଅ ମାନ୍‌ଲାଇନି ।

୭ ତମେ ମକେ ଜନ୍ ଜନ୍‌ଟା ସର୍ପି ଦେଇ ଆଚାସ୍, ସେଟାମନ୍ ସବୁ ତର୍‌ଟାନେଅନି ଆକା ଅଇଲାଆଚେ, ବଲି ଏବେ ସେମନ୍ ବୁଜିଆଚଡ୍ ।

୮ ତମେ ମକେ ଦେଇରଇବା କବର୍ ମୁଇ ସେମନ୍‌କେ ସୁନାଇଆଚି, ସେମନ୍ ସେଟା ମାନି ଆଚଡ୍ । ମୁଇ ତମର୍‌ଟାନେଅନି ଆସିଆଚି ଆରି ତମେ ମକେ ପାଟାଇଆଚାସ୍, ସେମନ୍ ଏ କାତା ସଡ୍ ବଲି ଜାନିକରି ବିସ୍‌ବାସ୍ କଲାଇ ଆଚଡ୍ ।”

୯ ମୁଇ ସେମନ୍‌ରଲାଗି ପାର୍‌ତନା କଲିନି, ଦୁନିଆର୍ ଲକ୍‌ମନର୍ ପାଇ ପାର୍‌ତନା କରିନାଇ । ମାତର୍ ତମେ ମକେ ଜନ୍ ଲକ୍‌ମନକେ ଦେଇଆଚାସ୍, ସେ ଲକ୍‌ମନର୍ ପାଇ ପାର୍‌ତନା କଲିନି । କାଇକେ ବଇଲେ ସେମନ୍ ତମର୍ ଲକ୍‌ମନ୍ ।

୧୦ ଜେଡ୍‌କି ମର୍‌ଟା, ସେ ସବୁ ତମର୍‌ଟା । ଆରି ଜେଡ୍‌କି ତମର୍‌ଟା ସେ ସବୁ ମର୍‌ଟା । ଆକର୍‌ଲାଗି ଆକା ମର୍ ଡାକ୍ପୁଟା ଅଇଆଚେ ।

୧୧ ଏବେ ମୁଇ ତମର୍ ଲଗେ ଆଇଲିନି, ମୁଇ ଏ ଦୁନିଆଇ ରଇନାଇ । ମାତର୍ ଏମନ୍ ରଇଲାଇନି । ସୁକଲ୍ ରଇବା ବାବା ! ତମେ ଜନ୍ ଲକ୍‌ମନକେ ମକେ ସର୍ପି ଦେଇଆଚୁସ୍, ତମେ ଦେଇରଇବା ନାଉଁର୍ ବପୁର୍ ଲାଗି ସେମନ୍‌କେ ରକିଆ କରା । ଜେନ୍ତାରି ତମେ ଆରି ମୁଇ ଗଟେକ୍ । ସେନ୍ତାରିସେ ସେମନ୍ ଗଟେକ୍ ଅଇରଇବାକେ ସାଇଜ କରା ।

୧୨ *ମୁଇ ସେମନ୍‌ର୍ ସଙ୍ଗ୍ ରଇଲା ବେଲେ ତମର୍ ନାଉଁର୍ ବପୁସଙ୍ଗ୍ ସେମନ୍‌କେ ରକିଆ କରିରଇଲି । ଜେନ୍ତିକି ସେମନ୍ କାଲ୍‌କାଲ୍ ଜୁଗ୍‌ଜୁଗ୍ ପର୍‌ମେସର୍‌ଟାନେ ଅନି ବିନେ ଅଇ ନସଟ୍ ନ ଅଅଡ୍ । ଗଟେକ୍ ଲକ୍‌କେ ଚାଡି ସବୁଲକ୍‌କେ ରକିଆ କରିଆଚି । ସେ ଗଟେକ୍ ଲକ୍ ନସଟ୍ ଅଇସି ଆକା । ଜେନ୍ତିକି ଦରମ୍ ସାସ୍‌ତରେ ଲେକା ଅଇଲାଟା ସିଦ୍ ଅଇବାର୍ ରଇଲା ।

୧୩ ଏବେ ମୁଇ ତମର୍ ଲଗେ ଆଇଲିନି । ଏ ଦୁନିଆଇ ରଇଲା ବେଲେ ସେମନ୍‌କେ, ସେମନ୍‌ର୍ ମନେ ରଇବା ମର୍ ସାରବା ପୁରାପୁରୁନ୍ ଅଇବାକେ, ଏ ବିସଇ କଇରଇଲି ।

୧୪ ମୁଇ ସେମନ୍‌କେ ତମର୍ ବାକିଅ ସୁନାଇଆଚି । ତେବର୍‌ପାଇ ଏ ଦୁନିଆ ସେମନ୍‌କେ ଗିନ୍ କଲାନି । କାଇକେ ବଇଲେ ମୁଇ ଜେନ୍ତି ଏ ଦୁନିଆଇ ଅନି ଜାଡ୍ ଅଇଲାଟା ନଇ, ସେନ୍ତି ସେମନ୍ ମିସା ଏ ଦୁନିଆର୍ ନଅଡ୍ ।

୧୫ ତମେ ସେମନ୍‌କେ ଏ ଦୁନିଆଇଅନି ଦାରିଜା ବଲି ମୁଇ ପାର୍‌ତନା କରିନାଇ । ମାତର୍ ସଇତାନର୍ ପାନ୍ଦେ ଅନି ରକିଆ କରା ବଲି ଗୁଆରି କଲିନି ।

୧୬ ମୁଇ ଜେନ୍ତିକି ଏ ଦୁନିଆର୍ ନଇ, ସେନ୍ତି ସେମନ୍ ମିସା ଏ ଦୁନିଆର୍ ନଅଡ୍ ।

୧୭ ତମର୍ ସଡ୍‌ସଙ୍ଗ୍ ସେମନ୍‌କେ ସୁକଲ୍ କରା, ତମର୍ ବାକିଅ ତା ସଡ୍ ।

୧୮ ତମେ ମକେ ଜେନ୍ତି ଏ ଦୁନିଆଇ ପାଟାଇ ଆଚାସ୍, ସେନ୍ତାରି ମୁଇ ମିସା ସେମନ୍‌କେ ଏ ଦୁନିଆଇ ପାଟାଇଲିନି ।

୧୯ ଜେନ୍ତିକି ସେମନ୍ ତମର୍‌ଟାନେ ସର୍ପି ଅଇବାଇ । ସେଟାପାଇ ମୁଇ ନିଜ୍‌କେ ତମର୍‌ତେଇ ସୁକଲ୍ ଅଇଲିନି ।

୨୦ “ମୁଇ ଅବ୍‌କା ଏ ସିସ୍‌ମନ୍‌ର୍ ଲାଗିସେ ପାର୍‌ତନା କରିନାଇ, ମାତର୍ ଏ ଲକ୍‌ମନ୍ ଜାନାଇବା କାତାଇଅନି ଜନ୍ ଲକ୍‌ମନ୍ ମକେ ବିସ୍‌ବାସ୍ କରବାଇ, ସେ ଲକ୍‌ମନ୍‌ର୍ ପାଇ ମିସା ପାର୍‌ତନା କଲିନି ।

୨୧ ଏ ବାବା ତମେ ଜେନ୍ତାରି ମର୍‌ଟାନେ ମିସି ଗଟେକ୍ ଅଇଆଚାସ୍, ଆରି ମୁଇ ତମର୍‌ଟାନେ ମିସିକରି ଗଟେକ୍ ଅଇଆଚି । ସେନ୍ତାରିସେ ସେମନ୍ ମିସା ସେମନ୍‌ର୍ ବିଡ୍‌ରେ ମିସିକରି ଗଟେକ୍ ଅଇ ରଇବାକେ ମୁଇ ପାର୍‌ତନା କଲିନି । ଜେନ୍ତିକି ତମେସେ ମକେ ପାଟାଇ ଆଚାସ୍ ବଲି ଏ ଦୁନିଆ ବିସ୍‌ବାସ୍ କର ।

୨୨ ଜେନ୍ତି ତମର୍ ଡାକ୍ପୁଟା ମକେ ଦେଇଆଚାସ୍, ସେନ୍ତି ସେଟା ମୁଇ ସେମନ୍‌କେ ଦେଇଆଚି । ତେବେ ଆମେ ଗଟେକ୍ ଅଇରଇଲାପାଚା, ସେମନ୍‌ମିସା ସେମନ୍‌ର୍ ବିଡ୍‌ରେ ଗଟେକ୍ ଅଇରଇବାଇ ।

☆ ୧୭:୧୨ ଜଅନ୍ ୧୩:୧୮

୨୩ ତମେ ଜେନ୍ତୁ ମରଗାନେ ଆଚାସ୍, ସେନ୍ତୁ ମୁଇ ମିସା ତାକର୍ ଟାନେ ରଇବି । ସେନ୍ତୁ ରଇଲେ ଆକା ସେମନ୍ ପୁରାପୁରୁନ୍ ଗଟେକ୍ ଅଇ ରଇବାଇ । ଏନ୍ତୁ ଅଇଲେ ଦୁନିଆ ଜାନ୍ସି ଜେ, ତମେ ମକେ ପାଟାଇ ଆଚାସ୍, ଆରି ମକେ ଜେନ୍ତୁ ଆଲାଦ୍ କଲାସ୍ନି, ସେମନ୍କେ ମିସା ସେନ୍ତୁସେ ଆଲାଦ୍ କଲାସ୍ନି ।”

୨୪ ଏ ବାବା, ତମେ ମକେ ଜନ୍ ଲକ୍ମନ୍କେ ଦେଇଆଚାସ୍, ମୁଇ ଜନ୍ ଜାଗାଇ ରଇବି, ସେମନ୍ ମିସା ମର୍ ସଙ୍ଗ୍ ରଅଡ୍ ବଲି ମନ୍ କଲିନି । ତେବେ ମକେ ଦେଇରଇବା ତାକ୍ପୁଟା ସେମନ୍ ଦେକ୍ବାଇ । କାଇକେ ବଇଲେ ତମେ ଏ ଦୁନିଆ ତିଆର୍ କର୍ବା ଆଗ୍ତୁସେ ମକେ ଆଲାଦ୍ କରିଆଚାସ୍ ।

୨୫ ଏ ଦରମର୍ ବାବା, ଏ ଦୁନିଆ ତମ୍କେ ନାଜାନେ, ମାତର୍ ମୁଇ ତମ୍କେ ଜାନିଆତି । ଆରି ତମେସେ ମକେ ପାଟାଇଆଚାସ୍ ବଲି ସିସମନ୍ ଜାନିଆଚଡ୍ ।

୨୬ ମୁଇ ସେମନ୍କେ ତମର୍ ବିସଇ ଜାନାଇ ଆତି, ଆରି ସବୁ ବେଲେ ଜାନାଇତେରଇବି । ତେବେ ମର୍ଲାଗି ସେମନ୍ ତମର୍ ଆଲାଦ୍ ଏତାଇବାଇ ଆରି ମୁଇ ସେମନ୍ ମନ୍ ବିଡ୍ରେ ରଇବି ।

୧୮

ଜିସୁ ବନ୍ଦି ଅଇଲା

(ମାତିଉ ୨୬:୪୭-୫୨; ମାର୍କ ୧୪:୪୩-୫୦; ଲୁକ୍ ୨୨:୪୭-୫୩)

୧ ଜିସୁ ଏ ପାରତନା ସାରାଇକରି ନିଜର୍ ସିସମନ୍ ସଙ୍ଗ୍ କିଦରଣ୍ ନାଉର୍ ଜଲା ସେପାଟର୍ ଜାଗାଇ ଗାଲା । ତେଇ ଗଟେକ୍ ବାଡ୍ ରଇଲା, ଜିସୁ ଆରି ତାର୍ ସିସମନ୍ ସେ ବାଡେ ପୁରଲାଇ ।

୨ ଜନ୍ ଜିଉଦା କି ଜିସୁକେ ସଡ୍‌ରୁମନ୍କେ ସର୍ପିଦେଲା, ସେ ମିସା ସେ ଜାଗା ଜାନି ରଇଲା । କାଇକେବଇଲେ ଜିସୁ ତାର୍ ସିସମନ୍ ସଙ୍ଗ୍ ସେ ବାଡେ କେତେ ତର୍ ଜାଇରଇଲା ।

୩ ସେଟାର୍ ପାଇ ଜିଉଦା ରମିୟ ସନିଅମନ୍ ଗଟେକ୍ ଦଲ୍, ମୁକିଅ ପୁଜାରିମନ୍ ଆରି ପାରୁସିମନ୍ ପାଟାଇ ରଇବା ମନ୍ଦିର୍ ଜାଗୁଆଲ୍‌ମନ୍କେ ଦାରି, ସେ ବାଡେ କେଟଲା । ସେମନ୍ ଆଡ୍‌ଆତିଆର୍, ଲାତର୍ ଆରି ଜଇଉମ୍ଲା ଦାରିକରି ତେଇ ଆଇଲାଇ ।

୪ ସେବେଲା କାଇ କାଇ ଗଟ୍‌ନାମନ୍ ଗଟ୍‌ସି, ସେଟା ସବୁ ଜିସୁ ଜାନିକରି ଆଗ୍ତୁ ଗାଲା ଆରି ସେମନ୍କେ “ତମେ କାକେ କଜ୍‌ଲାସ୍ନି ?” ବଲି ପାଟାରଲା ।

୫ “ନାଜରିତ୍‌ୟ ଜିସୁକେ କଜ୍‌ଲୁନି ।” ସେମନ୍ କଇଲାଇ ।

“ମୁଇସେ ଜିସୁ ।” ବଲି ସେମନ୍କେ କଇଲା ।

ବିସ୍‌ବାସେ ବିସ୍ ଦେଉ ଜିଉଦା ମିସା ସେ ଲକ୍‌ମନ୍ ସଙ୍ଗ୍ ଟିଆଅଇରଇଲା ।

୬ ଜିସୁ ଜେଡେବେଲା “ମୁଇ ଆକା ସେ ଲକ୍ ।” ବଲି ସେମନ୍କେ କଇଲା, ସେ ଲକ୍‌ମନ୍ ପଟେ ଗୁଡିଜାଇ ତଲେ ଅଦର୍ଲାଇ ।

୭ ଜିସୁ ସେମନ୍କେ ଆରିତରେକ୍ ପାଟାରଲା, “ତମେ କାକେ କଜ୍‌ଲାସ୍ନି ?” ସେମନ୍ କଇଲାଇ, “ଆମେ ନାଜରିତ୍‌ୟ ଜିସୁକେ କଜ୍‌ଲୁନି ।”

୮ ଜିସୁ କଇଲା, “ମୁଇ ଆକା ସେ ଲକ୍ ବଲି ତମ୍‌କେ କଇଲି । ତମେ ଜଦି ମକେ କଜ୍‌ଲାସ୍ନି ବଇଲେ ଏ ଲକ୍‌ମନ୍କେ ଚାଡିଦିଆସ୍ ।”

୯ ଜେନ୍ତୁକି ସେ ଆଗ୍ତୁ କଇରଇଲା ବାକିଅ ସିଦ୍ ଅଇସି, ବାବା ତମେ ମକେ ଜନ୍ ଲକ୍‌ମନ୍କେ ଦେଇଆଚାସ୍, ସେମନ୍ ବିଡ୍ରେଅନି ଗଟେକ୍ ଲକ୍‌କେ ମିସା ଆଜାଇ ନାଇ ।

୧୦ ସିମନ୍ ପିତରର୍ ଆଡେ ଗଟେକ୍ କାଣ୍ଡା ରଇଲା । ସେ କାଣ୍ଡା ବାରକରାଇ ବଡ୍ ପୁଜାରିର୍ ଗତିଦାଙ୍ଗ୍‌ଡାର୍ ଉଜା କାନ୍ ଚିଡ୍‌ଡେ ମାରଲା । ସେ ଗତିଦାଙ୍ଗ୍‌ଡାର୍ ନାଉର୍ ମାଲକ୍ ।

୧୧ ✠ମାତର୍ ଜିସୁ ପିତର୍କେ କଇଲା, “ତର୍ କାଣ୍ଡା ଜାଗ୍‌ରଡ୍ କରି କଲ୍ ବିଡ୍ରେ ପୁରାଇ ସଙ୍ଗ୍ ଦେସ୍ । ମର୍ ବାବା ପର୍‌ମେସର୍ ମକେ ଜନ୍ ଦୁକ୍‌କସ୍ଟ ପାଇବାକେ ପାଟାଇ ଆଡେ, ସେଟା ମୁଇ ନ ପାଇ କି ?”

ଆନାର୍ ମୁଆଟେ ଜିସୁ

୧୨ ତାର୍ ପଟେ ରମିୟ ସନିଅମନ୍, ସନିଅ ମନ୍ ମୁକିଅ ନେତାମନ୍ ଆରି ମନ୍ଦିର୍ ଜାଗୁଆଲ୍‌ମନ୍ ଜିସୁକେ ଦାରି ବାନ୍‌ଲାଇ ।

୧୩ ଆରି ତାକେ ବାନ୍‌କରି ପର୍‌ଡୁମ୍ କାୟାପାର୍ ସାଡ୍‌ରା ଆନାର୍ ଲଗେ ନେଲାଇ । କାଇକେ ବଇଲେ ଆନା ସେ ବରସର୍ ବଡ୍ ପୁଜାରି ରଇଲା ।

୧୪ ✠ଏ କାୟାପାସେ ଆଗ୍ତୁ ଜିଉଦି ନେତାମନ୍କେ, ସବୁ ଲକ୍‌ର୍ ପାଇ ଗଟେକ୍ ଲକ୍ ମର୍‌ବାଟା ଗଟେକ୍ ମଙ୍ଗଲ୍‌ର୍ ବିସଇ ବଲି କଇରଇଲା ।

✠ **୧୮:୧୧** ମାତିଉ ୨୬:୩୯; ମାର୍କ ୧୪:୩୬; ଲୁକ୍ ୨୨:୪୨ ✠ **୧୮:୧୪** ଜଅନ୍ ୧୧:୪୯,୫୦

ପିତର ଜିସୁକେ ନାଜାନି ବଲି କଇବାଟା
(ମାତିଉ ୨୬:୨୯-୩୦; ମାର୍କ ୧୪:୨୪-୨୮; ଲୁକ୍ ୨୨:୫୫-୫୭)

୧୫ ସିମନ୍ ପିତର ଆରି ଗଟେକ୍ ବିନ୍ ସିସ୍ ଜିସୁର ପଟେ ପଟେ ଜାଇତେ ରଇଲା । ବିନ୍ ସିସ୍ ବଡ଼ ପୁଜାରିକେ ଜାନି ରଇଲା । ସେଟାରପାଇ ଜିସୁର ସଙ୍ଗ୍ ବଡ଼ ପୁଜାରିର୍ ତାଣ୍ଡେ ପୁରଲା ।

୧୬ ମାତର୍ ପିତର୍ ବାଇରର୍ ତିଆଗତିଲଗେ ଚିଆଅଇ ରଇଲା । ବଡ଼ ପୁଜାରିକେ ଜାନିରଇଲା ସିସ୍ ତାଣ୍ଡେ ବାଉଡ଼ି ଆସି ତାଣ୍ଡୁର ତିଆଗତି ଲଗେ ଜାଗିରଇଲା । ଗତିଦାଙ୍ଗତିକେ କଇକରି ପିତରକେ ବିତ୍ରେ ତାକିନେଲା ।

୧୭ ସେ ତିଆଗତି ଜାଗି ରଇଲା ଗତିଦାଙ୍ଗତି ସେବେଲା ପିତରକେ ପାଚାରଲା, “ତୁଇ ମିସା ଏ ଲକ୍ମନର୍ ବିତ୍ରେଅନି ଗଟେକ୍ ଲକ୍ ନଉସ୍ କି ?”

ପିତର୍ କଇଲା “ମୁଇ ତାର୍ ଲକ୍ ନଇ ।”

୧୮ ସିତ୍ କଲାଜେ ଗତିଦାଙ୍ଗତାମନ୍ ଆରି ଜାଗୁଆଲ୍ମନ୍ ଜଇଲାଗାଇକରି ଚାରିବେଡ଼ି ଚିଆଅଇ ଜଇ ଚେକ୍ତେ ରଇଲା । ପିତର୍ ମିସା ସେମନ୍ ସଙ୍ଗ୍ ଚିଆଅଇକରି ଜଇଚେକ୍ତେ ରଇଲା ।

ଜିସୁକେ ବଡ଼ ପୁଜାରିମନ୍ ପର୍ସନ୍
(ମାତିଉ ୨୬:୫୯-୬୨; ମାର୍କ ୧୪:୫୫-୬୪; ଲୁକ୍ ୨୨:୬୪-୬୧)

୧୯ ଏଡ଼ିକି ବିତ୍ରେ ବଡ଼ ପୁଜାରି ଜିସୁର ସିସ୍ମନ୍ ବିସଇ ଆରି ଜିସୁ ସିକାଇଦେଲା ବିସଇ ସେମନ୍କେ ପାଚାର୍ବାର୍ଦାରଲା ।

୨୦ ଜିସୁ ସେମନ୍କେ କଇଲା, “ମୁଇ ସବୁବେଲେ ଲକ୍ମନର୍ ଜାନ୍ତେ ସିକାଇତେ ରଇଲି । ଆରି ଜିଉଦି ଲକ୍ମନର୍ ଉପାସନା ଗରେ ଆରି ମନ୍ଦିରତେଇ ସବୁ ଜିଉଦି ଲକ୍ମନ୍ ରୁଣ୍ଡିରଇଲା ବେଲେ ସେମନ୍କେ ସିକାଇଲିଆତି । କାଇଟାମିସା ଲୁଚ୍ତେ କଇନାଇ ।

୨୧ ଏଡ଼ି ବଇଲେ କାଇକେ ମକେ ପାଚାର୍ଲୁସି ? ଜନ୍ ଲକ୍ମନ୍ ମୁଇ କଇଲା କାତା ସୁନିଆଚଡ଼, ସେ ଲକ୍ମନ୍କେ ପାଚାର୍ । ମୁଇ ଜାଇଜାଇଟା କଇଲିଆତି, ସେଟା ସେମନ୍ ଜାନିଆଚଡ଼ ।”

୨୨ ଜିସୁ ଏ କାତା କଇବା ବେଲେ ଜିସୁର ଲଗେ ଚିଆଅଇରଇଲା ଜାଗୁଆଲ୍ମନ୍ ବିତ୍ରେଅନି ଗଟେକ୍ ଲକ୍ ଜିସୁକେ ଗଟେକ୍ ଚାପଡା ମାରି କଇଲା, “ତୁଇ ବଡ଼ ପୁଜାରିକେ ଏଡ଼ାରି କାତା ଅଇଲୁସି ?”

୨୩ ଜିସୁ ତାକେ କଇଲା “ମୁଇ ଜଦି ବୁଲ୍ କାତା କଇରଇଲେ, ସବୁର୍ ମୁଆଟେ ମର୍ ବୁଲ୍ ଦେକାଆ, ମୁଇ ସଡ଼କାତା କଇଲିନି ବଇଲେ, ମକେ କାଇକେ ମାର୍ଲୁସି ?”

୨୪ ତାର୍ପଟେ ଆନାନ୍ ଜିସୁକେ ବାନ୍ଦେସେ ବଡ଼ ପୁଜାରି କାୟାପାର୍ ଲଗେ ପାଟାଇଦେଲା ।

ପିତର ଜିସୁକେ ଆରି ତରକେ ନାଜାନି ବଲି କଇଲା
(ମାତିଉ ୨୬:୬୧-୬୫; ମାର୍କ ୧୪:୬୯-୭୨; ଲୁକ୍ ୨୨:୫୮-୬୨)

୨୫ ସିମନ୍ ପିତର ଚିଆଅଇ ଜଇଚେକ୍ବା ବେଲେ ବିନ୍ ଲକ୍ମନ୍ ତାକେ ପାଚାରଲା, “ତୁଇ ମିସା ଏ ଲକ୍ ସିସ୍ମନ୍ ବିତ୍ରେଅନି ଗଟେକ୍ ଲକ୍ ନଉସ୍ କି ?” ମାତର୍ ପିତର୍ କଇଲା,

“ନାଇ ମୁଇ ତାର୍ ସିସ୍ ନଇ ।”

୨୬ ବଡ଼ ପୁଜାରିର୍ ଗତିଦାଙ୍ଗତାମନ୍ ବିତ୍ରେଅନି ଗଟେକ୍ ଲକ୍ ଜାକେ କି ପିତର୍ କାନ୍ କାଟିପାକାଇରଇଲା, ସେ ତାର୍ ସଙ୍ଗ୍ କଇଲା, “ସେ ବାଡେ ମୁଇ ତକେ ତାର୍ ସଙ୍ଗ୍ ରଇଲାଟା ଦେକି ରଇଲି ।”

୨୭ ପିତର୍ ଆରି ତରେକ୍ କଇଲା “ନାଇ ମୁଇ ତାକେ ମୁଲ୍କେ ନାଜାନି ।” ସିମନ୍ ସେଡ଼ି ଦାପ୍ରେ କୁକ୍ତା ଡାକ୍ଲା ।

ପିଲାତର୍ ଲଗେ ଜିସୁକେ ନେଲାଇ /
(ମାତିଉ ୨୬:୧-୨, ୧୧-୧୪; ମାର୍କ ୧୫:୧-୫; ଲୁକ୍ ୨୩:୧-୫)

୨୮ ତାର୍ ପଟେ ଜିସୁକେ କାୟାପାର୍ ଗରେଅନି ରମିୟ୍ ସର୍କାର୍ ପିଲାତର୍ତେଇ ଦାରିଗାଲା । ସେଟା କୁକ୍ତା ତାକେ ଅଇରଇଲା । ଆରି ଜିସୁକେ ନିନ୍ଦା କର୍ବା ଲକ୍ମନ୍ ନିଜ୍ଜକେ ଅସୁକଲ୍ ଅଇବାର୍ ଅଇସି ବଲିକରି ବିତ୍ରେ ଜାଅଡ଼ନାଇ । କାଇକେ ବଇଲେ ନିସ୍ତାର୍ ପରବର୍ ବଜିର୍ ପାଇ ବଲି ସେମନ୍ ଅସୁକଲ୍ ଅଇବାକେ ମନ୍ ନ କର୍ତେରଇଲା ।

୨୯ ତେବେ ରମିୟ୍ ସର୍କାର୍ ପିଲାଡ଼, ବାଇରେ ଆସିପାଚାରଲା, “ଏ ଲକ୍ ବିରୁଦେ ତମର୍ କାଇ ଦାବି ଆନିଆଚାସ୍ ?”

୩୦ ସେ ଲକ୍ମନ୍ ପିଲାଡ଼କେ କଇଲା, “ଏ ଲକ୍ ଜଦି ବୁଲ୍ କାମ୍ କରି ନ ରଇଲେ, ଆମେ ତମର୍ ଲଗେ ନ ଆନ୍ତୁ ।”

୩୧ ସେଡ଼ିକି ବେଲା ପିଲାଡ଼ ସେମନ୍କେ କଇଲା, “ତମେ ତାକେ ଦାରିଜାଇକରି ତମର୍ ନିୟ୍ମ୍ ଇସାବେ ବିଚାର୍ କରା ।” ଜିଉଦି ନେତାମନ୍ କଇଲା, “ଗଟେକ୍ ଲକ୍ମକେ ମରନ୍ ତଣ୍ଡୁ ଦେବାଟା ରମିୟ୍ ସର୍କାର୍କେ ସେ ଆଟେ । ଜିଉଦି ଲକ୍ମନ୍ କାକେମିସା ମରନ୍ ତଣ୍ଡୁ ଦେବାକେ ଆମର୍ ଅଦିକାର୍ ନାଇ ।”

୩୨ ☆ଜିସୁ କେନ୍ଦ୍ରୀ ଅଇ ମରବାକେ ଗାଲାନ୍ତି ସେ ବିସଇ ନେଇକରି ଜନ୍ କାତା କଇରଇଲା ସେ କାତା ସିଦ୍ଧିଆଇବାକେ ଏନ୍ତି ଅଇଲା ।

୩୩ ପିଲାଡ଼ ଆରି ତରେକ୍ ମେଡ଼ ବିଡ଼ରେ ବାଉଡ଼ି ଜାଇକରି, ଜିସୁକେ ଡାକି ପାଚାରଲା, “ତୁଇ କାଇ ଜିଉଦି ମନର୍ ରାଜା କି ?”

୩୪ ଜିସୁ ତାକେ କଇଲା, “ତୁଇ କାଇ ଏଟା ନିଜର୍ଗାନେଅନିସେ କଇଲୁସ୍ତି, କି ବିନ୍ ଲକ୍ମନ୍ ତକେ କଇଲାକେ କଇଲୁସ୍ତି ?”

୩୫ ପିଲାଡ଼ ପରସନ୍ କଲା, “ମୁଇ ଗଟେକ୍ ଜିଉଦି ଲକ୍ ବଲି ବାବ୍ଲୁସ୍ତି କି ? ତର୍ ନିଜର୍ ଲକ୍ମନ୍ ଆରି ମୁକିଅ ପୁଜାରିମନ୍ ତକେ ମରଗାନେ ସର୍ପି ଦେଇ ଆତଡ଼ । ତୁଇ କାଇ ବୁଲ୍ କରିଆରୁସ୍ ?”

୩୬ ଜିସୁ କଇଲା “ମର୍ ରାଇଜ୍ ଏ ଦୁନିଆର୍ ରାଇଜ୍ପାରା ନର୍ଏ । ଜଦି ମର୍ ରାଇଜ୍ ଏ ଦୁନିଆର୍ ରାଇଜ୍ ପାରା ଅଇତା, ସେନ୍ଦ୍ରାଆଲେ ମର୍ ସିସ୍ମନ୍ ମରବାଟେ ଅଇ ଜୁଇଦ୍ କରତାଇ । ଆରି ମକେ ଜିଉଦି ନେତାମନର୍ ଗାନେ ସର୍ପି ନ ଦେଇତାଇ । ମାତର୍ ମର୍ ରାଇଜ୍ ଏ ଦୁନିଆର୍ ରାଇଜ୍ପାରା ନର୍ଏ ।”

୩୭ ସେବେଲେ ପିଲାଡ଼ ତାକେ ପାଚାରଲା, “ଏନ୍ତି ବଇଲେ ତୁଇ କାଇ ଗଟେକ୍ ରାଜା ନର୍ଉସ୍ କି ?” ଜିସୁ କଇଲା, “ତୁଇସେ ମକେ ରାଜା ବଲି କଇଲୁସ୍ତି । ମୁଇ ସଡ଼ ବାଟେ ସାକି ଦେବାକେ ଆକା ଜନମ୍ କରି, ଏ ଦୁନିଆଇ ଆସିଆଟି । ଜନ୍ଲକ୍ମନ୍ ସଡ଼ କଜ୍ଜଲାଇନି, ସେମନ୍ସେ ମର୍ କାତା ସୁନ୍ବାଇ ।”

୩୮ ପିଲାଡ଼ ଜିସୁକେ କଇଲା “ଏନ୍ତି ବଇଲେ ସଡ଼ ବିସଇ କାଇଟା ?” ପଟେ ସେ ଡାଣ୍ଡେ ବାରଇ କରି ଜିଉଦି ନେତାମନ୍କେ କଇଲା, “ଏ ଲକ୍ମନ୍ଗାନେ ଡଣ୍ଡେ ଦେବା ଏଡ଼କି କାଇ ଦସ୍ ଦେକିନାଇ ।

ଜିସୁକେ ମରନ୍ ଡଣ୍ଡେ ପାଇ ଆଦେସ୍ ଆଇଲା
(ମାତିଉ ୨୭:୧୫-୩୧; ମାର୍କ ୧୫:୬-୨୦; ଲୁକ୍ ୨୩:୧୩-୨୫)

୩୯ “ତମର୍ ରିଡିନିଡି ଇସାବେ ନିସ୍ତାଡ଼ ପରବ୍ ବେଲେ ଗଟେକ୍ ବନ୍ଦି ଲକ୍କେ, ମୁଇ ମୁକ୍ଲାଇବାର୍ ଆଟେ । ତେବର୍ ପାଇ ତମର୍ ଜିଉଦିମନର୍ ରାଜା ଜିସୁକେ ମୁଇ ମୁକ୍ଲାଇ ଦେବି । ଏଟା ତମେ ମନ୍କଲାସ୍ତି କି ?”

୪୦ ମାତର୍ ଲକ୍ମନ୍ ଆଉଲିଅଇକରି କଇଲା, “ନାଇ ଏ ଲକ୍କେ ନାଇ, ମାତର୍ ବାରବାକେ ମୁକ୍ଲାଇ ଦିଆସ୍ ।” ଏ ବାରବ୍ବା ଗଟେକ୍ ତାକୁ ଲକ୍ ରଇଲା ।

୧୯

୧ ତାର୍ ପଟେ ପିଲାଡ଼ ଜିସୁକେ ନେଇ କରତା ସଙ୍ଗ୍ ମାରା ବଲି ଆଦେସ୍ ଦେଲା ।

୨ ସନିଅମନ୍ କାଟାର୍ ମୁକୁର୍ ତିଆର୍ କରି ଜିସୁର୍ ମୁଣ୍ଡେ ପିନ୍ଧାଇଲା ଆରି ଜାମ୍‌କଲି ରଙ୍ଗର୍ ପଟିଆ ଗାଗଡ଼େ ପିନ୍ଧାଇଦେଲା ।

୩ ସେମନ୍ ଜିସୁର୍ ଲଗେ ଆସିକରି କଇଲା “ଏ ଜିଉଦିମନର୍ ରାଜା ଜୁଆର୍ ! ତୁଇ ବେସି ବରସ୍ ବର୍ !” ବଲି ତାକେ ଚାପଡ଼ ଚାପଡ଼ ମାରଲା ।

୪ ପିଲାଡ଼ ଆରି ତରେକ୍ ଡାଣ୍ଡେ ବାରଇକରି ରୁଣ୍ଡିରଇଲା ଲକ୍ମନ୍‌କେ କଇଲା, “ଦେକା, ଏବେ ମୁଇ ତାକେ ଦସି କରବାକେ କାଇ ବୁଲ୍‌କଲାଟା ମିଲେନାଇ । ଏଟାପାଇ ତମର୍ ଲଗେ ଆନ୍ଦି । ଜେନ୍ତିକି ତମେ ଜାନ୍‌ବାର୍ ଆଟେ ।”

୫ ସେବେଲା ଜିସୁ କାଟାର୍ ମୁକୁର୍ ଆରି ଜାମ୍‌କଲି ରଙ୍ଗର୍ ପଟିଆ ପିନ୍ଧି ଡାଣ୍ଡେ ଆଇଲା । ପିଲାଡ଼ ସେମନ୍‌କେ କଇଲା, “ଏଦେ ଦେକା ! ଏଦେ ସେ ଲକ୍ !”

୬ ତାକେ ଦେକ୍ଲା ଦାପ୍‌ରେ ମୁକିଅ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍‌ମନ୍ ଆଉଲିଅଇକରି କଇଲା, “ତାକେ କୁରୁସେ ଚଗାଆ ! ତାକେ କୁରୁସେ ଚଗାଆ !” ବଲି । ପିଲାଡ଼ କଇଲା, “ତମେ ତାକେ ନେଇକରି କୁରୁସେ ଚଗାଆ, କାଇକେ ବଇଲେ, ମୁଇ ତାର୍‌ଗାନେ କାଇ ବୁଲ୍ ମିସା ଦେକିନାଇ ।”

୭ ଜିଉଦି ନେତାମନ୍ ତାକେ କଇଲା, “ଆମର୍ ଗଟେକ୍ ନିୟମ୍ ଆଟେ । ସେ ନିୟମ୍ ଇସାବେ ଏ ମରବାର୍ ଆଟେ ଆକା । କାଇକେ ବଇଲେ ସେ ନିଜେ ମୁଇ ପର୍ମେସରର୍ ପିଲା ବଲି ଦାବି କଲାଆଟେ ।”

୮ ତେଇ ପିଲାଡ଼ ଏ କାତା ସୁନିକରି ଅଦିକ୍ ଡରିଗଲା ।

୯ ପିଲାଡ଼ ଜିସୁକେ ଆରିତରେକ୍ ତାର୍ ମେଡେ ବାଉଡ଼ାଇ ନେଇ ପାଚାରଲା, “ତୁଇ କନ୍ତିଅନି ଆସିଆରୁସ୍ ?”

ମାତର୍ ଜିସୁ ତାକେ ପଦେକ୍ ମିସା କଏନାଇ ।

୧୦ ସେବେଲା ପିଲାଡ଼ ତାକେ କଇଲା, “ତୁଇ କାଇ ମର୍ ସଙ୍ଗ୍ କାତା ନ ଅଉସ୍ କି ? ତକେ ମୁକ୍ଲାଇବାର୍ ମର୍ ଅଦିକାର୍ ଆଟେ ଆରି କୁରୁସେ ଚଗାଇବାର୍ ମିସା ମର୍ ଅଦିକାର୍ ଆଟେ । ଏଟା ତୁଇ ନାଜାନୁସ୍ କି ?”

୧୧ ଜିସୁ ତାକେ କଇଲା, “ପର୍ମେସର୍ ତକେ ଦେଲାକେସେ ମର୍ ଉପ୍‌ରେ ତର୍ ଅଦିକାର୍ ଆଟେ, ମାତର୍ ତର୍‌ଗାନେ ମକେ ଜେ ସର୍ପି ଦେଲାଆଟେ, ତାର୍ ପାପ୍ ଅଦିକ୍ ଜବର୍ ।”

☆ ୧୮:୩୨ ଜଅନ୍ ୩:୧୫;୧୨:୩୨

୧୨ ଏ କାତା ସୁନି ପିଲାଡ଼ ଜିସୁକେ ମୁକ୍ତଲାଭବାକେ ଚେଷଟା କଲା । ମାତର ଜିଉଦି ଲକ୍ମନ୍ ଆଉଲିଅଇ କଇଲାଇ,
“ତୁଇ ଜଦି ଆକେ ମୁକ୍ତଲାଭସୁ ବଇଲେ, ସମ୍ପରାଟର୍ ମଇତର ନଉଁସ୍ । ଜେ ନିଜକେ ରାଜା ବଲି ଦାବି କର୍ସି, ସେ ତାର
ବିରଦେ କଇଲାନି ।”

୧୩ ପିଲାଡ଼ ଜିଉଦି ନେତାମନର୍ଟାନେଅନି ଏ କାତା ସୁନିକରି ଜିସୁକେ ବାରକରାଇ ଆନି ପାକ୍ନାଇ ତିଆର୍ ଅଇରଇଲା
ବିଚାର କରବା ମଣ୍ଡପେ ବସଲା । ଜନ୍ଟାକି ଇବ୍ରୁ ବାସାଇ ଗବ୍ବତା ବଲି କଇବାଇ ।

୧୪ ସେଦିନେ ନିସ୍ତାର ପରବର୍ ପାଇ ତିଆର୍ ଅଇବା ଦିନ୍ ରଇଲା । ସେଟା ସେଦିନର୍ ଆଡ଼ବେଲାଇ ଅଇ ଆଇତେ
ରଇଲା । ଆରି ପିଲାଡ଼ ଜିଉଦିନେତାମନକେ କଇଲା, “ଏଦେ ଦେକା ! ତମର୍ ରାଜା !”

୧୫ ସେବେଲାଇ ଜିଉଦି ଲକ୍ମନ୍ ଆଉଲିଅଇ କଇଲାଇ “ତାକେ ମରାଆ !

“ତାକେ ମରାଆ ! କୁର୍ସେ ଚଗାଆ !” ପିଲାଡ଼ ସେମନକେ କଇଲା,

“ମୁଇ ତମର୍ ରାଜାକେ କୁର୍ସେ ଚଗାଇବି କି ?” ଏଟା ସୁନି ମୁକ୍ତି ପୁଜାରିମନ୍ କଇଲାଇ, “ସମ୍ପରାଟକେ ଚାଡ଼ିକରି
ଆମର୍ ଆରି କେ ରାଜା ନାଇ ।”

୧୬ ସାରାସାରି ପିଲାଡ଼ ଜିସୁକେ ସେମନର୍ ମନ୍ କଲା ଇସାବେ କୁର୍ସେ ଚଗାଇ ମରାଇବାକେ ସର୍ପିଦେଲା ।
ତାରପତେ ସନିଅମନ୍ ଜିସୁକେ ଦାରିଗାଲାଇ ।

ଜିସୁକେ କୁର୍ସେ ଚଗାଇଲାଇ

(ମାଡ଼ିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ୍ ୨୩:୨୭-୪୩)

୧୭ ଜିସୁ ତାର ନିଜର୍ କୁର୍ସ ବଇକରି ନଅରର୍ ବାଇରେ ରଇବା କାପାଲ୍ ନାଉଁର୍ ଜାଗାଇ ଗାଲା । ଏବ୍ରି ବାସାଇ ସେ
ଜାଗାକେ ଗଲ୍ଗାତା ବଲି କଇବାଇ ।

୧୮ ତେଇ ସେମନ୍ ଜିସୁକେ କୁର୍ସେ ଚଗାଇଲାଇ । ତାର ସଙ୍ଘ ଦୁଇ ଲକ୍ମକେ ମିସା କୁର୍ସେ ଚଗାଇଲାଇ । ଦୁଇ ଲକ୍ମକେ
ଦୁଇବାଟେ ଚଗାଇ ଜିସୁକେ ମଜାଇ କଲାଇ ।

୧୯ ଆରି ପିଲାଡ଼ ନିଜେ ଗଟେକ୍ ବରଡ଼ ଲେକି କୁର୍ସେ ଅଲାଭବାକେ ଆଦେସ୍ ଦେଲା । ସେ ବରଡ଼ତେଇ ନାଜରିତିୟ
ଜିସୁ, ଜିଉଦିମନର୍ ରାଜା ବଲି ଲେକିରଇଲା ।

୨୦ ଜିସୁକେ ଜନ୍ ଜାଗାଇ କୁର୍ସେ ଚଗାଇ ରଇଲାଇ, ସେଟା ଗତେ ଅନି ବେସି ଦୁର୍ ନ ରଇଲା । ସେ ବରଡ଼େ ଏବ୍ରି
ବାସାଇ, ଲାଟିନ୍ ବାସାଇ ଆରି ଗିରିକ୍ ବାସାଇ ଲେକାଅଇରଇଲା । ବେସି ଲକ୍ମନ୍ ତେଇ ଲେକ୍ଲାଟା ପଡ଼ଲାଇ ।

୨୧ ସେବେଲା ଜିଉଦିମନର୍ ମୁକ୍ତି ପୁଜାରିମନ୍ ପିଲାଡ଼କେ କଇଲାଇ “ଜିଉଦିମନର୍ ରାଜା ବଲି ନ ଲେକି, ସେ ନିଜେ
ମୁଇ ଜିଉଦିମନର୍ ରାଜା ବଲି କଇଲା ପାରା ଲେକ୍ ।”

୨୨ ପିଲାଡ଼ କଇଲା “ନାଇ ମୁଇ ଜନ୍ଟା ଲେକ୍ଲି ଆଟି ସେଟା ଆରି ନ ବାଦ୍ଲାଇ ।”

୨୩ ଜିସୁକେ କୁର୍ସେ ଚଗାଇଲା ପତେ, ଚାର୍ଟା ସନିଅମନ୍ ତାର ପତିଆ ନେଇ ଚାରି ବାଗ୍ କଲାଇ । ସବୁ ସନିଅମନକେ
ଗଟେକ୍ ଗଟେକ୍ ବାଗ୍ ମିଲ୍ଲା । ସେମନ୍ ଜିସୁ ଉପରେ ପିନ୍ଦ୍ ବସ୍ତର୍ ମିସା ବେଟ୍ଲାଇ । ସେ ବସ୍ତର୍ ସିଲାଇ ନ
ଅଇ ଉପରେଅନି ତଲେ ଜାକ ଗଟେକ୍ସେ ରଇଲା ।

୨୪ ସେଟାପାଇ ସେମନ୍ ନିଜର୍ ନିଜର୍ ବିଡ଼ରେ କାତା ଅଇଲାଇ । “ଆମେ ଏ ପତିଆ ନ ଚିରିକରି ଏଟା କାକେଅଇସି
ବଲି ଜାନ୍ବାକେ କେଡ଼ ପୁଟାଉଁ ।” ଜେଡ଼ିକି ସାସ୍ତରେ ଲେକାଅଇଲା କାତା ସିଦ୍ ଅଇବାକେ ଏଡ଼ି ଅଇଲା । “ମର୍
ପତିଆ ସେମନ୍ ନିଜର୍ ନିଜର୍ ବିଡ଼ରେ ବାଟା କଲାଇ, ଆରି ମୁଇ ପିନ୍ଦ୍ ପତିଆର୍ ପାଇ କେଡ଼ପୁଟାଇଲାଇ ।” ସେଟାସେ
ସନିଅମନ୍ କଲାଇ ।

୨୫ ଜିସୁର୍ କୁର୍ସ ଲଗେ ତାର ଆୟା ମରିୟମ୍, ତାର ଆୟାର୍ ବଇନି, କଲ୍ପାର୍ ମାଇଜି ମରିୟମ୍ ଆରି ମଗ୍ଦଲିନି
ମରିୟମ୍ ଟିଆଅଇ ରଇଲାଇ ।

୨୬ ଜିସୁ ବେସି ଆଲାଦ୍ କର୍ବା ଗଟେକ୍ ସିସ୍ ତାର ମାଆର୍ ଲଗେ ଟିଆ ଅଇରଇଲାଟା ଦେକି ଜିସୁ ତାର ମାକେ କଇଲା,
“ଏଦେ ଦେକା ! ତର୍ ପଅ !”

୨୭ ତାର ପତେ ସେ ସିସ୍ କେ କଇଲା “ଏଦେ ଦେକା ! ତର୍ ଆୟା !” ସେଦିନେ ଅନି ସେ ସିସ୍ ଜିସୁର୍ ମାକେ ନିଜର୍
ଗରେ ଡାକିନେଲା ।

ଜିସୁର୍ ମରନ୍

(ମାଡ଼ିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ୍ ୨୩:୪୪-୪୯)

୨୮ ଏଡ଼କି ବିଡ଼ରେ ଜିସୁ ସବୁ ବିସଇ ପୁରାପୁରୁନ୍ ଅଇଲାଟା ଜାନିପାରଲା, ମାତର୍ ସାସ୍ତରର୍ ବବିସଡ଼ କାତା ପୁରା
କରବାପାଇ ସେ କଇଲା “ମକେ ସସ୍ କଲାନି ।”

୨୯ ତେଇ ଗଟେକ୍ ନକିଟାନେ ଚପ୍ରା ଅଙ୍ଗୁର୍ ରସ୍ ରଇଲା । ସନିଅମନ୍ ଗଟେକ୍ ସୁତାର ଗର୍ଣ୍ଣା ଚବାଲ୍ଲାଇ ଆରି
ତେଙ୍ଗ୍ ସୁଲ୍ଡାଙ୍ଗ୍ ଟିପେ ବାନ୍ଦି ଜିସୁର୍ ଟଣ୍ଡଲଗେ ଲାମାଇଦେଲାଇ ।

୩୦ ଜିସୁ ସେଟା କାଇକରି “ସାରିଗାଲାବେ !” ବଲି କଇଲା । ଏଡ଼କି କଇକରି ତାର ଆଡ଼ମା ସର୍ପିଦେଲା ।

ଜିସୁକେ ପାଞ୍ଜିରା ତଲେ କାଁରଲାଇ

୩୧ ସେଦିନ୍ ନିସ୍ତାର୍ ପରବର୍ ନିଉତା ଦିନ୍ ରଇଲାଜେ, ମଲା ଗାଗଡ଼ କୁର୍ସ ଉପରେ ନ ରଏ, କାଇକେବଇଲେ ସେ ଦିନ୍ ବିସରାମ୍ବାରର୍ ସୁକଲ ଦିନ୍ ରଇଲା । ସେଟାର୍ପାଇ କୁର୍ସେ ରଇବା ତିନ୍ଲକର୍ ଗଡ଼ ବାଙ୍ଗାକକରି ବିନ୍ ଜାଗାଇ ନେଅଡ଼ ବଲି ଜିଉଦିଲକ୍ମନ୍ ପିଲାଡ଼କେ ଗୁଆରି କଲାଇ ।

୩୨ ସେଟାର୍ପାଇ ସନିଅମନ୍ ଜାଇ ଜିସୁର୍ ସଙ୍ଗ୍ ଚଗାଇଅଇରଇବା ଆରି ଦୁଇଲକର୍ ଗଡ଼ ବାଙ୍ଗାକଦେଲାଇ ।

୩୩ ମାତର୍ ଜେଡେବେଲା ସେମନ୍ ଜିସୁର୍ ଲଗେ ଆସି ଦେକ୍ଲାଇଜେ, ସେ ମରିଜାଇରଇଲା । ସେଟାର୍ପାଇ ସେମନ୍ ତାର୍ ଗଡ଼ ବାଙ୍ଗାଅଡ଼ ନାଇ ।

୩୪ ମାତର୍ ଗଟେକ୍ ସନିଅ ଚେଲ୍ ସଙ୍ଗ୍ ତାର୍ ପାଞ୍ଜିରା ତଲେ ବୁସ୍ଲା ଦାପ୍ରେ ବନି ଆରି ପାନି ବାରଇଲା ।

୩୫ ଏଟା ଜେ ଦେକି ରଇଲା, ସେ ଏ ସାକି ଦେଲାଆଚେ । (ସେଟାର୍ ପାଇ ତମେ ମିସା ବିସ୍ବାସ୍ କରା । ତାର୍ ସାକିଦେଲାଟା ସଡ଼ସେ । ଆରି ସେ ସଡ଼କାତା କଇଲା ଆଚେ ବଲିକରି ନିଜେ ବିସ୍ବାସ୍ କର୍ସୁ ।)

୩୬ କାଇକେବଇଲେ ସାସ୍ତରର୍ ଏ ବାକିଅ ପୁରାପୁରୁନ୍ ଅଇବାପାଇ ବଲି ଏ ସବୁ ବିସଇ ଗଟ୍ଲା, “ତାର୍ ଗଟେକ୍ ଆଡ଼ ମିସା ନ ଚିଲପେ ।”

୩୭ ☆ପର୍ମେସରର୍ ସାସ୍ତରେ ଆରି ଗଟେକ୍ ବାକିଅ ଏନ୍ତାରି ଆଚେ ଜାକେ ସେମନ୍ ବୁସ୍ଲାଆଚଡ଼, ତାକେ ଦେକ୍ବାଇ ଆରି ତାର୍ ବାଟେସେ ଦେକ୍ତେ ରଇବାଇ ।

ଜିସୁର୍ ସମାଦି

(ମାଡିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ୍ ୨୩:୫୦-୫୬)

୩୮ ଏ ସବୁ ଗଟ୍ନା ଅଇଲା ପଚେ ଆରାମାଡିଆ ଗଡ଼ର୍ ଜସେପ୍ ନାଉର୍ ଗଟେକ୍ ଲକ୍ ପିଲାଡ଼କେ ଜିସୁର୍ ଗାଗଡ଼ ମାଙ୍ଗ୍ଲା । ଜସେପ୍ ଜିସୁର୍ ସିସ୍ ରଇଲା । ମାତର୍ ସେ ଜିଉଦି ନେତାମନ୍କେ ଡରିକରି ଜାନାଇ ନ ଅଇ ରଇଡେ ରଇଲା । ପିଲାଡ଼ ଜସେପ୍କେ ଜିସୁର୍ ଗାଗଡ଼ ନେ ବଇଲାକେ, ସେ ଜିସୁର୍ ମଲାଗାଗଡ଼ ଦାରି ଗାଲା ।

୩୯ ☆ନିକଦିମ ମିସା ଜସେପ୍ ସଙ୍ଗ୍ ଗାଲା । ଏ ନିକଦିମ ଗଟେକ୍ ରାତି ଜିସୁକେ ମିସ୍ବାର୍ ଜାଇରଇଲା । ସେ ଜିସୁର୍ ଗାଗଡ଼େ ଲାଗାଇବାକେ ଗନ୍ଦରସ୍ ଆରି ଅଙ୍ଗୁର୍ ମିସାଇଲା ବାସ୍ନା ଚିକନ୍ ତିରିସ୍ କେଜି ଆନିରଇଲା ।

୪୦ ସେମନ୍ ଦୁଇ ଲକ୍ ମିସିକରି ଜିଉଦିମନ୍ର୍ ଚିତିନିତି ଇସାବେ ଜିସୁର୍ ଗାଗଡ଼ ନେଇ ବାସ୍ନା ଦିନ୍ସୁ ସଙ୍ଗ୍, ତେଙ୍ଗ୍ ପଚିଆ ଗୁଡିଆଇ ଦେଲାଇ ।

୪୧ ତାକେ ଜନ୍ ଜାଗାଇ କୁର୍ସେ ଚଗାଇ ରଇଲାଇ, ସେ ଜାଗାଇ ଗଟେକ୍ ବାଡ଼ ରଇଲା । ଆରି ସେ ବାଡେ ମଲା ଲକ୍ମନ୍କେ ସଙ୍ଗାଇବାକେ ଗଟେକ୍ ନୁଆ ପାଆର୍ ରଇଲା । ସେ ପାଆରେ କେବେ ମିସା କାକେ ନ ସଙ୍ଗାଇ ରଇଲାଇ ।

୪୨ ବିସରାମ୍ ବାରର୍ ନିଉତା ଦିନ୍ ଅଇରଇଲା ଆରି ସେ ପାଆର୍ ଲଗେ ରଇଲା ଜେ, ସେମନ୍ ଜିସୁର୍ ଗାଗଡ଼ ନେଇକରି ସେ ପାଆରେ ସଙ୍ଗାଇଦେଲାଇ ।

୨୦

ରୁଗା ପାଆର୍

୧ ଆଟର୍ ପର୍ଡୁମ୍ ଦିନ୍ର୍ ସାକାଲେ ଜୁଲ୍ପୁଲ୍ ଉଜଲ୍ ବେଲାଇ ମଗ୍ଦଲିନି ମରିୟମ୍ ଜିସୁକେ ପାକ୍ନା ସଙ୍ଗ୍ ତିଆର୍ କରି ସଙ୍ଗାଇଲା ପାଆରେ ଆସିକରି ଡାବିରଇଲା ପାକ୍ନା ଗୁଡିରଇଲାଟା ଦେକ୍ଲା ।

୨ ସେଟାର୍ପାଇ ସେ ପାଲାଇ କରି ସିମନ୍ ପିତର୍ ଆରି ଜିସୁ ଜନ୍ ସିସ୍କେ ବେସି ଆଲାଦ୍ କର୍ଡେ ରଇଲା, ସେମନ୍କେ ଆସି କଇଲା, “ସେମନ୍ ମାପୁରୁକେ, ସଙ୍ଗାଇଲା ଜାଗାଇଅନି ଦାରିଗାଲାଇ ଆଚଡ଼ । ଆରି ତାକେ କନ୍ ଜାଗାଇ ସଙ୍ଗାଇଲାଇ ଆଚଡ଼ ସେଟା ଆମେ ନାଜାନୁ ।”

୩ ସେଡ଼କି ବେଲେ ପିତର୍ ଆରି ସେ ସିସ୍, ଜିସୁକେ ସଙ୍ଗାଇଲା ଜାଗାଇ ଜିବାକେ ବାରଇଲାଇ ।

୪ ସେମନ୍ ଦୁଇ ଲକ୍ ମିସ୍ତେ ପାଲାଇଡେ ରଇଲାଇ । ଆରି ସେ ବିନ୍ ସିସ୍ ପିତର୍କେ ପଚେ କରି ଆଗ୍ଡୁ ସଙ୍ଗାଇ ରଇଲା ଜାଗାଇ କେଟ୍ଲା ।

୫ ସେ ପାଆର୍ ବିଡ଼ରେ ଲଇଁକରି ଏରି ଦେକ୍ଲାଜେ, ଏଦେ ଦେକା ! ତେଇ ଜିସୁର୍ ଗାଗଡ଼େ ଗୁଡିଆଇ ଅଇରଇଲା ଲୁଗା ଅଦ୍ରିରଇଲାଟା ଦେକ୍ଲା । ମାତର୍ ସେ ବିଡ଼ରେ ପୁରେନାଇ ।

୬ ପଚେ ସିମନ୍ ପିତର୍ ମିସା ତାର୍ ପଚେ ପଚେ ଜାଇ କେଟ୍ଲା ଆରି ପାଆର୍ ବିଡ଼ରେ ଜାଇ ତେଇ ଅଦ୍ରି ରଇଲା ଲୁଗା ଦେକ୍ଲା ।

୭ ଆରି ଜିସୁର୍ ମୁଣ୍ଡେ ଜନ୍ ଲୁଗା ଗୁଡିଆଇ କରି ବାନ୍ଦିରଇଲାଇ, ସେଟା ପାତଲ୍ ଲୁଗା ସଙ୍ଗ୍ ନ ଅଇକରି ଗଟେକ୍ ବିନ୍ଗାନେ ଗୁଡିଆଇଅଇ ରଇଲା ।

୮ ତାର୍ ପଚେ ସେ ବିନ୍ ସିସ୍ ଜେକି ଆଗ୍ଡୁ କେଟି ରଇଲା ସେ ପାଆର୍ ବିଡ଼ରେ ଜାଇକରି ସେଟା ସବୁ ଦେକିକରି ବିସ୍ବାସ୍ କଲା ।

☆ ୧୯:୩୭ ପର୍କାସିତ ୧:୭ ☆ ୧୯:୩୯ ଜଅନ୍ ୩:୧,୨

୯ (ସେ ସିସ୍‌ମନ୍ ସେ ବେଲା ଜାକ ପର୍ଯ୍ୟେସରର୍ ବଇତେଇ ଲେକା ଅଇଲା ଇସାବେ, ଜିସୁ ମଲାଟାନେଅନି ଆରି ତରେକ୍ ଜିବନ୍ ଅଇ ଉତ୍ସି ବଲି ବୁଜି ନ ରଇଲାଇ ।)

୧୦ ତାର୍ ପଚେ ସିସ୍‌ମନ୍ ପାଆର୍ ଦେକି ସାରାଇ ଗରେ ବାଉଡ଼ି ଉଟି ଗାଲାଇ ।

ମଗ୍‌ଦଲିନି ମରିୟମ୍‌କେ ଜିସୁ ଦେକାଇଅଇଲାଇ
(ମାତିଉ ୨୮:୯-୧୦; ମାର୍କ ୧୬:୯-୧୧; ଲୁକ୍ ୨୪:୧-୧୨)

୧୧ ମାତର୍ ମରିୟମ୍ ଜିସୁର୍ ଗାଗଡ଼ ସଙ୍ଗଇରଇଲା ପାଆର୍ ଲଗେ ଚିଆଅଇ କାନ୍‌ତେ ରଇଲା । ସେ କାନ୍‌ କାନ୍‌ ଲଇକରି ପାଆର୍ ବିତ୍‌ରେ ଦେକଲା,

୧୨ ଆରି ଏଦେ ଦେକା ! ତେଇ ଦ୍‌ପଟିଆ ପିନ୍‌ରଇବା ଦୁଇଟା ସରଗର୍ ଦୁଡ଼ମନ୍ ଜିସୁକେ ଜନ୍ ଜାଗାଇ ସଙ୍ଗଇରଇଲାଇ, ଗଟେକ୍ ଲକ୍ ମୁଣ୍ଡବାଟେ ଆରିଗଟେକ୍ ଲକ୍ ଗଡ଼ବାଟେ ବସିରଇଲାଟା ଦେକଲା ।

୧୩ ସେମନ୍ ମରିୟମ୍‌କେ ପାଚାରୁଲାଇ, “ତୁଇ କାଇକେ ମା କାନ୍‌ଲୁସ୍‌ନି ?” ମରିୟମ୍ କଇଲା, “ସେମନ୍ ମର୍ ମାପୁରୁର୍ ଗାଗଡ଼ କେନେକି ଦାରିଗାଲାଇ ଆଚଡ଼ । ଆରି ସେମନ୍ ତାକେ କନ୍ତି ସଙ୍ଗଇଲାଇ ଆଚଡ଼ ସେଟା ମୁଇ ନାଜାନି ।”

୧୪ ସେ ଏନ୍ତି କଇକରି ପାସଲୁଲା ବେଲେ, ତେଇ ଜିସୁ ଚିଆଅଇ ରଇଲାଟା ଦେକଲା । ମାତର୍ ମରିୟମ୍ ତାକେ ଜିସୁ ବଲି ଚିନି ନାପାରୁଲା ।

୧୫ ଜିସୁ ତାକେ ପାଚାରୁଲା “ଏ ମାଆ ତୁଇ କାଇକେ କାନ୍‌ଲୁସ୍‌ନି ? ତୁଇ କାକେ କନ୍‌ଲୁସ୍‌ନି ?” ମରିୟମ୍ ଏ ଲକ୍ ବାଡ଼ର୍ କାମ୍ କରୁ ମାଲି ବଲି ବାବିକରି ତାକେ କଇଲା, “ଏ ଆଗିଆଁ, ତୁଇ କାଇ ଜିସୁର୍ ଗାଗଡ଼ ନେଇ ଆତୁସ୍ କି ? ତାକେ ତୁଇ କନ୍ତି ସଙ୍ଗଇ ଆତୁସ୍ ? ମକେ କଇଦେ, ମୁଇ ଜାଇକରି ତାକେ ଦାରିଜିବି ।”

୧୬ ଜିସୁ ତାକେ “ମରିୟମ୍ !” ବଲି ଡାକଲା । ମରିୟମ୍ ତାର୍ ବାଟେ ପାସଲି କରି “ରାବ୍‌ବୁନି !” ବଲି ଏବ୍‌ରି ବାସାଇ କଇଲା । ଏଟାର୍ ଅରଡ଼ ଅଇଲାନି ଗୁରୁ ।

୧୭ ଜିସୁ ତାକେ କଇଲା, “ମକେ ଦାରି ର ନାଇ, ଏବେ ଜାକ ମୁଇ ବାବା ପର୍ଯ୍ୟେସର୍ ଲଗେ ଜାଇନାଇ । ମାତର୍ ତୁଇ ଜାଇକରି ମର୍ ବାଇମନ୍‌କେ କଅ, ମୁଇ, ମର୍ ବାବା ଆରି ସେମନ୍‌ର୍ ବାବା, ମର୍ ପର୍ଯ୍ୟେସର୍ ଆରି ସେମନ୍‌ର୍ ପର୍ଯ୍ୟେସରର୍ ଲଗେ ବାଉଡ଼ି ଗାଲିନି ।”

୧୮ ମଗ୍‌ଦଲିନି ମରିୟମ୍ ସିସ୍‌ମନ୍‌ର୍ ଲଗେ ବାଉଡ଼ି ଗାଲା ଆରି କଇଲା “ମୁଇ ମାପୁରୁକେ ଦେକଲି ଆଟି ।” ଆରି ଜିସୁ କଇଲା ସବୁ କାତା ସିସ୍‌ମନ୍‌କେ କଇଦେଲା ।

ଜିସୁ ନିଜକେ ସିସ୍‌ମନ୍‌କେ ଦେକାଇଅଇଲାଇ
(ମାତିଉ ୨୮:୧୬-୨୦; ମାର୍କ ୧୬:୧୪-୧୮; ଲୁକ୍ ୨୪:୩୬-୪୯)

୧୯ ସେ ଦିନ୍ ଆଟର୍ ପର୍‌ଡୁମ୍ ଦିନ୍ ଅଇରଇଲା । ସଞ୍ଜ ବେଲା ସବୁ ସିସ୍‌ମନ୍ ଗଟେକ୍ ତେଇ ରୁଣ୍ଡୁଲାଇ । ସେମନ୍ ଜିଉଦି ନେତାମନ୍‌କେ ଡରିକରି ଗରର୍ କାପାଟ୍ ସବୁ ଡାବିଅଇଦେଇ ରଇଲାଇ । ସେ ବେଲା, ଏଦେ ଦେକା ! ଜିସୁ ଅଟାଡ଼ ସେମନ୍‌କେ ଦେକାଇଅଇକରି ସେମନ୍ ଚିଆଅଇଲା ଜାଗାଇ “ତମ୍‌କେ ସାନ୍ତି ମିଲ !” ବଲି କଇଲା ।

୨୦ ଜିସୁ ଏ କାତା କଇଲା ପଚେ ନିଜର୍ ଆଡ଼ ଆରି ପାଞ୍ଜରା ଦେକାଇଲା । ସିସ୍‌ମନ୍ ମାପୁରୁକେ ଦେକିକରି ବେସି ସାର୍‌ଦା ଅଇଗାଲାଇ ।

୨୧ ଜିସୁ ଆରି ତରେକ୍ ସେମନ୍‌କେ କଇଲା “ତମ୍‌କେ ସାନ୍ତି ମିଲ ! ବାବା ପର୍ଯ୍ୟେସର୍ ମକେ ଜେନ୍ତି ପାଟାଇଆଚେ, ସେନ୍ତିସେ ମୁଇ ତମ୍‌କେ ପାଟାଇଲିନି ।”

୨୨ ତାର୍ ପଚେ ଜିସୁ ସେମନ୍‌ର୍ ଉପ୍‌ରେ ପୁଣ୍ଡୁଲା ଆରି “ତମେ ସୁକଲ୍ ଆଡ଼ମାକେ ନାମା !”

୨୩ ✨ “ଜଦି ତମେ ଲକ୍‌ମନ୍‌ର୍ ପାପ୍ କେମା କର୍‌ସା ବଇଲେ, ପର୍ଯ୍ୟେସର୍ ମିସା ସେମନ୍‌ର୍ ପାପ୍ କେମା ଦେଲା ଆଚେ । ଜଦି ତମେ ଲକ୍‌ମନ୍‌ର୍ ପାପ୍ କେମା ନ କରାସ୍ ବଇଲେ ପର୍ଯ୍ୟେସର୍ ମିସା ସେମନ୍‌ର୍ ପାପ୍ କେମା ନ କରେ ।” ବଲି କଇଲା ।

ଜିସୁ ତମାକେ ଦେକାଇଅଇଲା ।

୨୪ ଜିସୁର୍ ବାର୍‌ଟା ସିସ୍‌ମନ୍‌ର୍ ବିତ୍‌ରେଅନି ତମା ଜାକେକି ଜଅଁଲା ବଲି ଡାକ୍‌ବାଇ, ଜିସୁ ସିସ୍‌ମନ୍‌କେ ଦେକାଇଅଇଲା ବେଲେ ସେ ନ ରଇଲା ।

୨୫ ସେଟାର୍ ପାଇ ତେଇ ରଇଲା ବିନ୍ ସିସ୍‌ମନ୍ ତମା ଆଇଲା ପଚେ କଇଲାଇ, ଆମେ ମାପୁରୁକେ ଦେକଲୁ ଆତୁ । ମାତର୍ ତମା କଇଲା, “ମୁଇ ତାର୍ ଆତେ କୁଟିର୍ ଚିନ୍ ନ ଦେକ୍‌ତେ ଆରି ସେ ଚିନେ ମର୍ ଆଙ୍‌ଟି ନ ଚିଙ୍‌ଲାଇବା ଜାକ ଆରି ତାର୍ ପାଞ୍ଜରାଇ ଆଡ଼ ନ ପୁରାଇବା ଜାକ ବିସ୍‌ବାସ୍ ନ କରି ।”

୨୬ ଗଟେକ୍ ଆଟ୍ ଗାଲା ପଚେ ସିସ୍‌ମନ୍ ଆରି ତରେକ୍ ଗର୍ ବିତ୍‌ରେ ରଇଲାଇ, ତମା ମିସା ସେମନ୍‌ର୍ ସଙ୍ଗ୍ ତେଇ ରଇଲା । କାପାଟେ ଗାଡ଼ା ଦେଇରଇଲାଇ । ମାତର୍ ଏଦେ ଦେକା ! ଆଗ୍‌ତୁର୍ ପାରା ଜିସୁ ଗର୍ ବିତ୍‌ରେ ପୁରିକରି ସେମନ୍‌ର୍ ମଜାଇ ଚିଆଅଇକରି କଇଲା, “ତମ୍‌କେ ସାନ୍ତି ମିଲ !”

✨ ୨୦:୨୩ ମାତିଉ ୧୬:୧୯;୧୮:୧୮

୨୭ ତାର ପତେ ଜିସୁ ତମାକେ କଇଲା, “ତର୍ ଆଙ୍ଗଟି ଇତି ସଙ୍ଗଇ ମର୍ ଆଡ୍ ଦେକ୍, ଆରି ମର୍ ପାଞ୍ଜରାଇ ଆଡ୍ ପୁରାଇ ଦେକ୍ । ଆରି କେବେ ମିସା ବିସ୍ବାସ୍ କରିନାଇ ବଲି କଅ ନାଇ, ମାତର୍ ବିସ୍ବାସ୍ କର୍ ।”

୨୮ ତମା ଜିସୁକେ କଇଲା, “ଏ ମର୍ ମାପୁରୁ, ଏ ମର୍ ପର୍ମେସର୍ !”

୨୯ ଜିସୁ ତାକେ କଇଲା, “ତୁଇ ମକେ ଦେକିକରି ବିସ୍ବାସ୍ କଲୁସ୍ନି କି ? ମାତର୍ ଜନ୍ ଲକ୍ମନ୍ ମକେ ନ ଦେକିକରି ମିସା ବିସ୍ବାସ୍ କଲାଇନି, ସେମନ୍ କେତେ ସାର୍ଦା ପାଇବାଇ !”

ଏ ବଇର୍ ଉଦେସ୍

୩୦ ଜିସୁ ସିସ୍ମାନର୍ ସଙ୍ଗ ରଇଲାବେଲେ କେତେକ୍ କେତେକ୍ କାବାଅଇଜିବା କାମ୍ମନ୍ କରିରଇଲା । ସେଟା ସବୁ ଏ ବଇତେଇ ଲେକା ଅଏନାଇ ।

୩୧ ମାତର୍ ଏଡକ୍ସେ ଲେକାଅଇଲା, “ତମେ ଜେଡ୍ରିକି ବିସ୍ବାସ୍ କର୍ସା ଜେ, ଜିସୁସେ ପର୍ମେସର୍ ପଅ, ଜେକି ମସିଅ, ଆରି ତାକେ ବିସ୍ବାସ୍ କଲେସେ ତମେ ଜିବନ୍ ପାଇସା ।”

୨୧

ଜିସୁ ସାତଟା ସିସ୍ମାନ୍କେ ଦେକାଇ ଅଇଲା

୧ ତାର ପତେ ଜିସୁ ନିଜେ ଆରି ତରେକ୍ ସିସ୍ମାନ୍କେ ଡିବିରିଆର୍ ଗାଡ଼ପାଲି ଦେକାଇଅଇଲା । ସେଟା ଏଡ୍ରି ଅଇଲା ।

୨ ଜିସୁରୁ କେତେଟା ସିସ୍ମାନ୍ ଗଟେକ୍ ତେଇ ରୁଣ୍ଡିରଇଲାଇ । ସେମନ୍ ଅଇଲାଇନି, ସିମନ୍ ପିତର୍, ବିଦୁମ୍ ବଲି ତାକ୍ବା ତମା ନାଉର୍ ସିସ୍, ଗାଲିଲି ଦେସର୍ କାନା ଗତେ ରଇଲା ନିତନିଏଲ୍, ଜେବଦିର୍ ଦୁଇଟା ପିଲା ଜାକୁବ୍, ଜଅନ୍ ଆରି ବିନ୍ ଦୁଇଟା ସିସ୍ମାନ୍ ।

୩ ✽ସିମନ୍ ପିତର୍ ସେମନ୍କେ “ମୁଇ ମାଟ୍ ଦାର୍ଦାର୍ ଗାଲିନି ।” ବଲି କଇଲା । ସେମନ୍ ମିସା “ତର୍ ସଙ୍ଗ୍ ଆଇବୁ ।” ବଲି କଇଲା । ଆରି ତଙ୍ଗାଇ ଚଗି, ସେମନ୍ ଗୁଲାଇ ରାତି ଜାଲ୍ ମାର୍ଲାଇ, ମାତର୍ ମୁଲ୍କେ ଦାରଡ଼ନାଇ ।

୪ ଆରକର୍ ଦିନେ ଜୁଲ୍ପୁଲ୍ ଉଜଲେ ଜିସୁ ଗାଡ଼କଣ୍ଡି ଟିଆଅଇରଇଲା । ମାତର୍ ସିସ୍ମାନ୍ ତାକେ ଜିସୁ ବଲି ଚିନି ନାପାରୁଲାଇ ।

୫ ଜିସୁ ସେମନ୍କେ ପାଚାରୁଲା, “ଏ ମଇତର୍ମନ୍ ତମେ ଜଡେକ୍ ମିସା ମାଟ୍ ଦାରାସ୍ ନାଇ କି ?” ସେମନ୍ “ମୁଲ୍କେ ଦାରୁ ନାଇ ।” ବଲି କଇଲାଇ ।

୬ ✽ଜିସୁ ସେମନ୍କେ କଇଲା, “ତଙ୍ଗାଉ ଉଜାବାଟେ ଜାଲ୍ ମାରା, ତମେ ମାଟ୍ଦାରସା ଆଲେ ।” ସେ କଇଲା ପାରା ଜାଲ୍ ପାକାଇଲାଇ ଜେ, ଏତର୍ ତାକର୍ ଜାଲେ ଏତେକ୍ ମାଟ୍ ଲାଗୁଲାଇଜେ, ସେମନ୍ ଜାଲ୍ ଜିକି ନାପାରୁଲାଇ ।

୭ ଜିସୁ ଜନ୍ ସିସ୍କେ ଆଲାଦ୍ କର୍ତେ ରଇଲା, ସେ ସିସ୍ ପିତର୍କେ କଇଲା, “ଏଦେ ଦେକା ! ଏଟା ନିଜେ ଆମର୍ ମାପୁରୁ ସେ !” ପିତର୍ ଏଟା ମାପୁରୁ ଆକା ବଲି କଇଲାଟା ସୁନିକରି ବେଟି ସଙ୍ଗଇଲା ବସ୍ତର୍ ପିନ୍ ଗାତେ ତେଗଇଦେଲା । କାଇକେ ବଇଲେ ସେ ମାଟ୍ ଦାର୍ଦାବେଲେ, ଉପରେ ପିନ୍ଲା ବସ୍ତର୍ ବେଟି ସଙ୍ଗଇ ରଇଲା ।

୮ ଆରି ବାକି ସିସ୍ମାନ୍ ମାଟ୍ ବର୍ଡି ରଇଲା ଜାଲ୍ ଜିକିଜିକି ତଙ୍ଗା କଣ୍ଡିତେଇ ଆନି ଲାଗାଇଲାଇ । ସେମନ୍ କଣ୍ଡିଅନି ଦୁଇସ୍ ଆଡ୍ ଦୁରିକେସେ ରଇଲାଇ ।

୯ ସିସ୍ମାନ୍ ତଙ୍ଗାଇଅନି ଉଡ଼ିକରି ପଦାଇ କେଟ୍ଲାବେଲେ, ଜଇରଇଲା ଇଙ୍ଗ୍ରା ଉପରେ କେତେଟା ବାଜିଅଇଲା ମାଟ୍ ଆରି ରୁଟି ସଙ୍ଗଇଅଇ ରଇଲାଟା ଦେକ୍ଲାଇ ।

୧୦ ତାର ପତେ ଜିସୁ “ତମେ ଏବେ ଦାରୁଲା କେତେଟା ମାଟ୍ ଆନା ।” ବଲି କଇଲା ।

୧୧ ସେଟାର ପାଇ ସିମନ୍ ପିତର୍ ଜାଇ ମାଟ୍ ବର୍ଡି ରଇଲା ଜାଲ୍ ପଦାପାଲିକେ ଜିକି ଆନୁଲା । ସେ ଜାଲେ ସଏ ପଟାସ୍ ତିନଟା ବଡ଼ବଡ଼ ମାଟ୍ ଲାଗି ରଇଲାଇ । ମାଟ୍ମନର୍ ଲାଗି ବେସି ବଜ୍ ରଇଲା ମିସା, ଜାଲ୍ ଚିତେନାଇ ।

୧୨ ଜିସୁ ସେମନ୍କେ “ଆସା କାଆ !” ବଲି କଇଲା । ସିସ୍ମାନର୍ ବିଡ଼ରେଅନି କେ ମିସା ତୁଇ କେ ? ବଲି ପାଚାର୍ଦାକେ ସାଆସ୍ କରଡ଼ ନାଇ । କାଇକେ ବଇଲେ ସେମନ୍ ସେ ମାପୁରୁ ବଲି ଜାନି ରଇଲାଇ ।

୧୩ ଜିସୁ ତାକର୍ ଲଗେ ଜାଇ ରୁଟି ଆରି ମାଟ୍ ବାଟାକରିଦେଲା ।

୧୪ ଜିସୁ ମରିକରି ଜିବନ୍ଅଇ, ସିସ୍ମାନ୍କେ ଏଟା ସଙ୍ଗ୍ ମିସାଇ, ତିନ୍ତର୍ ଦେକାଇଅଇଲା ।

ଜିସୁ ଆରି ପିତର୍

୧୫ ସେମନ୍ କାଇଲା ପତେ ଜିସୁ ସିମନ୍ ପିତର୍କେ କଇଲା, “ଜଅନର୍ ପଅ ସିମନ୍, ତୁଇକାଇ ଏମନର୍ତେଇଅନି ମକେ ଅଦିକ୍ ଆଲାଦ୍ କଲୁସ୍ନି କି ?” ପିତର୍ କଇଲା,

“ଉ ମାପୁରୁ ମୁଇ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ଜିସୁ ତାକେ “ତୁଇ ମର୍ ମେଣ୍ଡାମନ୍କେ ନିମାନ୍ କରି ଜତନ୍ କର୍ ।” ବଲି କଇଲା ।

୧୬ ତାର ପତେ ଜିସୁ ଆରି ତରେକ୍ ତାକେ ପାଚାରୁଲା, “ଜଅନର୍ ପଅ ସିମନ୍, ତୁଇ କାଇ ମକେ ସତଇସେ ଆଲାଦ୍ କଲୁସ୍ନି କି ?”

ପିତର କଇଲା, “ଉଁ ମାପୁରୁ ମୁଇ ତକେ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ତାର ପତେ ଜିସୁ କଇଲା, “ସେନ୍ତାର୍‌ଆଲେ ମର୍ ମେଣ୍ଟାମନର୍ ଜତନ୍ କର୍ ।”

୧୭ ଜିସୁ ଦୁଇତର୍ ପାଚାରି ସାରି ଆରିତରେକ୍ ପାଚାର୍‌ଲା, “ଏ ଜଅନ୍‌ର୍ ପଅ ସିମନ୍ ତୁଇ ମକେ ଆଲାଦ୍ କଲୁସ୍‌ନି କି ?”

ଜିସୁ ତାକେ ତିନ୍ ତର୍ ଜାକ ଗଟେକ୍ କାତାସେ ପାଚାର୍‌ଲାଜେ ପିତର୍ ଦୁକ୍ ଅଇଗାଲା, ଆରି କଇଲା, “ଏ ମାପୁରୁ ! ମୁଇ ଆଲାଦ୍ କଲିନି ବଲି ତୁଇ ସବୁ ଜାନିଆରୁସ୍ ।”

ଜିସୁ ପିତରକେ କଇଲା, “ତୁଇ ମର୍ ମେଣ୍ଟାମନକେ ନିମାନ୍ କରି କୁଆଡ ।

୧୮ “ମୁଇ ତକେ ସତ୍ କାତା କଇଲିନି, ତୁଇ ଦାଙ୍ଗ୍‌ତା ରଇଲାବେଲେ, ଚକା ପତିଆ ପିନ୍ଧି କରି ଜେନେ ପାର୍‌ଲା ତେନେ ଜାଇତେ ରଇଲୁସ୍ । ମାତର୍ ତକ୍‌ରା ଅଇଲେ ଆଡ୍ ଟେକ୍‌ସୁ, ଆରି ବିନ୍ ଲକ୍‌ମନ୍ ତକେ ବାନ୍ଧି ଜନ୍ତି ଜିବାକେ ମନ୍ ନ ରଏ, ସେ ବାଟେସେ ତକେ ନେବାଇ ।”

୧୯ ସେ କେନ୍ତାରି ଅଇ ମରିକରି ପର୍‌ମେସରର୍ ତାକ୍‌ପୁଟା କର୍‌ସି, ସେଟା ଜାନାଇବାକେ ଜିସୁ ଏନ୍ତାରି କଇଲା । ଏନ୍ତି କଇ ସାରାଇ ସେ ପିତରକେ କଇଲା “ମର୍ ସଙ୍ଗ୍ ଆଡ ।”

ଜିସୁର୍ ଆଲାଦର୍ ସିସ୍

୨୦ ✠ପିତର ପାସ୍‌ଲିକରି ଜିସୁର୍ ଆଲାଦର୍ ବିନ୍ ସିସ୍‌କେ ଦେକ୍‌ଲା । ଜାକେ କି ଜିସୁ ବେସି ଆଲାଦ୍ କର୍‌ତେରଇଲା । ଜନ୍ ସିସ୍ କି ରାତିଆ କାଇଲାବେଲେ ଜିସୁର୍ ବୁକେ ଆଡ୍‌ଜି ଅଇକରି ପାଚାରିରଇଲା । “ମାପୁରୁ କେ ତମ୍‌କେ ବିସ୍‌ବାସେ ବିସ୍ ଦେଲାପାରା ସତ୍‌ରୁମନକେ ସର୍‌ପି ଦେଇସି ?”

୨୧ ପିତର ସେ ସିସ୍‌କେ ଦେକି ଜିସୁକେ ପାଚାର୍‌ଲା, “ଏ ମାପୁରୁ ଆର୍ ବିସଇ କାଇଟା ଅଇସି ?”

୨୨ ଜିସୁ ତାକେ କଇଲା, “ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଠି କରି ରଅ ବଲି ମୁଇ ମନ୍ କଲିନି ବଇଲେ, ଏଟାର୍‌ପାଇ ତୁଇ କାଇକେ ଚିନ୍ତା କଲୁସ୍‌ନି ? ତୁଇ ମର୍ ସଙ୍ଗ୍ ଆଡ ।”

୨୩ ତେବେ ଜିସୁ ଜନ୍ ସିସ୍‌କେ ଆଲାଦ୍ କର୍‌ତେ ରଇଲା, ସେ ନ ମରେ ବଲି କଇରଇଲା ବିସଇ ଗୁଲାଇ ବାଟର୍ ବିସ୍‌ବାସ୍ କର୍‌ବା ବାଇମନର୍‌ତେଇ କେଟ୍‌ଲା । ମାତର୍ ସେ ନ ମରେ ବଲି ଜିସୁ କଇ ନ ରଇଲା । ମୁଇ ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଠିକରି ରଅ ବଲି ମୁଇ ଜଦି ମନ୍ କଲିନି ବଇଲେ, ଏଟାର୍‌ପାଇ ତୁଇ କାଇକେ ଚିନ୍ତା କଲୁସ୍‌ନି ? ବଲି କଇରଇଲା ।

୨୪ ସେ ସିସ୍ ଏ ସବୁ ବିସଇ କଇଲାଆଚେ, ଏ ସବୁଜାକ ସେ ଲେକି ମିସା ଆଚେ ଆରି ସେଟା ଆମେ ଜାନୁ । ସେ ଜାଇଟା କଇଲା ଆଚେ ସେଟା ସବୁ ସତ୍‌ସେ ।

ସାରାସାରି ବିସଇ

୨୫ ଜିସୁ କରିରଇବା କାମ୍‌ମନ୍ ଆରି କେତେକ୍ କେତେକ୍ ଆଚେ, ମାତର୍ ମର୍ ବିଚାର୍ ଇସାବେ ସେ ସବୁଜାକ ଜଦି ଗଟେକ୍ ଲକ୍ ଲେକ୍‌ଲେ, ଜେଡ୍‌କି ବଇ ଲେକା ଅଇସି, ସେଟାମନ୍ ସଙ୍ଗ୍‌ବାକେ ଚାନ୍ ନ ଅଏ ।

ପ୍ରେରିତ ମାନଙ୍କର କାର୍ଯ୍ୟ ପେରିଡ଼ ସିସ୍ତମ୍ କାମ୍ବଳା ଇସାବ୍ ଏ ବଇ ବିସଇତେଇ ଜାନ୍‌ବାଟା

ପେରିଡ଼ ବଇ ଅଇଲାନି ମଣ୍ଡଲି ଆରାମ୍ ଅଇଲା ବଇ, ଆରି କେନ୍ତାରି ଜିରୁସାଲମେ ଅନି ଜିଉଦା ସମରିଆ, ଆରି ବିନ୍‌ବିନ୍ ଜାଗାମନ୍‌କେ ଜାନାଇ ଅଇଲା ୧:୮ । ଏଟା ଜିସୁ ସର୍ଗେ ଜିବା ଆଗତୁ ତାର ସିସ୍ତମ୍‌କେ କଇ ରଇଲା, ପେରିଡ଼ ବଇ ଲୁକ୍‌ଲେକି ରଇଲା, ଜେକି ଲୁକ୍ ସୁବ୍‌କବର୍ ମିସା ଲେକି ରଇଲା । ସେ ଗଟେକ୍ ଡାକ୍‌ଦର୍ ରଇଲା, ଆରି କାଇଟାମିସା ବୁଲ୍ ନ କର୍ତେ ଲେକ୍‌ବାକେ ମନ୍‌ଦିଆନ୍ ଦେଇତେ ରଇଲା । ସେ ସୁବ୍‌କବର୍ ବଇଟାନ୍‌ଆରି ପେରିଡ଼ ବଇ ଏ ଦୁଇଟା ବଇଟାନ୍‌ଜାକ ତିଅପିଲ୍‌କେ ଜାନାଇ ଆଟେ । ଜନ୍ ଲକ୍‌କି ସେ ଗଟେକ୍ ଗିରିକ୍ ଲକ୍ ରଇଲା ଏ ଦୁଇଟାଜାକ ବଇ ଗିରିକ୍ ଆରି ଜିଉଦି ଲକ୍‌ମନ୍‌ ପାଇ ଅଇରଇଲା ପେରିଡ଼ ୧:୧ ।

ଜାନ୍‌ବାକେ ଗାଲେ ପେରିଡ଼ ବଇ ଜିସୁକିରିସ୍‌ଟ ଜନମ୍ ଅଇକରି ୬୦-୬୪ ବିଡ଼ରେ ଲେକାଅଇ ରଇଲା । କାଇକେବଇଲେ ପାଉଲ୍ ବନ୍ଦିଗରେ ରଇକରି ମୁକ୍‌ଲ୍‌ବା ଆଗତୁ ଏ ବଇର୍ ଲେକାକାମ୍ ସାରିରଇଲା । ଲୁକ୍ ମିସା ପାଉଲ୍‌ର ସଙ୍ଗ୍ ବୁଲି ରଇଲା, ଆରି ପେରିଡ଼ ବଇ ଆନ୍ତିକିଆଇ ଅନି ଲେକାଅଇ ରଇଲା । ପେରିଡ଼ ବଇ ଲୁକ୍ ସୁବ୍‌କବର୍‌ତେଇ ଅନି ଆରାମ୍ ଅଇଲା ଆଟେ, ଆରି ଜିସୁ ସର୍ଗେ ଜିବାଟା ଆରାମ୍ ଅଇଲାନି ଲୁକ୍ ସୁବ୍‌କବର୍‌ର ଆଦେସ୍ ଆରି ପେରିଡ଼ର୍ ଲେକା ଆଦେସ୍ ସଙ୍ଗ୍ ସମାନ୍ ଆଟେ । ସେ ତିଅପିଲ୍‌କେ ଆରି ବିସ୍‌ବାସ୍ ବଡ଼ି ଆଇବା ଲକ୍‌ମନ୍‌କେ ନିକସଙ୍ଗ୍ ରଇବାକେ ମନ୍‌କଲାନି । ସେମନ୍‌କେ କାଇ ସିକିଆ ଦିଆ ଅଇରଇଲା ଜିସୁକିରିସ୍‌ଟର୍ ଜିବନ୍ ବିସଇ ଆରି ବଡ଼ିଆଇବା ବିସ୍‌ବାସିମନ୍‌ର ବିସଇ କାଇବୁଲ୍ ନ କର୍ତେ ଇସାବ୍ ସଙ୍ଗ୍‌ଆଟେ । ପେରିଡ଼ ବଇଟାନ୍‌ଆଗତୁର୍ ମଣ୍ଡଲି ଜିସୁକିରିସ୍‌ଟର୍ ଟାନ୍‌ବିସ୍‌ବାସ୍ କରି ଜିଇବା କାଇବାକେ ଆମ୍‌କେ ଜାନାଇଲାନି । ଆମ୍‌କେ ପେରିଡ଼ମନ୍‌ ଟାନ୍‌ଆନି ଜାନାଇଲାନି କି, ଆମେ କେନ୍ତାରି ସୁକଲ୍ ଆଡ଼ମାଟାନ୍‌ ରଇକରି ବିନ୍‌ଲକ୍‌ମନ୍‌କେ ସୁବ୍‌କବର୍ ଜାନାଇ ଅଇସି ।

ଏ ବଇ ବିଡ଼ରେ ରଇବା ମୁକିଆ ବିସଇ

- ୧. ସୁକଲ୍ ଆଡ଼ମା ଆଇବାଟା ଆରି ମଣ୍ଡଲି ବଡ଼ବାଟା । ୧:୧-୮:୧
- ୨. ମଣ୍ଡଲିର୍ ଦୁକ୍‌କସ୍‌ଟ ଆରି ସୁବ୍‌କବର୍ ଅଦିକ୍ ଅଦିକ୍ ବଡ଼ବାଟା । ୮:୨-୧୨:୨୩
- ୩. ପାଉଲ୍ ପର୍ତୁମ୍ ତର୍ ସେବା କର୍‌ବାକେ ଜିବାଟା । ୧୨:୨୪-୧୪:୨୮
- ୪. ନୁଆ ବିସ୍‌ବାସିମନ୍‌ର ଦରକାର ବିସଇ ଆରି ଜିରୁସାଲମ୍‌ର ସେବା । ୧୫:୧-୩୫
- ୫. ପାଉଲ୍ ଦୁଇପାଲି ସେବାକାମେ ଜିବାଟା । ୧୫:୩୬-୧୮:୨୨
- ୬. ପାଉଲ୍ ତିନ୍‌ପାଲି ସେବାକାମେ ଜିବାଟା । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମେ ବନ୍ଦିଅଇରଇଲାଟା । ୨୧:୨୬
- ୮. ପାଉଲ୍ ରମ୍ ରାଇଜେ ଜିବାଟା । ୨୨:୧-୨୮:୧-୩୧

ସୁକଲ୍‌ଆଡ଼ମା ଦେଇରଇବା କାତା

^୧ *ସାର୍‌ଦାର୍ ତିଅପିଲ୍, ମର୍ ପର୍ତୁମ୍ ଲେକିରଇବା ଲୁକ୍‌ବଇଟାନ୍‌ଆରାମେଅନି, ପର୍ତୁମେସର୍ ତାକେ ସର୍ଗେ ନେବା ଦିନ୍ ଜାକ, ଜିସୁ କିରିରଇବା ଆରି ସିକାଇରଇବା ସବୁ ବିସଇ ଲେକିରଇଲି ।

^୨ ତାର୍ ଆଗତୁ ସୁକଲ୍‌ଆଡ଼ମାର୍ ବପୁସଙ୍ଗ୍ ସେ ବାଟିରଇବା ପେରିଡ଼ମନ୍‌କେ କେତେଟା ଆଦେସ୍ ଦେଇରଇଲା ।

^୩ ସେ ଦୁକ୍ କସ୍‌ଟ ଅଇଲାପଟେ, ସେମନ୍‌କେ ନିଜେ ବେସି ତର୍ ଦେକାଇଅଇଲା । ଚାଲିସ୍ ଦିନ୍‌ଜାକ ବିନ୍ ବିନ୍ ବେଲାଇ ଦେକାଇଅଇଲା । ମଲାତେଇଅନି ଉର୍‌ଲାଟା ସଡ଼ସଙ୍ଗ୍ ଜାନାଇଲା । ସେମନ୍ ତାକେ ଦେକ୍‌ଲାଇ, ଆରି ସେ ସେମନ୍‌ରସଙ୍ଗ୍ ପର୍ତୁମେସର୍ ରାଇଜ୍ ବିସଇନେଇ କାତା ଅଇଲା ।

^୪ *ତରେକ୍ ସେମନ୍‌ରସଙ୍ଗ୍ ମିସିକରି କାଇବା ବେଲେ, ସେ ଏ ଆଦେସ୍ ଦେଲା, “ଜିରୁସାଲମ୍ ଚାଡ଼ାନାଇ । ମାତର୍ ଜନ୍‌ଟା ମର୍ ସରଗର୍ ବାବା, ଇନାମେ ଦେବିବଲି କଇଆଟେ, ସେଟା ନ ମିଲ୍‌ବା ଜାକ ଜାଗିରୁଆ ।

^୫ *କାଇକେବଇଲେ ଜଅନ୍ ପାନିତେଇ ତୁବନ୍ ଦେଇରଇଲା, ମାତର୍ କେତେ ଦିନ୍ ବିଡ଼ରେ ପର୍ତୁମେସର୍ ତମ୍‌କେ ସୁକଲ୍ ଆଡ଼ମାଇ ତୁବନ୍ ଦେଇସି ।”

ଜିସୁ ସର୍ଗେ ଜିବାଟା

^୬ ଦିନେକ୍ ପେରିଡ଼ ସିସ୍ତମ୍ ଗଟେକ୍‌ତେଇ ରୁଣ୍ଡିରଇଲା ବେଲେ ଜିସୁକେ ପାଚାର୍‌ଲାଇ, “ମାପ୍‌ରୁ, ତମେ କାଇ ଏବେ ଇସ୍‌ରାଏଲ୍‌ର ଲକ୍‌ମନ୍‌କେ ତାକର୍ ରାଇଜ୍ ଆରିତରେକ୍ ବାଉଡ଼ାଇ ଦେଇସୁ କି ?”

☆ ୧:୧ ଲୁକ୍ ୧:୧-୪ ☆ ୧:୪ ଲୁକ୍ ୨୪:୪୯ ☆ ୧:୫ ମାତିଉ ୩:୧୧; ମାର୍କ ୧:୮; ଲୁକ୍ ୩:୧୬; ଜଅନ୍ ୧:୩୩

୭ ଜିସୁ ସେମନ୍‌ଙ୍କେ କଇଲା, “ମର୍ ବାବା ତାର ନିଜର୍ ଅଦିକାର୍‌ସଙ୍ଗ୍ ବେଲାଗତି ଟିକ୍‌କରି ସଙ୍ଗ୍‌ଇ ଆଚେ । ଏ ସବୁ କେବେ ଗଟ୍‌ସି, ସେଟା ତମର୍ ଜାନ୍‌ବା ଦରକାର ନାଇ ।

୮ *ମାତର୍ ସୁକଲ୍ ଆତ୍‌ମା ତମର୍ ଉପରେ ଉତ୍ତରଲେ, ତମେ ପୁରାପୁରୁନ୍ ବସୁ ଅଇସା ଆରି ଜିରୁସାଲମ୍, ଜିଉଦାର୍ ସବୁଟାନ୍‌, ସମିରଣ୍ ଆରି ଜଗତର୍ ସାରାସାରି ଜାକ ମର୍ ନାଉଁ ଦାରି ସାକି ଅଇସା ।”

୯ *ଏଡ଼କି କାତା ସେମନ୍‌ଙ୍କେ କଇସାରାଇଲା ପଚେ, ସେମନ୍ ଜିସୁଙ୍କେ ସର୍ଗେ ନେବାଟା ଦେକ୍‌ଲା । ଗଟେକ୍ ଚେଲ୍‌କା ବାଦଲ୍ ଆସି ଡାବିଅଇଲାକେ ସେ ବାନା ଅଇଗାଲା । ଆରି ସେମନ୍ ତାକେ ଦେକି ନାପାର୍‌ଲା ।

୧୦ ସେ ସର୍ଗେ ଗାଲାପଚେ ମିସା ସେମନ୍ ଆକି ମରାଇକରି ଉପରେ ସେ ଦେକ୍‌ତେ ରଇଲା । ସେଡ଼କିବେଲେ ଏଦେ ଦେକା ! ଦବ୍ ପଟିଆ ପିନ୍‌ଲା ଦୁଇ ଲକ୍, ସେମନ୍‌ର୍ ମୁଆଟେ ଆସି ଚିଆଅଇଲା ।

୧୧ ଆରି କଇଲା “ଏ ଗାଲିଲିର୍ ଲକ୍‌ମନ୍, ତମେ କାଇକେ ଇତି ଚିଆଅଇ ଆକାସେ ଦେକ୍‌ଲାସିନି ? ଏ ଜିସୁଙ୍କେ ପରମେସର୍ ତମର୍‌ଟାନ୍‌ଅନି ସର୍ଗେ ନେଲା ଆଚେ । ସେ ସର୍ଗେ ଜେନ୍ତି ଜାଇରଇଲା, ସେନ୍ତାରିସେ ଦର୍ତ୍ତନିତେଇ ଆଇବାଟା ଦେକ୍‌ସା ।”

ଜିଉଦାର୍ ଜାଗାଇ ମତିଆସ୍‌କେ ବାଟ୍‌ଲା

୧୨ ତାର୍‌ପଚେ ପେରିଡ଼ ସିସମନ୍ ଜିଡ଼ ପର୍ବତେଅନି ଜିରୁସାଲମ୍ ବାଉଡ଼ି ଗାଲା । ସେ ପର୍ବତ୍, ଜିରୁସାଲମ୍ ନଅରେଅନି ଗଟେକ୍ କିଲମିଟର୍ ଦୁର୍ ରଇଲା ।

୧୩ *ଜିରୁସାଲମ୍ ନଅରେ ଜାଇକରି ସେମନ୍ ରଇବା ବାକ୍‌ରାଇ ପୁରଲା । ପିତର୍, ଜଅନ୍, ଜାକୁବ୍ ଆରି ତାର୍ ବାଇ ଆନ୍‌ରିୟ୍, ପିଲିପ୍, ତମା, ବାର୍ତଲମି, ମାଡିଉ, ଆଲ୍‌ପିର୍ ପିଲା ଜାକୁବ୍, ଦେସ୍ ଆଲାଦ୍‌କର୍‌ବା ସିମନ୍ ଆରି ଜାକୁବର୍ ପିଲା ଜିଉଦା, ଏମନ୍ ରଇଲା ତେଇର୍ ପେରିଡ଼ ସିସମନ୍ ।

୧୪ ସେମନ୍ ତର୍‌କେତର୍ ଗଟେକ୍ ଦଲ୍ ଇସାବେ ପାର୍‌ତନା କର୍‌ବାକେ ରୁଣ୍ଡତେ ରଇଲା । ଆରି ସେମନ୍‌ର୍‌ସଙ୍ଗ୍ ଜିସୁର୍ ଆୟା ମରିୟମ୍, ବିନ୍ ମାଇଜିମନ୍ ଆରି ଜିସୁର୍ ବାଇମନ୍ ମିସା ମିସ୍‌ତେରଇଲା ।

୧୫ କେତେ ଦିନ୍ ଗାଲାପଚେ ପାକାପାକି ସଏ କତେ ଲକ୍ ବିସ୍‌ବାସି ବାଇମନ୍ ରଇଲା ଗଟେକ୍ ସବାଇ, ପିତର୍ ଲକ୍‌ମନ୍‌ର୍ ମୁଆଟେ ଉଚି ଚିଆଅଇ କଇଲା,

୧୬ “ଏ ମର୍ ବାଇବଇନିମନ୍, ଜନ୍ ଇସ୍କାରିୟ୍‌ଡ଼ ଜିଉଦା ଜିସୁଙ୍କେ ଦାରାଇଦେବାକେ ସତ୍‌ରୁମନ୍‌ଙ୍କେ ବାଟ୍ ଦେକାଇ ଆନିରଇଲା, ତାର୍ ବିସଇ, ଦାଉଦ୍ ସୁକଲ୍‌ଆତ୍‌ମାଇ ପୁରୁନ୍‌ଅଇ ବବିସଡ଼କାତା ସୁନାଇ ରଇଲା । ଦରମ୍ ସାସ୍‌ତରର୍ କାତା ସିଦ୍ ଅଇବାକେ ଏଟା ଗଟ୍‌ବାର୍ ରଇଲା ।

୧୭ ଏଲେମିସା ସେ ଆମର୍ ଦଲ୍‌ର୍ ଲକ୍ ରଇଲା । ଆରି ଆମର୍ ସଙ୍ଗ୍ କାମ୍ କର୍‌ବାକେ ବାଟାଇଅଇ ରଇଲା ।”

୧୮ *ଜିଉଦା କିରିରଇବା କରାପ୍ କାମେଅନି ମିଲାଇଲା ତାବୁକେ ଗଟେକ୍ ଜମି ଗେନାଅଇରଇଲା । ଆରି ସେ ଜମିତେଇ, ଉମ୍‌ତାଡ଼ିଅଇ ଅଦ୍‌ରି ମଲା । ତାର୍ ପେଟ୍ ଚିରିଅଇ ଆଡ଼ି ବାରଇଗାଲା ।

୧୯ ଜିରୁସାଲମ୍ ନଅରେ ବାସାଅଇରଇବା ସବୁ ଲକ୍‌ମନ୍ ଏ ସବୁ ବିସଇ ସୁନ୍‌ଲା । ସେମନ୍‌ର୍ ବାସାଇ ସେ ଜମିର୍ ନାଉଁ ଆକେଲ୍‌ଦାମା ତାର୍ ଅରଡ଼ ଅଇଲାନି ବନିର୍ ପଦା ବଲି ନାଉଁ ଦେଲା ଆଚଡ଼ ।

୨୦ ଗିଡ଼ସଙ୍ଗିତା ବଇଟାନ୍‌ଏ ବିସଇ ଲେକା ଅଇଲା ଆଚେ,
“ତାର୍ ଗର୍ ରୁଟା ଅଇଜାଅ,

ତେଇ ବାସା ଅଇବାକେ କେ ମିସା ନ ରଅଡ଼ ।”

ଆରି ମିସା ଲେକା ଅଇଲା ଆଚେ,

“ତାର୍ ଜାଗାଇ ସେବା କର୍‌ବାକେ ଆରି ଗଟେକ୍ ଲକ୍ ମିସ ।”

୨୧ *ସେଟାର୍ ପାଇ, ଜିସୁମାପୁରୁ ଆମର୍ ସଙ୍ଗ୍ ଗାଲାବେଲେ ଜେ ଆମର୍ ଦଲେ ସବୁବେଲେ ରଇଲା, ସେନ୍ତାରି ଗଟେକ୍ ଲକ୍‌ଙ୍କେ ବାଟ୍‌ବାର୍ ଆଚେ ।

୨୨ ଜନ୍ ଲକ୍‌ଙ୍କେ ଆମେ ବାଟ୍‌ରୁ, ପରମେସର୍ ଜିସୁଙ୍କେ ଜେନ୍ତି ଜିବନ୍ କରି ଉଟାଇଲା, ସେ ବିସଇ ଆମର୍‌ସଙ୍ଗ୍ ସେ ସାକି ଅଇବାର୍‌ଆଚେ । ଜଅନ୍ ଜିସୁଙ୍କେ ହୁବନ୍‌ଦେଲା ବେଲେଅନି, ପରମେସର୍ ଆମର୍‌ଟାନ୍‌ଅନି ତାକେ ସର୍ଗେ ନେବା ଜାକ, ସେ ଲକ୍ ଆମର୍ ଦଲେ ରଇବାର୍‌ ଆଚେ ।”

୨୩ ସେମନ୍ ଦୁଇ ଲକ୍‌ର୍ ନାଉଁ ଦେଲା । ଜସେପ୍ ଜେକି ବର୍‌ସବା ଆରି ଜୁସ୍‌ତକ୍ ବଲି ମିସା କଇବାଇ ଆରି ମଡିୟ୍ ।

୨୪ ଆରି ସେମନ୍ ପାର୍‌ତନା କଲା, “ମାପୁରୁ ତମେତା ସବୁ ଲକ୍‌ର୍ ମନର୍ କାତା ଜାନାସ୍ । ଜିଉଦା ଜନ୍ ଜାଗାଇ ରଇବାର୍‌ରଇଲା, ଟିକ୍ ତେଇ ଉଚିଗାଲା । ପଚେ ତାର୍ ଜାଗାଇ ତମେ ବାଚିରଇବା ଲକ୍, ଏ ଦୁଇ ଲକ୍‌ର୍ ବିଡ଼ରେ ଅନି କେ ଅଇରଇସି ?

୨୫ ଜେ ପେରିଡ଼ ସିସକାମ୍ କରିପାର୍‌ସି, ତାକେ ଆମ୍‌କେ ଜାନାଆ ।”

☆ ୧:୮ ମାଡିଉ ୨୮:୧୯; ମାର୍‌କ ୧୬:୧୫; ଲୁକ୍ ୨୪:୪୭,୪୮ ☆ ୧:୯ ମାର୍‌କ ୧୬:୧୯; ଲୁକ୍ ୨୪:୫୦,୫୧ ☆ ୧:୧୩ ମାଡିଉ ୧୦:୨-୪; ମାର୍‌କ ୩:୧୬-୧୯; ଲୁକ୍ ୬:୧୪-୧୬ ☆ ୧:୧୮ ମାଡିଉ ୨୭:୩-୮ ☆ ୧:୨୧ ମାଡିଉ ୩:୧୬; ମାର୍‌କ ୧:୯; ଲୁକ୍ ୩:୨୧; ମାର୍‌କ ୧୬:୧୯; ଲୁକ୍ ୨୪:୫୧

୨୬ ତାରପଟେ ଦୁଇ ଲକରଟାନେଅନି ଗଟେକ୍ ଲକ୍‌କେ ବାଟ୍‌ବାକେ କେଡ଼ପୁଟାଲଲା । କେଡ଼ପୁଟାଲଲାକେ ମତିୟସର୍ ନାଉଁ ପୁଟଲା । ସେନ୍ତାରି, ଏଗାରଟା ସିସ୍‌ମନର୍ ଦଲେ ସେ ମିସଲା ।

୨

ସୁକଲୁଆଡ଼ମା ଆଇବାଟା

୧ ଜନ୍ ଦିନେ ସେମନ୍ ପେନ୍‌ଟିକସ୍ ପରବ୍ ମାନ୍‌ଡେରଇଲା, ଜିସୁକେ ବିସ୍‌ବାସ୍ କରବା ସବୁ ଲକ୍‌ମନ୍ ଗଟେକ୍ ଜାଗାଇ ରୁଣ୍ଡିରଇଲା ।

୨ ଅଟାଡ଼ ଆକାସେଅନି ବେସି ପବନ୍ ଆଇଲାପାରା ଗଟେକ୍ ସବଦ୍ ଅଇଲା । ଆରି ଜନ୍ ଗରେ ସେମନ୍ ବସି ରଇଲା, ସେଟା ସେ ସବଦେ ପୁରୁନ୍ ଅଇଲା ।

୩ ତାରପଟେ ସେମନ୍ ଦେକ୍‌ଲା, କେଡେଟା ଜଇଜିବ୍ ଉଦ୍‌ଲିକରି ବିଟି ଅଇଲା । ଆରି ତେଇ ରଇଲା ସବୁ ବିସ୍‌ବାସିମନ୍‌କେ ଚିଇଲା ।

୪ ସେମନ୍ ସବୁଲକ୍ ସୁକଲୁଆଡ଼ମା ପୁରାପୁରୁନ୍ ଅଇଲା ଆରି ଆଡ଼ମା ଦେଲା ବପୁ ଇସାବେ ନାଜାନ୍‌ଲା ବାସାମନର୍ ସଙ୍ଗ୍ କାତା ଅଇବାଟ୍ ଦାରିଲା ।

୫ ଜଗତର୍ ବିନ୍ ବିନ୍ ଦେସେଅନି ଆସିରଇଲା ଜିଉଦି ଲକ୍‌ମନ୍ ସେଡ଼କିବେଲେ ଜିରୁସାଲମେ ରଇଲା ।

୬ ଏନ୍ତାରି ଅଇଲାଟା ଦେକି ସେମନ୍ ସାରଦା ଅଇଗାଲା । କାଇକେବଇଲେ ସେ ବିସ୍‌ବାସିମନ୍ ତାକର୍ ତାକର୍ ବାସାଇ କାତା ଅଇବାଟା ସେମନ୍ ସୁନ୍‌ଲା ।

୭ ସେମନର୍ ବୁଦିଗୁପିଗାଲା ଆରି କାବା ଅଇଜାଇ ପାଟାରୁଲା, “ଏନ୍ତାରି ବାସାଇ କାତା ଅଇବା ଲକ୍‌ମନ୍ ଗାଲିଲିଅନି ନଅଡ଼ କି ?

୮ ସେନ୍ତିଆଲେ ଆମେ କେନ୍ତି ସେମନ୍‌କେ ଆମର୍ ନିଜର୍ ନିଜର୍ ଜନମ୍ ଜାଗାର୍ ବାସାଇ କାତା ଅଇବାଟା ସୁନିଆରୁ ?

୯ ଆମେ ପାର୍ତିୟ, ମାଦିୟ, ଏଲାମିୟ ଆରି ମେସପଟାମିୟ, ଜିଉଦା ଦେସ୍ ଆରି କାପ୍‌ପାଦକିଆ, ପନ୍ତୁ ଆରି ଆସିଆ,

୧୦ ପିରିଜିଆ ଆରି ପପୁଲିଆ, ମିସର୍ ଆରି କୁରିଣି ଲଗେ ରଇଲା ଲିବିଆ ଜାଗାର୍ ଲକ୍ । ଆମର୍ ବିଡ଼ରେ ରମ୍‌ରାଇଜେଅନି ଆସିରଇବା, ଜନମେ ଅନି ଜିଉଦି ଅଇଲା ଲକ୍ ଆରୁ ଆରି ପଟେ ଜିଉଦି ଦରମ୍ ନେଲା ଲକ୍ ମିସା ଆରୁ ।

୧୧ ଆମର୍ ବିଡ଼ରେଅନି କେଡେଲକ୍ କିର୍ଡିୟଅନି ଆରି ଆରବିୟଅନି ଆଇଲୁ ଆରୁ । ଏନ୍ତି ଆମେ ସବୁ ବିନ୍ ବିନ୍ ଜାଗାଇଅନି ଆଇଲୁ ଆରୁ । ଏନ୍ତି ବଇଲେ ମିସା ପର୍‌ମେସର୍ କଲା ବଡ଼ ବଡ଼ କାବାଅଇଜିବା କାମ୍ ଏ ଲକ୍‌ମନ୍ ଆମର୍ ନିଜର୍ ନିଜର୍ ବାସାଇ କାତାଅଇବାଟା ସୁନ୍‌ଲୁନି ।”

୧୨ ଏନ୍ତି ବଲି ସେମନ୍ ବେସି କାବାଅଇଗାଲା । ଆରି ସେମନର୍ ବୁଦି ଆଜି ଗାଲା । ଆରି ତାକର୍ ତାକର୍ ବିଡ଼ରେ “ଏଟା କେନ୍ତାର୍ ଅଇଲା ତେବେ ?” ବଲି ସବୁ ବେଲେ ପାଟାରୁଡ଼ାର୍ ଅଇତେ ରଇଲା ।

୧୩ ମାତର୍ ବିନ୍ ଲକ୍‌ମନ୍ ବିସ୍‌ବାସିମନ୍‌କେ କିଜାଇକରି କଇଲା, “ସେମନ୍ ମାଡିଆତଡ଼ !”

ପିତର୍ କବର୍ ଜାନାଇବାଟା

୧୪ ପିତର୍ ତାର୍ ସଙ୍ଗ୍ ରଇଲା ଏଗାରଟା ପେରିଡ଼ ମନର୍ ସଙ୍ଗ୍ ଚିଆଅଇ ଆଉଲି ଅଇ କଇଲା, “ଏ ମର୍ ପାରା ଜିଉଦି ଲକ୍‌ମନ୍ ଆରି ଜିରୁସାଲମେ ରଇବା ସବୁ ବାଇମନ୍, ମର୍ କାତା ମନ୍‌ଦେଇ ନିମାନ୍ ସୁନା । ଏଟା କାଇଟା ଅଇଲାନି ବଲି ମୁଇ ତମ୍‌କେ ବୁଜାଇ କଇବି ।

୧୫ ଏବେ ସାକ୍‌ଲିଆ ନଅଟା ବେଲା ଅଇଲା ଆଟେ । ତମେ ବାବ୍‌ଲାପାରା ଏ ଲକ୍‌ମନ୍ ମାତଡ଼ ନାଇ ।

୧୬ ଏଟା ଜଏଲ୍ ନାଉଁର୍ ବବିସଡ଼ବକ୍‌ତା କଇଲା କାତା ପାରା ଗଟ୍‌ନା ଗଟି ଆଟେ ।”

୧୭ ସେଟା କାଇଟା ବଇଲେ ପର୍‌ମେସର୍ କଇଲାନି,
“ସାରାସାରି ଦିନେ ମୁଇ ଏ ସବୁ ବିସଇ କରବି ।

ମର୍ ଆଡ଼ମା ଜବର୍ ଅଇତେ ସବୁବାଟର୍ ଲକ୍‌କେ ଦେବି ।

ତମର୍ ପିଲାଜିଲା ମୁଇ କଇବା କାତା କଇବାଇ ।

ତମର୍ ଦାଙ୍ଗ୍‌ତାପିଲାମନ୍‌କେ ମୁଇ ଦର୍‌ସନ୍ ଦେକାଇବି ।

ଆରି ଡକ୍‌ରା ଲକ୍‌ମନ୍ ମର୍ ବିସଇନେଇ ସପନ୍ ଦେକ୍‌ବାଇ ।

୧୮ ସେ ଦିନମନ୍‌କେ ମର୍ ଆଡ଼ମା ଜବର୍ ଅଇତେ ମର୍ ଦାଙ୍ଗ୍‌ତା ଅଇରଇବା ମାଇଜିମୁନ୍‌ସମନ୍‌କେ ଆଜାଡି ଦେବି ।
ସେମନ୍ ମୁଇ କଇବା କାତା କଇବାଇ ।

୧୯ ଆକାସେ କାବା ଅଇଜିବା କାମ୍ କରବି ।

ଦର୍‌ତନି ତେଇ ମିସା କାବାଅଇଜିବା ଚିନ୍‌ମନ୍ କରବି ।

ଲକ୍‌ମନ୍ ବନି, ଜଇ ଆରି କାଲିଆ ଦୁଆଁ ଦେକ୍‌ବାଇ ।

୨୦ ବେଲ୍‌କେ ଆନ୍ଦାର୍ ଡିସ୍‌ଲା ପାରା କରାଇବି,

ଜନ୍ମ, ବନି ପାରା ଡିସ୍‌ବାକେ କରାଇବି ।
ମୁଇ ବାଉଡ଼ି ଆଇବା ସେ ବଡ଼ ଉଜଲର ଦିନ୍ ଆଗରୁ, ଏଟାସବୁ ଅଇସି ।

୨୧ ଜେଡ଼କି ଲକ୍ ମର ନାଉଁ ଦାରି ତାକ୍‌ବାଇ,
ସେମନ୍‌କେ ମୁଇ ରକିଆ କରବି ।”

୨୨ ପିତର କଇଲା, “ଏ ଇସ୍ରାଏଲ୍ ଦେସର୍ ଲକ୍‌ମନ୍ ତମେ ମୁଇ କଇବା କାତା ସୁନା । ପରମେସର୍‌ସେ ବାଟି ପାଟାଇଲା ଲକ୍, ନାଜରିତ୍ ଗତର୍ ଜିସୁ ବଲିକରି ସେ ତମର୍ ଲଗେ ରଇଲା ବେଲେ, ଦେକାଇଦେଲା । ସେଟା କେନ୍ତାର୍ ବଇଲେ, ପରମେସର୍ ତାର୍‌ତେଇଅନି କାବା ଅଇଜିବା କାମ୍ କଲାଆତେ । ଏଟା ସତ୍ ବଲି ତମେ ଜାନିଆରାସ୍ ।

୨୩ ✠ତାର୍ ଆଗ୍‌ତୁର ଜନ୍‌ନା ଇସାବେ ସେ କାତା ଦେଇସାରାଇରଇଲା କି, ଜିସୁ ତମର୍ ଆତେ ସର୍‌ପାଇ ଅଇସି । ତାର୍‌ପତେ ତାର୍ ନିୟମ୍ ନ ମାନ୍‌ବା ଲକ୍‌ମନ୍ ତାକେ କୁର୍‌ସେ ଚଗାଇ ମରାଅଡ଼ ବଲି ତମେ ତାକେ ଏନ୍ତି କଲାସ୍ ।

୨୪ ✠ମାତର୍ ପରମେସର୍ ଜିସୁକେ ମଲାଟାନେଅନି ଆରି ତରେକ୍ ଉଟାଇଲା । ମରନର୍ ବପୁତେଇଅନି ତାକେ ମୁକ୍‌ଲାଇଲା । କାଇକେବଇଲେ କେ ମିସା ତାକେ ମରାଇକରି ସେ ଜାଗାଇ ସଙ୍ଗଇ ନାପାରୁଲାଇ ।

୨୫ ଏ ବିସଇ ଦାଉଦ୍ ରାଜା ଏନ୍ତି କଇ ଆତେ । ସେଟା କାଇଟା ବଇଲେ,

“ପରମେସର୍ ସବୁ ବେଲା ମର୍ ମୁଆଟେ ରଇବାଟା ଦେକ୍‌ଲି ।
ସେ ମର୍ ସଙ୍ଗ୍ ଆତେ ।

ସେଟାର୍‌ପାଇ ମକେ କେ ମିସା କଟପଟ କରିନାପାରଡ଼ ।

୨୬ ସେଟାର୍ ପାଇ ମୁଇ ସାର୍‌ଦାସଙ୍ଗ୍ ଆଟି ।

ଆରି ସାର୍‌ଦାର୍ କାତା କଇବି ।

ମର୍ ଏ ମର୍‌ବା ଗାଗଡ଼ ରଇଲେ ମିସା ମୁଇ ସବୁବେଲେ

ତମର୍ ତେଇ ଆସା କରବି ।

୨୭ କାଇକେ ବଇଲେ ତୁଇ ମକେ ମଲାଲକ୍‌ମନ୍‌ର ଜାଗାଇ ଚାଡ଼ି ନ ଦିଆସ୍ ।

ତମର୍ ସୁକଲ୍ ଦାଙ୍ଗ୍‌ତାକେ ସମାଦିଟାନେ କୁଇବାକେ ନ ଚାଡ଼ାସ୍ ।

୨୮ ତମେ ମକେ ଜିବନର୍ ବାଟ୍ ଦେକାଇ ଆରାସ୍ ।

ତମେ ମର୍ ସଙ୍ଗ୍ ଆରାସ୍, ସେଟାର୍‌ପାଇ ମୁଇ ସାର୍‌ଦା ସଙ୍ଗ୍ ରଇବି ।”

୨୯ ଆରି ପିତର କଇଲା, “ଏ ଇସ୍ରାଏଲ୍‌ର ବାଇବଇନିମନ୍, ଆମର୍ ଆନିଦାଦିବେଲର୍ ଦାଉଦ୍ ରାଜାର ବିସଇ ତାଟ୍‌ସଙ୍ଗ୍ କଇବାକେ ମର୍ ଅଦିକାର୍ ଆତେ । ସେ ମଲାକେ ତାକେ ତପି ଦେଲାଇ । ସେ ତପ୍‌ଲା ଜାଗା ଏବେ ଜାକ ଇତି ଆତେ ।

୩୦ ସେ ଗଟେକ୍ ବବିସତ୍‌ବକ୍‌ତା ରଇଲା ଆରି ପରମେସର୍ ସପଡ଼କରି କଇଲା ବିସଇ ଜାନିରଇଲା । ପରମେସର୍ ତାକେ କାତା ଦେଇରଇଲା ଜେ, ତାର୍ ଗଟେକ୍ ନାତିତିତି ଦିନେକ୍ ତାର୍‌ପାରା ସାସନ୍ କରସି ।

୩୧ ଏ ବିସଇ ଆଗେ ସେ ଜାନି ରଇଲାର୍‌ପାଇ ପରମେସର୍ ମସିଅକେ ମଲାତେଇଅନି ଆରିତରେକ୍ ଜିବନ୍ କରାଇସି ବଲି ସେ କଇପାରୁଲା ।”

“ପରମେସର୍ ତାକେ ମରିକରିସେ ତେଇ ରଇବାକେ ଚାଡ଼ିଦେଏ ନାଇ ।

ଆରି ତାର୍ ଗାଗଡ଼ ସମାଦି ତେଇ କୁଇ ଜିବାକେ ଚାଡ଼େନାଇ ।”

୩୨ ଏବେ ଏ ଜିସୁକେ ପରମେସର୍ ଜିବନ୍ ଦେଇ ଉଟାଇଆତେ । ଆମେ ସବୁ ସେ ଗଟ୍‌ନାର୍ ସାକି ।

୩୩ ପରମେସର୍ ତାକେ ତାର୍ ଉଜାବାଟେ ବସ୍‌ବାକେ ଉଟାଇଆତେ । ଆରି ସେ କାତା ଦେଲା ଇସାବେ ତାର୍‌ଟାନେଅନି ସୁକଲ୍‌ଆଡ଼ମା ପାଇଲାଆତେ । ତମେ ଏବେ ଜନ୍‌ଟା ଦେକ୍‌ଲାସ୍‌ନି ଆରି ସୁନ୍‌ଲାସ୍‌ନି, ସେଟା ଅଇଲାନି ତାର୍ ଦାନ୍‌କରି ରଇବାଟା । ଜନ୍‌ଟା କି ସେ ଆମ୍‌କେ ଜବର୍ ଅଇତେ ଆଜାଡ଼ି ଦେଲାଆତେ ।

୩୪ ସର୍‌ଗେ ଗାଲା ଲକ୍ ଦାଉଦ୍ ନର୍‌ଏ । ମାତର୍ ସେ କଇଲା,

“ପରମେସର୍ ମର୍ ମାପରୁକେ କଇଲା

ତମର୍ ସବୁ ସତ୍‌ରୁମନ୍‌କେ ଆରାଇବା ଜାକ ମର୍ ଉଜାବାଟେ ବସ୍ ଆରି ସାସନ୍ କର୍ ।”

୩୫ ଆରି ତର୍ ସତ୍‌ରୁମନ୍‌କେ ତର୍ ପାଦ୍‌ତଲେ ନ ଆନ୍‌ବା ଜାକ ମର୍ ଉଜାବାଟେ ବସି ର ।

୩୬ ପିତର ଆରି କଇଲା “ଏ ଇସ୍ରାଏଲ୍‌ର ସବୁ ଲକ୍‌ମନ୍, ତମେ ଜନ୍ ଜିସୁକେ କୁର୍‌ସେ କୁଟିମାରି ମରାଇରଇଲାସ୍, ପରମେସର୍ ତାକେ ମାପରୁ ଆରି ମସିଅ କଲାଆତେ ବଲି ତାଟ୍‌ସଙ୍ଗ୍ ଜାନ୍‌ବାର୍‌ଆତେ ।”

୩୭ ଏ କାତା ପିତରଟାନେଅନି ସୁନ୍‌ଲା ସବୁ ଲକ୍‌ମନ୍ ତାକର୍ ନିଜର୍ ବୁଲ୍ ଏତାଇକରି ମନ୍ ବିତ୍‌ରେ କିଲ୍‌ବିଲ୍ ଅଇଗାଲାଇ । ସେମନ୍ ପିତରକେ ଆରି ପେରିଡ଼ମନ୍‌କେ ପାଟାରୁଲାଇ, “ଏ ବାଇମନ୍ ଏନ୍ତାର୍ ବଲି କଇଲେ ଆମେ କାଇଟା କର୍‌ବାର୍ ଆତେ ?”

✠ ୨:୨୩ ମାଡ଼ିଉ ୨୭:୩୫; ମାର୍କ ୧୫:୨୪; ଲୁକ୍ ୨୩:୩୩; ଜଅନ୍ ୧୯:୧୮ ✠ ୨:୨୪ ମାଡ଼ିଉ ୨୮:୫,୬; ମାର୍କ ୧୭:୬; ଲୁକ୍ ୨୪:୫

୩୮ ପିତର ସେମନ୍ତେ କଇଲା, “ତମେ ଗଟେକ୍ ଗଟେକ୍ ଲକ୍ ପାପେଅନି ବାଉଡ଼ିକରି ଜିସୁ କିରିସ୍ତର ନାଉଁ ଦାରି ତୁବନ୍ ନେବାର୍ ଆଟେ, ଜେନ୍ତାରି କି ତମର୍ ପାପ୍ ସବୁ କେମା ଅଇସି ଆରି ପରମେସର୍ ତମ୍ତେ ସୁକଲ୍ ଆତ୍ମା ଦେଇସି

୩୯ ଏ ସପତ୍ ତମର୍ପାଇ ଆରି ତମର୍ ପିଲାମନର୍ପାଇ । ଆରି ଇତିଅନି ଦୁରିକେ ରଇବା ସବୁର୍ପାଇ । ଜନ୍ ସବୁଲକ୍ତେ ସେ, ତାର୍ ଲଗେ ଡାକ୍ଲାନି ।”

୪୦ ଆରି ପିତର ସେମନ୍ତେ ଜାଗ୍‌ରଡ଼ କରାଇବାକେ ବେସି ବିସଇ କଇଲା ଆରି ସେମନ୍ତେ ବାବୁଜିଆ କଲା । ବିସ୍‌ବାସ୍ ନ କର୍ବା ଜିଉଦି ବାଇମନ୍ତେ ଆଇତେରଇବା ବଡ଼ ଡଣ୍ଡେଅନି ନିଜ୍‌କେ ରକିଆ କରା । ବଲି କଇଲା ।

୪୧ ତେଇ ପିତରର୍ କାତା ସୁନି ବେସି ଲକ୍ ବିସ୍‌ବାସ୍ କଲା । ଆରି ସିସ୍‌ମନ୍ ସେମନ୍ତେ ତୁବନ୍ ଦେଲା । ସେ ଦିନେ ତିନ୍‌ଅଜାର୍ ଲକ୍‌ମନ୍ ତାକର୍ ଦଲେ ମିସ୍‌ଲା ।

୪୨ ସେମନ୍ ପେରିଡ଼ମନ୍ ସିକାଇଲା ବିସଇ ମାନ୍‌ଲା । ମିସିବିତି ରଇବାକେ, ମିସିକରି କାଇବାକେ, ଆରି ପାର୍‌ତନା କର୍ବାକେ ।

ବିସ୍‌ବାସିମନ୍ତେ ଜିଉନା କାଉନା

୪୩ ଆରି ଲକ୍‌ମନ୍ ଡରିଜାଇତେରଇଲା । ପର୍ମେସର୍ ପେରିଡ଼ମନ୍ ତେଇଅନି ବେସି କାବାଅଇଜିବା କାମ୍‌ମନ୍ କର୍ତେ ରଇଲା । ସବୁ ଲକ୍‌ମନ୍ ପରମେସର୍‌କେ ନାମ୍‌ଲା ।

୪୪ *ଜିସୁକେ ବିସ୍‌ବାସ୍ କଲା ଲକ୍‌ମନ୍ ଗଟେକ୍ ଗରର୍ ଲକ୍‌ପାରାଅଇ ରଇତେ ରଇଲା । ଆରି ତାକର୍‌ତେଇ କାଇକାଉଟା ରଇଲା, ସେଟା ସେମନ୍ ବାଟା କର୍ତେରଇଲା ।

୪୫ ତାକର୍ ବିଡ଼ରେ କେତେଲକ୍ ଜମି ଆରି ନିଜର୍‌ପାଇ ରଇବାଟା ବିକିକରି, ସେ ତାରୁ ଦର୍‌କାର୍ ଅଇଲା ଲକ୍‌ମନ୍‌କେ ଦେଇତେରଇଲା ।

୪୬ ସବୁଦିନ୍ ପାର୍‌ତନା କର୍ବା ମନ୍ଦିରେ ଗଟେକ୍ ଦଲ୍‌ଅଇ ମିସ୍‌ତେରଇଲା । ଗରେ ଗରେ ମିସିବିତି କାଇତେରଇଲା । ସାର୍‌ଦାସକ୍ ରଇକରି, ମନେ କାଇଟା ନ ବାବି ଦିଆନିଆ ଅଇତେରଇଲା ।

୪୭ ସେମନ୍ ପର୍ମେସର୍‌କେ ଡାକ୍‌ପୁଟା କର୍ତେରଇଲା ଆରି ଜିରୁସାଲେମର୍ ସବୁଲକ୍ ସେମନ୍‌କେ ନିକ ବଲି ବାବ୍‌ତେରଇଲା । ମାପରୁ ଜନ୍ ଲକ୍‌ମନ୍‌କେ ମୁକ୍ତି କର୍ତେରଇଲା, ଦିନ୍‌କେ ଦିନ୍ ସେମନ୍‌ର୍ ଦଲେ ମିସାଇତେରଇଲା ।

୩

ଗଟେକ୍ ଚଟା ନିକ ଅଇଲା

୧ ଗଟେକ୍ ଦିନେ ପିତର ଆରି ଜଅନ୍ ପାର୍‌ତନା କର୍ବାକେ ମନ୍ଦିରେ ଗାଲା, ଜେତେବେଲେ କି ପାର୍‌ତନା କର୍ବା ବେଲା ମୁଇଦାନିଆ ତିନ୍ ଗଟା ଅଇରଇଲା ।

୨ ତେଇ ଗଟେକ୍ ଲକ୍ ରଇଲା । ସେ ଜନମେଅନି ଚଟା । ତାକେ ସବୁଦିନ୍ ଲକ୍‌ମନ୍ ବଇକରି ସୁନ୍‌ର୍ ବଲି କଇବା ମନ୍ଦିର୍‌ର୍ ତିଆଗତି, ନିଆ ଆନା କର୍ତେରଇଲା । ସେ ଜେନ୍ତୁକି ମନ୍ଦିରେ ଆଇଲା ଲକ୍‌ମନ୍‌କେ ବିକ୍ ମାଙ୍ଗି ପାର୍‌ସି ।

୩ ପିତର ଆରି ଜଅନ୍ ମନ୍ଦିର୍ ବିଡ଼ରେ ପୁର୍‌ବାଟା ଦେକି ସେ ସେମନ୍‌କେ କାଇଟା ମିସା ଦିଆ, ବଲି ବିକ୍‌ମାଗ୍‌ଲା ।

୪ ପିତର ଆରି ଜଅନ୍ ତାକେ ନିମାନ୍‌କରି ତିରିଆଇ ଦେକ୍‌ଲା ଆରି ପିତର କଇଲା, “ଆମର୍ ବାଟେ ଦେକ୍ !”

୫ ସେ କାଇଟାଆଲେ ପାଇବା ଆସାଇ ସେମନ୍‌ର୍ ବାଟେ ମୁ ବୁଲାଇ ଦେକ୍‌ଲା ।

୬ ମାତର୍ ପିତର ତାକେ କଇଲା, “ମର୍‌ଲଗେ ସୁନା କି ରୁପା ନାଇ, ମକେ ଜାଇଟା ଆଟେ ସେଟା ତକେ ଦେଲିନି । ନାଜରିତର୍ ଜିସୁର୍ ନାଉଁଦାରି ମୁଇ ଆଦେସ୍ ଦେଲିନି, ଉର୍ ଆରି ଇଣ୍ଟୁ !”

୭ ଏନ୍ତୁ କଇକରି ପିତର ତାକେ ଉଜା ଆଡ଼ ଦାରି ଉଟାଇଲା, ସେ ଦାପ୍‌ରେ ସେ ଲକ୍‌ର୍ ପାଦ୍ ଆରି ଗଡ଼୍ ସବୁ ଡାବ୍ ଅଇଲା ।

୮ ସେ ଚିକାଲ୍‌ନା ତେଗଇକରି ଉଟ୍‌ଲା ଆରି ଇଣ୍ଟୁବାର୍ ଦାର୍‌ଲା । ସେ ଇଣ୍ଟୁ ଇଣ୍ଟୁ ତେଗଇ ତେଗଇ ପର୍ମେସର୍‌ର୍ ଡାକ୍‌ପୁଟା କରକରି ତାକର୍ ସଙ୍ଗ୍ ମନ୍ଦିରେ ଗାଲା ।

୯ ତେଇ ରଇବା ଲକ୍‌ମନ୍ ତାକେ ଇଣ୍ଟୁବାଟା ଆରି ପର୍ମେସର୍‌କେ ଡାକ୍‌ପୁଟା କର୍ବାଟା ଦେକ୍‌ଲା ।

୧୦ ମନ୍ଦିର୍‌ର୍ ସୁନ୍‌ର୍ ନାଉଁର୍ ତିଆଗତି ବସି ରଇଲା ମାଙ୍ଗିତିଆ ବଲି ଚିନ୍‌ଲା । ଆରି ତାକେ ଜାଇଟା ଗଟି ରଇଲା ସବୁ ଜାନି କାବାଅଇଜାଇ କାନାବାନା ଅଇଲା ।

ପାର୍‌ତନା ମନ୍ଦିରେ ପିତରର୍ ଜାନାଇବାଟା

୧୧ ସେ ଲକ୍ ପିତର୍କେ ଆରି ଜଅନ୍‌କେ ନ ଚାଡ଼ତେରଇଲା । ସଲ୍‌ମନ୍‌ର୍ ପିଣ୍ଡାଇ ତାକର୍ ସଙ୍ଗ୍ ରଇବାଟା ଦେକି, ଲକ୍‌ମନ୍ କାବାଅଇଗାଲା । ପଟେ ପାଲାଅ ଆଇଲା ।

୧୨ ପିତର ସେମନ୍‌କେ ଦେକି କଇଲା, “ଏ ଇସ୍ରାଏଲ୍‌ର୍ ବାଇମନ୍, ତମେ କାଇକେ କାବାଅଇଜାଇ ଆମର୍ ବାଟେ ଏନ୍ତା ଦେକ୍‌ଲାସ୍‌ନି ? କାଇଟା ବାବ୍‌ଲାସ୍‌ନି ? ଆମର୍ ନିଜର୍ ବପୁସକ୍ କି ଦରମ୍‌ସକ୍ ଏ ଲକ୍‌କେ ଇଣ୍ଟୁ ବପୁ ଦେଲୁଆରୁ ?

* ୨:୪୪ ପେରିଡ଼ ୪:୩୨-୩୫

୧୩ ଆମର ଆନିଦାଦିମନର ପରମେସର ଅବରାଆମର, ଇସାକର ଆରି ଜାକୁବର ପରମେସର ତାର ସେବାକାରିଆ ଜିସୁକେ ତାକପୁଟା କଲାଆଚେ । ମାତର ତମେ ତାକେ ସାସନକାରିଆମନର ଆଚେ ସରପିଦେଲାସ । ଏନ୍ତି କି ପିଲାଡ଼ ତାକେ ଚାଡ଼ିଦେବାକେ ମନକରି ରଇଲେ ମିସା ତାର ମୁଆଟେ ଚାଡ଼ନାଇ ବଲି କଇଲାସ ।

୧୪ ☆ସେ ଆକା ଗଟେକ୍‌ସେ ସୁକଲ ଆରି ଦରମ୍ ଲକ୍ ରଇଲା । ମାତର ତମେ ତାକେ ନାମାସ ନାଇ ଆରି ତାର ବାଦୁଲେ ଗଟେକ୍ ନରମାରୁକେ ମୁକ୍‌ଲାଇବାକେ ପିଲାଡ଼କେ ଗୁଆରି କଲାସ ।

୧୫ ଜେ ଜିବନର ବାଟ ଦେକାଉ, ତାକେ ତମେ ମାରଲାସ, ମାତର ପରମେସର ତାକେ ମଲାଟାନେଅନି ଆରି ତରେକ୍ ଜିବନ୍ କରି ଉଟାଇଲା । ଆମେ ଅଇଲୁନି ତାର ସାକି ।

୧୬ ତାର ନାଉଁର ବପୁ ସଙ୍ଗ ଏ ଚଟା ନିମାନ୍ ଅଇଲାଆଚେ । ଜନ୍ ଗଟନା ଏବେ ତମେ ନିଜେ ଦେକି ସଡ଼ ବଲି ଜାନ୍‌ଲାସ, ସେଟା ଅବକା ତାର ନାଉଁଦାରି ବିସ୍‌ବାସ୍ କଲାକେସେ ମିଲ୍‌ଲା ଆଚେ । ଜିସୁକେ ବିସ୍‌ବାସ୍ କଲାକେ ସେ ନିମାନ୍ ଅଇଲା ଆଚେ, ଏଟା ତମେ ଦେକ୍‌ଲାସ ।”

୧୭ “ସେଟାର ପାଇ ଏ ଇସରାଏଲର ବାଇମନ୍, ତମେ ଆରି ତମର ନେତାମନ୍ ଜିସୁକେ ଜାଇଟା କଲାସ, ସେଟା ନାଜାନିକରି କଲାସ, ଏଟା ମୁଇ ଜାନି ।

୧୮ ବେସି ବରସ୍ ଆଗତୁ ତାର ବବିସଡ଼ବକ୍‌ତା ମନରଟାନେ ଅନି ଜାନାଇରଇବା କାତା ଇସାବେ ଏବେ ସିଦ୍ ଅଇଲା ଜେ, ସେ ମସିଅ ଦୁକ୍‌ପାଇବାକେ ଅଇସି ।

୧୯ ସେନ୍ତିଆଲେ ତମେ ମନ୍‌ବାଦ୍‌ଲାଇ କରି ପରମେସରର ବାଟେ ବାଉଡ଼ି ଆସା । ତେବେ ସେ ତମର ପାପ୍ କେମା କରସି ।”

୨୦ ଆରି ମାପୁରୁଟାନେଅନି ଆଡ଼ମାଇ ବପୁ ପାଇସା, ପରମେସର ତମରପାଇ ସେ ଆଗେଅନି ବାଟଲା, ମସିଅ ଜିସୁକେ ପାଟାଇସି ।

୨୧ ପରମେସର ସବୁ ବିସଇ ନୁଆ କରବା ବେଲା ଜାକ ସେ ସରଗେ ରଇସି । ଏଟା ପରମେସର ପୁରବେ ରଇଲା ତାର ସୁକଲ୍ ବବିସଡ଼ବକ୍‌ତାମନକେ ସପଡ଼ କରିରଇଲା ।

୨୨ ସେ ବିସଇ ମସା କଇରଇଲା, ତମର ମାପୁରୁ ପରମେସର ତମର ଲଗେ ମରପାରା ବବିସଡ଼ବକ୍‌ତାକେ ପାଟାଇସି । ତମର ବାଇମନର ବିଡ଼ରେ ଅନି ଗଟେକ୍ ଲକ୍‌କେ ପାଟାଇସି । ସେ ଜେଡ଼କି ବିସଇ କଇସି, ସେଟା ସବୁ ତମେ ମାନ୍‌ବାର୍ ଆଚେ ।

୨୩ କେ ଜଦି ସେ ବବିସଡ଼ବକ୍‌ତାର କାତା ନ ନାମେ ତାକେ ପରମେସରର ଲକ୍‌ମନରଟାନେଅନି ଅଲ୍‌ଗା କରି କୁରୁପ୍‌ନାସ୍ କରିପାକାଇସି ।

୨୪ ଜେଡ଼କି କବର୍ ସୁନିରଇବା ବବିସଡ଼ବକ୍‌ତା ରଇଲାଇ, ସାମୁଏଲ୍ ଆରି ଜେ ଜେ ତାର ପଟେ ଆଇଲାଇ ଆରି ଏବେ ଜାଇଟା ଗଟଲା, ସେ ବିସଇ କଇରଇଲାଇ ।

୨୫ ପରମେସର ବବିସଡ଼ବକ୍‌ତାମନର ଟଣ୍ଡେଅନି ଜନ୍‌ସବୁ କାତା ଦେଲାଆଚେ ସେଟା ତମର ପାଇସେ ଟିକ୍ । ତମର ଆନିଦାଦିମନର ସଙ୍ଗ ଜନ୍ ରାଜିନାମା କଲାଆଚେ, ତମେ ମିସା ତେଇ ମସିଆଗାସ୍ । ପରମେସର ଅବରାଆମକେ କଇରଇଲା, “ମୁଇ ତମର ନାତିତିତି ମନରଟାନେଅନି ଜଗତର ସବୁ ଲକ୍‌କେ ଆସିରବାଦ୍ କରବି ।

୨୬ ସେଟାରପାଇ ପରମେସର ତାର ସେବାକାରିଆକେ ବାଟଲା ଆରି ତମକେ ସବୁ ଲକ୍‌କେ ବାନିଆ ବାଟେଅନି ବାଉଡ଼ାଇଆନ୍‌ବାକେ ଆରି ଆସିରବାଦ୍ କରବାକେ ପରତୁମ୍ ତାକେ ତମର ଲଗେ ପାଟାଇଲା ।”

୪

ଜିଉଦି ବଡ଼ସବାଇ ପିତର ଆରି ଜଅନ୍

୧ ପିତର ଆରି ଜଅନ୍ ଲକ୍‌ମନକେ ଏନ୍ତି ସିକିଆ ଦେଇତେ ରଇଲା ବେଲେ ମନ୍‌ନିରର କେତେଟା ପୁଜାରି ଆରି ଜାଗୁଆଲ୍‌ମନର ସେନାପତି ଆରି କେତେଟା ସାଦୁକିମନ୍ ଆସି କେଟ୍‌ଲାଇ ।

୨ ସେମନ୍ ରିସା ଅଇଗାଲାଇ କାଇକେ ବଇଲେ ପେରିଡ଼ ସିସ୍ ଦୁଇଲକ୍ ଜିସୁ ମଲାତେଇଅନି ଉଟ୍‌ଲା ଆଚେ ବଲି ସିକାଇତେରଇଲାଇ । ଏନ୍ତି ସିକାଇଲେସରି ଲକ୍‌ମନ୍ ମଲାଟାନେଅନି ଉଟ୍‌ବାଇବଲି ପରମାନ୍ କରତେ ରଇଲାଇ ।

୩ ସେଟାରପାଇ ସେ ଦୁଇଟା ପେରିଡ଼ ସିସ୍‌ମନକେ ଦାରି ବାଦ୍‌ଲାଇ । ଆରି ସେ ଦିନେ ବେସି ଅଲ୍‌ସମ୍ ଅଇଜାଇରଇଲାକେ ଆରକର୍ ଦିନ୍ ଜାକ ବନ୍‌ଗରେ ରକିରଇଲାଇ ।

୪ ମାତର ବେସି ଲକ୍ ସେମନର ସିକିଆ ସୁନିକରି ବିସ୍‌ବାସ୍ କଲାଇ, ଆରି ତାକର ବିଡ଼ରେଅନି ମୁନୁସ୍‌ପିଲା ସେ ଅଦିକ୍ ଅଇକରି ପାକାପାକି ପାଁଟଅଜାର୍ ଅଇଲାଇ ।

୫ ତାର ଆରକର୍ ଦିନେ ଜିଉଦି ନେତାମନ୍, ଆରି ପାର୍‌ତିନମନ୍ ଆରି ନିୟ୍‌ମ୍ ସିକାଉମନ୍ ଜିରୁସାଲମେ ରୁଣ୍ଡିଲାଇ ।

୬ ସେମନର ବିଡ଼ରେ ବଡ଼ପୁଜାରି ଆନାନ୍, କାୟାପା, ଜଅନ୍, ଆଲେକ୍‌ଜାଣ୍ଡାର୍ ଆରି ବଡ଼ ପୁଜାରିର୍ କୁଟୁମେ ରଇବା ବିନ୍ ଲକ୍‌ମନ୍ ମିସ୍‌ଲାଇ ।

☆ ୩:୧୪ ମାଡ଼ିଉ ୨୭:୧୫-୨୩; ମାର୍କ ୧୫:୬-୧୪; ଲୁକ୍ ୨୩:୧୩-୨୩; ଜଅନ୍ ୧୯:୧୨-୧୫

୭ ପେରିଡ଼ମନ୍କେ ସେମନର୍ ମୁଆଟେ ତାକାଇ ପାଚାରଲାଇ, “ତମେ ଏଟା ସବୁ କେନ୍ତାର କଲାସ୍ନି ? କାର୍ ବପୁସଙ୍ଗ ନଇଲେ କାର୍ ନାଉଁଦାରି ଏଟା କଲାସ୍ନି ?”

୮ ସେଟାରପାଇ ପିତର୍ ସୁକଲ୍‌ଆଡ଼ଫାଇ ପୁରାପୁରୁନ୍ ଅଇ ସେମନ୍କେ କଇଲା, “ତମେ ଜେ କି ଆମର୍ ସାସନ୍କାରିଆମନ୍ ଆରି ପାର୍‌ତିନମନ୍ !

୯ ଜଦି ଆଜି ଏ ଚଟାର ପାଇ କରିରଇଲା ନିମାନ୍ କାମରଲାଗି ଆମକେ ପର୍‌ସନ୍ କଲାସ୍ନି ଆରି ସେ କେନ୍ତାର ନିମାନ୍ ଅଇଲା ବଲି ଜାନ୍‌ବାକେ ମନ୍ କଲାସ୍ନି,

୧୦ ତେବେ ତମେ ଆରି ଇସରାଏଲର୍ ସବୁ ଲକ୍ ଜାନ୍‌ବାର୍ ଦରକାର୍ ଜେ, ତମର୍ ମୁଆଟେ ଚିଆଅଇରଇଲା ଏ ଲକ୍ ଅବ୍କା ନାଜ୍‌ରିଡ଼ ଗତର୍ ଜିସୁକିରିସ୍‌ଟର୍ ବପୁସଙ୍ଗ ପୁରାପୁରୁନ୍ ନିମାନ୍ ଅଇଲା ଆଟେ । ସେ ଜିସୁକେ ତମେ କୁର୍‌ସେ ମରାଇଲାସ୍ । ମାତର୍ ପର୍‌ମେସର୍ ତାକେ ମଲାତେଇଅନି ଆରି ତରେକ୍ ଉଟାଇଲା ଆଟେ ।”

୧୧ ଜିସୁର୍ ବିସଇ ଦରମ୍ ସାସ୍‌ତରେ ଲେକା ଅଇଲାଆଟେ,

ଗର୍ ତିଆରକରୁମନ୍ ଜନ୍ ପାକ୍‌ନା ନଏଁ ବଲି ପିଙ୍ଗିଦେଇ ରଇଲାଇ,
ସେଟାସେ କନର୍ ମୁକିଅ ପାକ୍‌ନା ଅଇଲା ।

୧୨ ସେ ଆକା ଆମକେ ମୁକ୍ତି ଦେଇସି । ଗୁଲାଇ ଜଗତର୍‌ପାଇ ପର୍‌ମେସର୍ ତାକେସେ ଦେଲା ଆଟେ । ଜେ କି ଆମକେ ରକିଆ କର୍‌ସି ।

୧୩ ବଡ଼ସବାର୍ ଲକ୍‌ମନ୍ ପିତର୍ ଆରି ଜଅନର୍ ସାଆସ୍ ଦେକି କାବା ଅଇଗାଲାଇ । ସେମନ୍ ପାଟ୍‌ସାଟ୍ ନ ପଡ଼ି ଅବ୍କା ଲକ୍‌ମନ୍‌ସେ ବଲି ଜାନିରଇଲାଇ । ଆରି ସେମନ୍ ଦୁଇ ଲକ୍ ଜିସୁର୍ ସଙ୍ଗ୍ ରଇଲାଇ ବଲି ଚିନିରଇଲାଇ ।

୧୪ ମାତର୍ ତାକର୍ ବିରୁଦ୍ଧେ କାଇବଲି କଇନାପାରଲାଇ, କାଇକେ ବଇଲେ ନିମାନ୍ ଅଇଲା ଲକ୍‌କେ ପିତର୍ ଆରି ଜଅନ୍‌ସଙ୍ଗ୍ ଚିଆଅଇରଇଲାଟା ଦେକ୍‌ଲାଇ ।

୧୫ ସେଟାର ପାଇ ସେମନ୍ ସିସ୍‌ମନ୍କେ ସେ ସବାଇଅନି ବାରକରାଇଦେଇକରି ତାକର୍ ତାକର୍ ବିଡ଼ରେ କାତାବାର୍‌ତା ଅଇବାର୍ ଦାରଲାଇ ।

୧୬ ସେମନ୍ କାତା ଅଇଲାଇ, “ଆମେ ଏମନ୍କେ କାଇଟା କରୁ ? ଏମନ୍ କରିରଇବା ଏ କାବା ଅଇଜିବା କାମ୍ ବିସଇ ଜିରୁସାଲମର୍ ସବୁ ଲକ୍ ଜାନିଗାଲାଇ ଆଟଡ଼ । ଏ ସଡ଼ ଗଟେନାଇ କି ନାଜାନୁ ବଲି କଇ ନାପାରୁ ।

୧୭ ମାତର୍ ଏ କାତା ଲକ୍‌ମନର୍ ବିଡ଼ରେ ଆରି ଅଦିକ୍ ଉଡ଼ରା ଅଇ ନ ଜାଅ, ଜିସୁର୍ ବିସଇ ଆରି କେବେ କାର୍ ମୁଆଟେ ନ କଇବାକେ ସେମନ୍କେ ଆମେ ତାଟ୍ ସଙ୍ଗ୍ ଜାଗ୍‌ରଡ଼ କରାଇଦେଉଁ ।”

୧୮ ସେଟାର ପାଇ ସେମନ୍ ପିତର୍ ଆରି ଜଅନ୍‌କେ ଆରି ତରେକ୍ ବିଡ଼ରେ ତାକ୍‌ଲାଇ । ଆରି କେବେମିସା ଜିସୁର୍ ନାଉଁ ଦାରି କାଇମିସା କାତା ନ କଇବାକେ ଆରି ସିକିଆ ନ ଦେବାକେ ଜାଗ୍‌ରଡ଼ କରାଇଦେଲାଇ ।

୧୯ ମାତର୍ ପିତର୍ ଆରି ଜଅନ୍ କଇଲାଇ, “ତମର୍ ବାଦିଅ ଅଇରୁ, କି ପରମେସରର୍ ବାଦିଅ ଅଇରୁ, କନ୍ ବିସଇ ପରମେସରର୍ ମୁଆଟେ ଚିକ୍ ସେଟା ତମେ ବିଚାର୍ କରା ।

୨୦ କାଇକେ ବଇଲେ ଆମେ ଜାଇଟା ଦେକ୍‌ଲୁ ଆରୁ ଆରି ସୁନ୍‌ଲୁ ଆରୁ ସେଟା ନ କଇକରି ରଇନାପାରୁ ।”

୨୧ ମାତର୍ ବଡ଼ସବାର୍ ଲକ୍ ଆରି ତାଟ୍‌ସଙ୍ଗ୍ ସେମନ୍କେ ଦମ୍‌କାଇକରି ଚାଡ଼ି ଦେଲାଇ । ସେମନ୍କେ ଡଣ୍ଡେଦେବାଟା କସଟ ବଲି ସେମନ୍ ଜାନିପାରଲାଇ । କାଇକେ ବଇଲେ ସେ କାବାଅଇଜିବା କାମର୍ ଲାଗି ଲକ୍‌ମନ୍ ପର୍‌ମେସର୍‌କେ ଜୁଆର୍ କର୍‌ତେ ରଇଲାଇ ।

୨୨ ଜନ୍ ଲକ୍ କାବା ଅଇଜିବା କାମରଲାଗି ନିମାନ୍ ଅଇରଇଲା, ତାକେ ଚାଲିସ୍ ବରସେଅନି ଅଦିକ୍ ଅଇରଇଲା ।

ନ ଡ଼ରବା ପାଇ ପାର୍‌ତନା

୨୩ ପିତର୍ ଆରି ଜଅନ୍ ମୁକଲ୍‌ଲା ଦାପ୍‌ରେ ନିଜର୍ ଦଲେ ବାଉଡ଼ିଗାଲାଇ ଆରି ମୁକିଅ ପୁଜାରିମନ୍ ଆରି ପାର୍‌ତିନମନ୍ ଜାଇଟା କଇରଇଲାଇ, ସେଟା ସେମନ୍କେ ଜାନାଇଲାଇ ।

୨୪ ବିସ୍‌ବାସିମନ୍ ସବୁ କାତା ସୁନ୍‌ଲା ପଟେ ଗଟେକ୍ ଅଇ ପର୍‌ମେସର୍‌କେ ଏ ପାର୍‌ତନା କଲାଇ, ଏ ମାପରୁ ! ସରଗ୍, ଦରୁତନି, ସମ୍‌ଦୁର୍ ଆରି ତେଇ ରଇବା ସବୁ ବିସଇ ତମେସେ ତିଆର୍ କଲାସ୍ !

୨୫ ତମେ ସୁକଲ୍ ଆଡ଼ଫାଇଅନି ଆମର୍ ଆନିଦାଦିମନର୍ ଆରି ତମର୍ ଦାଙ୍ଗ୍‌ତା ଦାଉଦର୍ ଟଣ୍ଡେଅନି ଏ କାତା ସୁନାଇ ରଇଲାସ୍ । ସେ କଇରଇଲା,

ଜିଉଦି ନଇଲା ଲକ୍‌ମନ୍ କାଇକେ ରିସା ଅଇଲାଇ ?

ଲକ୍‌ମନ୍ କାଇକେ ଚୁଟାଇ ସଡ଼୍‌ଜର୍‌ତର୍ କଲାଇ ?

୨୬ ମାପରୁର୍ ବିରଦେ ଆରି

ତାକର ମସିଆର୍ ବିରଦେ

ଜଗତର୍ ରାଜାମନ୍ ଆରି ସାସନ୍କାରିଆମନ୍

ଜୁଦ୍‌ବାକେ ନିଜକେ ତିଆର୍ ଅଇ ରୁଣ୍ଡିଲାଇ ।

୨୭ *କାଲକେବଲଲେ ଏ ନଅରେ ଏରନ୍ ଆରି ପନ୍ତ୍ରୟ ପିଲାଡ଼ ଇସରାଏଲିୟମନର୍ ସଙ୍ଗ୍ ଆରି ଜିଉଦି ନ ଅଇରଇବା ଲକରସଙ୍ଗ୍ ମିସି ଜିସୁର୍ ବିରଦେ ଜଜନା କଲାଲ । ସେ ସେ ତମର୍ ସୁକଲ୍ ଦାଙ୍ଗ୍ତା ଆରି ତମେ ବାଟଲା ମସିଅ ।

୨୮ ତମର୍ ବପୁ ଆରି ମନ୍ କଲାଟା ଇସାବେ ଜାଇଟା ସବୁ ଗଟାଇବାପାଇ ତମେ ଟିକ୍ କରି ରଇଲାସ୍, ସେମନ୍ ଗଟେକ୍ ଅଇ ସେ ସବୁ କରବାକେ ଲାଗିପଡ଼ଲାଲ ।

୨୯ “ଏ ମାପୁରୁ, ସେମନ୍ ଆମ୍ବକେ ଜନ୍ ଦମକ୍ ଦେଲାଲ ଆଚଡ଼ ସେ ବିସଇ ସୁନା ଆରି ନ ଡରଡେ ତମର୍ କାତା ଜାନାଇବାକେ ତମର୍ ଏ ଦାଙ୍ଗ୍ତାମନ୍କେ ଡାଟ୍ କରା ।

୩୦ ନିମାନ୍ କରବାକେ ତମର୍ ଆଡ଼ ଲାମାଆ ଆରି ତମର୍ ସୁକଲ୍ ଦାଙ୍ଗ୍ତା ଜିସୁର୍ ନାଏଁ ନ ଅଇବା କାମ୍ ଆରି କାବା ଅଇଜିବା କାମ୍ମନ୍ ସାଦନ୍ କରାଆ ।”

୩୧ ସେମନ୍ ପାରତନା କରିସାରାଇଲା ପଟେ ଜନ୍ ଜାଗାଇ ରୁଣ୍ଡିରଇଲାଲ, ସେଟା ରୁଲ୍‌ରୁଲିଗାଲା । ସେମନ୍ ସବୁ ସୁକଲ୍‌ଆଡ଼ମାଇ ପୁରାପୁରନ୍ ଅଇଲା । ଆରି ନ ଡରଡେ ପର୍ମେସରର୍ କାତା ଜାନାଇବାର୍ ଦାର୍‌ଲାଲ ।

ବିସ୍‌ବାସିମନ୍ ନିଜର୍ ନିଜର୍ ସଁମ୍‌ପତିକେ ବାଗ୍ ବିସ୍‌ବାଟା

୩୨ *ସବୁ ବିସ୍‌ବାସିମନ୍ ଗଟେକ୍ ବିସଇ ଚିନ୍ତା କରି ମନ୍ କଲାଲ । କେ ମିସା ନିଜର୍ ସଁମ୍‌ପତି ନିଜର୍ ବଲି ଦାବି ନ କରଡେ ରଇଲାଲ । ତାକର୍ଟାନେ ଜେଡ଼କି ରଇଲା ସେଟା ସବୁଲକ୍ ସମାନ୍ କରି ବାଟାସାଟା କରଡେ ରଇଲାଲ ।

୩୩ ପେରିଡ଼ ସିସ୍‌ମନ୍ ବପୁସଙ୍ଗ୍ ସାକି ଦେବାର୍ ଦାର୍‌ଲାଲ । ପର୍ମେସର୍ ମାପୁରୁ ଜିସୁକେ କେଡ଼ିକରି ମଲାଟାନେଅନି ଡଟାଇଲା ବଲି । ଆରି ପର୍ମେସର୍ ସବୁ ବିସ୍‌ବାସିମନ୍‌କେ ଅଦିକ୍ ଅଦିକ୍ ଜିବନ୍ ଦୁକାଇଲା ।

୩୪ ତାକର୍ ଦଲେ ଜିଇବା କାଇବାକେ କାକେ ମିସା ଅବାଦ୍ ନ ରଇଲା । ଜନ୍ ଲକ୍‌ମନ୍‌କେ ଗର୍ ଆରି ଜମିରଇଲା, ସେମନ୍ ସେଟା ବିକିକରି ତାବୁ ଆନି,

୩୫ ପେରିଡ଼ମନ୍‌କେ ସର୍ପିଦେଇରଇଲା । ସେ ତାବୁ, ପେରିଡ଼ ମନ୍ ଅବାବେ ରଇଲା ଲକ୍‌ମନ୍‌କେ ବାଟାକରି ଦେଇଡେରଇଲାଲ ।

୩୬ ସାଇପରସ୍ ନାଉଁର୍ ଗଟେକ୍ ଜାଗାଇ ଜନମ୍ କରିରଇବା ଲେବି କୁଟୁମର୍ ଜସେପ୍, ଜାକେ ପେରିଡ଼ ସିସ୍‌ମନ୍ ବରନବା ବଲି ନାଉଁ ଦେଇ ରଇଲାଲ । ବରନବାର୍ ଅରଡ଼ ଦୁକ୍ ସାରାଇବା ପିଲା । ସେ ତାର୍ ଜମି ବିକ୍‌ଲା ଆରି

୩୭ ତାବୁ ପେରିଡ଼ ସିସ୍‌ମନ୍‌କେ ସର୍ପିଦେଲା ।



ଅନନିୟ ଆରି ସପିରା

୧ ସେ ଦଲର୍ ଅନନିୟ ନାଉଁର୍ ଗଟେକ୍ ଲକ୍ ଆରି ତାର୍ ମାଇଜି ସପିରା ସେମନର୍ କେଡେକ୍ ଜମି ବିକ୍‌ଲାଲ ।

୨ ମାତର୍ ମାଇଜିମୁନ୍‌ସ୍ ରାଜିଅଇକରି ବିକିକରି ପାଇଲା କେଡେକ୍ ତାବୁ ଅନନିୟ ନିଜର୍ ପାଇ ସଙ୍ଗାଇଲା । ଅଗଲ୍‌ଲାଟା ସେ ପେରିଡ଼ ସିସ୍‌ମନ୍‌କେ ଦେଲା ।

୩ ପିତର୍ ତାକେ କଇଲା, “ଅନନିୟ ତୁଇ କେଡ଼ି ସଇତାନର୍ ପାନ୍ଦେପତି ଜମି ବିକି ଆନିରଇବା ତାବୁ କେଡେକ୍ ନିଜର୍ ପାଇ ସଙ୍ଗାଇକରି ସୁକଲ୍ ଆଡ଼ମାର୍ ମୁଆଟେ ମିଟ୍ କଇଲୁସ୍ ?

୪ ବିକ୍‌ବା ଆଗଡ଼ୁ ସେ ଜମି ତମର୍ ରଇଲା । ବିକ୍‌ଲା ପଟେ ମିସା ସେ ତାବୁ ତମର୍‌ଟାସେ । ଏଡ଼ି କାମ୍ କରବାକେ କାଲକେ ମନ୍ କଲୁସ୍ ? ତୁଇ ଲକ୍‌ମନ୍‌କେ ନାଡାଉସ୍ ନାଇ ମାତର୍ ପର୍ମେସର୍‌କେ ନାଡାଇଆଚୁସ୍ ।”

୫ ଅନନିୟ ଏ କାତା ସୁନ୍‌ଲା ଦାପୁରେ ତଲେ ଆପୁଟି ଅଇ ଅଦରି ମରିଗାଲା । ଜନ୍ ଲକ୍‌ମନ୍ ଏ କାତା ସୁନ୍‌ଲାଲ ସେମନ୍ ସବୁଲକ୍ ବେସି ଡରିଗାଲାଲ ।

୬ ଦଲର୍ ଦାଙ୍ଗ୍ତାମନ୍ ଅନନିୟର୍ ମଲା ଗାଗଡ଼ ଲୁଗାଇ ଗୁଡ଼ିଆଇକରି ବାଇରେ ବଇକରି ଦାରିଗାଲାଲ ଆରି ତପିଦେଲାଲ ।

୭ ପାକାପାକି ଡିନ୍‌ଗଟା ପଟେ ଅନନିୟର୍ ମାଇଜି ତେଇ ଆସି କେଟ୍‌ଲା । ସେ, ଏ ଗଟନା ନାଜାନି ରଇଲା ।

୮ ପିତର୍ ତାକେ ପାଟାରୁଲା “ମକେ କ ପନି, ତୁଇ ଆରି ତର୍ ମୁନ୍‌ସ୍ ଜେଡ଼କି ଜମି ବିକ୍‌ଲାସ୍, ଏଟା କାଇ ତାର୍ ପୁରାଦାମ୍ କି ?” ସେ କଇଲା, “ଉଁ ଏଡ଼କିସେ ।”

୯ ପିତର୍ ତାକେ କଇଲା, “ମାପୁରୁର୍ ଆଡ଼ମାକେ ପରିକା କରବାକେ ତୁଇ ଆରି ତର୍ ମୁନ୍‌ସ୍ କାଇକେ ରାଜିଅଇଲାସ୍ ? ଜନ୍ ଲକ୍‌ମନ୍ ତର୍ ମୁନ୍‌ସ୍‌କେ ସମାଦି ଦେଲାଲ ଆଚଡ଼, ବାଟ୍ ଡିଆଗତି କେଟ୍‌ଲାଲବେ, ସେମନ୍ ତକେ ମିସା ବଇ ଦାରିଜିବାଇବେ ।”

୧୦ ସେ ଦାପୁରେ ସେ ମିସା ପିତରର୍ ପାଦ୍‌ତଲେ ଅଦରି ମରିଗାଲା । ଦାଙ୍ଗ୍ତାମନ୍ ବିଡ଼ରେ ଆସି ତାର୍ ମଲା ଗାଗଡ଼ ବଇନେଲାଲ ଆରି ତାର୍ ମୁନ୍‌ସ୍‌ର ଲଗେ ତାକେ ମିସା ସମାଦି ଦେଲାଲ ।

୧୧ ଜିରୁସାଲେମର୍ ଗୁଲାଲ ମଣ୍ଡଲିର୍ ଲକ୍‌ମନ୍ ଆରି ଜେଡ଼କି ଲକ୍ ଏ କାତା ସୁନ୍‌ଲାଲ, ସବୁଲକ୍ ଡରିଗାଲାଲ ।

* ୪:୨୭ ଲୁକ୍ ୨୩:୭-୧୧; ମାଡିଉ ୨୭:୧,୨; ମାର୍କ ୧୫:୧; ଲୁକ୍ ୨୩:୧; ଜଅନ୍ ୧୮:୨୮,୨୯ * ୪:୩୨ ପେରିଡ଼ ୨:୪୪,୪୫

କାବାଅଇଜିବା କାମ୍ ଆରି ଚିନ୍

୧୨ ପେରିଡ଼ ସିସ୍ତମନର ଟାନେଅନି ଲକ୍ମନର ବିଡ଼ରେ ବେସି କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍ ସାଦନ୍ ଅଇତେ ରଇଲା । ସବୁ ବିସ୍ତବାସିମନ୍ ସଲ୍‌ମନର ମଣ୍ଡପେ ରୁଣ୍ଡତେ ରଇଲା ।

୧୩ ସେମନର ବିସଇ ବିନ୍‌ଲକ୍ମନ୍ ନିମାନ୍ କାତା କଇତେ ରଇଲା । ମାତର୍ ଦଲ୍ ବାଇରେ ରଇଲା ଲକ୍ମନ୍ କେ ମିସା ଦଲେ ମିସ୍‌ବାକେ ସାଆସ୍ ନ କର୍ତେ ରଇଲା ।

୧୪ ଏଲେ ମିସା ପର୍ମେସରକେ ବିସ୍ତବାସ୍ କରି ଅଦିକ୍ ଅଦିକ୍ ମାଇଜିଟକି ଆରି ମୁନ୍ସ ପିଲାମନ୍ ଏ ଦଲେ ମିସ୍‌ଲା । ଆରି ସେ ଦଲ୍ ଦିନକେ ଦିନ୍ ଅଦିକ୍ ଅଦିକ୍ ବଡ଼ତେ ଗାଲା ।

୧୫ ପେରିଡ଼ ସିସ୍ତମନର କାମ୍ ଅଦିକ୍ ବଡ଼ି ବଡ଼ି ଗାଲା । ଏନ୍ତିକି ପିତର୍ ଇଣ୍ଡିଗାଲାବେଲେ ତାର୍ ଚାଇଆଲେ ଅଲପ୍ ପତବଲି ଲକ୍ମନ୍ ରଗିମନକେ ବଇଆନି ବାଟ୍‌ପାଲି କଟେ ଆରି ଟାଟିମନ୍ ଅଚାଇକରି ସୁଆଇ ଦେଇତେ ରଇଲା ।

୧୬ ଜିରୁସାଲମର୍ ଚାରିବେଟ୍ଟି ରଇବା ଗତର୍ ରଗି ଆରି ତୁମାଦାରଲା ଲକ୍ମନ୍‌କେ ପେରିଡ଼ମନର୍ ଲଗେ ଆନ୍ତେ ରଇଲା । ଆରି ସେମନ୍ ସବୁ ଲକ୍ ନିମାନ୍ ଅଇତେ ରଇଲା ।

ପେରିଡ଼ ସିସ୍ତମନକେ ତାଡ଼ନା

୧୭ ତାର୍ ପଟେ ବଡ଼ ପୁଜାରି, ତାର୍‌ସଙ୍ଗ୍ ରଇବା ଲକ୍ମନ୍ ଆରି ସାଦୁକି ଦଲ୍‌ର ଲକ୍ମନ୍, ସିସ୍ତମନକେ ଛାଁଆ ଅଇଗାଲା । ଆରି ସେମନର ବିରୁଦେ କାଇଟାଆଲେ କରୁ ବଲି ଜଜ୍‌ନା କଲା ।

୧୮ ସେମନ୍ ପେରିଡ଼ ସିସ୍ତମନକେ ଦାରି ବାନ୍ଦିକରି ବନ୍ଦିଗରେ ସଙ୍ଗାଇଲା ।

୧୯ ମାତର୍ ସେ ରାତି ମାପରୁର୍ ଗଟେକ୍ ଦୁଡ଼ ବନ୍ଦିଗରର୍ କାପାଟ୍ ଉଗାଡ଼ିଦେଲା ଆରି ସେମନ୍‌କେ ମୁକ୍‌ଲା ଆନି କଇଲା,

୨୦ “ଜା ଆରି ମନ୍ଦିରେ ଟିଆଅଇକରି ଲକ୍ମନ୍‌କେ ଏ ନୁଆ ଜିବନ୍ ବିସଇ ସବୁ କାତା କୁଆ ।”

୨୧ ସିସ୍ତମନ୍ ସେ ଦୁତର୍ କାତା ମାନି ସାକାଲ୍ ସାକାଲ୍ ମନ୍ଦିରେ ପୁରି ସିକିଆ ଦେବାର୍ ଦାରିଲା ।

ବଡ଼ ପୁଜାରି, ତାକର୍ ସଙ୍ଗାରିମନ୍ ଆରି ଇସ୍ରାଏଲର୍ ପାର୍‌ତିନମନ୍ ଗଟେକ୍ ପୁରା ସବା ପାଇ ତାକାଇ ପାଟାଇଲା । ତାର୍ ପଟେ ପେରିଡ଼ ସିସ୍ତମନକେ ବନ୍ଦିଗରେ ଅନି ସବାଇ ଆନ୍‌ବାକେ ବନ୍ଦିଗରର୍ ଜାଗୁଆଲ୍‌ମନର୍ ମୁକିଆମନ୍‌କେ ଆଦେସ୍ ଦେଲା ।

୨୨ ମାତର୍ ସେ ମୁକିଆମନ୍ ବନ୍ଦିଗରେ କେଟ୍‌ଲାକେ ପେରିଡ଼ମନ୍‌କେ ତେଇ ଦେକଡ଼ନା । ସେଟାପାଇ ସେମନ୍ ବଡ଼ସବାଇ ବାଉଡ଼ି ଆଇଲା । ଆରି ଲକ୍ମନ୍‌କେ କଇଲା,

୨୩ “ଆମେ ବନ୍ଦି ଗରେ କେଟି ଦେକ୍‌ଲୁ ଜେ ଦୁଆର୍ ନିକସଙ୍ଗ୍ ଡାବି ଅଇରଇଲା । ଆରି ଜାଗୁଆଲ୍‌ମନ୍ ମିସା ଜାଗିରଇଲା । ମାତର୍ କାପାଟ୍ ଉଗାଡ଼ଲା ପଟେ ଆମେ ବିଡ଼ରେ କାକେ ମିସା ଦେକୁ ନାଇ ।”

୨୪ ଏ କାତା ସୁନି ମୁକିଆ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍‌ମନର୍ ଦାଇତେ ରଇଲା ଲକ୍ମନ୍ କାବାଅଇଗାଲା । ପେରିଡ଼ ସିସ୍ତମନକେ କାଇଟା ଅଇଲାଆଟେ ବଲି ସେମନ୍ ବୁଜି ନାପାରିଲା ।

୨୫ ସେଡ଼କିବେଲେ ଗଟେକ୍ ଲକ୍ ଆସି କଇଲା “ସୁନା ! ଜନ୍ ଲକ୍ମନ୍‌କେ ବନ୍ଦି ଗରେ ରକିରଇଲାସ୍, ସେମନ୍ ଏବେ ମନ୍ଦିରେ ଲକ୍ମନ୍‌କେ ସିକିଆ ଦେଲାଜନି ।”

୨୬ ମନ୍ଦିରର୍ କାମ୍‌ରୁମନ୍ ଜାଗୁଆଲ୍‌ମନର୍ ସଙ୍ଗ୍ ଜାଇ ପେରିଡ଼ ସିସ୍ତମନକେ ସୁଡ଼ରାଇକରି ଆରିତରେକ୍ ଡାକିଆନ୍‌ଲା । ସେମନ୍ ଡରାବିଡ଼ରା କରଡ଼ ନାଇ । କାଇକେବଇଲେ ସେମନ୍‌କେ ଲକ୍ମନ୍ ପାକ୍‌ନାପୁକ୍‌ନି ମାରିବାଇ ବଲି ଡରିଜାଇତେରଇଲା ।

୨୭ ପେରିଡ଼ ସିସ୍ତମନକେ ବିଡ଼ରେ ଡାକିଆନି ବଡ଼ସବାର୍ ମୁଆଟେ ଟିଆ କରାଇଲା, ଆରି ବଡ଼ ପୁଜାରି ସେମନ୍‌କେ ପାଟାରିଲା ।

୨୮ ✨“ଏ ଜିସୁର୍ ନାଉଁ ଦାରି କାଇମିସା ସିକିଆ ନ ଦେବାକେ ତମକେ ଡାଟ୍ ସଙ୍ଗ୍ ଆଦେସ୍ ଦେଇରଇଲୁ, ମାତର୍ ଦେକା, ତମେ କାଇଟା କରିଆଟାସ୍ ! ତମେ ଦେଇରଇବା ଏ ସିକିଆ ଜିରୁସାଲମେ ରଇଲା ଲକ୍ମନ୍‌ରଟାନେ କେଟ୍‌ଲା ଆଟେ । ଆରି ତାର୍ ମରନ୍ ପାଇ ଆମ୍‌କେ ଦାଇ କର୍‌ବାକେ ଚେସ୍‌ଟା କଲାସ୍‌ନି !”

୨୯ ପିତର୍ ଆରି ବିନ୍ ସିସ୍ତମନ୍ କଇଲା, “ଆମେ ତମର୍ ଆଦେସ୍ ମାନ୍‌ବା ବାଦୁଲେ ପର୍ମେସରର୍ ଆଦେସ୍ ମାନ୍‌ବୁ ।

୩୦ ତମେ ଜିସୁକେ କୁର୍‌ସେ ଚଗାଇ ମରାଇଲାପଟେ, ଆମର୍ ଆନିଦାଦିମନର୍ ପର୍ମେସର୍ ତାକେ ମଲାଟାନେଅନି ଉଟାଇଲାଆଟେ ।

୩୧ ଇସ୍ରାଏଲର୍ ଲକ୍ମନ୍ ତାକର୍ ପାପେଅନି ବାଅଡ଼ ଆରି ପାପ୍ କେମା ଅଅଡ଼ ବଲି ପର୍ମେସର୍ ତାକେ ତାର୍ ଉଜା ବାଟେ ବସାଇଆଟେ । ଜେନ୍ତିକି ସେ ଆମର୍ ସାସନ୍‌କାରିଆ ଆରି ରକିଆକର୍‌ବା ଲକ୍ ଅଇସି ।

୩୨ ଆମେ ଏ ସବୁ ବିସଇର୍ ସାକି ଆତୁ । ଆରି ଜନ୍ ସୁକଲ୍ ଆଡ଼ମାକେ ପର୍ମେସର୍ ତାକର୍ ଆଗିଆଁକାରିମନ୍‌କେ ଦାନ୍‌କଲାଆଟେ, ସେ ମିସା ଏଟାର୍ ସାକି ।”

୩୩ ବଡ଼ସବାର୍ ଲକ୍ମନ୍ ଏ କାତା ସୁନି ଏତେକ୍ ରିସାଅଇଗାଲା ଜେ, ପେରିଡ଼ମନ୍‌କେ ମରାଇବାକେ ମନ୍ କଲା ।

✨ ୫:୨୮ ମାଡ଼ିଉ ୨୭:୨୫

୩୪ ମାତର ସେମାନର ବିତ୍ତରେଅନି ଗମଲିଏଲ୍ ନାଉଁର ଗଟେକ୍ ପାରୁସି ଲକ୍ ରଇଲା । ସେ ନିୟମ୍ ସିକାଇତେ ରଇଲା । ତାକେ ଲକ୍ମନ ମାନିଅ କର୍ତ୍ତେରଇଲା । ସେ ବଡ଼ ସବାଇ ଟିଆଅଇ ପେରିଡ଼ମନ୍ତକେ ଚନେକର୍ ପାଇ ବାଇରେ ନେବାକେ ଆଦେସ୍ ଦେଲା ।

୩୫ ଆରି ବଡ଼ ସବାର୍ ଲକ୍ମନକେ କଇଲା, “ଏ ଇସ୍ରାଏଲିୟ୍ ବାଇମନ୍, ଏ ଲକ୍ମନକେ ଜାଇଟା କର୍ବାକେ ଗାଲାସ୍ନି ଅଲପ୍ ବାବିତିକ୍ତି କରି କରା ।

୩୬ ତମର୍ ମନେରଇସି, ଅଲପ୍ ଆଗତ୍ତୁ ତିଉଦା ନାଉଁର ଗଟେକ୍ ଲକ୍ ରମିୟମନର୍ ବିରୁଦେ ଉଟ୍ଲା । ସେ ନିଜେ ବଡ଼ଲକ୍ ବଲି ଲକ୍ମନକେ କଇଲାକେ ତାର୍ ସଙ୍ଗ୍ ଚାରିସଅ ଲକ୍ ମିସି ରଇଲା । ମାତର୍ ତାକେ ମରାଇଲା, ତାର୍ପଚେ ତାର୍ସଙ୍ଗର୍ ଲକ୍ମନ ଚିନ୍ବିନ୍ ଅଇଗାଲା ଆରି ତାର୍ ଦଲ୍ ବୁଡିଗାଲା ।

୩୭ ତାର୍ପଚେ ଗାଲିଲି ଅନି ଜିଉଦା ନାଉଁର ଆରି ଗଟେକ୍ ଲକ୍ ରମିୟମନର୍ ବିରୁଦେ ଉଟ୍ଲା । ରମିୟ ସର୍କାର ଲକ୍ମନର୍ ନାଉଁ ଲେକାଇବା ବେଲେ ଏଟା ଅଇଲା । ବେସି ଲକ୍ମନକେ ତାର୍ ଦଲେ ମିସାଇବାକେ ସୁଡ଼ରାଇଲା । ମାତର୍ ତାକେ ମିସା ମରାଇଲା । ଆରି ତାର୍ ସବୁ ସିସ୍ମନ୍ ଚିନ୍ବିନ୍ ଅଇଗାଲା ।

୩୮ ସେଟାର୍ ପାଇ ଜିସୁର୍ ସିସ୍ମନର୍ ବିସଇ ମୁଇ ତମକେ କଇଲିନି, ସେମନ୍ କର୍ବା କାମ୍ ତେବାଆ ନାଇ, ଚାଡିଦିଆସ୍ । ସେମନ୍ କର୍ବା କାମ୍ ଆରି ଜଜନା ଜଦି ଲକ୍ମନରଟାନେଅନି ଆସିରଇସି, ତେବେ ସେମନ୍ ମିସା ଆରିଜିବାଇ ।

୩୯ ମାତର୍ ସେଟା ଜଦି ପର୍ମେସରଟାନେ ଆସିରଇସି ବଇଲେ, ତାକେ ତମେ ଦବାଇନାପାରାସ୍ । ସେଡ଼କିଅନି ତିସ୍ସି ଜେ ତମେ ପର୍ମେସରର୍ ବିରଦେ ଜୁଜୁଲାସ୍ନି ।”

ବଡ଼ସବାର୍ ଲକ୍ମନ ଗମଲିଏଲ୍ କଇଲା କାତା ମାନୁଲା ।

୪୦ ସେମନ୍ ପେରିଡ଼ ସିସ୍ମନକେ ବଡ଼ସବାର୍ ବିତ୍ତରେ ଆନୁବାକେ ଆଦେସ୍ ଦେଲା । ତାକିଆନିକରି ସେମନ୍କେ କର୍ତ୍ତା ସଙ୍ଗ୍ ମାରାଇଲା । ଆରି ଜିସୁର୍ ନାଉଁଦାରି କାଇମିସା କାତା ନ କଇବାକେ ଆଦେସ୍ ଦେଇ ଚାଡିଦେଲା ।

୪୧ ପେରିଡ଼ ସିସ୍ମନ୍ ସାର୍ଦାସଙ୍ଗ୍ ବଡ଼ସବାଇଅନି ବାରଇଲା, କାଇକେବଇଲେ ପର୍ମେସର୍ ଦେକ୍ବା ଇସାବେ ଜିସୁର୍ ସିସ୍ ଅଇକରି ଅପମାନ୍ ପାଇବାକେ ଅଦିକାର୍ ପାଇରଇଲା ।

୪୨ ଆରି ସେମନ୍ ସବୁ ଦିନ୍ ମନ୍ଦିରେ ଆରି ଲକ୍ମନର୍ ଗରେ ଗରେ ମସିଅ ଜିସୁର୍ ବିସଇର୍ ସୁବ୍‌କବର୍ ଜାନାଇଲା ଆରି ସିକିଆ ଦେବାର୍ ଦାରୁଲା ।



ସାତ୍ଟା ସେବାକାରିଆମନ୍

୧ ସେ ବେଲା, ବେସି ଜିଉଦି ଲକ୍ମନ ଜିସୁର୍ ସିସ୍ ଅଇ ଆଇଲା । ଗିରିକ୍ ବାସା କଇତେରଇବା ଜିଉଦିମନ୍, ଏବ୍ରି ବାସା କଇତେରଇବା ଜିଉଦିମନର୍ ବିରୁଦେ କାତା ଉଟାଇଲା । କାଇକେବଇଲେ ଗିରିକ୍ ବାସାଇ କାତା ଅଇବା ଜିଉଦିମନ୍, ରାଣ୍ଡିମନ୍ତକେ ଦିନ୍‌କର୍ କାଦି ବାଟା କଲାବେଲେ ତାକର୍ ରାଣ୍ଡିମନ୍ତକେ ଏଲା କର୍ତ୍ତେରଇଲା ପନି ।

୨ ସେଟାର୍ ପାଇ ବାର୍ଟା ପେରିଡ଼ ସିସ୍ମନ୍ ସବୁ ବିସ୍‌ବାସିମନ୍ତକେ ରୁଣ୍ଡାଇକରି କଇଲା, “କାଇବାଟା ବାଟାକର୍ବାର୍ ଆତେ ବଲିକରି ପର୍ମେସରର୍ ବାକିଅ ସିକାଇବାଟା ଜଦି ଆମେ ଏଲା କର୍ବୁ ବଇଲେ ସେଟା ନିକ ବିସଇ ନଏ ।

୩ ସେଟାର୍ ପାଇ ଏ ବାଇବଇନିମନ୍, ତମର୍ ବିତ୍ତରେଅନି ସୁକଲ୍‌ଆଡ଼ମାଇ ଆରି ଗିଆନେ ପୁରାପୁରୁନ୍ ଅଇରଇବା ଲକ୍ ବଲି ସବୁଲକ୍ ଜାନିରଇବା ସାଡ଼ ଲକ୍ମନକେ ବାଟା । ଆମେ ସେମନ୍ତକେ ଏ ସବୁ ବିସଇ କର୍ବାକେ ଦାଇଡ଼ ଦେବୁ ।

୪ ସେନ୍ତାର୍ ଆଲେ ପାର୍ତନା ଆରି ପର୍ମେସରର୍ ବାକିଅ ସିକାଇବାକେ ଆମେ ସବୁ ଦିଆନ୍ ଦେଇପାରିଅଇସି ।”

୫ ଦଲ୍ ସବୁ ଲକ୍ ପେରିଡ଼ ସିସ୍ମନର୍ କଇଲା କାତାଇ ରାଜିଅଇଲା, ଆରି ଏ କାମ୍ କର୍ବାକେ ବିସ୍‌ବାସ୍ ଆରି ସୁକଲ୍ ଆଡ଼ମାଇ ପୁରୁନ୍ ଅଇରଇବା ତିପାନ୍ ନାଉଁର ଗଟେକ୍ ଲକ୍, ଆରି ପିଲିପ୍, ପକ୍‌ରସ୍, ନିକାନର, ତିମନ୍, ପର୍ମନା ଆରି ଆଗେ ଜିଉଦି ଦରମ୍ ବିସ୍‌ବାସ୍ କରିରଇବା, ଆନଟିକିୟଇ ଅନି ଆସିରଇବା ଗଟେକ୍ ଜିଉଦି ନ ଅଇଲା, ନିକଲାୟକେ ବାଟୁଲା ।

୬ ବିସ୍‌ବାସିମନ୍ ଏ ସାଡ଼ଲକ୍‌କେ ପେରିଡ଼ମନର୍ ଲଗେ ଆନୁଲା । ସେମନ୍ତକେ, ଆଡ଼ ସଙ୍ଗ୍ ପାର୍ତନା କଲା ।

୭ ଏନ୍ତାରି ପର୍ମେସରର୍ ବାକିଅ ଗୁଲାଇବାଟର୍ ଲକ୍ ସୁନ୍‌ଲା । ଜିରୁସାଲମେ ଅଦିକ୍ ଅଦିକ୍ ସିସ୍ମନ୍ ବଡ଼ବାର୍ ଦାରୁଲା, ବେସି ପୁଜାରିମନ୍ ମିସା ଜିସୁକେ ବିସ୍‌ବାସ୍ କଲା ।

ତିପାନ୍‌କେ ଦାରିନେଲା

୮ ପର୍ମେସରଟାନେ ବେସି ଆସିର୍ବାଦ୍ ପାଇ ଆରି ବପୁ ସଙ୍ଗ୍ ପୁରୁନ୍ ଅଇରଇବା ତିପାନ୍, ଲକ୍ମନର୍ ବିତ୍ତରେ ବେସି ନ ଅଇବା କାମ୍‌ମନ୍, କାବା ଅଇଜିବା କାମ୍‌ମନ୍ ସାଦନ୍ କଲା ।

୯ ମାତର୍ କେତେଲକ୍ ତାକେ ବିରଦ୍ କଲା । ଏମନ୍ ଗତି କର୍ବାତେଅନି, ମୁକ୍‌ଲିରଇବା ଜିଉଦିମନ୍ତକେ ନେଇ, ଅଇରଇବା ପାର୍ତନା ଗରର୍ କେତେ ଲକ୍, ସେମନ୍ତକେ ବିତ୍ତରେଅନି କେତେଲକ୍ ସାରିଆ ଅନି, କେତେକ୍

ଆଲେକ୍‌ଜାଣ୍ଡ୍ରିଆ ଅନି । ସେମନ୍ ସିଲିସିଆ ଅନି ଆରି ଆସିଆଇଅନି ଆସିରଇବା ବିନ୍ ଜିଉଦିମନ୍‌ର ସଙ୍ଘ ମିସିକରି ତିପାନ୍‌ର ବିରଦେ ଦଦାପେଲା ଅଇଲାଇ ।

୧୦ ମାତର୍ ସୁକଲ୍ ଆତ୍ମା ତିପାନ୍‌କେ ଏନ୍ତି ଗିଆନ୍ ଦେଲାଜେ, କେମିସା ତାର୍ କାତା ଚାଡ଼ାଇକରି କଇ ନାପାର୍‌ତେ ରଇଲାଇ ।

୧୧ ଏଲେମିସା ସେ “ମସାର୍ ବିରଦେ ଆରି ପର୍‌ମେସର୍‌ର ବିରଦେ କାତା କଇବାଟା ଆମେ ସୁନ୍‌ଲୁ ।” ବଲି, ଏ ମିର୍ ସାକି ଦେବାକେ କେତେ ଲକ୍‌କେ ଲାଁର୍ ଦେଇ ଉସ୍‌କାଇଲାଇ ।

୧୨ ଏନ୍ତାରିକରି ସେମନ୍ ଲକ୍‌ମନ୍‌କେ, ପାର୍‌ତିନିମନ୍ ଆରି ସାସ୍‌ତର୍ ସିକାଉମନ୍‌କେ ରିସା ଅଇବା କାତା କଇଲାଇ । ଆରି ତିପାନ୍‌କେ ଦାରି ବଡ଼ସବାଇ ନେଲାଇ ।

୧୩ ତାର୍ ପତେ ସେମନ୍ ତାର୍ ବିରୁଦେ ମିର୍ ସାକି ଦେବାକେ କେତେଟା ଲକ୍‌ମନ୍‌କେ ବିତ୍‌ରେ ଆନ୍‌ଲାଇ । ସେମନ୍ କଇଲାଇ, “ଏ ଲକ୍ ସବୁବେଲେ ଆମର୍ ସୁକଲ୍ ମନ୍ଦିର୍ ଆରି ମସାର୍ ରିତିନିତି ବିରୁଦେ ନିନ୍ଦା କାତା କଇବୁଲ୍‌ଲାଇନି ।

୧୪ ନାଜରିତର୍ ଜିସୁ ମନ୍ଦିର୍ ବାଙ୍ଗାଇ ପାକାଇସି ଆରି ଆମେ ମସାର୍ ଟାନେଅନି ପାଇ ରଇବା ସବୁ ବିଦିବିଦାନ୍ ବାଦ୍‌ଲାଇ ଦେଇସି ବଲି ଏ ଲକ୍ କଇବାଟା ଆମେ ସୁନି ଆତୁ ।”

୧୫ ସେଡ଼କି ବେଲେ ବଡ଼ସବାଇ ବସି ରଇବା ସବୁ ଲକ୍ ଆକିଗାଡ଼ି ତିପାନ୍‌ର ବାଟେ ଦେକ୍‌ଲାଇ ଜେ, ଏଦେ ଦେକା ! ତାର୍ ମୁ ସରଗର୍ ଦୁଡ଼ ପାରା ଡିସ୍‌ତେ ରଇଲା ।



ତିପାନ୍ କଇବାଟା

୧ ବଡ଼ ପୁଜାରି ତିପାନ୍‌କେ ପାଚାରଲା, “ତର୍ ବିରୁଦେ କଇବା ଏ ସବୁ କାତା ସଡ଼ କି ?”

୨ ତିପାନ୍ କଇଲା, “ଈତି ରଇବା ମର୍ ବାଇମନ୍ ଆରି ବାବାମନ୍ ଅଲପ୍ ସୁନା, ଆମର୍ ଆନିଦାଦି ଅବ୍ରାଆମ୍ ଆରନେ ବାସା ଅଇବାକେ ଜିବା ଆଗ୍ରୁ ମଇମା କର୍‌ବା ପର୍‌ମେସର୍ ମେସପଟାମିଆଇ ଦେକାଇଅଇଲା ।”

୩ ଆରି ତାକେ କଇଲା, 'ତମର୍ ଦେସ୍ ଆରି ତମର୍ କୁଟୁମ୍‌କେ ଚାଡ଼ିକରି ମୁଇ ଜନ୍ ଦେସ୍ ଦେକାଇବି, ସେ ଦେସେ ଜା ।

୪ ତେବରପାଇ ସେ ତାର୍ ଦେସ୍ ଚାଡ଼ିକରି ଆରାନ୍ ନାଉଁର୍ ଗଟେକ୍ ଦେସେ ବାସା ଅଇବାକେ ଗାଲା । ଅବ୍ରାଆମର୍ ବାବା ମଲା ପତେ, ପର୍‌ମେସର୍ ତାକେ, ତମେ ରଇବା ଏ ଦେସେ ଆନ୍‌ଲା ।

୫ ସେବେଲେ ପର୍‌ମେସର୍ ଅବ୍ରାଆମ୍‌କେ ଏ ଦେସେ କାଇ ଅଦିକାର୍ କି ପାଦେକ୍ ଜମି ମିସା ଦେଇ ନ ରଇଲା । ମାତର୍ ତାକେ ଏ ଦେସ୍ ପତେ ଦେବାକେ ପର୍‌ମେସର୍ କାତାଦେଇରଇଲା । ଆରି ସେଟା ତାର୍ ନାତିତିତି ମନର୍ ପାଇ ଅଇସି ବଲି ସପଡ଼ କଲା । ପର୍‌ମେସର୍ ଏ କାତା ଦେଇରଇଲା ବେଲେ ଅବ୍ରାଆମ୍‌କେ ପିଲାଟକି ନ ଅଇରଇଲା ।

୬ ସେବେଲେ ପର୍‌ମେସର୍ ଅବ୍ରାଆମ୍‌କେ ଏନ୍ତିବଲି କଇରଇଲା, “ତମର୍ ନାତିତିତିମନ୍ ବିନ୍ ଦେସେ ଚାଲିସ୍ ବରସ୍ ଜାକ ଗତି ଅଇକରି ରଇବାଇ । ସେ ଦେସର୍ ଲକ୍ ସେମନ୍‌କେ କରାପ୍ ଚଲାଟଲ୍‌ଡି ଦେକାଇବାଇ ।

୭ ମାତର୍ ସେମନ୍ ଜନ୍ ଲକ୍‌ମନ୍‌ର ସେବା କର୍‌ବାଇ, ମୁଇ ସେ ଲକ୍‌ମନ୍‌କେ ବିଚାର୍ କର୍‌ବି । ପତେ ତମର୍ ନାତିତିତିମନ୍ ସେ ଦେସେଅନି ବାରଇ ଆଇବାଇ ଆରି ଏ ଜାଗାଇ ମର୍ ଉପାସନା କର୍‌ବାଇ ।”

୮ ତାର୍‌ପତେ ପର୍‌ମେସର୍ ଅବ୍ରାଆମ୍‌ର ସଙ୍ଘ କାତାଦେଇ ରଇବା ରାଜିନାମାର୍ ତିନ୍ ଇସାବେ ସୁନ୍‌ଡ଼ କର୍‌ବା ବିଦି ତିଆର୍ କଲା । ଇସାକ୍ ଜନମ୍ ଅଇ ଆର୍‌ଦିନ୍ ପତେ ଅବ୍ରାଆମ୍ ତାକେ ସୁନ୍‌ଡ଼ କଲା । ପତେ ଇସାକ୍ ତାର୍ ପଅ ଜାକୁବ୍‌କେ ସେନ୍ତାରି କଲା । ସେନ୍ତାରିସେ ଜାକୁବ୍ ତାର୍ ବାର୍‌ଟା ପଅମନ୍‌କେ ସୁନ୍‌ଡ଼ କଲା, ଜନ୍ ଲକ୍‌ମନ୍ କି ଆମର୍ ତାକ୍‌ପୁଟା ସଙ୍ଘ ରଇବା ଆନିଦାଦିମନ୍ ।

୯ “ଜାକୁବର୍ ପଅମନ୍ ତାକର୍ ସାନ୍ ବାଇ ଜସେପ୍‌କେ ଇସା ଅଇକରି, ମିସର୍ ଦେସର୍ ବେବାର୍‌ମନ୍‌କେ ବିକିଦେଲାଇ । ମାତର୍ ପର୍‌ମେସର୍ ଜସେପର୍ ସଙ୍ଘ ରଇଲା ।

୧୦ ଆରି ସବୁ ଦୁକ୍ କସ୍‌ଟେଇଅନି ତାକେ ରକିଆ କଲା । ଜେତେବେଲେ ଜସେପ୍ ମିସର୍ ରାଜାର୍ ମୁଆଟେ ଗିଆଅଇଲା, ପର୍‌ମେସର୍ ତାକେ ଗିଆନ୍ ଦେଲା । ଆରି ସବୁଲକ୍ ମନ୍‌କଲାପାରା ଚଲାଟଲ୍‌ଡି ଦେଲା । ପାର ରାଜା ଜସେପ୍‌କେ ସେ ଦେସର୍ ସାସନ୍‌କାରିଆ ଆରି ତାର୍ କୁଟୁମ୍‌ର ସବୁ ଦେକାରକା କର୍‌ବା ଦାଇଡ଼ ସର୍‌ପି ଦେଲା ।

୧୧ ଜସେପ୍ ସାସନ୍‌କାରିଆ ରଇଲାବେଲେ ମିସର୍ ଆରି କିଶାନ୍ ଦେସେ ମର୍‌ଡି ଅଇଲା ଜେ ଲକ୍‌ମନ୍ ବେସି ଅଇରାନ୍ ଅଇଗାଲାଇ । ସେବେଲେ ଆମର୍ ଆନିଦାଦିମନ୍‌କେ କାଇଟା ମିସା କାଇବାଟା ମିଲେନାଇ ।

୧୨ ମିସର୍ ଦେସେ ଦାନ୍ ମିଲ୍‌ସି, ବଲି ସୁନି ଜାକୁବ୍ ପର୍‌ଡୁମ୍‌ତର୍ ତାର୍ ପିଲାମନ୍‌କେ କାଦି ଗେନ୍‌ବାକେ ପାଟାଇଲା । ଜେକି ଆମର୍ ଆନିଦାଦିମନ୍ ଅଇବାଇ ।

୧୩ ତେଇ ସେମନ୍ ପତର୍ ପାଲି ଗାଲାବେଲେ ଜସେପ୍ ତାର୍ ନିଜର୍ ବାଇମନ୍‌କେ ଚିନାଇ ଅଇଲା ଆରି ମିସର୍‌ର ରାଜା ପାର ଜସେପର୍ କୁଟୁମ୍‌କେ ଜାନ୍‌ଲା ।

୧୪ ତାର୍ ପତେ ଜସେପ୍ ତାର୍ ବାବା ଜାକୁବ୍ ଆରି ତାର୍ କୁଟୁମ୍‌ର ସବୁକେ ମିସାଇ ସତୁରି ପାଁର୍ ଲକ୍‌କେ ମିସରେ ଆଇବାକେ କବର୍ ପାଟାଇଲା ।

୧୫ ଜାକୁବ୍ ମିସର୍ ଦେସେ ଗାଲା, ତେଇ ସେ, ତାର୍ ପଅମନର୍ ମରନ୍ ଅଇଲା ।

୧୬ ସେମନର୍ ମଲା ଗାଗଡ଼ ସେକିମେ ନେଲାଇ । ଆରି ଅବରାଆମ୍ କେତେକ୍ ଡାରୁଦେଇ ଆମ୍ ନାଉଁର୍ ଗଟେକ୍ କୁଟୁମେ ଅନି ଗେନ୍ଲା ମସ୍ନେ ନେଇ ସେମନ୍କେ ସଙ୍ଗିଲାଇ ।”

୧୭ ପର୍ମେସର୍ ଅବରାଆମ୍ ଜନ୍ ସପଡ଼ ଦେଇ ରଇଲା ସେଟା ସିଦ୍ ଅଇଲା । ମିସର୍ଦେସେ ଆମର୍ ଜାତିର୍ ଲକ୍ମନ୍ ବେସି ବଡ଼ି ଗାଲାଇ ।

୧୮ ସାରାସାରି, ଜସେପର୍ ବିସଇ ଜାନି ନ ରଇବା ଗଟେକ୍ ରାଜା, ମିସର୍ ଦେସ୍ ସାସନ୍ କଲା ।

୧୯ ସେ ଆମର୍ ଆନିଦାଦିମନ୍କେ ବେସି ନାଡ଼ାଇଲା । ଆରି ବେସି ଅଇରାନ୍ କଲା । ସେମନର୍ କଅଁଲା ପିଲାମନ୍କେ ନିପାଡ଼ କରି ବାଇରେ ପିଙ୍ଗି ଦେବାକେ ଆଦେସ୍ ଦେଲା ।

୨୦ ସେ ବେଲାଇ ମସା ଜନମ୍ ଅଇଲା । ସେ ଗଟେକ୍ ବେସି ସୁନ୍ଦର୍ ପିଲା ରଇଲା । ତାକେ ତିନ୍ ମାସ୍ ଜାକ ଗରେସେ ପସ୍ଲାଇ ।

୨୧ ଆରି ଜେତେବେଲେ ବାଇରେ ଲୁଟାଇଦେଲାଇ, ପାର ରାଜାର୍ କନିଆ ତାକେ ମିଲାଇକରି ନିଜର୍ ପିଲାପାରା ପସ୍ପାଲ୍ କଲା ।

୨୨ ମିସର୍ ଦେସେ ଜେଡ଼କି ଗିଆନ୍ ରଇଲା, ସେ ସବୁ ଗିଆନ୍ ମସାକେ ସିକାଇଲାଇ । ସେ ବଡ଼ିକରି ତାର୍ କାତାବାର୍ତା ଆରି କାମର୍ ଲାଗି ଗଟେକ୍ ଡାକ୍ପୁଟା ଲକ୍ ବଲାଇଅଇଲା ।

୨୩ ଜେତେବେଲେ ମସାକେ ଚାଲିସ୍ ବରସ୍ ଅଇଲା, ସେ ତାର୍ ଇସ୍ରାଏଲର୍ ବାଇମନ୍ କାମ୍ କର୍ବା ଜାଗା ଦେକ୍ବାକେ ମନ୍କଲା ।

୨୪ ଇସ୍ରାଏଲିଅ ମନର୍ ବିଡ଼ରେଅନି ଗଟେକ୍କେ ମିସରିୟର୍ ଗଟେକ୍ ଲକ୍ ସାଦ୍ବାନ୍ କର୍ବାଟା ଦେକି ମସା ତାକେ ରକିଆ କଲା । ଆରି ସେ କର୍ବାଟା ସୁଜାଇବି ବଲି ମିସରିଅକେ ସେ ମରାଇଲା ।

୨୫ ମସା ବାବିରଇଲା, ସେମନ୍କେ ମୁକ୍ଲାଇବାକେ ପର୍ମେସର୍ ତାକେ ବାଟ୍ଲାଆଟେ ବଲି ତାର୍ ନିଜର୍ ବାଇମନ୍ ଏଡ଼ାଇବାଇ । ମାତର୍ ସେମନ୍ ସେଟା ବୁଜଡ଼ନାଇ ।

୨୬ ତାର୍ ଆର୍କର୍ ଦିନେ ଦୁଇଟା ଇସ୍ରାଏଲିଅ ମନ୍ ମାରାମାରି ଅଇତେରଇବାଟା ଦେକ୍ଲା । ଆରି ସେମନ୍ ମିସଡ଼ ବଲି ବୁଜାଇବାକେ ଚେସ୍ଟା କଲା । ସେ କଇଲା, “ସୁନା ତମେ ଦୁଇ ଲକ୍ତା ଇସ୍ରାଏଲର୍ ବାଇବାଇ ଅଇସା । କାଇକେ ଏନ୍ତାରି ମାରାମାରି ଅଇଲାସନ୍ ?”

୨୭ ମାତର୍ ଜନ୍ ଲକ୍ ଆରିଗଟେକ୍ ଲକ୍କେ କାରାପ୍ କାତା କଇ ଲାଗ୍ତେରଇଲା, ସେ ମସାକେ ଏଡ଼ାଇଦେଇ କଇଲା, “ଆମ୍କେ ସାସନ୍ କର୍ବାକେ ଆରି ଆମ୍କେ ବିଚାର୍ କର୍ବା ଅଦିକାର୍, କେ ତକେ ଦେଇଆଟେ ?

୨୮ କାଲି ଜେଡ଼ି ଗଟେକ୍ ମିସରିୟକେ ମରାଇଲୁସ୍, ସେଡ଼ି ମକେ ମିସା ମରାଇବାକେ ମନ୍ କଲୁସନ୍ କି ?”

୨୯ ଏଟା ସୁନିକରି ମସା ମିସର୍ଦେସେଅନି ଉଟିପାଲାଇଲା ଆରି ମିଦିଅନ୍ ଦେସେ ଜାଇ ବାସାକଲା । ତେଇ କେତେ ବରସ୍ ରଇକରି ଆରି ତାର୍ ଦୁଇଟା ପିଲା ଜନମ୍ ଅଇଲାଇ ।

୩୦ “ଚାଲିସ୍ ବରସ୍ ରଇଲା ପଟେ, ମରୁବାଲି ରଇବା ଜାଗାର୍ ସିନୟ୍ ନାଉଁର୍ ପର୍ବତେ ଗଟେକ୍ ଜଇ ଲାଗ୍ବା ବୁଟାର୍ ମଜାଇ ପର୍ମେସର୍ ଗଟେକ୍ ଦୁଡ଼, ମସାକେ ଦେକାଇ ଅଇଲା ।”

୩୧ ମସା ଏଟା ଦେକି ବେସି କାବା ଅଇଗାଲା, ଆରି କଣ୍ଟେକ୍ ନିକକରି ଦେକ୍ବି ବଲି ବୁଟା ଲଗେ ଗାଲା । ମାତର୍ ତେଇ ସେ ମାପୁର୍ କାତା ସୁନ୍ଲା ।

୩୨ “ମୁଇ ତମର୍ ଆନିଦାଦି ଅବରାଆମ୍, ଇସାକ୍ ଆରି ଜାକୁବର୍ ପର୍ମେସର୍ ।” ମସା ଡରିକରି ଡର୍ଡର୍ ଗଜ୍ଗଜ୍ ଅଇ ଦେକ୍ବାର୍ ନାପାର୍ଲା ।

୩୩ ମାପୁର୍ ତାକେ କଇଲା, “ତୁଇ ପିନ୍ଦିରଇବା ପାଣ୍ଡୁଇ ବେଟ୍ । କାଇକେବଇଲେ ତୁଇ ଜନ୍ ଜାଗାଇ ଚିଆଅଇଆରୁସ୍, ସେଟା ସୁକ୍ଲା ଜାଗା ।

୩୪ ମିସର୍ ଦେସେ ମର୍ ଲକ୍ମନ୍ କସ୍ଟ ଅଇବାଟା ଦେକିଆଟି । ମୁଇ ସେମନର୍ କାନ୍ଦାବୁବା ସୁନିଆଟି ଆରି ସେମନ୍କେ ମୁକ୍ଲାଇ ଆନ୍ବାକେ ଉଡ଼ରି ଆଇଲିଆଟି । ଏବେ ଆଉ, ମୁଇ ତକେ ମିସର୍ ଦେସେ ପାଟାଇବି ।”

୩୫ ମସାକେ ଇସ୍ରାଏଲର୍ ଲକ୍ମନ୍ ନିଡ଼ତେରଇଲାଇ । ସେମନ୍ ପାଟାରି ରଇଲାଇ, “ଆମ୍କେ ସାସନ୍ କର୍ବାକେ ଆରି ଆମ୍କେ ବିଚାର୍ କର୍ବାକେ କେ ଅଦିକାର୍ ଦେଇଆଟେ ?” ମାତର୍ ପର୍ମେସର୍ ଆକା ନିଜେ ମସାକେ ସେ ଲକ୍ମନର୍ ଉପ୍ରେ ସାସନ୍ କର୍ବାକେ ଆରି ସେମନ୍କେ ମୁକ୍ଲାଇ ଆନ୍ବାକେ ପାଟାଇରଇଲା । ଜଇଲାଗ୍ବା ବୁଟାଇ ଦର୍ସନ୍ ଇସାବେ ଦେକାଇଅଇଲା ।

୩୬ ମିସର୍ ଦେସେ, ଲଇଡ଼ ସାଗରେ ଆରି ଚାଲିସ୍ ବରସ୍ ମରୁବାଲି ବୁର୍ବୁ କେତେକ୍ କେତେକ୍ କାବା ଅଇଜିବା କାମ୍ମନ୍ ଆରି ଚିନ୍ମନ୍ କଲା ।

୩୭ ମସା ନିଜେ ଇସ୍ରାଏଲର୍ ଲକ୍ମନ୍କେ କଇରଇଲା, “ମକେ ଜେଡ଼ି ପର୍ମେସର୍ ପାଟାଇଲା । ସେନ୍ତାରିସେ ତମର୍ ବାଇମନର୍ ଲଗେ ଗଟେକ୍ ବବିସଡ଼ବକ୍ତାକେ ପାଟାଇସି, ସେ ତମର୍ ନିଜର୍ ଲକ୍ମନର୍ ଚାନେଅନିସେ ଅଇସି ।”

୩୮ “ଇସ୍ରାଏଲିଆ ଲକ୍ଷ୍ମୀ ମରୁବାଲି ବୁର୍ବୁ ରଇଲାବେଲେ ସେ ସେମାନର୍ ସଙ୍ଗ୍ ରଇଲା । ସିନୟ ପର୍ବତେ ଆମର୍ ଆନିଦାଦିମନର୍ ସଙ୍ଗ୍ ଦୁଡ଼ କାତା ଅଇଲାବେଲେ ସେ ରଇଲା । ଆରି ସେ ପର୍ବତେସର୍ଗାନେଅନି ଜିବନ୍ ଦେବା ବାକିଅ ମିଲାଇକରି ଆମ୍ବେ ଜାନାଇଲା ।”

୩୯ “ମାତର୍ ଆମର୍ ପୁର୍ବର୍ ଆନିଦାଦିମନ୍ ମସାର କାତା ସୁନଡ଼ ନାଇ । ମିସର୍ ଦେସେ ବାଉଡ଼ି ଜୁ ବଲି ମନ୍‌କଲାଇ ।”

୪୦ ସେଟାରପାଇ ସେମନ୍ ଆରଣ୍ୟକେ କଇଲାଇ, “ଆମ୍ବେ ମିସର୍ ଦେସେଅନି ବାରକରାଇ ଆନଲା ମସା କେନେ ଗାଲାଆଲେ, ଆମେ ନାଜାନୁ । ଏବେ ଆମ୍ବେ ବାଟ୍ ଦେକାଇ ନେବାକେ କେତେଟା ପୁଡ଼ଲା ବନାଇ ଦେ । ସେମନ୍ ଆମର୍ ଦେବତା ଅଇ ବାଟ୍‌ଦେକାଇବାଇ ।”

୪୧ ସେବେଲେ ସେମନ୍ ତେଇ ଗଟେକ୍ ବାଟାପିଲା ପାରା ଡିସ୍‌ବା ପୁଡ଼ଲା ତିଆରକଲାଇ । ଆରି ତାରଲାଗି ପୁଜାକରୁ ବଲି ଚଗାଇଲାଇ । ଆରି ନିଜେ ତିଆର କରିରଇବା ସେ ମୁରତିକେ ସନ୍‌ମାନ୍ ଦେବାକେ ଗଟେକ୍ ବଜି କଲାଇ ।

୪୨ ସେଟାରପାଇ ପର୍ବତେସର୍ ସେମନ୍‌କେ ଦେକେନାଇ ଆରି ସେମନ୍‌କେ, ଆକାସର୍ ତାରାମନ୍ ପୁଜା କରଡ଼ ବଲି ଚାଡ଼ିଦେଲା । ଏ ବିସଇ ବବିସଡ଼ବକ୍ତା ବଇଟାନେ ଲେକା ଆଚେ,

“ଏ ଇସ୍ରାଏଲ୍ ବର୍ସର୍ ଲକ୍ଷ୍ମୀ, ମରୁବାଲି ବୁର୍ବୁ ଚାଲିସବରସ୍ ଜାକ
ତମେ ପସୁମନ୍‌କେ ମରାଇକରି ବଲି ଇସାବେ ଦେଲାସ୍ ।
ମାତର୍ ସେଟା ମର୍ପାଇ ଦେଇ ନ ରଇଲାସ୍ ।

୪୩ ମଲେକ୍ ପୁଡ଼ଲାକେ ପର୍ବତେସର୍ ବଲି ତାର୍ ତମ୍ ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ରେପାନ୍ ତାରାର୍ ପୁଡ଼ଲା ମିସା ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ଏ ସବୁଜାକ ପୁଡ଼ଲାମନ୍‌କେ ତମେ ପୁଜାବିଦି କରବାକେ ବନାଇରଇଲାସ୍ । ସେଟାରପାଇ ମୁଇ ତମ୍‌କେ ତମର୍ ନିଜର୍ ଦେସେଅନି ବାବିଲନ୍ ଦେସର୍ ତେନ୍‌କେ ନେବାକେ ଜଜ୍‌ନା କରବି ।”

୪୪ ତିପାନ୍ ଆରି କଇଲା, “ମରୁବାଲିବୁର୍ବୁ ଆମର୍ ଆନିଦାଦିମନ୍ ରଇଲାବେଲେ ପର୍ବତେସର୍ ସେମନ୍‌କେ ଲେକି ଦେଇରଇବା ନିୟମ୍ ମନ୍ ବିଡ଼ରେ ରଇଲା । ସେଟା ପର୍ବତେସର୍ ମସାକେ ଜେଡ଼ି ତମ୍ ତିଆର କରବାକେ କଇରଇଲା, ଆରି ତାକେ ଜନ୍ କାମ୍ ଦେକାଇ ରଇଲା, ଏଟା ସେନ୍ତାରିସେ ତିଆର ଅଇରଇଲା ।”

୪୫ “ପଚେ ଆମର୍ ଆନିଦାଦିମନ୍ ସେମାନର୍ ଆନିଦାଦିମନର୍ ଟାନେଅନି ମିଲାଇକରି ସେ ତମ୍ ଜିଅସୁଅ ସଙ୍ଗ୍ ବଇ ଦାରିଗାଲାଇ । ଆରି ପର୍ବତେସର୍ ବାରକରାଇ କେଦି ରଇବା ବିନ୍ ଜାତିମନର୍ ଦେସ୍, ସେମନ୍ ଅଦିକାର୍ କଲାଇ । ଦାଉଦର୍ ସାସନ୍ ବେଲେ ଜାକ ସେ ତମ୍ ତେଇସେ ରଇଲା ।

୪୬ ଦାଉଦ୍ ପର୍ବତେସରର୍ ମନ୍‌କେ ଜାଇରଇଲାଜେ ଜାକୁବର୍ ପର୍ବତେସରର୍ ପାଇ ଗଟେକ୍ ମନ୍‌ଦିର୍ ତିଆର କରବି ବଲି ତାର୍ ଆଦେସ୍ ପାଇବାକେ ମନ୍ କରଡେ ରଇଲା ।

୪୭ ପଚେ ସେ ମନ୍‌ଦିର୍ ଦାଉଦର୍ ପଅ ସଲ୍‌ମନ୍ ତିଆର କର ବଲି ମନ୍‌କଲା ।”

୪୮ ଅଇଲେ ମିସା ସବୁର୍ ଉପ୍‌ରର୍ ପର୍ବତେସର୍ ଲକ୍ଷ୍ମୀ ତିଆର କଲା ଗରେ ବାସା ନ କରେ । ଏ ବିସଇ ବବିସଡ଼ବକ୍ତା ଲେକଲା ଆଚେ,

୪୯ ମାପୁରୁ କଇଲାନି, ସରଗ୍ ମର୍ ବସ୍‌ବା ଜାଗା

ଦରତନି ଅଇଲାନି ମର୍ ପାଦର୍ ପିଡା ।

ତମେ ମର୍ପାଇ କେନ୍ତାରି ଗର୍ ତିଆର କରସା ?

ମୁଇ ପୁଣ୍ଡୁବାକେ କନ୍ତି ଜାଗା ଆଚେ କି ?

୫୦ “ମୁଇ ନିଜେ କାଇ ଏ ସବୁ ବିସଇ ତିଆର କରି ନାଇ କି ?”

୫୧ ତିପାନ୍ ଆରି କଇଲା, “ତମେ ବିଲ୍‌କୁଲ୍ କାତା ନ ମାନ୍‌ବା ଲକ୍ଷ୍ମୀ ।” ତମର୍ ମନ୍ ଡାଟ୍ ଅଇଗାଲା ଆଚେ । ମାପୁରୁ ବାକିଅର୍ପାଇ ପୁରାପୁରୁନ୍ ବଇରା ଅଇଆଚାସ୍ । ତମେ ସମାନ୍ ତମର୍ ଆନିଦାଦିମନର୍ ପାରା । ସବୁବେଲେ ସୁକଲ୍ ଆଡ଼ମାକେ ବିରୁଦ୍ କଲାସ୍ନି ।

୫୨ ତମର୍ ଆନିଦାଦିମନ୍ ବବିସଡ଼ବକ୍ତାମନ୍‌କେ ନ ସାଦିକରି ଚାଡ଼ିରଇଲାଇ କି ? ମସିଅ ଆଇସି ବଲି କେତେ କେତେ ବରସ୍ ଆଗ୍‌ତୁ ଜାନାଇବା ପର୍ବତେସରର୍ କାତାଜାନାଉମନ୍‌କେ ମରାଇଲାଇ । ଏବେ ତମେ ତାକେ ବିସ୍‌ବାସେ ବିସ୍ ଦେଲାପାରା କରି ମରାଇଆଚାସ୍ ।

୫୩ ତମେ ସରଗର୍ ଦୁଡ଼ମନ୍ ଜାନାଇରଇବା ରିଡିନିଡି ଦାରିଆଚାସ୍ । ମାତର୍ ସେଟା ମାନାସ୍ ନାଇ ।

ତିପାନ୍‌ର ମରନ୍

୫୪ ବଡ଼ ସବାର୍ ଲକ୍ଷ୍ମୀ ତିପାନ୍ କାତା ଅଇବାଟା ସୁନିକରି ବେସି ରିସା ଅଇଗାଲାଇ ଆରି ରିସାର୍ ମାଡେ ଦାଡ଼ କାଡ଼ି ଅଇଲାଇ ।

୫୫ ମାତର୍ ତିପାନ୍ ସୁକଲ୍ ଆଡ଼ମାକ ପୁରାପୁରୁନ୍ ଅଇ ସରଗ୍ ବାଟେ ମୁ କଲା । ଆରି ପର୍ବତେସରର୍ ମଇମା ଆରି ଜିସୁ ତାର୍ ଉଜାବାଟେ ଟିଆଅଇରଇବାଟା ଦେକଲା ।

୫୬ ତିପାନ୍ କଇଲା, “ଏଦେ ଦେକା ! ସରଗ୍ ଉଗାଡ଼ି ଅଇବାଟା ଆରି ନର୍ପିଲା ପର୍ମେସରର୍ ଉଜାବାଟେ ଚିଆ ଅଇରଇବାଟା ଦେକ୍ଲିନି ।”

୫୭ ବଡ଼ ସବାର୍ ଲକ୍ମନ୍ ସେ କାତା ସୁନିକରି ଆଡ଼ ସଙ୍ଗ୍ କାନେ ରୁଟିଅଇଦେଲା, ଆରି ବେସି ଆଉଲିଅଇଲା । ତାର୍ପତେ ସବୁଲକ୍ ଗଟେକ୍ ଅଇକରି ତିପାନ୍ ବାଟେ ଉଦ୍ଲି ଆଇଲା ।

୫୮ ତାକେ ନଅରର୍ ବାଇରେ ଜିକିନେଇକରି ତାର୍ ଉପ୍ରେ ପାକ୍ନା ସଙ୍ଗ୍ ମାର୍ବାର୍ ଦାର୍ଲା । ସାକି ଦେଉମନ୍ ତିପାନ୍ ପିନ୍ଦିରଇଲା ବସ୍ତର୍ ସାଉଲ୍ ନାଉର୍ ଗଟେକ୍ ଦାଙ୍ଗ୍ତାକେ ଜିମାଦେଇ ଚାଡ଼ି ଜାଇରଇଲା ।

୫୯ ସେମନ୍ ତିପାନ୍ ଉପ୍ରେ ପାକ୍ନା ମାର୍ବା ବେଲେ ସେ ମାପ୍ପୁକେ ପାର୍ତନା କରି କଇଲା, “ମାପ୍ପୁ ଜିସୁ, ମର୍ ଆଡ଼ମାକେ ସଙ୍ଗୁଆ !”

୬୦ ତିପାନ୍ ମାଣ୍ଡିକୁଟା ଦେଇ ଆକ୍ମାରି କଇଲା, “ମାପ୍ପୁ, ଏମନ୍ ବିରଦେ ଏ ପାପ୍ ଆରି ଏତାଆ ନାଇ କି ଡ଼ଣ୍ଡୁ ଦିଆସନାଇ ।” ଏଡ଼କି କଇଲା ଦାପ୍ରେ ତାର୍ ଜିବନ୍ ଚାଡ଼ିଗାଲା ।

୮

ମଣ୍ଡୁଲିକେ ତାଡ଼ନା

୧ ସାଉଲ୍ ତିପାନ୍ ମରନେ ରାଜିଅଇକରି ତେଇ ରଇଲା ।

ସେ ଦିନେଅନି ଜିରୁସାଲାମେ ରଇବା ମଣ୍ଡୁଲିମନ୍କେ ଲକ୍ମନ୍ ଜବର୍ ତାଡ଼ନା ଦେବାର୍ ଆରାମ୍ କଲା । ସେଟାର୍ପାଇ ପେରିଡ଼ ସିସ୍ମନ୍ ତେଇରଇଲା ଆରି ବିନ୍ ବିସ୍ବାସିମନ୍ ଜିବନ୍ ଆତେଦାରି ଜିଉଦା ଆରି ସମିରଣ୍ ଜାଗାଇ ପାଲାଇଲା ।

୨ ପର୍ମେସର୍କେ ନାମ୍ବା କେତେକ୍ ଲକ୍ ଆକ୍ମାରି କାନ୍ଦିକରି ତିପାନ୍ ମଲା ଗାଗଡ଼ ନେଇ ସମାଦି କଲା ।

୩ *ମାତର୍ ସାଉଲ୍ ମଣ୍ଡୁଲିକେ କୁରୁପ୍ନାସ୍ କରବାକେ ଚେସ୍ଟା କଲା । ସେ ଗରେ ଗରେ ଜାଇ ଜିସୁକେ ବିସ୍ବାସ୍ କରବା ମୁନ୍ସ୍ ପିଲା ଆରି ମାଇଜି ଟକିମନ୍ ସବୁକେ ଜିକି ଆନି ବନ୍ଦି ଗରେ ପୁରାଇ ଦେଲା ।

ସମିରଣ୍ ଜାଗାଇ ସୁବ୍ବବର୍ ଜାନାଇବାଟା

୪ ଜିରୁସାଲାମେଅନି ପାଲାଇରଇବା ବିସ୍ବାସିମନ୍ ଗୁଲାଇବାଟେ ଜାଇ ସୁବ୍ବବର୍ ଜାନାଇବାର୍ ଦାର୍ଲା ।

୫ ସେମନ୍ ବିଡ଼ରେଅନି ପିଲିପ୍ ବଲି ଗଟେକ୍ ଲକ୍ ସମିରଣ୍ ମୁକିଅ ନଅରେ ଜାଇ, ତେଇ ରଇବା ଲକ୍ମନ୍କେ ମସିଅ କଇରଇବା କାତା ଜାନାଇଲା ।

୬ ପିଲିପ୍ କଇବା କାତା ସୁନି ଆରି ସେ କରିରଇବା କାବା ଅଇଜିବା କାମ୍ମନ୍ ସବୁ ଦେକି ଲକ୍ମନ୍ ତାକେ ଅଦିକ୍ ମନ୍ଦିଆନ୍ ଦେଇ ସୁନ୍ବାର୍ ଦାର୍ଲା ।

୭ କେତେ କେତେ ଲକ୍ମନ୍ ଟାନେଅନି ତୁମାମନ୍ କିର୍କିରି କରି ବାରଇ ଗାଲା । କେତେ କେତେ ଚେରେଙ୍ଗ୍ ରଗି ଆରି ଆଡ଼ ଗଡ଼ ନ ଆଇବାଟାମନ୍ ନିକ ଅଇଗାଲା ।

୮ ଏଟାର୍ ପାଇ ସେ ନଅର୍ ସାଇସାର୍ଦା ଅଇରଇଲା ।

୯ ସମରିଆ ଜାଗାଇ ସିମନ୍ ନାଉର୍ ଗଟେକ୍ ଲକ୍ ତାର୍ ଜନ୍ତର୍ ମନ୍ତର୍ ବିଦିଆ କରିକରି ତେଇର୍ ଲକ୍ମନ୍କେ କାବା କରାଇତେରଇଲା ।

୧୦ ସେ, ମୁଇ ନିଜେ ଗଟେକ୍ ବଡ଼ ଲକ୍ ବଲାଅଇତେରଇଲା । ଆରି ସେ ନଅରେ ରଇବା ସାନ୍ ବଡ଼ ସବୁ ତାକେ ମାନିରଇଲା । ପର୍ମେସରର୍ ଜନ୍ ବପୁ ମଆନ୍ ସେ ବପୁ ଏଟା ଆକା ବଲି ଲକ୍ମନ୍ କଇତେ ରଇଲା ।

୧୧ ବେସି ବରସ୍ ଦାରି ତାର୍ ଗୁନି ବିଦିଆର୍ ବପୁ ସଙ୍ଗ୍ ତେଇର୍ ଲକ୍ମନ୍କେ କାବା କରାଇତେରଇଲା । ସେଟାର୍ପାଇ ଗୁଲାଇ ସମିରଣ୍ ଲକ୍ମନ୍ ତାକେ ମାନିକରି ରଇଲା ।

୧୨ ମାତର୍ ପିଲିପ୍ ଟାନେଅନି ପର୍ମେସରର୍ ରାଇଜ ଆରି ଜିସୁର୍ ବିସଇ ସୁନ୍ଲା । ସୁନିକରି ତେଇର୍ ଲକ୍ମନ୍ ମାପ୍ପୁକେ ବିସ୍ବାସ୍ କଲା । ଆରି ସେ ଜାଗାର୍ ବିସ୍ବାସ୍ କଲା ମନ୍ସ୍ ପିଲା ଆରି ମାଇଜିଟକିକେ ପିଲିପ୍ ତୁବନ୍ ଦେଲା ।

୧୩ ସିମନ୍ ନିଜେ ପିଲିପ୍ ଜାନାଇରଇବା ମାପ୍ପୁର୍ ବାକିଅ ସୁନି ବିସ୍ବାସ୍ କଲା । ଆରି ପିଲିପ୍ ତାକେ ତୁବନ୍ ଦେଲା । ସେ ପିଲିପ୍ ସଙ୍ଗ୍ ସବୁଜାଗାଇ ଜିବାର୍ ଦାର୍ଲା । ପିଲିପ୍ କରିରଇବା କାବା ଅଇଜିବା କାମ୍ମନ୍ ଆରି ଚିନ୍ମନ୍ ଦେକିକରି ସେ କାବା ଅଇଜାତେରଇଲା ।

୧୪ ସମରିଆର୍ ଲକ୍ମନ୍ ପର୍ମେସରର୍ ବାକିଅ ବିସ୍ବାସ୍ କଲା ଆତଡ଼ ବଲି ଜିରୁସାଲାମ୍ ରଇବା ପେରିଡ଼ ସିସ୍ମନ୍ ସୁନ୍ଲା । ପିତର୍ ଆରି ଜଅନ୍କେ ସେମନ୍ ଲଗେ ପାଟାଇଲା ।

୧୫ ସେମନ୍ ତେଇ କେଟ୍ଲା ପତେ ସମିରଣ୍ ବିସ୍ବାସିମନ୍ ସୁକଲ୍ ଆଡ଼ମା ପାଇବାକେ, ପାର୍ତନା କଲା ।

୧୬ କାଇକେ ବଇଲେ ସେଡ଼କିବେଲ୍ ଜାକ କାର୍ ଉପ୍ରେ ସୁକଲ୍ ଆଡ଼ମା ଉଡ଼ି ନ ରଇଲା । ସେମନ୍କେ ଜିସୁକିରିସ୍ଟର୍ ନାଉର୍ଦାରି ଅବ୍କାସେ ତୁବନ୍ ଦେଇରଇଲା ।

୧୭ ପିତର୍ ଆରି ଜଅନ୍ ସେମନ୍ ଉପ୍ରେ ଆଡ଼ ସଙ୍ଗାଇଲା ଦାପ୍ରେ ସେମନ୍ ସୁକଲ୍ ଆଡ଼ମା ପାଇଲା ।

* ୮:୩ ପେରିଡ଼ ୨୨:୪,୫;୨୨:୯-୧୧

୧୮ ପେରିଡ଼ ସିସ୍ତମନ୍ ବିସ୍ତାସିମନର୍ ଉପ୍ରେ ଆଡ଼ ସଙ୍ଗଲଲୀକେ ସୁକଲ୍‌ଆଡ଼ମା ପାଇଲୀଟା ଦେକି, ସିମନ୍, ପିତର୍ ଆରି ଜଅନ୍‌କେ ତାରୁ ଜାଡ଼ଲୀ ଆରି କଇଲୀ,

୧୯ “ମୁଇ ବିନ୍ ଲକର୍ ଉପ୍ରେ ଆଡ଼ ସଙ୍ଗଲଲେ, ସେମନ୍ ଜେନ୍ତି ସୁକଲ୍ ଆଡ଼ମା ପାଇପାର୍‌ବାଇ, ସେଟାର୍ ପାଇ ମକେ ସେ ବପୁ ଦିଆ ।”

୨୦ ମାତର୍ ପିତର୍ ତାକେ କଇଲୀ, “ତର୍ ତାରୁ ତର୍ ସଙ୍ଗ୍ ନସ୍ତ ଅ । ତର୍ ସଙ୍ଗ୍ ତର୍ ତାରୁ ମିସା ନରକେ ଜାଅ । କାଇକେବଇଲେ ପର୍‌ମେସର୍‌ର୍ ଦାନ୍ ତାରୁସଙ୍ଗ୍ ଗେନ୍‌ବି ବଲି ବାବ୍‌ଲୁସ୍‌ନି ।

୨୧ ଆମର୍ କାମ୍‌ଟାନ୍‌ନେ ତର୍ କାଇମିସା ବାଗ୍ ନାଇ, କାଇକେବଇଲେ ପର୍‌ମେସର୍ ଦେକ୍‌ବା ଇସାବେ ତର୍ ମନ୍ ନିକ ନାଇ ।

୨୨ ସେଟାର୍ ପାଇ ତମର୍ ଏ କରାପ୍ ବାବ୍‌ନାର୍ ପାଇ ମନ୍ ବାଦ୍‌ଲୀଆ । ଏନ୍ତାରି ବିସଇ ଚିନ୍ତାକଲାର୍ ପାଇ ମାପରୁ ଜେନ୍ତାରି କେମା ଦେଇସି, ତାର୍ ଲାଗି, ମାପରୁକେ ପାର୍‌ତନା କର୍ ।

୨୩ କାଇକେ ବଇଲେ ମୁଇ ଦେକ୍‌ଲିନି ଜେ ତର୍ ମନ୍ ଆଁକାରେ ବର୍ଡ଼ି ଅଇଆଟେ । ତୁଇ ପାପର୍ ବନ୍ଦନେ ବନ୍ଦିଅଇ ଆରୁସ୍ ।”

୨୪ ସିମନ୍ ସେମନ୍‌କେ କଇଲୀ, “ତମେ ଜାଇଟା ସବୁ କଇଲୀସ୍ ସେଟା ଜେନ୍ତି ମର୍ ଉପ୍ରେ ନ ଗଟ । ମୁଇ ତମ୍‌କେ ବାରୁଜିଆ କଲିନି ମର୍‌ପାଇ ମାପରୁକେ ପାର୍‌ତନା କରା ।”

୨୫ ନିଜର୍ ଜିବନେ ଅଇରଇବା ବିସଇର୍ ସାକି ଆରି ମାପରୁର୍ ସୁବ୍ କବର୍ କଇସାରାଇଲୀ ପଟେ ପିତର୍ ଆରି ଜଅନ୍ ଜିରୁସାଲୀମେ ବାଅଡ଼ଲାଇ । ବାଅଡ଼ବା ବାଟେ ସେମନ୍ ସମିରଣର୍ ବେସି ଗାଉଁମନ୍‌କେ ସୁବ୍‌କବର୍ ଜାନାଇଲାଇ ।

ପିଲିପ୍ ଆରି ଇତିଅପିଆର୍ କାମ୍‌କରୁ

୨୬ ପର୍‌ମେସର୍‌ର୍ ଗଟେକ୍ ଦୁଡ଼ ପିଲିପ୍‌କେ କଇଲୀ, “ତିଆର୍ ଅ, ଆରି ଦକିଣ୍ ଦିଗେ ଜିରୁସାଲୀମେଅନି ଗାଜା ବଲି ଗଟେକ୍ ଜାଗାଇ ଜିବାବାଟେ ଜା । ଆଜିକାଲି ଏବାଟେ ଆରି ଲକ୍‌ମନ୍ ଆସ୍ ଜା କରଡ଼ ନାଇ ।”

୨୭ ପିଲିପ୍ ତିଆର୍ ଅଇ ସେବାଟେ ଗାଲା । ଏଦେ ଦେକା ! ଇତିଅପିଆର୍ ଗଟେକ୍ ଲକ୍ ! ସେ ଗଟେକ୍ ବେଜୁ ରଇଲୀ । ସେ ଜିରୁସାଲୀମେ ପାର୍‌ତନା କର୍‌ବାକେ ଆସିରଇଲୀ ।

୨୮ ସେ ଗଟେକ୍ ମୁକିଅ ଆରି ଇତିଅପିଆ ରାନିର୍ ବାଣ୍ଟାର୍‌ଗରିଆ ରଇଲୀ । ସେ ପର୍‌ମେସର୍‌କେ ଉପାସନା କର୍‌ବାକେ ଜିରୁସାଲୀମେ ଜାଇରଇଲୀ । ତାର୍ ରତେ ବସି ଗରେ ବାଉଡ଼ି ଆଇଡେରଇଲୀ । ବସିକରି ଜିସାୟ ବବିସଡ଼ବକ୍‌ତାର୍ ବଇଟାନ୍‌ନେଅନି ଆଉଲି ଅଇ ପଡ଼ଡେରଇଲୀ ।

୨୯ ସୁକଲ୍‌ଆଡ଼ମା ପିଲିପ୍‌କେ କଇଲୀ, “ସେ ରତେ ଜା ଆରି ସେ ଲକର୍ ଲଗେ ର ।”

୩୦ ପିଲିପ୍ ପାଲାଇ ପାଲାଇ ଗାଲା ଆରି ସେ ଲକ୍ ଜିସାୟ ବବିସଡ଼ବକ୍‌ତାର୍ ବଇ ପଡ଼ବାଟା ସୁନ୍‌ଲା । ସେ ତାକେ ପାଚାର୍‌ଲା “ତୁଇ ଜାଇଟା ପଡ଼ଲୁସ୍‌ନି, ସେଟା ବୁଜିପାର୍‌ଲୁସ୍‌ନିକି ?”

୩୧ ସେ ବାଣ୍ଟାର୍ ଗରିଆ କଇଲୀ, “କେ ମିସା ଗଟେକ୍ ଲକ୍ ବୁଜାଇ ନ ଦେଲେ ମୁଇ କେନ୍ତି ବୁଜିପାର୍‌ବି ?” ତାର୍ ସଙ୍ଗ୍ ରତେ ବସ୍‌ବାକେ ସେ ପିଲିପ୍‌କେ ଡାକ୍‌ଲା । ପିଲିପ୍ ଜାଇ ବସ୍‌ଲା ।

୩୨ ଦରମ୍ ସାସ୍‌ତରର୍ ଏ ପଦ୍ ପଡ଼ଡେ ରଇଲୀ,
“ମରାଇବାକେ ନେବା ମେଣ୍ଟାପାରା, ଲକ୍‌ମନ୍ ତାକେ ଡାକିନେଲାଇ,
ଗଟେକ୍ ମେଣ୍ଟାର୍ ବାଲ୍ କାଟ୍‌ବା ବେଲେ ଜେନ୍ତି ସେ ଚିମ୍‌ରାଇଅଇରଇସି,
ସେନ୍ତାରି ସେ ପଦେକ୍ ମିସା କାତା କଏ ନାଇ ।

୩୩ ଲକ୍‌ମନ୍ ନିନ୍ଦା କଲାବେଲେ ତାକେ ନିଆଇ ମିଲେ ନାଇ
ତାର୍ କୁଟୁମର୍ ଲକର୍ ବିସଇ, କେ କଇ ନାପାରଡ଼,
କାଇକେବଇଲେ ମର୍‌ପୁରେ ତାର୍ ଜିବନ୍ ସାରିଗାଲା ଆଟେ ।”

୩୪ ବାଣ୍ଟାର୍‌ଗରିଆ ପିଲିପ୍‌କେ ପାଚାର୍‌ଲା, “ମୁଇ ତକେ ଗୁଆରି କଲିନି । ବବିସଡ଼ବକ୍‌ତା କାର୍ ବିସଇ କଇଲାନି, ମକେ କୁଆ । ତାର୍ ନିଜର୍ ବିସଇ କି ଆରି କାର୍ ବିସଇ ?”

୩୫ ପିଲିପ୍ ଦରମ୍ ସାସ୍‌ତରର୍ ଏ ପଦେଅନି ଆରାମ୍ କରି ଜିସୁର୍ ବିସଇର୍ ସୁବ୍ କବର୍ ତାକେ ଜାନାଇଲୀ ।

୩୬ ସେମନ୍ ଜାଉ ଜାଉ ଗଟେକ୍ ବନ୍ଦ୍ ଲଗେ କେଟ୍‌ଲାଇ । ସେ ବାଣ୍ଟାର୍‌ଗରିଆ କଇଲୀ,

୩୭ “ଇତି ପାନି ଆଟେ, କାଇ ଅସୁବିଦା ନ ରଇଲେ ମକେ ତୁବନ୍ ଦିଆ ।”

୩୮ ସେ ଲକ୍ ରଡ଼ ଡେବାଇବାକେ ତିଆର୍‌ଲା । ପିଲିପ୍ ଆରି ସେ, ପାନି ବିଡ଼ରେ ଗାଲାଇ ଆରି ପିଲିପ୍ ତାକେ ପାନିଡେଇ ତୁବନ୍ ଦେଲା ।

୩୯ ସେମନ୍ ପାନିଡେଇଅନି ବାରଇ ଆଇଲୀ ପଟେ, ମାପରୁର୍ ଆଡ଼ମା ପିଲିପ୍‌କେ ଆରିଗଟେକ୍ ଜାଗାଇ ମାୟା କରି ଦେଲା, ସେ ଲକ୍ ପିଲିପ୍‌କେ ଆରି କେବେ ଦେକି ନାପାର୍‌ଲା, ମାତର୍ ସାର୍‌ଦାଇ ପୁରୁନ୍ ଅଇ ତାର୍ ବାଟେ ଉଟିଗାଲା ।

୪୦ ଚନେକ୍ ଗାଲା ପଟେ ପିଲିପ୍ ଦେକ୍‌ଲାଜେ ସେ ଅସଦର୍ ବଲି ଗଟେକ୍ ଜାଗାଇ କେଟିଆଟେ । ଡେଇଅନି ସେ କାଇସେରିଆଇ ଗାଲା ଆରି ବାଟେ ରଇବା ସଅର୍‌ମନ୍‌କେ ସୁବ୍ କବର୍ ଜାନାଇଲୀ ।



ସାଉଲ୍ ମନ୍ ବାଦ୍‌ଲାଇଲା

୧ ସେ ସବୁ ଗର୍ବ ବେଳେ, ସାଉଲ୍ ମାପ୍‌ରୁର୍ ସିସ୍‌ମନ୍‌କେ ମରାଇଦେବି ବଲି ଦମ୍‌କାଇତେ ରଇଲା । ସେ ବଡ଼ ପୁଜାରିର୍ ଲଗେ ଗାଲା ।

୨ ଜାଇକରି ଦାମାସ୍କାସେ ଜିଉଦିମନର୍ ପାର୍‌ତନା ଗରେ ଦେବାକେ ଅଦିକାରର୍ ଚିଟି ମାଙ୍ଗ୍‌ଲା । ଦାମାସ୍କାସେ ଜନ୍ ମାଇଜି ଆରି ମୁନୁସ୍‌ମନ୍ ମାପ୍‌ରୁର୍ ବାଟେ ଆଇଲାଇ ଆଚଡ଼, ସେମନ୍‌କେ ବନ୍ଦିକରି ଡଣ୍ଡ ଦେବାକେ, ଜିରୁସାଲମର୍ ଜିଉଦି ନେତାମନର୍‌ଟାନେ ଆନିଅଇସି । ବାନ୍ଦିକରି ଜିରୁସାଲମେ ଆନ୍‌ବାକେ ସାଉଲ୍‌କେ ଏ ଚିଟି ଅଦିକାର୍ ଦେଲା ।

୩ ସାଉଲ୍ ଦାମାସ୍କସ୍ ନଅର୍ ଲଗାଲଗି ଅଇବା ବେଳେ, ଅଟାଡ଼ ବାଦ୍‌ଲେଅନି ଗଟେକ୍ ଉଜଲ୍ ସାଉଲ୍‌ର ଚାରିବେଡ଼ି ଜଗଜଗି ଗାଲା ।

୪ ତେଇ ସେ ତଲେ ଅଦ୍‌ରି ଗାଲା ଆରି ଗଟେକ୍ କଇବା କାତା ସୁନ୍‌ଲା “ଏ ସାଉଲ୍ ତୁଇ ମକେ କାଇକେ ସାଦ୍‌ଲୁସ୍‌ନି ?”

୫ ସେ କଇଲା, “ତମେ କେ ମାପ୍‌ରୁ ?”

“ତୁଇ ଜାକେ ସାଦ୍‌ଲୁସ୍‌ନି, ସେ ଜିସୁ ମୁଇ ।

୬ ଏବେ ଉଟ୍, ନଅରେ ଜା, କାଇଟା କର୍‌ବାକେ ଅଇସି, ତେଇ ତକେ ଜାନାଇବି ।”

୭ ସାଉଲ୍‌ର ସଙ୍ଗ୍ ଜିବା ଲକ୍‌ମନ୍ କାବାଅଇଜାଇ ତେବିଦେଲାଇ, ତାକର୍ ଟଣ୍ଡେଅନି ପଦେକ୍ କାତା ବାରଏ ନାଇ । କଇବା ସବଦ୍ ସେମନ୍ ସୁନ୍‌ଲାଇ, ମାତର୍ କାକେ ଦେକି ନାପାର୍‌ଲାଇ ।

୮ ସାଉଲ୍ ଉଟି ଆଁକି ଦେକ୍‌ଲା ମାତର୍ ତାକେ କାଇଟା ଡିସେ ନାଇ । ତେବେ ତାର୍ ସଙ୍ଗର୍ ଲକ୍‌ମନ୍ ଆତେ ଦାରି ଦାମାସ୍କସ୍ ଡାକିନେଲାଇ ।

୯ ତିନ୍‌ଦିନ୍ ଜାକ ସେ କାଇଟା ଦେକି ନାପାର୍‌ଲା ଆରି ତିନ୍‌ଦିନ୍ ଜାକ କାଏ ନାଇ କି ପିଏ ନାଇ ।

୧୦ ଦାମାସ୍କସେ ଅନନିୟ୍ ନାଉର୍ ଗଟେକ୍ ବିସ୍‌ବାସି ଲକ୍ ରଇଲା, ସେ ମାପ୍‌ରୁର୍ ଦର୍‌ସନ୍ ପାଇଲା, ମାପ୍‌ରୁ ତାକେ କଇଲା, “ଅନନିୟ୍ !”

ସେ କଇଲା, “ମୁଇ ଇତି ଆଟି ମାପ୍‌ରୁ, କୁଆ ।”

୧୧ ମାପ୍‌ରୁ କଇଲା, “ତିଆର୍ ଅ । ସଲକ୍ ନାଉର୍ ବାଟ୍‌ଦାରି ଜିଉଦାର୍ ଗରେ ଜା । ତେଇ ତାର୍‌ସସେଅନି ଆସି ରଇବା ସାଉଲ୍ ନାଉର୍ ଗଟେକ୍ ଲକ୍‌କେ କଜ୍ । ସେ ପାର୍‌ତନା କଲାନ୍ତି ।

୧୨ ସେ ଦର୍‌ସନ୍ ଦେକ୍‌ଲାବେଲେ ଅନନିୟ୍ ବଲି ଗଟେକ୍ ଲକ୍ ତାର୍ ଗରେ ପୁର୍‌ବାଟା ସେ ଦେକିଆଟେ, ତୁଇ ଜା ଆରି ସେ ଜେକ୍ରିକି ଆରିତରେକ୍ ଦେକିପାର୍‌ସି ତାର୍ ଉପରେ ଆଡ଼ ସଙ୍ଗ୍ ।”

୧୩ ମାତର୍ ଅନନିୟ୍ କଇଲା, “ମାପ୍‌ରୁ ଏ ଲକ୍ ଜିରୁସାଲମେ ତମର୍ ଲକ୍‌ମନ୍‌କେ ଜେଡ଼କି ପାପ୍ କାମ୍ କଲା ଆଟେ, ସେ ବିସଇ କେତେ କେତେ ଲକ୍ ମକେ ଜାନାଇ ଆଚଡ଼ ।

୧୪ ଆରି ସେ ଲକ୍ ମୁକିଅ ପୁଜାରିମନର୍ ଟାନେଅନି ଅଦିକାର୍ କାଗଜ୍ ନେଇକରି ଦାମାସ୍କାସେ, ତମ୍‌କେ ପାର୍‌ତନା କର୍‌ବା ଲକ୍‌ମନ୍‌କେ ଦାରି ନେବାକେ ଆସିଆଟେ ।”

୧୫ ମାପ୍‌ରୁ ତାକେ କଇଲା, “ଜାଆ ଜିଉଦି ନ ଅଇଲା ଲକ୍‌ମନ୍, ତାକର୍ ରାଜାମନ୍ ଆରି ଇସ୍ରାଏଲର୍ ଲକ୍‌ମନ୍‌କେ, ମର୍ ନାଉଁ ଜାନାଇବାକେ ଆରି ମର୍ ସେବା କର୍‌ବାକେ ମୁଇ ତାକେ ବାଟ୍‌ଲି ଆଟି ।

୧୬ ସେ ମର୍ ପାଇ ଜେଡ଼କି ସବୁ କସ୍‌ଟ ମୁରବ୍‌ବାର୍ ଆଟେ, ମୁଇ ନିଜେ ତାକେ ଜାନାଇବି ।”

୧୭ ଅନନିୟ୍ ଗାଲା ଆରି ସାଉଲ୍ ରଇବା ଗରେ କେଟ୍‌ଲା । ସାଉଲ୍‌କେ ବେଟ୍‌ଅଇ ତାର୍ ଉପରେ ଆଡ଼ ସଙ୍ଗଇ ତାକେ କଇଲା, “ଏ ବାଇ ସାଉଲ୍, ଇତି ତର୍‌ଟାନେ ଆଇବାକେ ମାପ୍‌ରୁ ଜିସୁ ମକେ ପାଟାଇଆଟେ । ତୁଇ ଇତି ଆଇବା ବାଟେ ସେସେ ତକେ ଦେକାଇଅଇଲା । ତୁଇ ଜେକ୍ରିକି ଆରି ତରେକ୍ ଦେକି ପାରୁସ୍ ଆରି ସୁକଲ୍ ଆଡ଼ମାଇ ପୁରାପୁରୁନ୍ ଅଇପାରୁସ୍ । ସେଟାପାଇ ପର୍‌ମେସର୍ ମକେ ପାଟାଇଆଟେ ।”

୧୮ ଅନନିୟ୍ ଏ କାତା କଇଲା ଦାପ୍‌ରେ ଏଦେ ଦେକା ! ସାଉଲ୍‌ର ଆଁକିଅନି ମାଟ୍ କସ୍‌ଲି ପାରାଟା କୁସ୍‌ଲି ଅଦର୍‌ଲା । ସେ ଆରି ତରେକ୍ ଦେକି ପାର୍‌ଲା । ସେ ଉଟ୍‌ଲା ଆରି ଅନନିୟ୍ ତାକେ ହୁବନ୍ କଲା ।

୧୯ ଆରି କାଆପିଆ ଅଇ ବପୁ ଅଇଲା । ସାଉଲ୍ ଜିସୁକେ ବିସ୍‌ବାସ୍ କର୍‌ବା ଲକ୍‌ମନର୍ ସଙ୍ଗ୍ ଦାମାସ୍କସେ କେତେ ଦିନ୍ ରଇଲା ।

ଦାମାସ୍କସେ ସାଉଲ୍‌ର ମାପ୍‌ରୁର୍ କାତା ଜାନାଇବାଟା

୨୦ ସେ ସିଦା ପାର୍‌ତନା କର୍‌ବା ଗର୍‌ମନ୍‌କେ ଜାଇ ଜିସୁସେ ପର୍‌ମେସରର୍ ପଅ ବଲି ଜାନାଇବାର୍ ଦାର୍‌ଲା ।

୨୧ ଜନ୍ ଲକ୍‌ମନ୍ ତାର୍ କାତା ସୁନ୍‌ଲାଇ, କାବାଅଇଜାଇକରି ପାଟାରିଲାଇ, “ଜିରୁସାଲମେ ଜିସୁକେ ବିସ୍‌ବାସ୍ କରି ପାର୍‌ତନା କର୍‌ବା ଲକ୍‌ମନ୍‌କେ ଜନ୍‌ଲକ୍ ମରାଇତେ ରଇଲା, ଏ କାଇ ସେ ଲକ୍ ନଏଁ କି ? ସେମନ୍‌କେ ମୁକିଅ ପୁଜାରିମନର୍ ଲଗେ ଦାରିନେବାକେ ସେ କାଇ ଇତି ଆସି ନ ରଇଲା କି ?”

୨୨ ମାତର ସାଉଲ୍ ଦରମ୍ ସାସ୍ତରେ ଅନି, ଜିସୁ ଆକା ମସିଅ ବଲି ସତ୍ ଦେକାଇଲା । ଏ ବିସଇଟାନେ ତାର କଇବା କାତା ଏତେ ବପୁ ରଇଲା ଜେ, ଦାମାସ୍କସେ ବାସାଅଇ ରଇବା ଜିଉଦିମନ୍ ତାର କଇବା କାତାର ଗଟେକ୍ ମିସା ଉତର ଦେଇନାପାରୁଲା ।

୨୩ *କେତେଦିନ୍ ଗାଲା ପଟେ ଜିଉଦିମନ୍ ଗଟେକ୍ ଅଇକରି ସାଉଲ୍‌କେ ମରାଇବାକେ ପାର୍‌ନା କଲା ।

୨୪ ମାତର ସାଉଲ୍ ସେମନ୍‌ର କୁଟ୍ କାତା ଜାନଲା । ସାଉଲ୍‌କେ ମରାଇବାକେ ସେମନ୍ ଦିନ୍ ରାତି ନଅରର୍ ସବୁ ଦୁଆର୍‌ମନ୍‌କେ ଜାଗୁଲା ।

୨୫ ମାତର ଦିନେକ୍, ରାତିବେଲେ ସାଉଲ୍‌ର ସିସ୍‌ମନ୍ ତାକେ ଡାଲାଇ ସାଜାତି ନଅରର୍ ଚାରିବେଟ୍‌ତି ରଇବା ପାଟୁରିର୍ କାଣା ବାଟେ ତଲେ ଉଡ଼ରାଇଦେଲା ।

ଜିରୁସାଲାମେ ସାଉଲ୍

୨୬ ସାଉଲ୍ ଜିରୁସାଲାମେ ଜାଇ ସିସ୍‌ମନ୍‌ର ସଙ୍ଗ୍ ମିସବାକେ ଚେସ୍‌ଟା କଲା । ମାତର ସେମନ୍ ସାଉଲ୍‌କେ ଗଟେକ୍ ସିସ୍ ବଲି ମୁଲ୍‌କେ ବିସ୍‌ବାସ୍ କରତ୍ ନାଇ । ସବୁ ଲକ୍ ତାକେ ତରତେ ରଇଲା ।

୨୭ ମାତର ପଟେ, ବରନବା ତାକେ ପେରିଡ଼ ସିସ୍‌ମନ୍‌ର ଲଗେ ନେଲା । ଦାମାସ୍କସର୍ ବାଟେ କେନ୍ତ୍ର ସାଉଲ୍ ମାପୁରୁର୍ ଦରସନ୍ ପାଇରଇଲା, ଆରି ମାପୁରୁ ତାକେ କାତା କଇରଇଲା, ଏ ସବୁ ବିସଇ ସେମନ୍‌କେ ବୁଜାଇକରି କଇଲା । ଦାମାସ୍କସେ ସାଉଲ୍ ନ ତରତେ କେନ୍ତ୍ରାରି ଜିସୁର୍ ନାଉଁ ଦାରି ତାର ବାକିଅ ଜାନାଇରଇଲା, ସେମନ୍‌କେ ଟିକି ନିକି ବୁଜାଇ କରି କଇଲା ।

୨୮ ଆରି ସାଉଲ୍, ପେରିଡ଼ ସିସ୍‌ମନ୍‌ର ସଙ୍ଗ୍ ରଇଲା ଆରି ଜିରୁସାଲ୍‌ମର୍ ଗୁଲାଇବାଟେ ଜାଇ, ନ ତରତେ ମାପୁରୁର୍ ବାକିଅ ଜାନାଇଲା ।

୨୯ ସାଉଲ୍ ଏ ସବୁ ବିସଇ ଗିରିକ୍ ବାସା କଇବା ଜିଉଦିମନ୍‌ର ସଙ୍ଗ୍ ଦଦାପେଲା ଅଇଲା । ମାତର ସେମନ୍ ସାଉଲ୍‌କେ ମରାଇବାକେ ଚେସ୍‌ଟା କଲା ।

୩୦ ବିସବାସି ବାଇମନ୍ ଏ କାତା ଜାନିକରି ସାଉଲ୍‌କେ କାଇସରିଆ ନାଉଁର୍ ଗଟେକ୍ ଜାଗାଇ ଦାରିଗାଲା । ଆରି ତେଇଅନି ତାକେ ତାରସିସ୍ ବଲି ବିନ୍ ଗଟେକ୍ ଜାଗାଇ ପାଟାଇ ଦେଲା ।

୩୧ ଜିଉଦା, ଗାଲିଲି ଆରି ସମିରଣେ ରଇବା ମଣ୍ଡଲିମନ୍‌ର ପାଇ ସେବେଲା ଗଟେକ୍ ସାନ୍ତିର୍ ବେଲା ରଇଲା । ସୁକଲ୍ ଆଡ଼ମା ସେମନ୍‌ର ସଙ୍ଗ୍ ରଇଲା ଜେ ଲକ୍‌ମନ୍ ଦିନକେଦିନ୍ ଅଦିକ୍ ଅଦିକ୍ ଅଇ ତାଟ୍ ଅଇଲା । ଜିସୁକେ ବିସ୍‌ବାସ୍‌କର୍‌ବା ଲକ୍‌ମନ୍, ମାପୁରୁକେ ଡରିକରି ଆରି ମାନିକରି ଜିଇତେ ରଇଲା ।

ଲୁଦା ଆରି ଜପ୍‌ପା ଜାଗାଇ ପିତର୍

୩୨ ପିତର୍ ବିନ୍ ବିନ୍ ଜାଗାଇ ବୁଲି ବୁଲି ତରେକ୍ ଲୁଦାଇ ବାସାଅଇରଇବା, ମାପୁରୁର୍ ଲକ୍‌ମନ୍‌ର ସଙ୍ଗ୍ ମିସବାକେ ଗାଲା ।

୩୩ ତେଇ ଏନିୟ୍ ନାଉଁର୍ ଗଟେକ୍ ଲକ୍‌କେ ସେ ବେଟ୍ ଅଇଲା, ଏନିୟ୍‌କେ ଚେରେଙ୍ଗ୍ ବାଡ଼ ଦାରି ଆଟ୍ ବରସ୍ ଅଇଜାଇରଇଲା । ସଇଲାଟାନେଅନି ଉଟି ନାପାରତେ ରଇଲା ।

୩୪ ପିତର୍ ତାକେ କଇଲା, “ଏନିୟ୍ ଜିସୁ ମାପୁରୁ ତକେ ନିକ କରିଆଟେ । ଉଟ୍ ଆରି ତର୍ ଅଟ୍‌ନା ସାଜାଡ଼ ।”

୩୫ କଇଲା ଦାପୁରେ ଏନିୟ୍ ଉଟି ଚିଆଅଇଲା । ଏଟା ଦେକି କରି ଲୁଦା ଆରି ସାରନେ ବାସା ଅଇରଇବା ସବୁ ଲକ୍‌ମନ୍ ମାପୁରୁର୍ ବାଟେ ଆଇବାକେ ମନ୍ କଲା ।

୩୬ ଜପାଇ, ଟାବିତା ନାଉଁର୍ ଗଟେକ୍ ବିସ୍‌ବାସି ମାଇଜି ବାସା ଅଇରଇଲା । ତାର ଗିରିକ୍ ନାଉଁ, ଦାରକାସ୍ । ତାର ଅରଡ଼ କଟ୍‌ରା । ସେ ସବୁବେଲା ସତ୍ କାମ୍ କରି, ରଗି ଦୁକ୍‌ମନ୍‌ର ସେବା କରତେ ରଇଲା । ସେବେଲେ ସେ ରଗ୍‌ବେମାର୍ ଅଇ ମାରିଗାଲା ।

୩୭ ତାର ଲକ୍‌ବାକ୍‌ମନ୍ ଟାବିତାର୍ ମଲାମଡ଼ ପାନିଦୁଆଇଲା ଆରି ଲୁଗା ସଙ୍ଗ୍ ଗୁଡ଼ିଆଇ ଉପର୍ ତାଲାର୍ ବାକ୍‌ରାଇ ସୁଆଇଦେଲା ।

୩୮ ଜପା ଜାଗା ଲୁଦାଇଅନି ଦୁରିକେ ନ ରଇଲା । ପିତର୍ ଲୁଦାଇ ଆଟେ ବଲି ସୁନିକରି ଜପାଇ ରଇବା ବିସ୍‌ବାସିମନ୍ ଦୁଇ ଲକ୍‌କେ ପିତରର୍ ଲଗେ କଇ ପାଟାଇଲା । “ଅଲସମ୍ ନ କରି, ଦାପେ ଆମର୍ ଲଗେ ଚନେକ୍ ଆସା ।”

୩୯ ପିତର୍ ତିଆର୍ ଅଇକରି ସେମନ୍‌ର ସଙ୍ଗ୍ ଗାଲା । ତେଇ ସେ କେଟ୍‌ଲା ଦାପୁରେ ଲକ୍‌ମନ୍ ତାକେ ଉପର୍ ତାଲାର୍ ବାକ୍‌ରାଇ ତାକି ନେଲା । ରାଣ୍ଡି ମାଇଜିମନ୍ ଚାରିବେଟ୍‌ତି ଅଇକରି କାନ୍ଦି କାନ୍ଦି ଦାରକାସ୍ ଜିବନ୍ ରଇଲାବେଲେ ସିଲାଇ ରଇବା ବସତର୍ ଆରି ଲୁଗାମନ୍ ସବୁ ପିତର୍‌କେ ଦେକାଇଲା ।

୪୦ ପିତର୍ ବାକ୍‌ରାଇଅନି ସବୁକେ ବାର୍‌କରାଇ ଦେଲା ଆରି ମାଣ୍ଡିକୁଟା ଦେଇ ପାର୍‌ତନା କଲା । ତାରପଟେ ଦରକାସର୍ ମଲା ଗାଗଡ଼ବାଟେ ଦେକିକରି କଇଲା, “ଟାବିତା ଉଟ୍ !” ଏଦେ ଦେକା ! ଦରକାସ୍ ଆକି ଦେକ୍‌ଲା ଆରି ପିତର୍‌କେ ଦେକି ଉଟିକରି ବସ୍‌ଲା ।

୪୧ ପିତର୍ ଆଡ଼ ଲାମାଇ ତାକେ ଉଟାଇଲା । ତାର ପଟେ ତେଇ ରୁଣ୍ଡି ରଇଲା ସବୁ ବିସ୍‌ବାସି ଆରି ରାଣ୍ଡି ମାଇଜିମନ୍‌କେ ତାକି ଦରକାସ୍‌କେ ସର୍ପିଦେଲା ।

* ୯:୨୩ ୨ୟ କରନ୍ତ୍ରୟ ୧୧:୩୨,୩୩

୪୨ ଏ କବର ଜପାର ଗୁଲାଇ ବାଟର ଲକ୍ଷ୍ମୀ ସୁନ୍ଦରୀ ଆରି କେତେ କେତେ ଲକ୍ଷ୍ମୀ ମାପରୁକେ ବିସ୍ତାସ କଲା ।
 ୪୩ ପିତର ବେସି ଦିନ ଜପାଇ ସିମନ୍ ନାଉଁର ଗଟେକ୍ ଲକ୍ଷ୍ମୀ, ଜେକି ପସୁମନର୍ ଚାମ୍ ସଙ୍ଗ୍ କାଇକାଇ ଜିନିସମନ୍ ତିଆର କରି ବର୍ତ୍ତେ ରଇଲା, ତାର ଗରେ ରଇଲା ।

୧୦

ପିତର ଆରି କର୍ନିଲିଅ

୧ କାଇସରିଆ ଅନି କର୍ନିଲିଅ ନାଉଁର ଗଟେକ୍ ଲକ୍ଷ୍ମୀ ରଇଲା । ସେ, ଇଟାଲି ଅନି ଆଇବା ଗଟେକ୍ ବଡ଼ ଦଲର ରମିୟ ସନିଅମନର୍, ନେତା ରଇଲା ।

୨ ସେ ଗଟେକ୍ ଦରମ୍ ଲକ୍ଷ୍ମୀ ରଇଲା । ସେ ଆରି ତାକର୍ ଗରର୍ ଲକ୍ଷ୍ମୀ ସବୁ ପର୍ମେସରକେ ଉପାସନା କର୍ତ୍ତେ ରଇଲା । ସେ ରକିଦୁକି ଜିଉଦିମନକେ ବେସି ଉପକାର କର୍ତ୍ତେ ରଇଲା । ଆରି ଜେତେବେଲ୍ ମିସା ପର୍ମେସରକେ ପାର୍ତନା କର୍ତ୍ତେ ରଇଲା ।

୩ ଦିନେକ୍ ଆଡ଼ବେଲାର୍ ତିନିଟା ବେଲେ କର୍ନିଲିଅ ପାର୍ତନା କଲାବେଲେ, ଗଟେକ୍ ଦର୍ସନ୍ ପାଇଲା । ତେଇ ପର୍ମେସରର୍ ଦୁଡ଼ ଆସି ତାକେ “କର୍ନିଲିଅ !” ବଲି ଡାକ୍‌ବାଟା ନିକ ସଙ୍ଗ୍ ଦେକ୍ଲା ।

୪ ସେ ଡରିକରି ସରଗର୍ ଦୁଡ଼ବାଟେ ଦେକିକରି କଇଲା, “କାଇଟା ବଲି କଇଲୁସ୍‌ନି ମାପରୁ ?”

ସରଗର୍ ଦୁଡ଼ କଇଲା, “ପର୍ମେସର ତର୍ ପାର୍ତନା ଆରି ଦୁକିରକିମନକେ ଦାନ କର୍‌ବାଟା ଦେକି ସାର୍‌ଦା ଅଇଲା । ଆର୍ ବାଦୁଲେ କାଇଟାଆଲେ ଦେବାକେ ସେ ମନ୍ କଲାନି ।

୫ ଏବେ ସିମନ୍ ପିତର ନାଉଁର ଗଟେକ୍ ଲକ୍ଷ୍ମୀକେ ଇତି ଡାକି ଆନ୍‌ବାକେ, ଜପାଇ ଲକ୍ଷ୍ମୀ ପାଟାଆ ।

୬ ସେ ସମଦୁର୍ କଣ୍ଡି ବାସାଅଇରଇବା ସିମନ୍ ନାଉଁର ଗଟେକ୍, ପସୁମନର୍ ଚାମ୍ ସଙ୍ଗ୍ କାଇକାଇଟା ତିଆର୍ କର୍‌ବା ଲକ୍ଷ୍ମୀ ଗରେ ରଇଲା ।”

୭ ଏଡ଼କି କାତା କଇ ସରଗର୍ ଦୁଡ଼ ଉଟିଗଲା । କର୍ନିଲିଅ ତାକର୍ ଗରର୍ ଦୁଇଟା ଗତିଦାଙ୍ଗ୍‌ଡାକେ ଆରି ତାକେ ସେବା କର୍ତ୍ତେରଇବା ଆରି ପର୍ମେସରକେ ଉପାସନା କର୍ତ୍ତେରଇବା ଗଟେକ୍ ସଇନକେ ଡାକାଇଲା ।

୮ ସେ ସେମନ୍‌କେ ଦୁଡ଼ କଇରଇବା ସବୁ କାତା ଜାନାଇ କରି ଜପାଇ ପାଟାଇଲା ।

୯ ତାର୍ ଆରକର୍ ଦିନେ ଆଡ଼ବେଲାଇ ସେମନ୍ ଜପାର ଲଗାଲଗି ଅଇଲାବେଲେ, ପିତର ପାର୍ତନା କର୍‌ବାକେ ମେଡ଼ଗରର୍ ଚାଉନି ଉପରେ ଜାଇ ରଇଲା ।

୧୦ ସେ ଉପାସ୍‌ ସାରାଇକରି, କାଇଟାଆଲେ କାଇବାକେ ମନ୍ କଲା ଆରି କାଦି ତିଆର୍ ଅଇବା ବେଲାଇ ସେ ଗଟେକ୍ ଦର୍ସନ୍ ଦେକ୍ଲା ।

୧୧ ଏଦେ ଦେକା ! ଆକାସ୍‌ ଉଗାଡିଅଇଲାଟା ଆରି ଗଟେକ୍ ବଡ଼ ଚାଦର୍ ଚାରିକନେ ବାନ୍ଧିଅଇକରି ଦର୍ତ୍ତନି ଉପରେ ଉଡ଼ରି ଆଇବାଟା ଦେକ୍ଲା ।

୧୨ ତେଇ ଜଗତେ ରଇବା ରକାମ୍ ରକାମର୍ ଗଡ଼ ସଙ୍ଗ୍ ଇଣ୍ଡିବା ପସୁ, ରାଙ୍ଗ୍‌ବା ଜନ୍ତୁ ଆରି ଉଡ଼ବା ଚତଇମନ୍ !

୧୩ ଆରି ସେ ଗଟେକ୍ କାତା ଅଇବା ସବଦ୍ ସୁନ୍‌ଲା, “ପିତର ! ଉର୍ ସେମନ୍‌କେ ମାରିକରି କାଆ !”

୧୪ ମାତର୍ ପିତର କଇଲା, “ନାଇ ମାପରୁ, ଆମର୍ ଜିଉଦି ନିୟମ୍ ଇସାବେ ଅସୁକଲ୍ ବଲି କଇବା କାଇ ମାଉଁସ୍‌ ମିସା କାଇନାଇ ।”

୧୫ ସେ ସବଦ୍ ଆରି କଇଲା “ପର୍ମେସର ଜନ୍‌ଟା ସୁକଲ୍ କଲାଆଟେ ସେଟା ନିର୍‌ବାର୍ ନାଇ ।”

୧୬ ଏନ୍ତାରି ତିନିତର୍ ଅଇଲା ପଟେ ଚାଦର୍ ସରଗ୍ ବାଟେ ଚଗାଇ ଦାରି ଗାଲା ।

୧୭ ପିତର ଜନ୍ ଦର୍ସନ୍ ପାଇରଇଲା, ତାର୍ ଅରଡ଼ କାଇଟା, ସେଟା ବାବି କାନାବାନା ଅଇଗଲା । ଟିକ୍ ସେକ୍ତି ଅଇଲାବେଲେ, ଏଦେ ଦେକା ! କର୍ନିଲିଅ ପାଟାଇଲା ଲକ୍ଷ୍ମୀ ସିମନ୍‌କେ କଜି କଜି ଆସି, ତାର୍ ଗରର୍ ବାଟ୍‌ତିଆଗତି ଲଗେ ଟିଆଅଇଲା ।

୧୮ ସେମନ୍ ଡାକିକରି ପାଟାଲାଇ, “ସିମନ୍ ପିତର, ନାଉଁର ଗତିଆ ଲକ୍ଷ୍ମୀ ଇତି ଆଟେ କି ?”

୧୯ ପିତର ସେ ଦର୍ସନ୍ ବିସଇ ଚିନ୍ତା କର୍ତ୍ତେ ରଇଲାବେଲେ ଆଡ଼ମା ତାକେ କଇଲା, “ସୁନ୍ ! ତକେ ତିନ୍ ଲକ୍ଷ୍ମୀ କଜ୍‌ଲାଇନି ।”

୨୦ “ଉଟ୍, ତଲେ ଜାଆ । ଏ ଲକ୍ଷ୍ମୀମନ୍ ସଙ୍ଗ୍ ଜିବାକେ ନିର୍‌ନାଇ, କାଇକେବଇଲେ ମୁଇ ସେମନ୍‌କେ ପାଟାଇଆଟି ।”

୨୧ ତେଇଅନି ପିତର ସେ ଲକ୍ଷ୍ମୀମନ୍ ଲଗେଜାଇ କଇଲା, “ତମେ ଜାକେ କଜ୍‌ଲାସ୍‌ନି, ସେ ଲକ୍ଷ୍ମୀ ମୁଇ, ତମେ କାଇକେ ଆସି ଆଗାସ୍ ?”

୨୨ ସେମନ୍ କଇଲା, “କର୍ନିଲିଅ ନାଉଁର ରମିୟ ସଇନମନର୍ ନେତା ଆମ୍‌କେ ପାଟାଇଆଟେ । ଜେ କି ଗଟେକ୍ ଦରମ୍ ଲକ୍ଷ୍ମୀ ଆରି ପର୍ମେସରକେ ନାମ୍‌ସି । ଗୁଲାଇ ଜିଉଦି ଲକ୍ଷ୍ମୀ ତାକେ ନାମ୍‌ବାଇ । ତୁଇ କଇବାଟା ସୁନ୍‌ବାକେ, ସେ ତକେ ତାର୍ ଗରେ ଡାକାଇଆଟେ । ଏନ୍ତାରି କର୍‌ବାକେ ପର୍ମେସର ପାଟାଇଲା ଦୁଡ଼ ତାକେ ତିଆର୍‌ଲା ଆଟେ ।”

୨୩ ପିତର ସେମନ୍‌କେ ବିଡ଼ରେ ଡାକିନେଇକରି ସେ ରାତି ତେଇ ରଇବାକେ ଗୁଆରି କଲା ।

ତାର ଆରକର ଦିନେ ସେ ଉଚି ସେମାନର ସଙ୍ଗ ଗାଲା । ଆରି ଜପା ନାଉଁର ଜାଗାର କେତେଟା ବିସ୍ବାସି ବାଇମନ ମିସା ସେମାନର ସଙ୍ଗ ଗାଲା ।

୨୪ ଆରି ଗଟେକ ଦିନେ ସେମନ୍ ସିସେରିଆଇ କେଟଲା । ତେଇ କରନିଲିଅ ତାର ମଇତରମନକେ ଆରି କୁଟୁମର ଲକ୍ମନକେ ରୁଣ୍ଡାଇକରି ପିତରକେ ଜାଗିରଇଲା ।

୨୫ ପିତର ଗର ବିତରେ ଜିବାବେଲେ କରନିଲିଅ ତାକେ ବେଟଅଇ, ତାର ପାଦେ ଡାଣ୍ଡାସନ୍ ପଡ଼ି ଜୁଆର କଲା ।

୨୬ ପିତର ତାକେ ଉଟାଇକରି କଇଲା, “ଟିଆ ଅ, ମୁଇ ମିସା ତରପାରା ଗଟେକ ମୁନୁସସେ ।”

୨୭ ପିତର କରନିଲିଅର ସଙ୍ଗ କାତା ଅଇ ଅଇ ଗର ବିତରେ କେଟଲା ଆରି ତେଇ ବେସିଲକ୍ ରୁଣ୍ଡିରଇବାଟା ଦେକଲା ।

୨୮ ସେ ସେମନକେ କଇଲା, “ଜିଉଦି ନ ଅଇଲା ଲକ୍ମନର ସଙ୍ଗ ମିସାଟା କି ତାକର ଗରେ ଜିବାଟା ଆମର ଜିଉଦି ଲକ୍ମନର ବିଦି ନାଇ । ସେଟା ତମେ ନିକକରି ଜାନାସ୍ । ଏଲେମିସା କନ୍ଥାଲେ ଗଟେକ ଲକ୍ମକେ ଅସୁକଲ୍ ଇସାବେ ଦେକବାର ନାଇ ବଲି ପରମେସର ମକେ କଇଲାଆଟେ ।

୨୯ ତେବେ ମକେ ଡାକାଇଲା ଦାପ୍ରେ କାଇଟା ନ ବାବିକରି ଆଇଲି । ମକେ କାଇକେ ଡାକାଇଲୁସ୍ ତେବେ ? ସେଟା ମୁଇ ଜାନବାକେ ମନ୍ କଲିନି ।”

୩୦ କରନିଲିଅ କଇଲା, ତିନ୍ଦିନ୍ ଆଗତୁ ଆଡ଼ବେଲାର୍ ତିନ୍ତା ସମାନ୍ ଏଡ଼କି ବେଲାଇ, ମୁଇ ଗରେ ପାରତନା କରତେ ରଇଲି । ସେଡ଼କି ବେଲେ, ଏଦେ ଦେକା ! ଦବ୍ ପଟିଆ ପିନ୍ଦି ରଇବା ଗଟେକ ଲକ୍ ମର ମୁଆଟେ ଟିଆଅଇଲା, ଆରି କଇଲା,

୩୧ “କରନିଲିଅ ! ପରମେସର ତର ପାରତନା ସୁନ୍ଲା ଆରି ତମେ ଦୁକିରକିକେ ସାଇଜ କରବାଟା ଦେକି ସାରଦା ଅଇଆଟେ ।

୩୨ ସିମନ୍ ପିତର ନାଉଁର ଗଟେକ ଲକ୍ମକେ ଆନ୍ବାକେ ଜପା ନାଉଁର ଜାଗାଇ, ଲକ୍ମନକେ ପାଟାଆ । ସେ ସମ୍ବୁରୁ କଣ୍ଡି ବାସାଅଇରଇବା ପସୁମନର ଚାମ୍ ସଙ୍ଗ କାଇକାଇଟା ଡିଆରକରୁ ସିମନର ଗରେ ଗତିଆ ଅଇଆଟେ ।

୩୩ ତେବର ପାଇ, ମୁଇ ତକେ ଦାପ୍ରେ ଡାକାଇଲି, ଆରି ତମେ ମର କାତା ମାନିକରି ଆସି ଆଟାସ୍ । ଏବେ ଆମେ ସବୁ ଲକ୍ ପରମେସର ରଇବା ଏ ଜାଗାଇ ରୁଣ୍ଡିଆତୁ । ମାପରୁ ତକେ ଜନ୍ତା କଇବାକେ ଆଦେସ୍ ଦେଲା ଆଟେ, ସେଟା ସୁନ୍ବାକେ ଜାଗିଆତୁ ।”

ପିତରର ଉପଦେସ୍

୩୪ ସିତିଅନି ପିତର କଇଲା, “ଏବେ ମୁଇ ବୁଜିପାରଲିନି ଜେ ପରମେସର କେତେଟା ଦଲ୍ମନକେସେ ଡାକସି, ସେନ୍ତାରି ନସ୍, ମାତର ସବୁକେ ସମାନ୍ ଇସାବେ ଡାକସି ।

୩୫ ଜନ୍ ଜାତିର ଲକ୍ ମିସା ତାକେ ଡରିକରି, ତାର ମୁଆଟେ ସଡ଼କାମ୍ କଲେ, ମାପରୁ ତାକେ ଡାକସି ।

୩୬ ଇସ୍ରାଏଲିଅ ମନର ଲଗେ ପରମେସର ଜନ୍ କବର ପାଟାଇରଇଲା, ସେଟା ତୁଇ ଜାନିଆତୁସ୍ । ଜିସୁ କିରିସ୍ଟ ଜେ କି ସବୁର୍ ମାପରୁ, ସେ କରିରଇବା କାମେଅନି ସବୁଲକ୍ମନ ସାକ୍ତିସଙ୍ଗ ମିସବାଇ, ବଲି ପରମେସର ଆମ୍ମକେ ଜାନାଇଲାଆଟେ ।

୩୭ ତୁବନ୍ ଦେଉ ଜଅନ୍ ପାପ୍ କାମ୍ କରବାଟାନେଅନି ବାଉଡ଼ବା ବିସଇ ଆରି ତୁବନ୍ ନେବା ବିସଇ କଇଲାପଟେ, ଗାଲିଲିଅନି ଆରାମ୍ କରା ଗୁଲାଇ ଜିଉଦାର ସବୁବାଟେ ଜନ୍ ଗଟନାସବୁ ଗଟଲା ଆଟେ, ସେଟା ତୁଇ ଜାନୁସ୍ ।

୩୮ ନାଜରିତର ଜିସୁର ବିସଇ ଆରି ପରମେସର ତାକେ କେନ୍ଦ୍ରି ସୁକଲ୍ ଆଡ଼ମା ଆରି ବପୁ ପୁରାପୁରୁନ୍ ଦେଇରଇଲା, ସେଟା ଜାନୁସ୍ । ଆରି ଜାନିଆତୁସ୍, ସେ ସବୁ ବାଟେ ଜାଇ ନିକନିକ କାମମନ୍ କରରଇଲା । ସଇତାନର ବାନ୍ଦନେ ରଇଲା ଲକ୍ମନକେ ମୁକ୍ତାଇଲା । କାଇକେବଇଲେ ପରମେସର ତାର ସଙ୍ଗ ରଇଲା ।

୩୯ ଜିସୁ ଇସ୍ରାଏଲ ଦେସେ ଆରି ଜିରୁସାଲାମେ ଜେଡ଼କି ସବୁ କାମମନ୍ କଲା, ଆମେ ସବୁ ଲକ୍ ତାର ସାକି ଆତୁ । ତାରପଟେ ତାକେ କୁର୍ସେ କୁଟି ମାରି, ମରାଇଲା ।

୪୦ ମାତର ପରମେସର ତାକେ ତିନ୍ଦିନ୍ ଅଇଲାକେ ମଲାତେଇଅନି ଉଟାଇ ଜିବନ୍ କରାଇ, କେତେଲକ୍ମକେ ଦେକାଇଦେଲା ।

୪୧ ସବୁଲକ୍ ତାକେ ଦେକବାକେ ପରମେସର ଦେଏନାଇ, ଅବକା ସେ ବାଟଲା ସାକିମନକେସେ । ତାକେ ଆରିତରେକ୍ ଜିବନ୍ କରାଇଲାପଟେ, ତାର ସଙ୍ଗ କାଆ ପିଇ ଅଇରଇଲା ଲକ୍ମନ ଆମେସେ ।

୪୨ ଲକ୍ମନର ଲଗେ ସୁବକବର ଜାନାଇବାକେ ସେ ଆମ୍ମକେ ଆଦେସ୍ ଦେଲା । ବୈରଇବା ଲକ୍ମ ଆରି ମଲା ଲକ୍ମ ବିଚାରକାରିଆ ଇସାବେ ତାକେସେ ବାଟଲା ଆଟେ, ଏ କାତାର ସାକିଦେବାକେ ମିସା ସେ ଆମ୍ମକେ ଆଦେସ୍ ଦେଲାଆଟେ ।

୪୩ ସବୁ ବବିସଡ଼ବକ୍ତାମନ୍ ତାର ବିସଇନେଇ, ଏ କବର କଇରଇଲା । ଜେ ମସିଅକେ ବିସବାସ୍ କରସି, ମସିଅ କରରଇବା କାମର ଲାଗି, ପରମେସର ତାର ପାପକେମା କରସି ।”

ବିସ୍ବାସ୍ ନ କରରଇବା ଲକ୍ ସୁକଲ୍ ଆଡ଼ମା ପାଇଲାଇ

୪୪ ପିତର ସିକିଆ ଦେବା ବେଳେ ଜେତେ ଲକ୍ଷ ସୁନ୍ଦେତେ ରଇଲା, ସେ ସବୁ ଲକ୍ଷ ଉପରେ ସୁକଲ୍ ଆତ୍ମା ଉଡ଼ି ଡାବିଅଇଲା ।

୪୫ ଜିଉଦିନଇଲା ଲକ୍ଷମାନର ଉପରେ ମିସା ପରମେସରର ସୁକଲ୍ ଆତ୍ମା ଡାବିଅଇବାଟା ଦେକି ଜପାଇଅନି ପିତର ସଙ୍ଗେ ଆସିରଇବା ଜିଉଦି ବିସ୍ବାସିମନ୍ କାବାଅଇଗାଲା ।

୪୬ କାଇକେବଇଲେ ସେମନ୍ ପରମେସରକେ ଡାକ୍ପୁଟା କରବାଟା, ଆରି ବିନ୍ବିନ୍ ବାସାଇ କାତାଅଇବାଟା, ଜିଉଦି ବିସ୍ବାସିମନ୍ ସୁନ୍ଲା । ଜପାଇଅନି ଆସିରଇବା ଜିଉଦି ବିସ୍ବାସିମନ୍କେ ପିତର କଇଲା,

୪୭ “ପରମେସର ଆମ୍ଭକେ ଜେନ୍ତୁ ସୁକଲ୍ ଆତ୍ମା ଦେଲାଆଟେ, ସେନ୍ତାରିସେ ଏ ଲକ୍ଷମନ୍କେ ମିସା ଦେଲାଆଟେ । ସେମନ୍କେ ତୁବନ୍ ନ ନିଆ ବଲି କେ ମିସା ଅଟକାଇପାରସି କି ?”

୪୮ ସେଟାର ପାଇ ପିତର ସେମନ୍କେ ଜିସୁକିରିସଟର ନାଉଁ ଦାରି ତୁବନ୍ ଦେଲାପଟେ କରନିଲିଅ ଆରି ତାର ସଙ୍ଗେ ରଇବାଲକ୍ଷମନ୍ ତାକେ ଆରି କେତେ ଦିନ ସେମନ୍ର ସଙ୍ଗେ ରଇବାକେ ବାବୁଜିଆ କଲା ।

୧୧

ଜିରୁସାଲମ୍ ମଣ୍ଡଳିକେ ପିତର ଜାନାଇବାଟା

୧ ଜିଉଦି ନଇଲା ଲକ୍ଷମନ୍ ମିସା ପରମେସରର ବାକିଅ ନାମି ଆତଡ଼ ବଲି ପେରିଡ଼ ସିସ୍ମନ୍ ଆରି ଜିଉଦା ରାଇଜର ବିନ୍ ବିସ୍ବାସି ବାଇମନ୍ ସୁନ୍ଲା ।

୨ ପିତର କାଇସେରିଆ ଅନି ଜିରୁସାଲମ୍ ଗାଲା । ଜିଉଦି ନଇଲା ଲକ୍ଷମନ୍କେ ସୁନ୍ଦେ କରୁ ବଲି କଇବା ଲକ୍ଷମନ୍ ତାକେ ବାକାନିକରି କଇଲା,

୩ “ତୁଇ ଜିଉଦି ନଇଲା ଗରେ, ଅବ୍ବା ଗତିଆଅଇ ଜାଉସ୍ ନାଇ, ତେଇ କାଇଲୁସ୍ ମିସା ।”

୪ ମାତର ମୁଲେଅନି କରନିଲିଅକେ କାଇକାଇଟା ଗଟିରଇଲା, ସେଟା ବୁଜାଇବାକେ ପିତର କଇଲା ।

୫ “ମୁଇ ଜପା ନାଉଁର ନଅରେ ପାରତନା କରବା ବେଳେ ଗଟେକ୍ ଦରସନ୍ ଦେକଲି । ଗଟେକ୍ ବଡେଟା ଚାଦର୍ ଚାରିକନେ ଡରସଙ୍ଗ୍ ବାଦି ଜୁଲାଇଅଇ ଆକାସେଅନି ଉଡ଼ରଲା ଆରି ସେଟା ମରଲଗେ ଅଟକଲା ।”

୬ ସେ ବିଡ଼ରେ, ଗରେପସ୍ବା ପସୁ, ଡଙ୍ଗରେ ରଇବା ପସୁ, ରାଜି ବୁଲ୍ବାଟାମନ୍ ଆରି ବିନ୍ ବିନ୍ ରକାମର୍ ଚଡ଼ଇମନ୍ ରଇଲାଟା ନିକକରି ଦେକଲି ।

୭ ତାରପଟେ ଗଟେକ୍ କର୍ ସୁନ୍ଲି, “ପିତର ! ଉଟ୍, ମାରିକରି କାଆ ।”

୮ ମାତର ମୁଇ କଇଲି, “ନାଇ ମାପରୁ ! ମୁଲକେ ନିତି ! ଆମର୍ ଜିଉଦିମନ୍ ନିୟମ୍ ମନାକରିରଇବା ଇସାବେ, ଏବେ ଜାକ କାଇମିସା ମାଉସ୍ ଟଣ୍ଡେ ଚିଆଇ ନାଇତା ।”

୯ ସରଗେଅନି ଆରିତରେକ୍ ଏ କର୍ ଆଇଲା, “ପରମେସର କାଇଟା ଆଲେ କାଇ ଅଇସି ବଲି କଇଲେ ସେଟା ନିର୍ବାର ନାଇ ।”

୧୦ ଏନ୍ତାରି ତିନ୍ତର ଅଇଲା ପଟେ, ସେ ଜର୍ଡ଼ମନ୍ ରଇଲାଟା ସଙ୍ଗେ ସେ ଚାଦର୍ ସରଗ୍ ଉପରେ ଜିକିନେଲା ।

୧୧ ସମାନ୍ ବେଲାଇସେ, କରନିଲିଅ ପାଟାଇଲା ତିନ୍ ଲକ୍ଷ ସିସେରିଆଇ ଅନି ମୁଇ ରଇବା ଗରେ ଆସି କେଟ୍ଲା ।

୧୨ ଦୁଇମିନିଆ ନ ଅଇ ସେମନ୍ର ସଙ୍ଗେ ଜିବାକେ ମକେ ସୁକଲ୍ ଆତ୍ମା ଚାଲ୍ନା ଦେଲା । ଜପାରର ଏ ଚଅଟା ବିସ୍ବାସି ବାଇମନ୍ ମିସା ମର୍ ସଙ୍ଗେ ସିସେରିଆଇ ଗାଲା ଆରି ଆମେ ସବୁ ଲକ୍ଷ କରନେଲିଅର୍ ଗରେ କେଟ୍ଲୁ ।

୧୩ ତାର ଗରେ ସେ କେନ୍ତୁ ସରଗ୍ ଦୁଡ଼ର୍ ଦରସନ୍ ପାଇରଇଲା, ସେ ବିସଇ ଆମ୍ଭକେ ଜାନାଇଲା । ସରଗ୍ ଦୁଡ଼ ତାକେ ଏନ୍ତୁ କଇରଇଲା, ଜପାତେଇ ରଇବା ପିତରକେ, ତାର ଆରି ଗଟେକ୍ ନାଉଁ ଅଇଲାନି ସିମନ୍, ତାକେ ଇତି ଡାକି ଆନ୍ବାକେ ଲକ୍ଷ ପାଟା ।

୧୪ ସେ ଆସି ତମ୍ଭକେ ସିକିଆ ଦେଇସି ଆରି ସିତିଅନି ତମ୍ଭକେ ଆରି ତମର୍ ଗରର୍ ଲକ୍ଷକେ ପରମେସର ରକିଆ କରସି ।

୧୫ ଆରି ମୁଇ ଜେତେବଲ୍ ସିକିଆଦେବାର ଆରାମ୍ କଲି, ଆଗେ ସୁକଲ୍ ଆତ୍ମା ଜେନ୍ତାରି ଆମର୍ ଉପରେ ଡାବିଅଇରଇଲା, ସେନ୍ତାରି ସେମନ୍ର ଉପରେ ଡାବିଅଇଲା ।

୧୬ *ତାରପଟେ ମୁଇ ମାପରୁ ଏ ବାକିଅ ଏତାଇଲି, ଜଅନ୍ ତମ୍ଭକେ ପାନି ସଙ୍ଗେ ତୁବନ୍ ଦେଲା, ମାତର ପରମେସର ତମ୍ଭକେ ସୁକଲ୍ ଆତ୍ମା ତୁବନ୍ ଦେଇସି ।

୧୭ “ଏଟା ପୁରାପୁରନ୍ ସଡ଼ ଜେ, ଆମେ ମାପରୁ ଜିସୁକିରିସଟକେ ବିସ୍ବାସ୍ କଲାକେ ପରମେସର ଆମ୍ଭକେ ଜନ୍ ଦାନ୍ ଦେଲାଆଟେ, ଜିଉଦିନଇଲା ଲକ୍ଷମନ୍କେ ମିସା ସେ ଦାନ୍ ଦେଲା ଆଟେ । ଜଦି ପରମେସର ମନ୍ କରସି ବଇଲେ, ମୁଇ କେ ଜେ ପରମେସର ଏ କାମ୍ ଅଟକାଇବି !”

୧୮ ଜିଉଦି ବିସ୍ବାସିମନ୍ ଏଟା ସୁନ୍ଲା ପଟେ ଆରି ନ ବାକାନିକରି ପରମେସରକେ ଡାକ୍ପୁଟା କଲା, “ସେନ୍ତାର ଆଲେ ଜିଉଦିନଇଲା ଲକ୍ଷମନ୍କେ ମିସା ପାପ୍ କଲାଟା ମାନିଅଇକରି ନ ସାର୍ବା ଜିବନ୍ ପାଇବାକେ ସେ ସୁଜଗ୍ ଦେଲାଆଟେ ।”

☆ ୧୧:୧୭ ପେରିଡ଼ ୧:୫

ଆନୁଚିନ୍ତକର ମଣ୍ଡଳି

୧୯ *ଜିରୁସାଲେମ୍‌ର ଲକ୍ଷ୍ମଣ ତିପାନ୍‌କେ ମରାଇଲାପତେ ବିସ୍‌ବାସିମନ୍‌କେ ତାଡ଼ନା ଦେଲା । ତେଜଅନି କେତେଲକ୍ଷ୍ମ ଚିନ୍‌ବିନ୍‌ ଅଇଗାଲା । ସେମନ୍, ପିନସିଆ, ସାଇପରସ୍ ଆରି ଆନୁଚିଅକ୍ ଟାନେ ଜାଇ ଅବ୍‌କା ଜିଉଦିମନ୍‌କେସେ ସୁବ୍ କବର୍ ଜାନାଇଲା ।

୨୦ ମାତର୍ କେତେଟା ସାଇପରସ୍ ଆରି କୁରିନିୟର୍ ବିନ୍ ବିସ୍‌ବାସିମନ୍, ଆନୁଚିଅକେ ଜାଇ ଜିଉଦି ନଇଲା ଲକ୍ଷ୍ମଣମନ୍‌କେଜି ସୁ ମାପୁରୁର୍ ସୁବ୍ କବର୍ ଜାନାଇଲା ।

୨୧ ପରମେସର୍‌ର ବପୁ ସେମନ୍‌ର ସଙ୍ଗ୍ ରଇଲା ଆରି ବେସି ଲକ୍ଷ୍ ବିସ୍‌ବାସ୍ କରି ମାପୁରୁର୍ ବାଟେ ମନ୍ ବାଉଡାଇଲା ।

୨୨ ଆନୁଚିନ୍ତକିଆଇ ବେସି ଲକ୍ଷ୍ ଜିସୁର୍‌ଟାନେ ବିସ୍‌ବାସ୍ କଲାଇନି ବଲି ଜିରୁସାଲେମ୍‌ର ମଣ୍ଡଳିମନ୍ ସୁନ୍‌ଲା । ଆରି ସେମନ୍ ବରନବାକେ ଆନୁଚିନ୍ତକିଆଇ ପାଟାଇଲା ।

୨୩ ବରନବା ତେଜ କେଟିକରି ପରମେସର୍‌ ସେ ଲକ୍ଷ୍ମଣମନ୍‌କେ କେନ୍‌ତି ଆସିର୍‌ବାଦ୍ କଲାଆତେ, ସେଟା ଦେକି ସାର୍‌ଦା ଅଇଲା । ଆରି ମନ୍‌ପରାନ୍ ଦେଇକରି ମାପୁରୁକେ ବିସ୍‌ବାସ୍ କରି ଚଲାଟଲ୍‌ତି କର୍‌ବାକେ ସେମନ୍‌କେ ସିକିଆ ଦେଇ ସାର୍‌ଦା କଲା ।

୨୪ ବରନବା ସୁକଲ୍‌ଆଡ଼ମାଇ ଆରି ବିସ୍‌ବାସେ ପୁରୁନ୍ ଅଇ ରଇବା ଗଟେକ୍ ଦରମ୍ ଲକ୍ଷ୍ ରଇଲା । ସେ କବର୍ ଜାନାଇଲାକେ ବେସି ଲକ୍ଷ୍ ମାପୁରୁର୍ ଲଗେ ଆଇଲା ।

୨୫ ତାର୍ ପତେ ବରନବା ସାଉଲ୍‌କେ କଜ୍‌ବାକେ ତାର୍‌ସସ୍ ଜାଗାଇ ଗାଲା ।

୨୬ ତେଜ ତାକେ ବେଟ୍‌ପାଇ ବରନବା ଆନୁଚିଅକେ ଡାକି ଦାରିଆଇଲା । ପୁରା ଗଟେକ୍ ବରସ୍ ଜାକ ବରନବା ଆରି ସାଉଲ୍‌କେ ମଣ୍ଡଳିର୍ ବିସ୍‌ବାସିମନ୍‌ର ସଙ୍ଗ୍ ମିସି, ଲକ୍ଷ୍ମଣମନ୍‌କେ ସିକିଆ ଦେଲା । ଏ ଆନୁଚିଅକର୍ ବିସ୍‌ବାସିମନ୍‌କେସେ ଲକ୍ଷ୍ମଣମନ୍ ସିଗ୍ ପରତୁମ୍ କିରିସ୍‌ଟାନ୍ ବଲି କଇରଇଲା ।

୨୭ ସେବେଲା କେତେଟା ବବିସ୍‌ଡ଼ବକ୍‌ତାମନ୍ ଜିରୁସାଲମେଅନି ଆନୁଚିଅକେ ଆଇଲା ।

୨୮ *ସେମନ୍‌ର ବିଡ଼ରେଅନି ଆଗାବ୍ ନାଉର୍ ଗଟେକ୍ ଲକ୍ଷ୍ ଆଡ଼ମାର୍ ବପୁ ସଙ୍ଗ୍ ପୁରୁନ୍ ଅଇ, ଗୁଲାଇ ଦେସେ ଗଟେକ୍ ବଡ଼ ମର୍ଡ଼ି ଅଇସି ବଲି ବବିସ୍‌ଡ଼ କାତା ସୁନାଇ ରଇଲା । ଏଟା ବଡ଼ ସାସନ୍‌କାରିଆ କଲ୍‌ତିୟ ରମ୍‌ଦେସେ ସାସନ୍ କଲାବେଲେ ଗଟି ରଇଲା ।

୨୯ ଆନୁଚିଅକ୍ ସିସ୍‌ମନ୍ ଜିଉଦାଇ ରଇଲା ବିସ୍‌ବାସି ବାଇମନ୍‌କେ ତାକର୍ ପାର୍‌ଲା ଏଡ଼କି ତାରୁ ପାଟାଇବାକେ ଟିକ୍ କଲା ।

୩୦ ସେମନ୍ ତାରୁ ଜମାଇକରି ବରନବା ଆରି ସାଉଲ୍‌ର ଆତେ, ମଣ୍ଡଳିର୍ ପାର୍‌ଚିନ୍‌ମନ୍‌ର ଲଗେ ପାଟାଇ ଦେଲା ।



ଅଦିକ୍ ତାଡ଼ନା

୧ ଏ ବେଲାଇ, ଏରଦ୍ ରାଜା ଜିରୁସାଲେମ୍ ମଣ୍ଡଳିର୍ କେତେକ୍ ବିସ୍‌ବାସିମନ୍‌କେ ତାଡ଼ନା ଦେବାର୍ ଦାର୍‌ଲା ।

୨ ଜଅନର୍ ବାଇ ଜାକୁବ୍‌କେ କାଣ୍ଟା ସଙ୍ଗ୍ ମାରି ମରାଇଲା, ଜାକୁବ୍ ଜଅନର୍ ବଡ଼ ବାଇ ରଇଲା ।

୩ ଜାକୁବ୍‌କେ ମରାଇଲାଟା ଜିଉଦିମନ୍‌କେ ସାର୍‌ଦା କରାଇଲା । ଏଟା ଦେକି ଏରଦ୍ ପିତର୍କେ ମିସା ବନ୍ଦି କର୍‌ବାକେ ତିଆର୍‌ଲା । ଏଟା ଜିଉଦିମନ୍ କମିର୍ ନ ମିସାଇତେ ରୁଟିକର୍‌ବା ପରବ୍ ବେଲେ ଅଇରଇଲା ।

୪ ସଇନମନ୍ ପିତର୍କେ ବାନ୍ଦିକରି ବନ୍ଦିଗରେ ପୁରାଇଲା । ରକିଆ ପାଇବା ପରବର୍ ପତେ ସବୁ ଲକ୍ଷ୍ମଣମନ୍ ମୁଆଟେ ବିଚାର୍‌ନା କର୍‌ବି ବଲି ଏରଦ୍ ବାବି ରଇଲା । ସେଟାର୍‌ପାଇ ଗଟେକ୍ ଦଲେ ଚାରିଲକ୍ଷ୍ ଲାକା ଅଇ, ଚାରିଟା ଦଲ୍‌କରି ସନିଅମନ୍ ତାକେ ଜାଗିରଇଲା ।

୫ ପିତର୍ ବନ୍ଦିଗରେ ରଇଲାବେଲେ ଜିରୁସାଲେମେ ରଇବା ମଣ୍ଡଳିର୍ ବିସ୍‌ବାସିମନ୍ ଗଟେକ୍ ଅଇକରି ତାର୍‌ପାଇ ପରମେସର୍‌କେ ପାର୍‌ତନା କର୍‌ତେରଇଲା ।

ପିତର୍ ବନ୍ଦିଗରେ ଅନି ମୁକଲ୍‌ବାଟା

୬ ଜନ୍ ଦିନେ ଏରଦ୍ ପିତର୍କେ ଲକ୍ଷ୍ମଣମନ୍ ମୁଆଟେ ଆନୁବାକେ କାତା ଦେଇରଇଲା, ତାର୍ ଆଗୁତୁର୍ ରାତି ପିତର୍ ବନ୍ଦିଗରେ ଦୁଇଟା ଜାଗୁଆଲ୍‌ମନ୍ ମଜାଇ ସଇରଇଲା । ତାକେ ସନିଅମନ୍ ମିସ୍‌ତେ ଦୁଇଟା ଆତେ ଦୁଇଟା ସିକ୍‌ଲି ସଙ୍ଗ୍ ବାନ୍ଦିରଇଲା । ଆରି ଜାଗୁଆଲ୍‌ମନ୍ ବନ୍ଦିଗରର୍ ଦୁଆରେ ଜାଗିରଇଲା ।

୭ ସେ ଦାପ୍‌ରେ, ଏଦେ ଦେକା ! ମାପୁରୁର୍ ଗଟେକ୍ ଦୁଡ଼ ଆସି ପିତର୍କେ ମୁଆଟେ ଟିଆଅଇଲା ଆରି ଗୁଲାଇ ବାକରା ଉଜଲ୍ ଅଇଗାଲା । ସରଗର୍ ଦୁଡ଼ ପିତର୍କେ କମେ ଦାରି ଚୁଲ୍‌ବୁଲାଇଲା ଆରି ସଇଲାଟାନେଅନି ଉଟାଇକରି କଇଲା “ଦାପ୍‌ରେ ଉଟ୍ !” ଉଟ୍‌ଲା ଦାପ୍‌ରେ ବାନ୍ଦି ଅଇରଇଲା ସିକ୍‌ଲି କୁସଲିଗାଲା ।

୮ ତାର୍‌ପତେ ଦୁଡ଼ କଇଲା, “ଆଁଗାଇ ତୁଆଲ୍ ବାନ୍ଦିଅ ଆରି ପାଣ୍ଟାଇ ପିୟ୍ ।” ପିତର୍ ସେକ୍ତି କଲା ପତେ ଦୁଡ଼ କଇଲା, “ତାଦର୍ ତାବିଅଇକରି ମର୍ ସଙ୍ଗ୍ ଆଉ ।”

☆ ୧୧:୧୯ ପେରିଡ଼ ୮:୧-୪ ☆ ୧୧:୨୮ ପେରିଡ଼ ୨୧:୧୦

୯ ପିତର ଦୁତର ପତେ ପତେ ବନ୍ଦିଗରେ ଅନି ବାରଇ ଆଇଲା । ଦୁତ ଜନ୍ତା କର୍ତ୍ତେରଇଲା, ସେଟା ସତ୍ କି ନର୍ବ୍ ବଲି ଜାନି ନାପାର୍ତ୍ତେରଇଲା । “ଏଟା ଗଟେକ୍ ଦରସନ୍ ଦେକ୍ଲିନି ।” ବଲି ବାବ୍ତେରଇଲା ।

୧୦ ସେମନ୍ ଜାଗୁଆଲ୍ମନ୍ ରଇବା ଦୁଇଟା ଜାଗା ଜିତିକରି ପତେ ନଅରେ ପୁର୍ବା ଲୁଆ କାପାଟ୍ ରଇବା ଲଗେ ଆଇଲା । ତାକର୍ପାଇ ଲୁଆ କାପାଟ୍ ତାର୍ମନକେସେ ଉଗାଡ଼ିଅଇଗାଲା ଆରି ସେମନ୍ ବାରଇ ଉଟିଆଇଲା । ସେମନ୍ ବାଟେ ଇଣ୍ଡୁ ଛୁଣ୍ଡୁ ଅୁଟାତ୍ ସରଗର୍ ଦୁତ୍ ପିତରକେ ଚାଡ଼ି ମାୟା ଅଇଗାଲା ।

୧୧ ତାର୍ପତେ ଜାଇଟା ଗଟିରଇଲା, ସେଡ଼କିବେଲେ ତାକେ କାଇଟା ଅଇରଇଲା, ସେଟା ପିତର ଜାନିପାରି କଇଲା, “ଏଟା ସତ୍ ବଲି ମୁଇ ଜାନିଆଟି । ଏରଦର୍ ଟାନେଅନି ଆରି ଜିଉଡି ଲକ୍ମନ୍ ଜାଇଟା ଗର୍ସି ବଲି ଆସା କରିରଇଲା, ତେଇଅନି ମକେ ରକିଆ କର୍ବାକେ ମାପୁରୁ ସରଗର୍ ଦୁତ୍ କେ ପାଟାଇରଇଲା ।”

୧୨ ନିଜର୍ ବିସଇ ଜାନିକରି ସେ ଜଅନ୍ ମାର୍କର୍ ଆୟା ମରିୟ୍ମାଟ୍ ଗରେ ଗାଲା । ତେଇ ବେସି ବିସ୍ବାସିମନ୍ ରୁଣ୍ଡିକରି ପିତରର ପାଇ ପାର୍ତନା କର୍ତେ ରଇଲା ।

୧୩ ପିତର ବାଇରର୍ କାପାଟେ ଟକ୍ଟକ୍ କରି ମାର୍ଲକେ, ରଦା ନାଉର୍ ଗଟେକ୍ ଗତିଦାଙ୍ଗ୍ତି କାପାଟ୍ ଉଗାଡ଼ବାକେ ଆଇଲା ।

୧୪ ପିତରର୍ କର୍ସର୍ ଜାନିପାରି ସେ ଏଡେକ୍ ସାର୍ଦା ଅଇଲା ଜେ କାପାଟ୍ ନ ଉଗାଡ଼ି ବିଡ଼ରେ ପାଲାକକରି ତେଇର୍ ବିସ୍ବାସିମନ୍କେ କଇଲା, “ପିତର୍ ବାଇରେ ଟିଆଅଇଲା ଆଟେ ।”

୧୫ ସେମନ୍ ତାକେ କଇଲା, “ତୁଇ ବାୟାଅଇଲୁସ୍ନି ! ମାତର୍ ‘ଏଟା ସତ୍ ।’ ବଲି ସେ ତାଟ୍ ସଙ୍ଗ୍ କଇଲାଗ୍ଲାକେ, ସେମନ୍ ଏଟା ତାର୍ ଦୁତ୍ କାଇକି,” ବଲି ବାବ୍ଲା ।

୧୬ ପିତର ତରକେ ତର୍ କାପାଟେ ମାର୍ତେ ରଇଲା । ସାରାସାରି ସେମନ୍ କାପାଟ୍ ଉଗାଡ଼ି ତାକେ ଦେକି କାବାଅଇଗାଲା ।

୧୭ ସେ ଆଡ଼ ସାଗିଆକରି ସେମନ୍କେ ଚିମ୍ବରା ଅଇବାକେ କଇଲା । ଆରି ମାପୁରୁ କେନ୍ତ୍ର ତାକେ ବନ୍ଦି ଗରେଅନି ବାରକରାଇ ଆନ୍ଲା, ସେ ବିସଇ ସେମନ୍କେ କଇଲା । ତାର୍ ପତେ ଏ ସବୁ କାତା ଜାକୁବ୍ ଆରି ବିନ୍ ସବୁ ବାଇମନ୍କେ ଜାନାଆ ବଲି କଇଲା । ପତେ ସେ ତେଇଅନି ବିନ୍ବାଟେ ଉଟିଗାଲା ।

୧୮ ସାକାଲ୍ ପାଇଲାକେ “ପିତର୍ କେନେଗାଲା ?” ବଲି ଜାଗୁଆଲ୍ମନ୍ କିଲ୍ବିଲ୍ ଅଇଗାଲା ।

୧୯ ଏରଦ୍ ଏଟା ସୁନିକରି ପିତରକେ କର୍ଦବାକେ ତାର୍ ସନିଅମନ୍କେ ଆଦେସ୍ ଦେଲା । ମାତର୍ ସେମନ୍ ତାକେ ମିଲାଇ ନାପାର୍ଲାଇ । ତେବେ ସାରାସାରି ଜାଗୁଆଲ୍ମନ୍କେ ପାଟାର୍ଲା । କେନ୍ତ୍ର ଏଟା ଅଇଲାଟା କଇନାପାର୍ଲାଇକେ ସେମନ୍କେ ମରନର୍ ଡଣ୍ଡୁ ଦେବାକେ ଆଦେସ୍ ଦେଲା ।

ତାର୍ ପତେ ଏରଦ୍ ଜିଉଦା ରାଇଜେଅନି ଜାଇ କେତେ ଦିନର୍ପାଇ କାଇସରିଆଇ ବାସା ଅଇରଇଲା ।

ଏରଦର୍ ମରନ୍

୨୦ ସେ ବେଲାଇ ଏରଦ୍ ସର୍ ଆରି ସିଦନର୍ ଲକ୍ମନ୍କେ ବେସି ରିସା ଅଇରଇଲା । ସେଟାର୍ ପାଇ ତେଇର୍ ଲକ୍ମନ୍ ଗଟେକ୍ ଦଲ୍, ତାକେ ବେଟ୍ ଅଇବାକେ ଗାଲା । ପର୍ତୁମ୍ ସେମନ୍ ରାଜା ସଇବା ଗର୍ ଦାଇତେ ରଇଲା ବାଲିସ୍ଟସ୍କେ ରୁଜାଇ, ତାର୍ ସାଇଜ ପାଇଲା । ତାର୍ ପତେ ସେମନ୍ ଏରଦର୍ ଲଗେ ଜାଇ ସାନ୍ତ୍ରସଙ୍ଗ୍ ରଉଁ ବଲି କାତା ଅଇଲା, କାଇକେ ବଇଲେ ଏରଦର୍ ରାଇଜେଅନି ସେମନ୍ର୍ ଦେସେ କାଇବା ଜିନିସ୍ ଜାଇତେରଇଲା ।

୨୧ ଜନ୍ ଦିନେ ଏରଦର୍ ସଙ୍ଗ୍ ସେମନ୍ ବେଟ୍ ଅଇବାକେ ଟିକ୍ କରିରଇଲା, ସେ ରାଜାମନ୍ ପିୟ୍ ବସ୍ତର୍ ପିୟ୍ଲା ଆରି ତାର୍ ବସ୍ବା ଜାଗାଇ ବସି ଲକ୍ମନ୍କେ ଗଟେକ୍ ବାସନ୍ ଦେଲା ।

୨୨ ସୁନ୍ବା ଲକ୍ମନ୍ ଆଉଲିଅଇଲା, “ଜେ କାତା ଅଇଲାନି, ସେ ଲକ୍ ନର୍ବ୍, ମାତର୍ ପର୍ମେସର୍ !”

୨୩ “ମୁଇ ପର୍ମେସର୍ ନଇ,” ବଲି କଏ ନାଇକେ ଦାପ୍ରେ ମାପୁରୁର୍ ଦୁତ୍ ଏରଦ୍କେ ରଗି କରାଇଲା । ସେଟାର୍ପାଇ ତାର୍ ଗୁଲାଇଗାଗଡ଼ କିତା କାଇଲା ଆରି ମରିଗାଲା ।

୨୪ ଏ ବେଲାଇ ବିସ୍ବାସିମନ୍ ପର୍ମେସରର୍ ବାକିଅ ସୁନ୍ଲା ଆରି ବିସ୍ବାସ୍ କର୍ବା ଲକ୍ମନ୍ ବଡ଼ିଗାଲା ।

୨୫ ଜିଉଦା ଦେସର୍ ବିସ୍ବାସିମନ୍କେ ତାରୁ ଦେଇ ସାରାଇକରି ବର୍ନବା ଆରି ସାଉଲ୍, ଆନ୍ତିଅକିଆଇ ଆଇଲା । ଜଅନ୍ ଆରି ମାର୍କକେ ମିସା ସେମନ୍ ସଙ୍ଗ୍ ନେଇ ଜିରୁସାଲମେ ବାଅଡ଼ଲା ।

୧୩

ବର୍ନବା ଆରି ସାଉଲ୍କେ ପେରିଡ଼ ସିସ୍ ଇସାବେ ବାଟି ପାଟାଇଲା

୧ ଆନ୍ତିଅକି ମଣ୍ଡୁଲିତେଇ କେତେଟା ବବିସ୍ତବକ୍ତା ଆରି ସିକିଆ ଦେବା ଗୁରୁ ରଇଲା । ସେମନ୍ର୍ ବିଡ଼ରେ ରଇଲା ବର୍ନବା, ସିମନ୍ ଜାକେ କି ନିଗର୍ ଡାକ୍ତେରଇଲା, ଲୁସିଅସ୍, ଜେ କି କୁରିନିୟ୍ ଅନି ଆସିରଇଲା, ମନର୍ବ୍ମ ଜେ କି ଏରଦର୍ ଗରେ ବଡ଼ି ରଇଲା ଆରି ସାଉଲ୍ ।

୨ ସେମନ୍ ମାପୁରୁର୍ ସେବା ଆରି ଉପାସ୍ କଲାବେଲେ, ସୁକଲ୍ ଆଡ଼ମା ସେମନ୍କେ କଇଲା, “ମୁଇ ଜନ୍ କାମ୍ପାଇ ସାଉଲ୍ ଆରି ବର୍ନବାକେ ଡାକ୍ଲି ଆଟି, ସେଟାର୍ ପାଇ ସେମନ୍କେ ଅଲ୍ଗା କରା ।”

୩ ସେଟାରପାଇଁ ସେମନ୍ ଉପାସ୍ କଲାଈ ଆରି ପାର୍ତନା କରି ତାକର୍ ଉପରେ ଆଡ଼ ସଙ୍ଗାଇ ସେମନ୍‌କେ କବର୍ କଇବା କାମେ ପାଟାଇଲାଈ ।

ସାଇପରସ୍ ତେଇ ସେବା କାମ୍

୪ ସୁକଲ୍ ଆଡ଼ମାଇଅନି ଆଦେସ୍ ପାଇକରି ଜାଇରଇବା ବର୍ନବା ଆରି ସାଉଲ୍ ସେଲୁକିଆଇ ଗାଲାଈ । ଆରି ତେଇଅନି ପାନି ଜାଜେ ବସି ସାଇପରସ୍ ସମ୍ପଦୁର୍ ମଜାଇ ରଇବା ଜାଗାଇ ଗାଲାଈ ।

୫ ସାଲାମି ଗଡେ କେଟି ଜିଉଦିମନର୍ ପାର୍ତନା ଗର୍ମନକେ ପରମେସରର୍ ବାକିଅ ଜାନାଇଲାଈ । ଜଅନ୍ ମାର୍କ ମିସା ସେମନର୍ ସଙ୍ଗ ରଇକରି ସେମନ୍‌କେ ସାଇଜ କର୍ତେ ରଇଲାଈ ।

୬ ସେମନ୍ ସାଇପରସ୍ ଜାଗା ଚାଡି ପାପ୍ତେ ନାଉର୍ ଜାଗାଇ ଗାଲାଈ । ତେଇ ବାଉଜିସୁ ନାଉର୍ ଗଟେକ୍ ମୈତର୍ ସିକିରଇବା ଜିଉଦିକେ ବେଟ୍‌ଅଇଲାଈ । ସେ ନିଜ୍‌କେ ମିର୍ରେ ବସିସଡ଼ବକ୍ତା ବଲି କଇତେ ରଇଲା ।

୭ ସେ ସମ୍ପଦୁର୍ ମଜାଇ ରଇଲା ଜାଗାର୍ ସାସନ୍ କାରିଆର୍ ସର୍ଗିଅ ପାଉଲ୍‌ର୍ ମଇତର୍ ରଇଲା । ସର୍ଗିଅସ୍ ଗଟେକ୍ ଗିଆନି ଲକ୍ ରଇଲା । ସେ ପରମେସରର୍ ବାକିଅ ସୁନ୍‌ବାକେ ମନ୍ କରି ବର୍ନବା ଆରି ପାଉଲ୍‌କେ ଡାକାଇଲା ।

୮ ମାତର୍ ଗୁନିଆଁ ଏଲିମାସ୍, (ଏଟା ତାର୍ ଗିରିକ୍ ନାଉଁ) ସେମନ୍‌କେ ନିରୁ ବଲି କଇଲା, କାଇକେ ବଇଲେ, ସେ ସାସନ୍ କାରିଆ କିରିସ୍‌ଟକେ ବିସ୍‌ବାସ୍ ନ କର ବଲି ବାବ୍‌ତେ ରଇଲା ।

୯ ମାତର୍ ସାଉଲ୍ ଜାର୍ ନାଉଁକି ପାଉଲ୍, ସୁକଲ୍ ଆଡ଼ମାଇ ପୁରୁନ୍ ଅଇ, ମୈତର୍ ଜାନିରଇବା ଲକ୍ ବାଟେ ନିକ ଦେକ୍ଲା ।

୧୦ ଆରି କଇଲା, “ଏ ସଇତାନର୍ ପିଲା ! ତୁଇ, ସବୁ ନିମାନ୍ ବିସଇ ବିରଦ୍ କଲାସ୍‌ନି । ତୁଇ ସବୁ ରକାମର୍ କରାପ୍ କାମେ ପୁରୁନ୍ ଅଇ ଆରୁସ୍ ଆରି ସବୁବେଲେ ପର୍ମେସରର୍ କାମ୍ ମିର୍ ବଲି ଦେକାଇବାକେ ଚେସ୍‌ଟା କଲୁସ୍‌ନି ।

୧୧ ଏବେ ମାପୁରୁର୍ ଆଡେ ଡଣ୍ଡ ପାଇସୁ । ତୁଇ କାଣା ଅଇଜାଇକରି ଚନେକର୍‌ପାଇ ବେଲର୍ ଉଜଲ୍ ଦେକି ନାପାରୁସ୍ ।”

ସେଦାପ୍ରେ ଏଲିମାସର୍ ଆଁକି ଦୁଉଁରି ଆନ୍ଦାର୍ ଅଇଗାଲାପାରା ଲାଗ୍ଲା । ଆରି ତାକେ ଆଡେ ଦାରି ଡାକିନେବାକେ ଗଟେକ୍ ଲକ୍‌କେ ଏନେତେନେ ଆଣ୍ଟାଲି ଅଇ କଜି ବୁଲ୍ଲା ।

୧୨ ଏଟା ଦେକି ସାସନ୍‌କାରିଆର୍ ବିସ୍‌ବାସ୍ ଅଇଲା, କାଇକେ ବଇଲେ ମାପୁରୁର୍ ସିକିଆ ସୁନି ସେ କାବା ଅଇଜାଇରଇଲା ।

ପିସିଦିଆର୍ ଆନ୍‌ଟିୟକ ତେଇ ସେବା କାମ୍

୧୩ ପାଉଲ୍ ଆରି ତାର୍ ସଙ୍ଗ ଜିବା ଲକ୍‌ମନ୍ ପାପସ୍ ଜାଗାଇ ଅନି ପାନିଜାଜେ ଜାଇ ପପୁଲିଆର୍ ପର୍ଗା ନାଉଁ ଜାଗାର୍ ଗଟେକ୍ ଗଡେ କେଟ୍‌ଲାଈ । ଜଅନ୍‌ମାର୍କ ତେଇ ସେମନ୍‌କେ ଚାଡିକରି ଜିରୁସାଲାମ୍ ବାଉଡିଗାଲା ।

୧୪ ସେମନ୍ ପର୍ଗାଇଅନି ଜାଇ ପିସିଦିଆର୍ ଆନ୍‌ଟିଅକେ କେଟ୍‌ଲାଈ । ଆରି ବିସ୍‌ରାମ୍‌ବାର୍ ଦିନେ ପାର୍ତନା ଗରେ ଜାଇ ବସ୍‌ଲାଈ ।

୧୫ ମସାର୍ ନିୟମ୍ ଆରି ବସିସଡ଼ବକ୍ତାମନର୍ ଲେକା ପଡ଼ଲା ପଡେ, ପାର୍ତନା ଚାଲାଉମନ୍ ସେମନ୍‌କେ ଏ କାତା କଇପାଟାଇଲାଈ, “ବାଇମନ୍ ଜଦି ଲକ୍‌ମନର୍ ସାର୍‌ଦା ବଡାଇବାପାରା ଉପ୍‌ଦେସ୍ ଦେବାର୍ ଆଡେ, ତେବେ କୁଆ ।”

୧୬ ପାଉଲ୍ ଚିଆଅଇ ଲକ୍‌ମନକେ ଚିମରାଇ ଅଇବାକେ ଆଡ଼ ସାଗିଆ କରି କଇଲା ।

“ଇଡି ରୁଣ୍ଡିଅଇଲା ଇସ୍ରାଏଲ୍ ବାଇମନ୍ ଆରି ପର୍ମେସରକେ ପାର୍ତନା କର୍‌ବା ଜିଉଦି ନଇଲା ଲକ୍‌ମନ୍, ମର୍ କାତା ସୁନା !

୧୭ ଇସ୍ରାଏଲ୍ ଜାଡିର୍ ପରମେସର୍ ଆମର୍ ଆନିଦାଦିମନକେ ବାଟ୍‌ଲା । ଆରି ମିସର୍ ଦେସେ ସେମନ୍ ପର୍‌ଦେସିଅଇ ରଇତେ ରଇଲା ବେଲେ, ଗଟେକ୍ ବଡ଼ ଜାଡି କଲା । ପରମେସର୍ ତାର୍ ବଡ଼ ବପୁ ସଙ୍ଗ ସେମନ୍‌କେ ମିସରେଅନି ବାର୍‌କରାଇ ଆନିଲା ।

୧୮ ଆରି ଚାଲିସ୍ ବରସ୍ ଜାକ ମରୁବାଲିବୁଏଁ ସେମନର୍ ସାଦ୍‌ବାନ୍ଦ୍ କଲାଟା ମୁରଟ୍‌ଲା ।

୧୯ ସେ କିଣାନେ ସାଡ଼ଟା ଦଲ୍‌କେ ନସ୍‌ଟ କରି ତାର୍ ବାଟ୍‌ଲା ଲକ୍‌ମନକେ ସେ ଦେସ୍ ଦେଲା ।

୨୦ ପାକାପାକି ତାର୍ ସଅ ପଚାସ୍ ବରସ୍ ବିଡ଼ରେ ଏ ସବୁ ଗଟ୍‌ନା ଗଟିଗାଲା ।”

“ତାର୍ ପଡେ ସାମୁଏଲ୍ ବସିସଡ଼ବକ୍ତାର୍ ବେଲା ଜାକ ପରମେସର୍ ସେମନର୍ ଉପ୍ରେ ବିଚାର୍‌ପଡିମନକେ ବାଟ୍‌ଲା ।

୨୧ ଜେଡେବେଲେ ସେମନ୍ ଗଟେକ୍ ରାଜା ଦରକାର୍ ବଲି କଇଲାଈ, ପରମେସର୍ ସେମନ୍‌କେ ଚାଲିସ୍ ବରସ୍ ଜାକ ସାସନ୍ କର୍‌ବାକେ ବେନ୍‌ଜାମିନ୍ କୁଟୁମର୍ କିସ୍‌ଅର୍ ପଅ ସାଉଲ୍‌କେ ବାଟ୍‌ଲା । ସାଉଲ୍ ଇସ୍ରାଏଲିୟମନକେ ଚାଲିସ୍‌ବରସ୍ ସାସନ୍ କଲା ।

୨୨ ତାର୍ ପଡେ ପର୍ମେସର୍ ତାକେ ରାଜା ପଦ୍ ଚାଡାଇକରି ଦାଉଦ୍‌କେ ସେମନର୍ ରାଜା କଲା ।” ପରମେସର୍ ତାର୍ ବିସଇ କଇରଇଲା, “ମୁଇ ଜନ୍ ରକାମେ ଲକ୍‌ମନକେ ଆଲାଦ୍ କର୍‌ବି, ଜେସିର୍ ପଅ ଦାଉଦ୍ ସେନ୍ତାରି ଗଟେକ୍ ଲକ୍ । ସେ ମୁଇ ମନକଲା ଇସାବେ ସବୁଜାକ କାମ୍ କର୍‌ସି ।”

୨୩ ଏ ଦାଉଦର କୁଟୁମ୍ବର ଲକ୍ଷ୍ମଣାନେଅନି ପରମେସ୍ୱର ସେ କାତା ଦେଲା ଇସାବେ ଜିସୁକେ ଇସ୍ରାଏଲ୍ ଜାତିର ମୁକ୍ତିକାରିଆ କଲାଆତେ ।

୨୪ ✠ଜିସୁ ତାର କାମ୍ ଆରାମ୍ କରବା ଆଗ୍ତୁ, ଜଅନ୍ ଇସ୍ରାଏଲ୍ ସବୁ ଲକ୍ଷ୍ମଣ ଲଗେ ଜାନାଇକରି, ସେମନ୍‌କେ ପାପେଅନି ମନ୍ ବାଉଡାଇ ତୁବନ୍ ନେବାକେ ଅଇସି ବଲି କଇରଇଲା ।

୨୫ ✠ଆରି ଜଅନ୍ ତାର ସେବା କାମ୍ ସାରାଇବା ଆଗ୍ତୁ ଲକ୍ଷ୍ମଣକେ ପାଚାରଲା, “ମର୍ ବିସଇ ତମେ କାଇଟା ବାବଲାସ୍‌ନି ? ତମେ ଜାକେ ଜାଗି ଆଚାସ୍, ମୁଇ ସେ ନଇ । ମାତର୍ ସୁନା ! ସେ ଦାପ୍‌ରେ ଆଇଲାନି । ତାର ଗତିଦାଙ୍ଗ୍‌ତା ଅଇକରି ପାଣ୍ଡୁଇର୍ ପିତା ମିସା କୁସ୍‌ଲାଇବାକେ ମର୍ ଅଦିକାର ନଇ ।”

୨୬ ଏ ମର୍ ଇସ୍ରାଏଲ୍ ବାଇମନ୍, ଅବ୍ରାଆମ୍‌ର ନାତିତିମନ୍ ଆରି ପରମେସ୍ୱରକେ ପାର୍ତନା କରବାକେ ଇତି ରୁଣ୍ଡୁଲା ଜିଉଦି ନଇଲା ଲକ୍ଷ୍ମଣ, ଆମ୍‌କେ ସେ ମୁକ୍ତିର୍ କବର୍ ମିଲ୍‌ଲା ଆତେ ।

୨୭ ମାତର୍ ସେ ଆକା ଉଦାରକାରିଆ । ଜିରୁସାଲମ୍‌ର ଲକ୍ଷ୍ ଆରି ସେମନ୍‌ର ନେତାମନ୍ ବିସ୍ରାମ୍‌ବାରେ ବସିସତ୍‌ବକ୍‌ତାମନ୍‌ର ଲେକାଇଅନି ପଡ଼ଲାଟା ଲକ୍ଷ୍ମଣ ରୁଜଡ଼ନାଇ । ଏଲେମିସା ଜିସୁକେ ଦସି କରି ବସିସତ୍‌ବକ୍‌ତାମନ୍‌ର କାତା ସିଦ୍ କଲାଇ ।

୨୮ ✠ଜିସୁକେ ବେସି ଲକ୍ଷ୍ ଦସ୍‌ଦେଲାଇ । ମାତର୍ କେ ମିସା ମରନର୍ ତଣ୍ଡୁ ପାଇବା ଏଡ଼କି ଦସ୍ କଜି ନାପାରୁଲାଇ । ଏଲେମିସା ତାକେ ମରନର୍ ତଣ୍ଡୁ ଦେବାକେ ପିଲାଡ଼କେ ବାଦିଅ କଲାଇ ।

୨୯ ✠ସାସ୍‌ତରେ ଜନ୍ ସବୁ ବିସଇ ଲେକା ଆତେ, ସେ ଇସାବେ ସବୁ କାମ୍ କଲାପତେ ସେମନ୍ ତାକେ କୁରସେଅନି ଉଡ଼ରାଇ ଆନ୍‌ଲାଇ । ବିନଲକ୍ଷ୍ମଣ ଆସିକରି ତାର ଗାଗଡ଼ ନେଇ ସମାଦିଟାନେ ସଙ୍ଗଇଲାଇ ।

୩୦ ମାତର୍ ପରମେସ୍ୱର ତାକେ ମଲାତେଇଅନି ଉଟାଇଲା ।

୩୧ ✠ବେସି ଦିନ୍ ଜାକ, ତାର ସଙ୍ଗ୍ ଗାଲିଲିଅନି ଜିରୁସାଲମ୍ ଆଇବାଜିବା ଲକ୍ଷ୍ମଣ ତାକେ ଦେକ୍‌ଲାଇ । ଏବେ ସେମନ୍ ଇସ୍ରାଏଲ୍ ଲକ୍ଷ୍ମଣରୁତେଇ ତାର ସାକି ଆଚଡ଼ ।

୩୨ ଆମ୍‌ର ଆନିଦାଦିମନ୍‌କେ ପରମେସ୍ୱର କାତା ଦେଇରଇଲା ଇସାବେ ଆମ୍‌େ ତମ୍‌କେ ଏ ସୁବ୍ କବର୍ ଜାନାଇଲୁନି ।

୩୩ ପରମେସ୍ୱର ଜିସୁକେ ମଲାତେଇଅନି ଉଟାଇକରି ସେଟା ସିଦ୍ କଲାଆତେ । ସେମନ୍‌ର ପିଲାମନ୍ ଆମ୍‌କେ, ଆମ୍‌ର ବିଡ଼ରେ ସେ କାତା ଦେଲାଟା ସିଦ୍ ଅଇଲା ଆତେ । ଗିଡ଼ ସଙ୍ଗିତାର୍ ଦୁଇ ଲମ୍‌ର ଗିଡେ ଦାଉଦ୍ ଏନ୍ତାରି ଲେକିଆତେ, “ତମେ ମର୍ ପଅ,

ଆଜି ମୁଇ ସବୁକେ ଦେକାଇ ଆଟି ଜେ ସତଇସେ ମୁଇ ତର୍ ବାବା ।”

୩୪ ଆରି ପରମେସ୍ୱର ପୁରବେଅନି ସପଡ଼ କରି କାତାଦେଇରଇଲା । ମୁଇ ତାକେ ମଲାତେଇଅନି ଉଟାଇବି । ତାର ଗାଗଡ଼ ସମାଦିତେଇ କୁଇ ଜିବାକେ ନ ଦେଇ । ଦାଉଦ୍‌କେ ଦେଇ ରଇବା ସପଡ଼ ଇସାବେ

ସତଇସେ ମୁଇ ତମ୍‌କେ ସୁକଲ୍ କରି ସବୁ ଆସିର୍‌ବାଦ୍ ଦେବି ।

୩୫ ଦାଉଦ୍ ଆରି ଗଟେକ୍ ଗିତସଙ୍ଗିତାଇ ଲେକ୍‌ଲାଆତେ, ମୁଇ ମରିଗାଲେ ମର୍‌ଗାଗଡ଼ ଦୁଇ ସମାଦିତେଇ କୁଇ ଜିବାକେ ଚାଡ଼ି ନ ଦେଉସ୍ ।

୩୬ ଦାଉଦ୍ ସାସନ୍ କଲାବେଲେ ପରମେସ୍ୱର ମନ୍ କଲା ଇସାବେ କାମ୍ କରି ସାରାସାରି ମଲା । ଆରି ଆନିଦାଦିମନ୍‌ର ସଙ୍ଗ୍ ତପିଅଇଲା । ତାର ଗାଗଡ଼ ସମାଦିତେଇ କୁଇଲା ।

୩୭ ମାତର୍ ପରମେସ୍ୱର ଜାକେ ମଲାଟାନେଅନି ଉଟାଇଲା, ତାର ଗାଗଡ଼ କୁଏ ନାଇ ।

୩୮ ତେବର୍‌ପାଇ ମର୍ ଏ ଇସ୍ରାଏଲ୍ ବାଇମନ୍, ତମେ ଏଟା ଜାନିରୁଆ । ଜିସୁ କରିରଇବା କାମେଅନି ସେ, ତମର୍ ପାପ୍ କେମା ଅଇସି ।

୩୯ ମସାର ନିୟମ୍ ମାନିକରି ଆରୁ ବଇଲେ ପାପ୍ କେମା ନ ଅଇତା । ମାତର୍ ଜିସୁର୍ ଗାନେ ବିସ୍‌ବାସ୍ କଲାର୍‌ପାଇ ଆମ୍‌େ ସବୁଲକ୍ ପାପେ ଅନି ମୁକ୍ତି ଆରୁ, ସେଟା ତମେ ଜାନ୍‌ବାର୍ ଆତେ ।

୪୦ ଜାଗ୍‌ରଡ଼, ବସିସତ୍‌ବକ୍‌ତାମନ୍ ଜାଇଟା କଇଲାଇ ଆଚଡ଼, ସେଟା ଜେଡ଼ିକି ତମ୍‌କେ ନ ଗଟ ।

୪୧ ପରମେସ୍ୱର କଇଲା,

ଏ ମକେ କିଜାଇବା ଲକ୍ଷ୍ମଣ ! ତମେମନ୍ କିଲ୍‌ବିଲ୍ ଅଇ ମରା !

କାଇକେ ବଇଲେ ତମର୍ ବେଲାଇ ମୁଇ ଜନ୍ କାମ୍ କରବାକେ ଗାଲିନି,

ସେଟା ଜେ ମିସା ରୁଜାଇ କଇଲେ, ତମେ ବିସ୍‌ବାସ୍ ନ କରାସ୍ ।

୪୨ ପାଉଲ୍ ଆରି ବର୍‌ନବା ପାର୍ତନା ଗରେଅନି ବାରଇବା ବେଲେ, ଆରି ଗଟେକ୍ ବିସ୍ରାମ୍‌ବାରେ ବାଉଡ଼ି ଆସି ଏ ସବୁ ବିସଇ ଆରି ରୁଜାଇବାକେ, ଲକ୍ଷ୍ମଣ ବାବୁଜିଆ କଲାଇ ।

✠ ୧୩:୨୪ ମାର୍କ ୧:୪; ଲୁକ୍ ୩:୩ ✠ ୧୩:୨୫ ଜଅନ୍ ୧:୨୦; ମାତିଉ ୩:୧୧; ମାର୍କ ୧:୭; ଲୁକ୍ ୩:୧୬; ଜଅନ୍ ୧:୨୭ ✠ ୧୩:୨୮ ମାତିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ୍ ୨୩:୨୧-୨୩; ଜଅନ୍ ୧୯:୧୫ ✠ ୧୩:୨୯ ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨ ✠ ୧୩:୩୧ ପେରିଡ଼ ୧:୩

୪୩ ଲକ୍ଷ୍ମୀନାଥ ପାର୍ବତୀ ଗରେଅନି ଉଚିତାଲା ପତେ, ବେସି ଜିଉଦିମନ୍ ଆରି ଜିଉଦି ଦରମ୍ ନେଇରଇବା ଜିଉଦି ନ ଅଇଲା ଲକ୍ଷ୍ମୀନାଥ, ସାଉଲ୍ ଆରି ବରନବାର୍ ସଙ୍ଗ୍ ଜିବାଦାରଲାଇ । ପେରିଡ଼ ସିସ୍ତମନ୍ ତାକର୍ ସଙ୍ଗ୍ କାତା ଅଇ ପରମେସରର୍ ଜିବନ୍ଦୁକାଇଲାଟାକେ ମାନିକରି ଜିଇବାକେ ସେମନ୍କେ ସାର୍ଦା କରାଇଲାଇ ।

୪୪ ତାର୍ ଆରକର୍ ବିସ୍ତାର୍‌ବାରେ ଆନ୍ତିଅକିଅ ଗତର୍ ସବୁ ଲକ୍ଷ୍ମୀନାଥ ପାର୍ବତୀର ବାକିଅ ସୁନ୍‌ବାକେ ଜିଉଦିମନ୍‌ର ପାର୍ବତୀ ଗରେ ରୁଣ୍ଡିଲାଇ ।

୪୫ ବେସି ଲକ୍ଷ୍ମୀନାଥ ଦେକି, ଜିଉଦି ନେତାମନ୍ ଝିଆ ଅଇଲାଇ । ଆରି ପାଉଲ୍ କଇବା କାତା, ବିରଦ୍ କରି ନିନ୍ଦା କଲାଇ ।

୪୬ ମାତର୍ ପାଉଲ୍ ଆରି ବରନବା ଅଦିକ୍ ଡାଟ୍ ସଙ୍ଗ୍ କଇଲାଇ, “ପରତମେ ପରମେସରର୍ ବାକିଅ ତମର୍ ଲଗେ ଜାନାଇବାର୍ ଦରକାର୍ ରଇଲା । ମାତର୍ ତମେ ସେଟା ନିର୍ଲାସ୍ତନି । ଆରି ତାର୍ ସଙ୍ଗ୍ ନ ସାର୍‌ବା ଜିବନ୍ ପାଇବାକେ ଅଦିକାର୍ ନାଇ ବଲି ବିଚାର୍ କଲାସ୍ତନି । ସେଟାର୍‌ପାଇ ଆମେ ତମ୍‌କେ ଚାଡ଼ି, ଏ କାତା ଜିଉଦି ନଇଲା ଲକ୍ଷ୍ମୀନାଥକେ କଇବାର୍ ଗାଲୁନି ।

୪୭ କାଇକେ ବଇଲେ ମାପ୍‌ରୁ ଆମ୍‌କେ ଏ ଆଦେସ୍ ଦେଲା ଆଟେ ।”

ଆନ୍ଦାରେ ଉଜଲ୍ ଅଇଲାପାରା

ଜିଉଦି ନ ଅଇଲା ଲକ୍ଷ୍ମୀନାଥକେ ମର୍ ବିସଇ ଜାନାଇବାକେ ମୁଇ ତମ୍‌କେ ବାଟିଆଟି ।

ଜେନ୍ତାରି କି ମୁଇ ସେମନ୍‌କେ ରକିଆ କରି ପାର୍‌ବି ବଲି ଦୁନିଆର୍ ସବୁ ଲକ୍ଷ୍ମୀନାଥକେ ତମେ କଇପାରାସ୍ ।

୪୮ ଜିଉଦି ନଇଲା ଲକ୍ଷ୍ମୀନାଥ ଏଟା ସୁନି ବେସି ସାର୍‌ଦା ଅଇଗାଲାଇ ଆରି ପରମେସରର୍ କବର୍ ପାଇ ଛୁଆର୍ କଲାଇ । ଜନ୍ ଲକ୍ଷ୍ମୀନାଥ ନ ସାର୍‌ବା ଜିବନ୍‌ର ପାଇ ବାଟାଇ ଅଇରଇଲାଇ, ସେମନ୍ ସେ କବର୍ ସୁନି ବିସ୍‌ବାସ୍ କଲାଇ ।

୪୯ ତେଇର୍ ବିସ୍‌ବାସିମନ୍ ସେ ଜାଗାଇ ବୁଲି ବୁଲି ମାପ୍‌ରୁ ବାକିଅ ଜାନାଇଲାଇ ।

୫୦ ମାତର୍ ସେ ଗତର୍ ବଡ଼ ଲକ୍ଷ୍ମୀନାଥ ଆରି ପରମେସର୍କେ ଉପାସନା କର୍‌ବା ଉପର୍‌କେ ରଇବା ଜିଉଦି ନ ଅଇଲା ମାଇଜିମନ୍‌କେ ସୁଡ଼ରାଇକରି, ତେଇର୍ ଜିଉଦିମନ୍, ପାଉଲ୍ ଆରି ବରନବାକେ ବିରଦ୍ କଲାଇ । ସେମନ୍ ତାଉଁକେ ତାଡ଼ନା ଦେବାର୍ ଆରାମ୍ କଲାଇ । ଆରି ସେ ଜାଗାଇଅନି ବାଟ୍ କରିଦେଲାଇ ।

୫୧ ଖତେଇଅନି ଜିବାବେଲେ ପେରିଡ଼ ସିସ୍ତମନ୍ ସେ ଲକ୍ଷ୍ମୀନାଥ ବିରଦେ ତାକର୍ ପାଦର୍ ଦୁଲି ପାପ୍‌ଡିଦେଇ ଇକନିଅଡେଇ ଗାଲାଇ ।

୫୨ ଆନ୍ତିଅକର୍ ବିସ୍‌ବାସିମନ୍ ସୁକଲ୍ ଆଡ଼ମାଇ ଆରି ସାର୍‌ଦାଇ ପୁରନ୍ ଅଇଲାଇ ।

୧୪

ଇକନିୟତେଇ କାମ୍

୧ ଜନ୍‌ଟା ଆନ୍ତିଅକିଡେଇ ଗଟିରଇଲା, ସେ ସମାନ୍ ବିସଇ ଆକିଅଟାନ୍‌ନେ ମିସା ଅଇଲା । ପାଉଲ୍‌ଆରି ବରନବା ପାର୍‌ବତୀ ଗରେ ଏନ୍ତି ଡାଟ୍ ସଙ୍ଗ୍ ପରଟାର୍ କଲାଇ ଜେ ବେସି ଜିଉଦି ଆରି ଗିରିକ୍ ଲକ୍ଷ୍ମୀନାଥ ଜିସୁକେ ବିସ୍‌ବାସ୍ କଲାଇ ।

୨ ମାତର୍ ଜନ୍ ଜିଉଦିମନ୍ ସେ ବାକିଅ ବିସ୍‌ବାସ୍ କରନ୍‌ନାଇ, ସେମନ୍ ଜିଉଦି ନ ଅଇଲା ଲକ୍ଷ୍ମୀନାଥକେ ବେମ୍‌ଜା କରି, ବିସ୍‌ବାସି ବାଇମନ୍‌କେ ବିରଦ୍ କରାଇଲାଇ ।

୩ ଏଲେମିସା ପାଉଲ୍ ଆରି ବରନବା ତେଇ ବେସିଦିନ୍ ରଇକରି ଡାଟ୍ ସଙ୍ଗ୍ ମାପ୍‌ରୁ ବିସଇ ଜାନାଇଲାଇ । ମାପ୍‌ରୁ ଏମନ୍‌କେ କାବା ଅଇଜିବା କାମ୍‌ମନ୍ କରି ଦେକାଇବାକେ ବପୁଦେଲା । ଏନ୍ତାରି ମାପ୍‌ରୁ ତାର୍ ଜିବନ୍ ଦୁକାଇଲା ବାକିଅ ସଡ଼ବଲି ଦେକାଇଲା ।

୪ ଇକନିଆ ନଅରର୍ ଲକ୍ଷ୍ମୀନାଥ ଦୁଇଟା ଦଲେ ବାଗ୍ ଅଇଲାଇ । ସେମନ୍‌ର ବିଡ଼ରେଅନି କେତେ ଲକ୍ଷ୍ମୀନାଥ ଜିଉଦିମନ୍‌ର ବାଟେ ଆରି କେତେ ଲକ୍ଷ୍ମୀନାଥ ପେରିଡ଼ ସିସ୍ତମନ୍‌ର ବାଟେ ଅଇଲାଇ ।

୫ ତାର୍‌ପତେ କେତେଟା ଜିଉଦି ନଇଲା ଲକ୍ଷ୍ମୀନାଥ ଆରି ଜିଉଦିମନ୍ ସେମନ୍‌ର ନେତାମନ୍‌ର ସଙ୍ଗ୍ ଏକ୍‌ଜୁଟ୍ ଅଇ ପେରିଡ଼ ସିସ୍ତମନ୍‌କେ ବେସି କାରାପ୍ ଚଲାଚଲ୍‌ତି କରି ସେମନ୍‌ର ଉପ୍‌ରେ ପାକ୍‌ନା ମାରି ମରାଇଦେବାକେ ପାଁଚିଲାଇ ।

୬ ମାତର୍ ପାଉଲ୍ ଆରି ବରନବା ସେଟା ଜାନିକରି ଲୁକାନିଆଇ ରଇବା ଲୁସ୍‌ତାରା ଆରି ଦର୍‌ବି ଗତର୍ ଚାରିବେଡ଼ିର୍ ଜାଗାଇ ଦାପ୍‌ରେ ପାଲାଇଲାଇ ।

୭ ଆରି ସିତି ସୁବ୍ କବର୍ ଜାନାଇଲାଇ ।

ଲୁସ୍‌ତାରା ଆରି ଦର୍‌ବିଡେଇ ସେବା କାମ୍

୮ ଲୁସ୍‌ତାରାଡେଇ ଜନ୍‌ମେଅନି ଗଡ଼ ବାଙ୍ଗିଟି ରଇଲା ଗଟେକ୍ ଚଟା ଲକ୍ଷ୍ମୀନାଥ ରଇଲା । ସେ ବିଲ୍‌କୁଲ୍ ଇଣ୍ଡି ନାପାର୍‌ଡେ ରଇଲା ।

୯ ତେଇ ବସି, ସେ ପାଉଲ୍‌ର ସିକିଆ ସୁନ୍‌ଡେ ରଇଲା । ତାର୍ ମନେ ବିସ୍‌ବାସ୍ ଅଇଲାଆଟେ ଆରି ସେ ନିମାନ୍ ଅଇପାର୍‌ସି ବଲି ପାଉଲ୍ ଜାନି ପାର୍‌ଲା । ସେଟାର୍ ପାଇ ତାର୍‌ବାଟେ ଡିରିଆଇ ଦେକି,

☆ ୧୩:୫୧ ମାଡିଉ ୧୦:୧୪; ମାର୍କ ୭:୧୧; ଲୁକ୍ ୯:୫; ୧୦:୧୧

୧୦ ଆଉଲିଅଇ କଇଲା, “ମଇତର ପାଦ୍ ମାଣ୍ଡିକରି, ସିଦା ଟିଆ ଅ !” ସେ ଲକ୍ ଡେଗଇ କରି ଚାରିବେଟି ଇଣ୍ଡିବାର୍ ଦାରଲା ।

୧୧ ତେଇ ରୁଣ୍ଡିଲା ଲକ୍ମନ୍ ପାଉଲର୍ କାମ୍ ଦେକି ତାକର୍ ଲୁକାନିଆ ବାସାଇ ସାର୍ଦା ଅଇ ଆଉଲିଅଇବାର୍ ଦାରଲାଇ । “ଦେକା, ଏ ଲକ୍ମନ୍ ସତଇସେ ଦେବତା ଅଇରଇବାଇ । ନିଜେ ମନସ୍ ରୁପ୍ ଦାରି ଉଡ଼ରି ଆଇଲାଇ ଆଚଡ଼ ।”

୧୨ ସେମନ୍ ବରନବାକେ ଜିଅସ୍ ବଲି ଜେ କି ତାକର୍ ମୁକିଅ ଦେବତା ରଇଲା, ଆରି ପାଉଲ୍‌କେ ଏରମିସ୍ ବଲି ନାମ୍‌ଲାଇ । ଏରମିସ୍ କାଇକେବଇଲେ ସେ ବେସି କାତା ଅଇଡେରଇଲା ।

୧୩ ଗଡ଼ ବାଇରର୍ ମୁଆଟେ ରଇଲା ଜିଅସ୍ ମନ୍ଦିରର୍ ପୁଜାରି, ଦୁଆର୍ ଲଗେ କେଡେଟା ପୁଲ୍ ମାଲା ପିନ୍ଦାଇକରି, କେଡେଟା ସଣ୍ଡୁମନ୍‌କେ ଆନ୍‌ଲା । କାଇକେବଇଲେ ସେ ଆରି ସିତି ରୁଣ୍ଡିଲା ଲକ୍ମନ୍ ପେରିଡ଼ ସିସ୍‌ମନ୍‌ ପାଇ ବଲ୍‌ଦମନ୍‌କେ ବିରୁ କରବାକେ ମନ୍ କରଇଲାଇ ।

୧୪ ସେମନ୍ ଜନ୍ କାମ୍ କରବାକେ ଜାଇରଇଲାଇ, ବରନବା ଆରି ପାଉଲ୍ ସେଟା ସୁନ୍‌ଲା ଦାପ୍‌ରେ, ନିଜର୍ ବସ୍‌ଡର୍ ଚିରିପାକାଇଲାଇ, ଲକ୍ମନ୍‌ର ବିଡ଼ରେ ପାଲାଇଜାଇ ଆଉଲିଅଇ କରି କଇଲାଇ,

୧୫ “ଏ ଲକ୍ମନ୍ ତମେ କାଇକେ ଏଟା କଲାସିନି ? ଆମେ ତମର୍ ପାରା ଲକ୍ ସେ । ତମକେ ସୁବ୍ କବର୍ ଜାନାଇବାକେ ଆଇଲୁଆରୁ । ଆରି ଏ ତୁଟାଇ ରଇବା ପୁଡ଼ଲାମନ୍‌କେ ପୁଜା କରବାଟା ଚାଡ଼ିକରି, ଜିବନ୍ ରଇବା ପର୍ମେସର୍‌କେ ଉପାସନା କରା ବଲି, କଇବାକେ ଆସିଆରୁ । ଏ ପର୍ମେସର୍ ସରଗ୍, ଦର୍ଡନି, ସମ୍‌ଦୁର୍ ଆରି ତାର୍ ବିଡ଼ରେ ରଇବା ସବୁ ବିସଇ ଡିଆର୍ କଲାଆଟେ ।

୧୬ ପୁରବେ ନିଜେ ମନ୍‌କରି ନିଜର୍ ବାଟେ ଜିବାକେ, ପରମେସର୍ ଲକ୍ମନ୍‌କେ ଚାଡ଼ିଦେଇ ରଇଲା ।

୧୭ ମାତର୍ ତାକର୍ ସବୁ ନିମାନ୍ କାମେଅନି ସେ ସବୁବେଲାଇ ଚିନ୍ ଦେକାଇଆଟେ; ସେ ଆକାସେଅନି ପାନି ଆରି ସମାନ୍ ବେଲାଇ କାଦି ପାଟାଇସି, ବେସି କାଦି ଜାଗାଇସି ଆରି ସାର୍ଦା ସଙ୍ଗ୍ ତମର୍ ମନ୍ ପୁରୁନ୍ ଅଇଜାଇସି ।”

୧୮ ଏଡ଼କି କଇଲେ ମିସା, ପାଉଲ୍ ଆରି ବରନବାପାଇ ବଲି ଦେବାର୍ ଆଟେଆକା ବଲି କଇଲାଇ ।

୧୯ ପଟେ ପିସିକିଆର୍ ଆନ୍‌ଟିଅକ ଆରି ଇକନିୟ୍‌ଅନି କେଡେଟା ଜିଉଦିମନ୍ ଆଇଲାଇ । ସେମନ୍ ଲକ୍ମନ୍‌କେ ସୁଡ଼ରାଇକରି ତାକର୍ବାଟେ ନେଲାଇ । ପାଉଲ୍‌କେ ପାକ୍‌ନାମାରାଇଲାଇ ଆରି ତାକେ ମଲାବଲି ବାବି ଗଡ଼ ବାଇରେ ଅରଗଡ଼ି ଜିକିନେଲାଇ ।

୨୦ ମାତର୍ ବିସ୍‌ବାସିମନ୍ ଆସି ତାର୍ ଚାରିବେଟି ଟିଆଅଇଲାକେ, ସେ ଉଟିକରି ତାକର୍ ସଙ୍ଗ୍ ଗଡ଼ ବିଡ଼ରେ ବାଅଡ଼ଲା । ତାର୍ ଆର୍କର୍ ଦିନେ ସେ ଆରି ବରନବା ଲୁସ୍‌ରା ଚାଡ଼ି ଦରବିଏ ଗାଲାଇ ।

ସିରିଆର୍ ଆନ୍‌ଟିୟ୍‌କଡେଇ ବାଅଡ଼ଲାଇ

୨୧ ପାଉଲ୍ ଆରି ବରନବା ଦରବିଡେଇ ସୁବ୍ କବର୍ ଜାନାଇକରି ବେସି ଲକ୍ମନ୍‌କେ ସିସ୍‌କଲାଇ । ତାର୍ ପଟେ ସେମନ୍ ଲୁସ୍‌ଡାରା, ଦରବି, ଇକନିଅ ଆରି ପିସିଦିଆର୍ ଆନ୍‌ଟିଅକିଡେଇ ବାଉଡ଼ି ଗାଲାଇ ।

୨୨ ସେମନ୍ ବିସ୍‌ବାସିମନ୍‌କେ ବିସ୍‌ବାସେ ଡାଟ୍‌ଅଇ ରଇବାକେ ସାର୍ଦା କଲାଇ । ସେମନ୍ ସିକିଆ ଦେଇ କଇଲାଇ, “ପରମେସରର୍ ରାଇଜେ କେଟ୍‌ବାକେ ଆଲେ ଆମ୍‌କେ ବେସି ଦୁକ୍‌କସ୍‌ଟ ଦେଇ ଜିବାକେ ଅଇସି ।”

୨୩ ସବୁ ମଣ୍ଡିଲିର୍ ପାର୍‌ଟିନମନ୍‌କେ ବାଟ୍‌ଲାଇ ଆରି ଜନ୍ ମାପୁରୁଡେଇ ସେମନ୍ ବିସ୍‌ବାସ୍ କରି ରଇଲାଇ, ସେମନ୍‌କେ ପାର୍‌ଡନା ଆରି ଉପାସ୍ ସଙ୍ଗ୍ ସର୍‌ପାଇଲାଇ ।

୨୪ ପିସିଦିଆ ବାଟ୍‌ଦେଇ ସେମନ୍ ପପୁଲିଆଇ ଆଇଲାଇ ।

୨୫ ତାର୍‌ପଟେ ପରଗାଇ କେଟ୍‌ଲାଇ । ଆରି ମାପୁରୁର୍ କାତା ଜାନାଇ ଆତାଲିଆଡେଇ ଗାଲାଇ ।

୨୬ ଆତାଲିଆଇ ସେମନ୍ ପାନିଜାଜେ ଚଗି ଆନ୍‌ଟିଅକିଅଡେଇ ବାଉଡ଼ି ଆଇଲାଇ । ଏ ଆନ୍‌ଟିକିଅର୍ ବିସ୍‌ବାସିମନ୍ ପାଉଲ୍ ଆରି ବରନବାକେ ପର୍ମେସର୍‌ଟାନେ ସର୍‌ପାଇଦେଇକରି ବିନ୍ ଜାଗାମନ୍‌କେ ମାପୁରୁର୍ ବାକିଅ ଜାନାଇବାକେ ପାଟାଇରଇଲାଇ ।

୨୭ ସେମନ୍ ଆନ୍‌ଟିକିଅ କେଟି ମଣ୍ଡିଲିର୍ ଲକ୍ମନ୍‌କେ ରୁଣ୍ଡାଇଲାଇ । ପରମେସର୍ ତାକର୍‌ଟାନେ କରିରଇବା ସବୁ କାମ୍ ସେମନ୍‌କେ ଜାନାଇଲାଇ । ଜିଉଦି ନ ଅଇଲା ଲକ୍ମନ୍ ଜିସୁଟାନେ ବିସ୍‌ବାସ୍ କରବାକେ ପର୍ମେସର୍ କେନ୍ଦ୍ରି ବାଟ୍ ଉଗାଡ଼ଲା, ସେଟା ସବୁଜାକ ସେମନ୍‌କେ ଜାନାଇଲାଇ ।

୨୮ ପାଉଲ୍ ଆରି ବରନବା ତେଇ ବିସ୍‌ବାସିମନ୍‌ର ସଙ୍ଗ୍ ବେସି ଦିନ୍ ଜାକ ରଇଲାଇ ।

୧୫

ଜିରୁସାଲାମେ କିରିସ୍‌ଟିଆନ୍ ସବା

୧ ଜିଉଦାଇଅନି କେଡେକ୍ ଲକ୍ ଆନ୍‌ଟିଅକ୍ ନଅରେ ଆଇଲାଇ । ସେମନ୍ ଆନ୍‌ଟିଅକ୍ ବିସ୍‌ବାସି ବାଇମନ୍‌କେ ଏନ୍ଦ୍ରି କଇକରି ସିକାଇଲାଇ, “ମସାର୍ ନିୟ୍‌ମ୍ ଇସାବେ ଜଦି ତମେ ସୁନ୍‌ଡ଼ ନ ଉଆସ୍, ତମର୍ ପାପର୍ ତଣ୍ଡେଅନି ମୁକ୍ତି ନ ପାଆସ୍ ।”

୨ ଏ ବିସଇ, ସେମାନର ସଙ୍ଗ ପାଉଲ୍ ଆରି ବରନବା ବେସି ଦଦାପେଲା ଅଇଲାଇ । ତେବର୍ପାଇ ଆନ୍ତିଅକର୍ ବିସ୍ବାସିମନ୍ ରାଜି ଅଇଲାଇଜେ, ପାଉଲ୍ ଆରି ବରନବା ଆରି ଆନ୍ତିଅକ୍ ମଣ୍ଡୁଲିଅନି କେତେ ଲକ୍ ଜିରୁସାଲାମେ ଜାଅଡ଼ ଆରି ତେଇର୍ ପାର୍ତିନ୍ ଆରି ପେରିଡ଼ ସିସ୍ମାନର୍ ସଙ୍ଗ ଏ ବିସଇ କାତା ଅଅଡ଼ ।

୩ ଆନ୍ତିଅକର୍ ମଣ୍ଡୁଲି ସେମନ୍ ଜିବାଟା ସୁବିଦା କରିଦେଇ ପାଟାଇଲାଇ । ସେମନ୍ ପିନିସିଆ ଆରି ସମିରଣ୍ ବାଟ୍ ଦେଇ ଜିବାବେଲେ, ଜିଉଦି ନଇଲା ଲକ୍ମନ୍ କେନ୍ତ୍ରି ମନ୍ ବାଦ୍ଲାଇକରି ପରମେସର୍କେ ନାମ୍ଲାଇ, ସେ ବିସଇ ଜାନାଇଲାଇ । ଏ କାତା ସୁନି ବିସ୍ବାସି ବାଇମନ୍ ବେସି ସାର୍ଦଦା ଅଇଲାଇ ।

୪ ସେମନ୍ ଜିରୁସାଲାମ୍ କେଟ୍ଲା ପତେ ମଣ୍ଡୁଲିର୍ ଲକ୍, ପେରିଡ଼ ସିସ୍ମନ୍ ଆରି ମଣ୍ଡୁଲିର୍ ପାର୍ତିନ୍ମନ୍କେ ବେଟ୍ଅଇଲାଇ । ଆରି ପରମେସର୍ ତାକର୍ଲଗେ କରିରଇବା କାମ୍ ବିସଇ ପାଉଲ୍ ଆରି ବରନବାକେ ଜାନାଇଲାଇ ।

୫ ମାତର୍ ପାରୁସି ଦଲର୍ କେତେଟା ବିସ୍ବାସିମନ୍ ଚିଆଅଇ କଇଲାଇ, “ଜିଉଦି ନଇଲା ଲକ୍ମନ୍ ସୁନଡ଼ ଅଇବାର୍ ଆତେ ଆକା ଆରି ମସାର୍ ବିନ୍ ନିୟମ୍ମନ୍ ମାନବାକେ ମିସା ସେମନ୍କେ ସିକାଇବାର୍ ଆତେ ।”

୬ ଏ ବିସଇ ଆଲଟନା କର୍ବାକେ ପେରିଡ଼ ସିସ୍ମନ୍ ଆରି ମଣ୍ଡୁଲିର୍ ପାର୍ତିନ୍ ରୁଣ୍ଡୁଲାଇ ।

୭ *ବେସି ପର୍ ଦଦାପେଲା ଅଇଲା ପତେ ପିତର୍ ଚିଆଅଇ କଇଲା, “ମର୍ ବାଇବଇନିମନ୍ ଜିଉଦି ନଇଲା ଲକ୍ମନ୍, ସୁନିକରି ବିସ୍ବାସ୍ କର୍ବାକେ ସେମନ୍ରଟାନେ ସୁବ୍ବବର ଜାନାଇବାକେ, ଆଗେଅନି ମକେସେ ବାଟ୍ଲାଆତେ । ଏଟା ତମେ ଜାନାସ୍ ।

୮ *ସବୁ ଲକ୍ମନର୍ କାତା ଜାନ୍ବା ପରମେସର୍ ଆମ୍କେ ଜେନ୍ତ୍ରି ସୁକଲ୍ ଆଡ଼ମା ଦାନ୍ କଲା ଆତେ, ସମାନ୍ ସେନ୍ତ୍ରି ବିସ୍ବାସ୍ କର୍ବା ଜିଉଦି ନଇଲା ଲକ୍ମନ୍କେ ମିସା ଦାନ୍ଦେଇ ସେମନ୍କେ ବାଟ୍ଲା ଆତେ ।

୯ ସେମନ୍ ଆରି ଆମର୍ ବିଡ଼ରେ, ସେ କାଇମିସା ବଡ଼ସାନ୍ ଦେକେ ନାଇ । ସେମନ୍ ଜିସୁକେ ବିସ୍ବାସ୍ କଲାର୍ପାଇ, ସେ ସେମନ୍କେ ସୁକଲ୍ କଲାଆତେ ।

୧୦ ସେନ୍ତ୍ରି ଆଲେ ଗଟେକ୍ ବଡ଼ ବଡ଼ ପିଟିତେଇ ଲାଦିଦେଲାପାରା, ଆମର୍ ସବୁ ନିୟମ୍ ମାନବାର୍ ଆତେ ବଲି କଇକରି ପରମେସର୍କେ କାଇକେ ପରିକା କଲାସ୍ନି ? ଆଜି ଜନ୍ ବଜ୍ ବଇବାକେ, ଆମର୍ ଆନିଦାଦିମନ୍ କି ଆମେ ମିସା ବଇ ନାପାର୍ଡତେ ରଇଲୁ ।

୧୧ ନାଇ, ମନେ ଏତାଇଦେକା, ଆମେ ଜେନ୍ତ୍ରି ବିସ୍ବାସ୍ କରି ମାପ୍ତୁ ଜିସୁ ଜିବନ୍ଦୁକାଇଲାକେ ମୁକ୍ତି ପାଇଆତୁ, ସେମନ୍ ମିସା ସେନ୍ତ୍ରାସିସେ ।”

୧୨ ତାର୍ପତେ ପାଉଲ୍ ଆରି ବରନବାଟାନେଅନି ଜିଉଦି ନଇଲା ଲକ୍ମନର୍ତେଇ ପରମେସର୍ ଜନ୍ ସବୁ କାବା ଅଇଜିବା କାମ୍ମନ୍ ଆରି ଚକିଡ଼ ବିସଇ କରି ରଇଲା, ସେ ସବୁ କାତା ସୁନି ଦଲର୍ ସବୁ ଲକ୍ ଚିମ୍ଲାଅଇ ରଇଲାଇ ।

୧୩ ସେମନ୍ କଇସାରାଇଲା ପତେ ଜାକୁବ୍ କଇଲା, ଏ ମର୍ ବାଇବଇନିମନ୍ ମର୍ କାତା ସୁନା !

୧୪ ପରମେସର୍ ପର୍ତମେ ଜିଉଦି ନଅଇଲା ଲକ୍ମନ୍କେ ଆଲାଦ୍ କରି, ତାର୍ ନିଜର୍ ଲକ୍ ଅଅଡ଼ ବଲି, ତାକର୍ ବିଡ଼ରେ ଅନି, ଲକ୍ମନ୍କେ ବାଟ୍ଲାଇ । ଏ କାତା ସିମନ୍ ବୁଜାଇ ଦେଇଆତେ ।

୧୫ ପରମେସର୍ କରିରଇବା ଏ କାମ୍ ବବିସଡ଼ବକ୍ତାମନ୍ କଇରଇବାଟା ସଙ୍ଗ ସମାନ୍ ଆତେ ।

୧୬ ମାପ୍ତୁ କଇଲା,

“ତାର୍ ପତେ ମୁଇ ନିଜେ ଦିନେକ୍ ବାଉଡ଼ି ଆଇବି,
ଆରି ଦାଉଦର୍ ବାଜିଜାଇରଇବା ରାଇଜ୍ ଆରିତରେକ୍ ତିଆର୍ କର୍ବି ।
ଜେନ୍ତ୍ରକି ସେଟା ପୁରାପୁରନ୍ ତାଟ୍ ରଇସି ।

୧୭ ତେଇଅନି ସବୁଜାକ ମନସ୍ ଜାତି ମର୍ ଲଗେ ଆଇବାଇ,

ଜନ୍ ଜିଉଦି ନଇଲା ଲକ୍ମନ୍କେ ମାପ୍ତୁ ନିଜର୍
କର୍ବାକେ ତାକ୍ଲାଆତେ
ସେମନ୍ ସବୁ ଲକ୍ ମକେ ନାମ୍ବାଇ ।

୧୮ ମାପ୍ତୁ ଏ କାତା କଇଲାନି,

ଜେ କି ବେସି ଆଗ୍ତୁ ଏ କାତା କଇରଇଲା ।”

୧୯ ଏବେ ଜାକୁବ୍ କଇବାକେ ଆରାମ୍‌କଲା । ସେ କଇଲା, “ମର୍ ବିତାର୍ ଇସାବେ, ଜନ୍ ଜିଉଦି ନଇଲା ଲକ୍ମନ୍ ପରମେସର୍ ବାଟେ ବାଅଡ଼ଲାଇ ଆତଡ଼, ଆମେ ଆରି ସେମନ୍କେ ଅଇରାନ୍ ନ କରୁ ।

୨୦ ଏଲେ ସେମନ୍ ଆରି ଜେନ୍ତ୍ରକି ପୁଡ଼ଲା ଦେବ୍ତାମନ୍କେ ସର୍ପିଦେଲା କାଇମିସା ଅସୁକଲ୍ କାଦି ନ କାଆ, ବିନ୍ ଲକ୍ମନ୍ ମାଇଜି କି ମୁନ୍ସର୍ ସଙ୍ଗ ମିସବାଟାନେଅନି ଦୁରିକେ ରଅଡ଼, ଚଟ୍ରି ପିଡ଼କି ମରାଇରଇବା ପସୁର୍ ମାଉସ୍ କି ବନି, ନ କାଅଡ଼ ଏ ସବୁ ବିସଇଟାନେ ସେମନ୍କେ ଉପ୍ଦେସ୍ ଦେଇ, ସେମନ୍ ଲଗେ ଗଟେକ୍ ଚିଟି ଲେକୁ ।

☆ ୧୫:୨ ପେରିଡ଼ ୧୦:୧-୪୩ ☆ ୧୫:୮ ପେରିଡ଼ ୧୦:୪୪;୨:୪

୨୧ କାଲକେବଇଲେ ବେସି ଦିନେଅନି ସବୁ ବିସ୍ଵାମ୍ବାରେ ଆମର୍ ପାର୍ତନା ଗର୍ମନ୍‌କେ ମସାର ନିୟମ୍ ପଢ଼ଲାଇନି, ଆରି ସବୁ ଗଡେ ସେ ନିୟମ୍‌ମନ୍ ଜାନାଇଲାଇନି ।”

ଜିଉଦିନଇଲା ବିସ୍ଵାସିମନ୍‌ର ଲଗେ ଚିଟି

୨୨ ପଚେ ପେରିଡ଼ ସିସ୍‌ମନ୍, ମଣ୍ଡଲିର୍ ପାର୍ତନିମନ୍, ଆରି ସବୁ ମଣ୍ଡଲିର୍ ବାଇମନ୍ ରୁଣ୍ଡିଲାଇ । ସେମନ୍ ରାଜିଅଇରଇବା କାତା ଆନ୍‌ଟିଅକର୍ ବିସ୍ଵାସିମନ୍‌କେ ଜାନାଇବାକେ ପାଉଲ୍ ଆରି ବର୍ନବା ସଙ୍ଗ୍ ଜିବାକେ କେତେଲକ୍‌କେ ବାଟ୍‌ଲାଇ । ବର୍ସବା ନାଉର୍ ଜିଉଦା ଆରି ସିଲାକେ ବାଟ୍‌ଲାଇ । ଏ ଦୁଇଲକ୍‌କେ ସବୁ ବିସ୍ଵାସିମନ୍ ସନ୍‌ମାନ୍ ଦେଇଡେରଇଲାଇ ।

୨୩ ବିସ୍ଵାସିମନ୍ ଏ ତଲେ ଲେକାଅଇଲା ଚିଟି, ସେ ଦୁଇ ଲକ୍‌ ଆଡେ ପାଟାଇଲାଇ ।

“ଆନ୍‌ଟିଅକ, ସିରିଆ ଆରି ସିଲିସିଆ ରଇବା ଜିଉଦିନଇଲା ଆମର୍ ବାଇମନ୍, ଜୁଆର୍ ! ଜିରୁସାଲମର୍ ପେରିଡ଼ମନ୍, ପାର୍ତନିମନ୍ ଆରି ତମର୍ ବାଇମନ୍, ଏ ଚିଟି ପାଟାଇଲୁନି ।

୨୪ ଆମେ ସୁନ୍‌ଲୁନି ଜେ, ଆମର୍ ଦଲେଅନି କେତେ ଲକ୍‌ ତମର୍‌ଟାନେ ଆସି, ଜାଇଜାଇଟା ସିକାଇଆଡ଼, ତେଇଅନି ସେମନ୍ ତମ୍‌କେ କଟପଟ ଆରି ତେରେପେତେ କଲାଇଆଡ଼ । ମାତର୍ ଆମେ ସେମନ୍‌କେ ସେନ୍ତାରି କର୍ବାକେ, କାଇମିସା ଆଦେସ୍ ଦେଉନାଇ ।

୨୫ ସେଟାର୍ ପାଇ ଆମେ ସବୁ ଲକ୍‌ ଗଟେକ୍ ଅଇକରି କେତେଟା କବର୍ କଉମନ୍‌କେ ବାଟି, ତମର୍ ଲଗେ ପାଟାଇବାକେ ଟିକ୍ କଲୁ । ସେମନ୍ ଆମର୍ ଆଲାଦର୍ ମଇତର୍‌ମନ୍, ବର୍ନବା ଆରି ପାଉଲ୍‌ର୍ ସଙ୍ଗ୍ ଜିବାଇ ।

୨୬ ଏ ମଇତର୍‌ମନ୍ ମାପ୍‌ରୁ ଜିସୁର୍ ସେବାଡେଇ ନିଜର୍ ଜିବନ୍ ସର୍ପିଦେଇ ଆଡ଼ ।

୨୭ ସେଟାର୍ ପାଇ ଜିଉଦା ଆରି ସିଲାକେ ତମର୍ ଲଗେ ପାଟାଇଲୁନି । ଆମେ ଜାଇଟା ଲେକିଆରୁ, ସେଟା ତମ୍‌କେ ସେମନ୍ ନିଜେ ବାଟାଇଦେବାଇ ।

୨୮ କେତେଟା ଦର୍‌କାର୍ ରଇଲା ନିୟମ୍ ଚାଡ଼ି, ତମର୍ ଉପ୍‌ରେ ଆରି କାଇମିସା ବଜ୍ ନ ଲାଦ୍‌ବାକେ ଆମେ ସୁକଲ୍‌ଆଡ଼ମାଇ ଅନି ଚାଲ୍‌ନା ପାଇଲୁଆରୁ ।

୨୯ ସେ କେତେଟା ନିୟମ୍ ଅଇଲାନି ପୁଡ଼ଲା ଦେବ୍‌ତାମନ୍‌କେ ପୁଜା କରିରଇବା କାଇମିସା କାଦି କାଇବାର୍ ନାଇ । ଟର୍‌ରି ପିବ୍‌କି ମରାଇଲା କନ୍ ମିସା ପସୁର୍ ବନି କି ମାଉସ୍ କାଇବାର୍ ନାଇ । ଆରି ବିନ୍ ମାଇଜି କି ମୁନୁସର୍ ମିଲାମିସା ଟାନେଅନି ଦୁରିକେ ରଇବାର୍ । ଏ ସବୁ କାମ୍ ନ କର୍ବାକେ ତମେ ଜାଗ୍‌ଡ଼ ରଇଲେ, ଅଇଜାଇସି । ଏଡ଼କିକେ ରଇଲୁନି ।”

୩୦ ଜନ୍ କବର୍ କଉମନ୍‌କେ ପାଟାଇ ରଇଲାଇ, ସେମନ୍ ଆନ୍‌ଟିଅକ୍‌ଡେଇ ଜାଇ ବିସ୍ଵାସିମନ୍‌ର୍ ସବୁ ଦଲ୍‌କେ ରୁଣ୍ଡାଇକରି ସେ ଚିଟି ଦେଲାଇ ।

୩୧ ତେଇର୍ ବିସ୍ଵାସିମନ୍ ସେ ଚିଟି ପଢ଼ିକରି ବେସି ସାର୍‌ଦା ଅଇଗାଲାଇ ।

୩୨ ଜିଉଦା ଆରି ସିଲା ନିଜେ ଦୁଇ ଲକ୍‌ ବବିସ୍‌ଡ଼ବକ୍‌ତା ରଇଲାଇ । ସେମନ୍ ଆନ୍‌ଟିଅକର୍ ବିସ୍ଵାସି ବାଇମନ୍‌କେ ବେସିଦିନ୍ ରଇକରି, କବର୍ ଜାନାଇ, ସେମନ୍‌ର୍ ବିସ୍ଵାସ୍ ଡାଟ୍ କଲାଇ ।

୩୩ ତେଇ କେତେ ଦିନ୍ ରଇଲା ପଚେ, ଜନ୍‌ଲକ୍‌ମନ୍ ସେମନ୍‌କେ ପାଟାଇରଇଲାଇ, ସେମନ୍‌ର୍ ଲଗେ ବାଉଡ଼ି ଜିବାକେ, ବିସ୍ଵାସି ବାଇମନ୍ ସେମନ୍‌କେ ସାନ୍ତି ସଙ୍ଗ୍, ପାଟାଇ ଦେଲାଇ ।

୩୪ ମାତର୍ ସିଲା ତେଇସେ ରଇବାଟା ଟିକ୍ ବଲି ତେଇ ରଇବାକେ ମନ୍ କଲା ।

୩୫ ପାଉଲ୍ ଆରି ବର୍ନବା ଆନ୍‌ଟିଅକ୍‌ଡେଇ କେତେ ଦିନ୍ ରଇକରି ବେସି ଲକ୍‌ମନ୍‌ର୍ ସଙ୍ଗ୍, ମିସିବିଡ଼ି ମାପ୍‌ରୁର୍ ବାକିଅ ଜାନାଇଲାଇ ଆରି ସିକିଆ ଦେଲାଇ ।

ପାଉଲ୍ ଆରି ବର୍ନବା ବିନେ ଅଇଲାଇ

୩୬ କେତେ ଦିନ୍ ପଚେ ପାଉଲ୍ ବର୍ନବାକେ କଇଲା, “ଜୁ, ଆମେ ବାଉଡ଼ି ଜୁ, ସବୁ ଗଡ଼ମନ୍‌କେ, ଆମର୍ ଜନ୍ ବାଇମନ୍‌କେ ମାପ୍‌ରୁର୍ ବାକିଅ ଜାନାଇ ରଇଲୁ, ସେମନ୍‌କେ ବେଟ୍ ଅର୍ ଆରି ସେମନ୍ ବିସ୍ଵାସେ କେନ୍ତି ଆଡ଼ ବୁଜି ଦେକୁ ।”

୩୭ ଜଅନ୍ ମାର୍‌କକେ ମିସା ଡାକର୍ ସଙ୍ଗ୍ ନେବାକେ ବର୍ନବା ମନ୍ କଲା ।

୩୮ ମାତର୍ ପାଉଲ୍ କଇଲା “ନିରୁ, କାଲକେ ବଇଲେ, ପପୁଲିଆଇ ଜନ୍ ଦିନେ ଆମର୍ କାମ୍ ସାରି ନ ରଇଲା, ସେ ଆମ୍‌କେ ଚାଡ଼ି ବାଉଡ଼ି ଉଟିଆଇଲା ।”

୩୯ ଏ ବିସଇ, ବେସି କୁଆବଲା ଅଇଲାଇ ଆରି ସେମନ୍ ବିନେ ଅଇଲାଇ । ବର୍ନବା ଜଅନ୍‌ମାରକକେ ନେଇ ସାଇପରସେ ଜିବା ପାନିଜାଜେ ଚଗ୍‌ଲାଇ ।

୪୦ ମାତର୍ ପାଉଲ୍ ଡାକ୍‌ସଙ୍ଗ୍ ଜିବାକେ ସିଲାକେ ବାଟ୍‌ଲା । ଆରି ମାପ୍‌ରୁର୍ ଜିବନ୍‌ଦୁକାନି ତେଇ ସେମନ୍‌କେ ସର୍ପିଦେଇ, ବିସ୍ଵାସିମନ୍ ପାଟାଇ ଦେଲାଇ ।

୪୧ ପାଉଲ୍ ଆରି ସିଲା, ସିରିଆ ଆରି ସିଲିସିଆଇ ବୁଲି ବୁଲି କରି ତେଇର୍ ମଣ୍ଡଲିମନ୍‌କେ ଡାଟ୍ କରାଇଲାଇ ।



ପାଉଲ୍ ଆରି ସିଲାସ୍ ସଙ୍ଗ୍ ତିମତି ଜିବାଟା

^୧ ତେଜଅନି ପାଉଲ୍ ଦରୁବି ଆରି ଲୁସ୍ତାରାଇ ଆଇଲା । ସେ ନଅରେ ତିମତି ନାଉଁର୍ ଗଟେକ୍ ବିସ୍ବାସି ଲକ୍ ରଇଲା । ତାର୍ ମାଆ ଗଟେକ୍ ଜିଉଦି ବିସ୍ବାସି ରଇଲା । ମାତର୍ ତାର୍ ବାବା ଗଟେକ୍ ଗିରିକ୍ ଲକ୍ ରଇଲା ।

^୨ ଲୁସ୍ତାରା ଆରି ଇକନିଅତେଇ ରଇବା ସବୁ ବିସ୍ବାସି ବାଇମନ୍ ତିମତିକେ ସନ୍ମାନ କର୍ତ୍ତେରଇଲା ।

^୩ ପାଉଲ୍ ତାର୍ ସଙ୍ଗ୍ ତିମତିକେ ନେବାକେ ମନ୍ କଲା, ସେଟାର୍ପାଇ ଜିବା ଆଗତୁ ମସାର୍ ନିୟମ୍ ଇସାବେ ତାକେ ସୁନତ୍ କଲା । ଜେଣ୍ଡିକି ସେ ଜାଗାର୍ ଜିଉଦିମନ୍ ତାକେ ନିୟା ନ କରତ୍ । କାଇକେବଇଲେ ତେଇର୍ ଲକ୍ମନ୍ ତିମତିର୍ ବାବା ଗିରିକ୍ ଲକ୍ ବଲି ଜାନିରଇଲା ।

^୪ ସେମନ୍ କେଟ୍ଲା ସବୁ ଜାଗାଇ ଜିଉଦି ନ ଅଇଲା ବିସ୍ବାସିମନ୍ପାଇ, ଜିରୁସାଲମର୍ ପାର୍ତିମନ୍ ଆରି ପେରିଡ଼ମନ୍ ରାଜି ଅଇରଇବା ନିତିନିୟମ୍ ବିସଇ କଇଲା । ଏ ସବୁ ନିୟମ୍ ମାନ୍ବାକେ ବିସ୍ବାସିମନ୍କେ କଇଲା ।

^୫ ସେଟାର୍ପାଇ ମଣ୍ଡଲିମନ୍ ଲକ୍ମନ୍ ବିସ୍ବାସେ ତାଟ୍ ଅଇଲା ଆରି ଦିନକେ ଦିନ୍ ତାକର୍ ବିସ୍ବାସ୍ ବଡ଼ବାର୍ ଦାର୍ଲା ।

ମାସିଦନିଆଇ ଜିବା ପାଇ ତରୟାତେଇ ପାଉଲ୍କେ ଚାଲ୍ନା ମିଲ୍ବାଟା

^୬ ସୁକଲ୍ଆତ୍ମା ସେମନ୍କେ ଆସିଆ ଦେସେ ମାପୁରୁର୍ କାତା କଇବାକେ ଚାଲ୍ନା ଦେଅଡ଼ନାଇକେ, ସେମନ୍ ପିରିଜିଆ ଆରି ଗାଲାତିଆ ଜାଗାଇ ଗାଲା ।

^୭ ମିସିଆର୍ ସନ୍ଦିଲଗେ କେଟି ବିତିନିଆ ରାଇଜେ ଜିବାକେ ଚେସ୍ଟା କଲା । ମାତର୍ ବାରଇଲାବେଲେ ଜିସୁର୍ଲାଗି ତାକର୍ ବିଡ଼ରେ ରଇବା ସୁକଲ୍ ଆତ୍ମା, ସେମନ୍କେ ଜିବାକେ ଚାଲ୍ନା ଦେଏନାଇ ।

^୮ ସେଟାର୍ ପାଇ ସେମନ୍ ମିସିଆବାଟ୍ ଦେଇ ତରୟାତେଇ ଗାଲା ।

^୯ ତରୟାଇ ରଇଲାବେଲେ, ସେ ରାତିଆ ପାଉଲ୍ ଗଟେକ୍ ଦର୍ସନ୍ ଦେକ୍ଲା । ସେ ଦର୍ସନେ ମାସିଦନିଆର୍ ଗଟେକ୍ ଲକ୍ ଟିଆଅଇ ବାରୁଜିଆ କରି କଇଲା “ମାସିଦନିଆଇ ଆସି ଆମକେ ସାଇଜ କରା !”

^{୧୦} ପାଉଲ୍ ଏ ଦର୍ସନ୍ ଦେକ୍ଲା ଦାପ୍ରେ, ମାସିଦନିଆଇ ଜିବାକେ ଆମେ ତିଆର୍ ଅଇଲୁ, କାଇକେବଇଲେ ଆମେ ନିକ ସଙ୍ଗ୍ ଜାନ୍ଲୁ, ପର୍ମେସର୍ ତେଇର୍ ଲକ୍ମନ୍ ବିଡ଼ରେ, ସୁର୍ କବର୍ ଜାନାଇବାକେ ଆମକେ ଡାକ୍ଲା ଆଟେ ।

ପିଲିପିତେଇ ଲୁଦିଆର୍ ମନ୍ ପେରାନି

^{୧୧} ଆମେ ତରୟାଅନି ଜାଜେ ଚଗି ସିଦା ସାମତରା ଗାଲୁ ଆରି ତାର୍ ଆର୍କର୍ ଦିନେ ନିଆପଲି କେଟ୍ଲୁ ।

^{୧୨} ତେଇଆମେ ଉଡ଼ରିକରି ମାସିଦନିଆ ଜିଲାର୍ ମୁକିଅ ଗଡ଼ ପିଲିପେ ଗାଲୁ । ଏ ଗଡ଼ ଗଟେକ୍ ରମିୟ୍ ଦଲ୍ ରଇବା ଗଡ଼ ରଇଲା । ତେଇ ଆମେ ବେସି ଦିନ୍ ଜାକ ରଇଲୁ ।

^{୧୩} ବିସ୍ତାରମ୍ବାରେ ଗଡ଼ ବାଇରର୍ ଗାଡ଼ କଣ୍ଡି ଗାଲୁ । ତେଇ ଜିଉଦିମନ୍ ରୁଣ୍ଡିକରି ପାର୍ତନା କରବାକେ ଗଟେକ୍ ଜାଗା ବଲି ବାବ୍ଲୁ । ଆମେ ତେଇ ବସ୍ଲୁ ଆରି ତେଇ ରୁଣ୍ଡି ରଇବା ମାଇଜି ମନ୍ ସଙ୍ଗ୍ କାତାବାର୍ତା ଅଇଲୁ ।

^{୧୪} ସେମନ୍ ବିଡ଼ରେଅନି ଦୁୟଟିରା ଗଡ଼ ଲୁଦିଆ ନାଉଁର୍ ଗଟେକ୍ ମାଇଜି, ଆମର୍ କାତା ସୁନ୍ତେରଇଲା । ସେ ବେସି ଦାମ୍ ଅଇବା ଜାମ୍‌କିଆ ରଙ୍ଗର୍ ଲୁଗା ବିକ୍ତେରଇଲା । ସେ ପରମେସର୍କେ ପାର୍ତନା କରବା, ଜିଉଦି ନ ଅଇଲା ଲକ୍ । ପାଉଲ୍ ମାପୁରୁର୍ କାତା କଇଲାବେଲେ ସେଟା ନାମ୍ବାକେ ମାପୁରୁ ତାର୍ ମନ୍ ଉଗାଡିଦେଲା ।

^{୧୫} ବିସ୍ବାସ୍ କଲାପଟେ, ସେ ଆରି ତାର୍ କୁଟୁମର୍ ଲକ୍ ଦୁବନ୍ ନେଲା । ତାର୍ ପଟେ ସେ ଆମକେ ଡାକିକରି କଇଲା, “ଜିଉଦି ସତଇସେ ମୁଇ ମାପୁରୁକେ ବିସ୍ବାସ୍ କଲିନି ବଲି ତମେ ବାବ୍ଲାସ୍ନି, ତେବେ ଆସି ମର୍ ଗରେ ରୁଆ ।” ସେ ଏଣ୍ଡି କଇ ଆମକେ ତାର୍ ଗରେ ଜିବାକେ ସୁଡ଼ରାଇଲା ।

ପିଲିପିର୍ ବନ୍ଦି ଗରେ ପାଉଲ୍ ଆରି ସିଲା

^{୧୬} ଆରି ଗଟେକ୍ଦିନେ ଆମେ ପାର୍ତନା ଜାଗାଇ ଜାଇରଇଲୁ । ତେଇ ଦୁମା ଡସିରଇବା ଗଟେକ୍ ଗତିଦାଙ୍ଗ୍ତିକେ ବେଟ୍‌ଅଇଲୁ । ସେ ତାର୍ ବିଡ଼ରେ ରଇଲା କାରାପ୍‌ଆତ୍ମା ବପୁ ସଙ୍ଗ୍ ବବିସ୍ତ୍ କାତା କଇପାର୍ତେ ରଇଲା । ସେ ଲକ୍ମନ୍ ଆତ୍ ଦେକି, ବବିସ୍ତ୍ କାତା କଇଦେଇକରି, ସାଉକାର୍ମନ୍କେ ବେସି ତାବୁ କାମାଇଦେଇତେରଇଲା ।

^{୧୭} ଆମେ ତାର୍‌ଲଗେ ଗାଲାକେ, ସେ ପାଉଲ୍ ବଲି କିରକିରି ଆମର୍ ପର୍ ପର୍ ଆଇଲା । ଆରି କଇଲା, “ଏ ଲକ୍ମନ୍ ସବୁର୍ଟାନେଅନି ବଡ଼ ପରମେସର୍ ସେବାକରୁମନ୍ । ତମେ କେଣ୍ଡି ମୁକ୍ତି ପାଇସା, ଏ କାତା ସେମନ୍ କଇଲାଇନି ।”

^{୧୮} ସେ ଦାଙ୍ଗ୍ତି ବେସି ଦିନ୍ ଦାରି ଏଣ୍ଡି କଲା । ସାରାସାରିପଟେ ପାଉଲ୍ ବିଜାର୍ ଅଇଲା । ସେ ପର୍ବାଟେ ପାସ୍ଲି ଦେକି କାରାପ୍‌ଆତ୍ମାକେ ଦମ୍‌କାଇକରି କଇଲା, “ଜିସୁ କିରିସ୍ଟର୍ ନାଉଁ ଦାରି ଆଦେସ୍ ଦେଲିନି, ତାର୍‌ତେଇଅନି ବାରଇ ଜା ।” ସେ କଇଲା ଦାପ୍ରେ, କରାପ୍‌ ଆତ୍ମା ତାର୍‌ତେଇଅନି ବାରଇଗାଲା ।

^{୧୯} ଜେତେବେଲ୍ ତାକର୍ ସାଉକାର୍ମନ୍କେ ନିଜର୍ ଦନ୍ ଅରଜ୍‌ବାଟା, ବୁଡ଼ିଗାଲା ବଲି ଜାନ୍ଲା, ପାଉଲ୍ ଆରି ସିଲାକେ ଗଡ଼ର୍ ମଜାଇ ରଇବା ରମିଅ ଅଦିକାରିର୍ ଲଗେ ଜିକି ଆନ୍‌ଲା ।

୨୦ ସେମନ୍ତକେ ତାକର୍ ମୁଆଟେ ଆନି ଦସ୍‌ଦେଇ କରି କଇଲାଇ “ଏମନ୍ ଜିଉଦି ଲକ୍, ଆମର୍ ଗଡେ ଆସି ଗଣ୍ଟଗଲ୍ କଲାଇନି ।”

୨୧ ଆମର୍ ନିୟମ୍ ବିରଦେ ରିତିନିତି ସିକାଇଲାଇନି । ଆମେ ରମିଅ ଲକ୍, ସେଟାର ପାଇ ଏ ରିତିନିତି ମାନି ନାପାରୁ ।

୨୨ ସାଉକାର୍ ମନର୍ କାତାମିସାଇ ତେଇ ରଇଲା ଲକ୍‌ମନ୍, ପାଉଲ୍ ଆରି ସିଲାର୍ ବିରଦେ ଉଟ୍‌ଲାଇ ।

ସେ ଅଦିକାରିମନ୍ ପାଉଲ୍ ଆରି ସିଲାର୍ ବସ୍‌ତର୍ ଚିରିକରି କର୍ତ୍ତା ସଙ୍ଗ୍ ମାର୍‌ବାକେ ଆଦେସ୍ ଦେଲାଇ ।

୨୩ ବେସି ମାଡ଼କାଇଲା ପଟେ ସେମନ୍ତକେ ବନ୍ଦି ଗରେ ପୁରାଇଲାଇ ଆରି କୁଟିଦେଇ ଜାଗ୍‌ବାକେ ବନ୍ଦି ଗର୍ ଜାଗୁଆଲ୍‌କେ ଆଦେସ୍ ଦେଲାଇ ।

୨୪ ଏ ଆଦେସ୍ ପାଇ ବନ୍ଦି ଗର୍ ଜାଗୁଆଲ୍ ସେମନ୍ତକେ ଗଟେକ୍ ବିଡ଼ରର୍ ବାକ୍‌ରାଇ ପୁରାଇ ଦେଇ, ବଜ୍ରରଇବା ଦାରୁମୁର୍‌ଲାଇ ତାକର୍ ଗଡ଼ ବାନ୍ଦିଦେଲା ।

୨୫ ପାଉଲ୍ ଆରି ସିଲା ମଜା ରାତି ବେଲାଇ ପର୍‌ମେସର୍‌କେ ପାର୍‌ତନା କରି ଗିଡ଼ ଗାଇତେ ରଇଲାଇ । ବନ୍ଦି ଗରେ ରଇବା ବିନଲକ୍‌ମନ୍ ସେଟା ସବୁ ସୁନ୍‌ତେ ରଇଲାଇ ।

୨୬ ସେଡ଼କିବେଲେ, ଅଟାଡ଼ ବେସି ଦର୍‌ତନି ଚୁଲ୍‌ବୁଲ୍‌ଲା ଆରି ବନ୍ଦି ଗରର୍ ପାକାଇଲା କୁନାଦି ପାକ୍‌ନା ଆଲିଗାଲା, ସେ ଦାପ୍‌ରେ କାପାଟ୍‌ମନ୍ ଉଗାଡ଼ି ଅଇଗାଲା ଆରି ସବୁ ବନ୍ଦିମନ୍‌ର୍ ସିକ୍‌ଲି କୁସ୍‌ଲି ଗାଲା ।

୨୭ ବନ୍ଦି ଗରର୍ ଜାଗୁଆଲ୍ ଚେତାଅଇ ଉଟ୍‌ଲା ଆରି ବନ୍ଦି ଗରର୍ କାପାଟ୍ ଉଗ୍‌ତା ଅଇରଇଲାଟା ଦେକ୍‌ଲା । ସେ ବନ୍ଦିମନ୍ ସବୁ ପାଇଲା ଆତଡ଼ ବଲି ବାବ୍‌ଲା । ସେଟାର ପାଇ ସେ ତାର୍ କାଣ୍ଡା ବେଟି ବୁସି ଅଇ ମର୍‌ବାକେ ଜାଇତେ ରଇଲା ।

୨୮ ମାତର୍ ପାଉଲ୍ ଆଉଲିଅଇ କଇଲା, “ନିଜେ ତର୍ ଗାଗଡ଼ କାଟିଅଇ ନସାନାଇ । ଆମେ ସବୁ ଲକ୍ ଇତି ଆରୁ ! କେ ପାଲାଉ ନାଇ ।”

୨୯ ବନ୍ଦି ଗର୍ ଜାଗୁଆଲ୍ ଗଟେକ୍ ବଡ଼ି ଆନ୍‌ବାକେ ତିଆର୍‌ଲା । ଆରି ସେ ବଡ଼ି ଦାର୍‌ଲା ଆରି ତର୍‌ତରି ତର୍‌ତରି ଆସି ପାଉଲ୍ ଆରି ସିଲାର୍ ଗଡ଼ ତଲେ ଅଦର୍‌ଲା ।

୩୦ ତାର୍ ପଟେ ସେମନ୍ତକେ ବାଇରେ ନେଇ ପାଗାର୍‌ଲା, “ଆଗିଆଁମନ୍ ! ପର୍‌ମେସର୍‌ର୍ ତଣ୍ଡେଅନି ରକିଆ ପାଇବାକେ ମୁଇ କାଇଟା କର୍‌ବାର୍ ଆଟେ ?”

୩୧ ସେମନ୍ କଇଲାଇ, “ମାପୁରୁ ଜିସୁକେ ବିସ୍‌ବାସ୍ କଲେ, ତୁଇ ଆରି ତମର୍ କୁଟୁମର୍ ସବୁ, ମୁକ୍ତି ପାଇସା ।”

୩୨ ତାର୍ ପଟେ ସେମନ୍ ତାକେ ଆରି ତାକର୍ ଗରର୍ ସବୁ ଲକ୍‌କେ ମାପୁରୁର୍ ବାକିଅ କଇଲାଇ ।

୩୩ ସେ ଦାପ୍‌ରେ ମଜାରାତି ବେଲେ, ବନ୍ଦି ଗର୍ ଜାଗୁଆଲ୍ ସେମନ୍ତକେ ତାକିନେଇ ସେମନ୍‌ର୍ ଗାଉ ଅଇଲାଟା ସବୁ ଦଇଦେଲା । ତାର୍‌ପଟେ ସେ ଆରି ତାର୍ କୁଟୁମର୍ ସବୁ ଲକ୍ ତୁବନ୍ ନେଲାଇ ।

୩୪ ତାର୍‌ପଟେ ସେ ପାଉଲ୍ ଆରି ସିଲାକେ ତାକର୍ ଗରେ ତାକିନେଇ କାଇବାକେ ଦେଲା । ତେଇ ପର୍‌ମେସର୍‌କେ ବିସ୍‌ବାସ୍ କଲାର୍ ପାଇ ସେ ଆରି ତାର୍ କୁଟୁମର୍ ସବୁ ଲକ୍‌ମନ୍ ସାର୍‌ଦା ଅଇଗାଲାଇ ।

୩୫ ଆରିଗଟେକ୍ ଦିନର୍ ସାକାଲେ ରମିଅ ସାସନ୍‌କାରିଆମନ୍ ସେ ଲକ୍‌ମନ୍‌କେ ଚାଡ଼ି ଦିଆସ୍ ବଲି ଜାଗୁଆଲ୍‌ମନ୍‌କେ କଇକରି ପାଟାଲିଲାଇ ।

୩୬ ସେଟାର ପାଇ ବନ୍ଦିଗର୍ ଜାଗୁଆଲ୍ ପାଉଲ୍‌କେ କଇଲା, “ରମିଅ ସାସନ୍‌କାରିଆ ତମ୍‌କେ ଆରି ସିଲାକେ ଚାଡ଼ି ଦେବାକେ ଆଦେସ୍ ଦେଲା ଆଟେ । ଏବେ ତମେ ଏ ଜାଗାଇଅନି ସାନ୍ତି ସଙ୍ଗ୍ ଉଟି ଜା ।”

୩୭ ମାତର୍ ପାଉଲ୍ ସନିଅମନ୍‌କେ କଇଲା, “କାଇମିସା ଅପୁରାଦେ ଦସି ଅଇ ନ ରଇଲେ ମିସା, ସେମନ୍ ଆମ୍‌କେ ଲକ୍‌ମନ୍‌ର୍ ମୁଆଟେ ମାର୍‌ଲାଇ । ଆମେ ରମିଅ ଲକ୍, ମାତର୍ ସେମନ୍ ଆମ୍‌କେ ବନ୍ଦି କଲାଇ । ଏବେ ଆମ୍‌କେ ଲୁଟ୍‌ତେ ଚାଡ଼ିଦେବାକେ ମନ୍ କଲାଇନି । ଏଟା କର୍‌ବାକେ ଆମେ ନ ଦେଉଁ । ରମିୟ୍ ଅଦିକାରି ନିଜେ ଆସି ଇତି ଆମ୍‌କେ ମୁକ୍‌ଲାଅ ।”

୩୮ ସନିଅମନ୍ ରମିଅ ସାସନ୍‌କାରିଆକେ ଏ କାତା ଜାନାଇଲାଇ । ପାଉଲ୍ ଆରି ସିଲା ରମିଅ ଲକ୍ ବଲି ସୁନି ସେମନ୍ ତରିଗାଲାଇ ।

୩୯ ସେଟାର୍‌ପାଇ ବନ୍ଦିଗରେ ଜାଇ ସେମନ୍‌କେ କେମା ମାଙ୍ଗ୍‌ଲାଇ ଆରି ସେମନ୍‌କେ ବନ୍ଦି ଗରେଅନି ବାକ୍‌ରାଇ ଗଡ଼ ଚାଡ଼ି ଉଟିଜିବାକେ ବାବୁଜିଆ କଲାଇ ।

୪୦ ପାଉଲ୍ ଆରି ସିଲା ବନ୍ଦି ଗରେଅନି ବାରଇ ଲୁଦିଆର୍ ଗରେ ଗାଲାଇ । ତେଇ ସେମନ୍ ବିସ୍‌ବାସି ବାଇମନ୍‌କେ ବେଟ୍ ଅଇ, ସେମନ୍‌କେ ସାର୍‌ଦା କରାଇ, ସେ ଜାଗା ଚାଡ଼ିଉଟିଗାଲାଇ ।



ତେସଲନିକିତେଇ ସେବା କାମ୍ କର୍‌ବାଟା

୧ ପାଉଲ୍ ଆରି ସିଲା ଅମପିପଲି ଆରି ଆପଲନିଆ ବାଟ୍‌ଦେଇ ତେସଲନି ଜାଗାଇ କେଟ୍‌ଲାଇ । ତେଇ ଜିଉଦିମନ୍‌ର୍ ଗଟେକ୍ ପାର୍‌ତନା ଗର୍ ରଇଲା ।

୨ ପାଉଲ୍ ତାର୍ ରିତିନିତି ଇସାବେ, ପାର୍‌ତନା ଗରେ ଗାଲା । ତେଇ ସେ ଲାଗି ଲାଗି ତିନ୍‌ଟା ବିସ୍‌ରାମ୍‌ବାରେ ଲକ୍‌ମନ୍‌ର୍ ସଙ୍ଗ୍ କାତାବାର୍‌ତା କଲା ।

୩୩ ଦରମ୍ ସାସ୍ତର ପଡ଼ିକରି ବୁଜାଇଲା ଜେ, ମସିଅ ଦୁକ୍ ପାଇବାର ରଇଲା ଆରି ପରମେସର୍ ତାକେ ମଲାତେଇଅନି ଉଟାଇବାର ରଇଲା । ପାଉଲ୍ କଇଲା, “ଜନ୍ ଜିସୁର୍ ବିସଇ ମୁଇ ଜାନାଇଲି, ସେ ଅଇଲାନି ମସିଅ ।”

୪ ସେମନ୍ ବିତ୍ତରେଅନି କେତେ ଲକ୍ ଏଟା ବିସ୍ବାସ୍ କଲାଇ । ପାଉଲ୍ ଆରି ସିଲାର୍ ସଙ୍ଗ୍ ମିସ୍ଲାଇ । ସେନ୍ତି ଡାକ୍ପୁଟା ରଇବା ମାଇଜିମନ୍ ଆରି ପରମେସର୍‌କେ ପାର୍ତନା କର୍ବା ଗିରିକ୍ ମନ୍‌ର ଗଟେକ୍ ବଡ଼ ଦଲ୍ ମିସା ସେମନ୍‌ର ସଙ୍ଗ୍ ମିସ୍ଲାଇ ।

୫ ମାତର୍ କେତେଟା ଜିଉଦିମନ୍ ପାଉଲ୍ ଆରି ସିଲାକେ କୁଟ୍ କରି, କାଇ କାମ୍ ନ କର୍ବା ଅଲ୍‌ସିଆ ଲକ୍‌ମନ୍‌କେ ଏକ୍‌ଜୁଟ୍ କଲାଇ, ଆରି ଟୁଲିଆଇ, ଗୁଲାଇ ଗଡ଼ ଜାକର୍ ଲକ୍‌କେ ଉସ୍‌କାଇ ରିସା କରାଇଲାଇ । ସେମନ୍ ପାଉଲ୍ ଆରି ସିଲାକେ କଜି ଆନ୍‌ବାକେ ଗଟେକ୍ ଜେସନ୍ ନାଉର୍ ଗରେ ଜାଇ, ତାର୍ ଗର୍ ଚପିପାକାଇଲାଇ ।

୬ ମାତର୍ ତେଇ ପାଉଲ୍ ଆରି ସିଲା ଡିସ୍‌ଡ଼ ନାଇଜେ, ସେମନ୍ ଜେସନ୍ ଆରି ବିନ୍ କେତେଟା ବିସ୍‌ବାସି ବାଇମନ୍‌କେ, ଗତର୍ ନେତାମନ୍‌ର ଲଗେ ଜିକିନେଇ ଆଉଲିଅଇ କଇଲାଇ, “ଏ ଲକ୍‌ମନ୍ ଚାରିବେଟ୍‌ତି ଗଣ୍ଡଗଲ୍ କଲାଇନି ! ଏବେ ଆମର୍ ଗତେ ମିସା ଆଇଲାଇ ଆଚଡ଼

୭ ଆରି ଏସନ୍ ସେମନ୍‌କେ ତାର୍ ଗରେ ରକିରଇଲା । ଜିସୁ ନାଉଁ ଦାରି ଆରି ଗଟେକ୍ ରାଜା ଆଚେ ବଲି କଇକରି ସେମନ୍ ଆମର୍ ବଡ଼ ସାସନ୍‌କାରିଆର୍ ନିୟମ୍ ବାଙ୍ଗ୍‌ଲାଇନି ।”

୮ ଏ କାତା କଇ ସେମନ୍, ଲକ୍‌ମନ୍‌କେ ଆରି ସାସନ୍‌କାରିଆର୍ ବିରଦେ ଆଉଲି ଅଇକରି ବେସି ରିସା କରାଇଲାଇ ଆରି ଗଣ୍ଡଗଲ୍ କରାଇଲାଇ ।

୯ ସାସନ୍ କରୁମନ୍ ଜେସନ୍ ଆରି ବିସ୍‌ବାସିମନ୍‌ତେଇଅନି ଚାଡ଼ବାକେ, ଜେଡ଼କି ତାବୁ ବାନ୍‌ବାକେ ରଇଲା, ଲାଁର୍ ନେଇକରି ସେମନ୍‌କେ ଜାମିଲେ ଚାଡ଼ିଦେଲାଇ ।

ବେରିଆଇ ସେବାକାମ୍

୧୦ ରାତି ଅଇଲା ଦାପ୍‌ରେ, ବିସ୍‌ବାସି ବାଇମନ୍ ପାଉଲ୍ ଆରି ସିଲାକେ ବେରିଆ ନାଉଁର୍ ଜାଗାଇ ପାଟାଇଦେଲାଇ । ସେମନ୍ ତେଇ କେଟି, ଜିଉଦି ଲକ୍‌ମନ୍‌ର ପାର୍ତନା ଗରେ ଗାଲାଇ ।

୧୧ ତେସଲନିର୍ ଜିଉଦିମନ୍‌ର ଟାନେଅନି ବେରିଆର୍ ଜିଉଦିମନ୍ କୁଲାକୁଲି ମନ୍ ରଇବା ଲକ୍ ରଇଲାଇ । ସେମନ୍ ଅଦିକ୍ ମନ୍‌ଦିଆନ୍ ଦେଇ ସିସ୍‌ମନ୍‌ର ସିକିଆ ସୁନ୍‌ଲାଇ । ଆରି ପାଉଲ୍ କଇଲା କାତା, ସଡ଼ କି ନାଇ ବଲି ଜାନ୍‌ବାକେ ସବୁ ଦିନ୍ ଦରମ୍ ସାସ୍ତର ପଡ଼ିତେରଇଲାଇ ।

୧୨ ସେମନ୍‌ର ବିତ୍ତରେଅନି ବେସି ଲକ୍ ବିସ୍‌ବାସ୍ କଲାଇ । ବେସି ସାଉକାର୍ ଅଇ ସନ୍‌ମାନ୍ ପାଇବା ଗିରିକ୍ ମାଇଜି ଆରି ଗିରିକ୍ ଲକ୍‌ମନ୍ ମିସା ବିସ୍‌ବାସିମନ୍‌ର ସଙ୍ଗ୍ ମିସ୍ଲାଇ ।

୧୩ ମାତର୍ ଜେତେବଲ୍ ତେସଲନିର୍ ଜିଉଦିମନ୍ ସୁନ୍‌ଲାଇ ଜେ ବେରିଆତେଇ ମିସା ପାଉଲ୍ ପରମେସର୍‌ର ବାକିଅ ଜାନାଇଲାନି, ସେମନ୍ ତେଇ ଆସି ପାଉଲ୍‌ର ବିରଦେ ଗଣ୍ଡଗଲ୍ କର୍ବାକେ ଲକ୍‌ମନ୍‌କେ ଉସ୍‌କାଇଲାଇ ।

୧୪ ସେ ଦାପ୍‌ରେ ବିସ୍‌ବାସି ବାଇମନ୍ ପାଉଲ୍‌କେ ସମ୍‌ଦୁର୍ ପାଲିବାଟେ ପାଟାଇଦେଲାଇ, ମାତର୍ ସିଲା ଆରି ତିମତି ଦୁଇ ଲକ୍ ବେରିଆଇ ରଇଲାଇ ।

୧୫ ପାଉଲ୍‌କେ ଡାକିନେବା ଲକ୍‌ମନ୍, ତାର୍ ସଙ୍ଗ୍ ଆତେନସ୍ ଜାକ ଗାଲାଇ । ତେଇଅନି ସେମନ୍ ବେରିଆଇ ବାଉଡ଼ି ଆସି, ସିଲା ଆରି ତିମତିକେ କଇଲାଇ, “ତମ୍‌କେ ପାଉଲ୍ ବେଗି ମିସ୍‌ବାକେ କବର୍ ପାଟାଇ ଆଦେସ୍ ଦେଲାଆଚେ ।”

ଆତେନେସ୍‌ତେଇ ପାଉଲ୍‌ର ସେବାକାମ୍

୧୬ ସିଲା ଆରି ତିମତିକେ ଆତେନେସ୍‌ତେଇ ଜାଗି ରଇଲା ବେଲେ, ଗଡ଼ଜାକର୍ ଲକ୍ ପୁଜା କର୍ବା ଦେବ୍‌ତାମନ୍‌ର ମୁର୍ତିମନ୍ ଦେକି, ପାଉଲ୍‌ର ମନ୍ ବେସି ଉଡ଼ୁକ୍‌ଦୁଡ଼ୁକ୍ ଅଇଗାଲା ।

୧୭ ସେଟାର୍‌ପାଇ ସେ ଜିଉଦିମନ୍‌ର ପାର୍ତନା ଗରେ ସେମନ୍‌ର ସଙ୍ଗ୍, ଆରି ପରମେସର୍‌କେ ପାର୍ତନା କର୍ବା ଜିଉଦି ନଇଲା ଲକ୍‌ମନ୍‌ର ସଙ୍ଗ୍, ଏ ବିସଇ ସବୁ ଦିନ୍ ଆଲ୍‌ଚନା କର୍ବାର୍ ଦାର୍‌ଲା । ଆଟେବାଟେ ଜିବାଆଇବା କର୍ବା ଲକ୍‌ମନ୍‌ର ସଙ୍ଗ୍ ସେ ବିସଇ ଆଲ୍‌ଚନା କଲା ।

୧୮ କେତେଟା ଏପିକଉରିଆନ୍ ଆରି ଟଇକ୍ ସିକିଆ ଦେବା ଗୁରୁମନ୍‌ର ସଙ୍ଗ୍ ଦଦାପେଲା ଅଇଲାଇ । ସେମନ୍‌ର ବିତ୍ତରେଅନି କେତେ ଲକ୍ କଇଲାଇ, “ଏ ବକୁଆ ବଡ଼ପନିଆ, କାଇଟା କଇବାକେ ଚେସ୍‌ଟା କଲାନି ?”

ବିନ୍ ଲକ୍‌ମନ୍ କଇଲାଇ, “ବିନ୍ ଦେସେ ରଇବା ଦେବ୍‌ତାମନ୍‌ର ବିସଇ, ସେ ଜାନାଇଲାନି ପାରା ଲାଗ୍‌ଲାନି ।” ଜିସୁ ଆରି ତରେକ୍ ଜିବନ୍ ଅଇ ଉଟ୍‌ଲା ବିସଇ ପାଉଲ୍ ଜାନାଇବାଟା ସୁନି ସେମନ୍ ଏନ୍ତି କଇଲାଇ ।

୧୯ ସେଟାର୍‌ପାଇ ସେମନ୍ ପାଉଲ୍‌କେ ଦାରି ସେ ନଅରର୍ ବିଚାର୍ କର୍ବା ଜାଗା, ଜନ୍‌ଟା କି ଏରିଅପାଗସ୍ ତେଇ ଆନ୍‌ଲାଇ । ଆରି ତେଇ କଇଲାଇ, “ତୁଇ ଜନ୍ ନୁଆ ସିକିଆ ବିସଇ କଇଲୁସ୍‌ନି, ସେ ବିସଇ ଆମେ ଜାନ୍‌ବାକେ ମନ୍ କଲୁନି ।”

୨୦ ତୁଇ କଇବା କେତେଟା କାତା ଆମେ ଆଗ୍‌ତୁ କେବେ ସୁନି ନ ରଇଲୁ । ଆମେ ତାର୍ ଅରଡ଼ ଜାନ୍‌ବାକେ ମନ୍ କଲୁନି ।

୨୧ କାଈକେବଇଲେ ଆତେନେସର୍ ଲକ୍ ଆରି ତେଇ ରଇବା ବିନ୍ ଦେସର୍ ଲକ୍‌ମନ୍ ନୁଆ ବିସଇ ସୁନ୍‌ବାକେ ଆରି କଇବାକେ ବଲ୍‌ପାଇତେ ରଇଲାଇ । ତେଇ ସେମନ୍ ବେସି ବେଲା ଦେଇତେ ରଇଲାଇ ।

୨୨ ପାଉଲ୍ ସେ ଗଡ଼ର୍ ସବା ମୁଆଟେ ଚିଆ ଅଇ କଇଲା, ଆତେନିଅର୍ ଲକ୍‌ମନ୍, ତମେ ସବୁ ଦରମ୍ ଲକ୍ ବଲି ଜାନାପଡ଼ଲାନି ।

୨୩ କାଈକେବଇଲେ, ମୁଇ ତମର୍ ନଅରେ ବୁଲି ଦେକ୍‌ଲା ବେଲେ, ତମର୍ ପୁଜା କର୍‌ବା ଜାଗାମନ୍ ଦେକ୍‌ଲି । ତେଇ ଗଟେକ୍ ବେଦି ରଇଲା । ଗଟେକ୍ ନ ଜାନ୍‌ଲା ଦେବତାକେ, ଲେକାରଇଲାଟା ମିସା ଦେକ୍‌ଲି । ତମେ ଜାକେ ନାଜାନି ପୁଜାକଲାସ୍‌ନି । ଏବେ ତାର୍ ବିସଇ ତମ୍‌କେ ଜାନାଇଲିନି ।

୨୪ *ପରମେସର୍ ଦୁନିଆ ଆରି ତେଇ ରଇଲା ସବୁ ବିସଇ ତିଆର୍ କଲା । ସେ ସରଗ୍ ଆରି ଜଗତର୍ ମାପୁରୁ । ଲକ୍‌ମନ୍ ତିଆର୍ କଲା ମନ୍ଦିରେ ରଇବାକେ ମନ୍ ନ କରେ ।

୨୫ ଆମେ ତାର୍ ପାଇ କାମ୍ କରି ତାକେ ଦେଇପାରୁ ପାରା କାଈଟା ମିସା ସେ ମନ୍ କରେ ନାଇ । କାଈକେବଇଲେ ସେ ସବୁକେ ଜିବନ୍, ପବନ୍ ଆରି ସବୁ ଦରକାର୍ ରଇଲାଟା ଦେଲାଆଟେ ।

୨୬ ଗଟେକ୍ ଲକ୍‌ଅନି ସେ ସବୁ ମୁନୁସ୍ ଜାତିକେ ତିଆର୍ କଲା । ଆରି ତାର୍ ଆଦେସ୍ ଇସାବେ ସେମନ୍ ଦୁନିଆର୍ ବିନ୍ ବିନ୍ ଜାଗାଇ ବାସା ଅଇଲାଇ ଆଟଡ଼, ସେଟା ପୁରୁବେଅନି ପରମେସର୍ ଚିକ୍ କଲାଆଟେ ।

୨୭ ତାକର୍ ଆଦେସ୍ ରଇଲା ଜେ ସବୁ ଲକ୍ ତାକେ କଜି କରି ବେଟ୍ ଅଅଡ଼ । ମାତର୍ ସତଇସେ ପରମେସର୍ କାର୍‌ଟାନେଅନି ମିସା ଦୁରିକେ ନାଇ ।

୨୮ ଏ ବିସଇ କେକି ଗଟେକ୍ ଲକ୍ କଇଲା ଆଟେ,
“ତାର୍ ଲଗେ ଆକା ଆମର୍ ଜିବନର୍ କୁଟିକାଡ଼ି ଆଟେ ।”

ତମର୍ ବିଡ଼ରେଅନି କେତେଲକ୍ କଇଆଟଡ଼, ଆମେ ମିସା ତାର୍ ପିଲାଜିଲା ।

୨୯ ଆମେ ପରମେସର୍‌ର ପିଲାଜିଲା ଅଇଲାର୍ ପାଇ ମୁନୁସ୍ ତିଆର୍ କଲା ସୁନା, ରୁପା ନଇଲେ ପାକ୍‌ନା ସଙ୍ଗ୍ ତିଆର୍ କଲା ପୁଡ଼ଲା, ପରମେସର୍ ରୁପ୍ ବଲି ବାବି ନାପାରୁ ।

୩୦ ଲକ୍‌ମନ୍ ପରମେସର୍‌କେ ଜାନି ନ ରଇଲା ବେଲେ, ସେ ଦସ୍ ଦାରି ନ ରଇଲା, ମାତର୍ ଏବେ ସବୁ ଜାଗାର୍ ସବୁ ଲକ୍‌ମନ୍‌କେ, ସେମନ୍‌ର ପାପ୍ ବାଟେଅନି ବାଅଡ଼ବାକେ ଆଦେସ୍ ଦେଲାନି ।

୩୧ ସେ ଗଟେକ୍ ଦିନ୍ ଚିକ୍ କଲା ଆଟେ । ସେ ଦିନେ, ସେ ବାଚିରଇବା ଲକ୍‌ର ସଙ୍ଗ୍ ଗୁଲାଇ ଦୁନିଆର୍ ବିଚାର୍ କର୍‌ସି । ସେ ଲକ୍ ମଲାଟାନେଅନି ଉଚି ଏ କାତା ସଡ଼ ବଲି, ସବୁକେ ଜାନାଇଲା ଆଟେ ।

୩୨ ପାଉଲ୍‌ରଟାନେ, ମଲାଟାନେଅନି ଉଚ୍‌ଲା ବିସଇ ସୁନି ସେମନ୍‌ର ବିଡ଼ରେଅନି କେତେ ଲକ୍ ତାକେ କିଜାଇଲାଇ, ମାତର୍ ବିନ୍ ଲକ୍‌ମନ୍ କଇଲାଇ, “ତମର୍‌ତେଇଅନି ଆମେ ଆରିତରେକ୍ ଏ ବିସଇ ସୁନ୍‌ବାକେ ମନ୍ କଲୁନି ।”

୩୩ ପାଉଲ୍ ସେ ଦିନର୍ ସବାଇ ଅନି ଉଚି ବାରିଗାଲା ।

୩୪ ଭାୟନିସିଅସ୍ ନାଉର୍ ସବାର୍ ଗଟେକ୍ ମେମର୍, ଦାମାରି ନାଉର୍ ଗଟେକ୍ ମାଇଜି ଆରି କେତେଟା ଲକ୍, ବିସ୍‌ବାସ୍ କରି ତାର୍ ସଙ୍ଗ୍ ମିସ୍‌ଲାଇ ।

୧୮

କରନ୍ତିୟ ନଅରେ ପାଉଲ୍‌ର ସେବାକାମ୍

୧ ତାର୍‌ପଟେ ପାଉଲ୍ ଆତେନ୍‌ସ୍ ଚାଡ଼ି କରନ୍ତିଅ ଗାଲା ।

୨ ତେଇ ପନ୍‌ତସ୍‌ତେଇ ଜନମ୍ କରିରଇବା ଆକିଲା ନାଉର୍ ଗଟେକ୍ ଜିଉଦିକେ ବେଟ୍ ଅଇଲା । ବଡ଼ ସାସନ୍‌କାରିଆ କଲଡ଼ିଅସ୍, ସବୁ ଜିଉଦିକେ ରମ୍ ଦେସ୍ ଚାଡ଼ବାକେ ଆଦେସ୍ ଦେଇରଇଲା । ସେଟାର୍‌ପାଇ, ସେ ଅଲପ୍ ଦିନ୍ ଆଗଡ଼ୁ ତାର୍ ମାଇଜି ପିରିସ୍‌କିଲାର୍ ସଙ୍ଗ୍ ଇଟାଲିଅନି ଆସିରଇଲା ।

୩ ପାଉଲ୍ ସେମନ୍‌କେ ବେଟ୍ ଅଇବାକେ ଜାଇ ସେମନ୍‌ର ସଙ୍ଗ୍ ରଇଲା । କାଈକେବଇଲେ ସେ ମିସା ସେମନ୍‌ର ପାରା ତୁମ୍ ତିଆର୍ କରି ଜିଉନାକାଉନା କର୍‌ତେରଇଲା ।

୪ ଜିଉଦି ଆରି ଗିରିକ୍ ମନ୍ ମାପୁରୁକେ ଅଦିକ୍ ବିସ୍‌ବାସ୍ କରାଇବାକେ, ସବୁ ବିସ୍‌ରାମ୍‌ବାରେ ପାର୍‌ତନା ଗରେ ଆଲ୍‌ତନା କର୍‌ତେ ରଇଲା ।

୫ ସିଲା ଆରି ତିମତି ମାସିଦନିଆଇଅନି ବାଉଡ଼ି ଆଇଲା ପଟେ ପାଉଲ୍ ଜିଉଦିମନ୍‌ର ଲଗେ ଜିସୁର୍ ସୁବ୍ କବର୍ ଜାନାଇବାକେ ପୁରାପୁରି ବେଲା ଦେଲା ଆରି ଜିସୁକେ ମସିଅ ବଲି ସାକି ଦେଲା ।

୬ ମାତର୍ ସେମନ୍ ତାକେ ବିରଦ୍ କରି ତାର୍ କୁଟ୍ ପାଁର୍‌ବାର୍ ଦାରୁଲାଇ, ସେଟା ବିରଦ୍ କର୍‌ବା ଇସାବେ, ତାର୍ ବସ୍‌ତରର୍ ଦୁଲି ପାପ୍‌ଡିଦେଇ ସେ ସେମନ୍‌କେ କଇଲା, “ଜଦି ତମେ କୁରୁପ୍‌ନାସ୍ ଅଇସା, ତେବେ ସେଟାର୍‌ପାଇ ତମେ ନିଜେ ଦାଇ ଅଇସା । ମୁଇ ଏଟାର୍‌ପାଇ ଦାଇ ନଇ, ଏବେ ମୁଇ ଜିଉଦି ନଇଲା ଲକ୍‌ମନ୍‌ର ଲଗେ ଜିବି ।”

☆ ୧୭:୨୪ ପେରିଡ଼ ୭:୪୮

୭ ସେଟାରପାଇଁ ସେ ସେମାନଙ୍କେ ଚାଡ଼ି ପରମେସରଙ୍କେ ପାର୍ତନା କରବା ତିତସ୍ ଜୁସ୍ତ ନାଉଁର୍ ଗଟେକ୍ ଜିଉଦି ନଇଲା ଲକର୍ ଗରେ ରଇବାକେ ଗାଲା । ଜୁସ୍ତର୍ ଗର୍ ପାର୍ତନା ଗର୍ ଲଗେ ରଇଲା ।

୮ ପାର୍ତନା ଗରର୍ ମୁକିଅ କିରିସପସ୍ ଆରି ତାର୍ କୁଟୁମର୍ ସବୁ ଲକ୍ ମାପୁରୁତେଇ ବିସ୍ବାସ୍ କଲାଅ ଆରି କରନ୍ତିଅର୍ ଅଦିକ୍ ଅଦିକ୍ ଲକ୍ ପାଉଲର୍ ସିକିଆ ସୁନି ବିସ୍ବାସ୍ କଲାଅ ଆରି ପାନିତେଇବୁଡ଼ି ହୁବନ୍ ନେଲାଅ ।

୯ ଗଟେକ୍ ରାତି, ପାଉଲ୍ ଦର୍ସନ୍ ଦେକ୍ଲା । ଦର୍ସନେ ମାପୁରୁ ତାକେ କଇଲା, “ତର୍ ନାଇ, ଜାନାଇତେ ରଅ, ସେଟା ତେବାନାଇ ।

୧୦ କାଇକେ ବଇଲେ ମୁଇ ତର୍ ସଙ୍ଗ୍ ଆଟି । କେ ତମ୍ବେ କାଇଟା କରି ନାପାରଡ଼, କାଇକେବଇଲେ ଏ ନଅରେ ମର୍ ବେସି ଲକ୍ ଆତଡ଼ ।”

୧୧ ସେଟାରପାଇଁ ପାଉଲ୍ ପରମେସରର୍ ବାକିଅ ସିକିଆ ଦେଇ, ତେଇ ବରସେକ୍ ଚ ମାସ୍ ଜାକ ରଇଗାଲା ।

୧୨ ଗାଲିୟନ୍ ଆକାୟର୍ ରମିଅ ସାସନ୍କାରିଆ ରଇଲା ବେଲେ, ଜିଉଦିମନ୍ ଏକ୍ଜୁଟ୍ଅଇ ପାଉଲ୍‌କେ ଦାରି ବିଚାରନା ଜାଗାଇ ନେଲାଅ ।

୧୩ ସେମନ୍ କଇଲାଅ, “ଏ ଲକ୍ ଆମର୍ ନିୟମ୍ ବିରଦେ ପରମେସରଙ୍କେ ପାର୍ତନା କରବାକେ ଲକ୍‌ମନ୍‌କେ ସୁଡ଼ରାଇଲାନି ।”

୧୪ ପାଉଲ୍ କାତା ଅଇବାକେ ଗାଲାବେଲେ, ଗାଲିଅ ଜିଉଦିମନ୍‌କେ କଇଲା, “ଜଦି ଇଡ଼ି କାଇ ଦସ୍ ନଇଲେ ଅପ୍ରାଦର୍ ବିସଇ ରଇସି, ତେବେ ତମର୍ ବିସଇ ସମାଲି କରି, ତମର୍ କାତା ସୁନ୍‌ବାଟା, ମର୍ ଇସାବେ ଟିକ୍ ଅଇସି ।

୧୫ ମାତର୍ ଏ କାତା ତମର୍ ବିଦିଦାନ୍ ଆରି ରିଡିନିଡିର୍ କାତା ଅଇଲାର୍ ପାଇ, ଏଟା ତମେ ଟିକ୍‌କର୍‌ବାଟା ନିକ ଅଇସି । ମୁଇ ଏକ୍ତି ବିଚାର ନ କରି ।”

୧୬ ଏକ୍ତି କଇକରି ସେମନ୍‌କେ ବିଚାରନା ଜାଗାଇଅନି କେଦିଦେଲା ।

୧୭ ସେମନ୍ ପାର୍ତନା ଗରର୍ ମୁକିଆ ସସ୍ତନସ୍‌କେ ଦାରି ବିଚାରନା ଜାଗାର୍ ମୁଆଟେ ମାଡ଼ମାର୍‌ଲାଅ । ମାତର୍ ଗାଲିଅ ସେଟାକେ ମନ୍‌ଦେଏ ନାଇ ।

ସିରିଆର୍ ଆନ୍‌ଟିୟକ୍‌ତେଇ ପାଉଲ୍ ବାଅଡ଼ଲା

୧୮ ପାଉଲ୍ କରନ୍ତିତେଇ ବିସ୍ବାସି ବାଇମନ୍ ସଙ୍ଗ୍ ବେସି ବେଲା ଜାକ ରଇଲା । ତାର୍‌ପଟେ ସେମନ୍‌କେ ଚାଡ଼ି ପିରିସକିଲା ଆରି ଆକିଲାର୍ ସଙ୍ଗ୍, ସିରିଆ ଜିବାକେ ପାନିଜାଜେ ବାଟ୍ ଦାର୍‌ଲାଅ । ସେକେରିଆଅନି ଜିବାଟା ଆରାମ୍ କର୍‌ବା ଆଗୁତୁ ତାକର୍ ଗଟେକ୍ ମାନଡ଼ ଇସାବେ ପାଉଲ୍ ମୁଣ୍ଡ କୁରାଇଅଇଲା ।

୧୯ ସେମନ୍ ଏପିସିସ୍‌ତେଇ କେଟ୍‌ଲା ପଟେ ପାଉଲ୍ ପିରିସକିଲା ଆରି ଆକିଲାକେ ପାଟାଇଦେଲା । ତେଇ ସେ ପାର୍ତନା ଗରେ ଜାଇ ଜିଉଦିମନ୍‌ର୍ ସଙ୍ଗ୍ କାତାବାର୍ତା ଅଇଲା ।

୨୦ ଲକ୍‌ମନ୍ ତାକେ ଆରି ବେସି ଦିନ୍ ରଇବାକେ କଇଲାଅ, ମାତର୍ ସେ ରାଜି ନଇଲା ।

୨୧ ଜିବା ବେଲାଅ ସେ ସେମନ୍‌କେ କଇଲା, “ଜଦି ପରମେସର୍ ମନ୍ କଲେ, ତମର୍ ଲଗେ ବାଉଡ଼ି ଆଇବି ।” ତାର୍ ପଟେ ସେ ଏପିସେ ଅନି ଜାଜେ ଚଗି ଗାଲା ।

୨୨ ସେ ସିରିଆ କେଟିକରି ତେଇଅନି ଜିରୁସାଲାମେ ଗାଲା ଆରି ମଣ୍ଡଲିକେ ଜୁଆର୍ ଜାନାଇ ତେଇଅନି ଆନ୍‌ଟିକିଅ ଗାଲା ।

୨୩ ତେଇ କେତେ ଦିନ୍ ରଇଲା ପଟେ, ସେ ଆରି ତରେକ୍ ଜିବାଟା ଆରାମ୍ କରି ଗାଲାତିଅ ଆରି ପିରିଜିଆ ବାଟ୍‌ଦେଇ ଗାଲା । ବାଟେ ବିସ୍ବାସିମନ୍‌କେ ବିସ୍ବାସେ ତାଟ୍ ଅଇରଇବାକେ ସାଆସ୍ ଦେଲା ।

ଏପିସ୍ ଆରି କରନ୍ତିତେଇ ଆପଲ

୨୪ ସେ ବେଲାଅ ଆଲେକ୍‌ଜାଣ୍ଡ୍ରିଆଇ ଜନମ୍ ଅଇ ରଇଲା, ଆପଲ୍ ନାଉଁର୍ ଗଟେକ୍ ଜିଉଦି ଏପିସେ ଆଇଲା । ସେ ଗଟେକ୍ ନିମାନ୍ ସଙ୍ଗ୍ କାତାକଡ଼ ଆରି ଦରମ୍ ସାସ୍ତରେ ତାର୍ ବେସି ଗିଆନ୍ ରଇଲା ।

୨୫ ସେ ମାପୁରୁ ଜିସୁର୍ ବାଟ୍ ବିସଇ ସିକିଆ ପାଇରଇଲା ଆରି ଆଡ଼ମାଇ ପୁରାପୁରୁନ୍ ଅଇକରି ବେସି ସାର୍‌ଦା ସଙ୍ଗ୍ ସଡ଼ କାତା ବାର୍‌କରି, ସିକିଆ ଦେଇତେ ରଇଲା । ମାତର୍ କାଲି ଜଅନ ହୁବନ୍ ଦେବା ବିସଇ ଜାନି ରଇଲା ।

୨୬ ପାର୍ତନା ଗରେ ସେ ନ ତର୍ତେ ସିକିଆ ଦେବାକେ ଲାଗଲା । ତାର୍ ସିକିଆ ସୁନି ପିରିସକିଲା ଆରି ଆକିଲା ତାକର୍ ନିଜର୍ ଗରେ ଡାକିନେଲାଅ ଆରି ତେଇ ପରମେସରର୍ ବାଟ୍ ବିସଇ ଅଦିକ୍ ବୁଜାଇଦେଲାଅ ।

୨୭ ତାର୍ ପଟେ ଆପଲ ଆକାୟା ରାଇଜେ ଜିବାକେ ଟିକ୍ କଲାକେ, ଏପିସ୍ ବିସ୍ବାସି ବାଇମନ୍ ତାକେ ସାଇଜ୍ କଲାଅ ଆରି ତାକେ ସାର୍‌ଦା ସଙ୍ଗ୍ ଗଡ଼ିଆ କରବାକେ କଇ ଆକାୟାର୍ ବିସ୍ବାସିମନ୍‌କେ ଟିଟି ଲେକ୍‌ଲାଅ । ସେ ତେଇ କେଟିକରି ପରମେସର ଜିବନ୍ ଦୁକାଇଲାକେ ବିସ୍ବାସି ଅଇରଇବା ଲକ୍‌ମନ୍‌କେ ବେସି ସାଇଜ୍ କଲା ।

୨୮ ଜିସୁ ଜେ ମସିଅ, ତାକର୍ ବେସି ତାଟ୍ ଜୁକ୍ତି, ଦରମ୍ ସାସ୍ତରେଅନି ଜାନାଇ କରି, ଜିଉଦିମନ୍‌କେ ଆରାଇଲା ।



୧ ଆପଲ୍ କରନ୍ତିଏ ରଇଲାବେଳେ, ପାଉଲ୍ ସେ ରାଇଜର୍ ଉପର୍ ବାଗେ ବୁଲି ସାରାଇ, ଏପିସିଏ କେଟ୍‌ଲା । ତେଜ ସେ କେତେଟା ସିସ୍‌ମନ୍‌କେ ବେଟ୍ ଅଇଲା ।

୨ ସେମନ୍‌କେ ପାଚାରୁଲା “ତମେ ବିସ୍‌ବାସି ଅଇବା ବେଲାଇ ସୁକଲ୍ ଆଡ଼ମା ପାଇରଇଲାସ୍ କି ?”

ସେମନ୍ କଇଲାଇ, “ସୁକଲ୍ ଆଡ଼ମା ଆତେ ବଲି ଆମେ କେବେ ମିସା ସୁନ୍ ନାଇ ।”

୩ ପାଉଲ୍ ପାଚାରୁଲା, “ସେନ୍ତି ଆଲେ ତମେ କେନ୍ତାରି ତୁବନ୍ ନେଇ ଆଟାସ୍ ?”

ସେମନ୍ କଇଲାଇ “ତୁବନ୍ ଦେଉ ଜଅନର୍ ତୁବନ୍ ।”

୪ *ପାଉଲ୍ କଇଲା, “ଜନ୍ ଲକ୍‌ମନ୍ ପାପେଅନି ବାଉଡି ରଇଲାଇ, ଜଅନର୍ ତୁବନ୍ ସେମନ୍‌ର୍ ପାଇ ଟିକ୍ ରଇଲା । ମାତର୍ ତାର୍‌ପତେ ଜେ ଆଇବାର୍ ରଇଲା, ଜନ୍‌ଟା କି, ଜିସୁ, ତାର୍ ଲଗେ ବିସ୍‌ବାସ୍ କର୍‌ବାକେ, ଜଅନ୍ ଇସ୍ରାଏଲ୍ ଲକ୍‌ମନ୍‌କେ କଇରଇଲା ।”

୫ ଏଟା ସୁନି ସେମନ୍ ମାପରୁ ଜିସୁର୍ ନାଉଁ ଦାରି ତୁବନ୍ ନେଲାଇ ।

୬ ପାଉଲ୍ ସେମନ୍‌ର୍ ଉପରେ ଆଡ଼ ଚିଇଲା ଆରି ସୁକଲ୍ ଆଡ଼ମା ତାକର୍‌ଟାନେ ଉତର୍‌ଲା । ସେମନ୍ ବିନ୍ ବିନ୍ ବାସାଇ କାତା କଇଲାଇ ଆରି ପରମେସରର୍ ସୁବ୍ କବର୍ ଜାନାଇଲାଇ ।

୭ ସେମନ୍ ମୁନ୍‌ସ୍ ପିଲା ବାର ଲକ୍ ରଇଲାଇ ।

୮ ତାର୍ ପତେ ପାଉଲ୍ ତିନ୍ ମାସ୍ ଜାକ ନ ତରତେ ପାର୍‌ତନା ଗରେ କାତାବାର୍ କରି ପରମେସରର୍ ରାଇଜ୍ ବିସଇ ସେମନ୍‌ର୍ ମନେ ବିସ୍‌ବାସ୍ ଜନ୍‌ମାଇବାକେ ଚେସ୍‌ଟା କଲା ।

୯ ମାତର୍ ସେମନ୍‌ର୍ ବିଡ଼ରେଅନି କେତେକ୍ ଲକ୍‌ର୍ ମନ୍ ତାଟ୍ ରଇଲା । ସେମନ୍ ବିସ୍‌ବାସ୍ କରନ୍‌ନାଇ । ଦଲ୍‌ର୍ ସବୁ ଲକ୍‌ର୍ ମୁଆଟେ ସେମନ୍ ମାପରୁର୍ ବାଟ୍ ବିସଇନେଇ, ତିପୁଲ୍ କାତା କଇଲାଇ । ସେଟାର୍‌ପାଇ ପାଉଲ୍ ସେମନ୍‌କେ ଚାଡ଼ି, ବିସ୍‌ବାସିମନ୍‌କେ ନେଇ, ସବୁ ଦିନ୍ ଚିରାନସ୍ ନାଉଁର୍ ଗରେ ନିଆଇ କର୍‌ବାର୍ ଦାରଲାଇ ।

୧୦ ଏଟା ଦୁଇ ବରସ୍ ଦାରି ଚାଲ୍‌ଲା । ରମ୍ ଦେସର୍ ଆସିଆ ଦେସେ ବାସା କରିରଇବା ବେସି ଜିଉଦି ଆରି ଗିରିକ୍ ଲକ୍ ମିସା ମାପରୁର୍ ବାକିଅ ସୁନ୍‌ଲାଇ ।

ଏସ୍‌କେବାର୍ ପଅମନ୍

୧୧ ପରମେସର୍ ପାଉଲ୍‌ର୍‌ତେଇଅନି ବେସି ବଡ଼ ବଡ଼ କାବାଅଇଜିବା କାମ୍‌ମନ୍ କଲା ।

୧୨ ଏନ୍ତି କି ପାଉଲ୍ ପୁଟିଅଇବା ଉର୍‌ମାଲ୍ ଆରି ବସ୍‌ତର୍ ରଗିମନ୍‌ର୍ ଲଗେ ନେଲେ, ସେମନ୍ ନିମାନ୍ ଅଇତେ ରଇଲାଇ । ସେମନ୍‌ର୍ ଗାଗ୍‌ଡେଅନି କାରାପ୍ ଆଡ଼ମାମନ୍ ସବୁ ବାରଇଜାଇତେ ରଇଲାଇ ।

୧୩ କେତେଟା ଏନେତେନେ ବୁଲ୍‌ବା ତୁମା ଚାଡାଇବା ଜିଉଦିମନ୍ ମିସା, ଜିସୁର୍ ନାଉଁ ଦାରି ତୁମା ଚାଡାଇବାକେ ଚେସ୍‌ଟା କଲାଇ । ସେମନ୍ କାରାପ୍ ଆଡ଼ମାମନ୍‌କେ କଇତେ ରଇଲାଇ, “ପାଉଲ୍ ଜାନାଇବା ଜିସୁର୍ ନାଉଁ ଦାରି ତକେ ଆଦେସ୍ ଦେଲିନି ।”

୧୪ ଏସ୍‌କେବା ନାଉଁର୍ ଗଟେକ୍ ଜିଉଦି, ବଡ଼ ପୁଜାରିର୍ ସାଡ଼ଟା ପିଲାମନ୍, ଏ ରକାମ୍ କର୍‌ତେ ରଇଲାଇ ।

୧୫ ମାତର୍ କାରାପ୍ ଆଡ଼ମା ସେମନ୍‌କେ କଇଲା, “ମୁଇ ଜିସୁକେ ଜାନି ଆରି ପାଉଲ୍‌କେ ଚିନ୍‌ଲି ଆଟି, ମାତର୍ ତମେ କେ ?”

୧୬ କାରାପ୍ ଆଡ଼ମା ଦାରିରଇଲା ଲକ୍, ସେମନ୍‌କେ ଦାରି ଚାବ୍‌କାତର୍ କରି ପାକାଇଲା । ସେମନ୍‌ର୍ ଲୁଗାପଟିଆ ଚିରି ତୁମ୍‌ଣ୍ଡା କରିଦେଲା । ସେମନ୍ କଣ୍ଡିଆ ବଣ୍ଡିଆ ଅଇ ତାର୍ ଗରେଅନି ବାରଇ ପାଲାଇଲାଇ ।

୧୭ ଏପିସେ ବାସାଅଇରଇବା ଜିଉଦି ବିସ୍‌ବାସିମନ୍ ଆରି ଗିରିକ୍ ଲକ୍‌ମନ୍, ଏ ବିସଇ ସୁନି ଡରିଗାଲାଇ ଆରି ତେଜ ମାପରୁ ଜିସୁର୍ ନାଉଁ ଅଦିକ୍ ଡାକ୍‌ପୁଟା ଅଇଲା ।

୧୮ ବିସ୍‌ବାସିମନ୍‌ର୍ ବିଡ଼ରେଅନି ବେସି ଲକ୍ ସବୁର୍ ମୁଆଟେ ନିଜେ କଲା କାରାପ୍ କାମ୍ ମାନ୍‌ଲାଇ ।

୧୯ ପାଙ୍ଗନ୍ ବିଦିଆ ଅବିଆସ୍ କର୍‌ତେରଇବା ବେସି ଲକ୍‌ମନ୍ ତାକର୍ ବଇମନ୍ ଆନି ଚୁଲିଆଇକରି ସବୁ ଲକ୍‌ର୍ ମୁଆଟେ ପଡାଇ ଦେଲାଇ । ସବୁ ମିସିକରି ସେମନ୍‌ର୍ ବଇର୍ ଦାମ୍ ପଟାସ୍ ଅଜାର୍ ରୁପାଟାଙ୍ଗା ଏଡକି ରଇଲା ।

୨୦ ଏନ୍ତିବାବରେ ପରମେସରର୍ ବାକିଅ ଅଦିକ୍ ଅଦିକ୍ ଗୁଲାଇବାଟେ ଉଡ଼ରା ଅଇଜାଇ ଅଦିକ୍ ବପୁ ଅଇବାର୍ ଦାରଲା ।

ଏପିସସ୍‌ତେଇ କିରମାର

୨୧ ଏ ସବୁ ଗଟ୍‌ନା ପତେ ପାଉଲ୍ ମାସିଦନିଆ ଆରି ଆକାୟା ବାଟ୍ ଦେଇ ଜିରୁସାଲମେ ଜିବାକେ ଟିକ୍ କଲା । ସେ କଇଲା, “ତେଇ ଗାଲା ପତେ, ମୁଇ ରମ୍ ଦେସେ ମିସା ଜିବାର୍ ଆତେ ।”

୨୨ ସେଟାର୍‌ପାଇ ସେ ତାର୍ ଦୁଇଟା ସଙ୍ଗାରି, ତିମତି ଆରି ଏରାସ୍‌ତସ୍‌କେ ମାସିଦନିଆଇ ପାଟାଇଲା, ମାତର୍ ସେ ନିଜେ ଆସିଆ ଦେସେ ଆରି କେତେ ଦିନ୍ ରଇଲା ।

୨୩ ଏଡକି ବିଡ଼ରେ ମାପରୁ ଦେକାଇରଇବା ବାଟ୍ ବିସଇ ନେଇ, ଗଟେକ୍ ବେସି ବଡ଼ ଗଣ୍ଡଗଲ୍ ଅଇବାଟା ଉବଜ୍‌ଲା ।

* ୧୯:୪ ମାଡିଉ ୩:୧୧; ମାର୍କ ୧:୪,୭,୮; ଲୁକ୍ ୩:୪,୧୭; ଜଅନ୍ ୧:୨୭,୨୭

୨୪ ଦିନିତ୍ରିୟ ନାଉଁର୍ ଗଟେକ୍ ରୁପାର ପୁଡ଼ଲା ତିଆର୍ କରୁ, ଆର୍ତେମି ଦେବିର୍ ମନ୍ଦିରେ ପୁଡ଼ଲା ତିଆର୍ କର୍ତେ ରଇଲା । ଏନ୍ତାରି ବେବାରକରି ପୁଡ଼ଲା ତିଆର୍ କରୁମନ୍, ବେସି ଲାବ୍ ପାଇତେ ରଇଲା ।

୨୫ ସେଟାର୍ପାଇ ସେ ତାର୍ ସଙ୍ଗର୍ ବେବାରମନ୍ଦକେ ରୁଣ୍ଡାଇକରି କଇଲା, “ଆଗିଆମନ୍, ଏ ବେବାର୍ ଆମ୍ବକେ ସାଉକାର୍ କଲାଆତେ ବଲି ସବୁ ଲକ୍ ଜାନାସ୍ ।

୨୬ ଏବେ, ଏ ଲକ୍ ପାଉଲ୍ କାଇଟା କଲାନି, ସେଟା ତମେ ନିଜେ ଦେକିପାରଲାସ୍ନି ଆରି ସୁନି ପାରଲାସ୍ନି । ସେ କଇଲାନି, ଲକ୍ ଆତେ ତିଆର୍ କଲା ଦେବତା ସବୁ ବିଲ୍କୁଲ୍ ଦେବତା ନଅଡ଼ । ସେ ଇତି ଏପିସେ ଆରି ସବୁ ଆସିଆ ଦେସେ ବେସି ଲକ୍ମନ୍ଦକେ ଏ ବିସଇ କଇ ଉସ୍କାଇଲାନି ।

୨୭ ସେଟାର୍ପାଇ ଆମର୍ ବେବାର୍ ବୁଡ଼ିବାର୍ ଉପ୍ରେ ଆତେ । କାଲି ସେଡ଼କି ନଏଁ, ଜନ୍ ଦେବି ଆସିଆଇ ଆରି ଗୁଲାଇ ଜଗତେ ସବୁଟାଣେଅନି ପୁଜାପାଇସି, ସେ ତାକ୍ପୁଟା ଆର୍ତେମି ଦେବି, ମନ୍ଦିରର୍ ତାକ୍ପୁଟା ଆରି ନ ରଏ, ଆରି ଆର୍ତେମି ଦେବିର୍ ମର୍ଜିତା ନସ୍ଟ ଅଇସି ।”

୨୮ ଲକ୍ମନ୍ ଏ କାତା ସୁନି ରିସା ଅଇଗାଲାଇ ଆରି ଆଉଲିଅଇ କଇଲା, “ଏପିସିୟର୍ ଆର୍ତେମି ବଡ଼ଦେବିର୍ ତାକ୍ପୁଟା ଅ !”

୨୯ ଏ ଗଣ୍ଡଗଲ୍ ଅଇଲାଟା ଗୁଲାଇ ନଅରେ କେଟିଗାଲା । ଲକ୍ମନ୍ ପାଉଲ୍ ସଙ୍ଗ୍ ରଇବା ମାକିଦନିଆର୍ ଗାୟ ଆରି ଆରିସ୍ତାକସ୍, ଦୁଇଲକ୍କେ ଦାରି, ଦାପ୍ରେ ଜୁଇଦ୍ ବାଟେ ପାଲାଇଲା ।

୩୦ ତେଇ ପାଉଲ୍ ଏକ୍ଲାସେ ଲକ୍ମନ୍ ବିଡ଼ରେ ଜିବାକେ ମନ୍ଦକଲା । ମାତର୍ ବିସ୍ବାସିମନ୍ ତାକେ ବିଡ଼ରେ ଜିବାକେ ଚାଡ଼ନାଇ ।

୩୧ ଆସିଆ ରାଇଜର୍ କେତେଟା ମୁକିଅ ସାସନ୍ କାରିଆମନ୍ ମିସା ପାଉଲ୍ ମଇତର୍ ରଇଲାଇଜେ, ପାଉଲ୍କେ ଜୁଇଦ୍ ପଡ଼ିଆଇ ନ ଜାଅ ବଲି, କବର୍ ପାଟାଇଲା ।

୩୨ ଏଡ଼କି ବିଡ଼ରେ ରୁଣ୍ଡିରଇବା ସବୁ ଲକ୍ ରିସା ଅଇଜାଇରଇଲା । ଲକ୍ମନ୍ ଦଲ୍ଦଲ୍ ଅଇକରି ଏକାତା, ସେ କାତା କଇକଇ କାରି ଆଉଲିଅଇ ଜାଇତେ ରଇଲା । ମାତର୍ ସେମନ୍ ବିଡ଼ରେଅନି କେତେକ୍ ଲକ୍, କାଇକେ ରୁଣ୍ଡିଆଡ଼ ବଲି ନାଜାନିରଇଲା ।

୩୩ ସେମନ୍ ବିଡ଼ରେଅନି କେତେକ୍ ଲକ୍ ଏଟାର୍ପାଇ ଆଲେକ୍ଜାଣ୍ଡ୍ରାକେ ଦାଇ କଲା । କାଇକେବଇଲେ ଜିଉଦି ଲକ୍ମନ୍, ଆଗ୍ତୁ ତାକେ ତିଆ କରାଇରଇଲା । ଆଲେକ୍ଜାଣ୍ଡ୍ରା ଲକ୍ମନ୍କେ ଆଡ଼ଟେକି ଚିମ୍ପରାଇଅଇ ରଇବାକେ କଇଲା ଆରି ତାର୍ ବାସନ୍ଟାଣେ ବିସ୍ବାସିମନ୍ ବାଟେ ଅଇକରି ବୁଜାଇବାକେ ଚେସ୍ଟା କଲା ।

୩୪ ମାତର୍ ସେ ଗଟେକ୍ ଜିଉଦିଲକ୍ ବଲି ଜାନିକରି ଲକ୍ମନ୍ ଏକାତରେକ୍ ଆଉଲିଅଇକରି “ଆର୍ତେମି ଦେବିର୍ ଜୟ ଜୟ ଅ !” ବଲି ଦୁଇ ଗଁଟା ଜାକ ଆଉଲି ଅଇ ରଇଲା ।

୩୫ ପଟେ ନଅରର୍ ଅଦିକାରେ ରଇବା ଗଟେକ୍ କାମ୍ବରୁ, ଲକ୍ମନ୍କେ ବୁଜା ସୁଜା କରି ଚିମ୍ପା କଲା ଆରି କଇଲା, “ଏ ଏପିସିୟର୍ ବାଇମନ୍, ଏପିସିୟ୍ ନଅରେ ବଡ଼ଦେବି ଆର୍ତେମିର୍ ମନ୍ଦିର୍ ଆରି ଆକାସେଅନି କସ୍ରି ଆଇଲା ସୁକଲ୍ ପାକ୍ନା ରକିଆ କର୍ବା ଦାଇଡ଼, ଏପିସିୟ୍ ନଅରେ ରଇବା ଲକ୍ମନ୍ ।

୩୬ କେ ମିସା ଏଟା ନଏଁ ବଲି କଇନାପାରଡ଼ । ସେଟାର୍ ପାଇ ତମେ ସବୁ ଲକ୍ ଚିମ୍ପରାଇ ଉଆ । କାଇକାମ୍ ମିସା ବକୁଆପାରା କରାନାଇ ।

୩୭ ଏ ଲକ୍ମନ୍ ମନ୍ଦିରେଅନି କାଇଟା ଚରି କରଡ଼ ନାଇ, କି ଆମର୍ ଦେବିର୍ ବିରଦେ, କାଇମିସା କାରାପ୍ କାତା କଅଡ଼ ନାଇ, ଏଲେମିସା ତମେ ଏମନ୍ଦକେ ଦାରି ଆନିଆଟାସ୍ ।

୩୮ ଜଦି ଦିନିତ୍ରିୟ ଆରି ତେଇର୍ ପୁଡ଼ଲା ତିଆର୍କରୁମନ୍ଦକେ, କାର୍ ବିରଦେ ଦାବାକର୍ବାଟା ଆତେ, ସେଟା ବିଚାର୍ କର୍ବାକେ ଆମର୍ ଲକ୍ମନ୍ ଆଡ଼ । ଆରି ବିଚାର୍ ଅଇବା ଗଟେକ୍ ଦିନ୍ ଆତେ । ତେଇ ସେ ଦାବା ବିସଇ କଇପାରାସ୍ ।

୩୯ ଜଦି ଆର୍ତେଇଅନି ଆରି ଅଦିକ୍ କାଇଟା ଜାନ୍ବାକେ ମନ୍ କଲାସ୍ନି, ତେବେ ଲକ୍ମନ୍ ଟିକ୍କଲା ନିୟମର୍ ସବାଇ, ସେଟା ଟିକ୍ କରାଅଇସି ।

୪୦ ଆଜି ଜାଇଟା ଗଟ୍ଲା ଆତେ, ତେଇ ଗଣ୍ଡଗଲ୍ କର୍ବା ଆରି ଦାବା କର୍ବା ବିସଇ ଆମର୍ ବିରଦେ କାତା ଉଟିପାରେ । ଏ ଗଣ୍ଡଗଲ୍ କାଇମିସା କାରନ୍ ଦେକାଇ ନାପାରୁ ।”

୪୧ ଏ ସବୁ କାତା କଇ ସେ ଲକ୍ମନ୍କେ ଚିମ୍ପା କରାଇ ସବା ସେସ୍ କଲା ।

୨୦

ପାଉଲ୍ ମାସିଦନିଆ ଆରି ଆକାୟା ଜିବାଟା

୧ ଗଣ୍ଡଗଲ୍ ବନ୍ଦ୍ ଅଇଲା ପଟେ, ପାଉଲ୍ ବିସ୍ବାସିମନ୍ଦକେ ଗଟେକ୍ତେଇ ରୁଣ୍ଡାଇ ସାର୍ଦାର୍ କାତା ସୁନାଇଲା । ସେମନ୍ଦକେ ଜିବିବେ ବଲି କଇ, ତେଇଅନି ବାରଇ ମାକେଦନିଆଇ ଗାଲା ।

୨ ତେଇର୍ ସବୁ ଜାଗାଇ ଗାଲା, ଆରି ବେସି ଲକ୍ମନ୍ଦକେ ଉପ୍ଦେସ୍ ଦେଇ, ସାର୍ଦା କରାଇଲା, ତାର୍ପଟେ ସେ ଗିରିସେ ଗାଲା ।

୩ ତେଜ ସେ ତିନ୍ ମାସ୍ ରଇଲା, ଆରି ସିରିଆଇ ଜିବାକେ ତିଆର୍ ଅଇଲାବେଲେ, ଜିଉଦିମନ୍ ତାକର୍ ବିରଦେ କୁଟ୍‌ପାଁରଲାଜନି ବଲି କବର୍ ପାଇ ମାକିଦନିଆବାଟେ ବାଉଡି ଜିବାକେ ଟିକ୍ କଲା ।

୪ ବେରିଆତେଇ ରଇବା ପୁରର୍ ପଅ ସପାତର୍, ତେସ୍‌ଲନିକିୟ୍ ଆରିସ୍‌ତାକସ୍ ଆରି ସେକୁଦ୍, ଦର୍ବିର୍ ଗାୟ୍, ଏସିଆ ଦେସର୍ ତୁକିକ୍, ତର୍ପିମ୍ ଆରି ତିମତି ।

୫ ସେମନ୍ ଆଗତୁ ଜାଇ ତରିୟାଇ ଆମ୍‌କେ ଜାଗି ରଇଲାଇ ।

୬ କମିର୍ ନ ପାକାଇ ରୁଟି କାଇବା ପରବର୍ ପରେ, ଆମେ ପିଲିପେଅନି ପାନିଜାଜେ ଜାଇ ପାଁର୍ ଦିନ୍ ପରେ ତରିୟାଇ ସେମନ୍‌ର୍ ସଙ୍ଗ୍ ମିସ୍‌ଲୁ ଆରି ତେଇ ଗଟେକ୍ ଆର୍ ଜାକ ରଇଲୁ ।

ପାଉଲ୍ ତରିୟାତେଇ ସାରାସାରି ଜାକ ରଇବାଟା

୭ ଆଟର୍ ପର୍ତୁମ୍ ଦିନର୍ ସଞ୍ଜବେଲାଇ ଆମେ ସବୁଲକ୍ ମିସି କାଇବାକେ ରୁଣ୍ଟୁଲୁ । ପାଉଲ୍ ଲକ୍‌ମନ୍‌କେ ମଜାରାତି ଜାକ ଉପ୍‌ଦେସ୍ ଦେଲା । କାଇକେବଇଲେ ତାର୍ ଆର୍‌କର୍ ଦିନେ ସେ ଜାଗା ଚାଡି ଜିବାର୍ ରଇଲା ।

୮ ଜନ୍ ଉପର୍ ତାଲାର୍ ବାକ୍‌ରାଇ ଆମେ ସବା କର୍ତେ ରଇଲୁ, ତେଇ ବେସି ବଡିମନ୍ ଲାଗିରଇଲା ।

୯ ତେଇ ଇଉଟିକସ୍ ନାଉର୍ ଗଟେକ୍ ଦାଙ୍ଗ୍‌ତା କିଡ୍‌କି ଲଗେ ବସି ରଇଲା । ପାଉଲ୍ କାତା କଇବା ବେଲାଇ, ତାକେ ଗୁନ୍ ତାବି ଆଇଲା, ସେ ଗୁନର୍ ଲାଡେ, ତିନ୍‌ତାଲାର୍ ଗର୍ ଉପ୍‌ରେଅନି ତଲେ ଅଦ୍‌ରିଦେଲା । ସେମନ୍ ତାକେ ଉଚାଇବା ବେଲାଇ, ସେ ମରିଜାଇରଇଲା ।

୧୦ ମାତର୍ ପାଉଲ୍ ତଲ୍‌କେ ଉଡ୍‌ରି ଆସି ତାକେ ପାଟାଲି, ଦାରି କଇଲା, “ତରା ନାଇ । ତାକେ ଜିବନ୍ ଆଟେ ।”

୧୧ ତାର୍‌ପରେ ସେ ଉପ୍‌ରେ ବାଉଡିଜାଇ ରୁଟି ବାଙ୍ଗାଇ କାଇଲା, ଆରି ବେଲ୍ ଉଦ୍‌ବାଜାକ ସେମନ୍‌ର୍ ସଙ୍ଗ୍ ବେସି କାତାବାର୍‌ତା ଅଇ ତେଇଅନି ବାରଇଲା ।

୧୨ ଲକ୍‌ମନ୍ ଦାଙ୍ଗ୍‌ତାକେ ଜିବନ୍ ରଇଲାଟା ଦେକି ତାର୍ ଗରେ ଦାରିଗାଲାଇ ଆରି ସାର୍‌ଦା ଅଇଲାଇ ।

ତରିୟାଇ ଅନି ମିଲିଟସେ ଜିବାଟା

୧୩ ଆମେ ଆଗତୁ ଜାଜେ ଚଗି, ଆସସେ ଜିବାକେ ବାରଇଲୁ । ତେଇଅନି ଆମେ ପାଉଲ୍‌କେ ଜାଜେ ନେଇଜିବାକେ ଟିକ୍ କରିରଇଲୁ । କାଇକେବଇଲେ ସେ ସମ୍‌ଦୁରବାଟେ ଜାଇ, ସେ ଜାଗାଇ କେଟ୍‌ବି ବଲି କଇରଇଲା ।

୧୪ ସେ ଜେଡେବେଲା ଆମ୍‌କେ ଆସସେ ବେଟ୍ ଅଇଲା, ଆମେ ତାକେ ଜାଜେ ଚଗାଇ ମିଡିଲିନି ଜାଗାଇ ଗାଲୁ ।

୧୫ ତେଇଅନି ଆରି ଜିବାର୍‌ଦାରି ତାର୍ ଆର୍‌କର୍ ଦିନେ କିଅସ୍ ଲଗେ କେଟ୍‌ଲୁ । ତାର୍ ଆର୍‌କର୍ ଦିନେ ମିଲିଟସେ କେଟ୍‌ଲୁ । ଆରି ଗଟେକ୍ ଦିନ୍ ପରେ ଆମସେ କେଟ୍‌ଲୁ । ତାର୍ ଆର୍‌କର୍ ଦିନେ ମିଲିଟସେ କେଟ୍‌ଲୁ ।

୧୬ ଆସିଆ ରାଇଜେ ଆରି ବେସି ଦିନ୍ ନ ରଇକରି, ଏପିସସ୍ କଣ୍ଟିକଣ୍ଟି ଜାଜ୍ ଚାଲାଇବାକେ ପାଉଲ୍ ଟିକ୍ କଲା । ଜଦି ଅଇପାର୍‌ସି, ପେନ୍‌ଟିକସ୍‌ର୍ ଦିନେ ଜିରୁସାଲାମ୍ କେଟ୍‌ବାକେ ସେ ତେରେପେଡେ ଅଇଡେ ରଇଲା ।

ଏପିସି ମଣ୍ଟୁଲିର୍ ନେତାମନ୍‌କେ ପାଉଲ୍‌ର୍ ପାଟାଇବା କାତା

୧୭ ପାଉଲ୍ ମିଲିଟସେଅନି ଏପିସି ମଣ୍ଟୁଲିର୍ ପାର୍‌ଡିନ୍ ମନ୍‌କେ ତାର୍ ସଙ୍ଗ୍ ମିସ୍‌ବାକେ ଡାକାଇଲା ।

୧୮ ସେମନ୍ ଆସି କେଟ୍‌ଲାକେ ପାଉଲ୍ କଇଲା, “ରମିୟ ରାଇଜର୍ ଆସିଆଇ କେଟ୍‌ଲା ପର୍ତୁମ୍ ଦିନେଅନି, କେନ୍ତ୍ରି ତମର୍ ସଙ୍ଗ୍ ବେସି ବେଲା କାଟାଇଲି ଆଟି, ସେଟା ତମେ ଜାନିଆଟାସ୍ ।

୧୯ ଜିଉଦିମନ୍‌ର୍ କୁଟ୍‌ ପାଁର୍‌ନାର୍ ଲାଗି, ମକେ ଜନ୍ ଦୁକ୍ କସ୍‌ର୍ ପାଇକରି ମୁରର୍‌ବାକେ ପଡ୍‌ଲା, ସେ ବିଡ୍‌ରେ ମୁଇ ପରମେସରର୍ ସେବାକାରିଆ ଇସାବେ ଆଁସୁପାନି ଜଡାଇ, ମୁଣ୍ଡ ତଲେକରି, କାମ୍ କଲିଆଟି ।

୨୦ ତମେ ଜାନିଆଟାସ୍, ଲକ୍‌ମନ୍‌ର୍ ଲଗେ କବର୍ ଜାନାଇଲାବେଲେ ଆରି ତମର୍ ଗର୍‌ମନ୍‌କେ ଉପ୍‌ଦେସ୍ ଦେଲାବେଲେ, ତମର୍ ଉପ୍‌କାର୍ ଅଇଲାପାରା କାଇ ବିସଇ ମିସା ଜାନାଇବାକେ ମୁଇ ଦୁଇମନିଆ ଅଇନାଇ ।”

୨୧ ଜିଉଦି ଆରି ଗିରିକ୍ ଲକ୍‌ମନ୍‌କେ ସବୁକେ ମୁଇ ତାଟ୍ ସଙ୍ଗ୍ ଜାଗ୍‌ରଡ୍ ରଇବା କାତା ସୁନାଇ ରଇଲି, ଜେନ୍ତାରିକି, ସେମନ୍ ପାପେଅନି ବାଉଡିକରି ପରମେସରର୍ ବାଟେ ମନ୍ ଦେଅଡ୍ ଆରି ମାପରୁ ଜିସୁକେ ବିସ୍‌ବାସ୍ କରଡ୍ ।

୨୨ ଏବେ ସୁକଲ୍‌ଆଡ୍‌ମାର୍ ଚାଲ୍‌ନାଦେଲା ଆଦେସ୍ ମାନିକରି, ମୁଇ ଜିରୁସାଲମେ ଗାଲିନି । ତେଇ ମକେ କାଇଟା ଅଇସି ନାଜାନି ।

୨୩ ସୁକଲ୍‌ଆଡ୍‌ମା ମକେ ଜାଗ୍‌ରଡ୍ କରିଦେଇ ଆଟେ ଜେ, ମୁଇ ସବୁ ନଅରେ ବନ୍ଦି ଗରେ ରଇକରି କସ୍‌ଟ ପାଇବି ।

୨୪ ✠ମର୍ ନିଜର୍ ଜିବନ୍, ମର୍ ପାଇ, ମୁଇ ଇନ୍ କଲିନି । ପରମେସରର୍ ଜିବନ୍ ଦୁକାଇଲା ବିସଇ ଆରି ମାପରୁ ଜିସୁ ଜନ୍ କାତା ଜାନାଇବାକେ ମକେ ଦାଇଡ୍ ଦେଲାଆଟେ, ସେଟା ସାରାଇବି ଆରି ସୁବ୍ କବର୍ ଜାନାଇବାଟା ପୁରାପୁରୁନ୍ କରବି । ଏଡକି ସେ ମୁଇ ମନ୍ କଲିନି ।

୨୫ “ପରମେସରର୍ ରାଇଜ୍ ବିସଇ ଜାନାଇବାକେ ମୁଇ ତମର୍ ସବୁ ଲକର୍ ଲଗେ ଜାଇଆଟି । ଏବେ ମୁଇ ଜାନିଆଟି, ତମର୍ ବିଡ୍‌ରେଅନି କେମିସା ମର୍ ମୁଁ କେବେ ଦେକି ନାପାରାସ୍ ।

☆ ୨୦:୨୪ ୨ୟ ଡିମତି ୪:୭

୨୬ ତେବର୍ପାଇ ଆଜି ବେଲା ମିଲ୍ଲା ଆଚେ ବଲି ମୁଇ ତାଟ୍ ସଙ୍ଗ୍ ତମ୍ବେ ଜାନାଇଲିନି । ତମର୍ ବିଡ଼ରେଅନି କେ ଜଦି ବାଟ୍ ବାନା ଅଇଗାଲେ, ସେଟାଟ୍ପାଇ ମୁଇ ଦାଇ ନଇ ।

୨୭ କାଇକେବଲେ ତମର୍ଟାନେ ପରମେସର୍ସର୍ ସବୁଜାକ ଆଦେସ୍ ଜାନାଇବାକେ, ମୁଇ ଦୁଇମନିଆ ଅଇନାଇ ।

୨୮ ତେବର୍ପାଇ ତମେ ନିଜର୍ ବିସଇ ଆରି ସୁକଲ୍ଆଡ଼ମା ତାଟ୍ ସଡ଼୍ ଗିଆନେ ଜନ୍ ବିସ୍ବାସି ମାନ୍ଦାକେ ଦେକାରକାପାଇ ଚାଡ଼ିଦେଇ ଆଚେ, ସେ ସବୁ ବିସଇଟାନେ ଜାଗର୍ଡ଼୍ ଉଆ । ମେଣ୍ଡା ଚାରାଉ ଗଉଡ଼଼ପାରା ପରମେସର୍ସର୍ ମଣ୍ଡୁଲିର୍ ଜତନ୍ ନିଆ । ସେ ମଣ୍ଡୁଲିକେ ପରମେସର୍ସର୍ ତାଟ୍ ନିଜର୍ ବନିଦେଇ ଗେନିଆଚେ ।

୨୯ ମୁଇ ଜାନିଆଟି, ମୁଇ ଗାଲାପଚେ ତମର୍ ବିଡ଼ରେ ଅପର୍ବଲ୍ ଗଦଡ଼ୁରକାମନ୍ ଆଇବାଇ ଆରି ମେଣ୍ଡାସିକେ ଚିନ୍ ଚତର୍ କରସେ ଚାଡ଼ିବାଇ ।

୩୦ ବେଲା ଆଇସି, ତମର୍ ନିଜର୍ ଦଲର୍ କେତେ ଲକ୍ ବିସ୍ବାସିମନ୍କେ ମିଟ୍ କାତା କଇ ତାକର୍ ବାଟେ ଡାକି ନେବାଇ ।

୩୧ ସେ ବେଲେ ତମେ ଜାଗର୍ଡ଼୍ ଅଇ ରୁଆ । ମୁଇ ତିନ୍ ବରସ୍ ଜାକ ଦିନ୍ ରାତି ଆଁସୁପାନି ଜରାଇ, ତମ୍ବେ ଗଟେକ୍ ଗଟେକ୍ କରା, ସବୁ ଲକ୍କେ ସିକାଇ ଆଟି, ଏ କାତା ଏତାଇରୁଆ ।”

୩୨ “ଏବେ ମୁଇ ତମ୍ବେ ପରମେସର୍ସକେ, ଆରି ତାଟ୍ ଜିବନ୍ ଦୁକାଇବା ବାକିଅଟାନେ ସର୍ପି ଦେଲିନି । ସେ ବାକିଅ ତମ୍ବେ ତାଟ୍ କରାଇସି ଆରି ପରମେସର୍ସର୍ ଲକ୍ମନ୍ ପାଇ ଅଇବା ସବୁ ଆସିର୍ବାଦ୍ ତମ୍ବେ ଦେଇପାଟ୍ସି ।

୩୩ ମୁଇ କାର୍ ସୁନା, ରୁପା କି ଲୁଗାପଟିଆ ମିଲାଇବି ବଲି ଆସା କରନାଇ ।

୩୪ ମର୍ ଏ ଦୁଇଟା ଆତେ କସ୍ଟ କରା, ମର୍ ପାଇ ଆରି ମର୍ସଙ୍ଗ୍ ରଇବାଲକର୍ ପାଇ, ଦରକାର୍ ରଇଲାଟା ପୁରାପୁରୁନ୍ କଲିଆଟି ଏଟା ତମେ ଜାନିଆଟାସ୍ ।

୩୫ ମିଲାଇବାଟାନେଅନି ଦାନ୍ଦେବାଟା ଅଦିକ୍ ସାର୍ଦାର୍ ବିସଇ ଅଇରଇସି । ନିଜେ ଜିସୁ ମାପୁରୁ ଏ ବାକିଅ ସୁମର୍ନା କରରଇଲା । ଏଡ଼ାରି କସ୍ଟ କାମେଅନି ନାପାର୍ଲା ଲକ୍ମନ୍କେ ସାଇଜ କର୍ବାର୍ ଆଚେ । ଏ ବିସଇ ମୁଇ ତମ୍ବେ ସବୁବେଲେ କରଦେକାଇଆଟି ।”

୩୬ ଏ ସବୁ କାତା କଇସାରାଇ ପାଉଲ୍ ସେମନ୍ସର୍ ସଙ୍ଗ୍ ମାଣ୍ଡିକୁଟା ଦେଇ ପାର୍ତନା କଲା ।

୩୭ ସବୁ ଲକ୍ କାନ୍ଦି କାନ୍ଦି କରି ପାଉଲ୍କେ ପାଟାଲିକରି ରୁମ୍ବାର୍ଟ କରି ପାଟାଇଦେଲାଇ ।

୩୮ ପାଉଲ୍ ସେମନ୍ସକେ “ତମେ ଆରି ମକେ ଦେକିନାପାରାସ୍ ।” ବଲି କଇରଇଲାକେ, ସେମନ୍ସ ବେସି ମନ୍ଦୁକ୍ ଅଇଜାଇରଇଲାଇ । ଲକ୍ମନ୍ ପାଉଲ୍କେ ପାଟାଇ ଦେବାକେ, ଜାଜେ ନେଇ ଚାଡ଼ିଲାଇ ।

୨୧

ପାଉଲ୍ ଜିରୁସାଲମେ ଜିବାଟା

୧ ସେମନ୍ସକେ ପାଟାଇଦେଇକରି ଆମେ ତେଇଅନି ଜାଜେ ଚଗି ସିଦା କସ୍ ନାଉର୍ ଜାଗାଇ କେଟ୍ଲୁ । ତାଟ୍ ଆର୍କର୍ ଦିନେ ରଦେ କେଟ୍ଲୁ, ସମ୍ପୁର୍ ପାଲି ପାଲି ଜାଇ ପାତାରା ନାଉର୍ ଜାଗାଇ ଗାଲୁ ।

୨ ତେଇଅନି ପିନିସିଆଇ ଜାଇତେ ରଇବା ଗଟେକ୍ ଜାଜେ ଚଗି ଜିବାର୍ ଦାର୍ଲୁ ।

୩ ତାଟ୍ପଚେ ଡିସ୍ତେରଇବା ସାଇପରସ୍ ନାଉର୍ ଗଟେକ୍ ଜାଗାଇ କେଟ୍ଲୁ । ତେଇଅନି ତାଟ୍ ଦକିଣ୍ଡିଗ୍ ବାଟେ ଜାଇ ସିରିଆଇ କେଟ୍ଲୁ । ଆମେ ଟାୟର୍ ନାଉର୍ ଗଟେକ୍ ଜାଗାଇ, ପାନିଜାଜେଅନି ଉତର୍ଲୁ, କାଇକେ ବଇଲେ, ଏ ଜାଜେଅନି ଦିନ୍ସୁମନ୍ ଉଡ଼ରାଇବାର୍ ରଇଲା ।

୪ ତେଇ ଆମେ କେତେଟା ବିସ୍ବାସିମନ୍ସର୍ ସଙ୍ଗ୍ ବେଟ୍ ଅଇ ସେମନ୍ସର୍ ସଙ୍ଗ୍ ଗଟେକ୍ ଆଟ୍ ରଇଲୁ, ସୁକଲ୍ଆଡ଼ମାର୍ ଚାଲ୍ନା ପାଇକରି ସେମନ୍ସ, ଜିରୁସାଲମେ ଜିବାକେ ପାଉଲ୍କେ ମନା କଲାଇ ।

୫ ମାତର୍ ସେମନ୍ସର୍ ସଙ୍ଗ୍ ଗଟେକ୍ ଆଟ୍ ରଇଲା ପଚେ, ଆମେ ସେମନ୍ସକେ ଚାଡ଼ିକରି ଆମର୍ ବାଟେ ଉଟି ଆଇଲୁ । ଆମ୍ବେ ପାଟାଇ ଦେବାକେ ସେମନ୍ସ ନିଜର୍ ନିଜର୍ ପିଲା ମାଇଜି ସଙ୍ଗ୍ ଗଡ଼୍ ବାଇରେ ରଇବା, ସମ୍ପୁର୍ କଣ୍ଡିଜାକ ଆଇଲାଇ । ତେଇ ଆମେ ସବୁ ଲକ୍ ମାଣ୍ଡିକୁଟା ଦେଇ ପାର୍ତନା କଲୁ ।

୬ ତାଟ୍ପଚେ ଆମେ ସେମନ୍ସର୍ ସଙ୍ଗ୍, ଜୁଆର୍ବେଟ୍ ଅଇ ଜାଜେ ଚଗ୍ଲୁ, ସେମନ୍ସ ଗରେ ବାଉଡ଼ି ଗାଲାଇ ।

୭ ଆମେ ଟାୟରେଅନି ପାନିଜାଜେ ବାରଇ ପଡ଼ଲମା ନାଉର୍ ଜାଗାଇ କେଟ୍ଲୁ, ତେଇ ବିସ୍ବାସି ବାଇମନ୍ସର୍ ସଙ୍ଗ୍ ଜୁଆର୍ବେଟ୍ ଅଇ ଗଟେକ୍ ଦିନ୍ ରଇଲୁ ।

୮ *ଆର୍କର୍ ଦିନେ ଆମେ ସେ ଜାଗା ଚାଡ଼ି, ସିସେରିଆ ନାଉର୍ ଜାଗାଇ କେଟ୍ଲୁ, ତେଇ ମାପୁରୁର୍ କାତା ଜାନାଇବା, ପିଲିପ୍ ଗରେ ରଇଲୁ, ଜିରୁସାଲମେ ସେବା କର୍ବାକେ ବାଟାଇଅଇରଇବା ସାଡ଼୍ ଲକ୍ ବିଡ଼ରେଅନି, ପିଲିପ୍ ଗଟେକ୍ ଲକ୍ ରଇଲା ।

୯ ପିଲିପ୍ ଚାଟା ଦାଙ୍ଗ୍ଟି ଟକିମନ୍ ବିବା ନ ଅଇକରି ରଇଲାଇ, ସେମନ୍ସ ପରମେସର୍ସ କଇଲା କାତା ଜାନାଇତେ ରଇଲାଇ ।

☆ ୨୧:୮ ପେରିଡ଼ ୨:୫;୮:୫

୧୦ *ଆମେ ସେ ଜାଗା ରେସି ଦିନ ରଇଲା ପତେ, ଜିଉଦା ରାଇଜେଅନି ଆଗାବ୍ ନାଉଁର ଗଟେକ୍ ବବିସ୍ତବକ୍ତା ତେଇ ଆଇଲା ।

୧୧ ସେ ଆମର୍ ଲଗେ ଆସି ପାଉଲର୍ ଆଟାବେତା ନେଲା, ତେଇ ସେ ନିଜର୍ ଆଡ଼ ଗଡ଼ ବାନ୍ଧି କରି କଇଲା, “ସୁକଲଆଡ଼ମା ମକେ ଜାନାଇଲା ଆତେ ଜେ, ଏ ଆଟାବେତାର୍ ସାଉକାରକେ ଜିରୁସାଲାମର୍ ଜିଉଦିମନ୍, ଏନ୍ତି ବାନ୍ଧି ଜିଉଦିନଇଲା ଲକ୍ମନକେ ସର୍ପିଦେବାଇ ।”

୧୨ ଏଟା ସୁନି ଆମେ ଆରି ସେ ଜାଗା ରଇଲା ବିନ୍ଲକ୍ମନ୍, ପାଉଲ୍‌କେ “ଜିରୁସାଲାମେ ନ ଜାଆ” ବଲି ବାବୁଜିଆ କଲୁ ।

୧୩ ମାତର୍ ପାଉଲ୍ କଇଲା, “ତମେ ଏଟା କାଇଟା କଲାସ୍‌ନି, କାଇକେ ଏନ୍ତି କାନ୍ଦାବୁବା ଅଇ ମର୍ ମନ୍ କିଲ୍‌ବିଲ୍ କଲାସ୍‌ନି ? ଜିରୁସାଲାମ୍ ଅବ୍‌କା ବାନ୍ଧାଇ ଅଇବାକେସେ ନାଇ, ମାତର୍ ମୁଇ ମାପୁରୁ ଜିସୁର୍ ପାଇ ମର୍ବାକେ ମିସା ରାଜି ଆତି ।”

୧୪ ଆମେ ତାକେ ବୁଜାଇ ନାପାରି, ତେଇଅନି ଚିମ୍‌ରାଇ ଅଇ କଇଲୁ “ମାପୁରୁ ମନ୍ କଲାଟା ପୁରାପୁରୁନ୍ ଅ ।”

୧୫ ତେଇ କେତେଦିନ ରଇକରି, ଆମର୍ ଦିନ୍‌ସୁପତର୍ ସାଜାତି ଜିରୁସାଲାମେ ଜିବାକେ ବାରଇଲୁ ।

୧୬ ସିସେରିଆର୍ କେତେଟା ସିସ୍‌ମନ୍, ଆରି ସାଇପରସର୍ ମନାସନ୍ ନାଉଁର୍ ବିସ୍‌ବାସି ମିସା ଆମର୍ ସଙ୍ଗ୍ ଆଇଲା । ମନାସନ୍‌ର ଗରେ ଆମେ ରଇବାକେ ଟିକ୍ ଅଇରଇଲା ।

ଜାକୁବର୍ ସଙ୍ଗ୍ ପାଉଲ୍ ବେଟ୍ ଅଇବାଟା

୧୭ ଜିରୁସାଲାମର୍ ବିସ୍‌ବାସି ବାଇମନ୍ ଆମ୍‌କେ ସାର୍‌ଦାସଙ୍ଗ୍ ଗତିଆ କଲାଇ ।

୧୮ ତାର୍ ଆରକର୍ ଦିନେ ପାଉଲ୍ ଆମର୍ ସଙ୍ଗ୍ ଜାକୁବ୍‌କେ ଦେକ୍‌ବାକେ ଗାଲା, ମଣ୍ଡଲିର୍ ସବୁ ପାର୍‌ଚିମନ୍ ତେଇ ରୁଣ୍ଡି ରଇଲାଇ ।

୧୯ ପାଉଲ୍ ସେମନ୍‌କେ ଜୁଆର୍‌ବେଟ୍ ଅଇ ତାକର୍ କାମେଅନି, ପରମେସର୍ ଜିଉଦିନଇଲା ଲକ୍ମନର୍ ବିଡ଼ରେ ଜାଇଟା କରଇଲା ତାର୍ ଗଟେକ୍ ଟିକିନିକିର୍ ତାଲିକା ଦେଲା ।

୨୦ ତାର୍ କାତା ସୁନ୍‌ଲାପତେ ସେମନ୍ ସବୁ ଲକ୍ ପରମେସର୍ ତାକ୍‌ପୁଟା କଲାଇ । ତାର୍‌ପତେ କଇଲାଇ, “ବାଇ ପାଉଲ୍, ତମେ ଦେକ୍‌ଲାସ୍‌ନି, କେନ୍ତି, ଏବେ ଅଜାର୍ ଅଜାର୍ ଜିଉଦିମନ୍ ମାପୁରୁ ଜିସୁକେ ମାନ୍‌ଲାଇନି ଆରି ସେମନ୍ ରିତିନିତି ମିସା ମାନ୍‌ଲାଇନି ।

୨୧ ସେମନ୍ କବର୍ ପାଇଆତଡ଼ ଜେ, ତମେ ଜିଉଦିନଇଲା ଦେସେ ବାସା ଅଇରଇଲା, ଜିଉଦିମନ୍‌କେ ମସାର୍ ରିତିନିତି ଚାଡ଼ିଦେବାକେ, ସେମନ୍‌ର ପିଲାମନ୍‌କେ ସୁନ୍‌ଡ଼ ନ କର୍‌ବାକେ ଆରି ଜିଉଦି ରିତିନିତି ନ ମାନ୍‌ବାକେ ସିକିଆ ଦେଲାସ୍‌ନି ।

୨୨ ତମେ ଇତି କେଟିଆଟାସ୍ ବଲି ସେମନ୍ ସଡ଼ସେ ସୁନ୍‌ବାଇ । ସେନ୍ତି ଆଲେ କାଇଟା କରଇଅଇସି ?

୨୩ ଆମେ ମନ୍‌କଲୁନି ତମେ ଗଟେକ୍ କାମ୍ କରା ବଲି । ଇତି ରଇଲା ଚାରିଲକ୍ ଗଟେକ୍ ମାନଡ଼ କଲାଇଆତଡ଼ ।

୨୪ ସେମନ୍‌ର ସଙ୍ଗ୍ ଜାଆ । ସୁକଲ୍ ଅଇବା ବିଦି ମାନ୍‌ବାତେଇ ସେମନ୍‌ର ସଙ୍ଗ୍ ମିସା ଆରି ସେମନ୍‌ର କର୍‌ଟା ଦେ । ତାର୍‌ପତେ ସେମନ୍ ନିଜର୍ ନିଜର୍ ମୁଣ୍ଡ କୁରାଇ ଅଅଡ଼ । ଇତିଅନି ଜାନାପଡ଼ସି ଜେ, ତମର୍ ବିସଇ ବାରଇରଇବା କାଇମିସା କବର୍ ସଡ଼ ନଏଁ, ମାତର୍ ତମେ ମସାର୍ ରିତିନିତି ଇସାବେ ଜିବନ୍ ଜିଇଲାସ୍‌ନି ।

୨୫ *ମାତର୍ ଜିଉଦି ନ ଅଇଲା ଲକ୍ମନ୍ ବିସ୍‌ବାସି ଅଇଆତଡ଼ । ସେମନ୍‌କେ ଗଟେକ୍ ଟିଟି ଲେକି ଉପଦେସ୍ ଦେଲୁଆରୁ ଜେ, ଆମର୍ କଇଲା କାତା ଇସାବେ, ସେମନ୍ ପୁଡ଼ଲାମନ୍‌କେ ବିରୁକଲା କାଦି ନ କାଅଡ଼, ବନି ନ କାଅଡ଼, ଟର୍‌ରି ପିଟ୍‌କି ମରାଇରଇବା ପସୁର୍ ମାଉଁସ୍ ନ କାଅଡ଼ ଆରି ବିନ୍ ମାଇଜିମନ୍‌ର ସଙ୍ଗ୍ ପାପ୍ କାମ୍ କର୍‌ବାଟାନେଅନି ଦୁରିକେ ରଅଡ଼ ।”

୨୬ ତାର୍ ପର୍‌ଦିନେ ପାଉଲ୍ ସେ ଚାର୍ ଲକ୍‌ର ସଙ୍ଗ୍ ସୁକଲ୍ ଅଇବା ବିଦି ମାନ୍‌ଲା । ତାର୍ ପତେ ସେ ମନ୍‌ରେ ଜାଇ ସୁକଲ୍ ଅଇବା କାମ୍ କେବେ ସାର୍‌ସି, ଆରି କେତେବଲ୍ ବିରୁ କର୍‌ବାଟା ଅଇସି, ସେଟା ଜାନାଇଦେଲା ।

ପାଉଲ୍ ମନ୍‌ର ବିଡ଼ରେ ବନ୍ଧି ଅଇଲା

୨୭ ଏ ସୁକଲ୍ ଅଇବା କାମର୍ ସାଡ଼ ଦିନ୍ ଗାଲା ପତେ, ଆସିଆ ରାଇଜର୍ କେତେଟା ଜିଉଦିମନ୍ ପାଉଲ୍‌କେ ମନ୍‌ରେ ଦେକ୍‌ଲାଇ, ସେମନ୍ ତେଇ ରୁଣ୍ଡିଲା ଲକ୍ମନ୍‌କେ ଉସ୍‌କାଇକରି ପାଉଲ୍‌କେ ଦାର୍‌ଲାଇ ।

୨୮ ସେମନ୍ ଆଉଲି ଅଇକରି କଇଲାଇ, “ଏ ଇସ୍‌ରାଏଲ୍‌ର ବାଇମନ୍ ଆମ୍‌କେ ସାଇଜ କରା ! ଏ ଲକ୍ ଚାରିବାଟେ ଜାଇକରି ଇସ୍‌ରାଏଲ୍ ମନ୍‌ର ବିରଦେ, ମସାର୍ ନିୟ୍‌ମ୍ ଆରି ଏ ମନ୍‌ର ବିରଦେ, ସିକିଆ ଦେଲାନି । ଏବେ କେତେଟା ଗିରିକ୍ ଲକ୍ମନ୍‌କେ ମନ୍‌ର ବିଡ଼ରେ ଆନି, ଏ ସୁକଲ୍ ଜାଗା ଅସୁକଲ୍ କଲା ଆତେ ।”

୨୯ *ସେମନ୍ ଗଡ଼ ବିଡ଼ରେ ଏପିସସର୍ ତର୍‌ପିମ୍‌କେ ପାଉଲ୍ ସଙ୍ଗ୍ ଦେକି ରଇଲାର୍ ପାଇ ବାବ୍‌ଲାଇ ଜେ, ପାଉଲ୍ ତାକେ ମନ୍‌ରେ ନେଲା ଆତେ ବଲି ।

୩୦ ଗଡ଼ର୍ ଗୁଲାଇ ବାଟେ ରିସାର୍ କିଲ୍‌ବିଲ୍ ଡାବିଅଇଗାଲା । ଲକ୍ମନ୍ ପାଉଲ୍‌କେ ମନ୍‌ର ବାଇରେ ଅର୍‌ଗତି ଆନ୍‌ଲାଇ, ଆରି ମନ୍‌ର କାପାଟ୍‌ମନ୍ ଡାବିଦେଲାଇ ।

☆ ୨୧:୧୦ ପେରିଡ଼ ୧୧:୨୮ ☆ ୨୧:୨୫ ପେରିଡ଼ ୧୫:୨୯ ☆ ୨୧:୨୯ ପେରିଡ଼ ୨୦:୪

୩୧ ରିସାଅଇଲା ଲକ୍ମନ୍ ପାଉଲ୍‌କେ ମରାଇବାକେ ଚେସ୍‌ଟା କଲାଇ, ମାତର୍ ସମାନ୍ ସେ ବେଲାଇ “ ଜିରୁସାଲାମେ ଗଣ୍ଡୁଗାଲ୍ ଚାଲ୍‌ଲା ଆଚେ ।” ବଲି ରମିୟ୍ ସନିଅମନ୍‌କେ କବର୍ ସୁନ୍‌ଲାଇ ।

୩୨ ସେ କେତେଟା ସେନାପତି କେତେଟା ସନିଅମନ୍‌କେ ଦାରି ଦାପ୍‌ରେ, ଗଟ୍‌ନା ଗଟ୍‌ଲା ଜାଗାଇ ଆସି କେଟ୍‌ଲା । ଲକ୍ମନ୍ ସନିଅ ଆରି ସେନାପତିକେ ଦେକିକରି ପାଉଲ୍‌କେ ମାର୍‌ବାଟା ଚାଡ଼ିଦେଲାଇ ।

୩୩ ସେନାପତି ପାଉଲ୍‌କେ ବନ୍ଦିକରି, ତାକେ ଦୁଇଟା ସିକ୍‌ଲିଡେଇ ବାନ୍ଧିବାକେ ଆଦେସ୍ ଦେଲା, ତାର୍ ପତେ ସେ ପାଚାର୍‌ଲା, “ଏ ଲକ୍ କେ ? ଆରି ସେ କାଇଟା କଲା ଆଚେ ?”

୩୪ ଲକ୍ମନ୍‌ର ମାନ୍ଦାଅନି କେ କେତେ ରକାମ୍ କାତା କଇ ଆଉଲିଅଇଲାଇ । ଏନ୍ତି କିରମାର୍ ଅଇଲା ଜେ, ସନିଅମନ୍‌ର ମୁକିଆ, ସତ୍‌ସେ, ଏ ଗଟ୍‌ନା କାଇକେ ଅଇଲା ବଲି ବୁଜିନାପାର୍‌ଲା । ସେଟାର୍‌ପାଇ ସେ ପାଉଲ୍‌କେ ଗଡ଼ବିଡ଼ରେ ଦାରିଜିବାକେ ସନିଅମନ୍‌କେ ଆଦେସ୍ ଦେଲା ।

୩୫ ସନିଅମନ୍ ପାଉଲ୍‌କେ ଦାରି ଚର୍‌ବା ପାଉଚେ କେଟ୍‌ଲା ଦାପ୍‌ରେ, ତାର୍ ଚାରିବେଡ଼ି ରଇଲା ଲକ୍ମନ୍ ବେସି ଆଉଲି ଅଇଲାଇକେ ସନିଅମନ୍ ତାକେ ବଇ ଦାରିଗାଲାଇ ।

୩୬ ବଇନେବା ବେଲେ ଲକ୍ମନ୍ ପର୍‌ପର୍ ଆସି ତାକେ ମରାଆ ବଲି ଆଉଲି ଅଇତେରଇଲାଇ ।

ପାଉଲ୍ ନିଜର୍ ବିସଇ ସାକି ଦେବାଟା

୩୭ ପାଉଲ୍‌କେ ସନିଅମନ୍ ଗଡ଼ବିଡ଼ରେ ନେବାବେଲେ ସେ ସନିଅମନ୍‌ର ମୁକିଆକେ କଇଲା, “ମୁଇ ତମର୍ ସଙ୍ଗ୍ କାତା ଅଇପାର୍‌ବି କି ?”

ସନିଅମନ୍‌ର ମୁକିଆ କଇଲା, “ତୁଇଟା ଗିରିକ୍ କଇଲୁସ୍‌ନି ।

୩୮ ସେନ୍ତି ଆଲେ କେତେ ଦିନ୍ ଆଗେ ମିସରର୍ ଜନ୍ ଲକ୍ ଚାରି ଅଜାର୍ କାଙ୍ଗାମନ୍‌ର ସଙ୍ଗ୍ କେଟିରଇଲା, ତମେ ସେ ଲକ୍ ନୁଆସ୍ !”

୩୯ ପାଉଲ୍ କଇଲା, “ମୁଇ ସିଲିସିଆର୍ ତାର୍‌ସିସେ ଜନମ୍ କରିରଇବା ଗଟେକ୍ ଜିଉଦି, ଗଟେକ୍ ମୁକିଅ ଗତର୍ ଲକ୍ । ଏ ଲକ୍ମନ୍‌କେ ବୁଜାଇ କଇବାକେ ଦୟାକରି ମକେ ଅଲପ୍ ଆଦେସ୍ ଦିଆ ।”

୪୦ ସେନାପତି ତାକେ ଆଦେସ୍ ଦେଲାକେ ପାଉଲ୍ ପାଉର୍ ଉପ୍‌ରେ ଚିଆଅଇ, ଲକ୍ମନ୍‌କେ ଚିମ୍‌ରା ଅଇବାକେ ଆଡ଼ ସାଗିଆ କଲା । ସେମନ୍ ଚିମ୍‌ରା ଅଇଲାଇକେ, ପାଉଲ୍ ଇବ୍‌ରୁ ବାସାଇ କଇଲା ।

୨୨

୧ “ମର୍ ସଙ୍ଗାରି ଜିଉଦି ବାଇ ଆରି ବାବାମନ୍, ମର୍ ନିଜର୍‌ବାଟେଅନି ମୁଇ ଜାଇଟା କଇଲିନି ସେଟା ସୁନା !”

୨ ସେମନ୍‌ର ସଙ୍ଗ୍ ସେ ଇବ୍‌ରୁ ବାସାଇ କାତା କଇବାଟା ସୁନି, ଲକ୍ ମାନ୍ଦା ବୁପ୍‌ଗାପ୍ ଅଇଲାଇ ଆରି ପାଉଲ୍ କଇବାକେ ଦାର୍‌ଲା,

୩ * “ମୁଇ ଗଟେକ୍ ଜିଉଦି ଲକ୍, ସିଲିସିଆର୍ ତାର୍‌ସିସେ ମର୍ ଜନମ୍, ମାତର୍ ମୁଇ ଜିରୁସାଲାମେ କାଇପିଇ ବଡ଼ ଅଇରଇଲି ଆରି ଗମଲିଏଲର୍ ସିସ୍ ରଇଲି । ଆମର୍ ଆନିଦାଦିମନ୍‌ର ରିତିନିତି, ମୁଇ ଟିକ୍ ଇସାବେ ସିକିରଇଲି ଆରି ତମର୍ ପାରା ପର୍‌ମେସ୍‌ରକେ ମାନିକରି ଜିଇତେରଇଲି ।

୪ * ମାପ୍‌ରୁର୍ ବାଟେ ଜିବା ଲକ୍ମନ୍‌କେ ମାର୍‌ଦାର୍ କରି ସେମନ୍‌କେ ମରାଇଦେଇତେ ରଇଲି । ମାଇଜିଟକି ମୁନୁସ୍‌ପିଲା ସବୁକେ ବାନ୍ଧିକରି ବନ୍ଦି ଗରେ ପୁରାଇ ଦେଇତେ ରଇଲି ।

୫ ମର୍ ଏ କାତା ପୁରା ସଡ଼ । ବଡ଼ ପୁଜାରି ଆରି ବଡ଼ ସବାର୍ ସବୁ ପାର୍‌ଚିନ୍‌ମନ୍ ସାକି ଆଚଡ଼ । ଲକ୍ମନ୍‌କେ ବନ୍ଦି କରି ସିକ୍‌ଲି ସଙ୍ଗ୍ ବାନ୍ଧି ଜିରୁସାଲାମ୍ ଦାରିଆଇବାକେ, ମୁଇ ବଡ଼ ପୁଜାରିର୍ ଟାନେଅନି ଆଦେସ୍ ପତର୍ ପାଇ, ଦାମାସ୍କସେ ରଇବା ଜିଉଦି ବାଇମନ୍‌ର ଲଗେ ଗାଲି ।”

ପାଉଲ୍ ତାର୍ ମନ୍ ବାଦ୍‌ଲାଇଲା ବିସଇନେଇ ଟିକିନିକି କଇଲା

୬ “ମୁଇ ଜେତେବେଲା ବାରଇ ଜିରୁସାଲାମେ ଜିବାବେଲେ ଦାମାସ୍କସ୍ ଲଗାଲଗି ଅଇଲି, ପାକାପାକି ମୁଣ୍ଡବେଲାଇ, ଆକାସେଅନି ଗଟେକ୍ ଉଜଲ୍ ମର୍ ଚାରିବେଡ଼ି ଉଜଲ୍ ଅଇଗାଲା ।”

୭ ମୁଇ ବୁର୍‌ ଉମ୍‌ତାଡ଼ିଅଇ ଅଦ୍‌ରିଗାଲି ଆରି ମର୍‌ପାଇ ଏ କାତା ସୁନ୍‌ଲି, ସାଉଲ୍, ସାଉଲ୍ ! ମକେ ତୁଇ କାଇକେ କସ୍‌ଟ ଦେଲୁସ୍‌ନି ?

୮ ମୁଇ ପାଚାର୍‌ଲି, “ମାପ୍‌ରୁ, ତମେ କେ ? ସେ ମକେ କଇଲା, ‘ତମେ ଜାକେ କସ୍‌ଟ ଦେଲାସ୍‌ନି’ ମୁଇ ସେ ନାଜରିତର୍ ଜିସୁ ।”

୯ ମର୍‌ସଙ୍ଗ୍ ରଇଲା ଲକ୍ ସେ ଉଜଲ୍ ଦେକ୍‌ଲାଇ, ମାତର୍ ମର୍ ସଙ୍ଗ୍ କାତା ଅଇବା ଲକ୍‌ର୍ ସର୍ ସୁନି ନାପାର୍‌ଲାଇ ।

୧୦ ମୁଇ ପାଚାର୍‌ଲି, “ମାପ୍‌ରୁ, ମୁଇ କାଇଟା କର୍‌ବି ?” ମାପ୍‌ରୁ ମକେ କଇଲା, “ଉଟ୍, ଆରି ଦାମାସ୍କସେ ଜାଆ, ପରମେସ୍‌ର ତର୍ ପାଇ ଜନ୍ କାମ୍ ଟିକ୍ କଲା ଆଚେ, ସେଟା ତମ୍‌କେ ତେଇ ଜାନାଇ ଦିଆଅଇସି ।”

☆ ୨୨:୩ ପେରିଡ଼ ୫:୩୪-୩୯ ☆ ୨୨:୪ ପେରିଡ଼ ୮:୩;୨୭:୯-୧୧

୧୧ ସେ ଉଜଲ୍ ଏତେକ ଉଜଲ୍ ରଇଲା ଜେ, ସେ ଉଜଲ୍ ବପୁ ସଙ୍ଗେ, ମୁଇ କାଣା ଅଇଜାଇରଇଲି । ସେଟାରପାଇ ମର ସଙ୍ଗେ, ଜିବା ଲକ୍ମନ୍, ମର ଆତେ ଦାରି, ମକେ ଦାମାସକସେ ଡାକିନେଲାଇ ।

୧୨ ଦାମାସକାସେ ଅନନିଅ ନାଉର୍ ଗଟେକ୍ ଦରମ୍ ଲକ୍ ରଇଲା । ସେ ଆମର୍ ରିତିନିତି ନାମି କରି ରଇଲା, ତେଇ ରଇବା ଜିଉଦିମନ୍ ସବୁ ତାକେ ବେସି ନାମ୍ତେ ରଇଲାଇ ।

୧୩ ସେ ମରଲଗେ ଆସି ଚିଆଅଇ କଇଲା, “ବାଇ ସାଉଲ୍, ତୁଇ ଆଁକି ଆରି ତରେକ୍ ଦେକ୍ ।” ଟିକ୍ ସେ ଦାପ୍ରେ, ମୁଇ ଆରି ତରେକ୍ ଦେକ୍ବା ବପୁ ପାଇଲି ।

୧୪ ସେ କଇଲା, “ଆମର୍ ଆନିଦାଦିର୍ ମାପୁରୁ ସେ ମନ୍କରବାଟା ଜାନ୍ବାକେ, ତାର୍ ଦରମର୍ ଦାଙ୍ଗତାକେ ଦେକ୍ବାକେ ଆରି ତାର୍ କାତା ସୁନ୍ବାକେ, ତକେ ବାଟ୍ଲା ଆଟେ ।

୧୫ ତୁଇ କାଇଟା ଦେକିଆରୁସ୍ ଆରି ସୁନି ଆରୁସ୍, ସେଟା ସବୁ ଲକର୍ ଲଗେ ଦେକାଇବାକେ ଆରି ସୁନାଇବାକେ ତାକର୍ ସାକି ଅଇସୁ ।

୧୬ ଆରି କାଇକେ ଅଲ୍ସମ୍ କଲୁସ୍ନି ? ଉଟ୍, ତୁବନ୍ ନେ, ଆରି ତାକେ ପାର୍ତନା କରି ତର୍ ସବୁ ପାପେଅନି ପରିଚଲ୍ ଅ ।”

ଜିଉଦି ନଇଲା ଲକ୍ମନ୍ତେତେଇ ମାପୁରୁ କାତା ଜାନାଇବାକେ ପାଉଲ୍କେ ଡାକ୍ରା ଆଇଲା

୧୭ “ମୁଇ ଜିରୁସାଲମେ ବାଉଡି ଜାଇ, ତେଇର୍ ମାନ୍ଦିରେ ପାର୍ତନା କରବାବେଲେ, ମକେ ମାପୁରୁ ଦର୍ସନ୍ ମିଲ୍ଲା ।

୧୮ ମାପୁରୁ ମକେ ନିଜେ ଦେକାଇଅଇ କଇଲା, ଦାପ୍ରେ ଜିରୁସାଲମ୍ ଚାଡି ଉଟି ଜା, କାଇକେ ବଇଲେ ଇଡିର୍ ଲକ୍ମନ୍ ମର ବିସଇ, ତୁଇ ସାକିଦେବାଟା ନ ନାମଡ୍ ।”

୧୯ ମୁଇ କଇଲି “ମାପୁରୁ, ମୁଇ ପାର୍ତନା ଗର୍ମନ୍କେ ଜାଇ, ତମ୍କେ ବିସ୍ବାସ୍ କରବା ଲକ୍ମନ୍କେ, କେନ୍ତାରି ବନ୍ଦି କରି ରଇଲି ଆରି ମାଡ୍ ମାରି ରଇଲି, ଏଟା ସେମନ୍ ନିକ ସଙ୍ଗେ ଜାନଡ୍ ।

୨୦ *ଆରି ଜେତେବେଲ୍ ତମର୍ ସାକି ଦେଇ ରଇବା ତିପାନ୍କେ ମରାଇଦେଲାଇ, ମୁଇ ନିଜେ ତେଇ ରଇଲି, ତାକେ ମାରି ମରାଇଦେବାକେ ରାଜିଅଇରଇଲି । ମାରୁମନ୍ ବେଟ୍ଲା ବସ୍ତର୍ ଜାଗି ରଇଲି ।”

୨୧ ମାପୁରୁ ମକେ କଇଲା, “ଜାଆ ମୁଇ ତକେ ବେସି ଦୁରିକେ ଜିଉଦି ନଇଲା ଲକ୍ମନ୍ତେ ଲଗେ ପାଟାଇବି ।”

୨୨ ପାଉଲ୍ ଏ କାତା କଇବାଜାକ ଲକ୍ମନ୍ ମନ୍ଦିଆନ୍ ଦେଇ ସୁନ୍ତେ ରଇଲାଇ, ମାତର୍ ତାର୍ ପଟେ ସେମନ୍ ଆଉଲିଅଇକରି କଇଲାଇ, “ତାକେ ଜଗତେଅନି ବାଟ୍କରାଇ ଦିଆସ୍ ! ମରାଇ ଦିଆସ୍, ସେନ୍ତା ଲକ୍ ଜିଇବାକେ ଲଡା ନାଇ !”

୨୩ ସେମନ୍ ଆଉଲି ଅଇକରି ବସ୍ତର୍ ଉପ୍ରେ ଉଡାଇତେରଇଲାଇ ଆରି ଦୁଲି ମିସା ଉପ୍ରେ ଉଡାଇତେ ରଇଲାଇ ।

୨୪ ରମିୟ୍ ସନିଅମନ୍ ମୁକିଆ ପାଉଲ୍କେ ଗଡ୍ ବିଡ୍ରେ ଦାରିଜିବାକେ ସନିଅମନ୍କେ ତିଆରୁଲା ଆରି ଜିଉଦିମନ୍ କାଇକେ ତାର୍ ବିରୁଦେ ଆଉଲି ଅଇଲାଇନି, ସେଟା ଜାନ୍ବାକେ ପାଉଲ୍କେ କରଡା ସଙ୍ଗେ ମାର୍ବାକେ ଆଦେସ୍ ଦେଲା ।

୨୫ ମାତର୍ ସେମନ୍ ତାକେ କରଡା ମାର୍ବାକେ ବାନ୍ଦିରଇଲା ବେଲେ, ପାଉଲ୍ ତେଇ ରଇବା ଗଟେକ୍ ଅଦିକାରିକେ କଇଲା, “କାଇ ଦସ୍ ନ ରଇକରି ଏବେ ଜାକ ବିଚାରନା ନ ଅଇରଇବା ଗଟେକ୍ ରମିଅ ଲକ୍କେ କରଡା ସଙ୍ଗେ ମାର୍ବାଟା, ଏଟା ତୁଇ ନିୟ୍ ମାନ୍ଲୁସ୍ନି କି ?”

୨୬ ଏ କାତା ସୁନିକରି ସନିଅ ଗାଲା ଆରି ସନିଅମନ୍ ମୁକିଅକେ କଇଲା, “ତୁଇ କାଇଟା କଲୁସ୍ନି? ଏ ଗଟେକ୍ ରମିଅ ଲକ୍ !”

୨୭ ସନିଅମନ୍ ମୁକିଅ ପାଉଲ୍ ଲଗେ ଜାଇ ପାଟାରୁଲା, “ସତଇସେ ତମେ କାଇ, ରମିଅ ଲକ୍ କି ?” ପାଉଲ୍ ଉତର୍ ଦେଲା “ଉଁ ।”

୨୮ ସେନାପତି କଇଲା, “ମୁଇ ରମିଅ ସରକାର୍କେ ତାରୁ ଦେଇକରି ଗଟେକ୍ ରମିଅ ଲକ୍ ଅଇଲି ଆଟି ।” ପାଉଲ୍ କଇଲା “ମାତର୍ ମୁଇ ଜନମ୍ କଲାବେଲେଅନି ରମିଅ ଲକ୍ ।”

୨୯ ଏଟା ସୁନିକରି ଜନ୍ଲକ୍ମନ୍ ପାଉଲ୍କେ ପାଟାର୍ବାର୍ ଜାଇରଇଲାଇ, ସେମନ୍ ପର୍କେ ଗୁଟ୍ଲାଇ । ପାଉଲ୍ ଗଟେକ୍ ରମିୟ୍ ଲକ୍ ବଲି ଜାନ୍ଲାକେ, ସେମନ୍ ନେତା ମିସା ଡର୍ଲା । କାଇକେବଇଲେ ପାଉଲ୍କେ ସିକ୍ଲି ସଙ୍ଗେ ବାନ୍ଦବାକେ ସେ ସେ ତିଆରିରଇଲା ।

ବଡ଼ ସବାର୍ ମୁଆଟେ ପାଉଲ୍

୩୦ ଜିଉଦିମନ୍ ପାଉଲ୍କେ କାଇବଲି ନିନ୍ଦା କର୍ତ୍ତେରଇଲାଇ, ସେଟା ଜାନ୍ବାକେ ସନିଅମନ୍ ମୁକିଅ ମନ୍ କର୍ତ୍ତେରଇଲା । ତେବର୍ପାଇ ତାର୍ ଆରକର୍ ଦିନେ ସବୁ ପୁଜାରିମନ୍କେ ଆରି ବଡ଼ ସବାର୍ ମେମର୍ମନ୍କେ ରୁଣ୍ଡାଇବାକେ ତିଆରୁଲା । ତାର୍ ପଟେ ସେ ପାଉଲ୍କେ ବାନ୍ଦଲା ସିକ୍ଲି କୁସ୍ଲାଇ, ଦାରିକରି ଆନ୍ଲା ଆରି ବଡ଼ ସବାଇ ତାକର୍ ମୁଆଟେ ଚିଆ କରାଇଲା ।

☆ ୨୨:୨୦ ପେରିଡ଼ ୭:୫୮

୨୩

୧ ପାଉଲ୍ ବଡ଼ସବାର ଲକ୍ଷ୍ମଣଙ୍କେ ସିଦ୍ଧା ଦେକି କଇଲା, “ଏ ଇସ୍ରାଏଲର ବାଇମନ୍ ! ଆଜିକେ ଜାକ ମୁଇ ପରମେସରର ମୁଆଟେ କେନ୍ଦ୍ରାର ଜିବନ୍ ବିତାଇ ଆତି, ସେ ବିସଇଟାନେ ମନ୍ ପୁରାପୁରୁନ୍ ନିରମଲ୍ ଆଟେ ।”

୨ ଏ କାତା ସୁନିକରି ଅନନିଅ ନାଉର୍ ବଡ଼ ପୁଜାରି ପାଉଲର ଲଗେ ଚିଆଅଇରଇବା ଲକ୍ଷ୍ମଣଙ୍କେ, ତାର ଗାଲେ ଚାପଡ଼ ମାରା ବଲି ତିଆରଲା ।

୩ *ପାଉଲ୍ ତାକେ କଇଲା, “ଏ ରୁନ୍ ମାରିଅଇଲା ଦବ୍‌ଲା ଉଆଁରି କଡ଼ି, ପରମେସର ତକେ ଡଣ୍ଡ ଦେଇସି ଆକା । ନିୟମ୍ ଇସାବେ ମର ବିଚାର କରବାକେ, ତୁଇ ତେଇ ବସିଆତୁସ୍ । ଏଲେ ମିସା, ନିୟମ୍ ବାଙ୍ଗିକରି ମକେ ମାରବାକେ ତିଆରଲୁସ୍ନି !”

୪ ଲଗେ ରଇବା ଲକ୍ଷ୍ମଣ ପାଉଲ୍‌କେ କଇଲା, “ପରମେସର ବାଚିରଇବା ବଡ଼ ପୁଜାରିକେ ତୁଇ ନିୟା କଲୁସ୍ନି !”

୫ ପାଉଲ୍ କଇଲା, “ଏ ଇସ୍ରାଏଲର ବାଇମନ୍, ସେ ବଡ଼ ପୁଜାରି ବଲି ମୁଇ ନାଜାନିରଇଲି । ସାସ୍ତରେ ଲେକାଆଟେ, ତମେ ନିଜର୍ ଜାତିର୍ ସାସନ୍‌କାରିଆକେ କରାପ୍ କାତା କଇବାରନାଇ ।”

୬ *ବଡ଼ ସବାର ମେମରମନର୍ ବିତ୍‌ରେ କେତେଟା ପାରୁସି ଆରି କେତେଟା ସାଦୁକିମନ୍ ରଇଲାଟା ଦେକି ପାଉଲ୍ ବଡ଼ ସବାର ଲକ୍ଷ୍ମଣଙ୍କେ ଦେକାଇ ଆଉଲି ଅଇକରି କଇଲା, “ଏ ଇସ୍ରାଏଲର ବାଇମନ୍, ମୁଇ ଗଟେକ୍ ପାରୁସି ଲକ୍, ମର ଆୟା ବାବା ମିସା ପାରୁସି । ମଲା ଲକ୍ଷ୍ମଣ ଆରିତରେକ୍ ଉଟ୍‌ବାଟା ମର ଆସା ଆଟେ ବଲି, ଇତି ମର ବିଚାରନା ଅଇଲାନି ।”

୭ ପାଉଲ୍ ଏ କାତା କଇଲା ଦାପ୍‌ରେ, ପାରୁସି ଆରି ସାଦୁକିମନର୍ ବିତ୍‌ରେ ଲାଗାଜଡ଼ା ଅଇଗାଲା ଆରି ସେମନ୍ ବେଗ୍‌ଲି ଗାଲାଇ ।

୮ *କାଇକେବଇଲେ ସାଦୁକିମନର୍ ବିସ୍‌ବାସ୍ ଇସାବେ ମଲା ଲକ୍ଷ୍ମଣ ନ ଉଟ୍‌ଡ଼ । ସରଗର୍ ଦୁଡ଼ କି ଆଡ଼ମା ମିସା ନାଇ ବଲି, ବିସ୍‌ବାସ୍ କରବାଇ, ମାତର୍ ପାରୁସିମନ୍ ଏ ତିନ୍‌ଟା ଜାକ ବିସ୍‌ବାସ୍ କରତେରଇଲାଇ ।

୯ ସେମନର୍ କିରଜାଟି ଅଇବାଟା ଅଦିକ୍ ଅଦିକ୍ ଅଇଆଇଲା । ପାରୁସି ଦଲର୍ କେତେଟା ଦରମ୍ ଗୁରୁ ଉଟିକରି ଡାଟ୍ ସଙ୍ଗ୍ କଇଲା, “ଆମେ ଏ ଲକ୍‌ର ଟାନେଅନି କାଇ ଦସ୍ ମିସା ମିଲାଉ ନାଇ । କେଜାନେ ଆକେ ଗଟେକ୍ ସରଗର୍ ଦୁଡ଼ କି ଆଡ଼ମା କାତା କଇରଇସି ।”

୧୦ ତାକର୍ ଦଦାପେଲା ଅଦିକ୍ ଅଦିକ୍ ଅଇଗାଲାକେ ଲକ୍ଷ୍ମଣ ପାଉଲ୍‌କେ ଗନ୍ଦାଗନ୍ଦା କରି ଚିରି ପାକାଇବାଇ ବଲି ସନିଅମନର୍ ମୁକିଅ ଡର୍‌ଲା । ତେବେ ସେ ଗଣ୍ଡଗଲ୍ ଅଇବା ଲକ୍ଷ୍ମଣର୍ ବିତ୍‌ରେଅନି ପାଉଲ୍‌କେ ରକିଆ କରି ଗଡ଼ ବିତ୍‌ରେ ଦାରି ଜିବାକେ ସନିଅମନଙ୍କେ ତିଆରଲା ।

୧୧ ସେ ରାତି ମାପୁରୁ ପାଉଲ୍‌ର ଲଗେ ଚିଆଅଇ କଇଲା, “ଡର୍ ନାଇ ! ମର୍ ପାଇ ଇତି ଜିରୁସାଲାମେ ତୁଇ ସାକି ଦେଇ ଆତୁସ୍ । ରମ୍ ଦେସେ ମିସା ତୁଇ ସେନ୍‌ଡାରି କରବାର୍ ଆଟେ ।”

ପାଉଲ୍‌କେ ମରାଇବାକେ ଜଜ୍‌ନା କରବାଟା

୧୨ ଆରକର୍ ଦିନର୍ ସାକାଲେ କେତେଟା ଜିଉଦିମନ୍ ଗଟେକ୍‌ଟାନେ ରୁଣ୍ଡି ଜଜ୍‌ନା କଲାଇ । ପାଉଲ୍‌କେ ନ ମରାଇବା ଜାକ ସେମନ୍ ଅରନ୍‌ପାନି ନ ଚିଉ ବଲି ସପଡ଼ କଲାଇ ।

୧୩ ଚାଲିସ୍‌ତେଇଅନି ଅଦିକ୍ ଲକ୍ ଏ ଜଜ୍‌ନା କଲାଇ ।

୧୪ ସେମନ୍ ଜାଇକରି ମୁକିଅ ପୁଜାରିମନଙ୍କେ ଆରି ପାର୍‌ଚିନ୍‌ମନ୍ କେ କଇଲା, “ପାଉଲ୍‌କେ ନ ମରାଇବା ଜାକ ଅରନ୍‌ପାନି ନ ଚିଉ ବଲି ଆମେ ସପଡ଼ କରିଆତୁ ।

୧୫ ତମେ ଆରି ବଡ଼ସବାର ଲକ୍ଷ୍ମଣ ରମିୟ ନେଡ଼ା ପାଉଲ୍‌କେ ଇତି ଆରିତରେକ୍ ଆନା ବଲି କବର୍ ପାଟାଆ । ତାର୍ ବିସଇର୍ ଟିକିନିକି ଜାନ୍‌ବାର୍ ଆଟେ ବଲି ମିଡ଼ କଇକରି ଆନାଆ । ସେ ବଡ଼ ସବାଇ ଆଇବା ବେଲେ ତାକେ ବାଟେ ଜାଗି ମାରି ମରାଇଦେବୁ ।”

୧୬ ପାଉଲ୍‌ର ବାନ୍‌ଜା ଏମନର୍ କୁଟ୍ କାତା ସୁନିକରି ଗଡ଼ ବିତ୍‌ରେ ଗାଲା ଆରି ସବୁ କାତା ପାଉଲ୍‌କେ କଇଦେଲା ।

୧୭ ପାଉଲ୍ ଗଟେକ୍ ରମିୟ ଅଦିକାରିକେ ଡାକାଇ କରି କଇଲା, “ଏ ଦାଙ୍ଗ୍‌ଡାକେ ସନିଅମନର୍ ମୁକିଅ ଲଗେ ଦାରି ଜାଅଡ଼ । ସେ ତାକେ କାଇଟାକି କଇବାର୍ ଆଟେ ।”

୧୮ ସନିଅ ତାକେ ମୁକିଆର୍ ଲଗେ ନେଇ କଇଲା, “ବନ୍ଦି ରଇବା ପାଉଲ୍ ମକେ ଡାକି ଏ ଦାଙ୍ଗ୍‌ଡାକେ ତମର୍ ଲଗେ ଆନ୍‌ବାକେ କଇଲା । ତମ୍‌କେ ପନି ସେ କାଇଟା କଇବାର୍ ଆଟେ ।”

୧୯ ସନିଅମନର୍ ମୁକିଅ ତାର୍ ଆଡ଼ ଦାରିକରି ଗଟେକ୍ ପାଲିକେ ଡାକିନେଲା ଆରି ପାଚାରଲା, “କାଇଟା କଇବାର୍ ଆଟେ କଅ !”

୨୦ ଦାଙ୍ଗ୍‌ଡା କଇଲା, “ପାଉଲ୍‌ର ଟିକିନିକି ବିସଇ ଜାନ୍‌ବାର୍ ଆଟେ ବଲି ନାଡ଼ାଇକରି ତାକେ ଜିଉଦିମନ୍ ବଡ଼ ସବାଇ ନେବାକେ, ତମ୍‌କେ ଗୁଆରି କରବାଇ ।

☆ ୨୩:୩ ମାଡ଼ିଉ ୨୩:୨୭,୨୮ ☆ ୨୩:୬ ପେରିଡ଼ ୨୬:୫; ପିଲିପିୟ ୩:୫ ☆ ୨୩:୮ ମାଡ଼ିଉ ୨୨:୨୩; ମାର୍କ ୧୨:୧୮; ଲୁକ୍ ୨୦:୨୭

୨୧ ମାତର ତମେ ତାକର କାତା ସୁନା ନାଲ । କାଲକେ ବଇଲେ ଚାଲିସୁତେଇଅନି ଅଦିକ୍ ଲକ୍ ଲୁଟିକରି ପାଉଲକେ ମରାଇବାକେ ଜାଗିଆଚଡ଼ । ‘ତାକେ ନ ମରାଇବା ଜାକ ଅରନ୍ଧ୍ରପାନି ନ କାଉଁ’ ବଲି ସପତ୍ କଲାଇ ଆଚଡ଼ । ଏବେ ସେମନ୍ ତମର ଆଦେସ୍ ଦେବାଟାକେ ଜାଗିକରି ଆଚଡ଼ ।”

୨୨ ସନିଅମନର ମୁକିଅ କଇଲା, “ତୁଇ ମକେ ଏ କାତା ଜାନାଇ ଆଟି ବଲି କାକେ କଅ ନାଇ ।” ଏନ୍ତାରି କଇକରି ଦାଙ୍ଗତାକେ ପାଟାଇ ଦେଲା ।

ପାଉଲକେ ସାସନକାରିଆ ପେଲିକ୍ସ ଲଗେ ପାଟାଇଦେଲା

୨୩ ସନିଅମନର ମୁକିଅ ତାର ତଲେ ରଇଲା ଦୁଇଟା ସନିଅକେ ଡାକାଇ କଇଲା, “ଆଜି ରାତି ନଅଟା ବିଡ଼ରେ ସିସେରିଆ ଜିବାକେ ଦୁଇସ ସନିଅକେ ଡିଆର, ଆରି ସତୁରିଟା ଗଡ଼ାଇ ଚଗୁମନ୍ ଆରି ଦୁଇ ସଅ ବରଟି ଦାରୁମନ୍କେ ଚିକ୍ କର ।

୨୪ ପାଉଲ୍ ଜିବା ପାଇ କେତେଟା ଗଡ଼ା ଦିଆସ୍ ଆରି ନିକ ସଙ୍ଗେ ତାକେ ସାସନକାରିଆ ପେଲିକ୍ସ ଲଗେ ଦାରି ଜାଆ ।”

୨୫ ସନିଅମନର ମୁକିଅ ପେଲିକ୍ସକେ ଏନ୍ତି ଗଟେକ୍ ଚିଟି ଲେକ୍ଲା,

୨୬ “ଏ ଚିଟି ମୁଇ କାଲାଡିଆକେ ଲିସିଆର୍ ସବୁରଟାନେଅନି ଡାକ୍ପୁଟା ରଇବା ସନ୍ମାନର ସାସନକାରିଆ ପେଲିକ୍ସକେ ଲେକ୍ଲିନି, ଜୁଆର !

୨୭ ଆଗିଆ, ଜିଉଦିମନ୍ ଏ ଲକ୍କେ ଦାରି ତାକେ ମରତେ ମାରିଦେବାକେ ଚେସ୍ଟା କରତେ ରଇଲାଲ । ସେ ଗଟେକ୍ ରମିୟ ଲକ୍ ବଲି ଜାନଲା ପତେ, ମୁଇ ତାକେ ମର୍ ସନିଅମନ୍ ସଙ୍ଗେ ତାକେ ରକିଆ କଲି ।

୨୮ ସେମନର ବିରଦେ ସେ କାଇ ଦସ୍ କଲା ଆତେ, ସେଟା ଜାନ୍ବାକେ ତାକେ ମୁଇ ସେମନର ବଡ଼ସବାଇ ଦାରିଗାଲି ।

୨୯ ମାତର ସେ ମରନର କି ବନ୍ଦି ତଣ୍ଡ ପାଇବା ପାରା କାଇମିସା ବୁଲ୍ କାମ୍ କରେ ନାଇ ବଲି ମୁଇ ଜାନିପାରଲି । ତାର ବିରଦେ ଅଇଲା ଦାବା ସବୁ, ତାକର ନିଜର ଦରମ୍ ବିସଇ ।

୩୦ ଆରି ତାର ବିରଦେ ଗଟେକ୍ କୁଟ୍ ଜଜ୍ଜନା ଅଇଲାନି ବଲି କବର ସୁନି, ବେଗି ବେଗି ତମର ଲଗେ ପାଟାଇ ଦେବାକେ ଚିକ୍ କଲି, ତାର ବିରଦେ ରଇଲା ଦାବା, ତର ମୁଆଟେ ଜାନାଇବାକେ ତାର ଦାବାଦାରିମନ୍କେ ମୁଇ କଇଲିଆଟି ।”

୩୧ ସନିଅମନ୍ ସେ ଆଦେସ୍ ଇସାବେ ପାଉଲକେ ସେ ରାତି ଆନ୍ତିପଟ୍ରିସେ କେଟାଇଦେଲାଲ ।

୩୨ ତାର ଆରକ୍ତ ଦିନେ ଇଣ୍ଡିଜିବା ସନିଅମନ୍ ଗଡେ ବାଉଡିଗାଲାଲ ଆରି ଗଡ଼ାଇ ଜାଉ ସନିଅମନ୍କେ ଜିବାକେ କଇଲାଲ ।

୩୩ ସନିଅମନ୍ ପାଉଲକେ ଦାରି ସିସେରିଆଲ କେଟ୍ଲାଲ । ତେଇ ସନିଅମନର ମୁକିଅର୍ ଚିଟି ସଙ୍ଗେ ପାଉଲକେ ସାସନକାରିଆର୍ ଆଡେ ଜିମାଦେଇଦେଲାଲ ।

୩୪ ସାସନକାରିଆ ଚିଟି ପଡି ପାଉଲକେ କନ୍ ରାଇଜେଅନି ଆସିଆତୁସ୍ ? ବଲି ପାଟାରଲା । ପାଉଲ୍ ସିଲିସିଆଇଅନି, ବଲି ଜାନ୍ଲା ।

୩୫ ସେ କଇଲା, “ତମର ଦାବାଦାରିମନ୍ ଆସି କେଟ୍ଲା ପତେ, ମୁଇ ତର କାତା ସୁନ୍ବି ।” ତାର ପତେ ପାଉଲକେ ଏରଦ୍ ରାଜାର ନଅରେ ବନ୍ଦି କରି ସଙ୍ଗଇବାକେ ଆଦେସ୍ ଦେଲା ।

୨୪

ଜିଉଦିମନ୍ ପାଉଲକେ ଦସି କଲାଲ

୧ ପାଁର୍ଦିନ୍ ପତେ ବଡ଼ ପୁଜାରି ଅନନିୟ କେତେଟା ପାର୍ଟିନ୍ ଆରି ତରତୁଲସ୍ ନାଉଁର୍ ଗଟେକ୍ ଅକିଲ୍ ସଙ୍ଗ ସିସେରିଆଲ ଗାଲାଲ । ସେମନ୍ ପେଲିକ୍ସର୍ ମୁଆଟେ ଟିଆଅଇ ପାଉଲର ବିରଦେ ସେମନର ଦାବା ଜାନାଇଲାଲ ।

୨ ତାରପତେ ପାଉଲକେ ତେଇଆନି ଟିଆ କରାଇଲାଲ ଆରି ତରତୁଲସ୍ ଏନ୍ତି ତାକର ଦାବାମନ୍ ସବୁ ଜାନାଇଲା ।

“ଆଗିଆଁ, ତମେ ଗଟେକ୍ ଡାକ୍ପୁଟା ଲକ୍, ତମର ନିମାନ୍ ସାସନଅନି ଆମେ ବେସି ଦିନ୍ ଦାରି ସାର୍ଦା ଅଇ ସାନ୍ତି ସଙ୍ଗ ଜିଇଲୁନି, ଆମର୍ ଦେସର ମଙ୍ଗଲ୍ ପାଇ ବେସି ଦରକାର ରଇଲା କାମ୍ମନ୍ କରାଇଆରାସ୍ ।

୩ ସବୁଜାଗାଲ ଆରି ସବୁ ବେଲାଲ ଆମେ ଏଟାକେ ନାମ୍ଲୁନି, ଏଟାରପାଇ ଆମେ ତମ୍କେ ମାନି ଆଇଲୁନି ।

୪ ସେଟା ଜାଇଟା ଅ, ମୁଇ ତମର ଅଦିକ୍ ବେଲା ନେବାକେ ମନ୍ କରନାଇ । ସେଟାର ପାଇ ଆମର୍ ଗଟେକ୍ ଚଟ୍ ଅର୍ସାସଙ୍ଗର୍ କାତା ସୁନ୍ବାକେ ବାବୁଜିଆ କଲିନି ।

୫ ଏ ଲକ୍ ଗଟେକ୍ ବେସି ବଡ଼ ଗଣ୍ଡଗଲ୍ କରାଉ ବଲି ଆମେ ଜାନୁ, ସେ ଦେସ୍ବିଦେସେ ସବୁ ବାଟେ ବୁଲିବୁଲି ଜିଉଦିମନ୍କେ କିରମାର କରାଇବାକେ ଉସକାଇଲାନି, ସେ ନାଜରିଡ଼ ଦଲର୍ ଗଟେକ୍ ନେଡା ।

୬ ସେ ଆମର୍ ମନ୍ଦିର ଅସୁକଲ୍ କରବାକେ ଚେସ୍ଟା କଲାବେଲେ ଆମେ ତାକେ ବନ୍ଦି କଲୁ ।

୭ ଆମର୍ ନିୟମ୍ ଇସାବେ ଏ ଲକ୍କେ ବିଚାର କରବାକେ ଆମେ ମନ୍ କରତେରଇଲୁ ।

୮ ଆର୍ ବିରଦେ ଜନ୍ ସବୁ ଦାବା କଲୁଆତୁ, ସେଟା ତମେ ଏ ଲକ୍କେ ପାଟାରିକରି ଜାନିପାରାସ୍ ।”

୯ ତେଇରଇଲା ଜିଉଦିମନ୍ ଏଟା ସଡ଼ବଲି ତାଟ୍ ସଙ୍ଗ ସେ କାତାଇ ରାଜି ଅଇଲାଲ ।

ପାଉଲ୍ ପେଲିକ୍ସର୍ ମୁଆଟେ ମାନିଆଇବାଟା

୧୦ ତାର୍ପତେ ସାସନ୍‌କାରିଆ ପାଉଲ୍‌କେ କାତା ଅଇବାକେ ସାଗିଆ କଲାକେ ପାଉଲ୍ କଇଲା ।
 “ମୁଇ ଜାନି ଜେ ବେସି ବରସ୍ ଦାରି ତମେ ଏ ଜାତିର୍ ବିଚାରକରୁ ଅଇ ଆରୁସ୍, ସେଟାର୍ ପାଇ ତମର୍ ମୁଆଟେ କଇବାଟା କେଡ଼େ କରମର୍ କାତା ।
 ୧୧ ଆଗିଆ, ତମେ ନିଜେ କଜିକରି ଜାନିପାରସା ଜେ, ପାକାପାକି ବାରଦିନ୍ ତଲେ, ମୁଇ ଜିରୁସାଲାମେ ପାର୍ତନା କରବାକେ ଜାଇରଇଲି ।
 ୧୨ ମନ୍ଦିରେ କାର୍ ସଙ୍ଗ୍, ମୁଇ ଦଦାପେଲା କରବାଟା ଜିଉଦିମନ୍ ଦେକି ନ ରଇଲାଇ କି ପାର୍ତନା ଗର୍ମନ୍‌କେ କି ଗଡ଼ର୍ କନ୍ ବିନ୍ ଜାଗାଇ ଲକ୍‌ମନ୍‌କେ ଉସ୍‌କାଇବାଟା ଦେକି ନ ରଇଲାଇ ।
 ୧୩ ସେଟାର୍ ପାଇ ମର୍ ବିରଦେ ଏବେ ଆନିରଇବା ଦାବାର୍ ପାଇ, ସେମନ୍ କାଇମିସା ସାକି ଦେଇ ନାପାରଡ଼ ।
 ୧୪ ଏଲେ ମିସା ମୁଇ ତମର୍ ଲଗେ ରାଜି ଅଇଲିନି ଜେ, ଜନ୍ ବାଟ୍ ସେମନ୍ ମିର୍ ବଲି କଇଲାଇନି, ସେ ବାଟେ ଜାଇ, ଆମର୍ ଆନିଦାଦିମନ୍‌ର୍ ପରମେସର୍‌କେ ପାର୍ତନା କଲିନି । ମାତର୍ ମୁଇ ମିସା ମସାର୍ ରିତିନିତି ଆରି ବବିସଡ଼ବକ୍‌ତାମନ୍‌ର୍ ସାସ୍‌ତରେ ଲେକାଅଇଲା ସବୁ ବିସଇ ବିସ୍‌ବାସ୍ କଲିନି ।
 ୧୫ ଏମନ୍‌ର୍ ପାରା, ମାପୁରୁର୍ ଲଗେ ମର୍ ଗଟେକ୍ ଆସା ଆଟେ ଜେ, ନିକ ଲକ୍ ଅଅଡ଼ କି କାରାପ ଲକ୍ ଅଅଡ଼, ସବୁ ମଲାଟାନେଅନି ଉର୍‌ବାଇ ।
 ୧୬ ସେଟାର୍ ପାଇ ପରମେସର୍‌ ଆରି ମୁନୁସର୍ ମୁଆଟେ ନିର୍ମଲ୍ ବିବେକ୍ ଇସାବେ ଚଲାଟଲ୍‌ତି କରବାକେ ସବୁବେଲେ ଚେସ୍‌ଟା କଲିନି ।
 ୧୭ ✨“ବେସି ବରସ୍ ଦାରି ଦୁରିକେ ରଇଲା ପଟେ, ଜିରୁସାଲେମର୍ ଲକ୍‌ମନ୍‌ର୍ ପାଇ କିଟି ତାବୁ ନେବାକେ ଆରି ବଲିଦେବାକେ ମୁଇ ତେଇ ଜାଇରଇଲି ।
 ୧୮ ମୁଇ ନିର୍ମଲ୍ ଅଇବା ବିଦି ସାରାଇଲା ବେଲେ, ସେମନ୍ ମକେ ମନ୍ଦିରେ ଦେକ୍‌ଲାଇ । ସେଡ଼କିବେଲେ ମର୍ ଲଗେ ବେସି ଲକ୍ ନ ରଇଲାଇ କି କାଇମିସା ଗଣ୍ଡୁଗଲ୍ ଅଇ ନ ରଇଲା ।
 ୧୯ ମାତର୍ ତେଇ ଆସିଆ ଦେସର୍ କେତେଟା ଜିଉଦି ରଇଲାଇ, ଜଦି ସେମନ୍‌କେ ମର୍ ବିରଦେ କାଇଟା କଇବାର୍ ରଇଲା, ଆଗତୁ ସେମନ୍ ନିଜେ ତମର୍ ମୁଆଟେ ଆସି ଦାବା କରବାର୍ ରଇଲା ।
 ୨୦ ଆରି ତରେକ୍ ମୁଇ ଜେଡେବେଲା ବଡ଼ ସବାର୍ ମୁଆଟେ ଟିଆଅଇରଇଲି, କନ୍ ଅପରାଦେ ଦସି ଅଇଲି, ସେଟା ଇତି ରଇଲା ଲକ୍‌ମନ୍ କଅଡ଼ ।
 ୨୧ ✨ଏଲେମିସା ମୁଇ ଗଟେକ୍ କାତା କଇରଇଲି । ସେମନ୍‌ର୍ ମୁଆଟେ ଟିଆ ଅଇରଇଲା ବେଲେ ମଲାଲକ୍‌ମନ୍ ଆରିତରେକ୍ ଉର୍‌ବାଇ ବଲି ତାଟ୍ ସଙ୍ଗ୍ ବିସ୍‌ବାସ୍ କରତେ ରଇଲାର୍ ପାଇ ଆଜି ତମର୍‌ଟାନେ ବିଚାର୍‌ନା ପାଇଲିନି । ଏଟାକେ ଚାଡ଼ି ଆରି ସେମନ୍‌ର୍ ମୁଆଟେ କିଟି କଇନାଇ ।”
 ୨୨ ପେଲିକ୍‌ସ୍ ସେ ବାଟ୍ ବିସଇର୍ ଟିକିନିକି ଜାନି ରଇଲାର୍ ପାଇ ସୁନାଇବାଟା ବନ୍ଦ୍ କରି କଇଲା, “ସନିଅମନ୍‌ର୍ ମୁକିଅ ଲିସିଅସ୍ କେଟ୍‌ଲା ପଟେ, ମୁଇ ତମର୍ ବିଚାର୍‌ନା ସୁନାଇବି ।”
 ୨୩ ତାର୍ପତେ ସେ ଅଦିକାରେ ରଇବା ମୁକିଆକେ କଇଲା, “ପାଉଲ୍‌କେ ବନ୍ଦି ଇସାବେ ଜାଗିରଇବାର୍ ଆଟେ, ମାତର୍ ତାକେ ଦରକାର୍ ଅଇବା ଜିନିସ୍ ତାର୍ ଲକ୍‌ମନ୍ ଆନିଦେଲେ, ସେଟା ତେବାଇବାର୍ ନାଇ ।”

ପେଲିକ୍ସ ଆରି ଦୁର୍‌ସିଲାର୍ ମୁଆଟେ ପାଉଲ୍

୨୪ କେତେଦିନ୍ ପଟେ ପେଲିକ୍‌ସ୍ ତାର୍ ଜିଉଦି ମାଇଜି ଦୁର୍‌ସିଲା ସଙ୍ଗ୍ ତେଇ ଆଇଲା । ସେ ପାଉଲ୍‌କେ ଡାକାଇ ଜିସୁକିରିସ୍‌ଟକେ ବିସ୍‌ବାସ୍ କରବା ବିସଇ, ତାର୍ କାତା ନିକକରି ସୁନ୍‌ଲା ।
 ୨୫ ମାତର୍ ଜେଡେବେଲେ ପାଉଲ୍ ଦରମ୍ ଚଲାଟଲ୍‌ତି ଆରି ଲକ୍‌ମନ୍ ନିଜର୍ ପାପର୍ ଗୁନ୍‌ଚଲନ୍ ଇସାବେ ନ ଜାଇକରି ନିଜେ ଦାରିଅଇରଇବା ବିସଇ, ଆରି ଆଇବା ଦିନର୍ ବିଚାର୍‌ନା ବିସଇ କଇବାକେ ଦାର୍‌ଲା, ପେଲିକ୍‌ସ୍ ଡରିଜାଇକରି “ତମେ ଏବେ ଜାଇପାରାସ୍ ।” ବଲି କଇଲା, “ବେଲା ପାଇଲେ ଆରି ତରେକ୍ ମୁଇ ତମ୍‌କେ ଡାକାଇବି ।”
 ୨୬ ସେ ବେଲା ପାଉଲ୍ ତାକେ କେତେକ୍ ତାବୁ ଲାଟ୍ ଦେଇସି ବଲି ସେ ଆସା କରି ରଇଲା, ସେଟାର୍ ପାଇ ସେ ତରକେ ତର୍ ତାକେ ଡାକାଇ ତାର୍ ସଙ୍ଗ୍ କାତାବାର୍‌ତା ଅଇବାର୍ ଦାର୍‌ଲା ।
 ୨୭ ଏନ୍ତି ଦୁଇ ବରସ୍ ଗାଲାପଟେ ପରକିୟସ୍ ପେସ୍‌ଟସ୍ ପେଲିକ୍‌ର୍ ଜାଗାଇ ସାସନ୍‌କାରିଆ ଅଇ ଆଇଲା । ପେଲିକ୍‌ସ୍ ଜିଉଦିମନ୍‌କେ ବଲ୍‌ବଲାଇ ଅଇବାକେ ମନ୍ କରି ପାଉଲ୍‌କେ ନ ମୁକ୍‌ଲାଇ ବନ୍ଦି ଗରେ ଚାଡ଼ି ଉଟିଗାଲା ।

୨୫

ସମ୍‌ରାଟର୍ ଲଗେ ପାଉଲ୍‌ର୍ ଗୁଆରି

୧ ପେସ୍‌ଟସ୍ ସାସନ୍‌କାରିଆ ଅଇକରି ଆଇଲା ଜାଗାଇ, ତିନ୍ ଦିନ୍ ପଟେ, ସେ ସିସିରିଆ ଅନି ଜିରୁସାଲମେ ଗାଲା ।

☆ ୨୪:୧୭ ପେରିଡ଼ ୨୧:୧୭-୨୮ ☆ ୨୪:୨୧ ପେରିଡ଼ ୨୩:୬

୨ ସେ ଜିରୁସାଲମେ ରଇଲାବେଳେ, ତେଜ ମୁକିଅ ପୁଜାରି ଆରି ଜିଉଦିନେତାମନ୍ ଆରି ତରେକ୍ ପାଉଲର୍ ବିରଦେ ରଇବା ଦାବି ନେଇ, ସେମନର୍ ଲଗେ ଗାଲାଇ । ସେମନ୍ ପେସ୍ତେସ୍ତକେ ବାବୁଜିଆ କଲାଇ,

୩ ଜେନ୍ତୁକି ପାଉଲ୍‌କେ ଜିରୁସାଲମେ ଆନ୍‌ବାକେ ଗୁଆରି କଲାଇ । କାଇକେବଇଲେ ବାଟେ ଜାଗିରଇ ସେମନ୍ ପାଉଲ୍‌କେ ମାରିମରାଇବାକେ ଜନ୍‌ନା ତିଆର୍ କରିରଇଲାଇ ।

୪ ପେସ୍ତେସ୍ କଇଲା, “ପାଉଲ୍‌କେ ଗଟେକ୍ ବନ୍ଦି ଇସାବେ ସିସେରିଆଇ ରକାଅଇଲା ଆଟେ ଆରି ବେଗି ମୁଇ ତେଜ ବାଉଡ଼ି ଜିବି ।

୫ ଜଦି ସେ କାଇ ଦସ୍ କଲା ଆଟେ, ତେବେ ତମର୍ ନେତାମନ୍ ମର୍ ସଙ୍ଗ୍ ସିସେରିଆଇ ଆସଡ଼ ଆରି ତାର୍ ବିରଦେ ସେମନର୍ ଦାବା ଜାନାଅଡ଼ ।”

୬ ପେସ୍ତେସ୍ ସେମନର୍ ସଙ୍ଗ୍ ଆଟ୍ ଦସ୍ ଦିନ୍ ଜିରୁସାଲମେ ରଇକରି ସିସେରିଆଇ ବାଅଡ଼ଲା । ତାର୍ ଆର୍କର୍ ଦିନେ ବିଚାର୍ କର୍ବା ଗରେ ବସି ପାଉଲ୍‌କେ ଆନ୍‌ବାକେ ଆଦେସ୍ ଦେଲା ।

୭ ପାଉଲ୍ ଆଇଲା ଦାପ୍‌ରେ ଜିରୁସାଲମେଅନି ଆସିରଇବା ଜିଉଦିମନ୍ ତାକର୍ ଚାରିବେଟ୍‌ତି ବେଡ଼ି ଟିଆ ଅଇଲାଇ ଆରି ତାର୍ ବିରଦେ କେତେକ୍ କେତେକ୍ ବଡ଼ ବଡ଼ ଦାବା କଲାଇ, ମାତର୍ ସେମନ୍ ଏ ସବୁ ସଡ଼ ବଲି ଦେକାଇ ନାପାରୁଲାଇ ।

୮ ମାତର୍ ପାଉଲ୍ ନିଜେ ନିଜର୍ ବାଟେ ଅନି କଇଲା, “ଜିଉଦିମନର୍ ରିତିନିତି, ମନ୍ଦିରର୍ କି ରମିଅ ସାସନ୍‌କାରିଆ, କାର୍ ମିସା ବିରଦେ ମୁଇ ଦସ୍ କରିନାଇ ।”

୯ ମାତର୍ ପେସ୍ତେସ୍ ଜିଉଦିମନ୍‌କେ ବଲ୍ ବଲାଇ ଅଇବାକେ ମନ୍ କରି ପାଉଲ୍‌କେ ପାଟାରୁଲା, “ଜିରୁସାଲମେ ଜିବାକେ ଆରି ତେଜ ମର୍ ମୁଆଟେ, ଏ ସବୁ ଦାବାର୍ ବିଚାର୍ କର୍ବାକେ ତୁଇ କାଇ ରାଜି ଅଇସୁ କି ?”

୧୦ ପାଉଲ୍ କଇଲା, “ମୁଇ ବଡ଼ ସାସନ୍‌କାରିଆର୍ ନିଜର୍ ବିଚାରୁନା ଜାଗାଇ ଟିଆ ଅଇଲିଆତି, ଇତିସେ ମର୍ ବିଚାର୍ ଅଇବାର୍ ଦରକାର୍ । ତମେ ନିକକରି ଜାନାସ୍ ଜେ, ମୁଇ ଜିଉଦିମନର୍ ବିରଦେ କାଇମିସା ଦସ୍ କରିନାଇ ।

୧୧ ଜଦି ମୁଇ ରିତିନିତି ନ ମାନି ମରନ୍ ତଣ୍ ପାଇବାପାରା କାଇ ଦସ୍ କଲିଆତି ବଇଲେ, ମର୍ବାକେ ନ ତରି । ମାତର୍ ସେମନ୍ ମର୍ ବିରଦେ ଆନିରଇବା ଦାବା ବିତ୍ତରେ କାଇମିସା ସଡ଼ ନ ରଏ, ତେବେ କେ ମିସା ମକେ ସେମନ୍‌କେ ସର୍ପିଦେଇ ନାପାରଡ଼ । ବଡ଼ ସାସନ୍‌କାରିଆ ଆକା ମକେ ବିଚାରୁନା କର ବଲି ଗୁଆରି କଲିନି ।”

୧୨ ତାର୍‌ପଟେ ପେସ୍ତେସ୍ ତାର୍ ସବାଇ ରଇଲା ଲକ୍‌ମନର୍ ସଙ୍ଗ୍ କାତାବାର୍‌ତା ଅଇ କଇଲା, “ତମେ ବଡ଼ ସାସନ୍‌କାରିଆ ବିଚାର୍ କର ବଲି ଗୁଆରି କରିଆଟାସ୍, ସେଟାର୍ ପାଇ ତମ୍‌କେ ବଡ଼ ସାସନ୍‌କାରିଆର୍ ଲଗେ ପାଟାଇବି ।”

ଆଗ୍ରିପା ଆରି ବର୍ନିକିର୍ ମୁଆଟେ ପାଉଲ୍

୧୩ କେତେଦିନ୍ ପଟେ ରାଜା ଆଗ୍ରିପା ଆରି ବର୍ନିସ୍ ପେସ୍ତେସ୍‌କେ ଜୁଆର୍ ଜାନାଇବାକେ କାଇସରିଆଇ ମିସ୍‌ବାର୍ ଆଇଲାଇ ।

୧୪ ତେଜ ସେମନ୍ କେତେ ଦିନ୍ ରଇଲା ପଟେ ପେସ୍ତେସ୍ ପାଉଲ୍‌ର୍ ବିସଇ ରାଜାକେ ଜାନାଇଲା, “ପେଲିକସ୍ ବନ୍ଦିକରି ଜାଇରଇବା ଗଟେକ୍ ଲକ୍ ଇତି ଆଟେ ।”

୧୫ ମୁଇ ଜେଡେବେଲା ଜିରୁସାଲମ୍ ଜାଇରଇଲି, ଜିଉଦିମନର୍ ମୁକିଅ ପୁଜାରିମନ୍ ଆରି ସେ ଦରମର୍ ପାର୍‌ତିନ୍‌ମନ୍ ତାର୍ ବିରଦେ କେତେଟା ଦାବା କଲାଇ ଆରି ତାକେ ଦସି କର୍ବାକେ ମକେ କଇଲାଇ ।

୧୬ ମାତର୍ ମୁଇ ସେମନ୍‌କେ କଇଲି ଜେ, ଗଟେକ୍ ଦସିକେ ବିଚାର୍ କର୍ବା ଗରେ, ତାକେ ଦାବା କରୁମନର୍ ମୁଆଟେ ନିଜର୍ ବାଟେଅନି କଇବାକେ ବେଲା ଦେବା ଆଗ୍‌ତୁ, ତାକେ ଦସି କର୍ବାଟା ଆମର୍ ରମିୟମନର୍ ନିୟମେ ନାଇ ।

୧୭ ସେମନ୍ ଇତି ଆଇଲା ପଟେ ମୁଇ ଅଲ୍‌ସମ୍ ନ କରି, ତାର୍ ପର୍‌ଦିନେ ବିଚାର୍ କର୍ବା ଗରେ ବସ୍‌ଲି ଆରି ସେ ଲକ୍‌କେ ବିତ୍ତରେ ଆନ୍‌ବାକେ ଆଦେସ୍ ଦେଲି ।

୧୮ ମର୍ ବାବ୍‌ବାଟା ବୁଲ୍ ରଇଲା, ସେମନ୍ ତାର୍ ବିରୁଦେ ଆନିରଇବା ଦାବି, ସେ କରିରଇବା କରାପ୍ ବିସଇ ଅଇରଇସି ବଲି ବାବ୍‌ଲି, ମାତର୍ ସେନ୍ତାର୍ ନ ରଇଲା ।

୧୯ ସେମନର୍ ଦାବି ତାକର୍ ନିଜର୍ ଦରମ୍ ବିସଇ ରଇଲା, ଆରି ଜିସୁ ବଲି ଗଟେକ୍ ମରିଜାଇରଇବା ଲକ୍‌ର୍ ବିସଇ ରଇଲା । ମାତର୍ ସେଲକ୍ ବର୍‌ଲ୍‌ଲା ଆଟେ ବଲି ପାଉଲ୍ କଇଲା ।

୨୦ ଏ ସବୁ ବିସଇର୍ ସଡ଼ କେନ୍ତୁ ବାର୍‌କରାଇବି ବଲି ମୁଇମିସା ନାଜାନିରଇଲି, ତେବେ ଏ ସବୁ ବିଚାରୁନା କର୍ବାକେ ପାଉଲ୍‌କେ ଜିରୁସାଲମେ ଜାଇସୁ କି ନାଇ ବଲି ପାଟାରୁଲି ।

୨୧ ମାତର୍ ପାଉଲ୍, ନିଜେ ରମ୍ ରାଇଜର୍ କାଇସର୍ ରାଜା, ତାର୍ ବିଚାର୍ କର ବଲି କଇ ସନିଅମନ୍ ରକିଆ କରଡ଼ ବଲି ମନ୍ କଲା । ସେଟାର୍‌ପାଇ ବଡ଼ ସାସନ୍‌କାରିଆ ଲଗେ ପାଟାଇବା ଜାକ ବନ୍ଦି କରି ରକ୍‌ବାକେ ଆଦେସ୍ ଦେଲିଆତି ।

୨୨ ଆଗ୍ରିପା ପେସ୍ତେସ୍‌କେ କଇଲା, “ମୁଇ ନିଜେ ଏ ଲକ୍‌ର୍ କାତା ସୁନ୍‌ବାକେ ମନ୍ କଲିନି ।” ପେସ୍ତେସ୍ କଇଲା, “କାଲିକେ ତମେ ତାର୍ କାତା ସୁନ୍‌ସା ।”

୨୩ ତାର ଆରକର୍ ଦିନେ ଆଗରିପା ଆରି ବର୍ନିସ ଆସି କେଟ୍‌ଲା । ସେମନ୍ ରାଜାମନ୍ ପିନ୍‌ଲାପାରାଟା ପିନ୍‌ର ଇଲା । ସନିଅମନ୍ ନେତାମନ୍ ଆରି ସେ ଗଡ଼ ବଡ଼ ବଡ଼ ଲକ୍‌ମନ୍ ସଙ୍ଗ୍ ବେସି ଡାକ୍‌ପୁଟା ସଙ୍ଗ୍ ଆସି, ବିଚାରନା ଜାଗାଇ ପୁରୁଲା । ପେସଟସ୍ ଆଦେସ୍ କଲାକେ, ପାଉଲ୍‌କେ ବିଡ଼ରେ ଆନ୍‌ଲା ।

୨୪ ପେସଟସ୍ କଇଲା, “ରାଜା ଆଗରିପା ଆରି ରୁଣ୍ଡି ରଇଲା ସବୁ ଲକ୍, ତମେ ଏ ଜନ୍ ଲକ୍‌କେ ଦେକ୍‌ଲାସ୍‌ନି, ତାରୁ ବିରଦେ ଇଡ଼ିର୍ ଜିଉଦିମନ୍ ଆରି ଜିରୁସାଲମନ୍ ଜିଉଦିମନ୍ ମର୍ ଲଗେ ଦାବା କଲା ଆଟ୍ । ସେମନ୍ ତାକେ ମରାଉଁ ବଲିକରି କଇ ଆଉଲି ଅଇଲାଇନି ।

୨୫ ମାତର୍ ମୁଇ କଜି ବାରକରାଇଲି ଜେ, ଏ ଲକ୍ ମରନ୍ ଡଣ୍ ପାଇବା ଏଡ଼କି, କାଇ ଦସ୍ କରେନାଇ । ସେ ନିଜେ ବଡ଼ସାସନ୍‌କାରିଆକେ ଗୁଆରି କଲାର୍ ପାଇ, ମୁଇ ତାକେ ତେଇ ପାଟାଇବାକେ ଟିକ୍ କଲି ଆଟି ।

୨୬ ମାତର୍ ତାର ଦାବି ବିସଇ ଟିକ୍ ସଙ୍ଗ୍ ବଡ଼ସାସନ୍‌କାରିଆକେ ଲେକ୍‌ବାକେ ମର୍ ଲଗେ କାଇଟା ନାଇ । ସେଟାପାଇ ମୁଇ ସବୁର୍ ମୁଆଟେ ଆରି ଏ ଆଗରିପା ରାଜା, ତମର୍ ମୁଆଟେ ଆନ୍‌ଲି ଆଟି, ଜେକ୍ତି କି ତାର ବିସଇ ତମେ ନିକ୍ ସଙ୍ଗ୍ କଜ୍‌ଲା ପଟେ ବଡ଼ସାସନ୍‌କାରିଆକେ ଲେକିପାରବି ।

୨୭ କାଇକେବଇଲେ ଗଟେକ୍ ବନ୍ଦିର୍ ବିରଦର୍ ଦାବା ନିକସଙ୍ଗ୍ ନ ଦେକାଇ, ବଡ଼ସାସନ୍‌କାରିଆର୍ ଲଗେ ପାଟାଇବାଟା ଟିକ୍ ନଏଁ ବଲି ମୁଇ ବାବ୍‌ଲିନି ।”

୨୭

ଆଗରିପାର ମୁଆଟେ ପାଉଲ୍ ନିଜର୍ ବିସଇ ସାକି ଦେବାଟା

୧ ଆଗରିପା ପାଉଲ୍‌କେ କଇଲା, “ତକେ ତର୍ ନିଜର୍ ବିସଇ ଜାଇଟା କଇବାର୍ ଆଟେ, ସେଟା କଇବାକେ ଅଦିକାର୍ ଦିଆଅଇଲା ।” ପାଉଲ୍ ଆଡ଼ ଉଟାଇକରି ନିଜର୍‌ବାଟେଅନି କଇଲା,

୨ “ରାଜା ଆଗରିପା ! ଜିଉଦିମନ୍ ମକେ ଜନ୍ ସବୁ ବିସଇ ନେଇ ଦସି କରିଆଟଡ଼, ସେଟାରୁ ବିରଦେ ତମର୍ ମୁଆଟେ, ନିଜର୍ ବାଟେଅନି କଇବାକେ ବେଲା ପାଇଲାର୍ ପାଇ ମୁଇ କେତେ କରମର୍ ଲକ୍ ବଲି ବାବ୍‌ଲିନି ।”

୩ କାଇକେବଇଲେ ଜିଉଦିମନ୍ ରିଡିନିଡି ବିସଇ ଆରି ସେମନ୍‌ର ଲାଗାଜଡା ବିସଇ ତମେ ନିକସଙ୍ଗ୍ ଜାନାସ୍ । ମୁଇ ଗୁଆରି କଲିନି, ତମେ ବିଜାର ନ ଅଇକରି ମର୍ ସବୁକାତା ସୁନା ।

୪ “ପିଲାବେଲେଅନି କେକ୍ତି ମୁଇ ଜିଇଲି ଆଟି, ସେଟା ଜିଉଦିମନ୍ ଜାନଡ଼ । ପର୍‌ତୁମ୍ ମର୍ ନିଜର୍ ଦେସେ ଆରି ପଟେ ଜିରୁସାଲମେ ମୁଇ କେକ୍ତି ଜିବନ୍ କାଟ୍‌ଲି ଆଟି, ସେଟା ମିସା ସେମନ୍ ଜାନଡ଼ ।

୫ *ଆଗେଅନି ମୁଇ ଜିଉଦି ନିୟମ୍ ସବୁ ମାନିକରି ପାରୁସିମନ୍‌ର ପାରା ଚଲାଟଲ୍‌ତି କଲିଆଟି, ସେ ବିସଇ ସେମନ୍ ସାକି ଦେଇପାରଡ଼ ।”

୬ ପର୍‌ମେସର୍ ଆମର୍ ଆନିଦାଦିମନ୍‌କେ ଜନ୍ କାତା ଦେଇ ରଇଲା, ତେଇ ମର୍ ଆସା ରଇଲାର୍‌ପାଇ ଆଜି ମୁଇ ଇଡି ବିଚାରନା କରାଇଅଇବାକେ ଟିଆ ଅଇଲିଆଟି ।

୭ ମାତର୍ ଏ ରାଜା, ଏ ଆସା ଆମର୍ ବାରଟା ଜିଉଦି ଜାଡିର୍ ଲକ୍ ଦିନ୍ ରାଡି ମାପୁରୁକେ ପାର୍‌ତନା କରି, ପାଇବାକେ ଆସାକଲାଇନି । ଆରି ଏ ଆସାର ଲାଗି ଆମର୍ ଜିଉଦିମନ୍ ମକେ ଦସି କରିଆଟଡ଼ ।

୮ ପର୍‌ମେସର୍ ମଲା ଲକ୍‌କେ ଉଟାଇସି, ବଲି କାଇକେ ବିସ୍‌ବାସ୍ କରିନାପାରୁଲାସ୍‌ନି ?

୯ * “ମୁଇ ମିସା ସେମନ୍‌ର ପାରା ରଇଲି । ନାଜିରିଡିୟ ଜିସୁର୍ ବାଟେ ଜିବା ସବୁ ଲକ୍‌ମନ୍ ବିରୁଦେ ମର୍ ଜେଡକି ବପୁ ସଙ୍ଗ୍ ମିସା କାମ୍ କର୍‌ବାର୍ ଆଟେ ବଲି ଚିନ୍ତା କଲି ।

୧୦ ମୁଇ ଜିରୁସାଲମେ ସେକ୍ତି କଲି । ମୁକିଅ ପୁଜାରିମନ୍‌ତେଇଅନି ଅଦିକାର୍ ଚିଟି ପାଇ, ପର୍‌ମେସରର୍ ବେସି ଲକ୍‌ମନ୍‌କେ ବାନ୍ଦି କରି, ବନ୍ଦି ଗରେ ପୁରାଇଦେଲି । ଆରି ସେମନ୍‌କେ ମରନ୍‌ର ଡଣ୍ ଦେବାକେ ବିଚାରନା କଲାବେଲେ, ସେମନ୍‌ର ବିରୁଦେ ଟିଆଅଇଲି ।

୧୧ କେତେ କେତେ ତର୍ ପାର୍‌ତନା ଗର୍‌ମନ୍‌କେ ସେମନ୍ ବିସ୍‌ବାସ୍ ଚାଡଡ଼ ବଲି ମାର୍‌ବାକେ ଡିଆର୍‌ଲି, ସେମନ୍‌ର ଉପ୍‌ରେ ଏତେ ରିସା ଅଇଜାଇରଇଲି ଜେ, ସେମନ୍‌କେ କସ୍‌ଟ ଦେବାକେ ବିଦେସେ, ରଇବା ଗଡ଼ମନ୍‌କେ ମିସା ଜାଇରଇଲି ।”

ନିଜେ ବାଦ୍‌ଲାଇଲା ବିସଇ ପାଉଲ୍ କଇବାଟା

୧୨ “ଏଟା କର୍‌ବାକେ ମୁଇ ମୁକିଅ ପୁଜାରିମନ୍‌ତେଇଅନି ଅଦିକାର୍ ଚିଟି ଆରି ଆଦେସ୍ ନେଇ ଦାମାସ୍କସେ ଜାଇରଇଲି ।

୧୩ ଏ ରାଜା ଏଗରିପା, ଅଟାଡ଼ ଦିନେକ୍ ମୁଣ୍ଡବେଲା ଲଗେ, ଜିବାବାଟେ ବେଲ୍ ତାରାସେଅନି ଅଦିକ୍ ଉଜଲ୍ ଦେକ୍‌ଲି । ସର୍‌ଗେଅନି ସେ ଉଜଲ୍ ଆସି ମକେ ଆରି ମର୍ ସଙ୍ଗ୍ ଜିବା ଲକ୍‌ର୍ ଚାରିବେଟି ବିଟି ଅଇଲା ।”

☆ ୨୬:୫ ପେରିଡ଼ ୨୩:୬; ପିଲିପିୟ ୩:୫ ☆ ୨୬:୯ ପେରିଡ଼ ୮:୩;୨୨:୪,୫

୧୪ ଆମେ ସବୁ ଲକ୍ ତଳେ ଅଦ୍ରି ତୁଲିଦେଲୁ ଆରି ଇବରୁ ବାସାଇ ମକେ କଇତେରଇବା ଏ କାତା ସୁନ୍ଲି, “ସାଉଲ୍, ସାଉଲ୍ !” ତୁଇ ମକେ କାଇକେ କସ୍ତ ଦେଲୁସ୍ତନି ? କସ୍ତଲୀବେଲେ କସ୍ତବାଲକ୍ ବଲଦକେ ତୁତାରିବୁସ୍ତଲେ ବଲଦ୍ ଲାଡ଼ମାରବା ପାରା, ତୁଇ ନିଜେ କସ୍ତ ପାଇଲୁସ୍ତନି ।

୧୫ “ମୁଇ ପାଟାରଲି, ‘ମାପରୁ ତମେ କେ ?’ ସେ କଇଲା, ‘ମୁଇ ଜିସୁ, ମକେସେ ତୁଇ କସ୍ତ ଦେଲୁସ୍ତନି ।’

୧୬ ମାତର ଉଟିକରି ଚିଆ ଅ । ତକେ ମର ସେବାକାରିଆ କରବାକେ, ଦରସନ୍ ଦେଲିଆତି । ଆଜି ତୁଇ ମର ବିସଇ ଜାଇଟା ଦେକ୍ଲୁସ୍ ଆରି ପଡ଼କେ ମିସା ମୁଇ ଜାଇଟା ଦେକାଇବି, ସେ ବିସଇ ତୁଇ ବିନ୍ ଲକ୍ମନକେ ସାକିଦେସ୍ ।

୧୭ ଜନ୍ ଜିଉଦି ଆରି ଜିଉଦିନଇଲା ଲକ୍ମନରତେଇ ତକେ ପାଟାଇବି, ସେମନରତେଇ ଅନି ତାଡ଼ନା ପାଇଲେ, ମୁଇ ତକେ ରକିଆ କରବି ।

୧୮ ତୁଇ ସେମନର ଆଁକି ପିଟାଇଦେସ୍ ବଲି ମୁଇ ତକେ କଇଲିନି । ଜେନ୍ତୁକି ସେମନ୍ ଆନ୍ଦାରେଅନି ଉଜଲେ ଆରି ସଇତାନର ବାନ୍ଦନେଅନି ମାପରୁର ବାଟେ ବାଅଡ଼ବାଇ । ଜେନ୍ତୁକି ମକେ ବିସ୍ବାସ୍ କଲାର୍ ପାଇ, ସେମନର ପାପ୍ କେମା ଅଇସି । ଆରି ମାପରୁ ବାଟଲୀ ଲକ୍ମନର ସଙ୍ଗ୍ ସେମନକେ ମିସା ତାକିନେବାଇ ।”

ନିଜର କାମ୍ ବିସଇ ପାଉଲ୍ ସାକି ଦେବାଟା

୧୯ “ସେଟାରପାଇ ଏ ରାଜା ଆଗ୍ରିପା ମୁଇ ସରଗେଅନି ଜନ୍ ଦରସନ୍ ପାଇଲିଆତି, ସେଟା ପୁରାପୁରନ୍ ମାନ୍ଲି ।

୨୦ ✨ସେନ୍ତାରି ମୁଇ ପରତମେ ଦାମାସକସେ ଆରାମ୍କରି ତାରପଟେ ଜିରୁସାଲୀମେ, ପଟେ ଜିଉଦାର୍ ସବୁବାଟେ ଆରି ଜିଉଦିନଇଲା ଲକ୍ମନର ବିତରେ ମାପରୁର ବିସଇ ଜାନାଇଲି । ଜେନ୍ତୁ କି ସେମନ୍ କରିରଇବା ପାପ୍ ଏତାଇ, ଦୁକ୍କରି ମାପରୁରବାଟେ ବାଅଡ଼ବାଇ । ଆରି ସେମନ୍ ଜନ୍ଟା ମାନିଆଇଲାଇ ଆଟଡ଼, ସେଟା ତାକର୍ ଚଲାଚଲ୍ତିଅନି ଜାନିଅଇସି ।

୨୧ ଏଟାରପାଇ ମୁଇ ମନ୍ଦିରେ ରଇଲାବେଲେ ଜିଉଦିମନ୍ ମକେ ଦାରି ମରାଇବାକେ ଚେସ୍ଟା କଲାଇ ।

୨୨ ମାତର ପରମେସର୍ ମକେ ଆଜିକେଜାକ ରକିଆ କଲାଆଟେ ଆରି ସେଟାରପାଇ ଆଜି ସାନ୍ ବଡ଼ ସବୁ ଲକ୍ମର ଲଗେ ସମାନ୍ ଇସାବେ ମର ସାକିଦେବାକେ ଚିଆକରାଇଆଟେ । ବବିସଡ଼ବକ୍ତା ଆରି ମସା ଜାଇଟା ଗଟ୍ସି ବଲି କଇରଇଲାଇ, ଚିକ୍ ସେ କାତା ମୁଇ କଇଲିନି ।

୨୩ ✨ମସିଅ ଦୁକ୍ ପାଇସି ଆରି ମଲାଲକ୍ମନର ବିଡ଼ରେଅନି ସିଗ୍ ପରତୁମେ ଉଟି, ଜିଉଦି ଆରି ଜିଉଦି ନଇଲା ଲକ୍ମନର ଲଗେ ମୁକ୍ତିର ଉଜଲ୍ ଦେକାଇସି ।”

୨୪ ପାଉଲ୍ ନିଜର ବାଟେଅଇ କଇଲା ବେଲେ, ପେସ୍ଟସ୍ ତାକେ ଆଉଲିଅଇ କରି କଇଲା, “ପାଉଲ୍, ତୁଇ ବାୟା ଅଇଗାଲୁସ୍ ! ତୁଇ ପାଟପତି ବେସି ପାଇରଇବା ଚିଆନ୍ ତକେ ବାୟା କଲାଆଟେ ।”

୨୫ ପାଉଲ୍ କଇଲା, “ଏ ମାପରୁ ପେସ୍ଟସ୍, ମୁଇ ବାୟା ଅଇନାଇ, ମୁଇ ଜାଇଟା କଇଲିନି ସେଟା ପୁରାପୁରନ୍ ସଡ଼ । ଆରି ତବିର ବୁଦିର କାତା କଇଲିଆତି ।

୨୬ ଏ ରାଜା ଅଗ୍ରିପା ! ତମେ ଏ ବିସଇ ଜାନିରଇଲାର୍ ପାଇ, ତମର ମୁଆଟେ ଏ କାତା କଇବାକେ ସାଆସ୍ କଲିନି ! ମୁଇ ଜାନାଇରଇବା ସବୁ ବିସଇର କାଇ କାତା ମିସା, ସେ ନାଜାନେ, ବଲି ମୁଇ ବିସ୍ବାସ୍ କରିନାଇ ! କାଇକେବଇଲେ ଏଟା ଲୁଚ୍ତେ କରାଅଏ ନାଇ ।

୨୭ ରାଜା ଆଗ୍ରିପା, ତମେ ବବିସଡ଼ବକ୍ତାମନକେ ବିସ୍ବାସ୍ କଲାସ୍ତନି ତ ? ମୁଇ ଜାନି ତମେ ବିସ୍ବାସ୍ କଲାସ୍ତନି !”

୨୮ ଆଗ୍ରିପା ପାଉଲ୍କେ କଇଲା, “ଏ ଅଲପ୍ ବେଲା ବିଡ଼ରେ ତୁଇ କାଇ ମକେ ବିସ୍ବାସି କରିଦେବି ବଲି ବାବ୍ଲୁସ୍ତନି କି ?”

୨୯ ପାଉଲ୍ କଇଲା, “ଚନେକ୍ ଅ କି ପରେକ୍ ଅ, ପରମେସରର ଲଗେ ମର ଏଡ଼କି ମାଙ୍ଗ୍ଲିନି । ଅବକା ତମେସେ ନାଇ ରାଜା, ଆଜି ମର କାତା ସୁନିରଇବା ସବୁ ଲକ୍ ମରପାରା କିରିସ୍ଟର୍ ସିସ୍ ଉଆ । ମାତର ମରପାରା ଏନ୍ତି ସିକ୍ଲିସଙ୍ଗ୍ ବାନ୍ଦାଇ ଉଆ ବଲି ମୁଇ କଇନାଇ ।”

୩୦ ତାର ପଟେ ରାଜା, ସାସନ୍କାରିଆ, ଆରି ବରନିସ୍ ଆରି ବିନ୍ ଲକ୍ମନ୍ ଜିବାକେ ଉଟ୍ଲାଇ ।

୩୧ ସେମନ୍ ବାରଇଲା ବେଲେ ତାକର୍ ତାକର୍ ବିଡ଼ରେ କଇଲାଇ, “ଏ ଲକ୍ ଏନ୍ତି କାଇମିସା କାମ୍ କରେ ନାଇ, ଜନ୍ଟା କି ସେ ମରନର ଡଣ୍ଟ ପାଇବାକେ କି ବନ୍ଦି ଅଇବାକେ ।”

୩୨ ଆଗ୍ରିପା ପେସ୍ଟସ୍କେ କଇଲା, “ଜଦି ଏ ଲକ୍ ବଡ଼ସାସନ୍କାରିଆଟାନେ ବିଚାର ପାଇବି ବଲି ଗୁଆରି କରି ନ ରଇଲେ, ତେବେ ଆମେ ତାକେ ଚାଡ଼ି ଦେଇତୁ ।”

୨୭

ପାଉଲ୍ ରମ୍ ଦେସେ ଗାଡ଼ ଗାଡ଼ ଜିବାଟା

୧ ଆମେ ଜେଡେବେଲେ ପାନି ଜାଜେ ବସି ଇଟାଲି ଜିବାକେ ଚିକ୍ କଲାଇ, ସେଡ଼କିବେଲେ କେଡେଟା ବନ୍ଦି ଅଇଲା ଲକ୍କେ ଆରି ପାଉଲ୍କେ ରମିୟ୍ ସନିଅମନର ସେନାପତି ଜୁଲିୟ୍ସକେ ସର୍ପି ଅଇଲାଇ ।

☆ ୨୭:୨୦ ପେରିଡ଼ ୯:୨୦;୨୮:୨୯ ☆ ୨୭:୨୩ ୧ମ କରନ୍ତିୟ୍ ୧୫:୨୦

୨ ଆମେ ସବୁଲକ୍ ରମ୍ ରାଇଜର୍ ଆସିଆ ଜାଗାର ଗାଡ଼କଣ୍ଡି ରଇଲା ବିନ୍ ବିନ୍ ଜାଗାଇ ଜୁ ବଲି ଆଦରାମୁଦିୟମର୍ ଗଟେକ୍ ପାନିଜାଜେ ବସି ଗାଲୁ । ଆରି ମାକିଦନିଆ ବଲି ଗଟେକ୍ ଜାଗାର ଆରିସ୍ତାକସ୍ ନାଉଁର୍ ତେସ୍ଲାନିକି ଲକ୍ ଆମର୍ ସଙ୍ଗ୍ ରଇଲା ।

୩ ଆରକର୍ ଦିନେ ଆମେ ସିଦନେ କେଟ୍ଲୁ । ଜୁଲିୟସ୍ ପାଉଲ୍‌କେ ବେସି ଦୟା ଦେକାଇତେରଇଲା । ପାଉଲ୍‌ର୍ ସଙ୍ଗାରିମନର୍ ଟାନେଅନି ତାର୍ ଦରକାର୍ ଅଇବା ଜିନିସ୍‌ମନ୍ ଟୁଲିଆଇବାକେ ତାକର୍ସଙ୍ଗ୍ ଜାଇ ମିସ୍ତ୍ ବଲି ପାଉଲ୍‌କେ ଆଦେସ୍ ଦେଲା ।

୪ ଆମେ ତେଇଅନି କେତେଦୁର୍ ଗାଲାପତେ ପବନ୍ ଅଇଲାଜେ ସାଇପରସ୍ ଗାଡ଼ର୍ ପାଲି ପାଲି ଗାଲୁ ।

୫ ସିଲିସିଆ ଆରି ପପୁଲିଆ ନାଉଁର୍ ଦୁଇଟା ଜାଗା ଜିଡିକରି ଲୁକିଆ ବଲି ମୁରା ନଅର୍ ଜାଗାଇ ଆଇଲୁ ।

୬ ତେଇ ସେନାପତି ଆଲେକ୍‌ଜାଣ୍ଡ୍ରିଆର୍ ଗଟେକ୍ ପାନି ଜାଜ୍ ଇଟାଲି ଜାଇତେରଇଲାଜେ ଆମ୍‌କେ ଦେକି, ସେ ଜାଜେ ବସାଇଲା ।

୭ ପତେ ଆମକେ ବେସିଦିନ୍ ଲାଗିଗାଲା ଦିରେ ଦିରେ ଜାଇ କରି କେତେକ୍ କସ୍‌ଟେ କିଦ୍ ନାଉଁର୍ ଗଟେକ୍ ଜାଗାଇ କେଟ୍ଲୁ । ତେଇ କେଟ୍‌ଲା ପତେ ବେସି ପବନ୍ ଆଇଲାଜେ ଆମେ ଆରି ଆଗ୍‌କେ ଜାଇ ନାପାର୍‌ଲୁ । ତେବେ ସାଲିନି ବଲି ଗଟେକ୍ ଜାଗାର୍ ମୁଆଟ୍ ବାଟେ ଜାଇ କିରିତର୍ ପାଲି ପାଲି ଗାଲୁ ।

୮ ଆରି ପାଲି ପାଲି ଆସି ବଡେ କସ୍‌ଟେ ସୁନ୍ଦର୍ ବନ୍ଦ୍ ବଲି ଗଟେକ୍ ପାନିଜାଜ୍‌ମନ୍ ଲାଗ୍‌ବାଟାନେ ଆସି କେଟ୍ଲୁ । ସେଟା ଲାସିଆ ସଅର୍ ଲଗେ ରଇଲା ।

୯ ସେ ଜାଗାଇ ଆମେ ବେସିଦିନ୍ ରଇଲୁ । ଜିଉଦିମନର୍ ଉପାସ୍ ମାନିଅଇବା ପରବ୍ ସାରି ଜାଇରଇଲା । ତେବେ ଗାଡ଼ ଗାଡ଼ ଜିବାଟା ବିପଦ୍ ରଇଲା । ସେଟାର୍‌ପାଇ ପାଉଲ୍ ସେମନ୍‌କେ ଜାଗ୍‌ରଡ଼୍ କରାଇ କଇଲା,

୧୦ “ମଇତରମନ୍ ଆମେ ଏ ଗାଡ଼ ଗାଡ଼ ଗାଲେ ସରି ଜାଆଜ୍ ଆରି ଜିନିସ୍‌ପତର୍ ଆକା କେଡି ନ ଅଏ, କେତେବେଲେ ଜାଜେ ଜିବା ଲକ୍‌ମନର୍ ମିସା ଦସା କେଟ୍‌ସି ।”

୧୧ ମାତର୍ ସେନାପତି ପାଉଲ୍‌ର୍ କାତା ବିସ୍‌ବାସ୍ ନ କରି, ଜାଜ୍ ଚାଲାଉ, ଜାଜ୍ ସାଉକାରର୍ କାତା ବିସ୍‌ବାସ୍ କଲା ।

୧୨ ସେ ଗାଡେ ସିଡ଼ମାସେ ରଇବାଟା ବେସି କସ୍‌ଟ୍ ରଇଲା । ତେବେ କେନ୍ତ୍ର କରି ମିସା କସ୍‌ଟେ ମସ୍‌ଟେ ପେନିକସ୍ ବଲି ଗଟେକ୍ ଜାଗାଇ କେଟି, ଦରକାର୍ ପଡ଼ଲେ ତେଇ ରଇବାକେ ଜାଜେ ଜିବା କେତେଲକ୍‌ମନ୍ କର୍‌ତେରଇଲା । ପିନିକସ୍ ଅଇଲାନି କିରିତେ ଦକିଣ୍, ପଟିମ୍ ଆରି ଉତର୍ ପୁରୁବ୍ ଦିଗେ ରଇବା ଗଟେକ୍ ଜାଗାର୍ ନାଉଁ ।

ସମ୍‌ଦୁରେ ପାନିପବନ୍ ଆଇବାଟା

୧୩ ଜେତେବେଲେ ଦକିନ୍ ଦିଗ୍‌ବାଟେଅନି ଅଲପ୍ ଅଲପ୍ ପବନ୍ ଆଇଲା, ସେତେବେଲେ ଜାଜେ ବସିରଇବା ଲକ୍‌ମନ୍ ଏଟା ଗଟେକ୍ ସୁବ୍‌କବର୍ ବଲି ବାବ୍‌ଲାଇ । ଜାଜ୍ ଅଟ୍‌କାଇବା ପାର୍‌ଦା ଟେକିଦେକ୍‌ଲାଇ ଆରି କିରିଡ଼ ଗାଡ଼ ପାଲି ପାଲି ଜାଜ୍ ଚାଲାଇ ଚାଲାଇ ନେବାର୍ ଦାର୍‌ଲାଇ ।

୧୪ ମାତର୍ ଚନେକ୍ ଗାଲା ପତେ କିରିଡ଼ବାଟେଅନି ଉତର୍ ପୁରବ୍ ବଲି କଇବା ପବନ୍ ଆଇଲା ।

୧୫ ସେ ପବନ୍ ଅପର୍‌ବଲ୍ ଆସି ଜାଜେ ପିଟିଅଇଲା । ପବନ୍ ଆଇବା ମୁଆଟ୍‌ବାଟେ ଜାଜ୍ ନେବାକେ ଚେସ୍‌ଟା କରି କରି ନାପାରି ତାକିଗାଲୁ । ତେବେ ପବନ୍ ଜାଜ୍‌କେ ପାନି ଟାନେ ଉପ୍‌କାଇକରି ନେଅ ବଲି ଚାଡ଼ିଦେଲୁ ।

୧୬ ଆରି କାଉଦ୍ ବଲି ଗୁଲାଇ ବାଟେ ପାନି ରଇକରି ମଜାଇ ସୁକ୍‌ଲା ବୁଇଁ ରଇବା ଜାଗାର୍ ଦକିଣ୍ ଦିଗ୍‌ବାଟେ ଗାଲାବେଲେ ଅଲପ୍ ପବନ୍‌ଟାନେ ଅନି ରକିଆ ପାଇଲୁ । ତେଇ ଆମେ କସ୍‌ଟେମସ୍‌ଟେ ଜାଆଜର୍ ସାନ୍‌ଡଙ୍ଗା କାଇ ବିପଦ୍ ନଇତେ ସଙ୍ଗାପାର୍‌ଲୁ ।

୧୭ ଜାଜ୍ ଚାଲାଉମନ୍ ସାନ୍ ଡଙ୍ଗା ଜାଜ୍‌ଉପ୍‌ରେ ଟେକି ନେଲାଇ ଆରି ଡର୍ ସଙ୍ଗ୍ ଡାଟ୍‌କରି ଜାଜର୍ ଚାରିବେଟ୍‌ତି ନ ବାଙ୍ଗ୍ ବଲି ବାନ୍ଦି ଦେଲାଇ । ଜାଜ୍ ଚାଲାଉମନ୍ ଜାଜ୍‌କେ ଲିବିଆର୍ ପାଲି ପାଲି ବାଲିବନ୍ଦ୍ ବାଟେ ଉଟିଜାଇସି ବଲି ଜାଜେ ବାନ୍ଦି ରଇବା ତେରା ଉଡ଼ରାଇକରି ପବନେ ସେ ବୁଲି ବୁଲି ର ବଲି ଚାଡ଼ି ଦେଲାଇ ।

୧୮ ଚନେକ୍ ମିସା ନ ତେବି ଅପର୍‌ବଲ୍ ପବନ୍ ଆଇବାର୍ ଦାର୍‌ଲା ଜେ, ତାର୍ ଆରକର୍ ଦିନେ ସେମନ୍ ଜାଜେଅନି ଜିନିସ୍ ପତର୍ ପାନିତେଇ ପିଙ୍ଗ୍‌ବାର୍ ଦାର୍‌ଲାଇ ।

୧୯ ତାର୍ ଆରକର୍ ଦିନେ ସେମନ୍ ଜାଜର୍ ପାଇ ଦରକାର୍ ଅଇବା କେତେଟା ଜିନିସ୍ ବେଟି ପିଙ୍ଗି ଦେଲାଇ ।

୨୦ ବେସି ଦିନ୍ ଅଇଗାଲା ଆମେ ବେଲର୍ ମୁକ୍ ନାଇ କି ତାରାର୍ ମୁକ୍ ଦେକୁନାଇ ସେନ୍ତ୍ର ରଇଗାଲୁ । ପବନ୍ ଚନେକ୍ ମିସା ତେବେ ନାଇ, ଅଦିକ୍ ଅଦିକ୍ ଆଇତେସେ ରଇଲା । ସାରାସାରି ଆମେ ବର୍‌ବାର୍ ଆସା ଚାଡ଼ି ଦେଇରଇଲୁ ।

୨୧ ଏତେକ୍ ଦିନ୍ ଅଇଲା ସବୁ ଲକ୍‌ଜାକ ନ କାଇ ନ ପିଇ ରଇଲା ପତେ ପାଉଲ୍, ଜାଜେ ଜିବା ଲକ୍‌ମନର୍ ମଜାଇ ଟିଆଅଇ କଇଲା, ମଇତରମନ୍ ତମେ ମର୍ କାତା ଦାରି କିରିତେଅନି ଜାଜ୍ ନ ଆନି ରଇଲେ ଆମ୍‌କେ ଏ ଦସା ନ ଆଇତା ।

୨୨ ମାତର୍ ଏବେ ତମ୍‌କେ ଗୁଆରି କରି କଇଲିନି, ନ ଡରି, ବରସ୍ ଅଇରୁଆ । ତମର୍ ବିଡ଼ରେଅନି କେ ମିସା ନ ମରାସ୍ । ଜାଜ୍‌ସେ ନସ୍‌ଟ ଅଇସି ।

୨୩ କାଈକେବଇଲେ ମୁଈ ଜାରୁ ଲକ୍ ଅଇଲିଆଟି, ଆରି ଜନ୍ ପରମେସରକେ ପାର୍ତନା କଲିନି, କାଲି ରାତି ତାରୁ ଗଟେକ୍ ସରଗର୍ ଦୁଡ଼ ମକେ ଆସି କଇଲା,

୨୪ ପାଉଲ୍ ତୁଈ ଡର୍ ନାଇ । ବାଇଦରେ ସମ୍ବାରଟର୍ ମୁଆଟେ ତୁଈ ଚିଆ ଅଇସୁଆକା । ପରମେସର୍ ତକେ ଜିବନ୍ ଦୁକାଇଲାଆଟେ । ଜେ କି, ତକେ ଆରି ତର୍ ସଙ୍ଗ୍ ଜାଇତେ ରଇବା ସବୁ ଲକ୍ମନକେ ବୁଠାଇସି ।

୨୫ ତେବେ ବାଇମନ୍ ତମେ ନ ଡରି ବରସ୍ ଅଇରୁଆ । କାଈକେ ବଇଲେ ମୁଈ ପରମେସରକେ ବିସ୍ବାସ୍ କଲିନି, ମକେ ଜେନ୍ତି କଇଲାଆଟେ ଚିକ୍ ସେନ୍ତାରିସେ ଅଇସି ।

୨୬ ମାତର୍ ଆମେ ଆଗ୍‌କେ ଗାଲେ ଗଟେକ୍ ଗୁଲାଇବାଟେ ପାନି ରଇକରି ମଜାଇ ରଇବା ସୁକ୍ଲା ଜାଗାଇ ପବନ୍ କେଟାଇସି ।

୨୭ ଏନ୍ତାରି ଆମେ ବାଉପବନ୍ ଆରାମ୍‌ଅଇକରି ଚଉଦ ଦିନ୍ ଚଉଦ ରାତି ମିସା ଅଇଗାଲା । ପବନ୍ ଆମ୍‌କେ ବୁମଦ୍ ସମ୍‌ଦୁରେ ଏନେ ତେନେ ନେଇତେରଇଲା । ମଜାରାତି ଅଇଲାକେ ଜାଜ୍ ଚାଲାଉମନ୍ ଗଟେକ୍ କଣ୍ଟିପାଲି ଲଗାଲଗି ଆଇଲୁ ବଲି ଅନ୍‌ମାନ୍ କଲାଇ ।

୨୮ ତେବେ ସେମନ୍ ଗଟେକ୍ ବଜ୍ ଜିନିସ୍ ଡର୍‌ସଙ୍ଗ୍ ବାନ୍ଦିକରି ନାପିକରି ଜାନ୍‌ଲାଇ ଜେ, ତେଇ ସଏ କଡେ ପୁଟ୍ ପାନି ତେଙ୍ଗ୍ ରଇଲା । ଆରି କଣ୍ଟେକ୍ ଦୁର୍ ଆଇଲାଇକେ ନବେ ପୁଟ୍ ପାନି ନାପୁଲାଇ ।

୨୯ ପାନି ଜାଜ୍ କନ୍‌ଆଲେ ଡଙ୍ଗର୍‌ର୍ ପାକ୍‌ନାଇ ତୁକାଇ ଅଇଜାଇସି ବଲି ଡରିକରି ସେମନ୍ ପର୍‌ବାଟେ ଚାର୍‌ଟା ଜାଜ୍ ଅଟ୍‌କାଇବାଟା ପାକାଇଲା । ଆରି ଦାପ୍‌ରେ ସାକାଲ୍ ପାଅ ବଲି ପାର୍‌ତନା କଲାଇ ।

୩୦ ତାର୍ ପଟେ ଜାଜ୍ ଚାଲାଉମନ୍ ଜାଜେଅନି ଲୁଚି ପାଲାଇବାକେ ଚେସ୍‌ଟା କଲାଇ । ସାନ୍ ଡଙ୍ଗା ବାନ୍ଦିରଇବା ତର୍ ବେଟି ଡଙ୍ଗା ସମ୍‌ଦୁରେ ଉଡ଼ରାଇଲା । ସେମନ୍ ଆରି କେତେଟା ଜାଜ୍ ଅଟ୍‌କାଇବାଟା ମୁଆଟ୍‌ବାଟେ ପାକାଇବୁ ବଲି ନାଡ଼ାଇଲା ।

୩୧ ମାତର୍ ପାଉଲ୍, ସେନାପତି ଆରି ସନିଅମନ୍‌କେ କଇଲା, “ଜଦି ଜାଜ୍ ଚାଲାଉମନ୍ ଜାଜେ ନ ରଇଲେ ତମେ ମରିଜାଇସା ।”

୩୨ ସେଟାର୍‌ପାଇ ସନିଅମନ୍ ଡଙ୍ଗାର୍ ଡର୍ କାଟି ଦେଲାଇ ଆରି ପାନି ଉପ୍‌ରେ ବୁଲି ଜାଅ ବଲି ଚାଡ଼ି ଦେଲାଇ ।

୩୩ ପାଉଲ୍ କୁକ୍‌ଡାଡାକେ ସବୁ ଲକ୍‌କେ କାଆ ବଲି ବାବୁଜିଆ କଲା । ସେ କଇଲା, ଆଜିକେ ଚଉଦ ଦିନ୍ ଅଇଗାଲା କାଆସ୍ ନାଇ, ପିଆସ୍ ନାଇ, ବୁକେସେ ଆଚାସ୍ ।

୩୪ ତେବେ ମୁଈ ତମ୍‌କେ କାଇଟା ଆଲେ କାଆ ବଲି ବୁଜାଇଲିନି, କାଈକେ ବଇଲେ, ବୁଟି ରଇବାର୍ ଆଲେ କାଇବାର୍ ଆରେଆକା । ତରା ନାଇ ! ତମ୍‌କେ କାଇଟା ନ ଅଏ ।

୩୫ ପାଉଲ୍ ଏନ୍ତାରି କଇକରି ରୁଟି ଦାର୍‌ଲା ଆରି ସବୁ ଲକ୍‌ର୍ ମୁଆଟେ ପରମେସରକେ ଦନିଅବାଦ୍ ଦେଇ ରୁଟି ଚିଡାଇ କାଇବାର୍ ଦାର୍‌ଲା ।

୩୬ ତେଇ ସେମନ୍ ସବୁ ଲକ୍ ସାଆସ୍ ଅଇକରି ଆରି ନିଜେ ନିଜେ କାଇବାର୍ ଦାର୍‌ଲାଇ ।

୩୭ ଆମେ ସେ ଜାଜେ ସବୁ ଲକ୍ ମିସି ଦୁଇସ ସତୁରି ଚଅ ଲକ୍ ରଇଲୁ ।

୩୮ ସବୁ ଲକ୍ ପେଟ୍ ପୁରତେ କାଇ ସାର୍‌ଲା ପଟେ ଜାଜ୍ ଉସାସ୍ ଅ ବଲି ଜାଜେ ରଇଲା ସବୁ କାଦିକଣ୍ଟା ସମ୍‌ଦୁରେ ପିଙ୍ଗି ଦେଲାଇ ।

ଜାଜ୍ ତୁକାଇ ଅଇଲା

୩୯ ସାକାଲ୍ ପାଇଲାକେ କଣ୍ଟିର୍ କନ୍ ଜାଗାଇ ଆସି କେଟ୍‌ଲୁଆଟୁ ବଲି ଜାଜ୍ ଚାଲାଉମନ୍ ଜାନି ନାପାର୍‌ଲାଇ । ମାତର୍ ସେମନ୍ ଦେକ୍‌ଲାଇ, ଜେ ସେଟା ଗଟେକ୍ ସମ୍‌ଦୁର୍ ଆରି ଗାଡ଼ ମିସ୍‌ଲା ବାଲିପଟା ଜାଗା । ଜଦି ପାର୍‌ଲେ ତେଇ ଜାଜ୍ ଲାଗାଉ ବଲି ଚେସ୍‌ଟା କଲାଇ ।

୪୦ ସେଟାର୍‌ପାଇ ଜାଜ୍ ଅଟ୍‌କାଇବାକେ ବାନ୍ଦି ରଇବା ତର୍ ସବୁ କାଟି ଦେଇ, ସେଟା ସବୁ ସମ୍‌ଦୁରେ ତପି ଅଇବାକେ ଚାଡ଼ି ଦେଲାଇ । ଆରି ଜାଜ୍ ସଲ୍‌କାଇବାକେ ବାନ୍ଦି ରଇବା ତର୍ କୁସ୍‌ଲାଇଦେଇ ମୁଆଟେ ବାନ୍ଦି ଅଇରଇବା ତେରାକେ ଟେକି ଦେଲାଇ । ସେନ୍ତା କଲାକେ ଜାଜ୍ ପବ୍‌ନେ ଟେଲାଇ ଟେଲାଇ ଅଇକରି କଣ୍ଟିବାଟେ ଜିବାର୍ ଦାର୍‌ଲା ।

୪୧ ଗାଡ଼ ଆରି ସମ୍‌ଦୁର୍ ମିସ୍‌ଲା ସାଙ୍ଗାମର୍ ବାଲିପାଟାଇ, ଜାଜ୍ ତୁକାଇ ଅଇ ମୁଆଟ୍‌ ବାଟର୍‌ଟା ତଲେ ତପିଅଇ ଅଟ୍‌କି ଦେଲା । ଅପର୍‌ବଲ୍ ଲଉଡ଼ି ଆସି ଜାଜର୍ ପର୍‌ବାଟେ ତୁକାଇ ଅଇଲାକେ ପର୍ ବାଟର୍‌ଟା ମିସା ବାଙ୍ଗି କଣ୍ଟି କଣ୍ଟି ଅଇଗାଲା ।

୪୨ ସନିଅମନ୍ ବନ୍ଦି ଲକ୍‌ମନ୍‌କେ ପଅଁରି ପଅଁରି ଉଟିଜିବାଇ ବଲି ବାବି କରି ମାରିମରାଇବାକେ ବାବ୍‌ଲାଇ ।

୪୩ ମାତର୍ ସେନାପତି ପାଉଲ୍‌ର୍ ଜିବନ୍ ବୁଠାଇବି ବଲି ବାବ୍‌ତେ ରଇଲା । ତେବେ ସେ ସନିଅମନ୍‌କେ ସେନ୍ତାରି କରାନାଇ ବଲି ମନାକଲା । ଜେଡ଼କି ପଅଁରି ପାର୍‌ବା ସବୁ ଲକ୍‌ମନ୍‌କେ ପାନିଟାନେ ତେଗଇକରି ପଅଁରି ପଅଁରି କଣ୍ଟିତେଇ ଜିବାକେ ଆଦେସ୍ ଦେଲା ।

୪୪ ଆରି ବାକି ଲକ୍‌ମନ୍‌କେ ଜାଜର୍ ବାଙ୍ଗା ପାଟା ଆରି କାଇ କାଇଟାମନ୍ ଦାରି ପଅଁରି କରି ବାରୁଆ । ବଲି କଇଲା । ଏନ୍ତାରି ଅଇ ସବୁଲକ୍ କାଇଟା ନ ଅଇତେ କଣ୍ଟି ଆସି ବାରଇଲାଇ । ସାରାସାରି ଆମେ ସବୁଲକ୍ କଣ୍ଟି କେଟ୍‌ଲୁ ।

୨୮

ମାଲ୍ଟା ଜାଗାଇ ପାଉଲ୍

^୧ କାଇଟା ନ ଅଇ, କଣ୍ଡିପାଲି ଜାଇ ଦେକ୍ଲୁ ଜେ, ଆମେ ମେଲିତି ନାଉଁର୍ ଚାରିବେଟ୍ତି ପାନିର୍ ମଜାଇ ରଇବା ସୁକ୍ଲୁ ଜାଗାଇ କେଟିଆରୁ ।

^୨ ତେଇ ପୁର୍ବେଅନି ରଇବା ଲକ୍ମନ୍ ଆମ୍ବେ ଆଲାଦ୍ ଦେକାଇଲାଇ, ସେବେଲେ ବର୍ସା ମାରି ସିଡ୍ ଅଇତେ ରଇଲା । ସେଟାର୍ ପାଇ ସେମନ୍ ଆମ୍ବେ ଜଇ ଲାଗାଇ ଗତିଆ ମାନ୍ଲାଇ ।

^୩ ପାଉଲ୍ ଗଟେକ୍ ବିଡା ଦାରୁ ଜଇତେଇ ପାକାଇବା ବେଲେ ଜଇ ତାତିର୍ ଲାଗି ବିଡାଇଅନି ଗଟେକ୍ ବିସ୍ତରଇବା ସାଁପ୍ ବାରଇଲା ଆରି ପାଉଲ୍ ଆତେ ଚଗି ଚାବି ତସିରଇଲା ।

^୪ ସେ ଜାଗାର୍ ଲକ୍ମନ୍ ପାଉଲ୍ ଆତେ ଚାବିକରି ତସି ଜୁଲ୍ତେ ରଇବା ସାଁପ୍ବେ ଦେକି ତାକର୍ ତାକର୍ ବିଡ୍ରେ କୁଆବଲା ଅଇଲାଇ, “ଏ ବାଇଦରେ ଗଟେକ୍ ନର୍ମାରୁ ଲକ୍, ସେ ଜାଇଟା ମିସା ଅ ବେ, ସେ ସମ୍ବୁରେ ରକିଆ ପାଇରଇଲେ ମିସା ତାର୍ କରମ୍ ତାକେ ବର୍ତ୍ତାକେ ନ ଦେଏ ।”

^୫ ମାତର୍ ପାଉଲ୍ ତାର୍ ଆଡ୍ ଜିଞ୍ଜାଡ୍ଲାକେ ସାଁପ୍ ଜଇତେଇ ଅଦର୍ଲା ଆରି ତାକେ କାଇଟା ଅଏନାଇ ।

^୬ ଲକ୍ମନ୍ ପାଉଲ୍ ଆଡ୍ ପୁଲିଜାଇସି ନଇଲେ ଅଟାଡ୍ ଅଦ୍ରି ମରିଜାଇସି ବଲି ଜାଗିରଇଲାଇ, ମାତର୍ ବେସି ପର୍ ଜାଗିକରି ଦେକ୍ଲାଇ ମିସା ତାକେ କାଇଟା ଅଏ ନାଇ । ପଟେ ସେମନ୍ କାତା ପାସ୍ଲାଇକରି କଇଲାଇ “ଏ ଗଟେକ୍ ଦେବ୍ତା !”

^୭ ତେଇଅନି ଅଲପ୍ ଦୁରିକେ ସେ ଜାଗାର୍ ମୁକିଅ ନେତା, ତାର୍ ନାଉଁ ପବ୍ଲିଅ । ତାର୍ କେତେଟା ପଦା ରଇଲା, ସେ ଆମ୍ବେ ଗତିଆ ମାନିକରି ଡାକିନେଲା । ଆରି ଆମେ ତିନ୍ ଦିନ୍ ଜାକ ତାକର୍ ଗରେ ଗତିଆ ଅଇ ରଇଲୁ ।

^୮ ସେବେଲେ ପବ୍ଲିଅସର୍ ବାବା ଜର୍ ଆରି ରକଡ୍ଜାତା ଦାରାଇଅଇ ତୁଲିରଇଲା । ପାଉଲ୍ ତାକର୍ ବାକ୍ତରାଇ ଜାଇ ତାର୍ପାଇ ପାର୍ତନା କରି ତାର୍ ଉପ୍ରେ ଆଡ୍ ଚିଇ ତାକେ ନିମାନ୍କଲା ।

^୯ ଏ ଗଟ୍ନା ପଟେ ସେ ଜାଗାର୍ ଜେଡ୍କି ରଗିମନ୍ ସବୁ ପାଉଲ୍ ଲଗେ ଆସି ନିମାନ୍ ଅଇଲାଇ ।

^{୧୦} ସେମନ୍ ଆମ୍ବେ ବେସି ବିନ୍ ବିନ୍ ରକାମର୍ ଜିନିସ୍ ଇନାମେ ଦେଲାଇ ଆରି ଆମେ ତେଇଅନି ଜାଜେ ବସି ଜିବାବେଲେ ସେମନ୍ ଆମର୍ପାଇ ଦରକାର୍ ରଇଲା ସବୁ ଜିନିସ୍ ଜାଜେ ଆନି ଦେଲାଇ ।

ମାଲ୍ଟା ଜାଗାଇଅନି ରମ୍ ଦେସେ

^{୧୧} ସେ ଜାଗାଇଅନି ବାରଇବାକେ ଆମ୍ବେ ତିନ୍ମାସ୍ ଲାଗ୍ଲା । ସିଡ୍ଦିନ୍ ଅଇରଇଲାକେ ତବିର୍ଅଇଲା ଆଲେକ୍ଜାଣ୍ଡ୍ରିଆ ନଅରେଅନି ଆସିରଇବା ଗଟେକ୍ ଜାଜେ ଆମେ ବାରଇଲୁ । ସେ ଜାଜର୍ ନାଉଁ ରଇଲା ଜଲି ଦେବ୍ତା ।

^{୧୨} ପର୍ତୁମ୍ ସିର୍କ୍ସୁସ୍ ନାଉଁର୍ ନଅରେ କେଟି ତେଇ ତିନ୍ଦିନ୍ ରଇଲୁ ।

^{୧୩} ତେଇଅନି ଆରି ତରେକ୍ ଜିବାଟା ଆରାମ୍ କରି ଆମେ ରେଜିଅମ୍ ସଅରେ କେଟ୍ଲୁ । ତାର୍ ଆରକର୍ ଦିନେ ଦକିଣ୍ ଦିଗେଅନି ପବନ୍ ଆଇଲା ଆରି ଦୁଇଦିନ୍ ପଟେ ପୁଡେଅଲି ସଅରେ କେଟ୍ଲୁ ।

^{୧୪} ତେଇ କେତେଟା ଜିସୁକେ ବିସ୍ବାସ୍ କର୍ବା ବାଇମନ୍କେ ମିସ୍ଲୁ । ତାକର୍ ସଙ୍ଗ୍ ଗଟେକ୍ ଆର୍ ରଇବାକେ ସେମନ୍ ଆମ୍ବେ ବାବୁଜିଆ କଲାଇ । ସାରାସାରିପଟେ ଆମେ ରମ୍ ଦେସେ ଜାଇ କେଟ୍ଲୁ ।

^{୧୫} ଆମେ ଗାଲା କବର୍ ସୁନିକରି ରମ୍ ଦେସର୍ ବିସ୍ବାସି ବାଇମନ୍ ତେଇଅନି ଆପିଅ ଜାଗାର୍ ଆଟେ ଆରି ତିନ୍ସରା ନାଉଁର୍ ନଅର୍ମନ୍ ଜାକ ଆମ୍ବେ ବେଟ୍ ଅଇବାକେ ଇଣ୍ଡି ଇଣ୍ଡି ଆଇଲାଇ । ସେମନ୍କେ ଦେକି ପାଉଲ୍ ପର୍ମେସର୍ବକେ ଦନିଅବାଦ୍ ଦେଲା ଆରି ବେସି ସାର୍ଦା ଅଇଲା ।

ରମିୟମନ୍ ନଅରେ ପାଉଲ୍

^{୧୬} ଆମେ ରମ୍ ଦେସେ କେଟ୍ଲା ପଟେ ପାଉଲ୍କେ ଗଟେକ୍ ସନିଅ ସଙ୍ଗ୍ ଗଟେକ୍ ଗରେ ରଇବାକେ ଆଦେସ୍ ମିଲ୍ଲା ।

^{୧୭} ତିନ୍ ଦିନ୍ ପଟେ ପାଉଲ୍ ସେ ଜାଗାର୍ ଜିଉଦି ନେତାମନ୍କେ ଗଟେକ୍ ସବା କର୍ବାକେ କବର୍ ପାଟାଇଲା । ସେମନ୍ ଆସି ରୁଣ୍ଡିଲାଇକେ ପାଉଲ୍ ସେମନ୍କେ କଇଲା, “ଏ ଇସ୍ରାଏଲ୍ ବାଇମନ୍, ମୁଇ ଆମର୍ ଲକ୍ମନ୍ ବିରୁଦେ କି ଆମର୍ ଆନିଦାଦିମନ୍ ଟାମେଅନି ସିକିରଇବା ରିତିନିତି ବିରୁଦେ କିଟି କରନାଇ, ଏଲେ ମିସା ଜିରୁସାଲାମର୍ ଜିଉଦିମନ୍ ମକେ ଦାରି ବନ୍ଦିଗରେ ପୁରାଇ ରମିଅମନ୍କେ ସର୍ପିଦେଲାଇ ।

^{୧୮} ମକେ ପାଟାର୍ ଉଟାର୍ କଲା ପଟେ ମରନ୍ ଡଣ୍ଡ୍ ପାଇବା ଏଡ୍କି କାଇ ଅପ୍ତାଦ୍ କରେ ନାଇ ବଲି ଜାନ୍ଲାଇ । ପଟେ ରମିଅ ଲକ୍ମନ୍ ମକେ ମୁକ୍ଲାଇବାକେ ମନ୍ କର୍ତେ ରଇଲାଇ ।

^{୧୯} ମାତର୍ ଜିଉଦି ଲକ୍ମନ୍ ମକେ ଚାଡ୍ବାକେ ରାଜି ଅଅଡ୍ନାଇ । ତେବେ ମର୍ ନିଜର୍ ଲକ୍ମନ୍ ବିରୁଦେ ମର୍ କାଇ ଦାବି ନ ରଇଲା ମିସା, ମୁଇ ବଡ୍ସାସନ୍କାରିଆକେ ଗୁଆରି କର୍ବି ଆକା ବଲି ବାବ୍ଲି ।

୨୦ ସେଟାରପାଇ ଏ ବିସଇ କାତାବାରତା ଅର୍ଥ ବଲି ମୁଇ ତମକେ ଡାକାଇ ଆତି । ଇସରାଏଲର ଲକ୍ମନ ଏବେ ଜାକେ ଆସା କରି ଆଇଲାଇନି, ତାରପାଇ ବଲିକରି ମୁଇ ଆଜି ସିକ୍ଲି ସଙ୍ଗ ବାନ୍ଦାଇ ଅଇଆତି ।”

୨୧ ସେମନ୍ କଇଲାଇ, “ଆମକେ ଜିଉଦା ଦେସେଅନି ତମର୍ ବିସଇ କାଇ ଚିଟି ଗଟେକ୍ ମିସା ମିଲେ ନାଇ, କି ବାଇମନର୍ ବିଡ଼ରେଅନି କେ ମିସା ଇତି ଆସି ତମର୍ ବିସଇର ବୁଲ୍ କାତା ସୁନାଅଡ଼ ନାଇ କି କଅଡ଼ ମିସା ନାଇ ।

୨୨ ମାତର୍ ତମେ କାଇଟା ବଲି ବିସବାସ୍ କଲାସ୍ନି, ସେଟା ତମର୍ଟାନେଅନି ଆମେ ସୁନ୍ବାକେ ମନ୍ କଲୁନି । କାଇକେବଇଲେ, ଗୁଲାଇବାଟର୍ ଲକ୍ ତମର୍ ଦଲ୍ ବିରୁଦେ କାତା ଅଇଲାଇନି ।”

୨୩ ସେମନ୍ ଗଟେକ୍ଦିନ୍ ଟିକ୍ କଲାଇ ଆରି ଟିକ୍ କଲା ଦିନେ ସେମନର୍ ବିଡ଼ରେଅନି ବେସି ଲକ୍ ପାଉଲ୍ ରଇବା ଜାଗାଇ ଆଇଲାଇ । ପାଉଲ୍ ସେମନ୍କେ ସାକାଲେଅନି ସଞ୍ଜଜାକ ପରମେସର୍ ରାଇଜ୍ ବିସଇ ବୁଜାଇଦେଲା ଆରି ମସାର ରିତିନିତି ଆରି ବବିସଡ଼ବକ୍ତାମନ୍ ଲେକଲା ସାସତରର୍ ବାକିଅ ଦେକାଇକରି ଜିସୁର୍ ବିସଇ ବୁଜାଇଲା ।

୨୪ ତେଇ କେତେ ଲକ୍ ପାଉଲ୍ କଇଲା କାତା ବିସବାସ୍ କଲାଇ, ମାତର୍ କେତେ ଲକ୍ ବିସବାସ୍ କରଡ଼ ନାଇ ।

୨୫ ତେବେ ତାକର୍ ତାକର୍ ବିଡ଼ରେ ଦଦାପେଲା ଅଇକରି ବାରଇ ଉଟିଗାଲାଇ । ପାଉଲ୍ ଗଟେକ୍ କାତା କଇଲା, ସୁକଲ୍ ଆଡ଼ମା ତମର୍ ଆନିଦାଦିମନ୍କେ ଜିସାୟ ବବିସଡ଼ବକ୍ତାର୍ ତଣ୍ଡେଅନି ସଡ଼ କାତା କଇରଇଲା !

୨୬ ସେ କଇରଇଲା,

“ଏ ଲକ୍ମନକେ ଜାଇ କଅ, ତମେ ସୁନି ସୁନି ରଇସା, ମାତର୍ ନ ବୁଜାସ୍ ।

ଦେକି ଦେକି ରଇସା, ମାତର୍ ନ ଚିନାସ୍ ।”

୨୭ କାଇକେ ବଇଲେ ଏ ଲକ୍ମନର୍ ମନ୍ ବେସି ଆଁଟ୍,

ସେମନ୍ ନିଜର୍ ନିଜର୍ ଆଁକି ଲିମିଦେଇ ଆତଡ଼ ଆରି କାନ୍ ରୁଟି ଦେଇ ଆତଡ଼,

ସେମନ୍ ଜଦି ଆଁକି ଦେକ୍ତାଇ, ଆରି ରୁଟି ଅଇଲା କାନ୍ ଉଗାଡ଼ି ସୁନ୍ତାଇ ।

ସେନ୍ତାର୍ ଆଲେ ସେମନ୍ ମନେ ମନେ ବୁଜ୍ତାଇ ।

ଆରି ସେମନ୍ ମରଲଗେ ବାଅଡ଼ତାଇ ଆରି ମୁଇ ସେମନ୍କେ ନିକ କରଡ଼ି ।

ଏଟା ପରମେସର୍ କଇଲାନି ।

୨୮ ସାରାସାରିପଟେ ପାଉଲ୍ କଇଲା “ତେବେ ପରମେସରର୍ ମୁକ୍ତି ଜିଉଦିନଇଲା ଲକ୍ମନର୍ ପାଇ ଆଇଲା ଆଟେ । ଏଟା ତମେ ଜାନିରୁଆ, ସେମନ୍ ମିସା ସେଟା ମାନ୍ବାଇ ।”

୨୯ ପାଉଲ୍ ଏ ସବୁ କାତା କଇଲାକେ, ଜିଉଦିମନ୍ ନିଜର୍ ନିଜର୍ ବିଡ଼ରେ ଦଦାପେଲା ଅଇଅଇକରି ଉଟିଗାଲାଇ ।

୩୦ ପାଉଲ୍ ଗଟେକ୍ ଗର୍ ବାଡାକରି ତେଇ ବୁଇ ବରସ୍ ଜାକ ରଇଲା ଆରି ତାକେ ଦେକ୍ବାକେ ଆଇଲା ସବୁ ଲକ୍ମନକେ ତେଇ ଗତିଆ ମାନ୍ତେରଇଲା । ଜେଡ଼କି ଲକ୍ ପାଉଲ୍ ଲଗେ ଆଇତେ ରଇଲାଇ ସେ ସବୁ ଲକ୍କେ ଡାକି, କାକେ ନ ଡ଼ରତେ କଲା ।

୩୧ ଆରି ତାକେ କେ ମିସା ତେବାଅଡ଼ ନାଇ । ସେ ପରମେସରର୍ ରାଇଜ୍ ବିସଇ ଜାନାଇକରି ମାପୁରୁ ଜିସୁକିରିସ୍ଟର୍ ବିସଇ ସିକିଆ ଦେଇତେରଇଲା ।

ରୋମିୟ ମଣ୍ଡଳୀର ବିଶ୍ୱାସୀ ମାନଙ୍କ ନିକଟକୁ ପାଉଲଙ୍କର ପତ୍ର ରମିଅ ମଣ୍ଡଳୀର ଲକ୍ଷ୍ମଣନରୁଟାନେ ପାଉଲ୍ ଚିଠି ଲେଖିଲାଟା ଏ ବଇଟାନେ ଜାନ୍‌ବାଟା

ରମିଅ ବଇ ପେରିଡ଼ ପାଉଲ୍‌ର ଲାଗି ଲେକାଅଇରଇଲା । ଏ ବଇ ଜିସୁକିରିସ୍‌ଟ ଜନମ୍‌ଅଇକରି ୫୪ ଅନି ୫୮ ବିତ୍‌ରେ ଅଇରଇଲା ।

ପାଉଲ୍ ରମ୍ ରାଇଜେ ଜିବା ଆଗୁଡୁ ଜିଉଦି ବିସ୍‌ବାସି ଆରି ଜିଉଦି ନ ଅଇରଇବା ବିସ୍‌ବାସିମନ୍‌କେ ତିଆରବାକେ ଏ ଚିଠି ଲେକିରଇଲା । ଜେନ୍ତାରିକି ସବୁ ଲକ୍ଷ୍ମଣ ବିସ୍‌ବାସ୍ କରି ନାମ୍‌ବାଇ ୧୪:୧୭ । ଏଟାର୍‌ପାଇ ସେ କରନ୍‌ତି ନଅରେ ରଇବା ବେଲାଇ ରମିଅ ବିସ୍‌ବାସିମନ୍‌କେ ତିଆରବାକେ ଏ ଚିଠି ରଇଲା ।

ରମିଅ ବଇ ସବୁ ଜାଗାର୍ ଆରି ସବୁ ବେଲାର୍ ବିସ୍‌ବାସିମନ୍‌ପାଇ, ଏଟା ଗଟେକ୍ ଗୁରୁତ୍ତ୍ୱ ସଙ୍ଗର୍ ବଇ । କାଇକେବଇଲେ, ପାଉଲ୍ ଏ ବଇଟାନେ ଜିସୁକେ ବିସ୍‌ବାସ୍ କଲେ ଆମ୍‌କେ କେନ୍‌ତି ମୁକ୍ତି ମିଲ୍‌ସି, ସେଟା ନିକସଙ୍ଗ୍ ଗଟେକ୍ ଗଟେକ୍ କରି ବୁଜାଇଦେଲାଆଟେ । ପାଉଲ୍ ପୁରନା ନିଅମ୍‌କେ ମିସା ଜିସୁକିରିସ୍‌ଟର୍ ସୁବ୍ କବର୍‌ଟାନେ ମିସାଇଆଟେ । ଏ ବଇତେଇ ୧:୧୭ ଟାନେ ରଇବା ବାକିଅକେ ନେଇକରି କେତେକ୍ କେତେକ୍ ପଣ୍ଡିତ୍‌ମନ୍ ଦାବିକରି ଏଟା ଏ ସବୁବଇର୍ ମୁଲ୍ ବଲି କଇଲାଇନି । ଜନ୍‌ଟା ଇତି ଜାନାଇଲାଇନି କି, ମୁଇ ବାକିଅ ଜାନାଇବାକେ ଲାଜ୍ ନ ଅଇ । କାଇକେବଇଲେ ଜେଡ଼କି ଲକ୍ ବିସ୍‌ବାସ୍ କରବାଇ, ସେ ସବୁ ଲକ୍‌ପାଇ ଏଟା ପର୍‌ମେସରର୍ ବପୁ । ପର୍‌ତୁମେ ଜିଉଦିମନ୍‌ପାଇ ଆରି ଜିଉଦି ନ ଅଇଲା ଲକ୍‌ମନ୍‌ପାଇ ମିସା ।

ପର୍‌ତୁମ୍ ବାଗେ ୧-୧୨ ଚିକିନିକିର୍ ବିସଇ ଆରି ଦୁଇରେ ଅଇଲାନି ବିସ୍‌ବାସି ଇସାବେ କେନ୍‌ତି ଚଲାଟଲ୍‌ତି କର୍‌ବାର୍ ଆଟେ, ସେଟା ତିଆରଲାନି ।

ଏ ବଇବିତ୍‌ରେ ରଇବାଟା

- ୧. ପାଉଲ୍ ନିଜ୍‌କେ ଜାନାଇଅଇକରି କାର୍‌ଟାନେ ଚିଠି ଲେଖିଲାନି, ସେଟା କଇକରି ଆରାମ୍ କଲାନି । ୧:୧-୧୫
- ୨. ମୁନ୍‌ସଜାତିର୍ ରାଇଜ୍ ଆରି ଜିସୁକିରିସ୍‌ଟର୍ ଲାଗି ମୁକ୍ତି ଅଇବାଟା । ୧:୧୬;୧୧:୩୭
- ୩. କିରିସ୍‌ଟର୍ ଟାନେ ରଇକରି ଜିଉନାକାଉନା କର୍‌ବା ବିସଇରେ ପାଉଲ୍ ତିଆରଲାଟା । ୧୨:୧-୧୫:୧୩
- ୪. ସେ ରମିୟ ମଣ୍ଡଳୀର ଲକ୍‌ମନ୍‌କେ ଦନିଅବାଦ୍ ଦେଇକରି ଲେକା ସାରାଇଲାଟା । ୧୭

ପାଉଲ୍ କୁଆର୍ ଜାନାଇବାଟା

^୧ ମୁଇ ପାଉଲ୍ ଏଟା ଲେଖିଲିନି, ମୁଇ କିରିସ୍‌ଟ ଜିସୁର୍ ଗଟେକ୍ ସେବାକାରିଆ । ପର୍‌ମେସର୍ ମକେ ବାଟ୍‌ଲା ଆରି ତାର୍ ନିମାନ୍ କବର୍ ଜାନାଇବାକେ ସର୍‌ପିଦେଲା । ରମ୍ ରାଇଜେ ରଇବା ତମର୍ ସବୁଲକ୍‌ପାଇ ମୁଇ ଏ ଚିଠି ପାଟାଇଲିନି ।

^୨ ପର୍‌ମେସର୍ ଏ ବିସଇ ଆଗେଅନି କାତା ଦେଇରଇଲା, ଆରି ସୁକଲ୍ ସାସ୍‌ତରେ ସେ ସବୁ ଲେଖିବା ପାଇ ତାର୍ ବବିସଡ଼ବକ୍‌ତାମନ୍‌କେ ତିଆରଲା ।

^୩ ଏ ସୁବ୍‌କବର୍‌ତେଇ ପର୍‌ମେସରର୍ ପଅ, ଆରି ଆମର୍ ମାପୁରୁ ଜିସୁକିରିସ୍‌ଟର୍ ବିସଇ ଆଟେ । ସେ ଏ ମର୍‌ପୁରେ ନର୍ ରୁପ୍‌ଦାରି ଦାଉଦର୍ ନାତିତିତି ଅଇ ଜାଡ଼ ଅଇଲା ।

^୪ ମାତର୍ ସେ ପୁରାପୁରନ୍ ସୁକଲ୍ ରଇଲା, ଆରି ପର୍‌ମେସରର୍ ବଡ଼ ବପୁସଙ୍ଗ୍ ତାକେ ମଲାଟାନେଅନି ଉଟାଇଲା । ମଲାଟାନେଅନି ଉଟ୍‌ଲାର୍‌ପାଇ ସେ ପର୍‌ମେସରର୍ ପଅ ବଲି ଦେକାଇଲା ।

^୫ ପର୍‌ମେସର୍ କିରିସ୍‌ଟର୍ ତେଇଅନି ମକେ ଗଟେକ୍ ପେରିଡ଼ କଲାଆଟେ, ଜେନ୍ତାରି କି ସବୁ ଜଗତର୍ ଲକ୍‌ମନ୍‌କେ ତାର୍ ବିସଇ ଜାନାଇବି । ସେମନ୍ ସେଟା ବିସ୍‌ବାସ୍ କରି ମାନ୍‌ବାଇ ।

^୬ ଏ ରମ୍ ଦେସର୍ ଲକ୍ ! ତମେମିସା ଜିସୁକିରିସ୍‌ଟର୍ ସିସ୍ ଅଇବାକେ ବାଟାଇ ଅଇଆଟାସ୍ ।

^୭ ରମେ ରଇବା ସବୁ ଲକ୍‌କେ ଏ ଚିଠି ଲେଖିଲିନି । କାଇକେବଇଲେ ତମ୍‌କେ ପର୍‌ମେସର୍ ଆଲାଦ୍ କଲାନି । ଆରି ତାର୍ ନିଜର୍ ଲକ୍ ଅଇବାକେ ଡାକି ଆଟେ ।

ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

ଦନିଅବାଦ୍ ପାର୍‌ତନା

^୮ ମୁଇ ତମ୍‌କେ ପର୍‌ତମେ ଏ ବିସଇ କଇବାକେ ମନ୍ କରି ରଇଲିଜେ, ତମର୍ ସବୁଲକ୍‌ପାଇ ମୁଇ ମାପୁରୁ ଜିସୁର୍ ନାଉଁ ଦାରି ପର୍‌ମେସର୍‌କେ ଦନିଅବାଦ୍ ଦେଲିନି । କାଇକେବଇଲେ ଗୁଲାଇ ଜଗତର୍ ଲକ୍, ତମେ ବିସ୍‌ବାସ୍ କରଇରବା ବିସଇ ସୁନ୍‌ଲାଇନି ।

^୯ ମୁଇ ମର୍ ସବୁ ମନ୍‌ପରାନ୍ ଦେଇ ଜନ୍ ପର୍‌ମେସର୍‌କେ ସେବା କଲିନି, ଆରି ଜନ୍ ପର୍‌ମେସରର୍ ପଅର୍ ସୁବ୍ କବର୍ ଜାନାଇଲିନି, ସେ ପର୍‌ମେସର୍ ମର୍ ସାକି ।

୧୦ ମୁଇ ପାର୍ତନା କଲାବେଳେ ତମ୍ଭେ ସବୁବେଳେ ଏତାଇଲିନି । ସେ ମନ୍ କଲେ, ମକେ ତମର୍ ଲଗେ ଜିବାକେ ବେଲା ଟିକ୍ କରି ଦେଅ ବଲି ପରମେସର୍ଭକେ ଗୁଆରି କଲିନି ।

୧୧ ତମର୍ ଲଗେ ଆଇବାକେ ମୁଇ ବେସି ମନ୍ କଲିନି । ମର୍ ପାଇରଇଲା ଆତ୍ମାର ଦାନ୍ ବିସଇ ଜାନାଇବାଟାନେଅନି ତମର୍ ବିସ୍ବାସ୍ ତାଟ୍ କରାଇବି ।

୧୨ ଏଟାର ଲାଗି ତମର୍ ବିସ୍ବାସେଅନି ମର୍ ବିସ୍ବାସ୍ ତାଟ୍ ଅଇସି ଆରି ମର୍ ବିସ୍ବାସେଅନି ତମର୍ ବିସ୍ବାସ୍ ତାଟ୍ ଅଇସି ।

୧୩ ✳ବାଇବଇନିମନ୍, ତମର୍ ଟାନେ ଆଇବାକେ ମୁଇ ବେସି ତର୍ ମନ୍ କରିରଇଲି, ମାତର୍ ଦାରାବାନ୍ଦାଅଇ ଜାଇରଇଲି ଜେ ଆଜିକେ ଜାକ ଆସି ନାପାରଲିନି । ବିନ୍ ବିନ୍ ଜାଗାର୍ ଜିଉଦି ନଇଲା ଲକ୍ମନର୍ ବିତ୍ରେ ସୁବ୍‌କବର୍ ଜାନାଇକରି ମକେ ଜେଡ୍‌କି ସାର୍ଦା ମିଲ୍ଲା ଆଟେ, ତମର୍ ଜାଗାଇ ମିସା ସେଟା କର୍ବାକେ ମୁଇ ମନ୍ କଲିନି ।

୧୪ କାଇକେବଇଲେ, ଗିରିକ୍ ଲକ୍ମନର୍ ପାରା ଗିଆନ୍ ରଇଲେ ମିସା, ମୁରକ୍ ଲକ୍ ଅଇରଇଲେ ମିସା, ସିକିରଇବା ଲକ୍ ଅଇରଇଲେ ମିସା, କି ନ ସିକିରଇବା ଲକ୍ ଅଇରଇଲେ ମିସା, ଏ ସବୁ ଦଲର୍ ଲକ୍ମନର୍ ପାଇ ମର୍ ଦାଇଡ୍ ଆଟେ ।

୧୫ ସେଟାର୍ ପାଇ ରମ୍ ଗତର୍ ଲକ୍, ତମର୍ ଲଗେ ମିସା ନିମାନ୍ କବର୍ ଜାନାଇବାକେ ମୁଇ ମନ୍ କଲିନି ।

ସୁବ୍‌କବର୍ ବପୁ

୧୬ ✳ସେ ସୁବ୍ କବର୍ଟାନେ ମର୍ ପୁରାପୁରୁନ୍ ଆସାଆଟେ, ସେଟା ସିଗ୍ ପର୍ତମେ ଜିଉଦି ଲକ୍ମନର୍ ପାଇ ଆରି ତାର୍ ପଟେ ବିସ୍ବାସ୍ କର୍ବା ଜିଉଦି ନଇଲା ଲକ୍ମନର୍ ପାଇ ପରମେସର୍ଭ ବଡ୍ ବପୁ ।

୧୭ ଲକ୍ମନ୍ ପରମେସର୍ଭ ଲଗେ କେନ୍ତ୍ର ଦରମ୍ ଲକ୍ ବଲାଇ ଅଇ ପାର୍‌ବାଇ, ତାର୍ ଉପାଇ ତେଇ ଦେକାଇ ଦିଆଅଇଲା ଆଟେ । ଆରାମେ ଅନି ସାରାସାରିଜାକ ମୁକ୍ତି ପାଇବା ଗଟେକ୍ ମାତର୍ ଉପାଇ ଅଇଲାନି, ବିସ୍ବାସ୍ । ସାସ୍‌ତରର୍ ବାକିଅ ଇସାବେ “ଜେ ବିସ୍ବାସ୍ କରି ପରମେସର୍ଭ ମୁଆଟେ ଦରମ୍ ବଲାଇ ଅଇସି, ସେ ବର୍ସି ।”

ପାପ୍‌କେ ପର୍ମେସର୍ଭ ରିସା

୧୮ ଜନ୍ ପାପି ଲକ୍ମନ୍ ନିଜର୍ କାରାପ୍ କାମେଅନି ସଡ୍ ବିସଇ ଅଟ୍‌କାଇବାଇ, ସେମନ୍ ବିରଦେ ସର୍ଗେଅନି ପରମେସର୍ଭ ରିସା ଦେକାଇ ଅଇସି ।

୧୯ କାଇକେବଇଲେ ପରମେସର୍ଭ ବିସଇନେଇ ଜାଇଟା ଜାନ୍‌ବାର୍ ରଇଲା ସେମନ୍ ସେଟା ଜାନ୍‌ଲାଇ ଆଟଡ୍ । ପରମେସର୍ଭ ନିଜେ ସେଟା ଦେକାଇ ଦେଲାଆଟେ ।

୨୦ ପରମେସର୍ଭ ଜଗଡ୍ ତିଆର୍ କଲାତେଇଅନି, ତାର୍ ନ ଦେକାଇଅଇବା ଗୁନ୍ ଅଇଲାନି, ତାର୍ କାବାଅଇଜିବା କାମ୍ ଆରି ନ ସାର୍‌ବା ବପୁ । ସେ ତିଆର୍ କଲା ବିସଇତେଇ ସେଟା ଦେକିଅଇଲାନି । ସେଟାର୍ ପାଇ ସେମନ୍ ନାଜାନୁବଲି କଇନାପାରଡ୍ ।

୨୧ ✳ସେମନ୍ ପରମେସର୍ଭକେ ଜାନିକରି ମିସା ନିକ ନାମଡ୍ ନାଇ କି ତାକେ କାଇ ବିସଇ ନେଇକରି ମିସା ଦନିଅବାଡ୍ ଦେଅଡ୍ ନାଇ । ସେମନ୍ ଚିନ୍ତା କର୍ବାଟା ସବୁ କାରାପ୍ ଆରି ତାକର୍ ତୁଟାଇ ରଇବା ମନ୍, ଆନ୍ଦାରେ ଆଟେ ।

୨୨ ସେମନ୍ ନିଜ୍‌କେ ଗିଆନି ବଲି ବାବ୍‌ଲାଇନି, ମାତର୍ ସତଇସେ ସେମନ୍ ବକୁଆ ।

୨୩ ସଡ୍ ପରମେସର୍ଭକେ ନ ନାମିକରି ନସିଜିବା ମୁନ୍‌ସ୍, ପସ୍, ଚଡ୍‌ଇ, ସାଁପ୍‌ପାରା ପୁଡ୍‌ଲା ତିଆର୍ କରି ସେଟାମନ୍‌କେ ପୁଜା କଲାଇନି ।

୨୪ ସେଟାର୍ ପାଇ ପରମେସର୍ଭ ସେମନ୍‌କେ ଚାଡିଦେଲାଆଟେ, ଆରି ସେମନ୍ ନିଜର୍ ନିଜର୍ ମନ୍ କଲା କାରାପ୍ କାମେ ବୁଡି ରଇଲାଇନି । ସେମନ୍ ତାକର୍ ତାକର୍ ବିତ୍ରେ ଲାଜଅଇଜିବା ମିସାବିତା କର୍ବାଟା ସଙ୍ଗାଆଟଡ୍ ।

୨୫ ସେମନ୍ ପରମେସର୍ଭ ବିସଇଟାନେ ରଇବା ସଡ୍ ବାଦୁଲେ ମିଡ୍ ଦାରିକରି ଆଟଡ୍ । ସବୁବେଳେ ଡାକ୍‌ପୁଟା ପାଇବା ପରମେସର୍ଭକେ ପାର୍ତନା ନ କରି, ତିଆର୍ କଲା ଦିନ୍‌ସୁମନ୍‌କେ ପାର୍ତନା କଲାଇନି । ସେ କାଲ୍ କାଲ୍ ଜୁଗ୍ ଜୁଗ୍ ଡାକ୍‌ପୁଟା ପାଅ ! ଆମେନ୍ ।

୨୬ ସେମନ୍ ଲାଜଅଇଜିବା ପାପ୍‌କାମେ ବୁଡି ରଇଲାର୍ ପାଇ ପରମେସର୍ଭ ସେମନ୍‌କେ ଚାଡି ଦେଲାଆଟେ । ତାକର୍ ମାଇଜିମନ୍ ନିଜର୍ ମୁନ୍‌ସ୍‌ମନ୍‌ର ସଙ୍ଗ୍ ସୁଆବସା ନ ଅଇ, କାରାପ୍ ଇସାବେ ବିନ୍ ମୁନ୍‌ସ୍‌ମନ୍‌ର ସଙ୍ଗ୍ ସୁଆବସା କଲାଇନି ।

୨୭ ସେନ୍ତାରିସେ ମୁନ୍‌ସ୍‌ମନ୍ ମିସା ଆଲାଦେ ମାଇଜି ସଙ୍ଗ୍ ସୁଆବସା ନ କରି ନିଜର୍ ନିଜର୍ ବିତ୍ରେ କାରାପ୍ ଅଇ ମିସାବିତା ଅଇବା ଚିନ୍ତାଇ ଜଲି ଗାଲାଇନି । ମୁନ୍‌ସ୍‌ମନ୍ ତାକର୍ ତାକର୍ ବିତ୍ରେ ଲାଜ ଅଇବା ଚଲାଚଲ୍‌ତି କଲାଇନି ଆରି ସେଟାର୍ ପାଇ ଡଣ୍ଡ ପାଇବାକେ ତିଆର୍ ଅଇଲାଇନି ।

୨୮ ଏ ଲକ୍ମନ୍ ପରମେସର୍ଭ ବିସଇନେଇ ନିମାନ୍ ବାବ୍‌ବାକେ ମନ୍ ନ କଲାର୍ ପାଇ, ପରମେସର୍ଭ ସେମନ୍‌କେ ଚାଡି ଦେଲାଆଟେ । ଆରି ମନ୍ ବିତ୍ରେ କାରାପ୍ ଚିନ୍ତା କର୍ବାଟା କରଡ୍ ବଲି ଚାଡିଦେଲାଆଟେ । ଏଟାର୍‌ପାଇ ସେମନ୍ ନ କର୍ବା କାମ୍ କର୍ବାଇ ।

✳ ୧:୧୩ ପେରିଡ୍ ୧୯:୨୧ ✳ ୧:୧୭ ମାର୍‌କ୍ ୮:୩୮ ✳ ୧:୨୧ ଏପିସିୟ ୪:୧୭,୧୮

୨୯ ତାକର ବିତ୍ତରେ ସବୁରକାମର କାରାପ୍ ବିସଇ, ଜନ୍ମଟାମନ୍ଦି, କାରାପ୍ ଚିନ୍ତା କରବାଟା, ବାନିଆ ଚିନ୍ତା କରବାଟା, ଲବାଇବାଟା, ଲାଁର୍ ନେବାଟା, ତାକର ତାକର ବିତ୍ତରେ ଛାଡ଼ାତଲା ଅଇବାଟା, ନର୍ ମରାଇବାଟା, କିରମାର ଅଇବାଟା, ନାଡ଼ାଇବାଟା, ଆକାର କରବାଟା ଆରି କୁଟକାତା ଅଇବାଟା ବରୁତି ଅଇଆଟେ ।

୩୦ ସେମନ୍ କାନେ ପୁସୁର୍ ପାସାର୍ ଅଇବାଟା, ବିନ୍ ଲକ୍‌କେ ନିନ୍ କରବାଟା, ପରମେସର୍‌କେ ଗିନ୍ କରବାଟା, ବଡ଼ପନ୍ ଅଇବାଟା, ବଡ଼ପନିଆ କାତା ଅଇବାଟା, ବିନ୍‌ଲକ୍‌କେ ପାନ୍ଦେ ଅଦରାଇବାଟା, ଆରି ଆୟା ବାବାର କାତା ନ ମାନବାଟା,

୩୧ ଦରମ୍ ବିବେକ୍ ନ ଅଇବାଟା, କାତା ଦେଲା ପଟେ ସେଟା ବାଙ୍ଗାଇବାଟା, ତାକର ବିତ୍ତରେ ଆଲାଦ୍ ନ କରବାଟା ଆରି ଜିବନ୍ ନ ଦୁକାଇବାଟା ।

୩୨ ଜନ୍ ଲକ୍‌ମନ୍ ଏନ୍ତି ଚଲାଚଲ୍‌ତି କରବାଇ ସେମନ୍ ମରିଜିବାଟା ନିକ । ପରମେସରର୍ ଏ ନିୟମ୍ ସେମନ୍ ଜାନ୍‌ଲେ ମିସା ଏନ୍ତିସେ ଚଲାଚଲ୍‌ତି କରବାଇ, ଅଦ୍‌କା ସେଟା ନଏଁ, ମାତର୍ ଏନ୍ତି ଚଲାଚଲ୍‌ତି କରବା ଲକର୍ ବାଟେ ଅଇକରି, ସାରଦା ସଙ୍ଗ୍ ଏଟା ଟିକ୍ ବଲି ସେମନ୍‌କେ କଇବାଇ ।

୨

ପରମେସରର୍ ସତ୍ ଦରମର୍ ବିଚାର୍

୧ *ତେବେ ଏ ମର୍ ମଇତରମନ୍, ତମେ କାଇ ବିନ୍ ଲକ୍‌କର ବିଚାର୍ କଲାସ୍‌ନି କି ? ତମେ ଜେ ଅଇରଇଲେ ମିସା, ଏନ୍ତି କରବାଟା ଟିକ୍ ନଏଁ । ବିନ୍ ଲକ୍‌କର ଦସ୍‌ଦାରି ତମେ ଜଦି ନିଜେ ସେ ଦସ୍ କରତେ ରଇସା ବଇଲେ, ତମେ ନିଜେ, ନିଜ୍‌କେ ଦସି ବଲାଇ ଅଇଲାସ୍‌ନି ।

୨ ଆମେ ଜାନ୍, ପରମେସର୍ ଏନ୍ତି କରତେ ରଇବା ଲକ୍‌ମନ୍‌କେ ଟିକ୍ ସଙ୍ଗ୍ ବିଚାର୍ କରସି ।

୩ ଜନ୍ କାରାପ୍ କାମର୍ ଲାଗି ତମେ ବିନ୍ ଲକ୍‌ମନ୍‌ର ଦସ୍ ଦାରଲାସ୍‌ନି, ସେଟା ତମେ ନିଜେ କରତେ ରଇସା, ସେଟାର୍ ପାଇ ତମେ ପରମେସରର୍ ବିଚାର୍ ଜାଗାଇ ଚିଆ ନଉଁ ବଲି ବାଦ୍‌ଲାସ୍‌ନି କି ?

୪ ସେନ୍ତି ବଇଲେ ତା, ତମେ ପରମେସରର୍ ବେସି ଜିବନ୍ ଦୁକାଇଲାଟା, ଉଦାର୍ କରବାଟା ଆରି ମୁରଟବାଟାକେ ନାମାସ୍ ନାଇ । ତମେ ସତଇସେ ଜାନିଆଟାସ୍ ଜେ, ତମର୍ ମନେ କାରାପ୍ କାମ୍ ଅଇଲାଟା ମାନିଅଇବାକେ ପରମେସର୍ ଏତେକ୍ ଦୟା କଲାଆଟେ ।

୫ ମାତର୍ ତମେ ବଡ଼ପନିଆ ଆରି ମନ୍ ଜିଦିଆ । ସେଟାର୍ ପାଇ ସାରାସାରି ବିଚାର୍‌ନା ଦିନେ ପରମେସର୍ ଟିକ୍ ସଙ୍ଗ୍ ତାର୍ ବିଚାର୍‌ନା ଦେକାଇସି । ସେ ରିସାର୍ ଦିନେ ନିଜର୍ ପାଇ ରିସା ଟୁଲିଆଇଲାସ୍‌ନି ।

୬ କାଇକେବଇଲେ ପରମେସର୍ ସେ ଦିନେ ତାର୍ କରମ୍ ଇସାବେ ସବୁକେ ପୁରୁସକାର୍ ଦେଇସି ।

୭ ଜନ୍ ଲକ୍‌ମନ୍ ତାକ୍‌ପୁଟା, ସନ୍‌ମାନ୍ ଆରି ଅମର୍ ଅଇବା ଆସାଇ ମୁରଟିକରି ସତ୍‌କାମ୍ କରିଜିବାଇ, ସେମନ୍‌କେ ପରମେସର୍ ନ ସାର୍‌ବା ଜିବନ୍ ଦେଇସି ।

୮ ମାତର୍ ଜନ୍ ଲକ୍‌ମନ୍ ନିଜର୍ ଲାବ୍ ଆରି ସତ୍ ରଇବା ବିସଇ ନ ମାନି, ମିଟକାତା ମାନ୍‌ବାଇ, ସେମନ୍‌ର ଉପ୍‌ରେ ବଡ଼ ରିସା ଆଇସି ।

୯ ଜନ୍ ଲକ୍‌ମନ୍ କାରାପ୍ କାମେ ବୁଡ଼ି ଆଟଡ୍, ସେମନ୍‌ର ପାଇ କସ୍‌ଟ ଆରି ଦୁକର୍ ଦିନ୍ ଆଇଲାନ୍ତି । ସବୁକେ ଆଗ୍‌ତୁ ଜିଉଦିକେ ଆରି ତାର୍ ପଟେ ଜିଉଦି ନଇଲା ଲକ୍‌ମନ୍‌ର ପାଇ ।

୧୦ ମାତର୍ ଜନ୍ ଲକ୍‌ମନ୍ ସତ୍ ଇସାବେ କାମ୍ କଲାଇନି, ସେମନ୍ ଜିଉଦି ଅଅଡ୍ କି ଜିଉଦି ନଇଲା ଲକ୍ ଅଅଡ୍, ସେମନ୍‌କେ ପରମେସର୍ ତାକ୍‌ପୁଟାକରି ସନ୍‌ମାନ୍ ଆରି ସାନ୍ତି ଦେଇସି ।

୧୧ କାଇକେ ବଇଲେ ପରମେସର୍ ଗଟେକ୍ ଡୁଲାଇସେ ସବୁର୍ ବିଚାର୍ କରସି ।

୧୨ ଜିଉଦି ନଇଲା ଲକ୍‌ମନ୍, ମସା ଲେକ୍‌ଲା ନିୟମ୍ ପାଅଡ୍ ନାଇ । ନିୟମ୍ ନ ପାଇ ପାପ୍ କଲାଇ, ସେମନ୍ ନିୟମ୍ ନ ଅଇତେ କୁରୁପ୍‌ନାସ୍ ଅଇବାଇ । ଆରି ଗଟେକ୍‌ବାଟେ ଜିଉଦିମନ୍ ନିୟମ୍ ଜାନିକରି ମିସା, ପାପ୍ କଲାଇ, ସେମନ୍ ସେ ନିୟମ୍ ଇସାବେ ଡଣ୍ଡ ପାଇବାଇ ।

୧୩ କାଇକେବଇଲେ ଲକ୍‌ମନ୍ ଉଜେ ନିୟମ୍ ସୁନ୍‌ଲେସେ ପରମେସରର୍ ମୁଆଟେ ଦରମ୍ ଲକ୍ ବଲି ଏଜାଇଅଇ ନାପାରଡ୍, ମାତର୍ ନିୟମ୍ ନାମ୍‌ଲେସେ ଅଇପାରଡ୍ ।

୧୪ ଜିଉଦିନଇଲା ଲକ୍‌ମନ୍‌ର ନିୟମ୍ ନାଇ, ମାତର୍ ସେମନ୍ ଅବିଆସ୍ କରି ନିୟମ୍ ବିଦିମନ୍ ନାମ୍‌ବାଇ, ସେଟାସେ ସେମନ୍‌ର ନିୟମ୍ ପାରା ।

୧୫ ସେମନ୍‌ର କାମ୍‌ଦାମ୍‌ଟାନେଅନି ଟିକ୍ ସଙ୍ଗ୍ ଜାନାପଡ଼ଲାନ୍ତି ଜେ, ନିୟମ୍‌ର ବିଦିବିଦାନ୍ ସେମନ୍‌ର ମନେ ଲେକାଅଇଲା ଆଟେ । ଏ କାତା ସତ୍, ସେମନ୍‌ର ବିବେକ୍ ଟିକ୍ ବଲି କଇବା ଚଲାଚଲ୍‌ତିଅନି ଜାନାପଡ଼ଲା । ଜେନ୍ତାରିକି ସତ୍ କାମ୍ କଲାବେଲେ ତାକର୍ ବିବେକ୍, ଉଁ ବଲି କଇସି, ଆରି କାରାପ୍ କାମ୍ କଲାବେଲେ ବିବେକ୍ ସେମନ୍‌କେ ଦସି କରାଇସି ।

୧୬ ଜନ୍ ଦିନେ ପରମେସର୍ ଜିସୁକିରିସ୍‌ଟର୍ ଟାନେଅନି ମୁନ୍‌ସର୍ ବିତ୍ତରେ ଲୁଟ୍‌ଲା ବିସଇମନ୍ ବିଚାର୍ କରସି, ସେ ଦିନେ ମୁଇ ଜାନାଇ ରଇଲା ସୁବ୍‌କବର୍ ଇସାବେ ଏ ସବୁ ଗଟ୍‌ସି ।

* ୨:୧ ମାତିଉ ୭:୧; ଲୁକ୍ ୬:୩୭

ଜିଉଦି ଲକ୍ମନ ଆରି ନିୟମ୍

୧୭ ତମେମନ୍ ତେବେ ? ନିଜକେ ଜିଉଦି ବଲାଇଅଇଲାସ୍ନି, ନିୟମ୍‌କେ ଆସାକରି ଆରି ପରମେସର୍ ସଙ୍ଗ୍ ମିସାବିତା କରବାଟା ନେଇ ବଡ଼ପନ୍ ଅଇଲାସ୍ନି,

୧୮ ପରମେସର୍ ତମରଟାନେଅନି କାଇଟା ମନ୍ କଲାନି ସେଟା ତମେ ଜାନିଆଟାସ୍ । ଆରି ନିୟମେଅନି ସତ୍ ଆରି ସତ୍ ନ ଅଇବା ଗିଆନ୍ ପାଇଆଟାସ୍,

୧୯ ସତଇସେ ଜାନିଆଟାସ୍ ଜେ, ତମେ କାଣାକେ ବାଟ୍‌ଦେକାଇବା ଲକ୍, ଆନ୍ଦାରେ ରଇବା ଲକ୍‌ମନର୍ ପାଇ ଉଜଲ୍ ପାରା ।

୨୦ ବକୁଆମନ୍‌କେ ନିମାନ୍ କାତା କଇବା ଲକ୍, ଗିଆନ୍ ନ ରଇବା ଲକ୍‌ମନର୍ ଗୁରୁ । ତମେ ବିସ୍‌ବାସ୍ କଲାଇସ୍ନି ଜେ, ନିୟମ୍ ଜାନିକରି ପୁରାପୁରୁନ୍ ସତ୍ ଆରି ଗିଆନ୍ ପାଇଆଟାସ୍ ବଲି ।

୨୧ ତମେ ବିନ୍‌ଲକ୍‌ମନ୍‌କେ ସିକାଇଲାସ୍ନି, ମାତର୍ କାଇକେ ନିଜେ ସିକାସ୍ ନାଇ ? ଚରାଇବାର୍ ନାଇ ବଲି ସିକିଆ ଦେଇ ନିଜେ ଚରାଇଲାସ୍ନି କି ?

୨୨ ପାଦ୍‌ରା କାମ୍ କରାନାଇ ବଲି କଇ, ନିଜେ ପାଦ୍‌ରା କାମ୍ କଲାଇସ୍ନି କି ? ପୁଡ଼ଲା ପୁଜାକେ ଗିନ୍ କରି ଦେଉଲର୍ ଦିନ୍‌ସୁ ଚରାଇସ୍ନି କି ?

୨୩ ପରମେସରର୍ ନିୟମ୍ ମିଲାଇଆରୁ ବଲି ବଡ଼ପନ୍ ଦେକାଇଲାସ୍ନି, ମାତର୍ ସେଟାକେ ଏଡିଦେଇକରି ତାକେ ଲାଜ୍ କରାଇଲାସ୍ନି କି ?

୨୪ ସାସ୍‌ତରେ ଲେକାଅଇଲା ଆତେ, “ତମରଲାଗି ଜିଉଦି ନଇଲା ଲକ୍‌ମନର୍ ବିତ୍‌ରେ ପରମେସର୍ ନିନ୍ଦା ପାଇଲାନି ।”

୨୫ ଜଦି ତମେ ନିୟମ୍ ମାନ୍‌ଲେ, ତମର୍ ସୁନତ୍ ଅଇବାଟା ଚିକ୍ ଆତେ । ଜଦି ନିୟମ୍ ନ ମାନ୍‌ଲେ ସୁନତ୍ ନ ଅଇଲା ଲକ୍‌ମନର୍ ସଙ୍ଗ୍ ସମାନ୍ ।

୨୬ ଜଦି ସୁନତ୍ ନ ଅଇଲା ଗଟେକ୍ ଜିଉଦି ନଇଲା ଲକ୍ ନିୟମର୍ ବିଦିବିଦାନ୍ ସବୁ ନାମ୍‌ତେ ରଇସି, ପରମେସର୍ ତାକେ ସୁନତ୍ ଲକ୍ ଇସାବେ ନ ତାକେ କି ?

୨୭ ସେଟାର୍ ପାଇ ଗାଗ୍‌ତେ ସୁନତ୍ ନ ଅଇରଇଲା ଜିଉଦି ନ ଅଇଲା ଲକ୍‌ମନ୍, ନିୟମ୍ ମାନିକରି ତମର୍ ବିଚାର୍ କରବାଇ, କାଇକେ ବଇଲେ ତମେ ଗାଗ୍‌ତେ ସୁନତ୍ ଅଇ ନିୟମ୍ ପାଇରଇଲେ ମିସା, ସେଟା ନାମାସ୍ ନାଇ ।

୨୮ ଉଜେ ଗାଗ୍‌ତେ ସୁନତ୍ ଅଇ ଉପରେ ଉପରେ ଜିଉଦି ବଲି ଚିନାଇଅଇବା ଲକ୍ ସତଇସେ ଜିଉଦି ନଅତ୍ ।

୨୯ ଜେ ମନ୍ ବିତ୍‌ରେଅନି ଜିଉଦି, ସେ ଅଇଲାନି ସତଇସେ ଜିଉଦି । ସତଇସେ ସୁନତ୍ ମନ୍ ବିତ୍‌ରର୍ ବିସଇ । ସେଟା ସୁକଲ୍ ଆଡ଼ମାର୍ କାମ୍ । ଲେକ୍‌ଲା ନିୟମ୍ ସେଟା କରିନାପାରେ । ଏନ୍ତାରି ଲକ୍ ଲକ୍‌ମନର୍‌ଟାନେଅନି ତାକ୍‌ପୁଟା ନ ପାଏ, ମାତର୍ ପରମେସର୍‌ଅନି ପାଇସି ।

୩

୧ ତେବେ ଜିଉଦି ନଇଲା ଲକ୍‌ମନର୍‌ତେଇଅନି ଜିଉଦିମନର୍ ଅଦିକ୍ ସୁବିଦା କାଇଟା ? ସୁନତ୍ କଲେ କାଇ ଲାବ୍ ?

୨ ସବୁ ରକାମର୍ ଲାବ୍ ଆତେ । ତେବେ ପର୍‌ତୁମ୍, ପରମେସର୍ ତାର୍ କବର୍ ଜାନାଇବା ଦାଇତ୍ ଜିଉଦିମନର୍ ଆତେ ଦେଲା ଆତେ ।

୩ ତେବେ କାଇଟା ଅଇସି ? ଜିଉଦିମନର୍ ବିତ୍‌ରେଅନି କେତେ ଲକ୍ ବିସ୍‌ବାସ୍ ନ କଲେ ପରମେସର୍ କାତା ଦେଇରଇବାଟା ପୁରାପୁରୁନ୍ ନ ଅଏ କି ?

୪ କେବେ ନାଇ । ମୁନ୍‌ସମନ୍ ସବୁ ଲକ୍ ମିରୁଆ ଅଇଲେ ମିସା, ପରମେସର୍ ସତ୍‌ସେ । ସାସ୍‌ତରେ ଲେକା ଆତେ, “ତମର୍ ବାକିଅ ଅନି ତମେସେ ସତ୍ ବଲି ଚିନାଇ ଉଆ,

ତମେ ବିଚାର୍ କରାଇ ଅଇଲାବେଲେ ଜିତି କରି ରୁଆ ।”

୫ ଇତି ଗଟେକ୍ ପର୍‌ସନ୍ ଅଇପାରେ, “ଆମର୍ କାରାପ୍ ଚଲାଚଲ୍‌ତି, ପରମେସରର୍ ଦରମ୍‌କେ ଚିନାଇ ଦେଇସି ବଇଲେ, ସେ ଆମ୍‌କେ ଡଣ୍ଡଦେଇ ଅନିଆଇ କଲାନି ବଲି କଇପାରିଅଇସି କି ?

୬ କେବେ ନାଇ । ପରମେସର୍ ଜଦି ନିଆଇତେଇ ନାଇ, ତେବେ ସେ କେନ୍ତ୍ର ଜଗତର୍ ନିଆଇ ବିଚାର୍ କରସି ?”

୭ “ଜଦି ମୁଇ ମିଟ୍ କଇବାଟା ପରମେସରର୍ ସତ୍ ଅଦିକ୍ ଡିସି କରି ତାକ୍‌ପୁଟା କରାଇସି ବଇଲେ, ମୁଇ କାଇକେ ପାପି ବଲି ଡଣ୍ଡ ପାଇବି ?”

୮ ସେନ୍ତାଆଲେ “ଆସା, ଆମେ କାରାପ୍ କାମ୍ କରୁ ଜେନ୍ତାରି କି ତେଇଅନି ନିକ ବିସଇ ବାରଇସି” ବଲି କଇଅଇସି କି ? ନାଇ, କଇ ନଏ । ମୁଇ ସମାନ୍ ଏନ୍ତ୍ର କାତା କଇଲିନି ବଲି ଦାବା କରି କେତେ ଲକ୍ ମକେ ଇଜତ୍ ଜିକ୍‌ଲାଇନି । ସେମନ୍ ସେଟାର୍ ପାଇ ଜନ୍ ଡଣ୍ଡ ପାଇବାର୍ ରଇଲାଇ, ସତଇସେ ପାଇବାଇ ।

ଗଟେକ୍‌ଲକ୍ ମିସା ଦରମ୍ ଲକ୍ ନାଇ

୯ ତେବେ କାଇ ଜିଉଦିମନର୍ ଜିଉନା କାଉନା, ଜିଉଦି ନଇଲା ଲକ୍‌ମନର୍‌ଟାନେଅନି ଅଦିକ୍ ନିକ କି ? ନାଇ, ମୁଲ୍‌କେ ନାଇ ! ମୁଇ ଆଗ୍‌ତୁଅନି କଇଲି ଆତି ଜେ, ସେମନ୍ ଦୁଇ ଦଲ୍ ଜାକ ପାପର୍ ସାସନେ ଆତତ୍ ।

୧୦ ସାସତରେ ଲେକା ଆତେ,
 ଦରମ୍ ଲକ୍ କେ ନାଇ ଗଟେକ୍ ଲକ୍ ମିସା ନାଇ,
 ୧୧ କେ ମିସା ଗିଆନ୍ ରଇବା ଲକ୍ ନାଇ ।
 ସତଇସେ ପରମେସର୍‌କେ ଉପାସନା କରବା ଲକ୍ ନାଇ ।
 ୧୨ ସେମନ୍ ସବୁ ଲକ୍ ପରମେସର୍‌ଟାନେଅନି ଅନି ଦୁରିକେ ଜାଇ ଆତଡ଼ ।
 ସେମନ୍ ବାଟ୍ ବାନା ଅଇଗାଲାଇ ଆତଡ଼ ।
 କେ ଗଟେକ୍ ଲକ୍ ମିସା ସଡ଼ କାମ୍ କରଡ଼ ନାଇ ।
 ୧୩ ସେମନର୍ କାତା କଇବାଟାନେ ଅଦିକ୍ ନାଡ଼ାଇବାଟା ଆତେ,
 ଟଣ୍ଡେଅନି ଗାଡ଼ ଗାଲାପାରା ମିଡ଼ କାତା ବାରଇଲାନି ।
 ଜିବ୍‌ତଲେ ନାଗ୍ ସାପର୍ ବିସ୍ ପାରା ଆତେ ।
 ୧୪ ସେମନର୍ କାତା, ପିତା ଅଇ, ଅବିସାପେ ପୁରୁନ୍ ଅଇଆତେ ।
 ୧୫ ସେମନ୍ ମାର୍‌ବାକେ ଆରି ମରାଇବାକେ ତେରେପେତେ ଅଇଲାଇନି ।
 ୧୬ ସେମନ୍ ଜନ୍‌ବାଟେ ଗାଲାଇନି, ତେଇ କୁରୁପ୍‌ନାସ୍ ଅଇବାଟା ଆରି କସ୍‌ଟ ଅଇବାଟା ଉବଜ୍‌ଲାନି ।
 ୧୭ ସେମନ୍ ସାନ୍ତ୍ରୁ ବାଟ୍ ନାଜାନଡ଼,
 ୧୮ କି ପରମେସର୍‌କେ ଡର୍‌ବାଟା ସିକଡ଼ ନାଇ ।
 ୧୯ ଆମେ ଜାନ୍, ଜନ୍ ଲକ୍‌ମନ୍ ନିୟମର୍ ସାସନ୍ ତଲେ ଆତଡ଼, ତେଇର୍ ସବୁ ବିଦିବିଦାନ୍ ମାନ୍‌ବାକେ ବାଦିଅ ।
 ପରମେସର୍ ଜେଡେବଲ୍ ଗୁଲାଇ ଜଗତର୍ ବିଟାର୍ କରସି, ନିୟମ୍ ନ ମାନ୍‌ଲା ଲକ୍‌ମନ୍ କାଇ କାମ୍ ମିସା ଦେକାଇକରି,
 ଦସ୍ କରିନାଇ ବଲି କଇନାପାରଡ଼ ।
 ୨୦ *ମାତର୍ ନିୟମର୍ ରିଡିନିଡି ମାନିକରି କେ ମିସା ପରମେସର୍‌ର୍ ମୁଆଟେ ଦରମ୍ ଲକ୍ ଅଇନାପାରେ । ନିୟମେଅନି
 ସେ ଲକ୍ ଅବ୍‌କା ପାପର୍ ବଜ୍‌ସେ ପାଇସି ।

ବିସ୍‌ବାସ୍ କରି ଦରମ୍ ବଲାଇଅଇବାଟା

୨୧ ମାତର୍ ଏବେ ଲକ୍‌ମନ୍ ତାର୍ ମୁଆଟେ ଦରମ୍ ବଲି ଏଜାଇ ଅଇବାକେ, ପରମେସର୍ ଜନ୍‌ଟା ଜଜ୍‌ନା କରି ରଇଲା,
 ସେଟା ସେ ଆମ୍‌କେ ଜାନାଇଦେଲାଆତେ । ମାତର୍ ଏଟା ନିୟମ୍ ମାନ୍‌ଲାକେ ଅଏନାଇ । ଏ ଜଜ୍‌ନା ମସାର୍ ନିୟମେ ଆରି
 ବିନ୍ ବବିସଡ଼ବକ୍‌ତାମନର୍ ଟାନେ ମିସା ରଇଲା ।
 ୨୨ *ଉଜେ ଜିସୁକିରିସ୍‌ଟେକେ ବିସ୍‌ବାସ୍ କଲାକେ ଏବେ ଆମେ ପରମେସର୍‌ର୍ ଦେକ୍‌ବା ଇସାବେ ଦରମ୍ ଲକ୍ ବଲାଇ
 ଅଇଆରୁ । ପରମେସର୍ କେତେ ଲକ୍‌କେ ଆଲାଦ୍ କରି ଆରି କେତେକ୍ ଲକ୍‌କେ ଗିନ୍ କରେନାଇ । କିରିସ୍‌ଟେକେ
 ବିସ୍‌ବାସ୍‌କରବା ସବୁ ଲକ୍‌ମନ୍‌କେ ଏ ଅଦିକାର ଦେଲାଆତେ ।
 ୨୩ ସବୁ ଲକ୍ ପାପ୍ କଲାଇ ଆତଡ଼ ଆରି ପରମେସର୍‌ର୍ ପୁରାପୁରୁନ୍ ମଇମାଇଅନି ଉନା ଅଇଗାଲାଇ ଆତଡ଼ ।
 ୨୪ ମାତର୍ ପରମେସର୍ କିରିସ୍‌ଟ ଜିସୁର୍‌ତେଇଅନି ଇନାମେ ନ ସାର୍‌ବା ଜିବନ୍ ଦୁକାନି ଦାନ୍ କଲାଆତେ । ଜନ୍
 ଲକ୍‌ମନ୍ ସେଟା ମିଲାଇଆତଡ଼, ସେମନ୍‌କେ ମାପୁର୍ ଜିସୁ ମୁକ୍ତି ଦେଇସି । ସେମନ୍ ପରମେସର୍‌ର୍ ମୁଆଟେ ଦରମ୍
 ଲକ୍ ବଲାଇ ଅଇବାଇ ।
 ୨୫ ପରମେସର୍ ଜିସୁକେ ଦାନ୍‌କଲା, ଜେକ୍ତିକି ତାର୍ ମରନ୍, ତାକେ ବିସ୍‌ବାସ୍ କରବା ଲକ୍‌ମନର୍ ପାପ୍ କେମାର୍ ବାଟ୍
 ଦେକାଇସି । ସେ ନିଜର୍ ଦରମ୍ ଅଇଲାଟା ଦେକାଇବାକେ ଏଟା କଲା । ସେ ସବୁ ମୁରଚିକରି ଲକ୍‌ମନ୍ ଆଗ୍ରୁ କରିରଇବା
 ପାପ୍ ଦାରେ ନାଇ ।
 ୨୬ ମାତର୍ ଏବେ ସେ ତାର୍ ଦରମ୍ ଅଇଲାଟା ଦେକାଇବାକେ ସେ ସବୁ ପାପ୍, ଜନ୍ ପାପ୍ କି ଜିସୁ କୁର୍‌ସକାଟେ
 ଦାରିରଇଲା, ତେଇ ମିସାଇ ଆତେ । ଏଟାର୍‌ଲାଗି ପରମେସର୍ ପୁରାପୁରୁନ୍ ଦରମ୍ ଆତେ । ଆରି ଜେଡ଼କି ଲକ୍ ଜିସୁକେ
 ବିସ୍‌ବାସ୍ କରବାଇ ସେ ସବୁ ଦରମ୍ ଲକ୍ ବଲି ଏଜାଇଅଇବାଇ ।
 ୨୭ ସେନ୍ତାର୍‌ଆଲେ ଆମେ କାଇ ବିସଇନେଇ ବଡ଼ପନ୍ ଅଇବାର୍ ଆତେ ? ନାଇ ସେକ୍ତି କାଇଟା ମିସା ନାଇ । ଆମେ
 ବଡ଼ପନ୍ ଦେକାଇବାକେ କାଇ ବିସଇ ଆତେ କି ? ଆମେ ପୁରାପୁରି ନିୟମ୍ ମାନ୍‌ଲୁନି ବଲିକରି କି ? ନାଇ, ଅବ୍‌କା
 ବିସ୍‌ବାସ୍ କରବାଟାସେ ଆମର୍ ବଡ଼ପନ୍ ଦେକାଇବାଟା ।
 ୨୮ ଆମେ ସତଇସେ ବୁଜି ପାର୍‌ଲୁ ଜେ, ଗଟେକ୍ ଲକ୍ ଅବ୍‌କା ବିସ୍‌ବାସ୍ କରିସେ ଦରମ୍ ଲକ୍ ବଲାଇ ଅଇସି, ନିୟମ୍
 ମାନିକରି ନାଇ ।
 ୨୯ ପରମେସର୍ କାଇ ଉଜେ ଜିଉଦିମନର୍‌ସେ ପରମେସର୍ କି ? ସେ କାଇ ଜିଉଦିନଇଲା ଲକ୍‌ମନର୍ ପରମେସର୍
 ନର୍‌କି ? ସତଇସେ ସେ ସବୁ ଲକ୍‌ର୍ ପରମେସର୍ ।
 ୩୦ *ପରମେସର୍ ଗଟେକ୍‌ସେ । ଜିଉଦି ଆରି ଜିଉଦିନଇଲା ଲକ୍‌ର୍ ପାଇ ସମାନ୍ । ସେମନର୍ ବିସ୍‌ବାସ୍ ପାଇ
 ସେମନ୍‌କେ ଦରମ୍ ଲକ୍ ଇସାବେ ବାଟ୍‌ସି ।

୩୧ ଏଟାର ଅରତ୍ କାଲଟା, ଏନ୍ତାରି ବିସ୍ବାସ୍ କରି ନିୟମ୍ ନସାଇଦେଉଁ କି ? ନାଇ, ଆମେ ଜଦି ଜିସୁକିରିସ୍ଟକେ ବିସ୍ବାସ୍ କରୁ ବଇଲେ, ନିୟମ୍‌କେ ମିସା ତାଟ୍ କରୁ ।

୪

ବିସ୍ବାସ୍‌ଲାଗି ଅବ୍ରାଆମ୍ ଦରମ୍ ଅଇଲା

୧ ଆମର୍ ବାବା ଅବ୍ରାଆମର୍ ବିସଇନେଇ କାଲଟା ବଲି କଉଁ ? ସେ ଆମର୍ ଜିଉଦି ବସ୍‌ର୍ ଆନିଦାଦି ରଇଲା । ସେ କେନ୍ତ୍ର ଦରମ୍ ବଲାଇ ଅଇଲା ?

୨ ଜଦି ଅବ୍ରାଆମ୍ ନିଜର୍ କରିରଇବା କାମେଅନି ସେ ପରମେସରର୍ ମୁଆଟେ ଦରମ୍ ଲକ୍ ବଲାଇ ଅଇତା, ସେ ବଡ୍‌ପନ୍ କାତା କଇପାରତା । ମାତର୍ ସେଟା ପରମେସରର୍ ମୁଆଟେ ଅଇ ନାପାରେ ।

୩ *ସାସ୍ତର୍ ଇସାବେ, “ଅବ୍ରାଆମ୍ ପରମେସରର୍‌ତେଇ ବିସ୍ବାସ୍ କଲା, ଆରି ଏ ବିସ୍ବାସ୍‌ର୍ ଲାଗି ପରମେସର୍ ତାକେ ଦରମ୍‌ଲକ୍ ଇସାବେ ନିଜର୍ କଲା ।”

୪ ଜେ କାମ୍ କରସି ସେ ବୁଡି ପାଇସି ଆକା । କାରଟାନେଅନି ଦାନ୍ ଇସାବେ ନ ପାଏ ।

୫ ମାତର୍ ଜେ ନିଜର୍ ଉପ୍ରେ ଆସା ନ କରି, ପରମେସରର୍‌ତେଇ ବିସ୍ବାସ୍ କରସି, ତାର୍ ବିସ୍ବାସ୍‌ର୍ ଲାଗି, ଅପ୍ରେଦର୍ ଦସ୍ ନ ଦାରି ଚାଡିଦେବା ପରମେସର୍, ତାକେ ଦରମ୍‌ଲକ୍ ଇସାବେ ତାକ୍ସି ।

୬ ଜନ୍ ଲକ୍‌ର୍ ରିଡିନିଡି ନ ଦେକି ପରମେସର୍ ତାକେ ଦରମ୍‌ଲକ୍ ବଲି ତାକ୍ସି, ସେନ୍ତାରି ଲକ୍‌ର୍ ବିସଇନେଇ ଦାଉଦ୍ କଇଆଟେ,

୭ ଜାର୍ ଦସ୍ ଦଇଅଇଲା ଆଟେ ସେ କେଡେ କରମର୍ ଲକ୍ ।

ଜେ ପାପ୍‌କେମା ପାଇଲାଆଟେ ସେ କେଡେ କରମର୍ ଲକ୍ ।

୮ ମାପ୍‌ରୁ ଜାର୍ ପାପ୍‌ର୍ ଇସାବ୍ ନ କରେ, ସେ କେଡେ କରମର୍ ଲକ୍ !

୯ ଇଡି ଦାଉଦ୍ ଜନ୍ ଲକ୍‌ମନ୍‌କେ କେଡେ କରମର୍ ଲକ୍ ବଲି କଇଲାଆଟେ, ସେମନ୍‌ର୍ ବିଡ୍‌ରେ କାଇ ଅବ୍‌କା ସୁନଡ୍ ଅଇଲା ଲକ୍‌ସେ ରଇଲାଇ କି ? ନାଇ, ସୁନଡ୍ ନ ଅଇଲା ଲକ୍ ମିସା କେଡେ କରମର୍ ଲକ୍ ଅଇପାରତ୍ । ଆମେ କଇଲୁନି ଅବ୍ରାଆମ୍ ବିସ୍ବାସ୍ କଲାକେସେ ଦରମ୍ ଲକ୍ ଇସାବେ ଏଜାଇଅଇଲା,

୧୦ ଏଟା କେଡେବେଲେ ଗଟିରଇଲା ? ଅବ୍ରାଆମ୍ ସୁନଡ୍ ଅଇଲା ପଟେ କି, ତାର୍ ଆଗତୁ ? ଆଗତୁ, ପଟେ ନାଇ ।

୧୧ ସୁନଡ୍ ଅଇବା ଆଗତୁ, ଅବ୍ରାଆମର୍ ବିସ୍ବାସ୍ ଲାଗି ପରମେସର୍ ତାକେ ଦରମ୍ ଲକ୍ ଇସାବେ ତାକି ରଇଲା । ଏଟା ଜାନାଇବାକେ ଗଟେକ୍ ଚିନ୍‌ପାରା ଅବ୍ରାମ୍ ଏ ସୁନଡ୍‌ବିଦି କର୍‌ବାଟା ନାମି ରଇଲା । ଜେନ୍ତାରିକି ଜନ୍ ଲକ୍‌ମନ୍ ସୁନଡ୍ ନ ଅଇକରି ମିସା, ବିସ୍ବାସ୍ କର୍‌ବାଇ, ସେମନ୍ ଦରମ୍‌ଲକ୍ ବଲି ଏଜାଇ ଅଇବାଇ । ସେଟାପାଇ ଗାଗଡ୍ ଇସାବେ ଅବ୍ରାଆମ୍ ସେମନ୍‌ର୍ ବାବା ବଲାଇଅଇସି,

୧୨ ଅବ୍ରାଆମ୍ ସୁନଡ୍ ଅଇବା ଆଗତୁ ବିସ୍ବାସ୍‌ର୍ ଜନ୍ ଚିନ୍ ଦେଇରଇଲା, ଜଦି ସୁନଡ୍ ନଇଲା ଲକ୍‌ମନ୍ ନିଜର୍ ଜିବନେ ସେ ରକାମ୍ ବିସ୍ବାସ୍ ଦେକାଇ ପାର୍‌ବାଇ ବଇଲେ, ଅବ୍ରାଆମ୍ ସେମନ୍‌ର୍ ମିସା ବାବା ।

ପରମେସର୍ ବିସ୍ବାସିମନ୍‌କେ ଦେଇରଇବା କାତା

୧୩ *ଅବ୍ରାଆମ୍ ନିୟମ୍ ମାନ୍‌ଲାର୍ ପାଇ ନାଇ, ଅବ୍‌କା ବିସ୍ବାସ୍ କଲାପାଇ ସେ ଦରମ୍ ଲକ୍ ବଲି ଏଜାଇଅଇରଇଲା । ଆରି ସେଟାପ୍ ପାଇ, ସେ ଆରି ତାର୍ କୁଟୁମର୍ ଲକ୍‌ମନ୍ ଜଗତର୍ ଅଦିକାରି ଅଇବାଇ ବଲି ପରମେସର୍ କାତା ଦେଇରଇଲା ।

୧୪ *ଜନ୍ ଲକ୍‌ମନ୍ ନିୟମ୍ ମାନ୍‌ବାଇ, ଅବ୍‌କା ସେମନ୍‌ସେ ଜଦି ପରମେସରର୍ ଦାନ୍ ପାଇବାଇ, ତେବେ ଲକ୍‌ମନ୍‌ର୍ ବିସ୍ବାସ୍ ଚୁଟାଇ ଅଇସି । ପରମେସର୍ ଦେଇରଇବା କାତା ମିସା ଚୁଟାଇସେ ।

୧୫ ନିୟମ୍ ନ ମାନ୍‌ଲାର୍‌ପାଇ ଲକ୍‌ମନ୍ ପରମେସରର୍ ବଡ୍ ରିସାଇ ପଡ୍‌ବାଇ । ମାତର୍ ଜନ୍ତ୍ର ନିୟମ୍ ନାଇ, ତେଇ ନିୟମ୍ ନ ମାନ୍‌ବା କାତା ଉଟେ ନାଇ ।

୧୬ * “ସେଟାପାଇ ପରମେସର୍ କାତା ଦେଇରଇବାଟା ବିସ୍ବାସ୍ ଲାଗି ରଇସି । ଜନ୍ ଲକ୍‌ମନ୍ ନିୟମ୍ ମାନ୍‌ବାଇ, ଅବ୍‌କା ସେମନ୍‌ର୍ ପାଇସେ ପରମେସର୍ କାତା ଦେଏ ନାଇ । ଅବ୍ରାଆମର୍ ପାରା ବିସ୍ବାସ୍ କର୍‌ତେ ରଇବା ସବୁର୍ ପାଇ ସେଟା ଲଡା । କାଇକେବଇଲେ ଅବ୍ରାମ୍ ସେମନ୍‌ର୍ ଆଡ୍‌ମା ଇସାବେ ରଇବା ବାବା ।”

୧୭ ଏ ବିସଇ ସାସ୍ତରେ ଲେକାଆଟେ “ତକେ ଆମେ ସବୁ ବସ୍‌ର୍ ବାବା କରିଆତୁ ।” ପରମେସରର୍ ଇସାବେ ଏ କାତା ଦେଲାଟା ଟିକ୍ ରଇଲା, କାଇକେ ବଇଲେ ଜନ୍ ପରମେସର୍‌କେ ଅବ୍ରାଆମ୍ ବିସ୍ବାସ୍ କର୍‌ତେ ରଇଲା, ସେ ପରମେସରର୍ ବାକିଅ ମଲା ଲକ୍‌ମନ୍‌କେ ଜିବନ୍ କର୍‌ସି ଆରି କାଇଟା ନଇଲାତେଇଅନି ସବୁ ବିସଇ ତିଆର୍ କର୍‌ସି ।

୧୮ ଆସା କର୍‌ବାକେ କାଇଟା ନ ରଇଲେ ମିସା, ଅବ୍ରାଆମ୍ ବିସ୍ବାସ୍ କରି ଆସାଅଇ ରଇଲା । ସେଟାପ୍ ପାଇ ସେ ସବୁ ବସ୍‌ର୍ ବାବା ଅଇଲା, କାଇକେ ବଇଲେ ସେ ସାସ୍ତରେଅନି କାତା ମିଲାଇରଇଲା, “ ତାର୍ କୁଟୁମର୍ ଲକ୍‌ମନ୍ ଏଜି ନାପାର୍‌ବା ଆକାସର୍ ତାରାପାରା ଅଇବାଇ ।”

* ୪:୩ ଗାଲାତିୟ ୩:୬ * ୪:୧୩ ଗାଲାତିୟ ୩:୨୯ * ୪:୧୪ ଗାଲାତିୟ ୩:୧୮ * ୪:୧୭ ଗାଲାତିୟ ୩:୭

୧୯ ତାକେ ସେତକିବେଲେ ସଏ ବରସ୍ ଅଇରଇଲା । ମାତର୍ ତାକର୍ ମଲାପାରା ଗାଗତର୍ କାତା ବାବି, କି ସାରା ଜେକି ଆରି ପିଲା ପାଇ ନାପାରେ, ଏ କାତା ଜାନିକରି ମିସା, ତାକର୍ ବିସ୍ବାସ୍ ଉନା ଅଏନାଇ ।

୨୦ ସେ ତାର୍ ବିସ୍ବାସେଅନି ବିନେ ବେଗଲେ ନାଇ, କି ପରମେସର୍ ଦେଇରଇବା କାତା ଅଇସି କି ନଏଁ ବଲି କଏନାଇ । ସେ ବିସ୍ବାସ୍ କରି ବପୁ ସଙ୍ଗ୍ ପୁରାପୁରୁନ୍ ଅଇଲା ଆରି ସେ ପରମେସର୍‌କେ ଡାକ୍‌ପୁଟା କଲା ।

୨୧ “ପରମେସର୍ ଜନ୍ କାତା ଦେଇରଇଲା, ସେଟା ସେ କର୍ସି ଆକା ବଲି ତାଟ୍‌ସଙ୍ଗ୍ ବିସ୍ବାସ୍ କଲା ।”

୨୨ ସେ ବିସ୍ବାସର୍ ଲାଗି ଅବ୍ରାଆମ୍ ପରମେସର୍ ଦେକ୍‌ବା ଇସାବେ ଦରମ୍ ଲକ୍ ବଲି ଏଜାଇଅଇଲା ।

୨୩ ଦରମ୍ ଲକ୍ ଇସାବେ ଏଜାଇଅଇବାଟା ସାସ୍‌ତରର୍ କାତା, ଉଜେ ଅବ୍ରାମ୍‌କେସେ ଅଇସି, ସେନ୍ତାରି ନାଇ ।

୨୪ ସେଟା ଆମର୍‌ପାଇ ମିସା ଲେକାଅଇଆଟେ । ଆମେ ମିସା ପରମେସର୍‌କେ ବିସ୍ବାସ୍ କଲେ ଦରମ୍ ଲକ୍ ବଲି ଏଜାଇଅଇବୁ । ସେ ମାପୁରୁ ଜିସୁକେ ମଲାତେଇଅନି ଆରି ତରେକ୍ ଜିବନ୍ କରି ଉଟାଇଲା ଆଟେ ବଲି ବିସ୍ବାସ୍ କଲୁନି ।

୨୫ ମାପୁରୁ ଜିସୁ ଆମର୍ ପାପର୍ ଲାଗି ମରିରଇଲା ଆରି ପରମେସର୍‌ତେଇ ଆମ୍‌କେ ଦରମ୍ ଲକ୍ କରାଇବାକେ ଆରି ତରେକ୍ ଜିବନ୍ ଅଇ ଉଟ୍‌ଲା ।

୫

ପରମେସର୍ ସଙ୍ଗ୍ ମିସିବିଡିରଇବାଟା

୧ ଏବେ ଆମେ ବିସ୍ବାସ୍ କଲାର୍ ପାଇ ପରମେସର୍ ଦେକ୍‌ବା ଇସାବେ ଦରମ୍ ଲକ୍ ବଲାଅଇଲୁ ଆରୁ ଆରି ମାପୁରୁ ଜିସୁ କିରିସ୍‌ଟର୍ ଲାଗି ପରମେସର୍ ସଙ୍ଗ୍ ସାନ୍ତି ସଙ୍ଗ୍ ଆରୁ ।

୨ କାଇକେବଇଲେ ଆମେ ବିସ୍ବାସ୍ କଲାର୍ ପାଇସେ ତାର୍ ଜିବନ୍ ଦୁକାଇଲାଟାନେ ଆମ୍‌କେ ଆନି ଆଟେ । ଜନ୍‌ତେଇ କି ଏବେ ଆମେ ଆରୁ । ଆମେ ବେସି ସାର୍‌ଦା ସଙ୍ଗ୍ ବଡ୍‌ପନର୍ କାତା କଇବୁ । କାଇକେବଇଲେ ପରମେସର୍‌ଟେ ଡାକ୍‌ପୁଟାଟେଇ ମିସୁ ବଲି ଆମ୍‌କେ ଆସା ଆଟେ ।

୩ ସବୁ ରକାମର୍ ଦୁକ୍ କସ୍‌ଟ ମୁରଟି କରି ସାର୍‌ଦା ଅଇଲୁନି, କାଇକେବଇଲେ ତେରେପେତେ ନ ଅଇ କସ୍‌ଟ ମୁରଟ୍‌ଲେ, ମନେ ସାଆସ୍ ଆଇସି ।

୪ ସାଆସ୍ ଦାରି ରଇଲେ ପରମେସର୍ ସାର୍‌ଦା ଅଇସି । ତାର୍ ସାର୍‌ଦାଅନି ଆସା ଆଇସି ।

୫ ଏ ଆସା ଆମ୍‌କେ ମୁରୁରୁ ଅଇବାକେ ନ ଦେଏ, କାଇକେ ବଇଲେ ପରମେସର୍ ଆମ୍‌କେ ସୁକଲ୍‌ଆଡ୍‌ମା ଦେଇ କରି ଆମର୍ ମନେ ତାର୍ ଆଲାଦ୍ ବର୍‌ତି କରିଦେଲାଆଟେ । ସୁକଲ୍‌ଆଡ୍‌ମା ଆମର୍ ପାଇ ରଇବା ପରମେସର୍‌ଟେ ଦାନ ।

୬ ଆମ୍‌କେ କେ ମିସା ଆକାସାକା ନ ରଇଲା ବେଲେ, ପରମେସର୍ ଟିକ୍ କଲା ବେଲାଇ କିରିସ୍‌ଟ ପାପିମନର୍ ପାଇ ମଲା ।

୭ ଦରମ୍ ଲକ୍‌ଟେ ପାଇ କେ ମିସା ଗଟେକ୍ ଲକ୍ ମର୍‌ବାଟା ଆମେ ନାଜାନୁ, ମାତର୍ ଏନ୍ତାରି ମିସା ଅଇସି ଜେ, ଗଟେକ୍ ନିମାନ୍ ଲକ୍‌ଟେପାଇ ନିଜର୍ ଜିବନ୍ ଦେବାକେ କେ ଆଲେ ସାସ୍ କର୍‌ବାଇ ।

୮ ମାତର୍ ଆମେ ପାପି ରଇଲାବେଲେ ଜିସୁ ଆମର୍ ପାଇ ନିଜର୍ ଜିବନ୍ ସର୍‌ପିଦେଲା । ଇତିଅନି ପରମେସର୍ ଆମ୍‌କେ କେତେକ୍ ଆଲାଦ୍ କଲାନ୍ତି, ସେଟା ଜାନାପତିଆଟେ ।

୯ କିରିସ୍‌ଟର୍ ବନିର୍‌ଲାଗି ପରମେସର୍ ଆମ୍‌କେ ଦରମ୍ ଲକ୍ କଲାଆଟେ । ସେନ୍ତି ଆଲେ ପରମେସର୍‌ଟେ ବଡ୍ ରିସାଇଅନି ଆମ୍‌କେ ରକିଆ କର୍‌ବାକେ କିରିସ୍‌ଟ କେତେକ୍ ମନ୍‌ଦିଆନ୍ ନ ଦେଏ !

୧୦ ଆମେ ପରମେସର୍‌ଟେ ସତ୍‌ରୁ ରଇଲାବେଲେ ତାର୍ ପିଲା ଆମର୍ ପାଇ ଜିବନ୍ ଦେଲା । ତେଇଅନି ପରମେସର୍ ସଙ୍ଗ୍ ଆମେ ଆରିତରେକ୍ ଜଡିଅଇଲୁ । ତାର୍ ସଙ୍ଗ୍ ଆରିତରେକ୍ ଜଡିଅଇଲା ପଟେ, ଏବେ କିରିସ୍‌ଟର୍ ଜିବନ୍‌ଟେ ଲାଗି ଆମେ ରକିଆ ପାଇବାକେ କେତେକ୍ ଅଦିକ୍ ନ ପାଉ ?

୧୧ ଅବ୍‌କା ସେତକିସେ ନଏ, ମାପୁରୁ ଜିସୁକିରିସ୍‌ଟର୍ ତେଇଅନି ପରମେସର୍ ଜନ୍ ସବୁ କାମ୍ କଲାଆଟେ, ସେଟାର୍ ପାଇ ଆମର୍ ମନ୍ ଉଡୁକ୍‌ଦୁଡୁକ୍ ଆରି ସାର୍‌ଦାଇ ପୁରୁନ୍ ଅଇଆଟେ । ସେ ଜିସୁ ପରମେସର୍ ସଙ୍ଗ୍ ଆମ୍‌କେ ଆରିତରେକ୍ ମିସାଇଲା ଆଟେ ।

ଆଦମ୍ ଆରି କିରିସ୍‌ଟ

୧୨ ପର୍‌ତମେ ଗଟେକ୍ ଲକ୍‌ସେ ପାପ୍ କରିରଇଲା । ଆରି ପାପର୍ ଲାଗି ମରନ୍ ଆଇଲା । ସବୁ ଲକ୍ ପାପ୍ କଲାର୍ ପାଇ ମରନ୍ ସବୁ ମୁନ୍‌ସ୍ ଜାତିକେ ଡାବିଅଇଲା ।

୧୩ ନିୟମ୍ ମିଲ୍‌ବା ଆଗତୁ ଲକ୍‌ମନ୍ ପାପ୍ କର୍‌ତେରଇଲା । ମାତର୍ ନିୟମ୍ ନ ରଇବାଟାନେ ପାପର୍ ଇସାବ୍ ନ ଅଇତେରଇଲା ।

୧୪ ଆଦମ୍‌ଟେ ବେଲାଅନି ମସାର୍ ବେଲା ଜାକ, କେ ଆଦମ୍‌ଟେ ପାରା କାତା ନ ମାନି, ସେ କରି ରଇବା ପାପ୍ ପାରା ନ କରିରଇଲେ ମିସା, ସବୁ ଲକ୍ ମଲା । ଜେ ଆଇବାର୍ ରଇଲା, ସେ ଆଦମ୍‌ଟେ ଗଟେକ୍ ରୁପ୍ ।

୧୫ ମାତର୍ ପରମେସର୍‌ଟେ ଇସାବ୍ ନଇଲା ଦାନ ଆରି ଆଦମ୍‌ଟେ ପାପ୍ ବିଡ୍‌ରେ କେତେକ୍ କେତେକ୍ ଦୁର୍ ଆଟେ । ଗଟେକ୍ ଲକ୍‌ଟେ ପାପର୍ ପାଇ ବେସି ଲକ୍‌ଟେ ମରନ୍ ଅଇଲା । ମାତର୍ ପରମେସର୍ ତାର୍ ଜିବନ୍‌ଦୁକାଇଲାକେ, ଲକ୍‌ମନ୍‌ଟେ

ପାଇ ଆରି ଗଟେକ୍ ଲକ୍‌କେ ଇନାମେ ଦେଲା । ସେ ବଡ଼ ଇନାମ୍ ଜିସୁ କିରିସ୍‌ଟର୍ ଜିବନ୍ ଦୁକାଇଲାକେ ପୁରାପୁରୁନ୍ ଅଇଲା ।

୧୬ ସେ ଗଟେକ୍ ପାପ୍ କାମ୍ ଅଇଲା ପତେ ସବୁ ମୁନୁସ୍ ଜାତି ବିଚାର୍‌ନା ଜାଗାଇ ଚିଆଅଇ ଦସି ବଲାଇ ଅଇଲା । ମାତର୍ ଏବେ ଜବର୍ ଲକ୍‌କର୍ ପାପର୍ ଲାଗି ଲକ୍‌ମନର୍ ଆସା ନ ରଇଲେ ମିସା, ପର୍‌ମେସର୍ ଦାନ୍ କଲାକେ ଦସି ନାଇ ବଲି ଏଜାଇଅଇଲା ।

୧୭ ଏଲେମିସା ଗଟେକ୍ ମୁନୁସର୍ ପାପର୍ ପାଇ ସବୁ ଲକ୍‌କେ ମରନର୍ ଡଣ୍ଡୁ ଆଇଲା । ମାତର୍ ସେ ଗଟେକ୍ ମୁନୁସ୍ ଜନ୍‌ଟାକି କିରିସ୍‌ଟ, ଜାଇଟା କଲାଆତେ ସେଟା କେଡେକ୍ ବଡ଼ ବିସଇ ! ଜେଡେକ୍ ଲକ୍‌ ପରମେସର୍ ବଡ଼ ଜିବନ୍‌ଦୁକାଇଲାଟା ଜବର୍ ଅଇତେ ଇନାମେ ମିଲାଇଆତଡ଼, ସେମନ୍ ଜିସୁକିରିସ୍‌ଟର୍ ବାଟେଅନି ସବୁ ଲକ୍‌ ତାର୍‌ଟାନେ ଦରମ୍ ବଲାଇ ଅଇବାଇ । ସେମନ୍ କିରିସ୍‌ଟର୍ ସଙ୍ଗ୍ ଜିତି କରି ଜିଉନା କାଉନା କରି ସାସନ୍ କର୍‌ବାଇ ।

୧୮ ଗଟେକ୍ ଲକ୍‌କର୍ ପାପ୍ ଜେନ୍ତି ଗୁଲାଇ ଲକ୍‌କେ ଡଣ୍ଡୁ ଆନାଇଲା, ସେନ୍ତିସେ ଗଟେକ୍ ଲକ୍‌କର୍ ଦରମ୍ ଗୁଲାଇ ଲକ୍‌କର୍‌ପାଇ ମୁକ୍ତି ଆରି ନ ସାର୍‌ବା ଜିବନ୍ ଆନିଦେଲାଆତେ ।

୧୯ ଗଟେକ୍ ଲକ୍‌ ଆଦେସ୍ ନ ମାନିଲାର୍ ପାଇ ଜେନ୍ତିକି ସବୁ ଲକ୍‌ ପାପି ଅଇଲା, ସେନ୍ତି ଗଟେକ୍ ଲକ୍‌ ଆଦେସ୍ ମାନିଲେ ପରମେସର୍‌ର ମୁଆଟେ ଦରମ୍ ଲକ୍‌ ବଲାଇଅଇବାଇ ।

୨୦ ନିୟମ୍ ଚାଲିଲାର୍ ପାଇ କାରାପ୍ କାମ୍ ବଡ଼ଲା । ମାତର୍ ପାପ୍ ବଡ଼ି ବଡ଼ି ଗାଲାକେ ପରମେସର୍‌ର ଜିବନ୍‌ଦୁକାନି ମିସା ବେସି ବଡ଼ଲା ।

୨୧ ପାପ୍ ଜେନ୍ତିକି ସବୁର୍‌ପାଇ ମରନର୍ ଡଣ୍ଡୁ ଆନିରଇଲା, ସେନ୍ତି ପରମେସର୍‌ର ଜିବନ୍‌ଦୁକାନି ମାପୁରୁ ଜିସୁ କିରିସ୍‌ଟର୍ ସାଇଜେ ଅନି ଆମ୍‌କେ ଦରମ୍ ବାଟେ ଡାକିନେଇ ନ ସାର୍‌ବା ଜିବନ୍ ଦେଇସି ।



ପାପରଲାଗି ମରନ୍, ମାତର୍ କିରିସ୍‌ଟ ସଙ୍ଗ୍ ମିସ୍‌ଲାର୍‌ପାଇ ନ ସାର୍‌ବା ଜିବନ୍

୧ ସେନ୍ତିଆଲେ କାଇଟା କଉଁ ? ପରମେସର୍‌ର ଜିବନ୍‌ଦୁକାନି ଆରି ଅଦିକ୍ ମିଲ୍‌ସି ବଲି ଆମେ କାଇ ଆରି ସେ ପାପେ ରଇକରି ଚଲାଚଲ୍‌ତି କରୁ କି ?

୨ ନାଇ କେବେ ନାଇ । ପାପ୍ କର୍‌ବା ବିସଇତେଇ ଆମେ ମରିଗାଲୁଆରୁ । ଆରି କେନ୍ତି ପାପ୍ କର୍‌ତେସେ ରଇରୁ ?

୩ ତମେ ଜାନାସ୍, ତୁବନ୍ ନେଲାକେ ଜିସୁକିରିସ୍‌ଟର୍ ସଙ୍ଗ୍ ମିସିକରି ଆମେ ତାର୍ ମରନେ ମିସା ମିସିଆରୁ ।

୪ *ସେଟାର୍‌ପାଇ ତୁବନ୍ ନେଲାପତେ ଆମେ ତାର୍ ମରନେ ମିସି, ତାର୍ ସଙ୍ଗ୍ ତପି ଅଇଲୁଆରୁ । ସେ ଜେନ୍ତାରି ବାବାର୍ ଡାକ୍‌ପୁଟା ବପୁ ସଙ୍ଗ୍ ଆରିତରେକ୍ ଉଟ୍‌ଲା, ଆମେ ମିସା ସେନ୍ତାରି ନୁଆ ଜିବନ୍ ପାଇକରି ଚଲାଚଲ୍‌ତି କର୍‌ବାର୍ ଆତେ ।

୫ କାଇକେବଇଲେ ଆମେ ମରନେ ମିସି ତାର୍ ସଙ୍ଗ୍ ଗଟେକ୍ ଅଇଲୁ ଆରୁ, ତାକେ ଆରିତରେକ୍ ଉଟ୍‌ବାତେଇ ମିସା, ତାର୍ ସଙ୍ଗ୍ ଗଟେକ୍ ଅଇକରି ରଇରୁ ।

୬ ଆମେ ଜାନିଆରୁ, କିରିସ୍‌ଟର୍ ସଙ୍ଗ୍ କୁର୍‌ସେ ଆମର୍ ପୁର୍‌ନା ଜିବନ୍ ମରିଗାଲାଆତେ । ତେଇଅନି ଆମର୍ ପାପର୍ ଚଲାଚଲ୍‌ତି କୁରୁପ୍‌ନାସ୍ ଅଇଲା ଆତେ ଆରି ଆମେ ପାପର୍ ଗଡ଼ିଅନି ମୁକ୍‌ଲିଆରୁ ।

୭ କାଇକେବଇଲେ ମୁନୁସ୍ ମରିଗାଲେସେ, ପାପର୍ ବାନ୍‌ନେଅନି ରକିଆ ପାଇସି ।

୮ ଆମେ ଜିସୁର୍ ସଙ୍ଗ୍ ମରିରଇଲାର୍ ପାଇ, ତାର୍ ସଙ୍ଗ୍ ମିସା ଜିବନ୍ ଅଇରୁ ବଲି ବିସ୍‌ବାସ୍ କଲୁନି ।

୯ ଆମେ ଜାନୁ, କିରିସ୍‌ଟ ମଲାତେଇଅନି ଉଟ୍‌ଲାର୍‌ପାଇ, ସେ ଆରି କେବେ ମିସା ନ ମରେ । ତାର୍ ଉପ୍‌ରେ ଆରି କେବେ ମରନର୍ ସାସନ୍ ନ ଚାଲେ ।

୧୦ ସେ ଜନ୍ ମରନ୍ ପାଇଲା, ତାର୍‌ଲାଗି ପାପର୍ ବପୁତେଇଅନି ଏକାତରେକ୍ ଆମ୍‌କେ ମୁକ୍‌ଲାଇଲା । ସେ ଏବେ ଜନ୍ ଜିବନେ ଜିଇଲାନି, ସେଟା ପରମେସର୍ ସଙ୍ଗ୍ ମିସିକରି ରଇଲା ଜିବନ୍ ।

୧୧ ସେନ୍ତାରି ତମେ ମିସା ପାପେ ମରିଜାଇଆରୁ ବଲି ଏତାଆ । ତମେ ଏବେ କିରିସ୍‌ଟ ଜିସୁର୍ ଜିବନେଅନି ପରମେସର୍ ସଙ୍ଗ୍ ମିସିଲାସ୍ ।

୧୨ ତମର୍ ନସିଜିବା ଗାଗଡ଼ ଉପ୍‌ରେ ଆରି ପାପ୍ ଅଦିକାର୍ ନ କର, ସେଟାର୍‌ପାଇ ଆମର୍ ଏ ଗାଗଡ଼ ମନ୍‌କର୍‌ବା କାରାପ୍ ବିସଇ ମାନିକରି ରୁଆନାଇ ।

୧୩ କାରାପ୍ କାମର୍ ଲାଗି ଆମର୍ ଗାଗଡ଼ କଣ୍ଠେକ୍ ବାଗ୍ ମିସା ପାପ୍ କର୍‌ବାକେ ଦିଆସ୍‌ନାଇ । ମାତର୍ ଦରମ୍ କାମ୍ କର୍‌ବାପାଇ ତମର୍ ଗୁଲାଇ ଗାଗଡ଼ ତାକେ ସର୍‌ପି ଦିଆସ୍ । ପର୍‌ମେସର୍ ତମ୍‌କେ ମରନେଅନି ଜିବନ୍ କରି ଆନିଲାଆତେ ।

୧୪ କାଇକେ ବଇଲେ ପାପ୍ ତମର୍ ଉପ୍‌ରେ ସାସନ୍ ନ କର । ତମେ ଆରି ନିୟମର୍ ତଲେ ନାଇ । ମାତର୍ ପରମେସର୍‌ର ଜିବନ୍‌ଦୁକାନି ଅନି କାଇଟା ନ ଅଇତେ ଆଗାସ୍ ।

ଦରମ୍ ଗଡ଼ିଦାଙ୍ଗ୍‌ଡା

☆ ୬:୪ ରମିୟ ୨:୧୨

୧୫ ସେନ୍ତ୍ରୀଆଲେ ଆମେ ନିୟମର ତଲେ ନ ରଇ, ପରମେସରର ଜିବନ୍ଦୁକାନି ପାଇଲୁ ଆରୁ ବଲି ପାପ କରତେ ରଉଁ କି ? ନାଇ, କେବେ ମିସା ନଏ ।

୧୬ ଏଲେ ମିସା ତମେ ଜାନିଆରାସ, ଜଦି ତମେ କାକେ ତର ତଲେ ଆକା ମୁଇ ବଲି କଇକରି ତାର ପୁରାପୁରୁନ୍ କାତାମାନସା ବଇଲେ, ତମେ ତାର ଗେନଲା ଗତିଦାଙ୍ଗତା । ଜଦି ପାପର ଗତିଦାଙ୍ଗତା ଅଇସା, ଏଟାର ଦସା ଅଇସି ମରନ୍, ଜଦି ଦରମର ବାଟେ ଇଣ୍ଡସା, ବଇଲେ ନ ସାରବା ଜିବନ୍ ପାଇସା ।

୧୭ ମୁଇ ପରମେସରକେ ଦନିଅବାଦ୍ କଲିନି, ତମେ ଗଟେକ୍ ବେଲାଇ ପାପର ଗତିଦାଙ୍ଗତା ଅଇରଇଲାସ୍ ମିସା, ଏବେ ଜନ୍ ସିକିଆ ଟାନେ ପାଇରଇବା ସଡ୍, ପୁରାପୁରୁନ୍ ମନ୍ଦେଇକରି ନାମଲାସ୍ନି ।

୧୮ ଏବେ ତମେ ପାପେଅନି ମୁକଲିକରି ଦରମର ଗତିଦାଙ୍ଗତା ଅଇଆରାସ୍ ।

୧୯ ଗଟେକ୍ ବେଲାଇ ତମେ ତମର ଗୁଲାଇ ଗାଗଡ୍, ମନ୍, ପରାନ୍, ଅସୁକଲ୍ ଆରି କାରାପ୍ ଚଲାଚଲ୍ତି କରବାକେ ଗତିଦାଙ୍ଗତା ଅଇ ସର୍ପି ଦେଇରଇଲାସ୍ । ସେନ୍ତ୍ରୀସେ ସୁକଲ୍ ଆରି ଦରମ୍ ଚଲାଚଲ୍ତିପାଇ ଦରମର ଲଗେ ନିଜ୍ଜକେ ପୁରାପୁରୁନ୍ ସର୍ପିଦିଆସ୍ ।

୨୦ ତମେ ପାପର ଗତିଦାଙ୍ଗତା ରଇଲାବେଲେ, ଦରମ୍ ଜିବନ୍ ଜିଇବାକେ ମୁରମୁରା ଅଇରଇଲାସ୍ ।

୨୧ ଏବେ ତମକେ ଜନ୍ କାମମନ୍ କରବାକେ ଲାଜ୍ଲାଗ୍ଲାନି, ସେଡ୍କିବେଲେ ସେ ସବୁ କରତେ ରଇଲାସ୍ । ତେଇଅନି ତମକେ କାଇ ଲାବ୍ ଅଇଲା ? ସେ ସବୁ କାମର ଦସା ଅଇଲାନି ମରନ୍ ।

୨୨ ମାତର ତମେ ଏବେ ପାପେଅନି ମୁକଲିକରି ପରମେସରର ଗତିଦାଙ୍ଗତା ଅଇଆରାସ୍ । ଏଟାର ଲାବ୍ ଅଇଲାନି, ପରମେସରତେଇ ପୁରାପୁରୁନ୍ ସଲଦ୍ । ଆରି ଇତିଅନି ମିଲ୍ବାଟା ଅଇଲାନି ନ ସାରବା ଜିବନ୍ ।

୨୩ ପାପ କାମର ବୁଡି ଅଇଲାନି ମରନ୍, ମାତର ପରମେସର ଜାଚାଇକରି ଦାନ୍ ଦେଇଆଟେ । ସେଟା ଆମର ମାପରୁ ଜିସୁ କିରିସ୍ଟର ସଙ୍ଗ୍ ମିସିକରି ମିଲାଇରଇବା ନ ସାରବା ଜିବନ୍ ।



ବିବାର ଉଦାରନ୍

୧ ଏ ବାଇବଇନିମନ୍, ଏବେ ମୁଇ ଜାଇଟା କଇବାକେ ଗାଲିନି, ସେଟା ଅଇଲାନି ନିୟମ୍ । ନିୟମ୍ କାଇଟା ବଲି ତମେ ବୁଜିପାରାସ୍, ତାର ଅରଡ୍ ମିସା ଜାନାସ୍ । ମୁନ୍ସୁ ଅବକା ତାର ଜିଇବା କାଇବା ଦିନ୍ ଜାକ ନିୟମର ତଲେ ରଇସି ।

୨ ବିବା ଅଇବା ବିସଇ ଦେକଲେ, ମୁନ୍ସୁ ବୈ ରଇବା ଜାକ, ତାର ମାଇଜି ସଙ୍ଗ୍ ବିବା ବାନ୍ଦନେ ବାନ୍ଦିଅଇରଇସି । ମାତର ମୁନ୍ସୁ ମରିଗାଲା ପଟେ ତାର ମାଇଜି ଏ ନିୟମେଅନି ମୁକଲ୍ସି ।

୩ ସେ ବୈ ରଇଲା ବେଲେ, ତାର ମାଇଜି ଜଦି ବିନ୍ ମୁନ୍ସୁକେ ବିବା ଅଇସି, ତେବେ ତାକେ ଚାଡ୍ରି ବଲି କଇବାଇ, ମାତର ମୁନ୍ସୁସର୍ ମରନ୍ ପଟେ ବିନ୍ ମୁନ୍ସୁକେ ବିବା ଅଇଲେ, ତାକେ ଆରି ଚାଡ୍ରି ବଲି ନ କଅଡ୍ । ନିୟମ୍ ଇସାବେ ସେ ଗଟେକ୍ ମୁକଲି ରଇବା ମାଇଜି ।

୪ ଏ ମର ବାଇବଇନିମନ୍, ତମେ ମିସା ସମାନ୍ ସେନ୍ତ୍ରୀସେ । ନିୟମ୍ ଇସାବେ କିରିସ୍ଟର ଗାଗ୍ତେ ମିସ୍ଲାପାଇ ତମେମିସା ମରିଆରାସ୍ । ଏବେ ତମେ ତାରଟା । ପରମେସର ତାକେ ମରନେଅନି ଉଟାଇଆଟେ । ଜେନ୍ତ୍ରୀକି ତାର ସେବାକାମେ ଆମେ ମିସା ମିସ୍ବୁ ।

୫ ଜେତେଦିନ୍ ଜାକ ଆମେ ଗାଗଡ୍ ମନ୍ କଲା ଇସାବେ ବାନ୍ଦିଅଇରଇଲୁ, ନିୟମ୍ ଆମକେ ନାଇ ବଲି କଇତେରଇଲା । ସେଟା ଆମର ପାପ୍ ଅଦିକ୍ ଅଦିକ୍ କରାଇତେ ରଇଲା । ଆରି ଆମେ ମରନ୍ ବାଟେ ଜାଇତେରଇଲୁ ।

୬ ଏବେ ଆମେ ନିୟମର ସାସନେଅନି ମୁକଲ୍ଲୁ ଆରୁ, କାଇକେବଇଲେ ଜନ୍ଟା ଆମକେ ଦିନେକ୍ ବନ୍ଦି କରି ସଙ୍ଗାଇରଇଲା, ସେଟା ଆମର ବିଡ୍ରେ ମରିଗାଲାଆଟେ । ଆମେ ଆରି ଆଗ୍ଡୁର୍ ପାରା ଲେକାଅଇଲା ନିୟମ୍ ଇସାବେ ପରମେସରକେ ସେବାକରୁ ନାଇ । ଏବେ ସୁକଲ୍ ଆଡ୍ମା ଦେକାଇଲା ବାଟେ ଇଣ୍ଡଲୁନି ।

ନିୟମ୍ ଆରି ପାପ

୭ ତେବେ ଆମେ କାଇଟା ବଲି କଉଁ, ନିୟମେସେ ପାପ୍ ଆଟେ କି ? ସେଟା ସତଇସେ ନଏ । ମାତର ପାପ୍ କାଇଟା ? ସେଟା, ମକେ ନିୟମ୍ ଜାନାଇଦେଲା ଆଟେ । “ବିନ୍ ଲକ୍ବ ଦିନ୍ସୁ ଲବାଇବାର ନାଇ ।” ଏ ଆଦେସ୍ ଜଦି ନିୟମ୍ତେଇ ନ ରଇତା, ଲବାଇବାଟା କାଇଟା ବଲି ମୁଇ ନାଜାନ୍ତି ।

୮ ମାତର ଉପରର ଆଦେସର ସୁବିଦାନେଇ ପାପ୍ ମର ବିଡ୍ରେ ବିନ୍ବିନ୍ ରକାମର କାରାପ୍ ମନ୍ କରବାଟା ଜନ୍ମାଇଲା । ନିୟମ୍କେ ଚାଡିଦେଲେ ପାପ୍ ମଲା ସମାନ୍ ଆଟେ ।

୯ ଗଟେକ୍ ବେଲାଇ, ମୁଇ ନିୟମ୍ ନାଜାନି କରି ଜିଇତେ ରଇଲି, ନିୟମ୍ ଜାନ୍ଲା ପଟେ ପାପ୍ ପୁରୁଲା,

୧୦ ଆରି ମୁଇ ମରିଗାଲି । ଜନ୍ ନିୟମ୍ ଜିବନ୍ ଦେବାକେ ଟିକ୍ କିରିରଇଲା, ସେଟା ମର ପାଇ ମରନ୍ ଆନ୍ଲା ।

୧୧ କାଇକେବଇଲେ ନିୟମର ସୁବିଦା ନେଇ ମକେ ପାପ୍ ନାଡାଇଲା ଆରି ମରାଇଲା ।

୧୨ ନିୟମ୍ ପରମେସରରଟାନେଅନି ଆଇଲାକେ ସୁକଲ୍ ଆଟେ । ତାର ଆଦେସ୍ ସବୁ ସୁକଲ୍, ଟିକ୍ ଆରି ବେସି ନିକ ।

୧୩ ସେନ୍ତ୍ରୀଆଲେ ଜନ୍ମଟା ନିକ, ସେଟା କାଇକେ ମର୍ ମରନ୍ ଆନ୍‌ବାଟା ଅଇରଇଲା ? ସେନ୍ତ୍ରୀ କେବେ ନ ଅ । ମାତର୍ ପାପର୍ ମରନ୍ ଅଇଲା । ତାର ନିୟମ, ଜେନ୍ତ୍ରୀ ଆମର୍ ପାପ୍ କେତେକ କାରାପ୍ ଆଚେବଲି ତିସାଇବାକେ ପର୍ମେସରର୍ ଜଜ୍ନା ରଇଲା । ତେବର୍ପାଇ ତାର ନିୟମରଲାଗି ଏଟା ସାଦନ୍ କଲା ।

ମୁନୁସର୍ ମନେ ଦୁଇମନିଆ

୧୪ ଆମେ ଜାନୁ ଜେ, ନିୟମ୍ ଆଡ଼ମାଇ ଆଇସି, ମାତର୍ ମୁଇ ମର୍ ଗାଗଡ଼ ମନ୍ କଲାଟାକେ ମାନ୍‌ଲାର୍ପାଇ ପାପର୍ ଗତିଦାଙ୍ଗ୍‌ତା ଅଇଲିଆଟି ।

୧୫ *ମୁଇ ଜନ୍ମଟା କଲିନି, ସେଟା ବୁଜି ନାଇ, ମାତର୍ ଜନ୍ ନିକ କାମ୍ କର୍ବାକେ ମନ୍ କଲିନି ସେଟାସେ କରିନାପାରଲିନି । ଆରି ଜନ୍ କାରାପ୍ କାମ୍ କର୍ବାକେ ମୁଇ ମୁଲ୍‌କେ ମନ୍ କରି ନାଇ, ସେଟାସେ କଲିନି ।

୧୬ ମାତର୍ ମୁଇ ମନ୍ ନ କରି ରଇବା କାମ୍ କର୍ବାର୍ ଲାଗି, ନିୟମ୍ ଟିକ୍ ଆଚେ ବଲି ମାନ୍‌ଲିନି ।

୧୭ ସେଟାର୍ ପାଇ ଏ ସବୁ ଜାକ କାମ୍ ମୁଇ କରି ନାଇ । ମର୍ ବିତ୍‌ରେ ରଇବା ପାପ୍‌ସେ ସେଟା କଲାମି ।

୧୮ ମର୍ ଗାଗଡ଼ର୍ କାରାପ୍ ମନ୍ କର୍ବାଟାମେଅନି କାଇମିସା ନିମାନ୍ ବିସଇ ନ ଆସେ ବଲି ମୁଇ ଜାନ୍‌ଲିନି । କାଇକେବଇଲେ ନିକ କାମ୍ କର୍ବାକେ ମନ୍ ରଇଲେ ମିସା ସେଟା କରି ନାପାରଲିନି ।

୧୯ ସେଟାର୍ ପାଇ ଜନ୍ ନିକ କାମ୍ କର୍ବାକେ ମୁଇ ମନ୍ କଲିନି, ସେ କାମ୍ ନ କରି, ଜନ୍ କାରାପ୍ କାମ୍ କର୍ବାକେ ମୁଲ୍‌କେ ମନ୍ ନାଇ, ସେଟାସେ କଲିନି ।

୨୦ ଜଦି ମୁଇ ମନ୍ ନ କର୍ବାଟା କରିଲାଗି ଆଟି, ସେନ୍ତ୍ରୀଆଲେ ଜାଇଟା କଲିନି, ସେଟା ମୁଇ ସତଇସେ କରିନାଇ, ମର୍ ବିତ୍‌ରେ ରଇଲା ପାପ୍‌ସେ ସେଟା କଲାମି ।

୨୧ ଏଟା ମର୍ ବିତ୍‌ରେ ଗଟେକ୍ କାମ୍‌କର୍ବା ନିୟମ୍ ବଲି ମନେ ଅଇଲାମି । ଜନ୍ମଟା ନିକ, ସେଟା ମୁଇ କର୍ବାକେ ଗାଲାବେଲେ, ଅବ୍‌କା କାରାପ୍ ବିସଇସେ କଲିନି ।

୨୨ ପରମେସରର୍ ନିୟମ୍ ନାମ୍‌ବାକେ ମୁଇ ବେସି ମନ୍ କଲିନି,

୨୩ ମାତର୍ ମର୍ ମନ୍ କଲା ବିରଦେ ମର୍ ଗାଗଡ଼ ତେବାଇବା ବିଦି ସବୁବେଲେ ଜୁଇଦ୍ କଲାମି । ମର୍ ଗାଗଡ଼େ କାମ୍‌କର୍ତେ ରଇବା ସବୁ ପାପ୍ ମକେ ବନ୍ଦି କରି ସଙ୍ଗାଇଲା ଆଚେ ।

୨୪ କେତେ କରମ୍ ନଇଲା ଲକ୍ ମୁଇ ! ମରନର୍ ମୁର୍ବି ଜିକିନେବା ଏ ଗାଗଡ଼ର୍ ଚଲାଚଲ୍‌ତି ଅନି କେ ମକେ ମୁକ୍‌ଲାଇସି ?

୨୫ ପରମେସର୍ ଦନିଅବାଦ୍ ପାଅ ! ମାପରୁ ଜିସୁ କିରିସ୍‌ଟର୍ ଲାଗି ମୁଇ ଉଦାର୍ ପାଇଆଟି ।

ତେବେ, ଏଟା ଅଇଲାମି ମର୍ କରମ୍ । ପରମେସରର୍ ନିୟମ୍ କାଲି ମୁଇ ମର୍ ମନେ ନାମି ପାରବି । ମାତର୍ ମର୍ ମୁନୁସ୍ ଇସାବର୍ ଚଲାଚଲ୍‌ତି ମକେ ପାପର୍ ଗତି ଦାଙ୍ଗ୍‌ତା ଅଇବାକେ ବାଦିଅ କଲାମି ।

୮

ଆଡ଼ମାଇ ଜିବନ୍ ରଇବାଟା

୧ ତେବେ ଆମେ ଜେଡ଼କି ଲକ୍ ଜିସୁ କିରିସ୍‌ଟର୍ ସଙ୍ଗ୍ ମିସିକରି ଆରୁ, ଆମର୍ପାଇ ଆରି ପର୍ମେସରର୍ ତଣ୍ଟ ନାଇ ।

୨ ଜିସୁ କିରିସ୍‌ଟର୍ ସଙ୍ଗ୍ ମିସିଲାର୍ପାଇ ସୁକଲ୍‌ଆଡ଼ମା ଆମ୍‌କେ ନୁଆ ଜିବନ୍ ଦେଲାଆଚେ । ତେଇଅନି, ପାପ୍ କଲେ ମର୍ବା ନିୟମେଅନି, ଆମ୍‌କେ ମୁକ୍‌ଲାଇ ଆଚେ ।

୩ ସେ ଆମର୍ ଗୁନ୍‌ଚଲନ୍ ନିକ ନ ରଇଲାକେ, ମସା ଦେଇରଇବା ରିତିନିତି ମାନୁ ନାଇ । ତେଇ ନିୟମ୍ ସାଇଜ କରି ନାପାରଲା । ମାତର୍ ସେଟା ପର୍ମେସର୍ କରିଆଚେ । ସେ ଆମର୍ ପାରା ପାପିମନର୍ ଗଟେକ୍ ଗାଗଡ଼ ଦାରାଇ ତାର୍ ପଅକେ ପାଟାଇଲା । ଆରି ସେ ଏନ୍ତାରିକରି ଆମର୍ ଉପରେ ରଇବା ପାପର୍ ସାସନ୍ କୁରୁପ୍‌ନାସ୍ କଲା ।

୪ ଆମେ ଜେନ୍ତ୍ରୀ କି ନିୟମର୍ ସବୁ ଆଦେସ୍ ମାନିକରି ରଇବୁ, ସେଟାର୍ ପାଇ ପର୍ମେସର୍ ଏନ୍ତି କଲାଆଚେ । ଆମେ ଏବେ ମୁନୁସର୍ ଚଲାଚଲ୍‌ତି ନ କରି ସୁକଲ୍‌ଆଡ଼ମାର୍ ବାଟେ ଇଣ୍ଟଲେସେ ଏନ୍ତି କରିଅଇସି ।

୫ ଜନ୍ ଲକ୍‌ମନ୍ ମୁନୁସର୍ ଚଲାଚଲ୍‌ତି ଇସାବେ ଜିଉନା କାଉନା କର୍ତେରଇବାଇ, ସେମନ୍ ନିଜର୍ ଗାଗଡ଼ର୍ ମନ୍ କର୍ବାଟା ଚିନ୍ତା କର୍ତେରଇବାଇ । ମାତର୍ ଜନ୍ ଲକ୍‌ମନ୍ ସୁକଲ୍‌ଆଡ଼ମାର୍ ଚାଲ୍‌ନା ଇସାବେ କାମ୍‌କର୍ବାଇ, ସେମନ୍ ସୁକଲ୍‌ଆଡ଼ମା ଜନ୍ ବିସଇ କର୍ବାକେ ମନ୍ କରାଇସି, ସେଟା କର୍ବାଇ ।

୬ ମୁନୁସର୍ ଚଲାଚଲ୍‌ତି ଇସାବେ ଗାଲେ ମରନର୍ ଦସା ଅଇସି, ସୁକଲ୍‌ଆଡ଼ମାର୍ ଚାଲ୍‌ନା ଇସାବେ ଗାଲେ ଜିବନ୍ ଆରି ସାନ୍ତି ମିଲ୍‌ସି ।

୭ ଜଦି ଗଟେକ୍ ଲକ୍ ତାର୍ ଗାଗଡ଼ର୍ ମନ୍ କଲା ଇସାବେ ଚଲାଚଲ୍‌ତି କର୍ସି, ସେ ପରମେସରର୍ ବିରଦି ଅଇସି । କାଇକେ ବଇଲେ ସେ ପରମେସରର୍ ନିୟମ୍ ମାନେ ନାଇ, ସେ ସେଟା କର୍ବାକେ ନାପାରେ ।

୮ ଜନ୍ ଲକ୍‌ମନ୍ ମୁନୁସର୍ ଚଲାଚଲ୍‌ତି ଇସାବେ କାମ୍ କଲାଇନି, ସେମନ୍ ପର୍ମେସର୍‌କେ ସାର୍‌ଦା କରିନାପାରଡ଼ ।

☆ ୭:୧୫ ଗାଲାତିୟ ୫:୧୭

୯୮ ଜଦି ସତଇସେ ପରମେସରର ସୁକଲ୍‌ଆତ୍‌ମା ତମର ବିତ୍‌ରେ ଆଚେ, ତେବେ ତମେ ଆରି ମୁନୁସର ଚାଲିଚଲନ୍ ପାରା ଜିଉନାକାଉନା କରିନାପାରାସ୍, ମାତର ଜିବନେ ସୁକଲ୍‌ ଆତ୍‌ମାର ଆଦେସ୍ ମାନସା । ଜାର୍‌ତେଇ କିରିସ୍‌ଟର ଆତ୍‌ମା ନାଇ, ସେ କେବେ ମିସା ତାକର ଲକ୍ ଅଇନାପାରେ ।

୯୯ ମାତର ତମର ବିତ୍‌ରେ କିରିସ୍‌ଟ ବାସାଅଇ ରଇସି ବଇଲେ, ତମର ଗାଗଡ୍ ପାପେ ନସ୍‌ଟ ଅଇବାକେ ଜାଇତେ ରଇଲେ ମିସା, ସୁକଲ୍‌ଆତ୍‌ମା ତମକେ ଜିବନ୍ ଦାନ୍ ଦେଇସି । କାଇକେ ବଇଲେ ତମେ ପରମେସରର ମୁଆଟେ ଦରମ୍ ଲକ୍ ବଲି ଏଜାଇଅଇ ଆଚାସ୍ ।

୧୦୦ ଜଦି ତମର ବିତ୍‌ରେ ଜିସୁକେ ମଲାତେଇଅନି ଉଟାଇଲା ପରମେସରର ଆତ୍‌ମା ଆଚେ, ତେବେ ସେ ଆତ୍‌ମାର ସାଇଜ ସଙ୍ଗ୍, ପରମେସର ଜେ କି କିରିସ୍‌ଟକେ ମଲାତେଇଅନି ଉଟାଇଲା, ସେନ୍ତ୍ରସେ ତମର କୁଇଜିବା ଗାଗଡ୍ ମିସା ଜିବନ୍ କରସି ।

୧୦୧ ତେବେ ଏ ବାଇବଇନିମନ୍, ଆମର କାମ୍ ଅଇଲାନି, ମୁନୁସର ଗୁନ୍‌ଚଲନ୍ ଇସାବେ ଜିଉନାକାଉନା ନ କରୁ ।

୧୦୨ କାଇକେବଇଲେ ସେନ୍ତ୍ର କଲେ, ତମେ ମର୍‌ସା ମାତର ସୁକଲ୍‌ଆତ୍‌ମାର ସାଇଜ ସଙ୍ଗ୍ ନିଜର ପାପ୍‌ଚଲନ୍ ନସ୍‌ଟ କରି ଆରି ପାପ୍ କାମ୍ ନ କରାସ୍, ତେବେସେ ତମେ ବଢ଼ିସା ।

୧୦୩ ଜନ୍ ଲକ୍‌ମନ୍ ପରମେସରର ଆତ୍‌ମା ଇସାବେ ଚାଲ୍‌ଲାଇନି, ସେମନ୍‌ସେ ପରମେସରର ପିଲାଟକି ।

୧୦୪ କାଇକେବଇଲେ ପରମେସର ଦେଲା ଆତ୍‌ମା, ତମକେ ଗତିଦାଙ୍ଗ୍‌ତା ଅଇବା ତେଇଅନି ମୁକ୍‌ଲାଇଲା ଆଚେ । ତମେ ଆରି ଡରବାର୍ ଲଡା ନାଇ । ମାତର ସୁକଲ୍‌ଆତ୍‌ମା ତମକେ ପରମେସରର ପିଲାଟକି କରିଆଚେ । ତାର ବପୁ ଏତାଇକରି ଏବେ ଆମେ ପରମେସରକେ “ବାବା, ମର୍ ବାବା !” ବଲି ଡାକ୍‌ଲୁନି ।

୧୦୫ ପରମେସରର ଆତ୍‌ମା ଆମର ବିତ୍‌ରର ଆତ୍‌ମା ସଙ୍ଗ୍ କଢ଼ି ମିସାଇ ଆମକେ ତାର ପିଲାଟକି ବଲି ଜାନାଇଲାନି ।

୧୦୬ କାଇକେବଇଲେ ଆମେ ପରମେସରର ପିଲାଟକି । ତାର ଲକ୍‌ମନ୍‌କେ କାତା ଦେଇରଇବା ଆସିର୍‌ବାଦେ ଆମେ ମିସୁ । ଆରି କିରିସ୍‌ଟର ପାଇ ପରମେସର ଜନ୍‌ଟା ଟୁଲାଇ ସଙ୍ଗ୍‌ଇଲା ଆଚେ, ତେଇ ମିସା ଆମର ପାଇ ବାଟା ଆଚେ । ଜଦି ଆମେ ଜିସୁର ଦୁକ୍‌ପାଇବାତେଇ ମିସୁ ଆଚୁ, ତେବେ ତାର ଡାକ୍‌ପୁଟା ପାଇବାତେଇ ମିସା ମିସୁ ।

ଡାକ୍‌ପୁଟାର ଦିନ୍

୧୦୭ ଜନ୍ ଡାକ୍‌ପୁଟାର ଦିନେ ଆମେ ମିସ୍‌ବାକେ ଗାଲୁନି, ଦେକ୍‌ଲେସରି ଏ ଜିବନେ ଅଇବା ଆମର ଦୁକ୍ କସ୍‌ଟ କିଟି ନାଇ ।

୧୦୮ ପରମେସର ତିଆରକଲା ସବୁଜାକ ଜାଗର୍‌ତା ସଙ୍ଗ୍ ସେ ଦିନକେ ଜାଗି ଆଚଡ୍ । ସେବେଲାଇ ପରମେସର ତାର ସଡ୍ ପିଲାଟକିମନ୍ କେ, ବଲି ଦେକାଇସି ।

୧୦୯ କାଇକେବଇଲେ ପରମେସର ତିଆର କରିରଇବା ସବୁଜାକ, ଅବିସାପେ ପୁରୁନ୍ ଅଇଲାଆଚେ । ଜନ୍‌ବାଟେ ଜିବାର୍ ରଇଲା ସେ ବାଟେ ନ ଜାଇ, ବିନ୍ ବାଟେ ଗାଲାଆଚେ । ମାତର ଏଟା ତାର ନିଜର୍ ମନ୍ କଲା ଇସାବେ ଅଏନାଇ । ପରମେସର ମନ୍ କଲାକେସେ ଅଇଲା । ଏଲେମିସା ତାର ଆସା ରଇଲା,

୧୧୦ ଜେନ୍ତ୍ରକି ଗଟେକ୍ ଦିନେ କୁଇଜିବାଟାନେ ଅନି ମୁକ୍‌ଲିକରି ପରମେସରର କୁଟୁମର ଡାକ୍‌ପୁଟାଇ ମିସୁ ।

୧୧୧ ମାତର ଏବେ ଜାକ ତିଆରଅଇଲାଟା ସବୁ, ଗାଗ୍‌ତେ ରଇଲା ମାଇଜି ନିକଅଇବା ଦୁକା ପାରା ଅଇକରି “ଆନା, ଆୟା !” ଅଇଲାନି ।

୧୧୨ ଆମେ, ପରମେସର ଦେଲା ପର୍‌ଡୁମର ଦାନ୍ ପାରା ସୁକଲ୍‌ଆତ୍‌ମା ପାଇଲୁଆଚୁ, ଆମେ ମିସା ବିତ୍‌ରେ ବିତ୍‌ରେ “ଆନା, ଆୟା !” ଅଇଲୁନି । ଏଲେମିସା ପରମେସର ଆମକେ କୁଟୁମର ଲକ୍ କରାଇକରି ପୁରାପୁରୁନ୍ ମୁକ୍‌ଲାଇସି ବଲି ଜାଗିକରି ଆଚୁ ।

୧୧୩ କାଇକେବଇଲେ ଆସା କଲାକେସେ ଆମେ ମୁକ୍‌ତି ପାଇଆଚୁ । ମାତର ଜାଇଟା ଡିସ୍‌ଲାନି ସେଟାର ପାଇ ଆସାକର୍‌ବାଟା, ସେଟା ସତଇସେ ଆସା ରକ୍‌ବାଟା ନଏ । କେ କାଇ ଡିସ୍‌ବାଟାକେ ଆସା କରସି କି ? ନାଇ, ନ କରେ ।

୧୧୪ ମାତର ଆମେ ଜଦି ନ ଡିସ୍‌ବା ବିସଇ ଆସାକର୍‌ବୁ, ତେବେ ଆମକେ ସାଆସ୍ ସଙ୍ଗ୍ ଜାଗ୍‌ବାକେ ପଡ଼ସି ।

୧୧୫ ଆମକେ ବପୁ ନାଇ, ମାତର ସୁକଲ୍‌ଆତ୍‌ମା ଆମକେ ସାଇଜ କରସି । କେନ୍ତ୍ରାରି ପାର୍‌ତନା କର୍‌ବାକେ ଅଇସି, ସେଟା ଆମେ ନାଜାନୁ । ସେଟାର ପାଇ ଜନ୍‌ଟା ଆମେ କଇ ନାପାର୍‌ଲୁନି, ସେଟା ସୁକଲ୍‌ ଆତ୍‌ମା ନିଜେ ଆମର୍‌ପାଇ “ଆନା, ଆୟା !” ଅଇକରି ପରମେସରକେ ଗୁଆରି କରସି ।

୧୧୬ ପରମେସର ଆମର ମନର୍ କାତା ଜାନେ । ସୁକଲ୍‌ଆତ୍‌ମାର ମନର୍ ଚିନ୍ତା ସେ ଜାନେ । କାଇକେବଇଲେ ସୁକଲ୍‌ଆତ୍‌ମା ପରମେସର ମନ୍ କଲା ଇସାବେ, ତାକର ଲକ୍‌ମନର୍ ପାଇ ଗୁଆରି କର୍‌ତେ ରଇସି ।

୧୧୭ ଜନ୍ ଲକ୍‌ମନ୍‌କେ ପରମେସର ତାର ମନ୍ କଲାଟା ପୁରାପୁରୁନ୍ କରବାକେ ଡାକ୍‌ଲାଆଚେ, ଆରି ସେମନ୍ ତାକେ ଆଲାଦ୍ କଲାଜିନି, ସେମନର୍ ପାଇ ସେ ସବୁ ମଙ୍ଗ୍‌ଲର୍ ବିସଇ କରାଇଦେଇସି ।

☆ ୮:୧୧ ୧ମ କରନ୍ତ୍ରୟ ୩:୧୭ ☆ ୮:୧୫ ଗାଲାତିୟ ୪:୫-୭ ☆ ୮:୧୫ ମାର୍କ ୧୪:୩୬; ଗାଲାତିୟ ୪:୬ ☆ ୮:୨୩ ୨ୟ କରନ୍ତ୍ରୟ ୫:୨-୪

୨୯ ଜନ୍ ଲକ୍ମନଙ୍କେ ପରମେସର ବାଚ୍ଲୀ ଆଚେ, ସେମନ୍‌କେ ତାର୍ ପଅ ପାରା ଅଇବାକେ ଆଗ୍ରହେ ଟିକ୍ କରିଆଚେ । ସେନ୍ତିଆଲେ, ଗଟେକ୍ ବଡ଼ କୁଟୁମେ, ତାର୍ ପଅ ସେମନ୍‌ର ବଡ଼ ବାଇ ଅଇସି ।

୩୦ ଜନ୍ ଲକ୍ମନ ଏନ୍ତାରି ବାଟିଅଇଲାଇ ଆଚଡ଼, ସେମନ୍‌କେ ଡାକିଆଚେ । ସେ ଲକ୍ମନଙ୍କେ ପରମେସର ମୁଆଟେ ଦରମ୍‌ଲକ୍ ବଲାଇ ଅଇ, ତାର୍ ଡାକ୍‌ପୁଟାଇ ମିସାଇ ଆଚଡ଼ ।

ପରମେସର ଆଲାଦ୍

୩୧ ଏ ସବୁରତେଇଅନି ଆରି କାଇଟା କଇବାର୍ ଅଇସି ? ଜଦି ପରମେସର ଆମର୍ ବାଟେ ଆଚେ, ତେବେ କେ ଆମର୍ ବିରଦି ଅଇପାରସି ?

୩୨ ପରମେସର କେବେମିସା ଆମର୍ ବିରଦି ନଏଁ, କାଇକେବଇଲେ ସେ ନିଜର୍ ପଅକେ ମିସା ରକିଆ ନ କରି ଆମର୍ ପାଇ ଦାନ ଦେଇଆଚେ । ସେନ୍ତିଆଲେ ସେ ଆମର୍ ପାଇ କାଇ ସବୁ ବିସଇ ଦାନ ନ ଦେଏ କି ?

୩୩ ପରମେସର ବାଚ୍ଲୀ ଲକ୍ମନଙ୍କେ କେ ଦସିବଲି କଇପାରସି ? ସେମନ୍‌କେ ସେ ନିଜେ କାଇ ଦସ୍ କରି ନ ରଇବା ଲକ୍ ବଲି ଉଡ଼ରା କଲାଆଚେ ।

୩୪ ତେବେ ସେମନ୍‌କେ ଦସି ବଲି କେ କଇନାପାରଡ଼ । କିରିସ୍‌ଟ ଜିସୁ ତା କେବେ ନ କରେ, କାଇକେବଇଲେ ତାକେ ପରମେସର ମଲାତେଇଅନି ଜିବନ୍ କରି ଉଟାଇଲାଆଚେ । ଏବେ ସେ ପରମେସର ଉଜାବାଟେ ରଇକରି ଆମର୍‌ପାଇ ଗୁଆରି କରି ପାର୍‌ତନା କଲାନି ।

୩୫ ସେନ୍ତାରିଆଲେ ତେବେ କେ ମିସା ଆମ୍‌କେ କିରିସ୍‌ଟର୍ ଆଲାଦେଅନି ବେଗ୍‌ଲାଇ ନାପାରଡ଼ । ଦୁକେ ରଇଲେ ମିସା, କସ୍‌ଟ ପାଇକରି ରଇଲେ ମିସା, ନିନ୍ଦା ପାଇକରି ରଇଲେ ମିସା, କାକୁରଡ଼ି ଅଇକରି ରଇଲେ ମିସା, ବୁକେ ରଇଲେ ମିସା, ବିପଦେ ରଇଲେ ମିସା କି ମରାଇଲେ ମିସା ଏ ସବୁ ବେଗ୍‌ଲାଇ ନାପାରେ ।

୩୬ ସାସ୍‌ତରେ ଲେକାଆଚେ,

“ତମରଲଗି ସବୁ ଦିନ୍ ଆମେ ମରନର୍ ମୁଆଟେ ଗାଲୁନି,

ପୁଜବାକେ ନେଲା ମେଣ୍ଟାପିଲା ପାରା ଆମେ ବାଟି ଅଇଲୁ ଆଚୁ ।”

୩୭ ଜେ ଆମ୍‌କେ ଆଲାଦ୍ କଲାଇନି, ତାର୍ ସାଇଜ ସଙ୍ଗ୍ ଆମେ ଏ ସବୁର୍ ଉପରେ ଜିତି ଆଚୁ ।

୩୮ ମୁଇ ସତଇସେ ଜାନଲିନି ଜେ, ପରମେସର ଜନ୍ ବଡ଼ ଆଲାଦ୍ ଆମ୍‌କେ ଦେକାଇଲାଆଚେ, ସେ ଆଲାଦେଅନି କାଇଟା ମିସା ଆମ୍‌କେ ବେଗ୍‌ଲାଇ ନାପାରେ । ଆମେ ମରିଗାଲେ କି ଜିବନ୍ ରଇଲେ, ସରଗର୍ ଦୁଡ଼ ଅଅଡ଼ କି ସାସନ୍‌କାରିଆମନ୍, କି କାଇ ବିନ୍ ବପୁ, କି ଏବେ ଜନ୍‌ଟା ଅଇଲାନି, ପର୍‌କେ ଜନ୍‌ଟା ଅଇସି,

୩୯ ଉପ୍‌ରର୍ ଦୁନିଆ କି ତଲର୍ ଦୁନିଆ, ଏ ଜଗତେ ତିଆର୍ ଅଇରଇବା କାଇ ବିସଇ ମିସା ପରମେସରର୍ ବଡ଼ ଆଲାଦେ ଅନି ଆମ୍‌କେ ବେଗ୍‌ଲାଇ ନାପାରେ । ଆମର୍ ମାପ୍‌ରୁ ଜିସୁକିରିସ୍‌ଟକେ ଦେଲା ପରମେସରର୍ ସେ ବଡ଼ ଆଲାଦେ ଅନି, ଏ ସବୁ ବିସଇ ଆମ୍‌କେ ଦେକାଇଲା ଆଚେ । ଏଟା ମୁଇ ଜାନିଆଟି ।



ପରମେସର ଆରି ତାକର୍ ଲକ୍ମନ

୧ ମୁଇ ତମକେ ଗଟେକ୍ ସଡ଼କାତା କଇବି । ମୁଇ କିରିସ୍‌ଟର୍ ଲକ୍, ଆରି ସୁକଲ୍ ଆଡ଼ମା ମର୍ ବିବେକ୍‌କେ ଡାକିନେଲାନି । ସେଟାର୍‌ପାଇ ମିସା ମୁଇ ମିର୍ କଇନାଇ ବଲି ଜାନଲିନି ।

୨ ଏଟା ମୁଇ କିରିସ୍‌ଟକେ ସାକିଦେଇ କଇଲିନି । ମୁଇ ଜେ କେଡେକ୍ ତେରେପେଡେ ଆରି ନ ସାର୍‌ବା ଦୁକେ, ମର୍ ମନ୍ କେଡେକ୍ ଉଡ଼କ୍ ଦୁଡ଼କ୍ ଅଇଲାନି ।

୩ କାଇକେବଇଲେ ମର୍ ରକଡ଼ ମାଉଁସ୍ ରଇବା ଜିଉଦି ବାଇବଇନିମନ୍ କିରିସ୍‌ଟକେ ବିସ୍‌ବାସ୍ କରଡ଼ ନାଇ । ଜଦି ଏଟା ଅଇପାରସି, ତେବେ ମୁଇ ମନ୍ କଲିନି, ନିଜେ ତାକର୍ ପାଇ ପରମେସରର୍‌ଟାନେ ସାଇପ୍ ପାଇକରି, କିରିସ୍‌ଟର୍‌ତେଇ ଅନି ବେଗ୍‌ଲିବି ବଲି ।

୪ କାଇକେବଇଲେ ସେମନ୍ ପରମେସରର୍ ଲକ୍ । ପରମେସର ସେମନ୍‌କେ ନିଜର୍ ପିଲା କରି ବାଟିଆଚେ । ସେ ସେମନ୍‌ର ଲଗେ ନିଜର୍ ଡାକ୍‌ପୁଟା ଦେକାଇରଇଲା । ସେମନ୍‌ର ସଙ୍ଗ୍ ରାଜିନାମା କରି ସେମନ୍‌କେ ନିୟ୍‌ମ୍ ଦେଇରଇଲା । ସେମନ୍ ସତଇସେ ପାର୍‌ତନା କର୍‌ବାଇ । ସେମନ୍‌କେ ପରମେସର କାତା ଦେଇରଇଲା ।

୫ ସେମନ୍ ଆମର୍ ଡାକ୍‌ପୁଟା ଜିଉଦି ଆନିଦାଦିମନ୍ ନାତିତିତିମନ୍ । ଆରି ମୁନ୍‌ସ୍ ରୁପ୍ ଦାରି କିରିସ୍‌ଟ ତାକର୍ କୁଟୁମେଅନି ଜନମ୍ ଅଇଲା । ସବୁର୍‌ଟାନେଅନି ବେସି ବପୁର୍ ପରମେସର ଜୁଗେ ଜୁଗେ ଡାକ୍‌ପୁଟା ପାଅ, ଆମେନ୍ ।

୬ ପରମେସର ତାର୍ କାତା ଦେଇରଇଲାଟା ପୁରାପୁରୁନ୍ କରେନାଇ ବଲି ମୁଇ କଇନାଇ । କାଇକେବଇଲେ ଇସ୍ରାଏଲିୟମନ୍‌ର କେଡେଟା ନାତିତିତିମନ୍ ପରମେସରର୍ ଲକ୍ ନଅଡ଼,

୭ କି ଅବ୍ରାଆମର୍ କୁଟୁମର୍ ସବୁ ଲକ୍ ପରମେସରର୍ ପିଲାଟକି ନ ଅଅଡ଼ । ପରମେସର ଅବ୍ରାଆମ୍‌କେ କଇରଇଲା, “ମୁଇ ତର୍ ଜନ୍ କୁଟୁମର୍ ବିସଇନେଇ କାତା ଦେଇରଇଲି, ସେମନ୍ ଇସାକର୍ ଟାନେଅନି ଜାଡ଼ ଅଇବାଇ ।”

୮ ଏଗାର ଅରତ୍ ଅଇଲାନ୍ତି, ଗାଗଡ଼ ଦାରି ଜନମ୍ ଅଇବା ପିଲାଟକି ନାଇ । ଜେ କି ପରମେସରର୍ ପିଲାଟକିମନ୍ ଅଇବାଇ, ମାତର୍ ତାର କାତା ଦେଇରଇବା ଇସାବେ ଜନମ୍ କରିରଇବା ପିଲାଟକିମନ୍ ତାର ମୁଆଟେ ସତଇସେ ତାର ପିଲାଟକି ବଲି ଏଜାଇ ଅଇବାଇ ।

୯ ପରମେସର୍ ଅବରାଆମ୍‌କେ ଏନ୍ତି କାତା ଦେଇରଇଲା, “ସମାନ୍ ଏ ଦିନେ ଆମେ ବାଉଡ଼ି ଆଇଲାବେଲେ, ସାରା ଗଟେକ୍ ପିଲା ଜନମ୍ ଦେଇରଇସି ।”

୧୦ ଏ ପିଲା ଆମର୍ ପୁରବର୍ ଆନିଦାଦି ଇସାକ୍ ରଇଲା । ରିବିକାର୍ ଜଅଁଲା ପିଲାମନ୍‌ବିତ୍‌ରେ ଅନି ଗଟେକ୍ ବାବା ଇସାକ୍‌ଟାମେଅନି ଅଇରଇଲା ।

୧୧ ପରମେସର୍ ରିବିକାକେ କାତା ଦେଇରଇଲା । ବଡ଼ ପିଲା ସାନ୍ ପିଲାର୍ ଗତିଦାଙ୍ଗ୍‌ଡା ଅଇସି । ଜଁଲା ପିଲାମନ୍ ଜନମ୍ ନ ଅଇତେ, ଆରି ନିକ କାମ୍ କି ବାନିଆ କାମ୍ କରବା ଆଗ୍‌ତୁ ଏଟା ପରମେସର୍ କଇରଇଲା । ଜନ୍ ପିଲାକେ ସେ ବାଟ୍‌ଲା, ପିଲା କରିରଇବା କାମର୍ ଲାଗି ଅଏନାଇ । ମାତର୍ ପରମେସର୍ କରିରଇବା ଜନ୍‌ନାର୍ ପୁରାପୁରୁନ୍ ଅଇବାକେସେ ସେଟା ଅଇଲା ।

୧୨ ଏଗାର୍ ପାଇ ତାକେ ଏ କାତା କଇରଇଲା । “ବଡ଼ ପିଲା ସାନ୍ ପିଲାର୍ ଗତିଦାଙ୍ଗ୍‌ଡା ଅଇସି ।”

୧୩ ସାସ୍‌ତରର୍ ବାକିଅ ଇସାବେ “ଜାକୁବ୍‌କେ ମୁଇ ଆଲାଦ୍ କଲି, ମାତର୍ ଏସକେ ନାଇ ।”

୧୪ ସେନ୍ତାର୍ ଆଲେ କାଇଟା ବଲି କର୍ତ୍, “ପରମେସର୍ ଅନିଆଇ କରସି କି ? ନାଇ କେବେ ନ କରେ ।”

୧୫ କାଇକେବଇଲେ ସେ ପୁରବେ ମସାକେ କଇରଇଲା, “ମୁଇ ଜାକେ ମନ୍ କରବି ତାକେ ଦୟା ଦେକାଇବି ଆରି ଜିବନ୍ ଦୁକାଇବି ।

୧୬ ସେଗାର୍ ପାଇ ପରମେସର୍ ତାର ଲକ୍‌ମନ୍‌କେ ଦେବା ସବୁ ମଙ୍ଗଲର୍ ଦାନ୍ ଲକ୍‌ମନ୍ ମନ୍ କଲାକେ କି ତାକର୍ ନିକ କାମ୍ କଲାକେ ଅଏ ନାଇ । ମାତର୍ ପରମେସରର୍ ଜିବନ୍ ଦୁକାନିଟାମେଅନି ସେ ସେଟା ଅଇଲାଆଟେ ।”

୧୭ ସାସ୍‌ତର୍ ଇସାବେ ପରମେସର୍ ମିସରର୍ ରାଜାକେ କଇରଇଲା, “ତକେ ଦେଇ ମର୍ ବପୁ ଦେକାଇବି ଆରି ଗୁଲାଇ ଜଗଡ଼କେ ମର୍ ତାକ୍‌ପୁଟା ଦେକାଇବାକେ ମୁଇ ତକେ ରାଜା କରିଆଟି ।”

୧୮ ତେବର୍‌ପାଇ ପରମେସରର୍ ମନ୍‌କଲା ଇସାବେ, ସେ କାକେ କାକେ ଦୟା ଦେକାଇସି ଆରି କାକେ କାକେ ମନ୍ ଆର୍ ଅଇବାକେ ଚାଡ଼ିଦେଇସି ।

ପରମେସରର୍ ରିସା ଆରି ଜିବନ୍‌ଦୁକାନି

୧୯ ତମର୍ ବିତ୍‌ରେଅନି କେ ଆଲେ ମକେ କଇବାଇ, “ସେନ୍ତାର୍‌ଆଲେ, ପରମେସର୍ କାଇକେ ଲକ୍‌ମନ୍‌କେ ଦସି କଲାନ୍ତି ? ପରମେସର୍ ମନ୍ କଲାଟା ବାଦ୍‌ଲାଇବା ଲକ୍ କେ ମିସା ଆଟଡ଼ କି ?”

୨୦ ମାତର୍ ମୁଇ ତମକେ କଇବି, “ଏ ମଇତର୍ ପରମେସରର୍ କାତା ନାଇ ବଲ୍‌ବାକେ ତମେ କେ ?” ଗଟେକ୍ ଆଣ୍ଟି ମକେ କାଇକେ ଏନ୍ତିକରି ଗଡ଼ଲୁସ୍ ବଲି କୁମାର୍‌କେ ପାଚାରି ନାପାରେ ।

୨୧ ନିଜର୍ ମନ୍ କଲା ଇସାବେ ମାଟି ଚକ୍‌ଟିକରି ଆଣ୍ଟି ଗଟେକ୍ ତିଆର୍ କରବାକେ କୁମାର୍‌ର ସବୁ ଅଦିକାର୍ ଆଟେ । ଗଟେକ୍ ଚକଟ୍‌ଲା ମାଟି ବେଲାଅନି ଦୁଇ ରକାମର୍ ଆଣ୍ଟି ତିଆର୍ କରସି । ତେଇଅନି ଗଟେକ୍‌କେ ପରବ୍ ଦିନ୍‌ମନ୍‌କେ ବାଇବାଇ । ଆରି ଗଟେକ୍ ଉଜର୍ ଦିନ୍‌ମନ୍‌କେ ବାଇବାଇ । ତେଇ ତାର ସବୁ ଅଦିକାର୍ ଆଟେ ।

୨୨ ପରମେସର୍ ମିସା ଟିକ୍ ସେନ୍ତିସେ କଲାଆଟେ । ଜେତେବେଲେ ତାର ରିସା ଆରି ବପୁ ଦେକାଇବାକେ ମନ୍ କର୍ତେ ରଇଲା, ଜେଡ଼କି ଲକ୍ ତାର ରିସାର୍ ଆଣ୍ଟିତେଇ ଅଦ୍‌ରି ନସର୍ ଅଇବାକେ ରଇଲା, ସେମନ୍‌ର୍ ପାଇ ପରମେସର୍ ବେସି ଜିବନ୍‌ଦୁକାଇଲା ।

୨୩ ଆରି ସେ ତାର ବେସି ବଡ଼ ତାକ୍‌ପୁଟା ଦେକାଇବାକେ ଆମ୍‌କେ ବେସି ଜିବନ୍‌ଦୁକାଇଲା ଆଟେ । ଆରି ଆମ୍‌କେ ବେସି ଆଗ୍‌ତୁ ସେ ବାଟି ରଇଲା ।

୨୪ ଜନ୍ ଲକ୍‌ମନ୍‌କେ ସେ ତାକିଆଟେ, ସେ ବିତ୍‌ରେ ଆମେ ମିସା ଆଟୁ । ସେଟା ଅବ୍‌କା ଜିଉଦିମନ୍‌ର୍ ବିତ୍‌ରେ ଅନି ନାଇ, ମାତର୍ ଜିଉଦି ନଅଇଲା ଲକ୍‌ମନ୍‌ର୍ ବିତ୍‌ରେଅନି ମିସା ।

୨୫ ଏ ବିସଇନେଇ ଅସେୟ ବଇତେଇ ପରମେସର୍ କଇଆଟେ,
“ଜନ୍ ଲକ୍‌ମନ୍ ଆମର୍ ଲକ୍ ନ ରଇଲାଇ, ସେମନ୍‌କେ ମୁଇ ଏବେ ନିଜର୍ ଲକ୍ ଇସାବେ ତାକ୍‌ବି ।
ଜନ୍ ଜାତିକେ ମୁଇ ଆଲାଦ୍ କରି ନ ରଇଲି, ତାକେ ‘ଆମର୍ ନିଜର୍’ ବଲି ତାକ୍‌ବି ।”

୨୬ “ଜନ୍ ଜାଗାଇ ସେମନ୍‌କେ କଇରଇଲୁ,
“ ତମେ ଆମର୍ ଲକ୍ ନୁଆଁସ୍ ”

“ତେଇ ସେମନ୍ ଜିବନ୍ ରଇବା ପରମେସରର୍ ପିଲାଟକି ବଲାଅଇବାଇ ।”

୨୭ ଆରି ଇସ୍ରାଏଲ୍ ବିସଇନେଇ ଜିସାୟ କଇଲା ଆଟେ, “ଇସ୍ରାଏଲିୟମନ୍ ସମ୍‌ଦୁରର୍ ବାଲିପାରା ଅଇଲେ ମିସା, ସେମନ୍‌ର୍ ବିତ୍‌ରେଅନି କେତେଲକ୍‌ସେ ମୁକ୍ତି ପାଇବାଇ ।

୨୮ କାଇକେବଇଲେ ମାପୁର ଦାପ୍‌ରେସେ ଗୁଲାଇ ଜଗଡ଼ ନିଆଇ ବିଚାର୍ କରସି ।”

୨୯ ଜେଡ଼ିକି ଜିସାଇୟା ମିସା କଇରଇଲା, “ସବୁରଟାନେଅନି ବପୁ ରଇବା ମାପରୁ, ଆମର୍ କେତେଟା ଲକ୍ମନକେ ରକିଆ କରି ନ ରଇଲେ, ଆମର୍ ଦସା ସଦମ୍ ଆରି ଗମ୍ଭାର୍ ଲକ୍ମନର୍ ପାରା ଅଇତା ।”

ଇସ୍ରାଏଲିୟମନର୍ ମୁକ୍ତି ପାଇ ପାଉଲର୍ ପାର୍ତନା

୩୦ ସେଟାର୍ ପାଇ ଜିଉଦି ନଇଲାଲକ୍ମନର୍ ବିସଇନେଇ ଏଟା କଇପାରୁ, ସେମନ୍ ଦରମ୍ ଲକ୍ ବଲାଇ ଅଇବାକେ ମନ୍ କରି ନ ରଇଲାଇ ମିସା, ସେମନର୍ ବିସବାସ୍ ଲାଗି ସେମନ୍ ପର୍ମେସରର୍ ମୁଆଟେ ଦରମ୍ ଲକ୍ ବଲାଇ ଅଇଲାଇ ଆତଡ଼ ।

୩୧ ମାତର୍ ଇସ୍ରାଏଲର୍ ଲକ୍ମନ ନିୟମ୍ ଆନିକରି ପର୍ମେସରର୍ ମୁଆଟେ ଦରମ୍ ଲକ୍ ବଲାଇ ଅଇବାକେ ବେସି ଚେସ୍ଟା କଲାଇ, ମାତର୍ ନାପାର୍ଲାଇ ।

୩୨ କାଇକେ ନାପାର୍ଲାଇ ? କାଇକେବଇଲେ ସେମନ୍ ପର୍ମେସରକେ ବିସବାସ୍ ନ କରତେ ନିୟମ୍ ମାନବାକେ ଚେସ୍ଟା କଲାଇ ଆରି ତାର୍ ମୁଆଟେ ଦରମ୍ ବଲାଇ ଅଇବାକେ ବାବ୍ଲାଇ । ଏଟାର୍ଲାଗି ବାଟେ ଗାଡ଼ିରଇବା ବଡ଼ ପାକନାଟାନେ ଚେସାଇଅଇଲା ଲକ୍ମନର୍ପାରା ଅଇଗାଲା ।

୩୩ ଜେଡ଼ିକି ସାସ୍ତରେ ଲେକାଆଟେ,
ଦେକା ଆମେ ସିୟନେ ଗଟେକ୍ ବାଦାପାକାଇବା ପାକନା ଆରି
ଅଟ୍‌କାଇବା ରାଜ୍‌ନିପାକନା ସଙ୍ଗଲୁ ଆରୁ,
ତେଇ ଲକ୍ମନ ଜଟିଆଇ ଅଇ ଅଦରବାଇ ।
ମାତର୍ ଜେ ତାକେ ବିସବାସ୍ କରସି, ସେ କେବେ ମୁର୍ମୁରା ନ ଅଏ ।

୧୦

୧ ଏ ବାଇବଇନିମନ୍, ମର୍ ନିଜର୍ ଲକ୍ ମୁକ୍ତି ପାଅଡ଼ ବଲି ମୁଇ ବେସି ମନ୍ କଲିନି । ଆରି ଏଟାର୍ପାଇ ମୁଇ ସବୁବେଲେ ପର୍ମେସରକେ ପାର୍ତନା କଲିନି ।

୨ ସେମନ୍ ପର୍ମେସରକେ ପୁରାପୁରୁନ୍ ବିସବାସ୍ କଲାଇନି । ମାତର୍ ତାକେ କେନ୍ତାରି ସାର୍ଦା କରାଇବାର୍ ଆଟେ, ସେଟା ନାଜାନଡ଼ ।

୩ ଲକ୍ମନକେ ନିଜର୍ ମୁଆଟେ ଦରମ୍ ବଲାଇ ଅଇବାକେ, ପର୍ମେସର୍ ଜନ୍ ଜନ୍ନା କଲା, ସେଟା ସେମନ୍ ନିର୍ଲାଇ । ମାତର୍ ନିଜେ ଜନ୍ନା ତିଆର୍ କରି, ନିୟମର୍ ବାଟେ ଇଶ୍ଟିଲାଇ ।

୪ କିରିସ୍ଟ ଆଇଲାତେଇଅନି ନିୟମ୍ ମାନବାଟା କାଇ ମୁଲିଅ ନାଇ । ଜେନ୍ତାରି କି ତାକେସେ ବିସବାସ୍ କଲେ, ମୁରୁସ୍ ପର୍ମେସରର୍ ମୁଆଟେ ଦରମ୍ ଲକ୍ ବଲି ଏଜାଇ ଅଇସି ।

ସବୁର୍ ପାଇ ମୁକ୍ତି

୫ ନିୟମ୍ ମାନବାତେଇଅନି ଦରମ୍ ଲକ୍ ଅଇବା ବିସଇ ମସା ଲେକଲା ଆଟେ । ଜଦି ଜନ୍ ଲକ୍ମନ ନିୟମର୍ ସବୁଜାକ ଆଦେସ୍ ମାନବାଇ, ସେମନ୍ ବର୍ବବାଇ ।

୬ ମାତର୍ ଲକ୍ମନ ବିସବାସକରି ପର୍ମେସରର୍ ମୁଆଟେ ଦରମ୍ ବଲାଅଇବାଇ, ସେ ବିସଇ ସାସ୍ତରେ ଏକ୍ତି ଲେକାଆଟେ, କେ ସର୍ଗେ ଜାଇକରି କିରିସ୍ଟକେ ଉଡ଼ରାଇ ଆନ୍ସି ? ବଲି ମନେ ମନେ କଇ ଉଆନାଇ ।

୭ ଆରି କୁଆନାଇ, କେ ପାତାଲେ ଜାଇକରି କିରିସ୍ଟକେ ମଲାଟାନେଅନି ଆରିତରେକ୍ ଉଟାଇ ଆନ୍ସି ?

୮ କାଇକେବଇଲେ ସାସ୍ତରେ ଏକ୍ତିରି ମିସା ଲେକାଅଇଆଟେ, “ପର୍ମେସରର୍ କବର୍ ତମର୍ ଲଗେ, ତମର୍ ଟଣ୍ଡେ ଆରି ମନେ ଆଟେ ।” ବିସବାସ୍ ବିସଇର୍ ଏ କବର୍ସେ ଆମେ ଜାନାଇଲୁନି ।

୯ ଜଦି ଉଁ, କିରିସ୍ଟସେ ମାପରୁ ବଲି କଇଲାସ୍ନି ଆରି ଉଁ, ପର୍ମେସର୍ ତାକେ ମଲାତେଇଅନି ଉଟାଇଲା ଆଟେ ବଲି ମନେ ମନେ ବିସବାସ୍ କଲାସ୍ନି, ସେନ୍ତାର୍ ଆଲେ ତମେ ମୁକ୍ତି ପାଇସା ।

୧୦ ଆମର୍ ବିସବାସର୍ ଲାଗି ପର୍ମେସର୍ ଆମ୍‌କେ ଦରମ୍ ଲକ୍ ବଲି ଏଜଲାନି । ଆରି ଟଣ୍ଡେ ଉଁ ବଲି ମାନିଆଇଲୁନିଜେ ଆମେ ମୁକ୍ତି ପାଇଆରୁ ।

୧୧ ସାସ୍ତର୍ ଇସାବେ, “କେ ମିସା ତାକେ ବିସବାସ୍ କରସି, ସେ ବିସବାସ୍ କରି କେବେ ଲାଜ୍ ନ ଅଏ ।”

୧୨ କାଇଟାବଇଲେ, ଜିଉଦି ଆରି ଜିଉଦି ନଇଲା ଲକ୍ ବିଡ଼ରେ କାଇ ସାନ୍ ବଡ଼ ନାଇ । ସେଟାର୍ ପାଇ ସବୁ ଲକ୍ ତା ଗଟେକ୍ ମାପରୁ, ଆରି ଜେଡ଼ିକି ଲକ୍ ତାକେ ପାର୍ତନା କରବାଇ ସେ ସବୁ ଲକ୍‌କେ ମଙ୍ଗଲ୍ କରସି ।

୧୩ କାଇକେବଇଲେ “ଜେ ମିସା ମାପରୁର୍ ନାଉଁ ଦାରି ପାର୍ତନା କରସି, ସେ ମୁକ୍ତି ପାଇସି ।”

୧୪ ମାତର୍ ସେମନ୍ ତାକେ ବିସବାସ୍ ନ କଲେ, କେନ୍ତା ତାର୍ ନାଉଁ ଦାରି ପାର୍ତନା କରବାଇ ? ଆରି ତାର୍ ବିସଇର୍ ସୁବ୍‌କବର୍ ନ ସୁନିରଇଲେ କେନ୍ତା ବିସବାସ୍ କରବାଇ ? ଆରି ସେମନକେ କବର୍ ନ ସୁନାଇଲେ, କେନ୍ତା ସୁନବାଇ ?

୧୫ ଆରି କବର୍ ନେଉକେ ନ ପାଟାଇଲେ କେନ୍ତା ଜାନାଇସି ? ଏ ବିସଇ ସାସ୍ତରେ ଲେକା ଆଟେ “ସୁବ୍‌କବର୍ ଜାନାଇମନ୍ ଆଇବାଟା, କେତେ ସାର୍ଦା କାତା !”

୧୬ ମାତର ସୁବକବର ଜାନାଇବାଟାନେ ସବୁ ଲକ୍ ମାନତ୍ ନାଇ । ସେଟାର ପାଇ ଜିସାଇୟ ଲେକ୍ଲା ଆଚେ, “ଏ ମାପରୁ, ଆମେ କଇଲା କାତା ସୁନିକରି କେ ବିସବାସ୍ କରତ୍‌ନାଇ ।”

୧୭ ତେବର୍‌ପାଇ ସୁବକବର ସୁନବାଟାନେଅନି ବିସବାସ୍ ଅଇସି । ଆରି କିରିସଟକେ ଜାନାଇବାଟା ସେ ସୁବକବର ।

୧୮ ମାତର ମୁଇ ପାଚାରୁଲିନି ଇସରାଏଲର ଲକ୍‌ମନ୍ କାଇ, ସେ କବର ସୁନତ୍ ନାଇ କି ? ବାଇଦରେ ସୁନିଆଚତ୍, କାଇକେବଇଲେ ଲେକାଆଚେ,

“ଜାନାଉମନର୍ ସବଦ୍ ଗୁଲାଇ ଜଗତ୍ ତାବିଅଇଗାଲା ଆଚେ, ସେମନର୍ କାତା ରାଇଜ୍ ଚିଡ଼ଲା ଜାକ କେଟ୍‌ଲା ଆଚେ ।”

୧୯ ଆରି ତରେକ୍ ମୁଇ ପାଚାରୁଲିନି, ଇସରାଏଲର ଲକ୍‌ମନ୍ ସେଟା ନିକସକ୍ ବୁଜତ୍ ନାଇ କି ? ଓଁ ବୁଜିଆଚତ୍ । କାଇକେବଇଲେ ବେସି ବରସ୍ ଆଗତ୍ ମସା ଉତର୍‌ଦେଇ ଲେକ୍ଲା ଆଚେ,

ଗଟେକ୍ ନାଜାନୁଲା ଜାତିକେ ସାଇଜ କରି

ମର ଲକ୍‌ମନ୍‌କେ ଛୁଆ କରାଇବି ।

ସେକ୍ତି ଗଟେକ୍ ବକୁଆ ଜାତିର ଲକ୍‌କେ ଦୟାକରି

ମୁଇ ସେମନ୍‌କେ ରିସା କରାଇବି ।

୨୦ ଜିସାଇଅ ଆରି ମିସା ତାଟସଙ୍ଗ କଇଲା ଆଚେ,

“ଜନ୍ ଲକ୍‌ମନ୍ ମକେ ନ କଜ୍‌ତେରଇଲାଇ,

ସେମନ୍ ମକେ ବେଟ୍ ପାଇଲାଇ,

ଜନ୍ ଲକ୍‌ମନ୍ ମର ବିସଇ ନ ପାଚାରୁତେ ରଇଲାଇ,

ମୁଇ ନିଜେ ସେମନ୍‌କେ ଦେକାଇଅଇଲି ।”

୨୧ ମାତର ପର୍‌ମେସର୍ ଇସରାଏଲର ବିସଇ କଇଲାନ୍, “ଗୁଲାଇଦିନ୍ ସେମନ୍‌କେ ତାକି ନେବାକେ ଆତ୍ ଲାମାଇଲି, ମାତର ସେମନ୍ ମକେ ନ ମାନିକରି ବିରଦ୍ କଲାଇ ।”

୧୧

ଇସରାଏଲମନର୍ ପାଇ ପରମେସରର୍ ଦୟା

୧ *ମୁଇ ଆରିତରେକ୍ ପାଚାରୁଲିନି, “ତେବେ ପରମେସର୍ ସବୁ ଜିଉଦି ଲକ୍‌ମନ୍‌କେ ଚାଡ଼ି ଦେଲା ଆଚେ କି ? ନାଇ, କେବେ ନାଇ । ମୁଇ ମିସା ନିଜେ ସେମନର୍‌ପାରା ଗଟେକ୍ ଜିଉଦି, ଅବ୍ରାଆମ୍‌ତା ମର୍ ଆନିଦାଦି ଆରି ମୁଇ ବେନ୍‌ଜାମିନ୍ କୁଟୁମର୍ ଲକ୍ ଅଇଆଚି ।”

୨ ପରମେସର୍ ମୁଲେଅନି ବାଚିରଇଲା ତାର ଲକ୍‌ମନ୍‌କେ କେବେ ମିସା ଚାଡେନାଇ । ତମେ ସାସ୍‌ତରେ ପଡ଼ିଆଚାସ୍, ଏଲିଅ କେକ୍ତି ଇସରାଏଲ୍ ମନର୍ ପାପର୍ ଚଲାଚଲ୍‌ତିର୍‌ପାଇ ପରମେସର୍‌କେ ପାର୍‌ତନା କରିରଇଲା,

୩ “ଏ ମାପରୁ, ସେମନ୍ ତମର୍ ବବିସତ୍‌ବକ୍‌ତାମନ୍‌କେ ମରାଇଆଚତ୍ ଆରି ତମର୍ ପୁଜା କର୍‌ବା ବେଦି ସବୁ ବାଙ୍ଗାଇ ପାକାଇଲାଇ ଆଚତ୍ । ମୁଇ ଗଟେକ୍ ଲକ୍‌ସେ ତକେ ପୁଜା କର୍‌ବାକେ ଆଚି । ମକେ ମିସା ସେମନ୍ ମାରିପାକାଇବାକେ ଚେସ୍‌ଟା କଲାଇନି ।”

୪ ପରମେସର୍ ଏଲିଅକେ କାଇବଲି କଇ ରଇଲା । “କାରାପ୍ ଦେବ୍‌ତା ବାଲ୍ ପୁତ୍‌ଲାକେ ପୁଜା ନ କରିରଇବା ତମର୍ ବିଡ଼ରେଅନି ସାତ୍ ଅଜାର ଲକ୍‌କେ ମର୍ ପାଇ ସଙ୍ଗ ଅଚି ।”

୫ ଏବେ ସେ ସମାନ୍ ବେଲା ଗଟ୍‌ଲା ଆଚେ । ପରମେସର ଜିବନ୍ ଦୁକାଇ ଜନ୍ ଲକ୍‌ମନ୍‌କେ ବାଚି ରଇଲା, ସେମନର୍ ବିଡ଼ରେଅନି ଅଲପ୍ କେତେଟା ଜିଉଦିମନ୍ ଅଗଲି ଆଚତ୍ ।

୬ ପରମେସର୍ ସେମନ୍‌କେ ତାର ନିଜର୍ ଜିବନ୍ ଦୁକାଇକରି ବାଟ୍‌ଲା ଆଚେ । ସେମନ୍ କରି ରଇବା ନିକ କାମର୍ ଲାଗି ନାଇ । ଜଦି ସେମନର୍ ନିକ କାମର୍ ଲାଗି ସେମନ୍‌କେ ବାଚିରଇତା, ତାର ଜିବନ୍ ଦୁକାନି ସତ୍ ଜିବନ୍ ଦୁକାନି ନ ଅଇତା ।

୭ ତେବେ କାଇଟା ଅଇଲା ? ଇସରାଏଲର ଲକ୍‌ମନ୍ ନିଜେ ଦରମ୍ ବଲାଇଅଇବାକେ ଗଟେକ୍ ବାଟ୍ କଜ୍‌ଲାଇ । ମାତର ତେଇଅନି ଗଟେକ୍ ସାନ୍ ଦଲ୍‌କେସେ ପର୍‌ମେସର୍ ବାଚିରଇଲା । ଆରି ବାକିଲକ୍‌ମନ୍ କେ ମିସା ସେ ତାକ୍‌ଲାକେ ସୁନତ୍ ନାଇ ।

୮ ସାସ୍‌ତରର୍ ବାକିଅ “ଜେକ୍ତିକି ପରମେସର୍ ସେମନର୍ ଆଁକି ଆରି ମନ୍ ବାନ୍ ଦେଲା ଆଚେ । ଏବେ ଜାକ ସେମନ୍ ଦେକି ନାପାରୁଲାଇନି କି ସୁନି ନାପାରୁଲାଇନି ।”

୯ ସେମନର୍ ବିସଇନେଇ ଦାଉଦ୍ ଲେକ୍ଲା ଆଚେ, ସେମନ୍ ଆମେ ପାପ୍ କରୁନାଇ ବଲି ବୁଲ୍ ଚିନ୍ତା କରତ୍ । ସେମନ୍ ତେଇ ଅଦ୍‌ରି ଜାଅତ୍ ।

ଅଦ୍‌ରିଜାଇକରି ତଣ୍ ପାଅତ୍ ।

୧୦ ସେମନ୍ କାଶାକାଶି ଅଇକରି କାଇଟା ମିସା ଦେକି ନାପାରତ୍ । ସବୁବେଲେ ଦୁକ୍ କସ୍‌ଟ ପାଇପାଇ

ସେମାନର ଆଁଟା ସବୁବେଳର ପାଇ ବାଁକ୍ ଅଇଜାଅ ।

୧୧ ମର ସଙ୍ଗର ଜିଉଦିମନ୍ ଜଟିଆଇ ଅଇକରି ଆଜିଜାଇ ନସଟ ଅଇଗାଲାଇ । ମାତର ସେମନ୍‌କେ ବାଉଡାଇ ଆନବାକେ ପରମେସର ନାପାରେ ବଲି ବାବ୍‌ଲାସ୍‌ନି କି ? ନାଇ ସେ ପାର୍‌ସି । ସେମନ୍ ପରମେସରର ବାକିଅ ନିର୍‌ଲାକେ ଜିଉଦି ନ ଅଇଲା ଲକ୍‌ମନ୍ ମୁକ୍ତି ପାଇଲାଇ ଆଚଡ୍ । ଜେନ୍ତାରି କି ଜିଉଦିମନ୍ ଛାଁସା ଅଇଜିବାଇ ।

୧୨ ଜିଉଦିମନ୍‌ର ନ ମାନବାଟା, ଜଗତର ବିନ୍ ଲକ୍‌ମନ୍‌କେ ବେସି ଆସିରବାଦ୍ ମିଲ୍‌ଲା । ଜିଉଦିମନ୍ ପରମେସରକେ ନ ମାନଲାକେ ଜିଉଦି ନ ଅଇଲା ଲକ୍‌ମନ୍ ତାର୍‌ଟାଣେ ଅନି ବଡ୍ ଆସିରବାଦ୍ ପାଇଲାଇ । ସେନ୍ତାର୍ ଆଲେ ପରକେ ବାଟି ରଇବା ସବୁ ଜିଉଦିମନ୍ ବିସ୍‌ବାସ୍ କଲେ, ସେ ଆସିରବାଦ୍ କେତେକ୍ ଅଦିକ୍ ଅଇସି ।

ଜିଉଦିନଇଲା ଲକ୍‌ମନ୍‌ର ମୁକ୍ତି

୧୩ ଜିଉଦି ନଇଲା ଲକ୍‌ମନ୍, ତମକେ ମୁଇ କଇଲିନି, ପେରିଡ୍‌ସିସ୍ ଇସାବେ ତମର ବିଡ୍‌ରେ କାମ୍ କରବାକେ ପରମେସର ମକେ ବାଟଲା ଆଚେ । ସେ ମକେ ଜେଡ୍‌କି କାମ୍ ଦେଲାଆଚେ, ସେଟା ମୁଇ ଜତନ୍‌ସଙ୍ଗ୍ କଲିନି ।

୧୪ ମୁଇ ତମକେ ସାଇଜ କଲାପାଇ, ମର ସଙ୍ଗର ଜିଉଦିମନ୍ ଛାଁସା ଅଅଡ୍ ବଲି ମୁଇ ମନ୍ କଲିନି । କେ ଜାନେ ସେମାନର ବିଡ୍‌ରେଅନି କେତେଲକ୍ ବିସ୍‌ବାସ୍ କରି ପରମେସରର ଡଣ୍ଡେଅନି ରକିଆ ପାଇବାଇ ।

୧୫ ଜିଉଦିମନ୍ ପରମେସରର ଟାଣେଅନି ବେଗଲ୍‌ଲାକେ, ଜିଉଦି ନ ଅଇଲା ଲକ୍‌ମନ୍ ତାର୍ ନିଜର ଲକ୍ ଅଇପାର୍‌ଲାଇ । ସେନ୍ତାର୍‌ଆଲେ ଜିଉଦି ଲକ୍‌ମନ୍ ତାର୍‌ଟାଣେ ଆରିତରେକ୍ ବାଉଡିଆଇଲେ, ଜିଉଦି ନ ଅଇଲା ଲକ୍‌ମନ୍‌କେ କେତେକ୍ ଅଦିକ୍ ଆସିରବାଦ୍ ଅଇସି । ସେନ୍ତାରି ଅଇଲେ କେତେକ୍ ନିକ କରମ୍ ! ସବୁ ମଲାଲକ୍‌ମନ୍ ଜିବନ୍‌ଅଇ ଉର୍‌ଲାପାରା ଅଇସି ।

୧୬ ରୁଟିଡେଇଅନି କଣ୍ଡେକ୍ ପରମେସରକେ ଦିଆଅଇରଇଲେ, ସବୁଜାକ ରୁଟି ଦିଆଅଇଲା ଆଚେ ବଲି ବାବ୍‌ବାର୍ । ଗଟେକ୍ ଗଟର ଚେର୍ ସୁକଲ୍ ରଇଲେ, ତାର୍ କେନ୍ଦାକଡ୍ ମିସା ସୁକଲ୍ ଆଚେ ବଲି ବାବ୍‌ବାକେ ଅଇସି ।

୧୭ ଇସରାଏଲ୍ କୁଟୁମର ଲକ୍‌ମନ୍ ପରମେସର ଜତନ୍ କରିରଇବା ଗଟେକ୍ ଜିଡ୍ ଗଟର ପାରା । ସେ ଗଟେଅନି କେତେଟା କେନ୍ଦି ବାଙ୍ଗାଲକରି ବନର୍ ଜିଡ୍ ଗଟର କେନ୍ଦା ଡେଇ, ଜଡିଆଚେ । ତମେ ଜିଉଦି ନ ଅଇଲା ଲକ୍‌ମନ୍ ସେ ବନର୍ ଜିଡ୍ ଗଟ ପାରା । ଏବେ ତମେ ଜିଉଦିମନ୍‌ର ଡାଟ୍ ଆଡ୍‌ମାର୍ ଜିବନ୍‌ଡେଇ ଜଡିଅଇଆଚାସ୍ ।

୧୮ ସେଟାର୍ ପାଇ ତମେ ଜିଉଦିମନ୍‌ର ଟାଣେଅନି ବଡ୍ ବଲି ବାବାନାଇ । କାଇକେବଇଲେ ତମେ ଅବ୍‌କା କେନ୍ଦାସେ ଆରି କେନ୍ଦାମନ୍‌ର କାଦି ଗଟର ଚେରେଅନିସେ ଆଇସି । ଚେରର କାଦି କେନ୍ଦାଅନି ନ ଆସେ ।

୧୯ “ଉଁ ତମେ କଇପାରାସ୍, ଜିଉଦି ନ ଅଇଲା ଲକ୍‌ମନ୍ ଆମେସେ ବଡ୍ । କାଇକେବଇଲେ ଆମ୍‌କେ ଜଡ୍‌ବାକେ କେନ୍ଦାମନ୍ ବାଙ୍ଗାଲାଇ ।”

୨୦ ତମକେ ଜଡିଆଚେ, ସେଟା ସଡ୍ ସେ । ମାତର ଜିଉଦିମନ୍ ବିସ୍‌ବାସ୍ ନ କଲାପାଇ ପରମେସର ସେମନ୍‌କେ କାଟିଦେଲାଆଚେ । ତମେ ବିସ୍‌ବାସ୍ କଲାକେସେ ତମକେ ଜଡିଆଚେ । ସେଟାର୍‌ପାଇ ବଡ୍‌ପନ୍ ନ ଅଇ ଡରିକରି ରୁଆ ।

୨୧ କାଇକେବଇଲେ ଜଦି ଗଟେଅନି ନିଜେ ବାରଇଲା କେନ୍ଦା ପାରା ଜିଉଦିମନ୍‌କେ ପରମେସର ବାଙ୍ଗାଲଦେଲା, ତେବେ ବନେଅନି ଆନି ଜଡିରଇବା କେନ୍ଦାମନ୍‌କେ କେତେକ୍ ଅଦିକ୍ ସେ ନ ବାଙ୍ଗାଏ ? ସେ କେନ୍ଦାମନ୍ ଅଇଲାନି, ତମେ ବିସ୍‌ବାସ୍ ନ କଲା ଜିଉଦି ନଇବା ଲକ୍‌ମନ୍ ।

୨୨ ଇଡିଅନି ଆମେ ଦେକ୍‌ଲୁନି ପରମେସର କେନ୍ଦି ଆଲାଦ୍‌କାରିଆ, ଆରି ସାସନ୍‌କାରି ମିସା ! ଜନ୍ ଲକ୍‌ମନ୍ ତାର୍ କାତା ମାନଡ୍ ନାଇ, ସେମନ୍‌କେ ଡଣ୍ଡ ଦେଲା । ମାତର ତାର୍ ଦୟା ତମେ ଡାଟ୍ ସଙ୍ଗ୍ ଦାରିରଇଲେ, ସେ ତମକେ ଦୟା ଦେକାଇସି । ଜଦି ସେନ୍ତାରି ନ କଲେ, ତମକେ ମିସା କାଟିଦେଇସି ।

୨୩ ଜଦି ଜିଉଦିମନ୍ ବିସ୍‌ବାସ୍ କଲେ, ଗଟର ବୁନ୍ଦେ ରଇବା ତାକର୍ ଆଗର୍ ଜାଗାଇ ପରମେସର ସେମନ୍‌କେ ବାଉଡାଇସି । କାଇକେବଇଲେ ସେଟା ପରମେସରସେ କରିପାରେ ।

୨୪ ତମେ ଜିଉଦିନଇଲା ଲକ୍‌ମନ୍ ବନର୍ ଜିଡ୍ ଗଟର ବାଙ୍ଗାଲଲା କେନ୍ଦାପାରା । ସବୁବେଲେ ଜଡ୍‌ବାଟାଣେ କଲାପାରା ନ କରି, ପରମେସର ନିଜେ ଜତନ୍ କରବା ଗଟେ, ତମକେ ଜଡ୍‌ଲାଆଚେ । ଜିଉଦିମନ୍ ସେ ନିଜେ ଜତନ୍ କରିରଇବା ଗଟରପାରା । ସେନ୍ତାର୍‌ଆଲେ ଗଡ୍‌ବୁନ୍ଦେ ରଇବା କେନ୍ଦାମନ୍‌କେ ଆଗର୍ ଜାଗାଇ ନେଇ ଜଡ୍‌ବାକେ କେତେକ୍ ଅଦିକ୍ ସଅଜ୍ ଅଇସି ।

ସବୁ ଲକ୍‌ର ପାଇ ପରମେସରର ଆଲାଦ୍

୨୫ ଏ ବାଇବଇନିମନ୍, ଏ ବିସଇଟାଣେ ଗଟେକ୍ ଲୁଟିରଇଲା ସଡ୍ ତମେ ବୁଜା ବଲି ମୁଇ ମନ୍ କଲିନି । ଆମେ ଜିଉଦିମନ୍‌ର ଟାଣେଅନି ବଡ୍ ଆରୁ ବଲି ତମେ ବଡ୍‌ପନ୍ ନ ଅଇବାକେ, ଏଟା ତମକେ ବୁଜାଇଲିନି । ଜିଉଦିମନ୍‌ର କାତା ନ ମାନବାଟା, ବେସିଦିନ୍ ଜାକ ନ ରଏ । ମାତର ଜେଡ୍‌କି ଜିଉଦି ନ ଅଇଲା ଲକ୍‌ମନ୍‌କେ ପରମେସର ବାଟଲାଆଚେ, ସେମନ୍ ବିସ୍‌ବାସ୍ କରବାଜାକ ସେଟା ରଇସି ।

୨୬ ତାର୍ ପଟେ ଇସରାଏଲିଅମନ୍ ସବୁ ଲକ୍ ଏ ସାସ୍‌ତରର୍ ଇସାବେ ରକିଆ ପାଇବାଇ । ମୁକ୍ତିକାରିଆ ଜିଉଦିମନ୍‌ର ବିଡ୍‌ରେ ଅନି ଆଇସି,

ଆରି ତାର୍ ଲାଗି ଜାକୁବର୍ କୁଟୁମେଅନି ସବୁ ତାକର୍ କାରାପ୍ ଚଲାଚଲ୍‌ଡି ଚାଡ୍‌ବାଇ ।

୨୭ ସେମାନର ପାପ ରକ୍ଷା ଚଳାଚଳୁଛି ମୁଁ ଦାରିଜିବାବେଳେ, ସେମାନର ସଙ୍ଘ ଏ ରାଜିନାମା କରବି ।

୨୮ ସୁଦ୍ଧା କବର ବିସ୍ତାରୀ ନ କରି ଜିଉଦିମନ୍ ପରମେସରର ସତ୍ତାରୁ ଅଇଗାଲାଇ । ଏନ୍ତାରି ଅଇଲାକେ ତମେ ଜିଉଦି ନ ଅଇଲା ଲକ୍ଷ୍ମୀ ମୁକ୍ତି ପାଇଲାସ୍ । ଏନ୍ତାରି ଅଇଲେମିସା ପରମେସର ଜନ୍ କାତା ତାକର୍ ଆନିଦାଦିମନ୍‌କେ ଦେଇରଇଲା, ଆରି ସେମନ୍ ତାର ବାଟିରଇବା ଲକ୍ଷ୍ମୀ ଅଇଲାକେ ମିସା, ସେମନ୍ ତାର ଲକ୍ଷ୍ ଅଇଆଚ୍ ।

୨୯ କାଇକେବଇଲେ ପରମେସର ଜନ୍ ଲକ୍ଷ୍ମୀକେ ବାଟିକରି ଆସିରବାଦ୍ କରସି, ସେ ଦାନ୍ ଦେବାକେ ଜାଗରତା ରଇସି ।

୩୦ ଜିଉଦିନଇଲା ଲକ୍ଷ୍ମୀ ତମେ ପୁରବେ ପରମେସରର କାତା ନ ମାନ୍‌ତେ ରଇଲାସ୍, ମାତର ଜିଉଦିମନ୍ କାତା ନ ମାନ୍‌ଲାବ୍ ପାଇ, ଏବେ ତମେ ପରମେସରର ଜିବନ୍ ଦୁକାନିର୍ ଆଲାଦ୍ ପାଇଆଚାସ୍ ।

୩୧ ଏଟା ଜିଉଦି ଅଇରଇବା ଲକ୍ଷ୍ମୀକେ ପାଇ ମିସା ସେନ୍ତାରିସେ । ଏବେ ସେମନ୍ କାତା ନ ମାନ୍‌ଲେ ମିସା, ତମ୍‌କେ ଜେନ୍ତାରି ପରମେସର ଦୟା ଦେକାଇ ଆଲାଦ୍ କଲାଆଚେ, ସେ ପଚ୍‌କେ ସେମନ୍‌କେ ମିସା ଦୟା ଦେକାଇସି ।

୩୨ ଗୁଲାଇ ମନସ୍ ଜାତି ତାର କାତା ନ ମାନ୍‌ଲାକେ ଡଣ୍ଡ ପାଇବାର୍ ଆଚେ ବଲି ପରମେସର ଦେକାଇଲା ଆଚେ । ତାର ଜିବନ୍ ଦୁକାଇଲାଟା ସବୁକେ ଡିସ୍‌ସି ବଲି ଏନ୍ତାରି କଲାଆଚେ ।

ପରମେସରର ଡାକ୍‌ପୁଟା

୩୩ ପରମେସରର ଦୟା କେତେକ୍ ବଡ଼ ! ତାର ଗିଆନ୍ ଆରି ବିଚାର୍ କରବା ବପୁ କେ ବୁଜିନାପାରଡ଼ ! ସେ ଜନ୍‌ଟା ଡ଼ କରସି, ସେଟା ଲକ୍ଷ୍ମୀ ବୁଜିନାପାରଡ଼ । ସେ ଜନ୍ କାମ୍ କରବାକେ ଗାଲାନ୍, ସେଟା କେ ବାତାଇ ନାପାରଡ଼ ।

୩୪ କାଇକେବଇଲେ ସାସ୍‌ତରେ ଏନ୍ତାରି ଲେକା ଅଇଲାଆଚେ ।

“ପରମେସର ମନେ ଚିନ୍ତା କରବାଟା କେ ବୁଜି ପାରଡ଼ ?

ତାକେ କେ ମିସା ବୁଦିର୍ କାତା କଇବାକେ ଲତାନାଇ ।”

୩୫ ତାକେ କାଇଟା ଉନା ନାଇ ।

ସେ ଆମର୍ ରୁଣି ଅଇବାକେ, ତାକେ କାଇଟା ଦେଇ ନାପାରୁ ।

୩୬ ☆ତିଆର୍ ଅଇଲା ସବୁ ବିସଇ ସେ ସେ ଚାଲାଇଲାନ୍ । ଆରି ସବୁ ବିସଇ ତାର୍‌ପାଇସେ । ପରମେସର, କାଲେ କାଲେ ଜୁଗେ ଜୁଗେ, ତାର୍ ଡାକ୍‌ପୁଟା ଅ । ଆମେନ୍ !

୧୨

ପରମେସରକେ ସେବା କରବା ଜିବନ୍

୧ ସେଟାର୍ ପାଇ ଏ ବାଇବଇନିମନ୍, ଆମର୍ ଉପରେ ପରମେସରର ବଡ଼ ଜିବନ୍‌ଦୁକାନିର୍ ଲାଗି, ତମ୍‌କେ ମୁଁ ବାବୁଜିଆ କଲିନି, ପରମେସରର ଲଗେ ଗଟେକ୍ ବଲି ଇସାବେ ନିଜର୍ ଜିବନ୍ ସର୍ପିଦିଆସ୍ । ଏନ୍ତାରି ବଲି ଅଇବାଟା ମରବାକେ ନସ୍, ମାତର ତାର୍ ସେବାକରବାକେ ନିଜେ ସର୍ପି ଅଇବାଟା । ସେନ୍ତାରି ଅଇଲେ ପରମେସର ସାର୍‌ଦା ଅଇସି । ପରମେସରକେ ଏ ରକାମ୍ ଉପାସନା କରବାର୍ ଆଚେ ।

୨ ଏ ଜଗତେ ରଇବା ଲକ୍ଷ୍ମୀକେ ପାରା ଚଳାଚଳୁଛି ଇସାବେ ଜିଉନା କାଉନା କରାନାଇ । ପରମେସର ତମର୍ ମନ୍ ନୁଆକରି ବାଦ୍‌ଲାଅ । ସେନ୍ତାରି ଅଇଲେ ସେ ମନ୍ କରବାଟା ବୁଜିପାର୍‌ସା । ଆରି ଜନ୍ ଚଳାଚଳୁଛି ତାର୍ ମୁଆଟେ ନିକ, ସିଦ୍ ଆରି ତାକେ ସାର୍‌ଦା କରାଇସି, ସେଟା ଜାନ୍ ପାର୍‌ସା ।

୩ ପରମେସର ମକେ ଜିବନ୍‌ଦୁକାଇକରି ଅଦିକାର୍ ଦେଲାକେ ତମ୍‌କେ ସବୁ ଲକ୍‌କେ କଇଲିନି, । କେ ମିସା ମୁଁ ବିନ୍ ଲକ୍‌ଗଟାନେଅନି ବଡ଼ ବଲି ବାବାନାଇ । ପରମେସର ତମ୍‌କେ ଜେଡ଼କି ବିସ୍‌ବାର୍ ଦେଲାଆଚେ, ସେଡ଼କି ନିଜ୍‌କେ ବିଚାର୍ କରା ।

୪ ☆ଆମ୍‌କେ ସବୁଲକ୍‌କେ ଗାଗ୍‌ତେ ବିନ୍ ବିନ୍ ବାଗ୍ ଆଚେ । ସେ ଗାଗ୍‌ତର୍ ବିନ୍ ବିନ୍ ବାଗର୍, ବିନ୍ ବିନ୍ କାମ୍ ଆଚେ ।

୫ ସେନ୍ତାରିସେ ଆମେ ଜେଡ଼କି ଲକ୍ କିରିସ୍‌ଟେଇ ମିସ୍‌ଲୁଆରୁ, ଆମେ ତାର୍ ଗାଗଡ଼ ଅଇଲୁଆରୁ । ଗାଗଡ଼ ଆଡ଼ ଗଡ଼ ପାରା ଆମେ ସବୁ ଲକ୍ ମିସିଆରୁ ।

୬ ☆ସେଟାର୍ ପାଇ ପରମେସର ଆମ୍‌କେ ଜିବନ୍ ଦୁକାଇ ଜେଡ଼କି ବିନ୍ ବିନ୍ ବପୁର୍ ଦାନ୍ ଦେଲା ଆଚେ, ସେ ସବୁ ବପୁ ଆମର୍ କାମେ ଲାଗାଇବାର୍ ଆଚେ । ଜଦି ଆମ୍‌କେ ପରମେସରର ବାକିଅ ଜାନାଇବା ବପୁ ଦେଲାଆଚେ, ସେନ୍ତାରିଆଲେ ଆମେ ପାଇରଇବା ବିସ୍‌ବାର୍ ଇସାବେ ସେଟା କରବାର୍ ଆଚେ ।

୭ ଜଦି ଆମର୍ ସଙ୍ଘର୍ ଲକ୍‌କେ ସାଇଜ କରବା ବପୁ ଦେଲାଆଚେ, ତେବେ ସେଟା କର୍ତ୍ତେ ରଇବାର୍ ଆଚେ । ଜଦି ପରମେସରର ବାକିଅ ସିକାଇବାଟା ଦେଲାଆଚେ, ତେବେ ସେଟା ଜତନ୍ ସଙ୍ଘ କରବାର୍ ଆଚେ ।

୮ ବିନ୍ ଲକ୍‌ମନ୍‌କେ ସାର୍‌ଦା କରାଇବାକେ ବପୁ ଦେଇରଇଲେ, ସେଟା କର୍ତ୍ତେ ରଉଁ । ଅର୍‌କିଡ଼ ଲକ୍‌ମନ୍‌କେ ଦାନ୍ କରବା ବପୁ ଦେଇରଇଲେ, କାଇଟା ନ ବାବିକରି ଦାନ୍ କରୁ । ବିନ୍ ଲକ୍‌ କାମ୍‌କେ ଦେକାରକା କରବା ଅଦିକାର୍ ଦେଇରଇଲେ, ନିଜେ ବେସି କାମ୍ କରବାର୍‌ଆଚେ । ଜଦି ବିନ୍ ଲକ୍‌ମନ୍‌କେ ଦୟା ଦେକାଇବା ବପୁ ଦେଲାଆଚେ, ବିଜାର୍ ନ ଅଇ ସାର୍‌ଦା ସଙ୍ଘ କରବାର୍ ଆଚେ ।

☆ ୧୧:୩୭ ମମ କରନ୍ତିୟ ୮:୭ ☆ ୧୨:୪ ମମ କରନ୍ତିୟ ୧୨:୧୨ ☆ ୧୨:୬ ମମ କରନ୍ତିୟ ୧୨:୪-୧୧

୯ ବିନ୍ ଲକ୍ଷ୍ମୀନକେ ଆଲାଦ୍ କରବାର୍ ଆଲେ କାଇ କପଟ୍ ରଇବାର୍ ନାଇ । କାରାପ୍ ଚଲାଚଲ୍ତି ଗିନ୍ କରି, ସତ୍ ଚଲାଚଲ୍ତି ଚାଡ଼ବାର୍ ନାଇ ।

୧୦ ତମେ କିରିସ୍ତର୍ଗଟାନେ ବାଇବଇନି ଅଇଲାର୍ ପାଇ, ଗଟେକ୍ ଲକ୍ ଆରି ଗଟେକ୍ ଲକ୍ କେ ଆଲାଦ୍ କରି ସନ୍ମାନ୍ କରା ।

୧୧ ନିସତ୍ ନଅଇକରି ଲାଗିରୁଆ । ଜିବନ୍ ପରାନ୍ ଦେଇକରି ପରମେସର୍ତ୍ତକେ ସେବା କରା ।

୧୨ ଆମ୍ଭକେ ରଇବା ଆସାର୍ ଲାଗି ଆମେ ସାର୍ଦା ଅଉଁ । ଦୁକ୍ କସ୍ଟ ଆଇଲେ ମୁରଚିକରି ରଉଁ । ସବୁବେଲା ପରମେସର୍ତ୍ତକେ ପାର୍ତନା କର୍ତେ ରଉଁ ।

୧୩ ଆମ୍ଭ ଟାନେ ରଇବା ଅର୍କିତ୍ ବାଇବଇନିମନ୍ତକେ ସାଇଜ କରୁ । ନ ଜାନ୍ବା ଲକ୍ଷ୍ମୀନ ଆମ୍ଭ ଗରେ ଆଇଲେ ଗତିଆ କରି ଡାକିନେଉଁ ।

୧୪ *ଜନ୍ମଲକ୍ଷ୍ମୀନ ତମ୍ଭକେ ନିନ୍ଦା କରବାଇ, ସେମନ୍ତକେ ପରମେସର୍ ଆସିର୍ବାଦ୍ କରବଲି ପାର୍ତନା କରା । ସେମନ୍ତକେ ଆସିର୍ବାଦ୍ କରା, ସାଇପ୍ ଦିଆସ୍ ନାଇ ।

୧୫ ଜଦି ଗଟେକ୍ ଲକ୍ କେ ସାର୍ଦାର୍ ଦିନ୍ ଆଇଲାଆତେ, ତେବେ, ତାର୍ ସଙ୍ଗ୍ ମିସି ସାର୍ଦା କରା, ଜଦି ଦୁକର୍ ଦିନ୍ ଆସିରଇଲେ, ସେ ଲକ୍ ସଙ୍ଗ୍ ମିସି ଦୁକ୍ କରା ।

୧୬ ସବୁ ଲକ୍ କେ ସମାନ୍ ଇସାବେ ଆଲାଦ୍ ଦେକାଆ । ଆଁକାର୍ ରୁଦି ଚାଡ଼ିକରି ସଲଦ୍ ଅଇ ସାନ୍ ସାନ୍ କାମ୍ କରବାକେ ମିସା ରାଜି ଉଆ । ନିଜ୍ କେ ଗିଆନ୍ ରଇବାଲକ୍ ବଲି ଦେକାଇ ଉଆନାଇ ।

୧୭ କେ ତମ୍ଭକେ ଅନିଆଇ କଲେ, ତାକେ ବେର୍ ଦାର୍ବାର୍ ନାଇ, ଜନ୍ ଚଲାଚଲ୍ତି ସବୁର୍ ମନ୍ତକେ ଜାଇସି, ସେଟା କର୍ତେରଇବାର୍ ।

୧୮ ସବୁ ଲକ୍ ସଙ୍ଗ୍ ସୁସାରେ ଜିଇବାକେ ଜେତେକ୍ ପାରାସ୍, ସେତେକ୍ ଚେସ୍ଟା କରା ।

୧୯ ମର୍ ଆଲାଦ୍ ବାଇବଇନିମନ୍, ଜଦି କେ ତମ୍ଭକେ ଅନିଆଇ କଲେ, ତମେ ବେର୍ ଦାରାନାଇ, କାଇକେବଇଲେ, ପରମେସର୍ତ୍ତକେ ଡଣ୍ଡ ଦେଇସି । କାଇକେ ବଇଲେ ସାସ୍ତରେ ଲେକା ଆତେ । ମାପୁରୁ କଇଲାନି, “ମୁଇ ବେର୍ ଦାର୍ବି । ମୁଇ ଡଣ୍ଡ ଦେବି ।”

୨୦ ଏଲେ ସାସ୍ତରର୍ ଲେକା ଇସାବେ “ତମ୍ଭ ସତ୍ତୁ ବୁକେ ରଇଲେ, ତାକେ କାଇବାକେ ଦିଆସ୍, ସସେ ରଇଲେ, ପାନି କୁଆ । ଏନ୍ତାକଲେ ସେ ତମ୍ଭକେ କିରିରଇବା ଅନିଆଇର୍ ଲାଗି ବେସି ଲାଜ୍ ଅଇଜାଇସି ।”

୨୧ ମିର୍ କାମ୍ କରି ଆରିଜାଆ ନାଇ, ସବୁ ବିସଇ ସତ୍ ବାବେ କରି ଜିତିକରି ରୁଆ ।

୧୩

ସାସନ୍ କରୁମନ୍ତକେ ନାମ୍ବାଟା

୧ ସାସନ୍କାରିଆମନ୍ତ କାତା ସବୁ ଲକ୍ ମାନ୍ବାକେ ବାଦିଅ, କାଇକେବଇଲେ ପରମେସର୍ ଆଦେସ୍ ନ ଦେଲେ କେ ମିସା ସାସନ୍ କରବାକେ ଅଦିକାର୍ ନ ପାଏ । ଗାଦିଟାନେ ରଇଲା ସାସନ୍କାରିଆମନ୍ତକେ ପରମେସର୍ ବସାଇଲା ଆତେ ।

୨ ସେଟାର୍ ପାଇ ଜେ ଗାଦିତେଇ ବସଲା ସାସନ୍କାରିଆମନ୍ତକେ ବିରଦ୍ କରସି, ସେ ପରମେସର୍ ତିଆରକଲା ଗାଦିର ବିରଦ୍ କଲାନି । ଜେ ଏଟା କରସି ସେ ପରମେସର୍ତ୍ତ ବିଚାର୍ନା ଜାଗାଇ ଚିଆଅଇସି ।

୩ ଆମ୍ଭ ଚଲାଚଲ୍ତି ସତ୍ ରଇଲେ ସାସନ୍କାରିଆକେ ଡର୍ବାର୍ ଦରକାର୍ ନାଇ । କାରାପ୍ ରଇଲେ ଡର୍ବାର୍ ଆତେ । ସାସନ୍କାରିଆମନ୍ତକେ ତମେ ଡର୍ବାର୍ କେ ମନ୍ କରାସ୍ ନାଇ, ସେନ୍ତାଆଲେ ନିକ କାମ୍ କରା ଆରି ସେମନ୍ ତମ୍ଭକେ ନାମ୍ବାଇ ।

୪ ସେମନ୍ ପରମେସର୍ତ୍ତ ଗତିଦାଙ୍ଗ୍ତାମନ୍ ଆରି ତମ୍ଭ ନିକପାଇସେ କାମ୍ କଲାଇନି । ତମେ ଜଦି କାରାପ୍ କାମ୍ କର୍ତେରଇସା, ତେବେ ସେମନ୍ତକେ ଡର୍ବାର୍ ଆତେ । କାଇକେବଇଲେ ତମ୍ଭକେ ଡଣ୍ଡ ଦେବାକେ ତାକର୍ ଅଦିକାର୍ ଆତେ । ସେମନ୍ ପରମେସର୍ତ୍ତ ଗତିଦାଙ୍ଗ୍ତା ଆରି ଜେଡ୍ କି ଲକ୍ କାରାପ୍ କାମ୍ କର୍ତେରଇବାଇ, ସେମନ୍ତକେ ପରମେସର୍ତ୍ତ ଡଣ୍ଡ ଦେବାଇ ।

୫ ସେଟାର୍ପାଇ ତମେ ସାସନ୍କାରିଆମନ୍ତ କାତା ମାନ୍ବାର୍ ଆତେ । ଉଜେ ପରମେସର୍ତ୍ତ ଡଣ୍ଡ ଡରିକରି ନାଇ, ମାତର୍ ନିଜର୍ ରୁଦିସଙ୍ଗ୍ ଏଟା ଟିକ୍ କାମ୍ ବଲି ଜାନିକରି ମିସା ଏଟା କରବାର୍ ଆତେ ।

୬ *ଏଟାର୍ପାଇ ତମେ ସିସ୍ତୁ ମିସା ଦେଲାସ୍ନି, କାଇକେବଇଲେ ସାସନ୍କାରିଆମନ୍ ଟିକ୍ସଙ୍ଗ୍ କାମ୍ କଲାବେଲେ ପରମେସର୍ତ୍ତକେ ସେବା କର୍ତେ ରଇବାଇ ।

୭ ସେଟାର୍ ପାଇ ସେମନ୍ ଜେଡ୍ କି ପାଇବାର୍ ଆତେ ସେଟା ସେମନ୍ତକେ ଦେଇଦିଆସ୍ । ତମେ ସିସ୍ତୁ କି ଅତି ଜାଇଟା ଦେବାର୍ ଆତେ, ସେଟା ବାନ୍ଦିଦିଆସ୍ ଆରି ସେମନ୍ତକେ ନାମିକରି ସନ୍ମାନ୍ କରା ।

ନିଜର୍ ନିଜର୍ ବିତ୍ତରେ ଆଲାଦ୍

* ୧୨:୧୪ ମାଡିଉ ୫:୪୪; ଲୁକ୍ ୬:୨୮ * ୧୩:୭ ମାଡିଉ ୨୨:୨୧; ମାର୍କ ୧୨:୧୭; ଲୁକ୍ ୨୦:୨୫

୮ ନିଜର ନିଜର ବିତ୍ତରେ ଆଲାଦ୍ କରାକରି ଅଇବାଟା ଚାଡ଼ି ଆରି କାଇ ବିସଇ କାର୍ ଲଗେ ମିସା ଉଦାର୍ ଉଆ ନାଇ । ଜେ ଏଟା ବିନ୍ ଲକରପାଇ କରସି, ସେ ନିୟମ୍ ମାନସି ।

୯ ନିୟମ୍ତେଇ ଲେକାଅଇଲା ଆଟେ, “ବେସିଆ କାମ୍ କରବାର୍ ନାଇ, ନର୍ ମାରବାର୍ ନାଇ, ଚରାଇବାର୍ ନାଇ, ବିନ୍ ଲକର ଦିନ୍ସୁ ଲବାଇବାର୍ ନାଇ ।” ନିଜକେ ଆଲାଦ୍ କଲାପାରା ବିନ୍ ଲକ୍ମନକେ ଆଲାଦ୍ କରା । ଏ ଗଟେକ୍ ଆଦେସ୍ ଜଦି ତମେ ମାନସା, ନିୟମେ ରଇବା ସବୁ ଆଦେସ୍ ମାନଲାପାରା ଅଇସି ।

୧୦ କାଇକେବଇଲେ ତମେ ଗଟେକ୍ ଲକ୍ମନକେ ଆଲାଦ୍ କରତେ ରଇଲେ, କେବେ ମିସା ତାକେ ଅନିଆଇ ନ କରାସ୍ । ଆରି ତମେ ଜଦି ସେମନକେ ଆଲାଦ୍ କରସାବଇଲେ, ସବୁ ନିୟମ୍ ମାନକରିଆଟାସ୍ ।

୧୧ ଏବେ ତମେ ଏଟା କରବାର୍ ଆଟେ । କାଇକେବଇଲେ ବେଲା କେଟ୍ଲାଆଟେ । ଆମେ ସଇରଇବା ଲକରପାରା ନ ଅଇକରି ତେତା ଅଇ ଜାଗରତ୍ ଅଇରଇବାର୍ ଆଟେ । ବିସ୍ବାସ୍ କରବା ବେଲା ଆଗତୁ ରଇଲେ ମିସା ଆମର୍ ମୁକ୍ତି ପାଇବା ଦିନ୍ ଲଗେ ଅଇଆଟେ ।

୧୨ ରାତି ଦାପ୍ତରେ ସାରିଜାଇସିବେ, ସାକାଲ୍ ଅଇବାକେ ଗାଲାନ୍ତି । ସେଟାର୍ପାଇ ଆସା, ରାତିଆ କରଇରଇବା କାରାପ୍ କାମ୍ ସବୁ ଚାଡ଼ିକରି, ଉଜ୍ଜଲେ ଜୁଇଦ୍ କରବା ଆଡ଼ିଆଡ଼ିଆର୍ ଦାରୁ ।

୧୩ ବେସିଆମନର୍ ଦଲେ ମିସ୍ବାର୍ ନାଇ, ମାତୁଆଲ୍ମନର୍ ଦଲେ ଜିବାର୍ ନାଇ, ବିନ୍ ମାଇଜିମନର୍ ସଙ୍ଗ୍ ମିସିରଇବାର୍ ନାଇ, ଲାଗାଜତା ଅଇବାର୍ ନାଇ ଆରି ଛିସା ଅଇବାର୍ ନାଇ । ଆମେ ଜେଡ଼କି ଲକ୍ ଉଜ୍ଜଲେ ରଇଆତୁ, ଟିକ୍ ସଙ୍ଗ୍ ଚଲାଚଲ୍ତି କରୁ ।

୧୪ ମାପରୁ ଜିସୁକିରିସଟର୍ ଆଡ଼ିଆଡ଼ିଆର୍ ଦାରି ରଉଁ । ଆରି ଆମର୍ ପାପର୍ ଗୁନଚଲନ୍ ନ ମାନକରି ଆମେ ମନ୍ କରବାଟା ପୁରାପୁରୁନ୍ ନ କରୁ ।

୧୪

ବିନ୍ଲକର ଦସ୍ ଦାରାନାଇ

୧ *ଜଦି କେତେକ୍ ଲକ୍ କିରିସଟକେ ବିସ୍ବାସ୍ କଲାଇନ୍ତି, ମାତର୍ ତାକର୍ ବିସ୍ବାସ୍ ଡାଁଟ୍ନାଇ, ସେମନକେ ମିସା ତାକି ମିସାଆ । ମାତର୍ ସେମନର୍ ଚିନ୍ତା କରବାଟା ତମର୍ପାରା ନ ରଇଲେ, ତାକର୍ ସଙ୍ଗ୍ ଦଦାପେଲା ଉଆ ନାଇ ।

୨ କେତେକ୍ ଲକର ବିସ୍ବାସ୍, ଜେନ୍ତ୍ର ରକାମର୍ କାଦିକେ ମିସା ଉଁ ବଲି କଇବାଇ । ମାତର୍ ଜାର୍ ବିସ୍ବାସ୍ ଏବେଜାକ ଡାଁଟ୍ନାଇ ସେମନ୍ କାଇ ମାଉଁସ୍ ମିସା କାଇବାର୍ ନଏଁ, ଅବ୍କା ସାଗ୍ଡାଲ୍ସେ କାଇବାଇ ।

୩ ଜନ୍ ଲକ୍ମନ ସବୁଜାକ କାଇବାଇ, ସେମନ୍ ଆମେ ଅବ୍କା ସାଗ୍ଡାଲ୍ କାଇବା ଲକରଟାନେଅନ୍ତି ବଡ଼ ବଲି ବାବ୍ବାର୍ ନାଇ । ସେନ୍ତ୍ରାରିସେ ଜନ୍ଲକ୍ମନ ଅବ୍କା ସାଗ୍ଡାଲ୍ସେ କାଇବାଇ, ସେମନ୍ ଆମେ ସବୁରକାମର୍ କାଦିକାଇବା ଲକ୍ମନଟାନେଅନ୍ତି ବଡ଼ ବଲି ବାବ୍ବାର୍ନାଇ । କାଇକେବଇଲେ ପର୍ମେସର୍ ଦୁଇ ଦଲର୍ ଲକ୍ମନକେ ମିସା ବାଟ୍ଲା ଆଟେ ।

୪ ବିନ୍ ଲକର ଦାଙ୍ଗ୍ଡାମନକେ ଆମେ ବିଚାର୍ କରବାର୍ ନାଇ । କାଇକେବଇଲେ ସେମନ୍ କରବା କାମ୍ କଲାଇ ଆତଡ଼ କି ନାଇ ବଲି ତାକର୍ ସାଉକାର୍ ଦେକ୍ସି । ଆରି ପର୍ମେସର୍ ଜନ୍ଟା ମନ୍ କଲାନ୍ତି, ସେମନ୍ ସେଟା କରବାଇ । କାଇକେବଇଲେ ପର୍ମେସର୍ ସେମନକେ ସାଇଜ କଲାନ୍ତି ।

୫ ସେନ୍ତ୍ରାରିସେ, ବିନ୍ଦିନ୍ ମନଟାନେଅନ୍ତି କନ୍ଥାଲେ ଗଟେକ୍ଦିନ୍ ସୁବ୍ଦିନ୍ ବଲି କେତେ ଲକ୍ ବାବ୍ବାଇ । ବିନ୍ ଲକ୍ମନ ସବୁଦିନ୍ ସମାନ୍ ବଲି ବାବ୍ବାଇ । କନ୍ଟା ଟିକ୍ ରଇସି ବଲି ଲକ୍ମନ ନିଜେ ନିଜେ ବିଚାର୍ କରବାର୍ ଆଟେ ।

୬ ଜନ୍ ଲକ୍ମନ ବିନ୍ଦିନ୍ ମନଟାନେଅନ୍ତି ଗଟେକ୍ ଦିନ୍ ସୁବ୍ ବଲି ବାବ୍ବାଇ, ସେମନ୍ ପର୍ମେସର୍କେ ସାର୍ଦା କରାଇବାକେ ସେନ୍ତ୍ରାରି ବାବ୍ବାଇ । ସେନ୍ତ୍ରାରିସେ, ଜନ୍ଲକ୍ମନ ସବୁ ରକାମ୍ କାଦି କାଇବାଇ, ସେଟା ପର୍ମେସର୍କେ ସାର୍ଦା କରାଇବାକେ କରବାଇ ଆରି ସେଟାର୍ପାଇ ତାକେ ଦନିଅବାଦ୍ ଦେବାଇ । ଆରି ଜନ୍ଲକ୍ମନ ଅବ୍କା ସାଗ୍ଡାଲ୍ କାଇବାଇ, ସେମନ୍ ସେଟା ପର୍ମେସର୍ ସାର୍ଦା ଅଇସି ବଲି କାଇଲାଇନ୍ତି ଆରି ସେମନ୍ ମିସା ତାକେ ଦନିଅବାଦ୍ ଦେଲାଇନ୍ତି ।

୭ ଆମର୍ ବିତ୍ତରେ ସବୁଲକ୍ ଦର୍ତ୍ତନିତେଇ ବଠିରଇଲେ କି ମରିଗାଲେ ମିସା ପର୍ମେସର୍ ।

୮ ଆମେ ବଠିରଇଲେ ପର୍ମେସର୍ ପାଇ, ମରିଗାଲେମିସା ସେନ୍ତ୍ରାରିସେ । ତେବର୍ପାଇ ଆମେ ବଠିରଇଲେ କି ମରିଗାଲେ ପର୍ମେସର୍ ପାଇସେ ।

୯ କାଇକେବଇଲେ କିରିସଟ ମରିଗାଲା ଆରି ମଲାତେଇଅନ୍ତି ଆରିତରେକ୍ ଉଟ୍ଲା । ସେଟାର୍ପାଇ ସେ ମଲାଲକ୍ମନକେ ଆରି ଜିବନ୍ ରଇଲା ଲକ୍ମନକେ ସାସନ୍ କରସି ।

୧୦ *ତେବେ ତମେ କାଇକେ ଅବ୍କା ସାଗ୍ଡାଲ୍ କାଇବା ବାଇମନକେ ବିଚାର୍ କଲାସ୍ତି ? ଆରି ଜନ୍ଲକ୍ମନ ସବୁ ରକାମ୍ କାଦି କାଇଲାସ୍ତି, ଅବ୍କା ସାଗ୍ଡାଲ୍ କାଇବା ଲକ୍ମନକେ କାଇକେ ଗିନ୍ କଲାସ୍ତି ? କାଇକେବଇଲେ ଆମେ ସବୁଲକ୍ ପର୍ମେସର୍ ମୁଆଟେ ଟିଆ ଅଇଲେ, ସେ ଆମ୍ଭକେ ବିଚାର୍ କରସି ।

☆ ୧୪:୧ ରମିୟ ୨:୧୭ ☆ ୧୪:୧୦ ୨ୟ କରନ୍ତିୟ ୫:୧୦

୧୧ କାଈକେବଇଲେ ସାସ୍ତରେ ଲେକାଆତେ,
 “ମାପୁରୁ କଇଲାନି, ମୁଇ ଜିବନ୍ ରଇବା ପରମେସର୍, ତେବର୍ପାଇ ସବୁ ମୁନୁସଜାତି ମର୍ ମୁଆଟେ ମାଣ୍ଡିକୁଟା ଦେବାଇ
 ମୁଇ ପରମେସର୍ ବଲି ସବୁ ଲକ୍ ନାମ୍ବାଇ ।”

୧୨ ସେବେଲେ ଆମେ ସବୁ ଲକ୍ ପରମେସର୍ ଲଗେ ଚିଆଅଇ ଆମେ କରିରଇବା କାମର୍ ଇସାବ୍ ଦେବାକେ ପଡ଼ସି
 ।

ବାଇକେ ନସଟ ଅଇବାକେ ନ ଦିଆସ୍

୧୩ ସେଟାର ପାଇ ତମର୍ ବିତ୍ରେ ଗଟେକ୍ ଲକ୍ ଆରି ଗଟେକ୍ ଲକ୍ କେ ବିଚାର କରାନାଇ । ତାର୍ ବାଦୁଲେ ଆମର୍
 ବାଇମନର୍ ଚଲାଚଲ୍ତିତେଇ ବିନ୍ ଲକ୍ କେ ପାପ୍ କରାଇବା କାଈମିସା ବିସଇ ଆତେ କି ନାଇ, ସେଟା ଆମେ ନିଜେ
 ଦେକ୍ବାର୍ ଆତେ ।

୧୪ ଜିସୁ ମାପୁରୁର ସଙ୍ଗ୍ ମିସଲାରପାଇ ପରମେସର୍ ଦେକ୍ବା ଇସାବେ କାଈ କାଦି ମିସା ନିଚ୍ବାଟା ନାଇ ବଲି ମୁଇ
 ଜାନି । ମାତର୍ କାଈମିସା ଗଟେକ୍ କାଦି ପରମେସର୍ ନିଚ୍ଲା ଆତେ ବଲି ଗଟେକ୍ ଲକ୍ ବିସ୍ବାସ୍ କଲେ, ସେଟା ସେ ନ
 କାଈଲେ ତାର୍ପାଇ ନିକ ।

୧୫ ତମେ କାଈ କାଦି ମିସା କାଈଲାରପାଇବଲି ଜଦି ତମର୍ ଗଟେକ୍ ବାଈକେ ଦୁକ୍ କରାଇସା, ସେନ୍ତାର୍ଆଲେ
 ତାର୍ପାଇ ତମର୍ କାଈ ଆଲାଦ୍ ନାଇ ପାରା ଆତେ । ତମର୍ କାଈବା କାଦିଚ୍ଲାଗି ଆରିଗଟେକ୍ ଲକ୍ ମନ୍ କଲାନି ।
 ସେଟା ନିକ ନର୍ଥ । କାଈକେବଇଲେ ସେ ମିସା ତମର୍ ସଙ୍ଗର୍ ବିସ୍ବାସି । ଆରି ତାର୍ ଜାଗାଇମିସା କିରିସଟ୍ ମଲାଆତେ
 ।

୧୬ ଜଦି ଆରି କନ୍ ରକାମ୍ ଚଲାଚଲ୍ତି ପରମେସର୍ ମନ୍କେ ଜାଏ ନାଇ ବଲି କେତେଟା ବିସ୍ବାସି ବାବ୍ବାଇ, ମାତର୍
 ସେଟା ବଲ୍ ବଲି ତମେ ବାବ୍ବାସା ବଇଲେ ସେଟା କରା ନାଇ । ସେନ୍ତାର୍ଆଲେ ସେଟା ନିକ ନର୍ଥ ବଲି କେ ବାବିନାପାରଡ୍
 ।

୧୭ ପରମେସର୍ ରାଇଜର୍ ସାସନ୍ ଅବ୍କା ନ କାଈବା କାଦିପିଦିର୍ ନିଅମର୍ପାଇ ନାଇ । ମାତର୍ ତାର୍ ମୁଆଟେ ଦରମ୍
 ବଲାଈଅଇବାଟା, ବିନ୍ ଲକ୍ମନର୍ ସଙ୍ଗ୍ ମିସି ସୁକ୍ସାନ୍ତିସଙ୍ଗ୍ ରଇବାଟା, ଆରି ସୁକ୍ଲଆଡ଼ମା ଦେଇରଇବା ସାର୍ଦା ବିସଇ
 ଆତେ ।

୧୮ ଆମେ କିରିସଟ୍ କେ ଏ ରକାମ୍ ନାମଲେ, ପରମେସର୍ କେ ସାର୍ଦା କରାଇବୁ ଆରି ବିନ୍ ଲକ୍ମନ୍କେ ନାମାଇବୁ ।

୧୯ ସେଟାର ପାଇ ଆସା, ଆମେ ଏନ୍ତାରି ଚଲାଚଲ୍ତି କରୁ, ଜେନ୍ତାରିକି ଆମର୍ ଆମର୍ ବିତ୍ରେ ସୁକ୍ ସାନ୍ତିସଙ୍ଗ୍ ରଇଅଇସି
 । ଆରି ଆମର୍ ବିସ୍ବାସ୍ ତାଟ୍ ରଇସି ।

୨୦ ଜନ୍ କାଦି କାଈବାକେ ବିନ୍ ଲକ୍ମନ୍ ମନ୍ନାଇ, ସେ କାଦି କାଈକରି, ପରମେସର୍ କାମ୍ ନସାଆ ନାଇ । ଜନ୍ ରକାମ୍
 କାଦିମିସା କାଈଅଇସି । ମାତର୍ ତମେ କାଈଲାରପାଇ ବିନ୍ ଲକ୍ମନ୍କେ ପାପ୍ବାଟେ ଡାକିନେଲେ, ସେଟା ବୁଲ୍ ।

୨୧ ବିନ୍ ଲକ୍ମନ୍ ନିଚ୍ବା କାଦି ଆମେ କାଈବାର୍ ନାଇ । କି ମଦ୍ କାଈବାର୍ ନାଇ । ଆମର୍ ବିତ୍ରେ ରଇବା ଗଟେକ୍
 ବାଇ କି ବଇନିକେ ପାପ୍ବାଟେ ଜିବା ବିସଇ ନ କରୁ ।

୨୨ ଏ ବିସଇନେଇ ତମେ କାଈଟା ବିସ୍ବାସ୍ କଲାସ୍ନି ସେଟା ପରମେସର୍ ଆରି ତମର୍ ବିତ୍ରେ ରଅ । ଜନ୍ ଲକ୍ମନ୍
 ନିଜର୍ ଚଲାଚଲ୍ତିପାଇ ନିଜର୍ ବିବେକ୍ ସେମନ୍କେ ଦସ୍ ନ ଦାରେ, ସେ କେତେକ୍ କରମର୍ ଲକ୍ ।

୨୩ ଜଦି ଗଟେକ୍ ଲକ୍ ତାର୍ କାଈବାଟା ଟିକ୍ କି ନାଇ ବଲି ବାବ୍ଲାନି, ଆରି ମନ୍କେ ନ ଲାଗ୍ବା କାଦି କାଈସି,
 ସେନ୍ତାର୍ଆଲେ ସେ, ପରମେସର୍ ବିରୁଦେ ପାପ୍କଲାନି । କାଈକେବଇଲେ ସେ ନିଜର୍ ବିବେକ୍ କେ ମାନେନାଇ ।
 ଜନ୍ ଟା ନିକ ନର୍ଥ ବଲି ଆମେ ବିସ୍ବାସ୍ କଲୁନି, ଆରି ସେଟାସେ କରିଆଇଲୁନି, ସେନ୍ତାର୍ଆଲେ ଆମେ ପାପ୍କଲୁନି ।

୧୫

ବିନ୍ଲକ୍ କେ ସାର୍ଦା କରାଆ

୧ ଏବେ ଆମେ, ଜାର୍ ବିସ୍ବାସ୍ ତାଟ୍ ଆତେ, ଜନ୍ ଲକ୍ମନ୍ ବିସ୍ବାସେ ଦୁର୍ବଲ୍ ଆଚଡ୍ ଆରି ଅସୁବିଦାଇ ଆଚଡ୍,
 ସେମନ୍କେ ଆମେ ସାଇଜ୍ କର୍ବାର୍ ଆତେ । ଆରି ନିଜେ ସାର୍ଦା ରଇବା ବିସଇ ଚିନ୍ତା କର୍ବାର୍ ନାଇ ।

୨ ମାତର୍ ଆମର୍ ବାଇବଇନିମନ୍କେ ସାର୍ଦା କରାଇବାକେ ଆରି ସେମନର୍ ବିସ୍ବାସ୍ ତାଟ୍ କର୍ବାକେ ତାକର୍ ପାଇ
 ନିକ ବିସଇ କର୍ବାର୍ ଆତେ ।

୩ କାଈକେବଇଲେ କିରିସଟ୍ ନିଜ୍ କେ ସାର୍ଦା କରାଏ ନାଇ । ମାତର୍ ସାସ୍ତରେ ଏନ୍ତାରି ଲେକାଅଇଲାଆତେ, ଜନ୍
 ଲକ୍ମନର୍ କାରାପ୍ କାତା ତମ୍ କେ ନିନ୍ଦାକଲା, ସେଟା ମକେମିସା ନିନ୍ଦା କଲାଇ ।

୪ କାଈକେବଇଲେ ସାସ୍ତରେ ଜେଡ୍ କି ଲେକା ଅଇଲାଆତେ, ସେ ସବୁ ଆମ୍ କେ ସିକାଇବାକେ । ଜେନ୍ତାରିକି,
 ସାସ୍ତରେଅନି ଜନ୍ ମୁର୍ଚି ରଇବାଟା ଆରି ସାର୍ଦା କରାଇବାଟା ଆମେ ମିଲାଈଆରୁ, ତେଇଅନି ଆମର୍ ଆସା ବଡ଼ସି ।

୫ ପରମେସର୍ ଆମ୍ କେ ମୁର୍ଚିରଇବାଟା ଆରି ସାର୍ଦା କରାଇବାଟା ଦେଇସି । ଆରି ଜିସୁକିରିସଟ୍ ବାଟେ ଇଣ୍ଡି
 କରି ସବୁର୍ ମନ୍ ଗଟେକ୍ ଅଇବାକେ ସାଇଜ୍ କର ।

୭ ଜଦି ସେଟା ଅଇଲେ ଆମର ମାପରୁ ଜିସୁକିରିସ୍‌ଟର ବାବା ଆରି ଆମର ପରମେସରକେ ଡାକ୍‌ପୁଟା କରବାତେଇ ତମେ ସବୁ ଗଟେକ୍ ଅଇସା ।

ଜିଉଦି ଆରି ଜିଉଦିନଇଲା ଲକ୍‌ମନର୍ ପାଇ ସୁବ୍ କବର୍

୭ କିରିସ୍‌ଟ ଜେକ୍ରି ତମ୍‌କେ ଡାକ୍‌ଲା ଆଚେ, ତମେ ମିସା ସେକ୍ରି ତମର୍ ସଙ୍ଗର୍ ବିସ୍‌ବାସିମନ୍‌କେ ଡାକିନିଆ । ତମେ ଜଦି ଏକ୍ରି କଲେ ପରମେସର ଡାକ୍‌ପୁଟା ପାଇସି ।

୮ କିରିସ୍‌ଟ ଜିଉଦିମନରଲଗେ ଗଟେକ୍ ଗତିଦାଙ୍ଗ୍‌ତାପାରା ଅଇଲା । ପରମେସର ତାକର୍ ଆନିଦାଦିମନ୍‌କେ ଜନ୍ କାତା ଦେଇରଇଲା, ସେଟା ସତ୍‌ସଙ୍ଗ୍ ସେ ପୁରାପୁରୁନ୍ କରସିଆକା ବଲି ଦେକାଇବାକେ ସେନ୍ତାରି କରିରଇଲା ।

୯ ଜିଉଦି ନ ଅଇଲା ଲକ୍‌ମନକେ ପରମେସର ତାର ଦୟା ଦେକାଇସି, ଆରି ସେମନ୍ ତାକେ ଡାକ୍‌ପୁଟା କରବାଇ । ଜେନ୍ତାରି କି ସେମନ୍ ତାକେ ଡାକ୍‌ପୁଟା କରବାଇ । ଏ ବିସଇ ସାସ୍‌ତରେ ଲେକା ଆଚେ ।

ମୁଇ ଜିଉଦିନଇଲା ଲକ୍‌ମନର୍ ବିତ୍‌ରେ ତମ୍‌କେ ଡାକ୍‌ପୁଟା କରବି,

ସବୁବେଲା ତମର୍ ଡାକ୍‌ପୁଟାର୍ ଗିଡ୍ ଗାଇବି ।

୧୦ ଆରି ଏନ୍ତାରିମିସା ଲେକାଆଚେ,

“ତମେ ଜିଉଦିନଇଲା ଲକ୍‌ମନ୍ ଏ ସାରଦାଇ ମିସା କାଇକେବଇଲେ ଏବେ ତମେ ଜିଉଦିମନର୍‌ପାରା ।

ତମେ ପରମେସରର୍ ବାଟିରଇବା ଜିଉଦିମନର୍‌ପାରା ।”

୧୧ ଆରିତରେକ୍ ସେ କଇଲାଆଚେ

“ଜେଡ୍‌କି ଜିଉଦି ନ ଅଇଲା ଲକ୍‌ମନ୍ ପରମେସରକେ ତୁସ୍‌ତିକରା !”

ଆରି ଗୁଲାଇ ମୁନ୍‌ସ୍ ଜାତି ତାକେ ଡାକ୍‌ପୁଟା କରା ।

୧୨ ଆରି ଜିସାଇଅ କଇଆଚେ,

“ଜେସିର୍ କୁଟୁମେଅନି ଗଟେକ୍ ଲକ୍ ବାରଇସି, ସେ ଜିଉଦି ନଇଲା ଲକ୍‌ମନକେ ସାସନ୍ କରସି ଆରି ସେମନ୍ ତାକେ ବିସ୍‌ବାସ୍ କରବାଇ ।”

୧୩ ପରମେସର ଜେକି ସବୁ ଆସାର୍ ମୁଲ୍‌ତେଲି । ତମର୍ ବିସ୍‌ବାସର୍ ଲାଗି ସେ ତମ୍‌କେ ସବୁ ସାକ୍ତି ସାରଦା ଦେଅ । ସୁକଲ୍ ଆଡ୍‌ମାର୍ ବପୁ ସଙ୍ଗ୍ ତମର୍ ଆସା ଅଦିକ୍ ଅଇଜାଅ ।

ଜିଉଦିନଇଲା ଲକ୍‌ମନର୍ ଟାନେ ପାଉଲର୍ ସେବାକାମ୍

୧୪ ଏ ବାଇବଇନିମନ୍ ତମର୍ ବିସ୍‌ବାସ୍ ନିକଆଚେ, ବଲି ମୁଇ ଜାନିଆତି । ଆରି ପରମେସରର୍ ବାକିଅ ତମେ ନିକସଙ୍ଗ୍ ବୁଜ୍‌ଲାସିନି ଆରି ଏବେ ତମେ ବିନ୍ ଲକ୍‌ମନକେ ମିସା ସିକାଇପାରସା ।

୧୫ ମାତର୍ ଏ ଚିଟିତେଇ ତମ୍‌କେ କେତେଟା ବିସଇନେଇ ଜାଗ୍‌ରଡ୍ କରାଇବାକେ ମୁଇ ବପୁ ଅଇଲି ଆତି । କାଇକେବଇଲେ ପରମେସର ମକେ ଅଦିକାର୍ ଦେଲାକେ ମୁଇ ତାଟ୍‌ସଙ୍ଗ୍ ଏଟା ତମ୍‌କେ କଇଲିନି ।

୧୬ କିରିସ୍‌ଟ ଜିସୁର୍ ଦାଙ୍ଗ୍‌ତା ଇସାବେ ଜିଉଦି ନଇଲା ଲକ୍‌ମନର୍ ପାଇ କାମ୍ କରବାକେ ପରମେସର ମକେ ବାଟ୍‌ଲାଆଚେ । ପରମେସରର୍ ସୁବ୍‌କବର୍ ଜାନାଇବା ପାଇ ମୁଇ ଗଟେକ୍ ଦରମ୍ ଗୁରୁ ଇସାବେ କାମ୍‌କଲିନି । ଜେନ୍ତାରିକି ଜିଉଦିନଇଲା ଲକ୍‌ମନ୍ ଗଟେକ୍ ସୁକଲ୍ ବଲି ଇସାବେ ପରମେସରକେ ସର୍‌ପିଦେବାଇ । ଏ କାମ୍ ସୁକଲ୍‌ଆଡ୍‌ମା ପୁରାପୁରୁନ୍ କରସି ।

୧୭ କିରିସ୍‌ଟ ଜିସୁର୍‌ତେଇ ମକେ ମିସାଇଲାର୍‌ପାଇ, ତାର୍ ଏ ସେବା କାମ୍ କରବାକେ ମୁଇ ମୁଲ୍‌କେ ଲାଜ୍ ଅଇନାଇ ।

୧୮ ଜିଉଦି ନ ଅଇଲା ଲକ୍‌ମନକେ ପରମେସରର୍ ଆଦେସ୍ ମାନବାକେ କିରିସ୍‌ଟ ମକେ ଦେଇକରି ଜନ୍‌ଟା ସାଦନ୍ କଲାଆଚେ, ଅବ୍‌କା ସେଟାସେ ମୁଇ ତାଟ୍ ସଙ୍ଗ୍ କଇବି । କାଇଟା କଇବାର୍‌ଆଚେ, ଆରି କାଇଟା କରବାର୍‌ଆଚେ, ସେମକେ ଜାନାଇଲାକେ ଏଟା ଅଇଲା ।

୧୯ ବିନର୍ ଲାଗି, କାବାଅଇଜିବା କାମର୍‌ଲାଗି ଆରି ସୁକଲ୍‌ଆଡ୍‌ମାର୍ ବପୁରଲାଗି ଏଟା ସବୁ କଲାଆଚେ । ସେଟାର୍ ପାଇ ମୁଇ ଜିରୁସାଲମେଅନି ଇଲିରିକମ୍‌କେ ଗାଲାବେଲେ ବାଟେ କିରିସ୍‌ଟର ସୁବ୍‌କବର୍ ପୁରାପୁରୁନ୍ ଜାନାଇଲି ଆତି ।

୨୦ ଜନ୍ ଜାଗାମନକେ ଲକ୍‌ମନ୍ କିରିସ୍‌ଟର୍ ବିସଇ ସୁନଡ୍‌ନାଇ, ସିତି ତାର୍ କବର୍ ଜାନାଇବାର୍ ମର୍ ଆଦେସ୍ ରଇଲା । କାଇକେବଇଲେ ଜନ୍‌ଲକ୍‌ମନକେ ସୁବ୍‌କବର୍ ବିନ୍‌ଲକ୍‌ମନ୍ ଜାନାଇ ସାରାଇଆଟ୍, ତେଇ ମୁଇ ଆରିତରେକ୍ କଇବାକେ ମନ୍ କରିନାଇ ।

୨୧ ଜେକ୍ରିକି ସାସ୍‌ତରେ ଲେକା ଆଚେ,

“ଜନ୍‌ଲକ୍‌ମନ୍ ତାର୍ ନାଉଁ ଏବ୍‌କେଜାକ ସୁନଡ୍‌ନାଇ, ଏବେ ସେ କେ ବଲି ଜାନବାଇ ।

ଜନ୍‌ଲକ୍‌ମନକେ ଏବେଜାକ ତାର୍ ବିସଇ ଜାନାଅଡ୍‌ନାଇ, ସେମନ୍ ବୁଜ୍‌ବାଇ ।”

ରମ୍‌ଦେସେ ଜିବାକେ ପାଉଲର୍ ଜଜ୍‌ନା

୨୨ ✨ମୁଇ ବେସିତର୍ ତମ୍ବକେ ଦେକିଆଇବାଟା ପିଟିଗାଲା ଆଟେ ।

୨୩ ମାତର୍ ଏ ଜାଗା ଲଗେ ମର୍ କାମ୍ ସାରିଗାଲା ଆଟେ । ଆରି ତମ୍ବକେ ଦେକ୍ବାକେ ମର୍ ବେସି ବରସର୍ ଆସା ଏବେ ପୁରାପୁରୁନ୍ ଅଇସି ।

୨୪ ସାରାସାରି ଏବେ ମୁଇ ତମ୍ବକେ ଦେକ୍ବାକେ ଆସିଅଇସି । ଏସ୍ପେନ୍ ଦେସେ ଜିବା ବାଟେ ତମ୍ବକେ ଦେକିଆଇବି ବଲି ବାବ୍ଲିଆଟି । ତମ୍ବଟାଗେନେ ସାର୍ଦାସଙ୍ଗ୍ କେତେ ବେଲା ବିତାଇଲା ପଟେ ତମ୍ବ ସାଇଜେ ଏସ୍ପେନ୍ ଦେସେ ଉଟିଜିବି ।

୨୫ ✨ଏବେ ମୁଇ ପର୍ତୁମ୍ ଜିରୁସାଲମେ ଗାଲିନି । କାଇକେବଇଲେ ତେଇର୍ ବିସ୍ବାସିମନ୍‌କେ ସେବାକାମେ ସାଇଜ କର୍ବା କେତେକ୍ ତାବୁ ନେଇଦେବାକେ ମକେ କଇଲାଇ ଆଟଡ୍ ।

୨୬ ମାକିଡିଆ ଆରି ଗିରିସର୍ ଆକାୟାତେଇ ରଇବା ବିସ୍ବାସିମନ୍ ଜିରୁସାଲମେ ରଇବା ଅର୍କିଡ୍ ବିସ୍ବାସିମନ୍‌ପାଇ ଏ ସାଇଜ ପାଟାଇବାଟା ନିକ ରଇସି ବଲି ବାବ୍ଲାଇ ।

୨୭ ✨ସେମନ୍ ବେସି ସାର୍ଦାଅଇ ଏ ସାଇଜ ଦେଲାଇନି । ଏଟା ଦେଇକରି ସେମନ୍ ଟିକ୍ ବିସଇ କଲାଇ । କାଇକେବଇଲେ, ଜିରୁସାଲମେ ରଇବା ବିସ୍ବାସିମନ୍‌ର୍ ଟାଗେନେ ସେମନ୍ ରୁନି ଅଇଆଟଡ୍ । ସେଟା କେନ୍‌ଡିବଇଲେ ଜିଉଦିମନ୍‌ଟାଗେନେଅନିସେ ପର୍ମେସରର୍ ବାକିଅ ଇଡିର୍ ଜିଉଦି ନ ଅଇଲା ଲକ୍‌ମନ୍‌କେ ଆନିରଇଲା । ସେଟାପାଇ ତେଇର୍ ଅର୍କିଡ୍ ଜିଉଦିମନ୍‌କେ କେତେକ୍ ତାବୁ ସାଇଜ ପାଟାଇବାଟା ନିକ ବିସଇ ।

୨୮ ଆରି ମର୍ ଏ କାମ୍ ସାରାଇକରି ସେମନ୍‌ର୍ ସାଇଜର୍ପାଇ ଆନିରଇବା ତାବୁ ସର୍ପିଦେଲା ପଟେ, ମୁଇ ଇସ୍ପେନ୍‌ଦେସେ ଜିବାକେ ବାରଇବି । ଆରି ବାଟେ ତେବିକରି ତମ୍ବକେ ଦେକ୍ବି ।

୨୯ ମୁଇ ଜାନିଆଟି, ତମ୍ବଟାଗେନେ କେଟ୍‌ଲାବେଲେ କିରିସ୍‌ଟର୍ ପୁରାପୁରୁନ୍ ଆସିର୍ବାଦ୍‌ନେଇ ମୁଇ ଆଇବି ।

୩୦ ଏ ମର୍ ଆଲାଦର୍ ବାଇବଇନିମନ୍ ! ଆମର୍ ମାପୁରୁ ଜିସୁ କିରିସ୍‌ଟର୍ ନାଉଁ ଦାରି ଆରି ସୁକଲ୍‌ଆଡ୍‌ମା ଦେଲା ଆଲାଦର୍ ପାଇ ମୁଇ ତମ୍ବକେ ଗୁଆରି କଲିନି, ମର୍ ପାଇ ମନ୍‌ଦେଇ ପାର୍ତନା କର୍ତେରୁଆ ।

୩୧ ଜିଉଦା ଦେସେ ରଇବା ବିସ୍ବାସି ନ କଲା ଲକ୍‌ମନ୍‌ର୍ ଟାଗେନେଅନି ମକେ କାଇଟା ନ ଅଅ ବଲି ପାର୍ତନା କରା । ଜିରୁସାଲମର୍ ବିସ୍ବାସିମନ୍‌କେ ଜନ୍ ସାଇଜ ମୁଇ ନେଇଦେଲିନି, ସେଡ୍‌କିରେ ସେମନ୍ ସାର୍ଦାସଙ୍ଗ୍ ରଅଡ୍, ବଲି ସେଟାପାଇ ମିସା ପାର୍ତନା କରା ।

୩୨ ସେଟା ସାର୍‌ଲାପଟେ ପରମେସର୍ ମନ୍ କଲେ ମୁଇ ତମ୍ବ ଲଗେ ଆଇବି । ଆରି ତମ୍ବ ସଙ୍ଗ୍ ସାର୍ଦାସଙ୍ଗ୍ କେତେଦିନ୍ ରଇକରି ମର୍ ମନେ ସାନ୍ତି ପାଇବି ।

୩୩ ସାନ୍ତିଦେବା ପରମେସର୍ ତମ୍ବ ସବୁ ଲକ୍‌ର୍ ସଙ୍ଗ୍ ରଅ । ଆମେନ୍ ।

୧୭

ଜୁଆର୍

୧ ଏ ଚିଟିତେଇ ପିବି, ଜେ କି କିରିସ୍‌ଟର୍ ଲାଗି ଆମର୍ ବଇନି ଅଇଲାଆଟେ, ତାର୍ ବିସଇ ଜାନାଇଲିନି । ସେ କେକ୍ ଜାଗାଇ ରଇବା ମଣ୍ଡାଲିଟାଗେନେ ଏବେ ସେବାକାମ୍ କଲାନି । ତାକେ ମୁଇ ତମ୍ବଲଗେ ପାଟାଇଲିନି ।

୨ ଆମର୍ ମାପୁରୁ ନାଉଁ ଦାରି ତାକେ ଡାକିନିଆ । କାଇକେବଇଲେ ଏନ୍ତାରି ଚଲାଟଲ୍‌ଡି ବିସ୍ବାସିମନ୍‌ପାଇ ନିକ । ତାକେ କାଇଆଲେ ଲଡା ରଇଲେ ସାଇଜ କରା । କାଇକେବଇଲେ ସେ ମକେ ଆରି ବେସି ବିସ୍ବାସିମନ୍‌କେ ସାଇଜ କଲାଆଟେ ।

୩ ✨ କିରିସ୍‌ଟର୍ ମର୍ ସଙ୍ଗ୍ କାମ୍‌କରୁମନ୍ ପିରିସ୍‌କିଲା ଆରି ଆକିଲାକେ ମର୍ ଜୁଆର୍ ଜାନାଆ ।

୪ ସେମନ୍ ମକେ ସାଇଜ କଲାପାଇ ନିଜର୍ ଜିବନ୍ ବିପଦେ ପାକାଇ ଆଟଡ୍ । ଏଟାପାଇ ମୁଇ ସେମନ୍‌କେ ବେସି ଜୁଆର୍ କଲିନି । ଅବ୍‌କା ମୁଇସେ ନାଇ, ଇଡି ରଇବା ସବୁ ଜିଉଦି ନଇଲା ମଣ୍ଡାଲିମନ୍ ମିସା ସେମନ୍‌କେ ଜୁଆର୍ ଜାନାଇଲାଇନି ।

୫ ସେମନ୍‌ର୍ ଗରେ ପାର୍ତନାକେ ରୁଣ୍ଡବା ମଣ୍ଡାଲିକେ ମିସା ମର୍ ଜୁଆର୍ ଜାନାଇଲିନି ।

ମର୍ ଆଲାଦର୍ ମଇତର୍ ଏପାଇନେତନ୍‌କେ ମର୍ ଜୁଆର୍ ଜାନାଇଲିନି । ଆସିଆ ରାଇଜେ ସେ ସିଗ୍ ପର୍ତୁମ୍ କିରିସ୍‌ଟ ବିସ୍ବାସି ଅଇରଇଲା ।

୬ ତମ୍ବ ନିକ ପାଇ ବେସି କସ୍‌ଟ ପଡିରଇବା ମରିୟ୍‌ମକେ ମର୍ ଜୁଆର୍ ଜାନାଇ ଦିଆସ୍ ।

୭ ଆନ୍‌ରନିକ୍ ଆରି ୟୁନିୟାକେ ମର୍ ଜୁଆର୍ ଜାନାଇଲିନି । ଏ ଦୁଇଟା ମର୍ ସଙ୍ଗ୍‌ର୍ ଜିଉଦିଲକ୍ । ସେମନ୍ ମର୍ ସଙ୍ଗ୍ ବନ୍ଦିସାଲେ ରଇଲାଇ । ମର୍ ଆଗଡୁ ସେମନ୍ କିରିସ୍‌ଟକେ ବିସ୍ବାସ୍ କଲାଇ । ଆରି ସବୁ ପେରିଡ୍ ସିସ୍‌ମନ୍ ସେମନ୍‌କେ ସନ୍‌ମାନ୍ ଦେବାଇ ।

୮ ମାପୁରୁଲଗେ ମର୍ ଆଲାଦର୍ ମଇତର୍ ଆମ୍‌ପଲିଆକେ ଜୁଆର୍ ଜାନାଇଦିଆସ୍ ।

✨ ୧୫:୨୨ ରମିୟ ୧:୧୩ ✨ ୧୫:୨୫ ୧ମ କରନ୍ତିୟ ୧୬:୧-୪ ✨ ୧୫:୨୭ ୧ମ କରନ୍ତିୟ ୯:୧୧ ✨ ୧୬:୩ ପେରିଡ୍ ୧୮:୨

୯ କିରିସ୍ତର ସେବାଇ ମର ସଙ୍ଗାରି ଉର୍ବାନ ଆରି ମର ଆଲାଦର୍ ମଇତର୍ ତାକିୟକେ ମିସା ମର ଜୁଆର୍ ଜାନାଇଦିଆସ୍ ।

୧୦ କିରିସ୍ତକେ ବିସ୍ବାସକରି ସେବାକରବା ଆପଲ ଆରି ଆରିସ୍ତବଲର୍ କୁଟୁମର୍ ସବୁକେ ମର ଜୁଆର୍ ଜାନାଇଦିଆସ୍ ।

୧୧ ମର ସଙ୍ଗର୍ ଜିଉଦି ଏରଦିୟନ୍ ଆରି ନାରସିସର୍ ଗରେ ରୁଣ୍ଡବା ବିସ୍ବାସି ବାଇବଇନିମନ୍‌କେ ମର ଜୁଆର୍ ଜାନାଇଦିଆସ୍ ।

୧୨ ମାପୁରୁର୍ ସେବାଇ ଲାଗିରଇଲା ତିରିପନ୍ ଆରି ତିରିପସା ଆରି ମାପୁରୁର୍ ପାଇ ବେସି କସ୍ତ ପଡିରଇବା ଆଲାଦର୍ ପରସିସ୍‌କେ ମର ଜୁଆର୍ ଜାନାଇଦିଆସ୍ ।

୧୩ ✠ମାପୁରୁର୍ ମୁକିଅ ଦାଙ୍ଗତା ରୁପସ୍ ଜେ କି ସେବା କାମ୍‌ଟାନେ ଆବଡ୍ ଅଇ କଲାଆଚେ । ଆରି ମର ଆୟାପାରା ତାକର୍ ଆୟାକେ ମିସା ମର ଜୁଆର୍ । ସେ ମକେ ନିଜର୍ ପଅ ପାରା ଦେକ୍‌ଲା ।

୧୪ ଆସୁକିରି, ପେଲେଗନ୍, ଅର୍ମିସ୍, ପାଡ୍‌ରବା, ଅର୍ମାସ୍ ଆରି ସେମନର୍ ସଙ୍ଗ୍ ରଇବା ସବୁ ବିସ୍ବାସି ବାଇବଇନିମନ୍‌କେ ଜୁଆର୍ ଜାନାଆ ।

୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତାର୍ ବଇନି ଆରି ଅଲୁମ୍‌ପା ଆରି ସେମନର୍ ସଙ୍ଗ୍ ରଇତେରଇବା ସବୁ ପରମେସରର୍ ଲକ୍‌ମନ୍‌କେ ମର ଜୁଆର୍ ଜାନାଆ ।

୧୬ ତମର୍ ବିଡ୍‌ରର୍ ଆଲାଦ୍ ଦେକାଇକରି ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜୁଆର୍‌ବେଟ୍ ଉଆ । କିରିସ୍ତର୍ ସବୁ ମଣ୍ଡୁଲି ତମ୍‌କେ ଜୁଆର୍ ଜାନାଇଲାନି ।

ପାଉଲର୍ ସାରାସାରି ଆଦେସ୍

୧୭ ଏ ମର ବାଇବଇନିମନ୍, ମୁଇ ତମ୍‌କେ ବାବୁଜିଆ କଲିନି, ତମେ ଜାଗରଡ୍ ଅଇକରି ରୁଆ । ତମର୍ ବିସ୍ବାସ୍ ଆରି ଗଟେକ୍ ମନ୍ ଅଇରଇବାଟା ଜନ୍ ଲକ୍‌ମନ୍ ବେଗ୍‌ଲାଇବାକେ ଚେସ୍‌ଟା କଲାଇନି, ତାକର୍‌ଟାନେଅନି ଦୁରିକେ ରୁଆ । କାଇକେବଇଲେ, ତମେ ଜନ୍ ସିକିଆ ପାଇଆଟାସ୍, ତାର୍ ବିରଦ୍ କଲାଇନି ।

୧୮ ଜନ୍ ଲକ୍‌ମନ୍ ଏନ୍ତାରି କାମେ ବୁଡି ଆଚଡ୍, ସେମନ୍ ଆମର୍ ମାପୁରୁ କିରିସ୍ତର୍ ଆଦେସ୍ ମାନଡ୍ ନାଇ । ସେମନ୍ କାଲି ନିଜର୍ ମନ୍ କରବାଟା ପୁରାପୁରୁନ୍ କରବାକେ ତେରେପେତେ ଅଇଲାଇନି । ସୁଆଦ୍ କାତା ଆରି ତିପୁଲ୍ କାତା କଇ ଦରମ୍ ଲକ୍‌ମନ୍‌କେ ବୁଲ୍‌କାଇଦେଲାଇନି ।

୧୯ ତମେ ପରମେସରର୍ ଆଦେସ୍ ମାନଲାସ୍‌ନି ବଲି ତାର୍ ସୁବ୍‌କବର୍ ଗୁଲାଇବାଟର୍ ଲକ୍ ଜାନ୍‌ଲାଇ । ସେଟାର୍ ପାଇ ମୁଇ ବେସି ସାରଦା । ମୁଇ ମନ୍ କଲିନି, ତମେ ସଡ୍ ବିସଇତେଇ ଗିଆନି ଉଆ ଆରି କାରାପ୍ ବିସଇତେଇ ବୁଡି ରୁଆନାଇ ।

୨୦ ଆରି ସାନ୍ତିଦେଉ ପରମେସର ତମର୍ ଲାଗି ସଇତାନ୍‌କେ ପୁରାପୁରୁନ୍ କୁରୁପନାସ୍ କର୍‌ସି ।

ଆମର୍ ମାପୁରୁ ଜିସୁକିରିସ୍ତର୍ ଜିବନ୍‌ଦୁକାଇଲାଟା ତମର୍ ସଙ୍ଗ୍ ସବୁବେଲେ ରଅ ।

୨୧ ✠ମର୍ ସଙ୍ଗ୍ ମିସକରି କାମ୍‌କରବା ସଙ୍ଗାରି ତିମତି, ଆରି ଆମର୍ ଜିଉଦି ବାଇମନ୍ ଲୁକିଅ, ଜାସନ୍ ଆରି ସପିପାଡ୍‌ର ତମ୍‌କେ ଜୁଆର୍ ଜାନାଇଲାଇନି ।

୨୨ ମୁଇ ତର୍‌ତିଅ, ମର ସଙ୍ଗାରି ପାଉଲ୍, କଇଦେଲାକେ ଏ ଚିଟି ଲେକ୍‌ଲିଆଟି । ମାପୁରୁର୍ ନାଉଁ ଦାରି ମୁଇ ତମ୍‌କେ ଜୁଆର୍ ଜାନାଇଲିନି ।

୨୩ ✠ଗାୟ୍‌ସ୍ ତମ୍‌କେ ଜୁଆର୍ ଜାନାଇଲାନି । ମୁଇ ତାର୍ ଗରେ ରଇଲିନି ଆରି ତାର୍ ଗରେ ରୁଣ୍ଡବା ଇତିର୍ ବିସ୍ବାସିମନ୍ ତମ୍‌କେ ଜୁଆର୍ ଜାନାଇଲାଇନି । ଏ ଗଡ୍‌ର୍ ତାବୁ ଇସାବ୍‌କିତାବ୍ କରୁ ଏରାସ୍‌ଟ ଆରି ବାଇ କାର୍‌ତ ମିସା ତମ୍‌କେ ଜୁଆର୍ ଜାନାଇଲାନି ।

୨୪ ମାପୁରୁ ଜିସୁକିରିସ୍ତର୍ ଜିବନ୍‌ଦୁକାନି ତମର୍ ସବୁ ଲକର୍ ଲଗେ ରଅ ।

ପାର୍‌ତନା ଆରି ସାର୍‌ଦାସଙ୍ଗ୍ ଏ ଚିଟି ସାର୍‌ଲାଟା

୨୫ ଆସା, ପରମେସରକେ ଡାକ୍‌ପୁଟା କରୁ । ମୁଇ ଜାନାଇତେରଇବା ଜିସୁ କିରିସ୍ତର୍ ବିସଇର୍ ସୁବ୍ କବର୍ ଆରି ଜୁଗ୍ ଜୁଗ୍ ଦାରି ଲୁଟି ରଇବା ଟିକିନିକିର୍ ସଡ୍ ଇସାବେ ରଇବା ତମର୍ ବିସ୍ବାସ୍ ପରମେସର୍ ଡାକ୍‌କରି ସଙ୍ଗାଇବାକେ ପାରେ ।

୨୬ ସେ ଟିକିନିକିର୍ ସବୁ ସଡ୍ ବବିସଡ୍‌ବକ୍‌ତାମନର୍ ସାସ୍‌ତରେ ସେ ଜାନାଇଲା ଆଚେ । ଆରି ଏବେ ମାପୁରୁ ପରମେସରର୍ ସଡ୍ ଜୁଗ୍ ଜୁଗ୍ ଅନି ସବୁ ଲକ୍‌ମନର୍ ବିଡ୍‌ରେ ଜାନାଇଆଚେ । ଇତିଅନି ସବୁ ବିସ୍ବାସ୍ କରି ପରମେସରର୍ କାତାମାନି ଚାଲି ପାରବାଇ ।

୨୭ ମାପୁରୁ ଜିସୁ କିରିସ୍ତର୍‌ତେଇଅନି ସବୁ ଜାନ୍‌ବା ଗଟେକ୍‌ସେ ପରମେସର୍ କାଲେ କାଲେ ଜୁଗେ ଜୁଗେ ଡାକ୍‌ପୁଟା ପାଅ । ଆମେନ୍ !

✠ ୧୭:୧୩ ମାର୍‌କ ୧୫:୨୧ ✠ ୧୭:୨୧ ପେରିଡ୍ ୧୭:୧ ✠ ୧୭:୨୩ ପେରିଡ୍ ୧୯:୨୯; ୧ମ କରନ୍ତିୟ ୧:୧୪; ୨ୟ ତିମତି ୪:୨୦

କରନ୍ତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପ୍ରଥମ ପତ୍ର କରନ୍ତିୟ ମଣ୍ଡଳୀର ଲକ୍ଷ୍ମଣନେ ପାଉଲ୍ ପରତୁମ୍ଭର ଚିଠି ଲେଖିଲାଟା

ଏ ବଇ ବିସଇତେଇ ଜାନ୍‌ବାଟା

ପରତୁମ୍ କରନ୍ତିୟ ଚିଠି ପେରିତ୍ ପାଉଲ୍ ଲେଖିରଇଲା । ଏଟା ଜିସୁ କିରିସ୍ଟ ଜନମ୍ ଅଇକରି ୫୫ ବରସ୍ ପଟେ ଲେଖିରଇଲା । ୧:୧ପାଉଲ୍ ଲେଖିରଇଲା ଦୁଇଟା ଚିଠି ବିତ୍‌ରେଅନି ଏଟା ୧ ମ ଚିଠି । ସେ ଏପିସିତେଇ ରଇଲା ବେଲାଇ ଏ ଚିଠି ଲେଖିରଇଲା । ମାକିଦନିଆଅନି କରନ୍ତି ବାସାଅଇଲା ଆଗେ ଲେଖାଅଇରଇଲା । ୧୭:୫-୯ ।

ପାଉଲ୍ ଏ ଚିଠିଟାଣେ ମଣ୍ଡଳୀ ବିତ୍‌ରେ ଅଇତେ ରଇବା କରାପ୍ କାମ୍, ଦଲ୍ ଦଲ୍ ବିତ୍‌ରେ ବେଗ୍‌ଲା ବେଗ୍‌ଲି ଅଇବାଟା, ପାପ୍ କାମ୍ କରବାଟା ଜାନିରଇଲା । ଏ ସବୁ ବିସଇ ମଣ୍ଡଳୀର ଲକ୍ଷ୍ମଣନେ ଟାଣେ ସୁନିକରି ଏ ସବୁର ଉତ୍ତର ଦେବାକେ ଦିଆନ୍ ଦେଇତେ ରଇଲା । କରନ୍ତିୟ ନଅରେ ମୁନୁସ୍ ପିଲା ମାଇଜିଟକି ଅଇବା କରାପ୍ କାମ୍ ପାଇ ଡାକ୍‌ପୁଟା ରଇଲା । ତେବର୍ ପାଇ ମଣ୍ଡଳୀମନ୍‌କେ ଏଡ୍‌ବାରି ଅସୁବିଦାମନ୍ ଆଇତେ ରଇଲା । ୧ ମ କରନ୍ତି ଆଲାଦ୍ ବିସଇ ଗଟେକ୍ ବାଗ୍ ଦାରିଆଟେ ।

ଏ ବଇଟାଣେ ରଇବାଟା

୧. ପାଉଲ୍ କରନ୍ତିଏ ରଇବା ଲକ୍ଷ୍ମଣନେ ଜୁଆର୍ ଜାନାଇଲାନି ଆରି ସେମନ୍‌ ପାଇ ପରମେସର୍‌କେ ଦନିଅବାଦ୍ ଦେଲାନ୍ତି । ୧:୧-୯
୨. ପାଉଲ୍ କରନ୍ତି ମଣ୍ଡଳୀଅନି ସୁନି ରଇବା ମଣ୍ଡଳୀ ମଣ୍ଡଳୀ ବେଗ୍‌ଲି ଜାଇରଇବା ବିସଇ ସିକିଆ ଦେଲାନ୍ତି । ୧:୧୦;୪:୨୧
୩. ବିନ୍‌ଟା ଅଇଲାନି ମାଇଜିଟକି ମୁନୁସ୍ ପିଲା ଅଇବା କାରାପ୍ କାମ୍ କରି ଗଟେକ୍ ଲକ୍ ଆରି ଗଟେକ୍ ଲକ୍‌କେ କରର୍ ଦୁଆର୍ ଜାକ ନେବା ବିସଇ ଲେଖିଆଟେ । ୫-୬
୪. ପଟେ ଜିବା ବିସଇ ମୁର୍ତ୍ତିମନ୍‌କେ ବଲିଦେବାଟା, ସବୁ ମିସିକରି ପାର୍ତନା କରବାଟା, ଆଡ୍‌ମାଇ ଦାନ୍ ପାଇଲାଟା ଆରି ମରି କରି ଆରି ତରେକ୍ ଉର୍‌ବାଟା ବିସଇ ଲେଖା ଆଟେ । ୭-୧୫
୫. ସାରାସାରି ସେ ନିଜେ କର୍‌ତେରଇବା କେତେଟା ବିସଇ ଲେଖିକରି ସାରାଇଲାନ୍ତି । ୧୭

୧ ମୁଇ ପାଉଲ୍ ଆରି ଆମର୍ ସଙ୍ଗର୍ ବିସ୍‌ବାସି ସସ୍‌ତିନା ଜୁଆର୍ ଜାନାଇଲୁନି । ପରମେସର୍‌ ମନ୍ କଲା ଇସାବେ କିରିସ୍ଟ ଜିସୁର୍ ପେରିତ୍ ଅଇବାକେ ମକେ ବାଟିଆଟେ ।

୨ *କରନ୍ତିୟ ନଅରେ ରଇବା ପରମେସର୍‌ ମଣ୍ଡଳୀର ଲକ୍ଷ୍ମଣନେ ଲେଖିଲୁନି । ପରମେସର୍‌ ତମ୍‌କେ ଜିସୁକିରିସ୍ଟ ସଙ୍ଗ ମିସାଇ, ତାର୍ ନିଜର୍ ଲକ୍ କଲାଆଟେ । ଆରି ମାପୁରୁ ଜିସୁକିରିସ୍ଟକେ ଉପାସନା କରବା, ସବୁ ଜାଗାଇ ରଇବା ଲକ୍‌ର ସଙ୍ଗ ତମ୍‌କେ ସୁକଲ୍ ଅଇବାକେ ବାଟିଆଟେ । ସେ ଆମର୍ ମାପୁରୁ ଆରି ତାକର୍ ମିସା ।

୩ ଆମର୍ ବାବା ପରମେସର୍ ଆରି ଜିସୁ କିରିସ୍ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

କିରିସ୍ଟର୍ ଟାଣେ ଆସିର୍‌ବାଦ୍

୪ କିରିସ୍ଟ ଜିସୁର୍‌ଟାଣେ ପରମେସର୍‌ ଜେନ୍ତି ଜିବନ୍ ଦୁକାଇରଇଲା, ସେ ଜିବନ୍ ଦୁକାନିର୍ ଲାଗି, ମୁଇ ସବୁବେଲେ ତମ୍‌ର ବିସଇନେଇ ପରମେସର୍‌କେ ଦନିଅବାଦ୍ ଦେଲିନି ।

୫ କାଇକେବଇଲେ ତମେ କିରିସ୍ଟ ସଙ୍ଗ ମିସିକରି ଆଗାସ୍ ବଲି ପରମେସର୍ ତମ୍‌କେ ଲଡାକେ ଅଇବା ସବୁ ବିସଇ, ତମ୍‌ର କାତା ଅଇବା ବପୁ ଆରି ସବୁ ରକାମର୍ ଗିଆନ୍ ଦେଇଆଟେ ।

୬ କିରିସ୍ଟର୍ ବିସଇନେଇ ତମ୍‌କେ ଜନ୍ କବର୍ କଇରଇଲୁ, ସେଟା ଚିକ୍ ଆକା ବଲି ଜାନା ପଡ୍‌ଲାନ୍ତି ।

୭ ତେବେ ତମେ ଆମର୍ ମାପୁରୁ ଜିସୁ କିରିସ୍ଟର୍ ଏ ଜଗତେ ବାଉଡି ଆଇବାଟା ଜାଗିରଇବାକେ ସବୁ ରକାମର୍ ଆଡ୍‌ମାର୍ ଦାନ୍ ମିଲାଇ ଆଗାସ୍ ।

୮ ଜେନ୍ତିକି ଆମର୍ ମାପୁରୁ ଜିସୁ ଆଇବା ଦିନେ ତମ୍‌କେ କାଇ ମିସା ନିନ୍ଦା ନ ଅ । ଏଟାପାଇ ମାପୁରୁ ତମ୍‌କେ ସାରାସାରି ଜାକ ମିସା ତବିର୍ କରି ସଙ୍ଗଇସି ।

୯ ଜନ୍ ପରମେସର୍‌ ଲାଗି ତମେ ତାର୍ ପଅ ଜିସୁ କିରିସ୍ଟ, ଆମର୍ ମାପୁରୁରସଙ୍ଗ ମିସିବିଡି ରଇବାକେ ବାଟିଅଇ ଆଗାସ୍, ସେ ସେନ୍ତି କର୍‌ସି ଆକା ବଲି ତାଟ୍ ସଙ୍ଗ ବିସ୍‌ବାସ୍ କଲାସ୍‌ନି ।

ବିସ୍‌ବାସିମନ୍ ବେଗ୍‌ଲା ବେଗ୍‌ଲି ଅଇବାଟା

☆ ୧:୨ ପେରିତ୍ ୧୮:୧

୧୦ ଏ ମର ବାଇବଇନିମନ୍, ଆମର ମାପୁରୁ ଜିସୁ କିରିସ୍ଟର ନାଉଁ ଦାରି ମୁଇ ତମ୍ଭେ ବାବୁଜିଆ କଲିନି, ଜେକ୍ରିକି ତମେ ସବୁଲକ୍ ଗଟେକ୍ କାତାଇ ରାଜି ଉଆ, ଆରି ତମର ତମର ବିତ୍ତରେ ବେଗ୍ଲା ବେଗ୍ଲି ଉଆନାଇ । ମାତର୍ ତମେ ଗଟେକ୍ ଦଲ୍, ଗଟେକ୍ ମନ୍ ଆରି ଗଟେକ୍ କାତାଇ ରାଜି ଉଆ ।

୧୧ ତମର ତମର ବିତ୍ତରେ ଲାଗାଜଡା ଆଚେ ବଲି ମୁଇ କିଲିୟର୍ କୁଚୁମେ ଅନି ସୁନିଆଟି ।

୧୨ *ମୁଇ ବାବ୍ଲିନି, ତମର ବିତ୍ତରେ କେତେଲକ୍ କଇବାଇ, ଆମେ ପାଉଲର୍ ବାଟେ ଜିବାଲକ୍, କେତେଲକ୍ ଆପଲର୍ ବାଟେ ଜିବାଲକ୍, କେତେଲକ୍ କେପାର୍ ବାଟେ ଜିବା ଲକ୍, ଆରି କେତେଲକ୍ ଆମେ କିରିସ୍ଟର ବାଟେ ଜିବା ଲକ୍ ।

୧୩ କିରିସ୍ଟକେ ମୁକା ମୁକା କରି ବାଗ୍ ବାଗ୍ କଲାପାରା ଦଲ୍ ଅଇଆଟାସ୍ । ମୁଇ ପାଉଲ୍, ତମର ପାଇ କୁର୍ସେ ମରିରଇଲି କି ? କି ତମେ ପାଉଲର୍ ନାଉଁ ଦାରି ତୁବନ୍ ନେଇରଇଲାସ୍ ?

୧୪ *ସେଟାରପାଇ କିରିସ୍ତ ଆରି ଗାଅକେ ଚାଡ୍ଲେ ତମର ବିତ୍ତରେ ଆରି କାକେ ମିସା ତୁବନ୍ ଦେଇ ନାଇ ବଲି ମୁଇ ପର୍ମେସର୍କେ ଦନିଅବାଦ୍ ଦେଲିନି ।

୧୫ ତମେ ମର ନାଉଁ ଦାରି ତୁବନ୍ ନେଇଆଟାସ୍ ବଲି କେତେବେଲେ କେ ମିସା କଇଦେବାଇ ।

୧୬ *ଉଁ ତିପାନ୍କେ ଆରି ତାର୍ କୁଚୁମର୍ ଲକ୍କେ ମିସା ତୁବନ୍ ଦେଇରଇଲି । ଆରି କାକେ ତୁବନ୍ ଦେଲିଆଟି କି ନାଇ ବଲି ମକେ ଏଡ୍ ଆସେ ନାଇ ।

୧୭ କାଇକେବଲେ କିରିସ୍ଟ ମକେ ତୁବନ୍ ଦେବାକେ ପାଟାଏ ନାଇ, ନିମାନ୍ କବର୍ ଜାନାଇବାକେ ପାଟାଇଲା ଆଚେ । ଜଦି ଲକ୍ମନର୍ ଗିଆନ୍ ଇସାବେ ସେଟା ମୁଇ କର୍ଡି, ସେନ୍ତାର୍ ଆଲେ କିରିସ୍ଟର୍ କୁର୍ସର୍ କବରର୍ ବପୁ ଉନା ଅଇତା ।

୧୮ କୁଚୁପନାସ୍ ଅଇଜାତେରଇବା ଲକ୍ମନର୍ପାଇ, କୁଚୁସେ ଅଇଲା କିରିସ୍ଟର୍ ମରନର୍ କାତା, କାଇ ମୁଲିଅ ନାଇ । ମାତର୍, ଆମର୍ପାଇ ସେଟା ପର୍ମେସର୍ ବପୁ । ଆମେ ମୁକ୍ତି ପାଇତେରଇବା ଲକ୍ମନ୍ ।

୧୯ ତେବେ ଦରମ୍ ସାସ୍ତରେ ଏକ୍ତି ଲେକାଆଚେ,

ମୁଇ ଗିଆନ୍ ରଇବା ଲକ୍ମନର୍ ଗିଆନ୍ ନସାଇବି,

ଆରି ବୁଦି ରଇବା ଲକ୍ମନର୍ ବୁଦି

କାଇ ଲଡାକେ ନ ଆଇଲା ପାରା କର୍ବି ।

୨୦ ତେବେ ଗିଆନ୍ ରଇବା ଲକ୍ମନର୍ ବିସଇ କାଇଟା କଇଅଇସି ? ସାସ୍ତର୍ ସିକାଉମନର୍ ବିସଇ କାଇଟା କଇ ଅଇସି ? ଆରି ଏ ଜୁଗର୍ ଦଦାପେଲା ଅଇବା ଲକ୍ମନର୍ ବିସଇ କାଇଟା କଇଅଇସି ? ପର୍ମେସର୍ ଏ ଜଗତର୍ ଗିଆନ୍ ରଇବା ଲକ୍ମନକେ କାଇ ଲଡାକେ ନ ଆଇବାଟା ବଲି କଏ ନାଇ କି ?

୨୧ ଏ ଜଗତର୍ ଲକ୍ମନ୍ ତାକର୍ ଚାଲାକିସଙ୍ଗ୍ ପର୍ମେସର୍କେ ନ ଜାନଡ୍ ବଲି, ସେ ନିଜର୍ ଗିଆନ୍ ଇସାବେ ଟିକ୍କଲା । ଆମେ ଜାନାଇବା ବିସଇ ଜନ୍ଟା କି କାଇ ମୁଲିଅ ନାଇ ବଲି ଲକ୍ମନ୍ କଇବାଇ, ସେଟା ବିସ୍ବାସ୍ କର୍ବା ଲକ୍ମନକେ ମୁକ୍ତି ଦେବାକେ ପର୍ମେସର୍ ସାର୍ଦା ଅଇଲା ।

୨୨ ଜିଉଦିମନ୍ କାବା ଅଇଜିବା ଚିନ୍ ପାଇ ଦାବି କଲାଇନି । ଗିରିକ୍ମନ୍ ଗିଆନ୍ କଜ୍ଜଲାଇନି ।

୨୩ ମାତର୍ ଆମେ କୁଚୁସ୍ ଉପରେ ଚଗାଇ ଅଇରଇବା କିରିସ୍ଟର୍ ବିସଇ ଜାନାଇଲୁନି । ଏ କାତା ସୁନ୍ଲେ ଜିଉଦିମନ୍ ରିସା ଅଇଗାଲାଇନି ଆରି ଜିଉଦି ନଇଲା ଲକ୍ମନ୍ ସେ କାତାର୍ କାଇ ମୁଲିଅ ନାଇ ବଲି ବାବ୍ଲାଇନି ।

୨୪ ମାତର୍ ଜିଉଦି ଅଅଡ୍, କି ଜିଉଦି ନଇଲା ଲକ୍ ଅଅଡ୍, ଜନ୍ ଲକ୍ମନ୍ ବାଟି ଅଇଆଚଡ୍, ସେମନର୍ ପାଇ କିରିସ୍ଟ ପର୍ମେସର୍ ବପୁ ଆରି ପର୍ମେସର୍ ଗିଆନ୍ ପାରା ଆଚେ ।

୨୫ ତେବେ ଜନ୍ଟା ପର୍ମେସର୍ ବକୁଆ ବିସଇ ସେଟା ମୁନ୍ସର୍ ଗିଆନେ ଅନି ଅଦିକ୍ ଆଚେ, ଆରି ଜନ୍ଟା ପର୍ମେସର୍ ଦୁର୍ବଲ୍ ବିସଇ, ସେଟା ମୁନ୍ସର୍ ବପୁଟାନେଅନି ଅଦିକ୍ ବପୁ ।

୨୬ ଏ ବାଇବଇନିମନ୍, ପର୍ମେସର୍ ତମ୍ଭେ ବାଟ୍ଲା ବେଲେ ତମେ କେନ୍ତାର୍ ରଇଲାସ୍ ବାବିଦେକା । ଜଗତର୍ ବିଦି ଇସାବେ ବେସିଲକ୍ ଗିଆନି ନ ରଇଲାସ୍ । ବେସିଲକ୍ ନେତା ନ ରଇଲାସ୍ ଆରି ବଡ୍ ଗରେ ଜନମ୍ ନ ଅଇରଇଲାସ୍ ।

୨୭ ପର୍ମେସର୍ ଗିଆନି ଲକ୍ମନକେ ଲାଜ୍ କରାଇବାକେ ଜଗତର୍ ଦୁର୍ବଲ୍ ଲକ୍ମନକେ ବାଟ୍ଲା, ଜେକ୍ରିକି ଜଗତେ ଗିଆନି ରଇବା ଲକ୍ମନ୍ ଆରି ବପୁ ରଇବା ଲକ୍ମନ୍ ଲାଜ୍ ଅଇଜିବାଇ ।

୨୮ ତେବର୍ ପାଇ, ପର୍ମେସର୍ ଏ ଜଗତର୍ କାଇ ଲଡାକେ ନ ଆସେ ବଲି କଇବା ଲକ୍ମନକେ, ଆରି ସବୁବେଲେ ତଲେ ରଇ ଲକ୍ମନ୍ ଗିନ୍ କର୍ଡେରଇବା ଲକ୍କେ ବାଟ୍ଲାଆଚେ ।

୨୯ ଜେନ୍ତାର୍ କି ଜଗତ୍ ବିତ୍ତରେ ଜନ୍ ଲକ୍ମନ୍ ବଡ୍ ବଲି ନାମାଇ ଅଇବାଇ, ସେମନ୍ କାଇ ଲଡାକେ ନ ଆସଡ୍ ଆରି ପର୍ମେସର୍ ମୁଆଟେ କେ ମିସା ବଡ୍ପନ୍ ଅଇ ନ କଅଡ୍ ।

୩୦ ମାତର୍ ପର୍ମେସର୍ ତମ୍ଭେ କିରିସ୍ଟ ଜିସୁର୍ ସଙ୍ଗ୍ ମିସାଇଆଚେ ଆରି ସେ କିରିସ୍ଟକେସେ ଆମର୍ପାଇ ଗିଆନ୍ ପାରା କରିଆଚେ । ତାର୍ଲାଗି ଆମେ ପର୍ମେସର୍ ସଙ୍ଗ୍ ସଡ୍ ମିସାବିତା ଅଇଲାଟା ଆରିତରେକ୍ ଜଡିଅଇଲାଆଚେ । ଆମେ ଦରମ୍ ଆରି ସୁକଲ୍ ଲକ୍ ଅଇ ପାପେ ଅନି ମୁକ୍ତି ପାଇଆଚୁ ।

☆ ୧:୧୨ ପେରିଡ୍ ୧୮:୨୪ ☆ ୧:୧୪ ପେରିଡ୍ ୧୮:୮; ପେରିଡ୍ ୧୯:୨୯; ରମିୟ ୧୭:୨୩ ☆ ୧:୧୭ ଏମ କରନ୍ତିୟ ୧୭:୧୫

୩୧ ମାତର ଜେନ୍ତ୍ର ଦରମ୍ ସାସ୍ତରେ ଲେକା ଅଇଆଚେ, ଜେ ଜଦି ବଡ଼ପନ୍ ଅଇସି, ତେବେ ସେ ମାପରୁ କଲା କାମ୍ ତେଇ ବଡ଼ପନ୍ ଅ ।

୨

କୁରୁସକାଟେ ମଲା କିରିସଟର୍ କାତା

୧ ଏ ବାଇବଇନିମନ୍, ଜେଡ଼କିବେଲେ ମୁଇ ତମର୍ ଲଗେ ପର୍ମେସରର୍ ଟିକିନିକି କାତା ସୁନାଇବାକେ ଆସି ରଇଲି ପଣ୍ଡିତମନର୍ ପାରା କି ବାସଣ୍ ଦେବା ଲକର୍ପାରା ବଡ଼ ବଡ଼ କାତା କଇ ନ ରଇଲି ।

୨ କାଇକେବଇଲେ କୁରୁସ କାଟେ ମରିରଇବା ଜିସୁ କିରିସଟକେ ଚାଡ଼ି ଆରି ବିନ୍ ବିସଇ ତମକେ ନ କଇ ବଲି ମୁଇ ଟିକ୍ କଲି ।

୩ *ସେବେଲେ ମୁଇ ତମର୍ ଲଗେ ଦୁର୍ବଲ୍ ଅଇ ଡରିକରି ରଇଲି ଆରି ତରତରି ଗଜ୍‌ଗଜି ରଇଲି ।

୪ ଜେନ୍ତ୍ରକି ତମର୍ ବିସବାସ୍ ମୁନୁସର୍ ଗିଆନ୍ ଉପରେ ନ ରଇକରି ପର୍ମେସରର୍ ବପୁ ଉପରେ ବାନ୍ଧିଅଇ ରଅ ।

୫ ତେବରପାଇ ମର୍ ସିକିଆ ଆରି ମୁଇ ସୁନାଇବା ବାକିଅ, ମର୍ ନିଜର୍ ଗିଆନେ ଅନି ନ ରଇଲା । ଚାଲାକି କାତା କଇକରି ମୁଇ ସୁନାଇଲାଟା ତମକେ ବିସବାସ୍ କରାଇନାଇ । ମାତର୍ ପର୍ମେସରର୍ ଆଡ଼ମା ଆରି ତାର୍ ବପୁ ସଙ୍ଗ୍ ମୁଇ କଇଲା ବିସଇ ସଡ଼ ବଲି ଜାନାପଡ଼ଲା ।

ପର୍ମେସରର୍ ଗିଆନ୍

୬ ଏଲେମିସା ଆମେ ଜେଡେବଲ୍ ଆଡ଼ମାଇ ବଡ଼ିରଇବା ବିସବାସିମନର୍ ସଙ୍ଗ୍ ରଇଲାବେଲେ ଗିଆନର୍ କାତା କଇଲୁନି । ମାତର୍ ସେଟା ଏ ଜୁଗର୍ ଗିଆନ୍ ନର୍ଷି କି ଏ ଜୁଗର୍ ନସଟ ଅଇଜାଇରଇବା ନେତାମନର୍ ଗିଆନ୍ ନର୍ଷି ।

୭ ନାଇ, ଜନ୍ ଗିଆନର୍ ବିସଇ ଆମେ କଇଲୁନି, ସେଟା ପର୍ମେସରର୍ ଟିକିନିକି ଗିଆନର୍ କାତା । ପୁରବେ ପର୍ମେସରର୍ ତାର୍ ଜଜ୍‌ନା କାକେ ମିସା ଜାନାଏ ନାଇ । ସେ ଜଜ୍‌ନା ଇସାବେ, ପଡ଼କେ ଆମର୍ ମଇମାର୍ପାଇ ସେ ବାଟିରଇଲା ।

୮ ଏ ଜୁଗର୍ ଅଦିକାରିମନକେ ମିସା ସେଟା ବୁଜଡ଼ନାଇ । କାଇକେବଇଲେ ସେମନ୍ ସେଟା ଜାନିରଇଲେ ଡାକ୍‌ପୁଟା ମାପରୁକେ କୁରୁସେ ମାରି ନ ରଇତାଇ ।

୯ ଜେନ୍ତ୍ରାରି କି ସାସ୍ତରେ ଲେକା ଆଚେ,

ଜନ୍‌ଟାକି କାର୍ ଆକି କେବେ ଦେକେନାଇ,

କାର୍ କାନ୍ କେବେ ସୁନେ ନାଇ ଆରି କେ ମିସା କେବେ ବାବି ନ ରଅଡ଼, ସେ ସବୁ ବିସଇ,

ପର୍ମେସର୍ ଜନ୍ ଲକ୍‌ମନକେ ଆଲାଦ୍ କଲାନି,

ତାକରପାଇ ତିଆର୍ କଲାଆଚେ ।

୧୦ ମାତର୍ ଆମକେସେ ପର୍ମେସର୍ ତାର୍ ଟିକିନିକି ବିସଇ ଜାନାଇଆଚେ । ସେ ସୁକଲ୍ ଆଡ଼ମାସେ ସବୁ ବିସଇ ସିକାଇସି ଆରି ତାର୍ ବିଡ଼ରେ ରଇବା ଟିକିନିକି ଚିନ୍ତା ମିସା କର୍ସି ।

୧୧ ମୁନୁସ୍ କର୍ବା ଚିନ୍ତା ସବୁ ତାର୍ ବିଡ଼ରେ ରଇବା ଆଡ଼ମାକେ ଚାଡ଼ଲେ ଆରି କେ ମିସା ନାଜାନଡ଼ । ସେନ୍ତ୍ରସେ ପର୍ମେସରର୍ ସବୁ ଚିନ୍ତା କଲାଟା ତାର୍ ଆଡ଼ମାକେ ଚାଡ଼ିଦେଲେ ଆରି କେ ମିସା ନାଜାନଡ଼ ।

୧୨ ଏ ଜଗତର୍ ଲକ୍‌ମନ୍ ପାଇରଇବା ଆଡ଼ମା ପାରା ଆମେ ପାଉନାଇ । ମାତର୍ ପର୍ମେସରର୍ ଆଡ଼ମା ପାଇଆରୁ । ଜେନ୍ତ୍ରାରିକି ଜନ୍ ସବୁ ବିସଇ ଆମକେ ସେ ଦେଲାଆଚେ, ସେଟା ସବୁ ଆମେ ଜାନ୍‌ବୁ ।

୧୩ ତେବେ ସେ ସବୁ ବିସଇ ମିସା ଆମେ ଜଗତର୍ ଗିଆନ୍ ଇସାବେ ସିକାଉନାଇ, ମାତର୍ ଜନ୍ ବିସଇ ଆମକେ ପର୍ମେସରର୍ ସୁକଲ୍ ଆଡ଼ମା ସିକାଇଲା ଆଚେ, ସେ ବିସଇ ଆକା ସିକାଇଲୁନି । ଜନ୍ ଲକ୍‌ମନ୍ ସୁକଲ୍ ଆଡ଼ମା ପାଇଆଚଡ଼, ସେ ଲକ୍‌ମନକେ ଏ ଆଡ଼ମାର୍ ବିସଇ ସିକାଇଲୁନି ।

୧୪ ମାତର୍ ସୁକଲ୍‌ଆଡ଼ମା ନ ପାଇ ରଇବା ଲକ୍, ଆଡ଼ମାର୍ ବିସଇ ନ ମାନେ, ମାତର୍ ସେଟାମନ୍ ତାର୍ପାଇ ଗଟେକ୍ କାଇଟା ନାଜାନ୍‌ବା ବକୁଆ ପାରା, ଆରି ସେ ସେଟା ବୁଜି ନାପାରେ, କାଇକେବଇଲେ ସେ ସବୁ ବିସଇ ସୁକଲ୍ ଆଡ଼ମା ସିକାଇଲେ ସେ ବୁଜିଅଇସି ।

୧୫ ମାତର୍ ଜନ୍‌ଲକ୍‌ମନ୍ ଆଡ଼ମା ପାଇଆଚଡ଼, ସେ ସବୁ ବିସଇର୍ ମୁଲିଅ, ସଡ଼ ବାବେ ବିଚାର୍ କର୍ସି । ଏଲେ ମିସା ତାକେ କେ ବିଚାର୍ ନ କରଡ଼ ।

୧୬ ସାସ୍ତରେ ଲେକା ଅଇଲାପାରା କେ ମିସା ମାପରୁର୍ ମନର୍ କାତା ଜାନି ନାପାରଡ଼, କି କେ ମିସା ତାକେ ସିକାଇ ନାପାରଡ଼ ।

ମାତର୍ ଆମେ କିରିସଟର୍ ମନ୍ ପାଇଆରୁ ।

୩

ମଣ୍ଡୁଲିଟାନେ କିର ଜାଟି

☆ ୨:୩ ପେରିଡ଼ ୧୮:୯

୧୯ ଏ ବାଇବଲ୍‌ନିମନ୍, ମୁଇ କରନ୍ତିୟତେଇ ରଇଲାବେଲେ ସୁକଲ୍‌ଆତ୍‌ମା ପାଇଲା ଲକ୍‌ମନର୍ ଇସାବେ ତମ୍‌କେ କାତା ଅଇ ନାପାରୁଲି । ମାତର୍ ନିଜେ ମନ୍‌କଲା ଇସାବେ ରଇବା ଲକ୍‌ମନର୍ ଇସାବେସେ କାତା ଅଇଲି । କାଇକେ ବଇଲେ ତମେ ସେବେଲେସେ, ବିସ୍‌ବାସ୍ କର୍ବାକେ ମୁଲିଆଇ ରଇଲାସ୍ । କିରିସ୍‌ଟର୍ ତେଇ କଅଁଲା ପିଲାମନର୍ ପାରା ।

୨୦ *ମୁଇ ତମ୍‌କେ ଆଁଟ୍ କାଦି ନ ଦେଇ କରି ଦୁଦ୍ କାଇବାକେ ଦେଇରଇଲି । କାଇକେବଇଲେ ତମେ ଆଁଟ୍ କାଦି କାଇବାର୍ ନାପାର୍‌ତେ ରଇଲାସ୍ । ଏବେ ମିସା ନାପାରାସ୍ ।

୨୧ ତେବେ, ତମେ ନିଜର୍ ମନ୍ କଲା ଇସାବେ ରଇବା ଲକ୍‌ମନର୍‌ପାରା ଆତାସ୍ । ମୁଇ ଏଟାର୍ ପାଇ କଇଲିନି, କାଇକେବଇଲେ ତମର୍ ତମର୍ ବିତ୍‌ରେ ଇସା ତଲା, ଲାଗାଜତା ଆରି ଜାତିନିତି ଆତେ । ତମେ ନିଜର୍ ମନ୍ କଲା ଇସାବେ ରଇବା ଲକ୍ ବଲି ଜାନାପଡ଼ଲାନି । ଜଗତର୍ ଲକ୍‌ମନର୍ ପାରା, ନିଜର୍ ମନ୍ କଲା ଇସାବେ ଚଲାଚଲ୍‌ତି କଲାସ୍‌ନି ।

୨୨ *ଜେନ୍ତ୍ରିକି ତମର୍ ବିତ୍‌ରେ କେତେଲକ୍ କଇବାଇ, ଆମେ ପାଉଲର୍ ବାଟେ ଗାଲୁନି । ତେଇଅନି ଆରି କେତେଲକ୍ କଇବାଇ, ଆମେ ଆପଲର୍ ବାଟେ ଗାଲୁନି । ସେଡ଼କିବେଲେ ତମେ କାଇ ନିଜର୍ ମନ୍ କଲା ଇସାବେ ରଇବା ଲକ୍ ନୁଆସ୍ କି ?

୨୩ ସେ ଇସାବେ ଦେକଲେ ଆପଲ୍ କେ ? ଆରି ମୁଇ ମିସା କେ ? ଆମେତା ଅବ୍‌କା ସେବା କରୁମନ୍ । ଜେନ୍ତ୍ରିକି ତମ୍‌କେ ବିସ୍‌ବାସ୍ କର୍ବାକେ ଆମେ ସାଇଜ କଲୁ । ପର୍‌ମେସର୍ ଆମ୍‌କେ ଜନ୍ କାମ୍ କର୍ବାକେ ଦେଇରଇଲା, ଆମେ ସେ କାମ୍ କରିଆରୁ ।

୨୪ *ମୁଇ ମୁଞ୍ଜି ରପ୍‌ଲା ଲକ୍ ପାରା, ଆରି ଆପଲ୍ ଗଟେ ପାନିଦେଲା ଲକର୍ ପାରା । ମାତର୍ ପର୍‌ମେସର୍ ସେ ଗର୍ ବଡ଼ାଇଆଟେ ।

୨୫ ସେନ୍ତ୍ରିସେ ଜେ ରପିରଇସି ଆରି ଜେ ପାନି ଦେଇସି, ତାକର୍ କାଇଟା ନାଇ, ଜେ ବଡ଼ାଇରଇସି, ସେ ପର୍‌ମେସର୍ ସେ ସବୁଟା ।

୨୬ ଜେ ରପ୍‌ଲା ଆଟେ ଆରି ଜେ ପାନି ଦେଲାଆଟେ, ସେ ଦୁଇଲକ୍ ଗଟେକ୍ କାଇଆଲେ ଲଡ଼ାର୍‌ପାଇ କାମ୍ କଲାଇନି । କାଇକେବଇଲେ ସେମନ୍‌କେ ପର୍‌ମେସର୍ ନିଜର୍ ନିଜର୍ କାମ୍ ଇସାବେ ପୁରୁସ୍‌କାର୍ ଦେଇସି ।

୨୭ ଆମେ ପର୍‌ମେସର୍ ସଙ୍ଗ୍ କାମ୍ କର୍ବା କୁଲିଆର୍ ମନ୍ । ଆରି କରନ୍ତିୟର୍ ବିସ୍‌ବାସିମନ୍ ତମେ, ପର୍‌ମେସର୍ ତାସ୍ କର୍ବା ଜମି, ଆରି ତାର୍ ଗର୍ ।

୨୮ ପର୍‌ମେସର୍ ମକେ ଦେଇରଇବା ତାର୍ ଜିବନ୍ ଦୁକାନି ଇସାବେ ମୁଇ ଗଟେକ୍ ସବୁ ଜାନିରଇବା ଗର୍ ତିଆରକରୁ ପାରା କୁନାଦି ବସାଇଆଟି । ସେବେଲେଅନି ବିନ୍ ଲକ୍ ତାର୍ ଉପରେ ତିଆର୍ କଲାନି । ମାତର୍ ତିଆର୍ କର୍ବା ବେଲେ ତମେ, ଗଟେକ୍ ଗଟେକ୍ ଲକ୍ ଜାଗରଡ଼ ରଇବାର୍ ଆଟେ ।

୨୯ କାଇକେବଇଲେ, ଜନ୍ କୁନାଦି ତିଆର୍ ଅଇସାରଲା ଆଟେ, ତାକେ ଚାଡ଼ି ଅଲ୍‌ଗା କୁନାଦି କେ ମିସା ତିଆର୍ କରି ନାପାରଡ଼ । ସେ କୁନାଦିର୍ ମୁଲ୍ ପାକ୍‌ନା ଅଇଲାନି ଜିସୁକିରିସ୍‌ଟ ।

୩୦ ମାତର୍ କେତେକ୍ ଗର୍ ବାନ୍ତୁମନ୍ କୁନାଦି ଉପରେ ସୁନା, ରୁପା ଆରି ବେସି ଦାମ୍ ଅଇବା ପାକ୍‌ନା ସଙ୍ଗ୍ ବାନ୍ତୁଲାଇନି । ଆରି କେତେକ୍ ଲକ୍ ଦାରୁ, ଗାଁସ୍ ଆରି ପିରି ସଙ୍ଗ୍ କୁନାଦି ଉପରେ ବାନ୍ତୁଲାଇନି ।

୩୧ କିରିସ୍‌ଟ ଆରି ତରେକ୍ ଆଇବା ଦିନେ ଗଟେକ୍ ଗଟେକ୍ ଲକ୍ କରିରଇବା ସବୁ କାମ୍ କେନ୍ତ୍ରାଟା ବଲି ଜଇଟାନେ ଜାନାପଡ଼ିଜାଇସି । ସେଟା ଗଟେକ୍ ଏନ୍ତ୍ରି ବେଲା ଆଇସି ଜେତେବେଲେ ସବୁ ଜିନିସ୍ ଜଇଟାନେ ପଡ଼ାଇ ପରିକା କରାଅଇସି ।

୩୨ ଜନ୍‌ଲକ୍‌ମନ୍ କରିରଇବା କୁନାଦି ଉପରେ ଜଇର୍ ପରିକାଟାନେ ନ ନସେ, ସେ ପୁରୁସ୍‌କାର୍ ପାଇସି ।

୩୩ ଜଦି ଜାର୍ କାମ୍ ପଡ଼ି ଜାଇସି, ସେ କାମ୍ କରୁକେ କାଇଟା ନ ମିଲେ । ମାତର୍ ସେ ଲକ୍ ଲାଗ୍‌ତେରଇବା ଜଇଟାନେଅନି ରକିଆ ପାଇଲା ପାରା ନିଜେ ରକିଆ ପାଇସି ।

୩୪ *ତମେ ନିକ ସଙ୍ଗ୍ ଜାନିଆତାସ୍, ତମେ ଅଇଲାସ୍‌ନି ପର୍‌ମେସରର୍ ମନ୍‌ଦିର୍ । ଆରି ତାର୍ ଆତ୍‌ମା ତମର୍ ଗାଗଡ଼ ବିତ୍‌ରେ ବାସାଅଇଆଟେ ।

୩୫ ଜଦି କେ ମିସା ପର୍‌ମେସରର୍ ମନ୍‌ଦିର୍ ନସାଇସି, ତେବେ ପର୍‌ମେସର୍ ତାକେ ନସାଇସି । କାଇକେବଇଲେ ପର୍‌ମେସରର୍ ମନ୍‌ଦିର୍ ସୁକଲ୍‌ଟା । ତମେମନ୍ ଆକା ସେ ମନ୍‌ଦିର୍ ।

୩୬ ନିଜ୍‌କେ ମିସା ନାଡ଼ାଇ ନ ଉଆ । ଜେ ଜଦି ମୁଇ ଜଗତର୍ ଇସାବେ ଗିଆନ୍ ରଇବାଲକ୍ ବଲି ମନେ ମନେ ବାବ୍‌ସି, ତେବେ ସେ ସଡ଼ ଗିଆନ୍ ପାଇବାକେ ଆଲେ, କାଇଟା ନାଜାନ୍‌ଲା ବକୁଆ ଲକ୍‌ପାରା ଅଇବାର୍ ଆଟେ ।

୩୭ କାଇକେବଇଲେ ଏ ଜଗତର୍ ଗିଆନ୍ ପର୍‌ମେସରର୍ ମୁଆଟେ କାଇ ଲଡ଼ାକେ ନ ଆସେ । ଜେନ୍ତ୍ରିକି ସାସ୍‌ତରେ ଲେକା ଆଟେ, ଗିଆନ୍ ରଇଲା ଲକ୍‌ମନ୍‌କେ ତାକର୍ ଚାଲାକିତେଇସେ ପର୍‌ମେସର୍ ଦାର୍‌ସି ।

୩୮ ଆରିତରେକ୍ ସାସ୍‌ତରେ ଲେକାଆଟେ । ଗିଆନ୍ ରଇବା ଲକ୍‌ମନ୍ ବାବ୍‌ବାଟା ସବୁ ରୁଡ଼ାଇସେ ବଲି ପର୍‌ମେସର୍ ଜାନିଆଟେ ।

* ୩:୨ ଏବ୍‌ରି ୫:୧୨,୧୩ * ୩:୪ ଏମ କରନ୍ତିୟ ୧:୧୨ * ୩:୬ ପେରିଡ଼ ୧୮:୪-୧୧; ପେରିଡ଼ ୧୮:୨୪-୨୮ * ୩:୧୭ ଏମ କରନ୍ତିୟ ୭:୧୯; ୨ୟ କରନ୍ତିୟ ୭:୧୭

୨୧ ଆରି କେ ମିସା ଲକ୍ମନ୍ କରିରଇବା କାମ୍‌ଗାନେ ବଡ଼ପନ୍ ନ ଉଆ । ଏବେ ତମେ ସବୁ ବିସଇର୍ ଅଦିକାର୍ ପାଇଆରାସ୍ ।

୨୨ ଜଦି ମୁଇ ଅଇଲେ କି, ଆପଲ୍ ଅଇଲେ କି, ପିତର୍ ଅଇଲେ କି, ଜଗତର୍ କାଇଟା ମିସା ଅଇଲେ, ତମେ ମଲେ କି ବର୍ଲେ, ଏବେ ଜାଇଟା ଅଇଲେ କି ପର୍ବକେ ଜନ୍‌ଟା ଅଇଲେ ମିସା, ସବୁ ବିସଇ ତମର୍ ମଙ୍ଗଲର୍ ପାଇସେ ।

୨୩ ମାତର୍ ତମେ କିରିସ୍‌ଟର୍ ଲକ୍, ଆରି କିରିସ୍‌ଟ ପର୍‌ମେସରର୍ ।

୪

କିରିସ୍‌ଟର୍ ପେରିଡ଼ମନ୍

୯ ତେବେ ତମେ ଆମ୍‌କେ କିରିସ୍‌ଟର୍ ସେବା କରୁମନ୍ ବଲି ନାମ୍‌ବାର୍ ଆଟେ । ଆରି ପର୍‌ମେସର୍ ଆମ୍‌କେ ଟିକିନିକି ସଡ଼ ବିସଇର୍ ବାଣ୍ଟାରିଆର୍ ଦାଇଡ଼ ଦେଲାଆଟେ ।

୧୦ ଆରି ସେନ୍ତାରି ଦାଇଡ଼ ନେଇରଇବା ସେବାକରୁମନ୍ ସଡ଼ ବାବେ କାମ୍ କରବାର୍ ଆଟେ ।

୧୧ ମାତର୍ ତମର୍ ବିଡ଼ରେ କେତେକ୍ ଲକ୍ କି, ବିନ୍ ଲକ୍ କେ ମିସା ମର୍ କାମ୍ ଦେକି ମକେ ବିଚାର୍‌ନା କଲେ, ମକେ କାଇଟା ନର୍ । ମୁଇ ନିଜେ ମର୍ ବିଚାର୍‌ନା ନ କରି ।

୧୨ କାଇକେବଇଲେ ମୁଇ ନିଜର୍ ବିରୁଦ୍ଧେ କାଇ ଦସ୍ କଲାଟା ମର୍ ମନ୍ ନାଜାନେ । ଅଇଲେ ମିସା ମୁଇ ଇତି କାଇ ଦସ୍ ନ କଲା ଲକ୍ ବଲି କଇନଏ । ମାତର୍ ଜେ ମକେ ବିଚାର୍ କରସି, ସେ ମାପ୍‌ରୁ ।

୧୩ ସେଟାପାଇ ତମେ କାକେ ମିସା କାଇ ବିସଇ ନେଇ ବିଚାର୍ କରାନାଇ । କାଇକେବଇଲେ ବିଚାର୍‌ନା କରବାକେ ବେଲା ଅଏ ନାଇତା । ମାପ୍‌ରୁ ବିଚାର୍‌ନା କରବାକେ ଆଇବାଜାକ ଜାଗା । ମାପ୍‌ରୁ ଆଇଲେ ଆକା ସାରାସାରି ବିଚାର୍‌ନା ଅଇସି । ସେ ଆନ୍ଦାର ବିଡ଼ରେ ଲୁଚ୍‌ତେ ରଇଲା ସବୁ ବିସଇ ଉଜଲେ ଦେକାଇ ଦେଇସି । ଆରି ଲକ୍‌ମନ୍ ମନ୍ ବିଡ଼ରର୍ କାତା ସବୁ ଦେକାଇ ଦେଇସି । ସେଡ଼କି ବେଲେ ସବୁଲକ୍ ପର୍‌ମେସରର୍ ଟାନେଅନି ଲାଡ଼ ପାଇବାଇ ।

୧୪ ଏ ବାଇବଇନିମନ୍, ମୁଇ ଏ ସବୁ କାତା ତମେ ସିକା ବଲି, ମର୍ ବିସଇ ଆରି ଆପଲ୍‌ର୍ ବିସଇ ଉଦାଅରନ୍ ଦେଇ କଇଲି । ଜେଡ଼ିକି ସାସ୍‌ତରେ ଲେକାଅଇଲାଟାନ୍‌ର୍ ଅରଡ଼ ତମେ ସିକସା । ସାସ୍‌ତରେ ଜେଡ଼କି ସବୁ ଲେକା ଅଇଲାଆଟେ, ତାର୍‌ଟାନେଅନି ଅଦିକ୍ କରାନାଇ । ସେନ୍ତାରି କଲେ କାକେ ମିସା ନେଇକରି ବଡ଼ପନ୍ ନ ଉଆସ୍, ଆରି କାକେ ମିସା ଇନ୍ ନ କରାସ୍ ।

୧୫ କାଇକେବଇଲେ ବିନ୍ ଲକ୍‌ଟାନ୍‌େଅନି କେ ତମ୍‌କେ ବଡ଼ କରଡ଼ ନାଇ । ଆରି ଜନ୍ ଗୁଣ୍ ତମେ ଦାନ୍ ଇସାବେ ମିଲାଅଆରାସ୍ ସେଟା ପର୍‌ମେସର୍ ଦେଲାଆଟେ । ତେବେ ତମର୍ ନିଜର୍‌ଟା ବଲି ବଡ଼ପନ୍ ଅଇ କଇ ନାପାରାସ୍ ।

୧୬ ତମ୍‌କେ ଦର୍‌କାର୍ ରଇଲା ସବୁ ବିସଇ ମିଲାଅ ଆରାସ୍ କି ? ତମେ କାଇ ସାଉକାର୍ ଅଇସାରି ଆରାସ୍ କି ? ଗଟେକ୍ ଗଟେକ୍ ରାଜା ଅଇଜାଇଆରାସ୍ କି ? ଏଲେ ମିସା ଆମେ ଅଇ ନାପାର୍‌ଲୁନି । ସତଇସେ ତମେ ରାଜାଅଇତାସ୍ କି ? ସେନ୍ତାରିଆଲେ, ଆମେ ମିସା ତମର୍ ସଙ୍ଗ୍ ରଇ କାମ୍ କରଡ଼ୁ ।

୧୭ ମାତର୍ ମୁଇ ବାବ୍‌ଲିନି ପର୍‌ମେସର୍ ଆମର୍ ପାରା ପେରିଡ଼ମନ୍‌କେ ଦାଡ଼ିର୍ ସାରାସାରି ଜାଗା ଦେଲାଆଟେ । ଜଗତର୍ ସବୁ ଲକ୍ ଆରି ସର୍‌ଗର୍ ଦୁଡ଼ମନ୍ ଦେକ୍‌ତେ ରଇବାବେଲେ ଆମେ, ବନ୍ଦି ଅଇଲା ଲକ୍‌ମନ୍‌କେ ମରାଇବାକେ ନେଲାପାରା ଆରୁ ।

୧୮ ଆମେ କିରିସ୍‌ଟର୍ ଲାଗି ବକ୍ତୁଆ ଲକ୍, ମାତର୍ ତମେ କିରିସ୍‌ଟର୍ ସଙ୍ଗ୍ ମିସ୍‌ଲାର୍ ପାଇ ବୁଦିରଇବା ଲକ୍ । ଆମେ ଦୁର୍‌ବଲ୍, ମାତର୍ ତମେ ବପୁରଇବା ଲକ୍, ତମ୍‌କେ ଲକ୍‌ମନ୍ ସନ୍‌ମାନ୍ ଦେଲାଇନି, ମାତର୍ ଆମ୍‌କେ ସନ୍‌ମାନ୍ ମିଲେନାଇ ।

୧୯ ଏବେ ଜାକ ମିସା ଆମ୍‌କେ ପେର୍‌ପୁର୍‌ତେ କାଇବାପିଇବାକେ ମିଲେନାଇ । ପିନ୍‌ବାକେ ବେସି ପୁର୍‌ନା ବସ୍‌ତର୍ ଆଟେ । ଲକ୍‌ମନ୍ ଆମ୍‌କେ ମାର୍‌ଲାଇନି ଆରି ରଇବାକେ ଜାଗା ନଇଲାର୍ ପାଇ ଏନେତେନେ ଅଇ ବୁଲ୍‌ଲୁନି ।

୨୦ *ଆବଡ଼ କାମ୍ କରି ଆମେ ଦିନ୍‌କେ ଦିନ୍ ଜୁଲିସୁକି ଗାଲୁନି । କେ ଆମ୍‌କେ ସାଇପ୍ ଦେଲେ ତାକେ ଆମେ ଆସିର୍‌ବାଦ୍ କଲୁନି, ଆରି ଉଡ଼ା ସୁନିକରି ମିସା ମୁର୍‌ତି କରି ରଇଲୁନି ।

୨୧ ନିନ୍ଦା ପାଇଲେ, ଆଲାଦର୍ କାତା କଇଲୁନି । ଆମେ ଏବେ ଜାକ ମିସା ଜଗତର୍ କାର୍‌ରା ପାରା ଅଇଆରୁ । ଲକ୍‌ମନ୍ ଆମ୍‌କେ ଆଣ୍ଟି ଦଇରଇବା ମୁର୍‌କି ପାନିପାରା ଦେକ୍‌ଲାଇନି ।

୨୨ ମୁଇ ତମ୍‌କେ ଲାଜ୍ କରାଇବାକେ ଏ ସବୁ ବିସଇ ଲେକିନାଇ, ମାତର୍ ତମ୍‌କେ ମର୍ ଆଲାଦର୍ ପିଲାଟକି ବଲି ଏତାଇ କରି ଚେଡ଼ନା ଦେବାକେ, ଏ ସବୁ ଲେକ୍‌ଲିନି ।

୨୩ କାଇକେବଇଲେ ତମ୍‌ଟାନେ କିରିସ୍‌ଟର୍ ବିସଇ ସିକାଇବାକେ କେତେକ୍ କେତେକ୍ ଗୁରୁ ରଇଲେ ମିସା, ବାବା ଇସାବେ ତମ୍‌କେ ବେସି ଲକ୍ ନାଇ । କିରିସ୍‌ଟ ଜିସୁର୍‌ତେଇ ମିସ୍‌ଲାର୍ ପାଇ ମୁଇ ତମର୍ ବାବା ଅଇଗାଲି । କାଇକେବଇଲେ ମୁଇ ତମ୍‌କେ ଜିସୁକିରିସ୍‌ଟର୍ ସୁବକବର୍ କଇରଇଲି ।

୨୪ *ତେବେ ମୁଇ ତମ୍‌କେ ବାବୁଜିଆ କରି କଇଲିନି, ମୁଇ ଜାଇଟା କଲିନି ତମେ ମିସା ସେନ୍ତାରି କରା ।

☆ ୪:୧୭ ପେରିଡ଼ ୧୮:୩ ☆ ୪:୧୭ ୧ମ କରନ୍ତୟ ୧୧:୧; ପିଲିପିୟ ୩:୧୭

୧୭ ସେଟାରପାଇଁ ମୁଁ ତିନିଦିନେ ତମର ଲଗେ ପାଟାଇ ଆତି । ମୁଁ ତାକେ ଆଲାଦ୍ କଲିନି । ସେ ମର ନିଜର ପିଲା ପାରା ଆରି ମାପୁରୁର ସେବାକାମେ ସବୁ ନିକସଙ୍ଗ କରସି । ଜେଡକିବେଲେ ସେ ତମରଟାନେ ଆଇସି, କିରିସଟରତେଇ ମିସଲାର ପାଇ ବଲି ମୁଁ କେନ୍ତ୍ର ଚଲାଚଲ୍ଲତି କଲିନି, ସେ ବିସଇନେଇ ସେ ତମକେ କଇସି । ସେ ସମାନ୍ ବିସଇ, ସବୁ ମଣ୍ଡୁଲିର ବିସବାସିମନକେ ମୁଁ ସିକାଇଲିନି ।

୧୮ ସେ କରନ୍ତିଅତେଇ ଆରି କେବେ ନ ଆସେ, ବଲିକରି ତମର ବିଡରର କେତେ ଲକ୍ ବଡପନ୍ ଅଇଆଟାସ୍ ।

୧୯ ମାତର ଜଦି ମାପୁରୁ ମନ୍ କଲେ ମୁଁ ଦାପରେ ତମରଟାନେ ଆଇବି । ଏ ବଡପନିଆ ଲକ୍ମନ୍ କାଇ କାତା ଅଇଲାଲନି ବଲି ମୁଁ ନିଜେ ଜାନ୍ବି ଆରି ତାକର ବପୁ ପରମେସରରଟାନେଅନି କି ନାଇ, ସେଟା ଜାନ୍ବି ।

୨୦ ପରମେସରର ରାଇଜ୍, ଅବକା କାତା ଅଇବା ବିସଇ ନଏଁ, ମାତର ବପୁର ସଙ୍ଗ ରଇବା ବିସଇ ।

୨୧ ମୁଁ ଆଇଲାବେଲେ ତମକେ କେନ୍ତ୍ର ଚଲାଚଲ୍ଲତି ଦେକାଇବାର୍ ଆଟେ ? ମୁଁ ବେଡ଼ତାଙ୍ଗ୍ ଦାରି ତମର ଲଗେ ଆଇବାର୍ କି, ଆଲାଦ୍ ଆରି ସାନ୍ତ୍ରମନ୍ ଦାରି ଆଇବି ?



ମଣ୍ଡୁଲିତେଇ ବେବିଟାର୍

୧ ମୁଁ ସତ୍ସେ ସୁନଲି ଜେ, ତମର ବିଡରେ ବେସିଆ କାମ୍ ଆଟେ । ଆରି ଏନ୍ତାରି ବେସିଆ କାମ୍, ଜନ୍ଟାକି ବିସବାସ୍ ନ କଲା ଲକ୍ ବିଡରେ ମିସା ନାଇ । ଜେନ୍ତାରିକି ନିଜର ସାନ୍ ଆୟାର୍ ସଙ୍ଗ୍ ସୁଆବସା ଅଇଲାଲନି ।

୨ ଆରି ତମର ବିଡରେଅନି ଗଟେକ୍ ଲକ୍ ଏନ୍ତାରି କାମ୍ କଲାଆଟେ, ତେବେ ତମେ କାଇକେ ବଡପନ୍ ଦେକାଇଲାସ୍ନି ? ସେ କିରିରଇବା ପାପ୍ କାମ୍ ଲାଗି ଲାଜ୍ ଅଇକରି ସେନ୍ତାରି ଲକ୍କେ ତମର ବିଡରେଅନି ବାର୍କରାଇ ଦେବାର୍ ରଇଲା ।

୩ ମୁଁ ଗାଗଡ଼ ଇସାବେ ତମର ଟାନେ ନ ରଇଲେମିସା ସେନ୍ତ୍ର କରବାର୍ ରଇଲା, ଏଲେ ମିସା ଆଡ଼ମାଇ ତମର ସଙ୍ଗ୍ ଆତି । ଜେ କି ଏନ୍ତାରି କାମ୍ କରିଆଟେ, ମୁଁ ତେଇ ରଇଲା ପାରା, ବେସି ବଡ଼ ଦସ୍ କଲା ଲକ୍କେ ତଣ୍ଟ ଦେବାର୍ ଆଟେ ବଲି ମାପୁରୁ ଜିସୁକିରିସଟର ନାଉଁ ଦାରି, ମୁଁ ବିଟାର୍ କରି ସାରାଇ ଆତି ।

୪ ତମେ ମାପୁରୁ ଜିସୁର ନାଉଁଦାରି ଗଟେକ୍ଲଗେ ରୁଣ୍ଟ୍ ଅଇଲା ବେଲେ ମର୍ ଆଡ଼ମା ଆରି ମାପୁରୁ ଜିସୁର ବପୁ ତେଇ ଆଟେ ।

୫ ଏନ୍ତାରି ଲକ୍କେ ତାର୍ ଗାଗଡ଼ କୁରୁପ୍ନାସ୍ ଅଇଜିବାକେ ସଇତାନର୍ ଆତେ ସର୍ପି ଦେବାର୍ ଆଟେ । ସେନ୍ତାରି କଲେ ମାପୁରୁ ଆରି ତରେକ୍ ଆଇବା ବେଲେ ତାର୍ ଆଡ଼ମା ରକିଆ ପାଇପାର୍ସି ।

୬ ଏନ୍ତାରି ଲକ୍କେ ତମର ମଣ୍ଡୁଲିତେଇ ସଙ୍ଗକରି ଏନ୍ତ୍ର ବଡପନ୍ ଅଇବାଟା ବଲ୍ଲନାଇ । ମନେ ରକା କଣ୍ଡେକ୍ କମିରର୍ ଲାଗି, ଚକଟ୍ଲା ସବୁ ଗୁଣ୍ଟ୍ ଆମର୍ ଅଇଜାଇସି, ଏଟା କାଇ ତମେ ନାଜାନାସ୍ କି ?

୭ ତମର ବିଡରେ ରଇବା ପାପ୍ ପୁରନା କମିର୍ ପିଙ୍ଗିଦେଇ ପୁରାପୁରୁନ୍ ସୁକଲ୍ ଉଆ । ସେନ୍ତାରି କଲେ ତମେ କମିର୍ ନଇତେ ଚକଟ୍ଲା ନୁଆ ଗୁଣ୍ଟ୍ ପାରା ଅଇସା । ମୁଁ ଜାନି, ଏବେମିସା ତମେ ସେନ୍ତାରି ଆଟାସ୍ । ଆମର୍ ନିସ୍ତାର୍ ପରବ୍ ଦିନ୍ ତିଆର୍ ଅଇ ସାରଲା ଆଟେ । ପରବର୍ ମେଣ୍ଡାପିଲା ନିଜେ କିରିସଟ ସର୍ପି ଅଇଆଟେ ।

୮ ତେବେ ଆସା, ଆମର୍ ପାପ୍ ଆରି କାରାପ୍ ରଇବା ପୁରନା କମିର୍ ଚାଡ଼ିଦେଉଁ ଆରି କମିର୍ ନ ମିସଲା ରୁଟି ପାରା ଜେନ୍ତ୍ରକି ସଡ଼ ଆରି ସୁଆଲ୍ ଅଇ ଏ ପରବର୍ ସାରଦା କରୁ ।

୯ ମୁଁ ଆଗଡ଼ୁ ବେସିଆମନର୍ ସଙ୍ଗ୍ ନ ମିସବାକେ ଚିଟି ଲେକିରଇଲି ।

୧୦ ତାର୍ ଅରଡ଼ ନଏଁ ଜେ ଏ ଜଗତେ ରଇବା ବେସିଆ, ଲବ୍‌ରା, ଚରନା ଆରି ମୁରୁତି ପୁଜା କରବା ଲକ୍ ସଙ୍ଗ୍ ମୁଲ୍କେ ମିସା ନାଇ ବଲି । ଜଦି ସେନ୍ତାରି କଲେ ତମେ ଜଗଡ଼ ଚାଡ଼ି ବାରଇଜିବାକେ ପଡ଼ସି ।

୧୧ ମାତର ମର୍ କଇବାଟା ଅଇଲାଲନି, ଜନ୍ ବାଇ ମୁଁ ବିସବାସି ବଲି କଇକରି ବେବିଟାର୍ କାମ୍ କରସି, କି କାଇଟା ଦେବାକେ ମିସା ଲବ୍ କରସି, କୁଟ୍ କାତା କଇସି, ପୁଡ଼ଲା ପୁଜା କରସି, ବିନ୍ ଲକ୍‌ରଟା ଦନ୍ଦିପନ୍ଦିକରି ନେଇସି, ଆରି ମାଡୁଆଲ୍ ଅଇସି ବଇଲେ, ତାର୍ ସଙ୍ଗ୍ ମିସାନାଇ । ଏନ୍ତ୍ରକି ତାର୍ ସଙ୍ଗ୍ ମିସିକରି କାଇବାର୍ ମିସା ନାଇ ।

୧୨ ବିସବାସ୍ ନ କରବା ଲକ୍ମନକେ ବିଟାର୍ କରବାକେ ମୁଁ କେ ? ପରମେସର୍ ସେମନକେ ବିଟାର୍ କରସି । ଜନ୍ ଲକ୍ମନ୍ ମଣ୍ଡୁଲିତେଇ ରଇବାଇ, ସେମନକେ ବିଟାର୍ କରବାଟା ଆମର୍ କାମ୍ ।

୧୩ ସାସ୍ତରେ ଲେକା ଅଇଲାପାରା ତମର ବିଡରେ ଜନ୍‌ଲକ୍ ସେନ୍ତାରି କାରାପ୍ ଚଲାଚଲ୍ଲତି କଲାଲି, ତାକେ ତମର ବିଡରେଅନି ବାର୍କରାଇ ଦିଆସ୍ ।



ବିସବାସିମନର୍ ବିଟାର୍

☆ ୫:୭ ଗାଲାତିୟ ୫:୯

୧୧ ଜଦି ତମର ବିତ୍ତରେ ଗଟେକ୍ ବିସ୍‌ବାସି ବାଇକେ ଆରି ଗଟେକ୍ ବିସ୍‌ବାସି ବାଇର ବିରୁଦ୍ଧେ କାତା ରଇଲେ, ସେଟା ବିଚାର କରବାକେ ବିସ୍‌ବାସ୍ ନ କଲା ବିଚାରକାରିଆର୍ ଲଗେ ଜାଆ ନାଇ । ତାର୍ ବାଦୁଲେ ବିସ୍‌ବାସିମନ୍ ସେଟା ବିଚାର କରତ୍ ।

୧୨ ମନେ ରଅ, ପର୍ମେସରର୍ ଲକ୍‌ମନ୍ ଜଗତର୍ ଲକ୍‌ମନ୍ ବିଚାର କରବାଇ । ସେନ୍ତାରିଆଲେ, ଏ ଗଟେକ୍ ସାନ୍ ବିସଇ ବିଚାର କରିନାପାରାସ୍ କି ?

୧୩ ଏଦେ ସୁନା ! ଦିନେକ୍ ଆମେ ସରଗର୍ ଦୁଡ଼ମନ୍‌କେ ବିଚାର କରବୁ । ତେବେ ଏ ଜିବନେ ଆଇବା ସାନ୍ ସାନ୍ ବିସଇ ବିଚାର କରବାକେ ଅଦିକ୍ ସଅଜ୍ ନର୍ଏ କି ?

୧୪ ଜଦି ବିନ୍ ବିସ୍‌ବାସି ମନର୍ ସଙ୍ଗ୍ ଲାଗାଜତା ଅଇଲେ ରାଜିନାମା କରବାକେ ତମର୍ ମଣ୍ଡୁଲି ବିତ୍ତରେ ବିସ୍‌ବାସ୍ ଇସାବେ ସନ୍‌ମାନ୍ ନ ପାଇବା ଲକ୍‌ରଟାନେ କାଇକେ ଗାଲାସ୍‌ନି ?

୧୫ ମୁଇ ତମକେ ଲାଜକରାଇବାକେ ଏ କାତା ଲେକିଆଟି । ବିସ୍‌ବାସି ବାଇ ବାଇ ବିତ୍ତରେ କିରମାର ଅଇଲାଟା ରାଜିନାମା କରବାକେ ସତଇସେ ତମର୍ ବିତ୍ତରେ ଗଟେକ୍ ମିସା ବୁଦି ରଇଲା ଲକ୍ ନାଇ କି ?

୧୬ ଏଦେ ଦେକା ! ଏଟା କେନ୍ତାରି କଲାସ୍‌ନି ? ଗଟେକ୍ ବିସ୍‌ବାସି ବାଇ ଆରି ଗଟେକ୍ ବାଇର ବିରୁଦ୍ଧେ ବିଚାରନା ଗରେ ଗାଲାନି, ଆରି ସେ ବିଚାରନା, ବିସ୍‌ବାସ୍ ନ କରୁମନ୍‌କେ ସର୍ପିଦେଲାସ୍‌ନି ।

୧୭ ତମେ ତମର୍ ତମର୍ ବିତ୍ତରେ ଲାଗାଜତା ଅଇକରି କରବ୍ ଦୁଆର୍ ଜାକ ଗାଲାସ୍‌ନି । ଇତିଅନି ଜାନା ପଡ଼ଲାନିଜେ ମିସାବିତାଟାନେ ପୁରାପୁରୁନ୍ ଆରି ଜାଇ ଆଟାସ୍ । ତମର୍ ପାଇ ଅନିଆଇ ମୁରଟିକରି, କେତି ଅଇବାଟା ମୁରଟିକରି ରଇଲେ ନିକ ଅଇତା ।

୧୮ ତାର୍ ବାଦୁଲେ ତମର୍ ତମର୍ ବିତ୍ତରେ ଅନିଆଇ ଆରି କେତି କଲାସ୍‌ନି । ସେଟା ମିସା ନିଜର୍ ବିସ୍‌ବାସି ବାଇବଇନିମନ୍‌କେ !

୧୯ ମନେରଅ ଜନ୍ ଲକ୍‌ମନ୍ ପାପେରଇକରି ବର୍ବାଇ ସେମନ୍ ପର୍ମେସରର୍ ରାଇଜେ ଜାଇ ନାପାରତ୍ । ନିଜେ ନାତାଇ ଉଆନାଇ । ଜନ୍ ଲକ୍‌ମନ୍ ନିୟମ୍ ବିରୁଦ୍ଧେ ଚଲାଚଲୁତି କଲାଇନି କି ମୁରତି ପୁଜା କଲାଇନି କି ବେବିଚାର୍ କାମ୍ କଲାଇନି କି ମନସ୍ ମନସ୍ ବିତ୍ତରେ ଆରି ମାଇଜି ମାଇଜି ବିତ୍ତରେ ଅଇବା କାରାପ୍ କାମ୍ କଲାଇନି, ବେସିଆ କାମ୍ କଲାଇନି,

୨୦ ଚରନା ଅଇଲାନି, କି ଦନ୍ ଲବ୍‌ରା ଅଇଲାନି, ମାତୁଆଲ୍ କି ନିନ୍ଦା କରବାଲକ୍ ଅଇଲାନି କି ଅଲ୍‌ଗା ଲକ୍‌ର ଜିନିସ୍ ଚରାଇବା ଲକ୍ ଅଇଲାନି, ଏମନ୍ ପର୍ମେସରର୍ ରାଇଜେ ଜାଇ ନାପାରତ୍ ।

୨୧ ମାପରୁକେ ବିସ୍‌ବାସ୍ କରବା ଆଗତୁ, ତମର୍ ବିତ୍ତରେ କେ କେ ଏନ୍ତାରି ଅଇରଇଲାସ୍, ମାତର୍ ପର୍ମେସର୍ ତମର୍ ପାପ୍ ସବୁ ଦଇ ଦେଲା । ଆରି ମାପରୁ ଜିସୁ କିରିସ୍‌ଟ୍ ଆରି ସୁକଲ୍ ଆଡ଼ମାର୍ ଲାଗି ଦରମ୍ ବଲାଇ ଅଇଆଟାସ୍ ।

ବେବିଚାରେ ଅନି ବାଉଡ଼ା

୨୨ *ତମର୍ ବିତ୍ତରେ କେତେଲକ୍ କଇବାଇ, “ମୁଇ ଜନ୍‌ଟା ମନ୍ କଲିନି, ସେଟା କରବି” । ମୁଇ କଇବି, “ଉଁ, ସେଟା ସତ୍, ମାତର୍ ସବୁ ବିସଇ ମର୍ ପାଇ ନିକ ନର୍ଏ ।” କେତେଲକ୍ କଇବାଇ ସବୁ କରବାକେ ମର୍ ଅଦିକାର୍ ଆଟେ, । ମାତର୍ ମୁଇ କଇବି, ଜନ୍ ବିସଇ ମିସା ମକେ ଦାରି ରକିରଇବାକେ ମୁଇ ନ ଦେଇ, ।

୨୩ କେତେଲକ୍ କଇବାଇ, ପେର୍ ଜଦି କାଦି କାଇବାକେ ମନ୍ କଲାନି ବଇଲେ କାଦି କାଇବାଟା ନିକ, । ମାତର୍ ମୁଇ କଇଲିନି, ପର୍ମେସର୍ ଗଟେକ୍ ଦିନ୍ ଏ ଦୁଇଟାକେ ମିସା କୁରୁପ୍‌ନାସ୍ କରସି । ଗାଗଡ଼ ବେବିଚାର୍ କାମ୍ କରବାକେ ନାଇ, ମାତର୍ ମାପରୁର୍ ସେବା କରବାକେ ଲାଗ । ଗାଗଡ଼କେ ଦରକାର୍ ଅଇବାଟା ମାପରୁ ଜାଗାଇସି ।

୨୪ ପର୍ମେସର୍, ମାପରୁ ଜିସୁକେ ତାର୍ ନିଜର୍ ବପୁସଙ୍ଗ୍ ମଲାତେଇଅନି ଉଟାଇଲା । ସେନ୍ତାରିସେ ଆମ୍‌କେ ମିସା ଉଟାଇସି, ।

୨୫ ତମର୍ ଗାଗଡ଼ କିରିସ୍‌ଟର୍ ଗାଗଡ଼େ ମିସିକରି ଆଟେ, ଏଟା କାଇ ତମେ ନାଜାନାସ୍ କି ? ତେବେ ମୁଇ କାଇ କିରିସ୍‌ଟର୍ ଗାଗଡ଼ ଗଟେକ୍ ବାଗ୍ ନେଇକରି ବେସିଆର୍ ଗାଗଡ଼େ ମିସାଇବି କି ? ନାଇ, ସେନ୍ତାରି କେବେ ମିସା ନ ଅ ।

୨୬ ମାତର୍ ଜେ ବେସିଆ ସଙ୍ଗ୍ ମିସସି, ସେ ତାର୍ ସଙ୍ଗ୍ ଗଟେକ୍ ଗାଗଡ଼ ଅଇସି । ଏଟା ତମେ ନାଜାନାସ୍ କି ? କାଇକେବଇଲେ ଲେକା ଅଇଆଟେ, ସେ ଦୁଇଲକ୍ ଜାକ ଗଟେକ୍ ଅଇବାଇ ।

୨୭ ମାତର୍ ଜେ ମାପରୁର୍ ସଙ୍ଗ୍ ମିସସି, ତାର୍ ଆଡ଼ମା ଆରି ମାପରୁର୍ ଆଡ଼ମା ଗଟେକ୍ ଅଇଜାଇସି ।

୨୮ ବେବିଚାର୍ କାମେଅନି ଦୁରିକେ ରୁଆ । ଲକ୍‌ମନ୍ କାଇ ବିନ୍ ପାପ୍ କଲେ ମିସା, ସେଟା ତାର୍ ଗାଗଡ଼ ବିରୁଦ୍ଧେ ନର୍ଏ । ମାତର୍ ଜେ ବେବିଚାର୍ କାମ୍ କରସି, ସେ ନିଜର୍ ଗାଗଡ଼ ବିରୁଦ୍ଧେ ପାପ୍ କରସି ।

୨୯ *ମନେ ରଅ, ତମର୍ ଗାଗଡ଼ ସୁକଲ୍ ଆଡ଼ମା ରଇବା ମନ୍ଦିର୍, ଜନ୍ ଆଡ଼ମା ତମର୍ ବିତ୍ତରେ ବାସା ଅଇଲାଆଟେ, ସେଟା ପର୍ମେସରର୍ ଟାନେଅନି ମିଲାଇ ଆଟାସ୍ । ତମେ ନିଜେ, ନିଜର୍ ନୁଆସ୍ ମାତର୍ ପର୍ମେସରର୍ ।

* ୬:୧୨ ୧ମ କରନ୍ତୟ ୧୦:୨୩ * ୬:୧୯ ୧ମ କରନ୍ତୟ ୩:୧୬; ୨ୟ କରନ୍ତୟ ୬:୧୬

୨୦ କାଳକେବଳେ ପରମେସ୍ୱର ତମ୍ଭେ ଜବର୍ ଦାମ୍ ଦେଇକରି ଗେନିଆତେ, ସେଟାର ପାଇ ତମ୍ଭର ଗାଗଡ଼ର କାମ୍ ସଙ୍ଗ ପରମେସ୍ୱରର୍ ମଇମା କରା ।



ବିବା ବିଷୟରେ ନିୟମ୍

୧ ଏବେ ତମେ ଲେକ୍‌ଲାଗାନେ ଜନ୍ ସବୁ ବିଷୟ ଆତେ, ସେ ସବୁର ଉତ୍ତର ମୁଇ ଦେବି । ତମେ ପାଚାରିରଇଲାସ୍ ବିସ୍‌ବାସିମନ୍ ବିବା ନ ଅଇବାଟା ନିକ କି ?

୨ ଉଁ ସେଟା ସତ୍, ମାତର୍ ବେସି ଲକ୍ ବେବିଟାର୍ କାମେ ଚଲାଚଲ୍ତି କଲାଜନି । ମୁଇ କଇଲିନି ଗଟେକ୍ ଗଟେକ୍ ମୁନୁସ୍‌କେ ତାର୍ ନିଜର୍ ମାଇଜି ଆରି ଗଟେକ୍ ଗଟେକ୍ ମାଇଜିକେ ତାର୍ ନିଜର୍ ମୁନୁସ୍ ରଇବାର୍ ଆତେ ।

୩ ଗଟେକ୍ ମନସ୍ ବିବା ଅଇଲାର୍ ଲାଗି, ତାର୍ ମାଇଜିକେ କରୁରଇବା ସବୁ ଦାଇଡ୍ କରବାର୍ ଆତେ । ସେନ୍ତାରିସେ ମାଇଜି ମିସା ତାର୍ ମୁନୁସ୍‌କେ କରବାର୍ ଆତେ ।

୪ ମାଇଜିକେ ତାର୍ ନିଜର୍ ଗାଗଡ଼ର୍ ଅଦିକାର୍ ନାଇ, ମାତର୍ ମୁନୁସ୍‌ର ଆତେ । ସେନ୍ତାରିସେ ମୁନୁସ୍‌କେ ତାର୍ ନିଜର୍ ଗାଗଡ଼ର୍ ଅଦିକାର୍ ନାଇ, ମାତର୍ ମାଇଜିର୍ ଆତେ ।

୫ ଦୁଇ ମାଇଜି ମୁନୁସ୍ ବେଗ୍‌ଲିକରି ନ ରଅଡ୍ । ମାତର୍ ବେଗ୍‌ଲିକରି ରଇବାର୍ ଆଲେ, ଦୁଇ ଲକ୍ ରାଜି ଉଆ । ଜେନ୍ତାରି କି ସେ ବେଗ୍‌ଲି ରଇବା ବେଲାଇ, ପାର୍ତନା କରିଅଇସି । ମାତର୍ ତାର୍‌ପତେ ଆରିତରେକ୍ ଆସି ମିସାଆ । ଏନ୍ତାରିକଲେ ସଇତାନର୍ ପରିକାତେଇ ଅନି ତମେ ରକିଆ ପାଇସା । କାଳକେବଳେ ତମ୍ଭେ ମୁର୍ଚ୍ଚିକରି ରଇବା ବପୁ ଉନା ଆତେ ।

୬ ଏ ବିଷୟ ମୁଇ ତମ୍ଭେ ଜେଡ୍‌କି କଇଲି ଆଟି, ସେଟା ଆଦେସ୍ ଦେଲା ପାରା କଇନାଇ, ମାତର୍ ତମର୍ ଦୁର୍ବଲ୍ ଜାନିକରି ଉପଦେସ୍ ଦେଲା ପାରା କଇଲିନି ।

୭ ତମେ ସବୁଲକ୍ ମର୍‌ପାରା ବିବା ନ ଉଆ ବଲି ମୁଇ ମନ୍ କଲିନି । ମାତର୍ ଗଟେକ୍ ଗଟେକ୍ ଲକ୍‌କେ ପରମେସ୍‌ରର୍ ଟାନେଅନି ମୁଲିଅ ରଇବା ଦାନ୍ ମିଲିଆତେ । ଗଟେକ୍ ଲକ୍‌କେ ଗଟେକ୍ ରକାମ୍‌ଟା ଆରି ବିନ୍ ଲକ୍‌କେ ବିନ୍ ରକାମ୍ ଦାନ୍ ଦେଲାଆତେ ।

୮ ଏବେ ମୁଇ ବିବା ନ ଅଇରଇବା, ଆରି ରାଣ୍ଡି ମାଇଜିମନ୍‌କେ କଇଲିନି, ତମେ ମର୍ ପାରା ଏକ୍‌ଲା ରଇଲେ ତମ୍ଭରପାଇ ନିକ ଅଇସି ।

୯ ମାତର୍ ତମେ ଜଦି ମନର୍ ଲାଲ୍‌ସା ମୁର୍ଚ୍ଚିକରି ରଇ ନାପାର୍‌ଲାସ୍‌ନି ବଇଲେ, ବିବା ଅଇବାଟା ନିକ । କାଳକେବଳେ ଲାଲ୍‌ସାଇ ପଡ଼ିଜିବା ବାଦୁଲେ ବିବା ଅଇବାଟା ନିକ ।

୧୦ *ମାତର୍ ବିବା ଅଇବା ବିସ୍‌ବାସିମନ୍‌କେ ମୁଇ ଆଦେସ୍ ଦେଲିନି, ମୁଇ ଦେଇ ନାଇ ମାତର୍ ମାପୁରୁ ଦେଲାନି । ଜଦି ତମେ ଗଟେକ୍ ବିବାଇ ମାଇଜି, ସେନ୍ତାରି ଆଲେ ମୁନୁସ୍‌କେ ଚାଡ଼ି ବିନେ ନ ରୁଆ ।

୧୧ ଜଦି ତାକେ ଚାଡ଼ଲେ, ବିବା ନ ଅଇତେ ରୁଆ । ନଇଲେ ଆରି ଗଟେକ୍ ତର୍ ନିଜର୍ ମୁନୁସ୍ ସଙ୍ଗ୍ ମିସା । ଜଦି ତମେ ବିବାଇ ମୁନୁସ୍, ନିଜର୍ ମାଇଜିକେ ନ ଚାଡ଼ା ।

୧୨ ଏବେ ମୁଇ ବିସ୍‌ବାସିମନ୍ ଜେ କି ବିସ୍‌ବାସ୍ ନ କଲାଟାମନ୍‌କେ ବିବା ଅଇଆଚଡ୍, ସେମନ୍‌କେ କଇଲିନି, ମୁଇ କଇନାଇ ମାପୁରୁ କଇଲାନି, । ଜଦି ଗଟେକ୍ ବିସ୍‌ବାସି, ବିସ୍‌ବାସ୍ ନଇଲା ମାଇଜିକେ ବିବା ଅଇଲାଆତେ, ଆରି ସେ ମାଇଜି ତାର୍ ସଙ୍ଗ୍ ମିସି ରଇବାକେ ମନ୍ କରସି ବଇଲେ, ସେ ବାଇ ତାକେ ନ ଚାଡ଼ ।

୧୩ ଆରି ଜନ୍ ବିସ୍‌ବାସି ମାଇଜି ବିସ୍‌ବାସ୍ ନ କଲା ମୁନୁସ୍‌କେ ବିବାଅଇରଇସି, ଆରି ସେ ତାର୍‌ସଙ୍ଗ୍ ମିସି ରଇବାକେ ମନ୍ କରସି, ତେବେ ସେ ନିଜର୍ ମୁନୁସ୍‌କେ ନ ଚାଡ଼ ।

୧୪ କାଳକେବଳେ ଜଦି ତମେ ଗଟେକ୍ ବିସ୍‌ବାସି ମାଇଜି, ବିସ୍‌ବାସ୍ ନ କରବା ମୁନୁସ୍‌କେ ବିବା ଅଇଆଚାସ୍, ତର୍ ମୁନୁସ୍ ତର୍ ସଙ୍ଗ୍ ମିସ୍‌ଲାର୍‌ପାଇ ତାକେ ପରମେସ୍‌ର ତାର୍ ନିଜର୍ ସୁକଲ୍ ଲକ୍ କଲାଆତେ । ସେନ୍ତାରିସେ ବିସ୍‌ବାସ୍ ନ କରିରଇବା ମାଇଜିକେ, ପରମେସ୍‌ର ଡାକ୍‌ଲା ଆତେ । କାଳକେବଳେ ସେ ବିସ୍‌ବାସ୍ କରବା ମନସ୍ ସଙ୍ଗ୍ ମିସ୍‌ଲା ଆତେ । ଏନ୍ତାରି ନ ରଇଲେ ତମ୍ଭର ପିଲାମନ୍ ବିସ୍‌ବାସ୍ ନ କରବା ଲକ୍‌ର୍ ପିଲାମନ୍‌ପାରା ଅଇତାଇ । ମାତର୍ ଏବେ ସେମନ୍‌କେ ମିସା ପରମେସ୍‌ର ତାର୍ ନିଜର୍ ଲକ୍ କଲାଆତେ ।

୧୫ ସେ ଜାଇଟା ମିସା ଅ, ଜଦି ଗଟେକ୍ ବିସ୍‌ବାସ୍ ନ କଲା ଲକ୍ ତାର୍ ବିସ୍‌ବାସି ମାଇଜି କି ମୁନୁସ୍‌ର ଟାନେଅନି ବିନେ ଅଇବାକେ ମନ୍ କଲାନି ବଇଲେ, ସେ ବିନେ ଅ । ଏନ୍ତାରି ଅଇଲେ କିରିସ୍‌ଟକେ ବିସ୍‌ବାସ୍ କରବା ମାଇଜି କି ମୁନୁସ୍ ବିବା ବନ୍‌ନେ ଅନି ମୁକ୍‌ଲି ଆତେ । ପରମେସ୍‌ର ତମ୍ଭେ ସାନ୍ତିସଙ୍ଗ୍ ମିସି ବିଡ଼ି ଜିଇବାକାଇବାକେ ଡାକ୍‌ଲା ଆତେ ।

୧୬ ଅଇପାରେ, ଦୁଇ ଗଟେକ୍ ବିସ୍‌ବାସି ବିବାଅଇଲା ମାଇଜି, ତର୍ ବିସ୍‌ବାସ୍ ନ କଲା ମୁନୁସ୍‌କେ କିରିସ୍‌ଟର୍ ଟାନେ ବିସ୍‌ବାସ୍ କରାଇପାରୁସ୍ । ସେନ୍ତାରିସେ ଦୁଇ ଗଟେକ୍ ବିସ୍‌ବାସି ବିବାଅଇଲା ମୁନୁସ୍, ତର୍ ବିସ୍‌ବାସ୍ ନ କଲା ମାଇଜିକେ କିରିସ୍‌ଟର୍ ଟାନେ ବିସ୍‌ବାସ୍ କରାଇ ପାରୁସ୍ ।

* ୭:୧୦ ମାଡ଼ିଉ ୫:୩୨;୧୯:୯; ମାର୍କ ୧୦:୧୧,୧୨; ଲୁକ୍ ୧୬:୧୮

ପରମେସ୍ୱର କରୁଛନ୍ତି ଇସାୟା ଚଳାଚଳୁଡ଼ି କରା

୧୭ ମାପରୁ ଜାଣେ ଜେଜି ଜିବନ୍ ଦୁକାଳ ଆଚେ, ପରମେସ୍ୱର ଜାଣେ ଜନ୍ ଇସାୟା ଡାକ୍ତା ଆଚେ, ସେ ସେନ୍ତାରି ଜିଉନା କାଉନା କର । ମୁଇ ସବୁ ମଣ୍ଡୁଲିଟାଣେ ଏ ରକାମ୍ ଆଦେସ୍ ଦେଲିନି ।

୧୮ ଜଦି ତମେ ଗଟେକ୍ ସୁନତ୍ ଅଇଲା ଜିଉଦି ଲକ୍ ଆରି ପରମେସ୍ୱର ତମ୍‌କେ ଡାକ୍‌ଲାଆଚେ, ସେନ୍ତାରି ଆଲେ ତମେ ତମର୍ ଗାଗଡେଅନି ସୁନତ୍ ଚିନ୍ ଲିବାଇବାକେ ଚେସ୍‌ଟା କରା ନାଇ । ସେନ୍ତାରିସେ ତମେ ଜଦି ଜିଉଦି ନ ଅଇଲା ଲକ୍ ଜାଣେ କି ପରମେସ୍ୱର ଡାକ୍‌ଲା ଆଚେ, ତମେ ସୁନତ୍ ଅଇବାକେ ଚେସ୍‌ଟା କରାନାଇ ।

୧୯ ଲକ୍‌ମନ୍ ସୁନତ୍ ଅଇବାଟା କି ସୁନତ୍ ନ ଅଇବାଟା କାଲଟା ନାଇ, ପରମେସ୍ୱର ଆଦେସ୍ ମାନ୍‌ବାଟାସେ ମୁକ୍‌ଅ ।

୨୦ ମାପରୁ ତମକେ ଜନ୍ ଇସାୟା ଡାକ୍‌ଆଚେ, ତମେ ସେ ଇସାୟା ରୁଆ ।

୨୧ ପରମେସ୍ୱର ତମ୍‌କେ ଡାକ୍‌ଲାବେଲେ ତମେ କାଇ ଗତିଦାଙ୍ଗ୍‌ତା ରଇଲାସ୍ କି ? ସେ ବିସଇନେଇ ମନ୍‌ଦୁକ୍ କରାନାଇ । ଜଦି ତର୍ ସାଉକାର୍ ତକେ ମୁକ୍‌ଲାଇଲାନି, ତେବେ ଉଟିଜା ।

୨୨ ମାପରୁ ଡାକ୍‌ଲାବେଲେ ଜେ ଗତିଦାଙ୍ଗ୍‌ତା ରଇଲା ସେ ଏବେ ମୁକ୍‌ଲି ରଇଲା ଲକ୍ । କାଇକେବଇଲେ ମାପରୁ ତାକେ ମୁକ୍‌ଲାଆଚେ । ସେନ୍ତାରିସେ ଏବେ ଜେ ମୁକ୍‌ଲିକରି ଆଚେ, ସେ କିରିସ୍‌ଟର୍ ଗତିଦାଙ୍ଗ୍‌ତା ।

୨୩ ତମ୍‌କେ ଅଦିକ୍ ଦାମ୍ ଦେଇ ଗେନାଅଇଆଚେ । ଲକ୍‌ମନ୍ ଗତିଦାଙ୍ଗ୍‌ତା ଉଆ ନାଇ ।

୨୪ ଏ ବାଇବଇନିମନ୍, ତମ୍‌କେ ପରମେସ୍ୱର ଡାକ୍‌ଲାବେଲେ ଜନ୍ ଇସାୟା ରଇଲାସ୍, ସେ ଇସାୟା ପରମେସ୍ୱର ସଙ୍ଗ୍ ମିସିକରି ରଇବାର୍ ଆଚେ ।

ବିବା ନ ଅଇରଇବା ଆରି ରାଣ୍ଡି ମାଇଜିମନ୍ ବିସଇରେ ପର୍ସନ୍

୨୫ ଏବେ ମୁଇ ବିବା ନ ଅଇଲା ଦାଙ୍ଗ୍‌ତାଦାଙ୍ଗ୍‌ତି ବିସଇନେଇ ଲେକ୍‌ବି । ସେ ବିସଇନେଇ ମାପରୁର୍ ଲଗେଅନି କାଇ ଆଦେସ୍ ପାଇନାଇ । ମାତର୍ ପରମେସ୍ୱର ମକେ ଦୟା କରି ଗଟେକ୍ ସତ୍‌ଦରମ୍ ଲକ୍ ଇସାୟା ନିଜର୍ ମନ୍‌ର୍ କାତା କଇଲିନି ।

୨୬ ଏବର୍ ଦୁକ୍ କସ୍‌ଟର୍ ବେଲା ଏତାଇଲେ, ମୁଇ ବାବ୍‌ଲିନି ଗଟେକ୍ ଲକ୍ ଜେନ୍ତାରି ଆଚେ, ସେନ୍ତାରିସେ ରଇବା ଦରକାର୍ ।

୨୭ ତମେ କାଇ ମାଇଜି ସଙ୍ଗ୍ ବାନ୍ଦିଅଇ ଆଚାସ୍ କି ? ସେନ୍ତାରିଆଲେ ମୁକ୍‌ଲୁବାକେ ଚେସ୍‌ଟା କରାନାଇ । ତମେ କାଇ ବିବା ଉଆସ୍ ନାଇ କି ? ସେନ୍ତାରିଆଲେ ମାଇଜି କଜିବାକେ ଚେସ୍‌ଟା କରାନାଇ ।

୨୮ ଜଦି ତମେ ବିବାଅଇ ଆଚାସ୍, ବଇଲେ ତମେ ପାପ୍ କରାସ୍ ନାଇ । ଜଦି ଗଟେକ୍ ଦାଙ୍ଗ୍‌ତି ବିବାଅଇସି, ସେ ମିସା ପାପ୍ କରେନାଇ । ମାତର୍ ବିବାଅଇଲା ଲକ୍‌ମନ୍ ଦୁକ୍ କସ୍‌ଟ୍ ମୁରଟିକରି ରଇବାକେ ପଡ୍‌ସି । ଏନ୍ତାରି ଦୁକ୍ କସ୍‌ଟର୍ ବେଲାଇ ସିତିଅନି ରକିଆ ପାଆ, ବଲିକରି ମୁଇ ମନ୍ କଲିନି ।

୨୯ ମାତର୍ ଏ ବାଇମନ୍ ମୁଇ ତମକେ କଇଲିନି, ଏବେ ଆମ୍‌କେ ଅଲପ୍ ଦିନ୍ ଆଚେ । ଏଟାର୍ ପାଇ ଏବେଅନି ଜେ ବିବା ଅଇଆଚେ ସେ ବିବା ନ ଅଇଲା ଲକ୍‌ର୍ ପାରା ରଅ ।

୩୦ ସେନ୍ତାରିସେ ଜନ୍ ଲକ୍‌ମନ୍ କାନ୍ଦାରୁବା ଅଇରଇଲାସିନି, ସେମନ୍ କାନ୍ଦାରୁବା ନ ଅଇ ରଇଲା ଲକ୍‌ର୍ ପାରା ରୁଆ । ଆରି ଜନ୍ ଲକ୍‌ମନ୍ ସାର୍‌ଦା ଅଇରଇଲାଇନି, ସେମନ୍ ସାର୍‌ଦା ନ ଅଇଲା ଲକ୍‌ର୍ ପାରା ଅଇ ରଅଡ୍ । ଜନ୍ ଲକ୍‌ମନ୍ ଗେନ୍‌ବାଇ, ସେଟା ନିଜର୍‌ଟା ନଏଁ ବଇଲାପାରା ରଅଡ୍ ।

୩୧ ଜନ୍ ଲକ୍‌ମନ୍ ଜଗତର୍ ଜିନିସ୍ ନେଇ ବେବାର୍‌ପାନି କଲାଇନି, ସେମନ୍ ସବୁବେଲେ ସେ ବିସଇ ଚିନ୍ତା ନ କଲା ଲକ୍‌ର୍ ପାରା ରଅଡ୍ । କାଇକେବଇଲେ ଜନ୍ ଜଗତେ ଆମେ ଆଚୁ, ସେ ଜଗତର୍ ସବୁ ଜିନିସ୍ ବୁଡିଜାଇସି ।

୩୨ ମାତର୍ ତମେ ଏ ବିସଇନେଇ ତେରେପେତେ ଉଆନାଇ । ବିବା ନ ଅଇଲା ଲକ୍‌ମନ୍ ସବୁବେଲେ ମାପରୁର୍ ସେବା କାମ୍ କରବାକେ ମନ୍ କର । କାଇକେବଇଲେ ମାପରୁକେ ସାର୍‌ଦା କରାଇବାଟା ତାର୍ ମୁକ୍‌ଅ କାମ୍ ।

୩୩ ମାତର୍ ଜେ ବିବାଅଇଆଚେ, ସେ ଏ ଜଗତର୍ ସବୁ ବିସଇନେଇ ଚିନ୍ତା କରସି । କାଇକେବଇଲେ ସେ ତାର୍ ମାଇଜିକେ ସାର୍‌ଦାସଙ୍ଗ୍ ରକ୍‌ବାକେ ମନ୍ କରସି ।

୩୪ ସେନ୍ତାରିସେ ତାର୍ ମନ୍ ଦୁଇବାଟେ ଜିକ୍‌ଗାନ୍ ଅଇଲାନି । ବିବା ନ ଅଇଲା ମାଇଜି କି ଦାଙ୍ଗ୍‌ତି ମାପରୁର୍ କାମ୍ ବିସଇ ଚିନ୍ତା କରସି । କାଇକେବଇଲେ ସେ ତାର୍ ଗାଗଡ୍ ଆରି ଆଡ୍‌ମା ପରମେସ୍ୱରକେ ସର୍‌ପି ଦେବାକେ ମନ୍ କରସି । ମାତର୍ ବିବା ଅଇଲା ମାଇଜି ଏ ଜଗତର୍ ସବୁଦିନର୍ ବିସଇ ଚିନ୍ତା କରସି । କାଇକେ ବଇଲେ ତାର୍ ମୁନୁସକେ ସାର୍‌ଦା କରବାକେ ସେ ବାବ୍‌ତେ ରଇସି ।

୩୫ ଏ କାତା ମୁଇ ତମକେ ନିଜର୍ ମଙ୍ଗ୍‌ଲର୍ ପାଇ କଇଲିନି । ତମକେ ଆଦେସ୍ ମାନ୍‌ବାକେ ଦେଇ ନାଇ ମାତର୍ ତମେ ଜେଜିକି ସତ୍ ବାବେ ଚଳାଚଳୁଡ଼ି କରି ଏନେତେନେ ଚିନ୍ତା ନ ଅଇକରି ପୁରାପୁରୁନ୍ ବାବେ ମାପରୁକେ ସର୍‌ପି ଅଇବାକେ କଇଲିନି ।

୩୬ କନିଆ ମାଙ୍ଗ୍‌ନି ଅଇଲାପଚେ ଜଦି ଜନ୍ ମନ୍‌ସ୍ ତାର୍ ମାଙ୍ଗ୍‌ଲା ମାଇଜି ସଙ୍ଗ୍ ଚିକ୍‌ସଙ୍ଗ୍ ଚଳାଚଳୁଡ଼ି କରି ନାପାରଲାନି ଆରି ତାର୍ ଲାଲ୍‌ସା ସେ କନିଆ ଉପରେ ବଡିଗାଲାନି, । ତାର୍ ଇସାୟା ବିବା ଅଇବାର୍ ଆଚେ ଆକା ବଇଲେ, ସେ ବିବା ଅଇ ପାରେ । ଏଟାର୍‌ପାଇ କାଇ ପାପ୍ ନାଇ ।

୩୭ ମାତର ସେ ଜଦି କାର ବାଦିଅ ନ ଅଇ ତାର ମନ୍ ତାଟ୍ କରି ଟିକ୍‌କଲେ, ଆରି ତାର ମନ୍ କଲାଟା ପୁରାପୁରୁନ୍ ଦାରି ରକିପାରଲେ, ସେ ଡିଣ୍ଡା ଟକିକେ ବିବା ନ କଲେ ନିକ ।

୩୮ ତେବେ ଜାକେ ଡିଣ୍ଡା ଟକିକ୍ ମାଙ୍ଗିନି ଅଇଲା ଆଟେ, ସେ ଟିକ୍ କାମ୍ କଲାନ୍ତି, ମାତର ଜେ ବିବା ନ ଅଏ, ସେ ତାର ତେଇଅନି ଅଦିକ୍ ନିମାନ୍ କାମ୍ କଲାନ୍ତି ।

୩୯ ମୁନୁସ୍ ଜିବନ୍ ରଇବା ଜାକ, ମାଇଜି ବାନ୍ଧି ଅଇରଇସି । ଜଦି ମୁନୁସ୍ ମରିଜାଇସି, ତେବେ ମାଇଜି ମାପୁରୁକେ ବିସ୍‌ବାସ୍ କରବା ଲକ୍‌କେ, କାକେ ମିସା ବିବା ଅଇପାରସି ।

୪୦ ମୁଇ ବାବ୍‌ଲିନି ସେ ବିବା ନ ଅଇ ସେନ୍ତ୍ରସେ ରଇଲେ ଅଦିକ୍ ସୁକ୍ ମିଲ୍‌ସି । ଆରି ଏଟା ପରମେସରର୍ ସୁକଲ୍ ଆଡ଼ମାର୍ ମନ୍ କଲାଟା ବଲି ମୁଇ ବାବ୍‌ଲିନି ।

୮

ପୁଜା କଲା ପରସାଦ୍ ବିସଇ ପର୍ସନ୍

୧ ଏବେ ମୁଇ ଦେବିଦେବତାମନ୍‌କେ ପୁଜିଲା ମାଉଁସ୍ ବିସଇନେଇ ଲେକ୍‌ଲିନି । ଏଟା ସତ୍ ଜେ ଆମ୍‌କେସେ ବୁଦି ଆଟେ ବଲି ତମେ ଜନ୍‌ଟା କଇଲାସ୍‌ନି, ସେଟା ଆମେ ଜାନିଆରୁ । ସେନ୍ତା ଗଟେକ୍ ଲକ୍‌କେ ଆଁକାର୍ ଜନମ୍ କରାଇସି । ମାତର ଆଲାଦ୍ ଆମର୍ ବିସ୍‌ବାସ୍‌କେ ତାଟ୍ କରାଇସି ।

୨ ଜନ୍ ଲକ୍, ଏ ବିସଇ ମୁଇ ଅଲପ୍ ଜାନିଆଟିବଲି ବାସ୍‌ସି, ସେ ସତଇସେ ଜାଇଟା ଜାନ୍‌ବା ଦର୍‌କାର୍, ସେଟା ଜାନେ ନାଇ ।

୩ ମାତର ଜନ୍‌ଲକ୍ ଜଦି ପର୍‌ମେସରକେ ଆଲାଦ୍ କଲାନ୍ତି, ତାକେ ପର୍‌ମେସର ଜାନେ ।

୪ ତେବେ ଦେବିଦେବତାମନ୍‌କେ ପୁଜିଲା ମାଉଁସ୍ ବିସଇ ଜାନିଆରୁ ଜେ, ଏ ଜଗତେ ଦେବି ଦେବତା ବଲି କାଇଟା ନାଇ । ଆମର୍ ପର୍‌ମେସରକେ ଚାଡିଦେଲେ ଆରି କେ ମିସା ପର୍‌ମେସର ନାଇ ।

୫ କାଇକେବଇଲେ ସରର୍ ପୁରେ ଅ କି ମତ୍‌ପୁରେ ଅ ଜନ୍‌ଟାମନ୍‌କେ ଦେବିଦେବତା ବଲି କଇଲାଇନି, ଏଲେ ମିସା ସେମନ୍ ରଇପାରତ୍ । ଏନ୍ତ୍ର କେତେକ୍ କେତେକ୍ ଦେବତା ଆରି ମାପୁରୁ ଆଟତ୍ ।

୬ ସେମନ୍ ରଇଲେ ମିସା ଆମର୍ ଗଟେକ୍ ଆକା ବାବା ପର୍‌ମେସର, ଜନ୍ ବାବା କି ସବୁ ତିଆର୍ କଲାଆଟେ, ଆରି ଆମେ ତାର ଲାଗି ବ୍‌ର୍‌ଲୁନି, ମାତର ଗଟେକ୍ ବଲି ମାପୁରୁ ଜିସୁ କିରିସ୍‌ଟ, ତାର ଲାଗି ସବୁ ବିସଇ ଅଇଆଟେ, ଆରି ତାର ଲାଗି ଆମେ ବ୍‌ର୍‌ଲୁନି ।

୭ ଏଲେ ମିସା ଏ ସତ୍ ଗିଆନ୍ ସବୁଲକ୍ ନାଜାନତ୍ । ମାତର କେତେଲକ୍ ଆଗେଅନି ଦେବି ଦେବତା ଆଟତ୍ ବଲି ବାବିକରି ସେମନ୍‌କେ ପୁଜା କରି ଆଇଲାଇନି । ସେମନ୍‌ର୍ ବିସ୍‌ବାସ୍ ତାଟ୍ ନାଇଜେ ଦେବିଦେବତାମନ୍‌କେ ପୁଜିଲାଟା କାଇଲେସରି ସେମନ୍ ସୁକଲ୍ ଅଇବାର୍ ନଏ ବଲି ବାବ୍‌ଲାଇନି ।

୮ ମାତର କାଦି କାଇବାଟା, ପର୍‌ମେସରଟାନେଅନି ଆମ୍‌କେ ବିନେ ନ କରେ । ଆମେ କାଇଲେ କାଇ ଲାବ୍ ନଏ, କି ନ କାଇଲେ ମିସା କାଇଟା ନ ଜାଏ ।

୯ ମାତର କାଇଟା କାଇଲାସ୍‌ନି ସେ ବିସଇନେଇ ଜାଗ୍‌ରତ୍ ରୁଆ । ତମେ ଜନ୍‌ଟା କାଇଲାଟ୍ ଲାଗି ତମର୍ ଜନ୍ ବାଇର୍ ବିସ୍‌ବାସ୍ ତାଟ୍ ନାଇ, ସେ ତମର୍‌ଲାଗି ପାପ୍ କରବାର୍ ନାଇ ।

୧୦ କାଇକେ ବଇଲେ, ତମେ ଗଟେକ୍ ବୁଦି ରଇଲା ଲକ୍ । ପୁଜିଲାଟା କାଇଲେ କାଇଟା ନଏ ବଲି ଜାନାସ୍ । ଜଦି ମନ୍ ବିତ୍‌ରେ ବିସ୍‌ବାସେ ତାଟ୍ ନଇଲା ତମର୍ ଗଟେକ୍ ବାଇ, ସେ ତମ୍‌କେ ମନ୍‌ରେ କାଇବାଟା ଦେକ୍‌ଲେ, ତାକେ ମିସା ପୁଜିଲାଟା କାଇବାକେ ମନ୍ ଲାଗ୍‌ସି ।

୧୧ ତେବେ ସେ ବାଇ ନସ୍‌ଟ ଅଇଲାନ୍ତି, କାଇକେବଇଲେ ପୁଜିଲାଟା କାଇଲାକେ ପାପ୍ କଲିନି ବଲି ସେ ବାସ୍‌ସି । କିରିସ୍‌ଟ ସେ ବାଇର୍‌ପାଇ ମଲାଆଟେ ବଲି ମିସା ତମର୍ ମନେ ରଇବାର୍ ଆଟେ ।

୧୨ ଏନ୍ତାରି ତମେ ସଙ୍ଗର୍ ବିସ୍‌ବାସି ବାଇମନ୍‌ର୍ ବିରୁଦେ ପାପ୍ କଲାସ୍‌ନି ଆରି ତାକର୍ ବୁଜ୍‌ବା ବପୁ ଉନାଟାକେ, ବାଦା ଦେଇ ମାପୁରୁ ଜିସୁର୍ ବିରୁଦେ ମିସା ପାପ୍ କଲାସ୍‌ନି ।

୧୩ ତେବେ ମୁଇ ପୁଜିଲା ମାଉଁସ୍ କାଇଲାଟ୍ ଲାଗି ମର୍ ବାଇବଇନିମନ୍‌କେ ପାପ୍ କରାଇଲିନି ବଇଲେ, ମୁଇ କେବେ ମିସା ସେଟା ନ କାଇ । କାଇକେବଇଲେ ସେଟାର୍‌ଲାଗି ମର୍ ବାଇବଇନିମନ୍ ପାପେ ନ ପଡତ୍ ।

୯

ପେରିଡ୍ ସିସମନ୍‌ର୍ ଅଦିକାର୍

୧ ମର୍ ଜାଇଟା ମନ୍ କଲାଟା, ସେଟା କାଇ କରିନାପାରି କି ? ମୁଇ କାଇ ଗଟେକ୍ ପେରିଡ୍ ନଇ କି ? ମୁଇ କାଇ ଆମର୍ ମାପୁରୁ ଜିସୁର୍ ଦର୍‌ସନ୍ ପାଇ ନାଇ କି ? ତମେ ସବୁ, ମୁଇ ମାପୁରୁର୍ ପାଇ କରିରଇବା କାମର୍ ଲାଗି ବିସ୍‌ବାସ୍ କଲାସ୍ ନାଇ କି ?

୨ ଜଦି ମକେ ବିନ୍ ଲକ୍ମନ ଗଟେକ୍ ପେରିଡ୍ ବଲି ନ ନାମ୍ଲେ ମିସା, ତମେ ମକେ ସଡ୍ ଇସାବେ ନାମି ଆଚାସ୍ । କାଜକେବଇଲେ ମାପୁରୁର ସଙ୍ଗ୍ ତମର ଜିବନ୍ ମିସଲାର ଲାଗି, ମର ପେରିଡ୍ ପଦର ସାକି ଆଚାସ୍ ।

୩ ତମେ ଗଟେକ୍ ପେରିଡ୍ କି ? ବଲି ମକେ ପର୍ସନ୍ କରବା ଲକ୍ମନକେ ମୁଇ ଏ କାତା କଇବି ।

୪ ଆମେ ମାପୁରୁ ଜିସୁର ପେରିଡ୍ ମନ୍ । ତାର କାମର ଲାଗି, କାଜବାଟା କି ପିଇବାଟା ମିଲ୍ଲେ, ସେଟା ନେବାର୍ ମର ଅଦିକାର ନାଇ କି ?

୫ ଅଲ୍ଲଗା ପେରିଡ୍ମନର୍ ପାରା, ପିତର ଆରି ଆମର ମାପୁରୁ ଜିସୁର ବାଇମନର୍ ପାରା, ବିସ୍ବାସ୍ କରିରଇବା ମାଜଜିକେ ବିବା ଅଇକରି ତାକେ ମର ସଙ୍ଗ୍ ନେବାକେ କାଜ ମର ଅଦିକାର ନାଇ କି ?

୬ ଅବକା ଜିଇବା କାଜବାକେ ମୁଇ ଆରି ବର୍ନବା ଆବଡ୍ କାମ୍ କର୍ତେ ରଇବୁ କି ?

୭ ବାବିଦେକା, ଗଟେକ୍ ସଇନ ଜୁଇଦେ ରଇଲାବେଲେ ନିଜେ କର୍ତ କରି କେବେ କାମ୍ କରିପାରେ କି ? ନାଇ, ନାପାରେ । କି ଗଟେକ୍ ଚାସି ତାର କେତେ ଅନି ଅଇଲା ପସଲ୍, ତାର କାଜବାର୍ ଅଦିକାର ନାଇ କି ? ଆରି କେ ଗରୁଗାଇ ପସିରଇକରି ସେମନର୍ ଦୁଦ୍ ନ କାଅଡ୍ କି ?

୮ ମୁଇ କାଜ ଏଟା ମୁନୁସ୍ ଇସାବେ କଇଲିନି କି ? ନିୟମେ ଏଟା ଲେକା ଅଏ ନାଇ କି ?

୯ *ସେ ନିୟମେ ଏନ୍ତାରି ଲେକା ଅଇଆତେ । ଦାନ୍ ଗାନାଇ ବୁଲ୍ତେ ରଇବା ବଲଦର୍ ତମ୍ନାଇ ବାନ୍ଦାନାଇ । ଜେନ୍ତି କି ସେ ଅଲପ୍ ଅଲପ୍ କାଜତେରଇସି । ଏ ନିୟମ୍ ଲେକ୍ଲାବେଲେ ପର୍ମେସର୍ କାଜ ଏ ବଲଦ୍ମନର୍ ବିସଇସେ ଚିନ୍ତା କର୍ତେରଇଲା କି ?

୧୦ ଏଟା ଆମର ପାଇ ଲେକା ଅଇଲାଆତେ । ଜେନ୍ତିକି ଜନ୍ ଲକ୍ମନ କସ୍ବାତେଇ ଆରି କାଟ୍ବାତେଇ ମିସଲାଇ ଆଚଡ୍, ସେମନକେ ତେଇର୍ ପସଲ୍ଗାନେ ବାଗ୍ ମିଲ୍ଲସି ବଲି ଆସା କରି କାମ୍ କର୍ବାଇ ।

୧୧ *ଆମେ ତମର ବିଡ୍ରେ ଆଡ୍ମାର୍ ମୁଞ୍ଜି ବୁନ୍ଲୁ ଆରୁ । ସେଟାର୍ ପାଇ ତମର୍ଗାନେ ଅନି କାଜ ଜଗତର୍ ପସଲ୍ ପାଇବାକେ ମନ୍ କର୍ବାଟା, ଗଟେକ୍ କାରାପ୍ କାତା କି ?

୧୨ ତମର ଗାନେଅନି ଏଟା ଆସା କର୍ବାକେ ଜଦି ବିନ୍ ଲକ୍ମନର୍ ଅଦିକାର୍ ଆତେ, ସେନ୍ତି ବଇଲେ ତାକର୍ଗାନେଅନି ଆମର ଅଦିକାର୍ ବେସି ନଏଁ କି ?

ଏଲେ ମିସା ସେ ଅଦିକାର୍ ଆମେ ବେବାର୍ କରୁନାଇ, ମାତର୍ କିରିସ୍ଟର୍ ସୁବ୍କବର୍କେ କାଜମିସା ଅସୁବିଦା ନ ଆସ ବଲି ଆମେ ସବୁ ରକାମର୍ କସ୍ଟ ମୁର୍ଚି କରି ରଇଲୁନି ।

୧୩ ଜନ୍ ଲକ୍ମନ ମନ୍ଦିରେ ସେବା କଲାଇନି, ସେମନ୍ ମନ୍ଦିରେ ଅନି କାଦି ପାଇବାଇ । ଆରି ଜେ ସବୁଦିନେ ବେଦିଗାନେ ବଲି ଦେଲାଇନି, ସେମନ୍ ବେଦିଗାନେ ବଲିକଲା ବାଟାଇ ମିସ୍ବାଇ, ଏଟା ତମେ ଜାନିଆଚାସ୍ ।

୧୪ *ସୁସମାଚାର୍ ଜାନାଇବା ଲକ୍, ତେଇଅନି ଜିଉନା କାଉନା କରା ବଲି ମାପୁରୁ ଆଦେସ୍ ଦେଲାଆତେ ।

୧୫ ମାତର୍ ମୁଇ ଏନ୍ତାରି କାଜମିସା ଅଦିକାର୍ ମାଞ୍ଜିନାଇ, ଏ ବିସଇ ଦାବି କର୍ବାକେ ମୁଇ ଲେକିନାଇ । ତମର୍ଗାନେଅନି ମାଞ୍ଜିବା ବାବୁଲେ ମୁଇ ମରିଜିବି ସିନା, ନ ମାଞ୍ଜି । କାଜକେବଇଲେ ମୁଇ ତମର୍ଗାନେ କାଜଟା ନ ମାଞ୍ଜିତେ କାମ୍ କଲି, ବଲି ବଡ୍ପନ୍ ଅଇବି ।

୧୬ ସୁବ୍କବର୍ ସୁନାଇଲିନି ବଲି ମର ବଡ୍ପନ୍ ଅଇବା ଅଦିକାର୍ ନାଇ, କାଜକେବଇଲେ ଏଟା ମକେ ତିଆରିରଇବା କାମ୍ । ଜଦି ମୁଇ ସୁବ୍କବର୍ ନ ଜାନାଇଲେ ମକେ ବଡ୍ ଡଣ୍ଡ ମିଲ୍ଲସି ।

୧୭ ଏଟା ଜଦି ମୁଇ ନିଜର୍ ମନ୍ କଲା ଇସାବେ କଲେ, କୁଲି ପାଇବାକେ ମର ଅଦିକାର୍ ରଇତା । ମାତର୍ ପର୍ମେସର୍ ମକେ ଏ କାମ୍ ସର୍ପି ଦେଲାକେ, ମୁଇ ଏଟା କଲିନି ।

୧୮ ସେନ୍ତାରିଆଲେ ମକେ କେତେକ୍ କୁଲି ମିଲ୍ଲାନି ? ମର କର୍ତା ପାଇ ମାଞ୍ଜିବାକେ ମର ଦାବି ରଇଲେ ମିସା, ମୁଇ କୁଲି ନ ପାଇତେ ସୁବ୍କବର୍ ଜାନାଇଲିନି । ସୁବ୍କବର୍ ଜାନାଇବାକେ ଜନ୍ ଅଦିକାର୍ ମୁଇ ପାଇ ଆତି, ସେଟାସେ ମର କୁଲି ।

୧୯ ଏଟାର୍ପାଇ ମୁଇ କାର୍ ତଲିଆ ନାଇ କି କାର୍ ଗତିଦାଞ୍ଜିତା ନାଇ । ଅଇଲେ ମିସା କେତେକ୍ କେତେକ୍ ଲକ୍କେ କିରିସ୍ଟର୍ତେଇ ଆନ୍ବାକେ ମୁଇ ସବୁଲକର୍ ଗତିଦାଞ୍ଜିତା ଅଇଆତି ।

୨୦ ମୁଇ ଜିଉଦି ଲକ୍ମନକେ ପାଇବାକେ, ତାକର୍ ପାରା ଚଲାଚଲ୍ତି କଲିନି, ଜେନ୍ତିକି ମୁଇ ସେମନକେ କିରିସ୍ଟର୍ ବାଟେ ଆନିପାର୍ବି । ମୁଇ ଜଦି ମସାର ନିୟମର୍ ତଲିଆର୍ ନ ଅଇରଇଲେ ମିସା, ସେମନକେ କିରିସ୍ଟର୍ ବାଟେ ଆନ୍ବାକେ, ନିୟମ୍ ମାନୁବା ଲକର୍ ପାରା ଚଲାଚଲ୍ତି କଲିନି ।

୨୧ ସେନ୍ତାରିସେ ଜିଉଦି ନ ଅଇଲା ଲକ୍ମନର୍ ସଙ୍ଗ୍ ରଇଲାବେଲେ, ମୁଇ ଜିଉଦି ନିୟମ୍ ମାନି ନାଇ । ସେ ବେଲେ ମୁଇ ଜିଉଦି ନ ଅଇଲା ଲକର୍ ପାରା ଚଲାଚଲ୍ତି କର୍ବି । ଜେନ୍ତିକି ସେମନକେ କିରିସ୍ଟର୍ ବାଟେ ଆନିପାର୍ବି । ଏଟାର୍ ଅରଡ୍ ନଏଁ ଜେ ମୁଇ ପର୍ମେସରର୍ ନିୟମ୍ ମାନି ନାଇ । କାଜକେବଇଲେ ମୁଇ କିରିସ୍ଟର୍ ନିୟମର୍ ତଲେ ଆତି ।

☆ ୯:୯ ଏମ ତିମତି ୫:୧୮ ☆ ୯:୧୧ ରମିୟ ୧୫:୨୭ ☆ ୯:୧୪ ମାତିଉ ୧୦:୧୦; ଲୁକ୍ ୧୦:୭

୨୨ ଜେଡେବେଲେ ମୁଇ ବିସ୍‌ବାସେ ଦୁର୍‌ବଲ୍ ଲକର୍ ସଙ୍ଗ୍ ରଇବି, ତାକର୍‌ପାରା ଦୁର୍‌ବଲ୍ ଅଇବି । ଜେନ୍ତିକି ସେନ୍ତିଅଇକରି ସେମନ୍‌କେ କିରିସ୍‌ଟର୍ ବାଟେ ଆନି ପାର୍‌ବି । ସେଟା‌ପାଇ ମୁଇ ବିନ୍ ବିନ୍ ଲକର୍‌ଟାନେ ବିନ୍ ବିନ୍ ରକାମ୍ ଅଇରଇଲି । କେନ୍ତିକି ମିସା ମୁଇ ସେମନ୍‌କେ ରକିଆ କର୍‌ବି ।

୨୩ କିରିସ୍‌ଟର୍ ସୁବ୍‌କବର୍ ସବୁବାଟେ ଜାନାଇବାକେ ଆରି ତାର୍ ଆସିର୍‌ବାଦ୍ ପାଇବାକେ ମୁଇ ସବୁଟା କଲିନି ।

୨୪ ଆରାଜିତା ଟାନେ ପାଲାଇବା ଲକ୍ ବେସି ଆଟଡ୍, ଏଟା ସଡ୍ । ମାତର୍ ଗଟେକ୍ ଲକ୍‌କେସେ ପୁରୁସ୍‌କାର୍ ମିଲ୍‌ସି । ଏଟା ତମେ ଜାନିଆଟାସ୍ । ତମେ ମିସା ପୁରୁସ୍‌କାର୍ ପାଇଲା ପାରା ପାଲାଆ ।

୨୫ ଜେ ପାଲାଇବାଟାନେ ବାଗ୍ ନେଇସି, ସେ ଅବିଆସ୍ କରି, ତାର୍ ଗାଗଡ୍ ତାଟ୍ କରିରଇସି । ଆରି ସେ ଦାପେ ନସିଜିବା ପୁରୁସ୍‌କାର୍ ମିଲାଇବାକେ ସେଟା କର୍‌ସି । ମାତର୍ ଆମେ, କେବେ ମିସା ନ ନସ୍‌ବା ପୁରୁସ୍‌କାର୍ ପାଇବାକେ, ସେଟା କଲୁନି ।

୨୬ ମୁଇ ଏନେତେନେ ନ ଦେକି ସାରାସାରି କେଟ୍‌ବାଟାନେ ପାଲାଇବା ଲକର୍ ପାରା ଆଟି । ମୁଇ ଗଟେକ୍ ବିଦା ସଙ୍ଗ୍ ଜୁଇଦ୍ କର୍‌ବା ଲକର୍‌ପାରା, ଜେକି ତାର୍ ବିଦା ମାର୍‌ଲେ ପାଇସି ଆକା ।

୨୭ ମୁଇ କସ୍‌ଟ୍ ମୁରଟିକରି ଗାଗଡ୍ ମେଲା ଚାଡିନାଇ । କାଇକେ ବଇଲେ ବିନ୍ ଲକ୍‌ମନର୍ ଲଗେ ସୁବ୍‌କବର୍ ଜାନାଇରଇଲେ ମିସା ମକେ ଜେନ୍ତିକି ନାଇବଲିକରି ନ କଅଡ୍ ।

୧୦

ମୁରତିପୁଜା ବିରୁଦେ ଜାଗର୍‌ତା

୧ ଏ ମର୍ ବାଇବଇନିମନ୍, ଆମର୍ ଆନିଦାଦିମନ୍, ଜନ୍ ଲକ୍‌ମନ୍ ମସାର୍ ବାଟେ ଜାଇତେରଇଲାଇ, ସେମନ୍‌କେ କାଇଟା ଅଇଲା ଏତାଇ ଦେକା । ସେମନ୍ ସବୁ ଲକ୍ ବାଦଲ୍ ତଲେ ରଇ ରକିଆ ପାଇତେରଇଲାଇ । ଆରି ରଙ୍ଗ୍ ସମ୍‌ଦୁରେ ନ ବୁଡ୍‌ତେ ଇଣ୍ଡି ଇଣ୍ଡି ଲଙ୍‌ଲାଇ ।

୨ ସେମନ୍ ସବୁ ବାଦ୍‌ଲେ ଆରି ସମ୍‌ଦୁରେ ଡ୍ରବନ୍ ନେଲାଇ । ମସାର୍ ସିସ୍‌ମନ୍ ବଲି ସେମନ୍‌କେ ଗଟେକ୍ ଚିନ୍ ରଇଲା ।

୩ ଆରି ସବୁଲକ୍ ପର୍‌ମେସର୍ ଜାଗାଇ ରଇବା କାଦି କାଇଲାଇ,

୪ ଆରି ସେ ପାକ୍‌ନାଇ ଅନି ଆଇବା ପାନି କାଇଲାଇ । ସେ ପାକ୍‌ନା ଅଇଲାନି କିରିସ୍‌ଟ୍ ।

୫ ଏଲେମିସା ସେମନର୍ ବିଡ୍‌ରେ ଅନି ବେସି ଲକ୍‌କେ ପର୍‌ମେସରର୍ ସାର୍‌ଦା ନ ରଇଲା । ସେଟାର୍ ପାଇ ସେମନ୍ ମରୁବାଲି ବୁର୍‌ସ୍ ମଲାଇ ।

୬ ସେମନ୍ ଜନ୍ ରକାମ୍ ଆସାର୍ ବିସଇର୍ ପାଇ ଲାଲ୍‌ସା ଅଇ ରଇଲାଇ, ଆମେ ମିସା ସେ ରକାମ୍ ଲାଲ୍‌ସା ନ ଅର୍ । ସେଟାର୍‌ପାଇ ଏ ସବୁ ଗଟ୍‌ଲା ବିସଇ ଆମର୍‌ପାଇ ଲେକାଅଇଆଟେ ।

୭ ଜେନ୍ତିକି ସେମନର୍ ବିଡ୍‌ରେ ଅନି କେଡେଲକ୍ ପୁଡ୍‌ଲା ପୁଜା କର୍‌ବାର୍ ଦାର୍‌ଲାଇ, ତମେ ସେନ୍ତାରି ପୁଡ୍‌ଲା ପୁଜା କର୍‌ବାଟା, ଆରାମ୍ କରା ନାଇ । ସାସ୍‌ତରେ ଲେକା ଅଇଆଟେ, ଜେନ୍ତିକି ଲକ୍‌ମନ୍ ପୁଜାକଲାଟା କାଇବାକେ ବସିରଇଲାଇ ଆରି ମଦ୍ କାଇକରି ବେବିଟାର୍ କର୍‌ବାର୍ ଦାର୍‌ଲାଇ ।

୮ ଜେନ୍ତିକି ସେମନର୍ ବିଡ୍‌ରେ କେଡେଲକ୍ ବେସିଆ କାମ୍‌କରି ଗଟେକ୍ ଦିନେ କଡେ ତିନ୍ ଅଜାର୍ ଲକ୍ ପର୍‌ମେସରର୍ ତଣ୍ଡୁ ପାଇକରି ମରିଗାଲାଇ । ସେନ୍ତାରି ଆମେ ବେସିଆ କାମ୍ ନ କରୁ ।

୯ ସେନ୍ତିସେ ସେମନର୍ ବିଡ୍‌ରେ କେଡେଲକ୍ ମାପରୁକେ ପରିକା କଲାଇ ଆରି ବିସ୍ ରଇବା ସାଁପ୍ ଟକାଇ ଅଇକରି ମଲାଇ । ସେନ୍ତାରି ଆମେ ମାପରୁକେ ପରିକା ନ କରୁ ।

୧୦ ସେମନ୍ ଜେନ୍ତିକି ପର୍‌ମେସରର୍ ବିରୁଦେ ତାକର୍ ତାକର୍ ବିଡ୍‌ରେ ଦଦାପେଲା ଅଇକରି, କୁରୁପ୍ ନାସ୍ କର୍‌ବା ଦୁଡର୍‌ଲାଗି ମରିଆଜିଗାଲାଇ । ତମେ ସେନ୍ତାରି ଦଦାପେଲା ଉଆନାଇ ।

୧୧ ସବୁ ଲକ୍‌ପାଇ ଏ ସବୁ ଗଟ୍‌ନା ଗଟ୍‌ଲା । ଆରି ଆମ୍‌କେ ଚେଡ୍‌ନା ପାଇବାକେ ସେଟା ସବୁ ଲେକାଅଇଆଟେ । କାଇକେବଇଲେ ଏ ଜଗତର୍ ସାରାସାରି ବେଲା ଆସି କେଟ୍‌ଲା ଆଟେ ।

୧୨ ସେଟାର୍‌ପାଇ ଜେ ମୁଇ ନିଜେ ତାଟ୍ ଆଟି ବଲି ମନେ ମନେ ଏତାଇସି, ସେ ବିସ୍‌ବାସେ ଅନି ବିନ୍‌ବାଟେ ନ ଜାଆ, ସେଟାର୍‌ପାଇ ଜାଗର୍‌ଡ୍ ରୁଆ ।

୧୩ ଆମ୍‌କେ ପରିକା ଜାଇ ପରିକା ଆଇସି, ସେଟା ନୁଆ ବିସଇ ନସ୍ । କାଇକେବଇଲେ ସବୁବେଲେ ଏନ୍ତାରି ଲକ୍‌ମନ୍‌କେ ପରିକା ଆଇତେରଇସି । ମାତର୍ ପର୍‌ମେସର୍ ତାର୍ କାତାଇ ତାଟ୍ ଆଟେ । ଆମ୍‌କେ ମୁରଟି ନାପାର୍‌ଲା ପାରା ପରିକା ଅଇବାକେ ସେ ନ ଦେଏ । ପରିକା ଆଇବାବେଲେ ସେ ଆମ୍‌କେ ବପୁ ମିସା ଦେଇସି ଆରି ତେଇ ଅନି ରକିଆ ପାଇବା ବାଟ୍ ଦେକାଇସି ।

୧୪ ସେଟାର୍ ପାଇ ଏ ମର୍ ଆଲାଦର୍ ବାଇବଇନିମନ୍, ପୁଡ୍‌ଲା ପୁଜା କର୍‌ବା ଟାନେଅନି ଦୁରିକେ ଉଟିଜା ।

୧୫ ମୁଇ ବୁଦି ରଇଲା ଲକ୍‌ମନ୍‌କେ କଇଲା ପାରା କଇଲିନି । ମୁଇ କାଇଟା କଇଲିନି ସେଟା ତମେ ବିଟାର୍ କରା ।

୧୬ *ଜେଡେବେଲେ ଆମେ ମାପରୁକ୍ କାଦିର୍‌ପାଇ ରୁଣ୍ଡୁ, ଜନ୍ ମୁତାଇଅନି ଆମେ କାଇବୁ, ସେ ମୁତାର୍‌ପାଇ ଆମେ

* ୧୦:୧୬ ମାଡିଉ ୨୬:୨୬-୨୮; ମାର୍‌କ ୧୪:୨୨-୨୪; ଲୁକ୍ ୨୨:୧୯,୨୦

ପରମେସ୍ୱରକେ ଦନିଅବାଦ୍ ଦେଲୁନି । ସେ ମୁତାଇଅନି କାଇଲାବେଳେ ଆମେ କିରିସ୍ତର୍ ବନିତେଇ ମିସ୍ଲୁନି । ଜନ୍ ରୁଟିଆମେ ବାଙ୍ଗାଇବୁ, ସେଟା କାଇଲାବେଳେ କିରିସ୍ତର୍ ଗାଗ୍ତେ ମିସ୍ଲୁନି ।

୧୭ କାଇକେବଇଲେ ରୁଟି ଗଟେକ୍ ଅଇଲେ ମିସା ଆମେ ବୁଡେକ୍ ଲକ୍ ଆରୁ । ସେ ଗଟେକ୍ ରୁଟି ଆମେ ମିସିକରି କାଇବାବେଳେ ଗଟେକ୍ ଗାଗଡ୍ ଅଇଗାଲୁନି ।

୧୮ ଜିଉଦି ମନର୍ ବିସଇ ବାବିଦେକା । ଜନ୍ ଲକ୍ମନ୍ ପୁଜାକଲା ମାଉଁସ୍ କାଇଲାଜନି, ସେମନ୍ କାଇ ବେଦିଲଗେ ଉପାସନା କଲାବେଳେ ନ ମିସଡ୍ ?

୧୯ ଏଟାରପାଇ ମୁଇ କଇଲିନି ଜେ, ଦେବ୍ତାମନର୍ ବଲି କଲା ପର୍ଯ୍ୟାଦ୍ କାଇଟା ନାଇ କି ପୁଡ୍ଲା ବଲି କାଇଟା ନାଇ ।

୨୦ ପୁଡ୍ଲାକେ ପୁଜା କରୁମନ୍ ସେମନ୍ ଜନ୍ ଜନ୍ଟା ବଲି ଇସାବେ ସର୍ପି ଦେଲାଜନି, ସେସବୁ ପରମେସ୍ୱରକେ ନ ସର୍ପାଇ କରି ତୁମାମନ୍କେ ସରପ୍ଲାଜନି । ସେଟାରପାଇ, ତମେ ତୁମାମନର୍ ପୁଜାଟାନେ ମିସା ନାଇ ।

୨୧ ତମେ ଜଦି ମାପୁରୁର୍ କାଦିଗାନେ ମିସିଆଗାସ୍, ସେନ୍ତାରଆଲେ ତୁମାମନ୍କେ ପୁଜିରଇବା କାଦି ତମେ କାଇବାର୍ ନାଇ ।

୨୨ ଜଦି ମାପୁରୁ ଆମର୍ ଉପରେ ରିସା ଅଇଲେ, ତାର୍ ତଣ୍ଡେଅନି ଆମେ ରକିଆ ପାଇ ନାପାରୁ । କାଇ ମାପୁରୁର୍ ଟାନେଅନି ଆମେ ଅଦିକ୍ ବପୁ ଆରୁକି ?

୨୩ ସବୁ ବିସଇ କର୍ବାକେ ଆମର୍ ଅଦିକାର୍ ଆଟେ, ସେନ୍ତି ସେମନ୍ କଇବାଇ, ସେଟା ସଡ୍ । ମାତର୍ ମୁଇ କଇଲିନି ସବୁ ବିସଇ ଆମକେ ସାଇଜ ନ କରେ ।

୨୪ କେ ମିସା ଅବକା ନିଜର୍ ପାଇ କାଇଟା ନିକ ଅଇସି ବଲି ଚିନ୍ତା ନ କରି, ନିଜର୍ ବାଇମନର୍ ମଙ୍ଗଲ୍ ବିସଇ ମିସା ଚିନ୍ତା କରା ।

୨୫ ଆଟେ ବିକ୍ରି ଅଇବା ଜନ୍ ମାଉଁସ୍ ମିସା କାଇବାର୍ ତମର୍ ଅଦିକାର୍ ଆଟେ, ତମର୍ ବିବେକର୍ ପାଇ ଏଟା ପୁଜା କଲାଟା କି ନାଇ ? ବଲି ନ ପାଟାରି କାଇଦିଆସ୍ ।

୨୬ ଜେନ୍ତିକି ସାସ୍ତରେ ଲେକା ଅଇଲାପାରା ଏ ଗୁଲାଇ ଜଗତେ ରଇବାଟା ମାପୁରୁଟା ।

୨୭ ଜଦି ବିସ୍ୱାସ୍ ନ କଲା ଗଟେକ୍ ଲକ୍ ତମକେ ତାର୍ ଗରେ କାଇବାକେ ଡାକ୍ଲେ, ତମେ ଜିବାକେ ମନ୍ କର୍ଯ୍ୟା ବଇଲେ ତେଇ ତମକେ ଜାଇଟା ଦେଲେ ମିସା ସେଟା କାଇଦିଆସ୍ । ମାତର୍ ତମର୍ ବିବେକର୍ ଲାଗି ଏଟା ପୁଜାକଲାଟା କି ନାଇ ? ବଲି ପାଟାରି ନାଇ ।

୨୮ ମାତର୍ କେମିସା ତମକେ ଏ କାଦି ପୁଜା କଲାଟା । ବଲି କଇଲେ, ସେଟା ନିଟା । ଜେନ୍ତିକି ସେ କଇଲାର୍ପାଇ ଆରି ତମର୍ ବିବେକର୍ପାଇ ସେଟା କାଆ ନାଇ ।

୨୯ ସେଟା ତର୍ ବିବେକର୍ ପାଇ ନାଇ, ସେଟା କଇଲା ଲକର୍ ବିବେକର୍ ପାଇ ।

ବାଦିଅରେ କେ ମିସା ପାଟାରି ପାରଡ୍, ଜଦି ଆମର୍ ମନ୍ କଲା ଇସାବେ କାଇଟା ମିସା କର୍ବାକେ ଅଦିକାର୍ ଆଟେ, ବିନ୍ ଲକର୍ ବିବେକର୍ ଲାଗି ମୁଇ କାଇକେ ନ କାଇ ?

୩୦ ସେ କଇସି, “ଜଦି ମୁଇ ପରମେସ୍ୱରକେ ଦନିଅବାଦ୍ ଦେଇ କାଇବି, ତେବେ ମର୍ ସଙ୍ଗର୍ ବିସ୍ୱାସିମନ୍ ମକେ କାଇକେ ନିନ୍ଦା ଦେବାର୍ ଆଟେ ?”

୩୧ ତେବର୍ପାଇ ବାଡ୍ କା, କି ପାନି କା, କି ଜାଇଟା ମିସା କରା, ପରମେସ୍ୱର୍ ଡାକ୍ପୁଟା ପାଇବାକେ ସବୁ କରା ।

୩୨ ଜିଉଦି ଅ କି ଜିଉଦି ନ ଅଇଲା ଲକ୍ ଅ କି ତମର୍ ସଙ୍ଗର୍ ପରମେସ୍ୱରର୍ ମଣ୍ଡଲିର୍ ବିସ୍ୱାସି ଅ, କାକେ ମିସା ତମର୍ ଚଲାଟଲ୍ତି ଦେକି ନିନ୍ଦା ପାଇବାକେ ଦିଆସ୍ନାଇ ।

୩୩ ତମେ ମର୍ପାରା ଚଲାଟଲ୍ତି କରା, ମୁଇ ସବୁଲକର୍ ମଙ୍ଗଲ୍ ଅ ବଲି ଚେସ୍ଟା କଲିନି । ମୁଇ ମର୍ ନିଜର୍ ମଙ୍ଗଲ୍ ଅ, ବଲି ଚିନ୍ତା କରିନାଇ, ମାତର୍ ସବୁଲକର୍ ମଙ୍ଗଲ୍ ଅ ବଲି ଚିନ୍ତା କଲିନି । ଜେନ୍ତିକି ସେମନ୍ ସବୁଲକ୍ ରକିଆ ପାଇବାଇ ।

୧୧

୧ *ମୁଇ ଜେନ୍ତାରି ମାପୁରୁର୍ ପଟେ ପଟେ ଗାଲିନି, ତମେମନ୍ ମିସା ସେନ୍ତାରି ମର୍ ପଟେ ପଟେ ଆସା ।

ଉପାସନା କଲାବେଳେ ଅଡ୍ନା

୨ ତମେ ସବୁ ବିସଇଟାନେ ମକେ ଏତାଇଲାସ୍ନି ଆରି ମୁଇ ତମକେ ଜନ୍ ସବୁ ବିଦିବିଦାନ୍ ସିକାଇଆଟି, ସେ ସବୁ ମାନଲାସ୍ନି, ସେଟାର୍ ପାଇ ମୁଇ ତମକେ ଦନିଅବାଦ୍ ଦେଲିନି ।

୩ କିରିସ୍ତର୍ ସବୁ ମୁନୁସ୍ ପିଲାମନର୍ ନେଟା, ଆରି ମୁନୁସ୍ ମାଇଜିର୍ ନେଟା, ଆରି ପରମେସ୍ୱର୍ କିରିସ୍ତର୍ ନେଟା । ଏଟା ତମେ ଜାନିରୁଆ ବଲି ମୁଇ ମନ୍ କଲିନି ।

୪ ଜେତେବେଲେ ତମେ ମଣ୍ଡଲିତେଇ ରୁଣ୍ଡିସା, ତେଇ ଗଟେକ୍ ମୁନୁସ୍ ପିଲା ପାର୍ତନା କଲାନି କି ପରମେସ୍ୱରର୍ କାତା ଜାନାଇଲାନି, ସେ ତାର୍ ମୁଣ୍ଡି ଡାବ୍ବାର୍ ନାଇ । ସେନ୍ତାର୍ କଲେ ସେ କିରିସ୍ତକେ ଲାଜ୍ କରାଇସି ।

* ୧୦:୨୩ ଏମ କରନ୍ତଃ ୭:୧୨ * ୧୧:୧ ଏମ କରନ୍ତଃ ୪:୧୭; ପିଲିପିୟ ୩:୧୭

୫ ସେନ୍ତାରିସେ ଗଟେକ୍ ମାଲଜି ପାର୍ତନା କଲାନି, କି ପର୍ମେସରର୍ କାତା ଜାନାଇଲାନି, ସେ ତାର୍ ମୁଣ୍ଡେ ଅଡ୍ନା ପାକାଇବାର୍ ଆତେ । ସେନ୍ତାର୍ ନ କଲେ ସେ ମୁନ୍ନୁସକେ ଲାଜ୍ କରାଇସି । ସେ ଗଟେକ୍ ମୁଣ୍ଡିରି ମାଲଜିର୍ ପାରା ରଇସି ।

୬ କାଇକେବଇଲେ ସେ ମାଲଜି ଜଦି ଅଡ୍ନା ନ ପାକାଏ, ତାର୍ ଚେଣ୍ଟି କାଟିଦେବାଟା ନିକ । ଗଟେକ୍ ମାଲଜି ଜଦି ତାର୍ ଚେଣ୍ଟି କାଟ୍ସି କି ମୁଣ୍ଡ କୁରାଇସି, ସେଟା ତାର୍ ପାଇ ଲାଜର୍ ବିସଇ, ସେଟାର୍ପାଇ ସେ ମୁଣ୍ଡେ ଅଡ୍ନା ପାକାଇବାର୍ ଆତେ ।

୭ ମାତର୍ ଗଟେକ୍ ମୁନ୍ନୁସ୍ ପିଲା ପାର୍ତନା କଲାବେଲେ ତାର୍ ମୁଣ୍ଡେ ଅଡ୍ନା ପାକାଇବାର୍ ଦରକାର୍ ନାଇ । କାଇକେ ବଇଲେ ସେ ପର୍ମେସରର୍ ଚାଇ ଆରି ତାର୍ ଡାକ୍ପୁଟା ଦେକାଇସି । ଆରି ମାଲଜି ମୁନ୍ନୁସର୍ ଡାକ୍ପୁଟା ଦେକାଇସି ।

୮ କାଇକେବଇଲେ ମୁନ୍ନୁସ୍ ମାଲଜିର୍ ତେଇଅନି ତିଆର୍ ଅଏନାଇ, ମାତର୍ ମାଲଜି ମୁନ୍ନୁସର୍ତେଇ ଅନି ତିଆର୍ ଅଇଆତେ ।

୯ ମନସ୍ ମାଲଜିର୍ ପାଇ ତିଆର୍ ଅଏନାଇ । ମାତର୍ ମାଲଜି ମୁନ୍ନୁସର୍ ପାଇ ତିଆର୍ ଅଇଲାଆତେ ।

୧୦ ସେଟାର୍ ପାଇ ମାଲଜିମନ୍ ମୁଣ୍ଡେ ଅଡ୍ନା ପାକାଇବାଟା ନିକ, ଜେନ୍ତୁକି ସରଗର୍ ଦୁଡ୍ମନ୍ ମିସା ସେ ତାର୍ ମୁନ୍ନୁସର୍ ଅଦିକାରେ ଆତେ ବଲି ଜାନବାଇ ।

୧୧ ମାତର୍ ଆମେ ବିସ୍ବାସିମନର୍ପାଇ ମାଲଜି ନଇତେ ମୁନ୍ନୁସ୍ ରଇ ନାପାରେ କି ମୁନ୍ନୁସ୍ ନଇତେ ମାଲଜି ରଇ ନାପାରେ ।

୧୨ ମାଲଜି ମୁନ୍ନୁସର୍ ଗାଗ୍ତେ ଅନି ଜାଡ୍ ଅଇଲେମିସା, ମୁନ୍ନୁସ୍ ମିସା ମାଲଜି ଜନମ୍ ଦେଲାକେ ଜାଡ୍ ଅଇଆତେ । ମାତର୍ ସବୁ ବିସଇ ପର୍ମେସର୍ ଟାନେଅନି ଜାଡ୍ ଅଇଆତେ ।

୧୩ କନ୍ଟା ନିକ ବଲି ତମେ ନିଜେ ନିଜେ ବିଚାର୍ କରା । ଜଦି ଗଟେକ୍ ମାଲଜି ମଣ୍ଡୁଲିତେଇ ସବୁର୍ ମୁଆଟେ ମୁଣ୍ଡେ ଅଡ୍ନା ନ ପାକାଇ ପାର୍ତନା କଲେ ସେଟା ସୁନ୍ଦର୍ କି ? ନାଇ ସୁନ୍ଦର୍ ନାଇ ।

୧୪ ସେନ୍ତାରିସେ ଜଗତର୍ ଜାନବା ବିସଇ ନେଇକରି ମୁନ୍ନୁସ୍ ପିଲା ଜଦି ମାଲଜିମନର୍ ପାରା ଚେଣ୍ଟି ବଡାଇରଇଲେ ସେଟା ଲାଜର୍ କାତା ।

୧୫ ମାତର୍ ମାଲଜିଟକି ଚେଣ୍ଟି ବଡାଇଲେ ତାର୍ପାଇ ସୁନ୍ଦର୍ ବିସଇ । କାଇକେବଇଲେ ପର୍ମେସର୍ ତାର୍ ତେଙ୍ଗ୍ ଚେଣ୍ଟି ତାର୍ ମୁଣ୍ଡେ ଡାବି ଅଇବାକେ ଦେଲା ଆତେ ।

୧୬ ଜଦି ଏ ବିସଇନେଇ କେ ମିସା ମର୍ ଆଦେସ୍ ମାନବାକେ ମନ୍ ନ କରେ, ଆମେ କି ପର୍ମେସରର୍ ବିନ୍ ମଣ୍ଡୁଲିମନ୍କେ ମିସା ଏଟା ଚାଡି ଆରି କାଇ ଅବିଆସ୍ ନାଇ ।

ମାପୁରୁର୍ ବଜି

୧୭ ଆରି ଗଟେକ୍ ବିସଇ ମୁଇ କଇବାର୍ ଆତେ । ତମେ ଉପାସନା କରବାକେ ରୁଣ୍ଡୁଲାବେଲେ ଗଟେକ୍ କରବା ବିସଇ ମର୍ ମନ୍କେ ଜାଏନାଇ । କାଇକେବଇଲେ ତମେ ରୁଣ୍ଡୁଲାର୍ ଲାଗି ତମର୍ ବିସ୍ବାସ୍ ଡାଟ୍ ଅଏନାଇ, ମାତର୍ ଦୁର୍ବଲ୍ ପାରା ଅଇଗାଲାନି ।

୧୮ ମୁଇ ସୁନିଆଟି ଜେ, ତମେ ଉପାସନା କରବାକେ ରୁଣ୍ଡୁଲାବେଲେ ବାଗ୍ ବାଗ୍ ଅଇକରି ଗଟେକ୍ ବାଟର୍ ଲକ୍ ଆରି ଗଟେକ୍ ବାଟର୍ ଲକ୍କେ ବିରଦ୍ କଲାସ୍ନି ଆରି ଏଟା ସଡ୍ ବଲି ମୁଇ ଜାନି ।

୧୯ ତମର୍ ବିଡ୍ରେ ଏନ୍ତାରି ଅଇବାଟା ନିକ । ଜେନ୍ତାରି କି ତେଇଅନି ପରିକାଟାନେ ସିଦ୍ ଅଇଲା ଲକ୍ମନ୍ ବାରଇବାଇ ।

୨୦ ଜେତେବେଲେ ତମେ ମାପୁରୁର୍ କାଦି କାଇବାକେ ଗଟେକ୍ ଜାଗାଇ ଜମ୍ଲାସ୍ନି, ସେଟା ସତଇସେ ମାପୁରୁର୍ କାଦି ନଏଁ ।

୨୧ କାଇକେ ବଇଲେ, ତମର୍ ବାଇମନର୍ପାଇ କାଇଟା ଚାଡାସ୍ ନାଇ । ଏଟାର୍ପାଇ କେତେଲକ୍ ବୁକେ ଉଟିଗାଲାଇନି । ଆରି କେତେଲକ୍ ମାଡ୍ଲାସ୍ନି ।

୨୨ ତମେ କାଇବାକେ କାଇ ନିଜର୍ ଗର୍ ନାଇ କି ? ତମର୍ ଲାଗି ତମର୍ ଗରିବ୍ ବାଇମନ୍ ଲାଜ୍ ଅଇଗାଲାଇନି । ଆରି ବାକି ବିସ୍ବାସିମନ୍କେ ଇଜଡ୍ ଜିକାଇଲାସ୍ନି । ଏ ବିସଇ ଆରି ମୁଇ ତମ୍କେ କାଇଟା ବଲି କଇବି ? ଏନ୍ତାରି ଅ ବଲି କଇବି କି ? ନାଇ, ନ କଇ ।

୨୩ କାଇକେବଇଲେ ମାପୁରୁର୍ ସିକିଆ ପାଇଲି ଆଟି, ସେଟାସେ ମୁଇ ତମ୍କେ ସିକାଇଆଟି । ଜନ୍ ରାଡି ଆମର୍ ମାପୁରୁ ଜିସୁ ବିସ୍ବାସେ ବିସ୍ ଦେଲାପାରା ଅଇଲା, ସେ ରୁଟିନେଇ, ପର୍ମେସର୍କେ ଦନିଅବାଦ୍ ଦେଲା ।

୨୪ ଏଟା ତମର୍ ପାଇ ବଲିଅଇରଇବା ମର୍ ଗାଗଡ୍, ମକେ ଏଡାଇବାକେ ଏନ୍ତାର୍ କରା ।

୨୫ ସେନ୍ତାରିସେ କାଇଲା ପତେ, ସେ ମୁଡା ଦାରିକରି କଇଲା “ଏ ମୁଡା ପର୍ମେସରର୍ ନୁଆ ରାଜିନାମା, ଜନ୍ଟା କି ମର୍ ନିଜର୍ ବନି ଦେଲାକେ, ଟିକ୍ ଅଇଲା ।”

୨୬ ଆମର୍ ମାପୁରୁ ଜିସୁ ବାଅଡ୍ବାଜାକ, ଜେଡ୍କିତର୍ ରୁଟି କାଇସା କି ଏ ମୁଡାଇ ଅନି ତୁକ୍ସା, ତମେ ମାପୁରୁର୍ ମରନ୍ ବିସଇର୍ କବର୍ ଜାନାଇସା ।

୨୭ ଏଟାର୍ ଅରଡ୍ ଅଇଲାନି, ଜେ ଜଦି ମାପୁରୁକେ ସନ୍ମାନ୍ ନ ଦେଇ, ଏ ରୁଟି କାଇସି କି ମୁଡାଇ ଅନି ତୁକ୍ସି, ସେ ମାପୁରୁର୍ ଗାଗଡ୍ ଆରି ବନିର୍ ବିରୁଦେ ପାପ୍ କଲାନି ।

୨୮ ସେଟାରପାଇଁ ତମେ ନିଜକେ ପରିକା କରି ଦେବଦାରୁଆରେ, ଦେକି ସାରାଇ ଏ ରୁଟି କାଇଅଇସି ଆରି ମୁତାଇଅନି ତୁକି ଅଇସି ।

୨୯ କାଇକେବଇଲେ ଜଦି ସେ ରୁଟି କାଇଲାବେଲେ ଜେ ମାପୁରୁର ଗାଗଡ଼ ଆରି ମୁତାଇଅନି ତୁକିଲାବେଲେ ସତ୍‌ବିସଇ ନ ବୁଜଡ଼, ସେମନ୍ ନିଜେ ନିଜର ଉପରେ ପରମେସରର ତଣ୍ଡ ଡାକି ଆନିଲାଇନି ।

୩୦ ସେଟାରପାଇଁ ତମର ବିତ୍‌ରେ ବେସି ଲକ୍ ଦୁରବଲ୍ ଆଟାସ୍ ଆରି ବିନ୍ ବିନ୍ ଜର୍ ଦାରାଇ ଅଇଆଟାସ୍ ଆରି ମଲାସ୍‌ନି ମିସା ।

୩୧ ମାତର ଆମେ ଜଦି ନିଜକେ ପରିକା କରତା ଆଲେ, ପରମେସରର ତଣ୍ଡ ଆମର ଉପରେ ନ ଆଇତା ।

୩୨ ମାତର ଜଗତର ଲକ୍‌ମାନର ପତର ତଣ୍ଡଲଗେ ଅନି ଆମ୍‌କେ ରକିଆ କରବାକେ ପରମେସର ଆମ୍‌କେ ବିଚାର କରି ଦେଇସି ।

୩୩ ତେବେ ଏ ମର ବାଇବଇନିମନ୍, ତମେ ଆମର ମାପୁରୁ କାଦି କାଇବାକେ ରୁଣ୍ଡିଲା ବେଲେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜାଗା ।

୩୪ ଜଦି କେ ବୁକେ ଆଟେ, ସେ ନିଜର ଗରେ କାଇକରି ଆଇବାରୁ ଆଟେ । ଜେନ୍ତିକି ତମେ ରୁଣ୍ଡିଲାବେଲେ ପରମେସରର ତଣ୍ଡ ତମର ଉପରେ ନ ଆସେ । ଆରି ରଇଲା ବିନ୍ ବିନ୍ ବିସଇମନ୍ ମୁଇ ଆଇଲେ, ପତେ ବୁଜାଇ ଦେବି ।

୧୨

ସୁକଲ୍ ଆଡ଼ମାର ଦାନ୍

୧ ମର ବାଇମନ୍, ତମେ ସୁକଲ୍ ଆଡ଼ମା ଦେବା ଦାନ୍ ବିସଇର୍ ଜାଇଟା ଲେକିରଇଲାସ୍ ସେଟା ନିକସଙ୍ଗ୍ ବୁଜା ବଲି ମୁଇ କଲିନି ।

୨ ତମେ ଜିସୁକେ ବିସବାସ୍ କରବା ଆଗତୁ ଜିବନ୍ ନ ରଇବା ପୁଡ଼ଲାମନ୍‌କେ ପୁଜାକରି ବାଟ୍ ବାନା ଅଇଜାଇ ରଇଲାସ୍ ।

୩ ସେଟାରପାଇଁ ମୁଇ ଏବେ ତମ୍‌କେ କଇଲିନି, ଜନ୍ ଲକ୍ ସୁକଲ୍ ଆଡ଼ମାର ଚାଲିନା ପାଇଲାଆଟେ, ସେ ଜିସୁକେ ଅବିସାପ୍ ଦେଇ ନାପାରେ । ଆରି ଜନ୍ ଲକ୍ ତାରୁ ଆଡ଼ମା ପାଏନାଇ, ସେ ଜିସୁ ପରମେସର ବଲି କଇନାପାରେ ।

୪ *ସୁକଲ୍ ଆଡ଼ମାର ଦାନ୍ ବିନ୍ ବିନ୍ ରକାମ୍, ମାତର ଜନ୍ ଆଡ଼ମା ସେଟାମନ୍ ଦେଇସି ସେ ଗଟେକ୍ ସେ ।

୫ ସେବା ବିନ୍ ବିନ୍ ରକାମ୍‌ର, ମାତର ଜନ୍ ମାପୁରୁ ସେବା ପାଇଲାନି, ସେ ଗଟେକ୍ ସେ ।

୬ କାମ୍ କରବା ବପୁ ବିନ୍ ବିନ୍ ରକାମ୍‌ର, ମାତର ପରମେସର ଗଟେକ୍ । ସେ ଆକା ସବୁକେ ବପୁ ଦେଲାନି ।

୭ ମାତର ସବୁ ଲକ୍‌ର ମଙ୍ଗଲ୍ ପୁରାପୁରୁନ୍ ଅଇବାକେ ବିନ୍ ବିନ୍ ଲକ୍‌ର ବିତ୍‌ରେ ସୁକଲ୍ ଆଡ଼ମାର ବପୁ ବିନ୍ ବିନ୍ ଇସାବେ ଜାନାପଡ଼ସି ।

୮ ସୁକଲ୍ ଆଡ଼ମା କାକେ କାକେ ବୁଦିର ବାକିଅ କଇବାକେ ଦେଇସି, ଆରି କାକେ କାକେ ଗିଆନର ବାକିଅ ଦେଇସି ।

୯ ସେ ଗଟେକ୍ ସୁକଲ୍ ଆଡ଼ମାସେ କାକେ କାକେ ବିସବାସ୍ ଦେଇସି ଆରି କାକେ କାକେ ନିକ ଅଇବା ବପୁର ଦାନ୍ ଦେଇସି ।

୧୦ କାକେ କାକେ କାବାଅଇଜିବା କାମ୍ କରିପାରବା ବପୁ, କାକେ କାକେ ପରମେସର ଜାନାଇଲା କାତା କଇବା ବପୁ, କେତେ ଲକ୍‌କେ ଆଡ଼ମା ଦେଇରଇବା ଦାନ୍ ଚିନ୍‌ବା ବପୁ, ଆରି କେତେକ୍ ଲକ୍‌କେ ସେ ନାଜାନି ରଇବା ବିନ୍ ବିନ୍ ବାସାଇ କାତା କଇବା ବପୁ, ଆରି କେତେକ୍ ଲକ୍‌କେ ସେ ବାସାରୁ ଅରଡ଼ ବୁଜାଇବା ବପୁ ଦେଇରଇସି ।

୧୧ ମାତର ଏ ସବୁଜାକ ବପୁ ଗଟେକ୍ ଆଡ଼ମାସେ କରି ରଇସି । ସେ ନିଜର ମନ୍ କଲା ଇସାବେ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ ବିସଇର୍ ଦାନ୍ ଦେଇରଇସି ।

ଗଟେକ୍ ଗାଗଡ଼ ମାତର ବେସି ଆଡ଼ଗଡ଼

୧୨ * ଜେନ୍ତିକି ବିନ୍ ବିନ୍ ବାଗ୍ ମିସିକରି ରଇଲେ ମିସା ଗାଗଡ଼ ଗଟେକ୍‌ସେ, ସେନ୍ତାରିସେ କିରିସ୍‌ଟ ଗଟେକ୍ ଗାଗଡ଼ ପାରା । ଜନ୍‌ତେଇ କି ବିନ୍ ବାଗ୍ ମିସିଆଡ଼ ।

୧୩ କାଇକେବଇଲେ ଆମେ ସବୁ ଜିଉଦି ଅଇଲେ କି ଜିଉଦି ନ ଅଇଲେ ମିସା, ଗତିଦାଙ୍ଗ୍‌ତା ଅଇଲେ କି ନିଜର ଇସାବେ ଚଲାଚଲ୍‌ତି କଲେ ମିସା ପରମେସରର ସେ ସମାନ୍ ଗଟେକ୍ ଆଡ଼ମାର ଲାଗି, ଗଟେକ୍ ଗାଗଡ଼ ଅଇବାକେ ତୁବନ୍ ନେଇଆତୁ । ଆରି ଏ ସମାନ୍ ସୁକଲ୍ ଆଡ଼ମା ପାଇଆତୁ ।

୧୪ ଆମର ଗାଗଡ଼ ବିସଇ ଆରି ଗଟେକ୍‌ତର ଚିନ୍ତା କରିଦେକୁ । ସେଟାକେ ଗଟେକ୍ ବାଗ୍ ନାଇ ମାତର ବେସି ବାଗ୍ ଆଟେ ।

୧୫ ଜଦି ପାଦ୍, “ମୁଇ ଆଡ଼ ନଇ, ମୁଇ ଗାଗଡ଼ର ନଇ ।” ବଲିକରି କଇଲେ ମିସା ପାଦ୍ ଗାଗଡ଼ର ସେ ।

୧୬ ସେନ୍ତିସେ କାନ୍ ଜଦି, ମୁଇ ଆଁକି ନଇ, ମୁଇ ଗାଗଡ଼େ ମିସ୍‌ବାଟା ନଇ ସେନ୍ତି କଇଲେ ମିସା ଆଁକି ଗାଗଡ଼ରଟାସେ ।

* ୧୨:୪ ରମିୟ ୧୨:୨-୮ * ୧୨:୧୨ ରମିୟ ୧୨:୪,୫

୧୭ ସବୁ ଗାଗଡ଼ ଜଦି ଗଟେକ୍ ଆଁକିସେ ରଇଲେ, ତେବେ ସୁନ୍‌ବାଟା କନ୍ତ୍ର ରଇତା ? ସବୁ ଗାଗଡ଼ ଜଦି ଗଟେକ୍ କାନ୍‌ସେ ଅଇତା, ତେବେ ସୁନ୍‌ବାଟା କନ୍ତ୍ର ରଇତା ?

୧୮ ମାତର ଗାଗଡ଼ ସେନ୍ତାରି ନଏଁ । କାଇକେବଇଲେ ପରମେସର୍ ତାର ନିଜର୍ ମନ୍ କଲା ଇସାବେ ଗାଗଡ଼ର୍ ସବୁ ବାଗ୍, ସମାନ୍ ଜାଗାଇ ସାଜାଡ଼ି ସଙ୍ଗିଆତେ ।

୧୯ ଆରି ଗାଗଡ଼କେ ଜଦି ଗଟେକ୍‌ସେ ବାଗ୍ ରଇତା, ତେବେ ଗାଗଡ଼ ବଲି କେନ୍ତ୍ର ବଲାଇ ଅଇତା ?

୨୦ ମାତର ସତ୍ ବିସଇ ଅଇଲାନି ବେସି ବାଗ୍ ରଇଲେ ମିସା ଗାଗଡ଼ ଗଟେକ୍‌ସେ ।

୨୧ ତର ଟାନେ ମର୍ କାଇ ଲତା ନାଇ, ବଲି ଆଁକି ଆଡ଼କେ କଇନାପାରେ କି, ମୁଣ୍ଟ ପାଦକେ କଇ ନାପାରେ ।

୨୨ କାଇକେବଇଲେ ଜନ୍ ଗାଗଡ଼ର୍ ବାଗ୍ ବିନ୍‌ଟାମନର୍ ତେଇଅନି ଦୁର୍ବଲ୍ ଆତେ ବଲି ଆମେ ବାବ୍‌ଲୁନି, ସେଟାମନ୍‌ସେ ଆମ୍‌କେ ବେସି ଲତାକେ ଆଇସି ।

୨୩ ଆରି ଜନ୍ ଗାଗଡ଼ର୍ ବାଗ୍ ବେସି ମୁକିଅ ନାଇ, ଆରି ସୁନ୍‌ର୍ ନ ତିସେ, ସେଟାମନ୍‌ସେ ଆମେ ନିକସଙ୍ଗ୍ ଜତନ୍ କରି ତାବ୍‌ଲୁନି ।

୨୪ ଆରି ଜନ୍ ବାଗ୍ ବାଇରେ ଅନି ସୁନ୍‌ର୍ ତିସି, ସେଟାମନ୍ ସେନ୍ତାରି ଜତନ୍ କର୍ବା ଦରକାର୍ ନାଇ । ପରମେସର୍ ଆମର୍ ଗାଗଡ଼ର୍ ବାଗ୍‌ମନ୍‌କେ କାଇକେ ଏନ୍ତ୍ର ସାଜାଇଲା ବଇଲେ, ଜନ୍‌ଟାକି ବେସି ମୁକିଅ ନାଇ ବଲି ଆମେ ବାବ୍‌ଲୁନି, ସେଟାମନ୍‌କେ ଆମେ ନିକସଙ୍ଗ୍ ଜତନ୍ କରି ସମ୍‌ମାନ୍ ଦେବୁ ।

୨୫ ଜେନ୍ତାରି କି ଗାଗଡ଼ର୍ ବାଗ୍ ସବୁ ଗଟେକ୍ ବାଗ୍ ଆରି ଗଟେକ୍ ବାଗ୍‌କେ ବିରଦ୍ ନ କରେ, ମାତର୍ ତାକର୍ ତାକର୍ ବିଡ଼ରେ ସାଇଜ ଅଇବାଇ । ତେବେ ଗାଗଡ଼ର୍ ଗଟେକ୍ ବାଗ୍‌କେ ଦୁକା ଅଇଲେ, ସେଟା ସବୁର୍‌ପାଇ ଦୁକା ।

୨୬ ଗଟେକ୍ ବାଗ୍ ଦୁକା ଅଇଲେ, ଆରି ଅଲ୍‌ଗା ବାଗ୍‌କେ ମିସା ଦୁକା ଅଇସି । ଗଟେକ୍ ବାଗ୍ ଡାକ୍‌ପୁଟା ଅଇଲେ, ସେମନ୍ ସବୁ ମିସି ସାର୍‌ଦା ଅଇବାଇ ।

୨୭ ଆମେ ଜେଡ଼କି ଲକ୍ ବିସ୍‌ବାସି, କିରିସ୍‌ଟର୍ ଗାଗଡ଼ ସଙ୍ଗ୍ ସମାନ୍ କରିଅଇସି । ଆରି ତେଇ ଆମେ ଗଟେକ୍ ଗଟେକ୍ ବାଗ୍ ।

୨୮ *କିରିସ୍‌ଟର୍ ଏ ଗାଗ୍‌ତେ ପରମେସର୍ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ କାମ୍ ଦେଲାଆତେ । ପର୍‌ଡୁମ୍ ପେରିଡ଼ ଇସାବେ ବାଟ୍‌ଲା ଲକ୍, ତାର୍ ପତେ ବବିସତ୍ କାତା କଇବା ଲକ୍‌ମନ୍‌କେ, ସିକାଉମନ୍‌କେ, କାବାଅଇଜିବା କାମ୍ କର୍ବା ଲକ୍‌କେ, ନିକ କର୍ବା ଲକ୍‌ମନ୍‌କେ, ସାଇଜ କର୍ବା ଲକ୍‌ମନ୍‌କେ, ନେତା ଇସାବେ ଦାଇଡ଼ ନେବାକେ, ଆରି ନାଜାନ୍‌ଲା ବାସାଇ କାତା କଇବା ଲକ୍‌ମନ୍‌କେ ବାଟ୍‌ଲା ଆତେ ।

୨୯ ସେମନ୍ ସବୁଲକ୍ ପେରିଡ଼ ନଅଡ଼ କି ବବିସତ୍‌ବକ୍‌ତା କି ସିକାଉମନ୍ ନଅଡ଼ । ସବୁଲକ୍‌କେ କାବା ଅଇଜିବା କାମ୍ କର୍ବା ବପୁ ନାଇ ।

୩୦ କି ନିକ କର୍ବା ବପୁ କି ନାଜାନ୍‌ବା କାତାଇ କଇବା ବପୁ, କି ଜନ୍‌ଟା କଇଲାଟା ବୁଜାଇବା ବପୁ ନାଇ ।

୩୧ ତେବେ ଅଦିକ୍ ମୁକିଅ ରଇବା ବପୁ ପାଇବାକେ ଆମେ ମନ୍ କର୍‌ବାର୍ ଆତେ । ସବୁର୍‌ଟାନେ ଅନି ମୁକିଅ ବପୁର୍ ବିସଇ ମୁଇ ତମ୍‌କେ ଜାନାଇବି ।

୧୩

ଆଲାଦ୍

୧ ଜଦି ମୁଇ ଲକ୍‌ମନ୍‌ର ବାସାଇ କି ସରଗର୍ ଦୁଡ଼ମନ୍‌ର ବାସାଇ କାତା ଅଇବି । ମର୍ ବାଇମନ୍‌କେ ମୁଇ ଆଲାଦ୍ ନ କରି ବଇଲେ, ମର୍ କାତା ବୁଟାଇସେ, ଜେନ୍ତ୍ରକି ଗଟେକ୍ ସବଦ୍ ଅଇକରି ବାଜ୍‌ବା ଗଁଟା ପାରା ।

୨ *ସେନ୍ତାରି ମକେ ମାପୁର୍‌ର ବାକିଅ ବୁଜାଇବା ବପୁ ରଇଲେ ମିସା, କି ମୁଇ ସବୁ ବିସଇ ଜାନିରଇଲେ ମିସା, ଟିକି ନିକି ବିସଇ ବୁଜିରଇଲେ ମିସା ଆରି ମର୍ ବିସ୍‌ବାସ୍ ଏଡେକ୍ ତାଟ୍ ଆତେ ଜେ, ତଙ୍ଗର୍ ଉର୍‌କାଇବା ପାରା ମର୍ ଡାଁଟର୍ ବିସ୍‌ବାସ୍ ରଇଲେ ମିସା ବାଇମନ୍‌ର୍ ପାଇ ଆଲାଦ୍ ନାଇ ବଇଲେ ମୁଇ ବୁଟାଇସେ ।

୩ ଜଦି ମୁଇ ମର୍ ସବୁ ଦନ୍ ସଁପତି ଅର୍‌କିଡ଼ ଲକ୍‌ମନ୍‌କେ ଦେଇରଇଲେ ମିସା, ଆରି କିରିସ୍‌ଟର୍‌ପାଇ ମର୍ ଗାଗଡ଼ ପଡ଼ାଇବାକେ ସର୍‌ପି ଦେଲେ ମିସା ମର୍ ଆଲାଦ୍ ନାଇ ବଇଲେ, ମର୍‌ପାଇ କାଇ ଲାବ୍ ନାଇ ।

୪ ଆମେ ବାଇମନ୍‌କେ ଆଲାଦ୍ କଲେ ଦାପେ ରିସା ନ ଅଇ ଦୟା ଦେକାଇବୁ । ଆଁକାର୍ ନ ଅଇ, ବଡ଼ପନ୍ ନ ଅଇ ଲକ୍‌ମନ୍‌କେ ନିଜର୍ ତଲିଆ ନ ଦେକୁ ।

୫ ଆମେ କାରାପ୍ ବେବାର୍ ନ କରୁ, ନିଜେ ପାଇବାକେ ମନ୍ ନ କରୁ । ଦାପେ ବିର୍‌ବିରା ନ ଅଉଁ ଆରି ଆଗେ କଲା ବୁଲ୍ କାମ୍‌ମନ୍‌ର ଇସାବ୍ ନ କରୁ ।

୬ ଆମେ ଦରମ୍ ନଇଲାଟାକେ ଦେକି ସାର୍‌ଦା ନ ଅଉଁ, ମାତର ସତ୍ ଟାନେ ସାର୍‌ଦା ଅଇବୁ ।

୭ ସବୁ ବିସ୍‌ବାସ୍ କର୍‌ବୁ, ସବୁଟା ଆସାକର୍‌ବୁ, ସବୁବିସଇ ମୁରବ୍‌ବାଟା ନ ଚାଡ଼ୁ ।

☆ ୧୨:୨୮ ଏପିସିୟ ୪:୧୧ ☆ ୧୩:୨ ମାଡ଼ିଉ ୧୭:୨୦;୨୧:୨୧; ମାର୍କ ୧୧:୨୩

୮ ଆଲାଦ୍ କରାକରି ଅଇବାଟାର୍ ସେସ୍ ନାଇ । ପର୍ମେସରର୍ ବାକିଅ କଇବା ବପୁ, ଆରି ନାଜାନ୍‌ବା ବାସା କଇବା ବପୁ, ସବୁ ସାରିଜାଇସି । ସେନ୍ତାରିସେ ଆମ୍‌କେ ଗିଆନ୍ ରଇଲେ ମିସା ସେଟା ଆଜିଜାଇସି ।

୯ ମାତର୍ ଆମ୍‌ର୍ ଗିଆନ୍ ଏବେ ଜାକ ପୁରାପୁରୁନ୍ ଅଏ ନାଇତା । ଆରି ପର୍ମେସରର୍ ବାକିଅ କଇବାଟା ମିସା ଏବେ ଜାକ ପୁରାପୁରୁନ୍ ଅଏ ନାଇତା ।

୧୦ ମାତର୍ ଜେଡେବେଲେ ଗଟେକ୍ ଦିନ୍ ଆଇସି, ଆମେ ସବୁ ନିକକରି ଜାନ୍‌ରୁ । ସେ ଦିନ୍‌ମନ୍‌କେ ଲକ୍‌ମନ୍ ସଙ୍ଗର୍ ବିସ୍‌ବାସିମନ୍‌କେ ସିକାଇବାକେ ଦର୍‌କାର୍ ନ ପଡେ ।

୧୧ ମୁଇ ଜେଡେବେଲେ ପିଲା ରଇଲି, ପିଲାମନ୍ କଇଲାପାରା କାତା ଅଇଲି ଆରି ପିଲାମନ୍ ଚିନ୍ତା କଲାପାରା ଚିନ୍ତା କର୍‌ଡେରଇଲି ଆରି ସେମନ୍ ବାବ୍‌ଲା ପାରା ବାବ୍‌ଡେରଇଲି । ମାତର୍ ମୁଇ ଏବେ ବୟସେ ବଡ୍ ଅଇଗାଲିଜେ ପିଲାମନ୍‌ର୍ ପାରା ଚଲାଚଲ୍‌ଡି କର୍‌ବାଟା ଚାଡିଦେଲି ।

୧୨ ମାତର୍ ଜନ୍‌ଟା ଆମେ ଏବେ ଦେକ୍‌ଲୁନି, ସେଟା ଦର୍‌ପନେ ଦେକ୍‌ଲାପାରା ସେଡେକ୍ ନିକ ଡିସେ ନାଇ । ମାତର୍ ଗଟେକ୍ ଦିନ୍ ଆଇସି, ଜେବେ କିରିସ୍‌ଟକେ ଆମ୍‌ର୍ ମୁଆଟେ ଦେକ୍‌ରୁ । ସେ ବେଲେ ଆମେ ନିକସଙ୍ଗ୍ ଜାନ୍‌ରୁ । ଏବେ ଆମେ ଉନା ବିସଇ ଜାନ୍‌ଲୁନି, ମାତର୍ ସେ ଦିନ୍‌ମନ୍‌କେ ଆମେ ପୁରାପୁରୁନ୍ ବାବେ ଜାନ୍‌ରୁ । ଜେନ୍ତାର୍ କି ପର୍ମେସର୍ ଆମ୍‌କେ ପୁରାପୁରୁନ୍ ବାବେ ଜାନେ ।

୧୩ ସାରାସାରି ତିନ୍‌ଟା ବିସଇ ଆଟେ, ପର୍ମେସର୍ ଟାନେ ବିସ୍‌ବାସ୍ କର୍‌ବାଟା, ସେ କାତା କଇଲାଟା ଆସା କର୍‌ବାଟା, ଆରି ବାଇମନ୍‌ର୍ ପାଇ ରଇବା ଆମ୍‌ର୍ ଆଲାଦ୍ । ଏ ତିନ୍‌ଟା ବିଡ୍‌ରେଅନି ବାଇମନ୍‌କେ ଆଲାଦ୍ କର୍‌ବାଟା ସବୁର୍‌ଟାନେଅନି ମୁକିଅ ବିସଇ ।

୧୪

ସୁକଲ୍ ଆଡ୍‌ମାର୍ ଦାନ୍ ଦେବାଟା

୧ ତେବେ ବାଇମନ୍‌କେ ଆଲାଦ୍ କର୍‌ବାକେ ତମର୍ ସବୁ ବପୁ ସାରାଆ । ସୁକଲ୍‌ଆଡ୍‌ମା ଜନ୍ ସବୁ ବପୁ ଦେଲାନି, ସେଟା ପାଇବାକେ ମିସା ମନ୍ କରା । ସେ ବିଡ୍‌ରେ ଅନି ପର୍ମେସରର୍ ବାକିଅ ଜାନାଇବା ବପୁ ପାଇବାକେ ମନ୍ କରା ।

୨ କାଇକେବଇଲେ ଜେ ନାଜାନ୍‌ଲା ବାସା ସଙ୍ଗ୍ କାତା ଅଇସି, ସେ ଲକ୍‌ମନ୍‌ର୍ ସଙ୍ଗ୍ ନାଇ, ମାତର୍ ପର୍ମେସର୍ ସଙ୍ଗ୍ କାତା ଅଇଲାନି । କାଇକେବଇଲେ ତାର୍ କାତା କେ ମିସା ବୁଜଡ୍ ନାଇ । ସେମନ୍ ଆଡ୍‌ମାର୍ ବପୁର୍ ସଙ୍ଗ୍ ଲୁଡ୍‌ଡେ ରଇବା ସଡ୍ ବିସଇ କାତା ଅଇଲାଇନି ।

୩ ମାତର୍ ଜେ ପର୍ମେସରର୍ ବାକିଅ ଜାନାଇସି, ଲକ୍‌ମନ୍‌ର୍ ସଙ୍ଗ୍ କାତା ଅଇସି । ଜେନ୍ତାରିକି, ସେମନ୍‌କେ ସାଇଜ, ସାର୍‌ଦା ଆରି ଦୁକ୍ ସାରାଇବାଟା ଦେଇରଇସି ।

୪ ଜେ ନାଜାନ୍‌ଲା ବାସାଇ କାତାଅଇସି, ସେଟା ତାର୍ ନିଜର୍ ବିସ୍‌ବାସ୍‌କେ ଡାଟ୍ କରାଇସି । ମାତର୍ ଜେ କି ପର୍ମେସରର୍ ବାକିଅ ଜାନାଇସି, ସେ ଗୁଲାଇ ମଣ୍ଡୁଲିର୍ ବିସ୍‌ବାସ୍ ଡାଟ୍ କରାଇସି ।

୫ ତମେ ସବୁଲକ୍ ନାଜାନ୍‌ଲା ବାସାଇ କାତା ଅଇଲେ ମୁଇ ସାର୍‌ଦା ଅଇବି । ମାତର୍ ପର୍ମେସରର୍ ବାକିଅ ଜାନାଇବାକେ ବପୁ ଉଆ ବଲି ମୁଇ ଅଦିକ୍ ମନ୍ କଲିନି । କାଇକେବଇଲେ ପର୍ମେସରର୍ ବାକିଅ ପାଇକରି ଜାନାଇବା ଲକ୍, ନାଜାନ୍‌ବା ବାସାଇ କାତା ଅଇବା ଲକ୍‌ର୍ ଟାନେଅନି ମୁକିଅ । ଜଦି ମଣ୍ଡୁଲିର୍ କେ ମିସା ସେ କଇଲା ବିସଇର୍ ଅରଡ୍ ନ ବୁଜାଇବାଜାକ ଗୁଲାଇ ମଣ୍ଡୁଲି ସାଇଜ ନଏ ।

୬ ତେବେ ଏ ବାଇବଇନିମନ୍ ମୁଇ ତମର୍‌ଟାନେ ଆଇଲାବେଲେ, ଜଦି ନାଜାନ୍‌ଲା ବାସାଇ କାତା କଇଲେ, ତମ୍‌କେ କେନ୍ତ୍ର ଡାଟ୍ କରାଇବି ? ମୁଲ୍‌କେ ନାଇ, ଜଦି ମୁଇ ପର୍ମେସର୍ ଟାନେଅନି ପାଇଲା ବାକିଅ, କି ଗିଆନ୍, କି ବବିସଡ୍ କାତା ସିକ୍‌ବା ବିସଇ ନ ଜାନାଇଲେ, ତେବେ ତମ୍‌କେ କେନ୍ତ୍ର ଡାଟ୍ କରାଇବି ?

୭ ସେନ୍ତାରିସେ ବାଉଁସି ଆରି ତୁଡୁଙ୍ଗା ପାରା ଜିବନ୍ ନ ରଇବା ବାଇଦ୍ ବିସଇ ବାବିଦେକ୍, ସେଟା ଜଦି ବାଜନ୍‌ଡେଇ ବିନ୍ ସର୍ ନ ରଇଲେ, ସେଟା ବାଜଲାନି ବଲିକରି ଜାନି ନଏ ।

୮ ସେନ୍ତାରିସେ ସନିଅମନ୍ ଜନ୍ ବାଁକା ବାଜାଇବାଇ, ଜଦି ତାର୍ ସବଦ୍ ଟିକ୍ ନାଇ, ଜୁଇଦେ ଜିବାଜେ କେ ମିସା ଜାଗ୍‌ରଡ୍ ନ ଅଅଡ୍ ।

୯ ସେନ୍ତାରିସେ ନ ବୁଜ୍‌ବା କାତା କଇଲେ, ତମେ କାଇଟା କାତା ଅଇଲାସ୍‌ନି ବଲି କେ ବୁଜି ନାପାରଡ୍ । ତମର୍ କାତା ପବନ୍ ଉଡାଇନେଲା ପାରା ଅଇସି ।

୧୦ ଏ ଜଗଡେ କେଡେକ୍ କେଡେକ୍ ବାସା ଆଟେ । ଆରି ସେଟାର୍ ସବୁର୍ ଅରଡ୍ ଆଟେ ।

୧୧ ମାତର୍ କାତାଅଇରଇବା ବାସା ଜଦି ମୁଇ ବୁଜି ନାପାର୍‌ଲିନି, ସେ ବାସାଇ କାତା ଅଇବା ଲକ୍‌ମନ୍ ମର୍ ଅଟିନାର୍ ଲକ୍ ପାରା, ମୁଇ ମିସା ସେମନ୍‌ର୍‌ପାଇ ଅଟିନାର୍ ପାରା ।

୧୨ ତେବେ ତମେ ଜେନ୍ତାରିକି ସୁକଲ୍ ଆଡ୍‌ମାର୍ ବିନ୍ ବିନ୍ ରକାମର୍ ଦାନ୍ ପାଇବାକେ ମନ୍ କଲାସ୍‌ନି, ସେ ସବୁର୍ ଟାନେଅନି ଜନ୍ ସବୁ ଦାନ୍ ତମର୍ ମଣ୍ଡୁଲିକେ ଡାଟ୍ କରାଇସି, ସେ ଦାନ୍ ବାଇବାକେ ଚେସ୍‌ଟା କରା ।

୧୩ ତେବେ ଜେ ନାଜାନ୍‌ଲା ବାସାଇ କାତା ଅଇସି, ସେ କାତା ଅଇଲାଟା ବୁଜାଇବା ଦାନ୍ ମିଲ ବଲି ପାର୍‌ଡନା କର ।

୧୪ କାଇକେବଇଲେ ମୁଇ ଜଦି ନାଜାନବା ବାସାଇ ପାରତନା କରବି, ମର୍ ଆଡ଼ମା ପାରତନା କଲାନି । ମାତର୍ ମର୍ ବୁଜ୍‌ବାର୍ ବପୁ ତେଇ ମିସେନାଇ ।

୧୫ ତେବେ ମୁଇ କାଇଟା କରବି ? ମର୍ ଆଡ଼ମାଇ ପାରତନା କରବି, ମାତର୍ ବୁଜ୍‌ଲା ପାରା ମିସା ପାରତନା କରବି । ମର୍ ଆଡ଼ମାଇ ଗିଡ଼ କଇବି । ମାତର୍ ବୁଜ୍‌ଲାପାରା ମିସା ଗିଡ଼ କଇବି ।

୧୬ କାଇକେବଇଲେ ପର୍ମେସରକେ ଆଡ଼ମାଇସେ ଦନିଅବାଦ୍ ଦେଇସା, ସବାଇ ରଇଲା ମାମୁଲି ଲକ୍‌ମନ୍ ତମର୍ ପାରତନା ସୁନିକରି, କେ ଆମେନ୍ ବଲି କଇପାରବାଇ ? ନାଇ ନା ପାରେ । କାଇକେବଇଲେ ତମେ କାଇଟା କଇଲାସ୍‌ନି, ସେଟା ସେ ନାଜାନେ ।

୧୭ ତେବେ ପର୍ମେସରର୍ ଟାନେ ତମର୍ ଦନିଅବାଦ୍ ଦେବାଟା ବେସି ନିକ ରଇଲେ ମିସା ତମର୍ ବିନ୍ ବାଇମନ୍‌କେ ଡାଟ୍ କରାଇ ନାପାରଲାସ୍ ।

୧୮ ମୁଇ ପର୍ମେସରକେ ଦନିଅବାଦ୍ ଦେଲିନି, ମୁଇ ତମର୍ ସବୁଟାନେଅନି ଅଦିକ୍, ନାଜାନଲା ବାସାଇ କାତା କଇପାରି ।

୧୯ ମାତର୍ ମଣ୍ଡଲିର୍ ଉପାସନା ବେଲାଇ, ନାଜାନଲା ବାସାଇ ଅଜାର୍ ଅଜାର୍ ପଦ୍ ନ କଇକରି ସବୁଲକ୍ ବୁଜ୍‌ଲା ପାରା ପାଁଟା ପଦ୍ କଇବାଟା ନିକ ।

୨୦ ଏ ବାଇବଇନିମନ୍ ତମେ ପିଲାମନ୍‌ ପାରା ଚିନ୍ତା କରାନାଇ । କାରାପ୍ ବିସଇତେଇ ପିଲାପାରା ଉଆ । ମାତର୍ ବୁଦି ଆରି ବିଚାର୍ କରବାତେଇ ବଡ଼ ଲକ୍‌ର୍ ପାରା ଅଇବାର୍ ଦର୍‌କାର୍ ।

୨୧ ସାସ୍‌ତରେ ଲେକାଆଟେ,
ମାପୁରୁ କଇଲାନି, ବିନ୍ ବାସା କଇବା ଲକ୍‌ମନ୍‌ ବାଟେଅନି
ଏ ଲକ୍‌ର୍ ସଜ୍ ମୁଇ କାତା ଅଇବି ।
ନାଜାନବା ବାସା କଇବା ଲକ୍‌ର୍ ଟଣ୍ଡେଅନି
ମୁଇ ଏ ଜାତିସଜ୍ କାତା ଅଇବି,
ଏଲେ ମିସା ସେମନ୍ ମର୍ କାତା ନ ସୁନଡ଼ ।

୨୨ ନାଜାନବା ବାସା କାତା ଅଇବା ବପୁ, ବିସ୍‌ବାସ୍ ନ କଲା ଲକ୍‌ମନ୍‌ ପାଇ ଗଟେକ୍ ଚିନ୍ ପାରା । ମାତର୍ ବିସ୍‌ବାସିମନ୍‌ପାଇ ନାଇ । ଆରି ପର୍ମେସରର୍ ବାକିଅ ଜାନାଇବା ବପୁ ବିସ୍‌ବାସି ମନ୍‌ପାଇ ଗଟେକ୍ ଚିନ୍, ଆରି ବିସ୍‌ବାସ୍ ନ କରବା ଲକ୍‌ମନ୍‌ ପାଇ ନାଇ ।

୨୩ ତେବେ ତମେ ମଣ୍ଡଲି ଇସାବେ ରୁଣ୍ଡୁଲା ବେଲେ ନାଜାନଲା କାତା କଇସା ବଇଲେ, ତେଇରଇବା ବିନ୍ ଲକ୍‌ମନ୍ ଆରି ବିସ୍‌ବାସ୍ ନ କରବା ଲକ୍‌ମନ୍ କାଇଟା ବଲି କଇବାଇ ? “ଏ ତା ବାୟା ଅଇଗାଲା ଆଟେ !”

୨୪ ଜଦି ସବୁଲକ୍ ପର୍ମେସର୍ ଜାନାଇଲା କାତା କଇଲାସ୍‌ନି, ଜଦି ତେଇ ଗଟେକ୍ ବିସ୍‌ବାସ୍ ନ କଲା ଲକ୍ କି ଗଟେକ୍ ମାମୁଲି ଲକ୍ ଆଇଲେ, ତେବେ ସେ ନିଜର୍ ପାପର୍ ବିସଇର୍ ଚେଡ଼ନା ପାଇସି । ଆରି ସେ ସୁନ୍‌ଲା ସବୁ ବିସଇର୍ କାତାଅନି ତାକେ ବିଚାର୍ ଅଇସି ।

୨୫ ଆରି ତାର୍ ମନେ ଲୁଚି ରଇବା ବିସଇ ସବୁ ଜାନାପଡ଼ସି । ପଟେ ସେ ପର୍ମେସରକେ ଡାଣ୍ଡାସନ୍ ପଡ଼ି, ତାର୍ କରିରଇବା ପାପ୍ ମାନିଅଇକରି “ତମର୍ ବିଡ଼ରେ ସତଇସେ ପର୍ମେସର୍ ଆଟେ !” ବଲି କଇସି ।

ମଣ୍ଡଲି ସାନ୍ତି ରକିଆ କରବାଟା

୨୬ ଏ ବାଇବଇନିମନ୍, ମର୍ କଇବା କାତା ଅଇଲାନି, ତମେ ଉପାସନା କରବାକେ ରୁଣ୍ଡୁଲା ବେଲାଇ ଏନ୍ତାରି କରା । ତମର୍ ବିଡ଼ରେଅନି କାକେ କାକେ ଗିଡ଼ ଆଟେ, କାକେ କାକେ, ସିକିଆ ଦେବାଟା ଆଟେ, ଆରି କାକେ କାକେ ପର୍ମେସରର୍ ଟାନେ ଅନି କାତା ପାଇ, ସେଟା ଜାନାଇବାଟା ଆଟେ, କି ନାଜାନଲା ବାସାଇ କାତା କଇବାଟା ଆଟେ, ଆରି କାକେ କାକେ ନାଜାନଲା ବାସାଇ କଇଲା କାତାର୍ ଅରଡ଼ ବୁଜାଇବା ବପୁ ଆଟେ, ଏନ୍ତି କାଇଟା ନଇଲେ କାଇଟା ଆଟେ । ଏଟା ସବୁ ଅଇସି, ତେବେ ମଣ୍ଡଲିର୍ ବିସ୍‌ବାସି ମନ୍‌ ବିସ୍‌ବାସ୍ ଡାଟ୍ ଅଇସି ।

୨୭ ଜଦି କେ ନାଜାନଲା ବାସାଇ କାତା ଅଇଲେ, ଦୁଇ ତିନ୍ ଲକ୍‌ର୍ ତେଇଅନି ଅଦିକ୍ ଲକ୍ ନ କଅଡ଼ । ଆରି ଗଟେକ୍ ଲକ୍‌ର୍ ପଟେ ଗଟେକ୍ ଲକ୍ କଇବାର୍ ଆଟେ । ଆରି ସେ କାତା ବୁଜାଇ ଦେବା ଲକ୍ ମିସା ତେଇ ରଇବାର୍ ଆଟେ ।

୨୮ ଜଦି ସେଟା ବୁଜାଇବାକେ ତେଇ କେ ନାଇ, ସେ ଉପାସନାଇ ରୁପ୍ ଅଇ ରଅ । ସେ ଅବ୍‌କା ମନେ ମନେ ପର୍ମେସରର୍ ସଜ୍ କାତା ଅ ।

୨୯ ଜଦି ପର୍ମେସରର୍‌ଟାନେଅନି କାତା ପାଇ, ଜାନାଇବା ଲକ୍ ଆଟଡ଼, ତେବେ ଦୁଇ ଲକ୍ କି ତିନ୍ ଲକ୍ ରଇବାର୍ । ସେ ବେଲାଇ ତେଇ ରଇଲା ଲକ୍‌ମନ୍ ସେ ବାକିଅ ବିଚାର୍ କରବାର୍ ଆଟେ ।

୩୦ ମାତର୍ ଉପାସନାତେଇ ରଇବା ଜଦି କାକେ ଅଟାଡ଼ ପର୍ମେସରର୍ ଟାନେ ଅନି କାତା ପାଇସି, ତେବେ ବାକିଅ କଇତେରଇବା ଲକ୍ ତେଇ ବନ୍ଦ୍ କରିରଇବାର୍ ଆଟେ ।

୩୧ କାଇକେବଇଲେ ତମେ ଏନ୍ତାରି କଲେ ପର୍ମେସରର୍ ବାକିଅ, ଗଟେକ୍ ଲକ୍‌ର୍ ପଟେ ଗଟେକ୍ ଲକ୍, କଇ ପାରାସ୍ । ଜେନ୍ତିକି ସବୁଲକ୍ ସିକିଆ ପାଇକରି ଚେଡ଼ନା ଅଇବାଇ ।

୩୨ ମାତର ପର୍ଯ୍ୟେସରର ବାକିଅ ଜାନାଇବା ଦାନ, ଜାନାଇବା ଲକର ତଲିଆ ରଇବା ଦରକାର ।

୩୩ କାଇକେବଇଲେ ପର୍ଯ୍ୟେସର ଆଗାପତା ନ ଅଇକରି ସବୁ ବିସଇ ଅରସା ସଙ୍ଗ ଅ, ବଲି ମନ୍ କଲାନି ।

ପର୍ଯ୍ୟେସରର ବିନ୍ ଉପାସନା ମଣ୍ଡୁଲିତେଇ ଜେନ୍ତାରି,

୩୪ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ, ମାଇଜିମନ୍ ରୁପ୍ରାପ୍ ଅଇରଇବାର ଆଚେ । ତେଇ ସେମନ୍ କାତା କଇବାକେ ସେମନ୍‌କେ ଆଦେସ୍ ମିଲେନାଇ । ଜିଉଦି ନିୟମ୍ ଇସାବେ ସେମନ୍ ମନସ୍ ପିଲାର୍ ତଲିଆ ରଇବାର୍ ଆଚେ ।

୩୫ ସେମନ୍ ଜଦି କାଇ ବିସଇ ବୁଦ୍‌ବାକେ ମନ୍ କଲାଇନି, ଗରେ ଜାଇ କରି ନିଜର୍ ମୁନ୍ସକେ ପାଚାର । କାଇକେବଇଲେ ମଣ୍ଡୁଲିଟାନେ କାତା କଇବାଟା ମାଇଜିମନ୍‌ର୍ ପାଇ ଗଟେକ୍ ଲାଜର୍ କାତା ।

୩୬ କାଇଟା ? ପର୍ଯ୍ୟେସରର ବାକିଅ ତମର୍ ଟାନେଅନି ଜାଡ୍ ଅଇଲା ଆଚେ କି ? ସେ ବାକିଅ କାଇ ତମର୍‌ଟାନେସେ ଆସିରଇଲା କି ? ନାଇ ଆସି ନ ରଇଲା ।

୩୭ କେ ଜଦି ତମର୍ ବିଡ୍‌ରେ ପର୍ଯ୍ୟେସରର ବାକିଅ ଜାନାଇବା ଲକ୍ କି ସୁକଲ୍ ଆଡ୍‌ମା ଅନି ଦାନ ପାଇଲିଆତି ବଲି ବାବ୍‌ସି, ସେନ୍ତିଆଲେ ମୁଇ ତମ୍‌କେ ଜାଇ ଜାଇଟା ଲେକ୍‌ଲିନି, ସେ ସବୁ ଜେ ମାପ୍‌ରୁର୍ ଆଦେସ୍, ଏଟା ସେ ଜାନବାର୍ ଆଚେ ।

୩୮ ଜଦି ସେ ଏ ସବୁ କାତା ନ ସୁନେ କି ନ ମାନେ, ତମେ ମିସା ତାର୍ କାତା ସୁନା ନାଇ କି ମାନା ନାଇ ।

୩୯ ସେଟାର୍‌ପାଇ ଏ ବାଇବଇନିମନ୍ ପର୍ଯ୍ୟେସରର କାତା ଜାନାଇବାକେ ମନ୍ କରା, ମାତର୍ ନ ବୁଦ୍‌ବା ବାସାଇ କାତା କଇବାକେ କାକେ ନିରୁ ବଲି କୁଆନାଇ ।

୪୦ ତମର୍ ସବୁ କାମ୍ ଟିକ୍ ବାବେ ଆରି ଅରସା ସଙ୍ଗ କରବାର୍ ଦରକାର ।

୧୫

କିରିସ୍‌ଟ ଆରିତରେକ୍ ଉଟ୍‌ଲାଟା

୧ ଏ ବାଇବଇନିମନ୍, ମୁଇ ତମର୍ ଲଗେ ଜନ୍ ସୁବ୍‌କବର୍ ଜାନାଇରଇଲି ସେଟା ତମ୍‌କେ ଏତାଇଦେବି ବଲି ମନ୍ କଲିନି । ସେଟା ତମେ ମାନି ରଇଲାସ୍ ଆରି ତେଇସେ ତମର୍ ବିସବାସ୍ ଡାଁଟ୍ ଆଚେ ।

୨ ଜଦି ଏ ସୁସମାଚାର୍ ତମେ ତାଟ୍ ସଙ୍ଗ ଦାରିରଇସା, ତେବେ ଉଦାର୍ ପାଇସା, ନଇଲେ ତମେ ବେକାର୍ ବିସବାସି ଅଇ ଆଚାସ୍ ।

୩ କାଇକେବଇଲେ ଜନ୍ ସିକିଆ ମୁଇ ପାଇରଇଲି, ତେଇଅନି ଏ ବଡ୍ ସିକିଆ ତମ୍‌କେ ସିକାଇ ରଇଲି । ସାସ୍‌ତର୍ ଇସାବେ କିରିସ୍‌ଟ ଆମର୍ ପାପ୍ କେମା ଅଇବାକେ ମରିଗାଲା ।

୪ *ତାକେ ତପିରଇଲାଇଜେ, ସାସ୍‌ତର୍ ଇସାବେ ତିନ୍‌ଦିନ୍ ନ ଅଇତେ ତାକେ ପର୍ଯ୍ୟେସର୍ ଜିବନ୍ କରି ଉଟାଇଲା ।

୫ *ସେ ପିତର୍ ଆରି ତାର୍ ବାର୍‌ଟା ପେରିଡ୍ ସିସ୍‌ମନ୍‌କେ ଦର୍‌ସନ୍‌ଦେଲା ।

୬ ତାର୍ ପଚେ ତର୍ ସଙ୍ଗ ଜାଇତେରଇବା ଏକାତର୍ ପାଁଟ୍‌ସଅ ଲଗେଅନି ଅଦିକ୍ ବାଇମନ୍‌କେ ଦର୍‌ସନ୍‌ ଦେଲା । ସେମନ୍‌ର୍ ବିଡ୍‌ରେ ଅନି କେତେଲକ୍ ମରିଗାଲା ଆରି ବେସି ଲକ୍ ଆଜିକେ ଜାକ ଜିବନ୍ ଆଚଡ୍ ।

୭ ତାର୍‌ପଚେ ସେ ଜାକୁବ୍‌କେ ଆରି ସବୁ ପେରିଡ୍‌ମନ୍‌କେ ଦର୍‌ସନ୍‌ ଦେଲା ।

୮ *ସେ ଦର୍‌ସନ୍‌ ଦେଲା ଲକ୍‌ମନ୍‌ର୍ ବିଡ୍‌ରେ ସାରାସାରି ମୁଇ ରଇଲି । ସବୁର୍ ପଚେ, ଦିନ୍ ନ କେଟ୍‌ତେ, ଜନମ୍ ଅଇଲା ପିଲା ପାରା ମକେ ମିସା ଦର୍‌ସନ୍‌ ଦେଲା ।

୯ *ସବୁ ପେରିଡ୍ ସିସ୍‌ମନ୍‌ର୍ ବିଡ୍‌ରେ ଅନି ମୁଇସେ ସାନ୍ । ପେରିଡ୍ ବଲି ତାକାଇ ଅଇବାକେ ମର୍ ଅଦିକାର୍ ନାଇ । କାଇକେବଇଲେ ପର୍ଯ୍ୟେସରର ମଣ୍ଡୁଲିର୍ ବିସବାସିମନ୍‌କେ ମୁଇ କସ୍‌ଟ ଦେଇତେ ରଇଲି ।

୧୦ ଅଇଲେ ମିସା, ପର୍ଯ୍ୟେସରର ଜିବନ୍ ଦୁକାଇଲାଟାନେଅନି ମୁଇ ଏବେ ଏନ୍ତାରି ଆତି । ତାର୍ ଜିବନ୍ ଦୁକାଇଲାଟା ମକେ ଦାରି ଆଚେ ବଲି ଜାନା ପଡ୍‌ଲାନି । କାଇକେବଇଲେ ମର୍ ସଙ୍ଗର୍ ପେରିଡ୍ ମନ୍‌ଟାନେଅନି ମୁଇ ଅଦିକ୍ କାମ୍ କରିଆତି । ମାତର୍ ସେଟା ମର୍ ନିଜର୍ ବପୁସଙ୍ଗ ନାଇ, ପର୍ଯ୍ୟେସର୍ ଜିବନ୍ ଦୁକାଇ ମକେ ସାଇଜ କଲା ।

୧୧ ଅଇଲେ ମିସା ମୁଇ ସୁବ୍‌କବର୍ ଜାନାଇଲେ କି ସେମନ୍ ଜାନାଇଲେ ମିସା କିଟି ବିନ୍ ନାଇ । କାଇକେବଇଲେ ଆମେ ସବୁ ଜାନାଇବାଟା ଗଟେକ୍ ବିସଇସେ । ସେଟା ତମେ ବିସବାସ୍ କରିଆଚାସ୍ ।

ଆମେ ଆରିତରେକ୍ ଉଟ୍‌ବା ବିସଇ

୧୨ ଜଦି କିରିସ୍‌ଟକେ ପର୍ଯ୍ୟେସର୍ ମଲାତେଇଅନି ଜିବନ୍ କରି ଉଟାଇଆଚେ ବଲି ଆମେ ସିକାଇଲୁନି, ତେବେ କାଇକେ ତମର୍ ବିଡ୍‌ରେ କେତେଲକ୍, ମଲା ଲକ୍‌ମନ୍‌ର୍, ଆରି ତରେକ୍ ଜିବନ୍ ଅଇବାଟା ନଏ, ବଲି କଇଲାସ୍‌ନି ?

୧୩ ମଲା ଲକ୍‌ମନ୍ ଆରିତରେକ୍ ଜିବନ୍ ନ ଅଇବାଟା ଜଦି ସଡ୍, ତେବେ କିରିସ୍‌ଟକେ ମିସା ଜିବନ୍ କରାଇ ଉଟାଏ ନାଇ ।

* ୧୫:୪ ମାତିଉ ୧୨:୪୦; ପେରିଡ୍ ୨:୨୪-୩୨ * ୧୫:୫ ଲୁକ୍ ୨୪:୩୪; ମାତିଉ ୨୮:୧୭,୧୭; ମାର୍କ ୧୭:୧୪; ଲୁକ୍ ୨୪:୩୬; ଜଅନ୍ ୨୦:୧୯ * ୧୫:୮ ପେରିଡ୍ ୯:୩-୬ * ୧୫:୯ ପେରିଡ୍ ୮:୩

୧୪ ଆରି, ଜଦି କିରିସ୍ତକେ ମଲାତେଇ ଅନି ଉଟାଏ ନାଇ, ତେବେ ଆମେ ଜାନାଇବାଟା ରୁଟାଇସେ, ତମେ ବିସ୍ବାସ କରବାଟା ମିସା ରୁଟାଇସେ ।

୧୫ ସେତକିସେ ନଏଁ, ଆମେ ପରମେସରର୍ ବିସଇର୍ ମିର୍ ସାକି ଦେଇତେରଇଲୁ ବଲି ଜାନାପଡ଼ସି । କାଇକେବଇଲେ ଆମେ କିରିସ୍ତକେ ଜିବନ୍ କରାଇ ଉଟାଇ ଆଟେ ବଲି କଇରଇଲୁ । ମାତର୍ ମଲାଲକ୍ ଜିବନ୍ ଅଇ ନ ଉଟଡ଼, ସେଟା ଜଦି ସଡ଼, ସେନ୍ତାରିଆଲେ ପରମେସର୍ କିରିସ୍ତକେ ଜିବନ୍ କରାଇ ଉଟାଏ ନାଇ ।

୧୬ ଜଦି ମଲା ଲକ୍ମନକେ ନ ଉଟାଏ, ତେବେ, କିରିସ୍ତକେ ମିସା ଉଟାଏ ନାଇ ।

୧୭ ଜଦି କିରିସ୍ତକେ ଉଟାଏ ନାଇ, ତେବେ ତମର୍ ବିସ୍ବାସ କରବାଟା ରୁଟାଇସେ । ଆରି ତମେ ଏବେ ଜାକ ନିଜର୍ ନିଜର୍ ପାପେ ଆଟାସ୍ ।

୧୮ ସେନ୍ତାରିସେ ଜନ୍ ଲକ୍ କିରିସ୍ତକେ ବିସ୍ବାସ କରି ମରିଗାଲାଇ ଆଟଡ଼, ସେମନ୍ ରକିଆ ଅଅଡ଼ ନାଇ, ମାତର୍ ନସ୍ତ ଅଇଆଟଡ଼ ।

୧୯ ଜଦି କିରିସ୍ତର୍ ଟାନେ ଆମର୍ ଆସା କରିରଇବାଟା ଏ ଜଗତର୍ ଜିବନ୍ ସଙ୍ଘ୍ ସାରସି, ତେବେ ସବୁଲକର୍ ତେଇଅନି ଆମର୍ କେତେକ୍ କାକୁର୍ତିର୍ କରମ୍ ।

୨୦ ମାତର୍ କିରିସ୍ତକେ ମଲାତେଇଅନି ଉଟାଇଆଟେ, ଏଟା ଅଇଲାନି ସଡ଼ ଆରି ଏନ୍ତାରିସେ ସବୁ ମଲା ଲକ୍ମନକେ ପରମେସର୍ ଜିବନ୍ କରି ଉଟାଇସି, ଏଟା ଆମେ ଜାନ୍ତୁ ।

୨୧ କାଇକେବଇଲେ ଗଟେକ୍ ଲକର୍ ଲାଗି ଗୁଲାଇ ଲକ୍ ମର୍ବାର୍ଆଟେ । ସେନ୍ତାରିସେ ଗଟେକ୍ ଲକର୍ ଲାଗି ଗୁଲାଇ ଲକ୍ମନକେ ମଲାତେଇଅନି ଉଟାଇସି ।

୨୨ ଜେନ୍ତି ଆଦମର୍ ବସେଅନି ଆଇଲା ଲକ୍ମନ ମର୍ବାଇ, ସେନ୍ତାରିସେ କିରିସ୍ତର୍ତେଇ ରଇଲା ସବୁଲକ୍ ଜିବନ୍ ଅଇ ଉଟ୍ବାଇ ।

୨୩ ମାତର୍ ଗଟେକ୍ ଗଟେକ୍ ଲକ୍ ଆଗାପଟା ଇସାବେ ଉଟ୍ବାଇ । ପର୍ତୁମ୍ କିରିସ୍ତ ତାର୍ପଟେ ସେ ଆଇବା ଦିନେ ଜେଡ଼କି ଲକ୍ ସବୁ ତାର୍ଲଗେ ରଇଲାଇ ।

୨୪ ତାର୍ପଟେ ଜୁଗର୍ ସାରାସାରି ଦିନ୍ କେଟ୍ସି । ସେତକିବେଲେ ସବୁ ସାସନକାରିଆମନକେ, ଅଦିକାର୍ ଆରି ବପୁ ରଇଲା ଲକ୍ମନକେ ସେ ଆରାଇସି ଆରି ବାବା ପରମେସର୍କେ ସେ ରାଇଜ୍ ସର୍ପି ଦେଇସି ।

୨୫ କାଇକେବଇଲେ ପରମେସର୍ ତାର୍ ସବୁ ସଡ଼ୁମନକେ ଆରାଇ, ତାର୍ ପାଦ୍ତଲେ ଆନ୍ବାଜାକ କିରିସ୍ତ ସାସନ୍ କରବାର୍ ଆଟେ ।

୨୬ ସାରାସାରି ପଟେ ସଡ଼ୁମନ ମିସା ଆରିଜିବାଇ ।

୨୭ ଜେନ୍ତି କି ସାସ୍ତରେ ଲେକା ଅଇଲାଆଟେ, ପରମେସର୍ ସବୁ ବିସଇ ତାର୍ ପାଦ୍ତଲେ ସଙ୍ଘାଇଆଟେ । ସବୁ ବିସଇ ବଲି, କଇବା ବେଲେ ତାର୍ ଅରଡ଼ ଅଇଲାନି, ପରମେସର୍କେ ଚାଡ଼ି ସବୁ ବିସଇ । ସେ ଆକା ସବୁ ବିସଇ କିରିସ୍ତର୍ ତଲିଆ କରି ସଙ୍ଘାଇଆଟେ ।

୨୮ ସବୁ ବିସଇ କିରିସ୍ତର୍ ତଲେ ସଙ୍ଘାଇଲା ପଟେ, ନିଜେ କିରିସ୍ତ ଜେ କି ପଅ, ସେ ପରମେସର୍ ତଲିଆ ଅଇ ରଇସି । ସବୁ ବିସଇ ପରମେସର୍ ତାର୍ ତଲିଆ କରି ସଙ୍ଘାଇଆଟେ ଆରି ପରମେସର୍ ପୁରାପୁରୁନ୍ ସବୁର୍ ଉପରେ ସାସନ୍ କରସି ।

୨୯ ମଲାଲକ୍ମନକେ ଆରିତରେକ୍ ନ ଉଟାଏ, ଜଦି ଏଟା କେନ୍ତାରି ଜେ ମଲା ଲକ୍ମନର୍ ପାଇ ତାର୍ ମଇତର୍ମନ୍ ତୁବନ୍ ନେଲାଇନି ? ତେବେ ସେମନକେ କାଇଟା ମିଲ୍ସି ? ଜଦି ମଲାଲକ୍ମନକେ ନ ଉଟାଅଡ଼, ସେନ୍ତାରି ଆଲେ କାଇକେ ଏମନ୍ ମଲା ଲକ୍ମନର୍ପାଇ ତୁବନ୍ ନେଲାଇନି ?

୩୦ ଆରି ଆମେ ମିସା କାଇକେ ସବୁ ବେଲେ ଆମର୍ ଜିବନ୍ ବିପଦେ ପାକାଇତେ ରଇବୁ ?

୩୧ ଏ ମର୍ ବାଇବଇନିମନ୍ ଦିନକେ ଦିନ୍, ଲକ୍ମନ ମକେ ମରାଇବାକେ ଚେସ୍ଟା କଲାଇନି । ମୁଇ ଏଟା କାଇକେ କଇଲିନି ବଇଲେ, ତମର୍ଟାନେ ମର୍ ଜନ୍ ବଡ଼ପନ୍ ଆଟେ, ଆରି ଆମର୍ ମାପୁରୁ ଜିସୁକିରିସ୍ତର୍ ଟାନେ ଆମର୍ ଜିବନ୍ ମିସିରଇଲାଜେ ମୁଇ କଇଲିନି ।

୩୨ ଏପିସି ସଅରେ ମୁଇ ବେସି କସ୍ଟ ପାଇଲି । କାଇକେବଇଲେ ଜନ୍ ଲକ୍ମନ ମକେ ବିରଡ଼ କଲାଇ, ସେମନର୍ ସଙ୍ଘ୍ ତଙ୍ଘ୍ରେ ରଇବା ପସୁମନର୍ ପାରା ଜୁଜିରଇଲି । ତେଇ ଆମେ ଜେନ୍ତି କସ୍ଟ ପାଇତେରଇଲୁ, ସେନ୍ତାରି ଅଇଲାକେ ଆମ୍ଭକେ କାଇ ଲାବ୍ ମିଲ୍ଲା ? ଜଦି ମଲା ଲକ୍ମନକେ ନ ଉଟାଏ, ତେବେ ଏନ୍ତାରି କଇବାଟା ନିକ ରଇସି । “ଆସା ଆମେ ବଜିକରି କାଉଁ, କାଇକେବଇଲେ ଆମେ କାଲିକେ ମର୍ବାର୍ ଅଇସିବେ ।”

୩୩ ନାଡ଼ାଇ ଉଆନାଇ, କାରାପ୍ ଲକ୍ମନର୍ ସଙ୍ଘ୍, ସାଙ୍ଘ୍ ଅଇଲେ ସେମନ୍ ତମର୍ ନିକ ଚଲାଚଲ୍ଡି କରବାଟା ନସାଇ ଦେବାଇ ।

୩୪ ଟିକ୍ସଙ୍ଘ୍ ଟିକ୍ସା କରା । ତମର୍ ପାପର୍ ଚଲାଚଲ୍ଡି କରବାଟା ଚାଡ଼ିଆସ୍ । କାଇକେବଇଲେ ପରମେସର୍କେ ନାଜାନଲା କେତେକ୍ ଲକ୍ ତମର୍ ବିଡ଼ରେ ଆଟଡ଼ । ଏଟା ମୁଇ ତମ୍ଭକେ ଲାଜ୍ କରାଇବାକେ କଇଲିନି ।

ଆରିତରେକ୍ ଜିବନ୍ ଅଇବା ଗାଗଡ଼

୩୫ କେତେଲକ୍ ପାଚାର୍‌ବାଇ, “ମଲା ଲକ୍‌ମନ୍‌କେ କେ ଜିବନ୍ ଦେଇ ଉଟାଇସି ? ଆରି ସେମନ୍‌ ଗାଗଡ୍ କେନ୍ତାର୍ ରଇସି ?” ଜେ ଏନ୍ତାରି ପର୍‌ସନ୍ ପାଚାର୍‌ସି, ସେ ବକୁଆଟା ।

୩୬ ତମେ ଜାନାସ୍ । ଜେତେବେଲେ ଗଟେକ୍ ମୁଞ୍ଜି ରପା ଅଇସି, ମୁଞ୍ଜିର୍ ଉପ୍‌ରର୍ ଚପା କୁଇଜାଇସି, ମାତର୍ ବିଡ୍‌ରର୍‌ଟା ଆଁକର୍‌ସି ।

୩୭ ଜେତେବେଲେ ଗଟେକ୍ ମୁଞ୍ଜି ରପା ଅଇସି, ସେଟା ଦାନ୍ ଅ, କି ଆରି କାଇ ମୁଞ୍ଜି ଅ, ମୁଞ୍ଜିସେ ରପି ଅଇସି । ପଟେ ବଡ଼ିରଇବା ବୁଟା ନ ରପଡ୍ ।

୩୮ ପର୍‌ମେସର୍ ନିଜର୍ ମନ୍ କଲା ଇସାବେ ମୁଞ୍ଜିତେଇଅନି ଆଁକ୍‌ରି ଗର୍ ଅ, ବଲି ଟିକ୍ କଲା । ଆରି ସେ ବିନ୍ ବିନ୍ ରକାମର୍ ମୁଞ୍ଜି ବଡ଼ବାକେ ଦେଲା, ଜେନ୍ତୁକି ଗଟେକ୍ ଗଟେକ୍‌କେ ତାର୍ ଗାଗଡ୍‌ର୍ ରୁପ୍ ବାଦ୍‌ଲାଇସି ।

୩୯ ଜିବନ୍ ରଇବା ସବୁ ଗାଗଡ୍ ସମାନ୍ ନର୍ । ଲକ୍‌ମନ୍‌କେ ଗଟେକ୍ ରକାମ୍ ଗାଗଡ୍, ପସୁ ଚଡ଼ଇ ଆରି ମାଟ୍‌ମନ୍‌କେ ବିନ୍ ବିନ୍ ରକାମ୍ ଗାଗଡ୍ ଆଟେ ।

୪୦ ସେନ୍ତୁସେ ସର୍‌ଗେ ରଇବାଟାମନ୍ ଆରି ଦର୍‌ତନି ରଇବାଟାମନ୍ ଆଟଡ୍ । ଜେନ୍ତୁକି ସର୍‌ଗେ ରଇବାଟାମନ୍‌ର୍ ସୁନ୍‌ର୍ ଗଟେକ୍ ରକାମ୍, ଦର୍‌ତନି ରଇବାଟାମନ୍‌ର୍ ବିନ୍ ବିନ୍ ରକାମ୍ ।

୪୧ ବେଲ୍ ତାର୍ ନିଜର୍ ଇସାବେ ସୁନ୍‌ର୍ ଆଟେ । ସେନ୍ତାରିସେ ଜନ୍ ତାରାମନ୍ ମିସା ନିଜର୍ ନିଜର୍ ଇସାବେ ସୁନ୍‌ର୍ ଆଟଡ୍ ।

୪୨ ସେନ୍ତାରିସେ ଆମର୍ ଗାଗଡ୍ ଆରି ଜନ୍ ଗାଗଡ୍ ପର୍‌ମେସର୍ ଉଟାଇସି, ଦୁଇଟାଜାକ ବିନ୍ ଆଟେ । କାଇକେବଇଲେ ଆମର୍ ଗାଗଡ୍ ଏବେ ମରିକରି କୁଇଜାଇସି । ମାତର୍ ଜନ୍ ଗାଗଡ୍ ପର୍‌ମେସର୍ ଉଟାଇସି, ସେଟା କେବେ ନ ମରେ ।

୪୩ ସେଟା ତପ୍‌ଲାବେଲେ ଦୁର୍‌ବଲ୍ ଅଇ ସୁନ୍‌ର୍ ନ ରଏ । ମାତର୍ ଉଟାଇଲାବେଲେ ସୁନ୍‌ର୍ ରଇକରି ଡାଁର୍ ରଇସି ।

୪୪ ତପ୍‌ଲା ବେଲେ ଅବ୍‌କା ଗାଗଡ୍, ମାତର୍ ଉଟାଇଲାବେଲେ ଆଡ୍‌ମାର୍ ଗାଗଡ୍ ଅଇସି । ଅବ୍‌କା ଗାଗଡ୍ ଆଟେ ବଇଲେ ଆଡ୍‌ମାର୍ ଗାଗଡ୍ ମିସା ରଇବାର୍ ଆଟେ ।

୪୫ ଜେନ୍ତୁକି ଲେକା ଅଇଲାଆଟେ, ପର୍‌ତୁମ୍ ମୁନ୍‌ସ୍ ଜେ କି ଆଦମ୍, ତାକେ ତିଆର୍ କରି ଜିବନ୍ ଦେଇରଇଲା, ମାତର୍ ସାରାସାରିପଟର୍ ଆଦମ୍ ନ ସାର୍‌ବା ଜିବନ୍ ଦେବା ଆଡ୍‌ମା ଅଇଲା ।

୪୬ ମାତର୍ ଆଡ୍‌ମାର୍ ଗାଗଡ୍ ପର୍‌ତୁମ୍ ନ ଆସେ । ତୁଟାଇ ଗାଗଡ୍ ଆଇସି, ତାର୍‌ପଟେ ଆଡ୍‌ମାର୍ ଗାଗଡ୍ ।

୪୭ ପର୍‌ତୁମ୍ ଆଦମ୍ ମାଟିସଙ୍ଗ୍ ତିଆର୍ ଅଇ ଏ ଦର୍‌ତନି ଆଇଲା । ମାତର୍ ପଟର୍ ଆଦମ୍ ସର୍‌ଗେ ଅନି ଆଇଲା ।

୪୮ ଜନ୍ ଲକ୍‌ମନ୍ ଏ ଦର୍‌ତନିର୍, ସେମନ୍ ଜେ କି ମାଟି ସଙ୍ଗ୍ ତିଆର୍ ଅଇରଇଲା, ତାର୍‌ପାରା । ଆରି ଜନ୍ ଲକ୍ ସର୍‌ଗର୍, ଜେ କି ସର୍‌ଗେ ଅନି ଆଇଲା, ତାର୍‌ପାରା ।

୪୯ ଜେନ୍ତୁକି ଆମେ ଜନ୍‌ଲକ୍ ମାଟିସଙ୍ଗ୍ ତିଆର୍ ଅଇରଇଲା, ତାର୍ ବାନିମୁର୍ତି ଆତୁ, ସେନ୍ତାରିସେ ଜେ ସର୍‌ଗେଅନି ଆଇଲା ତାର୍ ପାରା ବାନିମୁର୍ତି ଦାର୍‌ବୁ ।

୫୦ ଏ ବାଇବଇନିମନ୍, ମୁଇ କଇବା ଅରଡ୍ ଅଇଲାନି ବନି ମାଉଁସ୍ ରଇବା ଗାଗଡ୍ ପର୍‌ମେସର୍‌ର୍ ରାଇଜେ ମିସିନାପାରଡ୍ । ଆରି ଜନ୍ ଗାଗଡ୍ ମର୍‌ବାଇ, ସେମନ୍‌କେ ନ ସାର୍‌ବା ଜିବନ୍ ଦେଇ ନର୍ ।

୫୧ ସୁନା, ମୁଇ ତମ୍‌କେ ଗଟେକ୍ ଆଗ୍‌ତୁ ନ ଜାନାଇରଇବା ବିସଇ କଇବି । ଆମେ ସବୁଲକ୍ ନ ମରୁ, ମାତର୍ ଆମର୍ ଗାଗଡ୍ ସବୁ ବାଦ୍‌ଲି ଜାଇସି ।

୫୨ ଗଟେକ୍ ଲକ୍ ଆଁକି ମିଟ୍‌କା ମାରୁଲା ବିଡ୍‌ରେ ସେଟା ଗଟ୍‌ସି । ସାରାସାରିର୍ ମଇରି ବାଜୁଲା ବେଲେ ମଲା ଲକ୍‌ମନ୍ ଜିବନ୍ ଅଇ ଉର୍‌ବାଇ । ସେମନ୍ ଆରି କେବେ ମିସା ନ ମରଡ୍ ଆରି ଆମେ ସବୁ ବଦ୍‌ଲି ଜିବୁ ।

୫୩ କାଇକେବଇଲେ ଆମର୍ ଏ ମର୍‌ବା ଗାଗଡ୍ ନ ମର୍‌ବା ଗାଗଡ୍ ଅଇ ବାଦ୍‌ଲିଜାଇସି ।

୫୪ ସେଟା ଅଇଲାବେଲେ ଜନ୍‌ଟା କି ସାସ୍‌ତରେ ଲେକା ଅଇରଇଲା, ସେଟା ପୁରାପୁରୁନ୍ ଅଇସି ମରନ୍ ଆରିଜାଇକରି, ଜିଡ୍‌ବାଟା ପୁରାପୁରୁନ୍ ଅଇଲା ।

୫୫ ତେବେ ଆମେ କଇ ପାର୍‌ବୁ,

ଅଇରେ ମରନ୍ ! ତୁଇ କେନେ ଜିଡ୍‌ଲୁସ୍ ?

ଅଇରେ ମରନ୍ ! କେନେ ତର୍ ବପୁ ?

୫୬ ଆମର୍ ପାପେଅନି ଆମ୍‌କେ ବାଦ୍‌ବା ବପୁ ମରନ୍ ପାଇଲା ଆଟେ । ଆରି ପର୍‌ମେସର୍‌ର୍ ନିୟମ୍ ନ ମାନ୍‌ଲାତେଇଅନି ପାପ୍ ବପୁ ପାଇସି ।

୫୭ ମାତର୍ ଆମେ ପର୍‌ମେସର୍‌କେ ଦନିଅବାଦ୍ ଦେଲୁନି । କାଇକେବଇଲେ ଆମର୍ ମାପ୍‌ରୁ ଜିସୁ କିରିସ୍‌ଟ କଲା କାମେଅନି ପାପ୍‌କେ ଆରି ମରନ୍‌କେ ଆରାଇବା ବପୁ ସେ ଆମ୍‌କେ ଦେଲାଆଟେ ।

୫୮ ସେଟାର୍‌ପାଇ ଏ ମର୍ ଆଲାଦର୍ ବାଇବଇନିମନ୍, ଡାଁର୍ ଅଇକରି ରୁଆ । ମାପ୍‌ରୁ ଜିସୁକିରିସ୍‌ଟର୍ ସେବା କାମ୍ ଆବଡ୍ ଅଇକରି କରା । କାଇକେବଇଲେ ତମେ ଜାନାସ୍, ତାର୍‌ପାଇ ଜନ୍ କାମ୍ ସବୁ କର୍‌ସା, ସେଟା ସବୁ ଲତାକେ ଆଇସି ।

☆ ୧୫:୫୧ ୧ମ ତେସଲନିକିୟ ୪:୧୫-୧୭



ସାଦୁ ଲକର ପାଇ ଦାନ

^୧ *ଜିଉଦା ମଣ୍ଡଲିର ବିସ୍ତାରିତମାନଙ୍କେ ତାରୁ ସାଇଜ କରବା ବିସଇ ମୁ ଲେକ୍ଲିନି । ମୁ ଗାଲାତିଅ ମଣ୍ଡଲିମାନଙ୍କେ ଜାଇଟା କରବାକେ ଆଦେସ୍ ଦେଲିଆଟି, ସେ ଆଦେସ୍ ଡାଁଟ୍ ସଙ୍ଗ୍ କରବାରୁଆଟେ ।

^୨ ତମର୍ କାମାଇବା ଇସାବେ, ସବୁ ବିସ୍ତାରିତମନ୍, ବିସରାମ୍ ଦିନେ ମଣ୍ଡଲିତେଇ ରୁଣ୍ଡଲାବେଲେ ଅଲପ୍ ଅଲପ୍ ତାରୁ ଜମାଇବାରୁ ଆଟେ । ଜେକ୍ତିକି ମୁଇ ଆଇଲାବେଲେ ଆରି ତାରୁ ତଲ୍‌ବାକେ ନ ଲାଗେ ।

^୩ ମୁଇ ଆଇଲାବେଲେ ତମେ ବାଟିରଇବା ଲକ୍‌ମାନଙ୍କେ ଗଟେକ୍ ଚିଟି ଲେକିଦେବି ଆରି ସେମନ୍ ଜମାଇଲା ତାରୁ ଆରି ସେମନ୍‌କେ ଜାନାଇବା ଚିଟି ଦାରି, ଜିରୁସାଲାମ୍ ଜିବାଇ ।

^୪ ଜଦି ମର୍ ଜିବାକେ ଦରକାରୁ ଅଇସି ବଇଲେ ସେମନ୍ ମର୍‌ସଙ୍ଗ୍ ଜାଇପାରତ୍ ।

ପାଉଲର୍ ଉପାଇ

^୫ *ମାତର୍ ମୁଇ ଏବେ ମାକିଦନିଆଇ ଗାଲିନି । ତେଇଅନି ଜାଇ ଆଇଲେ ତମର୍ ଲାଗେ ଆଇବି ।

^୬ ମୁଇ ତେଇ ତମର୍ ସଙ୍ଗ୍ କେତେକ୍ ଦିନ୍ ରଇବି । ଅଇପାରେ ସିଡ୍‌ଦିନ୍ ସାର୍‌ବା ଜାକ । ତାର୍‌ପଟେ ଜକ୍ତି ଜିବାକେ ମନ୍ କଲିନି, ତେଇ ଜିବାକେ ତମେ ମକେ ସାଇଜ କରିପାରାସ୍ ।

^୭ କାଇକେବଇଲେ ଜିବାବେଲେ ବାଟେ ତମର୍ ସଙ୍ଗ୍ ବେଟ୍ ଅଇକରି ଚନେକ୍‌ସେ ରଇବାକେ ମର୍ ମନ୍ ନାଇ । ମୁଇ ଆସା କଲିନି ମାପରୁ ମନ୍ କଲେ ମୁଇ ତମର୍ ସଙ୍ଗ୍ ଏତର୍ ବେସି ଦିନ୍ ରଇବି ।

^୮ *ମାତର୍ ମୁଇ ପେନ୍‌ଟିକସ୍‌ଟ୍ ପରବ୍ ଜାକ ଏପିସିଏ ରଇବି,

^୯ ଇତି ମର୍ ବିରଦେ ବେସିଲକ୍ ରଇଲେ ମିସା, ସପଲ୍ ଅଇବା କାମ୍ କରବାକେ ମର୍ ପାଇ ଦୁଆର୍ ଉଗାଡି ଅଇଆଟେ ।

^{୧୦} *ଜଦି ତିମତି ତମର୍‌ଟାନେ ଆଇଲେ, ତାକେ ଗତିଆ କରି ତାକିନିଆ । କାଇକେବଇଲେ ସେ ମିସା ମର୍‌ପାରା ମାପରୁର୍ କାମ୍ କଲାନି ।

^{୧୧} ସେଗାରୁ ପାଇ ତାକେ କେ ମିସା ସାନ୍ ପାରା ଦେକାନାଇ । ମାତର୍ ତାକେ ସାଇଜ କରା, ଜେକ୍ତିକି, ସେ ତମର୍ ଜାଗାଇଅନି ଗାଲାବେଲେ, ସାକ୍ତିସଙ୍ଗ୍ ଜାଇପାରସି । ଆରି ସେ ମର୍‌ଲାଗେ ବାଅଡ୍‌ସି । ଇତିର୍ ବାଇବଇନିମନ୍‌ର ସଙ୍ଗ୍ ମୁଇ ତାକେ ଜାଗ୍‌ଲିନି ।

^{୧୨} ବାଇ ଆପଲର୍ ବିସଇ ମୁଇ କଇଲିନି । ବିନ୍ ବିସ୍ତାରିତମନ୍‌ର ସଙ୍ଗ୍ ତମ୍‌କେ ବେଟ୍ ଅଇବାକେ ମୁଇ ତାକେ ବେସି ତର୍ ସାର୍‌ଦା କରାଇଲି, ମାତର୍ ସେ ଏବେ ଜିବାକେ ମୁଲ୍‌କେ ରାଜି ଅଏନାଇ । ପଟେ ସୁଜର୍ ମିଲ୍‌ଲେ ସେ ତମର୍‌ଟାନେ ଆଇସି ଆକା ।

ସାରାସାରିର୍ କାତା

^{୧୩} ତମେ ଜାଗ୍‌ରତ୍ ରଇକରି ବିସ୍ତାସେ ଡାଁଟ୍ ରୁଆ । ବପୁ ଅଇକରି ସାଆସେ ରୁଆ ।

^{୧୪} ତମେ କରବା ସବୁ କାମ୍ ଆଲାଦେ ସାରାଇବାରୁ ଆଟେ ।

^{୧୫} *ଏ ବାଇମନ୍, ତମେ ତିପାନ୍ ଆରି ତାରୁ କୁଟୁମ୍ ବିସଇ ଜାନାସ୍ । ସେମନ୍ ଆକାୟାରୁ ପର୍‌ତୁମ୍ ବିସ୍ତାରିତମନ୍ ଆରି ପର୍‌ମେସରର୍ ଲକ୍‌ମାନର୍ ସେବାଇ ନିଜେ ସର୍‌ପି ଅଇଲାଇ ଆଟତ୍ । ଏ ବାଇବଇନିମନ୍ ମୁଇ ତମ୍‌କେ ବାବୁଜିଆ କଲିନି,

^{୧୬} ଏକ୍ତାରି ଦାଇଡ୍ ନେବା ଲକ୍‌ମାନର୍ ତଲିଆ ରୁଆ । ଆରି ସେମନ୍‌ର ସଙ୍ଗ୍ ସେବା କରବା ଲକ୍‌ମାନର୍ ତଲିଆ ଉଆ ।

^{୧୭} ତିପାନା, ପର୍‌ତୁନାଡ୍ ଆରି ଆକାଇ ଇତି ଆଇଲାକେ ମୁଇ ବେସି ସାର୍‌ଦା ଅଇଲିନି । କାଇକେବଇଲେ ତମେ ନ ରଇଲେ ମିସା ସେମନ୍ ତମର୍ ଜାଗାଇ ରଇଲା ପାରା ।

^{୧୮} ତମ୍‌କେ ଜେକ୍ତି ସାର୍‌ଦା କରାଇଲାଇ, ମକେ ମିସା ସେକ୍ତି ସାର୍‌ଦା କରାଇଲାଇ । ଏକ୍ତାରି ଲକ୍‌ମାନଙ୍କେ ନାମ୍‌ବାରୁ ଆଟେ ।

^{୧୯} *ଆସିଆ ଦେସର୍ ମଣ୍ଡଲିମନ୍ ତମ୍‌କେ ଜୁଆର୍ ଜାନାଇଲାଇନି । ଆକିଲା, ପିରିସ୍‌କିଲା ଆରି ସେମନ୍‌ର ଗରେ ଉପାସନା କର୍‌ତେରଇବା ମଣ୍ଡଲି ମାପରୁର୍ ନାଉଁ ଦାରି ତମ୍‌କେ ତାକର୍ ମନ୍ ବିଡ୍‌ରେ ଅନି ଜୁଆର୍ ଜାନାଇଲାଇନି ।

^{୨୦} ଇତିର୍ ବାଇବଇନିମନ୍ ସବୁ ତମ୍‌କେ ଜୁଆର୍ ଜାନାଇଲାଇନି । ତମର୍ ତମର୍ ବିଡ୍‌ରେ ଆଡେ ଦାରାଦାରି ଅଇ କିରିସ୍‌ଟର୍ ଆଲାଦେ ସାଲାମ୍ କରି ଜୁଆର୍‌ବେଟ୍ ଉଆ ।

^{୨୧} ମୁଇ ପାଉଲ୍, ଏଡ୍‌କିସେ ଲେକି ଜୁଆର୍ ଜାନାଇଲିନି ।

^{୨୨} ଜଦି କେ ମାପରୁକେ ଲାଡ୍ ନ କରେ, ସେ ଅବିସାପ୍ ପାଅ । ମାରାନାତା, ଆମର୍ ମାପରୁ ଆସ ।

^{୨୩} ମାପରୁ ଜିସୁର୍ ଜିବନ୍ ଦୁକାନି ତମର୍‌ଟାନେ ରଅ ।

^{୨୪} କିରିସ୍‌ଟ ଜିସୁକିରିସ୍‌ଟର୍ ସଙ୍ଗ୍ ମିସିରଇବା ସବୁକେ ମର୍ ଆଲାଦ୍ ରଅ ।

* ୧୬:୧ ରମିୟ ୧୫:୨୫,୨୬ * ୧୬:୫ ପେରିଡ୍ ୧୯:୨୧ * ୧୬:୮ ପେରିଡ୍ ୧୯:୮-୧୦ * ୧୬:୧୦ ଏମ କରନ୍ତିୟ ୪:୧୭ * ୧୬:୧୫ ଏମ କରନ୍ତିୟ ୧:୧୭ * ୧୬:୧୯ ପେରିଡ୍ ୧୮:୨

କରକ୍ରିୟା ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ଦ୍ୱିତୀୟ ପତ୍ର କରକ୍ରିୟା ମଣ୍ଡଳୀର ଲକ୍ଷ୍ମଣନିର୍ଦ୍ଦେଶନା ପାଉଲ ଦୁଇପାଲି ଚିଠି ଲେଖିଲାଟା

ଏ ବଇ ବିସଇନେଇକରି ଜାନ୍‌ବାଟା

୨ ଯ କରକ୍ରିୟା ଜିସୁ କିରିସ୍ଟ ଜନମ୍‌କରି ଲଗାଲଗି ୫୫-୫୬ ପତେ ପେରିଡ଼ ପାଉଲ ଲେଖିରଇଲା । ୧:୧ ଆମ୍ଭଟାମେ ରଇଲା କରକ୍ରିୟା ମଣ୍ଡଳୀକେ ଲେକାଅଇରଇବା ଚିଠି ବିତ୍ତରେଅନି ଏଟା ଅଇଲାନି ପାଉଲର୍ ଦୁଇ ଲମ୍ଫ ଚିଠି । ଆର୍ ଆଗ୍ତୁ ପାଉଲ କରକ୍ରିୟା ମଣ୍ଡଳୀକେ ରିସାଅଇ ଲାଗିକରି ଚିଠି ଲେଖିରଇଲା ବଲିକରି ପଣ୍ଡିତମନ୍ ବିସ୍‌ବାସ୍ କର୍‌ବାଇ । ୨:୩-୪ପଦେ ଏଟା ଜାନାଇଲାନି । ସେ ସମାନ୍ ଚିଠି କାଇଟାମିସା ଆମ୍ଭଟାମେ ନାଇ ।

ପାଉଲ୍ ମାକିଦନିଆଇ ରଇଲା ବେଲେସେ ୨ ଯ କରକ୍ରିୟା ଲେଖିରଇଲା ୨:୧୩ ୨ ଯ କରକ୍ରିୟା ପାରା ଚିଠି ଆରି ନାଇ । ସେଟା ନିଜର୍ ପାଇସେ ଆରି ସାର୍‌ଦାର୍ ପାଇସେ ଆଟେ । ତିତସର୍ ଟାମେଅନି କରକ୍ରିୟା ମଣ୍ଡଳୀର୍ ସବୁ ନିକ ବିସଇ ସୁନି କରି ପାଉଲ୍ ସାର୍‌ଦା ଜାନାଇଲାନି । ଏ ଚିଠିଟାମେ ନୁଆ ନିୟମର୍ ଦାନ୍ ଦେବା ବିସଇ ସିକିଆ ପାଇବାର୍ ଅଇସି । ଏ ପାକୁଡାଇ ପାଉଲ୍ ଜିରୁସାଲମର୍ ବିସ୍‌ବାସିମନକେ ସାଇଜର୍ ପାଇ ବଲି ତାବୁ ଉଟାଇବାକେ ଆଦେସ୍ ଦେଲାନି ୮:୯ । ଆରି ମିସା ଏଟା ଜାନାଇଲାନିଜେ, ମଣ୍ଡଳୀ ବାଇରେ ରଇକରି କେତେଟା ମିରୁଆ ପେରିଡ଼ମନ୍ ସେମନ୍ ନିଜେ ଉପ୍‌ରେ ଉର୍‌ବୁ ବଲି ପାଉଲର୍ ବିରୁଦେ ଉର୍‌ଲାଇନି । ସେମନ୍ କେତେଟା ମଣ୍ଡଳୀର୍ ନିକ ନିକ ଲକ୍ଷ୍ମଣକେ ତାକର୍ ତାକର୍ ବିତ୍ତରେ ଜୁଜାଇଲାଇନି । ସେମନ୍ ପାଉଲର୍ ଅଦିକାରକେ ସତ୍ କି ମିର୍ ବଲି ବାଦ୍‌ତେରଇଲାଇ । ଜନ୍‌ଟାର୍ ପାଇ କି ୨ ଯ କରକ୍ରିୟା ସାରାସାରିବାଟେ ମୁଇ ନିଜେ ଗଟେକ୍ ଜିସୁକିରିସ୍ଟର୍ ଅଦିକାରର୍ ପେରିଡ଼ ଅଇଆତି ବଲି ତାଟ୍ ସଙ୍ଗ୍ ଦେକାଇଲା ।

କି ରଇବାଟା

- ୧. ପାଉଲ୍ ଚିଠି ଲେଖିବାକେ ଆରାମ୍ କର୍‌ବା ଆଗ୍ତୁ ଜୁଆର୍ ଜାନାଇଲାନି । ୧:୧-୭
- ୨. ପାଉଲ୍ ସେ ଜିବାକେ ତିଆର୍‌ଅଇଲାଟା ବାଦ୍‌ଲାଇଲା ଆରି ସେମନ୍‌ର୍ ସୁନିରଇବା କାତା ବିସଇ ସେମନ୍‌କେ ଜବାଦ୍ ଦେବାଟା ୧:୮-୭:୧୭
- ୩. ପାଉଲ୍ ଜିରୁସାଲମେ ରଇବା ବିସ୍‌ବାସିମନର୍ ପାଇ ଦାନ୍ ଉଟାଇବାକେ ଆଦେସ୍ ଦେବାଟା । ୧:୮-୯:୧୫
- ୫. ସାରାସାରିବେଲେ ପାଉଲ୍ ପେରିଡ଼ ପଦ୍‌କେ ରକିଆ କର୍‌ବାଟା ଆରି ଆରିତରେକ୍ ଜିବାକେ ଜାଗ୍‌ରଡ଼ ଅଇବାଟା । ୧୦:୧-୧୩:୧୦

୧*ମୁଇ ପାଉଲ୍, ପର୍‌ମେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଡ଼ ସିସ୍ ବାଟାଇଅଇଲିଆତି । ମୁଇ ଆରି ଆମ୍ଭର୍ ବାଇ ତିମତି ଆରି କରକ୍ରିୟାଟାମେ ରଇବା ପର୍‌ମେସରର୍ ଗୁଲାଇ ମଣ୍ଡଳୀମନ୍‌କେ ଆରି ଆକାଇଆଟାମେ ରଇବା ସବୁ ପର୍‌ମେସରର୍ ଲକ୍ଷ୍ମଣକେ, ଏ ଚିଠି ଲେଖିଲୁନି ।

୨ ଆମ୍ଭର୍ ବାବା ପର୍‌ମେସର୍ ଆରି ମାପୁରୁ ଜିସୁର୍ ଟାମେଅନି ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ଅ ।

ପର୍‌ମେସର୍‌କେ ପାଉଲର୍ ଦନିଅବାଦ୍

୩ ଆମ୍ଭର୍ ମାପୁରୁ ଜିସୁ କିରିସ୍ଟର୍ ବାବା ପର୍‌ମେସର୍‌କେ ଦନିଅବାଦ୍ ଦେଉଁ । ସେ ଆମ୍ଭର୍ ଦୟାକାରିଆ ବାବା ଆରି ଜାର୍ ଟାମେଅନି କି ଆମ୍ଭକେ ସବୁ ବିସଇର୍ ସାଇଜ ଆଇସି ।

୪ ସେ ଆମ୍ଭକେ ସବୁ ଦୁକ୍ କସ୍‌ଟ ଆଇଲେ ସାଇଜ କର୍‌ସି । ସେନ୍ତାରିସେ ବିନ୍ ବିନ୍ ରକାମର୍ କସ୍‌ଟ ପାଇତେରଇବା ଲକ୍ଷ୍ମଣକେ ଆମେ ଜେକ୍ତି ଦୁକ୍ ସାରାଇବୁ । ପର୍‌ମେସର୍ ଟାମେଅନି ଜନ୍ ସାଇଜ ଆମେ ପାଇଲୁଆରୁ, ସେ ସାଇଜର୍ ଲାଗି, ଆମେ ମିସା ବିନ୍ ଲକ୍ଷ୍ମଣକେ ସାଇଜ କର୍‌ବୁ ।

୫ କାଇକେବଇଲେ ଜେକ୍ତିକି କିରିସ୍ଟର୍‌ତେଇ ମିସ୍‌ଲାର୍‌ପାଇ ଆମ୍ଭର୍ ଦୁକ୍, କସ୍‌ଟ ଅଦିକ୍ ଅଦିକ୍ ଅଇଆଟେ, ସେନ୍ତାରିସେ କିରିସ୍ଟର୍ ଲାଗି ଆମ୍ଭର୍ ଦୁକ୍ ସାରାଇବାଟା ମିସା ଅଦିକ୍ ଅଦିକ୍ ଅଇଲାନି ।

୬ ମାତର୍ ଆମ୍ଭକେ ଦୁକ୍ କସ୍‌ଟ ଅଇଲେ, ସେଟା ତମର୍ ଦୁକ୍ ସାରାଇବାକେ ଆରି ନ ସାର୍‌ବା ଜିବନ୍ ପାଇବାକେ । ସେନ୍ତାରିସେ ଜେତେବେଲେ ଆମେ ପର୍‌ମେସରର୍ ଟାମେଅନି ସାଇଜ ମିଲାଇବୁ, ସେଟା ତମର୍‌ପାଇ ମିସା ସାଇଜ ମିଲୁଲା ପାରା । ଏନ୍ତାରି ସେ ତମର୍ ବିସ୍‌ବାସ୍ କର୍‌ବାଟା ତାଟ୍ କରାଇସି, ଜେକ୍ତିକି ଆମେ ଦୁକ୍‌କସ୍‌ଟ ଆଇଲେ ମିସା ମୁର୍‌ଚି କରି ଆରୁ, ସେନ୍ତାରି ଦୁକ୍ କସ୍‌ଟ ଆଇଲେ ତମେ ମିସା ମୁର୍‌ଚି କରି ରଇପାରାସ୍ ।

☆ ୧:୧ ପେରିଡ଼ ୧୮:୧

୭ ଏଟାରୁଲାଗି ତମରଟାନେ ଆସା କରବାଟା ଡାଞ୍ଚ ଅଇଲାଆତେ । କାଇକେବଇଲେ, ଆମେ ଜାନିଆରୁ, ଆମ୍ଭେ ଦୁକ୍ କସ୍ତ ଆଇଲେ ମିସା ମୁରଟିକରି ଆରୁ, ତମେ ମିସା ସେନ୍ତାରି ମୁରଟିକରି ଆଟାସ୍ । ଜେନ୍ତାରି କି ପରମେସର୍ ଟାନେଅନି ଆମେ ସାଇଜ ମିଲାଇଆରୁ । ସେନ୍ତାରିସେ ତମେ ମିସା ସାଇଜ ମିଲାଇଆଟାସ୍ ।

୮ *କାଇକେ ବଇଲେ, ଏ ବାଇବଇନିମନ୍, ଆସିଆ ରାଇଜେ ଆମ୍ଭେ ଅଇରଇବା ବଡ଼ ଦୁକ୍ କସ୍ତ ବିସଇ ତମେ ଜାନିରୁଆ ବଲି ଆମେ ମନ୍ କଲୁନି । ମୁରଟି ନାପାରଲା ବଡ଼ ପରିକା ଆଇଲା । ଏନ୍ତାରି କି ଆମେ ଆରି ନ ରଇକରି ମରିଜିବାର୍ ଅଇସିବେ ବଲି ବାବ୍ତେରଇଲୁ ।

୯ ଉଁ, ଆମ୍ଭେ ମରନ୍ ଆସି ଡାବିଅଇରଇଲା । ମାତର୍ ନିଜର୍ ନିଜର୍ ଉପ୍ରେ ଆସା ନ କରି, ଜନ୍ ପରମେସର୍ ମଲା ଲକ୍ମନ୍କେ ଉଟାଇସି, ତାର୍ ଉପ୍ରେ ଆସା କରବାକେ ଏ ସବୁ ଅଇଲା ।

୧୦ ସେ ଆମ୍ଭେ ମରନ୍ଟାନେ ଅନି ବଞ୍ଚାଇଲା । ସେଟାର୍ପାଇ ଆମେ ରକିଆ ପାଇଲୁ । ମରନ୍ ରଇଲା ଆକା, ମାତର୍ ମରୁନାଇ । ଆରି ସେ ଆମ୍ଭେ ସାଇଜ କରତେରଇସି ଆକା ବଲି ଜାନିଆରୁ । ଆମ୍ଭେ ବଡ଼ ଆସା ଆତେ ଜେ, ସେ ଆମ୍ଭେ ସାଇଜ କରବାଟା କେବେ ନ ତେବାଏ ।

୧୧ ତମେ ଆମର୍ ପାଇ ପାର୍ତନା କରି ଆମ୍ଭେ ସାଇଜ କରବାର୍ ଆତେ । ସେନ୍ତାର୍ କଲେ ପରମେସର୍ ସବୁ ପାର୍ତନାଇ ମାଙ୍ଗଲାଟା ପାଟାଇସି । ଆରି ବେସି ଲକ୍ ପରମେସର୍କେ ଦନିଅବାଦ୍ ଦେବାଇ । କାଇକେବଇଲେ ସେ ଆମ୍ଭେ ଆସିରବାଦ୍ କଲାଆତେ ।

ପାଉଲ୍ ଜଜ୍ନା କଲାଟା ବାଦ୍ଲାଇଲା

୧୨ ବାଇମନ୍ ଆମେ ବଡ଼ପନ୍ ଅଇକରି କଇବା ଗଟେକ୍ କାତା ଆତେ । ସେଟା ଆମେ ସଡ଼ ବଲି ଜାନୁଲୁନି ଆରି ସେଟା ଅଇଲାନି, । ସବୁଲକରଟାନେ ଆରି, ତମରଟାନେ ମିସା ଆମର୍ ଚଲାଟଲ୍ଡି ସୁକଲ୍ ଆରି ଦରମ୍ ଆତେ । ଏଟା ଆମର୍ ବିବେକ୍ ସାକି ଦେଲାନି । ଲକ୍ମନ୍ର ଗିଆନ୍ ଇସାବେ ଆମେ କରୁନାଇ, ମାତର୍ ପରମେସର୍ ଜିବନ୍ ଦୁକାଇଲା ବପୁର୍ ସଙ୍ଗ୍ ଏ ସବୁଜାକ କଲୁନି ।

୧୩ କାଇକେ ବଇଲେ, ଆମେ ଚିଟି ପାଟାଇଲା ବେଲେ ତମେ ଜାଇଜାଇଟା ପଡ଼ିକରି ବୁଜିପାରାସ୍, ସେଟାସେ ଲେକି ପାଟାଇଲୁନି ।

୧୪ ଏବେ ଆମେ ଜାଇଟା କଲୁନି, ସେ ବିସଇ ତମେ ଅଲପ୍ ଅଲପ୍ ବୁଜୁଲାସିନି । ମାତର୍ ମୁଇ ଆସା କଲିନି, ସେଟା ତମେ ପୁରାପୁରୁନ୍ ବୁଜି ପାର୍ସା । ଜେନ୍ତାରି କି, ଆମର୍ ମାପୁରୁ ଜିସୁ ବାଉଡ଼ଲା ଦିନେ, ତମେ ଆମର୍ ଲାଗି ସାର୍ଦା କରସା, ସେନ୍ତାରିସେ ଆମେ ମିସା ତମରଟାଗି ସାର୍ଦା କରୁ ।

୧୫ ଏଟା ସବୁ ତମେ ବୁଜି ପାର୍ସା, ସେଟା ଜାନିକରି ମୁଇ ତମରଟାନେ ବୁଲିଆଇବି ବଲି ମନ୍କଲି । ଜେନ୍ତାରି କି ମୁଇ ତମ୍ଭେ ଦୁଇତର୍ ସାଇଜ କରିପାର୍ବି ।

୧୬ *କାଇକେବଇଲେ ମୁଇ ମାକିଦନିଆଇ ଜିବାବାଟେ ତମରଟାନେ ଆସି ରଇବି ବଲି ମନ୍କଲି । ଆରି ମୁଇ ଗରେ ବାଅଡ଼ବାବେଲେ ଆରିତରେକ୍ ତମରଟାନେ ତେବ୍ବି ବଲି ମନ୍ କଲି । କାଇକେବଇଲେ ମୁଇ ଜେବେ ଜିଉଦା ଦେସେ ଜିବାକେ ବାରଇବି, ସେ ବେଲେ ତମେ ମକେ ସାଇଜ କରି ପାରାସ୍ ।

୧୭ ତେବେ ମୁଇ ଏନ୍ତାରି ମନ୍ କଲାକେ ମକେ ତମେ ଦୁଇ ମନିଆ ଲକ୍ ବଲି ବାବ୍ଲାସିନି କାଇକି । ନିଜର୍ ମନ୍ କଲା ଇସାବେ ଚିନ୍ତା କରବା ଗଟେକ୍ ଲକ୍ପାରା ତମେ ମକେ ବାବ୍ଲାସ୍ କାଇକି । ମୁଇ ଆଇବି ବଲି କଇଲେ ମିସା ତମର୍ ମନେ ସେ ନ ଆସେ, ବଲି ବାବ୍ଲାସ୍ କାଇକି ।

୧୮ ଜଦି ପରମେସର୍ କଇବାଟା ସଡ଼, ସେନ୍ତାର୍ ଆଲେ ମୁଇ କଇବାଟା ମିସା ସଡ଼ ସେ । ଏକାବେଲେ ଉଁ ଆରି ନାଇ ବଲି, ନ କଇ ।

୧୯ *ମୁଇ, ସିଲାନ୍ ଆରି ତିମତି, ପରମେସର୍ ପଅ ଜେ କି କିରିସ୍ଟ ଜିସୁ, ତାର୍ ବିସଇନେଇ ତମ୍ଭେ ଜାନାଇରଇଲୁ । ସେ ଉଁ ଆରି ନାଇ, ବଲି କଇବା ଦୁଇ ମନିଆ ଲକ୍ ନଏଁ ।

୨୦ ତାରୁଲାଗି ପରମେସର୍ ଉଁ ବଲି, କଇରଇବାଟା, ସବୁଜାକ ପୁରାପୁରୁନ୍ କରସି । ସେଟାର୍ପାଇ ଜିସୁକିରିସ୍ଟକେ ଆମେ ଆମେନ୍ ବଲି, କଇବାଟା ପରମେସର୍ ମଇମା ପାଇ ଅଇସି ।

୨୧ ତମ୍ଭେ ଆରି ଆମ୍ଭେ ଜିସୁକିରିସ୍ଟତେଇ ମିସିରଇବାକେ ଆଇବା ତାର୍ ବିସ୍ବାସ୍ ଆନ୍ବାଟା, ପରମେସର୍ ସେ । ଆରି ସେ ଆମ୍ଭେ ବାବ୍ଲା ଆତେ ।

୨୨ ଆମେ ତାର୍ଟା ବଲି ଜାନ୍ବାକେ ସେ ଆମ୍ଭେ ତାର୍ ଚିନ୍ ମାରୁଲା ଆତେ ଆରି ସୁକଲ୍ଆଡ଼ମା ଆମର୍ ବିତ୍ରେ ଦାନ୍ କଲା ଆତେ । ପରମେସର୍ ଆମର୍ପାଇ ଜେଡ଼କି ବିସଇ ସଙ୍ଗାଇଆତେ, ସେ ଆଡ଼ମାର୍ ଲାଗି ଆମେ ସେଟା ସବୁ ପାଇବୁ ବଲି ଜାନୁଲୁନି ।

* ୧:୮ ମେ କରକ୍ରିୟା ୧୫:୩୨ * ୧:୧୭ ପେରିଡ଼ ୧୯:୨୧ * ୧:୧୯ ପେରିଡ଼ ୧୮:୫

୨୩ ଜଦି ମୁଁ କଲବାଟା ସତ୍ ନାହିଁ, ସେନ୍ତାରିଆଲେ ପର୍ଯ୍ୟେସର୍ ମକେ ଡଣ୍ଟ ଦେଅ । ମୁଁ କରନ୍ତିଅତେଇ ବୁଲି ଆଇବାକେ କାଲକେ ଅଏ ନାହିଁ ବଲି ସେ ଜାନେ । ମୁଁ ତେଇ ଆଇଲେ, ତମର୍ ଚଲାଟଲ୍ଡିର୍ ବୁଲ୍ଡିକ୍ ଦେକ୍ଲେ, ତମେ ଦୁକ୍ କରତାସ୍ ।

୨୪ ତମେ କନ୍ଟା ମାନ୍ଦାବାର୍ ଆଚେ, କନ୍ଟା ନାହିଁ, ସେଟା ଆଦେସ୍ ଦେବାକେ ଆମେ ମନ୍ କରୁନାହିଁ । କାଲକେବଇଲେ, ତମର୍ ବିସ୍ବାସ୍ ତାଟ୍ ଅଇଗାଲା ଆଚେ । ତମର୍ ସକ୍ ମିସିକରି କାମ୍ କରବାକେ ଆମେ ମନ୍ କଲୁନି । ଜେନ୍ତାରିକି ତମେ ସାର୍ଦା ଅଇସା ।

୨

୧ ମାତର୍ ମୁଁ ଆଗତୁ ଆଇଲା ବେଲେ ଜେନ୍ତାରିକି ତମ୍ବେ ଦୁକ୍ ଦେଲି, ସେନ୍ତି ଆରିତରେକ୍ ଦୁକ୍ ଦେବାର୍ ଆଲେ ନ ଆସି ବଲି ବାବ୍ତେ ରଇଲି ।

୨ ଜଦି ମୁଁ ତମ୍ବେ ଦୁକ୍ଦେବି, ତେବେ କେ ମକେ ସାର୍ଦା କରାଇବାଇ ? ଜନ୍ ଲକ୍କେ ମୁଁ ଦୁକ୍ ଦେଇରଇଲି, ସେ ସମାନ୍ ଲକ୍ ତମେ ଆକା ।

୩ ସେଟାର୍ପାଇ ମୁଁ ତମ୍ବେ ଚିଟି ଲେକିରଇଲି । ଜନ୍ ଲକ୍ମନ୍ ମକେ ସାର୍ଦା କରାଇବାର୍ ଆଚେ, ମୁଁ ଆଇଲେ ସେମନ୍ସେ ମକେ ଦୁକ୍ ଦେଅଡ୍ ବଲି ମନ୍ କରିନାହିଁ । ମୁଁ ଜାନି, ମୁଁ ସାର୍ଦା ଅଇକରି ରଇଲେ, ତମେ ମିସା ସବୁଲକ୍ ସାର୍ଦା ଅଇରଇସା ।

୪ ମୁଁ ମନେ ମନେ ବେସି ଦୁକ୍ କସ୍ଟ ଅଇକରି ଆରି ମନେ ମନେ କାନ୍ଦି ଆସୁଜରାଇ କରି ଲେକି ରଇଲି, ଜେନ୍ତାରିକି ତମେ ଦୁକ୍ ଅଇରୁଆ ବଲିକରି ମୁଁ ବାବିନାହିଁ । କାଲକେବଇଲେ ମୁଁ ତମ୍ବେ ବେସି ଆଲାଦ୍ କଲିନି । ଏଟା ଜେନ୍ତାରିକି ତମେ ଜାନିରୁଆ ।

ଦସିକେ କେମା ଦେବାଟା

୫ ଏବେ ତମର୍ ବିଡ୍ରେ ଜେ ପାପ୍ କରି ତମ୍ବେ ଦୁକ୍ ଦେଲା ଆଚେ, ସେ ଅବକା ମକେ ଦୁକ୍ ଦେଏନାହିଁ, ମାତର୍ ତମ୍ବେ ସବୁକେ ଦୁକ୍ ଦେଲାଆଚେ । ସବୁକେ ନଇଲେ ମିସା, କେତେଲକ୍କେ ଦେଇଆଚେ । ତାର୍ ପାପ୍ କଲାଟା ଅଦିକ୍ ବଡ୍ ଅଇକରି ତସ୍ ବଲି ମୁଁ ମନ୍ କରିନାହିଁ ।

୬ ତମର୍ ବିଡ୍ରେ ଜବର୍ ଲକ୍ ତାକେ ଡଣ୍ଟ ଦେଲାଆଚେ । ଆରି ସେମନ୍ ତାକେ ଦେଇରଇବା ଡଣ୍ଟ ତାର୍ପାଇ ଅଇଜାଇସି ।

୭ ଏବେ ତମେ ତାକେ କେମା ଦେଇକରି ସାଆସ୍ ଦେବାର୍ ଆଚେ । ସେନ୍ତାରି ନ କଲେ, ସେ ବେସି ଦୁକ୍ ଅଇକରି ତାର୍ ମନ୍ ବାଜିଜାଇସି ।

୮ ସେଟାର୍ପାଇ ତାକେ ଆରିତରେକ୍ ଆଲାଦ୍ କରା ବଲି ମୁଁ ତମ୍ବେ ବାବୁଜିଆ କଲିନି ।

୯ କାଲକେବଇଲେ ତମେ ବିସ୍ବାସର୍ ପରିକାତେଇ ତାଟ୍ଅଇ ରଇଲାସ୍ କି ନାହିଁ, ଆରି ତମେ ମର୍ ଆଦେସ୍ ମାନ୍ଲାସ୍ନି କି ନାହିଁ ବଲି ଜାନ୍ଦାକେ ମୁଁ ତମ୍ବେ ଆଗତୁର୍ ସେ ଚିଟି ଲେକିରଇଲି ।

୧୦ ଜେଡେବେଲେ ମିସା ତମେ ସେ କରିରଇବା କାମର୍ ପାଇ ତାକେ କେମା କରସା, ତେବେ ମୁଁମିସା ତାକେ କେମା କରବି, ଜଦି କାଲଟା ମିସା ମୁଁ କରବାର୍ ରଇଲା, ତମର୍ପାଇ ମୁଁ କିରିସ୍ଟର୍ ମୁଆଟେ ସେମନ୍କେ କେମା ଦେଇସାରାଇ ଆଟି ।

୧୧ ଜେନ୍ତାରିକି ସଇଡାନ୍, ଆମର୍ ଉପ୍ରେ ଜିତି ନାପାରେ, କାଲକେବଇଲେ, ସେ କରିରଇବା ସବୁ ଜନ୍ନା ଆମେ ଜାନ୍ଲୁନି ।

୧୨ କିସ୍ଟର୍ ସୁବକବର୍ ଜାନାଇବାକେ ମୁଁ ଜେଡେବେଲେ ଆଇଲି, ତରୁଆୟାଇ ସେବା କାମର୍ପାଇ ମାପରୁର୍ ବାଟ୍ ମେଲାଅଇଆଚେ ବଲି ମୁଁ ଜାନି ପାରୁଲି ।

୧୩ ମାତର୍ ଆମର୍ ବାଇ ତିତସ୍କେ ବେଟ୍ ନ ଅଇଲି ଜେ ମର୍ ମନେ ମନେ ବେସି ଚିନ୍ତା ରଇଗାଲା । ତେବର୍ ପାଇ ମୁଁ ତେଇର୍ ଲକ୍ମନ୍କେ ଗାଲିନିବେ ବଲି ତେଇଅନି ମାକିଦନିଆଇ ଉଟିଗାଲି ।

ଜିସୁର୍ ଲାଗି ଜିଡ୍ବାଟା

୧୪ ମାତର୍ ପର୍ଯ୍ୟେସର୍ ଦନିଅବାଦ୍ ପାଅ । କିରିସ୍ଟେଇ ମିସିରଇଲାପାଇ ତାର୍ ଜିଡ୍ଲା ଦଲର୍ ଦାଡିତେଇ ବନ୍ଦି ଲକ୍ ରସାବେ ପର୍ଯ୍ୟେସର୍ ଆମ୍ବେ ସବୁବେଲେ ଡାକିନେଲାନି । ସବୁଲକ୍କେ କିରିସ୍ଟର୍ ବିସଇ ଜାନାଇବାକେ ସେ ଆମର୍ ଦେଇକରି କାମ୍ କଲାନି । ଜନ୍ଟା କି ଦୁପ୍ ପାରା ସବୁ ଜାଗାଇ ବାସ୍ନା ମାରସି ।

୧୫ କାଲକେବଇଲେ ଆମେ କିରିସ୍ଟ ପର୍ଯ୍ୟେସର୍କେ ପଡାଇ ଦେଇତେରଇବା ଦୁପ୍ ପାରା ଆରୁ । ଆମେ ଜାନାଇତେରଇବା ସୁବକବର୍ ଗଟେକ୍ ସୁନ୍ଦର୍ ବାସ୍ନା ପାରା ସବୁଲକ୍କେ ଗାଲାନି । ଗଟେକ୍ ବାଟର୍ ଲକ୍ମନ୍ ଆଜିଗାଲାଜନି, ଆରି ଗଟେକ୍ ବାଟର୍ ଲକ୍ମନ୍ ରକିଆ ପାଇଲାଜନି ।

☆ ୨:୧୨ ପେରିଡ୍ ୨୦:୧

୧୬ ଜନ୍ ବାଟର ଲକ୍ଷ୍ମୀନ୍ ଆଜିଗାଲାଇନି, ସେମନରପାଇ ସେଟା ଗନ୍ । ଆରି ସେଟା ମରବା ବାଟେ ଡାକିନେଇସି । ମାତର ଜନ୍ ବାଟର ଲକ୍ଷ୍ମୀ ରକିଆ ପାଇଲାଇନି, ସେଟା ସେମନକେ ସୁନ୍ଦର ବାସନା । ଆରି ସେଟା ନ ସାରବା ଜିବନ୍ତେଇ ଡାକିନେଇସି । ଏ ଆବଡ଼ କାମ୍ କେ ମିସା କରି ନାପାରଡ଼ ।

୧୭ କେତେକ୍ ଲକ୍ଷ୍ମୀନ୍ ପରମେସରର ବାକିଅ ବେବାର କରତେରଇବା ଜିନିସ୍ ପାରା ବାଇବାଇ, ମାତର ଆମେ ସେନ୍ତାର ନାଇ । କାଇକେବଇଲେ ପରମେସର ଆମ୍‌କେ ପାଟାଇଆଟେ । କିରିସ୍‌ଟର ଗତିଦାଙ୍ଗ୍‌ତା ଇସାବେ, ଆମେ ତାର ମୁଆଟେ ସଡ଼ ବାକିଅ ଜାନାଇବୁ ।

୩

ନୁଆ ନିୟମର ଗତି

୧ ଆମେ ଆରିତରେକ୍ ନିଜକେ ଉପରକେ ଉଟାଇବା କାତା କଇଲୁନି ବଲି ତମେ କୁଆ ନାଇ । ଆମେ ତେଇ ରଇବା କେତେଟା ଦରମ୍ ଗୁରୁମନର ପାରା ନାଇ । ବିନ୍ ଲକ୍ଷ୍ମୀନ୍ ତେଇଅନି ଏ ଲକ୍ଷ୍ମୀ ନିକଟା ବଲି ଚିଟି ଆନଲେ, ତମେ ସେମନକେ ଡାକି ନେଇସା, ଆରି ତମର ଜାଗା ଚାଡ଼ିକରି ଗାଲେ, ଏ ଲକ୍ଷ୍ମୀ ନିକଟା ବଲିକରି ତମରଟାନେଅନି ଏମନ୍ ଚିଟି ମାଙ୍ଗ୍‌ବାଇ । ଆମ୍‌କେ ସେନ୍ତାରି ଚିଟି ଦରକାର ନାଇ ।

୨ ତମେସେ ଆମ୍‌ର ମନ୍ ବିଡ଼ରେ ଲେକିଅଇ ରଇବା ଚିଟି । ସବୁ ଲକ୍ଷ୍ମୀନ୍ ତମ୍‌କେ ଦେକ୍‌ବାଇ ଆରି ତମର ତଲାତଲୁତି ଜାନବାଇ ।

୩ କିରିସ୍‌ଟ ଆମ୍‌କେ ଏ ଚିଟି ଲେକ୍‌ଲା ଆଟେ । ଏଟା ସିରା ସଙ୍ଗ୍ ଲେକା ଅଏନାଇ, ମାତର ଜିବନ୍ ରଇବା ପରମେସରର ଆଡ଼ମା ସଙ୍ଗ୍ ଲେକାଅଇଆଟେ । ଏଟା ପାକ୍‌ନାଇ ଲେକା ନ ଅଇକରି ଲକ୍ଷ୍ମୀନ୍ ମନ୍‌ବିଡ଼ରେ ଲେକାଅଇଆଟେ ।

୪ ଆରି କିସ୍‌ଟର ଲାଗି ପରମେସରକେ ଆସା କରି ଆମେ ସାଆସ୍ ସଙ୍ଗ୍ କଇପାରଲୁନି ।

୫ ଏ କାମ୍ ଆମେ ନିଜର ବପୁ ସଙ୍ଗ୍ କରି ପାରୁ ବଲି କଉନାଇ । ପରମେସର ଆକା ଆମ୍‌କେ ବପୁ ଦେଇସି ।

୬ ସେ ତା ଆମ୍‌କେ ବପୁ ଦେଲାଆଟେ, ଜେକ୍ରିକି ଆମେ ତାର ନୁଆ ରାଜିନାମା କଲାଟା ସବୁକେ ଜାନାଇ ପାରୁ । ସେଟା ଲେକ୍‌ଲା ନିୟମ୍ ନଏ, ମାତର ତାର ଆଡ଼ମାଇ ଅନି ଅଇଲାଟା । ଲେକ୍‌ଲା ନିୟମ୍ ମରନ୍ ଆନ୍‌ସି, ମାତର ପରମେସରର ଆଡ଼ମା ନ ସାରବା ଜିବନ୍ ଦେଇସି ।

୭ ମସାର ନିୟମ୍ ପଡ଼ତମେ ତେପଟା ପାକ୍‌ନାଇ ଲେକା ଅଇରଇଲା ଆରି ସେ ନିୟମ୍ ଦେଲାବେଲେ ପରମେସରର ମଇମା ଡିସ୍‌ତେରଇଲା । ମସାର ମୁଏ ରଇଲା ସେ ମଇମା ଉନା ଉନା ଅଇଜାଇତେରଇଲା । ଅଇଲେ ମିସା ତାର ଉଜଲରପାଇ ଇସ୍ରାଏଲର ଲକ୍ଷ୍ମୀନ୍ ତାର ମୁଏ ଆକି ସଙ୍ଗ୍ ନାପାରତେରଇଲାଇ । ଜଦି ପରମେସର ମରନ୍ ଆନ୍‌ବା ସେ ନିୟମ୍ ମଇମା ସଙ୍ଗ୍ ପାଟାଇରଇଲା,

୮ ତେବେ ପରମେସରର ଆଡ଼ମାଇ ଅନି ଆଇବା ନୁଆ ରାଜିନାମା ଆରି କେତେକ୍ ଅଦିକ୍ ମଇମାସଙ୍ଗ୍ ରଇସି ।

୯ ଲକ୍ଷ୍ମୀନ୍ ଡଣ୍ଡ ପାଇବାଇ ବଲି ଜାନାଇ ଅଇବା କାମ୍, ଜଦି ମଇମା ସଙ୍ଗ୍ ଆଇଲା, ତେବେ ଆମ୍‌ର ସବୁ ପାପ୍ କେମା ଅଇଲାଆଟେ ବଲି ଜାନାଇବା ବାକିଅ କେତେକ୍ ଅଦିକ୍ ମଇମା ଅଇରଇସି ?

୧୦ ପରତୁମ୍ ନିୟମ୍ ମଇମା ବେସି ଉଜଲ୍ ରଇଲା, ମାତର ଏବେ ନୁଆ ନିୟମ୍ ରାଜିନାମାର ଲାଗି ପୁରନା ନିୟମ୍ ମଇମା ଉନାଅଇଗାଲା ଆଟେ ।

୧୧ ଜଦି ଆଗର ପରମାନ୍ ନିୟମ୍ ପାକାଇ କାତା ଦେଇରଇବାଟା ଚନେକରପାଇ ଅଇଲେ ମିସା ମଇମାସଙ୍ଗ୍ ରଇଲା, ତେବେ ନୁଆ ପରମାନ୍ ନିୟମ୍ ପାକାଇ ଦେଇରଇବାଟା, ଜନ୍‌ଟା କି କେବେ ନ ସାରେ, ସେଟା କେତେକ୍ ଅଦିକ୍ ମଇମା ସଙ୍ଗ୍ ରଇସି !

୧୨ ଆମ୍‌କେ ଏ ଆସା ରଇଲାକେ, ଆମେ ବେସି ସାଆସ୍ ସଙ୍ଗ୍ ଆବୁ ।

୧୩ ଆମେ ମସାର ପାରା ନାଇ, ସେ ମୁ ଡାବିଅଇ ରଇଲା । ଜେକ୍ରିକି, ଲିବି ଆଇତେରଇବା ଆରି ଇସ୍ରାଏଲର ଲକ୍ଷ୍ମୀନ୍ ତେଇର ମଇମା ଉନା ଅଇକରି ପୁରାପୁରୁନ୍ ଜିବାଟା ନ ଦେକଡ଼ ।

୧୪ ସେବେଲେ ଇସ୍ରାଏଲର ଲକ୍ଷ୍ମୀନ୍ ନ ବୁଜତେରଇଲାଇ, ତାକର ମନ୍ ଡାବ୍‌ଲା ପାରା ଅଇରଇଲା । ଆରି ସେମନ୍ ପୁରନା ରାଜିନାମାର ବଇମନ୍ ପଡ଼ଲାଇନି ଜେ ଏବ୍‌କେ ଜାକ ବୁଜଡ଼ ନାଇ । ଜେତେବେଲେ ଜାକ ସେମନ୍ କିରିସ୍‌ଟରତେଇ ନ ମିସି ରଅଡ଼, ସେ ବେଲା ଜାକ ତାକର ମନର ଡାବ୍‌ନା ନ ବେଟି ଅଏ ।

୧୫ ଏବେ ଜାକ ମିସା ସେମନ୍ ମସାର ନିୟମ୍ ପଡ଼ବାବେଲେ, ତାକର ମନ୍ ସେକ୍ରି ଡାବିସେ ଅଇରଇସି ।

୧୬ ମାତର ସାସ୍‌ତର କଇଲାନି, “ଜଦି ଜେ ମାପୁରୁର ବାଟେ ମନ୍ ବାଉଡାଇଲେ, ତାର ମନେ ଡାବିଅଇ ରଇବାଟା ଉଗାଡ଼ି ଅଇସି ।”

୧୭ ଏ ଚିଟିତେଇ ମାପୁରୁ ବଲି କଇବାଟା ଅଇଲାନି ଆଡ଼ମା ଆରି ମାପୁରୁର ଆଡ଼ମା ଜକ୍ରି ମିସା ରଇଲେ, ତେଇ ଆମେ ମୁକ୍‌ଲି କରି ଆବୁ ।

୧୮ ତେବେ ଆମେ ଜେଡ଼କି ଲକ୍ଷ୍ମୀ ସବୁ ମାପୁରୁକେ ବିସ୍ବାସ କରିଥାଉ, ଆମର ମୁଁ ତାବି ଅଧନାଲ । ପରମେସରର ବସ୍ତୁ ଆରି ମଇମା ଦେକାଇଅଇବା ଗଟେକ ଦରପନ୍ ପାରା ଆମେ ଆହୁ । ଆମେ ତାରପାରା ଅଇବା ଜାକ ଦିରେ ଦିରେ ବାଦ୍‌ଲାଲ ଅଇ ଆଇଲୁନି । ପରମେସରର ଆତ୍ମାସେ ଆମ୍ଭକେ ବାଦ୍‌ଲାଲଲାନି ।

୪

ମାଟି ଆଣ୍ଡିତେଇ ସରଗର ଦନ୍

୧ ପରମେସର ତାର ଜିବନ୍ ଦୁକାଇକରି ଆମ୍ଭକେ ଏ ସେବାକାମ୍ ଦେଲାଆତେ । ସେଟାରପାଇ, ଆମେ ବସ୍ତୁ ନଇଲା ଲକ୍ଷ୍ମୀ ପାରା କାମ୍ କରୁନାଇ ।

୨ ଆମେ ଲୁଚ୍‌ତେ ରଇବା କାମ୍ କି ଲାଜ୍ କରାଇବା କାମ୍ କରୁନାଇ । ଆମେ ଲକ୍ଷ୍ମୀକେ ନାତାଉ ନାଇ । ଆମେ ଜାନାଇତେରଇବା ମାପୁରୁର ବାକିଅ ତେଇ ମିଚ୍ ସିକିଆ ମିସାଉ ନାଇ । ମାତର୍ ସବୁଲକ୍ଷ୍ମୀ ବୁଜ୍‌ଲାପାରା ସତ୍ ସିକିଆ ଦେଲୁନି । ଜେନ୍ତାର୍ କି, ମୁଇ କଇଲା ବାକିଅ ଲକ୍ଷ୍ମୀକେ ତାକର୍ ବିବେକ୍‌ଟାନେ ସତ୍ ବଲି ଜାନ୍‌ବାଇ । ଆମେ କରବା ସବୁ କାମ୍ ପରମେସରର ମୁଆଟେ ଆତେ ।

୩ ଜଦି ଆମେ ଜାନାଇବା ସୁବ୍‌କବର୍ ନ ବୁଜ୍‌ବା ଲକ୍ଷ୍ମୀ ଆତର୍, ସେନ୍ତାର୍ ଆଲେ ସେମନ୍‌ସେ ଆଜିଜାଇରଇବା ଲକ୍ଷ୍ମୀ ।

୪ ଏ ଜଗତର୍ କାରାପ୍ ସାସନ୍‌କାରିଆ ତାକର୍ ମନ୍ ଆନ୍ଦାର୍ କରି ଦେଇଆତେ ଜେ, ସେମନ୍ ବିସ୍ବାସ୍ କରତ୍ ନାଇ । ଜନ୍ ଉଜ୍‌ଲ୍ ତାକର୍ ଉପ୍‌ରେ ଉଜ୍‌ଲ୍ ଦେଲାନି, ସେଟା ନ ଦେକ୍‌ବାକେ ସେ ଆଗଟିଦେଲାନି । କିରିସ୍‌ଟର୍ ମଇମାର୍ ଉଜ୍‌ଲ୍ ତାର୍ ସୁବ୍‌କବରେଅନି ଆଇସି । କିରିସ୍‌ଟ୍ ସମାନ୍ ପରମେସରର ପାରାସେ ଆତେ ।

୫ କାଇକେବଇଲେ ଆମେ ନିଜର୍ ବିସଇ ଜାନାଇ ଅଉନାଇ । ମାତର୍ ଜିସୁ କିରିସ୍‌ଟ୍ ଜେ କି ମାପୁରୁ, ତାର୍ ବିସଇ ଜାନାଇଲୁନି । ଜିସୁର୍ ଲାଗି ତମର୍ ଗତିଦାଙ୍ଗ୍‌ତା ଇସାବେ ଆମେ ନିଜେ ଜାନାଇଅଇଲୁନି ।

୬ ପରମେସର ଜେ କି କଇଲା “ଉଜ୍‌ଲ୍ ଆନ୍ଦାରେ ଅନି ଉଜ୍‌ଲ୍ ଦେଇସି ।” ସେ ସମାନ୍ ପରମେସର କିରିସ୍‌ଟର୍ ମୁଏ ଅନି ତାର୍ ଉଜ୍‌ଲ୍ ଆମର୍ ବିତ୍‌ରେ ଉଜ୍‌ଲ୍ କରାଇଲା । ଜେନ୍ତାରି କି କିରିସ୍‌ଟ୍ ତେଇ ରଇବା ପରମେସରର ମଇମା, ଆମେ ବୁଜି ପାରୁ ।

୭ ଆମେ ଗଟେକ୍ ମାଟି ଆଣ୍ଡି ପାରା । କାଇକେବଇଲେ ଆମ୍ଭକେ ବସ୍ତୁ ନ ରଇଲେ ମିସା ପରମେସର ତାର୍ ବେସି ମୁଲିଅ ରଇବା ବାକିଅ ଆମ୍ଭକେ ସର୍ପି ଦେଲାଆତେ । ଜେନ୍ତାରି କି ଆମ୍ଭକେ ବସ୍ତୁ ନ ରଇକରି ପରମେସରକେସେ ବେସି ବସ୍ତୁ ଆତେ ବଲି ଲକ୍ଷ୍ମୀକେ ଜାନ୍‌ବାଇ ।

୮ ଆମେ ସବୁ ରକାମର୍ ଦୁକ୍‌କସ୍‌ଟ୍ ଅଇକରି ଗାଲୁନି, ଏଲେ ମିସା କସ୍‌ଟ୍ ପାଉ ନାଇ । କେବେ କେବେ କାଇଟା କର୍‌ବୁ ବଲି ଗିଆନ୍ ନ ରଇଲା ଲକ୍ଷ୍ମୀପାରା ଅଇଲୁନି, ଅଇଲେମିସା ମନ୍‌ଦୁକ୍ କରୁ ନାଇ ।

୯ ସତ୍‌ରୁମନର୍ ଟାନେଅନି ଉଡା ସୁନି ସୁନି ରଇଲୁ, ଏଲେମିସା ମାପୁରୁ ଆମ୍ଭକେ ଚାଡେ ନାଇ । ଆମର୍ ଗାଗ୍‌ଡେ କେତେକ୍ କେତେକ୍ ମାଡ୍ ଅଇଲା । ଅଇଲେ ମିସା ମାପୁରୁ ଆମ୍ଭକେ ବିନାସ୍ ଅଇବାକେ ଦେଏନାଇ ।

୧୦ ଆମେ ସବୁବେଲେ ଜିସୁର୍ ମରନ୍ ଆମର୍ ଗାଗ୍‌ଡେ ଏତାଇଲୁନି । ଜେନ୍ତାରି ଜିସୁର୍ ଜିବନ୍‌ମିସା ଆମର୍ ଗାଗ୍‌ଡେ ଡିସ୍‌ସି ।

୧୧ ଆମେ ଜିସୁର୍ ସଙ୍ଗ୍ ରଇଲାର୍ ପାଇ ବର୍‌ବାଜାକ ମରବା ବିପଦେ ଆହୁ । ଜେନ୍ତାରି ଲକ୍ଷ୍ମୀକେ ଏ ମରବା ଗାଗ୍‌ଡେ ଜିସୁ ବର୍‌ଟିରଇବାଟା ଦେକ୍‌ବାଇ ।

୧୨ ଏନ୍ତାରିସେ ଆମେ ମରନ୍ ଦାରିଆହୁ । ମାତର୍ ତମର୍‌ଟାନେ ଜିବନ୍ ଅଇ ଆଇଲାନି । କାଇକେବଇଲେ ତମେ ନ ସାରବା ଜିବନ୍ ପାଇସା ।

୧୩ ସାସ୍‌ତରେ ଲେକା ଅଇଲାପାରା “ ମୁଇ ବିସ୍ବାସ୍ କଲି, ତେବର୍‌ପାଇ ମୁଇ କାତା ଅଇଲି ” । ସେ ସମାନ୍ ବିସ୍ବାସ୍‌ର ଆତ୍ମାଲ, ଜନ୍ ବାକିଅ ମୁଇ ବିସ୍ବାସ୍ କଲିଆରି, ସେଟାସେ ମୁଇ ଏବେ ଲକ୍ଷ୍ମୀକେ ଜାନାଇଲିନି ।

୧୪ କାଇକେ ବଇଲେ ଆମେ ଜାନିଆହୁ ପରମେସର ଜେ କି ମାପୁରୁ ଜିସୁକେ ଜିବନ୍ କରି ଉଟାଇଲା, ସେ ଆମ୍ଭକେ ମିସା ମାପୁରୁ ଜିସୁର୍ ସଙ୍ଗ୍ ଉଟାଇସି । ଆରି ତମର୍ ସଙ୍ଗ୍ ଆମ୍ଭକେ ମିସା ପରମେସରର ମୁଆଟେ ନେଇସି ।

୧୫ ତେବର୍‌ପାଇ ଜେଡ଼କି ସବୁ ସାଦ୍‌ନା ବାନ୍ଦ୍‌ନା ଆଇଲାନି, ସେ ସବୁ ବିସଇ ତମର୍ ମଙ୍ଗ୍‌ଲର୍‌ପାଇ ସେ ଅଇଲାନି । ପରମେସରର ଜିବନ୍ ଦୁକାଇଲାଟା ଅଦିକ୍ ଅଦିକ୍ ଅଇକରି ଲକ୍ଷ୍ମୀକେ ଟାନେ କେଟ୍‌ସି, ଆରି ସେମନ୍ ସବୁଲକ୍ଷ୍ମୀ ତାକେ ଦନିଅବାଦ୍ ଦେବାଇ ।

ବିସ୍ବାସ୍ କରି ଜିଇବାଟା

୧୬ ତେବର୍‌ପାଇ ଆମେ ସାଆସ୍ ନ ଅଇରଇବା ଲକ୍ଷ୍ମୀ ପାରା ନ ଅଉଁ । କାଇକେବଇଲେ ଆମର୍ ବାଇରର୍ ଗାଗ୍‌ଡ୍ ମରିମରି ଆଇଲେ, ମିସା ବିତ୍‌ରେ ରଇବା ଲକ୍ଷ୍ମୀ ଦିନକେ ଦିନ୍ ନୁଆ ଅଇ ଆଇଲାନି ।

୧୭ କାଇକେ ବଇଲେ ଆମର୍ ଦୁକ୍ କସ୍‌ଟ୍ ସବୁ ଉନା ଅଇକରି ଚନେକର୍‌ପାଇ । ମାତର୍ ସେଟା ଆମ୍ଭକେ ନ ସର୍‌ବା ସବୁଦିନର୍ ମଇମା ଆନ୍‌ସି । ସେଟା ଆମର୍ ଦୁକ୍ କସ୍‌ଟ୍ ଟାନେଅନି ବଡ୍ ରଇସି ।

୧୮ ତେବେ ପାଇ ଆମେ ଏ ଜଗତେ ଡିସ୍‌ବା ବିସଇ ଆସା ନ କରି ନ ଡିସ୍‌ବା ବିସଇ ଆସା କଲୁନି । କାଇକେବଇଲେ ଦେକ୍‌ବା ବିସଇ ସବୁଦିନ ନ ରଏ, ମାତର ନ ଦେକ୍‌ବା ବିସଇ ସବୁ ଦିନରପାଇ ରଇସି ।

୫

୧ ଆମର ଗାଗଡ଼ ତୁମ୍ ଟାନିକରି ବାନ୍ଦିରଇବା ଗରପାରା । ଆରି ଆମେ ଜାନୁ ଜେ ଜେତେବେଲେ ମିସା ଏଟା ବାଞ୍ଜି ଜାଇସି, ତେବେ ସରଗେ ରଇବାପାଇ ଆମକେ ଗଟେକ୍ ଗର ଆଟେ । ଏଟା ନିଜେ ପର୍‌ମେସର୍ ଡିଆର୍ କଲାଟା । ସେଟା କେବେ ବିନାସ ନ ଅଏ । ସବୁ ଦିନରପାଇ ରଇସି ।

୨ ମାତର ଆମେ ଏ ଜଗତେ ରଉ ରଉ ଏଡ଼କି କସ୍‌ଟ ପାଇଲୁନି । ସରଗେ ରଇବା ଆମର ନୁଆ ଗାଗଡ଼ ଏବେଆକା ଆମକେ ମିଲ ବଲି ଆମେ ମନ୍ କଲୁନି ।

୩ କାଇକେବଇଲେ ମଲାତେଇଅନି ଆମକେ ଉଟାଇଲାବେଲେ ଆମରପାଇ ଗଟେକ୍ ଗାଗଡ଼ ଦରକାର ଆଟେ ।

୪ ଏ ଜଗତେ ଆମେ ବଠି ରଇଲାବେଲେ, ଇଡିର ଗାଗଡ଼ ନେଇକରି ଜେଡ଼କି ଦୁକ୍ କସ୍‌ଟ ପାଇବାର ଆଟେ, ସେଟା ସବୁ ବଇକରି ଆଉଜି ଗାଲୁନି । ମାତର ଏ ଗାଗଡ଼ ଚାଡ଼ବାକେ ଆମେ ମନ୍ କରୁ ନାଇ । ସରଗେ ଅନି ଆଇବା ନୁଆ ଗାଗଡ଼ ଆମକେ ମିଲ ବଲି ମନ୍ କଲୁନି । ସେନ୍ତାରଆଲେ ମରନ୍‌କେ ସରପି ଦେଇରଇବା ଏ ଗାଗଡ଼ର ବାଦୁଲେ ସବୁଦିନର ପାଇ ଜିବନ୍ ରଇବା ଗଟେକ୍ ଗାଗଡ଼ ମିଲାଇବୁ ।

୫ ମାତର ପର୍‌ମେସର୍ ଆମରପାଇ ଏ ସବୁ ବିସଇ ଜାଗାଇଦେଇ ସାରାଇଆଟେ । ଜେଡ଼ିକି ଆଇବା ଦିନମନ୍‌କେ ଏଟାସବୁ ଅଇସି । ଏଟା ସବୁ ସେ ପୁରାପୁରୁନ୍ କରସି ବଲି ଆମକେ ଚିନ୍ ଇସାବେ ସୁକଲ୍ ଆଡ଼ମା ଦେଲାଆଟେ ।

୬ ସେଟାର ପାଇ ଆମେ ସବୁବେଲେ ସାଆସ୍ ଅଇକରି ଆରୁ । ଏ ସାରବା ଗାଗଡ଼େ ଆମେ ରଉ ରଉ, ମାପୁରୁ ରଇବା ଗରେ ଅନି ଦୁରିକେ ବାସା ଅଇଆରୁ ବଲି ଜାନିଆରୁ ।

୭ ଏ ଜଗତେ ରଇବା ଆମର ଜିବନ୍, ପର୍‌ମେସର୍‌ଟାନେ ବିସ୍‌ବାସ୍ କରି ରଇଲୁନି । କାଇକେବଇଲେ ଜନ୍ ଜାଗାଇ ଆମେ ବାସା ଅଇବାକେ ଗାଲୁନି, ସେ ଜାଗା ଏବେଜାକ ଆମେ ଦେକୁ ନାଇତା ।

୮ ଉଁ ଆମର ବିସ୍‌ବାସ୍ ସବୁବେଲେ ଡା଼ ଆଟେ । ଏ ସାରିଜିବା ଗାଗଡ଼ ଚାଡ଼ିକରି ମାପୁରୁ ଗରେ ଜିବାକେ ବଲି ଆମେ ଜାନିଆରୁ ।

୯ ମାତର ଏବେ ଆମେ ଜଡ଼ି ରଇଲେ ମିସା, ଏ ଜଗତେ ରଇଲେ କି, ପର୍‌ମେସର୍ ରଇବାଟାନେ ରଇଲେ ମିସା, ସେ ଜନ୍‌ଟା ଆମରଟାନେଅନି ଆସା କଲାନି, ସେଟା ପୁରାପୁରୁନ୍ ଅ ବଲି ଆମେ ମନ୍ କଲୁନି ।

୧୦ *ଆମେ ସବୁଲକ୍ କରିସ୍‌ଟର ମୁଆଟେ ଆଇବାକେ ପଡ଼ସି । କାଇକେବଇଲେ ସେ ଆମର କାମ୍ ବିଟାର୍ କରସି । ଏ ଜଗତେ ରଇକରି ଆମେ ଜନ୍‌ଟା କଲୁଆରୁ, ସେଟା ନିକ ଅ କି ନ ଅ, ସେ ଇସାବେ ଆମକେ ଗଟେକ୍ ଗଟେକ୍ ଲକ୍‌କେ ବୁଡ଼ି ମିଲୁସି ।

କିରିସ୍‌ଟର ଦେଇ ପର୍‌ମେସର୍ ସଙ୍ଗ୍ ମଇତର

୧୧ ଆମେ ଜାନିଆରୁ ମାପୁରୁ ଆମକେ ବିଟାର୍ କରବାବେଲେ ଗଟେକ୍ ଡରବା ବେଲା ଅଇସି । ସେଟାରପାଇ ଆମେ ଲକ୍‌ମନ୍‌କେ ମାନାଇଲୁନି । ପର୍‌ମେସର୍ ଆମକେ ପୁରାପୁରୁନ୍ ଜାନ୍‌ଲାନି । ଆରି ମୁଇ ଆସା କଲିନି ତମେ ମିସା ତମର ମନେ ମନେ ମକେ ଜାନିରୁଆ ।

୧୨ ଏଟା ସବୁ ଲେକିକରି ତମେ ଆମକେ ଆରିତରେକ୍ ଏ ଲକ୍ ନିକ ବଲିକରି କୁଆଇଅଇବାକେ ଆମେ ମନ୍ କରୁନାଇ । ମାତର ଆମେ ଆସା କରବାଟା ଟିକ୍ ଆଟେ, ସେଟା ତମେ ଜାନା ବଲି ଆମେ ମନ୍ କଲୁନି । ଆରି ଜନ୍ ଲକ୍‌ମନ୍ ନିକ ଗୁନ୍ ନ ମାନିକରି, ବାଇରେ ଡିସ୍‌ବା ବିସଇଟାନେ ବଡ଼ପନ୍ ଅଇବାଇ, ସେମନ୍‌କେ ବୁଜାଇପାରାସ୍ ।

୧୩ କେତେଲକ୍ ଆମେ ବାୟା ଅଇଗାଲୁଆରୁ ବଲି ବାବ୍‌ବାଇ । ସେନ୍ତାରଆଲେ ସେଡ଼ି ଅଇବାଟା ପର୍‌ମେସର୍ ମନ୍ କଲା ଇସାବେ । ଜଡ଼ି ଆମେ ନିକ ଆରୁ ବଲି ବାବ୍‌ଲେ ସେଟା ତମର ବଲ୍ ପାଇ ।

୧୪ କିରିସ୍‌ଟର ଆଲାଦ୍ ଆମକେ ବାଟ୍ ଦେକାଇଲାନି । ସେଟା ଆମେ ଜାନିଆରୁ । ସେଟାର ଲାଗି ଆମେ ସବୁଲକ୍ ତାର୍ ମରନେ ମିସିଆରୁ ।

୧୫ ସେ ସବୁ ଲକ୍‌ରପାଇ ମଲାଆଟେ । ଜେଡ଼ି କି ଜନ୍‌ଲକ୍‌ମନ୍ ବଠି ଆଟଡ଼, ସେମନ୍ ନିଜର ପାଇ ନ ବଠଡ଼ । ଜେ ତାକର ପାଇ ମରିକରି ଜିବନ୍ ଅଇ ଉଟ୍‌ଲା, ଅବ୍‌କା ତାର୍ ପାଇସେ ବଠିବାର୍ ଆଟେ ।

୧୬ ଏ ଜଗତର ଲକ୍‌ମନ୍ ବିଟାର୍ କଲାପାରା ଆମେ ଲକ୍‌ମନ୍‌କେ ବିଟାର୍‌ନା କରୁନାଇ । ପୁରୁବେ ଆମେ କିରିସ୍‌ଟକେ ମିସା ଏ ଜଗତର ଲକ୍ ବିଟାର୍ କଲାପାରା କରତେରଇଲୁ । ମାତର ଏବେ ଆମେ ସେଡ଼ି କରୁନାଇ ।

୧୭ ଜେ ଜଡ଼ି କିରିସ୍‌ଟ ସଙ୍ଗ୍ ମିସ୍‌ଲେ ସେ ଗଟେକ୍ ନୁଆ ଲକ୍ ଅଇସି । ପୁରନା ଚଲାଚଲ୍‌ଡି ଆରି ନାଇନି, ସବୁଜାକ ନୁଆ ଅଇଗାଲା ଆଟେ ।

୧୮ ଏଟା ସବୁ ପର୍‌ମେସର୍ କଲାଆଟେ । ସେ କିରିସ୍‌ଟକେ ଦେଇ ଆମକେ ସଡ଼ୁରୁ ରଇବା ତେଇଅନି ମଇତର କରିଆଟେ । ବିନ୍ ଲକ୍‌ମନ୍‌କେ ମିସା ତାର୍ ମଇତର କରାଇବା କାମ୍ ଆମକେ ସରପି ଦେଲାଆଟେ ।

* ୫:୧୦ ରମିୟ ୧୪:୧୦

୧୯ ତେବେ ଆମେ ଏ ବିସଇ ଜାନାଇଦେଲୁନି, ଜେ କିରିସ୍ତର ଲାଗି ପରମେସର୍ ସବୁ ମୁନୁସ୍ ଜାତିକେ ତାର ନିଜର୍ ମଇତର୍ କରିପାରସି । ଆରି ସେ ତାକର୍ ସବୁ ପାପ୍ କେମା କରିଦେଇସି । ବିନ୍ ଲକ୍ମନକେ ମିସା ତାର ମଇତର୍ କରାଇବା କାମ୍ ଆମକେ ସର୍ପି ଦେଲାଆଚେ ।

୨୦ ପରମେସର୍ ଆମକେ ଦେଇ ତମକେ ବାରୁଜିଆ କଲାନି । ଏଟାରପାଇ କିରିସ୍ତ ଆମକେ ପାଟାଇଲା ଆଚେ । ଆରି କିରିସ୍ତର ଲାଗି ଆମେ ମିସା ତମକେ ବାରୁଜିଆ କଲୁନି । ପରମେସର୍ ତମକେ ସତ୍ତରୁଟାନେଅନି ମଇତର୍ କର ।

୨୧ କିରିସ୍ତକେ କାଇ ପାପ୍ ନ ରଇଲା । ମାତର୍ ଆମର୍ ପାପର୍ ପାଇ ଆକା ସେ ତଣ୍ଟ ପାଅ ବଲି ପରମେସର୍ ଟିକ୍ କଲା । କିରିସ୍ତ ସଙ୍ଗ୍ ମିସଲାରପାଇ ଏବେ ପରମେସର୍ ଆମକେ ଦରମ୍ ଲକ୍ ଇସାବେ ଦେକ୍ଲାନି ।



୧ ତେବେ ପରମେସରର୍ ଏ କାମେ, ଆମେ କାମକରୁମନ୍ ଅଇଲୁଆରୁ ଜେ, ତମକେ ଆମେ ବାରୁଜିଆ କଲୁନି । ତମେ ତାର ଜିବନ୍ ଦୁକାଇଲାଟା ମିଲାଇ ଆଚାସ୍ । ସେଟା ରୁଟାଇ ନ ଅ ।

୨ ପରମେସର୍ କଇବାଟା ସୁନା ।

“ ତମକେ ଦୟା ଦେକାଇବା ବେଲା ସମାନ୍ ଅଇଲାକେ,

ମୁଇ ତମେ ଗୁଆରି କଲାଟା ସୁନ୍ଲି ।

ଜନ୍ ଦିନେ ମୁଇ ମୁକ୍ତଲାଇବା ଦିନ୍ ବଲି ଟିକ୍ କଲି,

ସେ ଦିନେ ମୁଇ ତମକେ ସାଇଜ କଲି ।”

ସୁନା ! ପରମେସର୍ ତମକେ ତାର ଆଲାଦ୍ ଦେକାଇବି ବଲି, ଟିକ୍ କଲା ଦିନ୍ ଆଜିସେ । ତମର୍ ପାପର୍ ତଣ୍ଟେ ଅନି ସେ ତମକେ ରକିଆ କରବା ଦିନ୍ ଆଜି ସେ ।

୩ ଜେକ୍ତିକି ଆମର୍ ସେବା କାମେ ଲକ୍ମନ ଆମକେ ଦସ୍ ନ ଦାରତ୍ ବଲି ଆମେ ମନ୍ କରୁନାଇ । ସେଟାରପାଇ କିରିସ୍ତର୍ ପଟେ ଜିବା ଲକ୍ମନକେ ଆମକେ ଆଗ୍ରୁ ନାଇ ।

୪ ତାର ବାଦୁଲେ ଆମେ ଜାଇଟା କଲେ ମିସା ପରମେସରର୍ ସେବାକାରିଆ ଇସାବେ କଲୁନି । ଜେକ୍ତିକି, କିରିସ୍ତର୍ ଲାଗି ଉଡାସୁନ୍‌ବା ଟାନେ, ଦୁକ୍ କସଟ ଟାନେ, ଆମେ ସାଆସ୍ ଅଇ ମୁର୍ଚିକରି ଆରୁ ।

୫ ଆମେ କରତା ମାଡ୍ କାଇ ବନ୍ଦି ଗରେ ରଇଆରୁ, ମାନ୍ଦା ଲକ୍ମନଟାନେ ଅନି କେଦାଇଅଇଆରୁ, ବେସି ଆବଡ୍ କାମ୍ କରି ଆରୁ, ନ ସଇକରି ରଇଲୁଆରୁ, ଦିନ୍ ଦିନ୍ ଦାରି ନ କାଇ ନ ପିଇ କରି ରଇଆରୁ ।

୬ ଆମର୍ ସୁକଲ୍ କାମେ, ଆମର୍ ଗିଆନେ, ଆମର୍ ମୁର୍ଚି ରଇବାଟାନେ, ଆମର୍ ଦୟା ଦେକାଇବାଟାନେ, ସୁକଲ୍‌ଆଡ଼ମାଟାନେ, ଆମର୍ ସଡ୍ ଆଲାଦ୍‌ଟାନେ, ଆମେ ପରମେସରର୍ ସେବା କାରିଆ ବଲିକରି ଜାନାଇ ଅଇଲୁନି ।

୭ ଆମେ ସିକାଇବା ବାକିଅ ସଡ୍ ବାକିଅ । ଆରି ଆମର୍ ସଙ୍ଗ୍ ପରମେସରର୍ ବପୁ ଆଚେ । ପରମେସର୍ ଦେକ୍‌ବା ଇସାବେ, ଆମର୍ ଦରମ୍ ବଲାଇ ଅଇବାଟା ଗଟେକ୍ ଆଡ଼ଆଡ଼ିଆର୍ ପାରା । ଆମର୍ ସତ୍ତରୁମନର୍ ବିରୁଦେ ଜୁଜବାକେ ଆରି ନିଜ୍‌କେ ରକିଆ ପାଇବାକେ, ସେଟା ବାଇଲୁନି ।

୮ କେବେ କେବେ ଆମକେ ସନ୍‌ମାନ୍ ମିଲ୍‌ଲାନି । ମାତର୍ କେବେ କେବେ ତଲେ ପାକାଇଲାଇନି । କେବେ କେବେ ନିକ୍ ଲକ୍ ବଲାଇଅଇଲୁନି । ମାତର୍ କେବେ କେବେ ଆମେ ନିନ୍ଦା ପାଇଲୁନି ।

୯ ଆମେ ମିରୁଆ ବଲାଇଅଇଲୁନି । ମାତର୍ ସଡ୍ କାତା କଇଲୁନି । ନାଜାନ୍‌ତେ ରଇଲେ ମିସା ସବୁଲକ୍ ଜାନି ଆତଡ୍ । ମଲା ସମାନ୍ ରଇଲୁ, ମାତର୍ ଆଜିକେ ଜାକ ବଞ୍ଚିଆରୁ । ତଣ୍ଟ ପାଇଲୁ ମିସା ମରୁନାଇ ।

୧୦ ବେସି ଦୁକେ ରଇଲେ ମିସା ସାରଦା ସଙ୍ଗ୍ ଆରୁ । ଆମେ ଅରକିଡ୍ ପାରା ଅଇରଇଲେ ମିସା, ବିନ୍ ଲକ୍ମନକେ ସାଉକାର୍ କରାଇଆରୁ । ଆମେ କାଇଟା ନ ରଇବା ଲକ୍ମର୍ ପାରା ଆରୁ, ମାତର୍ ସବୁଜାକ ଆମର୍‌ଟା ।

୧୧ ଏ କରକ୍ତିଏ ରଇବା ଆମର୍ ମଇତର୍‌ମନ୍, କାଇ କପଟ୍ ନ କରି, ଆମର୍ ମନେ ଜାଇଟା ରଇଲା, ସେଟା ସବୁ ତମର୍ ମୁଆଟେ କଇଲୁଆରୁ । ଆମେ ତମକେ ବେସି ଆଲାଦ୍ କଲୁନି ।

୧୨ ତମର୍‌ପାଇ ବଲିକରି ଆମର୍ ଆଲାଦ୍ ଉନା ଅଏ ନାଇ । ମାତର୍ ଆମର୍ ପାଇ ରଇବା ତମର୍ ଆଲାଦ୍ ଉନା ଅଇଆଚେ ।

୧୩ ନିଜର୍ ପିଲାମନକେ କଇଲା ପାରା ତମକେ କଇଲିନି, ଆମେ ଜେନ୍ତାରି କି ତମକେ ଆଲାଦ୍ କଲୁନି, ସେନ୍ତାରିସେ ତମେ ଆମକେ ଆଲାଦ୍ କରା ।

ବିସ୍‌ବାସ୍ ନ କଲା ଲକ୍ମନର୍ ଟାନେ ଜାଚାଇ ଉଆନାଇ

୧୪ ତମେ ବିସ୍‌ବାସ୍ ନ କରବା ଲକ୍ମନର୍ ସଙ୍ଗ୍ ମିସିକରି କାମ୍ କରାନାଇ । ସେ କାମ୍ କେବେମିସା ନ ଅଏ । କାଇକେବଇଲେ ସଡ୍ ଆରି ମିର୍ ମିସାଇ ନ ଅଏ । ଉଜଲ୍ ଆରି ଆନ୍ଦାର୍ ନ ମିସଡ୍ ।

୧୫ କିରିସ୍ତ ଆରି ସଇତାନ୍ କାଇ ବିସଇଟାନେ ମିସା ରାଜି ନ ଅଅଡ୍ । ଗଟେକ୍ ବିସ୍‌ବାସ୍ କରବା ଲକ୍ ଆରି ଗଟେକ୍ ବିସ୍‌ବାସ୍ ନ କରବା ଲକ୍, ଗଟେକ୍ ଟାନେ ମିସିକରି ନ ରଅଡ୍ ।

୧୬ ଆମେ ପରମେସରର୍ ମନ୍ଦିରେ ପୁଡ଼ଲା ପୁଜା କରବାର୍ ନ ଅଏ । ଆମେ ପରମେସରର୍ ମନ୍ଦିର୍ ପାରା । କାଇକେବଇଲେ

☆ ୬:୫ ପେରିଡ୍ ୧୬:୨୩ ☆ ୬:୧୭ ୧ମ କରକ୍ତିୟ ୩:୧୬;୬:୧୯

ଜିବନ୍ ରଇବା ପରମେସ୍ୱର ଆମର ବିତ୍ତରେ ବାସା ଅଇଆଚେ । ସେ ନିଜେ କଇଲାଆଚେ

“ ଜନ୍ ଲକ୍ମନ୍ ମର ଲକ୍ମ,

ମୁଇ ସେମନର୍ ସଙ୍ଗ୍ ରଇବି ।

ତାକର ବିତ୍ତରେ ଚାଲାବୁଲା କର୍ବି । ମୁଇ ସେମନର୍ ପରମେସ୍ୱର ଅଇବି ।

ଆରି ସେମନ୍ ମର ଲକ୍ମ ଅଇବାଇ ।”

^{୧୭} ତେବେ ମାପୁରୁ କଇଲାନି,

“ ଜନ୍ ଲକ୍ମନ୍ ମର ସଙ୍ଗ୍ ଆସତ୍ ନାଇ,

ସେ ମାନ୍ଦାଇ ଅନି ଚାଡ଼ି କରି ବେଗ୍ଲି ଉଟିଆସା ।

ସୁକଲ୍ ନ ରଇବା କାଇଟା ମିସା ଚିଆନାଇ ।

ସେନ୍ତାର୍ଆଲେ ମୁଇ ତମକେ ଡାକିନେବି ।”

^{୧୮} ମୁଇ ତମର ବାବା ଅଇବି ଆରି,

ତମେ ମର ପିଲାଜିଲା ଅଇସା ।

ଏଟା ସବୁରଟାନେ ଅନି ବପୁ ରଇବା

ମାପୁରୁ କଇଲାନି ।



^୧ ତେବରପାଇ ଏ ମର ଆଲାଦର ମଇତରମନ୍, ପରମେସ୍ୱର କାତା ଦେଇରଇବାଟା ସବୁ ଆମକେ ସର୍ପିଆଚେ । ତେବରପାଇ ଜନ୍ଟା ସବୁ ଆମର ଗାଗଡ଼କେ ଆରି ଆଡ଼ମାକେ ସୁକଲ୍ ନ କରାଏ, ସେଟା ସବୁ ଚାଡ଼ିଦେଉଁ । ପରମେସ୍ୱରକେ ଡରିରଇକରି ପୁରାପୁରୁନ୍ ସୁକଲ୍ ଅଇରଉଁ ।

ପାଉଲ୍ ସାର୍ଦା ଅଇଲାଟା

^୨ ତମେ ଆମକେ ଅଦିକ୍ ଆଲାଦ୍ କର୍ବା ଦରକାର୍ । ଆମେ ତମର ବିରୁଦେ କାଇ ଦସ୍ କରୁନାଇ । ଆମେ କାକେ ନସ୍ତ କରୁନାଇ, କି କାକେ ନାଡାଉ ନାଇ ।

^୩ ମୁଇ ତମକେ ଦସ୍ଦେବାକେ ଏ କାତା କଇନାଇ । ଆଗତୁ କଇଲାପାରା, ଆମେ ତମକେ ସତ୍ସେ ଆଲାଦ୍ କଲିନି, ବୈରି ରଇଲେ କି ମଲେ ମିସା, ତମେ ଆମର ମନ୍ ବିତ୍ତରେ ଆଗାସ୍ ।

^୪ ତମର ଲଗେ ମର ବିସ୍ବାସ୍ ଆଚେ । ଆରି ମୁଇ ତମର ବିସ୍ଇନେଇ ବଡ଼ପନ୍ ଅଇଲିନି । ଆମେ ବେସି ଦୁକ୍ କସ୍ତ ଆଇଲେ ମିସା ସାଆସ୍ ଦାରି ଆରୁ । ମର ମନ୍ବିତ୍ତରେ ସାର୍ଦା ଅଦିକ୍ ଅଦିକ୍ ଅଇକରି ଉଟ୍ଲି ଗାଲାନି ।

^୫ ଆମେ ମାକିଦନିଆଇ ଆଇଲାପଚେ ମିସା ଚନେକ୍ ପୁଣ୍ଡୁଆଇ । କାଇକେବଇଲେ ତେଇ ଦୁକ୍ କସ୍ତ ରଇଲା, କେତେଲକ୍ ଆମର ବିରଦେ କଇ ଲାଗାଜଡା କଲାଇ । ଆମେ ମନ୍ ବିତ୍ତରେ ବେସି ଡରିଜାଇତେ ରଇଲୁ ।

^୬ ମାତର ଜେ କି ଆକା ସାକା ନ ରଇବା ଲକ୍ମନ୍କେ ଦୁକ୍ ସାରାଇବା ପରମେସ୍ୱର ତିତସ୍କେ ଆନାଇ କରି ଆମକେ ସାର୍ଦା କରାଇଲା ।

^୭ ଅବ୍କା ସେ ଆଇଲାକେସେ ଆମେ ସାର୍ଦା ଅଉନାଇ, ମାତର ତମର ଲାଗି ତିତସ୍ ବେସି ସାର୍ଦା ଅଇଗାଲା ବଲି ଆମକେ କଇଲାରପାଇ ମିସା ସାର୍ଦା ଅଇଲୁ । ତମେ ମକେ ଦେକ୍ବାକେ ମନ୍ କଲାସ୍ନି ବଲି ମିସା ସେ କଇଲା । ଆରି ତେଇ ମକେ ଜେଡ଼କି ଗଟ୍ଲା, ସେଟାରପାଇ ଦୁକ୍ ଅଇକରି ଆଗାସ୍ । ଆରି ତମେ ମରବାଟେ ଅଇକରି କଇବାକେ ମିସା ରାଜିଆଗାସ୍ । ଏଟାମନ୍ ସବୁ ସୁନିକରି ମୁଇ ବେସି ସାର୍ଦା ଅଇଗାଲି ।

^୮ ମର ଚିଟିରୁଲାଗି ତମେ ଦୁକ୍ ଅଇରଇଲେ ମିସା, ସେ ଚିଟି ତମକେ ପାଟାଇଲି ବଲି, ମୁଇ ଦୁକ୍ କରିନାଇ । ସେ ଚିଟିରୁ ଲାଗି ତମେ ଚନେକ୍ ପାଇ ଦୁକ୍ କରଇଲାଇସ୍ ଜେ ଜାନିକରି, ମୁଇ ମିସା ଦୁକ୍ ଅଇରଇଲି, ଏଟା ସତ୍ ।

^୯ ମାତର ମୁଇ ଏବେ ସାର୍ଦାସଙ୍ଗେ ଆଟି । ତମକେ ଦୁକ୍ଦେଇ ଆଟି ବଲିକରି ନାଇ, ମାତର ସେ ଦୁକ୍ ଲାଗି ତମେ ତମର ଚଲାଚଲ୍ତି ବଦ୍ଲାଇଲାସ୍ । ସେ ଆସିରଇବା ଦୁକ୍ ପରମେସ୍ୱର ମନ୍ କଲା ଇସାବେ ଅଇବାଟା । ଜେକ୍ରିକି ମାନିଆଇସା । ସେନ୍ତାର୍ଆଲେ ଆମେ ତମର ପାଇ କାଇ ବାଦା ଆନୁନାଇ ।

^{୧୦} କାଇକେବଇଲେ ଜଦି ଗଟେକ୍ ଲକ୍ମନ୍ ଦୁକ୍ ପରମେସ୍ୱର ମନ୍ କଲା ଇସାବେ ଆଇସି, ସେଟା ନିଜର ପାପ୍ କଲାଟା ମାନିଆଇକରି, ମନ୍ ବାଉତାଇବାକେ ଲତାକେ ଆଇସି । ତେଇ କାଇ ମିସା ଦୁକ୍ ନାଇ । ମାତର ମୁନୁସ୍ମନର ଟାନେଅନି ଅଇବା ଦୁକ୍ ମରନ୍ବାଟେ ଡାକିନେଇସି ।

^{୧୧} ତମକେ ଦୁକ୍ ଦେଇକରି ପରମେସ୍ୱର କାଇଟା କଲାଆଚେ ଦେକିଦେକା । ଜେକ୍ରିକି ଏବେ ତମେ ଟିକ୍ ଚଲାଚଲ୍ତି କରବାକେ ମନ୍ କଲାସ୍ନି, ବୁଲ୍ କାମ୍ କରୁନାଇ ବଲି ବୁଜାଇବାକେ ଚେସ୍ଟା କଲାସ୍ନି, ଲାଜ୍ ପାଇବା କାମ୍ କରବାକେ ବାକାନ୍ଲାସ୍ନି, ଡରିକରି ଆଗାସ୍, ଆମେ ଆରିତରେକ୍ ବେଟ୍ ଅଇରୁ ବଲି ମନ୍ କଲାସ୍ନି, ମକେ ସାର୍ଦା କରାଇବାକେ

☆ ୨:୫ ୨ୟ କରକ୍ରିୟା ୨:୧୩

ମନ୍ କଲ୍ୟାଣି, ପାପ କଲ୍ୟା ଲକ୍ଷ୍ମୀ ଦାପ୍ତରେ ଡ଼ାକି ଦେଲାସ୍, ଏଟା ସବୁ କଲ୍ୟାଣେ ସେ କରିରଇବା ପାପେ ତମର କାଳ ବୁଲି ନାହିଁ ।

୧୨ ଜନ୍ ଲକ୍ଷ୍ମୀ ପାପ କରିଆତେ, ତାର ବଲ୍ ପାଇ କି ଜନ୍ ଲକ୍ଷ୍ମୀ ବିରୁଦ୍ଧେ ପାପ କରାଇଅଇଲା, ତାର ବଲ୍ ପାଇ ମୁଇ ସେ ଚିଟି ଲେକିନାହିଁ । ମାତର୍ ଆମକେ ତମେ ଏତେକ୍ ଆଲାଦ୍ କଲ୍ୟାଣି, ସେଟା ତମେ ନିକସକ୍ ଜାନ୍ବାକେ ମୁଇ ଲେକିରଇଲି । ପରମେସର୍ ଏଟା ଜାଣିଆତେ ।

୧୩ ସେଟାରପାଇ ତମେ ଆମକେ ବେସି ସାର୍ଦା କରାଇଲାସ୍ ।

ଅବକା ଆମେସେ ସାର୍ଦା ଅଇଲୁ ସେତକି ନଏଁ, ମାତର୍ ତିତସ୍ ସାର୍ଦା ଅଇଲାଟା ଦେକିକରି ମିସା ଆମେ ସାର୍ଦା ଅଇଲୁ । ତମେ ସବୁ ତାକେ ସାର୍ଦା କରାଇଲାକେ ସେ ମିସା ସାର୍ଦା ଅଇରଇଲା ।

୧୪ ତିତସ୍ ତମରଟାନେ ନ ଆଇବା ଆଗତୁ, ମୁଇ ତମର ବିସଇ ବଡ଼ପନ୍ ଅଇକରି ତାକେ କଇରଇଲି । ସେ ତମରଟାନେ ଆଇଲାକେ ମୁଇ ବଡ଼ପନ୍ ଅଇକରି ସବୁ କଇଲାଟା ସତ୍ ବଲି ଜାନ୍ଲା । ତମେ ମକେ ଲାଜ୍ କରାସ୍ ନାହିଁ । ମୁଇ ତମକେ ଜାଇଟା ସବୁ କଇଲି ଆଟି, ସେଟା ସତ୍ । ଆରି ତିତସ୍ କେ ଜାଇଟା କଇରଇଲି ସେଟା ମିସା ସତ୍ ବଲି ଜାଣାପଡ଼ୁଲାନି ।

୧୫ ତେବେ ତମେ ତାର ସବୁ ଆଦେସ୍ ମାନ୍ଲାସ୍ ଆରି ତମେ ତାକେ ସାର୍ଦା ରଇସି କି ନ ରଏ ବଲି ତରିକରି ରଇଲାଟା ସେ ଏଡ଼ କଲା । ତମର ପାଇ ରଇବା ତାର ଆଲାଦ୍, ଅଦିକ୍ ଅଦିକ୍ ଅଇ ଆଇଲାନି ।

୧୬ ତମରଟାନେ ମର୍ ପୁରାପୁରୁନ୍ ଆସା ଆତେ ବଲିକରି ମୁଇ ବେସି ସାର୍ଦା ଅଇଲିନି ।

୮

ବିସ୍ବାସିମନ୍ ଦାନ୍ ଦେବାଟା

୧୭* ମର୍ ବାଇବଇନିମନ୍, ମାସିଦନିଆର୍ ବିସ୍ବାସିମନ୍ କେ ପରମେସର୍ ଜିବନ୍ ଦୁକାଇ ରଇଲାଟାକେ ତେଇ କାଇଟା ଗଟୁଲା, ସେଟା ତମେ ଜାଣିରୁଆ ବଲି ମୁଇ ମନ୍ କଲୁନି ।

୧୮ ବେସି ବଡ଼ ଦୁକ୍ କସ୍ଟ ପାଇ, ମୁରଟି ରଇକରି, ତେଇ ସେମନ୍ ବେସି ସାର୍ଦା କଲାହି । ତାକର୍ ସାର୍ଦା ଏତେକ୍ ବଡ଼ିଜାଇରଇଲା ଜେ ସେମନ୍ ଅରକିଡ଼ ଅଇରଇଲେ ମିସା ତାକର୍ ବିସ୍ବାସି ବାଇମନ୍ ପାଇ ବେସି ବେସି ଦାନ୍ କଲାହି ।

୧୯ ସେମନ୍ ଜେଡ଼କି ଦେବାର ରଇଲା, ତାରତେଇଅନି ଅଦିକ୍ ଦେଲାହି ବଲି ମୁଇ ସାକି ଦେଲିନି । ଦେବାର ମନ୍ ରଇଲାକେ ନିଜର୍ ମନ୍ କଲା ଇସାବେ ଦେଲାହି ।

୨୦ ଜିଉଦା ଦେସେ ରଇବା ପରମେସର୍ ଲକ୍ଷ୍ମୀକେ ସାଇଜ କର୍ବାକେ ସେମନ୍ ମିସା ମିସତ୍ ବଲି ଆମକେ ବାବୁଜିଆ କଲାହି ।

୨୧ ତାକର୍ଟାନେଅନି ଆମେ ଜେଡ଼କି ଆସା କରିରଇଲୁ, ତାରତେଇଅନି ଅଦିକ୍ ଦେଲାହି । କାଇକେବଇଲେ ପରତମେ ସେମନ୍ ନିଜେ ନିଜେ ମାପରୁକେ ସର୍ପି ଅଇଲାହି । ତାରପତେ ପରମେସର୍ ମନ୍ କଲା ଇସାବେ ସେମନ୍ ଆମକେ ମିସା ସର୍ପି ଅଇଲାହି ।

୨୨ ତେବରପାଇ ତିତସ୍ ଜେ କି ତମର ବିଡ଼ରେ ଏ କାମ୍ ଜେଡ଼ି ଆରାମ୍ କରିରଇଲା, ସେନ୍ତାରି ଆକା ତମର ଆଲାଦ୍ ଦାନ୍ ସାରାଅ ବଲି ଆମେ ତାକେ ବାବୁଜିଆ କଲୁ ।

୨୩ ତମେ ବେସି ବିସଇଟାନେ ପୁରାପୁରୁନ୍ ଆଟାସ୍ । ସବୁ ବିସଇଟାନେ ସାଉକାର୍ ଅଇଆଟାସ୍ । ବିସ୍ବାସେ ଡାଁଟ୍ ଆଟାସ୍, ବାକିଅ ସିକାଇବାକେ ଜାଣିଆଟାସ୍, ବାକିଅତେଇ ତମର ଗିଆନ୍ ଜବର୍ ଆତେ, ସଙ୍ଗର୍ ବିସ୍ବାସିମନ୍ କେ ସାଇଜ କର୍ବାଟା ଆରି ଆମରପାଇ ରଇବା ତମର ଆଲାଦ୍ ବେସି ବଡ଼ ଆତେ । ସେନ୍ତାରିସେ ଦାନ୍ ଦେବାଟାନେ ମିସା ଅଦିକ୍ ଅଦିକ୍ ଦିଆସ୍ ବଲି ଆମେ ମନ୍ କଲୁନି ।

୨୪ ଏଟା ତମକେ ମୁଇ ତିଆରୁଲା ପାରା କଇନାହିଁ, ମାତର୍ ବିନ୍ ବିସ୍ବାସିମନ୍ ତାର ବାଇମନ୍ କେ କେଡ଼ି ଅଦିକ୍ ମନ୍ କରି ସାଇଜ କଲାହିନି, ସେଟା ଜାଣିରଇବାକେ କଇଲିନି । ସେମନ୍ କଲାପାରା ତମେ କରିପାରାସ୍ ଆରି ସେଟା ଦେକି ତମର ଆଲାଦ୍ ସତ୍ କି ମିଟ୍ ବଲି ମୁଇ ଜାଣିପାରୁବି ।

୨୫ ଆମର୍ ମାପରୁ ଜିସୁକିରିସଟ୍ ଜିବନ୍ ଦୁକାଇ ଅଇଲା ବିସଇ ତମେ ଜାଣିଆଟାସ୍ । ସର୍ଗେ ସେ ବେସି ସାଉକାର୍ ଅଇରଇଲେ ମିସା ସେ ନିଜେ ଅରକିଡ଼ ଅଇଆଇଲା । ଜେଡ଼ି କି ତାରଲାଗି ତମେ ସାଉକାର୍ ଅଇସା ।

୨୬ ସାଇଜ କର୍ବାକେ ତମେସେ ଆଗତୁ ଅଇଲାସ୍ ଆରି ପରୁ ଅନି ଆରାମ୍ କରିଆଟାସ୍ । ଏବେ ମୁଇ ବାବୁଲିନି, ସେଟା ତମେ ସାରାଇଦେବାଟା ନିକ । ଉଜେ କାମ୍ କର୍ବାଟାସେ ନାହିଁ, ମାତର୍ କାମ୍ କର୍ବାକେ ମନ୍ କରି କର୍ବାକେ ତମେ ପରତୁମ୍ ଆଟାସ୍ ।

୨୭ ତେବେ ତମେ ସେଟା କରା, ଆରି ଦେବାଟା ସାରାଇଦିଆସ୍ । ତମେ ବେସି ସାର୍ଦା ଅଇ ମୁଲିଆଇଲାସ୍ । ସେନ୍ତାରିସେ ସାର୍ଦା ଅଇ ସାରାଇବାର୍ ଆତେ । ଗଟେକ୍ ଗଟେକ୍ ଲକ୍ଷ୍ମୀ ଜେଡ଼କି ଦେଇପାରାସ୍, ସେତକି ଦେଇ ସାରାଇଦିଆସ୍ ।

* ୮:୧ ରମିୟ ୧୫:୨୭

୧୨ କାଲକେ ବଇଲେ ଜଦି ତମ୍ଭେ ଦାନ ଦେବାକେ ମନୁଆରେ, ତମ୍ଭେ ପାରୁବା ଏତେକ ଦେଲାସ୍ତି । ତମେ ଦେବାଟା ପରମେସ୍ବର ସଙ୍ଗେଇସି । କାଲକେବଇଲେ, ତମେ ନାପାରୁବା ଏତକ ଦିଆ ବଲି ମାଙ୍ଗେ ନାଇ ।

୧୩ ତମ୍ଭେ ବାଇମନକେ ସାଇଜ କରିକରି ତମ୍ଭେଟା ଉନା ଅଇଜାଅ ବଲି ମୁଇ ମନୁ କରିନାଇ । ମାତର୍ ଏବେ ତମ୍ଭେ ଟାନେ ଜବର୍ ଆରେଜେ, ଜାକେ ଲତାଆରେ, ତାକେ ସାଇଜ କରୁବାଟା ଟିକ୍ ରଇସି ।

୧୪ ଏନ୍ତାରିକଲେ, ତମ୍ଭେ ଜେତେବେଲେ ଲତା ପଡ଼ସି, ଆରି ସେମନ୍ତକେ ଜବର୍ ରଇଲେ, ସେମନ୍ତ ତମ୍ଭେ ସାଇଜ କରୁବାଇ । ଏନ୍ତାରି ଦୁଇ ବାଟର୍ ଲକ୍ ସମାନ୍ ଇସାବେ ପାଇବାଇ ।

୧୫ ଜେନ୍ତୁକି ସାସ୍ତରେ ଲେକା ଅଇଆରେ, ଜେ ଅଦିକ୍ କାମାଲଲା, ତାଟା ଉବ୍ରେ ନାଇ, ଆରି ଜେ ଉନା କାମାଲଲା, ତାକେ ଉନା ଅଏନାଇ ।

ତିତସ୍ବର ମଇତ୍ରମନ୍

୧୬ ଆମେ ପରମେସ୍ବରକେ ଦନିଅବାଦ୍ ଦେଲୁନି, ଜେନ୍ତୁ ତମ୍ଭେ ସାଇଜ କରୁବାକେ ମନୁ କଲୁ, ସେନ୍ତାରିସେ ତିତସ୍ବକେ ମିସା ସାଇଜ କରୁବାକେ ମନୁ ଦେଲା ।

୧୭ ଆମେ ଜେତେବେଲେ ତିତସ୍ବକେ ତମ୍ଭେଟାନେ ଜିବାକେ କଇଲୁ, ସେ ଦାପ୍ରେ ଜିବାକେ ରାଜି ଅଇଲା । ସେ ନିଜେ ମନୁ କରି ତମ୍ଭେଟାନେ ଜାଇ ତମ୍ଭେ ସାଇଜ କରୁବି ବଇଲା ।

୧୮ ତାଟ୍ ସଙ୍ଗ୍ ଆରି ଗଟେକ୍ ବାଇକେ ମିସା ପାଟାଇଲୁନି । ଏ ଲକ୍ ଜିସୁକିରିସ୍ବଟର୍ ସୁବ୍ବକବର୍ ଜାନାଇଲାନିଜେ ସବୁ ବିସ୍ବାସିମନ୍ ତାକେ ସମ୍ମାନ ଦେଲାଇନି ।

୧୯ କାଲି ସେତକିରେ ନଏ, ତମେ ଦେଇରଇବା ଆଲାଦ୍ ଦାନ ଆମେ ଲତା ରଇବା ବାଇମନର୍ ଲଗେ ନେବାବେଲେ, ଆମର୍ ସଙ୍ଗ୍ ଜିବାକେ ସବୁ ବିସ୍ବାସିମନ୍ ତାକେ ବାଟିକରି ପାଟାଇଆଚଡ଼ । ଏଟା ପରମେସ୍ବର ତାକ୍ପୁଟା ପାଇବାକେ ଆରି ତମ୍ଭେ ସାଇଜ କରୁବାକେ ଆମେ ସାର୍ଦା ଅଇକରି ଏନ୍ତାରି କଲୁନି ।

୨୦ ଆମର୍ ଲାଗି ସେବା କାମର୍ ପାଇ ତମେ ଆଲାଦ୍ ସଙ୍ଗ୍ ଦେଇ ଜମାଇରଇଲା ଏ ତାବୁ ଜନ୍ଟାକି ଆମେ ଦାରିଗାଲୁନି, । ଏ ତାବୁ ବିସଇନେଇ ଆମକେ କେ ମିସା ନିନ୍ଦା ନ କରଡ଼ । ସେଟାପାଇ ଆମେ ଜାଗରଡ଼ ଅଇଆତୁ ।

୨୧ କାଲକେ ବଇଲେ ଆମେ କରୁବା କାମ୍ ସବୁ ଟିକ୍ ରଇବାର୍ ଆରେ । ଅବ୍ବା ପରମେସ୍ବର ଦେକ୍ବା ଇସାବେସେ ନାଇ ମାତର୍ ଲକ୍ମନ୍ ଦେକ୍ବା ଇସାବେ ମିସା ଅ ।

୨୨ ଆମେ ଆରି ଗଟେକ୍ ବାଇକେ ମିସା ତିତସ୍ବ ଦଲ୍ ସଙ୍ଗ୍ ପାଟାଇଲୁନି । ଏ ବାଇକେ ଆମେ ବେସି ତର୍ ପରିକା କଲୁଆତୁ । ଆରି ତାକେ ସାଇଜ କରୁବାକେ ବେସି ମନୁ ଆରେ । ଏବେ ସେ ଅଦିକ୍ ମନୁ କଲାମି । କାଲକେବଇଲେ ସେ ତମ୍ଭେ ଅଦିକ୍ ଆସା କଲାମି ।

୨୩ ଏବେ ତିତସ୍ବ ବିସଇ ଜାନ୍ବାର୍ ଆଲେ ସେ ତମ୍ଭେ ସାଇଜ କରୁବାକେ ମର୍ ସଙ୍ଗ୍ କାମ୍ କଲାମି । ଆରି ସେ ଦୁଇଟା ବିନ୍ ବାଇମନ୍ ଇତିର୍ ବିସ୍ବାସିମନ୍ କଇଲାକେସେ ତାଟ୍ ସଙ୍ଗ୍ ଗାଲାମି । ସେମନ୍ କରୁବା କାମର୍ ଲାଗି କିରିସ୍ବଟ ତାକ୍ପୁଟା ଅଇସି ।

୨୪ ସେମନ୍ ତେଇ କେଟ୍ଲେ ସରି ତମେ ଆଲାଦ୍ କରି ସେମନ୍ତକେ ତାକିନିଆ । ଜେନ୍ତାରି କି ତମ୍ଭେ ଆଲାଦ୍ ସଡ଼ ବଲି ସବୁ ବିସ୍ବାସିମନ୍ ଜାନ୍ବାଇ ଆରି ତମ୍ଭେ ବିସଇନେଇ ଆମେ ବଡ଼ପନ୍ ଅଇ ସବୁ କଇବାଟା, ସଡ଼ ବଲି ଜାନ୍ବାଇ ।



ବିନ୍ ବିସ୍ବାସି ମନୁକେ ସାଇଜ

୧ ଜିଉଦାଦେସେ ରଇବା ପରମେସ୍ବର ଲକ୍ମନ୍ତକେ ଦାନ ଦେଇ ପାଟାଇତେରଇବା ତାବୁ ବିସଇ ତମ୍ଭେ ଆରି ମୁଇ ନ ଲେକି ।

୨ କାଲକେବଇଲେ ମୁଇ ଜାନି ଆଟି, ତମେ ସବୁବେଲେ ସାଇଜ କରୁବାକେ ସାର୍ଦା ଅଇଲାସ୍ତି । ଆରି ମୁଇ ବଡ଼ପନ୍ ଅଇ ତମ୍ଭେ ବିସଇନେଇ ମାକିଦନିଆର୍ ଲକ୍ମନ୍ତକେ କଇ ଆଟି । ମୁଇ କଇଲି “ଆକାୟାର୍ ବାଇବଇନିମନ୍ ପରୁଅନି ସାଇଜ କରୁବାକେ ଜାଗିଆଚଡ଼ ।” ସେମନ୍ ଏଟା ସୁନ୍ଲାବେଲେ ତାକର୍ ବିଡ଼ରେ ଅନି ବେସି ଲକ୍ ଦେବାକେ ମନୁ କଲାଇ ।

୩ ଏବେ ମୁଇ ଏ ବାଇବଇନିମନ୍ତକେ ପାଟାଇଲିନି । ଜେନ୍ତୁକି ତମ୍ଭେ ବିସଇନେଇ ମୁଇ ବଡ଼ପନ୍ ଅଇ କଇଲାଟା ଅବ୍ବା କାତାଇ ନ ରଅ । ମାତର୍ ମୁଇ କଇଲାପାରା ତମେ ଦାନ ଦେବା ତାବୁସଙ୍ଗ୍ ଜାଗରଡ଼ ଅଇ ରୁଆ ।

୪ ମାତର୍ ମାକିଦନିଆର୍ ଲକ୍ମନ୍ ଜଦି ମର୍ ସଙ୍ଗ୍ ଆସି ତମେ ଜାଗରଡ଼ ନ ଅଇଲାଟା ଦେକ୍ଲେ, ତାକର୍ ମୁଆଟେ ଆମେ ଲାଜ୍ ଅଇଜିବାର୍ ଅଇସି । ଆରି ତମେ ମିସା ଲାଜ୍ ଅଇଜାଈସା । କାଲକେବଇଲେ ଆମେ ତମ୍ଭେ ବେସି ଆସାକରି ରଇଲୁ ।

୫ ତେବେ ମୁଇ ବାବ୍ଲି, ଏ ବାଇବଇନିମନ୍, ମୁଇ ଜିବା ଆଗ୍ତୁ ସେମନ୍ ଜାଇକରି ଜନ୍ ଦାନ ତମେ ଦେବୁ ବଲି କଇତେରଇଲାସ୍, ସେଟା ଜମାଇକରି ସଙ୍ଗାଇବାକେ ସେମନ୍ତକେ ବାବୁଜିଆ କରୁବି । ଜଦି ଆମେ ସେନ୍ତାରି କରୁବୁ ବଇଲେ, ଦାନ ଦେବା ତାବୁ ମୁଇ ଆଇଲା ବେଲେ, ଜାଗରଡ଼ ଅଇରଇସି । ଆରି ସେଟା ତମେ ନିଜେ ମନୁ କରି ଦେଲାସ୍ । ବାଦିଅ କଲାକେ ଦିଆସ୍ ନାଇ ବଲି ଜାନାପଡ଼ସି ।

୭ ତମର ମନେ ର । ଜଦି ଗଟେକ୍ ଚାସି ଉନା ବିଅନ୍ ବୁନ୍ସି, ସେ ଉନା ପସଲ୍ ପାଇସି । ଆରି ଜନ୍ ଚାସି ବୁଡେକ୍ ବିଅନ୍ ବୁନ୍ସି, ସେ ବୁଡେକ୍ ପସଲ୍ ପାଇସି ।

୮ ଦାନ୍ ଦେବାକେ ତମେ ଜେକ୍ତି କାତାବାଡ଼ା ଅଇଆଚାସ୍, ସେନ୍ତାରି ଦେବାଡ଼ାଆଚେ । ଦୁକ୍ ଅଇକରି ନାଇ କି କେ ବାଇଦ କଲାର୍ପାଇ ନାଇ । କାଇକେବଇଲେ ତମେ ସାରଦା ସଙ୍ଗ୍ ଦେଲେ ପର୍ମେସର୍ ସେଟା ମନ୍ କରସି ।

୯ ଆରି ତମ୍ଭେ ଜେଡ଼କି ଲତା ଆଚେ, ତାର୍ତେଇଅନି ଅଦିକ୍ ପର୍ମେସର୍ ଦେଇ ପାରସି । ଜେନ୍ତାରିକି ନିଜର୍ପାଇ ଜେଡ଼କି ଦର୍କାର୍, ସେଡ଼କି ତମର୍ଗାନେ ସବୁ ବେଲେ ରଇସି ଆରି ବିନ୍ ଲକ୍ମନ୍ଦକେ ସାଇଜ କର୍ବାକେ ମିସା ଜବର୍ ରଇସି ।

୧୦ ସାସ୍ତର୍ କଇଲାପାରା

ଲତାକେ ଆଇବା ଲକ୍ମନ୍ଦକେ ସେ ଜବର୍ ଦେଇସି ଆରି

ତାର୍ ଜିବନ୍ ଦୁକାଇଲାଟା କେବେ ମିସା ନ ସାରେ ।

୧୧ ଆରି ପର୍ମେସର୍ ଜେ କି ବୁନ୍ଦାକେ ବିଅନ୍ ଆରି କାଇବାକେ କାଦି ଦେଇସି, । ସେ ତମ୍ଭେ ଜେଡ଼କି ବିଅନ୍ ଦର୍କାର୍ ସେଡ଼କି ଦେଇସି । ଆରି ସେଟା ବଡ଼ିକରି ବେସି ପସଲ୍ ଅଇସି । କାଇକେବଇଲେ ତମେ ଜବର୍ ଦେଲାସିନି ।

୧୨ ସେ ତମ୍ଭେ ସାଉକାର୍ କରାଇସି । ଜେନ୍ତାରି କି ତମେ ସବୁବେଲେ ଜବର୍ ଦେଇପାରାସ୍ । କାଇକେବଇଲେ ଆମର୍ଗାନେଅନି ପାଇରଇବା, ତମେ ଦେଲା ଦାନର୍ପାଇ ବେସି ଲକ୍ ପର୍ମେସର୍କେ ଦନିଅବାଦ୍ ଦେବାଇ ।

୧୩ ତମେ କର୍ବା ଏ ନିକ କାମର୍ ଲାଗି ପର୍ମେସର୍କେ ଲକ୍ମନ୍ଦକେ ଲତାକେ ଆଇବା ବିସଇ ପୁରାପୁରୁନ୍ ଅଇଲାନି । ଆରି ପର୍ମେସର୍ଗାନେ ଦନିଅବାଦ୍ ଆଜାଡ଼ି ଅଇଲାପାରା ମିସା ଅଇଲାନି ।

୧୪ ତମେ କର୍ବା ଏ ନିକ କାମ୍ ଦେକିକରି ଲକ୍ମନ୍ଦ ପର୍ମେସର୍କେ ମଇମା କର୍ବାଇ । କାଇକେବଇଲେ ବିସ୍ବାସ୍ କରିରଇବା କିରିସ୍ଟର୍ ସୁବକବର୍ ତମେ ମାନ୍ଲାସିନି । ଆରି ସେମନ୍ଦକେ ଆରି ବିନ୍ଲକ୍ମନ୍ଦକେ ମିସା ଜବର୍ ଦେଲାସିନି ।

୧୫ ପର୍ମେସର୍ ଜିବନ୍ ଦୁକାଇ ତମ୍ଭେ ଦୟା ଦେକାଇଲାର୍ପାଇ ସେମନ୍ ବେସି ଆଲାଦ୍ ଅଇକରି ତମର୍ପାଇ ପାର୍ତନା କର୍ବାଇ ।

୧୬ ପର୍ମେସର୍କେ ବେସି ମୁଲିଅ ରଇବା ଦାନର୍ପାଇ ଆମେ ତାକେ ଦନିଅବାଦ୍ ଦେଉଁ ।

୧୦

ପନି କାତା ବିରୁଦେ ପାଉଲ୍ ଉତର୍ ଦେବାଟା

୧ ମୁଇ ପାଉଲ୍ ତମ୍ଭେ ବାବୁଜିଆ କଲିନି, ମୁଇ ତମର୍ ସଙ୍ଗ୍ ରଇଲାବେଲେ, ତମ୍ଭେ ଲାଗ୍ବାକେ ଡରସି ବଲି କେଡେଲକ୍ କଇଲାଇନି । ମାତର୍ ଲେକ୍ବାକେ ସାଆସ୍ ଅଇକରି ବାଦ୍ଲାପାରା ଲେକ୍ଲାନି ବଲି କଇଲାଇନି । ଆମେ କିରିସ୍ଟର୍ ସଙ୍ଗ୍ ଗାଲୁନି, ଜେ କି ବେସି ସୁଆଲ୍ ଆରି ଦରମ୍ । ସେଟା ନେଇକରି ବାବୁଜିଆ କଲିନି ।

୨ ମୁଇ ତେନେ ଆଇଲାବେଲେ ତମର୍ ଚଲାଚଲ୍ତି ନିକ ଅଇରଅ । ଜେନ୍ତାରି କି ମୁଇ ତମ୍ଭେ ଲାଗ୍ବାକେ ନ ପଡେ । ମାତର୍ ଜନ୍ ଲକ୍ମନ୍ଦ ଏ ଜଗତର୍ ଲକ୍ ପାରା ନିଜର୍ ମନ୍ କଲା ଇସାବେ ଗାଲାଇନି ବଲି ଆମର୍ ବିସଇନେଇ କଇଲାଇନି, ସେମନ୍ଦକେ ଲାଗ୍ବାକେ ମୁଇ ନ ଡରି ।

୩ ଆମେ ଏ ଜଗତେ ବ୍ଡ୍ଲୁନି ଏଟା ସଡ଼, ମାତର୍ ଲକ୍ମନ୍ଦର୍ ଗିଆନ୍ ସଙ୍ଗ୍ ଜୁଜିକରି ରଉନାଇ ।

୪ ଜନ୍ ଆଡ଼ ଆଡ଼ିଆର୍ ସଙ୍ଗ୍ ଆମେ ଜୁଜୁଲୁନି, ସେଟା ଲକ୍ମନ୍ଦର୍ଗାନେଅନି ଆସେନାଇ, ମାତର୍ ସେଟା ବେସି ବପୁର୍ ସଙ୍ଗ୍ ରଇବା ପର୍ମେସର୍କେ ଗାନେଅନି ଆଇସି । ଏ ବପୁ ସଙ୍ଗ୍ ପର୍ମେସର୍କେ ବିରୁଦେ ତାର୍ ସଡ଼ୁମନ୍ ଉଟାଇରଇବା ଡାଁଟର୍ କଡ଼ି ଜାକ ଆରି ଲକ୍ମନ୍ଦର୍ ମନ୍ ବିଡ଼ରେ ଦଦାପେଲା ଅଇବା ଚିନ୍ତା ସବୁ ଆମେ ଆରାଇପାରୁ ।

୫ ବଡ଼ପନ୍ ଅଇବା ଲକ୍ମନ୍ଦ ପର୍ମେସର୍କେ ବିରୁଦେ ନିଜ୍ଜକେ ଉଟାଇବାଟା ଆରି ଜେଡ଼କି ସବୁ ଚିନ୍ତା ପର୍ମେସର୍କେ ଗିଆନ୍ ଉପରେ ଉଡ଼ସି, ସେଟା ସବୁ ଜାକ ଆମେ ବାନ୍ଧିକରି କିରିସ୍ଟକେ ମାନଡ଼ ବଲି ସର୍ପାଇବୁ ।

୬ ତମେ କିରିସ୍ଟର୍ ଆଦେସ୍ ସବୁ ମାନ୍ଲାଟା ଦେକାଇଲା ପରେ, ତେଇ ରଇବା ଜେଡ଼କି ସବୁ ବିସ୍ବାସିମନ୍, ଜନ୍ଲକ୍ମନ୍ଦ କି ତାର୍ ଆଦେସ୍ ମାନ୍ବାକେ ମନ୍ କରଡ଼ ନାଇ, ସେମନ୍ଦକେ ଡଣ୍ଡ ଦେବାକେ ଆମେ ଜାଗ୍ବଡ଼ ଅଇକରି ରଇବୁ ।

୭ ତମେ ଲକ୍ମନ୍ଦର୍ ବାଇରର୍ ବିସଇ ଦେକ୍ଲାସିନି । କାଇକେବଇଲେ ତମର୍ ବିଡ଼ରେ କେଡେଲକ୍ ବୁଲ୍ ଚିନ୍ତାକରି ଆମେସେ କିରିସ୍ଟର୍ ସଡ଼ ସେବାକରୁମନ୍ ବଲି ବାଦ୍ଲାଇନି । ସେମନ୍ ଆରିତରେକ୍ ନିଜର୍ ବିସଇ ଚିନ୍ତାକରି ଦେକ୍ବାର୍ ଆଚେ । କାଇକେବଇଲେ ସେମନ୍ ଜେନ୍ତାରି ଆଚଡ଼ ଆମେ ମିସା ସେନ୍ତାରି କିରିସ୍ଟର୍ ସଡ଼ ଦାସ୍ ।

୮ ତମର୍ ଉପରେ ଆମର୍ ଅଦିକାର୍ ଆଚେ । ସେଟା ପର୍ମେସର୍ ଆମକେ ଦେଇରଇଲା । ମାତର୍ ସେ ଅଦିକାର୍ ବିସଇନେଇ ଜଦି ମୁଇ ବେସି ବଡ଼ପନ୍ ଅଇଲିଆଡ଼ି, ସେଟାପାଇ ମକେ ଲାଜ୍ ନ ଲାଗେ । ତମ୍ଭେ ନସ୍ଟ କର୍ବା ଅଦିକାର୍ ସେ ମକେ ଦେଏନାଇ, ମାତର୍ ଜେକ୍ତି କି ତମର୍ ବିସ୍ବାସ୍ ଡାଁଟ୍ କରାଇବି ।

୯ ଏ ଚିଟି ଲେକିକରି ମୁଇ ତମ୍ଭେ ଡରାଇବାକେ ମନ୍ କରିନାଇ ।

୧୦ ମାତର ତମକେ ଲେକ୍‌ଲାବେଲେ ଦମ୍‌କାଇ କରି ଲେକ୍‌ଲିନି ବଲି କେତେଲକ୍ କଇଲାଇନି । ମାତର ତମର ସଙ୍ଗେ ରଇଲାବେଲେ ମୁଇ ଦୁର୍‌ବଲ୍ ଅଇକରି ମର କଇଲା ପଦ୍ କାଇ ମୁଲିଅ ନାଇ ପାରା ରଇଲା ।

୧୧ ଜନ୍ ଲକ୍‌ମନ୍ ଏନ୍ତାରି କାତା ଅଇବାଇ, ଚିଟିଟାନେ ଆମେ ଜନ୍ ବିସଇ ଲେକିଆତୁ, ତେଇ ଆଇଲେ, ସମାନ୍ ବିସଇସେ କରୁ ବଲି ସେମନ୍ ଜାନ୍‌ବାର୍ ଆତେ ।

୧୨ ଜନ୍‌ଲକ୍‌ମନ୍ ଆମେ ନିଜେ ବଡ୍‌ଲକ୍ ବଲି ବାବିଅଇଲାଇନି, ସେମନ୍‌ର ସଙ୍ଗେ ସମାନ୍ ଅଇବାକେ ଆମେ ମନ୍ କରୁନାଇ । ସେମନ୍ ସବୁରଟାନେ ଅନି ଆମେ ଆକା ଜାନିଆତୁ ବଲି ବୁଲ୍ ଚିନ୍ତା କଲାଇନି । ସେମନ୍ ସତଇସେ ବକୁଆ । ନିଜକେ ନାପ୍‌ବାକେ, ନାପି ଅଇବାଟା ନିଜେ ତିଆର୍ କଲାଇନି । ନିଜକେ ବିଚାର୍ କରବାକେ ପରିକା ନିଜେ ତିଆର୍ କଲାଇନି ।

୧୩ ମାତର ଆମେ, ଆମର କାମ୍ ବିସଇନେଇ ଅଦିକ୍ ବଡ୍‌ପନ୍ ଅଉନାଇ । ଆମେ ଜେତକି ବଡ୍‌ପନ୍ ଅଇବାର୍ ଆତେ ସେତକି ବଡ୍‌ପନ୍ ଅଇବୁ । ପରମେସର୍ ଆମ୍‌କେ ଜେତକି କାମ୍ ଦେଲାଆତେ, ସେତକି କାମେ, ଆମେ ବଡ୍‌ପନ୍ ଅଇବୁ । ଆରି ତମର ବିତ୍‌ରେ ଆମେ କରବା କାମ୍ ମିସା ତେଇ ମିସଲା ଆତେ ।

୧୪ ପରମେସର୍ ଆମ୍‌କେ ଦେଇରଇବା କାମେ ତମେ ମିସଲାପାଇ କିରିସର୍‌ର ସୁବ୍‌କବର୍ ନେଇକରି ଆଇଲାବେଲେ, ପରମେସର୍ ଆମ୍‌କେ ଦେଲା କାମେଅନି ବାଇରେ ଜାଏ ନାଇ ।

୧୫ ତେବର୍‌ପାଇ ବିନ୍ ଲକ୍‌ର କାମ୍ କଲାଟା ନେଇକରି ଆମେ ନିଜେ ଡାକ୍‌ପୁଟା ଅଉନାଇ । ସେ କାମ୍ କରବାକେ ପରମେସର୍ ଆମ୍‌କେ ଦେଏ ନାଇ । ମାତର ତମର ବିସ୍‌ବାସ୍ ତାଟ୍ ଅ ବଲି ଆମେ ମନ୍ କଲୁନି । ଜେତକି ତମର ଜାଗାଇ ଆମେ କରବା କାମ୍ ଅଦିକ୍ ଅଦିକ୍ ଅଇସି । କାଇକେବଇଲେ ପରମେସର୍ ଆମ୍‌କେ ଦେଇରଇବା କାମେଅନି ଅଦିକ୍ କରବାକେ ଆମେ ମନ୍ କରୁନାଇ ।

୧୬ ସେନ୍ତାରିଆଲେ ଆମେ ଜାଇକରି କିରିସର୍‌ର ସୁବ୍‌କବର୍ ତମର ଜାଗାଇ ଅନି ତେନ୍‌କର୍ ଜାଗା ମନ୍‌କେ ଜାନାଇବୁ । କାଇକେବଇଲେ ଆମ୍‌କେ ଦେଇରଇବା କାମେସେ ଆମେ ବଡ୍‌ପନ୍ ଅଇବୁ ବଲି ମନ୍ କଲୁନି । ବିନ୍ ଲକ୍ କିରିରଇବା କାମ୍‌ଟାନେ ବଡ୍‌ପନ୍ ନ ଅଉ ।

୧୭ ସାସ୍‌ତର କଇଲାପାରା “ଜେ ବଡ୍‌ପନ୍ ଅଇବାକେ ମନ୍ କଲାନ୍ତି, ସେ ମାପୁରୁ କଲା କାମେସେ ବଡ୍‌ପନ୍ ଅଇବାର୍ ଆତେ ।”

୧୮ କାଇକେ ବଇଲେ ଗଟେକ୍ ଲକ୍ ନିଜେ ବଲ୍ ବଲାଇଅଇଲେ, ମାପୁରୁ ତାକେ ଅଦିକାର୍ ନ ଦେଏ । ମାତର ମାପୁରୁ ଦେକ୍‌ବା ଇସାବେ ଜେ ନିକ, ସେ ତାର୍ ନିଜର୍ ଲକ୍ ଅଇସି ।

୧୧

ପାଉଲ୍ ଆରି ନାତାଇବା ସିସମନ୍

୧ ଜଦି ମୁଇ ବକୁଆ ଲକ୍‌ପାରା କାତା କଇଲେ ମିସା ତମେ ସେଟା ସୁନି ଚିମ୍‌ରା ଅଇରୁଆ ।

୨ ମାପୁରୁ ତମର ବିସଇନେଇ ମର ଲକ୍‌ମନ୍ ମକେସେ ନାମିକରି ରଅଡ୍ ବଲି ଦାରିଆତେ । ସେନ୍ତସେ ମୁଇ ମିସା ତମ୍‌କେ ପରମେସର୍‌କେସେ ମନ୍ କରା ବଲି ଆସା କଲିନି । ସୁକଲ୍ ଅଇରଇବା ଗଟେକ୍ ଦାଙ୍ଗ୍‌ତିପାରା ମୁଇ ତମ୍‌କେ ଗଟେକ୍ ଦାଙ୍ଗ୍‌ତାର୍ ପାଇ ମାଙ୍ଗ୍‌ନି କଲିଆତି । ସେ ଅଇଲାନ୍ ନିଜେ କିରିସର୍ ।

୩ ମୁଇ ତମର ବିସଇନେଇ ବାବି ବାବି ଆତି । କେତେବେଲେ ତମର ମନର୍ ଚିନ୍ତା କିରିସର୍‌ତେଇ ଅନି ବିନ୍ ବାଟେ ଜାଇସି ଆରି ତାର୍‌ପାଇ ରଇବା ତମର ଆଲାଦ୍ ପୁରାପୁରୁନ୍ ମନ୍ ସଙ୍ଗେ ନ ରଏ । ଅବା ପାରା ତମେ ନାତାଇଅଇସା ମିସା । ଜେତକି ସେ ଗଟେକ୍ ଚତୁର୍ ସାଁପର୍ କାତା ଦାରି ନାତାଇଅଇଲା ।

୪ କାଇକେବଇଲେ, ଜଦି କେ ମିସା ତମର ଲଗେ ଆସି କରି ଆମେ ତମ୍‌କେ ଜାନାଇରଇବା ଜିସୁର୍ ବିସଇକେ ଚାଡି, ବିନ୍ ସିକିଆ ଦେଲେ ତମେ ସାର୍‌ଦା ଅଇସା । ସୁକଲ୍ ଆଡ୍‌ମାକେ ନ ପାଇକରି ବିନ୍ ଆଡ୍‌ମାକେ ପାଇଲାସିନି । ଆରି ସେମନ୍ ଜନ୍ ସୁବ୍‌କବର୍ ଜାନାଇଲାଇନି, ସେଟା ଆମେ ଜାନାଇବା ସୁବ୍‌କବର୍ ନଏ ।

୫ ତମର ଟାନେ ଜେତକି ସିକାଉମନ୍ ଆତଡ୍ । ଜଦି ସେମନ୍ ଆମେ ସବୁରଟାନେଅନି ମୁକିଅ ପେରିଡ୍‌ମନ୍ ବଲି ନିଜେ କଇଅଇଲେ ମିସା, ସେମନ୍ ମରଟାନେଅନି ବଡ୍ ବଲି ମୁଇ ବାବି ନାଇ ।

୬ ମୁଇ ଅଦିକ୍ କାତା କଇ ନାପାର୍‌ଲେ ମିସା, ସଡ୍ ସିକିଆ ଜାନିଆତି । ଆରି ମୁଇ ତମ୍‌କେ ଜେତେବେଲେ ଜାକ ଏ ସିକିଆ ଦେଇତେରଇଲି, ଏଟା ତମ୍‌କେ ଜାନାଇଆତି ।

୭ ତମ୍‌କେ ମୁଇ ଜେତେବେଲେ ସୁବ୍‌କବର୍ ଜାନାଇରଇଲି, କେବେ ମିସା ମର ବୁଡି ମାଙ୍ଗି ନାଇ । ତମ୍‌କେ ମୁକିଅ ଲକ୍ କରାଇବାକେ ମୁଇ ନିଜେ ତଲ୍‌କେ ଅଇଲି । ମୁଇ କିରିରଇଲାଟା ବୁଲ୍ ରଇଲା କି ?

୮ ମୁଇ ତମର ବିତ୍‌ରେ ସେବା କାମ୍ କଲାବେଲେ, ବିନ୍ ମଣ୍ଡଲିର୍ ଲକ୍‌ମନ୍ ମରପାଇ କରଟ ଅଇଲାଟା ଦେଲାଇ । ତମ୍‌କେ ସାଇଜ କରବାକେ ତାର୍‌ଟାନେଅନି ମୁଇ ଚରାଇକରି କଲାପାରା ଅଇଲା ।

୯ *ମୁଇ ତମରଟାନେ ରଇଲାବେଲେ ମକେ ଲତା ରଇଲାବେଲେ, ତମରଟାନେଅନି ମାଞ୍ଜିନାଇ । କାଇକେବଇଲେ ମାକିଦନିଆର୍ ବାଇବଇନିମନ୍ ମକେ ଜାଇଟା ଲତା ରଇଲା, ସେଟା ସବୁ ଆନିଦେଲାଇ । ପୁର୍ବେ ଜେକ୍ତି ରଇଲା, ପଟ୍ଟକେ ମିସା ମୁଇ ତମରଟାନେଅନି କାଇଟା ନ ମାଞ୍ଜି ।

୧୦ ମୁଇ ବଡ଼ପନ୍ ଅଇକରି ଏନ୍ତାରି କଇବାଟା ଆକାୟାର୍ କେ ମିସା ମର୍ ବିରୁଦେ କଇନାପାରଡ଼ । ମୁଇ କଇବାଟା ସଡ଼ । କାଇକେବଇଲେ କିରିସଟ୍ ମରସଙ୍ଗ୍ ଆଟେ ।

୧୧ ମକେ ଆଲାଦ୍ ନାଇକେ ମାଙ୍ଗେ ନାଇ ବଲି ବାବ୍ଲାସ୍ନି କି ? ମାତର୍ ମୁଇ ତମକେ ସତଇସେ ଆଲାଦ୍ କର୍ବାଟା ପର୍ମେସର୍ ଜାନେ ।

୧୨ ମୁଇ ତମରଟାନେ ଅନି କାଇକେ ବୁଡି ନେଇନାଇ ବଇଲେ, ଜେନ୍ତାରିକି ତମର୍ ଟାନେ ରଇବା ବିନ୍ ପେରିଡ଼ମନ୍ ବଡ଼ପନ୍ ଅଇକରି, ଆମେ ପର୍ମେସର୍ ପାଇ କରବା କାମ୍ ସମାନ୍ ଆଟେ ବଲି କଇନାପାରଡ଼ ।

୧୩ ସେମନ୍ ସଡ଼ ପେରିଡ଼ମନ୍ ନଅଡ଼ । ସେମନ୍ ମିରୁଆଟାମନ୍ । ଜେ କି ନିଜର୍ ନିଜର୍ କାମ୍ ବିସଇନେଇ ମିର୍ କଇବାଇ । ଆରି ସେମନ୍ ମିର୍ ବେସ୍ ଦାରିକରି ଆମେ ସଡ଼ ପେରିଡ଼ ବଲି ଦେକାଇଅଇବାଇ ।

୧୪ ଏଟା ଦେକି କାବାଅଇ ଜାଆ ନାଇ । କାଇକେବଇଲେ, ସଇତାନ୍ ମିସା ନିଜେ ବାଦ୍ଲାଅଇ ଉଜଲର୍ ଦୁଡ଼ ପାରା ଦେକାଇ ଅଇସି ।

୧୫ ସେନ୍ତାର୍ ଆଲେ ତାର୍ ସେବାକାମ୍ କରୁମନ୍ ମିସା ବାଦ୍ଲାଅଇ ଦରମ୍ କାମ୍ କରୁମନ୍ ପାରା ଦେକାଇଅଇଲେ, ସେଟା କାବା ଅଇଜିବା ବିସଇ ନଏ । ସାରାସାରି ସେମନ୍କେ ତାକର୍ କିରିଇବା କାରାପ୍ କାମ୍ ଇସାବେ ଡଣ୍ଟ ମିଲ୍ସି ।

ପେରିଡ଼ ସିସ୍ ଇସାବେ ପାଉଲର୍ ଦୁକ୍

୧୬ ମୁଇ ଏ କାତା ଆରିତରେକ୍ କଇଲିନି ଜେ, ଏଟା ଗଟେକ୍ ବକୁଆଟା, ବଲି ବାବାନାଇ । ଜଦି ତମେ ମକେ ବକୁଆ ବଲି ମାନ୍ଲାସ୍ନି, ମୁଇ କଇବା ଏ ବଡ଼ପନ୍ କାତା ଆରି ଅଲପ୍ ସୁନାତା । ସେନ୍ତାର୍ କଲେ ମୁଇ ବଡ଼ପନ୍ ଅଇ କାତା ଅଇବି ।

୧୭ ମୁଇ ଏ କଇବା କାତାମନ୍ ମାପରୁ ମକେ କଅ ବଲି ମନ୍ କରେନାଇ । ମାତର୍ ଏ କାତା ଗଟେକ୍ ବକୁଆ ଲକର୍ପାରା ବଡ଼ପନ୍ ଅଇକରି କଇଲିନି ।

୧୮ କାଇକେବଇଲେ, ଏ ଜଗତେ ତାକର୍ ନିଜର୍ କାମ୍ ବିସଇନେଇ ବଡ଼ପନ୍ ଅଇ କଇବାଲକ୍ ବେସି ଆଟଡ଼ । ମୁଇ ମିସା ମର୍ ବିସଇନେଇ ବଡ଼ପନ୍ ଅଇକରି କଇବି ।

୧୯ ତମେ ସବୁ ବୁଦି ରଇବା ଲକ୍ ବଲି ବଲାଇ ଅଇଲାସ୍ନି । ମାତର୍ ବକୁଆ ମନ୍ କାମ୍ ଦେକ୍ଲେ ରୁପ୍ ଅଇଆତାସ୍ ।

୨୦ ତେବର୍ପାଇ ସେମନ୍ ଜଦି ତମକେ ଗତିଦାଙ୍ଗ୍ତା କରି ସଙ୍ଗଲେ, କି ତମର୍ ଦନ୍ ସପ୍ତି ନେଲେ, କି ତମକେ କାଇଆଲେ ପାନ୍ଦେ ପାକାଇଲେ, କି ଆମର୍ ତଲେ ରୁଆ ବଲି କରି କଇଲେ କି ଏନ୍ତାରି କି କେ ତମର୍ ଗାଲେ ଚାପଡ଼ ମାର୍ଲେ ମିସା ତମେ ମୁରଟି କରି ରଇସା ।

୨୧ ସେ ସବୁ କାରାପ୍ ବିସଇ କରବାକେ ଆମ୍ କେ ସାଆସ୍ ନ ରଇଲା । ଏଟା ସଡ଼ ବଲି କଇବାକେ ମୁଇ ଲାଜ୍ ଅଇନାଇ । ମାତର୍ ସେମନ୍ କାଇ ବିସଇନେଇ ବଡ଼ପନ୍ ଅଇ କାତା ଅଇବାକେ ସାଆସ୍ କରବାଇ, ସେକ୍ତି ମୁଇ ମିସା ସାଆସ୍ କରବି । ଦେକା ! ମୁଇ ଏଟା ଗଟେକ୍ ବକୁଆ ଲକର୍ପାରା କାତା ଅଇଲିନି ।

୨୨ ସେମନ୍ ଜଦି ଆମେ ଏବ୍ରି ବସ୍ତର୍ ଲକ୍ ବଇଲେ, ମୁଇ ମିସା ତେଇର୍ଟାସେ, ଜଦି ଆମେ ଇସ୍ରାଏଲର୍ ନାଡିଡିଡି ବଇଲେ, ମୁଇ ମିସା ତେଇର୍ ଗଟେକ୍ । ଅବ୍ରିଆମ୍ ଆମର୍ ଆନିଦାଦି ବଇଲେ, ସେ ମର୍ ମିସା ଆନିଦାଦି ।

୨୩ *ସେମନ୍ ଜଦି ଆମେ କିରିସଟର୍ ଦାଙ୍ଗ୍ତା ବଇଲେ, ମୁଇ ମିସା ଗଟେକ୍ ଦାଙ୍ଗ୍ତା । ମାତର୍ ସେମନ୍ ଟାନେ ଅନି ମୁଇ ଅଦିକ୍ ନିକ ଦାଙ୍ଗ୍ତା । ନିଜକେ ବଡ଼ କରାଇ ମୁଇ ଗଟେକ୍ ବାୟାଲକର୍ ପାରା କାତା ଅଇଲିନି ବଲି ଜାନିଆଟି । ମୁଇ ତାକର୍ଟାନେ ଅନି ଅଦିକ୍ ଆବଡ଼ କାମ୍ କିରିଆଟି, ଅଦିକ୍ ତର୍ ବନ୍ଦିଗରେ ରଇଆଟି, ଅଦିକ୍ ତର୍ ମାଡ଼ କାଇଆଟି, ଅଦିକ୍ ତର୍ ମଲାସମାନ୍ ଅଇଜାଇରଇଲି ।

୨୪ ମୁଇ ଜିଉଦି ଲକ୍ ମନର୍ଟାନେଅନି ପାଁର୍ପାଲି ଡିରିସ୍ ନ ତାଙ୍ଗ୍ ମାଡ଼କାଇ ଆଟି ।

୨୫ *ରମିଅମନ୍ ଟାନେ ତିନ୍ତର୍ କର୍ତା ସଙ୍ଗ୍ ମାଡ଼କାଇ ଆଟି । ଗଟେକ୍ତର୍ ସେମନ୍ ମକେ ପାକ୍ନା ମାର୍ଲାଇ । ମୁଇ ଜନ୍ ଜାଜେ ଜାଇତେରଇଲି, ସେ ଜାଜ୍ ତିନ୍ତର୍ ବୁଡି ଜାଇରଇଲା । ତରେକ୍ ମର୍ ଜାଜ୍ ନସିଗାଲାକେ ମୁଇ ଗଟେକ୍ ଦିନ୍ ଆରି ଗଟେକ୍ ରାଡି, ସମ୍ବୁରେ ଉପ୍ କି ଅଇ ରଇଲି ।

୨୬ *ମୁଇ ଜିବାବେଲେ ବାଟେ, ମର୍ ମୁଆଟେ କେତେକ୍ କେତେକ୍ ବିପଦ୍ ଆଇଲା । ଜେକ୍ତିକି, ବନିଆର୍ ବିପଦେ, ଚର୍ମନର୍ ବିପଦେ, ମର୍ ଜିଉଦି ବାଇମନର୍ ବିପଦେ, ଜିଉଦି ନ ଅଇଲା ଲକ୍ ମନର୍ ବିପଦେ, ସଅରେ ଅଇରଇବା ବିପଦେ, କିନରା ଜାଗା ମନର୍ ବିପଦେ, ଡଙ୍ଗରର୍ ଜୁଡ଼ ଜିଆଦ୍ ମନର୍ ବିପଦେ, ସମ୍ବୁରେ ବନିଆ ଆଇଲାବେଲର୍ ବିପଦେ ଆରି କିରିସଟର୍ ବିସବାସିମନ୍ ବଲି ନାଡାଇ ଅଇରଇବା ଲକ୍ ମନର୍ ବିପଦେ ।

* ୧୧:୯ ପିଲିପିୟ ୪:୧୫-୧୮ * ୧୧:୨୩ ପେରିଡ଼ ୧୭:୨୩ * ୧୧:୨୫ ପେରିଡ଼ ୧୭:୨୨; ପେରିଡ଼ ୧୪:୧୯ * ୧୧:୨୬ ପେରିଡ଼ ୯:୨୩; ପେରିଡ଼ ୧୪:୫

୨୭ ମର କାମ୍ ଆବଡ଼ କାମ୍ ଆରି ମୁଇ ସବୁବେଳେ ଆବଡ଼ କାମ୍ କଲିଆତି । ବେସି ତର ରାଡିଆ ସଇ ନାପାରଲି, ବୁକେ ସସେ ରଇଆତି, ବେସି ତର ମକେ କାଦି କେଟେ ନାଇ, ପିନ୍ଦବାକେ ବସ୍ତର ନାଇ, କି ରଇବାକେ ଗର ନ ରଇଲା ।

୨୮ ସେ ସବୁ ବିସଇ ମରପାଇ ଅଇରଇଲା । ମାତର ଆରି ମର ବିନ୍ ବିନ୍ ଦୁକ୍ କସ୍ ଆଟେ । ସବୁ ମଣ୍ଡଲିର ପାଇ ଚିନ୍ତା କରି ମୁଇ ଦୁକ୍ କସ୍ ପାଇଲିନି ।

୨୯ ଜଦି କିରିସ୍ତର ଲଗେ ରଇବା କାର ବିସ୍ବାସ୍ ତନା ଅଇସି ବଇଲେ ମକେ ମିସା ଦୁରବଲ୍ ଲାଗ୍ସି । କେ ଜଦି ପାପ୍ କଲେ, ତାର ଲାଗି ମୁଇ ବେସି ଦୁକ୍ କସ୍ ପାଇଲିନି ।

୩୦ ମୁଇ ବଡ଼ପନ୍ ଅଇ କାତା ଅଇବାକେ ମନ୍ କରନାଇ । ଜଦି ସେନ୍ତି କରବାର୍ ଆଲେ, ମକେ ଗଟିରଇବା, ଦୁକ୍ କସ୍ ବିସଇନେଇ ମୁଇ ବଡ଼ପନ୍ ଅଇବି । ସେନ୍ତାଆଲେ ମୁଇ କେତେ ଦୁରବଲ୍ ଆତି ବଲି ତମେ ଜାନସା ।

୩୧ ମୁଇ ତମକେ ଜେଡ଼କି ବିସଇ କଇଲି, ସେଟା ସବୁ ସଡ଼ । ଗଟେକ୍ ମିସା ମିର୍ ନଏ । ଆମର୍ ମାପରୁ ଜିସୁର ବାବା ପରମେସର୍ ଏଟା ଜାନେ । ସେ ଜୁଗ୍ ଜୁଗ୍ ଡାକ୍ପୁଟା ପାଅ ।

୩୨ ପୁରବେ ମୁଇ ଦାମାସକାସେ ରଇଲା ବେଲେ ରାଜା ଆରେତାସରର୍ ତଲେ ଗଟେକ୍ ସାସନ୍ କାରିଆ ରଇଲା । ସେ ସଅର୍ ସନ୍ଦି ଜାଗବାକେ ତାର ସନିଅମନ୍କେ କଇଲା । ଜେନ୍ତାରି କି ଜେଡେବେଲେ ମୁଇ ସେ ସଅରେ ବାରଇତି, ସେମନ୍ ମକେ ଦାରତାଇ ।

୩୩ କେନ୍ତି ବଇଲେ ତେଇର୍ ପାକ୍ନା ପାରୁରିର୍ କାଣାବାଟେ ମକେ ଚାଟ୍ନାଇ ପୁରାଇ ଉଡ଼ରାଇ ଦେଲାଇ । ଆରି ତାର୍ ଟାନେ ଅନି ବଠିଗାଲି ।

୧୨

ପାଉଲ୍ ଦରସନ୍ ଦେକଲାଟା

୧ ସେନ୍ତାଆଲେ ମୁଇ ବଡ଼ପନ୍ ଅଇ କଇଲା ଟାନେ କାଇ ଲାବ୍ ନଇଲେ ମିସା ମୁଇ ବଡ଼ପନ୍ ଅଇ କାତା ଅଇବି । ଏବେ ମୁଇ ଦରସନ୍ ବିସଇ ଆରି ମାପରୁ ମକେ ଜାନାଇଲା ବିସଇ ତମକେ କଇବି ।

୨ ମୁଇ ଜାନିରଇବା ଗଟେକ୍ ବିସ୍ବାସି ଆଟେ । ଜାକେ କି ଚଉଦ ବରସର୍ ଆଗେ ସରଗେ ନେଲାଇ । ସେ ସଡ଼ରେ ସରଗେ ଗାଲା କି ତାକେ ଦରସନେ ସେ ସରଗ୍ ଦେକାଇଅଇଲା କି ନାଇ ବଲି ମୁଇ ନାଜାନି । ସେଟା ପରମେସର୍ ସେ ଜାନେ ।

୩ ମାତର ମୁଇ ଜାନିଆତି, ତାକେ ସରଗେ ନେଲାଇ ବଲି । ମୁଇ ଆରି ତରେକ୍ କଇଲିନି ସେ ସତଇସେ ତେଇ ଗାଲା କି ଦରସନେସେ ସରଗ୍ ଦେକାଇ ଅଇରଇଲା, ସେଟା ମୁଇ ନାଜାନି । ସେଟା ପରମେସର୍ସେ ଜାନେ ।

୪ ଆରି ସେ ତେଇ ରଇଲାବେଲେ ଲକର୍ ବାସାଇ କାତା ନ ଅଇବା ବିସଇ ସୁନ୍ଲା । ଜନ୍ଟା ମୁନୁସ୍ ମନର୍ କଇବାର୍ ଅଦିକାର୍ ନାଇ, ସେଟା ମିସା ସେ ସୁନ୍ଲା ।

୫ ଏ ଲକର୍ ବିସଇନେଇ ମୁଇ ବଡ଼ପନ୍ ଅଇ କାତା ଅଇବି, ମାତର ମର୍ ନିଜର୍ ବିସଇନେଇ ବଡ଼ପନ୍ ଅଇ କାତା ନ ଅଇ । ମର୍ ଦୁରବଲ୍ ରଇବା ବିସଇଟାନେସେ ମୁଇ ବଡ଼ପନ୍ ଅଇବି ।

୬ ମୁଇ ଜଦି ବଡ଼ପନ୍ ଅଇ କାତା ଅଇବାକେ ମନ୍ କଲେ, ସେଟା ବୁଦି ନ ରଇଲା ଲକ୍ ବଡ଼ପନ୍ ଅଇଲାପାରା ନ ଅଏ । ମୁଇ କଇବାଟା ସବୁ ସଡ଼ । ମାତର ମୁଇ ବଡ଼ପନ୍ ଅଇକରି କାତା ନ ଅଇ । କାଇକେବଇଲେ ଲକ୍ମନ୍ କେଡେବେଲେ ମିସା ମକେ ମୁଇ ଜେଡ଼କି ଆତି, ତାରତେଇଅନି ଅଦିକ୍ ଗଟେକ୍ ବଡ଼ ଲକ୍ ଇସାବେ ଦେକ୍ବାଇ । ମୁଇ କରବା କାମ୍ ଦେକିକରି ଆରି ମୁଇ କଇବା କାତା ସୁନିକରିସେ ସେମନ୍ ମାନ୍ବାଇ ।

୭ ମୁଇ ପରମେସର୍ ଟାନେଅନି ବେସି ବଡିଆ ଦରସନ୍ ପାଇଲିଆତି ବଲିକରି ବଡ଼ପନ୍ ନ ଅଇବାକେ ପରମେସର୍ ମକେ ଦୁକାଇବା ଗଟେକ୍ ରଗ୍ ଦେଲା । ଏ ରଗ୍ ସଇତାନର୍ ଦୁଡ଼ପାରା ମାର୍ବାକେ ମର୍ ଗାଗଡେ ଆଟେ । ଜେନ୍ତି କି ମୁଇ ଆରି ବଡ଼ପନ୍ ନ ଅଇ ।

୮ ଏ ରଗ୍ ମରଟାନେଅନି ଦାରିଜାଅ ବଲି ମୁଇ ତିନତର୍ ମାପରୁକେ ଗୁଆରି କଲି ।

୯ ମାତର ସେ ଏନ୍ତାରି କଇଲା, “ତମକେ ଜେଡ଼କି ସବୁ ଲଡା ଆଟେ, ମର୍ ଜିବନ୍ ଦୁକାଇଲାଟା, ସେଟା ପୁରାପୁରୁନ୍ କରବାକେ ଅଇସି । କାଇକେବଇଲେ ଜେଡେବେଲେ ତୁଇ ଦୁରବଲ୍ ରଇସୁ, ସେବେଲେ ମର୍ ବପୁ ନିକକରି ତିସି ।” ତେବେ ମର୍ ଦୁରବଲ୍ ବିସଇନେଇ ବଡ଼ପନ୍ ଅଇକରି କଇବାକେ ମକେ ବେସି ସାର୍ଦା ଲାଗ୍ସି । କାଇକେବଇଲେ ମୁଇ ଦୁରବଲ୍ ରଇଲାବେଲେ କିରିସ୍ତର ବପୁ ମକେ ସାଇଜ କରବାଟା ଜାନଲିନି ।

୧୦ ସେଟାର ପାଇ ମକେ କିରିସ୍ତର ଲାଗି ଜେଡ଼କି ସବୁ ଗର୍ସି, ମୁଇ ସାର୍ଦା ଅଇ ରଇବି । ଜେନ୍ତିକି ମର୍ଗାଗଡ଼ ଦୁରବଲ୍ ରଇଲେ ମିସା, ନିନ୍ଦା ପାଇଲେ ମିସା, ଦୁକ୍ କସ୍ ଅଇରଇଲେ ମିସା, ଆରି ସାଦ୍ବାଦ୍ ଅଇ ଦୁକ୍ କସ୍ ପାଇଲେ ମିସା । କାଇକେବଇଲେ ଜେଡେବେଲେ ମୁଇ ଦୁରବଲ୍ ଅଇଆତି, ସେଡ଼କି ବେଲେ ମୁଇ ବପୁ ଅଇଆତି ।

କରନ୍ତିଅର୍ ଲକ୍ମନର୍ ପାଇ ପାଉଲ୍ ବାବ୍ନା

☆ ୧୧:୩୨ ପେରିଡ଼ ୯:୨୩-୨୫

୧୧ ନିଜେ ବଡ଼ ଅଇବାକେ ମୁଇ ବକୁଆ ଲକର ପାରା ଅଇଲିନି । ମାତର ମୁଇ ତମ୍ଭେ ଦସ୍ ଦେଲିନି । କାଇକେବଇଲେ ତମେ ଜଦି ମକେ ସନ୍ମାନ ଦେଇତାସ୍, ମୁଇ ଏନ୍ତାରି ନ କରତି । ମୁଇ କାଇ କାମେ ନାଇ, ବଲି କେତେଲକ୍ କଇଲେ ମିସା ତମର ସେ ପେରିତମନର ଟାନେ ଅନି ଉନା ନଇ ।

୧୨ ଜେତେବେଲେ ମୁଇ ତମରଟାନେ ରଇଲି, ସେ ବେଲେ ମୁଇ ମୁରତିକରି ରଇବା କାବା ଅଇଜିବା କାମ୍ମାନ ଆରି ଚିନ୍ମାନ ତମେ ଦେକିରଇଲାସ୍ । ସେଟା ଦେକି ମୁଇ ଗଟେକ୍ ପେରିତ୍ ବଲି ତମେ ଜାନଲାସ୍ ।

୧୩ ବିନ୍ ମଣ୍ଡଲିମନକେ ମୁଇ ଜାଇଟା କରିରଇଲି, ସେ ସମାନ ବିସଇସେ ତମରପାଇ ମିସା କଲି । ଏଡ଼କି ସେ ଜେ ତମ୍ଭେ ବୁଡି ମାଜି ତମର ଉପରେ ବଜ୍ ଟାପାଇନାଇ । ଜଦି ସେଟା ମର ବୁଲ୍ ଅଇଲା ଆତେ ବଇଲେ ମକେ କେମା କରିଦିଆସ୍ ।

୧୪ ଦେକା, ଏଟା ସଙ୍ଗ୍ ତିନ୍ ତର ଅଇଲାବେ ମୁଇ ତମରଲଗେ ବୁଲି ଆଇବି ବଲି ଜାଗିଆତି । ଆଗର ପାରା ଏବେ ମିସା ତମରଟାନେ ଅନି କାଇଟା ନ ମାଜି । ତମେ ଦେବାଟା ମୁଇ ମନ୍ କରିନାଇ, ତମର ଆଲାଦ୍ ମନ୍ କଲିନି । ଏନ୍ତାରି ନଏଁ ଜେ ପିଲାମନ୍ ଆୟା ବାବାରପାଇ ସଙ୍ଗଇବାଇ, ମାତର ଆୟାବାବା ପିଲାମନର୍ ପାଇ ସଙ୍ଗଇବାର୍ ଆତେ ।

୧୫ ସତଇସେ ମର ଜେଡ଼କି ସବୁ ଆତେ, ସେଟା ସବୁଜାକ ତମ୍ଭେ ଦେବାକେ ମୁଇ ସାରଦା ଅଇବି । ଜେନ୍ତାରି କି ତମ୍ଭେ ସାଇଜ କରବାକେ ମର ଗାଗଡ଼ ମିସା ସରପି ଅଇଦେବି । ତମର ପାଇ ରଇବା ମର ଆଲାଦ୍ ଅଦିକ୍ ଅଦିକ୍ ଅଇ ଆଇଲାନି, ମାତର ମର ପାଇ ରଇବା ତମର ଆଲାଦ୍ ଉନା ଅଇ ଆଇଲାନି ।

୧୬ ମୁଇ ତମରଟାନେଅନି ବୁଡି ମାଜିନାଇ, ସେଟା ସଡ଼ ବଲି ତମେ କଇଲାସ୍ନି, ମାତର ତମର ବିଡ଼ରେ କେତେ ଲକ୍ କଇଲାଇନି, ଜେ ମୁଇ ଚାଲକି ଆରି ମର ଲାଗି ତମେ ନାଡ଼ାଇଅଇଲାସ୍ ।

୧୭ ମୁଇ ତମ୍ଭେ କେନ୍ତ୍ର ନାଡ଼ାଇଲି ? ମୁଇ ତମର ଲଗେ ଜନ୍ ଲକ୍ମନକେ ପାଟାଇ ରଇଲି, ସେମନର୍ ଦେଇ ନାଡ଼ାଇଲି କି ?

୧୮ ମୁଇ ତିତସକେ ତମର ଲଗେ ଜିବାକେ ବାବୁଜିଆ କଲି । ଆରି ତାରସଙ୍ଗ୍ ଜିବାକେ ଗଟେକ୍ ବିସ୍ବାସି ବାଇକେ ମିସା ପାଟାଇରଇଲି । ତିତସକାଇ ତମର ଲଗେ ଅନି କାଇଟା ଲାବ୍ କଲା ଆତେ କି ? ତିତସ୍ ତମ୍ଭେ ନାଡ଼ାଇଲା ବଲି ତମେ କଇନାପାରାସ୍ । କାଇକେବଇଲେ, ସେ ଆରି ମୁଇ, ଆମେ ସୁକଲ୍ କାମର ପାଇସେ ଏଟା କଲୁନି ।

୧୯ ଆମେ ତମର ବିରୁଦେ କାଇ ଦସ୍ କରୁନାଇ ବଲି ତମ୍ଭେ ଦେକାଇ ଅଇବାକେ ଚେସ୍ଟା କଲୁନି ବଲି ତମେ ବାସ୍ତା ମିସା । ମାତର ସେନ୍ତାରି ନାଇ । ଆମେ କିରିସ୍ଟର୍ ଲକ୍ ଇସାବେ ପର୍ମେସରର୍ ମୁଆଟେ କାତା ଅଇଲୁନି । ଆଲାଦର୍ ମଇତରମନ୍ ! ତମର ଟାନେ ଆମେ ଜେଡ଼କି ବିସଇ କଲୁଆରୁ, ସେଟା ତମର ବଲ୍ ପାଇ ।

୨୦ ମୁଇ ବେସି ଚିନ୍ତାଇ ଆତି, ମୁଇ ତମର ଟାନେ ଆଇଲାବେଲେ, ମନ୍ ନ କରବା ଚଲାଚଲ୍ଡି ତମର ବିଡ଼ରେ ଦେକ୍ବି ମିସା । ସେନ୍ତାରି ଅଇଲେ, ମୁଇ ତମ୍ଭେ ଦମ୍କାଇବାକେ ପଡ଼ସି ଆରି ସେଟା ତମେ ମନ୍ ନ କରାସ୍ । ତେଇ କେତେଟା ଜୁଜିଆଲମନ୍, ଇସ୍ଲିଆମନ୍, ଦାପ୍ରେ ରିସା ଅଉମନ୍, ନିଜର୍ ବିସଇ ଦେକାଇ ଅଉମନ୍, ତାର୍ ବାଇମନ୍କେ ନିନ୍ଦା କରୁମନ୍, ତିପ୍ଲିଆମନ୍, ବଡ଼ପନିଆମନ୍, ଆରି ବିସ୍ବାସିମନ୍ ଗଟେକ୍ ମନ୍ ନ ଅଇଲାଟା ଦେକ୍ବି ।

୨୧ ମୁଇ ଚିନ୍ତାଇ ଆତି ଜେ, ମୁଇ ଆରିତରେକ୍ ଆଇଲାବେଲେ, ତମର ମୁଆଟେ ମକେ ପର୍ମେସର ଲାଜ୍ କରାଇସି । ଆରି ମୁଇ ବେସି ଦୁକ୍ ଅଇବି । କାଇକେବଇଲେ, ଆଗେ ଜେଡ଼କି ଲକ୍ ପାପ୍ କରି ଆତଡ଼ ବଲି ମୁଇ ଜାନିଆତି । ସେମନ୍ ଏବ୍କେ ଜାକ ତାକର କାରାପ୍ ଚଲାଚଲ୍ଡିର୍ ଲାଗି ମାନି ଅଅଡ଼ ନାଇ । ଜନ୍ଟାକି ନିଜର୍ କାରାପ୍ ମନ୍ କଲା ଇସାବେ ବଢ଼ିବାଟା ଆରି ବେସିଆ କାମ୍ କରବାଟା ।

୧୩

ସାରାସାରି ଜୁଆର୍ କରି ମନା କରବାଟା

୧ ଏଟାସଙ୍ଗ୍ ତିନ୍ତର ଅଇଲାବେ ତମର ଲଗେ ମୁଇ ଆଇଲିନି । ସାସ୍ତର୍ କଇଲାପାରା "ମଣ୍ଡଲିର୍ ବାଇମନର୍ ବିରୁଦେ ନିନ୍ଦା କାତା ଉଟ୍ଲେ, ସେଟା ତିନ୍ ଲକ୍ ନଇଲେ ଦୁଇଲକ୍ ସାକିର୍ ମୁଆଟେ ସବୁଜାକ ରାଜିନାମା କରାଇବାର୍ ଆତେ ।

୨ ଆଗେ ପାପକରି ରଇବା ଲକ୍ମନକେ, ଆରି ଏବେ ପାପ୍ କଲା ଲକ୍ମନକେ ମୁଇ ତମର ଲଗେ ଦୁଇପାଲି ଆଇଲା ବେଲେ କଇରଇଲି । ମୁଇ ତେଇ ନ ଆଇବା ଆଗତୁ କଇଲିନି, ମୁଇ ଆରିତରେକ୍ ଆଇଲାବେଲେ କେ ଜଦି ତାକର୍ ପାପେ ଅନି ନ ବାଉଡ଼ଡ଼, । ସେମନ୍କେ ଦୟା ନ ଦେକାଇ ।

୩ ମୁଇ କଇବାଟା ଏ ସବୁ କିରିସ୍ଟର୍ ଆଦେସେ ଅନି ଆତେବଲି ଜାନବାକେ ଚିନ୍ ମାଜିଲାସ୍ନି । ମୁଇ ତମ୍ଭେ ତଣ୍ଡ ଦେଲାବେଲେ ସେ ଚିନ୍ ବିସଇ ଜାନସା । କିରିସ୍ଟ ତମର ବିଡ଼ରେ କାଇ କାମ୍ କଲେ ମିସା ବପୁର୍ ସଙ୍ଗ୍ କରସି, ଦୁର୍ବଲ୍ ଅଇକରି ନାଇ ।

୪ କାଇକେବଇଲେ କୁର୍ସେ ଚଗାଇଲାବେଲେ ସେ ଦୁର୍ବଲ୍ ପାରା ଡିସ୍ଲେ ମିସା ପର୍ମେସରର୍ ବପୁସଙ୍ଗ୍ ସେ ବଢ଼ିଆତେ । ସେନ୍ତାରିସେ କିରିସ୍ଟରେତଇ ମିସି ରଇଲାବପାଇ ଆମେ ମିସା ଦୁର୍ବଲ୍ ପାରା ଡିସ୍ଲୁନି । ମାତର ପର୍ମେସରର୍ ବପୁ ସଙ୍ଗ୍ ଜିଇ ରଇବୁ ଆରି ତମର ବିଡ଼ରେ କରବା ଜନ୍ କାମେ ମିସା ତାର୍ ବପୁ ରଇସି ।

୫ ତମେ ନିଜେ ନିଜେ ବିସ୍‌ବାସେ ଆଗାସ୍ କି ନାହିଁ, ବିଚାର କରି ଦେବା । ଜିସୁକ୍ରିଷ୍ଟ ତମର ବିତ୍‌ରେ ବାସା ଅଇଆତେ ବଲି ନାଜାନାସ୍ କି ? ତମେ ବିସ୍‌ବାସ୍ କରାସ୍ ନାହିଁକେ, କିରିସ୍‌ଟ ତମରଟାନେ ବାସା ଅଏନାହିଁ ।

୬ ମାତର୍ ମୁଇ ଆସା କଲିନିଜେ, ଆମେ ସବୁଲକ୍ କିରିସ୍‌ଟର୍ ପେରିଡ୍ ଅଇଆରୁ ।

୭ ତମେ କାଇ କରାପ୍ କାମ୍ ନ କରା ବଲି, ଆମେ ପର୍ମେସର୍‌କେ ଗୁଆରି କଲୁନି । ଇତି ପୁରାପୁରୁନ୍ ଟିକ୍ କରିଆରୁ ବଲି ଆମେ ଦେକାଇବାକେ ଜାଉନାହିଁ, ମାତର୍ ସେଟା ନାପାରି ରଇଲେ ମିସା, ତମେ ଜେକ୍ଟିକି ସଡ୍‌କାମ୍ କରସା, ଏଟାରପାଇ ଆମେ ପାରତନା କଲୁନି ।

୮ ସଡ୍ ବିସଇର୍ ବିରୁଦେ ଆମେ କାଇଟା ନ କରୁ, ମାତର୍ ତାର ପାଇ ଟିଆ ଅଇବୁ ।

୯ ଜଦି ଲକ୍‌ମନ୍ ଆମ୍‌କେ ଦୁର୍‌ବଲ୍ ଆତଡ୍ ବଲି କଇଲେ ମିସା, ଆମେ ସାରଦାସକ୍ ଆରୁ । ତମେ ଆକା ବିସ୍‌ବାସେ ଡାଏ୍ ରଇବାରଆତେ । ଆରି ତମର୍ ଚଲାଚଲ୍‌ତି ସିଦ୍ ଅଇଜାଅ ବଲି ଆମେ ଗୁଆରି କଲୁନି ।

୧୦ ମୁଇ ନ ଆଇତେ ଏ ସବୁଜାକ ତମ୍‌କେ କାଇକେ ଲେକ୍‌ଲିନି ବଇଲେ, ଜେକ୍ଟିକି ମୁଇ ଆଇଲାବେଲେ ମାପୁରୁ ମକେ ଦେଇରଇବା ଅଦିକାର୍ ସକ୍ ତମ୍‌କେ ଡଣ୍ଟ ଦେବାକେ ନ ପଡେ । ଜନ୍ ଅଦିକାର୍ ତମର୍ ବିସ୍‌ବାସ୍ ବତାଇବାକେ ଦେଲାଆତେ, ମାତର୍ ସେଟା ଉନା କରବାକେ ନାହିଁ ।

୧୧ ଏବେ ଏ ମର୍ ବାଇବଇନିମନ୍ ମୁଇ ରଇଲିନି । ତମର୍ ଚଲାଚଲ୍‌ତି ସିଦ୍ କରବାକେ ଜବର୍ ଚେସଟା କରା । ମର୍ ଆଦେସ୍ ସବୁ ମାନିକରି ରୁଆ । ସବୁଲକ୍ ଗଟେକ୍ ମନ୍ ଅଇକରି ସାନ୍ତିଅଇ ରୁଆ । ତେବେ ଆଲାଦ୍ ଆରି ସାନ୍ତିର୍ ପର୍ମେସର୍ ତମର୍ ସକ୍ ରଇସି ।

୧୨ ତମେ ରୁଣ୍ଟିଲା ବେଲେ ନିଜର୍ ନିଜର୍ ବିତ୍‌ରେ କିରିସ୍‌ଟର୍ ଆଲାଦେ ଜୁଆର୍‌ବେଟ୍ ଉଆ । ଇତି ରଇବା ପର୍ମେସର୍‌ର ଲକ୍‌ମନ୍ ତମ୍‌କେ ଜୁଆର୍ ଜାନାଇଲାଇନି ।

୧୩ ଆମର୍ ମାପୁରୁ ଜିସୁକ୍ରିଷ୍ଟର୍ ଜିବନ୍ ଦୁକାଇଲାଟା, ପର୍ମେସର୍‌ର ଆଲାଦ୍ ଆରି ସୁକଲ୍ ଆଡ୍‌ମାର୍ ମିସିକରି ରଇବାଟା, ତମର୍ ସବୁ ଲକ୍‌ର ସକ୍ ରଅ । ଜୁଆର୍ ।

ଗାଳାତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ଗାଳାତିୟ ମଣ୍ଡଳୀର ଲକ୍ଷ୍ମଣଙ୍କେ ପାଉଲ୍ ଚିଠି ଲେଖିଲାଟା ଏ ବଇ ବିସଇ ପଦେକ୍ ଜାନ୍‌ବାଟା

ଗାଳାତିୟ ବଇ ପେରିଡ଼ ପାଉଲ୍ ଲେକିଆଟେ । ୧:୧ ଏ ଚିଠି ଗାଳାତିୟ ମଣ୍ଡଳୀର ବିସ୍ୱାସୀମାନଙ୍କେ ଲେକାଅଇରଇଲା । ଏଟା ଜିସୁକିରିସ୍‌ଟ ଜନମ୍ ଅଇକରି ୪୮-୫୭ ବିଡ଼ରେ ଲେକିରଇଲା । ଗାଳାତିୟର ଲକ୍ଷ୍ମଣ ରମ୍ ରାଇଜର୍ ଗାତିଆ ନାଉର୍ ଜାଗାଇ ବାସା ଅଇରଇଲାଇ । ପାଉଲ୍ ଏ ଚିଠି ଲେକିଲା ବେଲେ କନ୍ତି ରଇଲା, ସେ ବିସଇ ପଣ୍ଡିତମନ୍ ନିକସଙ୍ଗ ନାଜାନଡ଼ । ମାତର୍ ଏପିସେ ନଇଲେ କରନ୍ତି ଏ ଦୁଇଟା ଜାଗାଇ ରଇସି କାଇକି ବଲି କଇବାଇ । ପାଉଲ୍ ଗାଳାତିୟ ମଣ୍ଡଳୀତେଇ ରଇବା ଜିଉଦି ଆରି ଜିଉଦି ନ ଅଇଲା ବିସ୍ୱାସୀମାନର୍ କୁଟୁମ୍, ଜାଗା ସବୁ ମିସାଇକରି ଚିଠି ଲେକିଆଟେ । ସେ ମିଡ଼ ସିକିଆ ବିରଦ୍ କରବାପାଇ ଅଦିକ୍ ଦିଆନ୍ ସଙ୍ଗ ଲେକିଆଟେ । ସେଟା ଜିଉଦିମନ୍‌କେ ପୁରନା ନିୟମର୍ ତାକର୍ ରିତିନିତି ମାନି ଚଲବାକେ ଲେକାଅଇଆଟେ । ଦେକବାକେଗାଲେ ସୁନଡ଼ ଅଇବା ବିଦି ବିସଇ ଅଦିକ୍ ଦିଆନ୍ ଦିଆଅଇଆଟେ । ବିସ୍ୱାସୀମାନର୍ ବିଡ଼ରେଅନି କେତେକ୍ ଲକ୍, ଜନ୍ ଲକ୍ଷ୍ମଣଙ୍କେ କି ଜୁଡାଇମ୍ ବଲି କଇତେରଇଲାଇ । ସେମନ୍ ଜିଉଦି ନଇଲା ବିସ୍ୱାସୀମନ୍‌କେ ସୁନଡ଼ ଅଇବା ରିତିନିତି ମାନବାକେ କଇତେରଇଲାଇ ।

ସେମନ୍ ପାଉଲ୍ କେନ୍ତି ପେରିଡ଼ ଅଇବା ଅଦିକାର୍ ପାଇଲା, ସେ ବିସଇ ପାଟାରେତେରଇଲାଇ । ପାଉଲ୍ ସେମନ୍‌କେ କେତେଟା କାତାନି ସଙ୍ଗ ମିସାଇକରି ସେ ପେରିଡ଼ ଅଇଲା ଅଦିକାର୍ ବିସଇ ଜୁକ୍ତି କରତେରଇଲା । ୧:୧-୨:୧୪ ଜିସୁକିରିସ୍‌ଟଙ୍କେ ବିସ୍ୱାସ୍ କଲେ ମୁକ୍ତି ପାଇବାର୍ ଅଇସି ବଲି ବୁଜାଇକରି ସୁବ୍‌କବ୍‌ରକେ ରକିଆକରିଆଟେ ୨:୧୬ । ଜନ୍‌ଟାକି ପର୍ମେସର୍ ଦୟାକଲେ ଅଇସି, ମୁନ୍‌ସ୍ କଲାଟା ନଏ ।

ଏ ବିଡ଼ରେ ରଇବାଟା

- ୧. ପାଉଲ୍ ଜୁଆର୍ ଜାନାଇବାଟା । ୧:୧-୫
- ୨. ଆଗ୍‌ତୁ ପାଉଲ୍‌ର୍ ଜିବନ୍ କେନ୍ତାର୍ ରଇଲା, ତାର୍ ସିକିଆଦେବା ଅଦିକାର୍ ଆରି ରିତିନିତି ମାନବା ବିସଇ । ୧:୬-୨:୨୧
- ୩. ରିତିନିତି ମାନବାଟା ଆରି ପର୍ମେସରର୍ ଦୟାଟାନେ ଅନି ମୁକ୍ତି ପାଇବାଟା । ୩-୪
- ୪. ନିକ ବିସ୍ୱାସି ଅଇକରି ଜିଉନା କାଉନା ବିସଇର୍ ସିକିଆ । ୫:୧-୬:୧୦
- ୫. ପାଉଲ୍ ଜୁଆର୍ ଜାନାଇବାଟା ଆରି ପର୍ମେସରର୍ ଟାନେ ରଇକରି ଜିବନ୍ ବାଦ୍‌ଲାଇବା ବିସଇ ଜାଗ୍‌ରଡ଼ କରାଇଲାନ୍ତି । ୬:୧୧-୧୮

୧ ମୁଇ ପେରିଡ଼ ସିସ୍ ପାଉଲ୍ । ପେରିଡ଼ ସିସ୍ ଅଇବାକେ ମୁଇ ଲକ୍ଷ୍ମଣରଟାନେଅନି କି ଲକ୍ଷ୍ମଣର୍ ମାଲାକାରିଆ ଇସାବେ ଡାକ୍‌ରା ପାଇନାଇ । ଏ ଡାକ୍‌ରା ମୁଇ ବାବା ପର୍ମେସରର୍ ଆରି ଜିସୁ କିରିସ୍‌ଟର୍ ତେଇଅନି ପାଇଲିଆଟି । ପର୍ମେସର୍ ତାକେ ମଲାଟାନେଅନି ଉଟାଇଆଟେ ।

୨ ଆରି ଏଟା ଗାଳାତିୟ ମଣ୍ଡଳୀତେଇ ରଇବା ତମ୍‌ରପାଇ ମର୍ ଚିଠି । ଜନ୍ ବିସ୍ୱାସି ବାଇବଇନିମନ୍ ମର୍ ସଙ୍ଗ ଆତଡ଼, ସେମନ୍ ମିସା ମର୍ ସଙ୍ଗ ଜୁଆର୍ ଜାନାଇଲାଇନ୍ତି ।

୩ ଆମର୍ ବାବା ପର୍ମେସର୍ ଆରି ମାପୁରୁ ଜିସୁ କିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

୪ ଏବେ ଏ ପାପ୍ ବରଡ଼ି ଅଇରଇବା ଜଗତେଅନି ଆମ୍‌କେ ଉଦାର୍ କରବାକେ ଆମର୍ ବାବା ପର୍ମେସର୍ ମନ୍ କଲାଟା, ମାନିକରି କିରିସ୍‌ଟ ଆମର୍ ପାପ୍ ପାଇ ନିଜକେ ସର୍ପିଦେଲା ।

୫ ପର୍ମେସର୍ କାଲ୍ କାଲ୍ ଜୁଗ୍ ଜୁଗ୍ ଡାକ୍‌ପୁଟା ପାଅ । ଆମେନ୍ !

ଗଟେକ୍ ସେ ସୁବ୍‌କବ୍‌ର

୬ କିରିସ୍‌ଟ ଜିବନ୍ ଦୁକାଇକରିସେ ତମ୍‌କେ ଡାକିରଇଲା । ମାତର୍ ତମେ ତାକେ ଏତେକ୍ ଦାପ୍‌ରେ ଚାଡ଼ିଦେଇକରି ଆରି ଗଟେକ୍ ବିନ୍ ସୁବ୍‌କବ୍‌ରବାଟେ ମନ୍ ଦେଲାସିନି । ତମ୍‌ର୍ ଏ ମନ୍ ବାଦ୍‌ଲାଇବାଟା ଦେକିକରି ଇତି ମୁଇ କାବା ଅଇଗାଲିନି ।

୭ ଏ ସୁବ୍‌କବ୍‌ର ଚାଡ଼ି ଆରି ଗଟେକ୍ ବିନ୍ ସୁବ୍‌କବ୍‌ର ନାଇ । ମାତର୍ ମୁଇ ଏନ୍ତି କଇଲିନି, କାଇକେ ବଇଲେ କେତେଲକ୍ କିରିସ୍‌ଟର୍ ସୁବ୍‌କବ୍‌ର ବିନ୍ ବିନ୍ ରକାମ୍ କର, ତମ୍‌କେ କଟପଟ କରବାକେ ଚେସ୍‌ଟା କଲାଇନି ବଲି ମୁଇ ସୁନ୍‌ଲିନି ।

୮ ମାତର୍ ଆମେ ତମ୍‌ର୍ ଲଗେ ଜନ୍ ସୁବ୍‌କବ୍‌ର ଜାନାଇ ରଇଲୁ, ଜଦି ସେଟାକେ ଚାଡ଼ି ବିନ୍ ଗଟେକ୍ ସୁବ୍‌କବ୍‌ର ଆମେ ନିଜେ, ନଇଲେ ସରଗ୍ ଦୁଡ଼ ମିସା ଜାନାଇସି ବଇଲେ, ସେ ଅବିସାପ୍ ପାଅ ।

୯ ଏଟା ଆମେ ଆଗ୍‌ତୁ କଇରଇଲୁ ଆରି ମୁଇ ଏବେ ଆରି ତରେକ୍ କଇଲିନି, ତମେ ତମ୍‌ର୍ ଜିବନେ ଜନ୍ ସୁବ୍‌କବ୍‌ର ମାନିରଇଲାସ୍, ସେଟା ଚାଡ଼ି ଆରି ଜଦି କେ, କାଇମିସା ବିନ୍ ସୁବ୍‌କବ୍‌ର ଜାନାଇସି ବଇଲେ ସେ ଅବିସାପ୍ ପାଅ ।

୧୦ ଏଟା ସୁନି ତମେ ମନେ ମନେ କାଲଟା ବାବଲୀୟନି ? ମୁଇ ଲକ୍ମନନ୍ ମାନବାଟା ପାଇବାକେ ଚେସଟା କଲିନି କି ? ନାଇ, କେବେ ନାଇ । ମୁଇ ପରମେସରର୍ ମାନବାଟାସେ ମନ୍ କଲିନି । ମୁଇ କାଲ ଡାକ୍ପୁଟା ଅଇବି ବଲି ମନ୍ କଲିନି କି ? ମୁଇ ଜଦି ଏବେ ଜାକ ଡାକ୍ପୁଟା ଅଇବାକେ ମନ୍ କର୍ତ୍ତି ବଇଲେ, ଆଜି କିରିସ୍ଟର୍ ସେବାକାରିଆ ନ ଅଇତି ।

ପାଉଲ୍ କେନ୍ତାରି ପେରିଡ଼ ସିସ୍ ଅଇଲା

୧୧ କାଲକେବଇଲେ, ଏ ବାଇବଇନିମନ୍ ମୁଇ ତମ୍‌କେ ଜନ୍ ସୁବକବର୍ ଜାନାଇଲିନି, ସେଟା ମୁନୁସର୍ଟାନେଅନି ବାରଏ ନାଇ ।

୧୨ ତେବେ ମୁଇ ସେଟା ମୁନୁସ୍ ମନର୍ ଟାନେଅନି ପାଇନାଇ, କି କେ ମକେ ସିକାଅଡ଼ ନାଇ । ନିଜେ ଜିସୁ କିରିସ୍ଟ ସେଟା ମକେ ଜାନାଇଲା ଆଟେ ।

୧୩ *ଆଗତୁ ମୁଇ ଜିଉଦି ଦରମ୍ ନାମବା ବେଲାଇ ଜେକ୍ରିକି ଜିଇତେ କାଲତେ ରଇଲି । ପାରତନା କର୍ବାକେ ରୁଣ୍ଡୁବା ଲକ୍ମନକେ କେକ୍ତି କସ୍ଟ ଦେଇତେ ରଇଲି ଆରି ସେଟାମନ୍ ନସ୍ଟ କର୍ବାକେ କେକ୍ତି ଚେସଟା କିରିରଇଲି, ଏଟା ସବୁ ବିସଇ ତମ୍‌କେ ଜାନାଇଦିଆଅଇଆଟେ ।

୧୪ *ଜିଉଦି ଦରମ୍ ମାନବା ବେଲେ, ମୁଇ ଦାଙ୍ଗ୍‌ଡା ବଇସେ ଆମର୍ ଜିଉଦିମନର୍ ବିଡ଼ରେ ସବୁକେ ଅନି ଆଗତୁ ରଇଲି ଆରି ଆମର୍ ଆନିଦାଦିମନ୍ ବିସ୍‌ବାସ୍ କରି ଆଇତେରଇବା ରିତିନିତି ବେସି ଡାଟ୍ ସଙ୍ଗ୍ ମାନୁତେରଇଲି ।

୧୫ *ମାତର୍ ପରମେସର୍ ଡାଟ୍ ଜିବନ୍ ଦୁକାଇ ମର୍ ମାଆର୍ ଗର୍ବେ ରଇଲା ବେଲେ, ମକେ ବାଟିରଇଲା ଆରି ଡାଟ୍ ସେବା କର୍ବାକେ ଡାକ୍ଲା ।

୧୬ ଆରି ଜେତେବେଲେ ଜିଉଦି ନଇଲା ଲକ୍ମନର୍ ଟାନେ ସୁବକବର୍ ଜାନାଇବାକେ ପରମେସର୍ ମକେ ଡାଟ୍ ପଅକେ ଦେକାଇଲା, । ଏ ବିସଇନେଇ ମୁଇ କାରଲଗେ ଜିବି ଆରି ସେମନ୍ ମକେ ସିକାଇଦେଅଡ଼ ବଲି ଚିନ୍ତାକରି ନାଇ ।

୧୭ ଜେକ୍ରିକି ମର୍ ଆଗତୁ ଜେଡ଼କି ଲକ୍ ପେରିଡ଼ ସିସ୍ ଅଇରଇଲାଇ, ସେମନ୍ ସଙ୍ଗ୍ ମିସବାକେ ଜିରୁସାଲାମେ ଜାଇନାଇ । ସେବେଲେ ମୁଇ ଦାପ୍‌ରେ ବାରଇ ଆରବ୍ ଦେସେ ଉଟିଗାଲି । ଜାଇକରି ଆରିତରେକ୍ ଦାମାସ୍କସେ ବାଉଡ଼ି ଆଇଲି ।

୧୮ *ଆରି ତିନ୍ ବରସ୍ ପଟେ ମୁଇ ପିତର୍‌କେ ବେଟ୍ ଅଇବାକେ ଜିରୁସାଲାମେ ଗାଲି । ତେଇ ଡାଟ୍‌ସଙ୍ଗ୍ ଦୁଇ ଆଟ୍ ରଇଲି ।

୧୯ ମାତର୍ ମାପୁରୁର୍ ବାଇ ଜାକୁବ୍‌କେ ଚାଡ଼ଲେ ଆରି ମୁଇ କନ୍ ପେରିଡ଼ ସିସ୍‌କେ ମିସା ବେଟ୍ ଅଇନାଇ ।

୨୦ ମୁଇ ଜେଡ଼କି ବିସଇ ଲେକ୍‌ଲିନି, ସେଟା ସଡ଼, ପରମେସର୍ ଜାନିଆଟେ ମୁଇ କାଲଟା ମିସା ମିଟ୍ କଇନାଇ !

୨୧ ଡାଟ୍‌ପଟେ ମୁଇ ସିରିଆ ଆରି ସିଲିସିଆର୍ ବେସି ଜାଗାଇ ଜାଇରଇଲି ।

୨୨ ସେବେଲା ଜିଉଦା ରାଇଜେ ରଇଲା କିରିସ୍‌ଟକେ ବିସ୍‌ବାସ୍ କର୍ବା ମଣ୍ଡଲିର୍ ଲକ୍ମନ ମକେ ନିକସଙ୍ଗ୍ ନାଜାନି ରଇଲାଇ ।

୨୩ ବିନ୍ ଲକ୍ମନ ମର୍ ବିସଇ ଜାଇଟା କଇରଇଲାଇ, ସେମନ୍ ସେଡ଼କିସେ ଜାନିରଇଲାଇ । ବିନ୍ ଲକ୍ମନଟାନେଅନି ସେମନ୍ ସୁନିରଇଲାଇ କି, ଜନ୍ ଲକ୍ ଗଟେକ୍ ବେଲାଇ ଆମକେ କସ୍ଟ ଦେଇତେ ରଇଲା, ଆମର୍ ଦରମ୍ କୁରୁପ୍‌ନାସ୍ କିରିଦେବାକେ ଚେସଟା କର୍ତେ ରଇଲା, ଏବେ ସେ ଆକା ମାପୁରୁର୍ ସୁବକବର୍ ଜାନାଇଲାନି !

୨୪ ସେଟା ପାଇ ସେମନ୍ ମର୍‌ପାଇ ପରମେସରର୍ ଡାକ୍ପୁଟା କର୍ତେରଇଲାଇ ।

୨

ପାଉଲ୍ ଆରି ବିନ୍ ପେରିଡ଼ ସିସ୍‌ମନ୍

୧ *ଚଉଦ ବରସ୍ ପଟେ ବରନବାର୍ ସଙ୍ଗ୍ ମୁଇ ଜିରୁସାଲାମେ ବାଉଡ଼ିଆଇଲି । ଆମର୍ ସଙ୍ଗ୍ ତିତସ୍‌କେ ମିସା ଡାକି ନେଇରଇଲୁ ।

୨ ମୁଇ ତେଇ ଜିବାର୍ ଆଟେଆକା ବଲି ପରମେସରର୍‌ଟାନେଅନି ଆଦେସ୍ ପାଇ ଜାଇରଇଲି । ଜିଉଦି ନ ଅଇଲା ଲକ୍ମନର୍ ଲଗେ ମୁଇ ଜନ୍ କବର୍ ଜାନାଇଲିନି, ସେଟା ଜିରୁସାଲାମର୍ ନେଡା ବଲି ମାନିଅ ପାଇରଇବା ଲକ୍ମନ, ଗଟେକ୍ ଗରେ ବସ୍‌ଲା ବେଲେ, ତେଇ ବୁଜାଇ ଦେଲି । ଜେକ୍ରିକି ମର୍ ଆଗର୍ ପଟର୍ ଜାନାଇବା ସୁବକବର୍ ବେକାର ନ ଅ, ସେଟା ପାଇ ମୁଇ ଦିଆନ୍ ଦେଇରଇଲି ।

୩ ମୁଇ କଇଲା ବିସଇ ସେମନ୍ ରାଜି ଅଇଲାଇ । କାଲକେବଇଲେ ମର୍ ସାଙ୍ଗ୍ ତିତସ୍, ଗଟେକ୍ ଗିରିକ୍ ଲକ୍ ଅଇରଇଲେ ମିସା, ତାକେ ସୁନଡ଼ ଅ ଆକା ବଲି ବାଦିଅ କରଡ଼ ନାଇ ।

୪ ଏଲେମିସା କେତେକ୍ ଲକ୍ ତାକେ ସୁନଡ଼ କର୍ବାକେ ମନ୍ କର୍ତେ ରଇଲାଇ । ସେମନ୍ ବିସ୍‌ବାସି ବାଇ ବଲି ନାଡାକକରି କୁଟିଆଲ୍ ଇସାବେ ଦଲେ ମିସିରଇଲାଇ । କିରିସ୍ଟ ଜିସୁର୍ ସଙ୍ଗ୍ ମିସିରଇଲାଟ୍ ଲାଗି ଆମେ ଜନ୍ ମୁକ୍‌ଲିରଇବା ଦିନ୍ ପାଇଲୁଆରୁ, ସେ ବିସଇ କଜି ମିଲାଇବାକେ ସେମନ୍ ମନ୍ କର୍ତେ ରଇଲା । ଆମକେ ଆରିତରେକ୍ ମସାର୍ ନିୟମର୍ ଦାଙ୍ଗ୍‌ଡା କର୍ବାକେ ମିସା ମନ୍ କର୍ତେରଇଲାଇ ।

☆ ୧:୧୩ ପେରିଡ଼ ୮:୩;୨୨:୪,୫;୨୭:୯-୧୧ ☆ ୧:୧୪ ପେରିଡ଼ ୨୨:୩ ☆ ୧:୧୫ ପେରିଡ଼ ୯:୩-୬;୨୨:୭-୧୦;୨୭:୧୩-୧୮ ☆ ୧:୧୮ ପେରିଡ଼ ୯:୨୭-୩୦ ☆ ୨:୧ ପେରିଡ଼ ୧୧:୩୦;୧୫:୨

୫ ମାତର୍ ତମର୍ ଲାଗି, ସୁବ୍‌କବର୍ ସତ୍‌ସଙ୍ଘ ଦାରି ରକ୍‌ବାକେ, ଆମେ ସେ ନାଡ଼ାଉମନ୍‌କେ ଚନେକ୍ ମିସା ବେଲା ଦେଇ ନ ରଇଲୁ ।

୬ ମାତର୍ ଜନ୍ ଲକ୍‌ମନ୍ ନେତା ବଲାଇ ଅଇତେ ରଇଲାଇ, ସେମନ୍ ଜେ ମିସା ଅଅଡ୍, ସେଟାର୍ ପାଇ ମକେ କାଇଟା ନ ଅଏ । କାଇକେବଇଲେ ପରମେସର୍ କାକେ ମିସା ବାଇରର୍ ଚଲାଚଲ୍‌ତି ଦେକି ବିଚାରନା ନ କରେ । ସେ ନେତାମନ୍ ମକେ କାଇମିସା ନୁଆ ଜଜ୍‌ନା ନ ଦେଇରଇଲାଇ ।

୭ ଆରି ଗଟେକ୍ ବାଟେ ସେମନ୍ ଦେକ୍‌ଲାଇ ଜେ, ପରମେସର୍ ଜେକ୍‌କି ପିତର୍‌କେ ଜିଉଦିମନ୍‌ର ଲଗେ ସୁବ୍‌କବର୍ ଜାନାଇବାକେ ଦାଇଡ୍ ଦେଇ ରଇଲା, ସେକ୍ତି ଜିଉଦି ନଇଲା ଲକ୍‌ମନ୍‌ର ଟାନେ ସୁବ୍‌କବର୍ ଜାନାଇବାକେ ମକେ ଦାଇଡ୍ ଦେଲାଆଟେ ।

୮ କାଇକେବଇଲେ ପିତର୍ ଜେକ୍ତି ପର୍‌ମେସର୍‌ର ବପୁ ପାଇକରି ଜିଉଦିମନ୍‌ର ପାଇ ପେରିଡ୍ ସିସ୍ ଇସାବେ ଦାଇଡ୍ ପାଇରଇଲା, ସମାନ୍ ସେକ୍ତି, ମୁଇ ମିସା ପରମେସର୍‌ର ବପୁ ପାଇକରି ଜିଉଦି ନଇଲା ଲକ୍‌ମନ୍‌ର ପାଇ ପେରିଡ୍ ସିସ୍ ଇସାବେ ଦାଇଡ୍ ପାଇଲିଆଟି ।

୯ ନେତା ଇସାବେ ଏଜାଇଅଇରଇବା ଜାକୁବ୍, ପିତର୍ ଆରି ଜଅନ୍, ଝ ବଲି ମାନି ଅଇରଇଲାଇ ଜେ, ପରମେସର୍ ମକେ ଏ ମୁକିଅ କାମର୍ ଦାଇଡ୍ ଦେଲାଆଟେ । ସେଟାର୍ ପାଇ ସେମନ୍ ମକେ ଆରି ବର୍‌ନବାକେ, ଆମେ ମିସିକରି କାମ୍ କରୁବଲି ଗଟେକ୍ ଚିନ୍ ଇସାବେ ଆଡ୍ ମିଲାଇଲାଇ । ବର୍‌ନବା ଆରି ମୁଇ ଜିଉଦି ନଇଲା ଲକ୍‌ମନ୍‌ର ବିଡ୍‌ରେ ଆରି ସେମନ୍ ଜିଉଦିମନ୍‌ର ବିଡ୍‌ରେ କାମ୍ କରୁ ବଲି ରାଜି ଅଇରଇଲୁ ।

୧୦ ସେମନ୍ ଆମ୍‌କେ ସେମନ୍‌ର ଦଲେ ଅବାବେ ରଇଲା ଲକ୍‌ମନ୍‌କେ ଏତାଇତେରୁଆ ବଲି ଅବ୍‌କା ଏଡ୍‌କି ଗୁଆରି କରିରଇଲାଇ । ସେ ବିସଇ କର୍‌ବାକେସେ ମର୍ ମନ୍ ରଇଲା ।

ଆନ୍‌ଟିଅକ୍‌ତେଇ ପାଉଲ୍ ପିତର୍‌କେ ମନାକର୍‌ବାଟା

୧୧ ପିତର୍ ଆନ୍ତିଅକ୍‌ତେଇ ଆସି ରଇଲା ବେଲେ ମୁଇ ସବୁ ଲକ୍‌ର୍ ମୁଆଟେ ତାକେ ମନାକରିରଇଲି, କାଇକେ ବଇଲେ ସତଇସେ ସେ ବୁଲ୍ କାମ୍ କର୍‌ତେରଇଲା ।

୧୨ ଆଗତୁ ସେ ଜିଉଦି ନଇଲା ଲକ୍‌ମନ୍‌ର ସଙ୍ଘ କାଇତେରଇଲା, ମାତର୍ ଜେତେବଲ୍ ଜାକୁବ୍ ପାଟାଇରଇବା ଲକ୍‌ମନ୍‌ ତେଇ ଆଇଲାଇ, ତେଇ ମିସିକରି କାଇବାଟା ଚାଡି ବିନେ ରଇଲା । ଜନ୍ ଜିଉଦି ବିସ୍‌ବାସିମନ୍ ଜିଉଦି ନଇଲାଟାମନ୍‌କେ ସୁନଡ୍ ଉଆ ବଲି ବାଦିଅ କର୍‌ତେରଇଲାଇ, ସେମନ୍‌କେ ଡରି ପିତର୍ ଏକ୍ତି କଲା ।

୧୩ ବିନ୍ ଜିଉଦି ବାଇମନ୍ ମିସା ପିତର୍ ସଙ୍ଘ ମିସି କୁଟିଆଲ୍‌ମନ୍‌ର ପାରା ଚଲାଚଲ୍‌ତି କର୍‌ତେ ରଇଲାଇ । ଏକ୍ତିକି ବର୍‌ନବା ମିସା ସେନ୍ତାରି ଅଇଗାଲା ।

୧୪ ସବୁର୍ ମୁଆଟେ ମୁଇ ପିତର୍‌କେ କଇଲି, “ତୁଇ ଜିଉଦି ଅଇକରି ମିସା, ଜିଉଦି ନଇଲା ଲକ୍‌ର୍ ପାରା କେତେଟା ଜିଉଦି ରିଡିନିଡି ଚାଡିଦେଇ ଆତୁସ୍ । ସେନ୍ତାଆଲେ ଜିଉଦି ନ ଅଉମନ୍‌କେ ଆମର୍ ଦରମର୍ ସବୁ ରିଡିନିଡି ମାନ୍‌ବାକେ କେକ୍ତି ବାଦିଅ କଲୁସିନି ?”

ବିସ୍‌ବାସର୍ ଲାଗି ମୁକ୍ତି

୧୫ ଏବେ ଆମ୍‌କେ ଜନ୍‌ମେଅନି ଜିଉଦି ଲକ୍ ବଲି ଜାନଡ୍ । ପର୍‌ମେସର୍‌ର ନିୟମ୍ ନାଜାନ୍‌ଲା ଜିଉଦି ନଇଲା ଲକ୍‌ମନ୍‌ରପାରା ନଉଁ ।

୧୬ ଅଇଲେ ମିସା ଆମେ ଜାନୁ, ମସାର ନିୟମର୍ ଦାବି ପୁରାପୁରୁନ୍ କଲେ ନଏଁ, ମାତର୍ ଉଜେ ଜିସୁ କିରିସ୍‌ଟର୍‌ତେଇ ବିସ୍‌ବାସ୍ କଲେ, ଗଟେକ୍ ଲକ୍ ପରମେସର୍‌ର ମୁଆଟେ ଦସ୍ ନ ରଇବା ଲକ୍ ବଲାଇଅଇସି । ତାର୍ ମୁଆଟେ ଦରମ୍ ଲକ୍ ବଲାଇଅଇବାକେ, ଆମେ ଜିଉଦିମନ୍ ମିସା ଜିସୁକିରିସ୍‌ଟେକେ ବିସ୍‌ବାସ୍ କଲୁନି । କାଇକେବଇଲେ ପର୍‌ମେସର୍‌ର ମୁଆଟେ କେମିସା ନିୟମ୍ ମାନ୍‌ବା ଲକ୍ ଦରମ୍ ବଲି ଏଜାଇ ନ ଅଅଡ୍ ।

୧୭ ମାତର୍ କିରିସ୍‌ଟର୍ ସଙ୍ଘ ମିସିରଇଲାକେ ତାର୍ ମୁଆଟେ ଆମେ ଦରମ୍‌ଲକ୍ ବଲି ଏଜାଇ ଅଇବୁ । ମାତର୍ ମସାର ନିୟମ୍ ଇସାବେ, ଜିଉଦି ନଇଲା ଲକ୍‌ମନ୍‌ର ପାରା ଆମେ ପାପିଲକ୍ ବଲି ଏଜାଇ ଅଇଲୁନି । କିରିସ୍‌ଟ ଲକ୍‌ମନ୍‌କେ ପାପ୍ କରାଇବାକେ ବାଦିଅ କଲାମି ବଲି ତାର୍ ଅରଡ୍ ଆଟେ କି ? ନାଇ, ଏନ୍ତାରି କେବେ ନ ଅଏ ।

୧୮ କାଇକେବଇଲେ ମୁଇ ମସାର ନିୟମ୍ ପିଟି ପାସ୍‌ଲିଦେଲି । ମାତର୍ ଜନ୍ ନିୟମ୍ ମୁଇ ଚାଡିଦେଇରଇଲି, ସେଟା ଆରିତରେକ୍ ମାନ୍‌ବାକେ ଚେସ୍‌ଟା କଲେ ସତଇସେ ପାପି ଅଇଜିବି ।

୧୯ ନିୟମର୍ ପାଇ ମୁଇ ମଲାସମାନ୍ ଅଇଆଟି । ନିୟମର୍ ଲାଗି ସେ, ପର୍‌ମେସର୍‌ର ମୁଆଟେ ଦସି ଅଇକରି ମରନ୍‌ର ତଣ୍ଡୁ ପାଇଲି ।

୨୦ ପର୍‌ମେସର୍‌ର ପାଇ ବର୍‌ବାକେ ମକେ କିରିସ୍‌ଟର୍ ସଙ୍ଘ କୁରସେ ମରାଇଆଟେ । ଏବେ ମୁଇ ଜିଇକରି ରଇନାଇ । ମାତର୍ କିରିସ୍‌ଟ ମର୍‌ଟାନେ ଜିଇକରି ଆଟେ । ଏବେ ମର୍ ଗାଗଡ୍ ବିସ୍‌ବାସର୍ ଲାଗି ଜିବନ୍ ଆଟେ । ଜନ୍‌ଟା କି

☆ ୨:୧୭ ରମିୟ ୩:୨୦; ରମିୟ ୩:୨୨

ପରମେସରର ପଥ ଜିସୁ କିରିସ୍ଟ ମନେ ଆଲାଦ୍ କରି ମରପାଇ ସେ ନିଜେ ସରପି ଅଇଲା । ତାକେ ବିସ୍ବାସ କରି ମୁଇ ଜିଇଲି ଆଟି ।

୨୧ ଏଟାରପାଇ ପରମେସରର ଜିବନ୍ ଦୁକାଇଲାଟାକେ ମୁଇ କେବେ ମିସା ନାଇ ବଲି କଇନାପାରି । କାଇକେ ବଇଲେ ନିୟମ୍ ମାନଲେ ଜଦି ଗଟେକ୍ ଲକ୍ ତାର୍ ମୁଆଟେ ଦରମ୍ ଲକ୍ ଅଇପାରେ, ତେବେ କିରିସ୍ଟ ମଲାଟ୍ କିଟି ମୁଲିଅ ନାଇ । ଏ ସବୁ ବିସଇ ମୁଇ ଆନଟିଅକେ କଇଲି ।

୩

ନିୟମ୍ କି ବିସ୍ବାସ

୧ ଏ ବକୁଆ ଗାଳାତିଅମନ୍ ! କେ ତମକେ ଏନ୍ତାରି ବୁଲ୍ ସିକିଆ ଦେଇ ଚଟ୍ପଟ୍ କରାଇଲାନି ? ତମର୍ ମୁଆଟେ ତା କୁରସେ ମରିରଇବା ଜିସୁ କିରିସ୍ଟର ବିସଇ ଅର୍ସା ସଙ୍ଗ୍ ବାତାଇ ଦେଇଆରୁ ।

୨ ଗଟେକ୍ କାତା ମନେ କଇଦେକାପନି, ମସାର୍ ନିୟମ୍ ମାନଲାକେ ତମେ ସୁକଲ୍ଆଡ଼ମା ପାଇଆଟାସ୍ କି, ସୁବକବର୍ ସୁନି ସେଟା ବିସ୍ବାସ୍ କଲାକେ ?

୩ ତମେ କେନ୍ତାର୍ ଏତେକ୍ ବୁଦି ନଇଲା ଲକର୍ ପାରା ଅଇଗାଲାସ୍ନି ? ଆଡ଼ମାର୍ ବପୁ ପାଇକରି ତମେ ଜନ୍ ବିସ୍ବାସର ଜିବନ୍ ଆରାମ୍ କଲାସ୍, ସେଟା କାଇ ନିଜର୍ ବପୁସଙ୍ଗ୍ ସାରାଇବାକେ ମନ୍କଲାସ୍ନି କି ?

୪ ସେଟାରପାଇ ତମେ ଆଗ୍ତୁ ସିକ୍ଲାଟା ସବୁ ବେକାର୍ କି ? ତେଇଅନି କାଇଟା ମିସା ସିକାସ୍ ନାଇ କି ?

୫ ପରମେସର କାଇକେ ତାର୍ ଆଡ଼ମା ଦେଇ ତମର୍ ବିତ୍ରେ କାବାଅଇଜିବା କାମ୍ମନ୍ କଲା ? ତମେ ମସାର୍ ନିୟମ୍ ମାନଲାଟ୍ ପାଇ କି ଜନ୍ ସୁବକବର୍ ତମକେ ଜାନାଇରଇଲାଇ ସେଟା ବିସ୍ବାସ୍ କଲାକେ ?

୬ *ଅବ୍ରାଆମର୍ କାତା ଏତାଇ ଦେକା । ସାସ୍ତରେ ଲେକାଆଟେ, “ସେ ପରମେସର କଇଲା ବିସଇ ବିସ୍ବାସ୍ କଲା । ଆରି ତାର୍ ବିସ୍ବାସର୍ ଲାଗି ପରମେସର ତାକେ ଦରମ୍ ଲକ୍ ଇସାବେ ଲେକା କଲା ।”

୭ *ଜନ୍ ଲକ୍ମନ୍ ବିସ୍ବାସ୍ କରବାଇ, ସେମନ୍ସେ ଅବ୍ରାଆମର୍ କୁଟୁମର୍ ଲକ୍ । ଏଟା ତମେ ଜାନବାର୍ ଆଟେ ।

୮ ପୁରବେଅନି ଦରମ୍ ସାସ୍ତରେ ଲେକାଅଇଲା ଆଟେ ଜେ, ବିସ୍ବାସ୍ କଲେସେ ପରମେସର ଜିଉଦିନଇଲା ଲକ୍ମନ୍କେ ମିସା ଦରମ୍ ଲକ୍ ଇସାବେ ଲେକା କରସି । ପରମେସର ତମର୍ଟାନେଅନି ଜଗତର୍ ସବୁ ଲକ୍କେ ଆସିରବାଦ୍ କରସି । ଏ କବର୍ ପର୍ତୁମ୍ ଅବ୍ରାଆମ୍କେ ଜାନାଇ ଦିଆଅଇରଇଲା ।

୯ ଅବ୍ରାଆମ୍ ବିସ୍ବାସ୍ କରି ଆସିରବାଦ୍ ପାଇରଇଲା । ସେଟାର୍ ପାଇ ଜେଡକି ଲକ୍ ବିସ୍ବାସ୍ କରବାଇ, ସେମନ୍ ସବୁ ଲକ୍ ତାର୍ ପାରା ଆସିରବାଦ୍ ପାଇବାଇ ।

୧୦ ଜନ୍ ଲକ୍ମନ୍ ରିତିନିତିର୍ ନିୟମ୍ ମାନଲୁନି ବଲି ବଡ଼ପନ୍ ଅଇବାଇ, ସେମନ୍ ସାଇପ୍ ପାଇବାଇ । କାଇକେ ବଇଲେ ଦରମ୍ସାସ୍ତରେ ଲେକାଆଟେ, “ମସାର୍ ନିୟମ୍ ବଇଟାନେ ଜାଇଟା ସବୁ ଲେକାଅଇଲା ଆଟେ, ଜଦି କେ ସେଟା ପୁରାପୁରୁନ୍ ନ ମାନେ, ସେ ପରମେସରର୍ ସାଇପ୍ ପାଇସି ।”

୧୧ ଏଟା ନିକସଙ୍ଗ୍ ଜାନାପଡ଼ଲାନି । ରିତିନିତିର୍ ନିୟମ୍ ମାନିକରି କେ ମିସା ପରମେସରର୍ ମୁଆଟେ ଦରମ୍ ବଲାଇଅଇ ନ ଅଅଡ଼ । କାଇକେବଇଲେ ଦରମ୍ ଲକ୍ ବିସ୍ବାସର୍ ଲାଗି ବର୍ବାଇ ।

୧୨ ନିୟମ୍ ମାନବାଟା ଆରି ବିସ୍ବାସ୍ କରବାଟା ଦୁଇଟା ମୁଲ୍କେ ନ ମିସେ । ଦରମ୍ ସାସ୍ତରେ ଲେକାଆଟେ, ଜନ୍ ଲକ୍ ନିୟମର୍ ଦାବି ଇସାବେ କାମ୍ କରସି ସେ ଜିବନ୍ ପାଇସି ।

୧୩ ଆମେ କେ ମିସା ନିୟମର୍ ସବୁ ଆଦେସ୍ ମାନି ନାପାରୁ । ସେଟାରପାଇ ଆମେ ସବୁ ତଣ୍ଟୁ ପାଇବାର୍ ରଇଲା । ମାତର୍ କିରିସ୍ଟ ଆମର୍ ସାଇପ୍ ନିଜେ ନେଲା ଆରି ନିୟମର୍ ସାଇପେଅନି ଆମ୍କେ ମୁକ୍ଲାଲଲା । ଦରମ୍ ସାସ୍ତରେ ଲେକାଆଟେ, ଜେ ଗଟେ ଉଡକିଅଇ ମରସି, ସେ ପରମେସରର୍ତେଇ ଅନି ସାଇପ୍ ପାଇଲା ଲକ୍ !

୧୪ ଅବ୍ରାଆମ୍ ଜନ୍ ଆସିରବାଦ୍ କରବାକେ ସପଡ଼ କରିରଇଲା ଜିଉଦି ନଇଲା ଲକ୍ମନ୍ ମିସା ସେଟା ପାଇବାଇ, ସେଟାର୍ ପାଇ କିରିସ୍ଟ ଏ କାମ୍ କଲାଆଟେ । ସେଟାର୍ ପାଇ ବିସ୍ବାସ୍ କରି ଆମେ ମିସା ପରମେସରର୍ କାତା ଦେଲା ଇସାବେ ସୁକଲ୍ଆଡ଼ମା ପାଇପାରୁ ।

ନିୟମ୍ ଆରି ସପଡ଼

୧୫ ଏ ବାଇବଇନିମନ୍ ! ପରମେସର ଅବ୍ରାଆମ୍କେ ଜନ୍ ସପଡ଼ ଦେଇ ରଇଲା, ସେଟା ବାତାଇବାକେ ମୁଇ ଗଟେକ୍ ଉଦାଅରନ୍ କଇବି । ଜେତେବଲ୍ ଦୁଇ ଲକ୍ ଗଟେକ୍ ବିସଇତେଇ ରାଜିନାମା ଲେକ୍ବାଇ, ସେ ରାଜିନାମା କେ ମିସା ବାଙ୍ଗାଇ ନାପାରଡ଼ । କି ତେଇ କାଇଟା ମିସାଇ ନାପାରଡ଼ ।

୧୬ ସେନ୍ତାସେ ପରମେସର ଅବ୍ରାଆମ୍ ଆରି ତାର୍ ନାତିତିତିକେସେ ସପଡ଼ ଦେଇରଇଲା । ଏ ବିସଇନେଇ ନାତିତିତିମନ୍ ବଲି ସାସ୍ତରେ ଲେକାରଇବାଟା, ଅବ୍ରାଆମ୍ ସବୁ ନାତିତିତିମନ୍କେ କଏନାଇ । ମାତର୍ ଗଟେକ୍ ଲକ୍କେସେ କଇଲାଆଟେ । ଜେ କି କିରିସ୍ଟ ।

☆ ୩:୭ ରମିୟ ୪:୩ ☆ ୩:୭ ରମିୟ ୪:୧୭

୧୭ ମର କଇବାର ଅରତ୍ ଅଇଲାନ୍ତି, ପରମେସର୍ ଅବରାଆମର୍ ସଙ୍ଗ୍ ଗଟେକ୍ ରାଜିନାମା ତିଆର୍ କରିରଇଲା, ଆରି ସେଟା ମାନ୍ବାକେ ସପତ୍ କରିରଇଲା ।

ଜନ୍ ନିୟମ୍ ଚାରି ସଅ ତିରିସ୍ ବରସ୍ ପଚେ ଦିଆଅଇଲା, ସେ ନିୟମର୍ ରାଜିନାମା କେ ମିସା ବାଙ୍ଗାଲ ଦେଇ, ପରମେସର୍ ଦେଇରଇବା ସପତ୍ ନସ୍ତ କରିନାପାରେ ।

୧୮ *ପରମେସର୍ ଆସିର୍ବାଦ୍ ପାଇବାଟା ଜଦି ନିୟମ୍ ମାନ୍ବା ଉପରେ ଅଇସି ବଇଲେ, ତେବେ ସେଟା ଆରି ତାକର୍ ସପତ୍ ଲାଗି ଅଇଲାଟା ବଲି କଇ ନର୍ଏ । ସେଟା ପାଇ ପରମେସର୍ ଅବରାଆମ୍ କେ ଅବକା ତାର୍ ସପତ୍ ଇସାବେ ସେ ଆସିର୍ବାଦ୍ ଦେଇରଇଲା ।

୧୯ ତେବେ ନିୟମ୍ କାଇକେ ଦିଆଅଇଲା ? ମୁନୁସର୍ ସତ୍ ନ ଅଇବା ସବୁ କାମ୍ ଦେକାଇ ଦେବାକେ ଦିଆଅଇଲା । ଆରି ଅବରାଆମର୍ ଜନ୍ କୁଟୁମ୍ ଦେକି ପରମେସର୍ ସେ ସପତ୍ କରିରଇଲା, ସେ ଲକ୍ ଆଇବା ଜାକ ନିୟମର୍ ଦରକାର୍ ରଇଲା । ପରମେସର୍ ଗଟେକ୍ ଲକ୍ କେ ମାଲାକାରିଆ କରାଇ ସରଗର୍ ଦୁଡ଼ମନର୍ ଆତେ ନିୟମ୍ ପାଟାଇରଇଲା ।

୨୦ ମାତର୍ ଅବରାଆମ୍ କେ ସପତ୍ ଦେଲା ବେଲେ ମାଲାକାରିଆମନ୍ ନ ରଇଲା । ପରମେସର୍ ନିଜେସେ ସପତ୍ କରିରଇଲା ।

ନିୟମର୍ ଆଦେସ୍

୨୧ ନିୟମ୍ କାଇ ପରମେସର୍ ସପତ୍ ବିରଦ୍ କଲାନ୍ତି କି ? ନାଇ କେବେ ନାଇ ! କାଇକେବଇଲେ ଲକ୍ କେ ଜିବନ୍ ଦେଲାପାରା ଗଟେକ୍ ନିୟମ୍ କରା ଅଇତା, ତେବେ ସେଟା ମାନ୍ଲେସରି ସେ ପରମେସର୍ ମୁଆଟେ ଦସ୍ ନ କଲାଲକ୍ ବଲାଇ ଅଇତା ।

୨୨ ମାତର୍ ଦରମ୍ ସାସ୍ତରେ ଲେକା ଆଚେ, ସବୁ ମୁନୁସ୍ ଜାତି ପାପର୍ ତଲେ ଆଚତ୍, ସେଟା ପାଇ କିରିସ୍ଟ ବିସ୍ବାସିମନ୍, ଜିସୁ କିରିସ୍ଟର୍ତେଇ ବିସ୍ବାସ୍ କଲାଟା ପାଇ ସପତ୍, ଆସିର୍ବାଦ୍ ପାଇବାଇ ।

୨୩ ବିସ୍ବାସର୍ ଜୁଗ୍ ଆଇବା ଆଗତୁ ଆରି ଦେକାଇଅଇବା ଜାକ, ନିୟମ୍ ଆମ୍ କେ ବନ୍ଦି କରି ରକିରଇଲା ।

୨୪ କିରିସ୍ଟର୍ ଆଇବା ଜାକ ଆମେ ନିୟମର୍ ତଲେ ରଇଲୁ । ମାତର୍ ତାର୍ ପଚେ, କାଲି ବିସ୍ବାସେଅନି ଆମେ ପରମେସର୍ ମୁଆଟେ ଦସି ନଇଲା ଲକ୍ ବଲାଇ ଅଇବୁ ।

୨୫ ଏବେ ବିସ୍ବାସର୍ ଜୁଗ୍ କେଟିଆଚେ, ଆମେ ଆରି ନିୟମର୍ ତଲେ ନାଇ ।

୨୬ ବିସ୍ବାସ୍ କଲାକେ କିରିସ୍ଟ ଜିସୁର୍ ସଙ୍ଗ୍ ମିସିକରି, ଆମେ ସବୁ ପରମେସର୍ ପିଲାଟକି ଅଇଆବୁ ।

୨୭ ଆମେ ତୁବନ୍ ନେଇକରି କିରିସ୍ଟର୍ ସଙ୍ଗ୍ ଗଟେକ୍ ଅଇଆବୁ ଆରି ଏବେ ଜିସୁ କିରିସ୍ଟର୍ ଜିବନ୍ ରୁପର୍ ବସ୍ତର୍ ପିନ୍ଦି ଆବୁ ।

୨୮ ସେଟା ପାଇ ଜିଉଦି ଆରି ଜିଉଦିନଇଲା ଲକ୍, ଗେନାଅଇଲା ଗତିଦାଙ୍ଗ୍ତାଦାଙ୍ଗ୍ତି କି ମୁକ୍ଲାଇଲା ଲକ୍, ମୁନୁସ୍ କି ମାଇଜି ବିଡ଼ରେ, କାଇଟା ମିସା ବିନ୍ ନାଇ । ଆମେ ସବୁ ଲକ୍ ଜିସୁର୍ ସଙ୍ଗ୍ ମିସିକରି ଗଟେକ୍ ଅଇଆବୁ ।

୨୯ *ଜଦି ତମେ କିରିସ୍ଟର୍ ଲକ୍, ତେବେ ତମେ ମିସା ଅବରାଆମର୍ କୁଟୁମର୍ ଆରି ପରମେସର୍ ଜାଇଟା ସପତ୍ କଲାଆଚେ, ସେଟା ମିଲାଇସା ।

୪

୧ କାତା ଇସାବେ କଇଅଇସି । ପିଲା ବାବାର୍ ସବୁ ଦନ୍ସିମପତି ପାଇବାର୍ ଅଦିକାର୍ ଆଚେ, ମାତର୍ ସବୁ ଜାକ ତାର୍ ଅଇରଇଲା ପଚେ ମିସା, ବୟସ୍ ନ ଅଇବା ଜାକ ସେ ଗତିଦାଙ୍ଗ୍ତା ଇସାବେ ଲେକା ଅଇସି ।

୨ ବୟସ୍ ନ ଅଇବା ଜାକ, ତାର୍ ବାବା ଟିକ୍ କରବା ବେଲା ନ ଅଇବା ଜାକ, ବିନ୍ ଲକ୍ମନ୍ ତାକେ ଜତନ୍ କରବାଇ ଆରି ତାର୍ ସବୁ ବିସଇ ଦେକାରକା କରବାଇ ।

୩ ସେନ୍ତାରିସେ ଆମେ ମିସା ଆଡ଼ମାର୍ ଇସାବେ ବୟସ୍ ନ ଅଇବା ଆଗ୍ତୁ, ଜଗତ୍ କେ ସାସନ୍ କରବା ନିଅମ୍, ଆରି ରିତିନିତିର୍ ଗତିଦାଙ୍ଗ୍ତା ଅଇ ରଇଲୁ ।

୪ ସାରାସାରି ଜେଡେବଲ୍ ସମାନ୍ ବେଲା କେଟଲା, ପରମେସର୍ ତାର୍ ନିଜର୍ ପଅକେ ପାଟାଇଲା । ଗଟେକ୍ ମାମୁଲି ଟକିର୍ ଗର୍ବେଅନି ଜାତ୍ ଅଇକରି ସେ ଜିଉଦି ନିଅମ୍ ମାନିକରି ଜିଇଲାଇ କାଇଲାଇ ।

୫ *ଜେଡିକି ଦରକାର୍ ରଇଲା ମୁଲିଅ ଦେଇ, ନିଅମର୍ ବନ୍ଦନେଅନି ଲକ୍ମନ୍ କେ ମୁକ୍ଲାଇବାକେ ଆରି ସେମନ୍ କେ ପରମେସର୍ ପିଲାଜିଲା ଅଇବାକେ ବେଲା ଟିକ୍ କରବାକେ, ତାର୍ ଜିବନ୍ ଆଦେସ୍ ରଇଲା ।

୬ ତମେମନ୍ ଜେ ପରମେସର୍ ପିଲାଜିଲା, ଏଟା ଦେକାଇ ଦେବାକେ, ପରମେସର୍ ତାର୍ ପଅର୍ ଆଡ଼ମା ଆମର୍ ମନ୍ ବିଡ଼ରେ ପାଟାଇଲା ଆଚେ । ସେ ଆଡ଼ମା ଆଉଲିଅଇ କଇଲାନ୍ତି, “ବାବା ! ଏ ମର୍ ବାବା !”

୭ ସେଟାପାଇ ତମେ ଆରି ବିକିଅଇରଇବା ଗତିଦାଙ୍ଗ୍ତା ନୁଆସ୍, ମାତର୍ ପିଲାମନ୍ । ତମେ ତାର୍ ପିଲାଜିଲା ଅଇଲାର୍ ଲାଗି, ପରମେସର୍ ତାର୍ ପିଲାଟକିମନପାଇ ଜାଇଟା ସଙ୍ଗାଇଲା ଆଚେ, ସେଟା ସବୁ ତମ୍ କେ ଦାନ୍ କରିଦେଇସି ।

* ୩:୧୮ ରମିୟ ୪:୧୪ * ୩:୨୯ ରମିୟ ୪:୧୩ * ୪:୫ ରମିୟ ୮:୧୫-୧୭

ଗାଳାତିଅମନର ପାଇ ପାଉଲର ଚିନ୍ତା

୮ ଆଗତୁ ତମେମନ୍ ପରମେସରକେ ଜାନି ନ ରଇଲାସ୍, ସେଟାର ପାଇ ତମେ ମିର୍ ଦେବିଦେବତାମନର ଗତି ଅଇରଇଲାସ୍ ।

୯ ମାତର ଏବେ ତମେ ପରମେସରକେ ଜାନିଆରାସ୍, ନଇଲେ ମୁଇ କଇବି ପରମେସର ତମକେ ଜାନିଆତେ । ତେବେ ଏଟା କେନ୍ତ୍ର ଅଇପାରେ ଜେ, ତମକେ ରକିଆ କରିନାପାରି, ବପୁ ନ ରଇ ନସିଜିବା ଦେବତାମନର ଲଗେ ଆରି ତରେକ୍ ବାଉଡି ଜିବାକେ ମନ୍ କଲାସ୍ନି ? ତମେ କାଇକେ ଆରି ତରେକ୍ ସେମନର ଗତିଦାଙ୍ଗତା ଅଇବାକେ ମନ୍ କଲାସ୍ନି ?

୧୦ ଦୁକର କାତା, ତମେ କେତେଟା ଦିନ୍, ମାସ୍, ପାଗ ଆରି ବରସକେ ବେସି ମନ୍ଦିଆନ୍ ଦେଲାସ୍ନି ।

୧୧ ମୁଇ ତମର ପାଇ ବେସି ଚିନ୍ତା କଲିନି । ତମରପାଇ ମର ସବୁ କାମ୍ ବେକାର୍ ଅଇଲା କି ?

୧୨ ବାଇମନ୍, ମୁଇ ତମକେ ଜୁଆର୍ କରି କଇଲିନି, ମୁଇ ଜେନ୍ତାର କଇଲିନି, ସେନ୍ତାରି ଜିଆ । ମୁଇ ଜିଉଦି ଅଇଲେ ମିସା ତମରପାରା ଜିଉଦି ନଇଲା ଲକ୍ ପାରା ଅଇକରି, ମସାର ନିୟମେଅନି ମୁକ୍ଲିଆତି । ଆରି ତମେ ମକେ କାଇମିସା ଅନିଆଇ କରାସ୍ ନାଇ ।

୧୩ ମୁଇ ପରତୁମ୍ ତର କାଇକେ ତମର ସଙ୍ଗ ରଇଲି, ସେଟା ଏତାଆ । ସେଡକି ବେଲେ ମକେ ଜରଅଇରଲାକେ ତମକେ ସୁବକବର ଜାନାଇରଇଲି ।

୧୪ ମାତର ମର ଗାଗଡ୍ ନିକ ନ ରଇଲାରପାଇ ତମକେ ବେସି ଅସୁବିଦା ଅଇଲା । ଅଇଲେମିସା ତମେ ମକେ ଏଲା କରାସ୍ ନାଇ କି ଚାଡି ଦିଆସ୍ ନାଇ, ମାତର ମକେ ଗଟେକ୍ ସରଗର୍ ଦୁଡପାରା ଡାକି ରଇଲାସ୍ । କିରିସ୍ଟ ଜିସୁକେ ଜେନ୍ତ୍ର ତମେ ଡାକ୍ତାସ୍, ସେନ୍ତ୍ର ମକେ ମିସା ଡାକ୍ଲାସ୍ ।

୧୫ ସେବେଲା ତମେ କେତେକ୍ ସାର୍ଦା ରଇଲାସ୍ ! ମାତର ଏବେ ଆମର ବିତ୍ତରେ ରଇବା ସେ ସାର୍ଦା କେନେ ଗାଲା ? ତମର ବିସଇ ମୁଇ ଡାବ୍ସଙ୍ଗ୍ କଇଲିନି ଜେ, ଜଦି ଅଇପାର୍ତା ଆଲେ, ତମର ନିଜର ନିଜର ଆଁକି ବେଟି ଆନି ମକେ ଦେଇତାସ୍ !

୧୬ ମାତର ମୁଇ ଏବେ ସଡ୍ କଇଲାର ପାଇ, କାଇ ତମର ସଡ୍‌ରୁ ଅଇଗାଲି ଆତି କି ?

୧୭ ସେ ବିନ୍ ଲକ୍‌ମନ୍ ତମର ବାଟେ ବେସି ଦିଆନ୍ ଦେଲାଇନି । ମାତର ସେମନର ଦିଆନ୍ ଦେବାଟା ସଡ୍ ଇସାବେ ନାଇ । ସେମନ୍ ଏଟା ମନ୍ କଲାଇନି, ଜେନ୍ତ୍ରକି ମରବାଟେଅନି ତମକେ ବିନେ କଲେ, ତମେ ତାକରବାଟେ ମନ୍ କରସା ।

୧୮ ବିନ୍ ଲକ୍‌ମନ୍ ତମର ବାଟେ ବେସି ଦିଆନ୍ କରବାଟା ନିକ ବିସଇ । ମୁଇ ରଇଲା ବେଲେ କି ନ ରଇଲା ବେଲେ ସେମନ୍ ତମରଟାନେ ଦିଆନ୍ ଦେବାଟା ନିକ ବିସଇ, ମାତର ତାକର ଦିଆନ୍ ଦେବାଟା ଟିକ୍ ରଇବାର୍ ଆତେ ।

୧୯ ଏ ମର ଆଲାଦର୍ ପିଲାମନ୍, ତମର ବିତ୍ତରେ କିରିସ୍ଟର ପାରା ଚଲାଚଲ୍‌ତି ଅଇ ଆଇବାକେ, ମୁଇ ଆରିତରେକ୍ ଆଡଗଡ୍ ସୁକ୍ ଅଇବା ପାରା ଦୁକ୍‌କସ୍ଟ ପାଇଲିନି ।

୨୦ ଜେନ୍ତ୍ରାରିକି ମୁଇ ଏବେ ତମର ଲଗେ ରଇକରି ଦାକାପୁକା ନ କରି, ବିନ୍ ଇସାବେ କାତା ଅଇବାକେ ମନ୍ କଲିନି । କାଇକେବଇଲେ ମୁଇ ତମର ବିସଇନେଇ ବେସି ଚିନ୍ତା କଲିନି ।

ଆଗାର ଆରି ସାରାର ବିସଇନେଇ କଇବାଟା

୨୧ ମସାର ରିତିନିତିର ତଲେସେ ରଇବାକେ ତମେ ମନ୍ କଲାସ୍ନି କି ? ମକେ କଇଦେକାପନି, ତମେ କାଇ ରିତିନିତିଟାନର ବାକିଅ ସୁନାସ୍ ନାଇ କି ?

୨୨ ଅବରାଆମକେ ଦୁଇଟା ପଅ ରଇଲାଇ । ଗଟେକ୍ ତାର ଗରେ ପାଇଟି କରବା କୁଲିଆରନିର୍ଟା, ଆରି ଗଟେକ୍ ତାର ନିଜର ବିବାଇ ମାଇଜିର୍ଟା । କାଇକେବଇଲେ ଲେକା ଆତେ,

୨୩ ଜନ୍‌ଟା କୁଲିଆରନିର୍ ପଅ, ସେ ମୁନୁସର ମନ୍ କଲା ଇସାବେ ଜନମ୍ ଅଇଲା । ଜନ୍‌ଟା ବିବାଇ ମାଇଜିର୍ଟା, ପରମେସର କରିରଇବା ସପଡ୍ ଇସାବେ ଜାଡ୍ ଅଇଲାଟା ।

୨୪ ଏ କାତା ଗଟେକ୍ ଜଟ୍‌କା ଇସାବେ ଆତେ । କାଇକେବଇଲେ ଦୁଇଟା ମାଇଜି ଦୁଇଟା ରାଜିନାମା ପାରା । ଗଟେକ୍ ରାଜିନାମା ଆରାବ୍ ଦେସେ ରଇବା ସିନଅ ପରବଡ୍ ଉପରେ ପରମେସର ମସାକେ ଦେଇରଇବା ନିୟମ୍ । ଏ ରାଜିନାମା ଆଗାରକେ ସମାନ୍ କରି ଅଇସି । କାଇକେବଇଲେ ଆଗାର ଆରି ତାର ପିଲାମନ୍ ଗତି ଅଇରଇଲାଇ । ସମାନ୍ ସେନ୍ତାରିସେ ଏ ରାଜିନାମାର ପିଲାମନ୍ ସବୁଲକ୍ ଗତିଦାଙ୍ଗତା ।

୨୫ ଆଗାରକେ ଆରବର ସିନଅ ପରବଡ୍ ସଙ୍ଗ୍ ସମାନ୍ କରିଅଇସି, କନ୍ତ୍ରଅନି ନିୟମ୍ ଆଇଲାଆତେ । ତାକେ ଏବର ଜିରୁସାଲାମ୍ ସଅରକେ ମିସା ସମାନ୍ କରିଅଇସି । କାଇକେବଇଲେ, ଜିରୁସାଲାମେ ରଇବା ଜିଉଦିମନ୍ ମସାର ନିୟମ୍ ବିସ୍‌ବାସ୍ କଲାଇନି । ସେ ନିୟମ୍ ବିସ୍‌ବାସ୍ କରି ନିୟମର ଗତିଦାଙ୍ଗତା ଅଇଆତଡ୍ ।

୨୬ ମାତର ଅବରାଆମର ବିବାଇ ମାଇଜି ଜେ କି ଗତିଦାଙ୍ଗତା ନଏଁ, ତାକେ ସରଗର୍ ଜିରୁସାଲାମକେ ସମାନ୍ କରିଅଇସି । ସେ ଆମେ ବିସ୍‌ବାସ୍ କରବା ସବୁ ଲକର୍ ମାଆ ।

୨୭ ଜେନ୍ତ୍ରାରିକି ସାସ୍‌ତରେ ଲେକାଅଇଆତେ,

“ ଅଇରେ ବାଞ୍ଜି ମାଇଜି, ତୁଇ ସାର୍ଦା ଅ,

କେବେମିସା ପିଲାଜିଲା ପାଇବା ଦୁକାସୁକା
 ଦାରାଇ ଅଇବାଟା ନାଜାନିରଇଲେ ମିସା
 ଆଉଲି ଅଇ ତର ସାରଦା ସବୁକେ ଜାନାଇଦେସ । କାଇକେବଇଲେ ମୁନୁସ୍ ସଙ୍ଗ୍
 ବାସା ଅଇରଇବା ମାଇଜିର୍ ଟାନେଅନି ଗଟେକ୍ ଚାଡ଼ରି
 ମାଇଜିର୍ ପିଲାଜିଲା ଅଦିକ୍ ଅଇସି ।”

୨୮ ଏ ବାଇବଇନିମନ୍ ତମେ ଇସାକର୍ ପାରା ପରମେସର୍ ସପତ୍ କରି ପାଟାଇରଇବା ପିଲାଜିଲା ଅଇଗାଲାସ୍ ।

୨୯ ସେବେଲେ ଅବରାଆମର୍ ପିଲା ଜେ କି ଗାଗଡ଼ର୍ ଇସାବେ ଜନମ୍ ଅଇରଇଲା, ତାର୍ ସାନ୍ ବାଇକେ ସାଦ୍‌ବାନ୍ କଲା । ଜେ କି ପରମେସର୍ ଆଡ଼ମା ଇସାବେ ଜନମ୍ ଅଇଲା । ସେଟା ଏବେ ମିସା ଅଇଲାନି ।

୩୦ ମାତର୍ ଏ ବିସଇନେଇ ସାସ୍‌ତର୍ କାଇଟା କଇଲାନି ? ତେଇ ଲେକାଅଇଆଟେ, କୁଲିଆର୍ନି ଆରି ତାର୍ ପଅକେ ବାଟକରାଇ ଦିଆସ୍ । କାଇକେବଇଲେ କୁଲିଆର୍ନିର୍ ପଅ ବିବାଇ ମାଇଜିର୍ ପଅର୍ ସଙ୍ଗ୍ ବାବାର୍ ଦନ୍ ସଁପତି ପାଇନାପାରେ ।

୩୧ ତେବେ ଏ ମର୍ ବାଇବଇନିମନ୍ ଆମେ କୁଲିଆର୍ନିର୍ ପିଲାଜିଲା ନଉଁ, ବିବାଇ ମାଇଜିର୍ ପିଲାଜିଲା ।

୫

ତମର୍ ମୁକଲ୍‌ଗାଟା ଜତନ୍ କରା

୧ ଏବେ ଆମେ ବାନ୍‌ନେଅନି ମୁକଲିଆରୁ । ଆମ୍‌କେ କିରିସ୍‌ଟ ବାନ୍‌ନେଅନି ମୁକଲାଇଆଟେ । ସେଟାର୍ ପାଇ ଆମେ ବାନ୍‌ନ୍ କୁସଲାଇ ତାଟ୍ ସଙ୍ଗ୍ ରଉ । ଆରି ତରେକ୍ ଗତିଦାଙ୍ଗ୍‌ତାର୍ ବାନ୍‌ନେ ବାନ୍‌ଅଇବାକେ ନ ଦେଉ ।

୨ ମୁଇ ପାଉଲ୍ ଏବେ କଇଲିନି ସୁନା, ତମେ ଜଦି ପରମେସର୍ ମୁଆଟେ ଦରମ୍ ଅଇବାକେ ସୁନତ୍ ଅଇବା ରିତିନିତି ମାନଲ୍‌ସନି, ତମ୍‌କେ କିରିସ୍‌ଟ ଆରି ଲତାନାଇ ବଲି ତେଇଅନି ଜାନା ପଡ଼ଲାନି ।

୩ ଜନ୍ ଲକ୍ ସୁନତ୍ ଅଇବାକେ ଗାଲାନି, ମୁଇ ଆରିତରେକ୍ ତାକେ ଜାଗ୍‌ରଡ଼ କରାଇଦେଲିନି ଜେ, ମସାର୍ ନିୟମ୍ ପୁରାପୁରୁନ୍ ମାନବାର୍ ଆଟେ ।

୪ ତମର୍ ବିଡ଼ରେ ଜେଡ଼କି ଲକ୍ ନିୟମ୍ ମାନଲାର୍‌ପାଇ ପରମେସର୍ ମୁଆଟେ ଦରମ୍ ଅଇବାକେ ଚେସ୍‌ଟା କଲାସନି, । ତମେ କିରିସ୍‌ଟେଇ ଅନି ବିନେ ଅଇଆଟାସ୍, ଆରି ପରମେସର୍ ଜିବନ୍ ଦୁକାଇଲାତେଇଅନି ବାଇରେ ଆଟାସ୍ ।

୫ ମାତର୍ ଆମେ ଆସାକଲୁନି ଜେ, ପରମେସର୍ ଆମ୍‌କେ ତାର୍ ବିଚାର୍ ଇସାବେ ଦସ୍ ନଇଲା ଲକ୍ ବଲି କଇସି, ଜନ୍ ସୁକଲ୍ ଆଡ଼ମାର୍ ବପୁ ବିସ୍‌ବାସର୍ ଲାଗି ଆମ୍‌ର ବିଡ଼ରେ କାମ୍ କଲାନି, ସେ ବପୁର୍ ଲାଗି ସେଟା ଅଇସିବଲି ଆମେ ଜାଗ୍‌ଲୁନି ।

୬ କାଇକେବଇଲେ ଜିସୁ କିରିସ୍‌ଟର୍ ସଙ୍ଗ୍ ମିସିକରି ଜିଇଲେ କାଇଲେ, ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ମିସା ନାଇ । ଏକାଇ ଗଟେକ୍‌ସେ ଦର୍‌କାର୍ ରଇଲା ବିସଇ । ସେଟା ଅଇଲାନି, ବିସ୍‌ବାସେ ତାଟ୍ ରଇ ଆଲାଦ୍ ସଙ୍ଗ୍ ଦାଇତେ ରଇବା କାମ୍ କର୍‌ବାର୍ ।

୭ ତମେ ନିମାନ୍ ସଙ୍ଗ୍ ଆଗ୍‌କେ ଜାଇତେ ରଇଲାସ୍ ! ସଡ଼ ବାଟେ ଇଣ୍‌ଲା ବେଲେ, କେ ତମ୍‌କେ ଅଟ୍‌କାଇଲା ? କାରାପ୍ ବାଟେ ଜିବାକେ କେ ଉସ୍‌କାଇଲା ?

୮ ତମ୍‌କେ ତାକି ରଇଲା ପରମେସର୍‌ଟାନେଅନି ଏଟା ଅଏନାଇ ।

୯ କାତାଇ ଆଟେ, ଚକ୍‌ଟି ରଇବା ସବୁ ଅଟାଗୁଣ୍ଡ ପୁଲାଇବାକେ କଣ୍ଡେକ୍‌ସେ କମିର୍ ଲଡା ।

୧୦ ସେଟା ଜାଇଟା ଅଇଲେ ମିସା ଅଅବେ, ଏବେ ଜାକ ମର୍ ତମର୍ ଉପ୍‌ରେ ଆସାବର୍‌ସା ଆଟେ । କାଇକେ ବଇଲେ ଆମେ ସବୁ ଲକ୍ ମାପ୍‌ରୁର୍ ସଙ୍ଗ୍ ମିସି ଆରୁ । ମୁଇ ବିସ୍‌ବାସ୍ କଲିନି, ତମେ ମର୍ ସିକିଆ ବିରଦ୍ ନ କରାସ୍ । ଆରି ଜନ୍ ଲକ୍ ତମ୍‌କେ କଟପଟ କଲାଇନି, ସେ ଜେ ଅଇରଇଲେ ମିସା, ତାକେ ପରମେସର୍ ଡଣ୍ଡ ଦେଇସି ।

୧୧ ମାତର୍ ଏ ବାଇବଇନିମନ୍, ମୁଇ ଆଜିକେଜାକ ଜିଉଦି ନ ଅଇଲା ଲକ୍‌ମନ୍ ବିସ୍‌ବାସ୍ କଲେ ମିସା, ସୁନତ୍ କର୍‌ବାର୍ ଆଟେ ଆକା ବଲି ସିକାଇଲିନି ପନି । ମୁଇ ଏନ୍ତାରି ସିକାଇଲିନି ବଲି, କେତେକ୍ ଲକ୍‌ମନ୍ କଇବୁଲ୍‌ଲାଇନି । ସେନ୍ତାଆଲେ ମୁଇ ଏବେ ମିସା କାଇକେ ନିନ୍ଦା ପାଇଲିନି ? ତେବେ ମୁଇ କିରିସ୍‌ଟର୍ କୁରୁସ୍ ବିସଇ ଜାନାଇବାଟା ସୁନିକରି ଜିଉଦିଲକ୍‌ମନ୍ ରିସା ନ ଅଇତାଇ ।

୧୨ ମୁଇ ମନ୍ କଲିନି, ଏ ବିସଇନେଇ ଜେ ଜେ ତମ୍‌କେ କଟପଟ କଲାଇନି, ସେମନ୍ ଆରି ଅଲପ୍ ଆଗ୍‌କେ ଜାଅଡ଼ । ଉଜେ ସୁନତ୍ ନ ଅଇ ସେମନ୍‌ର୍ ଲିଙ୍ଗ୍ ପୁରାପୁରୁନ୍ କାଟି ଦେଅଡ଼ !

୧୩ ଏ ବାଇବଇନିମନ୍, ନିୟମ୍‌ର୍ ଡଣ୍ଡେଅନି ମୁକଲାଇ ଅଇବାକେ ପରମେସର୍ ତମ୍‌କେ ଡାକ୍‌ଲାଆଟେ । ମାତର୍ ଜାଗ୍‌ରଡ଼, ଏବେ ଆରି ଗାଗଡ଼ର୍ ମନ୍ କର୍‌ବାଟା ସବୁ ପୁରାପୁରୁନ୍ କରିଅଇସି ବଲି କୁଆନାଇ । ମାତର୍ ଆଲାଦେଅନି ଚଲାଟଲ୍‌ତି ଅଇ ତମର୍ ବିଡ଼ରେ ଗଟେକ୍ ଲକ୍ ଆରି ଗଟେକ୍ ଲକ୍‌ର୍ ସେବା କରା ।

୧୪ କାଇକେ ବଇଲେ ସବୁ ନିୟମ୍ ଏ ଗଟେକ୍ ବାକିଅତେଇ ସିଦ୍ ଅଇସି, ତମେ ନିଜ୍‌କେ ଆଲାଦ୍ କଲାପାରା ବିନ୍ ଲକ୍‌କେ ଆଲାଦ୍ କରା ।

୧୫ ମାତର ତମେ ଜଦି କିରମାର ଅଇ ତମର ବିତରେ ଚାବାକାତରା ଅଇସା, ତେବେ ଜାଗରତ୍, ଜେନ୍ତୁକି ତମର ଗଟେକ୍ ଲକ୍ ଆରି ଗଟେକ୍ ଲକ୍‌କେ ମାରି ନସ୍ତ ନ ଉଆ ।

ସୁକଲ୍‌ଆତ୍‌ମା ଆରି ଲକ୍‌ମନର୍ ଚଲନ୍

୧୬ ମର କଇବା କାତା ଅଇଲାନି, କେନ୍ତୁ ଚଲାଚଲ୍‌ତି କରବାର୍ ସେଟା ସୁକଲ୍‌ଆତ୍‌ମା ତମ୍‌କେ ସିକାଅ । ସେନ୍ତୁ ବଇଲେ, ତମେ ଆରି ଲକ୍‌ର ଚଲନ୍ ଆରି ଲାଲ୍‌ସା ବାଟେ ନ ଜାଆସ୍ ।

୧୭ *ଲକ୍‌ର ଚଲନ୍ ସୁକଲ୍‌ଆତ୍‌ମାର୍ ବିରଦି । ସେନ୍ତୁ ସେ ସୁକଲ୍‌ଆତ୍‌ମା ମନ୍ କରବାଟା, ଲକ୍‌ର ଚଲନ୍‌ର ବିରଦି । ଏମନ୍ ଗଟେକ୍ ଲକ୍ ଆରି ଗଟେକ୍ ଲକ୍‌ର ସତ୍‌ରୁ । ସେଟାର୍ ପାଇ ତମେ କାଇଟା କରବାକେ ମନ୍ କଲାସ୍‌ନି ସେଟା କରି ନାପାରାସ୍ ।

୧୮ ଜଦି ସୁକଲ୍‌ଆତ୍‌ମା ତମ୍‌କେ ଚାଲ୍‌ନା ଦେଇସି, ତେବେ ତମେ ଆରି ମସାର୍ ନିୟମର୍ ତଲେ ନାଇ ।

୧୯ ଗାଗତ୍‌ର କାମ୍‌ମନ୍ ତା ନିକ ସଙ୍ଗ୍ ଜାନା ପଡ୍‌ଲାନି, ବେସିଆ କାମ୍ କରବାଟା, ସୁକଲ୍ ନଇଲାଟା,

୨୦ କାରାପ୍ ଇସାବେ ଦେକ୍‌ବାଟା, ପୁଡ୍‌ଲାପୁଜା କରବାଟା, ଜାଦୁବିଦିଆ କରବାଟା, ଲାଗାଜତା କରି ସତ୍‌ରୁ ଅଇବାଟା, ଆଁକାର୍ ଅଇବାଟା, ରିସା ଅଇବାଟା, କାମ୍ ଅଇଲାପତେ ପାଚାରି ନ ଦେକ୍‌ବାଟା, ଦଲ୍‌ବିରଦି ଅଇବାଟା, କିରମାର୍ ଅଇବାଟା,

୨୧ ଈସାତଲା ଅଇବାଟା, ମାଡୁଆଲ୍ ଅଇବାଟା, ମଜାମଜ୍‌ଲିସ୍ ଅଇବାଟା, ଏ ସବୁ କାମ୍‌ମନ୍ ମୁଇ ଆଗ୍‌ତୁ ଜେନ୍ତୁ ତମ୍‌କେ କଇରଇଲି, ସେଟାର୍ ପାଇ ଆରିତରେକ୍ କଇଦେଲିନି ଜେ, ଜନ୍ ଲକ୍‌ମନ୍ ଏନ୍ତାରି କାମ୍ କରବାଇ, ସେମନ୍ ପରମେସରର୍ ରାଇଜେ ପୁରବା ଅଦିକାର ପାଇ ନାପାରତ୍ ।

୨୨ ମାତର ଆତ୍‌ମାର୍ ପଲ୍ ଅଇଲାନି, ଆଲାଦ୍ କରାକରି ଅଇବାଟା, ସାର୍‌ଦାସଙ୍ଗ୍ ରଇବାଟା, ସାନ୍ତ୍ରସଙ୍ଗ୍ ରଇବାଟା, ମୁର୍ଚିକରି ରଇବାଟା, ବିନ୍‌ଲକ୍‌କେ ଉପକାର୍ କରବାଟା, ନିମାନ୍ ଚଲାଚଲ୍‌ତି କରବାଟା, ବିସ୍‌ବାସେ କାମ୍‌କରବାଟା, ସଲ୍‌ଦ୍ ଅଇବାଟା, ଆତ୍‌ମାଇ ସାଆସ୍ ଦାରି ଚଲାଚଲ୍‌ତି କରବାଟା,

୨୩ ଏ ସବୁର୍ ଚଲନ୍ ମାନ୍‌ବା ଲକ୍ ନିୟମର୍ ବିରୁଦେ କାଇଟା ନ କରେ ।

୨୪ ଜନ୍ ଲକ୍‌ମନ୍ କିରିସଟ୍ ଜିସୁର୍, ସେମନ୍ ତାକର୍ ଗାଗତ୍‌କେ ତାର୍ ମନ୍ କରବାଟା ଆରି ଆସା କରବାଟା ସଙ୍ଗ୍ କୁର୍‌ସତେଇ ମରାଇ ଆଚତ୍ ।

୨୫ ଜଦି ଆମେ ସୁକଲ୍‌ଆତ୍‌ମାଇଅନି ଜିବନ୍ ପାଇଆତୁ, ତେବେ ଆତ୍‌ମାର୍ ଇସାବେ ଚଲାଚଲ୍‌ତି କରୁ ।

୨୬ ଆମେ ତୁଚାଇ ବଡ୍‌ପନ୍ ଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ରିସା ନ କରୁ ଆରି ଈସା ନ କରୁ ।



ମିସିବିଡିକରି ବଜ୍ ବୁଆ

୧ ଏ ବାଇବଇନିମନ୍ ଜଦି ତମର୍ ବିତରେ କେ କାରାପ୍ କାମ୍ କଲା ବେଲେ ଦାରାପଡ୍‌ଲେ, ତମର୍‌ଟାନେ ଜେ ସୁକଲ୍‌ ଆତ୍‌ମାଇଅନି ଚାଲ୍‌ନା ପାଇଲାନି, ସେ ତାକେ ଟିକ୍ ବାଟେ ଆନ୍‌ବାର୍ ଆଚେ । ମାତର ସେ ଏ କାମ୍ ସାର୍‌ଦା ଆରି ସଲ୍‌ଦ୍‌ସଙ୍ଗ୍ କରବାର୍ ଆଚେ । ଆରି ଜାଗରତ୍, ଜେନ୍ତୁକି ସେ ନିଜେ ସେନ୍ତାର୍ କାମ୍ କରବାକେ ମନ୍ କରବାର୍ ନାଇ ।

୨ ତମର୍ ତମର୍ ବିତରେ, ଜିବନେ ଆଇବା ବଜ୍ ବିସଇ ବଇବାକେ ସାଇଜ କରାକରି ଉଆ । ଏନ୍ତାରି କଲେ ତମେ କିରିସଟ୍‌ର ଆଦେସ୍ ମାନ୍‌ସା ।

୩ ଜେ ନିଜର୍ ବିସଇନେଇ ବଡ୍ ବଲି ବାବ୍‌ସି, ସତଇସେ ଦେକ୍‌ଲେ ସେ ବଡ୍ ନଏ । ସେ ନିଜେ ନାଡାଇ ଅଇଲାନି ।

୪ ସବୁ ଲକ୍ ନିଜର୍ ନିଜର୍ ଚଲାଚଲ୍‌ତି ବିଚାର୍ କରି ଦେକ୍‌ବାର୍ ଆଚେ । ଜଦି ସେଟା ନିକ ଅଇରଇସି, ତେବେ ସେ ନିଜେ ସାର୍‌ଦା ଅ । ଆରି ବିନ୍ ଲକ୍‌ର କାମ୍‌ସଙ୍ଗ୍ ନିଜେ କଲାଟା ସମାନ୍ ନ କର ।

୫ କାଇକେ ବଇଲେ ସବୁ ଲକ୍ ନିଜର୍ ନିଜର୍ ଜିବନେ ଆଇବା ବଜ୍ ବଇବାକେ ପଡ୍‌ସି ।

୬ ଜନ୍ ଲକ୍‌ମନ୍ ବାକିଅଟାନେ ସିକିଆ ପାଇଲାଇନି, ସେମନ୍‌ଟାନେ ଜନ୍‌ଟା ଆଚେ, ସେଟା ତାକର୍ ସିକାଉମନ୍‌ର ସଙ୍ଗ୍ ବାଟା କରବାର୍ ଆଚେ ।

୭ ପରମେସର୍ ନାଡାଇ ନ ଅଏ, ନିଜେ ନାଡାଇ ଉଆ ନାଇ । ଜେ ଜନ୍‌ଟା ବୁନିରଇସି, ସେ ସମାନ୍‌ଟା ଆକା କାଟ୍‌ସି ।

୮ ଜେ ନିଜର୍ ଗାଗତ୍‌ର ଗୁନ୍‌ଚଲନ୍ ଇସାବେ ବୁନ୍‌ସି, ସେ ଗାଗ୍‌ଡେଅନି ବାରଇବା ମରନର୍ କେଡ୍ କାଟ୍‌ସି । ମାତର ଜେ ଆତ୍‌ମାର୍ ଇସାବେ ବୁନ୍‌ସି, ସେ ଆତ୍‌ମାଇଅନି ବାରଇଲା ନ ସାର୍‌ବା ଜିବନ୍‌ପାରା କେଡ୍ କାଟ୍‌ସି ।

୯ ସେଟାର୍ ପାଇ ଆମେ ନିକ କାମ୍ କରି ଲାଗି ରଇବୁ । କାଇକେ ବଇଲେ ନ ତାକ୍‌ଲେ ସେ ସମାନ୍ ବେଲାଇ ପସଲ୍ ପାଇବାର୍ ଅଇସି ।

୧୦ ସେନ୍ତୁ ବଇଲେ ଜେତେକ୍ ତର୍ ବେଲା ପାଇଲୁନି, ସବୁବେଲା ସବୁର୍‌ସଙ୍ଗ୍, ଜନ୍‌ଲକ୍‌ମନ୍ ଆମର୍ ବିସ୍‌ବାସି କୁଟୁମେ ମିସ୍‌ଲାଇ ଆଚତ୍, ସେମନ୍‌ର ପାଇ ନିମାନ୍ କରବାର୍ ଆମର୍ ଦାଇଡ୍ ।

ସାରାସାରି ବେଲର୍ ଜାଗରତ୍ କରାଇବା କାତା

* ୫:୧୭ ରମିୟ ୭:୧୫-୨୩

^{୧୧} ଦେକା, କେତେ ବଡ଼ ବଡ଼ ଅଇକରସଙ୍ଗ ମୁଇ ତମ୍ଭେ ଏ ଚିଟିର ସାରାସାରି କାତା ମର ନିଜର ଆତେ ଲେକ୍ଲିନି ।

^{୧୨} ଜନ୍ ଲକ୍ମନ ବାଇରର ରିତିନିତି ମାନିକରି ତାକ୍ପୁଟା ପାଇବାକେ ମନ୍ କରବାଇ, ସେମନ୍ ତମ୍ଭେ ସୁନଡ଼ ଅଇବାକେ ବାଦିଅ କଲାଇନି । କିରିସ୍ତର କୁରସର ଲାଗି ସେମନ୍ ଜେନ୍ତ୍ର ସଙ୍ଗର ଜିଉଦିମନର କସ୍ତ ନ ପାଇବାର ଲାଗି ଏଟା କଲାଇନି ।

^{୧୩} କାଇକେ ବଇଲେ ଜନ୍ ଲକ୍ମନ ସୁନଡ଼ ବିଦିକେ ଟିକ୍ ବଲି କଇଲାଇନି, ସେମନ୍ ନିଜେ, ମସାର ସବୁ ନିୟମ୍ ମାନଡ଼ ନାଇ । ଜେନ୍ତ୍ର କି ତମେ ସୁନଡ଼ ଅଇ ସେମାନରବାଟେ ମିସ୍ଲାସ୍ । ଏଟା ନେଇକରି ବଡ଼ପନ୍ ଅଇବାଇ ।

^{୧୪} ମାତର ମାପୁରୁ ଜିସୁ କିରିସ୍ତର କୁରୁସ୍ ଚାଡ଼ିକରି ଆରି କାଇତେଇ ବଡ଼ପନ୍ ଅଇବାଟା ମରଟାନେଅନି ଦୁରିକେ ରଅ । କାଇକେବଇଲେ ଜଗଡ଼ ଜନ୍ ବିସଇର ପାଇ ବେସି ଦାନ୍ଦା ଅଇଲାନି, ସେଟା ମୁକିଅ ବିସଇ ବଲି ମୁଇ ନ ବାବି । ଆରି ଜଗଡ଼ ମିସା ମକେ କାଇ ମୁଲିଅ ନ ଅଇଲା ଲକ୍ ପାରା ଦେକ୍ଲାନି ।

^{୧୫} କେ ସୁନଡ଼ ଅଇଲା, କେ ସୁନଡ଼ ଅଏନାଇ, ସେଟା କିଟି ନାଇ । ମାତର ପରମେସର ଆମ୍ଭେ ନୁଆ ଜନମ୍ ଦେଲାଆଟେ, ସବୁରଟାନେଅନି ସେଟାସେ ମୁକିଅ ବିସଇ ।

^{୧୬} ଜନ୍ ଲକ୍ମନ ନିଜର ଜିବନେ ଏ କାତା ଦାରବାଇ, ସେମନ୍ ସବୁ ଲକ୍ ଆରି ପରମେସରର ସବୁ ଲକ୍ମନ ଜିବନେ ସାନ୍ତି ଆରି ଜିବନ୍ ଦୁକାନି ପାଇବାଇ ।

^{୧୭} ସାରାସାରି ଏଡ଼କି କଇଲିନି, ଆଜିଅନି ବୁଲ୍ ସିକିଆ ଦେଇକରି ମକେ ଆରି କେ ମିସା କସ୍ତ ନ ଦେଅ, କାଇକେ ବଇଲେ ମୁଇ ଜିସୁର ଗତିଦାଙ୍ଗଡ଼ା ବଲି ଦେକାଇବାକେ ମର ଗାଗ୍ତେ ତାର କଣ୍ଡିଆ ଚିନ୍ ଆଟେ ।

^{୧୮} ଏ ବାଇବଇନିମନ୍ ! ଆମର ମାପୁରୁ ଜିସୁକିରିସ୍ତର ଜିବନ୍ ଦୁକାନି ତମର ସବୁ ଲକ୍ମର ଲଗେ ରଅ । ଆମେନ୍ !

ଏପିସିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପତ୍ର ଏପିସିୟ ମଣ୍ଡଳୀର ବିସ୍ତାରିତମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ଜାନବାଟା

ଏପିସିୟ ମଣ୍ଡଳୀର ଲକ୍ଷ୍ମଣଙ୍କେ ପାଉଲ୍ ଲେଖିରଇଲା ଚିଠି ପାକାପାକି ୬୦ କିରିସ୍ତୀଦ ବିତ୍ତରେ ଲେକାଅଇରଇଲା । ଏଟା କଲସିଅ ମଣ୍ଡଳୀର ଲକ୍ଷ୍ମଣଙ୍କେ ଲେଖିରଇଲା ବେଲେ ଲେକା ଅଇରଇଲା । ଜେ ଏ ଚିଠି ଲେଖିଲା ଆତେ, ସେ ନିଜେ ପେରିଡ୍ ପାଉଲ୍ ବଲି ଜାନାଇଅଇଲା ଆତେ ୧:୧ । କଲସିଅ ବଇଟାନେ ନିଜେ ଜାନାଇ ନ ଅଇରଇଲେ ମିସା କେତେଟା ପଣ୍ଡିତମନ୍ ଏପିସିୟ ବଇ ପାଉଲ୍ ଲେଖିଲାଆତେ ବଲି କଇବାଇ । ଏଟାପାଇ ସବୁ ମଣ୍ଡଳୀକେ ଚିଠି ବାଟ୍‌ବା ଆଦେସ୍ ନେଇକରି ଲେକାଅଇରଇସି କାଇକି ବଲି କଇବାଇ । ପାଉଲ୍ ଏଟା ମିସା ଜାନାଇଦେଇ ଆତେ, କି ଏ ଚିଠି ଲେଖିବା ବେଲେ ସେ ବନ୍ଦି ରଇଲା । ୩:୧;୪:୧, ୬:୨୦ । ପାଉଲ୍ ତୁକିକକେ ଏ ଚିଠି ଦେଇକରି ଏପିସିୟ ମଣ୍ଡଳୀତେଇ ପାଟାଈରଇଲା ୬:୨୧-୨୨ ।

ଏପିସିୟ ଅଇଲାନି ଏସିଆ ଦେସର୍ ଗଟେକ୍ ବଡ଼ ସଅର୍ ଆରି ରାଜଦାନି ରଇଲା । ଏପିସି ଗିରିକ୍ ଦେବ୍‌ତା ଆର୍ତେମିର୍ ଉପାସନା କର୍ବାକେ ଆରି ମନ୍ଦିରର୍ ପାଇ ଡାକ୍‌ପୁଟା ରଇଲା । ପେରିଡ୍ ୯:୨୩-୩୧ । ଏପିସିୟ ମଣ୍ଡଳୀ ପର୍ତୁଗା ଡାକ୍ ରଇଲା, ମାତର୍ ପଟେ ପଟେ ଉନା ଉନା ଅଇଆଇଲା । ପର୍ତ୍ତାସିତ ୨:୧-୭ । ପାଉଲ୍ ତାର୍ ଚିଠି ଲେଖିଲା ଅଦା ବାଗେ ପର୍ତ୍ତେସର୍ ତାର୍ ଲକ୍ଷ୍ମଣଙ୍କେ କେନ୍ଦ୍ରି ବାଟ୍‌ଲାଆତେ ଆରି ଜିସୁକିରିସ୍ତର୍ ଲାଗି କେନ୍ଦ୍ରି ପାପେଅନି ରକିଆ କଲାଆତେ, ସେଟା ବୁଜାଇଦେଇଆତେ ।

ପାଉଲ୍ ମଣ୍ଡଳୀକେ ଗାଗଡ଼ ସମାନ୍ କରି କିରିସ୍ତ ଇତିର୍ ମୁଣ୍ଡ ଆରି କନର୍ ମୁଲ୍‌ତେଲି ବଲି କଇଆତେ, ଜନ୍‌ଟାକି ସଙ୍ଗ୍ ମିସିକରି ବଡ଼ ଅଦିକ୍ ଅଦିକ୍ ଅଇଲାନି । ପାଉଲ୍ ଚିଠିଟାନେ ଅଦାବାଗ୍ ବିସ୍ତାରିତମାନର୍ ଜିବନ୍ କେନ୍ଦ୍ରି ରଇବାର୍, ସେ ବିସଇ ଆଦେସ୍ ଦେଲାଆତେ ।

ଏ ବଇ ବିତ୍ତରେ ରଇବାଟା

- ୧. ପାଉଲ୍ ଜୁଆର୍ କରି ନିଜେ ଜାନାଇଅଇଆତେ । ୧:୧-୨
- ୨. କିରିସ୍ତର୍ ସଙ୍ଗ୍ ମଣ୍ଡଳୀର୍ ମିସାବିତା ଅଇବାଟା । ୧:୩-୩:୨୧
- ୩. ବିସ୍ତାରିତ ଜିବନ୍ କେନ୍ଦ୍ରି ବିତାଇବାର୍ । ୪:୧-୬:୨୦
- ୪. ପାଉଲ୍ ସାରାସାରି ଜୁଆର୍ ଜାନାଇବାଟା । ୬:୨୧-୨୪

୧*ମୁଇ ପାଉଲ୍ ପର୍ତ୍ତେସରର୍ ମନ୍ କଲା ଇସାବେ କିରିସ୍ତ ଜିସୁର୍ ଗଟେକ୍ ପେରିଡ୍ ସିସ୍ ଅଇ ବାଟି ଅଇଆଟି । ଜିସୁ କିରିସ୍ତର୍ ସଙ୍ଗ୍ ମିସିକରି ବିସ୍ତାରିତସଙ୍ଗ୍ ଜିଉନା କାଉନା କର୍ତେ ରଇବା ଏପିସିୟର୍ ବିସ୍ତାରିତମାନର୍ ଲଗେ ଏ ଚିଠି ଲେଖିଲିନି ।

୨ ଆମର୍ ବାବା ପର୍ତ୍ତେସର୍ ଆରି ମାପୁରୁ ଜିସୁକିରିସ୍ତ ତମ୍‌କେ ସବୁଲକ୍‌କେ ଜିବନ୍ ଦୁକାଇକରି ସାନ୍ତି ଦେଅ ।

ଆଡ଼ମାର୍ ଆସିରବାଦ୍

୩ ଆମର୍ ମାପୁରୁ ଜିସୁ କିରିସ୍ତର୍ ବାବା ପର୍ତ୍ତେସର୍ ଦନିଅବାଦ୍ ପାଅ । କାଇକେ ବଇଲେ ସେ ଆମ୍‌କେ କିରିସ୍ତର୍ ସଙ୍ଗ୍ ମିସାଇକରି ସର୍ଗେ ରଇବା ସବୁଜାକ ଆଡ଼ମାଇଅନି ମିଲାଇବା ଆସିରବାଦ୍ ଦେଇଆତେ ।

୪ କିରିସ୍ତର୍ ସଙ୍ଗ୍ ମିସିରଇକରି ଆମେ ଜେନ୍ଦ୍ରି ପର୍ତ୍ତେସରର୍ ଅଇରୁ, ସେଟାପାଇ ସେ ଆମ୍‌କେ ଜଗଡ଼ ତିଆର୍ ନ ଅଇବା ଆଗୁତୁ ବାଟି ରଇଲା ।

ଜେନ୍ଦ୍ରିକି ସୁକଲ୍ ଆରି କାଇ ଦସ୍ ନ ଅଇତେ ତାର୍ ମୁଆଟେ ଚିଆଅଇରୁ ।

୫ ତାର୍ ଆଲାଦର୍ ଲାଗି, ଜିସୁ କିରିସ୍ତର୍ ସଙ୍ଗ୍ ସେ ଆମ୍‌କେ ତାର୍ ନିଜର୍ ପଅଜି ପାରା କର୍ବାକେ ବାଟିଆତେ । ଏଟାସେ ତାର୍ ଆଦେସ୍ ଆରି ସାର୍‌ଦା ।

୬ ଜେନ୍ଦ୍ରିକି ତାର୍ ବଡ଼ ଜିବନ୍ ଦୁକାନିର୍ ଲାଗି ଆମେ ତାକେ ଡାକ୍‌ପୁଟା କରୁ । ତାର୍ ଆଲାଦର୍ ପଅ କରି ରଇଲା କାମର୍ ଲାଗି, ଇନାମେ ତାର୍ ଜିବନ୍ ଦୁକାଇଲାଟା ସେ ଆମ୍‌କେ ଦେଲା ଆତେ ।

୭*କିରିସ୍ତ ବନି ଜରାଇ ମଲାର୍‌ପାଇ ଆମେ ମୁକ୍ତି ପାଇଆତୁ ଆରି ଆମର୍ ସବୁଜାକ ପାପ୍ କେମା ଅଇଲା ଆତେ । ପର୍ତ୍ତେସର୍ ଜିବନ୍ ଦୁକାଇଲାଟା କେତେ ବଡ଼ ବିସଇ !

୮ ସେଟା ସେ ଆମ୍‌କେ ନ ସାରାଇତେ ଦେଇଆତେ । ସବୁ ଗିଆନ୍ ଆରି ବୁଜ୍‌ବା ବପୁ ସଙ୍ଗ୍ ମିସା ଦେଲା ଆତେ ।

୯ ଆଗୁତୁ ଆମେ ଜାନି ନ ରଇଲା ତାର୍ ଜଜ୍‌ନାର୍ ଚିକିନିକି ବିସଇ, ସେ ଆମ୍‌କେ ଜାନାଇ ଆତେ । ସେଟା ଜିସୁ କିରିସ୍ତର୍ ଦେଇ ସେ ପୁରାପୁରୁନ୍ କଲାଆତେ, କାଇକେ ବଇଲେ ଏଟା ତାକେ ସାର୍‌ଦା କଲା ।

☆ ୧:୧ ପେରିଡ୍ ୧୮:୧୯-୨୧;୧୯:୧ ☆ ୧:୭ କଲସିଅ ୧:୧୪

୧୦ ସରଗେ ଆରି ଜଗତେ ତିଆର୍ ଅଇରଇବା ସବୁ ବିସଇ ଗଟେକ୍ଟାନେ ଆନ୍ବାକେ ପର୍ମେସରର୍ ଜଜ୍ଜନା ରଇଲା । କିରିସ୍ଟ ସେସବୁ ବିସଇର୍ ମୁଣ୍ଡ ପାରା ଅଇକରି ରଇସି । ଏଟା ସମାନ୍ ବେଲାଇ ସେ ପୁରାପୁରୁନ୍ କର୍ସି ।

୧୧ କିରିସ୍ଟର୍ ସଙ୍ଗ ମିସାଇ କରି, ପର୍ମେସର୍, ଆମେ ଜିଉଦିମନ୍‌କେ ବାଟି ଆତେ । କାଇକେ ବଇଲେ ଆଗେ ଅନି ଏନ୍ତାରି କର୍ବାକେ ସେ ଜଜ୍ଜନା କରି ରଇଲା । ସେ ଜେନ୍ତାରି ମନ୍ କର୍ସି, ସେ ଇସାବେ ସବୁ ବିସଇ ପୁରାପୁରୁନ୍ କର୍ସି ।

୧୨ ଜେନ୍ତାରିକି ଆମେ ଜେଡ଼କି ଜିଉଦି ଲକ୍ ପର୍ତୁମ୍ କିରିସ୍ଟକେ ଆସାକରି ରଇଲୁ, ସବୁଲକ୍ ପର୍ମେସର୍‌କେ ମଇମା କରୁ !

୧୩ ତମେ ମିସା ଜେଡେବେଲେ ମୁକ୍ତି ପାଇବା, ଏ ସୁବ୍ କବରର୍ ସଡ଼ କାତା ସୁନ୍‌ଲାସ୍, ସେ ବେଲେଅନି ପର୍ମେସରର୍ ଲକ୍ ଅଇଆତାସ୍ । ତମେ କିରିସ୍ଟକେ ବିସ୍ବାସ୍ କଲାକେ, ପର୍ମେସର୍ ସେ ଦେଇରଇବା କାତା ଇସାବେ ସୁକଲ୍ ଆଡ଼ମା ଦାନ୍ କରିଆତେ । ଆରି ସେ ତମ୍‌କେ ଚିନ୍ କଲାଆତେ ।

୧୪ ପର୍ମେସର୍ ତାର୍ ଲକ୍‌ମନ୍‌କେ ଜେଡ଼କି ବିସଇ ଦାନ୍ କର୍ବାକେ କାତା ଦେଲାଆତେ, ସେ ସବୁଜାକ ଆମେ ମିଲାଇପାରୁ । ସୁକଲ୍‌ଆଡ଼ମା ଆମର୍‌ବାଟେ ଚିଆଅଇସି । ପର୍ମେସର୍ ତାର୍ ଲକ୍‌ମନ୍‌କେ ପୁରାପୁରୁନ୍ ନିଜେ ମନ୍‌କରି ମୁକ୍ତି ଦେଇସି । ଏଟା ସଡ଼ ବଲିକରି, ଆସା ପର୍ମେସର୍‌କେ ମଇମା କରୁ !

ପାଉଲର୍ ପାର୍ତନା

୧୫ ସେଟାର୍ ପାଇ ମାପୁରୁ ଜିସୁର୍ ଲଗେ ତମେ ବିସ୍ବାସ୍ କର୍ବାଟା ଆରି ପର୍ମେସରର୍ ଲକ୍‌ମନ୍‌ ପାଇ ରଇବା ତମର୍ ଆଲାଦର୍ ବିସଇ ସୁନ୍‌ଲା ଦିନେଅନି,

୧୬ ମୁଇ ପର୍ମେସର୍‌କେ ତମର୍‌ପାଇ ଦନିଅବାଦ୍ ଦେଇ ଆଇଲିନି । ମୁଇମିସା ପାର୍ତନା କଲାବେଲେ ତମର୍‌ପାଇ ପର୍ମେସର୍‌କେ ଦନିଅବାଦ୍ ଦେବାକେ ପାସିର୍ ଜାଇ ନାଇ । ମୁଇ ପାର୍ତନା କଲାବେଲେ ତମ୍‌କେ ଏତାଇଲିନି ।

୧୭ ଆରି ତାକ୍‌ପୁଟାର୍ ବାବା, ଆମର୍ ମାପୁରୁ ଜିସୁକିରିସ୍ଟର୍ ପର୍ମେସର୍‌କେ ପାର୍ତନା କଲିନି । ଜେନ୍ତକି ସେ ତମ୍‌କେ ସୁକଲ୍ ଆଡ଼ମା ଦେଇସି । ସେ ଆଡ଼ମା ତମ୍‌କେ ଗିଆନ୍ କରାଇସି ଆରି ପର୍ମେସର୍‌କେ ତମର୍ ମୁଆଟେ ଦେକାଇସି ।

୧୮ ମୁଇ ପାର୍ତନା କଲିନି, ଜେନ୍ତାରିକି ତାର୍ ଉଜଲ୍ ଦେକବାକେ ତମର୍ ଆଡ଼ମାର୍ ଆଁକି ତିସ । ଜେନ୍ତକି ଜନ୍ ଆସା ନେଇକରି ତମେ ତାର୍ ଲଗେ ଆସି ଆଟାସ୍, ସେଟା ଜାନିପାରାସ୍ ।

୧୯ ତାର୍ ଲକ୍‌ମନ୍‌ ପାଇ ସେ ଦେଇରଇବା କାତାର୍ ସବୁ ବଡ଼ ଆସିର୍‌ବାଦ୍ କେତେକ୍ ଅଦିକ୍ ଆତେ । ଆରି ଆମର୍ ପାରା ବିସ୍ବାସିମନ୍‌ ପାଇ ରଇବା ତାର୍ ବପୁ କେତେ ବଡ଼, ସେଟା ତମେ ଜାନି ପାରାସ୍ ।

୨୦ ଏବେ ଆମର୍ ବିତ୍ରେ କାମ୍ କର୍ତେରଇବା ସେ ବପୁର୍ ସଙ୍ଗେ, ପର୍ମେସର୍ କିରିସ୍ଟକେ ମଲାତେଇଅନି ଉଟାଇକରି ତାର୍ ଉଜାବାଟେ ବସାଇଆତେ ।

୨୧ କିରିସ୍ଟ ସର୍ଗେ, ସାସନ୍ କର୍ବା ଲକ୍‌ମନ୍‌କେ, ସନ୍‌ମାନ୍ ପାଇବା ଲକ୍‌ମନ୍‌କେ, ବପୁରଇବା ଲକ୍‌ମନ୍‌କେ ଆରି ସାସନ୍‌କାରିଆମନ୍‌ ଉପ୍ରେ ସାସନ୍ କର୍ସି । ତାର୍ ଅଦିକାର୍ ଏବର୍ ସାସନ୍‌କାରିଆମନ୍‌ କି ଆଇବା ଦିନର୍ ସାସନ୍‌କାରିଆମନ୍‌ ତେଇଅନି ଅଦିକ୍ ବପୁ ସଙ୍ଗର୍ ଆତେ ।

୨୨ *ପର୍ମେସର୍ ସବୁବିସଇ କିରିସ୍ଟର୍ ପାଦ୍‌ତଲେ ସଙ୍ଗଇଆତେ । ଆରି ସବୁ ବିସଇର୍ ଉପ୍ରେ, ସବୁର୍ତେଇଅନି ଉପ୍ରେ ମାପୁରୁ କରି ମଣ୍ଡଲିକେ ଦାନ୍‌କଲା ଆତେ ।

୨୩ ମଣ୍ଡଲି ଅଇଲାନ୍ କିରିସ୍ଟର୍ ଗାଗଡ଼ । କିରିସ୍ଟର୍ ଜିବନ୍ ସଙ୍ଗ ମଣ୍ଡଲି ପୁରାପୁରୁନ୍ ଅଇସି । ଆରି କିରିସ୍ଟ ସବୁବିସଇ ପୁରାପୁରୁନ୍ କର୍ସି ।

9

ମରନ୍‌ଟାନେ ଅନି ଜିବନ୍

୧* ଆଗ୍ତୁ ତମର୍ ପାପର୍ ଲାଗି, ତମେ ଆଡ଼ମାଇ ମରି ରଇଲାସ୍ ।

୨ ସେବେଲେ ଜଗତର୍ ସଡ଼ ନଇଲା ବାଟେ ଇଣ୍ଡ୍‌ତେରଇଲାସ୍ ଆରି ଆକାସର୍, ଗାଗଡ଼ ଦାରି ନ ରଇବା, ସାସନ୍‌କାରିଆର୍ ତଲେ ରଇଲାସ୍ । ସେ ସାସନ୍‌କାରିଆ ଏବେ ପର୍ମେସରର୍ ଆଦେସ୍ ନ ମାନ୍‌ବା ଲକ୍‌ମନ୍‌କେ ସାସନ୍ କଲାନି ।

୩ ସତଇସେ ଆମେ ସବୁଜାକ, ସେ ରକାମ୍ ରଇଲୁ ଆରି ଗାଗଡ଼ ଆରି ମନ୍‌ ଲାଲ୍‌ସା ଇସାବେ ଜିଉନା କାଉନା କର୍ତେ ରଇଲୁ । ଆରି ଅଲ୍‌ଗା ଲକ୍‌ମନ୍‌ ପାରା ଆମେମିସା ପର୍ମେସରର୍ ରିସାର୍ ଡଣ୍ଡ ପାଇବାକେ ଜାଇତେ ରଇଲୁ ।

୪ ମାତର୍ ଏ ରକାମ୍ ରଇଲେମିସା ଦୟାଦେକାଇବା ପର୍ମେସର୍, ଆମ୍‌କେ ଜନ୍ ବଡ଼ ଆଲାଦ୍ ସଙ୍ଗ ଆଲାଦ୍ କଲା,

୫ ସେଟାର୍‌ପାଇ ଆମ୍‌କେ କିରିସ୍ଟର୍ ସଙ୍ଗ ଜିବନ୍ କଲାଆତେ, ସେ ଜିବନ୍ ଦୁକାଇଲାକେ ତମେ ମୁକ୍ତି ପାଇ ଆଟାସ୍ ।

୬ ପର୍ମେସର୍ କିରିସ୍ଟର୍ ସଙ୍ଗ ଆମ୍‌କେ ଉଟାଇଲା ଆତେ, ଆରି ତାର୍ ସଙ୍ଗ ଗଟେକ୍ ଅଇବାର୍ ଲାଗି, ସରଗ୍ ଉପ୍ରେ ସାସନ୍ କର୍ବାପାଇ ବଲିକରି, ତାର୍ ସଙ୍ଗ ବସାଇଲା ଆତେ ।

* ୧:୨୨ କଲସିଅ ୧:୧୮ * ୨:୧ କଲସିଅ ୨:୧୩

୭ ଜେନ୍ତୁକି ଆଇବା ଦିନମନକେ ଜିସୁ କିରିସ୍ତର ଲାଗି ରଇବା ତାର ବଡ଼ ଜିବନ୍ଦୁକାଇଲାଟା, ସବୁକେ ଦେକାଇ ଅଇସି ।
 ୮ କାଇକେବଲେ ପର୍ଯ୍ୟେସର୍ ଜିବନ୍ଦୁ ଦୁକାଇଲାରପାଇ, ତମେ ମୁକ୍ତି ପାଇ ଆରୁସ୍, ସେଟା ତମେ ବିସ୍ବାସ୍ କଲାର ଲାଗି, । ତମେ କିରିସ୍ତର କାଇ ନିକ କାମର ଲାଗି ନାଇ, ସେଟା ପର୍ଯ୍ୟେସର୍ ଦାନ ।

୯ ଜେନ୍ତୁକି ଏ ବିସଇନେଇ କେ ମିସା ନିଜେ ବଡ଼ପନ୍ ଅଇ ନାପାରେ ।

୧୦ ପର୍ଯ୍ୟେସର୍ସେ ଆମ୍ବକେ ତିଆର୍ କଲା ଆଟେ । ତମେ କିରିସ୍ତର୍ ସଙ୍ଗ ମିସ୍ଲାରପାଇ, ନିକ କାମ୍ କର୍ବାକେ ସେ ଆମ୍ବକେ ନୁଆ କଲା ଆଟେ । ଏଟା ଆଗ୍ତୁଆନି ସେ ଆମ୍ବ ପାଇ ମନ୍ କରି ରଇଲା ।

କିରିସ୍ତର୍ଟାନେ ଗଟେକ୍

୧୧ ତମେ, ଜିଉଦି ନ ଅଇଲା ଲକ୍ମନ୍, ଆଗେ କେନ୍ତାର ରଇଲାସ୍ ଏତାଇ ଦେକା । ନିଜେ ସୁନଡ଼ ବଲାଅଇତେ ରଇବା ଜିଉଦିମନ୍ ତମ୍ବକେ ସୁନଡ଼ ନ ଅଇଲା ଲକ୍ ବଲି କଇତେ ରଇଲାଇ । ମାତର୍ ସୁନଡ଼ ଅଇବାଟା ଗାଗତେ କର୍ବା କାମ୍ ।

୧୨ ଆଗେ ତମେ କିରିସ୍ତର୍ ଲଗେ ଅନି ଦୁର୍ବକେ ରଇଲାସ୍ । ଆରି ପର୍ଯ୍ୟେସର୍ ବାଟିରଇବା ଲକ୍ମନ୍ଟାନେ ମିସି ନ ରଇଲାସ୍ । ତାର ଲକ୍ମନ୍କେ କାତା ଦେଇ, ତିଆର୍ କିରିସ୍ତର ନିୟମଟାନେ, ତମର୍ କାଇ ମିସା ଅଦିକାର୍ ନ ରଇଲା । ତମେ ଜଗତେ ବାସାକରି, କାଇ ଆସା ନ ରଇକରି ପର୍ଯ୍ୟେସର୍ ଲକ୍ ନ ଅଇ ରଇଲାସ୍ ।

୧୩ ଗଟେକ୍ ବେଲାଇ ଦୁରିକେ ରଇଲାସ୍ । ଏବେ ଜିସୁର୍ ସଙ୍ଗ ମିସିକରି କିରିସ୍ତ ବନି ଦେଇ ମଲାରପାଇ ତାର ଲଗେ ଅଇଆଗାସ୍ ।

୧୪ କାଇକେ ବଲେ ଜିଉଦି ଆରି ଜିଉଦି ନଇଲା ଲକ୍କେ ଗଟେକ୍ କରି, କିରିସ୍ତ ନିଜେ ଆମ୍ବ ବିତ୍ରେ ସାନ୍ତି ଆନିଦେଇ ଆଟେ । ସେମନ୍କେ ବେଗ୍ଲାଇକରି ନିଜର୍ ନିଜର୍ ସତ୍ତୁ ପାରା କରି ସଙ୍ଗଅଇରଇବା ପାଚୁରି, ସେ ତାର ଗାଗତ୍ସଙ୍ଗ ବାଙ୍ଗାଇଲା ଆଟେ ।

୧୫ *ସେ ଜିଉଦିମନ୍ ମାନିଆଇତେରଇବା ସବୁ ରିତିନିତି ନିୟମ୍ ବାଙ୍ଗାଇକରି, ଜିଉଦି ଆରି ଜିଉଦି ନଇଲା ଲକ୍ମନ୍ଟାନେଅନି ତାର ସାଇଜ ପାଇତେରଇବା ଗଟେକ୍ ନୁଆ ମୁନୁସ୍ଜାତି ତିଆର୍ କଲାଆଟେ । ଏନ୍ତାରି କରି ଦୁଇ ଦଲ୍ ବିତ୍ରେ ସେ ସାନ୍ତି ଆନିଦେଇ ଆଟେ ।

୧୬ *ସେ କୁର୍ସେ ମଲାରପାଇ ବଲି ତାକର୍ ତାକର୍ ବିତ୍ରେ ସତ୍ତୁ ଅଇ ରଇବାଟା, ଲିବାଇଦେଇଆଟେ । କୁର୍ସର୍ ଲାଗି ସେ ଦୁଇଟାଜାକ ମିସାଇକରି ଗଟେକ୍ ଗାଗତ୍ ପାରା କଲାଆଟେ । ଆରି ସେମନ୍କେ ପର୍ଯ୍ୟେସର୍ ଲଗେ ବାଉଡାଇ ଆନିଲାଆଟେ ।

୧୭ ସେଟାର ପାଇ କିରିସ୍ତ ଆଇଲା ଆରି ପର୍ଯ୍ୟେସର୍ତେଇଅନି ଦୁରିକେ ଜାଇ ରଇବା ଜିଉଦି ନଇଲା ଲକ୍ମନ୍କେ ଆରି ତାର ଲଗର୍ ଜିଉଦିମନ୍କେ ସୁବ୍ବକର୍ ସୁନାଇଲା ।

୧୮ କିରିସ୍ତର୍ ଲାଗିସେ ଜିଉଦି ଆରି ଜିଉଦି ନଇଲା ସବୁଲକ୍ ଗଟେକ୍ ଆଡ଼ମାଇ, ବାବାର୍ ମୁଆଟେ ଆସି ପାରୁଲୁ ।

୧୯ ତେବର୍ ପାଇ ଏ ଜିଉଦି ନଇଲା ଲକ୍ମନ୍, ତମେ ଆରି ବିନ୍ ଦେସେ ବାସା ଅଇରଇବାଲକ୍ ନୁଆସ୍ । ଏବେ ପର୍ଯ୍ୟେସର୍ ଲକ୍ମନ୍ସଙ୍ଗ ତମେମିସା ତାର ରାଇଜେ ମିସ୍ବା ଲକ୍ ଆରି ତାର ଜାତିର୍ କୁଟୁମର୍ ଲକ୍ ।

୨୦ ତମେ ମିସା ପେରିଡ଼ ସିସମନ୍ ଆରି ବବିସଡ଼ବକ୍ତାମନ୍ କିରିସ୍ତର କୁନାଦି ଉପ୍ରେ, ତିଆର୍ ଅଇଲା ଗର୍ ପାରା । ସେ ଗର୍ କନର୍ ମୁଲ୍ ପାକ୍ନା ଅଇଲାନି କିରିସ୍ତ ଜିସୁ ।

୨୧ ସେ ଆକା ଗର୍କେ ସମାନ୍କରି ସଙ୍ଗଇଲା ଆଟେ ଆରି ମାପ୍ପୁର୍ପାଇ ଗଟେକ୍ ସର୍ପିଦେଲା ସୁକଲ୍ ମନ୍ଦିର୍ପାରା କଲାଆଟେ ।

୨୨ କିରିସ୍ତର୍ ସଙ୍ଗ ମିସ୍ଲାର ପାଇ, ଗଟେକ୍ ଗର୍ ପାରା ତମେ ସବୁକେ ମିସିକରି ତିଆର୍ କଲାନି । ଜେନ୍ତୁକି ତମେ ପର୍ଯ୍ୟେସର୍ ତାର ଆଡ଼ମାଇ ରଇବା ଗଟେକ୍ ବାସା ଅଇବା ଗର୍ ପାରା ଅଇସା ।

୩

ଜିଉଦି ନଇଲା ଲକ୍ ପାଇ ପାଉଲର୍ କାମ୍

୧ ଏଟାରଲାଗି ତମର୍ ପାରା ଜିଉଦି ନଇଲା ଲକ୍ ପାଇ, କିରିସ୍ତ ଜିସୁର୍ ଲାଗି ବନ୍ଦି ଅଇରଇବା ପାଉଲ୍ ମୁଇ, ପର୍ଯ୍ୟେସର୍କେ ପାର୍ତନା କଲିନି ।

୨ ତମର୍ ନିକପାଇ ପର୍ଯ୍ୟେସର୍ ତାର ଜିବନ୍ଦୁ ଦୁକାଇଲାର୍ ତେଇଅନି ମକେ ଏ କାମ୍ ଦେଇଆଟେ । ଏଟା ନିଜେ ସୁନିଆଗାସ୍ ।

୩ ପର୍ଯ୍ୟେସର୍ ସେ ଜାନାଇ ନରଇଲା ବିସଇ ମକେ ଜାନାଇ ଆଟେ । ଏ ବିସଇ ମୁଇ ଆଗ୍ତୁ ତମ୍ବକେ ଅଲପ୍ ଲେକି ରଇଲି ।

୪ *ସେଟା ପଡ଼ଲେ, କିରିସ୍ତର୍ ପାଇ ରଇବା ପର୍ଯ୍ୟେସର୍ ଟିକିନିକି ବିସଇ ମୁଇ ବୁଲ୍ଲିଆଟି ବଲି, ତମେ ଜାନି ପାର୍ସା ।

☆ ୨:୧୫ କଲସିଅ ୨:୧୪ ☆ ୨:୧୬ କଲସିଅ ୧:୨୦ ☆ ୩:୪ କଲସିଅ ୧:୨୨,୨୭

୫ ଆଗରୁ ଲକ୍ଷ୍ମୀନକେ ଏ ଚିକିତ୍ସା ବିଷୟ ନ କୁଆଅଇ ରଇଲା । ମାତ୍ର ଏବେ ତାର ଆତ୍ମା ଦେଇ, ସେ ବାଟି ରଇବା ତାର ସୁକଳ ପେରିତ୍ତମନକେ ଆରି ବବିସତ୍ତବକ୍ତାମନକେ ସେ ଜାନାଇଲା ଆତେ ।

୬ ଏ ଲୁଚି ରଇବା ବିଷୟ ଅଇଲାନି, ସୁବକବରର ଲାଗି, ଜିଉଦି ବିସ୍ତାସିମନର ସଙ୍ଗେ, ଜିଉଦି ନଇଲା ବିସ୍ତାସିମନ ମିସା ପରମେସରର ଆସିରବାଦେ ମିସ୍ତାଲ । ସେମନ୍ ମିସିକରି, ଗଟେକ୍ ଗାଗଡ଼ ପାରା ଅଇଜିବାଇ । ମାପୁରୁ ଜିସୁ କିରିସ୍ତର ଲାଗି ପରମେସର ଦେଇ ରଇବା ସବୁ କାତାଇ ବାଗ୍ ଅଇସା ।

୭ ପରମେସର ତାର ଜିବନ୍ ଦୁକାଇଲାର୍ ତେଇଅନି ମକେ ଜନ୍ ଦାନ୍ ଦେଇ ଆତେ, ସେଟାର୍ ଲାଗି ମୁଇ ନିମାନ୍ କବର ଜାନାଇବା ଲକ୍ ଅଇଲିଆତି । ତାର ବପୁ ମର ବିତ୍ତରେ କାମ୍ କଲାର୍ ଲାଗି ଏଟା ଅଇଲା ।

୮ ମୁଇ ପରମେସରର ଲକ୍ଷ୍ମୀନର ସବୁଟାଣେଅନି ସାନ୍ ଅଇଲେ ମିସା ଜିଉଦିନଇଲା ଲକ୍ଷ୍ମୀନକେ କିରିସ୍ତରଟାଣେ ରଇବା ନିକ ନିକ ବିଷୟ ଜାନାଇବାକେ ମକେ ସେ ବାଟଲା ଆତେ । ଏ ବିଷୟ ଲକ୍ଷ୍ମୀନ ବୁଜ୍‌ବାକେ ଆବଡ଼ ରଇବାଟା ।

୯ ପରମେସର ତାର ଲୁଚିତେରଇବା ଜଜ୍‌ନା କେନ୍ତାର୍ ପୁରାପୁରୁନ୍ କରସି, ସେଟା ସବୁ ଜାନାଇବାକେ ମିସା ମକେ ବାଟଲା ଆତେ । ସବୁ ବିଷୟ ତିଆର୍ କଲା ବେଲେଅନି, ଏବେ ଜାକ ସେ ତାର ଚିକିତ୍ସା ବିଷୟ ଲୁଚାଇକରି ସଙ୍ଗିରଇଲା, ।

୧୦ ଜେନ୍ତାରିକି ମଣ୍ଡଲିର୍ ଟାଣେଅନି ତାର ବିନ୍ ବିନ୍ ରକାମର୍ ଗିଆନ୍ ସରଗର୍ ସାସନକାରିଆମନକେ ଆରି ବପୁ ରଇବାଟାମନକେ, ସେ ଜାନାଇସି ।

୧୧ ଜଗଡ଼ ତିଆର୍ କରବା ଆଗରୁ, ଏଟା ସେ ଜଜ୍‌ନା କରିରଇଲା । ଏଟା ଆମର୍ ମାପୁରୁ ଜିସୁ କିରିସ୍ତର ଲାଗି ସେ ପୁରାପୁରୁନ୍ କଲା ଆତେ ।

୧୨ କିରିସ୍ତର ତେଇ ବିସ୍ତାସ୍ କଲାର୍ ପାଇ ଆରି ତାର ସଙ୍ଗେ ମିସି ରଇଲାର୍ ପାଇ, ନ ତରତେ, ସାଆସ୍ ଅଇକରି, ପରମେସରର ମୁଆଟେ ଚିଆ ଅଇବୁ ।

୧୩ ସେଟାର୍ ପାଇ ମୁଇ ତମକେ ବାବୁଜିଆ କରି କଇଲିନି, “ତମର୍ ପାଇ ବଲି ଅଇବା ମର୍ ଦୁକ୍ କସ୍ତର୍ ପାଇ ମନ୍‌ଦୁକ୍ କରାନାଇ, ଏ ସବୁ ତମର୍ ବଲ୍ ପାଇ ଅଇଆତେ ।”

କିରିସ୍ତର ଆଲାଦ୍

୧୪ ସେଟାର୍‌ପାଇ ବଲିକରି ମୁଇ ପରମେସରର ମୁଆଟେ ମାଣ୍ଡିକୁଟା ଦେଇ ପାର୍‌ତନା କଲିନି,

୧୫ ତାର ଲାଗିସେ ସରଗର୍ ଆରି ପୁରତିବିର୍ ସବୁ କୁଟୁମ୍ ଅଇଲା ଆତେ,

୧୬ ମୁଇ ପାର୍‌ତନା କଲିନି ଜେନ୍ତାରିକି ସେ ତାର ନ ସାର୍‌ବା ମଇମାଇଅନି, ତାର ଆତ୍ମା ତମକେ ବପୁ ଦେଇସି, ଜେନ୍ତାରିକି ତମର୍ ମନ୍ ଡାଟ୍ ଅଇସି ।

୧୭ ମୁଇ ପାର୍‌ତନା କଲିନି, ଜେନ୍ତାରିକି ତମର୍ ବିସ୍ତାସର ଲାଗି, କିରିସ୍ତ ତମର୍ ବିତ୍ତରେ ବାସା ଅଇସି । ଆରି, ତମେ ପରମେସରକେ ଆରି ବିନ୍ ଲକ୍‌କେ ଆଲାଦ୍ କଲାଟାଣେଅନି, ବୁର୍‌ ଜାଇତେରଇବା ଗଟର୍ ଚେର୍‌ପାରା ଆରି କୁନାଦି ଉପରେ ତିଆର୍ ଅଇଲା ଗର୍ ପାରା ଡାଟ୍ ଅଇସା ।

୧୮ ମୁଇ ପାର୍‌ତନା କଲିନି ତମେ ପରମେସରର ଲକ୍ଷ୍ମୀନର ସଙ୍ଗେ ମିସିକରି କିରିସ୍ତର ଆଲାଦ୍ ବୁଜ୍‌ବାକେ ବପୁ ପାଇସା । ତାର ବଡ଼ ଆଲାଦ୍ ସଙ୍ଗେ ସେ ଆମକେ ଆଲାଦ୍ କଲା ଆତେ ।

୧୯ ଓ, ନରଲକ୍ ବୁଜ୍‌ବା ତେଇଅନି ଅଦିକ୍ କିରିସ୍ତ ଆମକେ ଆଲାଦ୍ କଲା ଆତେ, ସେ ଆଲାଦ୍ ତମେ ଜାନା ବଲି ମୁଇ ପାର୍‌ତନା କଲିନି । ଜେନ୍ତାରିକି ତମର୍ ଚାଲାଟାଲ୍‌ତି ପରମେସରର ପାରା ଅଇ ଆଇସି ।

୨୦ ପରମେସର ଜେକି ଆମେ ତାକେ ମାଙ୍ଗ୍‌ବା ତେଇଅନି କି ଚିନ୍ତା କରବା ତେଇଅନି ଅଦିକ୍ କରିପାରସି, କାଇକେ ବଇଲେ ତାର ବଡ଼ ବପୁ ସଙ୍ଗେ ସେ ଆମର୍ ବିତ୍ତରେ କାମ୍ କରି ଆଇଲାନି ।

୨୧ ମଣ୍ଡଲିଟାଣେ ଆରି କିରିସ୍ତ ଜିସୁଟାଣେଅନି ପରମେସରର ବଡ଼ ବପୁ ବିନ୍ ଲକ୍‌କେ ତିସ୍‌ଲାନି, ତାର ବଡ଼ ବପୁର ଲାଗି ପରମେସରକେ ଡାକ୍‌ପୁଟା କରୁ, କାଲ୍‌କାଲ୍ ଜୁଗ୍‌ଜୁଗ୍ ସେ ଡାକ୍‌ପୁଟା ପାଇତେରଅ । ଆମେନ୍ !

୪

ଗଟେକ୍ ଗାଗଡ଼

୧ ଏ ସବୁରଲାଗି ମାପୁରୁ ସେବାକାରିଆ ମୁଇ ବନ୍ଦିଗରେ ଆତି । ମାପୁରୁ ତମକେ କେନ୍ତାରି ଚଲାଟଲ୍‌ତି କରବାକେ ଡାକ୍‌ଲାଆତେ, ସେନ୍ତାରିସେ କରାବଲି ମୁଇ ତମକେ ବାବୁଜିଆ କଲିନି ।

୨ *ତମେ ଲକ୍ଷ୍ମୀନର ସଙ୍ଗେ ମିସାବିତା ଅଇଲାବେଲେ, ପୁରାପୁରୁନ୍ ଦରମ୍ ଅଇ ସୁଆଲେ ରୁଆ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କଲାର୍‌ପାଇ ସାଆସ୍ ଅଇ, ମୁରତିକରି ରୁଆ ।

୩ ଜନ୍‌ଟା କି ଗଟେକ୍ ମନ୍ ଅଇକରି ରଇବାକେ ସୁକଳ୍‌ଆତ୍ମା ଆମକେ ବାନ୍ଦିଆତେ, ସେନ୍ତାରି ସାନ୍ତି ଅଇକରି ରୁଆ ।

୪ ଆମେ ସବୁ ବିସ୍ତାସି ବାଇବଇନିମନ୍ ଗଟେକ୍ ଗାଗଡ଼ ପାରା ଆରି ସବୁଲକ୍ ସମାନ୍ ଆତ୍ମା ମିଲାଅଆରୁ । ସେନ୍ତାରିସେ ସମାନ୍ ଆସିରବାଦ୍ ମିଲାଅବାକେ ସେ ଆମକେ ଡାକ୍‌ଲାଆତେ ।

✧ ୪:୨ କଲସିଆ ୩:୧୨,୧୩

୫ ଆମ୍ଭଙ୍କ ଗଟେକ୍ ମାପୁରୁ ଆଚେ, ସମାନ୍ ସିକିଆଇ ବିସ୍ବାସ୍ କଲୁନି ଆରି ସମାନ୍ ହୁବନ୍ ନେଲୁ ଆତୁ ।

୬ ଗଟେକ୍ ପର୍ଯ୍ୟେସର୍‌କେ ଆମେ ଉପାସନା କଲୁନି । ଜେ କି ସବୁର୍ ବାବା ଅଇଆଚେ । ସେ ଆମର୍ ବିତ୍ତରେ ରଇକରି ଆରି ଆମ୍ଭଙ୍କ ଦେଇକରି ସବୁର୍ ଉପରେ ସାସନ୍ କଲାନି ।

୭ ମାତର୍ କିରିସ୍ଟ ଆମେ ବିନ୍ ବିନ୍ ଲକ୍‌କେ ବିନ୍ ବିନ୍ ଦାନ୍ ଦେଲାଆଚେ । ସେଟା କାକେ କେନ୍ତାରି ବାଟା କର୍‌ବାର୍ ଆଚେ, ସେ ସେ ଟିକ୍ କଲାଆଚେ ।

୮ ତେବର୍ ପାଇ ସାସ୍ତରେ ଲେକାଅଇଲା ଆଚେ,

“ସେ ତାର୍ ସତ୍‌ରୁମନ୍‌କେ ଆରାଇକରି ଜେତେବେଲେ ଉର୍ ରଇବା ଜାଗାଇ ଗାଲା,

ତାର୍ ଆରାଇ ରଇବା ସତ୍‌ରୁମନ୍‌କେ ବାନ୍ଧିକରି ନେଲା

ଆରି ତାର୍ ଦାନ୍ ବିନ୍ ବିନ୍ ଲକ୍‌କେ ଦେଲା ।

୯ “ସେ ଗଟେକ୍ ଉର୍ ଜାଗାଇ ଗାଲା ।” ଏନ୍ତାରି ଲେକ୍‌ବା ଅରତ୍ କାଇଟା ? ଏଟାର୍ ଆରତ୍ ଅଇଲାନି, କିରିସ୍ଟ ଉତ୍ତରି କରି ଏ ଜଗତେ ଆସି ସାରି ଆଚେ ।

୧୦ ଜେ କି ଏ ଜଗତେ ଉତ୍ତରି ଆଇଲା, ସେ ସମାନ୍ ଲକ୍‌ସେ, ସର୍‌ଗେ ଅନି ଉପରେ ରଇବା ଜାଗାଇ ଚଗି ଗଲା । ଜେନ୍ତାରି କି ସେ ଗୁଲାଇ ଜଗତ୍‌କେ ପୁରାପୁରୁନ୍ କର୍‌ସି ।

୧୧ ସେ ଆକା କେତେ ଲକ୍‌ମନ୍‌କେ ପେରିତ୍ ଅଇବାକେ, କେତେଲକ୍‌କେ ବବିସ୍ତ୍ କାତା କଇବାକେ, କେତେଲକ୍‌କେ ସୁବ୍‌କବର୍ ଜାନାଇବାଟା ଅଇବାକେ, କେତେଲକ୍‌କେ ମଣ୍ଡୁଲି ଚାଲାଇବାକେ ଆରି କେତେଲକ୍‌କେ ସିକାଇବାକେ ବପୁ ଦେଇ ବାଟ୍‌ଲାଆଚେ ।

୧୨ ପର୍‌ଯ୍ୟେସର୍‌ର ଲକ୍‌ମନ୍ ଜେନ୍ତାରି କି ତାକେ ସେବା କରିପାରତ୍, ତାର୍‌ଲାଗି ଏ ସବୁ ଦାନ୍ ତାର୍ ଲକ୍‌ମନ୍‌କେ ଦେଲା । ଏନ୍ତାରି ଅଇ କିରିସ୍ଟର୍ ଗାଗତ୍ ପାରା ଅଇବା ବିସ୍ବାସିମନ୍ ବପୁ ଅଇ ସିଦ୍ ଅଅତ୍ ।

୧୩ ଏନ୍ତାରି ଅଇ ଆମେ ସବୁ ବିସ୍ବାସେ ବଡିକରି ଆରି ପର୍‌ଯ୍ୟେସର୍‌ର ପଅକେ ଜାନିକରି, ସିଦ୍ ଅଇବୁ । ଆମେ ଜେନ୍ତାରିକି ପୁରାପୁରୁନ୍ କିରିସ୍ଟର୍ ପାରା ଅଇବୁ । ସେ ପୁରାପୁରୁନ୍ ସିଦ୍ ଆଚେ ।

୧୪ ତେବେ ଆମେ ସାନ୍ ପିଲାମନ୍‌ର ପାରା ନ ଅଇ କରି, ଜଗତର୍ ମନସ୍‌ମନ୍‌ର ସିକିଆଇ ଆରି ତାକର୍ ଦଦାପେଲା ଅଇବା ପାରା ବିଚାରନା ଇସାବର୍ ବିନ୍ ବିନ୍ ସିକିଆଇ, ଗାତର୍ ଲଅତି ଆରି ମାର୍‌ବା ପବନ୍ ଜେନ୍ତାରି ଡଙ୍ଗାକେ ଏନେତେନେ କର୍‌ସି, ସେନ୍ତାରି ତାକର୍ ସିକିଆ ସୁନିକରି ଏନେତେନେ ନ ଅଉ ।

୧୫ ତାର୍ ବାଦୁଲେ ଆମେ ପର୍‌ଯ୍ୟେସର୍‌ର ସତ୍ ବିସଇର୍ ଆଲାଦ୍ ଜାନାଉ । ସେନ୍ତାରି ମୁଣ୍ଡ ଇସାବେ ରଇବା କିରିସ୍ଟର୍ ପାରା ଆମେ ସବୁ ବିସଇତେଇ ସିଦ୍ ଅଇ, ତାର୍ ପାରା ଅଇବୁ ।

୧୬ ✨ କାଇକେବଇଲେ କିରିସ୍ଟ ତାର୍ ସବୁ ଲକ୍‌ମନ୍‌କେ ମିସାଇକରି ସଙ୍ଗଇ ଆଚେ । ଗଟେକ୍ ଗାଗତର୍ ସନ୍ଦି ଜେନ୍ତାରିକି ସେ ଗାଗତର୍ ସବୁ ବାଗ୍‌କେ ମିସାଇକରି ସଙ୍ଗଇସି, ସେନ୍ତାରିସେ ଗାଗତର୍ ଗଟେକ୍ ଗଟେକ୍ ବାଗ୍ ନିଜର୍ ନିଜର୍ କାମ୍ କଲେ, ଗୁଲାଇ ଗାଗତ୍ ବଡିକରି ବପୁ ଅଇସି ।

କିରିସ୍ଟର୍ ଲଗେ ନୁଆଜିବନ୍

୧୭ ତେବର୍ ପାଇ ମାପୁରୁର୍ ନାଉଁଦାରି ମୁଇ ତମ୍‌କେ ଜାଗର୍‌ତା କରିଦେଲିନି । ତମେ ଆରି ପର୍‌ଯ୍ୟେସର୍‌କେ ନାଜାନୁଲା ଲକ୍‌ପାରା ଚଲାଚଲ୍‌ତି କରା ନାଇ ।

୧୮ ସେମନ୍ ଚିନ୍ତାକର୍‌ବାଟା ବୁଟାଇସେ । ସେମନ୍ ପର୍‌ଯ୍ୟେସର୍‌ର ବିସଇ ବୁଜି ନାପାରତ୍ । ଆରି ସେ ଦେଇରଇବା ଜିବନେ ଅନି ଦୁରିକେ ଆଚତ୍ । ସେମନ୍ ତାକର୍ ମନ୍ ତାଟ୍ କଲାର୍‌ପାଇ ତାକେ ନାଜାନତ୍ ।

୧୯ ସେମନ୍ ପାପ୍ କାମ୍ କଲେ ମିସା, ବୁଲ୍ କଲି ବଲି ଲାଜ୍ କି ଦୁକ୍ ନ ଅଅତ୍ । ତେବର୍‌ପାଇ ସବୁରକାମର୍ ବେସିଆ କାମ୍ କର୍‌ବାଟାନେ ସର୍‌ପିଅଇ ଆଚତ୍ । ଏନ୍ତାରି କାମ୍ କରି କରି ଆରି କର୍‌ବାକେସେ ଲାଲ୍‌ସା ଅଇ ଆଚତ୍ ।

୨୦ ମାତର୍ ତମେ କିରିସ୍ଟର୍ ଟାନେଅନି ସେନ୍ତାରି ସିକିଆ ସିକାସ୍ ନାଇ ।

୨୧ ତମେ ଜେତେବେଲେ ତାର୍ ବିସଇ ସୁନିକରି ସିକ୍‌ଲାସ୍, ସେଟା ତାର୍ ସତ୍ ସିକିଆଅନି ସିକ୍‌ଲାସ୍ ।

୨୨ ✨ଆଗତୁ ଜନ୍ ପୁର୍‌ନା ଚଲାଚଲ୍‌ତି କରି ତମେ ଜିଉନା କାଉନା କର୍‌ତେ ରଇଲାସ୍, ସେଟା ଚାଡ଼ବାକେ ତମ୍‌କେ ସିକାଇ ରଇଲାଇ । ତମର୍ ମନେ କାରାପ୍ ଚିନ୍ତା ଆଇବାଟା, ତମ୍‌କେ ନାଡାଇକରି ତମର୍ ଜିବନ୍ ନସାଇ ଦେଲାଇ ।

୨୩ ତମେ ଚିନ୍ତା କର୍‌ବାଟା ପର୍‌ଯ୍ୟେସର୍ ନୁଆକରି ବାଦ୍‌ଲାଇବାକେ ତାକେ ସର୍‌ପି ଦିଆସ୍ ବଲି ସିକାଇଲାଇ ଆଚତ୍ ।

୨୪ ✨ ପର୍‌ଯ୍ୟେସର୍ ତମ୍‌କେ ତାକର୍ ଗୁନ୍‌ଚଲନ୍ ପାରା ରଇବା ନୁଆ ଗୁନ୍‌ଚଲନ୍ ଦେଲାଆଚେ । ତେବର୍‌ପାଇ ସେ ରକାମ୍ ଚଲାଚଲ୍‌ତି କରା । ପୁରାପୁରୁନ୍ ଦରମ୍ ଅଇକରି ସୁକଲ୍ ଅଇରୁଆ ।

୨୫ ତମର୍ ବିତ୍ତରେ ମିଟ୍ କଇବାଟା ଚାଡ଼ିଦିଆସ୍, ନିଜର୍ ନିଜର୍ ବିତ୍ତରେ ସତ୍ କୁଆକୁଇ ଉଆ । କାଇକେବଇଲେ ଆମେ ସବୁଲକ୍ ଗଟେକ୍ ଗାଗତର୍ ବିନ୍ ବିନ୍ ବାଗ୍ ଅଇଲୁଆତୁ ।

୨୬ ଜେତେବେଲେ ରିସା ଆଇଲେ, ସେତେବେଲେ ପାପ୍‌କରା ନାଇ । ବେଲ୍ ନ ବୁଡ଼ତେ ତମର୍ ରିସା ଚାଡ଼ି ଦିଆସ୍ ।

୨୭ ତମ୍ଭଙ୍କେ ପାପ କରାଇବା ସଇତାନ୍ତକେ ଜାଗା ଦିଆସୁନାଇ ।

୨୮ ଜେ ଚରାଇତେ ରଇଲା, ସେ ଆରି ନ ଚର୍ ଅଅ । ମାତର୍ ନିଜେ ତାର୍ ଜିଉନା କାଉନାର୍ ପାଇ କାଇଆଲେ ନିକ କାମ୍ କର । ସେନ୍ତାରିଆଲେ ଅର୍କିଡ୍ ଲକ୍ମନ୍ତକେ ଦେବାକେ ତାର୍ଟାନେ କାଇଟା ମିସା ରଇସି ।

୨୯ ଜନ୍ କାତା ବିନ୍ଲକ୍ମନ୍ତକେ ଲତାକେ ନ ଆସେ, ସେନ୍ତାରି କାତା ତମର୍ ଟଣ୍ଡେ ଅନି ନ ବାରଅ । ତାର୍ବାଦୁଲେ ସେମନ୍ତକେ ସାର୍ଦା କରାଇ ବପୁ ଆଇବା କାତା କୁଆ । ଜେନ୍ତାରିକି ସୁନ୍ଦା ଲକ୍ମନ୍ତ ତାକର୍ ଲତାକେ ଆଇବା ବେଲାଇ ସେଟା ସୁନିକରି ସାର୍ଦା ଅଇବାଇ ।

୩୦ ପରମେସରର୍ ସୁକଲ୍ ଆତ୍ମାକେ ଦୁକ୍ ଦିଆସୁ ନାଇ । ତାକେ ମୁକଲ୍ବା ଦିନ ଜାକ ଗଟେକ୍ ଚିନ୍ ଇସାବେ ସେ ତମ୍ଭଙ୍କେ ଦେଲାଆଟେ ।

୩୧ ସବୁ ରକାମର୍ କୁଟ୍ କାତା ଚିନ୍ତା କର୍ବାଟା, ରିସା ଅଇବାଟା, କିରଜାଟି କର୍ବାଟା, ନିନ୍ଦା କାତା କଇବାଟା, ଈସା ତଲା ଅଇବାଟା, ଏ ସବୁଜାକ ତମର୍ଟାନେ ଅନି ଦୁରିକେ ସଙ୍ଗୁଆ ।

୩୨ *ତାର୍ ବାଦୁଲେ ତମର୍ ତମର୍ ବିତ୍ରେ ମାନାମାନି ଅଇକରି ଆଲାଦ୍ ସଙ୍ଗ୍ ଦରମ୍ ଅଇ ରୁଆ । ଜେନ୍ତାରିକି କିରିସ୍ଟର୍ ଲାଗି ପରମେସର୍ ତମ୍ଭଙ୍କେ କେମା କରିଦେଲା ଆଟେ । ତମେମନ୍ ମିସା ସେ ରକାମ୍ ନିଜର୍ ନିଜର୍ ବିତ୍ରେ କେମା କରାଇକରି ଉଆ ।

୫

ଉଜଲର୍ ଜିବନ୍

୧ ପରମେସର୍ତ୍ତକେ ବେସି ଆଲାଦ୍ କର୍ବା ତାର୍ ପିଲାମନ୍ ଅଇବାକେ, ତାର୍ପାରା ଅଇ ଗଟେକ୍ ଆଲାଦର୍ ଚଲାଚଲ୍ତି କରା ।

୨ ଜେନ୍ତାରି କି କିରିସ୍ଟ ଆମ୍ଭଙ୍କେ ଆଲାଦ୍ କରି ଆମର୍ ପାଇ ମରି ରଇଲା । ଗଟେକ୍ ସୁନ୍ଦର୍ ବାସନା ଅଇବା ବଲି ପାରା ସେ ତାର୍ ଜିବନ୍ ପରମେସର୍ତ୍ତକେ ସର୍ପିଦେଲା ।

୩ ମାତର୍ ତମର୍ ବିତ୍ରେ ବେସିଆ ଇସାବେ ରଇବା ଚଲାଚଲ୍ତି, କି କାଇ ରକାମର୍ ସୁକଲ୍ ନ ଅଇବାଟା କି ଲବ୍ ଅଇବାଟା ଆଟେ, ବଲି ବିନ୍ ଲକ୍ମନ୍ତ ନ କଅଡ୍ । କାଇକେବଇଲେ ଏଟା ସବୁ ପରମେସରର୍ ସୁକଲ୍ ଲକ୍ମନ୍ତ କର୍ବା ଟିକ୍ ବିସଇ ନଏ ।

୪ ସେନ୍ତାରିସେ ଜନ୍ଟାକି ଲତାକେ ନ ଆଇବା ଗୁନ୍ତଲନ୍, କି କାରାପ୍ କାତା, ଲାଜ୍ କର୍ବା କାତା କି ଟାପ୍ଟା କାତା ତମର୍ଟାନେ ନ ତିସ । ଏଟାମନ୍ ତମର୍ଟାନେ ରଇବାଟା ଟିକ୍ ନଏ । ତାର୍ବାଦୁଲେ ତମେ ପରମେସର୍ତ୍ତକେ ଦନିଅବାଦ୍ ଦେବା କାତା କୁଆ ।

୫ ତମେ ଜାନ୍ବାର୍ ଆଟେ ଜେ, କେନ୍ତାରି ମିସା ବେସିଆ କାମ୍ କର୍ବା ଲକ୍, କି ସୁକଲ୍ ନ ଅଇଲା ଲକ୍, କି ଲବ୍ ଲକ୍ ପରମେସରର୍ ଆରି କିରିସ୍ଟର୍ ରାଇଜେ ରଇବା କାଇ ବିସଇ ମିଲାଇବାକେ ଅଦିକାର୍ ପାଇ ନାପାରଡ୍ । ଗଟେକ୍ ଲବ୍, ପୁଡ୍ଲା ପୁଜା କର୍ବା ଲକ୍ ସଙ୍ଗ୍ ସମାନ୍ ।

୬ ବିନ୍ ଲକ୍ ଟାନେଅନି କାଇ ଲତାକେ ନ ଆଇବା ରୁଟା କାତା ସୁନି ନାଡାଇ ଉଆ ନାଇ । କାଇକେବଇଲେ, ଏନ୍ତାରି କରି ତାକେ ନ ନାମ୍ବା ଲକ୍ମନ୍ତକେ ପରମେସର୍ ଡଣ୍ଡ ଦେଇସି ।

୭ ତେବର୍ପାଇ ସେନ୍ତାରି ଲକ୍ମନ୍ତର୍ ସଙ୍ଗ୍ ମିସା ନାଇ ।

୮ କାଇକେବଇଲେ ଆଗ୍ଟୁ ତମେ ଆନ୍ଦାରେ ରଇଲାସ୍ । ମାତର୍ ଏବେ ମାପ୍ଟୁର୍ ସଙ୍ଗ୍ ମିସ୍ଲାର୍ପାଇ ଉଜଲେ ପୁରି ଆଟାସ୍ । ତେବର୍ପାଇ ଉଜଲେ ରଇବା ଲକ୍ମନ୍ତର୍ପାରା ଚଲାଚଲ୍ତି କରା ।

୯ କାଇକେବଇଲେ, ଉଜଲେ ରଇଲେ ତେଜଅନି ସବୁ ରକାମର୍ ନିକ, ଦରମ୍, ଆରି ସଡ୍ ବିସଇ ବାରଇସି ।

୧୦ ପରମେସର୍ତ୍ତକେ ସାର୍ଦା କରାଇବା ବିସଇ କଜିକରି ମିଲାଆ ।

୧୧ ଆନ୍ଦାରେ ରଇବା ଲକ୍ମନ୍ତ କର୍ବା କାଇ ମୁଲିଅ ନ ରଇବା କାମେ ମିସାନାଇ । ସେଟାମନ୍ତକେ କାଇ ମୁଲିଅ ନାଇ । ତାର୍ ବାଦୁଲେ ସେନ୍ତାରି କାରାପ୍ ଅଇବା କାମ୍ ନ ଲୁଟାଇ ଦେକାଇଦିଆସ୍ ।

୧୨ ସେନ୍ତାରି ଲୁଟେ କର୍ବା କାମର୍ ବିସଇ କାତା ଅଇବାକେ ମିସା ଲାଜ୍ ଲାଗ୍ସି ।

୧୩ ଏନ୍ତାରି କାମ୍ ନ ଲୁଟାଇ ବାର୍କରାଇଲେ, ତେଜର୍ ସଡ୍ ବିସଇ ଲକ୍ମନ୍ତ ଦେକ୍ବାଇ ।

୧୪ କାଇକେବଇଲେ ଉଜଲର୍ ସବୁ ବିସଇ ଉଜଲ୍ସେ । ସେଟାର୍ ପାଇ ଏନ୍ତାରି ଲେକାଅଇଲାଆଟେ,

“ଏ ଗୁନେରାମନ୍ ଉଟା,

ମଲାପାରା ନ ରଇକରି ଜିବନ୍ ରୁଆ,

କିରିସ୍ଟ ତମ୍ଭଙ୍କେ ଉଜଲ୍ ଦେଇସି ।”

୧୫ ତେବେ ତମର୍ ଚଲାଚଲ୍ତି କର୍ବାଟାନେ ଜାଗ୍ଡର୍ ରୁଆ । ବକୁଆ ଲକ୍ମନ୍ତର୍ପାରା ନ ଅଇ ରୁଦିରଇବା ଲକ୍ମନ୍ତର୍ପାରା ରୁଆ ।

☆ ୪:୩୨ କଲସିଅ ୩:୧୩

୧୬ ✨ ସବୁବେଳେ ନିଜ କାମ୍ କର୍ବାକେ କନ୍ତେ ରୁଆ । କାଇକେବଇଲେ ଏ ଜୁଗର୍ ଲକ୍ମନ୍ ବେସି କାରାପ୍ ଆଚଡ୍ ।
 ୧୭ ତେବର୍ପାଇ ବୁଦିନଇଲା ଲକ୍ ପାରା ନଅଇ ମାପୁରୁର୍ ମନକଲାଟା କଜିକରି ମିଲାଆ ।
 ୧୮ ମଦ୍ ପେଣ୍ଡୁମ୍ କାଇ ମାତା ନାଇ । କାଇକେବଇଲେ ସେଟା ତମ୍‌କେ ଡିଲା ଚାଡ୍‌ବା ଗରୁଗାଇର୍ ପାରା ଚଲାଟଲ୍‌ତି କର୍ବାକେ ଡାକିନେଇସି । ତାର୍‌ବାଦୁଲେ ସୁକଲ୍‌ଆଡ୍‌ମା ବାନ୍ଦିନେବାକେ ସର୍ପିଡିଆ ।
 ୧୯ ✨ଗିଡ୍ ସଙ୍ଗିତାର୍ ଗିଡ୍, ଆଡ୍‌ମାଇ ଅନି ଆଇବା ବିନ୍ ଗିଡ୍‌ମନ୍, ତମର୍ ବିଡ୍‌ରେ କୁଆକୁଇ ଉଆ । ଗିଡ୍ କଇକରି ନିଜେ ନିଜେ ମନ୍‌ବିଡ୍‌ରେ ମାପୁରୁକେ ଡାକ୍‌ପୁଟା କରା ।
 ୨୦ ଆମର୍ ମାପୁରୁ ଜିସୁକିରିସ୍‌ଟର୍ ନାଉଁଦାରି ସବୁବେଳେ ସବୁ ବିସଇର୍‌ପାଇ ବାବା ପର୍‌ମେସର୍‌କେ ଦନିଅବାଦ୍ ଦିଆସ୍ ।

ମାଇଜି ମୁନ୍‌ସ୍

୨୧ କିରିସ୍‌ଟର୍‌ପାଇ ରଇବା ତମର୍ ସନ୍‌ମାନର୍ ଲାଗି, ତମର୍ ତମର୍ ବିଡ୍‌ରେ ସର୍‌ପାସର୍‌ପି ଉଆ ।
 ୨୨ ✨ଏ ମାଇଜିମନ୍ ତମେ ଜେନ୍ତାର୍ ମାପୁରୁକେ ସର୍‌ପିଅଇ ଆଚାସ୍, ସେନ୍ତାରି ତମର୍ ନିଜର୍ ନିଜର୍ ମୁନ୍‌ସ୍‌କେ ମିସା ସର୍‌ପି ଉଆ ।
 ୨୩ କାଇକେବଇଲେ କିରିସ୍‌ଟ ଜେ କି ତାର୍ ଗାଗଡ୍‌ପାରା ରଇବା ମଣ୍ଡଲିର୍ ନେତା ଆଚେ, ସେନ୍ତାରିସେ ମୁନ୍‌ସ୍ ମିସା ତାର୍ ମାଇଜିର୍ ନେତା ଆଚେ । କିରିସ୍‌ଟେ ତାର୍ ମଣ୍ଡଲିକେ ରକିଆ କଲାଆଚେ ।
 ୨୪ ତେବର୍ପାଇ ମଣ୍ଡଲି ଜେନ୍ତାର୍ କିରିସ୍‌ଟକେ ସର୍‌ପି ଅଇସି, ସେନ୍ତାରି ଏ ମାଇଜିମନ୍, ତମେ ମିସା ସବୁ ବିସଇଡେଇ ତମର୍ ମନସ୍‌ମନର୍ ଚାନେ ସର୍‌ପି ଅଇବାର୍‌ଆଚେ ।
 ୨୫ ✨ ଏ ମୁନ୍‌ସ୍‌ମନ୍, କିରିସ୍‌ଟ ଜେନ୍ତାର୍ ମଣ୍ଡଲିକେ ଆଲାଦ୍ କରି, ତାକେ ସୁକଲ୍ କର୍ବାକେ ନିଜେ ସର୍‌ପିଅଇଲା, ସେନ୍ତାରିସେ ତମେ ମିସା ନିଜର୍ ମାଇଜିମନ୍‌କେ ଆଲାଦ୍‌କରା ।
 ୨୬ କିରିସ୍‌ଟ ପର୍‌ମେସର୍‌ର୍ ବାକିଅ ସଙ୍ଗ୍ ଆରି ପାନିସଙ୍ଗ୍ ଦଇକରି ମଣ୍ଡଲିକେ ସୁକଲ୍ କଲା ।
 ୨୭ ମଣ୍ଡଲିକେ ତାର୍ ମୁଆଟେ ଆନ୍‌ଲାବେଲେ, ମଣ୍ଡଲି ଜେନ୍ତାରି କି, କାଇ ମୁର୍‌କି ନ ଅଇଡେ, ଅସୁକଲ୍ ନଇଡେ, କାଇ ଦସ୍ ନ ଅଇଡେ ରଇ, ତାର୍ ବାଦୁଲେ ସୁକଲ୍ ଆରି ସିଦ୍ କାରାଇ ତାକେ ଚିଆ କରାଇସି ।
 ୨୮ ସେନ୍ତାରିସେ ମୁନ୍‌ସ୍‌ମନ୍ ନିଜର୍ ଗାଗଡ୍‌କେ ଜଡନ୍ କରି ଆଲାଦ୍ କଲାପାରା ନିଜର୍ ମାଇଜିମନ୍‌କେ ସେନ୍ତାରି କରା । ଜେ ନିଜର୍ ମାଇଜିକେ ଆଲାଦ୍ କର୍‌ସି, ସେ ନିଜ୍‌କେ ମିସା ଆଲାଦ୍ କର୍‌ସି ।
 ୨୯ କେ ମିସା କେବେ ନିଜର୍ ଗାଗଡ୍‌କେ ଗିନ୍ ନ କରେ । ମାତର୍ ତାର୍‌ପାଇ ଦୁଆପୁଟା କରି କାଦି କୁଆଇସି । ଜେନ୍ତାରି କି କିରିସ୍‌ଟ ତାର୍ ମଣ୍ଡଲିର୍ ପାଇ ଜଡନ୍ କଲାମି ।
 ୩୦ କାଇକେବଇଲେ ଆମେ ସବୁ ତାର୍ ଗାଗଡ୍‌ର୍ ବାଗ୍ ଅଇଆରୁ ।
 ୩୧ ଏଟାର୍‌ପାଇ ଦରମ୍ ସାସ୍‌ତରେ ଲେକାଅଇଆଚେ ମୁନ୍‌ସ୍ ତାର୍ ନିଜର୍ ଆୟା ବାବାକେ ଚାଡି ନିଜର୍ ମାଇଜିର୍ ସଙ୍ଗ୍ ମିସି ଜାଇସି । ଆରି ସେ ଦୁଇଲକ୍ ମିସି ଗଟେକ୍ ଅଇବାଇ ।
 ୩୨ ଏଟା ଗଟେକ୍ ବଡ୍ ଲୁଚି ରଇବା ବିସଇ । ମାତର୍ ମୁଇ କିରିସ୍‌ଟ ଆରି ମଣ୍ଡଲି ବିଡ୍‌ରେ ମିସିବିଡି ରଇବା ବିସଇ କାତା ଅଇଲିନି ।
 ୩୩ ସାରାସାରି ତମେ ଗଟେକ୍ ଗଟେକ୍ ଲକ୍ ନିଜେ ନିଜେ ଆଲାଦ୍ ଅଇଲାପାରା ନିଜର୍ ନିଜର୍ ମାଇଜିକେ ସେନ୍ତାରି କର୍‌ବାର୍ ଆଚେ । ଆରି ମାଇଜିମନ୍ ତାକର୍ ମୁନ୍‌ସ୍‌ମନ୍‌କେ ସନ୍‌ମାନ୍ ଦେବାର୍ ଆଚେ ।



ବାବା ମାଆ ଆରି ପିଲାଟକି

୧ ✨ଏ ମର୍ ପିଲାଟକିମନ୍, ତମେ ମାପୁରୁର୍ ସଙ୍ଗ୍ ମିସ୍‌ଲାର୍‌ପାଇ ଆୟା ବାବାର୍ କାତା ମାନିକରି ରୁଆ । ତମେ ଏନ୍ତାରି କର୍‌ବାର୍ ଆଚେଆକା ।
 ୨ ଏନ୍ତାରି ଲେକା ଅଇଲାଆଚେ, ନିଜର୍ ଆୟା ବାବାକେ ସନ୍‌ମାନ୍ ଦିଆସ୍ । ଜେନ୍ତାରି କି ତମର୍‌ପାଇ ସବୁ ବିସଇ ମଙ୍ଗଲ୍ ରଇସି । ଆରି ତମେ ସାର୍‌ଦା ଅଇ ବେସି ଦିନ୍ ଜାକ ଏ ଜଗଡେ ବଞ୍ଚିରଇସା ।
 ୩ ଏଟା ଅଇଲାମି ପର୍‌ମେସର୍‌ର୍ ପର୍‌ଡୁମ୍ ଆଦେସ୍ ଜନ୍‌ଟା କି ସେ ଗଟେକ୍ ଦେଇରଇବା କାତା ମିସା ଡେଇ ମିସାଇଆଚେ ।
 ୪ ✨ଏ ବାବାମନ୍, ପିଲାମନ୍‌କେ ରିସା କରାଆ ନାଇ । ତାର୍ ବାଦୁଲେ ସେମନ୍‌କେ ମାପୁରୁର୍ ବାକିଅ ଇସାବେ ସିକାଇକରି ବଡାଆ ।

ଗତିଦାଙ୍ଗ୍‌ତା ଆରି ସାଉକାର୍

✨ ୫:୧୭ କଲସିଅ ୪:୫ ✨ ୫:୧୯ କଲସିଅ ୩:୧୭,୧୭ ✨ ୫:୨୨ କଲସିଅ ୩:୧୮; ୧ ମ ପିତର୍ ୩:୧ ✨ ୫:୨୫ କଲସିଅ ୩:୧୯; ୧ ମ ପିତର୍ ୩:୭
 ✨ ୬:୧ କଲସିଅ ୩:୨୦ ✨ ୬:୪ କଲସିଅ ୩:୨୧

୫ ✨ଏ ଗତିଦାଈତାମନ୍, ଏ ଜଗତେ ରଇବା ସାଉକାର୍ମନର କାତା ମାନିକରି ରୁଆ । ସେମନ୍‌କେ ସନ୍‌ମାନ୍ ଦେଇ, ପୁରାପୁରୁନ୍ ମନ୍ ସଙ୍ଗ ନାମିକରି ରୁଆ । ଜେନ୍ତାରି କି ତମେ କିରିସ୍‌ଟକେ ନାମିକରି ରଇସା ।

୬ ଅବକା ସେମନର୍ ମୁଆଟେ ବଲ୍ ବଲାଇ ଅଇବାକେ ନାଇ, କି ସେମନ୍ ଦେକ୍‌ଲାବେଲେସେ ନାଇ । ମାତର୍ କିରିସ୍‌ଟର୍ ଗତିଦାଈତା ପାରା, ପର୍ମେସର୍ ମନ୍କଲାଟା ପୁରାପୁରୁନ୍ ମନ୍ ଦିଆନ୍ ଦେଇ କରା ।

୭ ତମକେ ଦାଇତ୍ ଦେଇରଇବା ସବୁ କାମ୍ ସାର୍‌ଦା ସଙ୍ଗ କରା । ଜେନ୍ତାରିକି ତମେ ଅବକା ଲକ୍‌ମନର୍ ପାଇ କାମ୍ ନ କରି ମାପୁରୁର୍ ସେବା କଲା ପାରା କରା ।

୮ କାଇକେବଇଲେ ତମେ ନିକ କାମ୍ କଲେ, ମାପୁର୍ ତମକେ ପୁରୁସ୍କାର୍ ଦେଇସି । ତମେ ଗତିଦାଈତା ଅଇରୁଆ କି ମୁକଲ୍‌ଲା ଲକ୍ ଅଇରୁଆ ।

୯ ✨ଏ ସାଉକାର୍ମନ, ସେନ୍ତାରିସେ ତମର୍ ଦାଈତାମନକେ ନିକସଙ୍ଗ ଦେକାରକା କରା । ସେମନ୍‌କେ ଦାକାପୁକା ଦିଆସ୍ ନାଇ । ତମର୍ ମନେ ରଅ, ତାକର୍ ଆରି ତମର୍ ସାଉକାର୍ ସର୍ଗେ ଆଟେ । ଆରି ସେ ସାନ୍ ବଡ୍ ନ ବାବି ଦେକାରକା କର୍ସି ।

ଆଡ଼ମାର୍ ଆଡ଼ଆଡ଼ିଆର୍

୧୦ ସାରାସାରି ପଟେ, ମାପୁରୁର୍ ଟାନେ ମିସିକରି ତାର୍ ବପୁପାଇକରି ତାଡ଼ଅଇରୁଆ ।

୧୧ ପର୍ମେସର୍ ତମକେ ଦେଇରଇବା ଜୁଇଦର୍ ସବୁ ରକାମ୍ ଆଡ଼ ଆଡ଼ିଆର୍ ସାଜାଡ଼ିକରି ରୁଆ । ଜେନ୍ତାରିକି ତମକେ ସଇତାନ୍ ନାଡ଼ାଇବା ବେଲେ ତାକେ ବିରଦ୍ କରିପାରାସ୍ ।

୧୨ କାଇକେବଇଲେ ଆମେ ଜଗତର୍ ଲକ୍‌ମନର୍ ବିରୁଦେ ଜୁଇଦ୍ କରୁନାଇ । ମାତର୍ କାରାପ୍ ଆଡ଼ମାମନ୍‌କେ, ଆନ୍ଦାରେ ରଇବା ଜଗତର୍ ସାସନ୍‌କାରିଆମନ୍‌କେ, ଆରି ସର୍ଗେ କାରାପ୍ ବପୁ ପାଇରଇବା ଆଡ଼ମାମନର୍ ବିରୁଦେ ଜୁଇଦ୍ କଲୁନି ।

୧୩ ତେବର୍‌ପାଇ ପର୍ମେସର୍ ଦେଇରଇବା ସବୁରକାମ୍ ଜୁଜ୍‌ବା ଆଡ଼ ଆଡ଼ିଆର୍ ଗଟେକ୍ ସନିଅ ପିନ୍‌ଲାପାରା ପନ୍‌କରି ସାଜାଡ଼ା । ସେନ୍ତାର୍ ରଇଲେ ସଇତାନ୍ ଆରି ତାର୍ କାରାପ୍ ଆଡ଼ମାମନ୍ ତମକେ ଜୁଜ୍‌ଲାବେଲେ ସେମନ୍‌କେ ତମେ ବିରଦ୍ କରି ପାରାସ୍ । ଜୁଇଦର୍‌ପାଇ ସବୁ ରକାମ୍‌ଟା ସାଜାଡ଼ି ରଇଲେ ତମେ ପଟେ ନ ଗୁଡ଼ିକରି ଚିଆଅଇ ପାର୍‌ସା ।

୧୪ ତେବେ ଜୁଇଦର୍‌ପାଇ ତମେ ଏନ୍ତାରି ଜାଗର୍‌ତ୍ ଉଆ । ଜେନ୍ତାରି କି, ପର୍ମେସରର୍ ସଡ଼ ଆଁଟାବେତା, ଆଁଟାଇ ବାନ୍ଦିଅଇ, ତାର୍ ଦରମର୍ ସାଞ୍ଜୁ ଜଗାଡ଼ି ଅଇ,

୧୫ ସୁବ୍‌କବରେଅନି ଆଇବା ସାନ୍ତିର୍ ପାଣ୍ଡୁଇ ପିନ୍‌ ସାଜାଡ଼ି ଉଆ ।

୧୬ ଏ ସବୁର୍ ଉପରେ ବିସ୍‌ବାସର୍ ତେବାଇବା ତାଲ୍ ଦାରିରୁଆ । ଏ ତାଲ୍‌ସଙ୍ଗ୍ ସଇତାନ୍ ତମର୍ ମୁଆଟେ ବିନ୍‌ଦା ଜଇର୍ କାଣ୍ଡ ଅଟ୍‌କାଇ ପାର୍‌ସା ।

୧୭ ଆରି ମାପୁର୍ ଦେଇରଇବା ମୁକ୍ତି, ଗଟେକ୍ ଟପିପାରା ମୁଣ୍ଡ ରକିଆ କର୍‌ବାକେ ପିନ୍‌ରୁଆ । ସୁକଲ୍‌ଆଡ଼ମା ଦେଇରଇବା କାଣ୍ଡା ଦାରିରୁଆ । ସେ କାଣ୍ଡା ଅଇଲାନି ପର୍ମେସରର୍ ବାକିଅ ।

୧୮ ସୁକଲ୍‌ଆଡ଼ମା ତେଡ଼ନା ଦେଲା ଇସାବେ ପାର୍‌ତନା କରା । ସବୁ ରକାମର୍ ପାର୍‌ତନା ଆରି ଗୁଆରିସଙ୍ଗ୍ ପାର୍‌ତନା କରା । ଏଗାର୍‌ଲାଗି ଜାଗର୍‌ତ୍ ଅଇରୁଆ । ପର୍ମେସରର୍ ଲକ୍‌ମନର୍‌ପାଇ ପାର୍‌ତନା କରିଲାଗିରୁଆ ।

୧୯ ମର୍‌ପାଇ ମିସା ପାର୍‌ତନା କରା । ଜେନ୍ତାରିକି ମୁଇ କାତା ଅଇବାବେଲେ ପର୍ମେସର୍ ମକେ ଟିକ୍ ବାକିଅ ଦେଅ । ସେନ୍ତାର୍ କଲେ, ସୁବ୍ କବରର୍ ଲୁଡ଼ିରଇବା ବିସଇ ମୁଇ କାକେ ନ ଡରିକରି ଲକ୍‌ମନକେ ଜାନାଇ ପାର୍‌ବି ।

୨୦ ଏବେ ମୁଇ ବନ୍ଦି ଅଇ ରଇଲେ ମିସା କିରିସ୍‌ଟର୍ ସୁବ୍‌କବର୍ ଜାନାଇବାପାଇ ଗଟେକ୍ ରାଜାର୍ ଦୁଡ଼ ପାରା ଅଇଲିଆଡ଼ି । ସୁବ୍‌କବର୍ ଟିକ୍ ସଙ୍ଗ, ନ ଡରିକରି ଜାନାଇବାକେ ପର୍ମେସର୍ ମକେ ବପୁ ଦେଅ ବଲି ପାର୍‌ତନା କରା ।

ସାରାସାରି ଜୁଆର୍‌ବେଟ୍ ଅଇବାଟା

୨୧ ✨✨ ତକିକସ୍ ଜେ କି ଆମର୍ ଆଲାଦର୍ ବାଇ, । ସେ ମାପୁରୁକେ ବିସ୍‌ବାସ୍ ସଙ୍ଗ୍ ସେବା କଲାନି । ମୁଇ କେନ୍ତ୍ର ଆଡ଼ି ଆରି କାଇଟା କଲିନି, ସେ ସବୁ ବିସଇ ତମକେ କଇଦେଇସି ।

୨୨ ଆମକେ ଗଟ୍‌ବା ବିସଇ ସବୁ ତମେ ଜାନିରୁଆ ବଲିକରି ମୁଇ ତାକେ ତମର୍‌ଟାନେ ପାଟାଇଲିନି । ଆରି ସେ ତମକେ ସାର୍‌ଦା କରାଇସି ।

୨୩ ଆମର୍ ବାବା ପର୍ମେସର୍ ଆରି ମାପୁର୍ ଜିସୁକିରିସ୍‌ଟ୍ ସବୁ ବିସ୍‌ବାସି ବାଇମନ୍‌କେ ସାନ୍ତି ଦେଅ । କିରିସ୍‌ଟକେ ବିସ୍‌ବାସ୍ କରି ତମର୍ ବିଡ଼ରେ ଆଲାଦ୍ କରାକରି ଅଇବାକେ ସେମନ୍ ତମକେ ସାଇଜ କରଡ଼ ।

୨୪ ଆମର୍ ମାପୁର୍ ଜିସୁ କିରିସ୍‌ଟକେ ଜେଡ଼କି ଲକ୍ ଆଲାଦ୍ କଲାଇନି, ସେମନ୍‌କେ ପର୍ମେସର୍ ତାର୍ ଜିବନ୍ ଦୁକାଇଲାଟା ଆରି ନ ସାର୍‌ବା ଆଲାଦ୍ ଦେଅ ।

☆ ୨:୫ କଲସିଅ ୩:୨୨-୨୫ ☆ ୨:୯ କଲସିଅ ୪:୧; କଲସିଅ ୩:୨୫ ☆ ୨:୨୧ ପେରିଡ୍ ୨୦:୪; ୨ୟ ଡିମତି ୪:୧୨ ☆ ୨:୨୧ କଲସିଅ ୪:୭,୮

ପିଲିପିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ପିଲିପିୟ ମଣ୍ଡଳୀର ବିଶ୍ୱାସୀମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନ୍ବାଟା

ଜିସୁକିରିସ୍ଟ ଜନମ୍ ଅଇକରି ୬୧ ବରସ୍ ପଟେ ପାଉଲ୍ ପିଲିପିଅ ମଣ୍ଡଳୀର ବିଶ୍ୱାସୀମାନର୍ ଲଗେ ଏ ଚିଠି ଲେକିରଇଲା । ଏ ଚିଠି ପାଉଲ୍ ରମ୍ ରାଇଜେ ବନ୍ଦି ରଇଲାବେଲେ ଲେକିରଇଲା ୧:୧୩ ।

ପିଲିପି ସଅରେ ରଇବା ମଣ୍ଡଳୀମନ୍ଦକେସେ ଏ ଚିଠି ଲେକାଅଇରଇଲା । ଆମେ ପେରିଡ୍ ବଇଟାନ୍ଦେ ମିସା କେତେଟା ବିସଇ ପିଲିପିୟ ବଇର ବିସଇ ଜାନିପାରିଅଇସି । ପିଲିପି ମାକିଦନିଆର୍ ରାଜ୍ଦାନି ରଇଲା । ଏଟା ମାକିଦନିଆଇ ତିଆର୍ ଅଇରଇବା ପର୍ତୁମ୍ ମଣ୍ଡଳୀ ରଇଲା । ଏ ମଣ୍ଡଳୀ ପାଉଲ୍ ଆରି ସିଲା ମିସିକରି ଆରାମ୍ କରିରଇଲାଇ । ଆରି ତେଇ ରଇଲାବେଲେ ଗଟେକ୍ ରାତିର୍ପାଇ ସେମନ୍ଦକେ ବନ୍ଦିକରି ସଙ୍ଗାଇରଇଲାଇ ପେରିଡ୍ ୧୬ ।

ପାଉଲ୍ ଏ ଚିଠି ଲେଖିବାକେ କେତେଟା ଆଦେସ୍ ରଇସି ମିସା । ସେ ବନ୍ଦି ରଇବା ବିସଇ ସୁନି ମଣ୍ଡଳୀର ଲକ୍ମନ୍ଦ ଚାନ୍ଦା ଉଟାଇକରି ପାଟାଇରଇଲାଇଜେ ସେମନ୍ଦକେ ଦନିଅବାଦ୍ ଦେବା ଉଦେସେ ଚିଠି ଲେଖିଲାଆଟେ ୪:୧୦-୧୯ । ସେ ମିସା ତାର ବନ୍ଦିରଇଲା ବେଲର୍ ଚିକିନିକି ବିସଇ ମଣ୍ଡଳୀତେଇ ତିମତିକେ ଆରି ଏପ୍ରାପଦିଡ୍ କେ ଜାନାଇଦେଲାନ୍ତି । ବିଶ୍ୱାସୀମନ୍ଦ ଜେନ୍ତୁକି ସେମନ୍ଦକେ ମାନିକରି ଜୁଆର୍ ଜାନାଇବାଇ ଆରି ତାକର୍ ଦାଇତେ ନାମିକରିରଇବାଇ ୨:୧୯-୩୦ ।

ଏ ବଇ ବିଡ୍ରେ ରଇଲାଟା

- ୧. ପିଲିପିୟ ମଣ୍ଡଳୀକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. ପାଉଲ୍ କସ୍ଟ ପଡିରଇଲାଟା ଆରି ବାବ୍ବାଟା । ୧:୩-୨:୩୦
- ୩. ବିଶ୍ୱାସୀମନ୍ଦ କିରିସ୍ଟକେ ବିଶ୍ୱାସକରି ଜିଉନାକାଉନା କର୍ବାକେ ପାଉଲ୍ ତିଆରି ଆଟେ । ୩:୧-୪:୯
- ୪. ପାଉଲ୍ ଚାନ୍ଦାକରି ଦାନ୍ ଦେବାକେ ପିଲିପେ ରଇବା ମଣ୍ଡଳୀର ବିଶ୍ୱାସୀମନ୍ଦକେ ଜୁଆର୍ ଆରି ଦନିଅବାଦ୍ ଜାନାଇଆଟେ । ୪:୧୦-୨୩

ପାଉଲ୍ ପାର୍ତନା

୧*ଏ ଚିଠି ପାଉଲ୍ ଆରି ତିମତି, କିରିସ୍ଟ ଜିସୁର୍ ଦୁଇଟା ଗତିଦାଙ୍ଗ୍ଡାମନ୍ ଲେଖିଲୁନି ।

ଜିସୁକିରିସ୍ଟର୍ ଅଇକରି ପିଲିପି ନଅରେ ରଇବା ସବୁ ପର୍ମେସର୍ ଲକ୍ମନ୍ଦପାଇ ଏଟା ଲେକାଅଇଲା ଆଟେ । ତମର୍ ବିଡ୍ରେ ନେଡା ଅଇକରି ତମକେ ସାଇଜ କରବା ଲକ୍ମନ୍ଦପାଇ ମିସା ।

୨ ଆମର୍ ବାବା ପର୍ମେସର୍ ଆରି ମାପୁର୍ ଜିସୁକିରିସ୍ଟ ତମକେ ଜିବନ୍ ଦୁକାଇକରି ସାନ୍ତି ଦେଅ ।

ପାଉଲ୍ ପାର୍ତନା

୩ ମୁଇ ତମକେ ଜେଡ୍କିତର୍ ଏତାଇଲିନି, ସେଡ୍କିତର୍ ମର୍ ପର୍ମେସର୍କେ ଦନିଅବାଦ୍ ଦେଇତେରଇବି ।

୪ ପାର୍ତନା କଲାବେଲେ ସବୁତର୍ ତମର୍ପାଇ ସାର୍ଦାସଙ୍ଗ୍ ପାର୍ତନା କଲିନି ।

୫ କାଇକେବଇଲେ ସୁବ୍କବର୍ ଜାନାଇବା କାମେ ତମେ ମର୍ ସଙ୍ଗ୍ ମିସିକରି ରଇଲାସ୍ । ବିଶ୍ୱାସ୍ କର୍ବା ପର୍ତୁମ୍ ଦିନେଅନି ଆଜିକେ ଜାକ ତମେ ମକେ ଏଟା କଲାସ୍ନି । ଆରି ଏବେ ମିସା କରି ଆଇଲାସ୍ନି ।

୬ ପର୍ମେସର୍ ଜେକି ତମର୍ ମନ୍ ବିଡ୍ରେ କାମ୍ କର୍ବାକେ ଆରାମ୍ କରିଆଟେ, ଜିସୁକିରିସ୍ଟ ବାଉଡିଆଇବା ଜାକ, ସେଟା କରି ସାରାଇସି ।

୭ ତମେ ସବୁବେଲେ ମର୍ ମନ୍ ବିଡ୍ରେ ଆଟାସ୍ । ତେବର୍ପାଇ ତମର୍ ବିସଇନେଇ କରି ଏନ୍ତାରି ବାବ୍ବାଟା ଚିକ୍ ସେ । ମୁଇ ବନ୍ଦି ନ ଅଇକରି ରଇଲାବେଲେ କି ଏବେ ବନ୍ଦି ରଇକରି ସୁବ୍କବର୍ ବିରୁଦେ ଦଦାପେଲା ଉଟ୍ଲାବେଲେ, ଏଟା ସଡ୍ ଆକା ବଲି ତାଟ୍ସଙ୍ଗ୍ ଦେକାଇବାଟାନ୍ଦେ ମିସା, ତମେ ସବୁ ମିସବାକେ ପର୍ମେସର୍ ବେଲା ଚିକ୍ କରି ଦେଲାଆଟେ ।

୮ ମୁଇ ତମକେ ସବୁ ଲକ୍ମକେ ଆରିତରେକ୍ ଦେକ୍ବି ବଲି ମନ୍ କଲିନି । ଏ ବିସଇତେଇ ନିଜେ ପର୍ମେସର୍ ସାକିଆଟେ । କାଇକେବଇଲେ ଜିସୁକିରିସ୍ଟ ଆଲାଦ୍ କଲାପାରା ମୁଇ ତମକେ ଆଲାଦ୍ କଲିନି ।

୯ ମୁଇ ତମର୍ପାଇ ଏନ୍ତାରି ପାର୍ତନା କଲିନି, ଜେନ୍ତାରିକି ତମେ ଆଲାଦ୍ କର୍ବାଟାନ୍ଦେ ଅଦିକ୍ ଅଦିକ୍ ବଡ୍ସା । ପର୍ମେସର୍ ଜେନ୍ତାରି ଆଟେ, ସେ ବିସଇ ତମେ ଅଦିକ୍ ଅଦିକ୍ ଜାନ୍ସା ବଲି ମୁଇ ପାର୍ତନା କଲିନି । ଆରି ଜେତେବଲ୍ ମିସା କନ୍ଦା ସଡ୍ କନ୍ଦା ବୁଲ୍ ସେଟା ଜାନିପାର୍ସା ।

୧୦ ସେନ୍ତାରିଆଲେ ଚିକ୍ ବିସଇ କନ୍ଦା ବଲି ବାଟିକରି କରିପାର୍ସା । ଆରି ଏବେଅନି କିରିସ୍ଟ ବାଉଡି ଆଇବାଜାକ ସବୁ ପାପେଅନି ମୁକ୍ଲିକରି କାଇ ଦସ୍ ନ ଅଇକରି ରଇପାର୍ସା ।

* ୧:୧ ପେରିଡ୍ ୧୬:୧୨

୧୧ ଜେନ୍ତାରିକି ଗଟେକ୍ ପଲ୍ ଦେବା ଗର୍ ପଲ୍ ଦେଇସି, ସେନ୍ତାରିସେ ତମେ ମିସା ଜିସୁକିରିସ୍ଟର୍ ବପୁ ସଙ୍ଗ୍ ଦରମ୍ କାମର୍ ପଲ୍ ଦେଇସା । ଏଟା ପର୍ମେସର୍କେ ଡାକ୍ପୁଟା ଆରି ମଇମା କର୍ସି ।

କିରିସ୍ଟ ଅଇଲାନି ଆମର୍ ଜିବନ୍

୧୨ ଏ ବାଇବଇନିମନ୍, ତମେ ଜାନ୍‌ବାର୍ ଆଚେ କି କିରିସ୍ଟର୍‌ପାଇ ମର୍ ଜିବନେ ଜେଡ୍‌କି ଗଟିଆଚେ, ତାର୍‌ଲାଗି ଅଦିକ୍ ଲକ୍ ସୁବ୍‌କବର୍ ବିସ୍‌ବାସ୍ କର୍‌ବାକେ ଗଟେକ୍ ବାଟ୍ ଆଇଲା ।

୧୩ ✳ଜେନ୍ତୁକି, ସମ୍‌ରାଟର୍ ମେଡେ ଜେଡ୍‌କି ସଇନ ଜାଗିଆଚଡ୍, ସେମନ୍ ସବୁ ମୁଇ କିରିସ୍ଟକେ ସେବା କଲାର୍ ପାଇ ବନ୍ଦିଗରେ ଆରିବଲି ଜାନ୍‌ଲା ।

୧୪ ମୁଇ ବନ୍ଦିଗରେ ରଇଲାର୍‌ପାଇ, ଇତି ରଇବା କେଡେକ୍ କେଡେକ୍ ବିସ୍‌ବାସି ବାଇବଇନିମନ୍‌କେ ମାପୁରୁ ବପୁ ଦେଲାଆଚେ । ପର୍ମେସର୍‌ର ବାକିଅ ନ ଡର୍‌ଡେ ଜାନାଇବାକେ ସେମନ୍‌କେ ଏବେ ସାଆସ୍ ଆଚେ ।

୧୫ ଅଇଲେ ମିସା ସେମନ୍‌ର୍ ବିଡ୍‌ରେ ଅନି କେଡେଲକ୍ ମକେ ଆଁକାର୍ କଲାର୍‌ପାଇ କିରିସ୍ଟର୍ ବିସଇ ଜାନାଇବାକେ ମନ୍ କଲାଇନି । ସେମନ୍ ମର୍‌ଟାମେଅନି ବଡ୍ ବଲି ଦେକାଇଅଇବାକେ ଏନ୍ତ୍ର କଲାଇନି । ମାତର୍ ଆରି କେଡେକ୍ ଲକ୍ ଏଟା ସଡ୍ ବଲି ମନେବାବିକରି କଲାଇନି ।

୧୬ ଏ ଲକ୍‌ମନ୍ ମକେ ଆଲାଦ୍ କଲାର୍ ପାଇ ସୁବ୍‌କବର୍ ଜାନାଇଲାଇନି । କିରିସ୍ଟର୍ ସୁବ୍‌କବର୍ ଦେକାରକା କର୍‌ବାକେ ପର୍ମେସର୍‌ସେ ମକେ ଏ ବନ୍ଦିଗରେ ସଙ୍ଗାଇଆଚେ ବଲି ଜାନିକରି ମିସା ।

୧୭ ମାତର୍ ଜନ୍ ଲକ୍‌ମନ୍ ମକେ ଆଁକାର୍ କଲାଇନି, ମର୍‌ଟାମେଅନି ବଡ୍ ଅଇବୁ ବଲିକରି, କିରିସ୍ଟର୍ ସୁବ୍‌କବର୍ ଜାନାଇଲାଇନି । ତାକର୍ ମନେ ଏଟା ସଡ୍‌ବଲି ବାବିକରି କରଡ୍‌ନାଇ । ମୁଇ ବନ୍ଦି ଗରେ ରଇକରି ଜେଡ୍‌କି କସ୍ଟ ମୁରବ୍‌ଲିନି, ତାର୍‌ଡେଇଅନି ଅଦିକ୍ କସ୍ଟ ମିସାଇବାକେ କୁଟ୍ ପାଁର୍‌ଲାଇନି ।

୧୮ ମାତର୍ ଏଟା ମର୍‌ପାଇ କାଇଟା ନାଇ । ସେମନ୍ ସତଇସେ କଲେ କି ବୁଲ୍ କାମର୍ ପାଇ କଲେ ମିସା, କିରିସ୍ଟର୍ ବିସଇର୍ କବର୍ ଜାନାଇ ଅଇଲେ, ସେଟା ମୁକିଅ ବିସଇ । ଆରି ସେଟାପାଇ ମୁଇ ସାର୍‌ଦା ସଙ୍ଗ୍ ରଇବି ।

୧୯ ଆରି ମୁଇ ସାର୍‌ଦା ଅଇଡେରଇବି । କାଇକେବଇଲେ ତମେ ମର୍‌ପାଇ ପାର୍‌ତନା କଲାସ୍‌ନି ବଲି ମୁଇ ଜାନି । ଆରି ଜିସୁକିରିସ୍ଟର୍ ସୁକଲ୍ ଆଡ୍‌ମାର୍ ସାଇଜର୍‌ଲାଗି ପର୍ମେସର୍ ମକେ ମୁକ୍‌ଲାଇସି ।

୨୦ ମୁଇ ଦିଆନ୍ ଦେଇ ଆରି ଆସା କରି ଜାଗ୍‌ଲିନି । ମୁଇ ଜିବନ୍ ରଇଲେ କି ମର୍‌ବାକେ ଅଇଲେ ମିସା ମର୍ କାମ୍‌ଟାମେ ଏଲା ନ କରି । ମାତର୍ ଅଦିକାର୍ ସଙ୍ଗ୍ ରଇବା ଲକ୍‌ମନ୍ ମୁଆଟେ କାତା ଅଇବାକେ ମକେ ଅଦିକ୍ ସାଆସ୍ ଆଇସି । ଏନ୍ତାରିକରି ମୁଇ ଜେଡ୍‌କି କାମ୍ କଲିନି, କିରିସ୍ଟକେ ଡାକ୍‌ପୁଟା କରାଇବି ।

୨୧ କାଇକେବଇଲେ ମର୍‌ପାଇ ଜିଇବା କାଇବାଟା ସବୁ କିରିସ୍ଟସେ । ଆରି ମର୍ ଇସାବେ, କିରିସ୍ଟର୍‌ଟାମେ ରଇକରି ମର୍‌ବାଟା ବେସି ନିକ ।

୨୨ ମୁଇ ଜିଇରଇଲେ, କିରିସ୍ଟର୍‌ପାଇ ନିକ ସଙ୍ଗ୍ କାମ୍ କରିଅଇସି । ମାତର୍ ମଲେ ନିକ କି ଜିଇରଇଲେ ନିକ ବଲି ଜାନି ନାପାର୍‌ଲିନି ।

୨୩ ଏ ଦୁଇଟା ବିଡ୍‌ରେ କାଇଟା କର୍‌ବି ବଲି ଜିକାଟାମା ଅଇଲିନି । ଏ ଜିବନ୍ ଚାଡି ସର୍‌ଗେ କିରିସ୍ଟର୍ ସଙ୍ଗ୍ ରଇବାକେ ମୁଇ ମନ୍ କଲିନି । କାଇକେବଇଲେ ସେଟା ଅଦିକ୍ ନିକ ।

୨୪ ମାତର୍ ତମର୍‌ପାଇ ମୁଇ ଜିଇକରି ରଇବାଟା ବେସି ମୁକିଅ ବିସଇ ।

୨୫ ଏ ବିସଇ ମୁଇ ଡାଁର୍ ସଙ୍ଗ୍ ଜାନ୍‌ଲିନି । ଡେବର୍‌ପାଇ ମୁଇ ଜିଇକରି ରଇବି ଜେନ୍ତାରିକି, ତମେ ବିସ୍‌ବାସେ ଡାଁର୍ ଅଇସା ଆରି ବିସ୍‌ବାସ୍ କଲାର୍‌ପାଇ ସାର୍‌ଦା ଅଇସା ।

୨୬ ସେନ୍ତାରିଆଲେ, ମୁଇ ତମର୍ ସଙ୍ଗ୍ ଆରିତରେକ୍ ମିସ୍‌ବାବେଲେ, ଜିସୁକିରିସ୍ଟର୍ ସଙ୍ଗ୍ ମିସ୍‌ଲାର୍‌ପାଇ ତମେ ମର୍ ବିସଇନେଇ ବଡ୍‌ପନ୍ ଅଇସା ।

୨୭ ସବୁର୍‌ଟାମେଅନି ମୁକିଅ ବିସଇ ଅଇଲାନି ଏଟା । କିରିସ୍ଟର୍ ସୁବ୍ କବର୍ ବିସ୍‌ବାସ୍ କର୍‌ବା ଲକ୍‌ମନ୍ କେନ୍ତାରି ଚଲାଚଲ୍‌ଡି କର୍‌ବାର୍‌ଆଚେ, ତମେ ସେନ୍ତାରି କରା । ମୁଇ ତମ୍‌କେ ଦେକ୍‌ବାର୍ ଆଇଲେମିସା, କି ତମର୍‌ଟାମେଅନି ଦୁରିକେ ରଇ ଅବ୍‌କା ସୁନିପାର୍‌ଲେ ମିସା ଏନ୍ତାରି ଜିଇଡେରୁଆ । ଏଟାର୍‌ଲାଗି ତମେ ସବୁ ଗଟେକ୍ ମନ୍ ଅଇ ମିସିଆଟାସ୍ ବଲି ମୁଇ ଜାନିପାର୍‌ବି । ଜନ୍ ଲକ୍‌ମନ୍ ସୁବ୍ କବର୍‌ର ବିରୁଦେ ଦଦାପେଲା କଲାଇନି, ତାକର୍ ମୁଆଟେ କିରିସ୍ଟର୍ ସୁବ୍‌କବର୍ ଦେକାରକା କର୍‌ବାକେ ତମେ ସବୁ ଗଟେକ୍ ଅଇ ଚିଆଅଇଲାସ୍‌ନି ବଲି ମୁଇ ଜାନ୍‌ବି ।

୨୮ ଜନ୍ ଲକ୍‌ମନ୍ ତମର୍ ବିରଦେ ଆଇଲାଇନି, ସେମନ୍‌କେ ଡରା ନାଇ । ତମେ ସାଆସ୍ ଦାରିରଇଲେ, ପର୍ମେସର୍ ସେମନ୍‌କେ କୁରୁପ୍‌ନାସ୍ କରି ତମ୍‌କେ ରକିଆ କର୍‌ସି ବଲି ଜାନ୍‌ବାଇ । ଏ ସବୁ ବିସଇ ପର୍ମେସର୍‌ସେ କର୍‌ସି ।

୨୯ କାଇକେବଇଲେ ପର୍ମେସର୍ ତମ୍‌କେ କିରିସ୍ଟକେ ଅବ୍‌କା ବିସ୍‌ବାସ୍ କର୍‌ବା ଦାନ୍ ଦେଏନାଇ, ମାତର୍ ତାର୍‌ପାଇ ଦୁକ୍ କସ୍ଟ ପାଇକରି ରଇବା ଦାନ୍ ମିସା ଦେଲାଆଚେ ।

✳ ୧:୧୩ ପେରିଡ୍ ୨୮:୩୦

୩୦ ✠ତମର ବିରୁଦ୍ଧେ ଆଇବା ଲକ୍ଷ୍ମୀନର ସଙ୍ଗେ ଜନ୍ମ ଜୁଇଦେ ତମେ ରଇଲାସ୍, ସେନ୍ତାରିସେ ଗଟେକ୍ ଜୁଇଦେ ମୁଇ ମିସା ପିଲିପିଡେଇ ରଇଲାବେଲେ ଅଇଲାଟା ତମେ ଦେକିଆଟାସ୍ । ଆରି ଏବେ ମିସା ସେ ଜୁଇଦେ ମୁଇ ଆତି ବଲି ତମେ ସୁନି ଆଇଲାସ୍ନି ।

9

କିରିସ୍ତର ଦରମ୍ ଆରି ତାକ୍‌ପୁଟା

୧ ଜଦି କିରିସ୍ତର ସଙ୍ଗେ ମିସ୍‌ଲାର୍ ପାଇ ତମର ମନ୍ ସାର୍‌ଦା ଅଇଲାଆଟେ, ଆରି ତାର୍ ଆଲାଦର୍ ଲାଗି ସାନ୍ତି ପାଇଆଟାସ୍, ଜଦି ସୁକଲ୍‌ଆଡ଼ମାର୍ ସଙ୍ଗେ ମିସିବିଡିକରି ଆଟାସ୍, ଆରି ଜଦି କିରିସ୍ତ ତମ୍‌କେ ଜିବନ୍ ଦୁକାଇ ଦୟା ଦେକାଇଆଟେ,

୨ ସେନ୍ତାରିଆଲେ, ମୁଇ ତମ୍‌କେ ଜୁଆର୍ କରି କଇଲିନି, ତମର ତମର ବିତ୍‌ରେ ଗଟେକ୍ ମନ୍ ଉଆ । ଗଟେକ୍ ଲକ୍ ଆରି ଗଟେକ୍ ଲକ୍‌କେ ସମାନ୍ ଇସାବେ ଆଲାଦ୍ କରା । ଗଟେକ୍ ଚିନ୍ତା କରା ଆରି ତମର ଆଡ଼ମାଇ ଗଟେକ୍ ଅଇକରି ତମର ବାବ୍‌ବାଟା ଗଟେକ୍ ଅ । ଏନ୍ତାରି କରି ମକେ ପୁରାପୁରୁନ୍ ସାର୍‌ଦା କରାଆ ।

୩ ବିନ୍ ଲକ୍‌ମନର୍ ଟାନେଅନି ନିଜେ ବଡ଼ ଅଇବାକେ ଚେସ୍‌ଟା କରାନାଇ । ଅବ୍‌କା ବଡ଼ପନ୍ କାତା କଇବାକେ କାଇ ବିସଇ ମିସା କରାନାଇ । ତାର୍ ବାଦୁଲେ ନିଜ୍‌କେ ସାନ୍ କରା । ବିନ୍ ଲକ୍‌ର୍ ଟାନେଅନି, ନିଜେ ମୁଇ ବଡ଼ ବଲି ବାବାନାଇ ।

୪ ମର୍ ନିଜର୍‌ପାଇ କାଇଟାକଲେ ଅଦିକ୍ ନିକ ରଇସି ବଲି ଅବ୍‌କା ସେଟାସେ ବାବି ବାବି ରୁଆନାଇ । ବିନ୍ ଲକ୍‌ର୍‌ପାଇ ଜନ୍ ବିସଇ ନିକ ରଇସି, ସେଟାମିସା ଏତାଇରୁଆ ।

୫ କିରିସ୍ତ ଜିସୁର୍ ମନ୍ ଜେନ୍ତି ରଇଲା, ତମର ମନ୍‌ମିସା ସେ ରକାମ୍ ଅ ।

୬ ସେ ପର୍‌ମେସରର୍ ପାରା ସବୁ ରକାମ୍ ରଇଲେ ମିସା, ତାର୍ ସଙ୍ଗେ ସମାନ୍‌ଅଇ ରଇବା ଅଦିକାର୍ ନିଜର୍‌ପାଇ ଦାରିକରି ରଇବି ବଲି ମନ୍ କରେ ନାଇ ।

୭ ତାର୍ ବାଦୁଲେ ସେ ନିଜେ ମନ୍‌କରି, ତାକେ ରଇଲା ସବୁଟା ଚାଡ଼ିଦେଇ ଗଟେକ୍ ଗଡ଼ିଦାଙ୍ଗ୍‌ତାର୍ ରୁପ୍ ଦାରିଆଇଲା । ନର୍ ଲକ୍ ପାରା ଅଇକରି ନର୍ ଲକ୍‌ର୍ ବାନିମୁର୍ତି ଦାରି ଜାଡ଼ଅଇଲା ।

୮ ନର୍‌ଲକ୍ ପାରା ଅଇ ଆଇଲାପଟେ, ସେ ପର୍‌ମେସରର୍ ଆଦେସ୍ ମାନିକରି, ନିଜ୍‌କେ ଆରି ଅଦିକ୍ ସାନ୍‌କଲା । ଲକ୍‌ମନ୍ ମରାଅଡ଼ବଲି ସର୍‌ପାଇଅଇଲା । ଅବ୍‌କା ମର୍‌ବାକେ ନାଇ, ମାତର୍ କୁରୁସ୍ କାଟେ କୁଟିମାରାଇଅଇ ଚଗାଇଅଇବାକେ ମିସା ।

୯ ତେବର୍‌ପାଇ ପର୍‌ମେସର୍ ତାକେ ସବୁର୍‌ତେଇଅନି ଉପ୍‌ରେ ଉଟାଇଲା । ଆରି ସବୁର୍ ନାଉଁଟାନେଅନି ଅଦିକ୍ ତାକ୍‌ପୁଟା ଆରି ଅଦିକାର୍ ରଇବା ନାଉଁ ତାକେ ଦେଲା ।

୧୦ ଜେନ୍ତିକି ସରଗ୍‌ପୁରେ, ମର୍‌ପୁରେ ଆରି ପାତାଲେ ରଇବା ସବୁ, ଜିସୁକେ ମାଣ୍ଡିକୁଟା ଦେଇ ଜୁଆର୍ କର୍‌ବାଇ । ସେଟାରିପାଇ ପର୍‌ମେସର୍ ଏ ସବୁ କଲାଆଟେ ।

୧୧ ଆରି ସବୁ ଲକ୍ ଜିସୁକିରିସ୍‌ସେ ମାପୁରୁ ବଲି ମାନିଅଇବାଇ । ଏନ୍ତାରି ଅଇଲେ ବାବା ପର୍‌ମେସର୍ ତାକ୍‌ପୁଟା ପାଇସି ।

ପୁର୍‌ଡିବିତେଇ ଉଜଲ୍‌ଅଇ ରୁଆ

୧୨ ତେବର୍ ପାଇ, ଏ ମର୍ ଆଲାଦର୍ ମଇତର୍‌ମନ୍, ତମେ ଜେନ୍ତାରିକି, ମାପୁରୁର୍ ଆଦେସ୍ ମାନିକରି ରଇଆଟାସ୍, ଜାଗିରଇ ଡରିକରି ତମର୍ ମୁକ୍‌ତିର୍ କାମ୍ ପୁରାପୁରୁନ୍ କରା । ମୁଇ ରଇଲାବେଲେସେ ନାଇ, ମାତର୍ ମୁଇ ଦୁରିକେ ରଇଲେ ମିସା ଏଟା କରା ।

୧୩ ପର୍‌ମେସର୍ ନିଜେ ତମର୍ ବିତ୍‌ରେ ଏ କାମ୍ କଲାପାଇ ତମେ ଏଟା କରିପାର୍‌ସା । ତମ୍‌କେ ଜାଇଟା କରତ୍ ବଲି ସେ ମନ୍ କଲାନି, ସେ ସମାନ୍ ମନ୍ କର୍‌ବାଟା, ତମ୍‌କେ ମିସା ଦେଇସି । ଆରି ସେଟା କର୍‌ବାକେ ବପୁ ମିସା ଦେଇସି ।

୧୪ ମୁର୍‌ମୁରା ଆରି କିରଜାଟି ନ ଅଇକରି ସବୁ ଲକ୍‌ଜାକ କାମ୍ କରା ।

୧୫ ଏନ୍ତାରିକଲେ, ତମେ କାରାପ୍ କାମ୍ କଲାସ୍‌ନି ବଲି ବିନ୍‌ଲକ୍ କାଇ ଦସ୍ ନ ଦାରତ୍ ଆରି ତମେ ସୁକଲ୍ ଅଇସା । ପାପ୍‌କରି କାରାପ୍ କାମ୍ କର୍‌ବା ଲକ୍‌ମନର୍ ମଜାଇ ପର୍‌ମେସରର୍ ସିଦ୍ ପିଲାଟକି ଇସାବେ ତମେ ରଇସା । ତାକର୍ ବିତ୍‌ରେ ଆନ୍ଦାର୍ ଜଗତେ ଉଜଲ୍ ଜଟକଲା ପାରା ତମର୍ ଚଲାଟଲ୍‌ଡି ଡିସିସି ।

୧୬ ନ ସାର୍‌ବା ଜିବନର୍ କବର୍ ସବୁ ଲକ୍‌କେ ଜାନାଆ । ଏନ୍ତାରିକଲେ, କିରିସ୍ତ ବାଅଡ଼ବା ଦିନେ ମୁଇ ତମର୍ ବିସଇର୍ ଲାଗି ବଡ଼ପନ୍ ଅଇବି । ତମର୍ ବିତ୍‌ରେ ଆବଡ଼ ଅଇକରି କିରିରଇବା କାମ୍ ଚୁଟାଇ ଅଏ ନାଇ ବଲି ସେ ଦିନେ ଡିସିସି ।

୧୭ ସୁବ୍‌କବର୍ ବିସ୍‌ବାସ୍ କଲାପାଇ, ତମେ ଜେନ୍ତାରି ଦୁକ୍ କସ୍‌ଟ ପାଇକରି ମୁର୍‌ଡ଼ଲାସ୍‌ନି, ସେନ୍ତାରିସେ ମୁଇ ମିସା ସୁବ୍‌କବର୍ ଜାନାଇଲାର୍ ପାଇ ଦୁକ୍ କସ୍‌ଟ ପାଇକରି ମରିମିସା ଜିବି । ସେନ୍ତାରିଅଇଲେ ମିସା ମୁଇ ନିଜେ ସାର୍‌ଦା ଅଇ ତମର୍‌ସଙ୍ଗେ ସାର୍‌ଦା କର୍‌ବି ।

୧୮ ସେନ୍ତାରିସେ ତମେମିସା ସାର୍‌ଦା ଅଇକରି ମର୍‌ସଙ୍ଗେ ସାର୍‌ଦା କର୍‌ବାର୍ ଆଟେ ।

✠ ୧:୩୦ ପେରିଡ଼ ୧୭:୧୯-୪୦

ତିମତି ଆରି ଏପାପର୍ଦିତ୍

୧୯ ଜଦି ମାପୁରୁ ମନକଲେ, ତିମତିକେ ତମରଟାନେ ଦାପୁରେ ପାଟାଇବାକେ ମନ୍ କଲିନି । ତାରଟାନେଅନି ତମେ ନିକ ଆଗାସ୍ ବଲି ସୁନଲେ, ମୁଇ ମିସା ସାରଦା ଅଇବି ।

୨୦ ତିମତିକେ ଚାଡ଼ିଦେଲେ ଆରି ତମର୍ ବିସଇ କେ ମିସା, ଅଦିକ୍ ଚିନ୍ତା କର୍ବା ଲକ୍ ମର୍ ଲଗେ ନାଇ । ସେ ତମର୍ ଦୁକ୍ ସୁକ୍ ବିସଇନେଇ ସତଇସେ ଚିନ୍ତା କର୍ସି ।

୨୧ ମୁଇ କାଇକେ ଏନ୍ତାରି କଇଲିନି ବଇଲେ, ସବୁ ଲକ୍ ନିଜର୍ ନିଜର୍ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କର୍ବାଇ । ଜିସୁକିରିସ୍ଟ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କରଡ଼ ନାଇ ।

୨୨ ତମେତା ଜାନିଆଗାସ୍, ତିମତି ନିଜକେ ସତ୍ତ୍ୱାବେ କାମ୍ କର୍ବା ଲକ୍ ପାରା ଦେକାଇଅଇଆତେ । ସେ ଜେନ୍ତ୍ରିକି ଗଟେକ୍ ପଅ, ତାର ବାବା ସଙ୍ଗ୍ ସେବା କର୍ସି, ସେନ୍ତାରିସେ ସେ ମର୍ସଙ୍ଗ୍ ସୁବ୍‌କବର୍ ଜାନାଇବା କାମେ ମିସିଆତେ ।

୨୩ ତେବର୍ ପାଇ, ମକେ କାଇଟା ଗଟ୍‌ସି, ସେଟା ଜାନିଲା ଦାପୁରେ, ତାକେ ତମର୍ ଲଗେ ପିଲିପିତେଇ ପାଟାଇବି ବଲିକରି ଆସା କଲିନି ।

୨୪ ମୁଇ ମାପୁରୁର୍ ଲଗେ ବିସ୍‌ବାସ୍ କଲିନିଜେ, ମୁଇ ନିଜେ ମିସା ଦାପୁରେ ତମ୍‌କେ ଦେକ୍‌ବାକେ ଆଇବି ।

୨୫ ମାତର୍ ଆମର୍ ବାଇ ଏପାପର୍ଦିତକେ ତମରଟାନେ ପାଟାଇବି ବଲି ମୁ ମନେ ମନେ ବାବ୍‌ଲିନି । ସେ ମର୍ ସଙ୍ଗ୍ କାମ୍ କରି ସୁବ୍‌କବର୍‌ର ଦେକାରକା ପାଇ ଆବଡ଼ କଲା । ତମର୍ ବାଦୁଲେ ମର୍ ସବୁ ବିସଇ ପୁରାପୁରୁନ୍ କର୍ବାକେ ତାକେ ତମେ ପାଟାଇରଇଲାସ୍ ।

୨୬ କାଇକେ ବଇଲେ ସେ ତମ୍‌କେ ଦେକ୍‌ବାକେ ବେସି ମନ୍ କଲାନି । ଆରି ତାକେ ବେମାର୍ ଦାରାଇ ଅଇଆତେ ବଲିକରି ତମେ ସୁନିକରି ଦାନ୍ଦାପାନ୍ଦା ଅଇରଇଲାସ୍ ବଲି ସେ ଜାନିରଇଲା ।

୨୭ ଓଁ, ସେ ମର୍‌ବା ଉପ୍‌ରେ ରଇଲା । ଆରି ପର୍‌ମେସର୍ ତାକେ ଦୟାକଲା । ଅବ୍‌କା ତାକେସେ ନାଇ, ମାତର୍ ଜେନ୍ତ୍ରିକି ମର୍‌ପାଇ ଦୁକ୍‌ଉପ୍‌ରେ ଦୁକ୍ ନ ଆସ ବଲି ମକେ ମିସା ଦୟାକଲା ।

୨୮ ତେବର୍‌ପାଇ ମୁଇ ତାକେ ଆରିତରେକ୍ ବେସି ସାରଦା ସଙ୍ଗ୍ ପାଟାଇଲିନି । ଜେନ୍ତ୍ରିକି ତମେ ତାକେ ଆରିତରେକ୍ ଦେକି ସାରଦା ଅଇସା ଆରି ମୁଇ ମିସା ଦୁକ୍ ନ କରି ।

୨୯ ତେବର୍‌ପାଇ ତାକେ ଗଟେକ୍ ବିସ୍‌ବାସି ବାଇ ଇସାବେ ସାରଦା ସଙ୍ଗ୍ ଡାକିନିଆ । ତାରପାରା ଲକ୍‌ମନ୍‌କେ ସନ୍‌ମାନ୍ ଦିଆସ୍ ।

୩୦ କାଇକେବଇଲେ କିରିସ୍‌ଟର୍ ଲାଗି ବଲିକରି ସେ ତାର ଜିବନ୍ ବିପଦେ ପାକାଇଲା । ଆରି ତମେ ମର୍‌ଲାଗି ବଲିକରି ସେବାକାମେ ଜାଇଟାସବୁ ଉନା ଅଇଲାଆତେ, ସେଟା ସବୁଜାକ ସେ ପୁରାପୁରୁନ୍ କଲା ।

୩

ସତ୍ତ୍ୱାବ୍‌ରେ ଦରମ୍‌କରୁ

୧ ସାରାସାରି ପତେ ଏ ମର୍ ବାଇବଇନିମନ୍, ମୁଇ ତମ୍‌କେ ଆଗ୍ରୁ କଇଲାଟା ଆରିତରେକ୍ କଇବାକେ ମକେ ବିଜାର୍ ଲାଗେନାଇ । କାଇକେବଇଲେ ସେନ୍ତାରି କଲେ ବୁଲ୍ ବିସଇ ସିକାଉମନର୍‌ଟାନେଅନି ତମେ ଜାଗର୍‌ଡ଼ ଅଇରଇସା ।

୨ କୁକୁର୍‌ମନର୍ ପାରା ରଇବା ସେନ୍ତାରି ଲକ୍‌ମନର୍ ଟାନେଅନି ଜାଗର୍‌ଡ଼ା ରୁଆ । କାଇକେବଇଲେ ସେମନ୍ କାରାପ୍ ବିସଇ କଲାଜିନି । ବିସ୍‌ବାସି ଅଇବା ମନସ୍ ପିଲାମନ୍ ସବୁ ସୁନଡ଼ ଅଇବାର୍ ଆତେ ବଲି କଇଲାଜିନି ।

୩ କାଇକେ ବଇଲେ ଆମେସେ ସତଇସେ ପର୍‌ମେସର୍‌ର ଲକ୍ । ଆମେସେ ସୁକଲ୍‌ଆଡ଼ମାର୍ ସାଇଜ ସଙ୍ଗ୍ ପର୍‌ମେସର୍‌କେ ଜୁଆର୍ କଲୁନି । ଆମେ ଜିସୁ କିରିସ୍‌ଟକେ ଡାକ୍‌ପୁଟା କଲୁନି । ଆମର୍ ନିଜର୍ ରିତିନିତି ସେ ମୁକିଅ ବଲି ଚଲୁନାଇ ।

୪ ମୁଇତା ଆମର୍ ରିତିନିତି ଇସାବେ ଚାଲୁବାକେ ଅଦିକ୍ ମନ୍ କର୍ଡି । ଜଦି କେଆଲେ ବିନ୍ ଲକ୍ ରିତିନିତିକେ ଆସା କର୍ବାଇ, ସେନ୍ତାରିଆଲେ ସେମନର୍‌ତେଇଅନି ମୁଇ ଅଦିକ୍ କର୍ଡି ।

୫ *ପର୍‌ମେସର୍ ଆମର୍ ଆନିଦାଦିମନ୍‌କେ ତିଆରଲାପାରା ଗଟେକ୍ ଆଟ୍ ଅଇଲାକେ ମକେ ସୁନଡ଼ କରିରଇଲାଇ । ମୁଇ ଗଟେକ୍ ଇସରାଏଲର୍ ଲକ୍ । ଦେକ୍‌ବାକେ ଗାଲେ ମୁଇ ବେନ୍‌ଜାମିନ୍ କୁଟୁମର୍ ଲକ୍ । ମୁଇ ଗଟେକ୍ ଏବ୍‌ରିଅ ଆରି ଆମର୍ ଆନିଦାଦିମନ୍ ମିସା ଏବ୍‌ରିଅ ରଇଲାଇ । ମସାର ରିତିନିତି ମାନ୍‌ବାକେ ଗଟେକ୍ ପାରୁସି ପାରା ରଇଲି ।

୬ *ପର୍‌ମେସର୍ ମନକଲାଟା ପୁରାପୁରୁନ୍ କର୍ବାକେ ମୁଇ ବେସି ମନ୍ କଲି ଆରି ସେନ୍ତାରି କରୁ କରୁ ଜିସୁର୍ ସିସ୍‌ମନ୍‌କେ କସ୍‌ଟ ଦେଲି । ଆମର୍ ଜିଉଦି ନିୟମ୍ ସବୁ ପୁରାପୁରୁନ୍ ମାନ୍‌ଲାର୍ ପାଇ ଜଦି ଗଟେକ୍ ଲକ୍ ଦରମ୍ ଅଇପାର୍‌ଡ଼ା ବଇଲେ, ମୁଇ ସେନ୍ତାରି ଅଇତି । କାଇକେବଇଲେ ମୁଇ ସେ ସବୁ ନିୟମ୍ ମାନ୍‌ତେରଇଲି ।

୭ ମାତର୍ ଆଗେ ମୁଇ ଜେଡ଼କି ସବୁ ବିସଇ ବେସି ମୁଲିଅ ଆତେବଲି ବାବ୍‌ତେରଇଲି, ଏବେ କିରିସ୍‌ଟର୍ ସଙ୍ଗ୍ ମିସ୍‌ଲାର୍ ପାଇ ସେଟାମନ୍ ସବୁ ରୁଟାଇସେ ବଲି ଜାନିଲିନି ।

☆ ୩:୫ ରମିୟ ୧୧:୧; ପେରିଡ଼ ୨୩:୨;୨୨:୫ ☆ ୩:୭ ପେରିଡ଼ ୮:୩;୨୨:୪;୨୭:୯-୧୧

୮ ସେତକିସେ ନଏଁ ଆଗତୁ ଜେତକି ସବୁ ବିସଇ ପରମେସରକେ ସାରଦା କରାଇବାକେ କର୍ତେରଇଲି, ଜିସୁ କିରିସ୍ତକେ ମର ମାପରୁ ବଲି ମାନଲାତେଇଅନି, ସେଟା ରୁଚାଇସେ ବଲି ଜାନଲିନି । ତାରପାଇ ମୁଇ ସବୁ ବିସଇ ଚାଡ଼ିଦେଲିଆଚି । କିରିସ୍ତର ସିସ୍ ଅଇବି ବଲିକରି ସେଟାମନ୍ ରୁଚାଇସେ ବଲି ଏଡ଼କଲିନି ।

୯ ଜେନ୍ତାରି କି ମୁଇ ତାର ସଙ୍ଘ ପୁରାପୁରୁନ୍ ମିସିରଇବି । ରିଡିନିତି ମାନିକରି ପରମେସରର ମୁଆଟେ ଦରମ୍ ଲକ୍ ଅଇବି ବଲି ଚେସ୍ଟା କର୍ତେରଇଲି, ଏବେ ସେଟା ସବୁ ଚାଡ଼ିଦେଲି । ତାର ବାଦୁଲେ କିରିସ୍ତକେ ବିସ୍ବାସ କଲାପାଇ ପରମେସର ମକେ ଦରମ୍ ଲକ୍ ଇସାବେ ଦେକଲାନି ।

୧୦ ମୁଇ କିରିସ୍ତକେ ଜାନବି ବଲି ମନ୍ କଲିନି । ଆରି ପରମେସର ତାକେ ଜନ୍ ବପୁସଙ୍ଘ ମଲାତେଇଅନି ଉଟାଇଲା, ସେ ବପୁ ମୁଇ ମର ଜିବନେ ମିଲାଇବି ବଲି ଆସା କଲିନି । ସେ ଜେନ୍ତାରି ମରପାଇ ଦୁକ୍ କସ୍ଟ ପାଇଲା, ସେନ୍ତାରିସେ ମୁଇମିସା ତାରପାଇ ଦୁକ୍ କସ୍ଟ ପାଇବି ଆରି ତାର ମରନେ ମିସବି ।

୧୧ ସେନ୍ତାରି ପରମେସର ଜେତକି ଲକ୍‌କେ ମଲାତେଇଅନି ଜିବନ୍ କରି ଉଟାଇସି, ସେମନ୍ ବିଡ଼ରେଅନି ମୁଇ ଗଟେକ୍ ଲକ୍ ଅଇବି ।

ପୁରୁସକାର ପାଇବାକେ ପାଲାଇଲିନି

୧୨ ଏ ସବୁ ବିସଇ ମୁଇ କରିସାରାଇ ଆଚି ବଲି କଇନାଇ । ପରମେସର ମକେ ସିଦ୍ କରି ସାରାଇଆଚେ ବଲି ମିସା ମୁଇ କଇନାଇ । ମାତର୍, କିରିସ୍ତର୍ ପାରା ଅଇବାକେ ମୁଇ ବେସି ଚେସ୍ଟା କଲିନି । ସେଟାପାଇ କିରିସ୍ତ ମକେ ବାଟଲା ଆଚେ ।

୧୩ ନାଇ, ମର ବାଇବଇନିମନ୍, ଏ ସବୁଜାକ କରିସାରାଇଆଚି ବଲି ମୁଇ କଇନାଇ । ମାତର୍ ଅଦିକ୍ ଗଟେକ୍ ମୁକିଅ ରଇବା ବିସଇ ମୁଇ କଲିନି, । ଜେତକି ସବୁ ବିସଇ ଅଇସାରଲା ଆଚେ, ସେଟା ସବୁ ପାସରି ଚାଡ଼ିଦେଇକରି କିରିସ୍ତ ଜନ୍ ରକାମ୍ ମକେ ଅଇବାରଆଚେ ବଲି ମନ୍ କଲାନି, ସେନ୍ତାରି ଅଇବାକେ ମୁଇ ଚେସ୍ଟା କଲିନି ।

୧୪ ମର ସାରାସାରି ଜାଗାଇ କେଟ୍‌ବା ଜାକ ଆଗତୁ ଆଗତୁ ଗାଲିନି । ଜେନ୍ତିକି ମୁଇ ସରଗେ ପୁରୁସକାର ପାଇବି । ଜିସୁକିରିସ୍ତ ମରପାଇ ଜେତକି ବିସଇ କଲାଆଚେ, ସେଟାପାଇ ସେ ପୁରୁସକାର ମୁଇ ସରଗେ ପାଇବି ।

୧୫ ସେନ୍ତାରିଆଲେ ଆସା, ଆମେ ଜେତକି ଲକ୍ ସୁକଲ୍ ଅଇଆରୁ, ଏ ରକାମ୍ ବିସଇ ସମାନ୍ ଇସାବେ ଚିନ୍ତା କର୍ତେରଉଁ । ଆରି ଜଦି ଏ ସବୁ ବିସଇପାଇ ତମେ ମର ସଙ୍ଘ ରାଜି ଉଆସନାଇ, ଟିକ୍ ସଙ୍ଘ ଚିନ୍ତା କର୍ବାକେ ପରମେସର ତମକେ ସାଇଜ କର୍ସି ।

୧୬ କେନ୍ତି ମିସା ପରମେସର ଜେତକି ବିସଇ ସବୁ ଆମକେ ଦେକାଇ ସାରାଇଆଚେ, ସେ ସବୁଜାକ ଆମେ ମାନ୍‌ବାର ଆଚେ ।

୧୭ ଏ ମର ବାଇବଇନିମନ୍, ମୁଇ ଜେନ୍ତାରି କଲିନି, ତମେ ମିସା ସେନ୍ତାରିସେ କରା । ଆମେ ତମର ସଙ୍ଘ ରଇଲାବେଲେ ଜେନ୍ତି ଚଲାଚଲ୍‌ତି କର୍ତେରଇଲୁ, ସେଟା ଜାଗଡ଼ ସଙ୍ଘ ଦେକା ଆରି ସେନ୍ତାରି ଚଲାଚଲ୍‌ତି କରା ।

୧୮ କାଇକେ ବଇଲେ ମୁଇ ତମକେ ଆଗତୁ କେତେତର୍ କଇ ସାରାଇଆଚି, ଆରି ଏବେ ବେସି ଦୁକ୍‌ର୍ ସଙ୍ଘ କାନ୍ଦିକରି କଇଲିନି, ବେସି ଲକ୍ କିରିସ୍ତର୍ ବିରଦି ଇସାବେ ଚଲାଚଲ୍‌ତି କର୍ବାଇ ।

୧୯ ସାରାସାରି ପରମେସର ସେମନ୍‌କେ ବିନାସ୍ କର୍ସି । ସେମନ୍ ଅବକା ଗାଗଡ଼ ମନ୍ କର୍ବାଟା ପୁରାପୁରୁନ୍ କର୍ବାକେ ମନ୍ କଲାଇନି । ଲାଜର୍ ବିସଇ କରି ସାରଦା କଲାଇନି । ଅବକା ଏ ଜଗତର୍ ବିସଇସେ ଚିନ୍ତା କଲାଇନି ।

୨୦ ମାତର୍ ଆମେତା ସରଗର୍ ଲକ୍‌ମନ୍, ସେ ଜାଗାଇଅନି ଆମର୍ ଉଦାରକାରିଆ ମାପରୁ ଜିସୁକିରିସ୍ତ ବାଉଡ଼ି ଆଇବା ବେଲାକେ ଆମେ ଜାଗଲୁନି ।

୨୧ ଜେନ୍ତିକି ତାକେ ଜଗତର୍ ସବୁ ବିସଇ ସର୍ପିଅଇବାଇ, ସେନ୍ତାରି ତାରଟାନେ ବପୁ ଆଚେ । ସେ ବପୁସଙ୍ଘ ଆମର୍ ମରବା ଗାଗଡ଼ମନ୍‌କେ ନୁଆ କରି ବାଦ୍‌ଲାଇସି । ପରମେସର ତାକେ ଜିବନ୍ କରି ଉଟାଇଲାବେଲେ, ସେ ଜନ୍ ମଇମାର ଗାଗଡ଼ ପାଇରଇଲା, ସେନ୍ତାରି ରଇବା ମଇମାର ଗାଗଡ଼ ଆମକେ ମିସା ଦେଇସି ।

୪

ସିକିଆ ଆରି ଆଦେସ୍

୧ ତେବର୍ ପାଇ ଏ ମର ବିସ୍ବାସି ବାଇବଇନିମନ୍, ମୁଇ ତମକେ ଆଲାଦ୍ କରି ଦେକ୍‌ବାକେ ମନ୍ କଲିନି, ତମେ ମକେ ବେସି ସାରଦା କରାଇଲାସ୍‌ନି ଆରି ତମେ ଆକା ମର ପୁରୁସକାର । ମର ମଇତର୍‌ମନ୍, ମୁଇ ତମକେ ଜେତକି ବିସଇ କଇଆଚି, ସେନ୍ତାରିସେ ମାପରୁଟାନେ ବିସ୍ବାସେ ଡାଟ୍ ରୁଆ ।

୨ ଇୟଦିଆକେ ଆରି ସନ୍ତୁକେ ମୁଇ ବାବୁଜିଆକରି କଇଲିନି, ତମେ ଦୁଇଲକ୍ ଜାକ ମାପରୁର୍ ଲକ୍ ଅଇଆଟାସ୍ । ତେବର୍ ପାଇ ତମର୍ ବିଡ଼ରେ ଗଟେକ୍ ମନ୍ ଅଇ ରାଜିଉଆ ।

୩ ଆରି ବାଇ ଜେ କି ସବୁବେଲେ ମକେ ସାଇଜ କର୍ସୁ, ଏ ଦୁଇଟା ମାଇଜିମନ୍ ସାନ୍ତି ସଙ୍ଘ ରଇବାକେ ତୁଇ ସାଇଜ କର୍ । କାଇକେବଇଲେ ସୁବକବର୍ ଜାନାଇବା କାମେ ସେମନ୍ ମରସଙ୍ଘ ରଇକରି ବେସି ଆବଡ଼ ଅଇଲାଇ ଆଚଡ଼ ।

☆ ୩:୧୭ ମେ କରନ୍ତିୟ ୪:୧୭;୧୧:୧

ସେନ୍ତାରିସେ କେଲେମେନ୍‌ଟ ଆରି ବିନ୍ ଲକ୍‌ମନ୍ ମିସା ମର୍ ସଙ୍ଗ୍ କାମ୍ କର୍ତେରଇଲା । ପର୍ମେସର୍ ତାର୍ ବଇଟାନେ ସେମନର୍ ସବୁ ଲକ୍‌ର ନାଉଁ ଲେକ୍‌ଲା ଆତେ । ସେ ସବୁ ଲକ୍ ନ ସାର୍‌ବା ଜିବନ୍ ପାଇଲା ଆତଡ଼ ।

୪ ମାପ୍‌ରୁର୍ ସଙ୍ଗ୍ ମିସିରଇଲାର୍‌ପାଇ ସବୁବେଲେ ସାର୍‌ଦା ଅଇକରି ରୁଆ । ମୁଇ ଆରିତରେକ୍ କଇଲିନି ସାର୍‌ଦା ଅଇକରି ରୁଆ ।

୫ ଦରମ୍ ଅଇକରି ସବୁ ଲକ୍‌ର ସଙ୍ଗ୍ ଚଲାଚଲ୍‌ତି କରା । ମାପ୍‌ରୁ ଆଇବା ଦିନ୍ କେଟି ଆଇଲାନି ବଲି ପାସ୍‌ରାନାଇ ।

୬ କାଇ ବିସଇ ନେଇକରି ମିସା ଚିନ୍ତା କରି ଦାନ୍ଦା ଉଆନାଇ । ତାର୍ ବାଦୁଲେ ସବୁ ଗଟ୍‌ନା ଅଇଲା ବେଲେ, ତମ୍‌କେ ଜାଇଟା ଲଡା ଆତେ, ସେ ବିସଇ ପର୍ମେସର୍‌କେ ଗୁଆରି କରା । ଆରି ପାର୍‌ତନା କଲାବେଲେ, ତାକେ ଦନିଅବାଦ୍ ମିସା ଦିଆସ୍ ।

୭ ଏନ୍ତାରି କଲେ, ପର୍ମେସର୍ ତମ୍‌କେ ସାନ୍ତି ଦେଇସି । ଏ ସାନ୍ତି ଲକ୍‌ମନ୍ ବୁଜ୍‌ବା ସାନ୍ତିରପାରା ନାଇ । କିରିସ୍‌ଟ ଜିସୁର୍ ସଙ୍ଗ୍ ମିସ୍‌ଲାର୍‌ପାଇ ଜଦି ଏ ସାନ୍ତି ତମେ ପାଇଲେ, ତମର୍ ଜିବନେ କସ୍‌ଟ ଆଇଲେ ମିସା ନ ଡରିକରି, ଚିନ୍ତାକରି ଦାନ୍ଦା ନ ଅଇବାକେ ସାଇଜ କର୍‌ସି ।

୮ ସାରାସାରି ପତେ ଏ ମର୍ ବାଇବଇନିମନ୍, ଜେଡ୍‌କି ସବୁ ବିସଇ ନିକ ରଇସି, ଜେଡ୍‌କି ସବୁ ବିସଇ ସନ୍‌ମାନ୍ ପାଇସି, ଜନ୍ ସବୁ ବିସଇ ସଡ଼ ରଇସି, ଜନ୍ ସବୁ ବିସଇ ପାପ୍ ନଇତେ ରଇସି, ଜନ୍ ସବୁ ବିସଇ ଦରମ୍ ରଇସି, ଆରି ଡାକ୍‌ପୁଟା ରଇସି, ଏ ସବୁ ବିସଇନେଇ ଚିନ୍ତା କରା ।

୯ ତମ୍‌କେ ମୁଇ ଜେଡ୍‌କି ସବୁ ବିସଇ ସିକାଇରଇଲି, ଆରି ତମେ ମାନିରଇଲାସ୍ ସେଟା ସବୁ କର୍ତେରୁଆ । ମୁଇ ଜେଡ୍‌କି ବିସଇ କଇତେରଇଲି, ସେଟା ସୁନ୍‌ତେରଇଲାସ୍ ଆରି ଜେଡ୍‌କି ବିସଇ କର୍ତେରଇଲି, ସେଟା ଦେକିରଇଲାସ୍, ସେଟା ସବୁ କର୍ତେରୁଆ । ପର୍ମେସର୍ ତମର୍‌ସଙ୍ଗ୍ ରଇ ତମ୍‌କେ ସାନ୍ତି ଦେଇସି ।

ଦାନ୍ ଦେବାର୍‌ଲାଗି ଦନିଅବାଦ୍

୧୦ ମାପ୍‌ରୁର୍ ସଙ୍ଗ୍ ମିସ୍‌ଲାର୍ ପାଇ ମୁଇ ବେସି ସାର୍‌ଦା ଅଇଲିନି । କାଇକେବଇଲେ, ମକେ ଲଡାକେ ଲାଗ୍‌ବାଟା ପାଟାଇଦେଲାକେ ତମେ ମର୍ ବିସଇ ଚିନ୍ତା କଲାସ୍‌ନି ବଲି ମୁଇ ଜାନ୍‌ଲିନି । ତମର୍ ଆଲାଦ୍ ଦେକାଇବାକେ ଏବେସେ ତମ୍‌କେ ବେଲା ଟିକ୍ ଅଇଲା ।

୧୧ ମକେ ଲଡାକେ ଲାଗ୍‌ବା ବିସଇ ମର୍‌ଲଗେ ନ ରଇଲାକେ ବଲି ଏନ୍ତାରି କଇନାଇ । କାଇକେବଇଲେ ମର୍ ଜିବନର୍ କାଇ ରକାମର୍ ଗଟ୍‌ନା ଆଇଲେ ମିସା, ସାର୍‌ଦା ସଙ୍ଗ୍ ରଇବାକେ ସିକ୍‌ଲିଆଟି ।

୧୨ ଅଲ୍‌ପ୍‌କେ ମିସା ସାର୍‌ଦାସଙ୍ଗ୍ ରଇବାକେ, କି ବୁତେକ୍ ରଇଲେ ମିସା ସାର୍‌ଦା ସଙ୍ଗ୍ ରଇବାକେ ସିକ୍‌ଲିଆଟି । ପେଟ୍ ପୁର୍ତେ କାଇଲେମିସା, କି ବୁକେ ରଇଲେ ମିସା, ଲଡାକେ ଆଇବା ସବୁ ବିସଇ ରଇଲେ ମିସା, ନ ରଇଲେ ମିସା, ସାର୍‌ଦାସଙ୍ଗ୍ ରଇବାକେ ମୁଇ ଜାନି ।

୧୩ ଏ ସବୁ ଗଟ୍‌ନା ଆଇଲେ ମିସା ମୁଇ ମୁର୍ଚିକରି ରଇବାକେ ସିକ୍‌ଲିଆଟି । କାଇକେବଇଲେ, କିରିସ୍‌ଟ ମକେ ବପୁ ଦେଲାନି ।

୧୪ ଏନ୍ତାରି ଅଇଲେ ମିସା ଅବାଦ୍ ରଇଲା ବେଲାଇ, ତମେ ମକେ ଦୟାଦେକାଇ ମର୍‌ପାଇ ସାଇଜ ପାଟାଇଲାସ୍ ।

୧୫ ପିଲିପିଅତେଇ ରଇବା ବାଇବଇନିମନ୍, ତମେ ସତଇସେ ଜାନିଆଟାସ୍, ସିଗ୍ ପର୍‌ଡୁମ୍ ସୁବ୍‌କବରର୍ ବିସଇ ସିକାଇବା ବେଲେ, ମୁଇ ମାକେଦନିଆଇଅନି ଜେଡେବଲ୍ ବାରଇ ଜାଇରଇଲି, । ବିସ୍‌ବାସି ମନର୍ ଦଲ୍ ବିଡ୍‌ରେ, ତମର୍ ମଣ୍ଡୁଲିର୍ ବିସ୍‌ବାସିମନ୍‌ସେ ମକେ ଡାରୁ ଦାନ୍ କରିରଇଲାସ୍ ।

୧୬ ✠ତେସଲନିକିଆ ନଅରେ ରଇବାବେଲେ ମିସା ମକେ ଲଡା ରଇଲାବେଲେ, ତମେ ଦୁଇତର୍ ଦାନ୍ ପାଟାଇଲାସ୍ ।

୧୭ ତମ୍‌କେ ମୁଇ ଦାନ୍ ପାଟାଇତେରଅଡ଼ ବଲି ଏନ୍ତାରି କଇନାଇ । ମାତର୍ ମକେ ସାଇଜ କଲାର୍ ପାଇ, ପର୍ମେସର୍ ତମ୍‌କେ ପୁରୁସକାର ଦେଅ ବଲି ମୁଇ ମନ୍ କଲିନି ।

୧୮ ତେବେ ତମେ ମର୍‌ପାଇ ପାଟାଇଲାଟା ସବୁଜାକ ମର୍‌ଟାନେ କେଟ୍‌ଲା ଆତେ । ଆରି ସେଟା ମର୍‌ପାଇ ଅଦିକ୍ । ତମେ ପାଟାଇଲା ସବୁ ବିସଇ ଏପାପର୍‌ଦିସ୍ ମର୍‌ଲଗେ ଆନ୍‌ଲାକେ, ମକେ ଲଡାକେ ଆଇବା ସବୁ ମୁଇ ମିଲାଇଆଟି । ଏନ୍ତାରି କଲାକେ ତମେ ପର୍ମେସର୍‌କେ ସର୍‌ପି ଦେଲା ନିକ ବାସ୍‌ନା ଅଇବା ଦାନ୍ ପାରା ଅଇଲା ଆତେ । ସେ ସେଟା ସଙ୍ଗ୍‌ଇକରି ସାର୍‌ଦା ଅଇଲାଆତେ ।

୧୯ ଜିସୁକିରିସ୍‌ଟ କରି ରଇବା କାମର୍ ଲାଗି, ବେସି ରଇବା ତାର୍ ଦନ୍‌ସ୍‌ପତି ଟାନେଅନି ସେ ତକେ ଲଡାକେ ଆଇବା ସବୁ ବିସଇ ଦେଇସି ।

୨୦ ଆମର୍ ସରଗର୍ ବାବା ପର୍ମେସର୍ କାଲ୍ କାଲ୍ ଜୁଗ୍‌ଜୁଗ୍ ଡାକ୍‌ପୁଟା ପାଅ । ଆମେନ୍ !

ସାରାସାରିର୍ ଜୁଆର୍

✠ ୪:୧୭ ପେରିଡ୍ ୧୭:୧ ✠ ୪:୧୭ ୨ୟ କରକ୍ତିୟ ୧୧:୯

^{୨୧} କିରିସ୍ତ ଜିସୁକେ ବିସ୍ବାସ୍ କରବା ପରମେସରର୍ ସବୁ ଲକ୍ମନ୍‌କେ ଜୁଆର୍ କରା । ମରସଙ୍ଗ୍ ରଇବା ଆମର୍ ବିସ୍ବାସି ବାଇବନିମନ୍ ତାକର୍ ଜୁଆର୍ ଜାନାଇଲାଇନି ।

^{୨୨} ଏ ନଅରେ ରଇବା ବାକି ସବୁ ପରମେସରର୍ ଲକ୍ମନ୍ ତମକେ ଜୁଆର୍ ଜାନାଇଲାଇନି । ଜନ୍ ବିସ୍ବାସିମନ୍, ଜନ୍‌ଲକ୍ କି ରମିଅ ସାସନକାରିଆର୍ ଗତିଦାଙ୍ଗ୍ଡା ଅଇଲାଆତଡ୍, ସେମନ୍ ତାକର୍ ଜୁଆର୍ ଜାନାଇଲାଇନି ।

^{୨୩} ମାପୁରୁ ଜିସୁକିରିସ୍ତ ତମକେ ଜିବନ୍ ଦୁକାଇ ଦୟା କଲାଟା ତମର୍ ବିତ୍ରେ ରଅ ।

କଲସିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର କଲସିଅ ମଣ୍ଡଳୀର ବିସ୍ତ୍ରାସିତମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନ୍ବାଟା

କଲସିଅତେଇ ଲେକିରଇବା ଚିଠି ଅଇଲାନି ପାଉଲ୍ ଲେକିରଇବାଟା୧:୧ । ଦେକ୍ବାକେ ଗାଲେ ଜିସୁକିରିସ୍ଟ ଜନମ୍ ଅଇକରି ୬୦ କିରିସ୍ଟାଦ ପାକାପାକି ଲେକାଅଇଆଟେ । ରମ୍ ରାଇଜେ ବନ୍ଦି ରଇଲା ବେଲେ ସେ ଏ ଚିଠି ଲେକିରଇଲା । କଲସିଅ ବଇ ସଙ୍ଗ ଏପିସିୟ ଆରି ପିଲିପିୟ ବଇମାନଙ୍କେ ମିସା ବନ୍ଦି ଗରର୍ ବଇ ବଲି କଇବାଇ । କାଇକେବଇଲେ ପାଉଲ୍ ବନ୍ଦିଗରେ ରଇବା ବେଲେ ଏ ବଇ ଲେକିରଇଲା । ସେ କଲସିଅ ସଅରେ ରଇବା ମଣ୍ଡଳିମାନଙ୍କେ ଏ ବଇ ଲେକିରଇଲା । ପାଉଲ୍ ଏ ମଣ୍ଡଳି ଆରାମ ନ କରିରଇଲା, ଜନଟା ସେ ୨:୧ ତେଇ ଜାନାଇଆଟେ, ମାତର୍ ବେସି ଲକ୍ ତେଇ ତାର ଦାଇତେ ରଇବା କାତା ମନେପାକାଇଲାଜିନି । ଏପାପରସ୍ ଏ ମଣ୍ଡଳି ତିଆରକରିରଇଲା । ସେଟାପାଇ ସେ କଲସିଅର୍ ଗଟେକ୍ ଲକ୍ ରଇଲା ।

ପାଉଲ୍ କଲସିଅ ମଣ୍ଡଳିଗାନେ ଅଇତେରଇବା କେତେଟା ମିର୍ ସିକିଆରପାଇ ବାବ୍ତେରଇଲା । ସେ ଚିଠିଗାନେ ଏ ବିସଇ ଲେକ୍ବାକେ ବେସି ଦିନ୍ ବିତାଇରଇଲା । ଅଇଲେ ଅଇରଇପାରେ କେତେଟା ଜିଉଦି ବିସ୍ତ୍ରାସିମନ୍ ଜନ୍ମଲକ୍ମନ୍ କି ବିନ୍ କେତେଟା ବିସ୍ତ୍ରାସିମନ୍ଙ୍କେ ପୁରନା ନିୟମର୍ ଜିଉଦି ରିତିନିତି ନିକସଙ୍ଗ ମାନ୍ବାକେ ବାଦିଅ କର୍ତ୍ତେରଇଲାଇ । ସେମନ୍ ସୁନତ୍ ବିଦିର୍ ନିୟମ୍ ମାନ୍ବାକେ ବାଦିଅ କର୍ବାକେ ଚେସ୍ଟା କର୍ତ୍ତେରଇଲାଇ । ପାଉଲ୍ ଲତାକେ ନ ଆଇବା ବିସ୍ତ୍ରାସିମନ୍ର ବିସଇ ନିକ ସଙ୍ଗ ଲେକିଆଟେ । କେ ଅଇଲେ ମିସା ଗଟେକ୍ ଲକ୍ କିରିସ୍ଟଙ୍କେ ଚାଡି ପର୍ମେସରର୍ ମୁଆଟେ ତାର ଅଇ ନାପାରେ ୧:୧୫-୨୦ । ମାତର୍ ଏ ନର୍ ଲକ୍ମନର୍ ଦଦାପେଲାର୍ଲାଗି ତିଆରଅଇରଇବା ସିକିଆ କାଇ କାମକେ ନ ଦେଏ ୨:୮ ।

ଏ ବଇ ବିତ୍ତରେ ରଇବାଟା

- ୧. କଲସିଅ ମଣ୍ଡଳିକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. କିରିସ୍ଟର୍ କେବେ କେ କରି ନ ରଇବା କାମ୍ ଆରି ମିର୍ ସିକିଆ ବିସଇ ନେଇକରି ପାଉଲ୍ ଉତର୍ ଦେବାଟା । ୧:୩-୩:୪
- ୩. ପାଉଲ୍ ଗଟେକ୍ ନିମାନ୍ ବିସ୍ତ୍ରାସି ଅଇ ଜିଉନା କାଉନା କର୍ବାକେ କଇଲାଆଟେ । ୩:୫-୪:୨
- ୪. ପାଉଲ୍ ଏ ଚିଠି ବିନ୍ ବିନ୍ ମଣ୍ଡଳିତେଇ ମିସା ପଡ୍ବାକେ କଇକରି, ଆରି ଜୁଆର୍ବେଟ୍ ଜାନାଇ ସରାଇଲାନି । ୪:୭-୧୮

୧ ଏ ଚିଠି ମୁଇ ପାଉଲ୍ ଆରି ବିସ୍ତ୍ରାସର ଲାଗି ଆମର୍ ବାଇଅଇରଇବା ତିମତି ମିସି ଲେକ୍ଲୁନି । ପର୍ମେସର୍ ମକେ ବାବ୍ଲାର୍ପାଇ ମୁଇ ଜିସୁକିରିସ୍ଟର୍ ଗଟେକ୍ ପେରିଡ୍ ଅଇଆଟି ।

୨ କଲସି ନଅରେ ରଇବା ପର୍ମେସରର୍ ଲକ୍ମନ୍ ତମ୍କେ, ମୁଇ ଏ ଚିଠି ଲେକି ପାଟାଇଲିନି । ତମେ ଆମର୍ ବିସ୍ତ୍ରାସ୍ ରଇବା ବାଇବଇନିମନ୍ ଆରି କିରିସ୍ଟର୍ ସଙ୍ଗ ମିସିଆରାସ୍ ।

ଆମର୍ ବାବା ପର୍ମେସର୍ ତମ୍କେ ଜିବନ୍ ଦୁକାଇ ସାନ୍ତି ଦେଅ ।

ଦନିଅବାଦ୍ ଦେବା ପାର୍ତନା

୩ ଆମେ ତମର୍ପାଇ ପାର୍ତନା କଲାବେଲେ ଆମର୍ ମାପୁରୁ ଜିସୁକିରିସ୍ଟର୍ ବାବା ପର୍ମେସର୍କେ ଦନିଅବାଦ୍ ଦେଲୁନି ।

୪ କାଇକେବଇଲେ ମାପୁରୁ ଜିସୁକିରିସ୍ଟର୍ ତେଇ ରଇବା ତମର୍ ବିସ୍ତ୍ରାସ୍ ଆରି ପର୍ମେସରର୍ ଲକ୍ମନର୍ ପାଇ ରଇବା ତମର୍ ଆଲାଦର୍ ବିସଇ ଆମେ ସୁନିଆରୁ ।

୫ ତମେ ପର୍ତୁମ୍ ସୁବ୍ କବରର୍ ବିସଇ ସୁନଲାବେଲେ, ସୁବ୍କବରେ ରଇବା ଆସାକର୍ବା ବିସଇ ଜାନିରଇଲାସ୍ । ତେବର୍ପାଇ ତମେ ବିସ୍ତ୍ରାସ୍ କରି ପର୍ମେସରର୍ ଲକ୍ମନଙ୍କେ ଆଲାଦ୍ କର୍ତେ ରଇଲାସ୍ । ତମର୍ପାଇ ସର୍ଗେ ତିଆର୍ ଅଇରଇବା ପୁରୁସ୍କାର୍ ଆସାକରି ଏନ୍ତାରି କଲାସ୍ ।

୬ ଗୁଲାଇ ଜଗତର୍ କେତେକ୍ କେତେକ୍ ଲକ୍ମନ୍ ଏ ସୁବ୍କବର୍ ବିସ୍ତ୍ରାସକରି ତାକର୍ ମନ୍ ବାଦ୍ଲାଇଲାଜିନି । ତମେ ସୁବ୍କବର୍ ସୁନଲା ପର୍ତୁମ୍ ଦିନେଅନି ତମର୍ ବିତ୍ତରେ ମିସା ଏନ୍ତାରିସେ ଅଇରଇଲା ଆରି ପର୍ମେସର୍ ଜିବନ୍ ଦୁକାଇଲା ସତ୍ ବିସଇ ତମେ ପୁରାପୁରୁନ୍ ଜାନିରଇଲାସ୍ ।

୭ *ପର୍ମେସର୍ ତାର ଜିବନ୍ ଦୁକାଇ ଦୟା ଦେକାଇଲା ବିସଇ ଆମର୍ ଆଲାଦର୍ ଗତିଦାଙ୍ଗ୍ଡା ଏପାପରାସ୍ ତମ୍କେ ସିକାଇରଇଲା । ଆମର୍ ବାଦୁଲେ ସେ ବିସ୍ତ୍ରାସ୍ ରଇକରି କିରିସ୍ଟଙ୍କେ ସେବାକଲାନି ।

☆ ୧:୭ କଲସିଅ ୪:୧୨; ପିଲିମନ୍ ୧:୨୩

୮ ପରମେସ୍ୱର ଲକ୍ଷ୍ମୀଙ୍କୁ ଆଲ୍ଲାଦ୍ କର୍ତ୍ତାଙ୍କେ ତମ୍ଭେ ସୁକଲ୍ ଆତ୍ମା କେନ୍ଦ୍ରାରି ସାଇଜ କଲାଆତେ ବଲି ଏପାପରସ୍ ଆମ୍ଭେ ଜାନାଇଆତେ ।

୯ ଆମେ ତମ୍ଭେ ବିସଇର୍ ଏ ନିକ କବର୍ ସୁନିକରି, ତମ୍ଭେପାଇ ପାରତନା କରିଲାଗିଆରୁ । ତାର୍ ସୁକଲ୍ ଆତ୍ମାକ୍ଷୟି ପାଇରଇବା ଗିଆନ୍ ଆରି ବୁଦ୍ଧବା ବପୁସଙ୍ଗ୍ ସେ ମନ୍ଦକଲାଟା ତମ୍ଭେ ପୁରାପୁରୁନ୍ ଜାନିପାର୍ସା ବଲି ଆମେ ମାପୁରୁକେ ଗୁଆରି କଲୁନି ।

୧୦ ତେବର୍ପାଇ ତମ୍ଭେ ତାକେ ସାର୍ଦା କରାଇଲାପାରା ଚଲାଚଲ୍ତିକରି ସେ ମନ୍ଦକଲାପାରା ଜିଉନାକାଉନା କର୍ସା । ବିନ୍ଦ ଲକ୍ଷ୍ମୀଙ୍କୁ ସାଇଜ କରିଲାଗିରଇସା ଆରି ପରମେସ୍ୱରର୍ ବିସଇ ଜାନ୍ବାକେ ଅଦିକ୍ ଅଦିକ୍ ବଡ଼ିଆଇସା ।

୧୧ ତାର୍ ବଡ଼ ବପୁସଙ୍ଗ୍ ନିଜେ ବପୁଅଇ ତମ୍ଭେ ସାର୍ଦାସଙ୍ଗ୍ ମୁରୁଚିକରି ରଇପାର୍ସା ।

୧୨ ବାବା ପରମେସ୍ୱର ଉଜଲର୍ ରାଇଜେ ତାର୍ ଲକ୍ଷ୍ମୀଙ୍କୁ ପାଇ ଜାଇଟା ଚୁଲିଆଇ ଆତେ, ତେଇ ମିସ୍ବାକେ ସେ ତମ୍ଭେ ବାଟଲା ଆତେ । ସେଟାର୍ପାଇ ସାର୍ଦା ସଙ୍ଗ୍ ତାକେ ଦନିଅବାଦ୍ ଦେଇସା ।

୧୩ ସେ ଆମ୍ଭେ ଆନ୍ଦାରର୍ ବପୁତେଇଅନି ମୁକ୍ତଲାକ୍ଷକରି ତାର୍ ଆଲ୍ଲାଦର୍ ପଅର୍ ରାଇଜେ ଡାକିଆନିଆତେ ।

୧୪ ✨ତାର୍ ପଅର୍ଲାଗି ସେ ଆମ୍ଭେ ମୁକ୍ତଲାକ୍ଷକରି ଆମର୍ ସବୁ ପାପ୍ କେମା କରିଦେଲାଆତେ ।

କିରିସ୍ଟ ଆରି ତାର୍ କାମ୍

୧୫ କିରିସ୍ଟ ନ ଡିସ୍ବା ପରମେସ୍ୱରର୍ ସମାନ୍ ବାନିମୁରୁତି ଆତେ । ତିଆର୍ କରିରଇବା ସବୁର୍ ଉପ୍ରେ, ପରତୁମ୍ ଜନମ୍ ଅଇଲା ପଅ ଇସାବେ, ତାର୍ ଅଦିକାର୍ ଆତେ ।

୧୬ କାଇକେବଇଲେ ପରମେସ୍ୱର ତାର୍ଟାନେଅନି ସବୁ ବିସଇ ତିଆର୍କଲା ଆତେ । ଜଗତେ ରଇବାଟା ସବୁଜାକ୍, ସରଗେ ରଇବାଟା ସବୁଜାକ୍, ଡିସ୍ବାଟା ଆରି ନ ଡିସ୍ବାଟା, ବପୁରଇ ସାସନ୍ କର୍ବା ଦୁର୍ତ୍ତମନ୍ ଆରି ଆତ୍ମା ରଇବାଟାମନ୍ । କିରିସ୍ଟର୍ତେଇଅନି ସବୁ ବିସଇ ତିଆର୍ କରିରଇଲା ଆରି ତାର୍ଲାଗିସେ ସବୁ ବଢ଼ିଆଚଡ଼ ।

୧୭ କାଇଟା ତିଆର୍ ନ ଅଇତେ ସେ ରଇଲା, ଆରି ତାର୍ଟାନେ ସବୁ ବିସଇ ମିସିକରି ଚାଲ୍ତେରଇସି ।

୧୮ ✨ମଣ୍ଡଲି ଅଇଲାନି ତାର୍ ଗାଗଡ଼ ଆରି ସେ ମଣ୍ଡଲିର୍ ମୁଣ୍ଡ । ମୁଣ୍ଡ ଗାଗଡ଼କେ ସାସନ୍ କଲାପାରା, ସେ ମଣ୍ଡଲିକେ ସାସନ୍ କଲାନି । ତାକେସେ ପରମେସ୍ୱର ମରନେଅନି ପର୍ତୁମ୍ ଉଟାଇରଇଲା । ଜେନ୍ତୁକି କିରିସ୍ଟ ସବୁର୍ ଉପ୍ରେ ସାସନ୍ କର୍ସି ।

୧୯ କାଇକେବଇଲେ ପରମେସ୍ୱର ତାର୍ ପଅକେ ତାର୍ ପୁରାପୁରୁନ୍ ଗୁନ୍ତଲନ୍ସଙ୍ଗ୍ ରଅ ବଲି ଟିକ୍ କରିରଇଲା ।

୨୦ ✨ଆରି କିରିସ୍ଟର୍ଟାନେଅନି ସେ ତିଆର୍ କରିରଇବା ସବୁଜାକ୍, ତାର୍ଟାନେ ବାଉଡାଇ ଆନ୍ବି ବଲି ଟିକ୍ କରିରଇଲା । ଦର୍ତନିଟାନେ ରଇବାଟା ଅ କି ସରଗେ ରଇବାଟା ଅ । ତାର୍ ପଅ କୁରୁସ୍କାଟେ ମରି ବନି ଜରାଇଲାପାଇ ସବୁ ବିସଇ ତାର୍ଟାନେ ସାନ୍ତିଅଇ ରଇସି ।

୨୧ ଗଟେକ୍ ବେଲାଇ ତମ୍ଭେ ପରମେସ୍ୱରର୍ ଟାନେଅନି ବେଗ୍ଲି ରଇଲାସ୍ । ତମ୍ଭେ କରିରଇବା ଆରି ମନେ ବାବିରଇବା କାରାପ୍ ବିସଇର୍ ଲାଗି ତାର୍ ସଡ଼ୁ ଅଇରଇଲାସ୍ ।

୨୨ ମାତର୍ ଏବେ କିରିସ୍ଟ ନର୍ ରୁପ୍ ନେଇ ମଲାଟ୍ ପାଇ ସେ ତମ୍ଭେ ତାର୍ ମୁଆଟେ ସାନ୍ତି ସଙ୍ଗ୍ ଆଇବାକେ ଟିକ୍ କଲାଆତେ । ତମ୍ଭେ ତାର୍ ମୁଆଟେ ଟିଆଅଇଲାବେଲେ ତମ୍ଭେ ପୁରାପୁରୁନ୍ ସୁକଲ୍ ଇସାବେ କାଇ ପାପ୍ ନ କରି, କାଇ ନିନ୍ଦା ନ ରଇଲା ଲକ୍ଷ୍ମୀପାରା ସେ ଦେକ୍ସି ।

୨୩ ତମ୍ଭେ ବିସ୍ବାସ୍ କରିଲାଗିରଇଲେ, ତମ୍ଭେ ବିସ୍ବାସ୍ ତାର୍ ରଇସି । ସୁବ୍ କବର୍ଟାନେ ମାପୁରୁ ଜନ୍ ଆସା ଦେବି ବଲି କାତା ଦେଇଆତେ, ସେ ଆସା ପାଇବାଟାନେଅନି ତମ୍ଭେ କେ ମିସା ନ ତେବାଅଡ଼ । ଏ କବର୍ ତମ୍ଭେ ଆଗ୍ତୁ ସୁନିସାରାଇଆଟାସ୍ । ଆରି ଜଗତର୍ ଗୁଲାଇଲକ୍ଷକେ ଜାନାଇଅଇଆତେ । ଏ ସୁବ୍ କବର୍ ଜାନାଇବାକେ ମୁଇ ପାଉଲ୍ ଗଟେକ୍ ଗତିଦାଙ୍ଗ୍ଡା ଅଇଲିଆଟି ।

ମଣ୍ଡଲିତେଇ ପାଉଲ୍ କାମ୍

୨୪ ଏବେ ମୁଇ ସାର୍ଦାଅଇଆଟି । କାଇକେବଇଲେ ଜେଡ଼କି ଦୁକ୍ଷ୍ଟମ୍ ମୁଇ ମୁରୁଚିକରିଆଟି, ସେଟା ତମ୍ଭେ ନିକପାଇ । ତାର୍ ବାଦୁଲେ ରଇକରି ଜେଡ଼କି ଦୁକ୍ଷ୍ଟମ୍ ମକେ ମୁରୁବାକେ କିରିସ୍ଟ ମନ୍ କଲାନି, ସେଟା ସବୁ ସାର୍ଦାସଙ୍ଗ୍ କଲିନି । ତାର୍ ଗାଗଡ଼ ପାରା ରଇବା ତାର୍ ମଣ୍ଡଲିର୍ ନିକପାଇ ମୁଇ ସେଟା କଲିନି ।

୨୫ ପରମେସ୍ୱର ମକେ ମଣ୍ଡଲିର୍ ଗତିଦାଙ୍ଗ୍ଡା କରିଆତେ । ତମ୍ଭେ ସାଇଜ କର୍ବାକେ ସେ ମକେ ବାଟିଆତେ । ତାର୍ କବର୍ ତମ୍ଭେ ପୁରାପୁରୁନ୍ ଜାନାଇବାଟା ଅଇଲାନି ମର୍ କାମ୍ ।

୨୬ ପୁରବେ ବଢ଼ିରଇବା ସବୁଲକ୍ଷ୍ କାନେଅନି ଏ ବିସଇ ଲୁଟାଇକରି ସଙ୍ଗାଇରଇଲା । ମାତର୍ ଏବେ ସେଟା ତାର୍ ଲକ୍ଷ୍ମୀଙ୍କୁ ସେ ଜାନାଇଆତେ ।

୨୭ ଜିଉଦି ନ ଅଇଲା ଲକ୍ମନର ପାଇ ସେ ଟିକ୍ କରିରଇବା ମଇମାସଙ୍ଗର ଜନ୍ମନା ତାର ଲକ୍ମନକେ ଜାନାଇବାକେ ପରମେସର୍ ଟିକ୍‌କଲା । ସେ ଲୁଚିରଇବା ବିସଇ ଅଇଲାନି, ଜିଉଦି ନଇଲା ଲକ୍ମନଟାନେମିସା କିରିସ୍ଟ ରଇସି । ଆରି ସେ କାତା ଦେଇରଇବା ସବୁ ରକାମର୍ ମଇମା ତମେମିସା ପାଇସା ବଲି ଜାନିରୁଆ ।

୨୮ କିରିସ୍ଟର ବିସଇ ରଇବା ଏ କବର ଆମେ ସବୁକେ ଜାନାଇଲୁନି । ଆମେ ସବୁକେ ଜାଗରତ୍ କରାଇ, ସେ ଆମକେ ଦେଇରଇବା ଗିଆନ୍ ସଙ୍ଗ ସିକାଇଲୁନି । ଜେନ୍ତାରିକି ସେମନ୍ ତାର ମୁଆଟେ ଟିଆଅଇଲାବେଲେ କିରିସ୍ଟସଙ୍ଗ ମିସିରଇଲା ସବୁଲକ୍ ପୁରାପୁରୁନ୍ ସିଦ୍ ଅଇରଇବାଇ ।

୨୯ ଏ କାମ୍ ମୁଇ ପୁରାପୁରୁନ୍ କରବାକେ ମକେ କିରିସ୍ଟ ଦେଇରଇବା ବଡ଼ ବପୁସଙ୍ଗ ଆବଡ଼ ଅଇ କଲିନି ।

୨

୧ କାଇକେବଇଲେ ତମର୍ପାଇ, ଲାଉଦିକିଆର୍ ଲକ୍ମନକେ ଆରି ଏବେ ଜେଡ଼କି ଲକ୍ ମକେ ନ ଦେକିରଇଲାଇ, ସେ ସବୁଲକ୍ ପାଇ, ମୁଇ କେତେକ୍ କସ୍ଟ କଲିନି, ସେଟା ତମେ ଜାନା ବଲିକରି ମନ୍‌କଲିନି ।

୨ ଏ ସବୁ ବିସଇ ତମକେ ଆଡ଼ମା ଇସାବେ ସାରଦା କରାଇବାପାଇ ମୁଇ କଲିନି । ଜେନ୍ତାରିକି ତମେ ଗଟେକ୍ ମନ୍ ଅଇକରି ଆଲାଦ୍ କରାକରି ଅଇସା । ତମେ ପୁରାପୁରୁନ୍ ବୁଜବାବେଲେ ବେସି ଆସା ଆରି ସାରଦା ଅଇରଇସା । ଜଦି ତମକେ ଏ ଆସା ରଇଲେ, ପରମେସର୍ ଜନ୍ମନା କଲାଟା ଜାନିପାରାସ୍ । ସେ ଆସା ପୁର୍ବେ ରଇଲା ଲକ୍ମନକେ ଜାନାଇ ନ ରଇଲା । ସେଟା ନିଜେ କିରିସ୍ଟର୍ ବିସଇସେ ।

୩ ସେ ନିଜେ ଏ କବରର୍ ଅରଡ଼ ବୁଜାଇପାରସି । ସେଟା ଗଟେକ୍ ବେସି ମୁଲିଅ ରଇବା ବିସଇ ।

୪ କେ ମିସା କାତାର ଚାଲାକିସଙ୍ଗ ତମକେ ନ ନାତାଅଡ଼ ବଲି ଆସାକରି ଏଟା ମୁଇ ତମକେ ଲେକ୍‌ଲିନି । ସେମନ୍ କଇବା କାତା ସଡ଼ପାରା ଲାଗ୍‌ଲେମିସା ନାତାଇ ଉଆନାଇ ।

୫ କାଇକେବଇଲେ ଗାଗଡ଼ ଇସାବେ ମୁଇ ତମର୍ ସଙ୍ଗ ନ ରଇଲେ ମିସା ଆଡ଼ମା ଇସାବେ ଆଟି । ତମେ କିରିସ୍ଟକେ ତାଟ୍‌ସଙ୍ଗ ବିସବାସ୍ କଲାଟା ଆରି ଗଟେକ୍ ମନ୍ ଅଇରଇବାଟା ଦେକି ମୁଇ ବେସି ସାରଦା ଅଇଲିନି ।

କିରିସ୍ଟର୍‌ତେଇ ପୁରାପୁରୁନ୍ ଜିବନ୍

୬ ତେବେ ଜିସୁକିରିସ୍ଟକେ ତମର୍ ମାପୁରୁ ଇସାବେ ଜେନ୍ତ୍ର ବିସବାସ୍ କରିଆଟାସ୍, ସେନ୍ତାରି ତାଟ୍‌ସଙ୍ଗ ମିସିକରି ରୁଆ ।

୭ କିରିସ୍ଟର୍ ବିସଇ ବିସବାସ୍ କରିରଇବା କବର ତାଟ୍‌ସଙ୍ଗ ଦାରିରୁଆ । ତାର ବିସଇ ଅଦିକ୍ ଅଦିକ୍ ସିକା ଆରି ବିସବାସେ ତାଟ୍ ଉଆ । ଜେନ୍ତ୍ରକି ତମକେ ସିକାଇଲାପାରା, ପରମେସର୍‌କେ ଦନିଅବାଦ୍ ଦେଇତେରୁଆ ।

୮ କେ ମିସା ନିଜର୍ ଚାଲାକିକରି ପରମେସର୍‌ର ବିସଇ ତିଆରକରି ରଇବାଟା ସଙ୍ଗ ତମକେ ପାନ୍ଦେ ନ ଲାଗାଅଡ଼, ସେଟାପାଇ ଜାଗରତ୍ ଅଇରୁଆ । ସେମନ୍ ସିକାଇବାଟା କାଇ ଲତାକେ ନ ଆସେ ଆରି ସେଟା ସଡ଼ ବିସଇ ନର୍ । ସେଟା ବିନ୍ ଲକ୍‌ଟାନେଅନି ସୁନି ସୁନି ଆଇବାଟା ଆରି ସେଟା ଏ ଜଗଡ଼ ବିଡ଼ରେ ରଇବା ନିୟମ୍ । ମାତର୍ କିରିସ୍ଟର୍ ବିସଇଟାନେ ରଇବା, ସଡ଼ ସିକିଆ ନର୍ ।

୯ କାଇକେବଇଲେ ନର୍‌ରୁପ୍ ଦାରିରଇବାବେଲେ ମିସା କିରିସ୍ଟ ପୁରାପୁରୁନ୍ ପରମେସର୍ ରଇଲା ।

୧୦ ଆରି ତମେ ତାର ସଙ୍ଗ ମିସିରଇଲାରପାଇ ଆଡ଼ମା ଇସାବେ ପୁରାପୁରୁନ୍ ଅଇଆଟାସ୍ । ବିନ୍ ବିନ୍ ବପୁ ଆରି ଅଦିକାର୍ ଉପରେ ରଇ, କିରିସ୍ଟର୍ ସାସନ୍ ବଡ଼ ।

୧୧ ତମେ କିରିସ୍ଟ ସଙ୍ଗ ମିସ୍‌ଲାରପାଇ ସୁନଡ଼ ଅଇଲାପାରା ଅଇଆଟାସ୍ । ଜେନ୍ତ୍ରକି ତମର୍ ପାପର୍ ଗୁନ୍‌ଚଲନେ ଅନି ମୁକ୍‌ଲିଆଟାସ୍ । ଗାଗଡ଼ ଇସାବେ ସୁନଡ଼ ଅଇଆଟାସ୍ ବଲି ମୁଇ କଇନାଇ, ମାତର୍ କିରିସ୍ଟସେ ତମର୍ ପାପର୍ ଗୁନ୍‌ଚଲନେଅନି ମୁକ୍‌ଲାଇଆଟେ ।

୧୨ *ତମେ ଜେତେବେଲେ ତୁବନ୍ ନେବାକେ ପାନିଟାନେ ବୁଡ଼ଲାସ୍, ସେଟା ତମର୍ ପାପର୍ ଗୁନ୍‌ଚଲନ୍ କିରିସ୍ଟର୍ ସଙ୍ଗ ମରିକରି ତପିଅଇଲାପାରା ଅଇରଇଲାସ୍ । ପାନିବିଡ଼ରେଅନି ବାରଇଲାଟା ନୁଆ ଗୁନ୍‌ଚଲନ୍ ଦାରି କିରିସ୍ଟର୍ ସଙ୍ଗ ଆରି ତରେକ୍ ଉଟ୍‌ଲାପାରା ଅଇଲା । ପରମେସର୍ ତାର ବପୁସଙ୍ଗ ମଲାତେଇଅନି ଜିବନ୍‌କରି କିରିସ୍ଟକେ ଉଟାଇଲା ବଲି ତମେ ବିସବାସ୍ କଲାଟାପାଇ ଏଟା ତମକେ ଗଟ୍‌ଲା ।

୧୩ *ତମେ ଜିଉଦି ନ ଅଇଲା ଲକ୍ମନ ପରମେସର୍‌ର ନିୟମ୍ ନ ମାନ୍‌ଲାରପାଇ ତାରଟାନେଅନି ବେଗ୍‌ଲି ରଇଲାସ୍ । ଆରି ତମର୍ ପାପର୍ ଗୁନ୍‌ଚଲନର୍ ବପୁଅନି ମୁକ୍‌ଲି ନ ରଇଲାସ୍ । ମାତର୍ ପରମେସର୍ କିରିସ୍ଟର୍ ସଙ୍ଗ ଗଟେକ୍ ନୁଆ ଜିବନ୍ କରି ତମକେ ଉଟାଇଆଟେ । ସେ ଆମର୍ ସବୁ ପାପ୍ କେମାକରି ଦେଲାଆଟେ ।

୧୪ *ଆମେ କରିରଇବା ସବୁ ପାପ୍ ଲେକାଅଇରଇବା ଚିଟିପତର୍ ଜନ୍‌ଟା କି ଆମକେ ଦସିକରିରଇଲା, ସେ ସବୁ ପରମେସର୍ ଲିବାଇଦେଲା । ଲେକ୍‌ଲାଟାମନ୍ କୁରୁସକାଟେ କୁଟି ମାରି କୁରୁପ୍‌ନାସ୍ କଲା ।

୧୫ ସାସନ୍ କରି ଅଦିକାରେ ରଇବା ସବୁ କାରାପ୍ ଆଡ଼ମାମନ୍‌କେ ସେ ଆରାଇଲା । କିରିସ୍ଟ କୁରୁସକାଟେ ମଲାକେ, ସେ ସବୁ ସାସନ୍‌କାରିଆମନ୍‌କେ ଆରାଇଲା ବଲି ଦେକାଇଲା ।

୧୬ *ତେବର୍ତ୍ତାପାଇଁ ତମର କାଜବା, ପିଇବା, ବିସଇ ଅ କି ତାକର କେତେଟା ପରବର୍ତ୍ତମାନେ କି ଉଆଁସ୍ରାତି ବେଲେ କି ବିସ୍ରାମବାରେ ତମେ ମିସାସନାଇ, ବଲି କାକେ ବିଚାର କରବାକେ ଦିଆସନାଇ ।

୧୭ ଏ ସବୁ ନିୟମ୍ ପରମେସର୍ ଆମକେ ଦେବିବଲି କାତାଦେଇରଇବା ବିସଇର୍ ଚିନ୍ । ଏ ସବୁ ନିୟମ୍ ଚିନ୍ କିରିସ୍ତରଟାନେ ପୁରାପୁରୁନ୍ ସିଦ୍ ଅଇସି ।

୧୮ ନିଜକେ ନିଚ୍କରି ସେମନ୍ ଉପାସନା କଲାପାରା ଦୁତ୍ତମନ୍କେ ଉପାସନା କରବାକେ, କାକେମିସା ବାଦିଅ କରବାକେ ଦିଆସନାଇ । ସେନ୍ତାକଲେ ପରମେସର୍ କାତାଦେଇରଇବା ପୁରୁସକାର୍ ତମକେ ନ ମିଲେ । ସେନ୍ତାରି ସିକାଇବା ଗଟେକ୍ଲକ୍, ପରମେସର୍ଟାନେ ଅନି ଦରସନ୍ ଦେକିଆତି ବଲିକରି ଅଦିକାର୍ ସଙ୍ଘ୍ ସିକାଇଲାନି । ସେ ତାର୍ ତାଲାକିସଙ୍ଘ୍ ନିଜେ ତିଆରକରିରଇବା ବିସଇର୍ ଲାଗି ବଡ଼ପନ୍ ଅଇସି, ମାତର୍ ସତଇସେ ସେନ୍ତାରି ବଡ଼ପନ୍ ଅଇବାକେ କାଜଟାମିସା ନାଇ ।

୧୯ *କିରିସ୍ତର୍ ବିସଇଟାନେ ରଇବା ସଡ଼୍ ସିକିଆ ଚାଡ଼ିଦେଲାଇ ଆତଡ଼ । କିରିସ୍ତ ଜେ କି ଗାଗଡର୍ ମୁଣ୍ଡ୍ ଅଇଆତେ । ମୁଣ୍ଡ୍ ଜେନ୍ତାକ୍ ଗାଗଡ଼କେ ବାଟ୍ ଦେକାଇସି, ସେନ୍ତାରିସେ ତାର୍ ଲକ୍ମନ୍ ଗଟେକ୍ ଅଇରଇବାକେ କିରିସ୍ତ ବାଟ୍ ଦେକାଇସି । ଗାଗଡର୍ ସନ୍ଦି ଆରି ଚିର୍ ଗାଗଡ଼କେ ଗଟେକ୍ କରି ସଙ୍ଘାଇଲାପାରା । ଆରି ପରମେସର୍ ମନ୍କଲାପାରା ସେଟା ବଡ଼ସି ।

କିରିସ୍ତ ସଙ୍ଘ୍ ମରୁ ନଇଲେ ଜିଉଁ

୨୦ ତମେ କିରିସ୍ତର୍ ସଙ୍ଘ୍ ମଲାର୍ପାଇ ଏ ଜଗତର୍ ସାସନ୍କାରିଆମନର୍ ଟାନେଅନି ମୁକ୍ତିଆଟାସ୍ । ତେବେ ଏ ଜଗତେ ରଇବା ନିୟମ୍ମନ୍ ଏବେ ଜାକ କାଇକେ ମାନିଆଟାସ୍ ?

୨୧ ଏନ୍ତାରିଟାମନ୍ ଦାରାନାଇ କି କାଆନାଇ କି, ଏନ୍ତାରିଟାମନ୍ ଚିଆନାଇ ମିସା । ଏ ନିୟମ୍ମନ୍ କାଇକେ ମାନିକରି ଆଟାସ୍ ?

୨୨ ଏ ସବୁଜାକ ନିୟମ୍ ମାନିକରି ଚାଲ୍ଲେ ତମକେ କାଇ ଲଡାକେ ନ ଆସେ । କାଇକେବଇଲେ ସେଟା ଲକ୍ମନ୍ ତିଆରକଲାଟା ।

୨୩ ଏ ରକାମର୍ ନିୟମ୍ ବେସି ଗିଆନ୍ ରଇଲାପାରା ତିସ୍ସି । ବାଦିଅକରି ଦୁତ୍ତମନ୍କେ ଉପାସନା କରବାଟାନେ ଆରି ଲକ୍ମନ୍କେ ଦେକାଇଅଇଲା ପାରା ନିଜକେ ନିଚ୍କରି ଆରି ଗାଗଡ଼କେ କସ୍ତ ଦେବା ବିସଇ ସିକାଇବାଇ । ମାତର୍ ଏ ସବୁ ନିୟମ୍ ଲକ୍ମନ୍ ପାପର୍ ଗୁନ୍ତଲନ୍ ଜାଗର୍ଡ଼ କରି ସଙ୍ଘାଇବାକେ କାଇ ମୁଲିଅ ନ ରଏ ।

୩

୧ କିରିସ୍ତର୍ ସଙ୍ଘ୍ ମରିରଇଲାର୍ ପାଇ ଆରି ତାର୍ ସଙ୍ଘ୍ ନୁଆଜିବନ୍ ପାଇ ପରମେସର୍ ତମକେ ଉଟାଇଲାର୍ପାଇ ସର୍ଗେ ରଇବା ବିସଇ ଦେକ୍ତେରୁଆ । ତେଇ କିରିସ୍ତ ପରମେସରର୍ ଉଜାବାଟେ ବସିଆତେ ।

୨ ଏ ଜଗତର୍ ବିସଇ ନ ବାବିକରି ସରଗର୍ ବିସଇ ଚିନ୍ତାକରା ।

୩ କାଇକେବଇଲେ ତମେ ମରିକରି ପରମେସରର୍ ମୁଆଟେ କିରିସ୍ତର୍ ସଙ୍ଘ୍ ମିସିରଇବା ଜିବନ୍ ବିତାଇଲାସ୍ନି । ସେ ଜିବନ୍ ଲୁଚିକରିଆତେ ।

୪ କିରିସ୍ତ ଅଇଲାନି ତମର୍ ଜିବନ୍ । ସେ ବାଅଡ଼ଲାବେଲେ ତମେ ମିସା ସବୁର୍ ଦେକ୍ତେ ତାର୍ ମଇମାତେଇ ମିସାସା ।

ପୁରନା ଆରି ନୁଆ ଜିବନ୍

* ତମର୍ ପାପର୍ ଗୁନ୍ତଲନ୍ ଇସାବେ ଜେଡ଼କି ସବୁ ପାପ୍ କାମ୍ କର୍ତେରଇଲାସ୍, ସେଟାମନ୍ ଆରି କରାନାଇ । ଜେନ୍ତାରି କି ବେସିଆ କାମ୍, ସୁକଲ୍ ନ ରଇବା ଚଲାଚଲ୍ତି, ଗାଗଡ଼ର୍ ଲାଲ୍ସାଅଇବାଟା, କାରାପ୍ ବିସଇ ମନ୍ କରବାଟା, ଆରି ଲବ୍ ଅଇବାଟା, ଏ ସବୁ ବିସଇ ପୁଡ଼ଲାମନ୍କେ ଜୁଆର୍ କରବାଟା ସଙ୍ଘ୍ ସମାନ୍ ।

୨ ଏ ସବୁ କାମେ ବୁଡ଼ିକରି ଜନ୍ଲକ୍ମନ୍ ପରମେସରର୍ କାତା ନ ମାନଡ଼, ସେମନ୍କେ ତାର୍ ବଡ଼ ରିସା ଆଇସି ।

୩ ପୁରବେ ତମେ ମିସା ଏ ସବୁ କାମେ ମିସି ରଇକରି ସେନ୍ତାରି ଚଲାଚଲ୍ତି କର୍ତେରଇଲାସ୍ ।

୪ ମାତର୍ ଏବେ ସେନ୍ତାରି ବିସଇ କରା ନାଇ । ଜେନ୍ତିକି ରିସା ଅଇବାଟା, ଇସାତଲା କରବାଟା, ବିନ୍ଲକ୍କେ ଚିନ୍ କରବାଟା, ନିନ୍ଦାକାତା କଇବାଟା, ଆରି ପିଟ୍ତେ କାତାକଇବାଟା ଚାଡ଼ିଦିଆସ୍ ।

୫ *ନିଜର୍ ନିଜର୍ ବିଡ଼ରେ ମିର୍ କାତା କୁଆବଲା ଉଆନାଇ । କାଇକେ ବଇଲେ ତମେ ପୁରନା ଗୁନ୍ତଲନ୍ ସବୁ ଅବିଆସ୍ ଚାଡ଼ିଦେଇକରି,

୬ *ନୁଆ ଚଲାଚଲ୍ତି ଆରାମ୍କରି ଆଟାସ୍ । ପରମେସର୍ ତମକେ ଦେଇରଇବା ଏ ନୁଆ ଚଲାଚଲ୍ତିତେଇ ତମେ ତାର୍ ବିସଇ ଅଦିକ୍ ଅଦିକ୍ ଜାନ୍ସା ଆରି ତାର୍ପାରା ଅଦିକ୍ ଅଦିକ୍ ଅଇଆଇସା ।

☆ ୨:୧୭ ରମିୟ ୧୪:୧-୬ ☆ ୨:୧୯ ଏପିସିୟ ୪:୧୭ ☆ ୩:୯ ଏପିସିୟ ୪:୨୨ ☆ ୩:୧୦ ଏପିସିୟ ୪:୨୪

୧୧ ତମେ ଜିଉଦି ଲକ୍ ଉଆ କି ଜିଉଦି ନ ଅଇଲା ଲକ୍ ଉଆ, ସୁନତ୍ ଅଇଲାଲକ୍ କି ସୁନତ୍ ନ ଅଇଲା ଲକ୍, ଦାପ୍ରେ ରିସା ଅଇ ମାରିମରାଇବା ଲକ୍ କି ବିନ୍ ଦେସର୍ ଗତିଦାଙ୍ଗଡା କି ମୁକ୍ତଲାଇଲା ଲକ୍, ସେଟା କାଇଟା ନଏ । ମାତର୍ କିରିସ୍ଟ ସବୁଟାଟାନ୍ ଆଟେ ଆରି ସେ ଆକା ସବୁର୍ ଉପରେ ସାସନ୍ କଲାନି ।

୧୨ *ତେବେ ପର୍ମେସର୍ ତମ୍ବେ ତାର୍ ଲକ୍ ଅଇବାକେ ବାଟିରଇଲାର୍ ପାଇ ଆରି ତମ୍ବେ ଆଲାଦ୍ କରି ସୁକଲ୍ ଲକ୍ ଅଇବାକେ ବେଗ୍ଲାଇଲାର୍ ପାଇ, ଦୟା ଦେକାଇବାକେ, ଦରମ୍ ଅଇବାକେ, ନିର୍ ଅଇବାକେ, ସୁଆଲ୍ ଅଇବାକେ, ମୁର୍ଚିକରି ରଇବାକେ ଜାଗରତ୍ ଉଆ ।

୧୩ *ତମର୍ ତମର୍ ବିତ୍ରେ ଦସ୍ ଦାରାଦାରି ଅଇ ବୁଲ୍‌କଲେ କେମା ଦିଆଦିଇ ଉଆ । ବିନ୍ ଲକ୍ ବିରଦ୍ କାତା ରଇଲେ ମୁର୍ଚିକରି କେମା ଦିଆଦିଇ ଉଆ । ମାପୁରୁ ତମ୍ବେ କେମା ଦେଲାପାରା ତମର୍ ବିତ୍ରେ କେମା କରାକରି ଉଆ ।

୧୪ ଏ ସବୁ ବିସଇ କରି ତମର୍ ବିତ୍ରେ ଆଲାଦ୍ କରାକରି ଉଆ । ସେନ୍ତାଆଲେ ତମେ ଗଟେକ୍‌ମନ୍ ଅଇକରି ରଇବାଟା ସିଦ୍ ଅଇସି ।

୧୫ ତମେ ସବୁଲକ୍ ଗଟେକ୍ ଗାଗ୍‌ତେ ରଇବା ବିନ୍ ବିନ୍‌ଟା ଅଇଲାର୍ ପାଇ, କର୍ବା ସବୁ କାମେ କିରିସ୍ଟ ତମ୍ବେ ବାଟ୍ ଦେକାଅ । ସେ ତମ୍ବେ ସାନ୍ତି ଦେଲା ଆଟେ । ତମେ ସାନ୍ତି ସଙ୍ଗ୍ ରଇବାକେ ସେ ତମ୍ବେ ବାଟ୍‌ଲାଆଟେ । ଆରି ପର୍ମେସର୍‌କେ ଦନିଅବାଦ୍ ଦେଇତେରୁଆ ।

୧୬ *କିରିସ୍ଟର୍ ବାକିଅ ଦିଆନ୍‌କରି ଲାଗିରୁଆ । ତମର୍ ତମର୍ ବିତ୍ରେ ସିକିକରି ଜାଗ୍‌ରତ୍ ଅଇରୁଆ । ଏଟା ଗିଆନ୍ ସଙ୍ଗ୍ କରା । ଗିଡ୍ ସଙ୍ଗିତା ବଇର୍ ଗିଡ୍‌ମନ୍, ବିନ୍ ଗିଡ୍‌ମନ୍ ଆରି ସୁକଲ୍ ଗିଡ୍‌ମନ୍ କଇତେରୁଆ । ମନ୍‌ବିତ୍ରେ ଦନିଅବାଦ୍ କଇକରି ପର୍ମେସର୍‌କେ ଗିଡ୍ କଇତେରୁଆ ।

୧୭ ତମେ କାଇଟା ମିସା କଇଲେ କି କଲେ, ସେ ସବୁ ମାପୁରୁ ଜିସୁର୍ ନାଉଁଦାରି ବାବା ପର୍ମେସର୍‌କେ ଦନିଅବାଦ୍ ଦିଆସ୍ ।

ନୁଆ ଜିବନର୍

୧୮ *ଏ ମାଇଜିମନ୍, ତମେ ନିଜର୍ ନିଜର୍ ମୁନୁସ୍‌ମନ୍ କାତା ମାନିକରି ରୁଆ । ଜିସୁ କିରିସ୍ଟର୍ ସଙ୍ଗ୍ ମିସିରଇଲାର୍ ପାଇ ଏନ୍ତାରି କର୍ବାଟା ନିକ ।

୧୯ *ଏ ମୁନୁସ୍‌ମନ୍, ତମେ ନିଜର୍ ନିଜର୍ ମାଇଜିମନ୍‌କେ ଆଲାଦ୍ କରି ଦରମ୍ ଉଆ ।

୨୦ *ଏ ପିଲାଟକିମନ୍, ତମର୍ ଆୟାବାବାର୍ କାତା ମାନିକରି ରୁଆ । ସେଟା ପର୍ମେସର୍‌କେ ସାର୍‌ଦା କରାଇସି ।

୨୧ *ଏ ଆୟା ବାବାମନ୍, ତମର୍ ପିଲାଟକିମନ୍‌କେ ସବୁବେଲେ ଲାଗିକରି ମନ୍ ବାଙ୍ଗାଆ ନାଇ ।

୨୨ *ଏ ଗତିଦାଙ୍ଗଡାମନ୍, ତମେ କିରିରଇବା ସବୁକାମ୍‌ଟାନ୍ ତମର୍ ଜଗତେରଇବା ସାଉକାର୍‌ମନ୍ କାତା ମାନିକରି ରୁଆ । ସେମନ୍ ତମର୍ କାମ୍ ଦେକି ବଲ୍ ବଲ୍‌ବାକେ ନାଇ ମାତର୍ ମାପୁରୁକେ ଡରିକରି ସତ୍ ମନେ ରଇ ସବୁ କାମ୍ କରା ।

୨୩ ତମେ ଜାଇଟା କଲେମିସା ପୁରାପୁରୁନ୍ ମନ୍, ଦିଆନ୍, ଜିବନ୍, ପରାନ୍ ଦେଇ ମାପୁରୁପାଇ କଲା ଇସାବେ କରା । ଲକ୍‌ମନ୍ ପାଇ କାମ୍ କଲାପାରା କରାନାଇ ।

୨୪ କାଇକେବଇଲେ ମାପୁରୁ ତମ୍ବେ ପୁରୁସ୍କାର୍ ଦେଇସି ଆରି ତାର୍ ଲକ୍‌ମନ୍‌କେ ସେ ଦେବି ବଲି କାତା ଦେଇରଇବା ସବୁ ଆସିରବାଦ୍ ତମେ ପାଇସା ବଲି ଜାନିଆଟାସ୍ । ତମେ ସେବା କର୍ବା ସାଉକାର୍ କିରିସ୍ଟ, ବଲି ଏତାଇରୁଆ ।

୨୫ *ଜଦି କେ ମିସା ବୁଲ୍ କାମ୍ କରି ଲାଗିରଇଲେ, ପର୍ମେସର୍ ସେମନ୍‌କେ ଡଣ୍ଡ ଦେଇସି ଆରି ସେ ସବୁଲକ୍‌କେ ସମାନ୍ ନାପ୍‌ବା ଡାଙ୍ଗ୍‌ସଙ୍ଗ୍ ବିଟାର୍ କର୍ସି ।

୪

୧ *ଏ ସାଉକାର୍‌ମନ୍, ତମର୍ ଦାଙ୍ଗ୍‌ଡାମନ୍‌କେ ଜତନ୍ କରା ଆରି ସେମନ୍‌କେ ସବୁକେ କାଇ ଅନିଆଇ ନ କରି ଚଲାଚଲ୍‌ତି କରା । କାଇକେବଇଲେ ସର୍‌ଗେ ମିସା ତମର୍ ପାଇ ଗଟେକ୍ ସାଉକାର୍ ଆଟେ ବଲି ଏତାଆ ।

ବିନ୍ ବିନ୍ ବିସଇର୍ ଆଦେସ୍ ଦେବାଟା

୨ ପାର୍‌ତନା କରିଲାଗିରୁଆ । ଆରି ଜାଗ୍‌ରତ୍ ଅଇରୁଆ । ପର୍ମେସର୍‌କେ ସବୁବେଲେ ଦନିଅବାଦ୍ ଦେଇତେରୁଆ ।

୩ ଆମର୍ ପାଇ ମିସା ପାର୍‌ତନା କରା । ଜେନ୍ତିକି କିରିସ୍ଟର୍ ବିସଇଟାନ୍ ରଇବା ଏ ସୁବ୍‌କବର୍ ଆମେ ସବୁଲକ୍‌କେ ଜାନାଇପାରୁ । ଏ ସୁବ୍ କବର୍ ସେମନ୍ ଆଗ୍‌ତୁ ନାଜାନିରଇଲାଇ । ଏ ସୁବ୍‌କବର୍ ଜାନାଇଲାର୍‌ପାଇ ମୁଇ ଏବେ ବନ୍ଦିଗରେ ଆତି ।

୪ ଜେନ୍ତିକି ମୁଇ ଜେଡ୍‌କି ଲକ୍‌କେ ଏ ସୁବ୍‌କବର୍ ନିକସଙ୍ଗ୍ ଜାନାଇବି, ସେଟାର୍‌ପାଇ ପାର୍‌ତନା କରା ।

* ୩:୧୨ ଏପିସିୟ ୪:୨ * ୩:୧୩ ଏପିସିୟ ୪:୩୨ * ୩:୧୬ ଏପିସିୟ ୫:୧୯,୨୦ * ୩:୧୮ ଏପିସିୟ ୫:୨୨; ୧ ମ ପିତର୍ ୩:୧ * ୩:୧୯ ଏପିସିୟ ୫:୨୫; ୧ ମ ପିତର୍ ୩:୭ * ୩:୨୦ ଏପିସିୟ ୬:୧ * ୩:୨୧ ଏପିସିୟ ୬:୪ * ୩:୨୨ ଏପିସିୟ ୬:୫-୮ * ୩:୨୫ ଏପିସିୟ ୬:୯ * ୪:୧ ଏପିସିୟ ୬:୯

୫ *ମାପରୁ ଜିସୁକିରିସ୍ତକେ ବିସ୍ବାସ୍ ନ କଲା ଲକ୍ମାନରତେଇ ଜାଗରତ୍ ସଙ୍ଘ ତଲାଚଲ୍ତି କରା । ତମେ ମିଲାଇରଇବା ସବୁ ବେଲା ବୁଦ୍ଧିର୍ ସଙ୍ଘ କରା ।

୬ ସେମନ୍ତକେ ସନ୍ମାନ ଦେଇ କାତା ଉଆ । ଜେନ୍ତିକି ତମେ କଇବା ବିସଇ ସେମନ୍ ମନ୍କରବାଇ । ତେବେ ତମେ ବିସ୍ବାସ୍ କରବା ବିସଇଟାନେ କାଇଆଲେ କାତା ଉଟ୍ଲେ, ତମେ ଉତର୍ ଦେଇପାରସା ।

ସାରାସାରିର୍ କାତା

୭ *ତୁକିକ କଲସିଅ ଆଇଲାବେଲେ ମକେ କାଇକାଇଟା ଗଟ୍ଲାନି ବଲି ତମ୍ବକେ କଇଦେଇସି । ସେ, ମୁଇ ବେସି ଆଲାଦ୍ କରବା ଗଟେକ୍ ବିସ୍ବାସି ବାଇ । ସେ ବିସ୍ବାସ୍ ସଙ୍ଘ କାମ୍ କରସି ଆରି ମର୍ ସଙ୍ଘ ମାପରୁକେ ସେବା କରସି ।

୮ ଆମ୍ବକେ କାଇଟା ଗଟ୍ଲାନି ବଲି ତାର୍ଟାନେଅନି ଜାନ୍ସା । ଆରି ସେ ତମ୍ବକେ ବିସ୍ବାସ୍ କରାଇବାଟା ତାଟ୍ କରାଇସି । ଏଟାର୍ପାଇ ତାକେ ତମ୍ବଟାନେ ପାଟାଇଲିନି ।

୯ *ଅନିସିମ୍ବକେ ତାର୍ସଙ୍ଘ ପାଟାଇଲିନି । ସେ ଆମର୍ ଆଲାଦର୍ ବେସି ବିସ୍ବାସ୍ ରଇବା ବାଇ । ସେ ତମର୍ ନଅରର୍ ଲକ୍ । ଇତି ଗଟ୍ବା ସବୁ ବିସଇ ସେମନ୍ ତମ୍ବକେ ଜାନାଇବାଇ ।

୧୦ *ଆରିସ୍ତକସ୍ ତାର୍ ଜୁଆର୍ ଜାନାଇଲାନି । ସେ ମର୍ ସଙ୍ଘ ବନ୍ଦିଗରେ ଆଟେ । ବର୍ନବାର୍ ମେଏନାବାଇ ମାର୍କ ମିସା ଜୁଆର୍ ଜାନାଇଲାନି । ମାର୍କର୍ ବିସଇ ତମେ ସୁନିସାରାଇ ଆଗାସ୍ । ସେ ତମର୍ ଲଗେ ଆଇଲେ ତାକେ ତାକି ନିଆ ।

୧୧ ଜୁସ୍ତ ନାଉଁଦାରି ତାକ୍ପୁଟା ଅଇଲା ଜିୟ୍ସୁୟ୍ ମିସା ତମ୍ବକେ ଜୁଆର୍ ଜାନାଇଲାନି । ଏ ତିନ୍ ଲକ୍ସେ ଇତି ରଇବା ଜିଉଦି ବିସ୍ବାସିମନ୍ । ପର୍ମେସରର୍ ରାଇଜ୍ ବିସଇତେଇ ରଇବା ସୁବ୍କବର୍ ଜାନାଇବାକେ ସେମନ୍ ମର୍ ସଙ୍ଘ କାମ୍ କଲାଲିନି । ସେମନ୍ ମକେ ବେସି ସାର୍ଦା କରାଇଆଟ୍ ।

୧୨ *ଏପାପରା ତାର୍ ଜୁଆର୍ ଜାନାଇଲାନି । ସେ ମିସା ତମର୍ ନଅରର୍ ଲକ୍ । ସେ ମିସା ଗଟେକ୍ ଜିସୁକିରିସ୍ତର୍ ଗତିଦାଙ୍ଗ୍ତା । ସେ ତମର୍ପାଇ ସବୁବେଲେ ମନ୍ଦିଆନ୍ ଦେଇ ପାର୍ତନା କରିଲାଗିରଇସି । ଜେନ୍ତିକି ତମେ ତାଟ୍ ଅଇ ସିଦ୍ ଅଇସା ଆରି ପର୍ମେସର୍ ତମ୍ବକେ କରା ବଲି ମନ୍କଲାଟା ଜାନିରଇସା ।

୧୩ ଏରାପଲି ଆରି ଲାଉଦିକିଆଇ ରଇବା ବିସ୍ବାସିମନ୍ପାଇ ଆରି ତମର୍ପାଇ ମିସା ସେ ଆବଡ୍ ଅଇଲାନି ବଲି ମୁଇ ସାକି ଦେଲିନି ।

୧୪ *ଆମର୍ ଆଲାଦର୍ ନିଜେ ଅସଦେଉ ଲୁକ୍ ଆରି ଦିମା ତମ୍ବକେ ଜୁଆର୍ ଜାନାଇଲାଇଲିନି ।

୧୫ ଲାଉଦିକିଆତେଇ ରଇବା ବାଇବଇନିମନ୍ତକେ, ମର୍ ଜୁଆର୍ ଜାନାଇଦିଆସ୍ । ବଇନି ନୁମ୍ପାକେ ଆରି ତାର୍ ଗରେ ରୁଣ୍ଡବା ସବୁ ବିସ୍ବାସିମନ୍ତକେ ମିସା ମର୍ ଜୁଆର୍ ଜାନାଆ ।

୧୬ ତମେ ଏ ଚିଟିତେଇ ଲେକ୍ଲାଟା ସୁନିସାରାଇଲାପଟେ ଲାଉଦିକିଆଇ ରଇବା ବାଇବଇନିମନ୍ତକେ ମିସା ସୁନାଇଦେବାର୍ଆଟେ ଆକା ।

୧୭ *“ମାପରୁ ତକେ ସରପିଦେଲା କାମ୍ ତୁଇ କରିସାରାଇବାର୍ ଆଟେ ଆକା” ବଲି ଆର୍କିପସ୍ବକେ କୁଆ ।

୧୮ ମୁଇ ପାଉଲ୍ ଏଟା ନିଜେ ଲେକ୍ଲିନି, “ଜୁଆର୍ ! ମୁଇ ବନ୍ଦିଗରେ ଆଟିବଲି ଏତାଆ ।” ପର୍ମେସରର୍ ଜିବନ୍ ଦୁକାଇ ଦୟା ଦେକାଇଲାଟା ତମର୍ ସଙ୍ଘ ରଅ ।

* ୪:୫ ଏପିସିୟ ୫:୧୭ * ୪:୬ ପେରିଡ୍ ୨୦:୪; ୨ୟ ଡିମତି ୪:୧୨ * ୪:୭ ଏପିସିୟ ୬:୨୧,୨୨ * ୪:୯ ପିଲିମନ୍ ୧:୧୦-୧୨ * ୪:୧୦ ପେରିଡ୍ ୧୯:୨୯; ୨୭:୨; ପିଲିମନ୍ ୧:୨୪; ପେରିଡ୍ ୧୨:୧୨, ୨୫; ୧୩:୧୩; ୧୫:୩୭-୩୯
* ୪:୧୨ କଲସିଅ ୧:୬; ପିଲିମନ୍ ୧:୨୩ * ୪:୧୪ ୨ୟ ଡିମତି ୪:୧୧; ପିଲିମନ୍ ୧:୨୪; ୨ୟ ଡିମତି ୪:୧୦; ପିଲିମନ୍ ୧:୨୪ * ୪:୧୭ ପିଲିମନ୍ ୧:୨

ତେସଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପ୍ରଥମ ପତ୍ର ତେସଲନିକିୟ ମଣ୍ଡଳୀର ବିସ୍ତ୍ରାସୀମାନଙ୍କେ ପାଉଲ ପରତୁମ୍ଭତର ଚିଠିଲେଖଲାଟା

ଏ ବଇର ବିସଇ ଜାନବାଟା

୧ ମ ତେସଲନିକିୟ ଚିଠି ପେରିଡ଼ ପାଉଲ ଲେକାଅଇରଇଲା୧:୧ । ଏଟା ପାଉଲ ପରତୁମ୍ଭ ତର ଲେକାଅଇରଇଲା ଆରି ଏଟା ବାଇବଲେ ଗଟେକ୍ ବାଗ୍ ଅଇଆଟେ । ଏଟା ଜିସୁକିରିସ୍ଟ ଜନମ୍ ଅଇକରି ଲଗାଲଗି ୫୧ ବରସ୍ ପଟେ ଲେକା ଅଇଲାଆଟେ । ଜେତେବେଲେ ପାଉଲ ତେସଲନିକିୟ ମଣ୍ଡଳୀକେ ଚିଠି ଲେଖଲା, ସେବେଲେ ସେ କରନ୍ତିଅ ମଣ୍ଡଳୀତେଇ ରଇଲା । ଜନ୍ ମଣ୍ଡଳୀକେ କି ସେ ମିସ୍ନାରି ଇସାବେ ଦୁଇପାଲି ଗାଲାବେଲେ ତାପ୍ନା କରିରଇଲା । ପେରିଡ଼ ୧୭:୧-୧୦ ।

ଏଟା କେତେଟା ଜିଉଦି ଆରି କେତେଟା ଗିରିକ୍ ବାସା କଇବା ଲକ୍ମନ୍ ଆକା କରିରଇଲାଇ ବଲି ପେରିଡ଼ ବଇଟାନେ କୁଆଅଇଆଟେ । ପାଉଲ ମଣ୍ଡଳୀ ତାପ୍ନା କଲା ପଟେ, ବେସି ଦିନ୍ ତେସଲନିକିଏ ରଇନାପାରଲା । ତେବର୍ପାଇ ତେଇ ରଇବା ବିସ୍ତ୍ରାସୀମାନଙ୍କେ ନ ଡରିକରି ରଇବାକେ ସେ ଏ ଚିଠି ପାଟାଇଲା । ଗଟେକ୍ ବିସ୍ତ୍ରାସି କେନ୍ତାରି ଜିଉନା କାଉନା କର୍ବାକେ ପଡ଼ସି, ଏ ଚିଠି ଟାନେ କେତେକ୍ କେତେକ୍ ବିସଇ, ଆରି ବିନ୍ ବିନ୍ ଜାନବା କାତା ଆଟେ । ପାଉଲ କେତେଟାଟାନେ ଆରିତରେକ୍ ଆଇବା ବିସଇ ମନ୍ଦିଆନ୍ ଦେଲାଆଟେ । ଜେନ୍ତିକି ତେସଲନିକିୟ ମଣ୍ଡଳୀର ବିସ୍ତ୍ରାସୀମନ୍ ଏ ବିସଇତେଇ କାଇ ଅସୁବିଦା ନ ଅଇକରି ଆଗ୍ତୁ ଅଇତେରଇଲାଇ । ପାଉଲ ଜିସୁ ଆରିତରେକ୍ ଆଇବାଟା ନେଇ କେନ୍ତାରି ଜିଉନା କାଉନା କର୍ବାଟା ଆରି ପର୍ମେସର୍କେ ସାର୍ଦା କରାଇବାକେ ଜାନାଇଲାନି । ୫:୭-୮ ।

ଏ ବଇଟାନେ ରଇଲାଟା

- ୧. ପାଉଲ ମଣ୍ଡଳୀକେ କୁଆର୍ ଜାନାଇ କରି ଆରି ପର୍ମେସର୍କେ ଦନିଅବାଦ୍ ଦେଇକରି ଚିଠି ଆରାମ୍ କଲାଆଟେ । ୧
- ୨. ପଟେ ସେ ତିମତି ଆନିରଇବା କବର୍ ଆରି ତାର୍ କାମ୍ ବିସଇନେଇ ବୁଜାଇଲା । ୨-୩
- ୩. ଜିସୁକେ ବିସ୍ତ୍ରାସ୍ କଲା ଲକ୍ ସେ ଆରିତରେକ୍ ଆଇବା ଜାକ ଜାଗିରଇକରି କେନ୍ତାରି ଜିଉନା କାଉନା କର୍ବାଟା ସେଟା ଚେତାଇ କରି ଆଦେସ୍ କଲାନ୍ତି । ୪:୧-୫:୧୫
- ୪. ପାଉଲ ଆରିତରେକ୍ ମଣ୍ଡଳୀକେ କୁଆର୍ ଜାନାଇକରି ସେମନ୍କେ ଚିଠି ପଡ଼ବାକେ ବାଦିଅ କରାଇ ସେସ୍ କଲାନ୍ତି । ୫:୧୭-୨୮

୧ *ମୁଇ ପାଉଲ ଆରି ମର୍ ବାଇମନ୍ ସିଲାନ୍, ଆରି ତିମତି ତେସଲନିକିୟ ମଣ୍ଡଳୀତେଇ ରଇବା ଲକ୍ମନ୍କେ ଏ ଚିଠି ଲେଖଲୁନି । ବାବା ପର୍ମେସର୍ ଆରି ମାପୁରୁ ଜିସୁକିରିସ୍ଟ ଜିବନ୍ ଦୁକାଇଲା ସାନ୍ତି ତମ୍କେ ମିଲ ।

ତେସଲନିକିୟ ମନ୍ଦର ବିସ୍ତ୍ରାସର୍

୨ ଆମେ ସବୁବେଲେ ତମର୍ ସବୁ ଲକ୍ମନ୍ପାଇ ପର୍ମେସର୍କେ ଦନିଅବାଦ୍ ଦେଇତେରଇବୁ ଆରି ପାର୍ତନା କଲାବେଲେ ତମର୍ ବିସଇ ସବୁବେଲେ ଜାନାଇତେରଇବୁ ।

୩ ତମେ ବିସ୍ତ୍ରାସ୍ କରି କେନ୍ତା ଚଲାଚଲ୍ତି କଲାସ୍ନି ଆରି ତମର୍ ତମର୍ ବିତ୍ତରେ ରଇବା ଆଲାଦର୍ ଲାଗି, ମିସିବିତି କେନ୍ତା ସାଇଜ କରାଇ ଅଇଲାସ୍ନି ଆରି ମାପୁରୁ ଜିସୁ କିରିସ୍ଟ ଟାନେ ତମର୍ ବିସ୍ତ୍ରାସ୍ କେନ୍ତା ଡାଟ୍ ଅଇଆଟାସ୍ ।

୪ ବାଇବଇନିମନ୍ ! ଆମେ ଜାନିଆରୁ ଜେ, ପର୍ମେସର୍ ତମ୍କେ ଆଲାଦ୍ କଲାନ୍ତି । ଆରି ସେ ତମ୍କେ ନିଜର୍ ଲକ୍ କର୍ବି ବଲି ବାଟ୍ଲାଆଟେ ।

୫ ଜେତେବେଲେ ଆମେ ତମ୍କେ ଏ ସୁବ୍ କବର୍ ଜାନାଇରଇଲୁ, ସେଟା ଅବ୍କା କାତାଇ ନ ରଇଲା, ମାତର୍ ସୁକଲ୍ ଆଡ଼ମାର୍ ବପୁ ସଙ୍ଗ୍ ଆରି ସେଟା ସଡ଼ ବଲି ପୁରାପୁରୁନ୍ ବିସ୍ତ୍ରାସର୍ ସଙ୍ଗ୍ ରଇଲା । ତମେ ଜାନାସ୍, ତମର୍ ସଙ୍ଗ୍ ରଇଲାବେଲେ ଆମେ କେନ୍ତା ରକାମେ ଜିଉନାକାଉନା କର୍ତେରଇଲୁ, ଜେନ୍ତିକି ତମର୍ ମଙ୍ଗଲ୍ ଅ ବଲି ଆମର୍ ବାବ୍ନା ରଇଲା ।

୬ *ତମେ ଚଲାଚଲ୍ତିତେଇ ଆମର୍ ପାରା ଆରି ମାପୁରୁ ପାରା ରଇଲାସ୍ । ତମ୍କେ ଦୁକ୍‌କସ୍ଟ ଅଦିକ୍ ରଇଲେ ମିସା ସୁକଲ୍ ଆଡ଼ମାର୍ ଟାନେଅନି ମିଲାଇରଇବା ସାର୍ଦା ସଙ୍ଗ୍ ସୁବ୍ କବର୍ ମାନଲାସ୍ ।

୭ ତେବେ ତମେ ମାକିଦନିଆ ଆରି ଆକାୟାତେଇ ରଇବା ସବୁ ବିସ୍ତ୍ରାସୀମାନଙ୍କେ ଗଟେକ୍ ବାଟ୍‌ଦେକାଉ ପାରା ରଇଲାସ୍ ।

* ୧:୧ ପେରିଡ଼ ୧୭:୧ * ୧:୭ ପେରିଡ଼ ୧୭:୫-୯

୮ ତମରଲଗେଅନି ମାସିଦନିଆ ଆରି ଆକାୟାର ଜାଗାମନକେ ଅବକା ମାପରୁର ସୁବକବରସେ ବିଚି ନ ଅଇରଇଲା । ମାତର ତମେ ମାପରୁକେ ବିସ୍ବାସ କରିରଇବା କାତା ସବୁ ବାଟେ ଜାନାପଡଲା ଆଟେ । ଏ ବିସଇ ଆରି ଆମେ ଅଦିକ୍ କଇବା ଦରକାର ନାଇ ।

୯ ଆମେ ତମରଲଗେ ଆଇଲାବେଲେ ତମେ ଜେନ୍ତି ଆଲାଦରସଙ୍ଗ୍ ଡାକିରଇଲାସ୍ ଆରି ରୁଟା ପାକ୍ନାମନ୍ ପୁଜା କରବାଟା ଚାଡିକରି ଜିବନ୍ ରଇବା ପର୍ମେସରକେ ଉପାସନା କରବାକେ ଆଗତୁ ଆସିରଇଲାସ୍ । ଏ ସବୁ ବିସଇ ତେଇର୍ ଲକ୍ମନ୍ କାତା ଅଇଲାଇନି ।

୧୦ ଆରି ପର୍ମେସର୍ ତାର ନିଜର୍ ଜନ୍ ପଅକେ, ମଲା ଲକ୍ମନର୍ ବିତ୍ତରେ ଅନି ଉଟାଇଲା । ଆରି ଜେ କି ଆଇତେରଇବା ପର୍ମେସରର୍ ବଡ଼ ଡଣ୍ଡେଇଅନି ଆମ୍ବକେ ରକିଆ କରସି । ତାରପିଲା ଜିସୁ ସର୍ଗେଅନି ଆରିତରେକ୍ ଆଇବାଟାକେ ଆମେ ଜାଗିକରି ରଉଁ । ଏ ସବୁ ବିସଇ ମିସା ତେଇର୍ ଲକ୍ମନ୍ କାତାବାରତା ଅଇଲାଇନି ।

୨

ଡେସଲନିକିତେଇ ପାଉଲର କାମ୍

୧ ଏ ବାଇବଇନିମନ୍ ତମେ ନିଜେ ଜାନି ଆଟାସ୍, ତମରଲଗେ ଆମେ ଆଇଲାଟା ରୁଟାଇ ନ ରଇଲା ।

୨ *ତମରଗାନେ ଆଇବା ଆଗତୁ ପିଲିପେ ଆମ୍ବକେ କେନ୍ତି ଦୁକ୍ ନିନ୍ଦା ଅଇରଇଲା, ସେଟା ତମେ ଜାନାସ୍ । ବେସି ଲକ୍ ଆମ୍ବକେ ବିରଦ୍ କଲେ ମିସା ସୁବକବର ତମ୍ବକେ ଜାନାଇବାକେ ପର୍ମେସର୍ ସାଆସ୍ ଦେଇରଇଲା ।

୩ ଆମେ ବାବୁଜିଆ କଲାଟା, ଲକ୍ମନର୍ ବୁଲ୍ ଆଦେସ୍ ଅନି ନ ରଇଲା ଆରି ନାଡାଇବାଟା କି ବୁଲ୍ବାଟେ ନେବା ବିସଇ ନ ରଇଲା ।

୪ ମାତର ସବୁବେଲେ ଆମେ ପର୍ମେସରର୍ ମନ୍ କଲା ଇସାବେ ସେ କାତା କଇତେରଇବୁ । କାଇକେବଇଲେ ସେ ଆମ୍ବକେ ବାଟିକରି ସୁବକବର ଜାନାଇବା ଦାଇଡ଼ ସର୍ପି ଦେଲାଆଟେ । ଲକ୍ମନକେ ସାର୍ଦା କରାଇବାକେ ଆମର୍ ଆଦେସ୍ ନାଇ । ଜନ୍ ପର୍ମେସର୍ ଆମର୍ ମନ୍ ବିତ୍ତରଟା ପରିକା କରି ଦେକିପାରସି, ତାକେ ଆକା ସାର୍ଦା କରବାକେ ଆମେ ଚେସ୍ଟା କଲୁନି ।

୫ ତମେତା ନିକ୍ କରି ଜାନାସ୍ । ଆମେ କେବେ ମିସା ତମ୍ବକେ ସାର୍ଦା କରାଇବା କାତା କଇ ନ ରଇଲୁ । ଆମର୍ ଲବ୍ ଅଇବାଟାକେ ଲୁଟାଇକରି ସଙ୍ଗୁନାଇ । ତମରଲଗେ କାରାପ୍ ବେବାର୍ କରି ନ ରଇଲୁ । ଏ ବିସଇଟାନେ ପର୍ମେସର୍ ଆମର୍ ସାକି ।

୬ ଆମେ କାର୍ଲଗେ ଅନି ସନ୍ମାନ୍ ପାଇବୁ ବଲି ଚେସ୍ଟା କରି ନ ରଇଲୁ । ତମରଗାନେ ଅନି କି ବିନ୍ ଲକ୍ମର୍ ଟାନେଅନି ମିସା ନାଇ ।

୭ ଜଦି କିରିସଟ ପାଟାଇରଇବା ପେରିଡ଼ ଇସାବେ ଆମ୍ବକେ ତମେ ମାନିକରି ରୁଆ ବଲି ଦାବି କରୁ । ମାଆ ଜେନ୍ତି ନିଜର୍ ପିଲାମନ୍କେ ଜତନ୍ କର୍ତେରଇସି, ଆମେ ତମରଲଗେ ରଇବା ବେଲାଇ ସେରକାମ୍ କର୍ତେରଇଲୁ ।

୮ ଆମେ ତମ୍ବକେ ବେସି ଆଲାଦ୍ କଲୁ ଜେ, ତମ୍ବକେ ଅବକା ପର୍ମେସରର୍ ସୁବ କବର୍ ଜାନାଇବୁ ବଲି ନାଇ, ମାତର ତମରଲାଗି ନିଜ୍ବକେ ସର୍ପି ଅଇବାକେ ମିସା ତିଆର୍ ଅଇରଇଲୁ । ତମେ ଆମର୍ କେଡେକ୍ ନିଜର୍ ନ ରଇଲାସ୍ !

୯ ଏ ବାଇବଇନିମନ୍ ଆମେ ଆବଡ଼ ଅଇ ଗାଗ୍ତେ ବାଦିଜାଇରଇଲେ ମିସା ମାନିଅଇ କାମ୍ କଲାଟା ତମ୍ବକେ ମନେରଇସି । ଆମେ ଜେନ୍ତିକି ତମର୍ ଉପ୍ରେ ବଜ୍ ନ ଅଇକରି, ଏଟାପାଇ ଦିନ୍ ରାତି କସ୍ଟ ପାଇ ପର୍ମେସରର୍ ସୁବକବର ତମ୍ବକେ ଜାନାଇରଇଲୁ ।

୧୦ ଜେଡେବେଲେ ଆମେ ତମରଗାନେ ରଇଲୁ, ଆମେ କେନ୍ତି ସୁକଲ୍ ଅଇ, ସତଇସେ କାଇ ଦସ୍ ନ ଅଇକରି ଚଲାଚଲ୍ତି କର୍ତେରଇଲୁ । ନିଜେ ପର୍ମେସର୍ ଆରି ତମେ ଆକା ଆମର୍ ସାକି ଆଟାସ୍ ।

୧୧ ତମେତା ଜାନାସ୍ । ବାବା ଜେନ୍ତି ନିଜର୍ ପିଲାମନ୍କେ ଚଲାଚଲ୍ତି କର୍ତା, ଆମେ ମିସା ସମାନ୍ ସେନ୍ତାରିସେ ଚଲାଚଲ୍ତି କରିରଇଲୁ ।

୧୨ ଆମେ ତମ୍ବକେ ସାଆସ୍ ଦେଇରଇଲୁ, ଦୁକ୍ ସାରାଇରଇଲୁ, ଆରି ପର୍ମେସର୍ଗାନେ ଟିକ୍ସଙ୍ଗ୍ ଚଲାଚଲ୍ତି ଅଇ ବୁଦ୍ବାକେ ବାବୁଜିଆ କର୍ତେରଇଲୁ । ପର୍ମେସର୍ ଜେ କି ତାର ରାଇଜେ ଆରି ତାର ମଇମା ଟାନେ ମିସିରଇବାକେ ତମ୍ବକେ ଡାକ୍ଲାମି ।

୧୩ ଆମେ ପର୍ମେସର୍କେ ଏଟାପାଇ ମିସା ଦନିଅବାଦ୍ ଦେଲୁନି, କାଇକେବଇଲେ ଜେଡେବେଲେ ଆମେ ତାର୍ ସୁବକବର ତମ୍ବକେ ଜାନାଇରଇଲୁ ସେଟା ପର୍ମେସର୍ ଟାନେ ଅନି ଆଇଲା ବାକିଅ ବଲି ତମେ ମାନ୍ଲାସ୍ । ଏଟା ଲକ୍ମନର୍ ଟାନେଅନି ଆସି ଆଟେ ବଲି ନାଇ । ସତଇସେ ସେଟା ପର୍ମେସରର୍ ବାକିଅ । ଆରି ତମର୍ପାରା ବିସ୍ବାସିମନର୍ ମନ୍ ବିତ୍ତରେ, ସେଟା ଡାଟ୍ ଅଇରଇସି ।

୧୪ *ଏ ବାଇବଇନିମନ୍ ଜିଉଦା ଦେସେ ରଇବା ପର୍ମେସରର୍ ମଣ୍ଡଲିମନ୍କେ ଆରି ତେଇ ରଇବା କିରିସଟ ବିସ୍ବାସିମନର୍ଲାଗି ଜନ୍ ଗଟ୍ନା ଗଟିରଇଲା, ତମର୍ପାଇ ମିସା ସେ ଗଟ୍ନା ଗଟ୍ଲା ଆଟେ । ସେମନ୍ ଜିଉଦିମନର୍

☆ ୨:୨ ପେରିଡ଼ ୧୭:୧୯-୨୪; ପେରିଡ଼ ୧୭:୧-୯ ☆ ୨:୧୪ ପେରିଡ଼ ୧୭:୫

ଲଗେଅନି ଜନ୍ ରକାମ୍ ତାଡ଼ନା ପାଇରଇଲା, ତମେ ମିସା ନିଜର୍ ଦେସର୍ ଲକ୍ମନର୍ ଲଗେଅନି ସେ ସମାନ୍ ତାଡ଼ନା ପାଇଆରାସ୍ ।

୧୫ ✨ ଜିଉଦିମନ୍ ମାପରୁ ଜିସୁକେ ଆରି ବବିସତ୍‌ବକ୍ତାମନ୍‌କେ ମରାଇରଇଲା ଆରି ଆମ୍‌କେ ମିସା ଦୁକ୍ କସ୍‌ଟ ଦେଇରଇଲା । ସେମନର୍‌ଟାନେ ପର୍‌ମେସର୍ ସାନ୍ତି ନାଇ । ସେମନ୍ ସବୁ ମୁନ୍‌ସଜାତିର୍ ସତ୍‌ରୁ ।

୧୬ ଜେନ୍ତାରି କି ଜନ୍ ସୁବ୍‌କବର୍ ଜାନାଇଲେ ଜିଉଦି ନଇଲା ଲକ୍ମନ୍‌କେ ମୁକ୍ତି ମିଲି ପାର୍‌ସି, ସେଟା ଚାଡ଼ି ଦେଅଡ଼ ବଲି ଆମ୍‌କେ ସେମନ୍ ଚେସ୍‌ଟା କଲାଜନି । ଏନ୍ତାରି ସେମନ୍ କର୍‌ତେରଇବା ପାପ୍ ଅଦିକ୍ ଅଦିକ୍ ବଡ଼ିଜାଇକରି ସାରାସାରି ଆସି କେଟିଆଚେ । ଏବେ ସାରାସାରି ବେଲାଇ ସେମନର୍ ବିରୁଦେ ପର୍‌ମେସର୍‌ର ରିସା ଅଇଆଚେ ।

ପାଉଲ୍ ଆରିତରେକ୍ ଜିବାକେ ମନ୍‌କଲା

୧୭ ଏ ବାଇବଇନିମନ୍ ଜେଡେବେଲେ ଆମେ ଚନେକର୍‌ପାଇ ତମର୍‌ଟାନେଅନି ବିନେ ଅଇଜାଇରଇଲୁ, ସେଟା ଗାଗଡ଼ ଇସାବେ । ମାତର୍ ଆମର୍ ମନ୍ ବିତ୍‌ରେ ତମେ ସବୁବେଲେ ବାସାଅଇରଇଲାସ୍ । ତମ୍‌କେ ଏତାଇ ଏତାଇ କରି ବେସି ଚିନ୍ତା କର୍‌ତେରଇଲୁ । ପତେ ଆରିତରେକ୍ ତମ୍‌କେ ଦେକ୍‌ବାକେ ଚେସ୍‌ଟା କର୍‌ତେରଇଲୁ ।

୧୮ ମାତର୍ ତମର୍‌ଲଗେ ବାଉଡ଼ିଆଇବାକେ ଆମ୍‌କେ ବେସି ମନ୍‌ରଇଲା । ମୁଇ ନିଜେ ତମର୍‌ଲଗେ ବାଉଡ଼ିଆଇବାକେ ଗଟେକ୍‌ତର୍ ଚେସ୍‌ଟାକରିରଇଲି, ମାତର୍ ଏଟାର୍‌ପାଇ ଆମ୍‌କେ ସଇତାନ୍ ବାଦା ଦେଲା ।

୧୯ ସେ ଗାଲା କାତା ଗାଲାବେ । ମର୍ ଆସା ଆଚେ, ମାପରୁ ଜିସୁ ଆଇବା ବେଲେ ତମେ ଆମର୍ ଆସା, ସାର୍‌ଦା ବଡ଼ପନ୍ ଆରି ଜିତ୍‌ବାଟା ।

୨୦ ତମେ ସବୁବେଲେ ଆମର୍‌ପାଇ ଡାକ୍‌ପୁଟା ଆରି ସାର୍‌ଦା ।

୩

୧ ✨ସାରାସାରିପତେ ଆମେ ଦୁକ୍ କସ୍‌ଟ ମୁର୍ଚି ନାପାରିକରି ଆଡିନେସ୍‌ଡେଇ କାର୍ ସଙ୍ଗ୍ ନ ମିସିକରି ଜିଉନାକାଉନା କରୁବଲି, କାତା ଅଇଲୁ ।

୨ ତମ୍‌କେ ବପୁ କରାଇବାକେ ଆରି ତମର୍ ବିସ୍‌ବାସ୍ ଡାଟ୍ କରାଇବାକେ ତମର୍ ଲଗେ ଆମର୍ ବାଇ ତିମତିକେ ପାଟାଇରଇଲୁ । ସେ ଆମର୍‌ସଙ୍ଗ୍ କିରିସ୍‌ଟର୍ ସୁବ୍‌କବର୍ ଜାନାଇକରି ପର୍‌ମେସର୍‌ର ସେବା କଲାମି ।

୩ ତମର୍ ଉପ୍‌ରେ ଅଇଡେରଇବା ବିପଦର୍ ଲାଗି ଜେନ୍ତାରି କେ ମିସା ବିନ୍ ବାଟେ ନ ଜାଅଡ଼ । ସେଟାର୍‌ପାଇ ସେ ତମ୍‌କେ ସାଇଜ କର୍‌ସି । ଏଲେମିସା ତମେତା ଜାନାସ୍, ଆମ୍‌କେ ମିସା ଏନ୍ତାରି କସ୍‌ଟ ମିଲ୍‌ଲାମି, ଏଟା ଆମର୍ ପାଇ ପର୍‌ମେସର୍ ମନ୍ କର୍‌ବାଟା ।

୪ ଆମେ ତମର୍‌ସଙ୍ଗ୍ ରଇଲା ବେଲେ, ବେସି ଆଗେଅନି ଆମ୍‌କେ ଦୁକ୍‌କସ୍‌ଟ ଆଇସି ବଲି ପୁର୍‌ବେଅନି ଜାନାଇ ଦେଇରଇଲୁ । ଏବେ ତମେ ଜାନ୍‌ଲାସ୍‌ନି, ଟିକ୍ ସେଟାସେ ଗର୍‌ଲା ।

୫ ଏଟାର୍‌ପାଇ ତମର୍ ବିସଇ ନାଜାନିକରି ମୁଇ ରଇ ନାପାର୍‌ଲି । ତମେ ବିସ୍‌ବାସେ ଆଟାସ୍ କି ନାଇ ଚିନ୍ତାକରି ମୁଇ ତିମତିକେ ପାଟାଇଲି । ଏଟାର୍‌ପାଇ ବଲି କେଡେବେଲେ ସଇତାନ୍ ତମ୍‌କେ ପରିକା କରି ଆମେ ଆବଡ଼ ଅଇ କଲାଟା ରୁଟାଇ ଜାଇସି ବଲି ଡର୍‌ଡେ ରଇଲି ।

୬ ✨ମାତର୍ ତିମତି ତମର୍‌ଲଗେଅନି ବାଉଡ଼ି ଆସି ତମର୍ ବିସ୍‌ବାସ୍ ଆରି ଆଲାଦର୍ ବିସଇର୍ ସୁବ୍‌କବର୍ ଆନଲା । ସେ ଆମ୍‌କେ ଜାନାଇଦେଲାଆଚେଜେ, ତମେ ସବୁବେଲେ ଆମ୍‌କେ ଆଲାଦ୍ ସଙ୍ଗ୍ ଏଡ଼ କଲାସ୍‌ନି ଆରି ଆମେ ଜେନ୍ତାରି ତମ୍‌କେ ଦେକ୍‌ବାକେ ମନ୍ କଲୁନି, ତମେ ମିସା ସେରକାମ୍ ଆମ୍‌କେ ଦେକ୍‌ବାକେ ମନ୍ କଲାସ୍‌ନି ।

୭ ଡେବେ ଏ ବାଇବଇନିମନ୍, ଆମେ କାକୁର୍‌ତି ଅଇ ଦୁକ୍ କସ୍‌ଟ ପାଇଲା ବେଲେ ତମର୍ ବିସ୍‌ବାସ୍‌ରଲାଗି ସାର୍‌ଦା ଅଇଲୁନି । ତମର୍ ବିସ୍‌ବାସ୍ ଆକା ଆମ୍‌କେ ସାଆସ୍ ଦେଇକରି ସଙ୍ଗ୍‌ଆଚେ ।

୮ କାଇକେବଇଲେ ଏବେ ତମେ ଡାଟ୍‌ଅଇ ମାପରୁ ସଙ୍ଗ୍ ମିସିକରି ଆଟାସ୍ । ଏଟା ଆମେ ଜାନିକରି ଆରିତରେକ୍ ସାର୍‌ଦା ସଙ୍ଗ୍ ଜିଇଲୁନି ।

୯ ଡ଼, ଆମର୍ ପର୍‌ମେସର୍‌ର ମୁଆଟେ ତମର୍ ଲାଗି ଆମେ ସବୁଲକ୍ ସାର୍‌ଦା ଅଇଲୁନି । ସେଟାର୍‌ପାଇ ତମର୍‌ଲାଗି ପର୍‌ମେସର୍‌କେ ଦନିଅବାଦ୍ ଦେଲୁନି ।

୧୦ ତମେ ବିସ୍‌ବାସ୍ କଲାଟାନେ କେଡେଟା ଉନା ଆଚେ । ସେଟା ପୁରାପୁରୁନ୍ କର୍‌ବାକେ, ଆମେ ତମର୍‌ସଙ୍ଗ୍ କେନ୍ତା ମିସିପାର୍‌ରୁ, ଏଟାର୍‌ପାଇ ଦିନ୍ ରାତି ପାର୍‌ତନା କରିଲାଗିଆରୁ ।

୧୧ ତମର୍‌ଲଗେ ଆଇବାକେ ଆମ୍‌କେ ଆମର୍ ବାବା ପର୍‌ମେସର୍ ଆରି ଆମର୍ ମାପରୁ ଜିସୁ ବାଟ୍ ତିଆର୍‌କରି ଦେଅଡ଼ ।

୧୨ ଜେନ୍ତାରି ଆମର୍ ଆଲାଦ୍ ତମର୍‌ପାଇ ବଡ଼ିଆଇଲାମି, ସେନ୍ତାରିସେ ନିଜର୍ ନିଜର୍ ବିତ୍‌ରେ, ଆରି ସବୁ ଲକ୍ମନ୍‌କେ ମାପରୁ ଆଲାଦ୍ ବଡ଼ାଇକରି ଅଦିକ୍ କର ।

☆ ୨:୧୫ ପେରିଡ୍ ୯:୨୩,୨୯;୧୩:୪୫,୫୦;୧୪:୫,୧୯;୧୭:୫,୧୩;୧୮:୧୨ ☆ ୩:୧ ପେରିଡ୍ ୧୭:୧୫ ☆ ୩:୭ ପେରିଡ୍ ୧୮:୫

୧୩ ମାପରୁ ଏନ୍ତାରି ତମକେ ତବିର କରାଅ । ଜେତେବେଲେ ଆମର ମାପରୁ ଜିସୁ ତାର ନିଜର ସୁକଲ୍ ଲକ୍ମନର ସଙ୍ଗେ ଆଇବା ବେଲେ, ତମେ କାଇ ଦସ୍ ନ ଅଇତେ ଆରି ସୁକଲ୍ ଅଇ, ବାବା ପର୍ମେସରର୍ ମୁଆଟେ ଟିଆଅଇସା ।

୪

ପର୍ମେସର୍ ଦେକ୍‌ବା ଇସାବେ ସାନ୍ତିରେ ରଇବା ଜିବନ୍

୧ ତେବେ ଏ ବାଇମନ୍ ସାରାସାରି ବେଲାଇ କେନ୍ତାରି ଚଲାଚଲ୍‌ତି କଲେ ପର୍ମେସର୍ ସାରଦା ଅଇସି, ସେ ବିସଇ ତମେ ଆମରଗାନେଅନି ସିକିଆଗାସ୍ । ଆରି ସେନ୍ତାରିସେ ଚଲାଚଲ୍‌ତି କଲାସିନି । ତମେ ଜେନ୍ତାରି କଲାସିନି, ସେ ଇସାବେ ଆରି ଆଗତୁ ଆଗତୁ ଜିବାକେ ଆମେ ତମକେ ମାପରୁ ଜିସୁର୍ ନାଉଦାରି ବାବୁଜିଆ କରି ସାରଦା କରାଇଲୁନି ।

୨ କାଇକେବଇଲେ ମାପରୁ ଜିସୁର୍ଗାନେଅନି ଆଦେସ୍ ପାଇକରି ଜାଇ ଜାଇଟା କର୍ବାକେ କଇରଇଲୁ, ସେଟା ତମେ ଜାନାସ୍ ।

୩ ଜେନ୍ତାରି କି ତମେ ବେସିଆ କାମ୍‌ଗାନେଅନି ବିନେ ରଇକରି, ସୁକଲ୍ ସଙ୍ଗେ ରଇବାଟା ପର୍ମେସର୍ ମନ୍ କଲାନି ।

୪ ସବୁଲକ୍ ସୁକଲ୍ ଆରି ଆଲାଦ୍‌ସଙ୍ଗେ ନିଜର୍ ନିଜର୍ ମାଇଜିମନର୍ ସଙ୍ଗେ ରଇବାକେ ସିକା ।

୫ ଆରି, ଜେନ୍ତାରି ବିସ୍‌ବାସ୍ ନ କଲା ଲକ୍ମନର୍‌ପାରା ପର୍ମେସରର୍ ବାକିଅ ନ ମାନିକରି ଆସାର୍ କାମ୍ କରାନାଇ ।

୬ ଜେ ଜଦି ଏ ବିସଇ ନ ମାନିକରି କନ୍ ବିସ୍‌ବାସି ବାଇକେ ମିସା ଅନିଆଇ କର୍ସି ବଇଲେ, ମାପରୁ ଏ ସବୁ ବିସଇ ନେଇ ତଣ୍ଟି ଦେଇସି । ଏ କାତା ଆମେ ପୁର୍ବେ ଜାନାଇଦେଇ ଆତୁ ।

୭ କାଇକେବଇଲେ ପର୍ମେସର୍ ଆମକେ ସୁକଲ୍ ନ ଅଇକରି ଜିଉନା କାଉନା କର୍ବାକେ ତାକେନାଇ ମାତର୍ ସୁକଲ୍ ଅଇ ରଇବାକେ ତାକିଆଟେ ।

୮ ତେବେ ଜେ ଆମର୍ ଏ ସିକିଆ ନ ନାମେ, ସେ ଅବ୍‌କା ମୁନୁସ୍‌କେ ନ ନାମେ । ମାତର୍ ଜନ୍ ପର୍ମେସର୍ ତମର୍ ବିତ୍‌ରେ ସୁକଲ୍‌ଆତ୍‌ମା ଦେଇସି, ତାକେ ନ ନାମେ ।

୯ ଏ କିରିସ୍‌ଟ ବିସ୍‌ବାସି ବାଇବଇନିମନ୍, ତମର୍ ଆଲାଦ୍ କର୍ବା ବିସଇ ଆମେ ଆରି ଅଦିକ୍ ଲେକ୍‌ବାର୍ ଦର୍‌କାର୍ ନାଇ । କାଇକେବଇଲେ ତମେ ପର୍ମେସର୍‌ଗାନେଅନି ନିଜର୍ ନିଜର୍ ବିତ୍‌ରେ ଆଲାଦ୍ କର୍ବାଟା ସିକିଆଗାସ୍ ।

୧୦ ଆରି ଗୁଲାଇ ମାକିଦନିଆଇ ରଇବା ସବୁ ବିସ୍‌ବାସି ବାଇମନ୍‌କେ ସେନ୍ତାରି କଲାସିନି । ଏଲେମିସା, ତମେ ଆରି ଅଦିକ୍ ଅଦିକ୍ ସେନ୍ତାରି କରା ।

୧୧ ଆରି ତମକେ ପୁର୍ବେ ଦିଆଅଇରଇବା ଆଦେସ୍ ଇସାବେ ତମେ ସାନ୍ତିସଙ୍ଗେ ରଇକରି ନିଜର୍ ନିଜର୍ କାମେ ଲାଗିରୁଆ, ପାଇଟି କାବାଡ୍ କରି ରୁଆ । ଏଟାର୍‌ପାଇ ଆମେ ତମକେ ବାବୁଜିଆ କଲୁନି ।

୧୨ ଏନ୍ତାରି କଲେ ବିସ୍‌ବାସ୍ ନ କର୍ବା ଲକ୍ମନର୍ ମିସା ତମକେ ନାମବାଇ । ଆରି କାଇଟା ମିସା ଅବାବ୍ ନ ଅଏ । ତମକେ ଦର୍‌କାର୍ ରଇବା ବିସଇପାଇ ବିନ୍‌ଲକ୍‌କେ ଆସା କର୍ବାକେ ନ ପଡେ ।

ମାପରୁ ଆରିତରେକ୍ ଆଇବାଟା

୧୩ ଏ ବାଇବଇନିମନ୍, ଆସା ନ କର୍ବା ବିନ୍ ଲକ୍ମନର୍ ପାରା ଦୁକ୍ ଚିନ୍ତା ଅଇ ରୁଆନାଇ । ଏଟାର୍‌ପାଇ ତମେ ମରିଜାଇରଇବା ଲକ୍ମନର୍ ବିସଇ ଜାନିରୁଆ ।

୧୪ କାଇକେବଇଲେ ଜିସୁ ମରିକରି ଆରିତରେକ୍ ଉଟିଆଟେ ବଲିକରି ଆମେ ବିସ୍‌ବାସ୍ କଲୁନି । ତେବେ ଆମେ ତାଟ୍ ସଙ୍ଗେ ଜାନି ଆରୁ କି, ଜନ୍ ଲକ୍ମନର୍ ଜିସୁକେ ବିସ୍‌ବାସ୍ କରି ମରିଆଟ୍‌ଡ୍, ସେ ଆରିତରେକ୍ ଆଇଲେ ପର୍ମେସର୍ ତାର୍ ସଙ୍ଗେ ସେମନ୍‌କେ ଦାରିଜାଇସି ।

୧୫ ଏବେ ଆମେ ତମକେ ଜନ୍ ସିକିଆ ଦେଲୁନି, ସେଟା ମାପରୁର୍ ସିକିଆ । ମାପରୁ ଆଇବା ବେଲେ ଜେଡ୍‌କି ଲକ୍ ଆମେ ନ ମରିକରି ଜିଇ ଆରୁ, ଆମେ ଦେକ୍‌ବା ଆଗତୁ ମରିଜାଇରଇବା ବିସ୍‌ବାସିମନ୍ ମାପରୁକେ ଦେକ୍‌ବାଇ ।

୧୬ କାଇକେବଇଲେ ମାପରୁ ନିଜେ ଆଦେସ୍ ଦେଇ, ମୁକିଆ ଦୁତର୍ ସର୍ ଆରି ପର୍ମେସରର୍ ବାଜାମଇରି ସଙ୍ଗେ ସର୍‌ଗେ ଅନି ଉତ୍‌ରସି । ଜିସୁକିରିସ୍‌ଟକେ ବିସ୍‌ବାସ୍‌କରି ଜନ୍‌ଲକ୍ମନର୍ ମରିଆଟ୍‌ଡ୍ ସେମନ୍‌ ତେଇ ପର୍ତମେ ଉଟ୍‌ବାଇ ।

୧୭ ତାର୍‌ପଟେ ଆମେ ଜେଡ୍‌କି ଲକ୍ ଜିବନ୍ ରଇବୁ, ସେବେଲେ ମେର୍‌ମାଲାଅନି ସେମନ୍‌ସଙ୍ଗେ ଉଡ୍‌ରିକରି ସବୁବେଲେ ମାପରୁର୍ ସଙ୍ଗେ ସର୍‌ଗପୁରେ ରଇବୁ ।

୧୮ ଏସବୁ କାତାମନ୍ ସୁନାଇକରି ତମେ ନିଜର୍ ନିଜର୍ ଲକ୍ମନକେ ସାଆସ୍ କରାଆ ।

୫

ମାପରୁ ଆରିତରେକ୍ ଆଇଲାନି ତିଆର୍ ଅଇରୁଆ

୧ ଏ ବାଇମନ୍, ମାପରୁ ଜିସୁର୍ ଦିନ୍ କେବେ ଆରି କେତେବେଲେ ଗଟ୍‌ସି, ସେ ବିସଇ ତମକେ ଆରି ଅଦିକ୍ ଲେକ୍‌ବାକେ ଲଡା ନାଇ,

୨ ଏକାଇକେବଇଲେ ମାପରୁର୍ ଦିନ୍ ଗଟେକ୍ ଚର୍ ରାତିଆ ଗରେ ଆସି ପୁର୍‌ଲାପାରା କେଟ୍‌ସି ।

☆ ୪:୧୫ ୧ମ କରନ୍ତିୟ ୧୫:୫୧,୫୨ ☆ ୫:୨ ମାତିଉ ୨୪:୪୩; ଲୁକ୍ ୧୨:୩୯; ୨ ଯ ପିତର୍ ୩:୧୦

୩ ଜେଡେବେଲେ ଲକ୍ମନ ସାନ୍ତ୍ରିସଙ୍ଗ ରଇକରି ଆମକେ ଆରି କାଇ ବିପଦ ନ ଆସେ ବଲି ବାବ୍‌ଡେରଇବାଇ, ସେଡକିବେଲେ ଅଟାଡ ଗାଗଡେଅଇ ରଇଲା ମାଇଜିକେ ପିଲା ଜନମ୍ ଅଇବାବେଲର୍ ଦୁକାସୁକାପାରା ବିନାସର୍ ବେଲା ଆସି କେଟ୍‌ସି । ଆରି ସେମନ୍ କାଇଟା କଲେମିସା ଡେଇଅନି ବଠି ନାପାରଡ ।

୪ ମାଡର୍ ଏ ବାଇବଇନିମନ୍, ଏବେ ତମେ ଆନ୍ଦାରେ ବାସାଅଇ ରୁଆସ୍ ନାଇ । ଡେବେ ସେ ଦିନ୍ ତମର୍ ନାଜାନ୍‌ଡେ ଆରି ଜାଗରଡ ନ ରଇଲା ବେଲାଇ ଚର୍ପାରା ଅଇ ନ ଆସେ ।

୫ ତମେ ସବୁଲକ୍ ଉଜଲ୍ ଆରି ଦିନ୍ ବେଲର୍ ପିଲାମନ୍ । ଆମେ ରାତିଆଇ କି ଆନ୍ଦାରେ ରଉନାଇ ।

୬ ଡେବେ ଆସା, ଆମେ ବିନ୍ ଲକ୍ମନର୍ ପାରା ଗୁନି ଗୁନି କରି ନ ରଉ । ଚେତା ଅଇକରି ଜାଗରଡସଙ୍ଗ ରଉ ।

୭ ଡେବେ ଜନ୍ ଲକ୍ମନ୍ ସଇବାଇ, ସେମନ୍ ରାତିବେଲେ ସଇବାଇ । ଆରି ଜନ୍ ଲକ୍ମନ୍ ମାଡବାଇ, ସେମନ୍ ରାତିଆ ମାଡବାଇ ।

୮ *ଆମର୍ ବିସବାସ୍ ଆରି ଆମର୍ ଆଲାଦ୍ ଗଟେକ୍ ରକିଆ ପାଇବା ଲୁଆର୍ ବସ୍‌ଡର୍ ପାରା ରକିଆ କର୍ସି । ଆମର୍ ଆସା ଗଟେକ୍ ଲୁଆର୍ ଟପି ପାରା ଆମକେ ରକିଆ କର୍ସି ।

୯ କାଇକେବଇଲେ ପର୍ମେସର୍ ଆମକେ ରିସାର୍ ମୁତାର୍ ଡଣ୍ଡ ପାଇବାକେ ନ ବାଟିକରି ଆମର୍ ମାପୁରୁ ଜିସୁକିରିସ୍‌ଟର୍ ଲାଗି, ମୁକ୍ତି ପାଇବାକେ ତିଆର୍ କଲାଆଚେ ।

୧୦ ସେ ଆମର୍ ଲାଗି ତାର୍ ଜିବନ୍ ଦେଲା । ଜେଡକି ଆମେ ଜାଗରଡ ଅଇକରି ରଇଲେ କି ସଇକରି ରଇଲେ ମିସା ତାର୍ ସଙ୍ଗ ଜିଇକରି ରଇବାର୍ ଅଇସି ।

୧୧ ଡେବେ ତମେ ଜେଡ୍‌ଗାରି କଲାସ୍‌ନି, ସେଡ୍‌ଗାରି ନିଜର୍ ଲକ୍ମନକେ ଦୁକ୍ ସାରାଆ । ଆରି ସାଇଜ କର୍ଡେରୁଆ ।

ସାରାସାରି କାତା

୧୨ ଏ ବାଇବଇନିମନ୍, ଆମେ ତମକେ ଗୁଆରି କଲୁନି । ତମର୍ ବିଡରେ ଜନ୍ ଲକ୍ମନ୍ କସ୍‌ଟ କର୍ବାଇ, ଆରି ମାପୁରୁର୍ ସେବା କାମେ ମିସିକରି, ନେତା ପାରା ରଇକରି ତମକେ ସିକାଇବାଇ, ସେମନ୍‌କେ ମାନିଅ କରା ।

୧୩ ତାକର୍ କାମର୍ ଲାଗି ସେମନ୍‌କେ ଜିବନ୍ ପରାନ୍ ଦେଇକରି ଆଲାଦ୍ କରା । ନିଜର୍ ନିଜର୍ ଲକ୍ମନର୍ ସଙ୍ଗ ସାନ୍ତ୍ରିସଙ୍ଗ ରୁଆ ।

୧୪ ଏ ବାଇବଇନିମନ୍, ଆମେ ତମକେ ଗୁଆରି କଲୁନି । ପାଇଟି କାବାଡ ନ କରି ବାଡୁ ଅଇ ରଇବା ଲକ୍ମନକେ ଜାଗରଡ କରା । ତାକଲା ପୁଣ୍ଡଲା ଲକ୍ମନକେ ଜତନ୍ କରା । ଡର୍‌ବା ଲକ୍ମନକେ ସାଆସ୍ ଦିଆସ୍ । ଲକ୍ମନର୍ କୁଆ କାତା ମୁର୍ଚି କରି ରୁଆ ।

୧୫ ଜାଗରଡା, କେ ମିସା କାର୍‌ଆଲେ ଅନିଆଇର୍ ବାଦୁଲେ ଅନିଆଇ ନ କରା । ତାର୍ ବାଦୁଲେ ନିଜର୍ ନିଜର୍ ବିଡରେ ଆରି ସବୁଲକ୍‌ର୍ ପାଇ ସବୁବେଲେ ମଙ୍ଗଲ୍ କର୍ବାକେ ଚେସ୍‌ଟା କରା ।

୧୬ ସବୁବେଲେ ସାର୍‌ଦାଅଇ ରୁଆ ।

୧୭ ସବୁବେଲେ ପାର୍‌ତନା କରା ।

୧୮ ସବୁ ସୁକ୍ ଦୁକ୍ ବେଲେ ମାପୁରୁକେ ଦନିଅବାଦ୍ ଦିଆସ୍ । କାଇକେବଇଲେ କିରିସ୍‌ଟ ଜିସୁର୍ ସଙ୍ଗ ମିସିକରି ଜିଉନା କାଉନା କଲାସ୍‌ନି ବଲି ପର୍ମେସର୍ ତମର୍‌ଟାନେ ଅନି ମାଙ୍ଗଲାନି ।

୧୯ ସୁକଲ୍‌ଆଡମାକେ ଏଲା କରାନାଇ ।

୨୦ ସୁକଲ୍‌ଆଡମା କଇଲା କାତା ଏଲା କରାନାଇ ।

୨୧ ସବୁ ବିସଇ ପରିକା କରି ଦେକା, ଜନ୍‌ଟା ସଡ, ସେଟା ଚାଡାନାଇ ।

୨୨ ସବୁ ରକାମର୍ କାରାପ୍ କାମେଅନି ଦୁରିକେ ରୁଆ ।

୨୩ ନିଜେ ସାନ୍ତ୍ରି ଦେବା ପର୍ମେସର୍ ତମକେ ପୁରାପୁରୁନ୍ କରି ସୁକଲ୍ କର । ଆରି ଆମର୍ ମାପୁରୁ ଜିସୁ ଆରିତରେକ୍ ଆଇବା ବେଲେ, ତମର୍ ଆଡମା, ଜିବନ୍, ଗାଗଡ୍ କାଇ ଦସ୍ ପାପ୍ ନ ଅଇକରି ସଙ୍ଗ ରଅ ।

୨୪ ଜେ ତମକେ ବାଟ୍‌ଲା ଆଚେ, ସେ ସେଟା କର୍ସି । କାଇକେବଇଲେ ସେ ବିସ୍‌ବାସ୍ ରକ୍‌ବା ଲକ୍ ।

୨୫ ଏ ବାଇବଇନିମନ୍, ଆମର୍‌ପାଇ ମିସା ପାର୍‌ତନା କରା ।

୨୬ ସବୁ ବାଇମନ୍‌କେ ସୁକଲ୍ ରଇ, ଆଡେ ଦାରି କୁଆର୍ କରା ।

୨୭ ସବୁ ବାଇବଇନିମନ୍‌ର୍ ଲଗେ ଏ ଚିଟି ପଡାଆ ବଲି ମୁଇ ମାପୁରୁର୍ ନାଉଁ ଦାରି ତମକେ ମୁଇ ତିଆର୍‌ଲିନି ।

୨୮ ମାପୁରୁ ଜିସୁ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ ର ।

ତେସଲନୀକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ଦ୍ୱିତୀୟ ପତ୍ର ୨ ଯୁ ତେସଲନିକିୟ ମଣ୍ଡଳୀର ବିସ୍ତୃତୀକରଣକୁ ପାଉଲ ଦୁଇପାଲି ଚିଠି ଲେଖିଲାଟା

ଏ ବଇର ବିସଇ ଜାନବାଟା

୨ ଯୁ ତେସଲନିକିୟ ବଇ ତେସଲନିକିୟ ମଣ୍ଡଳୀତେଇ ଲେଖିଲା ଦୁଇ ପାଲି ଜାଇରଇଲା ଚିଠି । ଏ ଚିଠି ପେରିଡ଼ ପାଉଲ ଲେଖାଇରଇଲା ୧:୧ । ୧ ମ ତେସଲନିକିୟର ଦାପେ ଦାପେସେ କିରିସ୍ତ ଜନମ୍ କରି ୫୧ ବରସ ଗାଲା ପତେ ଏ ଚିଠି ଲେଖି ରଇଲା । ତେସଲନିକିୟ ମଣ୍ଡଳୀକେ ଚିଠି ଲେଖିଲା ବେଲେ ପାଉଲ କରନ୍ତିୟ ମଣ୍ଡଳୀତେଇ ରଇଲା । ଜନ୍ ମଣ୍ଡଳୀକେ କି ସେ ମିସନାରି ଇସାବେ ଦୁଇ ପାଲି ଗାଲାବେଲେ ଗତି ରଇଲା ପେରିଡ଼ ୧୭:୧-୧୦ ।

କେତେଟା ଜିଉଦିମନ୍ ଆରି କେତେଟା ଗିରିକ୍ ଲକ୍ମନର୍ ଲାଗି ଏ ମଣ୍ଡଳୀ ତାପନା ଅଇଲା ଆତେ ବଲି ପେରିଡ଼ ବଇଟାନେ କଇଲାଅତଡ଼ । ତେସଲନିକିୟ ମଣ୍ଡଳୀ ଲେଖାଅଇରଇବା ଚିଠିଟାନେ କିରିସ୍ତ ଆରିତରେକ୍ ଆଇବାଟା ଆରି ସାରାସାରିବେଲାର ବିସଇ ଲେଖାଅଇଲାଆତେ । କାଇକେବଇଲେ ପାଉଲ ତାର ଚିଠିଟାନେ ଏ ଦୁଇଟା ଜାକ ତେସଲନିକିୟ ମଣ୍ଡଳୀକେ ଲେଖିଆତେ । ୨ ଯୁ ତେସଲନିକିୟଟାନେ ଲେଖାଇରଇବା ବିସଇ ପାକାପାକି ଅଦା ବିସଇ ସାରାସାରିବେଲା ବିସଇରେସେ ଆତେ । ପାଉଲ ଅଲ୍ପିଆ ବିସଇନେଇ ମିସା ତରିକ୍ନା କରାଇଲାନି । ସବୁ ମୁନୁସ୍ ଜାତି ସେମନର୍ କାଦିର୍ ପାଇ ପାଇଟିକାବାଡ଼ କର୍ବାର ଆତେ ୩:୨-୧୦ ।

ଏ ବଇ ବିଡ଼ରେ ରଇବାଟା

- ୧. ପାଉଲ ତାର ଚିଠିଟାନେ ତାର ନିଜର୍ ମଇତର୍ମନକେ ତିନାର୍ ଜାନାର୍ କରାଇ ଆରାମ୍ କଲାନି । ୧:୧-୨
- ୨. ତେସଲନିକିୟ ମଣ୍ଡଳୀର ପାଇ ପରମେସର୍କେ ଦନିଅବାଦ୍ ଦେଲାନି ଆରି ପାର୍ତନା କଲାନି । ୧:୩-୧୨
- ୩. ୨ ଯୁ ଅଦିଆଇ ଜଗତର୍ ସାରାସାରି ବେଲାର୍ ବିସଇ କଇଲାନି । ୨:୧-୧୭
- ୪. ସେ ଅଲ୍ପକେ ବିରଦ୍ କଲାନି ଆରି ପାଇଟିକାବାଡ଼ କର୍ବା ବିସଇ କଇଲାନି । ୩:୧-୧୫
- ୫. ପାଉଲ ଆରିତରେକ୍ ମଣ୍ଡଳୀର ଲକ୍ମନକେ ଜୁଆର୍ ଜାନାଇକରି ସାରାଇଲାନି । ୩:୧୬-୧୮

୧ *ମୁଇ ପାଉଲ, ବାବା ପରମେସର୍ ଲଗେ ଆରି ମାପୁରୁ ଜିସୁକିରିସ୍ତ ତେଇ ରଇବା ତେସଲନିକିୟ ମଣ୍ଡଳୀର ଲକ୍ମନକେ ଏ ଚିଠି ଲେଖି ପାଟାଇଲାନି । ମର୍ ସଙ୍ଗ୍ ରଇକରି ସିଲା ଆରି ତିମତି ମିସା ଜୁଆର୍ ଜାନାଇଲାଇଲାନି ।

୨ ଆମର୍ ବାବା ପରମେସର୍ ଆରି ମାପୁରୁ ଜିସୁକିରିସ୍ତ ତମକେ ଜିବନ୍ ଦୁକାଇ ସାନ୍ତି ଦେଅ ।

ଜିସୁ ଆରିତରେକ୍ ଆସି ବିଚାର କର୍ବାଟା

୩ ଏ ବାଇବଇନିମନ୍ ତମର୍ପାଇ ଆମେ ପରମେସର୍କେ ସବୁବେଲେ ଦନିଅବାଦ୍ ଦେବା କାତା । ଏଟା ଟିକ୍ ବିସଇ । କାଇକେବଇଲେ ତମର୍ ବିସ୍ତାସ୍ ଅଦିକ୍ ଅଦିକ୍ ଅଇଲାନି । ଆରି ତମର୍ ନିଜର୍ ନିଜର୍ ବିଡ଼ରେ ସବୁଲକ୍କେ ଆଲାଦ୍ ବଢ଼ିଗାଲାନି ।

୪ ତମେ ଜେଡ଼କି ସବୁ ଉତ୍ତାସୁନିକରି ମିସା ବିସ୍ତାସ୍ କରି ବପୁସଙ୍ଗ୍, ତାଟ୍ ଅଇକରି ଆତାସ୍ । ଏ କାତା ଆମେ ପରମେସର୍ ମଣ୍ଡଳୀମନକେ ବଡ଼ପନ୍ ଅଇକରି କଇଲୁନି ।

୫ ପରମେସର୍ ଜନ୍ ରାଇଜର୍ପାଇ ତମେ ଦୁକ୍ କସ୍ଟ ପାଇଲାସ୍ନି, ସେ ରାଇଜ୍ ପାଇସା । ପରମେସର୍ ବିଚାର କର୍ବାଟା ଟିକ୍ ଆକା, ଇତିଅନି ସେଟା ଜାନିଅଇଲାନି ।

୬ ଜନ୍ଟା ଟିକ୍, ସେଟା ପରମେସର୍ ପୁରାପୁରୁନ୍ କର୍ସି । ଜନ୍ଲକ୍ମନ ଏବେ ତମକେ କସ୍ଟ ଦେଲାଇନି, ସେମନ୍ କସ୍ଟ ପାଇବାଇ ।

୭ ପରମେସର୍ ତମର୍ ଦୁକ୍ କସ୍ଟ ଅଇବାଟା ସାରାଇକରି ଆମକେ ମିସା ସାନ୍ତି ଦେଇସି । ଜେତେବେଲେ ମାପୁରୁ ଜିସୁ ସର୍ଗେଅନି ତାର ବପୁର୍ ଦୁଡ଼ମନର୍ ମଜାଇ ବପୁଅଇ ଆଇସି, ପରମେସର୍ ଏ କାମ୍ ପୁରାପୁରୁନ୍ କର୍ସି ।

୮ ଜନ୍ଲକ୍ମନ ପରମେସର୍କେ ନାଜାନଡ଼, ଆରି ଆମର୍ ମାପୁରୁ ଜିସୁର୍ ବାକିଅ ନ ମାନଡ଼, ସେନ୍ତାରି ଲକ୍ମନକେ ସେ ଡଣ୍ଡ ଦେବାକେ ଲାଗିତେରଇବା ଜଇସଙ୍ଗ୍ ଆଇସି ।

୯ ସେ ଲକ୍ମନ ମାପୁରୁର୍ ମୁଆଟେ ତାଟ୍ସଙ୍ଗ୍ ତାକ୍ପୁଟା ପାଇବା ତେଇଅନି, କାଲ୍ କାଲ୍ ଜୁଗ୍ ଜୁଗ୍ ପାଇ କୁରୁପ୍ନାସ୍ ଅଇଜିବାଇ ।

୧୦ ସେଦିନେ ମାପୁରୁ ତାର ଲକ୍ମନର୍ ଟାନେଅନି ଆରି ସବୁ ଲକ୍ମନର୍ ଟାନେଅନି ତାକ୍ପୁଟା ଅଇ ସନ୍ମାନ୍ ପାଇସି । ଏମନର୍ ବିଡ଼ରେ ତମେ ମିସା ମିସାସା । କାଇକେବଇଲେ ଆମେ ଜନ୍ କବର୍ ଦେଇରଇଲୁ, ସେଟା ତମେ ବିସ୍ତାସ୍ କଲାସ୍ ଆରି ମାନିଲାସ୍ ।

* ୧:୧ ପେରିଡ଼ ୧୭:୧

୧୧ ତମକେ ଜେନ୍ତ୍ର ଜିଉନା କାଉନା କରବାପାଇ ପରମେସର୍ ବାଟ୍ଲା ଆତେ, ସେନ୍ତାରି ଚଲାଚଲତି କରାଇବାକେ ଆମେ ପରମେସର୍କେ ଗୁଆରି କଲୁନି । ସେ ତାର ବପୁସଙ୍ଗ ସବୁ ଆସା କରବା ସତ୍ ପୁରାପୁରୁନ୍ କରି ତମର୍ ବିସ୍ବାସ୍ ଡାଢ଼ କର । ସେଟାପାଇ ଆମେ ସବୁବେଳେ ତମର୍ଲାଗି ପାର୍ତନା କଲୁନି ।

୧୨ ଏନ୍ତାରି କଲେ ଆମର୍ ସବୁଲକର୍ ପରମେସର୍ ଆରି ମାପୁରୁ ଜିସୁକିରିସ୍ଟ ଜିବନ୍ ଦୁକାଇ ତମ୍‌କେ ମିସା ଡାକ୍‌ପୁଟା କରାଇସି । ଆରି ତମେ ମିସା ତାର୍‌ଟାନେ ଡାକ୍‌ପୁଟା ଅଇସା ।

୨

କାରାପ୍ କରବା ଲକ୍

୧ *ଏ ବାଇବଇନିମନ୍, ମାପୁରୁ ଜିସୁକିରିସ୍ଟ ଆରିତରେକ୍ ଆଇବା ବିସଇ ଆରି ତାର୍‌ଲଗେ ଆମେ ସବୁଲକ୍ ରୁଣ୍ଡୁଅଇବା ବିସଇ, ତମ୍‌କେ ଆମେ ବାବୁଜିଆ କଲୁନି ।

୨ କାର୍‌ଲଗେଅନି ମିସା ମାପୁରୁର୍ ଦିନ୍ କେଟ୍‌ଲାବେ, ବଲିକରି ସୁନିଦେଇ କିଲ୍‌ବିଲ୍ ଉଆନାଇ । ଜଦି ସେ କବର୍ ଆମେ ବବିସତ୍‌କାତା କଇଲୁ କି ଜାନାଇଲୁ ନଇଲେ ଚିଟିଟାନେ ଲେକିଆତତ୍ ବଲି ସୁନଲେ ମିସା ସେନ୍ତାରି ଉଆନାଇ ।

୩ କେ ମିସା ସେନ୍ତାରିକରି ତମ୍‌କେ ବୁଲ୍ ବାଟେ ନ ନେଅ । କାଇକେବଇଲେ ପର୍‌ତୁମ୍ ଦରମର୍ ପାଇ ବିରଦ୍ ଅଇସି । ତାର୍‌ପତେ ବିନାସ୍ କରୁ ଜେ କି ପାପି ମୁନ୍‌ସ୍ ଆଇବା ଦର୍‌କାର୍ । ସେ ପାପି ମୁନ୍‌ସ୍ ନ ସାର୍‌ବା ମରନେ ଜାଇସି ।

୪ ସେ ଦୁରାଚାର୍ ମୁନ୍‌ସ୍ ଜନ୍ ସବୁ ବିସଇ ପରମେସର୍‌ର ବଲି ଲକ୍‌ମନ୍ ପୁଜା କଲାଇନି, ସବୁଟାନେଅନି ସେ ନିଜେ ମୁକିଅ ବଲି କଇସି । ଜେନ୍ତ୍ର କି ପରମେସର୍‌ର ମନ୍ଦିରେ ବସିକରି ମୁଇ ଆକା ପରମେସର୍, ବଲି ଦେକାଇ ଅଇସି ।

୫ ମୁଇ ତମର୍ ସଙ୍ଗ୍ ରଇଲାବେଲେ ତର୍‌କେ ତର୍ ଏ ସବୁ ବିସଇ ଏତାଇ ଦେଇତେ ରଇଲି । ସେଟା କାଇ ତମର୍ ମନେ ନାଇ କି ?

୬ ଅଇଲେମିସା ସେ ବିପଦ୍ ଏବେ ନ ଗଟେତା । କାଇକେବଇଲେ ତାର୍‌ସଙ୍ଗ୍ ଜୁଜ୍‌ବାକେ ଏବେ ଗଟେକ୍ ବପୁ ଆତେ । ସେଟା କାଇ ତମେ ଜାନାସ୍ କି ? ସମାନ୍ ବେଲାଇ ସେ କାରାପ୍ ଲକ୍ ବାରଇସି ।

୭ କାଇକେବଇଲେ ଏବେ ମିସା ଲୁଚ୍‌ତେ ଅନିଆଇର୍ ପାପ୍ କାମ୍ ଚାଲିଆତେ । ଜନ୍ କାରାପ୍ ଲକ୍ ମାପୁରୁର୍ ବାଟେ ଜିବା ଲକ୍‌ମନ୍‌କେ ବିରଦ୍ କଲାନି, ସେ ଲକ୍ ବିନାସ୍ ନ ଅଇବା ଜାକ, ଏଟା ଏନ୍ତ୍ରସେ ଅଇତେରଇସି ।

୮ ସେଡ୍‌କିବେଲେ ସେ କାରାପ୍ ଲକ୍ ଦେକାଇ ଅଇସି । ତାକେ ମାପୁରୁ ଜିସୁ ତାର୍ ନିଜର୍ ଟଣ୍ଡେଅନି ବାରଇବା ପୁଣ୍ଡା ସଙ୍ଗ୍ ନାସ୍ କରସି । ଆରି ତରେକ୍ ସେ ଡାକ୍‌ପୁଟା ସଙ୍ଗ୍ ଆଇବାବେଲେ ସେ କାରାପ୍ ଲକ୍ ବିନାସ୍ ଅଇଜାଇସି ।

୯ *ସେ କାରାପ୍ ଲକ୍, ସଇତାନର୍ ବପୁ ପାଇକରି ଆଇସି । ଆରି କାବା ଅଇବା କାମ୍‌ମନ୍ କରି ଦେକାଇସି ।

୧୦ କେତେ କେତେ ଲକ୍‌ମନ୍ ସେ କରବା କାମେ ଜାଇ କିଲ୍‌ବିଲ୍ ଅଇବାଇ ଆରି ନସ୍ଟ୍ ଅଇଜିବାଇ । ଜନ୍ ସତ୍ ମାନିକରି ସେବାଟେ ଗାଲେ, ସେମନ୍ ନ ସର୍‌ବା ଜିବନ୍ ପାଇତାଇ, ସେଟା ଚାଡିଦେଇରଇବା ଲାଗି ସେମନ୍‌କେ ଏ ଦସା ଅଇସି ।

୧୧ ସେମନ୍ ଜେନ୍ତ୍ରକି ମିର୍ କାତା ବିସ୍ବାସ୍ କରବାଇ, ସେଟାପାଇ ପରମେସର୍ ସେମନ୍‌ଟାନେ ସତ୍ ନଇବା ବପୁ ପାଟାଇସି ।

୧୨ ଜେନ୍ତ୍ରକି ଜନ୍ ଲକ୍‌ମନ୍ ସତ୍ ବିସଇ ବିସ୍ବାସ୍ ନ କରି ମିର୍ ବିସଇ ବିସ୍ବାସ୍ କରି ସାର୍‌ଦା ଅଇବାଇ, ସେମନ୍ ସବୁଲକ୍ ଏ ରକାମ୍ ଡଣ୍ଡୁ ପାଇବାଇ ।

ବିସ୍ବାସେ ତବିର୍ ଅଇରଇବାର୍

୧୩ ତେବର୍‌ପାଇ ଏ ବାଇବଇନିମନ୍, ତମର୍‌ପାଇ ସବୁବେଳେ ପରମେସର୍‌କେ ଦନିଅବାଦ୍ ଦେବାର୍ ଆତେ । କାଇକେ ବଇଲେ ପରମେସର୍ ତମ୍‌କେ ଆଲାଦ୍ କଲାନି ଆରି ଆଗେଅନି ସେ ତମ୍‌କେ ବାଟ୍‌ଲା ଆତେ । ଜେନ୍ତ୍ରକି ସେ ତମ୍‌କେ ରକିଆ କରି ପାରସି । ସୁକଲ୍ ଆଡ୍‌ମାର୍ କାମର୍ ଲାଗି ତମେ ସୁକଲ୍ ଅଇ ସତ୍ ବିସଇ ବିସ୍ବାସ୍ କରି ପାରସା ।

୧୪ ଆମେ ତମର୍‌ଟାନେ ଜନ୍ ନିମାନ୍ କବର୍ ଜାନାଇଆରୁ, ସେଟାପାଇ ପରମେସର୍ ତମ୍‌କେ ବାଟ୍‌ଲା ଆତେ । ଆମର୍ ମାପୁରୁ ଜିସୁ କିରିସ୍‌ଟର୍ ନାଉଁ ଡାକ୍‌ପୁଟା ଅଇବା ଟାନେ ମିସାଇବାକେ ବାଟିଆତେ ।

୧୫ ତେବେ ଏ ବାଇବଇନିମନ୍, ତମେ ତବିର୍ ଅଇକରି ରୁଆ । ଆମେ ବାକିଅ ଦେଲାଟାନେ ଅନି, କି ଚିଟିତେଇ ଅନି ତମେ ଜନ୍‌ଟା ସିକିଆଟାସ୍, ସେ ସବୁ ଚାଡାନାଇ ।

୧୬ ନିଜେ ଆମର୍ ମାପୁରୁ ଜିସୁ କିରିସ୍‌ଟ୍, ଆରି ଜନ୍ ଆମର୍ ବାବା ପରମେସର୍ ଆମ୍‌କେ ଆଲାଦ୍ କଲା, ସେ ଆକା ଆମ୍‌କେ ଜିବନ୍ ଦୁକାଇକରି କେବେ ନ ସାର୍‌ବା ବପୁ ଆରି ଆସା ଦେଇଆତେ ।

୧୭ ସେ ସବୁବେଳେ ସତ୍ କାମ୍ କରବାକେ ଆରି ବାକିଅତେଇ ତବିର୍ ଅଇ ରଇବାକେ ସାଇଜ କର ।

୩

ପାର୍‌ତନାର୍ ଲାଗି ଗୁଆରି

* ୨:୧ ୧ମ ଡେସଲନିକିୟ ୪:୧୫-୧୭ * ୨:୯ ମାଡିଉ ୨୪:୨୪

^୧ ଏ ବାଇବଇନିମନ୍, ସାରାସାରି ଆମର୍ପାଇ ପାର୍ତନା କରା । ମାପୁରୁ ବାକିଅ ତମର୍ ବିତ୍ରେ ଜେନ୍ତ୍ରିକି ଦାପ୍ରେ ତାବିଅଇ ଜାଇରଇଲା, ସେନ୍ତାରିସେ ଦାପ୍ରେ ଗୁଲାଇବାଟେ ବିତିଅଇକରି ଡାକ୍ପୁଟା ଅ ।

^୨ ଜେନ୍ତାରି କି ପର୍ମେସର୍ ଆମକେ ପଟ୍ଟକାର୍ ଆରି କୁଟିଆଲ୍ ଲକ୍ମନର୍ ଟାନେଅନି ରକିଆ କର । କାଇକେବଇଲେ, ସବୁଲକ୍ ମାପୁରୁ ବାକିଅ ବିସ୍ବାସ୍ କରଡ୍ ନାଇ । ଏଟାପାଇ ଆରିତରେକ୍ ପାର୍ତନା କରା ।

^୩ ମାତର୍ ମାପୁରୁ, କାତା ରକିଆକାରି । ସେ ତମକେ କାରାପୁଟାନେଅନି ରକିଆ କରି ତବିର୍ କରାଇସି ।

^୪ ଆମେ ଜେଡ୍‌କି ସବୁ ଆଦେସ୍ ଦେଲେ ମିସା ତମେ ସେଟା କଲାସ୍‌ନି, ଆରି କର୍ସା ମିସା । ଏଟା ମାପୁରୁ ଟାନେ ତମର୍ ବିସଇ ନେଇ ଆମେ ତାଟ୍‌ସଙ୍ଗର୍ ବିସ୍ବାସ୍ ।

^୫ ଆରି ମାପୁରୁ ତମର୍ ମନକେ ପର୍ମେସରର୍ ଆଲାଦ୍ ଆରି କିରିସ୍‌ଟର୍ ସାଆସ୍ ବାଟେ ଜିବାକେ ସାଇଜ କର ।

ଅଲସର୍ ବିରୁଦେ ଚେତାଇବାଟା

^୬ ଏ ବାଇବଇନିମନ୍, ଆମେ ତମକେ ଆମର୍ ମାପୁରୁ ଜିସୁ କିରିସ୍‌ଟର୍ ନାଉଁ ଦାରି ଆଦେସ୍ ଦେଲୁନି । କନ୍ ବାଇ ମିସା ଆମର୍ଟାନେଅନି ପାଇରଇବା ସିକିଆ ଇସାବେ ମାନିକରି ବାଡୁଅଇକରି ଚଲାଚଲ୍‌ତି କର୍ସି ବଇଲେ, ତାର୍ଟାନେଅନି ବେଗଲି ଦିଆସ୍ ।

^୭ କାଇକେବଇଲେ, ତମେ, ଆମେ କଲାପାରା କର୍ବା ଦରକାର୍ । ଆରି ସେଟା କେନ୍ତାରି କର୍ବାର୍ ନିଜେ ଜାନିଆଟାସ୍ । ସେଟାପାଇ ଆମେ ତମର୍ ଟାନେ ବାଡୁଅଇକରି ଚଲାଚଲ୍‌ତି କରୁନାଇ ।

^୮ କାର୍ ଗରେ ମିସା ଉଜେ ଉଜେ ମାଙ୍ଗି ନ କାଇଡେରଇଲୁ । ତମର୍ ବିତ୍ରେ କାର୍‌ମିସା ବଜ୍ ପାରା ନ ଅଇ ରଇକରି କସ୍‌ଟ ପାଇ, ଆବଡ୍ ପାଇଟି କରି ଦିନ୍‌ରାତି କାମ୍ କର୍ଡେରଇଲୁ ।

^୯ ତମକେ କାଇବାଟା ମାଙ୍ଗ୍‌ବାକେ ଆମର୍ ଅଦିକାର୍ ରଇଲା, ମାତର୍ ସେନ୍ତାରି କରୁନାଇ । କାଇକେବଇଲେ ତମର୍ପାଇ ଗଟେକ୍ ଉଦାଅରନ୍ ଦେକାଇବାକେ ସେନ୍ତାରି କଲୁ ।

^{୧୦} ତମର୍ ସଙ୍ଗ୍ ରଇଲାବେଲେ ଆମେ ତମକେ କଇରଇଲୁ, ଜନ୍ ଲକ୍ ପାଇଟି କାବାଡ୍ ନ କରେ, ସେ ବାଡ୍‌ପେଜ୍ ନ କାଅ ।

^{୧୧} ଏବେ ଏ କାତା ଆରିତରେକ୍ କଇଲୁନି, କାଇକେବଇଲେ ଆମେ କବର୍ ପାଇଲୁ ଆରୁଜେ, ତମର୍ ବିତ୍ରେ କେଡେକ୍ ଲକ୍ମନ୍ ବାଡୁ ଅଇକରି ଜିଉନାକାଉନା କଲାଇନି । କାଇ ପାଇଟି ନକରି ବିନ୍ ଲକର୍ କାମେ ମଜାଇ ଅଇସି ଆରି କାଇଟାମିସା ନ କରଡ୍ ।

^{୧୨} ମାପୁରୁ ଜିସୁକିରିସ୍‌ଟର୍ ନାଉଁ ଦାରି ଆମେ ସେ ଲକ୍ମନକେ ଜାଗ୍‌ରଡ୍‌କରି ଆଦେସ୍‌ଦେଲୁନି, ସେମନ୍ ସେନ୍ତାରି କର୍ବାଟା ଚାଡିଦେସ୍ । ଜେନ୍ତାରିକି ନିଜର୍ ପେଟ୍‌ପାଇ କାଦି ପାଇବାକେ ପାଇଟି କରଡ୍ ।

^{୧୩} ମାତର୍ ଏ ବାଇବଇନିମନ୍ ତମେ ସଡ୍‌କାମ୍ କର୍ବାକେ ତାକିଜାଆ ନାଇ ।

^{୧୪} ଏ ଚିଟିଲଗେ ତମକେ ଜନ୍ କବର୍‌ପାଟାଇଲୁ ଆରୁ, କେନ୍ତ୍ର ଆଲେ ତମର୍ ବିତ୍ରେଅନି କେ ମିସା ସେଟା ମାନ୍‌ବାକେ ମନ୍ ନ କରେ, ସେନ୍ତାରି ଲକ୍‌କେ ଚିନିରୁଆ ଆରି ତାର୍‌ସଙ୍ଗ୍ ମିସିବିଡି ରଇବାଟା ଚାଡି ଦିଆସ୍ ।

^{୧୫} ସେନ୍ତାର୍ କଲେ ସେ ଲାଜ୍ ଅଇଜାଇସି । ମାତର୍ ତାର୍‌ସଙ୍ଗ୍ ସଡ୍‌ରୁର୍ ପାରା କାତାବାର୍‌ତା ନ ଅଇକରି, ନିଜର୍ ବିସ୍‌ବାସି ବାଇପାରା ତାକେ ଜାଗ୍‌ରଡ୍ କରା ।

ସାରାସାରି କାତା

^{୧୬} ଜନ୍‌ମାପୁରୁ ଆମକେ ସାନ୍ତି ଦେଲାନ୍, ସେ ତମକେ ସବୁବେଲେ ଆରି ସବୁରକାମ୍ ସାନ୍ତିଦେଅ । ମାପୁରୁ ତମର୍ ସବୁରଲଗେ ରଅି ।

^{୧୭} ମୁଇ ମର୍ ନିଜର୍ ଆଡେ ଏଟା ଲେକ୍‌ଲିନି । ପାଉଲର୍ ଜୁଆର୍ ଜାନାଇଲୁନି । ମୁଇ ଲେକିରଇବା ସବୁ ଚିଟିପତର୍ ଲଗେ ମୁଇ ଏନ୍ତାରି ଦସ୍‌ତକଡ୍ କରି ଲେକିରଇବି ।

^{୧୮} ଆମର୍ ମାପୁରୁ ଜିସୁକିରିସ୍‌ଟର୍ ଜିବନ୍ ଦୁକାନି ତମକେ ସବୁକେ ମିଲ ।

ତୀମଥୁକ ନିକଟକୁ ପାଉଲଙ୍କର ପ୍ରଥମ ପତ୍ର ପାଉଲ୍ ତିମତିକେ ଲେକିରଇବା ପତ୍ରତୁମ୍ ଚିଠି ଏ ବଇର ବିସଇ ଜାନବାଟା

ପତ୍ରତୁମ୍ ତିମତି ବଇ ଗଟେକ୍ ଚିଠିପାରା । ପେରିଡ୍ ପାଉଲ୍‌ଟାନେଅନି ତରସିସ୍ ତିମତିର୍ପାଇ ଏ ଚିଠି ଲେକାଜାଇ ଆଟେ ।

ପତ୍ରତୁମ୍ ତିମତି ଜିସୁକିରିସ୍ଟ ଜନମ୍ ଅଇକରି ୨୨-୨୪ ବିଡ୍ରେ ଲେକାଅଇଆଟେ । ଏଟା ପାଉଲ୍‌ର୍ ଜିବନର୍ ସାରାସାରିର୍ ବେଲା ଅଇରଇସି କାଇକି । ପାଉଲ୍ ଆରି ତିମତି ଦୁଇଲକ୍ ମିସିବିଡିକରି ରଇଲା । ସେ କେବେକେବେ ତିମତିକେ ପ ବଲିକରି ଡାକ୍ତେ ରଇଲା । ପିଲିପିୟ ୨:୨୨; ପତ୍ରତୁମ୍ ତିମତି ୧:୨; ୧:୧୮ । ଏଟା ପାଉଲ୍‌ଟାନେ ଅନି ଲେକି ରଇବା ଚାଟା ଚିଠି ବିଡ୍ରେ ଅନି ଏଟା ଅଇଲାନି ଗଟେକ୍ । ଜନଟାନେକି ମଣ୍ଡଲିକେ ଚାଡିକରି ଗଟେକ୍ ଲକ୍‌ର୍ ବିସଇରେ ଜାନାଇଲାନି । ଅଲ୍‌ଗା ତିନଟା ବଇ, ଦୁତିଅ ତିମତି, ତିତସ୍ ଆରି ପିଲିମନ୍ । ପତ୍ରତୁମ୍ ତିମତିଟାନେ ମଣ୍ଡଲିକେ ଏନ୍ତାରି ଉପାସନା କର୍ବା ବିସଇ ଆଟେ । ୨:୧-୫ ।

ଇତି ମଣ୍ଡଲିର୍ ନେତାମନ୍ କେନ୍ତାରି ରଇବାଟାଆଟେ ସେ ବିସଇରେ ଲେକାଅଇଆଟେ । ୩:୧-୧୩ ମିର୍ ସିକିଆ ଦେଉମନଟାନେ ଅନି କେନ୍ତ୍ର ଜାଗରତା ରଇବାଟା ସେ ବିସଇରେ ଆଟେ । ୧:୧-୧୧, ୪:୧-୫, ୨:୨-୫ । ତିମତିକେ ମଣ୍ଡଲି ବିଡ୍ରେ କେନ୍ତାରି ଗଟେକ୍ ନେତାଅଇବା ଦର୍କାର୍ ସେଟା ପାଉଲ୍ ସିକିଆଦେବା ବିସଇ ଜାନାଇଲାନି ପତ୍ରତୁମ୍ ତିମତି ଏବର୍ ଗାଉଁମନ୍‌କେ ରଇବା ମଣ୍ଡଲି ଚାଲାଇବାକେ କେନ୍ତାରି କାମ୍ କର୍ବାଟା ଆଟେ ସେଟା ଜାନାଇଲାନି । ଆରି ଆମର୍ ଜୁଗର୍ ମଣ୍ଡଲିର୍ ନେତାମନ୍ ପାଇ କେତେଟା ମୁଲିକା ଉପାଇରେ ସିକାଇଲାନି ।

ଏ ବଇ ବିଡ୍ରେ ରଇବାଟା

- ୧. ପାଉଲ୍ ତିମତିକେ ଜୁଆର୍ ଜାନାଇକରି ଲେକ୍‌ଲାଟା ମୁଲିଆଇ ଆଟେ । ୧:୧-୨
- ୨. ପାଉଲ୍ ତିମତିକେ ମିର୍ ସିକିଆ ଦେବା ଗୁରୁମନ୍‌ର୍ ବାଟେ ନ ଜିବାକେ ଜାଗରତ୍ କରାଇଆଟେ । ୧:୩-୧୧
- ୩. ପାଉଲ୍ କିରିସ୍ଟକେ କେତେକ୍ ବିସ୍‌ବାସ୍ କଲାନି ସେଟା ଜିସୁଟାନେ ବୁଜାଇଲାନି । ୧:୧୨-୧୯
- ୪. ପାଉଲ୍ ମଣ୍ଡଲିଟାନେ ସେବାକର୍ବାଟା ଆରି ନେତାମନ୍‌ର୍ ବିସଇରେ ଆଦେସ୍ ଦେଇ ଆଟେ । ୨-୩
- ୫. ସାରାସାରି ପାଉଲ୍ ତିମତିକେ କେତେଟା କର୍ବା ବିସଇ ଜାନାଇକରି ଲେକା ସାରାଇଲାନି । ୪-୭

ତିମତିର୍ ଲଗେ ପେରିଡ୍ ପାଉଲ୍‌ର୍ ପତ୍ରତୁମ୍ ଚିଠି

୧ ମୁଇ ପାଉଲ୍ ଜିସୁକିରିସ୍ଟର୍ ଗଟେକ୍ ପେରିଡ୍, ଏ ଚିଠି ଲେକ୍‌ଲାନି । ଆମର୍ ମୁକ୍ତିକାରିଆ ପର୍ମେସର୍ ଆରି ଆମେ ଆସା କିରିରଇବା କିରିସ୍ଟ ଜିସୁର୍ ଆଦେସ୍ ଇସାବେ ବାଟିଅଇଆଟି ।

୨ *କିରିସ୍ଟକେ ବିସ୍‌ବାସ୍ କଲାର୍ପାଇ, ତୁଇ ତିମତି ମର୍ ନିଜର୍ ପଅ ଅଇ ଆରୁସ୍ । ଆମର୍ ବାବା ପର୍ମେସର୍ ଆରି ମାପରୁ ଜିସୁ କିରିସ୍ଟ ତମ୍‌କେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

ସଡ୍ ନଇଲା ଉପ୍‌ଦେସ୍ ପାଇ ଜାଗରତା

୩ ମୁଇ ମାକିଦନିଆଇ ଜିବା ଆଗ୍‌ତୁ ତମ୍‌କେ ଏପିସିଅତେଇ ରୁଆ ବଲି କଇରଇଲି । ତେଇ ଜନ୍ ଲକ୍‌ମନ୍ ବୁଲ୍ ସିକିଆ ସବୁ ଦେଲାଇନି, ସେମନ୍‌କେ ବୁଲ୍ ସିକିଆ ଦେବାଟା ବନ୍ କର୍ବାକେ ଆଦେସ୍ ଦିଆସ୍ ବଲି ମୁଇ ତମ୍‌କେ କଇରଇଲି ।

୪ ସେମନ୍ ଟଣ୍ଡେ ପାନ୍ କାତା କଇବାଇ ଆରି ଆଗ୍‌ତୁର୍ ଆନିଦାଦିମନ୍‌ର୍ କୁଟୁମର୍ କାତା ତିଆର୍ କର୍ବାଟା ଚାଡାବଲି ତିଆରା । ଲକ୍‌ମନ୍‌କେ ଏନ୍ତାରି ସିକିଆ ଦେଇତେରଇଲେ ଲକ୍‌ମନ୍ ତେଇ ଦଦାପେଲା ଅଇବାଇ । ବିସ୍‌ବାସ୍ ମାନିକରି ଜନ୍‌କାମ୍ ପର୍ମେସର୍ ସେମନ୍‌କେ କରତ୍ ବଲି ମନ୍ କଲାନି, ସେଟା ସେମନ୍ କରତ୍ ନାଇ ।

୫ ତମେ ଏନ୍ତାରିଟା ତିଆରା ଜେନ୍ତାରିକି, ସେମନ୍ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କର୍ବାଇ । ଜନ୍ ଲକ୍‌ମନ୍‌କେ ସଡ୍ ବିସ୍‌ବାସ୍ ଆରି ସୁକଲ୍ ଜିବନ୍, କାଇ କପର୍ ନ ରଇବା ମନ୍ ଆଟେ, ସେମନ୍‌ସେ ଏଟା କିରିପାର୍‌ବାଇ ।

୬ ମାତର୍ ଜନ୍ ଲକ୍‌ମନ୍ ବୁଲ୍ ସିକିଆ ଦେଲାଇନି, ଏ ସବୁ ବିସଇ ଚାଡିଦେଇକରି ତୁଟା ବିସଇ କାତା ଅଇଲାନି ।

୭ ନିୟମ୍ ଗୁରୁ ଇସାବେ ସବୁଲକ୍ ସେମନ୍‌କେ ନାମାଡ୍ ବଲି ସେମନ୍ ମନ୍ କଲାଇନି । ମାତର୍ ସେମନ୍ ସିକାଇବା ବିସଇ ନିଜେ ବୁଜଡ୍‌ନାଇ ଆରି ସାଆସ୍ ସଙ୍ଗ୍ ଜନ୍‌ଟା ସଡ୍ ବଲି କଇଲାଇନି, ସେଟା ସଡ୍ କି ନର୍ ବଲି ନାଜାନତ୍ ।

୮ ପର୍ମେସର୍‌ର୍ ନିୟମଟାନେ କାଇ ଅନିଆଇ ନାଇ । ମାତର୍ ଲକ୍‌ମନ୍ ସେଟା ଟିକ୍ ସଙ୍ଗ୍ ସିକାଇବାର୍ ଆଟେ ।

୯ ଦରମ୍ କାମ୍ କର୍ବା ଲକ୍‌ମନ୍‌ର୍ପାଇ ନିୟମ୍ ତିଆର୍ ନ ଅଇରଇଲା । ତାର୍ ବାଦୁଲେ ଜନ୍ ଲକ୍‌ମନ୍ ତାର୍ ବିରଦି ଅଇରଇଲା, ଆରି ତାର୍ କାତା ମାନି ନ ରଇଲା, ସେନ୍ତାରି ଲକ୍‌ମନ୍‌ର୍ ପାଇ ପର୍ମେସର୍ ନିୟମ୍ ତିଆର୍ କିରିରଇଲା । ଜନ୍ ଲକ୍‌ମନ୍ ପର୍ମେସର୍ ରଏ ନାଇ ବଲି ଚଲାଚଲ୍‌ତି କଲାଇନି, ଜନ୍ ଲକ୍‌ମନ୍ ପାପ୍ କର୍ବାଇ, କରାପ୍ କାମ୍

* ୧:୨ ପେରିଡ୍ ୧୭:୧

କର୍ତ୍ତେରଇବାଇ, ଆରି ପର୍ଯ୍ୟେସରକେ ସନ୍ମାନ ନ ଦେଇତେରଅଡ଼, ଜନ୍‌ଲକ୍‌ମନ୍ କି ତାକର୍ ଆୟା ବାବାମନ୍‌କେ ମରାଇବାଇ କି ବିନ୍‌ ଲକ୍‌ମନ୍‌କେ ମିସା ମରାଇବାଇ,

୧୦ ବେବିଟାର୍ କାମ୍ କରି ପାପ୍ କର୍ବାଇ, ମୁନ୍‌ସମୁନ୍‌ସ୍ ବିତ୍‌ରେ ଆରି ମାଇଜିମାଇଜି ବିତ୍‌ରେ ବେବିଟାର୍ କାମ୍ କର୍ବା ଲକ୍‌ମନ୍‌ରପାଇ, ଗତିଦାଙ୍ଗ୍‌ତା ଇସାବେ ଲକ୍‌ମନ୍‌କେ ବିକ୍‌ବା ସାଉକାର୍ ମନର୍‌ପାଇ, ଜନ୍‌ ଲକ୍‌ ସଡ଼ କଅଡ଼ନାଇ, ସଡ଼ସେ କଇବି ବଲି କାତା ଦେଇରଇକରି ମିଡ଼ କଇବା ଲକ୍‌ମନ୍‌ରପାଇ ଆରି ପର୍ଯ୍ୟେସରର୍ ବିସଇଟାନେ ରଇବା ସଡ଼ ସିକିଆ ବିରୁଦେ ଜେଡ଼କି ସବୁ କାତା ଉଟ୍‌ସି, ସେ ସବୁରପାଇ ।

୧୧ ଏ ସଡ଼ ସିକିଆ ସୁବ୍‌କବରର୍ ସିକିଆ ସଙ୍ଗ୍ ମିସସି । ଆମର୍ ତାକ୍‌ପୁଟା ପର୍ଯ୍ୟେସରର୍ ମଇମା ଆରି ଜନ୍‌ ସୁବ୍‌କବର୍ ଜାନାଅ ବଲି ସେ ମକେ ଦାଇଡ଼ ଦେଲାଆଟେ, ସେଟାମିସା ମିସସି ।

ମାପରୁର୍ ଦୟାର ପାଇ ଦନିଅବାଦ୍

୧୨ ଆମର୍ ମାପରୁ ଜିସୁ କିରିସ୍‌ଟକେ ମୁଇ ଦନିଅବାଦ୍ ଦେଲିନି । ସେ ମକେ ବପୁ ଦେଲାଆଟେ । ତାର୍ ମୁଆଟେ ଗଟେକ୍ ବିସ୍‌ବାସ୍ ସଙ୍ଗ୍ ରଇବା ଗତି ଦାଙ୍ଗ୍‌ତା ଇସାବେ ଏଜ୍‌ଲା ଆରି ତାକେ ସେବା କର୍ବାକେ ମକେ ବାଟ୍‌ଲା ।

୧୩ ଗଟେକ୍ ବେଲାଇ କିରିସ୍‌ଟର୍ ବିସଇର୍ କାରାପ୍ କାତା କଇତେରଇଲେ ମିସା ଆରି ବିନ୍‌ ବିସ୍‌ବାସିମନ୍‌କେ କାରାପ୍ ଇସାବେ ଦେକି ନିନ୍ଦା କର୍ତ୍ତେରଇଲି ମିସା, ପର୍ଯ୍ୟେସର୍ ମକେ ଦୟା ଦେକାଇଲା । କାଇକେବଇଲେ ମୁଇ କାଇଟା କର୍ତ୍ତେରଇଲି, ସେଟା ନିଜେ ନାଜାନ୍‌ତେରଇଲି । ଆରି ମୁଇ କିରିସ୍‌ଟକେ ବିସ୍‌ବାସ୍ ନ କରିରଇଲି ।

୧୪ ଆମର୍ ମାପରୁ ମକେ ବେସି ଦୟା ଦେକାଇଲା । ଜେନ୍ତାରି କି, କିରିସ୍‌ଟ ଜିସୁର୍ ସଙ୍ଗ୍ ମିସ୍‌ଲାଟପାଇ ମୁଇ ତାକେ ବିସ୍‌ବାସ୍ କରି ବିନ୍‌ ଲକ୍‌ମନ୍‌କେ ଆଲାଦ୍ କରିପାରୁଲି ।

୧୫ ଏଟା କଇବାଟା ପୁରାପୁରୁନ୍ ସଡ଼ ଆଟେ । ଆରି ସେଟା ଅଇସି କି ନ୍ୟୁଁ ବଲି ନ ବାବିକରି ନାମ୍‌ବାର୍ ଆଟେ । ପାପିମନ୍‌କେ ଉଦାର୍ କର୍ବାକେ କିରିସ୍‌ଟ ଜିସୁ ଏ ଜଗତେ ଆଇଲା ଆରି ପାପିମନ୍‌ ବିତ୍‌ରେଅନି ମୁଇ ବଡ଼ ପାପି ।

୧୬ ଏଲେମିସା ଏଟାରପାଇ ମକେ କିରିସ୍‌ଟ ଦୟା ଦେକାଇଲା । ସେ ମକେ କେମା କଲାକେ କେତେକ୍ ମୁର୍ଚିକରି ଆଟେ ବଲି ଦେକାଇବାକେ ସେ ମନ୍ କଲା । ବିନ୍‌ ଲକ୍‌ଟାନେଅନି ମୁଇ ଅଦିକ୍ ପାପ୍ କଲିଆଟି । ଏଟା ଏନ୍ତାରି ଅଇଲା । ଜେନ୍ତାରି ଦିନେକ୍ ଜେଡ଼କି ଲକ୍‌ସବୁ ତାକେ ବିସ୍‌ବାସ୍ କରି ସବୁଦିନର୍‌ପାଇ ମୁକ୍ତି ପାଇବାଇ ସେମନ୍‌ରପାଇ ମୁଇ ଗଟେକ୍ ସାକି ଇସାବେ ରଇବି ।

୧୭ ଜନ୍‌ ରାଜା କାଲ୍ କାଲ୍ ଜୁଗ୍ ଜୁଗ୍ ସାସନ୍ କର୍ସି, ଆରି ଜାକେ କି କେ ଦେକି ନାପାରଡ଼, ସେ ଆକା ଗଟେକ୍ ପର୍ଯ୍ୟେସର୍ । ସେ କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ସନ୍‌ମାନ୍ ପାଅ । ଆମେନ୍ !

୧୮ ମର୍ ପଅ ତିମତି, ମୁଇ ତକେ ଏଟା ତିଆରୁଲିନି, ତମେ କାଇଟା କର୍ସା ବଲି ସୁକଲ୍‌ଆଡ଼ମା କେତେଟା ବବିସଡ଼ବକ୍‌ତାମନ୍‌କେ ଜାନାଇରଇଲା ଇସାବେ ମୁଇ ଏଟା କଇଲିନି । ସେ ବବିସଡ଼ବକ୍‌ତାମନ୍ କଇଲା ବିସଇ ସୁବ୍‌କବରର୍ ଦେକାରକା କର୍ବା ଜୁଇଦର୍ କାମେ ତମେ ଜେନ୍ତାରି ସାର୍‌ଦା ସଙ୍ଗ୍ ମିସସା, ସେ ବିସଇ କଇଲିନି ।

୧୯ ତାର୍‌ସଙ୍ଗ୍ ସବୁବେଲେ ବିସ୍‌ବାସ୍ କର୍ବାଟା ଚାଡ଼ନାଇ । ଆରି ଏଟା ସଡ଼ ବଲି ନିଜେ ଜାନିରଇବା ବିସଇ କର୍ତ୍ତେରୁଆ । କେତେକ୍ ଲକ୍ ନିଜର୍ ବିବେକ୍ କଇବାଟାକେ ଦିଆନ୍ ନ ଦେଇକରି କିରିସ୍‌ଟକେ ବିସ୍‌ବାସ୍ କର୍ବାଟା ଚାଡ଼ିଦେଇଆଟଡ଼ ।

୨୦ ସେମନ୍‌ର୍ ବିତ୍‌ରେ ଉମନାୟକେ ଆରି ଆଲେକ୍‌ଜାଣ୍ଡାରକେ ବିନ୍‌ ବିସ୍‌ବାସି ମନ୍‌ଟାନେଅନି ବେଗଲାଇକରି ସଇତାନ୍‌କେ ସର୍‌ପିଦେଲିଆଟି । ଏନ୍ତାରି କଲେ ପର୍ଯ୍ୟେସରର୍ ବିରଦେ କାରାପ୍ କାତା କଇବାଟା ସେମନ୍‌ ଚାଡ଼ିଦେବାଇ ବଲି ଆସା କଲିନି ।

୨

ପାର୍‌ତନାର୍ ନିୟମ୍

୧ ପରୁଡ଼ମ୍ ବିସଇ ତମକେ ତାଟ୍‌ସଙ୍ଗ୍ କଇଲିନି, ସେଟା ଅଇଲାନି ସବୁଟାନେଅନି ମୁକିଅ ବିସଇ । ସବୁ ଲକ୍‌ମନ୍‌ରପାଇ ପର୍ଯ୍ୟେସରକେ ଗୁଆରି କରା । ସେମନ୍‌ରପାଇ ପାର୍‌ତନା କରି ମଜାଇ ଉଆ ଆରି ସେମନ୍‌ର୍ ପାଇ ତାକେ ଦନିଅବାଦ୍ ଦିଆସ୍ ।

୨ ରାଜା ମନ୍‌କେ ଆରି ଅଦିକାରେ ରଇକରି ସାସନ୍ କର୍ବା ଲକ୍‌ମନ୍‌ରପାଇ ପାର୍‌ତନା କରା । ସେନ୍ତାରି କଲେ କାଇଟା ନ ଅଇତେ ସାକ୍ତିସଙ୍ଗ୍ ରଇପାରସା । ଆରି ଆମେ କାକେ ନ ତର୍‌ତେ ପର୍ଯ୍ୟେସରକେ ପାର୍‌ତନା କରି ତାର୍ ମନ୍ କଲା ଇସାବେ ଚଲାଟଲ୍‌ତି କରିପାରୁ ।

୩ ଲକ୍‌ମନ୍‌ର୍ ପାଇ ଏନ୍ତାରି ପାର୍‌ତନା କର୍ବାର୍ ଦର୍‌କାର୍ ଆକା । କାଇକେବଇଲେ ଏ ରକାମର୍ ପାର୍‌ତନା ଆମର୍ ଉଦାର୍‌କାରିଆ ପର୍ଯ୍ୟେସରକେ ସାର୍‌ଦା କରାଇସି ।

୪ ସବୁଲକ୍ ଜେନ୍ତାରି କି ରକିଆ ପାଅଡ଼ ଆରି ସଡ଼ ବିସଇ ଜାନଡ଼ ବଲି ପର୍ଯ୍ୟେସର୍ ମନ୍ କଲାନି ।

☆ ୧:୧୩ ପେରିଡ଼ ୮:୩;୯:୪,୫

୫ କାଲକେବଲଲେ ଗଟେକ୍ ସେ ପର୍ଯ୍ୟେସର୍ ଆଚେ । ଆରି ଗଟେକ୍ ସେ ଲକ୍ ଆଚେ, ଜେ କି ପର୍ଯ୍ୟେସର୍ ଆରି ଲକ୍ ମନର୍ ବିତ୍ରେ ସାନ୍ତି ଆନିପାର୍ସି । ସେ ଲକ୍ ଅଇଲାନି ଜିସୁ କିରିସ୍ଟ ।

୬ ସବୁଲକ୍ କେ ମୁକ୍ତଲକ୍ ବାକେ ସେ ନିଜେ ସର୍ପି ଅଇଲା । ସମାନ୍ ବେଲାଲ ପର୍ଯ୍ୟେସର୍ ତାକେ ସେ ବାଟ୍ଲା । ସେ ସବୁକେ ରକିଆ କର୍ବି ବଲି ମନ୍ କଲାଟା ଏନ୍ତାରି ଜାନାଇଲା ।

୭ *ତେବର୍ପାଇ ପର୍ଯ୍ୟେସର୍ ତାର୍ ସୁବ୍ କବର୍ ଜାନାଇବାକେ ଆରି ତାର୍ ପେରିଡ୍ ଅଇବାକେ ମକେ ବାଟ୍ଲା । ମୁଇ ମିର୍ କଇନାଇ, ସତ୍ ସେ କଇଲିନି । ଜିଉଦି ନ ଅଇଲା ଲକ୍ ମନ୍କେ ମିସା ସୁବ୍ କବର୍ ସତ୍ ବିସଇ ଜାନାଇବାକେ ମକେ ବାଟିରଇଲା ।

୮ ମୁଇ ମୁନ୍ସ ପିଲାମନ୍କେ କଇଲିନି, ସେମନ୍ ଜେତେବେଲେ ପାର୍ତନା କର୍ବାକେ ରୁଣ୍ଡବାଇ, ସୁକଲ୍ ଚଲାଟଲ୍ଡି ଅଇକରି ତାକର୍ ଆଡ୍ ଟେକି ପାର୍ତନା କରଡ୍ । ଜଦି ଏବେ ମିସା ସେମନ୍ ଦଦାପେଲା ଅଇରଇଲେ କି ଲାଗାଲାଗି ଅଇରଇଲେ, ସେଟା ରାଜିନାମା କର୍ବାର୍ ଆଚେ ।

୯ *ସେନ୍ତାରିସେ ମାଇଜିମନ୍ ମିସା ଜାଗ୍ ରଡ୍ ରଇକରି ସୁଆଲ୍ ସୁତର୍ ଉଆ । ମୁଣ୍ଡର୍ ଚେଣ୍ଡିତେଇ ଚିକ୍ଟାକ୍ ନ କରି, ସୁନା କି ମୁକ୍ତା କି ଅଦିକ୍ ଦାମ୍ ଦେଇରଇବା ଲୁଗା ନ ପିନ୍ଧିକରି, ନିକ ରୁଦିସଙ୍ ମର୍ଜିତା ସଙ୍ ନିଜ୍କେ ମାନ୍ଲାପାରା ତିଆର୍ ଉଆ ।

୧୦ ତାର୍ ବାଦୁଲେ ବିନ୍ ଲକ୍ ମନ୍କେ ଦୟା ଦେକାଅଡ୍ । ପର୍ଯ୍ୟେସର୍ କେ ଜୁଆର୍ କଲୁନି ବଲି କଇବା ମାଇଜିମନ୍ ପାଇ ସେଟା ନିକ ଚଲାଟଲ୍ଡି ଅଇସି ।

୧୧ ମାଇଜିମନ୍ ଚିମ୍ ରାଇଅଇ ରଇ ସୁଆଲ୍ ସୁତର୍ ଅଇକରି ବସଡ୍ ।

୧୨ ମୁଇ ମାଇଜିମନ୍ କେ ସିକାଇବା ଅଦିକାର୍ କି ମୁନ୍ସର୍ ଉପ୍ରେ ସାସନ୍ କର୍ବା ଅଦିକାର୍ ଦେଇନାଇ । ତାର୍ ବାଦୁଲେ ସେମନ୍ ଚିମ୍ ରାଇଅଇ ରଅଡ୍ ।

୧୩ କାଲକେ ବଇଲେ ପର୍ଯ୍ୟେସର୍ ପର୍ତମେ ଆଦମ୍ କେ ତିଆର୍ କଲା । ତାର୍ ପଟେ ଅବାକେ ।

୧୪ ପର୍ତମେ ଆଦମ୍ ସଇତାନର୍ ଟାନେ ନାଡାଇ ଅଏନାଇ, ମାତର୍ ମାଇଜି ନାଡାଇ ଅଇ ପର୍ଯ୍ୟେସର୍ ଆଦେସ୍ ନ ମାନିକରି ପାପି ଅଇଲା ।

୧୫ ମାତର୍ ମାଇଜିମନ୍ ପିଲାଟକିମନ୍ କେ ଜନମ୍ ଦେଇକରି ଉଦାର୍ ପାଇବାଇ । ସେମନ୍ କିରିସ୍ଟକେ ବିସ୍ବାସ୍ କରି ବିନ୍ ଲକ୍ ମନ୍କେ ଆଲାଦ୍ କରି ସୁଆଲ୍ ସୁକଲ୍ ସଙ୍ ଚଲାଟଲ୍ଡି କରଡ୍ ।

୩

ମଣ୍ଡଲିର୍ ନେତାମନ୍

୧ ଏ କାତା ସତ୍ ଜେ, କେ ଜଦି ମଣ୍ଡଲିଟାନେ ମୁକିଅ ପଦ୍ ପାଇବାକେ ମନ୍ କଲାନି, ତେବେ ସେ ନିମାନ୍ କାମ୍ କର୍ବାକେ ମନ୍ କଲାନି ।

୨ *ତେବର୍ପାଇ ଜେନ୍ତିକି ତାର୍ ଜିବନେ ବିନ୍ ଲକ୍ ମନ୍କେ କାଇ ନିନ୍ଦା ନ ରଇବାର୍ । ସେ ଗଟେକ୍ ମାଇଜି ସଙ୍ଗଇରଇବାର୍ ଆଚେ । ନିଜେ ଜାଗ୍ ରଡ୍ ରଇକରି, ନିଜର୍ ଜିବନେ ସୁସ୍ତା ରଇକରି, ସବୁଲକ୍ ସନ୍ମାନ୍ ପାଇକରି, ଆଇଲା ଲକ୍ ମନ୍କେ ତାକିନେବା ପାରା ଲକ୍ ଅଇକରି, ଲକ୍ ମନ୍କେ ରୁଦିର୍ କାତା ସିକାଇବା ଲକ୍ ଅଇ,

୩ ନ ମାତି କରି, କିରମାର୍ ନ ଅଇକରି ସାନ୍ତିସଙ୍ ରଇ, ଦଦାପେଲା ନ ଅଇକରି, ଦନ୍ ମିଲାଇବାକେ ଆସା ନ ଅଇକରି ରଇବାର୍ ଆଚେ ।

୪ ନିଜର୍ କୁଟୁମ୍ କେ ନିକକରି ଚାଲାଇତେରଇବାର୍ ଆଚେ । ଆରି ତାର୍ ପିଲାଟକିମନ୍ କେ ସେ ତିଆର୍ଲାଟା ମାନ୍ବାକେ ବାଦିଅ କରାଇବା ସିକିଆ ଦେଇରଇବାର୍ ଆଚେ ।

* ଜଦି କେ ମିସା ନିଜର୍ କୁଟୁମ୍ କେ ଚାଲାଇବାର୍ ନାଜାନେ, ସେ କେନ୍ତି ପର୍ଯ୍ୟେସର୍ ମଣ୍ଡଲିର୍ ଦାଇଡ୍ ନେଇପାର୍ସି ?

୬ ସେ ନୁଆ ନୁଆ ବିସ୍ବାସ୍ କର୍ବା ଲକ୍ ନ ରଇବାର୍ ଆଚେ । ନଇଲେ ସେ ବଡ୍ ପନିଆ ଅଇକରି ସଇତାନ୍ ଜେନ୍ତାରି ତଣ୍ଡ ପାଇଲା, ସେ ମିସା ସେନ୍ତାର୍ ତଣ୍ଡ ପାଇସି ।

୭ ତାର୍ ଚଲାଟଲ୍ଡି ଦେକି ବିସ୍ବାସ୍ ନ କର୍ବା ଲକ୍ ମନ୍କେ ମିସା ତାକେ ଗଟେକ୍ ସନ୍ମାନର୍ ଲକ୍ ପାରା ନାମ୍ବାର୍ ଆଚେ । ଜେନ୍ତିକି ଲକ୍ ମନ୍କେ ତାକେ ନିନ୍ଦା ନ କରି ସଇତାନର୍ ପାନ୍ଦେ ନ ଲାଗେ ।

ମଣ୍ଡଲିର୍ ସେବା କରୁମନ୍

୮ ସେନ୍ତାରିସେ ମଣ୍ଡଲିର୍ ସେବା କରୁମନ୍ ମୁକିଅର୍ ପାରା ସବୁ ଲକ୍ ଟାନେଅନି ସନ୍ମାନ୍ ପାଇବା ଲକ୍ ରଇବାର୍ ଆଚେ । ସେମନ୍ ସତ୍ ବାବେ ଚଲାଟଲ୍ଡି କର୍ବାର୍ ଆଚେ । ମଦୁଆ ଲକ୍ ଅଇ ରଇବାର୍ ନାଇ । ତାବୁକାସୁର୍ ପାଇ ଆସା ନ ରଇବାର୍ ଆଚେ ।

☆ ୨:୭ ୨ୟ ଡିମ୍ବ ୧:୧୧ ☆ ୨:୯ ୧ ମ ପିତର୍ ୩:୩ ☆ ୩:୨ ତିତସ୍ ୧:୭-୯

୯ ପର୍ଯ୍ୟନ୍ତର ଜନ୍ ସତ୍ତ୍ୱ କବର ସେମାନଙ୍କେ ଜାନାଇଆତେ, ସେଟା ସେମନ୍ ତାଟ୍ ସଙ୍ଗ୍ ବିସ୍ୱାସ୍ କରବାର୍ ଆତେ । ଆରି ସେମନ୍ ପାପେ ରଜନାଇ ବଲି ତାକର୍ ବିବେକ୍ ସାକିଦେବାର୍ ଆତେ ।

୧୦ ମଣ୍ଡଲିର ସେବାକରୁ ଅଇବା ଆଗ୍ତୁ ବିନ୍ ଲକ୍ମନ୍ ସେମନ୍‌କେ ପରିକା କରି ଦେକତ୍ । କାଇ ଦସ୍ ନ ରଇଲେ ସେମନ୍ ସେବା କରବାକେ ଦାଇତ୍ ନେଅତ୍ ।

୧୧ ସେନ୍ତାରିସେ ତାକର୍ ମାଇଜିମନ୍ ମିସା ବିନ୍‌ଲକର୍ ସନ୍‌ମାନ୍ ପାଇଲା ପାରା ଚଲାଚଲ୍‌ତି କରତ୍ । ସେମନ୍ ତିପୁଲ୍ କାତା କଇବାର୍ ନାଇ । ତାର୍ ବାଦୁଲେ ନିଜେ ଜାଗ୍‌ରତ୍ ରଇବାର୍ ଆତେ । ସେମନ୍ ସତ୍ତ୍ୱ ଲକ୍ ବଲି ବିନ୍ ଲକ୍ ଆସା କରବାର୍ ଆତେ ।

୧୨ ସେବାକରୁ ଗଟେକ୍ ମାଇଜି ସଙ୍ଗ୍, ତାର୍ ପିଲାଟକିମନ୍‌କେ, ତାର୍ କୁଟୁମର୍ ବିନ୍ ଲକ୍ମନ୍‌କେ, ଆରି ଗତିଦାଙ୍ଗ୍‌ତାମନ୍‌କେ ନିକସଙ୍ଗ୍ ଜତନ୍ କରବାର୍ ଆତେ ।

୧୩ ସେବାକାରିଆମନ୍ ଆବତ୍ ଅଇ ନିକ କାମ୍ କଲେ, ଲକ୍ମନ୍‌ର ଟାନେଅନି ଅଦିକ୍ ସନ୍‌ମାନ୍ ମିଲ୍‌ସି । ସେନ୍ତାରି ଲକ୍ କିରିସ୍‌ଟ ଜିସୁର୍ ବିସଇ ବିନ୍ ଲକ୍ମନ୍‌କେ ତାଟ୍ ସଙ୍ଗ୍ କଇପାର୍‌ବାଇ ।

ବିସ୍ୱାସ୍‌ର ସତ୍ତ୍ୱ

୧୪ ମୁଇ ଏପିସେ ଆସି ଦାପ୍‌ରେ ତମ୍‌କେ ଦେକ୍‌ବି ବଲି ମନ୍ କଲିନି । ଅଇଲେ ମିସା ଏ ଚିଟିଟାନେ ତମ୍‌କେ ମୁଇ ତିଆରଲିନି ।

୧୫ କାଇକେବଇଲେ ଜଦି ମର୍ ଆଇବାଟା ଅଲ୍‌ସମ୍ ଅଇଲେ ମିସା, ପର୍ଯ୍ୟନ୍ତର କୁଟୁମ୍ ଇସାବେ ମଣ୍ଡଲିଟାନେ ତମେ ଗଟେକ୍ ଲକ୍ ଆରିଗଟେକ୍ ଲକ୍‌କେ କେନ୍ତାରି ମିସିକରି ରଇବାର୍‌ଆତେ, ସେ ବିସଇ ତମେ ଜାନ୍‌ସା । ଏ ମଣ୍ଡଲି ପର୍ଯ୍ୟନ୍ତର, ଜେକି ସତଇସେ ବଠିଆତେ । ସେ କୁନାଦି ଆରି ମୁଲ୍ ତେଲି ପାରା ଅଇ ସତ୍ତ୍ୱ ବିସଇକେ ତାଟ୍ କରାଇଲାନି ।

୧୬ ଆମର୍ ବିସ୍ୱାସ୍‌ଟାନେ କେ ନାଜାନ୍‌ଲା ପାରା ବିସଇ ଲୁଟିକରି ଆତେ । ସେନ୍ତାରି ନଏଁ ବଲି କେ କଇନାପାରତ୍ ।

“ଜିସୁକିରିସ୍‌ଟ ନର୍ ରୁପ୍ ଦାରି ଆଇଲା ।

ସେ ନିଜେ ପର୍ଯ୍ୟନ୍ତର ପଅ ବଲି ସୁକଲ୍ ଆତ୍‌ମା କାତାଦେଲା ଆତେ ।

ଦୁତ୍‌ମନ୍ ତାକେ ଦେକ୍‌ଲାଇ ।

ତାର୍ ବିସଇର୍ ସତ୍ତ୍ୱ କବର୍ ଗୁଲାଇ ରାଇଜେ ଜାନାଇଲାଇ ।

ସବୁ ଜାଗାର୍ କେତେକ୍ କେତକ୍ ଲକ୍ମନ୍ ତାକେ ବିସ୍ୱାସ୍ କଲାଇ ।

ପର୍ଯ୍ୟନ୍ତର ତାକେ ସର୍‌ଗେ ନେଲା ।”



ବୁଲ୍ ସିକିଆ ଦେଉମନ୍‌କେ ଜାଗ୍‌ରତା କରାଇବାଟା

୧ ସୁକଲ୍ ଆତ୍‌ମା ନିକସଙ୍ଗ୍ କଇଲାନି, ସାରାସାରି ଦିନେ, ଲକ୍ମନ୍ ସତ୍ତ୍ୱ ବିସଇ ବିସ୍ୱାସ୍ କରବାଟା ଚାଡିଦେବାଇ । କାରାପ୍ ଆତ୍‌ମାମନ୍‌ର ସିକିଆ ମାନ୍‌ବାଇ । ଆରି ସେମନ୍ ସିକାଇବା ବୁଲ୍ ସିକିଆ ବିସ୍ୱାସ୍ କରବାଇ ।

୨ ଏନ୍ତାରି ସିକିଆ ଦେବାବେଲେ ଏଟା ସତ୍ତ୍ୱ ସିକିଆବଲି ଲକ୍ମନ୍ ମାନ୍‌ବାଇ । ମାତର୍ ସେଟା ମିର୍ ସିକିଆ ରଇସି । ସେମନ୍ ଟିକ୍ କଲାଇନି କି ବୁଲ୍ କଲାଇନି, ସେଟା ନିଜେ ଜାନି ନ ରଅତ୍ । ଜେନ୍ତାରି କି ତପ୍‌ଲା ଲୁଆସଙ୍ଗ୍ ମାଉଁସ୍‌ଟାନେ ଚାପ୍‌ଲେ ମରିଜାଇସି, ସେନ୍ତାରିସେ ।

୩ ସେମନ୍, ମାଇଜି ମନସ୍ ବିବା ଅଇବାର୍ ନାଇ ଆରି କାଇ କାଇ କାଦି କାଇବାର୍ ନାଇ ବଲି ବୁଲ୍ ସିକିଆ ଦେବାଇ । ସବୁ ରକାମର୍ କାଦି ପର୍ଯ୍ୟନ୍ତର ତିଆର୍ କଲାଆତେ । ଜେନ୍ତାରି କି ଜେଡ୍‌କି ସବୁ ଲକ୍ ତାର୍ ସତ୍ତ୍ୱ କବର୍ ବିସ୍ୱାସ୍ କରବାଇ, ସେମନ୍ ସେ କାଦିର୍ ଲାଗି ତାକେ ଦନିଅବାଦ୍ ଦେବାଇ ।

୪ ସେନ୍ତାରି ସିକିଆ ଦେଉମନ୍ ବୁଲ୍ ସିକିଆ ଦେଲାଇନି । କାଇକେବଇଲେ କାଦି ଆରି ପର୍ଯ୍ୟନ୍ତର ତିଆର୍‌କଲା ସବୁ ବିସଇ ନିକଆତେ । ଆରି କାଇ ରକାମର୍ କାଦି ମିସା ନିର୍‌ବାର୍ ନାଇ । ତାର୍ ବାଦୁଲେ ସବୁ କାଦି ନିକ ବଲି ମାନିକରି ତାକେ ଦନିଅବାଦ୍ ଦେବାର୍ ଆତେ ।

୫ କାଇକେବଇଲେ ପର୍ଯ୍ୟନ୍ତର କଇରଇବା ବାକିଅ ଆରି ଆମର୍ ପାର୍‌ତନା ବିସଇ ସବୁ ସୁକଲ୍ ଅଇଆତେ ।

କିରିସ୍‌ଟ ଜିସୁର୍ ନିକ ସେବାକାରିଆ

୬ ଏ ସବୁ ବିସଇ ତମେ ବିସ୍ୱାସିମନ୍‌କେ ସିକାଇବାର୍ ଲାଗି, ତମେ ଜିସୁ କିରିସ୍‌ଟକେ ସେବା କଲାସ୍‌ନି । ତମର୍ ବିସ୍ୱାସ୍‌ର ଲାଗି ଆରି ସତ୍ତ୍ୱ ସିକିଆ ମାନ୍‌ଲାର୍ ଲାଗି ପର୍ଯ୍ୟନ୍ତର ତମ୍‌କେ ବଡାଇସି ।

୭ ଜନ୍ ସବୁ ସିକିଆ ମିର୍, ଆରି ଜନ୍‌ଟା ସବୁ ଚଣ୍ଡେପାଦି କଇବାଟାନେ ଅନି ଦୁରିକେ ରୁଆ । ତାର୍ ବାଦୁଲେ ନିଜେ ଜାଗ୍‌ରତ୍ ରଇକରି ପର୍ଯ୍ୟନ୍ତର ଜନ୍‌ଟା ମନ୍ କଲାନି, ସେନ୍ତାରି ଚଲାଚଲ୍‌ତି କରା ।

୮ କାଇକେବଇଲେ ଗାଗଡ଼କେ ବୁଲାଇଲା କରି ନିକ ସଙ୍ଗ ସଙ୍ଗଇବାଟା କେତେଟା କାମର୍ ପାଇ ନିକ ବିସଇ । କାଇକେବଇଲେ ଏଟା ଜଗତେ ବଢ଼ିରଇଲେ କି ମରିଗାଲେ ମିସା ତାକେ ଲତାକେ ଆଇସି । ମାତର୍ ଆତ୍ମାଲ ରଲାରଲ୍ଲତି କର୍ବାଟା ସବୁ କାମେ ନିକ ରଇସି ।

୯ ଏଟା ବାଇଦରେ ସତ୍ ଆକା । ଏଟା ସବୁଲକ୍ ଅଇସି କି ନ ଅଏ ବଲିକରି ପୁରାପୁରୁନ୍ ବିସବାସ୍ କରିଅଇସି ।

୧୦ ଆମେ ପର୍ମେସର୍କେ ବିସବାସ୍ କଲାର୍ପାଇ କସଟ୍ ଅଇ କାମ୍ କରି ଏଟା ଆସା କଲୁନି । ସେ ସତଇସେ ବଢ଼ିଆଟେ । ସେ ଗୁଲାଇ ମନସ୍ ଜାତିର୍ ଉଦାରକାରିଆ, ଜେଡ଼କି ସବୁ ତାକେ ବିସବାସ୍ କଲାଇନି, ତାକର୍ପାଇ ଅଦିକ୍ ।

୧୧ ମୁଇ ତମ୍‌କେ ଜେଡ଼କି ବିସଇ ଲେକ୍‌ଲିଆଟି ସେଟାସବୁ ବିନ୍ ଲକ୍‌ମନ୍‌କେ ସିକାଆ ଆରି ତିଆରା ।

୧୨ ତକେ ଦାଙ୍ଗତା ଆଟେ ବଲି କେ ମିସା ଇନ୍ ନ କର । ମାତର୍ ସବୁ ବିସବାସି ମନର୍ପାଇ ଗଟେକ୍ ସାକିପାରା ନିକ ରଲାରଲ୍ଲତି କର୍ । ସବୁ ବେଲେ ସତ୍ କାତା କଇତେର, ନିକସଙ୍ଗ୍ ରଲାରଲ୍ଲତି କର୍ତେରଇବା, ଲକ୍‌ମନ୍‌କେ ଆଲାଇ କର୍ତେରଇବା, କିରିସଟ୍‌କେ ବିସବାସ୍ କର୍ତେରଇବା, ପାପେ ରଅନାଇ ।

୧୩ ମୁଇ ତର୍ଟାନେ ଆଇବା ଜାକ ବିସବାସିମନ୍ ରୁଣ୍ଡିଲା ବେଲାଇ, ଜେନ୍ତାରି କି ସବୁଲକ୍ ନିକକରି ସୁନ୍‌ଲାପାରା ସାସତର୍ ପଡ଼ିଦେସ୍ । ତେଇର୍ ଅରଡ଼ ସେମନ୍‌କେ ବୁଜାଇଦେସ୍ ।

୧୪ ପର୍ମେସର୍ ତର୍ପାଇସେ ବଲିକରି ଜନ୍ ଦାନ୍ ଦେଲାଆଟେ, ସେ କାମେ ଲାଗିର । ଏଟା ବବିସତ୍‌ବକ୍‌ତାମନ୍ ଆରି ପାର୍ତିମନ୍ ତର୍ ମୁଣ୍ଡେ ଆତ୍ ସଙ୍ଗ ପାର୍ତନା କଲାବେଲେ, ତୁଇ ପର୍ମେସରର୍ ଟାନେଅନି ପାଇରଇଲୁସ୍ ।

୧୫ ଏ ସବୁ ବିସଇ ପୁରାପୁରୁନ୍ ମନ୍ ଦିଆନ୍ ଦେଇ କର୍ । ଜେନ୍ତାରିକି, ସୁବକ୍‌ବର୍ ଜାନାଇବାଟାନେ ଆରି ସିକାଇବାଟାନେ ତୁଇ ଆଗ୍ତୁ ଆଗ୍ତୁ ଗାଲୁସ୍‌ନି ବଲି ଲକ୍‌ମନ୍ ଦେକ୍‌ବାଇ ।

୧୬ ତୁଇ ଜାଗ୍‌ରଡ଼ ସଙ୍ଗ୍ ରଲାରଲ୍ଲତି କର୍ । ଆରି ପର୍ମେସରର୍ ବିସଇ ଜନ୍‌ଟା ସିକାଇଲୁସ୍‌ନି, ସେ ବିସଇଟାନେ ଜାଗ୍‌ରଡ଼ ର । ଏଟା କରିଲାଗିର । କାଇକେବଇଲେ ସେନ୍ତାରି କଲେ, ତୁଇ ନିଜ୍‌କେ ଆରି ତର୍ କାତା ସୁନ୍‌ବା ଲକ୍‌କେ ରକିଆ କର୍ସୁ ।

୫

ବିସବାସିମନର୍ତ୍ତି କର୍ବା କାମ୍

୧ ତର୍ଟାନେଅନି ବୟସେ ବଡ଼ ରଇବା ଲକ୍‌କେ ତାଟ୍‌ସଙ୍ଗ୍ ଦାକାପୁକା ଦେସ୍‌ନାଇ । ତାର୍ ବାଦୁଲେ ନିଜର୍ ବାବାକେ ବାବୁଜିଆ କଲାପାରା ସନ୍‌ମାନ୍ ସଙ୍ଗ୍ କର୍ । ବଇସେ ସାନ୍ ରଇଲା ଲକ୍‌ମନ୍‌କେ ନିଜର୍ ବାଇ ଇସାବେ କାତା ଅ ।

୨ ବଇସେ ବଡ଼ ରଇବା ମାଇଜିମନ୍‌କେ ନିଜର୍ ମାଆ ପାରା ଆରି ଦାଙ୍ଗ୍‌ତିମନ୍‌କେ ନିଜର୍ ବଇନି ପାରା ମାନିକରି ର । ସେମନ୍‌କେ ମନେ ମନେ ମିସା ପାପ୍ ଇସାବେ ଦେକ୍‌ନାଇ ।

୩ ରାଣ୍ଡିଜୁଣ୍ଡିମନ୍‌କେ ସନ୍‌ମାନ୍ ଦେକାଇ ଜତନ୍ କର୍ ।

୪ ଜଦି କନ୍ ରାଣ୍ଡିମାଇଜିକେ ପିଲାଟକି କି ନାତିତିତି ରଇଲେ, ସେମନ୍ ନିଜର୍ କୁଟୁମର୍ ଲକ୍ ଇସାବେ ତାକେ ଜତନ୍ କରଡ଼ । ସେନ୍ତାରି ସେମନ୍ ଆୟା ବାବାମନ୍‌କେ ଆରି ଆନିଦାଦିମନ୍‌କେ ତାକର୍ ଆଲାଇ ବାଉତାଇ ଦେଅଡ଼ । ଏଟା ପର୍ମେସର୍‌କେ ସାର୍‌ଦା କରାଇସି ।

୫ ଜନ୍ ରାଣ୍ଡିମାଇଜି ଜାକେ କି ଆକାସାକା ନାଇ, ସେ ପର୍ମେସର୍‌କେ ଆସାକରିଆଟେ, ସେ ଦିନ୍‌ରାତି ତାକେ ଗୁଆରିକଲାନି, ତାକେସେ ମଣ୍ଡିଲିର୍ ବିସବାସିମନ୍ ଜତନ୍ କର୍ବାର୍ ଆଟେ ।

୬ ମାତର୍ ଗଟେକ୍ ରାଣ୍ଡି ମାଇଜି ଅବୁକା ନିଜେ କର୍ବା ବିସଇ ମନ୍‌କରି, ପର୍ମେସର୍ ତାକେ ଜନ୍‌ଟା କର ବଲି ମନ୍ କଲାନି, ସେଟା ନ କରିରଇଲେ, ସେ ବଢ଼ିରଇକରି ମିସା ମଲା ସମାନ୍ ଆଟେ ।

୭ ରାଣ୍ଡି ମାଇଜିମନ୍‌ର୍ ଜତନ୍ ପାଇ ମୁଇ ଜେଡ଼କି ଆଦେସ୍ ଦେଲିଆଟି, ସେଟା ସବୁ ମାନା ବଲି ବିସବାସିମନ୍‌କେ ତିଆର୍ । ଜେନ୍ତାରିକି ସେମନ୍‌କେ କେ ମିସା ନିନ୍ଦା କର ନାପାରଡ଼ ।

୮ କେ ଜଦି, ତାର୍ ନିଜର୍ ଲକ୍‌ମନ୍‌କେ କି କୁଟୁମର୍ ଲକ୍‌ମନ୍‌କେ ଲତାକେ ରଇବା ବିସଇ ନ ଦେଲେ, ସେ ଜନ୍‌ଟା ବିସବାସ୍ କଲିନି ବଲି କଇସି, ସେ ସତଇସେ ସେଟା ବିସବାସ୍ କରେନାଇ । ସେ ବିସବାସ୍ ନ କରିରଇବା ଲକ୍‌ଟାନେଅନି ଅଦିକ୍ ଇନ୍ ।

୯ ଗଟେକ୍ ରାଣ୍ଡି ମାଇଜି କତେଟାରି ବରସ୍ ନ ଅଇତେ, ତାକେ ରାଣ୍ଡି ବଲି ଲେକା କର୍ବାର୍ ନାଇ । ସେ ଗଟେକ୍ ମୁନୁସର୍ ସଙ୍ଗ୍‌ସେ ମିସିରଇବାର୍‌ଆଟେ ।

୧୦ ବିନ୍ ଲକ୍ ଦେକ୍‌ବା ଇସାବେ, ସେ ବେସି ଦରମ୍ ଅଇ, ବିନ୍ ଲକ୍‌କେ ସାଇଜ କର୍ବାର୍ ଆଟେ । ଜେନ୍ତାରି କି ନିଜର୍ ପିଲାମନ୍‌କେ ନିକ ସଙ୍ଗ୍ ବତାଇରଇସି, ଆଇଲା ଲକ୍‌ମନ୍‌କେ ଗତିଆ ଇସାବେ ତାକ୍‌ସି, ପର୍ମେସରର୍ ସୁକଲ୍ ଲକ୍‌ମନ୍‌ର୍ ଗଡ଼ ଦଇଦେଇସି, ଦୁକ୍ କସ୍‌ଟେ ରଇବା ଲକ୍‌ମନ୍‌କେ ସାଇଜ କର୍‌ସି, ଲକ୍‌ମନ୍‌କେ ସାଇଜ କର୍ବାକେ ବିନ୍ ବିନ୍ କାମ୍ କର୍ତେରଇସି ।

୧୧ ଡକ୍ଟର ନ ରଇବା ରାଣ୍ଡିମନ୍ତେ ରାଣ୍ଡି ଇସାବେ ଲେକା କର୍ ନାଇ । କାଇକେବଇଲେ ସେମନ୍ ରାଣ୍ଡି ଇସାବେ କିରିସ୍ଟକେ ସେବା କର୍ବି ବଲି କାତା ଦେଇରଇଲେ ମିସା, ମୁନୁସର୍ ସଙ୍ଗ୍ ରଇବି ବଲି ମନ୍ ଆଇଲେ, ଆଗ୍ତୁ ଦେଇରଇବା କାତା ପାସ୍ରିଜାଇ ଆରିତରେକ୍ ବିବା ଅଇବାକେ ମନ୍ କର୍ବାଇ ।

୧୨ ଆରିତରେକ୍ ବିବା ଅଇଲାର୍ ପାଇ ସେମନ୍ ଦସି ଅଇବାଇ । କାଇକେବଇଲେ, ସେମନ୍ ଆଗ୍ତୁ ଦେଇରଇବା କାତା ପୁରାପୁରୁନ୍ କରଡ଼ ନାଇ ।

୧୩ ଏଟାର୍ ମିସ୍ତେ ସେମନ୍ ଅଲସ୍ ଅଇବାଟା ସିକ୍‌ବାଇ । ଆର୍ ଗରେ ତାର୍ ଗରେ ଜାଇ ବେଲା ବିତାଇବାଇ । ତିପୁଲ୍ କାତା କଇ ବିନ୍ ଲକ୍‌ର୍ ବିସଇ କାତାବାର୍ତା ଅଇବାଇ ।

୧୪ ତେବର୍‌ପାଇ ଡକ୍ଟର ନ ରଇବା ରାଣ୍ଡିମନ୍ତେ ମୁଇ ତିଆର୍‌ଲିନି, ଆରିତରେକ୍ ଗର୍ ବସାଇ ପିଲାଟକିର୍ ଜତନ୍ କରା । ସେନ୍ତାରି କଲେ ଆମର୍ ବିରଦିମନ୍ ଆମ୍‌କେ ନିନ୍ଦା ନ କରଡ଼ ।

୧୫ କାଇକେବଇଲେ ସେମନ୍ ପର୍‌ମେସର୍‌ର୍ ଟାନେଅନି ଦୁରିକେ ଜାଇ ସଇତାନର୍ ସଙ୍ଗ୍ ଜିଇବାକେ ଆରାମ୍ କଲାଇ ଆଚଡ଼ ।

୧୬ ଜଦି କନ୍‌ଆଲେ ମାଇଜି କିରିସ୍ଟକେ ବିସ୍‌ବାସ୍ କର୍‌ସି, ଆରି ତାର୍ କୁଟୁମେ ରାଣ୍ଡିମାଇଜିମନ୍ ରଇବାଇ, ସେ ଆକା ସେମନ୍‌କେ ସାଇଜ କର୍‌ବାର୍ ଆଚେ । ବିନ୍ ବିସ୍‌ବାସିମନ୍ ସେ ଦାଇଡ଼ ନେଇ କରଡ଼ ବଲି ସେ ଆସା କର୍‌ବାର୍ ନାଇ । ଏଟା ଜେନ୍ତାରିକି ଜାକେ ଆକାସାକା ନ ରଅଡ଼ ସେମନ୍‌କେ ବିସ୍‌ବାସିମନ୍ ଜତନ୍ କରିପାରଡ଼ ।

୧୭ ଜନ୍ ପାର୍‌ଚିନ୍‌ମନ୍ ମଣ୍ଡୁଲିର୍ ନେତା ଅଇ ଡାକିନେଲାଇନି, ସେମନ୍ ଦୁଇଗୁନ୍ ବୁଡି ପାଇବା ଦର୍‌କାର୍ । କାଇକେବଇଲେ ସୁବ୍‌କବର୍ ଜାନାଇବାଟା ଆରି ସିକାଇବାଟା ସେମନ୍‌କେ ଦାଇଡ଼ ଇସାବେ ଦେଲାଇ ଆଚଡ଼ ।

୧୮ ସ୍‌ସାସ୍‌ତରେ ଜେନ୍ତୁ ଲେକାଅଇଲା ଆଚେ, ଗାନାଇ ଦାନ୍ ମାଣ୍ଡୁଇବାବେଲେ ବଲଦର୍ ଟଣ୍ଡେ କଡ଼ରା ବାନ୍ଦା ନାଇ ଆରି କାମ୍ କରୁ ସାଉକାର୍‌ଟାନେଅନି ତାର୍ କୁଲି ପାଇସି ଆକା ।

୧୯ ଗଟେକ୍ ପାର୍‌ଚିନ୍ ବିରୁଦେ ନିନ୍ଦା କାତା ଉଟ୍‌ଲେ, ଦୁଇ କି ତିନିଲକ୍‌ର୍ ସାକି ନଇଲେ, ସେଟାକେ ମାନ୍ ନାଇ ।

୨୦ ପାପେ ରଇବା ଗଟେକ୍ ପାର୍‌ଚିନ୍‌କେ ସବୁର୍ ମୁଆଟେ ଲାଗ୍ । ଜେନ୍ତାରିକି ବିନ୍ ପାର୍‌ଚିନ୍‌ମନ୍ ସେନ୍ତାରି ପାପ୍ କର୍‌ବାକେ ଡର୍‌ବାଇ ।

୨୧ ଆମର୍ ବାବା ପର୍‌ମେସର୍ ଜିସୁକିରିସ୍ଟ ଆରି ସେ ବାଟିରଇବା ଦୁର୍‌ମନ୍‌କେ ସାକିକରି ମୁଇ ତକେ ତିଆର୍‌ଲିନି, ମୁଇ ତିଆର୍‌ଲା ଏ ସବୁ ବିସଇ କାଇ ବଡ଼ସାନ୍ ନ ଦେକିକରି କର୍ ।

୨୨ ଗଟେକ୍ ଲକ୍‌କେ ପରିକା ନ କର୍‌ବା ଜାକ ତାକେ ମୁକିଅ ଇସାବେ, ତର୍ ଆଡ଼ ତାର୍ ମୁଣ୍ଡେ ସଙ୍ଗାଇ, ସେବା କାମର୍ ପାଇ ସରପ୍ ନାଇ । ନଇଲେ ତାର୍ ପାପର୍ ପାଇ, ତୁଇ ଦାଇ ଅଇସୁ । ତୁଇ ନିଜେ ପାପ୍ ନ କର୍‌ବାକେ ଜାଗ୍‌ରଡ଼ ର ।

୨୩ ଆରି ବୁଟା ପାନି ନ କାଇକରି ତର୍ ପେଟର୍ ଲାଗି ଅଲପ୍ ଅଙ୍ଗୁର୍ ମଦ୍ ମିସା କାଆ । କାଇକେବଇଲେ ତୁଇତା ସବୁବେଲେ ନିକ ରଉସ୍ ନାଇ ।

୨୪ କେତେ ଲକ୍ ସବୁର୍ ଦେକ୍‌ତେ ପାପ୍ କଲାଇନି । ଜେନ୍ତୁକି ତୁଇ ସେଟା ଜାନିପାର୍‌ଲୁସ୍‌ନି । ସେମନ୍‌ର୍ ଚଲାଟଲୁଡି ପରିକା କର୍‌ବା ଆଗ୍ତୁ, ତୁଇ ସେଟା ଜାନ୍‌ସୁ । ମାତର୍ ଆରି କେତେଲକ୍‌ର୍ ପାପ୍ ବେସି ଦିନ୍ ଅଇଲେ ମିସା ଜାନି ନର୍‌ସି ।

୨୫ ସେନ୍ତାରିସେ କେତେ ଲକ୍ କର୍‌ବା ନିକ ବିସଇ ସବୁକେ ତିସ୍‌ସି । ସେମନ୍ କର୍‌ବା ନିକ ବିସଇ ଦାପ୍‌ରେ ନ ତିସ୍‌ଲେ ମିସା କେତେଦିନ୍ ପଚେ, ସେଟା ଲକ୍‌ମନ୍ ଜାନ୍‌ବାଇ ।



୧ ଜନ୍ ବିସ୍‌ବାସିମନ୍ ଗତିଦାଙ୍ଗ୍‌ତା ଇସାବେ ଗଟେକ୍ ସାଉକାର୍ ତଲେ କାମ୍ କଲାଇନି, ସେମନ୍ ତାକର୍ ସାଉକାର୍‌ମନ୍‌କେ ଅଦିକ୍ ସନ୍‌ମାନ୍ ଦେବାର୍ ଆଚେ । ଜେନ୍ତାରି କି, ପର୍‌ମେସର୍‌ ନାଉ ଆରି ଆମେ ସିକାଇବାଟା କେ ନିନ୍ଦା ନ କରଡ଼ ।

୨ ଜଦି ତାକର୍ ସାଉକାର୍‌ମନ୍ କିରିସ୍ଟକେ ବିସ୍‌ବାସ୍ କଲାଇନି, ସେନ୍ତାରିଆଲେ ବିସ୍‌ବାସି ସାଉକାର୍‌ମନ୍‌କେ, ବିସ୍‌ବାସ୍ ନ କର୍‌ବା ସାଉକାର୍‌ମନ୍‌ର୍ ତେଇଅନି, କିରିସ୍ଟର୍‌ଟାନେ ବାଇ ଇସାବେ ସନ୍‌ମାନ୍ ଉନା ଦେକାଇଲେ ଅଇସି ବଲିକରି ବାବ୍‌ବାର୍ ନାଇ । ତାର୍ ବାଦୁଲେ ସେମନ୍‌ର୍‌ପାଇ ଅଦିକ୍ ଆବଡ଼ କାମ୍ କର୍‌ବାର୍ ଆଚେ । କାଇକେବଇଲେ ସେମନ୍ ଜନ୍ ସାଉକାର୍‌ର୍‌ପାଇ କାମ୍ କଲାଇନି, ସେମନ୍ ମିସା ବିସ୍‌ବାସି ଲକ୍ । ଆରି କିରିସ୍ଟର୍‌ଟାନେ ବାଇ ଇସାବେ ଆଲାଦ୍ କଲାଇନି । ବିସ୍‌ବାସି ମନ୍‌କେ ଏ ସର୍‌ତେ ବିସଇ ସିକାଆ । ଆରି ସେଟା କର୍‌ବାକେ ସେମନ୍‌କେ ସାର୍‌ଦା କର୍ ।

ବୁଲ୍ ସିକିଆ ଆରି ସଡ଼ ଦନ୍

୩ ଜଦି କେ ବୁଲ୍ ବିସଇ ସିକାଇଲାଇନି, ଆରି ଆମର୍ ମାପ୍‌ରୁ ଜିସୁକିରିସ୍ଟର୍ ସଡ଼ ସିକିଆଟାନେ ରାଜି ନ ଅଅଡ଼,
୪ ସେନ୍ତାରି ଲକ୍ ବେସି ବଡ଼ପନିଆ ଆରି ସେ କାଇଟା ନାଜାନେ । ସେ ସବୁବେଲେ ଦଦାପେଲା କରି କାଇ ମୁଲିଅ ନ ରଇବା ବିସଇନେଇ ଜଗ୍‌ତାଜାଟି କର୍‌ତେରଇବାକେ ମନ୍ କର୍‌ସି । ଏନ୍ତାରି କରି କରି ଲକ୍‌କେ ଇସା କର୍‌ବାଟା, କିରଜାଟି କର୍‌ବାଟା, ନିନ୍ଦା କର୍‌ବାଟା ଆରି କାରାପ୍ ଚିନ୍ତା,

☆ ୫:୧୮ ମାଡିଉ ୧୦:୧୦; ଲୁକ୍ ୧୦:୭

୫ ଗଟେକ୍ ଲକ୍ ଆରି ଗଟେକ୍ ଲକ୍ ସଙ୍ଗ୍ କିରଜାଟି ଅଇ ଲାଗି ରଇସି । ସେନ୍ତାରି ଲକ୍ ମନ୍ କାରାପ୍ ଅଇଲା ଆଚେ ଆରି ସତ୍ ବିସଇ ତାକର୍ ମନ୍କେ ନ ଜାଏ । ସେମନ୍ ପର୍ମେସରର୍ ବିସଇ ସିକାଇତେରଇଲେ ତାରୁ ମିଲ୍ତେରଇସି ବଲି ବାବ୍ଲାଇନି ।

୬ ତାର୍ ବାଦୁଲେ ଆମେ ଜେଡେବେଲେ ପର୍ମେସରକେ ସାର୍ଦା କରାଉଁ, ଆରି ଆମ୍ବକେ ଜେଡକି ଆଚେ ସେଡକି ସଙ୍ଗ୍ ସୁସ୍ତା ସଙ୍ଗ୍ ରଉଁ, ତେବେ ଆମେ ଜବର୍ ଅଇତେ ମିଲାଅରୁ ।

୭ କାଇକେବଇଲେ ଆମେ ଜନମ୍ ଅଇଲାବେଲେ ରୁଚାଆତେ ଆଇଲୁ, ଆରି ଜେଡେବେଲେ ମରୁ, ରୁଚା ଆତେସେ ଉଟିଜିବୁ ।

୮ ତେବେ ଆମ୍ବକେ ଲତାକେ ଆଇବା କାଦି ଆରି ପିନ୍ଦବାକେ ବସ୍ତର ରଇଲେ ସେଡକିସଙ୍ଗ୍ ସୁସାରେ ରଇବାର୍ ଅଇସି ।

୯ କେତେ କେତେ ଲକ୍ ସାଉକାର୍ ଅଇବାକେ ଏନ୍ତି ମନ୍ କର୍ବାଇଜେ, ସେମନ୍ ଜିବନେ କାଇ ପରିକା ଆଇଲେ ମିସା ତେଇ ଅଦରବାଇ । ଗଟେକ୍ ପସୁ ପାରା ପାନ୍ଦେ ଲାଗ୍ବାଇ । ଜେଡକି ବିସଇ ତାକର୍ପାଇ ଆରି ବିନ୍ ଲକ୍ ପାଇ କାରାପ୍ ଆରି ବିପଦ୍ ଆନ୍ସି, ସେ ସବୁ ବିସଇ କର୍ବାକେ ମନ୍ କର୍ବାଇ । ଏନ୍ତାରି ମନ୍ କର୍ବାଟା ଅଦିକ୍ ଅଦିକ୍ ବାବି, ସେମନ୍ କୁରୁପ୍ନାସ୍ ଅଇଜିବାଇ ।

୧୦ କାଇକେବଇଲେ ଜନ୍ ଲକ୍ମନ୍ ତାରୁ ଆସାକରି ଆଚଡ୍, ସେ ତାରୁ ମିଲାଇବାକେ ବିନ୍ ବିନ୍ ରକାମର୍ କାରାପ୍ ବିସଇ କର୍ବାକେ ମନ୍ କର୍ବାଇ । କେତେଲକ୍ କିରିସ୍ତର୍ ବିସଇଟାନେ ରଇବା ସିକିଆ ବିସ୍ବାସ୍ କର୍ବାଟା ଦିରେ ଦିରେ ଚାଡିଦେଇଆଚଡ୍ । କାଇକେବଇଲେ ସେମନ୍ ତାରୁ ମନ୍କଲାଇ ଆରି ନିଜେ ବୁସିଅଇଲା ଲକ୍ପାରା ବେସି ରକାମ୍ ଦୁକ୍ କସ୍ତେ ପଡ୍ଲାଆଚଡ୍ ।

ପାଉଲର୍ ସାରାସାରି କାତା

୧୧ ମାତର୍ ଏ ତିମତି, ତୁଇ ଗଟେକ୍ ପର୍ମେସରର୍ ଲକ୍ । ତୁଇ ଏଟାମନ୍ ଚାଡିଦେସ୍ । ସତ୍ ବିସଇଆକା କର୍ବାକେ ବେସି ଆବଡ୍ ଅ । ପର୍ମେସର ଜେନ୍ତି ମନ୍ କଲାନି, ସେନ୍ତାରି ଚଲାଚଲ୍ଡି କର୍ । କିରିସ୍ତକେ ବିସ୍ବାସ୍ କର୍ । ବିନ୍ ଲକ୍ମନ୍କେ ଆଲାଦ୍ କର୍ । ପର୍ମେସର ତିଆରଲାଟା ମାନ୍ବାକେ କେ ଚାଡ୍ନାଇ । ଲକ୍ମନ୍ ସଙ୍ଗ୍ ରିସା ଅ ନାଇ ।

୧୨ ଗଟେକ୍ ନିକ ସଇନ ଜେନ୍ତାରି ଜୁଇଦେ ଜୁଜ୍ବାକେ କେବେ ନ ଚାଡେ, ସେନ୍ତାରିସେ ତୁଇ ମିସା ପର୍ମେସରକେ ବିସ୍ବାସ୍ କରି ତାର୍ ତିଆରଲାଟା ମାନ୍ବାକେ ଚାଡ୍ନାଇ । ଜନ୍ ନ ସାର୍ବା ଜିବନ୍ ପର୍ମେସରଟାନେ ଆଚେ, ସେଟା ତୁଇ ନିଜର୍ପାଇ ଆନ୍ । ସେ ବିସଇ ମିଲାଇବାକେ ବେସି ଲକ୍ମନ୍ ମୁଆଟେ କାତା ଦେଇରଇଲୁସ୍ ।

୧୩ ☆ପର୍ମେସର ମର୍ ସାକି, ଜେ କି ସବୁକେ ବର୍ଦବାକେ ଦେଇସି । ଆରି ଜିସୁକିରିସ୍ତ ଜେ କି, ପନ୍ତ୍ରୁସି ପିଲାଡ୍ ପାଚାରଲା ବେଲେ ସତ୍ କଇଲା, ଏ ଦୁଇ ଲକ୍ ସାକି ନେଇକରି ମୁଇ ତକେ ତିଆରଲିନି,

୧୪ ଆମର୍ ମାପୁରୁ ଜିସୁକିରିସ୍ତ ବାଉଡି ଆଇବା ଜାକ ମୁଇ ତକେ ତିଆରିରଇବା ଜେଡକି ସବୁ ବିସଇ ମାନିକରି, କାଇ ନିନ୍ଦା ନ ଅଇତେ ର ।

୧୫ ସେ ବାଉଡି ଆଇବାଟା ପର୍ମେସର ଟିକ୍ କଲା ବେଲାଇ ଗର୍ସି, ସେ ଗଟେକ୍ ଲକ୍ସେ ସାସନ୍କାରିଆ । ସେ ସେ ରାଜାମନ୍ ଉପ୍ରେ ରଇବା ରାଜା ଆରି ମାପୁରୁମନ୍ ଉପ୍ରେ ରଇବା ମାପୁରୁ ।

୧୬ ସେ କାଲ୍ କାଲ୍ ଜୁଗ୍ ଜୁଗ୍ ବର୍ସି ଆରି ତାର୍ ଚାରିବେଟ୍ଟି ରଇବା ଉଜ୍ଲେ କେ ଆସିନାପାରଡ୍ । ବର୍ଟି ରଇବା କେ ମିସା ତାକେ ଦେକଡ୍ ନାଇ ଆରି କେବେ ମିସା ଦେକିନାପାରଡ୍ । ଲକ୍ମନ୍ ତାକେ ଡାକ୍ପୁଟା କର୍ବାଇ ଆରି ତାରଟାନେ ସବୁବେଲେ ବେସି ବପୁ ରଇସି । ଆମେନ୍ ।

୧୭ ଏ ଜିବନର୍ ବିସଇନେଇ ଜେଡକି ଲକ୍ମନ୍ ସାଉକାର୍ ଅଇ ଆଚଡ୍, ବିନ୍ ଲକ୍ମନ୍ଟାନେଅନି ସେମନ୍ ନିକ ବଲି ନ ବାବ୍ବାକେ ତିଆର୍ । ଦନ୍ ସପ୍ତି ଉପ୍ରେ ବେସି ଆସା କର୍ବାର୍ ନାଇ ବଲି ସେମନ୍କେ ସିକା । କାଇକେବଇଲେ ତାରୁ ଦାପ୍ରେ ମାୟାଅଇଜାଇସି । ତାର୍ ବାଦୁଲେ ସେମନ୍କେ ଲତାକେ ଲାଗ୍ବା ବିସଇ ସବୁ ଦେବାକେ ପର୍ମେସରଟାନେ ଆସା ରକ୍ବାକେ ସିକାଇଦେସ୍ । ସେ ଆକା ଆମର୍ପାଇ କାଇଟା ନ ଦେକି, ସବୁ ବିସଇ ସାର୍ଦା କର୍ବାକେ ଦେଇସି ।

୧୮ ଦରମ୍ ମନେ ଲକ୍ମନ୍କେ ସାଇଜ କର୍ବାକେ ସେମନ୍କେ କଇଦେସ୍ । ଅର୍କିଡ୍ ଲକ୍ମନ୍କେ କାଇଟା ନ ବାବି ଦେବାକେ, ତାକର୍ ଟାନେ ରଇଲାଟା ସାର୍ଦା ସଙ୍ଗ୍ ବାଟାକର୍ବାକେ କଇଦେସ୍ ।

୧୯ ଏନ୍ତାରି ତାକର୍ ନିକ କାମ୍ସବୁ ଗଟେକ୍ ବଡ୍ ଦନ୍ ଇସାବେ ସେମନ୍ ସର୍ଗେ ସଙ୍ଗାଇଆଚଡ୍ । ସେନ୍ତାର୍ ଆଲେ ସେମନ୍ ତାକର୍ ନିଜର୍ପାଇ ଜିବନ୍ ମିଲାଇବାଇ ।

୨୦ ଏ ତିମତି, ପର୍ମେସର ତକେ ଜନ୍ଟା କର୍ବାକେ ଦାଇଡ୍ ଦେଲାଆଚେ, ସେ ଦାଇଡ୍ ନିକ ସଙ୍ଗ୍ କର୍ । ଆସା ନ ରଇବା ରୁଚା କାତା, କାଇ ଲତାକେ ନ ଆଇବା କାତାବାର୍ତା ଆରି ପର୍ମେସରର୍ ବିସଇଟାନେ ରଇବା ସତ୍ ସିକିଆ ଜନ୍ ଲକ୍ ବିରଦ୍ କଲାଇନି, ସେମନ୍ ଟାନେଅନି ଦୁରିକେ ର । ସେଟା ସେମନ୍ ସିକ୍ବା ଗିଆନ୍ ବଲି ବୁଲ୍ ବୁଜ୍ଲାଇନି ।

୨୧ ଏ ବୁଲ୍ ସିକିଆ କେତେଲକ୍ ମାନିକରି କିରିସ୍ତର୍ ବିସଇଟାନେ ରଇବା ସତ୍ ସିକିଆ ଚାଡିଦେଇଆଚଡ୍ । ପର୍ମେସର ଜିବନ୍ ଦୁକାଇ ଦୟା ଦେକାଇଲାଟା ତର୍ ସଙ୍ଗ୍ ସବୁବେଲେ ରଅ । ଆମେନ୍ !

☆ ୨:୧୩ ଜଅନ୍ ୧୮:୩୭

ତିମଥୁଙ୍କ ନିକଟକୁ ପାଉଲଙ୍କର ଦ୍ୱିତୀୟ ପତ୍ର ପାଉଲ୍ ତିମତିଙ୍କେ ଦୁଇପାଲି ଲେକିରଇବା ଚିଠି ଏ ବଇ ବିସଇରେ ଜାନ୍‌ବାଟା

ତିମତି ବଇ ପାଉଲ୍‌ରୁଟାନେଅନି ତରସିସେ ତିମତିର୍ ଲଗେ ଲେକାଅଇରଇବା ଚିଠି । ଦୁତିଅ ତିମତି ପାଉଲ୍‌ର ଜିବନର୍ ସାରାସାରିର୍ ବେଲେ ଲେକାଅଇ ରଇବା ଚିଠି ।

ଏ ଚିଠି ଲେକାଅଇଲା ବେଲେ ସେ ରମିୟରାଇଜେ ବନ୍ଦିଅଇ ରଇଲା ୧:୧୬ ପାଉଲ୍ ଆରି ତିମତି ଦୁଇଲକ୍ ସବୁବେଲେ ମିସିବିତି ରଇଲା ଆରି ପାଉଲ୍ ତିମତିଙ୍କେ ପ ପାରା ଜାନାଇତେ ରଇଲା ପିଲିପିୟ ୨:୨୨୧ମ ତିମତି ୧:୨;୧:୧୮ ।

ଏଟା ପାଉଲ୍‌ର ଚାର୍ଟା ଚିଟିଟାନେ ଅନି ଗଟେକ୍‌ଚିଟି । ଜନ୍‌ଟାନେକି ମଣ୍ଡୁଲିକେ ଗଟେକ୍ ଲକ୍‌ଇସାବେ ଜାନାଇ ଆଟେ । ଆରି ବିନ୍ ତିମତି ଚିଠି ଅଇଲାନି ପର୍ତୁମ୍ ତିମତି, ତିତସ୍ ଆରି ପିଲିମନ୍ । ଦୁଇପାଲି ଚିଠିଲେକା ଅଇଲାବେଲେ ରମିୟରାଇଜେ କସ୍‌ଟ ଦେଇତେ ରଇଲା । ଏନ୍ତାରି ଅଇତେରଇଲାକେ ପାଉଲ୍ ବନ୍ଦିରଇଲା କାଇକି ଆରି ତିମତିଙ୍କେ କସ୍‌ଟ ଆଇଲେ ମିସା ମୁରଟିକରି ରଇବାକେ ଆଦେସ୍ ଦେଇତେ ରଇଲା । ପର୍ତୁମ୍ ତିମତିପାରା ପାଉଲ୍ ତିମତିଙ୍କେ ମିର୍ ସିକିଆ ଦେଉ ଗୁରୁମନର୍ ବିସଇ ନେଇକରି କେତେଟା ଜାଗର୍ତା ରଇବା ବିସଇ ଜାନାଇଲା ଆଟେ । ପର୍ତୁମ୍ ତିମତି ୧:୧୬-୧୮ ପାଉଲ୍ ତିମତିଙ୍କେ ଆଇବା ଦିନ୍‌ମନ୍‌କେ କେତେକ୍ କସ୍‌ଟ ପାଇବା ବେଲା ଆଟେ ବଲି କଇଲାନି । ୩:୧

ଏ ବଇ ବିତ୍‌ରେ ରଇବାଟା

- ୧. ପାଉଲ୍ ତିମତିଙ୍କେ ଆଲାଦ୍ ଜାନାଇକରି ସାସ୍ ଦେଇଆଟେ । ୧:୧-୧୮
- ୨. ପାଉଲ୍ ତିମତିଙ୍କେ କେନ୍ଦ୍ରି ମୁରଟିରଇ ଦେକାଇବାଇ ସେଟା ବପୁଦେଲାନି । ୨:୧-୧୩
- ୩. ସାରାସାରିପଟେ ପାଉଲ୍ କେତେଟା ଜାନାଇବା ବିସଇ କଇଆଟେ । ୨:୧୪-୧୬
- ୪. ଆଇବା ଦିନ୍‌ମନ୍‌କେ କେନ୍ଦ୍ରିଅଇ ଜାଗର୍ତା ଅଇବାର୍ ଆଟେ ଆରି ସତ୍‌ବାଟ୍ ବାଟ୍‌ବାକେ ଜାଗର୍ତା କଲାଆଟେ । ୩:୧-୪:୮
- ୫. ପତ୍ରୁଲ୍ ତିମତିଙ୍କେ କେତେଟା ନିଜର୍ ବିସଇ ଜାନାଇ କରି ଲବ୍ ବିସଇ ଜାନାଇଆଟେ । ୪:୯-୨୨

ପେରିଡ୍ ପାଉଲ୍ ତିମତିଙ୍କେ ଦୁଇପାଲି ଚିଠି ଦେବାଟା

^୧ ମୁଇ ପାଉଲ୍ ଏ ଚିଠି ଲେକ୍‌ଲିନି । ଜିସୁକିରିସ୍‌ଟର୍ ଗଟେକ୍ ପେରିଡ୍ ଅଇବାକେ ପର୍‌ମେସର୍ ମକେ ବାଟ୍‌ଲା ଆଟେ । ନ ସାର୍‌ବା ଜିବନ୍ ପାଇବା ଜନ୍ ସୁବ୍ କବର୍ ପର୍‌ମେସର୍ କାତା ଦେଇରଇଲା, ସେଟା ଜାନାଇବାକେ ମକେ ପାଟାଇଲାଆଟେ । ସେ ଜିବନ୍ କିରିସ୍‌ଟର୍ ସଙ୍ଗ୍ ମିସିରଇବା ଜିବନ୍ ।

^୨ ଏ ଚିଠି ତିମତି ମୁଇ ତକେ ଲେକ୍‌ଲିନି । ତୁଇ ମର୍ ଆଲାଦର୍ ପଅ ପାରା ଅଇ ଆତୁସ୍ । ଆମର୍ ବାବା ପର୍‌ମେସର୍ ଆରି ଆମର୍ ମାପୁର୍ ଜିସୁକିରିସ୍‌ଟ, ତକେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

ଦନିଅବାଦ୍ ଆରି ସାର୍‌ଦା କରାଇବାଟା

^୩ ମୁଇ ପର୍‌ମେସର୍‌କେ ଦନିଅବାଦ୍ ଦେଲିନି । ମର୍ ଆନିଦାଦିମନ୍ ଜେନ୍ତାର୍ ତାକେ ସେବା କଲାଇ, ସେନ୍ତାରି ମୁଇ ମିସା ତାକେ ସେବା କଲିନି । ମର୍ ବିବେକ୍ ମକେ ଦସ୍ ଦେଏ ନାଇ । ମୁଇ ତର୍‌ପାଇ ଦିନ୍‌ରାତି ପାର୍‌ତନା କଲିନି ।

^୪ ଆମେ ଦୁଇ ଲକ୍ ବେଗଲ୍‌ଲାବେଲେ ତୁଇ ଦୁକ୍ ଅଇ ଆଁସୁ ଜରାଇଲୁସ୍, ସେଟା ମର୍ ମନେଆଟେ । ତେବର୍‌ପାଇ ତକେ ଦେକ୍‌ବି ବଲି ମୁଇ ବେସି ମନ୍ କଲିନି । ଜେନ୍ତାରି କି ମୁଇ ପୁରାପୁରୁନ୍ ସାର୍‌ଦା ଅଇବି ।

^୫ ତୁଇ ସତଇସେ ଜିସୁକିରିସ୍‌ଟକେ ବିସ୍‌ବାସ୍ କରିଆତୁସ୍ ବଲି ମର୍ ମନେଆଟେ । ତୁଇ ବିସ୍‌ବାସ୍ କର୍‌ବା ଆଗ୍‌ତୁ ତର୍ ଆମା ଲଇ ଆରି ତର୍ ଆୟା ଉନିସ୍ ତାକେ ବିସ୍‌ବାସ୍ କର୍‌ତେରଇଲାଇ । ସେନ୍ତାରିସେ ତୁଇ ବିସ୍‌ବାସ୍ କର୍‌ବାଟା ଡାଁଟ୍ ଆଟେବଲି ମୁଇ ଜାନ୍‌ଲିନି ।

^୬ ତେବର୍‌ପାଇ ମୁଇ ମର୍ ଆଡ୍, ତର୍ ମୁଣ୍ଡେ ସଙ୍ଗ୍ ପାର୍‌ତନା କଲାବେଲେ, ଜନ୍ ଆଡ୍‌ମାର୍ ଦାନ୍ ପର୍‌ମେସର୍ ତକେ ଦେଇରଇଲା, ସେଟା ବଞ୍ଚାଇକରି ସଙ୍ଗ୍ ବଲି ଏତାଇଦେଲିନି ।

^୭ କାଇକେବଇଲେ ଜନ୍ ଆଡ୍‌ମା ପର୍‌ମେସର୍ ଆମ୍‌କେ ଦେଲାଆଟେ, ସେଟା ଆମ୍‌କେ ଡର୍‌ବାକେ ନ ଦେଏ । ତାର୍ ବାଦୁଲେ ଆଡ୍‌ମାଇ ବପୁ ଦେଇସି, ବିନ୍ ଲକ୍‌ମନ୍‌କେ ଆଲାଦ୍ କର୍‌ବାକେ ସିକାଇସି ଆରି ନିଜ୍‌କେ ଜାଗର୍ତ୍ ରଇବାକେ ସିକାଇସି ।

^୮ ତେବର୍‌ପାଇ ଆମର୍ ମାପୁର୍ ଜିସୁକିରିସ୍‌ଟର୍ ବିସଇ, ବିନ୍ ଲକ୍‌କେ ଜାନାଇବାକେ ଲାଜ୍ ଅ ନାଇ । ତାର୍ ପାଇ ମୁଇ ଏବେ ବନ୍ଦିଗରେ ଆଟି, ମର୍‌ପାଇ ମିସା ଲାଜ୍ ଅ ନାଇ । ମାତର୍ ସୁବ୍ କବରର୍ ଲାଗି ଦୁକ୍ କସ୍‌ଟ ପାଇବାକେ ମର୍‌ସଙ୍ଗ୍

☆ ୧:୨ ପେରିଡ୍ ୧୭:୧ ☆ ୧:୫ ପେରିଡ୍ ୧୭:୧

ମିସ୍ । ସେନ୍ତି କରବାକେ ପରମେସର୍ ତକେ ବପୁ ଦେଇସି । ପରମେସର୍ ଆମ୍ବକେ ନ ସାର୍ବା ମରନେଅନି ବଞ୍ଚାଇକରି ଗଟେକ୍ ସୁକଲ୍ ଚଲାଚଲ୍ତି କରବାକେ ତାକିନେଲା ଆଟେ ।

୯ ନିକ କାମ୍ କଲାର୍ ପାଇ ସେ ଆମ୍ବକେ ବାଟେନାଇ । ମାତର୍ ତାର୍ ନିଜର୍ ଜଜ୍ଜନା ଇସାବେ ସେ ଆମ୍ବକେ ବାଟିକରି ତାର୍ ଦୟା ଦେକାଇଲା ଆଟେ । ଏ ଜଗତ୍ ତିଆର୍ ନ ଅଇତେ ପରମେସର୍ ଜିବନ୍ ଦୁକାଇ, ଜିସୁକିରିସ୍ଟକେ ଆମ୍ବରାଗି ଏ ଜଗତେ ପାଟାଇଲା ।

୧୦ ଆରି ଏବେ ସେ ଜିବନ୍ ଦୁକାଇ ଦୟା ଦେକାଇଲାଟା, ପରମେସର୍ ଆମ୍ବକେ ଜାନାଇଆଟେ । ଏଟା ଆମ୍ବ ରକିଆକାରି ଜିସୁକିରିସ୍ଟ ଜେ କି ଆମ୍ବଟାନେ ଆଇଲା । ମରନର୍ ବପୁକେ ସେ କୁରୁପ୍ନାସ୍ କଲା । ଆରି ସୁବ୍ କବର୍ ଜାନଲାର୍ପାଇ ନ ସାର୍ବା ଜିବନ୍ ପାଇବାକେ ସେ ଆମ୍ବକେ ବାଟ୍ ଦେକାଇଲା ।

୧୧ *ଜିସୁକିରିସ୍ଟର୍ ବିସଇ ରଇବା ଏ ସୁବ୍ କବର୍ ପରମେସର୍ ମକେ ଜାନାଇବାକେ କଇଆଟେ । ଗଟେକ୍ ସିକାଇବା ଲକ୍ ଆରି ପେରିଡ୍ ଇସାବେ, ସେ ମକେ ବାଟିଆଟେ ।

୧୨ ଏଟାର୍ ଲାଗି ମୁଇ ଏ ବନ୍ଦିଗରେ ଦୁକ୍ କସ୍ଟ ପାଇଲିନି । ପାଇଲେ ମିସା ଲାଜ୍ ଅଇନାଇ । କାଇକେବଇଲେ ମୁଇ ଜାକେ ବିସ୍ବାସ୍ କରିଆଟି, ତାକେ ଜାନି, ଆରି ମୁଇ ତାକେ ଜନ୍ତା ସର୍ପି ଆଟେ, ସେଟା ସେ ବାଉଡି ଆଇବା ଦିନ୍ ଜାକ, ଜତନ୍ କରି ସଙ୍ଗଇବାକେ ତାର୍ ବପୁ ଆଟେ । ଏଟା ମୁଇ ତାଟ୍ ସଙ୍ଗ୍ ବିସ୍ବାସ୍ କଲିନି ।

୧୩ ତୁଇ ମର୍ଟାନେଅନି ସତ୍ ସିକିଆ ସୁନିଆରୁସ୍ । ସେନ୍ତାରିସେ ଚଲାଚଲ୍ତି କର୍ । ଜିସୁକିରିସ୍ଟର୍ ସଙ୍ଗ୍ ମିସ୍ଲାର୍ ପାଇ ଏଟା ବିସ୍ବାସ୍ ଆରି ଆଲାଦ୍ ସଙ୍ଗ୍ କର୍ ।

୧୪ ଜନ୍ ସୁବ୍ କବର୍ ପରମେସର୍ ତକେ ଦେଇଆଟେ, ସେଟାକେ ଦେକାରକା କର୍ । ଆମ୍ବ ବିଡ୍ରେ ରଇବା ସୁକଲ୍ ଆଡ୍ମାର୍ ବପୁସଙ୍ଗ୍ ସେଟା ଦେକାରକା କର୍ ।

୧୫ ଆସିଆ ଦେସେ ରଇବା ବେସି ବିସ୍ବାସିମନ୍ ମକେ ଚାଡିକରି ଗାଲାଇ ଆଟଡ୍ ବଲି ତୁଇ ଜାନିଆରୁସ୍ । ତେଇ ପୁଗେଲ୍ ଆରି ଅର୍ମଗେନା ମିସା ମକେ ଚାଡି ଉଟିଗାଲାଇ ।

୧୬ ଅନିସିପର୍ ଆରି ତାର୍ କୁରୁମ୍ବକେ ମାପ୍ତୁ ଦୟାକର । କାଇକେବଇଲେ ମୁଇ ବନ୍ଦିଗରେ ରଇଲାବେଲେ ସେ ମକେ ଦେକବାକେ ଲାଜ୍ ଅଏନାଇ । ତାର୍ ବାଦୁଲେ ସେ ତର୍କେ ତର୍ ଆସି ମକେ ସାର୍ଦା କରାଇଲା ।

୧୭ ସେ ରମ୍ ଦେସେ ଆଇଲା ଦାପ୍ରେ ମକେ ବେଟ୍ ଅଇବାଜାକ ସବୁ ଜାଗାଇ କଇଲା ।

୧୮ ବଡ୍ ବିଚାରନା ଦିନେ ତାକେ ଜେନ୍ତି ମାପ୍ତୁ ଦୟା କର । ତୁଇ ନିଜେ ଜାନିଆରୁସ୍ ଏପିସିତେଇ ସେ ମକେ କେତେକ୍ ସାଇଜ କଲା ।

୨

କିରିସ୍ଟ ଜିସୁକେ ବିସ୍ବାସ୍ କରିରଇବା ସନିଅ

୧ ଏ ମର୍ ଆଲାଦର୍ ପ । ଜିସୁକିରିସ୍ଟ ଆମ୍ବକେ ଜିବନ୍ ଦୁକାଇ ଦୟା ଦେକାଇଲାର୍ ପାଇ ତାଟ୍ ଅଇ ର ।

୨ ଜେଡ୍ କି ଲକ୍ମନ୍ ବିନ୍ ଲକ୍ମନ୍ କେ ସିକାଇବାକେ ଅଦିକାର୍ ପାଇଆଟଡ୍, ଏନ୍ତାରି ଲକ୍ମନ୍ କେ ସବୁ ବିସଇ ସର୍ପିଦେସ୍ । କେତେକ୍ କେତେକ୍ ସାକିମନ୍ ମୁଆଟେ ତୁଇ ମର୍ଟାନେଅନି ଜନ୍ ସାକି ସୁନିଆରୁସ୍, ସେନ୍ତାରି ଲକ୍ମନ୍ କେ ସେ ସବୁଜାକ ସର୍ପିଦେସ୍ ।

୩ କିରିସ୍ଟ ଜିସୁର୍ ଗଟେକ୍ ନିକ ସନିଅ ଅଇ, ମର୍ପାରା ଦୁକ୍ କସ୍ଟ ମୁର୍ଚିକରି ରଅ ।

୪ ଗଟେକ୍ ସନିଅର୍ ବିସଇ ବାବିଦେକା । ସଇନ ଜୁଇଦ୍ କେ ଜିବାକେ ଜାଗରଡ୍ ଅଇବାବେଲେ, ଏ ଜଗତର୍ ବିସଇ କରବାକେ ମନ୍ ନ ଦେଏ । କାଇକେବଇଲେ, ସେ ତାର୍ ଉପ୍ରେ ଅଦିକାରିକେ ସାର୍ଦା କରାଇବାକେ ମନ୍ କର୍ସି ।

୫ ସେନ୍ତାରିସେ, ଗଟେକ୍ ପାଲାଇବା ଲକ୍ମନ୍ ବିସଇ ବାବିଦେକ୍ । ଜେ ଆରାଜିତାଟାନେ ପାଲାଇବାକେ ମନ୍ କର୍ସି, ସେ ଜଦି ଆରାଜିତାର୍ ନିୟମ୍ ମାନିକରି ନ ପାଲାଇଲେ, ତାକେ ସେ ଇନାମ୍ ନ ମିଲେ ।

୬ ଗଟେକ୍ ଚାସିର୍ ବିସଇ ବାବିଦେକ୍, ଜନ୍ ଚାସି କସ୍ଟ କରିରଇସି, ସେ ପର୍ଡୁମ୍ ପଲ୍ ପାଇବା ଦରକାର୍ ।

୭ ମୁଇ ଜାଇଟା କଇଲିନି, ସେଟା ବାବିଦେକ୍, ମାପ୍ତୁ ସବୁ ବିସଇଟାନେ ତକେ ଗିଆନ୍ ଦେଇସି ।

୮ ମୁଇ ଜନ୍ ସୁବ୍ କବର୍ ତକେ ଜାନାଇରଇଲି, ତେଇ ଜିସୁକିରିସ୍ଟକେ ଏତାଉଁ । ସେ ଦାଉଦର୍ କୁରୁମ୍ବେ ଜନମ୍ ଅଇଲା ଆରି ପରମେସର୍ ତାକେ ମରନେଅନି ଉଟାଇଲା ।

୯ ସେ ସୁବ୍ କବର୍ ଲାଗି ମୁଇ ଦୁକ୍ କସ୍ଟ ଅଇ ଆଇଲିନି ଆରି ଗଟେକ୍ ଦସ୍ କଲା ଲକ୍ମନ୍ପାରା ବନ୍ଦିଗରେ ଆଟି । ମାତର୍ ପରମେସର୍ ବାକିଅ ବାନ୍ଦାଇଅଇ ରଏନାଇ ।

୧୦ ସେନ୍ତାରିସେ ବାଟିଅଇଲା ଲକ୍ମନ୍ ମିସା କେବେ ନ ସାର୍ବା ମଇମା ସଙ୍ଗ୍ ଜିସୁକିରିସ୍ଟ ଦେବା ମୁକ୍ତି, ପାଇବାଇ । ସେମନ୍ ଲାଗି ଏ ସବୁ ବିସଇ ମୁଇ ମୁର୍ଚିକରି ରଇଲିନି ।

୧୧ ଏ ବାକିଅ ସଡ୍,

ଜଦି ଆମେ ତାର୍ ସଙ୍ଗ୍ ମରିଜାଇଆରୁ,
ସେନ୍ତାରି ଆଲେ ଆମେ ତାର୍ ସଙ୍ଗ୍ ବଞ୍ଚୁ ମିସା,

* ୧:୧୧ ୧ମ ଡିମ୍ବି ୨:୭

୧୨ *ଜଦି ଆମେ ମୁରୁଚିକରି ରଇବୁ
 ତେବେ ତାର ସଙ୍ଗ ସାସନ ମିସା କରବୁ ।
 ଆମେ ଜଦି ତାକେ ନ ନାମୁ,
 ସେ ଆମ୍ଭକେ ମିସା ନ ନାମେ ।

୧୩ ମାତରୁ ଆମେ ବିସ୍ବାସ କରବାଟା ଏଲା କଲେ ମିସା
 ସେ କାତା ଦେଇରଇବାଟା ସବୁ କରିସାରାଇସି ।
 କାଇକେବଇଲେ ସେ ତାର କାତା ନ ବାଦଲାଏ ।

ନିମାନ୍ ସେବା କରୁ

୧୪ ପଦେକ୍ କାତା ନେଇ ଦଦାପେଲା ଅଇତେରଇଲେ, ସେଟା ରୁଚାଇସେ । ସୁନ୍ଦା ଲକ୍ମନକେ ନସ୍ତକରି ଦେଇସି । ଏନ୍ତାରି କଇ ପରମେସରର ମୁଆଟେ ଲକ୍ମନକେ ତାଟ୍‌ସଙ୍ଗ ଆଦେସ୍ ଦେସ୍ ।

୧୫ ସତ୍ ବାକିଅ ନିମାନ୍ ସଙ୍ଗ ଜାନା । ଲାଜ୍ ନଇଲା କାମ୍ କରବା ଲକ୍ମନା ମାପୁରୁ ଲଗେ ନିଜ୍‌କେ ଅଦିକାର ପାଇଲା ଲକ୍ ବଲି ଦେକାଇଅଇବାକେ ଜତନ୍ ଅ ।

୧୬ ମାତରୁ ଜନ୍ ଲକ୍ମନ ଆସାର କାତାଇ ଆରି ବକ୍ତୁଆ କାତାଇ ଦିଆନ୍ ଦେଇତେ ରଇବାଇ, ସେନ୍ତାରି ଲକ୍ମନର ଟାନେଅନି ଦୁରିକେ ର । ଜନ୍ ଲକ୍ମନ ସେନ୍ତାରିଟାନେ ମିସ୍‌ବାଇ, ସେ ଲକ୍ମନ ପରମେସରର ଟାନେଅନି ଦୁରିକେ ଜିବାଇ ।

୧୭ ତାକର କାତା ଗାଗ୍‌ତେ ଅଦିକ୍ ଅଦିକ୍ ଅଇବା ଗଟେକ୍ ଗାଉପାରା ଅଇ ଲକ୍ମନକେ ନସାଇସି । ସେନ୍ତାରିସେ ଉମନାଅ ଆରି ପିଲିଡ୍ ଲକ୍ମନକେ ଏନ୍ତି ସିକିଆ ଦେଇ ବୁଲ୍‌ଲାଇନି ।

୧୮ ସେମନ୍ ମଲାଲକ୍ ଉଟି ସାରିଆଟେ ବଲି କଇକରି ସତ୍‌କେ ଚାଡ଼ିଦେଇଆଟଡ୍ । ଏନ୍ତାରି କଇକରି କେତେ କେତେ ଲକ୍‌ର ବିସ୍ବାସ ନସାଇଦେଇ ଆଟଡ୍ ।

୧୯ ଅଇଲେମିସା ପରମେସର ଜନ୍ କୁନାଦି ବସାଇଆଟେ, ସେଟା ତାଟ୍‌ସେ ରଇସି । ସେ କୁନାଦି ଉପରେ ଏନ୍ତାରି ଲେକା ଅଇଲାଆଟେ, “ମାପୁରୁ ତାର ନିଜର୍ ଲକ୍‌କେ ଜାନେ, ଆରି ଜେଡ୍‌କିଲକ୍ ସବୁ ଆମେ ମାପୁରୁ ଲକ୍ ବଲାଇଅଇଲାଇନି, ସେମନ୍ ବୁଲ୍ କାମେ ଅନି ଦୁରିକେ ରଅଡ୍ ।”

୨୦ ଗଟେକ୍ ରାଜାର ଗରେ କେତେ ରକାମର୍ ଗିନାକୁଡ୍‌କା ରଇସି, କେତେଟା ସୁନା ରୁପା ସଙ୍ଗ୍ ତିଆର୍ ଅଇଲାଟା, କେତେଟା ଗର୍ ଆରି ଚିକଟ୍ ମାଟିସଙ୍ଗ୍ ତିଆର୍ ଅଇଲା, କେତେଟା ବିବା ବଜି ବେଲ୍‌ରପାଇ ଆରି କେତେଟା ଦିନକେ ବାଇବାକେ ରଇସି ।

୨୧ ଜେ ନିଜ୍‌କେ ସବୁ ରକାମର୍ ପାପେଅନି ଜାଗ୍‌ରଡ୍ କରିରଇସି, ମାପୁରୁ ସେମନ୍‌କେ ନିକ କାମର୍‌ପାଇ ବାଇସି । କାଇକେବଇଲେ, ସେ ଦେକ୍‌ବା ଇସାବେ, ସେମନ୍ ନିକ ଲକ୍ ଆରି ସବୁ ରକାମର୍ ଦରମ୍ କାମର୍‌ପାଇ ନିଜେ ସର୍ପି ଅଇଲାଇ ଆଟଡ୍ ।

୨୨ ମାତରୁ ଦାଙ୍ଗ୍‌ତା ବଇସେ ରଇବା ଗାଗ୍‌ତର ମନକରବାଟାନେଅନି ତୁଇ ଦୁରିକେ ର । ଚିକ୍ ବିସଇ କରବାକେ ଚେସ୍‌ଟା କର୍ । ବିସ୍ବାସେ ଡାଁର୍ ରଅ । ବିନ୍ ଲକ୍ମନକେ ଆଲାଦ୍ କର୍ । ଆରି ତାକର ସଙ୍ଗ୍ ସାନ୍ତିସଙ୍ଗ୍ ର । ମନକେ ସୁକଲ୍ କରି ଜେଡ୍‌କି ସବୁଲକ୍ ମାପୁରୁକେ ପୁଜା କଲାଇନି, ସେମନ୍‌ର ସଙ୍ଗ୍ ଏ ସବୁଜାକ କର୍ ।

୨୩ ଆସାର କାତାଇଅନି, ରୁଚାଇ ଦଦାପେଲା ଅଇବା କାତାଇଅନି ଦୁରିକେ ର । କାଇକେବଇଲେ, ସେନ୍ତାରି ଟାନେ ମିସ୍‌ବା ଲକ୍ମନ ସବୁ କିରଜାଟି ଅଇକରି ସାରିଜିବାଇ । ଏଟା ତୁଇ ଜାନିଆରୁସ୍ ।

୨୪ ମାପୁରୁକେ ସେବା କରବା ଏନ୍ତାରି ଗଟେକ୍ ଲକ୍ କିରଜାଟି କରବାରନାଇ । ତାର ବାଦୁଲେ, ସେ ସବୁକେ ସୁଆଲେ ଚଲାଟଲ୍‌କି କରବାର୍ । ସେ ନିକସଙ୍ଗ୍ ସିକାଇବାକେ ଜାନ୍‌ବାର୍‌ଆଟେ । ଦାପ୍‌ରେ ରିସା ନ ଅଇକରି ମୁରୁଚି ରଇବାର୍ ଆଟେ ।

୨୫ ପରମେସର ତାର ମନ୍ ବାଉଡାଇବାକେ ଦେଇସି, ସେଟା ଆସାଅଇ ତାର ବିରଦେ କାତା ଅଇବା ଲକ୍ମନକେ ସେ ଦରମ୍ ସଙ୍ଗ୍ ସୁଆଲ୍ କରବାର୍ ଆଟେ । ସତ୍ ବିସଇ ଜାନ୍‌ବାକେ ସେମନ୍‌କେ ସାଇଜ କର ।

୨୬ ତାର ଚିନ୍ତା କରବାଟାନେ ସେମନ୍ ସତ୍ ବିସଇ ଅଇସି କି ନାଇ ବଲି ନ ବାବିକରି ରଇବାର୍ । ତାର ମନ୍ କଲାଟା ପୁରାପୁରୁନ୍ କରବାକେ ସଇତାନ୍ ସେମନ୍‌କେ ବନ୍ଦିକରି ନେଲାଆଟେ । ତାର ପାନ୍ଦେଅନି ସେମନ୍ ରକିଆ ପାଅଡ୍ ।

୩

ସେସ୍ କାଲେ ଗଟଲା ଗଟନା

୧ ମାତରୁ ଜାନିର । ଜଗତର ସାରାସାରି ଦିନମନ୍‌କେ ବେସି ଦୁକ୍ କସ୍ଟ ବେଲା ଆଇସି ।
 ୨ କାଇକେବଇଲେ ଲକ୍ମନ ନିଜେ ଆଲାଦ୍ ଅଇକରି ବିନ୍ ଲକ୍‌କେ ଆଲାଦ୍ ନ କରଡ୍ । ସେମନ୍ ତାରୁକାସୁ ଆସାକରବା ଲକ୍, ନିଜର୍ ବିସଇଟାନେ ବଡ୍‌ପନ୍ ଅଇବା ଲକ୍, ବିନ୍ ଲକ୍‌କେ ନିନ୍ଦା କରବା ଲକ୍, ତାକର ଆୟା ବାବାର୍ କାତା ନ ମାନ୍‌ବା ଲକ୍, ଦନିଅବାଦ୍ ଦେବାଟା ପାସର୍‌ବା ଲକ୍, ପରମେସରର ବିସଇକେ ସନ୍‌ମାନ୍ ନ ଦେବା ଲକ୍,

* ୨:୧୨ ମାଡିଉ ୧୦:୩୩; ଲୁକ୍ ୧୨:୯

୩ ବିନ୍ ଲକ୍ଷ୍ମୀଙ୍କୁ କେମା ନ ଦେବା ଲକ୍ଷ୍ମୀ, ବିନ୍ ଲକ୍ଷ୍ମୀ ବିଷୟ ମିତ୍ର କରବା ଲକ୍ଷ୍ମୀ, ନିଜେ ଜାଗରତ୍ ନ ରରବା ଲକ୍ଷ୍ମୀ, କିରଜାତି ଅଇବା ଲକ୍ଷ୍ମୀ, ନିକ ବିଷୟ ଗିନ୍ କରବା ଲକ୍ଷ୍ମୀ,

୪ ବିଷୟାସେ ବିଷ୍ ଦେବା ଲକ୍ଷ୍ମୀ, ବକ୍ଷୁଆ ବିଷୟ କରବା ଲକ୍ଷ୍ମୀ, ବିନ୍ ଲକ୍ଷ୍ମୀଗାନେଅନି ବଡ଼ ବଲାଇଅଇବା ଲକ୍ଷ୍ମୀ, ପରମେସ୍ବରକେ ଆଲାଦ୍ କରବା ବାଦୁଲେ ନିଜ୍ଜକେ ସାର୍ଦା କରାଇବା ଲକ୍ଷ୍ମୀ ।

୫ ପରମେସ୍ବରକେ ସେବା କଲିନି ବଲି ଦେକାଇବାଇ, ମାତର ତାର ବପୁ ତାକର ଜିବନ୍ ବାଦ୍ଲାଇବାକେ ନ ଦେଅଡ଼ । ସେନ୍ତାରି ଲକ୍ଷ୍ମୀମନର୍ଚ୍ଚାନେଅନି ଦୁରିକେ ର ।

୬ କାଇକେବଇଲେ ଏନ୍ତାରି ଲକ୍ଷ୍ମୀ ବିନ୍ ଗର୍ମାନ୍କେ ପୁରିଦେଇ ତେଇ ରରବା ମାଇଜିମାନ୍କେ ନାଡାଇଲାଇନି । ଏ ମାଇଜିମାନ୍ ତାକର ପାପର ଲାଗି ନିଜ୍ଜକେ ଦସ୍ ଦେଇ ବିନ୍ ବିନ୍ ରକାମର କରାପ୍ ମନ୍କରବାଟାସଙ୍ଗ୍ ପୁରାପୁରୁନ୍ ଅଇଲାଅଟଡ଼ ।

୭ ସେମନ୍ ସବୁବେଲେ ବିନ୍ ବିନ୍ ରକାମର ସିକିଆ ସିକିବାକେ ମନ୍ କଲାଇନି । ମାତର ତେଇର ସଡ଼ ବିଷୟ ନାଜାନଲାଇନି ।

୮ ଆଗର କାଲେ ଜେନ୍ତାରିକି, ଜୁନସ୍ ଆରି ଜମ୍ବିରିସ୍ ମସାର ବିରୁଦେ ଉଟ୍ଲାଇ, ସେନ୍ତାରିସେ ଏ ସିକାଉମନ୍ ମିସା ସଡ଼କେ ବିରଦ୍ କଲାଇନି । ସେମନ୍ ମନ୍ କରାପ୍ ଅଇଆଟେ । ଆରି ବିଷ୍ବାସର କାତା ଉଟ୍ଲେ ତାକରଟା ତୁଚାଇସେ ।

୯ ମାତର ସେମନ୍ ନିଜେ ପାଁତିରରବାଟା ସବୁବେଲରପାଇ ନ ରଏ । କାଇକେବଇଲେ ଜାନାସ୍ ଆରି ଜିମିରସ୍ ବକ୍ଷୁଆଟାମନ୍ ବଲି ଆଗ୍ତୁର ଲକ୍ଷ୍ମୀ ଜାନଲାଇ, ସେନ୍ତାରିସେ ଏବର ଲକ୍ଷ୍ମୀମନ୍ ମିସା ସେମନ୍ ବକ୍ଷୁଆ ବଲି ଜାନବାଇ ।

ତିମତିକେ ପାଉଲର ସେସ୍ କାତା

୧୦ ମାତର ତିମତି ତୁଇ ମର ସବୁ ବିଷୟ ଜାନିଆରୁସ୍ । ମୁଇ ଲକ୍ଷ୍ମୀଙ୍କୁ କେନ୍ତାରି ସିକାଇଲିନି, କେନ୍ତାରି ଚଲାଟଲ୍ଲତି କଲିନି, ମର ଆଦେସ୍ କାଇଟା, ମର ବିଷ୍ବାସ୍ କେନ୍ତାଟା, ମୁଇ କେନ୍ତା ମୁରତିକରି ରଇଲିଆତି, ବିନ୍ ବିନ୍ ଲକ୍ଷ୍ମୀଙ୍କୁ କେନ୍ତା ଆଲାଦ୍ କରିଆତି ଆରି ମକେ ଆଇଲା ଦୁକ୍ କସ୍ଟ ମିସା ଜାନୁସ୍ ।

୧୧ *ଲକ୍ଷ୍ମୀମନ୍ ମକେ ଦୁକ୍ କସ୍ଟ ଦେଲାଟା ଆନଟିକିୟ୍, ଇକନିୟ୍ ଆରି ଲୁସ୍ତା ନଅରମନ୍କେ କାଇ କାଇଟା ଅଇରଇଲା ଆରି କେତେକ୍ ଅଦିକ୍ କସ୍ଟ ପାଇରଇଲି, ସେ ସବୁ ବିଷୟ ତୁଇ ଜାନୁସ୍ । ମାତର ମାପରୁ ଜିସୁ ମକେ ସବୁ ଦୁକ୍ କସ୍ଟ ଟାନେଅନି ରକିଆ କଲା ।

୧୨ ଦେକ୍ବାକେଗାଲେ ଜେଡ଼କି ଲକ୍ଷ୍ମୀ ଜିସୁକିରିସ୍ଟକେ ବିଷ୍ବାସ୍ କରି ପରମେସ୍ବର ଦେକ୍ବା ଇସାବେ ଦରମ୍ ଚଲାଟଲ୍ଲତି କରବାକେ ମନ୍ କଲାଇନି, ସେମନ୍ ସବୁ ବିଷ୍ବାସ୍ ନ କଲା ଲକ୍ଷ୍ମୀମନର୍ଚ୍ଚାନେଅନି ଦୁକ୍ କସ୍ଟ ପାଇବାଇ ।

୧୩ ମାତର କରାପ୍ ଲକ୍ଷ୍ମୀମନ୍ ଆରି ନାଡାଇମନ୍ ଅଦିକ୍ ଅଦିକ୍ କରାପ୍ ଅଇଜିବାଇ । ସେମନ୍ ଲକ୍ଷ୍ମୀଙ୍କୁ ନାଡାଇକରି ନିଜେ ନାଡାଇଅଇବାଇ ।

୧୪ ମାତର ତୁଇ ଜେଡ଼କି ବିଷୟ ସିକିଆରୁସ୍, ଆରି ସେଟା ସବୁ ସଡ଼ ବଲି ବିଷ୍ବାସ୍ କରିଆରୁସ୍, ସେଟା ସବୁ ତାଟ୍ ସଙ୍ଗ୍ ଦାରି ର । କାଇକେବଇଲେ, ନିକ ସିକାଇବା ଲକ୍ଷ୍ମୀମନର୍ ଟାନେଅନି ଏ ସବୁ ସିକିଆରୁସ୍ ।

୧୫ ଆରି ତୁଇ ପିଲାବେଲେ ଅନି ସୁକଲ୍ ସାସ୍ତର ଜାନିଆରୁସ୍ । କିରିସ୍ଟ ଜିସୁକେ ବିଷ୍ବାସ୍ କଲାର ପାଇ ପରମେସ୍ବର ତକେ ରକିଆ କରସି ବଲି ତୁଇ ଜାନଲୁସ୍ନି ।

୧୬ ସବୁ ସାସ୍ତର ପରମେସ୍ବର ଟାନେଅନି ଆଇଲା ଆଟେ, ଆରି ସେଟା ଲକ୍ଷ୍ମୀଙ୍କୁ ସିକାଇବାକେ, ବୁଲ୍ ଅଇଲାଟା ଟିକ୍ କରବାକେ, ଟିକ୍ ବିଷୟ କରବାକେ, ଆରି ଲକ୍ଷ୍ମୀଙ୍କୁ ସିକାଇବାକେ ଆମ୍ବକେ ସାଇଜ କରସି ।

୧୭ ଜେନ୍ତାରି କି, ପରମେସ୍ବରକେ ସେବା କରବା ଗଟେକ୍ ଲକ୍ଷ୍ମୀ ପୁରାପୁରୁନ୍ ତିଆର୍ ଅଇ, ସବୁ ଦରମ୍ କାମ୍ କରବାକେ ବପୁ ପାଇସି ।

୪

୧ ପରମେସ୍ବର ଆରି ଜିସୁକିରିସ୍ଟ ମର ସାକି । ଜେକି ମଲା ଲକ୍ଷ୍ମୀମନର୍ ଆରି ଜିବନ୍ ରଇଲା ଲକ୍ଷ୍ମୀମନର୍ ବିଚାର କରସି । ତାର ରାଇଜର ଲାଗି, ସେ ଜଗତେ ସାସନ୍ କରବାକେ ଆଇସି । ସେଟାରପାଇ ମୁଇ ତମ୍ବକେ ତିଆର୍ଲିନି ।

୨ ସୁବ୍ କବର ସବୁକେ ଜାନାଆ । ଲକ୍ଷ୍ମୀମନ୍ ସେଟା ସୁନ୍ବାକେ ମନ୍ କଲାବେଲେ କି ନ ସୁନ୍ବା ବେଲେ ସେଟା ଜାନାଇବାକେ ଜାଗିର । ବୁଲ୍କରି କାରାପ୍ କାମ୍ କରବା ଲକ୍ଷ୍ମୀଙ୍କୁ ସେଟା ଚାଡ଼ବାକେ ତାଟ୍ ସଙ୍ଗ୍ କ । ଆସା ନ ଚାଡ଼ି ପରମେସ୍ବରର ବାକିଅ ସିକାଇତେର । ସେମନ୍କେ ନିକ କାମ୍ କରବାକେ ସାର୍ଦା କରାଆ ।

୩ ଗଟେକ୍ ବେଲା ଆଇସି, ଜେଡେବେଲେ ସଡ଼ ସିକିଆ ସୁନ୍ବାକେ ଲକ୍ଷ୍ମୀମନ୍ ମନ୍ ନ କରଡ଼ । ତାର ବାଦୁଲେ ସେମନ୍ ଜନ୍ କାରାପ୍ ବିଷୟ କରବାକେ ମନ୍ କରବାଇ, ସେଟା କରଡେରରବାଇ । ବିନ୍ ବିନ୍ଟା ସିକାଉମନ୍କେ ତାକିକରି, ତାକର ଟାନେ ଜନ୍ ସାର୍ଦାର ବିଷୟ ସୁନ୍ବାକେ ମନ୍ କରବାଇ, ସେନ୍ତାରି ଲକ୍ଷ୍ମୀଙ୍କୁ ତାକିଆନ୍ବାଇ ।

୪ ସଡ଼ ବିଷୟ ଦିଆନ୍ ନ ଦେଇକରି କାତାନିମନ୍ ସୁନ୍ବାକେ ମନ୍ କରବାଇ ।

* ୩:୧୧ ପେରିଡ଼ ୧୩:୧୪-୫୨; ପେରିଡ଼ ୧୪:୧-୭; ପେରିଡ଼ ୧୪:୮-୨୦

୫ ମାତର ତିମତି, ତୁଇ ନିଜେ ସବୁବେଳେ ଜାଗରତ୍ ଅଇ ର । ଦୁକ୍ କସ୍ତ ଆଇଲେ ମୁରଚିକରି ର । ସୁବକବର ଜାନାଇତେର । ତର ଦାଇତେ ରଇବା ସବୁ କାମ୍ କରତେରଇବାର ।

୬ ଗଟେକ୍ ପୁଜାରି ଜେଡ୍ଡିକି ବେଦିଟାନେ ବଲି ଚଗାଇସି, ସେନ୍ତାରିସେ, ଏବେ ମର୍ ଜିବନ୍ ସର୍ପାଇ ଅଇବା ବେଲା କେଟିଆଚେ । ତାରଲାଗି ଏ ସବୁ ଆଦେସ୍ ମୁଇ ତକେ ଦେଲିନି ।

୭ ଆରାଜିତାଟାନେ ମୁଇ ନିକସଙ୍ଗ୍ ଜୁଇଦ୍ କଲିଆତି । ଜେଡ୍ଡିକି ପାଲାଇବାର ରଇଲା ମୁଇ ନିକସଙ୍ଗ୍ ସାରାଇଲି । ଆରି ମୁଇ ମର୍ ବିସ୍ବାସ୍ ଆରାଇନାଇ ।

୮ ଏବେ ସରଗେ ମର୍ପାଇ ଜିଡ୍ଲା ମୁକୁଟ୍ ସଙ୍ଗାଆଚେ । ଏ ମୁକୁଟ୍ ପର୍ମେସରର୍ ମୁଆଟେ ମୁଇ ଦରମ୍ ସଙ୍ଗ୍ ଚଲାଚଲ୍ତି କଲାପାଇ ଆଚେ । ମାପୁରୁ ଜେ କି କାକେ ଅନିଆଇ ନ କରି ବିଚାର୍ କର୍ସି, ତାର ବିଚାର୍ନା ଦିନେ ସେ ମୁକୁଟ୍ ମକେ ପୁରୁସ୍କାର୍ ଇସାବେ ଦେଇସି । ସେଟା ଅବ୍କା ମର୍ପାଇ ନାଇ, ମାତର ଜେଡ୍ଡିକି ଲକ୍ ସେ ବାଉଡି ଆଇବାଟା ଜାଗିଆଚଡ୍, ସେମନ୍କେ ସବୁକେ ଦେଇସି ।

ନିଜର୍ ଆଦେସ୍

୯ ତିମତି, ଜେତେକ୍ ଦାପୁରେ ତୁଇ ମର୍ଲଗେ ଆଇବାକେ ଚେସ୍ଟା କର୍ ।

୧୦ *କାଇକେବଇଲେ ଦିମା ଏବେ ମକେ ଚାଡିକରି ତେସଲନିକି ଗାଲାଆଚେ । ସେ ଏ ଜଗତର୍ ବିସଇ ଅଦିକ୍ ମନ୍ କଲାନି । କର୍ସିନ୍ ଗାଲାଡିଆଇ ଗାଲା, ଆରି ତିତସ୍ ଦୁଲ୍ମତି ଗାଲା ।

୧୧ *ଲୁକ୍ ଗଟେକ୍ ଲକ୍ସେ ମର୍ସଙ୍ଗ୍ ଆଚେ । ତୁଇ ଆଇଲାବେଲେ ମାର୍କକେ ତର୍ ସଙ୍ଗ୍ ଡାକିଆନ୍ । କାଇକେବଇଲେ ଇତି ରଇଲାବେଲେ ମର୍ କାମେ ସେ ସାଇଜ କର୍ସି ।

୧୨ *ତିକିକସ୍କେ ମୁଇ ଏପିସିଅ ପାଟାଇଆତି ।

୧୩ *ତୟ୍ ନଅର୍ ଚାଡିଲାବେଲେ କର୍ପର୍ ଗରେ ମୁଇ ମର୍ ଅଡ୍ବାଟା ଚାଡିଆତି । ତୁଇ ଆଇବାବେଲେ ସେଟା ଦାରିଆଉ । ଆରି ମର୍ ବଇପତର୍ମନ୍ ଆରି ଲଡାକେ ଆଇବା କାଗଜ୍ପତର୍ ମିସା ଦାରିଆଉ । ମେଣ୍ଡାର ଚାମ୍ ସଙ୍ଗ୍ ତିଆର୍ ଅଇଲାଟା ଚାଡ୍ବାର୍ ନାଇ ।

୧୪ *କ୍ସ୍ କାମ୍ କରୁ ଆଲେକ୍ଜାଣ୍ଟେର୍ ମକେ ବେସି ଅନିଆଇ କରି ଆଚେ । ସେ କଲା କାମ୍ପାଇ ମାପୁରୁ ତାକେ ବେସି ତଣ୍ଟ ଦେଇସି ।

୧୫ ତୁଇ ମିସା ତାର୍ଟାନେଅନି ଜାଗ୍ରତ୍ ରଅ । ସେ ଆମର୍ ସିକିଆ ତାଟ୍ ସଙ୍ଗ୍ ବିରଦ୍ କରିରଇଲା ।

୧୬ ମୁଇ ପର୍ତୁମତର୍ ନିଜ୍ଜକେ ରକିଆ କର୍ବାକେ ବିଚାର୍ନା ଜାଗାଇ ଗାଲାବେଲେ, ମର୍ବାଟେ ଅଇକରି ସାକି ଦେବାକେ କେ ନ ରଇଲାଇ । ତାର୍ ବାଦୁଲେ ସବୁଲକ୍ ମକେ ଚାଡିଦେଲାଇ । ଏ କାମ୍ପାଇ ସେମନ୍କେ ପର୍ମେସର୍ ତଣ୍ଟ ନ ଦେଅ ।

୧୭ ସେ ବିଚାର୍ନା ଜାଗାଇ ଜେଡ୍ଡିକି ଜିଉଦି ନ ଅଇଲା ଲକ୍ମନ୍ ରୁଣ୍ଡିରଇଲାଇ, ସେମନ୍କେ ସବୁକେ ଜିସୁକିରିସ୍ଟର୍ ସୁବକବର୍ ଜେଡ୍ଡିକି ମୁଇ ପୁରାପୁରୁନ୍ ବାବେ ଜାନାଇପାର୍ବି, ସେଟାପାଇ ମାପୁରୁ ମର୍ସଙ୍ଗ୍ ରଇକରି ମକେ ବପୁଦେଲାଆଚେ । ସେ ବିଚାର୍ନାର୍ ସାରାସାରି ମକେ କାଇବାକେ ଆସିରଇବା ଗଟେକ୍ ସିଅର୍ ଟାନେଅନି ରକିଆ କଲାପାରା ମାପୁରୁ ରକିଆ କଲା ।

୧୮ ବିପଦେ ପାକାଇବା ସବୁ ଗଟ୍ନାଇଅନି ମାପୁରୁ ଜିସୁ ମକେ ରକିଆ କରି, ସରଗେ ରଇବା ତାର୍ ରାଇଜେ କାଇଟା ନ ଅଇତେ ଡାକିନେଇସି । କାଲ୍ କାଲ୍ ଜୁଗ୍ ଜୁଗ୍ ସେ ଆକା ଡାକ୍ପୁଟା ପାଅ । ଆମେନ୍ !

ପାଉଲର୍ ଜୁଆର୍

୧୯ *ପିର୍ସିଲାକେ ଆରି ଆକିଲାକେ ଜୁଆର୍ ଜାନାଆ । ଆରି ଅନିସିପରର୍ କୁଟୁମ୍କେ ମିସା ମର୍ ଜୁଆର୍ ଜାନାଆ ।

୨୦ *ଏରାସ୍ତ କରନ୍ତିଅ ନଅରେ ଆଚେ । ଆରି ତର୍ପିମସ୍କେ ଜର୍ ଅଇଲାକେ ମୁଇ ତାକେ ମିଲିତି ଚାଡିଦେଇ ଆସିଆତି ।

୨୧ ତୁଇ ସିଡ୍ଦିନ୍ ଅଇବା ଆଗତୁ ଆଇବାକେ ଚେସ୍ଟା କର୍ । ଇଉରୁଲ୍ ପୁଦେନ୍ସ, ଲିନ୍, କଲ୍ଦିଆ ଆରି ଇତିରଇବା ସବୁ ବିସ୍ବାସି ବାଇବଇନି ତକେ ଜୁଆର୍ ଜାନାଇଲାଇନି ।

୨୨ ପର୍ମେସର୍ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ୍ ରଅ ।

* ୪:୧୦ କଲସିଅ ୪:୧୪; ପିଲିମନ୍ ୧:୨୪; ୨ୟ କରନ୍ତିୟ ୮:୨୩; ଗାଲାଡିୟ ୨:୩; ତିତସ୍ ୧:୪ * ୪:୧୧ କଲସିଅ ୪:୧୪; ପିଲିମନ୍ ୧:୨୪; ପେରିଡ୍ ୧୨:୧୨,୨୫;୧୩:୧୩;୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪ * ୪:୧୨ ପେରିଡ୍ ୨୦:୪; ଏପିସିୟ ୬:୨,୨୨; କଲସିଅ ୪:୭,୮ * ୪:୧୩ ପେରିଡ୍ ୨୦:୬ * ୪:୧୪ ୧ମ ତିମତି ୧:୨୦; ରମିୟ ୨:୬ * ୪:୧୯ ପେରିଡ୍ ୧୮:୨;୨ୟ ତିମତି ୧:୧୭,୧୭ * ୪:୨୦ ପେରିଡ୍ ୧୯:୨୨; ରମିୟ ୧୭:୨୩; ପେରିଡ୍ ୨୦:୪;୨୧:୨୯

ତିତସ୍ ନିକଟକୁ ପାଉଲଙ୍କର ପତ୍ର ପାଉଲ୍ ତିତସ୍‌ଙ୍କେ ଚିଠିଲେଖିଲାଟା ଏ ବଇର ବିଷୟ ଜାନ୍‌ବାଟା

ପାଉଲ୍‌ର ଚାହୁଣା ଚିଠି ବିତ୍‌ରେଅନି ତିତସ୍ ବଇ ଗଟେକ୍ । ଜନ୍‌ଟାକି ମଣ୍ଡଲିକେ ନ ଜାନାଇକରି ଲକ୍‌ମନ୍‌କେ ଜାନାଇଲାନି । ବିନ୍ ତିନ୍‌ଟା ଚିଠି ଅଇଲାନି ୧ ମ ତିମତି, ୨ ଯ୍ ତିମତି ଆରି ପିଲିମନ୍ । ପାଉଲ୍ ତିତସ୍‌ଙ୍କେ ଜେନ୍ତିକି ସେ ସବୁ ଲକ୍‌ମ୍ ମୁଆଟେ ଆଉଲିଅଇକରି ଏ ଚିଠି ପତ୍ର ବଲି ଲେଖିଲାନି । ପେରିତ୍ ଇସାବେ ତାର୍ କାଇକାଇଟା ରଇବାର୍ ଦରକାର୍ ସେ ବିଷୟରେ ବୁଜାଇଲାନି । ଏଟା କେତେଟା ବିଷୟ ତିତସ୍ ଆଗେଅନି ଜାନିରଇଲା । ଏ ଚିଠି କିରିସ୍‌ଟ ଜନମ୍ ଅଇକରି ୨୩-୨୫ ବରସ୍ ବିତ୍‌ରେ ପାଉଲ୍ ଲେଖି ରଇସି ।

ପାଉଲ୍ କିରିତର୍ ଦିପେ ରଇଲା ମଣ୍ଡଲିମନ୍‌କେ ଚାଲାଇବାକେ ତିତସ୍‌ଙ୍କେ ଆଦେସ୍ ଦେଲାନି । ସେ ସମାନ୍ ସିକିଆ ତିମତିକେ ମିସା ଦେଲାଆଟେ । ପାଉଲ୍ ଏ ଚିଠିଟାନ୍‌ରେ ତିତସ୍‌ଙ୍କେ ମଣ୍ଡଲିର୍ ମୁକିଅ ଲକ୍‌ମନ୍‌କେ ବାଟ୍‌ଲା ଆରି ସେମନ୍‌କେ ସିକାଇବା ବିଷୟରେ ଲେଖିଲାନି । ଆଜିର୍ ମଣ୍ଡଲି ଆରି ମଣ୍ଡଲିର୍ ନେତାମନ୍ ସାସନ୍ କର୍‌ବାକେ କେନ୍ତି ଗୁନ୍‌ତଲନ୍ ରଇବାର୍ ଆଟେ ତାର୍ ଚିକିନିକ ସଙ୍ଗ୍ ଦିଆନ୍ ଦେବାର୍ ଦରକାର୍, ସେଟା ଚିଠିତେଇ ଲେଖିଲା ଆଟେ ।

ଏ ବଇ ବିତ୍‌ରେ ରଇଲାଟା

- ୧. ପାଉଲ୍ ତିତସ୍‌ଙ୍କେ ସୁଆଲ୍ ଲକ୍‌ମନ୍‌କେ ବାଟ୍‌ବାକେ ଆଦେସ୍ ଦେଲାନି । ୧:୧-୧୭ ।
- ୨. ତାର୍‌ପଟେ ସେ ଲକ୍‌ମନ୍‌କେ ମିସା ଦରମ୍ ଜିବନେ ଜିଇବା କାଇବାକେ ସିକିଆ ଦେବାକେ ଆଦେସ୍ ଦେଲାନି, ଜନ୍‌ଟାକି ପରମେସର୍‌କେ ସାର୍‌ଦା କରାଇସି । ୨:୧-୩:୧୧
- ୩. ସାରାସାରି ପାଉଲ୍ ତାକର୍ ସାରାସାରି କାତା ଲେକି ଲେଖିବାଟା ସାରାଇଲାଇନି । ୩:୧୨-୧୫

ତିତସ୍‌ଙ୍କେ ପାଉଲ୍‌ର ଚିଠି

୧ ମୁଇ ପାଉଲ୍, ଏ ଚିଠି ଲେଖିଲିନି । ମୁଇ ପରମେସର୍‌କେ ସେବାକରି ଜିସୁକିରିସ୍‌ଟର୍ ଗଟେକ୍ ପେରିତ୍ ଅଇଆଟି । ଜନ୍ ଲକ୍‌ମନ୍‌କେ ତାର୍‌ଟାନ୍‌ରେ ତାର୍ ସଙ୍ଗ୍ ବିସ୍‌ବାସ୍ କର୍‌ବାକେ ପରମେସର୍ ବାଟ୍‌ଲା ଆଟେ, ଆରି ସେମନ୍ ଜେନ୍ତିକି ଜିସୁକିରିସ୍‌ଟର୍ ନିକ ସିକିଆ ବୁଜ୍‌ବାଇ, ସେନ୍ତାରି ଲକ୍‌ମନ୍‌କେ ସାଇଜ କର୍‌ବାକେ ମୁଇ ବାଟିଅଇଆଟି । ଏ ସିକିଆ ନିକସଙ୍ଗ୍ ଜାନ୍‌ଲେ, ପରମେସର୍‌କେ ସାର୍‌ଦା କରାଇବା ପାରା ଚଲାଟଲ୍‌ତି କର୍‌ବାକେ ସେମନ୍ ସିକ୍‌ବାଇ ।

୨ ଏନ୍ତାରିଅଇ ସେମନ୍ କାଲ୍‌କାଲ୍ ଜୁଗ୍‌ଜୁଗ୍ ପରମେସର୍‌ର ସଙ୍ଗ୍ ବର୍‌ବାକେ ଆସା କର୍‌ବାଇ । କାଇକେବଇଲେ କାଇଟା ତିଆର୍ ନ ଅଇତେ କାଲ୍‌କାଲ୍ ଜୁଗ୍‌ଜୁଗ୍ ତାର୍ ଲକ୍ ତାର୍ ସଙ୍ଗ୍ ବର୍‌ବାଇ ବଲି ପରମେସର୍ କାତା ଦେଇରଇଲା । ଏଟା ପୁରାପୁରୁନ୍ ସତ୍ ବଲି ଆମେ ଜାନ୍‌ଲୁନି । କାଇକେବଇଲେ ସେ କେବେ ମିର୍ ନ କଏ ।

୩ ପରମେସର୍ ଚିକ୍ କଲା ବେଲାଇ ମୁଇ ସୁବ୍‌କବର୍ ଜାନାଇଲିକେ, ଲକ୍‌ମନ୍ ସେଟା ବୁଜ୍‌ବାକେ ସେ ବପୁଦେଲା । ଏଟା ପରମେସର୍‌ର କାମ୍ । ସେ ଆକା ଆମ୍‌କେ ରକିଆ କର୍‌ସି । ସେ ଏ ଦାଇତ୍ ଦେଇକରି ମକେ ତିଆର୍‌ଲା ଆଟେ ।

୪ ଏ ତିତସ୍, ତର୍‌ପାଇ ମୁଇ ଏ ଚିଠି ଲେଖିଲିନି । ଆମେ ଜିସୁକିରିସ୍‌ଟଙ୍କେ ବିସ୍‌ବାସ୍ କଲାଟପାଇ ତୁଇ ମର୍ ନିଜର୍ ପଅପାରା ଅଇ ଆତୁସ୍ ।

ବାବା ପରମେସର୍‌କେ ଆରି ଆମର୍ ଉଦାର୍‌କାରିଆ ଜିସୁକିରିସ୍‌ଟଙ୍କେ ମୁଇ ବାବୁଜିଆ କଲିନି, ସେମନ୍ ତକେ ଦୟା ଦେକାଅତ୍ ଆରି ସାନ୍ତି ଦେଅତ୍ ।

କିରତେଇ ତିତସ୍‌ର କାମ୍

୫ କିରତେ ତକେ ରଇଜା ବଲି ମୁଇ କଇରଇଲି । ଜେଡ୍‌କି ସବୁ କାମ୍ କରିସାରାଇବାକେ ମକେ ବେଲା ନ ରଇଲା, ସେଟା କରିସାରାଇବାକେ ମୁଇ ସେନ୍ତାରି କଲି । ଏଟା ଅଇଲାନି ପର୍‌ତୁମ୍ ବିଷୟ । କିରତେ ରଇବା ସବୁ ଜାଗାର୍ ମଣ୍ଡଲିମନ୍‌କେ ପାର୍‌ଚିନ୍ ଇସାବେ ଲକ୍‌ମନ୍‌କେ ବାଟ୍ । ମୁଇ ତର୍ ସଙ୍ଗ୍ ରଇଲାବେଲେ ଏ ବିଷୟନେଇ ତକେ ତିଆରି ରଇଲି ।

୬ ଜନ୍ ଲକ୍‌କେ ତୁଇ ପାର୍‌ଚିନ୍ ଇସାବେ ବାଟ୍‌ସୁ, ସେ ଏନ୍ତାରି ଲକ୍ ଅଇବାର୍ ଆଟେ, କେ ମିସା ତାକେ ବୁଲ୍ କଲାନି ବଲି ଦସ୍ ଦେଇନାପାରତ୍ । ତାକେ ଗଟେକ୍ ସେ ମାଇଜି ରଇବାର୍ ଆଟେ । ତାର୍ ପିଲାଟକିମନ୍ କିରିସ୍‌ଟଙ୍କେ ବିସ୍‌ବାସ୍ କର୍‌ବାର୍ ଆଟେ । ସେମନ୍ ନିକ ଚଲାଟଲ୍‌ତି କର୍‌ତେରଇବାର୍ ଆଟେ । ଜେନ୍ତାରି କି ତାକର୍ ଆୟାବାବାମନ୍‌କେ ମାନତ୍ ନାଇ କି ନିଜର୍ ମନ୍ କଲା ଇସାବେ ଚଲାଟଲ୍‌ତି କଲାଇନି ବଲି ସେମନ୍‌କେ କେ ଦସ୍ ଦାରି ନାପାରତ୍ ।

☆ ୧:୪ ୨ୟ କରନ୍ତିୟ ୮:୨୩; ଗାଲାତିୟ ୨:୩; ୨ୟ ତିମତି ୪:୧୦ ☆ ୧:୬ ୧ମ ତିମତି ୩:୨-୭

୭ ବିନ୍ ବିସ୍‌ବାସିମନ୍‌କେ ଜତନ୍ କରବାକେ ଦାଇଡ଼ ଇସାବେ ପର୍‌ମେସର୍ ଗଟେକ୍ ପାର୍‌ତିନ୍‌କେ ଦେଲାଆଟେ । ତେବର୍ ପାଇ ଜନ୍ ମଣ୍ଡଲିର୍ ପାର୍‌ତିନ୍‌କେ ତୁଇ ବାଟ୍‌ସୁ, ତାକେ କାଇ ଦସ୍ ନ ରଥ । ସେ ବଡ଼ପନିଆ ନ ରଇବାର୍, ଦାପ୍‌ରେ ରିସା ନ ଅଇବାର୍, ମଦୁଆ ନ ରଇବାର୍, ବିନ୍ ଲକ୍‌ର୍ ସଙ୍ଗ୍ କିରଜାଟି ନ ଅଇବାର୍, ତାରୁକେ ଆସା ନ କରବାର୍ ।

୮ ସେନ୍ତାରି ନ ଅଇକରି ଲକ୍‌ମନ୍‌କେ ତାକିନେବା ଲକ୍, ଦରମ୍ ବିସଇ କରବାକେ ମନ୍ କରବା ଲକ୍, ନିଜେ ଜାଗ୍‌ରଡ଼ ରଇବା ଲକ୍, ବଡ଼ ସାନ୍ ଇସାବେ ନ ଦେକ୍‌ବା ଲକ୍, ସୁକଲ୍ ଇସାବେ ଚଲାଟଲ୍‌ତି କରବା ଲକ୍, ନିଜେ ମନ୍‌କରବା ବିସଇଟାନେ ଜାଗ୍‌ରଡ଼ ଅଇବା ଲକ୍, ରଇବାର୍ ଆଟେ ।

୯ ସେ ଲକ୍ ଆମେ ସିକାଇତେରଇବା ସୁବ୍ କବର୍ ତାଟ୍‌ସଙ୍ଗ୍ ବିସ୍‌ବାସ୍ କରିରଇବାର୍ ଆଟେ । ଏ କବର୍ ସଡ଼ ଆରି ନ ବାଦଲେ ବଲି ସେ ଜାନ୍‌ବାର୍ ଆଟେ । ଏନ୍ତାର୍ ଆଲେ ସେ ଲକ୍‌ମନ୍‌କେ ସଡ଼ ବିସଇ ସିକାଇପାର୍‌ସି । ଆରି ଜନ୍ ଲକ୍ ତାର୍ ବିରୁଦେ କାତା ଅଇଲାଇନି, ତାକର୍ ବୁଲ୍ ଦେକାଇପାର୍‌ସି ।

୧୦ ମଣ୍ଡଲିର୍ ପାର୍‌ତିନ୍‌ମନ୍‌ର୍ ଅଦିକାର୍ ନ ନାମବା ଲକ୍ ବେସି ରଇଲାପାଇ ମୁଇ ତକେ କଇଲିନି । କାଇ ମୁଲିଆ ନ ରଇବା କାତା ସବୁ ସେମନ୍‌କେ ସିକାଇକରି, ସେମନ୍‌କେ ବିସ୍‌ବାସ୍ କରାଇଲାଇନି । ଜିଉଦି ନିୟମ୍ ଇସାବେ ସବୁ ବିସ୍‌ବାସିମନ୍ ସୁନଡ଼ ଅଇବାର୍ ଆଟେ ବଲି ସିକାଇଲାଇନି ।

୧୧ ଏନ୍ତାରି ଲକ୍‌ମନ୍‌କେ ସିକାଇବାକେ ଦେସ୍ ନାଇ । କାଇକେବଲେ ନ ସିକାଇବା ବିସଇ ସିକାଇକରି ସେମନ୍ ଗୁଲାଇ କୁଟୁମ୍‌ମନ୍‌କେ ବିସ୍‌ବାସ୍ କରାଇ, ସଡ଼ ବିସଇତେଇ ଅନି ବାଉଡାଇଲାଇନି । ଲକ୍‌ମନ୍‌ରଟାନେଅନି ତାରୁ ମିଲାଇବାକେ ମିସା ଏନ୍ତାରି କଲାଇନି ।

୧୨ କିରତେଅନି ଆଗେ ଗଟେକ୍ ଗିଆନ୍ ରଇବା ଲକ୍ ରଇଲା । ସେ ଏନ୍ତାରି କଇରଇଲା, “ କିରତେରଇବା ଲକ୍‌ମନ୍ ବେସି ମିଟ୍ କଇବାଇ । ସେମନ୍ ବନର୍ ପସୁପାରା ଚଲାଟଲ୍‌ତି କରବାଇ ଆରି ସେମନ୍ ବେସି ଅଲ୍‌ସିଆ ଆରି କାଉରାମନ୍ ।”

୧୩ କିରତେ ରଇବା ଲକ୍‌ର୍ ବିସଇ ସେ ବବିସଡ଼ବକ୍‌ତା କଇଲାଟା ଏବେ ମିସା ସଡ଼ସେ । ତେବର୍ ପାଇ ସେମନ୍‌କେ ତାଟ୍ ସଙ୍ଗ୍ ଦମ୍‌କାଇକରି କଇବାର୍ ଆଟେ । ଜେନ୍ତାରିକି ସେମନ୍ ସଡ଼ ସିକିଆ ବିସ୍‌ବାସ୍ କରବାଇ ।

୧୪ ଜିଉଦି ଲକ୍‌ମନ୍ ତିଆରକଲା କାତାନିମନ୍ ନ ମାନିକରି ଆରି ସଡ଼ ସିକିଆ ନ ମାନିକରି ରଇବା ଲକ୍‌ମନ୍‌ର୍ ତିଆରକଲା ରିତିନିତି ଦିଆନ୍ ନ କରଡ଼ ।

୧୫ ଜନ୍ ଲକ୍‌ମନ୍ ପର୍‌ମେସର୍ ଦେକ୍‌ବା ଇସାବେ ସୁକଲ୍ ରଇବାଇ, ସେନ୍ତାରିସେ ତାକର୍‌ପାଇ ସବୁ ବିସଇ ସୁକଲ୍ ରଇସି । ମାତର୍ ଜନ୍ ଲକ୍‌ମନ୍‌ର୍ ବିବେକ୍ ସେମନ୍‌କେ ଦସି କରସି, ସେମନ୍ କାରାପ୍ ଅଇ ଜିସୁକିରିସ୍‌ଟକେ ବିସ୍‌ବାସ୍ ନ କଲେ, ତାକର୍‌ପାଇ କାଇ ବିସଇ ମିସା ସୁକଲ୍ ନାଇ ।

୧୬ ଏ ଲକ୍‌ମନ୍ ପର୍‌ମେସର୍‌କେ ଜାନିଆରୁ ବଲି କଇ ବୁଲ୍‌ବାଇ, ମାତର୍ ତାକର୍ ଚଲାଟଲ୍‌ତିଟାନେ ସେଟା ନ ତିସେ । ସେମନ୍ ଗିନ୍ କରବାଲକ୍, କାତା ନ ମାନ୍‌ବା ଲକ୍ ଆରି କାଇ ଦରମ୍ ବିସଇ କଇବାକେ ନାପାରଡ଼ ।

୨

ସଡ଼ ଦରମର୍ କାତା

୧ ମାତର୍ ତିତସ୍ ତୁଇ ବିସ୍‌ବାସିମନ୍‌କେ ଜନ୍ ବିସଇ ସିକାଇଲୁସ୍‌ନି ସେଟା ଜିସୁକିରିସ୍‌ଟର୍ ସଡ଼ ସିକିଆ ଇସାବେସେ ସିକା ।

୨ ପର୍‌ଡୁମ୍ ଡକ୍‌ରାମନ୍‌କେ ତାକର୍ ଜିବନେ ନିକ ଚଲାଟଲ୍‌ତି କରବାକେ ସିକା, ଜେନ୍ତାରିକି ନିଜେ ବୁଦିର୍‌ସଙ୍ଗ୍ ରଇ, ଲକ୍‌ମନ୍‌ରଟାନେଅନି ସନ୍‌ମାନ୍ ପାଇବାଲକ୍ ପାରା ଅଇ ଜାଗ୍‌ରଡ଼ ରଇବାର୍ । ସେମନ୍ ପର୍‌ମେସର୍‌କେ ତାଟ୍‌ସଙ୍ଗ୍ ବିସ୍‌ବାସ୍ କରି ବିନ୍ ଲକ୍‌ମନ୍‌କେ ସଡ଼ସଙ୍ଗ୍ ଆଲାଦ୍ କରି ମୁର୍‌ତି ରଇବାର୍ ଆଟେ ।

୩ ସେନ୍ତାରିସେ ଡକ୍‌ରିମନ୍‌କେ ମିସା ସିକାଆ । ଜେନ୍ତାରିକି, ସେମନ୍ ସୁକଲ୍ ଚଲାଟଲ୍‌ତି କରବାଇ । ତିପୁଲ୍ କାତା ନ କଇକରି, ମାତୁଆଲ୍‌ନିମନ୍ ନ ଅଇକରି, ତାର୍ ବାଦୁଲେ ବିନ୍ ଲକ୍‌ମନ୍‌କେ ନିକ ବିସଇ ସିକାଅଡ଼ ।

୪ ଏନ୍ତାରି କଲେ ସେମନ୍‌ର୍ ଟାନେଅନି ଦାଙ୍ଗ୍‌ତିମନ୍ ନିକ ଚଲାଟଲ୍‌ତି କରବାଟା ସିକବାଇ । ସେମନ୍ ପର୍‌ଡୁମ୍ ନିଜର୍ ମୁନୁସକେ ଆରି ପିଲାଟକିମନ୍‌କେ ଆଲାଦ୍ କରବାଟା ସିକଡ଼ ।

୫ ନିଜେ ଜାଗ୍‌ରଡ଼ ଅଇକରି ମୁନୁସମନ୍‌କେ ସୁକଲ୍ ଚଲାଟଲ୍‌ତି କରି, ନିଜର୍ ଗର୍‌ଡୁଆର୍ ଚଲାଇକରି, ବିନ୍ ଲକ୍‌ମନ୍‌କେ ଦୟା ଦେକାଇକରି ଆରି ନିଜର୍ ମୁନୁସର୍ କାତା ମାନିକରି ରଇବାକେ ସିକା । ସେନ୍ତାରି କଲେ ପର୍‌ମେସର୍ ଆମ୍‌କେ ସର୍‌ପି ଦେଲା କବର୍ କେ ମିସା ନିନ୍ଦା ନ କରଡ଼ ।

୬ ସେନ୍ତାର୍ ସେ ଦାଙ୍ଗ୍‌ତାମନ୍‌କେ ମିସା ନିଜେ ଜାଗ୍‌ରଡ଼ ରଇବାକେ ସିକା ।

୭ ତୁଇ ନିଜେ ସବୁ ବିସଇଟାନେ ନିକ ଚଲାଟଲ୍‌ତି କର୍ । ଜେନ୍ତାରି କି ତକେ ଦେକିଦେକି ଦାଙ୍ଗ୍‌ତାମନ୍ ସେନ୍ତାରି ଅଇବାଇ । ସିକାଇଲାବେଲେ, ମନ୍ ସଡ଼ ରଇକରି ଲକ୍‌ମନ୍‌ର୍ ମୁଆଟେ ସନ୍‌ମାନ୍ ପାଇଲାପାରା ପର୍‌ମେସର୍‌ର୍ ବିସଇ ସିକା ।

୮ ଜେଡ଼କି ବିସଇ ସିକାଇଲୁସନ୍, ସେ ସବୁ ବିସଇ ସଡ଼ ରଥ ଜେଡ଼ାରିକି ଲକ୍ମନ୍ ନିନ୍ଦା କରିନାପାରଡ଼ । ଜେଡ଼କି ଲକ୍ମ ଜିସୁକିରିସ୍ତରପାଇ ତୁଇ କରବା କାମ୍ ବିରଦ୍ କଲାଇନି, ସେମନ୍ ସବୁ ଲାଜ୍ ଅଇଜିବାଇ । କାଇକେବଇଲେ ଆମ୍‌କେ ନିନ୍ଦା କରବାକେ ତାକରଟାନେ କାଇଟା ନ ରଏ ।

୯ ତର ମଣ୍ଡଲିମନ୍‌କେ ରଇବା ଗତିଦାଙ୍ଗ୍‌ତାମନ୍‌କେ ତାକର ସାଉକାରମନ୍‌କେ ମାନିକରି ରଇବାକେ ସିକା । ତାକର କରବା କାମ୍ ଦେକି ସାଉକାରମନ୍ ସାରଦା ଅଅଡ଼ ଆରି ସାଉକାରମନ୍‌କେ ସେମନ୍ ଟଣ୍ଡ ନ ଲାଗାଅଡ଼ ।

୧୦ ସାଉକାରର୍ କାଇ ଜିନିସ୍ ନ ଚରାଇକରି ସବୁବେଲେ ଦରମ୍ ଚଲାଚଲ୍‌ତି କର । ସେମନ୍‌କେ ସାଉକାର୍ ବିସ୍‌ବାସ୍ କରବାର୍ ଆଟେ । ତାକର ନିକ ଚଲାଚଲ୍‌ତି କରବାଟା ଦେକି ଆମ୍‌କେ ମୁକ୍ତି ଦେବା ପରମେସରର୍ କବର୍ ସୁନ୍‌ବାକେ ଲକ୍ମନ୍ ମନ୍ କରବାଇ ।

୧୧ କାଇକେ ବଇଲେ ପରମେସର୍ ଗୁଲାଇ ମୁନ୍‌ସୁଜାତିକେ ପାପେଅନି ମୁକ୍ତି କରବାକେ ତାର୍ ଦୟା ଦେକାଇଲା ଆଟେ ।

୧୨ ସେ ଦୟା କଲାକେ, କାରାପ୍ ଚଲାଚଲ୍‌ତି କରବାଟା ଚାଡ଼ିକରି, ବିସ୍‌ବାସ୍ ନ କରବା ଲକ୍ମନ୍ କରବା ଚଲାଚଲ୍‌ତି ନ କରି, ସେମନ୍ ଲାଲ୍‌ସା ଅଇବା ବିସଇ ମନ୍ ନ କରବାକେ ପରମେସର୍ ଆମ୍‌କେ ସିକାଇଲାନି । ତାର୍ ବାଦୁଲେ ଜେଡ଼କି ଦିନ୍ ଆମେ ଏ ଜଗତେ ବଞ୍ଚିଆରୁ, ସେଡ଼କି ଦିନ୍ ନିଜେ ଜାଗରଡ଼ ରଇ, ଦରମ୍ ଚଲାଚଲ୍‌ତି କରି ତାକେ ସାରଦା କରାଇବାକେ ସେ ଆମ୍‌କେ ବପୁ ଦେଲାନି ।

୧୩ ଜନ୍ ବଡ଼ ଦିନ୍ ଆଇବାକେ ଆମେ ଜାଗିଆରୁ, ସେଡ଼କି ଦିନ୍ ଜାକ ଏନ୍ତାରିସେ ଚଲାଚଲ୍‌ତି କରୁ । ସେ ଦିନେ ଜିସୁକିରିସ୍ତ ଜେକି ଆମର୍ ପରମେସର୍ ଆରି ମୁକ୍ତିକାରିଆ, ତାର୍ ସବୁ ତାକ୍‌ପୁଟା ସଙ୍ଗ୍ ଏ ଜଗତେ ବାଉଡ଼ିଆଇସି ।

୧୪ *ଏ ଜିସୁ କିରିସ୍ତ ଆମର୍ ଲାଗି ମରବାକେ ନିଜେ ସର୍ପିଆଇଲା । ପାପର୍ ବାନ୍‌ନେଅନି ମୁକ୍ତଲାଇବାକେ ଆରି ତାର୍‌ପାଇ ସୁକଲ୍ ଲକ୍ କରାଇବାକେ ସେ ଏନ୍ତି କଲା । ସେ ଦେକ୍‌ବା ଇସାବେ, ଦରମ୍ କାମ୍ କରବାକେ ବେସି ମନ୍ କରବା ଲକ୍ ଅଇବାକେ ମିସା ।

୧୫ ତେବର୍‌ପାଇ ତିତସ୍ତ, ତୁଇ କିରତେ ରଇବା ବିସ୍‌ବାସିମନ୍‌କେ, ମୁଇ ତକେ କଇରଇବା ସବୁ ବିସଇ ସିକାଇଦେସ୍ । ଏ ସବୁ ବିସଇ କରବାକେ ସାରଦା କରା ଆରି ନ କଲେ ସେମନ୍‌କେ ଜାଗରଡ଼ କରା । ସେନ୍ତାରି କରବାକେ ତର ଅଦିକାର୍ ଆଟେ । ତୁଇ ସିକାଇଲା ବିସଇମନ୍ କେ ମିସା ନିର୍ ଇସାବେ ନ ନାମଡ଼ ।

୩

ବିସ୍‌ବାସି ମନର୍ କାତାବାର୍‌ତା

୧ ସାସନ୍‌କାରିଆ ଆରି ଅଦିକାରିମନର୍ ତଲେ ରଇକରି ସେମନ୍ ତିଆରୁଲାଟା ମାନିକରି ରଇବାକେ ମଣ୍ଡଲିର୍ ବାଇବଇନିମନ୍‌କେ ଏତାଇଦେସ୍ । ବିନ୍ ଲକ୍‌କେ କାଇ ସାଇଜ ମିସା କରବାକେ ଜାଗରଡ଼ ଅଇରଅଡ଼ ।

୨ ବିନ୍ ଲକ୍‌କର୍ ବିସଇ ମିର୍ ନ କଇ ସବୁର୍ ସଙ୍ଗ୍ ସାନ୍ତିସଙ୍ଗ୍, ଆଲାଦେ, ମନ୍‌ବିଡ଼ରେ ଦରମ୍‌ରଇ ମିସିବିଡ଼ି ରଅଡ଼ ।

୩ କାଇକେବଇଲେ ଗଟେକ୍ ବେଲାଇ ଆମେମିସା ବକୁଆ ଲକ୍‌କର୍‌ପାରା ରଇ ପରମେସରର୍ କାତା ନ ମାନିକରି, ବୁଲ୍ ବିସଇ କର୍ତେରଇଲୁ । ଆମର୍ ପାପର୍ ଗୁନ୍‌ଚଲନ୍ ଇସାବେ ଜେଡ଼କି ସବୁ ବିସଇ ରଇଲା, ସେଟା ସବୁ ସାରଦାସଙ୍ଗ୍ କର୍ତେରଇଲୁ । ବିନ୍ ଲକ୍‌କର୍ ତିପୁଲ୍ କାତା ଗୁଲାଇବାଟେ ବିଟିକରି ସେମନ୍‌କେ ଛୁଆ କର୍ତେରଇଲୁ । ସେମନ୍ ଆମ୍‌କେ ଗିନ୍ କର୍ତେରଇଲାଇ, ଆମେମିସା ସେମନ୍‌କେ ଗିନ୍ କର୍ତେରଇଲୁ ।

୪ ମାତର୍ ଆମେ ସେନ୍ତାରି ଚଲାଚଲ୍‌ତି କର୍ତେରଇଲେ ମିସା ଆମର୍ ମୁକ୍ତିକାରିଆ ପରମେସର୍ ନିଜର୍ ଦୟା ଆରି ଆଲାଦ୍ ଆମ୍‌କେ ଦେକାଇଆଟେ ।

୫ ପାପର୍ ତଣ୍ଡେଅନି ସେ ଆମ୍‌କେ ମୁକ୍ତଲାଇଲା । ଆମେ ଦରମ୍ କାମ୍ କଲାର୍‌ପାଇ ସେ ଆମ୍‌କେ ଏନ୍ତି କରେନାଇ । ମାତର୍ ସେ ଆମ୍‌କେ ଜିବନ୍ ଦୁକାଇ ଦୟା ଦେକାଇଲାକେସେ । ସୁକଲ୍ ଆଡ଼ମା ଦେଇକରି ସେ ଆମ୍‌କେ ରକିଆ କଲା । ଜେକି ଆମର୍ ସବୁ ପାପ୍ ଦଇକରି ନୁଆ ଜିବନ୍ ଦେଲା ।

୬ ଆମର୍ ରକିଆକାରି ଜିସୁକିରିସ୍ତ କଲା କାମର୍‌ଲାଗି ପରମେସର୍ ଏଟା କଲା । କାଇ ମୁଲିଅ ନ ଦେଇ ଜେଡ଼କି ବଇଲେ ସେଡ଼କି ଆମ୍‌କେ ସୁକଲ୍‌ଆଡ଼ମା ଦେଲା ଆଟେ ।

୭ ପରମେସର୍ ଆମ୍‌କେ ତାର୍ ପିଲାଟକି କରବାକେ ଏନ୍ତାରି କଲା ଆଟେ । ତାର୍‌ସଙ୍ଗ୍ କାଲ୍‌କାଲ୍ ଜୁଗ୍‌ଜୁଗ୍ ବଞ୍ଚିବାକେ ଆମେ ଆସା କରବାର୍ ଅଇସି । ଆମର୍‌ପାଇ ରଇବା ତାର୍ ବଡ଼ ଦୟାରୁଲାଗି, ତାର୍ ମୁଆଟେ ଦସି ଇସାବେ ନ ଦେକେ । ପରମେସର୍ ଆମ୍‌କେ କାଇ ଦସ୍ ନ କଲା ଲକ୍‌ବଲି ଜାନାଇଆଟେ ।

୮ ମୁଇ ତକେ ଲେକିରଇବା ଏ ସବୁ ବିସଇ ସଡ଼ ବଲି ମାନିଅଇସି ।

ତେବର୍‌ପାଇ ମୁଇ ତକେ ବାବୁଜିଆକରି କଇଲିନି, ତୁଇ ସିକାଇବାବେଲେ ଏ ସବୁ ବିସଇ ନ ପାସରି ଏତାଇତେ ର । ଜେଡ଼ାରିକି ପରମେସର୍‌କେ ଜେଡ଼କି ଲକ୍ ବିସ୍‌ବାସ୍ କରବାଇ, ସେମନ୍ ସବୁ ଦରମ୍ କାମ୍ କରବାକେ ମନ୍‌ଦିଆନ୍ ଦେବାଇ । ଏନ୍ତାରି ସିକିଆ ଦେଲେ ସବୁ ଲକ୍‌କର୍‌ପାଇ ସେଟା ନିକ ଆରି କାମ୍‌କେ ଆଇସି ।

* ୨:୧୪ ୧ ମ ପିତର୍ ୨:୯

୯ ମାତର୍ ଜନ୍ ଲକ୍ମନ୍ କାଇ ଲତାକେ ନ ଆଇବା ବିସଇର୍ପାଇ ଦଦାପେଲା ଅଇବାଇ, ଆରି ତାକର୍ କୁଟୁମର୍ ଆନିଦାଦିମନର୍ ବିସଇ କଇ ଲାଗିରଇବାଇ, ତୁଟାଇ ତୁଟାଇ ଦଦାପେଲା ଅଇବାଇ ଆରି ମସା ମିଲାଇରଇବା ରିତିନିତି ବିସଇନେଇ ଲାଗାଲାଗି ଅଇବାଇ, ସେନ୍ତାରିଟାନେ ପୁରନାଇ । କାଇକେବଇଲେ ଏଟା କାକେ ଲତାକେ ନ ଦେଏ, ଆରି ତୁଟାଇସେ ।

୧୦ ବିସ୍ୱାସିମନର୍ ବିତ୍ତରେ ଜଦି କେ ମିସା ଗଟେକ୍ ବେଗ୍ଲାଇବା ଲକ୍ ରଇଲେ, ତାକେ ତାଟ୍ ସଙ୍ଗ୍ କଇକରି ଚାଡାଇଦେସ୍ । ସେ ନ ଚାଡ଼ଲେ ଆରିତରେକ୍ ଜାଗରତା କରା । ତାର୍ପତେ ମିସା ସେ କରିଲାଗିରଇଲେ ତାକେ ଚାଡ଼ିଦେସ୍ ।

୧୧ ଏନ୍ତାରି ଲକ୍ ସତ୍ ବିସଇତେଇଅନି ମନ୍ ବାଉଡାଇଲା ଆଚେ ବଲି ତୁଇ ଜାନିପାରୁସ୍ । ତାର୍ ପାପର୍ଲାଗି ସେ ପରମେସରର୍ ମୁଆଟେ ଦସ୍ କରିଆଚେ ବଲି ଲକ୍ମନ୍ ନିକସଙ୍ଗ୍ ଜାନ୍ବାଇ ।

ସାରାସାରି ବେଲର୍ କାତା

୧୨ ☆ତକେ ସାଇଜ କରବାକେ ମୁଇ ଆର୍ତେମସ୍କେ ନଇଲେ ତେକିକସ୍କେ ପାଟାଇବି । ଆକର୍ ବିତ୍ତରେ କେ ଆଲେ ଆଇଲେ, ତୁଇ ତେଇଅନି ବାରଇ ନିକପଲି ନଅରେ ମକେ ବେଟ୍ ଅଇବାକେ ଆଉ । କାଇକେବଇଲେ ସିତ୍ମାସ୍ ସାର୍ବାଜାକ ତେଇ ରଇବାକେ ମୁଇ ମନ୍ କଲିନି ।

୧୩ ☆ଜିନି ନାଉର୍ ଗଟେକ୍ ଅକିଲ୍ ଆରି ଆପଲ୍ ନାଉର୍ ଆରିଗଟେକ୍ ଲକ୍ ଜିବାକେ ବାରଇବାବେଲେ, ସେମନ୍କେ ଜେଡ୍‌କି ସାଇଜ ଲତା ଆଚେ, ସେଟା ସବୁ କରିଦେସ୍ । ସେମନ୍କେ ଲତାକେ ଆଇବାଟା ଜାଗାଇଦେସ୍ ।

୧୪ ସେଟାକେ ଚାଡ଼ି କିରତେରଇବା ଆମର୍ ସବୁ ବିସ୍ୱାସି ବାଇବଇନିମନ୍, ଦରମ୍ କାମ୍ କର୍ବାଟା ନ ଚାଡ଼ିକରି, ପାଇଟିକାବାଡ୍ କର୍ତେରଅଡ୍ । ସେନ୍ତାରି କଲେ, ଅବାବେ ରଇଲା ଲକ୍ମନ୍କେ ଦେଇପାର୍‌ବାଇ । ଆରି ବିସ୍ୱାସିମନ୍ ବେକାର୍ ଜିବନ୍ ନ ବିତାଅଡ୍ ।

୧୫ ମର୍ ସଙ୍ଗ୍ ରଇବା ସବୁ ବିସ୍ୱାସିମନ୍ ତକେ ଜୁଆର୍ ଜାନାଇଲାଇନି । କିରତେରଇବା ଆମର୍ ବିସ୍ୱାସି ବାଇବଇନିମନ୍ ଜେଡ୍‌କିଲକ୍ ଆମ୍‌କେ ଆଲାଦ୍ କଲାଇନି, ସେମନ୍କେ ସବୁକେ ଆମର୍ ଜୁଆର୍ ଜାନାଇଦେସ୍ ।

ପରମେସର୍ ତାର୍ ଜିବନ୍ ଦୁକାଇ ତମ୍‌କେ ଦୟା ଦେକାଅ ।

ଫିଲିମନଙ୍କ ନିକଟକୁ ପାଉଲଙ୍କ ପତ୍ର ପାଉଲ୍ ପିଲିମନ୍‌ଙ୍କେ ଚିଠି ଲେଖିଲାଟା ଏ ବଇ ବିସଇରେ ଜାନ୍‌ବାଟା

ସବୁରୁଅନି ସାନ୍ ବଇ ପିଲିମନ୍ ପେରିଡ଼ ପାଉଲ୍ ଲେଖିଲା ଆଟେ ୧:୧ । ଜେଡେବଲ୍ ସେ ଏ ବଇ ଲେଖିଲା ସେଡ଼କିବେଲେ ସେ ବନ୍ଦି ଗରେ ବନ୍ଦି ଅଇରଇଲା । ଜାନ୍ ଅରଡ଼ ଏଟା ଅଇପାରେ ସେ ରମ୍‌ଦେସେଅନି ଲେଖିଆଟେ । ଜଦି ସେ ରମ୍‌ଦେସେ ରଇଲା କିରିସ୍‌ଟ ଜନମର୍ ପାକାପାକି ୬୧ ବରସ୍ ପଟେ ଏ ଚିଠି ଲେଖି ରଇପାରେ । ଜନ୍‌ଟା କି ସେ ସମାନ୍ ବେଲାଇସେ କଲସିଅ ମଣ୍ଡଲିକେ ମିସା ଲେଖି ରଇସି । ସେ ଏ ଚିଠି ପିଲିମନ୍ ନାଉଁର୍ ଗଟେକ୍ ଲକ୍‌କେ ଲେଖିଆଟେ । ପିଲିମନ୍ ଗଟେକ୍ ମଣ୍ଡଲିର୍ ଲକ୍ ଆରି ଗତିଦାଙ୍ଗ୍‌ତାମନର୍ ସାଉକାର୍ ରଇଲା । ପାଉଲ୍ ଲେଖିଲାଇନି ଜେ, ସେ ଅନିସିମସ୍‌କେ ଡଣ୍ଡ ନ ଦେଅ ଜେ କି ଚରିକରି ପିଲିମନ୍‌ର୍ ଟାନ୍‌ଅନି ଦୁରିକେ ପାଲାଇରଇଲା । ରମିୟ ନିୟମ୍ ଇସାବେ ପିଲିମନ୍ ଅନିସିମସ୍‌କେ ମରନର୍ ଡଣ୍ଡ ଦେବାର୍ ଅଦିକାର୍ ରଇଲା । ଅନିସିମସ୍‌କେ କିରିସେ ବାଇ ଇସାବ୍‌ରେ ଡାକବାକେ ପିଲିମନ୍‌କେ ପାଉଲ୍ ବାଦିଅ କରି ବାବୁଜିଆ କରି ସାର୍‌ଦା ଦେଲାନ୍ତି । ପାଉଲ୍ ଅନିସିମସ୍‌କେ ପିଲିମନ୍‌ର୍ ଜାଗାଇ ସେବା କାମ୍ କର୍‌ବାକେ ରାଜିଅଇବାକେ କଇଦେଲା । ୧:୧୩-୧୪

ଏ ବଇ ବିଡ଼ରେ ରଇଲାଟା

- ୧. ପାଉଲ୍ ପିଲିମନ୍‌କେ ଜୁଆର୍ ଜାନାଇବାଟା । ୧:୧-୩
- ୨. ପାଉଲ୍ ଅନିସିମସ୍‌ର୍ ବାଟେଅଇ ଅନିସିମସ୍‌କେ ଗଟେକ୍ କିରିସ୍‌ଟର୍‌ଡେଇ ଗଟେକ୍ ବାଇ ଇସାବେ ନାମ୍‌ବାକେ ପିଲିମନ୍‌କେ କଇଲାନ୍ତି । ୧:୪-୨୧
- ୩. ପାଉଲ୍ ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଜିବାକେ ରଇଲା ମନ୍‌ବିଡ଼ରର୍ କାଡାକେ ଜାନାଇଲାନ୍ତି ଆରି ଜୁଆର୍ ପାଟାଇଲାନ୍ତି । ୧:୨୨-୨୫

୧ ମୁଇ ପାଉଲ୍ ଜେକି ଜିସୁକିରିସ୍‌ଟର୍ ଲାଗି ବନ୍ଦି ଆଟି । ଆରି ଆମର୍ ବାଇ ତିମତି । ଆମେ ମିସିକରି ଆମର୍ ମଇଡର୍ ଆରି ସଙ୍ଗର୍ କାମ୍‌କରୁ ପିଲିମନ୍‌କେ ଏ ଚିଠି ଲେଖିଲୁନି ।

୨ *ଡର୍ ଗରେ ରୁଣ୍ଡିକରି ପାର୍‌ତନା କର୍‌ବା ମଣ୍ଡଲିକେ, ଆରି ଆମର୍ ବଇନି ଆପିୟାକେ, ଗଟେକ୍ ସନିଅ ପାରା ଆମର୍ ବିସ୍‌ବାସ୍ ଦେକାରକା କର୍‌ବା ଆର୍କିପସ୍‌କେ ମିସା ଏ ଚିଠି ଲେଖିଲୁନି ।

୩ ଆମର୍ ବାବା ପରମେସର୍ ଆରି ମାପୁରୁ ଜିସୁ କିରିସ୍‌ଟ ତାର୍ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

ପିଲିମନ୍‌ର୍ ଆଲାଦ୍ ଆରି ବିସ୍‌ବାସ୍

୪ ବାଇ ପିଲିମନ୍, ମୁଇ ଜେଡେବେଲେ ମିସା ପାର୍‌ତନା କର୍‌ବା ବେଲେ, ତକେ ଏଡାଇକରି ପର୍‌ମେସର୍‌କେ ଦନିଅବାଦ୍ ଦେଲିନି ।

୫ କାଇକେବଇଲେ ପର୍‌ମେସର୍‌ର୍ ଲକ୍‌ପାଇ ରଇବା ତମର୍ ଆଲାଦ୍ ଆରି ମାପୁରୁ ଜିସୁର୍‌ଟାନ୍‌େ ରଇବା ତମର୍ ବିସ୍‌ବାସ୍ ମୁଇ ସୁନିଆଟି ।

୬ କିରିସ୍‌ଟର୍ ସଙ୍ଗ୍ ଆମେ ମିସ୍‌ଲାର୍‌ପାଇ ଆମର୍ ଜିବନେ ଜେଡ଼କି ସବୁ ଆସିରବାଦ୍ ପାଇଆରୁ, ସେଟା ସବୁ ନିକ ସଙ୍ଗ୍ ବୁଜ୍‌ବାକେ ଆମେ ତମର୍ ସଙ୍ଗ୍ ରଇଲାବେଲେ, ବୁଜିପାରୁ ବଲି ମୁଇ ଆସା କଲିନି ।

୭ ଏ ମର୍ ଆଲାଦର୍ ବାଇ, ତର୍ ଆଲାଦ୍ ମକେ ବେସି ସାର୍‌ଦା କରାଇଲା ଆଟେ । ପର୍‌ମେସର୍‌ର୍ ସବୁଲକର୍ ମନ୍ ମିସା ତୁଇ ସାର୍‌ଦା କରାଇ ଆରୁସ୍ ।

ଅନିସିମସ୍ ପାଇ ଗୁଆରି

୮ ଡେବେ ଏଟାର୍‌ଲାଗି କିରିସ୍‌ଟର୍ ପାଇ ଗଟେକ୍ ବାଇ ଇସାବେ ତକେ ତିଆର୍‌ବାକେ ମର୍ ପୁରାପୁରୁନ୍ ଅଦିକାର୍ ଆଟେ ।

୯ ମାତର୍ ମୁଇ ତକେ ଆଲାଦ୍ କଲିନି, ସେଟାର୍‌ଲାଗି ଅବ୍‌କା ବାବୁଜିଆ କର୍‌ବି । ମୁଇ ପାଉଲ୍ କିରିସ୍‌ଟ ଜିସୁର୍ ମୁକିଅ କବର୍‌ନେଡ଼ ଅଇରଇଲେମିସା, ତାର୍‌ଲାଗି ଏବେ ମୁଇ ବନ୍ଦିଅଇଆଟି ।

୧୦ *ଅନିସିମସ୍ ଜେକି କିରିସ୍‌ଟର୍ ଲାଗି ମର୍ ନିଜର୍ ପଅ ପାରା ଅଇଗାଲା ଆଟେ । ତାର୍ ବାଦୁଲେ ମୁଇ ତକେ ବାବୁଜିଆ କଲିନି । ଆମେ ବନ୍ଦିଗରେ ରଇଲା ବେଲେ, ମୁଇ ତାର୍ ଆଡ଼ମା ଇସାବେ ରଇବା ବାବା ପାରା ଅଇଆଟି ।

୧୧ ଗଟେକ୍ ବେଲାଇ ସେ ତର୍‌ପାଇ ଅବ୍‌କା ରଇଲା । ମାତର୍ ଏବେ ଆମର୍ ଦୁଇଲକର୍ ଲଡାକେ ଲାଗ୍‌ବା ଲକ୍ ଅଇଲା ।

୧୨ ମୁଇ ଏବେ ତାକେ ତର୍ ଲଗେ ପାଟାଇଲିନି । ମର୍ ଜିବନେ କାନ୍ଦି କାନ୍ଦି ଆଟି ।

* ୧:୨ କଲସିଅ ୪:୧୭ * ୧:୧୦ କଲସିଅ ୪:୯

୧୩ ତାଙ୍କେ ବନ୍ଦିଗରେ ମର ସଙ୍ଗ ରଥ ବଳି ମନ୍ କରତେରଇଲି । ସୁବ୍ କବରର ଲାଗି ତର ବାଦୁଲେ ସେ ମକେ ଇତି ସାଇଜ କରତା ।

୧୪ ମାତର ତୁଇ ମକେ ସାଇଜ କର ଆକା ବଳି ବାଦିଅ କରିନାଇ । ତୁଇ ନିଜେ ମନ୍କରି କଲେ, ମୁଇ ମନ୍ କରତି । ତେବେ ତୁଇ ରାଜି ନ ଅଇତେ ମୁଇ କାଇଟା ନ କରି ।

୧୫ ଜେନ୍ତାରିକି ଅନିସ୍ମାସ୍ ଆରି ତୁଇ, ସାଉକାର ଆରି ଗତିଦାଙ୍ଗତା ପାରା ନ ଅଇ, ମରବା ଜାକ ନିଜର ବାଇ ଇସାବେ ରଇବାକେ, ଚନେକରପାଇ ତରଟାନେଅନି ଦୁରିକେ ରଇଲା ।

୧୬ ଆରି ଏବେ ସେ ଅବକା ଗତିଦାଙ୍ଗତା ନଏଁ, ମାତର କିରିସ୍ଟର ଲାଗି ଗଟେକ୍ ଆଲାଦର ବାଇ ଅଇଆଚେ । ମୁଇ ତାକେ ବେସି ଆଲାଦ୍ କଲିନି । କିରିସ୍ଟର ଲାଗି ଗଟେକ୍ ବାଇ ଇସାବେ ଆରି ଗତିଦାଙ୍ଗତା ଇସାବେ ସେ ତରପାଇ କେତେକ୍ ଅଦିକ୍ ଆଲାଦର ଲକ୍ ଅଇସି ।

୧୭ ତେବରପାଇ ତୁଇ ମକେ ଜଦି ସଙ୍ଗରକାମ୍‌କରୁ ଇସାବେ ଦେକ୍‌ଲୁସ୍‌ନି, ଜେନ୍ତ୍ର ତୁଇ ମକେ ତାକିନେଇତୁସ୍, ସେନ୍ତାରିସେ ତାକେ ମିସା ତାକିନେ ।

୧୮ ସେ ଜଦି ତର କାଇ ପାପ୍‌ଦସ୍ କରି ରଇଲେ, କି କାଇଟା ଦେବାର ରଇଲେ ସେଟା ମର ରୁନ୍‌ବଲି ବାବ୍ ।

୧୯ ଏବେ ମୁଇ ନିଜେ ଲେକ୍‌ଲିନି ମୁଇ ପାଉଲ୍ ତକେ ସୁଜ୍‌ବି । ତୁଇତା ମର ରୁନି ଅଇ ଆତୁସ୍, ଏଟା ମୁଇ ତକେ ଏତାଇଦେବାକେ ଲତା ନାଇ ।

୨୦ ତେବେ ତୁଇ ଜେକି କିରିସ୍ଟର ଲାଗି ମର ବାଇଅଇଆରୁସ୍ । ମରପାଇ ଏ ଗଟେକ୍ କାମ୍ କରି ମକେ ସାର୍‌ଦା କରାଆ ।

୨୧ ଏଟା ଲେକ୍‌ଲାବେଲେ, ମୁଇ ତାଟ୍ ସଙ୍ଗ୍ ଜାନିଆତି, ମୁଇ ମାଙ୍ଗ୍‌ବା ବିସଇ ତୁଇ କରସୁ ଆକା । ଦେକ୍‌ଲେ, ମାଙ୍ଗ୍‌ଲାତେଇଅନି ଅଦିକ୍ କରସୁ ।

୨୨ ଏଟାଟାତି ମରପାଇ ଗଟେକ୍ ବାକ୍‌ରା ସାଜାତି ର । କାଇକେବଇଲେ, ତୁଇ ପାର୍‌ତନା କଲା ଇସାବେ ମୁଇ ତରଲଗେ ଦାପ୍‌ରେ କେଟିପାର୍‌ବି ।

ଜୁଆରବେଟ୍

୨୩ ☆ଏପାପ୍‌ରା ଜେକି କିରିସ୍ଟର ଲାଗି ମରସଙ୍ଗ୍ ବନ୍ଦିଅଇଆଚେ, ସେ ତାର୍ ଜୁଆର୍ ଜାନାଇଲାନି ।

୨୪ ☆ସେନ୍ତାରିସେ, ମର ସଙ୍ଗର୍ କାମ୍ କରୁମନ୍ ମାର୍‌କ, ଆରିସ୍‌ତାକସ୍, ଦିମା ଆରି ଲୁକ୍ ମିସା ।

୨୫ ଆମର୍ ମାପ୍‌ରୁ ଜିସୁ କିରିସ୍ଟ ଜିବନ୍ ଦୁକାଇ ଦୟା ଦେକାଇଲାଟା ତମର୍ ସବୁର୍ ସଙ୍ଗ୍ ର ।

ଏହି ମାନଙ୍କ ନିକଟକୁ ପଢ଼ି ଏବଂ ଲକ୍ଷ୍ମୀନର ଲଗେ ଚିଠି ଲେଖିଲାଟା ଏ ବଇ ବିଷୟରେ ଜାଣିବାଟା

ଏବଂ ବଇ ଗଣେକ ଲକ୍ଷ୍ମୀନକେ ସାରଦା କରାଇବା ଚିଠି । ପୁରୁଣା ନିୟମର ବିନ୍ ବିନ୍ ବବିସତ୍ କାତା, ପୁରାପୁରୁନ୍ ଅଇରଇବା ବିଷୟ ଏ ବଇଟାନ୍ତେ ମିଳାଇବାର ଅଇସି । ଏଟା ଗଣେକ ଉପଦେସ୍ ଦେବା ବଇପାରା । ଇତି ପାକାପାକି ୭୦ ଅନି ଅଦିକ୍ ପୁରୁଣା ନିୟମର ବିଷୟ ଆଟେ । ଜନଟାକି ଜିସୁ କିରିସ୍ଟ କେନ୍ଦ୍ରିବାବେ ବବିସତ୍ କାତା ଆରି ଜିଉଦି ପୁଜାରିମନର୍ କରମ୍ ପୁରାପୁରୁନ୍ କଲା, ସେଟାମନ୍ ଏ ବଇଟାନ୍ତେ ଆମେ ମିଳାଇବାର ଅଇସି । ସେଟାର୍ପାଇ ଏଟା ଜିଉଦି ବିସ୍ବାସିମନକେ ଗଣେକ୍ ବପୁଦେବା ବଇ । ଜିସୁ ଜେନ୍ତାରି ରିଡିନିତି ମନ୍ ସାରାଇଲା, ଜନ୍ଟାକି ପୁଜାରିମନ୍ ଆରିତରେକ୍ କେବେ ବଲି ନ ଦେଅଡ଼, ସେଟା ଏବଂ ଚିଠିଟାନ୍ତେ ଦେକାଇଆଟେ ।

ଜିସୁ କିରିସ୍ଟ ଅଇଲାନି ସବୁରକାମର୍ ପାପର୍ ବଲି । ଏଟା ଗଣେକ୍ତରକେସେ ସବୁବେଲର୍ପାଇ ଅଇସି । ଏବଂ ଜୁଗର୍ ବିସ୍ବାସିମନର୍ପାଇ ଏବଂ ଲେଖିଲା ଚିଠିଟାନ୍ତେ ବପୁ ରଇବାଟା ଡିସ୍ଲାନି । କିରିସ୍ଟ ଆକା ଆମକେ ପରମେସରର୍ ସଙ୍ଗେ ରଇକରି ଜିଇବା କାଇବାଟା କରପାରସି ଆରି ତାକେ ଆସାକରି ତାର୍ ସଙ୍ଗେ ରଇବାର୍ ଆରି ଇଶ୍ଟୁବାର୍ ଅଇସି । ୧୨:୨ । ଏବଂ ବଇ କେ ଲେଖିଲାଆଟଡ଼ ସେଟା ଏବେଜାକ ଜାନାପଡେନାଇ । ମାତର୍ ପଣ୍ଡିତମନ୍ ପେରିଡ଼ ପାଉଲ୍ ଲୁକ୍ ନଇଲେ ବର୍ନବା ଲେକିରଇବାଇ ବଲି କଇଆଟଡ଼ । ଏଟା କେବେ ଲେକା ଅଇଲାଆଟେ, ସେଟାମିସା କେ ନାଜାନଡ଼ । ମାତର୍ କେତେକଲକ୍ ଏଟା ଜିସୁକିରିସ୍ଟ ଜନମ୍ ଅଇକରି ୭୦ କିରିସ୍ଟାବ୍ଦରେ ଲେଖିଆଟଡ଼ ବଲି ବିସ୍ବାସ୍ କଲାଇନି ।

ଜିରୁସାଲାମ୍ ମନ୍ଦିର୍ ୭୦ କିରିସ୍ଟାବ୍ଦରେ ନସ୍ଟ ଅଇଗାଲା, ମାତର୍ ଏ ଚିଠିଲଗେ ଲେଖିଲା ଲକ୍, ଏଟା ନ ନସ୍ଲପାରା କଇଲା ଆଟେ । ଏବଂ ଚିଠି କଇବାକେ ଗାଲେ ରମିୟ ନଅରେ ଲେକା ଅଇରଇଲା । ୧୩:୨୪ ଆରି ବିନ୍ ବିନ୍ ମଣ୍ଡିଲିମନକେ ବାଟାକରି ଦେଇରଇଲାଇ ।

ଏ ବଇ ବିଷୟରେ ରଇବାଟା

୧. ଜେ ଲେଖିଲାଆଟେ ସେ ଜିସୁକିରିସ୍ଟ ଅଇଲାନି ପରମେସରର୍ ବବିସତ୍ବକ୍ତା ଦୁଡ଼ମନର୍ ଟାନ୍ତେମିସା ମୁକିଅ ବଲି ଜାନାଇଦେଲାନି । ୧:୧-୪:୧୩
୨. ଲେଖିଲା ଲକ୍ ମିସା ଜାନାଇଦେଲାନି କି, ଜିରୁସାଲମେ ପୁଜାରି ଇସାବେ ସେବା କର୍ତ୍ତେରଇବା ଲକ୍ଷ୍ମୀନଟାନ୍ତେ ମିସା ଜିସୁ ମୁକିଅ । ୪:୧୪-୭:୨୮
୩. ପରମେସର୍ ମସାକେ ନିୟମ୍ ଦେଇକରି ତାର୍ ଲକ୍ଷ୍ମୀନର୍ ସଙ୍ଗେ କିରିରଇବା ରାଜିନାମା ଟାନ୍ତେଅନି ଜିସୁର୍ ସେବା କର୍ତ୍ତାଟା ମୁକିଅ । ୮:୧-୧୦:୩୧
୪. ଲେକିରଇବା ଲକ୍ ଜିସୁକେ ସବୁକାମେ ମୁକିଅ ବଲି ବୁଜାଇଦେଲାଆଟେ । ଆରି ସବୁର୍ପାଇ ଏ ଆଦେସ୍ ଦେଇଆଟେ । ୧୦:୩୨-୧୩:୧୭
୫. ଲେଖିଲା ଲକ୍ ଏ ଚିଠିଟାନ୍ତେ କେତେଟା ବିଷୟ ମୁରଚିକରି ରଇବାକେ ଆଦେସ୍ ଦେଲାଆଟେ । ଆରି ଜୁଆର୍ବିଆର୍ ଜାନାଇକରି ଏ ଲେକା ସାରାଇଆଟେ । ୧୩:୧୮-୨୫

ପଅର୍ ଲାଗି ମାପୁରୁର୍ ବାକିଅ

^୧ ପରମେସର୍ ପୁରବେ ବିନ୍ ବିନ୍ ବେଲାଇ ଆରି ବିନ୍ ବିନ୍ ବାଟେ ବବିସତ୍ବକ୍ତା ମନକେ ପାଟାଇକରି, ଆମର୍ ଆନିଦାଦିମନର୍ ସଙ୍ଗ୍ କାତା ଅଇଲା ।

^୨ ମାତର୍ ଏ ସେସ୍ କାଲେ ତାର୍ ପଅକେ ପାଟାଇକରି ତାର୍ କାତା ଜାନାଇ ଆଟେ । ତାର୍ଲାଗି ଏ ଜଗଡ଼ ଡିଆର୍ କଲାଆଟେ ଆରି ଜଗଡ଼ର୍ ସବୁ ବିଷୟର ଉପରେ ତାକେ ଅଦିକାର୍ ଦେଲାଆଟେ ।

^୩ ପରମେସରର୍ ମଇମାର୍ ଉଜଲ୍ ମାପୁରୁ ଜିସୁଟାନ୍ତେ ଡିସ୍ସି । ପରମେସର୍ ଜେନ୍ତାରି ଆଟେ, ତାର୍ ପଅ ସେନ୍ତାରିସେ । ଜନ୍ ବପୁର୍ ବାକିଅ ପଅ କାତା ଅଇସି, ସେ ବାକିଅ ସଙ୍ଗ୍ ଡିଆର୍କଲାଟା ସେ ସାସନ୍ କର୍ସି । ଆମର୍ ପାପର୍ ଲାଗି କେମା କିରିସାରିଲା ପଟେ, ସେ ସରଗେ ବାଅଡ଼ଲା । ଆରି ସବୁର୍ତ୍ତେଇଅନି ବପୁ ରଇବା ପରମେସରର୍ ଉଜାବାଟେ ସାସନ୍ କର୍ତ୍ତାକେ ବସ୍ଲା ।

ପରମେସରର୍ ପ ମୁକିଆ

^୪ ପରମେସର୍ ତାର୍ ପଅକେ ସରଗର୍ ଦୁଡ଼ମନର୍ ଟାନ୍ତେଅନି ମୁକିଅ କଲା ଆରି ସେମନଟାନ୍ତେଅନି ତାକେ ବଡ଼ ନାଉଁ ଦେଲା ।

^୫ କାଇକେବଇଲେ, ପରମେସର୍ ତାର୍ କନ୍ ଦୁଡ଼କେ ମିସା ଏନ୍ତାରି କଏ ନାଇ,

ତୁମ୍ଭ ମର ପଥ,

ଆଜିଅନି ମୁଁ ତର ବାବା ଅଇଲି ଆତି,
ତାର କନ୍ ଦୁତର ବିସଇ ଏନ୍ତାରି କଏନାଇ,
ମୁଁ ତର ବାବା ଅଇବି ଆତି
ସେ ମର ପଥ ଅଇସି ।

^୬ ମାତର ପରମେସର ଜେତେବେଲେ ତାର ପଶୁଆ ପଥକେ ଏ ଜଗତେ ପାଟାଇଲା, ସେ ଏନ୍ତାରି କଇରଇଲା,
ପରମେସର ଦୁତମନ୍ ତାକେ ସେବା କରବାଇ ।

^୭ ମାତର ସରଗର ଦୁତମନ୍ ବିସଇନେଇ ପରମେସର ଏନ୍ତାରି କଇରଇଲା,
ପରମେସର ତାର ଦୁତମନ୍‌କେ ପବନ୍ ପାରା କଲାଆତେ ।

ଆରି ତାର ଦାଙ୍ଗଡାମନ୍‌କେ ଲାଗିବା ଜଇପାରା କଲାଆତେ ।

୮ ତାର ପଥର ବିସଇ ସେ ଏନ୍ତାରି କଇରଇଲା,

“ଏ ପରମେସର ତର ରାଇଜ୍ କାଲକାଲ୍ ଜୁଗ୍‌ଜୁଗ୍ ରଇସି, ଆରି କେବେ ନ ସାରେ ।

କାଇ ଅନିଆଇ ନ କରି ତର ଲକ୍‌ମନ୍‌କେ ସାସନ୍ କଲୁସିନି ।

^୯ ସତ୍ ବିସଇ ମନକରି ବିନ୍ ବିସଇ ଗିନ୍ କଲୁସିନି ।

ତେବର୍‌ପାଇ ତର ପରମେସର ତକେ ବାଟିଲାଆତେ ।

ସେ ତକେ ଆଲାଦ୍ କରି

ତର ସଙ୍ଗାରିମନ୍‌ର ତେଇଅନି ଅଦିକ୍ ସନ୍‌ମାନ୍ ଦେଇ ସାର୍‌ଦା କରାଇଆତେ ।”

^{୧୦} ସେ ଏନ୍ତାରି ମିସା କଇଲାଆତେ,

“ଏ ମାପୁରୁ ଆରାମେ ଅନି ତୁମ୍ଭ ଜଗତ୍ ତିଆର କରିଆରୁସ୍ ।

ଆରି ତର ନିଜର୍ ଆତେ ଆକାସ୍ ଆରି ତେଇ ରଇବା ସବୁଜାକ ତିଆର କଲୁସ୍ ।

^{୧୧} ସେଟା ସବୁ ମାୟା ଅଇଜାଇସି, ମାତର ତୁମ୍ଭ ସବୁଦିନର୍‌ପାଇ ରଇସୁ ।

ସେଟା ସବୁ ପୁରନା ଲୁଗା ପାରା ଚିରି ଅଇଜାଇସି ।

^{୧୨} ଲୁଗା ଦୁନାଇକରି ସଙ୍ଗଇଲା ପାରା ତୁମ୍ଭ ସେଟାମନ୍‌କେ ସଙ୍ଗଇସୁ ।

ଆରି ଲୁଗା ପାଲଟନା କଲାପାରା ବାଦ୍‌ଲାଇସୁ ।

ମାତର ନିଜେ ତୁମ୍ଭ ନ ବାଦ୍‌ଲି କରି

କାଲ୍ କାଲ୍ ଜୁଗ୍ ଜୁଗ୍ ରଇସୁ ।”

^{୧୩} ପରମେସର ତାର କନ୍ ଦୁତମନ୍‌କେ ମିସା କଏନାଇ,

“ମୁଁ ତମ୍ଭ ଦୁତମନ୍‌କେ ତମ୍ଭର୍ ପାଦ୍‌ତଲେ

ନ ସଙ୍ଗଇବା ଜାକ

ମର ଉଜାବାଟେ ବସି ରୁଆ ।”

^{୧୪} ତେବର୍‌ପାଇ ପିଲାମନ୍ ସବୁ ରକତ୍ ମାଉଁସ୍ ମିସି ରଇବାକେ ସେ ମିସା ନିଜର୍ ସେ ରକାମ୍ ସିତି ମିସିଗାଲା, ଆରି
ତାର ମରନ୍ ସଙ୍ଗ୍ ମରନ୍‌ର ଅଦିକାରି ସୟତାନ୍‌କେ ବିନାସ୍ କଲା ।

୨

ବଡ଼ ମୁକ୍ତି

^୧ ଆମେ ଜେଡିକି ସଡ଼ଟାନେଅନି ବିନେ ନ ବେଗ୍‌ଲୁ, ସେଟାପାଇ ଆମେ ସୁନିରଇବା ସତ୍ ବାକିଅଟାନେ ଡାଁଟ୍‌ଅଇ
ରଇବା ଦରକାର୍ ।

^୨ କାଇକେ ବଇଲେ ପୁରବେ ପରମେସର ସରଗ୍ ଦୁତମନ୍‌ର ଅନି ଜାନାଇ ଆତେ, ସେଟା ସତ୍ ବଲି ପରମାନ୍
ଅଇଆତେ, ଜନ୍ ଲକ୍‌ମନ୍ ସେଟା ମାନତ୍ ନାଇ, ସେମନ୍ ଡିଣ୍ଡ ପାଇଆତତ୍ ।

^୩ ତେବେ ଏନ୍ତାରି ରଇବା ବଡ଼ ମୁକ୍ତି ଆମେ ଏଲା କରିଦେଲେ କେଡି ରକିଆ ପାଇବାର୍ ଅଇସି ? ଏ ମୁକ୍ତିର୍ ବିସଇ
ପରତମେ ମାପୁରୁ ନିଜେ ଜାନାଇ ଆତେ ଆରି ତାରଟାନେଅନି ସୁନିରଇବା ଲକ୍‌ମନ୍ ତେଇର୍ ସତ୍ ଆମର୍‌ଟାନେ ପରମାନ୍
କରି ଜାନାଇ ଆତତ୍ ।

^୪ ସେମନ୍ ପରମାନ୍ କଲାଟା ସତ୍ ବଲି ପରମେସର ମିସା ସାକିଦେଲା । କାଇକେବଇଲେ ସେ ସେମନ୍‌କେ, କେତେ
ରକାମର୍ ଚିନ୍ ଆରି କାବାଅଇଜିବା କାମ୍‌ମନ୍, ନ ଗଟ୍‌ବା ଗଟ୍‌ନାମନ୍ କରବାକେ ବପୁଦେଲା । ତାର ମନ୍ କଲା ଇସାବେ
ସୁକ୍‌ଲ୍‌ଆତ୍‌ମାର୍ ଦାନ୍ ମିସା ସେମନ୍‌କେ ବାଟାକରି ଦେଇ ରଇଲା ।

ଜିସୁ ପୁରାପୁରୁନ୍ ବାବରେ ନରୁପ୍ ଦାରୁଲା

^୫ ପରମେସର ନୁଆ ଜଗତ୍ ତିଆର କରସି । ଆରି ଆମେ ଜନ୍ ଜଗତର୍ କାତା କଇଲୁନି, ତେଇର୍ ସାସନ୍ କରବାକେ,
ସେ ସରଗର୍ ଦୁତମନ୍‌କେ ବାଟିକରି ମିସାଏ ନାଇ ।

୭ କାଲକେ ବଇଲେ ଦରମସାସ୍ତରେ ଏନ୍ତି ଲେକାଅଇଆତେ,
 “ଏ ପରମେସର୍, ମୁନୁସ୍ କେ ଜେ
 ତମେ ତାର୍ପାଇ ଚିନ୍ତା କଲାସ୍ନି ?
 ଆରି ମୁନୁସ୍ ଏତେକ୍ ଇନ୍ ଅଇଲେ ମିସା
 ତାକେ ଜତନ୍ କଲାସ୍ନି ।

୮ ତମେ ତାକେ ସରଗର୍ ଦୁତ୍ତମନ୍ ଟାନେଅନି ଅଲପ୍ ଉନା କରି ଆଚାସ୍ ।
 ସେମନ୍କେ ମଇମା ଆରି ଡାକ୍ପୁଟା କରିଆଚାସ୍ ।
 “ସବୁ ବିସଇର୍ ଉପ୍ରେ ସାସନ୍ କରବାକେ ଅଦିକାର୍ ଦେଇଆଚାସ୍ ।”

ଇତି ଲେକାଅଇଆତେ, କାଲ ବିସଇ ନ ରାତି ମୁନୁସ୍କେ ସବୁ ବିସଇ ଉପ୍ରେ ସାସନ୍ କରବାକେ ଦେଇଆତେ ।
 ଇତିଅନି ଜାନାପତି ଗାଲାନିଜେ ସବୁ ବିସଇ ତାର୍ ଅଦିକାରେ ଆତେ । ମୁନୁସ୍ ଏବେ ସବୁ ବିସଇର୍ ଉପ୍ରେ ଅଦିକାର୍
 କରେ ନାଇତା । ଏଟା ଏବେ ଆମେ ଜାନ୍ଲୁନି ।

୯ ଆମେ ଦେକ୍ଲୁନି, ଜିସୁ କେନ୍ତି ଚନେକର୍ପାଇ ସରଗର୍ ଦୁତ୍ତମନ୍ ଟାନେଅନି ତଲେ ଅଇରଇଲା । ଆରି ଜେନ୍ତିକି
 ସେ ପରମେସରର୍ ଦୟା ପାଇକରି ସବୁଲକର୍ ପାଇ ଜନ୍ ଦୁକ୍ କସ୍ଟ ପାଇକରି ମଲା, ସେ ମରନର୍ ଲାଗି ଏବେ ଆମେ
 ତାକେ ମଇମା ଆରି ଡାକ୍ପୁଟା ଅଇଲାଟା ଦେକ୍ଲୁନି ।

୧୦ ପରମେସର୍ ସବୁ ବିସଇ ତିଆରକରି ସଙ୍ଗଇଲା ଆତେ । ସେଟାର୍ପାଇ ଜିସୁକେ ଦୁକ୍ କସ୍ଟ ପାଇବାକେ ସେ ଦେଲା
 । ଏନ୍ତାରି ଅଇ ସେ ସିଦ୍ ଅଇଲା ଆରି ଆମର୍ ବିତ୍ରେଅନି ବେସି ଲକ୍, ତାର୍ ପଅ ଅଇଗାଲୁ । ଜେନ୍ତାରି କି ଆମେ ମିସା
 ତାର୍ ମଇମା କଲାଟାନେ ମିସ୍ତୁ, କାଲକେବଇଲେ ଜିସୁ ପାପର୍ ତଣ୍ଡେଅନି ଆମ୍କେ ମୁକ୍ଲାଇଲା ।

୧୧ ସେ ଆମ୍କେ ପାପେ ଅନି ସୁକଲ୍ କଲାଆତେ । ଆରି ଆମେ ଜେ କି ସୁକଲ୍ ଅଇଆରୁ, ଆରି ଜେ କି ଆମ୍କେ ସୁକଲ୍
 କରିଆତେ, ନର୍ଲକ୍ମନର୍ ଗଟେକ୍ ସେ ବାବା । ଏଟାର୍ଲାଗି ଜିସୁ ସେମନ୍କେ ବାଇବଇନି ବଲିକରି କଇବାକେ ଲାଜ୍
 ଅଏ ନାଇ । ମାତର୍ ତାର୍ କୁଟୁମ୍ ବଲି ତାକ୍ସି ।

୧୨ ଜିସୁ ପରମେସର୍କେ କଇଲା ଆତେ,
 “ମୁଇ ତମର୍ ସବୁଜାକ୍ କାମ୍ ମର୍ ବାଇମନ୍କେ ଜାନାଇବି ।
 ସେମନ୍ ରୁଣ୍ଡିଲାଟାନେ ତମ୍କେ ସୁମର୍ନା କରବି ।”

୧୩ ସେ ଏନ୍ତାରି ମିସା କଇଲାଆତେ,
 “ପରମେସରଟାନେ ମୁଇ ଆସା କରବି ।”

ଆରି ସେ କଇଲା, “ପରମେସର୍ ମକେ ଦେଲା ପିଲାଟକିମନ୍, ମର୍ସଙ୍ ଆଚଡ୍ ।”

୧୪ ଇତି ଜନ୍ ଲକ୍ମନକେ ପିଲାମନ୍ ବଲି ଡାକ୍ଲାଇନି, ସେମନ୍ ବନି ମାଉଁସ୍ ରଇବା ଗାଗଡ୍ ସଙ୍ଗର୍ ଲକ୍ମନ । ଜିସୁ
 ମିସା ସେମନ୍ ପାରା ଗଟେକ୍ ଗାଗଡ୍ ନେଲା ଆରି ତାକର୍ ଗୁନ୍ତଲନ୍ତେଇ ମିସ୍ଲା । ତାର୍ ମରନର୍ ଲାଗି ସେ ମରନର୍
 ଉପ୍ରେ ବପୁ ରଇବା ସଇତାନ୍କେ ପୁରାପୁରୁନ୍ ବାବେ ଆରାଇଲା ।

୧୫ ଜନ୍ ଲକ୍ମନ ମରନକେ ଡରିକରି ରଇଲାଇ, ସେଟାର୍ ପାଇ ସେମନ୍ ଜନମେ ଅନି ଗତିଦାଙ୍ଗ୍ତା ପାରା
 ଅଇରଇଲାଇ । ସେମନ୍କେ ସେ ମରନର୍ ତଣ୍ଡେଅନି ମୁକ୍ଲାଇଲା ।

୧୬ ଇତିଅନି ନିକ୍ କରି ଜାନିଅଇଲାନି ଜେ, ସେ ସରଗର୍ ଦୁତ୍ତମନ୍କେ ସାଇଜ୍ କରେନାଇ । ତାର୍ ବାଦୁଲେ ଆମେ
 ଜନ୍ଲକ୍ମନ କି ଅବ୍ରାଆମର୍ ବସ୍ତର୍ ନାତିତିତି ବଲି ଏଜାଇଅଇଲୁନି, ସେ ଆମ୍କେ ସାଇଜ୍ କଲାନି ।

୧୭ ତେବର୍ ପାଇ ସେଟା ଦର୍କାର୍ ରଇଲା ଜେ ଆମେ ଜନ୍ଲକ୍ମନକି ତାର୍ ବାଇବଇନି ଅଇଲୁଆରୁ, ସେ ସମାନ୍
 ଆମର୍ ପାରା ଅଇରଇବାକେ । ସେନ୍ତାର୍ ଆଲେ ସେ ଆମର୍ ପରମେସର୍ ଟାନେ ରଇବା ସତ୍ସଙ୍ ଆରି ଦୟାସଙ୍ ରଇବା
 ବଡ୍ ପୁଜାରି । ସେ ଆମର୍ ବଡ୍ ପୁଜାରି ଅଇଲାକେ ଆମର୍ ପାପର୍ କେମା ଅଇଲା ।

୧୮ ସେ ଦୁକ୍କସ୍ଟ ପାଇଲା ଆରି ପରିକା କରାଇ ଅଇଲା, ଏବେ ଆମେ ଜେଡ୍କି ଲକ୍ ପରିକା କରାଇଅଇଲୁନି,
 ଆମ୍କେ ସବୁକେ ସାଇଜ୍ କରିପାର୍ସି ।

୩

ଜିସୁ କିରିସ୍ଟ ମସାର୍ ଟାନୁ ବଡ୍

୧ ଏ ମର୍ ବିସବାସି ବାଇବଇନିମନ୍, ଜନ୍ଲକ୍ମନକେ କି ପରମେସର୍ ତାର୍ ଲକ୍ ବଲି ବାଟ୍ଲା ଆତେ, । ଆମେ
 ଜିସୁର୍ ବିସଇ ଅଲପ୍ ବାବିଦେକୁ । କାଲକେବଇଲେ ଜେଡ୍କି ସବୁ ବିସଇ ଆମର୍ ବିସ୍ବାସର୍ ଲାଗି ଆତେ, ତାକେ ସେ
 ପରମେସର୍ ବଡ୍ ପୁଜାରି ଇସାବେ ପାଟାଇଲା ।

୨ ମସା ଜେନ୍ତାରି ପରମେସରର୍ କୁଟୁମେ ସଡ୍ ବାବେ କାମ୍ କଲା, ସମାନ୍ ସେନ୍ତାରିସେ, ସେ ମିସା ସଡ୍ ବାବେ
 ପରମେସରର୍ ଆଦେସ୍ ମାନ୍ବାକେ ସଡ୍ ସଙ୍ କଲା ଆରି ପରମେସରସେ ତାକେ ବାଟି ପାଟାଇରଇଲା ।

୩ ଗର୍ତ୍ତେଇଅନି ଗର୍ ତିଆରକଲା ମେସ୍ତୁରି ଅଦିକ୍ ସନ୍ମାନ ପାଇସି । ସେନ୍ତାରିସେ ଜିସୁ ମସାରଗାନେଅନି ଅଦିକ୍ ବଡ଼ ବଲି ସନ୍ମାନ ମିଲ୍ସି ।

୪ କାଇକେବଇଲେ ସବୁ ଗର୍ ମେସ୍ତୁରିସେ ତିଆର କର୍ସି । ମାତର୍ ପର୍ମେସର୍ ସବୁ ବିସଇ ତିଆର କଲାଆଚେ ।

୫ ମସା ଗତିଦାଙ୍ଗଡା ଇସାବେ ପର୍ମେସର୍ ଗରେ କାମ୍ କର୍ତେରଇଲା, ଆରି ପର୍ମେସର୍ ଜନ୍ତା ଆଇବା ଦିନମନକେ ଜାନାଇସି, ସେଟାଆକା ସେ କଇରଇଲା ।

୬ ମାତର୍ କିରିସ୍ତ ଅବକା ଗତିଦାଙ୍ଗଡାସେ ନ ରଇ ଗଟେକ୍ ପଅ ରଇଲା । ତାର ବାବାର ଗରେ ରଇବା ସବୁ ଦାଇଡ଼ ସେ ସଡ଼ ବାବେ କଲା । ଆମେ ଜଦି ମୁର୍ଚିରଇକରି ଆସା କଲାଟା ମିଲାଇବୁ ବଲି ଜାଗିରଇଲେ, ତାର କୁଟୁମେ ମିସ୍ତୁ ।

ଇସପରର୍ ଲକ୍ମନ୍ ପୁଣ୍ଡବାଟା

୭ ସୁକଲ୍ ଆଡ଼ମା ଜେନ୍ତାର କଇଲାନି,

“ଆଜି ଜଦି ତମେ ପର୍ମେସର୍ କାତା ସୁନ୍ସା,

୮ ଜେନ୍ତାର, ମରୁବାଲି ବୁର୍ଷ୍ ତମର୍ ଆନିଦାଦିମନ୍ ମାପରୁକେ ପରିକା କଲାଇ

ଆରି ତାର ବିରଦେ ଚିଆ ଅଇଲାଇ,

ସେ ରକାମ୍ ତମେ ନିଜର୍ ମନ୍ ଆର୍ଟ୍ କରାନାଇ ।”

୯ କାଇକେବଇଲେ ସେ ଜେଡ଼କି କରିରଇବା କାବାଅଇଜିବା କାମ୍ମାନ୍ ଚାଲିସ୍ ବରସ୍ତାକ ଦେକ୍ଲେ ମିସା, ସେମନ୍ ତାର ବପୁକେ ପରିକା କରିଲାଗିରଇଲା ।

୧୦ ସେଟାରପାଇ ପର୍ମେସର୍ ସେ ଲକ୍ମନ୍କେ ରିସାଅଇଲା, ଆରି କଇଲା, ସେମନ୍ ବେଗ୍ଲିକରି ବିନ୍ ବିସଇମନ୍ କରିଲାଗିଆଚଡ଼ । ମୁଇ ତିଆରଲାଟା କର୍ବାକେ ନିଚ୍ଲାଇନି ।

୧୧ ସେଟାର ପାଇ ମୁଇ ରିସାଅଇ ସପଡ଼କରି କଇଲି, ମୁଇ ଜନ୍ଦେସେ ପୁଣ୍ଡବାକେ ଦେଇଡି, ସେ ଦେସେ କେବେ ମିସା ତମ୍କେ ପୁର୍ବାକେ ନ ଦେଇ ।

୧୨ ତେବର୍ ପାଇ ଏ ମର୍ ବିସ୍ବାସି ବାଇବଇନିମନ୍, ଜାଗର୍ତାଅଇ ରୁଆ, ଜେନ୍ତାରିକି ତମର୍ ବିଡ଼ରେଅନି କେ ମିସା କାରାପ୍ ମନ୍ ରଇକରି ପର୍ମେସର୍କେ ବିସ୍ବାସ୍ ନ କରା, ଆରି କେ ମିସା ଜିବନ୍ ରଇବା ପର୍ମେସର୍ ଗାନେଅନି ବେଗ୍ଲି ନି ଜା ।

୧୩ ତମର୍ ବିଡ଼ରେ କେ ମିସା ପାପରୁଲାଗି ନାତାଇ ଅଇବାର ନାଇ । ସେଟାରଲାଗି ତମର୍ ମନ୍ ଆର୍ଟ୍ ଅଇଜାଇସି । ଆମର୍ ଜିଇବାକାଇବା ଦିନ୍ ସାରବାଜାକ ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଏ ବିସଇ ଜାଗର୍ତ୍ତ କରାଇବାର ଆଚେ ।

୧୪ କାଇକେବଇଲେ ଆମେ ଜଦି ସାରାସାରି ଦିନ୍ ଜାକ ଆମର୍ ବିସ୍ବାସ୍ ଡାଁର୍ ସଙ୍ଗ୍ ଦାରିରଇବୁ, ସେନ୍ତାଆଲେ ଆମେ ସବୁଲକ୍ କିରିସ୍ତର୍ ସଙ୍ଗ୍ ବାଗ୍ ନେଇ ମିସିକରି ରଇବୁ ।

୧୫ ଦରମ୍ସାସ୍ତରେ ଏନ୍ତାରି ଲେକା ଅଇଲାଆଚେ

“ଜଦି ତମେ ଆଜି ପର୍ମେସର୍ ବାକିଅ ସୁନ୍ସା,

ତମର୍ ଆନିଦାଦିମନ୍ ଜେନ୍ତା ତାକର୍ ମନ୍ ଆର୍ଟ୍ କରି ତାକେ ବିରଦ୍ କଲାଇ,

ସେନ୍ତାରି ତମର୍ ମନ୍ ଆର୍ଟ୍ କରାନାଇ ।”

୧୬ ପର୍ମେସର୍ ବାକିଅ ସୁନିକରି ମିସା ଜେଡ଼କି ଲକ୍ ତାକେ ବିରଦ୍ କଲାଇ, ସେ ଲକ୍ମନ୍ କେ ? ଜନ୍ ଲକ୍ମନ୍କେ ମସା ମିସର୍ଦେସେଅନି ବାରକରାଇ ଆନିରଇଲା ସେମନ୍ ନ ଅଅଡ଼ କି ?

୧୭ ଚାଲିସ୍ ବରସ୍ ଜାକ ପର୍ମେସର୍ କନ୍ ଲକ୍ମନ୍କେ ରିସା ଅଇରଇଲା, ସେମନ୍ କେ ? ଜନ୍ ଲକ୍ମନ୍ କି ପାପ୍ କରିରଇଲା ଆରି ମରୁବାଲି ବୁର୍ଷ୍ ମରିଜାଇରଇଲା, ସେମନ୍ ନଅଡ଼ କି ?

୧୮ ପର୍ମେସର୍ ଜେବେ ସପଡ଼କରି କଇରଇଲା ଜେ, ସେମନ୍ ତାର ପୁଣ୍ଡବାଦେସେ କେବେମିସା ପୁରି ନାପାରଡ଼, ସେବେଲେ ସେ କନ୍ ଲକ୍ମନ୍କେ କଇରଇଲା ? ଜନ୍ ଲକ୍ମନ୍ ତାର କାତା ନିଚ୍ତେ ରଇଲାଇ ସେମନ୍କେସେ ।

୧୯ ଆମେ ଏନ୍ତାରି ଜାନୁ ଜେ, ସେମନ୍ ବିସ୍ବାସ୍ କରଡ଼ ନାଇଜେ ପର୍ମେସର୍ ତିଆର କରିରଇବା ପୁଣ୍ଡବା ଜାଗାଇ ସେମନ୍ ପୁରି ନାପାରଲାଇ ।

୪

୧ ପର୍ମେସର୍ ଆମ୍କେ କାତା ଦେଇରଇଲାଜେ, ସେ ଆମ୍ପପାଇ ଗଟେକ୍ ପୁଣ୍ଡବା ଜାଗା ତିଆର କଲାଆଚେ । ତେବର୍ ପାଇ ଆମେ ଜାଗର୍ତ୍ତ ରଇବାକେ ପଡ଼ସି । ଜେନ୍ତାକି ଆମର୍ ବିଡ଼ରେ ସେନ୍ତାରି କେ ନ ରଅଡ଼, ଜେ କି ସେ ଜାଗାଇ ପୁରିନାପାରଡ଼ ।

୨ କାଇକେବଇଲେ ଆମର୍ ଆନିଦାଦିମନ୍ପାରା ଆମେ ମିସା ସୁବ୍ କବର୍ ସୁନିଆବୁ । ମାତର୍ ସେମନ୍ ସେଟା ସୁନିକରି ମିସା ମାନଡ଼ ନାଇ, କାଇକେବଇଲେ ସେଟା ସେମନ୍ ବିସ୍ବାସ୍ କରଡ଼ ନାଇ ।

୩ ଆମେ ଜେଡ଼କି ଲକ୍ ବିସ୍ବାସ କରୁ, ଆମେସେ ସେ ପୁଣିବା ଜାଗାଇ ପୁରୁ । କାଇକେବଇଲେ ତାକର୍ ବିସଇନେଇ ପର୍ମେସର୍ କଇଲାଆତେ,

“ମର୍ ରିସାଇ ମୁଇ ସପଡ଼ କରିଆତି ।

ମୁଇ ତିଆର୍ କରିରଇବା ପୁଣିବା ଜାଗାଇ ସେମନ୍‌କେ ନ ପୁରାଇ ।”

ଜଗଡ଼ ତିଆର୍ ଅଇଲା ବେଲେଅନି ସେ ପୁଣିବା ଗର୍ ତିଆର୍ ଅଇରଇଲା । ଏଲେ ମିସା ପର୍ମେସର୍ ସେନ୍ତାରି କଇରଇଲା ।

୪ କାଇକେବଇଲେ ଆଟର୍ ସାରାସାରି ଦିନର୍ ବିସଇ ସାସ୍ତରେ ଏନ୍ତାରି ଲେକାଅଇଲାଆତେ, “ପର୍ମେସର୍ ସବୁଜାକ କାମ୍‌ସାରାଇ କରି ଆଟର୍ ସାରାସାରି ଦିନେ, ଅଲପ୍ ପୁଣିଲା ।”

୫ ଆରି ଏ ବିସଇ ବିନିଗାନେ ଲେକାଅଇଆତେ । “ସେମନ୍ ମର୍ ପୁଣିବା ଜାଗାଇ କେବେ ମିସା ପୁରିନାପାରଡ଼ ।”

୬ ପର୍ତମେ ଜେଡ଼କିଲକ୍ ସୁବକବର୍ ସୁନିରଇଲା, ନିଜେ ବିସ୍ବାସ କରଡ଼ ନାଇ ଆରି ସେମନ୍ ସେ ପୁଣିବା ଜାଗା ପାଅଡ଼ ନାଇ । ତାରପତେ ପର୍ମେସର୍ ବିନ୍ ଲକ୍‌ମନ୍ ପୁରବାକେ ଆଦେସ୍ ଦେଲା ।

୭ ଲକ୍‌ମନ୍ ତେଇ ପୁରବାକେ ପର୍ମେସର୍ ଆରି ଗଟେକ୍ ବେଲା ବାଟଲା । ସେ ବେଲା ଅଇଲାନି ଆଜି । ବେସି ବରସ୍ ପତେ ପର୍ମେସର୍ ମୁଇ କଇଲା ବିସଇ ଦାଉଦର୍ ସାସ୍ତରେ ଲେକାଅଇରଇଲା,

“ଆଜି ଜଦି ପର୍ମେସରର୍ ସବଦ୍ ସୁନ୍‌ଲେ

ତମର୍ ମନ୍ ଆଁଟ୍ କରା ନାଇ ।”

୮ ଆମେ ଏ ବିସଇ ମିସା ଜାନିଆରୁ ଜେ, ପର୍ମେସର୍ ଜନ୍ ବିସ୍ବାମ୍ ଜାଗାର ପାଇ ସପଡ଼ କରିରଇଲା, ସେ ଜାଗା ଜିଅସୁଆ ଆମର୍ ଆନିଦାଦିମନ୍‌କେ ତାକି ନେଇ ରଇବା ଜାଗା ନଏ । ଜଦି ସେ ଜାଗା ସେଟା ଅଇରଇତା, ତେବେ ପର୍ମେସର୍ ଆରି ଗଟେକ୍ ପୁଣିବା ଦିନର୍ କାତା ନ କଇତା ।

୯ ସେଟାରପାଇ ଏଟା ସଡ଼ ଆକା । ଆଟର୍ ସାରାସାରି ଦିନେ ପର୍ମେସର୍ ପୁଣିଲାପାରା ତାକର୍ ଲକ୍‌ମନ୍ ପାଇ ଗଟେକ୍ ପୁଣିବା ବେଲା ସଙ୍ଗଇଆତେ ।

୧୦ କାଇକେବଇଲେ ପର୍ମେସର୍ ସପଡ଼ କରିରଇବା ବିସ୍ବାମେ ଜେଡ଼କିଲକ୍ ପୁରବାଇ, ସେ ବିସ୍ବାମ୍ କଲାପାରା, ତାକର୍ କାମେଅନି ବିସ୍ବାମ୍ କରବାଇ ।

୧୧ ସେଟାରପାଇ ଆମେ ସବୁଲକ୍ ମନ୍ ଦିଆନ୍ ଦେଇକରି, ସେ ବିସ୍ବାମ୍ ଜାଗାଇ ପୁରବାକେ ଚେସ୍ଟା କରୁ । ଆମର୍ ଆନିଦାଦିମନ୍‌ପାରା ନ ଅଇବାକେ ଆମେ ଜାଗରଡ଼ ରଇ । ପର୍ମେସର୍ କଇଲାଟା ବିସ୍ବାସ୍ ନ କଲାଟପାଇ, ସେମନ୍ ସେଜାଗାଇ ପୁରି ନାପାରଲାଇ ।

୧୨ ପର୍ମେସରର୍ ବାକିଅ ଜିବନ୍‌ରଇବାଟା ଆରି ବେସି ବପୁରଇ ଦୁଇବାଟେ ଦାରରଇବା ଗଟେକ୍ ଲାଗନ୍ କାଣ୍ଡା ପାରା । ସେଟା ଆଡ଼ର୍ ଗଟି ଆରି ଆଡ଼ ବିଡ଼ରେ ରଇବାଟା କାଟ୍‌ସି । ଗଟେକ୍ ଲକ୍‌ମନ୍ ବିଡ଼ରେ ରଇବା ସବୁ ବିସଇ ବିଟାର୍ କରିପାରସି । ମନ୍ ବିଡ଼ରେ ଲୁଟିରଇବା ସବୁ ବିସଇ ମିସା ।

୧୩ ପର୍ମେସର୍‌ଟାନେ କାଇ ବିସଇ ମିସା ଲୁଟିକରି ନ ରଏ । ତାର ଆଁକିଟାନେ ସବୁ ବିସଇ ଉଗାଡ଼ି ଅଇରଇଲାପାରା ଆତେ । କାଇକେବଇଲେ ସେ ସବୁ ବିସଇ, ଗଟେକ୍ ନ ଚାଡ଼ିକରି, ସବୁ ଜାନେ । ଆରି ତାର ଲଗେ ଆମେ ଆମର୍ ନିଜର୍ ବିସଇର୍ ଇସାବ୍ ଦେବାର୍ ଆତେ ।

ଜିସୁଆକା ବଡ଼ ମୁକିଅ ପୁଜାରି

୧୪ ଜିସୁ ପର୍ମେସରର୍ ପଅ ଅଇଲାକେ, ସେ ଆମର୍ ମନେ ଜନ୍ ବଡ଼ ପୁଜାରି ବଲି ବିସ୍ବାସ୍ କରି ଦାରିକରି ଆରୁ, ସେଟା ତାଟ୍ କରୁ ।

୧୫ ସେ ଆମର୍ ବାଦୁଲେ ବଡ଼ ପୁଜାରିଅଇ ପର୍ମେସରର୍ ମୁଆଟେ ଗାଲାଆତେ । ଆରି ଜେଡ଼କି ରକାମ୍ ପରିକା, ଜେତେକ୍ କସ୍ଟ ଆମେ ପାଇଲୁନି, ସେଟା ଆମର୍ ବଡ଼ ପୁଜାରି ସବୁବେଲେ ଆମର୍ ସଙ୍ଗ୍ ମିସିକରି କଲାନି । କାଇକେବଇଲେ ଜେଡ଼କି ସବୁ ଆମେ କଲୁନି, ସେଟା ସବୁଜାକ ସେ ମିସା କଲା । ମାଡ଼ର୍ ସେ କେତେବେଲେ ମିସା ପାପ୍ କରେ ନାଇ ।

୧୬ ତେବର୍‌ପାଇ ତମେ ସାଆସ୍ ସଙ୍ଗ୍ ପର୍ମେସରର୍ ଟାନେ ଜାଇଅଇସି, ଜଦି ଆମେ ମାଙ୍ଗ୍‌ଲେ ସେ ଜିବନ୍ ଦୁକାଇ ଆମ୍‌କେ ଦୟା କରସି ଆରି ସାଇଜ ଦର୍‌କାର୍ ରଇବାବେଲେ, ଆମ୍‌କେ ସାଇଜ କରସି ।



୧୭ ଜିଉଦିମନ୍‌ ଜେଡ଼କି ବଡ଼ ପୁଜାରିମନ୍ ତାକର୍ ନିଜର୍ ଲକ୍‌ମନ୍‌ତେଇଅନି ବାଟାଇଅଇବାଇ । ତାକର୍‌ବାଟେଅନି ପାପ୍ କେମା କରବା ବଲି ଆରି ସର୍ପିଦେବା ବଲି, ଦେଇକରି ପର୍ମେସର୍‌କେ ସେବା କରବାଇ ।

୧୮ ଜେତେବେଲେ ତାର ସଙ୍ଗାରିମନ୍ ନାଜାନିକରି ରଇବାଇ, ଆରି ବୁଲ୍ କାମ୍ କରିରଇବାଇ, ସେ ସେମନ୍‌ ସଙ୍ଗ୍ ଦୟାଦରମ୍ ଦେକାଇକରି ରଇପାରସି । କାଇକେବଇଲେ ତାର ଜିବନେ ମିସା ବେସି ବୁଲ୍ ରଇସି ।

୩ ଆରି ତାକେ ମିସା ବେସି ବୁଲ୍ ରଇଲାକେ ସେ ଅବକା ବିନ୍ ଲକର୍ ପାପର୍ ପାଇ ବଲି ଦେଲେ ନଏଁ, ମାତର୍ ନିଜର୍ ପାପରଲାଗି ମିସା ବଲି ସର୍ପିଦେବାକେ ପଡ଼ସି ।

୪ କେ ମିସା ନିଜେ ବାଟିଅଇକରି ବଡ଼ପୁଜାରିର୍ ବେସି ସନ୍ମାନ ପାଇବା ପଦ୍ ପାଇ ନାପାରେ । ମାତର୍ ଗଟେକ୍ ଲକ୍ ପର୍ମେସର୍ ଡାକଲା ଇସାବେସେ ବଡ଼ ପୁଜାରିର୍ ପଦ୍ ପାଇଅଇସି । ଜେନ୍ତାରି କି କେତେ କେତେ ବରସ୍ ପୁରବେ ଆରଣ୍ଡକେ ବାଟିରଇଲା ।

୫ ସେନ୍ତାରିସେ କିରିସଟ୍ ବଡ଼ ପୁଜାରିର୍ ସନ୍ମାନ ପାଇବାକେ ନିଜକେ ବଡ଼ କରେ ନାଇ । ମାତର୍ ପର୍ମେସର୍ସେ ତାକେ ବାଟଲା । ତାର୍ ବାଦୁଲେ ସେ ତାକେ କଇଲା,

“ତୁଇ ମର୍ ପଅ,
ଆଜି ମୁଇ ତର୍ ବାବା ଅଇଲିଆଟି ।”

୬ ଆରି ଗଟେକ୍ ଜାଗାଇ ମିସା ସେ କଇଲା,

“ତୁଇ ପୁଜାରି ପଦ୍ ପାଇକରି
ମଲ୍‌କିସେଦକର୍ କୁଟୁମ୍ ପାରା
କାଲ୍ କାଲ୍ ଜୁଗ୍ ଜୁଗ୍ ପୁଜାରି ଅଇ ରଇସୁ ।”

୭ *ଜିସୁ ଏ ଜଗତେ ରଇଲାବେଲେ, ସେ ଆକ୍‌ମାରି କାନ୍ଦିକରି ଆରି ଆଁସୁ ଜରାଇକରି କାନ୍ଦି ପର୍ମେସର୍କେ ପାର୍ତନା କରିଲାଗିରଇଲା । ମରନେଅନି ତାକେ ରକିଆ କର୍ବାକେ ପର୍ମେସର୍କେ ବପୁଆଟେ ବଲି ସେ ଜାନିକରି ଏନ୍ତାରି କଲା । ସେ ନିଜେ ଦୟାଦରମ୍ ଦେକାଇଲାକେ ଆରି ପର୍ମେସର୍ କାତା ମାନ୍‌ଲାକେ, ପର୍ମେସର୍ ତାର୍ ପାର୍ତନା ସୁନ୍‌ଲା ।

୮ ଜିସୁ ପର୍ମେସର୍ ପଅ ଅଇରଇଲେ ମିସା, ସେ ଦୁକ୍ କସଟ୍ ପାଇରଇଲାର୍ ଲାଗି, ତାର୍ କାତା ମାନ୍‌ବାକେ ସିକ୍‌ଲା ।

୯ ସେ ପର୍ମେସର୍ କାତା ମାନ୍‌ଲାକେ ପୁରାପୁରୁନ୍ ସିଦ୍ ଅଇଲା । ତାକେ ବିସ୍‌ବାସ୍ କର୍ବା ଲକ୍‌ମନ୍‌କେ କେବେ ନ ସାର୍‌ବା ମୁକ୍ତି ଦେବା ଲକ୍ ଅଇଲା ।

୧୦ ସେଟାର୍ ପାଇ ତାକେ ପର୍ମେସର୍ ମଲ୍‌କିସେଦକ୍ ପୁଜାରିର୍ ପାରା ବଡ଼ ପୁଜାରି କରି ବାଟଲା ।

ବିସ୍‌ବାସ୍ ନ ଆଜାଇବାକେ ଜାଗରତ୍

୧୧ ଏ ବିସଇ ଆରି ଅଦିକ୍ ତମ୍‌କେ ଜାନାଇବି ବଲି ମୁଇ ମନ୍ କଲିନି । ମାତର୍ ତମେ ଦାପ୍‌ରେ ବୁଜି ନାପାରାସକେ ବୁଜାଇବାକେ କସଟ୍ ଆଟେ ।

୧୨ *ତମେ ବିସ୍‌ବାସ୍ କରି ବେସିଦିନ୍ ଅଇଗାଲା ଆଟେ ।

ଆରି ଏବେ ତମେ ତମର୍ ସଙ୍ଗାରିମନ୍‌କେ ସିକାଇବାର୍ ରଇଲା । ମାତର୍ ପର୍ମେସର୍ ପର୍‌ତୁମ୍ ସିକିଆ ତମ୍‌କେ ଏବେ ସିକାଇବାକେ ଲକର୍ ଲଡାଆଟେ । ତମେ ଗଟେକ୍ ଦୁଦ୍ କାଇବା ପିଲାପାରା ଆଗାସ୍ । କାଇକେବଇଲେ ଆଁଟ୍‌ଟା ମନ୍ କାଡ଼ରି ନାପାରାସ୍ ।

୧୩ ଜେ ଦୁଦ୍ କାଇବାର୍ ଆଟେ, ସେ ଏବେ ମିସା ପିଲାସେ । ସେନ୍ତାରି ଲକ୍‌ମନ୍ ଟିକ୍ ଆରି ବୁଲ୍ ଚଲାଚଲ୍‌ତି କର୍ବାଟା ଚିନି ନାପାରୁଲାଇନି ।

୧୪ ଚାବି ଚାବି କାଇବା କାଦି ବଡ଼ ଲକ୍‌ମନ୍‌ପାଇ । ସେମନ୍ ନିକ ଆରି କାରାପ୍ ଚିନ୍‌ବାକେ, ନିଜକେ ଅବିଆସ୍ କରାଇ ଆଟଡ଼ ।



୧୫ ତେବର୍‌ପାଇ କିରିସଟ୍ ମୁଲେଅନି ସିକିରଇବା ବିସଇ ତର୍‌କେ ତର୍ ନ ସିକିକରି ତାର୍ ଚିକିନିକି ବିସଇ ସିକୁ । ଜେନ୍ତୁକି ଆମର୍ ବିସ୍‌ବାସ୍ ମିସା ଡା଼ର୍ ଅଇସି । ତୁଚାଇ କାମ୍‌ମନ୍ ଚାଡ଼ିକରି ପର୍ମେସର୍‌ଟାନେ ବାଉଡ଼ବା ଜନ୍‌ଟା କି ଆମର୍ ବିସ୍‌ବାସର୍ ମୁଲ୍ ପାକ୍‌ନା ରଇଲା, ତେଇ ଆରିତରେକ୍ ସେଟାସେ କର୍‌ବାର୍ ନାଇ ।

୧୬ ତୁବନ୍ ବିସଇର୍ ସିକିଆ ଦେବାଟା, ଆଡ଼ ସଙ୍ଗାଇକରି ପାର୍ତନା କର୍‌ବାଟା, ମଲା ଲକ୍‌ମନ୍ ଆରିତରେକ୍ ବର୍‌ବାଟା ଆରି ଲକ୍‌ମନ୍‌କେ ସବୁଦିନର୍‌ପାଇ ରଇବା ପର୍ମେସର୍ ନ ସାର୍‌ବା ବିଚାର୍‌ନା ।

୧୭ ଏବେ ଆମେ ଆଗ୍‌କେ ଜିବାକେ ପଡ଼ସି । ମାପୁରୁକେ ଆସାକରି ଆଗର୍ ବିସଇ ସିକୁ ।

୧୮ କାଇକେବଇଲେ ଜେଡ଼କି ଲକ୍ ତାକର୍ ବିସ୍‌ବାସ୍ ଚାଡ଼ିଆଟଡ଼, ସେମନ୍ ମନ୍ ପର୍ମେସର୍ ଉଜଲ୍‌ସଙ୍ ଉଗାଡ଼ି ଅଇ ଆଟେ । ସେ ଦେଇ ରଇବା ସୁଆଦ୍ ସେମନ୍ ଚାକିଆଟଡ଼ । ଆରି ସୁକଲ୍‌ଆଡ଼ମା ପାଇଆଟଡ଼ ।

୧୯ ପର୍ମେସର୍ ବାକିଅ କେତେକ୍ ନିକ ବଲି ସେମନ୍ ଜାନିଆଟଡ଼ । ଆଇବା ଜୁଗେ ତାର୍ ଜନ୍ ବପୁ ସବୁକେ ଦେକାଇ ଅଇସି, ସେଟା ସେମନ୍ ଜାନିଆଟଡ଼ ।

☆ ୫:୬ ମାତିଉ ୨୬:୩୬-୪୬; ମାର୍କ ୧୪:୩୨-୪୨; ଲୁକ୍ ୨୨:୩୯-୪୬ ☆ ୫:୧୨ ୧ମ କରନ୍ତୁୟ ୩:୨

୭ ଏଟା ସବୁ ଅଇଲା ପତେ ସେମନ୍ ତାକର୍ ବିସ୍ବାସ୍ ଆରାଇ ଆଚଡ୍ । ସେଟାପାଇ ସେମନ୍‌କେ ଆରିତରେକ୍ ମନ୍ ବାଉଡାକବାକେ ସଅଜ୍ ନାଇ । କାଇକେବଇଲେ ସେମନ୍ ପର୍ମେସରର୍ ପଅକେ ଆରିତରେକ୍ କୁର୍ସେ ମରାଇକରି ଗୁଲାଇ ଲକର୍ ମୁଆଟେ ଇଜଡ୍ ଜିକ୍‌ଲାଇନି ।

୮ ବର୍ସା ପାନି ଜମିଟାନେ ମାର୍‌ଲେ ସେ ପାନି ଜମି ଜିକିନେଇସି । ସେନ୍ତାରି ଜମିକେ ପର୍ମେସର୍ ଆସିର୍‌ବାଦ୍ କର୍ସି । ସେନ୍ତାରି ଜମିଟାନେ ଲକ୍‌ମନ୍‌କେ ଦର୍‌କାର୍ ଅଇବା ଚାସ୍ କରିଅଇସି ।

୯ ମାତର୍ ସେ ଜମିଟାନେ ଜଦି କାଟା ଗର୍ ଅଇସି, ଆରି ଲାଟାବୁଟା ଗାଜା ଅଇସି, ତେବେ ସେଟା କାଇ ଲଡାକେ ନ ଲାଗେ । ଆରି ସେଟାକେ ପର୍ମେସର୍ ଡଣ୍ଡ ଦେଇସି ଆରି ସେଟାମନ୍‌କେ ଜଇଟାନେ ପଡାକଦେଇସି ।

୧୦ ଏ ଆଲାଦର୍ ମଇତର୍‌ମନ୍, ମୁଇ ଏନ୍ତାରି କଇତେରଇଲେ ମିସା ତମେ ସେନ୍ତାରି ନୁଆସ୍ ବଲି ମୁଇ ଜାନି । ତମେ ଆଗ୍ରୁଅନି ବିସ୍ବାସ୍ କଲାସ୍‌ନି ଆରି ତମର୍ ଚଲାଚଲ୍‌ତି ନିକ ଆଟେ । ଏ ସବୁ ତମେ ମୁକ୍ତି ପାଇରଇବା ଗଟେକ୍ ଚିନ୍ ।

୧୧ କାଇକେବଇଲେ, ପର୍ମେସର୍ ଅନିଆଇ ନ କରେ । ତମେ କରିରଇବା ନିକ କାମ୍ ସେ ନ ପାସ୍‌ରେ । ତାପାଇ ରଇବା ତମର୍ ଆଲାଦ୍ ମିସା । ସେ ଆଲାଦ୍ ତମର୍ ବିସ୍ବାସି ବାଇବଇନିକେ ସାଇଜ କଲାର୍ ପାଇ ତମେ ଦେକାଇ ଆଟାସ୍ ।

୧୨ ମୁଇ ଜନ୍‌ଟା ମନ୍ କଲିନି, ସେଟା ଅଇଲାନି ସାରାସାରି ଜାକ ପର୍ମେସର୍ ଜନ୍ କାତା ଦେଇଆଟେ, ସେଟା ପୁରାପୁରୁନ୍ ଅଇବାଜାକ ତମର୍ ଆସା ନ ଚାଡା ।

୧୩ ସେନ୍ତାରି କଲେ ଅଲସ୍ ନଅଇ ବିସ୍ବାସ୍ ଆରି ମୁର୍ଚ୍ଚି ରଇବା ଲକ୍ ଅଇସା । ସେନ୍ତାରି ଲକ୍ ପର୍ମେସର୍ ଜନ୍‌ଟା ଦେବାକେ କାତା ଦେଇଆଟେ, ସେମନ୍ ସେଟା ପାଇବାଇ ।

ପର୍ମେସରର୍ ସପଡ୍ ସଡ୍ ଅଇସି

୧୪ ପର୍ମେସର୍ ଅବ୍ରାଆମ୍‌କେ କାତା ଦେଇରଇଲା ବେଲେ, ସେ ପୁରାପୁରୁନ୍ କର୍‌ବି ବଲି ସପଡ୍ କରିରଇଲା । ତାଟାନେ ଅନି ଆରି କେ ମିସା ବଡ୍ ନ ରଇଲାକେ ନିଜର୍ ନାଉଁ ଦାରି ସପଡ୍ କଲା ।

୧୫ ସେ ଅବ୍ରାଆମ୍‌କେ କଇଲା, “ମୁଇ ତମ୍‌କେ ବାଇଦରେ ଆସିର୍‌ବାଦ୍ କର୍‌ବି । ଆରି ତର୍ କୁଟୁମ୍ ଜବର୍ କର୍‌ବି ।”

୧୬ ଅବ୍ରାଆମ୍ ତାର୍ କାତା ଦାରି ଜାଗିରଇଲାକେ, ପର୍ମେସର୍ ସପଡ୍ କଲାଟା ସେ ମିଲାଇଲା ।

୧୭ ଜେଡେବେଲେ ଲକ୍‌ମନ୍ ପର୍ମାନ୍ ସଇଡ୍ କର୍‌ବାଇ, ସେମନ୍ ବଡ୍‌ଲକ୍‌ମନ୍‌ର୍ ନାଉଁ ଦାରି ପର୍ମାନ୍ ସଇଡ୍ କର୍‌ବାଇ । ସେନ୍ତାରି କଲେ ସେ ସପଡ୍ ଲାଗିରଇବା ସବୁ ଦଦାପେଲାକେ ଚିଡାକସି ।

୧୮ ଜନ୍‌ଲକ୍‌ମନ୍ ସେ କାତା ଦେଇରଇବାଟା ମିଲାଇବାଇ, ସେମନ୍ ଏ ସବୁ ବିସଇ ଜାନଡ୍ ବଲି ସେ ମନ୍ କରିରଇଲା । ତାର୍ ମନ୍ କେବେ ନ ବାଦ୍‌ଲେ ବଲି ସବୁ ଲକ୍ ଜାନିରଅଡ୍ । ସେଟାପାଇ ସେ ତାର୍ କାତାଦେଇ ରଇବାଟାନେ ତାର୍ ସପଡ୍ ମିସା ମିସାଇଲା । ପର୍ମେସର୍ ଦେଇରଇବା କାତା ଆରି ତାର୍ ସପଡ୍ ସଡ୍‌ସେ ।

୧୯ ଏ ଦୁଇଟା ବିସଇ କେବେ ନ ବାଦ୍‌ଲେ । କାଇକେବଇଲେ ପର୍ମେସର୍ ମିର୍ ନ କଏ । ତେବର୍‌ପାଇ ଆମେ ମୁକ୍ତି ପାଇରଇବା ଲକ୍‌ମନ୍, ଆମର୍ ମନେ ବେସି ସାଆସ୍ ଦାରିଆରୁ । ଆରି ତାଟାନେ ରଇବା ଆମର୍ ଆସା ଡାଁଟ୍ ଆଟେ ।

୨୦ ଏ ଆସା ଆମର୍ ବିସ୍ବାସ୍ ଡାଁଟ୍ କରାଇସି । କାଇକେବଇଲେ ସେଟା ପୁରାପୁରୁନ୍ ଅଇସିଆକା । ଅମର୍ ଆସାର୍ ଲାଗି ଆମେ ପର୍ମେସରର୍ ଜାଗାଇ ପୁରିଆରୁ । ଏଟା ଜେନ୍ତାରି ବଡ୍ ପୁଜାରି ମନ୍‌ରର୍ ଅଦିକ୍ ସୁକଲ୍ ଜାଗାଇ ପୁର୍ସି । ଜନ୍ ଜାଗା କି ପାର୍‌ଦା ବିଡ୍‌ରେ ଲୁଚିରଇସି ।

୨୧ ସେ ଜାଗାଇସେ ଆମର୍ ଜିସୁ ଆଗ୍ରୁ ଜାଇଆଟେ । ଆରି ସବୁଦିନର୍‌ପାଇ ମଲ୍‌କିସେଦକର୍ ପୁଜାରି ପଦ୍ ପାରା ସେ ବଡ୍ ପୁଜାରି ଅଇଲାଆଟେ ।



ମଲ୍‌କିସେଦକ୍ ପୁଜାରି ଅଇବାଟା

୧ ଏ ମଲ୍‌କିସେଦକ୍ ସାଲେମ୍ ରାଇଜର୍ ରାଜା ରଇଲା । ସେ ସବୁଟାନେଅନି ଉପ୍‌ରେ ରଇବା ପର୍ମେସରର୍ ପୁଜାରି ରଇଲା । ତାଟା ରାଜାମନ୍‌କେ ଜୁଇଦେ ଆରାଇକରି ବାଉଡୁଲାବେଲେ ମଲ୍‌କିସେଦକ୍ ଅବ୍ରାଆମ୍‌କେ ବେଟ୍ ଅଇବାର୍ ଗାଲା ଆରି ତାକେ ଆସିର୍‌ବାଦ୍ କଲା । ସେଡ୍‌କିବେଲେ ଜୁଇଦେ ଜିଡିକରି ତେଇର୍ ଜେଡ୍‌କି କାଇକାଇଟା ନେଇକରି, ନିଜର୍‌ଟା କରିରଇଲା, ତେଇଅନି ଦସ୍‌ବାଗେ ଅନି ଗଟେକ୍‌ବାଗ୍ ଅବ୍ରାଆମ୍ ତାକେ ଦେଲା ।

୨ ମଲ୍‌କିସେଦକ୍ ନାଉଁର୍ ଅରଡ୍ ଅଇଲାନି, ଦରମ୍‌ସଙ୍ଗ୍ ରଇବା ରାଜା । ଆରି ସାନ୍ତିର୍ ରାଜା ମିସା । କାଇକେବଇଲେ ସାଲେମ୍ ନାଉଁର୍ ଅରଡ୍ ଅଇଲାନି ସାନ୍ତି ।

୩ ମଲ୍‌କିସେଦକ୍ ଆୟା ବାବା, ଆନିଦାଦିମନ୍‌ର୍ ବିସଇନେଇ କାଇଟା ଲେକା ଅଏନାଇ । ସେନ୍ତାରିସେ ତାର୍ ଜନମ୍ ମରନ୍ ବିସଇ ମିସା କାଟା ନାଇ । ସେଟା ପାଇ ସେ ପର୍ମେସରର୍ ପଅ ପାରା । ସେ ସବୁଦିନର୍‌ପାଇ ପୁଜାରି ଅଇରଇସି ।

୪ ଫଲ୍‌କିସେଦକ୍ କେତେବଡ଼ ଲକ୍ ରଇଲାବଲି ଆମେ ଏତାଇଦେକୁ । ପରତମେ ଆମେ ଜିଉଦିମନର୍ ତାକ୍‌ପୁଟା ପାଇରଇବା ଆନିଦାଦି ଅବରାଆମ୍ ମିସା ଜୁଇଦକରି ତେଇଅନି ମିଲାଇ ଆନିରଇବା କାଇକାଇଟା ଦସ୍ ବାଗେଅନି ଗଟେକ୍‌ବାଗ୍ ତାକେ ଦେଇରଇଲା ।

୫ ମସାର୍ ନିୟମ୍ ଇସାବେ ଜିଉଦିମନକେ ଏନ୍ତାରି ଗଟେକ୍ ନିୟମ୍ ଆଟେ । ଲେବି ବସ୍‌ସର୍ ଜେଡ଼କ୍ ନାତି ତିତିମନ୍ ପୁଜାରିଅଇବାଇ । ତାକର୍ ସଙ୍ଗେ ରଇବା ଜିଉଦିମନ୍ କାମାଇ ଆନ୍‌ବା ଚାସେଅନି ଦସ୍‌ବାଗେଅନି ଗଟେକ୍ ବାଗ୍ ନେବାଇ । ସେମନ୍ ସବୁ ଅବରାଆମର୍ ନାତିତିତି ଅଇରଇଲେ ମିସା ଏନ୍ତାରି କର୍ତେତରଇଲାଇ ।

୬ ମାତର୍ ଫଲ୍‌କିସେଦକ୍ ଲେବିର୍ ନାତିତିତି ନ ଅଇରଇଲେ ମିସା, ସେ ଅବରାମର୍ଗାନେଅନି ଦସ୍‌ବାଗେଅନି ବାଗେକ୍ ନେଇତେରଇଲା । ସେବେଲେ ଫଲ୍‌କିସେଦକ୍ ଅବରାଆମ୍‌କେ ଆସିର୍ବାଦ୍ କରି ରଇଲା । ଅବରାଆମ୍‌କେସେ ପର୍ମେସରର୍ ସବୁକାତା ଦେଇରଇଲା ।

୭ ଆମେସବୁ ଜାନିଆରୁ, ଜନ୍ ଲକ୍‌କେ ଆସିର୍ବାଦ୍ କର୍ବାକେ ଅଦିକାର୍ ଆଟେ, ସେ ଆସିର୍ବାଦ୍ ପାଇବା ଲକ୍‌ଗାନେଅନି ବଡ଼ ।

୮ ଲେବିର୍ ଜେଡ଼କ୍ ନାତିତିତିମନ୍, ଦସ୍‌ବାଗେ ଅନି ଗଟେକ୍ ବାଗ୍ ନେଇରଇଲାଇ, ସେମନ୍ ସବୁଲକ୍ ଜାକ ଗଟେକ୍ ଦିନ୍ ମର୍ବାଇ । ମାତର୍ ଫଲ୍‌କିସେଦକର୍ ମରନ୍ ବିସଇ ସାସ୍‌ତରେ କନ୍ତି ମିସା ଲେକା ଅଏନାଇ । ତାର୍ ବାଦୁଲେ ତେଇ ଲେକାଅଇଲା ଆଟେ, ତାର୍ ପୁଜାରି ପଦ୍ ନ ବାଦ୍‌ଲିକରି ସବୁ ଦିନର୍‌ପାଇ ରଇସି ।

୯ ଲେବିର୍ ଜେଡ଼କ୍ ସବୁ ନାତିତିତିମନ୍ ଦସ୍‌ବାଗେ ଅନି ଗଟେକ୍ ବାଗ୍ ନେଇତେ ରଇଲାଇ, ସେମନ୍ ଅବରାଆମର୍ ସଙ୍ଗ୍ ମିସିକରି ଫଲ୍‌କିସେଦକ୍‌କେ ଦସ୍‌ବାଗେଅନି ଗଟେକ୍ ବାଗ୍ ଦେଲାବଲି ଆମେ କଇଅଇସି ।

୧୦ କାଇକେବଇଲେ ଜେଡେବଲ୍ ଫଲ୍‌କିସେଦକ୍ ଅବରାମ୍‌କେ ବେଟ୍ ଅଇଲା, ସେ ଲେବି ଜନମ୍ ନ ଅଇରଇଲା, ମାତର୍ ସେ ଅବରାଆମର୍ ଗାଗ୍‌ତେ ରଇଲା । କାଇକେବଇଲେ ଅବରାଆମ୍ ତାର୍ ଆନିଦାଦି ରଇଲା ।

୧୧ ଲେବିର୍ ନାତିତିତି ପୁଜାରି ଇସାବେ ବାଚ୍‌ଲାପାଇ ପର୍ମେସର୍ ତାର୍ ନିୟମ୍ ଜିଉଦିମନକେ ଦେଇରଇଲା । ମାତର୍ ଲେବି ବସ୍‌ସର୍ ପୁଜାରିମନ୍ ଜଦି ସିଦ୍‌ଲକ୍ ଅଇରଇତାଇ ଆଲେ, ଆରି ଗଟେକ୍ ପୁଜାରି ଆଇବାକେ ଦରକାର୍ ନ ରଇଲା । ସେନ୍ତାର୍ ଏ ପୁଜାରି ଆରଣ୍ ଜେ କି ଲେବିର୍ ନାତିତିତି ରଇଲା, ତାର୍ ପୁଜାରିପଦ୍ ନ ଦାରି ଫଲ୍‌କିସେଦକର୍ ପୁଜାରି ପଦ୍ ଦାରି ଆଇସି ।

୧୨ ଜନ୍ ପୁଜାରି ଲକ୍‌ମନର୍ ବାଦୁଲେ ପର୍ମେସରର୍ ମୁଆଟେ ଚିଆ ଅଇସି, ତାର୍ ପୁଜାରି ପଦ୍ ବାଦ୍‌ଲାଲେ ଜନ୍ ନିୟମ୍ ମାନିଆଇଲାଇନି, ସେଟାମିସା ବାଦ୍‌ଲ୍‌ବାର୍ ଆଟେ ।

୧୩ ଏ ସବୁ ବିସଇ ବାଦ୍‌ଲିଗାଲା ଆଟେବଲି ଆମେ ଜାନ୍ । କାଇକେବଇଲେ ଆମର୍ ମାପୁରୁ ଜିସୁ ଜାର୍ ବିସଇନେଇ ଏ ସବୁ କାତା କଇଲୁନି, ସେ ଲେବି ବସ୍‌ସର୍ ନାତିତିତି ନ ରଇଲା । ଜିଉଦା ବସ୍‌ସେଅନି ଏବେଜାକ କେ ପୁଜାରି ବାବେ ସେବା କରତ୍ ନାଇ ।

୧୪ ଜିଉଦା ତାର୍ ଆନିଦାଦି ରଇଲା । ମସା ଦେଇରଇବା କାତାଇ ମିସା ଜିଉଦାର୍ ନାତିତିତିମନ୍ ପୁଜାରି ଅଇବା ବିସଇ କାଇଟା କଏ ନାଇ ।

ଫଲ୍‌କିସେଦକର୍ ପାରା ଆରିଗଟେକ୍ ପୁଜାରି

୧୫ ଇତିଅନି ନିମାନ୍ ଜାନାପଡ଼ଲାନି ଜେ, ଆଗର୍ ରକାମ୍ ପୁଜାରି ଆରି ସେମନ୍ ମାନିଆଇତେରଇବା ନିୟମ୍ ଏବେ ବାଦ୍‌ଲାଇକରି ଗଟେକ୍ ନୁଆ ରକାମ୍ ପୁଜାରି ବାରଇଆଟେ । ସେ ଫଲ୍‌କିସେଦକର୍ ପୁଜାରି ପଦ୍ ଦାରି ଆଇବାଟା ।

୧୬ ଆରି ସେ ମୁନ୍‌ସମନର୍ ନିୟମ୍ ଆରି ରିତିନିତି ଇସାବେ ପୁଜାରି କରେନାଇ, ମାତର୍ କେବେ ନ ସାର୍‌ବା ଗଟେକ୍ ବପୁର୍ ଜିବନ୍ ଲାଗି କଲାଆଟେ । ଫଲ୍‌କିସେଦକର୍ ପାରା ଗଟେକ୍ ବିନ୍ ପୁଜାରି ବାରଇଲା ।

୧୭ କାଇକେବଇଲେ ତାର୍ ବିସଇରେ ସାସ୍‌ତର୍ କଇଲାନି, “ଫଲ୍‌କିସେଦକର୍ ପୁଜାରି ପଦ୍‌ପାରା ତୁଇ ପୁଜାରି ଅଇ ଆରୁସ୍ ।”

୧୮ ପୁରନା ନିୟମ୍ ବାଦ୍‌ଲାଇଲା । କାଇକେବଇଲେ, ସେଟା ଲକ୍‌ମନକେ ପର୍ମେସରର୍ ଲଗେ ଆନ୍‌ବାକେ ବପୁ ନ ରଇଲା ଆରି ବେକାର୍ ରଇଲା ।

୧୯ କାଇକେବଇଲେ ମସାର୍ ନିୟମ୍ କାଇଟା ମିସା ପୁରାପୁରୁନ୍ ସିଦ୍‌କରି ନାପାର୍‌ଲା । ମାତର୍ ଏବେ ଆମ୍‌କେ ଗଟେକ୍ ବପୁର୍ ଆସା ମିଲ୍‌ଲା ଆଟେ । ଜାର୍‌ଲାଗି ଆମେ ପର୍ମେସରର୍ ଲଗେ ଅଇବାକେ ଆସିପାର୍‌ଲୁନି ।

୨୦ ଆରି ଆମର୍ ପାଇ ପର୍ମେସରର୍ କାତାଦେଇ ରଇବାଟା ମିସା ଆଟେ । ବିନ୍ ଲକ୍‌ର୍ ନାତିତିତିମନ୍ ପୁଜାରି ପଦେ ରଇଲାବେଲେ ସେ ଏନ୍ତି କାଇମିସା ସପଡ଼ କରି ନ ରଇଲା ।

୨୧ ମାତର୍ କିରିସ୍‌ଟ ପୁଜାରି ଅଇବାବେଲେ ପର୍ମେସର୍ ତାକେ ସପଡ଼ କରି କଇରଇଲା,
“ମାପୁରୁ ଗଟେକ୍ ସପଡ଼ କଲା ଆଟେ

ତୁଇ ସବୁଦିନର୍‌ପାଇ ପୁଜାରି ଅଇରଇସୁ ।
କଇଲା ଏ କାତା କେବେ ନ ବାଦ୍‌ଲାଏ ।

ତମେ କାଲ୍‌କାଲ୍ ଜୁଗ୍ ଜୁଗର୍ ପାଇ ପୁଜାରି ଅଇସା ।”

୨୭ କାଳକେବଳେ ପର୍ଯ୍ୟେସର୍ ଜନ୍ ସପତ୍ ତାକେ ଦେଇରଇଲା, ତାର ନୁଆ ରାଜିନାମା ପୁରାପୁରୁନ୍ ଅଇସିଆକା ବଲି ଜିସୁ ଡା଼ର୍ ସଙ୍ଘ କଇଲାନି ।

୨୮ ଜିସୁର୍ ପୁଜାରି ପଦ୍ ଆରି ଲେବି ବ଼ସର୍ କେତେକ୍ କେତେକ୍ ପୁଜାରି ପଦ୍ ଦାରିରଇବା ବେସି ପୁଜାରିମନର୍ ବିତ୍ରେ ଏନ୍ତାରି ବିନ୍ ରଇଲା । ସେମନ୍ ସବୁ ତାକର୍ ପୁଜାରିପଦ୍ କରିଲାଗି ରଅତ୍ ନାଇ । କାଳକେବଳେ ସେମନ୍ ସବୁଲକ୍ ମରିଗାଲାଇ ।

୨୪ ମାତର୍ ଜିସୁ କେବେ ନ ମରେ । ଆରି ପୁଜାରି ଇସାବେ ରଇବା ତାର୍ କାମ୍ ଆରି କାକେ ମିସା ଦିଆ ନ ଅଏ ।

୨୫ ସେଟାର୍ ପାଇ ଜନ୍ ଲକ୍ମନ୍ ତାକେ ବିସ୍ବାସ୍ କରି ଲଗେ ଆଇବାଇ, ସେମନ୍କେ ସବୁବେଲର୍ପାଇ ରକିଆ କରିପାର୍ସି । କାଳକେ ବଇଲେ ସେମନର୍ ପାଇ ପର୍ଯ୍ୟେସର୍ ମୁଆଟେ ଗୁଆରି କର୍ବାକେ ସେ ଜୁଗ୍ ଜୁଗର୍ ପାଇ ଜିବନ୍ ଅଇକରି ଆଟେ ।

୨୬ ତେବର୍ପାଇ ଜିସୁ ଅଇଲାନି ଆମର୍ ବଡ୍ ପୁଜାରି । ସେ ଆମର୍ପାଇ ସମାନ୍ ଆଟେ । କାଳକେବଳେ ସେ ସୁକଲ୍, ତାର୍ଟାନେ କାଇ ବୁଲ୍, କି ପାପ୍ ନାଇ । ଆମର୍ ପାପିମନର୍ଟାନେଅନି ସେ ପୁରାପୁରୁନ୍ ବିନ୍ଆଟେ । ଆରି ପର୍ଯ୍ୟେସର୍ ତାକେ ସରଗ୍ ଜେଡ୍ କି ଜାଇ ଉଟାଇଆଟେ ।

୨୭ ବିନ୍ ବଡ୍ ପୁଜାରି ମନ୍ ସବୁଦିନ୍ ପର୍ଯ୍ୟେସର୍ଟାନେ ଦିନ୍କେ ବଲି ଦେବାର୍ ଆଟେ । ତାର୍ପଟେ ସେମନ୍ ଲକ୍ମନର୍ ପାପର୍ପାଇ ମିସା ବଲି ଦେବାର୍ ଆଟେ । ମାତର୍ ଜିସୁ ଏନ୍ତାରି ନାଇ । ସେ ସବୁଲକର୍ ପାଇ ମିସ୍ତେ ଗଟେକ୍ତର୍ସେ ବଲି ଅଇଲା ଆଟେ । ତାର୍ ସେ ମରନ୍ ସବୁଦିନର୍ପାଇ ଅଇସି ।

୨୮ କାଳକେବଳେ ମସାର୍ ନିୟ୍ମ ଇସାବେ, ଜନଲକ୍ ବଡ୍ ପୁଜାରି ପଦ୍ପାଇରଇସି, ସେମନ୍କେ ମିସା ପାପ୍ ରଇସି । ମାତର୍ ଜନ୍ଟା ପର୍ଯ୍ୟେସର୍ ଗଟେକ୍ ସପତ୍ କରି କାତା ଦେଇରଇଲା, ସେଟା ନିୟ୍ମ୍ ପଟେ ଆଇଲା । ଜନ୍ ଲକ୍ ବାଟାଇଅଇରଇଲା, ତାର୍ ପଅ ରଇଲା । ସେ ସବୁଦିନର୍ପାଇ କାଇ ପାପ୍ ନ ରଇବା ପୁଜାରି ଅଇଆଟେ ।

୮

ଜିସୁ ଆମର୍ ବଡ୍ପୁଜାରି

୧ ଏ ସବୁ କାତାଇଅନି ତମକେ ବୁଜତ୍ ବଲି ମୁଇ ମନ୍ କଲିନି ଜେ, ଏ ଆମର୍ ବଡ୍ ପୁଜାରି ସରଗର୍ ସବୁର୍ ଉପ୍ରେ ପର୍ଯ୍ୟେସର୍ ଉଜାବାଟେ ବସ୍ଲା ଆଟେ ।

୨ ଆରି ପର୍ଯ୍ୟେସର୍ ଅଦିକ୍ ସୁକଲ୍ ଜାଗାଇ ସେ ବଡ୍ ପୁଜାରି ଇସାବେ ସେବା କଲାନି । ସେ ତୁମ୍କୁଡିଆ ଲକ୍ମନ୍ ତିଆରକଲାଟା ନଏ, ମାତର୍ ସେଟା ମାପୁରୁ ତିଆର କଲାଆଟେ ।

୩ ସବୁ ବଡ୍ପୁଜାରିମନ୍ ଲକ୍ମନ୍ ଦେଇରଇବା ପସୁମନ୍ ଆରି ବିନ୍ ରକାମର୍ ବଲି ପର୍ଯ୍ୟେସର୍କେ ସର୍ପି ଦେବାକେ ବାଟ୍ଲାଇ ଆଟତ୍ । ତେବର୍ପାଇ ଆମର୍ ବଡ୍ ପୁଜାରି ମିସା କାଇଟା ମିସା ପର୍ଯ୍ୟେସର୍କେ ସର୍ପାଇବାର୍ ଆଟେ ।

୪ ମାତର୍ ଏ ଜଗତେ ସେବା କରେନାଇ । ସେ ଜଦି ଏ ଜଗତେ ରଇତା, ତେବେ ସେ ଗଟେକ୍ ପୁଜାରି ନ ଅଇତା । କାଳକେ ବଇଲେ ଜିଉଦିମନର୍ ନିୟ୍ମ୍ ଇସାବେ ଦାନ୍ ସର୍ପିଦେବାକେ ପୁଜାରିମନ୍ ରଇଲାଇ ।

୫ ମାତର୍ ତାକର୍ ସେବା କର୍ବା ଜାଗା ସର୍ଗେ ରଇବା ସତ୍ ବିସଇ ଅବ୍କା ଗଟେକ୍ ଚାଇପାରା । ସମାନ୍ ସେନ୍ତାରିସେ ମସାର୍ ବେଲେ ଅଇଲା । ସେ ଜେଡେବଲ୍ ଗଟେକ୍ ତୁମ୍କୁଡିଆ ତିଆର୍ କର୍ବାକେ ଜାଇଡେରଇଲା, ପର୍ଯ୍ୟେସର୍ ତାକେ ତିଆରଲା, “ଜାଗର୍ତ୍ ! ତୁଇ ସୁକଲ୍ ତୁମ୍କୁଡିଆଇ ଜେଡ୍ କି କର୍ସୁ ବଇଲେ, ମୁଇ ତକେ ସେଟା ପର୍ବତେ ଦେକାଇଲା ରକାମ୍ କର୍ବାର୍ ଆଟେ ।”

୬ ଏ ଜଗତର୍ ପୁଜାରିମନର୍ କାମ୍ଡେଇଅନି ଜନ୍ କାମ୍ ପର୍ଯ୍ୟେସର୍ ଜିସୁକେ ସର୍ପିଦେଲା, ସେ କାମ୍ ଅଦିକ୍ ଗୁର୍ତୁ ରଇବାଟା । ସେନ୍ତାରିସେ ଜନ୍ ନୁଆ ରାଜିନାମାସଙ୍ଘ୍ ସେ ପର୍ଯ୍ୟେସର୍ ଆରି ମନୁସ୍ଜାତିକେ ଆରିତରେକ୍ ମିସାଇଲା, ସେଟା ପୁର୍ନା ରାଜିନାମାଡେଇ ଅନି ନିକ । କାଳକେବଳେ, ନୁଆ ରାଜିନାମାଡେଇ ରଇବା ପର୍ଯ୍ୟେସର୍ ସପତ୍ ସବୁ ବେସି ନିକ ଆଟେ ।

୭ ପର୍ତୁମର୍ ରାଜିନାମାଡେଇ ଜଦି କାଇ ବୁଲ୍ ନ ରଇତା, ତେବେ ପର୍ଯ୍ୟେସର୍ ସେଟା ନ ବାଦ୍ଲାଇତା ।

୮ ମାତର୍ ସେ ରାଜିନାମା ମାନିକରି ରଇଲା ଲକ୍ମନର୍ ଚଲାଚଲ୍ଡି ସଙ୍ଘ୍ ପର୍ଯ୍ୟେସର୍ ସାର୍ଦା ନ ରଇଲା । କାଳକେବଳେ ସାସ୍ତରର୍ ମାପୁରୁ ବାକିଅଟାନେ ଲେକା ଅଇଲାଆଟେ,

“ଆଗ୍ କେ ଗଟେକ୍ ବେଲା ଆଇଲାନି

ଜେଡେବଲ୍ କି ଇସ୍ରାଏଲର୍ ଲକ୍ମନ୍କେ ଆରି ଜିଉଦାର୍ ଲକ୍ମନ୍କେ ମର୍ ନିଜର୍ କର୍ବାକେ ମୁଇ ଗଟେକ୍ ନୁଆ ରାଜିନାମା ଟିକ୍ କର୍ବି ।”

୯ ଏ ନୁଆ ରାଜିନାମା ଆଗର୍ ରାଜିନାମା ପାରା ନ ରଏ । ସେ ରାଜିନାମା ତାକର୍ ଆନିଦାଦିମନ୍କେ ମିସର୍ଦେସେଅନି ତାକି ଆନଲାବେଲେ ମୁଇ କରିରଇଲି । ଆଗର୍ ରାଜିନାମାର୍ ମର୍ ଆଦେସ୍ ସବୁ ସେମନ୍ ମାନଡ୍ନାଇ । ତେବର୍ପାଇ ମୁଇ ଆରି ସେମନର୍ବାଟେ ନ ଦେକି ।

୧୦ ମାପରୁ ଆରିତରେକ୍ କଲଲା, ଇସ୍ରାଏଲର ଲକ୍ଷ୍ମୀମାନଙ୍କେ ମର୍ ନିଜର କର୍ବାକେ ମୁଇ ଜନ୍ ନୁଆ ରାଜିନାମା ଡିଆରକରବି ସେଟା ଏନ୍ତାରି ରଇସି । ମୁଇ ମର୍ ଆଦେସ୍ ତାକର୍ ଚିନ୍ତା କଲାଟାନେ ଦେବି ଆରି ତାକର୍ ମନ୍ ବିତ୍ରେ ଲେକ୍ବି । ଆରି ମୁଇ ତାକର୍ ପର୍ମେସର୍ ଅଇରଇବି ଆରି ସେମନ୍ ମର୍ ନିଜର୍ ଅଇରଇବାଇ ।

୧୧ ଏଟାରଲାଗି କେ ମିସା ମର୍ ବିସଇରେ ତାର୍ ସଙ୍ଗର୍ ଲକ୍ଷ୍ମୀମାନଙ୍କେ ସିକାଇବାକେ ନ ପଡେ । ଆରି ମୁଇ କେ ବଲି କେ ମିସା ତାକର୍ ବାଇମନ୍କେ ବାତାଇବାକେ ନ ପଡେ । କାଇକେବଇଲେ, ସେବେଲେ ଗୁଲାଇ ଲକ୍ ବଡ୍ ଅଅଡ୍ କି ସାନ୍ ଅଅଡ୍ ମୁଇ କେ ବଲି ଜାନ୍ବାଇ ।

୧୨ ମୁଇ ସେମନ୍ ସବୁ ପାପ୍ କେମା କରବି ଆରି ସେମନ୍ କାଇ ଅନିଆଇ କଲାଟା ମିସା ମନେ ନ ଏତାଇ ।

୧୩ ଏବେ ଗଟେକ୍ ନୁଆ ରାଜିନାମା ଆଚେ ବଲି ପର୍ମେସର୍ କଲଲାକେ ପୁର୍ନା ରାଜିନାମାକେ କାଇ ମୁଲିଅ ନାଇ ବଲି ଆମେ ଜାନ୍ତୁ । ଜନ୍ଟା ପୁର୍ନା ଅଇଗାଲା ଆରି କାଇଟା ପାଇ ମିସା ଲତାକେ ନ ଆଇଲେ, ସେଟା ବାଇରେ ପିଙ୍ଗିଦେବାଇ ।



ସରଗ୍ ଆରି ମର୍ପୁରର୍ ପାରତନା

୧ ପର୍ମେସରର୍ ପର୍ତୁମ୍ ରାଜିନାମାତେଇ, ତାକେ କେନ୍ତାରି ଉପାସନା କର୍ବାର୍ ଆଚେ ବଲି ନିୟମ୍ ରଇଲା । ତାକେ ଏ ଜଗତେ ଉପାସନା କର୍ବାକେ ଗଟେକ୍ ତୁମ୍ ଉଟାଇରଇଲା ।

୨ ଏ ତୁମ୍ଟାନେ ଦୁଇଟା ଜାଗା ରଇଲା । ପର୍ତୁମ୍ ଜାଗାକେ ସୁକଲ୍ ଜାଗା ବଲି ନାଉଁ ରଇଲା । ସେ ବିତ୍ରେ ବଡ଼ିସଙ୍ଗଇବା କୁଦ୍‌ରା ଆରି ପର୍ମେସର୍କେ ସର୍ପିଦେବାକେ ରୁଟି ସଙ୍ଗଇବା ଗଟେକ୍ ଟେଗୁଲ୍ ରଇଲା ।

୩ ସେ ଜାଗାଇ ପୁର୍ବା ବାଟେ ଗଟେକ୍ ପାର୍ଦା ରଇଲା । ପାର୍ଦାର୍ ପର୍ବାଟେ ଜନ୍ ଜାଗା ରଇଲା, ତାକେ ବଡ଼ ସୁକଲ୍ ଜାଗା ବଲି କଇତେ ରଇଲାଇ ।

୪ ସେ ବଡ଼ ସୁକଲ୍ ଜାଗାଇ ଗଟେକ୍ ଦୁପ୍ ପତାଇବା ସୁନାର୍ ବେଦି ଆରି ସୁନାର୍ ନିୟମ୍ ପେଡି ରଇଲା । ଏ ନିୟମ୍ ପେଡି ବିତ୍ରେ, ମାନା ରଇବା ଗଟେକ୍ ସୁନାର୍ ଆଣ୍ଟି ରଇଲା । ତେଇ ପତର୍ କଅଁଲି ରଇବା ଆରଣ୍ ଦାରି ଇଣ୍ଟା ତାଙ୍ଗ୍ ରଇଲା । ଆରି ପର୍ମେସରର୍ ଆଦେସ୍ ଲେକାଅଇରଇଲା ଦୁଇ କଣ୍ଟା ଚାଟା ପାକ୍ନା ମିସା ରଇଲା ।

୫ ପେଡିର୍ ତାବ୍ନା ଉପରେ ପର୍ମେସର୍ ଆଚେ ବଲି ଚିନ୍ ଇସାବେ କେରୁବିନ୍ ବଲି ତାକ୍‌ବା ଦୁଇଟା ତେନା ରଇଲା ଜୁଡୁର୍ ମୁର୍ତି ରଇଲା । ତାକର୍ ଉଗାଡିଅଇରଇବା ତେନା ପେଡିର୍ ତାବ୍ନା ଉପରେ ତାବିଅଇଜାଇରଇଲା । ତାର୍ ଉପରେ ବନି ଚିଡିଅଇରଇଲା । ଜେନ୍ତାରିକି ଲକ୍ଷ୍ମୀମନ୍ ପାପ୍‌କେମା ଅଇଜିବାକେ । ମାତର୍ ଏ ଚିକିନିକି ବିସଇ ବୁଜାଇବାକେ ଲତାନାଇ ।

୬ ତୁମ୍ ବିତ୍ରେ ଏ ସବୁ ବିସଇ ସାଜାଡିଅଇରଇଲା । ପୁଜାରିମନ୍ ସବୁଦିନ୍ ତାମ୍ ଗରର୍ ବାଇରର୍ ଜାଗାଇ ପୁରି, ସେମନ୍ କାମ୍ କରବାଇ ।

୭ ମାତର୍ ବିତ୍ରେ ଜାଗାଇ ବଡ଼ ପୁଜାରିସେ ଜିବାକେ ଅଦିକାର୍ ରଇଲା । ସେ ସିତି ବର୍ସେକ୍‌କେ ତରେକ୍ ସେ ଜାଇତେରଇଲା । ସେ ନିଜର୍ ପାଇ ଆରି ଲକ୍ଷ୍ମୀମନ୍ ନ ଜାନିକରି କରଇରଇବା ପାପ୍ ପାଇ ବନି ନେଇକରି ଜଦି ନ ପୁର୍ଲେ ସେ ଜାଇନାପାର୍ତେ ରଇଲା ।

୮ ଏ ସବୁ ବିସଇରଲାଗି ସୁକଲ୍ ଆଡ଼ମା ଜାନାଇଲାନି ଜେ, ପର୍ମେସରର୍ ଅଦିକ୍ ସୁକଲ୍ ଜାଗାଇ ପୁର୍ବାକେ ଲକ୍ଷ୍ମୀମନ୍ ଅଦିକାର୍ ନ ରଇଲା । କାଇକେବଇଲେ ସୁକଲ୍ ଜାଗା ଆରି ଅଦିକ୍ ସୁକଲ୍ ଜାଗା ବିସଇନେଇ ରଇବା ଆଗତୁର୍ ଆଦେସ୍ ସବୁ ଲକ୍ଷ୍ମୀମନ୍ ମାନିଆଇତେ ରଇଲାଇ ।

୯ ସେ ସବୁ ବିସଇ ଗଟେକ୍ ବାନା ପାରା । ଜନ୍ଟା ସବୁ ଏବର୍ ଦିନେ ସିଦ୍ ଅଇଲା ଆଚେ । କାଇକେବଇଲେ ଜନ୍ ପସୁମନ୍‌କେ ଉପାସନା ଇସାବେ ଲକ୍ଷ୍ମୀମନ୍ ପର୍ମେସର୍କେ ସର୍ପି ଦେଇତେ ରଇଲାଇ, ସେଟା ସବୁ ଲକ୍ଷ୍ମୀମନ୍ ବିବେକ୍ ଦଇ ନାପାର୍ଲା ।

୧୦ କାଇକେବଇଲେ ସେଟା ସବୁ ଗାଗତର୍ ଲାଗି ରଇବା ନିୟମ୍ ରଇଲା । ଜେନ୍ତାରି କି, କାଇଟା କାଇଅଇସି, କାଇଟା ପିଇ ଅଇସି ଆରି ସେ ସବୁ ନିକ ସଙ୍ଗ୍ ଦଇବା ବିସଇ, ବାଇରେ ଦେକାଅଇବା ରିଡିନିଡି ସେ । ପର୍ମେସରର୍ ନୁଆ ନିୟମ୍ ଚିକ୍ ଅଇବାଜାକ, ଏ ସବୁ କର୍ବାଟା ରଇଲା ।

୧୧ ମାତର୍ ଆମେ ଜେଡକିଲକ୍ ସବୁର୍ତେଇଅନି ବଡ଼ିଆ ବିସଇ ପାଇଆଚୁ, କିରିସ୍ଟ ଆମର୍ ବଡ଼ ପୁଜାରି ଅଇ ଆଇଲା ଆଚେ । ସେ ସେବା କର୍ବା ଜାଗାର୍ ତୁମ୍ ଲଗେ ରଇବା ଅଦିକ୍ ସୁକଲ୍ ଜାଗାଇଅନି ଅଦିକ୍ ମୁଲିଅ ରଇଲାଟା ଆରି ଅଦିକ୍ ସିଦ୍ ଆଚେ । କାଇକେବଇଲେ ସେଟା ଲକ୍ଷ୍ମୀମନ୍ ଡିଆର୍ କଲାଟା ନଏଁ, କି ଏ ନସିଜିବା ଜଗତର୍ଟା ମିସା ନଏଁ ।

୧୨ କିରିସ୍ଟ ସେ ତାମ୍ ବାଟେଜାଇ ଏକାତରେକ୍ ସେ ବଡ଼ ସୁକଲ୍ ଜାଗାଇ ପୁର୍ଲା । ସେ ତେଇ ପୁର୍ବା ବେଲେ ବଲି କର୍ବାକେ ଚେଲି କି ପସୁ ବନି ନେଇ ନ ଜାଇରଇଲା । ମାତର୍ ସେ ନିଜର୍ ବନି ନେଇକରି ଜନ୍ ଜନ୍ଟା କର୍ବାର୍ ରଇଲା, ସେଟା ପୁରାପୁରନ୍ କଲା । ଜେନ୍ତାରି କି ଆମ୍‌କେ ମୁକ୍‌ଲାକି କାଲ୍ କାଲ୍ ଜୁଗ୍‌ଜୁଗର୍ ପାଇ ମୁକ୍ତି ଦେଲା ।

୧୩ ଆଗରୁ କାଲେ ଚେଲି ଆରି ବଲଦମନରୁ ବନି ଆରି ପଡ଼ାଇଲା ବାଟିପିଲାର ଚାର ଚିତ୍‌ବାଟା, ଏସବୁ ଅସୁକଲ୍ ଅଇରଇବା ଲକ୍‌ମନର ଗାଗଡ଼ ଦଇବା କାମ୍‌କେସେ ଆଇଲା ।

୧୪ ଏଟା ଜଦି ଲକ୍‌ମନର ଗାଗଡ଼ ଦଇପାରୁଲା, ସେନ୍ତାଆଲେ କିରିସ୍‌ଟର ବନିସଙ୍ଗ ଆରି କେତେକ୍ ଅଦିକ୍ କରିଅଇସି ? ନ ସାର୍‌ବା ଆଡ଼ମାର୍‌ପାଇ ସେ ନିଜେ ପରମେସରରୁ ସାଇଜ ନେଇ, କାଇ ପାପ୍‌ଦସ୍ ନ ଅଇତେ ବିରୁ ଇସାବେ ନିଜ୍‌କେ ପୁରାପୁରୁନ୍ ସର୍‌ପି ଦେଲାଆଚେ । ତାର ବନିରୁଲାଗି ବାନିଆ ରିଡିନିଡି କାମେଅନି ଜିତି କରି ଆମର ବିବେକ୍ ସୁକଲ୍ ଅଇସି । ଆରି ଆମେ ସତଇସେ ଜିବନ୍ ରଇଲା ପରମେସରରୁ ସେବା କରବା ଅଦିକାର୍ ପାଇଆରୁ ।

୧୫ ଏଟାର୍‌ପାଇ କିରିସ୍‌ଟସେ ନୁଆ ନିୟମ୍ ସାଦନ୍ କଲାଆଚେ । ଜେନ୍ତାରି କି, ଜେଡ଼କି ଲକ୍‌ମନକେ ପରମେସର ଡାକିଆଚେ, ସେମନ୍ ପରମେସର ସପଡ଼ କରି କଇରଇବା ନ ସାର୍‌ବା ଆସିରବାଦ୍ ପାଇବାଇ । କିରିସ୍‌ଟ ମଲାର୍‌ପାଇ ଆଗରୁ ରାଜିନାମାତେଇ କରିରଇବା ସବୁ ପାପେଅନି ସେମନ୍ ମୁକଲ୍‌ଲାଇ ।

୧୬ ଗଟେକ୍ ଲକ୍ ଜଦି ତାର ଦନ୍ ସଁପତି ବାଗ୍ ବାଟା କରବା ବିସଇରୁ ଚିଟି କରିରଇସି । ସେଟା ଜାନାଇବାକେ ସେ ଲକ୍‌ର ନାଉଁଦାରି ରାଜିନାମା ପାଆଟା ପତରୁ ରଇବାରୁ ଆଚେ । ସେ ମରିଗାଲାପତେ ତାରୁଟା ଜାନାପଡ଼ବାରୁ ଆଚେ ।

୧୭ କାଇକେ ବଇଲେ ବାଗ୍‌ବାଟା ଲେକିରଇଲା ଲକ୍ ବଠି ରଇଲା ଜାକ, ବାଗ୍‌ବାଟାରୁ କାଗଜ୍ ପତରୁ କିଟି ମୁଲିଅ ନାଇ । ସେଟା ତାର ମରିଗାଲା ପତେ ସେ କାମ୍ ଦେଇସି ।

୧୮ ସେନ୍ତାରିସେ, ପରୁଡୁମ୍ ରାଜିନାମା ମିସା ବନି ଜରାଇଲାକେସେ ସେଟାରୁ ମୁଲିଅ ରଇଲା ।

୧୯ ମସା ପରୁଡୁମ୍ ନିୟମରୁ ଆଦେସ୍ ଲକ୍‌ମନରୁ ଲଗେ କଇଲା । ତାରୁପତେ ସେ ବଲଦ୍ ଆରି ଚେଲିମନରୁ ବନି ନେଇ ପାନି ସଙ୍ଗ ମିସାଇଲା । ତାରୁପତେ ଅଲପ୍ ମେଣ୍ଟାରୁ ବାଲେ ଏସୁବ୍ ନାଉଁରୁ ଗତରୁ କେନ୍ଦିତେଇ ଗୁଡ଼ାଇଲା । ପତେ ସେଟା ବନିଟାନେ ବୁଡ଼ାଇ ନିୟମରୁ ବଇତେଇ ଆରି ଲକ୍‌ମନରୁ ଉପରେ ଚିତ୍‌ଲା ।

୨୦ ସେ କଇଲା, ଜନ୍ ନିୟମ୍ ମାନବାକେ ପରମେସରୁ ତମ୍‌କେ ଆଦେସ୍ ଦେଲାଆଚେ, ଏ ବନି ସେ ନିୟମ୍‌କେ ଚିନ୍ ମାରିଆଚେ ।

୨୧ ତାରୁପତେ ମସା ସେ ବନିନେଇ ତମ୍, ମନ୍ଦିରୁ ଆରି ପରମେସରୁକେ ପାର୍‌ତନା କରବାବେଲେ କାମେ ଆଇବା ସବୁ ଜିନିସ୍ ପତରୁ ଉପରେ ଚିତ୍‌ଲା ।

୨୨ କାଇକେବଇଲେ ମସାରୁ ନିୟମ୍ ଇସାବେ ସବୁ ବିସଇ ସୁକଲ୍ କରବାକେ, ବନି ଦରକାର୍ । ବନି ନ ଜରାଇଲେ ପାପ୍ କେମା ନ ଅଏ ।

କିରିସ୍‌ଟ ବଲିଦାନ୍ ଅଇଲାଟା ପାପ୍ ଦୁରୁ କରସି

୨୩ ତେବରୁପାଇ ଏ ସବୁ ବିସଇ ଜନ୍‌ଟା ସରଗେ ରଇବା ବିସଇ ବୁଚାଇସେ ଆଚେ । ଏଟା ସବୁ ପସୁମନରୁ ବନିସଙ୍ଗ୍ ସୁକଲ୍ କରାଇବାକେ ଦରକାର୍ ରଇଲା । ମାତରୁ ସରଗରୁ ବିସଇମନକେ ସୁକଲ୍ କରବାକେ ସର୍‌ପି ଅଇବାଟା ଅଦିକ୍ ନିକ ଅଇରଇବାରୁ ରଇଲା ।

୨୪ କାଇକେବଇଲେ ଲକ୍‌ମନରୁ ଆତେ ତିଆରୁ ଅଇଲା ସୁକଲ୍ ଜାଗାଇ କିରିସ୍‌ଟ ଜାଏନାଇ । ସେଟା ସଡ଼ ଜାଗାରୁ ଚାୟାସେ ରଇଲା । ମାତରୁ ସେ ସଡ଼ରେ ସରଗେ ଗାଲା । ଆରି ସେ ଏବେ ତେଇ ଆଚେ । ପରମେସରୁ ମୁଆଟେ ଆମରୁ ପାଇ ଗୁଆରି କଲାନ୍ତି ।

୨୫ ଜିଉଦିମନରୁ ବଡ଼ ପୁଜାରି ଜେନ୍ତାରି ବରସ୍‌କେ ତରେକ୍ ପସୁରୁ ବନି ନେଇ ବଡ଼ ସୁକଲ୍ ଜାଗାଇ ଜାଇସି, ସେନ୍ତାରି କିରିସ୍‌ଟ ନିଜ୍‌କେ ତରୁକେ ତରୁ ସର୍‌ପିଅଇକରି ତେଇ ଜାଏନାଇ ।

୨୬ କାଇକେବଇଲେ, ସେ ଜଦି ସେନ୍ତାରି କରୁଟା ଏ ଜଗଡ଼ ତିଆରୁ ଅଇଲା ଦିନେଅନି ସେ ବେସି ତରୁ ଦୁକ୍‌ପାଇବାକେ ଅଇତା । ମାତରୁ ସେ ଏ ସାରାସାରି ଦିନ୍ ମନ୍‌କେ ତରେକ୍‌ସେ ଏ ଜଗତେ ଆଇଲା ଆରି ନିଜ୍‌କେ ସର୍‌ପିଦେଇକରି ସବୁ ପାପ୍ ଦାରିଗାଲା ।

୨୭ ଆମେ ସବୁ ଲକ୍ ତରେକ୍ ମରୁବୁ ଆରି ତାରୁପତେ ପରମେସରୁ ମୁଆଟେ ବିଚାରୁ ଦିନେ ଟିଆଅଇବୁ ।

୨୮ ସେନ୍ତାରିସେ କିରିସ୍‌ଟ ମିସା ସବୁ ଲକ୍‌ରୁ ପାପ୍ ନିଜେ ନେବାକେ ବଲି ଇସାବେ ତରେକ୍ ସେ ସର୍‌ପାଇ ଅଇଲା । ସେ ଆରି ତରେକ୍ ଆଇଲାବେଲେ, ଆମରୁ ପାପରୁପାଇ ସେ ନ ଆସେ । ମାତରୁ ତାକେ ଜାଗି ରଇଲା ଲକ୍‌ମନକେ ଉଦାର୍ କରବାକେ ଆଇସି ।

୧୦

୧ ମସାରୁ ନିୟମ୍ ଅବ୍‌କା ଗଟେକ୍ ବାନା ପାରା ରଇଲା । ଜନ୍ ନିକ ଆସିରବାଦ୍ କିରିସ୍‌ଟ ଆମ୍‌କେ ଦେଇସି, ସେ ଆସିରବାଦରୁ ଗୁନ୍‌ଚଲନ୍ ତେଇ ତିସ୍‌ତେରଇଲା । ମାତରୁ ସେଟା ଆସିରବାଦରୁ ସମାନ୍ ନଏ । ତେବରୁପାଇ ନିୟମ୍ ମାଙ୍ଗ୍‌ଲା ଇସାବେ, ସେମନ୍ ସବୁ ବରସେ ବଲି ସର୍‌ପାଇ ଅଇତେରଇଲା । ମାତରୁ ସେ ସବୁ ବଲି ସରପ୍‌ବାଟା ପରମେସରୁଟାନେ ଆଇବା ଲକ୍‌ମନକେ ସିଦ୍ କରିନାପାରୁଲା ।

୨ ସେନ୍ତାରି ଜନ୍ ଲକ୍‌ମନ ପରମେସରୁକେ ଉପାସନା କରୁତେରଇଲା, ଜଦି ସେମନ୍ ତାକରୁ ପାପେ ଅନି ସୁକଲ୍ ଅଇତାଇ, ତେବେ ସେମନ୍‌କେ ତାକରୁ ପାପ୍ ଦସି ନ କରାଇତା । ଆରି ସବୁ ବଲିଦେବାଟା ସାରିଜାଇତା ।

୩ ମାତର ସବୁ ବରସେ ସେ ସମାନ୍ ବେଲାଇ ବଲି ସର୍ପିଦେବାଟା କରବାକେ ପଢ଼ଲା । ସେମନର୍ ପାପ ରଇଗାଲା ଆତେ ବଲି ସେମନ୍ ତେଇଅନି ଜାନ୍‌ଲାଇ ।

୪ କାଇକେବଇଲେ ବଲଦମନର୍ ଆରି ଚେଲିମନର୍ ବନି କେବେ ମିସା ଆମର୍ ପାପ ଦାରି ନ ନେଏ ।

୫ ଆମେ ଜାନିଆରୁ ଜେ, କିରିସ୍ଟ ଏ ଜଗତେ ରଇଲାବେଲେ ସେ ତାର ବାବା ପର୍ମେସର୍‌କେ କଇ ରଇଲା, ବଲି ଆରି ସର୍ପିଦେବାଟା ତୁଇ ମନ୍ କରୁସ୍ ନାଇ ।

ସେଟାରପାଇ ତୁଇ ମର୍ପାଇ ଗଟେକ୍ ଗାଗଡ଼ ତିଆର୍ କଲୁସ୍ ।

୬ ବେଦିଟାନେ ପଡ଼ାଇବା ପସୁମନ୍‌କେ

ତୁଇ ମନ୍ କରୁସ୍ ନାଇ ।

କି ପାପ ଦଇନେବା ବଲି ମିସା ନାଇ ।

୭ ତାରପତେ ମୁଇ କଇଲି, ଏ ପରମେସର୍,

ମର୍ ବିସଇ ନିୟମ୍ ବଇଟାନେ

ଜେନ୍ତି ଲେକାଅଇଆତେ,

ସେ ଇସାବେ ତୁଇ ମନ୍ କଲାଟା

ପୁରାପୁରୁନ୍ କରବାକେ ରାଜିଆତି ।

୮ ସେ ପରତୁମ୍ କଇଲା, ତମେ ସର୍ପି ଦେବାଟା, କି ବେଦିଟାନେ ପଡ଼ାଇବାଟା, କି ପାପ ଦାରିନେବା ପସୁମନର୍ ବନି ମନ୍ କରୁସ୍ ନାଇ । ଏ ସବୁ ବଲି ନିୟମ୍ ଇସାବେ ସର୍ପିପାଇ ଅଇରଇଲେ ମିସା, ସେ ଏନ୍ତାରି କଇଲା ।

୯ ତାର ପତେ ସେ ଆରିତରେକ୍ କଇଲା, ତୁଇ ଜାଇଟା ମନ୍ କଲୁସ୍‌ନି ସେଟା ସିଦ୍ କରବାକେ ଏ ପର୍ମେସର୍, ମୁଇ ଇତି ଆତି । ସେନ୍ତାରି ଆଗର୍ପାରା ବଲିଦେବାଟା ପର୍ମେସର୍ ମନାକରି, ତାର ବାଦୁଲେ କିରିସ୍ଟର୍ ବଲି ଟିକ୍ କଲା ।

୧୦ କିରିସ୍ଟ ପର୍ମେସର୍‌ର ମନ୍ କରବାଟା ସାଦନ୍ କଲା । ସେ ତାର ଗାଗଡ଼ ସର୍ପିଦେଇକରି ଏକାତର୍ ସବୁବେଲର୍ପାଇ ଆମର୍ ପାପ ଦଇଦେଲା ।

୧୧ ସବୁ ଜିଉଦି ପୁଜାରିମନ୍ ସେ ସମାନ୍ ବଲି ସର୍ପିଦେଇକରି ଦିନକେଦିନ ଚିଆ ଅଇତେରଇଲାଇ । ମାତର ଏ ବଲି ଲକ୍‌ମନର୍ ପାପ ନେଇ ନାପାରଲା ।

୧୨ ମାତର କିରିସ୍ଟ ତରେକ୍ ସେ ନିଜ୍‌କେ ବଲିଅଇଲା, ସେଟା ଆମର୍ ପାପକେ ଦାରିଗାଲା ଆରି ସେ ସର୍ପିପାଇ ଅଇଲାଟା ସବୁଦିନର୍ ପାଇ ନିକ । ସେ କରିରଇବା କାମ୍ ସାରାଇଲା ଇସାବେ ଗଟେକ୍ ଚିନ୍ ପାରା, ପର୍ମେସର୍‌ର ଉଜାବାଟେ ବସିଲା ।

୧୩ ସେ ଏବେ ମିସା ତେଇସେ ଜାଗିଆତେ । ଜନ୍ ବେଲାଇ ପର୍ମେସର୍ ତାର ସବୁ ସତ୍‌ରୁମନ୍‌କେ ତାର ପାଦେ ଆନ୍‌ସି

୧୪ ଗଟେକ୍ ବଲିରୁଲାଗି ଆମେ ଜେଡ଼କିଲକ୍ ପାପେଅନି ଦଇଅଇ ଆରୁ, ସେ ଆମ୍‌କେ ସବୁଦିନର୍ ପାଇ ସିଦ୍ କରି ଆତେ ।

୧୫ ସୁକଲ୍‌ଆଡ଼ମା ମିସା ଆମ୍‌କେ ତାର ସାକି ଦେଇ କଇଲାନ୍ତି,

୧୬ “ମାପରୁ କଇଲାନ୍ତି, ଆଇବା ଦିନମନ୍‌କେ,

ମୁଇ ଏ ନୁଆଁ ରାଜିନାମା,

ସେ ଲକ୍‌ମନର୍ପାଇ କର୍‌ବି ।

ମୁଇ ମର୍ ନିୟମ୍ ସେମନର୍ ମନେ ସଙ୍ଗଇବି ଆରି

ଚିନ୍ତା କରବାଟାନେ ଲେକ୍‌ବି ।”

୧୭ ସେ ଆରି ତରେକ୍ କଇଲା, ତାକର୍ ପାପ ଆରି କାରାପ୍ ଗୁନ୍ ଚଲନ୍ ମୁଇ ପାସ୍‌ରି ଜିବି ।

୧୮ ସେନ୍ତାରି ଏ ସବୁ ବିସଇ କେମା ଅଇଲାର୍ ପାଇ, ତାକର୍ ପାପ ଦାରି ନେବାକେ ବଲି ଆରି ଦେବାକେ ନ ପଡ଼େ ।

ପରମେସର୍‌ର ଲଗେ ଆଇବାଟା

୧୯ ଏ ମର୍ ବାଇବଇନିମନ୍, ଜିସୁର୍ ମରନର୍ ଲାଗି ଆମେ ଅଦିକ୍ ସୁକଲ୍ ଜାଗାଇ ପୁରବାକେ ଆମ୍‌କେ ଅଦିକାର୍ ଆତେ

୨୦ କାଇକେବଇଲେ, ତାର ଗାଗଡ଼ ସର୍ପି ଅଇଲାକେ ପାରଦାବାଟେ ଆମ୍‌କେ ନୁଆ ଆରି ଜିବନ୍ ରଇବା ବାଟ୍ ଉଗାଡ଼ିଦେଲା ଆତେ ।

୨୧ ଆରି ସେଡ଼କିସେ ନଏଁ, ଆମ୍‌କେ ଏବେ ଗଟେକ୍ ବଡ଼ ପୁଜାରିଆତେ । ଜେ କି ପରମେସର୍ ଗରର୍ ଅଦିକାରେ ରଇବା ଲକ୍ ।

୨୨ ସେଟାରପାଇ ତେବେ ଆସା, ଆମେ ସତଇସେ ମନ୍‌କରି ଆରି ତାଟ୍‌ସଙ୍ଗ୍ ବିସ୍‌ବାସ୍ କରି ପର୍ମେସର୍‌ର ଲଗେ ଜୁ । ଆମର୍ ବିବେକ୍ ଆମ୍‌କେ ଦସ୍ ନ ଦେଲାପାରା କିରିସ୍ଟର୍ ବନିସଙ୍ଗ୍ ଚିତିଅଇକରି ଦଇଅଇ ରଇବାର୍ ଆତେ । ଆରି ଆମର୍ ଗାଗଡ଼ ସୁକଲ୍ ପାନିସଙ୍ଗ୍ ଦଇଅଇଲାପାରା ରଇବାର୍ ଆତେ ।

୨୩ ଆମର୍ ଜନ୍ ଆସା ଓଁ, ବଲି ମାନିଆଇଲୁନି, ତାକେ ଡା଼ କରୁ । ଆମେ ଅଇସି କି ନଏଁ ଆଲେ, ବଲି ନ ବାରୁ । କାଇକେବଇଲେ ପର୍ମେସର୍ ଜନ୍ ସପଡ଼ କଲାଆତେ, ସେଟା ସେ କର୍‌ସି ଆକା ।

୨୪ ଆସା, ଆମେ ବିନ୍ ଲକ୍ଷ୍ମୀଙ୍କେ ମନଦେଇ ସେମାନଙ୍କେ ସାଇଜ କରୁ । ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲ୍ଲାଦ୍ କରି ନିକ କାମ୍ କରୁ ।

୨୫ ଜେନ୍ତୁକି ଆରି କେତେଲକ୍ କଲାଇନି, ଆମେ ମିସିବିତି ରଇବା ବିସ୍‌ବାସି ବାଇବଇନି ମନର୍ ସଙ୍ଗ୍ ରୁଣ୍ଡବାକେ ଏଲ୍ଲା ନ କରୁ । ତାର୍ ବାଦୁଲେ ଆମର୍ ସଙ୍ଗାରିମନର୍ ବିସ୍‌ବାସ୍ ଡାଁଟ୍ କରାଉ । ଆମର୍ ମାପ୍‌ରୁ ଜିସୁ ଆରିତରେକ୍ ଆଇବା ଦିନ୍ ଲଗେ କେଟି ଆଇଲାନି ।

୨୬ କିରିସ୍‌ଟର୍ ବିସଇତେଇ ରଇବା ସତ୍, ଆମେ ଜାନିକରି ପାପ୍‌କରି ଲାଗିରଇଲେ, ଆମର୍ ପାପ୍ ଦାରିନେବାକେ ଆରି କାଇ ବଲି ନାଇ ।

୨୭ ସେନ୍ତାରିଆଲେ ପର୍‌ମେସରର୍ ଜନ୍ ବଡ଼ବିଚାର୍ ଦିନ୍ ଆଇଲାନି, ତେଇ ତାର୍ ବେସି ତର୍ ଲାଗିବା ବିଚାର୍‌ନାପାଇ ଜାଗ୍‌ବାକେ ପଡ଼ସି । ପର୍‌ମେସରର୍ ସବୁ ବିରଦିମନ୍କେ କୁରୁପ୍‌ନାସ୍ କରବା ସେ ବେସି ଲାଗ୍‌ତେରଇବା ଜଇର୍ ପାଇ ମିସା ଜାଗ୍‌ବାକେ ପଡ଼ସି ।

୨୮ ମସାର୍ ନିୟମ୍ ନ ମାନବା ଗଟେକ୍ ଲକ୍‌କେ କାଇଟା ଅଇତେରଇଲା ବଲି ବାବିଦେକା । ଦୁଇ କି ତିନ୍ ଲକ୍ ତାର୍ ପାପର୍ ଲାଗି ସାକିଦେଲେ, ସେ କାଇମିସା ଦୟା ନ ପାଇକରି ମର୍‌ବାକେ ଆଦେସ୍ ଦେଇତେରଇଲା ।

୨୯ ମସାର୍ ନିୟମ୍ ନ ମାନବା ଗଟେକ୍ ଲକ୍‌କେ ଦସା ସେନ୍ତାରି ରଇଲେ, ପର୍‌ମେସରର୍ ପଅକେ ଇନ୍ କରବା ଗଟେକ୍ ଲକ୍‌କେ ଦସା କେତେକ୍ ଅଦିକ୍ ନ ଅଏ । ଜଦି ତାର୍ ରାଜିନାମାର୍ ବନିକେ କାଇ ମୁଲିଅ ନାଇ ବଲି ଏଲ୍ଲାକରିଦେଲେ, ଏ ବନିର୍ ଲାଗି ସେ ପାପେଅନି ସେ ସୁକଲ୍ ଅଇରଇଲା । ସେନ୍ତାରି କରବା ଲକ୍ ପର୍‌ମେସରର୍ ଆଡ଼ମା ଜେ କି ଜିବନ୍ ଦୁକାଇ ଦୟା ଦେକାଇସି, ତାକେ ମିସା ମନ୍‌ଦୁକ୍ କରାଇଲାନି । ତାର୍ ତଣ୍ଡ କେତେକ୍ ଅଦିକ୍ ନ ଅଏ ।

୩୦ କାଇକେବଇଲେ ଆମେ ଜାନିଆରୁ, ପର୍‌ମେସର୍ କଇଲା, “ବେର୍ ସୁଜାଇବାକେ ମର୍ ଅଦିକାର୍ ଆଚେ । ମୁଇସେ ବାଉଡାଇବି ।” ସେ ଏନ୍ତାରି ମିସା କଇରଇଲା, “ମୁଇସେ ମାପ୍‌ରୁ ଆରି ମର୍ ଲକ୍‌ମନ୍କେ ମୁଇ ଆକା ବିଚାର୍ କର୍‌ବି ।”

୩୧ ଜିବନ୍ ରଇବା ଆରି ସବୁର୍‌ଟାମେଅନି ବପୁ ରଇବା ପର୍‌ମେସର୍ ତଣ୍ଡ ପାଇବାକେ କେତେକ୍ ତର୍ ଲାଗସି ।

୩୨ ଗାଲା ଦିନ୍‌ମନ୍କେ ତମେ କେନ୍ତାରି ରଇଲାସ୍, ତମେ ଏତାଇଦେକା । ପର୍‌ମେସରର୍ ସତ୍ ବିସଇର୍ ପାଇ ତମର୍ ମନ୍ ଉଗାଡି ଅଇଲାକେ, ତମକେ ବେସି ଦୁକ୍ କସ୍‌ଟ୍ ଅଇଲେମିସା, ସେଟା ସବୁ ମୁର୍ଚି କରି ରଇଲାସ୍ । ଆରିତେଇ ଆରିଜାଆସ୍ ନାଇ ।

୩୩ କେତେ କେତେ ତର୍ ତମକେ ସବୁର୍ ମୁଆଟେ ଇଜଡ୍ ଜିକ୍‌ଲାଇ ଆରି କାରାପ୍ ଇସାବେ ଦେକ୍‌ଲାଇ । କେବେ କେବେ ଜନ୍ ଲକ୍‌ମନ୍କେ ଦୁକ୍ ଆଇସି, ତାକର୍ ସମାନ୍ ଅଇତେରଇଲାସ୍ ।

୩୪ ଆରି ବନ୍ଦି ଗରେ ରଇବା ତମର୍ ସଙ୍ଗାରିମନ୍କେ ଦୟା ଦେକାଇଲାସ୍ । ତମର୍‌ଟାମେ ଜେଡୁକି ରଇଲାଟା ସେମନ୍ ମାର୍‌ଦାର୍ କରି ନେଲାବେଲେ, ତମେ ସାର୍‌ଦାସଙ୍ଗ୍ ମୁର୍ଚି ରଇଲାସ୍ । କାଇକେବଇଲେ, ତମକେ ତାର୍‌ତେଇଅନି ନିକଟା ଆରି ନ ସାର୍‌ବା ଦିନ୍ ଜାକ ରଇବା ଦନ୍‌ସପତି ଆଚେ ବଲି ଜାନିରଇଲାସ୍ ।

୩୫ ସେଟାପାଇ ତମର୍ ସାଆସ୍ ଚାଡାନାଇ । ମାତର୍ ସେଟା କର୍‌ତେରୁଆ । କାଇକେ ବଇଲେ ତମର୍ ଇନାମ୍ ବଡ଼ ରଇସି ।

୩୬ ପର୍‌ମେସରର୍ ମନ୍ କଲାଟା ସାଦନ୍ କରବାକେ ତମେ ମୁର୍ଚିକରି ରଇବାର୍ ଆଚେ ଆରି ସେ କାତା ଦେଇରଇବାଟା ତମେ ମିଲାଇସା ।

୩୭ ଜେନ୍ତାରିକି ସାସ୍‌ତରେ ଲେକା ଅଇଲାଆଚେ,

ଚନେକ୍ ଜାଗିରୁଆ,

ଜେ ଆଇବାର୍ ଆଚେ, ସେ ଆଇସି ଆକା,
ସେ ଅଲ୍‌ସମ୍ ନ ଅଏ ।

୩୮ ମର୍ ଜେଡୁକି ଦରମ୍ ଲକ୍ ଆଚଡ୍,

ସେମନ୍ ବିସ୍‌ବାସ୍ କରି ବର୍‌ବାଇ

ମାତର୍ ଜେ ଜଦି ପର୍‌କେ ବାଅଡଲେ
ମୁଇ ତାର୍‌ଟାମେ ସାର୍‌ଦା ନ ଅଇ ।

୩୯ ମାତର୍ ଆମେ ପର୍‌ମେସର୍କେ ନ ମାନିକରି ତାର୍ ତେଇଅନି ବେଗ୍‌ଲି ଜିବା ଲକ୍ ନଉଁ । ମାତର୍ ଆମେ ବିସ୍‌ବାସ୍ କରି ରକିଆ ପାଇଲା ଲକ୍‌ମନର୍ ସଙ୍ଗ୍ ଆରୁ ।

୧୧

ବିସ୍‌ବାସ୍

୧ ତେବେ ବିସ୍‌ବାସ୍ ଆଲେ କାଇଟା ? ଜନ୍ ବିସଇର୍ ପାଇ ଆମେ ଆସା କଲୁନି, ସେଟା ସିଦ୍ ଅଇସି ଆକା ବଲି ଆମର୍ ମନେ ଜାନ୍‌ବାଟା ଅଇଲାନି ବିସ୍‌ବାସ୍ । ଆରି ଜନ୍‌ଟା ଆମେ ଦେକି ନାପାରୁ, ସତଇସେ ଆଚେ ବଲି ଜାନ୍‌ବାଟା, ମିସା ବିସ୍‌ବାସ୍ ।

୨ ପୁର୍‌ବେ ରଇବା ଆମର୍ ଆନିଦାଦିମନର୍ ବିସ୍‌ବାସର୍ ଲାଗି ପର୍‌ମେସର୍ ସେମନ୍କେ ମନ୍କଲା ।

୩ ✨ଆମର ବିସ୍ୱାସରଲାଗି, ଏ ଜଗତ୍ ଆରି ତେଇ ରଇବା ସବୁଜାକ ପର୍ଯ୍ୟେସରର ଆଦେସ୍ ଇସାବେ ତିଆର୍ ଅଇଲାଆତେ ବଲି ଆମେ ଜାନ୍‌ଲୁନି । ତେବେ ଜନ୍‌ଟା ଦେକି ଅଇଲାନି, ସେଟା ଦେକି ନ ରଇଲା ଟାନେଅନି ତିଆର୍ ଅଇଆତେ ।

୪ ଏବଲର ବିସଇ ବାବି ଦେକୁ । ତାର୍ ବିସ୍ୱାସର ଲାଗି ସେ ଜନ୍‌ଟା ପର୍ଯ୍ୟେସରକେ ସରପି ଦେଇରଇଲା, ତାର୍ ବାଇ କଇନ୍ ଦେଲାଟାନେଅନି ନିକରଇଲା । ତାର୍ ବିସ୍ୱାସର ଲାଗି ପର୍ଯ୍ୟେସର ତାକେ ଦରମ୍ ବଲି ଏଜାଇଲା । ସେ ସରପିଦେଲାଟା ପର୍ଯ୍ୟେସର ମାନ୍‌ଲାକେ ଆମେ ଏଟା ଜାନ୍‌ଲୁନି । ତେବର୍‌ପାଇ ଏବଲ୍ ମରିଗାଲେମିସା ତାର୍ ବିସ୍ୱାସର ଲାଗି, ସେ ଆମ୍‌କେ କାଇକାଇଟା କଇଲାନି ।

୫ ଆରି ଗଟେକ୍ ଲକ୍ ରଇଲା ଇନକ୍, ତାର୍ ବିସ୍ୱାସର ଲାଗି ସେ ମରେନାଇ, ମାତର୍ ଜିବନ୍ ରଇତେ ତାକେ ପର୍ଯ୍ୟେସର ଦାରିଗାଲା । ତେବେ ସେମନ୍ ତାକେ କଜ୍‌ଲାଇ ମିସା ମିଲାଇ ନାପାର୍‌ଲା । କାଇକେବଇଲେ ପର୍ଯ୍ୟେସର ତାକେ ନେଇରଇଲା । ସାସ୍‌ତରେ ଏନ୍ତାରି ଲେକା ଅଇଲାଆତେ, ତାକେ ଦାରି ନେବା ଆଗ୍‌ତୁ ପର୍ଯ୍ୟେସର ତାକେ ମନ୍ କାରିରଇଲା ।

୬ ତେବର୍‌ପାଇ ଜନ୍ ଲକ୍‌ମନ୍ ପର୍ଯ୍ୟେସରର ଲଗେ ଆଇବାକେ ମନ୍ କଲାଇନି, ପର୍ଯ୍ୟେସର ଆତେ ବଲି ବିସ୍ୱାସ୍ କରବାର୍ ଆତେ । ଜେଡ୍‌କି ଲକ୍‌ମନ୍ ତାକେ କଜ୍‌ବାଇ, ସେ ସେମନ୍‌ର୍ ଆସା କଲାଟା ପୁରାପୁରୁନ୍ କର୍‌ସି ।

୭ ନଅର୍ ବିସଇ ବାବିଦେକା । ତାର୍ ବିସ୍ୱାସର ଲାଗି ପର୍‌କେ ଅଇବା ବିସଇ ପର୍ଯ୍ୟେସର ତାକେ ଜାଗରଡ୍ କରାଇଲାକେ, ସେ କାତା, ସେ ଏଲାକରେ ନାଇ । ତାର୍ ଆଗ୍‌ତୁ ସେ ସେନ୍ତାରିଟା କାଇଟା ନ ଦେକିରଇଲେ ମିସା, ସେ ବିସ୍ୱାସ୍ କଲା । ତାର୍‌ପତେ ସେ ଆରି ତାର୍ କୁଟୁମ୍ ରକିଆ ପାଇବାକେ ଗଟେକ୍ ବଡ୍ ଡଙ୍ଗା ତିଆର୍ କଲା । ତାର୍ ବିସ୍ୱାସର ଲାଗି ପର୍ଯ୍ୟେସର ତାକେ ଦରମ୍ ଲକ୍ ବଲି ଏଜ୍‌ଲା, ମାତର୍ ବିନ୍‌ଲକ୍‌ମନ୍‌କେ ଦସି କଲା ।

୮ ଅବ୍ରାଆମ୍ ମିସା ତାର୍ ବିସ୍ୱାସର ଲାଗି ପର୍ଯ୍ୟେସର କାତା ମାନ୍‌ଲା । ପର୍ଯ୍ୟେସର ତାର୍‌ପାଇ ସଙ୍ଗଇରଇବା ଗଟେକ୍ ଦେସେ ଜା ବଲି କଇଲାକେ, ସେ ଦାପ୍‌ରେ ମାନ୍‌ଲା ଆରି ବାରଇଲା । ସେ କନ୍ତ୍ର ଗାଲିନି ବଲି ନାଜାନି ରଇଲେ ମିସା ସେ ସେନ୍ତାର୍ କଲା ।

୯ ତାର୍ ବିସ୍ୱାସର ଲାଗି ପର୍ଯ୍ୟେସର ତାକେ ଦେବି ବଲି କାତା ଦେଇରଇଲା ଦେସେ, ସେ ବିନ୍‌ଦେସର୍ ଲକ୍ ପାରା ତୁମ୍ ଟାନି ରଇଲା । ସେନ୍ତାରିସେ ତାର୍ ପଅ ଇସାକ୍ ଆରି ଜାକୁବ୍ ତାର୍ ନାତି ମିସା ପର୍ଯ୍ୟେସର କାତା ଦେଇରଇଲାଟା ମିଲାଇବାଟାନେ ମିସ୍‌ଲା ।

୧୦ ଅବ୍ରାଆମ୍ ସେନ୍ତାରି ଜାଗାଇ ମୁର୍ଚିକାରି ରଇଲା । କାଇକେବଇଲେ ପର୍ଯ୍ୟେସର ତିଆର୍ କଲା ସବୁଦିନ୍ ରଇବା ସରଗର୍ ନଅରେ ରଇବି ବଲି ସେ ଆସାକଲା ।

୧୧ ତାର୍ ବିସ୍ୱାସର ଲାଗି ଅବ୍ରାଆମ୍ ବେସି ଡକ୍‌ରା ରଇଲା ମିସା ଆରି ତାର୍ ମାଇଜି ସାଆରା ବାଞ୍ଜି ରଇଲେ ମିସା, ବାବା ଅଇଲା । ପର୍ଯ୍ୟେସର କାତା ଦେଇରଇଲାଟା ସିଦ୍ କର୍‌ସିଆକା ବଲି ସେ ଜାନିରଇଲା ।

୧୨ ଅବ୍ରାଆମ୍ କୁଲ୍‌କୁଲା ଡକ୍‌ରା ଅଇଲାକେ ସେ ପିଲାଜିଲା କରି ନାପାର୍‌ଲା । ଅଇଲେମିସା ତାର୍ ନାତିତିତିମନ୍ ବାଦଲର୍ ତାରା ପାରା ଆରି ସମ୍‌ତୁରେ ରଇବା ବାଲି ପାରା ଜବର୍ ଅଇଗାଲା ।

୧୩ ଏ ସବୁ ଲକ୍‌ମନ୍ ସେମନ୍ ମଲାବେଲେ ମିସା ପର୍ଯ୍ୟେସରକେ ବିସ୍ୱାସ୍ କର୍‌ତେ ରଇଲା । ପର୍ଯ୍ୟେସର ସେମନ୍‌କେ କାତା ଦେଇରଇଲାଟା, ସେମନ୍ ଜିବନ୍ ରଇଲାବେଲେ ନ ମିଲାଇରଇଲେ ମିସା, ଜନ୍‌ଟା ପାଇବାଇ, ସେଟା ଦୁରିକେଅନି ଦେକ୍‌ଲାପାରା ଦେକି ସାର୍‌ବା ଅଇଲା । ଏ ଜଗତେ ସେମନ୍ ବିନ୍ ଦେସର୍ ପାରା ଆରି ନିଜର୍ ଦେସେ ନ ରଇଲା ଲକ୍‌ପାରା ମାନିଅଇକାରି ରଇଲା ।

୧୪ ସେମନ୍ ମାନିଅଇ ରଇଲାଟାନେ ଅନି ଆମେ ଜାନ୍‌ରୁ ଜେ, ସେମନ୍ ନିଜର୍‌ଟା ବଲି ଜାନାଇବା ଗଟେକ୍ ଦେସ୍ କଜ୍‌ତେ ରଇଲା ।

୧୫ ସେମନ୍ ଚାଡିକାରି ଆସିରଇବା ଦେସ୍ ବିସଇନେଇ ଚିନ୍ତା କରନ୍‌ନାଇ । ସେନ୍ତାରି କର୍‌ତାଇଆଲେ, ସେମନ୍ ବାଉଡ୍‌ବାକେ ଅଇତା ।

୧୬ ସେମନ୍ ଚାଡିଆଇଲା ନଅର୍‌ତେଇଅନି ଅଦିକ୍ ନିକ ଗଟେକ୍ ନଅରର୍ ପାଇ ତାକର୍ ଆଁକି ରଇଲା । କାଇକେବଇଲେ, ସେମନ୍ ସରଗ୍ ଦେସ୍ ପାରାଟା କଜ୍‌ତେରଇଲା । ସେମନ୍ ତାକେ ପର୍ଯ୍ୟେସର ବଲି ତାକ୍‌ଲାର୍ ପାଇ, ସେ ଲାଜ୍ ଅଏନାଇ । କାଇକେବଇଲେ ସେ ତାକର୍‌ପାଇ ଗଟେକ୍ ନଅର୍ ତିଆର୍‌କଲା ଆତେ ।

୧୭ ତାର୍ ବିସ୍ୱାସର ଲାଗି ଅବ୍ରାଆମ୍ ଜେତେବେଲେ ପର୍ଯ୍ୟେସର ତାକେ ପରିକା କଲା, ସେ ତାର୍ ପଅକେ ବଲି ଇସାବେ ସରପି ଦେଲା । ମାତର୍ ପର୍ଯ୍ୟେସର କାତା ଦେଇରଇଲାଟାନେ ଅବ୍ରାଆମ୍ ବିସ୍ୱାସ୍ ଡାଁର୍ ରଇଲା । ଆରି ସେ ତାର୍ ଗଟେକ୍ ବଲି ପଅ ଇସାକ୍‌କେ ବଲି ଇସାବେ ଦେବାକେ ରାଜି ରଇଲା ।

୧୮ ତାର୍ ପଅ ଇସାକର୍ ଲାଗି, ତାର୍ ନାତିତିତିମନ୍ ଜବର୍ ଅଇଜିବାଇ ବଲି ପର୍ଯ୍ୟେସର ତାକେ କାତା ଦେଇରଇଲା ।

୧୯ ଜଦି ଇସାକ୍ ମରିଗାଲେ, ପର୍ଯ୍ୟେସର ତାକେ ଜିବନ୍ କରି ଉଟାଇପାର୍‌ସି ବଲି ଅବ୍ରାଆମ୍ ବାବିରଇଲା । ଆରି ସେବେଲେ ସେନ୍ତାରିସେ ତାକେ ମଲାତେଇଅନି ଜିବନ୍ ଅଇକାରି ପାଇଲା ପାରା ସେ ରଇଲା ।

୨୦ ଇସାକ ତାର ବିସ୍ବାସର ଲାଗି, ତାର ପଅମନ୍ ଜାକୁବ୍ ଆରି ଏସ୍ଥକେ ଆଇବା ଦିନମନ୍ ପାଇ ଆସିରବାଦ୍ ଦେଲା ।

୨୧ ଜାକୁବ୍ ତାର ବିସ୍ବାସର ଲାଗି, ସେ ମରବା ବେଲେ ତାର ନାତିତିମନ୍ ଜେ କି ଜସେପର୍ ପଅମନ୍କେ ଆସିରବାଦ୍ କଲା । ସେ ଦାରିକରି ଇଶ୍ୱା ଡାଙ୍ଗ୍ ଉପରେ ଆଉଜି କରି ପର୍ମେସର୍କେ ଉପାସନା କଲା ।

୨୨ ଜସେପ୍ ତାର ବିସ୍ବାସର ଲାଗି ସେ ମରବାବେଲେ ଆଇବା ଦନମନ୍କେ ଇସ୍ରାଏଲ୍ ଲକ୍ମନ୍ ସବୁ ମିସର୍ ଦେସ୍ ଚାଡ଼ି ଜିବାଇ ବଲି କଇରଇଲା । ଆରି ତାର ମଲା ଗାଗଡ଼ସଙ୍ଗ୍ କାଇଟା କରବାର୍ ଆଟେ ବଲି ସେମନ୍କେ ତିଆରି ରଇଲା ।

୨୩ ମସାର ଆୟାବାବାମନ୍ ତାକର୍ ବିସ୍ବାସର ଲାଗି ଏବ୍ରିଅମନ୍ ପିଲାଟକିକେ ମରାଇବାର୍ ଆଟେ ବଲି ରାଜା ଆଦେସ୍ ଦେଇରଇଲା ମିସା, ସେମନ୍ ମସା ଜନମ୍ ଅଇଲାକେ ତାକେ ତିନିମାସ୍ ଲୁଚାଇକରି ସଙ୍ଗିରଇଲା । ସେ ଗଟେକ୍ ସୁନ୍ଦର୍ ପିଲା ବଲି ସେମନ୍ ଦେକଲା । ରାଜା ଆଦେସ୍ କଲାଟାକେ ସେମନ୍ ଡରଡ଼ ନାଇ ।

୨୪ ମସା ତାର ବିସ୍ବାସର ଲାଗି, ସେ ବଡ଼ ଅଇଲାକେ ରାଜାର୍ ଜିଇର୍ ପିଲା ବଲାଅଇବାକେ ମନ୍ କରି ନ ରଇଲା ।

୨୫ ଚନେକର୍ପାଇ ସାରଦା ଦେବା ପାପ୍ କରବାତେଅନି, ପର୍ମେସର୍ ଲକ୍ମନ୍ ସଙ୍ଗ୍ କସ୍ଟ ଅଇରଇବାଟା ଅଦିକ୍ ନିକ ବଲି ସେ ବାବଲା ।

୨୬ ମସିଅର୍ ଲାଗି ଲାଜପାଇ ମୁରଟିକରି ରଇବାଟା ମିସର୍ ଦେସେଅନି ମିଲାଇରଇବା ବଡ଼ ଦନ୍ ସିପତିତେଅନି ଅଦିକ୍ ନିକଟା ବଲି ସେ ବାବଲା । ଆଇବା ଦିନମନ୍କେ ମିଲାଇବା ପୁରୁସ୍କାରଟାନେ ସେ ଆଁକିପାକାଇ ରଇଲା ।

୨୭ ତାର ବିସ୍ବାସର ଲାଗି, ସେବେଲେ ସେ ମିସର୍ଦେସ୍ ଚାଡ଼ିଆଇଲା । କାଇକେବଇଲେ, ସେ ରାଜାର୍ ରିସା ଡରେନାଇ । ଆକିସଙ୍ଗ୍ ଦେକି ନାପାରବା ପର୍ମେସର୍କେ ଦେକଲା ପାରା ସେ ଆରି ସେ ଦେସେ ବାଉଡେନାଇ ।

୨୮ ତାର ବିସ୍ବାସର ଲାଗି ସେ ନିସ୍ତାର୍ ପରବ୍ ମାନଲା ଆରି ଇସ୍ରାଏଲ୍ ଲକ୍ମନ୍ ରଇବା ଗରର୍ କାପାଟେ, ଗଟେକ୍ ମେଣ୍ଡାପିଲାର୍ ବନି ଚିତ୍ତବାକେ ଆଦେସ୍ ଦେଲା । ସେ ଏନ୍ତାରି କଲାକେ ପର୍ମେସର୍ ବୁଡ଼ ଇସ୍ରାଏଲ୍ ଲକ୍ମନ୍ ପଶୁଆ ପିଲାମନ୍କେ ମରାଏ ନାଇ ।

୨୯ ଇସ୍ରାଏଲ୍ ଲକ୍ମନ୍ ତାକର୍ ବିସ୍ବାସର ଲାଗି ଲଇଡ଼ ନାଉର୍ ସମ୍ବୁର୍ ବିଡ଼ରେ ସୁକଲା ବୁଝିପାରା ଇଣ୍ଡି ଇଣ୍ଡି ଲଙ୍ଗିଲା । ସେମନ୍କେ କେଦି ଆନ୍ତେରଇବା ମିସର୍ ଦେସର୍ ଲକ୍ମନ୍, ସେନ୍ତାରି ଲଙ୍ଗିବାକେ ଚେସ୍ଟା କଲାଇଜେ ସେମନ୍ ସବୁଲକ୍ ବୁଡ଼ିଗାଲା । କାଇକେବଇଲେ ଜନ୍ ସମ୍ବୁରେ ସେମନ୍ ଇଶ୍ୱା ବେଲେ ପାନି ଦୁଇବାଗ୍ ଅଇରଇଲା, ପର୍ମେସର୍ ସେ ପାନି ମିସାଇଦେଲା ।

୩୦ ଇସ୍ରାଏଲ୍ ଲକ୍ମନ୍ ତାକର୍ ବିସ୍ବାସର ଲାଗି ଜିରିକର୍ ପାରୁରିତେଇ ଆସି ସାଡ଼ ଦିନ୍ ଜାକ ତେଇ ବୁଲ୍ଲାକେ ତାର୍ ପାରୁରି ବସ୍ଲିଗାଲା ।

୩୧ ଜେରିକର୍ ନଅରେ ରଇବା ରାଆବ୍ ନାଉର୍ ଗଟେକ୍ ବେସିଆ ମାଇଜି, ତାର ବିସ୍ବାସର ଲାଗି ପର୍ମେସର୍କେ ନ ମାନିକରି ରଇବା ଲକ୍ମନ୍ ସଙ୍ଗ୍ ମରେନାଇ । ଇସ୍ରାଏଲ୍ କବର୍ ନେବା ଲକ୍ମନ୍ ଲୁଚ୍ତେ ନଅରେ ଆଇଲାବେଲେ ରାଆବ୍ ସେମନ୍କେ ସାଇଜ କଲା ।

୩୨ ମୁଇ ଇଡି ତେବ୍ବି । କାଇକେବଇଲେ ମୁଇ ଆରି କଇବାଟା ଆରାମ୍ କଲେ, ଗିଦିୟନ୍, ବାରାକ୍, ସାମ୍ସନ୍, ଜେପ୍ତା, ସାମୁଏଲ୍, ଆରି ବସିସ୍ତବକ୍ତାମନ୍ ବିସ୍ବାସ୍ ବିସଇ କାତା ଅଇବାକେ ବେଲା ନ କେଟେ ।

୩୩ ତାକର୍ ବିସ୍ବାସର ଲାଗି କେତେକ୍ ଲକ୍ ରାଇଜେ ଜୁଇଦ୍ କରି ଜିଡୁଲା । ବିନ୍ଲକ୍ମନ୍ ଦରମ୍ ଚଲାଚଲ୍ଟିକରି ପର୍ମେସର୍ କାତା ଦେଇରଇବାଟା ମିଲାଇଲା । ସେମନ୍ ବାଦ୍ରେ ସିଅମନ୍କେ ଆରାଇଲା ।

୩୪ ବିନ୍ ଲକ୍ମନ୍ ତାକର୍ ବିସ୍ବାସର ଲାଗି ଜବର୍ ଜଇଲାଟଲା ମିସା ପଡ଼ନାଇ, । କାଣ୍ଡାତେଅନି ରକିଆ ପାଇଲା । ସେମନ୍ ଦୁର୍ବଲ୍ ରଇଲା । ମାତର୍ ତାକର୍ ବିସ୍ବାସର ଲାଗି ତାଟ୍ ଅଇଲା । ଜୁଇଦ୍କରବାକେ ବପୁ ଅଇଲା । ସଡ଼ୁମନ୍ ସଇନମନ୍କେ ଆରାଇଲା ।

୩୫ କେତେଟା ମାଇଜିମନ୍ ମିସା ତାକର୍ ବିସ୍ବାସର ଲାଗି ସେମନ୍ କୁଟୁମର୍ ଲକ୍ମନ୍କେ ମଲାତେଅନି ଜିବନ୍ ଅଇତେ ମିଲାଇଲା । ବିସ୍ବାସିମନ୍କେ ବନ୍ଦିକରି ନେଲା ।

ସେମନ୍ ମରବାଜାକ ଦୁକ୍ କସ୍ଟ ପାଇଲେ ମିସା ତାକର୍ ବିସ୍ବାସ୍ ଚାଡ଼ ନାଇ । ଆଇବା ଦିନମନ୍କେ ଅଦିକ୍ ନିକ ଜିବନ୍ ପାଇବୁ ବଲି ସେନ୍ତାରି ଅଇକରି ମଲା ।

୩୬ କେତେ ଲକ୍ମକେ କିଜାଇଲା, କର୍ତ୍ତା ମାରାଇଲା, ବିନ୍ ଲକ୍ମନ୍କେ ବନ୍ଦିକରି ଜଇଲେ ପୁରାଇଲା,

୩୭ ବିନ୍ ଲକ୍ମନ୍କେ ପାକ୍ନା ମାରାଇ ମରାଇଲା, । ଦୁଇପତାକରି କାଟାଇଲା, କାଣ୍ଡା ସଙ୍ଗ୍ ମାରାଇଲା । କେତେକ୍ ଲକ୍ ତାକର୍ ବିସ୍ବାସ୍ ଚାଡ଼ନାଇକେ ଅବ୍କା ଚେଲିମେଣ୍ଡା ଚାମ୍ସେ ଲୁଗାରପାଇ ରଇଲା । ସେମନ୍ ବେସି ଅରକିଡ଼ ରଇଲା । ସେମନ୍କେ ସାଦ୍ବାନ୍ କରି ତାଡ଼ନା କଲା ।

୩୮ ଏ ଜଗତର୍ କାରାପ୍ ଲକ୍ମନ୍, ସେ ଦରମ୍ ଲକ୍ମନ୍ ସଙ୍ଗ୍ ମିସ୍ବାକେ ସମାନ୍ ନ ରଇଲା, ବିନ୍ ବିସ୍ବାସିମନ୍ ନିଜର୍ ଗର୍ଦୁଆର୍ ଚାଡ଼ି ଆଜିଜାଇରଇବା ଲକ୍ମନ୍ ପାରା ମରୁବାଲି ବୁଏଁ, ଆରି କୁପ୍ଲିତେଇ ରଇବା ପାଆରେ, ଆରି କଲେ ରଇଲା ।

୩୯ ତାକର ବିସ୍ବାସର ଲାଗି ସେମନ୍ ତାକପୁଟା ଅଇଲାଇ । ଏଲେମିସା ପର୍ମେସର୍ କାତା ଦେଇରଇବାଟା ସେମନ୍ ମିଲାଅଡ଼ ନାଇ ।

୪୦ କାଇକେବଇଲେ ପର୍ମେସର୍ ଗଟେକ୍ ବେସି ନିକ ଜଜ୍ଜନା ଆମର୍ପାଇ ଟିକ୍ କଲାଆଟେ । ଆମେ ସେ ଲକ୍ମନର୍ ସଙ୍ଗ୍ ନ ମିସ୍ବାଜାକ, ସେ ସେମନ୍କେ କାତା ଦେଇରଇଲାଟା ସିଦ୍ ନ କରେ ।

୧୨

ପର୍ମେସର୍ ଆମର୍ ବାବା

୧ ଏବେ ଆମେ ସବୁ ଆରାଜିତାଟାମେ ପାଲାଇବା ଲକ୍ମନର୍ପାରା ଆରୁ । ଆମର୍ ଚାରିବେଟ୍ଟି ଗଟେକ୍ ବଡ଼ ଦଲର୍ ସାକିମନ୍ ଦେକ୍ଲାଇନି । ତେବର୍ପାଇ ଜନ୍ମମନ୍ ଆମ୍ବେ ବାଦା ଦେଲାନି, ଆରି ଜନ୍ ପାପ୍ମନ୍ ଆମ୍ବେ ପର୍ବକେ ଜିକ୍ଲାନି, ସେଟା ସବୁ ବେଟି ପିଙ୍ଗିଦେବାର୍ । ଜନ୍ ଆରାଜିତା ଅଇ ପାଲାଇବାଟା ପର୍ମେସର୍ ଆମର୍ ମୁଆଟେ ସଙ୍ଗିଆଟେ, ତେଇ ଆମେ ମୁର୍ଚିକରି ପାଲାଇ ସାରାଇଦେଉଁ ।

୨ ଆମର୍ ଆଁକି ଜିସୁର୍ଟାମେ ସଙ୍ଗିଉ । ତାକେ ଆମେ ଆରାମେ ଅନି ସାରାସାରି ଜାକ ବିସ୍ବାସ୍ କରିଆରୁ । ଜନ୍ ସାର୍ଦା ତାର୍ ମୁଆଟେ ସଙ୍ଗିରଇଲା, ସେ ସାର୍ଦାଲାଗି ରଇବା ଦୁକ୍କସ୍ ମୁର୍ଚି କରି ରଇଲା । ଆରି ତେଇ ମର୍ବା ଲାଜର୍ ବିସଇ ମନେ ଦାରେନାଇ । ପର୍ମେସର୍ ଆଜି ଜନ୍ ଜାଗାଇ ବସ୍ଲାଆଟେ, ତାର୍ ଉଜାବାଟେ ସେ ମିସା ବସ୍ଲାଆଟେ ।

୩ ବାବିଦେକା, ସେ କେତେକ୍ ଦୁକ୍ କସ୍ଟ ପାଇଆଟେ । ସେ ପାପିମନ୍ ଟାମେଅନି କେତେକ୍ ଉଡା ସୁନିଆଟେ । ଜେନ୍ତାରିକି ଆସା ନ କରି ଚାଡ଼ି ଦିଆସ୍ ନାଇ ।

୪ କାଇକେବଇଲେ ପାପର୍ ବିରୁଦେ ଆଇବା ଜୁଇଦେ ବନି ଜର୍ବା ଏଡ଼କି ତମେ କରାସ୍ ନାଇତା ।

୫ ପର୍ମେସର୍ ସାସ୍ତରେ ଲେକା ଅଇଲାଟା ତମେ ପାସ୍ରିଗାଲାସ୍ କି ? ସେ ତାର୍ ପିଲାଜିଲାମନ୍କେ ମନ୍ ସାର୍ଦା କରାଇ ଏନ୍ତାରି କଇରଇଲା । ସେ କଇଲା, ମର୍ ପଥ ମାପ୍ପୁର୍ ସାସନ୍ କରବାଟା ଏଲା କରବାର୍ ନାଇ ।

ସେ ତମ୍ବେ ତଣ୍ଟୁ ଦେବାବେଲେ ଆସା ଚାଡ଼ବାର୍ ନାଇ ।

୬ କାଇକେବଇଲେ ମାପ୍ପୁର୍ ଜେଡ଼କି ଲକ୍ବେ ଆଲାଦ୍ କରସି, ସେଡ଼କି ଲକ୍ବେ ସେ ସାସନ୍ କରସି ।

ଆରି ଜେଡ଼କି ଲକ୍ବେ ତାର୍ ପିଲାଜିଲା ବଲି ଏଜିଆଟେ

ସେ ସବୁ ଲକ୍ବେ ତଣ୍ଟୁ ଦେଇସି ।

୭ ତେବର୍ପାଇ ତମର୍ ଦୁକ୍କସ୍ଟ ସବୁ ତମର୍ ବାବାର୍ତେଇଅନି ମିଲିରଇବା ତଣ୍ଟୁ ପାରା ବଲି ବାବ୍ବାର୍ ଆଟେ । ପର୍ମେସର୍ ତମ୍ବେ ତାର୍ ପିଲା ଜିଲା ବଲି ଏଜ୍ଲାନି । ଏଟା ତମର୍ ଦୁକ୍କସ୍ଟ ପାଇବାତେଇଅନି ଜାନାପଡ଼ସି । କାଇକେବଇଲେ, ତାର୍ ପିଲାକେ ତଣ୍ଟୁ ନ ଦେଲା ବାବା କେ ଆଟେ ?

୮ ତେବର୍ପାଇ ତାର୍ ସବୁ ପିଲାଜିଲାପାରା ପର୍ମେସର୍ ଜଦି ତମ୍ବେ ତଣ୍ଟୁ ନ ଦେଏ, ତାର୍ ଅରଡ଼ ଅଇଲାନି ସତଇସେ ତମେ ତାର୍ ପିଲାଜିଲା ନୁଆସ୍, ମାତର୍ ଉପ୍କା ପିଲାଜିଲା ।

୯ ଆମ୍ବେ ଜନମ୍ ଦେଲା ବାବାମନ୍ ତଣ୍ଟୁ ଦେଇରଇଲା ଆରି ସେଟାର୍ପାଇ ଆମେ ସେମନ୍କେ ମାନିଆ କର୍ତେରଇଲୁ । ସେନ୍ତାଆଲେ ସର୍ଗେ ରଇବା ଆମର୍ ବାବାକେ ଆମେ କେତେକ୍ ଅଦିକ୍ ନିଜ୍ବେ ସର୍ପିଅଇ ବର୍ବୁ ?

୧୦ ଆମର୍ ବାବାମନ୍ ସେମନ୍ ଟକ୍ ବଲି ବାବ୍ବା ଇସାବେ, ଚନେକର୍ପାଇ ରଇବା ଏ ଜିବନେ ଆମ୍ବେ ତଣ୍ଟୁ ଦେଇରଇଲା । ମାତର୍ ଜେତେବେଲେ ପର୍ମେସର୍ ଆମ୍ବେ ତଣ୍ଟୁ ଦେଇସି, ଆମର୍ ନିକପାଇ ଦେଇସି । ଜେନ୍ତାରିକି ଆମେମିସା ତାର୍ପାରା ସୁକଲ୍ ଅଇବୁ ।

୧୧ ଜେତେବେଲେ ତଣ୍ଟୁ ପାଇବୁ, ଆମେ ସାର୍ଦା ନ ଅଉଁ, ମାତର୍ ଦୁକ୍ ଅଇବୁ । ସେଟା ସଡ଼, ମାତର୍ ସେ ତଣ୍ଟୁ ପାଇଲାତେଇଅନି କାଇକାକଟା ସିକ୍ଲା ପଟେ, ସେଟା ନିକ ବଲି ବାବ୍ବୁ । କାଇକେବଇଲେ ସେଟା ଆମ୍ବେ ସାନ୍ତିସଙ୍ଗ୍ ରଇବା ମନ୍ ଆରି ଗଟେକ୍ ଦରମ୍ ଚଲାଚଲ୍ଡି କରବାକେ ସାଇଜ କରସି ।

ସିକିଆ ଆରି ଚେଡ଼ନା

୧୨ ତେବର୍ପାଇ ଅଦୁଆ ଅଇରଇବା ଆଡ଼ ଉଟାଆ ଆରି ଲୁଡ଼ଗୁଡ଼ି ଜାଇତେରଇବା ମାଣ୍ଡିମନ୍ ଡାଁକରା ।

୧୩ ସଲକ୍ ବାଟେ ଇଣ୍ଡିଜା । ସେନ୍ତାକଲେ ତମର୍ ନ ଆଇବା ପାଦ୍ ନିକଅଇ ଡାଁକ୍ ଅଇସି ।

୧୪ ସବୁ ଲକ୍ବ୍ ସଙ୍ଗ୍ ସୁସାରେ ଆରି ସୁକଲ୍ ସଙ୍ଗ୍ ରଇବାକେ ଚେସ୍ଟା କରା, ଆରିକେ ସୁକଲ୍ ନ ଅଇକରି ମାପ୍ପୁର୍ବେ ଦେକି ନାପାରଡ଼ ।

୧୫ ଗଟେକ୍ ଲକ୍ ଆରିଗଟେକ୍ ଲକ୍ବେ ଜାଗ୍ବଡ଼ କରାଆ । ଜେନ୍ତାରି କି ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟାମେଅନି କେ ପର୍ବକେ ନ ଜାଅଡ଼ । କାଇକେବଇଲେ ସେନ୍ତାରି ଲକ୍ ପିତା ପଲ୍ ଦାର୍ବା ଗଟେକ୍ ଗର୍ ପାରା ରଇସି ଆରି ବେସି ଲକ୍ବେ ତାର୍ ବିସ୍ ସଙ୍ଗ୍ ଅଇରାନ୍ କରସି ।

୧୬ ଜାଗରତା ରୁଆ, ତମର ବିତ୍ତରେ କେ ମିସା ବେସିଆ କାମ୍ କରାନାଇ । ପର୍ଯ୍ୟେସରକେ ବିସ୍ବାସ୍ ନ କରି ରଇବା ଏସ୍ଥ ପାରା ନ ଉଆ । ସେ ଗଟେକ୍ କାଦିର୍ପାଇ ପର୍ଯ୍ୟେସର୍ ସେ ପାଇସି ବଲି କାତା ଦେଇରଇବା ବଡ଼ ପିଲାଟି ଅଦିକାର୍ ପାଲିଟାଇଲା ।

୧୭ ଆମେ ଜାନିଆରୁ ଜେ ସେ ସେନ୍ତାରି କଲାପଚେ, କରିରଇବା କାମ୍ ପାଇ ଦୁକ୍ କଲା । କାଇକେବଇଲେ ବାବାର୍ ବଡ଼ ପଥ ଇସାବେ ତାର୍ ବାବାର୍ ଆସିର୍ବାଦ୍ ପାଇବାକେ ବେସି ମନ୍ କଲା । ମାତର୍ ତାର୍ ସଙ୍ଗ୍ କାନ୍ଦିକରି ବାରୁଜିଆ କଲାମିସା, ସେ ମିଲାଇ ନାପାରୁଲା କି କରିରଇବା କାମ୍ ମିସା ବାଦ୍ଲେ ନାଇ ।

୧୮ ଇସ୍ରାଏଲର୍ ଲକ୍ମନ୍ ପର୍ଯ୍ୟେସରର୍ ଲଗେ ଆଇଲାପାରା ତମେ ଆସାସ୍ ନାଇ । ସେମନ୍ ଜନ୍ତା ଦେକ୍ଲାଇ, ସେଟା ଜାନିପାରୁଲା । ସିନୟ୍ ପର୍ବତେ ରଇବା ଜଇ ଦେକ୍ଲାଇ । ବେସି ଆନ୍ଦାର୍ ଅଇଲାଟା ଆରି ଜବର୍ ପବନ୍ ଆଇଲାଟା ତେଇ ରଇକରି ଜାନିପାରୁଲା ।

୧୯ ମଇରି ପୁକ୍ବାଟା ଆରି ସବଦ୍ ଅଇବାଟା ସୁନ୍ଲାଇ । ସେ ସବଦ୍ ସୁନ୍ଲାକେ ଲକ୍ମନ୍ ଆରି ନ ସୁନ୍ ବଲି ବାରୁଜିଆ କଲା ।

୨୦ କାଇକେବଇଲେ ତେଇ ଦେଇରଇବା ଆଦେସ୍କେ ସେମନ୍ ବେସି ଡରୁଲାଇ । “ଗଟେକ୍ ପସୁ ମିସା ସେ ପର୍ବତେ ପାଦ୍ ମାଣ୍ଟଲେ ତାକେ ପାକ୍ନା ସଙ୍ଗ୍ ମାରି ମରାଇବାର୍ ଆଚେ ।” ବଲି ଆଦେସ୍ ରଇଲା ।

୨୧ ଜନ୍ତା ଦେକିଅଇଲା ଆରି ସୁନି ଅଇଲା, ସେଟା ବେସି ଡର୍ ଲାଗ୍ବାଟା ରଇଲା । ଜେନ୍ତାରି କି ମସା ମିସା କଇଲା, “ସତଇସେ ମୁଇମିସା ତର୍ତ୍ତରି କରି ଡର୍ଲିନି ।”

୨୨ ମାତର୍ ଏବେ ଆମେ ସିଅନ୍ ପର୍ବତେ ଆସିଆରୁ । ସେଟା ଅଇଲାନି ସର୍ଗେ ରଇବା ଜିରୁସାଲେମ୍ । ଜିବନ୍ ରଇବା ପର୍ଯ୍ୟେସରର୍ ନଅରେ ଆଇଲୁ ଆରୁ । ଜନ୍ତାନେ କି ଅଜାର୍ ଅଜାର୍ ଦୁଡ଼ମନ୍ ଆଚଡ଼ ।

୨୩ ପର୍ଯ୍ୟେସରର୍ ପଶୁଆ ପିଲାମନ୍ ସାର୍ଦାସଙ୍ଗ୍ ରୁଣ୍ଡିରଇବା ଜାଗାଇ ଆମେ ଆଇଲୁଆରୁ । ତାକର୍ ନାଉଁମନ୍ ସର୍ଗେ ଲେକାଅଇଲା ଆଚେ । ଆମେ ପର୍ଯ୍ୟେସରର୍ ଲଗେ ଆଇଲୁ ଆରୁ । ସେ ସବୁକେ ବିଚାର୍ କରସି । ସେ ସିଦ୍ କରିରଇବା ଦରମ୍ଲକର୍ ଆଡ଼ମାମନର୍ଟାନେ ଆଇଲୁ ଆରୁ ।

୨୪ ଆରି ନୁଆ ରାଜିନାମା ତିଆର୍ କରିରଇବା ଜିସୁକିରିସ୍ଟର୍ ଲଗେ ଆଇଲୁଆରୁ । ସେ ତାର୍ ବନି ଜରାଇରଇଲା । ସେଟା ଏବଲର୍ ବନିତେଇଅନି ନିକ ଆଚେ ।

୨୫ ଜନ୍ତା ତମ୍କେ ପର୍ଯ୍ୟେସର୍ କଇଲାନି, ନ ସୁନ୍ଲା ଲକ୍ମନ୍ପାରା ଉଆ ନାଇ । କାଇକେବଇଲେ ପର୍ଯ୍ୟେସରର୍ କାତା ନ ମାନୁଲାକେ ଆମର୍ ଆନିଦାଦିମନ୍ ସିନୟ୍ ପର୍ବତେ ତଣ୍ଡ ପାଇରଇଲା । ଜନ୍ ଲକ୍ ଆମ୍କେ ସର୍ଗେଅନି କଇଲାନି, ସେ କାତା ଆମେ ନ ସୁନିକରି ଏଲାକଲେ, କେତେକ୍ ଅଦିକ୍ ତଣ୍ଡ ପାଇବୁ ?

୨୬ କାଇକେବଇଲେ, ସିନୟ୍ ପର୍ବତେ ପର୍ଯ୍ୟେସର୍ କାତା ଅଇଲାବେଲେ, ଦର୍ତନି ତୁଲ୍ବୁଲିଗାଲା । ମାତର୍ ସେ ଏବେ କାତା ଦେଇ କଇଲା ଆଚେ, “ମୁଇ ଆରିତରେକ୍ ଦର୍ତନିକେ ତୁଲ୍ବୁଲାଇବି । ଅବ୍କା ଦର୍ତନିସେ ନଏଁ, ଆକାସେ ରଇବା ସବୁଜାକକେ ମିସା କର୍ବି ।”

୨୭ ଜେତେବେଲେ ସେ ଆରିତରେକ୍ ବଲି କଇରଇଲା, ତାର୍ ଅରଡ଼ ଅଇଲାନି ତିଆର୍ କରିରଇବା ସବୁଜାକ ତୁଲ୍ବୁଲାଇ କରି ସବୁଜାକ ଦାରିଜାଇସି । ଜେନ୍ତାରି କି ନ ତୁଲ୍ବୁଲ୍ବାଟାସେ ରଇସି ।

୨୮ ସେଟାପାଇ ଆମେ ପର୍ଯ୍ୟେସରକେ ଦନିଅବାଦ୍ ଦେଉଁ । କାଇକେବଇଲେ ସେ ଆମ୍କେ ସାସନ୍ କଲାନି । ଆରି ତାର୍ ରାଇଜ୍ ନ ତୁଲ୍ବୁଲେ । ତାକେ ସାର୍ଦା କରାଇବାକେ ଡରିକରି ସନ୍ମାନ୍ ସଙ୍ଗ୍ ଉପାସନା କରୁ ।

୨୯ କାଇକେବଇଲେ ଆମର୍ ପର୍ଯ୍ୟେସର୍ ସବୁକେ ପଡ଼ାଇକରି କୁରୁପ୍ନାସ୍ କର୍ବା ଜଇପାରା ଆଚେ ।

୧୩

ପର୍ଯ୍ୟେସରକେ ସନ୍ତୁସ୍ତକରୁ

୧ କିରିସ୍ଟଟାନେ ମିସିବିଡି ରଇବା ବିସ୍ବାସି ବାଇବଇନି ପାରା ଆଲାଦ୍ କରାକରି ଅଇ ରୁଆ ।

୨ ନ ଚିନ୍ତା ଲକ୍ମନ୍କେ ମିସା ତମର୍ ଗର୍ମନ୍କେ ଡାକିନିଆ । କାଇକେବଇଲେ କେତେଲକ୍ ନାଜାନିକରି ସେନ୍ତାରି ଦୁଡ଼ମନ୍କେ ଡାକିନେଲା ।

୩ ବନ୍ଦି ଗରେ ରଇବା ଲକ୍ମନ୍କେ ତମେ ତାକର୍ ସଙ୍ଗ୍ ରଇଲାପାରା ଦୟା ଦେକାଆ । ଦୁକ୍ସଟ୍ ଅଇରଇବା ଲକ୍ମନ୍କେ ନିଜେ ତାକର୍ପାରା ଦୁକ୍ସଟ୍ ପାଇଲୁନି ବଲି ଏତାଆ ।

୪ ବିବା ଅଇବାଟା ସବୁଲକ୍ ନିକ ବଲି ମାନଡ଼ । ସବୁ ମାଇଜିମନ୍ସ୍ ମନ୍ ଗଟେକ୍ ମାଇଜି ଆରି ଗଟେକ୍ ମନ୍ସ୍ ଅଇକରି ସଡ଼ସଙ୍ଗ୍ ରଇବାର୍ଆଚେ । ଜନ୍ ଲକ୍ମନ୍ ବେସିଆ କାମ୍ କରି ରଇବାଇ, ସେମନ୍କେ ପର୍ଯ୍ୟେସର୍ ତଣ୍ଡ ଦେଇସି ।

୫ ତାରୁ ଆସା ଅଇକରି ତାର୍ପଚେ ପାଲାଆ ନାଇ । କାଇକେବଇଲେ ପର୍ଯ୍ୟେସର୍ କଇଲାଆଚେ, “ମୁଇ ତମ୍କେ କେବେ ନ ପାସ୍ରି କି ନ ଚାଡ଼ି ।”

୬ ତେବର୍ପାଇ ଆମେ ସାସ୍ ଦାରି କଇପାରୁ ପର୍ଯ୍ୟେସର୍ ଆକା ମକେ ସାଇଜ କରସି,

ମୁଁ କେବେ ନ ଡରି

ଲକ୍ଷ୍ମୀ ମନେ କାଳିକା କରି ନାପାରନ୍ତି ।

୭ ଜନ୍ମ ଲକ୍ଷ୍ମୀ ତମକେ ମୁକ୍ତି ଇସାବେ ଡାକିନେଇ ପର୍ଯ୍ୟେସର ବାକି ଥିବାକାଳେତେରଲଲାଇ, ସେମାନର ବିଷୟ ବାବିଦେକା । ସେମାନ କେନ୍ଦ୍ର ଜିଲଲାଇ ଆରି ମଲାଇ ? ତମେ ତାର ପାରା ବିସ୍ବାସ କରା ।

୮ କାଳକେବଲଲେ, ଜିସୁକିରିସ୍ତ କେବେ ନ ବାଦଲେ । ସେ ଆଜିରପାଇ, କାଳିକରପାଇ, ଆରି ସବୁଦିନର ପାଇ ସମାନ ସେ ରଲସି ।

୯ ତେବରପାଇ ଲକ୍ଷ୍ମୀ ତମକେ ବିନ୍ ବିନ୍ ସିକିଆ ସୁନାଇକରି ସତ୍ବାଟେଅନି ବିନେ ନେବାକେ ରାଜି ଉଆନାଇ । କାଳକେବଲଲେ ପର୍ଯ୍ୟେସର ଜିବନ୍ ଦୁକାଇକରି ଦୟା ଦେକାଇଲାଟା ଆମର ମନକେ ଡାଟ୍ କରସି । କାଦିର ଲାଗି ରଲବା ନିୟମ ମାନବାଟା ନଏ । ସେନ୍ତାରି ନିୟମ ମାନବା ଲକ୍ଷ୍ମୀ, ତେଲ ଅନି କାଳିକା ମିସା ପାଅଡ ନାଇ ।

୧୦ ଜିଉଦିମାନର ବେଦିଟାନେ ସେବା କରବା ପୁଜାରିମନ୍ ତେଲ ସର୍ପି ଦେଇରଲବା କାଳିକା ମିସା କାଇବାର ନଏ ।

୧୧ ବଡ଼ ପୁଜାରି ପସୁମାନର ବନି ନେଇକରି, ପାପର ବଲି ସର୍ପିଦେବାକେ ଅଦିକ୍ ସୁକଲ୍ ଜାଗାଇ ନେଇସି । ମାତର ପଡ଼ିଜାଇରଲବା ପସୁମାନର ଗାଗଡ଼ ତୁମ୍ ଗର ବାଇରେ ରଲସି ।

୧୨ ସେଟାସେ ଜିସୁକେ ଅଇରଲଲାଇ । କାଳକେବଲଲେ, ତାକେ ନଅରର ବାଇରେ ଲକ୍ଷ୍ମୀ ମରାଇରଲଲାଇ । ଆରି ତାର ବନି ଗୁଲାଇ ମୁନୁସ୍ ଜାତିର ପାପ ଦଇଦେଲାଇ ।

୧୩ ତେବରପାଇ ନଅରର ବାଇରେ ହୁ । ଆରି ତାକେ ଆମେ ବିସ୍ବାସ କଲାରପାଇ, ଲକ୍ଷ୍ମୀ ଜେଡକି ନିୟା କଲାଟା ଆମେ ମୁରତିକରି ରଉ ।

୧୪ କାଳକେ ବଲଲେ ଆମେ ସବୁଦିନ ଏ ଜଗତେ ନ ରଉ । ମାତର ଆଇବା ଦିନମନକେ କେବେ ନ ସାର୍ବା ଦିନଜାକ ରଲବା ନଅରେ ରଲବୁ ବଲି ଆମେ ଜାଗିଆହୁ ।

୧୫ ତେବେ ଆସା । ଜିସୁକିରିସ୍ତକେ ଦେଇକରି ଆମେ ସବୁବେଲେ ପର୍ଯ୍ୟେସରକେ ବଲି ସର୍ପି ଦେଇତେ ରଉ । ସେଟା ଆମର ଟଣ୍ଡେଅନି ଆଇବା ଉପାସନା । ସେ ଆକା ମାପରୁ ବଲି ଆମେ କଉଁ ।

୧୬ ନିକ କାମ୍ କରବାକେ ପାସରା ନାଇ । ଗଟେକ୍ ଲକ୍ଷ୍ମୀ ଆରି ଗଟେକ୍ ଲକ୍ଷ୍ମୀକେ ସାଇଜ କରା । କାଳକେବଲଲେ, ଏନ୍ତାରି ରଲବା ଚଲାଚଲତି ପର୍ଯ୍ୟେସରକେ ସାର୍ଦା କରାଇବା ଗଟେକ୍ ବଲି ।

୧୭ ତମର ମୁକ୍ତି ଲକ୍ଷ୍ମୀମାନର କାତା ମାନିକରି ଆଦେସ୍ ଦେଲାଟା କରା । ସେମାନ ଜାଗୁଆଲମାନର ପାରା ନ ତାକିକରି ତମର ଆତ୍ମାମାନକେ ଜତନ୍ କଲାନି । କାଳକେବଲଲେ ସେମାନକେ ତାକର କରିରଲବା କାମ୍ ପର୍ଯ୍ୟେସର କେ ଇସାବ୍ ଦେବାକେ ପଡ଼ସି । ତମେ ଜଦି ତାକର କାତା ମାନସା, ସେମାନ ସାର୍ଦା ସଙ୍ଗ୍ ସେବା କାମ୍ କରବାଇ । ତମେ ତାକର କାତା ନ ମାନଲେ, ସେମାନ ଦୁକ୍ ଅଇବାଇ । ତେବେ ତମକେ କାଳ ସାଇଜ ନଏ ।

୧୮ ଆମର ପାଇ ପାରତନା କରତେରୁଆ । ଆମର ବିବେକ୍ ଆମେ କରିରଲବା କାମ୍ ସତ୍ ବଲି ସାକିଦେଲାନି ।

୧୯ ମରପାଇ ମିସା ପାରତନା କରା । ଜେନ୍ତାରି କି ପର୍ଯ୍ୟେସର ଦାପରେ ମକେ ତମରଲଗେ ପାଟାଇସି ।

ସାରାସାରିର ପାରତନା

୨୦ ଆମର ମାପରୁ ଜିସୁକେ ପର୍ଯ୍ୟେସର ମଲାଇତେଅନି ଉଟାଇଲାଇ । ସେ ଗଟେକ୍ ଗଉଡ଼ପାରା ଆମକେ ଜାଗିରଲସି । ଆମେ ପର୍ଯ୍ୟେସର ସଙ୍ଗ୍ ସବୁଦିନରପାଇ ଗଟେକ୍ ଅଇବାଟାକେ ତାର ବନି ଜରାଇଲାଇ ।

୨୧ ଜିସୁକିରିସ୍ତର ଲାଗି ସାନ୍ତି ଦେବା ପର୍ଯ୍ୟେସର ତମକେ ସବୁ ରକାମର ସାଇଜ ଦେଅ । ଜେନ୍ତାରି କି ସେ ମନ୍ କଲାଟା ତମେ ପୁରାପୁରୁନ୍ କରସା । ଆମେ କରବା କାମ୍ ତାକେ ସାର୍ଦା ଦେଅ । ଜିସୁକିରିସ୍ତକେ ଆମେ ନ ସାର୍ବା ଦିନଜାକ ଡାକ୍ପୁଟା ଦେଉଁ ।

ସେସ୍ କାତା

୨୨ ଏ ମର ବାଇବଇନିମନ୍, ମୁଇଁ ତମକେ ବାବୁଜିଆ କଲିନି, ମୁଇଁ ତମକେ କଲଲାଇ ଏ ସବୁ କାତା ମୁରତିକରି ସୁନା । କାଳକେବଲଲେ, ଏ ଚିଟି ବେସି ତେଙ୍ଗ୍ ନାଇ ।

୨୩ ଆମର ବାଇ ତିମତି ବନ୍ଦିଗରେ ଅନି ମୁକ୍ଲି ଆଟେବଲି ଜାନସା । ସେ ଜଦି ସେ ଦାପରେ ଆଇସି, ତେବେ ମରସଙ୍ଗ୍ ତାକେ ଡାକିଆନ୍ବି ।

୨୪ ତେଲ ରଲବା ତମର ମୁକ୍ତି ଲକ୍ଷ୍ମୀମାନକେ ଆରି ପର୍ଯ୍ୟେସରର ସବୁ ଲକ୍ଷ୍ମୀମାନକେ ମର ଜୁଆର ଜାନାଇ ଦିଆସ୍ । ଇଟାଲିତେଇ ମର ସଙ୍ଗ୍ ରଲବା ଆମର ବାଇବନିମନ୍ ମିସା ଜୁଆର ଜାନାଇଲାଇନି ।

୨୫ ପର୍ଯ୍ୟେସର ତମକେ ସବୁଲକ୍ଷ୍ମୀକେ ତାର ଜିବନ୍ ଦୁକାଇ ଦୟା ଦେକାଅ ।

ଜାକୁବଙ୍କ ପତ୍ର ଜାକୁବ ଲେକିରଇବା ଚିଠି ଏ ବଇର ବିସଇ ଜାନ୍‌ବାଟା

ଜାକୁବ୍ ବଇ ଜାକୁବ୍ ନାଉଁ ଡାକ୍‌ତେରଇବା ଗଟେକ୍ ଲକ୍ ଲେକିଆତେ । ଦେକ୍‌ବାକେ ଗାଲେ ଏ ଜାକୁବ୍ ଜିସୁକିରିସ୍‌ଟର୍ ବାଇ ରଇଲା । ଜେ କି ଆଦିଅ ମଣ୍ଡଲିର୍ ଗଟେକ୍ ନେତା ରଇଲା ଆରି ଜିରୁସାଲମ୍ ସବାର୍ ଗଟେକ୍ ମେମର୍ ରଇଲା ପେରିଡ୍ ୧୫:୧୩ । ପେରିଡ୍ ପାଉଲ୍ ମିସା ଜାକୁବ୍‌କେ ମଣ୍ଡଲିର୍ ମୁଲ୍ ଡେଲି ବଲି ଡାକ୍‌ତେରଇଲା ଗାଲାତିୟ ୨:୯ ।

ଜାକୁବ୍ ବଇ ଜିସୁକିରିସ୍‌ଟର୍ ଜନମ୍ ଅଇକରି ୫୦ ବରସ୍ ପଟେ ଲେକାଅଇଆତେ ବଲି ପଣ୍ଡିଡ୍‌ମନ୍ ବିସ୍‌ବାସ୍ କର୍‌ବାଇ । ଜାକୁବ୍ ଜିରୁସାଲମ୍ ମଣ୍ଡଲିର୍ ନେତା ରଇଲା । ତେବର୍‌ପାଇ ସେ ତେଇ ବାସାଅଇକରି ରଇଲାବେଲେ ସେ ଏ ବଇ ଲେକିରଇଲା । ଜାକୁବ୍ ବିନ୍ ବିନ୍ ଦେସେ ଚିନ୍‌ବିନ୍ ଅଇଜାଇରଇବା ବାର୍‌ଟା କୁଟୁମ୍‌କେ ତାର୍ ବଇଟା‌ନେ ନିଜେ ଜାନାଇଅଇଆତେ ୧:୧ ।

ଜାକୁବ୍‌ର୍ ଏ ବଇ ସବୁ ବିସ୍‌ବାସିମନ୍ ନିଜେ ବାଇବାର୍ ବିସଇ ଆତେ । ମାତର୍ ଜାକୁବ୍ ବାର୍‌ଟା କୁଟୁମ୍ ବିସଇ ନେଇକରି ସିଦା ସିଦା ଜିଉଦି ବିସ୍‌ବାସିମନ୍‌କେ ଲେକ୍‌ଲାଆତେ । କାଇକେବଇଲେ ଏ ବଇ ଚିନ୍‌ବିନ୍ ଅଇଜାଇରଇବା ପଡ୍‌ବା ଲକ୍‌ମନ୍‌କେ କେଟାଇବା ବିସଇରେ ଜାନାଇଲାଲିନି ।

ଜାକୁବ୍ ବିସ୍‌ବାସ୍ ଆରି କରମର୍ ନିକ ମିସିରଇବା ବିସଇ ଜାନାଇଲାଲିନି ଜେ, ସଡ୍ ବିସ୍‌ବାସ୍ କର୍‌ବା କରମ୍‌ତେଇ ଜାନାପଡ୍‌ସି ୩:୧-୧୨ ।

ଦେକିଟାଇଁ କରି କାତା କଇବାକେ ମିସା ଜାଗ୍‌ରଡ୍ କରାଇଲାଲିନି ।

ଏ ବଇ ବିଡ୍‌ରେ ରଇବାଟା

- ୧. ଜାକୁବ୍ ତାର୍ ଚିଠି ପଡ୍‌ବା ଲକ୍‌ମନ୍‌କେ ଜୁଆର୍ ଜାନାଇଆତେ । ୧:୧
- ୨. ସେ ବିସ୍‌ବାସିମନ୍‌କେ ଦୁକ୍ ଅଇଲାବେଲେ ଡାଟ୍‌ସଙ୍ଗେ ରଇବାକେ ସାଆସ୍ ଦେଇଆତେ । ୧:୨-୨୭
- ୩. କରମ୍ କରି କେନ୍ତାରି ବିସ୍‌ବାସ୍ ଦେକାଇ ଅଇସି, ସେ ବିସଇରେ କଇଆତେ । ୨:୧-୨୭
- ୪. ବାକିଅ କେନ୍ତାରି ଅଦିକ୍ ବପୁ ଅଇସି, ସେଟା ସେ ଜାନାଇଆତେ । ୩:୧-୧୨
- ୫. ଜାକୁବ୍ ପର୍‌ମେସରର୍ ଗିଆନ୍ ଜଗତର୍ ଗିଆନ୍ ଟା‌ନେ ଅନି ବିନ୍ ଆତେ ବଲି ଚିକି ନିକି ଜାନାଇଆତେ । ୩:୧୩-୪:୧୦
- ୬. ପଟେ ସେ ପଡ୍‌ବା ଲକ୍‌ମନ୍‌କେ ବଡ୍‌ପନ୍ ନ ଅଇବାକେ ଜାଗ୍‌ରଡ୍ କରାଇଲାଲିନି । ୪:୧୧-୫:୬
- ୭. ସାରାସାରି ଜାକୁବ୍, କେତେଟା ସାନ୍ ସାନ୍ ମାନ୍‌ବା ଆଦେସ୍ ଦେଇକରି ତାର୍ ଲେକା ସାରାଇଆତେ । ୫:୭-୨୦

୧ *ମୁଇ ଜାକୁବ ମାପୁରୁ ଜିସୁକିରିସ୍‌ଟର୍ ଆରି ବାବା ପର୍‌ମେସରର୍ ଗଟେକ୍ ଗତିଦାଙ୍ଗ୍‌ତା ।

ଗୁଲାଇ ଜଗତେ ଚିନ୍‌ଚତର୍ ଅଇଜାଇରଇବା ପର୍‌ମେସରର୍ ବାର୍‌ଟା କୁଟୁମ୍‌ର୍ ଲକ୍‌ମନ୍‌କେ ମୁଇ ଜୁଆର୍ ଜାନାଇକରି ଏ ଚିଠି ଲେକ୍‌ଲିନି ।

ବିସ୍‌ବାସ୍ ଆରି ଗିଆନ୍

୨ ଏ ମର୍ ବାଇବଇନିମନ୍ ଜିବନ୍ ବିତାଇଲାବେଲେ ତମର୍ ବିସ୍‌ବାସ୍ ଡାଟ୍ ଆତେ କି ନାଇ ବଲି, ଜେଡ୍‌କି ଦୁକ୍ କସ୍‌ଟର୍ ପରିକା ଆଇଲେ, ଏଟା ଗଟେକ୍ ନିକ କରମର୍ ବିସଇ ବଲି ଏତାଆ ।

୩ କାଇକେବଇଲେ, ଏନ୍ତାରି ଦୁକ୍ କସ୍‌ଟର୍ ଆଇଲେ ତମର୍ ବିସ୍‌ବାସ୍ ପରିକାକରି ଡାଟ୍ ଆତେବଲି ଦେକାଇସି । ଆରି ମୁରର୍‌ବାଟା ଅଦିକ୍ ଅଦିକ୍ ଅଇସି ବଲି ତମେ ଜାନିଆଟାସ୍ ।

୪ ତମେ ସାରାସାରିଜାକ ମୁରଟିକରି ରଇଲେ, କାଇ ବିସଇଟା‌ନେ ମିସା ଉନା ନ ଅଇକରି ପୁରାପୁରୁନ୍ ସିଦ୍ ଅଇସା ।

୫ ମାତର୍ ତମର୍ ବିଡ୍‌ରେ ଜଦି କାକେ ଗିଆନ୍ ଉନା ରଇ, ଗିଆନ୍ ପାଇବାଟାଆଲେ ପର୍‌ମେସର୍‌କେ ମାଙ୍ଗା । ସେ ତାର୍ ଆଡ୍ ମେଲାକରି, ଦସ୍ ନ ଦାରି ସବୁକେ ଦାନ୍ କର୍‌ସି ।

୬ ମାତର୍ ସେ ଅଇସି କି ନ ଅଏ ବଲିକରି ନ ବାବି, ବିସ୍‌ବାସର୍ ସଙ୍ଗ୍ ପାର୍‌ତନା କର୍‌ବାର୍‌ଆତେ । କାଇକେ ବଇଲେ ଜେ ଅଇସି କି ନ ଅଏ ବଲିକରି ବାବ୍‌ସି, ସେ ପବନ୍‌ସଙ୍ଗ୍ ଇଣ୍ଡିତେ ରଇବା ସମ୍‌ଦୁରର୍ ଉଲ୍‌କା ପାନି ପାରା ଗଟେକ୍ ଲକ୍ ।

୭ ସେ ରକାମ୍ ଲକ୍ ମାପୁରୁର୍ ଟା‌ନେଅନି କାଇଟା ଆଲେ ପାଇବି ବଲିକରି ଆସା ନ କର ।

୮ ସେ ତା, ଦୁଇମନିଆ ଲକ୍, ସେ କର୍‌ବା ସବୁ କାମ୍‌ଟା‌ନେ ତବିର୍ ନ ରଏ ।

ସାଉକାର୍ ଆରି ଅର୍‌କିଡ୍

୯ ଗଟେକ୍ କାକୁର୍‌ଡି ଅଇ ରଇବା ବିସ୍‌ବାସି ବାଇକେ ପର୍‌ମେସର୍ ସାଉକାର୍ କଲେ ସେ ସାର୍‌ଦା ଅ ।

☆ ୧:୧ ମାତିଡ ୧୩:୫୫; ମାର୍‌କ ୭:୩; ପେରିଡ୍ ୧୫:୧୩; ଗାଲାତିୟ ୧:୧୯

୧୦ ସେନ୍ତାରିସେ ଗଟେକ୍ ସାଉକାର୍ ବିସ୍‌ବାସିକେ ସେ ଅରକିଡ୍ କଲେ, ସେ ମିସା ସାର୍‌ଦା ଅ । କାଇକେବଇଲେ ସାଉକାର୍ ଲକ୍ ପଦାର୍ ଗାଁସର୍ ପୁଲ୍ ପାରା ଜାଉଁଲି ଜାଇସି ।

୧୧ ଜେକ୍ଟି କି ବେଲ୍ ଉଦିକରି ବେସି ତାଡିକଲେ ଗାଁସ୍ ସୁକିଜାଇସି, ତାର୍ ପୁଲ୍ ଜଡିଜାଇସି ଆରି ତାର୍ ବାନିମୁରତି ନସି ଜାଇସି । ସେନ୍ତାରିସେ, ସାଉକାର୍ ଲକ୍‌ମନ୍ କାମ୍ କରି କରି ମରିଜିବାଇ ।

ପରିକା ଆରି ଦୁକ୍‌କସ୍‌ଟ

୧୨ ଜନ୍ ଲକ୍‌ମନ୍ ପରିକା ଆଇଲେ ମିସା ମୁରତି କରି ରଇବାଇ, ସେମନ୍ କେଡେକ୍ ନିକ କରମର୍ ଲକ୍ । କାଇକେବଇଲେ ସେ ସବୁ ପରିକାଇ ସେମନ୍ ଡାଟ୍ ସକ୍ ଟିଆଅଇଲାପତେ, ପୁରୁସ୍‌କାର୍ ପାଇବାଇ । ପର୍‌ମେସର୍ ତାର୍ ନିଜର୍ ଲକ୍‌ମନ୍‌କେ ଜନ୍ ଜିବନର୍ ମୁକୁଟ୍ ଦେବାକେ ସପଡ୍ କଲାଆତେ, ସେମନ୍ ସେଟା ପୁରୁସ୍‌କାର୍ ଇସାବେ ମିଲାଇବାଇ ।

୧୩ କାକେ ମିସା ଦୁକ୍‌କସ୍‌ଟ ପାଇବା ପରିକା ଆଇଲେ, ଏ ପରିକା ପର୍‌ମେସର୍ ପାଟାଇଆତେ ବଲିକରି କଇବାର୍ ନାଇ । କାଇକେବଇଲେ ପର୍‌ମେସର୍‌କେ କେ ମିସା ପରିକାକରି ନାପାରେ । ଆରି ସେ ନିଜେ କାକେ ପରିକା ନ କରେ ।

୧୪ ମାତର୍ ଗଟେକ୍ ଲକ୍‌ର କରାପ୍ ଗୁନ୍‌ଚଲନ୍ ତାକେ ପରିକା କରାଇ ଅଇବାକେ ଡାକିନେଇସି ।

୧୫ ତାର୍‌ପତେ ତାର୍ କାରାପ୍ ଗୁନ୍‌ଚଲନେଅନି ପାପ୍ ବାରଇସି । ଆରି ପାପ୍ ଅଦିକ୍ ଅଦିକ୍ ବଡିଜାଇକରି ମରନ୍ ଆଇସି ।

୧୬ ଏ ମର୍ ଆଲାଦର୍ ବାଇବଇନିମନ୍, ତମେ ନାଡାଇଡିଆ ନାଇ ।

୧୭ ସବୁ ନିକ ଆରି ସିଦ୍ ରଇବା ଦାନ୍ ପର୍‌ମେସର୍ ଦେଲା ଆତେ । ବାଦ୍‌ଲେ ଉଜଲ୍ ଅଇବା ସବୁଜାକ ସେ ଡିଆର୍କଲା ଆତେ । ସେଟାମନ୍ ବାଦ୍‌ଲେ ବୁଲ୍‌ବାବେଲେ ବାଦ୍‌ଲୁସି ଆରି ଚାଇଁ ଏନେତେନେ ଅଇସି । ମାତର୍ ପର୍‌ମେସର୍ ଅଲପ୍ ମିସା ସେନ୍ତାରି ନ କରେ ।

୧୮ ତାର୍ ସଡ୍ ବାକିଅ ଆମ୍‌କେ ଜାନାଇକରି ତାର୍‌ଡେଇଅନି ଆମ୍‌କେ ଜିବନ୍ ଦେବାକେ ସେ ମନ୍ କଲା । ଜେଡ୍‌କି ସବୁ ବିସଇ ସେ ଡିଆର୍କଲା ମିସା ଆମେ ଅବ୍‌କା ତାର୍‌ପାଇସେ ଅଇବାକେ ସେ ମନ୍ କଲା ।

ସୁନ୍‌ବାଟା ଆରି କାମ୍ କର୍‌ବାଟା

୧୯ ଏ ମର୍ ଆଲାଦର୍ ବାଇବଇନିମନ୍, ମନେ ରକିରୁଆ । ତମେ ଆଗ୍‌ତୁ ନିକକରି ସୁନା । ମାତର୍ ବାବିଟିକ୍ଟିକରି କାତା କୁଆ । ଦାପ୍‌ରେ ରିସା ଉଆନାଇ ।

୨୦ କାଇକେବଇଲେ ମୁନ୍‌ସର୍ ରିସାର୍ ଲାଗି ପର୍‌ମେସର୍ ସୁକଲ୍‌ସକ୍ ଜଜ୍‌ନା କଲାଟା ନସିଜାଇସି ।

୨୧ ସେଟାର୍ ପାଇ ତମର୍ ଚଲାଚଲ୍‌ତି ଟାନେଅନି ବାରଇବା ସବୁ ରକାମର୍ କାରାପ୍ ଅବିଆସ୍ ଚାଡିଦିଆସ୍ । ପର୍‌ମେସର୍‌କେ ନିଜର୍ ମନ୍ ସର୍‌ପି ଦିଆସ୍ । ତମର୍ ମନ୍ ବିଡ୍‌ରେ ସେ ଜନ୍ ବାକିଅ ରପିଆତେ ସେଟାକେ ଦିଆନ୍ ଦିଆ । ସେ ବାକିଅ ତମ୍‌କେ ରକିଆ କର୍‌ସି ।

୨୨ ବାକିଅ ଜନ୍‌ଟା କରା ବଲି କଇଲାନି, ସେଟା କରା । ଅବ୍‌କା ସୁନିକରି ରଇବା ଲକ୍‌ମନ୍‌ପାରା ଉଆ ନାଇ । ଏନ୍ତାରିକଲେ ତମେ ନିଜେ ନାଡାଇ ଅଇଲାସିନି ।

୨୩ ଜନ୍‌ଲକ୍ ପର୍‌ମେସର୍‌ର ବାକିଅ ଅବ୍‌କା ସୁନ୍‌ସି, ମାତର୍ ଡେଇର୍ କାତା ନ ନାମେ, ସେ ତାର୍ ମୁଏ ରଇବା ଆର୍‌ଲା, ଦର୍‌ପନେ ଦେକ୍‌ବା ଲକ୍ ପାରା ।

୨୪ ସେ ନିକ କରି ନିଜର୍ ଟାଁଇ ଦେକି ଅଇଡେରଇସି । ମାତର୍ ଡେଇଅନି ଉଟିଗାଲା ପତେ ତାର୍ ବାନିମୁରତି ପାସ୍‌ରି ଜାଇସି ।

୨୫ ମାତର୍ ମୁନ୍‌ସର୍ ମୁକ୍‌ତି ପାଇ ଗଟେକ୍ ପୁରାପୁରୁନ୍ ନିୟ୍‌ମ୍ ଆତେ । ଜେ ସେ କାତା ସୁନିକରି ନ ପାସ୍‌ରେ, ଆରି ତାର୍‌ଲାଗି ସବୁ ମନ୍‌ପରାନ୍ ଦେଇକରି ନିଜର୍ ଜିବନ୍‌ଡେଇ ମାନିକରି ରଇସି ବଇଲେ ପର୍‌ମେସର୍ ତାର୍ କରିରଇବା ସବୁ କାମ୍ ମଙ୍‌ଲ୍ କର୍‌ସି ।

୨୬ କେ ଜଦି ମୁଇ ନିଜେ ଗଟେକ୍ ଦରମ୍ ଲକ୍ ବଲି ବାବ୍‌ଲାନି, ସେ ଜଦି ତାର୍ ନିଜର୍ ଜିବ୍ ଜାଗର୍‌ଡା କରେ ନାଇ, ସେ ନିଜେ ଆକା ନାଡାଇ ଅଇଲାନି । ତାର୍ ରିଡିନିଡି କର୍‌ବାଟା ଚୁଟାଆଇସେ ।

୨୭ ପର୍‌ମେସର୍ ଦେକ୍‌ବା ଇସାବେ ଜନ୍ ରିଡିନିଡି ସଡ୍ ଆରି ନିକ, ସେଟା ଅଇଲାନି ଦୁକେ ରଇବା ଚୁଟାଚୁଟି ପିଲାମନ୍ ଆରି ରାଣ୍ଡିଜୁଣିମନ୍‌ର ଜତନ୍ କର୍‌ବାଟା । ପତେ ଜଗତର୍ ଜଞ୍ଜାଲେଅନି ମୁକଲ୍‌ବାଟା, ଜେନ୍ତାରିକି ସେ ସବୁ ତାକେ ନ ନସାଏ ।

୨

ଲକ୍ ଦେକି କର୍‌ବା କାମେ ଜାଗ୍‌ରଡ୍

୧ ଏ ବାଇବଇନିମନ୍ ଆମର୍ ଡାକ୍‌ପୁଟା ମାପୁରୁ ଜିସୁ କିରିସ୍‌ଟକେ ବିସ୍‌ବାସ୍ କଲାଚ୍‌ଲାଗି, ଲକ୍‌ମନ୍‌ର୍ ଅଲ୍‌ଗା ପିନ୍‌ଆଡା ଦେକିକରି, ନିଜର୍ ଚଲାଚଲ୍‌ତି ବାଦ୍‌ଲାଇବାଟା ଟିକ୍ ନାଇ ।

୨ ଜଦି ସବାଇ ଗଟେକ୍ ଲକ୍ ସୁନାର୍ ମୁହି ଆରି ଜକ୍ମକି ଜାଇତେରଇବା ବସ୍ତର୍ ପିନ୍ଧିକରି ତମ୍ବଲଗେ ଆଇସି, ଆରି ଗଟେକ୍ ଲକ୍ ମୁରକି ରଇ ଚିତ୍ତୁର୍ଅଇରଇବା ବସ୍ତର୍ ପିନ୍ଧିକରି ଆଇସି ।

୩ ଆରି ତମେ ସୁନ୍ଦର୍ ବସ୍ତର୍ ପିନ୍ଧିଆସି ରଇବା ଲକ୍କେ ଅଦିକ୍ ସନ୍ମାନ ଦେଇକରି କଇସା, “ଆସା ଏ ନିକ କୁର୍ଚି ଉପ୍ରେ ବସା ।” ମାତର୍ ଅରକିଡ୍ ଲକ୍କେ କଇସା “ତେଇ ଜାଇ ଚିଆ ଅ ।” ନଇଲେ “ତଲେ ବସ୍ ।” ବଲିକରି କଇସୁ ।

୪ ସେନ୍ତାର୍ ଆଲେତା ତମେ ନିଜର୍ ନିଜର୍ ବିଡ୍ରେ ବଡ୍ସାନ୍ ବଲିକରି ଅଲ୍ଗା ଇସାବେ ଦେକ୍ଲ୍ୟାସ୍ନି । ଆରି କାରାପ୍ ଇସାବେ ମୁ ଦେକି, ବିଚାର୍ କଲାସ୍ନି ।

୫ ଏ ମର୍ ଆଲାଦର୍ ମଇତର୍ମନ୍ ସୁନା, ପର୍ମେସର୍ ଏ ଜଗତର୍ ଅରକିଡ୍ ଲକ୍ମନ୍କେ ବାଚି ଆଚେ । ସେମନ୍ ତାକେ ବିସ୍ବାସ୍ କର୍ବାଇ ଆରି ତାର୍ ରାଇଜେ କେଟ୍ବାଇ । ତାକେ ଆଲାଦ୍କର୍ବା ସବୁ ଲକ୍କେ ସେ ରାଇଜ୍ ଦେବିବଲି କାତା ଦେଏ ନାଇ କି ?

୬ ମାତର୍ ତମେ ଅରକିଡ୍ ଲକ୍ମନ୍କେ ସନ୍ମାନ ଦିଆସ୍ ନାଇ । ସାଉକାର୍ ଲକ୍ମନ୍ସେ ତମ୍ବେ କସ୍ଟ ଦେଲାଇନି । ସେମନ୍ସେ ତମ୍ବେ ବିଚାର୍ନା ଜାଗାଇ ଜିକି ନେଲାଇନି ।

୭ ତମ୍ବେ ଜନ୍ ନାଉଁ ଜିସୁ କିରିସ୍ଟ ଦିଆଅଇଆଚେ, ସେ ନାଉଁ ନେଇକରି ନିନ୍ଦା କଲାଇନି ।

୮ ନିଜ୍ବେ ଆଲାଦ୍ କଲାପାରା ବିନ୍ ଲକ୍ମନ୍କେ ଆଲାଦ୍ କରା । ସାସ୍ତରେ ଲେକା ଅଇରଇଲାପାରା ପର୍ମେସର୍ ରାଇଜର୍ ଏ ନିୟ୍ମ୍ ଜଦି ତମେ ମାନ୍ସା, ସେନ୍ତାର୍ ଆଲେ ଚିକ୍ କଲାସ୍ନି ।

୯ ମାତର୍ ତମେ ଜଦି ବଡ୍ ସାନ୍ ଦେକ୍ଲ୍ୟାସ୍ନି, ପାପ୍ କଲାସ୍ନି । ଆରି ସେ ରିଡିନିଡ୍ ଲାଗି ଦସି ବଲାଇ ଅଇଲାସ୍ନି ।

୧୦ କାଇକେବଇଲେ ଜେ ମିସା ସବୁ ନିଅମ୍ ମାନିକରି ଗଟେକ୍ ନିୟ୍ମ୍ ଚାଡିଦେଲେ, କାଇ ନିୟ୍ମ୍ ନ ମାନ୍ଲା ଲକ୍ ପାରା ଦସିଅଇ ଡଣ୍ଡ ପାଇସା ।

୧୧ କାଇକେବଇଲେ ପର୍ମେସର୍ କଇଲାଆଚେ “ତମେ ବେସିଆ କାମ୍ କର୍ବାର୍ନାଇ, ଆରି ନର୍ ମାର୍ବାର୍ ନାଇ” ବଲିକରି । ତେବେ ତମେ ଜଦି ବେସିଆ କାମ୍ ନ କରି, ଲକ୍ମନ୍କେ ମାର୍ସା, ତେବେ ତାର୍ ନିଅମ୍ ମାନାସ୍ ନାଇ ।

୧୨ ପର୍ମେସର୍ ବିଚାର୍ନା କର୍ସି ବଲି ଜାନିକରି ସେନ୍ତାରି କାତା କଇ କାମ୍ କରି ଦେକାଆ । ଜନ୍ ନିୟ୍ମ୍ ଆମ୍ବେ ମୁକ୍ଲାଇସି, ସେ ନିୟ୍ମ୍ ଇସାବେ ଆମ୍ବେ ବିଚାର୍ନା କର୍ସି ।

୧୩ କାଇକେବଇଲେ ଜନ୍ଲକ୍ ବିନ୍ ଲକ୍କେ ଦୟା ନ ଦେକାଏ, ପର୍ମେସର୍ ବିଚାର୍ନା କର୍ବାବେଲେ ତାକେ ମିସା ଦୟା ନ ଦେକାଏ । ଜନ୍ ଲକ୍ମନ୍ ବିନ୍ ଲକ୍ମନ୍କେ ଦୟା କରିଆଚେ, ସେମନ୍ ବିଚାର୍ନାଗାନେ ଡର୍ବାର୍ ନାଇ ।

ବିସ୍ବାସ୍ ଆରି କାମ୍

୧୪ ଏ ମର୍ ବାଇବଇନିମନ୍, ଜଦି ଗଟେକ୍ ଲକ୍ ମୁଇ ବିସ୍ବାସ୍ କଲିନି ବଲି କଇସି । ମାତର୍ ତାର୍ କାମ୍ କଲାଗାନେ ସେଟା ନ ଡିସେ ବଇଲେ, ତାର୍ ପାଇ କାଇ ମୁଲିଅ ନାଇ । ଏନ୍ତାରି ବିସ୍ବାସ୍ ତାକେ କାଇ ମୁକ୍ତି ଦେଇ ନାପାରେ ।

୧୫ ଜଦି ଗଟେକ୍ ବିସ୍ବାସି ବାଇ କି ବଇନିକେ, ସେ ଦିନର୍ ପାଇ କାଇବାକେ କି ପିନ୍ଧିବାକେ ନ ରଇଲେ,

୧୬ ତମର୍ ବିଡ୍ରେ କେଆଲେ ଗଟେକ୍ ଲକ୍ ତାର୍ ଲଗେ ଜାଇ, ତକେ ପେଟ୍କେ କାଦି ଆରି ଗାଗଡ୍କେ ଲୁଗା ମିଲ ବଲି କଇସା । ତମେ ତାକେ ଲଡାକେ ଲାଗ୍ବାଟା ନ ଦେଇ ଏନ୍ତାରି କଇଲେ କାଇ ଲାବ୍ ?

୧୭ ସେନ୍ତାରିସେ ଗଟେକ୍ ବିସ୍ବାସ୍ କର୍ବା ଲକ୍ ତାର୍ ବିସ୍ବାସ୍ ସଙ୍ଗ୍ ନିକ କାମ୍ ମିସା ନ ଡିସ୍ଲେ ତାର୍ ବିସ୍ବାସ୍ ମରିଗାଲା ଆଚେ ।

୧୮ ମାତର୍ କେ ଆଲେ ମକେ କଇସି, ଗଟେକ୍ ଲକ୍ ବିସ୍ବାସ୍ ଆଚେ ଆରି ଗଟେକ୍ ଲକ୍ ନିକ କାମ୍ ଆଚେ, ମୁଇ ତାକେ କଇବି ନିକ କାମ୍ ଚାଡି, ଗଟେକ୍ ଲକ୍କେ କେନ୍ତ୍ର ବିସ୍ବାସ୍ ଅଇସି ? । ଅବ୍କା ବିସ୍ବାସ୍ କର୍ତେରଇବା ଲକ୍ ରଇଲେ ମକେ ଦେକାଆ । ମର୍ କର୍ବା ନିକ କାମ୍ ସଙ୍ଗ୍ ମର୍ ବିସ୍ବାସ୍ ମୁଇ ଦେକାଇବି ।

୧୯ ପର୍ମେସର୍ ଗଟେକ୍ସେ ଆଚେବଲି ତମେ ବିସ୍ବାସ୍ କଲାସ୍ନି, ସେଟା ନିକ । ତୁମାମନ୍ ମିସା ସେନ୍ତାରି ବିସ୍ବାସ୍ କଲାଇନି ଆରି ଡରିକରି ଗଜ୍ଗଜି ଜିବାଇ ।

୨୦ ମାତର୍ ଏ ନିଲ୍ଜାଇ ଲକ୍ମନ୍ ତମେ ବୁଜିନାପାରାସ୍, ଜଦି ଗଟେକ୍ ଲକ୍ ମୁଇ ବିସ୍ବାସ୍ କଲିନି, ବଲି କଇସି ଆରି ନିକ କାମ୍ ନ କରେ, ସେନ୍ତାରିଆଲେ ତାର୍ ବିସ୍ବାସ୍ କର୍ବାଟା ରୁଚାଇସେ ।

୨୧ ଆମର୍ ପୁର୍ବର୍ ଆନିଦାଦି ଅବ୍ରାଆମ୍ କେ ଦେକା, ପର୍ମେସର୍ ତାକେ ଦରମ୍ ଲକ୍ ବଲି ଡାକ୍ଲା । ସେଟା ତାର୍ ନିକ କାମ୍ ପାଇ । ଜେତେବେଲେ ନିଜର୍ ପିଲା ଇସାକ୍କେ ବେଦିଗାନେ ବଲି ଦେବାବେଲେ ନେଇରଇଲା ।

୨୨ ତମେ ଦେକ୍ଲ୍ୟାସ୍ନିଜେ, ତାର୍ ବିସ୍ବାସ୍ ଆରି କରମ୍ ମିସିକରି ରଇଲା । ସେ କରିରଇବା କରମର୍ ଲାଗି ବିସ୍ବାସ୍ ସିଦ୍ ଅଇଲା ।

୨୩ ଏଟାର୍ ଲାଗି ଦରମ୍ ସାସ୍ତରର୍ ଏ ବାକିଅ ପୁରାପୁରନ୍ ଅଇଲା । ଅବ୍ରାଆମ୍ ପର୍ମେସର୍କେ ବିସ୍ବାସ୍ କଲା । ତାର୍ ବିସ୍ବାସ୍ ଲାଗି ପର୍ମେସର୍ ଦେକ୍ବା ଇସାବେ ଦରମ୍ ଲକ୍ ବଲି ଏଜାଇଅଇଲା । ଆରି ଲକ୍ମନ୍ ତାକେ ପର୍ମେସର୍ ମଇତର୍ ବଲି ଡାକିରଇଲାଇ ।

୨୪ ଅବକା ବିସ୍‌ବାସ କଲେସେ ଗଟେକ୍ ଲକ୍ ଦରମ୍ ବଲି ନାମାଈଅଇ ନଏଁ, ମାତର୍ ତାର୍ କର୍‌ବା ନିକ କାମର୍ ଲାଗି ଅଇସି । ଏଟା ତମେ ଦେକ୍‌ଲାସ୍‌ନି ।

୨୫ ସେନ୍ତାରିସେ ବେସିଆ ମାଈଜି ରାଆବ୍‌କେ ମିସା ଅଇଲା । ସେ ଇସ୍ରାଏଲର୍ ଦେକାଦେକି କର୍‌ବା ଲକ୍‌ମନକେ ଡାକିନେଲା ଆରି ବିନ୍ ବାଟେ ବାରଇଜିବାକେ ସାଇଜ କଲା । ସେ ଏନ୍ତାରି କଲାକେ ପର୍‌ମେସର୍ ଦେକ୍‌ବା ଇସାବେ ଗଟେକ୍ ଦରମ୍ ଲକ୍ ବଲି ଜାନାଇଅଇଲା ।

୨୬ ତେବେ, ଆତ୍‌ମା ଚାଡ଼ିଗାଲେ ଲକ୍‌ମନର୍ ଗାଗଡ଼ ଜେଣ୍ଡିକି ମଲା ସମାନ୍, ସେନ୍ତାରିସେ ନିକ କାମ୍ ନ କଲେ, ବିସ୍‌ବାସ ମିସା ମଲା ସମାନ୍ ଆଟେ ।

୩

ଜିବ୍‌କେ ବାନ୍ଦି ସଙ୍ଗାଇବାଟା

୧ ଏ ମର୍ ବାଇବଇନିମନ୍, ତମର୍ ବିତ୍‌ରେ ବାକିଅ ସିକିଆ ଦେବା ଗୁରୁ ଅଦିକ୍ ଉଆ ନାଇ । ଜନ୍‌ଲକ୍ ବିନ୍ ଲକ୍‌ମନକେ ସିକାଇବାଇ ସେମନ୍ ଅଦିକ୍ ଡଣ୍ଡ ପାଇବାଇ, ଏଟା ଜାନିରୁଆ ।

୨ ଆମେ ସବୁ ତରକେତର୍ ବୁଲ୍ କଲୁନି । ମାତର୍ ଜେ ମିସା ତାର୍ କାତାବାର୍‌ତା କଇଲାବେଲେ ବୁଲ୍ ନ କରେ, ତେବେ ସେ ସିଦ୍ ଲକ୍ । ଆରି ସେ ତାର୍ ସବୁଜାକ ମିସା ଜାଗ୍‌ଡ଼କରି ସଙ୍ଗାଇ ଆଟେ ।

୩ ଗଟେକ୍ ଗତାର୍ ବିସଇ ବାବିଦେକ୍ । ଜଦି ଗତା ଆମର୍ କାତା ମାନ୍‌ବାର୍ ଆଟେ ବଇଲେ, ତାର୍ ଟଣ୍ଡେ ଲାଗନ୍ ଚାବାଇଲୁନି । ଜେନ୍ତାରିକି ଗତାର୍ ଗୁଲାଇ ଗାଗଡ଼ ମିସା ବୁଲାଇକରି, ଆମେ ଜନ୍‌ବାଟେ ମନ୍ କର୍‌ବୁ, ସେବାଟେ ନେଲୁନି ।

୪ ସେନ୍ତାରିସେ ଗଟେକ୍ ବଡ଼ ପାନିଜାଜର୍ ବିସଇ ଚିନ୍ତା କରିଦେକା । ସେଟା ବେସି ବଡ଼ ରଇଲେ ମିସା ଜବର୍ ପବନ୍ ଆଇତେରଇଲେସେ ସେଟା ଚାଲାଅଇସି । ମାତର୍ ଗଟେକ୍ ଜାଜ୍‌ଚାଲାଉ ସାନ୍‌ଟା ବୁଲାଇବା ଚକା ମାରିକରି ସେ ଜଣ୍ଡି ମନ୍ କର୍‌ସି, ଜାଜ୍ ସେ ବାଟେ ଚାଲାଇ ନେଇସି ।

୫ ସେ ରକାମ୍ ଆକା ଆମର୍ ଟଣ୍ଡେ ରଇବା ଜିବ୍ ମିସା ଆମର୍ ଗାଗଡ଼ ଗଟେକ୍ ସାନ୍ ଜିନିସ୍, ମାତର୍ ଏଟା ବେସି ବଡ଼ବଡ଼ କାତା କଇସି ।

ଗଟେକ୍ ଡଙ୍ଗରର୍ ବିସଇ ବାବିଦେକା, ସେଟା ବଡେଟା ରଇଲେ ମିସା କଣ୍ଡେକ୍ ଜଇ ଇଙ୍ଗ୍ରା ଲାଗିକରି ସବୁ ପଡ଼ାଇଦେଇସି ।

୬ ସେନ୍ତାରି ଜିବ୍ ମିସା ଜଇପାରା, ଜିବ୍ ବିତ୍‌ରେ ମିର୍‌ଟାମନ୍ ବର୍‌ଡ଼ିଅଇ ଆଟେ । ସେଟା ଆମର୍ ଗାଗଡ଼ ବିତ୍‌ରେ ବାସାଅଇ ଆଟେ । ଆମର୍ ଗୁଲାଇ ଗାଗଡ଼କେ କାରାପ୍ ଡାବିଦେଇସି । ଆମର୍ ଜିବନ୍ ଜଇଟାନେ ପଡ଼ାଇଲାପାରା ପଡ଼ାଇ ଦେଇସି । ଆରି ସେ ଜଇ ନର୍‌କେଅନି ଆଇସି ।

୭ କାଇକେବଇଲେ ସବୁ ରକାମର୍ ଡଙ୍ଗରର୍ ଜିବ୍, ଉଡ଼ିବୁଲ୍‌ବାଟାମନ୍, ରାଙ୍ଗିବୁଲ୍‌ବାଟାମନ୍ ଆରି ପାନିଡେଇ ରଇବାଟାମନ୍, ପୁର୍‌ବେଅନି ଲକ୍‌ମନ୍ ସେଟାମନକେ ମାନାଇକରି ଆଟଡ଼ ।

୮ ମାତର୍ ଏବେଜାକ ଜିବ୍‌କେ କେ ମିସା ମାନାଅଡ଼ ନାଇ । ତେଇ କାରାପ୍ ବିସଇ ପୁରୁନ୍ ଅଇଆଟେ । ସେ ତାର୍ ନିଜର୍ ମନ୍ କର୍‌ବା ଇସାବେ ଜାଇସି । ଆରି ମରନ୍ ଡାକିଆନ୍‌ବା ବିସ୍ ବର୍‌ଡ଼ି ଅଇଆଟେ ।

୯ ଆମେ ଜିବ୍ ସଙ୍ଗ୍ ମାପୁରୁକେ ଆରି ବାବା ପରମେସର୍‌କେ ଦନିଅବାଦ୍ ଦେଲୁନି ଆରି ଏ ଜିବ୍‌ସଙ୍ଗ୍ ପର୍‌ମେସର୍ ତାର୍‌ପାରା ତିଆର୍ କରିରଇବା ମୁନ୍‌ସକେ ସାଇପ୍ ଦେଲୁନି ।

୧୦ ଗଟେକ୍ ଟଣ୍ଡେଅନିସେ ଦନିଅବାଦ୍ ଦେବାଟା ଆରି ସାଇପ୍ ଦେବାଟା ବାରଇସି । ମର୍ ବାଇବଇନିମନ୍, ଏନ୍ତାରି ଅଇବାଟା ଟିକ୍ ନଏଁ ।

୧୧ ଗଟେକ୍ ରୁଆବିଲେଅନି, ଗଲାପାନି ଆରି ନିର୍‌ମଲ୍‌ପାନି ବାରଇସି କି ? ନାଇ, ନ ବାରଏ ।

୧୨ ଏ ମର୍ ବାଇବଇନିମନ୍, ତୁମ୍‌ରିଗଟେ ଜିବ୍‌ପଲ୍ ନ ପଲେ କି କାଇ ଅଙ୍ଗୁର୍ ମାଲେ ତୁମ୍‌ରି ନ ପଲେ । ସେନ୍ତାରିସେ ଗଟେକ୍ ଗଲାପାନି ବାରଇବା ରୁଆଇ ଅନି ନିର୍‌ମଲ୍ ପାନି ନ ବାରଏ ।

ସରଗର୍ ଗିଆନ୍

୧୩ ତମର୍ ବିତ୍‌ରେ ଗିଆନି ଆରି ବୁଲ୍‌ଟିକ୍ ବଲି କଇବା ଲକ୍ ଆଟଡ଼ କି ? ତାର୍ ନିକକରି ଜିଇବାକାଇବାଟାନେଅନି ସେଟା ଦେକାଅ । ତାର୍ ଜିବନେ, ଗଟେକ୍ ଗିଆନ୍ ରଇବା ଲକର୍ ଇସାବେ, ସବୁବିସଇ ସୁଆଲେ କଲାଆଟେ ବଲି ଦେକାଅ ।

୧୪ ଜଦି ତମର୍ ମନ୍‌ବିତ୍‌ରେ ଈସାତଲା, କପ୍‌ଦାର୍‌ବାଟା ଆରି ସବୁବେଲେ ନିଜର୍ ବିସଇ ଚିନ୍ତା କର୍‌ବାଟା ରଇସି, ସେନ୍ତାରିଆଲେ ସେ ବିସଇଟାନେ ବଡ଼ପନ୍ ଉଆନାଇ । ଆରି ସଡ଼ ବିସଇ ବୁଲ୍ ଆଟେବଲି କୁଆ ନାଇ ।

୧୫ ଏନ୍ତାରି ଗିଆନ୍ ପର୍‌ମେସରର୍ ଟାନେଅନି ନ ଆସେ । ସେଟା ଜଗତେଅନି ଆଇସି । ପର୍‌ମେସରର୍ ଆତ୍‌ମା ନ ରଇବାଟାନେ ଅନି ଆଇସି । ଆରି ସେଟା ସଇତାନର୍ ଗିଆନେ ଅନି ଆଇସି ।

୧୬ ଜନ୍ ଜାଗାଇ ଲକ୍ଷ୍ମୀନର ବିତ୍ତରେ ଛାଡ଼ା, ଆରି ନିଜର ବିସଇସେ ଚିନ୍ତା କରବାଟା ରଇଲେ, ସେ ଜାଗାଇ ଲାଗାଲାଗି ଆରି ସବୁ ରକାମର କାରାପ କାମ୍ ରଇସି ।

୧୭ ମାତର ପରମେସର ସିକାଇବା ଗିଆନ୍ ଜନ୍ଲକ୍ଷ୍ମୀନକେ ଆରେ, ତାକର ଗୁନ୍ତଲନେ ସେମନ୍ ସୁକଲ୍ ଅଇରଇବାଇ, ସାନ୍ତିସଙ୍ଗ ରଇବାଇ, ସୁଆଲେ ରଇବାଇ, ଦୟା ଦେକାଇବାଇ, ଜିବନ୍ଦୁକାଇବାଇ ଆରି ତାକର ସବୁ କାମ୍ ନିକ ରଇସି । ସେମନ୍ ଲକ୍ଷ୍ମୀନକେ ବଡ଼ ସାନ୍ ଇସାବେ ନ ଦେକଡ଼ ଆରି ଚଲାନିକାତା ନ କଅଡ଼ ।

୧୮ ଜନ୍ ଲକ୍ଷ୍ମୀନ ସାନ୍ତିପାଇ କାମ୍ କରବାଇ, ସାନ୍ତି ସଙ୍ଗ ରଇକରି ଦରମର ବିଅନ୍ ବୁନ୍ଦବାଇ, ସେନ୍ତାରି ଲକ୍ଷ୍ମୀନ ପରମେସର ଦେକବା ଇସାବେ, ନିକ କାମର ଦାନ୍ କାଟବାଇ ।

୪

ଜଗତର ସଙ୍ଗ ମଇତର

୧ ତମର ବିତ୍ତରେ ମାରାମାରି ଆରି ଲାଗାଜତା କାଇକେ ଆଇଲାନି ? ତମର ମନ୍ବିତ୍ତରେ ତସିରଇବା କାରାପ ମନକଲାଟା ଉଟିକରି ତମର ବିତ୍ତରେ ଜୁଜ୍ଞଲାନି, ଏଟାର ଲାଗି ଏନ୍ତାରି ଅଇଲାନି । ସେଟାରପାଇ ଗଟେକ୍ ଲକ୍ ଆରିଗଟେକ୍ ଲକର ସଙ୍ଗ ଲାଗିଲାସିନି ।

୨ କାଇକେବଇଲେ ତମେ ଜନ୍ତା ମିଲାଇବାକେ ମନ୍ କଲାସିନି, ସେଟା ମିଲାଇ ନାପାରଲେ, ମରାଇବାକେ ମନକଲାସିନି । ଜନ୍ତା ମିଲାଇବାକେ ବେସି ମନ୍ ଅଇଲାନି, ସେଟା ମିଲାଇବାକେ ତମକେ ବପୁନାଇ । ସେଟାରପାଇ ତମରତମର ବିତ୍ତରେ ଲାଗାଜତା ଅଇ ମାରାମାରି ଅଇଲାସିନି । ତମେ ପରମେସରକେ ମାଙ୍ଗାସ୍ ନାଇଜେ ମନକଲାଟା ମିଲାଇ ନା ପାରଲାସିନି ।

୩ ତମେ ମାଙ୍ଗୁଡେରଇସା, ମାତର ସେ ତମକେ ଦେଏ ନାଇ । କାଇକେବଇଲେ ସେଟା କାରାପ କରବାକେ ମାଙ୍ଗିଲାସିନି । ସୁକେ ରଇକରି ସାଇସାରଦା ସଙ୍ଗ ରଇବୁ ବଲି ମାଙ୍ଗିଲାସିନି ।

୪ ଏ ବିସବାସେ ବିସଦେବା ଲକ୍ଷ୍ମୀନ, ତମେ କାଇ ନାଜାନାସ୍ କି ଜଗତକେ ଆଲାଦ୍ କରୁମନ୍ ପରମେସରର ସତ୍ତରୁ ବଲିକରି ? ଜନ୍ଲକ୍ ଏ ଜଗତର ତଲାତଲ୍ଲତି ଆଲାଦ୍ କରବାଇ ସେମନ୍ ପରମେସରର ବିରଦି ।

୫ ତମେ ଦରମ୍ ସାସ୍ତରେ ଲେକାଅଇରଇବା ଏ ବାକିଅ ରୁଟାଇ ବଲିକରି ବାବୁଲାସିନି କି ? ପରମେସର ଜନ୍ ଆଡ଼ମାକେ ଆମର ବିତ୍ତରେ ବାସାଅଇରଇବାକେ ଦେଲାଆରେ, ସେ ଆମକେ ପୁରାପୁରୁନ୍ ଅଦିକାର କରବାକେ ମନ୍ କଲାନି ।

୬ ମାତର ପରମେସର ଜିବନ୍ ଦୁକାଇଲାଟା, ତାରତେଇଅନି ଅଦିକ୍ ବପୁଆରେ । ସେଟାରପାଇ ସାସ୍ତର କଇଲାନି, ଆକ୍ରିଆମନକେ ପରମେସର ବିରଦ୍ କରସି, ମାତର ସୁଆଲେ ରଇବା ଲକ୍ଷ୍ମୀନକେ ତାର ଜିବନ୍ ଦୁକାଇ, ଦୟା କରସି ।

୭ ତେବର ପାଇ, ତମେ ପରମେସରକେ ସରପାଇଉଆ । ସଇତାନ୍କେ ଜାକି ଦିଆସ୍ । ସେନ୍ତାରି କଲେ ସଇତାନ୍ ତମରଲଗେ ଅନି ପାଲାଇସି ।

୮ ପରମେସରର ଲଗେ ଆସା, ତେବେ ସେ ମିସା ତମର ଲଗେ ଲଗେ ରଇସି । ଏ ପାପିମନ୍, କାରାପ କାମକରବାଟା ଚାଡ଼ିଦିଆସ୍ । ଆରି ଏ ଦୁଇବାଟେ ମନକରୁମନ୍ ତମର ମନ୍ ନିର୍ମଲ୍ କରା ।

୯ ତମର ପାପରଲାଗି ମାରିତପି ଅଇକରି କାନ୍ଦତେରୁଆ । ନ ଆସିକରି କାନ୍ଦତେରୁଆ, ସାରଦା ନ ଅଇକରି ଦୁକେ ରୁଆ ।

୧୦ ମାପୁରୁ ମୁଆଟେ ନିଜେ ନିଜେ ସରପିଉଆ, ସେ ତମକେ ଉଟାଇସି ।

ବିନ୍ଲକର ବିଚାର କରାନାଇ

୧୧ ଏ ମର ବାଇବଇନିମନ୍, ନିଜର ନିଜର ବିତ୍ତରେ କୁଟ୍ କାତା କୁଆ ନାଇ । ଜଦି ବିସବାସି ବାଇମନର ବିରୁଦେ କୁଟ୍ କାତା କଇ ତାକେ ଦସ୍ ଦେଇସା, ତମେ ପରମେସରର ନିୟମ୍ ବିରୁଦେ କାତା ଅଇଲାସିନି । ଆରି ତାର ନିୟମକେ ବିଚାର କଲାସିନି । ପରମେସରର ନିୟମ୍ ବିଚାର କଲେ, ତମେ ତାର ଆଦେସ୍ ମାନାସ୍ ନାଇ । ମାତର ବିଚାରକାରିଆ ଇସାବେ ରଇଲାସିନି ।

୧୨ ପରମେସରସେ ନିୟମ୍ ଦେଇପାରସି । ସେ ସେ ଆମକେ ବିଚାର କରିପାରସି । ସେ ସେ ଲକ୍ଷ୍ମୀନକେ ରକିଆ କରିପାରସି ଆରି ସେ ସେ କୁରୁପନାସ୍ କରିପାରସି । ମାତର ତମେ କେ ଜେ, ବିନ୍ ଲକର ବିଚାର କରିପାରାସ୍ ?

ବଡ଼ପନ୍ ବିସଇର ଚେଡ଼ନା

୧୩ ତେବେ ମର କାତା ସୁନା । ତମର ବିତ୍ତରେ ଜନ୍ ଲକ୍ଷ୍ମୀନ ଏନ୍ତାରି କାତା ଅଇତେରଇସା, ଆଜି ନଇଲେ କାଲିକେ ଆମେ ଏ ନଅରେ କି ସେ ନଅରେ ଜିବୁ, ତେଇ ବରସେକ୍ ରଇବୁ ଆରି ବେବାର୍ କରା ତାବୁ ଅରଜୁବୁ ।

୧୪ ମାତର କାଲିକେ କାଇଟା ଗଟ୍ସି, ସେଟା ତମେତା ନାଜାନାସ୍ ! ତମର ଜିବନ୍ ଦୁଉଁରି ସମାନ୍, ଜନ୍ଟାକି ଚନେକର୍ ପାଇ ତିସ୍ସି ଆରି ମାୟା ଅଇଜାଇସି ।

୧୫ ତାର ବାଦୁଲେ ତମେ ମାପୁର ମନ୍ କଲେ ଆମେ ଜିଇକରି ଏନ୍ତାରି ନଇଲେ ସେନ୍ତାରି କରୁ ବଲି କଇବାର୍ ଆରେ ।

୧୬ ମାତର ତମେ ସେନ୍ତାରି କରାସ୍ ନାଇ । ଆଁକରିଆମନ୍ ଆରି ବଡ଼ପନ୍ କାତା କଉଁମନ୍ । ଏନ୍ତାରି ବଡ଼ପନ୍ କାତା କଇବାଟା ବୁଲୁଆଟେ ।

୧୭ ଏତାଇ ରୁଆ । ଜେ ଜଦି ଏଟା ନିକ କାମ୍ ବଲି ଜାନେ, ମାତର ସେଟା ନ କରେ ବଇଲେ, ପର୍ମେସର୍ ଦେକ୍ବା ଇସାବେ ସେ ଦିସ୍ କଲାଆଟେ ।

୫

ସାଉକାର ମନ୍‌କେ ଜାଗରତ୍ କରାଇବାଟା

୧ ଏ ସାଉକାର ଲକ୍‌ମନ୍, ମରକାତା ସୁନା । ତମ୍‌କେ ଜନ୍ ଦୁକ୍‌କସ୍‌ଟ ଆଇଲାନି, ସେଟାର ପାଇ ମାରିତପିଅଇ କାନ୍ଦା ।

୨ *ତମର ଦନ୍‌ସପତି କୁଇଗାଲାନି ଆରି ନିକନିକ ବସ୍‌ତରମନ୍ ଅଲ୍‌ମା କାଇଲାନି ।

୩ ତମର ସୁନାରୁପା ଚିଲମ୍ ଦାରଲାନି ଆରି ଏ ଚିଲମ୍ ଦାରଲାଟାକେ ନେଇକରି ପର୍ମେସର୍ ତମ୍‌କେ ଦସି କର୍ସି । ଆରି ଜଇଟାନେ ପଡ଼ଲେ ଜେନ୍ତି ଗାଗଡ଼ ନସିସି, ସେନ୍ତି ତମର ଗାଗଡ଼ ସେ କୁରୁପ୍‌ନାସ୍ କର୍ସି । ଏ ଜୁଗ୍ ସାର୍‌ବାକେ ଜାଇତେରଇଲେ ମିସା ତମେ ସବୁଲକ୍ ଦନ୍‌ସପତି ଟୁଲିଆଇଲାସିନି ।

୪ ତମର ଜମିବାଡ଼ିଲଗେ କାମ୍‌କରବା ବୁଡ଼ିଆରମନ୍‌କେ ବୁଡ଼ି ଦିଆସ୍ ନାଇ । ତାର ବାଦୁଲେ ସେମନ୍‌କେ ନାଡ଼ାଇ ଆତାସ୍ । ସୁନା, ସେମନ୍‌ର ବୁଡ଼ି ତମର ବିରୁଦେ କାନ୍‌ଲାପାରା ସୁନିଅଇଲାନି । ସେମନ୍‌ର କାନ୍‌ବାଟା ସବୁରଟାନେଅନି ବପୁ ରଇବା ମାପୁରୁ, ସୁନଲା ଆଟେ ।

୫ ଏ ଜଗତେ ତମେ ସାଇସାରଦା ସଙ୍ଗ୍ ଜିଇଲାସିନି । ଜାଇଟା ମନ୍ କଲେ, ସେଟା କଲାସିନି । ମାତର ପର୍ମେସରର୍ ତଣ୍ଡୁ ଦିନ୍ ଦାପୁରେ ଆଇଲାନି ।

୬ ତମେ ଦସ୍ ନ କଲା ଲକ୍‌ମନ୍‌କେ ଦସି ବଲିକରି ମାରି ମରାଇଆତାସ୍ । ଏଲେମିସା ସେମନ୍ ତମ୍‌କେ ଅଟ୍‌କାଅଡ଼ ନାଇ ।

ସାଆସ୍ ଦାରିକରି ପାର୍‌ତନା କରା

୭ ଏ ମର୍ ବାଇବଇନିମନ୍, ମାପୁରୁ ଆରିତରେକ୍ ଆଇବାଜାକ ମୁରଟିକରି ରୁଆ । ଚାସିମନ୍‌ର ବିସଇ ଚିନ୍ତାକରିଦେକା, ତାକର ଜମିଅନି ନିକ ପସଲ୍ ମିଲ୍‌ବା ଜାକ ସେମନ୍ ଜାଗିକରି ରଇବାଇ । ଜେନ୍ତିକି ମାଟିବିଜାଇବାକେ ପର୍‌ତୁମର୍ ବରିସା ଆରି ନିଙ୍ଗ୍‌ବାପାଟ୍‌ବା ବେଲର୍ ସାରାସାରି ବରସାକେ ମୁରଟିକରି ଜାଗି ରଇବାଇ ।

୮ ସେ ରକାମ୍ ତମେମନ୍ ମିସା ମୁରଟି ଜାଗିରୁଆ । ତମର ମନ୍ ଡାଁଟ୍‌କରି ରୁଆ, କାଇକେବଇଲେ ମାପୁରୁ ଆଇବା ଦିନ୍ ଲଗେ କେଟିଆଇଲାନି ।

୯ ଏ ମର୍ ବାଇବଇନିମନ୍, ନିଜର ନିଜର ବିଡ଼ରେ ଦସ୍ ଦାରାଦାରି ଉଆ ନାଇ । ସେନ୍ତିଆଲେ ମାପୁରୁ ତମ୍‌କେ ବିଚାର ନ କରେ । ଦେକା ବଡ଼ ବିଚାରକାରିଆ ଲଗେ ଆଟେ ।

୧୦ ମର୍ ବାଇବଇନିମନ୍, ଜନ୍ ବବିସ୍‌ତ୍‌ବକ୍‌ତାମନ୍ ମାପୁରୁର୍ ନାଉଁ ଦାରି କାତାଦେଇ ରଇଲାଇ, ସେମନ୍‌କେ ଏତାଆ । ଦୁକ୍‌କସ୍‌ଟ ଆଇଲାବେଲେ । ସେମନ୍ ମୁରଟିକରି ରଇଲାଇ । ତମେମିସା ସେନ୍ତାରି ଅଇକରି ମନେ ଏତାଆ ।

୧୧ ସେମନ୍ ମୁରଟିକରି ରଇଲାପାଇ ବଲି କେତେକରମର୍ ଲକ୍ ବଲି କଇଲୁନି । ସେନ୍ତାରିସେ ଆୟୁର୍ ବେସି ଦିନ୍‌ଜାକ ମୁରଟିକରି ରଇଲାଟା ତମେ ସୁନି ଆତାସ୍ । ସାରାସାରି ପଚେ ମାପୁରୁ ଜନରକାମ୍ ତାକେ ବାଉଡ଼ାଇଦେଲାଟା ଜାନିଆତାସ୍ । କାଇକେ ବଇଲେ ଆମର୍ ମାପୁରୁ ଦୟାକର୍ସି ଆରି ପୁରାପୁରୁନ୍ କଲିକରମ୍ ଦେକ୍‌ବା ମାପୁରୁ ।

୧୨ *ଏ ମର୍ ବାଇବଇନିମନ୍, ତମେ କାତା ଦେଲା ବେଲେ ରାନ୍ ନିୟମ୍ ପାକାଆ ନାଇ । ସରଗର୍ କି ଏ ଜଗତର୍ ନାଉଁ ଦାରିକରି କାଇ ବିସଇ ରାନ୍ ପାକାଆ ନାଇ । ତମର ଅଇବା କାତାଆଲେ “ ଊଁ ” ଆରି, ନ ଅଇବା କାତା ଆଲେ “ ନାଇ ” ବଲିକୁଆ । ସେନ୍ତାରି ରଇଲେ, ତମେ ପର୍ମେସରର୍ ବିଚାରନାଟାନେ ତଣ୍ଡୁ ନ ପାଆସ୍ ।

୧୩ ତମର ବିଡ଼ରେ କେ ଜଦି ଦୁକ୍ ଜଞ୍ଜାଲେ ରଇଲେ, ସେ ପାର୍‌ତନା କର । କେ ଜଦି ସାର୍‌ଦାସଙ୍ଗ୍ ଆଟେ ବଇଲେ, ସେ ପର୍ମେସରର୍ ତାକ୍‌ପୁଟାର୍ ଗିଡ଼ ଗାଅ ।

୧୪ *କେ ଜଦି ଜର୍‌ଦୁକା ଅଇ ରଇଲେ ସେ ମଣ୍ଡୁଲିର୍ ପାର୍‌ତିନ୍‌ମନ୍‌କେ ଡାକାଆ, ସେମନ୍ ମାପୁରୁର୍ ନାଉଁଦାରି ଚିକନ୍ ରକଇ କରି ତାକେ ଲାଗାଇ, ପାର୍‌ତନା କର୍‌ବାଇ ।

୧୫ ବିସ୍‌ବାସ୍ ସଙ୍ଗ୍ ସରପୁଲା ପାର୍‌ତନା ଜରର୍ ଲକ୍‌କେ ନିମାନ୍ କରି ଉଟାଇସି । ଜଦିସେ ପାପ୍‌କରି ରଇସି ବଇଲେ ମାପୁରୁ ତାକେ କେମା କର୍‌ସି । ନିଜର ନିଜର ଲଗେ ପାପ୍ କଲାଟା ଜାନାଆ ଆରି ନିଜର ନିଜର ପାଇ ପାର୍‌ତନା କରା । ସେନ୍ତାରି କଲେ, ତମେ ନିକ ଅଇସା ।

୧୬ ଗଟେକ୍ ଦରମ୍ ଲକ୍ ପାର୍‌ତନା କଲାଟା ବେସି ବପୁ ରଇସି ଆରି ସେ ପାର୍‌ତନାର୍ ଉତର୍ ଦେକିଅଇସି ।

୧୭ ଏଲିଅର୍ ବିସଇ ବାବିଦେକା, ସେ ମିସା ଆମର୍ ପାରାସେ ରଇଲା । ପୁରବେ ଇସ୍ରାଏଲ୍ ଦେସେ ପାନି ନ ମାର ବଲି ସେ ମନ୍‌ଦିଆନ୍ ଦେଇ ପାର୍‌ତନା କର୍‌ତେରଇଲା । ସେଟାରପାଇ ସେ ଦେସେ ତିନ୍ ବରସ୍ ତ ମାସ୍ ଜାକ ପାନି ମାରେ ନାଇ ।

^{୧୮} ଆରି ତରେକ୍ ପାନି ମାର ବଲି ପାର୍ତନା କଲାକେ ବାଦ୍‌ଲେଅନି ପାନି ମାରଲା । ତେବର୍‌ପାଇ ଜନିଗାନେ ତାସ୍ ଅଇଲା ।

^{୧୯} ଏ ମର୍ ବାଇବଇନିମନ୍ ତମର୍ ବିତ୍‌ରେ ଜଦି କେ ସତ୍ ବାଟ୍ ଚାଡ଼ିକରି ବିନ୍ ବିନ୍ ବାଟେ ଗାଲେ, ତାକେ କେ ଆଲେ ଜାଇ ବାଉଡାଇ ଆନ୍‌ଲେ,

^{୨୦} ☆ଏତାଇରୁଆଜେ, କେ ଜଦି, ଗଟେକ୍ ପାପିକେ ବୁଲ୍‌ବାଟେଅନି ବାଉଡାଇ ଆନ୍‌ସି, ସେ ତାକେ ମରନେଅନି ରକିଆ କର୍‌ସି । ଆରି ସେ ଲକର୍ ଜବର୍ ପାପ୍ ରଇଲେ ମିସା ତାକେ କେମା ଅଇସି ।

ପିତର ଲେଖିତ୍ୱା ପ୍ରଥମ ପତ୍ର ପିତର ଲେଖିତ୍ୱା ପତ୍ରରୁ ଚିତି ଏ ବଇର ବିସଇ ଜାନବାଟା

ପିତରର ପତ୍ରରୁ ଚିତି ପେରିଡ଼ ତିତସର୍ ଲାଗି ଲେକାଅଇ ରଇଲା । ପିତର କେ ଆରି ସେ କାକେ ଏ ଚିତି ଲେକିଲାନି, ସେ ଏଚିତିତେଇ ସବୁ ବିନ୍ ଦେସର୍ ବିସବାସି ବାଇବଇନି ମନର୍ ପାଇ ବଲିକରି ଏ ଚିତି ଲେକିଲାନି ୧:୧:୧୭ ଆରି ୨:୧୧ ସେ ତାକର୍ ପତ୍ରବା ଲକ୍‌ମନକେ ଏ ରକାମ୍ ବାବିକରି ଲେକିଲାନି । କାଇକେବଇଲେ ସେମନ୍ ବିନ୍‌ବିନ୍ ଦେସେ ଚିନ୍‌ବିନ୍ ଅଇରଇଲାଇ । ଏ ଚିତି କେତେଟା ଏପିସିଅ ମଣ୍ଡଲିଲଗେ ପାଉଲର୍ ଚିତି ରକାମ୍ । ବେସିଲକ୍ ବିସବାସ୍ କଲାଇନିଜେ, ପତ୍ରରୁ ପିତର ଜିସୁକିରିସ୍‌ଟର୍ ଜନମ୍‌ଅଇ ୬୫ ବରସ୍ ପଚେ ଲେକାଅଇ ରଇଲା । ପିତର ଏ ଚିତି ରମେଅନି ଜାକେକି ବାବିଲନ୍ ବଲିକରି କଇବାଇ ସିତିଅନି ସେ ଲେକି ରଇଲା । ୫:୧୩ ।

ପିତର ଏ ଚିତିତେଇ ଲକ୍‌ମନ୍ କଇଲାଇ ନିଜେ, ଏ ବଇର ଆଦେସ୍ ତମ୍‌କେ ସାଆସ୍ ଦେଇସି ଆରି ପର୍ମେସରର୍ ସତ୍ ଆରି ଦୟାକେ ପରିକା କରବାଟା ଆକା ୫:୧୨ ଏଟା କେତେଟା ସମାନସେ ଆଚେ ଆରି ୧ ମ ପିତୃ ୨:୧୧-୩:୭ଏପିସିୟ ୫:୧୮-୬:୯କଲସିଅ ୩:୧୮-୪:୬ ଏ ତିନ୍‌ଟା ଚିତିର୍ ସବୁବଇ ନିଜର୍ ନିଜର୍ ଲକ୍ ମନର୍ ବିସଇ ଆରି ଅଦିକାର୍ ବିସୟରେ କଇଲା ଆଚେ । ସାରାସାରି ବେଲାଇ କେଟ୍‌ଲାନିକେ କସ୍‌ଟ ବେଲାଇମିସା ତବିର୍‌ଅଇକରି ରଇବାକେ ବିସବାସିମନକେ ବପୁଦେଲାନି ୪:୧

ଏ ବିତ୍‌ରେ ରଇବାଟା

- ୧. ପିତର ତାର୍ ଚିତି ପତ୍ରବା ଲକ୍‌ମନକେ ତାର୍ ନିଜର୍ ବିସଇ ଆରି ସେ ରଇବା ଜାଗାର୍ ବିସଇ ଜାନାଇଆଚେ । ୧:୧-୨
- ୨. ପିତର ପର୍ମେସରକେ ଦନିଅବାଦ୍ ଦେଇଆଚେ । ଜେନ୍ତିକି ସବୁଲକ୍ ପର୍ମେସରର୍ ମୁକ୍‌ତିଟାନ୍ ମିସ୍‌ବାଇ । ଜନ୍‌ଟାକି ତାକର୍ ଜିବନ୍ ଉଦାର୍ ଅଇସି । ୧:୩-୨:୧୦
- ୩. ପଚେ ଜଗତେ କେନ୍ତାରି ଜିଉନା କାଉନା କରିଅଇସି ଆରି ମାଇଜି ମୁନ୍‌ସ୍ ସାଉକାର୍ ଆରି ଦାଙ୍‌ତାମନର୍ ବିତ୍‌ରେ କେନ୍ତାରି ମିସିବିଡି ରଇବାକେ ଅଇସି, ସେଟା ଜାନାଇଦେଲାନି । ୨:୧୧-୪:୧୧
- ୪. ତାର୍‌ପଚେ ଦୁକ୍ କସ୍‌ଟ ଆଇଲାବେଲେ ତବିର୍‌ ଅଇରଇବାକେ ପିତର ସେମନ୍‌କେ ସାଆସ୍ ଦେଲାନି । ୪:୧୨-୫:୧୧ ସେ ତାର୍ ଚିତି ଲେକିବାଟା ସାରାଇଆଚେ । ୫:୧୨-୧୪

ପିତର ଲେଖିତ୍ୱା ପତ୍ରରୁ ଚିତି

୧ ମୁଇ ପିତର, ଜିସୁକିରିସ୍‌ଟର୍ ଗଟେକ୍ ପେରିଡ଼ ସିସ୍ ।
 ପତ୍ର, ଗାଲାତିଅ, କାପାଦକିଆ, ଆସିଆ ଆରି ବିତୁନିଆ ରାଇଜମନକେ, ବିନ୍‌ଦେସର୍ ଲକ୍‌ମନର୍‌ପାରା ଚିନ୍‌ବିନ୍ ଅଇଜାଇରଇବା ପର୍ମେସରର୍ ଲକ୍‌ମନକେ ମୁଇ ଏ ଚିତି ଲେକିଲାନି ।
 ୨ ତାର୍ ଜଜ୍‌ନା ଇସାବେ ବାବା ପର୍ମେସର ତମ୍‌କେ ତାକ୍‌ଲା ଆଚେ । ତାର୍ ସୁକଲ୍ ଆଡ଼ମାଇ ସେ ତମ୍‌କେ ତାର୍ ସୁକଲ୍ ଲକ୍ କରାଇସି । ତମେ ଜିସୁ କିରିସ୍‌ଟକେ ମାନିକରି, ତାର୍ ବନିତେଇ ଦଇଅଇକରି ରଇବାକେ ସେ ଏନ୍ତାରି ଜଜ୍‌ନା କଲା ।
 ତାର୍ ଜିବନ୍‌ଦୁକାଇଲାଟା ଆରି ସାନ୍ତି ପୁରାପୁରୁନ୍ ତମ୍‌କେ ମିଲ ।

ଜିବନ୍ ରଇବା ଆସା

୩ ଆମର୍ ମାପ୍‌ରୁ ଜିସୁକିରିସ୍‌ଟର୍ ବାବା ପର୍ମେସରକେ ଦନିଅବାଦ୍ ଦେଉଁ । କାଇକେବଇଲେ ସେ ଜବର୍ ଅଇତେ ଦୟା କଲାପାଇ ଆମ୍‌କେ ନୁଆ ଜିବନ୍ ଦେଲା ଆଚେ । ଜିସୁକିରିସ୍‌ଟକେ ମଲାଟାନ୍‌ଅନି ଉଟାଇକରି ଏନ୍ତାରି କରିଆଚେ । ଆମେ ମଲେ ମିସା ଆମ୍‌କେ ଉଟାଇସି ବଲିକରି ପୁରାପୁରୁନ୍ ଆସାଆଚେ ।
 ୪ ସେଟାର୍‌ପାଇ ପର୍ମେସର ତାର୍ ଲକ୍‌ମନର୍‌ପାଇ ଜେଡକି ସବୁ ଆସିର୍‌ବାଦ୍ ସର୍‌ଗେ ଜତନ୍ କରି ସଙ୍‌ଗିଆଚେ, ସେଟା ସବୁ ଆମର୍ ଅଇସି ବଲି ଆସାକଲୁନି । ତେଇ ସେଟା ନ ନସେ କି ଚିଲମ୍ ନ ଦାରେ କି ଉନା ମିସା ନ ଅଏ ।
 ୫ ଏ ସବୁ ଆସିର୍‌ବାଦ୍ ଆମର୍‌ପାଇ । ତମେ ପର୍ମେସରକେ ବିସବାସ୍ କଲାପାଇ, ତାର୍ ବପୁ ତମ୍‌କେ କାକଟା ନ ଅଇତେ ସଙ୍‌ଗିଲା ଆଚେ । ସାରାସାରିଦିନେ ତାର୍ ମୁକ୍ତି ସବୁଲକ୍ ଜାନବା ଜାକ, ତମର୍ ଉପ୍‌ରେ ଜାଗତେରଇସି ।
 ୬ ତନେକର୍‌ପାଇ ତମର୍ ଜିବନେ ବିନ୍ ବିନ୍ ଦୁକ୍‌କସ୍‌ଟ ଆଇଲାକେ ମୁର୍ଚିକରି ରଇବାକେ ପଡ଼ଲେ ମିସା, ସେଟାର୍‌ପାଇ ତମେ ସାର୍‌ଦା ଅଇକରି ରୁଆ ।
 ୭ ତମର୍ ଜିବନେ ଆଇଲା ଦୁକ୍‌କସ୍‌ଟ ସବୁ ତମର୍ ବିସବାସ୍ ସତ୍‌ଆଚେ କି ନାଇ ବଲି ପରିକା କରବାକେସେ । ସୁନାର୍ ବିସଇ ବାବିଦେକା, ଏ ଜଗତର୍ ସବୁ ବିସଇର୍‌ପାରା ସୁନା ମିସା ନସିଜାଇସି । ସୁନା ନିକଟା କି କାରାପ୍‌ଟା ବଲି ଜାନବାକେ

ଜଇଟାନେ ସିଲାଇବାଇ । ତମର ବିସ୍‌ବାସ୍ ସୁନାଟାନେଅନି ଅଦିକ୍ ମୁଲିଅ । ସେନ୍ତାର୍‌ଆଲେ ତମର ବିସ୍‌ବାସ୍ ନିକଟା କି ନାଇ ବଲି ପରିକା କର୍‌ବାର୍‌ ଆତେ । ତମର ବିସ୍‌ବାସ୍ ଜଦି ନିକଟା, ଜିସୁ କିରସଟ୍ ଦେକା ଅଇବା ସେ ଦିନେ ତମେ ଡାକ୍‌ପୁଟା ଆରି ମଇମା ପାଇସା ।

୮ ଏବେ ତମେ ତାକେ ନ ଦେକିରଇଲେ ମିସା ଆଲାଦ୍ କଲାସ୍‌ନି ଆରି ବିସ୍‌ବାସ୍ କଲାସ୍‌ନି । ସେଟାର୍‌ପାଇ ତମର ସାର୍‌ଦା ବେସି ବଡ୍ ।

୯ ତମେ ବିସ୍‌ବାସ୍ କଲାର୍‌ପାଇ ତମକେ ସର୍‌ଗେ ନ ସାର୍‌ବା ଜିବନ୍ ଆତେ ।

୧୦ ପର୍‌ମେସର୍ ମୁନୁସ୍‌ମନ୍‌କେ ତାକର୍ ପାପେଅନି କେନ୍ତି ମୁକ୍‌ଲାଇସି ବଲି ପୁର୍‌ବର୍ ବବିସ୍‌ତ୍‌ବକ୍‌ତାମନ୍ ମନ୍‌ଦିଆନ୍ କରି ପଡ୍‌ଲାଇ । ପର୍‌ମେସର୍ ତମକେ ଦେବା ଏ ଦାନ୍ ବିସଇ, ସେମନ୍ ଆଗ୍‌କେ ଗଟ୍‌ବା କାତା କଇଲାଇ ।

୧୧ କିରିସ୍‌ଟ୍ କେନ୍ତି ଦୁକ୍‌କସ୍‌ଟ୍ ମୁରୁଲ୍‌ଲା, ଆରି ସବୁ ନିନ୍‌ଦା ସାର୍‌ଲା ପତେ ସେ କେନ୍ତି ଡାକ୍‌ପୁଟା ପାଇଲା, ସେ ବିସଇ ପର୍‌ମେସର୍‌ର ଆଡ୍‌ମା ସେମନ୍‌କେ ଜାନାଇଲା । ଏଟା ସବୁ କେବେ ଅଇସି ଆରି କେନ୍ତାରି ଅଇସି, ସେଟା ଜାନ୍‌ବାକେ ସେମନ୍ ବେସି ମନ୍ କଲାଇ । ସେଟାର୍‌ପାଇ ସେମନ୍ ସେ ବିସଇ ମନ୍‌ଦିଆନ୍ କରି ପଡ୍‌ଲାଇ ।

୧୨ ମାତର୍ ଜନ୍ ଆଗ୍‌କେ ଗଟ୍‌ବା କାତା ସେମନ୍ କଇରଇଲାଇ, ସେଟା ସେମନ୍‌ର ବଲ୍‌ପାଇ ନାଇ ମାତର୍ ତମର୍ ବଲ୍‌ପାଇ ବଲି ପର୍‌ମେସର୍ ସେମନ୍‌କେ ଜାନାଇଲା । ଆରି ଏବେ ସେଟା ପୁରାପୁରୁନ୍ ଅଇଲା । କାଇକେବଇଲେ ଜନ୍ ଲକ୍‌ମନ୍ ତମକେ ସୁର୍ କବର୍ ଜାନାଇଲାଇ ଆତଡ୍, ତମେ ସେ କାତା ସୁନିଆଟାସ୍ । ସର୍‌ଗେଅନି ପାଟାଇରଇବା ସୁକ୍‌ଲ୍‌ଆଡ୍‌ମା ସେମନ୍‌କେ ବପୁଦେଲା । ଦୁର୍‌ମନ୍ ମିସା ଏ ବିସଇ ଜାନ୍‌ବାକେ ମନ୍ କଲାଇ ।

ସୁକ୍‌ଲ୍ ଅଇକରି ଜିଉନା କାଉନା କର୍‌ବାଟା

୧୩ ସେଟାର୍‌ପାଇ ତମେ ନିଜର୍ ନିଜର୍ ମନେ ପର୍‌ମେସର୍ ମନ୍‌କଲାଟା ପୁରାପୁରୁନ୍ କର୍‌ବାକେ ଜାଗିରୁଆ । ଆରି ଜିସୁ କିରିସ୍‌ଟ୍ ବାଉଡି ଆଇବା ବେଲାଇ ସେ ଜନ୍ ଆସିର୍‌ବାଦ୍ ତମକେ ଦେଇସି, ସେଟା ମିଲ୍‌ସି ବଲି ପୁରାପୁରୁନ୍ ଆସା ଉଆ ।

୧୪ ପର୍‌ମେସର୍‌ର ଆଦେସ୍ ମାନିକରି ରୁଆ । ତାର୍ ସଡ୍ ସିକିଆ ଜାନ୍‌ବା ଆଗ୍‌ତୁ ତମେ କେନ୍ତାରି ନିଜେ ମନ୍ କଲାଟା ପୁରାପୁରୁନ୍ କର୍‌ତେରଇଲାସ୍, ସେନ୍ତାରି ଆରି କରାନାଇ ।

୧୫ ମାତର୍ ତମକେ ଡାକ୍‌ଲା ମାପ୍‌ରୁ ଜେନ୍ତାର୍ ସୁକ୍‌ଲ୍ ଆତେ, ସେନ୍ତାରିସେ ତମେମନ୍ ମିସା ତମର୍ ସବୁ ବିସଇଟାନେ ସୁକ୍‌ଲ୍ ଉଆ ।

୧୬ ତେବେ ସାସ୍‌ତରେ ଲେକା ଆତେ, ପର୍‌ମେସର୍ କଇଲାଆତେ, ମୁଇ ଜେନ୍ତାରି ସୁକ୍‌ଲ୍, ତମେ ମିସା ସେନ୍ତାରି ସୁକ୍‌ଲ୍ ଉଆ ।

୧୭ ପର୍‌ମେସର୍ ଜେତେବେଲେ ମୁନୁସ୍‌ମନ୍‌କେ ବିଚାର୍ କର୍‌ସି, ସେ କାର୍‌ବିତ୍‌ରେ ସାନ୍ ବଡ୍ ନ ଦେକେ । ଗଟେକ୍ ଗଟେକ୍ ଲକ୍‌କେ ତାକର୍ କଲା କାମ୍ ଇସାବେ ସେ ବିଚାର୍ କର୍‌ସି । ତେବେ ତମେ ପାର୍‌ତନା କର୍‌ବାବେଲେ ପର୍‌ମେସର୍‌କେ ବାବା ବଲି ଡାକ୍‌ଲାସ୍‌ନି । ତମେ ଜେଡ୍‌କି ଦିନ୍ ଏ ଜଗତେ ବଢିଆଟାସ୍, ତାକେ ମାନିକରି ରଇବାର୍‌ଆତେ ।

୧୮ ତମର୍ ଆନିଦାଦିମନ୍‌ର ଟାନେଅନି ଲତାକେ ନ ଆଇବା ରିତିନିତିଅନି ସେ କାଇ ମୁଲିଅ ଦେଇକରି ତମକେ ମୁକ୍‌ଲାଇଆତେ, ସେଟା ତମେ ଜାନିଆଟାସ୍ । ତମକେ ମୁକ୍‌ଲାଇବାକେ ସେ ନସି ଜିବା ସୁନା କି ରୁପାର୍ ମୁଲିଅ ଦେଏ ନାଇ ।

୧୯ ମାତର୍ ବେସି ମୁଲିଅ ରଇବା ଜିସୁକିରିସ୍‌ଟ୍‌ର ବନି, ଜନ୍‌ଟା ସେ ତାର୍ ମରନେ ରକଇଦେଲା । କାଇ ଦସ୍ କି କାଇ ଅବାବ୍ ନ ରଇବା ମେଣ୍ଡାପିଲା ପାରା ବଲିଅଇଲା ।

୨୦ ଏ ଜଗଡ୍ ତିଆର୍ ନ ଅଇବା ଆଗ୍‌ତୁ ପର୍‌ମେସର୍ କିରିସ୍‌ଟ୍‌କେ ବାଟିରଇଲା । ମାତର୍ ଏବେ ଏ ସାରାସାରି ଦିନେ ସେ ତାକେ ଦେକାଇଲା ଆତେ । ଜେନ୍ତାରି କି ସେ ଆମ୍‌କେ ସାଇଜକରିପାର୍‌ସି ।

୨୧ ଜିସୁକିରିସ୍‌ଟ୍‌ର ଲାଗି ତମେ ଏବେ ପର୍‌ମେସର୍‌କେ ବିସ୍‌ବାସ୍ କଲାସ୍‌ନି । ସେ ଆକା କିରିସ୍‌ଟ୍‌କେ ମରନେଅନି ଉଟାଇକରି ଡାକ୍‌ପୁଟା କଲା ଆତେ । ତେବର୍‌ପାଇ ତମର୍ ବିସ୍‌ବାସ୍ ଆରି ଆସା ଏବେ ପର୍‌ମେସର୍‌ଟାନେ ଆତେ ।

୨୨ ତମେ ସଡ୍ ମାନ୍‌ଲାର୍ ପାଇ, କାରାପ୍ ଚଲାଚଲ୍‌ତି ଚାଡିକରି ତମର୍ ସଙ୍ଗର୍ ବିସ୍‌ବାସିମନ୍‌କେ ସଡ୍‌ସଙ୍ଗ୍ ଆଲାଦ୍ କଲାସ୍‌ନି । ମନ୍ ପରାନ୍ ଦେଇକରି ଗଟେକ୍‌ଲକ୍ ଆରି ଗଟେକ୍ ଲକ୍‌କେ ଆଲାଦ୍ କଲାସ୍‌ନି ।

୨୩ ତମେ ଆରିତରେକ୍ ଜନମ ଅଇଲାସ୍‌କେ ଏନ୍ତାରି କଲାସ୍‌ନି । କେବେ ନ ମର୍‌ବା ବାବାମାଆର୍ ପିଲାମନ୍‌ର ଇସାବେ । ତାର୍ ବାକିଅ ତମକେ ନୁଆ ଜିବନ୍ ଦେଲାଆତେ । ତାର୍ ବାକିଅ ସବୁଦିନର୍‌ପାଇ ରଇସି ।

୨୪ ସାସ୍‌ତରେ ଲେକାଅଇଲାପାରା,

ଗୁଲାଇ ମୁନୁସ୍ ଜାତି ଗାଁସ୍ ପାରା ।

ତାକର୍ ବାନିମୁର୍‌ତି ଗାଁସର୍ ପୁଲ୍‌ପାରା ।

ଗାଁସ୍ ସୁକିଜାଇସି ଆରି ପୁଲ୍ ଜଡିଜାଇସି ।

୨୫ ମାତର୍ ପର୍‌ମେସର୍‌ର ବାକିଅ ସବୁଦିନ୍ ପାଇ ରଇସି ।

ଏ ବାକିଅ ଅଇଲାନି ତମକେ ଜାନାଇରଇବା ସୁର୍‌କବର୍ ।

୨

ଜିବନ୍ ପାକ୍‌ନା ଆରି ସୁକଲ୍ କୁଟୁମ୍

୧ ତମେ ନୁଆ ଜିବନ୍ ପାଇଲାର୍‌ପାଇ ସବୁ କାରାପ୍ ବିସଇର୍‌ଟାନେଅନି ଦୁରିକେ ରୁଆ । ସବୁ ରକାମ୍ ମିର୍ କଇବାଟା, ନାଡାକବାଟା, ଇସା ଅଇବାଟା ଆରି ନିନ୍ଦା କାତା କଇବାଟା ଚାଡ଼ିଦିଆସ୍ ।

୨ ଏବେ ଜନମ୍ ଅଇଲା କଅଁଲା ପିଲାମନ୍ ଦୁଦ୍ କାଇବାକେ ଜେନ୍ତାରି ମନ୍ କର୍‌ବାଇ, ସେନ୍ତାରିସେ ତମେ ଆଡ଼ମାର୍ ଦୁଦ୍ କାଇବାକେ ମନ୍ କରା । ସେଟା ଅଇଲାନି ପର୍‌ମେସରର୍ ସଡ଼ ବାକିଅ । ସେଟା କାଇବାକେ ମନ୍ କଲେ, ତମର୍ ମୁକ୍ତି ସିଦ୍ ଅଇବାଜାକ ତମେ ବିସ୍‌ବାସେ ଅଦିକ୍ ଅଦିକ୍ ବଡ଼ି ଆଇସା ।

୩ ସାସ୍‌ତରେ ଲେକା ଅଇଲାପାରା “କାଇକେ ବଇଲେ, ମାପ୍‌ରୁ ଜିବନ୍ ଦୁକାଇ ଦୟା କଲାଟା ତମେ ଜାନିସାରାଇ ଆଗାସ୍ ।”

୪ ତେବର୍‌ପାଇ କିରିସ୍‌ଟର୍ ଲଗେ ଆସା । ସେ, ଗର୍ ତାଟ୍ କର୍‌ବା ଜିବନ୍ ପାକ୍‌ନା ପାରା ଆଟେ । ଏ ପାକ୍‌ନା, କାଇ ମୁଲିଅ ନାଇ ବଲି, ଲକ୍‌ମନ୍ ଚାଡ଼ିଦେଇରଇଲାଇ । ମାତର୍ ପର୍‌ମେସର୍ ସେଟାକେସେ, ବେସି ମୁଲିଅ ରଇବାଟା ବଲି ବାଟିଆଟେ ।

୫ ତାଟ୍ ଲଗେ ଆଇଲାର୍‌ପାଇ ତମେ ଜିବନ୍ ରଇବା ପାକ୍‌ନାପାରା ଅଇଆଗାସ୍ । କାଇକେବଇଲେ, ତମ୍‌କେ ଜଡ଼ିକରି ଗଟେକ୍ ଆଡ଼ମା ରଇବା ମଣ୍ଡୁଲି ତିଆର୍ ଅଇଲାନି । ଆରି ପର୍‌ମେସରର୍ ସୁକଲ୍ ରଇବା ପୁଜାରି ଇସାବେ ତମେ ତାକେ ସେବା କଲାସ୍‌ନି । ଜିସୁକିରିସ୍‌ଟର୍ ଲାଗି ଏ ଆଡ଼ମାର୍ ସେବା ପର୍‌ମେସର୍କେ ସାର୍‌ଦା କରାଇସି ।

୬ ସାସ୍‌ତରେ କଇଲାପାରା
“ଦେକା, ମୁଇ ସବୁର୍‌ତେଇଅନି ଅଦିକ୍ ମୁଲିଅ ରଇବା ପାକ୍‌ନା ବାଟ୍‌ଲିଆଟି,
ସେଟା ଗର୍ କନର୍ ମୁଲ୍‌ପାକ୍‌ନା ଇସାବେ ସିୟନେ ସଙ୍ଗୁଆଟି
କେ ଜଦି ତାକେ ବିସ୍‌ବାସ୍ କର୍‌ବାଇ, ସେ କେବେ ଲାଜ୍ ନଏ ।”

୭ ତମେ ବିସ୍‌ବାସି ଲକ୍‌ମନର୍‌ପାଇ, ଏ ପାକ୍‌ନା ବେସି ମୁଲିଅ ରଇବାଟା । ମାତର୍ ଜେଡ଼କି ଲକ୍ ବିସ୍‌ବାସ୍ କରଡ଼ ନାଇ, ସାସ୍‌ତରେ ଲେକା ଅଇଲା ବିସଇ ସେମନ୍ ମନେ ରକ୍‌ବାର୍ ଆଟେ ।

“ଗର୍ ତିଆର୍ କରୁମନ୍ ଜନ୍ ପାକ୍‌ନା ଚାଡ଼ିଦେଇରଇଲାଇ,
ସେ ପାକ୍‌ନାକେସେ ପର୍‌ମେସର୍ ସବୁର୍‌ଟାନେ ଅନି ମୁଲିଅ ରଇବା ପାକ୍‌ନା କଲାଆଟେ ।”

୮ ସାସ୍‌ତରେ ଲେକା ଅଇଲା ଆରି ଗଟେକ୍ ବିସଇ ମିସା ସେମନ୍ ଏତାଇବାର୍ ଆଟେ ।
“ଏ ପାକ୍‌ନା କେତେ ଲକ୍‌ପାଇ ବାଦା ଆନ୍‌ସି ।
ତେଇ ବେସି ଲକ୍ ଜଟିଆଇ ଅଇ ଅଦର୍‌ବାଇ ।”

“ସେମନ୍ ପର୍‌ମେସରର୍ ବାକିଅ ବିସ୍‌ବାସ୍ ନ କଲାଟ୍‌ପାଇ ଜଟିଆଇ ଅଇ ଅଦର୍‌ବାଇ । ଏଟା ତାକର୍‌ପାଇ ପର୍‌ମେସରର୍ ଜଜ୍‌ନା ରଇଲା ।”

୯ ମାତର୍ ତମେ, ବାଟି ଅଇରଇବା ପର୍‌ମେସରର୍ କୁଟୁମ୍ । ଆରି ଆମର୍ ରାଜାର୍ ପୁଜାରି ଦଲ୍ । ପର୍‌ମେସରର୍ ଚକିଡ଼ ଅଇଜିବା କାମ୍ ଜାନାଇବାକେ ସେ ବାଟିରଇବା ତାଟ୍ ନିଜର୍ ଲକ୍ ଅଇଆଗାସ୍ । ଆନ୍ଦାର୍ ବିଡ଼ରେ ଅନି ତାଟ୍ କାବା ଅଇଜିବା ଉଜଲେ ଜିବାକେ ସେ ତମ୍‌କେ ଡାକି ଆଟେ ।

୧୦ ଆଗେ ତମେ ତାଟ୍ ନିଜର୍ ଲକ୍ ନ ରଇଲାସ୍ । ମାତର୍ ଏବେ ତାଟ୍ ନିଜର୍ ଲକ୍ ଅଇଆଗାସ୍ । ଆଗେ ତାଟ୍ ଦୟା ପାଇ ନ ରଇଲାସ୍, ମାତର୍ ଏବେ ପାଇଆଗାସ୍ ।

ପର୍‌ମେସରର୍ ଗତି ଦାଙ୍ଗୁଡା

୧୧ ଏ ମର୍ ମଇତର୍‌ମନ୍, ତମେ ଏ ଜଗତେ ବିଦେସି ପାରା ଆଗାସ୍ ଆରି ଚନେକର୍ ପାଇସେ ଇଡି ରଇଲାସ୍‌ନି । ତମର୍ ଗାଗଡେ ରଇବା ପାପର୍ ଗୁନ୍‌ଚଲନେ ଅନି ଆଇବା ସବୁ ରକାମ୍ କାରାପ୍ ମନକର୍‌ବା ଟାନେଅନି ଦୁରିକେ ରୁଆ ।

୧୨ ତମର୍ ନଅରେ ରଇବା ବିସ୍‌ବାସ୍ ନ କର୍‌ବା ଲକ୍‌ମନ୍ ଦେକ୍‌ବା ଇସାବେ ତମର୍ ଚଲାଚଲ୍‌ତି ନିକ ରଇବାର୍‌ଆଟେ । ସେନ୍ତାରି ରଇଲେ ସେମନ୍ ତମର୍ ବିରୁଦେ ନିନ୍ଦା କାତା କଇଲେ ମିସା, ତମେ କିରିରଇବା ନିକ କାମ୍ ଦେକିକରି ପର୍‌ମେସର୍ ବାଉଡିଆଇବା ଦିନେ ତାକେ ଡାକ୍‌ପୁଟା କର୍‌ବାଇ ।

୧୩ ତମର୍ ଉପ୍‌ରେ ଅଦିକାର୍ କର୍‌ବା ଲକ୍‌ମନ୍‌କେ ଆମର୍ ମାପ୍‌ରୁର୍ ଲାଗି ମାନିକରି ରୁଆ । ସବୁର୍‌ଟାନେଅନି ଅଦିକାର୍ ରଇବା ସାସନ୍‌କାରିଆକେ ମିସା ମାନିକରି ରୁଆ ।

୧୪ ସବୁର୍‌ଟାନେଅନି ବଡ଼ ସାସନ୍‌କାରିଆ, ଜେ କି କାରାପ୍ କାମ୍ କର୍‌ବା ଲକ୍‌ମନ୍‌କେ ଡ଼ଣ୍ ଦେବାକେ ଆରି ନିକ କାମ୍ କର୍‌ବା ଲକ୍‌ମନ୍‌କେ ଡାକ୍‌ପୁଟା କର୍‌ବାକେ ପାଟାଇଆଟେ, ତାକେ ମିସା ମାନିକରି ରୁଆ ।

୧୫ କାଇକେବଇଲେ, ତମେ କିରିରଇବା ନିକ କାମ୍‌ରଲାଗି କାଇ ଲତାକେ ନ ଆଇବା କାତା କଇବୁଲ୍‌ବା ଲକ୍‌ମନ୍‌କେ ରୁପ୍ କରାଇବାକେ ପର୍‌ମେସର୍ ମନ୍ କଲାନ୍ତି ।

☆ ୨:୯ ଡିଡସ୍ ୨:୧୪

୧୬ ତମେ ମୁକଲ୍ଲା ଲକ୍ଷ୍ମୀ ବଲି ତମର ଜିବନର ଚଳାଚଳିତେଇ ଦେକାଆ । ମାତର ଆମ୍ଭେ ମୁକ୍ତି ମିଳିଲାଆତେ ବଲି କାଜଟା ମିସା କରୁ ବଲି ନ ବାବିକରି ପର୍ଯ୍ୟେସରକେ ସେବା କରା ।

୧୭ ସବୁ ଲକ୍ଷ୍ମୀକେ ସନ୍ମାନ ଦିଆସ୍ । ବିସ୍ବାସି ବାଇବଲନିମନ୍ତେ ଆଲାଦ୍ କରା । ପର୍ଯ୍ୟେସରକେ ମାନିକରି ରୁଆ । ଆରି ସବୁର ଉପରର ସାସନକାରିଆକେ ସନ୍ମାନ ଦିଆସ୍ ।

କିରିସ୍ଟର ଦୁକ୍ଷ୍ମର ସିକିଆ

୧୮ ତମର ବିତ୍ତରେ ଜେଡକି ଲକ୍ଷ୍ମୀ ଗତିଦାଙ୍ଗୁଡା ଅଇଆଚାସ୍, ତମର ସାଉକାର୍ଯ୍ୟନର କାତା ମାନିକରି ରୁଆ ଆରି ସେମନ୍ତେ ପୁରାପୁରୁନ୍ ସନ୍ମାନ ଦିଆସ୍ । ଦରମ୍ ରଇବା ସାଉକାର୍ଯ୍ୟନ ରଇଲେ, କି ଟେରା ରଇବା ସାଉକାର୍ଯ୍ୟନକେ ମିସା ଏନ୍ତାରି କରତେରୁଆ ।

୧୯ ତମର କାଜ ବୁଲ୍ ନ ରଇଲେ ମିସା ମୁରଚିକରି ରଇଲେ, ତେଇ ପର୍ଯ୍ୟେସର ସାର୍ଦା ଅଇସି । କାଜକେବଇଲେ ତମେ ତାର୍ ମନ୍ କଲାଟା ସିଦ୍ କଲାସ୍ନି ।

୨୦ ଜଦି ବୁଲ୍ କଲାପାଇ ଦୁକ୍ଷ୍ମର ମୁରଚି କରି ଡଣ୍ଡ ପାଇଲେ, ତେଇ ତମେ କଲା କରମ୍ସେ ପାଇଆଚାସ୍ । ମାତର ସଡକାମ୍ କରି ଦୁକ୍ଷ୍ମ କସ୍ଟ ମୁରଚିଲେ, ସେଟା ପର୍ଯ୍ୟେସରକେ ସାର୍ଦା କରାଇସି ।

୨୧ ସେନ୍ତାରି ଚଳାଚଳି କରବାକେ ପର୍ଯ୍ୟେସର ତମ୍ଭେ ଡାକିଲାଆତେ । କିରିସ୍ଟ ତମରପାଇ ଦୁକ୍ଷ୍ମର ମୁରଚି କରି, ତମେ ଚଳାଚଳି କରବାଟା ଦେକାଇଆତେ ।

୨୨ ସେ କେବେ ପାପକରି ନ ରଇଲା ଆରି ତାର୍ ଟେଣ୍ଡେଅନି ଗଟେକ୍ ମିସା ମିଚକାତା ନ ବାରଇ ରଇଲା ।

୨୩ ଲକ୍ଷ୍ମୀ ତାକେ କିଜାଇଲାବେଲେ ସେ ନିନ୍ଦା କାତାକଇ ଟଣ୍ଡ ଲାଗାଏ ନାଇ । ତାକେ ଦୁକ୍ଷ୍ମ କସ୍ଟ ଦେଲାକେ ସେ ଦମ୍ଭକାଏ ନାଇ । ମାତର କାଜ ଅନିଆଇ ନ କରବା ପର୍ଯ୍ୟେସରକେ ସବୁ ବିସଇ ଚାଡିଦେଲା ।

୨୪ ଆମେ ପାପ୍ କଲାପାଇ ପାଇବା ଡଣ୍ଡ କୁରୁସକାଟେ ମରିକରି କିରିସ୍ଟ ନିଜେ ବଇନେଲା । ପାପ୍ କରବାଟା ଚାଡିକରି ଦରମ୍ ଚଳାଚଳି କରବାକେ ସେ ଏନ୍ତାରି କଲା । ତାର୍ ଗାଗ୍ତେ ମାରି ରଇବା ଗାଉର୍ ଲାଗି ଆମେ ନିକ ଅଇଆଚୁ ।

୨୫ ଆଗରୁ ତମେ ବାଟ୍ ବାନା ଅଇଲା ମେଣ୍ଡାପାରା ରଇଲାସ୍, ମାତର ଏବେ ସେ ତମ୍ଭେ ଡାକି ଆନିଆତେ । ସେ ଆକା ତମ୍ଭେ ଜଡନକରି ତମର ଆଡ଼ମାନକେ ଜାଗ୍ଲାନ୍ତି ।

୩

ମାଇଜି ମୁନ୍ସର ପାଇ ସିକିଆ

୧ *ସେନ୍ତାରିସେ ତମେ ବିବାଅଇ ରଇବା ଏ ମାଇଜିମନ୍, ନିଜର୍ ନିଜର୍ ମୁନ୍ସମନର୍ କାତାମାନିକରି ରୁଆ । କାଜକେବଇଲେ ତାକର ବିତ୍ତରେ କେ ଜଦି ପର୍ଯ୍ୟେସର ବାକିଅ ବିସ୍ବାସ୍ ନ କରିଅଡ, ତମର ନିକ ଚଳାଚଳି ଦେକିକରି ସେମନ୍ ମିସା ମନ୍ ବାଦ୍ଲାଇବାଇ । ତମ୍ଭେ ପଦେକ୍ କଇବାକେ ନ ପଡେ ।

୨ କାଜକେବଇଲେ ତମର ସୁଆଲ୍ ଚଳାଚଳି ଆରି ପର୍ଯ୍ୟେସରକେ ମାନିକରି ରଇବାଟା ସେମନ୍ ଦେକ୍ବାଇ ।

୩ *ବିନ୍ ମାଇଜିମନ୍ ଜେନ୍ତାରିକି, ପିନ୍ଦାଅତା ଅଇକରି, ସୁନାବାନା ପିନ୍ଦିକରି, ଚେଣ୍ଡି ସାଜାଡିକରି, ନିଜେ ସୁନ୍ଦର୍ ଅଇବାଇ, ତମେ ସେନ୍ତାରି ଉଆନାଇ ।

୪ ମାତର ମନ୍ବିତ୍ତରେ ସୁଆଲେ ରଇକରି ଆଡ଼ମାଇ ସୁସାରେ ରଇବା ଗଟେକ୍ ମାଇଜି ପର୍ଯ୍ୟେସର ଦେକ୍ବା ଇସାବେ ସୁନ୍ଦର୍ । ସେନ୍ତାରି ସୁନ୍ଦର୍ ରଇବାଟା ବେସି ମୁଲିଆ ଆରି ସବୁଦିନପାଇ ରଇସି ।

୫ ପୁର୍ବେ ରଇବା ସୁକଲ୍ ମାଇଜିମନ୍ ଏନ୍ତାରିସେ ସେମନ୍ ଆସା କରବାଟା ପର୍ଯ୍ୟେସରକେ ସର୍ପିଦେଇ ନିଜର୍ ମୁନ୍ସମନର୍ କାତା ମାନିକରି ସୁନ୍ଦର୍ ଅଇତେରଇଲାଇ ।

୬ ପୁର୍ବେ ସାରା ସେନ୍ତାରି କରତେରଇଲା । ସେ ତାର୍ ମନସ୍ ଅବ୍ରାଆମ୍ଭେ ନିଜର୍ ସାଉକାର୍ ଇସାବେ କାତା ମାନିକରି ରଇଲା । ତମେ ଜଦି ସଡକାମ୍ କରି କାଜଟାର୍ ପାଇ ତରି ନ ରଇଲେ, ତମ୍ଭେ ମିସା ତାର୍ ଟକିମନ୍ ଇସାବେ ଲେକା କରସି ।

୭ *ସେନ୍ତାରିସେ ତମେ ବିବାଅଇରଇବା ଏ ମୁନ୍ସମନ୍, ନିଜର୍ ମାଇଜିମନର୍ ସଙ୍ଗ୍ ବୁଜାମାନା ଅଇରୁଆ । କାଜକେବଇଲେ ସେମନ୍ତେ ତମରଗାନେଅନି ଉନା ବପୁଆତେ । ସେମନ୍ତେ ସନ୍ମାନ ଦିଆସ୍, କାଜକେବଇଲେ ପର୍ଯ୍ୟେସର ଦେବା ନ ସାର୍ବା ଜିବନ୍ ତମର ସଙ୍ଗ୍ ସେମନ୍ତେ ମିସା ମିଲ୍ସି । ତମର ପାର୍ତନା କରବାଟା ବାଦା ନ ଆଇବାକେ ଏ ସବୁ ଆଦେସ୍ ମାନିକରି ରୁଆ ।

ନିମାନ୍ କାମ୍ପାଇ ଦୁକ୍ଷ୍ମର

୮ ସାରାସାରି ତମର ସବୁଲକ୍ଷ୍ମୀ ମନ୍ ଗଟେକ୍ ଅ । ଦୁକ୍ଷ୍ମ ବେଲେ ତମର ତମର ବିତ୍ତରେ ମିସିବିଡି ରୁଆ । ନିଜର୍ ନିଜର୍ ବିତ୍ତରେ ଆଲାଦ୍ ଅଇକରି ସୁଆଲେ ରୁଆ ।

* ୩:୧ ଏପିସିୟ ୫:୨୨; କଲସିଅ ୩:୧୮ * ୩:୩ ୧ମ ତିମତି ୨:୯ * ୩:୭ ଏପିସିୟ ୫:୨୫; କଲସିଅ ୩:୧୯

୯ ତମର ବିରୁଦ୍ଧେ କେ କାରାପ୍ କାମ୍ କଲେ ତାକେ ବେରଦାରି ରୁଆନାଇ । ନିନ୍ଦାକାତା କଇଲେ ଚଣ୍ଡ ଲାଗାଆ ନାଇ । ତାର ବାଦୁଲେ ପରମେସର୍ ସେମନ୍‌କେ ଦୟା ଦେକାଇବାକେ ପାରତନା କରା । କାଇକେବଇଲେ ସେ ତମ୍‌କେ ଡାକ୍‌ଲାବେଲେ ମୁଇ ତମ୍‌କେ ଆସିରବାଦ୍ କର୍‌ବି । ବଲି କାତା ଦେଇରଇଲା ।

୧୦ ସାସ୍‌ତରେ ଲେକା ଅଇଲାପାରା,

“ଗଟେକ୍ ଲକ୍ ଜଦି ତାର ଜିବନେ ସାରଦାର୍ ଦିନ୍
ଆରି ମଙ୍ଗାଲର୍ ଦିନ୍ ଦେକ୍‌ବିବଲି ମନ୍‌କଲେ,
ସେ କାରାପ୍ କାତା ନ କଅ
ଆରି ମିର୍ କାତା ନ କଅ ।

୧୧ “ସେ କରାପ୍ କାମ୍ ଚାଡ଼ିକରି, ନିକ ବିସଇ କରବାର୍ ଆଟେ ।
ତାର୍ ସଙ୍ଗର୍ ଲକ୍‌ର୍ ସଙ୍ଗ୍ ସୁସାରେ ରଇବାର୍‌ଆଟେ ।”

୧୨ କାଇକେବଇଲେ ଦରମ୍‌ଲକ୍‌କେ ମାପ୍‌ରୁ ଜାଗିଲାଗିରଇସି ।

ସେମନ୍ ପାରତନା କଲାଟା ସୁନ୍‌ସି
ଜେଡ଼କି ଲକ୍ କାରାପ୍ ବିସଇ କରବାଇ
ସେମନ୍‌କେ ବିରଦ୍ କର୍‌ସି ।

୧୩ ତମେ ଜଦି ନିକ କାମ୍ କରବାକେ ମନ୍ କଲେ, ତମର ବିରଦ୍ଧେ କେ ମିସା କାରାପ୍ କାମ୍ ନ କରଡ୍ ।

୧୪ *ସତ୍ କାମ୍ କରି ମୁର୍ଚି ରଇଲେ ତମେ କେତେକ୍ କରମର୍ ଲକ୍ । ଜନ୍ ଲକ୍‌ମନ୍ ତମ୍‌କେ କସ୍‌ଟ ଦେଲାଜିନି,
ସେମନ୍‌କେ ଡରିକରି ଚିନ୍ତା କରାନାଇ ।

୧୫ ମାତର୍ କିରିସ୍‌ଟକେ ମାପ୍‌ରୁବଲି ଡାକ୍‌ପୁଟା କରା ଆରି ସନ୍‌ମାନ୍ ଦିଆସ୍ । ବିସ୍‌ବାସି ଇସାବେ, ତମେ ଆସା କରବା
ବିସଇ କେ ମିସା ପାଟାରଲେ, ସେମନ୍‌କେ ବାତାଇବାକେ ଜାଗ୍‌ରଡ୍ ଅଇରୁଆ ।

୧୬ ମାତର୍ ମନ୍‌ବିଡ଼ରେ ସୁଆଲ୍ ରଇକରି, ସନ୍‌ମାନ୍ ଦେଇକରି କାତାଉଆ । ତମର ବିବେକ୍ ତମ୍‌କେ ଦସି ନ କର ।
ଜେନ୍ତାରିକି ତମର୍ ନିକ ଚଲାଚଲ୍‌ତି ବିରୁଦ୍ଧେ ଜେଡ଼କି ଲକ୍ ନିନ୍ଦା କରବାଇ, ତାକର୍ କାତାଇସେ ସେମନ୍ ଲାଜ୍ ଅଇବାଇ ।

୧୭ କାଇକେବଇଲେ ତମେ ନିକ କାମ୍ କଲାର୍ ଲାଗି ଦୁକ୍ କସ୍‌ଟ ମୁରବବାକେ ପରମେସର୍ ଜଦି ମନ୍ କଲେ, ସେନ୍ତାରି
ଅଇବାଟା ନିକ । କାରାପ୍ କରି ଦୁକ୍ କସ୍‌ଟ ମୁରବବା ବାଦୁଲେ, ସେଟା ନିକ ।

୧୮ କିରିସ୍‌ଟ ମିସା ଆମର୍ ପାପର୍‌ଲାଗି ଏକାତରେକ୍ ସବୁଲକ୍‌ପାଇ ଦୁକ୍‌କସ୍‌ଟ ଅଇ ମୁର୍ଚିକରି ମଲା । ସେ
ଦରମ୍ ରଇ ପାପ୍‌କରିରଇବା ଲକ୍‌ମନ୍‌କେ ପରମେସର୍‌ର ଲଗେ ଆନ୍‌ବାକେ ମରିଜାଇରଇଲା । ଲକ୍‌ମନ୍ ତାର୍ ଗାଗଡ୍
ମରାଇଲାଇ, ମାତର୍ ତାର୍ ଆଡ଼ମା ଜିବନ୍ ଅଇଆଟେ ।

୧୯ ମଲା ଲକ୍‌ମନ୍‌ର୍ ଆଡ଼ମା ବନ୍ଦିଅଇରଇବା ଜାଗାଇ, ଆଡ଼ମାର୍ ଇସାବେ ସେ ସୁବ୍ କବର୍ ଜାନାଇଲା ।

୨୦ ଏ ବନ୍ଦି ଆଡ଼ମାମନ୍ ପୁରବେ ନଅର୍ ବେଲେ ପରମେସର୍‌ର୍ କାତା ନ ମାନ୍‌ଲାଟାମନ୍ । ସେଡ଼କିବେଲେ ନଅ ବଡ଼
ଡଙ୍ଗା ତିଆର୍ କର୍‌ତେରଇଲା । ତାର୍ କାତା ଲକ୍‌ମନ୍ ବିସ୍‌ବାସ୍ କରବାଇ ବଲି ପରମେସର୍ ମୁର୍ଚିକରି ରଇଲା ।
କାଇକେବଇଲେ, ଏକାଇ ଆଟ୍ ଲକ୍‌ସେ ସେ ପାନିତେଇ ବୁଡ଼ନ୍‌ନାଇ । ସେମନ୍ ଡଙ୍ଗାଇ ଚଗିରଇଲାଇ ଆରି ରକିଆ
ପାଇଲାଇ ।

୨୧ ସେ ପାନି ଆମର୍ ଭୁବନ୍ ବିସଇ ଜାନାଇଲାନ୍ତି । ତମେ ଭୁବନ୍ ନେଲାକେ ତମର୍ ଗାଗଡ଼ର୍ ମୁର୍ଚି ଦଇଅଇଲାର୍
ପାଇ ନଏଁ, ମାତର୍ ଗଟେକ୍ ନିକ ବିବେକ୍ ସଙ୍ଗ୍ ପରମେସର୍‌କେ ଦେଇରଇଲା କାତାର୍ ଲାଗି ତମ୍‌କେ ମୁକ୍ତି କର୍‌ସି ।
ଜିସୁ କିରିସ୍‌ଟ ମଲାତେଇଅନି ଜିବନ୍ ଅଇକରି ଉର୍‌ଲାକେ ଏଟା ଅଇସି ।

୨୨ ସେ ସର୍‌ଗେ ବାଉଡ଼ି ଜାଇ ପରମେସର୍‌ର୍ ଉଜାବାଟେ ଆଟେ । ସର୍‌ଗେ ରଇବା ସବୁ ଦୁଡ଼୍, ଅଦିକାର୍ ଆରି ବପୁ
ଉପରେ ସେ ସାସନ୍ କଲାନ୍ତି ।

୪

ମନ୍ ବାଦ୍‌ଲାଇଲା ଜିବନ୍

୧ କିରିସ୍‌ଟ ନିଜର୍ ଗାଗଡ଼େ ଦୁକ୍‌କସ୍‌ଟ ମୁର୍ଚିକରି ଜେନ୍ତାରି ଚିନ୍ତା କର୍‌ତେ ରଇଲା, ତମେମିସା ସେନ୍ତାରି ଚିନ୍ତାକରି ଡାଟ୍
ଉଆ । କାଇକେବଇଲେ ଜେ ଗାଗଡ଼େ ଦୁକ୍‌କସ୍‌ଟ ମୁର୍ଚ୍‌ସି, ସେ ଆରି ପାପ୍ କରବାକେ ମନ୍ ନ କରେ ।

୨ ତେବର୍‌ପାଇ ତମର୍ ମନ୍‌କେ ଜାଗରଡ଼ କରା । ଜେନ୍ତାରିକି, ଏବେ ଅନି ତମର୍ ମରନ୍ ଜାକ, ପରମେସର୍ ମନ୍ କଲା
ଇସାବେ ଚଲାଚଲ୍‌ତି କର୍‌ସା । ତମର୍ ପାପର୍ ଗୁନ୍ ଚଲନ୍ ଇସାବେ କରାନାଇ ।

୩ କାଇକେବଇଲେ ପରମେସର୍‌କେ ନାଜାନ୍‌ଲା ଲକ୍ ଜନ୍‌ଟା କରବାକେ ମନ୍ କରବାଇ, ସେନ୍ତାରି ତମେମିସା କର୍‌ତେ
ରଇଲାସ୍ । ଆରି ସେନ୍ତାରି କରି କରି ରୁଟାଇ ରୁଟାଇ ଦିନ୍ ଗାଲା । ତମର୍ ଗାଗଡ଼ର୍ ପାପେରଇବା ଗୁନ୍‌ଚଲନ୍ ଇସାବେ

☆ ୩:୧୪ ମାଡ଼ିଉ ୫:୧୦

ଲାଜର ବିସଇ, ପାଦରା କାମ କରବାକେ ମନ୍ କରବା ବିସଇ, ମାତିରଇବା ବିସଇ, କରାପ୍ ବିସଇଟାନେ ମଜାମଜୁଲିସ୍ କରବା ବିସଇ ଆରି ପରମେସର୍ ଗିନ୍ କରବା ପୁତୁଲା ପୁଜା କରବାଟାମନ୍ କରତେରଇଲାସ୍ ।

୪ ମାତର୍ ଏବେ, ବିସ୍ବାସ୍ ନ କଲା ଲକ୍ମନ୍ କାବାଅଇଗାଲାଜନି ଆରି ତମକେ ନିନ୍ଦା କାତା କଇଲାଜନି । କାଇକେବଇଲେ ସେମନ୍ କରିରଇବା କାରାପ୍ ମଜାମଜୁଲିସ୍ ବିସଇତେଇ ତମେ ମିସାସ୍ ନାଇ ।

୫ ମାତର୍ ସେମନ୍ ନିଜେ ପରମେସର୍କେ ଇସାବ୍ ଦେବାକେ ପଡ଼ସି । ସେ ବଠିରଇବା ଆରି ମରିରଇବା ସବୁକେ ବିଚାର୍ କରବାକେ ଜାଗିଆଟେ ।

୬ ସେଟାରପାଇ ସୁବକବର୍ ମରିରଇବା ଲକ୍ମନ୍କେ ମିସା ଜାନାଇରଇଲାଇ । କାଇକେବଇଲେ ସବୁଲକ୍ମନ୍ ପାଇବା ଡଣ୍ଡ ସେମନ୍ ପାଇରଇକରି ମରିରଇଲେ ମିସା ତାକର୍ ଆତ୍ମା ପରମେସରର୍ ପାରା ବଠିବାକେ ସୁବ କବର୍ ଜାନାଇରଇଲାଇ ।

ଇସପର୍ ଦେବା ଦାନର୍ ନିମାନ୍ ଗୁମସ୍ତା

୭ ମାତର୍ ସବୁ ବିସଇ ସାରବା ବେଲା ଲଗେ କେଟଲାବେ । ତେବର୍ପାଇ ନିଜେ ଜାଗରଡ଼ ରୁଆ ଏଣ୍ଡାରି କଲେ ତମେ ନିକସଙ୍ଗ୍ ପାର୍ତନା କରିପାରାସ୍ ।

୮ ସବୁଟାନେଅନି ମୁକିଅ ବିସଇ ଅଇଲାଜି ତମର୍ ତମର୍ ବିତ୍ତରେ ଆଲାଦ୍ କରାକରି ଅଇବାଟା । କାଇକେବଇଲେ, ସେଣ୍ଡାରି ଆଲାଦ୍ କଲେ, ତମର୍ ତମର୍ ପାପ୍ ବିସଇ ଚିନ୍ତା ନ କରି ମୁରଚିକରି କେମା ଦିଆଦିଇ ଅଇସା ।

୯ ତମର୍ ବିତ୍ତରେ ମୁରମୁରା ନଅଇ ଗଟେକ୍ ଲକ୍ ଆରି ଗଟେକ୍ ଲକ୍କେ ଗତିଆ କରି ତାକାତାକି ଉଆ ।

୧୦ ତାକେ ବିସ୍ବାସ୍ କରବା ସବୁଲକ୍କେ ପରମେସର୍ ବିନ୍ ବିନ୍ ଦାନ୍ ସର୍ପିଦେଲା ଆଟେ । ଗଟେକ୍ ବିସ୍ବାସ୍ ରଇବା ଗତିଦାଙ୍ଗ୍ତା ପାରା ସେ ଦେଇରଇବା ଦାନ୍ ବିନ୍ ଲକ୍ମନ୍ ମଙ୍ଗଲ୍ ଅଇବାକେ ଦିଆସ୍ ।

୧୧ ଜନ୍ ଲକ୍ମନ୍ କବର୍ ଜାନାଇଲାଜନି, ଆମେ ପରମେସରର୍ କବର୍ ଜାନାଇଲୁନି, ବଲି ଜାଗରଡ଼ ରଇବାର୍ ଆଟେ । ଜନ୍ ଲକ୍ମନ୍ ତାକର୍ ବାଇବଇନିମନ୍କେ ସେବା କଲାଜନି, ଆମେ ପରମେସର୍ ବପୁ ଦେଲାକେସେ, ସେବାକଲୁନି ବଲି ଏତାଅଡ଼ । ତମେ କରିରଇବା ସବୁ କାମେ ଜିସୁକିରିସ୍ଟଟାନେଅନି ପରମେସର୍ ଡାକ୍ପୁଟା ପାଅ । ସେ ଆକା କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ବପୁ ପାଇସି । ଆମେନ୍ !

କିରିସ୍ଟ ବିସ୍ବାସିର୍ ଦୁକ୍

୧୨ ଏ ମର୍ ମଇତରମନ୍, ତମେ ବେସି ଦୁକ୍ କସ୍ଟ ମୁରଚିକରି ରଇବାବେଲେ କାବାଅଇଜିବାର୍ ନାଇ । ନ ଅଇବା ବିସଇ ମକେ କେନ୍ତାରି ଗଟଲାଜି ବଲି ବାବ୍ବାର୍ ନାଇ ।

୧୩ ତାର୍ ବାଦୁଲେ, କିରିସ୍ଟ ଦୁକ୍ କସ୍ଟ ମୁରଚିକରି ରଇଲାଟ୍ ପାରା ତମକେ ମୁରଚିବାକେ ଆଇଲେ, ସାର୍ଦା ଉଆ । ଜନ୍ ଦିନେ ସେ ତାର୍ ଡାକ୍ପୁଟା ଦେକାଇସି, ସେ ଦିନେ ତମେ ଅଦିକ୍ ସାର୍ଦା ଅଇସା ।

୧୪ କିରିସ୍ଟର୍ ସିସ୍ ଅଇଲାଟ୍ ପାଇ ଲକ୍ମନ୍ ତମକେ ନିନ୍ଦା କଲେ, ତମେ କେତେକ୍ କରମର୍ ଲକ୍ ! କାଇକେବଇଲେ ବେସି ମଇମା ରଇବା ପରମେସରର୍ ଆତ୍ମା ତମଟାନେ ଆଟେ ବଲି ଜାନିପାର୍ସା ।

୧୫ ତମର୍ ବିତ୍ତରେ ଜଦି କେ ମିସା ନର୍ ମାର୍ଲାଟ୍ ପାଇ ନଇଲେ ତର୍ ଅଇଲାଟ୍ ପାଇ କି ନିୟମ୍ ନ ମାନ୍ଲାଟ୍ପାଇ କି ବିନ୍ ଲକ୍ମନ୍ ବିସଇତେଇ ମୁଣ୍ଡ ପୁରାଇଲାଟ୍ପାଇ ଦୁକ୍ କସ୍ଟ ପାଆନାଇ ।

୧୬ ମାତର୍ କିରିସ୍ଟକେ ବିସ୍ବାସ୍କରି ଜଦି ଦୁକ୍ କସ୍ଟ ପାଇଲେ ଲାଜ୍ ନ ଅଇ ପରମେସର୍କେ ଡାକ୍ପୁଟା କରା । କାଇକେବଇଲେ ତମକେ କିରିସ୍ଟର୍ ଲକ୍ ଇସାବେ ଲେକାଅଇଲା ଆଟେ ।

୧୭ କାଇକେବଇଲେ ପରମେସର୍ ସବୁ ଲକ୍କେ ବିଚାର୍ କରବାଦିନ୍ ଲଗେ କେଟଲା ଆଟେ । ଆରି ସେ ତାର୍ ନିଜର୍ ଲକ୍କେ ପରତୁମ୍ ବିଚାର୍ କରସି । ଜଦି ସେଟା ଆମର୍ ସଙ୍ଗ୍ ଆରାମ୍ ଅଇଲେ, ତାର୍ ସୁବ କବର୍ ଚାଡ଼ିଦେଲା ଲକ୍ମନ୍ଦର୍ ଦସା କେନ୍ତାରି ଅଇସି ?

୧୮ ଦରମ୍ ସାସ୍ତରେ ଲେକାଅଇଲାପାରା,

“ଜଦି ଦରମ୍ ଲକ୍ ମୁକ୍ତି ପାଇବାଟା ଆବଡ଼

ପରମେସରର୍ ବିସଇ କାଇ ଚିନ୍ତା ନ କରବା ପାପିମନ୍ଦର୍ ବିସଇ କେନ୍ତାରି ରଇସି ?”

୧୯ ତେବର୍ପାଇ ପରମେସର୍ ମନ୍ କଲାକେ ତମେ ଜଦି ଦୁକ୍ କସ୍ଟ ମୁରଚିକରି ଆଟାସ୍, ସେଣ୍ଡାରି ଆଲେ ନିକ କାମ୍ କରବାକେ ଲାଗିରୁଆ ଆରି ନିଜେ ତାକେ ସର୍ପିଦେଆ । ସେ କାତା ଦେଇରଇଲାଟା ସିଦ୍ କରସିଆକା ।



ପରମେସରର୍ ମେଣ୍ଡାରିସି

୧ ତମର୍ ମଣ୍ଡଲିର୍ ପାର୍ଚିନ୍ମନ୍କେ ଗଟେକ୍ ବିସଇ କଇବାକେ ମୁଇ ମନ୍ କଲିନି । କାଇକେବଇଲେ ମୁଇ ମିସା ଗଟେକ୍ ପାର୍ଚିନ୍ । କିରିସ୍ଟ ଦୁକ୍କସ୍ଟ ମୁରଚିଲାଟା ମୁଇ ଦେକିଆଟି । ଆରି ତାର୍ ଡାକ୍ପୁଟା ଜାନାଇବା ଦିନେ ମୁଇ ମିସା ତେଇ ମିସ୍ବି । ମୁଇ ତମକେ ବାବୁଜିଆ କଲିନି,

୨ ☆ତମେ ଦେକାରକା କରବା ବିସ୍‌ବାସିମନକେ ଜତନ୍ କରା । କାଇକେବଇଲେ ସେମନ୍ ପରମେସରର୍ ମେଣ୍ଡାରିସି ପାରା । ପରମେସର୍ ସେ ଲକ୍‌ମନକେ ତମ୍‌କେ ସର୍ପିଦେଇଆତେ । ତମେ ସାରଦାସଙ୍ଗ୍ ତାକର୍ ଜତନ୍ ନେବାରୁଆତେ । କାଇକେବଇଲେ ସେଟା ସେ ମନ୍ କଲାନି । ତାରୁ ଆସା ଅଇକରି ଏ କାମ୍ କରବାର ନାଇ । ତାରୁବାଦୁଲେ, ପରମେସର୍‌କେ ଆରି ତାର ଲକ୍‌ମନକେ ସେବାକରବାକେ ମନ୍ କରି ସେଟା କରା ।

୩ ତମେ ଦେକାରକା କରବା ଲକ୍‌ମନକେ ବାଦିଅ କରାନାଇ । ତାରୁ ବାଦୁଲେ ତମର୍ ନିକ ଚଲାଚଲ୍‌ତି ଦେକି ସେମନ୍ ସିକଡ଼ ।

୪ ଆରି ଜେଡେବେଲେ ଜିସୁକିରିସ୍‌ଟ ଜେ କି ସବୁ ବିସ୍‌ବାସିମନର୍ ବଡ଼ ନେତା ଦେକାଇ ଅଇସି, ଉଜଲ୍ ଉନା ନ ଅଇବା ତାକ୍‌ପୁଟାରୁ ପୁରୁସ୍‌କାର ତମ୍‌କେ ଦେଇସି ।

୫ ସେନ୍ତାରିସେ ଏ ଦାଙ୍ଗ୍‌ତାମନ୍, ତମେ ବଡ଼ଲକ୍‌ମନର୍ କାତା ମାନିକରିରୁଆ । ମନ୍ ବିତ୍‌ରେ ସୁଆଲ୍ ରଇ ଗଟେଲକ୍ ଆରି ଗଟେଲକ୍‌କେ ସେବା କରାକରି ଅଇରୁଆ । କାଇକେବଇଲେ ସାସ୍‌ତରେ ଲେକା ଅଇଲାଆତେ ବଡ଼ପନ୍ ଅଇବା ଲକ୍‌ମନକେ ପରମେସର୍ ବିରଦ୍ କରସି, ମାତର୍ ମନେ ମନେ ସୁଆଲ୍ ରଇବା ଲକ୍‌ମନକେ ଦୟା ଦେକାଇସି ।

୬ ☆ସବୁରଟାନେ ଅନି ବପୁ ରଇବା ପରମେସର୍‌କେ ନିଜେ ସର୍ପିଦେଆ । ତାରୁ ସମାନ୍ ବେଲାଇ ସେ ତମ୍‌କେ ଉଟାଇସି ।

୭ ତମର୍ ସବୁଜାକ ଚିନ୍ତା କରବାଟା ପରମେସର୍‌କେ ସର୍ପି ଦିଆସ୍, କାଇକେବଇଲେ, ସେ ତମ୍‌କେ ଜତନ୍ କଲାନି ।

୮ ଜାଗର୍‌ତା ଅଇକରି ଜାଗିରୁଆ, କାଇକେବଇଲେ ଆମର୍ ସତ୍‌ରୁ ସଇତାନ୍ କାକେ ମିସା ଗିଲ୍‌ବି ବଲି ଅଡ଼ି ବୁଲ୍‌ଲାନି ।

୯ ବିସ୍‌ବାସେ ତାଟ୍ ରଇକରି ତାକେ ବିରଦ୍ କରା । ଗୁଲାଇ ଦୁନିଆଇ ରଇବା ତମର୍ ବିସ୍‌ବାସି ବାଇବଇନିମନ୍, ଏନ୍ତାରି ଦୁକ୍ କସ୍‌ଟ ପାଇ ମୁରୁଲାଇନି ବଲି ତମେ ଜାନିଆଟାସ୍ ।

୧୦ ଚନେକର୍ ଆଇବା ଦୁକ୍‌କସ୍‌ଟ ମୁରୁଟି ସାରାଇଲେ, ତମ୍‌କେ ପରମେସର୍ କାଇ ଦସ୍ ନ ରଇବା, ତାରୁ ସିଦ୍ ଲକ୍ କରାଇସି । ତମର୍ ବିସ୍‌ବାସ୍ ତାଟ୍ ଅଇବାକେ ସେ ତମ୍‌କେ ବପୁ ଦେଇସି । ଆରି ତମ୍‌କେ ନିକ କୁନାଦି ପାରା ତିଆର୍ କରସି । କିରିସ୍‌ଟର୍ ସଙ୍ଗ୍ ମିସ୍‌ଲାରପାଇ, ତାରୁ ନ ସାରବା ମଇମାତେଇ ମିସ୍‌ବାକେ ତମ୍‌କେ ଡାକ୍‌ଲାଆତେ । ସେ ତମ୍‌କେ ଜିବନ୍ ଦୁକାଇ ଦୟା କରି ଏ ସବୁ ବିସଇ କଲାଆତେ ।

୧୧ ତାକେ ସବୁରଟାନେଅନି ବପୁଆତେ, ସେ ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି । ଆମେନ୍ ।

ସାରାସାରିର୍ ଜୁଆର୍

୧୨ ☆ଏ ଅଲପ୍ ବିସଇର୍ ଚିଟି ଲେକ୍‌ବାକେ ସିଲା ମକେ ସାଇଜ କିରିରଇଲା । ସେ ଗଟେକ୍ ଆମର୍ ବିସ୍‌ବାସି ବାଇ । ତମର୍ ବିସ୍‌ବାସ୍ ତାଟ୍ କରାଇବାକେ ଆରି ପରମେସର୍ ତାରୁ ଜିବନ୍ ଦୁକାଇ ଦୟା ଦେକାଇଲାଟା ତମେ ସତଇସେ ଜାନୁଲାସିନି ବଲି ଟିକ୍ କରବାକେ ମୁଇ ଏ ଚିଟି ଲେକ୍‌ଲିନି । ତାରୁ ଜିବନ୍ ଦୁକାଇଲାଟାନେ ତମେ ତାଟ୍ ସଙ୍ଗ୍ ରୁଆ ।

୧୩ ☆ବାବିଲନେ ରଇବା ତମର୍ ବିସ୍‌ବାସି ବାଇବଇନିମନ୍ ତାକର୍ ଜୁଆର୍ ଜାନାଇଲାଇନି । ପରମେସର୍ ସେମନ୍‌କେ ବାଟ୍‌ଲାଆତେ । ମାରକ୍ ଜାକେ କି ମର୍ ପଅ ଇସାବେ ଦେକ୍‌ଲିନି, ସେମିସା ତାରୁ ଜୁଆର୍ ଜାନାଇଲାନି ।

୧୪ ତମର୍ ବିତ୍‌ରେ ଆଲାଦ୍ ଆତେ ବଲି ଦେକାଇବାକେ ଆଡେ ଦାରି ଜୁଆର୍ କରାକରିରୁଆ ।

କିରିସ୍‌ଟର୍‌ତେଇ ଜେଡ଼କି ଲକ୍ ମିସ୍‌ଲାଇଆତଡ଼ ସେମନ୍ ସବୁ ଲକ୍‌କେ ସାନ୍ତି ମିଲ ।

☆ ୫:୨ ଜଅନ୍ ୨୧:୧୫-୧୭ ☆ ୫:୭ ମାତିଉ ୨୩:୧୨; ଲୁକ୍ ୧୪:୧୧,୧୮:୧୪ ☆ ୫:୧୨ ପେରିଡ଼ ୧୫:୨୨,୪୦ ☆ ୫:୧୩ ପେରିଡ଼ ୧୨:୧୨,୨୫:୧୩;୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪

ପିତର ଦ୍ୱିତୀୟଅର ଲେଖୁଥିବା ପତ୍ର ପିତର ଦୁଇପାଲି ଲେକିରଇବା ଚିଠି ଏ ବଇର ବିସଇ ଜାନବାଟା

ପିତର ଦୁଇପାଲି ଲେକିଲା ଚିଠି ଜାନାଇଲାନି କି, ଏ ଚିଠି ପେରିତ୍ ପିତର ଲେକିଲାଆଚେ । ମାତର ଏବେ କେତେକ୍ କେତେକ୍ ପଣ୍ଡିତମନ୍ ଏଟା ସତ୍ ନାଇ ବଲି କଇଲାଇନି । କଇବାକେଗାଲେ ଏଟା ଗଟେକ୍ ବିନ୍ ପିତର ଲେକିଆଚେ । ସେ ଜିସୁକିରିସ୍ଟର ଗଟେକ୍ ସତ୍ ସାକି ରଇଲା ବଲି ଲେକିଲା ଲକ୍ କଇଲାନି । ଦେକ୍ବା ଇସାବେ ଜିସୁକିରିସ୍ଟ ବାଦଲ୍ବା ବିସଇ କଇଲାନି ୧:୧୭-୧୮ । ପିତର ଏ ଚିଠି କିରିସ୍ଟ ଜନମ୍ ଅଇଲାପଚେ ୫୭-୬୯ ବିତ୍ରେ ତାର୍ ମରନ୍ ଅଇବା ଆଗତୁ ଏଟା ଲେକିଲାଆଚେ । ପିତର ଏଟା ତାର୍ ଦୁଇପାଲି ଲେକିବା ଚିଠିବଲି ମିସା କଇଆଚେ ୩:୧ ।

ପିତରର ପରତୁମ୍ ଚିଠି ଲେକାଅଇଲା ପଚେ, ସେ ଲେକାର୍ ବେଲାକେ ଇତି ଜାଗାଦେଇ ଏଟାକେ ଦୁଇପାଲି ଲେକିଲା ଚିଠି ବଲି କଇଆଚେ । ଏ ଚିଠିଟାନେ ସବୁ ବିସବାସିମନ୍କେ ତାର୍ ସବୁ ବିସଇ ଦେଇଆଚେ । ପିତର ବିସବାସିମନ୍କେ ସାଆସ୍ ଆରି ନିକସଙ୍ଗେ ଜିଉନା କାଉନା କର୍ବାକେ ଆରି ମିର୍ ସିକିଆ ଦେଉ ମନର୍ କାତା ନ ମାନି ଜାଗରତ୍ ରଇବାକେ ଏ ଚିଠିଟାନେ ଲେକିଆଚେ ୨ । ଜିସୁ ଆଇବାଟା ବେସି ଦିନ୍ ଆଚେ ବଲି ମିର୍ କଇବା ଲକ୍ମନ୍କେ ସାଆସ୍ ଦେଲାନି । ପରମେସର୍ ଦିରେ ରଇବା ପରମେସର୍ ନଏ, ମାତର ସବୁଲକ୍ ତାର୍ଲାଗି ଉଦାର୍ ପାଅତ୍ ବଲି ସେ ମନ୍କଲାନି ୨ ଯୁ ପିତର ୩:୮-୯ ଏଟାସେ ଗଟେକ୍ ନିକସଙ୍ଗେ ଜିଉନା କାଉନା କର୍ବାଟା ୩:୧୪

ଏ ବଇ ବିତ୍ରେ ରଇବାଟା

- ୧. ପିତର ତାର୍ ନିଜର୍ ବିସଇ ଆରି ତାର୍ ଚିଠି ପତ୍ବା ଲକ୍ମନ୍କେ ରଇବା ଜାଗା ବିସଇରେ ଜାନାଇଲାନି । ୧:୧-୨
- ୨. ତାର୍ପଚେ ବିସବାସି ବାଇବଇନିମନ୍କେ ନିକସଙ୍ଗେ ଜିଉନା କାଉନା କର୍ବାକେ ଏତାଇଦେଲାଆଚେ । କାଇକେବଇଲେ ପରମେସର୍ ଆମ୍କେ ସାଆସ୍ ଦେଲାଆଚେ । ୧:୩-୨୧
- ୩. ସେ ମିର୍ ସିକାଇବା ଗୁରୁମନ୍କେ ଜାଗରତା କରାଇ ସାରାସାରି ପଚେ ସେମନର୍ଲାଗି କାଇଟା ଗର୍ସି, ସେଟା କଇଲାଆଚେ । ୨:୧-୨୨
- ୪. ପିତର ଜିସୁକିରିସ୍ଟ ଆରିତରେକ୍ ଆଇବା ବିସଇ ଜାଗିରଇ ଜିଉନା କାଉନା କର୍ବାକେ ସାସ୍ ଦେଇଆଚେ । ୩:୧-୧୮

ପିତର ଦୁଇପାଲି ଚିଠି ଲେକିବାଟା

୧ ମୁଇ ସିମନ୍ ପିତର, ଜିସୁକିରିସ୍ଟର ଗଟେକ୍ ଗତିଦାଙ୍ଗ୍ଡା ଆରି ପେରିତ୍ ଅଇଆଚି ।

ଆମେ ଜେନ୍ତି ଜିସୁକିରିସ୍ଟକେ ବିସବାସ୍ କରିଆରୁ, ସେନ୍ତାରି ବିସବାସ୍ କର୍ବା ଲକ୍ମନ୍କେ ଏ ଚିଠି ଲେକିଲିନି । ସେ ଆମର୍ ପରମେସର୍ ଆରି ମୁକ୍ତିକାରିଆ । ତାକେ ବିସବାସ୍ କର୍ବାକେ ସେ ଆକା ଆମ୍କେ ବପୁଦେଲାଆଚେ । ସେ କର୍ବା ସବୁ କାମ୍ ଚିକ୍ ଆରି କାଇ ଅନିଆଇ ନାଇ ।

୨ ପରମେସର୍କେ ଆରି ଆମର୍ ମାପରୁ ଜିସୁକିରିସ୍ଟକେ ତମେ ଜାନଲାର୍ ପାଇ ତାର୍ ସାନ୍ତି ଆରି ସେ ଜିବନ୍ ଦୁକାଇ ଦୟା କଲାଟା ତମ୍କେ ମିଲ ।

ପରମେସର୍ ତାକଲାଟା ଆରି ବାଟଲାଟା

୩ ତାକେ ସାର୍ଦା କରାଇଲାପାରା ଚଲାଚଲ୍ତି କର୍ବାକେ ସେ ଆମ୍କେ ଲଡାକେ ଆଇବା ସବୁ ବିସଇ ଦେଲାଆଚେ । ତାର୍ ବପୁରଲାଗି ସେ ଆମ୍କେ ଏଟା ଦେଲାଆଚେ ଆରି ଆମେ ତାକେ ଜାନଲାର୍ପାଇ ମିସା । ତାର୍ ମଇମାଇ ଆରି ଦରମେ ମିସ୍ବାକେ ସେ ସେ ଆମ୍କେ ତାକିଆଚେ ।

୪ ତାର୍ ମଇମା ଆରି ଦରମର୍ ଲାଗି ସେ ଆମ୍କେ ବେସି ବଡ୍ ଆରି ବେସି ମୁଲିଅ ରଇବା ଦାନ୍ ଦେଲାଆଚେ । କିରିସ୍ଟକେ ବିସବାସ୍ ନ କଲା ଲକ୍ମନ୍ ଜେନ୍ତିକି କାରାପ୍ ବିସଇ କର୍ବାକେ ମନ୍ କର୍ବାଇ, ସେନ୍ତାରି ମନ୍କର୍ବା ଟାନେଅନି ମୁକ୍ତଲାଇବାକେ ସେ ଆମ୍କେ ଏନ୍ତାରି କଲାଆଚେ । ଏ ସବୁ ବିସଇ ତାକର୍ ମନ୍କେ ନସାଇସି । ମାତର ତମେ ପରମେସର୍ ପାରା ଦରମ୍ ଅଇପାର୍ସା ।

୫ ତେବେ କିରିସ୍ଟକେ ବିସବାସ୍ କଲାର୍ ପାଇ ନିକ ଚଲାଚଲ୍ତି କର୍ବାକେ ତେସ୍ଟା କରା । ଏଟାର୍ ସଙ୍ଗ୍, ଗିଆନ୍ ସଙ୍ଗ୍ ଜିଉନାକାଉନା କର୍ବାକେ,

୬ ଜିଉନାକାଉନା ସଙ୍ଗ୍ ନିଜେ ଜାଗରତ୍ ଅଇରଇବାକେ, ଜାଗରତ୍ ରଇକରି ମୁରତି ରଇବାକେ, ମୁରତିକରି ରଇ ପରମେସର୍କେ ସାର୍ଦା କର୍ବା ଗୁନ୍ଚଲନ୍ କର୍ବାକେ,

୭ ଗୁନ୍ଚଲନ୍ସଙ୍ଗ୍ ବାଇବଇନିକେ ଆଲାଦ୍ କର୍ବାକେ, ବାଇବଇନିକେ ଆଲାଦ୍ କରି ସବୁଲକ୍କେ ଆଲାଦ୍ କର୍ବାକେ ତେସ୍ଟା କରା ।

୮ ତମର ଚଳାଚଳୁଥିବା ଜନ୍ମ ଏନ୍ତାରି ଅଦିକ୍ ଅଦିକ୍ ଅଇ ଆଇଲେ, ଆମର ମାପୁରୁ ଜିସୁକିରିସ୍ତକେ ଜାନ୍‌ବା ବିସଇତେଇ ତମେ ଅଦିକ୍ ଅଦିକ୍ ବଢ଼ିଆଇସା ।

୯ ଜନ୍ମ ଗଟେକ୍ ଲକ୍ ଏନ୍ତାରି ଜିଉନାକାଉନା ନ କଲେ, ସେ ଗଟେକ୍ ନିକ ନ ଡିସ୍‌ବା ଲକ୍‌ରପାରା ଅଇଆଟେ । ସେ ପୁରବେ କରୁଇଲଲା ପାପର୍ ଲାଗି ପରମେସର୍ କେମା ଦେଲାଆଟେ ବଲି ପାସ୍‌ରିଦେଇ ଆଟେ ।

୧୦ ତେବର୍‌ପାଇ ଏ ମର୍ ବାଇବଇନିମନ୍, ନିକ ଚଳାଚଳୁଥିବା କର୍‌ବାକେ ଚେସ୍‌ଟା କରା । ସେନ୍ତାରିକଲେ ପରମେସର୍ ତମ୍‌କେ ବାଟିକରି ତାର୍ ଲକ୍ ଅଇବାକେ ତାକ୍‌ଲାଆଟେବଲି ସବୁଲକ୍‌କେ ଡିସ୍‌ସି । ଏ ସବୁ ବିସଇ କଲେ ତମେ କେବେ ମିସା ତାର୍‌ତେଇଅନି ବିନ୍‌ବାଟେ ନ ଜାଆସ୍ ।

୧୧ ଆମର ମାପୁରୁ ଜିସୁକିରିସ୍ତକେ କେବେ ନ ସାର୍‌ବା ରାଇଜେ ପରମେସର୍ ତମ୍‌କେ ସାର୍‌ଦା ସଙ୍ଗ୍ ତାକିନେଇସି ।

୧୨ ଏ ସବୁ ବିସଇ ତମେ ଜାନିରଇଲେ ମିସା, ଆରି ପାଇଲା ସତ୍ ବିସଇଟାନେ ତାଟ୍ ଆଟାସ୍ ମିସା, ଏ ସବୁ ବିସଇ ତମ୍‌କେ ଏତାଇଦେଇତେ ରଇବି ।

୧୩ ମୁଇ ବଢ଼ିରଇବା ଜାକ ଏ ସବୁ ବିସଇ କାତା ଅଇବାଟା ନିକ । ଜେନ୍ତୁକି ତମେ ସେଟା ଆରି ନ ପାସ୍‌ରାସ୍ ।

୧୪ ମର୍ ଜିବନ୍ ଦାପ୍‌ରେ ସାରିଜାଇସି ବଲି ମୁଇ ଜାନି । କାଇକେବଇଲେ ଆମର ମାପୁରୁ ଜିସୁକିରିସ୍ତ ମକେ ନିକସଙ୍ଗ୍ ଜାନାଇଆଟେ ।

୧୫ ଏ ସବୁ ବିସଇ ତମ୍‌କେ ଏତାଇଦେବାକେ ମୁଇ ବେସି ଆବଡ୍ ଅଇଲିନି । ଜେନ୍ତାରିକି ମୁଇ ମଲାପଟେ ମିସା ଏ ସବୁ ବିସଇ ଏତାଇସା ।

କିରିସ୍ତର୍ ମଇମା ସବୁଲକ୍ ଦେକ୍‌ବାଇ

୧୬ ଆମର ମାପୁରୁ ଜିସୁକିରିସ୍ତ ତାର୍ ସବୁ ବପୁରସଙ୍ଗ୍ ବାଉଡ଼ି ଆଇସି ବଲି ତମ୍‌କେ କଇରଇଲୁ । ସେଟା ବିନ୍ ଲକ୍ ତାକର୍ ଚାଲାକିକରି ତିଆରକଲା ଗଟେକ୍ କାତାନି ନର୍ ।

୧୭ ଆମେ ନିଜେ ଆକିସଙ୍ଗ୍ ତାର୍ ମଇମା ଦେକ୍‌ଲୁ । ବାବା ପରମେସର୍ ତାକେ ତାକ୍‌ପୁଟା କରି ମଇମା ଦେଲାବେଲେ ଆମେ ତେଇ ରଇଲୁ । ସେ ନିଜେ ସବୁଟାନେଅନି ମଇମାର୍ ପରମେସର୍ କଇରଇଲା “ଏଟା ମର୍ ଆଲାଦର୍ ପ, ତାର୍‌ଟାନେ ମୁଇ ବେସି ସାର୍‌ଦା ।”

୧୮ ସେ ସବଦ୍ ସୁନ୍‌ଲାବେଲେ ପରମେସରର୍ ସୁକଲ୍ ପରବତେ ଆମେ ମିସା କିରିସ୍ତର୍ ସଙ୍ଗ୍ ରଇଲୁ ।

୧୯ ବବିସତ୍‌ବକ୍‌ତାମନ୍ କାତା ସତ୍ ଆଟେ ବଲି ଆମେ ଜାନିଆରୁ । ଏ ସବୁ କାତା ତମେ ମନ୍‌ଦିଆନ୍ ଦେଇ ସୁନା । କାଇକେବଇଲେ ସେଟା ଆନ୍‌ଦାରେ ଲାଗିରଇବା ଗଟେକ୍ ବଡ଼ିର୍ ଉଜଲ୍ ପାରା ଆଟେ । ସାକ୍‌ଲିଆ ଉଜଲ୍ ଡିସ୍‌ବା ତାରାପାରା ତମର୍ ମନ୍‌ବିଡ଼ରେ ଉଜଲ୍ ଦେଇସି ।

୨୦ ବବିସତ୍‌ବକ୍‌ତାମନ୍ କେ ମିସା ନିଜେ ବାବିକରି ସାସ୍‌ତର୍‌ଟାନେ ଲେକ୍‌ତନାଇ । ଏଟା ତମେ ବାଇଦରେ ଜାନ୍‌ବାର୍ ଆଟେ ।

୨୧ କାଇକେବଇଲେ, ସେମନ୍ କେବେମିସା ନିଜର୍‌ତେଇଅନି କାଇ ବବିସତ୍ କାତା କଅଡ୍ ନାଇ । ମାତର୍ ପରମେସର୍‌ଟାନେଅନି ଆଇଲା କାତା ସୁକଲ୍‌ଆଡ଼ମାର୍ ସାଇଜ ସଙ୍ଗ୍ କଇରଇଲାଇ ।

୨

ମିର୍ ସିକିଆ ଦେଉମନ୍

୧ ପୁରବେ ପରମେସରର୍ ଲକ୍‌ମନ୍‌ର ବିଡ଼ରେ ମିର୍ କାତା କଇବା ବବିସତ୍‌ବକ୍‌ତାମନ୍ ମିସା ରଇଲାଇ । ସେନ୍ତାରିସେ ତମର୍ ବିଡ଼ରେ ମିସା ମିର୍ ସିକାଉମନ୍ ରଇବାଇ । ପରମେସରର୍ ବିସଇ ସେମନ୍ ମିର୍‌ଟା ସିକାଇବାଇ । ଜନ୍ ଲକ୍‌ମନ୍ ସେ କାତା ବିସ୍‌ବାସ୍ କର୍‌ବାଇ, ସେମନ୍ ବିନାସ୍ ଅଇଜିବାଇ । ସେମନ୍‌କେ ମୁକ୍‌ଲାଇଲା ନିଜର୍ ମୁକ୍‌ତିକାରିଆକେ ସେମନ୍ ଚାଡ଼ିଦେବାଇ । ସେନ୍ତାରି କଲାର୍ ପାଇ ପରମେସର୍ ସେମନ୍‌କେ ଦାପ୍‌ରେ କୁରୁପ୍‌ନାସ୍ କର୍‌ସି ।

୨ ବିସ୍‌ବାସି ବଲାଇଅଇବା ବେସି ଲକ୍‌ମନ୍ ତାକର୍ କାରାପ୍ ଚଳାଚଳୁଥିବା ଦାର୍‌ବାଇ ଆରି ସତ୍ ବାଟର୍ ବିସଇନେଇ କାରାପ୍ କାତା କଇ ବୁଲ୍‌ବାଇ ।

୩ ଏନ୍ତାଟା ସିକାଉମନ୍ ଲକ୍ ଅଇକରି ନିଜେ ତିଆର୍ କରିରଇବା କାତା କଇକରି ତମ୍‌କେ ନାତାଇବାଇ । ସେନ୍ତାରି ଲକ୍‌ମନ୍‌କେ ଡଣ୍ଟ ଦେବି ବଲି ପରମେସର୍ କାତା ଦେଇରଇଲା । ଆରି ସେଟା କର୍‌ବାକେ ସେ ଏବେ ଜାଗିଆଟେ । ସେ ସେମନ୍‌କେ କୁରୁପ୍‌ନାସ୍ କର୍‌ସି ଆକା ।

୪ ପୁରବେ କେତେଟା ଦୁଡ଼ମନ୍ ଜେଡେବେଲେ ପାପ୍ କରିରଇଲାଇ, ପରମେସର୍ ସେମନ୍‌କେ ଡଣ୍ଟ ନ ଦେଇକରି ଚାଡ଼ିଦେଏ ନାଇ । ମାତର୍ ସେମନ୍‌କେ ନର୍‌କେ ପିଙ୍ଗିଦେଲା । ସେମନ୍‌କେ ବିଚାର୍ କରି ଡଣ୍ଟଦେବା ଦିନ୍ ଜାକ ସେ ସେମନ୍‌କେ ବନ୍ଦିକରି ଆନ୍‌ଦାରେ ସଙ୍ଗିଇସି ।

୫ ଆଗରକାଲେ ବଢ଼ିରଇବା ଲକ୍‌ମନ୍ ପରମେସର୍‌କେ ମାନିକରି ରଅଡ଼ନାଇକେ, ସେ ସେମନ୍‌କେ ଡଣ୍ଟ ନ ଦେଇକରି ଚାଡ଼େନାଇ । ତାର୍‌ବାଦୁଲେ ସେମନ୍‌ପାଇ ବନିଆ ଆନାଇଲା । ତେଇ ସବୁଲକ୍ ବୁଡ଼ିଗାଲାଇ । ମାତର୍ ସେ ନଅ ଆରି

☆ ୧:୧୭ ମାଡ଼ିଉ ୧୭:୧-୫; ମାର୍‌କ ୯:୨-୭; ଲୁକ୍ ୯:୨୮-୩୫

ତାର କୁରୁମର ସାତଲକ୍ଷକେ ସେ ରକିଆ କଲା । ସେବେଲେ ନଅ ପରମେସର ଦେକ୍‌ବା ଇସାବେ ଟିକ୍ ବିସଇ କରବାର୍ ଆତେ ବଲି ଲକ୍ଷମନ୍‌କେ କଇତେରଇଲା ।

୭ ସଦମ୍ ଗମରା ନଅରମନ୍‌କେ ରଇବା ଲକ୍ଷମନ୍‌କେ ପରମେସର ଦସିକରି ତାକର୍ ନଅରମନ୍‌କେ ପଡାଇକରି କୁରୁପ୍‌ନାସ୍ କରିଦେଲା । ସେମନ୍ ବେସି କାରାପ୍ କାମ୍ କଲାଇଜେ ଏନ୍ତାରି କଲା । ତାକେ ନ ମାନିକରି ରଇବା ଲକ୍ଷମନ୍‌କେ ଏନ୍ତାରି ଦସା ଅଇସି ବଲି ଲକ୍ଷମନ୍‌କେ ଦେକାଇଲା ।

୮ ସେ ନଅରମନ୍ ପଡାଇବା ଆଗତୁ ସେ ଲଡକେ ରକିଆ କଲା । ଲଡ ଗଟେକ୍ ନିକଲକ୍ ରଇଲା । ତାର ନଅରର ଲକ୍ଷମନ୍ କରିରଇବା ପାଦ୍ରାପାଦ୍ରି କାମ୍ ଆରି ନିୟମ୍ ନ ମାନବାଟା ଦେକି ବେସି ଦୁକ୍ କରତେରଇଲା ।

୯ ସେନ୍ତାରି କାରାପ୍ ଲକ୍ଷମନ୍‌ର ବିତରେ ଲଡ ନିକ ସଙ୍ଗ୍ ବଠିକରି ରଇଲା । ସେମନ୍ କରିରଇବା କାରାପ୍ କାମ୍ ସେ ଦେକ୍‌ତେରଇଲା ଆରି କଇତେରଇବା ସଡ୍ ନ ରଇବା ବିସଇ, ସୁନ୍‌ତେରଇଲା । ସେ ଗଟେକ୍ ନିକ ଲକ୍ ରଇଲାଜେ ଏଟାମନ୍ ସୁନି ଦୁକ୍ କରତେରଇଲା ।

୧୦ ସେନ୍ତାରି ଆଲେ ଦରମ୍ ଲକ୍ଷମନ୍‌କେ ପରମେସର ତାକର୍ ଦୁକ୍ କସଟ୍ ତେଇଅନି ଆରି ଆଇବା ପରିକାଇ ଅନି ରକିଆ କରସି । ଆରି କାରାପ୍ ଲକ୍ଷମନ୍‌କେ ସେ ସବୁ ଲକ୍‌କେ ବିଚାର୍ କରବା ଦିନ୍ ଜାକ ଡଣ୍ଡଦେଇ ସଙ୍ଗ୍‌ଇସି ।

୧୧ ତାକର୍ ପାପର୍ ଗୁନ୍‌ଚଲନ୍ ଇସାବେ ଚଲାଚଲ୍‌ତିକରି ଲାଜର ବିସଇ କରବା ଲକ୍ଷମନ୍‌କେ ସେ ବେସି ବଡ୍ ଡଣ୍ଡ ଦେଇସି । ତାକର୍ ଉପରେ ସାସନ୍ କରବାକେ ପରମେସରର୍ ଜନ୍ ଅଦିକାର୍ ଆତେ, ସେଟା ସେମନ୍ ନିଚ୍‌ଲାଇନି ।

୧୨ ଏନ୍ତାରି ମିର୍ ସିକାଉ ଆଁକରିଆମନ୍, ନିଜର୍ ମନ୍‌କେ ଆଇଲାଟା କରବାକେ ଡରଡ୍ ନାଇ । ସର୍‌ଗେ ମଇମାସଙ୍ଗ୍ ରଇବାଟାମନ୍‌କେ ମିସା ନିନ୍ଦା କରବାଇ ।

୧୩ ତାକର୍‌ଟାନେଅନି ଅଦିକ୍ ବଡ୍‌ରଇ ବପୁ ରଇବା ଦୁଡ୍‌ମନ୍, ମାପୁରୁର୍ ମୁଆଟେ ଆକର୍ ବିସଇନେଇ ନିନ୍ଦାକାତା କଅଡ୍ ନାଇ ।

୧୪ ମାତର୍ ଏମନ୍ ଡଙ୍ଗ୍‌ରେ ରଇବା ପସୁମନ୍‌ରପାରା । ତାକର୍ ଗାଗଡ୍ ଜନ୍‌ଟା କରବାକେ ମନ୍ କରସି, ସେଟାସେ କଲାଇନି । ସେନ୍ତାରି ପସୁମନ୍‌କେ ଲକ୍ଷମନ୍ ଦାରିକରି ମରାଇବାଇ । ସେମନ୍ ନାଜାନ୍‌ଲା ବିସଇ ନେଇକରି ନିନ୍ଦାକାତା କଇବାଇ । ସେମନ୍‌କେ ଲକ୍ଷମନ୍ ମରାଇଲା ପାରା ପରମେସର କୁରୁପ୍‌ନାସ୍ କରସି ।

୧୫ ବିନ୍ ଲକ୍ଷମନ୍‌କେ ସେମନ୍ ବେସି ଦୁକ୍ କସଟ୍ ଦେଲାଇଆତଡ୍‌କେ ପରମେସର ମିସା ସେମନ୍‌କେ ଦୁକ୍ କସଟ୍ ଦେଇସି । ନିଜର୍ ଗାଗଡ୍ ମନ୍ କଲାଟା ପୁରାପୁରୁନ୍ କରବାକେ ସେମନ୍ କାଇଟା ମିସା କରବାଇ । ସେଟା ଦିନ୍‌ବେଲେ ମିସା କରବାଇ । ମାତର୍ ସେମନ୍ ତମର୍ ସଙ୍ଗ୍ କାଇବାକେ ବସ୍‌ଲାବେଲେ ମିସା ସେନ୍ତାରି ଅଇତେରଇବାଇ, ଜନ୍‌ଟାକି ତମ୍‌କେ ଇଜଡ୍ ଜିକି ଲାଜ୍ କରାଇସି ।

୧୬ ବେସିଆ କାମ୍ କରବାକେ ସବୁବେଲେ ମନ୍ କରତେରଇବାଇ । ସେନ୍ତାରି କରବାଟାନେଅନି ସେମନ୍ କେବେ ନ ତେବଡ୍ । ମନ୍ ବିତରେ ଦୁରବଲ୍ ରଇବା ଲକ୍ଷମନ୍‌କେ ନାଡାଇକରି ପାପ୍‌କାମ୍ କରବାଟାନେ ଡାକିନେବାଇ । ସେମନ୍ ବେସି ଲବି ଅଇଆତଡ୍ । ପରମେସର ସେମନ୍‌କେ ସାଇପ୍ ଦେଲା ଆତେ ।

୧୭ ସଲକ୍ ବାଟ୍ ଚାଡିକରି ବାଟ୍‌ବାନା ଅଇଲାଇ ଆତଡ୍ । ବେଅର୍ ପଅ ବାଲାମ୍, ଜେ କି ଗଟେକ୍ ବବିସଡ୍‌ବକ୍‌ତା ରଇଲା, ସେ ଜନ୍ ରକାମ୍ କାମ୍‌ମନ୍ କରିରଇଲା, ଏମନ୍ ମିସା ସେନ୍ତାରି କଲାଇଆତଡ୍ । ତାରୁ ଆସାଅଇ ବାଲାମ୍ ଏନ୍ତି ରଇଲାଜେ ସେଟା ମିଲାଇବାକେ ବୁଲ୍ କାମ୍ କରବାକେ ମିସା ତିଆର୍ ଅଇରଇଲା ।

୧୮ ମାତର୍ ସେ କରିରଇବା କାରାପ୍ କାମ୍‌ର ଲାଗି, ପରମେସର ତାକେ ଦମ୍‌କାଇଲା । ତାର୍ ଗଦ ନରଲକ୍ ପାରା କାତା ଅଇଲା ଆରି ଜନ୍ ବାୟା କାମ୍ କରବାକେ ସେ ଜାଇତେରଇଲା, ସେ କାମେଅନି ତାକେ ତେବାଇଲା ।

୧୯ ଏ ଲକ୍ଷମନ୍ ପାନି ଆଁଟିଜାଇରଇବା ପାଜରା ପାରା । ଜବର୍ ପବନ୍ ଆସି ଉଡାଇନେବା ବାଦଲ୍ ପାରା । ପରମେସର ସେମନ୍‌ରପାଇ ପୁରାପୁରୁନ୍ ଆନ୍ଦାର୍ ରଇବା ଗଟେକ୍ ଜାଗା ସଙ୍ଗ୍‌ଇଆତେ ।

୨୦ ସେମନ୍ ଲକ୍ଷମନ୍‌କେ ସିକାଇବା ବେଲେ ମୁକ୍ତି ବିସଇପାରା ରଇସି, ମାତର୍ ତେଇ କାଇଟା ନ ରଏ । ଗାଗଡ୍ ମନ୍ କଲା ସବୁ ଗୁନ୍‌ଚଲନ୍ କରିଅଇସି ବଲି ସେମନ୍ ସିକାଇବାଇ । ନୁଆ ନୁଆ ନିକ ଚଲାଚଲ୍‌ତି କରି ଆଇତେରଇବା ଲକ୍ଷମନ୍‌କେ ସୁଡ୍‌ରାଇକରି ନେବାଇ ।

୨୧ ତାକର୍ ସିକିଆ ମାନିକରି ରଇଲେ ମୁକ୍ତି ମିଲ୍‌ସି ବଲି ସେମନ୍ କାତାଦେବାଇ । ମାତର୍ ସେମନ୍ ନିଜେ କାରାପ୍ ଚଲାଚଲ୍‌ତିର୍ ଗତିଦାଙ୍ଗ୍‌ତା ଅଇଆତଡ୍ । ସେ କାରାପ୍ ଚଲାଚଲ୍‌ତି ସେମନ୍‌କେ କୁରୁପ୍‌ନାସ୍ କରସି । ଜଦି ଗଟେକ୍ ଲକ୍‌କେ କାରାପ୍ ଅବିଆସ୍ ଦାରିଆତେ, ସେ ତାର୍ ଗତିଦାଙ୍ଗ୍‌ତା ।

୨୨ ସେନ୍ତାରି ମିର୍ ସିକାଉମନ୍ ଲକ୍ଷମନ୍‌କେ କୁରୁପ୍‌ନାସ୍ କରବା କାରାପ୍ ବିସଇତେଇଅନି ରକିଆ ପାଇକରି ଆମର୍ ମୁକ୍ତିକାରିଆ ମାପୁର୍ ଜିସୁକିରିସଟ୍‌କେ ଜାନିରଇଲାଇ । ମାତର୍ ଆରିତରେକ୍ ସେ କାରାପ୍ ବିସଇମନ୍ କରବାକେ ନିଜେ ସର୍‌ପିଅଇଲାଇ ଆତଡ୍ । ତାକର୍ ଏବର୍ ଇନସ୍‌ତା ଆଗ୍‌ତୁର୍ ଇନସ୍‌ତାଇ କେତେକ୍ ଅଦିକ୍ ଆତେ ।

୨୩ ଦରମ୍ ଚଲାଚଲ୍‌ତି କରବା ବାଟ୍ ସେମନ୍ କେବେ ଜାନିନରଇଲେ ତାକର୍ ପାଇ ନିକ ଅଇତା । ମାତର୍ ସେମନ୍ ଏବେ ଲକ୍ଷମନ୍ ସିକିଆ ପାଇରଇବା ପରମେସରର୍ ନିୟମ୍ ଚାଡିଦେଇଆତଡ୍ ।

୨୨ ସେମନ୍ କଲ୍ୟାପାରା ବିସଇ ଉପଦେସ୍ ବଇଟାନେ ଲେକା ଅଇଲାଆତେ । କୁକୁର୍ ଜନ୍ଟା ବାତିକର୍ସି, ସେଟାସେ ଜାଇ କାଇସି, ଗୁସ୍ରିକେ ପାନି ଦୁଆଇଦେଇ ରଇଲେ ମିସା ସେ କାଦଲଗେସେ ଜାଇ ଚକ୍ଟି ଅଇସି ।

୩

ମାପୁରୁ ଆଇବା ଦିନ୍

୧ ଏ ମର୍ ଆଲାଦର୍ ବାଇବଇନିମନ୍, ଏଟା ମୁଇ ତମର୍ ଲଗେ ଦୁଇପାଲି ଅଇଲା ଚିଟି ଲେକ୍ଲିନି । ଏ ଦୁଇଟାଜାକ ଚିଟିତେଇ ଏ ସବୁ ବିସୟ୍ ମନେ ଏତାଇ ତମର୍ ମନେ ସୁକଲ୍ କର୍ବାପାଇ ଚିନ୍ତା କଲିନି ।

୨ ବେସି ଆଗେ ସୁକଲ୍ ବବିସତ୍ବକ୍ତାମନ୍ ଜନ୍ସବୁ କାତା ଜାନାଇ ରଇଲା ଆରି ଉଦାର୍ କର୍ବା ମାପୁରୁ ଦେଇରଇବା ଆଦେସ୍ ତମ୍ବକେ ପେରିଡ୍ ସିସ୍ମାନ୍ ଦେଇଆଚଡ୍, ସେଟା ତମର୍ ମନେ ଏତାଇ ଦେବାକେ ମନ୍କଲିନି ।

୩ *ପର୍ତ୍ତମେ ଏଟା ଜାନା ଜେ, ସାର୍ଲା ଦିନ୍ମନ୍କେ ଲକ୍ମନ୍ ନିଜର୍ ନିଜର୍ କାରାପ୍ ମନ୍କଲା ଇସାବେ ଚଲାଚଲ୍ଟି କର୍ବାଇ । ସାରାସାରି ଦିନେ ସେମନ୍ ସତ୍ବକେ ନିସାର୍ କରି ପାଟାର୍ବାଇ ।

୪ ଆରି କିଜାଇକରି କଇବାଇ, “ଜିସୁ ଆଇବି ବଲି କାତା ଦେଇରଇଲାଟା, କେନେ ତେବେ ?” କାଇକେବଇଲେ ପୁରବେଅନି ଆମର୍ ଆନିଦାଦିମନ୍ ମଲାତେଇଅନି ଏବ୍ବକେ ଜାକ ସବୁ ବିସଇ ଜେନ୍ତି ରଇଲା, ଏବେ ମିସା ସେନ୍ତାର୍ସେ ଆତେ ।

୫ ସେମନ୍ ଜାନି ଜାନି ପାସ୍ରିଗାଲାଇନି ଜେ ଆଗର୍ ବେଲ୍ ଆରି ବାଦଲ୍ ସବୁ ମାପୁରୁ ବାକିଅର୍ ଲାଗି ଗଟ୍ଲା ଆତେ, ଦର୍ତ୍ତନି ପାନି ବିଡ୍ରେଅନି ବାରଇଲା ଆତେ ଆରି ଦର୍ତ୍ତନି ଚାରିବେଟ୍ଟି ପାନି ରଇଲା ବଲି ।

୬ ତାର୍ଲାଗି ସେ ସେବେଲେ ପୁରନା ଜଗଡ୍ ପାନି ସଙ୍ଗ୍ ବୁଡି ନସିଗାଲା ।

୭ ମାତର୍ ଏବେ ରଇବା ବାଦଲ୍ ଆରି ଦର୍ତ୍ତନି ସେ ବାକିଅର୍ ଲାଗି, ଦରମ୍ ନଇଲା ଲକ୍ମନ୍କେ ବିଚାର୍ ଆରି ବିନାସର୍ ଦିନ୍ ଜାକ, ଜଇ ସଙ୍ଗ୍ ନସ୍ଟ ଅଇବାକେ ଜମାଇକରି ସଙ୍ଗଇଲା ଆତେ ।

୮ ମାତର୍ ଏ ଆଲାଦର୍ ବାଇମନ୍, ମାପୁରୁ ଦେକ୍ବା ଇସାବେ, ଗଟେକ୍ ଦିନ୍ଜେ ଅଜାର୍ ବରସ୍ ପାରା, ଆରି ଅଜାର୍ ବରସ୍, ଗଟେକ୍ ଦିନ୍ ପାରା, ଏ ମୁଲିକା ରଇଲା ବିସଇ ତମେ ପାସ୍ରି ନାଇ ।

୯ ଅଲସମ୍ ଅଇସି ବଲି କେତେଲକ୍ ଏତାଇଲାଇନି, ମାତର୍ ମାପୁରୁ ନିଜେ କାତା ଦେଲା ବିସଇ ସେନ୍ତାର୍ ଅଲସମ୍ କରେନାଇ । ମାତର୍ କେମିସା ଜେନ୍ତିକି ବିନାସ୍ ନଅଡ୍, ସେମନ୍ ସବୁ ମନ୍ ବାଦ୍ଲାଇବାଇ, ଏଟା ସେ ମନ୍କରି ତମର୍ ପାଇ ବଲି ଅଲସମ୍ ଅଇଲାନି ।

୧୦ *ମାପୁରୁ ଦିନ୍ ଚର୍ ଆଇଲା ରକାମ୍ କେଟିଜାଇସି । ସେ ଦିନେ ବାଦଲ୍ ସବୁ ବେସି ସବଦ୍ ସଙ୍ଗ୍ ନସ୍ଟ ଅଇଜାଇସି, ବାଦ୍ଲେ ଉଜଲ୍ ରଇବାଟାମନ୍ ସବୁ ସିଲିଜାଇସି, ପୁରତିବି ଆରି ସିତି ରଇଲା ଲକ୍ମନ୍ ତିଆର୍ କଲା ଜେତେକ୍ ସବୁ ଜିନିସ୍ ପଡିଜିବାଇ ।

୧୧ ଏ ସବୁ ବିସଇ ଏ ରକାମ୍ ଆଜିଜାଇସି, ତେବର୍ ପାଇ ତମେମନ୍ ବେସି ସୁକଲ୍ ଆରି ଜାଗ୍ଡସଙ୍ଗ୍ ରଇବାର୍ ଆତେ ।

୧୨ ମାପୁରୁ ଆଇବା ଦିନ୍କେ ଜାଗି କରି, ସେଟାଜେନ୍ତି ଦାପ୍ରେ ଆଇସି, ସବୁ ବେଲେ ଦରମ୍ ଚଲାଚଲ୍ଟି କର୍ବାର୍ ଆତେ ।

୧୩ *ଆମେ ସେ କାତା ଦେଲା ଇସାବେ ନୁଆଁ ବାଦଲ୍ ଆରି ନୁଆଁ ପୁରତିବିକେ ଜାଗ୍ଲୁନି । ସେଟା ଦରମ୍ଲକର୍ ବାସା ଅଇବା ଜାଗା ଅଇସି ।

୧୪ ସେଟାର୍ ପାଇ ଏ ଆଲାଦର୍ ବାଇମନ୍, ତମେ ସେ ଦିନ୍କେ ଜାଗ୍ଡେରୁଆ । ପର୍ତ୍ତମେସର୍ ଦେକ୍ବା ଇସାବେ, କାଇ ଦସ୍ ନ ଅଇତେ, ସୁକଲ୍ ଲକ୍ମନ୍ ପାରା, ତାର୍ ସଙ୍ଗ୍ ସାନ୍ତିଅଇ ରଇବାକେ ଜାଗ୍ଡେ ଉଆ ।

୧୫ ଆରି, ଆମର୍ ମାପୁରୁ ବେସି ଦିନ୍ ଜାଗ୍ବାଟା ଆରି ରକିଆ କର୍ବାଟା ବଲି ଏତାଆ । ଆମର୍ ଆଲାଦର୍ ବାଇ ପାଉଲ୍କେ ମିସା ମାପୁରୁ ତାକେ ଦେଲା ବୁଦି ଇସାବେ ତମର୍ ଲଗେ ଏନ୍ତାର୍ ଲେକ୍ଲା ଆତେ ।

୧୬ ସେ ତାର୍ ସବୁ ଚିଟି ଲଗେ ମିସା ଏ ସମାନ୍ ବିସଇ ଲେକ୍ଲାଆତେ । ମାତର୍ ତେଇଅନି କେତେଟା ବିସଇ ଲକ୍ମନ୍କେ ବୁଜ୍ବାକେ କସ୍ଟ ଆତେ । ଜନ୍ ଲକ୍ମନ୍ ନିକ ସିକଡ୍ନାଇ ଆରି ତାକର୍ ବିସ୍ବାସ୍ତାନେ ଡାଟ୍ନାଇ, ଏ ସବୁ ବିସଇର୍ ଅରଡ୍ ବୁଲ୍ଇସାବେ ବାତାଇଲାଇନି । ପର୍ତ୍ତମେସର୍ ବାକିଅତେଇରଇବା କେତେଟା ବିନ୍ ବିସଇମନ୍ ମିସା ଏନ୍ତାରି ବୁଲ୍କରି ବାତାଇଲାଇନି । ଏନ୍ତାରି କଲାପାଇ ପର୍ତ୍ତମେସର୍ ସେମନ୍କେ କୁରୁପ୍ନାସ୍ କର୍ସି ।

୧୭ ଏ ଆଲାଦର୍ ବାଇମନ୍, ତମେ ଆଗେ ଅନି ଏ ସବୁ ବିସଇ ଜାନି ଜାଗ୍ଡତା ଅଇରୁଆ । କେତେବଲ୍ ନିୟମ୍ ନ ମାନଲା ଲକ୍ମନ୍ ଆସାର୍ କାମର୍ ପାନ୍ଲଗେ ଅଦ୍ରି, ଡାଟ୍ସଙ୍ଗ୍ ରଇବା ବିସ୍ବାସେ ଅନି ଉନା ଉଆନାଇ ।

୧୮ ମାତର୍ ଆମର୍ ମାପୁରୁ ଆରି ଉଦାର୍ କର୍ବା ଜିସୁକିରିସ୍ଟର୍ ଜିବନ୍ ଦୁକାଇଲାଟା ଆରି ଗିଆନ୍ ସଙ୍ଗ୍ ଅଦିକ୍ ଅଦିକ୍ ବଡା । ଏବେ ଆରି କାଲ୍ କାଲ୍ ଜୁଗ୍ ଜୁଗ୍ ଜାକ ସେ ଡାକ୍ପୁଟା ପାଅ । ଆମେନ୍ ।

☆ ୩:୩ ଜିଉଦା ୧:୧୮ ☆ ୩:୧୦ ମାତିଉ ୨୪:୪୩; ଲୁକ୍ ୧୨:୩୯; ୧ମ୍ ତେସଲନିକିୟ ୫:୨; ପର୍କାସିତ ୧୭:୧୫ ☆ ୩:୧୩ ପର୍କାସିତ ୨୧:୧

ଯୋହନ ଲେଖିଥିବା ପ୍ରଥମ ପତ୍ର ଜଅନ୍ ଲେଖିରଇବା ୧ ମ ଚିଠି ଏ ବଇର୍ ବିସଇ ଜାନ୍‌ବାଟା

ଜଅନର୍ ପର୍ତୁମ୍ ଚିଠି ଜିସୁକିରିସ୍ଟ ଜନମ୍ ଅଇକରି ୫୦-୧୦୦ କିରିସ୍ଟାବ୍ଦ ବିତ୍ରେ ପେରିଡ୍ ଜଅନ୍ ଲେଖି ରଇଲା ।

ଜଅନ୍ ନିଜ୍ଜକେ ଗଟେକ୍ ଲେକ୍‌ବା ଲକ୍‌ର୍ ଇସାବେ ଜାନାଇ ଅଏନାଇ । ମାତର୍ ପର୍ତୁମ୍ ପାଟେ ସେ ଜିସୁକିରିସ୍ଟର୍ ଜିବନର୍ ଆରି ମରିକରି ଉର୍ବା ବିସଇ ନେଇକରି ସେ ମୁଇନିଜେ ସାକିବଲିକରି କଇଲାନି ୧:୧-୩ ଜଅନ୍ ପର୍ତୁମ୍ ଲେଖି ରଇଲାଟା ଜଅନ୍ ସୁସମାଚାର ଲଗେ ଲେକା ଅଇଲାପାରା ଅଲପ୍ ମିସ୍‌ସି । ସେ ଜେତେବେଲେ ଏପିସିଡେଇ ରଇଲା । ସେ ଜଅନ୍ ସୁକ୍‌ବର୍ ଆରି ଜଅନର୍ ତିନ୍‌ଟା ଚିଠି ଲେଖିଆଟେ ବଲିକରି ବିସ୍‌ବାସ୍ କର୍‌ବାଇ । ଜନ୍ ବଇକି ପର୍ତୁମ୍ ଜଅନ୍ ଦୁତିଅ ଜଅନ୍ ତୁର୍ତିଅ ଜଅନ୍ ।

ଗିଆନି ବଲିକରି କଇତେରଇବା ଲକ୍‌ମନର୍ ଗଟେକ୍ ଦଲ୍ ଜନଲକ୍‌ମନର୍ ଲାଗି ମଣ୍ଡୁଲିଡେଇ କାଇଆଲେ ଗଟେକ୍ ଗଟ୍‌ନା ଆଇଲେ ଚିଆ ଅଇତେ ରଇବା ଲକ୍‌ମନ୍ । ସେ ବେଲେ ଜଅନ୍ ସବୁ ବିସ୍‌ବାସି ମନ୍‌କେ ଏ ଚିଠିଲେଖି ରଇଲା । ସେମନ୍ ବିସ୍‌ବାସ୍ କର୍‌ବାଇକି ଜିସୁ ସତ୍ରେ ଆଇବା ପୁରାପୁରୁନ୍ ପର୍‌ମେସର୍, ମାତର୍ ଜଗତେ ରଇବାବେଲେ ସେ ବନିମାଉସ୍ ଦାରିରଇବା ଗଟେକ୍ ନରଲକ୍ ନଏ । ଜଅନ୍ ଜିସୁକିରିସ୍ଟର୍ ସଙ୍ଗ୍ ରଇବା ଗଟେକ୍ ସାକି ଆରି ତାର୍ ନିଜର୍ ଆଡ୍‌ସଙ୍ଗ୍ ଜିସୁକେ ଚିଇ ରଇଲାକେ ସେ ଏନ୍ତାରି ଲେକ୍‌ଲା ଆଟେ ୧:୧-୩ । ଜଅନ୍ ଏ ଚିଠି ଲେକ୍‌ବାର୍ ମୁକିଅ କାରନ୍ ଅଇଲାନି ତାର୍ ସାର୍‌ଦା ପୁରାପୁରୁନ୍ ଅଇବାଟା । ପର୍ତୁମ୍ ଜଅନ୍ ୧:୪ ଆରି ବିସ୍‌ବାସି ମନ୍‌କେ ପାପେଅନି ଦୁର୍‌କେ ରଇବାକେ ପର୍ତୁମ୍ ଜଅନ୍ ୨:୧ଆରି ବିସ୍‌ବାସି ମନ୍‌କେ ମିର୍ ସିକିଆଇଅନି ରକିଆକର୍‌ବାକେ, ପର୍ତୁମ୍ ଜଅନ୍ ୨:୨୬ ଆରି ବିସ୍‌ବାସି ମନ୍‌କେ ରକିଆ କର୍‌ବାକେ, ୫:୧୩

ଏ ବଇବିତ୍ରେ ରଇବା ବିସଇ

- ୧. ଜଅନ୍ ତାର୍ ଚିଠିଟାଣେ ନିଜର୍ ବିସଇ ଜାନାଇକରି ଆରି କାଇକେ ଲେକ୍‌ଲାନି ସେଟାସବୁ ଆଟେ । ୧:୧-୪
- ୨. ପର୍‌ମେସର୍ କେନ୍ତାରି ଉଜଲ୍ ବଲିକରି ବୁଜାଇଦେଇ ଜିସୁର୍‌ପାରା ଚଲାଚଲ୍‌ତି କର୍‌ବାକେ କଇଆଟେ । ୧:୫-୩:୧୦
- ୩. ଗଟେକ୍‌ଲକ୍ ଆରି ଗଟେକ୍ ଲକ୍‌କେ କେନ୍ତାରି ଆଲାଦ୍ କର୍‌ବାର୍ ଅଇସି ସେ ବିସଇ ମନେ ଏତାଇଦେଲା ଆଟେ । ୩:୧୧-୫:୧୨
- ୪. ସେ ତାର୍ ଲେକ୍‌ବାଟା ସାରାଇ ଆଟେ । ୫:୧୩-୨୧

ଜିବନର୍ ବାକିଅ

୧ *ଜାକେ ଜିବନର୍ ବାକିଅ ବଲି କଇଲାଇନି, ତାର୍ ବିସଇ ତମ୍‌କେ ଲେକ୍‌ଲୁନି । କାଇଟା ତିଆର୍ ନ ଅଇତେ ପୁରବେଅନି ସେ ରଇଲା । ତାର୍ ବାକିଅ ଆମେ ସୁନିଆରୁ । ସେ କିରିରଇବା କାମ୍‌ମନ୍ ଆମେ ଆଁକି ସଙ୍ଗ୍ ନିକ ଦେକି ଆରୁ । ଆରି ଆମେ ତାକେ ଆଡ୍ ସଙ୍ଗ୍ ଚିଇଲୁ ଆରୁ ।

୨ *ଏ ଲକ୍ ସତ୍ ଜିବନ୍ ଦେଇସି । ପର୍‌ମେସର୍ ଏ ଲକ୍‌କେ ସବୁକେ ଦେକାଇଲା । ଆରି ଆମେ ଦେକ୍‌ଲୁ ଆରି ତାର୍ ସତ୍ ବିସଇ ତମ୍‌କେ କଇଲୁନି । ସେ ଦେଇରଇବା ନ ସାର୍‌ବା ଜିବନର୍ ବିସଇ ତମ୍‌କେ ଜାନାଇଲୁନି । ପୁରବେଅନି ସେ ଆମର୍ ବାବା ପର୍‌ମେସରର୍ ସଙ୍ଗ୍ ରଇଲା । ମାତର୍ ପର୍‌ମେସର୍ ତାର୍ ବିସଇ ଆମ୍‌କେ ଜାନାଇଲାଆଟେ ।

୩ ତେବର୍‌ପାଇ ଏ ଲକ୍, ଜାର୍ ବିସଇ ଆମେ ଦେକିଆରୁ ଆରି ସୁନିଆରୁ, ତାର୍ ବିସଇ ଆକା ଆମେ ତମ୍‌କେ କଇଲୁନି । ଜେନ୍ତାରିକି ତମେ ମିସା ଆମର୍ ସଙ୍ଗ୍ ମିସିବିଡି ରଇସା । କାଇକେବଇଲେ ଆମେ ବାବା ପର୍‌ମେସରର୍ ସଙ୍ଗ୍ ଆରି ତାର୍ ପଅ ଜିସୁ କିରିସ୍ଟର୍ ସଙ୍ଗ୍ ମିସିବିଡି ଆରୁ ।

୪ ଆମର୍ ସାର୍‌ଦା ଜେନ୍ତାରି ପୁରାପୁରୁନ୍ ଅଇସି, ତେବର୍ ପାଇ ଏ ସବୁ ବିସଇ ତମ୍‌କେ ଲେକ୍‌ଲୁନି ।

ପର୍‌ମେସର୍ ଆକା ଉଜଲ୍

୫ ମାତର୍ ଜନ୍ ବିସଇ ଜିସୁକିରିସ୍ଟ ଆମ୍‌କେ କଇଲା, ଆରି ଜାଇଟା ତମ୍‌କେ ଆମେ ଜାନାଇ ଆରୁ, ସେଟା ଅଇଲାନି ପର୍‌ମେସରର୍ ଉଜଲ୍ । ଆରି ତାର୍‌ଟାଣେ ମୁଲ୍‌କେ ଆନ୍ଦାର୍ ନାଇ ।

୬ ତେବର୍‌ପାଇ ଆମେ ପର୍‌ମେସରର୍ ସଙ୍ଗ୍ ମିସିବିଡି ଆରୁ ବଲି କଇକରି କାରାପ୍ କାମ୍ କରି ଆନ୍ଦାରେସେ ରଇବୁ ବଇଲେ, ଆମେ କଇବାଟା ମିର୍ । ଆରି ସତ୍ ବିସଇ ଆମେ ଚାଡିଦେଇଆରୁ ବଲି ଆମର୍ ଚଲାଚଲ୍‌ତିଟାଣେ ଜାନାପଡୁଲାନି ।

☆ ୧:୧ ଜଅନ୍ ୧:୧ ☆ ୧:୨ ଜଅନ୍ ୧:୧୪

୭ ମାତର ଆମେ ସତ୍ କାମ୍ କରି ଉଜଲେ ରଇବୁ ଜେନ୍ତାରି କି ପର୍ମେସର ସବୁବେଳେ ଉଜଲେଆତେ । ସେନ୍ତାର ଆଲେ ଆମେ ଗଟେକ୍ ଲକ୍ ଆରି ଗଟେକ୍ ଲକ୍ ସଙ୍ଗ୍ ମିସିବିତି ଆରୁ । ଆରି ପର୍ମେସରର ପଥ ଜିସୁର ବନି ଆମର ସବୁ ପାପ୍‌କେ ଦଇଦେଇସି ।

୮ ଆମେ କେବେମିସା ପାପ୍ କରୁନାଇ ବଲି କଇଲେ, ଆମେ ନିଜେସେ ନାତାଇଅଇଲୁନି । ଆରି ସତ୍ ବିସଇ ଆମେ ନାଜାନୁନି ।

୯ ଜଦି ଆମେ ବୁଲ୍ କରିଆରୁ ବଲି ପର୍ମେସରକେ ନ ଲୁଚାଇତେ କଇଲେ, ସେ ଆମର ସବୁ ପାପ୍ କେମା କରସି । ଆରି ସବୁ କାରାପ୍ କାମେଅନି ଆମ୍‌କେ ସୁକଲ୍ କରସି ।

୧୦ ଜଦି ଆମେ କେବେ ମିସା ପାପ୍ କରୁନାଇ ବଲି କଇଲେ, ପର୍ମେସର ସତ୍‌ଟା ନର୍ଦ୍ଧ ବଲି କଇଲୁନି । ଆରି ତାର୍ ବାକିଅ ମାନିକରି ରଉନାଇ ।

୨

ରକିଆ କାରି ଜିସୁ

୧ ଏ ମର ପିଲାଟକି ପାରା ଅଇରଇବା ଲକ୍‌ମନ୍, ତମ୍‌କେ ମୁଇ ଏଟା ଲେକ୍‌ଲିନି । ଜେନ୍ତକି ତମେ ପାପ୍ ନ କରାସ୍ । ମାତର କେ ଜଦି ପାପ୍ କଲେ ଆମର ବାବା ପର୍ମେସରର ମୁଆଟେ ଚିଆଅଇରଇବା ଗଟେକ୍ ଲକ୍ ଆମର ପାଇ ଗୁଆରି କଲାନି । ସେ ଅଇଲାନି ଜିସୁକିରିସଟ । ପର୍ମେସର ଦେକବା ଇସାବେ ସେ ପୁରାପୁରୁନ୍ ସତ୍‌ଆତେ ।

୨ ଆମର ବୁଲ୍ କାମରପାଇ ଆମର ବାଦୁଲେ ପର୍ମେସର ଜିସୁକେ ଡଣ୍ଡ ଦେଲା । ତାର୍‌ଲାଗି ଅବ୍‌କା ଆମର ପାପ୍‌ସେ ନର୍ଦ୍ଧ ମାତର ଗୁଲାଇଟାନେ ରଇବା ସବୁଲକ୍‌କର୍ ପାପ୍ ସେ କେମା କରସି ।

୩ ଆମେ ତାକେ ଜାନବା ଲକ୍ ଅଇଲୁଆରୁ । ଜଦି ଆମେ ତାର୍ ତିଆର୍‌ଲାଟା ମାନୁଲୁନି, ଏଟା ଡାଁଟ୍‌ସଙ୍ଗ୍ ଜାନୁଲୁନି ।

୪ କେ ଜଦି ମୁଇ ପର୍ମେସରକେ ଜାନିଆଟିବଲି କଇକରି, ତାର୍ ତିଆର୍‌ଲାଟା ନ ମାନେ, ସେ ମିଟ୍ କଇଲାନି ଆରି ସେ ସତ୍ ବିସଇମନ୍ ନାଜାନେ ।

୫ ମାତର ଜେ ଜଦି ତାର୍ ବାକିଅ ମାନସି, ସେନ୍ତାର୍ ଆଲେ ପର୍ମେସରରପାଇ ରଇବା ତାର୍ ଆଲାଦ୍ ସତଇସେ ପୁରାପୁରୁନ୍ ସିଦ୍ ଅଇଆତେ । ଆମେ ପର୍ମେସରର ସଙ୍ଗ୍ ମିସଲୁଆରୁ ବଲି ଦେକାଇବା ବିସଇ ।

୬ କେ ଜଦି ପର୍ମେସରର ସଙ୍ଗ୍ ମିସିଆଟି ବଲି କଇଲେ, ଜିସୁର ଚଲାଚଲ୍‌ତି ପାରା ଚଲ୍‌ବାଟ୍‌ଆତେ ।

ନୁଆଁ ଆଗିଆ

୭ ଏ ମର ଆଲାଦର ମଇତର୍‌ମନ୍, ମୁଇଁ ତମର ଲଗେ କାଇମିସା ନୁଆ ଆଦେସ୍ ଲେକିନାଇ । ତମେ ଜିସୁର ସଙ୍ଗ୍ ଜିବାକେ ଆରାମ୍ କଲାବେଲେଅନି, ଏ ସମାନ୍ ଆଦେସ୍ ତମେ ଜାନିଆଟାସ୍ । ସେ ପୁରନା ଆଦେସ୍ ସୁନି ସାରାଇଆଟାସ୍ ।

୮ ମାତର ଏଟା ଗଟେକ୍ ନୁଆ ଆଦେସ୍ ପାରା ମିସା ଆତେ । କାଇକେବଇଲେ ତେଇର୍ ସତ୍ ବିସଇ କିରିସଟ ଲଗେ ଆରି ତମର ଲଗେ ତିସଲାନି । ଆନ୍ଦାର୍ ଉଟିଗାଲାନି, ଆରି ସତ୍ ଉଜଲ୍ ତିସଲାନି ।

୯ ଜଦି କେ ମିସା ପର୍ମେସରର ଉଜଲ୍ ଆରି ସୁକଲ୍ ଇସାବେ ଚଲାଚଲ୍‌ତି କଲିନି ବଲି କଇକରି ତାର୍ ସଙ୍ଗ୍ ମିସିବିତି ରଇବା ବିସବାସି ବାଇବଇନିମନ୍‌କେ ଗିନ୍ କରସି, ସେ ଏବେଜାକ ଆନ୍ଦାରେସେ ରଇଲାନି ।

୧୦ ଜନ୍ ଲକ୍‌ମନ୍ ତାକର ମିସିବିତି ରଇବା ବିସବାସି ବାଇବଇନିମନ୍‌କେ ଆଲାଦ୍ କରବାଇ, ସେମନ୍ ପର୍ମେସରର ସୁକଲ୍ ଇସାବେ ଚଲାଚଲ୍‌ତି କଲାଇନି । ସେମନ୍‌ର୍ ଜିବନେ ବିନ୍ ଲକ୍‌ମନ୍‌କେ ପାପ୍ କରାଇବା କାଇ ବିସଇ ନାଇ ।

୧୧ ମାତର ଜେ ମିସା ମିସିବିତି ରଇବା ବିସବାସି ବାଇବଇନିମନ୍‌କେ ଗିନ୍ କଲେ, ସେ ଆନ୍ଦାରେ ଆତେ । ସେ ବୁଲ୍ ଟିକ୍ ନାଜାନିକରି ଚଲାଚଲ୍‌ତି କଲାନି । ସେ କନ୍ତ୍ର ଗାଲାନି ସେଟା ନାଜାନେ । କାଇକେବଇଲେ ସେ ଆନ୍ଦାର୍ ତାର୍ ଆକିକେ କାଣା କରିଆତେ ।

୧୨ ଏ ଆଲାଦର ପିଲାମନ୍, ମୁଇ ତମ୍‌କେ ଲେକ୍‌ଲିନି । କାଇକେବଇଲେ କିରିସଟ୍‌ର୍ ଲାଗି ତମର ପାପ୍ କେମା ଅଇଲାଆତେ ।

୧୩ ଏ ବଡ୍‌ଲକ୍‌ମନ୍, ମୁଇ ତମ୍‌କେ ଲେକ୍‌ଲିନି, କାଇକେବଇଲେ ତମେ କିରିସଟ୍‌କେ ଜାନିଆଟାସ୍ । କାଇଟା ତିଆର୍ ନ ଅଇବା ଆଗତୁ ସେ ରଇଲା । ଏ ଦାଙ୍ଗ୍‌ତାଦାଙ୍ଗ୍‌ତିମନ୍ ମୁଇ ତମ୍‌କେ ଲେକ୍‌ଲିନି । କାଇକେବଇଲେ ସବୁ କାରାପ୍ କାମ୍ କରାଇବା ସଇତାନ୍‌କେ ତମେ ଆରାଇଆଟାସ୍ ।

୧୪ ଏ ଆଲାଦର ପିଲାଟକିମନ୍, ମୁଇ ତମ୍‌କେ ଲେକ୍‌ଲିନି । କାଇକେବଇଲେ ତମେ ବାବା ପର୍ମେସରକେ ଜାନିଆଟାସ୍ । ଏ ବଡ୍ ଲକ୍‌ମନ୍ ମୁଇ ତମ୍‌କେ ଲେକ୍‌ଲିନି । କାଇକେବଇଲେ ତମେ କିରିସଟ୍‌କେ ଜାନିଆଟାସ୍ । କାଇଟା ତିଆର୍ ନ ଅଇବା ଆଗତୁ ସେ ରଇଲା । ଏ ଦାଙ୍ଗ୍‌ତାମନ୍ ମୁଇ ତମ୍‌କେ ଲେକ୍‌ଲିନି, କାଇକେବଇଲେ ତମେ ବିସବାସେ ଡାଟ୍ ଅଇଆଟାସ୍ । ପର୍ମେସରର ବାକିଅ ସବୁବେଳେ ତମର ମନେ ଆତେ । ଆରି ସବୁ ରକାମ୍ ପାପ୍ କାମ୍ କରାଇବା ସଇତାନ୍‌କେ ଆରାଇଆଟାସ୍ ।

☆ ୨:୭ ଜଅନ୍ ୧୩:୩୪

ଜଗତ୍‌କେ ଆଲାଦ୍ କରାନାଇ

୧୫ ମୁଇ ତମ୍‌କେ କଇଲିନି ଏ ଜଗତର୍ ଚଲାଚଲ୍‌ତି ଆରି ତେଇରଇବା ସବୁ କାରାପ୍ ବିସଇ ଆଲାଦ୍ କରାନାଇ । କାଇକେବଇଲେ ଏ ଜଗତର୍ କାରାପ୍ ବିସଇର୍ ଆଲାଦ୍ କରି, ବାବା ପର୍‌ମେସର୍‌କେ ମିସା ଆଲାଦ୍ କରିନାପାରେ ।

୧୬ ସେ କାରାପ୍ ଚଲାଚଲ୍‌ତି ତେଇ ଲକ୍‌ମନ୍ ଜାଇଟା ମନ୍ କର୍‌ବାଇ, ଲକ୍‌ମନ୍ ଦେକିକରି ଲାଲ୍‌ସା ଅଇବାଟା, ସବୁ ବିସଇ ରଇଲାଚ୍‌ପାଇ ବଡ୍‌ପନ୍ ଅଇବାଟା ଏ ସବୁ ରଇସି । ଏ ରକାମ୍ ଚଲାଚଲ୍‌ତି ଏ କାରାପ୍ ଜଗତର୍ ଲାଗି ଅଇଲାଆଟେ । ଆମର୍ ବାବା ପର୍‌ମେସର୍ ଏନ୍ତାରି କର୍‌ବାକେ ଆମ୍‌କେ ତିଆରେନାଇ ।

୧୭ ଏ କାରାପ୍ ଜଗତ୍ ଆରି ତେଇର୍ ସବୁ ରକାମ୍ ଚଲାଚଲ୍‌ତି ଦାପ୍‌ରେ ଉଟିଜାଇସି । ମାତର୍ ଜେ ପର୍‌ମେସର୍‌କେ ମାନ୍‌ସି, ସେ ନ ସାର୍‌ବା ଜିବନ୍ ପାଇସି ।

କିରିସ୍‌ଟର୍ ସତ୍‌ରୁ

୧୮ ଏ ପିଲାଟକିମନ୍, ଏ ଦିନ୍‌ମନ୍ ଏ ଜଗତର୍ ସାରାସାରି ଦିନ୍ । କିରିସ୍‌ଟକେ ବିରଦ୍ କର୍‌ବା ଗଟେକ୍ ଡାକ୍‌ପୁଟା ଲକ୍ ବାରଇସି ବଲି ଆମେ ତମ୍‌କେ କଇରଇଲୁ, ସେଟା ମନେ ପାକାଆ । ଏବେମିସା କିରିସ୍‌ଟକେ ବିରଦ୍ କର୍‌ବାଟାମନ୍ ଜବର୍ ଉର୍‌ଲାଇ ଆତଡ୍ । ସେଟାଚ୍‌ଲାଗି ଏ ଜଗତର୍ ସାରାସାରି ଦିନ୍ ଲଗେ ଅଇଲା ବଲି ଆମେ ଜାନ୍‌ଲୁନି ।

୧୯ ଏ ବିରଦ୍ କର୍‌ବାଟାମନ୍ ଆମର୍ ସଙ୍ଗ୍ ମିସିବିଡି ରଇଲାଇ । ଆରି ଏବେ ସେମନ୍ ଚାଡିଦେଲାଇ । ସେମନ୍ କେବେ ମିସା ଆମର୍ ମିସାବିଡାଟାମେ ମିସଡ୍‌ନାଇ । ଜଦି ସେମନ୍ ସତଇସେ ଆମର୍ ସଙ୍ଗ୍ ବିସ୍‌ବାସି ଅଇରଇଲେ, ଆମର୍ ସଙ୍ଗ୍ ରଇତାଇ । ମାତର୍ ସେମନ୍ ଚାଡିଲାଚ୍‌ପାଇ ଆମର୍ ଦଲର୍ ଲକ୍ ନଅଡ୍ ବଲି ଜାନାପଡ୍‌ଲା ।

୨୦ ମାତର୍ କିରିସ୍‌ଟ ତମ୍‌କେ ସୁକଲ୍ ଆଡ୍‌ମା ଦେଲାଆଟେ ।

୨୧ ତମେ ସଡ୍ ନାଜାନାସ୍ ବଲିକରି ମୁଇ ତମ୍‌କେ ଲେକ୍‌ଲିନି, ସେନ୍ତାରି ନଏଁ । ମାତର୍ ସେଟା ତମେ ନିକ ସଙ୍ଗ୍ ଜାନାସ୍ । ଆରି ସଡ୍ ସିକିଆ ସଙ୍ଗ୍ ବୁଲ୍ ସିକିଆ କେବେ ନ ମିସେ ।

୨୨ ତେବେ କେ ମିଡ୍ କଇଲାଇନି ? ଜିସୁକେ ମସିଅ ନଏଁ ବଲି ଜେ କଇଲାନି, ସେ ଆକା ସବୁର୍‌ଟାମେଅନି ବଡ୍ ମିଟୁଆ । ସେନ୍ତାରି ଲକ୍‌ମନ୍ କିରିସ୍‌ଟର୍ ବିରଦି ଲକ୍‌ମନ୍ । ସେମନ୍ ଉଜେ ବାବା ପର୍‌ମେସର୍‌କେ ଆରି ତାର୍ ପଅ ଜିସୁ କିରିସ୍‌ଟକେ ନାମଡ୍‌ନାଇ ।

୨୩ ଜେ ଜଦି ପର୍‌ମେସର୍‌ର ପଅକେ ନାମେ ନାଇ, ସେ ବାବା ପର୍‌ମେସର୍‌କେ ମିସା ନାମେ ନାଇ, ଜେ ପର୍‌ମେସର୍‌ର ପଅକେ ନାମସି, ସେ ବାବା ପର୍‌ମେସର୍‌କେ ମିସା ନାମସି ।

୨୪ ତମେ କିରିସ୍‌ଟର୍ ସଙ୍ଗ୍ ଜିବାକେ ଆରାମ୍ ଅଇଲାତେଇଅନି ଜନ୍ କବର୍ ସୁନିଆଟାସ୍, ସେଟା ସବୁବେଲେ ମନେ ପାକାଆ । ଜଦି ସେ କବର୍ ତମର୍ ମନେ ରଇସି, ସେନ୍ତାଆଲେ ତମେ ବାବା ପର୍‌ମେସର୍ ସଙ୍ଗ୍ ଆରି ତାର୍ ପଅର୍ ସଙ୍ଗ୍ ମିସିକରି ରଇସା ।

୨୫ କିରିସ୍‌ଟ ନିଜେ ଆମକେ ନ ସାର୍‌ବା ଜିବନ୍ ଦେବି ବଲି କାଡାଦେଇଆଟେ ।

୨୬ ଜନ୍ ଲକ୍‌ମନ୍ ତମ୍‌କେ ସୁବ୍‌କବର୍ ଜାନାଇଲୁନି ବଲି ବୁଲ୍ ସିକିଆ ଦେଇ ତମ୍‌କେ ନାଡାଇବାକେ ଚେସ୍‌ଟା କଲାଇନି, ସେମନ୍‌ର୍ ବିସଇ ଜାନାଇବାକେ ଏ ସବୁ ବିସଇ ମୁଇ ତମ୍‌କେ ଲେକ୍‌ଲିନି ।

୨୭ ମାତର୍ ତମେ ନାଡାଇ ନ ଉଆସ୍ । କାଇକେବଇଲେ କିରିସ୍‌ଟ ତାର୍ ସୁକଲ୍‌ଆଡ୍‌ମା ତମ୍‌କେ ଦେଇଆଟେ । ସେ ସୁକଲ୍‌ଆଡ୍‌ମା ଏବେ ମିସା ତମର୍ ବିଡ୍‌ରେ ଆଟେ । ତେବର୍‌ପାଇ କେ ମିସା ବିନ୍ ଲକ୍ ତମ୍‌କେ ସିକାଇବାକେ ଲଡାନାଇ । ସୁକଲ୍‌ଆଡ୍‌ମା ତମ୍‌କେ ସବୁ ବିସଇର୍ ସଡ୍ ସିକାଇସି । ତେଇ ସେ ଜନ୍‌ଟା ସିକାଇସି, ସେଟା ପୁରାପୁରୁନ୍ ସଡ୍ । ତେଇ କାଇ ବୁଲ୍ ବିସଇ ନ ରଏ । ତେବର୍‌ପାଇ ମୁଇ ତମ୍‌କେ କଇଲିନି, କିରିସ୍‌ଟର୍ ସଙ୍ଗ୍ ମିସିରୁଆ ।

୨୮ ଏ ଆଲାଦ୍‌ର୍ ପିଲାଟକିମନ୍, ମୁଇ ତମ୍‌କେ ଆରିତରେକ୍ କଇଲିନି କିରିସ୍‌ଟର୍ ସଙ୍ଗ୍ ମିସିକରି ରୁଆ । ଜେନ୍ତାରି କି ସେ ଆରିତରେକ୍ ଏ ଜଗତେ ବାଡଡିଆଇଲାବେଲେ ତାକେ ବେଟ୍ ଅଇବାକେ ତାକେ ନ ଡରୁ କି ଲାଜ୍ ମିସା ନ ଉଆସ୍ ।

୨୯ ଆମେ ଜାନିଆରୁ, କିରିସ୍‌ଟ ଅନିଆଇ କାମ୍ ନ କରେ । ଏଟାମିସା ଜାନିଆରୁ, ଜନ୍‌ଲକ୍‌ମନ୍ ସଡ୍ କାମ୍ କର୍‌ବାଇ, ସେମନ୍ ପର୍‌ମେସର୍‌ର୍ ପିଲାଟକି ।

୩

ପର୍‌ମେସର୍‌ର୍ ପିଲାଟକିମନ୍

୧* ଅଲ୍‌ପ୍ ବାବିଦେକାପନି, ବାବା ପର୍‌ମେସର୍ ଆମ୍‌କେ କେତେକ୍ ଆଲାଦ୍ କଲାନି । ତାର୍ ଏତେକ୍ ଆଲାଦ୍‌ର୍ ଲାଗି ଆମେ ତାର୍ ପିଲାଜିଲା ବଲାଇ ଅଇଲୁନି । ଆରି ସତଇସେ ଆମେ ତାର୍ ଅଇଆରୁ ବଲି ଏ ଜଗତର୍ ଲକ୍ ବୁଜଡ୍‌ନାଇ । କାଇକେବଇଲେ ଆମର୍ ବାବା ପର୍‌ମେସର୍‌କେ ସେମନ୍ ନାଜାନଡ୍ ।

୨ ଏ ମର୍ ଆଲାଦ୍‌ର୍ ମଇତର୍‌ମନ୍, ଏବେ ଆମେ ପର୍‌ମେସର୍‌ର୍ ପିଲାଜିଲା ଅଇଆରୁ । ପଡ୍‌କେ ଆମେ କେନ୍ତାର୍ ଅଇରଇରୁ ବଲି ଏବେଜାକ ନାଜାନୁ । ମାତର୍ ଜେତେବେଲେ କିରିସ୍‌ଟ ଏଜଗତେ ବାଡଡି ଆଇସି, ସେବେଲେ ସେ ଜେନ୍ତାରି ଆଟେ, ସେନ୍ତାରି ତାକେ ଆମେ ଦେକ୍‌ବୁ । ଆମେ ମିସା ତାର୍‌ପାରା ଅଇଜିବୁ । ଏଟା ସଡ୍ ।

☆ ୩:୧ ଜଅନ୍ ୧:୧୨

୩ ଜେଡ଼କି ଲକ୍ କିରିସ୍ତର ପାରା ଅଇବୁ ବଲି ଆସା କଲାସ୍ନି, ନିଜେ ପାପ୍ କାମ୍ ଚାଡ଼ି ସୁକଲ୍ ରଇବାର୍ ଆଚେ । ଜେନ୍ତାରିକି କିରିସ୍ତ କେବେ ପାପ୍ ନ କରେ ।

୪ ଜେ ପାପ୍ କର୍ସି, ସେ ପର୍ମେସରର୍ ନିୟମ୍ ବିରୁଦ୍ଧେ ଗାଲାନି । କାଇକେବଇଲେ ନିୟମ୍ ନ ମାନବାଟା ଆକା ପାପ୍ ।

୫ *ଆମର୍ ପାପର୍ ଡ଼ଣ୍ଟ ନେବାର୍ପାଇ କିରିସ୍ତ ଏ ଜଗତେ ଆଇଲା, ସେଟା ତମେ ଜାନାସ୍ । ଆରି ସେ କାଇ ପାପ୍କାମ୍ ନ କରେ ।

୬ ତେବେ ଜଦି ଗଟେକ୍ ଲକ୍ କିରିସ୍ତର୍ ସଙ୍ଗ୍ ମିସିରଇଲେ, ସେ ଆରି ପାପ୍ କର୍ବାର୍ ନାଇ । ମାତର୍ ଗଟେକ୍ ଲକ୍ ଜଦି ପାପ୍ କରଲାଗିରଇସି, ସେ କିରିସ୍ତକେ ଦେକେନାଇ କି ନାଜାନେ ମିସା ।

୭ ଏ ପିଲାଟକିମନ୍, ତମେ କାର୍ଗାନେଅନି ମିସା ନାତାଇ ନ ଅଇବାକେ ଜାଗରଡ଼ ଅଇରୁଆ । ପର୍ମେସର୍ ଦେକ୍ବା ଇସାବେ ଜନ୍ ଲକ୍ ଦରମ୍ କାମ୍ କର୍ବାଇ, ସେମନ୍କେସେ ଦରମ୍ ଲକ୍ ବଲି ଡାକ୍ସି । ସେନ୍ତାରି ଲକ୍ମନ୍ ପର୍ମେସର୍ ଦେକ୍ବା ଇସାବେ ଦରମ୍ । ଜେନ୍ତାରିକି କିରିସ୍ତ ଦରମ୍ ରଇଲା ।

୮ ମାତର୍ ପାପ୍କରି ଲାଗିରଇବା ଲକ୍ମନ୍ ସଇତାନର୍ । କାଇକେବଇଲେ କାଇଟା ତିଆର୍ ନଅଇବା ଆଗ୍ଟୁ ସଇତାନ୍ ପାପ୍ କରିଆଇଲାନି । ସଇତାନ୍ କିରିସ୍ତକାମ୍ କୁରୁପ୍ନାସ୍ କର୍ବାକେ ପର୍ମେସରର୍ ପଥ ଏ ଜଗତେ ଆଇଲା ।

୯ ପର୍ମେସରର୍ ପିଲା ଅଇରଇବା କେ ମିସା ପାପ୍କରିଲାଗି ରଇବାର୍ ନାଇ । କାଇକେବଇଲେ ପର୍ମେସରର୍ ଗୁନ୍ତଲନ୍ ତାକର୍ ବିଡ଼ରେ ଆଚେ । ସେମନ୍ ପର୍ମେସରର୍ ପିଲାଜିଲା ଅଇଲାଇକେ, ପାପ୍କରିଲାଗି ନ ରଅଡ଼ ।

୧୦ କେ କେ ସଇତାନର୍ ପିଲାମନ୍ ଆରି କେ କେ ପର୍ମେସରର୍ ପିଲାମନ୍ ବଲି ଆମେ ଜାନୁ । ଜନ୍ ଲକ୍ମନ୍ ପର୍ମେସର୍ ଦେକ୍ବା ଇସାବେ ସଡ଼ କାମ୍ ନ କରଡ଼ । ଜନ୍ ଲକ୍ମନ୍ ମିସିବିଡ଼କରି ରଇବା ବିସ୍ବାସି ବାଇବଇନିମନ୍କେ ଆଲାଦ୍ ନ କରଡ଼, ସେମନ୍ ତାର୍ ପିଲାଜିଲା ନ ଅଅଡ଼ ।

ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା

୧୧ *ଏ କବର୍ ତମେ ଆଗ୍ଟୁଅନି ସୁନିଆସିଆଟାସ୍ । ସେଟା ଅଇଲାନି, ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କର୍ବାର୍ ଆଚେ ।

୧୨ ଆମେ କୟିନର୍ପାରା ଅଇବାର୍ ନାଇ । ସେ ଗଟେକ୍ ସଇତାନର୍ ଲକ୍ ରଇଲା । ଜେକି ଜେଡ଼କି କାରାପ୍ କାମ୍ କରାଇସି । ସେ ତାର୍ ସାନ୍ବାଇକେ ମିସା ମରାଇଲା । ସେ କାଇକେ ସେନ୍ତାରି କଲା ? କାଇକେବଇଲେ, ତାର୍ ନିଜର୍ ଜେଡ଼କି କାମ୍ କାରାପ୍ ରଇଲା, ତାର୍ ବାଇ ଏବଲର୍ କାମ୍ମନ୍ ସେଡ଼କି ଦରମ୍ ରଇଲା ।

୧୩ ତେବର୍ପାଇ ଏ ମର୍ ବାଇବଇନିମନ୍, ଏଜଗତର୍ ଲକ୍ମନ୍ ତମ୍କେ ଗିନ୍ କଲେ, କାବା ଅଇବାର୍ନାଇ ।

୧୪ * ଆମେ କିରିସ୍ତ ବିସ୍ବାସି ବାଇବଇନିମନ୍କେ ଆଲାଦ୍ କର୍ବାର୍ ଲାଗି ଏଟା ଜାନୁଲୁନି । ଜେ ଆଲାଦ୍ ନ କରେ, ସେ ଏବେ ମିସା ମରନର୍ ସାସନର୍ ତଲେଆଚେ ।

୧୫ କେ ଜଦି ବିନ୍ ବିସ୍ବାସି ବାଇବଇନିମନ୍କେ ଗିନ୍ କର୍ସି, ନର୍ମାର୍ବା ଲକ୍ ସମାନ୍ । ଗଟେକ୍ ନର୍ମାରୁ ଲଗେ ପର୍ମେସରର୍ ନ ସାର୍ବା ଜିବନ୍ ନ ରଏ । ଏଟା ତମେ ଜାନିଆଟାସ୍ ।

୧୬ ଏଟାର୍ଲାଗି ଆଲାଦ୍ କାଇଟା ଆମେ ଜାନୁଲୁନି । କିରିସ୍ତ ଆମର୍ପାଇ ତାର୍ ନିଜର୍ ଜିବନ୍ ଦେଲା । ସେନ୍ତାରିସେ ଆମେମିସା ଆମର୍ ମିସିବିଡ଼ିରଇବା ବିସ୍ବାସି ବାଇବଇନି ମନର୍ଲାଗି ମର୍ବାକେ ତିଆର୍ ଅଇବାର୍ଆଚେ ।

୧୭ ଜଦି କାକେମିସା ବର୍ବାକେ ତାର୍ ଲଡାକେ ଲାଗ୍ବାଟା ସବୁ ବିସଇଆଚେ, ଆରି ତାର୍ ବିସ୍ବାସି ବାଇକେ ଲଡାଆଚେ ବଲି ସେ ଜାନେ, ମାତର୍ ତାର୍ପାଇ ଜିବନ୍ ଦୁକାଏ ନାଇ, ସେ ମୁଇ ପର୍ମେସର୍କେ ଆଲାଦ୍ କଲିନି ବଲି କଇନାପାରେ ।

୧୮ ଆଲାଦର୍ ପିଲାମନ୍, ଆମର୍ ଆଲାଦ୍ ଅବ୍ବା କୁଆବଲା ରଇବାର୍ ନାଇ । ଆମେ ସଡ଼ସଙ୍ଗ୍ ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କର୍ବାର୍ ଆଚେ । ଜେନ୍ତାରିକି ପର୍ମେସର୍ ସଡ଼ସଙ୍ଗ୍ ଆମ୍କେ ଆଲାଦ୍ କର୍ସି ।

୧୯ ଆମେ ସବୁ ସେନ୍ତାରି ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କଲେ, ପର୍ମେସରର୍ ଲକ୍ବଲି ଜାନୁ ଆକା । ଜନ୍ଟା ସଡ଼ ଆରି ଜନ୍ଟା ଟିକ୍, ସେ ତାର୍ ଲକ୍ମନ୍କେ ଦେକାଇସି । ଆରି ଆମେ ପର୍ମେସର୍କେ ପାର୍ତନା କଲାବେଲେ ନ ଡ଼ରୁ ।

୨୦ ଆମର୍ ବିବେକ୍ ଜଦି ଆମ୍କେ ପାପିବଲି ଦସ୍ ଦେଲେ, ଆମେ ସାନ୍ତିସଙ୍ଗ୍ ରଇବୁ । କାଇକେବଇଲେ ଆମର୍ ବିବେକ୍ ଟାନେଅନି ଆମେ ଜାନୁବାଡେଇଅନି ପର୍ମେସର୍ ଅଦିକ୍ ଜାନେ । ଆରି ଆମେ କର୍ବା ସବୁ କାମ୍ ସେ ଜାନେ ।

୨୧ ଏ ଆଲାଦର୍ ମଇଡର୍ମନ୍, ଆମର୍ ବିବେକ୍ ଜଦି ଆମ୍କେ ଦସି ବଲି ନ ଜାନାଇଲେ, ଆମେ ପର୍ମେସର୍କେ ପାର୍ତନା କଲାବେଲେ ନ ଡ଼ରୁ ।

୨୨ ଆମେ ତାକେ ଜେଡ଼କି ମାଙ୍ଗ୍ଲୁନି, ସେଟା ସବୁ ପର୍ମେସର୍ ଆମ୍କେ ଦେଇସି । କାଇକେବଇଲେ ସେ ତିଆର୍ଲାଟା ସବୁ ଆମେ କଲୁନି ।

୨୩ *ଆରି ଏଟା ଅଇଲାନି ତାର୍ ଆଦେସ୍ । ତାର୍ ପଥ ଜିସୁକିରିସ୍ତକେ ବିସ୍ବାସ୍ କର୍ବାର୍ ଆରି ଜିସୁ ତିଆର୍ଲାପାରା ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କର୍ବାର୍ ।

୨୪ ଜେଡ଼କି ଲକ୍ ତାର ଆଦେସ୍ ମାନବାଇ, ସେମନ୍ ସବୁ ପରମେସରର୍ ସଙ୍ଗ୍ ମିସ୍ଲାଇ ଆତଡ଼ । ଆରି ସେ ମିସା ସେନ୍ତାରିସେ । ସେ ଆମର୍ ବଡ଼ିରେ ଆଚେ ବଲି ଏନ୍ତାରି ଆମେ ଜାନ୍‌ଲୁନି । ଜନ୍ ସୁକଲ୍‌ଆଡ଼ମା ପରମେସର୍ ଆମର୍ ବିଡ଼ରେ ରଇବାକେ ଦେଲାପାଇ ।

୪

ଆଡ଼ମା ମନ୍‌କେ ଚିନା

୧ ଏ ଆଲାଦର୍ ବାଇବଇନିମନ୍, ଜଦି କେ ମିସା ପରମେସରର୍ ଆଡ଼ମା ମର୍ଟାନେ ଆଚେ, ବଲି କଇବା ଲକ୍‌ମନର୍ କାତା ବିସ୍‌ବାସ୍ କର୍‌ବାର ନାଇ । ମାତର୍ ସେନ୍ତାରି ଲକ୍‌ମନେ ସତଇସେ ପରମେସରର୍ ଆଡ଼ମା ଆଚେ କି ନାଇ ଜାନ୍‌ବାକେ ମନ୍‌ଦିଆନ୍ ଦେଇ ସେ କଇବା କାତା ପରିକା କର୍‌ବାର ଆଚେ । କାଇକେବଇଲେ ମିର୍ କାତା ସିକାଉମନ୍ ବେସି ଲକ୍ ବାରଇଆତଡ଼ । ପରମେସରର୍ ଟାନେଅନି ମିଲାଇଲା କବର୍ ବଲି ସବୁବାଟେ ଗାଲାଇ ଆତଡ଼ ।

୨ ଗଟେକ୍ ଲକ୍‌ମନେ ପରମେସରର୍ ଆଡ଼ମା ଆଚେ କି ନାଇ ବଲି ଏନ୍ତାରି ତମେ ଜାନ୍‌ସା । ଜେ ଜିସୁକିରିସ୍‌ଟ ନର୍‌ରୁପ୍ ଦାରି ଏ ଜଗତେ ଆଇଲା ବଲି କଇଲେ, ତାର୍‌ଟାନେ ପରମେସରର୍ ଆଡ଼ମା ଆଚେ ।

୩ ମାତର୍ ଜେ କି ଏ କାତା ନ ମାନେ, ତାର୍‌ଟାନେ ପରମେସରର୍ ଆଡ଼ମା ନାଇ । ସେନ୍ତାରି ଲକ୍‌ମନର୍‌ଟାନେ କିରିସ୍‌ଟର୍ ବିରଦିର୍ ଆଡ଼ମା ଆଚେ । ଏ ଆଡ଼ମା ଜଗତେ ଆଇସି ବଲି ତମେ ସୁନିଆଟାସ୍ । ସେନ୍ତାରି ସେ ଆଡ଼ମା ଆଇଲାଆଚେ । ଆରି ଏବେ ମିସା ସେଟା ଜଗତେ ଆଚେ ।

୪ ମାତର୍ ତମେ ପରମେସରର୍ ଲକ୍ । ଏ ଆଲାଦର୍ ପିଲାମନ୍, ସେନ୍ତାରି ବୁଲ୍ ସିକିଆ ଦେଉମନର୍ କାତା ମାନା ନାଇ । କାଇକେବଇଲେ ତମର୍‌ଟାନେ ରଇବା ଆଡ଼ମା ଏ ଜଗତର୍ ଲକ୍‌ମନର୍ ଆଡ଼ମାତେଇଅନି ଅଦିକ୍ ବପୁଟା ।

୫ ସେମନ୍ ଏ ଜଗତର୍ ଲକ୍ । ଆରି ଏ ଜଗତର୍ ଲକ୍‌ମନ୍ ତାକର୍ କାତା ସୁନ୍‌ବାଇ । କାଇକେବଇଲେ ସେମନ୍‌ର୍ ସିକିଆ ଆରି ଏ ଜଗତର୍ ଲକ୍‌ମନର୍ ସିକିଆ ସମାନ୍‌ଆଚେ ।

୬ ମାତର୍ ଆମେ ପରମେସରର୍ ଲକ୍ । ଆରି ଜେଡ଼କି ଲକ୍ ପରମେସର୍କେ ଜାନିଆତଡ଼, ସେମନ୍ ସବୁ ଆମର୍ ସିକିଆ ମାନବାଇ । ମାତର୍ ଜେଡ଼କି ପରମେସରର୍ ଲକ୍ ନଅଡ଼, ଆମର୍ ସିକିଆ ନ ମାନଡ଼ । ଏଟାର୍‌ଲାଗି ଗଟେକ୍ ଲକ୍‌କେ ସଡ଼ ଆଡ଼ମା ଆଚେ କି ସଇତାନର୍ ଆଡ଼ମା ଆଚେ ବଲି ଜାନିଅଇସି ।

ପରମେସର୍ ଆଲାଦ୍‌କାରିଆ

୭ ଏ ମର୍ ଆଲାଦର୍ ମଇତର୍‌ମନ୍, ଆମେ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରାକରି ଅଉଁ । କାଇକେବଇଲେ ଆଲାଦ୍ କର୍‌ବାକେ ପରମେସର୍ ଆମ୍‌କେ ସାଇଜ କର୍‌ସି । ଜେ ଜଦି ବିନ୍ ଲକ୍‌ମନ୍କେ ଆଲାଦ୍ କର୍‌ସି, ସେ ପରମେସରର୍ ପିଲା ଆରି ପରମେସର୍କେ ଜାନେ ।

୮ ଜେ ବିନ୍ ଲକ୍‌ମନ୍କେ ଆଲାଦ୍ ନ କରେ, ସେ ପରମେସର୍କେ ନାଜାନେ । କାଇକେବଇଲେ ପରମେସର୍ ସବୁବେଲେ ଆଲାଦ୍‌କାରିଆ ।

୯ ପରମେସର୍ ଏନ୍ତାରି ଆମର୍‌ପାଇ ତାର୍ ଆଲାଦ୍ ଦେକାଇଲା । ସେ ଗଟେକ୍ ବଲି ତାର୍ ପିଲାକେ ଏ ଜଗତେ ପାଟାଇଲା । ଜେନ୍ତାରିକି ତାର୍‌ଲାଗି ଆମେ ନ ସାର୍‌ବା ଜିବନ୍ ପାଇରୁ ।

୧୦ ଏନ୍ତାରି ନର୍‌ଦ୍‌ଜେ, ଆମେ ପରମେସର୍କେ ଆଲାଦ୍ କଲୁ, ମାତର୍ ସେ ଆମ୍‌କେ ଆଲାଦ୍ କଲା । ଆରି କୁରୁସ୍‌କାଟେ ମଲାର୍‌ପାଇ ଆମର୍ ଡ଼ଣ୍ଡ୍ ପାଇବାକେ ତାର୍ ପଅକେ ପାଟାଇଲା । ଏଟା ଅଇଲାନି ସଡ଼ସଙ୍ଗ୍ ଆଲାଦ୍ କର୍‌ବାଟା ।

୧୧ ଏ ମର୍ ଆଲାଦର୍ ମଇତର୍‌ମନ୍, ଜେଡ଼କି ପରମେସର୍ ଆମ୍‌କେ ଏତେକ୍ ଆଲାଦ୍ କଲାର୍‌ପାଇ, ଆମେମିସା ଗଟେକ୍ ଲକ୍ ଆରିଗଟେକ୍ ଲକ୍‌କେ ସେନ୍ତାରି ଆଲାଦ୍ କର୍‌ବାର୍ ଆଚେ ।

୧୨ ☆କେ ମିସା ପରମେସର୍କେ ଦେକଡ଼ ନାଇତା । ମାତର୍ ଆମେ ଜଦି ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କଲେ, ପରମେସର୍ ଆମର୍ ସଙ୍ଗ୍ ମିସିଆଚେ । ସେ ଆମର୍‌ଟାନେ ତାର୍ ଆଲାଦ୍ ସିଦ୍ କର୍‌ସି ।

୧୩ ପରମେସରର୍ ସଙ୍ଗ୍ ମିସିଆରୁ ବଲି ଆମେ ଜାନ୍ । ଆରି ସେ ମିସା ଆମର୍ ସଙ୍ଗ୍ ମିସିଆଚେ । କାଇକେବଇଲେ ସେ ତାର୍ ଆଡ଼ମା ଆମ୍‌କେ ଦେଲାଆଚେ ।

୧୪ ଆରି ଆମେ ଦେକିଆରୁ ପାପର୍ ଡ଼ଣ୍ଡେଅନି ଲକ୍‌ମନ୍କେ ରକିଆ କର୍‌ବାକେ ବାବା ପରମେସର୍ ତାର୍ ପଅକେ ଏ ଜଗତେ ପାଟାଇଲା । ଏଟା ସଡ଼ କାତା ବଲି ବିନ୍ ଲକ୍‌ମନ୍କେ କଇଲୁନି ।

୧୫ ଜେ ମିସା ଜିସୁକେ ପରମେସରର୍ ପଅ ବଲି ନାମ୍‌ଲେ, ପରମେସର୍ ସେ ଲକ୍‌ର୍ ସଙ୍ଗ୍ ମିସିରଇସି । ଆରି ସେ ମିସା ପରମେସରର୍ ସଙ୍ଗ୍ ରଇସି ।

୧୬ ପରମେସର୍ ଜନ୍ ଆଲାଦ୍ ଆମର୍‌ପାଇ ଦେକାଇଆଚେ, ସେଟା ଆମେ ଜାନ୍‌ଲୁନି ଆରି ବିସ୍‌ବାସ୍ କଲୁନି ।

ସେ ସବୁବେଲେ ଲକ୍‌ମନ୍କେ ଆଲାଦ୍ କର୍‌ସି । ଜେଡ଼କି ଲକ୍ ପରମେସର୍କେ ଆରି ବିନ୍ ଲକ୍‌ମନ୍କେ ଆଲାଦ୍ କର୍‌ବାଇ, ସେମନ୍ ପରମେସରର୍ ସଙ୍ଗ୍ ମିସିଆତଡ଼ । ଆରି ସେ ମିସା ତାକର୍ ସଙ୍ଗ୍ ଆଚେ ।

☆ ୪:୧୭ ଜଅନ୍ ୧:୧୮

୧୭ ପରମେସର୍ ଆମ୍ଭଙ୍କ ଦେଇ ବିନ୍ ଲକ୍ଷ୍ମୀଙ୍କୁ ଆଲାଦ୍ କରବା କାମ୍ କଲାଆତେ । ଜେନ୍ତୁକି ସେ ସବୁଙ୍କେ ବିଚାରନା କରବା ଦିନେ ଆମେ ଡରିକରି ନ ରଉଁ । କିରିସ୍ଟ ଏ ଜଗତେ ରଇଲାବେଲେ, ଜେନ୍ତୁ ଚଲାଚଲ୍ତି କରତେରଇଲା, ସେନ୍ତୁରିସେ ଆମେମିସା ଚଲାଚଲ୍ତି କରୁ । ଆରି ଆମେ ଡରିକରି ନ ରଉଁ ।

୧୮ ଜେ ପରମେସର୍‌ଙ୍କେ ଆଲାଦ୍ କରସି, ସେ ତାଙ୍କେ ନ ଡରେ । ତାର୍ ଆଲାଦ୍ ଆମର୍ ବିତ୍‌ରେ କାମ୍ କରସି, ଆମେ ତାଙ୍କେ ଡରିନର୍ । ସେ ସେମନ୍‌ଙ୍କେ ଡଣ୍ଟ ଦେଇସି ବଲି ଲକ୍ଷ୍ମୀନ୍ ତାଙ୍କେ ଡରଲାଇନି । ଜଦି କେ ମିସା ପରମେସର୍‌ଙ୍କେ ଡରସି, ତାର୍ ଆଲାଦ୍ ସେ ଲକ୍ଷ୍ମୀନ୍‌ଙ୍କେ କାମ୍ କରେନାଇ ବଲି ଜାନାପଡ୍‌ସି ।

୧୯ ଆମେ ତାଙ୍କେ ଆଲାଦ୍ କରବା ଆଗ୍‌ତୁ ପରମେସର୍ ଆମ୍ଭଙ୍କେ ଆଲାଦ୍ କଲା । ସେଟାର୍‌ପାଇ ଆମେ ତାଙ୍କେ ଆଲାଦ୍ କଲୁନି ।

୨୦ ଜଦି କେ ମିସା ମୁଇ ପରମେସର୍‌ଙ୍କେ ଆଲାଦ୍ କଲିନି ବଲି କଇସି, ମାତର୍ ନିଜର୍ ବିସ୍‌ବାସି ବାଇବଇନିଙ୍କେ ଗିନ୍ କରସି, ସେନ୍ତୁଆଲେ ସେ ମିର୍ କଇଲାନି । କାଇକେବଇଲେ ଦୁଇଟା ଆଁକିତେଇ ଡିସ୍‌ବା ବାଇବଇନିମନ୍‌ଙ୍କେ ଆଲାଦ୍ ନ କରବା ଗଟେକ୍ ଲକ୍, ନ ଡିସ୍‌ବା ପରମେସର୍‌ଙ୍କେ ଆଲାଦ୍ କରିନାପାରେ ।

୨୧ ଆରି ସେ ଆମ୍ଭଙ୍କେ ଏ ଆଦେସ୍ ଦେଇ ତିଆରଲାଆତେ, ଜେ ପରମେସର୍‌ଙ୍କେ ଆଲାଦ୍ କରସି, ତାର୍ ମିସିବିତି ରଇବା ବିସ୍‌ବାସି ବାଇବଇନିମନ୍‌ଙ୍କେ ମିସା ଆଲାଦ୍ କରବାର୍ ଆତେ ।

୫

ଏ ଜଗତେ ଜିତ୍‌ବାଟା

୧ ଜେ କି ଜିସୁଙ୍କେ ମସିଅ ବଲି ବିସ୍‌ବାସ୍ କରସି, ସେ ପରମେସର୍‌ର୍ ପିଲା । ଆରି ଜେ କି ବାବାଙ୍କେ ଆଲାଦ୍ କରସି, ସେ ତାର୍ ପିଲାଙ୍କେ ମିସା ଆଲାଦ୍ କରସି ।

୨ ପରମେସର୍‌ର୍ ପିଲାମନ୍‌ଙ୍କେ ଆମେ ଆଲାଦ୍ କଲୁନି ବଲି ଏନ୍ତାରି ଜାନିଅଇସି । ପରମେସର୍‌ଙ୍କେ ଆଲାଦ୍ କରି ଆରି ତାର୍ ଆଦେସ୍ ମିସା ମାନିକରି ।

୩ ଆମେ ଜଦି ସତଇସେ ପରମେସର୍‌ଙ୍କେ ଆଲାଦ୍ କଲେ, ତାର୍ ଆଦେସ୍ ସବୁ ମାନ୍‌ରୁ । ସେ ଆମ୍ଭଙ୍କେ ତିଆରଲା ବିସଇ ମାନ୍‌ବାଙ୍କେ ଆମ୍ଭଙ୍କେ ଆବଡ୍ ନ ଲାଗେ ।

୪ କାଇକେବଇଲେ ପରମେସର୍‌ର୍ ସବୁ ପିଲା ଏ ଜଗତର୍ କାରାପ୍ ଚଲାଚଲ୍ତି ନିଟିକରି ଜିତିପାର୍‌ସି । ଆମର୍ ବିସ୍‌ବାସର୍ ଲାଗି ଆମେ ଜଗତ୍‌ଙ୍କେ ଜିତିଅଇସି ।

୫ ଏ ଜଗତ୍‌ଙ୍କେ କେ ଆରାଇପାର୍‌ସି ? ଜିସୁଙ୍କେ ପରମେସର୍‌ର୍ ପଅ ବଲି ଜେ ବିସ୍‌ବାସ୍ କରସି, ସେ ଏ ଜଗତ୍‌ଙ୍କେ ଆରାଇସି ।

ଜିସୁ କିରିସ୍ଟର୍ ଲାଗି ସାକି

୬ ଜିସୁକିରିସ୍ଟ ପରମେସର୍‌ର୍ ପ ବଲିକରି, ତୁବନ୍ ଦେଉ ଜଅନ୍ ତାଙ୍କେ ପାନିତେଇ ତୁବନ୍ ଦେଲା । ଆରି ସେ ମଲାବେଲେ ତାର୍ ବନି ରକଇଅଇଲା । ଏନ୍ତାରି ନର୍ ଜେ ସେ ଅବ୍‌କା ପାନିସଙ୍ଗ୍ ତୁବନ୍ ଅଇଲା, ମାତର୍ ତାର୍ ମରନେ ତାର୍ ବନି ରକଇଅଇଲା । ଏ ସବୁ ବିସଇ ସତ୍ ବଲି ସୁକଲ୍‌ଆଡ୍‌ମା ଆମ୍ଭଙ୍କେ ସାକିଦେଲାନି । କାଇକେବଇଲେ ସେ ସତ୍ ଆଡ୍‌ମା ।

୭ ତେବର୍‌ପାଇ ତିନଟା ସାକିତେଇଅନି ଆମେ ସତ୍ ଜାନ୍‌ଲୁନି ।

୮ ସୁକଲ୍‌ଆଡ୍‌ମା, ତୁବନ୍ ଅଇରଇବା ପାନି, ଆରି ରକଇଅଇରଇବା ବନି, ତିନଟାଜାକ ସାକିତେଇ ରାଜି ଅଇଆତଡ୍ ।

୯ ଜେତେବେଲେ ଲକ୍ଷ୍ମୀନ୍ ତାକର୍ ଜାନିରଇବା ବିସଇନେଇ ସାକିଦେବାଇ, ଆମେ ସେମନ୍‌ଙ୍କେ ବିସ୍‌ବାସ୍ କରୁ । ମାତର୍ ପରମେସର୍ ଆମ୍ଭଙ୍କେ ସାକିଦେବାଟା ତାର୍‌ତେଇଅନି ଅଦିକ୍ ମୁକିଅ । କାଇକେବଇଲେ ସେଟା ପରମେସର୍‌ର୍ ସାକି । ସେ ତାର୍ ନିଜର୍ ପଅର୍ ବିସଇନେଇ ଆମ୍ଭଙ୍କେ ସାକିଦେଲାନି ।

୧୦ କେ ମିସା ଜିସୁଙ୍କେ ପରମେସର୍‌ର୍ ପଅ ବଲି ବିସ୍‌ବାସ୍ କଲେ, ପରମେସର୍‌ର୍ ସାକି ତାକର୍ ମନ୍ ବିତ୍‌ରେ ଆତେ । ପରମେସର୍ କଇଲା କାତା ଜେ ଜଦି ବିସ୍‌ବାସ୍ ନ କରେ, ସେ ମିର୍ ବଲିକରି କଇଲାନି । କାଇକେବଇଲେ ତାର୍ ନିଜର୍ ପଅର୍ ବିସଇ କଇଲାଟା ସେମନ୍ ବିସ୍‌ବାସ୍ କରଡ୍ ନାଇ ।

୧୧ ସେ ସାକିଅ ଏଟା ସେ । ପରମେସର୍ ଆମ୍ଭଙ୍କେ ନ ସାର୍‌ବା ଜିବନ୍ ଦେଲାଆତେ । ଏ ଜିବନ୍ ଆମେ ତାର୍ ପଅର୍‌ଲାଗି ମିଲାଇଆତୁ ।

୧୨ ତାର୍ ପଅସଙ୍ଗ୍ ଜେ ମିସା ମିସିରଇବାଇ, ସେମନ୍ ଏ ନ ସାର୍‌ବା ଜିବନ୍ ପାଇବାଇ । ଆରି ଜେ ତାର୍ ପଅସଙ୍ଗ୍ ମିସେନାଇ ସେ ଏ ଜିବନ୍ ମିସା ପାଏନାଇ ।

ନ ସାର୍‌ବା ଜିବନ୍

☆ ୫:୩ ଜଅନ୍ ୧୪:୧୫ ☆ ୫:୧୧ ଜଅନ୍ ୩:୩୭

^{୧୩} ତମେ ଜେଡ଼କି ଲକ୍ ପରମେସରର ପଥକେ ବିସ୍‌ବାସ୍ କଲାସ୍‌ନି, ତମ୍‌କେ ଏ ଚିଟି ଲେକ୍‌ଲିନି । ଜେନ୍ତାରିକି ଆମ୍‌କେ ନ ସାର୍‌ବା ଜିବନ୍ ଆତେ ବଲି ତମେ ଜାନାସ୍ ।

^{୧୪} ପରମେସରକେ ପାର୍‌ତନା କରବାବେଲେ ଆମେ ଡରିକରି ରଉନାଇ । କାଇକେବଇଲେ ତାର୍ ମନ୍ କଲା ଇସାବେ ଆମେ କାଇଟା ମାଙ୍‌ଲେ ମିସା ସେ ଆମ୍‌କେ ଦେଇସି ।

^{୧୫} ଜେଡେବେଲେ ଆମେ ତାକେ ମାଙ୍‌ଲେ, ସେ ଆମର୍ କାତା ସୁନ୍‌ସି । ଆମେ ତାକେ ପାର୍‌ତନାଇ ଜାଇଟା ମାଙ୍‌ଲେ ସେଟା ଆମ୍‌କେ ଦେଇସି ।

^{୧୬} ଜଦି ତମର୍ ସଙ୍‌ର ବିସ୍‌ବାସି ବାଇ ପାପ୍‌କଲାନି ବଲି ଜାନ୍‌ଲେ, ଆରି ସେ ପାପ୍, ଲକ୍‌କେ ପରମେସରର ଟାନେଅନି ସବୁଦିନର୍‌ପାଇ ବେଗଲ୍‌ବା ପାରା ପାପ୍ ନଇଲେ, ସେ ଲକ୍‌କେ ରକିଆ କର ବଲି ତାକେ ଗୁଆରି କରବାର୍ ଆତେ । ଆରି ପରମେସର ସେ ଲକ୍‌କେ କେମାକରି ରକିଆ କରସି । ଏଟା ଜେନ୍ତାରି ପାପ୍ ଜନ୍‌ଟା ମରନର୍ ବାଟେ ଲକ୍‌ମନ୍‌କେ ନ ଡାକିନେଏ, ସେନ୍ତାରି ପାପର୍ ପାଇ । ମାତର୍ ପରମେସରର ଟାନେଅନି ସବୁଦିନର୍‌ପାଇ ବେଗଲ୍‌ବା ପାରା ପାପର୍ ପାଇ, ତମେ ତାକେ ଗୁଆରି କରା ବଲି ମୁଇ କଇ ନାଇ ।

^{୧୭} ସବୁ ରକାମର୍ ବୁଲ୍ କାମ୍ ପାପ୍‌ସେ । ମାତର୍ ସବୁ ରକାମର୍ ପାପ୍ ମରନର୍ ବାଟେ ନ ଡାକିନେଏ ।

^{୧୮} ଆମେ ଜାନିଆରୁ, ଜେ ପରମେସରର ପିଲା ଅଇଗାଲା ଆତେ, ସେ ପାପ୍‌କାମ୍ କରିଲାଗି ନ ରଏ । କାଇକେବଇଲେ ପରମେସରର ପଥ ତାକେ ଦେକାରକା କରସି । ଆରି ସଇତାନ୍ ଜେ କି ସବୁ ରକାମ୍ କାରାପ୍ କାମ୍ କରାଇସି, ତାକେ କାଇଟା କରିନର୍ସି ।

^{୧୯} ଆମେ ଜାନିଆରୁ, ଆମେ ପରମେସରର ପିଲାଜିଲା ଆରି ଜେ କି ତାକେ ନାଜାନେ, ସଇତାନ୍ ସେମନ୍‌କେ ସାସନ୍ କଲାନି ।

^{୨୦} ଆମେ ଏଟା ମିସା ଜାନିଆରୁ ଜେ, ତାର୍ ପଥ ଏ ଜଗତେ ଆଇଲା ଆରି ଆମ୍‌କେ ସଡ଼ ପରମେସରକେ ଜାନାଇଲା । ଏ ସଡ଼ ପରମେସରର ସଙ୍‌ ଆମେ ମିସିକରିଆରୁ । କାଇକେବଇଲେ ତାର୍ ପଥ ଜିସୁକିରିସ୍‌ଟର୍ ସଙ୍‌ ଆମେ ମିସିଆରୁ । ସେ ସେ ସଡ଼ ପରମେସର ଆରି ସେ ସେ ଲକ୍‌ମନ୍‌କେ ନ ସାର୍‌ବା ଜିବନ୍ ଦେଇସି ।

^{୨୧} ଏ ମର୍ ଆଲାଦର୍ ପିଲାଟକିମନ୍, ମିର୍ ପୁଡ଼ଲାମନର୍ ଟାନେଅନି ଦୁରିକେ ରୁଆ ।

ଯୋହନ ଲେଖୁଥିବା ଦ୍ୱିତୀୟ ପତ୍ର ଜଅନ୍ ଦୁଇପାଲି ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

ଜଅନ୍ ଲେଖିଲା ଦୁଇଟା ଚିଠି ଜିସୁକିରିସ୍ତ ଜନମେଅନି ୧୦୦ କିରିସ୍ତାବ୍‌ଦରେ ପେରିଡ଼ ଜଅନର୍ ଲାଗି ଲେକା ଅଇରଇଲା । ଜଅନ୍ ନିଜ୍‌କେ ଲେକିଆଟିବଲି ଜାନାଏନାଇ । ତାର୍ ବାଦୁଲେ ସେ ନିଜ୍‌କେ ପାର୍‌ଟିନ୍ ବଲିକରି ଜାନାଇ ଅଇଲାନି । ଜଅନର୍ ଦୁତଅ ଚିଠିର୍ ବିସଇ ସଙ୍ଗ୍ ଜଅନ୍ ଲେଖିଲା ସୁସମାଚାର୍ ରଇବା ବିସଇ ସଙ୍ଗେ ସମାନ୍ । ଏଟା ସତ୍‌ସଙ୍ଗ୍ ଜିସୁକେ ଜଅନ୍ ଇସାବେ ସେ ଗଟେକ୍ ଆରି ଗଟେକ୍ ଲକ୍‌କେ ଆଲାଦ୍ କରବା ସମାନ୍ । ଜିସୁର୍ ଆଦେସ୍‌କେ ମନ୍‌ଦେବାଇ, ସେ ରକାମ୍ ଜିସୁର୍ ଆଦେସ୍‌କେ ମାନ୍‌ବାଟା ଅଇଲାନି, ତାକେ ଆଲାଦ୍ କରବାର୍ ଜଅନ ୧:୫-୬;୧:୭;୧୦ ।

ଏଟା ବିସ୍‌ବାସ୍ କରିଅଇସିଜେ, ଜଅନ୍ ଜେଡେବେଲେ, ଏପିସିଏ ବାସାଅଇ ରଇଲା, ସେ ସୁବ୍‌କବର୍ ସଙ୍ଗ୍ ତାର୍ ତିନ୍‌ଟା ଚିଠି ମିସା ଲେକି ରଇଲା । ସେଟା ଅଇଲାନି ୧ ଜଅନ, ୨ ଜଅନ, ଆରି ୩ ଜଅନ୍

ଏ ବଇବିଡ଼ରେ ରଇବା ବିସଇ

- ୧. ଜଅନ୍ ଏ ଚିଠି କାର୍‌ପାଇ ଲେଖିଲାନ୍ ଏଟା କଇ ତାର୍ ବିସ୍‌ବାସ୍ କରବା ଲକ୍‌ମନ୍‌କେ ଜୁଆର୍ ଜାନାଇଲାନି । ୧:୧-୩
- ୨. ଜଅନ୍ ତାର୍ ମଣ୍ଡୁଲିମନ୍‌କେ ସାଆସ୍‌ଦେଇକରି ବଡ଼ ଆଦେସ୍‌ର୍ ବିସଇ ମନେ ଏତାଇଦେଲାନି । ୧:୪-୬
- ୩. ସେ ମିଡ଼ିକିଆ ଦେଉ ମନର୍ ବିସଇ ଜାଗରତା କଲାନି । ୧:୭-୧୧
- ୪. ସେ ଜନ୍‌ଲଗେ ବାସାଅଇ ଆଟେ ତେଇର୍ ବିସ୍‌ବାସିମନ୍‌କେ ଜୁଆର୍ ଜାନାଇକରି ଏ ଲେକା ସାରାଇଆଟେ । ୧:୧୨-୧୩

୧ ପାର୍‌ଟିନ୍ ଜଅନ୍‌ଜେ ମୁଇ ଏ ଚିଠି ଲେଖିଲିନି । ଏ ଚିଠି ଆମର୍ ଆଲାଦ୍‌ର୍ ବଇନି ଆରି ତାର୍ ପିଲାମନର୍‌ପାଇ । ମୁଇ ସତଇସେ ତମ୍‌କେ ସବୁଲକ୍‌ମନ୍‌କେ ଆଲାଦ୍ କଲିନି । ଆରି ମୁଇସେ ନାଇ, ସତ୍ ବିସଇ ଜାନିରଇବା ସବୁଲକ୍ ମିସା ।

୨ ଆମେ ସତ୍ ବିସଇ ଜାନିରଇଲାର୍‌ପାଇ ତମ୍‌କେ ଆଲାଦ୍ କଲିନି । ଆରି କାଲ୍‌କାଲ୍ ଜୁଗ୍‌ଜୁଗ୍ ପାଇ, ସେ ସତ୍ ବିସଇ ଜାନିରଇବୁ ।

୩ ଆମର୍ ବାବା ପର୍‌ମେସର୍ ଆରି ତାର୍ ପଅ ଜିସୁକିରିସ୍ତ ଆମ୍‌କେ ଆସିର୍‌ବାଦ୍ କରି ଦୟା ଦେକାଅ ଆରି ସାନ୍ତି ଆରି ସତ୍‌ସଙ୍ଗ୍ ବର୍‌ବାକେ ଦେଅ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

ସତ୍ ଆରି ଆଲାଦ୍

୪ ଆମର୍ ବାବା ପର୍‌ମେସର୍ ଆମ୍‌କେ ତିଆର୍‌ଲାପାରା ତମର୍ କେଡେଟା ପିଲାଟକିମନ୍ ତାର୍ ସତ୍‌ବାଟେ ଇଣ୍ଡୁଲାଇନି ବଲି ସୁନିକରି ମୁଇ ବେସି ସାର୍‌ଦା ଅଇଲି ।

୫ ଏବେ ଆରି ମର୍ ଆଲାଦ୍‌ର୍ ବଇନି, ମୁଇ ତକେ ଗଟେକ୍ ବିସଇ କରବାକେ କଇବି । ଗଟେକ୍ ନୁଆ ଆଦେସ୍ କର୍ ବଲି କଇନାଇ । ମାତର୍ କିରିସ୍ତ ସଙ୍ଗ୍ ଜିବାକେ ଆରାମ୍ କରବା ବେଲେଅନି ଏଟା ଆମେ ସୁନି ଆଇଲୁନି । ମୁଇ ମାଙ୍ଗ୍‌ଲିନି ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

୬ ଏ ଆଲାଦ୍‌ର୍ ଅରଡ଼ ଅଇଲାନି ଆମେ ପର୍‌ମେସର୍‌ର୍ ଆଦେସ୍ ସବୁ ମାନ୍‌ବାର୍ ଆଟେ । କିରିସ୍ତ ସଙ୍ଗ୍ ଜିବାକେ ଆରାମ୍ କରବା ବେଲେଅନି ଏଟା ଆମେ ସୁନି ଆଇଲୁନି । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

୭ କାଇକେ ବଇଲେ ମୁଇ ଏକ୍ରିବଲି କଇଲିନିଜେ ସତ୍ ନ ରଇବା ବିସଇ ସିକାଇକରି ଲକ୍‌ମନ୍‌କେ ନାଡାଇବା ବେସି ଲକ୍ ଗୁଲାଇବାଟେ ଆତଡ଼ । ଜିସୁକିରିସ୍ତ ନର୍‌ରୁପ୍ ଦାରି ଏ ଜଗଡେ ଆସେନାଇ ବଲି ସେମନ୍ କଇବାଇ । ଜଦି କେ ମିସା ସେନ୍ତାରି କଇଲେ, ସେ ଲକ୍‌ମନ୍‌କେ ନାଡାଇବା କିରିସ୍ତର୍ ବିରଦି ।

୮ ଲକ୍‌ମନ୍ ତମ୍‌କେ ନାଡାଇ ନାପାରଡ଼, ତମେ ଜାଗରଡ଼ସଙ୍ଗ୍ ରଇବାର୍ ଆଟେ । ଜେନ୍ତାରୁକି ପର୍‌ମେସର୍‌କେ କରବା ତମର୍ ସେବା କାମ୍ ବେକାର୍ ନ ଅ । ମାତର୍ ତମର୍ ସେବାକାମର୍ ପାଇ ପର୍‌ମେସର୍ ତମ୍‌କେ ପୁରାପୁରୁନ୍ ଅଇଡେ ଇନାମ୍ ଦେଇସି ।

୯ ଜଦି କେ କିରିସ୍ତ ସିକାଇଲା ବିସଇ ବିସ୍‌ବାସ୍ ନ କରେ, ଆରି ତାର୍ ସିକିଆର୍ ସଙ୍ଗ୍ ତାର୍ ନିଜ୍‌ଟା ମିସାଇଲେ, ସେ କିରିସ୍ତର୍ ସଙ୍ଗ୍ ମିସେନାଇ । ମାତର୍ କେ ଜଦି କିରିସ୍ତ ସିକାଇଲା ବିସଇ ବିସ୍‌ବାସ୍ କର୍‌ଡେରଇସି, ସେ ବାବା ପର୍‌ମେସର୍ ସଙ୍ଗ୍ ଆରି ତାର୍ ପଅ ଜିସୁକିରିସ୍ତ ସଙ୍ଗ୍ ମିସଲାଆଟେ ।

୧୦ ଡେବର୍‌ପାଇ କେ ଜଦି ତମର୍‌ଟାମେ ଆସି, କିରିସ୍ତ ସିକାଇରଇବା ବିସଇଡେଇଅନି ବିନ୍ ବିସଇ କଇଲେ, ତାକେ ତମର୍ ଗରେ ମୁଲ୍‌କେ ଡାକିନିଆ ନାଇ, କି ସଙ୍ଗ୍ ବିସ୍‌ବାସି ଇସାବେ ଜୁଆର୍‌ବିଆର୍ କରାନାଇ ।

☆ ୧:୫ ଜଅନ୍ ୧୩:୩୪;୧୫:୧୨,୧୭

^{୧୧} ଜଦି କେ ମିସା ସେନ୍ତାରି ଲକ୍‌କେ ଜୁଆର୍‌ବିଆର୍ କର୍‌ସି, ସେ ବୁଲ୍ ସିକାଉର୍ ସଙ୍ଗ୍ ମିସିକରି ତାର୍ କାରାପ୍ କାମେ ମିସ୍‌ଲାନି ।

ସାରା ସାରି ବେଲର୍ କାତା

^{୧୨} ମୁଇ ତମ୍‌କେ ବେସି ବିସଇ ଲେକ୍‌ବାକେ ମନ୍ କଲିନି, ମାତର୍ ଚିଟିଟାନେ ଲେକ୍‌ବାକେ ମନ୍ କରିନାଇ । ତାର୍‌ବାଦୁଲେ ଆସିକରି ତମ୍‌ର୍ ମୁଆଟେ କାତା ଅଇବି । ତେବେ ଆମେ ପୁରାପୁରୁନ୍ ସାର୍‌ଦା ଅଇବୁ ।

^{୧୩} ପର୍‌ମେସର୍ ବାଚିରଇବା ବଇନିର୍ ପିଲାମନ୍, ତମ୍‌କେ ଜୁଆର୍ ଜାନାଇଲାଇନି ।

ଯୋହନ ଲେଖିଥିବା ତୃତୀୟ ପତ୍ର ଜଅନ୍ ତିନିପାଲି ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

ଜଅନର ତିନିପାଲି ଚିଠି ଜଅନର ଲାଗି ୫୦-୧୦୦ କିରିସ୍‌ଟାବ୍‌ଦରେ ଜିସୁ କିରିସ୍‌ଟର ଜନମ୍ ପତେ ଲେକାଅଇ ରଇଲା । ଜଅନ୍ ନିଜକେ ଲେକିଆଟି ବଲିକରି ଜାନାଇଅଇ ନିଜକେ ପାର୍‌ଚିନ୍ ଇସାବେ କଇଲାନ୍ ୧:୧ ସେ ଜଅନର ଦୁଇଟା ଚିଠିଦେଇ ଜେନ୍ତାର ଲେକି ରଇଲା ୧:୧ । ଏଟା ବିସବାସ୍ କରି ଅଇସିଜେ, ସେ ଏପିସିଦେଇ ରଇବାବେଲେ ଜଅନ ଲେଖିଲା ନିମାନ୍ କବର୍‌ସଙ୍ଗ୍ ୩ ଟା ଚିଠିମିସା ଲେକି ରଇଲା । ୧ ଜଅନ୍ ୨ ଜଅନ୍ ୩ ଜଅନ୍,

ଜଅନ୍ ଗାଅ ନାଉଁର୍ ଗଟେକ୍ ବିସ୍‌ବାସିକେ ଏ ଚିଠି ଲଗେ ଲେଖିଲା ଆଟେ ।

ଏ ବଇ ବିତ୍‌ରେ ରଇବାଟା

- ୧. ଜଅନ୍ ତାର ଚିଠିର୍ ବିସଇ ଜାନାଇଲାନ୍ । ୧:୧
- ୨. ସେ ଗାୟକେ ସାଆସ୍ ଦେଇକରି ନଅର୍ ମନକେ ବୁଲ୍‌ତେ ରଇବା ବିସ୍‌ବାସି ବାଇମନକେ, ଗତିଆ କୁଟୁମ୍‌କେ ଡାକି ଦେକାରକା କର୍‌ବାକେ ସିକାଇଲାନ୍ । ୧:୨-୮
- ୩. ସେ ଦୁଇଲକ୍‌କେ ଡାୟ୍‌ଟେପିସ୍ ଆରି ତିମିଟିଅସ୍ ବିସଇ କଇସି । ୧:୯-୧୨
- ୪. ସାରାସାରି ପତେ ଲେକା ସାରାଇଆଟେ । ୧:୧୩-୧୪

୧*ଏ ମଣ୍ଡଲିର୍ ପାର୍‌ଚିନ୍ ଇସାବେ ମୁଇ ଜଅନ୍,

ଏ ଚିଠି ଆଲାଦର୍ ଗାଇସ୍, ତକେ ଲେଖିଲିନି । ମୁଇ ତକେ ସତଇସେ ଆଲାଦ୍ କଲିନି ।

୨ଏ ମର୍ ଆଲାଦର୍ ମଇତର୍, ତମେ ଗାଗଡ୍ ଇସାବେ ବପୁ ଉଆ ଆରି ତମର୍ ସବୁ କାମ୍ ନିକ ଅ ବଲି ମୁଇ ପାର୍‌ତନା କଲିନି । ଜେନ୍ତାରିକି ମୁଇ ଜାନି, ତମେ ଆଡ୍‌ମାଇ ମିସା ନିକସେ ଆଟାସ୍ ।

୩ ପର୍‌ମେସରର୍ ସଡ୍ ବାଟ୍ ଇସାବେ ତମେ ଚଲାଚଲ୍‌ତି କଲାସ୍‌ନି ବଲି କେତେଟା ସଙ୍ଗର୍ ବିସ୍‌ବାସି ବାଇମନ୍ ଇତି ଆସିକରି ଆମ୍‌କେ କଇଲାଇ । ଆରି ତମେ ସେନ୍ତାରିସେ ଚଲାଚଲ୍‌ତି କଲାସ୍‌ନି ବଲି ମୁଇ ଜାନି ।

୪ ମର୍ ପିଲାମନ୍ ସଡ୍ ଇସାବେ ଚଲାଚଲ୍‌ତି କଲାଇନି ବଲି ସୁନ୍‌ଲାଡେଇଅନି ଆରି କାଇ ବିସଇ ମକେ ସାର୍‌ଦା ନ କରାଏ ।

ଗାୟସର୍ ସଡ୍ କରମର୍ ମଇମା

୫ ମର୍ ଆଲାଦର୍ ମଇତର୍, ତମର୍ ସଙ୍ଗ୍ ରଇବା ବିନ୍ ଦେସର୍ ବିସ୍‌ବାସି ବାଇମନ୍‌ପାଇ ତମେ କର୍‌ବା କାମ୍ କେବେ କେବେ ନାଜାନିରଇଲେ ମିସା ସଡ୍‌ସଙ୍ଗ୍ କଲାସ୍‌ନି ।

୬ ତାକର୍ ବିତ୍‌ରେଅନି କେତେକ୍ ଲକ୍ ଇତିର୍ ମଣ୍ଡଲିର୍ ଲକ୍‌ମନକେ ତମର୍ ଆଲାଦର୍ ବିସଇ କାତା ଅଇଲାଇଆଡ୍ । ସେନ୍ତାରି ଲକ୍‌ମନକେ, ଜେତେବେଲେ ତମକେ ଚାଡି ଅଲ୍‌ଗା ଜାଗାମନକେ ଜିବାବେଲେ, ଆଗ୍‌କେ ପର୍‌କେ କାଇଟା ନ ବାବିକରି ସାଇଜ କରିଲାଗିରୁଆ ।

୭ଏ ଲକ୍‌ମନ୍ ଜିସୁକିରିସ୍‌ଟର୍ ସେବା କାମର୍‌ଲାଗି ଗୁଲାଇବାଟେ ବୁଲ୍‌ଲାଇନି । ଆରି କିରିସ୍‌ଟକେ ବିସ୍‌ବାସ୍ ନ କର୍‌ବା ଲକ୍‌ମନର୍‌ତେଇଅନି ସେମନ୍ କାଇ ସାଇଜ ନ ମାଙ୍ଗଡ୍ ।

୮ ତେବର୍‌ପାଇ ଆମେ ତାକର୍ ସଙ୍ଗର୍ ବିସ୍‌ବାସିମନ୍, ସେମନ୍‌କେ ଜାଇଟା ଲଡାଆଟେ ସେଟା ଦେଇଡେରଜ୍ । ଏନ୍ତାରି ଲକ୍‌ମନକେ ସଡ୍ ଜାନାଇବା କାମ୍‌ଗାନେ ଆମେ ମିସିକରି କରୁ ।

ଡାୟ୍‌ଟେପିସ୍ ଆରି ତିମିଟିଅସ୍

୯ ତମର୍ ନଅରେ ରଇବା ମଣ୍ଡଲିର୍ ଲକ୍‌ମନକେ ମୁଇ ଆଗ୍‌ତୁ ଗଟେକ୍ ଚିଠି ଲେକିରଇଲି । ମାତର୍ ଡାୟ୍‌ଟେପିସ୍ ମର୍ କାତା ଦାରେନାଇ । କାଇକେବଇଲେ ସେ ନିଜେ ମଣ୍ଡଲିର୍ ନେତା ଅଇବି ବଲି ମନ୍କଲାନ୍ ।

୧୦ ତେବର୍‌ପାଇ ମୁଇ ଜେତେବେଲେ ତମର୍ ନଅରେ ଆଇବାବେଲେ ଡାୟ୍‌ଟେପିସ୍ ଜାଇଟା କଲାନ୍, ସେଟାସବୁ ମଣ୍ଡଲିର୍ ଲକ୍‌ମନକେ, କଇଦେବି ବଲି ମନ୍ କଲି । ସେ ମର୍ ବିରୁଦେ, ନ କର୍‌ଲାଟାମନ୍ କଇବୁଲ୍‌ଲାନ୍ । ଆରି ତାର୍‌ତେଇଅନି ଅଦିକ୍ କାରାପ୍‌ଟା ମିସା ସେ କଲାନ୍ । ଆମର୍ ସଙ୍ଗର୍ ବିସ୍‌ବାସିମନ୍, ଜେକି ସୁବ୍‌କବର୍ ଜାନାଇଲାଇନି, ସେ ସେମନ୍‌କେ ଡାକିନେବାକେ ନିର୍‌ଲାନ୍ । ଜନ୍ ଲକ୍‌ମନ୍ ସେମନ୍‌କେ ଡାକିନେବାକେ ମନ୍ କଲାଇନି, ସେମନ୍‌କେ ତେବାଇଲାନ୍ । ସେନ୍ତାରି ଲକ୍‌ମନକେ ମଣ୍ଡଲିର୍ ସବାଡେଇ ଆଇବାକେ ମନାକଲାନ୍ ।

* ୧:୧ ପେରିଡ୍ ୧୯:୨୯; ରମିୟ ୧୬:୨୩; ୧ମ କରନ୍ଥୟ ୧:୧୪

୧୧ ଆଲାଦର୍ ମଇତର, କାରାପ୍ କାମ୍ କରି ଚଲାଚଲ୍ତି କରବା ଲକ୍ମନର୍ ପାରା ଉଆନାଇ । ତାର୍ ବାଦୁଲେ ନିକ କାମ୍ କରବା ଲକ୍ମନର୍ପାରା ଉଆ । ଜଦି କେ କାରାପ୍ କାମ୍ କଲେ, ତାର୍ କାମେଅନି ସେ ପରମେସର୍କେ ନାଜାନେ ବଲି ଡିସଲାନି ।

୧୨ ଡିମିଡିର୍ ଗଟେକ୍ ନିକ ଲକ୍ ବଲି ମଣ୍ଡଲିର୍ ସବୁଲକ୍ କଇଲାଇନି । ସେ ସଡ୍ ବିସଇ ଇସାବେ ଚଲାଚଲ୍ତି କଲାନି । ତେବର୍ପାଇ ସେ ଗଟେକ୍ ନିକ ଲକ୍ ବଲି ଆମେ ଜାନିଆରୁ । ସେ ଗଟେକ୍ ନିକ ଲକ୍ ବଲି ମୁଇ ମିସା ସାକିଦେଲିନି । ଆରି ତମେ ଜାନାସ୍ ଆମେ ଗଟେକ୍ ଲକ୍ କାଇଆଲେ ବିସଇ କଇଲେ, ସେଟା ସଡ୍ ।

ସାରା ସାରି କାତା

୧୩ ତମ୍ବକେ ମୁଇ ବେସି ବିସଇ କଇବାକେ ମନ୍ କଲିନି, ମାତର୍ ଚିଟିଟାନେ ଲେକ୍ବାକେ ମନ୍ କରନାଇ ।

୧୪ ମୁଇ ଦାପ୍ରେ ତମ୍ବଟାନେ ଆସିକରି ତମ୍ବ ମୁଆଟେ ସବୁ କାତା କଇବି ।

୧୫ ପରମେସର୍ ତମ୍ବକେ ସାନ୍ତି ଦେଅ ।

ମଣ୍ଡଲିତେଇ ରଇବା ତମ୍ବ ସବୁ ମଇତର୍ମନ୍ ଜୁଆର୍ ଜାନାଇଲାଇନି । ତମ୍ବ ନଅରର୍ ମଣ୍ଡଲିତେଇ ରଇବା ମର୍ ସବୁ ମଇତର୍ମନ୍କେ ଗଟେକ୍ ଗଟେକ୍ ଲକ୍କେ, ଜୁଆର୍ ଜାନାଆ ।

ଜିଉଦାଙ୍କ ପତ୍ର ଜିଉଦା ଲେକ୍‌ଲା ଚିଠି ଏ ବଇର୍ ବିସଇ ଜାନବାଟା

ଏ ଚିଠି ଲେକ୍‌ଲା ଲକ୍‌ମ୍ ନାଉଁ ଇସାବେ ଏ ବଇର୍ ନାଉଁ ଦିଆଅଇଆତେ । ଜିଉଦା ନିଜେ ଜାକୁବ୍ ଜିସୁର୍ ବାଇ ବଲି ଜାନାଇଅଇଲାନି । ତେବର୍‌ପାଇ ତାକେ ଜିସୁର୍ ବାଇମନର୍ ବିତ୍‌ରେଅନି ଗଟେକ୍ ଲକ୍ ବଲି କଇବାଇ ୧ ପୁର୍ନା ନିୟମର୍ ବିସଇ ଉଦାର୍ କରଇଲାଇକେ ଏଟା ଗଟେକ୍ ନିକ ମାଣ୍ଡଲିକେ ଲେକା ଅଇରଇଲା ପାରା ମନେ ଆଇସି । ଜିଉଦାର୍ ଚିଠି ସତ୍‌ରେ ପତ୍ରବା ଲକ୍‌ମନ୍ ଜିଉଦି ବଲି ଜାନାଇଅଇଲାଇନି । ଜନ୍ ଲକ୍‌ମନ୍ କି ବାବା ପର୍‌ମେସର୍‌ର ଆଲାଦେ କିରିସ୍‌ଟର୍ ପାଇ ସଙ୍ଗାଅଇଆତ୍ । ଜାଇଟା ଅବେ, ଜିଉଦା ବାଟାଇଅଇରଇବା ସବୁ ଲକ୍‌ମନ୍‌କେ ନିଜର୍ ବିସଇରେ ଜାନାଇଲାନି । ଏ ଚିଠି ଜିସୁକିରିସ୍‌ଟ ଜନମ୍ ଅଇକରି ପାକାପାକି ୬୦ ବିତ୍‌ରେ ଲେକାଅଇରଇଲା ।

ଜନ୍ ଲକ୍‌ମନ୍ ଟକାବଣ୍ଡା କର୍‌ବା ବିସ୍‌ବାସି ମନର୍ ବାଟେ ଜାଇତେରଇଲାଇ, ସେ ସବୁ ବିସ୍‌ବାସିମନ୍‌କେ ଜାଗ୍‌ରତ୍ କରାଇବାକେ ଲେକାଅଇଆତେ । ସେ ଦଦାପେଲା ଅଇକରି ପୁର୍ନା ନିୟମର୍ ବିସଇ ଆରି ଗଟିରଇବା ବିସଇ କଇଲାନି । ଏ ଚିଠିତେଇ ମିର୍ ସିକାଉମନର୍ ବିରୁଦେ ପିତରର୍ ୨ ଯ ଚିଠିତେଇ ବାବିକରି ଲେକା ଅଇଲାଟା ସଙ୍ଗ ମିସିଆତେ । ଇତି ଦୁତ୍ ଆରି ସଦମ୍ ଗମରା ବିସଇ ମିସା ଲେକାଅଇଆତେ ଜିଉଦା ୧:୪; ୨ ଯ ପିତର୍ ୨:୧

ଏ ବଇ ବିତ୍‌ରେ ରଇଲାଟା

- ୧. ଜିଉଦା ପର୍‌ତୁମ୍ ତାର୍ ଚିଠି ପତ୍ରବା ଲକ୍‌ମନ୍‌କେ ନିଜର୍ ବିସଇ ଜାନାଇଆତେ । ୧:୧-୨
- ୨. ମିର୍ ସିକାଉମନର୍ ବିରୁଦେ ଜାଗ୍‌ରତ୍ କରାଇଆତେ । ୧:୩-୪
- ୩. ସେ ପୁର୍ନା ନିୟମର୍ ଲକ୍‌ମନ୍‌କେ ଆରି ଅଇରଇବା ଗଟ୍‌ନାକେ ଦେକାଇ କଇବା ବିସଇ । ୧:୫-୧୬
- ୪. ଜାକୁବ୍ ଜାଗ୍‌ରତ୍ କରାଇଲାଟା, ସେ ବିସଇ ସେମନର୍ ଦାଇତ୍ କେନ୍ତାର୍ ରଇବାର୍ ଆତେ ସେ ବିସଇ କଇଲାଆତେ ୧:୧୭-୨୩
- ୫. ସାରାସାରି ସେ ପର୍‌ମେସର୍‌କେ ତାକ୍‌ପୁଟା କରି ସେ ଲେକ୍‌ବାଟା ସାରାଇଆତେ । ୧:୨୪-୨୫

୧ * ମୁଇ ଜିଉଦା । ଜିସୁ କିରିସ୍‌ଟର୍ ଗଟେକ୍ ଗତିଦାଙ୍ଗ୍‌ତା ଆରି ଜାକୁବର୍ ବାଇ । ଜନ୍ ଲକ୍‌ମନ୍‌କେ ପର୍‌ମେସର୍ ବାଟ୍‌ଲାଆତେ, ସେମନର୍‌ପାଇ ମୁଇ ଏ ଚିଠି ଲେକ୍‌ଲିନି । ବାବା ପର୍‌ମେସର୍ ତମ୍‌କେ ଆଲାଦ୍ କଲାନି । ଆରି ତମ୍‌କେ ଜିସୁକିରିସ୍‌ଟ ଦେକାରକା କର୍‌ବାକେ ସଙ୍ଗାଅଇଆତେ ।

୨ ପର୍‌ମେସର୍ ତମ୍‌କେ ଦୟା ଦେକାଅ, ତାର୍ ସାନ୍ତି ଆରି ଆଲାଦ୍ ତମ୍‌କେ ଜବର୍ ଅଇତେ ମିଲ ।

ବୁଲ୍ ସିକିଆ ଦେଉମନ୍

୩ ଏ ମର୍ ଆଲାଦର୍ ମଇତର୍‌ମନ୍, ଆମେ ପାଇରଇବା ମୁକ୍‌ତିର୍ ବିସଇ ତମ୍‌କେ ଲେକ୍‌ବି ବଲି ମନ୍ କଲିନି ମିସା, ସତ୍ ବିସଇରପାଇ ଚିଆ ଅଇବାକେ ତମ୍‌କେ ସାରଦା କରାଇବି ବଲି ମନ୍‌କଲି । ତାର୍ ସୁକଲ୍ ଲକ୍‌ମନର୍‌ପାଇ ପର୍‌ମେସର୍ ଏ ସତ୍ ସିକିଆ ଗଟେକ୍ ବେଲେ ସବୁଲକର୍‌ପାଇ ଦେଲାଆତେ ।

୪ କାଇକେବଇଲେ ବିସ୍‌ବାସି ବଲି କେତେକ୍ ନାଡାଇବା ଲକ୍ କେ ନାଜାନ୍‌ତେ ପୁରିଆତ୍ । ଏ ଲକ୍‌ମନ୍ ପାଇବା ଡଣ୍ଡ ଆଗର୍ କାଲେଅନି ସାସ୍‌ତରେ ଲେକାଅଇଆତେ । ଏ ଲକ୍‌ମନ୍ ପର୍‌ମେସର୍‌ର ଅଦିକାର୍ ନାମଡ୍‌ନାଇ । ଆମର୍ ପର୍‌ମେସର୍ ଦରମ୍‌ଟା ବଲି ଲକ୍‌ମନ୍ ଜେନ୍ତାର୍ ସେନ୍ତାର୍ ବେସିଆ କାମ୍ କଲେମିସା କାଇଟା ନର୍ ବଲି କଇଲାଇନି । ମାପୁର୍ ଜିସୁକିରିସ୍‌ଟସେ ଆମର୍ ମାଲିକ୍ ବଲି ସେମନ୍ ନାମଡ୍‌ନାଇ ।

୫ ଏ ସବୁ ବିସଇ ତମେ ଜାନିରଇଲେ ମିସା ମାପୁର୍ ଇସରାଏଲର୍ ଲକ୍‌ମନ୍‌କେ ମିସର୍ ଦେସେଅନି ମୁକ୍‌ଲାଇକରି ଆନଲା ବିସଇ ତମ୍‌କେ ଏତାଇଦେବାକେ ମୁଇ ମନ୍ କଲିନି । ମାତର୍ ପତେ ଜେଡ୍‌କି ଲକ୍ ବିସ୍‌ବାସ୍ କରଡ୍‌ନାଇ, ସେମନ୍‌କେ ସବୁକେ କୁରୁପ୍‌ନାସ୍ କଲା ।

୬ ସେଡ୍‌କିସେ ନର୍ ସେ ଦୁତ୍‌ମନ୍‌କେ ମିସା ଡଣ୍ଡ ଦେଇରଇଲା । ପର୍‌ମେସର୍ ସେମନ୍‌କେ ଜେଡ୍‌କି ଅଦିକାର୍ ସର୍‌ପି ଦେଇରଇଲା, ସେମନ୍ ତାର୍‌ତେଅନି ଅଦିକ୍ ନେଲାଇ । ଆରି ତାକର୍ ଦେଇରଇବା ଜାଗା ଚାଡ୍‌ଲାଇ । ସେ ସେମନ୍‌କେ ବିଚାର୍ କର୍‌ବା ଦିନ୍ ଜାକ, ଗଟେକ୍ ଆନ୍ଦାର୍ ଜାଗାଇ, କେ ବାଙ୍ଗାଇ ନାପାର୍‌ଲା ପାରା, ସିକ୍‌ଲି ସଙ୍ଗ ବାନ୍ଧିଆତେ ।

୭ ସଦମ୍ ଗମରା ଆରି ତାର୍ ଚାରିବେଟ୍‌ଟି ରଇବା ନଅର୍‌ମନର୍ ବିସଇ ଏତାଇଦେକା । ନ ଲିବ୍‌ବା ଜଇଟାନ୍‌ତେ ଡଣ୍ଡ ଇସାବେ ସେମନ୍ ଜେଡ୍‌କି ଦୁକ୍ କସ୍‌ଟ ପାଇଲାଇ, ସେଟା ସବୁଲକର୍‌ପାଇ ଗଟେକ୍ ଜାଗ୍‌ରତ୍ ଅଇରଇବା ବିସଇ । ସେମନ୍ ଅବ୍‌କା ପାଦ୍‌ରା ପାଦ୍‌ରି କାମ୍‌ସେ କରଡ୍‌ନାଇ ମାତର୍ ମନସ୍ ମନସ୍ ବିତ୍‌ରେ ମାଇଜି ମାଇଜି ବିତ୍‌ରେ ବେସିଆ କାମ୍ କର୍‌ତେ ରଇଲାଇ ।

☆ ୧:୧ ମାତିଉ ୧୩:୫୫; ମାର୍କ ୬:୩

୮ ସେନ୍ତାରିସେ ଏ ଲକ୍ଷ୍ମୀନି ନିଜେ ଦରସନ୍ ପାଇକରି ମିସା ପାଦରା ପାଦ୍ରି କାମ୍ କରି ନିଜର୍ ଗାଗଡ଼ ଅସୁକଲ୍ କଲାକନି । ମାପୁରୁର୍ ଅଦିକାର୍ ସେମନ୍ ଗିନ୍ କରି ସର୍ଗେ ରଇବାଟାମନ୍କେ ନିନ୍ଦା କଲାକନି ।

୯*ମୁକ୍ତିଅ ଦୁଡ଼ ମିକାଏଲ୍ ମିସା ମସାର୍ ମଲା ଗାଗଡ଼ ନେଇକରି ତପ୍ତବାକେ କାର୍ ଅଦିକାର୍ ଆଚେ ବଲିକରି ସଇତାନର୍ ସଙ୍ଗ୍ ଦଦାପେଲା କରତେରଇଲା । ସେଡ଼କିବେଲେ ପର୍ମେସରର୍ ଜାଗାଇ ରଇ, ସଇତାନ୍କେ ବିଚାର୍ କରବା ଅଦିକାର୍ ନେବାକେ ସେ ସାଆସ୍ କରେନାଇ । ତାର୍ ବାଦୁଲେ ମାପୁରୁ ତକେ ଡଣ୍ଡ ଦେଇସି ବଲି କଇଲା ।

୧୦ ଏଲେମିସା ଏ ଲକ୍ଷ୍ମୀନି ନ ବୁଜ୍ଜବା ବିସଇ ନେଇ ନିନ୍ଦା କାତା କଲାକନି । ସେମନ୍ ଜେଡ଼କି ବିସଇ ବୁଜ୍ଜଲାକନି, ସେଟା ସେମନ୍କେ ଅଦିକ୍ ବାବ୍ବାକେ ନ ପଡେ । ଜେନ୍ତାରି, କି ପସୁମନ୍ କାଇ ବିସଇ ନ ବାବଡ଼ । ଏ ସମାନ୍ ବିସଇ ଆକା ସେମନ୍କେ କୁରୁପ୍ନାସ୍ କରସି ।

୧୧ ସେମନ୍ କେତେକ୍ ଡଣ୍ଡ ପାଇବା ଲକ୍ଷ୍ ସେମନ୍ କଇନର୍ ବାଟ୍ ଦାର୍ଲାଇ ଆଚଡ଼ । ବିଲିଆମ୍ ପାପ୍ କଲାପାରା ସାର୍ଦା ସଙ୍ଗ୍ ପାପ୍ କଲାଆଚଡ଼ । କରା ବିରଦ୍ କଲାପାରା ସେମନ୍ ବିରଦ୍ କରି କୁରୁପ୍ନାସ୍ ଅଇବାଇ ।

୧୨ ତମେ ଗଟେକ୍ତେଇ ରୁଣ୍ଡିକରି ମିସି କାଇଲାବେଲେ, ତମର୍ ସଙ୍ଗ୍ ସେମନ୍ ଲାଜ୍ ଲାଗବା କାମ୍ କଲେ ମିସା ସେମନ୍ ତମର୍ ମୁଆଟେ ଲାଜ୍ ନ ଅଇକରି ସାଆସ୍ ସଙ୍ଗ୍ କାଇଲାକନି । ମେଣ୍ଡାମନ୍କେ ନ ଚାରାଇ ନିଜେ ଚାରାଇଅଇଲା ଗଉଡ଼ ପାରା ଅଇଲାକନି । ପବନ୍ ଆଇଲେ ଉଡ଼ାଇନେବା ପାନି ନ ମାର୍ବବା ବାଦଲ୍ପାରା ଏମନ୍ ଆଚଡ଼ । ପଲ୍ ଦେବା ବେଲାଇ କାଇପଲ୍ ନ ରଇବା ଗଡ଼ ଜେନ୍ତାରି ଉପାଡ଼ିକରି ସୁକବାକେ ଚାଡ଼ଲାପାରା, ସେନ୍ତାରି ଅଇ ସେମନ୍ ଆଚଡ଼ ।

୧୩ ସେମନ୍ ସମ୍ପଦୁରର୍ ଲଅଡ଼ି ଜେନ୍ତାରି ପେପୁଲ୍ ବାରୁକରସି, ସେ ପେପୁଲ୍ପାରା ତାକର୍ ଲାଜର୍ ଚଲାଚଲ୍ଡି ଡିସିସି । ଆକାସର୍ କେତେକ୍ କେତେକ୍ ତାରାମନ୍ ଜେନ୍ତାରି ତାକର୍ ପାଇ ରଇବା ଜାଗାଇ ନ କିନ୍ଦ୍ରିକରି ବିନ୍ଦବାଟେ ବୁଲ୍ଡେରଇବାଇ, ସେମନ୍ ସମାନ୍ ସେନ୍ତାରିସେ । ପର୍ମେସର୍ ସେମନ୍ପାଇ ଗଟେକ୍ ବଡ଼ ଗଇରି ରଇବା ଆନ୍ଦାର୍ ଜାଗା ସଙ୍ଗ୍ଆଚେ । ଜନ୍ତାରି ସେମନ୍ ସବୁଦିନପାଇ ରଇବାଇ ।

୧୪ ଅନକର୍ ବିସଇ ବାବିଦେକା । ସେ ଆଦମର୍ଗାନେ ଅନି ଆଇବା ସାଡ଼ ଲମର୍ ନାଡ଼ିଡ଼ି । ଏନ୍ତାରିଲକ୍ଷ୍ମୀନି ବିସଇନେଇ ସେ ବବିସଡ଼ବକତା ଏନ୍ତାରି କଇଲା, ଦେକା ମାପୁରୁ ତାର୍ ଅଜାର୍ ଅଜାର୍ ସୁକଲ୍ ଦୁଡ଼ମନ୍ ସଙ୍ଗ୍ ଆଇସି ।

୧୫ ସେ ସବୁଲକ୍ଷ୍ମୀକେ ବିଚାର୍ କରସି । ଆରି ଜେଡ଼କି ଲକ୍ଷ୍ ତାକେ ନାମଡ଼ନାଇ, ସେମନ୍ ସବୁଲକ୍ଷ୍ମୀକେ ଦସି କରସି । ସେମନ୍ କରିରଇବା ସବୁ କାରାପ୍ କାମର୍ ଲାଗି ମିସା ଦସିଅଇବାଇ ।

୧୬ ଏ ଲକ୍ଷ୍ମୀନି ମୁରମୁରା ଅଇକରି ବିନ୍ ଲକ୍ଷ୍ମୀନିକେ ନିନ୍ଦା କରବାଇ । ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ, ନିଜର୍ ବିସଇନେଇ ବଡ଼ପନ୍ ଅଇବାଇ ଆରି ନିଜର୍ ଲାବ୍ ପାଇବାକେ ବିନ୍ଲକ୍ଷ୍ମୀକେ ନିକ କାତା କଇ ସୁଡ଼ରାଇବାଇ ।

ଜାଗରଡ଼ ରଇବାକେ ଆଦେସ୍

୧୭ ମାତର୍ ଏ ମର୍ ଆଲାଦର୍ ମଇତର୍ମନ୍, ଆମର୍ ମାପୁରୁ ଜିସୁ କିରିସଟର୍ ପେରିଡ଼ ସିସମନ୍ କାଇଟା ଅଇସି ବଲି କଇଲାଟା ତମର୍ ମନେ ରଅ ।

୧୮ *“ସାରାସାରି ଦିନ୍ ମନ୍କେ ମାପୁରୁକେ କିଜାଇକରି ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବା ଲକ୍ଷ୍ମୀନି ରଇବାଇ ।” ସେମନ୍ ତମ୍କେ ଏନ୍ତା କଇରଇଲାଇ ।

୧୯ ଏନ୍ତାରି ସେମନ୍ ଲକ୍ଷ୍ମୀନିକେ ବେଗ୍ଲାଇବାଇ, ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ । ସେମନ୍ ସୁକଲ୍ଆଡ଼ମା ପାଅଡ଼ନାଇ ।

୨୦ ମାତର୍ ତମେ ମର୍ ଆଲାଦର୍ ମଇତର୍ମନ୍, ଆମର୍ ବେସି ସୁକଲ୍ ରଇବା ବିସବାସେ ନିଜେ ତାର୍ ଅଇତେରୁଆ । ସୁକଲ୍ଆଡ଼ମାର୍ ସାଇଜ ନେଇ ପାର୍ତନା କରତେରୁଆ ।

୨୧ ମାପୁରୁ ଜିସୁକିରିସଟର୍ ବାଉଡ଼ି ଆଇବା ଦିନକେ ଜାଗତେରୁଆ ଆରି ପର୍ମେସରର୍ ଆଲାଦେ ବଡ଼ିଆସା । ସେନ୍ତାରିଆଲେ ତମେ ତାର୍ସଙ୍ଗ୍ କାଲକାଲ୍ ଜୁଗ୍ଜୁଗ୍ ରଇସା । କାଇକେବଇଲେ ସେ ଆମ୍କେ ଦୟା ଦେକାଇଲା ଆଚେ ।

୨୨ ଦୁଇମନିଆ ଅଇବା ଲକ୍ଷ୍ମୀନିକେ ଦୟା ଦେକାଆ ।

୨୩ କେବେ ନ ଲିବ୍ବା ଜଇଟାନେଅନି ଚାଡ଼ାଇକରି ସେମନ୍କେ ରକିଆ କରା । ଡରିକରି ପାପ୍କରବା ଲକ୍ଷ୍ମୀନିକେ ଦୟା ଦେକାଆ । ମାତର୍ ତାକର୍ ପାପ୍କାମେ ମୁରକି ରଇବା ବସଡ଼ର୍ ମିସା ଗିନ୍ କରା ।

୨୪ ତମେ ଜେନ୍ତାରିକି ନ ଅଦରତେ, ପର୍ମେସର୍ ତମ୍କେ ଦେକାରକା କରସି । ସେ ଅଇଲାନି ମଇମା ପାଇବା ପର୍ମେସର୍ । କାଇ ଦସ୍ ନ ଦାରି ସାର୍ଦାସଙ୍ଗ୍ ତମ୍କେ ତାର୍ ମୁଆଟେ ଟିଆକରାଇବାକେ ତାର୍ ବପୁଆଚେ ।

୨୫ ଆମର୍ ମାପୁରୁ ଜିସୁକିରିସଟର୍ ଲାଗି ସେ ଗଟେକ୍ ସେ ପର୍ମେସର୍, ଜେ କି ଆମ୍କେ ରକିଆ କଲାଆଚେ । ସବୁ ଡାକ୍ପୁଟା, ମଇମା, ବପୁ ଆରି ସାସନ୍ କାଇଟା ନ ଅଇତେ ତାର୍ଟାସେ ରଇଲା, ଏବେ ତାର୍ଟାସେ ଆଚେ ଆରି କାଲ୍ କାଲ୍ ଜୁଗ୍ ଜୁଗ୍ ତାର୍ଟାସେ ରଇସି । ଆମେନ୍ !

* ୧:୯ ପର୍କାସିତ ୧୨:୭ * ୧:୧୮ ୨ ଯ ପିତର୍ ୩:୩

ଯୋହନ ଦର୍ଶନ ପାଇଥିବା ପୁସ୍ତକ ଜଅନ୍ ଦର୍ସନ୍ ପାଇରଇବା ବଇ ଏ ବଇ ବିସଇରେ ଜାନ୍ବାଟା

ପଢ଼କାସିତ ବଇ ନୁଆ ନିୟମର୍ ସାରାସାରି ବଇ । ଏ ବଇ ମିସା ଜଅନ୍ ଲେକିରଇଲା । ଏଟା ଜିସୁକିରିସ୍ଟ ଜନମ୍ ଅଇକରି ପାକାପାକି ୯୫ ବେଲେ ଲେକାଅଇରଇଲା ୧:୧ । ସେ ଜଅନ୍ ସୁବକବର୍ ସଙ୍ଗ୍ ତିନଟା ଚିଟି ମିସା ଲେକିରଇଲା । ଜନଟାମନ୍ କି, ୧ ମ ଜଅନ୍, ୨ ଯ୍ ଜଅନ୍ ଆରି ୩ ଯ୍ ଜଅନ୍ । ଜଅନ୍ ଜାକେ କି ଜିସୁ ବେସି ନିକଲକ୍ ବଲି ଦେକ୍ତେରଇଲା ବଲି ଜାନିଅଇସି । ଜଅନ୍ ଆଇସ୍ଲାଣ୍ଡ୍ ପାଡ଼ରସ୍ ନାଉର୍ ଜାଗାଇ ରଇଲାବେଲେ ଏ ପଢ଼କାସିତ ବଇ ଲେକିରଇଲା । ଜଅନ୍ ୧୩:୨୩ କାଇକେବଇଲେ ଜିସୁକିରିସ୍ଟର୍ ସୁବକବର୍ ଜାନାଇବାକେ ତେଇ ଜାଇ ବାସାଅଇରଇଲା ୧:୯ ।

ଜିସୁ ଆରିତରେକ୍ ଆଇବା ବେଲା ଲଗେ ଅଇରଇଲାଜେ, ଜିସୁକିରିସ୍ଟକେ ବିସବାସ୍ କରି ରଇବାକେ ପଡ଼ବା ଲକ୍ମନକେ ଆସା ଆରି ସାଆସ୍ ଦେବାକେ ଏ ପଢ଼କାସିତ ବଇ ଜଅନ୍ ଲେକିରଇଲା ୧:୩;୨୨:୭ । ସେ ସାଡ଼ଟା ମଣ୍ଡଲିକେ ସବୁ ବିସବାସିମନରପାଇ ନିକସଙ୍ଗ୍ ଲେକିଆତେ ୨:୩ । ଜଅନ୍ ତାର୍ ଲେକାଟାନେ ଆଗ୍ତକେ ଗଟ୍ଟବା ବବିସଡ଼ କାତା ୧:୩ ଆରି ସେ ଦର୍ସନ୍ ଦେକିରଇବା କେତେକ୍ କେତେକ୍ ତିନମନର୍ ବିସଇ ଲେକିଆତେ । ଏ ବଇଟାନେ କେତେଟା ବାଗ୍ଟାନେ ପୁରନା ନିୟମର୍ ବାଗ୍ସଙ୍ଗ୍ ସମାନ୍ ଆତେ । ଜନଟାକି ଜିକରିୟ୍ ୬:୧-୮ ଦେକିଅଇସି ।

ଜନଟା କି ସାଡ଼ଟା ମଇରି, ସାଡ଼ଟା ମୁତା । ଜନଟା ପର୍ମେସର୍ ମିସରର୍ ଲକ୍ମନକେ ଡଣ୍ଡ ଦେବାକେ ମର୍ଡ଼ି ପାଟାଇରଇଲା । ଜାଡ଼ରା ୭:୯ ।

ପଢ଼କାସିତ ବଇ ସାରାସାରି ଜୁଗ୍ ବିସଇ ଜାନାଇଲାନି । ସାରାସାରି ବେଲେ ଜିସୁ ଜିଡ଼ସି ଆରି ଜେଡ଼କି ଲକ୍ମନ ତାକେ ଆସାକରି ରଇବାଇ, ସେମନ୍ ସବୁବେଲର୍ପାଇ ତାର୍ ସଙ୍ଗ୍ ରଇବାଇ । ଏ ବଇ ଆମ୍ତକେ ଜାଗର୍ତା ଆରି ଆସା ଦେଲାନି ଜେ, ଜିସୁ ଦାପରେ ବାଉଡ଼ି ଆଇଲାନି ।

ଏ ବଇ ବିଡ଼ରେ ରଇଲାଟା

- ୧. ଜଅନ୍ ନିଜର୍ ବିସଇ ଜାନାଇ ଅଇଲାଟା ଆରି ସେ ଆଗ୍ତକେ କାଇଟା ଅଇସି ସେ ବିସଇ ଦର୍ସନ୍ ଦେକ୍ଲାଟା । ୧:୧-୨୦
- ୨. ଜଅନ୍ ଜିସୁକିରିସ୍ଟର୍ ତେଇଅନି ସାଡ଼ଟା ମଣ୍ଡଲିକେ ଜାନାଇବାଟା । ୧:୧-୩:୨୨
- ୩. ସାଡ଼ଟା ତିନ୍ ୪:୧;୮:୫ ସାଡ଼ଟା ମଇରି । ୮:୬;୧୧:୯
- ୪. ମାପୁରୁର୍ ପିଲାଜିଲା ଆରି ସାଡ଼ଟା ମୁଣ୍ଡ ଦାରିକରି ରଇବା ପୁରନା ସାଁପ୍ ସଙ୍ଗ୍ ଜୁଇଦ୍ କର୍ବାଟା । ୧୨:୧;୧୪:୨୦
- ୫. ସାଡ଼ଟା ରିସାର୍ ମୁତା ବିସଇରେ ଚିକିନିକି ଜାନାଇବାଟା । ୧୭:୧;୧୭:୧୮
- ୬. ସରଗ୍ପୁରେ ପର୍ମେସର୍ ତାର୍ ସଡ଼ୁ ସଙ୍ଗ୍ ଜୁଇଦ୍ କରି ଜିଡ଼ବାଟା । ୧୭:୧;୨୦:୧୫
- ୭. ନୁଆ ସରଗ୍ ଆରି ନୁଆ ଜଗଡ଼ । ୨୧:୧;୨୨:୨୧

୧ ଜାଇ ଜାଇଟା ଦାପରେ ଗଟ୍ଟବାକେ ଗାଲାନି, ପର୍ମେସର୍ ଜିସୁ କିରିସ୍ଟକେ ଜାନାଇ ରଇବା ବିସଇ ଏ ବଇଟାନେ ଲେକାଅଇଆତେ । ସେ ସବୁ ବିସଇ ତାର୍ ଦାଙ୍ଗ୍ତାମନ୍ତକେ ଜାନାଇବାକେ ପର୍ମେସର୍ ତାକେ ଜାନାଇଲା । ତେବର୍ପାଇ ମୁଇ ଜଅନ୍ ଜେ କି ତାର୍ ସିସ୍ ଅଇଲିଆତି, ମକେ ଜାନାଇବାକେ କିରିସ୍ଟ ତାର୍ ଦୁଡ଼କେ ପାଟାଇଲାଆତେ ।

୨ ଆରି ମକେ ଜେଡ଼କି ବିସଇ ଦେକାଇରଇଲା, ମୁଇ ସେଟାମନ୍ ସବୁ ଲେକିଆତି । ଆରି ଏ ସବୁ ଜିସୁ କିରିସ୍ଟ ଜାନାଇରଇବା ପର୍ମେସରର୍ ସଡ଼ ବାକିଅ ବଲି ମୁଇ ତାଟ୍ ସଙ୍ଗ୍ କଇଲିନି ।

୩ ଏ ବଇ ପଡ଼ିକରି ତେଇ ଲେକାଅଇରଇବା ଆଗ୍ତକେ ଗଟ୍ଟବା କାତାମନ୍ ବୁଜିକରି ମାନ୍ଦା ଲକ୍ମନ କେତେକ୍ କରମର୍ ଲକ୍ମନ ! କାଇକେବଇଲେ ଏ ସବୁ ବିସଇ ଗଟ୍ଟବା ବେଲା କେଟ୍ଲା ।

ସାଡ଼ଟା ମଣ୍ଡଲିକେ ଜୁଆର୍

୪ *ମୁଇ ଜଅନ୍ ଆସିଆ ରାଇଜେ ରଇବା ସାଡ଼ଟା ମଣ୍ଡଲିକେ ଲେକିଲିନି । ପର୍ମେସର୍ ଟାନେଅନି ଆସିରଇବା ଜିବନ୍ ଦୁକାଇଲାଟା ଆରି ସାନ୍ତି ତମ୍ତକେ ମିଲ । ସେ ଏବେ ଆତେ । ଆଗ୍ତୁ ମିସା ରଇଲା ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ ବସିରଇବା ଜାଗାର୍ ମୁଆଟର୍ ସାଡ଼ଟା ଆଡ଼ମାମନର୍ ଟାନେଅନି

୫ ଆରି ଜିସୁକିରିସ୍ଟ ଟାନେଅନି । ସେ ଆକା ପର୍ମେସରର୍ ବିସଇର୍ ସଡ଼ ସାକି ଦେଇପାସି । ମଲା ଲକ୍ମନଟାନେଅନି ତାକେସେ ପର୍ଡୁମ୍ ଉଟାଇରଇଲା । ଏ ଜଗତର୍ ସାସନ୍କାରିଆମନର୍ ଉପରେ ରଇବା ସାସନ୍କାରିଆ । ସେ ଆମ୍ତକେ ଆଲାଦ୍ କଲାନି । ଆମର୍ପାଇ ଗଟେକ୍ ବଲି ଇସାବେ ମଲାକେ ଆମର୍ ପାପେଅନି ସେ ଆମ୍ତକେ ମୁକ୍ତାଇଲାଆତେ ।

☆ ୧:୪ ପଢ଼କାସିତ ୪:୫

୭ ✨ତାର ବାବା ପରମେସ୍ୱରକେ ସେବା କରବାପାଇ ସେ ଆମ୍ଭଙ୍କ ଗଟେକ ରାଜାର କୁଟୁମ୍ବେ ପୁଜାରି କଲାଆଚେ । ସେ କାଲ୍ କାଲ୍ ଜୁଗ୍ ଜୁଗ୍ ବସୁ ଆରି ମଇମା ପାଅ । ଆମେନ୍ ।

୭ ✨ଏଦେ ଦେକା ! ସେ ମେଗମାଲାଇ ବସି ଆଇଲାନି । ଗୁଲାଇ ଲକ୍ମନ୍ ତାକେ ଦେକ୍‌ବାଇ । ତାକେ କୁରୁସ୍‌କାଟେ କୁଟି ମାରିରଇବା ଲକ୍ମନ୍ ମିସା ଦେକ୍‌ବାଇ । ଏ ଜଗତେ ରଇବା ସବୁ ଲକ୍ମନ୍ ତାରଲାଗି ଦୁକ୍ କରବାଇ । ସେଟା ସେନ୍ତାରିସେ ଅଇସି । ଆମେନ୍ !

୮ ✨ମାପୁରୁ ପରମେସ୍ୱର ସବୁର୍‌ଟାନେଅନି ଅଦିକ୍ ବପୁର୍‌ଟା । ସେ ଏବେ ମିସା ଆଚେ । ସେ ଆଗତୁ ରଇଲା । ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ କଇଲାଆଚେ “ଆରାମେଅନି ସବୁ ବିସଇ କରବା ଲକ୍ ମୁଇ, ଆରି ସାରାଇବା ଲକ୍ ମିସା ମୁଇସେ ।”

କିରିସ୍‌ଟ ଦର୍ସନ୍ ଦେଲା

୯ “ମୁଇ ଜଅନ୍, ତମର ବିସ୍‌ବାସର ଲାଗି ବାଇ ଅଇଲିଆଟି । ଜିସୁର ସଙ୍ଗ୍ ଆମେ ମିସିଆତୁକେ, ତାର ରାଇଜେ ରଇବା ଲକ୍ମନ୍‌ପାଇ ଆସିରଇବା ସବୁ ଦୁକ୍ କସ୍‌ଟାନେ ମୁଇ ତମର ସଙ୍ଗ୍ ମୁରତିକରି ଆଟି । ଚାରିବେଟ୍‌ତି ସମ୍‌ଦୁର ରଇକରି ମଜାଇ ରଇବା ପାଡ଼ମସ୍ ବଲି ଗଟେକ୍ ରାଇଜେ ମକେ ନେଇରଇଲା । ମୁଇ ପରମେସ୍ୱର କାତା ଆରି ଜିସୁ ଦେଇରଇବା ସିକିଆ ଜାନାଇରଇଲିଜେ, ମକେ ସେନ୍‌ତାରି କଲା ।

୧୦ ଆମେ ମିସିକରି ତାକେ ଆରାଦନା କରବା ମାପୁରୁର୍ ଦିନେ, ତାର ଆଡ଼ମା ମକେ ଦାରିରଇଲା । ଆରି ଜବର୍ ଅଇତେ ମଇରି ବାଜଲା ପାରା ମର୍ ପର୍‌ବାଟେ ସୁନ୍‌ଲି ।

୧୧ ତୁଇ ଦେକ୍‌ଲାଟା ବଇଟାନେ ଲେକ୍ ଆରି ଏପିସିୟ, ସୁରନା, ପର୍‌ଗାମା, ଡିଆଟିରା, ସାର୍‌ଦି, ପିଲାଦେଲ୍‌ପିଆ ଆରି ଲାଉଦିକିଆଇ ମଣ୍ଡୁଲିତେଇ ପାଟାଆ ବଲି ସେ ସବଦ୍ ସୁନ୍‌ଲି ।”

୧୨ ସେ ସବଦ୍ ସୁନ୍‌ଲାକେ, କେ କାତାଅଇଲାନି, ଦେକ୍‌ବି ବଲି ପାସଲୁଲି ଆରି ସାଡ଼ଟା ସୁନାର୍ ବଡି ତାଣ୍ଡି ଦେକ୍‌ଲି ।

୧୩ ତାର ମଜାଇ ନର୍ ପାରା ଡିସ୍‌ତେରଇବା ଗଟେକ୍ ଲକ୍‌କେ ଦେକ୍‌ଲି । ତାର ପାଦ୍‌ଜାକ ଅଇବା ଗଟେକ୍ ଡେଙ୍ଗ୍ ଲୁଗା ପିନ୍‌ରଇଲା । ତାର ବୁକ୍‌ତଲେ ଗଟେକ୍ ସୁନାର୍ ବେଲ୍‌ଟୁ ବାନ୍ଦି ରଇଲା ।

୧୪ ତାର ମୁଣ୍ଡୁର୍ ଚେଣ୍ଡି ଦଇଲା ଚାଉଲ୍ ଆରି ଦୁଦ୍‌ପାରା ଦବ୍ ରଇଲା । ଆରି ତାର ଆଁକି ଲାଗ୍‌ତେ ରଇବା ଜଇ ପାରା ଗଜ୍‌ଗଜି ଜାଇତେ ରଇଲା ।

୧୫ ତାର ପାଦର୍ ରେଡି ପିତଲ୍ ପାରା ଜଗ୍‌ଜଗି ଜାଇତେରଇଲା, ଜନଟାକି ଜଇଟାନେ ପରିଚଲ୍ ଅଇ ସୁନ୍‌ର୍ କରି ରେଡ୍‌ଲାପାରା । ଆରି ତାର ସବଦ୍ ଅଦର୍‌ତେରଇବା ଜର୍‌ନା ପାନିର୍ ସବଦ୍‌ପାରା ଜବର୍ ସବଦ୍ ଅଇତେରଇଲା ।

୧୬ ସେ ତାର ଉଜା ବାଟର୍ ଆତେ ସାଡ଼ଟା ତାରା ଦାରି ରଇଲା, ଆରି ତାର ଟଣ୍ଡେ ଅନି ଦୁଇବାଟେ ଦାର୍ ରଇବା ଡିପ୍‌ଡିପା କାଣ୍ଡା ବାରଇତେ ରଇଲା । ଆରି ତାର ମୁଁ ମୁଇଦାନିଆର୍ ବେଲ୍‌ପାରା ଜଲ୍‌କି ଜାଇତେ ରଇଲା ।

୧୭ ✨ତାକେ ଦେକିକରି ମୁଇ ମଲାପାରା ଅଇକରି ତାର ପାଦ୍‌ତଲେ ଅଦ୍‌ରି ଗାଲି । ତାର ପଟେ ସେ ମର୍ ଉପ୍‌ରେ ତାର ଉଜା ଆଡ୍ ସଙ୍ଗ୍‌ଇ କରି କଇଲା, ଡର୍‌ନାଇ, ମୁଇସେ ଆରାମ୍ ମୁଇସେ ସେସ୍ ।

୧୮ ମୁଇସେ ଜିବନ୍ ରଇବା ଲକ୍ । କାଇକେବଇଲେ ମୁଇ ମରିରଇଲି ମିସା ଦେକା କାଲ୍ କାଲ୍ ଜୁଗ୍ ଜୁଗ୍ ବଠିକରି ଆଟି । ମର୍ ଆତେ ମରନର୍ ଆରି ପାତାଲର୍ କୁଟିକାଡି ଆଚେ । ମରିରଇବା ସବୁ ଲକ୍ମନ୍‌ର୍ ଉପ୍‌ରେ ଆରି ମଲାଲକ୍ମନ୍‌କେ କନ୍ତି ପାଟାଇବାର୍, ସେଟା ମର୍ ଅଦିକାର୍‌ଆଚେ ।

୧୯ ଡେବର୍ ପାଇ ତମେ ଏବେ ଜାଇଜାଇଟା ଦେକି ଆଟାସ୍ ଆରି ଜାଇଜାଇଟା ଏବେ ଗଟ୍‌ଲାନି ଆରି ପଡ଼କେ ଗଟ୍‌ସି, ସେଟା ସବୁ ଲେକିକରି ସଙ୍ଗୁଆ ।

୨୦ ମର୍ ଉଜାବାଟେ ରଇବା ସାଡ଼ଟା ତାରା ଆରି, ସାଡ଼ଟା ସୁନାର୍ ବଡି ତାଣ୍ଡିର୍ ଅରଡ୍ ମୁଇ ତମ୍‌କେ କଇଦେବି । ସେ ସାଡ଼ଟା ବଡିତାଣ୍ଡି ଅଇଲାନି ସାଡ଼ଟା ମଣ୍ଡୁଲି । ସାଡ଼ଟା ତାରମନ୍ ଅଇଲାଇନି, ସାଡ଼ଟା ମଣ୍ଡୁଲିର୍ ଦାଇଡ୍ ନେବା ଦୁଡ଼ମନ୍ ।

୨

ଏପିସି ମଣ୍ଡୁଲିର୍ କାତା

୧ ସେ କଇଲା, ଏପିସସ୍ ମଣ୍ଡୁଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମର୍‌ଟାନେଅନି ପାଟାଇଲିନି । ସାଡ଼ଟା ତାରାକେ ମୁଇ ମର୍ ଉଜାବାଟେ ଦାରିରଇବି । ସାଡ଼ଟା ସୁନାର୍ ବଡିତାଣ୍ଡି ମଜାଇ ଇଣ୍ଡ୍‌ତେରଇବି ।

୨ ମୁଇ ତମର୍ ଚଲାଚଲ୍‌ତି ଜାନି । ତମେ ଆବଡ୍ ଅଇ ପାଇଟି କରବାଟା ଆରି ଦୁକ୍ କସ୍‌ଟ ଆଇଲେ ମିସା ମୁରତି କରି ରଇବାଟା ମୁଇ ଜାନି । କରାପ୍ ଲକ୍‌ର୍ କାମ୍ ତମ୍‌କେ ସାର୍‌ଦା ନ କରାଏ ବଲି ମୁଇ ଜାନି । ଜନ୍ ଲକ୍ମନ୍ ଆମେ ପେରିଡ଼ସିସ୍ ବଲି ନାତାଇଲାଇନି, ସେମନ୍ ସଡ଼ କି ମିର୍ ବଲି ତମେ ପରିକା କରିଆଟାସ୍ । ସେମନ୍ ମିର୍ କଇଲାଇନି ବଲି ତମେ ଜାନିଆଟାସ୍ ।

✨ ୧:୬ ପରକାସିତ ୫:୧୦ ✨ ୧:୭ ମାଡିଉ ୨୪:୩୦; ମାର୍‌କ ୧୩:୨୭; ଲୁକ୍ ୨୧:୨୭; ୧ମ ଡେସଲନିକିୟ ୪:୧୭; ଜଅନ୍ ୧୯:୩୪, ୩୭; ମାଡିଉ ୨୪:୩୦ ✨ ୧:୮ ପରକାସିତ ୨୨:୧୩ ✨ ୧:୧୭ ପରକାସିତ ୨:୮; ୨୨:୧୩

୩ ଦୁକ୍ କସ୍ତ ଆଇଲେ ମିସା ମର୍ ଲାଗି ମୁରଚିକରି ରଇଲାସ୍ନି । ଆରି ବିସ୍ବାସ୍ ଚାତାସ୍ନାଇ ।

୪ ମାତର୍ ତମର୍ ଚଲାଚଲ୍ତିତେଇ ମକେ ଗଟେକ୍ ବିସଇ ବଲ୍ ନ ଲାଗେ । ସେଟା ଅଇଲାନି ଆଗେ ତମେ ମକେ ଜେକ୍ତି ଆଲାଦ୍ କର୍ତେରଇଲାସ୍, ଏବେ ସେନ୍ତାରି କରାସ୍ ନାଇ ।

୫ ମର୍ପାଇ ରଇବା ତାଟ୍ ଆଲାଦ୍ ମନେ ଏତାଆ । ପାପେଅନି ବାଉତା । ଆରି ଆଗ୍ତୁ କର୍ତେରଇବା ନିକ କାମ୍ମନ୍ କରା । କାଇକେବଇଲେ ତମେ ପାପେଅନି ନ ବାଅଡ୍ଲେ, ମୁଇ ତମର୍ଟାନେ ଆଇବି ଆରି ତମର୍ ବଡିତାଣ୍ଟି ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଗୁଚାଇଦେବି ।

୬ ମାତର୍ ତମର୍ ଗଟେକ୍ ବିସଇ ମକେ ନିକ ଲାଗ୍ସି । ତମେ ନିକଲାତିଅର୍ ଲକ୍ମନ୍ କର୍ବା କାମ୍ ଗିନ୍ କର୍ସା । ଜନ୍ଟାକି ମୁଇମିସା ବେସି ଗିନ୍ କର୍ବି ।

୭ *ଆଡ଼ମା ମଣ୍ଡଲିମନ୍କେ କଇବାଟା ମନ୍ ଦିଆନ୍ ଦେଇସୁନା । ଜେ ଜିଡ୍ସି, ତାକେ ମୁଇ ପର୍ମେସରର୍ ବାଡେ ପଲିରଇବା ଜିବନ୍ ଗଟର୍ ପଲ୍ କାଇବାକେ ଦେବି ।

ସୁମର୍ନା ମଣ୍ଡଲିର କାତା

୮ *ସୁମର୍ନା ମଣ୍ଡଲିକେ ଦେକାରକା କର୍ତେରଇବା ଦୁଡ୍ଲେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଆରାମେଅନି ସବୁ ବିସଇ କର୍ବା ଲକ୍ ମୁଇ ଆରି ସାରାଇବା ଲକ୍ ମିସା ମୁଇସେ । ମୁଇ ମରିରଇଲି ଆରି ଜିବନ୍ ଅଇକରି ଉଟ୍ଲି ।

୯ ତମର୍ ଦୁକ୍କସ୍ତ ମୁଇ ଜାନି । ତମେ ଅରକିଡ୍ ବଲି ମୁଇ ଜାନି । ମାତର୍ ସତଇସେ ତମେ ସାଉକାର୍ ଲକ୍ । ଜିଉଦିମନ୍ ତମର୍ କାରାପ୍ ବିସଇ କଇଲାଜନି ବଲି ମୁଇ ଜାନି । ମାତର୍ ସେମନ୍ ଆମେ ଜିଉଦି ବଲି କଇଲେମିସା ସଡ୍ସେ ସେମନ୍ ପର୍ମେସରର୍ ଲକ୍ ନଅଡ୍ । ମାତର୍ ସିଇତାନ୍ ଦଲର୍ ଲକ୍ ।

୧୦ ତମେ ଜେଡକି ଦୁକ୍ କସ୍ତ ମୁରଚିକରି ରଇବାକେ ଗାଲାସ୍ନି, ସେ ବିସଇ ଚିନ୍ତା କରି ତରାନାଇ । ସୁନା ତମ୍କେ ସଇତାନ୍ ବନ୍ଦିଗରେ ପାକାଇକରି ପରିକା କର୍ସି, ଦସ୍ଦିନ୍ ଜାକ ତମେ କସ୍ତେ ରଇସା । ମାତର୍ ମର୍ବାକେ ପଡ୍ଲେ ମିସା ମକେ ବିସ୍ବାସ୍ କରି ରୁଆ । ଆରି ଇନାମ୍ ଇସାବେ ତମ୍କେ ନ ସାର୍ବା ଜିବନ୍ ଦେବି ।

୧୧ *ଆଡ଼ମା ମଣ୍ଡଲିମନ୍କେ କଇବାଟା ମନ୍ ଦିଆନ୍ ଦେଇ ସୁନା । ଜନ୍ ଲକ୍ କାରାପ୍କେ ଆରାଇକରି ଜିଡ୍ସି, ପଟର୍ ମରନେ ସେମନ୍ ତଣ୍ଟୁ ନ ପାଅଡ୍ ।

ପରଗାମ ମଣ୍ଡଲିର କାତା

୧୨ ପରଗାମ ମଣ୍ଡଲିକେ ଦେକାରକା କର୍ବା ଦୁଡ୍ଲେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଦୁଇବାଟେ ଦାର୍ ରଇବା ଲାଗନ୍ କାଣ୍ଟା ମର୍ଟାନେ ଆଟେ ।

୧୩ ତମେ ଜନ୍ ନଅରେ ରଇଲାସ୍ନି, ସେଟା ସଇତାନର୍ ସାସନର୍ ଜାଗା ବଲି ମୁଇ ଜାନି । ମାତର୍ ସେନ୍ତାର୍ ଅଇଲେମିସା, ତମେ ମକେ ବିସ୍ବାସ୍ କଲାସ୍ନି । ବିସ୍ବାସେ ମର୍କାମ୍ କର୍ବା ଦାଙ୍ଗ୍ତା ଆକ୍ତିପା ମର୍ ବିସଇ ସାକି ଦେଲାକେ ମରାଇରଇଲା । ତମେ ରଇବା ସଇତାନର୍ ନଅରେ ତାକେ ମରାଇରଇଲେ ମିସା ତମେ ବିସ୍ବାସ୍ ଚାତାସ୍ନାଇ ।

୧୪ ମାତର୍ ତମର୍ ଚଲାଚଲ୍ତିଟାନେ କେତଟା ବିସଇ ମର୍ ମନ୍କେ ଜାଏନାଇ । କାଇକେବଇଲେ ତମର୍ ବିଡ୍ରେ କେତେକ୍ ଲକ୍ ବାଲାମର୍ ସିକିଆ ମାନ୍ଲାସ୍ନି । ଇସ୍ବରାଏଲର୍ ଲକ୍ମନ୍କେ ପାପ୍ବାଟେ ତାକିନେବାକେ, ସେ ବାଲାକ୍କେ ସିକାଇରଇଲା । ସେମନ୍କେ ମୁରଚିମନ୍କେ ସର୍ପି ଦେଇରଇବା କାଦି କାଇବାକେ ଆରି ବେସିଆ କାମ୍ କର୍ବାକେ ସେ ସିକାଇତେରଇଲା ।

୧୫ ସେନ୍ତାରିସେ ତମର୍ ବିଡ୍ରେ କେତେଲକ୍ ନିକଲାତିୟମନ୍ ସିକିଆ ମିସା ମାନ୍ଲାସ୍ନି ।

୧୬ ଏବେ ତମର୍ ପାପେଅନି ବାଉତା । ନଇଲେ ମୁଇ ତମର୍ଟାନେ ଦାପ୍ରେ ଆଇବି । ଆରି ମର୍ ଟଣ୍ଟେଅନି ବାରଇବା କାଣ୍ଟା ସଙ୍ଗ୍ ମୁଇ ସେ ଲକ୍ମନ୍ ବିରୁଦେ ଜୁଇଦ୍ କର୍ବି ।

୧୭ *ଆଡ଼ମା ମଣ୍ଡଲିମନ୍କେ କଇବାଟା ମନ୍ ଦିଆନ୍ ଦେଇ ସୁନା । ଜେ ଜିଡ୍ସି, ସେମନ୍କେ ଲୁଚାଇକରି ସଙ୍ଗାଇରଇବା ମାନା ଦେବି । ନୁଆ ନାଉଁ ଲେକିରଇବା ଗଟେକ୍ ଦବ୍ ପାକ୍ନା ମିସା ସେମନ୍କେ ଦେବି ।

ତିଆଟିରା ମଣ୍ଡଲିକେ କବର୍

୧୮ ତିଆଟିରା ମଣ୍ଡଲିକେ ଦେକାରକା କର୍ବା ଦୁଡ୍ଲେ ଲେକା । ପର୍ମେସରର୍ ପଅ ମୁଇ ଏ କବର୍ ମର୍ଟାନେଅନି ପାଟାଇଲିନି । ମର୍ ଆକି ଜଇପାରା ଜଗ୍ଜଗି ଗାଲାନି ଆରି ପାଦ୍ ରେଡିରଇବା ପିତଲ୍ପାରା ଆଟେ ।

୧୯ ତମର୍ ଚଲାଚଲ୍ତି ମୁଇ ଜାନି । ତମର୍ ଆଲାଦ୍, ସଡ୍ ସଙ୍ଗ୍ କାମ୍ କର୍ବାଟା, ସେବା କର୍ବାଟା ଆରି ମୁରଚିକରି ରଇବାଟା ମୁଇ ଜାନି । ଆଗ୍ତୁର୍ ଟାନେଅନି ଏବେ ଅଦିକ୍ ନିକ କଲାସ୍ନି ବଲି ମୁଇ ଜାନି ।

୨୦ ମାତର ତମର ଚଲାଚଳୁଡ଼ିତେଇ ଗଟେକ ବିସଇ ମର ମନକେ ଜାଏନାଇ । ସେ ଜେଜେବଲ ନାଉଁର ମାଇଜିକେ ତମର ଦଲେ ମିସାଇଲାସ୍ । ମୁଇ ନିଜେ ପରମେସରର୍ ଦୁଡ଼ ବଲାଇଅଇଲାନି । ମର ଗତିଦାଙ୍ଗତାମନକେ ସେ ବେସିଆ କାମ୍ କରବାକେ ସିକାଇଲାନି । ମୁରତିମନକେ ସରପିଦେଇରଇବା କାଦି ମିସା କାଇବାକେ କଇଲାନି ।

୨୧ ପରମେସର ଟାନେ ବାଉଡ ବଲି ମୁଇ ତାକେ ଜାଗଲି, ମାତର ତାର ବେସିଆ କାମ୍ କରବାକେ ସେ ମନ୍ କଲା ।

୨୨ ତେବର୍ପାଇ ମୁଇ ତାକେ ବଡ଼ ବେମାର ଦାରାଇବି । ଜେନ୍ତାରି କି ସେ ସଇଲାତେଇଅନି ଉଟିନାପାରେ । ତାର ସଙ୍ଗେ ଜେଡ଼କି ଲକ୍ମନ ପାପ୍ କରିରଇଲାଇ, ମୁଇ ସେମନକେ ବେସି ଦୁକ୍ କସଟ ଦେବି । ତାର କରାପ୍ ଚଲାଚଳୁଡ଼ିଟାନେ ମିସିରଇବା ଜେଡ଼କି ଲକ୍ମନ ନ ବାଉଡ଼ଲେ, ଏ ସବୁଜାକ ମୁଇ ଏବେସେ କରବି ।

୨୩ ତାରବାଟେ ଜାଇତେରଇବା ସବୁ ଲକ୍ମନକେ ମୁଇ ମରାଇବି । ସେନ୍ତାରି ସବୁ ଲକ୍ମର ଚିନ୍ତା ଆରି ମନ୍ ଜାନବା ଲକ୍ ମୁଇସେ ବଲି ସବୁ ମଣ୍ଡୁଲି ଜାନବାଇ । ତମେ କରିରଇବା କାମ୍ ଇସାବେ ମୁଇ ତମ୍‌କେ ବାଉଡ଼ାଇବି ।

୨୪ ମାତର ତିଆଟିଆଇ ରଇବା, ତମେ ବାକି ଲକ୍ମନ ଏ କରାପ୍ ସିକିଆ ମାନାସନାଇ । ସଇତାନର ଚିକିନିକି ସିକିଆ ବଲି ଲକ୍ମନ ମାନବା ସିକିଆ ତମେ ମାନାସନାଇ । ତେବର୍ପାଇ ତମେ ମାନବାକେ ବେସି ଆଦେସ୍ ମୁଇ ନ ଦେଇ ।

୨୫ ମାତର ମୁଇ ଆଇବା ଜାକ ତମେ ବିସବାସ୍ କଲାଟା ତାଟ୍ ସଙ୍ଗେ ଦାରିରୁଆ ।

୨୬ ଜେଡ଼କି ଲକ୍ ଜିତିକରି ସାରାସାରି ଜାକ ରଇବାଇ, ମୁଇ ମର ବାବାଟାନେଅନି ପାଇରଇବା ସମାନ୍ ଅଦିକାର୍ ସେମନକେ ଦେବି ।

୨୭ ରାଇଜମନକେ ଲୁଆର ଡାଙ୍ଗସଙ୍ଗେ ସାସନ୍ କରି ମାଟିର୍ ଆଣ୍ଡିପାରା ବାଙ୍ଗାଇବାକେ ମୁଇ ଅଦିକାର୍ ଦେବି ।

୨୮ ଆରି ମୁଇ ସେମନକେ ସାକ୍‌ଲିଆ ବେଲର୍ ତାରା ଦେବି ।

୨୯ ଆଡ଼ମା ମଣ୍ଡୁଲିମନକେ କଇବାଟା ମନ୍ ଦିଆନ୍ ଦେଇ ସୁନା ।

୩

ସାରଦି ମଣ୍ଡୁଲିକେ କବର୍

୧ ସାରଦି ମଣ୍ଡୁଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମୁଇ ପାଟାଇଲିନି । ପରମେସରର୍ ସାଡ଼ଟା ଆଡ଼ମା ଆରି ସାଡ଼ଟା ତାରା ମରଲଗେ ଆଟେ । ତମର ଚଲାଚଳୁଡ଼ି ମୁଇ ଜାନି । ଲକ୍ମନ ଦେକବା ଇସାବେ, ତମେ ଆଡ଼ମାଇ ଜିବନ୍ ଆଟାସ୍ । ମାତର ପରମେସର ଦେକବା ଇସାବେ ମରିଆଟାସ୍ ।

୨ ତେବର୍ପାଇ ସଇଲାତେଇଅନି ଉଟା । ତମର ଦୁର୍ବଲ୍ ବିସବାସ୍ ତାଟ୍ କରା । ନଇଲେ ସେଟା ପୁରାପୁରୁନ୍ ମରିଜାଇସି । କାଇକେବଇଲେ ମୁଇ ଜାନି ଜେ ପରମେସର ତମର୍ ଟାନେ ସାରଦା ଅଇଲାପାରା ତମର୍ କାମ୍ ସିଦ୍ ଅଏନାଇ ।

୩ *ତମେ ଜନ୍ ସିକିଆ ସିକିଆଟାସ୍, ଆରି ଜନ୍‌ଟା ସୁନି ଆଟାସ୍, ସେଟା ଏତାଆ । ସେଟା ମାନିକରି ତମର୍ ପାପେଅନି ବାଉଡ଼ା । ସଇଲାତେଇଅନି ନ ଉଟ୍‌ଲେ ମୁଇ ଚର୍ ପାରା ଆସି ତମ୍‌କେ ଡଣ୍ଡ ଦେବି । ମୁଇ କେଡେବେଲେ ଆଇବି, ସେଟା ତମେ ଜାନିନାପାରାସ୍ ।

୪ ମାତର ସାରଦିସେ ରଇବା ତମର ବିଡ଼ରେ କେଡେଲକ୍ ବସ୍ତର୍ ପରିଚଲ୍ କରି ଆଟାସ୍ । ମୁଇ ଆଇବା ଦିନମନକେ ସୁକଲ୍ ବସ୍ତର୍ ପିନ୍ଧିକରି ମର ସଙ୍ଗେ ଇଣ୍ଡିଆ । କାଇକେ ବଇଲେ ତମେ ସେଟା କରବାକେ ଅଦିକାର୍ ପାଇ ଆରୁସ୍ ।

୫ *ଜେ ଜିଡ଼ିସି ସେ ଏ ରକାମ୍ ସୁକଲ୍ ବସ୍ତର୍ ପିନ୍ଧିସି । ଆରି ମୁଇ ଜିବନ୍ ବଇଲଗେଅନି ଜେନ୍ତିଆଲେ ମିସା ତମର୍ ନାଉଁ ନ ଲିବାଇ । ମର ବାବା ଆରି ତାର ଦୁଡ଼ମନର୍ ମୁଆଟେ ତମର୍ ନାଉଁ ମର ଲକ୍ମନ ବଲି ସରପି ଦେବି ।

୬ ଆଡ଼ମା ମଣ୍ଡୁଲିମନକେ କଇବାଟା ମନ୍ ଦିଆନ୍ ଦେଇ ସୁନା ।

ପିଲାଦେଲପିଆ ମଣ୍ଡୁଲିକେ କବର୍

୭ ପିଲାଦେଲପିଆ ମଣ୍ଡୁଲିକେ ଦେକାରକା କରବା ଦୁଡ଼ର ଲଗେ ଲେକା । ଏ କବର୍ ମୁଇ ପାଟାଇଲିନି । ମୁଇ ସୁକଲ୍ ଆରି ସଡ଼ । ଦାଉଦ୍ ରାଜାର କୁଟିକାଡ଼ି ମରଟାନେ ଆଟେ । ମୁଇ ଉଗାଡ଼ଲେ, କେ ମିସା ଡାବି ନାପାରଡ଼ । ଆରି ମୁଇ ଡାବ୍‌ଲେ କେ ମିସା ଉଗାଡ଼ି ନାପାରଡ଼ ।

୮ ମୁଇ ତମର୍ ଚଲାଚଳୁଡ଼ି ଜାନି । ତମ୍‌କେ ଅଲପ୍ ସେ ବପୁ ଆଟେବଲି ମିସା ଜାନି । ମାତର ମର ସିକିଆ ତମେ ମାନିଆଟାସ୍ ଆରି ସଡ଼ସେ ମର ସିକିଆ ମାନଲାସ୍ । ତେବର୍ପାଇ ମୁଇ ତମର୍ ମୁଆଟେ ଗଟେକ୍ କାପାଟ୍ ଉଗାଡ଼ିଆଟି । ସେଟା କେ ମିସା ଡାବିନାପାରଡ଼ ।

୯ ସୁନା ତମର୍ ବିଡ଼ରେ କେଡେଟା ଜିଉଦିମନ୍ ସଇତାନର ଦଲେ ମିସିଆଟଡ଼ । ମାତର ସେମନ୍ ଜିଉଦିଲକ୍ ନଅଡ଼ । ଆଇବା ଗଟେକ୍ ଦିନେ ମୁଇ ସେମନକେ ତମର୍ଟାନେଅନି ମାଣ୍ଡିକୁଟା ଦିଆଇବି । ମୁଇ ତମ୍‌କେ ଆଲାଦ୍ କଲିନି ବଲି ସେମନ୍ ଜାନବାଇ ।

* ୩:୩ ମାତିଉ ୨୪:୪୩,୪୪; ଲୁକ୍ ୧୨:୩,୪୦; ପରକାସିତ ୧୨:୧୫ * ୩:୫ ପରକାସିତ ୨୦:୧୨; ମାତିଉ ୧୦:୩୨; ଲୁକ୍ ୧୨:୮

୧୦ ଦୁକ୍ କସ୍ତ ଆଇଲାବେଲେ ମୁରଟିକରି ରୁଆ ବଲି ମୁଇ ତିଆରଲାଟା ତମେ ମାନଲାସ୍ । ସେଟାରପାଇ ଜଗତର ସବୁ ଲକ୍ଷକେ ପରିକା କରବାକେ ଦୁକ୍ କସ୍ତ ଆଇବା ବେଲାଅନି ମୁଇ ମିସା ତମକେ କାଇଟା ନ ଆଇବାକେ ରକିଆ କରି ସଙ୍ଗାଇବି ।

୧୧ ମୁଇ ଦାପ୍ରେ ଆଇଲିନି । ଜନ୍ ସତ୍ ସିକିଆ ତମେ ପାଇଆଟାସ୍, ସେଟା ମାନିକରି ରୁଆ । ଜେନ୍ତାରି କି ତମର୍ ଇନାମ୍ କେ ମିସା ଚରାଇନେଇ ନାପାରତ୍ ।

୧୨ *ଜେ ଜିତ୍ସି, ମୁଇ ତାକେ ଆମର୍ ପର୍ମେସରର୍ ମନ୍ଦିରର୍ ମୁଲ୍ତେଲି କର୍ବି । ଆରି ସେମନ୍ ତେଇଅନି କେବେ ମିସା ଚାଡି ନ ଜାଅତ୍ । ତାକର୍ ଉପ୍ରେ ମୁଇ, ମର୍ ପର୍ମେସରର୍ ନଅରର୍ ନାଉଁ ଆରି ନୁଆ ଜିରୁସାଲମର୍ ନାଉଁ ଲେକ୍ବି । ସେଟା ମର୍ ପର୍ମେସରର୍ ଟାନେଅନି ସର୍ଗେଅନି ଉତ୍ତରି ଆଇସି । ତାକର୍ ଉପ୍ରେ ମିସା ମର୍ ନୁଆ ନାଉଁ ଲେକ୍ବି ।

୧୩ ଆଡ଼ମା ମଣ୍ଡଲିମନ୍କେ କଇବାଟା ମନ୍ ଦିଆନ୍ ଦେଇ ସୁନା ।

ଲାଉଦିକିଆ ମଣ୍ଡଲିକେ କବର୍

୧୪ ଲାଉଦିକିଆ ମଣ୍ଡଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମୁଇ ପାଟାଇଲିନି । ମୁଇ ଅଇଲିନି, ଆମେନ୍ । ମୁଇ ଅଇଲିନି ସତ୍ ବିସ୍ବାସର୍ ସାକି । ମର୍ଟାନେ ଅନି ପର୍ମେସର୍ ସବୁ ବିସଇ ତିଆରକଲା ।

୧୫ ମୁଇ ତମର୍ ଚଲାଚଲ୍ତି ଜାନି । ତମେ ବେସି କାକର୍ ନାଇ କି ବେସି ତପ୍ଲାଟା ପାରା ନାଇ, ମାତର୍ ଉସୁମ୍ ପାନିପାରା ଆଟାସ୍ । ତମେ ତପତ୍ ଉଆ, ନଇଲେ କାକର୍ ଉଆ ବଲି ମୁଇ ମନ୍ କଲିନି ।

୧୬ ମାତର୍ ତମେ ଉସୁମ୍ ଅଇଲାର୍ ପାଇ ମୁଇ ତମକେ ତୁକିଦେବି ।

୧୭ ତମେ କଇଲାସ୍ନି ମୁଇ ସାଉକାର୍, ମକେ ଜାଇ ଜାଇଟା ଦର୍କାର୍, ସେଟା ମର୍ଲଗେ ଆତେ । ମାତର୍ ତମେ କେତେକ୍ କାକୁର୍ତି ଅଇଆଟାସ୍, ତମେ ଅର୍କିଡ୍, ତୁମ୍ଣା ଆରି କାଣା, ସେଟା ତମେ ନାଜାନାସ୍ ।

୧୮ ମୁଇ ତମକେ ବୁଦି ସିକାଇବି । ମର୍ଟାନେଅନି ସୁନା ଗେନା । ସୁନା ବଇଲେ ଅସ୍ଲି ସୁନା । ଜେନ୍ତାରିକି ତମେ ସତଇସେ ସାଉକାର୍ ଅଇସା । ମର୍ଟାନେଅନି ସୁକଲ୍ ଲୁଗା ଗେନା । ଜେନ୍ତାରି କି ତମେ ତୁମ୍ଣା ଅଇଲାର୍ ପାଇ ଲାଜ୍ ନ ଉଆସ୍ । ଲାଗାଇଅଇବା ଅସ ମିସା ମର୍ଟାନେଅନି ନିଆ । ସେଟା ତମର୍ ଆକିଟାନେ ଲାଗାଆ । ଜେନ୍ତାରିକି ତମେ ଦେକିପାରସା ।

୧୯ *ମୁଇ ଜେଡ଼କି ଲକ୍ଷକେ ଆଲାଦ୍ କଲିନି, ସେ ଲକ୍ଷମନ୍କେ ଦମ୍କାଇ କରି ଡଣ୍ଡ ଦେଲିନି । ତେବର୍ପାଇ ତମର୍ ପାପେଅନି ବାଉଡା । ଜେନ୍ତାରି କି ସତ୍ ବାବେ ମର୍ବାଟେ ଆଇସା ।

୨୦ ଦେକା, ମୁଇ କାପାଟେ ଟିଆଅଇ ମାର୍ଲିନି । ଜେ ଜଦି ମର୍ ମାର୍ବା ସବଦ୍ ସୁନି କାପାଟ୍ ଉଗାଡ଼ଲେ ମୁଇ ବିତ୍ରେ ପୁରବି ଆରି ସେମନର୍ ସଙ୍ଗ କାଇବି ।

୨୧ ଜେ ଜିତ୍ସି ମର୍ ଲଗେ ତାକେ ବସାଇ ସାସନ୍ କରବାକେ ଅଦିକାର୍ ଦେବି । ମୁଇ ଜିତ୍ଲି ଆରି ଏବେ ମର୍ ବାବାର୍ ଲଗେ ବସି ସାସନ୍ କଲିନି ।

୨୨ ଆଡ଼ମା ମଣ୍ଡଲିମନ୍କେ କଇବାଟା ମନ୍ ଦିଆନ୍ ଦେଇ ସୁନା ।

୪

ସର୍ଗେ ପାର୍ତନା

୧ ସେବେଲେ ମୁଇ ଆରିଗଟେକ୍ ଦର୍ସନ୍ ଦେକ୍ଲି । ସର୍ଗେ ଗଟେକ୍ ଉଗାଡ଼ିରଇବା କାପାଟ୍ ରଇଲା । ଆଗେ ସୁନିରଇବା ମଇରି ପାରା ସବଦ୍ ଆରିତରେକ୍ ସୁନିଲି । ଉପ୍ରେ ଚଗି ଆଉ, ଏଟାରପତେ କାଇଟା ଅଇସି ମୁଇ ତକେ ଜାନାଇବି ।

୨ ସେ ଦାପ୍ରେ ଆଡ଼ମା ମକେ ଗଟେକ୍ ସପନ୍ ଦେକାଇଲା । ସର୍ଗର୍ ବସ୍ବାଟାନେ ଗଟେକ୍ ଲକ୍ଷ ବସିରଇବାଟା ମୁଇ ଦେକ୍ଲି ।

୩ ତାର୍ ମୁ ଇରା ଆରି ମୁକ୍ତା ପାରା ଜଗଜଗି ଜାଇତେରଇଲା । କାଁଟାପଡ଼ିଆ ଡିସ୍ବାପାରା ଇରା ମୁକ୍ତାର୍ ଇନ୍ଦ୍ରଦୁନୁ ବସ୍ବା ଜାଗାର୍ ଚାର୍ବେଟ୍ଟି ଗୁଡ଼ିଆଇ ଅଇଲାପାରା ଅଇରଇଲା ।

୪ ସେ ବସ୍ବା ଜାଗାର୍ ଗୁଲ୍ଟି ବିତ୍ରେ କଡେ ଚାର୍ଟା ବସ୍ବା ଜାଗା ରଇଲା । ତେଇ ଦବ୍ଲୁଗା ପିନ୍ଦିକରି ଆରି ସୁନାର୍ ମୁକ୍ତର୍ ପିନ୍ଦି କଡେଚାରିଟା ପାର୍ଟିନିମନ୍ ବସିରଇଲାଇ ।

୫ *ବସ୍ବା ଜାଗାଇଅନି ବିଜ୍ଲି ମାର୍ଲା ଆରି ଗୁଡ଼ଗାଡ଼ କରି ଗଡ଼ଗଡ଼ି ମାର୍ଲା । ବସ୍ବା ଜାଗାର୍ ମୁଆଟେ ସାଡ଼ଟା ଜଇଉମ୍ଲା ଲାଗ୍ତେରଇଲା । ସେଟା ଅଇଲାନି ପର୍ମେସରର୍ ସାଡ଼ଟା ଆଡ଼ମା ।

୬ ଆରି ବସ୍ବା ଜାଗାର୍ ମୁଆଟେ ନିର୍ମଲ୍ ଅଇକରି ଡିସ୍ବା କାଁଟର୍ ସମ୍ବୁର୍ ପାରା ରଇଲା । ବସ୍ବା ଜାଗାର୍ ଚାରିବେଟ୍ଟି ଚାରିଟା ଜିବନ୍ ରଇବା ପସୁ ରଇଲାଇ । ତାର୍ ମୁଆଟ୍ ବାଟେ ଆରି ପର୍ବାଟେ ଆକିମନ୍ ରଇଲା ।

☆ ୩:୧୨ ପଢ଼କାସିତ ୨୧:୨ ☆ ୩:୧୯ ଏବ୍ରି ୧୨:୬ ☆ ୪:୫ ପଢ଼କାସିତ ୮:୫;୧୧:୧୯;୧୬:୧୮; ପଢ଼କାସିତ ୧:୪

୭ ପରତୁମ୍ଭର ପସୁ ସିଅଁବାଗ୍‌ପାରା ତିସ୍‌ତେ ରଇଲା । ଦୁଇ ଲମ୍‌ବରଟା ସଣ୍ଠପାରା ରଇଲା । ତିନ୍ ଲମ୍‌ବରଟା ଲକର୍ ପାରା ବାନ୍‌ନିମୁରତି ରଇଲା । ଆରି ସାରାସାରିଟା ଉଡ଼ିବୁଲ୍‌ବା ଗିଦ୍ ପାରା ତିସ୍‌ତେ ରଇଲା ।

୮ ସେ ଚାରିଟା ଜାକ ଜିବନ୍ ରଇବା ପସୁମନ୍‌କେ ଗଟେକ୍‌କେ ଚଅଟା ଲାକା ତେନା ରଇଲା । ଆରି ତାକର୍‌ବାଇରେ ବିଡ଼ରେ ମିସା ଆକି ରଇଲା । ଦିନ୍ ରାତି ଗିଡ଼ କଇବାଟା ସେମନ୍ ତେବଡ଼ନାଇ । ସବୁଟାଣେ ଅନି ବପୁରଇବା ମାପୁରୁ ପରମେସର୍, ସୁକଲ୍‌ଟା ! ସୁକଲ୍‌ଟା ! ସୁକଲ୍ ସେ ! ସେ ଆଗତୁ ରଇଲା, ଏବେ ଆଟେ ଆରି ସେ କାଲ୍ କାଲ୍ ଜୁଗ୍ ଜୁଗ୍ ରଇସି !

୯ ଚାରିଟା ଜିବନ୍ ରଇବା ପସୁମନ୍ ଜେ ବସବା ଜାଗାଇ ବସିରଇଲା ତାର୍ ମଇମାର୍, ଡାକ୍‌ପୁଟା ଆରି ଦନିଅବାଦର୍ ଗିଡ଼ ସୁନାଇତେରଇଲା । ସେ କାଲ୍ କାଲ୍ ଜୁଗ୍ ଜୁଗ୍ ବଞ୍ଚିସି । ସେମନ୍ ସେନ୍ତାରି କଲାକେ

୧୦ କତେ ଚାରିଟା ପାର୍‌ତିନ୍‌ମନ୍ ଜେ ବସବା ଜାଗାଇ ବସିରଇଲା ତାର୍ ମୁଆଟେ ଡାଣ୍ଡାସନ୍ ପତି ତାକେ ଜୁଆର୍ କଲାକ । ସେ କାଲ୍ କାଲ୍ ଜୁଗ୍ ଜୁଗ୍ ବଞ୍ଚିରଇସି । ସେମନ୍ ପିନ୍‌ନି ରଇବା ମୁକୁଟ୍ ବସବା ଜାଗାର୍ ମୁଆଟେ ପିଙ୍ଗିଦେଇକରି କଇଲାକ,

୧୧ ଏ ଆମର୍ ମାପୁରୁ ଆରି ଆମର୍ ପରମେସର୍ ! ସବୁ ମଇମା, ଡାକ୍‌ପୁଟା ଆରି ବପୁ ତୁଇ ଆକା ପାଇସୁ । ତୁଇ ସବୁଜାକ ତିଆର୍ କଲାସ୍ ଆରି ତମର୍ ମନ୍ କଲା ଇସାବେ ସେମନ୍ ତିଆରିଅଇ ବଞ୍ଚିଲାକନି ।

୫

ବଇ ଆରି ମେଣ୍ଡାପିଲା

୧ ଜେ ବସବା ଜାଗାଇ ବସିରଇଲା ତାର୍ ଉଜା ଆତେ ଗୁଡ଼ିଆଇଅଇରଇବା ଗଟେକ୍ ପୁରନା କାଗଜ୍ ଦେକ୍‌ଲି । ସେଟା ଦୁଇବାଟେ ଲେକା ଅଇରଇଲା । ଆରି ସାଡ଼ଟା ସିଲ୍ ମାରି ଡାବିରଇଲା ।

୨ ଆରି ଗଟେକ୍ ବେସି ବପୁରଇବା ଦୁଡ଼କେ ଦେକ୍‌ଲି । ସେ ଆଉଲିଅଇ କଇଲା “ଏ ସାଡ଼ଟା ସିଲ୍ ପିଟାଇକରି କେ, ଏ କାଗଜ୍ ମେଲାକରି ପାରସି ?”

୩ ମାତର୍ ସର୍ଗେ କି ମଡ଼ପୁରେ କି ପାତାଲେ କେ ମିସା ସେ କାଗଜ୍ ମେଲାକରି ଦେକି ନାପାରୁଲା ।

୪ ସେ କାଗଜ୍ ମେଲାକରି ବିଡ଼ରଟା ଦେକ୍‌ବାକେ କେ ନାପାରୁଲାକେ ମୁଇ ବେସି ମନ୍‌ଦୁକ୍ କରି କାନ୍‌ଲି ।

୫ ତାର୍‌ପଟେ ଗଟେକ୍ ପାର୍‌ତିନ୍‌ ମକେ କଇଲା, “କାନ୍‌ନାଇ, ଏଦେ ଦେକା ! ଜିଉଦା ବଞ୍ଚେଅନି ଆଇବା ସିଅଁ, ଜେ କି ଦାଉଦର୍ ଗଟେକ୍ ଡାକ୍‌ପୁଟାର୍ ନାତିତିତି, ସେ ଜିଡ଼ିଲାଆଟେ । ସେ ସାଡ଼ଟା ସିଲ୍ ବାଙ୍ଗାଇସି ଆରି କାଗଜ୍ ମେଲାକରି ପାରସି ।”

୬ ତାର୍‌ପଟେ ବସବା ଜାଗାର୍ ମଜାଇ ଗଟେକ୍ ମେଣ୍ଡାପିଲା ଚିଆଅଇରଇବାଟା ଦେକ୍‌ଲି । ତାର୍ ଚାରିବେଟ୍‌ତି ଚାରିଟା ଜିବନ୍ ରଇବା ପସୁ ଆରି ପାର୍‌ତିନ୍‌ମନ୍ ରଇଲା । ମେଣ୍ଡାପିଲା ମରାଇରଇଲାଟା ପାରା ତିସ୍‌ତେରଇଲା । ତାକେ ସାଡ଼ଟା ସିଙ୍ଗ୍ ଆରି ସାଡ଼ଟା ଆକି ରଇଲା । ସେଟା ପରମେସରର୍ ସାଡ଼ଟା ଆଡ଼ମା ରଇଲା । ପରମେସର୍ ସେ ସାଡ଼ଟା ଆଡ଼ମାକେ ଗୁଲାଇ ଜଗତେ ପାଟାଇରଇଲା ।

୭ ଜେ ବସବା ଜାଗାଇ ବସିରଇଲା, ତାର୍ ଉଜାଆତେଅନି ସେ ମେଣ୍ଡା କାଗଜ୍ ନେଲା ।

୮ ସେ ସେନ୍ତାରି କଲାକେ ସେ ଚାରିଟା ଜିବନ୍ ରଇବା ପସୁ ଆରି କତେଚାରିଟା ପାର୍‌ତିନ୍‌ମନ୍ ମେଣ୍ଡାର୍ ମୁଆଟେ ଡାଣ୍ଡାସନ୍ ପତି ଜୁଆର୍ କଲାକ । ସେମନ୍‌କେ ସବୁ ଲକର୍ ଆତେ ଗଟେକ୍ ଗଟେକ୍ ତୁଡୁଙ୍ଗା ଆରି ସୁନାର୍ ଗିନାମନ୍‌କେ ଗନ୍‌ରସ୍ ରଇଲା । ସେଟା ଅଇଲାନି ପରମେସରର୍ ଲକ୍‌ମନ୍ ଗୁଆରି କର୍‌ବାଟା ।

୯ ସେମନ୍ ଗଟେକ୍ ନୁଆ ଗିଡ଼ କଇତେରଇଲାକ । “ଗୁଡ଼ିଆଇଅଇରଇବା କାଗଜ୍ ସିଲ୍ ବାଙ୍ଗାଇକରି ନେବାକେ ତୁଇସେ ପାରୁସ୍ । କାଇକେବଇଲେ ତୁଇ ମରାଇଅଇଲୁସ୍ ଆରି ତର୍ ବଲି ଇସାବ୍ ମରନର୍ ଲାଗି, ସବୁ ବଞ୍ଚେଅନି, ସବୁବାସାଇଅନି, ସବୁ ରାଇଜେଅନି ଆରି ଲକ୍‌ମନର୍ ଦଲେଅନି ପରମେସରର୍ ପାଇ ତୁଇ ଲକ୍‌ମନ୍‌କେ ଆନ୍‌ଲୁସ୍ ।

୧୦ ✨ତୁଇ ସେମନ୍‌କେ ଗଟେକ୍ ପୁଜାରିମନର୍ ରାଇଜ୍ କରି ଆତୁସ୍ । ସେମନ୍ ଆମର୍ ପରମେସର୍କେ ସେବା କର୍‌ବାଇ । ଆରି ଏ ଜଗତେ ସାସନ୍ କର୍‌ବାଇ ।”

୧୧ ମୁଇ ଆରିତରେକ୍ ଦେକ୍‌ଲି । ତେଇ ଅଜାର୍ ଅଜାର୍ ଦୁଡ଼ମନର୍ ସବଦ୍ ସୁନ୍‌ଲି । ସେ ଦୁଡ଼ମନ୍ ଚାରିଟା ପସୁମନର୍ ଆରି ପାର୍‌ତିନ୍‌ମନର୍ ଚାରିବେଟ୍‌ତି ଚିଆ ଅଇଲାକ ।

୧୨ ସେମନ୍ ଆଉଲି ଅଇକରି ଗିଡ଼ କଇତେ ରଇଲାକ, “ମରାଇଅଇରଇବା ମେଣ୍ଡାପିଲା, ସବୁ ବପୁ, ସବୁ ଦନ୍‌ସଁପତି, ସବୁ ଗିଆନ୍, ସବୁ ସକ୍ତି, ଡାକ୍‌ପୁଟା, ମଇମା, ଆରାଦନା ପାଇବା ଅଦିକାର୍ ତର୍ ଲଗେ ଆଟେ ।”

୧୩ ଜଗତେ ରଇବା ସବୁ ଜିବନ୍ ରଇବାଟାମନ୍ ଜେନ୍ତାରି କି ସର୍ଗେ ରଇବା ସବୁଜାକ, ଜଗତେରଇବା ସବୁଜାକ, ପାତାଲେ ରଇବା ସବୁଜାକ ଆରି ସମ୍‌ଦୁରେ ରଇବାଟାମନ୍ ଗିଡ଼ ଗାଇତେରଇଲାକ । ଜେ ବସବା ଜାଗାଇ ବସିଆଟେ ଆରି ମେଣ୍ଡାପିଲାକେ ଆରାଦନା, ଡାକ୍‌ପୁଟା, ମଇମା, ଆରି ବପୁ କାଲ୍ କାଲ୍ ଜୁଗ୍ ଜୁଗ୍ ଅ ।

୧୪ ଚାରିଟା ଜିବନ୍ ରଇବା ପସୁମନ୍ କଇଲାକ, ଆମେନ୍ ! ଆରି ପାର୍‌ତିନ୍‌ମନ୍ ଡାଣ୍ଡାସନ୍ ପତି ଜୁଆର୍‌କଲାକ ।

☆ ୫:୧୦ ପଢ଼କାସିତ ୧:୭



ସାତ୍ତା ସିଲ୍‌ର ଅରତ୍

୧ ତାର୍‌ପତେ ସେ ମେଣ୍ଡାପିଲା ସାତ୍ତା ସିଲ୍ ବିତ୍‌ରେ ପରତୁମ୍ ସିଲ୍ ବାଙ୍ଗାଲବାଟା ମୁଇ ଦେକ୍‌ଲି । ତାର୍‌ଟା ଜିବନ୍ ରଇବା ପସୁମନର୍ ବିତ୍‌ରେଅନି ଗଟେକ୍ ପସୁ ଗଡ୍‌ଗଡ୍ ସବଦ୍‌ପାରା କରି ମକେ କଇଲା “ଆଉ ।”

୨ ତେଇ ମୁଇ ଦେକ୍‌ଲି, ଆରି ଏଦେ ଦେକା ! ଗଟେକ୍ ଦବ୍‌ଲା ଗଡା ଡିସ୍‌ଲା । ତାକେ ଚାଲାଇବା ଲକର୍ ଆତେ ଦୁନୁ ରଇଲା । ତାକେ ଗଟେକ୍ ମୁକୁର୍ ଦିଆ ଅଇଲା । ସେ ତାର୍ ସତ୍‌ରୁମନ୍‌କେ ଆରାଇବାକେ ଦାପ୍‌ରେ ଗାଲା ।

୩ ସେ ମେଣ୍ଡାପିଲା ଦୁଇ ଲମର୍ ସିଲ୍ ବାଙ୍ଗାଲଲା । ଆରି ସେ ଦୁଇ ଲମର୍ ଜିବନ୍ ରଇବା ପସୁ ମକେ କଇଲା “ଆଉ ।”

୪ ଆରି ଏଦେ ଦେକା ! ଆରିଗଟେକ୍ ରଙ୍ଗ୍ ରଇବା ଗଡା ବାରଇଲା । ଜଗତେ ଜୁଇଦ୍ କରାଇବାକେ ସେ ଗଡା ଚାଲାଡକେ ଦିଆଅଇରଇଲା । ଜେନ୍ତାରିକି, ଲକ୍‌ମନ୍ ତାକର୍ ତାକର୍ ବିତ୍‌ରେ ମାରାମାରିଅଇ ମର୍‌ବାଇ । ତାକେ ଗଟେକ୍ ବଡେଟା କାଣ୍ଡା ଦିଆଅଇଲା ।

୫ ତାର୍‌ପତେ ସେ ମେଣ୍ଡାପିଲା ତିନ୍ ଲମର୍ ସିଲ୍ ବାଙ୍ଗାଲଲା । ତିନ୍ ଲମର୍ ଜିବନ୍ ରଇବା ପସୁ ମକେ କଇଲା “ଆଉ ।” ମୁଇ ଦେକ୍‌ଲି ଆରି ଏଦେ ଦେକା ! ଆରି ଗଟେକ୍ କାଲିଆ ଗଡା ଡିସ୍‌ଲା । ସେ ଗଡା ଚାଲାଡର୍ ଆତେ ଗଟେକ୍ ତୁଲ୍‌ବା କେଜି ରଇଲା ।

୬ ଚାରିଟା ଜିବନ୍ ରଇବା ପସୁମନ୍ କଇତେରଇଲାଇ “ଦିନେକର୍ ରୁଡିକେ ମାନେକ୍ ମୁଣ୍ଡିଆ ଆରି ଦିନେକର୍ ରୁଡିକେ ତିନ୍ ମାନ୍ ଦାନ୍ । ମାତର୍ ଅଙ୍ଗୁର୍ ବାଡ୍ ଆରି ଜିଡ୍ ଗର୍ ନସାଇବାରନାଇ ।”

୭ ତାର୍‌ପତେ ସେ ମେଣ୍ଡାପିଲା ଚାରି ଲମର୍ ସିଲ୍ ବାଙ୍ଗାଲଲା । ଆରି ଚାରି ଲମର୍ ଜିବନ୍ ରଇବା ପସୁ ମକେ “ଆଉ !” ବଲି କଇଲା ।

୮ ତେଇ ମୁଇ ଦେକ୍‌ଲି, ଏଦେ ଦେକା ! ଗଟେକ୍ ଚାରୁଆ ଗଡା ଡିସ୍‌ଲା । ଗଡା ଚାଲାଡ ଅଇଲାନ୍ ମରନ୍ ଆରି ତୁମାମନର୍ ରାଇଜ୍ । ସେ ପତେ ପତେ ଆଇତେରଇଲା । ସେମନକେ ଏ ଜଗତର୍ ଚାରିବାଗେ ଅନି ଗଟେକ୍ ବାଗ୍ ଉପ୍‌ରେ ଅଦିକାର୍ ଦେଇତେରଇଲା । ତେଇ ଜୁଇଦର୍ ଲାଗି, ମର୍‌ଡିର୍ ଲାଗି, ରଗର୍ ଲାଗି ଆରି ଡଙ୍ଗର୍ ପସୁର୍ ଲାଗି ମରାଇବାକେ ଅଦିକାର୍ ଦେଲା ।

୯ ତାର୍‌ପତେ ମେଣ୍ଡାପିଲା ପାଁର୍ ଲମର୍ ସିଲ୍ ବାଙ୍ଗାଲଲା । ଆରି ଏଦେ ଦେକା ! ବେଦିର୍ ତଲ୍‌ବାଟେ ସତ୍‌ବାବେ ସାକି ଦେଲାପାଇ ଆରି ପର୍‌ମେସର୍‌ର ବାକିଅ ଜାନାଇଲାପାଇ ଜନ୍ ଲକ୍‌ମନ୍ ମରାଇ ଅଇରଇଲାଇ ତାକର୍ ଆଡ୍‌ମାମନ୍‌କେ ଦେକ୍‌ଲି ।

୧୦ ସେମନ୍ ଆଉଲି ଅଇକରି କଇଲାଇ “ଏ ମାପୁରୁ ପର୍‌ମେସର୍ ଜେ କି ସବୁରଟାନେଅନି ବପୁରଟା । ତୁଇ ସୁକଲ୍ ଆରି ସତ୍ । ଆମ୍‌କେ ମରାଇଲା ଲକ୍‌କେ ବିଚାରକରି ଡଣ୍ଡ ଦେବାକେ ଆମେ ଆରି କେତେକ୍ ଦିନ୍ ଜାଗୁ ?”

୧୧ ସେମନ୍‌କେ ସବୁକେ ଗଟେକ୍ ଗଟେକ୍ ଦବ୍ ବସ୍‌ତର୍ ଦିଆଅଇରଇଲା । ତାକର୍ ସଙ୍ଗେ ରଇବା ଦାଙ୍ଗ୍‌ତାମନ୍‌କେ ଆରି ବାଇମନ୍‌କେ ତାକର୍ ପାରାସେ ମରାଇଅଇସି । ଜେଡ୍‌କି ଲକ୍ ଅଇବା କାଡା, ସେଡ୍‌କି ଲକ୍ ପୁରାପୁରୁନ୍ ନ ଅଇବାଜାକ ସେମନ୍‌କେ ଆରି କେତେଦିନ୍ ପୁଣ୍ଡିରଇବାକେ କୁଆ ଅଇଲା ।

୧୨ *ଆରି ଏଦେ ଦେକା ! ମେଣ୍ଡା ପିଲା ଚଅ ଲମର୍ ସିଲ୍ ବାଙ୍ଗାଲବାଟା ମୁଇ ଦେକ୍‌ଲି । ତେଇ ଦର୍‌ତନି ଜବର୍‌ଅଇତେ ତୁଲ୍‌ତୁଲ୍‌ଲା । ବେଲ୍ କାଲିଆ ଅଇ କର୍‌କର୍‌ସା ରଇବା ଲୁଗାପାରା ଅଇଗାଲା ଆରି ଜନ୍ ବନି ପାରା ପୁରାପୁରୁନ୍ ରଙ୍ଗ୍ ଅଇଗାଲା ।

୧୩ ଜବର୍ ପବନ୍ ଆସି ଗଟେକ୍ ତୁମ୍‌ରି ଗର୍ ଦୁନିଅଇଲେ ଜେନ୍ତାରି ନ ପାଟ୍‌ଲା ତୁମ୍‌ରି ତଲେ ଅଦର୍‌ସି, ସେନ୍ତାରିସେ ବାଦଲ୍‌ର୍ ତାରାମନ୍ ଦର୍‌ତନି ଉପ୍‌ରେ ଅଦର୍‌ଲାଇ ।

୧୪ *ବାଦଲ୍ ଦୁଇପଡା ଅଇଗାଲା ଆରି କାଗଜ୍‌ପାରା ଗୁଡିଆଇଅଇଲା । ଗଟେକ୍ ଗଟେକ୍ ଡଙ୍ଗର୍ ଆରି ଚାରିବେଟ୍‌ଡି ପାନିରଇ ମଜାଇ ରଇବା ସୁକ୍‌ଲା ଜାଗା ତାର୍ ଜାଗାଇ ଅନି ଅସକ୍‌ଲାଇ ।

୧୫ ତାର୍‌ପତେ ଏ ଜଗତର୍ ରାଜାମନ୍, ସାସନ୍‌କାରିଆମନ୍, ସନିଅର୍ ନେତାମନ୍, ସାଉକାର୍ ଆରି ବେସି ବପୁରଇବା ଲକ୍‌ମନ୍, ବନ୍ଦିରଇବା ଆରି ମୁକ୍‌ଲିରଇବା ଲକ୍‌ମନ୍ ସେନ୍ତାରି ସବୁଲକ୍‌ମନ୍ ପାଆରେ ଆରି ଡଙ୍ଗ୍‌ରେ ରଇବା ବଡ୍ ପାକ୍‌ନା ତଲେ ଜାଇ ଲୁର୍‌ଲାଇ ।

୧୬ *ସେମନ୍ ଆମ୍‌କେ ଦୟା କର୍ ବଲି ବାବୁଜିଆ କଲାଇ । ଆରି ଡଙ୍ଗ୍‌ମନ୍‌କେ ଆରି ପାକ୍‌ନାମନ୍‌କେ ଆଉଲିଅଇକରି କଇଲାଇ, “ଆମର୍ ଉପ୍‌ରେ ଅଦ୍‌ରା ଆରି ଆମ୍‌କେ ଆଡ୍‌କା ଉଆ । ଜେନ୍ତାରି କି ଜେ ବସ୍‌ବା ଜାଗାଇ ବସିଆତେ, ସେ ଆମ୍‌କେ ନ ଦେକେ । ଆରି ମେଣ୍ଡାର୍ ବଡ୍ ରିସାଇଅନି ଆମେ ରକିଆ ପାଇବୁ ।

୧୭ କାଇକେବଇଲେ ତାର୍ ରିସା ବେସି ରିସାର୍ ଦିନ୍ ଆଇଲାଆତେ । ଆରି ଆମେ ସେଟା ମୁର୍‌ଚିରଇ ନାପାରୁ ।”



୧୪,୪୦୦୦ ଇସ୍ରାଏଲର୍ ଲକ୍

☆ ୬:୧୭ ପରକାସିତ ୧୧:୧୩;୧୬:୧୮; ମାଡିଉ ୨୪:୨୯; ମାର୍‌କ୍ ୧୩:୨୪,୨୫; ଲୁକ୍ ୨୧:୨୫ ☆ ୬:୧୪ ପରକାସିତ ୧୭:୨୦ ☆ ୬:୧୬ ଲୁକ୍ ୨୩:୩୦

୧ ତାରୁପତେ ଦରୁତନିର୍ ଚାରିଟା କନେ ଚାରିଟା ଦୁଡ଼ ଚିଆଅଇରଇବାଟା ମୁଇ ଦେକ୍ଲି । ଜେନ୍ତାରିକି କାଇ ପବନ୍ ଦରୁତନି କି ସମ୍ବୁରେ କି କାଇ ଗଡ଼ ଉପ୍ରେ ନ ଆଇବାକେ ପବନ୍କେ ଦାରି ଅଟକାଇ ରଇଲା ।

୨ ପୁରୁବ ଦିଗେଅନି ଆରି ଗଟେକ୍ ଜିବନ୍ ରଇବା ପର୍ମେସରର୍ ସିଲ୍ ସଙ୍ଗ୍ ଆଇବାଟା ମୁଇ ଦେକ୍ଲି । ସେ ଦୁଡ଼ ସେ ଚାରିଟା ଦୁଡ଼ମନ୍କେ ଆଉଲି ଅଇ ଡାକି କଇଲା । ପର୍ମେସର ସେମନ୍କେ ଦରୁତନି ଆରି ସମ୍ବୁର୍ ବିନାସ୍ କରବାକେ ବପୁ ଦେଇରଇଲା ।

୩ ସେ ଦୁଡ଼ କଇଲା ଆମର୍ ପର୍ମେସରକେ ସେବା କରବା ଲକ୍ମନର୍ କାପାଲେ ଚିନ୍ ନ ଦେବା ଜାକ ଦରୁତନିକେ କି ସମ୍ବୁର୍କେ କି ଗଡ଼କେ ବିନାସ୍ ନ କରା ।

୪ ସେମନ୍ ସେ ଲକ୍ମନକେ ଚିନ୍ କରି ସାରାଇଲା ପତେ, ସଏ ଚାଲିସ୍ ଚାରି ଅଜାର ଲକ୍ମନକେ ଚିନ୍ ଦେଲୁ ବଲି ମକେ କଇଲା । ସେମନ୍ ଇସରାଏଲର୍ ବାରଟା ବସ୍ତେଅନି ରଇଲାଇ ।

୫ ଜିଉଦା ବସ୍ତେଅନି ବାରଅଜାର । ସେନ୍ତାରିସେ ରୁବେନ୍ଅନି, ଗାଦ୍ ନାଉର୍ ଜାଗାଇଅନି ବାର ଅଜାର ।

୬ ଆସରେଅନି, ନାପ୍ତାଲିଅନି, ମାନାସେଅନି, ବାରଅଜାର ।

୭ ସିମିୟନ୍ଅନି, ଲବିଅନି, ଇସାକର୍ ତେଇଅନି ବାରଅଜାର ।

୮ ସବ୍ଲୁନେଅନି, ଜସେପେଅନି, ବନିୟମେଅନି, ବାରଅଜାର ଲାକା ଚିନ୍ କଲାଇ ।

ବଡ଼ ଦଲ୍

୯ ତାରୁପତେ ମୁଇଦେକ୍ଲି ଏଦେ ଦେକା ! ତେଇ ଏତେକ୍ ମାନ୍ ଲକ୍ମକେ ଦେକ୍ଲି ଜେ ସେ ଲକ୍ମନକେ କେ ମିସା ଏଜି ନାପାରଡ଼ । ସେମନ୍ ସବୁ ଜାତିଅନି, ବସ୍ତେଅନି, ରାଇଜେଅନି, ଆରି ବାସାଇଅନି ଆସିରଇଲାଇ । ସେମନ୍ ବସ୍ତେ ଜାଗାର ମୁଆଟେ ଆରି ମେଣ୍ଟାପିଲାର୍ ମୁଆଟେ ଚିଆଅଇଲାଇ । ସେମନ୍ ଦବ୍ ଲୁଗାପିନ୍ଦିକରି ଆରି ଆତେ କଜ୍ରି ଡାଲ୍ ଦାରିରଇଲାଇ ।

୧୦ ସେମନ୍ ଆଉଲି ଅଇକରି କଇତେ ରଇଲାଇ, “ଆମର୍ ପର୍ମେସର ଜେ କି ବସ୍ତେ ଜାଗାଇ ବସିଆଟେ, ତାରୁଟାନେଅନି ଆରି ମେଣ୍ଟା ପିଲାର୍ ଟାନେଅନି ମୁକ୍ତି ମିଲ୍ସି ।”

୧୧ ସବୁ ଦୁଡ଼ମନ୍ ବସ୍ତେ ଜାଗାର ଆରି ପାର୍ଚିନ୍ ମନର୍ ଆରି ଚାରିଟା ଜିବନ୍ ରଇବା ପସୁମନର୍ ଚାରିବେଟ୍ଟି ଚିଆଅଇଲାଇ । ତାରୁପତେ ସେମନ୍ ବସ୍ତେ ଜାଗାର ମୁଆଟେ ଡାଣ୍ଟାସନ୍ ପଡ଼ି ପର୍ମେସରକେ ଜୁଆର୍ କରି,

୧୨ କଇଲାଇ, ଆମେନ୍, ଦନିଅବାଦ୍, ମଇମା, ଗିଆନ୍, ଡାକ୍ପୁଟା, ବପୁ ଆରି ସକ୍ତି କାଲ୍ କାଲ୍ ଜୁଗ୍ ଜୁଗ୍ ଆମର୍ ପର୍ମେସରକେ ଅ । ଆମେନ୍, ବଲି କଇତେରଇଲାଇ ।

୧୩ ପାର୍ଚିନ୍ ମନର୍ ବିଡ଼ରେ ଅନି ଗଟେକ୍ ଲକ୍ ଆସିକରି ମକେ ପାଚାରଲା, “ଏ ଲକ୍ମନ କାଇକେ ଦବ୍ ଲୁଗା ପିନ୍ଦି ଆତଡ଼ ଆରି ସେମନ୍ କକ୍ତିଅନି ଆଇଲାଇ ?”

୧୪ ☆ମୁଇ ତାକେ କଇଲି “ଆଗିଆ ମୁଇ ନାଜାନି, ତୁଇତା ଜାନୁସ୍ ।” ସେ ମକେ କଇଲା “ବେସି ବଡ଼ ତାଡ଼ନା ପତେ ରକିଆ ପାଇ ଆଇଲାଆତଡ଼ । ମେଣ୍ଟାପିଲାର୍ ବନି ସଙ୍ଗ୍ ସେମନ୍ ତାକର୍ ବସ୍ତର୍ ଦଇକରି ଦବ୍ କଲାଆତଡ଼ ।”

୧୫ ସେଗାର ପାଇ ସେ ଲକ୍ମନ ପର୍ମେସରର୍ ବସ୍ତେ ଜାଗାର ମୁଆଟେ ରଇ ତାର୍ ମନ୍ଦିରେ ଦିନ୍ ରାତି ତାକେ ସେବା କଲାଇନି । ଜେ ବସ୍ତେ ଜାଗାଇ ବସ୍ତେଆଟେ, ସେ ସେମନ୍କେ ରକିଆ କରୁସି ।

୧୬ ସେମନ୍କେ କେବେ ବୁକ୍ ନ ଲାଗେ କି ସସ୍ ନ କରେ । ବେଲ୍ କି ଅଦିକ୍ ତପି ରଇବା ତାତି ସେମନ୍କେ ପଡ଼ାଇନାପାରେ ।

୧୭ କାଇକେବଇଲେ ବସ୍ତେ ଜାଗାର ମଜାଇ ରଇବା ମେଣ୍ଟାପିଲା, ସେ ଲକ୍ମନର୍ ସେବାକାରିଆ ଅଇସି, ଆରି ଜିବନ୍ ରଇବା ଗାଡ଼ବାଟେ ସେ ଲକ୍ମନକେ ବାଟକାତାଇ ନେଇସି । ଆରି ପର୍ମେସର ସେ ଲକ୍ମନର୍ ଆକିର୍ ଆସୁ ପୁଟି ଦେଇସି ।

୮

ସାଡ଼ଟା ସିଲ୍

୧ ମେଣ୍ଟାପିଲା ଜେତେବେଲେ ସାଡ଼ ତମର୍ ସିଲ୍ ବାଙ୍ଗାଇଲା, ସେଡ଼କିବେଲେ ସର୍ଗେ ସମାନ୍ ଅଦ୍ଗଟା ଜାକ ଚିମ୍ବରା ଅଇଗାଲା ।

୨ ତାରୁପତେ ପର୍ମେସରର୍ ମୁଆଟେ ସାଡ଼ଟା ଦୁଡ଼ମନ୍କେ ଚିଆଅଇ ରଇଲାଟା ମୁଇ ଦେକ୍ଲି । ସେ ମନ୍କେ ସାଡ଼ଟା ମଇରି ଦିଆଅଇ ରଇଲା ।

୩ ତେଇ ଆରି ଗଟେକ୍ ଦୁଡ଼ ଆସିକରି ବେଦିଲଗେ ଚିଆ ଆଇଲା । ତାର୍ ଆତେ ଗନ୍ଦରସ୍ ପଡ଼ାଇବା ଗଟେକ୍ ସୁନାର୍ ଗିନା ରଇଲା । ପର୍ମେସରର୍ ଲକ୍ମନର୍ ପାର୍ତନା ସଙ୍ଗ୍ ମିସାଇବାକେ ତାକେ ବେସି ଗନ୍ଦରସ୍ ଦିଆଅଇରଇଲା । ତାରୁପତେ ସେ ସେଟା ବସ୍ତେ ଜାଗାର ମୁଆଟେ ରଇବା ସୁନାର୍ ବେଦି ଉପ୍ରେ ସରପସି ।

୪ ପଡ଼ତେରଇବା ଦୁପର୍ ଦୁଆଁ ପର୍ମେସରର୍ ଲକ୍ମନର୍ ପାର୍ତନା ସଙ୍ଗ୍ ଉପ୍ରେ ଗାଲା । ପର୍ମେସରର୍ ମୁଆଟେ ଚିଆଅଇରଇବା ଦୁଡ଼ ସେଟା ଦାରିରଇଲା ।

☆ ୭:୧୪ ମାଡିଉ ୨୪:୨୧; ମାର୍କ ୧୩:୧୯

୫ ତାରପରେ ସେ ଦୁଡ଼ ଦୁପ୍ ପଡ଼ାଇବା ଅରକି ନେଇକରି ବେଦିଟାନର ଜଇସଙ୍ଗ ବଢ଼ି କଲା । ସେଟା ସେ ଦରତନି ଉପରେ ପିଞ୍ଜିଦେଲା । ତେଇ ଗୁଡ଼ଗାଡ଼ କରି ଗଡ଼ଗତି ମାରଲା ଆରି ବିଜ୍ଞଳି ମାରି ଦରତନି ଚୁଲ୍‌ଚୁଲ୍‌ଲା ।

ମଇରି ବାଜା

୬ ତାରପରେ ସାଡ଼ଟା ମଇରି ଦାରିରଇବା ସାଡ଼ଟା ଦୁଡ଼ ସେଟା ପୁକ୍‌ବାକେ ତିଆରଅଇଲାଇ ।

୭ ପଡ଼ତୁମର୍ ଦୁଡ଼ ତାର ମଇରି ପୁକ୍‌ଲା ଆରି ଏଦେ ଦେକା ! କାରାପାକ୍‌ନା ଆରି ଜଇ ଜନ୍‌ଟା କି ବନି ସଙ୍ଗ ମିସିରଇଲା, ସେଟା ଦରତନି ଉପରେ ଡାଲିଅଇଲା । ଦରତନି ତିନ୍‌ବାଗ୍ ଅନି ଗଟେକ୍ ବାଗ୍ ପଡ଼ିଗାଲା । ତାର ସଙ୍ଗ ତିନ୍‌ବାଗେ ଅନି ଗଟେକ୍ ବାଗର୍ ଗର୍‌ମନ୍ ଆରି ସବୁ ଗାଁସ୍‌ମନ୍ ମିସା ପଡ଼ିଗାଲା ।

୮ ତାରପରେ ଦୁଇଲମର୍ ଦୁଡ଼ ମଇରି ପୁକ୍‌ଲା । ଆରି ଏଦେ ଦେକା ! ଗଟେକ୍ ବଡ଼ କୁପ୍‌ଲି, ଜନ୍‌ଟା ଜଇ ଲାଗ୍‌ତେରଇଲା, ସେଟା ସମ୍‌ଦୁର୍ ବିଡ଼ରେ ପିଞ୍ଜା ଅଇଲା । ଆରି ସମ୍‌ଦୁର୍‌ର ପାନି ତିନ୍‌ବାଗେ ଅନି ଗଟେକ୍ ବାଗ୍ ବନି ଅଇଗାଲା ।

୯ ଆରି ସମ୍‌ଦୁର୍ ବିଡ଼ରେ ରଇବା ତିନ୍‌ବାଗେଅନି ଗଟେକ୍ ବାଗ୍ ଜୁଡ଼ିଆଦ୍ ମରିଗାଲାଇ । ଆରି ତିନ୍‌ବାଗେଅନି ଗଟେକ୍ ବାଗ୍ ପାନି ଜାଜ୍ ମିସା କୁରୁପ୍‌ନାସ୍ ଅଇଗାଲା ।

୧୦ ତାରପରେ ତିନ୍ ଲମରର୍ ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ସେ ଦାପ୍‌ରେସେ ଆକାସେ ଅନି ଜଇଅଲା ପାରା ଲାଗ୍‌ତେରଇବା ଗଟେକ୍ ବଡ଼ ତାରା ବାଦ୍‌ଲେଅନି ଅଦରଲା । ସେଟା ତିନ୍‌ବାଗେଅନି ଗଟେକ୍ ବାଗର୍ ଗାଡ଼ମନ୍‌କେ ଆରି ଜଲାମନର୍ ଉପରେ ଅଦରଲା ।

୧୧ ସେ ତାରାର ନାଉଁ ଅଇଲାନି ଲାଗ୍‌ଦଣାତିକ୍‌ତତା । ତାରା ଅଦରଲାକେ ତିନ୍‌ବାଗେ ଅନି ଗଟେକ୍‌ବାଗ୍ ପାନି ପିତା ଅଇଗାଲା । ସେ ପିତା ପାନି କାଜକରି ବେସିଲକ୍‌ମନ୍ ମରିଗାଲାଇ ।

୧୨ ତାରପରେ ତାର ଲମରର୍ ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ବେଲର୍ ତିନ୍‌ବାଗେଅନି ଗଟେକ୍ ବାଗ୍‌କେ ମାଡ଼ ଅଇଲା । ସେନ୍ତାରିସେ ଜନର୍ ତିନ୍‌ବାଗେଅନି ଗଟେକ୍ ବାଗ୍, ଆରି ତାରା ମନର୍ ତିନ୍‌ବାଗେ ଅନି ଗଟେକ୍ ବାଗ୍ ନସ୍‌ଟ ଅଇଗାଲା । ତେବର୍ ପାଇ ଜନ୍ ଆରି ତାରାମନର୍ ଉଜଲ୍ ଦେବାଟା ତିନ୍‌ବାଗେଅନି ଗଟେକ୍ ବାଗ୍ ଉନା ଅଇଗାଲା । ତାରପରେ ଦିନିମିସା ତିନ୍‌ବାଗେ ଅନି ଗଟେକ୍ ବାଗ୍ ଆରି ରାତି ମିସା ତିନ୍‌ବାଗେ ଅନି ଗଟେକ୍ ବାଗ୍ ଉଜଲ୍ ନ ରଇଲା ।

୧୩ ତାରପରେ ମୁଆ ଆରି ଦେକ୍‌ଲି ଆରି ଏଦେ ଦେକା ! ଗଟେକ୍ ଗିଦ୍ ବେସି ଉପରେ ଉଡ଼ତେରଇଲା । ଆରି ଆଉଲି କଇତେରଇଲା, “କାଇ ଇନସ୍‌ତା, କାଇ ଇନସ୍‌ତା । ଜେତେବେଲେ ବାକି ତିନ୍‌ଟା ଦୁଡ଼ମନର୍ ମଇରି ଟାନେଅନି ସବ୍‌ଦ୍ ଆଇଲାବେଲେ, ଦରତନି ଟାନେ ରଇବା ସବୁ ଲକ୍‌ମନର୍ ପାଇ କେତେକ୍ ଇନସ୍‌ତା ଅଇସି ।”



୧୪ ତାରପରେ ପାଁର୍ ଲମରର୍ ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ବାଦ୍‌ଲେଅନି ଦରତନି ଉପରେ ଅଦ୍‌ରି ରଇବା ଗଟେକ୍ ତାରା ଦେକ୍‌ଲି । ତାକେ ପାତାଲର୍ କୁଟିକାତି ଦିଆଅଇରଇଲା ।

୧୫ ସେ ତାରା ପାତାଲ୍ ଉଗାଡ଼ଲା ଆରି ତେଇଅନି ଗଟେକ୍ ଜଇଲାଗ୍‌ବା ବାଟି ଅନି ଦୁଆଁ ବାରଇଲା ପାରା ବାରଇଲା । ପାତାଲେଅନି ଆଇବା ଦୁଆଁର୍ ଲାଗି ବେଲର୍ ଉଜଲ୍ ଆରି ପବନ୍ ଆନ୍ଦାର୍ ଅଇଗାଲା ।

୧୬ ଦରତନିଟାନେ ରଇବା ଦୁଆଁର୍ ଲାଗି, ତେଇଅନି ଚିଟ୍‌କାମନ୍ ବାରଇଲାଇ । ସେଟାମନ୍‌କେ ବିସ୍‌କାକ୍‌ତାର ପାରା ବପୁ ଦିଆଅଇରଇଲା ।

୧୭ ସେମନ୍‌କେ ଦରତନିର୍ ଗାଁସ୍ କି ଗର୍ କି ବିନ୍ ବାଡ଼ର୍ ଗର୍‌କୁଟ୍‌କେ ମାରାନାଇ ବଲି କୁଆଅଇରଇଲା । ପର୍‌ମେସରର୍ ସିଲର୍ ତିନ୍, ଜନ୍ ଲକ୍‌ମନର୍ କାପାଲେ ନ ରଇଲା, ସେମନ୍‌କେ ଆକା ମାର୍‌ବାକେ ଆଦେସ୍ ରଇଲା ।

୧୮ ଏ ଲକ୍‌ମନ୍‌କେ ମରାଇବାକେ ଚିଟ୍‌କାମନ୍‌କେ ଆଦେସ୍ ନ ଦେଇରଇଲା । ମାଡ଼ର୍ ପାଁର୍‌ମାସ୍ ଜାକ ସେମନ୍‌କେ କସ୍‌ଟ ଦେବାକେ ସେମନ୍ ଜନ୍ କସ୍‌ଟ ପାଇବାଇ, ସେଟା ଗଟେକ୍ ବିସ୍‌କାକ୍‌ତା ଚାବ୍‌ଲାବେଲର୍ ଦୁକାପାରା ରଇସି ।

୧୯ ସେ ପାଁର୍‌ମାସ୍ ଜାକ କେନ୍ଦ୍ରି କରି ମର୍‌ବୁ ବଲି ବାଟ୍ କଜ୍‌ବାଇ । ମାଡ଼ର୍ ସେଟା ମିଲାଇନାପାରଡ଼ । ସେମନ୍ ମର୍‌ବାକେ ବେସି ମନ୍ କର୍‌ବାଇ, ମାଡ଼ର୍ ସେଟା ନ ଅଏ ।

୨୦ ଜୁଇଦ୍ ପାଇ ତିଆର୍ ଅଇରଇବା ଗଡ଼ାମନର୍‌ପାରା ସେ ଚିଟ୍‌କାମନ୍ ତିସ୍‌ତେରଇଲାଇ । ସେମନର୍ ମୁଣ୍ଡ ସୁନାର୍ ମୁକୁଟ୍ ପିନ୍ଦି ରଇଲାଇ । ସେମନର୍ ମୁ ଲକ୍‌ମନର୍ ମୁ ପାରା ରଇଲା ।

୨୧ ସେମନର୍ ଚେଣ୍ଡି ମାଇଜିଟ୍‌କିମନର୍‌ପାରା ଆରି ଦାଡ଼ ସିଅଁମନର୍‌ପାରା ରଇଲା । ତାକର୍ ବୁକେ ଲୁଆର୍ ସାଞ୍ଜୁ ଡାବିଅଇରଇଲା ।

୨୨ ତାକର୍ ତେନାମନ୍ ଜାଡ଼ଲେ ଜୁଇଦ୍‌କେ ଜିବା ଗଡ଼ାର ରତର୍ ସବ୍‌ଦ୍ ପାରା ସୁନିଅଇତେରଇଲା ।

୨୩ ବିସ୍‌କାକ୍‌ତା ମନର୍ ପାରା ସେମନର୍ ଲେଞ୍ଜ୍ ଗଜିଆ ରଇଲା । ଆରି ବିସ୍‌କାକ୍‌ତା ପାରା ଚାବ୍‌ତେରଇଲା । ପାଁର୍‌ମାସ୍ ଜାକ ଲକ୍‌ମନ୍‌କେ ନସାଇବାକେ ତାକର୍ ଲେଞ୍ଜ୍‌ର୍ ବପୁ ରଇଲା ।

☆ ୮:୫ ପଢ଼କାସିତ ୧୧:୧୯;୧୭:୧୮

୧୧ ତାକର ଉପରେ ଗଟେକ ରାଜା ସାସନ କରତେରଇଲା । ସେ ପାତାଲେ ଦେକା ରକା କରବା ଦୁଡ଼ । ଏବ଼ି ବାସାଇ ତାର ନାଉଁ ଅଇଲାନି ଅବଦନ୍ । ଆରି ଗିରିକ୍ ବାସାଇ ଅପଲିୟନ୍ । ତାର ଅରଡ଼ ଅଇଲାନି କୁରୁପନାସ୍ କରବା ଲକ୍ ।

୧୨ ପରତୁମର ତର ଲାଗବା ଦୁକ୍ କସ୍ତ ସାରଲା । ତାରପତେ ଆରି ଦୁଇଟା ଅଦିକ୍ ଦୁକ୍ କସ୍ତ ଅଇବାଟା ଆଇଲାନି ।

୧୩ ତାରପତେ ଚଅ ଲମରର ଦୁଡ଼ ତାର ମଇରି ପୁକ୍ଲା । ଆରି ଏଦେ ଦେକା ! ପରମେସର୍ ମୁଆଁଟେ ରଇବା ସୁନା ବେଦିର୍ ଚାରିଟା କନେଅନି ମୁଇ ଗଟେକ୍ ସବଦ୍ ସୁନ୍ଲି ।

୧୪ ସେ ସବଦ୍ ଚଅ ଲମର ଦୁଡ଼କେ କଇଲା, ବଡ଼ ଗାଡ଼ ଇଉପର୍ଟିସ୍ ଗାଡେ, ବାନ୍ଦି ସଙ୍ଗଇବା ଚାରିଟା ଦୁଡ଼ମନ୍କେ ମୁକ୍ଲାଇଦେସ୍ ।

୧୫ ଚାରଟା ଦୁଡ଼ମନ୍କେ ମୁକ୍ଲାଇଲା । ଗୁଲାଇ ମୁନୁସଜାତିର୍ ତିନ୍ ବାଗେଅନି ଗଟେକ୍ ବାଗକେ ମରାଇବାକେ ସେମନ୍କେ ତିଆର୍ କରି ସଙ୍ଗଇରଇଲା । ଏ ସମାନ୍ ବରସର୍, ସମାନ୍ ମାସର୍, ସମାନ୍ ଦିନର୍, ସମାନ୍ ଗଠାପାଇ ସେମନ୍କେ ସଙ୍ଗଇରଇଲା ।

୧୬ ତାରପତେ ଗଟେକ୍ ବଡ଼ଦଲ୍ ଅଇକରି ଗଡାଲଗେ ଆଇତେ ରଇବା ସନିଅମନ୍ ଜନ୍ଲକ୍ମନ୍ କି ଦୁଇସ ଲକିଅ ଲକ୍ମନ୍ ଆଡ଼ ବଲି ସେମନ୍ କଇଲାଇ, ସେଟା ଦେକ୍ଲି ।

୧୭ ମୁଇ ମର ଦରସନେ ଗଡାମନ୍କେ ଆରି ତାର ଚାଲାଉମନ୍କେ ଦେକ୍ଲି । ତାକର ସାଞ୍ଜୁମନ୍ ଜଇପାରା ରଙ୍ଗ୍ ଆରି ନିଲି ପାରା ନିଲିଆ, ଅଲ୍ଦି ପାରା ରଇଲା । ସେ ଗଡା ମନର୍ ମୁଣ୍ଟ୍ ସିଅଁମନର୍ ମୁଣ୍ଟ୍ ପାରା ରଇଲା । ଆରି ତାକର ଟଣ୍ଡେଅନି ଜଇ ଦୁଆଁ ଆରି ରକଡ଼ ପାରାଟା ବାରଇତେରଇଲା ।

୧୮ ଗୁଲାଇ ମୁନୁସ୍ ଜାତିର୍ ତିନ୍ବାଗେ ଅନି ଗଟେକ୍ ବାଗ୍ ସେ ତିନ୍ଟା ମରଡ଼ିରଲାଗି ମରିଗାଲାଇ । ଗଡାମନର୍ ଟଣ୍ଡେଅନି ଆଇବା ଜଇ ଦୁଆଁ ଆରି ଗନ୍ଦପାରା ତିନ୍ଟା ମରଡ଼ି ଅଇଲା ।

୧୯ ଗଡାମନର୍ ବପୁ ତାକର ଟଣ୍ଡେ ଆରି ତାକର ଲେଞ୍ଜେ ମିସିକରି ରଇଲା । ତାକର ଲେଞ୍ଜ୍ ମୁଣ୍ଟ୍ ରଇବା ସାଁପମନର୍ ପାରା ରଇଲା । ସେଟାସଙ୍ଗ୍ ସେମନ୍ ଲକ୍ମନ୍କେ ମାରତେରଇଲାଇ ।

୨୦ ଏ ମରଡ଼ି ଅଇଲାର ପାଇ ଜେଡ଼କି ରଇଲା ମନସ୍ ଜାତି, ଆଡେ ତିଆରକରି ରଇବାଟାକେ ଚାତଡ଼ନାଇ । ଗଡ଼ସଙ୍ଗ୍, ପାକନାସଙ୍ଗ୍, ପିତଲ୍ସଙ୍ଗ୍, ରୂପାସଙ୍ଗ୍ ଆରି ସୁନାସଙ୍ଗ୍ ତିଆର୍ କରିରଇବା ମୁରତିମନ୍କେ ଆରି ତୁମାମନ୍କେ ସେବା କରବାଟା ସେମନ୍ ଚାତଡ଼ନାଇ ।

୨୧ ସେମନ୍ ଚରାଇବାଟା, ବେସିଆ କାମ୍ କରବାଟା, ଜାଦୁ ମଠର୍ କରବାଟା ଆରି ନର୍ ମରାଇବାଟା ମିସା ଚାତଡ଼ନାଇ ।

୧୦

ସରଗର ଦୁଡ଼ ଆରି ସାନ୍ଟା ବଇ

୧ ତାରପତେ ଏଦେ ଦେକା ! ସରଗେଅନି ଆରି ଗଟେକ୍ ବଡ଼ ଦୁଡ଼ ଉଡ଼ରି ଆଇବାଟା ମୁଇ ଦେକ୍ଲି । ତାକେ ଗଟେକ୍ ବାଦଲ୍ ଗୁଡାଇରଇଲା ଆରି ମୁଣ୍ଡେ ଗଟେକ୍ ଇନ୍ଦ୍ରଦୁନୁ ଗୁଡିଆଇ ଅଇରଇଲା । ତାର ମୁ ବେଲ୍ ପାରା ରଇଲା । ତାର ଗଡ଼ମନ୍ ଜଇର୍ କୁନାଦି ପାରା ରଇଲା ।

୨ ତାର ଆଡେ ଉଗାଡ଼ି ଅଇରଇବା ଗଟେକ୍ ସାନ୍ ବଇ ରଇଲା । ସେ ତାର ଉଜାଗଡ଼ ସମ୍ପଦୁର୍ ବିଡ଼ରେ ସଙ୍ଗଇଲା ଆରି ତେବିରି ଗଡ଼ ସୁକ୍ଲା ବୁର୍ସ୍ ସଙ୍ଗଇଲା ।

୩ ସେ ଆଉଲି ଅଇଲାକେ ସିଅଁମନ୍ ଅଡ଼ରଲା ପାରା ସୁନିଅଇଲା । ସେ ତାକ୍ଲା ପତେ, ସାଡ଼ଟା ଗଡ଼ଗଡ଼ିମନ୍ ଅଡ଼ରିକରି କଇଲାଇ ।

୪ ସେମନ୍ କାତା ଅଇଲା ଦାପ୍ରେ ମୁଇ ଲେକ୍ବାକେ ଆରାମ୍ ଅଇରଇଲି । ମାତର୍ ସରଗେଅନି ଗଟେକ୍ ସବଦ୍ ସୁନ୍ଲି, ସାଡ଼ଟା ଗଡ଼ଗଡ଼ିମନ୍ କଇଲାଟା କେ ନାଜାନଲାପାରା ସଙ୍ଗ । ସେଟା ଲେକ୍ନାଇ ।

୫ ତାରପତେ ମୁଇ ଆଗଡୁ ଦେକିରଇବା ଦୁଡ଼ ଜେ କି ସମ୍ପଦୁରେ ଆରି ସୁକ୍ଲା ପଦାଇ ଟିଆ ଅଇରଇଲା, ସେ ତାର ଉଜା ଆଡ଼ ସରଗିବାଟେ ଲାମାଇଲା ।

୬ ପରମେସରର୍ ନାଉଁ ଦାରି ସେ ଗଟେକ୍ ସପଡ଼ କଲା । ପରମେସର୍ କାଲ୍ କାଲ୍ ଜୁଗ୍ ଜୁଗ୍ ବଢ଼ିସି । ସେ ସରଗେ ରଇବାଟା, ଦରତନିତେଇ ରଇବାଟା ଆରି ସମ୍ପଦୁରେ ରଇବା ସବୁଜାକ ତିଆର୍ କଲା । ସେ ଦୁଡ଼ କଇଲା, “ଆରି ଅଲ୍ସମ୍ ନିଅଏ ।”

୭ ମାତର୍ ଜେତେବେଲେ ସାଡ଼ ଲମର ଦୁଡ଼ ତାର ମଇରି ପୁକ୍ସି, ସେଡ଼କିବେଲେ, ପରମେସର୍ କାକେ ନ ଜାନାଇରଇବା ତାର ମନ୍ କଲାଟା ପୁରାପୁରୁନ୍ ସିଦ୍ କରସି । ଏଟା ସେ ତାର ଦାଙ୍ଗଡାମନ୍କେ ଆରି ବବିସଡ଼ବକ୍ତାମନ୍କେ ସେ ଆଗଡୁ ଜାନାଇରଇଲା ।

୮ ତାରପତେ ସରଗେଅନି ଜନ୍ ସବଦ୍ ମରସଙ୍ଗ୍ କାତା ଅଇତେରଇଲା, ସେଟା ଆରିତରେକ୍ ମକେ କଇଲା “ଜାଆ, ସମ୍ପଦୁରେ ଆରି ସୁକ୍ଲା ଜାଗାଇ ଟିଆଅଇରଇବା ଦୁତର୍ ଆଡେଅନି ଉଗାଡ଼ି ଅଇରଇବା କାଗଜ୍ ବେଟ୍ ।”

୯ ମୁଇ ଦୁତର୍ ଲଗେ ଗାଲି ଆରି ସାନ୍ଟା କାଗଜ୍ ମକେ ଦେ ବଲି କଇଲି । ସେ ମକେ କଇଲା “ଏଟା ନେଇକରି କାଆ । ତର୍ ପେଟେ ଏଟା ପିତା ଅଇସି । ମାତର୍ ତର୍ ଟଣ୍ଡେ ସେଟା ମୁ ପାରା ମୁହୁର୍ ରଇସି ।”

୧୦ ତେଜ ମୁଞ୍ଚ ଦୁତର ଟାନେଅନି ସାନ୍ତା କାଗଜ୍ ନେଲି ଆରି କାଇଲି । ସେଟା ମର୍ ଟଣ୍ଡେ ପାକାଇଲାକେ ମୁ ପାରା ସୁଆଦ୍ ରଇଲା । ମାତର ଗିଲ୍ଲା ପତେ ପେଟ୍ ବିଡ଼ରେ ପିତା ଅଇଗାଲା ।

୧୧ ତାରପତେ ମକେ କଇଲା, “ସବୁ ରାଜାମନର୍ ବିସଇ, ବାସାମନର୍ ବିସଇ, ବଂସର୍ ବିସଇ, ଆରି ରାଇଜର୍ ବିସଇ, ଏ ସବୁଜାକର୍ ଉପରେ ପର୍ମେସରର୍ କବର୍ ତୁଇ ଆରିତରେକ୍ ଜାଇ ଜାନାଇବାର୍ ଆଟେ ।”

୧୧

ଦୁଇଟା ସାକି

୧ ତାରପତେ ମକେ ନାପବା ତାଙ୍ଗ୍ ପାରା ଡିସବା ତାଙ୍ଗ୍ ଗଟେକ୍ ଦିଆଅଇଲା । “ଜାଆ ଆରି ପର୍ମେସରର୍ ମନ୍ଦିର୍ ଆରି ବେଦି ନାପ । ମନ୍ଦିରେ ପାର୍ତନା କରବା ଲକ୍ମନକେ ଏଜିକରି ଆଉ ।”

୨ *ମାତର ମନ୍ଦିର୍ ବାଇରେ ରଇବା ତାଣ୍ଡ ନାପନାଇ । କାଇକେବଇଲେ ସେ ଜାଗା ଜିଉଦି ନ ଅଇଲା ଲକ୍ମନକେ ଦିଆଅଇଲା ଆଟେ । ସେମନ୍ ସୁକଲ୍ ନଅରେ ରଇ ୪୨ ମାସ୍ ଜାକ ସେ ନଅରକେ ଅସୁକଲ୍ କରିଦେବାଇ ।

୩ ବାସତା ପିନ୍ଦିରଇବା ଦୁଇଟା ସାକିମନକେ ମୁଞ୍ଚ ପାଟାଇବି । ସେ ବାରସ ସାଟେଦିନ୍ ମୁଞ୍ଚ ସେମନକେ କଇଲାଟା ଜାନାଇବାଇ ।

୪ ସେ ଦୁଇଟା ସାକିମନ୍ ଜଗତର ମାପୁରୁର୍ ମୁଆଟେ ଚିଆଅଇବା ଜିଡ଼ ଗର୍ ଆରି ଦୁଇଟା ବଡ଼ି ଅଇଆରଡ଼ ।

୫ କେ ଜଦି ସେମନର୍ ଅନିଆଇ ଦେକି ମାର୍ବାକେ ଚେସ୍ଟା କରବାଇ, ତାକର୍ ଟଣ୍ଡେଅନି ଜଇ ବାରକରାଇ ତାକର୍ ବିରଦିମନକେ ବିନାସ୍ କରବାଇ । ଏନ୍ତାରି ଜେ ସେମନକେ ମାର୍ବାକେ ଚେସ୍ଟା କରବାଇ, ସେମନ୍ ମରିଜିବାଇ ।

୬ ସେମନ୍ ପର୍ମେସରର୍ କବର୍ ଜାନାଇବାବେଲେ ଜେନ୍ତାରି କି ବରସା ନଅ ବଲି ବାଦଲ୍‌କେ ଡାବିକରି ସଙ୍ଗାଇବାକେ ତାକର୍ ଅଦିକାର୍‌ଆଟେ । ପାଜ୍‌ରା ପାନିମନକେ ବନି କରବାକେ ମିସା ତାକର୍ ଅଦିକାର୍ ରଇସି । ଜେତେବେଲେ ମନକଲେ, ସେତେବେଲେ ଜନ୍ ରକାମ୍ ମର୍ତ୍ତି ଦର୍ତନି ଉପରେ କେତେତର୍ ମିସା କରି ବାଦାଦେବାକେ, ସେମନର୍ ଅଦିକାର୍ ଆଟେ ।

୭ *ସେମନ୍ ତାକର୍ କବର୍ ଜାନାଇଲା ପତେ, ଗଟେକ୍ ବେସି ତର୍ ଲାଗ୍‌ବା ପସୁ ପାତାଲେଅନି ବାରଇଆସି ତାକର୍ ବିରୁଦେ ଜୁଇଦ୍ କରସି । ସେ ପସୁ ସେମନକେ ଆରାଇକରି ମରାଇଦେଇସି ।

୮ ବଡ଼ ନଅର୍ ସାଇର୍ ମଜାଇ ତାକର୍ ମଲା ଗାଗଡ଼ ରଇସି । ସେ ବଡ଼ ନଅରେ ତାକର୍ ମାପୁରୁ କୁରୁସ୍‌କାଟେ ସର୍ପି ଅଇରଇଲା । ସେ ନଅର୍ ସଦମ୍ କି ମିସର୍ ରାଇଜ୍ ପାରା ଆଟେ ।

୯ ତିନ୍ ଦିନ୍ ଆରି ଅଦା ଦିନର୍‌ପାଇ ସବୁ ରାଇଜର୍, ସବୁ ଦେସର୍, ସବୁ ବଂସର୍, ସବୁ ଜାତିର୍ ଆରି ସବୁ ବାସାର୍ ଲକ୍ ଦେକ୍‌ବାଇ । ସେ ମଲା ମତାମନକେ ତପ୍‌ବାକେ ସେମନ୍ ରାଜି ନଅଡ଼ ।

୧୦ ଏ ଦୁଇ ଲକ୍ ମଲାପାଇ, ଜଗତର୍ ଲକ୍ ସାର୍‌ଦା ଅଇବାଇ । ଏ ଦୁଇଟା ବବିସତ୍‌ବକ୍‌ତାମନ୍ ଜଗତେ ବେସି ଦୁକ୍‌କସ୍‌ଟ ଆନାଇଲାକେ ଲକ୍‌ମନ୍ ସାର୍‌ଦା ଅଇବାଇ ଆରି ସାଇସାର୍‌ଦା ଅଇକରି ସାର୍‌ଦା ଅଇବା ଜିନିସ୍‌ମନ୍ ଦିଆନିଆ ଅଇବାଇ ।

୧୧ ତିନ୍‌ଦିନ୍ ଆରି ଅଦା ଦିନ୍ ପତେ ଜିବନ୍ ଦେବା ଗଟେକ୍ ପୁଣ୍ଡା ପର୍ମେସର୍ ଟାନେଅନି ଆସି ତାକର୍ ବିଡ଼ରେ ପୁରୁଲା । ଆରି ଏଦେ ଦେକା ! ସେମନ୍ ଉର୍‌ଲାଇ । ସେମନକେ ଦେକ୍‌ଲା ଲକ୍‌ମନ୍ ବେସି ଡରିଗାଲାଇ ।

୧୨ ତାରପତେ ସର୍‌ଗେ ଅନି ଗଟେକ୍ ଜବର୍ ସବଦ୍ ବବିସତ୍‌ବକ୍‌ତାମନକେ କଇଲା, “ଉପରେ ଆସା ।” ଆରି ତାକର୍ ବିରଦିମନ୍ ଦେକ୍‌ବାବେଲେ ସେମନ୍ ଗଟେକ୍ ବାଦଲ୍ ଉପରେ ବସି ସର୍‌ଗେ ଗାଲାଇ ।

୧୩ *ସେଡ଼କିବେଲେ, ଏଦେ ଦେକା ! ବେସି ଦର୍ତନି ତୁଲ୍‌ତୁଲି ଗାଲା । ନଅରର୍ ଦସ୍‌ବାଗେଅନି ଗଟେକ୍ ବାଗ୍ କୁରୁପ୍‌ନାସ୍ ଅଇଗାଲା । ଆରି ତେଇ ୭,୦୦୦ ଲକ୍‌ମନ୍ ମରିଗାଲାଇ । ବାକି ରଇଲା ଲକ୍‌ମନ୍ ଡରିକରି ସର୍‌ଗେ ରଇବା ପର୍ମେସରର୍ ବପୁକେ ଡାକ୍‌ପୁଟା କଲାଇ ।

୧୪ ବେସି ତର୍ ଅଇବା ଦୁଇ ଲମର୍ ଦୁକ୍‌କସ୍‌ଟ ସାରିଗାଲା । ମାତର ଏବେ ଦେକା ପଟର୍‌ଟା ଦାପରେ ଆଇସି ।

ସାଡ଼ଟା ମଇରି

୧୫ ତାରପତେ ସାଡ଼ ଲମର୍ ଦୁଡ଼ ତାର୍ ମଇରି ପୁକ୍‌ଲା । ଆରି ଏଦେ ଦେକା ! ସର୍‌ଗେ ଜବର୍ ଆଉଲି ଅଇବାଟା ସୁନିଅଇଲା । ଜଗତ୍‌କେ ସାସନ୍ କରବା ବପୁ ଆମର୍ ମାପୁରୁ ଆରି ତାର୍ ମସିଅକେ । ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି ।

୧୬ ତାରପତେ ପର୍ମେସରର୍ ମୁଆଟେ ବସ୍‌ବା ଜାଗାଇ ବସିରଇବା ୨୪ ଟା ପାର୍‌ଚିନ୍‌ମନ୍ ତାଣ୍ଡାସନ୍ ପଡ଼ି ତାକେ ଜୁଆର୍ କଲାଇ ।

୧୭ ସେମନ୍ ଏନ୍ତାରି କଇଲାଇ “ମାପୁରୁ ପର୍ମେସର୍ ସବୁଟାନ୍‌ନେଅନି ଉପରେ ଆଟେ । ସେ ସବୁବେଲେ ରଇଲା ଆରି ରଇସି ମିସା । ତର୍ ବଡ଼ ବପୁ ସଙ୍ଗ୍ ତୁଇ ସାସନ୍ କରବାକେ ଆରାମ୍ କଲୁସ୍ । ଆରାମ୍ କଲାପ୍‌ପାଇ ଆମେ ତକେ ଜୁଆର୍ କଲୁନି ।

☆ ୧୧:୨ ଲୁକ୍ ୨୧:୨୪ ☆ ୧୧:୭ ପଢ଼କାସିତ ୧୩:୫-୭;୧୭:୮ ☆ ୧୧:୧୩ ପଢ଼କାସିତ ୬:୧୨;୧୬:୧୮

୧୮ ଜିଉଦି ନ ଅଇଲା ଲକ୍ମନ ବେସି ରିସା ଅଇଜାଇରଇଲା ।” କାଇକେବଇଲେ ଏବେ ରିସା ଅଇବା ପାଲି ତମରଟା । ଏବେ ମଲା ଲକ୍ମନର ବିଚାର ଅଇସିବେ । ବବିସତ୍ତବକ୍ତାମନ୍ ଜେ କି ତମର ଦାଙ୍ଗତା ଅଇରଇଲାଇ, ସେମନ୍କେ ପୁରୁସକାର ଦେବା ବେଲା କେଟଲା । ତକେ ଜେଡ଼କି ନାମ୍ବା ଲକ୍, ବଡ଼ସାନ୍ ସମାନ୍ ଅଇକରି ଦରତନିକେ ବିନାସ କରିରଇବା ଲକ୍ମନ ଏବେ ନିଜେ ବିନାସ ଅଇବାଇ ।

୧୯ *ସର୍ଗେ ରଇବା ପରମେସରର୍ ମନ୍ଦିର ଉଗାଡ଼ି ଅଇଲା ଆରି ତେଇ ରାଜିନାମାର ପେଡ଼ି ଡ଼ିସଲା । ତାରପତେ ବିଜ୍ଞି ଜଟକଲା, ଗଡ଼ଗଡ଼ି ମାରଲା ଦରତନି ତୁଲ୍‌ତୁଲ୍‌ଲା ଆରି ବେସି କାରାପାକ୍ନା ମିସା ମାରଲା ।

୧୨

ମାଇଜି ଆରି ସାଁପ୍

୧ ତାରପତେ ବାଦଲେ ଗଟେକ୍ କାବାଅଇଜିବା ଚିନ୍ ଡ଼ିସଲା । ଆରି ଏଦେ ଦେକା ! ଜନ୍ ବିଡ଼ରେ ଗଟେକ୍ ମାଇଜି ଚିଆଅଇରଇବାଟା ଡ଼ିସଲା । ତାର ଲୁଗା ବେଲ୍‌ପାରା ଜକଜକି ଜାଇତେରଇଲା ।

୨ ସେ ମାଇଜି ବାରଟା ତାରା ରଇବା ମୁକୁଟ୍ ପିନ୍ଦିରଇଲା । ସେ ନିକ ଅଇବା ବେଲା ଲଗେ କେଟିରଇଲା । ଆରି ଦୁକାସୁକାରଲାଗି କାନ୍ଦତେରଇଲା ।

୩ ଆରି ବାଦଲେ କେବେ ଦେକି ନ ରଇବା ବିନ୍ ରକାମ୍ ଚିନ୍ ଡ଼ିସଲା । ଆରି ଏଦେ ଦେକା ! ସାଡ଼ଟା ମୁଣ୍ଡ ଆରି ଦସ୍‌ଟା ସିଙ୍ଗ୍ ରଇବା ଗଟେକ୍ ବଡେଟା ଅଇ ରଙ୍ଗ୍ ରଇଲା ଅସୁର୍ ସାଁପ୍ ଡ଼ିସଲା । ତାର ସାଡ଼ଟା ମୁଣ୍ଡେ ସାଡ଼ଟା ମୁକୁଟ୍ ରଇଲା ।

୪ ବାଦଲେ ରଇବା ତିନ୍ ବାଗେଅନି ଗଟେକ୍ ବାଗର୍ ତାରାମନ୍କେ ତାର ଲେଞ୍ଜି ଜିକିନେଇକରି ଦରତନିଟାନେ ପିଙ୍ଗିଦେଲା । ସେ ମାଇଜି ନିକ ଅଇଲାଦାପ୍ରେ ତାର ପିଲାକେ କାଇବି ବଲି ମାଇଜିର୍ ମୁଆଟେ ଚିଆଅଇଲା ।

୫ ତାରପତେ ସେ ମାଇଜି ଗଟେକ୍ ପିଲାକେ ଜନମ୍ ଦେଲା । ସେ ପିଲା ଜଗତର୍ ସବୁ ରାଇଜ୍ ଗଟେକ୍ ଲୁଆର୍ ତାଙ୍ଗ୍‌ସଙ୍ଗ୍ ସାସନ୍ କରସି । ମାତର୍ ଚାଡ଼ାଇକରି ପରମେସର୍ ବସୁବା ଜାଗାଇ ନିଆଅଇଲା ।

୬ ପରମେସର୍ ତାରପାଇ ଚିଆର୍ କରି ସଙ୍ଗଇରଇବା ମରୁବୁଇଁ ବାଟେ ସେ ମାଇଜି ପାଲାଇଲା । ତେଇ ୧,୨୬୦ ଦିନ୍ ଜାକ ତାକେ ଜତନ୍ ନିଆଅଇସି ।

୭ *ତାରପତେ ସରଗ୍‌ପୁରେ ଗଟେକ୍ ଜୁଇଦ୍ ଆରାମ୍ ଅଇଲା । ମିକାଏଲ୍ ଆରି ତାରଦୁଡ଼ମନ୍ ସେ ଅସୁର୍ ଆରି ତାର ଦୁଡ଼ମନ୍‌ର୍ ସଙ୍ଗ୍ ଜୁଇଦ୍ କଲାଇ ।

୮ ସେମନ୍ ସେ ଅସୁର୍କେ ଆରାଇଲାଇ । ତାକେ ଆରି ତାର ଦୁଡ଼ମନ୍‌କେ ସର୍ଗେ ରଇବାକେ ଆଦେସ୍ ନ ରଇଲା ।

୯ *ସେ ଅସୁର୍ ସାଁପ୍‌କେ ବାଇରେ ବେଟି ପିଙ୍ଗିଦେଲାଇ । ସେ ଅସୁର୍‌ସାଁପ୍ ଦିଆବଲ୍ ବଲି ଡାକ୍‌ବା ସାଁପ୍ ରଇଲା । ଜେ କି ଗୁଲାଇ ଜଗଡ଼ ନାଡ଼ାଇରଇଲା । ତାର ଦୁଡ଼ମନ୍‌କେ ଆରି ତାକେ ମିସ୍‌ତେ ଦରତନି ଉପରେ ପିଙ୍ଗିଦେଲାଇ ।

୧୦ ତାରପତେ ସର୍ଗେ ଗଟେକ୍ ଜବର୍ ସବଦ୍ ଅଇବାଟା ମୁଇ ସୁନ୍‌ଲି । ସେ ସବଦ୍ କଲା “ଏବେ ଲକ୍ମନର୍‌ପାଇ ଅଇରଇବା ପରମେସରର୍ ମୁକ୍ତି ସିଦ୍ ଅଇଲାଆଟେ । ରାଜା ଇସାବେ ତାର ବପୁ ସେ ଦେକାଇଆଟେ । ତାର ମସିଅ, ତାର ଅଦିକାର୍ ଦେକାଇଲା ଆଟେ ।” କାଇକେବଇଲେ, ଜେ କି ପରମେସରର୍ ମୁଆଟେ ଚିଆଅଇ ଆମର୍ ବାଇବଇନିମନ୍‌କେ ଦସ୍ ଦେଇତେରଇଲା, ତାକେ ସର୍ଗେଅନି ବାରକରାଇ ଦେଲାଆଟେ ।

୧୧ ମେଣ୍ଡାପିଲାର୍ ବନିରଲାଗି ଆରି ସେମନ୍ ଜାନାଇରଇବା ସତର୍ ଲାଗି ଆମର୍ ବାଇବଇନିମନ୍ ତାରସଙ୍ଗ୍ ଜୁଇଦ୍ କରି ଜିଡ଼ଲାଇ । ସେମନ୍ ମରିଜିବାଜାକ ଜାନିରଇଲେ ମିସା ବିସ୍‌ବାସ୍ କରତେରଇଲାଇ ।

୧୨ ତେବରପାଇ, ତମେ ସର୍ଗେ ରଇବା ଜେଡ଼କି ଲକ୍ ସାରଦା ଉଆ । ମାତର୍ ଦରତନିତେଇ ଆରି ସମ୍‌ଦୁରେ ରଇବା ଲକ୍ମନ ତମର୍‌ପାଇ କେଡେ ଇନସ୍‌ତାର୍ ଦିନ୍ ଆଇସି । କାଇକେବଇଲେ ତମର୍ ବିଡ଼ରେ ସଇତାନ୍ ଉଡ଼ି ଆଇଲାଆଟେ । ସେ ବେସି ରିସାଅଇଆଟେ । କାଇକେବଇଲେ ସେ ଏବେ ବେଲା ଚନେକ୍‌ସେ ଆଟେବଲି ଜାନିଆଟେ ।

୧୩ ଅସୁର୍‌ସାଁପ୍ ମକେ ଦରତନିଲଗେ ପିଙ୍ଗିଦେଲାଇ ବଲି ଜାନିକରି ପିଲାକେ ଜନମ୍‌କରିରଇବା ମାଇଜିର୍ ପର୍ ପର୍ ଜିବାରଦାରଲା ।

୧୪ ମରୁବାଲି ବୁର୍‌ତାର୍ ଜାଗାଇ କେଟ୍‌ବାକେ ଗଟେକ୍ ବଡ଼ ଗିଦର୍ ଦୁଇଟା ତେନା ତାକେ ଦିଆଅଇଲା । ତେଇ ଅସୁର୍ ସାଁପ୍ ତାକେ ନ ମିଲାଇକରି କାଇଟା ନ କଲାପାରା ତିନ୍ ବରସ୍ ଅଦା ଦିନ୍ ତାର୍ ଜତନ୍ ନିଆଅଇସି ।

୧୫ ତାରପତେ ସେ ଅସୁର୍‌ସାଁପ୍ ତାର ଟଣ୍ଡେଅନି ବନିଆ ଅଇଜିବା ଏଡ଼କି ପାନି ବାରକରାଇଲା । ଜେନ୍ତାରି କି ସେ ପାନି ସେ ମାଇଜିକେ ବଞ୍ଚିଲାଇ ନେଇସି ।

୧୬ ମାତର୍ ଦରତନି ସେ ମାଇଜିକେ ସାଇଜ କଲା । ଅସୁର୍‌ସାଁପ୍ ଟଣ୍ଡେଅନି ଆଇଲାପାନି ତାର୍ ନିଜର୍ ଟଣ୍ଡପାଡ଼ିକରି ଗିଲିଦେଲା ।

୧୭ ସେଟାରପାଇ ସେ ଅସୁର୍‌ସାଁପ୍ ବେସି ରିସାଅଇଗଲା । ଆରି ସେ ମାଇଜିର୍ ବାକିରଇବା ନାଡ଼ିଡ଼ିଡ଼ି ମନର୍ ସଙ୍ଗ୍ ଜୁଇଦ୍ କରବାର୍ ଆଇଲା । ସେମନ୍ ପରମେସରର୍ ଆଦେସ୍ ମାନିକରି ଜିସୁ ଜାନାଇରଇବା ସତ୍ ଦାରିରଇବାଇ ।

* ୧୧:୧୯ ପଢ଼କାସିତ ୮:୫;୧୭:୧୮; ପଢ଼କାସିତ ୧୭:୨୧ * ୧୨:୭ ଜିଉଦା ୧:୯ * ୧୨:୯ ଲୁକ୍ ୧୦:୧୮

୧୮ ଆରି ସେ ଅସୁରସାଁପ୍ ସମ୍ପଦୁର ବାଲିଉପରେ ଜାଇ ଚିଆ ଅଇଲା ।

୧୩

ଦୁଇଟା ପସୁ

୧ *ତାରପତେ ମୁଇ ସମ୍ପଦୁର ବିତ୍ତରେ ଅନି ଗଟେକ୍ ପସୁକେ ବାରଇଆଇବାଟା ଦେକ୍ଲି । ତାକେ ଦସ୍ତା ସିଙ୍ଗ୍ ଆରି ସାଡ଼ଟା ମୁଣ୍ଡ ରଇଲା । ତାର ସବୁ ସିଙ୍ଗେ ଗଟେକ୍ ଗଟେକ୍ ମୁକୁଟ୍ ରଇଲା । ଆରି ମୁଣ୍ଡ ଉପରେ ପର୍ମେସର୍‌କେ ନିନ୍ଦା କଲା ପାରା ବିନ୍ ବିନ୍ ରକାମର୍ ସାଡ଼ଟା ନାଉଁ ରଇଲା ।

୨ ସେ ପସୁ ଚିତାବାଗ୍ ପାରା ରଇଲା । ତାରପାଦ୍ ବାଲୁର୍ ପାଦ୍‌ପାରା, ତାର ଟଣ୍ଡ୍ ସିଅର୍ ଟଣ୍ଡ୍ ପାରା ରଇଲା । ଆରି ସେ ଅସୁରସାଁପ୍, ସେ ପସୁକେ ନିଜର୍ ବପୁ, ସିଆଁସନ୍ ଆରି ତାର ବଡ଼ ଅଦିକାର୍ ଦେଲା ।

୩ ସେ ପସୁର ଦସ୍ତା ମୁଣ୍ଡେଅନି ଗଟେକ୍ ମୁଣ୍ଡ୍ ବେସି ମାଡ଼ ଅଇରଇଲାପାରା ଡିସ୍‌ତେରଇଲା । ମାତର୍ ସେଟା ନିକ ଅଇଲା । ଗୁଲାଇ ଜଗତର୍ ଲକ୍‌ମନ୍ କାବାଅଇଜାଇକରି ତାର ପତେ ପତେ ଗାଲାଇ ।

୪ ଆରି ନିଜର୍ ଅଦିକାର୍ ସେ ପସୁକେ ଦେଲାକେ ସବୁ ଲକ୍ ଅସୁର ସାଁପ୍‌କେ ଜୁଆର୍ କଲାଇ । ଏନ୍ତାରି କଇକରି ମିସା ସେ ପସୁକେ ସେମନ୍ ଜୁଆରକଲାଇ । ଏ ପସୁର୍ ପାରା ଆରି କେ ନାଇ । ତାର ବିରଦେ ଜୁଇଦ୍ କରି କେ ମିସା ଜିତି ନାପାରଡ଼ ।

୫ ସେ ପସୁକେ ୪୨ ମାସ୍‌ଜାକ ଅଦିକାର୍ ସଙ୍ଗାଇବାକେ ଆରି ପର୍ମେସରର୍ ବିରୁଦେ ବଡ଼ପନ୍ କାତା କଇବାକେ ପର୍ମେସର୍ ଆଦେସ୍ ଦେଲା ।

୬ ସେ ପସୁ ପର୍ମେସରର୍ ନାଉଁକେ, ସେ ରଇବା ଜାଗାକେ ଆରି ସରଗେ ରଇବା ସବୁକେ ସାଇପ୍ ଦେବାର୍‌ଦାରଲା ।

୭ ପର୍ମେସର୍ ଲକ୍‌ମନ୍‌ର ସଙ୍ଗ୍ ଜୁଇଦ୍ କରି ସେମନ୍‌କେ ଆରାଇବାକେ ତାକେ ଅଦିକାର୍ ଦିଆଅଇଲା । ସବୁ ବସ୍‌ର୍ ଉପରେ, ରାଇଜର୍ ଉପରେ, ବାସା ଉପରେ ଆରି ଜାତିର୍ ପାଇ ତାକେ ଅଦିକାର୍ ଦିଆଅଇଲା ।

୮ ଦର୍ତ୍ତନିଟାନେ ରଇବା ସବୁଲକ୍ ତାକେ ଜୁଆରକରବାଇ । ଜିବନ୍ ରଇବା ଲକ୍‌ମନ୍‌ର ବଇଟାନେ ନାଉଁ ଲେକାଅଇରଇବା ଲକ୍‌ମନ୍‌ସେ ତାକେ ଜୁଆର୍ ନ କରଡ଼ । କାଇଟା ତିଆର୍ ନ ଅଇରଇବା ଆଗ୍‌ତୁ ଲେକା ଅଇଜାଇରଇଲା । ସେ ବଇ ମରାଇଜାଇରଇବା ମେଣ୍ଟାପିଲାଟା ।

୯ କାନ୍ ରଇଲା ଲକ୍ ମନ୍‌ଦିଆନ୍ କରି ସୁନା ।

୧୦ ପର୍ମେସରର୍ ଜଜ୍‌ନା ଇସାବେ ଜାର୍ କର୍ମେ ବନ୍ଦିଗରେ ରଇବାର୍ ଆତେ, ସେ ବନ୍ଦିଗରେ ଜାଇସି । ପର୍ମେସରର୍ ଜଜ୍‌ନା ଇସାବେ ଜାର୍ କର୍ମେ କାଣ୍ଟାସଙ୍ଗ୍ ମର୍‌ବାର୍‌ଆତେ, ସେ କାଣ୍ଟାସଙ୍ଗ୍ ମାରାଇଅଇସି । ମାତର୍ ପର୍ମେସରର୍ ଲକ୍ ବିସ୍‌ବାସ୍ ଦାରି ମୁର୍ଚ୍ଚିକରି ରଇବାର୍‌ଆତେ ।

୧୧ ଏଦେ ଦେକା ! ତାରପତେ ଦର୍ତ୍ତନି ଅନି ଆରିଗଟେକ୍ ପସୁ ବାରଇ ଆଇବାଟା ମୁଇ ଦେକ୍ଲି । ତାକେ ମେଣ୍ଟାପିଲାର୍ ସିଙ୍ଗ୍‌ପାରା ଦୁଇଟା ସିଙ୍ଗ୍ ରଇଲା ଆରି ଅସୁରସାଁପ୍ ପାରା କାତା କଇତେରଇଲା ।

୧୨ ଆଗ୍‌ତୁର୍ ପସୁର୍‌ପାରା ତାକେ ମିସା ଅଦିକାର୍ ରଇଲା । ସେ ଅଦିକାର୍ ସଙ୍ଗ୍ ସେ ସେବା କର୍ତ୍ତେରଇଲା । ଜଗତେ ଆରି ଜଗତେରଇବା ସବୁ ଲକ୍‌ମନ୍‌କେ, ଆଗ୍‌ତୁର୍ ପସୁକେ ଜୁଆର୍ କରା ବଲି ଡରାଇତେରଇଲା । ଏଡ଼କି ବିତ୍ତରେ ପର୍ତୁମ୍ ପସୁର୍ ଗାଉ ସୁକିଜାଇତେରଇଲା ।

୧୩ ପତର୍ ପସୁ ବଡ଼ ବଡ଼ କାବା ଅଇଜିବା କାମ୍‌ମନ୍ କଲା । ଦର୍ତ୍ତନିଟାନେ ରଇବା ସବୁଲକ୍ ଦେକ୍ଲାପାରା ସରଗେଅନି ଜଇ ବାର୍‌କରାଇତେରଇଲା ।

୧୪ ପର୍ତୁମ୍ ପସୁର୍ ମୁଆଟେ କେତେକ୍ କେତେକ୍ କାବାଅଇଜିବା କାମ୍‌ମନ୍ କର୍ବାକେ ତାକେ ଅଦିକାର୍ ରଇଲା । ସେ କାବା ଅଇଜିବା କାମ୍‌ମନ୍‌ର ଲାଗି ଦର୍ତ୍ତନିତେଇ ରଇବା ସବୁ ଲକ୍‌ମନ୍‌କେ ନାଡ଼ାଇଲା । ପର୍ତୁମ୍‌ର ପସୁ ଜେ କି କାଣ୍ଟାସଙ୍ଗ୍ ମାରି ରଇଲେ ମିସା ଜିଇ ରଇଲା, ତାକେ ଡାକ୍‌ପୁଟାପାଇ ଗଟେକ୍ ମୁର୍ଚ୍ଚି ତିଆରକରୁ ବଲି ସେ ଲକ୍‌ମନ୍‌କେ କଇଲା ।

୧୫ ପତର୍ ପସୁ ଆଗ୍‌ତୁ ତିଆର୍ କରିରଇବା ପସୁର୍ ମୁର୍ଚ୍ଚିତେଇ ପୁଣ୍ଡବାକେ ଅଦିକାର୍ ପାଇଲା । ଜେନ୍ତାରି କି ସେଡ଼ି କଲେ, ସେ ମୁର୍ଚ୍ଚି କାତା ଅଇକରି ତାକେ ଜୁଆର୍ ନ କର୍ବା ସବୁଲକ୍‌କେ ମରାଇସି ।

୧୬ ସେ ପସୁ ସାନ୍ ବଡ଼ ଲକ୍‌ମନ୍‌କେ, ସାଉକାର୍ ଆରି ଅରକିଡ଼ ଲକ୍‌ମନ୍‌କେ, ବନ୍ଦି ଆରି ମୁକ୍‌ଲିରଇବା ଲକ୍‌ମନ୍‌କେ ଆରି ସବୁକେ ତାକର୍ ଉଜାଆତେ ନଇଲେ ତାକର୍ କାପାଲେ ଗଟେକ୍ ଚିନ୍ ଗଦ୍‌ବାକେ ଡରାଇଲା ।

୧୭ ଏ ଚିନ୍ ନ ଅଇତେ କେ ମିସା ଗେନା ବିକା କରି ନାପାରଲାଇ । ଏ ଚିନ୍ ଅଇଲାନ୍, ସେ ପସୁର୍ ନାଉଁ ନଇଲେ ସେ ନାଉଁ ବାଦ୍‌ଲିରଇବା ଲମ୍‌ର୍ ।

୧୮ ସେ ପସୁର୍ ନମରର୍ ଅରଡ଼ ଗଟେକ୍ ଗିଆନ୍ ରଇବା ଲକ୍‌ସେ ଜାନିଅଇସି । କାଇକେବଇଲେ ସେ ନମର୍ ଗଟେକ୍ ଲକ୍‌ର୍ ନାଉଁର୍ ବାଦୁଲେ ଆତେ । ସେ ନମର୍ ଅଇଲାନ୍ ୨୬୬ ।

☆ ୧୩:୧ ପଢ଼କାସିତ ୧୭:୩,୭-୧୨

୧୪

ମେଣ୍ଡାପିଲାଟ ସଙ୍ଗେ ଜିବାଲକ୍

^୧ *ତାରପଟେ ମୁଇ ସିୟନ୍ ପରବତେ ମେଣ୍ଡାପିଲା ଚିଆଅଇରଇବାଟା ଦେକ୍ଲି । ତାର ସଙ୍ଗ ୧୪,୪୦୦୦ ଲକ୍ମନ ରଇଲା । ତାକର୍ କାପାଲେ ମେଣ୍ଡାପିଲାଟ ନାଉଁ ଆରି ତାର ବାବାର ନାଉଁ ଲେକିରଇଲା ।

^୨ ଆରି ସର୍ଗେ ଅନି ମୁଇ ଗଟେକ୍ ସବଦ୍ ସୁନ୍ଲି । ସେଟା ଗଟେକ୍ ଜବର୍ ଗଡ଼ଗଡ଼ି ଅଇ ବଡ଼ ସବଦର୍ ପାରା ଆରି ଜବର୍ ପାନି ଅଦରଲାପାରା ରଇଲା । ବିଶା ବାଜଲେ ସବଦ୍ ଅଇବା ଗିଡ଼ପାରା ସୁନି ଅଇଲା ।

^୩ ସେ ୧୪୪,୦୦୦ ଲକ୍ମନ ବସବା ଜାଗାର ଚାରଟା ବଠିରଇବା ପସୁମନର୍, ପାର୍ଟିନମନର୍ ମୁଆଟେ ଚିଆଅଇଲା । ସେମନ୍ ଗଟେକ୍ ନୁଆ ଗିଡ଼ କଇତେରଇଲା । ସେମନ୍ ଆକା ସେ ଗିଡ଼ ଜାନିରଇଲା । ସେମନ୍ ସେ ମୁକ୍ତି ପାଇରଇବା ଲକ୍ମନ ।

^୪ ସେମନ୍ ନିଜେ ସୁକଲ୍ ରଇଲା । ମାଇଜି ମନର୍ ସଙ୍ଗ ମିସାବିତା ଅଇକରି ନିଜ୍ଜେ ଅସୁକଲ୍ ଅଇ ନ ରଇଲା । ସେମନ୍ ପିଲାବେଣ୍ଡିଆ ପାରା ରଇଲା । ସେମନ୍ ସବୁବେଲେ ମେଣ୍ଡାପିଲାଟ ସଙ୍ଗ ଜାଇତେରଇଲା । ସେମନ୍ ମୁନୁସଜାତିର୍ ବିତରେ ପରତୁମ୍ ତର ମୁକ୍ତି ପାଇକରି ପର୍ମେସରପାଇ ଆରି ମେଣ୍ଡାପିଲାଟପାଇ ନିଜ୍ଜେ ସର୍ପି ଅଇଆତଡ଼ ।

* ସେମନ୍ କେବେ ମିସା ମିଡ଼ ନ କଅଡ଼ । କେ ମିସା ସେମନ୍ କେ ଦସ୍ ଦେଇନାପାରେ ।

ଡିନଟା ଦୁଡ଼ମନ୍

^୬ ତାରପଟେ ମୁଇ ଆରିଗଟେକ୍ ଦୁଡ଼କେ ଆକାସେ ଉଡ଼ି ଜିବାଟା ଦେକ୍ଲି । ଏ ଜଗତର୍ ସବୁ ରାଇଜେଅନି, ବାସାଇଅନି, ବଞ୍ଚେଅନି, ଜାତିଅନି ଆଇବା ସବୁ ଲକ୍ମନକେ ଜାନାଇବା ପର୍ମେସରର୍ କେବେ ନ ସାରବା ସୁବକବର୍ ଜାନାଇତେରଇଲା ।

^୭ ସେ ଆଉଲିଅଇକରି କଇଲା “ପର୍ମେସରକେ ଡାକ୍ପୁଟା କରା । ତାର ବଡ଼ ବଡ଼ କାମର୍ ପାଇ ତାକେ ଆରାଦନା କରା । ଲକ୍ମନକେ ବିଚାର କରବାକେ ତାର ବେଲା କେଟ୍ଲାଆଟେ । ସରଗ, ଦରତନି, ସମ୍ପୁର୍, ଆରି ପାଜରା ପାନି ସବୁଜାକ ସେ ତିଆରକଲାଆଟେ, ତାକେ ଜୁଆର କରା ।”

† *ଆରି ଗଟେକ୍ ଦୁଡ଼ ପରତୁମ୍ ଦୁଡ଼ ପଟେ ଗାଲା । ସେ କଇଲା “କୁରୁପନାସ୍ ଅଇଲା । ବେସି ଡାକ୍ପୁଟାରିଇବା ବାବିଲନ୍ କୁରୁପନାସ୍ ଅଇଲା ।” ତେଇର୍ ଲକ୍ମନ ବିନ୍ ଦେସର୍ ଲକ୍ମନକେ ତାକର୍ ମଦ୍ କୁଆଇଲା । ତାର ଅରଡ଼ ଅଇଲାନି, ତାକର୍ ପାରା କାରାପ୍ ଚଲାଚଲ୍ତି କରାଇଲା ।

^୯ ସେ ଦୁଇଟା ଦୁଡ଼ମନର୍ ପଟେପଟେ ଆରି ଗଟେକ୍ ଦୁଡ଼ ଆସିକରି ଆଉଲି ଅଇକରି କଇବାର ଦାରଲା, ଜେ ଜଦି ପସୁକେ କି ତାର ମୁରତିକେ ପୁଜା କରସି ଆରି ନିଜର୍ କାପାଲେ କି ତାର ଆତେ ତାର ଚିନ୍ ଗଦାଇଅଇସି,

^{୧୦} ସେମନ୍ ପର୍ମେସରର୍ ମଦ୍ କାଇବାଇ । ଜନ୍ଟାକି ପାନି ଗାବିକରି ଚପରା ନ କଲାଟା । ତାର ଡର୍ ଲାଗବା ଡଣ୍ଡ ଆରି ବଡ଼ ରିସା ସେମନ୍ ମୁରତବାଇ । ସେମନ୍ କେ କାଇ ଦୟା ନ ଦେକାଅଡ଼ । ସୁକଲ୍ ଦୁଡ଼ମନର୍ ମୁଆଟେ ଆରି ମେଣ୍ଡାପିଲାଟ ମୁଆଟେ ଗନ୍ଟାନ୍ନେ ପଡ଼ିକରି ବେସି ଦୁକ୍ କସଟ ପାଇବାଇ ।

^{୧୧} ଜଇଟାନେଅନି ଆଇବା ଦୁଆଁ, ଜନ୍ଟାକି ସେମନ୍ କେ ଦୁକ୍ କସଟ ଦେଲାନି, ସେଟା କାଲ୍ କାଲ୍ ଜୁଗ୍ ଜୁଗ୍ ଉପରେ ଜାଇତେ ରଇସି । ପସୁକେ କି ତାର ମୁରତିକେ ପୁଜାକରବା ଲକ୍ ଦିନ୍ରାତି ପୁଣି ନାପାରଡ଼ । ଜେଣ୍ଡିକ ତାର ନାଉଁର୍ ନେଇରଇବା ଲକ୍ମନପାଇ ମିସା ।

^{୧୨} ପର୍ମେସରର୍ ଲକ୍ମନ ଜନ୍ ଲକ୍ମନ କି ତାର ଆଦେସ୍ ନାମ୍ବାଇ, ଆରି ଜିସୁକେ ବିସ୍ବାସ୍ କରି ଆତଡ଼, ସେମନ୍ ମୁରତିକରି ରଇବାର ଆଟେ ।

^{୧୩} ତାରପଟେ ସର୍ଗେଅନି ମୁଇ ଏଣ୍ଡାରି ସୁନ୍ଲି । “ଏଟା ଲେକି ସଙ୍ଗଇର । ଏବେଅନି ମାପୁରୁଟାନେ ମିସ୍ଲାପଟେ ମରିଜିବାଇ ସେ ଲକ୍ମନ କେତେକ୍ କରମର୍ ଲକ୍ । ଉଁ ବଲି ଆଡ଼ମା କଇଲାନି । ଏଟା ସତଇସେ ଗଟ୍ସି, ତାକର୍ ଆବଡ଼ କାମେଅନି ଚନେକ୍ ପୁଣ୍ଡବାକେ ସେଟା ତାକର୍ ବେଲା ରଇସି । କାଇକେବଇଲେ ସେମନ୍ କରିରଇବା ନିକ କାମର୍ ଲାଗି ସେମନ୍ ପୁରୁସକାର୍ ପାଇବାଇ ।”

ପସଲ୍ ପାଟଲା

^{୧୪} ତାରପଟେ ମୁଇ ଦେକ୍ଲି, ଏଦେ ଦେକା ! ଗଟେକ୍ ଦବ୍ ବାଦଲ୍ ଡିସଲା । ଆରି ଗଟେକ୍ ନରପାରା ଡିସ୍ବା ବାଦଲ୍ ଉପରେ ବସିରଇଲା । ତାର ମୁଣ୍ଡେ ସୁନାର୍ ମୁକୁଟ୍ ଆରି ଆତେ ଗଟେକ୍ ଗଜିଆ ଇଲା ଦାରିରଇଲା ।

^{୧୫} ତାର ପଟେ ମନ୍ଦିରେଅନି ଆରି ଗଟେକ୍ ଦୁଡ଼ ବାରଇ ଆଇଲା । ଆରି ବାଦଲ୍ ଉପରେ ବସିରଇଲା ଲକ୍ କେ ଆଉଲିଅଇକରି କଇଲା “ବେଲା କେଟ୍ଲାବେ ।” ତମର୍ ପସଲ୍ ପାଟଲାଆଟେ । ତର୍ ଇଲାସଙ୍ଗ୍ ସେଟା କାଟ୍ ।

^{୧୬} ତାରପଟେ ବାଦଲେ ବସଲା ଲକ୍ ତାର ଇଲା ଦରତନି ଉପରେ ବୁଲାଇଲା । ଦରତନିର୍ ଚାସ୍ ସବୁ କାଟାଅଇଲା ।

☆ ୧୪:୧ ପଢ଼କାସିତ ୭:୩ ☆ ୧୪:୮ ପଢ଼କାସିତ ୧୮:୨

୧୭ ସରଗରୁ ମନ୍ଦିରେଅନି ଆରିଗଟେକ୍ ଦୁଡ଼ ବାରଇ ଆଇବାଟା ମୁଇ ଦେକ୍ଲି । ତାର୍ ଆତେ ମିସା ଗଟେକ୍ ଲାଗନ୍ ଇଲା ରଇଲା ।

୧୮ ତାର୍ପତେ ବେଦିଟାନେଅନି ଜଇ ଦେକାରକା କରବା ଆରିଗଟେକ୍ ଦୁଡ଼ ଆଇଲା । ସେ ଆଉଲିଅଇକରି ଲାଗନ୍ ଇଲା ଦାରିରଇବା ଦୁଡ଼କେ କଇଲା “ଦରତନିଟାନେ ରଇବା ଅଙ୍ଗୁରବାଡ଼ର୍ ଅଙ୍ଗୁର ପାଟଲାଆତେ । ତର୍ ଇଲାଦାରି କାଟିନେ ।”

୧୯ ତେବର୍ପାଇ ସେ ଦୁଡ଼ ଦରତନି ଉପରେ ତାର୍ ଇଲା ବୁଲାଇଲା । ମାଲେଅନି ଅଙ୍ଗୁର କାଟ୍ଲା । ଆରି ଅଙ୍ଗୁର ଆଜାଡ଼ବା କୁଣ୍ଡେ ଡାଲିଦେଲା । ସେ ଜାଗା ଅଇଲାନି ପର୍ମେସରର୍ ବଡ଼ ରିସାର୍ ଜାଗା ।

୨୦ ନଗରର ବାଇରେ ରଇବା କୁଣ୍ଡେ ଚକଟାଗାଲା ଜାଗାଇ, ଅଙ୍ଗୁରମନ୍ ପିତକ୍ଲାଇ ଆରି ତେଇଅନି ବନି ବାରଇଲା । ସେ ବନି ତିନ୍ଦସ କିଲମିଟର୍ ଲମ୍, ଆରି ଦୁଇମିଟର୍ କାଲ୍‌ସେଡ଼କି ବଇଗାଲା ।

୧୫

ସାରାସାରିର୍ ମର୍ଡ଼ି

୧ ଏଦେ ଦେକା ! ତାର୍ପତେ ଆକାସେ ଆରିଗଟେକ୍ କାବା ଅଇଜିବା ତିନ୍ ମୁଇ ଦେକ୍ଲି । ତେଇ ସାଡ଼ଟା ଦୁଡ଼ମନ୍‌କେ ସାଡ଼ଟା ମର୍ଡ଼ି ସର୍ପାଇ ଅଇରଇଲା । ଏ ସର୍ତେ ମର୍ଡ଼ି ସାରାସାରି ବେଲର୍ଟା । କାଇକେବଇଲେ ଏଟା ଅଇଲାନି ଦରତନି ଉପରେ ପର୍ମେସର ଆନ୍‌ବା ସାରାସାରିର୍ ଡ଼ଣ୍ଡୁ ।

୨ ତାର୍ପତେ କାଁଟ ପାରା ତିସବା ସମଦୁର୍ ସଙ୍ଗ୍ ଜଇ ମିସାଇଲା ପାରାଟା ଗଟେକ୍ ଦେକ୍ଲି । ପସୁ ଆରି ତାର୍ ମୁର୍ଡ଼ି ଉପରେ ଜୁଇଦ୍ କରି ଜିତିରଇବା ଲକ୍‌ମନ୍‌କେ ମିସା ମୁଇ ଦେକ୍ଲି । ସେ ପସୁର୍ ନାଉଁ ଗଟେକ୍ ଲମ୍‌ରର୍ ବାଦୁଲେ ରଇଲା । ସେମନ୍ କାଁଟର୍ ସମଦୁର୍ ପାଲିବାଟେ ଟିଆ ଅଇରଇଲା । ପର୍ମେସର ସେମନ୍‌କେ ଦେଇରଇବା ବିଣା ଡାକର୍ ଆତେ ରଇଲା ।

୩ ସେ ଲକ୍‌ମନ୍ ମସା ଜେ କି ପର୍ମେସରର୍ ଗତିଦାଙ୍ଗ୍‌ଡା, ତାର୍ ଗିଡ଼ ଆରି ମେଣ୍ଡାପିଲାର୍ ଗିଡ଼ ଗାଇତେରଇଲା । ମାପୁରୁ ପର୍ମେସର ଜେ କି ସବୁର୍ ଉପରେ ଆତେ, ତମେ କରବା କାମ୍ ବେସି ବଡ଼ ଆରି କାବାଅଇଜିବାଟା । ତୁଇ ରାଇଜ୍‌ମନ୍‌ର ରାଜା । ତର୍ ବାଟ୍ ସଡ଼ ଆରି ସମାନ୍ ।

୪ ତମ୍‌କେ ପର୍ମେସର ବଲି ନ ନାମ୍‌ବା ଲକ୍ କେ ନ ରଅଡ଼ । ତମ୍‌କେ ଡାକ୍‌ପୁଟା ନ କରବା ଲକ୍ କେ ନ ରଅଡ଼ । କାଇକେବଇଲେ ତମେସେ ସୁକଲ୍ । ସବୁ ରାଇଜ୍‌ର ଲକ୍‌ମନ୍ ତମ୍‌କେ ଜୁଆର୍ କରବାକେ, ତମ୍‌ର ମୁଆଟେ ରୁଣ୍ଡୁବାଇ । କାଇକେବଇଲେ ତମ୍‌ର ଦରମ୍ କାମ୍‌ମନ୍ ସବୁ ସେମନ୍ ଦେକ୍ଲାଇ ଆତଡ଼ ।

୫ ତାର୍ପତେ ସୁକଲ୍ ତମ୍ ରଇବା ସରଗରୁ ମନ୍ଦିର୍ ଉଗାଡ଼ି ଅଇରଇବାଟା ମୁଇ ଦେକ୍ଲି ।

୬ ସାଡ଼ଟା ମର୍ଡ଼ି ସର୍ପାଇ ଅଇରଇବା ସାଡ଼ଟା ଦୁଡ଼ମନ୍ ମନ୍ଦିରେ ଅନି ବାରଇଲା । ସେମନ୍ ଦବ୍ ରଇକରି ଜକ୍‌ଜକି ଜାଇତେରଇବା ବସ୍‌ତର୍ ପିନ୍ ରଇଲା । ଆରି ସୁନାର୍ ବେଲ୍‌ଟୁ ବୁକେ ବାନ୍ଧିଅଇରଇଲା ।

୭ ଚାରଟା ଜିବନ୍ ରଇବା ପସୁମନ୍ ବିଡ଼ରେ ଗଟେକ୍ ସବୁବେଲ୍‌ର ପର୍ମେସରର୍ ରିସାସଙ୍ଗ୍ ବର୍ଡ଼ି ଅଇରଇବା ସାଡ଼ଟା ସୁନାର୍ ଗିନା, ସେ ସାଡ଼ଟା ଦୁଡ଼ମନ୍‌କେ ଦେଲା ।

୮ ପର୍ମେସର ବପୁ ଆରି ତାର୍ ମଇମାର୍ ଲାଗି ମନ୍ଦିର୍ ଦୁଆଁ ସଙ୍ଗ୍ ବର୍ଡ଼ି ଅଇଲା । ସେ ସାଡ଼ଟା ଦୁଡ଼ମନ୍ ସାଡ଼ଟା ମର୍ଡ଼ି ନ ସାରାଇବା ଜାକ, ମନ୍ଦିର୍ ବିଡ଼ରେ କେ ପୁରିନାପାରଲା ।

୧୬

ପର୍ମେସରର୍ ଗିନାର୍ ରିସା

୧ ତାର୍ପତେ ଗଟେକ୍ ମନ୍ଦିରେଅନି ଗଟେକ୍ ଜବର୍ ସବଦ୍ ସେ ସାଡ଼ଟା ଦୁଡ଼ମନ୍‌କେ କାତା ଅଇବାଟା ମୁଇ ସୁନ୍‌ଲି । “ଜାଆ ଆରି ପର୍ମେସରର୍ ରିସା ବର୍ଡ଼ି ଅଇରଇବା ସାଡ଼ଟା ଗିନା ଦରତନି ଉପରେ ଆଜାଡ଼ିଦେସ୍ ।”

୨ ପର୍ମଦୁମ୍ ଦୁଡ଼ ଗାଲା ଆରି ତାର୍ ରିସାର୍ ଗିନା ଦରତନି ଉପରେ ଆଜାଡ଼ିଦେଲା । ଆରି ଏଦେ ଦେକା ! ଜନ୍ ଲକ୍‌ମନ୍ ଜେ କି ପସୁର୍ ତିନ୍ ଗଦିଅଇରଇଲା ଆରି ତାର୍ ମୁର୍ଡ଼ିକେ ଜୁଆର୍ କର୍ତେରଇଲା, ଡାକର୍ ଗାଗ୍‌ଡେ ମୁର୍ଡ଼ି ନାପାରଲା ପାରା ଉଟାନ୍ ବାରଇଲା ।

୩ ତାର୍ପତେ ଦୁଇ ଲମ୍‌ର ଦୁଡ଼ ତାର୍ ରିସାର୍ ଗିନା ସମଦୁରେ ଆଜାଡ଼ି ଦେଲା । ଆରି ଏଦେ ଦେକା ! ତେଇର୍ ପାନି ମଲାଲକର୍ ବନିପାରା ଅଇଗାଲା । ଆରି ସମଦୁରେ ରଇବା ଜୁଡ଼ିଆଦ୍ ମରିଗାଲା ।

୪ ତାର୍ପତେ ତିନ୍ ଲମ୍‌ର ଦୁଡ଼ ତାର୍ ରିସାର୍ ଗିନା ଗାଡ଼ମନ୍‌କେ ଆରି ପାଜ୍‌ରାମନ୍‌କେ ଆଜାଡ଼ିଦେଲା । ସେଟାମନ୍‌ର ପାନି ସବୁ ବନି ଅଇଗାଲା ।

୫ ତାର୍ପତେ ପାନି ଦେକାରକା କରବା ଦୁଡ଼ ଏନ୍ଧାରି କଇବାଟା ମୁଇ ସୁନ୍‌ଲି “ଏ ସୁକଲ୍ ରଇବା ପର୍ମେସର ତମେ ଆଗେଅନି ଆରି ଏବେ ମିସା ଆଗାସ୍ । ତମ୍‌ର ବିଚାର୍‌ନା ଟିକ୍ ଆତେ ।

☆ ୧୪:୨୦ ପଢ଼କାସିତ ୧୯:୧୫

୭ ପରମେସର ଲକ୍ମନର ଆରି ବବିସତ୍ତବକ୍ତାମନର ବନି ଡାଲିଦେଲା । ତେବରପାଇ ତମେ ସେମନକେ କାଇବାକେ ବନି ଦେଇଆଗାସ୍ । ସେମନ୍ କରିରଇବା କାମର ପଲ୍ ସେମନ୍ ଆକା ପାଇଲା ଆତତ୍ ।”

୮ ତାରପତେ ବେଦିଟାନେଅନି ଗଟେକ୍ ସବଦ୍ ମୁଇ ସୁନ୍ଲି । “ମାପୁରୁ ପରମେସର ଜେ କି ସବୁର ଉପରେ ଆରେ, ତମର ବିଚାରନା ସମାନ ଆରି ସତ୍ ।”

୯ ତାରପତେ ଚାରି ଲମର ଦୁଡ୍ ତାର ରିସାର ଗିନା ବେଲ୍ ଉପରେ ଆଜାଡୁଲା । ଆରି ଏଦେ ଦେକା ! ତାର ଅପରବଲ୍ ତାତି ସଙ୍ଗ୍ ଲକ୍ମନକେ ପତାଇଦେବାକେ ବେଲ୍ ଆଦେସ୍ ପାଇଲା ।

୧୦ ସେ ଅପରବଲ୍ ତାତିର ଲାଗି ସେମନ୍ ପଡିଗାଲା । ଆରି ପରମେସର ନାଉଁ ଦାରି ସାଇପ୍ ଦେଲା । କାଇକେବଇଲେ ଏ ସବୁର ମରତି ଉପରେ ତାରଆକା ଅଦିକାର ରଇଲା । ମାତର ସେମନ୍ ଏନ୍ତାର ଅଇଲା ମସିଆ ତାକର ପାପେଅନି ବାଉଡ଼ନାଇ । ଆରି ପରମେସର ବଡ଼ କାମ୍ କେ ମାନଡ଼ନାଇ ।

୧୧ ତାରପତେ ପାଁର ଲମର ଦୁଡ୍ ତାର ରିସାର ଗିନା ପସୁର ବସବା ଜାଗାର ଉପରେ ଆଜାଡିଦେଲା । ଆରି ଏଦେ ଦେକା ! ପସୁର ରାଇଜେ ଆନ୍ଦାର ତାବିଅଇଦେଲା । ଆରି ଦୁକାର ଲାଗି ଲକ୍ମନ ନିଜର ନିଜର ଜିବ୍ ଚାବିଅଇଦେଲା ।

୧୨ ତାକର ଦୁକା ଆରି ଉଟାନର ଲାଗି ସରଗର ପରମେସରକେ ସେମନ୍ ସାଇପ୍ ଦେଲା । ମାତର ତାକର କାରାପ୍ ଚଲାଚଲ୍ତିର ଲାଗି ସେମନ୍ ବାଉଡ଼ନାଇ ।

୧୩ ତାରପତେ ଚଅ ଲମର ଦୁଡ୍ ତାର ରିସାର ଗିନା ଇଉପରଟିସ୍ ନାଉଁର ଗଟେକ୍ ବଡ଼ଗାଡେ ଆଜାଡିଦେଲା । ଆରି ଏଦେ ଦେକା ! ସେ ଗାତର ପାନି ଆଁଟିଗାଲା । ସେନ୍ତାରି ପୁରବେଅନି ଜନ୍ ରାଜାମନ୍ ଆରି ତାକର ସନିଅମନ୍ ଆଇବାର ରଇଲା, ସେମନପାଇ ବାଟ୍ ତିଆରଅଇଲା ।

୧୪ ତାରପତେ ତିନଟା ବେଙ୍ଗପାରା ତିସବା ଅସୁକଲ୍ ଆଡ଼ମାନକେ ମୁଇ ଦେକଲି । ସେମନ୍ ଅସୁରସାଁପର ଟଣ୍ଡେଅନି, ପସୁର ଟଣ୍ଡେଅନି ଆରି ମିଟ୍ କଇବା ବବିସତ୍ତବକ୍ତାର ଟଣ୍ଡେଅନି ବାରଇ ଆଇଡେରଇଲା ।

୧୫ ସେମନ୍ କାବାଅଇଜିବା କାମ୍ କରବା ତୁମାମନର ଆଡ଼ମାମନ୍ । ଏ ତିନଟା ଆଡ଼ମା ଜଗଡେ ରଇବା ସବୁ ରାଜାମନରଟାନେ ଗାଲା । ବେସି ବପୁ ରଇବା ପରମେସର ବଡ଼ ଦିନର ଜୁଇଦେ ସେ ଆଡ଼ମାମନ୍ ସବୁ ରାଜାମନକେ ଚୁଲିଆଇ ଆନ୍ଦାଲ ।

୧୬ *ସୁନା, ମୁଇ ଚର୍ ପାରା ଆଇଲିନି । ଜନ୍ ଲକ୍ମନ ଜାଗରତ୍ ରଇକରି ତାକର ବସତର ଜାଗରତା କରି ସଙ୍ଗାଇବାଇ, ସେମନ୍ କେଡେକ୍ କରମର ଲକ୍ମନ । ମୁଇ ଆଇବା ଦିନେ ସେମନ୍ ଗଟେକ୍ ତୁମ୍ଣା ଅଇକରି ଏନେଡେନେ ଚୁଲିବା ଲକ୍ ପାରା ନ ରଏ । ଆରି ସେମନ୍ ଲକ୍ମନକେ ଦେକି ଲାଜ୍ ନ ଅଅଡ୍ ।

୧୭ ତାରପତେ ଆଡ଼ମାମନ୍ ସବୁ ରାଜାମନକେ ଗଟେକ୍ ଜାଗାଇ ଚୁଲିଆଇ ଆନ୍ଦଲା । ଏବ୍ରି ବାସାଇ ସେ ଜାଗାର ନାଉଁ ଅଇଲାନି ଅମିଗରଦନ୍ ।

୧୮ ତାରପତେ ସାଡ଼ ଲମର ଦୁଡ୍, ତାର ରିସାର ଗିନା ପବନେ ଆଜାଡିଦେଲା । ଆରି ଏଦେ ଦେକା !! ମନ୍ଦିରେ ରଇବା ବସବା ଜାଗାଇ ଅନି ଗଟେକ୍ ବଡ଼ ସବଦ୍ ଆଇଲା । “ସେଟା ସବୁ ସାରିଗାଲା !”

୧୯ *ଦାପ୍ରେ ବିଜୁଲି ମାରଲା, ଗଡ଼ଗତି ମାରଲା ଆରି ବେସି ଦରତନି ଚୁଲ୍ଚୁଲ୍ଲା । ମୁନୁସ୍ ଜାତି ତିଆର୍ କଲାଡେଅନି ଏନ୍ତାରି ଦରତନି ଚୁଲ୍ଚୁଲ୍ବାଟା କେବେ ନ ଅଇରଇଲା । ଏଟା ସବୁଟାନେ ଅନି କାରାପ୍ ରଇଲା ।

୨୦ ସେ ବଡ଼ ନଅର ତିନବାଗ୍ ଅଇଗାଲା । ସବୁ ଦେସର, ସବୁ ରାଇଜର ନଅରମନ୍, ବିନାସ୍ ଅଇଗାଲା । ପରମେସର ତାକ୍ପୁଟା ରଇବା ବାବିଲନକେ ଏତାଇଲା । ଆରି ତାର ଗିନାଇଅନି ତାକେ ମଦ୍ କୁଆଇଲା । ଏଟାର ଅରତ୍ ଅଇଲାନି, ତାର ରିସାଇଅନି ଆଇବା ବଡ଼ ଡଣ୍ଡ ସେମନ୍ ପାଇବାଇ ।

୨୧ *ସମ୍ପଦୁର ମଜାଇ ରଇବା ସୁକ୍ଲା ଜାଗାମନ୍ ସବୁ କୁପ୍ଲି, କି ଡଙ୍ଗରମନ୍ ନ ରଇଲା ।

୨୨ *ଆକାସେଅନି ପଟାସ୍ କେଜି ଲାକା ରଇବା କାରାପାକ୍ନାମନ୍ ଲକ୍ମନର ଉପରେ ଅଦରଲା । କାରାପାକ୍ନା ଅଦରଲା ବିପଦରଲାଗି ଲକ୍ମନ ପରମେସରକେ ସାଇପ୍ ଦେଲା । କାଇକେବଇଲେ ସେଟାଗଟେକ୍ ବଡ଼ ବିପଦ୍ ରଇଲା ।

୧୭

ତାକ୍ପୁଟା ବେସିଆ

୧ ତାରପତେ ସାଡ଼ଟା ଗିନାଦାରିରଇବା ସାଡ଼ଟା ଦୁଡ଼ମନର ବିଡ଼ରେ ଅନି ଗଟେକ୍ ଦୁଡ଼ ମକେ ଆସିକରି କଇଲା, “ଇତି ଆଉ ।” ସେ ତାକ୍ପୁଟାର ବେସିଆ କେନ୍ତାରି ଡଣ୍ଡ ପାଇସି, ସେଟା ମୁଇ ତକେ ଦେକାଇବି । ବେସି ଗାଡ଼ମନ୍ ମିସିରଇବା ଜାଗାଇ ସେ ନଅର ତିଆର୍ ଅଇଲାଆଟେ ।

୨ ଜଗତର ରାଜାମନ୍ ତାର ସଙ୍ଗ୍ ବେସିଆ କାମ୍ କଲା । ଜଗତର ଲକ୍ମନ ତାର ମଦ୍ କାଇକରି ମାଡ଼ଲା । ତାର ଅରତ୍ ଅଇଲାନି, ତାକର କାରାପ୍ ଚଲାଚଲ୍ତିକେ ସେମନ୍ ମାନିଲା ।

* ୧୭:୧୫ ମାଡିଉ ୨୪:୪୩,୪୪; ଲୁକ୍ ୧୨:୩୯,୪୦; ପରକାସିତ ୩:୩ * ୧୭:୧୮ ପରକାସିତ ୮:୫;୧୧:୧୩,୧୯ * ୧୭:୨୦ ପରକାସିତ ୭:୧୪ * ୧୭:୨୧ ପରକାସିତ ୧୧:୧୯

୩ ✨ମକେ ଆତ୍ମା ଦାରିଦେଲା ଆରି ଦୁଃ ମକେ ମରୁବାଲି ବୁଝି ଡାକିନେଲା । ଆରି ଏଦେ ଦେକା ! ତେଇ ରଙ୍ଗ ପସୁର ଉପରେ ଗଟେକ୍ ମାଲଜି ବସିରଇବାଟା ମୁଇ ଦେକଲି । ତାକେ ସାତଟା ମୁଣ୍ଡ ଆରି ଦସଟା ସିଙ୍ଗ ରଇଲା । ପରମେସରକେ ନିନ୍ଦାକରବା ନାଉଁ ସେ ପସୁର ଉପରେ ଲେକାଅଇରଇଲା ।

୪ ସେ ମାଲଜି ରଙ୍ଗ ଆରି ଜାମ୍‌କଲି ରଙ୍ଗର ବସତର ପିନ୍ଧିରଇଲା । ସେ ବେସି ସୁନାବାନା, ଆରି ବେସି ଦାମ୍ ଦେଇରଇବା ଇରାନିଲା ପିନ୍ଧିରଇଲା । ତାର୍ ଆତେ ସୁନାର୍ ଗିନା ଦାରିରଇଲା । ସେ କରିରଇବା ବେସିଆ କାମ୍‌ମନ୍ ଆରି କାରାପ୍ କାମ୍‌ମନ୍ ସେ ଗିନାଇ ବରୁଡିଅଇରଇଲା ।

୫ ତାର୍ କାପାଲେ ଲେକିରଇବା ନାଉଁ କେ ନାଜାନ୍‌ବା ଗଟେକ୍ ଅରଡ୍ ରଇଲା । “ଏ ଡାକ୍‌ପୁଟାର୍ ବାବିଲନ୍ !” ଜଗତେ କରିରଇବା ସବୁ ବେସିଆ କାମ୍‌ର ଆରି କରାପ୍ କାମ୍‌ର ଆୟା ତୁଇସେ ।

୬ ଆରି ସେ ମାଲଜି ପରମେସରର୍ ଲକ୍‌ମନର୍ ବନି କାଇ ମାତିରଇବାଟା ମୁଇ ଦେକଲି । ଜିସୁକେ ବିସ୍‌ବାସ୍ କରି ସାଦ୍‌ବାନ୍ ଅଇ ମରିଜାଇରଇବା ଲକ୍‌ମନର୍ ବନି କାଇକରି ମିସା ସେ ମାତିରଇଲା । ମୁଇ ତାକେ ଦେକିକରି କାବା ଅଇଗାଲି ।

୭ ଦୁଃ ମକେ ପାଗାରଲା, “କାଇକେ ତୁଇ କାବା ଅଇଗାଲୁସ୍ ? ଏ ମାଲଜିର୍ ଆରି ତାକେ ଦାରିରଇବା ପସୁର କେ ନାଜାନି ରଇବା ଅରଡ୍ ମୁଇ ତକେ କଇଦେବି ।” ସେ ପସୁକେ ସାତଟା ମୁଣ୍ଡ ଆରି ଦସଟା ସିଙ୍ଗ ରଇଲା ।

୮ ✨ଆଗତୁ ତରେକ୍ ସେ ପସୁ ବଠିରଇଲା । ମାତର୍ ଏବେ ଆରି ସେ ନ ବଠି । ପାତାଲେଅନି ସେଟା ବାରଇ ଆଇସି । ତାକେ ଆରି ତରେକ୍ ସେ ଡଣ୍ଡ ପାଇବା ଜାଗାଇ ନିଆଅଇସି । ଜଗତେରଇବା ଲକ୍‌ମନ୍, ସବୁ ତିଆର୍ ନ ଅଇବା ଆଗତୁ, ଜାର୍ ନାଉଁ ଜିବନ୍‌ରଇବା ବଇଟାନ୍‌ନେ ଲେକାଅଡ୍‌ନାଇ, ସେମନ୍ ସେ ପସୁକେ ଦେକି କାବାଅଇଜିବାଇ । କାଇକେବଇଲେ ସେ ଆଗତୁ ବଠିରଇଲା, ଏବେ ଆରି ସେଟା ବଠିରଏନାଇ । ମାତର୍ ସେଟା ଆରିତରେକ୍ ଆଇସି ।

୯ “ଗଟେକ୍ ଗିଆନ୍ ରଇବା ଆରି ଚିନ୍ତା କରବା ଲକ୍‌ସେ ଏଟା ବୁଢିପାରସି । ସେ ସାତଟା ମୁଣ୍ଡର୍ ଅରଡ୍ ଅଇଲାନି, ସେ ମାଲଜି ବସ୍‌ବା ସାତଟା କୁପ୍‌ଲି । ସେଟା ଅଇଲାନି ସାତଟା ରାଜାମନ୍ ମିସା ।

୧୦ ସେ ସାତଟା ରାଜାମନର୍ ବିଡ୍‌ରେ ଅନି ପାଁଟା ରାଜା ବୁଡିଗାଲାଇ । ଗଟେକ୍ ଏବେ ମିସା ସାସନ୍ କଲାନ୍ତି । ସାରାସାରିଟା ଏବେଜାକ ଆସେନାଇତା । ସେ ଆଇଲେ ଚନେକର୍‌ପାଇ ସାସନ୍ କରବାର୍‌ଆତେ ।

୧୧ ଆରି ଜନ୍ ପସୁ ଜେ କି ଆଗତୁ ବଠିରଇଲା, ଆରି ଏବେ ସେ ବଠିନେଇ, ସେ ଅଇଲାନି ଆଟ୍ ଲମ୍‌ର ରାଜା । ସାତଟା ରାଜାମନର୍ ବିଡ୍‌ରେଅନି ସେ ଗଟେକ୍ । ଆରି ସେ ମିସା ବୁଡିଜାଇସି ।”

୧୨ ଜନ୍ ଦସଟା ସିଙ୍ଗ ତୁଇ ଦେକିରଇଲୁସ୍, ସେଟା ଅଇଲାନି ଦସଟା ରାଜା । ସେମନ୍ ଏବେଜାକ ରାଇଜେ ସାସନ୍ କରଡ୍ ନାଇତା । ମାତର୍ ପସୁସଙ୍ଗ ରାଜା ଇସାବେ ଗଟେକ୍ ଗଟା ସାସନ୍ କରବାକେ ଅଦିକାର୍ ଦିଆଅଇସି ।

୧୩ ଏ ସବୁ ଦସଟା ରାଜାମନ୍କେ ଗଟେକ୍ ଆକା ଆଦେସ୍ ଆତେ । ତାକର୍ ସବୁ ବପୁ ଆରି ଅଦିକାର୍ ପସୁକେ ଦେବାଇ ।

୧୪ ସେମନ୍ ମେଣ୍ଡାପିଲାର୍ ବିରୁଦେ ଜୁଇଦ୍ କରବାଇ । ମାତର୍ ମେଣ୍ଡାପିଲା ସେମନ୍‌କେ ଆରାଇସି । କାଇକେବଇଲେ ସେ ସବୁ ମାପୁରୁମନର୍ ଟାନେଅନି ଉତେ ରଇବା ମାପୁରୁ । ଆରି ରାଜା ମନର୍‌ଟାନେ ଅନି ଉପରେ ରଇବା ରାଜା । ତାର୍ ଜେଡ୍‌କି ସିସ୍‌ମନ୍‌କେ ସେ ଡାକିକରି ବାଟ୍‌ଲାଆତେ, ଆରି ତାକେ ସଡ୍ ସଙ୍ଗ ନାମ୍‌ବାଇ, ସେମନର୍ ସଙ୍ଗ ସେ ଜୁଇଦ୍ କରସି ।

୧୫ ଦୁଃ ଏନ୍ତାରି ମିସା ମକେ କଇଲା, ତୁଇ ଜନ୍ ପାନି ଉପରେ ବେସିଆ ବସିରଇବାଟା ଦେକ୍‌ଲୁସ୍, ସେଟା ଅଇଲାନି ଏ ଜଗତର୍ ରାଇଜ୍‌ମନ୍, ଲକ୍‌ମନ୍, ଜାତିମନ୍ ଆରି ବାସାମନ୍ ।

୧୬ ତୁଇ ଦେକିରଇବା ଦସଟା ସିଙ୍ଗ ଆରି ସେ ପସୁ, ବେସିଆକେ ଗିନ୍ କରବାଇ । ତାର୍‌ଟାନେ ରଇବାଟା ସବୁ ଚାଡାଇନେଇ ଡୁମ୍‌ଣ୍ଡା କରବାଇ । ତାର୍ ମାଉଁସ୍ କାଇକରି ତାକେ ଜଇଟାନେ ପଡାଇଦେବାଇ ।

୧୭ କାଇକେବଇଲେ ପରମେସର୍ ତାର୍ ଜଜ୍‌ନା ପୁରାପୁରନ୍ କରବାକେ ସେମନର୍ ମନ୍‌କେ ଏ କାତାଦେଇ ପାଟାଇଆତେ । ସେମନ୍ ଗଟେକ୍ ଅଇ କାମ୍ କରବାଇ । ପରମେସରର୍ ବାକିଅ ସିଦ୍ ଅଇବାଜାକ ତାର୍ ରାଇଜର୍ ସାସନ୍ କରବା ବପୁ, ପସୁକେ ଦେଲାଆତେ ।

୧୮ ଆରି ଜନ୍ ମାଲଜିକେ ତୁଇ ଦେକ୍‌ଲୁସ୍, ସେ ଅଇଲାନି, ଜଗତର୍ ରାଜାମନ୍କେ ସାସନ୍ କରବା ସେ ବଡ୍ ନଅର୍ ।

୧୮

ବାବିଲନ୍ ବୁଡିଗାଲାଟା

୧ ତାର୍‌ପତେ ଏଦେ ଦେକା ! ସର୍‌ଗେଅନି ଆରି ଗଟେକ୍ ଦୁଃ ଉଡ୍‌ରିଆଇବାଟା ମୁଇ ଦେକଲି । ତାକେ ବେସି ଅଦିକାର୍ ରଇଲା । ଆରି ତାର୍ ଉଜଲ୍ ଗୁଲାଇ ଜଗତେ ବରୁଡି ଅଇଗାଲା ।

☆ ୧୭:୩ ପରକାସିତ ୧୩:୧ ☆ ୧୭:୮ ପରକାସିତ ୧୧:୭

୨ ☆ସେ ବେସି ଆକ୍‌ମାରି କଇଲା, “ତାର ଦସା ଅଇଲା ଆଚେ ! ସେ ବଡ଼ ବାବିଲନ୍ ମାଟିଲଗେ ମିସି ରୁନ୍‌ରୁନା ଅଇଗାଲାବେ ! ସେଟା ଏବେ ମାଟିବିଡ଼ରେ ତପିଅଇ ଗାଲାବେ ! ତାକେ ଏବେ ତୁମାମନ୍ ଆରି ଅସୁକଲ୍ ଆଡ଼ମାମନ୍ ବାଦାଦେଲାଇନି । ସବୁ ରକାମର୍ ଅସୁକଲ୍ ଆରି ଗିନକର୍‌ବା ଚଡ଼ଇମନ୍ ତାର ବିଡ଼ରେ ବାସା ଅଇଆଚଡ଼ ।

୩ କାଇକେବଇଲେ ଜଗତର୍ ସବୁ ରାଇଜ୍‌ମନ୍, ତାର ମଦ୍ କାଇ ମାଡ଼ିଜାଇଆଚଡ଼ । ଏଟାର୍ ଅରଡ଼ ଅଇଲାନି ତାର କାରାପ୍ ଚଲାଚଲ୍‌ତି ମାନ୍‌ବାକେ ସେମନ୍‌କେ ସୁଡ଼ରାଇଲା । ଜଗତର୍ ରାଜାମନ୍ ତାର ସଙ୍ଗ୍ ବେସିଆ କାମ୍ କର୍‌ବାର୍ ଅବିଆସ୍ କଲା । ଜନ୍ ସଁପତି ପାଇବା ଆସାଇଅନି ଏ ଜଗତର୍ ବେବାର୍‌ମନ୍ ସାଉକାର୍ ଅଇଗାଲା ।”

୪ ତାର୍‌ପଚେ ସର୍‌ଗେ ଅନି ଆରି ଗଟେକ୍ ସବଦ୍ ଏନ୍ତାରି କଇବାଟା ମୁଇ ସୁନ୍‌ଲି । “ମର୍ ଲକ୍‌ମନ୍ ତାର୍‌ଟାନେଅନି ବାରଇ ଆସା । ତମେ ଜଦି ତାର୍ ପାପେ ମିସ୍‌ଲେ, ସେ ପାଇବା ତଣ୍ଡେ ମିସ୍‌ସା ।

୫ କାଇକେବଇଲେ ତାର୍ ସବୁଜାକ ପାପ୍ କୁପା କୁଡ଼ାଇଲା ପାରା ସର୍‌ଗେ ଜାକ କେଟ୍‌ଲା ଆଚେ । ଆରି ପର୍‌ମେସର୍ ତାକର୍ କାରାପ୍ ଚଲାଚଲ୍‌ତି ଏତାଇଲାନି ।

୬ ତାର୍ କରିରଇବା କାମର୍ ଲାଗି ତାକେ ବାଉଡ଼ାଇ ଦିଆଅଇସି । ଆରି ସେ ସମାନ୍ ତଣ୍ଡ ପାଇସି । ଲକ୍‌ମନ୍‌କେ ଦୁକ୍‌କସ୍‌ଟ ଦେବାକେ ସେ ଜାଇଜାଇଟା କଲାଆଚେ, ସେଟା ତାକେ ଦୁଇ ଗୁନ୍ ଇସାବେ ବାଉଡ଼ାଇ ଦିଆଅଇସି । ସେ ଜେଡ଼କି କାରୁର୍ ମଦ୍ ବିନ୍ ଲକ୍‌ମନ୍‌କେ କାଇବାକେ ଦେଇତେରଇଲା, ତାର୍ ଦୁଇଗୁନ୍ ଅଦିକାର୍‌ଟା ତାକେ କାଇବାକେ ଦିଆଅଇସି ।

୭ ତାର୍ ଜେଡ଼କି ଦନ୍ ସଁପତି ଆରି ବଡ଼ପନ୍ ଆଚେ, ସେ ଇସାବେ ତାର୍ ଦୁକ୍ କସ୍‌ଟ ଆରି କାକୁର୍‌ତି ରଇସି । ସେ ନିଜ୍‌କେ କଇସି ‘ମୁଇ ଇତି ସାସନ୍ କର୍‌ବା ଗଟେକ୍ ରାନି ।’ ରାଣ୍ଡି ଅଇଲିଆଚି ଜେ ମୁଇ କାନ୍‌ବି ?

୮ ସେଟାର୍‌ପାଇବଲି ଦିନେକ୍ ବିଡ଼ରେ ତାକେ ମର୍ଡ଼ି, ରଗ୍‌ଦୁକା, କାକୁର୍‌ତି ଆରି ଇନସତା ଆଇସି । ଆରି ସେ ଜଇଟାନେ ପଡ଼ିଜାଇସି । କାଇକେବଇଲେ ବେସି ବପୁର୍ ମାପ୍‌ରୁ ପର୍‌ମେସର୍ ତାକେ ବିଚାର୍‌ନା କର୍‌ସି ।”

୯ ତାର୍ ବେସିଆ କାମେ ଆରି ଲାଲ୍‌ସା ଅଇ ମିସ୍‌ଲା ଜେଡ଼କି ରାଜାମନ୍ ସେ ଜଇଲଗେ ପଡ଼ଲାତେଇଅନି ବାରଇବା ଦୁଆଁ ଦେକିକରି ଆକ୍‌ମାରି କାନ୍‌ବାଇ ।

୧୦ ସେମନ୍ ଆମେମିସା ତଣ୍ଡ ପାଇବୁ ବଲି ତରିକରି ଦୁରିକେ ଟିଆଅଇ କଇବାଇ, “ଏଟା କାଇ ଇନସତା, କାଇ କାକୁର୍‌ତି, ଏ ବଡ଼ ଅଇକରି ସୁନ୍‌ର୍ ବାବିଲନ୍ । ତୁଇ ପାଇବା ତଣ୍ଡ ଅଟାଡ଼ ଅଇଗାଲା । କାଇକେବଇଲେ ଗଟେକ୍ ଗଟା ବିଡ଼ରେ ତୁଇ କୁରୁପ୍‌ନାସ୍ ଅଇଗାଲୁସ୍ ।”

୧୧ “ଏ ଜଗତର୍ ବେବାର୍‌ମନ୍ ତାର୍‌ପାରା ଦୁକ୍ ଅଇକରି କାନ୍‌ଲାଇନି । କାଇକେବଇଲେ ତାକର୍ ଜିନିସ୍ ଆରି କେ ନ ଗେନଡ଼ ।”

୧୨ ତାକର୍ ସୁନାବାନା, ତାକର୍ ରୁପା, ଜବର୍ ଦାମ୍ ଦେଇରଇବା ଇରା ମଡ଼ିମନ୍, ସିଲ୍‌କୁ ଲୁଗା, ଜାମ୍‌କଲି ରଙ୍ଗର୍ ବସ୍‌ତର୍, ରଙ୍ଗୁଆ ବସ୍‌ତର୍, ବିନ୍ ବିନ୍ ରକାମର୍ ବେସି ଦାମ୍ ଦେବା ବାସନା ଗର୍, ଆଁତିର୍ ଦାଡ଼ାଇଅନି ଜବର୍ ଦାମ୍‌ଦେବାଟାମନ୍, ଗଟେଅନି, ପିତଲେଅନି, ଲୁଆଇଅନି, ମାର୍‌ବଲ୍ ପାକ୍‌ନାଇ ଅନି, ଡିଆର୍ କରିରଇବାଟା, ବିନ୍ ବିନ୍ ଜିନିସ୍ କେ ମିସା ନ ଗେନଡ଼ ।

୧୩ ଡାଲ୍‌ଟିନି, ବିନ୍ ବିନ୍ ରକାମର୍ ମସ୍‌ଲା, ଦୁପ୍, ବାସ୍‌ନାଦେବା ଦିନ୍‌ସୁ, ଟୁଣ୍ଡରି, ଅଙ୍ଗୁର୍ ମଦ୍, ଚିକନ୍, ଅଟା, ଗାଁମ୍, ଗରୁ, ମେଣ୍ଡା, ଗଡ଼ା, ରଡ଼, ଏନ୍ତାରିକି ଗତିକର୍‌ବା ଦାଙ୍ଗ୍‌ଡ଼ା ଆରି ଲକ୍‌ମନ୍‌କେ ମିସା ଜାକେ କି ସେମନ୍ ଗତିଦାଙ୍ଗ୍‌ଡ଼ା କରି ବିକ୍‌ବାଇ, ସେମନ୍‌କେ ମିସା ଗେନି ନେବାକେ କେ ନ ବାରଅଡ଼ ।

୧୪ ବେବାର୍‌ମନ୍ ତାକେ କଇଲା, “ଜନ୍ ସବୁ ଜିନିସ୍ ତମେ ନିଜର୍ କର୍‌ବାକେ ମନ୍ କର୍‌ତେରଇଲାସ୍, ସେଟା ସବୁ ପୁରାପୁରନ୍ ନସ୍‌ଟ ଅଇଗାଲା । ତମର୍ ଦନ୍ ସଁପତି ନସିଗାଲା ଆରି ଜେଡ଼କି ଜିନିସ୍ ତମ୍‌କେ ସାର୍‌ଦା କରାଇତେରଇଲା, ସେଟାମନ୍ ଆରି ନ ତିସେ ।”

୧୫ ସେ ନଅରେ ବେବାର୍ କରି ବେବାର୍‌ମନ୍ ଜେଡ଼କି ସାଉକାର୍ ଅଇଗାଲା, ସେ ନଅରର୍ ତଣ୍ଡେ, ସେମନ୍‌କେ ମିସାଇବାଇ ବଲି ତରିକରି ସେମନ୍ ଦୁରିକେ ରଇବାଇ । ସେମନ୍ ଆକ୍‌ମାରି କାନ୍‌ବାଇ ।

୧୬ ଆରି ଏନ୍ତାରି କଇବାଇ “ଏଟା କାଇ ଇନସତା ! ଏ ବଡ଼ ନଅରର୍ ପାଇ କାଇ କାକୁର୍‌ତି ? ତେଇର୍ ଲକ୍‌ମନ୍ ଜାମ୍‌କଲିଆ ରଙ୍ଗର୍ ଆରି ଦବ୍ ସିଲ୍‌କୁ ଲୁଗା ପିନ୍‌ତେରଇଲା । ସେମନ୍ ସୁନା ଆରି ବେସି ଦାମ୍ ଦେବା ଇରା ମୁକ୍‌ତାମନ୍ ପିନ୍‌ରଇଲା ।

୧୭ ମାତର୍ ଗଟେକ୍ ଗଟା ବିଡ଼ରେ ତାକର୍ ସବୁ ଦନ୍ ସଁପତି କୁରୁପ୍‌ନାସ୍ ଅଇଗାଲା । ପାନିଜାଜ୍ ଚାଲାଉମନ୍ ଆରି ଜାଜେ ଜିବାଲକ୍‌ମନ୍ ଜାଜେ କାମ୍ କର୍‌ବା ଲକ୍‌ମନ୍ ଆରି ସମ୍‌ଦୁରେ କାମ୍ କରି ଜିଉନାକାଉନା କରି ସାଉକାର୍ ଅଇରଇଲା, ସେମନ୍ ସବୁ ଦୁରିକେ ରଇକରି ଦେକ୍‌ତେରଇଲା ।”

୧୮ ସେ ନଅର୍ ପଡ଼ଲାକେ ତେଇଅନି ଉର୍‌ଲା ଦୁଆଁ ଦେକି ସେମନ୍ ଆଉଲି ଅଇକରି କଇଲା, “ଏ ନଅର ପାରା ଆରି କନ୍ ନଅର୍ ମିସା ନ ରଇଲା ।”

☆ ୧୮:୭ ପଢ଼କାସିତ ୧୪:୮

୧୯ ସେମନ୍ ତାକର ମୁଣ୍ଡେ ଦୁଲି ବିଚିଅଇଲା ଆରି ଆକ୍‌ମାରି କାନ୍ଦି କାନ୍ଦି କଇଲା, “ଏଟା କାଇ ଇନସ୍‌ତା । ଏ ବଡ଼ ନଅରର୍ ପାଇ କାଇ କାକୁଡ଼ି ?” ସମ୍‌ଦୁରେ ଆସ୍‌ଜା ଅଇତେରଇବା ଜାଆନ୍ ମନ୍ ତାକର୍ ଦନର୍ ଲାଗି ସାଉକାର୍ ଅଇରଇଲା । ଆରି ଏବେ ଗଟେକ୍ ଗଟା ବିଡ଼ରେ ସେଟାସବୁ ନସିଗାଲା ।

୨୦ ସେ ବଡ଼ ନଅରର୍ ଦସାରଲାଗି ସରଗେ ରଇବା ଲକ୍‌ମନ୍ ସାରଦା ଉଆ । ପର୍‌ମେସର୍‌ ସେ ନଅର୍କେ ଡଣ୍ଡ ଦେଲାକେ ତମେ ବସିସଡ଼ବକ୍‌ତାମନ୍, ପାର୍‌ଚିନ୍‌ମନ୍ ଆରି ପର୍‌ମେସର୍‌କେ ବିସ୍‌ବାସ୍ କରବା ଲକ୍‌ମନ୍ ସାରଦା ଉଆ । ସେ ନଅରର୍ ଲକ୍‌ମନ୍ ତମ୍‌କେ ତାଡ଼ନା କର୍‌ତେରଇଲା ।

୨୧ ତାର୍‌ପତେ ଏଦେ ଦେକା ! ଗଟେକ୍ ବେସି ବପୁର୍ ଦୁଡ଼ ଗଟେକ୍ ବଡ଼ ଜତା ଏଡ଼କି ପାକ୍‌ନା ବେଟି ସମ୍‌ଦୁରେ ପିଙ୍‌ଲା । ଆରି କଇଲା “ଏନ୍ତାରିସେ ବଡ଼ ନଅର୍ ବାବିଲନ୍‌କେ ଜବର୍ ଅଇତେ ପିଙ୍‌ବାଇ । ଆରି ତାର୍ ନାଉଁଗନ୍ ନ ମିଲେନି ।

୨୨ ବିଶା ବାଜାଉମନ୍, ଗିଡ଼ଗାଉମନ୍, ବାଉଁସି ପୁକୁମନ୍ ଆରି ମଇରିର୍ ସବଦ୍ କେବେ ନ ସୁନଡ଼ । ସୁନ୍‌ର ଜିନିସ୍ ତିଆରକରୁମନ୍ ତେଇଆରି ନ ତିସଡ଼ । ଲକ୍‌ମନ୍ ଜତାସଙ୍ ଗରବା ସବଦ୍ ମିସା ଆରି ନ ସୁନିଅଏ ।

୨୩ ଏ ନଅର୍ କାଇବତିସଙ୍ ମିସା ଉଜଲ୍ ନ ତିସେ । ଏବେ ବିବା ଅଇବା ଦାଙ୍‌ତା ଦାଙ୍‌ଡ଼ିର୍ କାତା ମିସା ନ ସୁନିଅଏ । ତମର୍ ବେବାରିମନ୍ ଗୁଲାଇ ଜଗତେ ତାକ୍‌ପୁଟା ଅଇଆଚଡ଼ । ଆରି ତର୍ ମାୟାଜାଲେ ପଡ଼ିକରି ଜଗତର୍ ଲକ୍‌ମନ୍ ସବୁ ନାଡ଼ାଅଇଲା ।”

୨୪ ବଡ଼ ନଅର୍ ବାବିଲନ୍ ଡଣ୍ଡ ପାଇଆଚେ । କାଇକେବଇଲେ ବସିସଡ଼ବକ୍‌ତାମନ୍ ଆରି ପର୍‌ମେସର୍‌ ଲକ୍‌ମନ୍‌ର ବନି ସେ ନଅରେ ବଇଗାଲାଆଚେ । ଆରି ଗୁଲାଇ ଜଗତେ ମରାଇଅଇରଇବା ଜେଡ଼କି ଲକ୍ ଏ ନଅରର୍ ଲାଗି ମରିଜାଇରଇଲା । ବାବଦାଦିମନ୍‌ର ସାଦୁଲକ୍‌ମନ୍‌ର ଆରି ପୁର୍‌ତିବିତେଇ ମାରା ଜାଇରଇବା ସବୁଲକ୍‌ମନ୍‌ର ବନି ସେ ତିସି ରଇଲା ।

୧୯

ସର୍‌ଗର୍ ସାରଦା

୧ ତାର୍‌ପତେ ସର୍‌ଗେ ଗଟେକ୍ ଜାଗାଇ ମାନ୍‌ ଲକ୍ ଆଉଲିଅଇକରି ଏନ୍ତାରି କଇବାଟା ମୁଇ ସୁନ୍‌ଲି । “ପର୍‌ମେସର୍‌କେ ଜୁଆର୍ କରା । ସେ ଆମ୍‌କେ ମୁକ୍‌ତି ଦେଲାଆଚେ । ଆମ୍‌ର୍ ପର୍‌ମେସର୍‌କେ ତାକ୍‌ପୁଟା ଆରି ବପୁ ଅ ।”

୨ ତାର୍ ବିଚାରନା ଜାକ ସଡ଼ ଆରି ଅନିଆଇ ନ ଅଇତେ ଜନ୍ ବେସିଆ ମାଇଜି ଗୁଲାଇ ଜଗଡ଼କେ ତାର୍ କାରାପ୍‌ ଚଳାଚଲ୍‌ତି ସଙ୍ ନସାଇତେରଇଲା, ସେ ତାକେ ଦସ୍ ଦେଲାଆଚେ । ତାର୍ ଦାଙ୍‌ତାମନ୍‌କେ ସେ ମରାଇଲାକେ ତାକେ ସେ ଡଣ୍ଡ ଦେଲାଆଚେ ।

୩ ସେମନ୍ ଆରିତରେକ୍ ଆଉଲିଅଇଲା । “ପର୍‌ମେସର୍‌କେ ଜୁଆର୍ କରା । ସେ ବଡ଼ ନଅର୍ ଜଇଲଗେ ପଡ଼ିଲାପାଇ ଉଟ୍‌ଲା ଦୁଆଁ କେବେ ନ ସାରେ ।”

୪ ୨୪ ପାର୍‌ଚିନ୍‌ମନ୍ ଆରି ଚାର୍‌ଟା ଜିବନ୍ ରଇବା ପସ୍‌ମନ୍ ତାଣ୍ଡାସନ୍ ପଡ଼ି ବସ୍‌ବା ଜାଗାଇ ବସିରଇବା ପର୍‌ମେସର୍‌କେ ଜୁଆର୍ କଲା । ଆମେନ୍ ପର୍‌ମେସର୍‌ ତାକ୍‌ପୁଟା ପାଅି । ବଇଲା ।

ମେଣ୍ଡାପିଲାର୍ ବିବା ବଜି

୫ ତାର୍‌ପତେ ବସ୍‌ବା ଜାଗାଇଅନି ଗଟେକ୍ ସବଦ୍ ଆଇଲା । ସେଟା ଏନ୍ତାରି କଇଲା, “ଆମ୍‌ର୍ ପର୍‌ମେସର୍‌କେ ଜୁଆର୍ କରା । ତାର୍ ଦାଙ୍‌ତାମନ୍, ଆକେ ନାମ୍‌ବା ଜେଡ଼କି ସବୁ ବଡ଼ସାନ୍ ଲକ୍‌ମନ୍ ତାକେ ଜୁଆର୍‌କରା ।”

୬ ତାର୍‌ପତେ ଗଟେକ୍ ଜବର୍ ମାନ୍ ଲକ୍‌ପାରା ଆରି ବେସି ସବଦ୍ କରି ଉପରେ ଅନି ଅଦର୍‌ତେରଇବା ଗଟେକ୍ ଜଲାପାରା ଆରି ଗୁଡ଼ଗୁଡ଼ ଅଇ ଆଇବା ଗଡ଼ଗତି ପାରା ଗଟେକ୍ ସବଦ୍ ସୁନ୍‌ଲି । ସେମନ୍ ଏନ୍ତାରି କଇତେରଇଲା “ପର୍‌ମେସର୍‌କେ ଜୁଆର୍ କରା । ଆମ୍‌ର୍ ମାପ୍‌ରୁ ସବୁର୍‌ଟାନେଅନି ବପୁର୍‌ଟା । ଆମ୍‌ର୍ ପର୍‌ମେସର୍‌ ଅଇଲାନି ମାପ୍‌ରୁ ।”

୭ ଆସା ଆମେ ସାରଦା ସଙ୍ ଗିଡ଼ନାଟ୍ କରୁ ଆରି ତାର୍ କାବାଅଇଜିବା କାମ୍‌ପାଇ ତାକେ ତାକ୍‌ପୁଟା କରୁ, କାଇକେବଇଲେ ମେଣ୍ଡାପିଲାର୍ ବିବା ଅଇବା ବେଲା ଲଗେ କେଟ୍‌ଲାବେ । ଆରି ତାର୍ କନିଆଦାଙ୍‌ଡ଼ିକେ ବିବା ଅଇବାକେ ନିଜେ ତିଆର୍ କଲାଆଚେ ।

୮ ତାକେ ସୁକଲ୍ ପିର୍‌ପିରା ଅଇ ଜକ୍‌ମକିଜିବା ବସ୍‌ତର୍ ପିନ୍‌ବାକେ ଦିଆଅଇଆଚେ । ପିର୍‌ପିରା ଲୁଗା ଅଇଲାନି, ପର୍‌ମେସର୍‌ ଲକ୍‌ମନ୍‌ର ଦରମ୍ କାମ୍ ।

୯ ତାର୍‌ପତେ ଦୁଡ଼ ମକେ କଇଲା, “ଏଟା ଲେକି ସଙ୍‌ଇର । ମେଣ୍ଡାପିଲାର୍ ବିବା ବଜିକେ ଜେଡ଼କି ଲକ୍‌କେ ତାକ୍‌ରା ଅଇଲାଆଚେ । ସେମନ୍ କେତେକ୍ ନିକ କରମ୍‌ର୍ ଲକ୍ ।” ଆରି ଦୁଡ଼ କଇଲା, “ଏଟା ପର୍‌ମେସର୍‌ର ସଡ଼ ବାକିଅ ।”

୧୦ ମୁଇ ତାକେ ଜୁଆର୍ କର୍‌ବି ବଲି ତାର୍ ଗତେ ତାଣ୍ଡାସନ୍ ପଡ଼ିଲି, ମାତର୍ ସେ ମକେ କଇଲା, “ନିରୁ, ମୁଇ ଆରି ତର୍ ସଙ୍‌ର୍ ବିସ୍‌ବାସି ବାଇମନ୍ ଜେଡ଼କି ଲକ୍ ଆମେ ସବୁ ଜିସୁ ଜାନାଇରଇବା ସଡ଼ ଦାରିଆରୁ, ଆମେ ସବୁ ଅବ୍‌କା ଦାଙ୍‌ତାମନ୍, ପର୍‌ମେସର୍‌କେ ଜୁଆର୍ କରା । କାଇକେବଇଲେ ଜିସୁ ଜନ୍ ସଡ଼ ଜାନାଇଆଚେ, ସେଟାସେ ବସିସଡ଼ ବକ୍‌ତାମନ୍‌କେ କାତାଅଇବାକେ ବପୁଦେଲାଆଚେ ।”

☆ ୧୯:୯ ମାତିଉ ୨୨:୨,୩

ଦବ୍‌ଲା ଗତାଇ ବସି ଜାଇତେ ରଇବା ଲକ୍

୧୧ ତାର୍‌ପତେ ସରଗ୍ ଉଗାଡ଼ି ଅଇଲାଟା ମୁଇ ଦେକ୍‌ଲି । ଆରି ଏଦେ ଦେକା ! ଗଟେକ୍ ଦବ୍ ଗତା ଆଇବାଟା ଡିସ୍‌ଲା । ଗତା ଚାଲାଉର୍ ନାଉଁ ଅଇଲାନି ବିସ୍‌ବାସ୍ କର୍‌ବାଟା ଆରି ସତ୍‌ଟା । ସେ ଅନିଆଇ ନ କରି ତାର୍ ଜୁଇଦ୍ କର୍‌ସି ଆରି ଜିଡ଼ସି ।

୧୨ ତାର୍ ଆଁକି ଲାଗତେ ରଇବା ଜଇପାରା ରଇଲା । ଆରି ତାର୍ ମୁଣ୍ଡେ ବେସି ମୁକୁଟ୍ ପିନ୍ଧି ରଇଲା । ଜନ୍ ନାଉଁ ତାର୍ ଉପ୍‌ରେ ଲେକା ଅଇରଇଲା, ସେଟାକେ ଚାଡ଼ିଦେଲେ ଆରି କେ ନାଜାନିରଇଲା ।

୧୩ ତାର୍ ବସ୍‌ତର୍ ବନିତେଇ ବୁଡ଼ାଇଲାପାରା ରଇଲା । ତାର୍ ନାଉଁ ରଇଲା ପର୍‌ମେସରର୍ ବାକିଅ ।

୧୪ ସର୍‌ଗର୍ ସନିଅମନ୍ ଦବ୍ ବସ୍‌ତର୍ ପିନ୍ଧିକରି ଆରି ଦବ୍‌ଗତାଇ ବସି ତାର୍ ପତେ ପତେ ଜାଇତେରଇଲା ।

୧୫ *ତାର୍ ଟଣ୍ଡେଅନି ଗଟେକ୍ ଗଜିଆ କାଣ୍ଡା ବାରଇଲା । ସେଟାସଙ୍ଗ୍ ସେ ଏ ଜଗତର୍ ରାଇଜ୍‌ମନ୍‌କେ ଆରାଇସି । ସେ ତାର୍ ସଙ୍ଗ୍ ତାକର୍ ଉପ୍‌ରେ ସାସନ୍ କର୍‌ସି । ବେସି ବପୁ ରଇବା ପର୍‌ମେସରର୍ ରିସା ସେମନ୍‌କେ ଦେକାଇସି । ସେ ତାର୍ ସତ୍‌ରୁମନ୍‌କେ ମାଣ୍ଡିକରି ରମ୍‌ଦିଦେଇସି । ଜେନ୍ତାରିକି ଅଙ୍ଗୁର୍ ପିଟ୍‌କିକରି ରସ୍ ବାର୍‌କରାଇସି ।

୧୬ ତାର୍ ବସ୍‌ତରେ, ଜଙ୍ଗ୍, ଏ ନାଉଁ ଲେକାଅଇରଇଲା । “ସବୁରାଜାମନର୍ ଉପ୍‌ରେ ରଇବା ରାଜା, ସବୁ ମାପ୍‌ରୁମନର୍ ଉପ୍‌ରେ ରଇବା ମାପ୍‌ରୁ ।”

୧୭ ତାର୍‌ପତେ ଏଦେ ଦେକା ବେଲ୍ ଉପ୍‌ରେ ଗଟେକ୍ ଦୁଡ଼ ଟିଆଅଇରଇବାଟା ମୁଇ ଦେକ୍‌ଲି । ଆକାସର୍ ମଜାଇ ଉଡ଼ତେରଇବା ଜେଡ଼କି ସବୁ ଚତଇମନ୍‌କେ ସେ ଆକ୍‌ମାରି କଇଲା “ଆସା ପର୍‌ମେସରର୍ ବଡ଼ ବଜିତେଇ ଜିବାକେ ସବୁଲକ୍ ଟୁଲ୍‌ଉଆ ।

୧୮ ଆସା ଆରି ରାଜାମନର୍, ମୁକିଆମନର୍ ଆରି ସଇନମନର୍ ମାଉଁସ୍ କାଇବାକେ ଆସା । ଗତାମନର୍ ଆରି ତାକେ ଚାଲାଉମନର୍, ବଡ଼ ସାନ୍ ଲକ୍‌ମନର୍, ବନ୍ଧି ଆରି ମୁକ୍‌ଲି ରଇବା ଲକ୍‌ମନର୍ ସବୁ ଲକ୍‌ର୍ ମାଉଁସ୍ କାଇବାକେ ଆସା ।”

୧୯ ତାର୍‌ପତେ ସେ ପସ୍, ଜଗତର୍ ରାଜାମନ୍ ଆରି ତାକର୍ ସନିଅମନ୍ ଜେ ଗତା ଚାଲାଉତେରଇଲା ଆରି ତାର୍‌ସନିଅମନର୍ ସଙ୍ଗ୍ ଜୁଇଦ୍ କର୍‌ବାକେ ରୁଣ୍ଡିଲାଟା, ମୁଇ ଦେକ୍‌ଲି ।

୨୦ *ତେଇ ପସୁକେ ବନ୍ଧିକରି ନେଲା । ତାର୍ ସଙ୍ଗ୍ ଜନ୍ ମିଟ୍ କଇବା ବବିସତ୍‌ବକ୍‌ତା, ଜେ କି ତାର୍ ମୁଆଟେ କାବାଅଇଜିବା କାମ୍‌ମନ୍ କର୍‌ତେରଇଲା, ତାକେ ମିସା ବନ୍ଧିଗରେ ନେଲା । ଏ କାବାଅଇଜିବା କାମ୍‌ମନର୍ ଲାଗି ସେ ଲକ୍‌ମନ୍‌କେ ନାଡ଼ାଇରଇଲା । ଜନ୍ ଲକ୍‌ମନ୍ କି ପସୁର୍ ଚିନ୍ ଗଦିଅଇକରି ତାର୍ ମୁର୍‌ତିକେ ଜୁଆର୍ କର୍‌ତେରଇଲା ସେ ପସୁ ଆରି ମିଟ୍ କଇବା ବବିସତ୍‌ବକ୍‌ତା ଦୁଇଲକ୍‌ଜାକ ଜିବନ୍ ରଇତେ ଗନ୍ ଅଇତେରଇବା ଜଇର୍ ଗାଡେ ପିଙ୍ଗାଅଇଲା ।

୨୧ ଗତା ଚାଲାଉର୍ ଟଣ୍ଡେଅନି ବାରଇ ଆଇବା କାଣ୍ଡା ସଙ୍ଗ୍ ତାକର୍ ସନିଅମନ୍ ମରିଗାଲା । ସବୁ ଚତଇମନ୍ ତାକର୍ ମାଉଁସ୍ ପେଟ୍‌ପୁରତେ କାଇଲା ।

୨୦

ଅଜାର୍ ବର୍‌ସର୍ ସାସନ୍

୧ ତାର୍‌ପତେ ଏଦେ ଦେକା ! ସର୍‌ଗେଅନି ଗଟେକ୍ ଦୁଡ଼ ଉଡ଼ି ଆଇବାଟା ମୁଇ ଦେକ୍‌ଲି । ତାର୍‌ଲଗେ ପାତାଲର୍ କୁଟିକାଡ଼ି ଆରି ଗଟେକ୍ ବଜ୍ ରଇବା ସିକ୍‌ଲି ରଇଲା ।

୨ ସେ ଅସୁର୍ ସାଁପ୍‌କେ ଦାରଲା । ଜନ୍ ଆଗର୍ କାଲେ ରଇଲା ସାଁପ୍, ସେଟା ଅଇଲାନି ସଇତାନ୍ । ତାକେ ଅଜାର୍ ବରସର୍‌ପାଇ ସିକ୍‌ଲିସଙ୍ଗ୍ ବାନ୍ଧିଦେଲା ।

୩ ଦୁଡ଼ ତାକେ ପାତାଲେ ପିଙ୍ଗିଦେଲା ଆରି କୁଟି ପାକାଇକରି ସିଲ୍ ମାରଲା । ଏନ୍ତାରି କଲାକେ ଅଜାର୍ ବରସ୍ ନ ସାର୍‌ତେ ସେ ବିନ୍ ବିନ୍ ରାଇଜ୍‌ର୍ ଲକ୍‌ମନ୍‌କେ ଆରି ନାଡ଼ାଇ ନାପାରେ । ତାର୍‌ପତେ ଚନେକର୍‌ପାଇ ତାକେ ଚାଡ଼ିଦେବାଇ ।

୪ ତାର୍‌ପତେ ମୁଇ କେତେଟା ବସ୍‌ବା ଜାଗାମନ୍ ଦେକ୍‌ଲି । ଜେଡ଼କି ଲକ୍ ବସ୍‌ବା ଜାଗାଇ ବସିରଇଲା, ସେମନ୍‌କେ ନିଆଇ କର୍‌ବାକେ ବପୁ ଦିଆଅଇରଇଲା । ଆରି ତାଡ଼ନା ପାଇ ମରାଇଅଇରଇବା ଆଡ଼୍‌ମାମନ୍‌କେ ଦେକ୍‌ଲି । ଜିସୁ ଜାନାଇରଇଲା ସତ୍ ଆରି ପର୍‌ମେସରର୍ ବାକିଅ ସେମନ୍ ଜାନାଇରଇଲା । ପସୁକେ କି ତାର୍ ମୁର୍‌ତିକେ ସେମନ୍ ଜୁଆର୍ କର୍‌ତନାଇ । ପସୁର୍ ଚିନ୍ ତାକର୍ କାପାଲେ କି ତାକର୍ ଆଡେ ଗଦିଅଅଡ଼ ନାଇ । ସେମନ୍ ଜିବନ୍ ପାଇଲାଇ ଆରି ଅଜାର୍ ବରସ୍‌ଜାକ କିରିସ୍‌ଟସଙ୍ଗ୍ ରାଜା ଇସାବେ ସାସନ୍ କଲା ।

୫ ଅଜାର୍ ବରସ୍ ନ ସାର୍‌ବାଜାକ ମରିଜାଇରଇବା ଜେଡ଼କି ବାକି ଲକ୍ ଜିବନ୍ ପାଅଡ଼ନାଇ । ଏଟାଆକା ପର୍‌ତୁମ୍ ଜିବନ୍ ପାଇବାଟା ।

୬ ମଲାତେଇଅନି ପର୍‌ତମେ ଜେଡ଼କି ଲକ୍‌କେ ଉଟାଇରଇଲା, ସେମନ୍ କେତେକ୍ କରମର୍ ଲକ୍ । ପଟର୍ ମରନ୍ ତାକର୍ ଉପ୍‌ରେ ସାସନ୍ ନ କରେ । ସେମନ୍ ପର୍‌ମେସରର୍ ଆରି କିରିସ୍‌ଟର୍ ପୁଜାରି ଅଇବାଇ । ସେମନ୍ ତାକର୍ ସଙ୍ଗ୍ ଅଜାର୍‌ବରସ୍ ଜାକ ସାସନ୍ କର୍‌ବାଇ ।

☆ ୧୯:୧୫ ପଢ଼କାସିତ ୧୪:୨୦ ☆ ୧୯:୨୦ ପଢ଼କାସିତ ୧୩:୧-୧୮

ସଇତାନର ଆରବାଟା

୭ ଅଜାର ବରସ୍ ସାରଲାପତେ ବନ୍ଦିଗରେଅନି ସଇତାନକେ ମୁକ୍ତଲାଇବାଇ ।

୮ ତେଇଅନି ଜଗତର ରାଇଜ୍‌ମନକେ ନାତାଇବାକେ, ଗୁଲାଇ ଜଗତେ ବିଚିଅଇରଇବା ରାଇଜ୍‌ମନକେ ନାତାଇବାକେ ସେ ବାରଇସି । ସେଟା ଅଇଲାନି ଗଗ୍ ଆରି ମାଗଗ୍ । ସଇତାନ ସେମନକେ ଜୁଇଦ୍ କରବାକେ ରୁଣ୍ଡାଇସି । ସମ୍ବୁରେ ରଇବା ବାଲି ଜେଡ଼କି ଆଟେ, ସେଡ଼କି ଲକ୍ ସେମନ୍ ରଇବାଇ ।

୯ ସେମନ୍ ଗୁଲାଇ ଜଗତେ ବିଚି ଅଇବାଇ । ଆରି ପର୍ମେସରର୍ ଲକ୍ ବାସାଅଇରଇବା ଜାଗାଇ ଆରି ସେ ମନକର୍‌ବା ନଅରର୍ ଚାରିବେଟ୍‌ତି ଆଇବାଇ । ମାତର୍ ଏଦେ ଦେକା ! ସର୍ଗେଅନି ଜଇ ଅଦ୍‌ରି ସେମନକେ କୁରୁପ୍‌ନାସ୍ କଲା ।

୧୦ ତାର୍‌ପତେ ସଇତାନ ଜେ କି ସେମନକେ ନାତାଇଲା, ଜଇ ଆରି ଗନ୍‌ରସ୍ ରଇବା ଗାତେ ପିଙ୍ଗାଅଇଲା । ସେ ପସୁ ଆରି ମିର୍ କଇବା ବବିସଡ଼ବକ୍ତା ଆଗେଅନି ତେଇ ପିଙ୍ଗାଅଇରଇଲା । ସେମନ୍ ତେଇରଇକରି ଦିନ୍ ରାତି କାଲ୍ କାଲ୍ ଜୁଗ୍ ଜୁଗ୍ ସେ ଲକ୍‌ମନକେ କାବା କରିରଇଲା, ତାକେ ଜଇ ଆରି ଗନ୍‌ତେ ରଇବା ଗାତେ ନସ୍‌ଟ କରାଇଲା, ସେ ତେଇ ସେ ପସୁ ଆରି ମିର୍‌ସିକିଆ ଦେଉଁ ବାବବାଦିମନ୍ ମିସା ଆଟଡ଼, ଆରି ସେ ଲକ୍‌ମନ୍ ଦିନ୍‌ରାତିଜାକ କସ୍‌ଟ ବଗ୍‌ବାଇ ।

ସାରାସାରି ବିଚାର୍

୧୧ ତାର୍‌ପତେ ମୁଇ ଗଟେକ୍ ବଡ଼ଟା ଦବ୍ ବସ୍‌ବା ଜାଗା ଆରି ଜେ ତାର୍ ଉପ୍‌ରେ ବସିରଇଲା, ତାକେ ଦେକ୍‌ଲି । ସରଗ୍ ଆରି ଦର୍‌ତନି ତାର୍ ମୁଆଟେଅନି ପାଲାଇଲାଇ ଆରି କେବେ ଡିସଡ଼ନାଇ ।

୧୨ ତାର୍‌ପତେ ମୁଇ ଜେଡ଼କି ମଲା ବଡ଼ ସାନ୍ ଲକ୍‌କେ ଦେକ୍‌ଲି । ସେମନ୍ ବସ୍‌ବା ଜାଗାର୍ ମୁଆଟେ ଟିଆଅଇରଇବାଟା ମୁଇ ଦେକ୍‌ଲି । ବଇମନ୍ ଉଗାଡ଼ି ଅଇଲା, ଜିବନ୍ ରଇବା ଲକ୍‌ମନର୍ ବଇ ମିସା ଉଗାଡ଼ି ଅଇଲା । ସେମନ୍ କଲା କାମ୍ ଇସାବେ ମଲା ଲକ୍‌ମନକେ ବିଚାର୍ କଲାଇ । ସେମନ୍ କରିରଇବା କାମ୍‌ମନ୍ ବଇଟାନ୍‌ନେ ଆଗ୍‌ତୁଅନି ଲେକା ଅଇରଇଲା ।

୧୩ ତାର୍ ପତେ ସମ୍ବୁରେ ଜେଡ଼କିଲକ୍ ମରିରଇଲାଇ, ସେମନ୍ ବାରଇଆଇଲାଇ । ମରନ୍ ଆରି ପାତାଲ୍ ମିସା ସେମନ୍ ଦାରିରଇବା ମଲାଲକ୍‌ମନକେ ଚାଡ଼ିଦେଲାଇ । ସେମନକେ ସବୁକେ କରିରଇବା କାମ୍ ଇସାବେ ବିଚାର୍‌ନା କଲାଇ ।

୧୪ ତାର୍‌ପତେ ମଲା ଲକ୍‌ର୍ ଜାଗାଇଅନି ଆଇଲା ସବୁଲକ୍‌ର୍ ଗାଗଡ଼ ଆରି ଆଡ଼୍‌ମା, ଜଇର୍ ଗାତେ ପିଙ୍ଗାଲାଇ । ସେ ଗାଡ଼ ଅଇଲାନି ଦୁଇ ଲମରର୍ ମରନ୍

୧୫ ସେ ବେଲେ ଜେଡ଼କି ଲକ୍‌ର୍ ନାଉଁ ଜିବନ୍ ରଇବା ବଇଟାନ୍‌ନେ ଲେକା ନ ଅଇରଇଲା, ସେ ସବୁଲକ୍‌କେ ଜଇଲାଗ୍‌ବା ଗାତେ ପିଙ୍ଗା ଅଇଲା ।

୨୧

ନୁଆଁ ସରଗ୍ ଆରି ଜଗଡ଼

୧ *ତାର୍‌ପତେ ଏଦେ ଦେକା ! ନୁଆଁ ସରଗ୍ ଆରି ନୁଆଁ ଜଗଡ଼ ଦେକ୍‌ଲି । ପର୍‌ତୁମ୍ ସରଗ୍ ଆରି ପର୍‌ତୁମ୍ ଜଗଡ଼ ଆରି ଡିସେନାଇ । ସମ୍ବୁର୍ ମିସା ଆରି ଡିସେନାଇ ।

୨ *ଆରି ସେ ସୁକଲ୍ ନଅର୍ ଦେକ୍‌ଲି । ସେଟା ରଇଲା ନୁଆଁ ଜିରୁସାଲେମ୍ । ସର୍ଗେଅନି, ପର୍‌ମେସର୍‌ଟାନ୍‌ନେଅନି, ସେଟା ଉଡ଼୍‌ରି ଆଇତେରଇଲା । ଗଟେକ୍ ଦାଙ୍ଗ୍‌ଡ଼ି ଦାଙ୍ଗ୍‌ଡ଼ାକେ ବେଟ୍ ଅଇବାକେ ଗାଲେ କେନ୍ତାଟା ପିନ୍‌ରଇସି, ସେନ୍ତାରି ତିଆର୍ ପିଆର୍ ଅଇରଇଲା ।

୩ ବସ୍‌ବା ଜାଗାଇଅନି ଗଟେକ୍ ବଡ଼ ସବ୍‌ଦ୍ କାତାଅଇବାଟା ମୁଇ ସୁନ୍‌ଲି “ସାରାସାରି ବେଲେ ପର୍‌ମେସର୍ ମୁନୁସ୍‌ଜାତି ସଙ୍ଗ୍ ବାସା ଅଇବାକେ ଆଇଲାଆଟେ । ସେ ତାକର୍ ସଙ୍ଗ୍ ବାସା ଅଇସି । ଆରି ସେମନ୍ ତାର୍ ଲକ୍ ଅଇବାଇ । ପର୍‌ମେସର୍ ନିଜେ ତାକର୍ ସଙ୍ଗ୍ ରଇସି । ଆରି ସେ ତାକର୍ ପର୍‌ମେସର୍ ଅଇସି ।”

୪ ସେ ତାକର୍ ଆଁସୁ ପୁଚିଦେଇସି । କେ ଆରି ନ ମରଡ଼ । କାନ୍ଦାବୁବା, ଦୁକାସୁକା ନ ରଏ । ପୁରନା ବିସଇ ଆରି ନ ଡିସେ ।

୫ ତାର୍‌ପତେ ଜେ ବସ୍‌ବା ଜାଗାଇ ବସିରଇଲା, ସେ କଇଲା “ମୁଇ ଏବେ ସବୁ ବିସଇ ନୁଆଁ କଲିନି ।” ସେ ମକେ ଆରି କଇଲା “ଏଟା ଲେକିକରି ସଙ୍ଗ୍ । କାଇକେବଇଲେ ଏ ବାକିଅ ସବୁ ସଡ଼ । ଆରି ବିସ୍‌ବାସ୍ କରିଅଇସି ।”

୬ ସେ ଆରି କଇଲା ସେଟା ସାରିଗାଲା, ମୁଇ ଅଇଲିନି ଆରାମର୍ ଲକ୍ ଆରି ସାରାସାରିର୍ ଲକ୍ । ମୁଇ ସେ ଆରାମ୍ ମୁଇ ସେ ସାରାସାରି । ଜାକେ ଜଦି ସସ୍ କର୍‌ସି, ପାଜ୍‌ରାପାନି କାଇବାକେ ମୁଇ ତାକେ ଡାକିନେବି । ଏ ପାଜ୍‌ରାଇ ଅନି ଜନ୍ ପାନି ବାରଇସି, ସେଟା ନ ସାରବା ଜିବନ୍ ଦେଇସି । ସେମନକେ ସେଟା ଇନାମେ ମିଲ୍‌ସି ।

୭ ଜନ୍ ଲକ୍‌ମନ୍ ଜୁଇଦ୍ କରି ଜିଡ଼୍‌ବାଇ ସେମନକେ ଇନାମ୍ ଦେବି, ଆରି ତାକର୍ ପର୍‌ମେସର୍ ଅଇବି ଆରି ସେମନ୍ ମର୍ ପିଲାଟକି ଅଇବାଇ ।

୮ ମାତର୍ ଜେ ମର୍‌ସଙ୍ଗ୍ ଆଇବାକେ ଡର୍‌ବାଇ, ଆରି ବିସ୍‌ବାସ୍ ନ କରଡ଼, ଜାର୍ ଚଲାଟଲ୍‌ଡ଼ି କାରାପ୍, ଜେ କି ନର୍‌ମାରୁମନ୍ ଆଟଡ଼, ଜନ୍ ଲକ୍‌ମନ୍ କାରାପ୍ ରିତିନିତି ଅବିଆସ୍ କର୍‌ବାଇ, ଜନ୍‌ଲକ୍‌ମନ୍ ମର୍‌ତର୍ ଜର୍‌ତର୍ କର୍‌ବାଇ ଆରି

ଜନ୍ମ ଲକ୍ଷ୍ମୀନାମ୍ ଯଦି ଦେବତାମାନଙ୍କେ ଜୁଆର କରବାଇ, ଆରି ଜେଡ଼କି ସବୁ ମିରୁଆମନ୍ ରଇବାଇ, ତାକର୍ ସେସର୍ ବେଲା ଏନ୍ତାରି ଅଇସି । ସେମନ୍‌କେ ଲାଗତେରଇବା ଗନ୍ତାଟାନେ ପିଙ୍ଗା ଅଇସି । ସେଟା ଅଇଲାନି ପଟର୍ ମରନ୍ ।

୯ ସାତୁଟା ଦୁଡ଼ମନର୍ ବିଡ଼ରେ ଗଟେକ୍ ଦୁଡ଼, ଜାର୍ ଆତେ ସାତୁଟା ମରୁଡ଼ି ରଇବା ଗିନା ରଇଲା, ସେ ମକେ ଆସି କଇଲା ଆଉ ମୁଇ ତକେ କନିଆ ଦାଙ୍ଗୁଡ଼ିକେ ଦେକାଇବି । ସେ ଅଇଲାନି ମେଣ୍ଡାପିଲାର୍ ମାଇଜି ।

୧୦ ସୁକଲ୍ ଆତୁମା ମକେ ଦାରଲା, ଦୁଡ଼ ମକେ ଗଟେକ୍ ଉର୍ ତଙ୍ଗର୍ ଟିପେ ଦାରିଗାଲା । ସେ ମକେ ସୁକଲ୍ ନଅର୍ ଜିରୁସାଲେମ୍ ପର୍ମେସର୍ ଟାନେଅନି, ସର୍ଗେଅନି ଉଡ଼ରି ଆଇବାଟା ଦେକାଇଲା ।

୧୧ ସେ ନଅର୍ ପର୍ମେସର୍ ମଇମାସଙ୍ଗ୍ ଜକ୍ମକି ଜାଇତେରଇଲା । ଗଟେକ୍ ବେସି ଦାମ୍ ରଇବା ଜାସ୍‌ପର୍ ନାଉର୍ ଇରାପାକ୍‌ନା ପାରା ଜକ୍ମକି ଜାଇତେରଇଲା । ସେ ପାକ୍‌ନାଇ ଦେକ୍‌ଲେ ଏବାଟେ ଅନି ସେବାଟର୍‌ଟା ସବୁ ଡିସ୍‌ତେରଇଲା ।

୧୨ ସେ ନଅରେ ଗଟେକ୍ ବେସି ଉର୍ କତି ରଇଲା । ତେଇ ବାର୍‌ଟା ଗେଟ୍ ରଇଲା ଆରି ବାର୍‌ଟା ଦୁଡ଼ମନ୍ ସେ ଗେଟ୍‌ମନର୍ ଦେକାରକା କର୍ତେରଇଲାଇ । ଇସ୍ରାଏଲ୍ ଲକ୍ଷ୍ମୀନାମ୍ ବାର୍‌ଟା ବସ୍‌ର୍ ନାଉର୍‌ମନ୍ ସେ ଗେଟେ ଲେକାଅଇରଇଲା ।

୧୩ ସବୁ ଦିଗେ ତିନ୍‌ଟାଲାକା କାପାଟ୍ ରଇଲା, ଉତର୍ ଦିଗେ ତିନ୍‌ଟା କାପାଟ୍ ଦକିନ୍‌ଦିଗେ ତିନ୍‌ଟା କାପାଟ୍ ଆରି ପରିମିଦିଗେ ତିନ୍‌ଟା କାପାଟ୍ ରଇଲା ।

୧୪ ବାର୍‌ଟା ମୁଲ୍ ପାକ୍‌ନାଇ ସେ ନଗରର୍ କତି ଉଟାଇରଇଲାଇ । ଆରି ସେ ପାକ୍‌ନା ଉପ୍‌ରେ ମେଣ୍ଡାପିଲାର୍ ବାର୍‌ଟା ପେରିଡ଼ ମନର୍ ନାଉର୍ ଲେକା ଅଇରଇଲା ।

୧୫ ଜନ୍ମ ଦୁଡ଼ ମରୁସଙ୍ଗ୍ କାତା ଅଇତେ ରଇଲା, ତାର୍ ଆତେ ନଗରକେ, ତାର୍ କାପାଟ୍ ମନ୍‌କେ ଆରି କତିମନ୍‌କେ ନାପବା, ସୁନାର୍ ନାପବା ତାଙ୍ଗ୍ ରଇଲା ।

୧୬ ସେ ନଅର୍ ପୁରାପୁରୁନ୍ ଚାରିକନିଆ ରଇଲା । ତାର୍ ଲମ୍ ଆରି ଅସାର୍ ସମାନ୍ ରଇଲା । ଦୁଡ଼ ତାର୍ ନାପବା ତାଙ୍ଗ୍ ସଙ୍ଗ୍ ନଅର୍ ନାପଲା । ସେ ନାପବା ଇସାବେ ସେଟା ଦୁଇଅଜାର୍ ଚାର୍‌ସ କିଲମିଟର୍ ଲମ୍ ରଇଲା । ତାର୍ ଲମ୍ ଅସାର୍ ଆରି ଉର୍ ସମାନ୍ ରଇଲା ।

୧୭ ଦୁଡ଼ କତି ମିସା ନାପଲା । ସେଟା ୬୦ ମିଟର୍ ଉର୍ ରଇଲା ।
୧୮ ଜାସ୍‌ପର୍ ନାଉର୍ ଗଟେକ୍ ବେସି ଦାମର୍ ଇରା ପାକ୍‌ନା ସଙ୍ଗ୍ କତି ତିଆର୍ ଅଇରଇଲା । ଅସ୍‌ଲି ସୁନା ସଙ୍ଗ୍ ନଅର୍ ତିଆର୍ ଅଇରଇଲା । ଆରି କାଁପାରା ସବୁ ଡିସ୍‌ତେରଇଲା ।

୧୯ ସେ ନଅରର୍ କତିର୍ ମୁଲ୍ ପାକ୍‌ନାମନ୍ ବିନ୍ ବିନ୍ ରକାମର୍ ଇରାପାକ୍‌ନାମନର୍ ସଙ୍ଗ୍ ସୁନ୍‌ର୍ କରିରଇଲାଇ । ପର୍‌ଡୁମ୍ ମୁଲ୍ ପାକ୍‌ନା ରଇଲା, ଇସ୍‌ପର୍ । ତାର୍‌ପଟର୍ ସପାୟର୍, ତାର୍ ପଟର୍ ଆଗାଟେ । ତାର୍ ପଟର୍ ଏମରଲ୍ ।

୨୦ ତାର୍ ପଟର୍ ଅନିକ୍ । ତାର୍ ପଟର୍ କର୍‌ନିଲିଅନ୍ । ତାର୍ ପଟର୍ ଅଲ୍‌ଦି ରଙ୍ଗର୍ କାଟ୍, ତାର୍ ପଟର୍ ବେରିଲ୍, ତାର୍‌ପଟର୍ ତପାଜ୍, ତାର୍ ପଟର୍ ଚାଲ୍‌କେଦନି, ତାର୍ ପଟର୍ ତର୍କକ, ଆରି ସାରାସାରି ଆମେଡି ।

୨୧ ବାର୍‌ଟା ମୁକ୍‌ତାଇ ବାର୍‌ଟା କାପାଟ୍ ତିଆର୍ ଅଇରଇଲା । ଗଟେକ୍ ଗଟେକ୍ କାପାଟ୍ ଗଟେକ୍ ଗଟେକ୍ ମୁକ୍‌ତାଇଅନି ତିଆର୍ ଅଇରଇଲା । ନଅରର୍ ବାଟ୍ ଅସ୍‌ଲି ସୁନାସଙ୍ଗ୍ ତିଆର୍ ଅଇରଇଲା । କାଁପାରା, ଏନେ ଅନି ଦେକ୍‌ଲେ ତେନର୍‌ଟାମନ୍ ଡିସ୍‌ତେରଇଲା ।

୨୨ ସେ ନଅରେ ମୁଇ ଗଟେକ୍ ମିସା ମନ୍‌ର୍ ଦେକିନାଇ । କାଇକେବଇଲେ, ତାର୍ ମନ୍‌ର୍ ରଇଲା ମାପୁରୁ ପର୍ମେସର୍ । ଜେ କି ସବୁର୍ ଉପ୍‌ରେ ଆଟେ, ଆରି ମେଣ୍ଡାପିଲା ।

୨୩ ସେ ନଅର୍ ଉପ୍‌ରେ ଉଜଲ୍ ଦେବାକେ ବେଲ୍ କି ଜନ୍ମ ଦର୍‌କାର୍ ନ ରଇଲା । କାଇକେବଇଲେ, ପର୍ମେସର୍ ମଇମା ତେଇ ଉଜଲ୍ ଦେଇତେରଇଲା ଆରି ମେଣ୍ଡାପିଲା ତେଇର୍ ବଡ଼ି ରଇଲା ।

୨୪ ସେ ଉଜଲେ ଜଗତର୍ ଲକ୍ଷ୍ମୀନାମ୍ ଇଣ୍ଡିଜିବାଇ ଆରି ରାଜାମନ୍ ତାକର୍ ଦନ୍ ସଁପତି ତେଇ ଆନି ସର୍‌ପି ଦେବାଇ ।

୨୫ ସେ ନଅରର୍ କାପାଟ୍‌ମନ୍ ସବୁବେଲେ ଉଗ୍‌ତା ରଇସି । ସେଟା କେବେ ମିସା ଡାବିଅଇ ନ ରଏ । କାଇକେବଇଲେ ତେଇ କେବେ ରାତି ନ ଅଏ ।

୨୬ ରାଇଜ୍ ମନର୍ ତାକ୍‌ପୁଟା ଆରି ଦନ୍ ସଁପତି ସେ ନଅରେ ଆନ୍‌ବାଇ ।

୨୭ ମାତର୍ ଅସୁକଲ୍ ରଇବା କାଇ ବିସଇ ମିସା ସେ ନଅରେ ନ ପୁରେ । ଲାଜ୍ ଅଇବା କାମ୍‌ମନ୍ କର୍‌ବା ଲକ୍ କି ମିଟ୍ କଇବା ଲକ୍ କେ ମିସା ତେଇ ପୁରି ନାପାରଡ଼ । ମେଣ୍ଡାପିଲାର୍ ବଇଲଗେ ଜାର୍ ନାଉର୍ ଲେକାଅଇଆଟେ, ସେମନ୍‌ସେ, ସେ ନଅରେ ଜାଇପାରଡ଼ ।

୨୨

୧ ତାର୍‌ପଟେ ଦୁଡ଼ ମକେ ଜିବନର୍ ପାନି ରଇବା ଗାଡ଼ ଦେକାଇଲା, ଜନ୍‌ଟା କି କାଁପାରା ଡିସ୍‌ତେରଇଲା । ପର୍ମେସର୍ ବସ୍‌ବା ଜାଗାଇଅନି ଆରି ମେଣ୍ଡାପିଲାର୍‌ଟାନେଅନି ସେ ଗାତର୍ ପାନି ଆଇତେରଇଲା ।

୨ ନଅରର୍ ବାଟର୍ ମଜାଇ ସେଟା ବଇ ଆଇତେରଇଲା । ଗାତର୍ ଦୁଇବାଟେ ଜିବନର୍ ଗର୍ ରଇଲା । ସେ ଗର୍ ମାସ୍‌କେ ଗଟେକ୍ ତର୍ ଅଇ ବରସ୍‌କେ ବାରତର୍ ପଲ୍ ଦାରସି । ରାଇଜ୍‌ମନ୍ ନିକ ଅଇବାକେ ତାର୍ ପଟର୍‌ମନ୍ ରଇଲା ।

୩ ପରମେସରର୍ ଅବିସାପ୍ ରଇବା କାଜଗାମିସା ସେ ନଅରେ ନ ତିସେ । ପରମେସରର୍ ଆରି ମେଣ୍ଡାପିଲାର୍ ବସ୍ବାଜାଗା ସେ ନଅରେ ରଇସି । ଆରି ତାର୍ ଦାଞ୍ଜତାମନ୍ ତାକେ ଜୁଆର୍ କରବାଇ ।

୪ ସେମନ୍ ତାକେ ଦେକବାଇ ଆରି ତାର୍ ନାଉଁ ସେମନ୍ କାପାଲେ ଲେକାଅଇ ରଇସି ।

୫ ତେଇ ଆରି ରାତି ନ ରଏ । ବତିର୍ ଉଜଲ୍ କି ବେଲର୍ ଉଜଲ୍ ଦରକାର୍ ନ ପଡେ । କାଇକେବଇଲେ ମାପୁର୍ ପରମେସର୍ ତାକର୍ ଉଜଲ୍ ରଇସି । ସେମନ୍ ରାଜା ଇସାବେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରବାଇ ।

ଜିସୁ ଆରିତରେକ୍ ଆଇବାଟା

୬ ତାର୍ପତେ ଦୁଡ୍ ମକେ କଇଲା “ଏ ବାକିଅ ସବୁ ସତ୍ ଆରି ବିସ୍ବାସ୍ କରିଅଇସି । ମାପୁର୍ ପରମେସର୍ ଜେ କି ତାର୍ ଆତ୍ମା ବବିସତ୍ବକତାମନ୍କେ ଦେଇରଇଲା, ସେ ତାର୍ ଦୁଡ୍କେ ପାଟାଇଆଟେ । ଆଇବା ଦିନ୍ମନ୍କେ କାଜଗା ଅଇସି, ସେଟା ତାର୍ ଦାଞ୍ଜତାମନ୍କେ ଦେକାଇସି ।”

୭ ଜିସୁ କଇଲାନି, “ସୁନା ମୁଇ ଦାପ୍ରେ ଆଇଲିନି । ଏ ବଇର୍, ଆଇବା ଦିନ୍ମନ୍କେ ଗଟ୍ବା କାତା, ଜେଡ୍କି ଲକ୍ ନାମ୍ବାଇ, ସେମନ୍ କେଡେକ୍ କରମର୍ ଲକ୍ ।”

୮ ମୁଇ ଜଅନ୍ ଏ ସବୁ ସୁନିଆଟି ଆରି ଦେକିଆଟି । ଏ ସବୁଜାକ ଦେକଲା ପତେ ଆରି ସୁନ୍ଲାପତେ ଜନ୍ ଦୁଡ୍ ମକେ ଏ ସବୁ ବିସଇ ଦେକାଇରଇଲା, ତାର୍ ପାଦେ ଡାଣ୍ଡାସନ୍ ପଡ୍ଲି । ମୁଇ ତାକେ ଜୁଆର୍କରବାକେ ଜାଇରଇଲି ।

୯ ମାତର୍ ସେ ମକେ କଇଲା, “ନିତୁ । କାଇକେବଇଲେ ମୁଇ ମିସା ତମର୍ପାରା ଗଟେକ୍ ଲକ୍ସେ । ତମର୍ ଜେଡ୍କି ବବିସତ୍ବକତା ବାଇମନ୍ ଆରି ଜେଡ୍କି ବଇଟାନେ ରଇବା ବାକିଅମନ୍ ଆଟେ, ସେଟାମନ୍ ମାନିକରି ରଇଲାଇନି । ତାକର୍ ପାରା ମୁଇ ମିସା ଗଟେକ୍ ସେବାକାରିଆ । ପରମେସର୍କେ ଜୁଆର୍ କରା ।”

୧୦ ଆରି ସେ ମକେ କଇଲା, ଏ ବଇର୍ ଜେଡ୍କି ବିସଇ ତକେ ଜାନାଇଅଇଲାଆଟେ, ସେଟା କେ ନାଜାନ୍ଲା ପାରା ଲୁଟାଇ ସଙ୍ଗନାଇ । କାଇକେବଇଲେ ଏ ସବୁ ଗଟ୍ବା ବେଲା ଲଗେଆଟେ ।

୧୧ ଜେ କରାପ୍ ଚଲାଟଲ୍ଡି କରି ଜିଉନା କାଉନା କଲାଇନି, ସେ ସେନ୍ତାରିସେ କାରାପ୍ କରତେ ରଅ । ଜେ କି ନିକ ଚଲାଟଲ୍ଡିକରି ଜିଉନା କାଉନା କଲାନି, ସେ ସେନ୍ତାରିସେ ନିକ କରତେରଅ । ଜେ କି ସୁକଲ୍ ଆଟେ, ସେ ସେନ୍ତାରିସେ ସୁକଲ୍ ରଅ ।

୧୨ ଜିସୁ କଇଲାନି “ସୁନା ମୁଇ ଦାପ୍ରେ ଆଇଲିନି । ଲକ୍ମନ୍ କରିରଇବା କାମ୍ ଇସାବେ ମୁଇ ସେମନ୍କେ ପୁରୁସ୍କାର୍ ଦେବି ।

୧୩ *ମୁଇ ପରତୁମର୍ ଲକ୍ ଆରି ସାରାସାରିର୍ ଲକ୍ । ମୁଇ ଆରାମ୍ କରବି ଆରି ମୁଇସେ ସାରାଇବି ।”

୧୪ ଜେଡ୍କି ସବୁଲକ୍ ତାକର୍ ବସ୍ତର୍ ଦଇକରି ସୁକଲ୍ କରବାଇ, ସେମନ୍ କେଡେକ୍ କରମର୍ ଲକ୍ ! ଜିବନ୍ର୍ ଗଟେଅନି ପଲ୍ କାଇକରି କାବାଟ୍ବାଟେ ଜାଇ କରି ନଅରେ ପୁରବାକେ ସେମନ୍ ଅଦିକାର୍ ପାଇବାଇ ।

୧୫ ମାତର୍ ଜନ୍ ଲକ୍ମନ୍ ଲାଜ୍ ଅଇବା କାମ୍ମନ୍ କରବାଇ, ଜେନ୍ତିକି, ଜନ୍ତର୍ ମନ୍ତର୍ ଅବିଆସ୍ କରବାଇ, ବେସିଆ କାମ୍ମନ୍ କରବାଇ, ନର୍ ମରାଇବାଇ, ମୁର୍ଡି ପୁଜା କରବାଇ, ଆରି କାତାଇ ଆରି କାମେ ମିଟ୍ କଇବାଇ, ସେମନ୍ ନଅରେ ବାଇରେ ରଇବାଇ ।

୧୬ “ମୁଇ ଜିସୁ, ମଣ୍ଡାଲିଟାନେ ରଇବା ତମ୍କେ ସବୁ ଲକ୍କେ ଏ ବିସଇ ଜାନାଇବାକେ ମର୍ ଦୁଡ୍କେ ପାଟାଇଆଟି । ମୁଇ ଦାଉଦର୍ କୁଟୁମେ ଆଟି । ମୁଇ କୁକ୍ତା ଡାକ୍ବାବେଲେ ଉଜଲ୍ଦେବା ତାରା ।”

୧୭ ଆତ୍ମା ଆରି କନିଆ ଦାଞ୍ଜତି କଇଲାନି ଆଉ, । ଜେଡ୍କି ଲକ୍ ଏଟା ସୁନ୍ଲାଇନି, ସେମନ୍ ମିସା ଆଉ, ବଲି କଇବାଟାଟେ । ଆସା ଜେଡ୍କି ଲକ୍କେ ସସ୍ କଲାନି, ଜିବନ୍ର୍ ପାନି ଇନାମେ ନିଆ ।

ସାରାସାରିର୍ କାତା

୧୮ ମୁଇ ଜଅନ୍ ସବୁକେ ଜାଗ୍ରତ୍ କରାଇଲିନି, ଆଇବା ଦିନ୍ମନ୍କେ ଗଟ୍ବା ଏ ବଇର୍ ଜେଡ୍କି ବାକିଅ ଆଟେ, କେ ଜଦି ଇତି ଆରି କାଇ କାଜଗା ମିସାଇଲେ, ପରମେସର୍ ଏ ବଇଟାନେ ଜନ୍ ମର୍ଡି ବିସଇ ଲେକ୍ଲାଆଟେ, ସେ ତାର୍ ପାଇବା ଡଣ୍ଡ୍ ସଙ୍ଗ୍, ଏ ମର୍ଡି ମିସା ମିସାଇସି ।

୧୯ ଏ ବବିସତ୍ କାତାର୍ ବଇଟାନେଅନି କେ ଜଦି କାଇ ବିସଇ ମିସା ଲୁଟାଇଦେଲେ, ଏ ବଇଟାନେ ଲେକାଅଇରଇବା ଜିବନ୍ର୍ ଗଟର୍ ପଲ୍ ଆରି ସୁକଲ୍ ନଅରେଅନି ସେମନ୍ ପାଇରଇବାଟା ତାକର୍ଟାନେଅନି ଦାରିଜାଇସି ।

୨୦ ଜେ କି ଏ ସବୁ ବିସଇର୍ ପାଇ ସାକି ଦେଇସି, ସେ କଇଲାନି ଉଁ ମୁଇ ଦାପ୍ରେସେ ଆଇଲିନି ! ସେନ୍ତାରିସେ ଅ ବେ ! ମାପୁର୍ ଜିସୁ ଆଉ !

୨୧ ମାପୁର୍ ଜିସୁ ଜିବନ୍ ଦୁକାଇଲାଟା ସବୁର୍ ଲଗେ ରଅ । ଆମେନ୍ !

* ୨୨:୧୩ ପରକାସିତ ୧:୮; ପରକାସିତ ୧:୧୭;୨:୮